

Vol 143  
no 57



Pl. 28  
C. 6



# EXPLICATIO

AD QUATVOR PRIMOS

CANDECTARVM LIBRIS.

NOVCOVE FORVNDEN ET SVBILES

ILLVSTRATIONEM



AVCTORE D. PETRO RUBENRO DE

*Municipalano, Jurium Doctore & Comite, necnon Juris*


*Pontificij Parisij publico Professore & in supremo*

*Senatus Patrono meritissimo.*

*Adiuncti sunt etiam leges de iuribus, de libris et de iurisdictione, de prius et de  
quibus legibus de iuribus et de legibus iuribus. Ceterum de iuribus et de  
iuribus et de iuribus, de iuribus et de iuribus, de iuribus et de iuribus.*

*Parisij, apud P. Rubenro, in domo sua, in domo sua, in domo sua.*







# EXPLICATIO

AD QVATVOR PRIMOS

PANDECTARVM LIBROS.

NOVÆQVE EORVNDem ET SVBTILES

ILLVSTRATIONES:



AUCTORE D. PETRO REBVFFO DE

*Montepessulano, Iurium Doctore & Comite, necnon Iuris  
Pontificij Parisiis publico Professore, & in supremo  
Senatu Patrono meritissimo.*

Adiecti sunt ad leg. Si debitori, de Iudiciis. l. Imperatores, de priuil. cred. l. Si  
quis pro eo, de fideiuss. ff. & legem vnicam. C. ex delictis defunctorū. eiusdem  
Auctoris intellectus noui, & ad Galliarum praxeis accommodati.

Cum INDICIBVS, Rubricarum, Legum, rerūque &  
verborum, locupletissimis.



LUGDVNI,

Apud Gulielmum Rouillium, sub scuto Veneto.

M. D. LXXXIX.

CVM PRIVILEGIO CÆSAREÆ MAIESTATIS,  
ET REGIS GALLORVM CHRISTIANISSIMI.









# ILLVSTRISSIMO ET ORNATIS.

VIRO D. BARTHASARO DE VILLARS,

CONSILIARIO REGIO, ET VRBI PROVIN-

ciæ Lugdunensi meritissimo Præsidi, &

supremæ Dombarum Curiaë

eximio Senatori,



GVLIELMVS ROVILLIVS, S.




*Vasui (vir illustrissime) cui libri huius munus deferrem, nec inueni cui magis deberem, cui magis vellem quàm tibi. Deberem, propter illustres cum antiqui tui stemmatis, tum tuas virtutes, virtutes, cum publicas tum priuatas, Lugdunensis enim iustitia clauus multos ante annos penes tuam familiam stetit, stetit autem ita, ut quod in tanto omnium gentium, populorumque in communem huius urbis mercatum concursu, tam varia diffusaque iurisdictione sit admirabile, effugerint omnes, non solum iustas bonorum querelas, sed &*

*perniciosas improborum calumnias. Te verò ad id ipsum muneris vocatū homines colunt. merito, quia in iure hominem deponis, tuisque libenter decretis acquiescunt, quia tu iusticia acquiescis, iubet illa suum cuique tribuere? tribuis, nihil tribuere gratia aut metui? nihil tribuis: premere noxios, innocentes tegere? tu facis, nec tuam unquam salutarem dexteram malis adesse sensimus, aut bonis defuisse, ut iam sciant omnes habere Lugdunum Fabricium & Curium suum. & hæ sunt tuæ tuorumque publicæ virtutes. Domesticas verò & Penatiū (ut dicā) vestrorū laudare cum mea iuberet admiratio, vetat modestia tua, & parebitur potius tibi. Vellem autem, quia tu unus eximie inter Lugdunenses ciuile doctrinæ genus intelligis, & quia intelligis, amas, & quia amas, lubens amplecteris. Accedit etiā ad tuā summa nobilissimi viri Nicolai Delange soceri tui in me beneuolentia, qui non se mihi solum præsens, vixque, quæ est summa humanitate, rogatus exhibuit (quod unum apud me semper magni beneficii loco esse debet) sed & pro egregia in me voluntate, quæ nullum neque finem neque modum statuit demerendi mei, te fratremque tuum summis honoribus in Repub. florentes, viros eximia pietate, fide, integritate conciliauit mihi, ut cum habeam multos quibus me obnoxium esse profitear, quem illi anteponam habeam neminem. Accipe itaque (vir ornatissime) hoc literarium munus, animi mei, virtutisque tuæ iustis de causis debitum testimonium, specie quidem, paruum, sed fructu & utilitate, grande, imò vel ipso Rebuffi nominis splendore (cuius nos illo fato Reip. sublato non pauca restituumus monumenta) nobile & illustre, ac diiudicandis litibus, quæ tua cura est, apprimè necessarium. Siquidem obscuras ex Magistratuum iurisdictione in iusve vocandi lites si scrutaris, in primum & secundum ff. libros docebunt Commentaria, Aduocatorū iura si inquiras, &c.*



manu te in tertium deducant, in integrum restituere, & c. in quartum monebunt: varias Gallorum praxeis, in l. si debitori, de iudiciis. ff. & l. unicam. C. de delictis defunctorum noui intellectus enodabunt. Quod si fortè serius te hoc voluntatis nostra pignus uiserit, hoc unum habeto, quod te non fugere arbitror, pacta bona fidei comperendinari posse, tolli omnino non posse. Vale felix & beatus. Lugduni, decimoseptimo Kalend. Decemb. M. D. X X C V I I I.



## IDEM ERVDITO LECTORI

SALVTEM.

**Q**uod si fortè (Lector Amice) tardius quàm Reip. usus postularit hæc nos Rebuffi Commentaria promulgasse queraris: non animi nostri prauitate, Rempubicamq; fraudandi studio, sed multis & iustis de causis factum esse scito. Nā cū ante viginti annos Homerus Rebuffus Authoris huius nepos patruo, iam suo potius quàm Reip. tempore extincto, hæc nobis scripta protulisset, ea erat characterum ruditas, chartarūq; confusa & indigesta moles, ut nisi à iuris peritissimo, & in vetustis characteribus voluendis exercitato ne legi quidem possent, nedum poliri. Coacti itaque, non sponte nostra, rem distulimus. Donec tandem Matthæus Sasbot Belgas iuris, quem spectabam, scientissimus, laborisque in vetustis libris restituendis, quem plerique fugimus, patientissimus, Venetias ut aliorū authorum monumenta resarciret vocatus, nō sine summis precibus ad nos hospitio diuertit, ubi tantam & tam diligentem in feraci hoc agro colendo curam posuit, ut non iam sterilem, aut vrticis oppressum, sed latum, & messi paratum audeam educere, Rebuffūque sanum, incolumem, & suis vestibis ornatum offerre. Vale & frueri.

\* \*





# P E T R V S R E B V F F V S

I V R I V M D O C T O R E T C O M E S .

B E N E V O L O L E C T O R I ,

S. P. D.



**D**E MOSTHENEM Athenis profugum, fortunæ turbinibus infractū, adeuntes iuuenes, à Reipublicæ cura impensissimè conatum auertere, memoriæ proditū est (benigne Lector) cum diceret, si duæ viæ initiò præponerentur homini, quarum altera ad suggestum ferret aut concionem, altera ad euidentem exitium: prævideat autem aliquis, quæ in ciuiliū administratione occurrerent mala, quàm atrox inuidia, quæ subeunda certamina, qui labores, quibus criminibus obnoxia vita, præstare nimirum id inire iter, cuius exitus mors est. O dura! ô acerba nostris ignaris & ambiciosi sententia! qui nostram coegerunt Rempublicam infinita inuenire officia & magistratus, & illa omnia pecuniis redimere, qui ex illis multi nunquam titulum, vt iudices sine quoquo suffragio fiant, perlegerunt: nec consilium Theodori Philosophi sequuti sunt, nec fortè Institutiones Imperiales intellexerunt: sed rudi Minerua instructi in officio se intruserunt, in animarum suarum perniciem: maximè eorum, qui Iustitiæ quidem definitionem nunquam intellexerūt. Quocirca eos, Rempublicam Christianam sic labefactantes, summo perè dolemus, vtrâque Herculis columnas reiciendos censemus. Quod si, vt speramus & optamus, contingat, non sine magno totius Reipublicæ commodo id eueniet, cum tantam labem ipsi intulerint: quod non profectò fecissent, si à Chrysippo cōscriptam Iustitiæ imaginem intra se considerassent, cuius quidem forma talis erat: facie virginali, aspectu vehementi & formidabili, luminibus oculorum acribus, neque humilis, neque atrocis, sed reuerendæ cuiusdam tristiæ dignitate. Ex imaginis istius autem significatione intelligi voluit Iudicem (qui Iustitiæ antistes est) oportere esse grauem, sanctum, seuerum, incorruptum, inadulabilem, contra improbos nocentésque immisericordem, atque inexorabilem, erectumque & arduum, ac potētem vi, & maiestate æquitatis terrificum. Itaque si quilibet ista, an apud se essent, consideraret, non tam facilè officia ambiret, quæ, etiam oblata, hætenus acceptare nolui, timens ne in illis Deum meum offenderem: sed Iura tam Ciuilia quàm Canonica professus sum in multis Franciæ Vniuersitatibus, per quadraginta ferè annos. Verùm quia frequētius id temporis vtrumque ius in dies profitebar, & interdum duabus, interdum tribus horis quotidie prælegendo detinebar: non potui omnia ea, quæ è studiis promebam, conscribere, nisi quædam pauca, quæ omissa à Doctoribus fuisse, vel (fortè) non intellecta videbam: ista supplendæ & adiunadæ



utilitatis publicæ gratia, in meis libris per transennam scripsi, quæ postea col-  
legi: & quàm breuissimè potui, disputationes & fastum reieci, simplicitatè  
doctrinæ contentus, & ea quæ sunt vtilia maximè tractavi, friuolas quæ-  
stiones, & aliorum improbationes ( quæ nihil aut parum profunt ) reieci,

& circa tria maximè versatus sum, circa legis elucidationem, utilitatem

& observationem iudiciorum, ne in vanum laborent deinceps

studiosi, circa inanes quæstiones. Ista ( bone Lector ) si

boni consulueris, alia mea omnia tibi depromam,

maximè quæ in hoc iure dictavi: non-

nulla etiam super iure Canonico,

( si per ætatem liceat )

palàm faciam.

Vale.

Ratio







## Ratio cur Digesta duplici ff. scribantur, & Paragraphi duplici ff. vniti, atque subincurui, notentur.



**S**OLENT quidam, in his librorum initiis, multa inquirere & tractare, & maximè quam ob causam Digesta soleant hac duplici litera ff. conscribi, cum nullum f. sit in hoc verbo Digestum, vel Pandectarum. Respondet Catellianus Cotta, in secunda parte memora. in verb. Pand. quod duplex ff. denotat facta fuerunt, videlicet hac Digesta, à nobis, Iustiniano: opus planè desperatum, quod ab aliis pluribus tentatum fuit, videlicet à Iulio Cesare, Constantino & aliis, ut habetur in proemio Instit. §. quorum. vel quidam existimabant duplex ff. fabrè factum, significare, quasi Iustinia. allicere voluisset ad legendos suos libros ingeniosos, & artificiosè factos: vel olim sic, ss. notati, duplici f. libri Digestorum fuere. At quia librarij putabant, propter aduncum ultimum f. esse f. ob id duplici ff. notauere. Sed propria fortè annotatio fuit duplici ss. sic & denotabat hac descriptio sanctiones sanctas, quia leges sunt sanctiones sancta. l. ij. de legib. ff. & in l. leges. C. illo tit.

Neque enim approbo D. Alciati (olim apud Bituriges collega mei) sententiam, quam scribit lib. diffin. Etio. 3. c. 16. licet illum sequutus fuerit Germanus (alioqui doctus) Iacob. Spiegel. in suo Dictionario, dicens Græcum π, cum accentu circumflexo, prius in his libris descriptum fuisse, tum quod Græci contrafactores litterarum fuere, tum etiam quia adiuncto unco, putantes duplex ff. deprauauere. Quod quidem acutissimis viris miror potuisse in mentem venisse: non enim est verisimile, cum viri id temporis multi essent docti, quod illam mendam non correxissent, tum etiam, quia verum potius, quam mendum esse indicare debemus, & quia inter duplex ff. & π Græcum, maxima est differentia.

A hac, cum hic liber Digestorum vocetur, seu Pandectarum, si π in principio apposuisset Imperator, non notaasset primis literis, pro more antiquorum, ut docet Valer. Probus in suo compendio de scripturis antiq. facit quod scribit Vlpia. in l. quotiens. §. primo. ff. de hered. instit. Paul. in l. Lucius. de testa. milita. & in l. sed cum patrono. in fi. de bonor. possessio. Nempe Digestorum verbum preponitur verbo Pandecta. l. ij. §. sed cum. C. de veter. iure enucleand. & in proemio Digestor. & Instit. & alibi semper scribitur Digestorum, seu Pandectarum, ergo litera D, veteres potius annotassent Digesta, quam π, quia Digestum precedit Pandectas. Etiam leges (saltem bona pars) Latinis fuerunt conscriptæ literis, ut probat d. l. ij. §. hoc autem. non Græcis, ut Alciat. asserit, extra tamen aliquos tutelarum libros, sicuti de excusation. tuto. qui penè sunt integri Græcè editi, quos indoctus aliquis in Latinum transtulit. teste Angel. Politia. in lib. Episcæ. 5. in fi. Hodie verò ingeniosè Anto. Augusti. Græcè & Latinè doctus, eos Latinitati donauit: qui demum, ob suam excellentiam, & doctrinæ splendorem, in collegium Rotæ vocatus & cooptatus fuit, sunt tamen quidam typographi, qui solent notare Digesta per literam D, & rectè.

Παράγραφος, siue paragraphus, sic inscribi apud Iureconsultos solet §. ut sit quedam linea clausa, seu figura ad separandam materiam à materia, quando separatio fieri debet, teste Accurs. in §. si l. iste. in princip. de actio. in Instit. dicitur enim (secundum eum) à παρά, quod est diuisio, & γράφω scriptura, quasi diuisio scripturarum. Archidia. in c. humanum genus. in fi. prima dist. sequitur Lucas de Pen. in l. defensionis. col. penul. C. de iure fisci. lib. 10.

Vel dicitur quedam figura, seu linea in longum protensa ad separandum res à rebus, à παρά, quod est iuxta, & γράφω scriptura, quasi sit linea posita iuxta scripturam, ideò paragraphus, non paraphus dicendum est, licet quidam breuitatis causa sic dicant, de quo scribit Cælius lib. antiq. lectio. 8. c. 41.



Παραγράφω autem est in margine annoto, seu exceptione submoueo & præscribo. παραγραφὴ verò dicitur huiusmodi annotatio, & scholium annotationis signum in margine scriptum. παραγραφὴ etiam apud Iureconsultos capitur pro exceptione, unde Theophilus in rub. de except. in Instit. sic annotauit, περὶ τῆς παραγραφῆς, id est, de exceptione. παραγράφω etiam perperam scribo significat, ut abundè docet Bude. in suis lingua Græca Commentar.

Sed aduertite quaeso ad ea quæ Imperator statuit in l. ij. §. eandem. C. de veter. iure enucleand. ubi pæna falsi voluit eum plecti, qui leges per signorum obscuritates conscriberet. nunquid is, ipse statuto suo contrauenisse dictus est, notando sic Digesta duplici ff. vel sic paragraphum §. Respondeo, nequaquam: tum quòd non suæ subiiciatur legi. l. digna vox. C. de legib. l. princeps. ff. illo tit. tum quia fuere quidam qui sic notârunt, non autem Iureconsulti. Etiam Iustinia. voluit nomina prudentū, & titulos, ac librorū numeros per consequentia literarum manifestari. Et sic sunt literæ consequentes in rub. sunt etiam literæ consequentes in pact. & aliis notis in hisce ferè contentis, quæ permittuntur ab Imperatore, non verò signa, per quæ olim veteres notabant leges. Legem enim clauibus, ff. de contrah. emptio. signo clauis adnotabant: in l. cum in diuersis. de religiof. ff. caput pingebant. Authen. alearum. C. illo tit. aleis decorabant, & sic de similibus. Et ita prohibet Imperator in d. §. eandem. Etiam literarum annotationem tanquam obscuram reiicit, ut, S. P. Q. R. Senatus populusq; Romanus: illa quippè descriptio in legibus fieri solebat olim, quam reprobât Imperator ibid. sed non alias abbreviationes, nec lineas §. aut ff. cum non ducant obscuritatem, sicut alia signa quæ præmisimus. Tamen ego existimarem, quemadmodum sunt imposita nomina ab interpretibus, ut dicatur Digestum vetus, nouum, & infortiatum, rationem querere superuacaneum, ita notulas istas ff. & §. de quibus diximus, ab interpretibus esse inuentas. Nusquam enim constat à Iustiniano & appellata & ita notata ff. Ideò cetera, in hoc principio dicenda, curiosis reliquam, & ad rem ipsam me accingam.







# ELENCHVS SINGVLARVM

RVBRICARVM SEV TITVLORVM,

QVOS VOLVMEN HOC

COMPLECTITVR.



## DIGESTORVM LIBER I.

Tit. I. De Iustitia & Iure.	pagina 1
II. De origine Iuris ciuilis, & omnium Magistratum, & successionem Iuris Prudentum.	30
III. De Legibus & Senatusconsultis & longa consuetudine.	32
IIII. De Constitutionibus Principum.	35
V. De statu hominum.	38
VI. De his qui sunt sui vel alieni iuris.	41
VII. De adoptionibus, & emancipationibus, & aliis modis, quibus patria potestas soluitur.	43
VIII. De rerum diuisione & qualitate.	45
IX. De Senatoribus.	46
X. De officio Consulis.	60
XI. De officio Praefecti Praetorio.	64
XII. De officio Praefecti urbi.	68
XIII. De officio Quaestoris.	84
XIIII. De officio Praetorum.	89
XV. De officio Praefecti vigilum.	100
XVI. De officio Proconsulis & Legati.	109
XVII. De officio Praesidis.	128
XIX. De officio Procuratoris Caesaris vel Rationalis.	151
XX. De officio Iuridici Alexandriae.	160
XXI. De officio eius cui mandata est iurisdictio.	ead.
XXII. De officio Assessorum.	184

## LIBER SECVNDVS.

Tit. I. De iurisdictione omnium iudicum.	195
II. Quod quisque iuris in alterum statuit, ut ipse eodem iure utatur.	245
III. Si quis ius dicenti non obtemperauerit.	246
IIII. De in ius vocando.	252
V. Si quis in ius vocatus non ierit, siue quis eum vocauerit, quem ex edicto non debuerit.	254

VIII. Qui satisfacere cogantur, vel iuratum promittant, vel professioni committantur.	255
IX. Si ex noxali causa agatur, quemadmodum caueatur.	268
X. De eo per quem factum erit, quominus quis in iudicio sistat.	ead.
XI. Si quis cautionibus in iudicio sistendi causa factis non obtemperauerit.	ead.
XII. De feriis, & dilationibus, & diuersis temporibus, & quibus causis feriae non impediuntur.	273
XIII. De edendo.	274
XIIII. De pactis.	278
XV. De transactionibus.	306

## LIBER TERTIVS.

Tit. I. De postulando.	316
II. De his qui notantur infamia.	319

## LIBER QVARTVS.

Tit. I. De in integrum restitutionibus.	321
II. De eo quod metus causa gestum erit.	323
III. De dolo malo.	337
IIII. De minoribus viginti quinque annis.	357

*Accedunt insuper ad calcem quatuor  
hi tituli.*

I. De iudiciis.	437
II. De privilegiis creditorum, vel de bonis autoritate iudicis possidendis.	443
III. De fideiussoribus.	449
IIII. Ex delictis defunctorum in quantum haeredes conueniantur. (qui est Codicis.)	468



# INDEX LEGUM OMNIUM, QUAE HOC

*in volumine à D. Petro Rebuffo explicantur, serie alphabetica*

*expressus, ut magis in promptu unamquamque*

*legem habere possit Lector ea-*

*rum studiosus.*

## A

**A** MILIVS de minor. vigintiq.  
ann. 418  
Æquissimum. de eo per quem factum  
erit. 268  
Ait Prætor. de eo quod met. caus. 323  
Ait Prætor. de minorib. 25. ann. 367  
Aliquādo. de offic. Procons. & Leg. 114  
A principe. de postulando. 318  
Apud filium familias. de offi. Præt. 90  
Apud vetustiores. de offic. Præfect. vi-  
gil. 100  
Arbitrio iudicis. de dolo malo. 352  
Arbitro. qui satisfd. cogant. 260  
Auxilium. de minorib. vigintiq. ann. 415

## B

Barbarius Philippus. de offic. Præt. 91  
Beneficiū Imperatoris. de const. Princ. 38

Breuit. de offic. Præs. Præt. 64

## C

Cassius Longinus. de Senator. 49  
Congruit. de offic. Præs. 142  
Consiliariis. de offic. Assess. 192  
Consulari femina. de Senator. 47  
Continet igitur. de eo quod met. caus. 323.  
Conventionum. de pact. 286  
Cui iurisdic. de iurisd. om. iud. 202.  
Cum Aquiliana. de transact. 309  
Cum mādatu. de minorib. 25. ann. 396  
Cum minor. de minorib. vigintiquin-  
que ann. 406  
Cum quādam. de iurisd. om. iudi. 239  
Curatores Cæsaris. de offic. Procur. Cæs. 159

## D

De ætate. de minor. vigintiq. ann. 428  
De die ponenda. qui satisfd. cogāt. 259  
De his controuersis. de transact. 311  
Denique. de minor. vigintiq. ann. 358  
De omnibus causis. de offic. Præs. 142  
De quibus causis. de legibus & Sena-  
tusc. 35  
Diem functo. de offic. Assess. 188  
Diuus Antoninus. de in integr. restit. 322  
Diuus Marcus. de offic. Præs. 143

## E

Emancipatum. de Senator. 55  
Epistola. de pact. 303  
Est receptum. de iurisd. om. iudi. 234  
Et eleganter. de dolo malo. 342  
Etiam ei. de minori. vigintiq. ann. 432  
Et iāsi à patre. de minorib. 25. ann. 407  
Et ideo. de offic. Procons. & Legat. 118  
Et Legati. de offic. Procons. & Leg. 127  
Et post rem. de transact. 313  
Et quia. de iurisd. om. iud. 216  
Et si post tres. si quis caur. 271

Et si Prætor. de offic. eius cui mand. est  
iurisd. 174  
Et suum heredem. de pact. 298  
Eum pro quo. de in ius vocando. 253  
Eum qui. de iurisd. om. iudic. 232  
Eum qui. de minori. vigintiq. ann. 432  
Ex ea causa. de postulando. 318  
Ex hoc iure. de iust. & iur. 20  
Extat enim. de eo quod met. caus. 327  
Extra territorium. de iurisd. om. iu-  
dic. 242

## F

Facturi. de origine iuris. 30  
Fideiussor in iudicio. qui satisfd. co-  
gant. 255  
Filiam Senatoris. de Senator. 57  
Filium eum definimus. de his qui sunt  
sui &c. 42  
Filius familias defendit. qui satisfd. co-  
gant. 265  
Femina nupta. de Senator. 56

## G

Generalis enim. de adopt. & emanc.  
&c. 43  
Generaliter quoties. de offic. Præs. 141

## H

Hoc edicto. de dolo malo. 337  
Hoc edictum. de minor. 25. ann. 357  
Huius edicti æquitas. de pact. 278  
Hunc titulum Prætor. de postulando. 316

## I

Idem erit. de stat. homin. 40  
Ij qui fisci. de postulando. 318  
Illicitas exactiones. de offic. Præs. 133  
Illud nullam. de minor. vigintiq. ann. 398  
Illud obseruandū. de offic. Præs. 147  
Imperatores. de offic. Præfect. vigil. 108  
Imperatores. de priuileg. credit. vel de  
bon. author. iudic. possidend. 443  
Imperator Titus. de postulando. 317  
Imperator Tirus. de stat. hom. 39  
Imperium. de iurisd. om. iud. 204  
In causa. 1. de minor. vigintiq. ann. 384  
In cause. 2. ibidem. 387  
In consilium. de offic. Assess. 187  
In integrū verò. de minor. 25. ann. 396  
In rebus nouis. de constit. Princip. 38  
In tantum. de rer. diuis. & qual. 45  
Interdum tamen. de minor. vigintiq.  
ann. 393  
Inter minores. de in integr. restit. 322  
Inter omnes. qui satisfd. cogant. 263  
Intra vrile tempus. de minoribus vi-  
gintiq. annis. 421  
Item quia conuentiones. de pact. 285  
Item si. de eo quod met. caus. 329

Iubere cauere. iurisd. om. iudic. 214  
Iulianus ait. qui satisfd. cogant. 262  
Iunius Diophantus. de minor. 25. ann. 435  
Iuri operam. de iust. & iure. 1  
Iurigentium conuentiones. de pact. 287  
Ius autem ciuile. de iust. & iur. 25  
Ius ciuile est. de iust. & iur. 23  
Ius dicentis officium. de iurisd. om. iudic. 196  
Ius pluribus modis. de iust. & iur. 28  
Iustitia est constans. de iust. & iur. 27

## L

Labeo ait. de pact. 283  
Legati Proconsulis. de offic. Procons. & Leg. 127  
Legatus Cæsaris. de offic. Præs. 150  
Legatus mandata. de offic. Procons. & Leg. 126  
Legis virtus. de legib. & Senatusc. 33  
Legitima conuentio. de pact. 286  
Lex est commune. de legib. & Sena-  
tusc. 32  
Liberos Senatorum. de Senator. 57  
Liberti assidere. de offic. Assess. 185

## M

Magistratibus. de iurisd. om. iud. 231  
Maiores esse partem. de pact. 299  
Mandata iurisdictione. de offic. eius  
cui mandata est iurisd. 171  
Mandatam. de offic. eius cui mandata  
est iurisd. 178  
Manumissiones quoque. de iust. &  
iur. 19  
Meminisse. de offi. Procons. & Leg. 124  
Metum accipieridum & Metum autē.  
1. de eo quod met. caus. 324  
Metum autē. 2. ibid. 325  
Minor. de minor. vigintiq. ann. 374  
Minor annis vigintiq. de minorib. 25.  
ann. 423  
Minor autem. ibidem. 391  
Minorib. de minor. vigintiq. ann. 366  
Minor se in id. de minor. vigintiq. ann. 434  
Minor vigintiq. annis. 1. de minor. vi-  
gintiquinque ann. 410  
Minor 25. annis. 2. ibidem. 414  
More maiorum. de iurisd. om. iudic. 215

## N

Nam ita diuus. de adopt. & emanc. &c. 44  
Nam salutem. de offic. Præs. vigil. 103  
Nec adoptare. de offic. Procons. & Leg. 111  
Necessarium itaque. de orig. iur. 32  
Nec per liberos. de minor. 25. ann. 358  
Nec quicquam. de offic. Procons. & Leg. 119

Nemo



Nemo videtur. de in integ. restit. 322  
 Nequis melsium. de fer. & dilat. 273  
 Nomen Præsidis. de offic. Præsidis. 129  
 Non ambigitur. de leg. & Senatusc. 33  
 Non enim aliter. de adopt. & emanc. &c. 43  
 Non est verisimile. de eo quod met. caus. 333  
 Non exigimus. si quis caut. 269  
 Nonnunquam ius. de iust. & iur. 30  
 Non omnia. de minor. vigintiq. ann. 430  
 Non potest filius. de adopt. & emanc. &c. 44  
 Non solum. de in integ. restit. 322  
 Nuptæ prius. de Senator. 58

O

Obseruandum est. de offic. Præsid. 149  
 Obseruare autem. de offic. Proconsul. & Leg. 112  
 Officium Consul. de offic. Consul. 61  
 Omne ius. de stat. homin. 38  
 Omne officium. de offic. Assessorum. 184  
 Omnia enim. de offic. Præsid. 142  
 Omnia omnino. de offic. Præf. vrbi. 69  
 Omneis in integrum. de in integ. rest. 321  
 Omnes populi. de iustit. & iur. 26  
 Omnes Proconsules. de offic. Proconsul. & Leg. 111  
 Omnibus Magistratibus. si quis ius dicent. &c. 246  
 Onera eius. de adopt. & emanc. &c. 45  
 Origo Quæstoris. de offic. Quæst. 84

P

Papinianus. de mino. vigintiq. ann. 394  
 Patre furioso. de his q. sunt sui. &c. 42  
 Patri pro filio. de minorib. 25. ann. 404  
 Plebiscito. de offic. Præsid. 149  
 Plerique putauerunt. de in ius vocando. 253  
 Post litis contestationem. C. ex delict. defunct. in quantum hared. conueniant. 469  
 Post pignus. de pact. 284  
 Præfecti etiam. de minor. vigintiquinque ann. 391  
 Præfectus vrbi. de offic. Præf. vrbi. 83  
 Præses cū cognoscit. de offic. Præsid. 150  
 Præses prouinciæ. 1. de offic. Præsid. 130  
 Præses in suæ. 2. ibidem. 131  
 Præses prouinciæ. 3. ibidem. 132

Præses prouinciæ. 4. ibidem. ead. 139  
 Præses prouinciæ. 5. ibid. 139  
 Præses prouinciæ. de mino. 25. ann. 428  
 Prætor ait. de edendo. 276  
 Prætor nec tutorem. de offic. Præt. 99  
 Prætor sicut. de iurisd. omn. iudic. 237  
 Princeps legibus. de legib. & Senat. 34  
 Proconsul portam. de offic. Proconsul. & Leg. 128  
 Proconsul vbique. de offic. Proconsul. & Legati. 109

Q

Quæ acta gesta que sunt. de offic. Procur. Cæsar. 153  
 Quæcunque specialiter. de offic. eius cui mand. est iurisdic. 162  
 Quæritur Hermaphroditum. de stat. hom. 40  
 Quæsitū est. de adopt. & emanc. &c. 44  
 Qua quisque actione. de edendo. 274  
 Quidam debitor. de dolo malo. 356  
 Qui fidem. de transact. 315  
 Qui indignus. de Senator. 51  
 Qui iuratō. qui satisfd. cogant. 267  
 Qui iurisdictioni. de iurisd. omn. iudic. 225  
 Qui transigit. de transact. 306  
 Quod Principi. de Constit. Princip. 35  
 Quod si ea. de offic. Procur. Cæs. 158  
 Quod si minori. de minor. vigintiquinque ann. 397  
 Quoties vitiosè. qui satisfd. cogant. 258  
 Quod venditor. de dolo malo. 356

S

Sæpe audiui. de offic. Præsid. 140  
 Sciendum est. qui satisfd. cogant. 266  
 Scio illud. de in integ. restit. 311  
 Sed etiam ipsum de offic. Præt. 90  
 Sed licet. de offic. Præsid. 142  
 Sed vbi. de minor. vigintiq. ann. 386  
 Senatorem remotum. de Senator. 50  
 Senatores. de Senator. 58  
 Senatoris filium. de Senator. 53  
 Senatoris filius. de Senator. 54  
 Senatus censuit. de edendo. 275  
 Senatusconsulto. de offic. Præsid. 148  
 Si ab arbitro. qui satisfd. cogant. 261  
 Si arrogator. de adopt. & emancip. &c. 44  
 Si Consul. de adopt. & emanc. &c. 43  
 Si conuenerit. de iurisd. omn. iudic. 238  
 Si conuenerit. de pact. 305  
 Si debitori. de iudic. 437

Si decesserit. qui satisfd. cogant. 256  
 Si dominus in seruos. de his qui sunt sui vel alieni iuris. 41  
 Si eadem prouincia. de offic. Assess. 186  
 Si eum iudicio si quis caut. 273  
 Si ex causa. de minor. 25. ann. 375  
 Si familia. de iurisd. omn. iudic. 223  
 Si fideiussor. qui satisfd. cogant. 259  
 Si filius. de minorib. vigintiq. ann. 408  
 Si fortè Præses. de offic. Præsid. 149  
 Si idem cum eodem. de iurisd. omn. iudic. 228  
 Si in aliquam. de offic. Proconsul. & Legat. 117  
 Si in emptionem. de minor. vigintiq. ann. 413  
 Si iudex. de minor. vigintiq. ann. 425  
 Si legatum. de edendo. 275  
 Si minor 25. ann. 1. de minor. 25. ann. 412  
 Si minor 25. ann. 2. de minor. 25. ann. ibid.  
 Si mulier. de minor. vigintiq. ann. 409  
 Si oleum. de dolo malo. 351  
 Si per errorem. de iurisd. omn. iud. 235  
 Si quis affirmauit. de dolo malo. 350  
 Si quid erit. de offic. Procon. & Leg. 126  
 Si quis id quod. de iurisd. omn. iud. 219  
 Si quis in ius. si quis in ius vocat. non ierit. 254  
 Si quis pro eo. de fideiuss. 449  
 Si quis tabulas. de dolo malo. 356  
 Si quis violauerit. de rerum diuis. &c. qual. 45  
 Si res pupillaris. de minor. 25. ann. 435  
 Si sipe venia. de in ius vocando. 253  
 Si tamen. de minor. vigintiq. ann. 366  
 Si vnus. de pact. 299  
 Solent etiam. de offic. Proconsul. & Leg. 114  
 Solet Prætor. de iurisd. omn. iud. 237  
 Sumptus quidem. de pact. 304

T

Transactum accipere. de transact. 307  
 Tutor. de minorib. vigintiq. ann. 433

V

Veluti erga Deum. de iust. & iur. 12  
 Vicena millia. si quis caut. 268  
 Videamus. de eo quod met. caus. 331  
 Vtilitas. de in integ. restit. 321  
 Vt vim atque. de iust. & iur. 13

FINIS.





*Summa Priuilegij Imperatorij.*

**M**AXIMILIANI II. Romanorum Imperatoris semper Augusti publico edicto cautum est Gulielmo Rouillio ciui & typographo Lugdunensi, & sancitum, nequis cuiuscunque status, gradus, ordinis & conditionis, siue sit chalcographus, vel bibliopola, siue alius quilibet, quacunq[ue] sacri Romani Imperij & ditionis eius fines patent, h[ab]c *Explicationem ad quatuor primos Pandectarum libros, nouasq[ue] eorundem & subtiles illustrationes: Auctore D. P. Rebuffo de Montepessulano, Iurii Doct[oris] &c.* nisi ipsius Gulielmi Rouillij aut h[er]edum eius permissu, intra decennium eadem, aut alia minori forma excudat, aut excudendas curet, vendat ipse, aut cuiquam diuendendas mandet, aut denique excusas ab aliis intra eiusdem Maximiliani & Imperij fines vendendas importet, seu quouis modo distrahat manifestè vel occultè, vel quouis alio præperiali fraudis vindici, residua verò pars ipsi Gulielmo Rouillio, aut eius h[er]edibus, aut ab illis manvbi-  
cunque locorum nactus fuerit, adiumento magistratus loci, vel citra, propria auctoritate sibi vinguillum apponi iussit Casarea Maiestas, vt latius patet in ipso diplomate dato Pragæ decimaquarta die mensis Iunij, anno Domini millesimo quingentesimo septuagesimoquinto. Subsign.

MAXIMILIANVS.

Ad mandatum sacre Cæs. M. proprium.

A. ESTEMBERGER.

*Extraict du Priuilege du Roy de France & de Pologne.*

**P**Ar grace & priuilege du Roy est permis à Guillaume Rouille marchand libraire de Lyon, d'imprimer ou faire imprimer, vne fois ou plusieurs ce present liure intitulé, *Explicatio ad quatuor primos Pandectarum libros, nouasq[ue] eorundem & subtiles illustrationes, Auctore D. Petro Rebuffo de Montepessulano, Iurium Doctore, &c.* Lequel liure il a recouuré avec grand fraiz, mises & despences: & pource est faicte defence de par ledict Seigneur à tous autres Marchands, Libraires, Imprimeurs & personnes quelcōques, de non imprimer, vendre ny distribuer en ses pays, terres & seigneuries ledict liure, si ce n'est par le consentement dudit Rouille: & ce iusques au temps & terme de dix ans, à compter du iour & date que sera paracheuee la premiere impres-  
sion: sur peine d'amande arbitraire, & de confiscations des liures qu'ilz auroient imprimez. Et à fin qu'aucun ne puisse pretendre cause d'ignorance du present priuilege, ledict Seigneur veut & entend que l'extraict d'iceluy estant mis au commencement dudit liure serue pour toute notification. Car tel est son plaisir, nonobstant oppositions & appellations quelconques, comme plus à plein est contenu & declairé par lesdictes lettres du priuilege, sur ce donnees à Lyon le vingt-vniesme Ianuier, mil cinq cens septātecinq, & de son regne le premier.

Par le Roy, à vostre relation,

Signé, MORE.

Et scellé du grand seau en cire iaune à simple queue.





# D. PETRI REBUFFI

## COMMENTARIORVM

### AD IVS CIVILE,

#### PARS PRIMA.



## DE IUSTITIA ET IURE. TIT. I.

### SUMMARIA.

- 1 Ius à iustitia deducitur.
- 2 In principiis non est errandum.
- 3 Iustitiæ allusio quæ sit.
- 4 Differentia inter definitionem & descriptionem.
- 5 Bonum & æquum quid dicatur.
- 6 Quomodo in lege condenda consideretur.  
Et an unum ab altero separari possit. Ibid.
- 7 Iurisconsulti quomodo sacerdotes dicantur.
- 8 Respublica uniuersa in tres ordines diuidenda.
- 9 Causæ, ex quibus statutum cognoscitur illicitum.
- 10 Statutum magistratus, vt prehensens exulem, habeat centum, an valeat.
- 11 Impositio vectigalium iniusta, etiam iure diuino, potest fraudari.

### LEX I. VLPIANVS LIB. I.

#### INSTITVTIONVM.



Vri operā daturum prius nosse oportet, vnde nomen Iuris descendat.]

INVOCATIONE DEI Optimi Maximi præhabita, videmus Vlpian. Iurisconsult. in hoc principio admonere eum,

qui ius discere cupit, vt prius cognoscat, vnde iuris nomen descendat: descendit autem à iustitia, & sic prius est iustitia, quàm ius, quod ostendit hæc rubr. in qua ipsa præponitur iuri, & quia iustitia ius suum cuique tribuit. l. iustitia. infra & §. primo. eodem tit. in Instit.

Itaque ad principia nos advertere Bald. monet, dicens principia fores esse, in quibus nemo errare debet, quia modicus error in principio, est maximus in fine. Ideò cauendum est maximè, ne in portu (vt adagio dicitur) impingamus, seu in limine deficiamus: Nam scribit Arist. lib. 2. Elenchor. in fin. maximum esse principium omniū, quare & difficillimū, quantò enim potestate validissimū, tantò mole minimum: difficillimum perspectu est, eo autem comperto, facile est adicere, coaptareque reliquum. Ait etiam Leo Episc. cap. principatus. j. quæst. j. Quæ malo in-

choata sunt principio, vix bono peragi exitu.

Quamobrem Vlpian. hîc more boni Oratoris, in hoc principio commendat ius à bono & æquo, videlicet quod ars boni & æqui sit, quòdque illius professores bonos efficiat, tam metu pœnarum, quàm præmiorum exhortatione, demum hanc disciplinam veram philosophiam, non simulatam esse docet, quæ omnia persequemur in sequentibus: alia literarum studiosis necessaria tractauit in scholastic. priuileg. lib. 2.

Item, verbum, oportet, exponit Accurs. pro, decet, sed in sua significatione stare debet. Nam necesse est eum, qui iura scire cupit, vt prius noscat principia iuris, alioqui corruet eius studium deficiente principio, & fundamento. l. egi. ff. de except. rei iudic. Et sic propriè accipietur verbū, oportet, vt abundè scripsi de eo in l. verbum, oportebit. ff. de verb. sign.

Est autem ius à iustitia appellatum.]

Alciat. in lib. j. Parerg. cap. 29. dicit, Grammaticos in Iurecōf. nostros (vt eius verbis vtat) genuinum contorquere, quòd ius à iustitia dictum tradiderunt, maluntque aliqui Isido. sequi, quòd iustitiam dixerit esse iuris statum. in c. forum. de verb. sign. Ipse autem iustitiam dici putat, quòd vim sistat, sed, vbi vis non erit, iustitia dici non poterit, si eius sententiam sequi volumus, aliāq; multa ibi scribit: quæ parū placent, maximè quia longè petita videntur.

Vnde ego dicerem, Grammaticos fortè non pugnare cum Iurecōf. si vtrique rectè intelligantur. Nam si quærat, vnde ius descendat, Vlpian. hîc à iustitia, ait, & ius ab ea appellatum, quia iustitia ius tribuit. l. iustitia. infra eod. Ergo iustitia prius tempore fuit, vnde ius producit, sed si noscere velimus, quare vocetur iustitia. Respon. Isidor. quasi iuris status, & ita non pugnant Iurecōf. cum Isidoro, nec cum Grammaticis. Nam hîc Vlpia. docet ius à iustitia nomen sumpsisse, sed vnde dicatur iustitia, & allusio iustitiæ est, quasi iuris status, & sic vnus scribit originem, alter allusionem, quæ diuersa sunt, nec mirum, si non ad vnum tendant: facit cap. iustum, xxij. quæst. ij. Et ius dicitur, quia iustum est. cap. ius generale. j. distin.

Item, hîc definire Vlpia. dicimus ius quod tractat, non autem diuinum, de quo non loquitur, sed ciuile, collectum ex naturalibus, gentium, & ciuilibus præceptis. §. huius infra, eod.

P. Rebuffi Lectura.

A

Iuris definitio.

Quomodo ius à iustitia descendat.

I  
Iustitia  
prior iure.

De principis.

2



*A defini-  
tione duo-  
bus modis  
arguitur.*

Nam, vt Celsus eleganter definit. ] Colli-  
gitur definitionem amplectendam, & a definitione  
Iurisconf. sapius arguunt, vt in l. j. ff. de testam. l. j. de  
reg. iur. & hoc maxime duobus modis, negatiue &  
affirmatiue. Ita autem negatiue arguere licet: cui  
non conuenit definitio, nec definitum, vt, si dicamus  
creditorem eum, qui perpetua exceptione submo-  
ueri non potest. l. creditor. ff. de verb. signific. Ergo  
creditor non dicitur, qui submoueri exceptione po-  
terit. lis cui. in fin. ff. de actio. & oblig. vel, definitio  
non conuertitur cum suo definito, ergo non est bona.  
Vlpian. in l. j. §. dolum. ff. de dolo. glos. in l. finali. ff. de  
verb. sign. l. j. de capit. diminut. Bart. in l. j. ff. de testa.  
Et definitum non debet ultra definitionem extendi.  
vt ibi, & explicat Hegendor. in sua Dialect. legal. in  
argum. a definitione.

Affirmatiue arguitur sic: definitio conuertitur  
cum suo definito, ergo est bona, vel, cui competunt  
definitionis verba, competit & ipsa res definita: glo.  
in §. j. de oblig. in Instit. Euerard. in tractatu de locis  
legal. in hoc argum. a definitione ad definitum, vt, si  
dicam necessarias impensas, quæ necessitatem im-  
pendendi habent. l. impensa. ff. de verb. signi. l. j. ff. de  
impens. in reb. dotal. fact. Sempronius necessitatem  
impendendi habebat, ergo sunt necessariae impensæ  
vel, heres est, qui in vniuersitate bonorum succedit.  
l. hereditas. ff. de reg. iur. Titius succedit in vniuer-  
sis bonis, ergo est heres. l. nihil. ff. de verb. signif. vbi  
scripsi. Et regulariter definitio substantiam per essen-  
tialia explicat. teste Aristot. in Topicis & Boët. de-  
scriptio verò rei intelligetiam claudit. vt docet Bald.  
in l. maximum. vitium. num. 6. C. de liber. prater. &  
And. Gammar. in sua Dialect. lega. lib. j. de loco a de-  
finitione. vide Aristot. lib. 2. resolutio poster. c. 3.

Item definitio complectitur omnia, quæ sub re  
definita verè continentur, non autem quæ fiētē, vn-  
de maleficij definitio non comprehendit quasi ma-  
leficium. §. j. vbi glos. de oblig. quæ ex delict. nasc. Et  
definitio castrensis peculij non comprehendit quasi  
castrense. l. fin. C. de inoff. testam. quia aliud est esse,  
aliud haberi. l. mercis. ff. de verb. signif. vbi plenè do-  
cui. tamen per eandem rationem solemus decisionem  
de vno ad aliud extendere. vt ibi tradidi, & definire  
pro decidere, & decernere capitur in l. 2. §. doli mali.  
ff. vi bono rapto. scripsi in l. j. in fi. de verb. sig.

Ius est ars boni & æqui. ] In iure ergo conti-  
netur bonum & æquum. vnde dicit Aristotel. his  
verbis. lib. j. Rhetor. c. 13. quid bonum & æquum sit,  
æquum & bonum & iustum esse videtur. Æquum  
autem & bonum est quod præter legem scriptam  
iustum est, quare si cum quis annullatus sit, manum  
extollat, vel percutiat, lege quidem scripta reus est,  
& iniuriatus est alteri. Verè autem non est iniuriatus,  
& id est æquum & bonum facit l. item apud. §. j. ff.  
de iniur. c. si quis pulsatus. de poeni. dist. j. Et Cicero  
ad Herennium j. dicit artem esse perceptionem, quæ  
dat certam viam, rationemq; faciendi, & sic dicit  
Alcia. lib. j. Parerg. cap. 30. nihil aliud esse ius, quàm  
æquitatis, bonitatisq; huius, in artem redacta, à Iuris-  
conf. nostris collectio. Ego mallè dicere ius nostrum  
esse artem, id est, præcepta & statuta bonitatis, &  
æquitatis, quia, teste Quintilia. ex præceptionibus cō-  
sentientibus constituitur ars: si accipias redacta in  
arrem, id est, in titulos & materias, sic poterit intelligi  
sententia Alciat. quia ius nostrum non est redactum

*Ius quomo-  
do, ars di-  
catur.*

in artem, vt Grammatica, Dialectica, & Rhetorica,  
& hodie quidam ad hoc se laborare dicunt, quod  
tamen nullus adhuc præstitit, sed optarem summo-  
pere. L. Crassum nunc superstitem esse, qui (vt est  
apud Cicero.) hoc præstare posset, & sic definitur  
hic ius, non scientia iuris, vt quidam arbitrantur.  
Nam scientia iuris est ipsius notitia. l. iustitia. §. iuris-  
prudencia. infra quæ est in Iureconf. Sed non hic de-  
finitur, verum ius ipsum, quod est ars, id est collectio  
præceptorū æqui & boni: nec definitur ius, eò quod  
æquum, & bonum sit, sed quod præcepta boni &  
æqui contineat, & in hoc iuris studio sunt quædam  
pronūtiata certissima, videlicet quod ius aut est pu-  
blicum, aut priuatum, vt inferius dicitur.

Quidam dubitant, an alterum sufficiat, videlicet 6  
bonum, vel æquum in lege, vel cōstitutione conden-  
da, & dicunt nō sufficere, cum ista coniuncta videan-  
tur, & effectus quodammodo coniunctus sit. Ego  
tamen existimarem ista adeo coniuncta esse, vt non  
possint à iure ipso separari, cum ius ipsum sit ars bo-  
ni & æqui, sed vna cōstitutio potest aliquando con-  
tinere æquum, altera bonum, vel è contrario. Vnde  
Pompo. ait natura æquum esse, neminem cum alte-  
rius detrimento fieri locupletiores. l. Nam hoc. ff.  
de condi. indeb. Et æquum est, in l. si filius familias.  
de tutel. & ratio. distrahend. Et conditores legum  
æquitatis conuenit esse fautores. l. hac lege. C. de pact.  
conuent. & Vlp. scribit æquum Prætori visum est l.  
seruum. §. penul. ff. de procur.

Alibi etiam Iurisconf. ait bono publico introdu-  
ctam vsucapionem. l. j. ff. de vsucap. sic separat Cice-  
ro in Offic. vtile ab honesto, & interdum statutum  
æquum esse poterit, sed non bonum, vt in omnibus  
exemplis. l. legis virtus est imperare, vetare, permit-  
tere, & punire. ff. de legib. quæ optimè explicat Bal.  
in consil. 184. municipale. in §. vol. licet etiam vtrūq;  
interuenire possit, vt bonum & æquum sit.

De bono & æquo Iurisconf. loquitur in l. 2. §. quid  
enim. ff. si quis cautio. l. eas. de capi. diminu. l. in noxa-  
libus. de noxal. ff. l. in summa. §. quod ob rem. de cō-  
dic. indeb. l. iure. de iure dotium. l. si verò non remu-  
nerandi. §. si mihi manda. l. eorum. de dam. infect. l.  
consensu. de actio. & obliga. alia scripsi, in l. sub signa-  
tum. §. bona. ff. de verb. signif.

Et sic patet ista duo interdum separari, si diuersa  
significent, videlicet bonum pro vtili, & æquum pro  
iusto, vt in l. hac lege. C. de pact. conuent. sed quate-  
nus in lege eandem significationem habent, quam  
emendat Aristot. vocat, tunc æquum non separatur à  
bono, nec vnum ab altero, quia ius semper bonum  
& æquum est. l. penult. infra eodem & superius di-  
ctum fuit.

Ex isto text. constat, quando lex sustineri poterit,  
nempe si contineat bonum, & æquum, alias erit pe-  
stis in patria. Et sic est lex examinanda an sit utilis &  
iusta. vt scribit text. in c. erit autem lex. 4. dist. Et ego  
abundè docui in proœmio constit. Reg. in glo. j. To-  
mo j. de copula. etiam docui in l. coniunctionem, &  
l. sæpè. ff. de verb. signif.

Et quamuis lex dura sit, tamen æquū & bonum  
continet vt l. prospexit. ff. qui & à quibus. Bart. & Ias.  
in l. ex facto. ff. de vulgar. vt dixi in interpretatione  
ad dictam l. prospexit.

Item Paul. Castrenf. dicit, ius ciuile non esse de  
septem artibus liberalibus, nec debet his liberalibus  
artibus

*Æquum à  
bono quan-  
do separa-  
tur.*

*Lex quali-  
ter exami-  
nanda.*



artibus annumerari: quod verum puto, sed computatur inter studia liberalia, ut Dioclet. scribit in l.j. C. qui ætate. lib. x. sic, *Cum vos affirmetis liberalibus studiis operam dare, maxime circa iuris professionem, &c.* & l. oratione. ac l. medicos. de professor. & medic. ibi. Et habent professores iuris priuilegia liberalium artium, pluraque alia, cum sit sanctissima res civilis sapientia, quæ pretio nummario non sit æstimanda, nec dehonestanda. Vlpian. in l.j. §. proinde. ff. de extraordin. crim. ego congesi centum octoginta priuilegia scholasticorum (maximè iuris) interpretando authen. habita Anno 1519. in studio Montispeffulani, quæ tunc dictavi auditoribus meis.

Cuius meritò quis nos sacerdotes appellat.] Quomodo iurisperiti sacerdotes vocari possint, videamus, cum ferè sint laici, & requiritur, ut sacerdotes Deo sint dicati. cap. clericos. xxj. distin. ibi, *Sacerdos enim nomen habet compositum ex Græco, & Latino, quasi sacrum dans, sicut enim Rex à regendo, ita sacerdos à sacrificando vocatus est, consecrat enim & sanctificat, &c.*

Respond. olim sacerdotes dupliciter dicebantur. Nam quidam sacris Dei vacabant, de quibus supra, & in l. non distinguemus. §. sacerdotio. ff. de arbi. & ius diuinum ac pontificium maximè de his tractat, hosque suo proprio nomine sacerdotes, quasi sacra Dei ministrantes appellat.

7 Alij sunt sacerdotes, qui sacris legibus operam præstant. Nam leges sacratissimæ dicuntur, quæ cōstringunt hominum vitas ad bonè, beatèque viuendum. l. leges sacratissimæ. C. de legib. & in proœmi. Inst. unde sicut sacerdotes sunt sacrorum interpretes, & sacra dantes, ita & hi sacra legum, & æquitatis, & iustitiæ præbent: & sicut sacerdotes consulti super sacris responsa præbent, sic & Iuriscon. super iure. Ideò Scipioni Nasicæ (qui optimus à senatu appellatus est) domus publica in sacra via data fuit, quo facilius consuli posset. l. ij. §. iuris civilis. ff. de or. iur. Et Seruius Sulpitius iuris Antistes dictus, teste Quintil. & doctores etiam ab Imperat. sic vocantur. C. de decret. decurio. lib. x.

Unde puto iuris doctores dici sacerdotes, si publicè profiteantur: Nam tunc sacra dant, & iustitiam colunt, ac notitiam æqui & boni habent, & eam artem profitentur, maximè si sint ab ordine probati, & intra numerum recepti. l. si duas. cum l. sequent. ff. de excusa. tutor.

Ex quo infert Host. in proœm. Summe. & Andreas Isarnia in proœm. Feudor. doctores iura profitentes non minus mereri, quàm sacerdotes, & religiosos, per id quod scribitur Daniel. 12. cap. Qui docti fuerint, fulgebunt quasi splendor firmamenti, & qui ad iustitiam erudiunt multos, quasi stellæ in perpetuas æternitates. Idem in iustitiæ ministris, qui iustè & rectè eam administrant, & non perfunctoriè. ut scripsi in proœm. constit. Reg. in primo tomo.

Unde inferunt Bal. & alij cōtra offendentē doctorem, & iuris sacerdotē, ut teneatur crimine publico, sicut si sacerdotem sacra Deorum administrantem offendisset. arg. l. si quis in hoc genus. cum authen. ibi posita. C. de Episc. & cler. quia doctoratus publici iuris est, & debet publica, non priuata autoritate conferri. cle. ij. de magistr. In signum cuius datur legum doctoribus insula, sicut principi, & olim sacerdotibus gentilium. d. c. clericos. §. sacerdotes. xxj. distinct.

Et sicut iniuria facta sacerdotibus dicitur atrox, ita & doctoribus. latrocem. C. de iniur. quia nihil studiosum magis est Imperatoribus, sicut sacerdotum honestas, cum utique & pro illis ipsi semper Deo supplicent. Iustitia. in authen. quomodo oporteat Episc. colla. j. Ideò procurator Regius debet persequi & instare contra hos scelestos, qui horum alterutrum iniuriis afficiunt, quod etiam vidi in Fræcia seruari cum ius publicum respiciat, ut inferius dicitur.

Iustitiam namque colimus, boni & æqui notitiam profitemur.] Vlpia. dixit ius esse artem boni & æqui, & meritò professores illius sacerdotes vocari, quia iustitiam colunt, & exercent, boni & æqui notitiam profitentur, æquum ab iniquo separantes, &c. Et transit de tertia persona ad primam, ut planius ostendat: *Nos Iuriscon. colimus iustitiam, æqui & boni profitemur notitiam;* Et sic iustitiæ exercitium committendum non est, nisi Iurisperitis, qui iustitiam exercent, & colunt, ac boni & æqui notitiam profitentur: aliàs si in manus Medicorum respub. gubernanda inciderit, ægritudinem incurrere poterit, & si ignaris committatur, aut cæcis, ambo in foueam cadent. Unde dicebat Æschines; Hoc etiam reputate, quod si munera paucis eisque condignis, & secundū leges contuleritis, multos vos habituros pro virtute certantes: si autem cuilibet cupienti, & his, qui nihil egregium fecerint, gratificemini, frugi etiam ingenia corrupturos. Et Arist. lib. v. Ethic. cognoscere iusta & iniusta, nullam sapientiam putat, quoniam de quibus rebus leges loquuntur non difficile est intelligere, sed iusta facere, maius negotium est. Ideò dicit iste text. *Profitemur, & colimus,* quod in exercitatione boni & æqui consistit.

Ex his inferri potest, illam constitutionem minimè bonum & æquum continere, quæ disponit, ut hi ciuitates regant, & Respublicas, qui notitiam æqui & boni non habent: quia ignaris committere administrationem, est simile his qui manibus furiosorum gladium committunt, estque contra statuta, & Iustitia. in proœm. Instit. in fi. vbi ait, Rempubicam credendam Iurisperitis. Et Pythagoras Samius Philosophus censebat vniuersam Remp. in tres ordines esse diuidendam, & vnum quidem esse bonorum ordinem publica negotia gubernantium: alterum, ex viris robustis constare: tertium ex illis, qui res necessarias exoptant ac suppeditant; nomino autem primum ordinem consiliarium, secundum auxiliarem, tertium mechanicum. Cōsiliarium imperare oportet: mechanicum parere: auxiliarem verò vtrumque. Consiliarius quid agendum sit consiliis præfinit. At auxiliarius dum propugnat, totam mechanicam multitudinem regit: quatenus autem ei præscribuntur consilia, regitur.

Etiam apparet Consiliarios, vel iudices creari nō debere, nisi notitiam boni & æqui habeant, quam per leges consequuntur: & sic falluntur tota via Rhetores, & Grammatici: ac Philosophi, qui iudicare volunt sine iure, cum non habeant notitiam æqui & boni: nec præcepta artis nouerint: sicut si quis vellet domum construere, & numquam didicisset artem illam, maximè cum Iurisperitis prohibitum sit exemplis iudicare. l. nemo. C. de sentent. & interloq. omn. iud.

Nec me contrahat l. certi iuris. C. de iudi. vbi magistratus militares iudicare possunt, verum de re mi-

Æschinis  
praclarè  
dictum.

Ignaris ad  
ministra-  
tio non est  
committen-  
da.

8

Exemplis  
non est iu-  
dicandum.



litari cuius quidem cognitionem habent quia tam per vsum quotidianum, quam per militares regulas in his experti sunt, aliàs non possent iudicare. Nam turpe esset eis, si ignorarent militarem disciplinam, in qua versantur. l. ij. §. Seruius autem. ff. de orig. iur. & in d. l. certi iuris dicitur; quid enim obstaculi est hominibus, qui cuiusdam rei notitiam habent, de ea iudicare? & sic non de alia, vt in l. expertes. C. de decurio. lib. x. Inde fuit derisus Phormio ab Annibale in Calcide, cum coram illo de re militari differeret: At licet isti, de re, de qua notitiam habent, iudicare possint, de bono tamē & æquo non, cū illorum notitiam non habeant. Et sic generales causarum iudices constitui non poterūt sicut iurisperiti, vnde pulchrē Aristot. lib. j. Ethicor. cap. ij. his verbis scribit: Hæc enim ciuilis facultas, & quas scientias in ciuitatibus esse, & qualesquēque discere, & quousq; oportet, inst. tuere solet. Eas præterea facultates, quæ summis afficiuntur honoribus, vt rei militaris, reiq; familiaris facultatem, ac oratoriam artem, huic subesse facultati videmus. Cū igitur cæteris actiuis scientijs hæc vtatur, & leges ferat atq; instituat quid quisque agere, & à quibus abstinere debeat, & huius finis cæterarum omnium facultatum contineat fines, non est mirum si Vlpian. hanc eam commendet.

*Iuris ciu-  
lis facultas  
quid conti-  
neat.*

Ex quo patet curiarum supremarum iudices, seu consiliarios doctos esse in hoc iure oportere, aliàs, quomodo iudicabunt ex bono & æquo, si illa ignorent? Nam cum ad bonum & æquum redigendæ sint sententiæ illorum, l. quod si minor. §. j. ff. de minor. non possent profectò sententiæ eorum per Plautum, & alios similes ad bonum & æquum reduci, nisi per Iurifcon. scientiam, cū æquitas sit legis voluntati coniunctissima, sequaturq; eam quocumque tendat, siue ad humanitatem, siue ad acerbitem, vt docet Francisc. Cona. lib. j. tit. de æquità.

Hodie tamen, quidam ignari iudices, etiam supremi, tota falluntur via, existimantes maiorem notitiam æqui & boni se habere, quam in iure inueniatur: certè cū in hoc iure sint præceptiones collectæ boni & æqui, & sit ars, nescio si in momentaneo capite alicuius, maius æquum & bonum oriri poterit, quam in iure, in quo est collectio præceptorum boni & æqui; nisi in his fortè quæ præter ius sunt, vel quando lex est ambigua: aliàs non est innitendum prudētiæ suæ, vt docet Papa in c. ne innitaris. de cōst.

Cum igitur ius scriptū sit certum, æquitas autem, quæ ius scriptum non est à prudentum iudicio pendeat, de quo rectè censere nō cuiusvis est iurisperiti, sed eius, qui artem hanc plenè nouit. Nam non parui negotij est, æquitatem istam inuenire, hoc Vlpia. tradidisse videtur. ff. de Religios. & sumpti. funer. l. & si quis. §. hæc actio, quæ funeraria dicitur, ex bono & æquo oritur. Aequum autē accipitur ex dignitate eius, qui funeratus est, ex causa, ex tempore, ex bona fide. Igitur illa, quæ lege comprehensa nō sunt, ex bono & æquo interpretationem & emendationem accipiunt. vt probat Imperator in §. præterea. de actio. in Inst.

Item iudices, nō oram eis de re medica agatur, medicos consulere soleant: si de re rustica, rusticos. l. si choros ff. de lega. 3. quia vnicuique in sua arte standū esse, statuit. §. præterea. de rei. diuis. in Instit. vbi glos. & sic de omnibus Iurisperiti iudicare poterunt, maximè cum consilio peritorum artis.

*Vnicuique  
in sua arte  
credendum.*

Æquum ab iniquo separantes. ] Æquum pro iusto accipi frequenter compertum est, cui iniquum opponitur. Cicero in Partitionib. ait directum & verum, & iustum, & (vt dicitur) æquum & bonū. l. diem proferre. §. stari autē debet sententiæ arbitri, quam de re dixerit, siue æqua siue iniqua sit: ff. de recept. arbi. inde æquæ mēsuræ nō iniquæ. in l. itē quæritur. §. si quis mensuras. ff. loca. & Arist. lib. v. Ethic. c. j. ait iustum esse, quod est legitimum, & quod est æquum: iniustum verò quod est cōtra leges, & quod est iniquum, idem Arist. c. 2. & 3. ibid. & c. x. ait æquū & bonum iustum esse: & idem, est ergo iustum, atq; equum & bonum, estq; hæc natura ipsius æqui & boni emendatio legis ea ex parte, quā deficit, ob vniuersale; hæc enim est causa, & vt non omnia sint lege comprehensa, quia de quibusdam impossibile est ponere legē, quare decreto opus est indefinito: Nāq; rei indefinitæ & regula est, sicut & ædificationis Lesbiana norma, ad lapidis enim figuram mutatur, & non manet, & decretum ad res ipsas simili modo, idē multa relicta sunt iudicis arbitrio. l. j. ff. de effracto. Ex quo patet ad Iurisperitos spectare separare æquū ab iniquo, & super his statuere, ac quantum æquæ mensuræ, vel pondera continere debeant. l. arbitrio. §. de eo. ff. de dolo. vbi dicam.

Licetum ab illicito discernentes. ] Ex hoc text. colligitur ad Iurifcon. pertinere, discernere licitum ab illicito: quia omnia licent dicit diuus Paul. primæ Corinth. 6. nisi quæ lege prohibita sunt. Concupiscentiam, dicens, nesciebam peccatum esse, nisi lex prohiberet. c. Nam concupiscentiam. de constit. quod per legem nō licet, interdum necessitas facit licitum. c. quod non est. de reg. iur. quia necessitas nō habet legem l. j. ff. de offi. consul. vbi dicam. Et licitū interdum expedit, interdum non, quod cognoscitur per legem. c. sic enim. vers. ita sanè. 28. quæst. j.

Itaque tria necessaria præcipue, in omni negotio esse attendenda, docet Papa in c. magnæ. de voto. videlicet, quid liceat, secundum æquitatem: quid deceat, secundum honestatem: quid expediat, secundum vtilitatem, & in coniunctionibus non solum quid liceat considerandum est, sed & quod honestū sit. l. semper. de rit. nup. ff. cum ergo licitum appareat per legem iurifconsultorum est iudicare de licito, & illicito, de æquo & bono. & ista est illorum legitima professio. Et quamuis iniquum ferè naturā intelligatur, tamen licitum & illicitum legitima sanctione perpenditur, vt hic constat.

*Tria necessaria in omni negotio attendenda*

Ex hoc apparet, cū ius in bono & æquo versetur omnes fallacias (quas cautelas dicunt) hoc iure improbari, & illicitas esse. l. j. ff. de dolo. l. natura. vbi scripsi, ff. de verb. signif. vnde Capol. & alij, qui has fallacias scripserunt, melius prouidissent animabus suis, si eas omisissent, quia virum iniquum & dolum abominabitur dominus: Nisi fortè quis has fallacias conscribat, vt ab illis lectores caueant, ne ab iniquis (his vtentibus) decipiantur, quod potius factum præsumendum est.

*Cautela de iure illicito*

Notā tamen causas, ex quibus constitutio seu statutum cognoscitur illicitum. Prima est, quādo prohibetur debita obedientia superiori. Secunda quādo expensarū grauamen suggerit. Tertia quando vetat concordiam fieri litis. Quarta, si compellat iniustam mouere litem. Quinta, si prohibeat liti renuntiare. Sexta, dum ad peccandum inducit. Septima, omne statutum



statutum inducens contra superiorem conspirationem est licitum. c. j. de verb. signif. in vj. vbi Domi. & Philip. vide in c. venientes. de iureiurand.

Bonos non solum metu pœnarum, verum etiam præmiorum quoque exhortatione efficere cupientes, &c.] Et sic proprium legis est malis pœnam, & bonis præmia constituere, per istum text. & c. si vos. xxij. q. v. Et sic ius statuit, vt boni homines fiant partim præmiis, partim metu pœnarum, vnde Horatius:

*Oderunt peccare mali, formidine pœna:*

*Oderunt peccare boni, virtutis amore.*

Facit text. in l. seruos. C. de agricol. & censit. lib. xj. & §. illud. 2. in auth. neque virum quod ex dote. colla. 8. glos. similis. in c. irrefragabili. de offi. ordi. & in cap. cum qui. de præben. in vj. Et Imperator statuit præmia bene merentibus tribuenda. in l. vt virtutum. C. de statuis & imag. l. ij. §. hoc autem. de offic. præfect. prætor. Aphricæ. vide quid Plato dicat lib. 34. de leg. vel legum latoribus dialog. xj. cur scelesti puniantur, sic scribens: Pœnis verò maligni vexantur, non quia peccauerunt, nam quod factum est, infectum esse non potest, sed vt posthac & peccatores ipsi, & qui puniri iniquitates viderunt, iniustitiam oderint, aut saltem minus in simili vitio peccent, & vt pœna vnus sit metus multorum. l. j. C. ad leg. Iulian. repetundar. Etiam eò confiscationes bonorum inductæ sunt. Nam multi metu amissionis substantiæ potius à malo se continent, quàm propter Deum. vt asserit Iustin. in §. si quis igitur. in athen. de non alienand. rebus ecclesiæ. colla. 2. Et sic potius timeretur fiscus à multis malis, quàm Deus. teste Guido. Papa in statu. si quis. in verb. applicandis. vide c. factæ. iij. dist. & casus in quibus peccandi facultas retrahitur. scribit Luc. de Penna. in l. prima. C. de fabric. lib. xj.

10 Inducit Bart. istum text. ad quæstionem, vtrum magistratus ciuitatis possit statuere, vt prehensens exulem habeat centum: & certum est posse, sed tria ex hoc dubio dissoluenda sunt: primū, magistratum hoc statuere causa cognita posse, sicut alia solet, vt per Bart. & alios in l. j. ff. quod quisque iuris. & in l. cum nauarchorum. in fin. C. de nauicula. lib. xj. Nec esse hoc statutum ambitiosum constat, quòd vtilitatem Reipub. contineat, & sic non obstat l. ambitiosa. ff. de decre. ab ordi. faciend.

Secunda quæstio erit, an illa centum fiscus teneatur præstare. Respon. non teneri, quia non potest iudex ex pecuniis principis, non consentiente principe, disponere. l. vnica. C. de præben. fal. lib. x. l. iij. §. planè. ff. quod vi aut clam. l. diuus. de bonis damnato. l. lege Cornelia. de Senatusc. Sylla.

Vltimò, dum Bart. dicit saltem expensam, ad capiendum bānitum (vt ipse vocat) posse à fisco repeti. per l. mulier. ff. de capt. hoc intelligerem verum esse, quando non esset pars, quæ prosequeretur, alioqui pars ipsa ad expensas teneretur. vt docet Bal. in titul. hic finitur lex. col. j. in Feud. Henric. Bohir. in c. ad aures. ij. dist. de symo. & Aufrer. refert in decis. Tholof. q. xlj. Alioqui iudices faciliè non debent ista statuere, nisi de principis, aut partis prosequentis consensu, aut nisi de suo præstare vellent, quod esset illis maximè durum, qui officium emerunt omnibus aliis suis distractis bonis. vide quæ Bart. & Ias. scribunt in l. iij. §. si tibi. ff. de conditione ob turp. caus. & in l. solent. de præscrip. verb.

Et sic fieri constitutiones debent, vt vtilitati publicæ possint prodesse, non autem soli principi, aliàs nō constitutiones, sed destitutiones vocabuntur. c. fi. de reb. eccles. non alienand. l. fi. C. de debito. ciuitatis. vbi Iaco. Rebuf. lib. xj. l. vna. C. de caduc. tollend. hodie verò omnes ferè constitutiones tendunt ad solum principum cōmodum, & ad perniciem populi, adeò quod definitio Trasimachi apud Platonem seruetur, quā ius dicit esse, quicquid potentiori est vtile. quod tamen hīc reprobatur Vlpian. dicens ius à iustitia descendere, non à commodo potentis. & idem diuus August. libr. xj. de ciuita. Dei scribit. & Thomas Aquinas. & qui has leges fieri procurāt, iniquitatem fouent, illicita recipiunt, iniustitiā colunt, veriq; apostatæ, & nō sacerdotes iuris sunt, Pilati vestigia insequentes, & quandoq; (nisi resipiscant) cū illo ardebūt.

Ex quo sequitur licitum esse, iure etiam diuino, fraudare iniustam vestigialium legem, & impositionem, vt concludit Bart. in l. vestigalia. ff. de publica. Panor. & alij in c. j. de constit. facit gl. in ver. malignatium. c. cupientes. de elect. in vj.

Quid enim legū finis est, nisi vt homines boni fiant per leges? quod duobus modis fit, præmiis videlicet, & metu pœnæ: & olim omnes leges ad commodum publicum respiciebant. l. j. C. de fabricen. lib. xj. vbi Luc. de Penna. xij. casus conscribit, quibus homines à peccatis retrahantur, & sic non valet constitutio, per quam benemeritis præmia denegantur, & malemeritis iusta pœna non irrogatur.

Accurs. docet hīc quomodo metu pœnæ quis fiat bonus, vt in transactione iurata, cōtra quā quis veniendo fit infamis. l. si quis. C. de transactio. dicite ius nostrum varias statuisse pœnas in scelestos & cōmittentes crimina, tam capitalia, quàm non capitalia. vt in titul. de public. iud. cum aliis titul. vsque ad titu. de appellation. & in titul. de furt. cum sequent. & metu istarum pœnarum homines boni fiunt, vel fieri debent. l. fin. C. ad leg. Iulian. repet. Item exhortatione præmiorum, cum boni donantur honoribus, & muneribus. vt in titul. ff. de Senator. & toto hoc lib. ac in titu. de munerib. & honorib. Etiam bona auferuntur hominibus iniquis per confiscationem. vt in titul. de bonis proscrip. C. quæ cōseruantur per leges bonis. l. fi. infra de legib. de præmio Cicero etiam tractat in lib. ij. de Inuentio. c. de iuridiciali, vbi rationem præmij in quatuor distribuit partes.

Veram Philosophiam, non simulatam affectantes.] Quidam in text. habent, *affectantes*, quòd Iuriscon. cum affectu & anxie veram quærant Philosophiam, non simulatā: alij habent *affectantes*, quæ in idem ferè reincident: videlicet, quod ipsi Iuriscon. veram sequantur Philosophiam, nō simulatā, & ipsi eam quærant propter seipsam. vt dicit Cicero lib. j. de Legib. per se ius esse expetendum, & colendū. quod si ius, etiam iustitia, & sic non propter lucrum, vt statim dicemus, & Io. Fabr. in procemi. Inst. scribit.

Simulatam, secundum quosdam, Philosophiam sequitur, qui, vt diues fiat, Iurisconsultorum profiteatur Respon. quia veri Philosophi pecuniam & diuitias contemnunt. l. sed & reprobar. j. ff. de excu. tutor. vt patet de Crate Thebano, qui magnum auri pondus abiecit, cū ad Philosophandum Athenas pergeret, vt refert Hiero. c. ad negotia. & in c. gloria episcopi. xij. q. ij. sed de hac iste text. non intelligitur, quia vulgò dicitur.

*Constitutiones quomodo fieri debeant.*

*Legum finis.*

*Facies contra transactionem iuratā, fit infamis.*

*Platonis elegans dictu de pœnis scelestorum.*

*Bonorum confiscationes cur inductæ sint.*



*Dat Galenus opes, & sanctio Iustiniani,*

*Ex aliis paleas, ex istis collige grana.*

Ea tamen intentione ut quis diceretur, fieri studium non debet, sed ut bonus & iustus fiat, qui studet, & postea algebit, si doctus & iustus sit in Francia. Nam Hesiodus sic scribit, libr. j. *ἐργα νόη μὴ γὰρ vocato.*

*Vir bonus aut iustus nullius fiet honoris,*

*Sed magis insignem sua per scelera, atque rapinas,*

*Sufficient: cedit ius dextra, nec pudor ullus*

*Notus erit, fallet probum & improbus ore dolo*

*Verba obliqua loquens; periuriāq, insuper addens.*

Adhuc simulatam Philosophiam affectant, qui student ut sciantur, & videantur, ut Rhetores, quorum finis vana est gloria: vnde Aristot. in iij. Ethic. ait: Opus morale sumpsimus, non ut sciamus, sed ut boni fiamus.

Sed qui student, ut post studium detur eis Respublica gubernanda, non simulatē agunt, ut Iurisperiti: quibus hoc pollicetur. Iust. in §. fin. in procem. Instit. At pecunia regit, & homines præficit nunc. Ideo dicebat quidam Iurisperitis Rempub. committendam, si illam emāt, quod esset absurdū. De quintuplici fine ad quem fit studium, scribit Hostien. in summa. in §. fin. in procem. Et Archidiac. in c. nonne. xxxvij. dist. simulatam verò Philosophiam profitetur patroni causarum, qui contra iura consulunt in animarum suarum perniciem: veram autem profitentur, qui pauperibus gratis, & omnibus aliis, iure consulunt, nec desperatam causam sumunt. l. rem non nouam. §. patroni. C. de Iudic.

Philosophia duplex est, naturalis, & moralis. ut Arist. docet. Ius autem nostrum tractat potissimè de morali, quæ diuiditur in Ethicā, quæ seipsum regere docet: ut, ne quis transgrediatur muros ciuitatis, & pereat: sicut R. hemus. l. fin. ff. de rerum diuis. & docet etiam hanc Iurisc. in l. hæres. ff. de negot. gest. l. j. de inoff. testament. & alia innumera extant de Ethica, in iure exempla.

De Oeconomica, quæ docet regere familiam, tractatur in titul. de liber. agnos. ff. & C. de emenda propinquo & seruo. & alibi.

Politica autem, populum regere docet, ut in toto ferme hoc lib. j. & ius nostrum penè repletum est hac Philosophia: ita ut nō dicam difficile, verum impossibile esse, iuste & benè eum posse regere populū qui non calleat ius istud. Itaque quando Respublica regitur ab ignaris, labefactatur, subuertiturque penitus, adeo ut nihil certi in ea sit. Sed nunc vnum statuitur: cras aliud, quia statuentes nihil certi in capitibus habent, quod procedit ex ignorantia, & stoliditate. vide quæ scribit Iohan. Fab. & Christopho. Porc. in procem. Institut.

Dicit Philosophus & Rhetor se profiteri scientiā moralem, & sic Iurisperitos esse, quibus responderi Barba. in repet. c. Raynaldus. coll. clxxxij. de testam. Philosophiam moralem, in qua versantur isti, inducere quidem homines ad bene beatēque viuendum, sed hæc vera legalis Philosophia, nō solum inducit, verumetiam iubet, ac punit, & cum imperio loquitur. Philosophi quidam suadent, & interdum pereunt. Nonne Plato in Phædro suam captiuitatem, & Zenonis tormenta refert? & Socratem cicuta, Senecam quoque, & alios ad bonum inducentes, periisse? Et ius nostrum rebelles punit, quod non facit simplex Rhetorum Philosophia: ob id ista iuris ciuilis Philoso-

phia omni alteri est præferenda, ut docet Cicero lib. j. de Orator. vbi plus dicit, libellum xij. tabula. superare autoritate, & vtilitate, omnes Philosophorum bibliothecas.

Ni fallor. ] Trahunt doctores istū text. ad testes, qui si deponant per hæc verba (ni fallor) eis non creditur, nisi addant rationem per sensum corporis, videlicet, vidi mutare centum, ni fallor. per l. solam. C. de testib. & l. testium. ibidem. & idem in aliis verbis, videlicet, iudicio meo, videtur, fortè, credo, & aliis, quia attenditur causa dicti, non verò verbum, credo, vel videtur, & ista est brevis resolutio doct. hic. & in c. in præsentia. de proba. Alex. consil. lxxxiij. viso testamento. in j. vol. & consil. cxlvij. ponderatis. col. penul. in ij. vol.

Sed in his aduertere debet inquisitor, seu comisarius, qui hos testes audit, ut moneat istum testem sic deponentem, an certus sit, quod deponit, verum esse: & si respondeat se certum, & verum esse, non debet ista verba scribere, ni fallor, vel videtur, credit, iudicio meo: sed simpliciter debet dicere talem. N. testem dixisse. talem N. debere centum. Ista scit, quia vidit mutare, & similia: alioqui titubaret ista depositio tanquā dubia, verū quia ista est propria materia testium, quæ tractatur in suis locis, idè ad eos vos nunc reiciemus: maximè etiam, quia conscripsi eā abundè in tract. de reprob. & salua. testium. De hoc verbo (ni fallor) vide Caium in l. j. infra de orig. iur. & veritatem fallat. in l. j. §. quæstioni. de quæst. de fallacia in l. j. de dolo. infra. & in l. ea natura. de verb. sig. vbi scripsi, ne plura.

#### S V M M A R I A.

- 1 *Differentia quæ sit inter publica, & publicè utilia.*
- 2 *Sacerdotes alij stipulari possunt in sacris, secus in profanis.*
- 3 *Clericus recipiens instrumentum in fauorem Ecclesiæ suæ, non incidit in pœnam falsi.*
- 4 *Secus si tanquam notarius instrumentum scripserit.*
- 5 *Ius Ciuile quodnam sit, quod publica respiciat.*

§. Huius studij duæ sunt positiones, publicum, & priuatum.

Superius Vlpian. dixit, cum, qui iuri operam nauare vellet, prius nosse oportere vnde iuris nomē descendat, & quid sit, dicens esse artem boni & æqui, cuius meritò, &c. Demum quia in hoc studio iuris duæ sunt positiones, quæ dicuntur pronuntiata, seu enuntiata cuiusque scientiæ, ac disciplinæ propria, quæ certa habentur, & in controuersiam non veniunt: vel positiones duæ sunt, huius studij Iuris, id est duæ tanquam fundamenta ponuntur, videlicet publicum & priuatum: publicum, tanquā nobilius & vtilius præposuit, sicque definit, quod ad statum rei Romanæ spectat, & hoc olim, quando Romani dominabantur, procedebat. hodie dicere ius publicum esse, quod ad statum Imperatoris, vel alterius summi principis spectat.

Priuatum, quod ad singulorum vtilitatem. §. fin. hoc titul. in Instit. Cicer. tamen in libr. ij. de inuent. Rhetor. & in Partit. & itidem in lib. 2. de Legib. aliter accipit, ut ibi videri potest.

Sunt enim quædam publicè utilia, quædam priuatim: in libris antiquis ista verba non habentur, sed in nouis

Quintu-  
plex studio  
rums finis.

Testi-  
deponen-  
bus per  
ba (ni  
lor) an  
dendu



*Publica vestigalia qua dicantur.*  
 in nouis. & Iurifcon. hñc docet quædam esse publica, alia verò publicè vtilia: publica ea sola sunt, quæ populi Rom. sunt. Vlpian. in l. bona ciuitatis. ff. de verb. signifi. scribit. Publica vestigalia accipere debemus, ex quibus vestigal fiscus capit, quale est vestigal portus, vel venalium rerum, item salinarum, & metallorum, & piscariarum. Idem Vlpian. in l. inter publica. ibidem. vbi alia dixi. Et sic quædam sunt publica, quædam verò publicè vtilia. publica, principis statum respiciunt, vt vestigalia: publicè verò vtilia sunt, vt, ne vrbs deformetur ruinis. l. prætor. §. hoc interdictum. ff. de noui oper. nunt. Publicè interest dotes mulieribus conseruari. l. j. ff. solu. matr. & testamenta executioni mādari. l. vel negare. ff. quemadmodum testam. aper. Et ne quis re sua malè vtatur. l. ij. de his qui sunt sui, vel aliè. iur. §. fin. illo tit. in Insti. Alia plurima scripsi in præfatio. ad leg. vnica. C. de sent. quæ pro eo. quod interest.

Publicum itaque respicit principis statum, & reip. vtilitatem principaliter, & ob id promouetur à procuratore Regio solo: publicè vtile, siue principaliter, siue secundario, à parte promouetur, iuncto procuratore Regio, vt statim dicitur.

Publicum ius in sacris, sacerdotibus, & magistratibus consistit. ] Quia status principis diu conseruari non potest, nisi sacra, sacerdotes, & magistratus tueantur, ideo Vlpian. hñc docet publicum ius in his consistere.

*Sacerdotes in duplici differentia.*  
 Itaque sicut sacra publici iuris sunt, & actio popularis pro his datur, ita & sacerdotes, qui sacris vacant, & illa exercent: quia parum esset habere sacra, si non essent, qui ea exercerent. l. ij. §. post originē. ff. de orig. iur. ideo, hñ maxime, in duplici differentia apud Gentiles erant. Quidam sacris & caeremoniis præerant. Alij fatidici vocabantur, fata dicentes, quique fata incognita interpretabantur. vt est apud Ciceronem de Legib. qui recitat etiam legem duodecim Tabul. talem apud veteres fuisse. *Qui non paruerit sacerdotibus, capitale esto.* Et sic lege xii. Tabul. Iniuria sacerdotibus facta capitali supplicio punienda erat, etiam facta magistratui. Nam qui manus intulit præposito, capite puniendus est. l. omne delictum. §. j. ff. de re milit. quod pulchre ostendit Lilius ab vrbe condita, & ista dicuntur publica, quia vindicta cuilibet de populo competebat, & dabatur actio popularis. l. prima, & per totum. ff. de popul. actio. summāq; in his versatur vtilitas publica. c. ius publicum. prima dist. vnde infert Ioan. de terra Rubea, in tract. contra rebelles Regum, in artic. 2. tract. secund. in fi. multò magis publicum versari circa suum principem, vt quisq; eum tueatur contra rebelles, sicut apes faciunt.

*Publica in regno Franciæ à Procuratore Regio solèt promoueri.*  
 Itaque hodie in hoc Franciæ regno, hæc publica à procuratore Regio prosequi solent, nec priuatus ea promouere volens audiretur, nisi aliquod priuatum commodum prætenderet, seu aliquod interesse, & tunc iungitur is priuatus procuratori Regio: si autem præcipue priuati interfit, publicè tamen secundario, tunc pars promouebit negotium, & procurator Regius adiungit se pro eo, quod publicè interfit, & sic seruat vsus forensis.

Nec interest, an procurator cum parte, vel ipse solus prosequatur causam. Nam si solus, non solet procurator Regius condemnari ad expensas, nec pars aduersa sibi: sed si parti procurator sit iunctus, vel contra, ad expensas pars condemnabitur parti, pro-

curator autem non, ne ius Regium & publicum, ratione expensarum, dimittatur. Et quia monente officio iste procurator prosequi tenetur. l. monente. C. de delator. lib. x. l. illud. de peritio. hæred. scripsi in tit. de electio. deroga. glo. aduocatum. in Concor. Franciæ. in xv. priuileg. vbi priuilegia procuratoris & aduocatorum Regionum conscripsi. Ista scire publica, maxime sunt vtilitatis: quia ius publicum, pactis priuatorum, mutari nō potest. Papin. in l. ius publicum. vbi plenè Accurs. & doctor. alia tradunt. ff. de pact. Rescriptum contra ius publicum, fortè ne tributa soluantur, nullius est momenti. l. nec damnosa. C. de precib. Imper. offer. & in tit. si contra ius vel vtilita. public. l. in fraudem. de anno. & tribut. lib. x. Etiam hoc ius procurator Regis prosequitur, vt superius dictum fuit.

Et quamuis ius publicum consistat in sacris, & sacerdotibus, vt tueantur, & ab omnibus defendantur, non tamen vt ipsi principes seculares de ipsis sacris cognoscant, nisi in negligentia prælatorum. vt c. principes sæculi. nonnunquam intra ecclesiam potestatis adeptæ culmina tenent, vt per eandem potestatem disciplinam ecclesiasticam muniant. Cæterum intra ecclesiam potestates necessariae non essent, nisi, vt quod non præualent sacerdotes efficere per doctrinæ sermonem, potestas hoc impetret per disciplinæ terrorem. xxij. quæst. v. cognoscant principes sæculi Deo se esse reddituros rationem propter ecclesiam, quam Christo tuendam suscipiunt, si non eam rectè tueantur, sed potius opprimant. vnde Iustinia. scribit in §. finimus. in auth. de non alienan. reb. eccles. col. 2. non multum differre sacerdotium & imperium, nec res sacras à publicis & communibus.

Et sic inferunt interpretes, istos sacerdotes, cum sint publici iuris, posse aliis stipulari in sacris, quæ ministrant, nō autem in profanis, nisi quatenus versatur vtilitas ecclesiæ, aut publica. Nam extra sacra hi priuati dicuntur. vt dicitur de Præside. in liij. infra de offic. Præsidi. ideo stipulari poterunt ab aliquo vsuras reddi: nam ad animæ commodum hoc tendit. cap. quamquam. de vsur. in vj. & votum emissum recipere. c. fin. qui cleric. vel vouen. c. dudum. de conuersio. coniugato. Etiam testamentum infirmi recipere. ea. cum esset. & c. relatum. de testam. & alia respicientes sacra tractare, si sint rectores parochiales, vt vocat ius canonicum, vel vicarij eorum, non verò simplices sacerdotes. per d. c. quamquam. Nam ex diuisione parochiarum attributa est illarum rectoribus, animarum iurisdictionio. c. omnis vtriusque sexus. de poeniten. & remiss. ad ipsos autem pertinet ista publica, in loco illis constituto, tractare, & non aliis à iure incognitis.

Et sicut hi curiones, extra locum sacra tractare ista non possent, vt ibi: sic non poterunt alij sacerdotes nō habentes locum eis commissum: & ita visum est Senatui Paris. in testamento facto ab infirmo in manibus sacerdotis non curati, vel vicarij eius, vt nō iure subsistat, quicquid in contrarium dicant docto. & ista est sententia Panorm. in c. dudum. de conuers. coniuga. & docto. in d. c. omnis. & c. fi. de sepul. sed sacrificia Missæ & alia non respicientia iurisdictionem, tractare possunt, etiam simplices sacerdotes.

Nec obest, quod si quis promittat presbytero dare alteri, illa promissio valebit vt pactum, & sic de iure canonico proderit. Respon. non valere vt pa-

*Sacerdotes extra sacra que facere possint*

*Testamentum factum in manibus sacerdotis, non curati, non subsistit.*



etum quoad tertium, qui non consentit. vt in §. si quis alij. de inutilib. stipulat. in Instit. & l. stipulatio. §. alteri. ff. de verb. oblig. vbi plenè doct.

*Sacerdos non potest esse notarius Principis secularis.*

An sacerdos possit esse notarius? Respon. Apostolicus esse potest, sed notarius principis secularis non, cum negotia secularia exercere non debeat. c. sicut. ne cleri. vel monachi. sed sacris vacare. l. non distinguemus. §. sacerdotio. ff. de arbit. Et quia hoc officium vere est, ideo illud sacerdos accipere non debet, nec attingere. l. vniuersos. C. de decur. lib. x. c. decernimus. de iudic. de hac re Ias. hic multa scribit, his ego contentus ad alia pertransco.

3 Infert etiam Claudius Seycel. clericum posse recipere instrumentum in fauorem Ecclesiæ suæ, nec per hoc incidere in poenam falsi, allegat Iohan. And. de re iudic. Refert Matefilla. sing. lxxxviiij. no. singulare. sed hoc intelligi debet, quando iste, vt clericus, instrumentum conscriberet, eo casu non incideret in falsum, si clericus sit, tamen scriptura non reputabitur publica, quia non est notarius, nec potest facere publicum, cum ipse non sit, nisi vt superius dictum fuit.

4 Si verò clericus tanquam notarius scripserit instrumentum, etiam pro Ecclesiæ vtilitate, falsarius est, nisi talis creatus fuisset. l. impuberem. §. qui codicillos. & l. qui nomine. ff. de falsis. quia notarij officium vsurpat, cum non sit.

*Magistratus publica alterius territorij non potest tractare.*

Idem in magistratibus dicendum est, vt stipulatio aliis facta acceptante pro alio magistratu, valeat. l. j. §. exercere. ff. de magist. conuenien. quatenus suum respicit magistratum, & officium, sicut enim ius nisi subiectis dicere non potest. l. si. ff. de iurisd. omn. iud. sic non poterit publica tractare alterius territorij, vt hic interpretes firmant. ego allego text. in l. pupillus. §. munus. ff. de verb. signifi. in quo scribitur; munus publicum est officium priuati hominis, ex quo commodum ad singulos ciues, remque eorum, imperio magistratus, extra ordinem peruenit: & sic ad ciues dicit commodum peruenire, non ad alios, quibus non sunt præpositi magistratus, & illis stipulari non possunt, vt dictum fuit de sacerdotibus. abundè scripsi in d. §. munus. & hoc est in magistratibus inductum, quia eorum officium est publicum. Nam sicut sacerdos est præses animarum, sic & magistratus iudiciorum, nec propter vnum sunt instituti, sed propter vniuersos. vt d. §. munus. licet quidam deuorent populum, vt cibum panis.

Priuatum ius tripartitum est: Collectum est enim ex naturalibus præceptis; aut gentium, aut ciuilibus. ] Rodolphus Agricola lib. 2. c. 5. de inuentio. Dialect. dicit Vlpian. hic diuississe ius priuatum, in naturale, gentium & ciuile, quasi ius publicum non sit, nec naturale, nec gentium, nec ciuile, sed occupationibus detenti Iuriscō. hæc reliquerunt.

Blondus verò de Roma triumphante lib. 4. dicit in hoc text. esse primum ius, non priuatum, collectum enim est hoc primum ius ex naturalibus præceptis, gentium, aut ciuilibus: tamen in Pandectis Florent. habetur, priuatum, & hoc verius videtur. Nam postquam Vlpianus definiuit publicum, ita vult hic definire priuatum.

Franciscus tamen Conanus tantum ius ciuile diuidi ait, & naturale ac gentium, publicum non esse: sed ego dicerem ius publicum consistere in sacris, sacerdotibus, religione & aliis: & ista iuris sunt naturalis, vel gentium. Ergo ius publicum collectum erit ex

naturalibus, gentium, & ciuilibus præceptis, sicut priuatum, & hoc publicum, tanquam notorium, Iuriscō. aliter non diuidit.

Item, si quis legatum hostium pulasset, contra ius gentium id commissum esse existimatur, quod publicum est, quia sancti habentur legati. Pompon. in l. fin. ff. de legation. l. sanctum. de rerum diuissio. & Vlpian. ait: testamenti factio publici, non priuati iuris est, ideoque forma eius priuatorum pactis non læditur. l. iij. ff. de testam. & testamentum à iure gentium dicitur. per Bart. in l. interdum. ff. de condiç. indeb. amplissimè Barba. in rub. de testam.

Ius etiam ciuile quoddam, publica respicit, quod in muneribus publicis consistit, vt in toto titulo de munerib. & hono. & maximè in l. honor. ibid. & iurisdictiones publici iuris sunt. l. j. & per totum. ff. de iurisd. omn. iud. & ne quid in loco publico fiat. ff. & leges publicas vocat Caius in l. fin. ff. de colleg. illic. Et sic ius publicum collectum esse videtur etiam ex naturalibus præceptis, & gentium, atque ciuilibus. Nam ius naturale præcepta quædam obtrinebat, vt non facias aliis, quæ tibi fieri non vis. c. j. distin. j. & procreatio liberorum, atque educatio. Ex his ergo, & aliis iuris naturalis, & gentium præceptis collectum est hoc ius Romanum, siue publicum, siue priuatum sit.

*Legatum hostium impune pulsari non potest.*

*Ius publicum quomodo tripartitum sit.*

#### S V M M A R I A.

- 1 Matrimonium quomodo dicatur esse de iure naturali, gentium, ciuili ac diuino.
- 2 Matrimonium rescindatur altero ad procreationem adepto.
- 3 Iura naturalia non possunt à Principe vel consuetudine tolli.
- 4 Legitima tolli non potest, licet ex causa minuatur.
- 5 Filius à patre alendus statim atque natus est.
- 6 Parentum educatio non est de iure naturali.

§. Ius naturale est, quod natura omnia animalia docuit.

Hic naturam pro Deo, seu naturæ instinctu accipi posse multi asserunt, variatur autem hæc significatio pro materia, vt docent hic interpretes. & scripsi in interpretatione l. vnic. in verbo, quantitatè, vel naturam. C. de senten. quæ pro eo quod interest, & plenius in l. creditores. ff. de verb. sign. hoc ergo ius nobis innascitur, à naturæque accipitur, & eo, sine alio hominis ministerio, imbuti sumus. Nam hoc ius naturale, sine aliqua constitutione, habetur ex instinctu naturæ. c. ius naturale. j. distin.

Aduertendum est Vlpian. hic non dicere coeundi appetitum, bibendi, comedendi, vel nocendi ius esse, prout Valla arbitratur, sed ius naturale vocat, quocætera quoque animalia edocta sunt, vt liberorum procreatio, & illorum educatio. Nam homines & bestia ista communia inter se habet, & propria sunt omnium animalium. vnde Cicer. j. Offic. ait: Commune autem omnium animantium est coniunctionis appetitus, procreandi causa, & cura quædam eorum, quæ procreata sunt. licet aliter accipere videatur Gratian. ius naturale. in c. humanum genus. j. distin. & sitne rationis aliqua vis in bestiis, & an plus habeant terrestres, an aquaticæ, scribit Plutarch. in suo pulchro Dialog. de industria animal.

Nam



Nam ius istud non humani iuris proprium est, sed omnium animalium, quæ terra, marique nascuntur. auium quoque commune est.] Sic habetur in Pandect. Florent. sed in exemplaribus antiquis ita habetur. Nam ius istud non solum humani iuris proprium est, sed & omnium animalium, quæ in cælo, terra, mariue nascuntur. Et in idem ferè ista recidunt. Sed in cælo dicit propter aues, quæ in arboribus, id est in aëre nidificant, & ibi nascuntur. Et sic frequenter exponitur in hoc iure cælum pro aëre. Vlpian. ait in l. 2. ff. pro suo, ibi, est species possessionis, quæ vocatur pro suo, hoc enim modo posidemus omnia, quæ mari, terra, cæloque capimus, & l. si cuius, alias est l. æquissimum. §. proinde. de usufruct. l. si apes. de furt. l. fin. de seruit. & alibi frequentius.

Et licet quidam arbitrentur abusum Vlpian. hoc nomine iuris, respectu bestiarum, cum ius ad rationem pertineat, quæ bruta carent: tamē ego putare proprie Vlpian. usum fuisse iuris nomine, non pro ratione (ut ipsi arbitrantur) sed pro vi insita naturæ. Nam ius hoc naturæ respicit ipsam naturam, & idem est, ac si Vlp. dixisset, ius naturæ est, sicut dicimus ius pascendi. l. i. ff. de seruit. rustic. prædio. ius sepulchri. l. ius sepulchri. C. de religios. ius ergo naturæ est, quod natura omnia animalia docuit. Nec dicit Vlpia. hic, ius brutorum, sed ius naturæ, seu naturale, quod est proprium humani iuris, & omnium animantium. Et hoc ius Romanum fuit collectum ex illius præceptis, naturalibus, gentium & ciuilibus.

Item in Pandectis Florent. abest dictio (solum.) Et sic videtur negare ius naturale esse proprium iuris humani, verum enim uero id est, cum dictionem, non, sequitur dictio, sed, frequentius accipitur pro, non solum, ut probaui plenè. ff. de verb. signific. in l. hæc verba quanti.

Hinc descendit maris & foeminae coniunctio, quam nos matrimonium appellamus.] Ex hoc iure naturali descendit coniunctio tam maris, quam foeminae, & brutorum etiam inter se: sed coniunctio nostra non fit, nisi approbata fuerit ab Ecclesia, quam matrimonium appellamus, & alia coniunctio animalis potius, quam legitima est. Et licet, per hunc text. dicant quidam, iure naturali esse coitum, & sic prohiberi non posse, tamen toto cælo errant. Nam appetus iure naturali veniunt, & illa coniunctio, etiam sine coitu; animata enim antequam coeant, coniunguntur, sic & homines: sed antequam hi coeant, Ecclesiæ auctoritas coniunctionem factam probare, & confirmare debet, alias non coniugium, sed contubernium dicitur. c. sanè. 2. de cler. coniugat. l. cum ancillis. C. de incest. nup. Licet sine coitu sufficiat inter homines solus coniungendorum consensus. c. sufficiat. xxvij. q. ij. & l. nuptias non concubitus, sed consensus facit. ff. de reg. iur. Tamen facta coniunctione animorum, solet fieri coniunctio corporum, ideo de illa etiam iste text. potest intelligi quoad homines, sed quoad animalia coniunctio est tantum corporum, ut asserit Barb. in rubr. de testa. col. x. numer. 3. vnde inferri potest coitum, qui non fit procreandæ sobolis gratia, non esse secundum naturam, ob id vitiosum: quod probat Ambrosius super Luc. sic scribens. Qui non causa procreandæ sobolis, sed explendæ libidinis sibi inuicem copulantur, non tam coniuges, quam fornicarij videtur. & c. nerui. xij. dist.

Et sic dicemus, matrimonium quoad illam coniunctionem, de iure naturali esse: fuerunt enim coniuncti Adam & Eua in Paradiso. Genes. 2. c. in fi. sed ibi opera carnis non exercuerunt. ut patet c. seq. ibid. & c. iij. dicitur etiam matrimonium de iure gentium, quia ab eo receptum est, teste Accurs. vel quia consensu contrahitur, sicut alij contractus: de iure vero ciuili dici potest ratione formæ, quæ ius ciuile ei præbuit. Est etiam de iure canonico, quantum ad approbationem. ut docet Panorm. & alij in rub. de sponsal. Sed est de iure diuino, prout est sacramentum, & quoad institutionem. Ang. in §. j. de iure natur. in Instit. & Genes. ij. c. Contractus autem dotis est de iure gentium, sicut alij contractus. l. eas. ff. de capi. dimi. iunct. Lex hoc iure. ff. de iustit. & iur. hoc asserit Bal. nouel. in tracta. de dote. j. parte. q. iij. Contractus vero arrarum est de iure ciuili. ut l. fin. C. de sponsal. & arris. Bart. & alij in rub. ff. solut. mat. dicitur fusius in l. ex hoc iure, infra cod. & quæ proueniat ex his utilitas.

Ex hoc constat coniunctionem maris & foeminae licitam eo iure, cum instrumento, naturali fuisse. viri autem ad virum, vel mulieris ad mulierem, non iure hoc probari, satis apparet. Et contra naturam esse docet, diuus Paul. Rom. j. c. ibi. *Feminae immutauerunt naturalem usum, in eum usum, qui est contra naturam, & masculi cum masculis.* & Iust. in auth. ut non luxuriarentur contra naturam. collat. vj. ca. si quis. de penitentia. dist. j.

Et sic coniunctio illicita, est reprobata hoc iure naturali, de qua proximè dictum fuit; verum quia rara erat eo iure coniunctio illicita, ideo iure gentium & ciuili postea illicitæ multæ factæ sunt coniunctiones. ut in titu. de sponsal. & de rit. nupt. & de nupt. ac etiam de iure canonico certi gradus prohibiti sunt, ut in titu. de consang. & affi.

Hinc liberorum procreatio.] Naturalis ergo est liberorum procreatio. vnde Arist. ita scribit. li. j. Oeconom. c. iij. Societas enim maximè est secundum naturam, maris & foeminae; est enim impossibile foeminam sine mas, aut mas sine femina hoc adimplere, quare eorum societas necessitate constituta est. Enimvero in cæteris animalibus, absque ratione, id fit, & in quantum natura capacia sunt, & procreandi gratia solū: in homine maximè id conspiciatur, quod non essendi causa solent, verum etiam bene essendi. ut habet communis versio Leonhard. Arerini.

Mas & foemina inuicem ope coniunguntur, filiosque procreant, non solum ut id naturæ tributum ferant, verum etiam commoda inde suscipiant. & Calistrat. in l. liberorum. in fi. ff. de verb. signific. sic ait: *Na ura nos quoque parentes docet pios, qui liberorum procreandorum animo & voto uxores ducunt, filiorum appellatione omnes, qui ex nobis descendunt, contineri. Etenim idcirco filios, filiusue concipimus, atque edimus, ut ex prole eorum, earumque, diuturnitatis nobis memoriam in auium relinquamus.* & alibi idem ait Arist. in Oecono. libr. ij. c. ij. Quid sanctius esse potest, aut circa quæ magis studeret vir sana mentis, quam ex optima, laudabilissimæque muliere filios procreare, senectutis pastores, quasi optimos, ac reuerentes patris, matrisque custodes, ac totius domus seruatores, educati siquidem rectè à parētibus, per sanctos & iustos mores, boni meritò euadent: contra verò si fiat, sentient detrimentum. Et alibi libr. ij. de anima ita scribit.

Hac

Nomē iuris quomodo ab Vlpiano usurpetur.

De matrimonio.

Aristotelis preclara sententia de coniunctione maris & foeminae.

Coitus vitiosus.



Hæc enim operatio, maximè omnium operationum, viuentibus est naturalis: viuentibus inquam hisce, quæ sunt perfecta, non membris capta, quæque non sine semine oriuntur: vnumquodque inquam, aliud sibi simile procreare: animal quidem, animal: planta autem, plantam: vt sint semper hoc pacto, conditionemque subeant diuinam, id enim ipsum appetunt vniuersa, gratiaque ipsius omnia agunt, quæcumque secundum naturam aguntur.

*Matrimonium sub conditione, si euites generationem prolis.*  
2 Itaque non valet matrimonium sub conditione contractum, si generationem prolis euites, quia est contra naturam, & substantiam matrimonij. c. fin. de condit. apposit. Etiam rescinditur, si alter sit ad procreationem ineptus, vtpote frigidus, vel castratus. vt in tit. de frigid. & malef. declaratur.

3 Ex prædictis inferunt Doctores, quod ista naturalia non possunt, etiam à principe tolli. §. sed naturalia. de iure natur. in Inst. Etiam non valet consuetudo contra ius naturale. c. fin. vbi Cuius abundè. 3. not. de consuet. Ideò non valet laici constitutio, disponens super matrimonio, cum sit iuris naturalis, & ad ecclesiam spectet, & iure poli, non iure fori regatur. vt ait diuus Greg. in c. Euphemium. ij. quæst. iij.

Nec quidem valent leges Laicorum editæ super matrimonio, vt plenè decidunt Doctores. in c. ecclesia. de constit. Præpositus & Felin. in cap. j. de sponsal. & Curt. consi. 27. magnificus. j. quæstio. Alibi fortè plenius tractabo. Multa de his scripsi in proœm. consti. Reg. & Arist. in Ethic. c. 7. lib. 5. declarat quando ea quæ naturalia sunt, mutari possint.

Hinc educatio.] Animalia foetus suos educant, sic & homines: & eadem vis naturæ est generandi, & nutriendi, vt ait Arist. Educatio etiam, à iure ciuili parentibus præcipitur. in tit. de liber. agnos. & educan. ff. & Arist. vbi supra ait. valentes enim ipsi, imbecilles suos, labore tuentur, & alunt: mox imbecilles, ob senium facti à valentibus eadem reportant, & simul natura per hunc circuitum adimplet perpetuitatem, & quandam (vt ita diximus) sempiternitatem: ex quo, secundum numerum non potest, at secundum speciem, sic enim diuina prouidentia vtriusque natura ordinata est, viri scilicet & mulieris ad societatem, tendunt enim eorum omnia in idem vtilitatis. & idem lib. 4. Politico. c. 9. ait. Circa educationem puerorum, apud Lacedæmonios pari modo, diuitum filij educantur, ac pauperum, & erudiuntur per eum modum. in nullo enim magis conspicuus diues, quàm pauper: vestitu etiam tali diuites vtuntur, qualem & pauperum quiuis habere potest.

Etiam Plato ait: Ne mireris, si vnumquodque animal foetus, seu germen suum, natura colit: hoc enim studiū, hic amor cunctis inhaeret, genus suum æternum efficiendi gratia, quinetiam vnumquodque animal pro suis foetibus fortiter dimicat.

Ex quo patet sollicitudinem acquirendi nobis alimenta, & illa quibus tegamur, ac habitationes, & alia ad vitam necessaria esse iuris naturalis, etiam per ea quæ scribit Cice. j. Offic. Principio generi animantium, &c. dixi in l. victus. & l. quos nos. ff. de verb. sig.

Et ideo puniri debent negligentes, & validi mendicantes, qui non quærunt ea, quæ ipsis necessaria sunt, operando. vt in tit. C. de mendic. valid. lib. xj.

Consistit etiam hoc ius naturale in sui conseruatione, vt declinet quisque ea, quæ ei nocitura videntur, vt etiam docet idem Cicero, quod duobus mo-

dis fieri potest. Primò, vt vim & iniuriam propulsemus. l. vt vim. infra. Secundò, per cautionem aduersus dolum. Nam & feræ bestię se colligunt, vt boues, porci & aliqua alia animalia ad impetus repellendos, & vt sibi ipsis caueant: sic multæ cautiones à iure ciuili introductæ sunt. vt est in tit. de Prætor. stipula. & iudica. solu. & Instit. de satisfat.

Ex hoc inferunt quidam, legitimam de iure naturali introductam, nam datur filio, vt se alat, & sic dicunt non posse tolli per statutum: sed dicite legitimam secundum naturam deberi, sed lex partem distribuit, ac necessitatem præstandi statuit. text. in §. primum itaque. in auth. de hæred. & falcid. colla. j. Et interpretes dicunt legitimam deberi de iure ciuili dictante ratione naturali, quod ferè in idem recidit. Dyn. in Reg. indultum. de reg. iur. in vj. plenè Dec. & ibi in additio. ad eum. in reg. iura sanguinis. ff. de reg. iur. text. in l. hac edictali. versic. si verò. ibi, ita tamen vt quarta pars, quæ iisdem liberis debetur ex legibus, nullo modo minuatur. C. de secund. nupt. Itaque educatio liberorum est naturalis quoad institutum, quia natura instigat etiam animalia, ad educandum foetus, sed ius ciuile imponit necessitatem patri alendi liberos, nisi sint ingrati, vel aliunde se alere possint, & in aliis quibusdam casibus necessitatem remittit. l. si quis à liberis. §. idem iudex. ff. de lib. agnoscen. inde legitima tolli non potest, sed ex causa minui, quia de iure ciuili fuit taxata, & sic illa taxatio minui potest, seu tolli, sed si certa illa pars tollatur, remanebit tamen illa naturalis educatio hinc statuta, quid enim esset si omnino legitima tolleretur? nunquid ratio naturalis, extingueretur? quod fieri non potest, & pater sic induceretur ad necandum filium, denegando illi alimenta. l. necare. ff. de lib. agn. Doct. in auth. nouissima. C. de inoff. testam. de Rota decis. xvij. fuit dubitatum. in not. Et ista veriora, & æquitati magis consona videntur, quicquid interpretes super hoc dicant, & probatur ista sententia. in ca. Raynurius, de testam.

Imo etiam docet Bald. filium alendum à patre, etiam si consumpserit partem suam, dum tamen hoc non fecerit dolo, vel lata culpa: vt dicitur de filio prodigo in Euangelio. & facit l. Imperator. ff. de stat. homi. quia educatio est iuris naturalis: vt hinc idem Bald. in authen. contra cum rogatus. col. ij. C. ad Trebell. Decius in d. l. iura sanguinis. col. ij. ff. de reg. iur. Hyppol. singul. 104. patet.

5 Etiam tenetur pater alere filium, statim atque natus est, prouidendo ei de nutrice. Nam tunc est maior necessitas, quàm postea, alioqui si illum exponat, ius filiationis perdit. l. j. & ij. C. de infan. expof. Et si mater voluerit filium alere, tenetur quoque pater alere matrem, quæ lactat filium, & illi de necessariis prouidere, & ita debet intelligi glo. in l. penult. C. de patr. potesta. & in c. fin. de conuersi. infidel. quæ dicunt matrem teneri lactare filium, verum expensis patris, si subuenire ei possit: vt Doct. notant in l. alimenta. C. de negot. gest. & d. l. pen. non probat contrarium. Nam ibi ponitur factum de maiori trimo, an possit alimenta petere, sed non negat quin antea etiam peti possit, id est, ante trienniū, & hoc seruatur quando pater est diues, & potens ad hoc faciendum. Bolog. consil. x. Romanus.

6 Et sic liberorum educatio est de iure naturali, parentum verò non, sed ex pietate procedit. l. nam & si naturali

Legitimam  
quo in  
beatum

4

Filius pro  
dignus a  
tre alendus

Pater ex  
pensis  
perdit  
filiationem



parentibus. ff. de inoff. testam. Etiam quadam ratione naturali, vt bene faciēti beneficiamus. l. sed & si lege. §. consuluit. ff. de petiti. hered. Bart. huius est sententia, quem alij sequuntur. & Cicer. ad Atticum ait, cum parentes non alere, nefarium sit.

Videmus etenim cetera quoq; animalia, feras etiā bestias istius iuris peritia censerī.] Et sic hoc ius natura docuit, tam homines quā animalia, vt censeatur & existimetur peritia iuris huius. Nam sicut viri coniunguntur cum fœminis, & procreant, educantque liberos, sic & cetera animalia faciunt. Nec probo Budæ exponentem, quādam animalia sunt nobis admirationi, vt Elephas. Nam iste text. dicit cetera animalia, & sic non potest de quibusdam intelligi. Ideo Theoph. dicit cetera animalia censerī inter ea, quæ hanc legem obseruant. Et sic intelligere poterimus, cetera animalia censerī, reputari, & existimari peritia huius iuris, atque naturam exercere, sicut homines: videlicet procreare, educare, & alia facere, quæ natura ipsa docet. Videmus & animalia adeo hanc seruare naturam, vt perita in hoc iure videantur, & text. dicit censerī, diceret non esse, vt quandam ostendat improprietatem. de hoc verbo, est l. final. ff. de suis & legi. scripsi abunde in l. censerī. ff. de verbor. significat. alij exponunt, censerī, pro referri, sed sensui text. vix conuenire potest, ne plura.

## S V M M A R I A.

- 1 Ius gentium quomodo ius naturale vocetur.
- 2 Quomodo à naturali iure dicatur recedere.
- 3 Ius naturale dupliciter consideratur.
- 4 Secundarium ius naturale, dicitur naturalis ratio, & ius hominum, seu gentium, seu æquitas naturalis. 3. 4.
- 5 Plura gentium iura in lege expressa, non inveniuntur.

§. Ius gentium est, quo gentes humanæ vtuntur: quod à naturali recedere licet facile intelligere: quia illud omnibus animalibus, hoc solis hominibus inter se commune est.

**I**Ta habetur in Pandectis Floren. Sed apud Blondum, vbi suprà, scribitur, quod à naturali procedere, inde facile intelligitur, quia illud omnibus animalibus, hoc solis hominibus inter se conuenit, seu commune est. Nec videtur absurda Blondi sententia: Nam ius gentium verè à naturali ratione procedit. l. j. ff. de acquir. rerum dom. in eo quod omnibus hominibus cōmune est, sicut naturale omnibus etiam animalibus, atque ius gentium naturale vocatur. §. singulorum. & §. venditæ. de rerum diuis. in Instit. & apud Cicer. lib. 2. de Legib. ac lib. 2. de Inuen. hoc ius naturæ vocat, ergo à naturali ratione non recedit, sed procedit, alioqui non vocaretur naturale, si ab eo recederet. Nam recedere, est omnino discedere, vt recedere à societate. l. actione. §. pen. ff. pro socio. & à priore contractu recedere. in l. pacta. de contrah. empti. scripsi in l. cedere diem. ff. de verb. signific. Item dicit text. in c. ius naturale. j. distin. ius naturale

est commune omnium nationum, eò quod vbique instinctu naturæ, non constitutione habetur aliqua, vbi ponit exempla iuris gentium, vt pote communis omnium possessio, acquisitio eorum, quæ de cœlo, terra, marique capiuntur. Item deposita rei, vel commodata, pecuniæque restitutio. Et sic ius gentium procedit à naturali, non autem recedit, alioqui illa exempla non essent communia.

Ego dicerem vtroque modo intelligi posse. Nam 2 & recedere dicitur à naturali iure, eò quod naturale est commune omnibus animalibus, hoc verò ius gentium hominibus solis. sic scribit Vlpian. inferius, ius ciuile esse, quod neque in totum à naturali iure, vel gentium recedit, neque per omnia ei feruit, & sic in hoc text. dicitur recedere à naturali iure, non à ratione naturali, imo cum illa dicitur conuenire, vt superius dictum fuit: docetque Bald. hoc ius distare à naturali, sicut distat cerebrum hominis, à cerebro animalium: posuit enim Deus in homine cerebrum (membrum diuinum) vbi sensus & intellectus, at animalia intellectum non habent, sed quendam instinctum.

Nos autem videamus, si fortè dici possit ius naturale dupliciter accipi, in genere & in specie: in genere est illud, quod est commune omnibus & hominibus, & brutis, de quo fuit dictum, & generale vocari potest: alterum speciale seu in specie, quod ius hominum seu gentium nominari potest, quod naturalis ratio apud omnes gentes introduxit. l. omnes. infra. quāuis illud ius interpretes vocēt naturale primum, hoc secundarium. sed quocunque vocetur nomine, naturale tamen dicitur. in §. singulorum. & §. venditæ. de rerum diuisio. in Inst. Ex hoc dicitur 4 naturalis ratio. l. cum ratio naturalis. ff. de bon. damn. & æquitas naturalis. l. j. ff. de pact. l. j. de constit. pecu. vnde Iustin. scribit. Quod verò naturalis ratio inter omnes gentes constituit, id apud omnes populos per æquē custoditur, vocaturq; ius gentium, quasi quo iure omnes gentes vtantur. §. ius autem ciuile. de iure natur. in Inst. l. j. de acquir. rer. dom. & Grat. j. distin. sic scribit: Ius naturale est commune omnium nationum, eò quod vbique instinctu naturæ, non constitutione habetur aliqua.

Duo ergo habentur in hoc iure, & quod naturalis ratio interueniat, & apud omnes gentes seruetur: si apud aliquos in vsu tantum sit, ius erit ciuile, quod ius inferius prosequemur fusius. diuidam hoc ius gentium, in l. manumissiones, infra.

Et per istum text. videntur errare, qui diuidunt hoc ius gentium in primum & secundarium, vt primum in religione consistat, alterum exigentē necessitate hominum inductum sit, vt contractus. Lex hoc iure. infra eod. Nam hic vnum est ius gentium, non plura. Et si vellemus distinguere in quolibet statuto vnum ius, essent infinita iura, ob id vnum tantum esse diuersis temporibus statutum ius arbitror. & idem habetur in §. ius autem. de iure natur. in Institut. in lege non inveniuntur plura iura gentium expressa, ideo erubescimus sine lege loqui. l. dissentientis C. de repud. Adhæc nulla, aut admodum parua est vtilitas ista sic diuidere: ideo curiosis ea nunc relinquam. vide tamen quæ dicam. in l. manumissiones, inferius.

Exempla  
iuris gentium.

Ius gentium  
non diuiditur.



## S V M M A R I A.

- 1 Regnorum destructio propter quos adueniat.
- 2 Obligatio filij propter valetudinem patris differenda.
- 3 Locatio quando reuocetur.
- 4 Patrie defensio parentibus est preferenda.
- 5 Patrie charitas ceteras omnes vincit charitates.

## LEX II. POMPON. LIB. SINGULARI ENCHIRIDII.



**Eluti erga Deum religio, vt parentibus, & patrie pareamus.**

*Deorum cognitio omnibus insculpta.*

Postquam superius Iuricons. quid sit ius gentium declarauit, nunc præbet exemplum in religione erga Deū: nulla enim gens est, quæ Deum non cognoscat creatorem suum. Nam vt Cicero ait in ij. lib. de natura Deor. Omnibus innatum & quasi insculptum, esse Deos. & idem j. Tuscul. Nulla est gens tam fera, nemo omnium tam immanis, cuius mentem non imbuerit Deorum opinio. & secundo de Legib. Sit hoc à principio persuasum hominibus, dominos esse omnium rerum, ac moderatores Deos: eaque, quæ gerantur, eorum geriditione, atque numine, eosque optimè de genere hominum mereri: & qualis quisque sit, quid agat, quid in se admittat, quā mente, quā pietate colat religionem, intueri: piorumque & impiorum habere rationem. & in primo de natura Deorum. Quis est tam vecors, qui cū suspexerit in cælum, Deos esse non sentiat, & ea quæ tanta mente fiunt, vt vix quisquam arte vlla ordinem rerum, atque vicissitudinem persequi possit, casu fieri putet? Dij semper fuerunt, nati nunquam sunt, æterni sunt futuri: si qui autem sint qui Deum nesciant, sunt potius pecora, quàm homines, & isti in lege naturæ peccant: idè à Papa corrigi possent, imò omnes homines contra istos Atheos armari gladio, & illos exterminare deberent, propter quos regnorum destructio venit, bella, & omnia mala, vt pater in lib. Regum. vide quæ Hesiod. in libro *ἔργα καὶ ἡμέραι* scribit, in princip. de hominum diuersitate:

*Muse Pi-rides, celebres carminibus istis,  
Dicite cur homines inter, sit nobilis ille,  
Conspicuisque, hic obscurus, Iouis illa voluntas  
Nam facile extollit, facile elatūque refranat,  
Et clarum obscurans, obscuri nomen adauget,  
Erigit & miserum, facile extinguitque superbum  
Iuppiter a titonans: superas quas habitat arces.*

Et Dauid Psal. 112. Suscitans à terra inopem, & de stercore erigens pauperem: vt collocet eum cum Principibus, cum Principibus populi sui.

Vt parentibus.] A gentibus introductum dicitur, vt filij obediant parentibus, & sic patri & matri ac superioribus, cum hi appellatione parentis contineantur. I. appellatione parentis. vbi dixi. ff. de verb. significatione. & Cicer. pro Planc. inquit, his verbis: Parentem, vt Deum vereri, atque non multò secus, ac parentes, liberos amare debemus.

*In illicitis non obtemperandum parentibus*

Limitatur tamen in illicitis, nam his verbis fatur Hiero. Si de minus ea iubet, quæ non sunt aduersa sanctis Scripturis, subiiciatur domino seruus: si verò contrari præcipit, magis obediat spiritui, quàm corpori domino: si bonum est, quod præcipit Imperator, iubentis exequere voluntatem: si malum, responde. Oportet Deo magis obedire, quàm homini-

bus. hoc ipsum, & de seruis apud dominos: & de vxoribus, apud viros: & de filiis, apud patres, quòd in illis tantum debeant dominis, & viris, parentibusque esse subiecti, quæ contra Dei mandata non sunt. c. si dominus. & seq. i. q. 3.

Restringitur etiam, quando filius esset alteri obligatus ad seruiendum, fortè cordoni, vel alij artificij per certum tempus, vt disceret artificium. quia patri volenti eum reuocare, parère non tenetur. teste Alberi. hîc, quia non potest pater dissoluere obligationem filij propria voluntate, cum filius sit iam obligatus, & sine patre obligari ferè potest. I. tam ex contractibus. infra de iud. l. filiusfamil. de actio. & obligation.

Hoc putarem verum esse, quando pater necessario non indigeret opera filij, alioqui si pater valetudine aduersa detineretur, & non haberet, qui seruire illi iuste posset, dicerem obligationem filij differendam, & patrem reuocare posse, hoc casu, filium, quousque cessaret causa, & postea filius posset obligationi suæ deseruire. Nam parère patri est de iure naturali, vt dixi, quod ius gentium vocamus, & est præceptum Dei, cui filius non potest contravenire. Et quæ de nouo emergunt, nouo indigent auxilio. l. de atate. §. ex causa. ff. de interrog. actio. Et sicut si de nouo indigeat quis re locata, reuocatur locatio. l. æde. C. loca. sic & hoc casu, quando impedimentum patris esset perpetuum, differendum esset seruitium artificis. Et ita videntur conciliatæ sententiæ interpretum contrariæ.

Et patrie pareamus.] Collige ciues teneri parere patrie, quia Vlpian. ait, partum alendum esse, qui non tantum parenti, cuius esse dicitur, verum etiam reipubl. nascitur. in l. j. §. & generaliter. ff. de vent. in possessio. mitter. quem tex. sing. dicit Ias. in §. pœnales. nu. 69. de actio. in Instit.

Iste text. debet intelligi, tam de patria originis, quàm domicilij. l. iij. C. de natural. liber. l. si non speciali. C. de testa. & ibi doctor. & in l. ciues. & l. si patria. de incol. lib. 10. Bart. & alij in l. j. & l. assumptio. & l. nihil. ff. ad municip. & Cicer. de Legibus, scribit: Ego & Catoni, & omnibus municipibus, duas esse censo patrias, vnam naturæ, alteram ciuitatis.

Et prius parendum patri quàm patrie, probat iste text. argum. ab ordine assumpto, & hoc est verum, quādo agitur de commodo pecuniario: potius enim filius commodum parētis, & pro eo postulare, quàm pro rep. tenetur. l. penulti. ff. de postul. vt hîc Claud. Aquen. asserit, quia alere patrem suum, potius quàm rempublicam debet. l. nam & si parentibus. ff. de inoffic. testam.

Sed si agatur de magno reipublicæ detrimento, vel de illius peremptione, destructioneue, eo casu respublica erit preferenda parentibus, quia maius commodum versatur in illa tuenda, cū parens in consequens etiam tueatur. Et disciplina castrorum antiquior fuit parentibus Romanis, quàm charitas liberorum. Paul. in l. postliminium. l. 2. §. filius. ff. de capt. vnde Marcel. ait: Minimè Maiores lugendum putauerunt eum, qui ad patriam delendam, & parentes, & liberos interficiendum venit: quod si filius patrem, aut pater filium occidisset, sine scelere est, etiam præmio afficiendum, omnes constituerunt. l. minime. ff. de religio. pulchre Iacob. Rebus. in l. fi. C. qui morbo se excus. lib. 10. & plenè docet Ioan. Raynaud. &

*Patria duplex.*

*Patri quādo potius parendum quàm patrie.*



naud.& Bald.in §.firmiter. de prohibita feudi alien.  
per Federic.& §.fin.

Ait etiam Cicero scribens ad Attic. Pro patria, &  
in patria mori præclarum est, & in lib. de Finib. Bo-  
5 norum, patriæ charitatem, cæteras omnes vincere  
charitates. docet & chariorem esse patriam nobis,  
quàm nosmetipsos, & in libello de Somnio Scipionis  
ait: Omnibus, qui patriam conseruarint, adiuuerint,  
auxerint, certum esse in cælo ac definitum locum,  
vbi beati æuo sempiterno fruuntur. De pietate erga  
patriam multa exempla adfert Valer. Maxim. lib.5.  
& Rhetores, ad quos te reicio.

## S V M M A R I A.

- 1 Defensio à Papa, vel alio Principe, à lege, vel consue-  
tutine tolli non potest.
- 2 Limitatur.
- 3 Periculum instans & armorum terror declarant vim.
- 4 & 5 Defensio tam personæ, quàm rerum quousque  
extendatur.
- 6 Vim alteri illatam quando repellere quis teneatur.
- 7 Apparitor volens prehendere furem, potest præci-  
pere laicis vt eum adiuuent, & si non pareant,  
possunt puniri.
- 8 Defensio contra quos non admittatur.
- 9 & 10 Occidere impune quos liceat.
- 11 Vis à magistratu illata, non est repellenda.
- 12 Limitatur.
- 13 Iudex excedens modum in puniendo, tribus casibus  
in regno Franciæ punitur.

## LEX III. FLORENTINVS LIB. I.

## INSTITVTIONVM.



T vim atque iniuriam propulse-  
mus. Nam iure hoc euenit, vt  
quod quisque ob tutelam corpo-  
ris sui fecerit, iure fecisse existi-  
metur: & cum inter nos cognationem quandam  
instituerit natura, consequens est homi-  
nem homini insidiari, nefas esse.

Hic Florent. Iuriconsf. aliud exemplum adiicit:  
Iuriscētium, videlicet, vt propulsemus vim, id  
est, impetum ac violentiam nobis ab alio illatam. &  
docet Paul. in l. 2. ff. quod metus caus. vim esse ma-  
ioris rei impetum, quæ vis à maleficio non abest. l.  
seruus. prima. ff. de actio. & obligat. & multiplex est,  
de quibus per glos. in l. prima. & l. extat. ff. quod met.  
caus. scripsi quot modis capiatur in l. liberationis. ff.  
de verbor. signific.

At pugnare videtur text. in cle. pastoralis. circa fi-  
nem. de re iudicat. dicens defensionem iuris natura-  
lis esse, cui conuenit Cicero libro 1. Offi. sic scribens:  
Principio generi animantium omni, à natura tribu-  
tum est, vt se, vitam, corpusque tueatur, caueatque  
ea, quæ nocitura videantur. & in Oratio. pro Milone:  
Et sic defensio non erit iuris gentium. scribit Vlpia.  
in l. j. ff. de vi, & vi armata. sic in §. vim vi repellere  
licere Cassius scribit, idque ius naturæ comparatur.

Respond. defensionem iuris naturalis esse, quia à  
natura est tributum, & hominibus, & animalibus, vt  
se tueantur, & defendant. c. ius naturale. i. distinct. &  
dict. cle. pastoralis. ac l. prima. ff. si quadrupes pauper.

fecit. dicat. sed illud quod est naturæ, quatenus re-  
spicit homines, gētium dicitur, sed non tamen è con-  
trario. l. manumissiones. infra eod. §. singulorum. &  
§. venditæ. de rerum diuis. in Instit. Ideo licet ista de-  
fensio sit naturalis, tamen in quantum respicit ad ho-  
mines, de iure gentium dicitur. vt pulchre scribit  
Imperator. de iure naturali. in Instit. §. sed naturalia  
quidem iura, quæ apud omnes gentes peræquè ob-  
seruantur, diuina quadam prouidentia constituta  
semper firma, atque immutabilia permanent. vbi lo-  
quitur de iure gentium, quod apud omnes gentes  
seruatur, non quod apud animalia custoditur, & tã-  
men vocat illud naturale: sic & hîc ius naturale vo-  
catur gentium, diuina quadam prouidentia consti-  
tutum. Itaque, etiam iure diuino, defensio permessa  
est, quicquid dicat glos. vt inferius probatur. de qua  
defensione gentium hîc vult tractare, non de defen-  
sione animalium. vt in dict. l. j. §. cum arietes. ff. si qua-  
drup. & probat hic text. dum dicit: Atque iniuriam.  
Iniuriam autem hîc accipimus, pro eo quod non iure  
fit. l. sed & si. §. iniuriam. ff. ad legem Aquil. quæ non  
cadit in animalia, vt contra ea iniuriarum agamus,  
vt notum est: quia iniuriandi animum non habent. l.  
si non conuicij. C. de iniur.

Et sic concludemus, defensionem ab ipsa natura  
inductam, & cum ipsa innatam, idè naturalem esse:  
& quod naturale est, si ad homines respiciat, gentium  
dici non est inconueniens. Et à iure, etiam diuino,  
defensio permessa est. Exod. 22. cap. Si effringens fur  
domum, siue suffodiens inuentus fuerit, & accepto  
vulnere mortuus, percussor, non erit reus sanguinis.  
quod Paulus ad Romanos 12. docet: Non vos de-  
fendentes, sed date locum iræ, intelligitur de ira & vl-  
tione. Etiam de consilio est perfectionis, vt si quis te  
percutiat in vna maxilla, præbe illi alteram. vt Matt.  
5. c. docet quoque Diuus Thom. in 2. secundæ q. 64.  
art. 7. & vis illata, & iniuria ab homine homini, est  
de iure gentium.

Ex quo inferitur, defensionem sic inductam, tolli  
à Papa, vel ab alio Principe, nec quidem à lege, vel  
consuetudine, non posse. cap. primo. de causa posses.  
Alberi. in l. omnes. col. 1. C. de Episcop. & cler. Doct.  
in ca. quæ in Ecclesiis. de constit. Bart. in l. omnes  
populi col. 7. ff. de iust. & iure. & in l. cum mulier. col.  
pen. solu. matr. & in verb. & figura. in extra. ad repri-  
miendum. Quomodo in lase maiest. crim. proceda.  
Nisi à iure ciuili inducta fuerit, vt appellatio, se-  
cundum quosdam docto. in rub. de appellat. & idè  
statutum vel constitutio tollens defensionem, debet  
intelligi de ciuili, non de naturali. vt docet Bal. in c. a  
nobis. in fi. de except. ius autem ciuile multas defen-  
sionis species, maxime in iudiciis adinuenit, quas ex  
causa tollere posset in quibusdam casibus, vt probat  
interpretes in c. cum inter. de exceptio. glo. & Doct.  
in c. ex parte. de rescript.

Quamuis autem defensio, vel alia, quæ à iure sunt  
naturalis, tolli non possint. §. sed naturalia. de iure na-  
turali, in Instit. & in summa. §. dist. tamen modificari,  
declarari, & distingui possunt: vt, de seruitute dicitur  
in l. manumissiones. infra. sicut dicitur in cle. ne Ro-  
mani. de elect. Roch. Curt. in c. fi. in glo. 2. de consue.

Atque iniuriam. J Repellere iniuriam nobis  
illatam, est iuris gentiū: quia omnibus gētibus com-  
mune est. iniuria enim dicitur, quicquid non iure fa-  
ctum est, vel fit, hoc est, si contra ius fiat. l. sed & si. ff.

P. Rebuffi Lectura.

B

Quomodo  
iuris gen-  
tium defen-  
sio dicatur.

Defensio  
etiam iure  
diuino per-  
missa.

Vis quid  
dicatur.

Defensio  
est iuris na-  
turalis.

Iniuria  
quid di-  
catur.



ad legem Aquilæ prima. de iniur. & in repellenda iniuria lex virtutis est, non in inferenda. ca. non in inferenda. 3. q. 3. & exponunt quidam Doctor. hinc vim atque iniuriam, id est, violentiam iniuriosam, ergo si non sit iniuriosa, ut, quando est illata à pecudibus, & à furiosis, & dormientibus, non licebit vim repellere, quod est absurdum. ideo iste text. est intelligendus, de iure gentium esse inductum, ut vim nobis illatam ab hominibus, id est, impetum & violentiam repellamus, etiam ut iniuriam, id est, omne id quod non iure fit, propulsare liceat. Nam cum homines rationales sint, quod eis infertur contra rationem, & præceptum: Quod tibi non vis fieri, alteri ne feceris. j. dist. in prin. iniuria est: contra rationem, ergo non iure fit, ideo illud repellere poterunt homines. nec requirit iste text. animum iniuriandi, sicut lex civilis. l. verum. ff. de furt. l. si non conuicij. C. de iniur. ideo si quis te aggrediatur causa tentandi an fugies, & tu occideris eum, iure te fecisse docet iste text. quia eius nesciebas mentem, nec ius gentium animum requirit, qui non potest sciri nisi à Deo. c. erubescant. 32. dist. facit l. j. C. de fidei. ob id sufficit vim illatam esse, ut tueri liceat, & propulsare illam vim: verum, si à pecudibus inferatur, & inter pecudes, erit iuris naturalis: si verò ab hominibus, & inter homines, iuris erit gentium, ut hic.

*Iniuriam  
verbalis  
quomodo  
iure civili  
propulsare  
liceat.*

Et sic non intelligimus hic de iniuria verbali, quam de iure civili propulsare tantum licet, dicendo non esse verum, quod obicitur, vel quod iniuriam proferens mentitur. l. quæ omnia. §. fin. ff. de procura. vbi Bart. Alexand. & alij. ac in l. fin. ff. quod quisque iur. & in l. 3. de liber. & posthum. Sed non est liberum aliam iniuriam verbo inferre contra iniuriantem. ut firmat Specul. in titul. de accusat. §. i. versiculo, quid si vocauit, &c. quem Doctor. hic sequuntur, quia hoc iure vim appellare, non autem verba licet, nec minas, quippe qui vim adhibere non potest, qui minatur, sed iure civili hoc distinguitur. ut per Ioan. Fab. in §. ius autem gentium. de iure natur. in Instit. Bal. in l. j. C. quando liceat sine iudic. se vindi. & per Doctor. hic.

**Propulsamus.** ] Propulsare est procul fugare, & repellere, exponitur in l. sed & partus. ibi, vim vi repellere licet. ff. quod met. caus. Nam quod hic propulsare, text. dicit ibi repellere, & Cicer. in Offic. & de Inuent. propulsare iniuriam dicit.

3 Et sic non debet quis expectare, quod prius percutiatur, sed terror armorum sufficit, & periculum intans l. 3. §. qui armati. ff. de vi & vi arma. aliàs quis non repelleret vim, ut hic licet. Nam fortè ictus primus adeo grauis esset, qui impediret omnem defensionem. ut etiam docet Accurs. in l. 3. §. cum igitur. ff. de vi & vi arma. & l. j. C. vnde vi. vbi fufius interpretes, & Caius scribit: Si latronem mihi insidiantem occidero, securus ero. nam aduersus periculum naturalis ratio permittit se defendere. l. 4. ff. ad legem Aquilæ cum l. seq. vbi, si alium se ferro petentem quis occiderit, non videbitur iniuriâ occidisse.

Excludit etiam iste text. eum, qui semel me est aggressus, & postea fugit, ut eum persequi non debeat, quia tantum repellere vim licet, nisi fortè fugeret, ut acius pugnaret. ut Liuius ostendit in 1. decade libro 1. ab vrbe condit. de Horatio, cæsis duobus fratribus, à Curiatis Albanis.

Nam iure hoc euenit. ] Alij habet, iuri conuenit, sed in idem ferè recidit, scilicet hoc iure gen-

tium procedere, ut quod quisque ob tutelam sui corporis fecerit, iure fecisse existimetur, ut sequitur.

Iurium interpretes hic dicunt, licere occidere hominem, tam pro defensione personæ, quàm rerum, sed hoc non est de iure gentium, quin potius, ut quis se defendat, & quod ob tutelam fecerit, iure factum censeatur: non distinguens, an vulnerauerit, an occiderit, sed defensionem tantum permittit, verum ius civile postea ista discreuit, volens licere defendere, cum moderamine tamen inculpatæ (ut dicunt) defensionis, vel inculpatæ tutelæ: & moderamen in hoc consistere, quando aliter quis personæ, aut famæ, honoris, vel rerum periculum vitare non potuit: aliàs, si hoc euitare poterat, excedit defensionem. l. j. vbi glo. & Doctor. C. vnde vi.

*De moderamine inculpatæ tutela.*

4

Ut quod. ] Intellige quod quisque fecerit, iure fecisse existimetur, quod, hic accipere possumus, pro, quodcumque: Nam quodcumque admissum ob tutelam corporis impune est, vnde si hominem ferro me petentem occidero, securus ero. l. 3. ff. ad legem Aquilæ & ignoscendum est, qui voluit se vltisci prouocatus. l. quicumque. §. si libertis. ff. de bon. liber. & defensor propriæ salutis in nullo peccasse videtur. l. si quis percussorem. C. de sicar.

Quisque. ] Siue masculus, siue foemina, liber. vel seruus, nam hoc articulo, quisque, omnes significari Pompon. ait in l. hoc articulo. ff. de hæredi. instit. docui in l. prima. ff. de verborum significatione. Nam quod attinet ad ius naturale, omnes homines liberi nascebantur. l. quod attinet. ff. de regul. iur. Et quamuis seruus teneatur defendere dominum aduersus alios. l. prima. §. in eodem. ff. de Senatusconsult. Sillan. tamen quando dominus ei iniuriosam adhibet vim, eam etiam repellere seruus potest, & quod ob tutelam sui corporis fecerit, iure fecisse existimatur. quicquid Alberic. & alij dicant.

*Seruus qui do vim contra dominum, sibi illatam, repellere potest.*

Et sic cuilibet permittitur defensio, sit clericus, religiosus, sacerdos, Archiepiscopus, seu quiuis alius. Nam si animalibus defendere se licet, & hominibus licere debet. per argu. à minori ad maius. quod probatur in authent. multò magis. C. de Episcop. & cler. Et religiosis ac clericis permissam esse defensionem, quod hoc iure inter eos nulla differentia tradatur, scribit Panormit. in c. 2. de vita & honestat. clericor. plus dicens, sacerdotem inuasum, dum sacra facit, si se defendendo aggressorem occidat, posse sacrum perficere. etiam hoc permittunt Doctor. in clement. vnic. de homicid. & Felin. in cap. ad audientiam. illo tit. quando defens. necessaria erat.

5 *Defensio cuilibet permittitur.*

Adhæc excommunicatus se defendere potest, qui hoc iure non erat exceptus. cap. cum inter. de excep. vbi dicunt interpretes etiam diabolo defensionem negandam non esse. Nam cum Deus optimus maximus sciat omnia, & nullam defensionem competere sciret, tamen inauditum Adamum condemnare noluit. Genes. 3. c. Deus omnipotens. 2. q. 1. c. qualiter. 2. de accusat.

Ob tutelam. ] Pro defensione & tuitione accipitur, & in l. finali. ff. de oper. public. ibi, pecuniam, quæ in opera noua legata est, potius in tutelam eorum operum, quæ sunt, conuertendam, quàm ad inchoandum opus erogandam. Aliis modis furnitur tutela. ut scripsi in l. Paulus. ff. de verb. signific.

Itaque, factum ob tutelam impune est, secus si ad vltionem: etiam illum solum, qui vim infert, ferire concedit.



concedit. Paul. in l. scientiam. §. sed si defendendi. ff. ad legem Aquil.

**Corporis.]** Ergo factum ob tutelam rerum, non comprehenditur hic, propter hoc verbum corporis. sed forte text. non videtur excludere res: natura enim docet quærere, & quæsitæ, necessaria ad vitam, tueri. Hinc est quod animalia se defendunt & satibula sua, & sine rebus vita non diu consistet, nec vita quis viuet. cap. si quis obiecerit. prima quæst. tertia. glos. in l. aduocari. C. de aduoc. diuersor. iudicio. scripsi in procem. Concorda. in verbo, res nummaria, & seq.

*Modus res defendendi per ius civile.*

*Honor vita equiparatur.*

Verum, ius civile, defendendi res modum præscripsit, aliquando enim eas scindere, vt arbores pendentes supra res meas concessit. l. prima. ff. de arbor. caden. & l. quemadmodum. §. primo. ff. ad legem Aquil. vel nuntiare nouum opus. l. de pupillo. §. meminisse. ff. de no. oper. nuntia. aliq; remedia adinuenit. vt in tit. vtj posside. & de vi & vi arma. & quod vi aut clam. ad l. 3. ad leg. Aquil. & seq. cum l. furem, de fidei. & in tit. quod met. caus.

Honorem autem meum, si quis lædat, ius civile tueri permittit, vitæ instar ipsum honorẽ vitæ equiparans. l. iusta. ff. de manum. vind. l. si adulterium. in fin. de adulter. l. si in duabus. vbi Albericus & alij de regul. iuris. l. infamia. vbi Rebus. de decur. lib. 10. C. glos. & Doctor. in §. suspectus. 2. de suspect. tutor. in Instit. Benedict. in repetitio. cap. Raynautius. in verbo, mortuo. num. 112. de testam.

Etiã quasi possessionem iuris corporalis defendere permissum est, vt si redditus accipere solebam, & alter velit eos recipere, ego resistere potero. c. Pisanis. c. cum venissent. & c. olim de rest. spolia. c. ad audientiam. de præscrip. Io. Fab. in §. ius autem gertium. col. ij. de iure natur. in Instit. Florent. in 3. parte Summæ, tit. 4. ca. 3. Rub. de bello particulari, & quomodo liceat se defendere.

**Sui.]** Ergo quod fit ad sui & proprij corporis tutelam, iure factum existimatur, & sic nõ alieni. Nam natura vix docet alterum defendere, sed seipsum. per istum textum & in l. si quis percussorẽ. ibi, propriæ salutis. C. de fidei. l. scientiam. §. qui cum aliter se tueri non possent. ff. ad legem Aquil.

*Pater potest repellere vim filio illatam.*

Tamen in hac defensione, comprehenduntur filij: vim enim illatam filio, pater iure potest repellere, & illum tueri: quia & fœtus suos animalia naturã tueri. vt l. prima. suprã. Bal. in §. primo. colum. sexta. numer. 25. de pace tenend. & eius viola. & iniuriarum agit pater pro illata filio iniuria. l. prima in fin. ff. de iniur. Nam fictione iuris civilis, pater & filius vna censentur persona. l. finali. C. de impub. & §. ei verò. de inutil. stipul. in Instit. Et pater plus diligit filium, quàm seipsum. l. isti quidem. in fin. ff. quod met. caus. vbi scripsi. Ideo quædam est naturalis vis, vt filius defendat patrem, & contrã.

*Vir potest uxore defendere.*

**Vir uxorem** hoc iure defendere potest, cum sit vna caro, & vnum ferẽ corpus. Genes. secundò cap. Etiam iure civili, maritus iniuriarum, nomine vxoris, agit l. prima in finem. cum l. sequent. ff. de iniur. Nam & ipsa vxor socia diuinæ & humanæ domus est. l. aduersus. C. de crimin. expila. hæred.

Naturalis etiam quidam instinctus, monet proximiores ad defendendum suos consanguineos. Nam Abraham defendit Loth nepotem suum. Genes. 14. Sed hoc magis ius civile docuit, existimans iniuriam

vni consanguineorum factam, alteri factam censeri. l. tertia & quarta. ff. de liber. caus. l. lex Cornelia. de iniur.

Imò etiam, quod fit ob tutelam corporis alieni & extranei, iure factum existimari debet. Nam cum Moyses videret Aegyptium percutientem quẽdam Hebræum, illum occidit, & abscondit fabulo. Et altero die duos Hebræos rixantes cohibuit. Exod. 2. c. & cap. non in inferendo. xxij. quæst. iij. & Salom. ait: Erue eos, qui ducuntur ad mortem. Prouerb. c. 24. & præceptum Dei nos docet diligere proximum, sicut seipsum. & hic text. dicens, tutelam sui corporis permissam, noluit excludere tutelam aliorum, in casu permissio, quod postea à iure declaratum extitit.

*De tutela corporis alieni.*

Et sic, tam de iure naturali, & canonico, per cap. dilecto. de sentent. excommunicat. quàm etiam de iure civili, potest quis etiam vim alteri extraneo illatam, tueri, si hoc sine suo detrimento facere possit. Nam culpa caret, qui non potest prohibere, ergo qui potest prohibere, non caret culpa. l. culpa caret. ff. de regul. iuris. l. prima. §. occisorum. de Senatusf. Sillan. Et pro defensione rerum potest quis amicos conuocare, vt eum tueantur. l. tertia. ff. de vi & vi arma. l. prohibitum. & l. defensionis. C. de iure fisci. fortius pro defensione personæ. Et sicut impunè est, quod fit pro necessaria personæ propriæ tutela, sic & pro alterius tuitione, etiam sine aliquo mandato, quod non requiritur, quando vis inferatur iniuste alteri, secus fortè si ratione honorum inferatur. dicta l. prohibitum. vbi Doctor. & dum Bar. dat consilium, vt tibi facias mandare defensionem, dicas illud mandatum non excusare iniuantes, nisi factum fuerit iuste. Et si homicidium fuerit perpetratum, ad alterius personæ necessariam defensionem, impunitum erit. vt glossa & Doctor. dicunt hic. in hoc tamen regno pars, quæ fuit defensa, impetrabit veniæ literas à Rege, quas vulgò Gallicè, *lettres de pardon*, vocant, pro se, ac sociis, ac complicitibus, & sic seruamus. de iure diuino, ac canonico, peccat, qui manifesto non obuiat facinori. cap. qui potest. & ca. non in inferenda. xxij. q. iij. Ergo quis alium iuuare tenetur.

Sed de iure civili, si quis extraneum non defendit, non punitur. l. finali. C. de action. erapt. Et sic debent intelligi, & conciliari sententiæ contrariæ, vt non teneatur quis defendere alium præcisè, vt si omittat, puniatur de iure civili: nisi acciperet pecuniam, vt defenderet. l. metum in magna. §. sed licet. ff. quod met. caus. Et quando est seruus, vel subditus aggressi. l. prima. §. occisorum. ff. de Senatusconsult. Sillania. vel si acceperit feudum. vt in tit. Quibus modis feudum amittatur.

Sed culpa non caret, qui alium non defendit, si absque periculo personæ hoc facere possit, saltem clamare debet. Felin. & alij in cap. primo de offic. deleg. & c. qui alios. de hæret. Angel. in §. iuris præcepta, de iustitia & iure. Vlpian. in l. j. de Senatusconsult. Sillan.

Imò si apparitor velit homicidam, vel furem prehendere, & is se defendat, potest idem viator præcipere laicis, vt eum adiuuent, qui si non pareant, & homicida euaserit, puniri à iudice poterunt multa arbitraria. l. liber homo. ij. ff. ad leg. Aquil. & probat Masuer. in sua praxi tit. de poenis. §. item si seruiens. l. ij. vbi Ioan. Fab. C. de his qui latro. Luc. de Pen. in l. ynic. q. iij. C. ne rustic. ad vllum obseq. deuoc. lib. 11. P. Rebuffi Lectura.



Fecerit.] Verbum, facere, generale est, omnem omnino faciendi causam complectens. l. verbum, facere. ff. de verborum signific. vbi abundè scripsi. Itaque, si ob tutelam sui corporis alium quis vulnerauerit, crus fregerit, combusserit, calidam aquam fortè proiciendo, vel quid aliud fecerit, securus erit, per istum text. & facit l. prima. §. occisorum. ff. de Senatusconsult. Sillan. & l. si seruus seruum. §. inquit lex. cum §. seq. ad leg. Aquil.

Verbum facere comprehendit etiā non facere.

Comprehendit etiam hoc verbum, non facere. Vnde si aggressus non fugerit, cum posset, iurè etiam facit: idem si aliud non fecit, quia hoc iure gentium non est declaratum, vt fugere aggressus debeat, sed se defendere. l. qui non facit, quod facere debet, videtur facere aduersus ea, quæ non facit. ff. de reg. iur.

Et sic de iure gentium non tenetur quis fugere, sed se defendere potest, verum de iure ciuili, si possit sine dedecore, & periculo euadere, ac fugere debet, & maximè de iure canonico, & diuino: quia Christ⁹ fugit in Aegyptum, vt est in Euangelio. & c. primo. xxij. quæstio. iij. per gloss. in cap. suscepimus. de homicid. Panormitan. in cap. ij. col. j. de vita & honesta. cleric. Alexand. consil. 109. visis. numero 7. in 1. vol. & consil. 119. viso processu. num. 11. in 7. volu. plene Hypol. in practica criminal. §. quoniam. numero 86. cum sequent. & l. j. numero 33. cum seq. de sicar. ff. ac l. furem. ibidem.

Iure fecisse existimetur.] Id est, iustè & rectè, & sic non erit puniendus, qui aliquid ob tutelam corporis sui fecerit. Et hoc iure gentium non fit distinctio, Græci, Hebræi, Latini, aut alterius qualitatis viri: siue is, qui inferat, sapiens, amens, furiosus, dormiensue sit. de quo Bar. hinc videtur dubitare, & tamen iste text. non distinguit personam inferentis vim, sed defensionem permittit contra quemlibet, etiam contra bruta, maximè, quia persona est nobilior quibuscumq; rebus. l. iustissimè. ff. de ædil. edict. & res ad vtilitatem hominum Deus creauit. Genes. ij. cap. & seq.

Defensio contra quemlibet permissa.

Et sic isto iure gentium parua fit discretio, quæ vis inferatur, nisi in quibusdam casibus, vt in magistratibus, patria & aliis, de quibus inferius dicetur. & non queritur, an vis sit iniuriola, vel non. vt Doctor. dicunt, sed hoc de iure ciuili. Nam, qui cum aliter se tueri non possunt, damnum culpa dederunt, innoxij sunt, vim enim vi defendere omnes leges, omniæque iura permittunt. l. scientiam. §. j. ff. ad leg. Aquil. vnde dicit Bald. in l. j. col. iij. numero 17. C. qui accusat. non possunt. ius naturale permittere defensionem per fas & nefas: naturalis enim dulcedo sic insita est. l. qui cum maior. §. j. ff. de bonis libertor.

8 Notandum ergo est, quandam distinctionem ab ipso iure gentium factam, videlicet vt religioni, parentibus, & patriæ pareamus. l. veluti. supra. ergo aduersus hos nō licet defendere, cum parere teneamur: vnde si Papa, Prælat⁹, aut Curio quid præcipiat ex his, quæ ad eorum spectant officium, parendum illis est. vt est in Euangelio: Quæ dixerint vobis facite. & Diuus Petrus ait: Obedite præpositis vestris. & S. Paul. Qui resistit potestati, ordinationi Dei resistit. cap. qui resistit. xj. q. iij.

Item, filij obedire parentibus debent, & non resistere. ad Ephes. ca. 6. Filij obedite parentibus vestris, in Domino. ca. si Dominus. in fin. xj. q. iij. & Exod. 21. Qui percusserit patrē, aut matrem, morte moriatur.

Et castigatio filiorum permixta est patri à iure tam diuino, gentium, & ciuili. Prouerb. 13. Qui parcat virgæ, odit filium suum, qui autem diligit eum, instanter erudit. c. paratus. xxij. quæst. j. & alibi Ecclesiast. 30. Curua ceruicem eius in iuuentute, & rōde latera eius, dum infans est, ne fortè induret, & non credat tibi, & erit dolor animæ tuæ. l. vna. C. de emendat. propin. & in tit. de patr. potesta. quæ emendatio fit, aut verbis, aut verberibus. l. nec quicquam. §. de plano. ff. de offic. procons. nisi pater excederet modum castigationis, tunc resistere posset filius, se liberando à patre: non autem debet percutere patrem, si quoquo modo euadere possit, vt docet Alberic. & alij hinc argum. l. ij. ff. de his qui sunt sui, vel alie. iur. §. sed & quod sancitum. in authent. de nupt. coll. 4. Nec pro rebus debet ei resistere, nisi cum iudicis autoritate. l. ij. C. de patrib. qui filios distaxerunt. l. vna. ne fideiussor. dotium dentur. l. Imperator. ff. ad Trebell. Itaque, cum ius gentium defensionem non permittat contra patriam, idè ius ciuile statuit trāsugam, & hostem patriæ, etiam patrem licere interficere. l. iij. in fine. ff. de sicar. l. minimè. ff. de religiof. facit l. amissione. §. qui deficiunt. de capit. diminut.

Castigatio filiorum per triomniū re permixta.

Item, ius ciuile adhibuit modum, & formam, & tempus defensionis, & quibusdam in consequens defensionem sustulit, eos occidere impunè permittens vtilitatis publicæ causa inspecta. Nam si infidiantem mihi latronem occidero, securus ero. l. iij. ff. ad leg. Aquiliā. idem in agrorum depopulatore, & militiæ desertore. in titulo. C. quando liceat vnicuique sine iudice se vindicare. l. Gracchus. C. de adulter. Modus à iure ciuili adhibetur, vt si armis vis inferatur, armis repellatur. l. iij. §. cum igitur. ff. de vi & vi arma. & in continenti, & non ad ultionem, sed ad defensionem. l. j. C. vnde vi. vbi Accur. pulchre docet. l. extat. quod met. caus. ff.

10

Adhæc, si quis modum & formam defensionis exceßerit, de excessu punietur, non de dolo, & sic non tanquam homicida lege Cornelia. l. si adulterium. ff. de adulte. in §. Imperatores, quia homo, magno dolore permotus, non est in plenitudine intellectus. Bal. in §. j. in fin. de pace iura. fir. Nec etiam iustus habet stateram in manibus suis, cum aggreditur, vt dare ictus cum mensura possit. Capol. consil. j. col. iij. ideo iste text. permittit inuaso defensionem, etiam contra inermem, quocumque instrumento & telo paratus sit. Nam is, qui alium aggreditur, verius se occidit, quàm occidatur, cum is, qui impetit, ad omnia parare se soleat, vt se vindicet, ob id inuaso, non premeditato, licet se quomodocumque tueri, quia prouerbio Italico dicitur: *Huomo assaltado mezo perduto*. Alex. consil. 109. viso. 7. volu. Angel. in tracta. malef. gloss. & dictus Titius in dicto §. Imperatores. Multa quoque hinc Claudius Seicel. quem quisque videre poterit. post Ioan. Fabr. in d. §. ius autem gentium. de iure natural. in Instit. & arbitrari iudex solet, an sit in meris finibus defensionis, vt tradunt interpretes: sed in hoc regno gratiæ literis opus est aggresso, in quibus veritas, exprimatur, iudex postea eas comprobabit, vt inferius dicetur.

Excedenti modum defensionis, quomodo puniatur.

Aduertendum est, vim à magistratū illatam, non licere repellere, sed obtemperare quis debet. in l. j. supra eodem. & ad Romanos 13. cap. Omnis anima potestatibus sublimioribus subdita sit. cap. prodest. 23. q. 5. alioqui punitur, iudici non obtemperans. in titul. si

11



tit. si quis ius dicent. non obtempera. & Vlpian. scribit: Si quis, quod decreto Prætoris non obtemperauerit, ductus sit, non est in ea causa, ut agat iniuriarum, propter Prætoris præceptum. l. iniuriarum. §. si quis. ff. de iniur. l. 4. §. penultimo. ff. ad legem Iuliam maiest. & Vlpian. scribit: Si quid magistratus, aduersus resistentem, violentius fecerit, non tenebitur. in l. quemadmodum. §. magistratus. ad leg. Aquil.

12 Quod limitant interpretes, quando iudex iniuste præciperet, vel exequeretur. Nam hoc casu resistere iudici & magistratui permittunt, etiam ab illis quorum interest. l. prohibitum, & l. defensionis. C. de iure fisci. lib. 10. l. denotum. de meta. lib. 12. Dec. in l. non videtur. §. qui iussu. ff. de reg. iur.

Vis que dicatur.

Ista communis Doctor. sententia hætenus inuoluit. vnde Vlpia. ait. Vim accipimus atrocem, & eam, quæ aduersus bonos mores fit, non eam, quam magistratus rectè intulit, scilicet iure licito, & honoris, quem sustinet: cæterum si per iniuriam quid fecit popul. Romani magistratus, vel provincie præses, Pompon. scribit hoc edictum locum habere, si fortè, inquit, mortis, aut verberum terrore pecuniam alicui extorsit. l. 3. ff. quod met. caus. & de iniur. idem ait. in l. nec magistratibus, licet aliquid iniuriosè facere. Igitur si per iniuriam fecerit magistratus, vel quasi priuatus, vel fiducia magistratus, iniuriarum potest conueniri. & c. facit l. quoniam. C. de appellat. & l. omnes. prima. de decur. lib. 10. Floren. in 3. parte Summæ, tit. 4. c. de bello particulari.

Francia cōsuetudo in parēdo magistratui.

Verumtamen, in hoc Franciæ regno, alio iure utimur, ipsum ius gentium sequentes, quod quidem disponit parendum esse magistratui, quādo officium suum exercet, nec debet quis illi de facto resistere, alioqui crimen rebellionis incurreret. de quo in Extrauag. qui sint rebelles, & hoc etiam probat d. l. prohibitum. de iure fisci. lib. 10. in fin. ibi, Tunc enim is, cuius interest bona alicuius non interpellari, officialibus volentibus ea capere, debet acquiescere: cum literis nostris cognouerit, non ex arbitrio suo Cæsarianos (id est, officiales) ad capiendas venisse easdem facultates, sed iustitiæ vigore, id fieri statuisse.

Sed aduersus præceptum iudicis iniustum, ius civile defensionem adiunxit, videlicet appellationis. Nam pars à magistratus præcepto appellare potest: & si, non obstante appellatione, iudex procedere velit, iterum appellare poterit: primæ etiam appellationi inhærendo: quod si iudex, non obstantibus appellationibus, exequeretur (quod tamen non faciet propter reuerentiam superioris) committeret crimen legis Iuliæ de vi publica. l. lege Iulia. ff. de vi public. & ad multam, atque ad interesse, & expensas in civilibus condemnaretur, ut plenè scripsi in tract. de appella. in 3. tomo Commen. in Constit. Reg. facit cap. venientes. de iure iurand. Nec quidem iudex inferior suo superiori resistere debet. vnde Papa sic ait: Ordinarius iudex non debet iudicis delegati mandato resistere violenter, sed apud ipsum instare, ut differat eos in possessionem mittere, donec nobis rei veritas innotescat. c. si quando. de offic. delegat.

Omni appellationi in regno Fræcie defertur.

Vnde introductum est in hoc regno, quod omni appellationi, etiam friuolæ, propter superioris reuerentiam defertur. ideo iudex non debet post appellationem exequi, nisi quatenus lex regia eidem permittit, ut docui in tract. de sentent. execut. in præfa. in 1. tomo Comment. in Constit. Reg. & si stolidus

quidam exequatur post appellationem ad curiam supremam emissam, propter contemptum capite puniri posse, docet Boër. in decis. Burdegal. q. 153. iudex. vbi tres latrunculares docet fuisse suspensos, qui post appellationem executionem fecerant in causa criminali, quæ exempla valde admonent iudices regni, ne in similem damnationem incurrant.

Si tamen damnum esset irreparabile, resisti iudici posset, ut docet Bal. in cap. 1. in fine. de offic. delegati. vbi plus dicit, quemlibet de populo auferre posse clericum captum à iudice sæculari, quia iniuria fit religioni: & quod in religione diuina committitur, in omniū refertur iniuriam. l. 2. ff. ne quis eum, qui in ius vocatus est, vi eximat. not. in l. Manichæos. de hæretic. sed hoc non habet locum in hoc regno propter Gallorum obedientiam. Possent tamen consanguinei auferre reum condemnatum, si stolidus iudex eum executioni mittere vellet, & illum suspendere post appellationem, & hoc casu deberent consanguinei illum condemnatum ducere ad iudicem appellationis, ut sic excusarentur. per text. in cap. dilecti. j. vbi iurium interpret. de appellat. sed ipsi retinere non possent cōdemnatum, vel permittere, ut abiret, aliàs punirentur. l. quotiens. C. de exactor. tribu. lib. 10.

Clericus a iudice sæculari captus

Notandum est, quod si iudex excedat, non solet puniri in regno criminaliter, nisi in tribus casibus: videlicet, propter dolum, fraudē, & concussionem, & hos casus forēses vsus recipit. vnde Aug. ait: Superiorem, si modum in corripiendo excefferit, à Domino veniam petere debere, non autem à subditis. cap. facientis. & seq. 86. dist.

Imò, si subditi non iuuent magistratum contra vim ei illatam, etiam illos poena capitis puniendos scribit Modestinus. in l. 3. in fin. ff. de re milita. & l. omne delictum. in fin. ibid. probat Anthon. Capit. in decis. Neap. q. 149. nuper. Ego tamen arbitrarer poena arbitraria afficiendos eos, qui suos non iuuant magistratus: nam, iura superius adducta loquuntur de inobedientibus præfectis militiæ, in quibus maior requiritur obedientia, quia maius vertitur periculum in transgressione præcepti illorum, quàm in magistratu. de quo in l. vnic. ff. si quis ius dicenti non obtempera. vbi dicitur.

In quantum Ias. hîc disputat, vtrum oporteat ponere, & probare quem occidisse hominem, ad suam defensionem necessariam, & quia aliter euadere non poterat. per l. scientiam. §. qui cum aliter tueri se non possent, damnum culpa dederunt, innoxij sunt. ff. ad legem Aquil. & in clement. vnic. de homicid. Et sunt qui istam sustineant sententiam. Bal. verò & Salicet. in l. solam. C. de testib. contrariam: quam (ut humaniorem) amplectendam dicit Iason, multaque super hoc cumulat Thom. Ferrar. cautel. §. occidit.

Aduertendū tamen est, triplex esse homicidium, Doctor. asserunt. necessarium, quod ad defensionem necessariam fit, cum aliter se tueri quis non potest, nisi occidat. de quo loquitur dicta l. scientiam. & clement. prima de homicid.

Homicidiū triplex.

Casuale dicunt esse, quod casu fit: ut, fortè ludendo. in c. continebatur. & seq. de homicid.

Voluntarium, quando ex voluntate, & de industria factum est. cap. 1. & c. sicut dignum. de homicid. vbi loquitur de illis, qui interfecerunt sanctum Thomam Canthuariensem Archiepiscop. hæc pulchrè conscribit Martianus in l. respiciendum. ff. de poen.



§. deliquunt autē homines, aut proposito, aut impetu, aut casu, proposito delinquant latrones, qui factionem habent: impetu autem, cum per ebrietatem ad manus, vel ad ferrum venitur; casu verò, cum in venando telum, in feram missum, hominem interficit. & sic homicidium (vt Iurisconsult. sequamur) aut fit proposito, aut impetu, aut casu, vt ibi.

*Vfus forensis  
ad curandas  
homicidij  
pœnas.*

Itaque iurium interpretes, illud dubium, de defensione necessaria, posuerunt. sed, quorsum non expresserunt? Ideo, vos in forensi vsu tenete, quod volens quis euitare homicidij (quod cōmisit) pœnas, vt omninò absolui debeat, ponere, & probare se, ad necessariam suam defensionem, hoc fecisse tenetur, & tunc iudex illum absolueri debet. per dict. §. qui cum aliter. l. j. C. quando vnique sine iud. se vind. Sed in hoc regno adhuc impetrant literas innoctentia, quas dicanici dicanicas vocant, *de pardon*. nec enim iste crimē aliquod pertimescat, cum sibi arbitriū vltionis suæ sciuerit esse cōcessum. l. deuotū. C. de meta. lib. 2. Bal. consil. 109. qui mortem. in 4. vol.

Si verò quis commiserit homicidium casu, tunc non est exprimendum, quod ad suam defensionem necessariam hoc fecerit: quia verum non est, sed hic condemnari debet, & eò est irregularis. tamen si dabit causam rei licitæ, excusatur. cap. dilectus, ac seq. & c. Ioannes. de homicid. & facillè gratiam à principe consequetur.

Homicidium verò proposito commissum non excusat, imò si de industria quis occiderit hominem, non iuuatur Ecclesiæ immunitatē. c. 7. de homicid.

*Iudices in  
regno Frā-  
ciæ nullum  
homicidā  
absoluunt  
sine literis  
Regis.*

Vnde tenendum est in hoc regno Franciæ, quod iudices, etiam supremi, nullū absolueri homicidam solēt, nisi à Rege hoc eis cōcessum fuerit, per literas quas impetrare reus etiā à Cancellaria potest, quādo est defensio necessaria. vt in art. 1. & seq. tit. *des graces*. in Ordin. Reg. continetur: & sufficit probare aggressum fuisse in periculo vitæ constitutum, vt iudicetur necessaria defensio. vt docet Bar. in l. sed & si. ff. ad legem Aquil. glos. & Doctor. in l. j. C. de sic. & in cap. si perfodiens. de homicid. Angel in tract. de malefic. in gl. & dictus Titius plenè explicat hīc, Claud. Seicel.

sed in homicidio casu perpetrato ab ipso Rege, seu à magna eius Cancellaria, quæ idem est cū Rege, gratia seu indulgentia impetratur. vt in eodem tit. art. 1. & seq. in Constit. Reg. Chassan. in §. glossa, *s'il n'a grace*. in Consuet. Burgun. tit. *des iustices*.

In eadē ex proposito commissā, gratia impetranti prodesse non potest, si sit voluntarius homicida, cum insidiis, & ex proposito, quod vulgò dicimus *de guet à pens*, sed ab altari meo eum euellēs, vt moriatur. c. primo de homicid. Guido. Papa in decision. Delphi. q. 121. in camera, & hi solent suspendi cum sua gratia, & si sint clerici, non gaudent priuilegio clericali, sed solent tanquam laici suspendi, vt censuit Senatus teste Aufser. in aresto. 271. Item die 11. in stylo parla. quia reatus omnem excludit honorem. l. prima. C. vbi senat. & quomodo hoc fieri debeat, tradunt interpretes in cap. cum non ab homine. de iudic.

Etiam socius, si socium aggressum defendendo, occidat aggressorem, indiget gratia Principis, quam facile obtinere potest, quia aggressor faciebat iniuriam reipub. Ergo quilibet de populo poterat propulsare. cap. dilecto. de sentent. excommunicat. in 6. & hac l. vt vim. & l. prohibitum. & l. defensionis. vbi Bar. C. de iure fisci. lib. 10. supra dictum fuit.

Idem, si quis occideret illum, qui se posuit in medio illorum, qui digladiabatur, nolens eum occidere. Nam licet glos. in l. 2. & ibi Doctor. C. de sicar. dicat impunè fieri, quam sequitur las. in l. cum qui. §. in popularibus. num. 4. ff. de iureiur. tamen in hoc regno is non absolueretur, sine gratiæ impetratione.

Imò, etiam si vnus ex pluribus hominem occiderit, quamuis alij non cogitauerint, tamen indigent omnes gratias, siue indulgentia, vt audacia Gallorum hominum percutiēdi alios restringatur, teste Bened. in reper. c. Raynutius. in verbo, si absque. in 2. de pupillar. substit. nu. 42. de testam. Ista sunt, quæ forensis vsus seruat, quicquid in contrarium scribant iurium interpretes.

Et cū inter nos cognationem quandam natura constituit, conseqens est hominem homini insidiari, nefas esse. ] Iurisconsult. dicit, inter homines naturam constituisse quādam cognationem, id est, coniunctionem, per quam nefas est hominem homini insidiari. & sic iste text. non dicit cognationem simpliciter. Nam omnes homines naturā sunt cognari, id est, ab vno nati, videlicet ab Adamo, Genes. & 1. non tamen ob hoc sunt omnes inuicem cōsanguinei. l. j. ff. vnde cognati. sed est quædam cognatio, nō simplex, sicut inter cōsanguineos. vnde cum quidam à Cæsare peteret eleemosynam, dicens se Cæsaris fratrem, Cæsar ei solidum dedit, conquestus est dicens fratrem nō dedisse iustam bonorum partem fratri, qui respondit sufficientem esse partem: nam si vellet tantum dare aliis fratribus, sic natura coniunctis, minimū esset, quod illi superesset, vt est in Apophtegmat. Plutarc. cum omnes simus in Christo fratres. cap. ad mensam. & 1. q. 3. sed non in disco: quidam enim habent discum magnum, vsque ad nauseam, qui nec bene illis vertit. vt Hiero scribit. in c. nec tales. cum seq. de consecrat. dist. 1. & pulchre Papi. in l. seruus. ff. de seruis exportād. beneficio affici hominem hominis interest. & probat Cicer. libro 2. Offic. & adagio dicitur. Homini homo Deus.

Et sic quando loquimur de cognatis, vel fratribus, intelligimus de his, qui consanguinitate nos attingūt. vt est in l. j. ff. vnde cognati. & in tit. de gradib. & in arbor. consanguinit. not. interpretes. de hac dictione, nefas, vide Iurisc. in l. si quis posthumus. §. pen. ff. de lib. & posth. & l. j. infra de orig. iur. & l. j. à quibus appella. non licet. vbi scribitur fas non esse. & l. quid ergo. §. cū autem. ff. de his qui not. infam. & lex diuina fas est: ius, lex humana: transire per agrum alienum, fas est: ius autem non est. c. omnes leges. j. distin. Alia, quæ tangunt hanc defensionis materiam, tradunt hīc Doct. & maxime Claud. Seicel. qui istam legem bis interpretatus fuit, & in secunda interpretatione multa dicit, quæ poterunt videri, ego ad alia pertransco. sed quidā in hoc text. legunt: *coniūctio: in quandam natura constituit*, & planius procedet tex. tamen Pa. dec. Floren. habent, *cognationem*.

#### S V M M A R I A.

- 1 Tullius Hostilius Roma. Rex primus manumissionem inuenit.
- 2 Omnes homines quomodo de iure naturali liberi sint.
- 3 Mens in appetitum, ciuile & regiū habet imperium.
- 4 Seruitus secundum naturam qua dicatur.
- 5 Nullus in regno Francia nascitur seruus.
- 6 Dominus reuocare potest donationem factam ab hominibus manus mortua, inter extraneos.



LEX IIII. VLP. IAN. LIB. I.

INSTITUTIONVM.



**M**anumissiones quoque iuris gentium sunt. Est autem manumissio de manu missio, id est, datio libertatis. Nam quandiu quis in seruitute est, manui & potestati suppositus est, manumissus liberatur potestate. quæ res à iure gentium originem sumpsit: utpote, cum iure naturali omnes liberi nascerentur, nec esset nota manumissio, cum seruitus esset incognita. Sed posteaquam iure gentium seruitus inuasit, secutum est beneficium manumissionis. Et cum vno naturali nomine homines appellarentur, iure gentium tria genera esse cœperunt: liberi, & iis contrarium serui, & tertium genus liberti, id est, ij qui desierant esse serui.

*Seruitus & manumissio ab hominibus inueniuntur.*

**I**sta lex, tradit manumissiones esse, de iure gentium. Nam cum iure naturali omnes homines nascerentur liberi, ab hominibus inuenta est seruitus, & manumissio, ut hic. & in tit. de statu homin. ff. & de iure personar. in Instit. & de iure gentium tria genera hominum cœperunt esse, videlicet liberi, serui & liberti. Et Dionysius Halicarn. scribit Tullum Hostiliu Regem, quod ancilla genitus putaretur, primum inuenisse manumissionem seruorum, quæ à populo vniuerso probata demum fuit, & sic iurif gentium effecta.

Et per istum text. dicunt Docto. homines de iure naturali esse liberos. Nā quod attinet ad ius naturale, omnes homines liberi nascebantur. l. quod attinet. ff. de regul. iur. Ego autem intelligerem de iure naturali omnes homines liberos esse, quantum ad dominationem, quia vnus non nascitur seruus alterius, nec est in dominio alterius. Nam hoc dominium est per constitutiones hominum introductum, sed quantum ad vim imperandi & parendi, hoc secundum naturam est, ut Arist. docet, in lib. j. Politic. cap. iij. & seq. vbi scribit. Nam ut animus in corpus habet imperium, mens verò in appetitum ciuile, & regium: eodem modo necesse est in cunctis hominibus esse. Quicunque igitur distant tantum quantum animus à corpore, & homo à bestia, per hunc modum se habent: vnde homines summo ingenio præditi imperare, stolidi parère istis natura debent: & sic secundum naturam alij liberi sunt, alij serui: & seruitus ista, secundum naturam procedit, quia natura docet ut ingeniosis pareant stolidi & hebetes.

Altera seruitus vocatur à iurisperitis contra naturam, licet Arist. dicat esse secundum leges, nam homines constituerunt, ut capti in bello non occiderentur, sed capiendus dominus efficeretur. At dominio alterius subiici, est contra naturam, quando præcipue bellum iniquum est, sed alteri parère, non: cum imperare & parère sint secundum naturam, sed non quod vnus sit dominus alterius. Et ideo seruitus quædam est secundum naturam, ut ingeniosi imperent hebetibus: altera præter naturam, ut illa quæ

fit in bello, ut in tit. de iure perso. in Instit. & sic videntur conciliata diuersæ sententiæ, quamuis Doct. hactenus in hoc valde aberrauerint.

Et sic, dicunt interpretes per istum textum duplex esse ius gentium, videlicet primæum, & secundarium: ius gentium primæum dicitur naturale: secundarium, non. Sed hoc iure non est hoc cautum expresse, sed ad conciliandum iura ab interpretibus inuentum est.

Ego dicerem duplex ius gentium esse, vnum antiquum: quod ius naturale vocatur, naturali ratione hominum & instinctu inductum: ut in l. j. præcedent. dictum fuit: & ut parentibus, & patriæ pareamus. l. veluti. supra. & hoc antiquum cum ipso genere humano proditum est. l. j. ff. de acquir. rerum dom. Aristot. lib. 5. Ethic. c. 7. sic ait. Est quidem naturale, quod vbique vim habet eandem, & ius autem ciuile. de iure nat. in Instit. vbi sic scribitur: Quod verò naturalis ratio inter omnes gentes constituit, id apud omnes populos per æquæ custoditur, vocaturque ius gentium, quasi quo iure omnes gentes vtantur. l. omnes populi. infra eodem. & hoc antiquum ius gentium cum ipso genere humano proditum est. Paul. in l. j. ff. de acquir. rerum domin.

Alterum ius gentium nouum dicitur, quod hominum prouidentia, & astutia, non ab initio inductum fuerit, ut meum, & tuum. ca. dilectissimis. xij. quæst. j. c. quo iure. viij. dist. seruitutes etiam & manumissiones, ut hic, & cōtractus. de quibus in l. seq. & testamenta. & nouum dici poterit, ratione habita ad antiquum, & sic poterunt iura conciliari.

Item. cum manumissio sit de iure gentium, non potest tolli in totum per ius ciuile, sed modus & forma manumittendi per ius ciuile induci potest, ut in tit. de manum. vindict. testa. & in alijs tit. & in Instit. quib. manu licet.

Ex hoc text. colligunt Doct. hic accipi manum, pro dominio: idè inferunt ad testatorem qui prohibuit ne res exiret manus hæredis, ut intelligatur prohiberi alienationem rei, non locationem ad modicum tempus per l. fi. C. de reb. alien. non alienand. & c. nulli. de rebus eccle. non alienand. Docto. in l. filius familiæ. §. diui. ff. de lega. j. scripsi in compendio aliena. rerum eccles. & in l. alienationis. ff. de verb. signif. Nam locatio non mutat dominium. l. non solet. ff. loca. Bart. & alij hic.

Ego tamen putarem hic manus, accipi pro potestate, ut text. exponit, quicquid doctor. iactent, licet possit aliquando & pro dominio accipi. ut plenè scripsi in l. mulieris. §. res abesse. ff. de verb. signif.

Notandum est de consuetudine generali regni, homines omnes in Regno Franciæ natos esse liberos quoad personas, adeo quod nullus potest hominem, tanquam suum seruum, vendicare, si Christianus sit is, quem vendicat, imò exteri confugientes ex Regno Hispaniarum, aut aliunde ad hoc Regnum, simulatq; characterem baptismi recipiunt, liberi efficiuntur. sicut de Roma dicunt doctor. in l. Barbarius. ff. de offic. Prætor. l. in vrbe. de stat. homi. & Boer. in §. j. de consuet. iuris, status person. in cōsuet. Biturig.

Tamen moribus introductum est in quibusdam Galliæ regionibus, ut sint quidam serui quoad bona, quia sicut serui acquirunt dominis, l. placet. ff. de acquir. hæred. ita & isti acquirunt dominis suis in quorum territorijs degunt, vnde vocati sunt homines

*Ius gentium duplex.*

*Ius gentium antiquum, quod dicitur.*

*Ius gentium nouum, quod sit.*

*Manus, quomodo in iure accipiat.*

*Serui quoad bona in Regno Gallie.*



manus mortuæ, nō corporis mortui. Nam sicut manus mortua nihil corpori acquirit, ita & ipsi nihil sibi ipsis acquirunt, sed dominis, cuius territorium incolunt: si tamen liberos habeant, ad ipsos deferuntur bona, teste Masuer. in praxi titul. de successio. & ultim. volunt. §. item illius. Iohā. Fab. in §. j. quib. mod. ius patri potesta. solui. Cy. in authen. sed Episcopalis. C. de Episcop. & cleric. licet quædam consuetudines liberos eorum etiam bonis priuent.

*Exteri in regno Galila, que acquirunt, Regi acquirunt.*

Ista etiam consuetudo inoleuit in hoc Regno, ut exteri sint similes hominibus manus mortuæ; quia omnia quæ acquirunt, Regi acquirunt, & de bonis acquisitis non possunt disponere, etiam inter liberos. ut docet Benedict. in repetitio. c. Raynutius in verbo, & uxorem. 1042. de testam. nisi uxorem in Regno & ibi ortā habeant, & ex ea filios, qui tunc beneficio matris succedēt etiam patribus. arg. l. j. ff. ad municip. & hoc abundē scripsi in tracta. de liber. natura. in princip. in 2. tomo Comment. ad Constit. Reg. de statut. Ferrariensis prohibente bona alienari in forensē, consuluit Curtius senior consil. 27. magnifici. in 2. q.

6 Sic est in hominibus manus mortuæ, ut dominus etiam reuocare possit donationem ab istis factam inter extraneos, ut Doctores afferunt. per illum text. in l. vna. C. non licere habitatorib. Metrocom. loca sua ad extra. transferre. lib. xj. & l. si in emptione. §. omnium. ibi, vel mores ciuitatis cōmercio exierūt, earum nulla est venditio. ff. de contrahend. emptio. ideo illis dici potest, quod scribitur Leuitici 25. Terra quoque non vendetur in perpetuum, quia mea est, & vos aduenæ, & coloni mei estis: ut scribit Benedic. in repetit. c. Raynutius. in verb. & uxorem. num. 955. de testam.

Et hanc consuetudinem valere, ait Hostien. in sua summa tit. de natis ex libero ventre. §. fin. quem sequitur Rosfred. Bene. in titu. de villanis. in 5. parte. ac Guido Papa in decis. Delph. quæst. cccxj. incipiente de manu. Chassan. quoque in consuet. Burgund. in titu. *Des mains mortes*. vbi alia videri poterunt, quæ hoc genus hominum contingere possunt. De manu etiam scripsi, & illius phrasēs, in l. mulieris. §. j. ff. de verb. signific. de his hætenus.

#### SUMMARI A.

- 1 *Dominium utile à directo iure gentiū nō distinguitur.*
- 2 *Meum & tuum à iure gentium inuentum.*
- 3 *Dominium alicui de iure ciuili acquisitum Princeps auferre non potest.*
- 4 *Sententia executioni demandata à iudice, transfert dominium.*
- 5 *Sententia lata in reali non transfert dominium, & quare.*
- 6 *Constitutio prohibens in suo edificare, non valet. Limitatur. ibidem.*
- 7 *Princeps non potest expellere mercatores extraneos de terris suis, & quare.*
- 8 *Pecunia à iure gentium introducta.*
- 9 *Actiones quomodo iuris gentiū & ciuiles dicantur.*
- 10 *Consuetudo contra ius gentium non valet.*

LEX V. HERMOGENIANVS LIB. I.  
IURIS EPITOMARVM.



**X** hoc iure gentium introducta sunt bella, discretæ gentes, regna condita, dominia distincta, agris termini positi, ædificia collata, commercium, emptiones, venditiones, locationes, conductiones, obligationes institutæ; exceptis quibusdam, quæ à iure ciuili introductæ sunt.

**I**uris gentium sunt. Primò dicit bella introducta à iure gentium. & Accurs. putat intelligi de licito; vos autem dicatis gentes inuenisse bellum, siue licitum, siue illicitum, nec vllam fuisse à gentibus factam discretionem de licito vel illicito: sed est verisimile, quod postquam homines rationales sunt, non gerebant bellum, nisi licitum, saltem quod licitum arbitrabantur, & de bello licito & illicito probatur Gene. 14. Nam Chodorlaomor Rex, & alij, qui cum eo erant, mouerunt bellum illicitum contra Regem Sodomorum: sed Abraham bellum licitum, & in eo liberauit Loth nepotem suum, & omnem substantiam Sodomorum recuperauit. Et sic à gentibus introductum & inuentum est bellum vtrumque, postea de iure ciuili & canonico factæ sunt regulæ ad cognoscendum, quando erit licitum, vel illicitum. ut xxij. quæst. j. recitantur multa, & quæst. ij. de hoc bello. Nec mirum videri debet, ut gentes illicitum etiam inuenisse videantur, quia ratione peccati Adæ corrupta fuit omnis caro. Gene. 6. c. & c. omnis ætas. xij. quæst. j. quamuis Poëtæ adscribant Pandoræ, quæ attulit Epimetheo pixidem, omni malorum genere refertam, quam cum ille aperuisset (ignarus alicuius doli) illa euolarunt mala, ac tota terra occupauit. ut describit Hesiod. in lib. *ἔργα καὶ ἡμέραι* his vers.

*At mulier digitis dum tollit opercula vasi,*

*Omne malum lædens homines graue sparsit in orbem,*

*In terram exiit reliquum genus omne malorum,*

*Hinc mare, nunc illis est plenum, plenaque terra,*

*Nocte, dieque homines miseros inuadere nunquam*

*Exangues cessant morbi, mala multa ferentes, &c.*

Et sex causas quare mouentur bella, & pax non est inter homines, scribit glos. in c. ad Apostolicæ. de re iudic. in vj. & Florent. in iij. parte summa titu. de triplici militia. c. j. tit. iij. & cap. ij.

**Discretæ gentes.]** A iure gentiū ergo discretæ gentes, & populi separati sunt. A filiis enim Noë diuisæ sunt gentes post diluuium, & vnusquisque secundum linguam, & familias orationibus suis. Gen. 10. c. Et postea ibi diuisio labij facta est, & Loth ab Abraham cum familia diuisus fuit. ibidem. c. 13. & Esau à Iacob. c. 36. ibid.

Ex quo patet, gentes separatas hoc iure gentium: prouincias verò, ut Italia à Sicilia, & aliæ prouinciæ ab ipsis principibus, & sic de iure ciuili. per l. si eadē. de assessori. ff. & in titu. de metropo. Berit. lib. xj. C. Nec iste text. dicit prouincias discretas de iure gentium, sed gentes. idē superest ut prouinciæ de iure ciuili ab ipsis principibus diuisæ fuerint, & vnitæ quandoque. §. illud autem. in auth. ut iudic. sine quoquo suffrag. collat. ij. quicquid Accurs. Bart. & alij scribant.

**Regna condita.]** Legitur Genes. 10. cap. de Nemroth, robusto venatore, quod fuit principium eius

*Bella que modo à iure gentium introducta.*

*Gentiū & populorum diuisio.*

*Regnorum constitutio.*



eius Regni Babylon, & Arach, &c. Et Belus primus Rex Assyriorum fuit, vt refert Euseb. in suis chronicis. Regnum Sodomiae, & Gomorrhæ à gentibus conditum fuit. de quibus Regibus Genes. 14. Et hoc Regnum de gente ad gentem transfertur propter iniustitias, iniurias, contumelias, & diuersos dolos. Eccles. 10. & Matth. 21. Auferetur à vobis regnum, & dabitur genti facienti fructum. glos. vlt. in extra. vnam sanctam. de maior. & obed. in communibus.

*Dominio-  
rū distin-  
ctiōes.*

**Dominia distincta.** ] Et sic de iure gentium dominia distincta sunt inter homines. Genes. 10. A filiis filiorum Noë diuisa sunt insulae gentium in regionibus suis. & Genes. 13. Si tu ad dextram elegeris, ego ad sinistram pergam. Et sic fuit diuisio facta inter Abrahamū & Loth eius nepotem, quia dictum est Deuteron. 11. Omnis locus, quem calcauerit pes tuus, vester erit. vnde possessionem quidam dictam aiunt quasi pedum positionem. in l. j. ff. de acqui. poss. Et meum & tuum inuenta sunt eo iure. cap. dilectissimis. xij. quæst. j. & Prouerb. 22. in fin. Ne transgrediaris terminos antiquos, quos posuerunt patres tui. ideo dominia tam rerum mobilium, quam immobilium à gentibus sunt sic distincta, & separata, vt quod ego occupauerim, id esset meum, & quod tu occupaueris, id tuum fieret. c. quo iure. 8. dist. Sed non fuit distinctum dominium vtile à directo. hoc enim à iure ciuili inductum fuit. l. j. ff. si ager vectigal. voluitq; maritum rei dotalis esse dominum, & hoc iuris ciuilis subtilitate inuentum est, licet dominium apud mulierem maneat de iure gentium. l. in rebus. C. de iure dot. & l. j. C. de iure emphyt.

Nec dicit iste text. dominia inuenta à iure gentiū, sed distincta, quia dominia erant antea inuenta, sed erant communia quoad vsum. vt docet Petr. Bertrand. in tracta. de iurisdic. contra Petr. de Cugneris q. 4. facit c. quo iure. 8. dist. & in extra. vnam sanctam. in fi. de maior. in communibus. Ego putarem iure gentium inuenta & distincta esse dominia, quia ante gentes non erat dominium, alioqui, apud quos fuisset? Nec est de iure naturali commune, vt ait text. sed potest dici de iure illonaturali quod tantum gentes respicit, quod vocatur gentium. vt in l. manumissiones. supra eodem, dixi. Et Deus Moyse, & Genti Israelicæ dedit præceptum; Non furtum facies: ex hoc volens ne dominia distincta à gentibus, & sic acquisita, ab illis auferrentur. Ergo gentes & dominia erant ante illud præceptum Moyse datum. Idèd à gentibus dominia esse instituta dicemus, dum meum & tuum inuenerunt, per quod omne distinguitur dominium, & ex quo omnis lis, omnis controuersia, omneq; oritur dissidium & bellum.

Verum, quia non multi modi dominium acquirendi sunt ab ipsis gentibus inuēti, ideo ius ciuile postea suppleuit, & multos inuenit modos acquirendi dominia, vt per glo. in Rub. ff. de acqui. rer. dom. Et quamuis multi modi inuenti sint ab ipso iure ciuili, si tamen pars acquirat dominium per illos modos, illud princeps postea auferre non poterit, quia inuentione dominium est de iure gentium, & licet ego possim acquirere, vel non acquirere alicui, tamen post acquisitionem non possum ei auferre, sicut dicitur de seruo. in l. seruus. C. de pact. Et quod acquisiui Ecclesiæ, non possum postea ab ea auferre. ca. nouerint. x. quæst. j. contra Bart. in l. qui Romæ. §. Flauius. ff. de verb. obligationib. Et ista opinio cō-

tra Bart. est communis, & confirmata a resto Senatus Burdegalensis vt docet Bened. in repe. c. Raynutius. in verb. si absq; 2. de fideicom. substit. num. 23. de test. Et si de iure ciuili acquisitum sit dominium alicui, illud princeps auferre non poterit, licet modum tollere possit acquirendi. not. Accurs. & interpret. in l. 2. C. de precib. Impera. offerend.

Vnde si per sententiam dominium sit mihi acquisitum, non potest princeps illud tollere, etiam cum clausula non obstante, quicquid dicat glos. & docto. in l. causas. C. de transact. & in l. final. Senten. rescin. non posse. Ias. in l. iustitia. col. vlt. infra. nisi data compensatione ex iusta causa. l. item verberatum. ff. de rei vendic. & l. si quis sepulchrum. ff. de religiof. & in titul. quibus ex caus. serui. pro præmio liberta. accip. Patet 3. Reg. c. 21. & seq. de Nabot. & Ezechiel. 46. scribitur, Non accipiet princeps de hereditate populi per violentiam. scripsi in tracta. de congrua portio. in fin. dicam in l. deprecatio. infra ad leg. Rhod. de iactu.

Et per sententiam ita demum acquiritur dominiū, si traditio eius causa facta fuerit, non antea. vt docet glos. in §. fi. de offic. iud. in Instit. & Fel. in c. cum venerabilis. col. 8. vers. dum dicit glo. de exceptio. Nam ius ciuile statuit dominia transferri traditionibus, & vfucapionibus, non nudis pactis. l. traditionibus. C. de pact. sic & non nudis sententiis.

*Per sentē-  
tiā domi-  
niū tradi-  
tione demū  
facta ac-  
quiritur.*

Intelligite per solam sententiæ prolationem non transferri dominium, nisi illa sententia fuerit executioni demandata à iudice, vel ab alio vice illius, iuxta l. qui restituere. ff. de rei vendi. & tunc executor cōpellet restituere rem, de qua est sententia lata: & si victus nolit, auferetur ab eo res manū militari, & victor in possessionem mittetur, & tunc incipiet nancisci dominium. l. à diuo Pio. ff. de re iudic.

Et sicut modi inuenti ad acquirēdum dominium, de iure gentiū requirūt traditionē, d. l. traditionibus. C. de pact. ita & sentētia, & alij ferē modi à iure ciuili inducti: vt docet Bart. & Ias. hīc, & idem Ias. in Rub. ff. de re iud. Allēgo text. adhuc nō ad hoc inductū, in l. 2. in fi. ff. si ex noxal. caus. agat. ibi, eo quod ductus seruus in bonis eius esse cōperit, vbi agitur de sentētia, & vi sententiæ fuit ductus seruus, & cōpit in bonis eius esse, ad quem fuit ductus, & antequam fuerit ductus & traditus, non erat acquisitus seruus.

Etiam intelligi debet de illa sententia, per quam iudex rem alicui adiudicauit: vel ex sententia, quæ ad dādum tendit, vel aliās respicit ad dominium: diuersum est in alijs sentētiis, quæ ad hoc non tendunt, vt si petam equum tibi commodatum, vel depositū, mihi restitui, sententia non transferet dominiū, quia ad hoc non tendit, & debet esse conformis libello. l. vt fundus. ff. communi diuidū. c. licet Hely. de fimo. Et quia ego sum dominus, aliās non peterem simpliciter rem mihi restitui.

Nec etiam per sententiam in reali transfertur dominiū, sed declaratur actor dominus. l. Pomponius. §. j. ff. de procura. l. at ex diuerso. §. j. de rei vend. Et licet quis possit petere se declarari dominum, & tunc sic sententia fieri debeat, vt dominus declaretur, tamen cautus aduocatus concludit in actione rei vendicæ. non solum vt declaretur dominus, verum vt possessor vacuam possessionem relinquat talis rei petiti, cuius ego sum dominus, & vt vulgò dicimus, *à se desister, & despartir de la tortionnaire detention, & occupation*

*Dominii  
inuentione  
est de iure  
gentium.*



*occupation par luy faite d'une maison.* [ vt desistat & recedat à detentione violenta, & occupatione domus per eum facta. ] Et concludit ad fructus restituendos, saltem à tempore litis contestatae, & ad expensas. l. cum fundus. ff. de reb. cred. docet Petr. Iacob. in sua practica. tit. de rei vendica. libellus consuetudine approbatus. Et sic per sententiā latam in reali non transfertur dominium, quia actor est dominus aliās agere hac actione non potest. §. omniū. de actio. in Instit. l. vna. C. de alienat. iudic. Et qui semel est dominus, non potest amplius effici dominus. l. iij. §. ex pluribus. ff. de acquiren. possess. Etiam ex sententia absolutoria non transfertur dominium, quia ad hac non tendit, & actus agentium non operantur ultra eorum intentionem. l. non omnis. ff. si cert. petatur.

*Termini à gentibus positi.*

**Termini agris positi.** De iure gentium postquam dominia ceperunt distingui, termini sunt agris positi, vt quilibet contentus sua re esset, & non occuparet alienā, vnde dictū est Prouerb. 12. Ne transgrediaris terminos antiquos, quos posuerunt patres tui. & sic maiores hos terminos posuerunt, & ab ipsis sunt gentibus positi. vt Verg. scribit. Limes erat positus, litem vt discerneret agris. c. forum. de verb. signif. & maledictus est à domino, qui transfert terminos proximi sui. Deuteron. c. 27. Et quomodo hi puniantur, habetur in tit. ff. de termino mot. & §. si. de offi. iud. in Instit.

*Ædificia cum alijs coniungere est de iure gentium.*

**Ædificia collata.** Ex hoc text. colligendum est, de iure gentium esse, vt quisq; sibi domum in suo solo ædificare possit, & coniungere cum alijs ædificiis, ac inter alia ponere, etiam si alteri noceat, fortē luminibus officiando vel aliās. l. Proculus. ff. de dam. infect. nisi in iniuriam alterius fieret. l. opus. de oper. publi. Ias. hīc. & sic non valet constitutio prohibens in suo ædificare, nisi fortē in limitibus regni. l. quicunque. C. de fund. limit. lib. xj. vel alia ex causa magna. vt est in constitutio. Henric. vt nullus ædificet in suburbis Comitatus Parisiensis, inter Paris. Ordinatio. iste tamen text. non probat, nisi de collatis ædificiis. vt etiam sentit glo. At in Pandect. Florent. legitur, ædificia collocata, & melius, quia ædificia fuerunt collocata de iure gentium simul, vel diuissim: nempe in suo quoque fundo quisque ædificium construerebat, in quo se reciperet. Et construere non potest quis prohiberi, & coniungere ædificium iuxta alia, cum hoc sit de iure gentium, & collocata semel ædificia non potest quis cogi auferre, per istum text. & l. cetera. cum l. Senatus. ff. de leg. j.

*Commercium, quomodo intellegendū sit.*

Commercium hīc accipitur pro libera contrahendi commeandique facultate illorum, qui merces vtro, citroque conuehant. & ita intelligitur hīc, & in tit. de commer. & merca. C.

Interdum accipitur pro vsu & consuetudine, vnde dicimus res sacras & publicas non esse in nostro commercio. l. sed Celsus. ff. de contrahen. emptio. l. inter. §. sacra. de verb. oblig. l. quadam. ff. de acqui. rerum domin. l. nobiliores. C. de commer. & merc.

Aliquando commercium dicitur vicissitudo dandi & accipiendi, & merces, quasi mercium commutatio, quæ victus causa iniuncta fuit. vt ait Plin. gloss. & Doctor. in §. idem iuris. de inutil. stipul. in Instit. & fere conuenit cum præcedenti. l. apud Iulianum. aliā est. idem Iulianus. in fin. ff. de legat. l. iij. C. quæ res vend. non possint. & l. j. quæ res expor. nō debeat.

Itaque cum hoc commercium, & libera contrahendi facultas sit permissa, non debet etiam à principe prohiberi, cum sit de iure gentium vt hīc: nisi fortē ex magna causa, puta belli, vel alia iusta. ideo principes tempore belli solent prohibere mercatoribus, ne vendant, emantue, aut alium vsu cum extraneis habeant, quod passim non possent prohibere. Eadem ratione non potest princeps expellere mercatores extraneos de terris suis, quia mundus communis patria est, & commercium, ac vsus inter homines mercium communis. Bald. in §. dominus. de forma fidel. Boër. in §. j. de consuet. iuris, status, perso. in consuet. Biturig.

**Emptiones, venditiones.** Ex hoc textu habetur, quod emptio & venditio est iuris gentium, vt hīc. & l. j. in fin. ff. de contrahenda empt. Et pecunia est etiam de iure gentium. Nam Thare pater Abraham fecit primos nummos, quibus postea Christus fuit venditus, vt docet Alberi. in verbo moneta. Emere ac videri instituit Liber pater, idem diadema, regiū insigne, & triumphum inuenit, teste Plinio libr. 7. c. 56. tamen ab vniuerso populo & gente postea approbata fuit, & sic iuris gentium dici potest non ciuile, emptio. Ergo non potest prohiberi, etiam per pactum. Nam Pompon. ait. nemo paciscendo efficere potest, ne sibi locum suum dedicare liceat: aut, ne sibi in suo sepelire mortuum liceat: aut, ne vicino inuiro prædium alienet. in l. penult. ff. de pact. nisi ex causa publicæ utilitatis. l. j. & per totum C. quæ res vendi non possunt. Duodecim tamen limitationes ad illam l. penult. tradit Chassaneus, in Consuet. Burgun. in tit. des censures. §. 3. gloss. & s'il aduient, & Doc. in l. filiusfamil. §. diui. ff. de legat. j. & non solum isti contractus hīc nominati à iure gentium instituti sunt, sed ferē omnes alij contractus. vt Iustinia. docet in §. ius autem gentium. de iure natur. in Instit.

**Locationes, conductiones.** Aduertite quod numerata in hoc text. videlicet emptio, locatio & similes contractus sunt inuēti de iure gentiū, sed ius ciuile postea his contractibus addidit, & inuenta poluit, & ciuilem obligationē inuenit, & sic quo ad hoc possent contractus de iure ciuili dici, vt in l. ius ciuile. hoc tit. infra. vnde Iuriscons. sic scribit, locatio & cōductio cum naturalis sit, id est quadam hominum naturali prouidentia inducta, & omnium gentium, non verbis contrahitur, sed consensu. l. j. ff. locat. & quomodo discernatur emptio à locatione docet Labeo. in l. conuenit. ff. de cōtrah. emptio: quamuis Caius in l. 2. ff. loca. dicat maximam esse inter ista familiaritatem, & iisdem iuris regulis consistere.

**Obligationes institutæ.** Et sic per istū text. constat obligationes inuentas de iure gentium, ergo & actiones, quæ non possunt esse sine obligationibus quæ etiam inutiles, sine iis essent. Verum quia ius ciuile addidit ciuilem obligationem, ideo effecta est iuris ciuilis, per l. sequentem, in qua sic habetur. Cum aliquid addimus, vel detrahimus iuri communi, ius proprium, id est ciuile, efficimus. Et sic actiones ciuiles dicuntur, eò quod ius ciuile addidit obligationem ciuilem, & ad differentiam Prætoriarum, etiam approbatione: & sic cessabunt difficultates positæ in §. j. de actio. in Instit. vt institutæ sint obligationes à iure gentium & aliæ ciuiles à iure ciuili: & quamuis dicantur obligationes naturales, tamen quia homines respiciunt, iuris sunt gentium, l. cum amplius.

*Emptio locatio modo de iure ciuili contractus dicitur.*



*Ius civile  
potest in  
parte à na-  
turali  
recedere.*

*Princeps  
tenetur cō-  
pensare eū,  
à quo tollit  
ius ei com-  
petens.*

§. is natura debet. ff. de reg. iur. §. j. de oblig. in Instit. Vultas est, quia Princeps nō potest actionem par-  
ticipantem, & alia quæ sunt iuris gentium tolle-  
re, aliās tenetur ad compensandum eum, à quo tollit  
illud. vt de Nabot superius fuit dictum. glo. & Doct.  
in l. quotiens. C. de precib. Impera. offerend. quamuis  
glos. videatur contraria in §. penul. de iure natur. in  
Instit. & quidam Cācellarius interdum Principi sua-  
sit omnia esse Principis, & Princeps omnia illius  
bona sustulit, & demum caput illius (Dei fato) vix  
principi recusare potuit. videtis malum consilium  
consultori pessimum.

Imo recipiens rem alienam à principe, nisi iusta  
causa, non est quoad animam tutus, nisi eam, cuius  
est, restituat: quia non remittitur peccatum, nisi re-  
stituatur ablatum, regula, peccatum. de reg. iuris in  
sexto Iohan. Fab. hoc docet in §. sed naturalia, in fin.  
de iure nat. in Instit. c. fi. 6. dist. Doct. in l. autoritate.  
& l. meminerint. C. vnde vi.

Etiam deportatus ea quæ iuris sunt gentium reti-  
net. l. si mandauero. §. is cuius ff. mandat. licet perdat  
ea, quæ sunt iuris ciuilis. l. quidam, ff. de pœnis.

Vltimò, non valere consuetudinem contra ius gē-  
tium per illum tex. asserunt Panor. & Curt. in c. fin.  
de consue. quia est naturali ratione inductum. l. om-  
nes populi. infra. & diuina quadam prouidentia. §. sed  
naturalia. de iure natura. in Instit. vnde non valeret  
consuetudo, vt extraneus posset incidere ligna, si do-  
minus indigeret, quia dominus est extraneo præfe-  
rendus. c. suggestum. de deci. l. venditor. communia  
præd. ff. Panor. in c. dilecti. de arbit.

### S V M M A R I A.

- 1 Constitutio secundum ius commune, non dicitur ius proprium ciuitatis.
- 2 Limitatur.
- 3 Constitutio contraria non tollit ius proprium effectum Gallorum.
- 4 Nec imperator, nec privilegia in Constitutionibus Regu scripta.
- 5 Receditur à primo contractu, quando ei aliquid additur, vel detrahitur.
- 6 Instrumentum, quo à primo contractu additur vel detrahitur, ex lege regni Gallia infirmandum est.
- 7 Limitatur.

### LEX VI. VLPPIANVS LIB. I.

#### INSTITVTIONVM.



**I**us civile est, quod neque in to-  
tum à naturali iure vel gentium  
recedit, neq; per omnia ei seruit.  
Itaque cum aliquid addimus, vel detrahi-  
mus iuri communi, ius proprium, id est  
ius civile efficimus. Hoc igitur ius nostrū  
constat, aut ex scripto, aut ex non scripto:  
vt apud Græcos, τὸν νόμον οἱ μὴ ἔγγραφοι,  
οἱ δὲ ἄγραφοι.

**I**sta lex duas continet partes, in prima declarat  
quid sit ius civile, in secunda illud diuidit. secun-  
da ibi, Hoc igitur.

Neque in totum recedit. ] Ex hoc text. col-  
ligitur ius civile posse à iure naturali recedere in par-  
te, sed non in toto, & in aliquibus casibus, vt dicit  
gloss. hic & in l. manumissiones. supra. Et sic debet  
intelligi §. Sed naturalia iura immutabilia sunt. de  
iure natur. in Instit. & in summa. §. dist. scribitur, ius na-  
turale non variari tempore, sed immutabile semper  
permanere, potest tamen addi aliquid, vt iste text.  
dicit, vel detrahi, ibi, cum aliquid addimus, &c.  
gloss. in ca. à nobis. de deci. At dictio, Aliquid, re-  
spicit etiam minimam partem, non totum, vt probat  
l. adeo. §. j. ff. de acquir. rerum dom. Authent. habita.  
vbi scripsi. ne filius pro pat. C. l. si vnquam. de reuoc.  
don gloss. in Clement. vna. in verb. aut earum aliqua.  
de for. compet.

Itaque ius naturale mutari in quibusdam casibus  
potest, & Accur. hic docet exemplum in vsucapione,  
dicens esse contra ius naturale, quod non videtur ve-  
rum, aliās in totū recederet à iure naturali & gētium,  
quod prohibet iste text. Ideo nos dicemus vsucapio-  
nem addere ad ius naturale, seu gentium, vt videli-  
cet æquum reputet post vsucapionem rem retineri  
posse. Nec dicitur, eum iniuria alterius, in illo casu,  
quia ius civile hoc statuit. Docet Ioh. Andre. in reg.  
possessor de reg. iur. in vj. nec posset ius civile statue-  
re, quod nulli homines liberi essent, quia hoc esset  
contra ius naturale. l. quod attinet. ff. de reg. iur. sed  
quod capti in bello serui sint, non est omnino contra  
ius civile.

*Ius natura  
le quomodo  
mutari pos-  
sit.*

Item de iure naturali est liberorum educatio. l. j.  
supra eodem. ius civile huic iuri detrahit, statuens  
filium non esse alendum, si patri ingratus sit, & in  
quibus casibus potest exheredari: & addit nō solum  
filios, sed & nepotes alendos esse. l. filia. §. j. ff. fam.  
hercisc. Et in l. si quis à liberis. C. de liberis agnoscen.  
authen. licet. C. de naturalibus liber. alia Accur.  
exempla parum conueniunt huic text. sed inferius  
alia addam.

*Ius civile  
quomodo  
iuri natu-  
rali detra-  
has.*

Neque per omnia ei seruit. ] Colligite con-  
stitutionem non esse faciendam secundum ius natu-  
rale, vel gentium, aut civile. Nam frustra statuitur  
iam statutū, nisi addatur quicquam aut detrahatur.  
arg. l. primæ. C. de thesau. lib. x.

Et sic illi qui constitutiones facere volunt, debent  
scire ius, alioqui quomodo poterunt scire esse contra  
ius naturale, gentium, vel civile, & tunc non valebit,  
per prædicta. scripsi in l. j. supra.

Si verò addat iuri, aut detrahat, valebit, ideo  
sunt tot constitutiones hodie, quia ignari eas dictant  
pro voluntate, ignorantes iura, nescientes discerne-  
re, an sit naturale, gentium, an civile. Nam postquam  
ignorantia inuasit mundum, omnia male habent:  
quia ignorantia est mater cunctorum errorum. cap.  
ignorantia. xxxviii dist.

Itaque cum aliquid addimus, &c. ] Ius com-  
mune hic vocat ius naturale, & ius gentium quod  
per æquū apud omnes gentes custoditur. sic in l. om-  
nes populi. infra eodem. & §. ius autem civile. de iure  
natural. in Instit. quamuis aliās ius commune pro  
materia accipiatur. vt scripsi in l. iuter adulterium. in  
fin. ff. de verb. signific.

Ex quo inferitur, quod si fiat constitutio, secundum  
ius civile, regetur prout ius civile: ideo derogando  
iuri, & tunc etiam illi derogatum erit, eo quod illa  
non ignoratur. text. & ibi gloss. in verbo, facti. in c. p.  
primo.



primo. de constitut. lib. vj. Felin. in cap. Pastoralis. de fide instrum.

Nec dicetur ius proprium illius ciuitatis, in qua statutum est secundum ius commune, si nil additum est. per istum text. à contrario: si autem sit additum, erit ius proprium. Nam quis non potest dicere proprium illud, quod est commune. cap. sicut hi. 47. dist. l. serui. §. j. de legat. j. ff. verumtamen poterit aliquos effectus hoc statutum habere ultra ius commune, quamuis nihil additum sit. vt docent interpretes. in d. c. j. Bart. in l. iij. §. si rem. ff. de legat. j. facit l. vnic. §. si quæ pragmaticæ. C. de Iustinia. Cod. confirmand. Doctores in l. properandum. §. si autem alterutra. C. de iud.

Nec refragatur quod docet Bart. in l. j. in princ. ff. ad legem Falcid. sicut stipulatio in aliam conuentionem deduci potest, ita & ius commune in statutum, & illud non inficiamur, sed non fit proprium ius ciuitatis, si nil additum sit, vt hîc.

Nec secum facit, vt si quis secundum ius commune, in testamento disponat, erit vltima voluntas. l. Gallus. ff. de liber. & posthu. & per totum titulum. Etiam venditum secundum ius commune, erit venditio, sed, quid tum? ibi ius disponit, quando erit vltima voluntas, vel contractus, & sic nihil ad propositum: quia ius non disponit, quod statutum nil addens efficiatur ius proprium condentis: & sic per ista inulta contraria sublata erunt.

Limitatur in casu singul. vtpote si lex erat correctæ, vel non ligabat, tunc constitutio secundum ius commune facta, erit propria, vt in Gallis, qui iure communi non tenentur. Ias. in l. illam. C. de colla. si fiat constitutio à Rege Franciæ, iuri communi conformis, illa constitutio erit ius proprium Gallorum, quamuis nihil sit iuri additum, quia est Principis constitutio, quæ nunc ligat, eò quod populi consensu recepta fuit. l. de quibus. ff. de legibus. Nam satis videtur hîc additum.

**Ius proprium, id est, ciuile, efficimus.]** Iste text. est notandus ad hoc, quod vbi ius ciuile aliquid addit iuri naturali, vel gentium, illud efficitur ius ciuile, vocaturque ius proprium, id est, ciuile: diuersum est, si nihil additum sit, vt dictum fuit proxime.

Intelligite illud statutum, seu constitutionem factam, esse ius ciuile, tamen materia iuris gentium non erit iuris ciuilis, vtpote obligationes à iure gentium institutæ sunt. vt in l. præcedenti: postea additur illis obligatio ciuilis. §. j. de obligat. in Instit. Non tamen desinet obligatio naturalis & iuris gentium esse, alioqui nihil esset iuris gentium ferè, cum sit ferè immutatum: ideo iste text. dicit constitutionem, quæ addit iuri communi, id est, naturali, vel gentium, effici ciuilem, & propriam statuentis, sed non immutat (vt Alchimia) substantiam rei, nec prior materia erit iuris ciuilis: & sic dominia, hodie etiam, sunt iuris gentium, quamuis de iure ciuili additi sunt modi acquirendi, & alia multa, vt dixi in l. præcedenti. sed illi modi additi erunt de iure ciuili, vt pulchre docet Ias. in repet. l. admonendi. col. 66. numero 184. de iure iurand. ff.

Vnde, licet addatur noua poena per constit. tamen delictum non desinet esse publicum, & sic confiscatio & infamia aderit ex illo delicto, & testam. factio prohibebitur, iuxta ius publicum. Bart. in l. cessat. ff. de

action. & obligat. & idem Bart. in l. j. versic. vltimus quæro. ff. de public. indic. Bal. in l. j. ff. de his qui not. infam. & l. etiam. C. de fur. ac l. reos. numero 20. C. de accusat. nisi fieret nouum delictum ab ipso statuto, & nomen delicti vel contractus mutaretur, & alteraretur substantia ipsius. vt per Bart. in l. j. ff. de condit. ex lege. Albertus Brunus in tract. de augmento. in 3. conclus.

Et sic infertur, quod constitutiones, per quas aliquid detrahitur, vel additur iure ciuili, faciunt proprium ius statuentium Gallorum, vel aliorum. per istum text. Bartol. & alij in l. prima. in principio. ff. ad legem Falcidiam.

Vnde vtile est; Nam Galli illas constitutiones proprias seruare debent, & secundum eas iudicare, quia ius est proprium eorum: ideo si derogetur iuri scripto, non tamen tollitur hæc constitutio Gallorum. Et hoc dixi contra aliquos, qui dicebant iura Sexti non seruari quoad hæreticos, sed ostendi illa esse à Rege Ludouico sancto innouata, & approbata, & de eis constitutiones factas, ideo nouum ius Gallorum effectum: & illas constitutiones vidi in quodam lib. Curie Parisiens. quem ostēdit mihi illustris, & super alios excellens, Do. Præses à sancto Andræa.

Ideo, si fieret constitutio contraria, non tolleretur ius proprium effectum Gallorum, vt docet glos. in l. vnica. in verbo, anniuersarie. C. de colla. dona. lib. 10. vt plenè scripsi in tract. no. q. quinta.

Imò, Imperator non potest tollere illud ius effectum proprium Gallorum, nec priuilegia in consuetudinibus Regis conscripta. vt docet Panor. in cap. super eo. ij. no. j. de appella. & Benedict. in repetit. c. Raynuius. in verbo, si absque. in 2. de substitutione fideicom. num. 42. de testam.

Item, ista lex etiam vtilis est in contractibus; Nam quando additur contractui, vel detrahitur, efficitur nouus actus, & receditur à primo contractu. l. ij. ff. de rescind. vend. l. iuris gentium. §. adeo. vbi scripsi. ff. de pact. l. pacta. de contrah. empr. l. j. §. si quis simpliciter. de verbor. oblig. Et ex eo agetur, non ex primo, quia vltima derogat prioribus. l. pacta nouissima. de pact. C. Doctor. in l. vnica. ff. de conditio. ex lege.

Adhuc, si Princeps committat causam iudici ad dendum iuri communi, vel detrahendo, ille efficitur nouus iudex, & delegatus, quamuis alias sit ordinarius. cap. licet in corrigendis. de offic. ordinarij. cap. cum aliquibus. de rescript. lib. vj. Felin. in cap. cum ex officij. col. 4. de præscript. & cap. tua. primo. de iure iurand. scripsi in forma mandati, in verbo, conferatis. in Concord. Franciæ.

Præterea, sicut instrumentum principale insinuandum est ex lege regni. tit. de insinuatio. ita & aliud instrumentum, quod additur, vel detrahitur à primo contractu, quia est effectum proprium instrumentum, per istum textum.

Quæ omnia intelligunt vera esse, quando aliquod substantiale esset additum, vel detractum, aut qualitas substantialis, vt dicit Bart. hîc in libello, & Doctor. in l. edita. C. de edendo: secus in qualitate accidentali, vt si iudex causam sententiæ post eius prolationem addiderit, non erit noua sententia. teste Felin. in c. sicut. nu. 18. in fin. de re iud. plenè Albert. Brunus in d. tractat. de augmento. conclus. iij. vbi reliqua videri poterunt.



§. Hoc igitur ius nostrum constat, aut ex scripto, aut sine scripto.

**D**ividit ius in scriptum, & non scriptum. idem scribitur in §. constat. de iure natur. in Instit. & quia ius scriptum nobilius esse creditur, ob id illud hic præposuit. Hodie nostra Gallia partim iure scripto regitur, partim iure non scripto: & pars, quæ iure consuetudinario regitur, consuetudines scriptas & à Rege approbatas ferè habet, sed non desinunt consuetudinis nomen obtinere. vt Bal. & alij asserunt in consuet. feudo. in præc. m.

LEX VII. PAPINIAN. LIB. II.  
DEFINITIONVM.



**V**s autem ciuile est, quod ex legibus, plebiscitis, Senatusconsultis, decretis principum, auctoritate prudentum venit. Ius prætorium est, quod prætores introduxerunt, adiuuandi, vel supplendi, vel corrigendi iuris ciuilis gratia, propter vtilitatem publicam, quod & Honorarium dicitur, ab honore prætoris sic nominatum.

**H**æc lex decidit ius ciuile constare ex sex partibus, quæ optimè explicantur à Iustinian. in tit. de iure natur. in Instit. & quod hic vocat decreta Principum, Iustinianus vocat Principis placitum: nec potest vocari placitum iudicium Senatus, vel alia iudicum sententia: quia non decernunt quod eis placet. Nam secundum ius iudicare debent. vt patet in authent. iusiurandum quod præstatur ab his. colla. 2. idè iudicia illorum rectè Senatus decreta, vel senatusconsulta vocari possunt. quicquid dicat Budæ. & alij eum seq. & auctoritatem prudentum vocat Iustinia. Responsa prudentum in titu. de iure natur. in Instit. §. respon. vbi Iurisconsulti vocabantur illi, quibus à Cæsare ius respondendi datum erat, & qui publicè iura interpretabantur. Hodie sunt quidam, qui vix terminos Institutionū intelligunt, & vix Iurisconsultorum libros à limine salutarunt, nec publicè, nec priuatim iura interpretati sunt, & tamen Iurisconsulti nomen vsurpare audent: sed Iurisconsultos Parnassi eos vocarem, qui somnando tales effecti sunt. facit text. in c. responsa. dist. 2.

S V M M A R I A.

- 1 Ius prætorium ad ius ciuile se habet, vt Prælati, vt socius, & vt pædagogus.
- 2 Magistratus iudicans contra leges, quando non sit puniendus.
- 3 Constitutio, ipsi condenti & non populo utilis, non est seruanda.
- 4 Recurrendum ad Episcopum contra statutum, quod non est bonum.
- 5 Et ad senatum, de iniqua consuetudine, vel statuto à populo facto in regno Francia.

§. Ius prætorium est, &c.

**S**icut ius Gallicum est, quod Reges Gallia intro-

Sed, quamobrem Prætores hoc ius introduxerunt? Respond. text. adiuuandi iuris gratia. & ideo miratur Pomponius, cur honoraria actio sit inducta cum sint ciuiles: nisi fortè (inquit) idè, vt innotesceret Prætor curam agere reprimendæ improbitatis hoc genus hominum. Vlp. in l. iij. §. ex hoc edicto. ff. nauæ caupo. adiuuat (vt docet Accurs.) quando dat bonorum possessionem emancipatis institutis. in tit. de bonor. posses. secundum tabulas.

**Vel supplendi.]** Edicta restitutionem continentia, vt, Quod metus causa: doli, & quæ absentibus, vel minoribus datur, supplendi gratia, inducta à Præatore fuerunt, vt inferius patet.

**Vel corrigendi.]** Corrigit, disponens vt emancipati, qui à lege duodecim Tabul. incogniti erant, succedant. §. emancipati. de hæred. quæ ab intest. deferunt. & alibi sapius. vnde Bal. hic pulchre scribit, hoc ius prætorium ad ius ciuile se habere, vt prælati, vt socius, & vt pædagogus. vt prælati, & maior, corrigi: vt socius, adiuuat: vt pædagogus, supplet. §. de constituta. de actio. in Instit.

**Iuris ciuilis gratia.]** Quidam hæc dictionem, ciuilis, explodendam arbitratur, quod ius prætorium inductum sit ad supplendum, vel corrigendum ius, sed non ius ciuile. Ego putarem non expungendam. Nam licet ius Prætorium sit inductum ad corrigendum ius, iuris tamen nomine sex partes continentur, & sic ius ciuile. & licet tempore Prætorum non esset ius ciuile, vt nunc est, tamen erant iuris partes: videlicet leges, plebiscita, senatusconsulta, & sic ius ciuile. ob id ius Prætorium est inductum ad iuuandum, supplendum & corrigendum ius ciuile, in quibus casibus correctione egeret. Nam hæc potestas prætoribus data fuit, vt est apud Fenestellam & alios. vt dicam tit. de offic. prætor.

Mirantur interpretes, cur Prætores corripiebant ius, cum si potestas data sit alicui statuendi, non censeatur potestas data, vt corrigat leges, & statuatur contra eas. l. formam. C. de offic. præf. prætor. quem text. ponderat Lud. Rom. consil. 218. præsens casus, in fin.

Vnde docet Bart. in §. quibus. in j. Constit. C. habentes potestatem statuendi, non posse leges vel constitutiones corrigere, nec immutare, nisi sit specialiter eis permittum, aut propter publicam vtilitatem, per istum text. & docet Bart. in l. cum nauarchorum. C. de nauicula. lib. xj. hoc fuisse Prætoribus specialiter permittum, vt dictum fuit. probat Ludo. Roma. consil. 37. viso puncto.

**Et magistratus, qui iudicauit contra leges, propter publicam vtilitatem, non est puniendus, nec facit litem suam, licet aliàs contra. l. si filiusfamilias. ff. de iudic. c. j. de senten. & re iud. Ioan. Mar. in rub. C. qui admitti. numero 14. Bal. in l. obseruare. q. xj. ff. de offici. procons. & sic requiritur speciale mandatum ad faciendum constitutionem, & ad mutandum iam factas, vel corrigendum. Alios casus exigentes speciale mandatum congesi in tit. de elect. deroga. in fine. in Concord. Francia.**

**Propter vtilitatem publicam.]** Colligamus ex hoc textu, ius supplendi, & corrigendi Prætoribus datum fuisse propter publicam vtilitatem: & sic statuta, & constitutiones Principum, fieri ob publicam vtilitatem debent. cap. erit autem lex. 4. distin. ibi, nullo priuato commodo, sed pro communi omnium vtilitate conscripta. Nam ius dicitur, quod

P. Rebuffi Lectura.

Speciale  
mandatum  
requiritur  
ad corrigenda,  
vel immutandas  
constitutiones.

2



bonum & æquum est. l. j. suprà, aut quod omnibus, aut pluribus in quacunque ciuitate vtile est. l. penult. infra eodem.

Idem si constitutio sit ipsi condenti vtilis, & non populo, non dicitur constitutio, sed destitutio: nec lex, sed sex. & non erit à populo seruanda, nec valet. vt testatur Papa in cap. cum omnis. de Constit. & ibi Doctor. quia non est omnibus communis. vt docet dict. cap. erit autem lex. Anchar. in consil. 298. in territorio, circa finem. post Bal. in l. iudicibus. C. de appella. vnde Consiliarij ignari, qui has leges consulant fieri, in magno animarum suarum sunt discrimine, & maledicti à populo, supra Caim. Nam si ad vtilitatem solius Principis fierent constitutiones, omnia reducerentur ad eum, & pauper esset populus, sic & idem fiscus, qui abundare creditur in subiectis locupletibus. §. cogitatio. in authen. Vt iudices sine quoquo suffragio. colla. 2. hodie multi, qui sunt iuxta Principes, ditari volunt, & miseri fiunt: quia non curant populi vtilitatem, sine qua corrumpitur Regnum, & Imperium; nec cogitant Principes, causa populi, factos, non verò contra. vt docet Cicer. lib. 2. Officior.

Principes  
causa popu  
li facti sunt  
non econtrà.

Et Bald. dicit recurrendum esse ad Episcopum. contra statutum, quod non est bonum, nec æquum. in consil. 184. municipale. in §. volu. hodie ad Deum, Optimum, Maximum, vt prouideat contra istos, qui vtilitatem populi profligant, & suam quærunt, vt, & ipsi ad bonum reducantur intellectum, & videant, quæ hætenus egerunt, vel, si agatur de iniqua consuetudine, vel statuto à populo facto, in hoc regno ad Senatum appellari solet, qui iniquitatem tollet, & statutum sic vidi seruari.

Quod & honorarium dicitur, ab honore prætorio. Nam & ipsum ius honorarium, quasi viua vox est iuris ciuilis.

Sic Princeps dicitur viua vox legum, & filij vox patris. §. ei qui. de inutil. stipul. in Instit. & vox domini, vox serui. l. si seruus. ff. de dam. infect. §. post mortem, de inutil. stipul. & vox Abbatis, vox Monachi. cap. si religiosus. de elect. lib. vj. vox mariti, vox vxoris, licet hodie contrà, in hac patria.

Istum text. singul. dicit Bald. in marga. in verbo, ius. quæst. ij. ad hoc, quod iura prouenientia non ex proprio statuto legis, sed ex mente, sunt vtilia, non directa. quod parum hinc probatur, sed melius facit text. in l. si quis. infra de iuris. om. iud. l. j. si quad. pauper. fecisse dica. abundè scripsi in l. cum prætor. ff. de verb. signific. non repetam hinc.

### S Y M M A R I A.

1. Senatus Parisiensis ferè consuetudinibus regitur. Senatus autem Tholosanus, legibus. Burdegalensis verò, partim legibus, partim consuetudinibus.
2. Mulier incestum committens eandem pœnam, quam mares, sustinet.
3. Argumentum de statuto ad consuetudinem, & econtrà, vel ad rescriptum Principis, valet.
4. Item de pacto, ad legem, statutum, vel consuetudinem.

### LEX IX. CAIVS LIB. I. INSTITUTIONVM.



Mnes populi, qui legibus & moribus reguntur, partim suo proprio, partim communi omnium

hominum iure vtuntur. Nam quod quisque populus ipse sibi ius constituit, id ipsius proprium ciuitatis est, vocaturque ius ciuile, quasi ius proprium ipsius ciuitatis: Quod verò naturalis ratio inter omnes homines constituit, id apud omnes homines peræquè custoditur, vocaturque ius gentium, quasi quo iure omnes gentes vtuntur.

**N**otandum est populum aut legibus regi, aut moribus, & sic aut iure scripto, aut non scripto. §. & non ineleganter. de iure natur. in Instit.

Legum nomine hinc veniunt, non solum leges & constitutiones iuris ciuilis, verum constitutiones, ordinationes, statuta, canones, & aliæ constitutiones, quibus homines vtuntur, & reguntur, vt inferius probatur in titul. de Legibus, glos. in verbo, iuris, in procem. clem. & ibi Doctor.

Mores verò, continent vsus & consuetudines, quæ licet scriptæ sint, non desinunt consuetudinis vim & nomen habere. vt patet in procem. feud. per Bal. & alios. ego abundè de his scripsi in l. pronuntiatum. in fin. ff. de verb. signific.

Sic & populus Gallicus partim legibus regitur, partim consuetudinibus, partim vtrisque. Gallia, vbi Senatus Paris. iurisdictio exercetur, ferè consuetudinibus regitur. Senatus autem Tholosanus, legibus iudicat, & regitur. Senatus autem Burdegalensis, partim legibus, partim cōsuetudinibus gubernatur.

Nec placet quod Accurs. & interpretes dicunt, populum esse, qui non regitur legibus, nec moribus, vt syluestres. Dicite hos etiam Regi moribus, & vsibus, & nullus est populus, qui non regatur legibus, aut moribus, partim suo proprio iure, partim communi omnium iure.

Dicet quis, proprium ius quod vocatur? Respondeo ius illud, quod quisque populus sibi constituit. Nam proprium dicitur illius ciuitatis, cui illud ius statutum est, & vocatur ius ciuile, quasi ius proprium ciuitatis. §. ius autem ciuile. de iure natural. in Instit.

Sed, quod vocatur ius commune? Respondeo, illud dici commune, quod naturalis ratio inter omnes homines constituit, & apud omnes gentes pariter seruatur, vocaturque ius gentium, quasi quo iure omnes gentes vtuntur. & quot modis commune dicatur, scripsi in l. inter stuprum. in fin. ff. de verb. significatione. & proprium in l. interdum proprietatem. ibidem.

Ex quo apparet ius gentium non indigere promulgatione, quia apud omnes gentes scitur, sed ius ciuile, cum non possit sciri, nisi post publicationem: ideo palam fieri debet, & recitari, & antea non ligat, in authen. vt factæ nouæ constit. colla. 5. Vnde Iulian. ait. leges ipsas alia ex causa nos non tenere, quàm quòd iudicio populi receptæ sint. l. de quibus. infra de legibus. ob id non licet alicui istius iuris gentium prætereignare ignorantiam, etiam in delictis. l. si adulterium cum incestu. §. j. ff. de adult. ibi, quare mulier tunc demum, eam pœnam, quam mares, sustinebit, cum incestum iure gentium prohibitum admiserit. l. pen. de iuris & fact. igno.

Quid legi  
nomine in  
telligatur.

Quid mo  
res conti  
neant.

Ius pro  
prium.

Ius com  
mune.



Item relatiuum ( qui ) denotare conditionem , si iungatur verbo futuri temporis, docet Iurisconsult. Paulus in l. Stichum. & l. serui electione. §. j. ibi. Stichum qui meus erit, cum moriar, do, lego. ff. de leg. j. hinc verò declaratiuè ponitur. vt in l. j. C. de summa Trinitate.

Si verò legauerit quis, aut promiserit, quod debet, & nil debeat, non valet legatum, quia non apparet quantum legatum promissumue sit. Vlpian. in l. si sic legatum. §. si mihi. ff. de leg. j. Aufre. in decis. Tholos. q. 414. alibi tractabo fusius de hoc relatiuo, qui, interrim vide hinc per Doctorem. & in l. j. C. de sum. Trinita.

3 Adducunt Doctores bonum esse argumentum statuti ad consuetudinem, & è contrario. l. de quibus. infra. de legib. Et quod per statutum fieri potest, & per consuetudinem: & iura in statutis loquentia, ad consuetudines trahi poterunt. vt no. in procem. feud. ideo quæstiones plures hinc tractatæ, vide per Bart. in statutis, an ad consuetudines trahi poterunt ab his, qui consuetudinibus reguntur.

Etiam de statuto, ad rescriptum Principis argumentum procedit, vt docet Innocen. in cap. quæ in Ecclesiarum. de constit. Alberic. in prima parte statutorum. q. 9. vt refert Iason in l. iustitia. col. 2. infra eod.

4 Præterea arg. à pacto ad legem, statutum, vel consuetudinem recipitur. Nam quicquid per pactum fieri potest, & per legem, statutum, & consuetudinem. l. vltima. in fi. de fideiussor. C. glos. in rubri. C. de decret. decurio. lib. 10. & in ca. 2. de consuet. lib. vj. & Alex. consil. 27. & seq. in 2. vol. & consil. 66. in 7. vol. negatiuè probatur. in l. fin. C. de reb. alien. non alien. abundè tractat Nicol. Euerard. in suo tracta. de locis lega. in hoc argumen. & Albert. Brunus in tractat. de augmento. in conclus. 4. tertiæ conclus. princ.

Hic Bar. abundè materiam statutorum tractat, ex cuius fonte hausit Alberic. tract. statutum, quæ edidit, & alij omnes, Panor. & alij in c. quod clericis, de foro compet. Ego aliàs profitendo publicè istam legem declarauit, & eius materiam, sed pressus alia lectione, non potui in scripturam redigere, & nunc senectute, & negotiorum multitudine grauatus, non potui alia addere. Ista (lector beneuole) boni consule.

LEX X. VLPIANVS LIB. I.  
REGVLARVM.



Iustitia est constans, & perpetua voluntas, ius suum vnicuique tribuens. Iuris præcepta sunt hæc: honestè viuere, alterum non lædere, ius suum cuique tribuere. Iuris prudentia est diuinarum, atque humanarum rerum notitia, iusti atque iniusti scientia.

Iuriscons. præposuit iustitiam iuri in rubrica, quia prior est iustitia, cum ius à iustitia appelletur. in l. j. licet prius tractauerit de iure: quia potior & amplior est iuris tractatus, ad quod Iurisconsult. nostri, tractandum potissimè laborant.

Contra hanc definitionem Accurs. multa & alij post eum iactant, dicentes hominem non esse constantem, aut perpetuum. sed Vlpian. iustitiam non hominem definit, quamuis homo iustitiam exer-

ceat, sed Rodol. Agricol. in libro secundo de inuention. Dialect. excusat Vlpia. ob negotiorum occupationem. Alciat. verò libro 1. Parerg. cap. 31. alio excusat modo.

Ego verò dicerem, Vlpianum excusatione non indigere, & in sua definitione rectè sensisse. Nam hinc, Vlpian. non ad hominem respicit, sed ad ipsam iustitiam. Vnde, voluntas constans & perpetua ius tribuens vnicuique, quomodo vocabitur, nisi iustitia? & è contrario, iustitia est constans voluntas, & perpetua, quæ tribuit ius suum vnicuique. Nam Doct. fallitur in hoc, habentes ad hominem consyderationem, & quia hinc vnitur voluntas constans, verbo tribuens, quia non sufficeret voluntas constans, nisi esset tribuens, & de facto tribueret vnicuique ius suum: ideo illa voluntas constans, non vacillans in vno potius, quàm in alio, sed apud omnes æquè est, & perpetua, quæ non fallit, nec fallitur. l. finali. C. de ponderat. lib. 10. Itaque illa voluntas tribuens ius suum vnicuique erit iustitia, & hoc modo intellecta superat omnes alias definitiones datas ab aliis hætenus. & quæ opponuntur hinc per Accurs. & alios non respondent ad rogatum. in Padect. Flor. legitur ius suum cuique tribuendi. Nā iustitia est constans voluntas, & perpetua tribuendi ius suum vnicuique, quatenus respicit ipsam: sed si hominem respicias, non, at hinc non definitur iudex, sed iustitia.

Si Papa vel Rex mandet alicui, quod faciat iustitiam in tali re, videtur ei committere causam, vt de ea cognoscat, & decidat. cap. Episcopus. vbi Doctor. ne cler. vel mo. lib. vj. Ias. hinc plura adducit, quia iustitia in cognitione & decisione consistit. vt patet in l. de qua re. ff. de iudic.

De laude iustitiæ non est nostrum hinc scribere, cum Aristot. lib. 1. & 5. Ethicorum. Plato, & alij hanc præclarissimam virtutum esse dixerint. & Ecclesiast. 10. cap. scribitur: Regnum de gente in gentem transferri propter iniustitias, iniurias, ac contumelias, & diuersos dolos. Ideo Rex inspiens perdet populum suum, vt patet de Roboam filio Salō. Sed qui iudicat in veritate pauperes, thronus eius in æternum firmabitur. Prouerbior. 9. cap. Ergo omnes, præcipuè magistratus, ipsam iustitiam sequi, & exercere debent. & Lactan. lib. de vera iustitia ait, neminem pauperem, nisi qui iustitia indiget: neminem diuitem, nisi virtutibus plenum. Ideo solent regna esse opulenta, vbi iustitia regnat, è contrario miserrima, multa scribit Lucas de Peña in l. neminem. C. de susceptor. lib. 10. Vide quid scribat de iustitia Hesiod. in opusculo inscripto, ἔργα καὶ ἡμέραι:

O vos qui regitis terras, aduertite mentem

Huc ad iustitiam, quoniam superi propè nos sunt

Dij qui cuncta rident, & eos qui per mala iura

Defraudant alios, sprete ratione deorum, &c.

Ipsaque iustitia est virgo Ioue nata parente,

Clara deos inter superos, reuerendaque multum,

Quam si quis violet, meritorie fraudet honore,

Continuò ante pedes residens patris Iouis alti,

Humana exponit mentis scelera, & dare pœnas

Vult fraudis, populi rectores, qui sacra iura

Detorquent, mala dum ob nûmum sententia fertur.

Sed memor, ô Iudex, horum, tua dirige rectè

Iudicia, & capiant te obliuia iuris iniqui:

Noxius ipse sibi est, alij qui querit obesse,

Consiliumq; malum danti fert maxima damna.

P. Rebuffi Lectura.

C 2

Regnum  
quare de  
gēte in gen-  
tem trans-  
feratur.



*Iurisdictio  
triplex.*

Itē, Gallica vox *Iustice*, accipitur pro iurisdictione quam triplicem esse dicunt, videlicet altā iustitiam, id est, merum imperium: mediam, id est, mixtum imperium: & bassam, quam infimam iurisdictionē Iurisperiti vocant. in l. imperium. ff. de iuris. omn. iudic. vbi dicam fufius.

### S V M M A R I A.

- 1 *Hoc dicimur facere nō posse, quod inhonestē possumus.*
- 2 *Occidendo etiam alium, vel aliud maleficium committendo fit lesio.*
- 3 *Emptor fructus rei emptæ percipiens, tenetur etiam ad vsuras pretij non soluti.*

### §. Iuris præcepta sunt hæc, &c.

*Honestè vi  
uere quid  
designet.*

**C**um ius nostrum in bono & æquo versetur, eius præcepta sunt tria. Primum est, vt homines honestè viuant, & sic iudices & magistratus possunt compellere suos subditos, vt honestè viuant: vnde si habens vxorem, habeat & concubinam, potest compelli vt concubinam dimittat, quia honestum non est concubinam cum vxore habere, & talis est odib. l. s. si verò effusa concupiscentia. in auth. quib. mod. natur. effici. sui. colla. 7. l. eum qui. C. de adult. facit l. ex ea parte. §. j. ff. de verb. oblig. vbi Doct. scripsi in titu. de public. concubina in Concorda. Franc.

*Meretrix  
ex vrbe  
expellenda.*

Etiam potest iudex expellere, instante hospite, vel vicinia, meretrices de ciuitate, ne alias bonas mulieres inficiat, vt docet patruus meus Iaco. Rebus. in l. si qua, per illum tex. C. de specta. lib. xj. l. nullus. C. de sum. Trinit. &, vt signum aliquod portent. l. minus. vbi Bal. C. de episc. audien. & sententia iudicis, quā dictum fuit, inhonestum repellendum de domo, in qua forè tenet meretrices, & ludos publicos, à iure prohibitos, erit executoria per modum (vt aiunt) prouisionis vt plene scripsi in præfato titu. de sentent. prouisio. in j. Tomo Commen. in Constit. Reg. Gallie. num. 133. vide etiam quæ scripsi in l. Masurius scribit libro memorialium. ff. de verb. signif.

*Promissio  
inhonesta.*

Item non valet promissio inhonesta. l. generaliter. cum sequentib. ff. de verb. obligat. vnde non tenetur seruus, aut famulus, vel mulier ad operas inhonestas. l. eius artificij. ff. de oper. libert. Nam ius honestatis, ab omni superioritate exceptum censetur. Bal. in l. quod ex liberta. C. de oper. liber. vnde priuari audiui dominum sua iurisdictione, qui subditam suam ad inhonesta adegerat: quia illud dicimus nos facere non posse, quod inhonestè possumus. l. filius. ff. de conditio. inst. l. nepos. vbi scripsi. ff. de verb. significat. Vnde nec quidem valet consuetudo bibendi ad potus æquales, nec vt in Ecclesia ludi fiant, vel à clericis, nec alia consuetudo inhonesta. ca. cum decorem. & cap. à crapula. de vita & honest. cleric. c. cum inter. de consuet. c. irrefragabili. de offic. ordin. vbi Panor. plenè Curti. in repet. c. fi. no. 3. in 4. amplia. de consue.

*Alterū la-  
dere quid  
sit.*

Alterum non lādere. ] Hoc iuris præceptum naturali præcepto est conueniens: Non facias aliis, quod tibi fieri non vis, vt in principio decreti; & sic ius præcipit, vt alterum non lādas: lādere alium quis dicitur, si in meo solo, me inuito, quicquam facias, in titu. de no. oper. nuntia. furtum iniuriæ committas, in titu. de furt. & iniur. prohibeturque vt neminem concutias. in titu. de concus. etiam occidendo alium lādis. ff. de fcar. vel aliud maleficium

committēdo, quæ omnia hīc comprehendi possunt, & maximè prohibetur in minoribus ne lādantur, in tit. de minor. & in tit. de in integ. rest.

Ius suum vnicuique tribuere. ] Hoc præceptum sanctum est, & iustum, de quo Iurisc. Paul. scribit sic: Restitutio ita facienda est, vt vnusquisque integrum ius suum recipiat. Itaque si in vendendo fundo circumscrip. restituitur, iubeat prætor, emptorem fundum, cum fructibus, reddere, & pretium recipere. l. quod si minor. §. restitutio. ff. de minor. & Caius ait: Si minori pretio quā oporteret vendiderit adolescens, emptor quidem iuberi debet prædia cum fructibus restituere: iuuenis autem eatenus ex pretio reddere debet, quatenus ex ea pecunia locupletior factus est. l. patri. §. item ex diuerso. ibidem. & emptor, qui percepit fructus rei emptæ, tenetur quoque ad vsuras pretij non soluti, etiam in conscientia, quia ius suum vnicuique tribuendum est. l. curabit. C. de act. empt. & Diuus Paulus ait c. 13. ad Roman. Reddite ergo omnibus debita, cui tributum, tributum: cui vectigal, vectigal: cui honorem, honorem. c. si in morte. in fi. 23. q. 8.

### S V M M A R I A.

- 1 *Constitutio qua ad vnius tantum utilitatem fit, non meretur ius dici.*
- 2 *Sententia ordinarij iudicis non valet si locum maiorum iudicum mutauit.*
- 3 *Iudex appellationis potest locum eligere, si ei statutus non sit.*
- 4 *Conuentus iuridici in qualibet iurisdictione parte fieri possunt.*
- 5 *Iniuria magistratui in executione officij illata, censetur Principi facta.*
- 6 *Crimen læsæ maiestatis dicitur committi, occiso magistratu.*
- 7 *In regno Francia nulla sententia sine appellatione corrigi, vel infringi possunt.*
- 8 *Prorogatio iurisdictionis vix fit in Frācia: & quare.*

### LEX XI. PAVLVS LIB. XIII. AD SABINVM.



**V**s pluribus modis dicitur: vno quidem modo id, quod semper æquum & bonum est, ius dicitur: vt est ius naturale. Altero modo, quod omnibus, aut pluribus in quacunque ciuitate vtile est: vt est ius ciuile. Nec min⁹ rectè ius dicitur in ciuitate nostra, ius honorarium. Prætor quoque ius reddere dicitur, etiam cū iniquè decernit: relatione scilicet facta, non ad id, quod ita Prætor fecit: sed ad illud quod Prætozem facere conuenit. Alia significatione ius dicitur locus, in quos ius redditur: appellatione collata ab eo, quod fit, in eo vbi fit, quem locum determinare hoc modo possumus; vt vbicunque Prætor, salua maiestate imperij sui, saluòque more maiorum, ius dicere constituit, is locus rectè ius appelletur.

Quod



**Q**uod variè accipitur, ambiguum est. l. in ambiguo. ff. de rebus dubiis. ideo quia ius diuersis modis capitur, ob id Iurifconf. hîc voluit declarare quo modo frequentius capiatur, vt sequitur.

Vno modo id quod semper æquum, ac bonum est, &c. ] Primò accipi ius pro naturali voluit, quod est semper bonum & æquum, quia à ratione naturali procedit, vt superius visum est, ideo mutari non potest: aliàs iniquum & malum acciperemus, & si fieret ius, vel constitutio contra ius naturale, esset mala & iniqua, quod fieri non debet: sed ius naturale distingui, declarari, ac moderari potest, vt per interpretes in §. sed naturalia. de iure natur. in Instit. facit text. in clem. ne Romani, de elect. & in proxima l. dictum fuit.

Altero modo, quod omnibus aut pluribus, &c. ] Secundò accipitur pro iure ciuili, quod omnibus vtile est, aut pluribus, & sic constitutio, quæ fit, ad solam vtilitatem vnius, non meretur ius dici, sed ius iniquum, & ipsa iniquitas. Nam & ius ciuile, & proprium cuiuslibet populi debet esse vtile omnibus, vel saltem pluribus, id est, communiter. c. cum omnes. de constit. dixi superius quod si inquirerentur constitutiones, quæ fiunt hodie, multæ inuenirentur iniquæ, & malæ, nec bonum, nec quidem æquum continentes, sed contrarium: de quibus respondebunt conditores, & reddent rationem Deo, Optimo Maximo.

Nec minus ius dicitur. ] Tertiò, ius Prætorium rectè vocatur ius; Nā & ipsum ius honorarium, viua vox est iuris ciuilis. vt superius Martia. docuit.

Prætor quoque ius reddere dicitur. ] Prætor, & quilibet iudex, ius reddere dicitur, id est, vnicuique reddere quod suum est: licet interdum hoc non faciat, sed quia oportet, vt hoc faciat, & sic iudicem oportet rectè iudicare, aliàs facit litem suam. l. si filius familias. ff. de iud. & de var. & extraord. cognit. & sic quartò accipitur ius, pro eo quod est rectum, bonum, & æquum.

Alia significatione ius dicitur. ] Quintò accipitur ius pro loco, & foro, in quo ius dicitur. vnde Vlpian. sic scribit, quod ait Prætor: Qui in iure interrogatus respondit, sic accipiendum est, apud magistratus populi Roma. vel Præsides provinciarum, vel alios iudices: ius enim eum solum locum esse, vbi iuris dicendi, vel iudicandi gratia consistat, vel si domi, vel in itinere hoc agat. l. voluit. ff. de interr. actio.

Et sic, per hæc iura, accipitur ius pro loco, & quia magistratus in illo loco ius reddunt, ideo dū dicitur, in iure interrogatus, intelligitur apud magistratus, quia à magistratibus partes interrogari solēt. l. vbi cūque. ff. illo titu. sed dicet quis? si iudex ius dicat in diuersis locis, quis locus ius dicetur? sequitur locus constitutus ad ius reddendum.

Quem locum determinare hoc modo possumus, &c. ] Et sic locus constitutus ad dicendum ius, rectè dicitur ius, si conferamus id quod fit, ad id in quo fit, vt dicit text. Ex hoc text. constat locum esse prius constituendum, quod est verum in iudicibus delegatis, qui non habēt certum locū, ideo ipsi sibi eligunt locum, in quo deinceps ius reddant.

Sed ordinarij iudices locum maiorū mutare non possunt, sed ibi ius dicere debent, alioqui sententia nulla esset. l. si vt proponis. 2. C. quomodo & quando iudex. & hîc. & l. cum sententiā. C. de sent. & interlo.

om. iud. quia forma cōstitit in loco, quæ tunc nō seruatur. l. ad certū. iuncta l. si cui. ff. de seruit. l. qui cōcubinam. §. vxori. ff. de leg. 3. Albert. Bru. in tract. de for. & solen. act. tit. ex quibus cōsistant forma, &c. ver. §. 6.

Iudex etiam appellationis, debet iudicare in loco maiorum, si statutus sit, alioqui ipse eligere poterit. glos. & ibi Doctor. in l. cum sententiam. C. de senten. & interlo. om. iudic.

Limitatur primò, in conuentibus iuridicis (quos assisias dicunt) hi enim in qualibet parte iurisdictionis fiunt, & reddit magistratus ius in quolibet suæ iurisdictionis loco, sicut Episcopus. cap. cum Episcopus. de offic. ordin. in vj. idem dicunt in actibus voluntariæ iurisdictionis, & qui non requirunt causæ cognitionem. vt per Doctor. in d. l. si vt proponis. vbi etiam restringunt in iudicibus, qui certum non habent locum, vt dictum fuit.

Secundò, si locus esset destructus, vel sine periculo vitæ quis ibi ius dicere non posset, clem. vna. de foro comp. cap. fin. de re iud. in vj. glos. & Bart. in l. j. C. de senten. ex libell. recit. alias limitationes tradit Socin. in cap. fin. de foro compet. circa finem. vide inferius an prorogatio fieri possit?

Et quando locus antiquus adiri non potest, vel tempore, quo magistratus prouincias discurrunt, debent eligere locum honestum. l. si cum diues. §. penult. ff. de arbit. hoc etiam probat iste text. ibi, vbi cūque salua maiestate imperij sui. Nam, non esset salua imperij maiestas, si in lupanari, vel stabulo ius magistratus dicere veller.

Idem, si in Ecclesia, vbi placita fieri prohibentur. cap. decet. §. cessant. de immura. Eccles. lib. vj. non posset etiam iudex monasterium monialium ad dicendum ius eligere, intra quod viri ingredi prohibentur. cap. monasteria. de vita & honest. clericor. scripsi in tract. de domicili electione. in 3. tomo Comment. ad Cōstitut. Regi. Nec quidem monasterium viro- rum, vbi solitudo esse debet. cap. placui. 16 q. 1.

Istum etiam text. ponderant Doctor. hîc & in l. si familia. ff. de iurisd. om. iud. quod iudices & magistratus dicuntur maiestatem habere, ideo iniuria eis illata, censetur Principi facta, cuius nomine ius dicunt, & hoc quando fit eis in executione officij. l. & si Prætor. ff. de offic. eius. vbi dicam. Guido Papa decisio. 557. Aliquis.

Imo, si occidatur magistratus, dicitur committi crimen læsæ maiestatis. l. j. §. cuiusue. ff. ad legem Iuliam maiest. & qui conspirant contra eos. vt docet Ioan. Fab. in proce. cum maiestatem habeant. vt hîc.

Ego dicerem maiestatem accipi interdum pro summo honore, magnificentia & autoritate, quam habet supremus Princeps, & sic capitur in titul. ff. ad legem Iuliam maiestat. & C.

Aliquando maiestas capitur pro autoritate, & dignitate magistratus cuiuslibet. vt hîc & in d. l. si familia. ff. de iurisd. om. iudic.

Vnde dicendum est, illum non committere crimen læsæ maiestatis, nisi Principem illum, qui summum honorem gerit, lædat, vel in eum aliquid admittat. d. l. j. vel in eos, qui iuxta Principem adstant, qui pars corporis Principis sunt. l. quisquis. C. ad leg. Iul. maiest. Io. de Platea. in l. nemo. C. de dignit. li. 12.

Quamuis magistratus maiestatem, id est, dignitatem habeant, non tamen summam, & sic non committitur crimen læsæ maiestatis propriè, si quis

In iure in-  
terrogatus,  
quid deno-  
ret.

Locus ad  
dicendum  
ius, dicitur  
ius.

3

4  
Casus, qui-  
bus locus iu-  
risdictionis  
mutari po-  
test.

5  
Maiestas  
iudicum.

6

Crimē læsæ  
maiestatis.



eos lædāt, & ita intelligi debent, quæ Ioan. Fab. & alij scribunt in præmio Instit. Alex. consil. 13. confyderatis. in 6. vol.

Item, glos. & Doctor. hīc asserunt sententiam latam contrarius esse nullam, quod limitant & restringunt in multis casibus, in quibus non esse appellandum affirmant, & idem interpretes in cap. j. de sentent. & re iudic. Ego verò dico in hoc regno nullam sententiam corrigi posse, vel infringi, nisi quis appellet, & hoc per Const. Reg. tit. de sentent. artic. 4. in 3. tomo Commenta. ad. Constit. Reg. & sic non seruatur in Francia. tit. quæ sentent. sine appel. rescind. vt scripsi in præmio Const. Reg. in primo tomo. Vltimo Bart. docet hīc partes posse conuenire, vt iudex extra assignatum tribunal, etiam extra territorium, in quo est iudex, iudicare possit, quia partes possunt conuenire, vt post tempus iudex cognoscat. l. cum non eo. C. quando prouoc. non est neces. Sed istam Bart. sententiam reprobat vsus forensis Franciæ. qui probatur in l. iij. ff. de offic. Præsid. vbi magistratus extra territorium est tanquam priuatus, ergo iudicare non potest, cum iudicare munus publicum sit. l. quippe. ff. de iudic. Priuatorum consensus non facit illum iudicem, qui nulli præest iurisdictioni. l. priuatorum. C. de iuris. om. iudic. & Paul. scribit: Extra territorium impune ius dicenti non paretur. l. si. ff. de iuris. om. iudic.

Et sic per prædicta apparet, hodie partes nō posse prorogare iurisdictionē, vltra tempus præstitutum, quia statim iudex desit finito tempore. Nec refragatur l. 2. §. si iudex. ff. de iud. quia ille §. est correctus per d. l. priuatorum consensus. C. de iuris. om. iudic. nec probat d. l. cum non eo. per Bartol. adducta. ideo tollitur argumentum de tempore ad locum, vnde etiam non possent partes consentire, vt iudex ordinarius extra locum maiorum, iam assignatum sine causa necessaria agnoscat, alioqui ipsa sententia nulla redderetur. l. si cum dies. §. si arbiter. ff. de arbit. & audiui ita annullari, sententias extra locum maiorum latas, ab ordinario instante procuratore Regio, aliās esset in potestate iudicum locum maiorum immutare, & in domo sua iudicare, loco à superiore assignato dimisso, & alium eligere, quod fieri non potest, quia inferior legem superioris tolleret, quod est prohibitum. cap. cum inferior. de maior. cle. ne Romani. de elect. & scripsi in tit. de causis. in Concord. prorationem iurisdictionis in Francia vix fieri, cum iurisdictiones sint patrimoniales.

LEX XII. MARTIANVS LIB. I.  
INSTITVTIONVM.



Onnumquā ius etiam pro necessitudine dicimus: veluti est mihi ius cognationis, vel affinitatis.

*Ius cognationis pacto non mutatur.*

ET hoc ius cognationis non posse pacto mutari, nec repudiari, docet Modestinus. in l. ius autem. ff. de pact. & iura sanguinis nullo iure dirimi possunt. Pomponius in l. iura. ff. de reg. iur.

Aliis modis accipitur ius. vt per Io. Andr. in mercurial. in præm. & Luc. de Penna in rub. C. de iure fisci, lib. x. & per Paul. de Citad. in tract. de iure patro. in prin. varias phrasas congepsi in l. verbis legis. ff. de verb. signific. ideo his contentus ero.

De origine iuris civilis, & omnium magistratum, & successionem iuris prudentum. TIT. II.

S V M M A R I A.

- 1 Aduocatus verbosus, postulationis officio priuandus.
- 2 Paucitas sermonis praualeat multiloquio.
- 3 Breuitas verborum quæ dicatur.
- 4 Perfectum omnem virtutem in se concludit.

LEX I. CAIVS LIB. I. AD L.  
DVODECIM TABVLARVM.

**A**cturi legum vetustarum interpretationem, necessariò prius ab vrbis initiis repetendum existimauimus: nō quia velim verbosos commentarios facere, sed quòd in omnibus rebus animaduerto id perfectum esse, quod ex omnibus suis partibus constat. Et certè cuiusque rei potissima pars principium est.

**A**ntequam Iurisconsultus originem iuris declararet, præmittit se nolle verbosos commentarios facere, sed ab initio materiam exordiri, quia potissima pars cuiuslibet rei est principium, quod oportet optimum esse, & melius medium, & deinde finem sequi bonum. vt glos. in præm. Instit. docet. & sic volens facilem & veram interpretationem tradere, debet originem rei quærere, vt Iuriscon. hīc facit, & in l. j. supra tit. præced.

Verbosos commentarios. ] Non debemus esse verbosi in interpretationibus, quia multitudo onerosa nihil honesti habet. in authen. de referenda. in fi. colla. 2. & cap. tales. 23. dist. At laconismo gaudent breuitate recentes.

Et aduocatum verbosum, esse postulationis officio priuandum, censet Accursius. in l. ex ea causa. infra de postula. & multò vtilius est, pauca idoneè effundere, quàm multis inutilibus homines prægrauari. l. ij. §. deinde quia. C. de veter. iure enucle. & melius est pauca agere cautè, quàm multis interesse periculosè. in authen. de tabellio. §. si verò. colla. 4. & longitudo sæpe legentis mentem inuoluit. vt dicit Aretinus. consil. 83. quia in principio. & multitudo allegationum confusionem generat. secundum Panor. consil. 30. visis. in princip. in j. volum. ideo in his, quàm breuissimè fieri poterit, me explicabo. in Ecclesiast. 7. c. sic scribitur: Noli verbosus esse. Est autem breuitas, cum nullum nisi necessarium assumitur verbum. Cicero libro primo Rhetoric. vel breuitas est, in qua commodè principale tangitur, & vtile accessorium enarratur: non enim multis opus est, sed efficacibus.

Plurimum quidem proficit sermo, qui minutatim recipitur, animo. Seneca ad Lucil. epist. 38. quem refert Luc. de Penna in rub. C. de legat. versic. 12. caueat. lib. x.

Id perfectum esse, quod omnibus suis partibus constat. ] Hīc apparet nec illud esse perfectum,

*Perfectum quid, quædo dicatur.*



fectum, cui est aliquid addendum. l. pen. de his quib. ut indig. C. & Aristot. lib. 5. Methaphysicorum, c. 16. ait perfectum esse, cum secundum speciem propriæ virtutis nulla desit particula, & finis adest.

**Cuiusque rei potissima pars principium.]** Glos. in cap. sedes. de rescript. in glos. 2. aliquando, inspicitur initium pro materia, interdum finis. ut glos. & Doctor. not. in cap. dudum. j. de elect. & ipsa est materia brochardica quam Placent. in suis alleg. hinc inde disputavit, & multa iura congestit.

## S V M M A R I A.

1. *Proferentes aliquam scientiam non debent præfationibus omisis eam interpretari.*
2. *Professores iuris debent legum voluntates aperire.*
3. & 4. *Duo præfationum commoda.*

§. Deinde, si in foro causas dicentibus, nefas (ut ita dixerim) videtur esse nulla præfatione facta, iudici rem exponere: quanto magis interpretationem promittentibus, inconueniens erit, omisis initiis, atque origine non repetita, atque illotis (ut ita dixerim) manibus, protinus materiam interpretationis tractare? Namque (nisi fallor) istæ præfationes, & libentius nos ad lectionem propositæ materiæ perducunt: & cum eò venerimus, eius euidentiore præstant intellectum.

**A**duocatus causam dicens in foro, debet uti præfatione, sed qua præfatione? ut iudicem commendet, ut supplicet, eum benignè audire. Sic dicit Iunius Zeno Anto. Augusto: Rogo domine Imperator audi me patienter. ut restatur Marcellus in l. proximè. ff. de his quæ in test. delentur, inducuntur, vel inscrib. Specula. in tit. de aduoc. §. minor, de exordiis.

Ego audiui aduocatos famosos pro materia præfationes habere, si enim de pupillis loquebantur, inchoabant sic: Modestè radit Modesti. in l. iij. ff. qui petant tutores, omnem me rationem adhibere subueniendi pupillis, cum ad curam publicam pertineat, liquere omnibus, volo dicebat diuus Seuerus Cuspio Ruffino: si ergo Imperator tantam habeat, sic & vos habebitis pij iudices, si de minorum restitutione. l. primam. de minorib. ff. adducebant. aliâque quamplurimas, prout sese offerebat materia. Debet etiam aduocatus causam commendare, si ipsa sit, vel aliâs, ut in stylo Parlamenti, in tit. de aduocatis: habetur.

Præfationes autem, sicut & sermones, secundum materiam, sunt exquirendæ. ut dicit Arist. in primo Ethicorum. Et Cicero libro tertio Rhetoricæ ait: Sic conuenit exordiorum rationem ad omne genus accommodari, ut suffragium scilicet, conferat orationi. habetur in §. j. C. de Iusti. Cod. confir.

**Quantò magis interpretationem.]** Colligite interpretantem aliquam scientiam, non debere

eam attingere præfationibus omisis, & origine materiæ non repetita: siue is scribat, siue profiteatur, per istum textum. Vnde Vlpian. ait: Bene est, priusquam ad verborum interpretationem perueniamus, pauca de significatione ipsius tituli referre. in l. j. ff. si certum petat. Et non sufficit, ipsa tantum vocabula, Grammaticorū instar, declarare, sed professores iuris legum voluntates pandant. l. vnic. C. de stud. libe. vrbs Romæ, lib. xj.

Repetere originem dicimus, quando à suo initio materiam inchoamus, & ad suum ortum reducimus, ut abundè explicauimus in l. quos nos hostes. §. locuples. ff. de verbor. signific. vbi posui varias phrasas huius verbi repetere.

**Atque illotis manibus.]** Collige Iurisconsult. uti parœmia, siue adagio, & sic in iure aliquando vtendum, & sapius allegatur non debere attingere materiam, seu eam pertractare illotis manibus, id est, sine aliquibus præfationibus, & imparatis audientium animis. ut Budæ. ait, translatus à sacrorum puritate, pro eo quod est irreuerenter, atque imparatè vnde Hesiod.

*Μηδ' εὖ ποτ' ἐξ ἡδὺς διὲι λέϊβ' ἀποτοῖα δίον*

*Χέρον ἀνὰ τοῖσι, μηδ' ἄλλοις ἀθανάτοισιν.* id est,

*Ne vnquam mane, Ioui vinum libaueris ardens*

*Illotis manibus, neque diuinum præterea ulli.*

Etiā vtitur Vlpian. in l. de ætate. §. quod autem. ff. de interrog. actio. & alibi sapius Iurisconsult.

**Istæ præfationes.]** No. duo commoda præfationum. Primum, quod nos libentius ad lectionem materiæ perducunt: trahunt enim præfationes, rite conceptæ, lectorem ad legendum, & quandoque ad deuorandum totum opus.

Secundum, quia euidentiore præbent intellectum, vnde Iurisconsult. ait, quo dilucidius intelligi possit hæc exceptio, prius de ea videamus, &c. in l. j. ff. de doli mali excep. §. duo igitur. iuncta glo. in authen. de nupt. colla. 4. & præfatio dat toti legi intellectum. ut docet Bald. in l. regula, per illum text. ff. de iuris & fact. igno.

Et sic ad cognoscendum mentem legis, & statuentium, debent recurrere ad præfationes, & proœmia legum, statutorum, vel aliarum constitutionum. l. penult. ibi. Nam initium constitutionis generale est. ff. de iuris & facti ignorant. l. j. ad Maced. l. cum hi. vbi Barto. de transactio. & præfatio denotat causam finalem. l. fin. ff. de hæred. instit. c. secundo requiris. de appel. hoc docet Barb. in consil. 10. clementissimum. col. pen. in j. vol. & consil. 21. & quidem in princ. ibidem.

Multæque decisiones ex præfationibus & proœmiis constitutionum deciduntur, quæ faciliè decidi non possent. Nam præfationes restringunt, vel ampliānt legem, & discernere faciunt, an lex odiosa, fauorabilisue sit. ut docet ibidem Barba. conf. 20. illud. col. 2. in 2. vol. & consil. 48. præclare. col. 6. numero 13. ibidem. & consil. 1. in 3. vol. & consil. 59. ibid. ac consil. 64. in 4. vol.

Item quæ in præfationibus dicuntur, in sequentibus repetita intelliguntur. l. item quia. §. fin. ff. de pact. l. Titia. §. j. de verborum obligation. alia vide in proœm. Instit.

*Præfationes habende ab aduocatis.*



## LEX II. POMPONIVS LIB. SINGULARI ENCHIRIDII.

**N**ecessarium itaque nobis videtur ipsius in primis iuris originem, atque processum demonstrare. Et quidem in initio ciuitatis nostrae, populus sine certa lege, sine certo iure primum agere instituit: omniaque manu Regis gubernabantur. Postea aucta ad aliquem modum ciuitate, ipse Romulus traditur populum in triginta partes diuississe, quas partes Curias appellauit, propterea quod tunc Reipublice curam, per sententias partium earum expediebat: & ita leges quasdam & ipse Curias ad populum tulit: tulerunt & sequentes Reges, quae omnes conscriptae extant in lib. sexti Papyrii (qui fuit illis temporibus, quibus superbus Demarathi Corinthii filius ex principalibus viris) isque liber (ut diximus) appellatur ius civile Papyrianum: non quia Papyrius de suo quicquam ibi adiecit, sed quod leges, sine ordine latas, in vnum composuit.

**H**anc legem transcribit Georg. Valla, multaque verba corrigit, & maxime ibi, dum dicit, gubernabantur, legit, imperabantur, & ibi, sequentes leges, Reges: & ibi, principalibus iuris, legit, viris: & demum exactis Regibus, dicit, legibus: ibi, nominibus ceteris, legit, certis: & ibi, edicta proponebant: alia ponebant, aliaque multa immutat, sed quia ista sunt pauci momenti, & quia Budae, Zaf. & Cagnol. multa super hac lege scripserunt. Ideo illis acquiesco.

Pro rostris composuerunt, ut possent leges apertius percipi. Istum text. dicit singularem Barbat. in consil. j. col. ij. in 2. vol. & consil. 48. praeclare. col. vij. ibidem. ad hoc quod sicut leges publicatae sunt notoriae, & publicantur ut apertius percipiantur: ita statuta, & ordinationes, & sic sententia contra ista non valet, cum sint notoria. de publicatione legis & ordina. scripsi in interpretatione legis vnicae. nota. vlt. C. de sentent. quae pro eo quod interest. & ius gentium publicandum non esse, scripsi in l. omnes populi. supra tit. proximo.

## S V M M A R I A.

- 1 Amasius potest in iudicem vel testem recusari. Aequiparatur ebrio. ibidem.
- 2 Eidem substitutio exemplaris fieri potest.

§. Initium ibi arrepto cultello, &c.

**H**unc text. sing. allegat Bened. in repetitio. cap. Raynutius. in verb. cuidam Petro. de testam. num. 54. licitum esse patri filiam interficere, ut contumeliam stupri arceat, sicut marito uxorem. l. Gracchus. C. ad leg. Iuliam de adult. quod tamen à iure diuino est alienum, & à iure canonico. c. inter haec

sanctitas. xxxij. quaest. ij. vbi etiam glo. dicit esse contra praeceptum, Non occides. c. si non licet. xxij. q. v.

Amore virginis omne fas, atque nefas miscuisse. ] Allegatur iste text. Amore virginum, & mulierum peruertere rectum rationis iudicium, & amasium pro amasia omne fas & nefas commissurum, & ille amor in furorem inducit stolidos iuvenes: ut in §. illud. in authen. quibus mod. natur. effici in leg. colla. vj. vnde istum posse recusari in iudicem, testem & in aliis actibus publicis concedunt iura, cum sensu, quoad hoc, sit priuatus, & tanquam ebrius. §. fin. de success. sublati. in Insti. vnde sustinui conclusionem hanc in prima mea disputatione: videlicet, amasio substitutionem exemplare fieri posse, contra quam argumentatus fuit subtiliter, Latine, Graece, & Hebraice loquens, D. Cl. Faber, qui postea receptus fuit Doct. in hac Vniuersitate: demum Senator factus, & deinde primus Praeses in Senatu Diuionensi in Burgundia creatus. Hinc Ouid. Metamorph. 6.

*Est nil quod non effreno quis captus amore  
Ausit.*

## De Legibus &amp; Senatusconsultis &amp; longa consuetudine.

## TIT. III.



**Q**UARE leges fieri, & quales esse debeant, & finem & effectum legum tractauimus in proemio Constit. Regia. in j. tomo. Ideo hic non insitamus: & docet Lucas de Penna in l. fin. C. ne fiscus rem, quam vendidit, euincat. lib. x. & l. eam legem. de excus. numer. ibid. Et dicit Bald. nullam esse legem, nec ius, quod consuetudine mutari non possit. in §. praeterea. in primo de prohibita feudi alienat. per Federic. & maxime prouidendum est, ut bonae leges ferantur: latae, discantur & doceantur: postea exercentur, & exequantur. quia parum esset iura habere, nisi executioni demandarentur. l. ij. §. post originem. ff. de orig. iur.

## LEX I. PAPINIANVS LIB. I. DEFINITIONVM.



**L**EX est commune praeceptum: virorum prudentium consultum: delictorum quae sponte, vel ignorantia contrahuntur coercitio: communis Reipublicae sponsio.

**H**aec lex, planè & abundè explicatur, à Claudio Seycel, & à Zasio. illorum interpretationibus contentus quisque esse poterit: quia interpretando eam multa protuli quae non scripsi.

## S V M M A R I A.

- 1 Conuentio partium non valet contra vetita per legem.
- 2 Rescripta quaedam imperant, quaedam vetant, quaedam permittunt, alia puniunt.
- 3 Legislator vnum semper de vno enuntiare in lege debet.



LEX VII. MODESTINVS LIB. I.  
REGVLARVM.

**L**Egis virtus est: imperare, vetare, permittere, punire. ] Ecce legis utilitates, & quorsum lex tendat. dicit etiam text. in c. priuilegia. iij. dist. Officium secularium, siue ecclesiasticarum legum est præcipere, quod necesse est fieri; aut prohibere, quod malum est fieri; permittere, vel licita, vt præmium petere: vel etiam quædam illicita, vt dare libellum repudij, ne fiât grauiora. etiam declaratur in c. fin. ibid. iij. distin. vi. de Bal. conf. 184. municipale. in v. vol. & in rub. C. de condic. ex lege.

Vnde dicit Barb. per istum textum cessent Oratores & Philosophi, dicentes moralem Philosophiam sufficere, sed hoc non est verum: quæ quamuis suadeat ad bene beatæque viuendum, non tamen imperat, nec vetat, nec punit, quia auctoritatem non habet, nec potestatem, vt scribit Bened. in c. Raynutius. col. clxxxij. de test. factæ enim sunt leges, vt earum metu humana coërceatur audacia, tutaque sit inter improbos innocentia: & in ipsis improbis, formidato supplicio, refrenetur audacia, & nocendi facultas. c. factæ. iij. dist. scripsi in præmio Constit. Regia. in j. Tomo. Comment. in leges Regi.

Imperant sæpius leges, volentes quidem, vt in ius vocati eant, vel satis cautū dent. & vt quidam cogantur satisfacere. per totum tit. qui satisfacere cogant. & vt pacta seruentur. l. Iuriscientium. §. ait prætor. ff. de pactis. vt receptum arbitrum, cuiuscunque dignitatis sit, coget prætor officio quod suscepit, perfungi. l. iij. §. tractemus. ff. de arbit. & aliàs sæpissimè in iure. & quod præcipitur, imperatur; quod imperatur, necesse est fieri: si non fiat, vbi præceptum, necessitas est seruientis, vt obediat: vel imperantis, vt ei obediat. Gregor. quem refert Gratian. in cap. ultimo. xliij. quæst. j.

Vetat, ne proconsul oneret principales in hospitibus præbendis. l. obseruare. ff. de officio procons. & ne præses provinciarum munus, donumve capiat, nisi osculentum, & poculentum. l. plebiscito. de offic. præsid. & ne in vltiorem familiaritatem provinciales admittat. l. obseruandum. ibid. Et ne iudex extra territorium ei concessum ius dicat. l. si. de iurisd. om. iud.

1 Alia non prosequar, quia omnia illicita vetat: & tunc conuentio partium non valet contra. l. non dubium. C. de legib. l. quos prohibet. ff. de postuland.

Permittit ex causa id, quod prohibitum est. Nam Prætor ait; Parentem, patronum, liberos patroni, in ius, sine permissu meo ne quis vocet: permissurus enim est, si famosa actio non sit, vel si pudor non suggillat. l. iij. & l. sed si hac. §. prætor. ff. de in ius vocan. Permittit etiam, vt qualiscunque fideiussor, sistendi causa datus, si sit de consanguineis, accipiat. l. j. in ius vocati. l. ij. §. prætor ait. qui satisfacere cogant. Permittit moram purgare intra tres pluresue dies. l. & si post tres. ff. si quis cautio. Permittit etiam tempore vindemiarum & messium, quasdam causas in iudicio decidi, si res tempore peritura sit, dilatioque sit actionem peremptura, aut sanè quotiens res urget. l. j. ff. de feriis & aliis locis plurimis. Et quando ex permissione oriatur actio, exceptio, officiumve iudicis. explicat Bart. in l. j. ff. de condic. ex lege. & Bald. in rub. C. illo titu. & in c. quia propter. num. 9. de elect.

Punit committentem furta, homicidia, & alia maleficia. vt in toto lib. xlvij. & seq. ff. & per totum librum nouum Cod. *Quomodo puniat.*

Nec refragatur, quod interdum lex consulat, vel doceat, seu moneat, vt Accurs. docet, quia hæc contrahitur sub istis. Nam qui consulit, docet, vel qui monet, permittit. & sic istas legum vires non erat necesse exprimere, prout Iurisc. non expressit.

Has etiam vires habent rescripta Principum, & literæ, quibus frequenter in actu forensi vtimur in Francia. Nam quædam imperant, quædam ventant, alia permittunt, alia puniunt. de quibus in tract. de rescript. seu literis Regi. in ij. Tomo Comment. in Constit. Reg. abundè scripsi.

Item Plato in dialogo iij. de Legib. ait legislatori non licere quædam diuersa in lege de vno loqui, sed vnum semper debet enuntiare de vno; Poëtam verò sæpe cogi sibi ipsi contraria dicere, neque scire vtrum hæc, an illa vera sint.

## S V M M A R I A.

- 1 *Senatusconsulta vnde vocentur.*
- 2 *Legem generalem nemo hodie præter Principem facere potest.*
- 3 *Senatus quomodo ius facere possit.*

LEX IX. IDEM LIB. XIII.  
AD EDICTVM.

**N**on ambigitur Senatum ius facere posse.

**Q**uidam interpretes hanc legem esse correctam vident, dicentes solum Imperatorem legem generalem facere posse. per. l. finalem. C. de legib. tamen Iohan. Faber. in §. sed & quod Principi. de iure nat. in Instit. dicit, Senatum etiam posse facere legem generalem, ex vi & potestate per legem & Principem sibi concessa. *Senatus etiam legem generalem facere potest.*

Aduertendum est, quod exactis Regibus, Consulibus cum Senatoribus regnare cœpere, vt est apud Liuium ab vrbe condita: & ea, quæ consulta sunt à Senatoribus cum Consulibus, Senatusconsulta vocata fuerunt. l. j. ff. ad Senatus. Maced. Velleia. Trebel. & cætera, & in §. Senatusconf. de iure nat. in Instit. & ista Senatusconf. postea redacta sunt intra corpus iuris, & ius commune effecta sunt, & non dubitatur id temporis Senatum ius facere posse. quia non erat Princeps, qui faceret, & nondum erat in Principem imperium translatum. de quo in l. j. inferius de const. Princip. Sed, si verè loqui velimus, nullus hodie potest facere ius generale, seu legem generalem extra Principem in suo Regno, vel imperio. l. j. & per totum. ff. de consti. Princip. & l. j. & l. leges. & l. si. C. de legib. quia populus transfudit in Principem omnem potestatem, imperiumque. vt ibidem traditur. verum quia in singulis provinciis, introducti sunt Senatus, & data his plenissima iurisdictio, & imperium, ideò in illis provinciis, quibus sunt præpositi, ius facere possunt, donec Princeps reuocandum illud censuerit, & nisi deroget legi Superioris. l. ij. C. de offi. præf. prætor. Orient. non tamen erit generale toti imperio, vel regno, nec tenebit subditos alterius Senatus, nisi illud ius ab alio Senatu sit receptum: vel subditus alterius Senatus, litiget in illa iurisdictio, quam ressortum vocant: vel

*Leges quare ordinata sint.*

*Quomodo leges imperent.*

*Quomodo lex vetet.*

*Quomodo permittat.*



vel princeps illud ius probauerit, & in legem rede-  
gerit: & ita seruari solet, quicquid super hoc Do-  
cto. scribant. videre quæ dicam in tit. de offi. præf. præf.  
præto. & quæ dixi in procemi. Concord. in verb. sum-  
mas. vbi 36. priuilegia Senatus conscripsi.

## S V M M A R I A.

- 1 Princeps quomodo legibus non dicatur solutus.
- 2 Romana Ecclesia non alligatur sacris Canonibus.
- 3 Princeps non potest pœnam à senatu impositam augere.
- 4 Nec emendam parti adiudicatam remittere.
- 5 In dubiis melius est contra fiscum respondere.
- 6 Augusta & uxori Regis eadem priuilegia tribuuntur, quæ ipsi Regi.
- 7 Regina eadem priuilegia non habet, quæ Rex.

LEX XXXI. IDEM LIB. XIII. AD L.  
IULIAM ET PAPIAM.

**P**rinceps legibus solutus est. Augu-  
sta autem licet legibus soluta non  
est: Principes tamen eadē illi pri-  
uilegia tribuunt, quæ & ipsi habent.

Princeps  
lex est.

**E**T sic princeps legibus non tenetur, ipse enim  
lex est, ridiculus enim foret, qui illū legi subii-  
cere conaretur: perinde enim esset, ac si qui Iouē gu-  
bernare vellent, vt docet Aristot. lib. Politic. 3. c. 9.

Tamen solutus non est ratione naturali, quia est  
animal rationale, mortale, & tanquam homo dam-  
nabitur, si quid contra Deum, & ius diuinum faciat.  
c. generali. xxv. quæst. j. & c. seq. & c. ideo. Idem si fa-  
ciat contra id, quod bonum est, & æquum. Bal. hic.  
& rationem de omnibus malè gestis Deo reddet. c.  
quando xxij. q. iij. Ideo aduertere debet: nec enim  
aliquis princeps habet potestatem ad destructionem,  
vt diuus Paulus testatur: & quicquid fecerit ad de-  
structionem tendens, restituere habet, & Deo Opti-  
mo Maximo rationem reddere: vt scribit Politia.  
lib. iij. de nugis curia. c. ij. Princeps tamen legis nexi-  
bus dicitur absolutus, non quia ei iniqua liceant, sed  
quia is esse debet, qui non timore pœnæ, sed amore  
iustitiæ æquitatem colat, Reipublicæ procuret vtili-  
tatem, & in omnibus, aliorum commoda, priuatæ  
præferat voluntati. facit l. digna vox. C. de leg. c. fin.  
xxv. quæst. j. vbi Papa Leo II. sic scribit. Sacrosancta

Quomodo  
Princeps  
legis nexi-  
bus solutus  
dicatur.

2 Rom. ecclesia ius & autoritatem sacris canonibus  
impartitur, sed non eis alligatur. habet enim ius con-  
dendi canones, vtpote quæ caput est, & cardo om-  
nium ecclesiarum, à cuius regula nemini dissentire  
licet. Ita ergo canonibus autoritatem præstat, vt  
seipsum non subiiciat eis, sed sicut Christus, qui le-  
gem dedit, ipsam carnaliter impleuit: octaua die  
circuncisus, quadragesima die cum hostiis in tem-  
plo præsentatus, vt in seipso eam sanctificaret, &c.  
vnde Paulus scribit, ex imperfecto testamēto legata,  
vel fideicommissa imperatorem vindicare, verecun-  
dum esse, decet etenim tantæ maiestatis eas seruare  
leges quibus ipse solutus esse videtur. l. ex imperfe-  
cto. ff. de leg. iij. l. ex imperfecto. C. de testa.

Et sicut Princeps non potest rem priuati tollere  
sine causa, ita non potest pœnam infligere vltra pec-  
catum, quia corpus est nobilius rebus. l. in pecudum.  
ff. de vsur. l. sancimus. C. de sacros. eccle. docet Lucas

de Penna in l. fin. col. j. C. de cond. in publ. hor. lib. x.  
Et ideo pœnam impositam à Senatu, vel ab aliis iu-  
dicibus, cum causæ cognitione non potest ex propria  
voluntate augere, sed moderare potest, quia verifi-  
mile est iudices pro modo delicti pœnam statuuisse,  
quam Princeps augere non debet. l. moris. §. illæ ferè.  
& l. interpretatione. ff. de pœn. l. in archiepiscopatu.  
de raptor. aliàs super hoc consului. Nec emendam  
parti adiudicatam remittere potest. vt ibi docet Lu-  
cas. & in l. si apparitor. in fin. C. de cohortalib. lib. xij.  
dixi in præfat. ad l. vnic. C. de sentent. quæ pro eo  
quod interest.

Item Rex non ratione suæ personæ, sed Reipubli-  
cæ, quam sustinet, & seruat, beneficio restitutionis  
gaudet: aliàs, si in speciali contractu, qui commoda  
vel incommoda reipublicæ non respiceret, ipse Rex,  
vel eius camera læderetur, non esset restituendus.  
arg. l. famosi. §. hoc tamen. ff. ad leg. Iuliam maiest.  
nec suas causas, sed Dei, & Reipublicæ debet profe-  
qui. c. qui syncera. xlv. distin. & maximè ista locum  
habent hodie, quia Regis Consultores parum curāt  
de Republica, & nimis sunt & astuti, & studiosi, pro  
quætu pecuniæ, vt docet Lucas de Penna in d. l. iij.  
col. j. Et ego vidi, procuratorem Regium impetrasse  
restitutionem contra transactionem, quam Princeps  
fecerat cum mercatoribus salis, & reiectum ab ea  
fuisse, & sic non puto eum delinquere, qui in dubiis  
contra fiscum facilè responderit. l. non dubito. ff. de  
iure fisci. licet hodie multa ætas nostra ad Principem  
trahat, quæ si durent, omnia erunt Principis, & ho-  
mines fient tanquam coloni Aegyptiaci: imò prioris  
fient conditionis, cum ibi Princeps possessiones  
emat, & hic tanquam suas fiscus, pro Rege, sibi ap-  
plicet, sibi que vendicet.

Secundo, ex hoc text. colligitur, eadem priuilegia  
tribui Augustæ, & uxori Regis, quæ ipsi Regi, seu  
Imperatori: & vbi Cæsaris ratio haberi solet, & Au-  
gustæ. l. fiscus. prima. in fi. ff. de iure fisci. etiam si esset  
vidua. l. fin. in princ. C. de priuileg. scho. lib. xij. l. fami-  
næ. de senato. l. filij. §. j. ad municipal. & sicut fiscus ab  
omnium vectigalium præstationibus immunis est,  
l. licitatio. §. fiscus. ff. de public. ita & Augusta. l. fiscus.  
j. in fin. ff. de iure fisci: sic & ministri Augustæ iisdē  
priuilegiis, quibus ministri Imperatoris vtuntur. l. iij.  
C. de præposit. sacri cubiculi. lib. xij.

Augusta  
immunis  
vectigali-  
bus.

Non tamen tribuit eidem reginæ priuilegia om-  
nia, quæ Rex habet: quia non potest ipsa condere le-  
ges, nec delinquentibus gratiam concedere, nec alia,  
quæ respiciunt imperium maximum, de quibus in l.  
imperium. ff. de iurisdic. om. iud. per Doct. & in l. j.  
ff. de legib. Priuilegia ergo Augustæ competent, quæ  
illi conuenire possunt, sed non contrà, & in præiudi-  
cium concedentis, vt pulchre scribit idem Lucas in  
d. l. iij. col. fin. C. de præposit. sacri cubiculi. lib. xij. vbi  
etiam docet ista priuilegia à iudicibus non debere  
extendi, sed ab ipso Principe: vnde iudices Regni  
(qui regalia etiam contra Deum & ecclesiam exten-  
derunt) puto teneri, & multos, ob hoc, in inferno  
cruciari, quia auferunt à Deo, & Deus permittit, vt  
ab eis auferatur, etiam quod iustum est: vt, in quibus  
peccarunt, puniantur. de quibus multa scripsi in in-  
terpretat. l. diuus. ff. de Senatuscon. Sillan.

Priuilegi-  
a iudicibus  
non debent  
extendi.

Videamus, num Principes contractu obligentur?  
& eos obligari, non est dubium. c. j. de probat. alioqui  
cum illis nullus contrahere veller. arg. l. quod si mi-  
nor. §.

Principes  
quomodo  
obligentur  
contractu.

Rex quādo  
restituendus  
sit.



nor. §.j. ff.de minorib.& qui est omnium Princeps, commercio omnium careret, & qui est omnium præful, esset omnium exul. teste Bald. hic. & esset sicut Tantalus. de quo scribit Horatius Satyra 1.

*Tantalus à labris sitiens fugientia capta Flumina, &c.* sic consuluit. Barba. consil. 1. in 1. vol. & consil. 7. ibid. ac consil. 1. col. 4. in 3. vol. & consil. 56. col. 2. ibidem. Ias. consil. 1. vol. 1. Albert. Brunus consil. 1. in materia feudor. & consil. 12.

Successor etiam tenetur contractus, & conventiones cum prædecessore initas seruare. d. cap. 1. l. fin. C. de donat. inter vir. & vxor. quia iustitiæ ac rationis ordo suadet, vt qui à successoribus seruari mandata desiderant, prædecessoris sui procul dubio voluntatem, & statuta custodiant. cap. iustitiæ. xxv. quæst. j. Bald. & alij in c. j. qui successores feud. dare teneant. Ias. in l. j. ff. de constit. Princip. ego abundè scripsi in præfat. ad rubri. de colla. in Concord. Vnde si Princeps concesserit Comitatum, Baroniam, vel aliud feudum, nō poterit illud reuocare sine causa, & alteri concedere, quia natura feudi est, vt sine culpa non reuocetur. c. 1. de natur. feud. Albert. Brunus consil. 1. in materia feudorum.

LEX XXXII. IULIANVS LIB. XCIIII.  
DIGESTORVM.

**D**E quibus causis, scriptis legibus non vtimur, id custodiri oportet, quod moribus, & consuetudine introductum est: & si qua in re hoc defecerit, tunc quod proximum, & consequens ei est. Sed si, ne id quidem appareat, tunc ius, quo vrbs Roma vtitur, seruari oportet. Inueterata enim consuetudo pro lege non immeritò habetur: & hoc est ius quod dicitur moribus constitutum. Nam cum ipsæ leges nulla ex alia causa nos teneant, quàm quòd iudicio populi receptæ sint, meritò & ea quæ sine vllò scripto populus probauit, tenebunt omnes. Nam quid interest, suffragio populus voluntatem suam declaret, an rebus ipsis & factis? Quare rectissimè etiam illud receptum est, vt leges non solùm suffragio legislatoris, sed etiam tacito consensu omnium per desuetudinem abrogentur.

**H**Anc legem, dicunt quidam, meliorem totius iuris: alij dicunt eam in materia consuetudinis, optimam cum sequenti esse.

Notandum est, nullum esse ius merè positum, quod consuetudine mutari nō possit, vt docet Bal. in §. præterea. primo de prohibita feudi alienatione. per Federic. Chassan. in Catha. glos. mundi in 4. confyd. 11. partis probat iste text. in fin. ibi: Quare rectissimè etiam illud receptum est, vt leges non solùm suffragio legislatoris, sed etiam tacito consensu omnium per desuetudinem abrogentur. scripsi in l. derogatur. ff. de verbor. signific.

Hic de cōsuetudine agerem, verùm quia in tract. meo de consuetud. in 3. tomo. Comment. ad Constit. Regias. tractaui: quid sit consuetudo, quotuplex, & differentias inter consuetudinem & præscriptionem, necessaria ad consuetudinem viginti & vltra, effectus consuetudinis, ac alia, quæ in forensi iudicio exercentur, ibi abundè docui, ob id alia de consuetudine hīc non pertractabo. Nam Curtius in repetitione cap. final. de consuetud. eam etiam amplè docuit, & iurium interpretes hīc.

De Constitutionibus Principum.

TIT. IIII.

S V M M A R I A.

- 1 & 2 Principis voluntas quando pro lege habeatur.
- 2 Princeps presumitur tantum quod iustum & verum est, confirmare.
- 3 Secunda iussio in supremis curiis debet à Principe expectari.
- 4 Princeps in rebus diuinis tāquam priuatus censetur.
- 5 Nihil potest contra ius naturale.
- 6 Nec contra bonos mores.
- 7 Nec contra ius gentium.
- 8 Nec contra disposita à iure ciuili, in ratione naturali fundata.
- 9 Causa in Principe presumitur.
- 10 Etiam rationabilis.

LEX I. VLPPIANVS LIB. I.  
INSTITVTIONVM.

**Q**UOD Principi placuit, legis habet vigorem, vtpote cum lege Regia, quæ de eius imperio lata est, populus ei, & in eum omne suum imperiū conferat. Quodcunque igitur Imperator per epistolam & subscriptionem statuit, vel cognoscens decreuit, vel de plano interlocutus est, vel edicto præcepit, legem esse constat. Hæ sunt quas cōstitutiones vulgò appellamus. Planè ex his quædam sunt personales, quæ nec ad exemplum trahuntur. Nam quod Princeps alicui ob merita indulget, vel si quam pœnam irrogauit, vel si cui sine exemplo subuenit, personam non egreditur.

**C**icer. pro Cn. Planc. sic scribit: In Comitibus iudicat semper populus, sed mouetur plerumque gratia, cedit precibus, facit eos, in quibus est, maximè ambitus: denique si iudicat, non delectu aliquo, aut sapientia ducitur ad iudicandum, sed impetu nonnunquam, & quadam etiam temeritate, non est enim consilium in vulgo, non ratio, non discrimen, non diligentia, semperque sapientes ea, quæ fecisset, ferenda, non semper laudanda duxerunt, vnde permisit Deus, vt illius potestas in Principem translata

Ciceronis  
sententia de  
populo.

Feudum semel concessum sine culpa non reuocatur.

Omne ius positum consuetudine mutari potest.



translata sit, & vtinam ad reipublic. vtilitatem hæc translatio tendat.

**1** Iurium interpretes hîc addunt animo condendi legem; Nam quod Principi placet, pro lege censetur, quando hoc fit animo condendi legem, & non aliâs, & sic voluntas Principis seruari non debet, nisi in condendo legem ex mente ipsorum, quod est absurdum. vt docet Rodolph. Agricol. in tracta. de inuent. Dialect. lib. i. c. 5.

**2** Idè ego arbitrarer Principis placitum pro lege seruandum esse, & sicut lex omnes tenet. l. de quibus. supra. tit. proximo, & seruari debet. l. leges sacratissimæ. C. de legib. ita & Principis iusta voluntas, & placitum seruari debet, licet non fiat animo condendi legē. Vnde si nascatur ei filius, & ipse indicat populo ferias repentinas, in honorē natiuitatis filij, illa voluntas nō est lex, attamē seruari debet. l. à nullo. C. de feriis. l. sed & si. §. si ferie. ff. ex quib. caus. maio. sic & alia seruare oportet ab eo præcepta, iuxta Dei præceptum: Quæcunque dixerint vobis, facite. c. Iulianus. & c. si Dominus. xj. q. iij. Nam sicut strictim lex seruari debet, vt patet apud Valerium de Zaleuco Locrensi, qui fanciuit adulteros vtroque oculo priuandos. At cum filius in illam legem incidisset, ne effectus legis abrogaretur, vnum oculū sibi, & alterum filio eruere iussit, in tit. de Iustit. lib. 6. idem de Carunda scribit, qui se interemit, cum legem non seruasset. Ita debet seruari voluntas Principis pro lege: non tamen omnis voluntas Principis, lex est, nisi legem condere velit, & sic debet intelligi sententia interpretum. Requisita ad bonam legem, & constitutionem scripsi in proœm. Constit. Regi. in glos. i. tomi primi Comment.

*Lex Zalen  
ci de adul-  
teris.*

*Principis  
placitum.*

*Testantis  
voluntas.*

Sed in hoc fuere decepti interpretes, putâtes istum text. dicere Principis placitum esse legem: sed nō hoc dicit, verū placitum obseruandum esse tāquam legem, & legis habere vigore, & potestate. & sicut lex est seruanda, ita & Principis voluntas, seu placitum.

Idem etiam dicitur in testante, vt eius voluntas pro lege sit seruanda. l. verbis legis. ff. de verb. signif. l. j. ff. ad leg. Falcid. §. disponat. in authen. de nupt. colla. 4. & Diuus scribit Gregor. xij. q. ij. cap. vltima voluntas defuncti modis omnibus seruari debet.

Intelligendum est, Principis placitum pro lege seruandum, si iustum fuerit, alioqui Deo potius obediendum est. cap. si iniustum. & in cap. si Dominus. xj. quæst. iij. Panormit. in cap. si quando. de rescript. & c. quanto. col. 3. de consuetud.

**2** Vnde dicit hîc Bal. quem refert Iason, quod Principi nunquam præsumitur placere, nisi iustum & verum, & Princeps vult omnes actus suos Regi à iustitia poli & fori, & quando confirmat aliquid, intelligitur confirmare quod iustum est, saluo tamen iure alterius. l. autoritate. & l. meminerint. cum glo. C. vnde vi. l. ij. §. meritò. ff. ne quid in loco pub. c. quamuis. de rescript. in vj.

*Litteræ Re-  
gis non sta-  
rim sunt  
executioni  
mandatæ.*

Et per hoc excusantur Iudices, qui literas Regis non mandant executioni, quia existimant non emanasse à Principe, & hoc maximè procedit in Parliamentis, quæ sæpius olim reccusabant præcepta iniusta. per l. si hominem. ff. mandati. vbi dicam. & quia ad hoc sunt præfecta, videlicet ad iustitiā ministrandam, non ad gratiam. Idè solent ostendere Regi, an suum placitum iustum iniustumue sit, quo intellecto Rex acquiescere iustæ voluntati solet.

Et quamuis priuati non sit disputare de potestate Principis, sed instar sacrilegij est. l. sacrilegij. C. de cri. sacri. Tamē in curiis supremis disputari potest, & videri an iustum sit. quod à Principe mandatur, & secūda iussio expectari debet. §. Et hoc verò iubemus. in authent. Vt nulli iudicium. colla. 9. Docto. in l. nec damnosa. C. de precib. Imperat. offerend.

Etiam de voluntate Principis quotidie disputatur, videlicet quod Princeps hoc non vult, nec intendit concedere, vel nesciuit. Nam quandoque errat Princeps. l. ij. ff. de supellect. lega. c. ip. ex parte. j. de offic. delegat. glos. & Docto. in c. j. de Constit. lib. vj.

Vnde, si agatur de potestate Principis summi, facienda est regula, quod omnia potest Princeps in suo Principatu. cap. in memoriam. 19. distinct. Ioan. Fab. in §. sed & quod Principi. in fin. de iure natur. & Bal. in cap. Ecclesia. col. penultima. Vt lite penden. ait: Cum Princeps sit causa causarum, non est de eius potestate inquirendum, cum primæ causæ nulla sit causa, quia id quod primum est, aliud ante se habere non potest, vt refert Iason hîc.

Limitatur ista regula, vt nihil possit contra ius diuinum, imò in illis tanquam priuatus censeatur: quia extra suam iurisdictionem est. l. iij. ff. de offic. Præs. Nec enim est ad destructionē præpositus, sed ad ædificationem, vt docet Diuus Paulus. In his ergo quæ facit contra Dei legem, peccat, & damnabitur sicut alius. Nam & Papam & Imperatorem legibus, scripturæ sacræ, præcipiunt esse subiectos. cap. sategendum. & cap. i. 25. quæstio. Et sic non potest permittere vsuras. cap. quia in omnibus. de vsur. nec ferias in honorem Dei introductas tollere. cap. fina. de fer. glos. in verbo. ob necessitatem. in clem. sæpè. de verbor. signific.

Secundò, non habet potestatem contra ius naturale, quod est immutabile. §. sed naturalia. de iure natur. in Instit. & ibi plenè Docto. cap. fin. 6. dist. vide Panormitan. & alios in cap. quæ in Ecclesiarum. de constit. Ias. in l. Barbarius. infra de offic. Prætor. dixi in l. j. suprâ de iustit. & iure.

Item nec contra bonos mores, seu contra honestatem voluntas Principis est obligatoria. cap. cum decorem. de vita & honestat. cler. regu. non est obligatorium. de regul. iur. in vj. Idè non potest dominus cogere puellas, vt eant ad castrum suum gratia saltandi, & agendi choreas. vt scribit Bald. in l. quod ex liberta. C. de oper. libert. Panor. in cap. cum inter. de consuetud. & cap. irrefragabili. de officio ordi. Curtius in c. fin. no. 3. amplia. 4. de consuet.

Quartò, nec contra ius gentium disponere potest. vt suprâ dixi, in l. ex hoc iure. de iusti. & iure.

Vltimò, non habet potestatem contra disposita à iure ciuili, fundata in ratione naturali. Vnde non posset simpliciter disponere, quod filius non aleret patrem: sed cum filius erit ingratus, hoc poterit statuere; vt ingratitudinem, & sic peccatū tollat, & ei obuiet. l. si quis à liberis. §. si vel parens. ff. de liber. agnoscen. Decernere etiam Princeps non poterit, vt filij nullam habeant in bonis paternis, vel maternis legitimam, quia hoc contra naturam est. §. primum itaque. in authen. de hæred. & fal. colla. j. Diuus in regul. indultum. de regul. iuris. in vj. licet quidam contrarium dicere velint, quorum opinio satis est, per prædicta, confutata.

Etiam disponere non posset contra id, quod bonum &

*De potestate  
Principis non  
inquirendum  
est.*

*Papa &  
Imperator  
legibus sub-  
iecti.*

*Princeps  
non potest  
legitimam  
in bonis pa-  
ternis vel  
maternis  
auferre.*



num & æquum est, nisi causa, ob quam disponit, esset iustior & æquior, vt de vsucapione dicitur. in l. j. ff. de vsuc. Nam bono melius inuentior. ff. de verb. oblig. l. vbi autem.

Alioqui Princeps, contra ius ista statuens, Dei præcepta contemnere videtur, & animæ suæ interemptor esse, de quibus exactè est redditurus Deo rationem, & omnes eius consiliarij, de Placebo, siue Dilexi, qui volunt enumerare potestatem suam: sed hoc fatuū est, iura Regis enumerare, sed sic, vt dixi, restringere: & hodie quidam adulescentes plus ei tribuunt, quàm Deo, quos Deus confundet. Nā translatum est imperium, tãquam in bonum virū, & ideo placitis boni viri vti debet Princeps, & se primū inter ciues esse, non dominum, nec tyrānum arbitrari.

*Sententia  
diffinitiva  
Principis.*

Idem dicunt in sententia diffinitiva Principis, vt habeatur pro lege, per istum textum, ibi: Cognoscens decreuit. Et ideo lata sententia contra illam sententiam, est nulla. l. j. C. quando prouoca. non est neces. Etiam, quod placet Principi per epistolam, seruandum est, vt hic. & in litem veniunt. §. vtrum. ff. de petitio. hæred. l. j. ff. de feriis.

*Epistola  
Principis.*

Idem in interlocutoria Principis. l. metum. §. sed & quod prætor. ff. quod met. caus. l. 3. C. de legib. inter locutiones Vlp. vocat eas cōstitutiones quas Princeps quasi inter aliud agendum & loquendum decernit, aut ipsas interloquētibus responderit: nam Latini interloqui dicunt, pro eo, quod est, loquentem interpellare. & illius sermonem interrompere, vt mulieres solent. vt scripsi in l. illa verba. ff. de verb. signif.

Idem in contracta Principis cap. j. de probat. Bart. & alij in l. digna vox. C. de legib. scripsi in l. Princeps. suprā de legibus. & in præfat. ad titulum de collat. in Concordat.

Sciendum est primò, an sit seruandum, quod Princeps mandat, siue per definitionem, interlocutoriam, aut per epistolam, & non est dubium seruandum pro lege, id est, voluntatem Principis seruandam, tanquam lex, quando iusta est.

Sed, an in aliis causis? Respond. in similibus sic, quia non possunt omnes articuli simul decidi, sed de similibus ad similia, est procedendum. l. non omnes. ff. de legibus.

Et quando Princeps motus fuit ex vna causa, quæ non conuenit alteri, tunc non est seruanda illa sententia, vel epistola in aliis casibus, & sic debent intelligi illa, quæ Doctor. tradunt: & illa, quæ specialiter concessa sunt, vel interlocutiones, non præiudicant in commune. d. l. iij. C. de legib.

*De contra-  
ctu Principis.*

9

Et contractus Principis seruandus est inter partes, inter quas fuerit conceptus, inter alias non. d. c. j. de proba. & in ti. C. res inter alios acta. videamus nūc an causa in Principe præsumatur. Et causam in Principe, docet præsumi glos. in l. relegati. in fin. ff. de pœnis. imò voluntatem eius, iustam esse causam firmat. sed duæ sunt quæstiones. Prima est, an causa in Principe præsumatur, quādo aliquid agit, & an ille actus præsumatur ex causa factus. Secunda quæstio est, an sola voluntas Principis iusta sit causa faciendi actum. Ad primam quæstionem responderem, causam præsumi debere in Principe. Nam in duobus quilibet præsumitur bonus. l. si verò. §. j. ff. Qui satisd. cogant. c. si fortè. de elect. in vj. & in dubio non debet præsumi delictū, l. merito. pro socio. maximè in Principe. Vnde si lex fiat à Principe, præsumitur facta cū

*Principis  
lex.*

deliberatione, & in ea præsumitur ratio, vt docet Gaspar. Valar. Portugal. in interpretatione l. imperium. col. 42. in fin. de iurisd. om. iudic. hodie, an sit verum? dicebat quidam hodie iura & rationes cessare.

Etiā causa debet præsumi rationalis, cū ipse habeat cōsiliū. l. omnium. C. de testam. c. j. de cōst. in vj. 10

Limita, quando Principis præceptum esset, contra mandatum Dei, vel contra statum vniuersalem Ecclesiæ. c. si Dominus. xj. q. iij. & c. nulli. de sentent. excommunic. Doct. in c. si quando. de rescript.

Idem, si mandatum Principis esset contra rationem naturalem, vtpote si vellet venire contra contractum suum, quem seruare debet. cap. j. de probat. Panor. & alij in cap. quæ in Ecclesiis. de constit. Ideo si feudum rectè concessum reuocare vellet, iniuste facit. c. vno, de feudo sine culpa non amittend. c. j. de forma fidel. Ias. consi. 233. præsens. ij. q. vol. ij. sex limitationes scribit Felin. in ca. quæ in Ecclesiis. nu. 60. cum seq. de constit. versic. quinta conclusio.

Sed an iusta causa dicatur voluntas Principis? glos. in l. relegati. ff. de pœn. iustam causam voluntatem Principis esse dicit. Ego verò dicerem iustam esse in his quæ tangunt Principis præiudiciū, in quibus liberè potest disponere, sine alicuius præiudicio, alioqui contra. In quibus casibus nocent alicui iuste Deo Opt. Maxim. redditurus est rationem, quia Deus eos non præfecit ad destructionem, sed ad ædificationem. vt docet D. Paulus. & Ias. in l. quominus. not. 3. ff. de flumin. vnde poterit exuli commeatum & remeatum dare ex aliqua causa. d. l. relegati.

Et sic vbi requiritur expressio causæ, tunc etiam in Principe non præsumitur causa, nisi exprimatur. Ideo in Concilio Basiliensi in literis Papæ derogantibus electioni, requiritur vt causa exprimatur. §. decreuit. de elect. in Pragmat. vbi dicit glo. nō præsumi nisi exprimatur. per c. vt debitus. & c. cū causam. de appel. c. j. illo tit. in vj. facit §. j. de nomi. reg. in Cōcor. hoc expressim probat Ludouic. Rom. consil. 483. dubitatur. nu. 13. Etiam in literis iustitiæ, quæ à iudicibus comprobandæ sunt, non præsumitur causa, nisi à parte probata fuerit. c. 2. c. super literis. de rescript. l. si. C. si contra ius, vel in literis expressa fuerit.

*Quando in  
Principe  
causa non  
presuma-  
tur.*

Nec placet quod Iason & alij dicūt hic, Principem constitutionem facere per quatuor modos hic positos, videlicet per epistolam, & alios modos. Nam epistola non est constitutio Principis, nisi intelligatis pro rescripto, vt infra: est tamen differentia inter interlocutionem, constitutionem, decretum, epistolam, & sententiam, & idem dicunt in contractu. Sed dicite ista prædicta esse seruanda: non tamen esse leges, vel constitutiones. Et contractus Principis est seruandus inter partes, inter quas est factus, non inter alias personas. l. Caesar. ff. de public. nisi successor fuerit. l. cū à matre. C. de rei vendic. & d. c. j. de probat.

Itaque Theophilus docet in d. §. sed & quod Principi, quod constitutio Principis in tria diuiditur, in epistolam, decretum, & edictum. Epistola est rescriptum Principis ad relationem magistratus, de re aliqua dubia emissum. vt per totum titulum de relatio. dixi effectus rescripti in tracta. de rescript. in 2. tomo Comm. in Const. Reg. Galli. Decretum, est sententia Principis inter duas partes pronuntiata, de quarum causa ipse cognoscit, & iudic. Dicitur autem Decretum à decernendo, quod dispicere significat, quoniam is, vbi cum animo suo, de tota re perspexit, id quod

*Principis  
constitutio.*



iustum sibi videtur pronuntiat æquè. Decretum etiam dicitur sententia magistratus, sed in hoc differunt, quod Principis decretum, & eam ipsam, & aliam similem causam, quocunque tempore ortam dirimat: magistratus autem decretum eam tantum, de qua agitur, ac interdum ne eam quidem, si intercesserit appellatio, multaque, de decreti materia scripsi in tit. de conclus. Latera. concil. in verb. decretis. in Concor. Fran.

*Edicto  
Principis  
ius consti-  
tuitur.*

Per edictum quoque Princeps ius constituit: Edictum est quicquid ex sua natura motus Princeps statuit ad honestatem, & utilitatem subditorum. Dicitur autem edictum ab edicendo, quod prædicere significat, & obuiam ire rebus: quæ si contingant damno, dolori, & maximæ subditorum perturbationi futuræ sunt. hæc Theophilus, qui paulo inferius ait: Magistratus, ut Prætor & alij tantum per edicta iura constituebant. Sciebant enim magistratum multis hærrere, ac relinqui posse suspicionibus, utrum amicitia aliquid tribuens, aut donis corruptus, aut odio incensus, ita pronuntiasset, quæ in Principem non cadunt. Et ideo tantum per edicta iura magistratus constituere permixtum erat, quod edicta res ipsas præcedant, id est antequam negotia, & causæ existant proponi soleant, atque ita omnis sinistrae suspicionis opinio cesset. vide l. illa verba, & quæ ad eam scripsi. ff. de verb. significatione.

#### S V M M A R I A.

1. *Novi iuris constitutio fit ob evidentem utilitatem.*
2. *Legum mutatio quibus ex causis fieri possit.*
3. *Leges antiquæ rudes & iniquæ, mutandæ.*
4. *Lex vim habet ex consuetudine.*

#### L E X II. V L P I A N V S L I B. I I I I . F I D E I C O M M I S S O R V M.

**I**N rebus novis constituendis evidens esse utilitas debet, ut recedatur ab eo iure, quod iadiu æquum visum est.

**V**Lpius statuit ius novum non esse statuendum ad corrigendum ius antiquum, quod iamdiu visum est æquum: quia antequam istud novum sit tantopere observatum, non ita æquum inveniatur, sicut antiquum, sed multæ amaritudines in eo reperientur. Ideo antequam constituatur ius novum, recedens ab antiquo debet esse utilitas, & non solum utilitas apparens, sed etiam evidens, id est, aperta & manifesta, quæ videri ex inspectione legis constitutæ possit. Et utinam Cancellarij & Consiliarij Principum ob oculos ista haberent, & non fingerent tot leges, maximè nostri Galli, quos à leuitate vix excusare possumus, ut scripsi in præfationem. Constit. Regia.

*Gallorum le-  
uitas in no-  
uis legibus  
constituen-  
dis.*

Hæc legum mutatio fit, vel imminentis belli violentia, aut summa quadam penuria, morbi quoque multa innovare compellunt: pestis etiam diutina, multorumque annorum incommoda & importuna tempestas, ut scribit Plato de Legib. dialo. 4. & quod belli calamitas introduxit, pacis lenitas sopire debet. l. vna. in princ. C. de caduc. toll.

Itaque cum leges antiquæ sunt rudes & iniquæ, tunc mutandas esse censet in lib. Politic. Arist. sed raro hanc immutationem faciendam, dicens: neque enim

simile est mutare artem, atque legem. Nam lex vim habet, ut ipsi pareatur, nullam, nisi ex more: Mos autem non fit, nisi temporis longitudine, quare facilius mutare leges ex presentibus in alias novas, infirmam est facere vim legis, sed quandoque variantibus temporibus expedit iura mutare. c. non oportet. de consanguin. & immutationes esse periculosas, attestatur Galen. & interpretes. in cap. cum consuetudinis. de consuetud.

#### L E X I I I. I A B O L E N V S L I B. X I I .

*ἐπιτολῶν.*



**B**eneficium Imperatoris quod à divina, scilicet eius indulgentia proficiscitur, quam plenissimè interpretari debemus.

**M**ulta huic legi convenientia scripsi in tract. de rescript. in 2. tomo Comment. ad Const. Reg. quæ non repetenda duxi. maximè quia Antho. Vacca in literis humanioribus, & in iure egregius, plura hæc antiqua & utilia scripsit, additque l. ultimam. quam etiam interpretatur, ob id, quæ pulchre scribit, videnda erunt, ego his nunc contentus ero.

#### De statu hominum. T I T. V.

##### S V M M A R I A.

1. *Servus quandoque ex libera nascitur.*
2. *Illegitimus interdum progignitur ex legitimo matrimonio.*
3. *Privatio libertatis non est apud Christianos.*
4. *Homines manus mortuæ in Francia quinā vocentur.*
5. *Duo tantum apud Romanos ordines populi.*
6. *Apud Athenienses verò, quatuor, apud Arabes tres.*

#### L E X I. P A V L V S L I B. I .

##### I N S T I T V T I O N V M.



**Q**uoniam ius quo utimur, vel ad personas pertinet, vel ad res, vel ad actiones.

**H**anc divisionem impugnat Accurs. hic, cum rei nomine actiones comprehendantur, sed ut plenius exprimeret, hoc Iurisc. fecisse ait: Ego verò dicerem divisionem non esse sufficientem, nisi ista exprimerentur, quia divisio effectum respicit, & effectus iuris consistit in personis, rebus & actionibus, ergo oportuit ea exprimere, si ius intelligere velimus. Nam rei appellatio continet etiam personas. l. j. de rerum divisio. ergo personæ non erant exprimendæ. Nam in divisionibus oportet exprimere omnia necessaria, nec haberi ratio debet ad generale vocabulum, sed ut fiat expressio, quæ intelligi possit. ut dixi in l. rei. de verb. signific. ubi scripsi, quid rei appellatione contineatur.

Item, licet de iure servi aut nascantur, aut fiant. §. servi. de iure perso. in Instit. nascuntur ex ancillis nostris, ut ibi: aliquando tamè servus ex libera nascitur, & non ex ancilla, ut l. ij. C. de libert. & eorum liber. & in cap. cum multæ. xv. q. vlt. & quandoque liber ex serva. l. cum Sillanianum. C. de his quib. ut indig. Ias.

*Appellatio  
rei quæ  
tineat.*



2 Iaso. in l. naturalis. ff. de præscript. verb. & interdum nascitur illegitimus ex legitimo matrimonio. gloss. singu. in c. ministri. 81. dist. tamen in hoc regno Franciæ nulli, aut saltem pauci sunt serui, nec captiuitate, nec natiuitate: etiã ista priuatio libertatis apud Christianos non est, teste Barto. in l. hostes. ff. de cap. Ioan. de Terra rubea in tracta. contra rebelles Regum. art. vlt. 3. tractat. conclus. 17.

Sed si quidam capiantur in bello inter Christianos, ij tenetur dare pretium redemptionis, quod ransomem Galli vocant, vt docet Boër. in §. i. de consuet. iuris, status, perso. & Bened. in repet. c. Raynutius. in verbo, & vxorem. numero 824. de testam. Et an Rex teneatur pro captis soluere illud pretiũ: scribit Ægid. Bella mera consil. 22. Et redemptus pecunia, tenetur iure pignoris donec soluerit, vel seruire tenetur. l. ab hostibus. prima. C. de capti. Et si captus promiserit centum, vel alius pro eo soluerit, & ipse captus mortuus fuerit, an heredes teneantur, & teneri respondet text. in l. Nam & seruis. ff. de negot. gest. & Bal. in l. liber captus. in fin. C. de captiuis. & sic consuluit Dec. consil. 691. in facto pro hærede Marchionis de Pescara contra Principem de liberta.

4 In hoc regno Franciæ quidam hominum status est, qui vulgo vocantur homines manus mortuæ. de quibus Guid. Pap. in decisio. Delphi. q. 361. de manu mortua. Et Chassan. in tit. *Des mains mortes*. in consuetud. Burgun. Isti enim non sunt serui quoad corpus, habent enim velle vel nolle, quod serui non habent, & possunt communiter facere, quæ alij liberi, sed manus eorum mortua est, quia de bonis eorum disponere non possunt, nec donando inter viuos, nec causa mortis, nec aliàs dispergendo; Ideò manus eorum dicitur mortua in erogando, sicut dicebamus olim de seruis Latinis. §. libertinorum. de libert. in Instit. & serui pro mortuis habentur, quod attinet ad ius ciuile. l. quod attinet. ff. de regul. iur. Multa scribit idẽ Chassan. in consuetud. Burg. in hoc titu. quæ ibi videri poterunt. Nã ego in his puto, non aliud fuisse, nisi vsurpationes nobilium tyrannorum, qui sic istos pauperes subditos coegerunt, & per vim & nefas contra istos processerunt. Ideò debent supremæ curiæ istis quantum possunt fauere, & illius iuris institutionem videre, quam si domini ostendere non possint, debent eos liberare, quia abusus non præscribitur, nec vsurpatio iniqua, maximè contra pauperes, & Ecclesias. c. j. de consuet.

5 Itaque licet apud Romanos duo tantum ordines populi essent, patritij videlicet & plebis. §. sed & plebscitum. de iure natu. in Instit. Solon verò Athenarum populum in quatuor distinxit ordines. Nam ex ciuibus quosdam agricolas, alios opifices, nonnullos sacris designauit, reliquos vrbi præfecit. Arabes autem illorum politiam trifariam diuisere, primùm sacerdotes præfecerunt quibus opifices addiderunt: secundum agricolæ, tertium milites tenent locum. vt docet Alexand. lib. 5. Gen. c. 8.

Hodie status est duplex hominũ, videlicet Christianorum & infidelium: Christianorum quidam clerici, alij laici. c. duo sunt. xij. q. i. In Fraciã verò triplex est hominũ status, primus est Ecclesiasticorũ, secundus nobiliũ, tertius plebis. Et ita populi status Galliæ diuiditur, & singulis annis in quibusdã regionibus solent cõuenire pro negotiis patriæ, & bonũ esset, si illic populares, id est, populi amantes accederent, &

ius populi tueretur: sed hodie nil nisi ius fisci tuentur, idq; in perniciem totius populi, & animarũ illorum. quod declarauit in l. quod dicimus. ff. de verb. signifi.

## S V M M A R I A.

- 1 Iuris peritus debet effectum legum scrutari.
- 2 Solæcismus non vitiat rescriptum.
- 3 Instrumenta emptionum perperam Latinis concepta verbis valent.
- 4 Omnia instrumenta & alij actus verbis Gallicis in regno Francia concipi debent.
- 5 Falsa latinitas vitiat rescriptum de iure Canonico.

## LEX VIII. PAPINIANVS LIB. III.

## Q V A E S T I O N V M.

**I**mperator Titus Antoninus rescriptit, non lædi statum liberorum ob tenorem instrumenti malè concepti.

**P**er istam legem dicit Bald. in l. j. C. de testibus, iuris peritũ curare debere de effectũ legum, non verborum. & dicit text. in c. indignum vehementer existimo, vt verba cœlestis oraculi restringam sub regulis Donati. 38. distin. Et Bal. ait leges nostras non subiacere Prisciano. in consil. 13. in 1. vol. licet quidam iurium professores hodie verba ambigua proferant, & ita affectata, vt à scholasticis intelligi vix possint, Antipatrum imitantes, qui plus eloquentiæ, quàm iuris scientiæ operam dederat. in l. 2. ff. de orig. iur.

Et sic, per istum text. non vitiat rescriptum per solæcismum, vel barbarismum, nec mala grammatica vitiat processum, si constet de mente. l. ij. C. de sentent. ex libel. recitand. & ibi Bal. Etiam arg. huius text. instrumentum donationis malè conceptum, secundum regulas grammaticorum, fuit à iudicibus receptum, & secundum illud iudicatum.

Item, quotidie vidi iudicari secundum instrumenta emptionum, vel alia, quæ tamen erant per notarios perperam concepta verbis Latinis: debet tamen quis vti sermone puro, & Latino, non affectato. l. Plantius. ff. de auro & argento leg. Et hodie in hoc regno edita regia constitutio est, quæ disponit, vt Gallicis & vulgaribus verbis omnia instrumenta, & actus concipiantur: quia melius est vti sermone puro, & vulgari, quàm barbaro Latino. vt plenius scripsi in tit. vt contractus testa. & alij omnes actus Gallicis concipiantur verbis. in 2. tomo Commen. ad Constit. reg. vbi alia licet ibi legere. Et de iure canonico falsa latinitas vitiat rescriptum. c. ad audientiam. j. de rescript. quod declarauit in praxi benefi. nume. 14. & seq. in j. parte. tit. opponi quæ pos. cont. Bullam.

## S V M M A R I A.

- 1 Parochus quis dicitur illius Ecclesia in qua frequentius moratur.
- 2 Vasallus tenetur iuuare dominum feudi, à quo maius beneficium tenet.
- 3 Duo habens beneficia, in maiore tenetur residere.
- 4 Filius genitus in armis potentior, quàm in literis. potius armis præficiendus.
- 5 Hermaphroditus, si in vtroque polleat, eligere poterit quo sexu vti velit.
- 6 Electus virilis sexus poterit feudũ masculinũ habere.
- 7 Item testis in testamento esse.
- 7 Et sacris initiari.
- 8 Hermaphroditus prævalens in sexu virili, potest adnecatus esse, & alia virilia munera exercere.

P. Rebuti Lectura.

D L

Donationis instrumentũ malè conceptum, receptum.

3

4

5

Abusus nõ præscribitur.

In Gallia status hominũ triplex.



8. Muliebria etiam exercens, est infamis.

9. Collegium iudicatur laicum ex maiori laicorum numero.

## LEX X. VLPIANVS LIB. I.

## AD SABINVM.



Varietur Hermaphroditum cui comparamus: & magis puto eius sexus existimandum, qui in eo præualeat.

Certum est Hermaphroditum esse eum, qui utrumque habet sexum, qui etiã Græcè ἀνδρογυνος vocantur, de his scribit Pulex carmina elegãtia:

*Cum mea me genitrix grauida gestaret in aluo,*

*Quid pareret, fertur consuluisse deos.*

*Mas est, Phœbus ait, Mars femina, Iunoq; neutrum,*

*Cumque forem natus, Hermaphroditus eram.*

*Querentis fatum, Iuno sic ait, occidet armis,*

*Mars cruce, Phœbus aquis, sors sua quæq; fuit.*

*Arbor obumbrat aquas, ascendo, decedit ensis*

*Quem tuleram, casu labor & ipse super.*

*Pes hæsit ramis, caput incidit amne, tulitque*

*Femina, mas, neutrum flumina, tela, crucem.*

Hec refert Grapal. in tract. de partibus ædiũ lib. 2. c. 5.

Potentior  
qualitas spe  
ctanda.

Ex hoc text. colligit Bal. potentiorē qualitatem vincere, & spectandam esse: sic dicit in ampliore rei quantitate. l. donum. ff. de contrahen. empt.

Coniectura  
potentior.

Idē in similitudine potentiorē. l. ij. ff. de dote præle. Potentior præsumptio attenditur, & coniectura. c. literas. & per totum. de præsumptionib. l. fi. ff. quod met. caus. ratioque potentior amplectenda est. l. Ac-milius. vbi scripsi. ff. de minor.

Possessio fre  
quentior.

Sic & frequentior possessio respicitur. in l. maiore parte. vbi scripsi. ff. de verb. signific. Et quis dicitur parochus in illa Ecclesia, in qua frequentius moratur. l. eius. §. Celsus. ff. ad municipa. l. legatis. §. si vnus. de leg. 3.

Obligatio  
plenior.

Et obligatio rei plenior attenditur. in l. generali-ter. ff. de fideiussor. Hypol. in rub. de fideiussor.

2 Etiam per istum text. dicit Bald. vassallũ teneri iurare dominum feudi, à quo maius tenet beneficium. facit §. illud. de prohibet. feud. aliena. per Federic.

3 Et beneficiarium duo habentem beneficia, in maiori residere teneri, docent Panor. & Imola in ca. extirpanda. §. qui verò. de præbend. sed, si sunt æqualia, vbi voluerit. glos. in c. non potest. de præben. in vj.

4 Et per istum text. consului nobili, vt filium suum vltimò genitum in armis potentiorē, quàm in literis, potius armis præficeret, & vt beneficia relinqueret: quia, postquam natura eum potentiorē ad hoc fecit, si naturā ducem sequatur, non errabit, vt scribitur in l. j. ff. de iusti. & iure. alioqui isti electi ad Ecclesiam contra naturam, nocent potius illi, quàm prosint, & tamē in alio prodesse possent: sic videmus in multis Prælati, quibus vtilius esset eos simplices armigeros esse, quàm Episcopos, aut Cardinales: quia nil, quæ ad eorum pertinent officium, exercent.

Allegatur etiã ab interpretibus iste text. à maiori faciendam denominationem, qui tamē minimè probat, quia non dicit iudicandum Hermaphroditum ex sexu virili, qui est dignior. l. j. infra, de Senat. sed à potēiore vide tamen reg. cū limitationibus, per Gaspa. Valac. in repe. l. imperiũ. col. 3. cum seq. ff. de iurif. om. iud. & Albert. Brunum in tract. de statu exclu-dente femin. quæst. x. art. xij.

Et hoc esse vtile scribit Accurs. vt possit facere ea,

quæ viris, & non mulieribus permittuntur. Tamen prius videamus, quomodo iudicandus sit Hermaphroditus, & respondet text. à potentiori sexu, quia si sexus fœmineus in eo præualeat, iudicabitur mulier: si verò potentior sit sexus virilis, vir dici debet. vnde Vlpia. ait: Hermaphroditum, maxime si in eo virilia præualebunt, posthumum hæredē instituere posse. in l. sed est quæsitum. in fi. ff. de liber. & posthu. Sed si in utroque polleat, & quasi æqualitas vtriusque sexus adsit, tunc ipse eligere poterit, quo sexu uti velit. vt docet Hosti. in sum. de testib. §. quis possit esse testis. versic. quid de Hermaphrodito, vt refert Bal. consil. 237. quidā magnificus. in 3. vol. Et postea fiet ei præceptum, vt altero instrumento uti non habeat sub pœna mortis. Et ita solet in praxi seruari. Et quamuis parentes ei elegerint muliebrem sexum, dum erat infans, tamen ipse factus iustæ ætatis, poterit eligere alterum sexum, si in eo potentior sit, vel æqualis. vt docet Alberic. hic. & Alber. Brunus in tract. de statu exclu. femi. artic. xij. quæst. x. quia non potuerunt ei parentes in hoc nocere.

Praxis de  
Hermaphroditis.

Ex his ergo patet, quod si electus fuerit sexus virilis, poterit masculinum feudum habere, vt docet Bald. d. consil. 237. in 3. vol. debetque ei in baptismo imponi nomen viri. teste Bald. in l. quoties. in fi. C. de suis & legitimis.

Item poterit esse testis in testamento, licet mulier in eo testis esse nō possit. l. qui testamento. ff. de testa. l. repetundarum. §. si. de testib. c. fi. versic. item Hermaphroditus. iij. q. ij. poterit etiam sacris initiari, si in eo sexus virilis longè præualeat. licet glo. dubitet in d. c. fi. versic. Et Ang. Claua. in sua sum. in verb. Hermaphroditus. honestius est tamen, vt non promoueat.

Præterea si statutum propter masculos excludat fœminas, excludet etiam iste (qui in virili sexu potentior est) fœminas. vt plenè docet Albert. Brunus in tracta. de statu exclu. fœmi. art. xij. q. x. quia iudicatur vir hic, propter sexum potentiorē.

Item aduocati esse possunt, & alia virilia exercere, si in officio virili præualeant, & eo contenti sint: sed si muliebria etiam exercent, infames sunt, & postulare prohibetur. c. infames. versic. quidā prohibetur. 3. q. 7.

Colligitur etiam ex hoc text. quando in vno actu duæ cōcurrunt causæ, vel qualitates, illa inspicere debet, quæ est potentior. c. cum nō sit. vbi Panor. in 3. not. de deci. l. as. conf. 74. instrumentũ. col. 2. in 3. vol. & quādo dicatur potentior declarat Io. Crotus in l. Gallus. §. & quid si. col. 22. in 3. conclus. ff. de liber. & posthu. vnde collegium iudicatur laicum, si ibi maior numerus laicorum sit, quàm clericorum, seu e contra. Et vniuersitas etiam Ecclesiastica ex maiori numero clericorum. Doctor. in cap. ex literis. de constit.

Hermaphroditus  
præualeat  
in sexu  
virili, ex-  
cludit fami-  
nas.

Causa  
potentior.

## SUMMARI A.

- 1 Ad facti questionem non respondet Iurisconsultus.
- 2 Papa & Imperator consuetudinibus non videntur velle derogare.
- 3 Iudex secularis cognoscere potest super facto, etiam in re spirituali.

## LEX XVI. VLPIANVS LIB. VI.

## DISPUTATIONVM.



Dem erit, si eadem Arescusa primò duos pareat, postea geminos edat: dicendum est enim nō posse dici,



dici, vtrumque ingenuum nasci: sed eum qui posterior nascitur. Quæstio ergo facti potius est, non iuris.

- 1** **H**ic tractatur de quæstione facti, ad quam non respondet Iurisconsultus. I. eum quem. in fi. de iud. unde si petatur quis prius fuit ingressus palatium, hoc ad præfagium magis spectat, quam ad iurisprædium, quia facta etiam peritissimos fallunt. l. fina. ff. pro suo. Et facti interpretatio plerumque etiam prudentissimos fallit. Martian. in l. ij. ff. de iuris & facti ignor. Etiam Papa & Imperator ignorant ea, quæ facti sunt, & sic consuetudines, nec illis derogare videntur, nisi eas exprimant. l. omnium. C. de testa. c. j. de constit. lib. vj. & si dubitetur inter gemellos, vter natus prius fuerit, quæstio facti est: sed si constet de primogenito, & dubitetur, eò quod est monstrosus, an iura primogenituræ habere debeat, iuris quæstio est, quæ tractavi in l. quæreret. ff. de verb. signif. aliter accipitur de iure, & de facto. in l. ij. in fine. ff. si seruit. vend. Et quando est quæstio super facto, etiam in re spirituali, dicit Bart. iudicem sæcularem cognoscere posse, secus si super iure. in l. Titia. col. vlt. ff. solu. ma. amplè tractat Alexan. in dispu. incipiente, Sigismundus. col. 87. in vlt. q. Doct. in cle. disp. ediosam. de iud.

### De his qui sui vel alieni iuris sunt.

#### TIT. VI.

- 1** Severitas in seruum commissa, à diis vindicata.  
**2** Coloni propter dominorum sæuitiam, possunt fugere.  
**3** Serui agri domo expulsi, libertatem accipere possunt.  
**4** Vxor, quæ maritum habet sæuum, fugiens, adulterij accusari non potest.  
**5** Baro, Comes, vel alius dominus iniuste in suos subditos sæuiens, perdit iurisdictionem.  
**6** Imò & Rex Franciæ superioritate priuatur.  
**7** Securitas subditis quando & qualiter præstanda sit.  
**8** Nobilis offendens ex subditis quæquam, securitate præstita, tanquam securitatis violator, morte punitur.

#### LEX II. VLPIANVS LIB. VIII. DE OFFICIO PROCONSULIS.

**S**i dominus in seruos sæuiat, vel ad impudiciam, turpè, que violationem compellat: quæ sint partes Præsidis, ex rescripto diui Pij ad Aelium Martianum Proconsulem Beticæ manifestatur: cuius rescripti verba hæc sunt: Dominorum quidem potestatem in seruos suos illibatam esse oportet, nec cuiquam hominum ius suum detrahi. Sed dominorum interest, ne auxilium contra sæuitiam, vel famem, vel intolerabilem iniuriam denegetur iis, qui iuste deprecantur. Ideoque cognosce de querelis eorum qui ex familia Iulij Sabini ad statum confugerunt. Et si vel durius habites, quàm æquum est, vel infami in-

iuria affectos cognoueris, venire iube: ita vt in potestatem domini non reuertantur. Quod si meæ constitutioni fraudem fecerit, sciet me admissum seuerius executurum. Diuus etiam Adrianus Vmbriciam quandam matronam in quinquennium relegauit, quod ex leuissimis causis ancillas suas atrocissimè tractasset.

**I**stem textum dicit singula. Barba. in rub. de testa. col. 2. ad hoc, quod potestas debet deponi ab officio propter seueritatem. Idem de iudice dicit Bald. hic. quamuis iste text. loquatur in seruis, quos diis esse curæ, docet Macrobius libro primo. Saturnal. cap. ii. sic scribens: Anno 474. post Romam conditam, Atronus quidam maximus seruum suum verberatum, patibuloque constrictum, ante spectaculi commissionem per circum egit, ob hanc causam indignatus Iupiter Annio cuidam, per quietem imperauit, vt Senatui nuntiaret, non sibi placuisse plenum crudelitatis admissum, quo dissimulare, filium ipsius mors repentina consumpsit: ac post secundam denuntiationem ob eandem negligentiam ipse quoque in subitam corporis debilitatem solutus est: sic demum, ex consilio amicorum, lætica delatus, senatui retulit, & vix finito sermone, sine mora recuperata bona valetudine curia pedibus egressus est, &c. ibi multa alia de seruis scribit, quæ hic minimè congeram, sed ex iis probatur, non sæuendum in seruos, si quis ministerium illorum exoptet.

Et coloni ratione sæuitiæ domini fugere possunt, nec tenebuntur postea redire. l. cum satis. & ibi Bart. per illum textum. C. de agric. & cens. libro vndecimo. vnde Diogenes Cynicus Manem seruum, cum aufugisset, verberibus non affecit, sed liberum ire iussit, ac dimisit: turpe existimans Manem sine Diogene viuere posse, non autem Diogenem sine Mane. vt Laërtius in vita Diogenis scribit: Sed Cato senior asperior & durior fuit, quod ægros seruos, velut bruta animalia senio debilitata, domo expelleret, & victum negaret, ob id libertatem accipere eos iure cautum est. l. vnic. §. sed scimus. C. de Latina liberta. tollend.

Sic est in vxore, quæ maritum habet sæuum. in §. quia verò plurimas. in auth. vt liceat matri & auia. colla. 8. & §. seq. ibi: Nec tenetur redire, nisi cautione data à marito, nec accusari adulterij poterit, eò quod fugerit. cap. literas. in fi. vbi Panormitanus de restit. spolia. Ancharanus consilio 408. probata. quia verbera aliena esse debet ab ingenuis hominibus. l. consensu. C. de repud. glos. in cap. quemadmodum. in fine, de iureiurand. Tiraquellus in tractat. de legibus connubialib. l. j. & Nenisa in Sylua nuptiali. in 4. inconuenienti. & Ioan. Lupus in repet. c. per vestras. §. 20. & in 2. not. §. 1. de donat. inter vir. & vxor.

Idem in vassallis tenet Paris de Puteo, in tractat. syndica fol. 13. & in vsufructuario seruo dominus plenissimam actionem habet, vsufructuarius modicam. l. locum. §. ex eo. ff. de vsufruc.

Idem in magistro erga discipulum, vt modicam tantum habeat castigationem. l. sed & si quæcunque. in fin. ff. ad legem Aquiliam. cum l. sequen. litem quæritur. §. item Iulia. loca. Socin. in cap. cum contingat.

Potestas ab officio propter seueritatem deponenda.

1

2

3

4

De vassallis.

Castigatio magistri.

Uxor à marito propter sæuitiam fugiens.



col.4. de foro compet. & in cap. ad audientiam. col. 2. de homicid.

*Pater non debet in filium sauire.*

Idem in patre erga filium, vt non debeat esse seuerus, alioqui pater cogitur cum emancipare, & filius sui iuris efficitur. per §. fin. de his qui sunt sui vel alie. iur. vbi Angelus. facit l. si senones. C. de Epif. audien. Cogitare enim debent parentes, quod filij fuerunt, & filij quod parentes efficientur. §. hæc autem. in authen. vt cum de appel. cog. colla. 8. facit cap. quorundam. 74. dist. idem in aliis propinquis dicit Imperator in l. vna. C. de emenda. propinquo.

*Monachus delinquens per quæ castigari debeat.*

Monachus potest corrigi per suum Abbatem. ca. quanto. de offic. ordin. non per alium, nisi per Priorem claustralem, vel in negligentiam Abbatis, seu Prioris. dicto cap. quanto. & glo. in cap. potest. de reg. iur. in vj. Si tamen Abbas excedat modum, poterit monachus appellare, aliàs non. cap. ad nostram. & ca. reprehensibilis. in fin. de appellat.

- 5 Et per istum textum probatur Franciæ praxis, per quam si Baro, Comes, vel alius dominus malè tractet suos subditos, sæuendo in eos, perdit iurisdictionem, & subditi debent eximi à potestate illius, etiam si oppressi non conquerantur, iudex hoc ex officio iudicare debet, & ita seruat venerabilis Parlamenti Franciæ Curia. vt docet Ioan. Fabri in dicto §. finali. eodem. in Instit. & Guido Papain decisio. Delphi. q. lxiij. Si quis Baro. scripsi in scholast. priuile. 95. Chassa. in §. 6. glos. vlt. *des droicts & appartenances à gens mariez*. Barba. consil. 36. sapienter. col. 6. in 2. vol.


- 6 Imò, si Rex abutatur suo imperio, illud perdit, & ita fuit iudicatum contra Regem Franciæ, qui sæuierat in suum subditum nobile. Nam fuit Rex priuatus suo imperio, & vt dicunt superioritate, & ille fuit factus Rex, & quod non recognosceret amplius Regem, & factum fuit regnum, nunc vocatum *Roy de Tineto*. vide quod not. Alberic. in l. decernimus. C. de sacrosanct. Eccles.

- 7 Item solent curiæ supremæ, si subditi conquerantur de domino, illos malè tractante, & de hoc appareat per informationes, aut aliàs, dare securitatem d. subditis, præcipiendo sub pœna eis, & personæ, & vt dicunt, *sous peine de la hart* [sub pœna capitali] ne deinceps illos malè tractare habeat, quos curia sub protectione Regis ponet. vt docet Boër. in decisio. Burdegal. quæst. iij. quidam nobilis. & si postea nobilis offendat quenquam, tanquam securitatis violator, morte puniri solet, & ista notanda sunt.

*Dominus quidam propter negligentiam exercenda iustitie multatus.*

Etiam vidi condēnari dominum cuiusdam loci ad multā, eò quod negligens fuerat ad præhensionem suorum domesticorum, & famulorum, qui iniuriam atrocem cuidam clerico intulerant.

LEX VI. IDEM VLP. LIB. IX.  
AD SABINVM.



Illium eum definimus, qui ex viro & vxore eius nascitur. Sed si fingamus abfuisse maritum (verbi gratia) per decennium, reuersum anniculum inuenisse in domo sua: placet nobis Iuliani sententia, hunc non esse mariti filium. Non tamen ferēdum Iulianus ait eum, qui cum

vxore sua assidue moratus, nolit filium agnoscere, quasi non suum. Sed mihi videtur (quod & Scauola probat) si constet maritum aliquandiu cum vxore non concubuisse, infirmitate interueniente, vel alia causa, vel si ea valetudine paterfamilias fuit, vt generare non posset: hunc qui in domo natus est, licet vicinis scientibus, filium non esse.

**H**ic declarat Bartol. quomodo probetur filiatio, videte plenius per Bald. consilio 74. verba. in primo volum. & consilio 437. volumi. 5. & Lucam de Penna in l. prima. C. de dignitat. libro 12. Alexand. consilio 51. viso. in primo volum. & consilio 74. viso. 2. volum. & consilio 25. in causa. in 4. lib. & 57. circa. in 5. & 88. omisis. in 7. volumin. Barba. consilio 27. scripsit. in 1. volum. & consilio 3. illud. col. 3. & consilio 44. Deum. col. 7. in 3. volum. & consilio 68. omnipotentem. in 4. volum. Decii consil. 54. & consil. 272. & 595. ac Hypoli. in rub. de proba. fol. 4. col. 2. Antho. à Sardis in tractat. de legitima. §. de filiationis probatione. in 2. volum. tractat. Alciat. in tractatu præsumptio. fol. 517. Bened. in repet. cap. Raynutius. in verbo, quæ filium. de testamen. Boër. in decisione Burdegal. quæst. 199. vbi plenè videre poteritis de probatione filiationis. & per Doctor. in c. per tuas de probat.

*Probatio filiationis*

LEX VIII. IDEM VLP. LIB. XXVI.  
AD SABINVM.

**P**atre furioso, liberi nihilominus in sui patris potestate sunt. Idem & in omnibus est parentibus, qui habent liberos in potestate. Nam cum ius potestatis moribus sit receptum, nec possit desinere quis habere in potestate, nisi exierint liberi, quibus casibus solent; nequaquam dubitandum. est remanere eos in potestate, &c.

**A**llegatur, quod multa tenent facta, quæ fieri prohibentur, & hæc allegatio est valde generalis, ad omnes ferè casus. Nam cæcus & mutus iudex esse non potest, tamen si postea talis factus sit, non desit esse iudex. l. cum prætor. & l. cæcus. ff. de iud. Spec. in ti. de alleg. §. post hoc. versi. vel illud ius. & Ioan. And. in additi. ad eum. in titu. de inquisitio. §. viso. versic. quod si contra. & Roma. consil. 215. duo sunt. las. in repetit. l. admonendi. col. 7. num. 12. ff. de iureiurand. & hîc. multa quoque adducit Decius in l. in ambiguis. §. 1. de reg. iur. & Carellia. Cotta in 2. parte memora. in verbo, turpitudinem. & Hypolitus in practi. sua. in §. sequitur. nu. 11. & rub. de fideiussor. q. 42. & ad centum casus posset trahi hæc decisio, quæ ex allegationibus prædictis colligi facile poterunt, & ex aliis, maximè ex Iaso. qui hîc multa scribit, quæ videntur sufficere, ne materiam facilem extendam, licet profitendo alia scholasticis meis protulerim.

*Multa tenent quæ fieri prohibentur.*



*De Adoptionibus, & emancipationibus,  
& aliis modis, quibus patria pote-  
stas soluitur. TIT. VII.*



**A**DPTIONES in Francia raro fiūt, quia singuli generant, vel aliquos habent consanguineos: vidi tamen in ciuitate Parisiensi, aliquos mercatores filiis carentes, accipere pauperes filios ex hospitali S. Spiritus, quos alebāt, & adoptabant: & hoc Edictum est prohibitorium, videlicet vt certi tantum sint prohibiti adoptare, & adoptari. Nā spurium pater adoptare non potest, ne per hanc adoptionem patri succedat. l. lege. C. de natur. liber. Et hoc est singulare, secundum Ludouic. Rom. sing. 621. an naturalis. Et quamuis Panor. in c. debitū. ij. no. de baptismo, dicat in baptismo leuantem debere præcedere leuatum, in tempore decē & octo annorum. per §. minorem. de adoptio. in Inst. hoc tamen non seruatur. Nam vidi sæpius pueros octo, vel decē annorum leuare alios pueros in baptismo, & ille §. minorem, tantum procedit in adoptione, quæ à tempore Moyfi inuēta fuit. Moyse enim à filia Pharaonis adoptatus fuit. vt patet Exod. 2. c. Et eam Christus in passione exercuit; dicens, Mulier ecce filius tuus: deinde dixit discipulo, ecce mater tua: & ex illa hora accepit eam discipulus in suam. &c. vide glos. in summa. xxx. q. iij.

*Spurius  
adoptari  
non potest.*

*Moyse  
adoptatus.*

**L E X I I. C A I V S L I B. I.  
I N S T I T V T I O N V M.**



**G**ENERALIS enim adoptio duobus modis fit; aut Principis autoritate, aut magistratus imperio. Principis autoritate adoptamus eos, qui sui iuris sunt; quæ species adoptionis dicitur arrogatio: quia & is qui adoptat, rogatur (id est interrogatur) an velit eum quæ adoptaturus sit, iustum sibi filium esse: & is qui adoptatur, rogatur, an id fieri patiatur, &c.

*Arrogatio  
qualiter  
fiat.*

**C**Aius scribit arrogationem dici, quando adoptatur is, qui sui iuris est, quia & is qui adoptat, rogatur, &c. licet Aulus Gellius lib. 5. Noct. Atti. c. 19. velit arrogationem dici, quia per populi rogationem fiebat, quod non negat Caius: sed quia rogabatur etiam filius, an iustus filius esse vellet adoptanti; & pater, an iustus pater filio adoptato. l. in adoptionib. infra. Ideo vtraque sententia sustineri potest, licet aliter dicat Alciat. in libr. 9. Parerg. c. 5. ibi, liberum est cuique videre, & formam arrogationis scribit Cotta in ij. parte memora. in verb. arrogationis formam, quam à Gellio habuit, vbi supra.

*Arrogatio  
non potest  
concedi à  
Cancellaria.*

Et quia arrogatio fit Principis autoritate, vidi dubitari an possit concedi à Cancellaria, quæ in quolibet Parlamento locatur, & non posse, conclusum fuit, cum de maximo agatur præiudicio, & Princeps sibi reseruauit: ideo alius non potest permittere, etiam comes Palatinus, nisi illi expresse concessum fuerit, vt docet Bal. in l. pen. §. fin. C. eo. & Bened. in c. Raynuntius. in verb. & vxorem. num. 727. de testa. & Corn. consil. 200. videtur in j. vol.

**S V M M A R I A.**

- 1 Singula officia singulis committenda.
- 2 Duo officia inuicem non repugnantia quis obtinere potest.
- 3 In actibus contentiosæ iurisdictionis non potest quis fungi persona duorum.
- 4 Quatuor persone in iudicio necessarie.

**L E X I I I. P A V L. L I B. I I I I.  
A D S A B I N V M.**



**S**I Consul, vel Præses filiusfamilias sit: posse eum apud semetipsum, vel emancipari, vel in adoptionem dari constat.

**R**Egula est, quod singula officia, singulis sunt committenda, ne, dum quis ad vtrumque festinat, neutrum bene peragat. l. finali. C. de affecto. tex. in c. singula. 89. dist. Panorm. & alij in c. ex literis. de probat. & l. comperimus. de proxi. sacro. scri. lib. 12. l. his quidem. Qui milita. poss. vel non. & l. fin. de except. eod. libr. sic in beneficiis abundè scripsi in Praxi benefic. in ij. parte. tit. de dispensat. ad plura benefic. Nec probat iste text. quod, vbi duo officia non sunt repugnantia, vnus non possit subire vicem duorum. quia hîc Cōsul potest adoptari, vel emancipari à patre suo apud se, & autoritas consularis sua sufficit ad autoritatem præstandam, sed non sunt duo officia in hoc text. sed filius adoptatus, & prætor erat vel magistratus alius. Verum in l. lecta. ff. si cert. petita. interpretes dicunt, quem officia duo obtinere posse, quando vtrisque deferuire valet, & non sunt inuicem repugnantia. glos. & Docto. in c. si episcopus. de supplend. negli. prælat. Lucas de Penna in l. omnes. col. xij. C. de decurio. lib. 12. & in l. prima. de primicerio, lib. 12. & Doct. in l. ille à quo. §. tempestiuum. ad Trebel. Felin. & alij, in c. cum olim. in princ. de re iudic. dicam in l. si de offic. prætor.

Notandum hîc censeo, in actibus voluntariæ iurisdictionis regulariter quem posse fungivice duorum. vnde Prætor dari in adoptionem à patre suo poterit apud se, & emancipari. l. ij. infra. de offi. prætor. Sed in his quæ sunt contentiosæ iurisdictionis non fungitur persona duorum, vnde prætor, si tutorem dare non potest, nec iudicem. l. fin. ff. de offic. prætor.

Ratio est, quia in iudicio quatuor personas esse necessarias Papa testatur, videlicet iudices electos, accusatores idoneos, defensores congruos, atque testes legitimos. c. 1. in iij. q. iij. quod non esset, si iudex se daret tutorem. Sed in iurisdictione voluntaria tot persone non sunt necessariae, sed sufficit quem emancipari coram magistratu, vel in adoptionem dari, etiam si magistratus sit in transitu. l. non est. & l. an apud. ff. de ma. vind.

Et quando pater emancipat filium suum Procofulem, vel Prætorē, ibi est filius, ibi est & Prætor, qui & filius est, ideo valebit adoptio, quia solemnitas legis impletur. vt dicam in l. fin. inf. de offi. prætor.

**L E X X V I I I. M A R C E L L V S L I B.  
X X V I. D I G E S T O R V M.**



**N**on enim aliter voluntati eius qui arrogare pupillum volet (etiam si causam eius ob alia probabit) sub-



scribendum erit, quàm si cauerit seruo publico se restitutum ea, quæ ex bonis eius consecutus fuerit, illis ad quos res peruenitura esset, si arrogatus permanisset in suo statu.

**C**Auerit. ] Istam arrogatoris cautionē pulchre explicat Specul. in tit. de pignor. & cautio. §. ij. verū. arrogator quoque. vbi ponit formam petendi bona arrogati, & quartam arrogantis.

LEX XXII. VLPPIANVS LIB. XXVI.  
AD SABINVM.

**S**I arrogator decesserit impubere relicto filio adoptiuo, & mox impubes decedat: an hæredes arrogatoris teneantur? Et dicendum est hæredes quoque restitutos & bona arrogati, & præterea quartam partē. Sed an impuberi arrogator substituere possit quæritur? Et puto non admitti substitutionem, nisi fortè ad quartam solam, quam ex bonis eius consequitur: & hætenus, vt ei vsque ad pubertatem substituat. Cæterum si fidei eius committit, vt quandoque restituat non oportet admitti fideicommissum: quia hoc nõ iudicio eius ad eum peruenit, sed principali prouidentia. Hæc autem omnia dicenda sunt, siue in locum filij, siue in locum nepotis aliquis impuberem arrogauerit.

**Q**uomodo arrogati succedant, docet Nicol. de Vbal. in tractat. de success. ab intestat. in §. specie liberorum. & Iohan. de Ana. in Consil. 27. Bened. in repetitio. c. Raynutius. in verb. & uxorem. de testam. & an adoptio, vel arrogatio in præiudicium matris, vel aliorum ab intestato succedentium valeat, scribit Corn. conf. 34. in hoc j. vol. & decis. consil. 399. Conclusionem. multa docet Ias. de quibus quis contentus esse potest, in hac lege.

LEX XXXI. MARTIANVS LIB.  
V. REGVLARVM.

**N**on potest filius qui in potestate patris est, vllō modo compellere eum ne sit in potestate: siue naturalis, siue adoptiuus sit.

**C**ogere patrem filius non potest, vt eum emancipet, nisi in casibus in glōf. conscriptis. & quando promississet quis pecuniam patri ea causa. l. vtrum. ff. de verb. oblig. Socin. in tractat. fallen. regula 286. patet in vxore. vidi etiam istum text. procedere. Nā cum Galli suas habeant vxores in potestate, etiam ex consuetudine, eas emancipare non coguntur: hoc vidi euenire in vna muliere, quæ à Rege multa munera acceperat, & volebat cogere maritum ad eam emancipandum, vt ipse non haberet postea dimidiam conquestuum partem: sed fuit reiecta, & sic semper

reicienda, nisi induceret eam vir ad peccandum. l. si lenones. C. de episc. audi. Bened. in cap. Raynutius. in verb. cuidam Petro. num. 62. de testament. refert se vidisse comburi maritum, qui leno vxoris & filia fuerat: sed nunc, fortè, plures comburentur, vide Specul. in titul. de adulter. vers. fin. & ibi Ioha. Andr. in addit.

#### SVMMARIA.

- 1 Nemo potest partim legitimus esse, partim illegitimus.  
Nec partim testatus, partim intestatus. Ibid.
- 2 Qui partem indiuidui perficit, nihil perfecisse censetur.

LEX XXXIII. PAVLVS LIB. XI.  
QVÆSTIONVM.



**Q**uestum est: Si tibi filius in adoptionem hac lege sit datus, vt (post triennium putā) eundem mihi in adoptionem des, an actio vlla sit: & Labeo putat nullā esse actionē: nec enim moribus nostris conuenit, filium temporale habere.

**R**idiculum admodum esset quem pro parte liberum esse, & pro parte seruum. l. duobus. & l. si pariter. in fin. ff. de liberal. causa. Nec potest filius quoad quædam in potestate esse, & quoad alia, non. l. j. §. in filij. ff. ad Trebel. nisi ex iusta causa, & per fictionem. Doct. in l. qui in potestate. ff. de testa. nec potest quis esse partim legitimus, partim illegitimus. c. cum inhibito. vbi glo. de clandest. despons. pulchre Curtius senior consil. 74. super. nu. 33. nec partim testatus, nec partim intestatus. l. ius nostrum. ff. de reg. iur. quia status hominis est indiuiduus, & qui partē indiui diuifacit, nil facere censetur. l. ij. ff. de verb. obl. l. furiosa. C. qui testam. facere possunt. Tamen per fictionem induci potest. l. ij. & seq. ff. ad Maced. Doct. in l. si is qui pro emptore. ff. de vsu. cap. & in l. j. §. hoc autem. ad Trebel. vbi alia videri poterunt.

LEX XXXIX. VLPPIANVS LIB. III.  
DE OFFICIO PROCONSULIS.



**N**am ita diuus Marcus Eutichianus no rescripsit, quod desideras an impetrare debeas, æstimabunt iudices, adhibitis etiam iis, qui contradicerent, id est, qui læderentur confirmatione adoptionis.

**N**ot. est iste text. pro literis Regiis comprobandis. vt, si quis literas à Rege impetrauerit iudici directas, iudex debeat vocare partem, quam audire debet, & eius contradictionem: quæ si iusta est, repellat impetratē ab effectu literarum, alioqui illas comprobabit. vt plenè de his scripsi in tractat. de rescript. in præf. q. vlt. in 2. tomo Comment. ad Consti. Reg. Gallic.

LEX

De arrogatorum successione.

Nemo potest partem legitimus esse, & partem illegitimus.

2.

Galli non coguntur suas uxores emancipare.

Praxis pro Regiis literis comprobandis.



LEX XLV. PAVLVS LIB. III. AD LEG.  
IVLIAM ET PAPIAM.



Nera eius, qui in adoptionē datus est, ad patrem adoptiuum transferuntur.

*Pater ad  
qua tenea-  
tur in filio  
instituēdo.*

**A**llegatur ista lex quod filiorum onus spectet ad patrem, vt eos instruat in bonis moribus, & artem, aut scientiam eos doceat. Scripsi abundē in scholast. priuileg. 53. patrem posse cogi, vt filio ministret expensas studere volenti. per l. de bonis. §. non solum. ff. de Carbo. edit. l. Macedoniani. C. ad Macedo. sed in qua scientia? pro ingenij scholastici qualitate, & bonorum patris quantitate: vt ibi abundē scripsi. Vide quatuordecim onera, quæ congerit Ioa. And. in add. ad Specul. in tit. qui filij sint leg. quæ pater pro filio subit. Attamen sexcenta alia numerarem, si filios habuissem, sed nunc mihi, tanquam inexperto, fortē non daretur fides, patribus ergo relinquendo alia onera.

*Sententia  
Aristotelis  
de pueris,  
iuuenibus,  
filiis & pa-  
tribus.*

Aristot. optimam de iuuenibus, filiis & patribus sententiam proferebat, vt sequitur: præterea singulorum ætatū curam habendam esse censebat: ita vt pueri quidem in literis, aliisque disciplinis exercerentur: iuuenes ciuitatis morum, atque legum diligenter essent studiosi, viri actionibus, publicisque muneribus incumberēt: senes autem in meditationibus, iudiciis, & consiliis versarentur. Summam. verò scientiam esse iudicabant in hoc sitam, vt pueri non haberent mores infantium: neque puerile iuuenes, neque viri iuuenile retinerent ingenium: nec denique senes desipiscerent. Adhæc assuescendum aiebat, vt statim à puero alimenta certo ordine, modoque fumerentur, docentes ordinem atque modum, ubique decorem & vtilitatem afferre: contraria verò vt turpia, sic noxia esse.

### De rerum diuisione & qualitate.

TIT. VIII.

SUMMARI A.

1. Homines de vniuersitate iuribus vniuersitatis renunciare non possunt, & quare.
2. Singuli ciues possunt in causa vniuersitatis deponere.
3. & 4. Restringatur.

LEX VI. IN TANTVM.



Vniuersitatis sunt, non singulorum, veluti quæ in ciuitatibus sunt theatra, & stadia, & his similia, & si qua alia communia sunt ciuitatum. Ideoque nec seruus communis ciuitatis, singulorumque pro parte intelligitur, sed vniuersitatis.

**C**olligitur res vniuersitatis non esse singulorum, & ideo res ciuitatis, collegij & ecclesiæ non debent in singulos diuidi, cum singulorum non sint, vnde consuluit Ias. consil. 140. communitas. in 4. vol. homines de vniuersitate nō posse renuntiare iuribus vniuersitatis, quia non sunt apud homines, sed penes vniuersitatem, nisi collegium dissolueretur. vt docui

in l. Meratius. ff. de verb. signific.

Item, procurator vniuersitatis non est procurator singulorum. l. ij. & ij. ff. quod cuiusque vniuersitat. not. Ideo oportet, quod singuli, si litigare velint, constituent procuratorem, quia vniuersitatis procurator non posset, sine speciali mādato, singulos defendere, licet vniuersos. sic. Felin. & Doct. in c. eam te. de refer.

*Procura-  
tor vniuer-  
sitatis, quo  
modo, con-  
stituatur.*

Ideo infert Bart. quod singuli ciues poterunt deponere in causa vniuersitatis, quia non est singulorum, & sic non deponunt in causa propria. l. sed si hac. §. qui manumittitur. ff. de in ius voc. quando est causa vniuersitatis, quantum ad vtilitatem, nomen, & commodum. vt in l. j. §. seruus municipum. ff. de quæstio. l. statuas. de acquirend. rerum domin. l. ij. §. primo. ne quid in loco publ. fiat.

Limitatur, nisi singuli de collegio, vel vniuersitate, aut ciuitate haberent aliquod commodum ex illa causa: vtpote, si agebatur de fonte, pascuis, molendinis, nemoribus, in quibus ciues vsum haberent, quia hoc casu repellerentur, sicut in causa propria. Bart. hic. per l. omnibus. C. de testib. Bald. consil. 168. casus homines. in 2. vol. & consil. 443. quæstio. in 5. vol.

Idem, si magna tenerentur affectione ratione honoris, iurisdictionis, vel alterius rei ipsis valde accommodæ: vel, si aliquod subirent damnum, vtpote in impositione collectæ, quæ grauior postea erat. l. j. §. eius. ff. quod cuiusque vniuers. no. Bald. & alij in c. insuper. de testib. l. prima. & seq. de anno. ciuilib. lib. xj. l. prima. de frumen. vrb. Cōstan. ibid. l. ciuitatibus. de leg. j. Lucas de Pēna in l. in filiis. co. ij. C. de decur. lib. x. Bald. sic consuluit consil. 391. apparet in j. vol. & consil. 420. verba Principis. ibidem. Alexan. consil. 99. visis. num. 8. in 5. vol. Socin. quoque consil. 194. subtiliter. col. 5. in 2. vol. & Carol. Ruinus consil. 139. circa. num. 19. & seq. in j. vol. & hoc residet in arbitrio iudicis, ex coniecturis, & ex qualitate testium, & causæ: vt docet Mathe. de Afflict. in decis. Neapolit. quæst. 400. nobilis. Plenè Felin. & Decius in dicto c. insuper. & Hypolit. in d. l. j. de quæstio. post Ias. in d. l. sed si hac. §. qui manumittitur. ff. de in ius vocand.

SUMMARI A.

1. Pœna militis transcendentis vallum, post ducis prohibitionem.
2. & 3. Volens quid perpetrans, & in actu deprehensus, quamuis non perfecerit, quomodo puniendus sit.

LEX XI. POMPONIVS LIB. II.

EX VARIIS LECTIIONIBVS.



I quis violauerit muros, capite puniatur: sicuti si quis transcedet scalis admotis, vel alia qualibet ratione. Nam ciues Romanos aliā, quā per portas egredi non licet: cum illud hostile & abominandum sit. Nam & frater Romuli Remus ob id occisus traditur, quod muros transcendere voluerit.

**Q**ua pœna puniatur, transcendens muros hodie, scripsi in l. quantum, quæ aliās incipit, paries. ff. de verb. signific. non puniri capite, nisi belli tempore, & post prohibitionem. Et idem in milite, qui vallum transcendit post ducis prohibitionem factam, vt ca-

*Pœna tr-  
cendenti  
muros.*

pit



pire plecti debeat. l. iij. §. in bello. ff. de re milit. Bened. in repet. cap. Raynutius. in verbo, in eodem. primo. numero 161. de testam. & Boër. in decisio. Burdegal. quæst. 232. transcendens. glo. exponit, voluerit, id est, voluntariè transcederit. vnde Bart. hanc dicit glo. not. ad statuta punientia illum, qui voluerit corrumpere, vt sic debeat intelligi, id est, voluntariè corrumpere, quod reprobatur Decius in l. non vult hæres esse, qui ad alium transferre voluerit hæreditatem. ff. de reg. iur. dicens esse contra proprietatem verborum, quia voluntas ab ipso facto separata est. l. promissor Stich. §. j. ff. de constit. pecu. cap. j. de eo qui mitti in possessionem sed posse istam expositionem tolerari aliquando propter materiam subiectam asserit, vt hic propter verbum, violauerit, quod factum designat. Tamen ista expositio etiã hic non videtur conueniens. Nam violare dicuntur, etiam qui transcendunt. vt dicit text. si in ipso actu reperiantur, & Imperator ait: si quis non dicam rapere, sed attentare ausus fuerit. & sic sufficit attentatum, & voluntas, sine actus perfectione. Idem scribit text. in l. iij. ibi, contra legem hanc venire tentauerit. & l. fi. C. de his qui ad Eccles. confugiunt. & vbi iura puniunt volentem facere, intelligi debent, quando in actu fuit deprehensus, & non perfecit, alioqui post factum crimen non posset puniri tanquam volens facere, vt, si quis voluerit fugere ad hostes, iam puniri potest, si in ipso actu deprehendatur. & ita loquitur Modestinus. in l. iij. §. is qui. & versic. & is. ff. de re militari. quicquid ibi scribat Accurs. & in l. j. ff. de leg. 1. l. fin. ff. de testib.

3 *Malum venenum faciens, vendens, vel habens, causa necandi hominis.*  
Item, si quis necandi hominis causa malum venenum fecerit, vel vendiderit, vel habuerit, capite plecti. l. iij. ff. de sic. l. j. de parricid. Et tamẽ non dedit, & sic substatetur doctri. Bar. hic, quod si quis voluerit venenare, & ad aliquem actum processerit, licet non perfecit, punietur, quicquid dicat Frac. Cremen. sing. 49. defensau. Barb. consil. 2. præclare. col. 3. in 2. vol.

*Voluntas quando spectanda sit.*

Vnde Diuus Adrianus in hæc verba rescriptit: *In maleficiis voluntas spectatur, non exitus, & nihil interest utrum occidat quis, an causam mortis præbeat.* l. Diuus. cum l. seq. ff. de sic. facit quod scribit Pompo. his verbis, l. quod si ab initio, cum deponerem, uti tibi si voles. permisero, creditam non esse, antequam mota sit. ff. si certum petat. ergo sufficit motam esse pecuniam, licet usus adhuc ea non fuerit, nec eam consumpserit. vt probat l. fin. C. de codicil. ibi: Si quis agere voluerit, id est, agere inchoauerit: non autem requiritur, quod perfecit usque ad finem causæ, sed tantum, vt voluntas ad actum deducta sit. Nec obest l. cogitationis poenam nemo meretur. ff. de poenis. quæ intelligi debet de nuda cogitatione, & voluntate, non deducta ad aliquod factum. vt docet Accursius in l. præfenti. C. de his qui ad Eccles. confu. dicam in l. j. infra. quod quisq; iur. facit l. si constituerit. C. finium regund. l. fin. §. sic autem. ff. de bonis eorum qui ante sententiam morti sibi consciuer.

Et sic erit differentia inter hæc verba, voluerit, tentauerit, affectauerit, & verba, fecerit, perfecit, compleuerit: vt in his requiratur perfectus actus, in aliis actus inceptus, per quem declaratur voluntas, nec valet expositio, voluerit, id est, voluntariè fecerit, quia si fecisset coactè, non teneretur, & tamen voluit facere. l. si metu. ff. quod metu. causa. Nec videtur hæc expositio congruens esse, quicquid Doctor. dicant.

## De Senatoribus. TIT. IX.

### S V M M A R I A.

- 1 *Senatorum origo.*
- 2 *Senatores dicti, ab ætate senili.*
- 3 *Senatores mille à Cæsare creati, à vulgo abortiuini nominati, & quare.*
- 4 *Senatoribus summa potestas iudicandi à Regibus data, sine appellationibus.*
- 5 *Legem generalem nemo præter Principem post legem regiam ferre potuit.*
- 6 *Senatus nihil ex placito iudicare potest.*



**O** Rigo Senatorum, à Romulo initium, teste Feneftella, coepit: quos, ob honorem patres, & progenies eorum patricios, vel (vt ait Plutarchus in Romulo) patres dictos, quod, hi solum creati possent, & quia paterno officio oportet eos causam populi in suam curam, & fidem suscipere, & beneuolam amicorumque animo in eos esse. Ob ætatem verò senilem Senatores dicti sunt, vt Liuius author est libro primo ab vrbe condita. Et hi ab ipso creati Romulo fuerunt centum, qui summam potestatem id temporis habuerunt, vt ne quidem liceret, inconsulto senatu aliquid moliri. Deinde Tarquinius Priscus, Romanorum Rex, centum cum pari potestate addidit. Verum Tarquinius superbus celebriorem Senatus partem morte, & exilio destruxit, vnde Senatus valde diminutus fuit. Sed exactis Regibus à Bruto primo: Consule, seu à Publicola ad pristinam maiestatem restitutus fuit Senatus. Quos enim ætate graues, spectatæque probitatis, fidei, ac doctrinæ videbant, senatui tanquam grauissimo, sanctissimoque consilio adscribebant.

Postea ingruente imperio, Cæsar (vt Suetonius ait) ultra mille, per gratiam, & præmium (inconditam certè & deformem turbam) creauit: quos, quia iuuenes & indignos elegerat, abortiuos vulgus vocabat. Sed deinde Augustus in pristinum modum & splendorem restituit. Et Vespasianus remotis indignissimis, amplissimum ordinem restaurauit. Alexander, etiam Mamma, ac Antoninus Philosophus, alique docti & boni Imperatores, maximis honoribus hos affecerunt, & plurimi, ex ipsis Pontificibus, creati Senatores fuerunt.

At cum isti tantum in vrbe ante imperium creati fuissent, vt Liuius ait, in illa habiti in magno honore fuerunt, & à Censoribus, vel ex numero Aedilium, & Quæstorum, Equestrique ordine legebantur. Tamen progrediente imperio, extra urbem in prouinciis, limitibusque Romanis creati etiam quidam fuere: qui partim in iudiciis assidebant, partim verò vias, pontes, & aquarum ductus curabant. Et in negotiis ordinis cognoscendis, vt hodie apud Parisienses Commissarii, arbitrij: vel à præfecto Prætorio, vel à Præsidente necnon Augusto itidem dabantur, vt Cæsar scribit libro 3. & Cornelius Tacitus libro 12. augustæ historiæ, & Capitolinus in historia Pij Cæsaris, ac Lazijs, in lib. de repub. Romana libro 2. ca. 12. quo ventum est, vt plurimum detractum sit eorum dignitati.

Verum enimuero, cum lege Regia translatum sit omne

1 *Senatores unde dicti sunt patres*

2

3

*Senatores etiam extra urbem creati.*

*Imperium quando in Cæsare translatum sit.*



omne imperium in Cæsarem. l. j. suprà de Constitut. Princip. valde diminuta est potestas senatus: nec illis postea ab Imperatoribus tanta, quanta ante imperium erat, concessa fuit. Nam constituto Principe datum est ei ius, ut quod constituisset ratum esset. l. ij. §. novissimè. ff. de orig. iuris.

- 4 Deinde Reges & Principes, qui eos in suis regnis & terris crearunt, iudicandi summam potestatem eis dederunt sine appellationibus. l. j. ff. à quibus appel. non licet. Supplicandi tamen ab illorum decretis, dederunt ad ipsum Principem potestatem. authent. quæ supplicatio. C. de precib. Imperat. offer. de qua multa scripsi in tract. de supplicatio. in 1. tomo Comment. in Constit. Regis.

Ex quibus dignoscitur distinguenda esse tempora, si velimus scripta conciliare. cap. si peccaverit. ij. q. j. nempe ante imperium, Senatusconsulti faciendi apud eos potestas erat, & quicquid constituisset, pro lege observabatur. l. ij. §. deinde quia. ff. de orig. iuris. §. Senatusconsultum. de iure nat. gent. & civil. in Inst. & l. non ambigitur eo tempore senatum ius facere potuisse. suprà. de legib. Et hodie quoque Venetorum senatus retinuit sibi supremam potestatem illam.

- 5 Post legem verò Regiam latam, nulli extra Principem permissum fuit legem ferre generalem. l. finali. C. de legib.

Edicta senatorum.

Verum, quia summa iudicandi potestas ex legibus data senatui est, ob id edicta potestatem eorum concernentia facere possunt, non quidem generalia, sed quæ servari possint in eorum iurisdictione, quando à Principe reuocata non erunt.

- 6 Et sic apparet quantum fallantur, hi qui iudicia illorum, seu decreta, ac, ut dicimus aresta eorum, placita vocant: cum debeant iudicare ex legibus, & non ex placito, & ita iurant iudicare. Et si contrarium facerent, ultra potestatem eis datam, iudicarent, & sic nulla essent illorum iudicia: sed ex bono & æquo statuere, temporis, loci, personarumque conditione considerata possunt. ut l. ij. ff. de re iud. Et declarat Budæ. in Annotation. in Pandect. l. j. de iusti. & iure. & aliud est sic iudicare, quam liberè, ut Principes. Nam si senatui daretur liberum iudicium, sine legibus, ipsi omnes leges, & constitutiones tollere possent, quod tamen eis non est liberum.

Senatores curiarum regi non sunt comparandi senatoribus Romanis.

Ex his ergo constat Senatum, vel senatores curiarum regni non esse comparandos senatui, vel senatoribus Romanis. Nam multa adempta sunt nostro Senatui, quæ concessa erant id temporis Rom. Senatui, & certa quidem data est illis potestas. Quare toto cœlo errare videntur, qui officia antiquorum cum nostris plenè comparare volunt, quoad quædam tamen comparatio fieri poterit, sed non per omnia, & cum his poterunt conciliari multa iura, quæ inspecto tempore ante imperium procedebant. Alia verò tempore imperij, etiam tempore nascentis imperij multa, quæ inclinante imperio, aboletæ fuerunt. Et nunc alia servantur, quæ olim introducta non fuerunt. Et ista ferè in omnibus æquiparationibus officiorum servari poterunt, & inspicere, si quis rectè iudicare velit, & leges conciliare.

#### SVMMARIA.

- 1 *Feminae consulares, non dicuntur matres Consulium: tamen vxorum privilegium gaudent in expensis Consularibus.*

- 2 *Mater Regis, non potest dici Regina.*  
3 *Consularis ætas erat quadragesimus tertius annus.*  
4 *Electus ex equestri vel plebeio ordine in senatum, ius senatorium non transferebat ad filios.*  
5 *Generalis sermo non comprehendit personam eius qui loquitur.*  
6 *Restringitur.*

#### LEX I. VLPIANVS LIB. LXII. AD EDICTVM.



Consulari feminae, utique consularem virum præferendum nemo ambigit, sed vir præfectorius an consulari feminae præferatur, videndum. & putem præferri: quia maior dignitas est in sexu virili: Consulares autem feminas dicimus Consularium vxores. adiicit Saturninus, etiã matres, quod nec vsquam relatum est, nec vnquam receptum.

IN principio docet Vlpia. Consularem virum feminae consulari præferendum esse: sed dubium erat, an vir præfectorius feminae consulari præferatur: videbatur mulierem anteferendam, quia maior est dignitas Consulis, quam Præfecti. tamen Vlpian. hic concludit virum præfectorium etiam esse præferendum, quia maior est dignitas in sexu virili.

Dubitaret quis super verbo, consulari, quis dicitur consularis? Respondeo, feminas consulares dicimus consularium vxores, non autem matres, ut Saturninus ait, tamen matres consulum gaudet privilegium vxorum in expensis consularibus. ut declarat Iustinia. in §. si autem. & §. matres. in authent. de consul. colla. 4. non tamen mater consulis dicitur consularis, nec mater Regis Regina.

Consulares etiam dicuntur illi, qui Consulis officio functi sunt. l. iij. in fi. ff. de arbit. vnde Cicero epistola 85. ait: Consules egregios habemus, sed turpissimos Consulares. Etiam dicitur consularis provincia, quæ consuli commendabatur, vel consularis, quasi consiliaris, quod consilio Senatus, & non ex beneplacito Principis, hi suas dignitates assumebant. ut dicit Petr. Cottreau in suo schedulari magist. de præf. prætor. per l. primam. C. de offic. præf. prætor. Aphri. vide si possit dici consularis, quasi consiliaris, quod consilio eos, qui ad eas mittebantur, Reges committebant. §. hæc autem omnia. in authent. ut iudic. sine quoquo suffrag. colla. 2. Consulares expensæ, ad consules pertinentes. in authent. de consul. §. j. collat. 4.

Consularis ætas, quæ ad consulatum prouchi ex legibus annalibus licebat, de qua Cicero in Anto. ea erat annus quadragesimus tertius.

Consulare officium est Consulatus. ut idem Cicero pro Rabirio docet.

Consularis exponitur ab Imperatore, pro clarissimo. in l. ij. C. de domestic. lib. 12.

Præfectorius autem dicitur ab interpretibus, qui præfecturam gessit, sed quam præfecturam? ipsi non elucidant: idè intelligunt istum textum præfectorium virum præferendum esse mulieri consulari, quia dignitatem habet vir suo iure: mulier autem mariti beneficio, ergo maior dicitur dignitas præfectoria in sexu

Consularis provincia.



sexu virili, quàm consularis in persona mulieris, hæc interpretes. sed vellem scire, nunquid fœminæ nuptæ clarissimis, clarissimam retinent dignitatem. l. fœminæ. infra eodem. & l. mulieres. C. de incol. Sed si mulieres retineant dignitatem, quomodo præfectorius, qui fortè officio infimo præfectus fuit, habebit maiorem dignitatem, quàm ille, qui fuit maiori officio præfectus? certè iste intellectus non videtur habere rationem, vt is, qui non est in dignitate, sed functus fuit aliquando, præferatur ei mulieri, cuius vir maiori est præfectus, vel fuit officio, & dignitate: vt pote quod præfectus olim luto, præferatur vxori alicuius Præsidis. Ideoque videndum est, num possit intelligi de eo, qui fuit præfectus officio præfecti prætorio. Nam sic videtur loqui Imperator in l. ij. §. quæ omnia. C. de vet. iur. enucl. videlicet, vt non solum præferatur vir consulari mulieri consulari, verum vir præfectorius, qui fuit tam celebri officio præfectus, prætorio scilicet, vt præcedere etiam debeat consulem mulierem, quia maior est dignitas in sexu virili. Nam sicut mulier amplius non est vxor Consul, sed consularis, ita vir nō est præfectus prætorio, sed fuit, & est præfectorius, idē præferetur ratione dignitatis viri, non habita officiorum ratione: & sic intelligendo cessant ea, quæ superius adducta fuerunt contra primum intellectum.

*Præfectorius quis dicitur.*

*De eadem re.*

Alio modo intelligi, & hic textus potest, videlicet præfectorium pro patritio, intelligit Laz. libro 9. c. 9. etiam in præfecto prætorio, qui in dignitate magna est, de qua suo loco dicitur, vt hic præferatur mulieri consulari, quia vir est in dignitate præfectoria, & maior est dignitas in sexu virili, quàm in muliere: nam maritus mulieris functus est officio consulis, & vir præfectorius est in officij exercitio, ergo est in maiori dignitate, ratione virilis sexus, sed in hoc casu dignitas esset ratione præfecturæ, quam nūc exercet, quæ proculdubio maior est, quàm illius, qui nullam exercet. Non, quod velit dicere maiorem esse in simplici viro dignitatem, quàm in nobili & consulari muliere, alioqui omnis vir baiulus, vel quantuncumque vilis præcederet Reginam Vngariæ, & aliam: sed sic posset intelligi, vt nomine præfectorii intelligatur verè præfectus. probat Lazius libro 2. cap. 3. Sed ego putarem præfectorium etiam accipi pro præfecto vacante, qui honorem præfecti prætorio habet sine administratione. vt probat text. in l. final. C. vt dignitat. ord. seruetur. vbi vult præfectum prætorio præferendum præfectorio, & quæstorem quæstorio, vt statim dicitur. & iste intellectus videtur conuenire: & vacantem dignitatem vocat, ibi: Post depositam administrationem, vel si velletis intelligere in senatore vacante post semestre tempus, vt cōsulari etiam mulieri præferatur, quod parum arridet. nam hoc casu semper senator est, licet exercitium desit aliquo tempore. Ideo potest intelligi de eo, qui perfunctus est officio. vt in l. scire. §. eos. ff. de tutor. & curat. datis. vt superius dictum fuit.

Notandum est discrimen olim fuisse inter eum, qui consularia meruisset ornamenta, & verum consulem, siue consulem hominem: Item qui prætoribus, siue quæstoribus, senatoribusque, aut his denique, qui aliquando functi verè muneribus erant: quod, videlicet, vera munia ad longam nepotum ætatem transmittabantur: illa verò non modò ad

*Consularia ornamenta meritis differt ab homine consulari.*

exitum vitæ, verum ad paucos vix annos durabant. l. fin. infra eodem, vbi sic dicitur: *Senatores accipiendum est eos, qui à Patriciis & consularibus usque ad omnes viros illustres descendunt, quia hi soli in Senatu sententiam dicere possunt.* Nam si aliquis equestris vel plebei ordinis, beneficio Principis in Senatum allectus sit, ius senatorium ad filios non transferebat, nisi insignibus illius fuisset ornatus. vt Vlpian. in titul. de verbor. signific. ait: *Speciosas, inquit, personas accipere debemus clarissimas vtriusque sexus, item eorum qui ornamentis senatoriis vtuntur.* Quod perinde est, ac si illustres dixisset: Consularia enim, quæstoria, prætorioria, præfectoria, insignia, senatoria ornamenta sunt. hæc Lazius in Comment. de repub. Roman. libro 9. cap. 8. & 9. pag. 892. & 921. fufius dixi in dicta l. speciosas, & sic distinguendum est, an verè fuerint decorati officio, an verò titulo tenens; & per hoc multæ etiam conciliantur iura, quæ contraria videntur.

Itaque consulares duobus modis dicuntur. Primò qui functi erant verè consulatu, & sic communiter accipitur ante constitutum imperium per istum text. & qui à Principe donati erant illo titulo, de quo scribit Cassiodorus libro variarum rerum. 6. in formula consularitatis. & in formula quâ per codicillos vacantes procures fiant, ibidem.

*Consulares dupliciter dicuntur.*

Postea verò eo imperio progrediente, atque inclinante, omnia in abusum versa fuerunt, & is honor titularis esse cœpit. Et dicti fuerunt Consulares, non qui olim consulatum gessissent, sed qui ornamentis & insignibus consulum ab Augustis decorati fuerunt. Et ista est origo ornamentorum consularium, sicut videmus in regno libellorum magistrōs ordinarios, & alios extraordinarios esse, qui solo nomine decorati sunt, & titulo. idem in Secretariis, & aliis officiis. Vnde videndum est, si iste text. possit intelligi, quod præfectorius, id est is, qui est præfectus prætorio titulo tenens, debeat præferri mulieri consulari: & respondeo præferendum virum præfectorium, quia maior est dignitas in sexu virili, licet nō habeat officij administrationem, vt supra dictum fuit. vide Lazium libro 9. cap. 4. & 9. facit text. in l. si. §. viros autem. C. vbi senat. ve. clariss. ciuil. vel crim. conuen. ego quiescerem in secundo intellectu, quem superius recitavi.

Ex hac materia colligerem sequentes casus. Primus est, Consulem virum mulieri consulari præferendum, quia maior est dignitas in sexu virili per istum textum. & gloss. trahit ad multa, vt testimonium viri præferatur mulieris testimonio, & etiam in feudis, & ad alia, de quibus scribit plenè Decius in l. ij. ff. de reg. iur.

*Testimonium viri præferatur mulieris testimonio.*

Secundus casus, præfectorium virum, qui præfecti prætorij officio vel fungitur, vel functus est, consulari mulieri præferendum esse. secundum vtrunque intellectum text.

Tertius casus, præfectorius vir, qui officio commissarij, vel viguerij, vel alteri infimo officio præfectus fuit, non præferatur consulari fœminæ: vnde senatorum mulieres præferendæ sunt non solum præfectoriis vrbs, & aliis, qui minore officio Senatoris functi sunt: ita seruat vsus & consuetudo regni, & verisimile est dedisse intellectum ad istum textum. Nam & si præfectorius (qui proximè accedebat ad officium consulis) præferatur mulieri consulari, non tamen alius præfectorius, vt dictum fuit. & hoc probat tex

*Consuetudo regni in præferendis mulieribus senatorum.*



bat textus in l.vlt.in fi.C. vt dignit.ord.seruet.lib.12. vbi quaestorius non praefertur praefectorio, & sic videbatur dubitatio ad istum text. vt praefectorius non praeferreretur consulari viro, per dict. l.vlt. sed foeminae consulari praeferreretur: quia maior est dignitas in sexu virili, quando dignitas hinc inde concurrat, alias si vir nulla sit praeditus dignitate, mulier contra, tunc mulieris dignitas praeferreretur, quod ostendit comparationum positum hic maior: nam praesupponit dignitatem esse in viro, alioqui simplex homo praecederet Reginam, quod esset absurdissimum.

Quartus casus, praefectus officio senatoris quoad nomen & titulum, praeferreretur mulieri Senatoris, quia maior est dignitas in sexu virili, sed sic extraordinarius non praeferreretur senatori ordinario. Nam actu exercens officium, alteri non exercenti praefertur. l.j. & ij. vt dignit. ordo seruetur. lib.12. C. & in authent. vt ordin. praefect. vrb. in princip. colla. 5. ibi: Antiquitus erat quaedam praefectura figura, quam honorariam vocabant: hanc autem ita nominabant, vt nil aliud, nisi purum honorem his, quibus praebebatur, conferret.

Quintus casus est, in quibus haec praeratio prodest, & Accursius hic tradit casus & Dec. in l.j. ff. de reg. iur. & notat quomodo leges prius interpretatae sunt, & statim tractandum, quae utilitas proficiscatur, vt feci in titul. maximè. ff. de verbor. significat. alioquin non est docere, sed ostendat, vt quidam noui faciunt, ex quorum scriptis nihil emolumenti lector percipiet. De Mutio Saturnino loquitur l. si duo. §. penult. ff. de iureiurand. & l.j. in fi. de abige. l.j. de effracto. ac l. fin. de custod. reor.

Item glos. vltim. dicit, in generali sermone excipiendam personam eius, qui loquitur: vt, si procurator dicat se satisfecisse omnibus creditoribus, adhuc poterit petere suum debitum, quia ipse loquens non continetur. in l. inquisitio. C. de solut. & Paulus ad Corinthios c. 15. ibi: Cum autem dicat omnia, quae subiecta sunt ei, sine dubio praeter eum, qui subiecit, ei omnia ego existimarem dicendum in sermone non comprehendere personam eius, qui dicit, quando actus sit de aliis, seu contractus: si verò contractus fiat de loquente, & de se, & suis bonis, tunc maximè de ipso intelligitur: vt, si quis promittat propter rem venditam, ab aliquo non molestandum, ergo ipse potissime, eum molestare non debet. l. vendicantem. ff. de euictionibus. Alia videte per Doctorem. in dict. l. inquisitio. Et in generali sermone multa solent excipi, de quibus Stephanus de Feder. in tract. de interpret. legum. & Ludou. Romanus in l. si verò. §. de viro. ff. solut. mat. Scripsi in interpretatione auth. habita. ne filius pro pat. C. & Ias. in l. ij. §. si fideiusor. ff. qui satisfidar. cogant.

## S V M M A R I A.

- 1 *Damnatus repetundarum tantum prohibetur iudicare, vel testimonium dicere.*
- 2 *Suspensus quoad restitutionem à Principe, non potest iudicare, antequam innocens declaratus fuerit.*
- 3 *Restrigitur.*
- 4 *Infamia iuris qua dicitur.*
- 5 *Infamis facti infamia à testimonio non omnino reiiicitur.*

LEX II. DE SENATOR. MARCELLVS  
LIB. III. DIGESTOR.

**C**assius Longinus non putat ei permittendum, qui propter turpitudinem Senatu motus, nec restitutus est; iudicare, vel testimonium dicere: quia lex Iulia repetundarum hoc fieri vetat.

**R**emotus à Senatu propter turpitudinem, non potest iudicare, quia non est amplius Senator, cum sit remotus: sic remotus ab officio iudicis non potest amplius iudicare, quia iudex non est. l. cum praetor. circa fin. de iudic. l. j. ad legem Iul. de vi priua. & quia infamis est. dicta l. j. & l. ij. C. de dignit. lib. 12. imò lex Iulia repetundarum, damnato tantum, licet remotus non sit, prohibet publicè testimonium dicere, aut iudex esse. Venul. in l. eadem. §. j. ff. ad legem Iul. repetund. Sic remotus à tutela, author fieri non potest. l. j. ff. de author. tuto. facit l. minor 25. annis addito praeside. ff. de minor. vbi scribam.

Idem, si remotus esset sine turpitudine, quia etiam iudex non est, nam desit esse iudex. l. iudicium soluitur. ff. de iud. & potest quis priuari propter longam valetudinem aduersam, & negligentiam. l. si quos. C. de offic. praefect. prae. Orien. sed text. vetat omnino ne iudicet, quando motus est propter turpitudinem, etiam si mandaretur ei postea iurisdictio: diuersum esset, si aliter motus, quam ob turpitudinem fuisset: quia hoc casu iudex fieri potest. d. l. cum praetor: quia cessat causa, qua repellabatur, videlicet infamia, & sic effectus cessabit. l. quod dictum. ff. de pact. siue remotus fuerit propter turpitudinem commissam in officio, siue extra, quia iudex non est, & est infamis, etiam iuris infamia propter crimen, & quamuis ratio text. respiciat turpitudinem in officio commissam, tamen aliae sunt generales rationes, & vna extante lex etiam locum habet. §. affinitatis. de nuptiis. in Institut.

Ex hoc textu intelligitur, qui non potest iudicare, nec testimonium dicere, quod est verum, quando inhabilitas prouenit ex crimine, vel condemnatione, secus si ex iurisditionis defectu. Nam qui non est iudex, potest testificari, sed non iudicare, ob iurisditionis defectum, nec priuatorum consensus facit eum iudicem, qui nulli praestit iurisditioni. l. priuatorum. de iurisd. omnium iudicum.

Limitatur, quando remotus esset restitutus, vt hic, & l. j. §. de qua. ff. de postuland. Quod si quis famoso iudicio condemnatus, per in integrum restitutionem fuerit absolutus: Pomp. putat hunc infamia eximi: nam restitutio in pristinum statum eum ponit. l. quod si minor. §. restitutio. ff. de minor. Ergo habetur ac si non esset remotus, sed à quo possit restitui, Vlpianus docet in dicta l. prima. §. de qua. ibi. & putat de ea restitutione intelligi, quam Princeps, vel Senatus indulgit. facit l. prima. de sentent. pass. vbi Accursius hoc etiam docet: sed hodie solus Princeps restituit, non verò Senatus, nec alius in hoc regno.

Quid in suspenso à Principe, donec purgatus fuerit de aliquo delicto? Respondeo, Hic antequam fuerit innocens declaratus, seu absolutus à iudicibus,

*Remotus à senatu, non potest iudicare.*

*Restitutio fit in Francie regno à solo Principe.*



non poterit iudicare, sed statim postea poterit, etiam licentia à Principe non petita. Nam Princeps remittendo causam ad iudices, & alia omnia censetur remisisse. l. ij. ff. de iurisd. omnium iud.

Facit, quod bannitus ad quinquennium, eo finito, sine superioris facultate, redire poterit: quia ultima dies licentiam præbet. l. Imperator. ff. de postuland. & l. prima. & seq. de his qui in exil. dat. vel ab. ord. moti sunt. lib. io. C. c. quæstioni. vbi Decius de appel. Francif. Cremen. sing. 47. consulimus.

Limitatur, quando quis fuisset suspensus, quousque aliter visum fuerit Principi, tunc prolata sententia debet peti voluntas Principis, quam voluntatem apud se retinuit, & de his vidi dubitari.


Ibi, quia lex Iulia repetundarum hoc fieri vetat, nota validam rationem. Talem furiosum testari, iudicare, de bonis suis disponere non posse: quia hæc lex prohibet, & concupiscentiam nesciebam esse peccatum, nisi lex prohiberet. ut dicunt Diuus Paulus, & Papa in cap. nam concupiscentiam. de consti. de hac lege repetundarum tractatur à Cicerone in actione in Verrem. & in titul. de public. iud. in Instit. & ff. & C. illo titul. & Ioannes Zazius in suo legum antiquarum pulcherrimo catalogo. Glos. ista semper allegatur quod infamia etiam facti repelli quem à testimonio, non solum iuris, & iuris infamia est, quæ à iure infligitur, ut damnatus iniuriarum, iure infamis est l. prima. ff. de his qui notan. infam. & quicunque damnatur, in illo titulo, iuris infamia tenetur.

Infamia facti asperguntur illi, qui re ipsa, & hominum opinione non effugiunt infamiae notam. Paul. in l. secunda. ff. de obseq. quem text. notat Ias. in §. sic itaque numero vigesimo secundo. de actio. in Instit. Et Purpura. in l. prima. numero 65. C. de summa Trinitat. infamis tamen infamia facti, non omnino reicitur, sed testimonium illius. In multis casibus non recipitur, ut Accursius notat in l. secunda. C. de dignit. lib. 12. sed est in arbitrio iudicis. per text. singul. in cap. licet. vbi Felinus nota. 8. de probat. & in quibus casibus recipitur, solet ei de fide diminui, ut vidi in praxi seruari. de quo scripsi in tractat. de reprob. & salua. testium. pulchre tractat Bal. distinguens in c. vno, an remoueri debeant testes, qui pares esse desierunt.

### SUMMARIA.

1. Moti à Senatu, capite minui non dicuntur, & quare.
2. Sententia non extenditur ultra ea, quæ in illa probata sunt.
3. Senatu remotus propter infamiam, an in vrbe morari possit.
4. Curiali condemnato in regno Francia prohibetur locus, vbi Princeps agit.

LEX III. MODESTINVS LIB. VI.  
REGVLARVM.



Enatorem remotum à Senatu capite nō minui, sed Romæ morari Diuus Seuerus & Antoninus rescripserunt.

**D**Vo hæc lex statuit. Primum est, ut Senator remotus à Senatu, fortè temporis lapsu, non dicatur capite minutus. Nam Iustinian. scribit: Quibus autem dignitas, magis quàm status permutatur, capite non minuuntur, & ideo à Senatu motos, capite non minui constat. §. quibus. de cap. dimin. in Institut. Nam capitis diminutio est prioris status mutatio. l. ij. ff. de cap. diminu. qui status non immutatur, quando Senator remouetur à Senatu, vel alius à sua dignitate. Nam aliud est amittere dignitatem, aliud statum, ut ibidem videre est. & in l. penultima. §. minuitur. ff. de variis & extraor. cogni. hoc autem prodest scire, quia ius agnationis, capitis diminutione perimitur. §. final. de legit. agnat. tutel. in Instit. §. sed & capitis. quib. mod. tut. finit. in Instit. sed non per amissionem dignitatis.

Secundum est, remotus à Senatu potest adhuc Romæ vel in alia ciuitate morari, in qua Senatu motus fuit: & hoc dubium non est, si ad tempus fuerit Senator, vel Consul, nam post tempus exactum poterit (licet non sit Senator, vel Consul) morari, vbi prius exercuit officium: vel si resignauerit liberè suum officium, seu coactè, ut quandoque fit: tunc in illa ciuitate morari poterit, in qua Senatoris exercuit officium.

Sed si per sententiam, videamus: ego etiam putarem, post sententiam priuationis, in vrbe morari posse, & in sententia exprimendum esse, utpote, priuamus eum Senatoris officio, & eum deportamus, seu exulem ad quinquennium, vel perpetuò facimus. Nam sententia non est extendenda ultra ea, quæ in ea dicuntur. l. Iulia. ff. de cond. indeb. l. à diuo Pio. ff. de re iud. Ita si nō dicatur in sententia priuationis, ut non moretur Romæ, ibidem morari posset, non tamen sine dedecore. Et hoc esse introductum in priuilegium Senatoris, docet Alber. Ego verò iure id fieri assero. Nec obest, quod Senator, ordine motus, ad originalem patriam, nisi specialiter hoc impetrauerit, non restituitur. l. filij. §. Senator. ff. ad municipa. quia ibi illam amiserat, ideo ad eam non restituitur, sed hic non amittit, & l. sequen. ibidem. respondet, dicens: *municipes desinit esse, Senatoriam adeptus dignitatem.* hoc autem, quantum ad munera, quæ non tenetur subire in municipio: quantum verò ad honores pertinere creditur, originem retinet, quia honores retinebit municipij, in quo natus fuit. Non refragatur l. ij. §. miles. ff. de his qui not. infam. ibi: Ignominia autem causa missis neque in vrbe, neque alibi, vbi Imperator est, morari licet. & l. sed & milites. §. scribit autem & Vlpian. ita. Sed & ignominia missi ab vrbicis planè tutelis excusabuntur, quia ingredi urbem eis non licet. Accurs. soluit dicens remotum ex causa, quæ infamiam non importat, posse in vrbe morari, ut hîc, secus, si propter infamiam, ut legibus contrariis.

Ista dissolutio mihi non placet, quia sententia stricti iuris est, ut dixi, & non debet extendi ad ea, quæ dicta non sunt in ea. l. Iulia. ff. de conditione indebi.

Ad hæc pœnæ non sunt extendendæ, sed molliendæ. l. interpretatione. ff. de pœnis.

Nam & infames in vrbibus etiam degunt, nisi ab vrbe expellantur: nempe iniuriarum, depositi, vel aliis actionibus famosis condemnati, sunt infames. l. prima. ff. de his qui notant. infam. Et non prohibetur

Remotus à Senatu per sententiam.

2

3 Infames nō prohibentur in vrbe morari.

Praxis de testimonio infamis, facti infamia.



betur in vrbe morari, si exilium non sit eis indictum. Vlpianus in l. relegatorum. ff. de interd. & relega. sic scribit: *Solet praeterea interdici, sententia, quibusdam, ne intra patria territorium, vel muros morentur, ne excedant patriam, ne in vicis quibusdam morentur: ergo si non indictum fuerit, poterunt morari.*

Item condemnatus infamia, non ob hoc exul fit, nec prohibetur in vrbe morari, sed oportet quod hoc exprimatur. dict. l. relegatorum. & l. moris. ff. de pœnis. Imo Senatores, qui liberum comitatum, id est, vbiunque velint morandi liberum arbitrium impetraverunt, domicilium in vrbe retinent. l. filij. in fin. ff. ad municipalem. ergo motus à Senatu, etiam ob turpitudinem, retinet domicilium in vrbe, si non dicatur per sententiam. Nec me mouet quod erit dedecori aliis, si in vrbe morentur; Esto sanè, etiam erit eis magno exemplo, & terrori, quod si ipsi similia perpetraverint, talis etiam eis imponetur pœna, & inde plus emolumenti, quàm damni eueniet per l. fin. C. ad leg. Iuliam repetunda.

Idè, ego dicerem militem ignominia missum non posse morari in vrbe, neque vbi Princeps est. l. ij. §. miles. ff. de his qui notan. infam. hoc in eo esse statutum, ne ibi verberet, mutilet, vel interficiat ciues, quorum militum (saltem aliquorum) officium est alios verberare, occidere, vel affligere, & aliis malis premere. Idè lex considerauit, vt isti non remanerent in vrbibus infames, ne se vindicarent de aliis, qui non se possent tueri, & defendere aduersus potentiam istorum. vt in titul. de re milita. l. milites agrum. §. ignominiosa. & praxis habet regni, vt si quis condemnatur curialis, prohibeatur, & locus, vbi Princeps erit, vt sapius vidi in magnis viris militibus condemnatis.

Quod secus est in Senatore moto, aut alio, qui tantum in vrbe erat potens ratione officij, quæ potentia cessabit, si motus fuerit, siue fuerit remotus ob turpitudinem, siue non. Nam solent perfidi remotos laceffere, potius quàm eis fauere, contra l. diuus. ff. de offic. Præsid. & statuta in milite noluit Imperator ad vrbanas dignitates extendere.

## S V M M A R I A.

- 1 Inhabilis ad officium inferius, ad maius etiam indignus habetur.
- 2 Dignus superioris officio, multo magis indignus est inferiori.
- 3 Imperator vult quandoque Commilito vocari.
- 4 Homines egregie disciplinati, etiam clarissimi vocantur.

LEX IIII. POMPONIVS LIB. XII.  
EX VARIIS LECTIIONIBVS.



Qui indignus est inferiori ordine, indignior est superiori.

- 1 D Væ sunt regulæ ex hoc textu. Prima negatiua, qui inhabilis, seu indignus est ad officium inferius, & ad maius indignus censetur. vnde Vlpianus ait in l. relegatorum. §. final. ff. de interd. & releg.

illum, cui honore vno interdictum sit, non tantum eum honorem petere non posse, verum nec eos quoque, qui eo honore maiores sunt: Est enim perquam ridiculum eum, qui, minoris pœnæ causa, prohibitus sit, ad maiores aspirare: maioribus tamen prohibitus, minores petere non prohibetur. & per illum textum conciliantur adducta per Accurs. Nam Imperator est indignus, vt si Præses, ergo & imperio. certè text. dicit, pœnæ causa, qui est indignus maiore, & minore: velego dicerem Imperatorem non esse indignum inferiore magistratu. Imò, maximè illo dignus est, sed officium non est dignum eo, vt dicam in seq. regula.

Ea regula: Qui dignus est superiori ordine, & officio, dignus est & inferiore. Vnde, qui est illustris, est dignus officio clarissimi, & spectabilis, & sic Imperator est dignus superiore ordine, multo fortius est dignus inferiore. per istum textum probat Iason, & alij in l. secunda. ff. de legat. 1. & de hoc tractatur in regula cui licet. de regulis iur. in vj. & per Nicolaum Euerard. in tractat. de locis legal. in argu. à minori & à maiori.

Et per hoc conciliantur multa iura, in quibus aliquis vocatur illustris, in alio Clarissimus. Nam qui est illustris, potest & spectabilis & Clarissimus iure vocari, & sapius hoc in iure scriptum legimus. Nam Senatores, licet Illustres sint, vt statim dicitur, Clarissimi tamen vocantur. in l. secunda. in versiculo. Sed Senatores quidam clarissimi viri. C. de his qui veni. etat. impetra. & idem in spectabili aduocato fisci. in l. finali. C. de decurionibus. lib. 10. Et vt clarissimus vocetur. l. laudabile. C. de aduocat. diuersorum iud. & idem in Prætoribus, qui licet sit spectabilis, tamen clarissimus vocatur. in l. prima. §. primo. ff. de reb. eorum. & idem in aliis, vt in l. vna. C. de ratiocin. operum publico. & Imperator inter Senatores vult connumerari. l. ius Senatorum. C. de dign. & Com. milito etiam vult vocari. l. prima. ff. de testam. milit. non tamè sequitur illum esse in gradu & ordine militum, nisi quando est in bello, quia ipse est super omnes dignitates, sed ex humilitate vocat se talem.

Sciendum est (vt ista rectè intelligantur) tres esse tantum ordines dignitatum, licet Bartol. hic quinque conscribat. nam, quidam sunt Illustres, alij Spectabiles, quidam Clarissimi. Accursius hic & plenè interpretes in l. j. ff. de offic. eius. vbi Bart. addit super illustres per Constitu. Iustin. vt ab illustribus, & qui super eos sunt. colla. 5. Sed ille tit. non ponit gradum dignitatis, sed vult non solū illustres, sed multo fortius si sint alij superiores, vt Papa, Imperator, & Reges non recognoscentes superiorem, possint se defendere per procuratorem: nec possunt isti superiores, à quibus omnes magistratus suscipiunt dignitatem, esse in ordine magistratuum, vt declarat Imperator in §. finali. in authen. de appellat. collatione 4. vbi dicit. spectabiles, & qui super spectabilitatem sunt decorati. Ergo in spectabilium est gradus, super spectabilis, alius, quod est ridiculum: sed Imperator vult designare quosdam esse spectabiles, & quosdam superiores, videlicet illustres, & quosdam superiores illustrium, vt Papa, Imperator, & Rex Franciæ. Ab his enim deriuantur omnes dignitates, sicut à fonte. dicit Bald. in cap. primo. Quis dicatur Dux. refert Iason in l. prima. columna secunda. C. de sum.

*Maiores honoribus prohibitus, minores petere non prohibetur.*

*De illustri, spectabili & clarissimo.*

*Miles ignominia missus.*



ma Trinit. & ij maiore dignitate decorati censentur, quàm illustres. l. si quando. C. de appellat.

*Illustrissimi.*

Et quamvis illustres interdum in superlatiuo vocentur illustrissimi, non tamen ob id mutatur gradus dignitatis, quia semper in gradu illustrium erūt. Nam sicut optimum vinum, ipsum quoque bonum est. l. vbi. in princ. ff. de verb. oblig. ita & illustrissimi quoque illustres sunt.

*Principes nominantur illustres.*

Item, hostitulos inclinante imperio aliter usurpatos videmus, quàm ante Imperium, vel nascente Imperio. Nam & inclinante Imperio & ab eo tempore illustris summum obtinet fastigium, nec inuenitur gradus superior. Ideò Principibus attribuire solemus. vt docet Lazijs in suo lib. 2. de rep. Roman. ca. 6. Et ita in iure solemus dicere illustres summam dignitatem in magistratibus habere.

Ideò qui iura conciliare cupit, distinguere oportet tempora. vt dicit text. in cap. si peccauerit. ij. quæstio. j. Nam qui vno tempore clarissimi fuere, postea illustres alio tempore nominati, vt inferius dicitur. Nam variantibus temporibus variantur statuta humana. cap. non oportet. de consang. & affi.

*Illustres duobus modis dicuntur.*

Præterea notandum est, duobus modis Illustres dici. Primò, pro titulo dignitatis, vt illi, qui dignitate illustri decorati sunt, vt Senatores. l. tertia. C. de silentia. & decur. lib. 12. Præfecti prætorio & alij, de quibus hic titulus tractat. & l. quisquis. C. ad legem Iuliam. ma. & tit. seq. probant.

Secundò, illustres dicuntur, maximè apud Oratores, qui virtute præstant, clari, & nobiles sunt. vt Cicer. in Vati. scribit sic, Hinc homines maximè illustres, qui & ipsi noti sunt, & de cla. Orato. Homo illustris nomine, & honore. & ibidem, Illustris Orator. & in Officiis. Nomen Themistoclis illustrius esse dicit, quàm Solonis, & facta illustria gloriosa. de Finib. bonorum. & alibi illustrem ciuitatem, & illustre domicilium, pro glorioso, claro, nobili & perspicuo. & sic dicuntur viri illustres.

Tertiò, qui titulo Senatoris tantum à Principibus decorati erant, & isti dicebantur Senatores inferioris ordinis. l. spadonem. §. scire. ff. de excusat. tuto. & ij etiam clarissimi dicebantur: & qui erat indignus hoc inferiori ordine, erat indignus & superiori.

Adhæc non probo quod Iason & alij scribunt in l. prima. de offic. eius. vbi dicunt Senatores dici superillustres, eò quòd multa facere possint, quæ non possint illustres. Respondeo, si diuersa consideremus tempora, inueniemus pro tempore amplam fuisse Senatorum potestatem, vt superius in rub. dictum fuit, sed non sequitur, si multa possint facere, quæ illustres non possunt, ergo sunt super eos. Nam interdum ex mandata iurisdictione Præses, vel vnus Senator, poterit aliqua facere, quæ non poterit Senatus, ergo erit superillustris. Maiora enim horum facietis, dicit Christus Discipulis, & Apostolis, non tamen voluit eos facere seipso maiores. Nam præfectus à Rege vel Imperatore non potest esse par Regi, cum præficienti, quantumcunque ei concesserit dignitatem, quia sibi semper maiorem retinet. c. dudum. de præbend. lib. 6.

Nec etiam placet, quod Bartolus & alij probant, vt corpus Senatorum sit illustre, singuli verò non, quòd ab vno appellatur, à corpore verò non, quia

loquuntur contra text. in l. quisquis. ad legem Iuliam maiest. C. vbi quilibet Senator dicitur illustris, sed vt ab vno Consiliario appelletur, non est mirum, quia ei mandatur iurisdictione à corpore, ideò ad mandantem appellari debet. cap. super. §. porro. de offic. delegat. cap. penultimo. illo tit. in 6. Et sic non sequitur quin omnes & singuli sint illustres. Et an præfectus prætorio sit maior Senatu? dicite, In his quæ commissa speciatim sunt vni, quæ non alij, maior censetur: & ideò ista officia habent se tanquam excedentia & excessa. vt in simili dicit gl. in l. certi conditio. ff. si certum petat. quicquid Barto. & alij in rubri. supra scribant.

*De gradu spectabilium.*

Secundus est gradus spectabilium, hic enim gradus minor est illustris. §. fin. in authen. de appellat. collat. iij. Spectabiles enim quasi spectatione digni sunt, vt sunt proconsules. l. obseruare. & per totum infra. de offic. proconsul. l. raptore. §. primo. C. de epif. & cleric. & præfectus angustalis. l. vna. C. de priuat. carcer. De hac spectabili dignitate loquitur Cassiodorus, variat. rerum lib. ij. epistola ad Stephanum comitem. & lib. vij. in formula spectabilia. vbi sic ait: Ideò te spectabilitatis nitore decoramus, vt sententiam tuam in conuentibus publicis spectandam esse cognoscas, cum inter nobiles decorus affederis.

Insuper, si hic spectabilis illustri decoretur dignitate, illustris quoque erit. l. si quando. C. de appellat. vnde si dux Flandriæ Imperator fiat, vt videmus in magnifico & illustri Imperatore Carolo quinto, tamen ratione illius Comitatus appellabitur ad Regem Franciæ, à quo dependet, vt dicitur in §. illud. de appellat. in auth. collat. 4.

Et licet veteres illos vocarent spectatissimos, quos nunc nos spectabiles, vt Herodot. lib. octauo, inquit: Etenim viros consulares, cum lectissimis ac spectatissimis viris, ex Italia tota, miserat senatus. & Plinius lib. 5. epistola. Adhibui (inquit) in consilium duos, quos ciuitas vestra spectatissimos habuit, Cerelium & Frontinum, id est, valde probatos, vel spectabiles.

*Speciosa persona.*

Et isti iidem spectabiles vocantur speciosæ personæ secundum quosdam ab Vlpian. in l. speciosas personas accipere debemus clarissimas personas vtriusque sexus: Item eorum qui Senatoriis ornamentis vtuntur, vt ibi scripsi, aliquos habere spectabiles personas. loco verbi speciosas, quod tamen non probo, & Sido. Apol. lib. 8. epist. ad Naumalium scribit ita: Flavius Nicetius vir ortu clarissimus, priuilegio spectabilis, merito illustris, & Cicero de clar. Orat. ait, dignitate motus, sit speciosum & illustre, quod dicitur. & ad Atticum, Reuersionis has speciosas causas habeo, speciosum vocat eximium, illustre, & insigne, quòd hi qui in dignitate constituti sunt, spectatione & inspectione digni sint, & ideò frequenter inspecti. Cicero in Officiis. Quòd, in quo viro perspectum sit, hunc dignum spectatione arbitrantur. Inde spectatam integritatem dicit idem Cicero, in libro de amicitia, pro approbata, cognita, & eximia. & maximus & spectatus vir. In Vat. dicit etiam fortis ac spectatus. Ibidem, Atque homo in iudicandis rebus spectatus & cognitus. Et sic interdum accipitur pro titulo dignitatis collata, interdum non, vt dixi de illustri superius.

Clarissimi



De gradu  
clarissimo-  
rum.

Clarissimi minores spectabilibus sunt, vt docet Imperat. in l.ij. C. de domestic. libro 12. & interdum etiam spectabiles clarissimi vocantur, vt proconsul vir clarissimus. l. & si seuerior. C. quibus causis inf. irroga. & l. decuriones. ibidem. & in Constitutionibus iuris Seuerus ait: *Si tabulas testamenti Proconsul vir clarissimus, licet sit spectabilis, vt dictum fuit.* & hoc honore etiam Imperatores aliquos donabāt. vt Casiodor. lib. 7. in forma clarissimatus testatur, sic dicens: Clarissimatus igitur honorem (ornamenta iudicij nostri) Regia largitur authoritas: quod præbeat, & exactæ vitæ testimonium, & futuræ prosperitatis, polliceatur augmentum. Quapropter nihil tam obscurum agere patiaris, qui clarissimatus dignitate resplendes: grande siquidem vitæ testimonium est, non tam clarum, quàm clarissimum dici.

Clarissimi  
duobus ap-  
pellantur  
modis.

Itaque clarissimi duobus etiam modis vocantur. Primò, ortu. vt in l. foeminae. infra eodem. vbi dicitur: Clari dicuntur nobiles, quasi non obscuro, & claritas generis in l. j. C. de dignit. libro 12. abundè scribit Tiraquellus in tractat. nobilitat. c. 2.

Secundò, pro eo qui est insignitus dignitate Consulari. l. ij. C. de domest. & protecto. lib. 12. l. peculiari. de proxi. sacro. scrinio. ibidem. vbi Consularis dignitas vocatur clarissimatus. Clarissimi quoque vocantur rectores prouinciarum. l. raptores. §. primo. C. de Episcop. & cleric. l. nemini. §. primo. de adu. diuerso. iudicio. & l. vna. C. de priua. carce. l. iij. de iuris & fac. igno. etiam prætor. in l. j. ff. de rebus eorum. licet interdum illustris vocetur.

4 Et hic tit. relictus est etiam artibus, & disciplinis, vt homines valde disciplinatos, clarissimos vocemus. vt dicit Laz. in lib. de repub. 20. cap. 6. adeò vt generaliter vocari possint clarissimi, tam maiores magistratus, quàm etiam minores, etiā hi qui nullo fuerint præfecti officio, dum tamen virtute, vel ortu, aut aliàs conspicui & egregij sint. l. custodias. ff. de publi. iud. & ita receptum est.

Ex prædictis docet Iustinian. venerandam vetustatis authoritatem, ita magistratus digessisse, vt alij maiores, alij medij, alij minores sint. §. illud. in authen. de appell. collat. 4. Et sic tres tantum fecit gradus. illustres maiores sunt, spectabiles medias habent administrationes, Clarissimi minores. §. seruabunt autem. in authen. de non alienan. reb. Eccles. collat. 2. & sic erant illustres, spectabiles, & clarissimi, & alij ad istos rediguntur. Nam Papa, Imperator, & Reges non sunt ex hoc ordine magistratuum, quia ipsi creant magistratus.

Magnificus.  
Amplissimus.

Sciendum est alios esse honoris titulos, vt magnificus, vt in §. cumque hoc Deo propitio. in proem. Instit. amplissimus. in l. diuo Marco. C. qui ma. non possunt.

Et interdum hoc nomen, & alia iunguntur cum titulo dignitatum, vt magnificentissimos, illustres. in §. finali. vt ab illustribus. collat. quinta. Nam si quidam illustris sit Senator, qui opera magnifica facit, erit magnificus illustris. l. nemini. C. de Consulibus. libro 12. Nam dicit Imperat. in l. vltima. in fin. C. vt dignita. ordo serue. libro 12. Cur enim aut vir magnificus, Germanus, magister militum, vocans appellatur, cui bellum contra hostes mādauimus. Et in proem. de Iustinian. Cod. compo. hic & eminentissimus atque gloriosissimus. l. raptores. §. primo. C. de Episcop. & cleric. & de Iustinian. Cod. confirmand.

& sic ex virtute vnus acquiritur titulus, alter ex magistratu, nam si Senator vigilatissimus sit, illo titulo decorabitur, si segnissimus, vt sunt multi, etiam hoc nomen non euadet.

Est & titulus, excellens & excellentissimus. l. vltima. in fin. C. vt dignitat. ord. serue. lib. 12. l. sancimus. de Consul. ibidem. l. penultima. de silentia. ibidem. l. raptores. ibi, viri excellentissimi præfecti prætorio. C. de Episc. & cler. Excellentissimus.

Sublimis cap. de multa. in fin. de præben. & quamuis his nominibus vocentur illustres, aut alij, aliis prædicti titulis, tamen non eò minus erunt illustres, quia hoc adiicitur dignitati, ergo eam non mutat. l. fin. inf. eodem. Sublimis.

### S V M M A R I A.

- 1 Filij adoptini vocantur liberi.
- 2 Per adoptionem dignitas non minuitur.
- 3 Natus etiam ante Senatoriam dignitatem est clarissimus.
- 4 Filius lanionis natus ante officium, ad patris officium recipiendus.

### LEX V. VLPIANVS LIB. I. AD LEG. IVLIAM ET PAP.



Enatoris filium accipere debemus, non tantum eum, qui naturalis est, verùm adoptium quoque: neque intererit à quo, vel qualiter adoptatus fuerit: nec interest an in senatoria dignitate constitutus eum suscepit, an ante dignitatem Senatoriam.

Q Via Senatores, & eorum filij, filiaque (quoque tempore nati, natæue) itemque nepotes, & pronepotes ex filio origini eximuntur. l. filij. §. Senatores. ff. ad municip. idè Iurisconsult. hinc docet Senatoris filius quis dicatur. Et ad facilem declarationem casus, statuiam sequentes. Primus est: Naturalis filius & legitimus dicitur, id est, si natus sit iustè ex Senatore. Nam solum naturales non gauderent priuilegiis Senatorum, nec nobilium. vt probat text. in l. vnic. C. de seruis, qui propriis mulieribus se iunxerunt, nec filij Senatorum naturales tantum, quoad hæc priuilegia, vocari possunt.

Naturales  
tatum non  
gaudet pri-  
uilegiis Se-  
natorum.

Secundus casus est, Senatoris filium dici etiam adoptium. nec refragatur. l. si ita quis. §. finali. ff. de legat. 2. l. fideicommissum. de cond. & demonst. quia hoc est statutum & declaratum à Iuriscons. Vlpiano hinc, ratione cuius declarationis dicemus adoptium nomine liberorum venire in casibus à iure expressis, non regulariter, vt docui in tractat. de celsio. actio. artic. 2. glos. 3. in 2. tomo Commentar. ad Constitut. Regias. qui casus, maximè fundantur ratione fauoris, & honestatis. vt in l. adoptium. infra. de in ius vocand. & ibi pulchre docet las. quia hinc non agitur de alicuius præiudicio, sed vt liberè fruatur priuilegiis sui patris Senatoris.

Adoptiuus  
quomodo fi-  
lius Senato-  
ris dicatur.

Et sic videmus hinc filios adoptiuos liberos vocari. & in l. liberos. infra & clarius in l. prima. in fin. ff. de



leg. præstan. ibi; Liberos autem etiam eos ad legatorum petitionem admittimus, qui in adoptionem dati sunt, vel etiam adoptiui, dummodò remaneant liberi. l. prima. ff. de coniugend. cum emancipa. liber. & alibi sæpius. quamuis dominus Tiraquellus in interpretatione l. si vnquam. in verbo, susceperit liberos. C. de reuocand. donatio. dicat his verbis: Neque enim temere reperies, nec apud nostros Iurisconsult. nec apud alios, receptæ authoritatis scriptores, adoptiuos liberos, sed filios: sed videmus contrarium. & est difficile dicere non inuenies in iure, quod est tam amplum.

*Emancipatione nomen filij amittitur.*

Limitatur si filius adoptiuus emancipatus fuerit, nam & nomen filij emancipatione amitti scribit hîc Paul. quia in omni ferè iure, finita patris adoptiui potestate, nullum ex pristino iure retinetur vestigium, Papinian. in l. in omni. suprâ de adopt. & idem ita ait: *Ius originis in honoribus subeundis, ac muneribus suscipiendis adoptione non mutatur, sed nouis quoque muneribus filius per adoptiuum patrem adstringitur: sed & si is emanciparetur ab adoptiuo patre, non tantum filius, sed etiam ciuis eius ciuitatis, cuius per adoptionem fuerat factus, esse desinit.* l. ordine. cum l. sequen. ff. ad municip.

Nec interest à quo adoptatus fuerit, siue à Senatore patritio, siue pædario, vel alio, nec etiam si fuerit adoptatus à consanguineo, vel ab extraneo Senatore quoad ista, licet in multis differentia existat. l. cum adoptiuis. C. de adopt.

*Adoptio duplex.*

Vel qualiter adoptatus fuerit. ] Generalis enim adoptio duobus modis fit, aut Principis auctoritate, aut magistratus imperio. l. ij. ff. de adopt. Et hîc non interest qualiter fuerit adoptatus. Tamen per adoptionem dignitas non minuitur, sed augetur, vnde Senator, si à plebeio adoptatus fuerit, manet Senator, similiter manet Senatoris filius. l. per adoptionem. suprâ de adopt.

An in dignitate senatoria constitutus eum susceperit, an ante dignitatem senatoriam non refert. ] Imò Vlpianus sic ait: *Planè si parens decurio esse desierit, si quidem iam ex decurione fuerit editus, proderit ei, ne afficiatur. Enimvero si posteaquam plebeius factus est, tunc suscipiat filium, quasi plebeius editus sit, ita erit plectendus.* l. moris. in fin. ff. de poen. idem Vlpian. scribit: *In filiis decurionum, is solus decurionis filius esse videatur, qui conceptus & natus est ex decurione: an verò & is, qui antea natus est, quam pater decurio fuerit. Et quidem quantum pertinet, ne fustibus castigetur, & in metallum detur, non nocet plebeio patre se esse natum, si postea decurionis honor patri eorum accesserit.* l. ij. §. in filiis. ff. de decur. ergo in aliis nocere poterit.

*Decurionis filius.*

Et si filius Senatoris natus ante senatoriam dignitatem etiam erit clarissimus, sicut natus in senatoria dignitate, & ita loquitur text. in l. si Senator. C. de dignitat. lib. 12. quamuis glos. & doctores intelligant eum filium illustrem dici, qui in senatoria dignitate natus est, secus si antè. Tamen idem dicatur: Nam semper filij sunt clarissimi, sicut filia. l. fœminæ. infrâ eodem. Et non debent diuerso iure censerî filius & filia. l. maximum. C. de filiis præterit. Absurdum enim esset vnum filium illustrem ex Senatore esse, & alterum, & filium non esse, nisi clarissimum. Ista cessant per prædicta, & sic conciliantur iura ista. & Senatus Parisiensis censuit filium Ianionis natum ante

officium, esse recipiendum ad officium patris, contra magistros magnæ lanienæ Parisien. & idè in aliis filiis magistrorum sic natis anno 1371. die 29. Nouembris.

Vnde natus filius ante regnum succedet in regno cum non interfit, an quis nascatur in Senatoria dignitate, an ante dignitatem, & semper est Regis filius. quamuis in l. imperialis. C. de nupt. §. his illud. glos. ibi contrarium teneat, & disputant de hoc magis subtiliter Doctor. quàm vtiliter. in cap. inter. de rescript. Corse. in tractat. de potestat. Reg. quæst. 26. Ac Iacob. in tractat. de feud. in verbo, Dux. & Benedictus in cap. Raynurius. in verbo, in eodem testamento. numero 200. de testamen. glos. in §. inter eos. in verbo, Regnum. tit. de numero & qualitate. Card. in Prag. & ego responderem rationibus & iuribus in contrarium adductis, sed ne in vanum laborem sumam, relinquo aliis, quia hæc quæstio potius ense, quàm iure dirimeretur inter Reges, & magnos Principes.

*Filius natus anteregnum succedet in regno.*

LEX VI. PAVLVS LIB. II. AD  
LEG. IVLIAM ET PAPIAM.



Enatoris filius est etiam is, quem in adoptionem accipit: quandiu tamè in familia eius manet. Emancipatus verò nomen filij emancipatione amitti. A Senatore vero in adoptionem filius datus ei, qui inferioris dignitatis est, quasi Senatoris filius videtur: quia non amittitur Senatoria dignitas adoptione inferioris dignitatis, non magis, quàm vt Consularis desinat esse.

Senatoris filius dicitur etiam adoptiuus, quandiu in familia eius manet. Quod si est emancipatus, amittit Senatoris filij nomen, emancipatione: nam sicut adoptione, quæ est iuris ciuilis, acquisita est dignitas, ita contrario iure, videlicet emancipatione tolli potest. l. tutelæ. ff. de cap. dimin. §. si. de legit. agnat. tutel. in Instit. Et sicut iuris ciuilis est stipulatio. §. j. ff. de verb. oblig. l. j. ita & acceptilatio. l. cum Aquiliana. ff. de transact. idè tandiu durat stipulatio, donec per Aquilianam stipulationem tollatur. l. & vno. & per totum. ff. de acceptil.

*Senatoris filius adoptiuus.*

A Senatore datus filius in adoptionem alteri inferioris dignitatis remanet senatoris filius, quia senatoria dignitas adoptione nō amittitur, nō magis quàm desinat cōsularis quod est intelligendū in filio Senatoris legitimo & naturali, secus in adoptiuo. Sed refragatur infrâ in qua desinit consularis, si mulier nubat inferioris dignitatis viro, & oportet impetrare à Principe. Respon. Aliud est in matrimonio, aliud in adoptione. Nam per adoptionem dignitas non minuitur, sed augetur, vnde senator si à plebeio adoptatus est, manet senator, & senatoris filius, & hoc docet Accurs. in l. per adoptionem, suprâ de adoptio. Et sic consularis, vel senatoria dignitas non amittitur per adoptionem, sed consularis bene amittitur per matrimonium, vt dicitur in dict. l. final. quia est minor, cum eam per alium habeat non per se vt docet Bart. in l. quod principi. ff. de legib. ij. Aret. consil. 131. consultiusimè. col. 2. dixi in l. j. supra.

*Consularis dignitas per matrimonium amittitur.*



## S V M M A R I A.

- 1 Iura filiationis non perduntur emancipatione.  
Nec iura sanguinis pacto. *ibid.*
- 2 Partus tempus consideratur, quando maior versatur utilitas.
- 3 Dignitas liberis quaesita, propter casum patris auferenda non est.
- 4 Filius ante susceptam dignitatem natus, patris dignitate inuatur.

LEX VII. VLPPIANVS LIB. I. AD  
LEG. IVLIAM ET PAPIAM.

Mancipatum à patre senatore, quasi senatoris filium haberi placet. Item Labeo scribit: etiam eum qui post mortem patris senatoris natus sit, quasi senatoris filium esse: sed eum qui postea quam pater eius de senatu motus est, concipitur & nascitur, Proculus & Pegasus opinantur quasi non propriè esse senatoris filium: quorum sententia est vera, nec enim propriè senatoris filius dicitur is, cuius pater à senatu motus est antequam ipse nasceretur. Sed si quis cōceptus sit, antequam pater eius senatu moueatur, natus autem post patris amissam dignitatem: magis est ut quasi senatoris filius intelligatur, tempus enim conceptionis spectandum plerisque placuit. Si quis & patrem & auum habuerit senatorem, & quasi filius & quasi nepos senatoris intelligitur. Sed si pater amiserit dignitatem ante conceptionem ipsius, quæri poterit, an, quamuis quasi senatoris filius non intelligatur, quasi nepos tamen intelligi debeat? Et magis est ut debeat: ut aui potius ei dignitas profit, quam obsit casus patris.

*Filius legitimus senatoris, emancipatus.*

**H**æc lex varios ponit casus. Primus est, quod filius naturalis & legitimus senatoris emancipatus adhuc retinet dignitatem, & nomen illud, ut senatoris filius dici mereatur. Secus in adoptiuo emancipato, ut fuit in l. proxima dictum. minus igitur iuris habent adoptiui filij, quam naturales. Namque naturales emancipati beneficio prætoris gradum liberorum retinent, licet iure civili perdant: adoptiui verò emancipati iure civili perdunt gradum liberorum, & à prætore non adiuuantur, naturalia enim iura civilis ratio adimere non potest. §. minus. de hæred. quæ ab intest. def. & sic iura filiationis, quæ sunt naturalia, non perduntur emancipatione, quemadmodum nec pacto iura sanguinis, secus in adoptione, quæ iuris est civilis. Ius autem agnationis. ff. de pact. l. iura sanguinis. ff. de reg. iur. imò etiam si pater fieret senator post emancipationem filij sui naturalis & legitimus, iure diceretur filius senatoris, quia emancipatio non imedit naturalia, quemadmodum ea non tollit.

*Posthumus dicitur filius senatoris.*

Secundus casus, quod natus posthumus post mortem patris senatoris, potest filius senatoris dici, quod

est verum, si intra tempus legitimum nascatur, intra quod potuit à senatore conceptus fuisse. l. Gallus. ff. de liber. & posthu. authent. de restitu. collat. 4. Nam qui in vtero sunt, pro natis habentur. l. qui in vtero. ff. de stat. hom. l. quod dicimus. vbi scripti. ff. de verb. signif.

Tertius casus, conceptus & natus ex patre à senatu remoto, non potest dici senatoris filius, secus si fuerit antea à senatore conceptus, & natus, posteaquam à senatu motus fuit, quia tempus conceptionis inspicitur. Vnde Vlpia. ff. de decurionibus. in l. 2. §. sed si pater ipsius ordine motus sit, si quidem ante conceptionem eius moueatur, arbitror eum quasi plebei filium in honoribus spectari. quod si post conceptionem ipsius pater dignitatem amiserit, dicendum erit benignè, ut decurionis filium intuendum, proinde hic quoque qui post patris relegationem natus sit, si quidem ante conceptus sit, similis senatoris filio habebitur: si postea, nocebit illi relegatio, nullum tamen patris delictum innocenti filio pænæ est. Ideoque nec ordine decurionum, aut cæteris honoribus, propter huiusmodi causam prohibetur. *ibidem.* & idem Vlpia. in l. diui fratres. ff. de iure patro. & in l. crimine. de pæn. Imperator Iustinia. in §. j. de inge. ait, ut calamitas ei nocere non debeat, qui in vtero est. l. & seruorum. de stat. homi. quia ius illud partui concepto acquisitum est, quod ab eo auferri non potest sine illius facto. l. quod nostrum. ff. de reg. iur. Et concludendum est inspicere tempus conceptionis, si vtilius sit filio: alioquin tempus partus, si vtilitas magis expostulat. l. nuper. in fin. C. de natur. liber. Si tamen actus erat ab initio nullus, illud initium spectamus, nec postea matrimonium ratum est, quod ab initio nullum fuit, nec cōceptus legitimus fit. l. Paulus. ff. de stat. hom. ideo si Papa dispenset super matrimonio filij, tamen nati erunt illegitimi, nisi in dispensatione sint legitimati, ut tradunt Doct. in cap. per venerabile. Qui filij sint leg.

*Tempus conceptionis inspicitur.*

Quartus casus est, qui & patrem & auum habuit senatorem, & quasi filius, & quasi nepos senatoris intelligitur, & sic per illum text. is qui non potest retinere feudum, ut filius, quia pater eius commisit delictum, tamen poterit retinere ut nepos, utpote si feudum erat datum aui & liberis descendentibus ab eo. ff. denique. quæ fuit prima causa beneficii. amittend. Petrus de Bellapert. q. 529. secus si ei & hæredibus. l. Gallus. §. etiam. ff. de lib. & post. vbi Doct. dicunt etiam nepotem feudo priuandum, quando peccauit in legē feudi: sic & quando super hæreditate deliquit, sine iure eam occupando, tunc eo mortuo illa hæreditate priuabitur nepos. per l. si quis patris. ff. de fals. Ideo hic nepos senatoris priuilegia liberorum senatorum habebit, habita ratione aui, nisi macula violati pudoris asperferit liberos prioris gradus. l. diuo Marco. C. de quæst. Nam si liberi aspersi sint macula violati pudoris, utpote quia sunt spurij, eius filij licet sint nepotes aui, tamen non gaudebunt priuilegijs senatoris aui. secus si pater horum filiorum, solum deliquerit. Ita loquitur. l. Paulus. & l. lex naturæ. ff. de statu homi. facit l. 3. ff. de interd. & releg. item non procedit, si filius sit conceptus post aui mortem, quo casu nec quidem gaudebit priuilegijs aui. Alber. hic per l. Gallus. ff. de li. & posth. & d. l. diuo Marco. C. de quæst. vide tamen l. Paulus. §. Paulus. ff. de bon. libert. & Roma. sing. 295. conceptus. & Bened. in reperto. c. Raynutius. in verb. & vxorem. num. 605. de testam.

*Nepos senatoris, priuilegijs liberorum gaudeat.*



nam iste text. non distinguit, ergo distinguendum, quoad hoc, non erit.

Quintus casus est si filia senatoris contrahat matrimonium cum liberto, illud matrimonium est nulum de iure ciuili, vt oratione diui Marci cautum est. l. orationem. & l. sciendum. ff. de rit. nup. Vnde si post matrimonium contractum pater à senatu motus sit, ille casus patris nō facit vxorem, nec matrimonium, quia quæsit dignitas liberis, propter casum patris remoti à senatu, auferenda non est. l. filiam. infra. Et idem quoque scribit Papinianus in l. generali. in fin. ff. de ritu nuptia. quod vitatur, si senatori indulgentia Principis fuerit permissum libertinam iustā vxorem habere, & eo casu iusta vxor esset. l. si senatori. ff. de ritu nuptiar. idē, si filia senatoris corpore quæstum, vel artem ludicram fecerit, vel publico iudicio damnata fuerit. l. Senatoris. ibidem. Hodie quoque hoc matrimoniū, nec quidem de iure ciuili est prohibitum, sed permissum, dūmodò nuptialia conficiantur documēta. text. in authen. vt liberti. collat. vj. §. si quis. & hoc etiam erat de iure Canonico correctum. vt Doct. in. c. j. de sponsalib. dicunt.

*Matrimonium senatoris cum libertina.*

Sextus casus filius natus ante susceptam dignitatem, adiuuabitur senatoria patris dignitate. l. senatoris filium. supra. quia dicit Imper. non oportere honores paternos inuidere filiis. l. si senator. C. de dignit. lib. 11. & Vlpian. in tit. de decur. in l. ij. §. præterea. sic ait. *Præterea si cōceptus sit à plebeio, mox ante editionem pater eius decurionatum adeptus, amiserit, non infauorabiliter quis medium tempus illi prodesse, veluti iam nato respondebit.* & sic videtur hæc conclusa materia.

#### SVM MARIA.

- 1 *Filia naturalis, nupta non curiali, non legitimatur de iure ciuili.*
- 2 *Bastardus non habet in regno Franciæ heredem.*
- 3 *Priuegium concessum senatori & filiis, non extenditur ad filias nuptas, & quare.*

#### LEX VIII. IDEM LIB. VI. FIDEICOMMISSORVM.

**F**œminæ nuptæ clarissimis personis, clarissimarum fœminarum appellatione continentur. Clarissimarum fœminarum nomine, senatorum filia nisi quæ viros clarissimos sortita sunt, non habentur. Fœminis enim dignitatem clarissimam mariti tribuunt: parētes verò, donec plebeis nuptiis fuerint copulata. Tā diu igitur clarissima fœmina erit, quandiu senatori nupta est, vel clarissimo: aut separata ab eo, alij inferioris dignitatis non nupsit.

*Clarissima mulieres qua dicantur.*

**E**X hoc textu patet clarissimas mulieres dici, quæ clarissimis nuptæ sunt: decet enim eas frui coniugis claritate. §. si autem. in authen. de consul. collat. 4. quia vxor vna caro cum viro est. c. nec illud. 33. q. 5. c. Martinus. de cogn. spiritu. & socia diuinæ & humanæ domus. l. aduersus. C. de crimine expil. hæred. vnde Iustinia. sic ait: *Nos Dei sequentes iudicium, non patimur in vno eodēque connubio mariti felicitatem*

*vxori fieri infortunium, vt quantum vir in altum tollatur, tantum & coniūx eius decrescat, imò magis penitus depereat. Absit namque à nostro tempore huiusmodi asperitas, & firmum maneat matrimonium, si maritus dignitate illustretur, & vxor marito concreascet & sentiat eius fulgorem.* in l. fin. C. de nupt. & alibi Vlpianus sic scribit: *Quid enim tam humanum est, quàm vt fortuitis casibus mulieris maritum, vel vxorem viri participem esse.* l. si cum dotem. §. si maritus. ff. solut. matrim. Igitur postquam vxor viri incommoda sentit, & comoda sentire debet. l. secundum naturam. ff. de reg. iur. vnde oportet eas honore maritorū erigere. l. mulieres. C. de incol. & l. mulieres: de dignit. lib. 11. Nec oportet vnū clarum & nobilem esse, & alterū vilem & triobolarem, cum vna diuerso non debeat iure cēseri. l. eū qui. ff. de vsuc. Et quia vxor in familiam viri transit. l. penult. ff. de iurisd. omn. iudicū. l. fi. C. de verb. sign. vbi Doct. alioqui clarus obscuritate generis alteri (vt sæpius mulieres viris faciunt) obijceret. & quamuis Panor. in c. 2. de foro compe. dicat vxorem clerici gaudere priuilegio fori. per glos. in c. eos. 32. dif. opinio tamen Ioh. Aud. contrarium docēs seruatur in hoc regno.

Item clarissimæ sunt, quæ ortæ sunt à clarissimis, donec nuptæ fuerint plebeis: fœminis enim dignitatem maximam mariti tribuunt, parentes verò, donec plebeis nuptiis fuerint copulata. Et hic text. videtur sibi contrarius, sed intelligendus est, filias senatorum, videlicet nuptas, non haberi nomine clarissimarum, nisi clarissimos viros habuerint, & qui parentes, scilicet eis tribuunt clarissimam dignitatem, donec. & c. vt in text.

Ergo fœminæ nuptæ senatoribus, clarissimæ sunt, non autem illustres, sic nec filia ex illustribus nata, per istum text. nec talem dicuntur habere dignitatem, qui per alium habent, non per se. l. prima. C. de dignitat. li. 11. C. & sic periclitatur consuetudo Parisiens. vt vxor in cōquæstibus habeat dimidiam partem. Nam ius hîc non tantam dignitatem tribuit vxori, sicut viro, sic nec consuetudo facere debebat in emolumento, sed sufficebat eis quartam tribuere partem, vel aliam minorem: quia per hoc mariti sunt sicut serui, qui dominis acquirunt, & ipsi Galli suis vxoribus, & audaciores sunt mulieres cōtra maritos, qui non lucrantur, vt in crimina facilè multæ descendant, & maritos contemnant, adeò vt vix maritus audeat domum accedere, si nihil lucri afferat, & alia mala inde procedēt, quæ relinquo coniugatorum expertorum altercationibus. Illa tamen consuetudo aliis, quàm Gallis, valde onerosa & anxiosa videtur.

*Consuetudo Parisiensis de conquæstibus.*

Itaque Doct. hîc dicunt filiam naturalem, etiam spuriam, legitimari per matrimonium viri legitimi, & ita affirmat Angel. in §. quod verò. in auth. Quibus mod. natu. efficiant. sui. collat. 6. qui sequitur Dec. in l. 2. nu. 9. ff. de reg. iur. ac Bonus Curtilius in tract. nobilita. in 3. parte. nu. 191. quod non probo. Nam certi sunt legitimandi modi in iure cōscripti. in §. penul. & fin. de nupt. in Instit. & in tit. quibus mod. nat. effici. legit. inter quos modos iste non inuenitur. alioqui sequeretur, quod priuatus haberet potestatem legitimandi, sicut habet Imperator. auth. habita. vbi scripsi. C. ne filius pro patre. vbi etiam contrarium firman interpretes.

*De modo legitimandi per matrimonium.*

Ideo ego dicerem, filiam naturalem, nuptam curiali,

*De eadem re.*



riali, effeci legitimam, quemadmodum naturalis, quando curialis efficitur: si verò nupta alteri sit, non legitimabitur de iure civili, ut legitima verè dici possit, & hoc probat l. si quis. in fin. C. de nat. libe. ibi, *Quid enim interest cum per generos commoditatibus civitatum cōsulatur, & utrum novus lex faciat curiales an foveat, quos inuenit.* Nam si generi legitimantur, ergo & natus, cum non sit diuersa ratio.

Et licet ipsa alteri nupta, non sit legitima, tamen liberi nati ex hoc matrimonio succedent patri & matri. l. si. C. de natur. liber. quāvis bastardus in hoc Regno hæredem non habeat, ut scripsi in tract. de liberis natural. in 2. tomo Comment. ad constit. Regi. Gallic.

Item nuptæ etiam dissoluto matrimonio semper erunt clarissimæ, donec nubant alteri inferioris dignitatis viro, l. fin. infra eodem. scripsi in l. malum. §. viduam. ff. de verb. signif. in memoriam pristinæ dignitatis. l. fin. ff. de decurionib. Ias. in l. si ita. §. Chrysgonus. ff. de verb. oblig. num. 29. Felin. in c. ex parte, de foro comper.

Item, si mulier inhonestè viuat post mortem mariti, meretrix erit, non clarissima. authen. iisdem pœnis. C. de secund. nupt. §. final. in authent. de restit. & ea quæ parit in xj. mense. collat. 4. hoc docet Hippoli. in l. vna. num. 48. cum sequ. C. de rapt. virg. Et sicut ea filia, quæ nubit inferiori, perdit clarissimam dignitatem, ita quæ coit cum plebeio, ne plus luxuria habeat, quàm castitas. §. fin. in authent. de restit. coll. 4. Alber. hîc.

*Clarissimus, duobus accipitur modis.* Glos. j. dicit hoc nomē, clarissimus, duobus modis accipi. Primò, pro nobili, insigni, & spectatæ fidei atque virtutis, qui quasi in clarissima luce versatus sit. Cic. de Orat. amplissimus & clarissimus vir, & ibidē. Tres nobilissimi & clarissimi philosophi: & ad Atticum. clarissimus vir, id est, Cæsar. & de Orator. vir gloria clarus, & autoritate gravis. Secundò propriè, pro titulo dignitatis. de qua scripsi in l. qui indignus, suprâ eodem dic. ut ibi.

Glos. donec dicit patrem præstare clarissimam dignitatem filia, etiam si nubat viro inferioris dignitatis, nisi sit plebeius, quod non est verum. Nam filia senatorum, non nuptæ, clarissimæ sunt, si autem nuptæ fuerint non clarissimis, clarissimæ nō sunt, utpote mercatoribus, aut alijs non clarissimis, vel inferioris dignitatis ut probat hic text. in fine. quia transeunt in familiam & conditionem maritorum, & sic non erūt clarissimæ, si maritus non fuerit talis, aliàs maritum contemnerent, & si essent clarissimæ, clarum facerent maritum. & ita notat Bart. in l. j. C. de dignit. lib. 12. Vnde privilegium concessum senatori & filiis, non extenditur ad filias nuptas, quia in aliam transeunt familiam. text. singul. in l. final. C. de privileg. schola. libr. 12. & Corse. in singul. incipien. privilegium. 2. Felin. in cap. super eo. 2. col. j. de testib. & Deci. in l. 1. ff. de reg. iur. de Ripa. lib. 2. respons. de referip. consil. 3. facit Leuitic. 22. Si filia sacerdotis cuiuslibet ex populo nupta fuerit, de his quæ sanctificata sunt, & de primitijs non vescetur, &c.

Vtilitas elici potest ex l. patronus. in princ. ff. de lega. 3. & in titul. C. ubi senat. vel clarif. & de tuto. vel curat. illustrium vel clarissimar. perso. item clarissimi viri deferre non possunt, ut Martia. scribit in l. deferre. ff. de iure fisci.

LEX IX. PAPINIANVS LIB. IIII.  
RESPONSORVM.

**P**atrem senatoris, nuptias liberti secutam, patris casus non facit uxorem. Nam quæ sita dignitas liberis, propter casum patris remoti à senatu, auferenda non est.

**H**æc lex per ea quæ ad proximam scripsimus satis explanatur, quamobrem nihil ad ipsius explicationem adiiciemus.

S V M M A R I A.

- 1 Privilegia plebeiorum ultra trinepotes non extenduntur.
- 2 Filij senatorum possunt in regno Franciæ torqueri.
- 3 Sunt alijs ad regimen Reip. præferendi, si sint sufficientes.

LEX X. VLPPIANVS LIB. XXXIIII.  
AD EDICTVM.

**F**ilios senatorum accipere debemus, non tantum senatorum filios, verum etiam omnes, qui progeneri ex ipsis, vel ex liberis eorum dicuntur: siue naturales, siue adoptiui sint liberi senatorum, ex quibus nati dicuntur. Sed si ex filia senatoris natus sit, spectare debemus patris eius conditionem.

**L**iberi senatorum dicuntur non solum filij, sed & descendentes ex liberis ipsorum, siue sint naturales & legitimi, siue adoptiui. ut in l. senatoris filij. suprâ abundè scripsimus. in l. liberorum. ff. de verb. signif.

Sed natus ex filia senatoris, ex conditione mariti, cui filia nupsit, iudicabitur. Nam si senatori nupsit, gaudebit privilegio senatoris: si verò alteri vili, non. Ideò spectatur conditio patris quoad nobilitatem, honores, & dignitatem. ut in l. seq. dicitur. & liberos in infinitum dicit Accurs. tamen privilegia non extenduntur ultra trinepotes. per l. diuo Marco. C. de quæstio. quæ loquitur de pœnis plebeiorum, ut ultra trinepotes non extendantur. videlicet ut post trinepotes puniantur, ut plebei, sed privilegiū datum Titio & liberis, in infinitum protenditur. l. liberorum. ubi etiam Bart. & ibi dixi. ff. de verb. signif. Panormit. in c. ex parte. 3. de privileg. Areti. in l. cum lege. ff. de testam. hoc docet expressè Iohan. Crotus in l. omnes populi. col. 51. vers. sexta conclusio. ff. de iust. & iure.

Item Vlpianus scribit in l. moris, in fi. ff. de pœnis, sic: *Liberos quoque non tantum filios accipere debemus, verum omnes liberos. Sed utrum hi, qui post decurionatum suscepti sunt, his pœnis non adiiciantur, an verò omnes omnino liberi, etiam in plebeia familia suscepti, videndum est: & magis puto omnibus prodesse debere.* dixi in l. senatoris filium. suprâ eodem.

Vtilitas harum legum est, ut quis sit filius senatoris, nam filij Senatorum torqueri non debent. l. diuo Marco. C. de quæstio. quod in hoc regno nō servatur, quia

*De senatorum liberis.*

*Filij senatorum non torquentur.*



2 quia delictum omnem honorem excludit. l. prima. C. vbi Senato. sed hoc illis seruatur, quia sine magnis iudiciis, & in crimine grauissimo non torquerentur. Secundò, filij Senatoris non fustigantur, nec in metallum dantur. l. ij. §. in filiis. ff. de decurio. sed alia affligi solent pœna.

Tertio, sunt nobiles, & ab ipsis descendentes. vt hac l. liberos. infra eodem. l. fin. Bonus Curtil. in tract. nobilitat. in 4. parte.

3 Quarto, si filij sint sufficientes, ad regimen reipub. recipi debent, & aliis sunt præferendi. l. nemini. §. filios. & l. petitionem. C. de aduocat. diuers. iudicior.

Quintò, legimus Augustum, quò celerius liberi Senatorum Senatui assuescerent, iuuenibus post virilem togam protinus laticlavum dedisse, & curiæ admisisse. vt refert Alexand. lib. Genial. 4. cap. 1. in fi.

Sextò, Vlpianus sic scribit: *Sciendum est discrimina esse pœnarum, neque omnes eadem pœna affici posse. Nam in primis decuriones in metallum damnari non possunt, nec in opus metalli, nec furca subiici, vel viui exuri, & si fortè huiusmodi sententia fuerint affecti, liberandi erunt, sed hoc non potest efficere, qui sententiam dixit, verum referre ad Principem debet, vt ex autoritate eius pœna, aut permutetur, aut liberetur. Parentes quoque & liberi decurionum in eadem causa sunt: liberos autem non tantum filios accipere debemus, verum omnes liberos.* in l. moris. in fin. ff. de pœnis. & sic erit in liberis Senatorum, & multò fortius. alia multa priuilegia liberorum Senatorum, ob id vtile est dignoscere liberos Senatorum, alia poterunt hîc addi, ne plura.

#### S V M M A R I A.

- 1 2 Domicilium quidam in vrbe retinent, & vnde sunt oriundi.
- 2 Quilibet domicilium regulariter habet, in loco vbi ortus est.
- 3 Filij in quibus patrem sequantur.
- 4 Inducta ad augmentum, non operantur diminutionem, nec translationem.

#### LEX XI. PAVLVVS LIB. XLI. AD EDICTVM.



Senatores licet in vrbe domicilium habere videantur, tamen & ibi, vnde oriundi sunt, habere domicilium intelliguntur: quia dignitas domicilij adiectione potius dedisse, quàm permutasse videtur.

Domicilij  
significatio  
quid impor  
tet.

Domicilium in ciuitate, in qua suo officio funguntur Senatores, habere verissimum est, & hoc verbum, videtur, veritatem notat. Nam etiam, qui liberum commercium, vbicunque velint morandi arbitrium impetrauerunt, domicilium in vrbe retinent. l. filij. in fin. ff. ad municipal.

2 Tamen & ibi, vnde oriundi sunt, habere domicilium intelliguntur. Hinc colligendum est quemlibet regulariter habere domicilium in loco, in quo ortus est, & sic oriundus accipitur in hoc text. & in l. si quis officium. ff. de ritu nupt. & in l. assumptio. ad municipal. plenè scripsi in l. prouinciales. ff. de verb. signific. Intelligit Hermogen. vt Senator desinat mu-

niceps esse, quantum ad munera loci, quia personalia subire non tenetur, sed realia seu patrimonialia sic. l. ij. C. de muner. patrimon. lib. 10. nisi sint sordida. l. maximarum. C. de excusat. muner. ibidem scripsi in tract. de domicilij electione. in 3. tomo Commen. in Consti. Reg. Galli.

Et sic quoad nobilitatem & dignitatem filij patris sequuntur conditionem, vt nobiles sint, si pater talis fuerit non si mater. l. nullus. & l. exemplo. C. de decurion. lib. 10. & quantum ad familiam. l. pronuntiatio. §. primo. de verb. signific. & quantum ad patriam potestatem. §. primo. de patri. potesta. in Institur. & §. foeminae. de adopt. in Institur. & quoad nationem, vnde natus in Normania, Normanus erit. Et sic simplex dicetur, vt ipsi esse solent. secundum Ioan. Fabr. in §. primo. de inge. in Institur. & abundè Benedic. in interpretat. c. Raynuius. in princ. de testam.

Quia dignitas domicilij adiectionem potius dedisse, quàm permutasse videtur. Rationem tradit textus, quomobrem Senator videatur etiam domicilium in vrbe habere. Respondeo, quia dignitas adiungit potius domicilium, quàm commutet, vel aliò transferat. Ideò per Senatoriam dignitatem adiungitur domicilium in vrbe, in qua est Senator, & tamen non perdit illud, quod iam habebat per originem, & sic inducta ad augmentum non operabuntur diminutionem, nec translationem. l. legata inutiliter. ff. de legat. j. sic nec tolluntur priuilegia antiqua per concessionem noui priuilegij. l. fi. vbi Rebus. C. de præpos. agent. in reb. lib. 12. facit l. falsa. §. j. ff. de condin. & demonst.

Et sic, permutare, hîc accipitur pro simplici, videlicet mutare, transferre. vt plenè scripsi in l. dedisse. ff. de verbor. signific. Et an domicilium mutari possit, Respond. originis non mutatur domicilium, aliud verò constitutum quis sibi mutare potest. vt docet Bald. in marga. in verbo, domicilium. dixi in l. in lege censoria. ff. de verb. signific.

Original  
municipium

#### S V M M A R I A.

- 1 Consularis nupta plebeio, non erit clarissima, nisi mortuo marito plebeio iterum nubat nobili.
- 2 Viduis permissum, mortuo marito, artificium per famulos ad hoc expertos exercere.
- 3 Papa non potest datam dispensationem à prædecessore suo renocare.
- 4 Statutum in vno consilio vniuersitatis, non est mutandum in alio.

#### LEX XII. VLPIANVS LIB. II. DE CENSIBVS.



Nuptæ prius Consulari viro, impetrare solent à Principe (quamuis perrarò) vt nuptæ iterum minoris dignitatis viro, nihilominus in Consulari maneant dignitate: vt scio Antoninum Augustum Iulix Mammææ consobrinæ suæ indulgisse. Senatores autem accipiendum est, eos esse, qui à Patriciis & Consularibus vsque ad omnes illustres viros descendunt: quia & hi soli in Senatu dicere sententiam possunt.



**H**æc lex duo continet dicta. Primum, quod nupta prius Consulari viro, si velit dignitatem Consularem sibi retinere, & nubere inferiori, debet hoc à Principe impetrare, quamvis perrarò hoc Princeps concedere soleat: concessit tamen Antoninus Augustus Iuliae Mammææ consobrinæ suæ: aliàs nupta viro inferioris dignitatis, mariti conditionem sequitur. vt in l. foemina, dictum fuit. Sed si marito mortuo plebeio velit filia redire ad domum Senatoris, & familiam, non tamen clarissima erit. vt docet Alber. hîc. per §. non tamen permittimus. in authen. de nupt. collat. 4. quinetiam iam erat amissa dignitas, quæ non reuifcit. l. Stichum. §. qui aream. ff. de solut. Et sic ad minora tenebitur. vt docet Guido Papa in decisio. Delph. quæst. 380. Sed quid de muliere. per l. penult. C. de dignit. & glos. in l. cum te. de nuptiis: nisi iterum nupserit nobili, secundum eum, dicens ita fuisse iudicatum.

*Amisse dignitas non reuifcit.*

Etiam multis arestis permissum fuit viduis futurum, & aliorum artificum mortuo marito artificium exercere per famulos ad hoc expertos, etiã si probatus & iuratus deberet esse is, qui illud exercet artificium. Et hoc in fauorem viduarum statutum fuit, ne fame pereant mortuo marito, qui familiã alebat.

Ex hoc textu colligitur, quod licet concessiones personales non trahantur in consequens. l. prima. ff. de constitut. Princip. tamen Princeps hoc alteri concedere potest, vt Vlpianus hîc asserit (nam Augustus concesserat Iuliae consobrinæ) in fauorem personæ tamen, alteri cõcedere potest. §. sed quod Principi. de iure natur. & ita probat iste text. sed constitutio personalis non extenditur, vt ibi, nisi Princeps eam extendat. Vnde multa concedunt Principes suis consanguineis, & mulieribus. l. foemina. ff. de tutel. quæ aliis concedere non solent, possunt tamen maximè, vbi est *γυναικωνεστία*, vt sæpius in Gallia, sed in Vasconia viri verè viriles sunt, & mulieribus imperant, non contrà.

Sed, nunquid Princeps suam dispensationem reuocare posset? Non posse hîc docet Bald. ego allego text. iuncta glos. in cap. cum ex eo. in verbo, septennium. de elect. in 6. Nam docet Principis beneficium mansurum esse, & indultum à iure beneficium non est alicui auferendum. de regul. iur. in 6. nisi euidens causa suaderet contrarium. glo. ibi & Oldrad. consil. 203. factum & cætera collat. vbi etiam docet successorem reuocare non posse datam dispensationem à prædecessore, quando causa dispensationis manet, & idem in Papa concludit Oldrad. consil. 210. vrbani. in fin. & quod est conclusum & statutum in vno consilio vniuersitatis, vel facultatis, non debet in alio mutari, sicut nec sententia. l. prima. ff. quãdo prouoc. non est neces. Alber. in l. fin. inf. eodem. sic quod in vna classe iudicatum est, non debet in alia mutari, quia vna non est super aliam, nisi sit magna classis, quæ certis finibus super alias iudicat. vt scripsi in tractat. de supplica. in primo tomo Commentar. ad Constit. Reg.

#### S V M M A R I A.

1. *Exemplis non est iudicandum.*
2. *Electus in Senatum ex plebeio, vel equestri ordine, ius Senatorium non transferbat.*
3. *Senatores creati à Principe, & descendentes à Patriciis, vel Consulibus, vel illustribus, soli sententiam in Senatu dicere poterant.*

#### §. Senatores autem.

**S**enatores ergo sunt, qui à Patritiis, vel à Consulibus descendunt, & ab illustribus, quia hi soli sententiam in Senatu dicere poterant, alij per discessionem non voce.

Senatorum triplex ordo erat, vt ait Fenestella: quidam erant Patritij, alij conscripti, alij pedarij. Patritij sunt, qui à centum illis patribus à Romulo lectis geniti sunt, vt hîc, dum dicit descendunt. l. ij. §. quæ omnia. C. de veter. iur. enuclean.

*Ordo Senatorum.*

Sunt & alij Patritij, qui à Principe ad illam dignitatẽ electi sunt. de quibus Cassiod. in lib. 6. Variar. rerum in formula Patritiatu. vbi addit leges istis tantam reuerentiam detulisse, vt in sacris positi cum hoc fuerint honore præcincti, paternis nexibus exuerentur. l. finali. C. de Consul. libro 12. & §. filius familias. quib. mod. ius pat. potesta. sol. in Instit. & in authen. consti. quæ digni. collat. 6. plus dicens idẽ Cassiod. Si antiquitatis Patritiorum ordinem percontemur, originem dignitatem omnium, vni ex patritiis noscitur fuisse dicatam, vt, à summi Dei cultura, locum primum possideret. & Budæ. in annotat. hîc, dicit in horum locum Pares Franciæ successisse, sunt tamen valde remoti ab istorum potestate. Tacitus etiam in lib. 11. historiarum August. in Oratio. Claud. Cæsar. ait. eundem in numerum Patritiorum, asciuisse vetustissimum quemque ex Senatu, aut quibus clari parentes fuerant, paucis item reliquis familiarum, quas Romulus maiorum, & L. Brutus minorum gentium appellauerunt. Laz. in lib. 2. de repub. Rom. c. 12.

*Patritij.*

Et per istum textum dicebant quidam hos iuuenes & aureos Senatores (qui sententiam in Senatu dicere non possunt) ob scientiæ defectum, Senatores non vocari, nec priuilegiis aliorum gaudere. text. in l. vna. ibi: Nec sibi honorẽ venali suffragio emerint. C. de perfectissi. dignit. lib. 12. glos. in l. ij. C. de murileg. libro 11. licet sint decorati illo munere, quod est valde acerbum multis ambiciosus, qui sua munera emerunt, non solum suis pecuniis, verum alienis, quas adhuc dominis retinent & eis inuitis.

*Senatores aurei.*

Conscripti verò hi sunt, qui Regum, Consulum, Censorumue decreto in Senatum lecti sunt; Nam Festus ait: Patres dicti sunt, qui Patritij generis sunt: conscripti, qui in Senatu sunt, scriptis adnotati.

*Conscripti.*

Pedarios verò eos dicere solebant, qui quasi pedibus in aliorum sententiam irent, non tamen in Senatu sententiam dicere poterant, ibi: quia & hi soli in Senatu dicere sententiam possunt, &c.

*Pedarij.*

Nempe cum magnus esset Senatorum numerus, nimis protracta essent Senatusconsulta, si quilibet sententiam dixisset suam, sicut & nunc fit. Nam quidam solent recitare potius fabulas, vel historias in iudicando, quæ non arctant ad sic iudicandum, sicut leges, cum exemplis iudicandum non sit. l. nemo. C. de senten. & interlo. omni. iudic. vnde hodie bonum fortè esset, vt iuuenes Consiliarij, Pedarij, ante triennium essent, & sic discerent, nisi essent Doctores, vel Aduocati excellentes, & nõ tam prolixa essent iudicia supremarum Curiarum. Nam quilibet ostentationis gratia multa profert, quæ iudicia differunt, & nil nisi verba, & recitationes aliorum, & facta.

Alij verò Pedarios dicebant, quod pedibus irent ad Senatum, patritij vero sella vel lectica vberetur.

Præterea, si quis plebeij, vel equestris ordinis fuerit in

*Concessiones personales non extenduntur.*

*Princeps suã dispensationẽ non potest reuocare.*



rit in Senatum allectus, ius Senatorum ad hæredes non transferebat, nisi qui ornamenti Senatorii, Consulaturibus, Prætoribus, Quæstoribusque fuissent ornati. vt docet Laz. in lib. de Repub. Roman. cap. 12. & lib. 9. cap. 1.

Et sic intelligitur iste text. eos Senatores per antonomasiam & proprie dictos, qui creati à Principe fuerunt, & qui descenderunt à Patritiis, & Consulibus, vel ab illustribus: nam hi Senatores sic creati, & descendentes ab vno istorum, soli, non autem peditarij, sententiam dicere in Senatu poterant, nõ quod filij descendentes ex Patritiis Senatores essent, nisi à Principe hoc munere decorati fuissent, licet quidam contrarium asserant, & quamuis Valenti. & Theod. sic scribant. l. finali. C. de tuto. vel curat. illustr. generali lege prospectum est, ne qui ad illustrium Senatorum tutelam, curialibus occupati necessitatibus vocentur. Ibi, vocat tutelam Senatorum illustrium datam à Senatoribus illustribus suis filiis, vel quæ decernenda est filiis Senatorum illustrium. Inde dicimus tutelam testamentariam datam in testamento, legitimam, &c. vt in suis constat locis: nõ autem intelligimus filios Patritiorum, vel illustrium, Senatores dici, nisi creati à Principe fuerint: quia nullum ferè munus etiam tutelæ, iure hæreditario transit. l. tutela. ff. de tutel. cap. j. de præb. ideo non potest esse Senatoris filius Senator, nisi creatus talis fuerit.

Nullum munus iure hæreditario transferitur.

## De officio Consulis.

### TIT. X.

#### S V M M A R I A.

- 1 Consules in caput ciuis Romani iniussu populi non poterant animaduertere.
- 2 Consulum potestas vna est maior alia.
- 3 Concessio Principis denotat Consulum potestatem.



Ertum est, vt Pomponius scribit, in l. ij. ff. de origine iuris. §. exactis Regibus, duos Consules fuisse constitutos, penes quos summum ius, vt apud Reges, esset: in quibus (præterquam annuum imperium datum) nihil aliud est immutatum, vt etiam Fenestella docet, dictosque ab eo, quod reipub. consulerent, seu consulere deberent: vel, vt Varroni placuit, quod populum & Senatum consulerent. §. lex. de iure natur. in Instit. Iniunctumque eis fuit, vt omnium, quæ reipublicæ fore arbitrabatur vtilia, diligenter curam agerent, qui tamen ne per omnia regiam potestatem sibi vendicarent, lege lata factum est (vt Pompon. refert) vt ab eis prouocatio esset, neue possent in caput ciuis Romani animaduertere iniussu populi, vt author etiã est Liuius. Istam igitur potestatem Consules sibi retinuerunt tandiu, quadiu imperium, & omnis potestas in Principem translata fuit. de quo in l. j. ff. de const. Princip. & tunc potestas à Cæsare Consulibus data est, quanta, & qualis sibi visa est.

Verum, quia alię ciuitates administrationem Romanæ vrbis non ignorantes, instar illius reipub. Consules in ciuitatibus, qui curam reipub. haberent, elegerunt: quibus potestas data fuit, quanta placuit, & Imperatoribus & Regibus, sub quibus ipsi degunt,

maiolem potestatem, quidam Consules aliis habent, vt Consules seu Capitularij Tholosani: alij imperium merum obtinent, vt Consules Montispeffulani: alij solam populi curam, seu ciuitatis, sine tamen imperio, vt Consules Parisienses, quos Scabinos vocant. Et sic vulgò in hac patria vocantur. Burdegalaë Iuratos vocat vulgus Consules.

Constat ergo ex prædictis, variam esse Consulum potestatem, ex temporum diuersitate. Ideò consideranda tempora & distinguenda, si quis rectè intelligere velit. Vnde si quis hodie Consulum potestatem scire velit, oportet concessionem Principis scire, ex qua illorum dependet potestas: si autem maximam illis Princeps potestatem concesserit, illam exercere liberum ciserit, vel si ita consuetum fuerit, quia consuetudo iurisdictionem tribuit. cap. cum contingat. in fin. de foro compet. l. finali. C. de emancipa. liber.

Vnde quidam interpretes in tit. de decur. lib. 10. C. voluerunt eos in locum decurionum successisse, & eis comparare illos, quod longè est ab illis. Ideò istæ æquiparationes sunt hodie fallaces, quia Officiales variant ex potestate eis attributa. Hodie Præsides prouinciarum habent in Gallia, vsque ad ducentas quinquaginta libras ex Franciæ constitutionibus summum ius imperij, vt dicitur in Const. Reg. Et tamen olim hoc non fuit concessum Præsidibus prouinciarum, etiam Tholosani gloriantur de suis Capitulariis, quos instar Romanorum fuisse asserunt, sed diuersum est, illi summum regale imperium habebant, hi non. Item Consules & alij Officiales non debent suscipere administrationem, nisi præposito iuramento se fideliter iura officij administraturos. ca. venientes. de iureiurand. & si sine iuramento receperunt exercitium, reiciendi sunt. teste Bald. in §. vassalli. primo. de pace Constan. in vsibus feudo.

Plura si quis de his Consulibus & eorum legibus desideret, poterit ex Fenestella, Pomponio Lat. ac Cicerone in lib. de Legib. 2. ex Tito Liuius, & aliis, maximè ex Blondo lib. 3. de Roma triumphante, ac nouissimè ab Alexan. in lib. Genialium 3. c. 3. ediscere: ego ciuilem materiam persequar, & vtilem.

Hodie nostri Consules seruantes constitutionem Martia. Augusti. in l. ij. C. de Consu. & non spargend. pec. lib. 12. à spargendi pecuniæ vilitate se abstinere, & multi bona ciuitatum expilant, & retinent, quod est illis detestabile. vide quæ scribit Alciat. libro 5. Parerg. cap. 10. & sequent. cur quatuor Consulum nomine legantur. in litem veniunt. §. pridie. ff. de petitione hæred.

#### S V M M A R I A.

- 1 Causa manumissionis duobus modis approbatur.
- 2 Recuperatores qui vocentur.
- 3 Peregrini recuperatores dabant mancipiis naturalem libertatem cum Præside pro tribunali sedentes.
- 4 Manumissio in transitu causa cognitionem non requirebat.
- 5 Causa semel approbata, manumissio nõ retractabatur.
- 6 Doctor vnus si ad licentiã quendam presens, alter lauream illi non concedet.
- 7 Opus inceptum ab vno artificum, ab altero potest compleri.
- 8 Locum tenens potest causas coram eo inchoatas perficere.
- 9 Apparitorem in prima citatione acceptum, pars non tenetur iterum excipere in alia.



LEX VNICA. VLPIANVS LIB. II.  
DE OFFICIO CONSVLIS.

Officium Consulis est, consilium præbere manumittere volentibus. Cōsules seorsum & singuli manumittunt: sed non potest, qui apud alterum nomina ediderit, apud alterum manumittere: separata enim sunt manumissiones. Sanè si qua causa collega manu mittere non potest, infirmitate scilicet, vel alia iusta causa impeditus, collegam posse manumissionem expedire Senatus censuit. Consules apud se seruos suos manumittere posse, nulla dubitatio est: sed si euenerit ut minor viginti annis Consul sit, apud se manumittere non potest, cum ipse sit qui ex Senatusconsulto consilij causam examinat. apud collegam verò, causa probata, potest.

**H**oc Vlpiani responsum interpretes incertos & dubios mirum in modum reddidit, quomobrem videndum est, ut facilius hæc lex intelligatur de seruorum manumissione, & sciendum est quemlibet, non oneratum are alieno, sine fraude; cum causa, vel sine causa: directò, vel per fideicommissum suos seruos manumittere potuisse. ut in tit. ff. de ma. cum seq. & de fideicommiss. liberta. certus tamen numerus statuebatur ex lege Caninia, ut patet in Institut. Vlpian. in illo tit. & in Institut. Justin. & Cod. Veruntamen quibusdam prohibebatur manumittere, nisi ex causa, ut minoribus. §. eadem quib. ex causis manu. licet, in Institut. ne bona sua dissiparent ex consilij fragilitate, & ne deciperentur. l. j. ff. de minor.

Et ista causa apud magistratum, cuius de ea re potestas à legibus data esset, approbari solita erat. l. etiā. §. primo. ff. de ma. vind. ibi, Quas estimare debebit is, apud quem de ea re agitur, & in l. seq. Vlpian. ait, illud in causis probandis meminisse iudices oportet, ut non ex luxuria, sed ex affectu descendentes causas probent.

Et duobus modis fiebat, nam aut ipse Consul, vel magistratus per se approbat, aut per cōcilium, per se, quando fiebat, aliorum concilium non querebat, sed ipse magistratus hoc expediebat.

Concilium sic declarat Theophilus in tit. quib. ex caus. manu. licet. Concilium est cōcessus certorum virorum certis anni diebus cōuentium. Habebatur autem hoc concilium non Romæ tantum, sed etiam in Prouinciis. Coibant autem viri illi, tempore conuentus sed quid est conuentus? est certum statumque tempus litium dirimendi gratia, inuentum. Nam Romani cum totum ferè annum bellis gerendis contererent, atque tempore hyemis sub pellibus agere, ab hybernis tempestatibus cogerentur: quoniam, ut in communi vita, sine litibus controuerhiisque esse non poterant, omissis armis iudiciis vacabant, & multos in eam rem constituiebant

iudices, qui Recuperatores vocabantur, quia per eos vnusquisque debitum suum recipiebat, tempus autem illud à conueniendo, conuentus dictum est. Conueniebant enim & iudices & litigatores: extremo autem conuentus die habebatur concilium, ut fieri solent illi conuentus, quos magnos dies vulgò vocamus in Francia.

In Prouinciis hunc in modum procedebat proconsul, aut præses, & in tribunali suo confidebat, vnaque iuxta ipsum viginti viri, qui dicebantur peregrini Recuperatores, quia per eos mancipia naturalem libertatem recipiebant (scis enim natura liberos omnes homines productos esse) & apud eos à manumittentibus allegabantur iustæ causæ manumissionis.

Habebatur & Romæ concilium, die aliquo conuentus, prætor pro tribunali sedente, & assistentibus ei quinque senatoribus, & quinque equitibus Romanis. Erat autem dignitas Equestris maior ordine senatorio, sed tamen veluti seminarium eius. Hæc Theophil. vbi suprâ.

Et sic patet consules præbere concilium, volentibus manumittere. Sed si alter consulum manumittere velit seruos suos, potest. ut in fin. huius l. constat. & non bene infert Accurs. ex hoc, dicens consules habere tantum voluntariam iurisdictionem, quia supremam habebant, & imperium suo tempore. ut l. 2. infra de in ius vocand. & l. 2. §. exactis, de orig. iuris. & qui non habebat iurisdictionem nisi voluntariam vel delegatam, non poterat concilium dare. l. 2. ff. de off. eius.

Etenim quidam exponit hîc concilium, pro tribunali, quod hæc causæ pro tribunali approbarentur, certè Caius ait, non est omnino necesse pro tribunali manumittere. Itaque plerumque in transitu serui manumitti solent, cum aut lauandi, aut gestandi, aut ludorum gratia prodierit prætor, aut proconsul legatusue Cæsaris. & Vlpian. sic ait: Ego cum in villa cum prætoris fuisssem, passus sum abud eum manumitti, & si lictoris præsentia non esset. l. non est. ff. de man. vind. & quando interponebatur concilium, tunc in transitu non fiebat manumissio, sed pro tribunali: si verò causa non requirebatur, tunc in transitu & sine cognitione fieri poterat. §. serui. quib. ex caus. manu. licet. in Institut.

Item ex prædictis apparet, qui possint præbere concilium. Respondeo, Hi magistratus apud quos hæc manumissio fieri poterat. Lilius ait ibi. l. deca. §. adiectum fuisse senatuscōsultum, ut Dictator, Consul, Interrex, Censor, Prætor, qui nunc esset, apud horum quem, qui manumitteretur, iusiurandum daret Censorem, aut Cumanus, adiecit, propter eos, qui censu manumitterentur, & Imperator ait: Apud concilium nostrum, vel apud consules, prætores, præses, præfides magistratusue earum ciuitatum, quibus huiusmodi ius est, adipisci potest, patronorum iudicio, sedula seruitus libertatum. l. fin. C. de manu. vind.

Inde Paulus ait l. Apud proconsulem, postquam urbem egressus est, vindicta manumittere possumus, sed & apud legatum eius manumittere possumus. ff. de manu. vind. & apud prætorem. l. non est. ibidem.

Tamen si duo fuerint prætores, & sic in pari imperio, alter apud eum, cum par imperium est, manumittitur. P. Rebuffi Lectura. F

Conuentus  
vnde dicitur.Dignitas  
Equestris.Manumit  
tere suos ser  
uos quilibet  
poterat.Excipiuntur  
minores.Causa ma  
numissionis  
apud magi  
stratum ap  
probaba  
tur.Concilium  
quid voca  
tur.Manumif  
sio censu  
facta.Manumif  
sio vindi  
cta.



numittere non potest. l. apud. de manumissio. idè cum proconsul sit prætor maior apud proconsulem prætor manumittere potest. ibid. & l. apud filium-famil. ibi, scribit Paulus, apud collegam prætor manumittere non potest, tamen apud Proconsulem etiam in ea prouincia, quam sortitus non est, & manumitti, & in adoptionem dari posse placet. Paul. in l. emancipari. de adoptio.

*Consules possunt seruos suos apud se manumittere.*

Itaque, cum officium sit Consulis præbere concilium, id est, concessum, Consiliariis, & iudicibus, ac volentibus ex causa manumittere, an ipsi seruos suos apud se manumittere possint querebatur, quod non videbatur: quia conciliū præbere debent, sed iste text. dicit nullam esse dubitationem quin seruos suos manumittere possint, & concilium præbere aliis minoribus, volentibus manumittere seruos. & Paulus de manu. vñd. sic scribit l. *an manumittere apud se possit is, qui conciliū prabet, saepe quesitum est. Ego quidem cum meminisssem labolenum præceptorē meum in Aphrica & Syria seruos suos manumisisse, cum concilium praberet, exemplum eius secutus, & in pratura, & in consulatu meo, quosdam ex seruis meis liberaui, & quibusdam, aliis consulentibus me, idem suasi* Et Vlpian. sic ait ibidem: *Cum in villa cum prætorē fuisssem, passus sum apud eum manumitti, etsi lictoris presentia non esset.*

Idè, concilium præbere, est concilium dare: is autem qui concilio præst, conuocandi concilium potestatem habet. l. secunda. C. de decurio. libro 10. Is ergo magistratus præbere concilium dicitur, qui certos conuocat, coram quibus probetur causa manumissionis: & Consules, Proconsules, & alij, quos prædiximus, concilium dare & conuocare poterant, sed mandata iurisdictione à Præsede, non potest concilium exercere is, cui mandatur. l. ij. ff. de offic. eius cui mand. est. iuris. Idè isti Consules, quando minor, vel alius, qui volebat manumittere seruum congregabant concilium, coram quo causæ manumissionis proponebantur, & concilium approbat, quæ si semel probata erat, siue vera, siue falsa esset, non retractabatur manumissio, libertatis fauore. §. semel. quibus ex caus. manumitt. non lic. in Instit.

Et quamuis glōf. intelligat ibi falsam causam pro iniusta, potest tamen accipi pro non vera: quia minor dixit manumittendū suum esse consanguineum, fratrem, vel pædagogum, & tamen non erat: sic, causa falsa est: quæ si semel probata fuerit, tenet manumissio. quod ostendit Imperator, his verbis, titul. de vindic. libertat. l. prima. *Eorum qui apud concilium manumittuntur, post causam à iudicibus probatam, & manumissionem secutam, non solet status in dubium reuocari, si dicantur falsa demonstratione liberati.* facit l. iusta. ff. de manu. vind. ibi: *Sciendum est qualiscunque causa probata fuerit, & recepta, libertatem tribuere oportere. nam, &c.*

*Consulū cui libet se paratim cōsilium præbere potest.*

Consules seorsum & singuli manumittunt. ] Ex hoc colligitur quemlibet Consulem separatim præbere concilium, manumittere volentibus, & coram singulis partes manumittere posse. Nam qui potest concilium conuocare, & causam committere, multò magis cognoscere de ea potest. l. prima. ff. de offic. eius. Interest tamen nostra, vbi concilium requirebatur adhibere, cum Consul solus explicare non poterat, alioqui secus. & sic sepa-

rata erant manumissiones: quia apud vnum & alterum, non congregato altero collega, hæ fieri poterant: habebant enim singuli iurisdictionem in solidum, licet iudices dati non sic habeant. l. duo ex tribus. ff. de re iudic. cap. prudentiam. de officio deleg. Idè solet adiici clausula illa, quod si omnes adesse nequiverint, duo eam nihilominus exequantur. ibidem. & capit. sequenti. Et sic vbi data est iurdictio singulis in solidum, habet hoc locum, secus si coniunctim. vt in arbitr. in l. Pedius. & l. sicut. ff. de arbit. & aliis iudicibus. l. Pomponius. & l. sequenti. ff. de re iudic.

Limitatur, nisi quis volens manumittere seruum, ediderit nomina apud alterum Consulem, id est, exhibuerit expresse nomina seruorum manumittendorum coram vno, & causas manumissionis coram eo proposuerit, fortè offerendo supplicationem, & petendo illos seruos manumitti, tunc quia causa est apud vnum incepta, non poterit apud alterum fieri: separata enim sunt manumissiones, vt tractari possint coram vno, quem partes eligent, & coniunctim fieri non debent, videlicet coram ambobus Consulibus. ob id si vnus inceperit de causis manumissionis cognoscere, alter non poterit finem imponere, tanquam præuentus. l. si quis postea. ff. de iud. Et vbi acceptum est iudicium, & finem accipere debet. l. vbi. & l. de qua re. ibidem. l. penultima. de iurisd. omn. iudic. Et inceptum dicitur quo ad hoc si quis supplicauerit, vt talis seruus manumittatur. vnde Vlpianus ait l. secunda. ff. ad Terryliam. §. si mater non poterit tutores idoneos filiis suis dari, vel prioribus excusatis, siue reiectis, non confestim aliorum nomen ediderit, id est, non nominauerit alios ad tutelam, ius non habet vendicandorum sibi bonorum intestatorum filiorum. de hoc verbo, edere, plenè scripsi in l. boues. §. inter. ff. de verborum significatione. Et edere nomen, est (vt dicit Budæ.) quod nunc dicimus, per scriptum dare, vel per declarationem, etiam si non detur in scriptis, sufficit etiam si quis petierit verbo, coram vno Consule Herotem seruum manumitti, & nomen illius serui edere dicitur nominando illum seruum, & petendo eum manumitti.

Inducit istum textum Barto. ad Vicarios Episcoporum, vt si vnus inceperit cognoscere de causa, alius non possit de illa cognoscere. Hoc tenet Pappus in capite penultimo. de officio Vicar. Domin. & Philip. Perus. in cap. cum plures. de offic. delegat. Et si vnus Doctor cœpit vnum ad licentiam Cancellario præsentare, alter non poterit illi lauream concedere, per istum textum, quasi alij præuenti sint, vel nisi iusta causa intercesserit, vt sequitur.

Sanè si, &c. ] Accommodum valde est huic textui, quod Papa scribit in cap. cum plures. de officio delegat. in sexto. vbi si plures fuerint iudices delegati cum clausula: Quod si non omnes, &c. & vnus inceperit cognoscere, alij nequibunt se vltèrius intromittere, nisi vel infirmitate, vel alia iusta causa illum contigerit impediri: aut si noller, vel malitiosè in eo procedere recusaret.

Et sic datur regula per prædicta, in pluribus habentibus iurisdictionem in solidum: vt citatio vel inchoatio processus facta coram vno, impediat alium, vt procedere non possit, per hoc verbum,

non

*Præuentus causa manumissionis.*

*Edere nomen, quod sit.*

6



non potest, quod tollit potestatem & facultatem. glossa in capite primo. de regulis iuris. in Sexto. cap. iudex. de officio delegati. eodem libro. Ideò, non valeret postea manumissio facta per alium, nec processus, postquam erit semel per vnum inchoatus. glossa. & Doct. in d. c. cum plures.

*Infirmas  
iusta impe-  
dienda ma-  
numissionis  
causa.*

Hoc tamen limitatur in isto text. ratione infirmitatis, quæ cuique rei agenda impedimento esset. l. quæsitum. ff. de re iudic. ne litigatoribus damno sit ipsius valetudo. l. prima. ff. de offic. eius. Nec distinguitur, an sit levis infirmitas, aut grauis & dura, sicut alibi: quia sufficit hîc, vt ille Consul nō adeat locum, in quo exerceat causas officij, nec est expectandus, sicut iudex absens delegatus. l. si longius. ff. de iud. Et sic iste text. locum habet in ordinariis, in delegatis verò seruatur d. l. si longius.

7 Item hæc lex vitatur in artificibus, vt opus inceptum ab altero compleri possit, nec valeret conuentio in contrarium. l. vna. C. de monopol. vt scripsi in tractatu de magistr. artif. articu. vlt. q. ij. in 2. tomo Comment. in Constit. Regias.

8 Et per istum textum dixi locum tenentem non teneri expectare iudicem infirmum, sed posse causas coram eo inchoatas perficere: imò etiam aduocatus antiquior causas expedire poterit, quando iudices sunt valetudinarij, nec poterit iudex maior in præiudicium alterius illas committere. vt docet hîc Bald. alioqui tolleretur iurisdictionem minoris locum tenentis, quod non est permittendum, quia vterque à Rege habet officium, ideò alter non potest illud alteri committere.

*Notarius  
potest alte-  
ri commit-  
tere, se sub-  
scribendo.*

Etiam docet Barto. tabellionem posse alteri committere, quando est impeditus, hodie non fit controuersia, si notarius committat alteri, dummodò ipse subscribat. Bald. hîc. arg. l. si quis ex argentariis. §. cogetur. ff. de edendo, & sic seruatur, alioqui non crederetur instrumento signato à famulo notarij: quia non est notarius, nec tenetur de consuetudine pars nuntium, seu apparitorem acceptum in prima citatione, recipere iterum in alia. contra l. primam. C. de sportul. quæ non seruatur in regno. Aliàs daretur materia apparitoribus multas concussiones committendi, vt solent, quæ sunt alia iusta impedimenta, scripsi in tracta. de excusa. & exon. in 3. tomo Commen. ad Constit. Regias.

Nulla dubitatio est. Et sic lex non debet fieri de dubio abundè scripsi in l. inter publica. ff. de verb. signific. hîc non repetam.

Sed si euenerit, vt minor, &c. Accurs. forte proponit contrarium. d. l. si rogatus. in fi. ff. de man. vind. vbi sic scribitur: *Consul apud se potest manumittere, etiam si euenerit, vt minor viginti annis sit*, & communis videtur sententia, vt minor Consul factus possit alienum seruum manumittere apud se, ratione magistratus, quo fungitur: seruum autem suum non: quia eò quòd minor, requiritur causæ probatio, quam ipse non potest facere: nam non potest fungi officio iudicis & partis. l. fin. C. de assesso.

Differentia enim est inter præsentantem & instituentem. cap. finali. de instit. Bartolus in l. pupillus. §. item. ff. de auctori. tutor. l. prima. §. si autem. vbi Soci. & Ias. ad Trebellian. Lucas in l. secunda. C. de dignitat. libro 12.

Nec refragatur quod apud eum, cui par est im-

perium manumittere non possumus. l. apud. de man. verum est seruos nostros, & quando vterque Consul est æqualis: aliquando alter Consul est minor annis, ille non est alteri par: quia hîc non potest manumittere, nisi causa probata à magistratu fuerit. l. si minor. de ma. vind. §. eadem. quib. manum. non licet. Ergo sufficit autoritas alterius collegæ Consulis, etiam quia par non erat imperium; Nam vnus habebat administrationem, vt quidam dicunt, etiam si pares imperio essent. Tamen Consules, qui erant in summo imperio, & in locum Regum, non regebantur iure aliorum inferiorum, videlicet Prætorum, Proconsulum, aut aliorum, vt patet per istum textum, nec loquitur illa lex de Consule: ideo minor annis Consul poterat apud alterum collegam consentientem manumittere. vt in d. l. si rogatus. quamuis inter eos, qui par imperium habebant, alter magistratus inferior manumittere non posset: vel Consul, minor annis non poterat apud se de causa manumissionis cognoscere, & manumittere, sed collega causam manumissionis probare, & postea Consul minor viginti annis poterat, causa probata, manumittere, vt in fine patet.

Apud collegam verò causa probata potest. Et sic Consul minor potest, quando causa probata fuerit per collegam, manumittere. Nec me mouet quod quis ad Rempub. non recipiebatur ante vigintiquinque annos. l. ad Rempublicam. ff. de muner. & hoc verum regulariter, sed nec quidem serui: tamen Barbarius fuit admissus. l. Barbarius. ff. de offic. Prætor. Cicero in Philippica quinta, sic scribit: At verò apud antiquos Rulli, Decij, Coruini, multiq; alij, recentiore autem memoria superior Africanus T. Flaminus admodum adolescentes Consules facti, tantas res gesserunt, vt populi Romani imperium auxerint, nomen ornarint, &c. Itaq; munera alicui nō passim ante vigintiquinque annos dabantur, nisi iis, qui fama & ingenio excellere, vt qui prænominati fuere, & alij plurimi, quos apud Historiographos videre licet.

Etiam necessitatem legem non habere notat hîc Accursius. sic in l. secunda. §. primo. in verb. non potest. si certum petat. capite sicut. de consecratio. dist. prima. cap. remissionem. prima. quæstio. prima. cap. quantò. de Consue. c. querelam. de iureiuran. & omnia communicanda esse necessitatis tempore docet glossa. in l. ij. §. inde agitatam. in verbo, conferret. ff. ad legem Rhodi. de iactu.

Triplex est necessitas, vt docet Angel. Clauas. in sua Summa, in verbo, necessitas. & de necessitate multa tradit Mathe de Afflictis. in tractatu de iure protho. §. infra triginta. not. primo. in fin. & Petrus Gerard. sing. vltimo. Gaspard. Valac. in repetit. l. imperium. columna 79. ff. de iurisdic. omn. iudic. Panormitanus consilio 17. in primò volum. & in c. cum venerabilis. in fin. de consuetud. Lucas de Penna in l. curiales. C. de decurio. libro 10. & l. ij. col. 2. de delat. Idem Paul. de Citad. in tract. de iure patron. in 6. part. q. 48. Decius in l. quæ propter necessitatem. ff. de reg. iuris. Albertus Brunus in tract. de forma & solennit. actus. fol. 63. col. 2. & Alciat. lib. 5. Parerg. ca. 10. & seq. vbi licet videre quæ expendantur tempore necessitatis. in l. vlt. C. de caduc. tol. & quæ, cessante necessitate, cessare debeant.

*Consul mi-  
nor quando  
manumit-  
tere possit.*

*De necessi-  
tate.*



## De officio Praefecti Prætorio.

## TIT. XI.

## SUMMARIA.

1. Magistri equitum secundā post Dictatores potestatem habebant. Praefecti vero prætorio, secundam post Imperatores.
2. Furta domestica non debent publicè vindicari, cum leuia sunt.
3. Praefecti prætorio sine appellatione iudicabant.
4. Quare senatoriam dignitatem consecuti sint.
5. Qui appellat à iudice, cum appellari non possit, multa arbitraria puniendus est.
6. Regibus an appellandum sit.
7. Inquiri debet de fide & peritia alicuius, antequam ad Regium officium admittatur.
8. Certificatores pro hereticis, vel insufficientibus, tanquam proditores & falsarii puniendi.
9. Decipiens mulierem per artem magicam, pœna mortis puniendus.
10. Item qui viuente prima secundam uxorem ducit.
11. Et qui sub prætextu causæ coram eo agitata, muliere abutitur.

LEX VNICA. AVRELIVS ARCADIVS  
LIB. SINGVLARI DE OFFICIO  
PRAEFECTI PRAETORIO.

**R**euter commemorare necesse est, vnde constituendi praefecti prætorio officium, origo emanauerit. Ad vicem enim magistri equitum, praefectos prætorio antiquitus institutos esse, à quibusdam scriptoribus traditū est. Nā cum apud veteres, Dictatorib⁹ ad tēpus summa potestas crederetur, & magistros equitum sibi eligerent, qui associati principali curæ, militiæ gratia, secundam post eos potestatem gererent, regimentis reipublicæ ad Imperatores perpetuò translatis, ad similitudinem magistrorum equitum, praefecti prætorio à Principibus electi sunt: data eis pleniore licentia ad disciplinæ publicæ emendationem. His cunabulis prætorio praefectorum authoritas initiata, in tantum meruit augeri, vt appellari à praefectis prætorio non possit. Nam cum antè quæsitum fuisset, an liceret à praefectis prætorio appellari, & an iure liceret, & extarent exempla eorum, qui prouocauerant; postea publicè sententia principali lecta, appellandi facultas interdicta est. Credidit enim Princeps eos, qui ob singularem industriam (explorata eorum fide & grauitate) ad huius officij magnitudinem adhiberentur:

non aliter iudicatueros esse pro sapientia ac luce dignitatis suæ, quàm ipse foret iudicaturus. Subnixa sunt etiam & alio priuilegio praefecti prætorio, ne à sententiis eorum, minores ætate ab aliis magistratibus, nisi ab ipsis praefectis prætorio restitui possint.

**L**Ex vnica.] In ista l. Aurelius Iurisconsult. originem praefectorum prætorio docet, referens illam esse ab Imperatoribus. Nam Romanorum Reges hoc officium non habebant, nec quidem Consules, sed cum bellis, aut aliis negotiis arduis id temporis premerentur, populus re exigente, maioris potestatis magistratum constituebat, qui Dictator vocabatur, à quo nec prouocandi ius, & cui etiam capitis animaduersio data erat. Hunc magistratum, quoniam summam potestatem habebat, non erat fas ultra sextum mensem retinere, & his Dictatoribus magistri equitum iungebantur, sic, quomodo Regibus & Tribuni Celerum, quod officium ferè tale erat, quale hodie praefectorum prætorio. l. ij. §. post deinde. ff. de orig. iur. & in illa l. dicitur, ferè, sed iste, ad vicem & similitudinem magistri equitum. Nam illi secundam, post Dictatores potestatem habebant, sic & hi praefecti prætorio, secundam post Imperatores. Imò dicit iste text. pleniorē licentiam his datam fuisse ad disciplinæ publicæ emendationem, id est, institutionis, & ad criminum & morum coercitionem, quod declarat Iurisconsult. Paul. l. licitatio. §. quod illicitè. ff. de publica. ibi: Alterum enim vtilitas priuatorum, alterum vigor publicæ disciplinæ postulat. l. ij. C. de offic. recto. prouin. ibi: Qualiter publicæ disciplinæ, &c. l. quod Reipub. ff. de iniur. Nam hi publicorum criminum & morum coercitionem habebant. Anchar. in l. fin. ff. de munerib. ibi: Irenarchæ quoque, qui disciplinæ publicæ, & corrigendis moribus praeficiuntur, &c. Furta domestica, si leuiora sint, publicè non sunt vindicanda. l. respiciendum. §. furta. ff. de poenis. Ista domestica, & quæ priuatim tractari solita erant, non pertinebant ad publicæ vindictæ emendationem, nec coercitionem, sed quilibet corripere priuatim. vt in l. vnica. C. de emenda. propinq. Alia verò crimina coercerentur ab his praefectis prætorio; nam publicè interest, vt maleficia puniantur. l. ita vulneratus. circa finem. ff. ad leg. Aquil. vnde Vlpian. ait: Si filius patrem & matrem, quos venerari oportet, contumeliis afficiat, vel impias eis manus inferat, praefectus urbis delictum ad publicam pietatem pertinens, pro modo eius vindicat. l. prima. ff. de obseq.

Augusti enim & Cæsares bellis atque aliis negotiis occupati, cum imperium valde amplum esset, in omnibus simul limitibus imperij adesse nequibant: vnde prætoria, id est, sedes, & atria erexere, quibus in re militari exercitissimos, & iam omnibus propè honoribus perfunctos, praefecerunt: vt videlicet instar committatus Augustalis, omnia ministeria complecterentur, scrinia haberent, procuratores, quaestores, annonæ praefectos, curatores ciuitatum, & prouinciarum, quæ Augustorum ipsorum auspiciis, tenerent, atque adeo vsurparent: vt tam in re ciuili, iurèque dicundo, quàm in belli administratione omnibus regulae essent, ad quos tanquam ad sacram anchoram,

Dictator  
constituitur.Magistri  
equitum.  
Tribuni  
Celerum.Praefecti  
prætorio.

Irenarchæ

Prætorii  
imperii  
est erectum.



choram, omnes prouinciarum prouocationes fieret, qua separatim utroque itidem in iure, pro ratione nobilitatis, ignobilitatisque Proconsules, Prætores, Legati, Præsides, Quæstores, Duces, Tribuni administrare solebant, qui tametsi Augustorum auspiciis gubernabant, omnes, præfecti prætorio iussis, ac dicto, tanquam sub Prætoris constituti, perpetuo audiebant. hæc Laz. in lib. 2. de Repub. Rom. ca. primo. in principio.

Sedes quatuor præfectorum prætorio.

Sciendum est sedes præcipuas quoad iuris ciuilis intellectum, quatuor horum præfectorum prætorio fuisse. Prima erat Orientis & Ilirici. ut in titul. C. de offic. præfecti prætor. Orient. & l. ij. in fin. C. de veter. iur. enucle. & in authen. de his qui ingre. ad appellan. colla. 5. facit l. per Iliricum. C. de cohorta. & princip. corni. & primip. lib. 12. Et quamuis in iure Oriens & Iliricus iungantur, tamen fuerunt sedes separatæ imperio aucto, sed eo inclinante coniunctæ fuerunt, & apud Antiochiam constituta fuit vna sedes. teste Laz. cap. 2. ubi istas sedes optimè explicat, & septem prætoria ibidem fuisse asserit.

Aphrica prætorio præfectus. Galliarum prætorio præfectus.

Item etiam erat præfectus prætorio in Aphrica. ut C. de offic. præfecti prætor. Aphri. & l. raptores. §. j. C. de Episc. & cler.

Alius erat præfectus prætorio Galliarum, de quo Marcel. libro 17. de imperio Constantij, & lib. 20. & 23. & Sydo. Apollin. in epistola ad Nammalium libro 8. scribunt.

Præfecti prætorio sedes in Italia.

Alia sedes præfecti prætorio erat in Italia, ad quam præter Italiam vniuersa Aphrica pertinebat. teste eodem Marcel. lib. 21. & Cassiod. lib. Varia. rerum sext. Et cum his præfectis prætorio multi viri doctissimi ad ius reddendum destinabantur, & ipse omnibus præfectus erat, ut statim dicitur.

3 At cum isti sine appellatione iudicarent, & ad eos omnes appellationes prouinciarum addictarum deuoluerentur, statuit Imperator Alexander Seuerus, ut hi Senatoriam dignitatem consequerentur, ut viri clarissimi & essent, & dicerentur: & hos esse Senatores ea ratione censuit, ne quis non Senator de Romano Senatore iudicaret, ut est apud Lampridium in Alexand. & probatur l. finali. C. vbi Senat. vel clarif.

4 Ex quo apparet illos etiam qui cum præfectis prætorio erant, ab eo tempore fuisse Senatores, & præfectum prætorio quasi Principem Senatorum, ut nunc fortè sunt. Præsides supremarum Curiarum. Vnde qui æquiparant eum magistro hospitij: non rectè faciunt. Nam potius id temporis hic solus æquiparabatur magistro equitum, ut dicit iste text. & sic Connestabili, cui dabatur ensis, ut Plinius Iunior in Panegyric. Traian. ait, Traianum ita dixisse: Accipito hunc ensen, & si quidem rectè atque à Repub. imperaui, pro me: sin secus, in me vtaris. & referunt Budæ. & alij. & solet dici illi: Accipe sanctum gladium, munus à Deo, in quo deiciet aduersarios populi mei Israël. ut habetur 2. Machab. cap. vltimo. & Tranquil. in vita Titi, ait: Titum filium Vespasiani præfecturam suscepisse, quæ nunquam ante id tempus administrata fuerat, nisi ab equite Romano, & si separatim fiat comparatio, sic fieri poterit: si verò coniunctim, hodie qui æquiparare præfectos prætorio velit Curiis supremis, non fortè perperam iudicabit. Nam illi omnes appellationes prouinciarum, in quibus designati erant, recipiebant. l. cum appellatio.

Præfectus prætorio quasi Princeps Senatorum.

C de appellatio. & ab ipsis non appellabatur. constat in hoc text. & in l. vnica. C. de senten. præfecti prætor. Sic & Senatores erant, & ita procedunt hodie supremæ curiæ, quas Parlamenta vocamus, & præfectus prætorio erat horum Princeps: sic & nunc Principes Senatus, & Parlamentorum Præsides vocare solemus, qui alios Senatores habent, sicut præfectus prætorio olim habebat, & Cancellarius est illorum caput, sic & loco præfecti prætorio; & sic debet præcedere Connestabilem, cui armorum potestas data fuit, & detracta iurisdictione, nisi inter milites. Itaque sicut arma togæ cedere debent, ita & Connestabilis Cancellario, qui Tribuni, & Ducis officium exercet, potius quàm præfecti prætorio, de quo multa per Lucam de Penna in l. tribuni. C. de re milita. lib. 12. & scribit Ouid. lib. 13. Metamorph. hæc carmina.

*Quippe manu fortes (nec sunt tibi Marte secundi)*

*Consiliis cessere meis, tibi dextera bello*

*Vtilis, ingenium est, quod eget moderamine nostro.*

*Tu vires sine mente geris, mihi cura futuri est:*

*Tu pugnare potes, pugnandi tempora mecum*

*Eligit Atrides: tu tantum corpore prodes,*

*Nos animo: quantoque ratem, qui temperat, anteit,*

*Remigis officium: quanto est Dux milite maior,*

*Tanto ego te supero, necnon in corpore nostro,*

*Pectora sunt potiora manu, vigor omnis in illis.*

*At vos, ô procures vigili date premia vestro:*

*Proque tot armorum curis, quas anxius egi,*

*Hunc titulum meritis pensandum reddite nostris,*

*Iam labor in fine est obstantia fatorem.* &c.

Nec placet quod Budæus ait, præfectum prætorio à cohorte prætoria dictum esse, apudque antiquos cohortem quandam fuisse, quæ prætoria vocaretur: quæ Consuli, aut prætori in prouincia præstò semper esset, quasi quæ latus eius cingeret, allegat Cicero. ad Quint. Frat.

Ego puto prætorium à prætura nomen accepisse, sicut prætura à prætore, qui à præuendo denominatus fuit. ut Varroni & Ciceroni tertio de Legib. placet. & refert Laz. libro secundo ubi supra. cap. primo. Quædam autem erant cohortes Romanæ, quæ in prætorio excubabant, & in Imperatorum tabernaculis, ut hodie sunt protectores Regis. docet Appianus Alexan. Marcel. & alij. Aliæ erant cohortes, quæ inclinante imperio peregrinæ vocatæ sunt, de quibus loquitur Cornelius Tacitus libro primo & secundo, & alij.

Prætorium unde dictum.

Item, quidam putant præfecturam vrbs & istam eandem esse, sed tota falluntur via, ut dicam in titul. sequenti. Nam præfectus prætorio dicebatur, qui constituto imperio creatus pluribus simul prouinciis, hoc est integro limiti, vel pluribus limitibus nomine Romanorum Augustorum præsidebat, à quo prouocari non poterat, & qui præter ciuiles, criminalisque causas, belli quoque administrationem, & armorum tractabat. ut docet Laz. ubi supra.

Præfectus prætorio quis dicitur.

Hodie præfectum vrbs, & præfectum prætorio, & magistrum equitum ac peditum, indiscretæ esse dignitatis statuit Imperator, volens eos esse paris gradus & dignitatis. in l. prima. C. de præfecti prætor. libro 12.

Breuitè commemorare necesse est. ] Ex hoc text. colligere potes, materiam breuitè pertractandam, & non cum magna ampula verborum. ut Iurisconsult. hic facit, & Imperator ait multò vtilius



esse pauca idoneè effundere, quàm multis inutilibus homines prægrauari. l. ij. §. deinde. C. de veter. iure enucleand. Et hæc breuitas semper commendatur, si obscuritatem non inducat. vt in proemio. ff. §. illud. docet Accurs. & alibi plenius tractaui in interpret. l. vnic. C. de senten. quæ pro eo quod interest. Neceffe exponit Accurs. pro vtili, nos possumus dicere, neceffe est, id est, conueniens, vel necessarium fuit Iuriconsulto ad intelligendum originem, & deinceps progressum hoc narrare. Nam si quis velit materiam tradere, neceffe est vocabula materiæ prius interpretari, vt res melius intelligatur. l. prima. ff. si certum petatur.

Vnde constituendi Præfectorum, &c. ] Ab origine, & vt dicunt, ab ouo materia tractanda est, vt rectè intelligatur, de quo scribit Iuriconsult. l. j. & ij. ff. de orig. iur.

Ad vicem magistri equitum, præfectos prætorio antiquitus institutos esse, à quibusdam scriptoribus traditum est. ] Qui illi sint scriptores ignoratur, nisi dicas Fenestellam fuisse, qui allegatur ab Vlpiano in l. vnica. infra de offic. quæsto. is enim sic scribit in tract. de magist. Roman. cap. 23. de præfecto prætorio: Quales apud Reges Tribuni Celerum, siue apud Dictatores magistri equitum, tales deinde fuere præfecti prætorij apud Cæsares. Nam cum secundas post Cæsarem partes gestarent, præessentque disciplinæ publicæ emendandæ, adeo à paruis ea principiis creuit authoritas, vt cum aliquo tempore à præfectis prætoriis prouocare liceret, extarentque exempla maiorum, quo pacto ab his prouocassent, lecta postmodum à Principe sententia, à præfecto prætorio prouocatio sublatæ est. Hæc ille, quem fortè Iuriconsult. referre voluit.

Nam cum apud veteres Dictatoribus ad tempus summa potestas crederetur. ] Hic, crederetur, pro, committeretur, exponi potest. vt aliunde scripsi, de hoc verbo. in l. Creditores. ff. de verborum significatione. de Dictatorib. in l. secunda. supra de origine iur. & per Liuium lib. ab vrbe condita. i. & sequent. & per Fenestel. vbi licet videre reliqua.

Et magistros equitum sibi, &c. ] Magister equitum dicitur Princeps militiæ, quem Connestabili comparamus, cui paret exercitus cum equitum, tum peditum, de hoc Principe militiæ inferius fusiùs dicitur.

Regimentis Reipub. ad Imperatores perpetuo translatis. ] Nam populus imperium ac potestatem in Imperatorem transtulit. vt in l. prima. ff. de Constitut. Principum. & §. sed & quod Principi. Institut. de iure natural. gent. & ciuil. & not. Baldus ex isto text. præfectum datum esse ad regendum, non ad destruendum: sicut dicit Diuus Paulus de alia quacumque potestate, vt sit data ad ædificationem, non ad destructionem.

Ad similitudinē magistrorum equitum. ] Quod supra dixerat: Ad vicem magistri equitum. hic dicit, Ad similitudinem.

Data est plenior licentia. ] Et sic licet detur plenior potestas hodie nouo magistratui, quàm olim tamen potest comparari alteri magistratui antiquo in eo, quod conuenit, non in alio. Ideo hodie non potest æqua fieri æquiparatio magistratuum anti-

quorum ad nouos, quos habemus. Nam cum præfecti prætorio creati sunt, tunc amplior potestas data illis est, in iure diuindo, vt fuit superius dictum, & quoad emendationem publicæ disciplinæ. Et hodie omnia ista sunt separata, maxime in Francia, & concessa diuersis magistratibus.

His cunabulis, &c. ] Sextus Aelius lib. composuit, qui inscribitur Triperita, qui, veluti iuris cunabula continet. Pomponius in l. secunda. §. post hos fuit. supra de origine iur. vtitur hac dictione. Et prima legum cunabula, Institutiones vocat Iustinian. in §. cumque hoc. in proem. Institut. & in §. sed non vsque. de lega. vrbis cunabula dicit in §. libertinorum. de libert. fideicom. cunabula appellat idem Iustinian. de fideicommiss. hered. in Institut. §. vltimo. quæ omnia ad metaphoram respiciunt. l. cum inter. C. de fideicom. libert.

Vt appellari à præfectis prætorio non possit. Nam cum antè quæsitum fuisset, an liceret à præfectis prætorio appellare, & iurè liceret, & extarent exempla eorum, qui prouocauerunt, &c. ] Sed videndum est, quando interdicta facultas appellandi fuerit, si quis appeller, an sit puniendus, & qua pœna. Respondendum putarem eum multa arbitraria, pro qualitate personæ, puniendum esse: quia iniuriam facit iudici, à quo appellat, cum appellari non possit. l. fin. C. quando prouoc. non est neces.

Etiam facit contra legem prohibentem appellationem. vt ff. à quib. appell. non licet. & solent iidem iudices condemnare appellentem. licet aliquando melius esset propter affectionē, quā habent, permittere superiori, vt illum puniret, vel porrigere supplicationem Regi contra eum, qui in contemptum Regiæ legis appellat. Nec probo sententiam Baldi dicentis à Regibus licet non sit appellandum, tamen ad Imperatorem supplicandum est, vel vacante imperio, ad Papam: quia postquam ius supremum habent in suo regno, non reciperetur supplicatio, nec appellatio, nisi ab illis, qui Imperatorem recognoscerent. Ratio ergo ponitur in hoc text. quamobrem ab his non appelletur: quia credit Princeps eos iuste iudicatuos, & sic est præsumptio iuris, & de iure, contra quam nō admittitur probatio in contrarium. l. finali. ff. quod metus causa. in aliis inferioribus iudiciis est tantum iuris præsumptio, vt rectè iudicent. cap. in præsentia. de renuntiat. ob id appellatio recipitur, voluit tamen Princeps ratione supremi Imperij, quod est in illo, vt ab his supplicari ad ipsum possit. authent. quæ supplicatio. C. de precib. impe. offerend. etiam ab his Curiis supremis non appellatur, quia vice & nomine Regio iudicant, ideo ipse Princeps iudicasse censetur, nec ab ipso ad illum ipsum appellaretur.

Credidit enim Princeps eos, qui ob singularem industriam. ] Igitur singularis industria requiritur in his Consiliariis. §. illorum. de statu monac. & in §. cumque hoc Deo propitio. in proce. Institut.

Explorata eorum fide. ] Et sic probata fides Senatorum esse debet, vnde inquiri debet de peritiis & fide alicuius, antequam recipiatur, vt hodie fit, antequam quisquam ad officium Regi admittatur, sed hæretici pro hæreticis deponunt, & plures fuere sic recepti: sed isti certificatores tenentur pœna capitis, tanquam proditores, vt alibi probaui, etiam tan-

Fenestella  
de præfecto  
prætorio  
sententia.

Magister  
equitum com  
paratur Cō  
nestabili.

Cunabula  
iuris &  
gram.

5

6

7

8

quam



quam falsarij, puniendi sunt, quorum poena est mors, per constituti regni, quia falsum asserunt & dicunt, & hoc in maximum Reipub. damnum cedit.

*Iudices debet esse graues.*

Et grauitate.] Graues esse debent, qui alios iudicare solent. c. licet. 2. de testi. addit Feneftel. Atque integritate ceteros præcellere oportere. nã Symmachus Papa sic scribit: Vilissimus computandus est, nisi præcellat scientia, & sanctitate, qui est honore præstantior. c. vilissimus. j. q. j.

Ad huius officij magnitudinem adhibentur.] Magnum quippe est hoc officium, & quando datur bono ac docto laudabile, ac purum tremendumque, sed quando corrupto, improbo, & ignaro, ridendum. vnde scribit Mathe. de Afflict. in Constit. Neapo. libro i. rub. 45. de seruanda indemnitate, quæ requisita sunt Consiliariis, quæ si habuerint, eos de maiori nota commendare poterimus.

*Requisita in Consiliariis.*

Primo, debet Deum amare & timere, ac veritatem amplecti. Exodi cap. 18. proinde ex omni plebe viros potentes, & timentes Deum, in quibus sit veritas, & qui oderunt auaritiam.

Secundo requiritur, vt Consiliarius sit sapiens; grauib. moribus, & expertus. Tobie cap. 4. Consilium semper à sapiente perquirere. Iob 34. cap. Viri intelligentes loquantur mihi. ca. estote. primo. quæstio. prima.

Tertio requiritur, vt sit fidelis & prudens, vt est in Euangelio: Fidelis seruus & prudens, quem constituit Dominus super familiam suam. & Ecclef. 21.

Quarto, integræ famæ esse debet, & non infamatus de aliquo crimine, aliàs recipi non debet ad illud officium, sed procurator Regius se opponere debet, ne recipiatur. Oportet ergo illum testimonium habere bonum ab his qui foris sunt. cap. licet. viij. q. j. facit l. ij. de offic. assesso.

*De eadem re.*

Vnde Ambrosius libro 2. de offic. pulchre scribit: Talis itaque esse debet qui consilium alteri dat, vt seipsum formam aliis præbeat, ad exemplum bonorum operum, in doctrina, in integritate, in grauitate: vt sit sermo eius salubris, atque irreprehensibilis: consilium vtile, vita honesta, sententia decora: quique nihil nebulosum habeat, nihil fallax, nihil simulatum, quod vitam eius ac mores refellat: nihil improbum, aut maleuolum, quod consulentes auertat.

Quinto, peritus & doctus in iure esse debet, & non solum in doctrina legum, sed etiam in experientia. vt docet Imperator Iustinianus in j. & ij. Constit. C. & in proce. Instit.

Sexto, oportet esse bonum & iustum, & Dei spiritum habere, non autem iniquum. docet text. in c. si ergo. viij. quæstio. j. bonum spiritum habere dicitur, quando iuste iudicat, & secundum leges & constitutiones: malum verò, quando eis omisis innititur prudentiæ suæ. c. ne innitaris. de Constit.

Septimo, non sit cupidus, nec avarus. Nam Iethro docebat Moysem eligere debere viros, qui oderint auaritiam. Exod. cap. 18. quia cupiditas radix est omnium malorum, vt docet Diuus Paulus: Et contenti esse debent suis stipendiis, sicut milites, de quibus in Euang. Et hoc scribit Iustin. in auth. de mand. Princip. §. oportet. collat. 3.

Octauo, castus esse debet, maximè Consiliarij Ecclesiastici, alioqui seducere possent mulieres habentes coram eis processum: Nam luxuria excæcat conscientiam, & repellit rationem. cap. sanè. xv. q. j.

Et captus amore mulieris, omne fas & nefas committeret. l. ij. §. initium. ff. de origine iur. Et nunquam bene iudicaret, quando processus mulieris adesset: ideo stipendia illorum, qui sic corrumpunt mulieres, sunt furcæ. Nam illas rapere ipsi dicuntur, & tunc deteriores sunt, quàm bonorum raptores. Rapiunt enim corpus & animam. Et sicut qui per artem magicam decipit mulierem, poena mortis punitur. l. iij. C. de malef. & ma. docet Franciscus Episcopus Squilacensis in tract. fidei, c. 2. ita & qui capit secundam uxorem, viuente prima. vt plenè probauit in §. fin. de publ. concub. in Concord. Ita & ij, qui sub velamine causæ coram eis introductæ, eis abutuntur, & sic fuit à prorege latrunculator suspensus, qui abusus fuerat muliere, vt maritum illius liberaret, quem in vinculis detinebat in Sabaudia, hoc anno 1555.

*Stipendia iudicum corruptum mulieres.*

9

10

11

Nonò, debet secreta Consilij tenere, nec tacenda proferre. cap. sit rector. 43. distin. & in ord. reg. scripsi artic. 19. & seq. in tit. *De la Cour de Parlement.* alia requisita ibi tradidi. Et hi Senatores magnam honoris acceperunt incrementum, & ad tantum culmen sublati fuere propter illarum olim personarum excellentiam, quæ ad hos honores assumi consueuerunt, sed hodie propter iuuenum gloriam & ambitionem, detracta est istorum authoritas, & splendor, quod est dolendum.

Non aliter iudicatueros, &c.] Ex hoc text. colligitur præsumendū esse pro summis Curiis, quod non aliter iudicent, quàm ipse Princeps esset iudicaturus: nam si præsumatur pro sententiâ iudicum inferiorum. l. Herennius. §. Caia. ff. de euictio. cap. in præsentia: de renunt. multò fortius pro istis. & Consiliarij & Senatores æquiparantur à Modestino. in l. & qui non sunt. ff. de tutor. & curat. datis ab his. tamen differunt, quia hi Senatores tantum vocari possunt, qui in Curiis supremis sunt præfecti. vt in l. fin. de assesso. infra dicam.

Subnixi sunt etiam alio priuilegio præfecti prætorio, ne à sententiis eorum minores ætate ab aliis magistratibus, nisi ab ipsis præfectis prætorio restitui possint. Ista sunt duo priuilegia Curiaæ supremæ, & vltra ista addunt interpretes alia, vt ipsæ possint condere leges. allegant l. ij. C. de offic. præfect. prætor. Orient. Et legem facere posse dicunt ea ratione, dummodo non derogat legi superioris, vt ibi: quia inferior non derogat legi superioris. cle. ne Romani. de elect. Ludouic. Roman. consil. 18. præsens. in fine. dixi in l. non ambigitur. supra eodem. triginta septem priuilegia Curiarum supremarum in proemio Concord. in verbo, summas, conscripsi, quæ hic non repetam.

*Curia suprema possunt leges condere.*

Item Accurs. hic docet Cardinales æquiparari præfectis prætorio, sed non in retinendis feceminis, forè voluit docere historiam, quam Trebell. Pollio scribit in Claud. vbi dicit, Imperatores solitos assignasse his præfectis prætorio cocum mulionem, & mulieres speciosas ex captiuis duas, &c. quæ Cardinalibus assignari, officij ratione non solent, licet quidam mali interdum sibi plures temere vsurpent, qui in sterquilinio sepeliendi essent, instar monachorum, de quibus in c. cū ad monasterium. de statu monach.

Insuper Bar. & alij interpret. dicunt hic per istam glos. æquiparari Cardinales præfectis prætorio; & ideo à sententiâ Cardinalis non posse appellari. Lanfranc. in repet. cap. quoniam. in verb. interlocutiones:



*A senten-  
tia Cardi-  
nalis, etiā  
legati, ap-  
pellatur.*

col.xxvj.de probat. sed hoc est falsum, vt in c. Ray-  
nutius. & c. Raynaldus, probatur. de testa. etiam si illi  
Cardinales essent legati. cap. constitutus. de appel.

Et licet glos. in c. sicut nobis. de sentent. excom. dic-  
cat Cardinalibus credi, quod verum puto, vt magis  
illis credatur, quā aliis inspecta eorū dignitate &  
authoritate. Ideo Nicolaus Papa credidit vni, vt tes-  
tatur in c. nobilissimus. 97. dist. & in his quæ animæ  
forum respiciunt, eis credi debet de commissis viuæ  
vocis oraculo à Papa: sed in iudiciis, vbi agitur de  
præiudicio tertij, nulli plenè creditur, cuiusunque  
authoritatis sit. c. cū à nobis, de testib. Ideo etiā Car-  
dinali nō creditur, dicenti se legatum, nisi literas suæ  
legationis ostenderit. l. vnica. C. de mand. princip. Li-  
cet Papa Nicolaus voluerit alicui credere, non dese-  
renti literas, ratione cōsuetudinis & notitiæ. vt in dic.  
c. nobilissimus. asserit. 97. dist. quia multi Cardinales  
multas & malas patiuntur affectiones, & homines  
sunt: & beatus est, qui à Domino eruditus est, & qui  
non respexit ad vanitates, & insanias falsas. de quo  
Dauid.

Cassiodorus in li. vj. Variarum rerum, in formu-  
la præfecti prætorio, formam istam sic præscribit:  
in summa eam referam. Primū ait, Ioseph. huius di-  
gnitatis infulas consecrasset, huius potestatis quedam  
cum principe cōmunia iura sunt: exhibet enim sine  
præscriptione longinquos, & magna quātitate mul-  
ctat errantes: fiscum pro sua deliberatione distribuit:  
euectiones simili potestate largitur, vacantia bona  
proscribit, delicta prouincialium iudicum punit, ver-  
bo sententiam dicit. quid est quod non habeat com-  
missum, cuius est vel ipse sermo iudicium, penè est,  
vt leges possit condere, quando eius reuerentia po-  
test negotia sine appellatione finire. Igitur hac po-  
testate nulla dignitas est æqualis: vice sacra vbique  
iudicat, nullus ei miles, de fori sui authoritate præ-  
scribit, officium valde efficax, instructum, & tota a-  
nimi firmitate præualidum, gratāter implemus, quæ  
ille constituit: cuius reuerentia & nos ita con-  
stringimur, vt sine dubitatione faciamus, quæ illum  
decreuisse cognoscimus, non immerito, quando pa-  
latium sua prouisione sustentat. Et licet aliæ dignita-  
tes habeant titulos præfinitos, ab ista totum penè ge-  
ritur, quicquid in imperio nostro, æquabili modera-  
tione tractatur. Hæc ille. Istam etiam formam cōscri-  
bit Lucas de Penna, in l. duos. C. de suscep. præpos. &  
Archæ. libr. x. summam tantum præscripsi, vt quisq;  
cognoscat ista Cancellario melius conuenire, & in  
pluribus quā aliis.

Quamobrem his quæ superius dicta sunt præscri-  
ptis & discussis, istæ æquiparationes vix fieri possunt  
cū nostris magistratibus Galliæ, quia licet instar ma-  
gistratuum Romanorum quædam officia constituta  
sunt, tamen non retinet illam institutionem, sed Prin-  
cipes potestati, & institutioni aliqua addiderunt, ali-  
quando detraxerunt; adeo vt vix vlla noua dignitas  
illis antiquis bene & ad amussim comparari possit:  
sed prout simile inuenitur, & idem in aliis officiis di-  
ci potest, super quibus deinceps disputare non inten-  
do, quia inspecta prima origine, alia esset æquiparatio  
facienda, quā si huius officij progressum conspiciamus:  
& alia, si separatim, alia si coniunctim, vt superius  
expressum fuit, & inspecta formula superiore, Can-  
cellarius in regno similem ferè habet potestatem, ne  
plura.

*Dignitas  
præfecti  
prætorio,  
quāta fue-  
rit.*


*Cancellarij  
potestas.*

## De Officio Præfecti vrbi,

### T I T. X I I.

#### S Y M M A R I A.

1. Inuiti, non ambientes, ad capeffendam Rempub. ad-  
sciscendi.
2. Præfectura vrbi primò magno in honore habita, po-  
stea fuit infimæ sortis.
3. Vrbi præfectura est triplex.



VNT qui confundant Præfectum  
prætorio vrbi, cum præfecto vrbi,  
quod alienum est ab historia. Nam  
Romæ prætorium erat, ob id præfe-  
ctus fuit illi prætorio vir industrius,  
qui appellatus fuit præfectus prætorio vrbi æter-  
næ, & hic à principe constituebatur; præfectus verò  
vrbi à Senatu, vt Trebel. Pollio in censorio Ty-  
ran. scribit. Censorinus, inquit, vir planè militaris, &  
antiquæ in curia dignitatis, bis consul, bis præfectus  
prætorio, ter præfectus vrbi, quartò proconsul, &c. &  
Marcel. lib. 27. sic scribit. Cū Symmachum à Pro-  
niano successisse vrbi præfecto scriberet, adue-  
nit post hunc vrbi moderator Lampadius ex  
Præfecto prætorio. & Lamprid. in Alexand. ait:  
Præfectos prætorio sibi ex senatus authoritate con-  
stituit; præfectos vrbi à senatu accepit: alterum præ-  
fectum prætorio fecit, qui ne fieret, etiam fugerat, di-  
cens inuitos non ambientes in Repub. collocandos:  
quod vtinam hodie fieret, quo tempore videmus pe-  
cunia obtineri munia, & ambientes omnia bona sua,  
& vxorem penè vendere, & ponere ante manus re-  
ceptorum, vt officia consequantur.

Fenestella de Magist. Rom. de hoc præfecto vr-  
bi loquens, ante Tarquinium superbum præfectos  
vrbi non creatos fuisse narrat, creati tamen potuisse  
non inficiatur: tamen Romulum & Tullum Hosti-  
lium vrbi præfectos creasse legimus, vnde cū Re-  
gibus extra urbem proficisci opus foret, aut Consuli-  
bus, penes præfectum vrbi summa rerum relinque-  
batur, vel quotiens magistratus ex vrbe proficisce-  
bantur Latinarum feriarum causa. Vbi autem impe-  
rium propagatum est, Italiæ iurisdicctio ad præfectū  
vrbi delata est, vt in hac l. j. dicitur. vt sequitur, Om-  
nia, &c. Et facit l. ij. §. & quia magistratus. sup. de  
orig. iur. ibi, Quotiens autem proficiscuntur, vnus  
relinquitur qui vocatur præfectus vrbi, qui præfectus  
olim cōstituebatur, postea ferè Latinarum feriarum  
causa introductus est, & quotannis obseruatur: de  
quo per Aulum Gel. lib. 14. c. vlt.

Et quamuis primo quoque tempore præfectura  
vrbi tanto in honore fuerit, adeo vt Sabinus, Vespasi-  
ani Imperatoris frater, eam magni muneris & di-  
gnitatis loco tenuerit, & demum Pertinax ex præfe-  
ctura vrbi ad imperium prouectus fuit, & tunc illu-  
stres dicebantur. l. viros. C. de palat. sacra. larg. lib. 12.  
Sed post aliqua tempora, tam infimæ sortis habita, vt  
Heliogabalus omnes lenones ad hanc præfecturam  
prouehere destinauerit, & longo post tempore præ-  
fides in maiore dignitate positi fuerunt, vt in suo lo-  
co dicitur. Ideo tempora sunt distinguenda, vt supe-  
rius in aliis titulis dixi; & qualem inuenimus ipsam  
dignitatē hodie, prosequi est mihi in animo. De hac  
præfectura scribunt omnes Historiographi, & maxi-  
mè

*Differētia  
inter præ-  
fectū præ-  
torio &  
præfectum  
vrbi.*

*Præfecti  
vrbi au-  
thoritas.*

*Heliogaba-  
lus vrbi præ-  
fecturā de-  
honestauit.*



mè Láp. in Cōmodo. vbi triplicem vrbis præfecturā: scribit, videlicet præfectum vrbis, prætorij & prætorianorum, de quibus etiam Lāfr. in commenta. Reip. Ro. c. 2. & lib. 2. Imperat. etiam Valens Gratia. & Valent. sic statuerunt 1. *præfectura vrbis cunctis quæ intra urbem sunt, antecellat dignitatibus, & potestatibus: tantum ex omni parte deriuatis quantum sine iniuria atque detrimento alieni honoris usurpat.* C. eod.

## S V M M A R I A.

- 1 *Seruus à domino neglectus alere. fit liber.*
- 2 *Pœna triplex libertorum negligentium suos patronos egentes alere.*
- 3 *Exilium triplex.*
- 4 *Rex Francia non potest pœnam sententiæ ad eum delatæ, contra virum dignitate præditum, augere, sed bene minuire.*

LEX I. VLPPIANVS LIB. SINGVLARI  
DE OFFICIO PRÆFECTI VRBI.

**O**Mnia omninò crimina præfectura vrbi sibi vendicauit; nec tantum ea quæ intra urbem admittuntur: verum ea quoque quæ extra urbem, intra Italiam, vt epistola diui Seueri ad Fabium Cilonem Præfectum vrbi missa declaratur.

**E**T sic præfectus vrbis potest dici in genitiuo, vel datiuo: & hi de omnibus criminibus cognitionem omninò habebant, id est, sine aliqua exceptione, in omni casu, & in totum. vt exponit Iohan. And. in c. si nulla. de præb. in vj. glo. in extra. suscepti. de elect. §. 22. scripsi abundè in l. pecuniæ. ff. de verb. signific. Et hoc fuit à principio creationis, sed postea fuit detractum, vt inferius videbitur, nam quod in genere hîc docet, postea sigillatim enumerat.

Nec tantum ea, &c. ] Et sic ab origine huius officij cognoscebat præfectus vrbis de criminibus, quæ in vrbe committebantur, & de his etiam omnibus, quæ extra urbem, intra tamen Italiam.

Et sic olim hi vrbis præfecti, à quibusdā comparabantur locum tenentibus Regum, quibus ampla potestas erat, sed hodie est restricta: nec inspicimus primam horum officij originem, sed æquiparamus præfectos vrbis illis magistratibus, quibus datur primaria in ciuitate, & generalis potestas, & iurisdictio; vt sunt præpositi, viguerij, seu alij magistratus primarij, & qui priorè in ciuitate habet iurisditionem, & post eos Seneschalli, Bailliui, Gubernator, vel quo alio vocetur nomine. Et hi primarij iudices habent iurisditionem in vrbe, & extra quātū protenditur vrbis iurisdictio, & septaine, vt dicunt Bituriges, & Parisienses dicunt à la Bailliene, ou Preuosté, id est in districta, & (vt dicebatur) intra centesimum lapidem, id est quantum protenditur vrbis iurisdictio, ab antiquo sita.

Etiam hodie in hoc Regno distincta sunt officia. Nam quamuis hic vrbis præfectus cognosceret tam in ciuilibus, quam in criminalibus, tamen hodie vnus est præfectus in ciuilibus causis, alter in criminalibus, & vnus non debet iurisditionem alterius occupare. c. peruenit. xj. q. j. quod est verum in tribunalibus Seneschallorū, sed adhuc reseruata est iurisdictio primaria ipsis præpositis, & aliis, qui tamen non pote-

runt cognoscere de crimine læsæ Maiestatis, falsæ monetæ, portus armorum, nec de aliis casibus regiis, quorum cognitio olim ad Seneschallos, hodie ad Iudicē criminum, pertinet: vt patet in Constit. Reg. tit. des Seneschaux & tit. de la creation des Iuges & Lieutenans criminels.

Vt epistola diui Seueri, &c. ] Alij dicunt ad Fabium Culeonem, hîc legi debere, sed nihil refert: de hac epistola fit mentio in l. inter pœnas. ff. de interd. & relega. & in l. j. §. deportatos. de legat. 3. ac in l. aut damnum. in §. præfecto plane, de pœnis. l. fin. de offic. præf. vigil. sed in epistola Principis probet. dicā in l. metum. infra. quod met. caus.

Seruos qui ad statuas confugerunt, vel sua pecunia emptos, vt manumittantur, de dominis querentes, audiet. ] Officium præfecti vrbis est, audire seruos confugientes ad statuas Principum, & de dominis suis querentes. Nam qui ad statuas Principum, vel vitandi metus, vel creandæ inuidiæ causa confugerint, si certas habuerint causas, quibus confugere ad Imperatoria simulachra debuerint, iure ac legibus vindicentur. l. vnica. C. de his qui ad stat. confug.

Inde Vlpianus ait: *Idèd cognosce de querelis eorum, qui ex familia Iulij Sabini ad statuam confugerunt, vt vel si durius habitos, quàm æquum est, vel infami iniuria affectos esse cognoueris, venire iube, ita vt in potestatem domini non reuertantur.* l. ij. de his qui sunt sui, vel alien. iuris. ff.

Originem istarum statuarum refert Plinius li. 34. c. 4. & de multiplici genere statuarum scribit Lazius in commentar. de rep. Romano. lib. 9. c. 19. & quæ immunitas illis dabatur, dixi in tracta. immunita. ecclesiast. artic. j. in ij. tomo com. ad Constit. Reg. Gallic.

Audiet etiam seruos sua pecunia emptos, vt manumittantur. ] Si fortè dominus eos manumittere nolit. Sed quomodo sua pecunia emi potest seruus, cum nihil habere possit. l. placet. ff. de acquir. hæredit. Respon. sua pecunia emptus, quoad hoc dicitur, qui amici beneficio, vel liberalitate, vel prærogante eo, vel promittente, vel se delegante, vel in se recipiente debitum, redemptus sit; satis enim est, quod is, qui emptioni suum nomen accommodauerit, nihil de suo impendit. Vlpian. l. iij. ff. de manumissio.

Item de iure, post moram manumittendi factam libertas debetur, ex die quo peti potuit, quamuis petita non sit. l. cum verò. §. apparet. ff. de fideicom. libert. bonum tamen est, si coram iudice petatur, vt hîc: cum iudex sit iuris minister, & hoc peti coram præfecto vrbis debet, vt hîc. Nam in his, quæ ipso iure fiunt, requiritur saltem sententia declaratoria. c. cū secundum leges. de hæret. lib. 6.

Sed & patronos, egentes, de suis libertis querentes, audiet: & maximè si agros se dixerint, desideretque à libertis suis exhiberi. ] Certum est, vt docet Paul. de liber. agnosc. l. fin. in bonis libertorum superstitum, nullum omninò patroni, liberæ patronorum habent, nisi si tā infirmos se esse, tamque pauperes præsidibus probauerint, vt meritò mēstruis alimentis à libertis suis adiuuari debeant; idque ius ita plurimis Principum constitutionibus manifestatur. Et sic de iure ciuili tantum tenetur libertus alere suum patronum egentem, & agrum, non autem iure naturali, cum illo iure seruus cognita non esset. l. quod attinet. ff. de reg. iur.

l. ma

Confugiē-  
tes ad sta-  
tuas Prin-  
cipum.

Mora in  
manumit-  
tendo fa-  
cta.

Libertus  
tenetur  
suum pa-  
tronum e-  
gentem a-  
lere.

Præfecti  
vrbis qui-  
bus æqui-  
parentur.



1. I. manumissiones. de iustit. & iur. & de statu hom. Sic & dominus suum seruum alere tenetur, alioqui si eum relinquat, efficitur liber. l. vnica. §. sed sci- mus. C. de Lat. libertat. tollend. Nam Imperatoris Commodi constitutio ita profertur: *Cum probatum sit, contumelias patronos à libertis esse violatos, vel illata manu atrocius esse pulsatos, aut etiam paupertate, vel corporis valetudine laborantes relictos, primum eos in potestate patronorum redigi. & ministerium prabere dominis iubemus cogi: sin autē nec hoc modo, admoneantur, vel à præfide emptori addicentur, & pretium patronis tribuetur.* Modestinus in l. alimenta. in fin. ibid. de liber. agnoscend. vbi Imperator Commodus vult etiā ad præfidem pertinere, si præfectus vrbis negligat, ibi, nec hoc modo, admoneantur, vel in vrbe à præfecto vrbis, vel in prouinciis ad præfidem pertinebit ad- dicere.

Itaque præfectus vrbis, audit patronos contume- liis à libertis affectos, vel verberatos, aut si egestate laborantes liberti eos non aluerint, & poena triplex eis imponitur. Prima est, vt redigantur in pristinam seruitutem ratione ingratitudinis. l. ij. C. de libert. & eorum liber. Item cogi debent seruire, & ministeriū dominis præbere, vt ibi: & in tit. de minist. seru. adhuc si liberti non admoneantur ista seruare, nec redacti fuerint in seruitutem, tunc poterunt vendi etiam à Præfide, & emptori plus offerenti addici, & pretium dabitur patrono, qui prius ei dederat libertatem. Ita debet intelligi iste text. & d. l. alimenta. Et quot mo- dis sumatur verbum, exhibere, abundè scripsi in l. plus est in exhibitione. de verb. signific. ff. vbi pro, ali, & tractari, dixi accipi posse, & etiam pro suffragio, posse accipi, docet Fenestella.

Relegandi, deportandi que in insulam: quā Imperator assignauerit, licentiam habet. Igitur per istum textum præfectus vrbis habet po- testatem relegandi, & deportandi. Tamen Impera- tor assignare insulam debet, ad summum enim im- perium spectabat assignari insulas, in quibus conti- nerentur hi scelesti condemnati, ne si insulis excede- rent, contra Imperatores quicquam sinistri moliren- tur, & ne Barbaros adirent, & eos contra Imperatores iniuarent. & dicit Fulgo. verbum, assignauerit, non esse præteriti temporis, sed futuri subiunctiui, quia præfecto vrbis data est & deportandi potestas, quam- uis insula non fuerit assignata, quæ tamen post senten- tiam potest assignari, sed præses hoc non potest, de verbo, studuerit, an sit subiunctiui, & cuius effectus sit, scripsi in §. prætereā. de coll. in Concord.

Apud Fenestellam non sunt hæc verba tex. quam Imperator assignauerit, quæ sunt addita à composi- toribus, & verbum, assignauerit, est præteriti tempo- ris subiunctiui, vt in l. ij. ff. quando appel. sit. volens di- cere præfectum vrbis habere potestatem relegandi, & in insulam deportandi, quam Imperator assigna- uerat, non verò in aliam, extra fortè suam prouinciā consistentem, vt inferiùs dicitur.

Sciendum est præfectos vrbis habere ius relegan- di, & deportandi, & si per sententiam aliquem depor- tandum pronunciaissent, statim lata sententia condē- natus erat infamis, nec poterat legatum, vel fidei com- missum relinquere, nec testari. l. j. §. hi quibus. de le- gat. iij.

Sed præses prouinciæ non habebat ius deportandi. l. ij. §. j. ff. de poen. Sed si delinquens commisisset falsū,

aut peculatum, ex quorum criminibus admissō vno vel alio deportandus esset, vt l. iij. ff. ad leg. Iuliam pe- cul. & in tit. de public. iudi. in Inst. solebat præses sen- tentias consiliariorum, vel aduocatorum exquirere, an hic deportandus esset: & tunc habita plena & cu- mulata consiliariorum, aut pragmaticorum senten- tia, ipse decernebat ad Imperatorem scribendum, vt ipse deportaretur, & Imperator conclusam à Præsi- de sententiam, nondum tamen prolatam, confirma- bat, & insulam assignabat, & demum præses pronū- tiabat sic: pronuntiamus talem deportandum in talē insulam, ab Imperatore ad hoc assignatum. ista pro- bantur in l. j. in princ. ff. quando appell. sit.

Nec poterat præses prouinciæ pronuntiare quem deportandum, antequā Principi ostendisset, & Prin- ceptis approbasset: sed tantum pronuntiabat præses scribendum esse Imperatori, vt ille accusatus depor- taretur, si ipsi bonum visum esset. Et tunc Imperator rescribebat, vt deportaretur, assignabatque insulam. & hoc Vlpian. plenè explicat in d. l. j. vbi sic conscri- bitur: *Siquidem in insulam deportandum annotauit præses prouinciæ (id est decreuerit, nec tamen pronuntia- uerit) & Imperatori scripserit, vt deportetur, videamus quando sit prouocandum: utrum cum Imperator scripserit, an cum ei scribitur? Et putem tunc esse appellandum cum recipi eum præses iubet, sententia prolata, Imperatori scribendum, vt deportetur.* Caterum verendum est, ne serò sit, vt tunc prouocetur, cum Imperator insulam ei as- signauerit: comprobata enim sententia Præsidis, tunc so- let insulam assignare. & c. Idē Vlp. (ff. de inter. & releg. l. inter.) scribit. *Præsides itaque prouinciæ quoties ali- quem in insulam deportandum putant, hoc ipsum adno- tare debent, nomen verò eius scribendum Principi, vt in insulam deportetur: sic deinde Principi scribere missa plena opinione (id est missō pleno suffragio, & opinio- ne singulorum, qui hunc deportandum censuerunt) vt Princeps aestimet, an sequenda sit eius præsidis senten- tia, deportari que in insulam debeat, & c. probat Vlpia. in l. prima. §. deportatos. ff. de leg. iij. & sic planè po- terit intelligi iste text. licet iurium interpretes aliter intelligant.*

Relegare verò in insulam Præsides prouinciæ possunt, sic tamen, vt siquidem insulam sub se ha- beant, id est ad eius Prouinciæ formam pertinentem, quam administrant, etiam insulam specialiter assi- gnare possunt, inque eam relegare. l. relegatorum. de interd. & releg. & puto prouinciā dici pertinere ad formam eius prouinciæ, id est ad territorium seu ter- minos; nā forma & terminus prouinciæ habet hāc in- sulā sub se. vnde Iuris. exponit, insulam ad prouinciæ formam pertinere, id est quæ est sub se; & è contra- rio, quæ non est sub se, non pertinet ad formam pro- uinciæ, & interdum relegatur quis in insulam, inter- dum simpliciter: si in insulam quis relegatur, insulā ei egredi non licet. l. relegati. ff. de interd. & releg. vbi Martia. ait exilium triplex esse, aut certorum locorū interdictio, aut lata fuga, vt omnium locorum, præ- ter certum locū, aut insulæ vinculum, id est relegatio in insulam.

Si verò insulam non habeant, pronuntient quidē in insulam se relegare, scribent autem Imperatori vt ipse insulam assignet: & sic pronuntiare præses pote- rat quem relegandum in insulam, etiam si non habe- ret, sed non poterat pronuntiare deportandum, nisi Princeps hoc approbauerit, vt superius dictum fuit:

secus

Præsides prouinciæ quomodo in insulam relegare possint.

Potestas præfecti vrbis.

3



secus in præfecto vrbi, per istum textum.

Et sic faciunt iudices supremi Franciæ, quando eis datum est negotium cognoscendi contra Cancellarium, Præsidentem, vel alium virum magna dignitate præditum, vt postquam concluderint, habita singulorum sententia, mittant ad Regem, an illam conclusionem sequi velit, & Rex scribit, quid sibi faciendum visum fuerit: non tamen potest Rex pœnam augere, quia non potest in fontem damnare, & ille qui ex consilio damnatus est, iuste damnatus præsumitur, ideò quod additur, sine cognitione causæ, iniuste præsumitur, & ex affectione factum, sed pœnam minuere potest. l. interpretatione. ff. de pœnis. de quo alias consului.

Præsides nō  
possunt re-  
legare in  
insulam, quæ  
non est sub  
se.

Non poterunt tamen Præsides damnare in eam insulam, quam in ea prouincia, in qua præsumunt, non habent. Et sic Præsides Aurelianensis non relegat in insulam Parisiensem. Sicut autem relegare in insulam cuiusquam, quæ non est sub se, id non pertinet ad formam prouinciæ, & id non potest. Ita neque in prouincia quidem relegandi ius habet, quæ non est sub se, fortè Præsides Syriæ in Macedoniam non relegabit, sed intra prouinciæ suam potest relegare. idem Vlpia. in d. l. relegatorum. ff. de interd. & releg.

Et sic ex hoc text. colligitur, præfectum vrbi olim maiorem habuisse potestatem, quàm Præsides, licet hodie prouinciarum Præsides maiorem obtineant potestatem, quàm Primarij iudices vrbi, saltem in hoc regno. vt est in Constit. Reg. cautum tit. *Des Seneschaux, Baillifs, & Lieutenans.* & inferius dicitur. in tit. de offic. Præsident. Ideo quicumque voluerit soluere contraria, oportet distinguere tempora. Nam multo tempore magistratui vni concessa sunt, quæ non alij, & olim maior potestas, hodie non tanta, quia diuersitas temporum diuersitatem inducit rerum. c. non oportet. de consangu. & cap. quia diuersitatem. de concess. præb.

## S V M M A R I A.

- 1 Verba enuntiatiua probant, si super his Principis intentio fundata sit.
- 2 Verbum. Committo, quem effectum habeat.
- 3 Concesso castro, & iurisdictioni territorio inherens concessa videtur.
- 4 Notionis nomen ad quos pertineat.

§. In initio eiusdem epistolæ ita scriptum est.

**C**olligitur referenda verba, quæ declarare volumus, vt Iurisconsult. hic facit, vt facilius mens intelligatur, sic solet facere Vlpia. in omnibus edictis prætorum. Hoc edicto prætor ait, &c. vt patet in titulis, vbi edicta prætorum extant. vt ff. quod metus caus. de dolo. & in omnibus alijs. facit l. item veniunt. §. aptanda. infra. de petit. hæred. sic volui ego, textus Iurisconsult. conscribere, cum interpretatione.

Cum urbem nostram fidei tuæ commiserimus. ] Ex hoc textu habemus Imperatorem committere præfecto vrbi urbem, non autem simpliciter prætorium vrbi, vt superius dictum fuit, etiam ab hoc præfecto vrbi recipiebatur appellatio, ab alio verò præfecto prætorio, non, vt in titulo proximo diximus.

Appellare  
licet à præ-  
fecto vrbi.

Ex his apparet præfecturam Romæ triplicem fuisse, urbanam scilicet, à qua instar Principis cuncta pendebant, & cui cohortes urbanæ subiectæ fuerant: deinde præfecturam prætorianam, quæ & prætura dicebatur, & iuris dicendi facultatem habebat, adhuc præfecturam prætorianorum, à qua cohortes prætorianæ, leges, & iussa accipiebant: ita videlicet, quod sicut is Romanam in vrbe militiam regebat, ita prætor vrbi iudicia complebat, præcipue in criminalibus, & ludos dare solebat. Præfectus denique vrbi (qui & cæteris in initio eminentior fuerat) totius Romanæ ditionis tam intra urbem, quàm extra, in Italiæ aliquot loca summam tenebat: & in ciuilibus, cum inter ciues, tum inter peregrinos, qui eò confluebant, facultatem iudicandi, causam plenam habebat. vt Lampridius in Commodio narrat, & Laz. in Comment. Reipub. Rom lib. 2. c. 2.

Item Bar. adducit ipsum textum ad hoc, vt verba enuntiatiua prolata à Principe fidem plenam faciant, quod non probat iste text. Nam Vlpian. refert hinc epistolæ verba, quæ exponit. & in clement. vnica. de proba. dicitur, enuntiatiua verba probare, si super his fundetur Principis intentio, vt plenè scripsi in Concor. tit. de subla. literis. Etiam Bart. dicit per verbum, committo, dari plenam & liberam potestatem iurisdictionis, quod est verum, si respiciat iurisdictionem. Nam si Imperator committat sua negotia vrbi alicui, cum procuratorem constituit. l. j. ff. de offi. procur. Cæsar. l. j. de procurat. Et si committat alicui exactionis negotium, non committit iurisdictionem. vt in tit. seq. dicitur, de hoc verbo, committo, docui in l. inter stuprum. §. j. ff. de verb. signific.

Sed, an si quis donet ciuitatem, videatur donare & merum imperium? sunt qui hoc affirmant per istum textum, alij verò contrà. ego autem dicam in l. imperium. de iurisd. omnium iudic. casus distinguendo vbi Bar. & aliorum reprobaui distinctionem, imperij videlicet maximi, magni, & parui: quia confundit ingenia adolescentium, & iure non probatur, vt ibi abundè explicabitur.

Et istum textum in verbo, fidei tuæ, audiui adduci contra præpositum vrbi, qui dicebatur in fide suspectus. Ideò procurator Regius dicebat fidei suæ urbem committi non posse, cum fidem nullam haberet, vel suspectam, vnde hodie solet, antequam vni prouideatur de officio, inquiri de vita & moribus: sed hæretici pro hæreticis deponunt fortissimè, vt superius scripsi. Vnde ergo illis qui totam Christianam Rempublicam perturbant, & labefaciunt.

Quicquid igitur intra urbem admittitur, ad præfectum vrbi pertinere videtur. ] Ex hoc text. colligitur, paria esse committere urbem, vel quicquid est intra urbem: vel committere domum, & quicquid est intra domum. Nam indefinita æquipollet vniuersali, per istum textum. & l. si pluribus. ff. de legat. 2. & cap. vt circa. de election. in Sexto. vbi est bona glossa. quam dicit Bartol. veram, quando est eadem ratio omnium particularium, alias non. Quæ sunt intra urbem & extra, spectant ad præfecti vrbi cognitionem.

Ex hoc Doctores inferunt, quod si Rex concedat castrum, vel ciuitatem, iurisdictionem quoque territorio inherentem videtur concedere, per istum textum. quia accessorium naturam principalis sequitur. l. cum principalis. ff. de regulis iuris. facit l. si aquædu

Donatio ci-  
uitatis quid  
comprehen-  
dat.

Hæretici  
pro hæreti-  
cis validis-  
sime testes.

Præfecti  
vrbi cogni-  
tio.



aqueductus. ff. de contrahend. emptio. & l. secunda. C. de bonis vacant. lib. 10. scripsi in l. ij. ff. de verbor. significat. & in l. imperium. infra. de iuris. omni. iud.

Nec disputo quod Accursius hic scribit, videlicet ubi Papa est, ibi & Roma. glos. & Doctor. in cap. 2. & cap. presenti. de prabend. & dignitat. in 6. sic ubi Rex est, & curia Regis. Et sic beneficium dicitur vacare in curia, quando vacat in eo loco, ubi est Papa, vel intra duas dietas. d. cap. presenti. Et an donatio facta per Constantinum Papae Siluestro, valuerit: cum tot interpretes in hoc torqueant sua capita, hoc dicam, etiam si donatio non valuisse, longinquitas temporis, Ecclesiam saltem Romanam tueretur. vide l. fin. ff. de constit. Princip. & an Rex de rebus sui Regni donare possit: non posse dicitur in cap. intellecto. de iureiurand. & per Doctor. in l. pactionibus. C. de pact. & Corser. in tract. de potestat. Regia. q. 62. ac 75. & Albertus Brunnus in consil. 12. in materia feudo. & Benedict. in c. Raynuitius. in verbo, & uxorem. nu. 270. cum seq. de testam.

Donatio facta per Constantinum Papae, an valuerit.

Cognitio criminum.

Sed quoad Vicarium Episcopi, vel Officiale, criminum cognitio non videtur concessa, nisi exprimat. facit cap. 2. de offic. Vic. in 6. Scripsi in forma Vicariatus, in praxi benef. in 1. parte. & an urbis nomine veniat comitatus, tractavi in l. ij. ff. de verbor. significatione.

Quousque urbis praefectus et us cognoscat.

Sed & si quid intra centesimum miliarium admissum sit, ad praefectum urbi pertinet. ] Hic terminatur praefecti urbis cognitio, videlicet, ut tantum cognoscat in urbe, & intra centum miliaria. Miliarium seu miliare dicitur terrae spatium mille passus continens. l. ij. vbi plenè docui. ff. de verb. signific. Et sic quod in principio dixerat praefectum urbis habere iurisdictionem intra urbem, & extra, intra Italiam, intelligitur, intra videlicet centesimum miliarium, & non ultra, ut sequitur, quid ista dictio, intra, significet, plura scripsi in l. si quis sic dixerit. ff. de verb. signific. quae hic non repetam.

Sed si ultra ipsum lapidem, egressum est, praefecti urbi notio non est. ] Ecce quod dixerat intra centesimum miliarium, nunc dicit centesimum lapidem: quia in quolibet miliari veteres lapidem figere solebant, quod peregrinantibus & iurisdictioni prodesse poterat. ut Marcellus libro 17. ait: *Emens siq. aestimatione decimi lapidi. cum prope syluum venisset, &c.* Et sic colligitur quod extra, nullam habet iudex iurisdictionem. l. fina. ff. de iurisd. omnium iudicum. Ideo veteres disiungebant lapidibus territoria, ne confunderentur iurisdictiones, teste Marcello ibidem. Defertur in vicum Alexandri tertio lapide ab urbe seiunctum, ut Marcellus ait lib. 25. ibi: *Vnde cognitio per porrectam planiciem ad usque lapidem septuagesimum, in regionibus aridis, nec aquam invenire potui. salsam, &c.*

Et sic praefectus urbis cum exierit urbis terminos, potestatem non habet extra urbem, sed iubere iudicare potest. l. finali. infra. eodem. dicam in l. 3. de offic. Praefidis. infra. & l. cum qui. de iurisd. om. iud.

Nisi contra subditum, qui deliquit extra suam iurisdictionem adhuc praefectus urbis cognoscere poterit contra eum. l. j. C. vbi de crimin. agi oporteat. Vnde si nullus contradicat, & dubitetur ubi commissum fuerit delictum, ipse etiam cognoscere poterit: cum iurdictio sua de iure communi per hanc legem fundata fuerit.

Aduertendum est, quod sicut veteres, lapides figebant, ita etiam cippos. Cippi autem erant apud veteres columnae, siue lapides secus publicas vias in terminis agrorum positi, in quibus militarium hominum inscriptiones, ac tumuli siue tumbae erant. ut Eusebius libro 1. de vita Constantini, scribit. Sunt qui palas & cippos inscriptos, sempiternam commendationem virtutis eorum, quos habent, annotantes, conferre crediderint. & idem libro 4. Constantini conscribens sepulturam & basilicam ab eo aedificatam, ait: Duodecim sepulchra fecit Apostolici chori, cippis excelsis, urnam suam in medio collocavit, vtrinque senis Apostolicis.

Erat autem mos militibus, aliquam agri portionem mercari pro se, & suis contubernalibus, quae emptio dupliciter fiebat, aut enim pro se & suis heredibus, aut pro se, & suis contubernalibus. Idque, ut vel haeredes ius condendi suas urnas, cipposque statuendi istis haberent: aut non, ubi minoris emeret quispiam pro seipso & coniuge solum, & tum istis literis saxum notabatur, H. M. H. N. S. id est, hoc monumentum, haeredes non sequitur: alioqui exprimebatur, quod monumentum sequeretur haeredem. Nam si cognatio erat finita, extraneus non potuisset in illo monumento sepeliri, nisi hoc expressum esset, quod facit ad ea quae scribunt Doctor. quid veniat appellatione cippi. Et dicunt illos venire qui per lineam masculinam descendunt. ut in l. finali. C. de verborum signifi. Perus. in cap. si pater. de testament. libro 6. quod ex superioribus rectè dignosci potest, quicquid dicant interpretes.

Postremò in text. habetur: Praefecti urbis notio non est. ] Vlpian. dicit: notionis nomen ad eos pertinere, qui iurisdictionem non habent, sed habent de quavis alia causa notionem. in l. v. ff. de re iudic. quod est verum, quando notio respicit ad eos, qui iurisdictionem non habent, sed si ad eos notio refertur, qui iurisdictionem obtinent, tunc cognitionem cum iurisdictione denotat. ut hic in l. prima. §. de his. ibi, Praetoris erit vel Praefidis notio. ff. de separation. unde idem Vlpian. ait: Notionem accipere possumus & cognitionem, & iurisdictionem. in l. notionem. vbi abundè scripsi. ff. de verb. signific.

#### S V M M A R I A.

- 1 Adulterum uxoris viro cordato gravius, quam mors filiorum.
- 2 Iudex urbis primarius potest cognoscere de possessione per praevencionem in regno Galliae.
- 3 Causa possessoria inter nobiles in regno Galliae tractanda est coram Seneschallo, vel Praefide Provinciae.

§. Si quis servum suum adulterium commisisse dicat in uxorem suam, apud Praefectum urbi erit audiendus.

ET sic in criminalibus, erat etiam praefectus, ut de adulteris cognosceret. Nam servos adulterij accusari posse, nulla dubitatio est. ut docet Vlpian. in l. servos. ff. de accusat. Imò Venul. ait: *Omnibus legibus servus rei sunt, excepta lege Iulia de vi privata, quia ea lege damnati partis terciae bonorum publicatione puniuntur:*

Cippi, sunt lapides prope publicas vias.

Mos militaris in commendando.

Cippi appellatione, qui veniunt.

4



*puniuntur: quae poena in seruum non cadit. Idemque dicendum est in ceteris legibus, quibus pecuniaria poena irrogatur, vel etiam capitis ( id est, aestimationis ) quae seruorum poenis non conuenit, sicut relegatio. l. hos accusare. §. omnibus. ff. de accusat. & hoc adulterium canon. interpretes inter grauius crimina enumerant. in cap. at si clerici. §. de adulteriis. de iudic. Conqueri ergo potest dominus, quia grauius est nobili, & cordato viro adulterium vxoris, quam mors filiorum. l. penultima. §. matre. ibi, scis vnum fratrem tuum, filium nostrum occidisse, dum ei rapinam faceret, & alia mihi deteriora fecit. ff. de legat. 2. Sed homini vili & ditari cupienti, mors filiorum deterior est. l. finali. §. primo. ff. de publica. ibi, vxorem corrupisse domini dicatur, aut aliud grauius quid admisisse.*

Item, dum iste text. ponit, dicat commisisse, suppleant interpretes, & prober, sed hoc intelligitur sine additione. per l. qui se dicit. ff. de iud. & in l. prima. si quadrupes paup. fecit. dic. Alibi dixi esse phrasin Iuriscons. vt habeant hoc pro expedito, quando scribunt, si quis dicat, &c. in l. iij. §. finali. ff. de verbo. significatione.

Sed etiā ex interdictis, Quod vi aut clam, aut interdicto vnde vi audire potest. ] Quamuis praefectus vrbis, & sic praepositus, vel iudex vrbis primarius cognoscere possit de interdictis, & sic de possessorio per prauectionem in hoc regno, vt est in Constit. Reg. Galliae constitutum. Tamen, si moueatur causa possessoria inter nobiles, vel contra nobilem super castro, vel feudo, etiam ab ignobili, causa coram Seneschallo, vel Praefide provinciae est tractanda, ex Regis constitutione. Ordin. 27. artic. 19. titul. des Seneschaux. & alia inueni in hoc text. haec verba: Neque est alienum, ab eius potestate, vt coram ipso interdictum, quod vi aut clam exerceatur, id est, vt ipse praefectus cognoscat de interdictis, quae vi aut clam, vt per totum ff. quod vi aut clam; & de aliis, vt dixi, in hoc regno iudices primarij cognoscunt. licet hic in his duobus esset tantum expressum, vel nisi aliud esset consuetum.

## S V M M A R I A.

- 1 Tutor ob dolum remotus, est infamis.
- 2 & 3 Tutela munus data pecunia acquires, vel in fraudem pupillorum bona alienans, vel minuens, ad praefectum vrbis puniendus remittitur.
- 3 Tutor mentiens se aliquid habere ad alendum pupillum, extra ordinem à praefecto vrbis puniendus.

§. Item solent ad praefectum vrbi etiam tutores, vel curatores remitti, qui malè in tutela siue cura versati, grauiori animaduersione indigent, quam vt sufficiat eis suspectorum infamia: quos probari poterit, vel nummis datis tutelam occupasse, vel accepto praemio operam dedisse, vt non idoneus tutor alicui daretur: vel consultò circa edendum patrimonium quantitatem minuisse; vel euidenti fraude pupilli bona alienasse.

**A** pud Feneftellam sic legitur: Solent item ad praefectum vrbis tutores, curatoresque remitti, qui malè in tutela curaue versati fuerant: quique grauiore animaduersione, quam vt suspectorum crimen incurrant, indigent: quos probare possimus datis nummis, tutela seu accepta mercede, operam dedisse quominus idoneus tutor assignaretur alicui, vel consultò circa edendum patrimonium eius quantitatem minuisse; sine euidenti fraude pupilli bona alienasse, & in idem recidunt.

Sciendum est, quod si tutor postulabatur suspectus, & sic remouendus, hoc ius remouendi suspectos tutores, vel curatores Romae, praetoribus competeat. In provinciis verò Praesidibus provinciarum, Proconsulibus, & eorum legatis. l. j. §. damus. ff. de suspect. tutor. & §. j. illo titulo. in Instit.

Sed si quis grauiore animaduersione indigeat, quam infamia ob remotionem, id est, si quis tutor puniri debeat, ob facta atrociora in tutela admissa, apud praefectum vrbis puniatur, & ad eum remittitur. dicta l. prima. in fine. de suspect. tutor. non apud Praetores, aut Praesides, qui tantum cognoscebant, vt remouerent quem suspectum, & ille suspectus remotus ob dolum infamis est, si ob culpam non aequè. §. suspectus. de suspect. tutor. in Instit. Itaque si non satis sit suspectum tutorem cum infamia remouere, sed eum quoque punire graui poena oporteat, praefecti vrbis est cognitio, vt hic. vnde Martia. ait, ff. de tutel. l. in eos extra ordinem animaduertitur, qui probantur nummis datis tutelam occupasse, vel pretio accepto operam dedisse, vt non idoneus tutor daretur, vel consultò in edendo patrimonio quantitatem minuerint, vel euidenti fraude pupillorum bona alienassent. Item Vlpian. ait: Libertus quoque si fraudulenter gessisse tutelam filiorum patroni probetur, ad praefectum vrbis remitteretur puniendus. l. secunda. ff. de suspect. tutor. Idem, si quis praesens negat propter inopiam alimenta posse decerni, si hoc per mendacium dicat, remittendum eum esse ad praefectum vrbis puniendum, sicut ille remittitur, qui data pecunia ministerium tutelae acquisiuerit, vel redemerit. Iustinianus in §. sed si quis. de suspect. tutor. in Instit. Tamen praetores solent facere circa eos, qui negant habere ad alendos pupillos penes se aliquid, vt quicquid constiterit penes eos esse, eius grauissima vsura pendatur, & hoc persequi oportere iudicem palam est, eum & alia poenae adiectione. l. tutor qui repertorium. §. idem solent. ff. de administ. tutor. Est igitur differentia, quando tutor negat se habere aliquid ad alendum pupillum. Nam praetor apud tutorem inquirat, & si quicquam inuenire statuit, vt pupillus alatur, & vsura grauissima pendatur. Si verò praetor non inquisierit, sed ille tutor mendacium protulerit, tunc quia grauius tutor deliquit, ad praefectum vrbis remitteretur puniendus. vt in d. §. sed si quis. de suspect. tutor. & l. tertia. §. tutor qui illo titul. Bart. hic dicit tutori non facienti inuentarium, non decernendam esse administrationem, quomodo ergo poterit remoueri? & respondeo remoueri eum à tutela, & non ab administratione. l. prima. ff. de suspect. tutor. Et effectus est, quia poterat, antequam remotus sit inuentarium conficiendum conficere, & iterum suscipere administrationem rerum, per decretum iudicis, sed postquam à tutela remotus est,

*Malè versati in tutela curaue ad praefectum vrbi remittuntur.*

*Ius remouendi suspectos tutores vel curatores.*

*Ad praefectum vrbis qui remittendi.*



Admini-  
stratio tuto-  
ri, non con-  
fecto inuen-  
tario decre-  
ta, auferen-  
da.

non poterit iterum tutelæ insistere. l. tutores. C. de administrat. tutor. l. finali. arbit. tutel. Etiam licet non possit decerni administratio tutori, nisi legitime conferat repertorium, si tamen fuerit decreta, ab eius administratione remoueri debet postea, cum hoc compertum fuerit, & idem si postea bona pupilli au- geantur, & tutor illa non conscribat, remoueri po- terit. vt Bart. hic firmat. quem interpretes sequuntur.

Et non solum in his casibus remittitur tutor pu- niendus ad præfectum vrbs, verum in omnibus aliis casibus, in quibus est graue delictum, & poena est imponenda, vt probatur in §. cum patronus, infra, ibi: Vel quid huic simile obicit. Nam prætor tan- tum tutores remouebat, non autem puniebat, sed præfecti vrbs erat castigatio, & poena arbitraria per hunc textum, ibi, extra ordinem. de quo abundè scripsi in l. pupillus. §. munus. ff. de verbor. signific. & relinquitur poenæ impositio arbitrio præfecti vrbs. l. nisi. in fin. C. de administ. tutor.

Et sic ad iudicem causarum ciuiliu cognitio tu- telarum pertinet, si agatur de remotione tutorum, vel aliàs ciuilitè, secus si criminaliter agatur, vt & tutor puniatur, docet hic Bart. quod potest in Fran- cia vsui esse, eo quod magistratus sunt distincti.

Sic videmus in ordinatio. Regi. ad Seneschallos & Bailliuos dationem tutorum quoad pupillos no- biles pertinere, si verò pupilli ignobiles sint, ad præ- positum & præfectum vrbs spectat, vt constat in tit. des Seneschaux, Baillifs, &c. ordin. 27. artic. 6. Et sic ex Constit. Reg. non posset præfectus vrbs, utpote præpositus, & iudex primarius contra nobilium tu- tores cognoscere, nec eos punire. Nam postquam ordinatio excepit dationem, sic & remotionem, & coercitionem. Qui enim dare potest, potest & re- mouere. l. iij. ff. de re iud.

Tutor non  
faciens in-  
uentarium,  
dicitur in  
dolo esse.

Item Bartol. hic dicit, in dolo esse tutorem, qui nullum fecit inuentarium, si tamen fecerit, & aliqua omiserit, non præsumitur dolo hoc fecisse. l. tutor qui. ff. de administ. tutor. Nam ignorantia in dubio præsumitur. per reg. iur. & l. verius. ff. de probat.

Nec iuuat illa clausula in inuentario conscripta: vt si inueniantur aliæ res, voluit eas pro scriptis ha- beri, nisi appareret de ignorantia tutoris. arg. l. chiro- graphus. ff. de administ. tut. & l. iij. C. de bon. vacan. lib. 10. & d. l. fin. arbit. tutel.

#### S V M M A R I A.

- 1 Pater filios vel filias peccare cogens, patria potestate priuandus.
- 2 Hospes ancillam ad turpia adigens, furca damnatus.
- 3 Ad numularios spectat improbam monetam fran- gere.
- 4 Improbata moneta apud numularios inuenta, est con- fiscanda.
- 5 In excommunicatione scienter per annum remanens, velut hereticus condemnandus est.
- 6 Iniuria filiis facta, censetur patri illata.
- 7 Seruus non potest domini sui crimen deferre.

§. Quod autem dictum est, vt seruos, de dominis querentes, præfectus audiat: sic accipiemus, non accusantes dominos

(hoc enim nequaquam seruo permitten- dum) nisi ex causis receptis.

ET sic præfectus vrbs audire debet seruos con- querentes de dominis suis, non autem audiet seruos accusantes dominos, nisi in casibus exceptis. vt in l. vix certus. ff. de iudic. sed audiet eos, vt se- quitur.

Sed si verecundè expostulent, si sæuitiam, si duritiam, si famem, quæ eos comprimat: si obscenitatem in quam eos compulerint, vel compellant, apud præfectum vrbs expo- nant. ] In his ergo casibus serui audientur. Primò, si verecundè postulent, non ergo ex malitia. Nam ac- cusatio ex malitia serui prouenire censetur, qui cum debeant domino obsequium. l. j. & per totum. ff. de obseq. si illum impetere & diffamare velint, non de- bent audiri, nisi cum pudore, & reuerentia postulent: sic nec filij aduersus patrem. §. poenales. vbi not. de actionibus, in Instit.

Serui quan-  
do audiendi  
sint.

Secundò, si sæuitia, vt si dominus sæuiat in eos. in l. secunda. ff. de his qui sunt sui vel alieni iur. vbi dixi. & §. finali, in Institut. illo titulo. Sæuitia dicitur crudelitas, quæ in seruos, vel alios exercetur. in dicta l. secunda.

Tertiò, si duritia, id est, si inhumaniter dominus eos tractet, & durus dicitur dominus immitis, qui neque precibus, neque misericordia sedari, vel mol- liri queat: sed est morosus, asper, & crudelis. vnde Papinian. ait l. sepulchrorum, iura per heredem fieri non possunt duriora, vel deteriora. ff. de statu liber. nec deterior serui conditio. l. generaliter. in fine. ff. de fideicommiss. liberta. Et hanc sæuitiam, non placere Deo, probaui in dicta l. secunda. de his qui sunt sui vel alieni iuris.

Quartò, si fame eos comprimat, id est, si eos non alat, vt necet. nam necare videtur, qui alimenta de- negat. l. necare. ff. de libe. agnoscen. & Bar. teste, acu- tissimus ensis & gladius esset fames. Serui tamen non sunt alendi pane & vino domini, sed caseo, fa- bis, cæpis, & aliis obsoniis secundum qualitatem personæ. l. seruis vrbis. ff. de legat. 3. Sciendum est, quando fames & penuria comprimit mundum, id ex iusta ira Dei aduersus humanos descendere, qui se in pauperibus, si non accipiant eleemosynas, frau- dari loquitur sua possessione. cap. reuertimini. versu- culo, si quando. decimosexto. quæstione prima. & pauperes, qui hoc tempore coacti sunt vendere bona sua, facile à Principe releuari debent, vt restituto pretio bona vendita sic reciperent, docet Chassan. in consuet. Burgund. in tit. de Iustice. in glo. s'il n'a grace. num. 21. §. 5.

Quintò, præfectus vrbs cognoscit, si dominus seruos ad obscena compellat, id est, ad turpia. Nam seruus, vel libertus non tenetur, nisi ad ope- ras honestas, & quæ sine periculo vitæ præstari possunt. l. eius. & l. hæc demum. ff. de oper. libert. & si dominus ad inhonesta cogat, compellitur cum ven- dere bonis conditionibus. dicta l. secunda. ff. de his qui sunt sui vel alieni iuris. & pater imponens pec- candi necessitatem filiis, vel filiabus, patria po- testate priuatur. l. si lenones. Codic. de Episcopo- rum audientia. Sic etiam audiui hospitem furcæ 2  
damna

Seruus  
in hone-  
stas  
operas  
tenetur.



damnatum, quòd ancillam ad turpia adegisset, & certè hi lenones morte d'ummandi sunt, vt in authen. de leno. col. 4. Et quamuis iudices Franciæ sub dissimulatione transeunt, nescientes vxores suas, & filias ab his venundari posse: quia damna suæ domus sciunt vltimi, & fortè nunquam: sed de hac negligentia Deo saltem sunt reddituri rationem.

Ibi, **Compulerint, vel compellunt.** Allegatur præteritū excludere præsens, fuimus Troës, &c. fuit meretrix. Et facit iste textus ad sententias iudicium, in quibus dicitur: Priuauimus, & priuamus: deposuimus, & deponimus per præsentem, &c. & iudices sæculares dicunt: *L'auons receu, & receuons, l'auons condamné & condamnons, &c.* [Recepimus, & recipimus, damnauius & damnamus, &c.]

Hoc quoque officium præfecto vrbi à diuo Seuero datum est, vt & mancipia tueatur ne prostituantur. Sic legitur per Fenestellam. Id quoque iniunctum est huic magistratui à diuo Seuero, vt mancipia tueantur, ne prostituantur.

Colligitur ex hoc text. ad præfectum vrbi spectare, ne in his tabernis hospites ancillas habeant, quas passim prostituere multi permittunt, & hoc frequentissimè inquirere debent: quia hoc solent plurimi hospites, & maximè caupones, vt plures in eorum hospitibus diuersentur, & ad eos cōfluant. Idèd non debet tutor suas pupillas hospitibus locare, vel tabernis, quia satis videtur prostitui ea, quæ in caupona tenentur, vt docet Bal. per illum text. in l. si. C. si mancipium ita veneat, ne prostituatur. & l. quæ adulterium. C. de adulter. vide Spec. in tit. de adult. & ibi Ioan. And. in add. ad eum.

Propterea curare debet præfectus vrbi, vt nummularij probè se gerant, circa omne negotium suum, & temperent ab his, quæ sunt prohibita. Ex hoc text. colligitur, ad præfecti vrbi curam spectare, vt nummularij, id est, campsores rectè se agant in suo officio, hi pecunias scenerato dant, & quia multi soliti erant pecuniam quandoque reprobam dare, & aliàs abuti suo officio, ideo in hoc regno facta est constitutio regia statuens, vt nullus officium nūmularij, vulgò *de Changeur*, habere in regno præsumat, sed illud à Principe impetret, qui probos & reipub. vtilis eligeret, & literæ ita dirigi debent generalibus monetarum, & postea stationem, seu mensam in loco publico habere debent, vulgò *leurs tabliers ou bureau*, vt est in constitutione 8. in titulo *des monnoyers*. Etiam ad eos pertinet monetam eis improbam oblatam frangere, ne quis amplius eam exponat, sed reddere sic fractam parti debent. l. j. C. de pondera. & auri illatio. libro 10. Iacobus Rebuffus in l. j. de veteris numisma. potesta. lib. 11. & si moneta improba apud nummularios inueniatur, erit confiscata, vt ibi statuitur.

Alij sunt nummularij, quos vulgò *bancquiers* vocant, & Græci *τραπεζίταις*, hi expeditionibus beneficiorum præpositi sunt, & tenentur conficere libros, in quibus scribant, quo anno, mense, & die, Romam miserunt, quòne die negotium etiam expeditum fuit Romæ, & diem receptionis signaturarum, & bullarum, vt est in Constitut. Reg. in titul. *de la reformation des prouisions*. artic. 5. & sequent. & hi videntur differre ab argentariis, quos veteres habebant. l. penult. infra eodem. in l. si quis ex argentariis. infra. de edendo. & ex epistola diui Adriani poterat præ-

fectus vrbi adiri ab argētariis, vel aduersus eos, quæ cognitio postea prætori demandata fuit. l. vbi. & l. quædam. ff. de eden. Quidam etiam nummularios vocant monetarios, qui pecuniam cudunt. l. j. C. de Fabricen. libro 11. & de his omnibus curat præfectus vrbi, vide quæ dicam in l. prætor. infra de eden. sed hi monetarij in Francia suos habent iudices, vt patet in tit. *des monnoyers*. in Constitut. Regiis.

Ibi, **Omne negotium.** Notandum artificem in omnibus & singulis negotiis se probè agere debere: Nam qui in vno deficit, omnium fit reus. ca. de fleat. de reg. iur. Felin. in cap. fraternitatis. de hæreticis. & apud Fenestellam legitur. Curare præterea debet præfectus, vt nummularij probè se agant, circa suæ professionis negotia obeunda, temperentque ab his, quæ leges non admittunt, vel in hoc text. est.

Et temperent ab his, quæ sunt prohibita. Ex hoc colligitur non sufficere bonum facere, nisi à malo abstineamus, sic non sufficit abstinere à malo, nisi fiat bonum. l. in illa 2. ff. de verbor. obligat. cap. vnico. de forma. fidelit.

Cum patronus contemni se à liberto dixerit. Ex hoc textu colligitur, puniendum libertum, qui dominum suum contemnit. Contemnere quis dicitur, quando vilipendit, ac nihili facit domini præcepta, & maximè si per superbiam. Numero. 15. c. Et contemnere est plus, quàm non parere. c. quis autem. 11. distinct. Nam est contrarium eius, quod iniungitur facere. l. qui fiscales. C. de nauticulis. libro 11. & ibi Lucas de Penna l. Tribuni. C. de re milit. libro 12. Et quod sit contra præceptum, etiam si iuste fiat, destruendum est ne imperium contemnatur. l. prætor. ff. de no. oper. nuntia. & Modestinus ait: In bello, qui rem à Duce prohibitam fecit, aut mandata non seruauit, capite punitur, etiam si res bene cesserit. in l. ij. ff. de re milit.

Ex contemptu quis dicitur facere, quando sine causa parere non vult. glos. in cap. metropolitanum. ij. questione vij. cap. eos. de sentent. excommunicat. in vj cap. quicunque. 21. distinct. cap. Salonicanæ. 63. distinct. Si ex concupiscentia, vel ira inducatur quis, non dicitur contemnere. Calder. consilio 4. titul. de sentent. excommunicat. sed frequentia inducit contemptum. Prouerb. 18. impius cum in profundum venerit peccatorum, contemnit: & qui tempore interdicto compellit alios celebrare, dicitur facere ex contemptu. cap. fin. de excessi. præla. Etiam contemnere excommunicationem videtur, qui se iunxit communioni hominum post notitiam. cap. illud. de cleric. excommunicat. Et qui in excommunicatione per annum scienter remanet, velut hæreticus condemnandus est. ca. excommunicamus. §. qui autem. de hæretic. cap. fina. de pœnis. scripsi in verbo. quauis occasione. in forma mandat. & fusiùs in praxi benef. in decla. no. prouisio. in verbo, tēque absoluentes. Et quando quis dicatur contemnere, docet plenè Lucas de Penna in l. j. in fi. C. de priuileg. eorum, qui in sacr. palat. mili. libro 12. & Felinus in cap. primo. numero vigesimo secundo. de Constitut. & in cap. cum quidam. numero septimo. de iureiurand. Decius in cap. cum non ab homine. no. 6. de iud. Contemptus vnus irritare facit electionem. sed non multorum contradictio. cap. bonæ. 2. de elect. & ideo plus nocet contemptus, quàm contradictio. cap. cum in Ecclesiis. de præb. in 6.

Contemnere  
quid im-  
portet.

Nummularij  
officiū à Re-  
ge in regno  
Franciæ im-  
petrādum.

Nummularij  
expeditio-  
nibus bene-  
ficiorū præ-  
positi.



Vel contumeliosum sibi libertum queratur, vel conuicium se ab eo passum.] Contumeliam à contemnendo dictam, scribit Vlpian. quod contemnendi gratia fit. in l. prima. ff. de iniur. Vnde si libertus sit contumeliosus, id est, solitus contumeliam inferre domino, præfectus vrbis patronum audit: idem si filius patri contumeliam dixerit. l. j. ff. de obseq. Et contumeliam partes arbitro facere censentur, si eum spernant, & alium adeant. l. litigatores. in princ. ff. de arbit.

Inde Vlpianus ait *l. si bene collocata sint pecunia publica, in sortem inquietari debitorum non debent, & maxime si pariant vsuras: si non pariant, prospicere Reipub. securitati debet Praefes prouincia, dummodo acerbum se exactorem, nec contumeliosum praebeat, sed moderatum, & cum efficacia benignum, & cum instantia humanum.* ff. de vsur.

Conuicium  
unde dicitur.

Idem si libertus conuicium dixerit domino. Conuicium autem iniuriam esse Labeo ait, & dicitur vel à concitatione, vel à conuentu, hoc est à collatione vocum. Cum enim in vnum complures voces conferuntur, conuicium appellatur, quasi conuocium: & conuicium non tantum praesenti, verum absenti quoque fieri posse Labeo scribit: & fecisse conuicium non tantum is videtur, qui vociferatus est, verum is quoque, qui concitauit ad vociferationem alios, vel qui submisit, ut vociferarentur. l. item apud. §. conuicium. & seq. ff. de iniur. Et sub his verbis comprehenditur omnis iniuria, patrono facta, ut præfectus vrbis libertum punire ob ista possit, & seruum, ac filiumfam. ut inferius dicitur.

Liberosque suos.] Id est, patroni. l. ex facto. iuncta glos. ff. ad Trebel. & qui liberorum appellatione veniant, declaratur in l. iij. & l. sed si hac. ff. de in ius vocando. & in l. liberorum. vbi scripsi. de verb. signification. ff. de iniuria facta filiis, patri facta esse censetur. l. j. in fin. ff. de iniur. Vnde præfectus vrbis cognoscit tam de contumelia facta patrono, quam liberis eius, cum nihil interfit, in se quis veritus sit, an in liberis suis, cum pro affectu magis in liberis parentes terreantur. l. isti. in fin. ff. quod metus causa.

Iniuria vxoris relata.

Vel vxorem.] Et sic iniuria facta vxori patroni, vel alterius vxori, marito censetur esse facta. d. l. j. in fin. §. patitur. illo tituli in Instit. quia sicut bonis moribus conuenit reuerentiam manu missoris vxori præberi: ita re exigente in ius sine permissu prætoris vocari prohibitum est. l. j. C. de in ius vocand. Nam idem honor à liberto debetur, vxori patroni, qui & patrono. per illum text. quia foeminae coruscant radiis virorum. l. foeminae ff. de Senat. sed non mariti per vxores, ideo marito patronae non fit ea reuerentia, quæ vxori patroni. ut Doct. tradunt in d. l. j. Nam liberti libertaeque defunctorum operas, neque extraneis hæredibus patronorum, neque maritis patronorum debent. l. liberti. C. de oper. libert.

Vel quid huic simile ei obiiciat.] Iste text. not. est ad hoc, quod quando casus aliqui sunt enumerati in lege, vel ordinatione, tamen illa lex habebit locum in casibus similibus. Nam Iulian. ait: *Non possunt omnes articuli singulatim, aut legibus, aut Senatorum consultis comprehendere, sed cum in aliqua causa sententia eorum manifesta est, is, qui iurisdictioni praest, ad similia procedere, atque ita ius dicere debet.* l. non possunt. ff. de legib. Sic natura nouas deprope- rat edere formas, ut si alia emergant causae, quibus

videbitur iuste adimi posse feudum, ideoque iudex solers, & discretus æquitati obsecundare sollicitus, cuncta subtiliter dispensans prouideat, si quis fuerit antiquioribus causis similis, seu maior. §. sed quia. quæ fuit prima causa amitten. benef. facit text. in l. cum hi. §. causae. ibi, aut si qua alia causa fuit. ff. de transact. l. si in emptione. in fine. de contrahend. empt. l. à sententia. de appellat. Doct. in l. fin. C. de reuocand. donatio. l. aut longa. ff. de procurat.

Præfectus vrbis aditus.] Et sic non potest quæri pars contra iudicem, nisi is, cum aditus fuerit, recuset partem audire, quia adiri debet, & aditus ius reddet. l. si dolo. C. de rescinden. vend. & l. prima. & sequent. de action. empt. ac l. prima. de præd. minor. & ter. iudex requiri debet. per cap. primum de sup. plen. neglig. prælat. in sexto. glossa in clementina 2. §. si verò. in verbo, recusauerint. de sepul. & postea pars à denegata iuris executione appellare poterit ad immediatum superiorem, & illi tanquam parti intimare. ut in §. primo. de friuol. appellat. in Concorda. scripsi.

Et pro modo querelæ corrigerem eum.] Sic quæri debet pars, Nam hoc iudicium non datur, nisi postulatum fuerit. l. quarta. §. hoc autem iudicium. ff. de damno infect. Ideò quæri debet pars, & pro qualitate querelæ, & delicti iudex prouidebit.

Item, iudex omnes querelas non eadem poena punit, sed pro modo & qualitate, ut hîc, & in l. aut damnum. & l. respiciendum. ff. de poenis. modum exposui in l. maiore parte. ff. de verborum significatio. Interest tamen Reipublic. ut crimina puniantur. l. ita vulneratus. ff. ad legem Aquiliam. c. ut famæ. de sentent. excommun.

Aut comminari.] Papinianus sic scribit: *De plano autem Proconsul potest expedire hæc, ut obsequium parentibus, & patronis liberisque patronorum exhiberi iubeat. Comminari etiam & terrere filium à patre oblatum, qui non (ut oportet) conuersari dicatur, poterit de plano similiter & libertum non obsequentem emendare, aut verbis, aut fustium castigatione.* l. nec quicquam. §. de plano. ff. de offi. Proconsul. l. j. de iure patro. ac l. j. de obseq.

Ex hæreticis abiurantibus hæresim, comminatur seueritatem ignis non defuturam, si relabantur. Solent etiam iudices Franciæ comminari fustibus cæsis, ut si ipsi iterum crimen committant, non deerit illis vltimum supplicium, quod solam mortem interpretamur. l. vltimum. ff. de poenis. Hæc tamen comminatio iudicis, nec quidem vim stipulationis habebit, nec sententiæ. l. prima. C. comminatio. epistol. program. subscrip. authori. rei iudic. non habere. l. in peremptorio. ff. de iudic. sed quando iudex comminatur se ad vltiora processurum, ei liberum erit post comminationem, ut ibi, sic & grauiorem poenam infligere, quod est notandum.

Aut fustibus castigarem.] Modestinus ait: *Si sine venia edicti impetrata libertus patronum in ius vocauerit, ex querela patroni, vel quinquaginta aureorum poenam dat, vel à præfecto vrbis quasi inofficiosus castigatur, si inopia dignoscitur laborare.* l. finali. ff. de in ius vocand. & Callistratus scribit in l. capitulum. ff. de poenis. §. Non omnes fustibus cædi solent, sed hi duntaxat qui liberi sunt, & quidem tenuiores homines, honestiores verò fustibus non subiciuntur. l. in seruorum. ibidem.

Iudex debet primo adiri, antequam ius reddat.

Iudicis comminatio.



Inde Callistratus inquit, fustium admonitionem, flagellorum castigationem, & baculorum verberationem Præsides imponere posse. in l. veluti. ff. de pœnis, sed hoc in prouinciis: in vrbe, vrbis præfectus: vt patet hîc. hodie ista baculorum percussio seu fustium abrogata est, sed in locum eius virgarum, seu flagellorum percussio successit, quâ antiqui scopationem vocabant, quia milites, vel alij scoparum fasciculo manuali tergora nudati cædebantur. vt est apud Suetonium in Nero: & apud Liuium. plenè scripsi in l. armorum. ff. de verb. sig.

Scopatio, qua dicitur ab antiquis.

Aut vltèrius procedere in pœnam eius solet. ] Si fortè maior pœna imponenda sit ob delicti atrocitatem, præfectus vrbis imponet. vt in l. respiciendum. ff. de pœnis. vbi Martia. ait: *Respiciendum est iudicanti, ne quid durius, aut remissius constituitur, quam causa deposcit: neque enim aut seueritatis, aut clemetia gratia affectanda est, sed perpesso iudicio, prout quæque res postulat, statuendum est.* qui text. optimè instruit iudices.

Nam & puniendi plerunque sunt, & liberti. ] Dicitur, plerunque, facit hîc regulam. vt in l. iij. ff. de offic. præfect. vigil. vbi dicitur. l. iij. regulariter contra. vt ibi. abundè de his dictiohibus scripsi in l. interdum. ff. de verb. signific.

Certè si se delatū à liberto, vel si conspirasse eum contra se cū inimicis suis doceat: etiam metalli pœnam in eum statui debet. ] Vide quid Vlpia. scribat in l. j. ff. de iure patron. sic: *Patronorum querelas aduersus liberos Præsides audire, & non translatitè exequi debent.* id est, in prouinciis Præsides audient querelas patronorum, sed præfectus vrbis in vrbe, vt hîc, & translatitè non debent exequi, id est, perfunctoriè. vt scripsi in l. vinaria vasa. ff. de verbor. signif. cū si ingratus libertus sit, non impunè eum ferre oporteat, sed & si quidem inofficiosus patrono, patronæue, liberisue eorum sit, tantummodò castigari eum, sub comminatione aliqua seueritatis non defuturæ, si rursus causam querelæ præbuerit, & dimitti oportet. Enimuerò si contumeliam fecerit, aut conuicium eis dixerit, etiam in exilium temporale dare debèbit, quod si manus intulerit, in metallum dandus erit. Idem erit, & si calumniā eis aliquam instruxit, vel delatorē subordinauit, vel quam causam aduersus eos tentauit. ecce per illum text. optimè istud declaratum.

Liberti quo modo puniendi.

7 Et sic patet seruum non posse deferre crimen domini sui, id est, nuntiare, vel declarare, seu accusare, nec criminari dominum, & si detulerit, punitur in vrbe à præfecto vrbis. vt hîc. vide in l. famosi. ff. ad leg. Iuliam maiest. vbi serui deferentes suos dominos audiuntur, & liberti patronos in crimine læsæ maiestatis, & aliis exceptis. in l. vix certis. ff. de iud. & quot modis capiatur, deferre, & delator. vide in rub. C. de delat. lib. io. & tractaui abundè in l. delata. ff. de verb. significatione.

Secundò, punitur libertus, qui coniurauit cum inimicis domini, & non sufficit amicitiam contractam, nisi adsit & coniuratio, vt Fulgosius & Doctores hîc asserunt.

Accursius etiam hîc docet à vasallo feudum auferendum: si amicitiam cum inimicis domini cōtraxerit. idem in l. liberi. C. de inoffic. testa m. text. in cap. vnico. quod testes sunt necessarij ad probandam ingrat. Iason in l. si non sortem. §. libertus. col. 2. ff. de

cond. indeb. Iacob. in tracta. de feud. in verb. dictique vasalli. col. 4. & Vlpianus, ait, Præfecto planè vrbis specialiter competere ius in metallum damnandi, vt exempla diui Seueri, & Antonini ad Fabium Cylliponem in l. respiciendum. ff. de pœnis.

#### S V M M A R I A.

1. Iudex potest iustum pretium rebus ad vitam necessariis vendendis, taxare.
2. Damnatus rem suam vendere, debet iusto pretio vendere.
3. Videntes vnam carnem pro alia, crimine stellationis tenentur.
4. Pensio hospitiorum ab vrbis præfecto taxari potest.
5. Diuites tempore caristia possunt cogi, vt vendant competente pretio.
6. Cives, tempore necessitatis, possunt compelli emere frumentum.
7. Constitutio Papa obligat subditos iure poli.

§. Cura carnis omnis, vt iusto pretio præbeatur, ad curam præfecturæ pertinet, & ideo forum suarium sub ipsius cura est: sed & cæterorum, siue pecorum, siue armentorum, quod ad huiusmodi præbitionem spectat, ad ipsius curam pertinent.

**F**Enestella legit sic: *Cura etiam rei macellaria omnis, vt iusto pretio vendeat, ad officium præfecti pertinet, & ideo forum boarium, suarium, piscarium, & olitorium ad eundem præfectum pertinent.*

Istum §. interpretatus sum publicè Tholosæ anno 1524. in mense Ianuario, quem diuisi in tres partes. In prima ponitur dictum generale: in secunda Iuriconsul. ex eo infert: in tertia ampliat ea, quæ in conclusionè, seu illatione dixerat. Secunda, ibi, idèd. Tertia, ibi: Sed & cæterorum, siue pecorum. Regula itaque est, quod præfectus vrbis habet in vrbe cognitionem totius carnis, vt iusto pretio vendatur. Nam postquā vrbs est ei credita, de omnibus, quæ urbem tanguunt, cognoscere potest. l. ij. ff. de iuris. omn. iudic. Dubitatio est quod quilibet est moderator rei suæ, ergo taxare quisque pretium rei suæ potest, non iudex: l. in re mandata. C. mandati. l. si voluntate. de rescind. vend. hoc verum esse in rebus non necessariis ad vitam respondeo, sed in iis quæ ad viuendum necessaria sunt, minimè: ita vt iudex taxare possit iustum pretium ratione publicæ utilitatis. Ne isti vendendo res suas, opprimant emptores, & eos ad famem redigant, nimium rebus suis pretium statuendo. Et damnatus rem suam vendere, intelligitur vt vero & iusto pretio vendat. l. si fideiussor. in fin. ff. de leg. i. Sic & præfectus vrbis iustum pretium decernet rebus vendendis, quæ ad victum pertinent.

Dubitandi ratio.

Decisio.

I

Idem dicerem, vt vendatur in vrbe caro sana, non putida, non fœtida, idque ad ipsum præfectum vrbis pertinere, licet hîc text. non dicat: sed eò quod est ei credita ciuitas, omnia videntur ei concessa sine quibus. per d. l. ij. ff. de iuris. omn. iud. & quia omnia crimina vrbis ipse vindicat, vt in principio huius l. & crimen est vendere fœtidas carnes, quibus corrumpentur homines, & morerentur, vt medicis satis notum est.

Caro sana in vrbe vendenda, non fœtida.



Etiam ad eum spectat, ne ouina caro vendatur, pro veruccina: aut bubula, pro vitulina; seu vna pro alia, & tales venditores crimine stellationatus tenentur. l. iij. §. sed & si quis. ff. de crimin. stellationat.

*Pharmacopola nō debet miscere corrupta cū bonis.*

*Mistio corrupti frumenti cū bono.*

Item ad eum spectat, ne pharmacopola quid pro quo vendant, & corrupta aromata misceant cum bonis. vt docet de Ripa in tract. de peste. in 3. par. vers. praterea. per quam immixtionem multi haecenus mortui sunt. licet Bartol. & alij in l. j. C. de condi. in publi. horreis. lib. 10. dicant misceri posse frumentum corruptum cum bono, quod est verum in fisco habente horrea publica, in quibus frumenta reponuntur ad alendos milites, sed ibi nihil est praedicti, aut parum his, quibus gratis frumenta dantur, quia viuunt ex illis: sed quando quis vendit frumentum corruptum mixtum cum bono, est maximum emptoribus praedictum: ob id dicerem illum teneri ad restitutionem, sicut ille qui miscet vinum malum cum bono, aut aquam. per tex. in c. eiiciens. 88. dist. & text. in d. l. j. dicit hoc permissum, quando corruptio esset velata, & cognosci non posset: quia modica esset corruptio, alias non censeretur permissa. vt firmat Antho. Burgos in d. c. in fi. de empt. & vt dixi in fisco, non in alio, nisi in pharmacopolis, qui habent quaedam pharmaca, quae functionem recipiunt, quibus est permissum vno pro alio vti, dummodo neutrum corruptum sit, alias miscentes extra ordinem puniri debent. l. sacularij. in princip. ff. de extraordin. crimi. per quem tex. etiam tenentur, qui in summitate sacci ponunt bonum frumentum, & corruptum, seu alium deterius in fine, & idem in fructibus positus in summitate ciste. arg. l. j. ff. de pigno. actio. & hoc deberent inquirere in ciuitatibus praefecti, quia super his multa sunt fraudes.

*Carnis nomine quid coquatur.*

Per hunc text. etiam praefectus vrbis cognoscit contra venditores piscium, vt iusto pretio vendantur & nō corrupti, ibi dū dicit, cura carnis omnis. Et quia carnis nomine venit non solū caro animalium, verum piscium, imō etiam poma. intelligi. Siponti ait, sed hic Iuricons. carnem expressit, quia est frequentior piscibus. Tamen si interrogatus Iuricons. fuisset de piscibus, idem dixisset, sic & nos. l. Titius. §. fi. ff. de liber. & posthu. gl. in l. tale pactū. in fi. de pact. & ita Ripa intelligit vbi supra. & ego dicerem idem de piscibus perspecta eadem ratione, licet communi idiomate vulgari carnis nomine non veniat piscis.

*Victualia taxanda.*

Idem in omnibus fructibus, & venalibus rebus, quae populo quotidianum victum suggerunt, & vt Doctor. dicunt in victualibus, & commestibilibus. vt docet Alber. in tractat. statu. in 1. parte. q. 69. item quarto. per l. fin. §. item Episcopi. ff. de munerib. glos. & Doct. in l. j. C. de Episc. audi. c. r. de empt. & vendit. & idem in hospitibus taxandis dicitur in eodem c. r. de emptio. & venditio. vt etiam taxare praefectus vrbis pensionem illorum possit. cap. 1. vbi Docto. de locat. Et licet dicatur ab Episcopo hoc faciendum, tamen quia Episcopi sunt occupati circa res sacras, ob id abiit in defuerudinem, vt ipsi hoc taxent, sed praefectus vrbis, aut conseruator Regius scholarium, si inter Scholasticos agatur, hoc solet taxare, vt quādoque vidi apud Bituriges, dum ibi profiterer cum Domino Alciato. Sed aulici & curiales habent suos praepositos, qui ista curant, & taxant, & quia ignari sunt, omnes grauant, quamuis magistri studiorum non teneantur hospites recipere. l. archiatros. C. de

meta. lib. 12. ramen nullus est, qui studiosis priuilegia seruare, vel pauci procurant. salte magistratus, imō quando quis Curiales recipere tenetur, tertiā domus tantum partem ad hospitandum concedere debet, vel dimidiam, quando illustris hospitari vult. l. ij. ibidem. de meta. sed hodie per potentes tenuiores opprimuntur. l. j. C. ne liceat poten.

Limitatur iste text. non procedere, quando alius iudex datus esset specialis ad victualia, tunc is datus specialiter faceret cessare istum generalem vrbis praefectum. argumen. l. maritus. C. de procurat. vnde Tholosae Capitularij hoc facere solent ex consuetudine, licet de iure non sit ius ordini cuiusque ciuitatis pretium graue, quod inuehitur, statuere. l. finali. ff. ad legem Iuliam. de anno. Si tamen Consules ciuitatis sint Primarij & generales iudices, pro vrbis praefectis habentur, & statuere possunt, vt hīc. & Papiae est iudex victualium, ad quem ista taxare (vt dicunt Doctor.) pertinet, & debet vigilare, ne illi maiori pretio vendant, & ne monopolium faciant, vt est prohibitum in titul. de monopol. C. & in Constitut. Reg. titul. de magistr. artif. artic. 4. glos. 2. vbi scripsi.

Vnde in Constitut. Reg. titul. *des hosteliers*. ordin. prima & sexta. praecipitur Seneschallis, & Bailliis, Praepositis & aliis iudicibus inferioribus, vt singulis trimestribus taxare habeant omnia victualia, ne vendantur carius transeuntibus, quā in mercato vendi debent. l. septem diebus. C. de eroga. mili. anno. lib. 12. & in c. 1. de empt. & vend.

Quae ordinatio videtur extracta ex §. post natale. de pace tenend. & eius violat. vbi post natale sanctae Mariae debet quisque comes septem boni testimonij viros eligere, & de qualibet prouincia debet disponere quanto pretio secundum qualitatem temporis annona vendenda est: & quicumque contra illam deliberationem carnis vendere praesumpserit, tanquam violator pacis habeatur, & totidem viginti libras comiti exoluat, quanti modios altius edidisse conuictus fuerit. & illa Regis constitutio planius exponit, quā esset in illo §. statutum, vt ibi plenius Deo auspicante dicetur.

Poterit etiam ipse vrbi praefectus prohibere, ne eo tempore, quo Archiepiscopus, vel Episcopus vendet suum vinum, alij canonici vendant, etiam durante tempore canonicorum, quod laici non exponant vinum suum venditioni, vt docet Guido Pap. in consil. 151. circa processum. in ij. quaestione. quia inhibitiones & statuta laicorum vtilia clericis valent. cap. primo. distinctione 10. cap. Ecclesia. de constitut. l. secunda. C. de Episcop. & cleric. quod est verum ex causa iusta, alioqui liberum est cuilibet vendere, & quolibet tempore, cum hoc non sit prohibitum à iure, vt statim dicetur.

Limitatur in rebus Iudaeorum, quae taxabuntur ab ipsorum magistratibus, non autem à praefecto vrbis Christiano. l. nemo exterius. C. de Iudae. Iustum est enim sua cuique committere, vt dicit ibi textus.

Sed an cogatur quis vendere? & regulariter neminem cogi posse docet tam Iuriconsult. quā Imperator in l. non enim. ff. rerum amota. l. nec inuitum. de contrahend. emptio. C. l. nec emere. C. de iure deliberand. & in l. annonam. vbi glos. de extraor. criminib. Nec cogi debet in alio loco vendere, vel alio

*Nemo enim suam regulariter vendere cogitur.*



alio tempore, quàm ipse velit, quia plus vel minus dicitur ratione temporis. l. vnica. C. de plus petitio. l. vbi. circa finem. de in diem adiect. ff. aliàs est. l. eum qui. & l. vt autem. de pact. dota. & bonum est argu. de tempore ad locum. vt docet Ias. & alij in l. vinum. ff. si certum petat. post glos. in clementin. secunda. in verbo, regularem. de censib. Lucas de Penna in l. j. col. 4. C. ne rustic. ad vllum obsequium deuocent. libro 11.

De eadem  
re.

Nec quidem ea quæ victus causa habentur, videlicet frumentum, vinum, vel alia, cogitur quis vendere, nisi venum exposita fuerint. l. prima. C. de Episcop. audien.

Amplia-  
tio.

Nec rustici compelluntur ire ad ciuitatem ad vendendum, quicquid dicat Aufser. in decisio. Tholo. q. 446. per l. 2. ff. de mund. quæ probat contrarium.

Restrictio.

Limitatur tempore caristia, tunc diuites cogi possunt vendere competente pretio, & communicare pauperibus. l. si pendentes. §. si quis. ff. de vusufruct. l. pretia rerum. §. finali. ad legem Falcidiam. glos. in cap. sicut hi. in verbo, esurientium 47. distinctio. l. secunda. §. cum in eadem. & ibi glos. vlt. ad leg. Rhod. de iactu. Iacobus Rebuffus in l. prima. ne in emptio. specie. libro 10. Nam vt ibi dicitur omnia sunt communia, id est, communicanda tempore necessitatis: & in cap. si quis propter. de furt. & ad hoc cogi maxime vsurarij debent.

6 Etiam ad vitandam caristiam, vel alia, urgente necessitate, possunt ciues compelli emere frumentum, vt docet Aufser. in dicta decisio. 446. per text. in dicta l. vna. C. vt nemini liceat in empt. specie. se excusa. libro 10. Bald. consilio 458. lata fuit. in tertio vol. quod est repetitum consilio 406. in vltimo. lib. 2. vel ciuitas emet, vel compellet volentes emere, vt ab ipsis emant iusto pretio: & ipsi tenentur, quia causa eorum fuit emptum, & ne perirent fame, acutissimus enim gladius est fames. Bal. in l. pactum. C. de collat.

Fauor pu-  
blica neces-  
sitaris.

Adhæc fauore publicæ necessitatis cogetur quis vendere. l. si locus. ff. quemadmodum serui. amittan. l. item verberatum. de rei vendic. & ob scuitiam possessoris. l. secunda. supra. de his qui sunt sui vel alieni iur. vel fauore fisci. l. secunda. C. de commun. rerum alie. §. fin. de donat. in Instit. Seu religionis. l. si quis sepulchrum. de religiof. vel libertatis. l. prima. §. fin. autem. C. de communi seruor. man. & in casibus traditis per Iacob. Rebuf. in l. prima. in fi. C. de metar. lib. 11. & per Soci. in tract. fallen. regul. 435. & Hypol. in l. j. §. cum quidam. ff. de quæstio. & Antho. de Burges in c. 1. de emptio. & vendit.

Laniones  
& panifices  
omnibus ven-  
dere cogun-  
tur.

Possunt etiam cogi laniones, panifices, & alij artifices omnibus vendere, postquam officium suscep- rint vendendi, sicut hospites, notarij, & alij cogun- tur. l. vnica. ff. furti. aduers. nautas. vbi Bar. & Foederi. consilio 113. quia in his quæ ad communis vitæ vsum pertinent, fideliter operam dare debent. cap. sicut. xj. quæstio. j. imò videntur iniuriam inferre deneganti, vt docet Lucas de Penna in d. l. vnica. C. ne rustica. col. 4. lib. 11.

Item Iurisconsul. ait: *Cura carnis omnis, vt iusto pretio prebeat, ad curam præfectura pertinet.* hîc, præbeat: etiam accipi potest pro præstetur. Nam præstatur præcedente emptione, ergo cura carnis omnis, vt veneat, & præstetur iusto pretio, spectat ad præfectum vrbi. Vnde licet domin. Coras. dicat præbitionem munus negotiationis eduliorum esse.

per text. in l. secunda. ff. de nund. Tamen ego exponerem ibi pro præstatione, & angariarum præbitio, id est, præstatio: angariarum personale munus est. l. fina. §. j. ff. de muner. & honor. videte an conueniat, & iudicate, alibi plenius dicam.

Quare præbenda in neutro genere dicuntur ea, quæ exercitui quoquo modo præstantur. l. inuiti. 2. ff. de testib. ibi, item is, qui quid exercitui præbendum conduxerit, vel, vt alij legunt, præbenda conduxerit. sed quantum attinet ad ius canonicum, dixi præbendam accipi generaliter pro quocunque beneficio. vt in tit. de præb. etiam pro iure percipiendi prouentus, eò quod præbet vitæ necessaria. c. cum M. de constit. vbi glos. & Doctor. & Hostien. in summ. tit. de præb. scripsi in praxi benef. in j. parte.

Præbenda  
quæ dican-  
tur.

Itaque præbere, pro præstare, impartiri, dare assumitur. l. prima. ff. de offic. Consul. ibi: Officium Consulis est consilium præbere, manumittere volentibus. l. liberto. §. primo. de neg. gest. l. si cum dies. §. sed & si. de arbit. l. tertia. §. ait prætor. de liber. hom. exhiben. Et pro ratione materiæ accipitur, sicut verbum, dare. vt scripsi in l. sepe. supra eodem. Vnde si petas argentum, vt triclinium mihi sterneret, & ego argentum ad ministerium præbeam, id est, commodati nomine concedam. l. si vt certo. §. si de me. ff. commodat. exposui triclinium & ministerium in titul. de verborum significatione. facit l. prima. ff. si mens. fal. mod. dixerit. Et si dicam, rem tibi præbeo pignoris nomine, id est, do pignori rem. facit l. plus est. ff. de verbor. signific. vbi abundè hoc verbum & eius phrasas explicaui.

Et ideo forum suarium sub ipsius cura est. ] Ergo spectat ad præfectum vrbi, vt in foro suario sues iusto pretio veneant, & non præstentur qui morbo affecti sint: & idem in cæteris pecoribus & animalibus, vt superius dixi. Et suarij porcorum custodes sunt immunes à sordidis muneribus. l. prima. & sequent. C. de suariis. lib. 11. & quia Imperator Iustinus (vt fertur) fuit suum, & bouum custos, idè successor eius Iustinianus eos priuilegijs dotare voluit.

Forum Græci ἀγορὰ, seu ἀγορὴ vocant, & à ferendo quidam dictum existimant, quod controuersia, & res venales illuc ferantur.

Forum primò vocatur locus negotiationis, in quo venales res feruntur, vt hîc in l. de pupillo. §. si quis fortè. de oper. noui nuntia. sic possunt intelligi l. eius. §. primo. ad municipal. l. continuus. §. cum quis. de verborum obligatio. l. & qui in foro. de procurat. l. septem. ibi, in foro rerum venalium distrahatur. de erogat. militar. anno. libro 12. vbi qui æstimationem frumenti petit, debet probare quantum valuit in foro, non verò domi. vt ibi notat. Bart. & Rebuf. in l. speciebus. C. de cohortal. eodem lib. Corse. in verbo, venditio. 2. in sing. Et cogit Episcopus ne res pluris vendantur transeuntibus, & aduenis, quàm in foro, & in mercato quo verbo vititur Papa in c. primo. de empt. facit l. semper. §. erant & alij, ibi, in foro populi Romani. ff. de iure immunitat. & l. finali de mund. l. prima. §. honorariis. de var. cog. vide Lazium lib. 4. de Repub. c. 5. pag. 482. & seq.

Æstima-  
tio frumētī  
quomodo  
probetur.

Inde forum boarium, in quo boues, seu carnes bubulæ venduntur: suarium, in quo sues: olitorium in quo herba: & forum vinarium, in quo vinum: vt Tholosæ in platea sancti Georgij: & piscarium fo-



rum, in quo pisces venduntur, & cura etiam ad præfectum vr̄bis pertinet: vt hīc Doctor. asserunt. Idem in foro cupedinis, vel cupedinario, in quo delicati & lautiores cibi venduntur, vt perdices, pulli, lepusculi, cuniculi, & alij id genus. Parisiis vocatur *la Cossomerie*, quæ omnia in vnum locum contracta, postquā ædificatus est locus, Macellum dicitur, nos Gallicè *les Halles* vocamus. Et in ecclesiis ac earū cimiteriis debent cessare negotiationes, & præcipuè nundinarum, ac fori cuiuscunque, omnisque in eis sæcularium iudiciorum strepitus conuiescere debet. cap. decet. in fine. de immunit. eccles. in vj. Interdū forum capitur pro iurisdictione. l. si quis postquam in ius vocatus est, miles, vel alterius fori esse cœperit, in ea causa ius reuocandi forum non habebit, quasi præuentus. ff. de iud.

Forum pro iurisdictione.

Aliquando forum capitur pro loco, in quo controuersia & lites deciduntur, & publica olim iudicia ibi exercebantur. c. forum. de verb. signific. & in rub. de foro compet. l. si fideiussor. in princ. qui satisd. cog. in rub. C. de iurisd. omn. iud. & in l. & qui in foro. ff. de procur. l. prima. si ex noxa. caus. agat. l. j. de orig. iuris. & dicitur à Foroneo rege, qui prius leges Græcis dedit. c. Moyses. vij. distin. nempe vt res feruntur in forum negotiationis causa, vt ibi emanant, & vendantur: ita controuersia deferuntur in forum, vt ibi decidentur: vel quia in foro solent homines multum loqui. Idè etiam à fando, secundum quosdam dici potest, & forum causarum dicit Iuriscōs. in l. si duas. §. decet. ff. de excus. tut.

Et pro loco, in quo lites decidentur.

Inde cedere foro dicuntur argentarij, cū tabernis, id est, mensis suis cedebant, quæ in eo foro erant, & aliò habitatum migrabant, quod vulgus dicit facere banquam ruptam, hoc est, negotiationem mensariam abrumpere. Firmat Budæ. in l. si hominem. ff. de posit. Et sic secundum eum alij quàm mensarij, seu mensularij non possunt cedere foro, quia non possunt mensariam negotiationem abrumpere. Ego tamen putarem tam in mensulario, quàm in alio cedere foro, esse cedere bonis, & dimittere bona (saltem verbo ipso) in foro. vt gloss. dicit in d. l. fin. ff. de curat. bon. dand. nempe qui bonis cedit, oportet vt agnoscat debitum, & in iudicio illud confiteatur, & dicat se pro debitis creditoribus bona dimittere, aliàs bonis cedens audiri non debet. l. pen. ff. de celsio. bonorum. Itaque cū olim quispiam confitebatur in iudicio, statim dimittebat bona, quæ dimittendo, foro cedebat, quia non tenebatur amplius in foro comparere, nec debitoribus respondere. Nam sua bona vendebantur. l. iij. ff. de celsio. bonor. ex quibus bonis satisfiebat creditoribus pro portione. d. l. fin. de cura. bon. dand. sicut cedere liti dicimus, quando liti renuntiamus, nolentes amplius litigare. l. postquam liti. C. de pact. Ita foro dicimur cedere, relinquendo bona nostra in iudicio, quia forum cessabit. Nec poterunt conuenire deinceps creditores illum debitorem, si non peruenerit ad pinguorem fortunam. l. qui bonis. ff. de celsio. bonor. alioqui is qui non iret aliò habitatum, non diceretur foro cedere. sed contrarium in iure probatur, nec inueni in iure, quod cedens foro aliò habitatum eat, sed quod dimittat forum, eò quod bona dimittit. probat d. l. fin. vbi curator bonis datus fuit ad ea distrahendū, & soluendum creditoribus. idem probat l. moris. §. j. ff. de pœ. ibi, Et nonnumquam aduocationibus, cui interdi-

Cedere foro, quid dicantur.

citur, sed & foro. Plus est autem foro, quàm aduocationibus interdicere: siquidem huic omnimodò forensibus negotiis accommodare se non permittitur, vbi si interdicatur foro, non potest postulare, nec adesse etiam procuratorio nomine, vel alio modo, vt dicit ibi glo. & l. si duas. §. docet. ibi, Vel forum causarum, vel loca iudiciorum. de excus. tuto. l. j. §. si desinat. si ex noxa. caus. agat. l. j. de feri.

Magna quippe *ἐν τῷ νόμῳ* notatur in l. si ventri. §. in bonis. ff. de priuileg. credit. contra l. si hominem. §. quotiens. ff. de posit. vbi depositarium ante priuilegiarios venire statuit, in d. §. in bonis. sed d. §. in bonis. soluit, dicens, depositarium ante priuilegiarios recipiendum, si nummi extent: si verò sint consumpti, vel in vfuris dati, non: sed tunc post priuilegiarios ita cōciliari possunt illa duo cōtraria, quicquid dicat gl. Bart. & alij. & abundantius dicetur, ibidem in not. meis interpretat.

Item quoddam est forum contentiosum, in quo contenditur. de quo in c. forum. de verb. signific. & in inuitum redditur. l. inter. §. primo. ff. de verb. obligat. gloss. in l. ij. de offic. proconf. vbi dicit etiam esse aliud voluntarium, quod in volētes exercetur, vt adoptio, manumissio, emancipatio, & alij similes actus. §. multis. & §. serui. de libert. in Institut. l. prima. de offic. consul. & l. ij. de offic. præsid.

Forū contentiosum.

Aliud forum conscientia, siue forum poli dicunt interpretes, id quod seruari debet quoad animam, & conscientiam. c. omnis. de poenit. & remis. Vnde dicit glo. in c. quæ in ecclesiarum. de constit. constitutionem Papæ, obligare subditos, non solum iure fori, sed iure poli, id est non solum quo ad iudicia, sed etiam quoad animam, vt peccet contra veniens. vt scribit Felin. ibi, col. 10. Idè in foro conscientia non debentur poenæ duplici, vel alia. glo. in c. fraternitas. xij. quæst. ij. & Macedoniani exceptio in foro conscientia non procedit, si filiusfam. pecuniā mutuam receperit, sed peccat idem filiusfamilias, qui eam opponit, licet in iudicio opponi possit. toto titul. ff. & C. ad Senatuscon. Macedonia. & Innocent. in c. quia plerique. de immunit. eccles. facit. gloss. in c. vigilanti. de præscript. hoc expressim firmat Ias. in §. actiones. num. 35. de actio. in Inst. licet contrarium teneat Bal. in auth. adhæc. C. de vsur. quæ refert Barb. in c. Raynaldus. col. 46. & 162. de testa. quia illud senatuscon. emanauit propter bonum publicum, ob id etiam in foro conscientia est seruandum, teste Bart. in extra. ad reprimendū. in verb. denuntiatione quod procedere posset, si pauper esset filiusfam. alioqui Innocentij dicto acquiescerem.

Forū poli.

7

Exceptio Macedoniani.

Præterea dicit Panorm. forum in neutro genere poni pro territorio cuiuscunque iudicis, intra quod potest in facinorosos animaduerrere. l. pupillus. §. fin. ff. de verb. signific. §. territorium. vnde tota diocesis dicitur territorium episcopi. xvj. q. vij. c. omnes Basilicæ. xvj. q. vij. vnde omnia beneficia diocesis conferre potest; nec valeret dispositio in cōtrarium. c. regēda. & c. sic quidam. x. q. j. Forus in masculino genere est locus, vbi ius redditur. d. cap. forus. in rub. de foro compet. vel pro territorio cōpetenti, intra quod territorium sit causa cōpetens, vt quis ibi conueniri possit, & ita accipitur in rubr. de foro comp. vbi non tractatur de fori cōpetentia respectu loci, vbi exercetur, sed de cōpetentia ratione ius dicendi. hæc Panorm. in dict. rubr. de foro compet. Ego verò puto istam

Forum pro territorio cuiuscunque iudicis.



to istam differentiam non posse subsistere, tum quia iure non probatur, tum etiam quia non inuenimus in neutro, vel in masculino mutari eius significationē. Imò apud probatos & classicios authores, vix reperitur, nisi in neutro, quoad hanc significationem: & quod Papa dicit forum competens, Vlp. vocat tribunal cōpetens, in l. sed & hæ. §. non solū. ff. de procurat.

Forenses  
causæ.

Inde forenses causæ dicuntur, quæ ad forum pertinent, & in foro tractantur: & sic Iuricon. in l. j. §. ij. ff. de incendio, ibi, & quamquam sunt de his facinoribus etiam criminum executiones, attamen rectè prætor fecerit, qui forenses quoque actiones criminibus istis præposuerit, & forensia negotia. in l. moris. §. & nonnunquam. ff. de pœnis, & diuus Traianus Minutio naturali rescripsit, ferias à forensibus tantum negotiis dare vacationem. l. diuus. ff. de feriis.

Item quoddam est forum ecclesiasticum, in quo Episcopus, vel alius iudex ecclesiasticus de causis cognoscit. c. cum episcopus. de offic. ord. in vj. seculare, in quo laicus. c. si diligenti. & ca. significasti. de foro compet. capit. si iudex laicus, de sent. excom. in vj.

Forū com-  
petens.

Potest generaliter interdum forum accipi, vt cōprehendat tam iudicem, quàm locum, nempe si clericus conueniatur coram iudice seculari in ciuitate, in qua degit, locus est competens, sed nō iudex: ideo non dicitur forum competens, vt probat Barbat. in rub. de foro compet. col. penult. Ideò forum, quoad hoc, competens dicitur, quando & locus & iudex recusari non possunt.

Et istud quandoque vocatur in iure canonico iudicium. §. si. de in integ. restit. interdum Curia. c. Romani. de appell. in vj. & alibi sæpius; alia in suis locis dicuntur, ne plura.

### S V M M A R I A.

1. *Ludentes ad inuidiam vel infamiam alicuius, quomodo puniendi sint.*
2. *Apparitori in arduis non creditur sine literarum demonstratione.*
3. *Prohibitus postulare in Parlamento, censetur & in omnibus aliis Curii prohibitus.*
4. *Tabellionibus, Aduocatis, siue Pragmaticis quomodo interdicitur.*
5. *Præsides alicui arte sua interdicare non possunt, ultra tempus administrationis.*

§. Quies quoque popularium & disciplina spectaculorum ad præfecti vrbi curam spectare videtur.

**O**fficium præfecti vrbi erat, vt populus Ro. in pace & tranquillitate viueret, ne quis repentinus tumultus excitaretur, & si quid in vrbe turbatū esset, cū res postularet, iuuentutem congregare, armare, & per loca opportuna disponere, castellaque communire, ei liberum erat. Prima ergo est gloria, deinde prosperitas, & quies, ita vt bella desinant. l. vnic. C. publi. l. xi. lib. 12. vbi Lucas de Penna multa scribit, quæ inducunt pacem, & alia quæ impediunt, ac pacis fructus, quæ omnia quilibet ibi cernere potest.

**Disciplina spectaculorum**] Itaque ad officiū vrbi præfecti pertinet disciplina spectaculorum, videlicet, vt ludi & spectacula honestè fiant, ne quid dissidij obscenitue in illis sit: & aliquando spectacula

egregia fuerunt destructa, quoniam suspecta de incontinentia erant, vt Tholosa.

Vnde in hoc regno non licet publicos ludos in ciuitatibus facere, sine vrbi præfecti permisso, & sic feruat regni vsus, & consuetudo: quem permissum concedere potest ciuili iudex, id est locum tenens ciuili, ad quem omnia negotia vrbi spectant, & ad illius cognitionem, licet quandoque iudex criminum hoc concedere præsumat, sed malè, vt iudicauit Senatus hoc anno 1556. in fine mensis Iunij contra locūtenentem criminalem Paris. quia omnia (vt dicunt) ad politiam spectantia, ad eius cognitionem pertinent.

Intelligendum est ab initio hos ludos spectasse ad officium præfecti vrbi, & si quid honesti fiat ad cognitionem illius, tamē ad apparatū ludorū & sumptū faciendum, datum est negotium ædilibus, qui in tabulis pictis, vestibibus, & aliis patrandis operam dabāt. vt voluit Sueto. in Caligula. Sed quādo aliquid cōtra ius in illis spectaculis fiebat, præfecti vrbi erat cognitio.

Etiam inclinante Imperio Prætores in ludis præfuerunt, vt Spartianus scribit in Hadrian. & Marcel. lib. 27. & Laz. in lib. 10. cap. j. Commentar. de Repub. Roma.

Ex quo postea statutum ab Honorio Imperatore fuit, ne mimi, vel histriones ultra septem dies in quacunque ciuitate ludos peragant, ne artifices ab opere impediunt, & pecuniam ciuium hauriant. in titu. de ven. f. lib. xj. C. & tenentur ij iniuriarum & alij, qui ad inuidiam, vel infamiam alicuius luserint, aut quid protulerint. l. itē apud. ff. de iniur. Imò nec quidē magistrat⁹ excusatur. l. nec magistratibus. ff. de iniur. & audiui aliquādo fuisse fustigatos hic Paris. & Andeg.

Et sane debet etiam dispositos milites stationarios habere, ad tuendam popularium quietem, & ad referendum sibi, quid vbique agatur. ] Quomodo populi quies tuebitur? Respondeo, si præfectus vrbi habuerit milites, & iuuenes dispositos, distinctos & ordinatos ad hoc, & stationarios. Stationarij autem dicuntur, quibus data est statio, & mansio præsidij, aut custodiæ causa, vt videmus in apparitoribus Parisiis, hi habent stationes in plateis, & locis insignibus, ad tuendam populi quietem. Nam si inter se dimicantes videant, in carcerem, vel ad præfectum vrbi ducunt, & quidam ex illis debet esse in statione semper, cū sint ad hoc dispositi, & stationes datae.

Populi  
quies tuenda.

Alij verò per ciuitatem, & maximè per loca suspecta vagari, vt videant quid vbique agatur: & referre præfecto vrbi debent. Ista duo maximè spectant ad apparitores publicos, id est ad hos, quos feruientes vocamus. & dicit Iustinia. in §. habebis autem & obediens tibi, & qui in prouincia sunt milites, in quibus eorum opus habueris ad ministerium iustum. in authen. de manda. princip. collat. iij. Ibi, ad referendū, not. credendum nuntio & apparitori, alioqui frustra referret, quod est verum in his, quæ ad suum spectant officium, vt quod citauerit, vel aliam executionem fecerit. l. magis puto. §. ne tamen. ff. de reb. cor. sed si referat se verberatum, vel aliquem commisisse homicidium, non creditur ei, vt ex illa sola relatione apparitoris pars punienda sit, sed contra illum inquire poterit. vt in l. ij. C. de exhibend. reis. l. ea quidem. C. qui accusare non possunt. Nec creditur ei super

Apparito-  
ri in quibus  
credatur.



commiffione, fi dicat hoc negotium fibi commiffum  
fuiſſe, vt docet Bar. hic & Extra. ad reprimendum, in  
verb. per nuntium.

Conſuetu-  
do Francia  
de appari-  
toribus.

Hodie ex lege Regni nō creditur apparitori, quia  
debet ſaltem vnum teſtem habere, vt in titul. de cita.  
art. j. in Comment. ad Conſtit. Reg. tomo iij. ſcripſi.  
Ideo ſi non obſeruet legem, ei non ſtabitur, ſi pars di-  
cat ſe non fuiſſe citatam, & tenebitur ſuis impenſis  
iterum citare partem: ſed de conſuetudine Francia  
ſolet credi apparitoribus ſupremarū Curiarū, etiam  
non adhibito aliquo teſte in expleis & executioni-  
bus, & maximè ſi intra palatium fiat executio, &  
pertineat ad officium huius apparitoris, non aliàs.

Sed quoad commiſſionem, dicemus in paruis, &  
intra ciuitatem ſolere credi apparitori dicenti nego-  
tium citandi, vel aliud modicum faciendi datū, quia  
de his paruis non curatur. l. ſcio. ff. de integ. reſtit.  
ſecus in magnis & arduis: nam iſta debet apparitor  
oſtendere per literas, & iſta ſeruant Curia Francia.  
Vide quæ plenè Doct. ſcribunt in ca. cum ſpeciali. de  
appellat. & ſic ij ſtationarij præficiuntur tam ad quie-  
tem populi ſeruandum, quàm vt referant crimina  
commiſſa præfecto vrbiſ.

Et vrbe interdicare præfectus vrbi, & qua-  
libet alia, ſolitarum regionum poteſt. ] Vlpia-  
nus ait in l. relegatorum. §. conſtitutum eſt. ff. de in-  
terdict. & relegat. Eum, cui patria interdictum eſt, e-  
tiam vrbe abſtinere debere. Contra autem, ſi cui fue-  
rit interdictum vrbe, patria ſua non videbitur inter-  
dictum. Itaque multis conſtitutionibus cauetur, ſi cui  
plene non patria ſua, ſed aliqua ciuitate interdictū ſit,  
videndum eſt, an etiam patria ſua, iterumque vrbe  
interdictum dicamus, quod magis eſt, & inferius di-  
cetur, & non eſt mirum, ſi præfectus vrbiſ interdica-  
re vrbe poſſit, cum vrbiſ cura ſit ei commiſſa, vt ſupe-  
rius viſum eſt: ſed nunquid etiam poterit interdica-  
re vſque ad centeſimum miliarium? ſequitur.

Et qualibet alia, ſolitarum regionum [Ex-  
ponit Accuſ. id eſt territoriorū, quæ ſunt in vrbe Ro-  
ma, quas regiones Romani appellant. l. iij. in princ.  
infra de offic. præfect. vigil. hoc tamen non placet.  
quia interdicta vrbe, & ſingula eius partes cenſentur  
interdictæ. arg. l. ſi quis cum totum. ff. de except. rei  
iudic. l. appellatione rei. ff. de verbor. ſignific. Ideo ſu-  
perfluum eſſet partes & regiones vrbiſ exprimere,  
poſtquam vrbiſ expreſſa eſt.

Iſtam tamen gloſ. not. Alexand. & Iaſ. in l. quod  
iuſſit. ff. de re iudic. ad hoc, quod ſi duo bellum ha-  
beant inter ſe, & duriffimam controuerſiam, iudex  
poterit vtrique prohibere, ne vnus ante portam alte-  
rius tranſeat: & credo deciſionem veram, quia con-  
gruit præſidi, & cuilibet iudici pacatam habere pro-  
uinciam. l. congruit. infra. de offic. præſid. tamen hic  
text. non probat, minùs glo.

Coraf. verò exponit, regiones ſcilicet incolatus,  
originis & delicti, quibus præter urbem delinquen-  
tes plerumque interdicebantur. l. relegatorum. §. in-  
terdicere. & §. ſi quis eam. ff. de interdict. & relegat.  
Sed licet quādoque ipſæ ciuitates originis, incolatus,  
vel delicti interdici poſſint, non tamen ſolitæ hinc re-  
giones dicuntur, ſicut aliæ, quas ſtatim dicam, & in  
hoc text. dicitur, quod eum ſubmoueret ſua pro-  
uincia.

Solita re-  
giones quæ  
dicantur.

Ego intelligerem ſolitas regiones dici conſuetas  
interdici, cum præfectus vrbe Romana interdicebat,

de quibus ſupra dictum fuit. & facit lex ea cauſa, iū-  
ta gl. ff. de his qui notant. infamia. & ſolitæ regiones  
dici poſſunt, quæ intra centeſimum lapidem erant.

Hodie cum quis interdicitur vrbe Pariſiorum, ve-  
niunt ciuitates, quæ ſunt primariæ iuriſdictionis vr-  
bis, de la Baillieue, vocant, ou Prenoſté, ſicut apud Bitu-  
riges ciuitates ſeu oppida ſeptem, quæ vocant ſep-  
tena, de quibus Boër. in §. j. & ſeq. de iuriſd. omn. iud. in  
conſuet. Biturig.

Vnde ex praxi ſolet intelligi. Nam ſi præfectus vr-  
bi Pariſiorum interdicit vrbe, ſolet idem dicere de  
adhærentibus ciuitatibus, ſic vulgò, l'auons banny de la  
ville de Paris, & de la Prenoſté, & Baillieue, &c. [in-  
terdiximus ciuitate Pariſiorum, eiufdem Præfectura  
atque Diſtrictu, &c.] Ecce illas villas ſolitas interdici,  
quando interdicitur vrbe: idem faciunt alij iudi-  
ces, alioqui interdicta tantum vrbe, non eſſent inter-  
dictæ iſtæ ſolitæ regiones. per l. ij. ff. de verb. ſignific.  
quia hoc odioſum eſt, & reſtringendum, & iſte text.  
dicit vrbiſ præfectum ſolitus interdicare vrbe, & re-  
gionibus ſolitæ. Ergo ſi non interdicerentur, non ve-  
nient vrbiſ nomine, nec interdicta vrbe, cenſeretur  
regiones ſolitæ interdictæ.

Et negotiatione ] vt putà, ſi negotiatione abſti-  
nere iubeatur, vel ad cōductionem eorum, quæ pu-  
blice locantur, accedere, vt ad vectigalia publica in-  
terdici autem negotiatione plerumque, & negotia-  
tionibus ſolet. l. moris. §. ſunt autem. ff. de pœnis.

Quod poteſt iudex facere, ſi artifex ſemel in arti-  
ficio, vel pluries reſprehenſus, artificium ſuum violat,  
omnia quæ facit corrumpens, tunc negotiatione po-  
terit ei præfectus vrbiſ interdicare: adeo ſolèr appro-  
bati quidam artifices in ciuitatibus, & magiſtri fieri,  
vt periti ſint in negotiatione, & artificio, cui præficiū-  
tur, & negotiatio poteſt, ac artificio, eis (ſi nō probè  
agent) interdici: quamuis magiſtri ſint, & approbati  
in illa negotiatione. vt ſcripſi in tractat. de magiſtr.  
artificio. in ij. tomo Comment. ad Conſtitut. Regi.  
Gallicas.

Quibus nā  
negotiatione  
interdici  
poſſit.

Sed præfectus vrbiſ non poteſt aliquem damnare  
ad negotiationem. d. l. moris. quia licet cuilibet arma  
ſuſcipere, vel bella, aut ad res diuinas accedere, cum  
ſit liber: ergo non debet cogi ad negotiationem, nec  
ad vilia alia. vt in titul. ne quis liber inuitus actum,  
ſcilicet vicem, Reipub. gerere cogatur, libr. xj. C. niſi  
tempore neceſſitatis. l. j. ſuprà. de offic. Conſul.

Profeſſione. ] Poteſt interdici profeſſentibus ne  
in aliis locis quàm in ſtudiis approbatis iura profeſſen-  
tur ne adulterinam ſcientiam tradant. §. hæc autem,  
in procem. ff. & ſi forte legantur libri ſuſpecti, poterit  
præfectus vrbiſ interdicare, ne publice nec quidē pri-  
uatim legantur. Idem ſi quis vellet ſecreto iura inter-  
pretari, poteſt illi prohiberi, ne adulterinam tradat  
ſcientiam, & ne publicæ ſcholæ impediatur, quæ  
factæ ad hoc ſunt vt quilibet ibi publice, non clam  
profeſſeatur.

Quomodo  
profeſſione  
interdica-  
tur.

Hodie quia Vniuerſitates ſunt approbatæ & à Pa-  
pa, & ab Imperatore, vel à Rege, ſeu alio Principe,  
vbi præficiuntur, & ſolent dari, illis à Papa Cōſeruato-  
res, in c. fin. de offic. deleg. in ſexto. & alij à Rege, vel  
Principe ſeculari, vnde ad iſtos hodie ſpectaret in-  
terdicere profeſſione, nō autem ad præfectum vrbiſ,  
ſub cuius imperio non ſunt, niſi in aliorum negli-  
gentiam. Nam ſpeciales Cōſeruatores dati faciunt  
ceſſare iudices generales, quia genere per ſpeciem  
deroga



derogatur. cap. primo. de rescript. & est regul. iuris. Potest etiam intelligi iste tex. de professione pistori, sartorum, vel alterius artis. vbi in l. professio, & desiderium tuum inter se discrepant. vbi Lucas de Penna C. de munerib. patrim. lib. x.

Aduocato  
quomodo  
interdici  
possit, ne  
postulet.

**Et aduocationibus.]** Si aduocatus probis certet, vel partem prodatur, potest interdici, ne postulet, imò priuari. l. quisquis. & l. final. C. de postuland. & Vlpia. ait. ff. de pœnis. l. *Moris est aduocationibus quoque præfides interdiceret, & nonnumquam in perpetuum interdiceret, nonnumquam ad tempus, vel annum metiuntur, vel etiam tempore, quo Prouinciam regunt; videlicet, sic statuunt, vel taxant annum, vt intra dimidium annum, vel tres menses, seu, vt eis placet, diuidant.* Etiam prohibent postulationem eo tempore, quo ipsi Prouinciam regent, & consueuerunt per annum, quem metiri solebant, & taxare, prout eis videbatur, per trientes, aut quadrantes, aut semissem.

Dicit etiam ibid. Vlpian. Ita quoque interdiceret potest alicui, ne certis personis adsit, id est, ne pro certis personis, forte regni inimicis postulet: potest, & ita interdici cur, ne apud tribunal iudicis postulet, & tamen apud legatum, vel procuratorem nō prohibeatur agere, si tamen apud legatum prohibitus fuerit postulare, credo per consequentias, nec quidem apud Præsidem relictam illi postulandi facultatem. Et sic postulate prohibitus in Parlamento, censetur & in omnibus aliis curiis prohibitus, sed prohibitus in Castellato, nō prohibetur in aliis Curis. Ideo, quia apud legatum Cæsaris, vel proconsulis prohibitus, non poterat in consequens apud Præsidem postulare, vt hic.

Et foro, & ad tempus & in perpetuum, interdiceret poterit, &c. Idem Vlpia. ait d. l. moris. Plus autem est foro, quā aduocationibus interdiceret: huic omnino forensibus negotiis accommodare se non permittitur. solet autem ita iuris studiosis interdici, vel aduocatis, vel tabellionibus, siue pragmaticis. Sed quomodo his interdiceretur? Respondeo, Solet & ita interdici, ne instrumenta omnino forment, videlicet tabelliones, neue libellos concipiant aduocati, neue testationes consignent, scilicet pragmatici: & posset forte hic intelligi de actuariis, qui acta scribunt, & consignant, & sic quando interdicitur foro, nec ibi sollicitare ille potest, nec procurator, nec aduocatus, aut tabellio esse.

Interdicio  
fori  
quid im-  
porter.

Non refragatur l. si. ff. de pœn. vbi magistratus nō potest interdiceret ultra tempus suæ administrationis, & hoc dicit Accurs. per interlocutoriam, secus si per definitiuam: vt hic, sed hoc est prælagire. Coras. illam legem in præfide loqui censet, quod est verum, sed ratio diuersitatis esset inter hos exprimenda. Ideo ego dicam præfectum vrbi & præsidem interdiceret posse vrbe, & ad tempus, & perpetuo, ac in aliis etiā locis. per l. relegatorum. ff. de inter. vel releg. Sed non poterunt alicui interdiceret arte sua ultra tempus administrationis. Nam ars & artificium alicuius est valde priuilegiatum, vt eo quis viuatur, vt docet hoc Catonis distichon.

Artificium  
est valde  
priuilegiatum.

*Cum tibi sunt nati, nec opes, tunc artibus illos*

*Instrue, quò possint inopem defendere vitam.*

Ideo voluit ille benignus Antonius, restringere ad tempus administrationis iudicis, secus quando interdicitur vrbe, quia in alia cum suo artificio viuere poterit, quod nusquam posset post interdictionem

artificij, quod est valde notandum, & sic docet Accurs. in l. j. C. de postul. etsi hoc non firmer.

Et quamuis ista præfectis vrbi olim Romæ concederentur, sunt etiam concessa postea per iura prædicta, & prouinciarum præsidibus, vt est notorium & hodie præfides in Gallia de his cognoscunt.

**Et spectaculis.]** Potest quoque & præfectus vrbi alicui interdiceret, ne ad spectacula, & ludos vadat, ne rixam excitet. Cur enim, inquit Iulianus, ad arma, & rixam procedere patiatur prætor, quos potest sua iurisdictione compescere? l. æquissimum. ff. de usufr. imò docet hic Bal. post Petrum, iudices ab officio remouendos, si videant rixantes, & non se interponant. & Senatus Tholosanus furcā puniuit iudicem, qui raptum dissimulauerat, & raptorem amicū suum non punierat.

Etsi quem relegat ab Italia, summouere eum etiam à prouincia sua. Et sic si quis interdicit aliquem vrbe, non debet abstinere patria nec sua prouincia, sed iudex potest etiam relegare à sua prouincia, vel patria, sed si hoc nō expresserit, patria, vel prouincia, non abstinebit, quia species interdicta est, non genus. d. l. moris.

Interdicio  
vrbi,  
non cōple-  
ctitur pa-  
triam, nec  
prouinciā.

Si verò patria vel prouincia est interdicta, eo casu abstinebit & vrbe, & illis ciuitatibus, quæ in patria vel prouincia sunt. vt si interdicitur patria Lemouicensis, & montes, & colles interdicti censentur, & vrbs ipsa. l. ij. ff. de verb. sign. vbi scripsi.

Sed si interdicitur ciuitate Parisiorum, & patria sua fuerit apud Vanibas, etiam sua patria interdicta censetur. arg. ca. si ciuitas. de sentent. excomm. in vj. alioqui nihil prodesse ferè relegatio, & quia solitis regionibus interdici solet, vt superius dictum fuit.

Diuus Seuerus rescripsit etiam eos, qui illicitum collegium coisse dicuntur, apud præfectum vrbi accusandos esse. Collegium contra Senatusconsulta, mandata, & constitutiones fieri censetur, ni ex Cæsaris, vel ex Senatusc. autoritate fiat, & ideo illicitum. l. penult. ff. de colleg. illicit. vide l. j. ff. de manu. quæ seruis ad vniuersit. pertin. imponuntur. vnde præsidibus Prouinciarum mandatis principalibus præcipitur, ne patiantur esse sodalitia, collegiaue illicita, & hoc intelligitur in Prouinciis, sed in vrbe puniendi erant à præfecto vrbi, qui collegium illicitum coegerant. Nam Theodos. statuit: Omnia corporatorum genera, quæ in Constantinopolitana ciuitate versantur, vniuersosque ciues, atque populares, præfecturæ vrbane, regi moderamine cognoscas. l. penul. C. eod. Et per prædicta apparebit legem secundam satis elucidatam esse, nec alia declaratione indigere.

Collegium  
illicitum  
quod nā di-  
catur.

#### S V M M A R I A.

- 1 Præfectus vrbi extra terminos vrbi habetur tanquam priuatus.
- 2 Iudex extra terminos vrbi, quomodo possit iubere iudicare, licet ipse extra territorium iudicare non possit.

#### LEX III. VLPIANVS LIBR. II.

#### AD EDICTVM.

**P**ræfectus vrbi; cum terminos vrbi exierit, potestatem non habet: sed extra urbem potest iubere iudicare.



Tria in hac lege videntur tractari, primum expresse, videlicet præfectum vrbis non habere potestatem, nec iurisdictionem, quando exiit extra terminos vrbis. Idem docuit Vlpian. in l. j. supra vbi terminos vocauit centesimum lapidem; habetur enim tanquam priuatus, ibi. & in l. iij. infra de offi. Præsid. vbi dicitur, extra territorium ius dicenti non paretur impunè. l. fi. de iuris. om. iud.

Potestatis  
verbum quid  
denotes.

Secundum, tacite infertur, vt præfectus vrbis intra urbem & vrbis terminos habeat imperium, & potestatem, quia potestatis verbum quando respicit magistratum, pro imperio sumitur. l. potestatis. vbi scripti. ff. de ver. signific. vnde intelligunt quidam imperium non habere extra territorium, sed iurisdictionem sic, quod est falsum, per l. fi. infra de iuris. om. iud. & l. iij. de offi. præsid.

Tertium, ex hac lege habetur, iudicem posse iudicare, licet sit extra terminos vrbis. Nam licet quantum ad se non possit iudicare extra territorium. l. fi. ff. de iuris. om. iud. tamen quia semper est magistratus, ob id negligenti magistratui, existenti in suo territorio, iubebit iudicare ibidem. l. cum qui. ff. de iuris. om. iud. vbi alia dicā. facit l. cum vnus. §. pen. de bonis autho. iud. possiden. Nam iudicare, accipitur hic pro præcipere. Nam cum ipse præfectus summam imperij teneret in vrbe, poterat aliis magistratibus vrbis iudicare, cum ipse in vrbe erat, sed dubitatur, quid extra urbem, ait illum ipsum præfectum iudicare, tamen his, quibus causas delegauit, quam aliis, & tam eis, qui de causa cognoscere coeperunt, quam etiam aliis magistratibus, qui de hoc cognoscere debent, & negligunt. nam hic iussus refertur ad personas, & loca sibi subdita, & quamuis territorium, in quo iubet, ad eius iurisdictionem non spectet, tamen iudicare suis subditis etiam extra territorium potest. l. ij. de offi. procons. nam licet tamquam priuatus dicatur iudex extra territorium suum, tamen priuatus potest præcipere, vt bona sua administrantur, etiam si ipse sit extra bona, vt in tit. mand. sic & iudex iubebit iudicare, quamuis sit extra territorium, dum tamen is, qui iussus est iudicare in territorio, iudicet: & qui est in magistratu, iudicare potest. l. cum. de iuris. om. iud. & hic licet extra terminos suæ ditionis videtur tanquam priuatus, tamen magistratus est, ob id iudicare poterit, vt in vrbe iudicetur, in qua ipse iurisdictionem habet. Sunt qui intelligant iudices Romæ degentes posse iudices extra terminos suæ ditionis existentes dare, vt cognoscant intra terminos suæ iurisdictionis, sed hic intellectus haberet dubitationem, & iste text. intelligitur de magistratu, qui exiit terminos vrbis, ergo non est in vrbe, ideo hic intellectus est contra verba text. & sic reiiciendus. Etiam non placet intellectus Doct. vt text. intelligat iudices delegare posse, & mandare iurisdictionem, quamuis sint extra territorium, quia ex verbis ista doctrina non probatur, licet vera sit, & quamuis iudex extra territorium delegare possit, tamen hoc non probatur in isto text.

Poterit etiam hic præfectus vrbis iudices dare, & causas delegare extra territorium, & istum text. sic intelligunt interpretes, & hoc verum est, sed non conuenit sensus huic verbo, iudicare, licet iudicare, pro iudicare interdum capiatur, si ad hoc referatur. vt d. l. eum qui. vbi dicitur. Fenestella in hoc titulo ait: sed cum multo tempore præfectus vrbis creatus fuerit, demum

illius ditione delata ad prætorem, translataque, Latinorum feriarum duntaxat creari coepit: & cum ceterorum omnium magistratuum fora quiescerent, soli præfecto vrbis Latinorum subiacerent, ne quis alteram magistratuum speciem esse arbitretur.

Per ista patet hanc præfecti vrbis potestatem fuisse magnam, sed postea immutatam, ob id ista debent inducere ad distinguendum tempora, & sic conciliari poterunt scriptura.

## De Officio Quæstoris,

TIT. XIII.

SUMMARI.

- 1 Sententia in variatione opinionum plurium auctoritate confirmata, est sequenda.
- 2 Quæstores ab Imperat. vocati susceptores, exceptores, sue exactores.
- 3 Magistri copulatorum pecuniam Regis non distribuunt.

LEX VNICA, VLPIANVS LIB.

SINGVLARI DE OFFICIO

QVÆSTORIS.



**Q**Rigo Quæstoris creandi antiquissima est, & penè ante omnes magistratus. Gracchanus denique Iunius libro septimo de potestatibus, etiam ipsum Romulum, & Numam Pompilium binos Quæstores habuisse, quos ipsi non sua voce, sed populi suffragio crearent, refert. Sed sicuti dubium est an Romulo & Numa Pompilio regnātibz Quæstor fuerit: ita à Tullo Hostilio rege Quæstores fuisse, certum est. Et sanè crebrior apud veteres opinio est Tullum Hostilium primum in rempublicam induxisse Quæstores, & à genere quærendi, Quæstores initio dictos, & Iunius, & Trebatius & Fenestella scribunt.

**I**N isto principio Vlpianus originem Quæstorum antiquissimam fuisse docet, & ferè ante omnes magistratus, & sunt qui dicant à Romulo & Numa Quæstores inuentos, sed hoc non satis certum, neque exploratum est: sed apud veteres crebrior sententia, ac magis frequens fuit, Quæstores à Tullo Hostilio rege Rom. tertio inuentos fuisse; & Pomponius ait in l. ij. de orig. iur. §. deinde cum ærarium populi auctum esse coepisset, vt essent, qui illi præessent, constituti sunt Quæstores, qui pecuniæ præessent, & dicti sunt ab eo, quod inquirendæ & conseruandæ pecuniæ causa creati erant.

Quæstores  
à quo inuen-  
ti.

Vnde dicti  
sunt.

Crebrior apud veteres opinio. ] Istum text. allegant interpretes ad hoc, vt dum sunt variæ sententiæ, illam esse sequendam quæ plurimum auctoritate roboratur, & sic illam, quæ est communis. Alex. ad hoc induxit istum text. conf. 95. visis. num. 6. in ij. vol. & conf. 55. perspectis. num. 36. in iij. volu. ac Barbar. cōf. j. col. xxiiij. in j. volumine. ac conf. xvij. præclare. col.



col.v.idem & consil.58. col.v.in iij. vol. Dec. consil. 499. col.ij. Ias. consil.155. col.v. in iij. vol. & in l.ij. nu.19. ff. de iureiurand. & in l. si is qui. numc.287. de vsucap. Ista tamen regula limitatur in multis casibus à Iohan. Nensis. in sylua nupriali, ob id ad eum te renicio.

Et sic ex ista lege patet, quando fuerunt inuenti Quæstores, & responderet tempore Tullij Hostilij regis Rom. tertij, quia ante eum Reges Roman. pauperes fuere, & cum auctum fuisset ærarium, creati sunt, ergo non primo quoque tempore, sed vtrumque non est magni emolumenti, quia etiam si à Tullo Hostilio, res erit antiquissima.

Secundo, quare fuere inuenti hi Quæstores? Respondeo causa quærendæ pecuniæ, cū ærarium auctum fuisset, & sic Quæstores fuerunt ad pecuniam quærendam, & conseruandam instituti. Idem pecuniam, quam recipiunt nomine Imperatoris, vel Regis, alius mutuare non debent, nec ipsi illam ad alios vsu transferre sub pœna quadrupli, & capitalis sententiæ. l. j. & seq. C. de his qui ex ratio. publi. mutuam pecun. acceper. libr.10. Ex hoc apparet hos Thesaurarios Regum esse in magno mortis discrimine, cum quotidie de his pecuniis regiis contrahant, ludant, & comedant, sed post centum annos (vt vulgò dicitur) oportet plumas restituere, qui anserem Regis comedit.

Tertio, quare dicti sunt Quæstores? Respondeo, à quærendo quia pecuniā à populo quærebant, & conseruabant: vnde Modestini. ait, Periculum nominū ad eū, cuius culpa deterius factum probari potest, pertinet. l. periculum. ff. si cert. petat. & ad duplum tenentur eius, quod suscipere neglexerint. l. j. C. de suscepto. libr.10.

Quarto, quo modo creabantur? Respondeo, primo à Regibus populi suffragiis, & primū duo creati fuere, ex quibus cum res prosperè celsisset, & plebs huius muneris particeps fieri vellet, quatuor Quæstores facti sunt, duo qui vrbis negotiis, & ærario præessent, duo verò qui consulibus ad belli ministeria præstò foret, liberūque erat hos duos vltimos ex patribus, vel plebe creari, quo tēpore, quia omnes ferè pecuniæ receptionem affectabant, vt nunc fit, tātò certamine Quæsturam plebs inuasit, vt ex quatuor vix vni patritio Fabio, scilicet Ambusto locus relictus foret. vt docet Alexand. lib. Genial. ij. cap.2. vbi etiam auctis vestigalibus & quæstu Romano vltra viginti creati fuere.

Quinto, officium istorū erat vestigalia, multas, atque alios redditus omnes publicos exigere, accepta, & expensas rationibus inferre: militibus quoque stipendia præbere, omniumque rerū, ac redditū perceptorum rationes reddere, illasque confectas & absolutas per suos scribas in ærarium deponere. vt est auctor idem Alexand. libr.2. etiam si quid pecuniarū publicè vel priuatim erogari, vel in ærarium condi deberet, Quæstorum curæ mandabatur: quinetiā Regibus & Legatis ex vltimis oris terrarum Romæ profectis publicum hospitium, & munera, quæ Lancia dicta sunt, sæpe commeatus largè & hospitaliter, & vestimenta per Quæstorem vrbis publico nomine præstabantur, ipsisque ac comitibus, ne quid rerum deesset, vrbani prætoris erat officium. Et procedente imperio annales habiti sunt: & cum Romani voluissent Aphricano superiori continuum

per omnes annos Consulatum, perpetuamque Dictaturam tribuere: horum sibi nihil, neque plebiscito dari, neque Senatusconsulto decerni passus est, penè tantum in recusandis honoribus se gessit, quantum egerat in merendis, vt scribit Valer. Maxim. lib. iij. de animi moderat. Nec ad officium assumi debebant hi Quæstores postea, nisi prius rationes integras reddidissent, & reliqua præstitissent, vt Imperat. Valen. statuit. in l. neminem. C. de suscepto. libr. decimo. Vnde in hoc Regno ex Regis Henrici constitutione eos esse perpetuos in officio voluit, sed administratio alternis annis fit, nempe qui hoc anno exegisse dicuntur, anno sequente nil exigent, sed tantum rationes reddent, vt est in constitut. Reg. titu. des Thesauriers & Recepueurs. Ordinat. xv. & hi non possunt exercere officium, si in eo deliquerint, etiam ex Principis indulgentia, quia hoc tendit in Regis & populi perniciem. l. si aliquid. C. de suscepto. cod. libr. alioqui isti Quæstores inducerentur ad furandum centum millia, tam à populo, quam à Rege, & postea datis decem millibus indulgentiam consequerentur, quod non est permittendum.

Sexto, apud veteres Quæstores in multiplici differentia fuerunt. Primus fuit Quæstor ærarij, qui aliter, vrbis, dictus fuit: licet Budæus eos distinguat: & hæc Quæstura in ciuitate inter honores non habebatur, sed personale munus erat. vt docet Archad. in l. fin. §. primo. ff. de muner. secus de Quæstore candidato Principis, vt inferius dicitur, hic namque erat præfectus ædis Saturni, in qua ærarium vrbis erat, & inquirendæ ac conseruandæ, denique & erogandæ curam habebat: quare & multæ punitorum à censoribus apud hos deponebantur, qui propterea ærarij nominabantur, hoc est in ærarium relati. Præterea spolia, pecuniæque hostiles, in bellis, à ducibus exercituum captas, & qui Romam, à procuratoribus prouinciarum, redditus missi fuerant, adseruanda accipiebant: quæ, non solum Consulibus, senatūque requirentibus, erogabant, ad omnis generis muneris persoluenda: verum etiam, ludis edendis, sumptus, consilio senatus, supeditabant, iussique legatis exteris, prout decretum erat, præstabant: de quo Quæstore sæpius loquitur Titus Liuius, Cornelius Tacitus, & alij Historiographi. Et quod etiam Iurisconsulti vocant Quæstores, Imperatores vocant, susceptores, exceptores, siue exactores. in lib. decimo. C. in hisce titulis, & lib. duodecimo. de exceptor. & his rectè cōparamus nostros thesaurarios, & receptores: licet Budæus dicat nos habere pro his præfectos rationum, quos computorum magistrōs dicimus: quod mihi persuadere non possum, cum illi nullam iurisdictionem haberent, sicut nostri magistri rationum, seu cōputorū habent, de quibus in Ord. Reg. dictum est: nec quæunt pecuniam, sed rationes audiunt: ideò his comparari vix possunt: quia etiam pecuniam Regis non distribuunt, sicut Quæstores.

Alius erat Quæstor vrbis, qui parricidij dictus fuit, seu capitalis. Nam cum de capite ciuis Romani iniussu populi non esset lege permissum ius dicere: propterea Quæstores à populo constituti fuerunt, qui capitalibus rebus præessent, hi que appellabantur Quæstores parricidij, quorum etiam meminit lex duodecim Tabular. vt Pompon. in l. ij.

Quæstores  
in regno  
Fracti sunt  
perpetui.

Quæstor Vr-  
banus, æra-  
rij dictus.

Quæstor  
candidatus  
Principis.

Computo-  
rum magi-  
stri.

Quæstor  
vrbis,  
parricidij  
dictus.

Quæstores  
alios pecu-  
niam regis  
mutuari non  
possunt.

Quæstorū  
negligentia.

Quæstores  
quatuor  
creati.

Eorundem  
officium.

Lancia, sunt  
munera da-  
ta legatis.



§. deinde cum ærarium. ff. de orig. iur. & Fenestel. de magistrat. Roma. hi etiam, Quæstiores dicti, vt Vergil. ait:

*Quæstor Minos urnam mouet.*

& de hoc loquitur Martian. in l. prima. §. primo. ibi iudexue quæstionis. ff. de sicar.

Et quia in his capitalibus causis per tormenta quæritur veritas, ideo quæstio dicta est. vt in titul. ff. & C. de quæstion. scripsi in l. quæreret. ff. de verbor. signific. vel Budæ. teste hi fortè parricidij dicti eò fuere, quòd huius maximè cognitione Maiestatis, & quorumcunque etiam grauium criminum habebat, & Quæstiores dicti, quia quærere, id est, informationem facere debebant, & quia in capitalibus acerrima inquisitio fieri debet. l. vbi. C. de fals. vel, quia parricidæ non tantum, qui parentem occidissent, sed qualemcumque hominem dicebantur, vt iudicat lex Numæ Pompil. his verbis: Si quis hominem liberum morte sciens eluit, parricida est. docet Robert. Val. tur. trac. de re milita. lib. 8. & l. j. ff. de parricid. dicam in l. diutius. de offic. præsid. & tex. in §. denique. vers. si verò. ibi, Sicut ille, qui fratrem suum interfecit, vel aliud graue crimen, quod parricidij appellatione continetur, commisit. quæ fuit prima causa benef. amittend.

Alij fuere Quæstiores in prouincijs designati. Nam cum auctus esset populi reditus, & prouinciæ ei acquisitæ, necesse fuit ibi quæstiores creare, qui reditum populi Romani, & vectigalia ex prouincijs prouenientia quærerent, & exigerent: & hi decreto senatus prouincias sortiebantur, vt docet iste text. & Cicero pro Muren. ait: Quæstiores prouincias sortiebantur, & ille eam administrabat, cui sorte accidebat, & olim magistratus prouincias sortiri solebant. l. emancipari. ff. de adoption. exceptis candidatis Principis, de quibus inferius dicetur, qui ab ipso Principe propter eorum excellentem industriam eligebantur.

Quidam etiam erant quæstiores frumentarij, qui erant annonæ & frumento exigendo præfecti, de quibus loquitur Cicer. de Aruspi. respons. & Laz. libr. 2. ca. 2. Plato de legibus. lib. 34. sic ait. Quæstiores & asseruatores sacræ pecuniæ in templis singulis, qui lucorum, agrorumque ipsis dedicatorum, & fructuum, conductionumque & locationum diuini sint, tres de maximis censibus, pro templis maximis eligantur: duo pro minoribus: pro medijs, maximeque concinnis vnus, qui non aliter, quàm duces exercitus eligantur & comprobentur.

Alium quæstorem inuenit Iustinianus in titul. de quæstore in authent. collat. 6. qui & inquisitor dicebatur: is enim præfectus erat in ciuitate, vt aduenas, in ciuitatem confluētes, cuiuscunque dignitatis existerent, & tam viros, quàm mulieres, clericos, laicos, monachos inquirerent: & perscrutarētur qui essent, vnde venirent, & qua occasione, quæue causa, & super his providere poterant. vt d. tit. de quæstore. videre quisque poterit. sed hodie loco istorum præfectos vrbs habemus, quorum officium est, vt ista peragant. Nam hoc officium in Francia non habemus separatim, nec distinctum, licet esset inquirendum maximè de his, qui de regione mortuorum veniunt cum hæreticorum quisquilijs.

Erat & alius quæstor castrorum, qui vices prætoris, vel ducis exercitus eo absente, vel impedito subibat. vnde quæstor is, à regione prætorij suum pecu-

liare prætorium, & palatium habebat, de quo Quæstore meminit Cicero pro Murena, sic inquit: Quæstiores sortiebantur prouincias: ita similiter Quæstor, duce absente, liberius totis præsidebat, & Cæsar lib. 5. ac Liuius sapius.

#### S V M M A R I A.

1. Rescriptum nullum olim recipiebatur, nisi à Quæstore annotatum.
2. Cancellarius, Principis literis legendis, approbandis, vel denegandis præpositus.
3. Ex quæstor duobus modis accipitur.

§. Ex quæstoribus quidam solebant prouincias sortiri ex senatusconsulto, quod factum est Decimo Druso & Porcina Cōsulibus. Sanè nō omnes quæstiores prouincias sortiebantur: verum excepti erant Cādidati Principis. Hi etenim solis libris principalibus in senatu legendis vacabant. Hodiēq; obtinuit, indifferēter Quæstiores creari, am patricios, quàm plebeios. Ingressus est enim, & quasi primordium gerendorum honorum, sententięq; dicendæ in senatu Ex his (sicut diximus) quidam sunt qui Candidati principis dicuntur: quiq; epistolas eius in senatu legunt.

Sortiri prouincias, est eas sorte designare acquirere, vt hic, & in l. emancipari. ff. de adoptio. inde dicimus, sortiri forum, apud Iurifcon. & c. fi. de foro compet. pro acquirere. & quando quis sortitur forū in aliquo loco, ibi iudicium pati debet, vbi forum sortitur. l. si quis in legatione. iuncta l. 2. §. legatis. ff. de iudic.

Sortiri causam, olim causæ sortibus ex vrna ductis cognoscebantur auctore Budæo in annotat. & Vergil. ait:

*Nec verò hæc sine sorte data, sine iudice sedes,*

*Quæstor Minos urnam mouet, &c.*

Erat enim apud Romanos iudicandi hæc consuetudo, quòd nomina iudicum conscribebantur, & in vrnam deiciebantur, vt de pluribus necessarius numerus per sortitionem confici posset, & ex illo electorū iudicum numero permittebatur partibus reicere, quos vellent, reiectione facta prætor vel tribunus decurionum, in loca eorum, qui reiecti fuerant, sortiebantur alios, quibus ille iudicum legitimus numerus compleretur, & hæc sortitio dicebatur: qua perfecta iurabant in leges iudices, vt obstricti religione iudicarent. Hæc Laz. in lib. de Republ. Rom. 3. cap. 9. post Sueton. & Appian. Alex.

Sortiri filium, dicit Vlpianus, quasi fato habere, & Dei dispositione ac gratia. §. sed nos. de Senatuscōf. Tertul. in Instit. in l. 3. §. si emancipatus. ff. de bonor. posse. contra tabul. quem text. declarat Alciat. lib. 4. Parerg. cap. 22.

Sortiri legitimos defensores, pro acquirere, & obtinere. in l. vnica. C. vbi petan. tutor. ibi, & vbi patrimonium habent, morabuntur, vt ibi defensores legitimos sortiantur. Sortiri iudicem religiosum, in l. denuntiassent. in fin. ff. de adulter.

Sortiri

Quæstiores  
in prouin-  
cijs designa-  
ti.

Quæstiores  
frumentarij.

Inquisitor.

Quæstor  
castrorum.

Sortiri  
modis  
accipitur.



Sortiri militiam, idem in l. vnic. vbi Lucas de Penna C. de mensur. lib. 12. dicit etiam accipi pro dispo-  
nere & ordinare. & Cicero pro Cluentio sic scribit:  
Statuerunt enim maiores nostri, vt si à multis esset  
flagitium rei militaris admissum, sortitione in quos-  
dam animaduertetur, vt metus, videlicet ad om-  
nes, pœna ad paucos perueniret. Solebant autem ex  
multis delinquentibus, per sortem decimum quem-  
que eligere, & capitaliter illos electos castigare. vt  
docet Budæ. in l. i. ff. de his qui not. infam.

Interdum sortiri, est sortem mittere, seu sortem e-  
ligere. l. si quæ sunt cautiones. ff. fami. herciscun. vnde  
Vlpian. ait l. sed cum ambo ad iudicium prouocant,  
sorte res discerni solet. ff. de iudic.

Ius etiam pontificium dicit sortiri effectum, pro  
obtinere. in c. post electionem. in fin. de concess. præb.  
& Gallicè dicimus, *sortir effect*.

*Candidatus  
Principis.*

Sanè nō omnes Quæstores, &c. ] Ergo alius  
erat Quæstor, qui Candidatus Principis dicebatur,  
& quamuis Budæus dicat non dici Quæstorem, sed  
tantum Principis Candidatum: iste tamen textus  
probat contrarium, dicens Quæstore sortiri pro-  
uincias, exceptis Candidatis, ergo Candidati erant  
Quæstores, aliàs exceptio non esset de regula, contra  
Aristot. & Dialect. ac Iuriscons. in l. j. ff. de reg. iur. &  
ibi in hoc tex. Ex his sicut dicimus quidā sunt Quæ-  
stores, qui candidati Principis dicebantur. & idem  
Fenestel. vult, & alij.

Vocatur etiam hic à Iustiniāno, illustri Quæstor  
nostri palatij. in l. præcipimus. C. de appell. & l. fin. de  
petit. bono. subla. libr. x. Et nullum olim recipieba-  
tur rescriptum, nisi à Quæstore annotatum, vt statuit  
Iustinian. in authen. vt diuinæ iussio. subscriptionem  
habeant gloriosissimi Quæstoris. collat. 8. & omnes  
causæ appellationum dirimebantur à præfecto præ-  
torio vnā cum excelso Quæstore. §. illo. in authen. de  
appell. col. 4. quod maximè Cancellario conuenit,  
coram quo omnes causæ in senatu sic deciderentur,  
si adesse vellent.

*Candida-  
tus unde  
dicatur.*

Candidatus ab eo dictus fuit, quia in Augusti Co-  
mitatu erat, & veste candida conspicuus, quo officio  
dicunt Tribonianum functum apud Iustinianum. vt  
§. cumque hoc. in proœ. Instit. & in princip. de man-  
da. Princ. in authen. & in §. fin. de fideicom. hered. in  
Instit. Et qui libris Principis legendis vacabat, cum  
libri Principis omnia contineant, seu continere de-  
beant Principis negotia, ipsi ad omnes actus Prin-  
cipis præpositi erant, vt explicat Cassiodorus libr. 6.  
Varia. rerum in formula Quæsturæ. vbi sic ait. Si tã-  
tum claræ sunt dignitates, quantum nostris affatibus  
perfruuntur, si præsentia frequens prodit dominan-  
tis affectum, nullus ita iudicū potest gloriosius quàm  
ille, qui est in cogitationum nostrarum participatio-  
ne susceptus; aliis enim pecuniæ publicæ committi-  
mus procurationem, aliis causas concedimus audiē-  
das, alijs patrimonij nostri iura delegamus. Quæstu-  
ram toto corde recipimus, quàm nostræ linguæ vo-  
cem esse censemus; hoc nostris cogitationibus neces-  
sario familiariter applicatur, vt propriè dicere possit,  
quod nos sentire cognoscit: arbitrium suæ volunta-  
tis deponit, & ita mentis nostræ velle suscipit, vt à  
nobis magis putetur exiisse, quod loquitur. O quàm  
arduum est, subiectum verba dominantis assumere,  
loqui posse, quod nostrum credatur, & prouecti in  
publicum decorem, gloriosam facere felicitatem: si

quid dubitamus, à Quæstore requirimus, qui est the-  
saurus famæ publicæ, ærarium legum, paratus sem-  
per ad subitum, &c.

Ex his patet apud veteres multa Quæstorum ge-  
nera fuisse, & sic non posse comparari hodie vni, vt  
quidam volunt. Sed sicut multi erāt, ita oportet eos  
multis comparare. Nam hunc Cancellario compa-  
rare non erit absurdum, qui est cogitationum parti-  
ceps & lingua Principis cōsiliūque illius primum  
ac ærarium legum: & sic debet esse iurium doctis-  
simus, semper paratus ad omnia Principis negotia  
tractanda, & sic non erat in aliqua prouincia, sed ge-  
neraliter præfectus. Vnde idem Cassiodo. ait: Adesse  
in eis debet scientia Iuris, cautela sermonis, vt nemo  
debeat reprehendere, quod Principem cōstiterit cen-  
suisse, opus illi erit: præterea firmitate animi, vt à iusti-  
tiæ tramite, nullis muneribus, nullis terroribus aufe-  
ratur. Nam pro æquitate seruanda nobis patimur  
contradici, cui etiam oportet obediri, aliæ quippe di-  
gnitates assessorum solatia quærant: ista verò digni-  
tas Principi consilia subministrat. Atque ideo pru-  
dentia, veleloquentia tuæ fama prouocari, quæstu-  
ram tibi damus, gloriam literarum, ciuitatis tem-  
plum, genitricem omnium dignitatum, continentia  
domicilium, virtutum omnium sedem. A te Senatus  
iuris quærit auxilium, à te docti probantur expetere,  
quod nouerunt, & necesse est omnibus tibi suffice-  
re, & quantos, à nobis contigerit legum remedia  
postulare, &c. Et sic ista omnia conueniunt Cancel-  
lario: vnde istum Cancellario puto comparandum,  
post gloss. in l. fin. C. de diuers. rescript. Iste in sacris  
Principis literis versabatur. §. quia vero. in authent.  
de exhiben. reis. collat. §. & l. fin. C. de diuers. rescript.  
Sic & huius regni Cancellarius in literis legendis,  
approbandis, vel denegandis est præpositus. Omnia  
autem quæ in Quæstore, vt supra ex Cass. recitauim,  
requirebantur: quæ vtinam hodie in Principi Cancellariis  
essent, & melius multò nostra regeretur  
Resp. nec vererentur se de eo gradu demitti, vt ple-  
rique quondam fuere. Idem etiam Cassiod. libr. 8. Fe-  
lici 6. Quæstori sic scribit. Nam sicut cōscientia læta  
est, quæ prouehitur meritis, ira sub reatu iacet, qui se  
imparem cognoscit muneribus consecutis: ô tempus  
horrendum! quot nostra memoria pecuniis prouecti  
fuerunt, & non meritis, Respubl. noscit, & amplius  
cognoscet, quia hi nil nisi sola gloria tenentur.

*Quæstura  
dignitas  
quæta fue-  
rit.*

2

Primò igitur Quæstori, videlicet ærarij, thesau-  
rarios & receptores nostros comparabimus, qui  
pecuniis quærendis præpositi sunt, & exigendis, vt  
superius dictum fuit: siue sint thesaurarij bellici,  
siue receptores multarum, & emendarum, siue  
collectas, aut alia quærant, & exigant, quia cum vo-  
cabulum sit generale, suam significationem non  
restringemus, nisi quatenus est iam ab authoribus  
restricta, quamuis Budæus, hîc interdum compareret  
magistris computorum, & aliquando receptoribus  
multarum. de his tractat Bened. in repet. cap. Ray-  
nutius. in verb. & vxorem. num. 506. & seq. de testa.  
& vide in Constitu. Reg. hoc tit. *des Thesoriers*, vbi  
abundè horum officium explicatur.

*Ærarij  
thesaurarij.*

Quæstori autem parricidij compararem Præpo-  
sitos Mareschallorum, qui præfecti sunt capitalibus  
causis, cum iudices ordinarij non possint vagabun-  
dos & alios scelestos facile apprehendere: his est  
data omnis potestas tam parricidij, quàm aliorum

*Præpositi  
Mareschal-  
lorum.*



criminum, & quemadmodum illi lictorem & viatores habebant, sic & hodie præpositi Mareschalli Franciæ: & quamuis data sit quædam potestas istis, quæ non erat fortè data aliis, vel contrà, tamen in pluribus conuenient, quia proprium officium est horum præpositorum quærere scelestos, & eos punire, quod pulchre conscribitur in constit. Reg. in iij. parte tit. *des Preuostz des Mareschaux*.

*Exquæstor quis.*

Exquæstor autem dicitur, qui hoc officio perfunctus est, finitòque eo. §. cùmque hoc Deo propitio. in procem. Instit. & Iulius Capito. in Gordian. etiam sic vocat, Exduces, Expræfectos.

Sic & Exconsules, l. petitionem. C. de aduocat. diuersi iudic. sed hoc fit vocabulis subagrestibus: vt docet Cœl. lib. antiq. lect. xij. cap. xlij. in fin. sed his approbati authores vsi sunt, quasi extra quæsturam, Exconsul extra Consulatum, nec videtur agreste illis, qui sic vsi sunt. Alciat. tamen putat lib. 4. disp. tionum. c. 3. Excōsules quidem dici, qui dignitatem habebant, sed administratione carebant, vel ista di-  
3 Etio, ex, superabundat. vt probatur in l. 2. C. de veter. iure enucle. vbi in prin. vocat Tribonianum quæstorem, postea exquæstorem. quamuis Proco. dicat Tribonia. aliquando quæstura priuatum fuisse. Tamen in d. procem. Instit. Iustin. mandat illi, & aliis vt institutiones conficerent, & sic verè exquæstor erat, sed quasi extra omnes quæstores, quia illorum superior, & ista dictio, ex, augebit, secundum quosdam, vt Exquæstor dicatur quasi caput Quæstorum, & supra eos, sicut Exarchas, vt in formula quæsturæ constat, & sic duobus modis accipietur.

*Doctrina  
ne praxi  
esse elu  
cidanda.*

Hodièque obtinuit indifferenter &c.] Ex hoc textu patet non sufficere interpreti doctrinam dare, & text. elucidare, nisi dicat quid hodie vsus, & praxis obtinet, & seruat. vt Iurisconf. hîc. sed pauci sunt, qui hoc præstent, quia neque praxim, neque vsum forensem viderunt. Idè quidam tantum ad corticem intelligunt, Grammaticum agentes merum, non Iurisperitum mixtum, qui effectus & vtilitates legis adiungere debet, quod quartum potuimus assequi, prosecuti sumus, maximè in tit. ff. de verb. sign.

Ex isto text. etiam colligitur, plures ad vnam sententiam authores allegandos, vt facit hîc Iurisconsultus: allegat autem Iunium Trebatium & Fennestellam, sic in l. si idem. infra. de iurisd. omn. iudi. & in l. cum filio. de vulga. non tamen est vtendum superfluis allegationibus. Nam hîc Iurisconf. tres tantum allegauit, non plures, sed melius est reprehendi de superflua allegatione, quàm de omissione.

*Gradus ad honores.*

Ingressus est enim, &c.] Ex hoc text. patet ad honores ascendendum gradatim. l. vt gradatim honores deferantur edicto, & vt à minoribus ad maiores perueniatur. &c. ff. de munerib. & honor. cap. si officia. l. ix. distin. cap. legimus. in fin. xcij. dist. Nam prius præficiebatur quis Quæsturæ ærarij, & demum si in ea se rectè gessisset, ad ædilitatem, præturam, & ad alia munia mox euehebatur. Nam facile quis ad alios gradus ascendere potest, qui in pecuniis rectè administrandis versatus fuit, in eis non fuerit maculatus: cùm is qui tangit picem, coinquinetur ab ea, vt Salomon ait, multò fortius à pecunia, quæ glutimine forrior est, ad retentionem alliciens

eos, qui animæ suæ obliuiscuntur. Iste autem ordo non sine ratione seruari solitus erat. Nam ingenium eius, qui munus gerit, cognoscitur & magistratus, qualis quis sit, iudicare solet: cùm honores soleant mores mutare, sed rarò in meliores. Vnde rationi consonum minimè videtur, vt quis ad summum gradum per saltum recipiatur: imò casum appetit, qui ad summi loci fastigia postpositis gradibus per abrupta quærit ascensum. cap. fin. xlvij. distin. nec gaudet priuilegiis gradus, qui per saltum promotus est. l. secundus. C. de primicer. & secundicerio & notar. libro duodecimo. Idè in Vniuersitatibus inhienti sunt gradus, videlicet Baccalaureatus, in quo si quis se bene gesserit, ad gradum Licentiæ promoueri poterit: quem etiam honorem si quis adeptus fuerit, de meliore nota commendandus erit, & ad Doctoratus apicem ascendet, si hunc ordinem quis contemnat, facile ad contemptum scientiæ perueniet, & iste text. dicit, quasi primordium: quia Cicero de Legibus ait: Sunt adiles curatores vrbs, annonæ, ludorùmque solemnium, illisque ad honoris amplioris gradum, is primus ascensus esto.

*Promotus per saltum non gaudet priuilegiis.*

Ex his (sicut diximus) quidam sunt, qui Candidati Principis dicebantur, quique epistolas eius in Senatu legerent.

Candidatus dicebatur, qui candida veste indutus erat, sicut erant, qui Romæ magistratum petere solebant, ob id & Candidati vocari meruerunt: inde Candidatus quæsturæ qui quæsturam petebat, vel Candidatus præturæ, qui præturam petebat. Solebant autem hi per comitia aduolare, suadendo, rogando, submittendo se, & prehensando electores, vt eorum misererentur, vt nunc competitors facere solent. & Cicero in Piso. ait, Officiosissimam nationem Candidatorum.

*Candidati qui vocentur.*

*Candidatus Quæsturæ, aut Præturæ.*

Candidatus Principis etiam dicebatur, qui iuxta Principis latus erat, vt Quæstor iste, & Cancellarius, quia candida veste, & moribus plusquàm niueis indutus esse debet, qui in comitatu est Principis, vt alij à Principe, & à comitibus exemplum discant bonorum morum. Iste legebat & recitabat libros Principis, vt libri vitiosè ab aliis non legerentur, & vt sua præsentia induceret senatum ad consentiendum petitioni suæ in fauorem Principis, & vt maior Principis per eum ostenderetur auctoritas: & interdum legimus in Francia Cardinalem Beluacensem officio Cancellarij functum, & postea illud celsisse in fauorem fratris G. de Dormano, cui demum successit Petrus de Ordeomonte, vt est in lib. consilij, Anno 1371.

*Officium Candidati Principis.*

Erant & alij Candidati Principis, non Quæstores qui Principis fauore munus à populo petebant: hi namque quod in Principis fauore confiderent, non tam magno ardore, nec rogatu, nec submissione, sed incuria quadam detinebantur, vt sunt hodie quidam, qui sacerdotia vndecumque emendicant, receptis à Rege, vel ab alio potente literis, vt Budæus ait.

Alia de quæstu, quæstione, & de hoc verbo, quæro, tractauimus in l. quæreret aliquis. ff. de verbor. significatione: nunc ad Prætoris officium aduolare oportet.

*De officio*



## De officio Prætorum. TIT. XIIII.

## S V M M A R I A.

- 1 *Edicta Prætorum primùm vim legis annalis habuerunt, postea, perpetua facta, & quamobrem.*
- 2 *Prætoris appellatio quousque accipienda sit.*
- 3 *Prætores urbani, interdum peregrini in vrbe.*



**F** I C I V M Prætoris discernere non est facile, quia mutatione temporum eorum fuit immutata potestas. In initio maiorum obtinuerunt potestatem, quàm postea, ideo videnda sunt tempora, & distinguenda, quia vno tempore quædam pertinuerunt ad Prætores, quæ postea eis adempta fuerunt, & è contrario: vnde iura multa, quæ pugnare videntur, per hoc conciliari poterunt, sicut superius dictum fuit in aliis magistratibus.

*Prætores unde dicti.*

In primis à præeundo prætores dictos existimant Varro & Cicero. Fenestella autem à præessendo, circa quæ consistebat huius Prætoris officium, congerit Alexand. lib. 2. Genialium cap. 15. quæ in nostro iure constant.

Sciendum est horum originem à Senatu fuisse id temporis, quo Romanus populus Consulibus regeretur, inductam. Nam cum Consules bellis auocarentur finitimis, neque esset qui in vrbe ius dicere posset, factum est, vt Prætor quoque crearetur, qui urbanus appellatus est, eò quod in vrbe ius redderet. Post aliquot verò annos non sufficiente eo Præторе, quod multa turba etiam peregrinorum in ciuitatem veniret, creatus est & alius Prætor; qui peregrinus appellatus est, ab eo quod plerunque inter peregrinos ius dicebat. Pompon. in l. ij. §. deinde cum placuisset. ff. de orig. iuris.

Ex his Prætura distinguendam ita cenfeo, videlicet in Præturam Senatus Roman. ante constitutum Imperium, & in Præturam Augustorum constituto imperio. Et ante constitutum imperium duplex erat, videlicet in vrbe, & extra urbem.

Urbana Prætura multiplex erat, prius ex patribus Prætor creari cœptus est, qui tandem eò quod inter urbanos ius diceret, urbanus appellatus extitit, penes hunc magistratum adeò omnis publici priuatique iuris potestas fuit, vt nemini ius condere, & vetera iura abrogare, facultas esset, tantum verò in modum aucta est Prætoris autoritas, vt quod Prætor ipse edixisset (ob honorem ipsius) ius honorarium vocaretur, quod Prætores introduxerunt, adiuuandi, supplendi, vel corrigendi iuris ciuilis gratia propter publicam vtilitatem. Papinian. in l. ius autem ciuile. & l. sequen. ff. de iustit. & iure. & Liuius lib. 5. ab vrbe condita. Et quia hæc Prætorum edicta boni & æqui præcepta continebant, placuere populo, volueruntque vim legis annalis habere. Verum quia frequens Prætorum mutatio Reipub. perniciosa erat, & singuli Prætores ex suis edictis ius dicere volebant, & alia immutare, ob id statutum fuit, vt Prætorum edicta perpetua essent, & Cornelius legem tulit, vt Prætores ac alij ius dicerent ex edictis perpetuis, & de his edictis perpetuis sæpius in iure habetur mentio. in l. edicta. C. de edend. & alibi sæpius.

Erat & alius Prætor urbanus ærarij, qui vnà cum Quæstoribus, ærariique Præfectis ac Scribis curam

ærarij obtinebat. vt Cornel. Tacitus lib. 13. Augustæ historia refert.

Tutelarj quoque & alius Prætor in vrbe erat, cui tutelarum, pupillorum, & adultorum cura demandabatur. Hic in vrbe tutores dare, & curatores poterat. vt est in titul. de tutor. & curat. dat. ab his. ff. & in Instit. de Attilia. tutor. Et Antoninus Philosophus Imperator hunc tutelarem Prætorem primus fecit, teste Blondo lib. 4. de Roma triumphante. facit l. j. ff. de rebus eorum.

*Prætor tutelarj.*

Prætor quoque in vrbe etiam alius erat, qui fideicommissarius vocabatur, hic enim defunctorum voluntates (maximè fideicommissa) tuebatur, & ius super fideicommissis dicebat. §. j. de fideicommiss. hæred. in Institut. Et duo quidem à Claud. Cæsare primùm constituti fuere, ex quibus vnum Diuus Titus detraxit, & adiecit vnum Diuus Nerva, qui inter fiscum & priuatos ius diceret. Pompon. in dicta l. ij. §. deinde Cornelius. facit l. penultima. in fine. ibi: Auxilio Prætoris fideicommissarij, quibus ad libert. procla. non lic. & in d. tit. de fideic. hære. in Inst. in §. j.

*Prætor fideicommissarius.*

At cum imperium extra Italiam propagatum esset, nec vnus Prætor ad ius reddendum in vrbe sufficeret, propter peregrinorum ad urbem cōfluentium multitudinem, creatus est & alius Prætor, qui, quoniam inter peregrinos cognoscebat, peregrinus appellatus est. Fenestel. hoc tit. & Pomp. in versi. deinde cum placuisset, vt fuit superius dictum.

*Prætor peregrinus.*

Et scribit Lazijs multos fuisse Prætores peregrinos, vnum, qui ius tantum inter peregrinos diceret: alterum, qui ius inter ciues & peregrinos (nam urbanus inter ciues tantum constitutus erat) tertium, qui extra urbem constitutus inter ciues & peregrinos in prouincia ius dicebat: quartum, qui & propriè Præfectus Prætorio dicebatur, constituto primùm imperio creatum. Sed videndum est, nunquid potestatem peregrino Prætori vni tantum datam esse quis dicat, qui in vrbe erat, vt & inter peregrinos tantum, & inter ciues & peregrinos cognosceret, non autem ad hoc plures constitutos fuisse, quia in dubio pluralitas non præsumetur, nisi probetur. l. si pluribus ff. de legat. j. & de hoc Præторе peregrino loquitur l. si quis. aliàs incipit, si oleum. de dolo mal. & quia in iure non habetur mentio horum Prætorum, qui in vrbe erant extra. duos. sed cum parua sit vtilitas, hoc potuit esse, ideo cum his pertransio.

Prætores verò extra urbem totidem creati sunt, quot prouinciæ in ditionem Rom. venerant, auctore Pompon. in §. capta & Fenestel. ac de his Liuius sæpe meminit. & Victor. ait, omnes magistratus aliquando Prætores appellatos, quod & Asconio placuit. ac Decius in l. vbicumque. ff. de reg. iuris. Ego dicerem non sic esse confusa nomina, sed iura loquentia in Præторе, frequentius in omnibus aliis magistratibus præcedere, vt, si dicatur Prætoris erit notio, intelligetur de quocumque magistratu, qui de causa cognoscere poterit. Item si dicatur, Prætor permittat, vel exequatur. l. ij. & ij. ff. de offic. cius. Item, si alius Prætor pro alio adeatur. l. si per errorem. ff. de iurisd. omnium iudic. vnde lege Prætorica cauebatur: *Iuris disceptator, qui priuata iudicet, iudicariue inbeat, Prætor esto: iuris ciuilis custos esto: huic potestati parento, quotcumque Senatus creauerit, populusque iusserit, tot sunt.* Cicer. de Legib.

Etiam hi Prætores peregrini vocati sunt, & inter P. Rebuffi Lectura.

*Prætor urbanus.*

*Prætor peregrinus.*

*Prætura distinctio.*

*De Prætura urbana.*

*Ius honorarium.*

*Prætor ærarij urbanus.*



3 dum prouinciales, & sic erant vrbanī Prætores, peregrini in vrbe vrbanī, quia in vrbe Præfecti, & inter peregrinos, ob id peregrini dicti: alij verò peregrini in prouinciis, qui tam inter peregrinos, quam etiam inter ciues Rom. & peregrinos iudicarent: imò etiam inter ciues Romanos, dum peregrini officio fungebantur. vt ex Liuiο patet libro 4. Decad. 3. & libro 9. Decad. 4.

Prætor Palatinus.

Fuit & Prætor comitatus Augustalis, qui & Palatinus dictus fuit, & Præfectus Prætorio Augusti, hic in aula Imperatoris ius dicebat: quo munere hodie in Francia fungitur præpositus hospitij Regis, ad quem spectat & causarum ciuiliū inter aulicos cognitio, & criminum inibi commissorum castigatio. Inde cohortes Prætorianæ, seu milites, quibus Prætorium & palatium Principis muniebatur, vt hodie vocamus, *les Archiers de la garde du Roy*, & Præfectus prætorianorum est, cui horum demandata est cura.

Prætor exercitus.

Erat & alius apud Romanos Prætor exercitus, qui Dux exercitus dicebatur. Appianus lib. 2. & 3. belli ciuilis.

Prætor classicus.

Alius vocabatur classicus, qui classi præerat. de quo Liuius lib. 4. Deca. 5. & lib. 7. Dec. 4. Fuere & alij quos poteris apud Historiographos videre. Ornamenta prætoria scribit Laziū lib. 9. Commen. Reip. Rom. cap. 6. Sed de his hætenus, vt tantum prosequar, quæ ad ius ciuile conducunt.

### S V M M A R I A.

- 1 Ius patriæ potestatis non sequendum, quoad ius publicum.
- 2 Pater non potest iudex filij esse, vel econtrà, in contentiosa iurisdictione.

### LEX I. VLP IANVS LIB. XXVI. AD SABINVM.

**A** Pud filium familiæ Prætorem, pater eius manumittere potest.

**H**æc lex ostendere vult ea, quæ sunt voluntariæ iurisdictionis, expediri posse à patre etiam coram filio suo magistratu. & idem scribit Paul. ff. de manum. vindicta. l. Apud filium familiæ magistratum, eius pater manumittere potest, etiam si ipse filius familiæ manumittere non possit. de hoc plenè scripsi in l. vnica. suprà de offic. Consul. Nam, vt ait Accurs. quod ad ius publicum attinet, non sequimur ius potestatis. l. nam quod. ff. ad Trebellian. Ideo in voluntaria iurisdictione loquitur iste tex. sed in contentiosa non potest pater iudex esse filij, vel econtrà. l. qui iurisdictioni. ff. de iur. oranium iudic. nisi in delegato. vt docet Accurs. in l. in priuatis. ff. de iud.

Authoris sententia de eadem re.

Ego dicerem actus voluntariæ iurisdictionis, fieri posse à patre coram filio magistratu, vel contra, vt hic, & in his non repugnat patriæ potestas, quòd pauci sint emolumenti, & non est qui contradicere possit, nec repugnare: nec de præiudicio alterius queritur, quàm eorum qui manumittuntur, vel adoptantur. Ideò si pater manumittat suum seruum, potest eum manumittere coram Prætore filio suo, quia non est quod repugnet, cum non requiratur causæ cognitio. Ideo sequitur lex ij.

- 1 Priuata negotia quæ dicantur.
- 2 Filius non potest habere patrem in litibus, vel contrà, in iudicem.
- 3 Actus sine causa cognitione omnes coram patre vel filio expediri possunt.
- 4 Attestatio nobilitatis filio facta, coram magistratu patre, valet.

### LEX II. PAVLVS LIB. IIII. AD SABINVM.



Ed etiam ipsum apud se emancipari, vel in adoptionem dari, placet.

**A**ddit iste text. præcedenti decisione, vt non solum pater possit manumittere seruum suum, coram filio suo Prætore, verum pater filium familias Prætorem in patris potestate existentem emancipare poterit, coram eo filiofam. Prætore: adeò, vt non requiratur alia magistratus authoritas.

Vnde pulchre docet Aphrican. in titul. ff. de iud. l. in priuatis negotiis pater filium, vel filius patrem iudicem habere potest: priuata negotia, actus priuatos, & opus non publicum vocat. Nam Alphe. quoque ait l. non verè dicitur Reipub. causa abesse eum, qui sui priuati negotij causa in legatione est. ex quibus caus. maio. In quibus ergò priuatis actibus non repugnat filium habere patrem iudicem, vt illud negotium, & actus expediantur, & concludatur coram illo: sed non dicit ibi textus, quod ille filius familias ius dicat; quod prohibet lex, qui iurisdictioni præest, non potest, nec sibi, nec filiis ius dicere, & sic in causis & litibus non potest filiis habere patrem, vel contrà in iudicem, sed in negotiationibus, vel in actibus priuatis, & actibus extraiudicialibus, & maxime qui fiunt inter consanguineos, potest vocari pater iudex: & contractus, vel alius actus extraiudicialis coram eo fieri, quia etiam sine illo valeret, & si non requiratur nisi authoritas magistratus, tunc etiam authoritas filij, vel patris interuenire poterit, vbi non est causæ cognitio.

Filius familias patri, nec sibi ius dicere potest.

Nec me mouet l. ille à quo. in fin. ff. ad Trebellian. vbi filius famil. magistratus potest cogere patrem ad adeundum hæreditatem, quia ibi hoc facit parte aduersa requirente filium, vt cogat patrem. Nam si non recusatur pater, vel filius à patre, certè ius patri, vel contrà dicere poterit, quia magistratus est, & hoc tendit in fauorè partis, cui fauori renūtiare poterit. l. pen. C. de pact. maxime vbi non agitur nisi de facto, vt ibi, & quando non erat alius magistratus, tunc etiam hoc fieri coram iudice potest, sicut vidi in attestatio-  
ne nobilitatis facta filio coram magistratu patre. vt scripsi in §. cum verò. de colla. in Concord. Et si pars confidens in probitate magistratus requireret illum, vt ius diceret ei contra filium, pater si vellet, hoc facere posset, consulerem tamen vt causam alteri mandaret. alia dicetur in l. si. infra. & in d. l. in priuatis.

### S V M M A R I A.

- 1 Gesta per seruum, vel alium inhabilem, in dignitate ab Imperatore constitutum, valent.
- 2 Habitantes in vrbe Roma, ciues Romani efficiuntur.

Honores



- 3 *Honores hodie petere, non est illicitum.*
- 4 *Petens beneficium pro indigno symoniam committit.*
- 5 *Dare vel promittere quicquam pro officio dignitatem annexam habente, non licet.*
- 6 *Princeps potest approbare omnia instrumenta ab eo facta, qui notarius non est, cum pro eo fuerit habitus.*
- 7 *Notarius suo officio priuatus ob crimen falsi, non amplius notarius creari potest.*
- 8 *Communis opinio de aliquo liberat soluentem.*
- 9 *Fama communis in antiquis probat.*
- 10 *Recipiens ordines ab eo qui non est Episcopus, non ordinatus existit.*
- 11 *Notarius, vel Episcopi vicarius, per quæ quis presumatur.*
- 12 *Gesta quoad se, qui est in mala fide, non valent.*
- 13 *Dispensatio concessa ab Officiali sede vacante, spurio, ut tonsuram recipiat, non valet.*
- 14 *Legitimitas facta ab Imperatore in terris suo imperio non subiectis, non valet.*
- 15 *Iurisdictio concessa, omnia concedi videntur, sine quibus iurisdictio non constat.*
- 16 17 *Actus per errorem facti in priuatis non valent, secus in publicis.*
- 18 19 *Imperator scienter inhabili officium concedens, secum dispensare videtur, secus si ignoranter concesserit.*
- 20 *Papa illegitimo scienter concedens beneficium, ipsum legitimare censetur.*
- 21 *Decretum superioris factum ab inhabili, est validum.*
- 22 *Opinio communis de aliqua re quando dicatur.*
- 23 *Princeps tenetur subditis compensare, si rem ab iis aliquam sine eorum consensu acceperit.*

LEX III. VLPPIANVS LIB. XXVIII.  
AD SABINVM.

**B**arbarius Philippus cum seruus fugitiuus esset, Romæ Præturam petiit, & Prætor designatus est: sed nihil ei seruitutem obstitisse ait Pomponius, quasi Prætor non fuerit: at qui vera Prætura eum functum. Et tamen videamus, si seruus quandiu latuit, dignitate Prætoris functus sit. Quid dicemus? an quæ dixit, quæ decreuit, nullius fore momenti? an fore propter utilitatem eorum, qui apud eum egerunt, vel lege, vel quo alio iure? Et verum puto, nihil eorum reprobari, hoc enim humanius est: cum etiam potuisset populus Romanus seruo decernere hanc potestatem. Sed etsi scisset seruum esse, liberum eum effecisset. Quod ius in Imperatore multò magis obseruandum est.

*Species facti.*

**I**n intellectus huius legis varius est, attamen omisissis nunc illis difficultatibus, species facti talis in medium adducetur: Barbarius seruus cum esset fugitiuus, & Romæ degeret, vacantem inibi Præturam à populo Romano petiit, & creatus ibi Prætor fuit,

quæsitum est an Prætor fuerit, dubium erat, eò quod seruus esset: & quod attinet ad ius ciuile, serui pro nullis habentur. in l. quod attinet. ff. de regul. iuris. tamen Pomponius ait nihil obstituisse ei seruitutem, quominus esset Prætor, & vera Prætura eum functum, ait Iurisconsult. Et postea quærit Vlpian. an si quandiu apparuit eum seruum esse, dignitate Prætoris functus sit, & illa edicta, & decreta, quæ tempore sui magistratus fecerit, an valeant propter utilitatem illorum, qui egerint coram eo? Respondet Vlpian. nihil reprobari ex illis, quæ coram eo facta sunt, hoc enim humanius est. Ratio, quia populus Romanus summam id temporis obtinebat potestatem, & imperium, idè seruo hoc Prætoris officium concedere poterat: & si populus sciuisset eum seruum, liberum eum effecisset, vt Prætura vera fungeretur.

Sed dubitare quis potest in Imperatore, si concedat seruo, vel alteri inhabili dignitatem, an gesta per eum valeant? Respond. multò magis in Imperatore obseruandum est. alia prosequar inferius declarando text.

Colligitur ex hoc textu, ibi, fugitiuus esset, quod seruus fugitiuus potest effici Prætor, & obtinere magistratum. Hoc intelligitur ex gratia & humanitate, vt inferius dicetur, non mero iure, nisi manumissus fuerit. l. cum Prætor. ff. de iud.

Sed quomodo, hoc esse poterit? quia Imperator ait, seruum fugitiuum sui furtum facere, & idè non habere locum vsucapionem, nec longi temporis præscriptionem: ne seruorum fuga, dominis suis, ex quacunque causa fiat damnosa. l. prima. C. de seruis fugit. Respondeo, seruum fugitiuum facere sui furtum, & sic remanet seruus. Nam quemadmodum auferens rem alienam, inuito domino, furtum facit. l. prima. ff. de furt. sic seruus qui auferit se à domino, & licet Bart. & alij in l. prima dicant esse furtum irregulare, quia differentia est inter furantem, & rem furatam: tamen in hoc casu non est differentia, quia seruus est res quæ furatur, & ipse est is, qui se subripit, idè est verum furtum. Nam Africa. ait ff. de furtis. l. Ancilla fugitiua quemadmodum sui furum facere intelligitur, ita partum quoque contrectando furtum facit, & furtum est contrectatio rei alienæ inuito domino. l. prima. ff. de furt. & aliquando audiui istos text. allegari contra quosdam apostatas olim monachos, qui fugerant à religione, vt sint fures, & sui furtum faciant: idè poterunt vendicari semper, quia in his vsucapio non currit, nec longi temporis præscriptio, nec quidem centum annorum quoad apostatas: si tamen seruus ingrediatur religionem, fauore religionis post triennium non vendicatur, sed religioni addictus est. cap. finali. 17. quæstione 2. authen. verum. C. de Episcop. & cler. quod est notandum, & quis dicatur fugitiuus, & erro, declarat Iurisconsult. in l. quis sit fugitiuus. ff. de ædil. edicto. & in l. fugitiuus. vbi scripsi. de verb. fig.

Digladantur etiam hic interpretes, quomodo poterat hic Barbarius obtinere Præturam, cum larem & domicilium habere tenebatur Romæ, antequam Prætor designaretur. per l. final. C. de offic. Prætor. sed mirandum est eos non consyderasse illam constitutionem factam longissimo tempore post istam. Nam regebatur Roma prius per Reges, deinde per Consules & populum. vt patet in l. ij. supra. de orig.

*Ampliatio.*

*Seruus fugitiuus sui furtum facit.*

*Monachus apostata semper vendicari potest.*



iuris. & per Liuium ab vrbe condita Decad. 1. ideò constitutio illa postea fuit per Imperatorem Valerem edita, quæ longo post tempore fuit, & quamuis id temporis fuisset edita illa constitutio, tamen postquam poterant eum liberum facere, multò magis eum sine domicilio recipere, & larium & domicilij ei gratiâ facere, maximè quia qui in vrbe Rom. sunt, ex constitutione Diui Antonini ciues Rom. effecti sunt. Vlpian in l. in vrbe. ff. de stat. hom.

*Honores & munera petere, prohibitum.*

Præturam petit. Accurs. & quidam alij interpretes dubitant, an licitum esset munera & honores petere, cum petens in legem Iuliam ambitus incideret. ff. ad legem Iuliam. de ambit. & Papinianus ait, Aestimationem honoris, aut muneris, in pecunia, pro administratione, offerentes, audiendi non sunt. ff. de muner. & honorib. sed dicendum est tempore huius legis non fuisse prohibitum petere honores, dummodo populus muneribus, & donis non corrumpetur: sic nec hodie, si quis sufficiens & idoneus sit. probat d. l. j. Vnde candidati Quæsturæ, & Præturæ dicebantur, qui Quæsturam vel Præturam, à populo petebant, vt scripsi in l. vnica. supra de offic. Quæstor. & sic sine corruptione petere non erat prohibitum.

*Sacerdotia petere, non est illicitum.*

Imò, & sacerdotia sine peccato, quis petere potest, ratione mandati, aut nominationum, sine ratione alterius gratiæ, etiam iure dictante diuino. vt docet Angel. Cla. in sua Summa, in verb. beneficium. §. 32. & iure canonico ipso, hoc est clarum. maximè per cap. tua. ibi, rogans humiliter. de symo. & maximè licet beneficium petere, si ea mente quis petat, vt profit. testis est Diuus Thomas in secunda secundæ, & alij Theologi consentiunt.

Potest etiam quis beneficium petere tam per se, quàm per alium, nec est symonia si quis petat pro digno, alioqui contra. cap. Moyses. ibi, quispiam rogauerit. vbi glos. 8. quæst. 1. cap. sunt nonnulli. l. q. 1. & cap. veniam. 35. q. 9. ibi, licitum est enim ita constituere, vt de precamini. cap. cum M. de constit. & cap. ruam. de atar & quali. scripsi in §. teneantur. in verb. poterit. de collat. in Concorda.

Ex prædictis patet, petitionem officiorum, vel beneficiorum pro digno, sine corruptione, non esse improbatam: imò etiam pro honore consequendo, si sine iurisdictione sit, pecuniam Reipub. promitti posse, docet Vlpian. in l. prima. §. primo. ff. de pollicita. sed pro officio, aut dignitate iurisdictione annexam habente, non licet quicquam dare, nec promittere, quia prohibitum est. in authen. Vt iudices sine quoquo suffragio. colla. 2. & apud Theologos, vt dicam fusius in Constit. Reg. contra emptores officiorum.

Et Prætor designatus est. Id est, creatus, decretus, & definitus Prætor, & sic valent gesta ratione officij, vt inferius dicitur, sed requiritur vt is ad officium sit institutus, alioqui non valerent gesta. Vnde inferunt Doctores. ad illum qui se dicebat Comitem Patitinum, & creabat notarios, & Doctores, vt si Comes non fuisset, non valeret creatio, imò ipse pœna falsi puniri debet. l. eos. §. qui se. ff. de fals. Anchar. consilio 213. pro isto. colum. 2. scripsi in tract. nomina. quæst. 1. num. 13.

Secus est, si fuerat Comes, & habitus pro tali, sed excedebat fortè numerum, vt tunc, si creatus ab illo multa instrumenta conscribat, valebant propter utilitatem publicam. vt hic.

Et sic ex hoc text. patet, non valere instrumenta facta per eum, qui non fuit notarius creatus, licet fuerit reputatus & habitus pro eo, postquam non est designatus. Bald. in l. prima. C. de testam. per istum textum hic docet. & l. Herennius. de decur. Nam licet emanet publica utilitas, tamen substantia deficit. vt consuluit Carolus Ruinus consilio 15. viso themate. colum. 2. in 2. volum. & præberetur materia delinquendi, vt quisque se posset officio ingerere, sed dicerem hoc casu: quia Principis authoritas sola deficit, posse Principem approbare omnia instrumenta, & gesta ab eo, qui non erat ad illud officium designatus, & sic mederetur utilitati eorum, qui cum eo egerunt, & ita seruat praxis. licet Alberic. Ias. & alij super hoc multa scribant, quæ omnia his paucis verbis dissoluta sunt, vt inferius etià abundantius dicam.

*Instrumenta facta per eum qui notarius non est, non valent.*

*6 Praxis de eadem re.*

Arbitrantur etiam interpretes non valere instrumenta facta à notario post priuationis sententiâ, quia non est amplius notarius, & hoc quando priuatio est notoria, secus si occulta. per glos. in §. si verò in verb. ipsis tamen documentis. in auth. de tabellio. colla. 4. quam probat Bald. in l. prima. numer. 6. C. de summa Trinit. & Alexand. in consilio 138. opportunè. col. 2. in 1. volum.

*Priuatio notariatus occulta.*

Instrumenta verò antea facta valebunt, quousque tolleratur, etiam si fiat hæreticus, vel symoniacus. cap. si qui à symoniacis. & ca. ordinationes. 1. quæst. 1. Innocent. in cap. nihil. de elect. Doct. in cap. ad probandum. de re iud.

Ego dicerem illam primam sententiam veram, quando post sententiâ ille notarius fuerat exautoratus, & quando sententia mandata erat executioni, aliàs remanet in possessione officij, & imminet utilitas publica, & remanent reliquæ officij, ideò dicta sententia, ante executionem non operatur ipso iure reuocationem, sed ita demum, quando executioni mandata est. per glos. in §. fin. de offic. iud. in Institut. vbi per sententiam non transfertur dominium sine traditione, & sic ante executionem. l. qui restituere. ff. de rei vend. hoc probat Ias. in rub. ff. de re iud. nisi in crimine hæreseos. authent. credentes. in fine. C. de hæreti. tamen quandiu tolleratur, valent gesta ab eo. vt inferius dicitur.

Item dicimus in Officiali, vel Vicario Episcopi reuocati, vt valeant gesta antequam fuerit executio reuocationis intimata. l. si fortè. ff. de offic. Præsid. l. eius. vbi Doctor. de rebus cred. cap. audita. de restit. spoliat. scripsi in praxi benef. in forma Vicar.

Vnde potest intelligi, vt prædixi, scilicet vt notarius falsi condemnatus, non possit instrumenta amplius conficere, & si conficiat instrumenta, non valebunt. teste Bald. in cap. atsi clerici. col. vlt. de iud.

*Notarius condemnatus falsi.*

Sed hoc debet intelligi, si condemnatus esset ob falsum in instrumentis conficiendis commissum, diuersum esset si ob testimonium falsum latum, vel aliàs. per l. eadem. §. hac lege. ff. ad legem Iuliam. repetund. vbi Bartol. & in l. iij. §. nunc videamus. ff. de suspect. tuto. vbi & Bal. & in l. in exercendis. colla. 4. C. de fid. instru.

Et potest iudex in sententia reservare notario facultatem conscribendi instrumenta. per l. si quis filio. §. irritum. ff. de iniusto testam. & ibi Bald. post Barto. consil. 77. quæritur quod est verum, si in officio non deliquerit, sed extra officium. vt docet idem Barto. in dicta l. iij. §. nunc videamus. & Angel. in tractat. de malef.

*Notarius extra officium delinquens.*



malef. in glo. falsario. versic. quarto. aliquis notarius allegat glo. Ordinar. in §. penult. in authen. de tabel. colla. 4. & hoc referunt aliquando Curie supremæ, sed iudices inferiores vix possunt.

Item instrumenta pendente falsi accusatione, vel antea confecta, dubium non est valere. per l. si quis decurio. C. de fals. & dicto §. nunc videamus. & ei credi testatur Ioannes Andr. in addi. ad Spec. in titu. de instrumen. editio. §. restat. versic. quid si tabellio. Bald. in authen. habita. C. ne fil. pro patr. refert Alex. consilio 133. stantibus. col. 4. numero 8. in 7. vol. plus dicens, non tantum credi suis instrumentis, sicut instrumentis alterius non suspecti, & verum est, nisi alter notarius fuerit integræ famæ. per l. si quis ex argentariis. §. primo. ff. de eden. Bal. in l. Imperator. nu. 4. col. 3. ff. de statu homi. & Barba. in repet. rub. de fide instrum. in fin.

Nec probo, quod Bald. Iason & quidam alij firman, videlicet notarium post exauthorisationem, priuationem, & executionem sententiæ priuationis, adhuc posse conficere instrumenta vetera, de quibus fuerat ante sententiā rogatus. Nā post executionem sententiæ nō est amplius notarius, ergo instrumentum ab eo factū nō valeret, quia non est persona publica. l. iij. ff. de offic. Prætor. alioqui daretur etiam materia calumniandi. Nā ipse posset dicere se rogatum de omnibus instrumentis, & sic post depositionem semper illa conficeret, quod non est permittendum.

Vnde solet index post sententiam priuationis, alteri idoneo notario, brevia istius tabellionis priuati autoritate publica, committere, dareque ei facultatem instrumenta conficiendi, ex his schedis. cap. pen. de fide instrum. & isti notario priuato præcipere, ne deinceps conficiat instrumenta.

Fortius docet Baldus notarium suo officio priuatū ob crimen falsi in officio commissi, non posse amplius notarium creari à Comite Palatino, etiam habente potestatem creandi quoscunque notarios. Imò si hunc priuatū Imperator famæ restitueret, non censeretur illi restituere officium tabellionatus. per l. si aliquid. C. de suscept. lib. 10. l. nihil. vbi Bald. de manum. vindi. & in l. ij. de libert. & eorum libert.

Ex præmissis patet responsum primæ quæstioni, quam Accurs. scribit, an hic Barbarius fuerit Prætor, & apparet hīc fuisse creatum Prætorem à populo habente potestatem, & sic fuit Prætor. & huic sententiæ Accurs. consentit, & Barto. vt patet ex prima lectura, sed secunda lectura, quam dicunt, est Baldi quia eam contulimus cum Baldi scriptis, & est ad verbum ibi scripta: & quod fuerit Prætor in hoc tex. probatur, ibi: *Nihil obstitisse seruitutem, quasi Prætor non fuerit.* Et ibi: *Vera Prætura functum*, & fungi Prætura, nōne significat Prætorem esse, & vti exercitio officij, si vocabuli proprietatem respiciamus?

Nec obest, quod interpretes obiciunt, vt si Prætor fuisset, valerent gesta ab eo de rigore, & iste text. dicit ex æquitate, seu humanitate, nec dubiū haberet text. Respondeo: Licet Prætor fuerit, non valent gesta de stricto iure, quia seruus non potest esse Prætor, nec muneribus publicis fungi. l. cum Prætor. ff. de iud. sed propter errorem communem, vtilitatem publicam, & populi auctoritatem, qui eum creauit ex æquitate gesta valebunt, quandiu latuit eum seruū esse, & exercuit Prætoriam dignitatem, & ita conciliantur contrariæ sententiæ, & sic erat magnum

dubium, an serui gesta, qui non potest esse Prætor, valeant, & respondet text. valere (licet seruus esset) ac si liber fuisset.

Præterea in actibus, in quibus non requiritur creatio officij, sed actus fieri possunt per se, & quilibet regulariter illos actus iure suo facere potest, vt testimonium ferre. l. prima. ff. de testib. tunc non requiritur, quod aliquis creatus sit talis, nec autoritas superioris, sed sufficit, quod talis reputetur communi opinione habilis, & tunc valebit testimonium, vel alius actus: ne inter homines commercium interdicatur, sed bona fide negotia agantur. l. prima. C. de testam. Innocen. in cap. penult. de fide instrum. Nam hoc casu talis præsumitur in quali habitu reperitur. l. item apud. §. si quis virgines. ff. de iniur. ca. si iudex. de senten. excommun. in vj. Vnde si quis habebatur in ciuitate pro non exule, & tamen exul erat, non erit liberum alicui eum occidere, vt docet Angel. in l. si duo. ff. de acqui. hære. refert Hypo. in pract. in verb. aggredior. numero 34. & Carolus Ruinus consil. 85. in proposita. in princip. vol. 4. & soluens ei, qui communi opinione dicebatur procurator Titij, liberatur, quamuis ipse non sit procurator. l. eius qui. ff. si certum petat. l. si quis seruo. de solu. Hypo. in dicto §. aggredior. numero 39. post Ias. in l. si vrbana. de cond. indeb. Obligatur etiam filius mutui receptione, si pater familias opinabatur. l. iij. ff. ad Mace. valere etiam præsentationem ab eo, qui erat in possessione patronatus, docet Papa in cap. consultationibus. de iure patronatus.

Sed nihil ei seruitutem obstitisse, ait Pomponius, &c. ] Ex hoc text. colligitur Barbarium fuisse Prætorem, nec nocuisse ei seruitutem, & si quis dicat seruitutē maximè nocere seruis, vt ciuilibus nō fungantur officiis. l. cum Prætor. ff. de iud. verum est regulariter, sed hīc nō obstitit, quin Prætor fuerit. Imò vera eum Prætura functum dicit Vlpian. in hoc text. & alibi.

Et per istum textum soluitur quæstio tertia, quam Accurs. hīc mouet, an Barbarius liber fuerit sicut Prætor? quod dicit glo. per hoc verbum, *nihil obstitisse ei seruitutem.* & text. ibi, *si populus Rom. sciisset eum seruū, liberum effecisset.* Ergo liber fuit, & sic cōcludit Bart. per istum tex. Barbariū liberum fuisse, & multi eū sequuntur: sed Petrus à Bella Pertica, & alij nostri Citramōtani firmauerunt eū non fuisse liberum, quorum sententiæ subscribo: quia pro libero habitus fuit, sed nō erat liber. & probat iste tex. à cōtrario, nihil ei seruitutem obstitisse, ergo seruus erat. sed nō obstat seruitus illi, quominus gesta ab eo valeant, & ibi: *ideamus si seruus, quandiu latuit:* ergo seruus erat, etiam probat text. ibi: *Si populus sciisset eum seruū, liberum effecisset*, ergo non fecit eum Barbarium liberum, quia ignorabat eum seruū fore, & ignorans non donat libertate. l. nec ignorans. C. de donat. licet populus potuisset dare libertatem, tamen non dedit: sic nec dominus, cum fugitiuus ab eo esset, nec publica autoritas liberum eum fecit, sed voluit, vt gesta ab eo valerent, tanquam si à libero facta essent, alioqui iste text. dubium non contineret, si diceremus eum liberum & Prætorem, ergo necessariò gesta valerent, & sine dubio.

Et tamen videamus, si seruus quandiu latuit, &c. ] Vlpian. ait quia iste Barbarius functus est Prætura, quandiu incognitum erat populo eum esse seruū,

*Presumptio ex habitu, in quo quis reperitur.*

8

*Breua tabellionis priuati alteri committenda.*

7



seruum, quid dicemus? an valeant ea, quæ ipse gessit? & valere dicit, quandiu latuit. secus ergo, si vitium erat manifestum, à contrario sensu, quod est in iure validum. l. j. ff. de offic. eius. Socin. in tract. fallen. reg. 166. ita firmat.

*Prætoris officio fungenti salarium debetur.*

Et per hoc inferitur, quod si dignitate Prætoria functus sit, æquum esse ei salarium præbere ex lege naturali dicente, secundum naturam esse eum sequi commodam, quem sequuntur incommoda. l. secundum. ff. de regul. iuris. & labor meretur præmium. l. ut virtutum. de statutis. C. l. diem functo. de assessor. l. j. vbi Rebus. C. de principi. agen. lib. 12. & pro hoc est text. singul. in l. Titio. ff. ad municipa. quamvis Albericus teneat contrà, dicens ex suo delicto seruum non debere obtinere commodum. per l. siue hæreditaria. in fine. ff. de nego. gest. sed seruus non delinquit gerendo officium Prætoris, imò bene egit. & quamvis sit seruus, non est ex suo facto, sed matris volens se exuere seruitute, & Reipub. prodesse. Laudandus itaque erit potius, quàm vitio dandus, si ob suos bonos mores fuerit à populo designatus Prætor. Nam verisimile est suis virtutibus euectum, extraneum in patria aliena: quia ciues & incolæ (maximè Parisienses) officia inibi vacantia suo quodam iure vendicant, & extraneos repellunt, & collatores prensant.

*Parisienses extraneos ab officiis repellunt.*

*Error communis fugit.*

Ex hoc text. colligit Accurs. errorem communem facere ius, quod docet text. in l. iij. in fi. ff. de supellec. lega. vbi Paul. ait nullum vas argenteum, supellecili esse annumerandum, secundum Cæcellij severitatem: tamen hodie propter vsum Imperatorum, vel imperitorum, si in argentum relatum sit, argentum esse, & error ius facit. Nam sicut communis vsus, & rumor habitus de aliqua re facit ius, ut iudicandum sit secundum illum communem vsum, & probatio etiam per communem famam in antiquis recipitur. ea. cum causam. de probatio. ita & communis error: sed rumor falsus non prodest, nec nocet. l. finali. ff. de hæred. institut. l. quæsitum. quando actio de peculio est annal.

*Rumor falsus.*

*Opinio quædo prævalent veritati.*

Item, iste text. videtur probare contrarium, quia communis error Barbarij non fecisset, ut gesta ab eo valuissent, nisi Prætor quoque designatus fuisset, & utilitas publica affuisset, & sic solus communis error non profuisset. Idèd superius dictum fuit in actibus, qui possunt fieri à persona iure suo, sine autoritate superioris, ut ferre testimonium, contrahere, & alia priuata facere, tunc ferè error communis, ius facit. ut l. prima. C. de testam. §. sed cum aliquis. illo titul. in Instit. vbi Antho. Banerius quatuor regul. tradit. quædo opinio veritati, vel contrà cedat. Sed vbi requiritur autoritas superioris, ut in officiis dandis, tunc si quis gerat se pro officiali, & non sit, non valebunt gesta ab eo, nisi sit designatus, per istum text.

Vnde addunt interpretes errorem debere esse communem, adeò quòd ab omnibus iste sit habitus liber, & talis, alioqui si illi, qui gerunt actum, sciant illum esse seruum, vel aliàs inhabilem, non valebit actus, quia non est ibi communis error, & tunc opinio cedit veritati. cap. consuetudo. 8. distinct. scribit Ludouicus Roman. sing. 760. lex Barbarius. Decius consilio 407 visis. col. prima. & Corfe. in sing. error communis. Tamen iste text. videtur pugnare, dicēs: Nihil eorum reprobari: ergo si vnus sciuerit, non reprobat, quod egit cum illo, quia ipse solus non poterat recusare actus illius Barbarij: & non

minus est communis error, si vnus aut duo sciant, quia sufficit, ut habitus sit pro libero à maiori parte, maximè inter cognitos & vicinos. glos. & Dec. in l. cum quidam. §. quod dicitur. ff. de acqui. hæred. & ibi Bart. & alij. & linter omnes. qui satisfare cogantur. Socin. consilio 59. viso. col. 3. in 1. vol. allegatur Spec. in tit. de teste. §. 1. per l. quod maior. ff. ad municipal. & in excommunicato docet idem Socin. in tractat. Fallen. 166. gesta. & quia text. non dicit, ab omnibus, sufficit ergo communis, & non omnium error, & quamvis dixisset, omnes, ut l. j. C. de testam. tamen intelligeretur de omnibus cognitis. iuxta linter omnes. qui satisfare cogant. Et si hic post vnum actum fuisset mortuus, publicè etiam interest, propter Prætoris autoritatem, ut ille vnus actus valeat, nec ratio diuersitatis est in illo argum. l. iij. §. negotia vnum vel plura. ff. de negot. gest. Et quod ipsi scribunt, verum est in solvente tyranno, vel alteri, quem communis opinio scit talem, certè non liberatur, nisi coactus fuerit. de quo per Bart. in l. creditor. ff. de solut. Dec. dicto consil. 407. col. 1.

*Solvens tyranno, non liberatur, nisi sit coactus.*

Limitant Doctor. in spiritualibus, ut non valeant consecrationes, ordines, & alij actus facti ab eo, qui non erat verus Prælat, licet habitus esset, pro tali. Ista interpretes hinc firmant. & Socin. regul. 227. incipiente, lex Barbarius, &c.

*Habitus pro Prælat, qui verus Prælat, non est.*

Ego dicerem spiritualia, quæ respiciunt solum Deum, valere, si fiant ab eo, qui est habitus pro tali. Vnde si quis confiteatur presbytero, qui curatus putabatur, est absolutus, quia Deus cor offerentis respicit, & ratione sacramenti. ut docet glo. in ca. dudum. in verbo, deceptæ. de elect. Docto. in c. Apostolicam. de presbyter. non bap. Iason in l. si vrbana. ff. de conditio. indeb.

*Confitens presbytero, qui curatus non sit.*

Si verò spiritualia personam alicuius priuatam respiciant, gesta quoad illum non valebunt, si is qui spiritualia confert, non erat talis, licet talis opinaretur. Idèd si is, qui non est Episcopus, conferat ordines, ille qui suscipit, non erit ordinatus, quia hinc requiritur designatio. cap. 1. de ordi. ab Episcopo, qui suo renuntiavit Episcopo. Docto. in cap. veritatis. de dolo. Soci. in Regula 166. gesta. vltim. limita.

10

Etiam dicunt istam legem non procedere, quando aliqua forma daretur electioni, ut tunc gesta non valebant. per l. actuarios. C. de numera. & actua. libro 12. quia defectus formæ annullat actum. l. cum hi. §. si Prætor. ff. de transact.

Ego dicerem, tunc gesta non valere, quando in lege vel statuto annullarentur. sicut in d. l. actuarios. vbi Imperator illa irritat, alioqui si forma non sit in electione seruata, si tamen aliquis fuerit electus, & habitus pro tali, & multa gesserit ratione officij publici, tunc valebunt gesta ab eo, quia rationes huius text. hunc casum respiciunt. Et quamvis electio contra formam facta, non valeat quoad electum, ut quando apparebit, quin destitui debeat, tamen gesta valebunt, & sic defectus formæ annullabit electionem, sed non gesta ratione communis erroris, & utilitatis publicæ, quicquid hinc dicant Doctor. & maximè Carolus Ruinus consilio 15. viso themate. col. 2. in 2. volum. Masue. in pract. sua. tit. de iudic. §. item valent ea. & Alexand. consilio 142. viso. col. penult. numero 16. in 7. volum. quæ conciliari poterunt per prædicta.

*Defectus formæ annullat actum.*

Quid dicemus, an quæ edixit. } Certum est



est Prætores edicta fecisse, vt, quod metus causa gestum est ratum non habebat, & alia decreta ad partium vtilitatem. Nunc faciamus Barbarium hoc edictum fecisse, & alia quam plurima, an valeant? & respondet text. propter vtilitatem eorum, qui apud eum egerunt, valere ea, quæ edixit, alij habent, quæ dixit, sed communis lectio habet, quæ edixit. Et sic iste text. potest intelligi omnia decreta, & sententias Barbarij valere, ac etiam omnia, quæ edixit, etiam respicientia vtilitatem publicam, vt quod metus causa. licet iste text. magis respiciat partium vtilitatem, in verbis sequentibus.

Idem dicunt in Papa, vt si seruus fuerit electus, vel mulier, vt aliquando Papa Ioanna, vt omnia quæ statuerit, teneant, vt docet Bald. per istum textum in l. non mutant. C. de liber. caus. Innoc. in d. ca. nihil. & Ias. hic num. 64.

Idem dicendum est in quocunque alio electo inhabili, aut prouiso ad aliquod officium publicum. Nam si habitus sit pro tali, valebunt gesta ab eo, tempore magistratus: vt, si fortè seruus ex Hispania fuerit Rector Vniuersitatis Parisiensis, certè ea, quæ decreuerit tempore officij, valebunt. per istum textum Bald. & Ias. hic. etiam si notorium esset in Hispania illum esse seruum, sed Parisiis habebatur pro habili. Panor. in c. sciscitatus. col. pen. de rescript.

In praxi ergo notandum est, in primis oportere probare creationem, videlicet illū fuisse notarium, vel Vicarium Episcopi, per istum textum: sed quia hoc interdum est difficile, idè cautela est, vt quis probet illum fuisse reputatum notarium, vel Episcopi Vicarium, seu talem longo tempore, & maxime tempore actus gesti. l. prima. C. de testam. Alexand. consilio 8. examinato. col. 2. in 2. vol. per istum text. Nam ex longa possessione, & consuetudine præsumitur titulus, l. si certis. C. de pactis. licum de in rem verso. ff. de vsu. l. prima. de fideicom. C. facit l. post mortem. ff. de adoptio. glo. in l. seruitutes. ff. de seruit. Denique oportet probare illum fecisse plura instrumenta, collationes, & alios actus tanquam talis, & producere illa instrumenta, & collationes, & ista faciunt, vt præsumatur notarius, vel Episcopi Vicarius, aut talis, & sic institutio & creatio præsumetur, & iudex mouebitur ad sic credendum, & iudicandum: quia non est verisimile, quod tanto tempore exercuerit officium sine institutione. c. illud. de præsumptio. Innocent. in cap. 2. de in integ. restitut. allegatur text. licet parum probet. in §. si verò moriantur. in authent. de instrum. cautel. & fide. collat. 6. hoc expressè docent interpretes in cap. 1. de fide instrum. & Mathe. de Afflict. in decis. Neapol. 281. determinatum. plenè Ioan. Andr. in addit. ad Spec. in titul. de instr. editio. §. restat. versic. & scias. & Socin. consilio 95. in causa. vol. 3. & si contrarium diceremus, infinita perirent instrumenta, & actus, cum moriantur notarij, & amittantur instrumenta collationis officij, & impossibile est ferè ista instrumenta reperire. c. quoniam. de probat. Barbat. in repet. rub. de fide instrum. col. 108. in paruo volum.

Quæ decreuit. Colligitur non solum edicta Prætoris Barbarij valuisse, verum etiam omnia decreta, appellatione quorum veniunt sententiæ, acta, & gesta, atque statuta, quæ seruus fecit, & decreuit tanquam Prætor, vt omnia illa, ratione vtilitatis publicæ valeant, & nihil horum reprobari. l. decreta.

ff. de re iudic. l. item eorum, §. sed si ita. ff. quod cuiusque vniuersit. not. & quot modis accipiat decretum, quid sit, in quibus casibus interponatur, & quo modo annulletur, scripsi in tit. de conclu. later. concl. in verbo, decretis. in Concord. Franciæ.

Nullius fore momenti. Ista clausula denotat, vt ipso iure actus sit nullus, nec requiritur, quod à iudice annulletur, postquam à iure nullus dicitur. l. j. ff. de fer. l. cum hi. §. si Prætor. ibi, transactio erit nullius momenti. de transact. l. qui in carcerem. quod met. caus. declarat pulcher tex. in l. item eorum. §. sed si ita. ibi, ipso iure decretum nullius momenti esse. ff. quod cuiusque vniuers. no. ca. cum secundum leges. de hæret. lib. 6. alibi plenius dicam.

An fore propter vtilitatem, &c. Colligitur ex hoc textu ratio, quare acta valuerunt facta coram Barbario seruo, videlicet propter vtilitatem eorum, qui coram eo egerint, ne tot acta, gesta, & decreta pereant. Aduertendum est, nam iste text. dicit, propter vtilitatem eorum, qui apud eum egerunt, valere acta, & gesta coram isto Barbario seruo, ergo si non fuisset nisi vnus, actus non valeret, & hoc quia non est ibi publica vtilitas, & sic non habet locum in delegato ad vnam causam. vt docet Innocent. in cap. cum dilecta. col. 1. de rescript. ego contra, quia si post vnum actum seruus mortuus fuisset, vel vnum tantum edictum fecisset, valuisset illud edictum, non per rationem istam, sed quia Prætor erat, & facta quælibet à Prætorè valere debent propter auctoritatem prouidentis, & quando sunt plures rationes in vna lege, vna cessante, non cessat legis dispositio. l. si non lex Aelia Sentia. ff. de hæred. instit. & §. affinitatis. de nupt. in Instit. & suprà dictum fuit, quando vnus sciebat.

Idè etiam ista lex locum habebit in iudice delegato ad vnam causam, quia veritur vtilitas publica quoad illam causam. Bald. & Ias. hic & alij in c. cum dilecta. de rescript. quia iurisdictio est publici iuris. l. j. de iurisd. omn. iud.

Vnde valebit sententia arbitri dati à magistratibus, licet seruus fuerit, quia arbiter & iudex fuit quoad illam causam. l. ij. C. de senten. & interlo. om. iud. vbi in vna tantum sententia loquitur. Felin. in c. cum dilecta. col. 2. versic. lex Barbarius. de rescript.

Secunda assignatur in hoc text. ratio inferius, propter auctoritatem populi Roma. qui potuisset istum seruum facere liberum, si sciuisset eū seruum fuisse, ergo non haberet locū in alio, qui non haberet istam potestatem, vt inferius dicetur.

Tertia ratio, quia populus Romanus potuit discernere hanc potestatem, quod si non potuisset, non valerent gesta ab eodem Barbario.

Quarta, propter æquitatem, ibi, humanus, & hoc docent interpretes hic, & Bald. in marg. in verb. factum. 19. q.

Vel lege, vel quo alio iure. Lege agere dicitur, qui secundum legem duodecim Tabularum, & permittente illa lege agebat hoc iure. vt declarauit in l. Labeo. ij. §. j. ff. de verb. signific.

Alio iure agere quis dicebatur, quando non secundum legem, sed secundum Senatusconsultum constitutionisue Principū, aut alio iure permittente agebat, siue ageret iure ordinario, siue extra ordinem, siue iure actionis, vel officio iudicis. vt dicit Accurs.

Et verum puto, nihil eorum reprobari.]

Omnia

Electus inhabilis, aut ad aliquod officium prouisus.

Praxis ad probandum quem notarium, vel Episcopi Vicarium.

II

Decretorum appellatione quæ veniunt.

Vtilitatis publica effectus.

Lege agere quis dicitur.

Agere alio iure, quid vocetur.



Omnia ergo, quæ Barbarius gessit, valent. vnde competit libertas data ab eo, qui postea seruus ipse pronuntiatus est. Paul. in l. competit. ff. qui & à quibus manu. lib. non fiant. intellige quæ gessit, tanquam Prætor.

Et dicit iste tex. nihil reprobari eorum, quæ gessit, propter eorum utilitatem, qui coram eo egerunt, sed non dicit de persona Barbarij, quin destituatur, quando apparebit eum esse seruum, nisi de nouo ei officium conferretur, aut ex certa scientia confirmaretur, vt inferius dicitur.

Eriam reprobantur omnia, quæ priuatam tantum Barbarij respiciunt utilitatem. Ideo si rescriptum impetrauerit, non valebit impetratio. l. prima. C. de precib. Imperat. offe. Ioan. Calder. & Anthon. in cap. ad probandum. de re iudic. Ideo non faciet fructus suos, si inhabilis sit, sed futuro successori restituet. de quo alibi Innoc. in ea. consuluit. de procur. Ideo valent gesta quoad alios, qui sunt in bona fide: sed quoad se, quia est in mala fide, non debent valere. l. ij. C. si seruus ad decu. aspira. libro 10. nisi esset cum aliis connexa, & vnum sine alio non valeret. l. si communem. ff. quemad. seruit. amittan.

Gesta à falsoprocuratore.

Idem dicunt Doctores in his, quæ respiciunt inhabilitatem potestatis, commissionis, vel rescripti. Vnde si procurator falsus sit, & non habeat potestatem, licet habeatur pro procuratore, non valebunt gesta ab eo. l. licet. C. de procurat. cap. illo titulo. Idem si quis non habeat commissionem ad faciendum inquisitiones, licet habeatur pro tali. docet Paris. consil. 136. stante defectu. in 2. col. vol. 4.

Hoc enim humanius est. Jurisconsultus Vlpianus assignat hinc rationem, quare prædicta statuit, videlicet, vt gesta à Barbario seruo Prætoris facta, valeant, & dixit hoc esse humanius. æquissimum tamen dicit idem Vlpian. in l. quidam. ff. de re iudic. Et si Barbarius fuisset in quasi possessione iusta, liberatis, de stricto iure valuissent ab eo gesta. l. moueor. in fin. C. si seruus exportan. veneat. & l. sed si accepto. ff. de iure fisci. cap. quierelam. de elect. cap. cum Ecclesia. de causa possesi. cap. consultationibus de iure patro. sed erat in possessione improba & iniusta, quia erat fugitiuus, ideo non valuerunt gesta, nisi ex æquitate, & propter rationes in text. expressas.

De electione humanius.

Notandæ sunt phrasæ, quibus Iuriscons. vtuntur hac dictione. primo, in l. si pars. ibi, *Humanus erit sequi eius partis sententiam* ff. de inoffic. testam. l. quidam. si certum pet. l. si mandato. prima. §. sed si mandauero ff. mandat. probat l. si fundus. §. si pluris. de pignor. ibi, *Quod ego quidem, quantum ad subtilitatem legis, & auctoritatem sententiæ non probo: semel enim causa transire videtur ad condemnationem, & inde pecunia deberi. sed humanius non est amplius.* l. Paulo Calpurnio. §. j. ibi, *Placuit humanius interpretari.* ff. de leg. 3. l. si tibi. §. vnus. ibi, *Non videor consentire, qui consentire non possum, humanius autem erit, vt & in hoc casu, quasi semel electione facta, fiat communis.* de optio. legat.

Item humanior sententia Iulian. approbatur in l. adhuc. ff. de vsufr. & humanior sententia à Prætoris eligenda est. l. maiorem. de pact. l. Titius. in fine. de constitut. pecu. & clementiorem sententiam vocat Vlpian. in l. iij. ff. de decurio. Inde, humanitatis ratio habebitur. l. si cui. §. plane. ff. ex quibus caus. maior. l. interdum. §. j. de iud. Humani iuris. l. iij. ff. commu. præd. c. humanum genus. j. dist. vbi ius humanum,

vocatur ius hominum, non diuinum, nec naturale.

Vnde humanitatem exhibere dicitur in l. prima. §. ait Prætor. ff. de postu. quæ quidem humanitas accipitur pro mansuetudine, lenitate, facilitate, placabilitate, ac suauitate. Humanitate ductus, ait Iurisc. in l. doli. §. primo. de seruo corrup. & l. at si quis. §. & interdum. de religiof. Humanitatis gratia. l. si cum militi. §. fin. ff. de compensa. vel humanitatis intuitu. l. v. in fin. ff. de bonis damnat. Humanitatis ratio. l. non tantum. de appel. Et humanitate suggerente. in l. j. §. j. quando appel. fit. Humanum est. l. sed & si mors. de donat. inter vir. & vxor.

Humanis rebus. l. cum autem. §. *Malus seruus creditus est, qui aliquid facit, quo magis se rebus humanis extrahat, vt putat si laqueum torfit, siue medicamentum pro veneno bibit.* de ædil. edict. Humanæ sortis. l. si seruus venditus decesserit, antequam euincatur, stipulatio non committitur, quia nemo eum euincat, sed fatum humane sortis. ff. de euictio. Humana conditio. l. Titia. §. finali. ff. de auro & argento legat. ibi: *Si mihi per conditionem humanam contigerit, ipsa faciam*, id est, si ego viuam, & superstes ero. Humanum exactorem dicit Iurisconsult. quia communius est, vt rigorosi sint. l. si bene. ff. de vsur. sed ille erat humanus, affabilis, benignus, urbanus, ciuilis, comis, & suauis.

Humanè militiam miles mutat, qui arma amisit, vel alienauit. l. iij. §. miles. ff. de re milit. id est, hoc tribuitur ei ex gratia, & vrbantate, quia alias capite puniri debet. vt ibi. Humanitus acciderit. l. alumna. §. Scia. ff. de adimen. lega. scripsi in l. in vulgari. ff. de verb. sig. vbi alia plura docui. quæ hinc non repetam.

Et sic Doctores dicunt hoc ex æquitate procedere, non de rigore: nempe, de stricto iure seruus non potest esse Prætor, nec aliquid tanquam Prætor facere, sed humanitate suggerente, si habitus, & pro libero creatus fuerit Prætor, Prætor quidem est, licet seruus sit: vnde gesta ab eo, nomine publico Prætoris, firma & rata erunt, & nihil eorum reprobari dicit iste text.

Cum etiam potuit populus Roma. seruo decernere hanc potestatem. Nam licet moribus receptum sit, vt fœminæ & serui iudices esse non possint, non quia non habeant iudicium, sed quia receptum est, vt ciuilibus non fungantur officiis. Paul. Iurisconsult. in l. cum Prætor. circa finem. ff. de iudic. tamen poterat populus, qui legem ferebat, illi legi derogare, & seruo Prætoris officium decernere. §. lex est. de iure natural. in l. si it.

Et sic à contrario, si populus non potuisset decernere hanc potestatem, non valerent gesta per Barbarium. Vnde infert Alberic. si electores non habeant potestatem eligendi, & tamen eligant, si ille electus gerat se pro Prælato, vel pro Officiali, & fuerit habitus pro tali, non valebunt eius gesta. per l. qui neque. ff. de rebus eorum. l. decernimus. C. de sacrosanct. Ecclesiis. l. Herennius. de decurio. cap. nihil. de elect. Innocent. in cap. cum dilectus. illo titul. Posset tamen hoc casu haberi confirmatio à superiore, Papa, vel Imperatore, pro qualitate personæ & actus, ne tot actus pereant, & ita fieri solet in praxi.

Vnde consuluit Paul. Paris. consilio 136. stante defectu. in quarto volumine. non valuisse dispensationem factam ab Officiali capituli, sede vacante, concessam spurio, vt tonsuram recipere possit. Nam licet Episcopus illam potestatem habeat, cap. primo. de filiis presbyt. in vj. tamen hic Officialis capituli illam potestatem

Æquitas præualeat rigori.

Electus ab eo qui potestatem eligendi non habebat.

Praxis de eadem.



potestatem non habebat : ideo tanquam priuatus faciebat. Sic consuluit Carolus Ruinus consilio 66. perlectis. numero 13. in 3. volum. In Imperatore, qui concessit legitimandi potestatem in terris non sibi subiectis, vt non valeat legitimatio, quia vbi est error respectu concedentis, non valent gesta, vt ibi.

Error respectu concedentis.

Sed & si scisset seruum esse, liberum eum effecisset. Alia ratio est, videlicet si populus, antequam crearet Barbariū Prætorem, si sciisset eum esse seruum, eundem fecisset liberum, & illi Præturam concessisset. Sic, secundum quosdam, concedendo Præturam, voluit eum liberum facere. Nam cui iurisdictio datur, omnia concedi videntur, sine quibus iurisdictio exerceri non potest. l. secunda. ff. de iuris. omnium iudicum. Et qui vult consequens, etiam omne antecedens necessarium ad illud. l. ad rem mobilem. & l. ad legatum. ff. de procura. propter quæ Doctor. hic fuerunt contrarij, dicentes partim Barbarium fuisse liberum, partim non fuisse. Superius dixi non fuisse liberum, sed est verisimile, quod populus si sciisset, illum fecisset liberum, sed non fecit, ergo seruus remansit.

Quid autem, si populus sciens designasset istum seruum Prætorem, nihil tamen dicendo, an esset liber? Respon. dicerem istum liberum, si populus hoc sciisset, etiam si nihil dixisset. Nam tunc haberent locum ea, quæ superius dicta sunt, videlicet concedendo vnum, & alia in consequens concessisse censeretur, & sic cum illo legis gratiā fecisse. l. quidam. ff. de re iud. Vlpian. in l. sed si hac. §. patronum. ff. de in ius vocand.

Libertas a ceteris concessa.

Sicut, si testator sciens seruum suum esse, tutorem illum filio suo dederit, non exprimendo se libertatem dare, tamen tacite, legis autoritate, fauore pupillorum liber erit, & tutor, directamque libertatem à lege consequetur. §. j. qui testa. tuto. dari possunt. l. quidam. C. de necessa. seruis.

Si verò dominus ignorans seruum suum esse, quia habuerat de nouo hereditatem, dederit illum tutorem filio suo, non valet datio, nec ille erit liber. d. §. j. ibi: Planè si per errorem, quasi tutor datus sit, aliud dicendum est, & multò magis in alieno seruo. vt ibi. in §. sequen. & l. generaliter. §. Si quis tutorem dederit filio suo seruum, quem putabat liberum esse, cum esset seruus, is neque tutor erit, neque liber. ff. de testa. tutel.

Et sic in priuatis regulariter non valent actus facti per errorem, vnde nec liber, nec tutor datus erit per prædicta. docet Bald. in addit. de Spec. in tit. de tuto. in fin. Panor. in cap. consultationibus. col. vlt. de iure patron. Felin. in c. ad probandum. col. 2. de re iud.

Vtilitatis publica effectus.

Secus in publicis, tum ratione officij publici, tum vtilitatis ex hoc prouenientis, & autoritatis publicæ, quod est notandum. Ideò non poterit queri dominus, cuius seruus, vtilitatis publicæ gratia est manumissus, cum vtilitas publica præferatur priuatæ. l. prima. ff. solut. matrim. quamuis Vlpian. in l. si priuatus. ff. qui & à quibus. scribit: Si priuatus coactus à populo manumiserit, quamuis voluntatem accommodauerit, tamen non erit liber. Nam & D. Marcus prohibuit ex acclamatione populi manumittere, sed aliud est manumittere, aliud cogere. Nam si populus Romanus ex causa tunc manumississet, valeret manumissio, secus in alio populo, qui supremum imperium non habebat. Ideò Vlpian. dixit non esse liberum, si populus alius à Roma coegerit serui dominum manu-

mittere, vel ex acclamatione sit quidam manumissus, quia vanæ voces populi non sunt audiendæ: l. decurionum. C. de pœnis.

Ex his inferitur, populum Romanum conferentem dignitatem, aut officium inhabili sciēter, videri secum dispensasse, quod ius multò magis in Imperatore obseruandum est, per istum textum. Nam si populus, inter quos potest aliquis ignarus esse, videatur gratiam facere alicui inhabili, multò fortius Imperator sciens conferendo officium, vel dignitatem. Vlpian. ita loquitur in l. quidam. ff. de re iudic. Princeps enim, qui ei magistratū dedit, omnia agere decreuit. & Modestinus ait in l. idem Vlpianus. in fi. ff. de excusat. tutor. fieri hoc posse ex rescripto Imperatoris, scientis quidem tutorem esse eum, transmigrare autem expressè ei cōcedentis, & horum alterutrum literis significantis. Et sic requiruntur duo, primum quod Princeps sciat inhabilitatem, seu defectum, quia non potest concedere, nec gratiam facere, si nesciat. arg. l. mater. ff. de inoffic. testam.

Secundum requiritur, quod Princeps concedat non obstante defectu, alioqui si officium non concederet, sed pateretur fungi officio, etiam nihil esset. Doctor. in cap. veniens. de filiis presbyt. Carol. Ruinus consilio 85. in proposita. numero 10. in 4. volum. licet Soci. in tractat. Fallen. regul. 227. lex Barbarius, dicat istam legem nō habere locum in inhabili, quia est infamis habitu & actu, sed vix potest esse maior inhabilitas, quàm illa quæ in seruo est, & ille qui potest facere illum liberum, etiam habilem, si inhabilitatem scisset, inquit iste text. ergo locum habebit in inhabili. Vnde si Princeps inhabili concesserit, ignorans inhabilitatem, non valet concessio quoad recipientem, si sciisset Princeps, verisimile est quod non concessisset, & subreptitia est concessio. l. ij. C. de diuers. offic. lib. 12.

Tamen si iste inhabilis exerceat officium publicum, & habeatur publicè pro tali, valebunt gesta ab eo propter coloratum titulum. per istum text. hoc probauit in tit. de pacif. possessio. quia hoc casu est designatus Officialis, habitus est pro tali, & publicè vtile est, propter eos qui egerunt coram eo, ne decepti sint, Principis autoritate, ob id ista valebunt gesta coram eo. l. prima. C. de his qui veniam ætat. impetrā. sed ipse, cum detectus fuerit inhabilis, excludetur.

Ista etiam in Papa procedere videntur, qui si illegitimo ex certa sciētia conferat beneficium, vel Episcopatum, ipsum legitimare cēsetur. l. Imperialis. §. si miles. C. de nupt. glos. in cap. à nobis. de dec. & in cap. statutum. in verbo, literarum. de rescript. Si verò ignoranter, non. cap. nihil. de elect. licet apposuerit clausulam non obstantibus iuribus & legibus in contrarium facientibus, quia non videtur tollere, quod ignorat. l. mater. ff. de inoffic. testam.

Si tamē iste per subreptionem promotus administrauerit, & tanquam Episcopus, vel curatus aliqua gesserit, valebunt ab eo gesta. cap. ad probandum. de re iud. vbi Panor. & licet prouisio non valeat quoad prouisum: quia simul atque sciatur inhabilitas, expelletur, tamen gesta remanebunt propter publicam vtilitatem, & errorem communem, vt Doctor. afferunt. Sed vt ipse inhabilis remaneat in officio, non versatur publica vtilitas, imò est contra publicam vtilitatem. l. honores. ff. de decur. las. hic numero 20.

Officiū inhabili sciēter concessum. 18

19

Coloratus titulus reddit inhabilem, habitile.

20



per l. primam. C. de testamen. & l. ij. C. de sentent. & interloc. Socin. consilio 59. viso elegantissimo. col. 3. in 4. dubitatione. vel nisi ipse esset habilis, & tamen aliquod haberet vitium in collatione, quod faceret titulum coloratum tantum; eo casu post triennium non posset molestari in beneficio, ut est in tit. de pacif. possesso. vbi etiam dixi.

*Titulus coloratus tantum, in habili.*

Et sic potest dici, Principem verisimile esse, fecisse liberum & habilem, fisciffiteum seruum, & hoc si voluisset eum Pretorem esse, sed quia ignorauit eum inhabilem, ius præsument non dedisse ei officium, si illam inhabilitatem sensisset, vel saltem illam sustulisset: sed quia non fecit gratiam cum eo, quia nesciuit inhabilem, ideo non valebit concessio quoad inhabilem, nisi vltro concessa ei fuerit. d. l. imperialis. §. si miles. C. de nupt.

*Inferior à Papa conferens beneficium indigno.*

Vltimò, in quantum interpretes dicunt, inferiorem à Papa conferentem beneficium indigno, non videri dispensasse, quia requiritur causæ cognitio. glo. & Doct. in c. 1. de ætat. & quali. lib. 6. plenè scripsi in praxi beneficii. in tit. de dispensa.

Quod restringitur, quando ille prouisus ab Episcopo fuisset promotus ad sacros ordines, eo casu non debet beneficium illi eo anno amoueri. c. veniens. de filiis presbyter. ne postea mendicaret in opprobrium clerici. c. Diaconi. §. 9. dist.

Et sic ex hac lege requiruntur sequentia. Primum, quod is sit designatus, creatus, & institutus, vel notarius seu Prælatus, alioqui si se ingereret, actus gesti ab eo nullius essent momenti. l. non mutant. & l. non ideitico. C. de liber. causa. l. si. C. si seruus ad decurio. aspira. lib. 10. Barto. in l. actuarios. C. de numerar. lib. 12. quia vsus priuatorum non confert officium, sed Princeps, vel ab eo auctoritatem habens. cap. cum F. tabellio. de fide instrum. Azo in Summa de instru. cautel. & fide. & ob id decretum superioris tenet factum ab inhabili. l. j. §. idem Pompon. ff. quod falso tuto. autho. gestum esse dicitur.

21

*Imperator in regno Francia, est tanquam priuatus.*

Secundò requiritur quod fuerit institutus ab eo, qui potuit, alioqui non haberet locum iste text. Ideò si Imperator institueret consiliarium, vel iudicem in regno Franciæ, quamuis reputetur communi opinione consiliarius, vel iudex, tamen non valent gesta ab eo. Doctor. in cap. nihil. de electio. Carolus Ruinus consilio 86. in proposita. col. 3. in 4. vol. Nam iste text. respicit inhabilitatem eius personæ, cui datur officium, non eius qui dat, & Imperator in regno Franciæ non habet potestatem concedendi officia, imò est ibi tanquam priuatus. c. per venerabilem. vbi Doctor. qui filij sint leg. l. tertia. de officio Præsidi. ff.

Vnde dicunt interpretes non sufficere electionem esse factam, nisi esset & confirmatio, quod fortè procederet in spiritualibus, in quibus solet interuenire. cap. final. de election. in vj. Sed in offic. dicerem contrarium, ut valeant gesta, si quis sit electus, & pro tali opinatus, quia non illicitè sumit officium, sed est designatus & habitus pro tali, ideo dicerem in temporalibus sufficere electionem, quia rarò confirmationes in illis fiunt.

Tertiò requiritur, quod is recipiens sit inhabilis, alioqui si habilis esset Prætor, vel Prælatus, seu alius, non esset dubium an gesta valerent, quia nihil deesset, ergo non esset dubitandum. Ideò hinc ponitur Barbarum seruum esse.

Quartò requiritur, quod communi opinione ille

*Opinio communis facit ius.*

Prælatus, vel Prætor sit habitus & reputatus talis, & non à duobus, vel tribus, alioqui acta non valent, si non esset talis reputatus communiter, & communem opinionem intelligimus hinc, quando communi sententia talis opinabatur, & maximè inter vicinos & cognitos. l. inter omnes. vbi glos. & Dec. ff. qui satisfd. cogant. Bart. in l. de minore. §. plurimum. q. 2. ff. de quæstio. & superius dictum fuit.

22

Quintò, quod gesta ab eo respiciant officium publicum, utpote iudex protulit sententiam, notarius instrumenta confecit, secus ergo si vendat rem propriam, aut alium priuatum actum conficiat. probatur in l. ad probandum. de re iud. Card. in cle. j. §. j. in fin. de regul.

Sextò, quod habitus fuerit Prætor, vel notarius longo tempore. l. qui in aliena. §. sed & si non adierit. ff. de acquir. hæred. Longum tempus declaratur esse decem annorum. in l. si filius familias. de petitio. hæredit. C. & hoc firmant multi interpretes.

*Longum tempus quod dicitur.*

Ego autem dico longum tempus arbitrio iudicis relinquendum, adeò quod si quis se gesserit pro vicario per vnum annum, & postea mortuus fuerit, si eius institutio non reperiatur, sufficit plures ostendere collationes, & eum habitum, & reputatum id temporis fuisse vicarium, sed hodie poterit probari per scripturam insinuationum.

Septimò requiritur, quod gesta sint eo tempore, quo is habitus & reputatus fuit notarius, alioqui si gesta fuerint posttempus, quo inhabilitas apparuit, illa gesta non valebunt per istum textum, ibi, quando latuit. Bald. in authent. habita. collat. 6. C. ne filius pro patre.

Octauò, requiritur utilitas eorum, qui egerunt coram isto, ibi, propter utilitatem eorum, qui apud eum egerunt, & agere quidem verbum generale est, siue verbis, siue re quid agatur, ut in stipulatione, vel numeratione pecuniæ. Vlpianus l. Labeo. 2. ff. de verb. sig.

*Agere, verbum generale.*

Vnde si iudex reputatus habilis condemnauerit aliquem ad soluendum decem aureos, & illum coegerit soluere, valebit sententia, & liberatus erit soluens. iuxta l. qui restituere. ff. de rei vendic.

Nonò, quod plures actus seu instrumenta confecerit, alioqui non diceretur publicè utile, & sic text. dicit, propter utilitatem eorum, & c.

Et quod instrumenta, vel actus requirantur, hoc arbitrio iudicis relinquatur. ut docet Barbat. in repet. rubr. de fide instrum. col. 107. allegat Speculat. in titul. de instrum. editio. §. restat. vers. & scias. & vers. illud. & quidem sufficere duo instrumenta dicunt, ut firmat Carolus Ruinus consilio 66. perlectis. num. 11. in 3. volum. superius dixi etiam vnum actum valere factum ab eo, qui est iudex inhabilis, tamen opinatus, communi sententia, habilis. Alia (bone lector) addere poteris.

Quod ius in Imperatore multò magis obseruandum est ] Videlicet si Imperator provideat alicui, quem communis fama opinabatur habilem & idoneum, licet sit seruus, valebunt gesta ab ipso prouiso, quia ipsum liberum & habilem facere, ipse quoque Imperator potuisset, si sciuiisset, atque gratiam illius vitij illi fecisset, & secum dispensasset, ut fuit dictum superius. Sacrilegij enim instar est dubitare, an is dignus sit, quem elegerit summus Princeps, scilicet scienter. l. ij. C. de crimi. sacrileg. quamuis eligat interdum

*Sacrilegij instar est, dubitare de eo què Princeps elegit.*



interdum ignaros, inhabiles, & bardos ad suasionem aliorum cæcorum, & quandoque mulierum.

Ideo, si exuli, ignorans eum talem, dederit officium Consilarij, vel aliud, pecuniâ, gesta ab eo valebunt, quandiu latebit, & communis error aderit, & exercitium publicum, vt docet Carolus Ruinus consil. 85. in proposita. num. 9. in 4. vol.

Idem dicit Alberic. in Episcopo, vel alio constituyente vicarium inhabilem, vt si communi opinione fuerit habitus habilis, gesta ab eo valeant, propter publicam vtilitatem. & facit l. ij. C. de sentent. & l. j. C. de testam.

*Imperator  
potest seruū  
alienū ma-  
numittere  
ex causa pu-  
blica.*

Ex hoc notat Accurs. Imperatorem posse manumittere seruū alienum, verū ex causa publicæ vtilitatis, vel pacis, aliās non regulariter. Nam quod nostrum est, sine facto nostro à nobis auferri non potest. l. quod nostrum. ff. de regul. iuris. & quia dominium est iuris gentium. vt dixi in l. ex hoc iure. de iust. & iur. suprā. Potest etiam legem ferre, qua serui consequentur libertatem ex causa, quæ publicæ vtilitati proderit. vt C. quibus ex caus. serui pro præmio libert. accip.

Ex hoc text. inferunt Docto. ex causa Principem auferre posse res priuati, sed sine iusta causa non: at ipsi decepti fuere. Nam negatiua regula ponenda est, Neminem posse de re alterius disponere.

Nempe quod meum est, &c. nec etiam Princeps, quia hoc est iuris diuini: scribitur enim Ezechiel. 46. Non accipiet Princeps de hereditate populi per violentiam, & de possessione eorum. Lucas de Pen. in l. fi. C. de loca. præd. ciuiliū. lib. ii. multa ad hanc rem adducit.

*Principi nō  
licet sine cō-  
sensu rem  
subditi ac-  
cipere.*

Ideo, sine consensu, non licet quidem Principi rem subditi accipere. vt probatur 3. Reg. c. 21. & seq. vbi Achab Rex Israel, qui accepit vineam Nabot, fuit extinctus, & canes linxerunt sanguinem illius in illo loco, vbi Nabot fuit occisus, & tamen Rex volebat ei dare meliorem vineam, aut magnum pretium pro illa vinea. de hoc scripsi abunde in tract. de congrua portione. in fin.

Omnis Princeps datus est ad ædificationem, & omnis potestas, non ad destructionem, teste Diuo Paulo 2. ad Corint. vlt. c. alioqui haberet potestatem peccandi, quæ nemini data fuit, videlicet vsurpandi bona aliena, & subditorum.

Hoc limitandum est ex causa publicæ vtilitatis, vt si fortè in fundo subditi velit castra, vel turre ædificare, vt inimicis resistat, hoc publicè interest. l. item si verberatum. ff. de rei vend. Et hoc quando illud non poterit fieri in fundo fisci, alioqui contrā. vt docet Anthon. Capitiū in decisio. Neapol. q. 51. in fine. & Lud. Rom. consil. 210. in casu.

23 Et tunc debet Princeps compensare subditos, dando pretium æquiualens rei. l. ij. C. quibus ex caus. serui. Lucas in l. vnica. C. public. latiniæ. Felin. & alij in cap. quæ in Ecclesia. de Constit. & i. Paralip. ca. 21. vbi Dauid ad Hornam petiit locum, vbi ædificaret altare, & Hornam lubens ei locum præbuit. Sed Dauid dixit: Argentum dabo tibi, quantum valet, neque enim tibi auferre debeo, & sic offeram Domino holocausta gratuita. Dedit ergo Dauid Hornam pro loco Siclos auri iustissimi ponderis sexcentos. Si ergo non licet Principi auferre locum, vt Ecclesiam construat, vel Deo dedicet, multò minus ad aliam vtilitatem. Sed sunt quidam adulatores, qui

contrarium consulunt, quos omnes in inferno iam sepultos coniecto, si non resipiscant.

Nisi statueretur per legem causa publicæ vtilitatis, hoc esse faciendum. l. si venditor. §. si constat. ff. communia prædio. tunc si lex sit iusta, seruanda erit, nec tenebitur Princeps compensare homicidam, quando ex confiscatione bona illius accipit, sed caueat is, qui in legem incidit, vt per totum titulum de bonis damnato. ff. & C. de sentent. passis. Alia hic non pertractabo.

### SUMMARIA.

- 1 *Adoptio & emancipatio sunt voluntaria iurisdictionis.*
- 2 *Index, qualitatem iurisdictionis mutare non potest.*
- 3 *Actuario & scriptori, de consensu partium creditur.*

### LEX IIII. IDEM LIB. I. DE OMNIBVS TRIBVNALIBVS.

**P**rætor nec tutorem, nec specialem iudicem ipse se dare potest.

Idem docet Vlpian. ff. de tutor. & cura. datis ab his. sic inquit, l. Prætor ipse se tutorem dare non potest, sicut nec pedaneus index, nec compromissarius ex sua sententia furi potest. Interpretes dicunt obstare. l. ij. sic conceptam suprā: sed etiam ipsum apud se emancipari, vel in adoptionem dari placet, & multi varia dicunt super hoc.

Ego verò puto nihil obstare, quia pater emancipare potest filium suum Prætorem coram ipso Prætore. Nam in emancipatione requiritur autoritas magistratus, quæ satis interuenit, cum ipse filius sit magistratus, & sic dicit text. apud se. Non tamen dicit, quod ipse Prætor filius emancipet se, quia est in potestate patris: ergo requiritur, quod pater emancipet, & si Consul, vel Præses, aut Prætor filiusfamilias sit, posse eum apud semetipsum, vel emancipari, vel in adoptionem dari constat. Paul. Iuriconsult. in l. si Consul. suprā. de adopt. vbi dixi. ideo emancipat pater filium suum coram Prætore, quia ipse filius est Prætor, & sufficit eius filij & Prætoris autoritas.

Idem dico in adoptione, vt pater dare possit in adoptionem filium suum Prætorem, sola Prætoris filij autoritate interueniente, quia Prætor est & filius; atque imperio magistratus adoptio fit. l. ij. suprā. de adopt. & quando pater dat in adoptionem filiumfamilias suum, qui est Prætor, hæc adoptio fit imperio magistratus, videlicet Prætoris filij, ergo forma seruata censetur. Nam Celsus ait: In adoptionibus eorum duntaxat, qui sue potestatis sunt, voluntas exploratur: sin autem à patre dantur in adoptionem, in his utriusque arbitrium expectandum est, vel consensuendo, vel non contradicendo. l. in adoptionibus. ff. de adopt.

Et Consul apud se potest manumittere, etiam si minor sit. l. si rogatus. in fin. de manum. vind. scripsi in l. vnica. suprā de offic. Consul. & sic non obstant alia iura. vt scripsi in l. ij. suprā eodem.

Item quanta sit differentia inter ea, quæ expediuntur sub voluntaria iurisdictione, & contentiosa, nemo est qui ignoret. l. j. & ij. infrā, de offic. Proconsul.

*Emancipatio fieri potest coram ipso Prætore filio.*

*Manumissio fieri potest à Consule apud se, etiam minore.*



**I** adoptio & emancipatio in voluntaria iurisdictione continentur, in quibus sufficit personas necessarias adesse, quæ non deficient, quando filius est Prætor, & is ipse emancipatur, vel in adoptionem datur, ut hîc. & plenè Lucas de Penna in l. secunda. in fine. C. de dela. lib. 10.

*Vna persona quando vicē duorū obtinere nō possit.*  
At in contentiosa iurisdictione certus numerus personarum adesse debet. cap. primo. in iij. quæst. iij. & vna persona non potest obtinere vicem duarum, unde Papin. scribit l. Ex sententia Senatus. Liboniani tutor non erit. qui se tutorem in testamento pupillo scripsit. cum autem patris voluntas hoc ipsum manu sua declarantis, ambigua non esset, &c. ff. de testament. tutel. Idem debet esse iudex, qui det tutores, & dans & datus vnus esse prohibetur. cap. fin. de iust. & sic Prætor non potest se tutorem dare, nec etiam iudicem se dat, quia non posset qualitatem iurisdictionis mutare, & ex ordinario se delegatum facere. l. Prætor. ff. de tutor. & curator. dat. ab his.

*Testium examinationis graphario commissæ, ab alio signanda est.*  
Vnde si iudex committat examinationem testium notario, seu graphario causæ, ille ipse non poterit scribere negotium sibi datum fuisse, nec ei crederetur, quia non potest officium sibi adscribere. l. vxori. §. primo. ff. de falsis. alioqui daretur materia delinquendi, ut semper posset hoc actuarius scribere; idem debet hoc signari per alium notarium, etiamsi articulus tantum ei committatur. contra Bartol. in l. ex sententia. ff. de testam. tutel. & sic curiam seruare scribit Guido Papa in decisio. Delphi. quæst. 16. in hac curia. & Mathe. de Afflictis in decisio. Neapol. 17. in causa. Bald. in l. iudices. in fin. C. de fide instrumen. cum sit bonum argumentum de toto ad partem. l. quæ de tota. ff. de rei vendica. Nam si in tota causa non credatur, ergo nec in vno articulo. idem firmat Bald. & alij in cap. quoniam contra. de proba. & laco. de Bellouisu in praxi. in titul. de fuga rerum. num. 85. Alexand. consilio 212. ponderatis numero 21. & seq. in 6. volum. & Barbat. consilio 18. difficile. in fi. vol. 2. Dec. consilio 42. in 2. dubio. & in l. ij. C. de edend. l. as. in l. si duo. §. item Iulia. ff. de iureiurand.

**3** Collecta. tamen in cap. si qui testium. colum. 2. de testib. scribit consuetudinem esse Curiarum, ut actuario credatur, & scriptori, & hoc de consensu partium. Nam cum plures sint homines, quando iudex committit, actuarius debet dicere sibi commissum præsentibus tribus, vel quatuor, quos nominare debet, & sic valebit commissio, & illi stabitur. quod probat Decius consilio 42. & pro facultate. in secundo dubio.

### De officio Præfecti vigilum.

TIT. XV.

*Præfecti vigilum in locum Triumvirorum sistent.*



**I**urisconsult. hîc imitatur Aurel. in l. vnica. suprâ. de offic. Præfect. Prætor. vbi docet Præfectum Prætorio suffectum esse in locum magistri equitum, sic & hîc Præfectum vigilum, in locum Triumvirorum, qui apud vetustiores incendiis arcendis præerant. ut scribitur in l. j. huius tituli.


Secundo, hoc officium à Diuo Augusto prius institutum fuisse, in l. prima. & sequen. asseritur. Tertio, de quo cognoscat hîc Præfectus. tradit in l. iij. §. cognoscat, videlicet de incendiis & aliis, ut ibi dice-

tur. Quarto, docet officium istius Præfecti vigilum in quo consistebat. in §. sciendum. cum l. sequen. hæc est tituli huius summa. Et quidam erant Præfecti vigilum in ciuitate, de quibus iste tex. loquitur. Alij erant Præfecti vigilum in exercitu, de quibus Polyb. de Romanor. castr. facit l. qui excubias. & l. officium. circa fin. ff. de re milit.

### S V M M A R I A.

- 1 & 2 Triumviri mensarij, Treuiri dicti, & Præpositi moneta.
- 3 Dicuntur in Francia Generales monetarum.
- 4 Iurisdictionis secularis debet auxiliari Ecclesia, & econtrâ.
- 5 Annona nomine omnia edulia continentur.
- 6 Tribuni unde dicti sint.
- 7 Tribunorum vox quando in abusum versa sit.
- 8 Nemo tenetur iuuare alium in incendio.
- 9 Restringeretur.
- 10 Actio legis Aquiliæ cessat contra eum, qui vicinas ades intercidit, ad arcendum incendium.
- 11 Deputati ad arcendum incendium, tenentur ad sonitum campanæ venire.
- 12 Quando per se aliquis quid agere debet, alium subrogando non liberatur.
- 13 Rex debet providere negotiis quando prouisiones Curiarum, vel Magistratuum non sufficiunt.

### LEX I. PAVLVS LIB. SINGVLARI DE OFFICIO PRÆFECTI VIGILVM.

 Pud vetustiores, incendiis arcendis Triumviri præerant: qui ab eo quod excubias agebant, etiam nocturni dicti sunt. Interueniebant nonnūquam & Aediles, & Tribuni plebis. Erat autem familia publica circa portas & muros disposita, unde si opus esset euocabatur. Fuerunt & priuatae familiae, quæ incendia vel mercede, vel gratia extinguere. Deinde Diuus Augustus maluit per se huic rei consuli.

**I**urisconsult. hîc explicat Triumvirorum officium. Nam Romæ solebant præesse incendiis arcendis, & vigilias agere, ne ibi incēdia orirentur, & aliquando Aediles & Tribuni plebis interueniebant. Et, ut ita facilius intelligantur, sciendum est, Triumviratus munus siue magistratum fuisse Romæ institutum, in quo erant tres, qui eodem munere fungerentur, ob id dictos, quod in eodem officio, & collegio tres erant, sicut Duumviri, quod duo, Quinquemviri, & Centumviri, quia tot in singulis collegiis essent.

Fuere autem collegia huiusmodi Triumvirorum plura, atq; variis administrationibus accommodata. Nempe ante imperium constitutum, quidam erant capitales, mensarij, ædium, agrarij, atque nocturni, de quibus in hac lege inferius dicitur.

Post verò imperium adiecti sunt Triumviri allectores, qui Senatum legebant, & demum alij, qui ad summam rerum tendebant, qui & Principes dicti sunt. de quibus inferius.

*Triumvirorum officium*

*Triumvirorum collegia plura.*

*Triumviri allectores.*

Triumviri



*Triumviri  
capitales.*

Triumviri capitales constituti sunt, qui carceris custodiam haberent, ut cum animaduerti oporteret, interuentu eorum fieret, & sic capitis pœnam ipsi exequabantur, ideo capitales dicti. Pompon. in l. ij. §. deinde cum esset. ff. de orig. iuris. & hi etiam Nocturni dicti sunt, quod non solum carceris curam, verum & noctis haberent, ne captiui custodiam fallerent, & ne incendia ex negligentia orirentur. de quibus Liuius lib. 9. Decad. 4. sic ait: Multi ea nocte, quæ diem infecuta est (quod in concione palam factum est) custodiis circa portas positis fugientes à Triumviris comprehensi, & reducti sunt. & libro 5. Decad. 3. idem ait Liuius: Incusati grauius à Senatu ædiles Triumviri que capitales, quod non prohiberent, &c.

*Nocturni.*

Et Tacitus libro 5. historiæ Augustæ: Triumviri nocturni, quod ad incendium in sacra via ortum tardè venerant, à Tribuno plebis die dicta damnati sunt.

*Triumviri  
mensarij.*

Fuere & alij Triumviri mensarij, siue monetarij, aut monetales, quorum officium erat numismata probi auri, & argenti, iustique ponderis examinare, ut iuste militibus distribuerentur, qui æris, argenti, aut auri flatores dicuntur à Pompon. in dicta l. ij. de orig. iuris. quasi conflatores, vel quod æs, argentum, & aurum flando, hoc est flatu calefaciendo signetur, secundum quosdam. de quorum origine scribit Liuius: Triumviri mensarij creati sunt, hi que numulariis & moneta omnis generis cursoribus præerant. & idem lib. 3. Decad. 3. Et Romæ quoque propter penuriam argenti, Triumviri mensarij rogatione Minutij Tribuni plebis facti: hi etiã Treuiri dicti sunt. At huiusmodi Triumvirorum munus constituto imperio ex vrbe in limitaneas ciuitates translatum est, & alio nomine Præpositi moneta nuncupatum fuit. ut docet Laz. in lib. de Repub. Roma. 3. cap. 3. In horum locum fortè hodie in Francia sunt Generales monetarum. & vide per Imperator. in titul. de pondera. & auri illatio. lib. 10. C. & de his scripsi in l. j. sup. de offic. Præf. Prætor. Aphri.

*Officium  
Triumviro  
rum adu.*

Triumviri ædium erant, qui in controuersiis ob ædium vicinitatem exortis iudices exhibebantur, quales hodie sunt magistri artifices electi in quolibet artificio. de quibus Titus Liuius lib. 5. Decad. 3. sic ait: Comititia deinde à Prætoribus urbano, de Senatus sententia plebisque scito sunt habita, qui creati sunt Quinquiviri, muris, turribusque reficiendis, & Triumviri bini, vni sacris conquirendis, donisque perfigendis, alteri reficiendis ædibus, &c.

*Quinquiviri.*

*Triumviri  
agrarij qui  
fuerint.*

Alij erant Triumviri agrarij, seu coloniæ deducendæ, qui ad colonias deducendas ex vrbe mittebantur, quorum facit mentionem idem Liuius lib. 5. Decad. primæ. ibi: Romæ interim multiplex seditio erat, cuius leniendæ causa coloniam in Volscos, quod tria millia ciuium Rom. scriberentur, deducendam censuerunt, Triumviri que ad id creati, terna iugera & septunces viritim diuiserant. & libro 4. primæ Decadis, sic inquit: Triumviri ad coloniam Ardeam deducendam creati, Agrippa Menenius. T. Clælius Siculus. M. Ebutius Elua. & idem libro 6. ibi: Et Triumviros Nepete coloniæ deducendæ creauerunt, & aliis in multis locis, de quibus Fenestell. tractatu de magistris. cap. 18. de Triumviris coloniæ deducendæ.

Allectores Triumviri ab Augusto Cæsare primò

introduciti fuere, qui Senatores legerent, & qui turmis equitum recognoscendis præessent, quod olim fuerat Censorum officium. Horum meminit Suetonius in Augusto cap. de officiis per eum excogitatis, sic dicens: Triumviratum legendi Senatus, & alterum recognoscendi turmas equitum, quotiescunque opus esset, post Censores creati delictos, longo intervallo creauit.

*Triumvir  
rum allecto  
rum officij.*

Triumviri Principes, seu Reipub. constituendæ ex conspiratione aduersus libertatem populi Romæ. occiso Iulio Dictatore, tres esse coeperunt: Octavius, Antonius, & Lepidus, qui quidem nomine duntaxat regnandi libidinem occultabant, diuisoque Romano Imperio Antonius Asiam, Lepidus Aphricam, & Octavius Europam sibi vendicabat. sed hi parum durarunt, ut patet per Fenestell. cap. 22. de Triumviris Reipub. constituendæ. Et de Triumviris epulonibus habet mentionem idem Titus Liuius (qui publicis conuiuiis, deorumque & munerum epulis præsidebant) lib. 3. belli Macedon.

*Principes  
Triumviri.*

Interueniebant nonnunquam, & ædiles, & Tribuni plebis. Docet Liuius libro 9. Dec. 4. ibi: Triumviris capitalibus mandatum est, ut vigilias disponderet per urbem, seruarietque, ne aliqui coetus nocturni fierent, utque ab incendiis cauere, adiutores Triumviris Quinquiviri dati sunt, ut eis Tyberim suæ quisque regionis ædificiis præsent. & quod iste text. dicit, interueniebant, Liuius ait adiutores fuisse & Quinquiviros. Nā cum expediebat adiutores habere Aediles, & plebis Tribunos, propter frequentiam incendiis, hi interueniebant, ut docet iste textus: & sic per istum textum patet vnum magistratum auxilio esse alteri debere, ad iuuandam alterius iurisdictionem: sic iurisdicção secularis Ecclesiæ adesse debet, & contrā. cap. nouit. de iud. cap. dilecto. de senten. excom. in 6. cap. 1. de offic. ord. alibi abundantius scribam.

4

Ædiles cereales in prima Repub. Roma. præfuisse ait Pompon. in l. ij. §. deinde Caius Iulius Cæsar duos Prætores, & duos Aediles, qui frumento præessent, à Cerere cereales constituit: ita duodecim Prætores, sex Aediles sunt creati. ff. de orig. iuris. Et est notandum nomine annonæ, omnia edulia contineri. ut ff. & C. ad legem Iuliam. de annonæ. l. annonam. de extraord. criminib. & rub. C. de annon. ciuil. libro 11. dixi in l. verbo, victus. ff. de verborum signific. sub frumento verò triticum, siligo, & auena, & quod arista continetur. in l. frugem. ff. de verborum signi. vbi scripsi & l. triticum. de verb. obligat.

*Ædiles ce  
reales.*

Ædiles ab ædibus sacris, quarum curam habebant, dictos quidam putant: alij ab edendo, & edulitate: seu, ut Festus ait, quod facilis plebi ad eum aditus esset, & in iure illorum duplex fit diuisio. Nam quidam Curules vocantur, qui ex patribus creati sunt, quod sella curuli veherentur, vel alij eos Curules à curua sella dixerunt. ut Plutarchus in vita Caij Marij, sic dicens: Duo enim erant Aediles, vnus in quo ipsi Aediles in iure dicendo sellis curuos pedes habentibus utebantur, ut hic nomen magistratus retinebat. Secundum, Aedilem popularem magistratum appellabant. sed ut cumque tamen communius vocantur Curules.

*Ædiles vn  
de dicti.*

*Curules.*

Nominati sunt alij plebei, quod ex plebe horum officium erat, omnium edulium curam habere. Hi edicta statuerunt, maximè, ne quis iumentum mor-

*Ædiles  
plebei.*



bosum, aut vitiosum pro integro sanoque vendat. l. prima. ff. de ædil. edict. Et quod cloacæ publicæ, & aquæ ductus, cæteraque ædificia lauta, munda, integræque & expedita asseruaretur, & ne quid fœtidum in vias proiceretur. l. ædiles. ff. de via public. & istorum edicta iuris honorarij portio erat. §. Prætorum. de iure natur. in Instit. & Fenest. in hoc tit. & Cicero plenè in Vatini.

*Origo Tribunorum plebis.*

Tribuni plebis, quomodo inuēti sint docet Liuius prima Decad. ab Vrbe condita. & Pompon. sic ait in l. ij. de origin. iuris. §. iisdem temporibus. cum plebs à Patribus secessisset, anno ferè decimoseptimo post Reges exactos, Tribunos sibi in monte sacro creauit, qui essent plebei magistratus. Dicti Tribuni, quod olim in tres partes populus diuisus erat, & ex singulis singuli creabantur, vel quia tribuum suffragio creabantur: itēque ut essent, qui ædibus præessent, in quibus omnia scita plebs deferbat, duos ex plebe constituerunt, qui etiam Aediles appellati sunt, & sic Tribuni fungebantur officio ædiliū: & hunc Tribunum plebis maiores Præsidentem libertatis, custodēque esse voluerunt. ut ait Cicer. contra Rullum. & de Legib. ut Lacedæmonæ Ephori Regibus oppositi erant, sic apud Romanos Consulibus Tribuni. & Plutarchus in vita Tiberij & Caij, sic scribit: Est autem Tribunorum plebis maxima in prohibendo potestas, vno enim prohibente nihil aliq. etiam si complures sint, efficere possent. Idem dicit in vita Catonis Uticensis: Imò si quis magistratus eos contumelia vlla læsisset, truncata eius ceruix, in templo Iouis consecratur, apud veteres.

*Potestas Tribunorum.*

*Tribuni militares.*

*Tribuni ærarij, qui censur.*

Tamen cum Patres eos abhorrent, eo deducta res est, ut rogatione Camilli Tribunos militum, qui pro Consulibus essent, tam ex plebe, quam ex Patribus promiscuè creari statutū fuerit. De Consulibus nil immutatum. Tres ergo Tribuni, Consulari potestate, qui militares appellarentur, creati sunt. ut docet Fenestel. c. 16. de Tribunis militum, & Consulari potestate.

Tribuni ærarij vocabantur qui militibus ipsis stipendia soluebāt, ut hodie Thesaurarij, seu Quæstores bellici. Tribunorum enim summus pulsus Regibus in vrbe fuit magistratus, qui loco Consulū vniuersam rempublicam administrabant, quorum mentionem habet Liuius prima Decad. Deinde cum Consules in urbem rediissent, is ad plebem est magistratus translatus, ut superius dictum fuit: quia à tribuendo iure hunc Romani magistratum nuncuparunt, factum est, ut Præfecti passim Tribuni nominarentur, & sic, crescente monarchia, vox huius magistratus in abusū versa est, ut omnes passim Præfecti, qui soliti erant iura aliquibus reddere, Tribuni appellarentur. Imò etiam Imperatores hunc titulum coeperunt usurpare, quod iura, scilicet populo Romano, sociisque redderent, quapropter nullus ad imperium prouehatur, nisi Proconsulari, Tribunitiam quoque potestatem adiecisset. ut docet Laz. lib. 2. cap. 10. de Repub. Roman. & lib. 9. cap. 6. vbi postea plures fuisse narrat. & Imperator in 12. lib. C. plures etiam ponit Tribunos, & varios, & in tit. de ciuilibus & Tribunis scilicet libidem. ut Tribunos pro Præfectis ferè nunc accipiamus: & de Tribuno voluptatum formulam tradit Cassiodor. lib. Variar. rerum 7.

*Tribunus voluptatum.*

*Familia publica, que datur.*

Erat autem familia publica, &c. ] Sicut familia accipitur pro corpore, siue congerie plurium

cognatorum, aut seruientium vni patrifamil. l. pronuntiatio. §. primo. ff. de verborum signifi. & l. prima. de publica. sic & familia publica dicitur corpus illud plurium seruientium Reipub. Et quædam erat familia publica, destinata ad arcendum incendia, cui salarium de publico dabatur, & vocabatur ob hoc publica, de qua loquitur hic text. & ista seruire tenebatur priuatis, nullo dato salario, ad extinguendum ignem, cum ab ipso publico acciperet, sicut Consiliarij Parisiis gratis seruiunt publico, & ius reddunt, propter tamen stipendia publica, quæ à Rege recipiunt, illa tamen stipendia fortè essent diuidenda, sicut in Ecclesiis Cathedralibus, ut Consiliarij sexcentas libras haberent, & reliquum pro expositione processuum, quos enarrarent Curia, & referrent, & sic diligentius quidque fieret.

Altera erat familia publica, corpus quoddam personarum, id est, personæ quædam destinatae ad arcendum incendia, & ad extinguendum ignem: cui familiae non dabatur salarium de publico, sed eligebatur tantum, ut is, qui in domo sua incendium haberet, sciret, quos euocare posset, & isti gratia, aut mercede adiuuabant, & ignem exstinguebant, & is, qui adiutus ab his esset, mercedem præstabat. Et anno 1385. cum vniuersitas Paris. resisteret Cancellario vniuersitatis, ut aliquid pro insigniendis Prolytis, Licentiatibus, & Doctoribus (dicens esse symoniacum) acciperet, tamen Curia suprema permisit gratia mercedis die 6. Februarij.

*Familia priuata ad arcendum incendia, destinata.*

Et sic colligitur ex hoc text. homines seruire aliis, vel mercede, aut gratia. vnde Aristotel. libro vltim. Rhetor. in fine, ait: Obsequuntur autem omnes, aut lucri, aut honoris, aut voluptatis, aut timoris gratia. & sic infert Bal. non teneri quem ad iuuandum alios etiam in incendio, alioqui merces capi non posset. l. 8. iij. §. si tibi. ff. de condict. ob turp. caus. l. solent. de præscript. verb. quia pro alio non tenetur se ponere in periculo: tamen si possit, sine detrimento suæ personæ, & sit vilis, cogi poterit data mercede, & ita vidi seruari Tholosæ, vbi vidi iudices cogere passim omnes artifices validos ad deferendum aquam, & ad iuuandum, etiam sine mercede, inspecta necessitate. Imò Vlpia. existimat legis Aquiliæ actionem cessare contra eum, qui incendij arcendi gratia vicinas ades intercudit. l. si quis fumo. §. fin. ff. ad legem Aquil.

*Quibus modis ad obedientiam homines perducantur.*

Etiam colligitur, ibi, disposita, quod familia publica, videlicet apparitores, & alij debent esse dispositi, ordinati, & assignati ad loca quædam, ut inde quilibet eos vocare possit, ut apparitores Parisiis habent quædam habitacula, in quibus sunt dispositi, & ibi intendunt, ne maleficia fiant in locis publicis, vbi dispositi sunt, & postquam ibi sunt dispositi, id est, in diuersis locis positi & ordinati, debent ibi semper aliqui remanere, ut saltem metu illorum mali abstinere à cædibus. Nam,

*Oderunt peccare mali formidine pœne.*

l. prima. ff. de iustitia & iure. l. fin. C. ad legem Iuliam repetund. & interdum audiui do. Consiliarios generales iustitiæ cogere exactores, ut certam habeant stationem, ad quam possint recurrere, qui cum eis negotium habent.

Portas & muros. ] Collige olim quosdā fuisse assignatos ad portas ciuitatis, ut exteros venientes ad personas, & loca perduceret, & agricolas venientes, & frumenta in urbem deferentes, leuarent onere, & ipsis



& ipsi recipiebant ea, quæ rustici deferrebant, & eis dabatur præsens pecunia, & ipsi domum remittebantur. l. ij. ff. de nundin. & quod ibi Budæ. notat. sicut videmus Parisiis in his qui deferunt pisces.

Euocabatur. ] Glos. perperam intelligit text. dum dicit istam familiam vocare homines vocibus, & cornibus, ut irent ad extinguendum ignem: quia hic text. intelligitur passivè, non activè, videlicet familia vocabatur, id est, requirebatur, si opus esset, non quod ipsa vocaret alios, sed qui incendium patiebantur, eam familiam euocabant.

*Campanis vocatur homines ad arcedendum incendium.*

Sed ista glos. allegatur, quod ad extinguendum ignem possint homines vocari cornibus, aut campanis, sed & clamore dicit text. in l. prima. §. potuisse. cum sequent. ff. de Senatuscon. Sillani. Hodie verò campanis solent homines sic vocari, ubi adsunt, alioqui clamore, ut ad ignem extinguendum quilibet veniat. dicta l. j. §. penult. & l. prohibitum. C. de iure fisci. libro 10.

Et sic vocandi sunt etiam iudices, & apparitores, aliàs tanquam negligentes puniri non possunt, sufficit tamen vocatio etiam per campanam, ad hoc ut deputati teneantur, ut Tholosæ videmus in deputatis ad ignem extinguendum, ut simulatque audiunt campanas ad ignem pulsantes, ipsi veloci cursu accedere debeant, alioqui puniri debent, ut superius dictum fuit de Triumviris.

Deinde diuus Augustus maluit per se huic rei consuli. ] Ex hoc text. colligitur ibi, per se, quando per se quis debet providere, alius excluditur, nisi dicatur in lege, per se, vel per procuratorem. l. prima. C. de bonis mater. §. teneantur. de collat. in Concord. ubi scripsi.

Vnde cum populus Romanus præfecisset familiam publicam, & priuatam, videns Imperator istam non sufficere, ipse voluit providere, & quæ fuerit causa, respondet Vlpian. in l. seq. propter plura incendia exorta, quibus non potuerunt sufficere ipsæ familiæ. ut l. ij. *Pluribus vno die incendiis exortis.* per quam legem constat Regem debere providere negotiis, quando non sufficiunt provisiones curiarum, vel magistratuū, & addere magistratus, ut perbellè fecit Rex Henricus secundus, nempe, sicut apud veteres cuilibet actui Præfectus erat vnus Deus. ut Augustinus de ciuitate Dei docet: sic & magistratus in Francia præpositi sunt.


#### S V M M A R I A.

1 *Abimelec, dicitur pater meus Rex.*

2 *Præfectus annonæ & vigilum, est magistratus extraordinarius.*

3 *Præfecto vigilum hodie causarum cognitio detracta.*

#### LEX III. PAVLVS LIB. SINGVLARI DE OFFICIO PRAEFECTI VIGILVM.



Am salutem Reipublicæ tueri, nulli magis credidit conuenire, nec alium sufficere ei rei, quam Cæsarem. Itaque septem cohortes opportunis locis constituit, ut binas regiones vrbis vnaquæque cohors tueretur: præposi-

tis eis Tribunis: & super omnes spectabili viro præposito, qui Præfectus vigilum appellatur.

Collige ad Principem spectare tueri salutem populi, & ad nullum aliū magis, quàm ad ipsum, cum ipse sit populi pater. Olim Reges Palæstinarum vocabantur Abimelec, id est, pater meus Rex, Hebraicè, & sicut ciuitatis magistratus dicitur Princeps ciuitatis. l. spadonem. §. si ciuitatis ff. de excusat. tutor. ita & Princeps totius populi pater. text. in authen. neque virum quod ex dote. in fin. colla. 8. Lucas de Penna in l. ij. C. de his qui sponte public. muner. subeunt. lib. 10. sed quidam Principes, quosdam, & paucos filios, suos subditos ditant, alios spoliant & pauperes reddunt.

*Princeps dicitur pater totius populi.*

Itaque septem cohortes. ] Cum ergo non sufficerent duæ familiæ, Diuus Augustus constituit septem cohortes, & voluit ut vnaquæque cohors binas vrbis regiones tueretur, locis quibusque assignatis, & præpositis, statuitque Diuus Augustus Præfectum vigilum, qui curam harum haberet. Vnde scribit Pompon. in l. ij. §. capta. de orig. iur. Præfectum annonæ & vigilum non esse magistratus, scilicet ordinarios, sed extra ordinem utilitatis causa constitutos fuisse.

Cohors dicitur quædam hominum congregatio, non solum militum, verum etiam aliorum hominum cuiuscunque generis, & erant apud Romanos variæ, quædam erat cohors vrbana, quam Diuus Augustus statuit, ut hinc ad vrbis custodiam, & Senatus: & statuit septem, quam familiam publicam Paul. vocat supra in l. j.

*Cohors, quid significet.*

*Cohors vrbana.*

Erant & cohortes Prætorie, quæ Prætorio Augusti erant addictæ, & illud custodiebant, & committebantur, sicut sunt hodie protectores Regis Franciæ, qui ex Scotis & Germanis eligi solent, de quibus in tit. C. de domest. & protect. lib. 12.

*Cohortes Prætorie.*

Erant etiam & cohortes Prætorie militum extra urbem, quæ inclinante Imperio peregrinæ, & Palatinæ dictæ sunt, aliæque multæ sunt, quas conscribit Laz. in lib. de Repub. Roman. 6. cap. 1. de his qui excubiis aquæductus præfecti erant. loquitur Imperator Zeno in l. pen. C. de aquæduct. lib. 11.

*Cohortes Palatine.*

Præposito, qui Præfectus vigilum, &c. ] Ex hoc text. dicunt quidam, Præfectum & præpositum idem significare, & differentiam fieri ex nominis adiunctione, ut Præfectus vrbis, præpositus cohorti, Prætorio, Præfectus vigilum, vel præpositus. Tamen iste text. hoc non probat, quia debet legi: *Præpositis eis Tribunis, & super omnes spectabili viro, qui Præfectus vigilum appellatur.* Et Fencstel. ait: Præfecti dicuntur, qui alicui rei agendæ præpositi sunt, ut Præfecti vrbium, quos Græci Latinique Persica lingua Satrapas vocant, magistratusque eorum Præfectura dicitur.

*Præfectus quis dicatur.*

Accurs. hic disputat, an Præfectus vigilum sit spectabilis, & eum qui erat Cæsaris imperio constitutus, fuisse spectabilem non est dubium per istum textum: licet illū, qui excubiis præerat, clarissimum dicat Accurs. quod est contra istum textum. Ideo ego dicerem tempore primo, quo Diuus Augustus illum instituit cum ista potestate, fuisse spectabilem. & hoc dicit text. verum, quia hodie detracta est ei

3



Præfecto vigilum caufarum cognitio, & non est data ei nisi prehensio, ob id nec quidem hodie est clarissimus, nec magistratus, sed quidam præpositus excubiis faciendis sine iurisdictione, & ita distingui tempora debent ad iura concilianda. Et Gallicè vocamus, *le Capitaine du Gnet*, in Francia.

## S V M M A R I A.

- 1 Effractores fures palàm vim facientes, pœna mortis puniuntur.
- 2 Paterfamilias non tenetur de incendio dato ex negligentia familia.
- 3 Conductor tenetur de incendio, si maiorem ignem fecerit, vel longiorem, vel si vitio camini incendium acciderit.

§. Cognoscit Præfectus vigilum de incendiariis, effractoribus, furibus, raptoribus, & receptatoribus: nisi si qua tam atrox, atque tam famosa persona sit, vt Præfecto vrbi remittatur. Et quia plerumque incendia culpa fiunt inhabitantium, aut fustibus castigat eos, qui negligentius ignem habuerunt, aut seuera interlocutione comminatus, fustium castigationem remittit.

Tertia hîc soluitur quæstio, ex quo apparet Præfectum vigilum differre à nostris. Nam nostri præpositi, non cognoscunt de aliquibus criminibus, sed tantum nocturnos fures comprehendunt, & in carcerem tradunt, vnde sic ait Fenestel. Huic enim Præfecto vigilum (vt Romanos iam taceamus) apud Gallos non mediocris cura commissa est. Nam facinorosos tam interdium, quàm noctu persequitur, ac captos vinculis mancipat, de quorum iure nullam ipse cognitionem habere par visum est, sed eos ad Vicarium Registransmittens, vnumquemque pro eorum criminum qualitate iusta affici pœna postulat. Et hîc cognoscebat olim primò de incendiariis, qui dicuntur illi, quorum opera vel negligentia incendia fiunt. l. finali. infra. vbi dicam quomodo puniuntur.

Effractoribus, furibus. ] Ergo cognoscit hic Præfectus contra fures, qui cum effractione furati sunt, secus sine effractione, & intellige siue effringant portas, siue parietes, vel aliam rem, vnde domum ingrederentur. & sic Vlpian. ait Diuum Marcum effractorem equitem Romanum, qui effracto, perforatòque pariete, pecuniam abstulerat, quinquennio abstinere iussisse prouincia Aphrica, vnde erat, & vrbe, & Italia. Oportebit autem æquè & in effractores, & cæteros supra scriptos, causa cognita, statui, prout admissum suggerit: dummodò ne quis in plebeio operis publici pœnam, vel in honestiore relegationis excedat. l. prima. ff. de effracto. & Paul. libi l. fin. variè in effractores animaduertitur. Atrociores enim sunt nocturni effractores, qui post fustium castigationem in opus perpetuum, vel temporalium dandi sunt.

Et sic fures effractores cædi & verberari debent, & postea relegari: nisi palàm & hominibus coactis

effringant vi portam, aut aliam domus partem, tunc pœnam mortis patiuntur. Vlpian. in l. penultima. ff. de vi public. sic dicens: *Hi qui edes alienas, aut villas expilauerint, effregerint si quidem in turba cum telis fecerint, capite puniantur.* Boët. in decisio. Burdeg. 173. si plures, & idem si templum, vel armarium in templo effregerint, hi tanquam sacrilegi puniendi sunt, & sic pœna mortis. vt in titul. ff. ad legem Iuliam pecula. & de sacrilegis. vide Guido Papæ decis. Delphi. quæst. 422. incipiente, Contigit de facto. vnde Imperator, sic ait: *Pro furto autem, scilicet simplici & sine effractione nolumus omnino quodlibet membrum abscindi, aut mori, sed aliter eum castigari,* & solent hodie fustigari: fures autem vocamus qui occultè, & sine armis huiusmodi delinquant, eos verò qui violenter aggrediuntur, aut cum armis, aut sine armis in domibus, aut in itineribus, aut in mari, pœnis eos legalibus subdebemus. authen. vt nulli iudices. §. pen. collat. 9.

Raptoribus. ] Præfectus vigilum cognoscebat de raptoribus, videlicet bonorum, qui per vim bona alicui abstulerant. vt per totum titul. ff. de vi bonorum rap. Rapere enim est per vim auferre. l. iij. §. non solum. ff. de incendio. l. Marcellus. ff. de verbor. signif. vbi abundè tractauim.

Raptores verò virginum, sanctimonialium, vel aliarum mulierum pœna mortis puniuntur. l. vnica. C. de rapto. & l. si quis non. de Episc. & cler. Et quia atrox est hoc facinus, remittendi sunt ad Præfectum vrbis puniendi, vt hîc, nisi si qua tam atrox, &c. & in l. fin. infra eodem.

Receptatoribus, &c. ] Sunt hi, qui frequenter furta, & fures recipiunt, & latrones. l. prima. ff. de receptato. dicam in l. congruit. infra. de offic. Præsid. quomodo puniantur. & hic text. non intelligitur de receptatoribus proditorum patriæ, aut Principis, aut post proclamationem, ne quis sub pœna æris, aut personæ talem recipiat. Nam hi ad Præfectum vrbis propter atrox facinus remittendi sunt. vt docet iste textus.

Nisi si qua tam atrox, &c. ] Et sic Præfectus vigilum cognoscebat contra incendiarios, effractores, fures, raptores, & receptatores, nisi contra personam tam atrocem, detestabilem, & famosam, quæ remitti deberet ad Præfectum vrbis. & hoc declarat Cassiodorus in formula Præfecti vigilum, libro 7. dicens: *Quamuis essent raptores detestabiles, tamen quia dicebantur Romani, maiori eos subderent dignitati, & eos leges tibi punire minimè præcipiunt, tamen indagandi licentiâ præbuerunt.* Et sic duos hîc text. excipit casus. Primus est, quando persona esset tam detestabilis & crudelis, quæ commisisset crimen morte dignum, tunc hîc remitteretur ad vrbis Præpositum.

Secundus casus, etiam si persona sit famosa & clara, insignis honore & magistratu decorata, quæ etiam ad Præfectum vrbis remitteretur, & hîc famosus ad bonum refertur propter verbum, atrox, licet commune sit nomen, & ad bonum & ad malum respiciens. vt Doctores notant in l. capitalium. §. famosos. ff. de pœnis. & in l. ij. C. de dignit. lib. 12.

Et sic videtur per istum textum. & in l. finali. infra eodem. Præfectum vigilum non habuisse cognitionem, nisi vsque ad fustigationem, sed si crimen exposcebat mortem, tunc remittebatur ad Præfectum vrbis delinquens puniendus. l. vnica. C. eodem. vbi

Theodosius

Raptores bonorum.

Virginum raptores.

Receptatores furum & latronum.

Receptatores proditorum patriæ ad Præfectum vrbis remittendi.

Præfectus vigilum contra quos cognoscit.

Officiū Præfecti vigilum apud Gallos.

Pœna effractorum nocturnorum.



Theodosius sic scribit: *Præf. vigilum huius urbis nihil de capitalibus causis sua autoritate statuere debent, sed si quid huiusmodi euenerit, culmini tue potestatis referre, ut de memoratis causis celsiore sententia iudicetur.* maximè hodie.

Et quia plerunque. ] Ex hoc textu colligunt interpretes, incendium fieri culpa inhabitantium plerunque, id est, sæpius: imò semper, dicit Accurs. in l. si vendita. ff. de pericul. & commo. rei vendite. & fieri non posse sine culpa. Respondeo incendium si non proueniat fortuitu, sit culpa alicuius, & non potest fieri sine culpa alicuius, hoc non declaratur in d. l. si vendita. sed hic dicitur: plerunque fieri culpa inhabitantium, id est, frequentius sit culpa inquilinorum, quam extraneorum, non ibi habitantium. Potest etiam fieri per extraneos incendiarios, sed plerunque per inhabitantes. l. si seruus. §. si fornacarius. ff. ad legem Aquiliam. l. si modo. de legat. j. ff. & in §. præterea quib. modis re contrah. oblig.

Inhabitan-  
tes tenentur  
de incendio  
domus.

Et sic statuenda est regula ista: Inhabitantes teneri de incendio domus, quia culpâ eorû venisse, ac negligentia præsumitur. l. si quis fundum. ff. loca. Angel. in tractat. de maleficiis. in glos. incendiario. & dicto §. fornacarius.

Tamen non præsumitur euenisse culpâ patrisfam. vel certi hominis. l. licet. ff. nauar. caupo. ibi: *Vt certi hominis factum arguamus.*

2. Ideò, si ex negligentia seruorum euenerit, & familiarum, tamen non eo dominus in culpa est, & sic non tenebitur. d. l. si vendita. dicens ibi Vlpian. *Quamobrem si diligentiam eam inquilinus adhibuerit, quam debent homines frugi & diligentes præstare, si quid acciderit, nihil ad eum pertinebit.* Et sic non tenebitur de incendio dato per familiam, cum non teneatur de familia, nisi in certis casibus. l. prima. ff. de public. l. prima. nauar. caupo. sic consuluit Ioan. Ana. consil. 71. visis. & Alexan. 50. in 1. volum. & consil. 74. viso. in 6. vol. ac Ias. consilio 16. in causa. in 3. lib. vbi sic fuisse iudicatum narrat. & Bertrand. consil. 97. viso. in 1. vol. ex prima editio. & in hoc casu dominum non teneri pro familia, iudicauit Senatus Parisiensis anno 388. die 23. Iunij, pro do. de Folleuille contra collegium Sorbonæ. teste Ioan. Gallo. quæst. 101. aliàs 94. maximè quando communi opinione bonam familiam habebat. l. finali. ff. nauar. caupo. stabul. l. eum qui. & l. argentum commoda. & Ias. in l. domos. ff. de lega. 1. dicit hoc esse consilium pro amico, licet in puncto iuris sententia contraria sit verior. Ego tamen istam sustinerem, vt non teneatur dominus pro familia, maximè ratione Senatusconsulti, quod non sine magnis rationibus prolatum fuit, vt docet Bald. consil. 447. quidam nomine. in 4. vol.

Casus for-  
tuitus in-  
cendij.

Etiam dominus non tenetur, si fortuitu ignis acciderit, fortè tacta est domus fulgure. Nam Iulia. ait: *Si quidem fortuitus casus incendij causam intulerit, non præstabitur periculum locatori.* l. si quis domum. §. primo. ff. locat. aliàs hoc esse iniquum. Nam quod tam firmum ædificium, vt vi fluminis, aut maris, aut tempestatis, aut ruinæ, aut incendij, aut terræ motus vim sustinere possit? Vlpian. in l. fluminum. §. seruus. ff. de dam. infect. l. ex conducto. in fin. locati. Bald. consilio 148. factum. & consilio 411. si huic tutori. & consilio seq. in 2. volum. Nisi dictum fuerit in locatione, vt ignem in domo non haberet. vnde Vlpian. ait; *Si hoc in locatione conuenit, ignem ne habeto, & habuit, tene-*

*bitur, etiam si fortuitus casus admisit incendium, quia non debuit ignem habere, aliud enim est ignem innocentem habere, aliud omninò non habere: permittit enim habere, sed innoxium ignem.* l. videamus. §. si hoc. ff. locat.

Tres ergo sunt casus, in quibus de incendio tenetur conductor, si ignem promiserit in domo non habere, & habuerit, & fortè per ventum eo absente à domo, & familia, domus combusta fuerit. vt dicto §. si hoc in locatione. & c.

Conductor  
tribus casibus  
tenetur  
de incendio

Secundus casus in locatione si fuerit dictum, vt paleas, vel fœnum in domo non teneret. vt d. l. videamus. §. fin. vbi sic Vlpian. scribit: *Inter locatorem & conductorem conueniat ne in villa urbana fœnum componeretur, conductor composuit: deinde si ruus igne illato succendit aut Labio teneri conductorem ex locato, quia ipse causam præbuit, inferendo fœnum contra conditionem.*

Tertius casus, si ita conuentum sit, vt etiam de incendio facto conductor teneatur. l. prima. §. sæpe. ff. de pos. cap. vnico. de commodat. & tunc intelligerem eum teneri, quando culpa etiam domesticorum intra domum incendium esset ortum: secus si fulgure, vel ex aliis domibus, quia hoc promississe non videtur, nisi dixisset, Quomocunque euenerit, teneri voluisse.

Sed quis casum probare teneatur? Respondeo, conductor, qui eum allegat, ad hoc, vt vitet culpam, quæ præsumitur, vt dictum fuit. Et ei, qui dicit, incumbit probatio. l. ij. ff. de probat.

Casus à cō-  
ductore pro-  
bati debet.

Præterea non tenetur conductor ex incendio orto ex alia domo contigua, si ob id fuerit, vel combusta, vel destructa, quia non est in culpa. l. si quis fumo. in fi. ff. ad legem Aquiliam. l. si alius. §. est & alia. ff. quod vi aut clam. Mitthe. de Afflictis in decis. Neapol. 57. illo die. Nam ex hoc patet culpa inhabitantium non contigisse. vt docet Bald. consilio 148. factum quæstioni. & seq. in primo volu. vbi dicit teneri conductorem, si maiorem ignem faciebat, vel longiorem; vel si vitio camini, quia erat immundus, acciderit. Bald. consilio 174. casus talis est. colum. 2. in 2. vol. nec refragatur l. penult. ff. de condic. caus. data. vbi Præfectus vigilum summo supplicio affecit seruum, sed ibi narrat factum, non autem quod iure fecisset. Nam ibi Pomponius speciem facti in Præfecto vigilum posuit, ad quem pertinebat fures castigare, sed non summo supplicio afficere, & ita corrigisse scribit.

Ex incendio  
orto de alia  
domo, con-  
ductor non  
tenetur.

Aut fustibus castigat eos, qui ignem negligenter habuerunt, & c. ] Itaq; illos, qui ignem negligentem habuerunt, si nocuerit, Præfectus vigilum, vel fustibus castigat, vel remittit, sub seuera tamen fustium comminatione, & castigatione. de hoc dictum fuit in l. prima. §. cum patronus. suprâ. de offic. Præfect. vrb.

Bald. & alij interpretes dubitant an iste Præfectus habeat merum imperium, & dicunt habere, quia fustium castigatio meri imperij erat, & ipse habebat ius fustium, & c. Ego puto nullo modo habuisse merum imperium, quod est habere ius gladij, vt in l. illi. citas. §. qui vniuersas. ff. de offi. Præsid. & l. imperium. ff. de iurisd. omnium iud. quod iste non habebat. Et licet haberet fustigationem, tamen non habebat ius gladij, nec merum imperium, quamuis qui habet merum imperium, & sic maius, possit iubere fustibus cædi. vt plenius explicabo in dicto §. qui vniuersas. &

Merū im-  
perium, est  
habere ius  
gladij.

fas. &



fas. & in Imperium. facit l. prima. C. eodem. tamen non censetur ipsum merum imperium habere, qui habet aliquid ex ipso.

## S V M M A R I A.

- 1 *Servi domus, in qua furtum cum effractione factum est, possunt à iudice torqueri.*
- 2 *Restrigitur.*
- 3 *Vicini interdum ex suspicionibus torquendi.*

§. Effractione fiunt plerunque in insulis, horreisque ubi homines pretiosissimam partem fortunarum suarum reponunt: cum vel cella effringitur, vel armarium, vel arca, & custodes plerunque puniuntur, ut Diuus Antoninus Erutio Claro rescripsit. Ait enim posse eum, horreis effractis, quaestionem habere de servis custodibus, licet & in illis ipsius Imperatoris portio esset.

**S**uperius dixit Praefectum vigilum cognoscere posse contra fures effractores, sed ubi haec effractione fiunt? Respondet text. in insulis. Insulas hic accipere debemus pro domibus quibuscunque, etiam cum aliis coniunctis. Licet quidam voluerunt dicere insulam vocari tantum illam domum, quae undique separatur aliquo spatio ab aliis, sicut insula quae est circumdata mari, vel aqua. §. insula. de rerum diuisio. Et tribus modis accipi posse scripsi in l. impensa. ff. de verborum signific. Etiam proprie, quicquid dicat gloss. quia vnum verbum potest plures habere significationes, etiam proprias, ut scripsi in titul. de verbor. significatione. Vnde domus subiaceret effractione, & incendiis, per istam l. & l. cum hi. in fi. ff. de transact. & aliis incommodis. ut in l. fluminum. de dam. infect. & non modica impensa sustentatur. cap. non liceat. 12. quaest. 2. Ideo plures relinquunt eas sine reparatione, quia sumptui impares sunt. l. sed an vltro. §. j. ff. de neg. gest. Scribit D. Bernardus ad quendam nobilem, ut refert Lucas de Pen. in l. ij. col. pen. C. de praed. & aliis reb. nauicul. lib. 11. si vis aedificare domum, inducat te necessitas, non voluptas: cupiditas aedificandi non tollitur aedificando, sed pecuniae defectu, & nimia & inordinata aedificandi cupiditas, exspectat aedificiorum venditionem: turris enim completa, & arca euacuata, hominem sapientem non ostendunt: & sic concludit Sapiens, Prouerbior. 24. c. Prepara foris opus tuum, exerce diligenter agrum tuum, ut postea aedifices tibi domum tuam.

Et vide si iste text. possit intelligi de domo separata ab aliis, in qua plerunque fiunt effractione, quam in aliis, quia non est vicinus, qui impediatur, vel audiatur, & pro hoc facit l. fin. infra. ubi vocat insularios, harum custodes.

**Horreisque.** Quamuis horreum accipiat pro domo, ubi reponitur frumentum, & alia grana, ut l. Titius. ff. de acquirend. rer. dom. interdum à Iuriconsul. vocatur granarium. l. quaesitum. §. conseruandi. ff. de fundo instruct. tamen generaliter accipitur hic pro domo, ubi reponuntur merces, vel aliae res, quae afferuari consueuerunt. Ideo dicit iste text. in horreis, ubi homines pretiosissimam partem fortunarum suarum reponunt. scripsi abunde in l. impensa. §. vtilis. ff. de verbor. signific.

Cella dicitur, ubi aliquid reconditur, quod asseruare volumus, utpote vinum, oleum, carnes, & quicquid ad penum pertinet, & dicitur cella, quod ibi cellemus, quae occulta esse volumus. l. quis sit fugitiuus. §. apud Caelium. ff. de edil. edicto. & Cicer. in Vati. sic ait: Pecunia, qua tibi frumentum emeris, in cellam, &c. Ideo capit significationem ab adiectiuo sibi adiuncto, ut cella vinaria, penuaria, olearia. Cicero de Senectute, sic scribit: Semper boni & assidui domini referta cella vinaria, olearia, & penuaria est. Vnde olim sancti viri, qui occulti esse volebant, cellas & deserta loca quaerebant. ut dico in d. §. vtilis.

Armarium etiam dicitur locus, in quo pecuniae, libri, cibaria, ceteraque alia reponuntur. l. qui vniuersas. ff. de acquirend. possess. Cicero de claris Orat. Cum esset in aedibus armarium, in quo sciret esse nummorum aliquantum, ipse armarii fundum exerceuit. dixi in l. armorum. ff. de verb. sig. Arca, quid sit, notum est. ut scripsi alibi.

Et custodes plerunque puniuntur. Ex hoc text. colligitur, quando furtum factum est in domo etiam cum effractione, posse contra seruos custodes iudicem procedere ad quaestionem, & eos torquere, ut veritas eruatur. Nam furtum culpa custodum factum praesumitur. teste Bald. ideo torquentur. idem docet Accursius in hominibus liberis. & allegat l. fallaciter. §. quod si ingenuorum. C. de aboli. & hoc dicit Bartol. se obseruasse Pisius. inspicienda tamen esset qualitas personarum, ut si viles erant, & malae famae, eo casu consentirem, alioqui non sine aliis indiciis, ut etiam docet Angel. in tract. de malefic. in gloss. fama. versicul. quaro. 11. & in gloss. & vestem caelestem. & ibi in addit. versicul. quaro quid si fur facit. cap. saepe. 2. q. 5.

Imò etiam vicinos ex suspicionibus torquendos scribit Bened. in repetit. cap. Raynuitius. de testam. in verbo, domus. num. 14. l. si ita. §. fin. de fund. instruct. Bald. in marg. in verb. domum.

Licet in illis ipsius Imperatoris portio esset. Ex hoc textu elicitur, Imperatorem nolle punire furem pecuniarum Principis, aut rerum suarum maiori poena, quam rerum alterius priuati: ego tamen semper vidi suspendi fures, qui Principis res furati erant, quia illi sacrilegium de iure civili committunt. ut ff. ad legem Iuliam pecul. & de sacrileg. sed hic non dicitur, quia poena sunt fures puniendi, sed custodes sunt torquendi horreis effractis, licet in illis portio Imperatoris esset, & quaedam pars bonorum Imperatoris, vel licet portio horreorum esset Imperatoris, sed melior erit prima sententia.

## S V M M A R I A.

- 1 *Praefectus vigilum omnes interdum admonere debet, ut ignem innocentem habeant.*
- 2 *Et ut aquam quilibet in suo caenaculo & habitatione habeat, ad extinguendum ignem.*
- 3 *Praefectus vigilum cognoscebat etiam de iis, qui vestimenta in balneis mercede accepta non restituebant.*

§. Sciendum est autem Praefectum vigilum per totam noctem vigilare debere, & oberrare calceatum, cum hamis, & dolabris, ut curam adhibeant, & omnes inquilinos admonere, ne per negligentiam aliquam

*Cella quid denotet.*

*Armarii quid sit.*

*Insularum appellatio, quid denotet.*

*Custodes horreorum effractorum torquendi.*

*Horreorum significatio.*



quam incendij casus oriatur. Præterea vt aquam vnusquisque inquilinus in cœnaculo suo habeat, iubetur admonere. Aduersus capsarios quoque, qui mercede seruanda in balneis vestimenta suscipiunt, iudex est constitutus: vt si quid in seruandis vestimentis fraudulenter admiserint, ipse cognoscat.

*Præfectus vigilum debet per totam noctem vigilare.*

**R**espondet hîc Iurisconsult. quartæ quæstioni, videlicet quod sit officium Præfecti, seu præpositi vigilum? Respondeo, per totam noctem vigilare debere, qui totum dicit, nihil excludit. l. Iulianus. ff. de legat. 3. ideò pernoctare, est tota nocte vigilare. l. urbana familia. in fin. ff. de verborum signific. & per istum textum condemnatum Præfectum vigilum, qui à vespera vsque ad mane non vigilaue- rat, & homicidia sua negligentia commissâ erant audiui: nec debent custodias ante lucis ortum relin- quere, quamuis contrarium faciant, ideò si ex negli- gentia quicquam mali adueperit, tenentur.

**Oberrare.]** Cum suis mulieribus ad hoc addi- ctis huc atque illuc pergere, & vagari, nec in vno loco stare debet, aliàs in alio interim incendiū oriri, vel delictum committi posset, sed debet per vias, & semitas ire, & noctis vigilias custodire, sicut illi boni pastores, de quibus Diuus Lucas in suo Euangelio scribit, & Fenestella legit, loco huius verbi, certare, & fortè non malè.

*Præfectus vigilum debet armatus noctu consistere.*

**Calceatum.]** Pro induto accipitur, vt Præfectus vigilum non debeat inermis per ciuitatem vagari tempore nocturno, cum suis stationariis, sed arma- tus, id est, calceatus armis, quasi velit dicere, istū esse armatum debere, vsque ad calceos, vt quisquam noctu ei nocere non possit. Nam milites clauatis cal- ceamentis utebantur, sic & iste Præfectus vigilum: quamuis apud Roma. varia essent calceamentorum genera. Nam quædam erant Sacerdotalia, Impera- toria, Senatoria, siue Patricia, vt nullæ, quibus nunc Parisiis vtuntur, venatoriæque, carpiscula, crepidæ, seruilia, & barbara calceamenta, de quibus per Laz. in lib. de Repub. Roman. 8. cap. 13. & quid armorum nomine contineatur, vide quæ scripsi in l. armorum. ff. de verborum significat. Alij legunt, caligatum hamis, quod hic Præfectus vigilum deberet de- ferre cuspidem longam, in cuius capite esset ferrum recuruum, commodum instrumentum ad attrahen- dum ad se res aliquas, quo instrumento vtuntur Tholosani, sed hic Præfectus non solum ob incen- dia coërrabat ciuitatem noctu, sed vt scelestos & de- linquentes apprehenderet, & ciuitatem custodiret, & deferendo hoc instrumentum cum armis esset fortè nimis oneratus. Ideò conuenientius legendum puto, cum armis, vt etiam Fenestell. & sic ex hoc tex. colligitur magistratus posse portare arma, etiam illius familia: vnde apparitores in hoc regno solent portare. & idem dicit Bald. in familia Episcopi, vt arma portare possit. Scripsi in scholastico. priuilegiis, an scholasticis liceat, vel Doctoribus legum. Qui- dam legunt hîc, caligatum, & sæpius vtuntur tam Imperator, quàm Iurisc. sed nō caligatum armis, sed militem caligatum: ideò ego inhærerem primæ le- ctioni, licet secundus intellectus non sit spernendus.

**Dolabris.]** Armorum genus est. dicit Accurs. Dolabrum est instrumentum, quo ligna secantur, & dolantur, id est, complanantur, accommodum ad ligna frangendum, & portas, Galli vocant, *doloyre*. Ideò hoc instrumento debebat vti Præfectus vigi- lum, vt si qui delinquentes in domo lateant, possit ingredi portis effractis. de quo scripsi in l. ferri. §. fin. ff. de verborum signific. Is qui habet facultatem ca- piendi delinquentem, non potest tamen frangere portas, si potestas ei concessa non sit. Doctor. in cap. cum Ecclesia. de causa possess.

*Dolabrum quid sit.*

**Vt curam adhibeat omnes inquilinos ad- monere, &c.]** Officiū itaque est Præfecti vigilum, vt admoneat omnes inquilinos, & habitatores inter- diu, vt ignem innocentem habeant, ne aliquod in- cendium per eorum negligentiam oriatur. Admo- nitio cautos, & prudentes faceret solet, incredulos verò neci dare. vnde Iurisconsult. ait: *Volo cum Hiberno loquaris*. l. quidam Hiberus. ff. de seruit. vrb. Præd.

**Præterea vt aquam vnusquisque inquilinus, &c.]** Ad officium ergo Præfecti vrbis pertinet, vt admoneat singulos conductores domorum, vt quilibet in suo cœnaculo & habitatione aquam ha- beat, paratam ad extinguendum ignem, si quis in domibus oriatur, vt etiamnum Tholosæ fieri solet tempore venti, magna vi flantis, & moneri non solum conductores, sed etiam dominos domorum: & bene facerent iudices, si iuberent iuxta puteos vasa aqua impleri, maximè tempore venti Australis, vel alterius magni venti. Vlpianus ait, acetum quoque causa arcendi incendij parari. in l. quæsitum. §. acetum. ff. de fund. instruct. sed vix in Francia fieret.

Et quamuis cœnaculum dicatur locus, vbi olim Romani cœnam sumebant, tamen quia in æstate in inferiore parte domus propter ardorem solis cœnare cōsueuerant, ob id cœnaculū ille locus dictus fuit, & quia erat magis accōmodus ad portandū aquam ad alia loca: & quia Romani etiā in hyeme in superiore parte domus cœnam accipere consueuerunt, ob id & superior pars domus, cœnaculum dictum etiam fuit. Et puto hîc generaliter accipi, vt Præfectus omnes & singulos habitatores domus moneat, ha- bere aquam in sua habitatione, & loco, in quo quis- que habitat, & maximè in loco magis accommodo, ad extinguendum ignem.

**Aduersus capsarios, &c.]** Alij habent capta- rios, pro his, qui mercede accepta frequenter in bal- neis conueniebant, & vestimenta ibi seruanda capie- bant. Nam captare, est frequenter capere, alij, & com- muniùs legunt, capsarios, qui etiam mercedem pro vestimentis seruandis in balneis suscipiebant, & po- steà illa vestimenta non restituebant: ideò Præfectus vigilum erat iudex constitutus, vt eos restituere co- geret, & puniret, si admissum exposcebat. Capsarios etiam dixi in titul. ff. de verb. signific. l. urbana fami- lia. accipi pro his, qui in capsâ portant libros, vel alias merces per ciuitatem vendendi gratia, quos vulgus *Gaignepetit*, vocat, aut *Porte-panier*. ibi plura alia vi- dere poteris, ne plura quoad istam legem.

#### S V M M A R I A.

- 1 *Pœna eius qui data opera incendiū in ciuitate fecerit.*
- 2 *Fortuitis casibus accidentia, nullo bonæ fidei iudicio præstantur.*



- 3 Incendiarius per negligentiam fustibus puniendus, nisi damno satisfacere possit.  
 4 Delictum attentatum in atrocissimis criminibus punitur.  
 5 Ecclesiam incendens, excommunicatus est.  
 6 Incendiarij dolosi Ecclesiastici, ex auctorari & degradari debent, & iudici seculari tradi.

LEX IIIII. VLPIAN. LIB. SINGVLARI  
 DE OFFICIO PRAEFECTI  
 VIGILVM.



**I**mperatores Seuerus & Antoninus Iunio Ruffino Praefecto vigilum ita rescripserunt: Insularios, & eos qui negligenter ignem apud se habuerunt, potes fustibus, & flagellis caedi iubere: eos autem qui dolo fecisse incendium conuincuntur, ad Fabium Cilonem Praefectum vrbi amicum nostrum remittere: & fugitiuos conquirere, eosque dominis reddere debes.

**I**N ista lege adhuc explicatur Praefecti vigilum officium, vt videlicet fustibus possit caedere insularios, & domorum habitatores, si negligentem ignem habuerint apud se, & ille nocuerit. Nam non ptest apparere negligētia, nisi ex eo quod postea secutum est. Insularius est, qui ab aliis domum separatam habet, de quo potest iste text. intelligi. Etiam dicit Budaeus insularios dici custodes Praetoriorum Principum, quae communis solent esse à domibus priuatorum separatae, quos Gallicè *Concierges* dicere solemus. docui in d.l. vrbana familia. ff. de verb. signif.

Item dolosos incendiarios ad Praefectum vrbis remittere debet puniendos, & seruos fugitiuos perquirere, & dominis eos reddere. Nec obest C. de seruis fugiti. l. *Requirendi fugitiuos potestatem fieri dominis Praefecti officij est.* Respondet Vlpian. de seruis fugiti. ff. l. j. versic. sed & in eum non solum spectare, videlicet ad Praefectum vigilum, maximè tempore nocturno, sed & Praesides, & Magistratus, & milites stationarios dominos adiuvare debere in inquirendis fugitiuis, & vt inuentos redderent, & vt hi apud quos delitescunt, puniantur, si crimine contingantur.

Insularios, & eos, &c.] Ex hoc text. patet, quae sit poena incendiariorum. Primò Martia. ait: *Si fortuito incendium factum sit, venia indiget, nisi tam lata culpa fuit, vt luxurie, aut dolo sit proxima.* l. penultim. ff. de incendio.

**I** Sed qui data opera in ciuitate incendium fecerint: si humiliore loco sint, bestiis obici solent: si in aliquo gradu existentes id fecerint, capite puniuntur, aut certè in insulam deportantur. Vlpian. in l. finali. ff. de incendio. Callistratus sic scribit: *Incendiarij capite puniuntur, qui ob inimicitias, vel prae causa incendunt intra oppidum, plerumque & viui exuruntur: qui verò casam, aut villam, aliquantò lenius. Nam fortuita incendia, si cum euitari possent, per negligentiam eorum, apud quos orta sunt, damna vicinis fuerunt, ciuilibus exercentur: vt qui iactura affectus est, damni disceptet, vel modicè vindicetur.* l. capitalium. §. incendiarij. ff. de poenis. Et Caius: *Qui ades acernumque frumenti*

*iuxta domum positum combusserit, vinctus, verberatus igni necari iubetur, si modo sciens prudensque id commiserit: si verò casu, id est, negligentia, aut noxam sarcire iubetur: aut, si minus idoneus sit, leuius castigatur, appellacione autem adium omnis species edificiij continetur.* Ibidem.

Et sic ex praemissis colligendum est, quomodo incendium faciens punitur, & primus casus est. Incendium fortuito factum veniam meretur. dicta l. penult. de incend. Nam quae fortuitis casibus accidunt, cum preiudici non potuerant, nullo bonae fidei iudicio praestantur. l. quae fortuitis. C. de pigno. actio. idè remissio pensionis quoque facienda est. l. ex conducto. §. cum quidam. ff. locat.

Secundus casus. Incendium de industria & dolo factum, igne puniendum est, vt igni comburendus sit, sicut is combussit. dicta l. capitalium. §. incendiarij. ff. de poenis. quod est verum, si intra ciuitatem, & ob inimicitias fecerit, secus si in villa, & sine inimicitias, quia tunc capite punitur. vt dicitur in sequen. casu & idem si acernum frumenti combusserit. in d. l. qui ades. quia etiā igne necari iubetur, quod multis grande parauerit preiudiciū, qui ex illo frumento viuere potuissent, & eos necare videtur. l. necare. ff. de liber. agnosc.

Tertius casus. Qui ignem in ciuitate, vel oppido apposerit extra inimicitias, capite puniendus est, si de industria, & data opera fecerit. d. l. capitalium. & l. finali. secus si in villa, vbi mitius punitur, nec distinguunt ibi iura, an paruum sit incendium, an magnum, sicut hinc Barto. Et hodie incendiarius ex proposito in hoc regno, poena mortis punitur, vt comburendus sit, si in ciuitate, vel oppido, in villa verò pro iudicis arbitrio, vt tamen moriatur, quia poenae à iure taxatae in hoc Regno non habent locum, sed omnes sunt arbitrariae, nisi sint per ordinationes Regias taxatae, & conscriptae. l. data opera. C. qui accus. non possunt.

Quartus casus, incendium per negligentiam factum fustibus puniendum est, pro qualitate tamen personae. Nam si satisfacere damno possit, non solet vltius puniri, sed admoneri, vt deinceps sub fustigationis poena innocentem ignem teneat. Alia vide per Bar. & alios hinc. & per Angel. in tract. de malefic. glos. incendiario.

Quintus casus est, qui dolo tentauerit ignem immittere, licet non perfecit, tamen puniendus erit. Nam in atrocissimis criminibus punitur delictum attentatum, licet non perfectum fuerit. l. si quis non dicam rapere. C. de Episcop. & cleric. Doctor. in l. j. ff. quod quisque iur. l. is qui cum telo. C. de scar.

Requiritur tamen aliquis actus. Ideo solae minae non sufficerent. per d. l. si quis non dicam rapere, sed attetare ausus fuerit: quicquid scribat Iodocus Damhouderius in sua praxi criminal. titul. de incendia. Vnde si quis detulerit ignem, & non potuerit incendere, tunc puniri debet pro modo delicti. Nam, si in ciuitate, poena mortis, si in villa hoc explere non potuit, fustibus caedi debet, si in dignitate constitutus non fuerit, vt superius dictum fuit. Sed ex solis minis non vidi aliquos punitos, licet viderim quosdam ob eam rem reprehensos, qui declarabant postea nolle nunc illud incendium perpetrare, & praecipiebatur eis sub poena ignis, ne attentarent, & sic euadebant.

Sextus casus de iure canonico, incendiarius ex proposito,

*Incendium fortuitum.*

*Incendium de industria & dolo faciens.*

*Incendiarius ex proposito, poena capitis in Francia regno puniatur.*

*Insularij qui dicantur.*

*Incendiarij dolosi.*



proposito, si occultus fuerit ad damni restitutionem tenetur, & per tres annos agere poenitentiam debet, quæ illi à presbytero imponetur. ca. si quis domum. de iniur. & dam. dato. vtpote, quod ille loco poenitentiae Hierosolymam, Romam, vel ad sanctum Iacobum ibit, & iurabit se ulterius ignem non appositurum. c. pessimam. 23. q. 8.

Si verò Ecclesiam incenderit, excommunicatus est, idè ad sedem Apostolicam pro absolutione est remittendus. c. tua. de senten. excommunicat. glos. in c. cum deuotissimam. 12. q. 2. c. in literis. de raptor.

Si autem occulti non fuerint, sed coram officialibus Episcoporum causa tractetur, tunc dolosi incendiarii exauctorari, & (vt dicunt) degradari debent, & iudici seculari tradi, nisi tam modicum incendium fuerit. Doctor. in cap. cum non ab homine. de iudic. Ioan. Berbe. in viator. iuris. in prima parte. titul. de incendiar.

## De officio Proconsulis & Legati.

TIT. XVI.

SUMMARIA.

- 1 Proconsulum duo genera.
- 2 Proconsules extraordinarij, ab ipsis Augustis missi, pluribus prouincijs præsdebant, quàm ordinarij.
- 3 Proconsules quomodo diuersa consyderatione spectabiles & illustres dicantur.
- 4 Locumtenentes Regis & gubernatores prouinciarum successerunt hodie in locum Proconsulam.

Proconsulū origo.



**O**RIGINEM Proconsulum sic describit Fenestel. De hac quidem potestatis specie nihil quicquam prius reperi, quàm bello à populo Roman. cum Aequis infelicitè gesto, maximoque terrore vrbi illato, tum enim Consul, qui in vrbe remanserat, quo celerius delectum facere posset, Proconsulem creauit, qui obfesso collegæ auxilium ferret, creatus est. Igitur Proconsul Tit. Quintius, Albo. Sp. Fusco Consulibus, quod verò pro Consulibus mitterentur, eorumque vice functuri essent, Proconsules appellati fuere. His magistratibus cetera quidem Consularia insignia concessa sunt, præterquam quod sex duntaxat lictoribus & fascibus iniunctum est. l. Proconsules. infra eod. qua tempestate nō ordinaria quidem, sed delegata iurisdictione Proconsul (de quo agimus) utebatur, quamuis postea vsu euenit, vt propria huic magistratui iurisdictione competere instituerit. Propagatis enim imperij finibus, plurium & ingentium bellorum administrandorum cura exorta, obseruari cœptum, vt quo quisque anno Consules fuissent, sequenti Proconsules remanerent, in varias prouincias cum imperia sortirentur. Hæc Fenestella. Alia etiam de finibus prosequens, quæ Iurisconsulti inferius tradunt, & necessitas hanc dignitatem induxit, quod nec vbique ad bella, & alia negotia gerenda sufficerent duo Consules, vt tradit Robert. Valtur. lib. 8. de re milit. & Liuius li. 3. Dec. 1.

Sciendum est quosdam fuisse ordinarios Proconsules, quosdam verò extraordinarios. Ordinarij autem erant, qui ordine maiorum obseruato prouincijs præponebantur, sine ordine mittebantur quicunque

Consulatu erant perfuncti, & vel forte plebis, vel electione Senatus eam missionem impetrauerant.

Extra ordinem verò præfiebantur, qui sine Consulatu ab Augustis erant Præfecti, vel qui in loca mortuorum substituebantur, aut qui adiutores, atque ab his optiones dabantur Cōsulibus ægris, vel ad comitatum, alioue ab Imperatore vocatis, & communius constituto imperio, vbi non à Senatu, sed ab ipsis Augustis missio fieri cœpta est. Extraordinarij Proconsules pluribus prouincijs præfidebant, quàm ordinarij, & de his loquitur Sueton. in Otton. & in Vitellio. & Tacitus lib. 2. & Lamprid. in Alexand. & Laz. lib. 2. c. 6. alio modo extra ordinem aliquid dicebatur, si extra sortem nominatim prouincia aliqua cuiquam decerneretur: tunc enim si collega pati nollet beneficio sortis se excludi, populus rogari solebat, vt designaret, quem vellet eam prouinciam obtinere. vt scribit Nicolaus Gruchius in suo pulchro tract. de comitiis. lib. 2. fol. 73.

Dubitant interpretes, quomodo Proconsules sint spectabiles, cum Cōsules sint illustres, & ipsi ex Proconsulibus eligebantur? Respondeo, tempore quo gerunt officium Consulibus, illustres sunt, sed finito officio non: idè consyderatur status, & officium quod habet Proconsul, & illo tempore est spectabilis, non autem illustris, sicut diximus de Senatorio, & Senatore. in l. j. ff. de Senatoribus. text. in l. præcipimus. in fin. C. de appellat.

Verumenimverò finito officio, in memoriā pristinæ dignitatis deferretur illis, in quibusdam. vt l. fin. ff. de decur. Felin. in c. quæ in Ecclesiarum. de constit. & Iason in l. si ita stipulatus. §. Chrysogonus. not. 5. ff. de verb. obligat. vnde fuit permittum Archiepiscopo Bituricensi, qui olim fuerat Regis Consiliarius, vt posset liberè curiam ingredi. Anno 1493. die 23. Iunij.

Hodie Budæ. in locum istorum dicit esse locumtenentes Regis, & Gubernatores prouinciarum, vt Aquitaniæ, Campaniæ, Picardiæ, &c. Et Legatos compararem ego substitutis & suffectis in locum horum, quos vocare solemus locumtenentes gubernatoris, vel locumtenentis prouinciæ. De his Legatis in l. penult. inferius dicam. Sed gubernatores ciuitatum (vt Montispeffulani) non æquiparantur his Legatis, sed Seneschallis, & Bailliis, ac Præsidibus prouinciarum, vt suo loco dicemus.

SUMMARIA.

- 1 Proconsules, absentibus Consulibus, vices eorum gerebant.
- 2 Insignia Proconsulum quæ fuerint.
- 3 Apparitores Castelleti Paris. vbique executionem habent.
- 4 Instrumenta notariorum facta in loco, vbi ipse præfectus est, vbique valent.

LEX I. VLPIANVS LIB. I.

DISPUTATIONVM.

**P**ROCONSUL vbique quidem Proconsularia insignia habet, statim atque urbem egressus est: potestatem autem non exercet, nisi in ea prouincia sola, quæ ei decreta est.

Ista lex prima, & duæ sequentes, vno velut complexu colligandæ, & declarandæ sunt, quia eandem P. Rebuffi Lectura.



*Iurisdictio  
voluntaria  
quæ dica-  
tur.*

materiam continent, & prius præmittendum est duplicem esse iurisdictionem, voluntariam scilicet & contentiosam: voluntaria est, quæ à volentibus, & in volentes exercetur, ut manumittere, & adoptare. l. j. de offic. Consul. diximus.

*Quæ verò  
contentiosa.*

Contentiosa iurisdictione est, per quam partium contentiones audiuntur, deciduntur, & terminantur, & in inuitos exerceri solet. l. inter stipulantem. §. si Stichum. ff. de verborum oblig.

Ex l. prima colligitur, Proconsulem habere insignia simulatque vrbe egressus est, & sic in vrbe non capit. Nam ubi est Princeps, ibi cessat magistratus: ubi erant Consules, Proconsules nulla potestate utebantur, sed absentibus Consulibus vices eorum gerere, vrbi præesse, Senatui habere, & comitia futuris Consulibus indicare poterant, ut Historiographi scribunt.

2 Dicit quis, quæ insignia habebat Proconsul? Respondeo ea, quæ Consules habebant; habebant, inquam, lictores, fasces sex tantum. l. Proconsules. infra eod. secures, prætextam, curulēque sellam in prouincia sibi decreta, & in itinere, & vbique, excepta vrbe. Et nisi adirent eā prouinciam, in qua Cōsul præfens foret, tunc finito honore sine imperio & insignibus erāt, priuatique & sine imperio censebantur. Imò si Consul in prouinciam veniret, in qua Procōsul præfesset, ibi ipse Proconsul sine lictoribus & fascibus Consuli obuiam ire, & velut priuatus equo descendere, & obsequium præbere debebat: neque enim Proconsulem habere imperium, ubi vnà esset Consul, conueniens videbatur, nisi par illi imperium delegatum fuisset, teste Alex. lib. Genial. 2. c. 27. ubi etiam scribit quasdam prouincias Consulares fuisse, Procōsulares, alias, plerasque Prætorias, & alias Præsidiales, in quibus Consules, Proconsules, Prætores, Præsidēsque præfecti erant, & soli Mafsilienses, & Nemaufenses ab onere prouincialis Prætorij feruntur inanes, ut etiam videri potest in libro Præfecturarum.

*Proconsul  
nullū habet  
imperium,  
ubi Consul  
est.*

*Ceremonia  
Rom. in in-  
fione Pro-  
consulum.*

Notandum est, Romanos ceremonias aliquas in Proconsulum missione, sicut Consulū, adhibuisse. Nam quando proficisci volebant, eos paludamento indutos cum lictoribus à Senatu vsque ad vrbis portam, quā egrediebantur, deducebant, votis prius in Capitolio nuncupatis, ut docet Liuius lib. 2. Dec. 5. & Suet. in Augusto. Idem dicit iste text. Statim atque urbem egressus est, & ea porta, quā egrediebatur, ingredi etiam diu finita administratione solebat. l. si. infra eodem. ubi imperium deponere.

Secundò colligitur Proconsules statim habere iurisdictionem, simulatque decorati sunt hoc munere, sed non habent exercitium, nisi in illo loco ubi Præfecti sunt.

*Cōsiliarius  
Parisiensis  
non potest  
alibi iuris-  
dictionis a-  
ctum exer-  
cere.*

Vnde infertur, Cōsiliarium Parisiensem, vel alium non habere iurisdictionis exercitium, nisi in prouincia sibi decreta, quam ressortum Galli vocāt, & sic non potest tanquam iudex & Cōsiliarius alibi exercere iurisdictionis actum. Imò non potest processum (ut vocant partitum) in quo sunt pares hinc inde, sua sententia in alia curia decidere, sed oportet quòd hoc fiat per iudices. Nam ipse est ibi tanquam priuatus quoad iurisdictionem, & super hoc vidi dubitari. de quo vide in Consuet. Reg. tit. de la Cour de Parlement. artic. 36. & seq. Idem quando Cōsiliarij ingrediuntur in alias Curias, seu Parlamenta, ibi sunt sine sententia, nisi Præsides velint, & tunc sententiam

dicunt, sed non prodest ad decisionem, quia nō sunt iudices, ibi: Etiam si Cōsiliarij sunt magni & priuati consilij, seu taciti, quia non est ad hoc illis data potestas. Idem Curia Parlamēti Parisiensis nullum recipit Cōsiliarium magni consilij in ipsa Curia, ne fortè ipsi, cum propè sint, ibi non velint sententiam dicere, & vsurpare iurisdictionem eorum. Tamen non debent computari sententiæ Cōsiliariorum extraneorum ad decisionem, nec Præsides debet concludere ad partem illorum, etiam si essent plures, quia ibi non sunt Cōsiliarij ad decidendum, nec habent iurisdictionem.

Idem in aliis iudiciis, magistratibus, & notariis, ut potestatem extra prouinciam illis decretam non habeant. l. non solum. §. & qui. ubi glos. ff. de excusa. tutor. Idem extra territorium iudici non paretur impunè. l. fin. ff. de iurisd. omn. iud.

Vnde Legati de latere non habent iurisdictionem contentiosam extra terminos suæ legationis. c. nouit. de offic. legat. Idem in Episcopis, nisi essent expulsi vi ex suis Episcopatibus, quia illi de voluntate vicini Episcopi iurisdictionem etiam contentiosam, ibi exercere poterunt. clem. vnica. de foro compet.

*Legati à  
latere.*

Sed si creati essent simpliciter à Papa notarij, poterunt vbique instrumenta conficere. Idem si à Rege, vel ab alio Principe, ubi in terris suis vbique instrumenta recipiet, nisi restricta fuerit potestas ad certum locum; ut, Creamus te notarium Parisiis, vel Tholosæ, tunc hæc potestas non extendetur extra locum illum, & regiones solitas. de quibus in l. j. ff. de offic. Præf. vrb. ubi dixi.

*Notarij à  
Papa sim-  
pliciter  
creati.*

Idem in apparitoribus, & idem ipsi in executionibus extra locum faciendis accipiunt apparitorem loci ad executionem faciendam, nisi sint apparitores equites Castelleti, qui vbique executionem habent, & apparitores Curiarum supremarum in iurisdictione illius Senatus, Cōsiliarij verò magni consilij nullum habent decretum locum, idemque vndique & vbique cognoscunt, & exequuntur ad Cancellarij beneplacitum, tamen (ut dixi) in aliis Parlamentis iurisdictionem non habent.

*Cōsiliarij  
magni con-  
sily vbique  
cognoscunt,  
ad Cancellarij  
beneplacitum.*

Instrumenta tamen facta in illo loco, ubi notarius est Præfectus, vbique valebunt. l. j. C. de emanc. liber. Bart. hic. & in l. omnes populi. ff. de iust. & iur. Vnde si timeas istud instrumentum alibi impugnari posse, debes supplicare iudici ordinario loci, in quo instrumentum est confectum, ut videat, an instrumentum illud sit authenticum, & secundum loci ritum, & consuetudinem confectum, & hoc declaret, qui iudex hoc videbit, & pronuntiabit illud esse authenticum, & ritè confectum. Et postea si dubitetur de illo instrumento, probabitur per hoc iudicis decretum, & sententiam, & sic pars vtrumque instrumentum portare debet. ut scripsi in tract. de liter. obligat. articulo primo. glos. 7. in 1. tomo Commentar. ad Constitut. Reg.

#### S V M M A R I A.

- 1 Verbum, manumittere, interdum etiam propriè ad liberos refertur.
- 2 Legatus de latere beneficia conferre, vel reservare potest, etiam antequam suæ legationis prouinciam ingressus sit.
- 3 Iurisdictione voluntaria extra territorium non potest exerceri, alicui concessa ab inferiore à Principe.



LEX II. MARTIANVS LIB. I.  
INSTITVTIONVM.

Mnes Proconsules statim, quàm urbem egressi fuerint, habent iurisdictionem non tamen contentiosam, sed voluntariam: vt ecce manumitti apud eos possunt tam liberi, quàm serui, & adoptiones fieri. Apud Legatum verò Proconsulis nemo manumittere potest, quia non habet iurisdictionem talem.

**D**Vo dicit hæc lex, primùm repetit Proconsules habere iurisdictionem voluntariam, statim atque vrbe egressi sunt: ideò manumitti coram eis tam serui quàm liberi possunt, & adoptari.

*Jurisdictione voluntaria.*

Et sic ex hoc textu elicit Bart. voluntariam iurisdictionem dici, quoad partes, sed quoad iudicem non: imò necessaria dicitur. Ego verò dicerem voluntariam etiam quoad iudicem dici posse, quia non tenetur præstare presentiam suam, vt quis manumittat, vel adoptet, & ideò voluntaria etiam quoad eum dicitur his casibus, qui sine eo fieri possunt, vt probaui in l. vnica. suprâ. de offic. Consul. Secus in contentiosa, quam vt exerceat non potest recusare; imò si recusauerit, puniri debet. §. & hoc peruenit. in authent. vt nulli iudic. collat. 9. scripsi in titul. de friuolis appell. in Concord. vbi dixi quomodo requiri debet.

**I**tem verbum, manumittere, refertur præcipuè ad seruos, tamen etiam propriè (quicquid dicat gloss.) interdum ad liberos, vt hîc. & l. liberum. & l. emancipati. suprâ. de adoptio. frequentius tamen ad seruos. vt scripsi in l. Scæuola. ff. de verborum signific. vbi docui vnum verbum accipi posse duobus, & pluribus modis etiam propriè. & in l. mulieris. §. res abesse. ibid.

*Episcopus per mortem alterius de episcopatu prouisus.*

Et sic ex hoc textu colligunt quidam, Episcopum simulatque per mortem alterius prouisus est de episcopatu, posse exercere ea, quæ iurisdictionis sunt voluntariæ. Ideò conferre beneficia poterit. c. transmissam. de electio. nisi respiciat ordinem. vt scripsi in praxi beneficia. in tertia parte. titul. de symo. in resignatione. numer. 25. & sequen. vbi docui non habere locum in prouiso per resignationem, qui ante intimatam prouisionem resignanti, & possessionem acceptam conferre non poterit, sed resignans, qui in possessione est.

**2** Etiam per istum textum docet Alberic. Legatum de latere vi suæ legationis beneficia conferre posse, vel reseruare, antequam suæ legationis prouinciam sit ingressus. per cap. primum. de offic. Legat. in vj. quia hi æquiparantur Proconsulibus. cap. 2. ibidem. Ego verò dico collationem Legati non accipi in Francia, antequam potestas eius Regi sit intimata, & Rex literas, quas denegare non solet, concesserit Legato, vt legationis officium exercere possit, & statim beneficia conferre poterit, etiam ante publicationem in Senatu factam, & sic vidi seruari.

*Collatio Legati non valet in Francia, ante intimationem Regi factam.*

Apud Legatum verò, &c. ] Patet neminem posse manumittere apud Legatum, nisi Proconsul iurisdictionis exercitium habuerit, & ipse Legatus in prouincia fuerit ingressus. Ideò dicit Paulus Iurif. ff. de manum. vindic. l. Apud Proconsulem postquam

urbem egressus est, vindicta manumittere possumus, sed & apud Legatum eius manumittere possumus, scilicet quando Proconsul prouinciam decretam ingressus fuerit. Et ita legitur in quibusdam libris, quia exercitium iurisdictionis etiam voluntariæ committere Proconsul non potest, antequam ipse exercitium habeat. l. obseruare. in fin. infrâ eodem. Ideò non potest Legatus antea manumittere, sed postea sic. Et conciliari ista iura ita possunt, & quia ipse Legatus non habet talem potestatem, nec iurisdictionem, qualem habet Proconsul, utpote quia est eius substitutus, & Legatus, licet interpretes aliter respondeant. Etiam non potest Legatus concilium præbere manumittentibus, licet apud eum quis posset manumitti, quia hoc est plus. l. ij. infrâ. de offic. eius. scripsi in l. vnica. suprâ. de offic. Consul.

Vnde infert Bartol. quod si aliquis prætendat iurisdictionem ab inferiore à Principe, non poterit extra territorium exercere etiam voluntariam iurisdictionem, sicut hic Legatus, secus si à Principe, vt Proconsul.

Item Vicarius Episcopi voluntariam iurisdictionem exercebit extra Episcopatum, sicut Episcopus post adeptam Episcopatus possessionem, non antea. Ideò conferre etiam poterit beneficia extra Episcopatum, dummodò non vacent in Curia. cap. statutum. de præbend. & illi præsentari mandata, ibi: Et nominationes poterunt. gloss. & Doctor. in cap. cum olim. de maior. & obed. & abundè tractaui in tracta. nominat. quæstio. 14. Boër. in decisio. Burdegalen. quæstione 30. quaritur. scripsi in praxi beneficia. in forma Vicar. circa finem. De dictione, apud, abundè tractaui in l. penes. ff. de verb. signific.

*Episcopi Vicarius.*

LEX III. VLPPIANVS LIB. XXVI.  
AD SABINVM.

Ec adoptare potest, omninò enim non est apud eum legis actio.

**D**icit Legatum non posse adoptare coram eo, quia non habet legis actionem, id est, secundum quosdam exercitium iurisdictionis, antequam Proconsul prouinciam ingrediatur; quia non potest mandare quis, quod non habet, ergo Proconsul non potuit iurisdictionis exercitium delegare, antequam haberet, quod non habebat ante ingressum prouinciæ, nisi in casu. l. aliquando. infrâ eodem, vel: Non est apud eum Legatum legis actio, id est, non potest agi coram eo. vt abundè scripsi in l. Labeo. secunda. in principio. ff. de verborum significatione. vbi alia huic materiæ accommoda licet videre. glossa hîc exponit pro actu legitimo, quæ expositio aliquando bona est in alia materia, vt ibi docui. & in l. prima. infrâ. de officio Iurid. Alexand. & vide si possit iste text. intelligi, apud Legatum Proconsulis, non esse legis actionem: quia punire non potest. l. solent. infrâ eodem. & actiones legis sunt, imperare, vetare, permittere, ac punire. l. legis virtus. suprâ. de legib. quos actus non habet Legatus, antequam Proconsul prouinciam ingressus sit, nec coram eo quisquam iure agere poterit.

*Legis actio quid sit.*



LEX IIII. IDEM LIB. I. DE  
OFFICIO PROCONSULIS.

**B**seruare autem Proconsulē oportet, ne in hospitiiis prębendis oneret prouinciam: vt Imperator noster cū patre Aufidio Seueriano rescripsit.

**I**urisconsult. exprimit hęc officium Proconsulis, quid agere debeat, quando proficisci vult in prouinciā sibi decretā, vsq; ad §. Post hęc ingressus. vbi statuit quid agendum sit Proconsuli, postquam est in prouinciam ingressus, & leges sequen. etiam de hoc loquuntur.

*Proconsul non potest prouinciā in hospitiiis prębendis onerare.*

In primis Iurisconsult. vult ne Proconsul oneret prouinciā in prębendis hospitiiis, videlicet, vt cogat subditos illi concedere hospitia gratis, & sine pretio, hoc esset onerare prouinciales in hospitiiis. q. improbat hic text. & l. ij. C. de lucris aduo. lib. 12. sed debet Palatia, vel Prætoria pro sua habitatione vendicare, vt hac necessitate compellatur eorum reparationi prouidere. l. fi. C. de offic. Rector. prouinc. & Bal. hęc. si nō sint Palatia, vel Prætoria, commune prouidebit Proconsuli, vel iudici de hospitio, secundum Alberic. hęc. Nam ipse non poterit cogere subditos, vt ei hospitium concedant, quia ad Principem hoc solum pertinet. l. vnica. C. de contract. iudic. nec quidem potest ipse Princeps iure, vltra tertiam domus partem, aliis concedere hospitibus non illustribus, qui dimidiam partem habebunt, quamuis hodie contrarium fiat, quod non permetteret Princeps, si ius illi ostenderetur. l. ij. C. de metat. lib. 12. Vnde Iustinianus scribit: *Illud te volumus noscere, quia si quando pręceperimus ad alias fortē proficisci te prouincias, competens est contentum de his te, quę de fisco largiuntur, non gratis expendere, neque nostros subiectos atterere, sed ex quibus in prouincias existens expendebas, ex his ipsis, & ad alias proficiscens regiones facere expensas, neque angariis collatores affligentem, neque obediens tibi officium, sed propriis quidem subiugalibus propria quoque expensa agere iter.* § illud. de manda. prin. collat. 3.

Hunc tex. trahit Accurs. ad Prælatos, requirentes procurationē a clericis in ciuitatibus degentibus, ad quas Prælati veniunt, vt non debeant eos onerare, sed quādo ipsi Prælati extrā visitant, procurationem a iure taxatam recipere poterunt. vt in toto titulo de censibus, est statutum. Nam qui ministrat spiritualia, dignum est vt metat carnalia, vt Diuus Paulus testatur, & nemo suis stipendiis cogitur militare. ca. cūm ex officij. de pręscript.

## S V M M A R I A.

- 1 Proconsul non poterat in prouincia alios statores habere, quā designatos.
- 2 & 3 Pro sua vxore tenetur, si delinquat in eo quod eius officium respicit.
- 4 Vxor aliquem occidens, ipsa tenetur, non maritus.

§. Nemo Proconsulum statores suos habere potest, sed vice eorum, milites ministerio in prouinciis funguntur.

**T**ertio prohibet hęc Iurisconsult. ne Proconsules alios statores in prouincia habeant, id est, nun-

tios, siue seruientes, qui ipsis semper assent, & eorum ministerio. Nam cū Proconsuli essent a rep. iam traditi lictores sex, & alij ministri, qui ei seruirent, noluerunt Romani, vt ipsi alios sibi seruientes adsciscerent, maximē quia in singulis ciuitatibus erant decreti certi milites apparitores, qui reos prehendebant, custodiebant, & dū opus erat, iudicibus seruiebant, de quibus l. in eadem. ex quib. caus. ma. ff. & l. milites. cum l. fin. de custo. reor. ff. & ex illis dicta est manus militaris. l. qui restituere. ff. de rei vñd. & auxilium militare. l. si quis in hoc. C. de Episco. & cleric. Idē noluerunt Romani his militibus quicquam ex officio detrahere, sed & Proconsulem & hos milites suo fungi officio, maximē cū multos Comites Romanus populus daret Proconsulibus, nolebat vt alios extra illi datos haberent in pręiudicium horum, ob id statuit, ne statores, & alios apparitores habeat Proconsul, quā milites a communi deputatos de militibus Palatinis, quos Curiales, vel Palatinos vocant, loquitur tit. de palatij. sacr. largitio. lib. 12. & tit. de priuileg. eorum, qui in sacr. pala. militant. lib. eod. ac de multiplici milite tractat Laz. in 4. lib. de Rep. Rom. c. j.

*Manus militaris.*

Sunt qui hęc legant statores, sed non videtur conuenire text. Statores autem erant, qui incedentes loca despiciebant, ac pręparabant, vnā cum metatoribus castra æquabant, struebant pōtes, curabant sylvas scindi, reliquaque impedimenta exercitui auferri. de quibus Veget. de re militari lib. 2.

*Statores qui dicantur.*

Alij apud Ciceronem Statōres dicuntur tabellarij, qui mutatis equis, Imperatoris & Senatus literas referebant, quales sunt hodie in Francia, quos vulgō Postes appellamus, siue *Maîtres des Postes*. & loquitur Imperator in tit. C. de Strato. lib. 12. & Catelia. Cotta in ij. parte memo. in verb. statores. Hic putat Statōres legendum, quos dicit esse nuntios, vel apparitores magistratuum, qui reos in ius, vel in carcerem ducunt, & magistratibus semper circumstant, parati ad eorum pręcepta exequenda. Vt hodie habent latruncutores, quos & criminales locumtenentes vocant, & baiulus Montispeffulani.

*Statōrum significatio.*

Sed videndum est, si ministri Proconsulis, vel sui legati deliquerint, an a Proconsule puniri possint, quod Vlpian. permittit in l. si quis fortē. §. si quos comitum. ff. de pœnis. quod quidem idē faciendum est, vt exemplo deterriti minus delinquant. text. ibi.

*Ministri Proconsulis delinquentes, puniendi.*

§. Proficisci autem Proconsulem melius quidem est sine vxore.

**C**onsulit Proconsuli, vt proficiscatur sine vxore, si vult esse sine molestia. Linius ait: Si vxoribus carere possemus, Quirites, sine molestia essemus, & ne teneatur pro vxore, potest tamen ducere vxorem, sed si illa delinquat, in eo quod officium Proconsulis respicit, ipse Proconsul pro sua vxore tenebitur. Et consuetudo aliquo tempore apud Roman. fuit, teste Cornelio Tacito libro 3. historię Augustę: Vt qui vxores habebant, eas relinquere cogerentur, vt cælibes, videlicet curis domesticis non auocati cum maiori fructu prouinciis pręesse possent, sed postea Senatusconsultum factum fuit, vt si Proconsules, vel Præsides vxores ducere vellent, pro his tenerentur.

*Liberi Proconsulū, eorū beneuolentia obfides.*

Item mos erat apud ipsos Romanos, vt liberos eorum, qui ad regendas prouincias cum imperio proficiscerentur, retinerent, quasi obfides quosdam bene-

uolentia



uolentia illorum, fideique. Laz. de Repub. Roman. lib. 2. cap. 4. post Herodianum lib. 3. histor. August.

- 3 Ex hoc text. constat maritum teneri pro vxore, si forte ipsa munera receperit, extra esculentum & poculentum, & in aliis quæ respiciunt officium Proconsulis, forte si vxor emerit, & tenetur ciuilitur Proconsul, sicut publicanus. l. j. ff. de publica. Doct. in c. cum ad sedem. de resti. spoliat. aliàs regulariter non tenetur maritus pro vxore. vt C. ne vxor pro marito. Vnde si vxor occideret aliquem, ipsa teneretur, non autem maritus. l. fi. C. de iniur. quia peccata suos authores tenere debent. l. sancimus. C. de poenis. & hoc crimen non respicit officium, sicut in caupone aut nauta. docet hîc Accur. vt est in tit. nautæ, caupo. stabula. & in tit. furti aduersus nautas. Et glos. istam dicit singularem. Barbat. in cap. 2. col. 3. de constit. ad statutum, vel ordinationē, vt quis teneatur pro alio, vt intelligatur ciuilitur, non criminaliter. l. qui seruuum. de interrogat. actione. ff. Bald. hîc.
- 4

§. Antequam verò fines prouinciæ decreta sibi Proconsul ingressus sit, edictum debet de suo aduentu mittere continens commendationem aliquam sui, si qua ei familiaritas sit cum prouincialibus, &c.

**I**nstruit Iuriconsul. Proconsulem, vt literas mittat, continentes aliquam sui commendationem, si forte sit aliqua familiaritas cum Prouincialibus, siue pro illis aliqua gesserit negotia, si coniunctio sit cum illis, forte quia ad eum prouinciales sæpe accedebant ratione negotiorum. & vult textus, vt Proconsul dicat in literis, se nolle pompam aliquam in ingressu habere, & ne subditi ei occurrant, & obuiam eant, vel publice, vel priuati.

Proconsul  
quomodo  
excipiedus  
sit.

Et quamuis hoc Proconsul mittat, tamen dicit Iuriconsultus esse congruum, vt vnusquisque illum in sua patria excipiat, imò esset contemptus, si non exciperetur: idè mos in aliis receptionibus debet seruari. Ista omnia sunt Iuriconsulti verba, quibus instruit Proconsulem, aliàs sibi esset contrarius: quia vult, vt non occurrant ei, & postea dicit, vt eum exciperent, sed vult vt non occurrant extra ciuitatem in ingressu prouinciæ, sed in ingressu ciuitatis debet excipi, vt dicitur in l. si in aliquam. infra eod. vnde sic intelligèdo patet vniuersitatem, vel Curiam Parliamenti, non debere ire extra ciuitatem ad recipiendum gubernatorem, sed in suburbiis expectare, & in loco solito. vt docet Franc. Marc. in decis. Delphi. 2. partis quæstio. 36. Sic & Episcopo obuiam ire solet clerus. teste Bald. in l. libertine. C. de oper. libert. Pan. in c. dilectus. de offic. ordin. ibi, rectè. Istud edictum debet mittere Proconsuli prædecessori, qui iam est functus suo officio, in quo significabit, quo die fines prouinciæ sit ingressurus, quia incerta turbant homines, & actus impediunt. Nam illic soliti erant prouinciales eum excipere, & illum conducere per totam prouinciā, vsque ad ciuitatem præcipuam, in qua ingressum honorabilem ei habebant. vt l. si in aliquam. inferiùs, & prouinciales vocant omnes inhabitantes in prouincia. vt in l. prouinciales. ff. de verborum signific.

Et sic per istum textum commendatio necessaria permissa est, ob id is qui veniam ætatis impetrat, de-

bet se commendare. l. secunda. C. de his qui veniam ætat. imp. & Christus sæpius in Euangelio se commendauit. vt glos. docet in ea. temerè. 31. distin. etiam utilis commendatio hîc permittitur, sed voluntaria improbatur, nisi sit notoria. §. quorum. vbi Angel. in procem. Instit. & Virg. ait de Aenea, se laudante apud Reginam Didonem:

*Sum pius Aeneas, raptos qui ex hoste penates  
Classe vehomecum, famâ super æthera notus.*

Et contra istos, qui se laudibus attollunt, dicit Cato:

*Nec te collaudes, nec te culpa ueris ipse,  
Hoc faciunt stulti, quos gloria vexat inanis.*

Hoc etiam obseruare. ] Instruit dictum Proconsulem, vt ea parte, quâ alij soliti sunt ingredi ciuitatem, vt ipse ingrediatur. Nam si per mare consuetum sit, & ipse per mare ingrediatur. Magni nêpe prouinciales faciunt seruari suas consuetudines, & prerogatiuas, & priuilegia. De hoc verbo, prerogatiua, habetur in l. j. ff. de priuilegiis. vetera. & accipitur pro præeminentia, præstantia, seu specimen.

Colligitur ex hoc tex. contra iudices & magistratus stolidos, qui statim à receptione, noua quærunt, & vetera omittunt, vt cogendi sint seruare consuetudines, & respicere, quia stultitia viri ostenditur præcipuè in inuentione nouarum rerum, quæ offendunt potius, quàm profunt, & seditiones incitant, & alia multa mala, quæ cessarent, si bonæ consuetudines seruarentur, & prerogatiuæ. Nam videmus sæpius iras durissimas oriri, & controuersias immortales inter duas ciuitates vnius fori, propter consuetudines & prerogatiuas immutatas. facit text. in l. viros. cum l. seq. C. de diuer. offic. lib. 12.

Magistratus  
stolidi  
noua quæ-  
runt.

Item exponit Bud. hîc ἐπιμετῶν, pro accessu ad ciuitatem solito, inde ἐπιμετῶν, vocat Iustinianus collationem pecuniæ, quam à ciuibus extorquebant iudices, vel milites, vt suo hospitio renuntiarent, & aliud hospitium quærerent. in §. nulli verò. in authent. vt nulli iudices. collat. 9. licet alij ibi legant ἐπιμετῶν, sunt enim metatici & epimetatici metatores, qui in comitatu Principis hospitia aulicis, & Palatinis designant, quos Forerios à foribus vulgò appellamus. de quibus lib. 12. C. tit. de metatis & epimetaticis.

#### SUMMARIA.

- 1 Officialis militia hodie nullum substituere potest sine Principis voluntate.
- 2 Nemo potest in alium transferre, quod non habet.
- 3 Restrigitur.
- 4 Episcopus non potest conferre beneficium, antequam vacet, vel antequam sit Episcopus.
- 5 Legitimitas sebalis nulla, etiam si matrimonium contra leges factum, à Papa confirmatum sit.

§. Post hæc, &c.

**I**ste §. docet Proconsulem quid agere debeat, postquam est prouinciā ingressus, videlicet vt mandet iurisdictionem suo legato. Nam antequam prouinciā ingressus fuerit, non debet eam mandare, si tamen mandauerit, & post ingressum in eadem voluntate perseuerauerit, valebit delegatio, ex quo Proconsul est prouinciā ingressus: quia absurdum est mandare iurisdictionem, antequam ipse nanciscatur. Idè debet mandare, postquam fuerit ingressus, vt ex tunc valeat delegatio, & sic P. Rebuffi Lectura.

Officiū Pro-  
consulis pro-  
uinciā in-  
gressi.



debet intelligi iste textus, non vt ipse Proconsul teneatur mandare, quamuis Accursius ita intelligat. etiam Rex extra regnum officia sua conferre potest, licet ibi iurisdictionem contentiosam non habeat. vt est in prouinciali. fol. 42. vers. an Officialis. & scribit Bart. Officiale Principis posse dimittere Vicarium, si aliquod vadat, qui legatus ab eo omnia poterit facere, quæ ipse substitutus, extra tamē membrorum abscisionem. Hodie nullus Officialis militiae substituit sine Principis voluntate, & is habet absente primario æqualem potestatem cum eo, & sic seruatur in patriæ gubernatoribus.

2 Itaque notandum est, neminem posse donare, vel in alium transferre, quod non habet, per istum text. qui limitatur, vbi à lege datur potestas, vt in iudice, qui transfert in alium dominium rei, quod nō habet. §. final. de offic. iudi. in Inst. l. Iulianus. ff. de condit. indeb. Idem in creditore, & aliis personis, per Accurs. enumeratis in §. j. quib. alie. licet. in Instit. & in l. nemo plus iuris. de reg. iur. l. quod nostrum. de acquir. rer. dom. & de usufruct. eadem lege.

4 Ideo potest Proconsul dare iurisdictionem, quam verè actu habet, sed non exercitium antequam ingressus fuerit, vnde tenuit datio, sed non potuit dare exercitium, quod non habebat, sed cum habebit illud, concessio tenebit. Secus ergo in episcopo conferente beneficium, antequam sit Episcopus, vel antequam vacet, quia his casibus nō iure datur, nec quoad actum, nec quoad exercitium. Ideo si postea fuerit Episcopus, non valebit collatio, vel si beneficium postea vacet. per c. j. & per totum. de concess. præbend. Nam quod ab initio non valuit, non firmatur tractu temporis. reg. quod initio. ff. de reg. iur. sed hic ab initio valuit.

5 Vnde si Papa confirmet contractum matrimonium contra leges factum, non legitimabitur soboles iam nata, sed valebit matrimonium, ex tempore approbationis Papæ. per c. per venerabilem. Qui filij sint legit. nisi in legitimatione dictum fuerit, vt etiam soboles iam nata legitima sit. Panor. & Præpos. ibid.

An, & quando rati habitio æquiparetur mandato Bart. hic declarat. & abundè glos. & Doctor. in reg. rati habitio. de reg. iur. in vj. & quamuis sententia lata per eum, qui delegatus non erat, confirmetur à delegante, nulla tamen erat. glos. in l. licet. ff. de iudic. l. instar. C. de iure fisc. libro 10. A Rege tamen confirmari poterit, & à partibus, vt valeat in vim pacti. l. ij. C. communia vtriusque iud. de his alijs.

#### LEX V. PAPINIANVS LIB. I.

##### QVAESTIONVM.



Liquando mandare iurisdictionem Proconsul potest, etsi nondum in prouinciam peruenerit: quid enim si necessariam moram in itinere patiat: maturissimè autem Legatus in prouinciam peruenturus sit?

**H**æc lex docet vnum casum, in quo potest Legatus mandare iurisdictionem Proconsul, etsi nondum peruenerit in prouinciā, vt, si fortè detineatur aliqua mora in itinere, veluti si valetudine aduersa, aliāue iusta causa. Idem docet Bartol. in alio

Officiali detento ex iusta causa post aduentum, nisi impedimentum fuerit longum. Nam eo casu alius subrogatur in locum eius, & ipse non potest substituere. per l. si longius. ff. de iudic. Etiam docet hic Accurs. Legatum & Vicarium potestatis omnia posse facere, quæ potestas extra mortis condemnationem, & membrorum mutilationem, & ad hoc ista gloss. reputatur sing.

Adhæc ille non dicitur Legatus, seu delegatus, qui in locū demortui successus est, vt docet Accurs. in l. nec quicquam. in glos. infra. Bald. in margari. in verb. delegatio. quest. 25. Et sic dicitur ille subrogatus iurisdictionem habere ordinariam, non delegatam, si defunctus talem habebat: quia subrogatus in locum alterius illam eandem iurisdictionem habere censetur. l. cum Prætor. ff. de iudic.

Hodie verò statuit sic Iustin. *Antequam in prouincijs veniant iudices, damus eis licentiam vices agentes suos instituere, qui debeant omnia vsque ad sui presentiam agere, quæ possint ipsi iudices facere, citra tamen nouissimum supplicium, aut membri incisionem: sed si quis ex iudicibus secundum iussuonem nostram in aliam regionem mittatur, liceat ei per similem modum loci seruatores facere.* §. ad hoc sancimus. in authent. de collato. collat. 9.

Tamen in hoc regno Fræciæ Præsides Prouinciarum, vel alij iudices nō possunt creare locutenentes, vel substituere alios, etiam in casu iusti impedimenti, alioqui impediretur officium secundi iudicis, si primarius aliū subrogaret, quod non est licitū, & si omnes magistratus detineantur iusto impedimento, antiquior Aduocatus illius tribunalis ius dicet, nec etiam impediri poterit, quia iudex est autoritate constitutionis Regiæ. tit. de recusa. arti. 6. Ideo Aduocatus antiquior impedire posset delegationē, quia sua interest, postquam constitutio Regis dat ei iurisdictionem, absentibus vel impeditis magistratibus.

#### S V M M A R I A.

- 1 Absoluere quis non potest, qui non potest condemnare.
- 2 Mandatum, vt audiat vinctos, non extenditur ad absolutionem, vel causæ decisionem.
- 3 Legatus quare tutorem suspectum remouere possit.
- 4 Examinatio in criminalibus in regno Francia mandari potest.
- 5 Substitutus de consensu Regis, non potest sine eiusdem consensu destitui.

#### LEX VI. VLPPIANVS LIBR. I. DE

##### OFFICIO PROCONSULIS.



Solent etiam custodiarum cognitionem mandare Legatis: scilicet vt præauditas custodias ad se remittant, vt innocentem ipse liberet, sed hoc genus mandati extraordinarium est. Nec enim potest quis gladij potestatem sibi datam, vel cuius alterius coërcitionis ad alium transferre, nec liberandi igitur reos ius, cum accusari apud eum non possint.

Proconsul

*Subrogatus iurisdictionem habet ordinariā.*

*Præsides Prouinciarū, vel alij iudices locutenentes in regno Fræcia non creant.*

*Sententia nulla, à Rege & partibus potest confirmari.*



**P**roconsul in primis curam habere debet eorum, qui in vinculis detinentur, & ideò debet mandare legato, vt audiat istos vinctos, & auditos nocentes ad se remittat, innocentes autem liberet, scilicet Proconsuli: quia legati nec ius liberandi habent, cum accusari apud eum non possint, vt inferius dicit text. nec potest quis absolueret, qui non potest condemnare. l. iij. ff. de re iudic. potest tamen pronuntiare condemnandum, vel absoluendum. Bart. hinc glo. & Doct. in l. prima. C. si aduersus liberta. quod non probo. Nam si legatus pronuntiaret nocentem talem condemnandum, iniuriam inferre videretur Proconsuli, dans ei legem quomodo iudicare ipse deberet, & ipse Proconsul non posset postea, si innocentem inueniret, liberare illum: & tamen text. dicit posse, etiam si fuerit in arbitrium compromissum, vt certam sententiam dicat: nullum tamen esse arbitrium Paul. ait l. qualem. ff. de arbitr. & maxime quia legatus iurisdictionem non habet, vt hoc pronuntiet: possunt tamen hodie inter se litigatores conuenire, quid pronuntietur, & iudicem sic sententiam proferre debere scribit Vlpian. in l. si conuenerit. ff. de re iud. quod seruatur etiam in Parlamentis Franciæ, in quibus inter procuratores solet conuenire, quid proferatur quoad dilationes, & solet hoc Curia approbare, & vocant Gallicè *vn appointé est, ou appointement* [partium conuentione.] Nam si partes sint concordēs, nihil ad iudicem. l. prima. §. inde. ff. de noui oper. nuntiat.

Coniunctio  
litigatorum  
constringit  
iudicem sic  
proferre  
sententiã.

**2** Et sic ex hoc text. patet, cui mandatur, vt audiat vinctos, non potest eos absolueret, nec liberare: & cui mandatur, vt tantum audiat, non potest decidere. authent. adhuc. & l. iudices. C. de iudi. ideò solet Papa dicere in commissionibus. Audiat talis N. & decidat. scripti in l. iij. ff. de re iudic. Quod si committatur causæ cognitio, in consequens & decisio. l. qui procuratorem. ff. de procurat. Panorm. & alij in cap. venerabiles. de iudic. Diuersum est, quando mandatur vt audiat, & ad se remittat, vt in hoc text. & cognitio variè sumitur, vt scribit Alciat. in lib. vj. Parer. c. 5. Ego plenius in l. cognoscere. de verb. sign.

Cognitio-  
nis verbu  
variè su-  
mitur.

[Nec enim.] Remouet obiectionem, quod non potest quis mandare ea, quæ meri sunt imperij, & sic ius gladij. l. prima. de offic. eius. Respondet iste text. hoc genus mandati esse extraordinarium. Nam regulariter & ex ordine mādabatur legato iurisdictione. l. obseruare. §. post hæc. supra eodem, sed non imperium merum. Verum quia ad habentem imperium merum, audire custodias & nocentes pertinet, & tamen Proconsul hæc legato committebat, vt audiret hos custoditos in vinculis, & postea auditos remitteret, vt demum Proconsul eos condemnaret, & innocentes liberaret, ideò hoc erat extraordinarium, videlicet quod demandetur cognitio, & non decisio, sicut in ciuilibus, quia ex ordinaria delegatione istud legato non committebatur, sed tantum cognitio de ciuilibus, sed crimina non continentur, nisi expressè committantur. c. 2. de offic. vica. in vj. tractati abundè in l. pupillus. §. munus. ff. de verb. signi. Et sic legatus potest remouere tutorem suspectum, quia non est merè criminalis cognitio. l. j. §. damus. ff. de suspect. tutor. & de ciuilibus cognoscebat, & decidebat, vt hic. & exposui quot modis accipiat extra ordinem, vel extraordinariu, in l. pupillus. §. munus. ff. de verb. signific.

Extraor-  
dinarie  
Legato cō-  
missa.

Alij intelligunt, vt Proconsul mandare possit legato, vt audiat, & nocentes remittat, innocentes vero liberet, quod est extraordinarium, sed debemus fauere liberationi plus quam cōdemnationi. l. Arrianius. ff. de action. & oblig. maxime quia in l. fi. C. vbi sena. is qui non potest condemnare, absolvere potest.

Tamen, vt dixi, iste text. intelligi debet de Proconsule, quia dicit Legatum non habere ius liberandi, ergo liberare non potest. & non obstat l. fin. quia ibi conceditur, vt Senator possit liberari, sed non condemnari, nisi à toto corpore Senatorum: at hic non permittitur, nec conceditur Legato ius liberandi. Item non posset Legatus eum liberare per sententiam, quā proferre nō potest. l. j. C. eodem. Etiam de facto hoc nō conceditur, quod liberet, ergo nullo modo liberare etiam innocentem Legatus poterit, alioqui si sic de facto & nocentes liberare posset, hoc vergeret in Reipublicæ dispendium. Imò etiam Præfectus Prætorio Augustalis ordinariorum sub se iudicum examinandi flagitia, & super his referendi, non amouendi, vel puniendi habet potestatem. l. fin. C. de offic. Præfect. Augustal.

Legatus et-  
iam inno-  
centem li-  
berare non  
potest.

Et si dicatur imperium merum mandari non posse quoad condemnationem, potest tamen committi, vt quis audiat delinquentes captos, vel informationes conficiat, & sic vnus articulus gl. notat. in clem. vnic. de offic. delegati. licet regulariter examinatio in criminalibus, mandari non possit. l. iudices. cum authent. seq. C. de fide instrum. c. significauit. de offic. ordina. sed hodie in hoc Regno mādari solet, hæc quoque consuetudo probatur per c. vt officium. §. verum. de hæret. in vj.

Imperium  
meru quo-  
modo mān-  
dari possit.

Sicut autem mandare, &c.] Declarat Iurisc. Proconsulem posse committere iurisdictionem Legato, sic & adimere, & iudicium soluitur veritate eo, qui iudicare iusserat. l. iudicium. ff. de iudi. tamē adimere non debet semel mandatam iurisdictionem inconsulto Principe, nempe quādo Proconsul accepit Legatum, Princeps in illo consensit, & fortè in alio non consensisset, ob id nō debet inconsulto Principe destitui, sicut dicitur in c. j. de reg. iur. omnis res per quascumque causas nascitur, pereasdem & dissoluitur, & sic substitutus de consensu Regis, non potest destitui sine illius consensu. per c. cum omnes. de constit. De hoc alibi dixi, videlicet in tract. de euocatio. in j. tomo Commenta. ad Constit. Reg.

#### S V M M A R I A.

- 1 Princeps non est consulendus, vbi Curia suprema providere possunt.
- 2 Romani in creandis Legatis, morum suorum specimen per eos ostendebant.

§. Legatos non oportet Principem cōsulere, &c.

**E**X hoc text. habetur Legatos Proconsulis non debere in rebus dubijs Principem consulere, sed suum Proconsulem, qui tenebitur consultationi eius respondere, & sic non est consulendus Princeps, vbi Curia suprema providere, & respondere possunt, cum equalem saltem habeant potestatem Proconsulibus.

Sciendum est (vt Fenestella scribit) Proconsules ob rerum gerendarum multitudinem in prouincia



Legatorum  
potestas.

legatos statuere solere, qui non propria, sed mandata iurisdictione vtuntur, quos prius etiam quam in prouinciam peruenerint, sibi substituere possunt; si quid autem Legato occurrat, cuius grauitas rei exactiorem diligentiam exigat, ad Proconsulem remittere Legatus debet, neque enim animaduertendi, coercendi, seu atrociter verberandi Legato licentia est. Iudices tamen litigatoribus, tutores etiam pupillis dare possunt, custodiarumque, quæ per prouinciam sunt dispositæ in stationibus, Proconsul legato cognitionem commendare, nec prius quam è prouincia Proconsul discedat, Legatum dimittere consuevit.

Et si diem suum obierit in prouincia Proconsul, ita deinde mandata sibi negotia exiger, ac si res integra non inueniatur. Si verò à prouincia abesse Proconsulem fortè contigerit, causas etiam quæ animaduersionem requirunt, delegabit. Hæc Fenestella, & Vopiscus in vita Cari sic scribit. Carus Manlius Aurelianus Proconsul Ciciliæ Iunio legato suo: Maiores nostri Romani illi Principes in Legatis creâdis hac vñ sunt consuetudine, vt morum suorum specimen per eos ostenderent, quibus Rempub. delegabant. Ego verò si ita esset, aliter non fecissem, feci aliter, si te iuuant nō fallar, fac igitur, vt maioribus nostris, id est, Romanis nō discrepemus viris.

#### SVMMARIA.

1. Munus per Proconsulem acceptum, à iudicibus confiscandum.
2. Prohibitus emere, potest ea quæ ad victum pertinent, & equos, emere.

§. Non verò in totum xeniis abstinere debet Proconsul, sed modum adhibere, vt neque morosè in totum abstineat, neque auarè modum xeniorum excedat, &c.

Modus in  
xeniis ac  
pensis ser-  
uandus à  
Proconsule.

**D**Vo declarat, primùm, an Proconsul munera accipere possit, & dicit xenia recipere posse, sed quæ? Respondeo, modum in illis accipiendis seruare debere, vt neq; illa omninò recuset, neque auarè modum & qualitatem munerum excedat. Nam iuxta Græcum adagium, inhumanum est à nemine accipere, sed passim & indifferenter ab omnibus recipere, vilissimum est, & per omnia auarissimum: sed quantum possit accipere, Venule. docet in eadem lege. ff. ad legem Iuliam repet. his verbis: *Vbiq; urbani magistratus ab omni sordē se abstineant, neue plus doni munerisq; in anno accipiant, quàm quod sit auroreorum centum.* Papa verò dicit esculentum & poculentum accipiendum, quòd paucis consumi diebus possit. in c. statutum. in §. insuper. de rescript. dicam in l. plebiscito. tit. seq. taxatur per ordinationem Ludouici Regis sancti ad decem solidos per hebdomadam in esculentis & poculentis. Vnde Ouidius Eleg. 10.

*Nec tamen indignum est à diuite munera posci:*

*Munera poscenti quæ dare possit, habet.*

Et quod mandatis, &c. ] Mandatum significat præceptum, & leges, quæ dabantur his, qui mittebantur ad gubernandas prouincias, & quibus certe dabantur administrationes, vt in tit. de mandatis Principum. in auth. collat. iij. vnde tollit hic Iurif.

cons. dubium. Mandatis Principum cautum erat, ne Proconsul, vel qui in aliquo est officio, donum, vel munus accipiat, ematue quid, nisi victus quotidiani causa: hoc præceptum non pertinet, nec refertur ad xenia, sed tantummodò ad ea, quæ excedunt vñsum eduliorum: idè non intelligitur de eduliis, & obsoniis, quæ iudices recipere possunt: & illa prohibitio loquitur tantum de muneribus, quæ nec edi possunt, vt si quis donaret iudici domum, vel vt gratis inhabitaret, donatio est. l. in ædibus. ff. de donat. Idem si daret pecuniam, pannum, vel aliam rem; quæ edi non solet, iudex eam accipere non posset. Alexand. consil. 206. viso themate. in 2. vol. sed ista etiam xenia non sunt producenda ad qualitatem munerum, id est, ad præstationis necessitatem, quod non placet Bart. Nam licet iudex possit accipere xenia, non tamen illa extenduntur, videlicet in aliis rebus, quàm xeniis, vt alia munera iudices non accipiant, quàm dona eduliorum, & obsoniorum, & sic intelligetur illud, quod scribitur Exod. 23. Nam accipies munera, quæ etiam excæcant prudentes, & subuertunt verba iustorum. Idem habetur Deuter. 16. cap. & dicimus munus quale est? Respondeo, edulium, vina, pecunia, vel alterius rei, & de qualitate plenè docui in l. quid aliud. ff. de verb. sign. hodie verò nihil penitus debet recipere à partibus, nisi quod Respub. administrat, id est, sua stipendia. vt in auth. vt iudices sine quoquo suffragio. col. 9. Vide Ouid. vbi suprà.

*Turpe reos empti miseros defendere lingua:*

*Quòd faciat magnas turpe tribunal opes.*

Xenia etiam dicuntur munera hospitum maximè, quæ Calend. Ianuarijs pro strenis dabantur, vel quæ in ingressu à Principibus Proconsuli offerebantur. vnde Martialis. num. 13. lib. 2. xenia nominauit quòd ipsos versus mitteret pro xeniis, sic dicens:

*Omnis in hoc gracili xeniorum turba libello,*

*Quattuor est nimium, poterit constare duobus,*

*Et lucrum faciet magnum bibliopola Triphon.*

*Hæc licet hospitibus pro munere disticha mittas,*

*Si tibi tam rarus, quàm mihi nummus erit.*

Et sic non potest Proconsul dona recipere durate officio, sic nec incontinèti eo finito, alioqui fraus legi fieret, & quæ incontinèti fiunt, inesse videntur. l. lecta. ff. si cert. petat. & ista videntur paria, per text. in l. iurifgentium. §. quinimò. ff. de pact. & l. si ventri. in fin. de priuileg. creditor. & docet Bald. hic eos notari infamia, & repelli ab omni dignitate, & munus confiscari per iudices. C. de dignit. lib. xij. l. prima. §. ait Prætor. de postul. ff.

Aliàs inueni in hoc text. ibi, excedant vñsum, legi accedant, sed non conueniret sententia, ob id volui videre in Pandect. Florent. vbi inueni excedant, & sic melius intelligitur, licet in iij. tomo titu. de sala. taxatis pro visita. processus. articulo primo. in commentar. secutus sum aliam lectionem, quæ ad idem tendit.

Et sic qui est prohibitus emere, videlicet exterus, poterit tamen emere ea, quæ ad victum pertinent, & equos per istum text. alioqui viuere non posset, l. verbo, victus. ff. de verb. signifi. vbi dixi, sed an magistratus perpetui possint contrahere, in l. principibus. ff. si certum petat. permittitur, & hodie in Regno Officialibus quoque perpetuis, ac si non essent magistratus, dummodò à concussionibus se abstineant. Idem in temporalibus, si Princeps expresse permittat

Munerum  
appellatio-  
ne quid con-  
tineatur.



permittat. l. prima. C. de contract. iudic.

Item Bart. hic tractat, an possit compelli is, qui soluit aliquid annuatim. traditur regula cum limitationibus, in l. si certis. C. de pact. Socin. in regula 81. & plenè Ioan. Francisc. in tract. de præscr. in tertia parte principali. quæst. x. partis primæ.

### S V M M A R I A.

- 1 Statutum Canonorum sancti Hilarij abusuum declaratum.
- 2 Rex, Legatus, vel alius similis, qui ingressum ad ciuitatem habent, prius ad ecclesiam primariam duci debent.
- 3 Apparitores possunt interdum à iudice cogi, vt aliquem suspendant, si alius non inueniatur.

### LEX VII. IDEM LIB. II. DE OFFICIO PROCONSULIS.



**I**n aliquam celebrem ciuitatem, vel prouinciæ caput peruenerit, pati debet commendari sibi ciuitatem, laudèsque suas non grauati audire, &c.

**I**n l. Obseruare docuit Vlpian. quid faciendum sit Proconsuli, quando fines prouinciæ sibi decretæ ingreditur, in ista verò l. quid agere debeat, quando ingreditur aliquam celebrem suæ prouinciæ ciuitatem, quæ caput sit prouinciæ, & not. istum text. pro ingressu Regis nouo ad ciuitatem Parisiensem, vel alias, etiam pro ingressu gubernatorum patriæ Delphinatis, & aliarum, & istum textum ad hoc allegat Francisc. Marc. in decis. Delph. quæst. xxxvj. & seq. in secunda parte.

Interdum Rex in suo iucundo aduentu præbendam in ecclesia, in qua suum ingressum facit primū, concedere potest, vt in Ecclesia sancti Hilarij Pictauiensis in quam tanquam canonicus ingreditur, & statim præbendam assignat, cui vult. de quo loquitur Panorm. & alij in c. extirpandæ §. qui verò. in repetitione. de præbend. & Ioan. de Selua in tractat. de benefic. in ij. parte. quæst. xxij.

Aliquando etiam pro iucundo aduentu Episcopus confert præbendam in Ecclesia in qua præsidet.

Est etiam in multis regni Ecclesiis consuetudo, vt quilibet Canonicus in suo primo ingressu det aliquam pecuniæ quantitatem, quod tamen est symoniacum. c. ex multis. j. quæst. iij. & c. quoniam. & cap. veniens. de symon. & extrauag. j. illo tiru. in communibus. Et statutum canonorum sancti Hilarij hoc continens fuit declaratum abusuum à Senatu, vt declarat Aufred. in stylo Parlamenti arresto 177. nisi hoc esset statutum in fundatione, quæ postea esset approbata per Papam, & an valeat consuetudo, vt pro iucundo aduentu detur prandium? Et eam valere affirmat Egidius Bellamera consi. 31. quod mulier. col. 3. per c. ad apostolicam. & c. Iacobus. de sym. & fuit approbata à senatu quoad Ecclesiam Andegauensem. anno 1536. die 21. Feb. vt scripsi in §. fin. de reseruati. in Concord.

Prouinciæ caput. ] Ex hoc textu intelligitur ingressum faciendum esse in celebri ciuitate, quæ sit caput prouinciæ, vt Parisij quæ est caput regni, Lugdunum caput prouinciæ, Tholosa caput etiam,

& reliquæ. Demum Rex, vel Prorex, Episcopus, seu Archiepiscopus, ingressum suum sic faciet in aliis ciuitatibus, si videat expedire.

Et sicut caput est principale hominis membrum, l. cum in diuersis. ff. de religio. & sumptib. funer. sic & principalis ciuitas alicuius prouinciæ dicitur caput prouinciæ, & varias huius dictionis, caput, significationes tractauit in l. licet capitalis. ff. de verb. sign.

Commendari sibi ciuitatem. ] Nota quid debeat continere oratio, quæ Regibus, seu aliis habetur in eorum ingressu. Primò, gratulari debet aduentus Regis, demum commendari debet ei ciuitas, ac laudes quædam Regis intermisceri. Nam honor est subditis, cum Regem vel Proregem habent latidatum, & maximum, ac virtutibus præditum, deinde debet ostendere affectionem ciuium ad eadem obsequendum, & perpetuò deseruiendum, præterea precari illi maximam felicitatem, prosperitatem, ac integram valetudinem debet, & hæc est orationis summa.

Et ferias secundum mores & consuetudinem, quæ retrò obtinuit, dare. ] Indicit ergo Rex vel Imperator ferias (quas interpretes repentinas vocant) licet regales vocari potius debeant, vel Imperiales. l. à nullo. C. de feriis. & pro more & consuetudine regionis, quæ retrò obtinuit. Nam si vno, vel pluribus diebus sit consuetum, vt feriae sint, ita indicentur, & istas ferias extra ordinem indicatas vocat Vlpian. in l. sed & si. §. si feriae. ff. ex quib. caus. maior. quia alia feriae messium & vindemiarum suo ordine veniunt, hæc verò ob res prosperè gestas, vel in honorem Principis extra ordinem indicuntur. d. §. si filia. & Imperator Constan. in tit. de fer. C. d. l. à nullo. sic statuit: à nullo iudice præsumi debet auctoritate suas ferias aliquas condere, nec enim Imperiales ferias vocari oportet, quas administrator edixerit, ac per hoc si nomine eximantur, etiam fructu carebunt. Tamen collegia possunt ex consuetudine suas ferias habere, vt Parisijs singula collegia habent suas ferias, suaq; festa, quæ interdum sunt plus frequentia, quàm deceat, in perniciem iuuentutis, cui abusu resistendum esset per Primarium collegij.

Aedes sacras, &c. ] Ecce quid debent inspicere Rex, seu gubernator, Episcopus, vel alius præfectus in suo nouo introitu. Primò debet curare vt inspiciat ædes sacras, an egeant reparationibus, an omnia testasartaque sint. Et sicut in Ecclesia nuptiarum festum non debet celebrari, c. cum decorem. de vita & honest. cleric. ita nec in Prætoriis Principis inauratis. l. Basilicam. C. de oper. public. & Ecclesiæ de publico debent reparari, per istum text. hodie, vide in tit. de ecclef. edific. & reparan. Et sic prius ad Ecclesiam primariam debet duci Rex, Legatus, & alius, qui ingressum habet ad ciuitatem, exemplo Christi qui prius ad Ecclesiam accedebat, vt est in Euangelio Matthæ. cap. xxj.

Secundò debet videre opera publica, domos publicas, castella, & prætoria, an refectione indigeant, & ea reficere: noua autem inchoare sine Principis consensu non licet. l. nemo. l. intra. & l. fin. C. de oper. public. l. pen. ff. illo tit.

Tertiò, si aliqua prætoria cœpta sint, curare debet, vt perficiantur, prout vires Reipub. permittunt. Nam si pares sunt sumptibus faciendis, cogi debent, vt scribit Imperator de oper. public. C. l. ad portus, aqua

Rex potest  
in suo iucundo  
aduentu  
præbendam  
in Ecclesia  
assignare  
cui vult.



*aquæ ductus & murorum instaurationem, siue extru-  
ctionem certatim, facta operarum collatione, omnes in-  
staurare debent, neque aliquis ab huiusmodi consortio  
dignitatis privilegii excusari.* l. ad instructiones. C. de  
Episcop. & cleric. Si pauperes aut tantillum, aut pa-  
rum possint contribuere, ipse dispicere debet, & de-  
mum decernere. Item debet videre an in refectione  
maior sit expensa, quàm emolumentum, & tunc non  
debent reficere, vt probatur in l. mediterraneæ. vbi  
Bart. C. de anno. & trib. libro 10. Et Callistratus ait:  
*Pecuniam, quæ in opera noua legata est, potius in tute-  
lam eorum operum, quæ sunt, conuertendam, quàm ad  
inchoandum opus erogandam, Diuus Pius rescripsit, sci-  
licet si satis operum ciuitas habeat, & non facile ad refi-  
ciend. ea pecunia inueniatur.* l. fin. ff. de operis public.  
Ideo statuit Theod. Imperat. l. Ne splendidissime vr-  
bes, vel oppida vetustate labantur, de redditibus fundo-  
rum iuris Reip. tertiam partem reparationi publicorum  
mœnium, & thermarum substitutioni deputamus.

Sed quomodo cogendi sunt? Respondeo pro sin-  
gulorum viribus. l. omnes. ij. C. de oper. publ. vt nul-  
lus immunitate gaudeat. l. j. ibidem. l. si. de immunita-  
ne conced. lib. 10. C.

Ista tamen cura postea demandata est Præsidibus  
prouinciarum. l. secunda. & per totum. ff. de operis  
publ. Et demum ab Imperatoribus, Iudicibus p. o-  
uinciarum, id est, locumtenentibus Seneschallorum,  
& Bailliuorum, non autem Præpositis. vt l. nemo iu-  
dicum. in fin. C. eod. l. ij. C. de co. aditis in publ. horr.  
lib. 10. & vide in l. præses prouinciæ inspectis. infra  
titul. suo.

*Curatores  
operum debent  
esse diligen-  
tes.*

Curatores quoque operum diligentes so-  
lenniter præponere. ] Hi curatores operum di-  
cuntur, quibus opera publica ædificia cōmissa erant,  
fortè Palatia, Prætoria, naualia & alia ædificia pu-  
blica, vt ea reficerent, construerent, vel facta tecta  
tenerent. l. ij. §. sed & si curatores. ff. ad municipal. l. j.  
& ij. de operis publ. & hic solenniter creari solebant,  
habita prius inquisitione, si diligens esset, & iura-  
mento ab eo exacto, vt rectè opera publica curret: nec  
enim duas operis curas administrare poterant. l. fina.  
ff. de vaca. muner. de his scripsi & aliis in l. quibus. ff.  
ad verb. signific. vide in l. fin. infra de assessor.

Ministeria quoque militaria, si opus fue-  
rit, ad curatores adiuvandos dare. ] Hic accipit  
ministeria pro ministris militaribus, qui erant in pro-  
uinciis Præfecti ad remp. iuuandam, & tutandam. l.  
obseruare. supra eod. Vnde Proconsul, si opus fuerit  
ad curatores operum adiuvandos, cogere hos mili-  
tes, & apparitores poterit. probaui in l. in lege censo-  
ria. ff. de verb. signific.

Et sic iudex potest cogere interdum apparitores,  
vt suspendant aliquem, si alius non inueniatur. per  
istum textum si opus fuerit, quia hi Præfecti sunt  
non ad remp. furandam, vt multi faciunt, sed ad eam  
iuuandam, licet regulariter quis inuitus actum Reip.  
vilem exercere non cogatur. vt in titul. C. lib. 11. ne  
quis liber inuit. vide Bart. & quæ ibi scripsi in l. finali.  
ff. de pig. actio.

§. Cum plenissimam autem iurisdic-  
tionem Proconsul habeat, omnium partes,  
qui Romæ, vel quasi magistratus, vel extra  
ordinem ius dicunt, ad ipsum pertinent.

*Iurisdic-  
tio  
Proconsulis  
plenissima.*

**P**roconsul in prouincia sibi decreta habebat ple-  
nissimam iurisdictionem, id est, amplissimam  
potestatem, & imperium, adeo vt loco omnium ma-  
gistratuum, vel eorum, qui extra ordinem ius Ro-  
mæ dicunt, ius dicere ipse in prouincia poterat.

Vnde causas ad Præfectum vrbs Romæ perti-  
nentes, ipse Proconsul audire in prouincia poterit,  
& alias omnes, siue illi tanquam magistratus ius Ro-  
mæ dicat, siue extra ordinem, vt Præfectus vigiliū.  
& alij. Nam sicut Pompo. in l. ij. §. deinde Cornelius.  
de origine iur. scribit: Præfectos annonæ & vigiliū  
non esse magistratus, sed extra ordinem utilitatis  
causa constitutos, & sic iudicabant etiam extra or-  
dinem: alij vero regulariter tanquam magistratus  
ius dicebant, nisi in quibusdam causis, in quibus ex-  
tra ordinem procedebant. vt in l. nec quicquam. infra  
eodem. l. ordo. ff. de publ. iudic. & de his omnibus po-  
terat Proconsul cognoscere in prouincia sibi decreta.

LEX VIII. IDEM LIB. XXXVII.  
AD EDICTVM.



**E**T ideò maius imperium in ea pro-  
uincia habet omnibus post Prin-  
cipem.

**A**ccurs. excipit Consules, qui non erant exci-  
piendi: nam substitutus non potest habere ma-  
iorem potestatem, quàm substituens, sed Proconsu-  
les sufficiebantur in locum Consulū, ergo non po-  
terant ipsi maius imperiū habere in prouincia, quàm  
Consules Romæ. Sed videtur dicere iste text. Pro-  
consules in prouincia sibi decreta fungi partibus  
omnium magistratuum Romæ, & eorum qui ius  
extra ordinem dicunt, & habere in prouincia maius  
imperium omnibus post Principem. Nam & ipsi in  
prouincia extra ordinem, & pleno ordine ius dicere  
poterant, quemadmodum alij magistratus Romæ:  
non tamen habebāt maius imperium, quàm Romæ  
Consules, à quibus erant Præfecti.

Nec refragatur l. iij. infra. de offic. Præsidis. vbi  
Præses prouinciæ in ea prouincia maius imperium  
habet omnibus post Principem, ergo habet maiorem  
quàm Proconsul. Nam Hermog. ibidem scribit: *Ex  
omnibus causis, de quibus vel Præfectus vrbs, vel Præ-  
fectus Prætorio, itēque Consules, & Prætores, ceteriq;  
qui Romæ cognoscunt, correctorum & Præsidum prouin-  
ciarum est notio.*

Respondeo, ibi accipi pro Proconsule, cūm Præ-  
sidis nomen generale sit. l. prima. de officio Præsid.  
Etiam vbi non erat Proconsul, habebat illam pote-  
statem. Nam in quibusdam prouinciis erant tantūm  
Præsides, & de illis loquuntur illa iura, & Præsidiales  
vocabantur hæ prouinciæ, vt dicam in illo titulo.

Vel distinguenda fortè sunt tempora. Nam vno  
fortassis tempore Proconsules habebant maius im-  
perium, quàm Præsides, quoties durauerunt Consu-  
les, sed exactis Consulibus & translato imperio in  
Principem, ipse creauit Præsides, quibus dedit maius  
imperium post ipsum in prouinciis illis decretis.  
Etiam quando Proconsules non erant, Præsides ha-  
bebant plenissimam iurisdictionem, & istud tenere,  
tutius est. Nec regulariter solebant committi Pro-  
consules, & Præsides in vna prouincia. Vnde quæ  
iurisdic-  
tio

*Præsides e-  
xactis Con-  
sulibus suc-  
cesserunt.*



iurisdicção solita concedi fuit Proconsuli, dabatur postea & Præsidi prouinciæ secundum diuersa tempora, vel secundum diuersas regiones. Nam in vna vocabatur Proconsul, in altera Præfectus Augustalis. vt in titul. sequen. & in l. eos. C. de modo multa. alibi vocabatur Præses, & alio in loco Rector. vt dicam in tit. de offic. Præsidi.

Et sic docet Accursus. hinc quod si concedatur alicui plenissima iurisdicção, continebitur imperium merum, quod probant interpretes. dicam in l. imperium. ff. de iurisd. omn. iud.

## S V M M A R I A.

- 1 Curia suprema in Francia habent maius imperium, quam ipsi locumtenentes Regis.
- 2 Successerunt in locum Præfectorum Prætorio.
- 3 Curia suprema potestprehendere & punire nocentes, etiam in ingressu Proconsulis.
- 4 Reifiscalis cognitio spectat ad procuratorem Principis.

L E X I X. • I D E M L I B. I I. D E  
O F F I C I O P R O C O N S V L I S.

**N**Ec quicquam est in prouincia, quod non per ipsum expediatur. Sanè si fiscalis pecuniaria causa sit, quæ ad procuratorem Principis respicit, melius fecerit si abstineat.

**E**X his legibus colligebant quidam Proconsulem, seu Regis locumtenentem maius imperium habere, quàm Curia suprema, quæ Parlamenta vocamus, & sic cessare potestatem Curiarum supremarum, & aliorum magistratuum eo præsentem. per c. volentes. de offic. Legat.

Contrarium tamen est verum, quia iste text. dicit Proconsulem habere maius imperium post Principem, sed Curia suprema iudicant nomine Principis, & non aliter iudicant, quàm ipse foret iudicaturus. l. vnica. supra de offic. Præfecti Prætor. Vnde cum in eorum iudiciis & sententiis nomine Principis semper iudicent, ipse Princeps est maior suo locumtenente, & sic Curia suprema maiores erunt, quàm ipsi locumtenentes Regis, qui nomine suo iudicant: Curia autem suprema nomine Regis, & semper loquitur Rex per eas, ergo verba Regis sunt pretiosiora & fortiora, quàm aliorum verba, videlicet Proconsulis & aliorum inferiorum.

Præterea commissa est suprema iurisdicção supremis Curia in omnibus causis, Gubernatoribus verò Regis non. Ideò ipsi in casu delicti possunt contra ipsum patriæ gubernatorem inquirere, & ipsum apprehendere, & postea Regem certiorare de criminibus commissis per eum, quod non posset facere Proconsul, ne quidem contra vnum Consiliarium. l. fin. C. vbi Senatores vel clarissimi.

Nec refragatur, quod olim Proconsules hanc haberent potestatem: quia Curia suprema non erant decretæ in prouinciis, sicut nunc sunt. Ideò Proconsuli hæc iurisdicção dabatur, sed hodie in regno secus: etiam olim non habebat maiorem potestatem, quàm Præfectus Prætorio, vt supra suo loco probauimus, in locum quorum successerunt Curia suprema, prout ibi tractauimus.

Nec me mouet d. cap. volentes. quia ille text. intelligitur, quando maior adest, fortè Princeps, vel Legatus à latere, sed in casu isto Proconsul non est maior in iurisdicção, quàm Curia suprema, à quibus non appellatur. l. j. ff. à quibus appellat. non licet. sed à Proconsule in arduis & criminibus appellatio recipiebatur.

Vnde infertur, Curias suprema posse exercere iurisdicçãoem etiã præsentem Gubernatorem, nec cessare earum imperium. Nam etiam si maior sit præsentem, non cessat iurisdicção ordinarij, maximè quando ille ordinarius non habet iurisdicçãoem ab illo. l. in hac. vbi glos. & Doct. C. de don. & in authent. de defenso. ciuitatum. §. nulla. collation. 3. Nec cessat iurisdicção Episcopi propter aduentum Legati. Bart. in l. si. infra eodem. Doctor. in d. cap. volentes. Bar. & alij in l. iij. §. si tam vicinum. ff. de damno infect. Barbat. consilio 45. mandato. col. 2. in 2. vol.

Ideò poterit Curia supremaprehendere, & punire nocentes etiam in ingressu Proconsulis inuentos, & hoc fuisse sua memoria factum, asserit Franc. Marc. in decis. Delphin. 37. in 2. parte. dum excellens Guasto Comes Fuxi, gubernator Delphinalis suum primū ingressum in ciuitate Gratiopolitana habuit.

Sanè si fiscalis, & c.] Limitat hinc Iuriconsult. cognitionem rei fiscalis non pertinere ad Proconsulem, sed ad procuratorem Cæsaris, & quæ hinc vocat procuratorem Principis, in tit. inferiori appellat procuratorem Cæsaris, vt dicam. Ratio huius text. est, quia specialis potestas data erat Procuratori Cæsari, ergo derogat generali, quæ data erat Proconsuli, per regulā iuris, Generi per speciem derogatur. & in c. 1. & c. pastoralis, de rescript. probat decisio. Neapol. 41. quidam medicus, vnde & hodie diuersi sunt iudices in Francia. Nam alij sunt Seneschalli, alij sunt iudices fiscales, vt Electi & Generales, de quibus suo loco dicitur. & maximè in Constit. Reg.

## S V M M A R I A.

- 1 Delegatio regulariter sine causa cognitione fieri potest.
- 2 Papa, Principes vel Parlamenta partes inauditas condemnare, vel absolvere non debent.
- 3 Filio ingrato pater iure alimenta denegare potest.
- 4 Iudex non audita altera parte, potest pauperi, libello supplicanti, Aduocatū decernere.
- 5 Concedenda apud acta per literas, vel per libellum expediri non possunt.

§. Vbi decretum necessarium est, per libellum id expedire Proconsul non potest. Omnia enim quæcunque causæ cognitionem desiderant, per libellum non possunt expediri.

**V**Arios intellectus ad hunc textum afferunt iuris interpretes, quæ varietas præcipuè manat ex ambiguitate duorum vocabulorum, necnon ex vsu forensis ignorantia, quæ omnia, vt planè intelligentur, præmittenda est libelli quædam generalis significatio. Siquidem aliquando pro exiguo libro, & literis, seu scriptura capitur. vt l. si ego. §. planè. ff. de iure dot. vbi sic Vlpianus scribit: Planè si rerum libellus marito detur, vt Romæ fieri videmus. Nam mulier res, quas solet in vsu habere in domo mariti, neque in dotem dare, in libellum solet conferre, eumque

*Iurisdicção ordinarij non cessat, etiam si maior sit præsentem.*

4

*Curiarum supremarum potestas.*

*Libelli variorum significatio.*



eumq; libellū marito offerre, vt iis subscribat, quasi res acceperit, & velut chirographum eius vxor retinet, & fatetur res quæ in libello continentur, domum eius se intulisse. l. si publicanus. §. j. de publ. & vectig. ibi, *Significet ipsi libello manu sua scripto*. Et aliquando vocatur libellus diuortij. in l. si pœnituit. de diuort. Interdum inscriptionum libelli dicuntur, vt l. ij. ff. de adult. l. miles. §. *Socer cūm nurum adulterij accusatum se, libellis rēfēdi datis testatus fuisset*. & l. denuntiāsse. ibid. & libellos accusatorios scribit idem Vlpian. pro scriptura accusationem continente. Sic in l. libellorum. ff. de accusat. Adhæc pro supplicatorio libello sumitur in l. minorum. C. de præd. & aliis reb. minor. ibi: *Minorum possessionis venditio, per procuratorem delato ad Prætozem, vel Præsidentem provincie libello fieri non potuit, cū ea res conficere recte aliter non possit, nisi apud acta causis probatis, quæ venditionis necessitatem inferant, decretum solenniter interponatur*. & l. libertus. ij. ff. de in ius vocand. & C. quando libel. Principi datus. & in l. ij. C. quemadmodum testam. aper. Capitur etiam pro ea scriptura, quæ breuiter comprehendit tenorem sententiæ ferendæ, & in formam postea redigendæ, nonnulli Breuiculum appellant. de quō in l. ij. C. de senten. ex libel. recitand. Nos Gallicè vocamus *Diction*. Aliàs quoque pro Apostolis, seu scriptura à iudice appellationis appellanti tradita: vt in tit. ff. de libell. dimisso. Est & libellus famosus, scriptura in contumeliam alterius facta. vt C. de libel. famos. Est & conuentionalis seu iudicialis, vt in authent. offeratur. C. de litis contest. & tit. de libel. oblatione. aliisque modis accipitur, quos hîc declarant Doctor. & ego inferiùs non omitam.

Decretum,  
qualiter ac  
cipiendum  
sit.

Decretum verò hîc interpretantur nonnulli accipi pro autoritate iudicis, quam adhibet in alienationibus rerum minoris. vt in l. magis puto. ff. de reb. eorum. & in toto tit. de præd. minor. sine decret. non alienand. Et in decernendis pupillo alimentis pro modo facultatum. l. j. & ij. ac per totum. ff. Vbi pupil. educa. debeat. necnon in transactionibus alimentorum. l. cū ij. ff. de transact. Enumeraui alios casus, in quibus hoc decretum interponi solet. in tit. de conclus. Lateranensis Concil. in verbo, decretis. Alij verò capiunt pro omni deliberatione, seu ordinatione iudicis.

De eadem  
re.

Ego verò putarem hîc decretum generaliter accipi pro statuto: seu iudicis pronuntiatione. Quemadmodum Vlpian. ait pronuntiatum & statutum idem dici posse, promiscuè enim, & pronuntiasse, & statuisse solemus eos dicere, qui ius habent cognoscendi. l. pronuntiatum. ff. de verb. signific. vbi scripsi. Sic igitur decernere, pro statuere (nec magis in vna, quàm in alia significatione capiatur) id est, suam certam proferre sententiam. in l. pen. ff. de iustit. & iure. l. j. ij. & iij. ac l. fin. ff. vbi pupil. educa. debe. vbi in vna lege dicitur, *statuet*, in alia *decernet*. Quamuis enim las. & Alciat. restringere volentes dicant, decretum esse iudicis ordinationem solenniter interpositam, absolutionem, vel condemnationem non continens, vt differat à sententia: posset hoc quidem admitteri in materia alienationis, & vbi iudex suam debet interponere autoritatē. Sed hoc loco prædictæ adhærerem opinioni, cui astipulatur Stella, vt pro qualitate materiæ generalius capiatur, verbi gratia, iudex non debet sine causæ cognitione decretum interponere. l. magis puto. ff. de reb. eorū. multò minus

sententiam definitiuam decernere. l. ij. C. de senten. ex libel. recitan. Et quia ratio generalis est. l. regula. §. fin. ff. de iur. & fact. ignor. l. cū pater. §. dulcissimis. de legat. ij. las. in l. j. §. fuit. ff. ad Treb. tum quod sententia definitiua decretum vocatur. l. decreta. ff. de re iudic. & l. j. ff. de constit. Princip. l. si Prætor. de iudic. l. cū iusto. de collusio. detegen. Tamen apud Iurise. duobus potissimè modis decretum accipitur. Primò, quādo quid pro tribunali causa cognita decernitur, non de plano, id decretum Iuriscons. vocant, vt hîc, & in l. ij. ff. de bono. possess. decretalem vocantes bonorum possessionem, quæ causa cognita pro tribunali decernitur. Edictalem verò, quæ ex edicto de plano, sine cognitione datur. l. j. §. decretalis. ff. de successor. edict.

Decreti duplex significatio.

Etiā decretum accipitur pro eo, quicquid Prætor, vel Præsides statuit de re pecuniaria, siue cauere iubeat, mittatue in possessionem, siue interdictum reddat, aut iudicium, siue iudicet ipse, & sententiam ferat. l. j. ff. quod quisque iur. l. si Prætor. de iud. l. Prætor. §. primo. de dam. infect. l. si quis. ne vis fiat ei, & c.

De eadem  
re.

Verū, vt propiùs ad interpretationem nostri text. accedamus, tres ad hunc præcipuè intellectus assignantur. Primus ab Accursio, cum quibusdam eius sequacibus, nempe quòd ea, quæ causæ cognitionem desiderant, non possunt per libellum expediri, id est, per iudicem delegatum, intelligendo per consequens ea non posse delegari, quemadmodū etiam interpretantur. l. omnia. ff. de regu. iur. qui intellectus non potest congruere isti text. siquidem nullum verbum de delegatione, sed de causæ cognitione. Quod si de delegatione intelligeretur, non video quid impediat, quominus delegatio fieri possit per libellum, regulariter enim causæ cognitionem non requirit. l. obseruare. in fi. cum l. seq. suprā eodem. & l. vnica. C. qui pro sua iurisdic. §. ad hoc id prohibemus. in authent. de colla. collat. 9. Potest nempe iudex absentibus & inuitis partibus, salua recusatione, delegare. c. iudex. de offic. delegat. in 6. glo. in c. super. §. si verò. in verbo, si non possunt. illo tit. in Decretalib. Et qui potest inuitis aliquid facere, multò magis & ignorantibus, & absentibus. l. qui potest. ff. de regulis iur. plenè Doctor. in d. l. omnia quæcunque.

Tres ad  
hūc textum  
intellectus

Secundus intellectus est Budæi & Alciati lib. Paradox. 2. c. 3. necnon Corraf. & antiquorum Doctor. vt intelligatur de libello supplicatorio, qui intellectus, licet melius conueniat verbis text. verumtamen plus iusto restringere videtur nostrum text. generaliter loquentem. Idem in his dicerem, qui censent decretum hîc accipi pro autoritate iudicis interposita in actu alienationis minoris, vel in alio actu, vt suprā dictum fuit.

Tertius intellectus est dom. Stellæ generaliter hūc textum intelligentis pro omni iudicis ordinatione, quæ causæ cognitionem requirit, siue definitiua sit sententia, siue interlocutoria, siue quoduis aliud iudicis præceptum. Quæ quidem interpretatio plurimum congruere videtur generalibus verbis huius textus. Adderem tamen non solum intelligi posse de libello à parte dato, sed etiam à iudice, veluti Proconsule, vel alio, vt videlicet Proconsul non possit expedire causam per libellum, id est, scripturam, vel suam, vel partium, in qua decretum est necessarium. Is igitur est verus intellectus nostri text. vt cū quæretur, an possit Proconsul per libellum, & scripturam,

vel par



vel partis, vel suam expedire ea, in quibus decretum est necessarium? Respondet Vlpianus ubi decretum necessarium est, & iudicis cognitio, & pronuntiatio, non poterit Proconsul, per libellum, vel scripturam sine cognitione, & pronuntiatione factam expedire negotium, ea scilicet ratione: nam quaecunque causae cognitionem requirunt, non possunt per libellum expediri. Et ex hoc text. sumpta est regula iuris. Omnia quaecunque causae cognitionem desiderant, non possunt per libellum expediri. ff. de regul. iur. Itaque si Proconsul literas suas ad petitionem partis vellet decernere, inhibendo, praecipiendo, vel statuendo contra partem absentem, non posset, nec subscribere libello, vel scripturae datae à parte, ut quidpiam fiat, quod pars requirit, scilicet cum requiritur causae cognitio. Sic igitur ego intelligerem hunc libellum accipi non solum pro supplicatione partis, sed etiam pro literis iudicis, ut nec possit ipse concedere literas, ut talis domus vendatur, aut quod fructus ex tali re mea capiantur, aliaue statuere, quae causae cognitionem desiderant. l. minorum. C. de praed. minor.

*Libellus pro literis etiam iudicis accipitur.*

*Ratio dubitandi ad hanc legem.*

Ratio dubitandi ad istam legem erat: quia Proconsul plenissimam habet iurisdictionem, & maius imperium omnibus post Principem, in provincia sibi decreta, ut nihil in ea fieri possit, nisi accedente eius auctoritate. dicta l. vij. & l. sequent. iuncta hac lege. Videbatur ergo eum instar Principis posse quodcumque expedire per scripturam, & per libellum. Contrarium dicit hic text. Nam quamvis Proconsul plenissimam habeat iurisdictionem, non tamen partes inauditas condemnare, vel absolueret potest, alioque actus gerere, cognitionem causae requirentes. Quemadmodum Deus Optimus Maximus nos edocuit, qui Adam noluit condemnare, nisi vocatum & auditum, sic nec Sodomam euertere. Genes. 3. & 18. c. & cap. Deus omnipotens. secundo. quaestione prima. & cap. serpens. de poenit. distinct. prima. cap. qualiter. de accusat. Ita nec quidem Papa, Principes, Parliamenta, vel alij quantumvis supremi magistratus. cap. primo. de caus. possessio. cle. pastoralis. de re iud. Siquidem ubi pars laedi potest, vocanda est, & audienda. l. de vnoquoque. ff. de re iudic. dict. clement. pastoralis. illo titulo. Vnde Fenestella in suo libello de magistratibus Roman. sic ait: Ipse enim Proconsul lites, quae seriosa excussione, animaduersioneque indigent, summam tractare, ac definire non debet. Ea vero, quae cognitionem exactiorem non desiderant, ut obsequium à libertis, patronis, & à liberis parentibus debitum, summam pronuntiare poterit, quod de plano vocant. §. de plano. infra. eodem. sic in fine huius textus dicitur Proconsulem ea, quae communia sunt Praesidum, debere observare: causae autem cognitio communis est Praesidibus, ut patet in tit. seq.

Duo igitur ex hoc textu colligenda nobis erunt usu quotidiana. Primo, quod iudex in his, quae causae cognitionem requirunt, nihil potest statuere, decernere, vel pronuntiare per solam scripturam sine causae cognitione. Vnde si petam à iudice talem ex domo expelli: quia finita sit sua locatio, vel quod male in re versatur, vel quia ego dominus re locata indigeo, huic libello respondebit iudex hoc modo, faciat supplicationem in iudicio, vel compareant partes, & similibus verbis, ut sic non nisi cum causae cognitione expellatur inquilinus: prius enim audire

*Qua causa cognitionem requirunt, per solam scripturam expelli non possunt.*

debet partem, & postea decernere, ut facit hic l. æde. C. locat. cap. propter. in fine. de locat. Quod si econtra simpliciter responderit iudex, subscribendo, fiat, vel eiiciatur, ut requirit pars, non valebit hanc subscriptio. l. iudex. C. comminatio. vel epistolas, ibi: *Nam subscriptionem ad libellum datam talem, qua diuersam partem in possessionem fundi mitteret, vicem rei iudicate non obtinere, non ambigitur.* Ita si dicam iudici, Titium mihi esse obligatum, petens ut concedat literas adprehendendum eum, & in carceres detrudendum, quousque soluat, iudex concedere non debet, nisi constiterit ei de instrumento obligatorio sic concepto. l. fin. ff. quod metus caus. glos. in l. tertia. §. tutores. ff. de suspect. tuto. quam glos. approbat Ias in §. primo. num. 90. Instit. de actio. quo casu etiam absque alia iudicis auctoritate iam condemnatio est à notorio facta.

Amplia etiam in summariis per hunc textum, ibi: Omnia, & quaecunque. Siquidem hinc generalitas geminata plus aliquid operari debet, quam simplex. l. Balista. ff. ad Trebellianum. facit l. qui habebat. ibi: *Omnia quaecunque in Syria habeo.* ff. de legatis tertio.

*Ampliatio ad textum.*

Vnde si filius offerat libellum iudici, ad compellendum patrem sibi alimenta praestare, id non decernet iudex antequam patrem audierit: potest enim esse filius ingratus, cui pater alimenta iure denegare posset. l. si quis à liberis. §. idem iudex. ubi glos. ff. de liber. agnoscend. & in hac lege. §. de plano. nempe requiritur etiam in summariis causae cognitio, sicut in plenariis, nisi quod breuior esse debet. clemen. saepe. de verborum significatione. Bartol. in extrauag. ad reprimendum.

Extenditur etiam generaliter hic text. ad omnes actus, in quibus exigitur causae cognitio sine qua, si iudex inaudita parte suam protulerit sententiam, nullius erit momenti. l. cum hi. §. si Praetor. ff. de transactio. l. ex stipulatione. C. de sentent. & interlocutio. omnium iudicum. cap. ad audientiam. in verbo, denunties non obtinere. de appellat. Bartol. & alij in l. ij. C. de edend. glos. & Doct. in c. Ecclesia sanctae Mariae. de constit. ubi ponitur regula cum ampliatio. & limitat.

*Ampliatio altera.*

Non refragatur lex secunda. C. de sentent. ex libel. recitan. ubi iudex sententiam definitiuam in libellum confert, & ex libello recitat, & valet illa sententia per libellum recitata, & prolata. Respondeo; iudex non potest per libellum, nisi causa cognita sit, vnde Imperator ait: *Ea quae causa cognita statuuntur, subscriptionibus reuocari non posse, saepe rescriptum est.* l. iij. C. comminatio. vel epistolas.

Causae autem cognitio requiritur ferè in omnibus, in quibus pars laedi potest. l. de vnoquoque. ff. de re iudic. potissimum in his, quae facti sunt, quomobrem vocanda est pars: in his vero quae sunt iuris, non. l. in causae. §. causa cognita. ff. de minor. Et sic olim Imperatores (ut docet Stella) respondere solebant, quaestionibus iuris simpliciter respondendo. l. item veniunt. §. pridie. ff. de petitio. haeredita. l. rescriptum. de distractio. pignor. Quod si quaestio facti ambiguitatem includebat, solebant respondere: *Si ita esset, si preces veritate nitantur.* l. fin. C. de diuers. rescript. l. sed addes. §. fin. ff. loca.

*In quibus causa cognitio requiritur.*

Secundò notare possumus ex hoc text. argumentum à contrario, quod in iure probatur. l. j. de offic.



*Quæ causa cognitione non requiritur per solū libellū expediri possunt.*

eius. scilicet, quod ea quæ causæ cognitionem non requirunt, possunt per libellum simplicem expediri: veluti. si quispiam, à quo furto substracta est res, probabilibus argumentis dicat rem substractam esse, penes talem, libellumque supplicatoriū porrigat iudici, petens familiam ad eam rem perquirendam, in domo talis suspecti, poterit hoc iudex absque alia causæ cognitione decernere, videlicet, quia ista res celeritatem desiderat. l. requirendi. C. de seruis fugiti. ibi, *Prædialis officij est.* l. omnes. de aquæductu. libro II. nec causæ cognitionem requirit.

4 Adhæc, si pauper libello supplicet Aduocatū sibi dari, iudex id decernet non audita altera parte, vt constat in fine huius legis. Idem si petat sibi distributionem Aduocatorū fieri: quia fortè diues omnes Aduocatos, rectos, & doctos præoccupauerat, claudos autem & ignorantes huic pauperi reliquerat, quo casu iustè poterit exigere pauper vnum saltem ex rectis & bonis sibi præstari, sicut probatur in l. prouidendum. C. de postul.

*Praxis regni Fræcia, quoad subscriptionem libellorum quorūdam.*

Ex hoc loco etiam non est omittenda praxis alia huius regni, multum iuri scripto congrua quoad subscriptionem horum libellorum, vt soleant quidam nostri iudices concedere literas, quibus inhibent, præcipiunt, iubent, prout negotium sese offert colliganti, ne quidpiam faciat, attentet, cum adiectione clausulæ: *Nisi causam allegare volueris.* Ad quam proponendam, si fortè proponat, iubent apparitori certos ei diem & horam præstitui, vulgò dicimus in casu oppositionis, Gallicè: *En cas d'opposition, refus ou delay, adiournez les opposans, ou delayans à certain & competent iour.* [In casu oppositionis, recusationis, vel dilationis, opposentes, vel differentes ad certum & competentem diem citato.] Et tunc præceptum hoc dicitur resolui in simplicem citationem, secundum Bartolum in l. prima. per illum textum. de executio. rei iudic. quam tamen formam reprobat hoc loco Bartol. dicens nequaquam incipiendum esse ab executione, nec per libellum actum expediri debere, cum decretum necessarium est, quemadmodum hîc dicit esse necessarium. Verumtamen sic promiscuè seruat vsus Franciæ, vt abundè scripsi in primo tomo Commentariorum ad Constitut. Reg. tractat. de libel. obligator. articulo sexto. glossa secunda. Ratio praxis esse videtur. Nam comparanti hoc casu nulla fit iniuria, datur enim ei re integra libera defendendi, & impediendi in iure facultas, quem vsus confirmat Bald. dicens esse introductum pro faciliiori & breuiori iudiciorum exitu. vt ipse docet in l. scire oportet. ff. de excusa. tutor. Corset. in singular. incipiente, Citatio.

*Praxis præcedentis ratio.*

5 Tertiò colligere possumus ea, quæ apud acta concedenda sunt, non posse per literas concedi, nisi apud acta. l. minorum. C. de præd. minor. Et ideò in integrum restitutio minoris, quæ causa etiā cognita fieri debet. l. in causa. prima. §. causa cognita. ff. de minor. non poterit per libellum expediri vt hîc, sic curatorem habenti, non potest alius adiungi, nisi causa cognita. l. curatorem. Cod. qui dare tutores possunt.

Postremò addit hîc Ias. multos casus in quibus proceditur sine citatione, & alios Hyppolit. in l. de vnoquoque. ff. de re iudic. & centum quindecim casus congerit Anthonius Nicellus in Concord. glos. iuris canonici & ciuilib. concord. §2. qui omnes ferè

sublati sunt contrario vsu forensi, quippe semper vocari solet pars, & citari, si grauari possit, aliàs illi nocere non debet, quod ea inaudita factum fuit. l. absentem. ff. de pœnis.

*Vsu forensi in parte semper citanda.*

### S V M M A R I A.

1. *Iudices debent Aduocatos & Procuratores, quid perperam agentes, punire.*

2. *Clientes non possunt Aduocatis suis loco salarij promissiones, instrumenta, aut chirographa tradere.*

§. Circa Aduocatos patientem esse Proconsulem oportet: sed cum ingenio, ne contemptibilis videatur: nec ideò dissimulare, si quos causarum concinnatores, vel redemptores deprehendat, eosque solos pati postulare, quibus per edictum eius postulare permittitur.

Officium boni Proconsulis docet, vt patiens sit circa Aduocatos. vnde refert Marcellus in l. proximè. ff. de his quæ in testa. delent. Iunium Zenonè his verbis dixisse Imperatori: *Rogo domine Imperator audias me patienter.* quod facit contra quosdam Præsides Curiarum cerebroso, nolentes Aduocatos audire, & si eos audiant, probris afficiunt, qui Præsides, si officio Aduocati fungerentur, ridiculos fortè omnibus se præberent. Considerare itaque parentes debent, quod & filij fuerunt, & filij quod parentes efficientur. §. hæc autem. in authent. vt cum de appella. cognosc. collat. octaua. & Diuus Gregorius sic scribit Ioan. Episcopo Syracusa. Tales nos erga subiectos debemus existere, quales nos si subiecti essemus, vellemus esse Præpositos. c. quorundam. 74. dist.

*D. Gregorius præclara sententia.*

Item docet quomodo Proconsul eos audire debet cum ingenio, videlicet cum industria & solertia, ne sit contemptibilis. Nam si quadruplicationem vellet audire, & illos semper obstreperantes vsque ad nauseam, contemptibilis esset, sed eos audiat, vt decet, à petitore petitionem & replicationem, à reo defensionem & duplicationem, vt constat titul. de replica. in Institut. Et ita consuetum est in Curia Franciæ seruari, & hoc erit cum ingenio audire, & est pulchra phrasis Iuriscon. cum ingenio aliquid facere, vel audire, vel aliud, & sine ingenio, contrarium. & in l. obseruandum. in fin. de offic. Præs. dicit: *Ita summum ius reddi debet, vt auctoritatem dignitatis suo ingenio augeat.*

*Quid sit cū ingenio aliquid facere, vel audire.*

Adhæc non debet dissimulare, si inuenerit aliquos Aduocatos, vel Procuratores causarum concinnatores. Concinnatores sunt, qui lites delationibus, frustrationibus, & cauillationibus protrahunt, & poliunt, vt malam causam, videri faciant bonam, vt dicit glossa in cap. primo. de confessis. libro sexto. glossa in l. quod si nolit. §. culpam. in verbo, adhibuerit. ff. de ædil. edict. Alexand. libro quarto Genialium cap. decimoquinto fusiùs declarat, qui sint hi concinnatores. Ideò Iustinian. scribit in §. *Si verò iudex aliquis aliquam senserit malignitatem ab aliquo ministrantium fieri, expellant quidem auditorio eos, qui non cum utili opinione causis vtuntur.* in authent. de iudicib.

*Causarum concinnatores res qui sunt.*



iudicib collat sexta. quod facit contra Procuratores multos, qui malitia, & subterfugiis vtuntur in causis sibi commissis, sed cacodæmon eos sine dilatione, si non resipiscant, à morte ad inferos perducet.

*Litium redemptores qui dicantur.*

Redemptores litium sunt, qui litis effectum mercantur, & de quota litis paciscuntur. l. item. C. de pact. l. si remunerandi. §. maurus. ff. mandati. & quot modis accipiat verbum, Redemptoris, in iure, scripti in l. sape. ff. de verb. signific.

Ex hoc text. etiam colligitur, iudices debere punire Aduocatos, & Procuratores coram eo cauillantes, & quicquam perperam agitantes, nec debet dissimulare illud peccatum, & astutè celare malum perpetratum. Nam dissimulamus vera, falsa simulamus. l. falsus. ff. de furt. dissimulamus non esse, quæ sunt, & simulamus quæ non sunt. Accursius in l. prima. ff. de concussio. l. statuliberum. §. primo ff. de statulib.

Vnde Senatus prohibuit, ne clientes suis Aduocatis promissiones, instrumenta, aut chirographa tradant, etiam pro salario, sed liberum est Aduocato petere à iudice, coram quo causa agitur, vt salarium sibi taxetur, & sic fuit annullatum chirographum sex aureorum factum Aduocato nominato *Tyrā*, à quodam Solicitatore, anno 1554. die 17. Martij. argumen. l. medicus. ff. de variis & extraord. cognit. l. quisquis. §. praterea. C. de postul.

#### S V M M A R I A.

- 1 *Custodie, etiam de plano audiri possunt, & damnari.*
- 2 *Princeps, vel alius quispiam iudex non debet filium à patre oblatum, ad mortem damnare.*
- 3 *Questiones domestica intra domum terminanda, nisi iudicium requirant.*
- 4 *Cause coniunctorum & affinium per totam Italiam arbitris committuntur, ac per eosdem finiuntur.*

§. De plano autem Proconsul potest expedire hæc, vt obsequium parentibus, & patronis, liberisque patronorum exhiberi iubeat: comminari etiam & terrere filium à patre oblatum, qui non (vt oportet) conuersari dicatur. Poterit de plano similiter, & libertum non obsequentem emendare, aut verbis, aut fustium castigatione.

*Obsequium parentibus, & patronis præstadium, Proconsul de plano pronuntiat.*

Vlt Iurisconsult. vt Proconsul iubeat liberis, & libertis præstare obsequium parentibus, & patronis. de quo in titul. ff. de obseq. & poterit Proconsul comminari filio multam, & pœnam corporalem, si obsequium non præstet patri. in l. prima. §. cum patronus. supra vbi scripsi de offic. Præfect. urb. etiam de liberto.

Poterit etiam terrere filium minis, & verbis, & de hoc verbo, & territorio scripsi in l. pupillus. §. territorium. ff. de verb. signific.

De plano etiam hoc fieri poterit, non sedente pro tribunali Proconsule, & summarie procedendo, & vbi erit ei obligatus filius. facit l. prima. supra de constitut. Principum. l. vnus. in fine. vbi custodiæ non solū pro tribunali, sed & de plano audiri possunt, atque damnari. ff. de quæstio. l. prima. §. abolitio. ad Turpilia. Scripsi de hoc verbo, & de verbis, summa-

riè, sine strepitu, & figura iudicij, & aliis in 1. tomo Commentariorum ad Constitut. Reg. titul. de sentent. executio. artic. 9. glos. 2. vbi dixi quinque modis accipi verbum hoc, & effectus docui ibi. & licet non requiratur libellus secundum Bart. si causa sit modica, requiritur tamen verbalis requisitio, quæ in scripturam redigi poterit, vt ibi dixi, etsi iudex decreuerit hoc faciendum esse.

Comminari & terrere filium à patre oblatum. ] Colligi potest illa doctrina, quam Cepol. scribit cautel. prima. vt Princeps, Proconsul, vel alius iudex, nō debeat ad mortem damnare filium, quem pater obtulit, & allegatur pulcher text. Martiani. in l. milites agrum. ff. de re militari. §. Desertorem qui à patre suo fuerit oblatum, in deteriore militiam Diuus Pius dare iubet, ne videatur, inquit, pater ad supplicium filium obtulisse. Et Cicero etiam in Orat. pro Milone loquitur de nocente, qui se obtulit.

Ego tamen dicerem hoc esse valde periculosum filio, quia non omnis Princeps est ita pius, sicut diuus erat Pius Imperator, qui nomen sumpsit à probitate & clementia, & non putarem in grauissimis delictis patrem esse Salomone sapiētiorem, qui suum filium ita offerret: sed quando filius in patrem peccauit, morti non esset filius tradendus, si pater eum offerret, quia non videtur pater filium suum ad supplicium obtulisse, & sic loquuntur illa iura.

*Pro grauissimis delictis pater filium non offeret.*

Not. inter patrem matrem & filios quæstiones ortas intra domum terminandas esse, nisi iudicium exigant. l. congruentius. C. de patria potestate. Lucas de Penna in l. prima. de coarct. lib. 1. & ferè per totam Italiam causæ cōiunctorum & affinium per arbitros deciduntur, & ipsi compromittere cogendi sunt in arbitros. vt plenè docet Hyppolit. Marf. sing. 467. viget statutum. & Ioan. Blanc. in suo tract. de compromissis plenè hanc materiam tractat.

#### S V M M A R I A.

- 1 *Postulare in Curiis supremis apud Francos prohibentur, qui non sunt licentiat.*
- 2 *Aduocati frequentes, & qui in aliqua dignitate sunt, pupillis & furiosis dandi sunt.*
- 3 *Aduocato semel destituto, nunquam ad agendum copia datur.*

§. Obseruare itaque eum oportet, vt sit ordo aliquis postulationum: scilicet vt omnium desideria audiantur, ne fortè dum honori postulantium locus datur, vel improbitati ceditur, mediocres desideria sua non proferant: qui aut omninò non adhibuerunt, aut minùs frequentes, neque in aliqua dignitate positos Aduocatos sibi prospexerunt. Aduocatos quoque petentibus debet indulgere, plerumque fœminis, vel pupillis, vel aliis debilibus, vel iis, qui suæ mentis non sunt, si quis eis petat, vel si nemo sit, qui petat, vltro eis dare debet, &c.



*Proconsul  
quomodo se  
habere de-  
beat circa  
aduocatos.*

**H**ic docet Proconsulem quomodo se habere de-  
beat circa Aduocatos, & in §. circa. suprā. dixit  
debere eos patienter audire. Secundò, vt non de-  
beat dissimulare calumnias illorum, sed eos punire,  
qui illas exercent, ibidem. Tertiò, ne patiatur  
1 postulare, quibus non est permissum. Nam in l. pri-  
ma. ff. de postulan. quidam repelluntur, & in hoc re-  
gno Franciæ in Curiis supremis repelluntur, qui non  
sunt decorati, saltem gradu licentiæ: in Curiis autem  
inferioribus, saltem Præsidialibus, qui gradu Bacca-  
laureatus ad minimum honestari non sunt. vt con-  
stat edicto Regio. Quartò, debet per istum tex-  
tum iudex ordinem seruare in audiendis Aduocatis,  
videlicet vt prius audiat antiquiores, & postea alios  
pro ordine receptionis, ibi: Vt sit ordo aliquis  
postulantium, vt omnium partium deside-  
ria audiantur. vt in Castelleto Parisiensi est fieri  
solutum. facit l. j. ff. de albo scriben.

*Antiquio-  
res aduoca-  
ti, prius au-  
diendi sunt.*

Rationem adiicit text. Nam si aliqui audirentur  
propter honorem, aliis verò denegaretur audientia  
propter improbitatem, mediocres qui non sunt ho-  
norati, nec improbi, non possent sua exprimere de-  
sideria, & suam causam agere, si iudex versaretur  
inter honoratos, & scelestos, vt vni aurem præberet,  
aliis non. Nempe quidam mediocres fortè non adhi-  
buerunt Aduocatum, aut elegerunt minùs frequen-  
tes Aduocatos, id est, qui in iudicio frequentes non  
sunt, sed domi sapius se continent: ideò non potue-  
runt partes audiri, vel frequentes dicuntur, qui à par-  
tibus multotiens consuluntur, & multas causas ha-  
bent, ac clientes, ob id quia pars non accepit Aduo-  
catos & frequētes, & egregios, nō fuit audita, quam-  
obrem iudex, Aduocatorum ordinem sequi debet.  
Vnde Cicero pro S. Roscio scribit: Eo tempore Ro-  
scius erat Romæ frequens, atque in foro, & in ore  
omnium quotidie versabatur.

In aliqua dignitate positos Aduocatos.]  
Etiam dicit text. partes assumplisse quosdam Aduo-  
catos fortè iuuenes, incognitos, non positos in aliqua  
dignitate, id est, æstimatione, autoritate, & splen-  
dore, seu honore. Nam Cicero de Inuentione ait:  
Dignitas est alicuius honesta autoritas, quæ & cul-  
tu, & honore, & verecundia digna est.

*Dignitas  
quid sit.*

Quintò, Proconsul debet petentibus Aduocatum  
dare, ibi: Aduocatos quoque petentibus, de-  
bebit indulgere. l. j. de postulando. ff. Sextò, pu-  
pillis, furiosis, & aliis qui non possunt Aduocatos  
petere spontè, & sine petitione dare debebit, ibi, ple-  
rumque fœminis, &c. Sed quos præstare illis de-  
beat? Respondeo, frequentes, & qui in aliqua sunt  
autoritate & dignitate, per istum tex. etiam tutores  
sic dare potest. l. quod dicis. C. qui dare tuto. possint.

*Proconsul  
etiā sine pe-  
titione pu-  
pillis & fu-  
riosis Ad-  
uocatos da-  
bit.*

2 Septimò, si quis dicat se non inuenire Aduoca-  
tum, per potentiam aduersarij, Proconsul dare de-  
bebit, vt si fortè est quidam nobilis, & nobilis, qui  
omnibus nocet, non est qui contra eum postulare  
velit, iudex cogēt vnum, vel duos postulare pro  
paupere, & iudex isti Aduocato aut parti securita-  
tem regio nomine concedet, contra hunc potentem,  
si petatur, & opus sit.

3 Et si quis Aduocatus monitus à iudice ea excusa-  
tione, quæ nequeat comprobari, cuicumque parti  
patrocinium depegauerit, careat foro, sciat etiam  
nunquam sibi ad agendum copiam posse restitui. l.  
prouidendum. §. primo. C. de postulan. Et solet Ad-

uocatus dari sumptibus illorum, quibus dantur, si  
bona habeant: si verò sint pauperes, gratis Aduoca-  
tus tenetur seruire. vt docet Guido Papæ in decisio.  
Delphin. q. 561. si quis contra. & in stylo Parlament.  
tit. de Aduocat.

Octauò, si in vna Curia sint duo splendidissimi  
Aduocati, alij verò rudes, & diues, & potens assum-  
pserit hos duos egregios, si pars aduersa petat sibi  
distribui vnum, iudex prouidebit. d. l. prouidendum.  
& vocatur per dicanicos distributio concilij.

Bart. hic docet iudicem exercere officium suum  
posse, licet non petatur. de quo abundè scripsi in l.  
actionis verbo. ff. de verb. signifi. & in l. j. ff. de iurisd.  
om. iudic. & sic ad petitionem amicorum mendican-  
tium, vel alterius personæ, poterit legatum mendi-  
cantibus religiosis, relictum adiudicare. vt in l. Quin-  
tus. ff. de annuis legat. clem. exiui. de verb. signific. &  
Bart. in tra. & minorita. vberius tractat.

*Iudex po-  
test etiā nō  
postulatus  
officiū suū  
exercere.*

Quæ etiam omnium Præsidum commu-  
nia sunt, debent & ab his obseruari. ] Ex hoc  
text. colligitur quæ superius dicta sunt in Proconsu-  
libus, seruanda esse ab omnibus Præsidibus, & iudi-  
cibus, & in omnibus Curiis, quamuis Accursius su-  
perius multa enumeret specialia in Proconsulibus,  
quæ non possunt esse, si hæc omnia communia sint  
omnium Præsidum, sed fortè specialia sunt aliqua,  
sed non conscripta in hac lege.

#### S V M M A R I A.

- 1 Officialis antiquus dicitur, quandiu nouus in ciui-  
tate principali iuramentum non præstitit.
- 2 Gesta per Consules & Scabinos annales, ac Capitula-  
rios, etiam post administrationis tempus, valent,  
si in exercitio sint.
- 3 Specialiter concessum non continetur in principali.

#### L E X X. I D E M L I B. X. D E OFFICIO PROCONSULIS.



Eminisse oportebit, vsque in ad-  
uentum successoris omnia debere  
Proconsulem agere: cū sit vnus  
Proconsulatus, & utilitas prouinciæ exi-  
gat esse aliquem, per quem negotia sua  
prouinciales explicent Ergo in aduentum  
successoris debebit ius dicere. Legatum  
suum ne ante se de prouincia dimittat, &  
lege Iulie repetundarum, & rescripto Diui  
Adriani ad Calpurnium Rufinum Pro-  
consulem Achaia admonetur.

**I**sta lex docet, quantum duret officium Proconsu-  
lis, & regulariter erat annale. Tamen dicit text.  
oportere Proconsulem exercere officium suum vsq;  
in aduentum successoris, & ius dicere. Dubitatio erat,  
quia postquā tempus taxatū erat, ergo post tēpus  
non habet iurisdictionem, sed est tāquam priuatus. l.  
eū qui. ff. de iurisd. om. iud. At respōdet tex. esse vnum  
Proconsulatum vsq; ad aduentum successoris, quam-  
uis mutentur personæ, etiā sine prorogatione. Alber.  
in 1. parte statut. q. 159. item quærit. utilitatem etiam  
prouinciæ hoc maximè exigere, vt sit aliquis, per quē  
prouinciales negotia sua expediant. Vnde licet Pro-  
consul

*Officiū  
Proconsulis  
annale.*



consul ingressus fuerit fines prouinciæ, tamen non debet Proconsul antiquus cessare, donec successor ingressus fuerit illam celebrem ciuitatem, in qua degebat decessor. ita docet l. vnica. tit. seq.

Et sic quandiu residet officialis antiquus, dicitur idem officium numero, nec nouum vocari potest, nec dicitur nouus aduenisse, nisi iuramentum in ciuitate principali præstiterit, & morem seruauerit. in l. vnica. tit. seq. Bal. hîc. Iure nouissimo ante duos dies, quàm successor ciuitatem ingrediatur, antiquus deponet administrationem, vt nouus alterius ingressus non impediatur. §. si. in authen. de administ. collat. 7. quia prouincia sine iudice esse non debet: fieri enim minime potest, neque vlllo modo ferendum, sine iudice prouinciam relinquere. vt Iustinia. ibidem scribit. facit l. pridie. ff. de feriis.

Et si vltra tempus ipse administrauerit, pro statuto tempore stipendia habebit. per text. sing. in §. illud. ibid. quem not. Ludo. Rom. sing. 390. lex meminisse. Et hodie valent gesta antequam successor possessionem acceperit, quia administratio apud antiquum remanet. l. vnica. C. vt omnes iudices. §. administrationem. sic dicit seruari in omnibus magistratibus ordinariis, quoad iurisdictionem. Guido Papæ in decis. Delph. q. 501. vacante. Idem in tutore. l. vnica. C. vt causæ post pubertatem adsit tutor. quod etiam facit ad Consules & Scabinos annales, & Capitularios, & Rectores Vniuersitatum, vt si post tempus administrarent, valeant gesta per illos, donec in exercitio sunt.

*Legatus cōtra voluntatis successoris nō administrabit.*

Primò limitatur istā legem non procedere, quando Proconsul crearet legatum, quem mitteret ad decessorem, ei interdicēs, ne amplius administrationem exerceret, eo casu legatus omnia administrabit citra supplicium nouissimum & membri abscissionem. §. ad hoc id prohibemus. in authen. de collato. colla. 9. Nam licet possit hic decessor administrare præter voluntatem successoris, vsque in eius aduentum, non tamen contra voluntatem. argu. l. Pompo. ff. de procura. l. maritus. C. illo titul. & postquam est alius iudex, ergo iste decessor non poterit administrare. text. in authen. de administ. colla. 7. vide Paul. Castr. consil. 184. videtur. vol. 1.

Secundò, vitatur in eo, quod specialiter cōcessum est, ob id Legatus post tempus conferre non poterit, vt Bal. docet hîc. & not. in addit. ad Guid. Papæ decis. 501. vacante. Nam licet principale duret vsque ad aduentum successoris, non tamen speciale. arg. l. obligatione generali. ff. de pignor. & extraordinaria non intelliguntur pro regula. l. Seio. §. j. ff. de annuis legat. l. si cum Hermes. C. locati. Vnde si Rex concesserit officiali iurisdictionem ad annum, cum potestate locandi fructus Castellaniarū, & alios redditus Regis, iste non poterit post annum locare, etiam si successor non aduenerit, vt docet hîc Alber. allegat. l. j. inf. de off. Procur. Caesar. l. is qui. §. planè. quod vi aut clam. Tamen nō video rationem diuersitatis, & si principale duret, cur accessorium extingueretur, nō video. l. cum principalis. ff. de reg. iur. & iste text. generaliter loquitur, potestatem durare: ergo in omnibus, alioqui text. iste diceret, in quo extingueretur.

Tertiò, non procedit in insignibus, lictoribus, & imperio, quæ non deponet, nisi portā Romæ ingressus fuerit. l. si. inf. eod. sed administrationem sic, adueniente successore, vt hîc, & dicitur in d. l. fin. inferiùs.

Quartò, non habet locum, si ageretur de nouo fa-

cto. Vnde si iudex Ecclesiasticus relegauerit aliquem clericum ad annum, & is interim nubat viduæ, si reuertatur ante tempus præstitutum, non poterit iudex Ecclesiasticus illum bigamum punire, & duplicare tempus: iuxta l. aut damnum. §. quisquis. ff. de pœnis. sed iudex laicus propter mutationem conditionis. arg. l. pen. C. si seruus exportan. vendat. l. licitatio. §. ficus. ff. de publica. & vec. l. j. de pœnis.

Quintò, etiā magistratus ordinarij Franciæ creati ad bene placitum Regis, non carent potestate per mortem Regis, nec per aduentum successoris Regis propter publicā vtilitatē, ne regnū interim sine magistratibus remaneret. text. in auth. de administ. colla. 7. & l. si quis mācipiis. §. si impubes. ff. de instito. actione. Nam quamuis iurisdicção delegata finiatur morte mandātis, l. & quia. ff. de iuris. om. iud. non tamen ordinaria. vt ibi Doct. & per istum tex. quia semper remaneret Proconsul, si non alius mitteretur. Nec me mouet. c. si gratiosæ. de rescript. in vj. qui loquitur in retentione duorum beneficiorum, quæ est odiosa, non autem in concessione vnius. Nam tunc duraret, quousque successor reuocaret. Alber. hîc. per auth. de referenda. collat. 2. & hoc seruatur in regno Franciæ.

*Magistratus Franciæ ad beneplacitū Regis creati.*

Bart. hîc trahit ad quæstionem statuti, dicentis teneri quem, si alium aggrediatur in domo eius, an si in ostio, vel porticu aggressus fuerit teneatur? Respondet, videri aggressum in domo, quia dictio in, ad, & vsque cohærentiam denotant, & sic omnis locus domui cohærens, dicitur de domo. l. prædiis. §. pen. ff. de lega. 3. Barba. in clem. causam. col. 63. de elec. & plenè Bened. in c. Raynutius. in verb. domum. & hortum. de testa. & idem si aggrediatur eum in apotheca coniuncta domui. l. lege Cornelia. in fi. ff. de iniur.

*Aggressus in domo, quis dicatur.*

Ego autem puto doctrinam Bar. veram, sed istum tex. ad hoc parum seruire, quia differentia est inter dictionem, in, ad, & vsque. De dictione, vsque, plenè tractaui in l. absentem. ff. de verb. signi. nec hîc repetam, vbi posui regulam, cum limita.

#### §. Legatum suum, & c.

EX hoc text. habetur Proconsulem non debere dimittere legatum suum, antequam ipse discedat, vt vterque respōdeat ratione suæ administrationis in illa prouincia, & debet stare quinquaginta dies post depositam administrationem. l. j. C. vt omnes iudices, tam ciuiles quàm milit. alioqui rei maiestatis fiunt. in auth. de administ. §. si quis autē. colla. 7. vbi etiam dicitur administratorem prouinciæ teneri conficere gesta monumentorū, quæ aduenerunt in prouincia tempore sui magistratus, vt & illis se tueri possit.

*Proconsul & legatus debet 50. dies stare in prouincia, post administrationem.*

Et quamuis Proconsul posset adimere iurisdictionem Legato. l. solent. supra eod. tamen post priuationem ipse debet alium sibi Legatum eligere, & is remotus in vrbe, in qua administrauerit, quinquaginta saltem dies residere debet, vt pro tempore suæ administrationis respondeat. d. l. vnica. C. vt omnes iud.

Lege Iulia repetundarum. ] Hæc lex Iulia repetundarū pertinet, ad eas pecunias, quas quis in magistratu, potestate, curatione, legatione, vel quo alio officio, munere, ministeriōue publico acceperit. l. j. ff. ad leg. Iul. repetund. & q̄ contra legē repetundarum Proconsuli, vel Pretori donatū est, nō poterit vsucapi. Eadē lex vditiones omnes, & locationes ei rei causa pluris, minorisue factas, irritas facit, impeditq; vsucapionem. l. pen. ibid. alia ibi tractantur, quæ fortè alibi declarabo. Interim materiā nostram prosequamur.

*Lex Iulia repetundarum quādo locum habeat.*



LEX XI. VENULEIUS SATVRNINVS  
LIB. II. DE OFFICIO  
PROCONSULIS.



**S**I quid erit, quod maiorem animaduersionem exigat, remittere Legatus ad Proconsulem debet: neque enim animaduertendi, vel coërcendi, vel atrociter verberandi ius habet.

*Modica castigatio an Legato permissa.*

**A**N Legatus possit castigare modicè, quod iste text. videtur concedere à contrario, sed hoc declarat Constantinus Imperator in l. j. C. eodem, sic: *Legati non solum civiles, sed etiam criminales causas audient, ita ut si sententiam in reos ferendam prouiderint, ad Proconsules transmittere non morentur.* Et sic Legati audiunt causas criminales, sed non decidunt, quare Vlp. ait: *Nemo dicit animaduersionem Legatum Proconsulis habere mandata iurisdictione.* l. j. in fin. de offic. eius, &c. ergo nec maiorem, nec minorem: quia indefinita vniuersali æquipollet. c. vt circa. de elect. in vj. l. si pluribus. ff. de legat. 1. & sic Venuleius ait: Neque enim animaduertendi, vel coërcendi, vel atrociter verberandi ius habet. Nec refragatur l. fin. de offic. eius. quia intelligitur regulariter modicam coërcitionem mandatam, quando Legatus decidere potest causam, secus si audire tantum, & remittere debeat. Et sic limitatur dicta l. fin. vnde sic mandata iurisdictione, non censetur coërcitio aliqua data, quando mandatur, vt quis audiat tantum, & remittat.

Nec me mouet iste text. ibi, atrociter, quia non debet sumi argumentum à contrario, ergo potest modicè. Nam esset contra istum text. dicentem, neque coërcendi ius illi datum, ergo nec modicè, nec atrociter, sed voluit iste tex. augere, dicens Legatum causam criminalem apud Proconsulem remittere teneri, quia non habet potestatem animaduertendi, puniendi, nec quidem coërcendi, aut atrociter verberandi. Nam dubitari poterat, postquam non potest coërcere, scilicet modicè. iuxta d. l. fin. An possit atrociter castigare. & hic text. remouet non posse, quamobrem ita intelligendus erit, quicquid dicat Accurs. & alij interpretes: quia is qui tantum audire potest, non habet etiam modicam coërcitionem.

S V M M A R I A.

- 1 Lex ista potest negatiuè & affirmatiuè legi.
- 2 Legatus non habens exercitium iurisdictionis, potestatem non habet dandi iudices.
- 3 Datio iudicis ad civiles causas spectat, non ad criminales.
- 4 Sententia sine iurisdictione proferri non potest.

LEX XII. PAVLVS LIB. II.  
AD EDICTVM.



**E**gatus mandata sibi iurisdictione, iudicis dandi ius non habet.

**D**Vobis modis legitur iste tex. negatiuè, & affirmatiuè. Negatiuè, inquā, vt Legatus non possit iudices dare, etiam si mandata illi fuerit iurdictio, quod intelligi debet, non posse, antequam Proconsul

prouinciam ingressus sit, quia cum iure Proconsul non possit iurisdictionem illi antea mandare. l. obseruare. in fi. supra eodem. nisi ex causa. vt l. seq. ibidem. si ante ingressum Proconsul mandauerit illi iurisdictionem, non ex eo tempore, quo mandata est, Legatus habet iurisdictionem, sed quo tempore prouinciam Proconsul ingressus est. d. l. obseruare. in fi. ideo Legatus non habet ius dandi iudicis; mandata sibi iurisdictione non iure, id est, ante ingressum Proconsulis, sed poterit etiam iudices dare, si semel ingressus fuerit, possessionemque acceperit, licet postea extra prouinciam existat. l. fi. supra. de offic. Praefect. vrb. & sic potest intelligi, si negatiua in text. ponatur.

Affirmatiuè etiam legi potest, vt Bologn. & multi docent, & maximè Catellia Corta in 2. parte memorabil. in verbo, Legatus. & excellentissimus Domin. Antho. August. de Rota in tract. de emenda. iuris: & debet intelligi, vt Legatus iure mandata sibi iurisdictione, vt post ingressum Proconsulis, iudicis dandi ius habeat, quia non est quod impediatur, postquam habet iurisdictionem, & iudices dare poterit. Nam Paul. sic scribit: *Iudices autem dare possunt, quibus lege, vel constitutione, vel Senatusconsulto conceditur, lege sicut Proconsul: is quoque cui mandata est iurdictio, iudicem dare potest, sicut Legati Proconsulum.* Et sic ferè ista in idem recidunt, tamen magis planus est intellectus, vt affirmatiuè legatur.

Vel consydera, si possit intelligi Legatum habere ius dandi iudices, ex quo mandata est sibi iurdictio, quia iurdictio est iudicis dandi licentia. l. imperium. infra. de iurisd. om. iudic. tamen potestatem non habet, nisi habeat iurisdictionis exercitium. vt l. j. & ij. supra eod. vnde saepius in lege 12. Tabularum scribitur: *Ius potestatisque esto.* Cum omnimodò hoc fieri possit, sed cum aliquod est adhuc impedimentum, vtpote quia exercitium non habet, tunc dicit ius habere dandi iudices, tamen illi iudices non possent cognoscere, antequam Proconsul posset, ego inhærerem secundo intellectui.

Item sciendum est, aliud esse mandare iurisdictionem, aliud esse dare iudicem. Nam qui iudicem dat, semper retinet sibi iurisdictionem, vt videmus in Cōseruatore Vniuersitatis Parisiensis. qui dat iudices vsque ad tres sententias conformes, sed imperium & iurisdictionem, quam habet, non mandat. Idem in Archiepiscopo Remensi, qui dare iudices potest in causis deuolutis per appellationem ad Papam, ex priuilegio ei concessio ratione legationis, nouissimè per S. Papam Paulum III. & diploma vidi concessionis Archiepiscopi, quandiu Archiepiscopus erit.

Et inter certas personas, causas, & ad cōtrouersias civiles iudices dari solent, iurdictio non. vt not. in l. vnica. C. qui pro sua iurdictio. iudices dare, darique possunt.

Item dare iudicem, respicit civiles causas, non criminales. Nam iurdictio est iudicis dandi licentia. l. imperium ff. de iurisd. om. iud. vt not. hinc Antho. Alibi dicā dare iudices, generale esse. vt Doct. per illū text. not. in l. j. ff. de offic. eius. & in l. a iudice. C. de iudic.

Et is cui data est iurdictio, & datus iudex, in illa causa habet iurisdictionem, alioqui ius dicere non posset. l. ij. ff. de iurisd. om. iud. Nam qui ius dicit, iurisdictionem habet. l. j. & l. imperium. ibid. licet Antho. hinc dicat iudicem hinc datum, tantum notionem sine iurisdictione habere, quod est contra l. a Diuo Pio. in princ.

*Iurdictio quid sit.*

2

*Mandare iurisdictionem, & dare iudicem, diuersa.*

3

*Index datus an iurisdictionem habeat.*



princip. ff. de re iud. vbi magistratus populi Rom. exequuntur sententiam iudicum à se datorum, ergo sententia valet. l. venditor. in fin. ff. de iud. alioqui exequi non debet nulla sententia, & sine iurisdictione non profertur sententia. l. j. ff. de re iud. vbi Doct. & l. Julia. de cond. indeb. Item potest prouocari à sententia iudicis dati ad dantem. l. j. & iij. ff. quis & à quo appel. ergo sententia valet. l. ex consensu. ff. de appel. Et sic iurisdictionem habet iudex datus. Doct. in d. l. à iudice.

Nec interesse puto aut parum quidem, inter eum cui mandata est iurisdictione in vna causa, vel eum qui datus est iudex in vna causa, vt probat Alciat. etiam in lib. 2. Paradox. c. j. in fin. quicquid dicant hinc Doct. alia dicam in tit. de off. eius, & c. His nunc contentus.

## S V M M A R I A.

1. *Substituti nihil iurisdictionis habent, nisi eis detur.*
2. *Legationes supernumerariae, item liberae & titulares dictae.*
3. *Legatus, etiam delegatus ab Imper. vocatur.*

LEX XIII. POMPONIVS LIB. X.

AD Q. MVTIVM.



**L**egati Proconsulis nihil proprium habent, nisi à Consule eis mandata sit iurisdictione.

**D**Vbitatio in hoc text. erat, an Legatus acceptus Romae habeat iurisdictionem, antequam fuerit ei mandata à Proconsule: videbatur iurisdictionem habere, postquam creatus est Legatus. Tamen contrarium docet hic text. nempe poterat quidam Legatus dari ad castra, alius ad prouinciam, & sine iurisdictione, vt tantum esset adiumento ad depellendos hostes, qui erant in prouincia: ideò non habent isti iurisdictionem, nisi fuerit eis mandata à Proconsule, vt docet iste text. Nam licet fuerit receptus Legatus, & substitutus, intelligitur in eo, in quo substituetur, & ad quod creabitur: oportet ergo quod detur ei potestas. Nam Episcopus eligit, & recipit Vicarium, tamen non habebit iurisdictionem, antequam illi ab Episcopo concessa sit. cap. j. de officio Vicar. in 6.

Nec refragatur, quòd delegatus non habeat propriam iurisdictionem, sed vice delegantis fungatur. l. j. in fin. ff. de off. eius. & iste text. contrarium dicere videtur. At ego ita respondeo: Non dicit iste text. Legatum habere propriam iurisdictionem, sed nihil proprium dicitur habere ante delegationem, id est, nullam iurisdictionem, antequam illi sit mandata, & postquam mandata est, non habet propriam, sed delegatam. Nec assumemus hinc argumentum à contrario, quia corrigerentur alia iura. glos. in cap. 2. & cap. significasti. de foro compet. Ias. in dicta l. prima. Et dum dicit nihil habere proprium, id est, nihil habent in sua potestate, nil iurisdictionis, nisi eis mandata fuerit iurisdictione, quasi dicat, simplices sunt substituti, nihil habentes administrationis, & iurisdictionis, nisi eis data fuerit. dicitur in l. prima. in fine. de officio eius.

Et sic multiplices sunt Legati, quidam sunt qui à Regibus, vel Principibus ad alios Principes causa belli: pacisue tractandae, vel ad alia negotia, prout occurrunt agenda, mittuntur. Et de his loquitur l.

sanctum. ff. de rerum diuis. & titulus de legatio. & hi Legati Caesaris vocantur. in l. j. ff. de off. Praesid. & Legatum Imperatoris pro Praeside exponit Venuleius in l. hos accusare. in prin. ff. de accusat.

Horum instar imperio extra Italiam aucto factum fuit, vt qui exercitum populi Romani ducebant, Consules, Proconsules, aut Praetores, suos quoque sibi legatos adsciscerent, quorum opera non solum in legionibus gubernandis utebantur, verum etiam ad legationes obeundas, & vices interdum supplendas, vbi vel diuidere atque separare exercitum opus esset, vel Romam auocari Ducem exercitus contingeret, vt in Histor. patet. Et hi distinguebantur. Nam quidam erant Legati liberi, alij Praetorij, Proconsulares, & expeditionis.

Liberi Legati, siue legationes liberae erant titulares, quando quis solo nomine Legati, velut ornamento quodam decoratus, ab vrbe discedebat, & non magis in vna prouincia, quam in alia Legati munereungebatur, dabanturque tales legationes regulariter voti causa implendi, quas Cornelius Tacitus lib. 4. supernumerarias vocat. & de hac Cice. lib. 2. Epistolarum ad Atticum, & alibi de his sapius, & maxime lib. 3. de Legib. vbi ridet istas legationes, sic dicens: Sed quæro quid re ipsa sit turpius, quam sine procuratione Senator, Legatus sine mandatis, sine villo Reip. munere? Et lege duodecim Tabularum erant istae prohibita his verbis: *Rei sua ergò ne quis Legatus esto.* Et Ulpianus scribit ff. ex quibus causis maior. l. Reip. causa eos solos abesse intelligimus, qui non sui commodi causa, sed coacti absunt. Ergo illi Legati honorarij, vel qui sui commodi causa absunt, non restituuntur gratia absentiae, si id temporis laedantur, quia non absunt Reipublicae causa. Et ibidem Alphen. ait. l. Non vere Reip. causa abesse dicitur is, qui sui privati negotij causa in legatione est. nec prodesse debet ei affectata legatio. §. item tria. de excusat. tutor. in Instit.

Praetorij Legati militares erant, qui Praetore contra hostem à Senatu missum, aut sorte in prouinciam excuntem, cum sua legione sequebantur, eiusque iussa, & mandata excipiebant. De quo Corn. Tacitus in histor. Iulij Agricol. & Aelius Spart. in vita Adriani.

Legati Proconsulares qui Proconsuli ad prouinciam regendam missi, aut in expeditionem dabantur. de quibus in hoc tit. agitur.

Alij erant Legati castrenses, seu expeditionis, qui ante constitutum maxime imperium legiones Consulibus mandatas ducebant, alique sunt plurimi. de quibus apud Rhetores, & scribit Laz. lib. 2. cap. 7. sed de his haecenus, cum parum ad ius pertineant.

Quod iste text. vocat Legatum, Imperator vocat Delegatum. in l. à iudice. C. de iudic. & Papa in titul. de off. Delegati. & alibi sapius.

LEX XV. LICINIUS RVFINVS

LIB. III. REGVLARVM.



**L**egati Proconsulis tutores dare possunt.

**A**Ccurf. & alij vix se extricare possunt à contrario. l. Nec mandante Praeside alius tutorem dare poterit. ff. de tutor. & curat. datis ab his. dicunt enim hoc Legatum facere legis beneficio, quod parum ad rogatum videtur accedere, sed iam ista conciliemus.

Legati liberi.

2

Legati Praetorij.

Proconsulares.

Castrenses.

Vicarius Episcopi non habet iurisdictionem, antequam ei concessa sit. Delegatus habet delegatam iurisdictionem.

Legati multiplices.



Sciendum autē imprimis est Vlpianum scripsisse in tit. de tutel. ff. in l. muto. §. *Tutoris datio neque imperij, scilicet meri, neque iurisdictionis est, sed ei soli competit, cui nominatim hoc dederit, vel lex, vel Senatusconsultum, vel Princeps.* Vnde idem Vlpian. ait: *Ius dandi tutores datum est omnibus magistratibus, etiam municipalibus.* l. iij. ff. de tutor. & curat. dat. ab his.

*Legatus  
Proconsulis  
quare tuto-  
res dare  
possit.*

Itaq; cum magistratus tutores dare possint, & Legatus Proconsulis sit magistratus, idē tutores dare potest, ut hīc: sed Præses nō potest mandare alicui non magistratui, ut tutorem det, quia ille non est magistratus, & lex, vel Senatusconsult. aut Princeps hoc nō permittit illi ad hoc delegato à Præsīde: idē ille tutores dare non poterit. Nam magistratum oportet inquirere, qui dat tutorem. l. diuus. ff. de tutor. & curat. ab his. & is, qui magistratus non est, non posset inquirere, & sic nec tutores dare. Igitur non potest iudex mandare alicui, ut is tutorem det, & ita iura intelligenda sunt. quicquid Accur. & alij hīc deceāt. Verumtamen lex indulget patribus, licet magistratus non sint, ut testamento tutores dent. ff. de testam. tutel. & §. permissum. de tutel. in Instit.

### S V M M A R I A.

- 1 *Episcopi & Archiepiscopi non possunt deferre crucem in præsentia Papæ.*  
*nec mitram in Episcopatu alieno. ibidem.*
- 2 *Oblationes, quæ diebus Dominicis, & in die sancti Laurentij, ipso die etiam Dominico adueniente, offeruntur, diuidenda.*
- 3 *Proconsulibus, expletis annis Proconsulatus, Imperatores providere soliti sunt.*

### LEX XV. VLPIANVS LIB. II. AD EDICTVM.

**P**roconsul portam Romæ ingressus, deponit imperium.

**I**dem dicunt Doctores in Papæ Legatis. per cap. antiqua. de priuileg. vbi loquitur in Patriarchis.

Ego tamen puto Patriarcham habere potestatem etiam in Papæ præsentia, quoad ea, quæ ad suum pertinent officium, & Patriarchatum. Idē conferre potest beneficia vacantia in sua Ecclesia. c. statutum. de præben. in vj. Et idem in Episcopis, & Archiepiscopis, sed non possunt deferre crucem in præsentia Papæ, ut ibi docet Panor. quædam esse insignia dignitatis, denotantia potestatem & imperium in loco, vbi portantur, & illis insignibus non potest ille vti, utpote deferre crucem, vel mitram in Episcopatu alieno, & hoc est prohibitum. c. ex tuarum. de autho. & vsu pallij. c. j. ut lite pendent. Nam hoc tendit in præiudicium Prælati illius loci, ne ibi duo videantur Prælati, & duo capita, quasi monstrum. c. quoniam. de offic. ordin. alia verò sunt insignia, quæ denotant dignitatem in persona insignita, ac potestatem, ut portare annulū, & illa possunt portari etiam coram Papa, vel alio superiore. teste Ioan. And. & aliis in d. c. antiqua. & c. ecce. 95. distinct. Barba. consil. 45. mandato. col. 2. volu. 2. & hoc implet desiderium eorum, qui deferunt, & ad nullius læsionem respicere videtur. l. fin. C. de præposi. sacri cubic. lib. 12.

Præterea ad consuetudinem, vel statutum istum text. trahit Bart. quo cauetur ut Archipresbyter habeat oblationes, quæ diebus offererentur Dominicis, Sacrista verò eas, quæ in die festi seu patroni Sancti Laurentij, qui si acciderit die Dominica, Archipresbyter oblationes habebit, quia naturalis causa attēdi debet. l. qui debet. ff. de tutel. Ego autē dicerem diuidendas oblationes, & sic satisfiet vtrique. Nam vtrique debentur, ergo nō sunt ab eo auferendæ, ut alteri tribuantur, & æquum est, ut plus faueatur ei, qui in anno tantum semel recipit, quàm alteri, qui sæpius, & omnibus diebus dominicis. Non refragatur, quod naturale debeat inspicere, fas esse, sed in hoc casu vnum nō potest plus dici naturale, quàm aliud, & ista ratio longè petita est, quoad hunc casum, & sic parum facit, alibi sæpius dicitur.

Dicit quis, administrationem Proconsul deponit ante duos dies, quàm successor ingrediatur ciuitatem, in qua ius dici solitum est. text. in §. si quis. & §. illud. in auth. de administr. collat. 7. ergo non Romæ. Respondeo, insignia & alia ornamenta non deponit Proconsul, antequam ingrediatur urbem, ut hīc. & docet Accurs. ibidem. sed exercitium imperij sic, per aduentum alterius, & licet Roma sit communis patria, tamen Proconsuli non est decreta communis patria, ergo ibi non habebit potestatem: imò postquam Romæ imperium à Consulibus accepit, cum illic ingreditur, illud imperium deponit, & ibi tantquam alius priuatus erit.

Aduertendum est apud Romanos consuetudinem fuisse, ut expletis annis Consulatus, & alterius Præfecturæ, Imperatores his decessoribus providere solebant, vnde commodè se, suamque familiam sustentare possent, ut docet Lampridius in Alexan. dicens: Si vnquā alicui præsentium successorem dedit, semper illud addidit: Gratias tibi agit Respublica, eumque muneratus est ita, ut priuatus pro loco suo posset honestè viuere, his quidem muneribus, agris, bobus, equis, frumento, ferro, impendiis ad faciendam domum, marmoribus ad ornandum, & operibus, quæ ratio fabricæ requirebat, aurum & argentum raro cuiquam, nisi militi dimisit, nefas esse dicens, ut dispensator publicus in delectationes suas, & suorum verterit id, quod prouinciales dedissent, quod etiam scribit Cæsiod. lib. 7. in formula Præsida. quos refert Laz. lib. 2. de Repub. Roman. c. 3. in fin. Fuit hæc Proconsularis dignitas apud Rom. in vsu frequens, maximique splendoris, donec temporis interuallo post Hadrian. Imperatorem & ordo & honor Proconsularis desineret. teste Alexan. lib. 2. Genial. c. 27. idē ad Præsides castra nostra vertamus.

*Proconsularis dignitas quousque durauerit.*

### De officio Præsidis. TIT. XVIII.

#### S V M M A R I A.

- 1 *Iudices & Consiliarij Præsidiales hodie vsque ad ducentas libras inclusiue in regno Francie iudicare sine appellatione possunt.*
- 2 *Præsidium diuersa nomina.*
- 3 *Differentia inter Proconsules & Præsides quanam fuerit.*
- 4 *Præsidium familia quibus ornata fuerit.*

#### LEX I.



## LEX I. MACER. LIB. I. DE OFFICIO PRÆSIDIS.



Omen Præsidis generale est, eò quòd & Proconsules, & Legati Cæsaris & omnes prouincias regentes, licèt Senatores sint, Præsides appellantur: Proconsulis appellatio specialis est.

*Præsidis nomen quousque extendatur.*

**I**urisconsultus ait Præsidis nomen generale esse, penè omnibus officiis conueniēs, adeò vt Proconsules, Legati Cæsaris, & omnes prouincias regētes, licèt Senatores sint, Præsides appellantur. Imò etiam Præfecti Prætorio Præsides vocabantur, quia præsidium omnibus & singulis concedere tenentur. l. pupillus. §. munus. ff. de verb. sign. vbi plenè docui. scribit Pollicra. in lib. de nugis curial. c. xj. consequens est, vt verbum præsidere, generale quoque sit. Modesti. in l. annuam. ff. de annuis legat. ac Vallà lib. 5. c. 65. Quamuis propriè Romano populo, constitutoq; imperio Præsides fuerunt, qui ex equestri ordine, vel externi homines, non à Senatu, verùm ab Augustis ad prouinciarum administrationem deligebantur; & earum quidem præcipuæ vocabantur, quæ minoris essent dignitatis, nec tantæ amplitudinis forēt, vt magna possent regna cōstituere, qualia libri præfecturarum enumerant, & Laz. lib. 2. c. 8. de Repub. Romano. Hodie verò cōmuni idiomate vocamus Præsides, Príncipes Curiarum supremarum, & ex adiuncto segregantur, & ita cognoscitur eius significatio, vt Præses Curia Parisiensis, Præses Curia generalium, Præses computorum, magni consilij, & cætera id genus.

**I** Etiam quæ dicuntur in hoc titulo in Francia, nos conuertimus ad Seneschallos, Bailliuos, & Gubernatorem Montispeffulani, qui iurisdictionem ferè partem istis habent, & per constitut. Henrici Regis secundi. Hodie iudices & Consiliarij Præsidiales vsq; ad ducentas libras inclusiue iudicare sine appellatione possunt, etiam vsque ad quingentas libras sententiæ illorum executionem habent per modum prouisionis, sed appellatio recipitur post executionem. Et si quis in hac summa quingentarum librarum obtinuerit sententiam, non poterit dicere vt exequatur plenè in ducentis libris, & appellatio tantum recipiatur in trecentis, quia vna est sententia, & non potest in parte valere, & exequi, & in parte non. l. in hoc iudicio. ff. familiae herciscun. Ideò recipietur appellatio post executionem ad quingentas libras, nec summa petita diuidetur. l. si idē. ff. de iurisd. om. iud. vbi dicitur. quamuis Budæ hos comparet viceregibus & locum tenentibus Regum, qui non solent ius dicere, sicut Præsides olim solebant, & licèt non conueniant in omnibus cum Bailliis, tamen in pluribus, quàm vice Regibus.

*Præsides in magno honore habent.*

Erant & hi Præsides olim in magno & præstanti honore, maximè apud Alexand. Seuer. qui Præsides ipsos prouinciarum, quos verè non fisionibus laudare comperit, & in itineribus secum semper in vehiculo habuit, & muneribus adiuuit, vt docet Lamprid. in Alexan. Seuero. In primis iura Prætorum illis concedebantur, & sic Legatos sicut Proconsules accipiebant, sellaque eadem sedebant, salariū am-

plissimum merebantur. Imò nullus ad Præsidatum recipiebatur, nisi qui quadraginta stipendia fecisset, hoc est tot annis militiam exercuisset, castraque Romana secuti fuissent, vt probat Cornelius Tacit. li. 2. historiae Augustæ, & lib. 3. ac Vopisc. in vita Probi: & quandoque ipsi Senatores ad prouincias regendas, & administrandas mittebantur, vt Iurisc. in hac l. 1. docet.

Imò ad Præsidatum receptus non facilè mutabatur, verùm ad septem, vel nouem annos in officio continuabatur, quamuis alia officia regulariter non continuarentur. vt in tit. C. de muner. & honorib. non conti. lib. x. & Cornelius sub finem lib. 1. sic ait: fuitque ea constantia, vt in septenos & nouenos annos in prouinciis bonos Præsides detineret.

Sed inclināte imperio hoc officium annuum factum est, sicut & alia. vt Cassiodor. tradit in formula Præsidat. lib. septimo. & inferius ostendam.

Præsidum autem stipendia sic ea scribit Lamprid. in Alexan. Iudices ait cum promoueret exemplo veterum (vt & Cicero docet) & argento & necessariis instruebat, ita vt Præsides prouinciarum acciperent argenti pondo vicena, phialas senas, mulos binos, equos binos, vestes forenses binas, domesticas singulas, balneares singulas, aureos cētenos, coquos singulos, & si vxores non haberent, singulas concubinas, reddituri deposita administratione, mulos, equos, muliones, & cocos cæteraque sibi habituri, si bene egissent, in quadruplum reddituri, si malè.

Erant & ex diuersitate prouinciarum diuersa Præsidum nomina. Alij enim etiā Præsides simpliciter dicti, nullo cognomēto addito, in Asia quindecim Præsides recēset fuisse Maria. sed non tot erāt in Aphrica, & hæ prouinciæ Præsidales dicebantur. Alij præfecti prouinciarum, & ex his quidā erant Augustales, alij Subaugustales, primi generis erāt præfecti Orientis, & Alexandria in Ægypto, de quibus Cornel. Tacitus lib. 12. & suprā de offi. Præfecti Augustalis.

Secundi generis Mauritania, Tingitanæ, Gallia, & prouinciæ Darcolomarum in Dacia, erant enim tres Præsides in Britannia, in Gallia vndecim. vt Scortus scribit in Codice præfecturarum, quem Laz. refert lib. 2. de Repub. Roma. c. 8.

Erant adhæc rectores, Præsides prouinciarum, & sic vocabantur, licèt essent Præsides, vt apud Narbonenses, Britanniamque citoralem, & Tyri oppida in Phœnicia, & sic intelligitur C. de offic. Reitoris prouinc. nā ibi tractatur de Præsede, in l. 2. etiam vocatur moderator prouinciæ, in illo titul. maximè in l. nullus. & l. moderatores prouinciarum. ibidem.

Fuerunt deniq; & Correctores, hoc est, qui cum rectoribus regebant in prouinciis istis, videlicet Italia, Pannonia, Samia, Paphlagonia, Istria, & tractu Venetiarum, & Augustanica Ægypti prouincia. l. ex omnibus. infra eod. & l. penul. de quibus per Maria. Scot. & Laz. vbi suprā.

Rektorum & Correctorum munera describit Cassiodor. lib. 8. varia. rerum. in formula Reitoris prouinciæ. meminit & Correctorum Marcel. lib. 15. historiae suæ.

Iustinia. hos Præsides vocat clarissimos prouinciarum administratores, & administrationes Præsidatus. §. hæc autem omnia, & in §. quod autem. in principio, in authent. vt iudices sine quoquo suffra. collat. 2. vbi dicit in fine nullo alio opus esse iudice,

aut

*Præsidatus munus ad septem vel octo annos continuabatur.*

*Stipendia Præsidum.*

*Præsides quindecim in Asia.*

*Præsides vndecim in Gallia.*



aut adiutore, cum maximorum iudicium compleat officium, & pro omni alio cingulo prouinciis sufficiant. vocat etiam eos moderatores prouinciarum, in l. vnica. de offi. Comit. Orient. C. & in tit. seq.

Et sic aliquando in quibusdam prouinciis dabantur Proconsules, in aliis Præsides, in aliis verò Rectores, & hi parem ferè iurisdictionem habebant, & quod vna in prouincia vocabatur Proconsul, in alia Rector, vel Præsul, quod est notandum. quia in l. vnica. C. in quibus causis militant. in princ. vocat eos moderatores, & in fine rectores. & alibi sæpius in iure. l. iij. C. de cano. largi. titul. lib. x. vbi vocat Præsides Moderatores prouinciarum, & Proconsules ab his segregat, ibi vide Lucam de Penna.

*Præses in regno Franciæ vocatur Seneschallus, & Bailli.*

Etiam in regno Franciæ in quibusdam regionibus vocatur Seneschallus, vt in ressortu Tholosano, in aliis Bailliui, vt in iurisdictione, quæ regitur senatu Parisiensi. c. fi. ne cleri. vel mo. lib. vj. & c. vt officium. in fi. de hæretic. cod. & c. dilecto. de sententia excom. ibid. & vnde hi Bailliui dicantur, docui in primo tomo Commèntariorum ad constit. Regi. art. xliij. in tracta. de sentent. executor. verum quia hi Præsides non sunt literati, soliti sunt habere iudices, qui ius dicant, & isti vocantur Iudices prouinciarum. in §. nulli. & §. præcipue. in authent. vt nulli iudic. col. ix. quamuis glos. in l. missi. C. de exactor. tribut. lib. x. exponat, id est, Præsides, & nos vocamus hos iudices Locumtenentes.

Igitur ex adiuncto intelligetur huius nominis significatio, vt Præses prouinciæ, Præses Parlamenti, Præses magni consilij. Et sic generaliter accipitur, nisi ex adiuncto restringatur, vt dictum fuit.

Tituli horum erant, vt clarissimi dicerentur, vt scripsi in l. qui indignus. supra de senatorib.

*Iudices ordinarij.*

Ordinarij iudices sunt hi prouinciarum Præsides, & Rectores, & Bailliui. l. omnes. §. primo. C. de Episcop. & cleric. l. eos. de modo multa.

Proconsulis appellatio specialis est ] Differentiâ tradit Accurs. inter Proconsules & Præsides, q̃ illi ex Consulibus eligebantur, hi non: sed in tit. proximo dixi quosdâ eligi ex Consulibus, alios nō. Idē parua est differentiâ, nisi quod vnum nomen est generale, alterum speciale, & omnis Proconsul Præses est, sed in nomine erat quædam differentiâ. Nam quædam prouinciæ erant Præsidiales, aliæ Proconsulares, vt superius dictum fuit: sed Proconsul maius imperium interdum habebat, quàm Præses. l. eos. C. de modo multa. sed regulariter parem potestatem quibusdam temporibus (vt superius dictum fuit) Proconsules habuerunt, etsi Proconsules accipiantur pro Præsidibus. vt in quibusdam prouinciis est videre, tūc nulla erit differentiâ inter Præsidem & Proconsulem.

Officium Præsidium in l. iij. cum seq. lex omnibus & seq. ac ferè in toto hoc titulo ponitur, ideo hîc non repetam.

4 Familiam verò Præsidium quisque habebat. Primo principem corniculariū, tabellarios duos, commentariensem vnum ab actis, adiutorem, subadiuantem & exceptores, vt est in Codice præfecturarum. & per Laz. lib. ij. c. iij. in princip. Scribæ verò officium describit Beroal. hoc Disticho.

*Arcani custos prudens, linguæque politus,  
Et calamo facilis scriba erit eximius.*

LEX II. VLPIANVS LIB. XXVI.  
AD SABINVM.

**P**ræses prouinciæ apud se adoptare potest; quemadmodum & emancipare filium, & manumittere seruum potest.

**I**sta lex fuit elucidata in l. j. & ij. supra de offi. Prætor. ibi potest videri declaratio.

Verum quia in formula Præsidentis multa inueniuntur vtilia, ob id non sit tibi molestum, lector beneuole, si hîc illam duxerim transcribendam, vt quantam Præsides potestatem id temporis haberet, rectè dignosci possit.

#### FORMVLA PRÆSIDATVS.

**P**rudenter omnimodò inspexit antiquitas, prouinciarū dignitates annua successione reparari, vt nec diutina potestate vnus inolescere, & multorum prouentus gaudia reperirent. Sufficit enim vnique discessisse laudatum: quia dum tempus potestatis prolixum quæritur, culparum opprobria non vitantur. Illa enim vel in breuitate declinare, mirabile est, dum frequenter & his surripiunt, qui à fascibus sub velocitate discedunt. Annus vniuersus & ad declaranda conscientiæ bona sufficit, & facilius se ab errore custodit. Sit in vestro proposito administratio- nem vnus anni suscipere, nostrū est merentibus tempus augere. Quia non facile remouere cupimus, quos iustos esse sentimus. Idcirco conuersationis tuæ moribus inuitati, per illam indictionē Præsidentum tibi in illa prouincia, propitia diuinitate concedimus, vt sic debeas agere quemadmodum nobis possessor gratias cum tributis videatur exoluere. Decessorum bona exempla sequere; à vitiosorum te imitatione disjunge, non putetur omnis consuetudo probabilis. Cautum debet reddere, non sequacem, error alienus. Prodit stultitiæ culpam qui sequitur accusatum, sed illud melius eligitur; vnde Præsidentis opinio sub administratione laudatur. Respice quātis sit plena nobilibus prouincia. Habes qui & bene loqui de te debeant, & derogare præsumant. Quia nulla potestas est, quæ qualitatem famæ suæ de ore hominum possit auferre. Contraque fructus est opinione prædicabili ire per cōfines prouincias, & ibi inuenire verissimā laudem, vbi non imperas potestate. Additur, quod

irremu



irremuneratum non relinquimus, si te egisse probabiliter audiamus. Horre vitiū, & Principis mereris affectum. Volūtatem Regiam in legibus habes, illis obtempera, & nostra cognosceris implere mandata.

Haftenus de potestate, hodie alio concipiuntur modo literæ in Francia, & semper ad Regis placitum officium quodlibet concedi solet. de quo superius dictum fuit.

## S V M M A R I A.

- 1 *Magistratus quid faciens per iniuriam, quasi priuatus, iniuriarum conueniri potest.*
- 2 *Iudex extra locum suæ iurisdictionis, habetur tanquam priuatus.*
- 3 *Appellationis iudex tenetur iudicare secundum leges in prima instantia.*
- 4 *Forum quis sortitur ratione delicti, ubi deliquit.*
- 5 *Ampliatur.*
- 6 *& sequent. Restringeretur.*
- 7 *Senator à corpore Curie iudicari debet.*
- 8 *Criminaliter censetur agi, si Procurator Regis per se queratur.*
- 9 *Deliquisse quis in eo loco intelligitur, ubi consummauit.*
- 10 II & 12 *Casus, in quibus Præses provinciae contra non subditos cognoscere possit.*

## LEX III. PAVLVS LIB. XIII.

## AD SABINVM.

**P**ræses in suæ provinciae homines imperium habet: & hoc dū in provincia est. Nam si excesserit, priuatus est. Habet interdum imperiū & aduersus extraneos homines, si quid in alium manu commiserint. Nam & in mandatis Principum est, vt curet is qui provinciae præest, malis hominibus provinciam purgare: nec distinguitur vnde sint.

**E**X hac lege colligere possumus Præsidem provinciae, & iudicem in suos tantum imperium habere, & intra provinciam, quæ ei decreta est, & subditi ipsi commissi sunt. l. fin. de offi. præf. vrb. ff. Et si extra provinciam cognosceret, puniendus esset. Nam extra territorium ius dicenti non paretur impune. l. fi. ff. de iurisd. om. iud. Potest tamen punire subditos, qui deliquerunt etiam extra provinciam. l. prima. C. vbi de crimi. agi oportet. c. vlt. de constit. lib. vj. Idem in legato, vt extra provinciam ei decretam cognoscere nō possit, nec iudicare. c. nouit. iuncta glos. de offi. deleg. vnde Vlpia. scribit. si quid per iniuriam fecerit magistratus, quasi priuatus, iniuriarum cōueniri posse. l. nec magistratibus. ff. de iniur.

Ex hac etiam l. iij. ibi. Ex hoc dum in provincia est. colligitur quod iudex extra locum, in quo præfectus est, dicitur quasi priuatus, non sua iurisdictione, quam habet, sed non exercitium illius, & est ac si non esset iudex, nec potest ibi quicquam decernere. d. l. nec magistratibus. ff. de iniur. Et sic non va-

let, quod ibi agit vt iudex contentionis, nec est ab eo appellandum, quia à priuata persona non solet appellari. Sed si quis velit appellare tanquam ab abusu, poterit, quia iurisdictione sibi cōcessa abutitur, eam extra territorium exercendo. d. l. fi. & c. fi. de constit. lib. vj. Et quia in hoc regno opus est appellatione, quomodocunque quis grauetur, alias quis non auditur ex Constit. Regia, super qua in tract. de appella. in 3. tomo Commenta. in Constit. Regi. scripsi.

Et hoc est vtile ad id, quod scribit Imperator. C. qui dari tuto. possint. l. Neque à Præsede alterius provinciae, neque à magistratibus municipalibus tutorem ortum ex alia ciuitate, nec domicilium vbi nominatur habentem, iure dari posse ab eo, cuius iurisdictioni subiectus non est, certissimi iuris est.

Et sic contra Accurs. Vascones non tenebantur obedire regi Angliæ extra Vasconiam, quia Rex occupauerat illam patriam. Ideo cum ibi erat Rex, metu illi obediebant, cum verò extra territorium esset, illi obedire iustè recusabant, quia Regem Franciæ eorum superiorem recipiebant, quicquid dicat Accursius.

Et sic patet, quod iudex sententiam suam non potest exequi extra territorium sibi commissum. Potest tamen rogare iudicem, vt illam exequatur, & iudex illi parere tenetur. l. à diuo Pio. ff. de re iudic. c. Romana. §. contrahentes. de foro cōpet. lib. vj. Scripsi multa in tracta. de literis requisito. in secundo tomo Comment. ad Constit. Regi. Etiam si primus iudex iudicauerit secundum consuetudines, vel statuta sui loci, quia sententia valet, & sicut iudex appellationis tenetur iudicare secundum leges, quæ sunt in prima instantia. §. j. in authent. vt cum de appellati. cognosci. colla. viij. ita & iudex executionis exequi. §. j. & l. cum quædam. de iurisd. om. iud. ff. alioqui iudices nunquam mitterent, vel ratò sententias, executioni extra territorium, quia quælibet ciuitas & patria suas habet consuetudines. Et ita seruatur in vsu forensi, quicquid dicat Hyppol. in singular. 138. Iudex vnus allegando Bal. in l. vnica. in fi. C. de confess. Et quot modis quis dicatur priuatus, scripsi in l. pupillus. §. munus publicum. ff. de verb. signif.

Colligitur etiam ista regula ex hoc text. quem forum sortiri ratione delicti, & eo loci damnari posse in quo deliquit. Cui conuenit l. fi. cui. §. idem Imperator. ff. de accusa. & authen. qua in provincia. C. vbi de crimi. agi oportet. c. postulasti. & c. fi. de foro cōpet. c. j. de priuileg. lib. vj. Ratio est, quia reus iudices, in quorum territorio deliquit, offendit, & vt pœna vnus sit metus multorum. l. fi. C. ad l. Iuliam repet. Etiam ad solatium consanguineorū interfectorum, quia vt faciant iudicium conscriptum, gloria hæc est omnibus sanctis eius, vt dicit Dauid.

Amplia etiam in iudice delegato, qui si delinquat, ab ordinario puniri poterit. Petrus Cy. & Bald. in d. authen. qua in provincia. col. ij. quia quando deliquit, efficitur minor quocunque ordinario, licet aliàs in procedendo sit maior, si à Papa ei mandata sit iurisdicatio. c. sanè. 2. de offi. deleg. Eo enim casu cēsetur priuata persona, vt hîc, & ordinarius. Etiam poterit excommunicari clericus ab eo iudice, in cuius iurisdictione deliquit. c. j. de raptor. & omnibus beneficiis priuari, ac exauthorari, quod degradare, canonistæ vocant. c. postulasti. de foro cōpet. c. degradatio. de pœnis. in vj.

*Appellatio tanquam ab abusu.*

*Iudex extra territorium sententiam suam exequi non potest.*

3

4

5

*Clericus potest excommunicari à iudice, sub quo deliquit.*

*Præses extra provinciam nō potest cognoscere.*



*Præuentioni quando locus sit.*

Præterea de delicto commissio ille iudex cognoscet, qui primariam subditorum cognitionem habebat, & non alius. c. penult. vbi Doct. de foro comper. & si sint pares, locus erit præuentioni ibi. & l. si quis postea. ff. de iud.

Etiā in causa appellationis, iudex superior primi cognoscet, an iudex delicti bene iudicauerit. Bal. in d. authen. in prouincia, in vltim. nota. Nam postquam primus fuit comperens, ergo & secundus. Cui enim præcedentia dantur, & sequentia videtur concessa. l. qui proprio. §. item quæritur. & l. qui procuratorem. ff. de procurato.

Procedit etiā in milite desertore, vt si quid grauius in ea prouincia, in qua est repertus, admiserit, ibi eum pœna plecti debere scribit Modestinus. in l. iij. ff. de re milita. Intellige tamen, vt per hoc delinquēs subditus nō dicatur, licet per eum puniri possit. glo. in ca. nuper. de sentent. ex cōmu. & in clement. vna. de foro comper.

*De eadem re.*

6

Limitatur, si quis telo, balista, vel colubrina existens in vna iurisdictione, interfecerit aliquem in altera iurisdictione positum, tunc vterque iudex cognoscere poterit, & erit præuentioni locus. Ioh. And. in regul. in obscuris. de reg. iur. in Mercuria. Feli. & alij in c. j. de præsumptio. post Bart. in l. libellorum. ff. de accusa.

7

Secundò non procedit in ea persona, quæ ad Præsidis cognitionem non pertinet. l. si maritus. 2. §. & generaliter. ff. de adulter. vtpote in Senatore. l. fin. C. vbi Senato. vel clarissimi. Nam hi à corpore Curia iudicari debent. vt ibi scribitur.

8

Tertiò, si ageretur contra delinquentem ciuilitè, corrigi iste debet coram suo iudice. Doct. in d. authen. qua in prouincia. & criminaliter censetur agi, si procurator Regis per se queratur, allegatur gloss. in verb. aureorū. ff. de sepul. viola. in l. iij. & hoc si principaliter, vt alibi dicitur.

Quartò, non procedit in foro conscientia, quia tenetur quis confiteri sacerdoti proprio, & non illi, in cuius parochia deliquit. gloss. in c. j. xvj. q. j. Ratio est, quia Curatus debet cognoscere vultum pecoris sui, & ei est commissā anima sui subditi. c. omnis. de pœnit. & remis. Vnde cum Deo satisfacere debeat, quem læsit, ob id sacerdoti proprio, qui est eius vicarius, confiteri debet. Differentia enim ratio est, quia in foro (vt dicunt) contētiōso imponitur pœna, vt delinquens Reipubl. quam læsit, satisfaciāt, & ideo vbi deliquit, imponi debet, secus in altero casu. vt docet Ioan. And. in c. j. coll. iij. de raptor.

9

Quintò, vitatur in eo, qui exilens Parisiis, mandauit, vt Aurelia fieret delictum, vbi autem commissum fuerit, ibi esse puniendum, quia delictum intelligitur esse, quando est consummatum. l. si quis vxori. ff. de furt. vbi mandans incipit teneri, quando delictum est commissum, ergo non antè, nec ab alio iudice. Nam sicut contraxisse vnusquisque intelligitur in eo loco, in quo, vt solueret, se obligauit, l. contraxisse. ff. de actio. & obliga. ita & deliquisse, vbi cōsummauit. Posset etiā mandans ab eo iudice, in cuius mandauit iurisdictione, de illo turpi mādato puniri. l. j. §. persuadere. ff. de seruo corrupto. l. si quis seruo. C. de furtis. Bart. in l. non solum. in fi. ff. de iniur.

*Mandans ab eoiudice puniendus, in cuius iurisdictione mandauit.*

*Ratificatio cēsetur delictum con-*

*summāre.*

Sextò is, qui ratificauit Parisiis delictum commissum Tholosæ, potest hic Parisiis puniri, quia hic censetur consummatum quoad ratificatum. gloss. &

ibi Ancha. in Clement. j. vt lite pendent.

Vltimò ex hoc text. habemus vnū casum, in quo Præses prouinciæ cognoscit cōtra non subditos, videlicet ratione delicti. Secundus est, si causa à principe fuerit ei mandata. c. vnaquæq. iij. q. 6. c. iudices. xj. q. j. & in tit. de offic. delegat. & de off. eius infra.

Tertius est, in appellatione, vt diximus superius, & facit c. peregrina. iij. q. vj. & c. scitote. vj. q. iij. vide alios casus per glo. & Doct. in l. hæres absens. in fi. de iud. & in c. fi. de foro comper. & Soci. in rub. illius tit.

Postremò, si personæ commissæ sint alicui, vbi cunq; sint, possunt puniri, vnde dux exercitus suos milites vbique punire poterit. l. iij. ff. de re milita. Tamen si quid grauius admissum sit, ibi puniendum, vbi delictum grauiissimū est perpetratum, vt exemplo illius alij à malo arceantur. l. fi. C. ad leg. Iuliam repe. De his mandatis Principum scripsi in l. solent. supra de offic. Procons.

Extraneos homines.] Hic dicuntur extranei, qui in ea prouincia non degunt, nec originem habent. & multa scripsi, quādo quis vocetur extraneus. in l. rei appellatio. j. ff. de verb. signific.

Aliqui in tex. legūt manu admiserint, alij malum admiserint, & communis lectio habet malum; & clarior redditur materia, nā quodcunque malum admissum fuerit, de eo Præses cognoscet. Quod legas manu admissum tantum puniendū, quis alia crimina, alio modo commissā puniet? nisi dicas, manum, generaliter accipi, vt in l. fi. C. de reuoc. dona. & c. fi. illo tit. ac c. si quis suadente. 17. q. 4.

#### LEX IIII. VLP IANVS LIB. XXXI. AD EDICTVM.

**P**ræses prouinciæ maius Imperium in ea prouincia habet omnibus, post Principem.

**I**stam leg. & eius materiā explicauit in l. si in aliquam. in fi. supra de offic. Procons. Nota tamen quod à sententia Præsidum prouinciæ appellabatur. vt in l. ij. in fi. C. de tempo. appellat. Ideo Præfectus Prætor. io erat maior isto Præfide prouinciæ.

#### LEX V. IDEM LIB. I. DE OMNIB. TRIBUNALIBVS.

**P**ræses prouinciæ non magis tutorem, quā specialem iudicem, ipse se dare potest.

**N**ec potest se Præses prouinciæ tutorem dare, nec se specialem iudicē decernere, & non magis vnum, quā alterū facere poterit, & sic neutrum ei liberum erit agere, sicut dictum fuit in Prætor. in l. fi. supra de offic. Prætor. vbi alia tractaui.

#### S V M M A R I A.

- 1 *Exactiones illicita ab Ecclesiis si facta fuerint, in duplum restituenda.*
- 2 *Venditio sine pretio habita, presumitur simulata.*
- 3 *Fides de pretio in emptione haberi potest.*
- 4 *Venditionis per violentiam facta, prohiberi debent ne effectum habeant.*



## S V M M A R I A.

- 1 *Exactiones illicitæ ab Ecclesiis si factæ fuerint, in duplum restituendæ.*
- 2 *Venditio sine pretio habita, præsumitur simulata.*
- 3 *Fides de pretio in emptione haberi potest.*
- 4 *Venditiones per violentiam factæ, prohiberi debent ne effectum habeant.*

LEX VI. IDEM LIB. I.

## O P I N I O N V M.



**I**licitas exactiones & violentia factas, & extortas metu venditiones & cautiones, vel sine pretij numeratione, prohibeat Præses prouinciæ.

**I**licitæ exactiones aliquando fiunt à Principibus, & à publicis personis, interdum à priuatis. Si à Principibus fiant, his orationibus resistendum est, & non murmure, nec quidem factis, quia Diuus Paulus ait: Obedite Præpositis vestris, &c.

Si verò fiant à priuatis personis, etiam si fierent ab exactoribus Principum, & tunc Præses prouinciæ prohibere eas debet, sed quomodo hæc prohibere poterit, si imposita sint? Respondeo, Præses imposita à Principe adiuuabit, vt exigantur, sed priuatorum superindicta prohibebit, vt in §. illicita. inferi<sup>9</sup>, ibi: *Et vt sub specie tributorum illicitas exactiones fieri phibeat.* Iustinian. statuit in §. Eos, qui in prouinciis pro quibuscunque publicis exactionibus diriguntur, non aliter inchoare exactionem, nisi prius prouinciali iudicio insinauerint impositas sibi de hoc insiones, vt exoluentes fiscalia tributa, nulli pro his periculo, aut damno subiiciantur, hoc ipso & super priuatis negotiis obseruando. Exactores enim sunt, sicut monetarij, qui frequenter metas rationis excedunt in exigendo. vt dicit Papa in c. statutum. §. notarium. de rescript. in 6. & ad prædam sunt parati. l. ij. C. de discussio. lib. 10. vbi Lucas de Penna, & ideò non pauci in furcis pendent.

Illicitæ dicuntur exactiones, quæ contra leges fiunt. l. licitatio. §. quod illicitæ. ff. de public. & vectig. l. fideicommissum. §. si quis illicitè. de legat. 3. & illicitum dicitur id, quod non est licitum, vnde illicitas exactiones maximè ab Ecclesiis, quarum abusus iam per longa tempora inoleuit, per ciuitates, & castella dānat, & prohibet Feder. & in duplū, si factæ fuerint, reddi decernit. in §. illicitas. de pace & iura. firmand. in vñbus feudo. & hæc ad inferos deducunt multos.

Et violentia factas. ] Præcipit Præsidi, vt in sua prouincia prohibeat violētias, videlicet ne quis vim & impetū inferat alicui, vnde scribit Iustini. in tit. de mād. Princi. colla. 3. §. publicorum. verſ. *Sed neq. permit-tes nostros subiectos, violentū aut seditiosum aliquid pati, sciētes, q. si exactiones inferētes quid tale gesserint, de suo satisfacere fisco cogentur.* & in §. deinde. sic scribit: *Deinde cōueniēs est te prouidere, vt nulli populi ciuitatū alterutri seditiones faciant, sed omnem pacem esse Dei ciuitatibz, dum aq̄itas etiam hinc nostris subiectis ser- natur, & neque lucri, neque passionis alicuius causa ad aliquam partium declinetur.* ergo omnis via facti prohibita est, & ait Callistrat. *Si quas putas te habere petitiones, actionibus experiaris.* in l. extat decretū. ff. quod metus. vis enim est, quociens quis id, quod deberi sibi putat, non per iudicem reposcit. ibid. & dicit Bal. per istum text. multos contractus factos à puellis in fauorem consanguineorum, pronuntiatos irritos pro-

pter violentiam, quam consanguinei in illis fecerant.

Extortas metu venditiones. ] Etiam prohibeat Præses, si autē factæ sint, irritet, vt in tit. ff. quod metus causa gestum est ratum non habebō. & ibi alia dicētur, etiā debet prohiberi, ne emptiones sine pretij numeratione fiant, vt si vendā domum magistro militum mille aureis, tamen ego remitto ei pretiū, venditio præsumitur simulata. l. imaginaria. ff. de reg. iur. & alibi Imperator statuit in l. fin. C. quod met. causa. *Venditiones, donationes, transactiones, quæ per potentiā extortæ sunt, præcipimus infirmari.* & de substantia emptionis est pretium. l. ij. ff. de contrahen. empt. potest tamen haberi fides de pretio. §. venditæ. de rerum diuision. in Institut.

Et cautiones. ] Etiam vult metu extortas cautiones, ac prouisiones, vt Præses prohibeat, neue quis se pro altero obliget metu, nempe quidam potentes cogere solebant mercatores, & alios, sed hoc debet prohibere Præses prouinciæ. Et hinc cautiones vocat chirographa, quæ vocamus schedulas. l. iij. ff. de fide instrum. plenè scripsi in tractat. de chirogra. recog. in 1. tomo Comment. ad Constit. Reg.

Item not. Doct. istum text. in verbo, factas, ad hoc, vt participium præteriti temporis à lege prolatum, futura etiam respiciat. de hoc dixi in l. verbum, oportebit. ff. de verb. sign. Sed iste text. videtur mirabile dicere, quòd Præses prohibeat venditiones illicitas, & violētias factas, & extortas: si factæ, quomodo prohiberi possunt? Respondeo, Præses potest prohibere venditiones per violentiam factas, ne effectum habeant, & executionem. Nam eas irritando prohibet, ne quis iuuetur illo contractu sic facto, & ita intelligi potest iste tex. facit tex. in c. si quis presbyterorū, de reb. Eccles. nō alienan. & ne deinceps tales fiāt.

§. Item ne quis iniquum lucrū aut damnum sentiat: Præses prouinciæ prouideat.

**C**um labol. dicat iure naturæ esse æquum, neminem fieri locupletiores cū alterius detrimento, & iniuria. l. iure naturæ. ff. de regul. iur. l. nam hoc natura. de condic. indeb. ergo iniquum est aliquem fieri cum alterius damno locupletiores, quod prohibere debet Præses prouinciæ: Iniquum lucrum vocat, quod ex vñsuris, & rapto extorquetur, & quod non est æquum. ca. quoniam. & per totum. 14. quæstio. 4. sicut furti nomine intelligitur omnis vñsurpationis rei alieny. c. pœnale. ibidem. q. 5.

Iniquum damnum dicit Accurs. datum dolo, metu, vel iniuria alterius, & quando æquum non est pati tale damnum. Nam damnum quod quis sua culpa sentit, non videtur iniquum. l. quod quis. ff. de regulis iur. & regul. damnum. in vñ.

Vnde si dolo quis iniquum lucrum sit consecutus, doli actione sibi prouidebitur. vt per totum tit. inf. de dolo. vel si ætatis fragilitate, restituetur. vt in toto tit. ff. de minorib. Idem si absentia sua damnum patiatur. in tit. ex quib. caus. maior.

## S V M M A R I A.

- 1 *Iudex secundum conscientiam contra plenam probationem indicare non potest.*
- 2 *Iudices debent iurare indicare secundum leges.*
- 3 *Sententia propria & singularis dicitur erronea, & superstitio.*
- 4 *Iudex non debet ex confessione, non scripta in actis, moueri.*

P. Rebuffi Lectura.

M

*Emptio sine pretij numeratione fieri nō debet.*

*Cautionum vocabulo, quid denotetur.*

4

*Lucrū iniquum, quid sit.*

*Damnum iniquum, quod dicatur.*

*Superindicta priuatorum prohibita.*

*Exactiones illicitæ.*



quidam apparitores equites, quidam pedites, alij armorum, de quibus in Constit. Reg. dicitur.

Neque licita negotiatione aliquos prohiberi.]

3 Tertiò, Præses negotiationem licitam sine causa interdici alicui non potest, sed si quis in ea delinquat, potest, ut docet Vlpian. ff. de pœnis. l. moris. §. *Sunt autē alie pœne, putā si negotiatione abstinere quis iubeatur, vel ad conductionem eorum, quæ publicè locantur, accedere, vel ad vectigalia publica.* Interdici autem negotiatione plerunque, vel negotiationibus solet, & sic firmat Alber. non posse Præsidentem prohibere, ne quis vendat vinum, vel frumentum, quādiu ipse vendet suum, quia hæc negotiatio cuilibet est licita. allegat l. libertus negotiatorius. ff. de oper. libert. Idem non valent artificum statuta, si non fuerint à superiore approbata, quibus prohibetur, ut quis arte & negotiatione uti non possit, nisi soluerit decem, vel aliam summam. ut docet etiam Alberic. Et quando alicui commissum est officium, non potest prohiberi illud exercere, nisi ratione delicti. l. præcepit. vbi not. patruus meus mag. Iacob. Rebuff. C. de cano. largitio. lib. 10.

Artificum  
statuta de-  
bent à su-  
periore esse  
approbata.

Neque prohibita exerceri.] Quartò, Iurisc. prohibet militibus emere prædia, in his prouinciis, in quibus militiam exercent, præterquam si paterna eorum fiscus distrahat. Fisco autem vendicatur prædium illicitè comparatum, si delatum fuerit. Pater-nus quoque scribit, debere eum, qui se meminerit armato præesse, parcissimè com meatū dare, equum militarem extra prouinciam duci non permittere ad opus priuatum, piscatum, venatum, militem non mittere. l. milites. j. & l. officium. ff. de re milit. Itaque omnia prohibita ne exerceantur iuret Præses prouinciæ, maximè ne vsuræ, vel delicta admittantur.

Alia multa sunt in iure prohibita exerceri, quæ debet Præses prouinciæ prohibere, & curare solici-tè, ne fiant, etiam si sint addita per Imperatores. ut in tit. C. quæ res vendi non poss. cum tit. seq. Nam licet iste text. hæc non viderit, tamen hodie Præses iura-mento adigitur, ut seruet ius, quod intelligi debet tam de iure Digestorum, quàm Codicis. Idem in il-lis prohibita debet inhibere, ne exerceantur, etiam si prohibita sint per statuta, ordinationes, consuetudi-nes, vel per edicta.

Neque innocentibus pœnas irrogari ad sollicitudinem suam Præses prouinciæ reuo-cet.] Quintò, Præses prouinciæ sollicitus esse debet, ne innocentes pœna afficiantur. Imò Vlp. scribit, san-ctius esse impunitum relinqui facinus nocētis, quàm innocentem damnare. l. absentem. ff. de pœnis. & scri-bit Iosephus de bello Iudaico, vndecies cetera millia gladio, & fame periisse propter innocentem damna-tum; & iam interfectorum posteritas per mille & quingentos ferme annos vaga, sensus inops peregrina-tur, exul, & tandiu illi inditum est exilium, quous-que pacis Principem agnoscat, pro quo tot sæcula passa est exterminium, in quo sola salus, solaque li-bertas, & de Iesu Christo intelligere voluit, & de illo scripsit.

§. Et ne tenuis vitæ homines, sub præ-textu aduentus officiorum, vel militum, lumine vnico, vel breui suppellectili ad aliorum vsus translatis, iniuriis vexentur, Præses prouinciæ providebit.

Condemna-  
tio innocen-  
tis, quàm  
sit abomi-  
nanda.

**D**Vpliciter legitur hic text. ab Accurs. & primò aliqui legunt lumen, ut vnica domus dicatur pauperi vnicum lumen, quia aliàs non habebat. & sic videre eas non poterat. & in Pandect. Florent. ita le-gitur. & in lib. antiq. & Rauenn. & Alberic. intelligunt lumen vnicum, pro vxore, ut de Dauid probatur de vnica oue, quando Bethsabeæ vnicam vxorem Vriæ cognouit. 2. Reg. c. 11. Catellianus tamen Cotta in 2. parte Memorialium. in verbo, limen. putat legendum, limen, & melius conuenit secundum eum. Nam limen est, quod ex transuerso in ianua est, à limo, id est, obliquo, quod ingredientibus exeuntibusque transuersum sit, & aliquando accipitur pro ipsa do-mo, ut hîc. & Vergil. 2. Georgic.

*Exiliòque domos, & dulcia limina mutant.*  
Et in Aeneid.

*Perge modo atque hinc, te Regina ad limina perfer.*  
Probat aliis multis autoritatibus. inde ius canoni-cum vult adigere iuramento Episcopos, & Archi-episcopos, ut visitent singulis annis, limina Aposto-lorum. c. Ego. N. de iureiuran. vbi Ioan. Andr. expo-nit pro Curia Romana, quam veri Prælati visitare debent, nisi Papa eis gratiam faciat. Idem habetur in c. iusta. 93. distinct. dicitur & limen finis imperij, inde postliminium à limine & post, ut Imperator decla-rat in §. si ab hostibus. quib. mod. ius pat. potest. solui. & in tit. de capti. & postlim. reuers.

Et sic intellectus ad istum textum erit, ut Præses prouinciæ provideat, ne pauperes vexentur aduentu officialium, vel militum, & ne priuentur domo sua vnica, vel modica suppellectile, quam habent in ea, & ne ipsa transferantur ad alios vsus, quod sæpius malè seruatur. Solent enim per aduentum Principis, vel militum, pauperes omninò opprimi, & licet non sit eis nisi vnica domus, occupari, & suppellectilia auferri.

Intellectus  
ad textum.

Et de vnico beneficio, quod monoculum vocant canonistæ, ut non debeat mandatario, nec expe-ctanti. docet glos. in clemen. j. de præbend. Scripsi in tit. statu nominat. q. 15. nu. 41.

Et istum intellectum probant recentiores iurium interpretes.

Aduertite, nam siue legatur lumen, siue limen, siue limes, ad idem sensus tendit, videlicet ne pau-per priuetur sua substantia, quam paruam habet, & tanquam vnicum lumen, debet igitur provide-re Præses prouinciæ, ne hoc fiat. de suppellectile tracta-tur in tit. de supel. lega. ff.

Hodie non solent Præsides prouinciarum de his decernere, quia curiales suos habent iudices, & mi-lites quoque qui de his provide-re debent, sed manus manum fricat.

Statuit etiam Iurisconf. ibi: *Ne quid sub nomine militum committatur, si non pertineat ad communem eorum utilitatem.* Vtpote si agatur de alendo milites euntes ad exercitum, possunt capi alimenta, ad alen-dos hos milites, vel si milites apparitores egeant ar-mis ad executionem faciendam, potest cogi plebs ad tradendum, quia hoc pertinet ad utilitatem in communi, secus si ipse ad suum proprium commo-dum indigeret, quia utilitas publica priuata præfer-tur. l. j. solut. matrim. ff. etiam si capiat pro publico animal, debet reddi æstimatio domino. l. venditor. §. si constat. ff. communia præd. l. si locus. in fi. quemad-mod. seruitu. amittant.

Alimenta  
pro militi-  
bus possunt  
capi.



## S V M M A R I A.

- 1 Medici excusantur, indicantes vulnus non esse mortale, licet mors inde sequatur.
- 2 Medicus dolo medicamenta infirmo dans, quibus moritur, pœna mortis puniendus.
- 3 & 4 Negligentia medici duobus modis probatur.
- 5 Medicus tenetur ad damna, quæ infirmus ex dilatione infirmitatis est passus.

§. Sicuti Medico imputari euentus mortalitatis non debet: ita quod per imperitiam commisit, imputari ei debet. Prætextu enim humanæ fragilitatis delictum decipientis in periculo hominis, innoxium esse non debet.

**M**edicus non tenetur, si ægrotus decesserit: quia  
*Non est in Medico semper reuelatur ut ager,  
 Interdum docta plus valet arte malum.*

Vt Accurs. docet hîc, & glos. in c. ad aures. de atat. & qualitat. Nam quandoque est vitium materiæ, non artificis. l. si seruus. §. si calicem. ff. ad legem Aquil. gl. in c. nisi. in verbo, effectus. de renuntiat. & excusantur Medici, qui indicauerint vulnus non esse mortale, licet inde mors fuerit subsecuta, ex sententia Baldi, facit c. tua. de homicid. vbi Doct.

*In Medico  
qua requi-  
rantur, ut  
excusetur.*

Hoc intellige si sequentia interueniant. Primum, si officium Medico conueniat, utpote quia est laicus, non verò clericus, aut religiosus, quibus non conuenit. c. sententiam. vers. nullus. ne clerici vel monachi. Item secundum artis præcepta si medicamenta dederit. d. cap. ad aures. Præterea quod diligens in cura fuerit, ut ibi, *cum diligentia, &c.* argum. l. diuus. infra. Adhuc ægrotum certiore reddere debet de omnibus contrariis morbo, & de his quæ ipse in morbo facere debeat. Innocent. in c. tua. de atat. alioqui stolido Medico imputabitur à contrario.

*Medicus  
tenetur de  
imperitia.*

Secundò, ex hoc text. intelligitur Medicum teneri de imperitia, nam imperitia culpæ annumeratur. l. si quis fundi. aliàs incipit, Iulia. §. Celsus. ff. loca. §. præterea. de lege Aquilia. in Institut. & Proculus ait: *Si Medicus seruum imperitè secuerit, vel ex locato, vel ex lege Aquilia actionem competere.* l. qua actione. in fin. ff. illo tit. Idè extra ordinem puniri debet, & arbitrio iudicis pro modo culpæ, non pœna mortis. Angel. & alij in d. §. præterea. nisi lege municipali aliter cautum esset, ut apud Aegyptios Herodot. teste. apud quos talis erat lex: Medici ex publico victu sumant, ægros secundum legem curent, ab antiquis Medicis comprobatisque scriptoribus traditam: si quis normam, sacri libri sequutus, infirmum sanare nequiverit, omni caret culpa: si præter ea, quæ in libris continentur, curauerit, morte puniatur. Sed si Medicus dolo medicamenta infirmo dederit, quibus ille mortuus fuerit, pœna mortis puniatur. teste Angel. in l. necessarios. §. fin. per illum text. ff. de Senatusc. Syllania. quia dolo occidès occidi debet. l. in lege. ff. de fidei. Cardi. Alexan. in cap. absit. in fin. §. o. dist. Sed in dubio dolus non præsumitur. l. quotiens. §. qui dolo. ff. de probat.

Etiā non præsumitur culpa Medici æger mortuus, sed ex morbi euentu. d. c. ad aures. Spec. in tit. de dispensa. §. iuxta propositionis. vers. item exercens artem. per. c. de occidendis. 23. q. 5. instar iudicis. l. Heremnius. §. Caia. ff. de cuius. c. in præsentia. de renunt.

*Dolus non  
presumitur  
in Medico.  
Nec culpa.*

Alioqui nullus vel rarus inueniretur Medicus, qui mederi vellet, si quælibet mors eis imputaretur. Innocent. in c. tua. nos. de homicid.

**Delictum, &c.]** Tertiò colligit Medicum delinquere, quando ignorat artem, & hominem in periculum inducit: debet enim Medicus, teste Hypocr. in prologo Prognostico, scire ægritudinis causam, præteritam videlicet, vnde infirmitas originem traxerit, præsentem, in quo statu sit morbus, futuram, an curari possit, vel mortalis sit ægritudo. ut sic, sicut Eristratus Medicus, qui pulsu cognoscebat amantem, docet de Ripa in suo tracta. de peste.

*Delictum  
Medici.*

Ex his inferitur, si ex animo & industria hominem occiderit, pœna mortis Medicum plecti debere, si per imperitiam, arbitrio iudicis, pro modo culpæ, si verò per negligentiam, etiam arbitrio iudicis tenetur, & culpæ reus erit, videlicet si dereliquit curationem eius. l. idem iuris. in princ. ff. de lege Aquil. & §. præterea. illo tit. in Institut. vbi Angel. ait Medicum non debere relinquere curam ægroti, alioqui tenetur, si mortuus fuerit æger, & hoc intelligendum est, si infirmus Medico satisfacerebat, nisi esset pauper ægrotus, alioqui contrà, & hæc negligentia probatur duobus modis.

*Medici  
quomodo  
de morte  
alicuius te-  
neantur.*

Primò, si tēpore opportuno neglexerit infirmum curare, vel si insidiatus illius vitæ fuerit. in l. necessarios. §. si. ff. de Senatusc. Syllania. Etiam docet Cardi. Alex. c. j. dist. 81. Medicum, qui neglexit curam præstare ægro in periculo existenti, teneri, ac si illum occidisset. l. necare. ff. de liber. agnosc. Etiam ad damna & interesse hæredibus. scribit Alberic. distinguendo tamen. in l. qua actione. ff. ad legem Aquil.

*De eadem  
re.*

Imò etiam, si Medicus protrahat infirmitatem, vel promissiones, aut donationes ab ægro extorqueat, iudicis arbitrio est puniendus, & contractus cum eo facti, tanquam metu initi, rescindi debent. l. Medicus. ff. de variis & extraord. cognit. Bald. in l. interpositas. C. de transaction. Idè literas rescisionis contractus impetrare à Cancellaria opus est.

*Medicus  
extorquens  
promissio-  
nes, vel do-  
nationes ab  
ægro, puniendus.*

Etiā tenetur ad dāna, & ad ea quæ pars est passa ex dilatione infirmitatis. l. item si obstetrix. §. j. ff. ad legem Aquil. Spec. in tit. de magistr. circa fin. de Ripa in tract. suo de peste multa refert, vbi alia de his Medicis scribit, illum, si lubet, liberum est perlegere.

5

Idem dicerem in Procuratore, & Aduocato protrahente causam, ut docet Alberi. quod sæpius exercetur in Curiis Franciæ à Procuratoribus, super quibus deberent vigilare iudices.

*Procurator  
causā pro-  
trahens.*

## S V M M A R I A.

- 1 Deportatio in insulam, successit in locum interdictio-  
nis aqua & ignis.
- 2 Etiam de nocte fieri poterat.

§. Qui vniuersas prouincias regunt, ius gladij habent, & in metallum dandi eis potestas permissa est.

**M**irantur hîc interpretes, cum Præses gladij, vi-  
tæ, necisque habeat potestatem in delinquentes, ac etiam in metallum eos damnandi, & tamen ius deportandi non habet, ut dicitur in l. ij. §. constat. de pœnis. Nam postquam necare potest, multò magis habebit id, quod est minus, videlicet deportationem. Respondeo, ipsi eò non possunt Præsides deportare,  
 P. Rebuffi Lectura.

*Præses cur  
deportandi  
ius non ha-  
beat.*



quia non habent insulam in dominio Principis, sed scribere debent Imperatori, ut eam assignet, quam si haberet in sua provincia, assignare possent. l. inter. ac l. relegatorum. §. j. & ij. de interdic. & relega. ff. vbi Bar.

Sed hæc ratio non videtur vera, quia etiam ipsi Præsides quandoque non habent auri, vel metalli fodinas, vel in provincia metalla, & tamē in metallum damnare possunt, ut hīc, & in l. in metallum. l. aut damnum. §. metalla. ff. de pœnis. Interdum Præsides insulas sub se habent, & tamen ius deportandi non habent, sed relegandi sic. d. l. relegatorum. §. j. & seq. & d. §. constat. Adhæc Præsfecto vrbis Seueri Imperatoris rescripto ius deportandi in insulā datum est, & tamen insulam non habebat. l. j. §. relegandi. ff. de offic. Præsfect. vrb. d. l. ij. & l. inter.

*De eadem re.*

Vnde Zouanerus lib. restit. cap. 22. ait, aliam esse rationem, quia decuriones propter capitalia crimina, & alij magni viri in insulam deportantur. l. si quis. §. eius. de iniust. testa. l. sacrilegij. §. ceterum. ad legem Iul. pecul. l. inter. in fin. de interd. Alij inferiores capite multabantur, & fustibus cædebantur, aut in metallum damnabantur. l. iij. in fin. ff. de scar. l. capitalium. §. non omnes. de pœnis.

Idē Præsides hanc pœnam non imponit, quia iurisdictionem in hos decuriones, vel alios illustres non habebat. l. pen. de scar. l. diui. de pœn. hæc fuit sententia Iacobi de Rauē. ante eum, & Alberic. de Rosat. hīc.

*Ratio Zouaneti improbat.*

Hæc ratio non mihi placet, quia etiam inferiores in insulam deportari solēt pro qualitate delicti. Nam falsarii deportabantur, siue esset decurio, vel alius, dummodō esset liber. §. item lex Cornelia de Fal. de publ. iudic. in Instit.

Etiam lex dixisset ob honorem personarum Præsides non posse deportare, & Præsides provincie in omnes regulariter iurisdictionem obtinebat. ut l. iij. & iij. supra eodē. & hīc dicitur, non habere contra magnos viros, & tamen delictum excludit omnem honorem. l. j. vbi Sena. vel clarissi. C. Adhæc ista lex non esset generalis, ut esse debet. l. leges. C. de legib.

Item illi, qui vim publicam cum armis commiserint, deportatio ex lege Iulia de vi publica irrogatur. §. item lex Iulia de vi. ibidem. & non fit differentia vtrum digniores commiserint, vel alij. Igitur non videtur hæc ratio subsistere, nec probant iura allegata per eum, ut tantum magni viri deportentur.

*Autoris opinio de eadem re.*

Quamobrem ego putarem ius deportandi non esse datum Præsidi provincie, quia nō poterat quem Principi subditum ditione Principis liberare, & quia erant quædam insulæ subditæ Principibus, & Imperatoribus, quædā non: idē potuisset Præsides iubere illum deportandum ad insulam Turcarū, vel aliam, vbierat commercium extraneorum hominum, certē Principis interesset. Idē is ipse non permisit, ut in insulam Præsides quemquam deportaret, ne hic exul deportatus in insulam inimicorum Principis, secreta regni reuelaret, vel iuuaret inimicos. Idē in hoc consulēdus erat Princeps, qui insulam vnā ex suis assignaret. d. l. inter. & d. l. relegatorum. Et quia hæc pœna successit in locū interdictionis aquæ & ignis, d. §. constat. ob id Princeps sciebat quædam insulas nullis comitatas rebus, eam ob rem vnā istis exulibus assignare solebat, ut aqua & igne carerent, si hoc ei videbatur: etiam nolebat fortē huius deportati ministerio priuari, nec ista deportatio erat minor mortis impositione.

Item possumus dicere multa esse concessa vni, quæ non alteri, idē Præsfecto vrbis, fortē in honorem vrbis, datum quandoque fuit ius deportandi, Præsidi autem provincie denegatum. Sed quare hoc? potest dici, quod scribitur in l. non omniū, quæ à maioribus constituta sunt, ratio reddi potest. ff. de legib. sic voluerunt Principes, sic volo, sic iubeo, &c. glos. in §. furtiua. in Instit. de vsuca.

Nec valet hoc argumentum, cui licet, quod est plus, licet quod est minus in concessionibus. Nam concessum interdum erit merum imperium vni, & tamen simplex & inferior iurisdictione non erit concessa. ut Doctor. scribunt in l. imperium. ff. de iurisd. om. iud. glos. in reg. cui licet. in vj.

Item quia mortis publicæ pœna imponebatur, ob id concessa erat Præsidibus provincie, quia est verisimile, quod nō imponebatur, nisi iustē. Sed deportatio noctu fieri poterat, quæ si cōcessa fuisset illis, data fuisset Præsidi vindicandi potestas, de hominibus suæ provincie, illos sic secretō deportando. Idē Princeps retinuit sibi potestatem constituendi insulam, & adnotandi. ut l. j. §. quibus. ff. de legat. 3. & dicta l. relegatorum. Aliam rationem si quis afferat, benignē recipiemus. De hoc gladio dicam in l. imperium. ff. de iurisd. om. iud.

*Argumentum de maiori ad minus.*

2

#### S V M M A R I A.

- 1 *Paupertas excusat usurarium à restitutione usurarum.*
- 2 *Officium iudicis nobile non expirat.*
- 3 *Multa ex delicto publico à iudice remitti non potest.*
- 4 *Semel propter inopiam remissa, unquam exigi amplius non potest, secus in cedente bonis.*
- 5 *Parri semel adiudicata, inuita parte remitti non potest.*

§. Præsides provincie si multam, quam irrogauit, ex presentibus facultatibus eorum, quibus eam dixit, redigi non posseprehenderit, necessitatem solutionis moderetur, reprehensa exactorum illicita avaritia. Remissa propter inopiam multa, à provinciis Regentibus exigi non debet.

**E**X hoc text. constat Præsidem provincie posse moderare multam, quam iudixit, si videat eum, quem multauit, non posse eam præstare, & in hoc reprehensa est avaritia exactorum, qui omnino multas impositas totas exigere conabantur, & si semel remissa fuerit multa, amplius exigi non debet. Nam inanis est actio, quam inopia debitoris excludit. l. nam. ff. de dolo. c. olim. in 2. de restit. spoliato. & nota, paupertas euidenter excusat usurarium à restitutione. cap. cum tu. de vsur. docet Bartol. & alij in l. quod iussit. ff. de re iudic. iudicem posse mutare sententiam definitiuam, latam officio iudicis nobili, cum illud officium non expiret. facit l. diuus. ff. de integ. restit. Bartol. in l. prima. in fin. ff. de præto. stipul. Bald. in l. prima. C. sentent. rescindi non posse. & sic multa potest remitti, secus dicunt in pœna: quia in hoc est lucrum, in altero debitū, quæ etiam pauperi remitti nō potest. l. prima. in fi. ff. de pœnis. l. pœnam.

*Moderari multam potest à Præside fieri*

1

2

*Multa pauperi potest remitti, non vero pœna.*

Cillo



Cillo titulo. Doctor. in l. iudex. ff. de re iudic. glos. & Doctor. in c. nisi. de offic. Legat. Felin. in ca. qualiter. col. 10. de accusat.

Ego verò existimarem mulctam posse remitti, non ea ratione quam Docto. adducunt, alioqui idem in poena esset, quia semper durat officium iudicis, quandiu est iudex. vt l. prima. ff. de iurisdic. omnium iudicum. nec est differentia in quolibet officio, quia vnum tantum iudicis officium esse ad diuersa respiciens, scripsi in l. actionis verbo. ff. de verborum significatione. & dicta l. prima. sed quia ex causa subuenit Prætor. l. prima. ff. ex quibus causis maior. ob id voluerunt iura, vt mulcta remitti possit pauperi impotenti eam soluere, aliàs non. glos. in l. omnes j. C. de annonis & tribu. lib. 10. & in l. fin. in fine. de publica. Roman. in repetitio. l. si verò. §. de viro. columna 10. fallen. 25. ff. solut. mat. Nec mulctam ex delicto publico remittere iudex posset, sed in castigationem corporis conuerteret. l. prima. in fine. ff. de poenis. l. penultima. de in ius vocan.

*Mulctam iudex in regno Fræciæ remittere non potest.*

Hodie verò in Regno Fræciæ, non potest iudex mulctam impositam etiam ab ipso remittere, sed si quis tam pauper sit, cogitur vel bonis cedere, vt ff. de celsio. bono. vel impetrare literas regias directas iudici, vt ei mulctam remittat, si impotentem eum ad soluendum cognoscat, & tunc audito & consentiēte Procuratore regio iudex illam remittet, si ex crimine publico non fuerit imposita. & de hac scribam in l. vnica. ff. si quis ius dicent. non obtemp. & plenè tradidi in l. aliud est fraus. §. fin. & in l. si qua poena. ff. de verborum significatione.

Etiam Accurs. hîc docet mulctam semel remissam propter inopiam, non posse vnquam exigi, licet debitor postea fiat soluendo, quia merum lucrum est. & hanc glos. dicit singul. Bald. in marguarita, in verbo, poena. 13. quæst. quod secus est in cedente bonis. l. is qui bonis. de celsio. bonor. ff. quia obligatio hoc casu suspenditur, in altero extinguitur.

Idem, si castigatio corporis semel imposita fuerit pro mulcta. per text. in l. sed & si vnus. §. Prætor ait. ff. de iniuriis. quem text. not. Bald. in l. fin. de in ius vocan. C. & Ludouic. Roman. singul. 24. quod non valens. glos. in cap. eos. de homicid. & in regul. peccatum. de regulis iuris. in sexto. Ias. in §. finali. de actio. in Institut.

Item ista limitantur in mulcta adiudicata parti, quam nullus potest inuita parte remittere, per regulam, Quod nostrum est, sine facto nostro in alium transferri non potest. ff. de regulis iuris. sed iste text. intelligitur in mulcta lata ad fisci vtilitatem, quam hîc Præsidi potestatem remittendi concedit. & hoc firmat Accurs. & Doctor. in l. ij. C. de in ius vocand. l. rescripta. C. de precibus imper. offerend.

Adhæc Bart. hîc dicit paupertatem prodesse, quæ tamen maximè obest, quia

*Haud facile emergunt quorum virtutibus obstat.*

*Res angusta domi. --*

licet glos. in §. primo. quibus ex causis maior. & alibi sæpius hoc asserat. Sed ego dicerem paupertatem exonerare à solutione mulctæ pauperem, & aliis casibus, quia ratione paupertatis plurimi etiam grauantur, ideo releuari debent. l. eum qui. ff. de iureiur. & quadraginta casus, in quibus quis prætextu paupertatis releuatur, congerit Lucas de Penna in l. fin. C. de his qui nume. liber. vbi etiam 17. paupertatis

*Paupertas excusat quæ à mulcta.*

incommoda scribit. Et Diogenes Cynicus cum ei paupertas à quodā vitio daretur: Infelix, dixit, quid ais? neminem vidi tyrannidem gerere propter paupertatem, omnes verò propter diuitias.

#### S V M M A R I A.

- 1 *Forensis vsus in Francia, de domo communi reficienda.*
- 2 *Clerici possunt cogi ad reparandum domos tam Ecclesiæ, quàm suas, necnon ad Ecclesiarum suarum reparationem.*
- 3 *Itinera ante domum prorata domus reficienda.*
- 4 *Domum omninò destructam non tenetur quis de nouo reedificare.*
- 5 *Limitatur.*

#### L E X V I I. I D E M L I B. I I I.

#### O P I N I O N V M.

**P**ræsides prouinciæ inspectis ædificiis, dominos eorum causa cognita reficere ea compellat: & aduersus detrectantem competenti remedio deformitati auxilium ferat.

**I**n l. si in aliquam. suprâ. de offic. Proconsul. & Lega. dictum fuit Proconsulem debere inspicere ædes sacras, & opera publica, an refectione indigeant, sed de priuatis ædificiis, nil ibi statuitur. Ideò ista lex facta est de priuatis, vt Præsides prouinciæ non solum publica ædificia conspiciere debeat, vt suprâ: sed etiâ priuata, quæ si reparatione egeant, compellant dominos domorum, vt eas reficiant, causa tamen cognita, & aduersus recusantem decenti remedio auxilium ferat deformitati ciuitatis.

Colligitur ex hoc textu, Præsidem prouinciæ posse compellere habentē domum ad eam reficiendum, sed quo remedio iudex eum compellet? Respondeo, si domus fuerit communis, compellet socium ad refectionem extra ordinem, & officio suo, petente parte, pignus capiendo, mulctam dicendo, & alia faciendo, sicut statuit Labeo in l. cum eo. ff. ad legem Iul. pecula. Sed si socius domum suis expensis refecerit, & alter socius sumptuum dimidiā partem sine necessitate detrectet præstare, intra quatuor menses, illis elapsis domus eius solida erit, qui refecit. text. solennis in l. si vt proponis. C. de ædific. priuatis. & tex. in l. si fratres. §. idem respondet socius. ff. pro socio. quem no. sing. Francisc. Cremen. sing. 97. decidi. & Capola in tract. de seruit. vrb. præd. c. 40. col. 9. tit. de pariete. & c. 59. tit. de refec. col. 3. & cautel. 85. & quamuis in dict. §. idem. Respondeo, ipso iure post triennium elapsum dominium acquiratur socio, qui ædificauit. & dicta l. si vt proponis. vtitur verbo, vindicare, tamen in hoc regno sine iudice dominium non consequetur, vt statim dicitur.

*Refectio domus communis.*

In forensi itaque iudicio seruatur, vt dominus pro parte in ius vocet alterum domus dominū, ad illam reficiendum, & postea eo audito, & sic causa cognita, vt dicit iste tex. iudex condemnabit illum socium ad conferendum dimidiā partem sumptuum, pro domus refectione, & si alter dominus interim integras impensas fecerit, adhuc datur supplicatio iudici, vt cogat alterum ad restituendum dimidiā sumptuum partem cum vfuris, & iudex condemnabit illum ad



restituendum intra quatuor menses cum interesse, aliàs dicet quod tempore elapso si ille eas impensas non præstiterit, declarat Præses insequendo ius totam domū spectare ad reficientem, & illi adiudicat, & sic solet fieri, quicquid dicāt interpretes. Et quia in regno non fit iuris, sed iudicis autoritate, cōtumacia data.

Ex hoc inferitur alterum ex dominis cogi in solidum posse ad restorationem totius domus in Reip. fauorem, ne vrbs ruinis deformatur. l. singularum. C. de ædifici. priua. & ita censuit Senatus Tholosan. vt refert Bened. in repet. c. Raynutius. in verb. domū. num. 16. de testa. Sed neque passim admittenda sunt, neque districtè deneganda, sed à Prætorē, causa cognita, temperanda. Vlp. in l. sed hoc. ff. de procura. per istum textum ibi, causa cognita. Si verò tota domus sit alicuius, cogi iudicis officio potest.

*Casus, quo quis rē suā vendere cogitur.*

Et si pauper sit, qui nō sit par oneri, cogetur vendere domum alicui, qui illam cum onere reficiendi emat. vt docet Specul. in tit. de satisfda. §. hoc quoque. verifi. circa hoc queritur. allegat. l. lege. ff. ad Syllaniā. & l. ij. & fi. C. in quibus caus. serui pro præmio libert. accipiant. quæ iura nil faciunt secum. Sed melius facit l. ad curatoris. ff. de dam. infect. Ioan. de Platea in l. ij. C. de conditis in publ. horreis. lib. 10. Imò si sumptu publico domum ciuitas extruat, & dominus ad tempus à iudice præstituto pecuniam cum interesse non restituat, iure eam Resp. distrahit. d. l. ad curatoris. ff. de damno infect.

- 2 Etiam clerici solent cogi ad reparandum domos tam Ecclesie, quàm suas, & ad Ecclesiarum suarum reparationē. vt docet Bened. vbi suprā. & in verbo, & uxorem. nu. 430. facit c. j. & per totum de Eccl. ædifi.
- 3 Non solum possunt cogi homines ad reparationem domus, sed & itinera ante domum, pro rata domus. l. ædiles. ff. de via publi. teste Cepol. in tracta. de seruit. rusticor. præd. tit. de serui. viā. q. 25. & hoc dicit Alberic. iudicem facere posse ex officio nemine petente, sed in forensi iudicio seruatur, si respiciat vtilitatem publicam, procurator Regius vel domini petit, si priuatam, pars, & nō habet iudex sine petitione multa concedere, alioqui reciperetur in partem.

- 4 Limitant interpretes, quādo domus esset omninò destructa, & solo æquata. Nam eo casu esset de nouo facere, quod non tenetur quis, nisi consuetudine, aut
- 5 statuto, vel ordinatione contrarium cautum sit, vel nisi deberet seruitutem oneris ferendi. l. eum debere. ff. de seruitu. vrba. prædior. Socin. in consil. 138. circa j. in j. vol. & Bened. in verbo, domum. nu. 14. facit l. iij. ff. de riuis. reficere enim est, quod corruptum est in pristinum statum restaurare. l. j. ff. de riuis. Et hic tantum reficere mandat, non de nouo ædificare. Capol. in d. tract. de seruit. tit. de refectione. Ias. in l. quo minus. q. 17. ff. de fluminib.

*Pariet intermedius cōmunibus sumptibus adificandus.*

Etiam si diuisa esset domus inter hæredes, vel socios, compelli possent vt parietem intermedium ædificarēt, cum sit eadem ratio, & hoc pulchre disputat Lu. de Penna in l. ij. col. ij. C. de metat. lib. 12. & Boër. in consil. 2. post Consue. Bituri.

*Viuarium commune cōmunibus sumptibus, est piscibus implendum.*

Item in viuario communi cum alter pisces apponere nolle, fuerunt ei constituti duo menses ad hoc faciendum, alioqui alteri socio fuit adiudicatis vsus totus piscium protempore illius piscationis à Senatu Parisiensi anno 1538. die penult. Decemb.

Alia praxi vtuntur Parisienses, vt cautum est in tit. de rachapt des rêtes de la ville de Paris. in Const. Reg.

- 1 Princeps debet in eloquio esse discretus.
- 2 Index potest se excusare de causa sibi per rescriptum remissa.
- 3 Restrigitur.
- 4 Mandare iurisdictionem, & committere, diuersa.
- 5 Index committens debet in commissoriis literis dicere, Committimus & rogamus.

LEX VIII. IULIANVS LIB. I.  
DIGESTORVM.



Aepe audiui Cæsarem nostrum dicentem, hac rescriptione: E V M

QVI PROVINCIAE PRAEEST, ADIRE POTES: non imponi necessitatem Proconsuli, vel Legato eius, vel Præsidi prouinciæ, suscipiendæ cognitionis: sed eum ex æstimare debere, ipse cognoscere, an iudicem dare debeat.

**D**Vbium in hac lege est, si Imperator vel Rex in suo rescripto, remittat partem supplicantem ad Præsidem prouinciæ, his verbis: Eum, qui prouinciæ præest, adire potes, an Præses de causa cognoscere teneatur? quod videbatur, quia Imperator videtur per illa verba ei speciatim causam committere. Sed Iulianus hinc contrarium statuit, dicens, sæpe audisse Cæsarem sic mandasse, tamen non imponitur necessitas Proconsuli, vel Præsidi prouinciæ, vt cognitionem illius causæ suscipiat, sed ipse debet æstimare, an velit cognoscere, vel iudicem dare, qui de causa cognoscat. Ratio est: Nam qui per alium facit, perinde est ac si ipse faceret. Per regulam iuris, ergo ipse per se, vel alium hoc explicare poterit. quod est not. glos. in c. cum aliquibus. de rescript. in vj. Nec voluit Imperator iudicem præcisè cogere, vt per se cognosceret, cum iudicem dare possit. l. cum Prætor. ff. de iud.

*Qui per alium quid facit, per se facere videtur.*

Audiui.] Ex hoc text. colligitur Iuriscons. posse etiam referre verba Imperatoris, & ex illis aliquid statuere. Inde Princeps cogitare debet, quid loquatur, cum ex verbis suis multa colligantur bona, si bene loquatur, si perperam, mala. Nam debet esse discretus in eloquio, ne tacenda proferat, & proferenda taceat. c. sic rector. 43. dist.

Vnde Celsus ait, sæpe audisse rusticos senes ita dicentes, pecuniam sine peculio fragilem esse, peculium appellantes, quod Præsidiij causa reponeretur. in l. si chorus. §. j. de legat. 3. ff.

Colligitur etiam ex hoc text. iudicem non teneri cognoscere de causa sibi per rescriptū remissa. Nam potest se excusare, si valetudine, vel alia iusta causa impeditus sit. c. suscitatus. de rescript.

Vel potest causam alteri committere, & iudicem dare, vel delegare, vt ius Canonicum vocat in toto titulo de offic. delegat. alioqui iudicandi necessitas apud iudices est. l. fina. §. iudicandi. ff. de munerib. & honor. quæ sic debet intelligi, vt quis iudicet per se, vel causam committat alteri.

Limitatur per Accurs. quando Princeps præcipiet alicui, seu iuberet, vt ipse cognosceret, eo casu iudicem



iudicem dare non potest. Nam quod imperatur, necesse est fieri, si non fiat, poenam habet. cap. fin. 14. quæst. prima. quia videtur esse electa industria eius, cui præcipitur, secus si mandet. Alex. & Ias. in l. more maiorum. ff. de iurisd. omnium iudicum. Lucas de Penna in l. iubemus. in princip. C. de proximis sacro. scrin. cæterisque qui in sacris scrin. militant. libro 12. Doctor. in cap. eam te. de rescript. & in cap. licet. de offic. ordin.

Intellige quod licet Princeps præcipiat iudici primario Bailliui, vel Seneschalli, ut cognoscat de causa, & breui expediat, sic: *Mandons & comandons, &c. que faites bonne & briefue iustice aux parties, &c.* [Iubemus atque præcipimus, &c. ut cognoscas de causa & breui expedias.] Tamen poterit de hac causa secundarius, vel tertius auditorij iudex cognoscere, cum ab ipso Principe sit electa industria illorum, quia eos præfecit, nisi diceretur in literis, Præcipimus tibi tantum, ut tu ipse cognoscas.

*Differētia inter derogationē & cognitionē per iudices auditorij faciendam.*

Nempe differentia est inter delegationem, & hanc cognitionem per iudices auditorij faciendam, cum in delegatione iudex non expressus non sit à iudice approbatus, secus in iudicibus eiusdem auditorij, quia iidem iudices censentur. l. proponebatur. de iud. & hoc videtur probare text. in §. & hoc verò iubemus. in authen. ut nulli iudicum. collat. 9.

Non valet etiam citatio, si iudex mandet Parisiis alteri, quam ordinario, ut citet Titium, qui non est iurisdictionis illius, licet eum inuenerit in suo territorio, quia per verbum, mando, excitatur tantum iurisdictione, & is cui mandatur, nullam habet iurisdictionem in illum, quem in ius vocare non potest: secus si illi committat, ut Titium citet, tunc auctoritate committentis hoc faciet. cap. licet. de offic. ordin. ubi plenè Doct. & ita censuit Senatus Parisiensis, pro Comite Atrobatensi contra Dominum de Mailly, ut habetur in stylo Parlamenti, in tit. de cita. seu ordinat. §. item ordinamentum. Et ideo in literis commissionis debet iudex committens dicere, Committimus & rogamus, &c. ut scripsi in tractat. de literis requisito. seu rogator. in 2. tomo Commentariorum ad Constit. Reg.

#### SUMMARIA.

- 1 Verba præceptiva denotant necessitatem, nisi materia aliud requirat.
- 2 Iudex, qui antea malè iudicauit, non tenetur, nec potest causam ad se remissam cognoscere.
- 3 Imò si cognoscat, ad mulctam condemnari potest.

#### LEX IX. CALLISTRATVS LIB. I. DE COGNITIONIBVS.



Generaliter quoties Princeps ad Præsides prouinciarum remittit negotia per rescriptiones, veluti: **EVM QVI PROVINCIÆ PRAEEST, ADIRE POTERIS:** vel cum hac adiectione, **IS EXISTIMABIT QUID SIT PARTIVM SVARVM,** non imponitur necessitas Proconsulii, vel Legato, susci-

piendæ cognitionis: quamuis nō sit adiectum, **IS EXISTIMABIT, Quid, SIT PARTIVM SVARVM:** sed is existimare debet, vtrum ipse cognoscat, an iudicem debeat dare.

**I**sta lex ampliat ea, quæ dicta fuere in dicta l. sæpe. videlicet, si Princeps remittat ad Præsidem sub his verbis, Præsidem adire potes, vel iudicem prouinciæ, tūc nō imponitur necessitas iudici per se cognoscendi, sed ipse iudicem dare potest, & causam alteri mandare, etiam si non fuerit dictum, *iudex existimabit.*

Idem, si dicatur in rescripto, *iudicem competentem adire potes.* ut in l. prima. C. qui petant tutor. ut si quis adeat Principem super re, in qua prouidere poterit iudex, Princeps causam remittet ad iudicem competentem.

Non absimile erit si dicatur: *Eum, cuius de ea re notio est, adire potes,* vel, *postula à iudice competente.* l. ad moue. & l. ij. qui petant tutor. C.

Vel sic, *Super hac re adi Præsidem prouinciæ.* l. quod dicis. C. qui dare tutor. possunt. vel, *Consultius feceritis, si Præsidem prouinciæ adieritis.* l. j. in quibus casibus tutor. ha. vel, *Præses prouinciæ existimabit.* l. iij. ibid. vel, *Iudex quamprimum suis partibus fungatur.* l. prima. C. de administr. tutor. & alia multa sunt phrasæ, quibus Imperatores vtuntur in libro C. l. prima. C. de ordine iudicio. & alibi.

Nec est differentia, si diceretur parti, *Præsidem prouinciæ adire debes.* Nam nec Præses tenetur hoc casu per se cognoscere, nec pars adire, si nolit, quia hoc verbū debes, licet regulariter necessitatē denotet, quando in lege inuenitur, ut quis debeat facere. l. Prætor. ff. de edend. glos. in clement. attendentes. de statu monachorum. dixi in verb. debeat. §. primo. de collat. in Concord. Tamen non procedit, quando verbum, debet, respicit partem, & eius vtilitatem, tunc pars illi commodò renunciare potest, & intelligitur: Debet hoc facere, si velit vtilitatem consequi, & sic intelligitur hic text. & eius materia.

*De verbo debet.*

Et sic verba præceptiva siue in contractibus, siue in vltimis voluntatibus, siue in rescriptis, siue in iudiciis, denotant necessitatem, nisi materia aliud inducat, siue sententia contrahentium, vel ratio, aut mens, & ita sæpius declaravi in titul. ff. de verborum signific. aliàs hinc multis probarem. facit l. non aliter. ff. de legat. 3.

Ex his probatur praxis Franciæ, ut quando causa à Senatu, vel alio iudice remittitur ad inferiorem, ut fieri solet, quando ab interlocutoria est appellatum. cap. ut debit. de appellat. §. primo. de friuol. appell. in Concord. ut is iudex non teneatur cognoscere, nec quidem potest, si antea malè iudicauit: imò poterit, non obstante remissione, recusari, ut decreuit Senatus Parisiensis in processu inter iudices & Consiliarios Pictauienses, anno 1540. die 17. Iulij.

*Praxis Franciæ de causæ remissione.*

Imò, quando primus iudex grauauit, & causa ad idem auditorium remissa est, si ipse veller cognoscere, condemnaretur ad mulctam, ut idem iudicauit Senatus contra Præpositum de Coussi, anno 1533. die 17. Nouemb. Scripsi in §. j. titul. de friuol. appellat. in Concord.



LEX X. HERMOGENIANVS LIB. II.  
I VRIS ἐπιτομῶν.

**D**E omnibus causis, de quibus vel Præfectus vrbi, vel Præfectus Prætorio, itémque Consules, & Prætores, cæterique Romæ cognoscunt, Correctorum, & Præsidentum prouinciarum est notio.

*Præses de  
fiscalibus  
etiā causis  
cognoscit.*

**I**urisconsultus ait Præsides de omnibus causis cognoscere in prouinciis posse, de quibus Præfectus vrbis, & alij magistratus Romæ cognoscunt. Idem fuit dictum de Proconsule, in l. si in aliquam. in fine. supra eod. & sic etiam de fiscalibus causis cognoscet Præses, vt concedit Iustinian. in §. nulli. & seq. in authen. vt iudices sine quoquo suffragio fiant. collat. 2. & §. eos. ibidem.

Nec procedit hîc argumentum ab ordine scripturæ, videlicet vt primò nominatus sit dignior, quia Præfectus Prætorio est dignior Præfecto vrbis, vt suo loco dictum fuit. Item Consules his digniores, tempore quo Roma Consulibus regebatur. Sed quia prima cognitio causarum ad Præfectum vrbis spectat, vt visum fuit supra de offi. Præfect. vrb. Idèd prius nominauit hîc Martian. Præfectum vrbis, & hoc argumentum nō semper locum habet. vt l. postliminium. §. sed et si. ff. de capti. Doctor. in c. 2. de iud. glos. in c. quorundam. de elect. lib. vj. de Correctore dictum fuit superius in rubric. Notionis verbum plenè tractauit in l. notionem. ff. de verb. signific.

LEX XI. MARTIANVS LIB. III.  
INSTITVTIONVM.

**O**mnia enim prouincialia desideria, quæ Romæ varios iudices habent, ad officium Præsidentum pertinent.

**A**ccurs. & alij Doct. istum text. intelligunt, ibi, desideria, id est, negotia, quibus ipsi prouinciales desiderant iustitiā fieri, alij exponūt pro libello.

*Verbum,  
Desideria,  
quid im-  
portet.*  
Ego autem exponerem desideria, id est, actiones, petitiones, exceptiones, vt omnes alios etiā actus, iudicis officium requirentes comprehendat. Nam hi omnes ad officium Præsidentum pertinent in prouincia, & desideria vocat. Nam quod in iudicio petitur, valde desideratur, alioqui non ingrederetur quis lites, quas boni viri execrantur. litem. ff. de alien. iud. Nempe quidam actus sunt, seu negotia, quæ non habent Romæ iudices, vt comedere, liberè tractare sua negotia, visitare amicos, & alia extraiudicialia, & ista non pertinent ad officium iudicum Romæ, nec quidem ad Præsides in prouincia, & tamen sunt desideria prouincialia.

Alij actus sunt iudiciales, & illi sicut habent varios iudices Romæ, isti omnes ad officium Præsidentis spectant, in prouincia: idèd omnia desideria causæ, quæ ipsi desiderant prouinciales sibi in iudiciis expediri, ad Præsidentem prouinciæ pertinet, quasi dicat omnes actus iudiciales spectāt ad cognitionem Præsidentis in prouincia, licet Romæ habeant varios iudices; & sic dubitabatur, an de his omnibus posset cognoscere Præses: & respondeo posse, cum ipse esset in prouin-

cia solus, & cui erat commissæ tota prouincia, & sic de omnibus cognoscere poterat, licet Romæ distincta essent officia, & sic cognitio ad varios spectaret magistratus. De hoc verbo tractauit in l. saepe. in verbo, desiderabuntur. ff. de verb. signific.

Ex hoc text. colligitur, Præsidentem prouinciæ in ciuilibus causis habere iurisdictionem in prouincia, sicut alij iudices Romæ, sed in criminalibus non: quia non poterat deportare, vt docet Accurs. dixi in l. illicitas. §. qui vniuersas. supra. poterat tamen etiam de criminibus cognoscere, vt dictum fuit, sed ab ipso erat appellatio ad Præfectum Prætorio, etiā in ciuilibus, vt superius scripsi, sed ipse cognoscebat, sicut Præfectus vrbis, Vigilius, & alij magistratus Romæ.

Et sic patet vnum iudicem sufficere posse pluribus causis, tam criminalibus, quàm ciuilibus, sed hodie ferè tot sunt magistratus in Francia, quot sunt stellæ erraticæ in coelo, sed an melius prouideatur, relinquo his, qui desideria non implent, vt videant. Aristot. in Politic.

LEX XII. PROCVLVS LIB. IIII.  
ἐπιτομῶν.

**E**d licet is qui prouinciæ præest, omnium Romæ magistratuum vice & officio fungi debeat: non tamen tam spectandum est, quid Romæ factum est, quàm quid fieri debeat.

**H**æc lex tollit istud dubium, nempe ad Præsidentem prouinciæ pertinet cognoscere in prouincia de omnibus causis, sicut magistratus Romani cognoscunt. Nunquid & ipsi debeant abuti, si Romani magistratus abutantur, & perperam de causis cognoscant, & decident, quod videbatur, alioqui non cognoscerent, vt Romani magistratus. Contrarium tamen hîc statuit Proculus dicens, spectandum esse quod fieri debet, non autem quod factum est, & non valet electio Prælati regularis facta de eo, qui non est professus, quia inspiciendum est quod fieri debet, & quod faciendum est quod fieri debet, & sic quod faciendum erat. c. cum causam quæ. vbi etiā gl. de elect.

Ex his Præsidentibus appellabatur olim, etiā à Procōsulibus. l. ij. in prin. & §. qui verò. C. de tēpore appella.

Tamen in hoc regno Franciæ ex gratia istis Præsidentibus concessum est, ne ab istis iudicibus Præsidentibus in minimis causis appelletur, per Const. Reg. in tit. des Iuges, Lieutenans, & autres magistrats, &c. Et illa constitutio probatur in l. in offerendis. C. de appellat.

Accurs. hîc scribit non esse allegandas gl. vbi text. ad sunt, nec leges, vbi Canones sunt. c. si in adiutoriū. ro. dist. Et hanc glos. sing. dicit Bal. in marga. in verb. decisio. ergo vbi non est lex, sufficit autoritat glos. adducere. Imol. in l. j. col. 2. ff. de vulga. Ias. in l. illam. nu. 10. C. de collat. Imò vbi glos. firmat pedem, ab ea non est recedendum in consulendo, nec in iudicando, teste Alex. consil. 92. nu. 3. in 2. vol. hodie non tā scrupulosè procedimus. Nam & vbi iura sunt ad confirmationem, etiā allegamus glos. & Doct. autoritatem, qui illam sententiā firmauerunt, nec stamus sententiæ glos. nisi ratione, aut iure fulciatur, quamuis magna sit inter Doct. eius autoritas. vt Ias. scribit post alios in l. vt vim. ff. de iust. & iur. licet quidā indocti & iuris ignari, nihili glos. faciant, cum ipsi nihili sint, & facile contemnat quis, quod ignorat.

*Præse sine  
prouincia  
de criminalibus non  
cognoscebat  
absolutè.*

*Electio Præ-  
lati facta à  
nō professō.*

*A iudici-  
bus Præs-  
dentialibus in  
minimis  
causis non  
appellatur.*

*Glosse au-  
thoritas nō  
est contem-  
nenda.*



## S V M M A R I A.

- 1 Christianos Turcis vendentes, ad mortem damnati.
- 2 Receptores perinde atque latrones puniendi.
- 3 & 4 & seq. Restrigitur.
- 5 Hospes dans prandium, vel cœnam exuli, non dicitur receptor.

## LEX XIII. VLPPIANVS LIB. VI. DE OFFICIO PROCONSULIS.

**C**ongruit bono & graui Præsidi, curare vt pacata, atque quieta prouincia sit, quam regit, quod non difficile obtinebit, si sollicitè agat, vt malis hominibus prouincia careat, eosque conquirit. Nam & sacrilegos, latrones, plagarios, fures conquirere debet: & prout quisque deliquerit, in eum animaduertere: receptatoresque eorum coercere; sine quibus latro diutius latere non potest.

**I**sta lex docet Præsidem prouinciæ quid agere debeat vt sua prouincia quieta pacataque sit. In primis debet curare, vt malis hominibus prouincia careat; ideò illos conquirere debet, & nō solum per alios, vt dicit Accurs. verum etiā per se, & suis sumptibus, postquam stipendia ad hoc sunt illi præstituta, & hoc probat §. *Nulli verò liceat civili, aut militari iudici circuire prouinciā sine causa necessaria, si verò aliqua necessitas vocauerit, tale aliquid. expensis propriis fieri hoc iubemus.* in authen. Vt nulli iudi. collat. 9. sed hodie fieri debet expensis publicis, id est, fisci, qui ob hoc confiscationes consequitur, & Præfectus vigilum hos cōquirit noctu, Præses interdiu, & Locumtenēs, siue iudex criminum, & postquam eos apprehenderit, punire illos pro modo delicti debet, & receptatores, & alios hoc genus homines.

Sed vbi locorum sint isti scelesti inquirendi? Respondeo, in lupanaribus, prostibulis, tabernis, & aliis locis infamibus, in quibus hoc genus hominum habitare solet, & aditus datur vbique his magistratibus. vt in l. j. ff. de seruis fugit. vbi & literas mandare poterūt alius magistratibus, vt eos conquirāt, &prehendant, ac diligenter captos custodiant, ne euadāt, vt ibi scribitur. & non potest obtineri pax, nisi præcepta Dei adimpleantur. 2. Paralip. c. xx. & glos. in c. ad Apostolicā. de re iudic. lib. vj. Ideo si nō puniuntur scelesti, non potest esse pacata prouincia, nec quieta, cum bella veniant propter mala, quæ committuntur. in authen. vt non luxurientur contra naturam. colla. vj. Nec distinguitur vndecunque sint scelesti. glos. ij. in c. primo de offic. ordinarij.

Et sic licet in criminibus tripliciter procedatur, per accusationem, denūtiationem, & inquisitionem: tamen iudex poterit hīc per inquisitionē procedere, & in aliis casibus, quos scribit Specul. in tit. de inquisitione. §. quando facit. c. qualiter. vbi plenè Doct. de accusat. & iudex generaliter inquirere poterit cōtra fures, receptatores, sacrilegos, & alios criminū reos, sed non debet specialiter contra certam personam inquirere, nisi indicij præcedentibus, vel fama publica præcedente. l. iustissimos. C. de offic. Rect. pro-

uinc. vel ad relationem nuntij. l. Diuus. de custodia reo. aliās magis suggerentis, quā inquiringentis vti officio videtur. l. j. §. qui quæstionem. ff. de quæstion.

Et hæc inquisitio generalis debet fieri maxime in principio adepti officij. vt docet hīc Bart. & quando expedit sicut debet Episcopus visitare, & inquirere in initio sui regiminis, & singulis annis. c. cum Apostolus. & per totum de censibus. c. ordinarij. de offic. ordinarij. lib. vj. & in §. ordinarij. de pacifi. possessor. in Prag. & Concord. Sed hodie multi magistratus inquireunt, quomodo habeāt pecuniam, vt satisfaciant pro officio empto, & id quod interest soluant, pro pecunia mutua sumpta ad officium emendū contra quos symoniacos, & sacrilegos, scribit Iustinian. in l. vniuersa. C. de legatio. lib. x. Accurs. in l. ij. de murilegul. C. libr. xj. & in titul. ad legem Iuliam de ambitu. adde Bened. in repet. c. Raynutius. in verbo, duas. de testa.

Nam & sacrilegos.] Conquirere primò hos, quos inferius explicat, sacrilegos debet: sunt autem sacrilegi, qui publica sacra compilauerūt. At qui priuata sacra, vel qui ædículas tentauerint, amplius quā fures, minus quā sacrilegi merentur. quare quod sacrū, quodue admissum in sacrilegij crimen cadat, diligenter considerandum est. Ideò sacrilegi capite puniendi sunt. Paul. in l. sacrilegij. ij. ff. ad leg. Iuliam. pecula. & sacrilegij pœnam debet Proconsul pro qualitate personæ, proque rei conditione, & temporis, & ætatis, & sexus, vel seuerius, vel clementius statuere, & scio multos etiā ad bestias damnasse sacrilegos, nonnullos viuos exussisse, alios verò in furcas suspendisse. Vlpia. in l. sacrilegij. prima. ibidem, & hodie etiam Præsides prouinciarū in hos animaduertere, per istum text.

Plagarios.] Plagiarium illum esse dicimus, qui hominem ingenuum, vel libertinum, inuitum celauerit, habuerat in vinculis, emerit, sciens dolo malo. quū eorum socius erit, quū seruo alieno, seruæue persuaferit, vt à domino, dominæue fugiat, vel eum, eamue inuito, vel insciente domino dominæue celauerit. Etiam qui sciens hominē liberū donauerit, vel in dotem dederit. Item qui ex earum qua causa sciēs eum esse liberum acceperit, in eadem causa haberi debet, qua venditor & emptor habetur. l. iij. & vj. ff. ad legem Fabiam. de plagia. & quare sic dicatur, declarat Alciatus lib. j. Parerg. c. xlvij. & Carel. Corta in secunda parte memorat. in verb. plagarij.

Olim pœna pecuniaria statuta in usu esse desit. Nam in hoc crimine detecti pro delicti modo coercentur, & plerunque in metallum damnantur. l. fin. ibidem. & hodie vidi quosdam ad mortem damnatos, qui Christianos Turcis vendiderant. Si tamen Cardinalis, vel alij dederit cantorem, vel alium famulum alteri, non incidit in hanc legem, quia non intendit donatum priuare sua libertate, sicut qui dat Turcæ. vt docet Bart. in l. lege Fabia. ibidem.

Latrones, fures.] Latrones dicit de die Accurs. fures de nocte. Latrones frequentius dicuntur, qui vī bona auferunt, & alio nomine Grassatores vocantur in l. capitalium. in fi. ff. de pœnis. de hac dictione plura vide, quæ scripsi in l. hostes. de verb. signific.

Fures, qui sine vi, clam furantur, à furuo, vel à ferendo, id est, auferendo dicti. Vlpian. in l. j. ff. de furt. Docto. in Authen. sed nouo. C. de seruis fugit. vbi Paul. quatuor furū species tradit, & Iacob. Boallenc. in repet.

Episcopus in initio sui regiminis, & singulis annis debet inquirere.

Sacrilegorum pœna.

Plagarius quis dicitur.

Fures unde dicantur.

Mali homines publicis expensis conquiritur.

Iudex contra quos inquirere debeat.



in repet. §. famosos. fol. 8. cum seq. d. l. capitalium. ff. de pœnis.

Et prout quisq; deliquerit in eū animadu-  
uertere.] quod Marcellus quoq; scribit. ff. de pœ-  
nis. l. *Respicendū est iudicātū, ne quid durius aut remis-*  
*sius constituatur, q̄ causa deposcit. Nec enim aut seueri-*  
*tatis, aut clemētię gratia affectanda est, sed perpenso iu-*  
*dicio, prout quęque res postulat, statuēdum est. Planē in*  
*leuioribus causis promiores ad lenitatem, iudices esse de-*  
*bent, in grauioribus, pœnis seueritatem legum cum ali-*  
*quo temperamento benignitatis subsequi.* & Paul. alibi  
dicit, *Ex personarum cōditione, & rerum qualitate, di-*  
*ligenter pœna sunt estimanda, ne quid aut durius, aut*  
*remissius cōstituatur, quā causa postulabit.* l. Pedius.  
in fi. de incend. ff. & Callistratus ait pœnam impo-  
nendam pro mensura cuiusque delicti. l. diuus Pius.  
ff. de fal. vel prout causa exegerit, iudicem pronun-  
tiare debere. statuit Vlpian. in l. j. §. cum quis. ff. de  
quæstio. Vnde Anaxandridas (vt refert Plutarchus)  
cuidam ab ipso fiscitātī, quamobrem seniores apud  
Lacedæmonios plures consumerent dies, ad cognos-  
cendum in causis capitalibus, & si quis fuerit abso-  
lutus, nihilominus obnoxius legi sit; Respondit, idēd  
pluribus diebus cognoscūt, quoniam si in capitis di-  
scrimine errauerint, nō est cōsiliū corrigēdi potestas,  
oportet autem à causa liberatū, obnoxium manere  
legibus, quod fieri potest, vt secundū eandem le-  
gem liceat aliquid rectius de reo statuere. Hoc tem-  
peramento prouisum est, ne vel occidatur innocens,  
vel effugiat nocens, qui quamuis errore iudicum sit  
absolutus, potest eadem lege denuō conueniri, pœ-  
nāsque dare legibus. Et hodie in Francia vix absol-  
uuntur rei criminum. Idēd si nouæ informationes  
deferantur, statim in carcerem delicitur. vt dixi in  
procemio Consti. Regi. in primo tomo. Commenta.

Receptatoresq; eorum.] In Pandectis Florēt.  
est receptores. Recipere enim in ea est significa-  
tione, abscondēdi causa refugium furi præstare, vel  
in suo agro, vel in alieno loco, ædificiōue. Vlpia. in  
l. j. §. quod autem. ff. de seruo corrupto.

Receptor ergo dicitur, qui latrones, aliōsque sce-  
lestos, vel res ab illis surreptas recipit, & occultat,  
qua dictione vtitur Cicer. pro Milone. & Martia. de  
his in tit. de recepta. sic ait: *Pessimum est genus rece-*  
*ptorum, sine quibus latere nemo diu potest.*

Receptor etiam dicitur, qui hos nocentes, vel  
bona ab illis surrepta, frequēter recipit. Nā recepta-  
re, est frequēter recipere. l. Fulcinius. §. latitare. ff.  
quibus ex caus. in possessio. eat. & siue in text. le-  
gatur receptor, siue receptator, sensus idem est,  
licet conueniētius sit, si legatur receptator: tamen  
& receptor, etiam si semel receperit scienter, punien-  
dus est, vt statim dicitur.

Nunc videndum est, quomodō Præsides coër-  
cere hos receptores debeant. Respondet Martia. in  
d. l. j. de receptor. vt perinde puniantur atque latro-  
nes: in pari enim causa habendi sunt, qui cum appre-  
hendere latrones possent, pecunia accepta, vel subre-  
ptorum parte, dimiserunt.

Et sic per istum text. constat receptores pari pœ-  
na puniendos esse cum latronibus. probatur etiam  
in l. vnica, ibi, *vel qui eos receperint.* C. de raptor.  
virg. vbi raptores virginum pœna mortis afficiun-  
tur, sic & receptores illorum. vnde Paul. statuit Me-  
trodorum relegari, quod hostem deportandum in

insulam sciens susceperit, & eum occultauerit. l. Me-  
trodorum. ff. de pœnis.

Ego arbitror varias in receptatores pœnas consti-  
tutas, & variē eos puniendos. Prima pœna punitur,  
videlicet si prohibitio sit facta à iudice, ne quis reci-  
piat, vel occultet latrones, vel hostes, sub pœna æris  
& personæ, vulgò *sur peine de la hart*, & alia. Et tunc  
qui non obtemperauerit, illa pœna cōminata, vel le-  
uiore punietur, quod in Francia sæpius exercetur, &  
illa pœna denotat confiscationem corporis & bono-  
rum. glos. in verb. pecuniis. in authent. de armis col-  
la. 6. quam Barba. probat in c. Raynaldus. col. 116. de  
testa. & Corf. in verbo, pœna. col. 13. ista confiscatio  
bonorum non potest discerni nisi à supremis iudici-  
bus, & nisi ex lege fuerit imposita. l. vnica. C. ne sine  
iussu Princip. certis iudicibus liceat cōfiscare. & hoc  
docet Bald. in verb. confiscare. in tracta. statui. & con-  
fil. 262. decretum. in 2. volumine.

At pœna *de la hart* [æris & personæ] non debet  
cōminari nisi per Principes, & interdū Curias supre-  
mas, seu per Locumtenētes Principis, & in bello, per  
belli Duces. Nec debet per inferiores fieri proclama-  
tio, *sur peine de la hart*, [sub pœna æris & personæ.] vt  
docet Boërius in decis. Burdeg. q. 264. an foror. &  
Chassa. in Consuet. Burgund in §. primo tit. *des*  
*confiscations.*

Secunda est, vt si receperit proditores, vel reos  
læsa Maiestatis, pœna puniri debeat. & sic pro qua-  
litate delicti. d. l. vnica. §. pœnas. de raptorib. virgi. &  
ibi Bald. & Hyppo. in l. ij. C. de his qui latro. vel aliis.  
l. quotiens. C. de exacto. tribu. lib. 10. Lucas de Penna  
in l. j. col. 2. de deserto. lib. 12. alia pœna est in §. rece-  
ptatoribus. in tit. de pace & iura. firman. in feud. Hoc  
autem est intelligendū, si sciēter, secus si ignoranter  
receperit. glo. in d. l. j. de recept. facit. l. Metrodorum.  
ff. de pœnis. & l. omnes profugi C. de agricol. & cen-  
sitis. li. 12. & l. vnica. de colo. Illyrici. ibidem. in sciūm  
enim teneri, satis inciuile est. l. si defunctus. §. j. ff. de  
procurat. & ignorantiam non vult imperator obli-  
gari. l. generali. C. de tabular. lib. 10.

Et præsumitur ignorantia in dubio. l. verius. ff. de  
probat. antequā proclamatio facta sit per ciuitatem,  
vel ei denuntiātū fuerit, aut aliās notorium. Authēt.  
si quis. C. de adult. Bal. & alij in l. j. C. de his qui la-  
tro. Baldus in l. j. C. de seruis fugit. Ita declaratur in  
Consuetudi. Tholos. tit. de immunitate ciuium. art.  
vlt. vt nullus ex receptione Tholosæ teneatur, nisi  
fuerit proclamatum, vel illi denuntiātum.

Et hæc ignorantia iuramento probari potest an-  
te proclamationem, vel publicationem, postea non.  
Bal. in §. conuenticula. in §. not. de pace & iura. firman.  
facit c. nulli. de electio. in vj. vide Bald. consil. 250. in  
quæstione. col. 4. in primo vol. Idēd est prima limita-  
tio in eo qui recepit furem ignorans eum furem, vt  
non puniatur.

Secundò limitatur, quando coactē reciperet; nam  
actus coactē factus, pœnam non meretur. l. i. & per  
totum. ff. quod metus causa. Bald. & Floria. in l. in  
omnibus. ff. de noxal. actio. Nec imputantur ea, quæ  
fiunt contra volūtatem. c. j. & seq. c. ita. 32. q. 5. c. pres-  
byteros. 50. dist. l. cura. ff. de munerib. & honorib. ibi,  
nec si per vim. multis probat Hyppol. in l. j. §. præ-  
terea. num. 11. cum seq. ff. de quæstion.

Tertiò non procedit in consanguineo, vel affine,  
qui recepit suum cōsanguineum; ob hoc tamen non  
est

Varia re-  
ceptatorū  
pœna.

Ignorantia  
receptato-  
rū quomo-  
do proba-  
tur.

Affinis la-  
tronem af-  
finem reci-  
piens.

Anaxan-  
dride præ-  
clarum re-  
sponsum.



est absoluendus, neque seuerè puniendus, sicut illi, qui recipiunt latrones, nil sibi attinentes, & nihil ad se pertinentes. l. fin. ff. de recepta. & eo casu imponitur pœna arbitrio iudicis, non tamen pari pœna puniri debet, quemadmodum fur, teste Bal. in l. j. C. de his qui latro.

Nam ignoscendum est ei, qui suum sanguinem redimere voluit. l. prima. ff. de bonis eorum, qui mortem sibi consciuer. Bald. in l. & si legibus. C. si contra ius. Oldra. consil. 5. cōsuevit. col. vlt. & Ioan. Berbe. in viatorio iuris. tit. de recepta. non tamen omnino absoluetur.

Quartò, non habet locum, quādo aliquis non solum latronem reciperet, sed & latrocinij partem, is enim duplici pœna puniendus venit, & sic capite. l. j. in fin. ff. de receptor. vbi dicit in pari pœna esse, qui latrones dimiserunt data pecunia, vel accepta surreptorum parte. ergo ille, qui partem recipit, fur est. Item qui personā, receptor, ergo sicut dupliciter peccat, ita maiori pœna puniri debet. c. felicitis. de pœnis. lib. 6. Feli. in c. quod olim. de Iudæ. Et in hoc debet iudex aduertere, an sit simplex receptio, an etiā prædæ diuisio, & tunc etiā maiori pœna afficiat istū, & hoc videtur probari in l. j. C. de deserto. lib. 12. ipsi enim sunt causa, quare alij furantur, & sic debet pœna in eos exasperari, saltem pari pœna, licet Gaudi. in trac. de malef. tit. de furibus. vers. restat videre. & Angel. ibid. glo. dicto maleficio. circa finem. & Hypolit. in l. fin. num. 50. cum seq. ff. de fal. dicant mitiori pœna puniendos.

Quintò, non dicetur hospes receptor, si dederit prandium, aut cœnam exuli trāseunti. vt docet Bar. in l. j. §. quod autem. ff. de fur. quia requiritur, vt latenter recipiat, & occultet, vt is receptus manus iudicis euadat. Lucas in d. l. j. de deserto. quod non facit hospes, sed vt tantum eum alat, & ipse illi soluat, & sic lucretur.

Ex prædictis constat alleuiandam pœnam, quando quis recepisset consanguineum, affinem, vel magnum amicum, vel pro qualitate delinquēris, tamen interdum etiam duriore pœna affligēdum receptorem, quā alterum, vt superius dictum fuit.

§. Furiosi, si non possunt per necessarios contineri, eo remedio per præsidem obuiandum est, scilicet vt in carcere contineantur. & ita diuus Pius rescripsit. Sanè excutiendum diui fratres putauerunt in persona eius, qui parricidium admiserat, vtrum simulato furore facinus admisisset, an verò cum re vera compos mentis non esset, vt si simulasset, plecteretur: si fureretur, in carcere contineretur.

EX hoc §. colligitur furiosos esse à consanguineis continendos, ne cuiuspiam noceant, vnde adagio dicebant veteres, Ad agnatos & gentiles ducendum quem, cum furiosum aut mente captum eum significare volebant, teste Varrone lib. de re rustic. j. c. ij. & Erasmo in Chiliad. Si verò non possint, per conuictos retineri, tunc in carcere à Præsidente continebuntur, & sic prima cura est consanguineorū.

Postea in hoc casu quaeritur, an furiosus, qui cō-

misit parricidium, puniri debeat, & si furorem simulauerit, sicut Vlysses, puniendum illum docet hic textus, si verè furiosus sit, in carcere continebitur, ne plus noceat, vt dicitur in l. seq.

## S V M M A R I A.

- 1 Index debet ex liquidis probationibus indicare.
- 2 Magistratus negligens, ab officio deponendus.
- 3 Indices hereticos, vel alios scelestos, punire dissimulantes, debent sicut rei puniri.
- 4 Pœna duplex alicui non imponenda.

## LEX XIII. MACER LIB. II. DE IUDICIIS PVBLCIS.

**D**iuus Marcus & Commodus Scapulæ Tertilio rescripserunt in hæc verba: Si tibi liquidò compertum est, Ælium Priscum in eo furore esse, vt continua mentis alienatione, omni intellectu careat, nec subest vlla suspicio matrem ab eo simulatione demētiæ occisam: potes de modo pœnæ eius dissimulare: cum satis furore ipso puniatur. Et tamen eo diligentius custodiendus erit, aut (si putabis) etiam vinculis coercendus: quoniam non tam ad pœnā, quā ad tutelam eius & securitatem proximorum pertinebit.

**C**olligitur ex duabus his dictionibus liquidò compertum, iudicem ex liquidis probationibus iudicare teneri, non ex dubiis, maximè in criminalibus, in quibus debent esse luce meridiana clariiores. l. fi. C. de probat.

Continua mentis alienatione omni intellectu careat. ] Furiosus est qui omni caret intellectu, isque est duplex. Quidam perpetuò seu continuò furiosus, vt hic, alius est interpolatus, & sanior sensu quibusdam interuallis, & vt dicunt nostri, dilucida habens interualla, qui aliquo tempore est furiosus, alio verò sanæ mentis, de quo in §. si verò, infra dicetur.

Nec subest vlla suspicio. ] Et sic ex suspitione iudex quandoque moueri debet, vt etiam docet Bar. in l. admonendi. col. iij. ff. de iureiuran. maximè quando actus nō potest probari. Nam si prius quā occidisset matrem, iste erat sagax, si statim furorem exercet, dicemus eum simulare furorem, secus si antea erat furiosus; & ideo moueri iudex debet, ad absoluendum aliquē, si nulla suspicio sit, q̄ commiserit delictū, sicut hic, si nulla erat suspicio, q̄ simulasset furorem, vt impune matrē occideret. de hac suspitione, in l. in l. Aquilia si delictum. ff. ad legem Aquil.

Matrem occisam. ] No dici parricidium, siue quis patrem, siue matrem occidat. Nam in §. furiosi. supra dicit parricidium: imò pœna legis Pompeiæ duo continebat capita; primum erat, qui parētes, cognatos, aut patronos occidisset, huius legis pœna tenebatur. l. hos accusare. in fin. de accusat. ff. secundum caput, vt qui personam aliquam extra prædictos occidisset, & hic pœna legis Corneliæ puniebatur. vt ff. de sicar. & l. j. ff. ad legem Pompeiam. de parricid.

P. Rebuffi Lectura.

N

Receptor duplici pœna puniendus, si etiā latrocinij partem recipiat.

Receptor vt quis dicatur, debet latenter aliquem recipere.

Furiosus duplex.

Index ex suspitione quandoque moueri debet.

Prima furiosorū cura spectat ad consanguineos.



*Quæstores  
parricidi.*

Ideò Quæstores parricidi dicti sunt, q̄ de his criminibus tam primi, quàm secundi capitis cognitio-  
nē haberēt, vt scripsi in tit. de offic. Quæstor. suprā.

Potes de modo pœnæ eius dissimulare.]

*Index ex  
causa etiā  
in crimina-  
libus potest  
dissimula-  
re.*

Nota iudicem posse ex causa etiam in criminalibus dissimulare, id est, conuiuere, & hoc ex causa, & auctoritate iuris, vt hic, alioqui ipse puniendus esset, nam negligens magistratus ab officio deponendus est. glos. in c. dictum. lxxxj. dist. Doct. in c. grandi. de supplenda negligē. prælat. lib. 6. quod declarat Areti. in c. illa. col. prima. de accusa. & hic tenetur ad id quod interest. l. iij. §. in eum. ff. de dam. infect. abunde Paris de Puteo in tracta. syndicus. in vers. contra magistratum. fol. 177. in paruo vol. ideò conuentum est inter Papam & Regem, quod si quis offensus coram suo iudice, iustitiæ complementum habere non possit, ad immediatū superiorem per appellationem recursum habeat. §. primo. tit. de friuol. appella. in Cōcord. vbi scripsi. & iudices dissimulantes punire hæreticos, vel alios scelestos, dicuntur fautores, & puniri debent sicut rei, nam qui crimina, quæ poterit emendare, non corrigit, ipse committit. c. præterea. 23. q. 8. & error cui non resistitur, approbatur. c. error. 83. dist. & Saul damnatus fuit, atque regno suo priuatus, quod contra præceptum do. Achab non puniuit. 1. Reg. c. 15. & facit c. qui vitiis. 23. q. 5.

Satis furore ipso puniatur.] Colligitur duplicem pœnam non esse imponendam alicui. c. at si clerici. in fi. de iudi. nisi in lege esset appositā duplex pœna pro eodem facto. l. placet. C. de sacrosanct. ecclesiis, & maximè quando vtraque est pecuniaria. l. quotiens. ff. de actio. & obliga. & in aliis casibus, quos scribunt Doct. in d. §. fin. & Cardin. Alexan. in c. fraternitatis. col. ij. dist. xxxiiij. scripsi in §. fi. in verb. suspendemus. de colla. in Concord.

Diligentius custodiendus.] Colligitur furiosum esse custodiendū, & si opus sit, vinculis continendum, & hoc fit tam ad pœnam delicti, quod furiosus perpetravit, quàm ad tutelam eius, & ad securitatem proximorum, per istum text.

*Carcer  
etiam pœ-  
na dicitur.*

Et sic carcer videtur etiam de iure ciuili ad pœnam. contra l. fin. C. de custod. reor. & c. quamuis, de pœnis. in vj. Respondeo, specialiter carcer est deputatus ad custodiam de iure ciuili: negari tamen de iure ciuili non potest, quin carcer pœna sit his, qui custodiuntur, vt hic. & text. expressus in l. ij. ibi, pœnam carceris sustineat. C. de custod. reor. facit glos. l. in feruorum. ff. de pœnis.

*Furiosus  
publicis ex-  
pensis custo-  
diendus si  
bona non  
habeat.*

Sed cuius expensis custodiendus sit? Respondeo expensis suis, si bona habeat; sin minus, expensis publicis, & Regis, si proximi sumptus præstare nolint, aut nō possint. l. lex Cornelia. ff. de Senatuscon. Syllania. glo. in l. fi. C. de eroga. mili. annon. lib. 12. scripsi abunde in interpret. l. Diuus. numer. 133. cum seq. de natuscon. Syllan.

#### S V M M A R I A.

- 1 Furiosus habetur pro mortuo.
- 2 Interdum ciuilitè condemnari potest.
- 3 Restrigitur.
- 4 Criminaliter verò, secundum stylum curiarum Francia. non puniuntur.
- 5 Ratione delicti furiosus, instar aliorum prudentum puniendus.

§. Cum autem ex literis tuis cognouerimus tali eum loco atque ordine esse, vt à suis, vel etiam à propria villa custodiat, &c.

**H**ic docet, an puniri debeant, qui furiosum continent, si ipse delictum committat; & respondeo, puniendos esse ex magna negligentia, & quomodo? Respondeo, pro modo negligentia & culpa. Nam ipsi tenentur, postquam eius custodiam acceperūt. vt Accurs. docet, & interpretes in l. furiosum. C. qui testamen. facere possunt.

Si autem custodiam non acceperint, non tenentur consanguinei, debent tamen ipsi denuntiare iudici, si custodiā furiosi assumere nolint, vt ipse intra carcerem contineat, vt hic à suis. &c.

In propria villa custodiat.] No. tex. custodi furiosi nō committere priuatum carcerē, etiam si illum in propria villa custodiat, secus si quis alium criminis reum sic seruaret, maximè post viginti horas. l. vnica. C. de priuat. carcer. l. capite quinto. ff. de adulter.

Nam custodes furiosis non ad hoc solum adhibentur, ne quid perniciosius ipsi in se moliantur, sed ne aliis quoq; exitio sint, &c.

Nota rationem, quamobrem adhibeatur custos furiosis. Primò, ne ipsi lædant semetipsos, vel in aquā se proicientes, aut è monte in terram, aut aliās sibi noceant. Secundò, ne aliis exitio sint, fortè alios percutiendo, nempe furiosus occidit matrē, & sic fuit exitio aliis. Tertiò ne sua bona dissipent. l. fin. C. de cura. furiosi.

Ad intellectū huiusce materiae, vt nota deinceps sit, quia Docto. sunt varij, an furiosus debeat puniri? Ideò ego faciam sequentes casus, vt materia, vno velut complexu capiatur: casus primus est facilis, videlicet furiosum non esse puniendum, si tempore furoris delictum committat, per istū text. quia satis suo furore punitur, & non est dāda afflictio afflicto. vt docet Accurs. hic. & Imperator in l. j. C. de naufra. lib. 11. vbi ait, si scum ex aliena calamitate non debere lucrum sectari; ideò nauem naufragio dirutam non debere attingere, sed ad dominos pertinere debet, quamuis iniusti Do. contrariū seruent. Et quia furiosus animum delinquendi non habet, ideò non delinquit. l. si nō conuicij. C. de iniuriis. & Vlpia. scribit, *Qua enim culpa in eo est, qui sana mentis non est?* l. v. versic. & ideo. ff. ad legem Aquil. Et in hoc ferè omnes iuris interpretes conueniunt, in clement. vnica, per illū tex. de homicid. & alibi. Et quia pro mortuo habetur. l. de creationibus. C. de Episco. audien. Bal. consil. 347. Ecce formata in 3. vol. idem dicentes in dormiente, quia non est in dolo; tamen si non monuerit illos, cum quibus dormiebat, est in culpa, & ob illam punitur.

Secūdus casus, qui simulato furore facinus commiserit, pœna statuta plecti debet, etiam fortè maiore, quàm alius, quia maiori affectione deliquit, tā delictum committendo, quàm etiam illud furore palliando. & Accurs. scribit hic multos simulasse dementiam, vt vitarent munera, & honores. l. obseruare. ff. de cura. furio. David simulauit stultitiam in domo Achitofel Regis, & Vlysses.

Tertius casus est, si furiosus tempore dilucidi interualli,

*Furiosum  
custodien-  
tes, si inte-  
rim deli-  
ctū comi-  
tat, an pu-  
niendi.*

*Furiosus  
an punien-  
dus sit.*

I

*Committit  
facinus si-  
mulato fu-  
rore.*



*Furiosus  
tēpore dilu-  
cidi inter-  
ualli delin-  
quens.*

terualli, & quando aliquo sensu sanior erat, deliquerit, puniri debet; expectari tamen etiam debet interuallum, quo sentire poterit, se deliquisse. probat iste text. in vers. *Si verò (vt plerunque assolet) interuallis quibusdam sensu sanior est, num fortè eo momento scelus admiserit, nec morbo eius danda sit venia. diligenter explorabis. Et si quid tale compereris, consules nos, vt æstimemus an per immanitatem facinoris, cum posset videri sentire, commiserit, supplicio adiiciendus sit.* Et etiam iste casus ab omnibus ferè tenetur. l. fin. C. de cura. furios. & per totum. & is qui allegat eum esse sanæ mentis, si semel habitus sit furiosus, oportet illum probare. vt glos. in summa 17. q. 2. & Doct. in l. furiosum. C. qui testa. facere pos.

*Furiosus est  
scelus post  
delictum.*

Quartus superest casus, furiosus post delictum effectus, non debet puniri de delicto ante furorem commissio, quia satis suo furore punitur, & nō debet quis duplici pœna cōteri. c. ar. si clerici. in fi. de iudic. quia nullum negotium cōtrahere potest. l. in negotiis. vbi Doct. ff. de reg. iur. Bal. consil. 347. Ecce formata in 3. vol. quamuis las. in l. ex facto. ff. de vulga. contrariū tenuerit, per hunc tex. qui loquitur quando furiosus admisit scelus eo tempore, quo sapiebat, & dilucidi interualli.

Alius casus est, si quis sanæ mētis postquam fuerit interrogatus à iudice, tamen ante repetitos testes decesserit. Quoad cōfiscationem bonorum putarem posse condemnationem fieri, & denuò audiendos testes, & cum iuramēto examinandos, qui si deposuerint & perseuerarint, illum furiosum, ciuilitè, non autem criminaliter condemnandum.

Limitarem in casu hæreseos & maiestatis; nam Deus damnat eum qui in peccato furiosus efficitur, quia constat ei de crimine commissio: sic & in hoc crimine, maximè hæreseos, quia contra Deum delinquitur, vt hoc casu comburēdus esset, etiam post mortem. §. interdum. de hæred. quæ ab intesta. deferuntur. fortius si viuat, comburi debet, & vt pœna vnus, metus sit multorum. Cogitandum relinquo, quia ex tempore ista scripsi ad petitionem alicuius.

Limitatur iste text. vt furiosus puniri possit ciuilitè de crimine commissio ante furorem, & hoc dato sibi curatore. l. clarum. C. de autho. præstan. qui in criminalibus non sufficit ad condemnationem. l. seruum. §. publicè. ff. de procura. l. penult. §. ad crimen. ff. de public. iud. hoc pulchre docet Bald. in c. vnico. col. 2. An ille qui interfecit fratrem dom. sed executio criminis nō potest in eum fieri, licet possit exhæredari is, qui furiosus est nunc, si ante furorem causas ingratitudinis commiserit. l. fin. §. sed cum antiquitas. C. de curato. furio. Marc. Bauerius in §. item furiosi. col. 2. quib. non est permiss. face. testa. & Doct. in l. humanitatis. C. de impube. & Benediēt. in c. Raynutius. in verb. si absque. 2. de exempla. subtit. num. 21. cum seq. de testa. Et sic conciliabuntur sententiæ contrariæ, alioqui crimina remanerent impunita, & ius ipsum diuinum, quo statuitur, vt effectus furiosus post peccatum damnetur. & ista est communis Theologorum sententia. quam Bart. refert in l. nunquam. ff. de vsucap. quia præsumitur perseuerantia peccandi vsque ad furorem. c. maiores. in fin. de baptis. Tamen si ante furorem eum pœnituerit peccati, solutus erit. c. voluissent. de pœnit. dist. j.

Et quāuis variatio status non attendatur in sanæ mētis viro, l. j. ff. de pœnit. secus est in furioso effecto,

& ita seruat stylus Curiarū Frācie, vt non punire soleat furiosos criminaliter, & hoc tenēdū est. Nā. tex. in l. v. §. & ideo. ad legem Aquil. comparat i. lū quadrupedi, aut tegulæ, quæ non sunt in culpa, ergo nec punienda, & quæ iniuriā facere non possunt eo tempore, sed antea sic. l. illud. §. j. ff. de iniur. Etiam actus perfici non debet, quādo venit ad eum casum, à quo inchoari non potest. l. inter. §. sacrā. ff. de verb. oblig. l. pluribus §. & si placeat. de verb. oblig. Doct. in l. in ambiguis. §. non est nouum. ff. de reg. iur. & l. si seruum. ff. si ex noxal. caus. agat.

Etiam hoc limitarem propter immanitatem criminis, quo casu etiam bellua punitur. c. mulier. 15. q. prima. Probat Guido Papæ in decis. Delphin. q. 238. si animal. & Lucas de Pœna in l. ij. C. de pascui. publi. lib. 11. ac Benediēt. in repetitio. c. Raynutius. in verbo, mortuo. in primo. numer. 138. & in verb. si absq. 2. num. 22. de testamen. habetur etiam Exod. c. 22. & Leuit. 20.

Addendum insuper est, stultum & stolidum non debere esse melioris conditionis, quàm sapiens sit. l. feruus. ff. quod vi, aut clam. hoc est verum, quando esset stultus, ex accidenti scilicet ratione delicti, secus si esset furor naturalis, ex dementia proueniens, Dominicus & alij in c. cum qui de præbend. in vj. sed hanc solutionem ridebat interdum Alciat. quando in examinando Licenciato congregati apud Bituriges eramus: at ego illi probaui esse veram, per l. si quis in tantam furoris audaciam peruenerit. & c. & conticuit. Nam per illum text. vides delinquentem in furorem incidere, & tamen puniendum, quia non erat furiosus, nisi quia deliquerat. Et furiosus est, qui deliquit, quia si prudens fuisset, non deliquisset vt dixi in l. sæpe. in fin. ff. de verb. signific. Et per hoc sustinebat quidam scholasticus conclusionem, furiosum instar aliorum prudentum puniendum, sic intelligendo suam conclusionem, scilicet defurioso per delictum, non de furore naturali.

#### LEX XV. MARTIANVS LIB. II. DE IUDICIIS PUBLICIS.



**L**lud obseruandum est, ne qui prouinciam regit, fines eius excedat, nisi voti soluendi causa: dum tamen abnōtare ei non liceat.

**E**X hoc tex. colligitur Officiales debere residere in loco, in quo regunt, nec fines excedere illius ciuitatis, & regiminis debere. facit l. nullus. C. de offic. rector. prouinc.

• Sic & Prælatus in suo Episcopatu residere debet. text. in authen. vt nullus fabricet ora. do. collat. §. ac omnes Curati, non priuilegiati fauore studij, aut alias, beneficia saltem curam habentia animarum, alioqui moueri, & priuari possunt. c. j. c. tuq. & per totum, de cler. non resid. sic & Doctor Theologus in sua ecclesia, in qua præbendā habet theologalem. §. j. de colla. in Concord. vbi scripsi. & in praxi beneficiorum in 2. parte. tit. de dispensa de non residen.

Sic & alij Præsides, Consiliarij, ac Officiales Regij. vt est statutum in constit. Reg. tit. *De la residence que sont tenuis faire*, &c.

Limitatur causa voti adimplēdi. Nam iure etiam diuino votum implendum est. David Psal. 7. Voue. P. Rebuffi Lectura.

*Furiosus  
quadrupedi,  
aut te-  
gule equi-  
paratur.*

5

*Officiales  
debent resi-  
dere in lo-  
co, vbi re-  
gunt.*

*Et Præla-  
tus.  
Item om-  
nes Cura-  
ti.*

*Et Doctor,  
ac Theolo-  
gus.*



te, & reddite, & in tit. de voto & voti redemptio. de quo Martial. lib. 12. scribit.

*Cæperunt certam medici spondere salutem  
Ne votum soluat, nunc Maro vota facit:*

*Votū execu-  
sat à pœ-  
na.*

Item exul à ciuitate Arelatēsi si voti emissi complendi causa, quod ad sanctum Anthonium habuerat, illic inuentus fuerit, non debet puniri per istum tex. cum glos. & hoc docet Nellus in tracta. de bannito. in prima parte secundi temporis. q. 48. incipiente, *Quæro, an bannitus?* Refert Hyppolit. Marf. sing. 149. vouentes. quod verum putarem, si semel inueniretur, at si pluries, dicerem hoc pretextu non excusandū, alioqui quotidie diceret se venisse, & fieret fraus sententiæ. l. in fundo. ff. de rei vendicat. Item dicunt in exeunte de carcere, vt non dicatur effractor carceris, si reuertatur post votum impletum. Bal. in l. j. col. 3. nu. 11. C. de ædil. actio. Si ostio aperto discesserit, secus si carcerem fregerit. vt nō. in l. prima. ff. de effractor. Imò Rayne. Ferlini. scribit in l. qui cū vno. in fin. ff. de re militar. Monachum causa alendi patrem & consanguineum egredi posse à monasterio, habere tamen licentiam superioris debere probat. c. literaturam. de voto. vbi Doct. De voto abundē tractauit in l. si calumniatur. §. j. ff. de verb. signif. Abnotare, est tota noctis parte extra urbem abesse. vide l. urbana familia. §. pernoctare. ff. de verb. signific.

Secundō, si vocatus à Principe fuerit, quia ei comēatum tribuere censetur, siue ad maiorem honorem vocetur. l. fi. C. de dignit. lib. 12.

Tertiō, non procedit finita dignitate. Vnde scribit Imperator in l. *Clarissimis, vel spectabilibus vniuersis ad genitale solū, vel quolibet alio, & sine cōmeatu proficiscendi, & vbi voluerint commorādi, habitandūque permittimus facultatem.* C. de dignitat. lib. 12.

Vltimō, si magistratus discedat sine superioris autoritate, quomodō puniri debeat, non aperit hic text. Idē dicerē eum læsæ Maiestatis crimine puniendum, si ad hostes confugerit. l. ij. ff. ad legem Iuliam maiesta. aliās punietur pœna in lege, vel cōstitutione contenta, quæ si scripta non inueniatur, arbitrio superioris, & pœna arbitraria. l. j. ff. de effract. dicam in constitu. reg. in titul. *des residences, &c.*

#### S V M M A R I A.

- 1 *Litis contestatio perpetuat actionem ad quadraginta annos.*
- 2 *Magistratus perpetui possunt semper conuenire, & conueniri.*
- 3 *Impedito agere, non currit præscriptio.*

#### LEX XVI. MACER LIB. I. DE OFFICIO PRÆSIDIS.

**S** Enatus consulto cauetur, vt de iis quæ prouincias regentes, Comitēsue, aut liberti eorū antequam in prouinciā venirent, contraxerunt, parcissimē ius dicatur: ita vt actiones amissæ, quæ ob eam causam institutę non erant, postea quā quis eorum ea prouincia excesserit, restituantur.

**I** Sta lex tradit regulam hanc, videlicet, qui regunt prouincias, vt Proconsules, Præsides & alij Comitēs eorum, id est, Legati, Scribæ, & familia, non pos-

sunt conuenire, nec conueniri de his, quę contraxerūt, antequam in prouinciā venissent, sed actiones restituentur postea, finita administratione, si amissæ fuerint, non autem ipso iure. aliās text. non vteretur verbo restitutionis, & ferē in dubitatione erat, vt quolibet tempore ius dici, & cuilibet debeat, & omnibus, etiam vbi ipso iure dicitur: at hoc solet impetrari in Francia à Principe, sed ratio huius text. est propter fauores, quos quis posset tempore sui magistratus habere, & quia sibi ius dicere, nec suis potest. l. qui iurisdictioni. de iurisd. omnium iudicum. Et ne occupati circa lites suas, vel suorum, administrationem & officij curam deferant. l. non aliās. in fin. ac l. 2. ff. de iudic. Et debet intelligi iste tex. ius dicendum non esse de his, quæ Præsides, & familia cōtraxerunt, antequam in prouinciā venirent, non sicut intelligit Bart. quem videre potes.

Et sic est prima declaratio, vt non agat, nec conueniatur regēs prouincias, tempore suæ administrationis, sed si amissæ fuerint actio tēporalis, ex contractu fortē ei restituetur, & suis comitibus quia absentes erāt Reip. causa, vt per totum tit. ff. ex quib. caus. ma.

Hodie in regno Franciæ solemus impetrare literas Regias, in quibus narratur factum, & actionem amissam propter negotia Reipub. & Princeps restituit, & vult vt possit agere perinde ac si actio amissæ non esset, quam restituit ex potestatis plenitudine. & vt plenē scripsi in tracta de restitut. in secundo tomo Commentarior. ad Constitut. Regi.

Secundō, potest agere Rector prouinciæ, si furtum passus sit, vel iniuriam, vsque ad litis contestationem, per quam actio perpetuatur ad quadraginta annos. l. nam & postea. §. si is qui temporali. ff. de iur. iur. l. sed & si restituatur. §. sed & si dies. de iud. & contra eum magistratum agi poterit finito magistratu. l. nec magistratibus. ff. de iniur. Sed quoad actionem furti, quæ non sic perit, poterit agi donec res furtiua fuerit exhibita, & deposita, seu sequestrata apud aliquem, seu satisfactio data fuerit de exhibendo illam rem, quotiescunque petetur, & satisfactio est, datis fideiussoribus. l. satisfactio. de verb. signi. & idē contestatio in delictis faciēda est, quia actio semel amissæ non posset restitui. l. si tibi. §. quædam. ff. de pact. l. qui res. §. aream. ff. de soluti. secus in contractibus, vt hīc.

Tertiō, hoc non procedit in magistratibus perpetuis. l. principalibus. cum l. seq. ff. si cert. peta. Alias limitationes dicemus in l. ij. ff. de iud. Idē tex. dicit, Parcissimē ius dicatur, id est, valde parcē, & rarō, & sic non prohibet omnino ius dici, sed parcē, & rarō, ac vix. vt in l. vix certis. ff. de iud. l. pars literarum. ibidē. Hoc verbo vtitur Marcel. in l. officium. §. j. ff. de re milita. poterit tamen suam punire familiam, si delinquat, vt alij exēplo deterri minūs delinquant. Vlpia. in l. si quis fortē. §. si quos. ff. de pœnis. & inter suos familiares cognoscere, quia suspicio cessat. c. insinuante. de offic. delegat. l. non solum. ff. de ritu nupti.

Glos. in verb. contestetur, est utilis ad impeditum contestari litem, vt detur restitutio. Allegat l. primā infra, ex quibus caus. maior. & istam glos. singul. scribit Barba. in repeti. rubr. de fide instr. col. 97. in paruo vol. quōd si iudex impeditus multitudine causarum intra triennium causam non deciderit, iuxta l. properandum. C. de iud. poterit pars restitui. glos. in c.

*Ratio detinendi huius legis.*

*Littera Regia impetranda pro actione amissa Reip. causa.*

*Rector prouinciæ potest pro futo sibi factō, antequam in prouinciā veniret, agere.*



in c. tum ex literis. de in integr. restitut.

Idem, si pars fuerit impedita intra dilationē producere testes, poterit postea tamē per restitutionem, & impetratis literis Regiis in Frācia, vel iudex prorogabit dilationem, licet Corf. in singul. incipiente, iudex. 2. dicat iudicem impeditū expedire causam de die, posse de nocte expedire, quod est contra §. se debunt. in authen. de iudicib. colla. 6. & c. consulit. de offic. delegat. ac l. more. ff. de feriis. multa adducit Marcus Bauerius in §. possunt. col. penult. de testam. in Institut. & Barba. consil. 41. circa dubium. in secundo vol. licet quidem de æquitate canonica dicāt, non computari tempus, per c. nos quidem. de testa. tamen seruatur in praxi Franciæ ius ciuile, vt computetur tempus, & restitutio ex æquitate impetretur. per l. primam. §. si quis autē. ff. de itinere. vbi plenē Bar. An impedito agere currat præscriptio regulariter? non. vt in l. prima. C. de annal. except. limitationes tradit Felin. in c. ex transmissa. de præscript. post Bart. hic & Ioan. Francisc. in tracta. de præscript. in sexta parte. colla. 7. partis primæ.

LEX XVII. CELSVS LIB. III.  
DIGESTORVM.

**I** forte Præses prouinciæ manumiserit, & tutorem dederit, priusquam cognouerit successorem aduenisse, erunt & hæc rata.

Sta lex est valde utilis, & singul. secundum Ludouic. Roma. sing. 566. quod lex si fortē, & c. volens Præsidentem non amittere iurisdictionem, donec sciuerit successorem aduenisse, habet locum in beneficiis, etiam in Tribuno militum. Dicit glos. sing. in l. Tribunus. ff. de mili. testa. Idē in Vicario reuocato, vt valeat collatio ab eo facta, antequam fuerit eidem intimata reuocatio, per istum text. sic decidit idem Ludouic. Roma. sing. 57. fuit quæstio. facit text. in c. super eo. 2. in fin. de appell. & ibi Deci. & consil. 295. in causa. col. 2. num. 5. scripsi in praxi beneficii. in forma Vica. Archiepiscopi. num. 210. & seq.

Collatio à  
Vicario re  
uocato fa-  
cta.

Salarium  
durat vs-  
que ad ad-  
uentum suc-  
cessoris.

Idem salarium & priuilegium tandiu habere quis debet, quandiu ignorat successorem aduenisse, per istum text. decidit Ludouic. Roman. in l. diem fun-cto. ff. de off. assessor. quem refert Ias. in l. more. col. tertia. num. 8. ff. de iurisd. om. iud. & superius dixi, in tit. de offic. Proconsul. l. meminisse.

Gesta per  
Legatum  
reuocati.

Idem in legato reuocato, vt valeant gesta per eum ante reuocationem præsentatam, per hunc text. & in c. volentes. de offic. legati. Calder. consil. 4. de off. legati. glos. in c. in Galliarum. 25. q. ij. c. audita. de restitu. spoliat. Alberic. & alij. in l. Barba. supra de officio Prætoris.

Ignorantia  
reuocatio-  
nis presu-  
mitur.

Et in dubio presumitur incognita reuocatio, quia est facti, & facta non presumuntur. l. in bello. §. facta. ff. de capti. Felin. in c. ceterum. num. 11. vers. valet processus, de rescript. Ideo qui dicit legatum sciuisse reuocationem, vel vicarium, oportet quod hoc probeat. l. ij. ff. de proba. presumitur enim ignorantia, nisi probeatur scientia. per reg. iur. & l. verius. ff. de probat. Alia hic non addam, quia plenē ista in praxi tractata fuere, in dicta forma vicari. num. 205. & seq. Etiam per istum text. à contrario, si sciuerit, non

valebūt gesta à Præsidente, postquam cognouerit successorem aduenisse, siue sint ea quæ gessit, voluntaria, siue contētiōsa iurisdictionis, quia omnino amiserat imperium per aduentum successoris. l. fin. supra de offic. Proconsul.

Gesta à  
Præsidente sci-  
enter post  
aduentum  
successoris,  
nō valent.

LEX XVIII. MODESTIN. LIB. VI.  
REGVLARVM.

**P**lebiscito continetur, ne quis munus donumue caperet: nisi esculentum, poculentumue, quod intra dies proximos prodigatur.

Sta lex cum sua materia satis fuit explicata in l. solent. in fin. supra de offic. Proconsul. ibi videri poterunt, quæ illic scripta sunt.

LEX XIX. CALLISTRATVS LIB. I.  
DE COGNITIONIBVS.



**B**seruandum est ius reddenti, vt in adeundo quidem se facile præbeat: sed contemni se non patiat, vnde mandatis adiicitur, ne Præsides prouinciarum in interiorem familiaritatem prouinciales admittant. Nam ex conuersatione æquali, contemptio dignitatis nascitur. Sed & in cognoscendo, neque excandescere aduersus eos, quos malos putat: neq; precibus calamitosorum illacrymari oportet: id enim non est constantis & recti iudicis, cuius animi motum vultus detegit. Et summam ita ius reddere debet, vt authoritatem dignitatis ingenio suo augeat.

**I**us reddenti. Jurisconsult. hūc aliquando vocat ius dicentem in l. j. *Ius dicentis officium latissimū est.* de iurisd. om. iud. in c. forum. de verb. sign. Item, ius reddentē, non solum hūc, sed & in l. secunda. §. deinde cum post. ibi, *Neque esset, qui in ciuitate ius redderet.* de orig. iuris. Et sic debet iudex etiam Curiae supremæ reddere ius, non vt ei placet, vt dictum fuit supra de Constitut. Princip. in l. prima.

Colligite, iudicem debere se præbere facilem, vt cum quisque adire possit, vnde aliquando apud Romanos legimus, Scipioni Nasicae, qui à Senatu Optimus appellatus est, domum publicē in sacra via datam, quod facilius adiri posset. l. ij. §. iuris ciuilis. ff. de orig. iuris. & sic dicebat Aristot. in Apophteg. magistratus non oportere tantum prudentes esse, verum etiam benignos; subditos verò non morigeros tantum, sed amantes quoque magistratum.

Sed contemni se non patiat. Licet facilis debeat esse magistratus in adeundo, non tamen in concedendo ea, quæ concedenda non sunt, & quæ iuri repugnant, aliàs contemnitur eius iurisdictionis. l. non quicquid. vbi Doct. ff. de iudic. aliàs per superiorem redarguetur.

Iudex de-  
bet se præ-  
bere facile.



Nec debet familiaritatem cum subditis habere, ne fortè contemnatur. Nam ex cōuersatione æquali contemptio dignitatis nascitur, & ad hoc allegatur quòd familiaritas parit contemptum, nimia scilicet, sed non omnis familiaritas.

Item nimia familiaritas parit contemptum inter fatuos, & stolidos, sed inter prudentes magnam gignit amicitiam. glos. in c. quando. 86. dist. quæ dicit se ab Azone audiuisse, & ibi etiam dicit tex. dum nimium seruiatur humilitas, regendi frangitur authoritas, vt Prælati non sint nimis humiles, & vti nam essent satis hodie. Etiam inter Iudæos perniciofa est Christianis familiaritas. c. & si Iudæos. de Iudæis.

Adhæc contempta maiestas Prætoris, & magistratus vindicatur. in l. si familia. ff. de iurisd. om. iud. vbi alia dicuntur.

Sed & in cognoscendo, & c. ] Instruit Præsides, & quemlibet iudicem, vt in cognoscendo non irascatur, etiam in malos, neque precibus illorum lacrymetur, quia non est constantis & recti iudicis, quando vultus detegit motum animi. Nam, vt prudens Cato scribit:

*Impedit irâ animum, ne possit cernere verum.*

Lugere etiam, deplorare, & lamentari etiam eos, qui mortui sunt, prohibet text. in c. vbiunque. 13. q. vlt. & Plato de Legib. etiam hoc prohibet.

Glos. hîc docet malitiâ Bononiensem, vt vnum in corde gerant, aliud simulent, hoc tamē nō elicitur ex text. qui dicit Præsides non debere excandescere, neque illacrymari, quia non est constantis animi, detegere animi motum irascendo, aut lacrymando. Nam verba labiis emissa debent cum voluntate animi concordare. c. diaconi. ij in 93. dist. & qui aliud mente agit, aliud simulat, proditor est. vt dicit patruus meus magnus in l. fin. C. de delato. lib. 10. & Bart. in l. respiciendum. §. delinquent. colum. prima. ff. de pœnis.

Excandescere. ] Nota iudicem in iram non debere prorumpere. quod Iuuenalis doctè scripsit Satyra 8. sic:

*Expe. tata diu tandem prouincia cum te*

*Rẽtorem accipit, pone ira frana, modumque,*

*Pone & avaritia, miserere inopum sociorum.*

*Respice quid moneant leges, quid curia mandet,*

*Premia quanta bonos maneant, quàm fulmine iusto,*

*Et Capito, & tutor ruerint damante Senatu.*

Ideo non est irascendum. Nam quæcunque ira commoti faciunt homines, ea necessum est (vt Plutarchus ait) cæca sint, & imprudentia: non enim fieri potest, vt concitatus animus ratione vtatur. Omne autem quod sine ratione fit, inartificiosum, ac peruersum est: & quamuis iram vincere, res magna sit, tamē cauere, ne in ipsam incidamus, maius est, teste Dionys. Halicarnas.

Vt authoritatem dignitatis ingenio suo augeat. ] Not. text. pro magistratu ingenio florenti, vt dicatur suo ingenio augere dignitatem, sic & in Consiliario viro doctissimo dixi, vt augeat dignitatem suo ingenio, sicut interdū scripsi de Præsidibus Curia: suprema: Parisiorū, videlicet de do. Liseto, & de Sãto Andrea, viris & doctissimis & probissimis.

Contra etiam, vt dignitatem minuat, qui ignarus est, stupido ingenio, & hodie sunt multi magistratus, quibus melius esset, & animabus eorū salubrius, si didicissent iura, & postea officia emissent: nā igno-

rantia obscurat officium, & dignitatem his maximè, qui omnia putant scire, & penè omnium rerum ignari sunt.

## LEX XX. PAPINIANVS LIB. I. RESPONSORVM.



**Legatus Cæsaris vel Præses, vel Corrector prouinciæ abdicando se, non amittit imperium.**

**D**icit Accursius, quia inconsulto Principe, vel Consulibus, à quibus habuerat potestatem, non poterat, ergo si fecerit, donec approbetur abdicatio, & resignatio à Principe, habet iurisdictionem. in l. solet. suprâ tit. proximo fuit dictum inconsulto Principe Proconsulem non debere adimere Legato iurisdictionem: sic non potest ipse Proconsul, vel Præses per se sibi datam adimere. vnde scribit Iustinia. in auth. de defenso. ciuitat. §. iusturadum. colla. 3. *Vt inde fiat cura priuatio, vnde etiam datur.* Ratio erat quia reipub. poterat interim maximum habere detrimentū, ideo reprobatur abdicatio, quæ in prouincia fiebat: secus erat in magistratibus qui Romæ abdicare se magistratu volebant, vt possent, tamen statim illi officio prouidebat populus Roman. vt in l. ij. suprâ. de orig. iur. idem in Episcopo, vt in manibus Papæ se abdicare Episcopatu debeat. c. 1. in 17. q. 2. c. inter. de transla. Episco.

Idem, & si quis obtineat beneficia, nam his non potest se abdicare, nec ea resignare, nisi in manibus Episcopi, vel collatoris. cap. admonere. & c. quod in dubiis. de renuntiat. Nam interest collatoris, & eius qui prouidet, vt sciat quis præficiatur in eo officio, vel beneficio. Ideo ipse scire, & approbare debet, vt tractauit abundè in praxi benefici. in 3. parte.

Istum text. trahit ad quæstionem Bart. consil. 196. ciuitati Camerienti, in 3. q. de Papa, qui confirmauit omnia priuilegia, quæ concesserat, dum legationis officio fungeretur. Tamen quia ibi fuerat Rector prouinciæ, fuit quæsitum, an valeret confirmatio: & respōdet valere per istum tex. quia Legatus, Præses, vel Rector prouinciæ æquiparantur, & inductio Bar. esset vera, si in text. legeretur: Legatus Cæsaris, id est, Præses, vel Rector prouinciæ, & c. Sed iste textus in Pandectis Florent. legitur: Legatus Cæsaris, vel Præses, vel Rector prouinciæ, & sic iste text. non probaret Bart. sententiam. Nam Legatus, Præses, & Corrector, non possunt se abdicare imperio sine Principe: ergo Legatus est Præses, & Rector, hoc non sequitur. sed decisio Bartol. sustineri poterit ratione mentis Papæ, cuius talis erat voluntas, vt priuilegia à se data tempore suæ legationis confirmaret, eo inquam tempore, quo prouinciam regebat, quia verè Legatus, id est, missus erat ad illam prouinciam administrandā. Et omnes missi à Papa, & à magnis Principibus, se Legatos dicere solent, quod probatur in c. 1. de offic. Leg. scripsi de multiplici genere Legatorum. in l. pen. suprâ de offi. Procons. & de Correctore in l. ex omnibus. sup. eo.

## LEX XXI. PAVLVS LIB. SINGVLARI DE OFFIC. ADSESSORVM.

**Præses cum cognoscit de seruo corrupto, vel ancilla deuirginata, vel seruo**

*Episcopus  
debet in  
manibus  
Papæ se E-  
piscopatu  
abdicare.  
Benefici-  
apud Epi-  
scopum vel  
collatorem  
resignāda.*

*Cæca sunt,  
quæ ira cõ-  
moti fa-  
ciunt.*

*Dignitatis  
authoritas  
quomodo  
minuitur.*



seruo stuprato: si actor rerum agentis corruptus esse dicetur, vel eiusmodi modo, vt non solum iactura aduersus substantiam, sed ad totius euerfionem pertineat: seuerissimè animaduertere debet.

Corrumpere  
seruum, quid  
sit.

**H**ic agitur de seruo corrupto. Corrumpere dicitur seruum, qui eum facit deteriore, vel alio modo vitiat. l. j. ff. de seruo corrupto. l. si seruus. §. inquit lex. ad legem Aquil. vnde si quis deuirginet puellam, & vitiet, corrumpere eam dicitur. vt hîc, & l. si quis aliquid. §. *Qui nondum viripotentes virgines corrumpunt, in insulam relegantur.* ff. de pœnis. Idem si quis stuprat seruum, vt hîc dicitur tex.

Itaque de his cognoscit Præses prouinciæ. Atqui si actor, qui negotia domini omnia penè agit, corruptus sit, verbis, vel pretio, vt rationes Dominicas intercideret, vel adulteraret, vel etiam vt rationes sibi commissas turbaret, quomodo teneatur corrumpens: & videbatur teneri quanti ea res esset in dupl. l. j. in princ. & ff. de seruo corrupto. Et in hoc iudicio æstimatio rerum venit, quas secum seruus abstulit, quia omne damnum duplicatur, & hæc verba, *Quanti ea res erit*, omne detrimentum recipiunt. l. in hoc. cum l. seq. ff. de seruo corrupto. Tamen Paul. hîc statuit Præsides seuerissimè animaduertere debere, si hæc corruptio pertinebat non solum ad substantiam, sed & ad totius domus euerfionem. Nam hîc actor omnium rerum curam habebat, & ratione corruptionis ipse aliqua bona subtraxit, & rationes intercudit, ob id iactura est in substantia bonorum, & non solum iactura est, & damnum in substantia, sed etiam tendit ad destructionem totius domus: quia multi erant debitores domino, & ipse turbauit, & incidit rationes, quod in euerfionem totius domus tendit. Certè non solum Præses puniet corrumpentem, quanti ea res erit, verum etiam ad corporis pœnam, per hoc verbum, seuerissimè. Nam vbi lex, vel statutum dicit quem grauissima pœna puniendum, vel seuerissima pœna, aut grauissimè, vel seuerissimè, tunc etiam venit pœna mortis, si opus fuerit, & factum hoc exigat. vt docet Accurs. in l. vnica. C. ne liceat signum salua. dom. & l. j. de eunuch. quas glos. probat & sing. dicit Corse. in sing. incipient. pœna. 10. l. iij. C. de his quæ ex publ. ratio. lib. 10. & in l. j. de sedition. facit l. fin. ibi, grauissima seueritate. C. de colla. fundo. patrimo. lib. 11. & l. j. de fundis & saltib. rei do. ibidem. l. j. in fin. ad legem Iuliam. de vi priuat.

Pœna seuerissima, cõplectitur  
pœna mortis.

Alij volunt intelligere istum tex. in agente rerum Cæsaris, qui res Cæsaris curat, si ipse corruptus sit, & hoc tendat ad euerfionem domus Cæsaris, seuerissimè puniendus erit corrumpens, & hoc dicunt ex verbo, actor rerum agentis, & hoc not. Laz. in lib. 1. c. 12. in fi. in Comment. Reip. Roman. & sic poterit intelligi tam in corrumpente actore rerum priuati, quàm Cæsaris, & fortior etiam ratio in Cæsare erit, & ideo dicit seuerissimè animaduertendum.

Agentes in  
rebus, qui  
dicantur.  
Causa nobis  
liti a quibus  
cognoscantur.

Agentes rerum, seu agentes in rebus sunt, qui res Principis administrant. vt in titul. de agentib. in reb. lib. 1. vbi Alciat. & Pyrrhus fusiùs declarant.

Ex his patet qualem, quantamque iurisdictionem habeant prouinciarum Præsides, seu Rectores, sed in regno Franciæ Præsides, Bailliui, & Seneschalli

cognoscunt de causis nobilium, tam agendo, quàm defendendo, & tam in ciuilibus, quàm in criminalibus, etiam si interesse tantum habeant in causa. vt est statutum in edicto Francisci Regis tit. *des Seneschaux & Baillifs.* ordin. 17. quod tamen intelligi debet, quando est ibi iudex inferior, & Bailliutus. alioqui si nobilis degat in territorio Paris Franciæ, vel alterius nobilis habentis iurisdictionem, & ibi non sit nisi iudex Paris, vel alterius vassalli Regis, tunc Rex non intendit auferre iurisdictionem Paris, vel vassallo, ob id nobilis conuenietur coram iudice Paris, vel alterius Regis vassalli, & ita fuit declaratum à Rege. per l. ij. §. merito. ff. ne quid in loco publ. fiat. c. quamuis. de rescript. in vj.

Solent Præsides cognoscere de feudis, tam inter nobiles, quàm ignobiles, datio tutorum & curatorum facienda nobilibus, etiam spectat ad eos: & diuisiones bonorum inter nobiles faciendæ, ad hos Bailliuos pertinet: de foundationibus Ecclesiarum à Rege factis, ac de criminibus læsæ maiestatis, falsæ monetæ, seditionis, portus armorum, securitatis violatæ, & in aliis casibus Regiis Præsides & Bailliui cognoscunt, & non alij iudices, vel magistratus inferiores. vt constat in d. tit. vbi alia quilibet videre poterit, ne plura. Laus Deo & Virgini Mariæ, ac omnibus cœlicolis.

Bailliui,  
Seneschalli  
& Præsides  
de quibus  
cognoscant.

## De officio Procuratoris Cæsaris, vel rationalis. TIT. XIX.

### S V M M A R I A.

- 1 Procurator fisci variis negotiis præficietur.
- 2 Diui Pij Cæsaris commendatio.
- 3 Hadrianus Imperator primum Aduocati fisci officium instituit.
- 4 Aduocati & Procuratores aliquem depredationibus vexantes, vini comburendi.



**S**CIRE oportet Procuratoris nomen latè patere: nam quicumque aliena negotia mandato domini administrat, hic Procurator dicitur. l. j. ff. de Procur. & iste Procurator interdum curator vocatur. l. fin. infra eodem. & hi sunt in duplici differentia: quidam publica administrant negotia, alij verò priuata, seu priuatorum.

Hi autem qui publica administrabant negotia, Consulum fortè, vocabantur Procuratores Consulum, quos Cicero pro Murena dicit fecisse annuos, licet Consules haberent eos perpetuos. Successerunt his Procuratores Augustorum, seu Cæsarium, & hi sunt in duplici differentia: quidam sunt Procuratores fisci, alij Cæsaris, & hoc quantum attinet ad iurisperitos. Nam alij multi inuenirentur, quos de industria omitemus, quia parum ad praxim pertinent, & modicam afferrent vtilitatem.

Itaque Procurator fisci is dicitur, qui publica Principis negotia administrat. l. aufertur. §. quod à Præsede. ff. de iure fisci. ideo sæpius vocatur Procurator Reipub. l. iij. §. planè. ff. quod vi aut. clam.

Procurator Cæsaris vocatur, qui curam patrimonij Cæsaris gerit, & priuata ipsius negotia, isque inter Principem & priuatos ius dicere solebat. l. j. & per totum. C. vbi causæ fiscales. sed non inter priuatos, nisi

Procuratores  
Consulum.

Procuratores  
Augustorum.

Procurator  
fisci.



Procurator  
priuata  
rationis.

ab illis electus fuisset. l. cum vendentem. ibidem. & l. j. de iurisd. om. iud. vocaturque Procurator priuatae rationis. l. Procurator. C. de eden. quia res fiscales quasi propriae & priuatae Principis sunt, & in suo patrimonio. l. ij. §. hoc interdictum ad ea loca. ff. ne quid in loco public. Chassan. in consuet. Burgund. in rub. *des confiscations.* & Paul. scribit Procuratorem Caesaris non solum cui rerum prouinciae, cuiusque procuratio mandata erat, sed & eum, cui rerum, quamuis non omnium, in l. qui mittuntur. §. j. ff. de quibus causis maio.

Procurator  
Caesaris  
quis dicatur.

Aliquo etiam tempore vocatus est Procurator rationalis. l. ij. C. de modo multa. quae à iudicibus infliguntur. & l. ad fiscum. C. vbi causae fiscales. & l. fin. C. si aduersus fiscum. & Lampridius in Seuerio ait Procuratores esse rationales, in quorum similitudinem, qui rem priuatorum curant, Procuratores appellari. scribit Columella, & Pyrrhus in rub. C. de iure fisci. lib. 10. & idem Lampridius in Alexand. sic ait: Et quia de publicandis dispositionibus mentio contigit, vbi aliquos voluisset, vel Rectores prouinciis dare, vel praepositos facere, vel Procuratores, id est, rationales ordinare, nomina eorum proponebat.

Procurator  
rationalis  
quis vocetur.

Hodie verò officia sunt distincta in Gallia, nam rationales, qui de rationibus cognoscunt, appellantur Magistri computorum, & illic est etiam Procurator rationum, qui procurat, vt rationes in Curia illa iure reddantur, quod etiam probat Pyrrhus lib. 2. de magistrat. Roma. & sic in hoc considerare oportet tempora & regiones.

Magistri  
Computorum.

Fisci Prae-  
rator.

Is autem Procurator fisci multiplex erat, & multis & variis negotiis praeponebatur. Praeficiebantur autem quidam monetæ, hi monetam, vt iuste cederetur, exponereturque, ac Principi concederetur curabant: in locum quorum successit hodie Procurator Generalium monetarum. vt in Const. Reg. patet in tit. *des Monnoyers & monnoyes.* & hi multotiens populo infensi, propter monetæ variationem, augmentum & diminutionem, & quia non fit ex iusta materia, vt docet c. quanto. de iureiuran. vnde Marcel. lib. 28. suae histor. sic scribit: Pari sorte etiam Procurator monetæ extinctus est.

Procurato-  
res saltuum.

Erant & alij saltuum Procuratores, quibus saltus & nemora Principis ob omni iniuria custodiæ concessum erat & tueri, de his nemoribus scripsi in l. sylua. ff. de verbor. signific. In locum huius successit hodie in Gallia Procurator nemorum, quem dicimus vulgò, *des eaux & forests.* vt est in Const. Reg. in d. tit. *des eaux & forests.* & in hoc regno constituti sunt iudices super his nemoribus, Procuratores, Aduocati, & alij Officiales praefecti, & quandoque grauiore poena fuit persecutus, qui occideret pecus, quam hominem, quod dolendum est.

Procurato-  
res ad ve-  
stigalia.

Sunt & alij Procuratores ad vectigalia, tributaque constituti, qui tributa olim, vectigalia, & redditus Augustorum in prouinciis colligebant, atque in expensum acceptumque referebant, vnde & rationales aliquando dicti sunt. Lamprid. in Alexan. scribit: Rationales citò mutabat, ita vt nemo nisi annum compleret, eosque, si boni essent, oderat, malum necessarium vocans. Sed Capitol. contra. de Diuo Pio in Pij Caesar. histor. scribit: Procuratores suos modestè suscipere tributa iussit, excedentes modum, rationem factorum suorum reddere praecipit, nec vn-

quā latatus est lucro, quo prouincialis oppressus est.

Hodie in locum istorum succedunt Procuratores Praefecti in Curiis generalium iustitiae: hi enim vectigalia, collectas, & impositiones promouent, ac nomine fisci prosequuntur. de his plenè habetur in Constitut. Reg. in 2. parte. tit. *des ordonnances des Generaux.*

Et quāuis Lazius lib. 2. c. 11. in Commen. Reipub. dicat Procuratorem fisci & Aduocatū idem fuisse: tamen hoc nō est verum. Nam Hadrianus primum Aduocati officium instituisse scribit Aelius Spartia. & tamen ante eum longissimo tempore Procuratores Augustorum, inuentos fuisse legimus: ob id est Procurator fisci, sunt etiam Aduocati fisci.

Item duos olim (prout nūc, & in qualibet Curia suprema) fuisse Aduocatos fisci legimus. l. binos. & l. post duos. C. de Aduocat. diuersi iudicio. atque singulis pro stipendiis, ne egeni exirent, sexcentos aureos concessos. l. per hanc. §. sexcenti autem aurei. C. de offic. diuersi iudic.

Aduocati  
fisci, olim  
duo.

Et de his scripsi in Concord. titu. de electio. derogatio. in fin. vbi Procuratoris fisci & Aduocatorum priuilegia multa congesti, & officium ac potestatem illorum, idē hīc non repetam.

Interdum etiam Procurator Caesaris, pro fisci Procuratore accipitur, & è cōtrario. vt docet Alciat. in l. Procurator priuatae rationis. C. de edend. & res fiscales, pro patrimonialibus. in l. ij. §. hoc interdictum ad ea loca. ff. ne quid in loco publ. fiat. Doct. in rub. C. de iure fisci. lib. 10.

Item notandum est Procuratores fisci, in Curiis supremis Praefectos, vocari solitos Procuratores Generales: sed alij Praefecti in aliis Curiis inferioribus non, sed vocantur substituti, & ipsi solent causas aliorum, si iustae sint, in Parlamento suscipere, & tueri. Apud Burdegalam vidi Procuratorem, quem Generalem vocabant, Praefectum in Curiis Bailliui seu Seneschalli, sed cū adiuncto appellabatur Procurator Generalis, non verò simpliciter, & prohiberi potest alicui inferiori, ne vocetur Generalis simpliciter, neue alterius nomen occupet, in iniuriam Procuratoris Generalis Curiarū supremarum.

Procurator  
Generalis.

Connuentia Procuratoris grauisimo supplicio subiacet, vt statuit Imperator Valent. in l. j. C. de fundis & saltibus rei tamiacae. libro 11. Et si Aduocati & Procuratores fisci quenquam depraedationibus, & iniuriis vexent, viui comburendi sunt. l. vniuersi. C. vbi causae fiscales. quia delicta ab his commissa in Principis ignominiam respiciūt, cū praepositi sint, vt alios ipsi corrigant, saltem instare, vt puniantur, qui in scelus incidunt, debent: vnde, dicit text. in cap. primum itaque. 25. distin. his verbis: *Quomodo enim potest Praeses auferre malum de medio eius, qui in delictum simile corruit, quem libertate peccantem corrigere potest, cum tacitus ipse sibi respondeat eadem se admisisse, quae ipse corripit?* Debent igitur isti fisci Procuratores omni exceptione maiores, & siue macula esse, vt aliis possint dicere: Quis ex vobis arguet me de peccato? & vtinam hoc sit, quia multi magis vindieta, vel odio persequuntur malos, quam iustitiae amore.

Procurato-  
res fisci de-  
bent esse om-  
ni exceptio-  
ne maiores.

De Procuratoribus verò priuatorum dicitur in tit. de Procuratorib. infra. vbi melius conueniet. hactenus, &c.



## S V M M A R I A.

- 1 Principis cōsensus in alienatione rei sue necessarius.
- 2 3 & 4 Restrigitur.
- 5 Mandataris domum vendens, non transfert in accipientem dominium, sine domini consensu.
- 6 Clausula, cum libera, solet hodie in procurationibus adici.
- 7 Procurator constitutus, cum libera, rem domini alienare potest.
- 8 Promissio habendi rata, quacunque gesta fuerint, non inducit liberam potestatem.

## LEX I. VLPIANVS LIB. XVI.

## AD EDICTVM.



**Q**uæ acta gestaque sunt à Procuratore Cæsaris, sic ab eo comprobantur, ac si ab eo gesta essent. Si rem Cæsaris Procurator eius quasi rem propriam tradat, non puto eū dominium transferre: tunc enim transfert, cum negotium Cæsaris gerens, consensu ipsius tradit. Denique si venditionis, transactionis, vel donationis causa quid agat, nihil agit: non enim alienare ei rem Cæsaris, sed diligenter gerere commissum est.

**L**egimus Claudium Cæsarem à Senatu impe-  
trasse, vt quæ sui Procuratores statuissent, eandem vim haberent, quam sua edicta, nisi donationis, vel venditionis suæ, alienationisue causa quid egerint, vt inferius declarabitur, quod bellissimè scribit Cornelius Tacitus lib. 12. histor. Augustæ, ibi: Eo anno sæpius audita vox Principis, parem vim enim rerum habendam à Procuratoribus suis iudicandarum, ac si ipse statuisset: ac ne fortuitò prolatum ius videretur, Senatus quoque consulto cautum, &c.

Et lex Labeo, 2. ff. de verbor. signific. tradit differentiam inter acta & gesta. Nam acta dicuntur siue verbis, siue re: gesta verò, sine verbis. hoc tamen non exactè seruatur. Accurf. hinc dicit acta generaliter accipi, gesta extra iudicium.

Sed Caius in l. licet. inter gesta & facta nihil interesse scribit, quamuis videatur quædam esse subtilis differentia, at gesta & acta multum differunt, vt superius dictum fuit. Nam Caius tollit differentiam inter gesta & facta, sed non inter acta & gesta, quæ, vt ait Valla lib. 4. c. 9. gesta esse in administratione magistratus, & in rebus maioribus, & ad rēp. vel ad plurimos spectantibus, vt gesta Alexandri, Pompeij, Cæsaris: acta verò etiam rerum priuatarum, & minorum, ac familiarium, quæ differentia apud Iurisconsult. non passim seruatur.

Sed vult dicere iste tex. quòd omnia, acta & gesta Procuratoris Cæsaris, siue verbis, id est, per stipulationē promissa sint, siue re, id est, numeratione pecuniæ, siue in iudicio facta fuerint, siue extra, & quomodocunq; valēt, ac si ab ipso Principe facta essent, & sic vsus est hic Vlp. duplici verbo generali, ac si dixisset: Quacunque gesta à Procuratore Cæsaris rata erunt, & ista est generalis regula, quæ in hoc traditur principio, & postea limitatur, vt sequitur,

& non est inculcatio. vt Accurf. & quidam alij volunt. Et intellige etiam si fiant in præiudicium Cæsaris, dummodò non tendant in alienationem, per istum textum generaliter loquentem, cum sua exceptione. Alioqui nullus cum isto Procuratore contrahere vellet. Et sic magno incommodo afficeretur Princeps nemine cum eis contrahente, vt de minore scribit Paul. in l. quod si minor. §. j. ff. de minor. sicut dixi in proœ. ad titulum de colla. in Concord.

Si rem Cæsaris Procurator eius.] Hinc limitatur doctrina præscripta, vt gesta à Procuratore Cæsaris non valeant, quando rem Cæsaris quasi propriam tradit, nec transfert dominium rei Cæsaris, sed tunc demum quando consensus ipsius Cæsaris interuenit. Nam licet possit ipse res Cæsaris administrare, tamen eas non potest alienare, quia non est ei commissum rem Cæsaris alienare, sicut ipse res suas alienat.

Quasi rem propriam tradat.] Notat Bart. quòd error in dominio impedit translationem dominij, sed hoc non elicitur ex hoc text. Nam ista est materia, quæ tractatur in l. in venditionibus. ff. de contrahend. emptione. nec conuenit huic text. Nam hinc non fuit erratum, nec vult text. intelligere, quòd Procurator Cæsaris erret in alienando rem Cæsaris, quia postquam iste tex. disponit Procuratorem Cæsaris non posse alienare rem Cæsaris, certè intelligitur siue prudens hoc fecerit, siue inscius, & hæc venditio multò minus per errorem valebit, si non scienter facta valeat. Ideò omnis error est hinc abiiciendus, & puto non necessariam longam. Barto. & aliorum distinctionem de errore, tanquam non seruientem textui, nec proposito, quamobrè hinc nihil de errore tractabo, ne materias textui minimè conuenientes temerè inferam, verum in l. si per errorem. infrà. de iurisd. om. iud. tractari hæc materia poterit.

Nempe si inspiciatur text. non dicemus hinc errorem interuenisse, sed velle demonstrare gesta à Procuratore Cæsaris rata esse debere, nisi rem Cæsaris alienet, ac si propriam alienaret. Nam dominus potest rem suam alienare, nec valet pactum in contrarium. l. penult. ff. de pact. Sed non potest Procurator Cæsaris rem Cæsaris alienare, sicut ipse alienaret suam. Et ita intelligitur, ibi: quasi rem propriam, quia non alienabat tanquam propriam, alioqui falsarius esset, si diceret rem Cæsaris suam esse: & non esset, sicut qui vendit alteri, quando semel vni vendiderit. l. qui duobus. ff. de fal. & rem alienam vendere quis potest. l. rem alienam. ff. de contrahend. empt. sed in venditione non debet dicere esse suam, alioqui falsi, vel saltem stellionatus teneretur. l. iij. ff. de crimin. stellion. quia non est commissum Procuratori Cæsaris, vt alienet, sed vt diligenter gerat Principis negotia: ideò rem Cæsaris alienare non potest, sicut rem propriam.

Tunc enim transfert, cum negotium Cæsaris gerens, consensu ipsius tradit.] Ex hoc textu colliguntur necessaria, antequam rei Cæsaris transferatur dominium à Procuratore alienando. Primò requiritur, quòd is qui vendit, sit Procurator Cæsaris, alioqui quod priuatus gerit in re Cæsaris, ratum non est, vt in principio huius legis habetur: quia potestatem non habet, nec mandatum à Cæsare, nec quidem à lege: & quod nostrum est, sine facto nostro à nobis auelli non potest, per reg. iuris.

Secundò

Acta cum Procuratore Cæsaris, etiā in suæ præiudiciū valent.

Alienatio rerū Cæsaris Procuratori suo prohibita.

Bartoli opinio reprobata.

Gesta, ad res maiores referuntur. Acta verò ad res priuatas.

Requisita in alienatione rei Cæsaris.



*Procurator Caesaris errans, non gerit negotium eius.*

Secundò requiritur, quòd is Procurator gerat negotium Caesaris, vt hñc. Ideò si erraret, non videretur gerere negotiũ Caesaris, vnde nō posset alienare, nec res Caesaris administrare, cū nihil sit consensui tam contrarium, quā error. l. si per errorem. infrā. de iurisd. om. iud.

- 1 Consensu ipsius tradit.] Tertiò, quòd in alienatione rei interueniat Principis consensus, vnde Hermogenian. in l. aufertur. ff. de iure fisci. ita scribit: *Actores, qui aliquod officium gerunt, in bonis, quæ distrabunt Procuratores, venundare inconsultis Principibus prohibentur, & si veniant, venditio nullas omnino vires habebit.*

Quartò, quòd solemnitas in alienatione à iure requisita interuenerit. l. j. & per totum. C. de fide instr. & iure hastæ fisci. lib. 10.

- 2 Limitat Accurs. quando expediret Principi illam rem vendere, & tradere, tunc etiam sine consensu, alienari poterit. Allegat in argumen. l. mulier. §. sed si cū distrabere. sub §. sed etenim. ff. ad Trebellian. Nam licet Procurator datus ad agendum, non possit transigere, tamen quando trāfactio erat utilis domino, valebit. vt not. Doct. in l. transactionis placitum. C. de trāfactio. hoc probatur in l. cū hi. §. eā transactionem. ff. illo tit. facit l. ij. ff. de acceptila. l. furioso. de re iud. l. non eo minus. vbi Ias. multa adducit. C. de Procurator. Hanc gloss. sententiam veram existimare, si postea Princeps alienationem ratam haberet, alioqui nulla semper erit si Princeps voluerit: quia non est seruata forma, ideò actus nullus. l. cū hi. §. si Prætor. ff. de transact. facit l. aufertur. de iure fisci.

- 4 Item non procedit in fructibus, & aliis rebus, quæ facile corrumpi possunt, & seruari minimè. Modestin. in l. Procurator totorum bonorum, cui res administrandæ mandate sunt, res domini neque mobiles neque immobiles, neque seruos sine speciali mandato domini alienare potest, nisi fructus, aut alias res quæ facile corrumpi possunt l. lex quæ tutores. C. de administ. tuto.

- 5 Adhæc, is, cui mandatum erat, vt domum venderet, alteri commisit, & ille vendidit, non transfert dominium in accipientem. quia ad hoc mandatum à dom. non habebat. Ideò licet rem alienam vèdere potuerit, tamen non potuit dominium trāferre sine domini cōsensu. l. rem alienam. ff. de cōtrahen. empt. Nam quod nostrum est, sine facto nostro in alium transferri non potest. per regul. iuris. & hoc probat text. in l. in vsucapione. §. item adiiciendum. ff. de diuers. & tempor. præscript. l. alienum. ff. de furtis. ideò text. iste dicit, consensu ipsius tradit. Poterit tamen vltimus mandatarius, qui vendiderit, actione mandati agere contra eum, qui illi mandauit. l. si Procuratorem. §. si quis. ff. mādati. sed ipse, cui mandauerat dominus, contra dominum non aget, quia mandati formam excessit. l. diligenter. ff. mandati. nisi potestatem substituendi habuerit, vel nihil interfit domini, quod tanti sit vendita domus, quanti per Procuratorem fuisset, tunc agetur etiam contra dominum mandati actione. §. mandati. ibidem. quia mandatum per æquipollens est adimpletum. l. final. mandat. & ne damno afficiatur is, qui mandatum suscepit. l. si mandassem. ibidem. Matthe. de Afflict. in decisione Neapol. 369.

Etiam ex hoc text. colligunt Doctores. Procuratorem Caesaris, habere à lege generalem cum libera

potestatem, & administrationem, eo ipso quòd est constitutus. facit l. Præses. C. de transactio. vbi etiam interpretes, ne quòtidie interpellandus sit Princeps, & pro quolibet negotio.

Idem dicunt in Syndicis & Procuratoribus ciuitatum, & municipiorum, vt à lege dicantur habere mandatum cum libera, licet non fuerit expressum in constitutione, quòd non valent singulis diebus congregari, vt dent mandata aliis. Ideò isti possunt expedire omnia ea, in quibus requiritur speciale mandatum. Bald. in l. illud. §. primo. ff. de minor. sed hodie solent ciuitates adicere illam clausulam, cum libera. Idem in tutoribus, & curatoribus. glossa in l. mandato generali. ff. de procurato. text. in l. inter. ij. de administ. tutorum. ibi: *Quippe cū illis quidam planè rerum administratio committitur.* vbi etiam Bart. not.

Non absimile est in Prælati Ecclesiasticis, & aliis beneficiorum administratoribus. c. 2. de donat. Bart. & Ias. in l. nulli. ff. de transact. & idem in legatis concludit Barbat. consilio 18. præclare. in secundo volumine. quod nō crederem verum esse, cū specialis potestas dari solita sit, vt alibi dicitur de his legatis.

Ex quo infertur hos liberam à lege habentes potestatem, res sibi commissas alienare non posse. de Procuratore Caesaris est hic text. de tutore in l. j. ff. de tutel.

De viris Ecclesiasticis, Prælati, & aliis scribitur in toto tit. de reb. Ecclesiæ non alienand.

Si tamen quis habeat liberam administrationem ab homine, vt qui fuerit constitutus cum libera, tūc alienare poterit. l. Procurator cui generaliter libera. ff. de Procurator. & deferre iuramentum. l. iusiurandum quod ex conuentione. in fine. ff. de iureiurand. & ista potestas debet exprimi, aliàs non censetur alicui data. l. quam Tuberonis. §. alia. ff. de pecul.

Vnde si quis constituerit Procuratores ad vendendum tales res, promittens habere rata quæcunque per eos gesta fuerint, intelligitur super his rebus, & ideò non videtur extendi, nec libera potestas dari per ista verba, sed referri debent ad expressa. l. doli clausula. ff. de verborum obligatio. & satis videntur operari, quia rata debent haberi gesta ab illis, & multotiens sunt notarij verba, quæ non vitiant. l. testamentum. C. de testament. quamuis Bart. sit sibi in hoc contrarius, vt Iacob. refert in hac lege.

#### S V M M A R I A.

- 1 Insinuatio non facienda, quando venditio est nulla.
- 2 Procurator Ecclesiæ & minoris non possunt fidem habere de pretio rei vendita, & quare.
- 3 Tempore, plus vel minus soluitur.
- 4 Creditor, vendendo pignus, potest gratiam facere in dilatione pretij.
- 5 Item Procurator generaliter, vel specialiter constitutus.
- 6 & 7 Procurator ad exigendum & recipiendum pretium debitum, confitendo, se habuisse, quod non habuit, an noceat domino?
- 8 Dominus à Procuratore suo debitum petens, post confessionem ab eo factam, & ratam habitam, à debitore amplius exigere non potest.
- 9 Solutio non probatur per instrumentum confessionis Procuratoris.

Procurator

*Syndici & Procuratores ciuitatum habent mandatum cum libera.*

*Et Prælati Ecclesiastici.*

7

8

*Transactio utilis domino, à Procuratore facta, valet.*

*Procurator Caesaris habet generalem cum libera potestatem.*



- 10 Procurator ad agendum datus transigere non potest, & quare.
- 11 Procurator fisci, siue Reip. non potest permitttere, ut quid in loco publico fiat.
- 12 Tutores non possunt sine decreto iudicis transigere super re pupilli.
- 13 Restrigitur.
- 14 Procurator Cæsaris non potest rem eius donare, nec debitum eiusdem acceptionem ferre.
- 15 Nec beneficia aut officia conferre, presentare, vel donare.
- 16 Restrigitur.
- 17 Promissio non valet, cum donatio non sortitur effectum.

§. Denique si venditionis, transactionis, vel donationis causa quid agat, nihil agit: non enim alienare rem Cæsaris ei, sed diligenter gerere commissum est.

Venditio rei Cæsaris non valet, facta per eius Procuratorem.

**E**X hoc text. colligitur Procuratorem Cæsaris, vel fisci, non posse rem fisci vendere, & si vendiderit, non valebit venditio, per istum textum, ibi, nihil agit, istud enim verbum denotat actum ipso iure nullum. §. j. quibus ex caus. ma. licet. in Instit. l. fi. ff. de liberis & posthumis. §. fin. l. si quis mihi. §. sed & si. de acquirend. hæredit. Corfe. in singul. incipiente, nihil agit. ubi allegat cap. prudentiam. & ibi Barbat. & alij tractant. de officio delegat. Etiam est text. in l. aufertur. §. actores. ibi: Venditio nullas vires habebit. ff. de iure fisci.

**I** Adeo quod cum hæc venditio nulla sit, non debet insinuari, nec lucratur emptor fructus, quia ex nullo nihil fit, nec aliquid potest super eo fundari. Bald. consilio 336. amplius. in 3. volu. & quod nullum est, non habet principium, nec originem. Bal. consil. 430. in 3. vol. Doctor. per illum text. in l. iij. §. condemnatum. ff. de re iud. dicitur in l. quotiens. qui satisficere cogant.

Ex his inferitur conclusio, non transferri dominium per traditionem rei venditæ, quæ videtur contra l. traditionibus. C. de pactis. & §. venditæ. de rerum diuisione. in Institut. Sed intelligenda est, quando traditio facta est ab eo, qui non habebat vendendi potestatem, nec alienandi, ut est hic in Procuratore Cæsaris, secus est in alio potestatem habente. Et sic intelligitur §. per traditionem. cum seq. de rerum diuisione. in Institut.

Procurator Cæsaris non potest fidei habere de pretio rei venditæ.

Item cum Procurator Cæsaris, vel fisci, non possit rem Cæsaris vendere, & sic nec fidem pretij habere, sed si vendat de consensu Principis, an possit fidem habere de pretio, quod inficiatur text. in l. si Procurator. in fin. ibi, pretio tamen soluto. ff. de iure fisci. & idem dicit ibi Accurs. in Procuratore Ecclesiæ, & minoris, qui non possunt vendere, nisi ex necessitate. l. magis puto. §. nec passim. de rebus eorum. Et sic non possunt facere gratiam solutionis pretij, quia non succurreretur necessitati minoris, vel Ecclesiæ, aut fisci.

Mandatum vendendi domum centum.

**3** Item si cui datum est negotium vendendi domum centum, eo casu non poterit minoris vendere, quod faceret, si differre posset solutionem etiam partis. Nam plus soluitur, vel minus tempore. l. vnica. C. de plus petitionibus. Et hic non tanti venderet, ut docet text. in l. si prædio. in fin. ff. de in diem adiectio. & sic faceret contra id, quod sibi mandatum est, ob id

non valeret. l. diligenter. ff. mandati. vnde Vlpian. sic ait: *Res venditæ non aliàs desinunt esse meæ, quamvis vendidero, nisi ere soluto, vel fideiussore dato, vel aliàs satisfacto.* Ideo dicendum erit vendicare me posse. l. Procuratoris. §. sed & si. ff. de tributo. & Celsus ait: *Si quis rem meam vendiderit minoris, quam ei mandavi, non videtur alienata, & si petam eam, non obstabit mihi exceptio rei venditæ.* l. prima. §. j. ff. de except. rei vend.

Etiam si quis mandatum haberet vendendi rem, ut satisfaceret creditoribus, quia differendo solutionem non satisfaceret, & sic non posset solutionem differre. Angel. & alij in §. venditæ. de rerum diuisione. in Institut.

Ampliatio de eadē re.

Nisi gratiam trium dierum, vel decem, vel alterius modici temporis faceret, & bono viro, ac diuiti. ut docet Bartol. & modern. in l. a Diuo Pio. §. sed si emptor. ff. de re iud. eo casu in mora modici temporis non est magnum præiudicium. l. si debitori. ff. de iud.

Restrictio.

Item creditor vendens pignus potest solutionem pretij differre, quia pecunia & solutio omnino tendit in creditoris commodum, cui ipse renunciare poterit. l. eleganter. §. si vendiderit. ff. de pignor. actio. Limitatur per glos. & Doct. in l. penult. ibidem. & per Anthon. Negusant. in tractat. de pignor. in i. membro. 6. partis. num. 37.

Alias Procurator generaliter, vel specialiter constitutus ad vendendum rem sine mentione pretij, potest emptori gratiam facere in dilatione pretij. l. cuicunque. §. item si institor. ff. de instit. quem singul. docet Roman. singul. 623. Constituo. facit l. qui fundum. §. Procurator. ff. pro emptore. l. j. §. j. de except. rei vendi. quod verum intelligerem, quando solutio dilata esset ex bona fide, & quodam breui tempore, secus si longo, utpote si vellet quod singulis annis solueretur aliquid, tunc illa particularis solutio multa afferret incommoda domino: ideo rata non esset habenda. l. planè. ff. familiæ herciscund. eo, quod dolus inesset in eo contractu. Rebus. & alij in l. fin. C. de apoch. public. lib. 10. glos. in c. ex literis. de pignor.

Imò Procurator constitutus ad recipiendum pretiū, non posset confiteri se habuisse, si non receperit: & non obstante illa confessione, dominus à debito petere posset: quia aliud est recipere, aliud est confiteri se recepisse. l. j. §. si mutuam. ff. si quid in fraud. patro. Bar. in d. §. sed si emptor. Vnde Imperator C. de nouat. sic scribit, l. *Non abstulit tibi Procurator actionem, si cum ei mandasses ex actionem pecunie, quam hi tibi debebant, contra quos supplicas, parte accepta, de reliqua eos liberauit: cum neque contra voluntatem tuam nouationem facere, neque eo, quod non soluebatur, eos liberare potuit.*

Procurator ad recipiendum pretium constitutus.

**6** Sed an constitutus Procurator ad exigendum & recipiendum pretium debitū, possit confiteri se habuisse, quāvis non receperit, & an noceat domino? Doc. sunt super hoc contrarij. Ego conciliando illorum sententias, & iura per eos adiecta, constituo casus seq. Primus est: Constitutus Procurator ad recipiendum, vel exigendum centum, vel aliud debitum, potest confiteri recepisse pecuniam, quam exegit: imò tenetur specialem acceptionem facere. l. plures. C. de fide instrum. l. sicut datam libertatem manumissionis patronus adimere non potest, ita manumissionis instrumentum præstare cogitur. C. de libera. causa. Bar. & alij in l. cum Aquiliana. ff. de transactio.

Secundus



7 Secundus casus, Procurator constitutus ad exigendum, vel recipiendum non potest confiteri in præiudicium domini se habuisse, quod non habuit: idè poterit dominus iterum petere à debitore, siue partem confessus fuerit Procurator se accepisse, siue totum, nec confessio domino præiudicat. l. non abstulit. C. de nouat. l. si ex cautione. C. de non numerata pecun. vnde & Vlp. ait, ipsos Procuratores, vel tutores, vel curatores fateri non sufficere. l. certum. §. sed an & ipsos. ff. de confess. sic consuluit in prælato distinguendo Calderinus consilio 5. titul. de confess. Nam hæc confessio sapit donationem, quæ ab ipso Procuratore fieri non potest, vt statim inferius dicitur: idè non præiudicat domino. l. si defensor. cum glos. ff. de interrog. actio.

8 Tertius casus, potest dominus confessionem à Procuratore factam ratam habere, & ab ipso Procuratore debitum petere, quod si petierit, à debitore amplius exigere non poterit, sed exceptione taciti pacti summouebitur. l. ij. C. de pact.

*Tutor ex confessione suatenetur.*

Vnde si tutor confessus fuerit durante tutela se recepisse centum, & actum fuerit cum tutore post redditam rationem, ipse tenebitur. l. Lucius. ij. §. tutelæ. ff. de administration. tutor. vbi scripsi. Nam ibi, si actum & conuentum est cum tutore, potest agi contra tutores, fortius si adolescens nihil egerit cum tutore, poterit etiam contra debitores agere, sic & in Procuratore dicemus.

Hoc prodesse poterit, nam si Procurator effectus non soluendo fuerit, agi contra debitorem poterit, vel è contrario. vt pulchre consuluit Aretin. consilio 4. ex facto. & interest nostra plures habere actiones. l. iij. §. j. ff. de libera. lega. l. quod in hæredē. §. elicere. ff. de tribut. actio. secus esset, si Procurator recepisset. Nam debitor esset liberatus, idè contra eum agi non posset.

9 Quartus casus, per hoc instrumentum confessionis Procuratoris non probatur solutio, sed tantum confessio. Bart. in l. alio. in fin. ff. de aliment. & cibar. lega. Ioan. Andr. in addit. Specul. in titul. de test. §. j. vers. sed pone. Egi. in si. magnæ additio. refert Aretin. d. consilio 4. ex facto col. 2. nisi in instrumento diceretur: *Quam summam habuit in tali specie, videlicet in aureis decem, ducatis duodecim, solidis, &c.* Et sic solet à cautis notariis fieri. l. si ex pluribus. ff. de solut. Sic debet intelligi Feder. consil. 53. Titius. & consilio seq. Anthon. Capit. q. 16.

*Confessio probat contra confidentem.*

Tamen confessio ista probat in præiudicium confidentis: nimis enim indignum iudicamus, vt quod sua quisque voce dilucide protestatus est, id in eundem casum infirmare, testimoniòque proprio resistere. l. generaliter. C. de non numerata pecun. hoc probat Bald. consilio 419. quia communis. in 4. vol. Federic. consilio 54. eodem modo. vbi dicit per istud instrumentum non probari veram solutionem. Idè non poterit repeti illa summa per conditionem indebiti, in quo vera solutio & receptio requiritur. l. cum de indebito. ff. de probatio. §. is quoque. quibus mod. re contrah. oblig. in Insti. Sic intellegitur l. omnes. in fin. C. de quadr. præscript.

*Transactio à Procuratore Caesaris non potest fieri.*

Transactio. Ex hoc text. patet Procuratorem Caesaris non posse transigere, quia ad hoc requiritur suæ iuris mandatum, & donare non potest: & transactio non fit, nisi aliquo dato, vel retento. l. transactio. C. de transactio. Idem in Procuratore

fisci. docet Bald. in tracta. de pace constantia. §. hoc quod nos. in verbo, mitti. & c. cōtingit. de transactio. quia æquiparantur. l. fiscus. j. in fine. ff. de iur. fisci.

Sic Procurator datus ad agendum non transigit. l. transactionis placitum. C. de transact. quod non sit ei hoc mandatum, & sic contra formam mandati faceret, & hoc pacto nullum esset ab eo gestum. l. diligenter. ff. mandati. c. cum dilecta. de rescript.

Vnde etiam Procurator fisci, qui dicitur Reip. non potest permittere; vt quicquam in loco fiat publico, quia etsi locorum publicorum procuratio illi data sit, concessio tamen data non est. l. tertia. §. plane. ff. quod vi aut clam. Vnde post longum tempus vidi dominum, qui ædificauerat in publico, cogi ad demoliendum opus, ibidem factum, cum concessio non valuerit: idè à Principe consensus postea requirendus erit, vt dictum fuit.

Sic Syndici vel Procuratores ciuitatum transigere de rebus ciuitatum non poterunt. l. ius iurandum & ad pecunias. §. primo. ff. de iure iurand. vbi Barto. & Ias. l. Procuratores. de decurio. lib. 10. vnde Paulus ait l. mandato generali non contineri etiam transactionem decidendi causa interpositam. ff. de Procurator.

Nec refragatur l. Præses. C. de transact. vbi administratores ciuitatis de re dubia transigere possunt, non de re liquida, ambitiosè, per gratiam, quia ille text. intelligitur in administratoribus, id est, Consulibus, Scabinis alicuius ciuitatis: hi enim transigent, non autem Procurator ab his constitutus, de quo intelligitur iste text. non enim dicit de administratoribus, sed de Procuratore & administratore: idè hodie licet Scabini & Cōsules possint (vt fuit dictum) transigere, non tamen ipsorum Procurator. Et sic debent ista iura intelligi, quamuis multum negotij hætenus ad hoc contrarium diluendum Doctores habuerint.

Item non potest Procurator hic, vel alius renuntiare appellationi ab eo interpositæ, vt docet Bald. in l. fin. §. primo. C. de tempo. appel. Ias. in l. Præses. col. vltima. C. de transactio. & l. cum Procurator. ff. de noui oper. nuntia. post Alexand. consilio 115. attentis. in fin. volum. 5. scripsi in tracta. de appellati. articul. 15. glos. 2. in fin. in Constitut. Reg. 3. tomo. Adhuc non possunt tutores, vel curatores super re pupilli transigere, nisi decretum iudicis interueniat. l. non solum. C. de præd. minor. alia videte in d. l. Præses.

Limitatur super debito non liquido. vt d. l. Præses & l. contra iuris. §. si filius. ff. de pactis. l. pactum curatoris. C. illo titulo. Etiam si plures expensæ in consequendo debitum fierent, quàm valeret debitum. per l. mediterraneæ. C. de annonis & tribut. lib. 10. Ioan. Lupus in repetit. c. per vestras. in præfatio. §. 66. circa fin. de don. inter virum.

Vel donationis. Non potest Procurator rem Caesaris donare, quia donare est perdere. l. filius familias. ff. de donatio. & ipse debet res Caesaris diligenter administrare, & non perdere, vt hic, nec potest debitum accepto ferre, quia donare est. l. per Procuratorem. & l. & ius iurandum. circa finem. ff. de acceptilat.

Imò etiam non potest ipse Procurator fisci, vel Caesaris conferre, seu præsentare, vel donare officia, aut beneficia, quæ ad collationem, vel præsentationem Caesaris spectant, quia donatio dicitur. cap. fin.

*Procurator Caesaris non potest renuntiare appellationi ab eo factæ.*

12

13

14

15



c. fin. de offic. Vicar. in sexto. cap. relatum. de præb.

16 Nisi Rex, vel Cæsar ea conferre facillè non posset, utpote quia captus esset, eo casu secundum interpretes posset Procurator conferre, vel præsentare, quia de necessitate veniunt conferenda. c. de multa. de præbend. c. ij. de concessio. præb. & sic non est propriè donatio, quia in necessitate non est. l. rem legatam. ff. de adim. lega. l. vnum ex familia. §. si de Falcidia. ff. de legat. ij. ut decidunt Petrus & Iacobi. hic. Ego tamen dicerem hoc casu Procuratorem non posse concedere officia, vel beneficia, quia administrare res potest, non donare, ut hic dicit tex. & quamvis necessaria sit hoc casu concessio, tamen quia res in alium transfertur, quasi propria, quia potestatem Procurator non habet, maximè quia ad dandum officia essent præstituti potius Cancellarij Principum, quam Procuratores, idè Procuratores cōferre nō possēt.

Prorex potest dare officia, & præsentare ad beneficia.

Et hoc casu putarem Proregem datum, vel Vicarium Principis generalem posse dare officia, & præsentare ad beneficia, quia hic habet generalem potestatem cum liberà ad omnia, ergo & hæc facere poterit, licet nominare ad Episcopatus non possit. per §. primum. de nomina. reg. ubi abundè scripsi in verb. Rex Franciæ, & seq. in Concord.

An Prorex possit donare ratione generalis administrationis? glos. & Doctor. in c. grandi. de supplen. neglig. prælat. Ias. in l. debitorum pactionibus. C. de pact. decidunt, ibi videte.

Poterat olim Procurator Cæsaris susceptorem & receptorem cum Comite rerum priuatarum eligere. l. penult. C. de iure fisci. lib. 10. Hodie ad solū Principem supremum spectat creare officiales, & officia concedere in suo principatu, & regno. Et de Rege Franciæ patet in Cōstit. Regi. tit. Des droitz Royaulx, sic in alio Principe docent interpretes in d. c. grandi. de supplen. neglig. Prælator.

Princeps solus debet creare officiales in suo regno.

Etiā Procurator cum liberā non potest donare, nec quidem si speciale haberet mandatum, nisi in indiuiduo potestatem habeat: utpote talem rem, vel usq; ad talem summam. teste Angel. in §. præterea. 2. col. 33. de excep. in Instit. Refert & sequitur Ias. in l. Præses. col. vlti. C. de transact.

Non procedit in his, quæ ex consuetudine, vel necessitate præstantur. ut in l. cum plures. in fin. cum l. seq. ff. de administrat. tutor. l. lex quæ tutores. C. de administ. tutor. Bart. in l. Seio. §. modicè. ff. de annuis legat. Barba. consil. 18. præclare. col. prima. in 2. vol.

Donatio causa mortis reuocatur per conualescentiam.

Item si scholasticus, vel alius valetudine aduersa detentus, donaverit causa mortis pecuniam, quam apud trapezitā habebat, mādaueritque illi, ut eam traderet conuentui fratrum Prædicatorum, si trapezita statim eam tradiderit, & scholasticus conualuerit, pecunia repeti poterit à conuentu, quia donatio causa mortis reuocatur per conualescentiam. l. non omnis. ff. si cert. petat. & in tit. de donatio. causa mortis, ergo sine causa pecunia est apud conuētum: idè repetere eam scholasticus potest. Si verò non fuerit tradita à nummulario, repetetur ab ipso, etiā si nummularius eam promiserat conuētui tradere, quia intelligitur promississe, si donatio effectum fortiretur.

17 Et sicut donatio non valet, ita non valet promissio facta accessoriè. l. cum quis decedens. §. primo. de legat. tertio. & l. cum principalis. ff. de teg. iur. Tenebitur tamē scholasticus promittere indēnitatem trapezitæ, qui iam conuentui promiserat, ut vtrique sa-

tis fiat. Bart. in l. fin. ff. de solutio. & hic Iacobi.

### S V M M A R I A.

- 1 & 2 Procurator Cæsaris, Cæsare instituto, adire hæreditatem potest.
- 3 Hæreditas per Procuratorem regulariter acquiri non potest.
- 3 Testamentum inofficiosum dici potest, etiamsi Imperator hæres institutus sit.
- 4 Dominus solo animo potest agnoscere hæreditatem, non verò Procurator.

§. Est & hoc præcipuum in Procuratore Cæsaris, quòd eius iussu seruus Cæsaris adire hæreditatem potest: & si Cæsar hæres instituat, miscendo se opulentæ hæreditati Procurator, hæredem Cæsarem facit.

**R**egulariter in aditione hæreditatis requiritur speciale mandatū, etiam de certa hæreditate. l. si quis mihi bona. §. vtrū. ff. de acquiren. hæred. & Paulus ait, *Per Procuratorē hæreditatem acquiri posse constat.* l. per Procuratorem. ibidem. Etiā is, qui non est dominus serui, non potest illi iubere. l. prima. quod iussu. & Cæsar est dominus, ergo Procurator eius non potest seruo Cæsaris iubere. Tamen hoc est præcipuum & peculiare in Procuratore Cæsaris, ac proprium, ut hæreditatem Cæsaris delatam ex generali sua potestate adire possit, & iubere seruo Cæsaris, ut eam adeat. Vlpianus ait, *Si seruus fisci institutus sit, iussu Procuratoris Cæsaris adibit hæreditatem.* d. l. si quis. §. si seruus. Barba. in repetit. rub. C. qui admitti. col. 54. cum seq.

Mandatū speciale in aditione hæreditatis.

Itaque poterit Procurator Cæsaris adire hæreditatem, si institutus sit Cæsar; si verò illius seruus, solet Procurator cogere seruum, ut adeat. ut probat iste tex. & d. §. si seruus. & l. aufertur §. *Seruus Cæsaris si iussu Procuratoris adiit hæreditatem, Cæsari volenti acquirit.* ff. de iure fisci. & ibidem scribit Martia. l. *Nec Procuratores Cæsaris bonorum actores, quæ ad fiscum deuoluta sunt, alienent.*

Torquent capita sua hic iurium interpretes, dicentes, per Procuratorem hæreditatem acquiri non posse. l. Paulus, aliàs incipit, per Procuratorem. ff. de acquirend. hæred. Sed iste text. diluit contrarium, dicens, hoc præcipuum est in Procuratore Cæsaris, ergo non est trahendum ad alios casus. Nam non esset decens Cæsarem per se adire hæreditatem; idè statuit ut eius Procurator adeat, & alia negotia Cæsaris tractet, extra tamen alienationem, & quamvis in Pandect. Florent. legatur, Curator, ibi accipitur pro Procuratore. ut in l. si inf. eod. Nec est prælagiendum de Curatore pupilli, quia in illa l. per Procuratorem, nihil dicitur de pupillo, & non datur Curator habenti tutorem: ut patet ex tit. in quibus causis habenti, &c. Et quando daretur Curator pupillo, ut adiret, ipse posset adire. l. cum quædam. C. de admitt. tuto. & d. l. per Procuratorem, est separata à l. si pupillus. Ergo ex separatis argumētari non possumus. l. Papinianus. ff. de minor. alibi fusiùs dicitur.

Et si Imperator sit hæres institutus, posse inofficiosum testamentum dici, sapissime rescriptum est. ut docet Vlpia. in d. l. Papinianus. §. si Imperator. ff. de inoffic. testament.



Imò quicumque vult exheredato filio, hæredem facere ecclesiam, quærat alterum, qui suscipiat, non Augustinum, imò, Deo propitio, neminem inueniet. c. fin. 17. q. vlt. glos. in d. §. si Imperator. idem dicit. & in l. si quis ad declinandam. C. de Episcop & cler. & glos. in c. si pater. de testa. in 6. quamuis in Pandectis Florentinis sic habeatur, & hoc probat Anto. Augustin. de emend. iuris lib. tertio. c. 6.

Miscere  
verbum, ad  
quos refe-  
ratur.

Miscendo se.] Quamuis Accursus in l. j. ff. de acquir. hæred. & alibi sæpius dicat, miscere, ad suos pertinere, adire, ad extraneos, hinc etiam, miscere, respicit extraneos, vt abundè scripsi in l. delatà. ff. de verb. signific. Sed ideò dicit hinc miscendo, quia Procurator sola voluntate & animo non facit hæredes, licet dominus solo animo agnoscere possit. l. gerit. ff. de acquirend. hæred.

### SUMMARIA.

- 1 Restitutionis litera, re solùm perspecta, Procuratori Caesaris concedenda.
- 2 In dubiis contra fiscum respondendum.
- 3 In pari lucro, pro fisco iudicandum.
- 4 Procurator priuati, adiens hereditatem, non potest in præiudicium creditorum & aliorum restituere.

### LEX II. PAVLVS LIB. V. SENTENTIARVM.



**Q**uod si ea bona, ex quibus Imperator heres institutus est, soluendo non sunt, re perspecta consulitur Imperatori. Hæredis enim instituti, in adeundis vel repudiandis huiusmodi hereditatibus voluntas exploranda est.

Procurator Regis  
potest resti-  
tui contra  
aditionem  
hereditatis  
non opulentiæ.

**H**æc lex duo continet. Primum, vt si Procurator Caesaris adierit hereditatē, quæ nō est soluendo, cōsulitur Imperatori. Sed quomodo? Accursus dicit, vt liceat ei abstinere, intellige per restitutionem, sicut minori, vel vt perinde habeatur, ac si adita hereditas non fuisset. l. j. §. cū bona. ff. de iure fisci. & semper intelligitur per restitutionem, quam Princeps concedet Procuratori suo, quod est facile, & ita seruatur in forensi iudicio, vt Procurator impetret literas à Rege, in quibus petat restitui contra aditionem hereditatis non opulentē, ab ipso factam, & sic restituatur.

- 1 Re perspecta consulitur Imperatori.] Ergo literæ restitutionis non debent concedi, nisi res perspecta fuerit, & causa cognita & iusta, alioqui si concessæ fuerint, non debent à iudicibus comprobari. Nam modestè sic scribit Modestus. ff. de iure fisci, l. non puto delinquere eum, qui in dubiis questionibus contra fiscum facile responderit, quia regulariter agitur de lucro Caesaris, & de damno priuati. Ideò hoc statutum fuit; sed si de pari lucro ageretur, certè pro fisco iudicandum esset, vt docet de Ripa in Rub. de iudic. in fin. & Deci. in l. in ambiguo. de reg. iur. ff. sed illa lex, non puto, generaliter intelligitur. Et si Imperator voluisset in pari lucro intelligendam, sic statuisset. l. vnica. §. fin autem ad deficientis. C. de caduc. tollend. Et hoc videtur declaratum in titul. pœ-
- 2
- 3

nis fiscal. creditores præferri. libr. 10. & alibi fusiùs pertractauit.

Aduertendum est ob id per Procuratorem priuati non posse acquiri hereditatem alij, vt iura disponunt; quia per eum obligaretur dominus ad omnia onera hereditaria. l. prima. ff. ad Trebel. quæ obligatio non fit sine consensu. l. secunda. ff. de obligat. & postquam creditoribus esset obligatus hereditariis, non posset in præiudicium illorum restitutionē petere, nisi esset minor. l. & si sine. ff. de minor. Principi etiam succurritur cōtra aditionem factam per suum Procuratorem, vel seruum. Ideò licet Procuratori Caesaris adire sine aliquo speciali mandato, ratione spei restitutionis, quod secus est in Procuratore priuati, qui non posset in præiudicium creditorum & aliorum restituere. l. sicut. C. de repud. heredit. facit l. j. & ij. C. de hered. vel actio. vend.

Potest in hoc text. legi, Consulitur Imperator. Sed frustra consuleretur post aditam hereditatem, cū iam sit obligatus, vt in fin. l. præcedētis dictum fuit. Ibi, Procurator heredem Caesaris facit. Ideò melius legetur, Consulitur Imperatori, videlicet vt restituatur, si hereditas soluendo non sit, vt l. sed etsi lege. §. cōsultuit Senatus bonæ fidei possessoribus. ff. de petit. hered. l. cū mandato. ff. de minor. Et ita habetur apud Fenestellā & communiter in aliis libris, quamuis Augustin. de emenda iuris. lib. 3. c. vj. dicat ceteros hallucinatos, quorū tamen sententiam probarem, cū sensus illorum melior habeatur: nisi dicamus Imperatorem consulendū, antequam Procurator adeat, si appareat hereditatem soluendo non esse, sed quomodo apparere potest, antequam adita sit: nisi per repertorium forte, vnde licet in Pandect. Florent. sit Consulitur Imperator: tamen sensus me trahit ad alterum intellectum.

### §. Hæredis enim instituti, &c.

**S**uperius in l. j. dictum fuit, Procuratorem Caesaris, miscendo se hereditati, vel iubendo seruo adire, heredem facere Caesarē: Sed si hereditas soluendo non sit, consulatur Caesari. Dicit quis, nōne hoc est iniquum, vt consulatur Imperatori, qui diues est. Ideò tenetur, sicut alius, creditoribus soluere, tanquam hæres. Respondet text. tacitè hoc non esse iniquum, quia hæredis instituti voluntas exploranda est in adeundo, vel repudiando hereditatem, & quia hic Caesaris Procurator non obtinuit voluntatem Caesaris, dum adiret hereditatem, ideò restitui ipse Imperator poterit: quia præcipuū est in Imperatore, vt ipsius Procurator faciat heredem eum sine consensu Caesaris, & apud Fenestellam non est præcipuum, sed adiicitur congruo tempore voluntatem esse explorandam hæredis instituti, videlicet ante aditionem, quia non acquiritur hereditas per Procuratorem alicui, ne quis obligetur sine sua voluntate: nam sæpius in hereditate latet anguis, ideò dicit hic text. voluntatem hæredis explorandam in adeundo, & repudiando. Et quia aditio animo fit, l. si auia. C. de iure deliber. & tam est facti quam animi. l. pro herede. ff. de acquirend. hered. & quæ animi sunt, personalia sunt, & non possunt aliis committi. l. vnica. §. ne autem. C. de caduc. tollen. vbi Bald. l. 4. ff. locati. glos. in l. sicut. de arbit.

Et si detur specialis potestas adeundi, adhuc non acquiritur hereditas per Procuratorem, sed ipse dominus

Aditio hereditatis  
tam est facti  
eti, quam  
animi.



minus sua voluntate acquirit, verum Procurator adeundo ostendit animum constituentis, qui animus factis declaratur. l. si quis mihi bona. §. sed & si mandauit. & §. fin. ff. de acquirend. hæred. alioqui acquireretur ius directum Procuratori, & in eo radicaretur, quod est impossibile, per l. quæcūq; ff. de actioni. & obligat. vt docent interpretes.

*Procurator Cæsaris, hereditatem Cæsaris delatam non potest repudiare.*

Item per istum text. licet per Procuratorem Cæsaris sine voluntate Cæsaris expressa possit acquiri hereditas Imperatori; tamen hereditatem delatam Cæsari non poterit repudiare, siue sit soluendo, siue non, quia rem Cæsaris non alienat: voluntas enim hæredis in repudianda exploranda est, per istum text. & abunde probat Barba. in consil. 18. præclare. in 2. vol. de Legato Ducis Mutinæ, qui renūciauerat hereditati delatæ ipsi Duci, vt non valeat repudiatio. Sic docet hic Bar. & Imol. in l. apud. §. vtrum. in glo. restituere. ff. ad Trebel.

Et sic intelligemus per Procuratorem non acquiri hereditatem, nisi fisco. Sed Procuratorē posse constitui ad adeundum lex non negat. l. si quis mihi. §. penult. & si. ff. de acquir. hæred. Nam quando dominus constituit Procuratorem, consentit vt obligetur hæreditariis creditoribus, & sic obligatur, & acquiritur ei hereditas, sed Procurator tractat res hæreditarias, eam adeundo, & sic volūtatē domini declarat, quod fieri potest, & sic iura conciliantur.

#### SUMMARIA.

1. *Exuli commeatum, remeatumue nemo dare potest, nisi Imperator.*
2. *Procurator sententiā colonos prohibens in prædia Cæsaris accedere, illam reuocare postea non potest.*

#### LEX III. CALLISTRATVS LIB. VI. DE COGNITIONIBVS.



**C**uratores Cæsaris ius deportandi non habent: quia pœnæ constituendæ ius non habent: si tamen quasi tumultuosum, vel iniuriosum aduersus colonos Cæsaris prohibuerūt in prædia Cæsaris accedere, abstinere debebit. Idque diuus Pius Iulio rescripsit. Deniq; neque redire cuiquā possunt permittere: idque Imperatores nostri Seuerus & Antoninus ad libellum Hermiæ rescripserunt.

*Curatores Cæsaris non possunt deportare.*

**C**æsaris Curatores non habent ius deportandi, quia pœnam non possunt constituere, nec imponere, & videtur esse eadem ratio cum dicto, quod non valet. §. filiusfamilias. quibus mod. ius pat. potest. solui. in Instit. vnde Accurs. dicit, non habent ius pœnæ constituendæ, id est, denegatum est, alioqui nulla esset ratio, & allegatur hæc glossa iuncto text. quod ratio non debet esse eadem cum dicto, sed aliquid debet addere. glossa in l. Labeo. ff. de vsucap. & istam glossa docet singul. Florian. in Rubr. inf. de probat. verum in contrarium facit text. in l. interdum. de conditio. indeb. & ff. commodat. l. tertia. §. si redita. l. si filiusfamilias. §. diui. de lega. primo. l. in testamento. 2. de conditio. & demonstrat. l. prima. §. nun-

tiatio, & ibi Ias. de no. oper. nuntiatio. sed ibi non est eadem ratio cum dicto. Etiam Bart. docet dicta testium non valere, si assignent eandem rationem cum dicto, vt pote si dicant, scio talem mutuasce centum Titio, & interrogati quomodo sciant, dicant, quia scio, non poterunt dicta eorum sustineri. Bart. in l. qui interrogatus. ff. de petitio. hæred. Bald. in l. conuenticula. C. de Episco. & cleric. Tradidi in tractat. de reprobato. & saluat. testium. Ideo dicerem Curatorem Cæsaris non posse deportare, quia hoc ius non est ei à Cæsare, nec à iure datum. Ideo hoc non possunt, cum non sit hoc eis à Cæsare concessum. Nam illorum potestas à Cæsare dependet, si Cæsar non dederit eis ius deportandi, illud non habent, sicut diximus de Præsidente, in l. illicitas. §. qui vniuersas. supra de offic. Præsidis. facit l. j. & ij. tit. seq. & sicut non potest deportare, ita nec exequi. l. iij. C. vbi causæ fiscal. l. nulli. c. de sentent. l. iij. ff. de re iudic. vel non potest deportare, quia insulam assignare non potest. vt dixi in l. j. ff. de offic. Præf. vrbis. Vnde ex his tenendum est Procuratorem Cæsaris deportare non posse, quia ius pœnæ imponendæ datum ei non est, cum imperium non habeat, sed tantum iurisdictionem, ideo multam non irrogat. l. ij. C. de modo multarum. Alij habent, **Quia** huius pœnæ constituendæ; alij dicunt expungendæ dictionem huius. Et Fenestella in lib. de magistratibus Rom. hoc tit. scribit, deportandi huic magistratui facultas permessa non est, ex quo lib. sumpta est hæc lex, & fortè à Treboniano sunt addita alia verba: iudicate, nam facilius est intellectus ex Fenestella.

*Procurator Cæsaris multam non irrogat.*

**Si tamen quasi tumultuosum.]** Colligitur Procuratorem Cæsaris posse colonis prohibere, ne in prædia Cæsaris accedant, sed abstineant, & ipsi prohibiti, abstinere debebunt. Nam magistratibus parendū est, vt dictū fuit in l. vt vim. supra de iustit. & iure. facit l. Dominicus. & l. seq. C. vbi causæ fiscal.

Item & priuatus prohibere potest alicui, ne venandi causa ingrediatur suum fundum. l. diuus Pius. ff. de seruit. rustic. præd. l. per agrum. C. de seruit. & aqua. quando fructus fundi in venatione consistebant, vt docet Iacobi. in tractat. de Feud. in versic. & cum venationibus. Et si post prohibitionem ingrediatur, prohibitus iniuriarum tenetur. l. iniuriarum. in fin. ff. de iniur.

*Prohibitus ingredi fundum alicuius.*

**Vel iniuriosum.]** Colligitur ex hoc text. Procuratorē Cæsaris posse prohibere colonis Cæsaris, ne vtatur cōductione illis facta, & hoc si sint tumultuosi, id est, turbulenti, quia fortes res Cæsaris turbant, vel turbas concitare sunt soliti, vel si iniuriam afferant Procuratoribus, seu aliis ministris Cæsaris. l. cum aliquid. C. vbi causæ fiscales. Nam crimine læsæ maiestatis tenetur, qui concitat, vt seditio, vel tumultus aduersus Rempub. fiat. l. j. ff. ad legem Iul. maiesta. de tumultu. vide in l. Prætor. 2. ff. vi bonorum raptorum. & in l. j. ff. de incendio. ac l. penult. de fidei. hodie non posset Procurator sine Iudice post conclusam conductionem, cum iurisdictionem non habeat (saltem in hoc Regno) hoc facere.

*Concitans seditionem contra Remp. tenetur crimine læsæ Maiest.*

**Denique neque redire cuiquam.]** Docet, vt si Procurator iusserit alicui, vt ad Cæsaris prædia non accedat, non potest postea isti permittere vt accedat. Vel melius dicit glossa non potest permittere deportato facultatem redeundi. Nam Marcellus ait. ff. de pœnis. l. relegati. in fine. Sic nemo potest commeat.



rum reimeatūmue dare exuli, nisi Imperator ex aliqua causa, nempe qui condemnandi potestatem non habet, absolueri quoque non potest. l. iij. ff. de re iud. l. nemo. de regul. iur. & Imperator scribit in l. Nulli, qui statuendi non habet facultatem, interdicere patria cuiquam permittitur. C. de sentent. & interlocut.

Etiam potest dici, quod si Procurator Cæsaris per sententiam prohibuit his colonis, ut potest. l. Dominicis. & seq. C. ubi causæ fiscal. functus est officio suo. l. iudex. ff. de re iudic. c. in literis. de offic. deleg.

2. idè non poterit illam sententiam reuocare. l. quod iussit. ubi abundè scripsi. ff. de re iud.

*Fenestella  
de Procura  
tore Cæsaris,  
sententia.*

Ista vltima verba non sunt conscripta apud Fenestellam, sed sic se habet iste tit. de Procuratore Cæsaris. Is enim inter Cæsarem & Remp. constitutus iudex, pauca videamus, quanquam principalem celsitudinem, à qua legum, Senatusconsultorum, magistratuumque omnium origo manat, moribus introductum sit, legum imperio, cui præest, non esse suppositam. Cæterum quoniam maiorem se, à quo ius, cum inter priuatum ac Rempublicam decernatur, inuentu sit impossibile, ipsumque Principem in propria causa iudicare, haud sanè æquum esse videatur: magistratum creari placuit, cui inter se, priuatæque personas competēs quidem esset iurisdictio, qui sanè appellatus est Procurator Cæsaris. Huic magistratui principalis totius rei familiaris licentia concessa est, perinde habeatur ratum, ac si ab ipso Cæsare fuerit pertractatum, sed si rem eius quasi propriam Procurator tradat, non putat dominium transferre: tunc verò transfert, cum negotium gerens Cæsaris, ipsius consensu tradit. Denique si donationis, venditionis, transactionis causa quid agat, nihil agit. Non alienare rem Cæsaris, sed diligenter negotia obire Procuratori Cæsaris iniunctum est. Id verò imprimis Procuratori huic (de quo agimus) ascriptum est, quod seruum Cæsaris hæredem institutum adire hæreditatem iubet, & eā hæreditas Imperatori acquiritur: quin si Cæsar ipse hæres instituitur, si se Procurator opulentæ hæreditati misceat, hæredem Cæsarem facit. Quod si ea bona, ex quibus Princeps institutus est, soluendo non sint, consulendum erit Imperatori, ne quid perinde detrimenti patiatur. Hæredis enim instituti in adeundis repudiandisue hæreditatibus congruo tempore explorari voluntas debuit, deportandi huic magistratui facultas permissa non est. Ista sunt quæ Fenestella de hoc Procuratore scribit. alia superiùs visa fuerunt, hætenus.

### *De officio Iuridici Alexandria.*

TIT. XX.



**S**CRIBIT Modestinus magistratū, apud quem legis actio est, & emancipare filios suos, & in adoptionem dare apud se posse, Neratij sententia est in l. magistratum. ff. de adoption.

Ideò adoptare quis apud iuridicū potest, quia data est ei legis actio. Legis autem actionem vocat imperium. Nam apud eum, qui imperium habet, potest emancipatio fieri. l. ij. suprā. de adoptio. Apud illum legis actio dicitur, qui actus legis & virtutes

*Legis actio  
quid sit.*

habet, ut l. legis virtus est imperare, vetare, permittere, & punire. ff. de leg. qui ergo hos actus habet, & legis actionem habere dicitur, sicut coram eo lege agere partes dicuntur, verum quia præcipua legis potestas est sub præcepto. l. iustitia. §. iuris præcepta. suprā. de iustitia & iure. & in Institut. Ideò potestas magistratuum dicta est imperium. l. potestatis. ff. de verbor. significat. ab imperando, non à vetando, vel puniendo. alia multa de legis actione scripsi in l. Labeo. ij. ff. de verbor. significat.

Iuridicus dicitur Præfectus iuridicundo, quasi iura dicens, vel iure: inde *Iuridiques* vulgò secundum ius, de quo meminit Capitolin. & ibi Egnati. in annotat. ad eum. & quod in Italia vocabatur Præses, in Alexandria Iuridicus vocari solitus fuit, ut hinc patet, & de Iuridico loquitur Scævola in l. Thais. §. Lucia ff. de fideicommissis libertatib. Et nostros Seneschallos & Bailliuos rectè hodie vocari Iuridicos Budæ in annotat. in Pandect. ad l. solent. circa fin. ff. de offi. Proconsul. existimat. scripsi in l. pronuntiatum. in fin. ff. de verbor. significat.

*Lege agere  
qui dicantur.*

*Iuridicus  
in Alexandria.*

### *De officio eius cui mandata est iurisdictio. TIT. XXI.*

SUMMARIA.

1. Beneficium non dicitur, nisi erectum & creatum sit, & ab Episcopo approbatum.
2. Delegati possunt etiam Officiales appellari.
3. Delegare iurisdictionem quis possit.
4. Delegatio in præiudicium Aduocati antiquioris in Francia, prohibita.



**N** hac rubrica Docto. multa & penè infinita tractant, sed ego breuis in ea ero, & prius præfabor aliqua ad huiusce materiæ intellectum spectantia, & demum leges huius tituli elucidabo.

Nunc de officio videamus, sciendum est imprimis accipi officium interdum pro munere, seu magistratu, aut potestate. l. munus. j. ff. de verbor. signifi. l. solent. §. finali. ff. de officio Proconsul. l. tertia. ne vis fiat ei. Vnde prohibitus obtinere (utpote exul) officium in ciuitate, non poterit quidem officium apparitoris obtinere, aduocationis, vel aliud. teste Anthon. Butri. in cap. secundo. de postulan. & Alberic. in quarta parte staru. quæstio. 87. sed quid si statuto. Ideò vulgò accipere solemus officium, quando constitutum est aliquod onus homini, qui illud officium exercebit, siue à Principe, siue ab alio. Vnde prohibitus retinere duo officia in ciuitate, non censetur prohibitus onera duo exercere, si non sint erecta in officia, creata, seu destinata ad hoc, sicut dicimus non esse beneficium, nisi sit erectum & creatum, & ab Episcopo approbatum. cap. nemo. de consecrat. distinctione prima. ut scripsi abundè in praxi benefic. in prima parte. titulo, quare instituta sint beneficia. Ideò officium ex communi loquendi vsu Franciæ vocamus, quando sic est erectum, & constitutum, ad aliquem actum, & propriè sic vocari potest.

*Officium,  
quid dicatur.*

Officiales



Officiales,  
qui dicantur.

Ordinarij  
cognoscunt  
etiā contra  
delegatū.

Officiū va-  
riē accipi-  
tur.

Officiales dicuntur, qui aliquod beneficium, seu officium, sic creatum & certum habent. l. Præsidis prouinciæ officiales. ff. de reb. credi.

Ideo ordinarij, qui non possunt cognoscere contra officiales Papæ, poterunt cognoscere contra delegatum, qui non dicitur officialis Papæ, vt Deci. & alij dicunt in rub. de offi. deleg. post consil. Oldra. vltimum. extra. cum Matthæus. de hæretic. & extra diuina. de priuileg. in commun. qui non habet tale officium.

Generaliter tamen dicuntur Officiales (vt Doct. hîc scribunt) & officium habere dicuntur, qui aliquod habent ministerium. l. legatis. §. si ex officio. ff. de legat. 3. Vnde si à grauamine illato per officiales sit appellandum, poterit à grauamine horum delegatorum etiam appellari. vt consuluist Soci. consil. 83. pro clariori. num. 8. & seq. in 4. vol. & si delinquat in officio, poterit perinde atque alius officialis puniri. Panor. in cap. vno delegatorum. de offic. deleg.

Accipitur etiam officium pro obsequio, seu beneficio. Nam cum facimus, quod nobis incumbit, bene facimus, & obsequimur illi, cui facimus. Felin. & alij in rub. de offic. deleg. l. seruus. ff. de seruis. exportand. Inde officiales opere, seu obsequiales. l. si non sortem. §. libertus. ff. de condi. indeb. l. fabriles. ff. de oper. libert. scripsi ff. de verborum signific. l. in lege censoria.

Officiū, pro ordine, seu multitudine ministrorum, & sic pro officialibus. Vlpian. in l. si fideiussor. in fin. ff. qui satisfacere cogant. ibi: *Si satisfdatum pro re mobili non sit, & persona suspecta sit, ex qua satisfdatio desideratur, apud officium deponi debet.* Id est, apud acta vel actuarium. idem Modestinus. in l. Sempronia. ff. de furt. ibi: *Sempronia libellos composuit* (repudij dicit ibi Accursus. sed idem esset in libello iniurioso) *quasi datura Centurioni, vt ad officium transmitterentur, sed non dedit. Lucius pro tribunali eos recitauit, quasi officio traditos. Quæro, cum non sint in officio inuenti, neque Centurioni traditi, &c.*

Officiū hîc significat locum & cœtum hominum in eodem munere officio fungentium, teste Budæo in Foren. Idem Vlpian. scribit: *Potes itaque decreti gratiam facere, & eum per officium distrahi iubere.* l. j. §. penult. ff. de quæstionib. vbi pro officialibus rectè accipitur.

Ego dicerem officium interdum accipi pro loco & persona, apud quos, vel qui officium exercent. Nam sicut ius dicitur locus, in quo ipsum ius exercetur. l. penult. ff. de iust. & iure. Ita & officium locus & persona, in quibus officium exercetur, vt si agatur de deposito, apud officiū fiet, id est, apud illum, qui onus depositionis habet, & in illo loco, vbi solet deponi, sicut in Francia solemus dicere, *au Greffe*, apud actuarium, qui solet illa deposita accipere, nec intelligimus de solo loco, qui ista non reciperet, sed de persona illi loco & officio præfecta. l. si quæ sunt. ff. famil. herciscund. Sic & apud ædem sacram interdum reponerentur, & sic debet intelligi. l. iij. & l. seq. ff. famil. herciscund. potest etiam separatim accipi pro officialibus. vt dictum fuit.

Etiam capi posse pro actu & exercitio, vt dicunt interpretes, & esse nomen generale pro omni ministerio, vt dictum superius fuit. Tamen hîc accipi potest pro potestate, vel fortè pro eo quod quis facere tenetur, pro conditione negotij sibi iniuncti.

Diuis Ambrosius officium esse dicit, congruum actum vniuscuiusque personæ, & sic capitur suprâ de officio Prætor. Præsid. Proconsul. Præfecti Prætorio, Iuridici, Præfecti vigillum, Quæstoris, & regulariter in hac materia. Et Vlpianus ait: Boni & innocentis viri officio iudicem fungi oportere. l. cætera. ff. famil. hercisc. & implere officium. l. iij. de arbitr. Cicero de Officiis sic scribit: Nulla enim pars vitæ, neque priuatis, neque publicis, neque forisibus, neque domesticis in rebus vacare officio potest, in eoque colendo sita est vitæ honestas omnis, &c. Vnde dicit Paul. lib. singular. de variis actionibus: Operæ sunt diurnum officium. ff. de oper. liberto. quamuis Purpura. & quidā alij dicant officiū hîc accipiendū pro publica authoritate, & potestate, sed refragatur l. fin. inf. vbi priuato cōmitti potest, & sic ait Bal. Officiū censetur esse quædam potestas in se residēs. in rub. C. de oper. liber. Bal. in l. j. in 2. lect. infr. de iuris. om. iud.

Et hoc pro materia intelligendum erit. Nam in iure canonico frequētius pro administratione rerum Ecclesiasticarum, siue iurisdictione accipitur. vt de officio Sacristæ, dicitur in eodem tit. & in c. de multa. de præben. in c. primo. de consuet. lib. 6. & aliis multis in locis, vt superius dixi, maximè in rub. de offic. delegat. Videte multa quæ scribit Ioan. Francisc. de Penninis in tract. de offic. & potesta. capituli sede vacante. in 2. prælud. & hîc per iurium interpretes. & in l. j. infrâ. de iurisd. om. iud. Alia, quæ ad iudicis officium spectant, dicemus.

Mandata est iurisdictionio. ] Mandare iurisdictionem, est eam alteri committere. vt docet Paul. in l. cum Prætor. ff. de iud. quod Imperator vocat delegare. in tit. qui pro sua iuris. C. & ferè alibi. sic Papa in tit. de off. deleg. de quo scripsi in l. sylua. ff. de verb. sign. Ideo nos passim verbo vno & altero de cætero vtemur. De verbo, delegare, loquitur Vlpian. in l. j. ff. de dam. infect. ad hoc propositum, licet alibi in titulo de nouat. aliter accipiat.

Sunt qui differentiam inter mandare & dare iudicem assignent. Nam mandare, est iurisdictionem vniuersam committere: dare iudicē, in vnius causæ cognitione consistit. Soci. in l. j. ff. a quibus appel. non licet. Probat Alciar. lib. 2. Paradox. c. 5. hæc tamē differentia reprobatur. in l. cognitio. infr. eod. & ab Vlpian. ff. de iurisd. om. iud. l. so et Prætor suam iurisdictionem mandare, & aut omnē, aut speciem vnā. & in l. Prætor, sicut vniuersam iurisdictionem mādare alteri potest, ita & in personas certas, & ad vnā speciem. Est tamē verū, quod mādare respicit ferè iurisdictionē. Et dicimus mandare iurisdictionē, & dare. respicit personam, vt dare iudicem. Item is, cui mādata est iurisdictionio, frequētius iudicem dare dicitur, & is datus à delegato non dat aliū iudicē. l. à iudice. C. de iud. l. sape. cum l. seq. ff. de offi. Præsid. De hoc dicitur in l. fin. infr. eo. Istud etiam apud Iurisc. nō semper obseruatur: nam Proconsul dicitur mandare iurisdictionē legato suo. l. obseruare. in fin. cum l. seq. ff. de offi. Proconsul. Et alibi dicitur dare iudicem. l. cum Prætor. ff. de iudic. Sic igitur ista exactè non seruantur, nec passim, sed interdum dicitur mādari iurisdictionio, interdum dari iudex. Iurisdictionio autem explicabitur in rub. infrâ de iurisd. om. iud. De mandato suprâ scripsi in l. solet. in fi. de offi. Procon. & fusiùs, si per ætatem liceat, in tit. mandati. infrâ. Frequentius tamen Iurisc. mādare iurisdictionem, ad omnem iurisdictionem, vel ad

Differentia  
inter man-  
dare & da-  
re iudicem.



aliquam speciem referunt: dare iudicem, ad vnam causam, vel articulum, vt superius visum extitit.

3 Omissis nunc aliis subtilitatibus iuris ciuilibus, dicamus, quis delegare possit, insequendo maximè iuris ciuilibus praxim. Respondeo, delegat ille, cui à lege, Senatusconsulto, vel Principe concessum est. l. cum Prætor. ff. de iudic.

Secundò, cui delegatio fieri possit? Respondeo, tam ordinario, quàm priuato iurisdictionem etiam non habenti. l. & si Prætor. vbi dicitur. & l. fin. infra.

Tertiò, quæ causa delegari possit? in l. j. infra eod. dicitur: Regulariter omnes, nisi specialiter lege, Senatusconsulto, vel cōstitutione Principum tribuantur, vel sit merum imperium, & alia dicuntur ibidem. Hostiensis in summa huius tituli alia conscribit, quæ videri possunt, nolo hîc transcribere.

Delegatio  
nes perra-  
ra in Fran-  
cia.

Hodie istæ delegationes perrarò fiunt in Francia ab ordinariis magistratibus, etià propter absentiam, vel valetudinem illorum, aut aliud iustum impedimentum, ne auferatur iurisdictione alterius iudicis secundarij, vel tertij, alioqui primus iudex delegando auferre iurisdictionem locumtenentis, vel iudicis secundij, & idem in secundo quoad alium posset. Imò vidi prohiberi delegationem fieri in præiudicium Aduocati antiquioris, qui iudicibus absentibus iudicare constitutionis autoritate potest. art. 6. tracta. de recusa, vbi scripsi in 3. tomo ad Constit. Reg.

4

Nolo congerere quæstiones alias, quæ nihil, aut parum vtilitatis afferunt. Nam siue posita fuerit hæc rub. de offic. eius, siue de officio delegati, nullus fructus adest, nec quidem siue antè, siue postea, ob id ista curiosis relinquo.

Interpretes hîc sese torquent plurimum, ponentes differentiam inter delegatum, & eum qui vicem iudicis gerit, licet nulla sit, vel admodum parua. vt docet Vlp. in l. solet. ff. de iurisd. omp. iudic. ibi: *Et is, cui mandata est iurisdictione, fungitur vice eius, qui mandauit.* Vnde vicem ordinarij gerit delegatus, vicem domini Procurator. l. j. ff. de Procurat. & alij qui alieno funguntur munere, vices alterius gerunt. l. j. ff. de eo qui pro tutor.

Viceres,  
delegatus,  
& vicarius  
sunt eadē.

In hoc tamen recipitur differentia, quia delegatus dicitur qui iurisdictionem alienam administrat, vices tamen gerere dicitur, quicumque alieno munere fungitur, & sic latius patet titulus de eo qui vicem alterius gerit, & quod ius Pontificium dicit vno verbo, Vicegerens, vel Vicecancellarius, Ciceronianum non est, sed ius ciuile eleganter pro eo vtitur Procancellarius, Protutor. in d. l. j. & per totum ff. de eo qui pro tutor. nego. gessit. Proprætor, Proconsul, vt superius dictum extitit in suis locis.

Et quamuis Zas. in l. more. nu. 9. & seq. ff. de iurisd. omp. iud. dicat istos vicegerentes esse in triplici differentia. Nam in locum mortui quidam sufficiuntur, sed isti non poterunt dici vices gerere mortui: ideò tenet vicem gerere dici, eum, qui alieno fungitur munere, quodcumque illud munus sit. & de hoc scripsi in l. cætera. ff. de verb. sign. Bello. egregius interpres aliqua scribit in lib. Supputat. l. c. 11. & 12. Vnde Cicero vocat istum Vicarium pro Cecinna, ibi eum, qui legitimè Procurator dicitur omnium rerum eius, qui in Italia nō sit, absente Reipub. causa, quasi quidam penè dominus, hoc est alieni iuris Vicarius. Scripsi de Vicariis, quantum attinet ad ius Canonicum, in praxi benefici. in forma Vicar. Archiepisco.

& quoad ius ciuile. in tit. de verborum signific. in l. urbana familia.

### S V M M A R I A.

- 1 *Electa persona industria causa delegari non potest.*
- 2 *Specialis concessio causa quomodo cognoscatur.*
- 3 & 7 *Cognitio legis Iulia de adulteris mandari non potest.*
- 4 & 6 *Concessa iure magistratus delegari possunt: secus si specialiter concedantur.*
- 5 *Causa ex privilegio concessa mandari non possunt.*
- 8 *Conseruator Vniuersitatis Parisiensis semper causas delegat vsque ad tres sententias conformes.*
- 9 *Practica erronea non est seruanda.*
- 10 *Verbale legis vel alterius constitutionis narratiua non inducunt argumentum à contrario.*
- 11 *Argumentum à contrario ab ipsis textibus, & iuribus tantum sumendum.*
- 12 *Ius patronatus cum vniuersitate vendi potest.*
- 13 *Exercitium iurisdictionis non habere dicitur, si crimina non puniantur.*
- 14 *Executio flagitiosorum, etiam intratempora appellationis facienda.*
- 15 *Vicegerentes omnia possunt agere, quæ ipsi iudices, citra tamen vltimum supplicium, aut membri abscissionem.*
- 16 *Datio tutoris non mandatur.*

### LEX I. PAPINIANVS LIB. I. Q V A E S T I O N V M.



Vacūq; specialiter lege, vel Senatusconsulto, vel cōstitutione Principum tribuuntur, mandata iurisdictione non transferuntur, quæ verò iure magistratus competunt, mandari possunt. Et ideò videntur errare magistratus, qui cum publici iudicij habeant exercitio- nem, lege, vel Senatuscōsulto delegatam, veluti legis Iuliæ de adulteriis, & si quæ sunt aliæ similes, iurisdictionem mandant. Huius rei fortissimum argumentum est, quòd lege Iulia de vi nominatim cauetur, vt is, cui obtigerit exercitio, possit eam, si proficiscatur, mandare. Non aliter itaque mandare poterit, quàm si abesse cœperit: cum aliàs iurisdictione etià à præsentemandetur. Et si à familia dominus occisus esse dicetur, cognitione Prætor, quæ ex Senatusconsulto habet, mandare nō poterit.

Ista lex Papinian. est subtilis, ac difficilis, continetque materiam vtilem, ac difficilem. At nos in ea, licet longissimè eam Doct. traxerint, breuius quàm fieri poterit, explicabimus. ad rem igitur veniamus.

Glos. & Doct. hætenus intellexerunt hanc legem in magistratibus maioribus, vt quæ illis tributa sunt specialiter, id est, expressa & in priuilegium, vt merum, & mixtū imperium, id mandari non possit, & moti sunt, vt respondere possint contrariis: sed putantes



putantes euadere (vt dicitur) Syllam, in Charybdim inciderunt, & in fortia contraria, quæ euitabuntur, si verus habeatur sensus. Nam si magistratibus maioribus concessio ista facta fuerit, ergo iure magistratus ei competeret, & sic mandari possent, ob id ista sententia eorum non potest sustineri, quia text. non loquitur de personis, sed de causis illis specialiter concessis, dum dicit, *Quæcunque*. nec l. cum Prætor. de iudic. aliquid secum facit, vti inferius demonstrabitur.

Nam si intelligeretur hic text. de maioribus tantum magistratibus, & illustribus, hoc esset contrarius, & cederet in præiudicium illustrium, qui per substitutum ferire possunt. l. nullus. iij. C. de decurionibus. libro 10. & possunt per alios legere eorum sententias. l. ij. C. de sentent. ex libel. recitan. Et sic mandare cognitionem, & tamen interpretes aliud habent, videlicet quod illustres & maiores magistratus non possunt mandare ea, quæ eis commissa sunt, vnde vix sic intelligi potest, quicquid hætenus Doctores scripserint, & maiores magistratus olim dictos Consules, Prætores, & Censores legimus, reliquos omnes minores appellatos, vt docet Gellius lib. 13. cap. 14. licet alio tempore maiores magistratus etiam dicantur Præfecti Prætorio, Quæstor candidatus, & qui inter illustres nominantur, vt supra dixi in l. qui indignus. de Senator.

*Maiores magistratus qui appellati fuerunt.*

Præterea si merum imperium sit datum minoribus magistratibus, nunquid mandari poterit? Quia iste text. (vt dicunt) loquitur tantum in maioribus, ideo defensores ciuitatum Italiæ, quibus hodie datum est merum imperium, & mixtum, vt dicit Iason & interpretes hic, possent illud mandare, quod non est verum, vnde de magistratibus tantum non potest hic text. intelligi, sed de causis, vt sequitur & hoc docuit Fulgos. licet ab aliis reprobetur, vnde Curtius dicit in istum text. copulatiue concurrere priuilegium causarum, & personarum, & sic omnes cessabunt difficultates, ac de priuilegio personarum nullum verbum, & addere non est liberum ad text. loquentem *Quæcunque*, non dicit, *Quicumque*.

Ideo ego intelligerem istum text. in causis, non in personis, vt quæcunque causæ specialiter tribuuntur alicui, maiori, seu minori magistratui lege, Senatusconsulto, vel Principum constitutione, illa mandata iurisdictione non transferuntur, id est, non transeunt in delegatū. Hoc vult dicere huius legis principium, siue causa magna sit, siue parua, cum hic non distinguatur, siue causa diuitū agatur, siue pauperū, cum ius generale esse debeat. l. leges. C. de legibus. ideo variari iura, aut flecti (vt regula Lesbia) non debent, sed generaliter procedere. l. j. ff. de legat. præstan. Et debet intelligi de ordinario magistratu, quia delegatus inferioris à Principe non delegat. l. à iudice. C. de iudic. & iste text. dicit, tribuuntur, non verò delegantur, & verbum, delegatam, infra exponi debet pro, tributa & concessa, vt inferius dicitur.

Et sic intelligi debet, siue in vna causa specialiter data, siue in pluribus. vt probat iste text. in lege Iulia. de adulteriis, quæ specialiter lege tributa est, & in Senatusconsulto Syllaniano, quæ ista specialiter concessa sunt, ob id mandari non possunt, nec mandata generali iurisdictione transferri. & in pluribus causis specialiter tributis idem esse probat iste textus, ibi, *quæcunque*, & ibi, quæ verò. Loquens in plu-

rali, & vniuersaliter, semper in neutro genere; non in masculino, & sic non de personis loquitur. Ratio est, quia is, cui committitur specialiter, videtur esse ad hoc electus, vt ipse faciat, non alius, & sic videtur electa industria eius, cui specialiter causa tributa est cognoscenda, quæ industria diuersa est inter diuersos. l. inter. ff. de solut. l. si non sortem. §. libertus. de condit. indeb. & postquam specialiter lex ei tribuit, iure ipso videtur prohibuisse, ne alij committeret. Nam specialiter non isti commisisset, si scisset eum alij delegaturum; sed alium elegisset. Ideo dicit text. ista sic specialiter concessa non transferri mandata iurisdictione, id est, delegata; ista specialiter commissa non censentur, nec delegata. Idem est de iure canonico, quando electa est industria personæ, vt talis causa delegari non possit. c. vlt. de offic. delegat. licet regulariter eo iure causas mandari liberū sit. c. quod sedes. de offic. ordin. Sed quando electa personæ industria censeatur, an sit differentia inter vtrumque ius, fusissimè tradunt Doct. in hac lege. alibi scripsi, ideo nunc omittam.

Sed maius dubium est, quomodo specialiter committi dicatur? Et Accurs. hic, quem ferè omnes alij sequuntur, dicit expressè, & in priuilegium, ego dicere in non esse necesse in priuilegium concedi, nisi dicatis ea, quæ specialiter conceduntur, dari in priuilegium; sed sufficere specialiter, id est, in specie, & nominatim concedere, & non generaliter per hunc text. qui inferius dicit nominatim, & apertè docet Vlpian. in l. multo. ff. de tutel. sic scribens: *Tutela datio neque imperij neque iurisdictionis est, sed ei soli competit, cui nominatim hoc dederit, vel lex, vel Senatusconsultum, vel Princeps.* Ecce ibi text. exponentem istum. Nam specialiter tribuit, qui in specie, vel in indiuiduo, aut nominatim, probat l. obseruare. in fi. ff. de offic. Proconsul. vbi Proconsul prouinciam ingressus, in genere mandat iurisdictionem legato, specialiter verò cognitionem custodiarum. l. solent. ibidem. facit l. qui excubias. ff. de re milit. ibi: *Nisi hoc ei specialiter liberalitas Principis indulserit.* Item scribit Vlpian. ff. de iniur. l. Prætor edixit, qui agit iniuriarum, certum dicat quid iniuria factum sit, quia qui famosam actionem intendit, non debet vagari cum discrimine alienæ estimationis, sed designare certum, & specialiter dicere, quam se iniuriam passum contendit. & idem Vlpian. ibi l. item apud. §. ait Prætor. ibi: *Hoc edictum superuacuum esse Labeo ait, quippe cum ex generali clausula agere possumus, sed videtur & ipsi Labeoni, & ita se habet, Prætores eandem causam secutum voluisse, & specialiter de ea re loqui: ea enim quæ notabiliter fiunt, nisi specialiter notentur, videntur quasi neglecta.* Quasi velit iste text. dicere, ea mandari non possunt, quæ specialiter tributa sunt alicui, secus si generaliter. Et generaliter tributa dicuntur iure magistratus: nam magistratibus committitur generalis iurisdictione. l. si in aliquem. supra. de offic. Proconsul. l. omnia. de offic. Præsid. l. j. de offic. Præfect. vrb. ergo requiritur specialiter, vt concessum sit, vltra ea, quæ iure magistratus competeant. Præfecto planè vrbis specialiter competere ius in metallum dampnandi, docet Vlpian. in l. aut damnum. §. Præfecto. ff. de pœnis. Specialiter ergo dicitur, quando committitur etiam nomine officij, vt Præfecto vrbis, Proconsuli, Prætori, & aliis, licet nomina eorum non exprimantur, si rei cognitio dicatur, & illis detur. Secundò, vt

*Specialiter causa committi quando dicatur.*



ille, cui concessum est, velit illa mandare, & non posse transferri dicit iste text. Tertiò addit mandata iurisdictione & delegata alicui, ista specialiter concessa non transferri. Quartò debet intelligi, siue vnũ cõcedatur, siue plura specialiter. Nã iste text. loquitur generaliter, & in numero plurali, quæcunque tribuuntur, hoc docet Accurs. Quintò etiam potest text. referri ad ea, quæ sunt imperij vel iurisdictionis. Vt si specialiter concessa sint, non mandentur, siue imperij, siue iurisdictionis sint, vt inferiùs dicitur. Sextò sicut ea, quæ specialiter conceduntur, non transferuntur mandata iurisdictione, ita etiam specialiter mandari non possunt. probat Iurisconsul. in l. cognitio. inferiùs.

2 Quomodo ergo cognoscitur, quòd specialiter concessum fuit? quod Doctores omiserunt. Respondeo, quando lex dicit ad Prætorem, vel Præsidentem pertineat huius causæ cognitio, de Syllaniano exprimit iste text. Nam ei committitur tanquam Prætori, ergo magistratus ratione antea nõ competebar: quia iam erat Prætor, & sic magistratus, & ei non dedisset rex si iam commissum fuisset magistratus gratia, nec debet intelligi hîc potius de magistratu municipalis, quàm de aliis, sed de quolibet magistratu, cum simpliciter loquatur, & dixisset text. si voluisset. c. ad audientiam. de decim. & Vlpian. ait: *Hæc autem cognitio Procuratoris mutandi, Prætoris est.* l. in causæ. §. hæc autem. ff. de procura.

Concessa  
iure magi-  
stratus.

Iure verò magistratus concessa censentur omnia ea, quæ cõmissa sunt alicui ex officij institutione. vt Præfecto vrbe commissa in initio fuit omnium criminum, quæ in vrbe committuntur, cognitio. l. j. supra eodem. sic & cognitio interdictionum quod vi, aut clam, & vnde vi, in quibus frequenter delinquitur, vt in titulis illis constat, non tamen committitur illis specialiter, sed iure magistratus, cui omnia crimina committuntur, & eo ipso quòd est Prætor & magistratus, ista ei competunt, ergo iure magistratus ea sibi vendicat.

Et sic imperium merum potest competere alicui iure magistratus. de Consulibus probatur in l. ij. §. exactis. ff. de origine iur. de Proconsule, in l. si in aliquam. in fin. ff. de offic. Proconsul. & de Præsidente, in l. illicitas. §. qui vniuersas prouincias regunt, ius gladij habent. ff. de offic. Præsident. Sed hoc imperium, quamuis iure magistratus competat, mandari non potest alia ratione, vt dicitur in l. fin. infra. Et hodie videmus omnes Seneschallos iure magistratus habere imperium & iurisdictionem, & tamen merum imperium non mandant, sed alia ratione. vt l. si. inferiùs dicitur. & sufficet semel specialiter tributum, vt possit non mandari, licet hodie iure magistratus veniat.

Item debet intelligi iste text. in his, quæ tribuuntur quoad iurisdictionem, secus in his, quæ specialiter alicui data sunt ratione facti, vt patri occidere adulterum, cum filia inuentum. l. patri ff. de adulter. Nam hoc filio mandare poterit. l. Gracchus. C. illo titulo. cum ea, quæ facti sunt, possint ferè per alium explicari. per reg. iuris. Potest quis per alium, quod potest per seipsum. l. j. §. deiecis. ff. de vi, & vi arma.

Lege. ] Dicit quis, quæ sunt ea, quæ lege specialiter conceduntur? Respondet text. lege conceditur publici iudicij exercitatio, id est, vsus & exercitium publicorum iudiciorum, quæ respiciunt ius gladij.

Ideò legis Iulix de adulteris cognitio specialiter iudici tributa est, ob id mandari nõ potest. vt dicit iste text. & quidam dicunt exercitationem, alij exercitacionem, alij exercitium. in l. j. §. licet autem. ff. de exercitor. actio. sed ista omnia in idem tendunt. Et sic nec ista, nec alia specialiter concessa mandari poterunt.

Senatusconsulto. ] Etiam speciatim per Senatusconsultum Syllanianum datur cognitio Prætori, si dominus à familia occisus sit. vt in l. j. ff. de Senatusconsulto. Syllanian. & in l. si seruus. & l. lege Cornelia. in fin. ibidem.

Sed miratur Fulgos. Prætorem habere ius gladij, cū Præfectus vrbe omnia sibi crimina in vrbe vendet. l. j. supra, de offic. Præfect. vrbe. Tamen non est mirandum, quia hoc specialiter est tributum Prætori per Senatusconsultum Syllanianum, vt dixi supra. de offic. Prætor. Prætores ius gladij habuisse pro ratione temporum: ideò distinguenda sunt tempora, & nemo mirabitur de his, vt superiùs suis locis dictum fuit.

Constitutione Principum. ] Diuus Marcus statuit, ne super alimentis transigatur sine Præatore, qui de causis transactionis cognoscit. l. cum hi. in princ. ff. de transactio. Hoc specialiter per orationem Diui Marci conceditur Prætori in vrbe, & Præsidi in prouincia, ergo illa cognitio mandari non potest. §. sed nec mandare. ibidem. nec iurisdictione mandata transferuntur.

Transactio  
super ali-  
mentis nõ po-  
test fieri si-  
ne Præatore.

Item Imperatoris Seueri oratione prohibiti sunt tutores, & curatores prædia rustica, vel suburbana distrahere, quæ oratio in Senatu recitata est Theophilo & Clemente Consulibus, idibus Iuniis, & sunt verba eius huiusmodi:

Præterea, patres conscripti, interdiciam tutoribus, & curatoribus, ne prædia rustica, vel suburbana distrahant, nisi, vt id fieret, parentes testamento, vel codicillis cauerint. Quòd si fortè æs alienum tantum erit, vt ex rebus cæteris non possit exolui, tunc Prætor urbanus vir clarissimus adataur, qui pro sua religione æstimet, quæ possunt alienari, obligariue. Neque specialiter hoc Prætori tributum est, vnde mandari non poterit, nec transferri mandata iurisdictione.

Ex prædictis constat, si hodie fieret constitutio, vt causæ cognitio fortè nobilium, vel aliorum committatur specialiter Præsidi, & Bailliuo, vt est in constitutionibus Reg. titul. *des Seneschaux.* prout supra scripsi titul. de offic. Præsident. ei concedi specialiter dicitur, non iure magistratus, quia Præsides istud non habebant ante illam constitutionem, & illa mandari non poterunt: secus in illis, quæ habent ratione sui magistratus, & officij. Et quamuis hîc text. loquatur de constitutione, potest intelligi in præterita & futura, quia semper lex loquitur. l. Arriani. C. de hæretic. & futuris dat formam negotiis. l. leges. C. de legibus. Et hîc infinita possem conscribere exempla, sed prædicta ad intellectum huius textus sufficere videntur.

Item cum hîc exprimat lex, Senatusconsult. & constitu

Imperium  
merum man-  
dari nõ po-  
test.



constitutio, ergo excludit plebiscitum, Prætoris edictum, responsa prudentum, & consuetudinem, quia hoc non dicit lex. l. illam. C. de collat. & quia maior erat potestas populi, Senatus, & Principis, quam plebis, Prætoris, & aliorum, & ideo de his expressit, qui specialiter committere poterant, & quamuis istæ iuris partes redactæ sint in corpus iuris, ut toto titulo de iure natural. in Institut. & ff. de iust. & iur. Tamen non datum erat illis, ut concederent imperium, vel iurisdictionem alicui, & si esset datum, tamen non statuitur hinc, ut mandari non possit, quod plebiscito, edicto Prætoris, vel responsa prudentum specialiter datum est, & de edicto Prætoris etiam interpretes hinc loquuntur, & hinc puto loqui de legibus centuriatis per excellentiam. ut §. ius autem civile. de iure natur. in Institut. & quia edicta Prætoris ad vindictam publicam non respiciunt, nec ad crimina publicorum iudiciorum, ideo hinc non continentur, nec alia.

*Consuetudine specialiter concessa, mandari possunt.*

Item consuetudo non considerat personarum industriam, sed vsus. l. de quibus. ff. de legib. Ideo tributa specialiter consuetudine mandari poterunt, nisi alia ratione prohibeatur, ut de mero imperio scripsi in l. fin. infra eodem.

**Tribuuntur.]** Nota ea, quæ specialiter conceduntur lege, vel Senatusconsulto, seu Principum constitutione alicui, non transferuntur, nec alteri mandari possunt, tum ratione industriæ, tum quia iste text. hoc prohibet, ut supra dictum fuit, & errat, qui hoc mandat per istum textum: significationes verbi, tribuere, tractavi in l. ager. §. stipendium. ff. de verbor. signific.

**Idem dicendum est in causis,** quæ ex privilegio quis habet, ut delegari non possint. per gloss. hic specialiter, id est in privilegium. Vnde si Abbas habeat iurisdictionem quasi Episcopalem ex privilegio. iuxta c. Abbates. de privileg. lib. 6. non poterit mandari. ut Purpurat. & alij concludunt. & hoc potest esse utile Cardinalibus, multis Abbatibus farcinatis, ut illa, quæ eis in illis competunt ex privilegio, mandari non possint, & tamen ipsi ea non implent, sed de iure canonico omnia mandari posse dicunt. cap. quod sedes. de offic. ordin.

Et quamuis interpretes hinc conscribant gradus magistratuum, tamen ego illos omittam, cum eos tractaverim in l. qui indignus. supra. de Senatorib. vbi videri poterunt.

**Non transferuntur.]** Id est, nullo modo, nec expresse, nec tacite, unde non potest is, cui specialiter tributa est iurisdictione, eam alteri mandare, & si mandet totam iurisdictionem, non videtur hunc specialem articulum transferre, quia negatiua totum negat. l. hoc genus ff. de condition. & demonstrat. l. si quis ita stipulatus. de verbor. oblig. vbi Ias. Etiam iste text. dicit errare magistratus, qui eam mandant, & non aliter mandari posse, quam si abesse coeperit magistratus.

**Quæ verò iure magistratus competunt ea mandari possunt.]** Colligitur ea mandari & delegari posse, quæ competunt alicui iure magistratus, eo quod competunt illi ratione sui officij, & institutionis ipsius, ut quia Prætor, Præses, vel Legatus: ideo iure suo videntur ei competere. Illa verò, quæ ei post institutionem speciatim lege commissæ sunt, vel Senatusconsulto, constitutionibusve Prin-

cipum, non delegantur, quia specialiter tribuuntur: nec illa dicuntur competere iure magistratus: quia fuit officium sine illa potestate, & poterit esse sine illa, si adimatur, aliàs sequeretur, quod maiores magistratus nihil possent uelegare, si specialiter illa concessa erant. Et sic essent deterioris conditionis, quam infimi, ut supra expressimus. Et in his quæ iure magistratus competunt, cessant rationes industriæ electæ, & causæ grauiiores non sunt, nec arduæ sicut aliæ, ob id mandari est liberum, & quia iure suo competunt, id est, iure magistratus.

Nam Prætoris officium institutum fuit Regum tempore, ut scripsi supra. de officio Prætor. postea Diuus August. vel (ut alij volunt) Iulius tulit legem de adulteriis, ut patet in l. j. de adult. & cognitio adulterij data est Prætori specialiter, ut dicit iste text. & sic mandari non potest.

Sic dicimus in Legato à latere, ut si Papa creauerit aliquem Legatum, is ipse habet iure legationis suæ, ut possit corrigere, plantare, & euellere, ac conferre beneficia legationis suæ, ac alia iura ratione suæ legationis obtinet. cap. i. ac per totum, de offic. Legat. Si verò Papa concedat ei specialiter, ut possit etiam dispensare cum causa ad duas dignitates, & duo beneficia vni conferre, etiam si in fauorem resignentur, & pensionem reservare, ista specialiter tribuuntur, & non iure magistratus competunt. Idem dicemus in alio magistratu, qui iure magistratus causarum cognitionem sui territorij habet: Rex tamē committit ei causas territorij adjacentis, certè ista specialiter tributa mandari non poterunt. Nam industria eius videtur in hoc electa, quæ in pluribus non est eadem, ut dictum fuit, nisi inspecta iuris canonici permissione, in qua non intelligitur concedi, vel mandari id quod industriam requirit. c. fin. de offic. deleg.

Nec obest aduersatiua (verò) hinc posita, quæ in facto & iure aduersatur. ut docet Ias. per l. hoc amplius. §. de hoc. ff. de dam. infect. Respondeo, etiam procedit in hoc intellectu. Nam Iurisconsultus imprimis statuit, quæcunque specialiter, &c. & sic quæcunque causæ tribuuntur specialiter lege, &c. non mandantur, nec transmittuntur in alium. Illæ verò causæ, quæ iure magistratus competunt, & sic generaliter tribuuntur, transferuntur, & mandari possunt: nūquid aduersatiua fungitur officio suo? nonne erit aliqua indignitas in vera Iurisc. locutione? hoc ego non video. Ideo Fulgos. his mordicus adhæsit.

Et hoc text. colligit (licet parum secum faciat) Sebastia. Sapia. in 2. vo. cautelam esse, quam scribit Capol. cautel. 26. quod aliqua causa non exeat de manibus iudicis ordinarij, ut ordinarius deleget causam alicui, & si, prolata ab isto iudice sententia, appelletur, iterum deleget causam appellationis, quod potest facere. glossa in l. eos. in verbo, prouocatum. C. de appellatio. Et sic iterum appelletur, ipse iudicare poterit, & ab eo non poterit appellari, cum non liceat tertio prouocare. per titulum. C. ne liceat, &c. Et hoc facit pro Conservatore Paris. Vniuersitatis: quia semper causas solet delegare vsque ad tres sententias conformes.

Ego tamen putarem hanc cautelam inter iudices regni seculares laicos non prodesse, cum iurisdictiones sint patrimoniales. Ideo non posset iudex laicus, aut Dominus, Dux, vel Baro in præiudicium superioris ita delegare, nec quidem plures iurisdictionis gradus

*De Legato à latere.*



gradus facere, vt ab vno suo iudice ad alium suum appelletur in fraudē superioris. vt in tit. de causis. in Concord. scripsi. alioqui facillē tolleretur superioris iurisdictionis, quod non est concedendum: imō nec quidem Archiepiscopus permetteret, si Episcopus sic mandare vellet in suum praeiudicium. argum. c. super quaestionum. de offic. deleg. l. ij. §. meritō. ff. ne quid in loc. public. fiat. Et isti gradus iurisdictionis ab vno domino facti, sunt Reipub. perniciosi: ideo per Curias supremas tollendi.

*Gradus iurisdictionis ab vno domino facti, per Curias tollendi.*

Et ideo videntur errare magistratus. ] Superius dixit illa, quae specialiter lege tribuuntur, non transferri, nunc infert errare eos magistratus, qui mandant iurisdictionem suam, cum eam publici iudicii exercitationem habeant lege, Senatusconsulto, vel Principum constitutione; & illa, quae sic tribuuntur, non transferuntur mandando iurisdictionem. Et sic notat Bald. erroneam practicam non esse seruandam. scripsi de hac praxi in l. in vsu iuris. ff. de verbor. signific.

Item sicut is, qui errat, non consentit, & ideo nihil agit. l. si per errorem. ff. de iurisdic. omn. iudic. l. ij. de iudic. ita vult ostendere Iurisconsult. magistratus errare, & decipi, qui mandant causam specialiter eis tributam, & sic non valet delegatio, vnde errare dicitur, qui facit illud, quod non debet: erratum, vitium, licet regulariter errare dicatur, aliud pro alio putare. in rubric. ff. de iur. & facti ignoran. l. de statu. de testamen.

Et quamuis iste text. ponat exemplum in publicis iudiciis, vt constat inferius, tamen habebit etiam locum in aliis criminibus priuatis, vbi ius gladij exercetur, & vbi inest vltimum supplicium, vel membri incisio, vt inferius dicitur, quia exempla non restringunt regulam. l. nam quod liquidē. ff. de penu legat.

Publici iudicij. ] Publica iudicia sunt, quae ex legibus publicorum iudiciorum veniunt, & quae priuata non sunt, vt Iulia maiestatis, de adulteriis: Cornelia, de sicariis, & veneficis: Pompeia de patriciis, peculatus. Cornelia de testamentis: Iulia de vi publica, & priuata, ambitus, repetundarum, & de annona. Vlpian. in l. ij. ff. de publ. iudic.

Publica ergo iudicia respiciunt ius gladij, & sic merum imperium, quod Accurs. dicit hic competere illustribus, spectabilibus, & clarissimis. Ego dicerem competere illis, quibus à lege, vel homine committitur. Nam si Princeps committat alicui infimo iudici ius gladij, illi competet merum imperium: ergo imperium merum competit illi, cui est concessum, vel ratione officij, vel expresse ab habente potestatem. vt supra dictū fuit de defensoribus ciuitatum.

*Merum imperium cui competit.*

*Exercitatio iudicij.*

Exercitationem. ] Id est, cognitionem, dicit Accurs. sed solam cognitionem non sufficere reor, sed exercitationem exponerem, id est, cognitionis, & definitionis exercitium, vt inferius dicitur. Nam isti, qui volebant eam mandare, suo iure habebant, vt Proconsul, vel alius, & non solum eis data erat cognitio, verum & executio, & definitio, vt patet in titul. precedentibus. ideo text. dicit non posse mandare istam exercitationem. Et si mandauerit ratione absentiae, non poterit delegatus vltimum supplicium, nec membri incisionem imponere. §. adhuc prohibemus. in authent. de collato. colla. 9. Ergo in aliis casibus mandare permittitur, etiam quoad

executionem. l. ij. ff. de reg. iur. l. cum Praetor. de iud. Et ita seruatur in iudiciis, quicquid disputent hic Docto. alioqui delegatus non haberet plenam exercitationem, de qua hic text. loquitur, & quia parum esset mandare iurisdictionem sine executione. l. ij. §. post originem. ff. de orig. iur. cap. vbi periculum. §. praeterea. de elect. in vj. & quod delegatus exequi possit, probat cap. quarenti. de offic. deleg. nec posset iudex absens exequi, ergo sententia illuforia esset. quod prohibet l. si Praetor. ff. de iudic.

Vnde per istum textum dicunt quidam, iudices, & alios magistratus debere exercere officium suum, & non esse negligentes, alioqui puniri debent. l. diuus. vbi scripsi. supra. de offic. Praesid.

Lege vel Senatusconsulto delatam. ] Alexander, & alij habent delegatam, sed Iurisconsultus non solet hoc verbo vt in ordinario: ideo doctrina Doctorum superuacanea videtur, nec conuenit isti text. in quo est delatam, & non, delegatam, nisi dicas, delegatam, id est, concessam, vel tributam. vt velit dicere errare magistratus, qui habent exercitium publici iudicij lege, vel Senatusconsulto tributum, si illud mandent. & in Pandect. Florentin. est, delegatam.

Si quae sunt aliae similes. ] Ex hoc text. colligitur exempla non arctare, nec restringere regulam, nec text. l. nam quod liquidē. ff. de penu legat. & maxime quando exprimuntur haec verba, Si quae aliae sunt similes.

Idem, quando exprimuntur causae, & postea dicitur: Si quae alia causa fuerit. vt Vlpian. docet in l. cum hi. §. in causa. in fin. ff. de transactio.

Etiam in odiosis, & poenalibus, ac priuilegiis extenditur lex, statutum, vel priuilegium ad similes causas, propter ista verba. text. not. in §. porro. Quae fuit prima causa amittendi, ibi: Si qua fuerit antiquioribus causis similis, seu maior. & Doct. dicunt illum textum singularem. vt extendatur ex eadem ratione: tamen ille text. exprimit, quando est causa similis, vt dixi: non nego tamen etiam si non sit expressum, quin eadem ratione distante extensio fieri possit. glos. & Doctor. in authent. quas actiones. de sacrosanct. Eccles. Corse. in singul. incipiente, extensio. primo. l. as. in §. sequens. numero 7. & §. tripli. num. 21. de actio. in Instit. & l. cetera. §. sed si quis. col. 3. ff. de legat. primo. & Roch. Curt. in c. fin. col. 51. de consuet. viginti limitationes tradit Philip. Perusi. in cap. primo. de tempo. ordin. in vj. scripsi in addition. ad Lanfrancum, in tractatu de interpreta. statuto.

Huius rei fortissimum est argumentum. ] Probat hic Papinian. publici iudicij exercitium non posse mandari, nisi quis proficiatur, & abesse velit, nec mandare aliter quis istam exercitationem, & vsum publici iudicij poterit, & ideo errant magistratus, qui illam mandant.

Ex hoc text. colligitur argumentum à contrario esse in iure fortissimum, ad decidendum quaestiones dubias, & vt apertissime decidat. l. si quis locuples. in fi. ff. de manu. testa. l. ex eo. ff. de testibus. Et sicut fraus inest dolo. l. iuris gentium. §. sed & si fraudandi. infra. de pactis. ita & argumentum à contrario videtur inesse legi, ex qua elicitur. Et licet per Accurs. dicatur coniectura. l. ij. C. de conditio. insert. tamen est coniectura legis, quae pro lege habetur, quia venit ex mente

*Argumentum à contrario, in quibus locis habent.*



ex mēte legis. l. qui testamento. §. mulier. ff. de testa. & ibi Accurs. & alij, & sic proprie venit, quicquid dicāt hīc interpretes, post Bart. in l. omnes populi. ff. de iust. & iure. hoc probat Barba. in c. 2. de foro compet.

Vnde si lex negatiue loquatur, argumentum erit affirmatiuum, vt mulier testis non recipiatur in testamento, ergo in aliis actibus sic. d. l. qui testamento. §. mulier. & dicta lex eo. & l. si quis ita libertatem. ff. de statuliberis. Si verò constitutio loquatur affirmatiue, argumentum à contrario erit negatiuum, per istum textum probat Lucas de Penna in l. nominationum. col. 2. de decurion. lib. 10. facit l. j. ff. de his qui sunt sui, vel alieni iur.

Et ideo habet locū tam in legibus Cæsaris, quàm in iure Canonico. c. cum Apostolica. in fi. de his quæ fiunt à Prælat. cap. cum virum. de regularib. c. Gonsaldus. 17 quæst. 2. & in reg. Cancel. 9. & Doctor. hīc plenè tractant.

Etiamsi verba conditionalia sint. l. si legatum. ff. de adimend. legat. l. conuenticula. C. de Episcop. & clericis. l. Lucius. ij. ff. de hæred. institut. quando non essent mera conditionalia, aliā non inducunt dispositionem. in institut. & substitutionibus glossa in dicta l. Lucius. Nicolaus Euerad. in hoc argumento à contrario.

Quod procedit etiam in Regiis Constitutionib. vt ibidem probaui in meis ad illas Commentariis.

Procedet etiam hoc argumentum in Constitutionibus feudorum, cum ex mente legis veniat. vt hīc, & l. cum mulier. ff. solut. matrim. & censetur ex ipsa lege venire, ideo in statutis, & aliis habet locum argumentum à contrario, quod est fortissimum, per istum textum quicquid Ias. hīc dicat. & in l. j. col. 12. numero 59. C. de iure emphyteut. Nam si habeat locum in contractibus feudalibus, fortius in legibus ipsorum feudorum communibus, nisi per illud argumentum veniremus contra ius commune, tunc putarem cessare, per ea quæ inferius dicentur in limitatione.

Etiamsi in pactis, stipulationibus, & contractibus, tam bonæ fidei, quàm stricti iuris habebit locum l. inter focerum. §. cum inter. ff. de pact. dotal. vbi sic scribit Papinian. *Cum inter. & patrem & generum conuenit, vt in matrimonio sine liberis defuncta filia dos patri restituatur, id actum inter contrahentes intelligi debet, vt liberis sup. restitutibus filia defuncta dos retineatur, nec separabitur dos additamenti causa data, si postea nihil aliud conueniat.* l. qui pecuniam. ff. si cert. petat. Corfe. in verbo, argumentum. in 2. Alexand. consil. 119. nu. 10. & consil. 29. in 2. vol. Dec. consil. 216. visa transactione. circa finem.

Etiamsi in statutis ac consuetudinibus nostris habebit locum, quia videntur esse pars iuris. l. de quibus. ff. de legib. docet Bart. in l. omnes populi. nu. 61. ff. de iustit. & iure. & plenè Albertus Brunus in tractatu de statu. exclu. fœmi. quæstione j. articulo 7. Anchar. consil. 213. pro isto. Socin. consilio 81. in præfenti. col. 3. vol. 1.

In rescriptis quoque habere locum allegatur text. in l. si Procuratorem. §. si ignorātes. ibi, Ex rescripto diuorum fratrum intelligere licet. ff. mandat. vbi Accurs. not. & Corfe. in sing. incipiente, argumentum. Roman. consil. 399. vt præsens. & sing. 106. Ias. in l. qui pecuniam. ff. si certum petat.

In sententiis etiam recipitur, & arrestis Curiarum

supremarum. l. Pomponius. §. sed & is qui. in fi. ff. de Procurat. l. si inter me & te. de excep. rei iudic. Præpos. in cap. j. in fine. prima distinctio. post Bald. in cap. bonæ. 1. col. 2. de elect. Corfe. in sing. incipiente, argumentum. in 3. Et in mandatis l. cum qui duobus. §. filiusfamilias. vbi Bart. & alij. ff. de acquir. hæred.

Ac in vltimis voluntatibus. l. si legatum. in princ. ff. de adimend. legat. l. aliquando. in fine. ff. de cond. & demonstrat. l. quod purè. quando dies lega. cedit. l. Lucius. ij. de hæred. institut. Barbat. consil. 54. col. 5. volum. 3. & regulariter in aliis actibus locum habet, sed limitatur, vt sequitur.

Limitant non habere locum in priuilegiis. gloss. & Docto. in cap. licet. de priuileg. in 6. quia regulariter priuilegia contra ius sunt, & in præiudiciū tertij tendunt, ideo strictè intelligi debent. c. cum in partibus. de verbor. signific. Socin. consil. 246. eleganter. col. 6. in 2. vol. & Curtius senior consilio 16. Clarus vir. nu. 34. multi tamen tenent contrā: sed ista communis est sententia, alibi fortè dicam.

Secundò non procedit, quando argumentum esset contra legem, vel rationem naturalem. §. interdum. vbi gloss. de curator. in Institut. Et quando esset contrarium in iure expressum, & vbi induceretur correctio iurium. gloss. in cap. 2. & cap. significasti. de foro competen. cap. vnico. de ætat. & qual. lib. 6. clementin. prima. in verbo, obseruare. de sentent. excommunicat. nisi lex non posset operari in sensu directo. authen. Dia commissa. C. de Episco. & clericis. iuncta l. nulla. cum gloss. ibidem. Alexand. & Ias. in authent. ex testamento. C. de collat. probat Barbat. in cap. at si clerici. §. fin. colum. 10. de iudic. & in rub. de testam. col. 5. & consilio 55. col. 3. in 3. vol. Immola in l. si cum dotem. in princip. ff. solut. matrim. & sic statutum, vt stantibus masculis fœmina non succedat, arguetur quòd extante masculo fœmina excludetur, licet ius cōmune corrigatur. l. maximum. C. de liber. præterit. Felin. in cap. significasti. in fine. de foro competen. & copiosè Albertus Brunus in dicto tractat. de statut. exclu. fœm. q. j. art. 7.

Tertiò, vbi iniquitas è sensu contrario eliceretur, siue prauus sensus contra rationem naturalem, vt conuenticula extra Ecclesiam fieri nō debent. l. conuenticula. C. de Episcop. & clericis. ergo in Ecclesia fieri poterunt, hoc esset iniquum, & absurdum, & contra ius. cap. decet. de immunita. Ecclesia. in vj. ideo non elicitur argumentum à contrario. Nam vbi non sumitur argumentum à contrario, à defectu causæ finalis non valet. vt d. l. conuenticula. vbi locus non est causa prohibitionis conuenticulæ, sed tutoratio fidei. l. ij. C. de summa Trinit. Etiam à defectu causæ impulsivæ non sumitur, vt mulier prohibita est postulare, propter improbam mulierem, non poterit etiam nunc proba mulier, etiamsi esset Valeria proba, postulare. l. prima. ff. de postul. l. adigere. §. quamuis. ff. de iure patronat.

Quartò, in verbis narratiuis legis, vel alterius constitutionis non sumitur hoc argumentum à contrario, quia interdum narratur causa impulsiva, vel alia ad statuentis placitum, quæ falsa esse potest. c. si Papa. de priuileg. lib. 6. glossa in l. vnica. C. quando non petent. partes. vbi scripsi in meo antiquo Cod.

Nisi fundaret se Papa, vel statuens super illis verbis clementina vnica. de probat. quæ hodie est in hoc regno correctæ. vt est in titulo de subrogat. clement.

Argumentum à contrario, in quibus non procedat.



clement. literis. in Concordat. vbi scripsi.

Idem in exēplis à legibus vel cōstitutionibus traditis eadē ratione. c. ad aures. vbi de Ripa, de rescript. Felin. copiose in cap. significasti. de foro competen.

*In casu contrario debet esse contraria ratio.*

Quintò limitatur, quando in casu contrario non esset contraria ratio, sed eadem, vel maior, quàm in casu expresso. l. si extraneus. ff. de conditio. causa data. glos. in verbo, videtur. l. cū Prator. ff. de iudi. Bald. in l. apud antiquos. C. de furr. Dec. consil. 216. visa. col. vlt. l. discretis. in fin. qui testa. facere possunt. Ias. in l. senium. ibid.

II

Sextò, non solet sumi argumentum à contrario, nisi ab ipsis testibus, & iuribus, non autem à dictis & scriptis interpretum, seu glossa. vt docet Alexand. in l. prima. columna decima. ff. de legat. primo. Imò pueriles modos esse arguere ex huiusmodi Doctorum Theoricis, docet Nicolaus Euerard. vbi suprā. nisi adducatur text. l. penultima. ff. ad exhibend. cap. noli. vbi Præposit. 9. distinctione. Alia hīc amplè traduntur per interpretes, quos licet cuilibet perlegere: per ista tamen eorum scripta comprehendere putarem.

**Nominatim cauetur.]** Quid sit, nominatim, videamus, nomen, prænomen, & cognomen eius dicendum est, an sufficit & vnum ex his, & constat sufficere. Vnde nominatim exheredatus ita filius videtur: *Filius meus exheres esto*, licet nomen eius expressum non sit, si modò vnicus sit, Vlpian. in l. prima. & sequenti. ff. de liber. & posthum. Et Caius scribit sic: *Nominatim videntur liberi esse iussi, qui vel ex artificio, vel officio, vel quolibet alio modo euidenter donati sunt, veluti dispensator meus, cellarius meus, coquus meus, Pamphili serui mei filius*. l. nominatim. prima. ff. de manumiss. testamen. & Paul. idem scribit sic: *Nominatim codicillis manumissus videtur seruus, cuius nomen testamento continetur*. vide quæ scripsi in stylo Bituricensi articulo vicesimo. de cita.

**Non aliter quam si.]** Colligitur argumentum à contrario valere, de quo suprā: alterum, quòd illa, quæ permittuntur ratione absentia, ea cessante concedi non debent. Nam hīc ratione absentia permittitur mandare imperium; qua cessante, non. vt in titul. ff. ex quibus caus. maior. Doctor. in c. cū cessante. de appellat. & Bald. in secunda lectione hīc septem modis hanc regulam explicat: absentia tamen affectata, vel voluntaria non prodesset, sed tantum necessaria. l. & qui data opera. ff. ex quibus caus. maior. §. item tria. de excusa. tutor. in Instit. l. si longius. ff. de iudic. l. placet. C. de peda. iudic.

Tertium, prohibita conceduntur ratione necessitatis. vt docet Accurs. & ego in l. vnica. suprā. de officio Consul. l. prima. in fine. & l. Diuus. ff. de feriis. cap. licet. illo titulo. Petrus Gerardus singul. vltimo. Iurisconsult. tamen ait non esse ignoscendum ei, qui prætextu paupertatis turpissimam vitam elegit. l. palam. ff. de ritu nupt. Sed iste text. parum probat hoc, quia non loquitur de necessaria absentia, quamuis de ea intelligi debeat.

Quartum, quòd mandata iurisdictione non transeunt ea, quæ specialiter sunt alicui tributa. facit l. quanquam. ff. de ritu nuptia. multa tamen transeunt cum vniuersitate. l. quædam. ff. de acquirend. rerum dominio. quæ specialiter concedi non possent. vt ius patronatus Ecclesiasticum, quod speciatim vñdi

non potest. cap. de iure. de iure patronat. transit tamen cum vniuersitate. cap. ex literis. ibidem. c. querelam. de symo.

Quintum, quòd in vno conceditur, in aliis prohibetur. l. cū Prator. ff. de iudic. l. maritus. C. de Procura. cap. nonne. de præsumptio. Nam permittitur mandare ea, quæ iurisdictionis sunt, & quæ specialiter non sunt tributa: ergo alia censentur prohibita.

De hac clausula non aliter, nec aliàs, nec alio modo tractat glossa & Doctores in l. siquidem. C. de exceptio. & Iason in l. finali. columna penultima. C. de iure emphyteos. & ego in praxi benefic. in tertia parte. titulo de resigna. conditio. in fine. & in consiliis meis.

**Abeſſe cœperit.]** Non requiritur tamen, quòd discedat, antequam mandet imperium, sed dum vult abesse, & parat sarcinulas, tunc poterit mandare: quia abesse incipit. l. ab hostibus. §. sed quod simpliciter. ff. ex quibus caus. maior. & tunc iudex datus cognoscere poterit, vt docet Alberic. Alexan. & Iason.

Item in hoc casu absentia, is cui mandatum erit imperium, habet & cognitionē & executionem. per l. final. C. vbi Senato. Nam cui concessum est imperium, omnia commissa censentur, sine quibus imperium exerceri non potest. l. secunda. ff. de iurisd. omnium iudicum. & hīc text. dicit committi posse exercitationem, quæ consistit in cognitione, sententia prolatione, & executione, vt dictum fuit, alioqui non esset exercitium iurisdictionis habere, sine criminum punitione: nec posset teneri pacata prouincia, nisi purgaretur malis hominibus. l. congruit. ff. de offic. Præsid. & etiam cetera omnia, quæ in executione consistunt.

Vnde membrum abscindere, & mortis supplicium imponere poterit iste delegatus, alioqui scelesti expectando iudicem, euadere interim possent in Reipubli. totius perniciem: idè id velocius fieri debet. l. prima. C. de bonis proscripto. l. prouinciarum. C. de feriis. quæ licet in latronibus loquatur, ratio tamen procedit in omnibus flagitiosis, quantum ad hæc.

Et dum iudex expectatur, impunita essent maleficia, contra iura. l. ita vulneratus. in fin. ff. ad legem Aquiliam. cap. vt famæ. de sentent. excommunicat. Abundè istam quæstio. tractat Paul. Turrenti. in sua disputatione, incipiente, Rex Aragonum, in 2. q.

Adhæc Vlpian. docet non esse differendum supplicium, etiam in eo, qui dicit se habere quòd Principi referat, salutis ipsius causa. l. si quis fortè. ff. de poenis. multò minus debet differri supplicium aliorum flagitiosorum, cū iura velint executionem faciendam, etiam intra tempora appellationis. l. non tantum. ff. de appellat. licet in regno Franciæ nullus debeat recipi appellans pro condemnato ad mortem præsentem, quia is ipse prouocare debet. ita in lib. de olim, inueni fol. 16. in registr. Curia.

Vnde Imperator Constantinus constanter sic scribit, in l. *Cum reis manifesta probatione conuictis, spatium temporis ante sententiam datur, facultas supplicandi, vel quibusdam malignis artibus tam Præsidum, quàm officiorum pœnas euitandi criminosis, patet: cū in homicidij crimine, & in aliis detectis grauioribus causis vltio differenda non sit. Igitur de cetero iuxta criminis*

*Mandans imperium nō debet abesse.*

*Imperio cōcesso omnia commissa censentur, sine quibus imperiū nō consistit.*

13.

*Absentia necessaria tantum excusat.*

*Prohibita causa necessitatis permittitur.*

12

14  
*Nullus appellans pro condemnato ad mortem in regno Franciæ recipitur.*



*criminis qualitatem legem oportet seruari & in scelerosos, & noxios proferre iuris sententiā. C. de pœnis.*

Præterea si delegatus durante ordinarij absentia non posset executionem facere, quid prodesset condemnare, cum parum sit iura, vel sententias habere, nisi executioni mādentur. l. 1. §. post originem. ff. de orig. iur. c. vbi periculum. §. præterea. de elect. lib. vj.

Non refragatur §. ad hoc prohibemus, in authen. de colla. colla. 9. vbi excipitur membri abscissio, & mortis pœna, sed ille text. loquitur de Præsede eūte ad prouinciam sibi commissam, qui si moram in itinere necessariam faciat, poterit mandare iurisdictionem etiam criminalem, exceptis his duobus casibus. l. aliquando. ff. de officio Proconsul. Nam dum expectatur aduentus Præsidis, nō debet legatus aliquem occidere, vel membri mutilationem infligere, quia Præses breui prouinciam ingressurus est, idē expectandus. l. si longius. ff. de iudic. fortē indulgere Præses, vel Proconsul poterit.

Diuersum est, quādo delegatur causa ratione absentia, quæ longa potest esse, idē non expectandus iudex ordinarius, alioqui scelesti euadere interim possent, & condemnati multis expensis onerarent dominos, qui iurisdictionem habent, tam in eorum alimentis, custodia, quā etiam in aliis, ob id etiam executio differenda non est. Nam quando est dubium vtrum absentia longa sit, habetur pro longa l. sufficit. ff. de condi. indebi. alia dicentur in l. fin. infra eodem.

Cum aliās iurisdictione. ] Colligitur ex hoc text. iurisdictionem mandari posse etiam à præsentē, ab eo tamen, qui eam propriam habet, & sic ab ordinario, qui pro suo imperio agit, & suis, non alienis partibus fungitur. l. & si Prætor. infra: ac suo iure, non alieno beneficio habet. l. more. infra de iuris. om. iud. & præcipue à lege data est ei iurisdictione. l. & quia. ibidem. Etiam quia iurisdictione est iudicis dandi licentia. l. imperium. ibidem.

Etiam quibuslibet magistratibus mandare permittitur per istam legem. Idē Ias. & alij hīc & in l. more maiorum. ff. de iuris. om. iudic. inferunt etiam defensores ciuitatum iurisdictionem mandare posse, quod & verum puto, cum per hanc legem iurisdictione generaliter mandari possit, & ab illis, qui eam habent iure suo, sicut defensores.

Nec refragatur §. iusiurandum. in authen. de defenso. ciuita. colla. 3. vbi prohibet vices agentes facere. Respondeo, Nolle ibi Imperatorem, vt ipsi defensores vices agentes, & locumtenentes faciant, sed ipsi per se causas agāt, sed non prohibet, quin ex causa possint iurisdictionem mandare, sicut Præsides, & alij magistratus, quibus etiam hoc est prohibitum. §. nulli. in authen. vt nulli iudicium, colla. 9. & §. adhuc id prohibemus. de collator. ibidem. & tamen ipsi mandare possunt, sed non præficere vnum, qui similem in prouincia potestatem habeat, quam ipse, quia hoc voluit sibi Imperator retinere; & sic mandare possunt, non autem vices agentes constituere, quos locumtenentes dicimus.

Ex text. sequentia colliguntur, primum est, quod merum imperium mādari non possit: quod verum est, quando à lege speciatim datum est alicui, & hoc probat iste text. ibi, Et idē videtur errare magistratus, &c. Sed an imperium merum aliter delegari possit, dicetur in l. fin. infra eod. Nam Iustinia.

ait in d. §. adhuc prohibemus, in authen. de collator. colla. 9. Iudices in prouinciis constitutos suos viceagentes instituere posses, qui debeant omnia vsque ad sui præsentiam agere, quæ possunt ipsi iudices facere, citra tamen nouissimum supplicium, aut membri incisionem.

Secundō mixtum imperium specialiter concessum non transfertur mandata iurisdictione generaliter, per istum text. vnde datio tutoris mandari non potest. l. nec mandante. de tutor. & curat. dat. ff. quia specialiter datur. l. prima. & l. muto. ff. de tutel. & transigi de alimentis sine causæ cognitione non potest, quæ causæ cognitio tribuitur Prætori specialiter, & Præsidi, idē eam mādare non possunt. l. cum hi. §. nec mandare. ff. de transactio. nec mandata iurisdictione transfertur per istum text.

Limitat Alexand. hīc si vniuersaliter mandetur, per l. quædam. ff. de acquir. rer. domi. c. ex literis. de iure patro. & Purpurat. hīc num. 473. & Rom. consil. 59. ad discutiendum, in secundo dubio.

Tertiō, etiam iurisdictionis articulus specialiter tributus alicui, mandata generaliter iurisdictione, non censetur transferri, per istum text. generaliter loquentem.

Quartō, quod specialiter tribuitur edicto Prætoris, mandata iurisdictione transfertur, quia in hoc text. non prohibetur, & sic mandari potest, vt in missione in possessionem ex causa damni infecti. l. iij. §. duas. ff. de damno infecti. Alciat. lib. 2. Paradox. c. j. & in bonorum possess. l. cognitio. in fi. infra eod. & in l. fi. C. qui admitti. sicut superius dixi de cōsuetudine.

Quintō, vnam causam à Principe alicui mandatam expressē, poterit is alicui delegare, licet specialiter videatur tributa, sed hæc lex debet intelligi, quādo specialiter tributa causa est magistratibus, vt iure ordinario cognoscant de ea: diuersum est, si alicui tantum sit vna causa delegata, nisi in illa etiā electa esset industria viri: nā eo casu etiā alteri eam committere non posset. c. fin. de offic. deleg. vt si merum mandatum esset imperium à Principe, quia illud mandari non poterit, vt in d. l. fin. dicetur.

Sextō, illa quæ specialiter conceduntur alicui non mandantur, nec committuntur alteri. l. prima. in fin. ff. de excusa. tutor. l. prima. in fin. C. ne liceat potentior. & propter verbū, Quæcunque, vult iste text. dicere, etiam si sit iurisdictionis, quia est electa industria eius, cui commissum est nominatim, vt superius dictum fuit. per l. hoc articulo. ff. de hered. institui. Scripsi de hac dictione, Quæcunque, in l. prima. ff. de verb. signific.

Quamuis Accurf. Bart. & communiter alij contrarium teneant. Nam cui verba conueniunt, & dispositio conuenire debet. l. iij. §. totiens. ff. de damno infecti. sed verba quæcunque conueniunt iurisdictioni, conuenit etiam verbum specialiter, ergo si iurisdictionis articulus alicui specialiter tributus sit magistratui, vt iure suo cognoscat, hoc nō poterit delegari, sicut dicetur de datione tutoris, & de aliis, alioqui iuriscōsultus dixisset, Quæcunque, imperij sunt, & hoc non dixit, sed simpliciter, Quæcunque, & ideo omnia comprehendit.

Occisus esse dicatur. ] Supplet Bar. & verū sit, sic & Accurf. in Rub. ff. si quadrup. pauperi fecisse dicatur. & in l. j. ff. de dolo. Hec tamē additio nō est necessaria, imō est superflua, quia Iurisc. quādo recitat

Præses quādo iurisdictionē etiā criminalem mandare possit.

Magistratibus quibusuis mandare iurisdictionem conceditur.

Mixtum imperium specialiter concessum, an transferri possit. 16

15



factum, habet illud pro vero. Ideò nihil est supple-  
dum; & ista est phrasis Iuriconsultorum, quam plu-  
ribus iuribus probavi, in l. iij. in fin. ff. de verb. signifi-  
& d. l. prima. de dolo.

### S V M M A R I A.

- 1 *Delegatus destitutus, agere possessorio an possit.*
- 2 *Modica coërcitio, quæ cohæret iurisdictioni, mandata iurisdictione, translata censetur.*
- 3 *Accessorium & cohærens an præscriptum sit, præscri-  
pto principali.*
- 4 *Delegatus Papæ & Principis alteri iurisdictionem  
delegare possunt.*

§. Qui mandatam iurisdictionem su-  
scepit, proprium nihil habet, &c.

*Explica-  
tio textus.*

**S**Ic potest explicari iste text. Superius visum est  
iurisdictionem mandari posse, quæsitum fuit an  
legatus, cui mandata est iurisdic-  
tio, propriam ha-  
beat iurisdictionem? Respondeo proprium nihil ha-  
bere, quid igitur? utitur iurisdictione eius, qui man-  
davit, ergo illi, qui mandavit, erit propria. Dicit quis  
imperium merum an mandetur? Respondeo, iurisdic-  
tio potest quidem transferri, & mandari, sed me-  
rum imperium, quod lege specialiter datur, non po-  
test transire madata iurisdictione. Ideò legatus Pro-  
consulis non habet ius animaduertendi in facinoro-  
sos, nec animaduersionem data sibi iurisdictione à  
Proconsule.

Tamen Paul. not. in vno casu imperium transire  
mandata iurisdictione, quod videlicet cohæret iurisdic-  
tioni.

Colligitur primò ex hoc text. delegatum non  
habere propriam iurisdictionem. Nam propriam  
causam dicimus, cuius emolumētum, vel damnum  
ad aliquem suo nomine pertinet. l. j. §. propriam. ff.  
quando appellandum sit. Et quia iurisdic-  
tio non pertinet ad delegatum suo nomine, sed alieno bene-  
ficio eam habet. l. solet. ff. de iurisdic. om. iudic. ideò  
non dicitur aliquid proprium habere, vt plenè tra-  
ctavi in l. interdum proprietatem. ff. de verb. signific.  
vbi scripsi, proprium, multis modis dici, & quia iu-  
dex datus nihil agit suo nomine, ideò proprium non  
dicitur habere, per d. §. propriam, nec dicitur in qua-  
si possessione officij, sed in quadam aptitudine, quæ  
non est quasi possessio, sicut Procurator nudum ha-  
bet factū, vt docet Bald. in l. i. col. prima. C. de sen-  
tent. & interlo. om. iud. Et sic delegatus non potest  
agere possessorio, si destituatur. l. iudicium soluitur.  
ff. de iudic. hoc firmant Claud. Seicel. & Purpuratus:  
quod verum existimarem contra mandantem, sed  
contra alios turbantes delegatum, posset ipse iudi-  
cio possessorio experiri, per text. in l. qui precario. ff.  
de precar. sicut dicitur de monacho destituto ab of-  
ficio manuali, vt cōtra Abbatem non agat, sed con-  
tra alium sic. c. cum ad monasterium. §. tales. de statu  
monacho. Bald. in l. cum affirmes. C. de liberal. cau-  
sa. Feli. in c. cum dilecta. col. x. de rescript. scripsi  
abundè in tracta. de pacif. possessor. num. 274. Etiam  
delegatus constitutus ad vitam, vt sunt conseruato-  
res vniuersitatum, si destituatur, agere possessorio  
posset, si sine causa, aliàs contra, vt dicam in d. l. iudi-  
cium, de iudic. Secundò etiam hinc habetur, iurisdic-

*Delegatus  
quomodo  
nihil pro-  
prium ha-  
bere dica-  
tur.*

tionem mandari posse, fuit dictum superiùs. Ter-  
tiò, ex hoc text. colligitur, merum imperium non  
transferri mandata iurisdictione, quod à lege, sena-  
tusconsulto, vel constitutione specialiter concessum  
est; ergo si non sit specialiter concessum, videtur pos-  
se mandari, quod non est verum, quia alia ratione  
prohibetur, vt dicam in l. fin. infra eodē. Imò etiam  
mandata iurisdictione legato Proconsulis, non trans-  
fertur merum imperium in eum, nisi iurisdictioni  
cohæreat, vt statim dicitur, & hoc probat l. solent.  
suprà de offic. Proconsul. vbi scripsi.

Quartò, licet regulariter mandata iurisdictione  
non transferatur merum imperium; tamen hoc non  
procedit, quādo illud cohæret iurisdictioni, secundū  
quosdam. Vnde si quis donauerit castrum cum iurisdic-  
tione, quam in castro habebat, videtur & merum  
imperium donatum propter cohærentiam iurisdic-  
tionis, vt hinc & l. j. §. cum urbem. ff. de offic. præf. vrb.  
dicetur fusiùs in l. imperium. infra de iurisd. om.  
iud. quia ratione cohærentiæ assumit iurisdictionis  
naturam. c. translato, vbi Docto. de cōstit. vel intelli-  
gere possumus, quòd modica coërcitio, quæ co-  
hæret iurisdictioni, transfertur mandata iurisdic-  
tione. l. fin. infra. Nam cui concessa est iurisdic-  
tio. & c. l. ij. infra de iurisd. om. iud. vel imperium, quod iurisdic-  
tioni cohæret, intelligitur mixtum. l. imperium.  
infra, tit. 2. vbi iurisdic-  
tio inest imperio, & impe-  
rium iurisdictioni cohærere dicitur.

Quintò, infertur, quòd vendito castro, censetur  
vendita iurisdic-  
tio cohærens. per istum text. facit l. si  
in emptione. in princip. suprà de contrahen. emptio.  
glos. & ibi Doctor. in cap. j. de capitaneo qui curiam  
vendid. an intelligat. benef. vendidit. Alexan. in l. iij.  
col. penult. princip. num. 26. ff. de acquirend. posses-  
sio. & in l. j. infra de iurisd. om. iud. vbi Curti. in addit.  
post alios interpretes.

Etiam docet Bart. in l. si aliena. §. hoc iure. ff. de  
vfu cap. præscriptam iurisdictionem cohærentem ca-  
stro, si ipsum quoque castrum præscriptum fuerit,  
quamuis secus sit in iurisdictione concessa personæ,  
quæ non venit sub castri concessione. dicto §. hoc  
iure. vbi præscribens fundum, præscribit & seruitu-  
tem fundo constitutā, & debitam per longum tem-  
pus, licet seruitutes & iura per longum tempus re-  
gulariter non præscribantur. l. seruitutes. in magna.  
ff. de seruitut.

Ex quo infert Ias. in l. de quibus. col. 6. num. 24. ff.  
de legib. regulam, Tantum præscriptum, quantum  
possessum, non procedere quoad accessoria, & cohæ-  
rentia rei præscriptæ. sequitur Albert. Brunus in tra-  
ctatu de augmento. conclusio. 5. in 2. ampliatio. sed  
fortè dici potest non limitari, quia possidendo prin-  
cipale, & cohærens videtur possessum, & sic vno ve-  
lut amplexu principale & cohærens est præscriptum,  
ne diuerso iure vna res censeatur. l. eum qui. ff. de  
vfu cap. facit l. iij. ff. de acquirend. possess.

Ex hoc infertur, nobilius cedere inferiori. Nam  
imperium merum est nobilius iurisdictione. l. impe-  
rium. infra de iurisd. om. iudic. & tamen cedit hinc  
iurisdictioni, & illi accedit: ideò sequitur suum prin-  
cipale, quod pretiosius est suo accessorio. l. cum prin-  
cipalis. ff. de regul. iur. probat text. apertus, in §. si ta-  
men. de rerum diuisione. in Instit. l. & si non sint. §.  
perueniamus. ff. de auro & arg. legat. Ludo. Roma.  
singu. 622. lego mulieri. Imol. & alij in cle. 2. de præb.

*Merum im-  
perium, man-  
data iuris-  
dictione, an  
transfera-  
tur.*

2

*Venditio ca-  
stri an iurisdic-  
tione  
complecti-  
tur, quæ co-  
hæret.*

*Iurisdic-  
tio concessa per-  
sonæ, non co-  
hæret sub ca-  
stri concessi-  
one.*

3



*At uero mouetur difficilis contra istū text. d.l. & si cognitio. infra eod. ibi, Cum propriam iurisdictionem legatis tuis dederis, consequens est, ut etiam de suspectis tutoribus possint cognoscere, ergo propria datur iurisdictione, & sic delegatus habet propriam.*

Aduertendum est si sic possint hæc iura conciliari; Quod delegatus iudex non habet propriam iurisdictionem, id est, ad se non pertinet, suo nomine, sicut propria. l. prima. §. propriam. ff. quando appellan. sit. sed eam exercet alieno beneficio. l. more. de iurisdic. om. iud. Et quia nec principaliter ei data est iurisdictione, sed omnia explicabit vice & nomine delegantis.

Et sic nihil habet proprium in persona sua, cum omnia nomine committentis faciat. l. et si Prætor. infra eodem. tamen is, qui concedit iurisdictionem, censetur suam propriam iurisdictionem dare, quam habet, & non alienā. Et sic intelligitur l. cognitio. ibi. *Cum propriam iurisdictionem legatis tuis dederis*, id est, concesseris, quia delegans propriam dat, & suam iurisdictionem, non alienam, quam non habet. in l. solet Prætor suam iurisdictionem mandare. ff. de iurisd. om. iud. Sed is qui suscipit, nihil proprium habet, ut hîc, sed fungitur vice eius, qui mandauit, non sua. d. l. solet. & in hoc text. facit l. fin. C. ubi & apud quem cognitio in integ. restit. agenda sit, ibi, *Vel apud eos, qui dantur à iudicibus, qui propriam iurisdictionem non habeant, sed tantummodo iudicandi facultatem, &c.*

Et quamuis delegans propriam habeat iurisdictionem, & det suam propriam, tamen ipsis delegatis non est propria, sicut dicimus de aliquo, qui sua bona paterna propria dat alicui, tamen illi donatario erunt conquestus, non propria. Et hoc est notorium in hac patria. l. quæstus. cum l. sequent. pro socio. ff. & sic delegans dat propriam, delegatus non habet propriam, sed sibi commissam habet potestatem, vice tamen delegantis. c. præterea. de offic. delegat. Et est delegatus Papæ maior in illa causa ordinatio. c. sanè. 2. ibidem. sic dicimus in eo, qui rem habet precario, ut propria ei nō sit. l. prima, & per totum. ff. de precar. quamuis dominus rem propriam concesserit. & is, cui est cōcessa, nomine alterius possidet. l. certè. ibidem. & sic hæc iurisdictione delegata videtur quædam precaria iurisdictione.

Nec refragatur l. *Legati Proconsulis nihil proprium habent, nisi à Proconsule eis mandata fuerit iurisdictione.* de offic. Proconsul supra. Respondeo, Legatum Proconsulis nullam habere iurisdictionem, antequam fuerit illi mandata. l. obseruare. in fin. cum l. sequent. ibid. Ergo postquam est mandata, habet propriam iurisdictionem, scilicet delegatis, sed non propriam sibi legato; nec valet argumentum à contrario, quando esset contra ius. ut Ias. notat in hac l. prima. ff. de offic. eius. quia non posset esse propria, postquam est mandata, cum mandatum non sit proprium, & depositum, vel commissum. l. prima. mandati. & depositi.

Ex quo in praxi notandum est, quod delegatus non habet propriam iurisdictionem, sicut dominium non potest esse apud duos. l. ij. §. ex pluribus. ff. de acquirend. possessio. proprietates est apud delegantem, ergo apud delegatum esse non potest.

Vnde quando aliquid hic delegatus definit, seu

decernit, nomine delegantis statuere debet; nempe si delegatus sit Papæ, autoritate apostolica acta conficere debet, ut probatur in titul. de offic. delegat. in Decretal. & sexto libro, & cap. præterea, ubi dicit, *Potest nostra autoritate*, ergo non sua.

Si autem sit delegatus Imperatoris, autoritate imperiali; si Regis, regia autoritate, non ordinaria & propria. dict. l. & si Prætor. Solent iudices Papæ dicere, *Autoritate Apostolica, qua fungimur in hac parte, &c.*

Nec me mouet, quod si delegatus non habeat iurisdictionem, ergo alteri eam delegare non poterit: & tamen delegatus Papæ, & Principis delegare potest. cap. quamuis. de officio delegati. l. cum Prætor. ff. de iudic. & l. à iudice. C. illo titul. Respondeo. Iudex delegatus Principis iurisdictionem quidem delegatam habet, non propriam; & quam habet, alteri delegare potest, sicut potest dare quis proprietatem, si habeat, etiam vsumfructum, quando diu uiuet, alteri concedere, & ius quod habet. l. qui tabernas. ff. de contrahend. emptio. quamuis interpretes aliter concilient, quos videre poteris, benigne lector.

## S V M M A R I A.

- 1 *Delegatus conuentus, non potest iuridicos dies celebrare, quos assisas vocant.*
- 2 *Permissio alienandi res minoris non delegatur.*
- 3 *Nec autoritas alienationis rei Ecclesiastica. Nec bonorum ciuitatis. Ibidem.*

## LEX II. VLP IANVS LIB. III. DE OMNIBVS TRIBVNALIBVS.



Andata iurisdictione à Præsede, non potest consilium exercere is, cui mandatur, si tutores vel curatores velint prædia vendere; causa cognita id Prætor, vel Præses permittat: quod si mandauerit iurisdictionem, non poterit, mandata iurisdictione, eam quæstionem transferre.

**D**Vos ista lex casus decedit. Primus est, an delegatus seu iudex datus possit cōgregare consilium, vel ut seruus manumittatur apud consilium, vel aliud quid fiat apud illud: & respondet, minime posse. Accursius exponit consilium, pro autoritate præstanda manumittere volentibus, ut autoritas requisita in manumissionibus non possit mandari: sed aliud est consilium, aliud autoritas, & delegatus posset autoritatem interponere. l. ij. de iurisdic. om. iudic. Sed non permittere, ut res minoris alienentur, ubi causæ cognitio requiritur, quæ fit conuocato consilio, & cum causæ cognitione. l. sequent. ut loquitur iste text.

Alciat. lib. secundo Paradox. cap. primo, consilium hîc intelligi posse pro decreto ait, post Barto. & alios, quod in alienatione rerum minoris, quodque specialiter Prætori, vel Præsidi concessum est.

P. Rebuffi Lectura.

*Delegatus Papæ.*

*Consilium quid hîc denotet.*



l. prima. ff. de reb. eorū. Quod si cum Accurf. & cæteris auctoritatem manumittendi intelligamus, illud ratione ineuitabilis damni veritum censendum est, cum libertas semel data reuocari non possit. l. apud. ff. de manumif. vindict. hæc Alciat. cuius sententia mihi non placet, quia aliud est consilium, aliud decretum. & iste text. duos ponit casus, vt dixi, & secundum Alciat. non traderet nisi vnum, & hinc non agitur de libertate retractanda, sed, an possit consilium à delegato congregari, & congregando exerceri pro causa manumittendi, vel alia, an iusta sit, & vt inferius dicitur, etiam si non agitur de decreto in alienatione rei minoris interponendo, sed, de permissione alienationis rei minoris, an si Præses mandauerit iurisdictionem, delegatus possit alienationem rerum minoris permittere, & iste textus prohibet hanc permissionem transferri mandata iurisdictione.

Secundus ergo casus est, si tutores velint prædia minorū vendere, vel curatores, quis concedere hoc possit, & text. iste respondet Prætorem, vel Præsidentem: Prætorem quidem in vrbe, Præsidentem in prouinciis, & hoc causa cognita.

Sed, an possit ista causæ cognitio demandari. text. respondet non posse; & si Præses mandauerit, iurisdictionem, non poterit transferri ista quæstio. Ratio videtur, quia specialiter à lege tributa est potestas Prætori. Vlpian. enim sic scribit in l. magis puto. §. non passim. ff. de reb. eorum. *Non passim tutoribus suis obtentu aris alieni permitti debuit venditio, neque enim est eis via distractionis tributa, & ideo Prætori arbitrium huius rei Senatus dedit, cuius officio imprimis hoc conuenit excutere, &c.* Et sic demandari non potest, tum fauore pupillorum, ne nudati bonis postea fame pereant, & quia electa est industria eorum, quibus est specialiter commissum. d. l. prima superius.

Et sic poterit intelligi iste text. vt is, cui mandatur causæ cognitio, is ipse non possit conuocare consiliarios, & eorum consilio causam terminare, licet dubium esset. Nam cui iurdictio mandata est, omnia censentur concessa, siue quibus non potest explicari iurdictio. l. secunda. ff. de iurisdic. om. iudic. sed ratio huius text. est, quia consilij conuocatio & exercitatio illius specialiter certis personis data est, vt dixi in l. vnica supra de offic. Consul. Ideo in quibus casibus consilium est euocandum, non potest conuocari ab isto delegato, quia Præses hoc non potest mandare, & mandata iurisdictione non censetur id, quod specialiter concessum est, mandatum nec translatum. vt in l. prima supra. Olim autem quando actio priuata mouenda coram Prætoribus erat, si de iure potius quam de facto querendum esset, Prætor ad Centumuiros, suum velut consilium, remittebat, vt ex primo de Orato. intelligi potest. si de facto querendum, iudicem Prætor dabat, aut iudices quos recuperatores appellari sæpe legit Nico. Gruchius in tractatu de Comit. lib. primo. cap. ij.

Vnde si Præses prouinciæ hodie habens in suo auditorio consiliarios, delegaret causam, iste non posset conuocare consiliarios ad causam decidendam, quia illi non præstiterunt iuramentum isti delegato, nec sunt illi subditi; ideo parere ei non tenerentur; nec posset iste legatus conuētus celebrare

iuridicos dies certis temporibus celebrandos, quos assisias vocant. Et ideo iste textus non solum intelligitur, vt non possit congregare consilium, & ab eo petere in manumissione sententiam, sed nec quidem in aliis causis exigentibus consilium, seu in illarum decisione, vt communiter in omnibus causæ cognitionem requirentibus. Et sic hodie istæ delegationes, vt supra dixi, sunt in hoc regno prohibitæ. Nam licet delegatus non possit conuocare, & exercere consilium; tamen secundus iudex, & tertius, si adsit, hoc poterit; & quidem aduocatus antiquior, si in causis decidendis consilio indigeat, quia hoc casu iste aduocatus sufficitur in locum Præsidis, seu iudicis, constitutionis auctoritate, ergo debet sapere eius naturam. l. si eum. §. qui iniuriarum. ff. si quis cautio. Quod non est in delegato, qui ratione consiliariorū habita censetur priuatus, ob id ipsi imperarent potius illi delegato, quam ipse illis, & causa non potest mandari in eorum præiudicium, vt ipsi sint subditi delegato.

Ex hoc text. ergo colliguntur duo. Primum, vbiunque requiritur consilij congregatio in alicuius causæ cognitione, & decisione, hoc mandari non potest, quia specialiter quibusdam concessum est lege: quamuis Doct. intelligant tria hinc impedire delegationem, videlicet decretum, causæ cognitionem, & quia causa est mixti imperij, ista improbaui in l. prima. Nam auctoritatem potest interponere delegatus. in l. emancipari. ff. de adoptionibus. Bartol. in l. imperium. col. penult. & quia hoc decretum iure magistratus interponi solet, ideo delegari potest, vt superius dictum fuit, si causa sit mixti imperij, vt probatum fuit. Et quia prima pars loquitur tantum de consilio exercendo, non de decreto interponendo; ideo semper vidi Procuratorem petere decretum interponi in alienatione bonorum minoris. quamuis ist. hinc dicat tutorem per se hoc debere petere, quia nullo iure cauetur. & l. minorum. C. de præd. minor. non probat. an auctoritas manumissionibus præstanda mandari possit? Doct. hinc valde se torquent, sed ista tractaui in l. vnica. supra de offic. Consul.

Secundum est, quod non potest Præses mandare alicui, vt permittat prædia minorum vendere, nec loquitur iste text. de decreto interponendo in alienatione. Nam prædia minorum distrahi prohibentur. l. prima. ff. de reb. eorum, nisi Prætor, vel Præses ex causa permittat, vt ibi & de hac permissione iste text. loquitur. & l. & si Præses. C. de præd. min. quicquid dicant Doct. intelligentes de decreto, de quo in text. isto nullum verbum, quamuis isti differant, vt scripsi in hac de reitutio. minor. in secundo Tomo Commentar. ad Constitut. Reg. nā permissio in principio interponi debet, decretum verò in fine. dict. l. magis puto. §. non passim. & l. si prædium. cum l. sequent. C. de præd. minor. maioris enim momenti est ista permissio, per quam peruenitur ad verā alienationē, quam decreti postea interpositio, quod interponitur in consequens illius permissionis, nisi acciperetur decretum pro eo, quod Prætor decernit, permittendo. vt l. si pupillorum. ff. de rebus eorum. Quæ sit iusta causa, vt permittatur rerum minoris alienatio? Respondeo as alienum, & hoc ponitur inter præcipuas causas. in l. magis

Mandata  
iurisdictione,  
ne, permissio  
alienationis rerū  
minoris non  
transfer-  
tur.

Mandari  
qua non  
possint.

Iusta causa  
permissio-  
nis, vt rei  
minoris alienentur.



l. magis puto. §. ne passim. ff. de reb. eorum. & si res plus incommodi pupillis afferret quàm commodi. l. mediterraneæ. vbi Bart. C. de anno. & tribut. libro decimo. de his abundè scripsi in dicto tractat. de restitut. in secundo tomo Commentariorum ad Constitut. Regias.

Nempe cùm Præses viderit iustam causam, cur bona minorum distrahi debeant, & permiserit, postea solennia interuenire debent, posita in dicta l. magis puto. & post dicta solennia Præses interponet decretum, & auctoritatem alienationi. l. si prædium. & per totum. C. de præd. minor. sine decreto. non alienand. at maioris est momenti & periculi permittere vendere, quàm post solennia decretum interponere. Ideò iste text. de permissione loquitur, quæ non delegatur, cum ratione periculi & damni, quod pupillo contingere posset ex hac alienatione, tum quia specialiter certis personis tributum est. d. l. j. de rebus eorum.

Idem dicunt interpretes in autoritate alienationis rei Ecclesiasticæ, cùm Ecclesia minori æquiparetur. l. si vt proponis C. de rei vindicatio. cap. auditis. de in integr. restit. Nec dissimile est in alienatione bonorum ciuitatis. l. finali. C. de venden. reb. ciuit. libro ii. vel in bonis Curialium. l. finali. C. de præd. decurio. libro ro.

Ego tamen scio de iure Canonico delegari posse, cùm omnes causæ delegentur eo iure. cap. quod sedes. de offic. ordin.

Et in hoc text. non agitur de autoritate interponenda in alienatione, sed vt permittatur alienatio: ideò quod non est specialiter cuidam concessum, in bonis ciuitatis, vel curialium, sed iure magistratus: ideò putari mandari posse per rationes superius adductas.

Exercere, pro congregare sumitur, vnde Vlpianus hîc dicit: *Mandata iurisdictione à Præside, cõsiliũ non potest exercere is, cui mandatur.* Nam cùm conuocatur consilium, id est, assessores, consiliarij, & alij, solent peti à consilio ea, quæ occurrunt, & ipsi exercentur in hoc, & ad conueniendum ad consilij locum. Ideò dicit iste text. exercere consilium, alioqui quilibet Consiliarius domi quiesceret, & exercitium non haberet.

Exercere, est lucrum facere secundum quosdam, vt in titul. ff. de exercito. actio. ego dicerem ibi exercere, pro tractare, & administrare accipi, vt probatur in l. prima. §. exercitorem. ibi: *Parui autẽ refert, qui exercet, masculus sit, an mulier, paterfamil. vel filiusfamil. vel seruus.* & inde exercitor is appellatur, ad quem quotidianus nauis quæstus pertinet. §. si igitur quod cum eo. in Instit. l. prima. §. exercitorem. de exercito. actio. ff. & exercere denotat frequentiam, quasi frequenter & sæpius quicquam agere. vt plenè probat Lucas de Penna in l. j. col. 3. C. de cohorta. lib. 12.

Exercere feras. in l. usufructuarium. ff. de usufr. id est, operam ponere in feris, & venationis exercitium in illis accipere, & in illis versari.

Exercere usufructuarius potest auri fodinas, quas pater instituit pro continuare, & excolere. l. aquisissimam. §. proinde. ff. de usufr.

Derelictum à marito accusationem ab alio exerceri, vtile est, id est, prosequi, continuari. l. constante.

in fin. ff. de adult.

Exercere actionem. l. mandati. ff. de Procurat. l. ita demum. de arbit. pro mouere, intendere. l. qui de inofficio. ff. de inoffic. testam.

Exercere exceptionem pro opponere. l. si fideiusor. j. §. primo. mandati. potestas legis exercetur aduersus eum, qui deliquit, id est, exequitur. l. j. §. j. ff. ad Turpilian.

Ludos exercere, pro facere, in procemio. ff. circa finem. §. illud verò.

Tabernas exercere, pro administrare. l. prima. §. caupones. ff. nautæ caupo. l. habebat. in fine. de institoria actio.

Lupanaria exercentur in multorum virorum prædiis. l. ancillarum. ff. de petitorio. hæredit.

Cœnaculariam exercere. l. si verò. §. idem erit. ff. de his qui deiecer. est cœnaculum locare, vt qui Scholasticis conclauia dant, & insuper eis curant obsonia coqui, ligna, & sal præbentes. teste Alciat. libro 4. Parerg. c. 12. nos dicimus vulgò cubiculum locare cum conseq.

Exercere prouocationem, prosequi, tractare, agitare. l. ij. §. legatis. ff. de iud. ibi: *Ei quoque, qui ipse prouocauit, non imponitur necessitas intra tempora prouocationis exercenda Roma, vel in alio loco, vbi prouocatio exercetur, alijs pulsantibus respondere.*

Ciuititer exercentur fortuita incendia. idem l. capitalium. §. incendiarij. ff. de pœnis.

Exercere vectigalia, pro tractare, administrare, conducere. l. spurij. §. decurio. ff. de decurio. ibi: *Decurio etiam sua ciuitatis vectigalia exercere prohibetur.* l. Imperatores. de pollicitat.

Exercere fœnus. l. finali. §. patrimoniorum. secundo. ff. de muneribus & honor. l. principalibus. & sequent. ff. si certum petat. l. si hominum. §. quotiens. depositi.

Exercere pecuniam, est fœnori dare, non otiosam relinquere. l. idemque. §. sed etsi pecuniam. ff. mandat.

Adulterinam monetam exercere, pro facere, fabricare. l. sacrigelij. prima. ff. ad legem Iuliam pecul. §. qui cùm in moneta publica operarentur, extrinsecus sibi signant pecuniam, forma publica, vel signatam furantur, hi non videntur monetam adulterinam exercuisse, sed furtum publicæ monetæ fecisse, quod ad peculatus crimen accedit. Item publica iudicia peculatus, de residuis, & repetundarum similiter aduersus hæredem exercentur. Papi- nian. in l. finali. ff. ad legem Iul. peculat. id est, dantur & intentantur, in secundo loco accipitur.

Exercitatio, est assiduus vsus, consuetudoque dicendi. Cicero libro primo ad Herennium. l. officium. in fine. ff. de re militar. sic: Officium tribunorum est, vel eorum, qui exercitui præfunt, milites in castris continere, & ad exercitationes producere. Exercere ergo sæpius & frequenter pro agere, dicit accipi Luc. de Penna, in l. prima. columna tertia. C. de cohorta. lib. 12.

Ideò vocat Iurisconsultus in l. prima. suprâ. exercitationem, vsum illius iurisdictionis, & imperij, è contrario si quis haberet imperium, & illud non exerceret, nec agitarer, non posset, siue proficisceretur, siue non, illud mandare: quia exercitationem non habet, & sic nec impedimentum prodest, sed is,



qui merum imperium illud habet, & illud per se exercet, non potest illud mandare, nisi quando proficiscitur extra territorium suum: nam Beneschallus habet iurisdictionem, sed non plenum exercitium: quia communis non est iuris peritis: ideo iudex illius habet iudicij exercitationem, sicut diximus superius de domino, qui praposuit seruum suum naui. Vlpian. in l. si tamen. ff. de exercit. actio. & Iustinian. sic ait in authentic. de iudicib. §. primo. collatione 6. Nostis enim administratoribus ad sunt modis omnibus assessores, & ea quæ legum sunt explicant, & occupationes adimplentes eorum, quoniam multis detenti curis, quas apud nos habent, merito iudiciorum complent partem, per suorum presentiam assessorum, & iurisdicatio potest esse apud aliquem sine exercitio. l. qui furere. ff. de statu hominum. Bald. in cap. pastoralis. in fine. de rescript. in hoc verbo, satis est nos hactenus exercuisse.

*Iurisdic-  
tio  
etiam sine  
exercitio.*

### SUMMARIA.

1. Vicarius Episcopi non cognoscit in causa Episcopo delegata, sine nouo mandato.
2. Delegatus Prætor non potest subdelegare, tanquam delegatus.
3. Rex Francia committit causas tantum suis iudicibus, non priuatis.
4. Clerici delegationes causarum criminalium, à laicis accipientes, sunt irregulares.
5. Prælati quando excommunicare non possint.
6. Papa solus potest causas clericorum laicis mandare.
7. Iniuria Officiali Regis illata, gerenti suum officium, Regi facta censetur.

### LEX III. IULIANVS LIB. V. DIGESTORVM.

**E**T si Prætor sit is, qui alienam iurisdictionem exequitur: non tamen pro suo imperio agit, sed pro eo, cuius mandato ius dicit, quoties partibus eius fungitur.

**I**ste text. declarat §. Qui mandatam iurisdictionem suscepit, proprium nihil habet, sed eius qui mandat, iurisdictione utitur. Videlicet an Prætor, cui mandata est iurisdicatio, si exerceat illam iurisdictionem pro suo imperio, hoc faciat, utpote tanquam Prætor? Respondeo non agere pro suo imperio, quotiens alienam iurisdictionem exequitur, sed cuius mandato ius dicit, dubitatio erat: quia Prætor iurisdictionem habet ordinariam & propriam. ut in titulo de officio Prætor. visum fuit, sed ratio est in hoc text. nam iurisdictionem quidem habet propriam tanquam Prætor, sed ut delegatus, non habet propriam. Ideo in mandata fungitur vice mandantis, & alieno nomine, non suo imperio. Et hinc, Prætor pro omni habente iurisdictionem accipi potest, cum eadem ratio in illis omnibus sit, sicut de Præside scribit Iurisconsultus in l. prima. supra. de offic. Præsid.

Et sic est ampliatio ad d. §. qui mandatam, quod non solum is, qui non habet iurisdictionem, si ei committatur, nihil habet proprium, sed nec quidem habens de se iurisdictionem, & hoc quatenus respicit mandatam iurisdictionem. Nam quod attinet ad iurisdictionem ordinariam, eam propriam habet, sed habendo rationem ad mandatam, alieno beneficio fungitur. Et sic docet Accurs. Prætores exercere iurisdictionem mandatam, non tanquam Prætores, sed tanquam alium, id est, delegatum. per l. si pater. §. qui duos. ff. de adoptio. ibi: *Facit enim hoc quasi quilibet, non quasi auus.* Et si Consiliarius interfit in vniuersitate, vel collegio, sedebit in loco suo solito, quia non est ibi tanquam Consiliarius, sed tanquam Doctor. Idem in Vicario Episcopi sedente in choro. glossa & Doctor. in cap. à collatione. de appellat. in vj. & cap. postulatis. de concess. præb. Ideo cum Imperator iudicat in Ducatu Flandriæ, appellatur ad Regem Franciæ: quia Imperator ibi iudicat ut Dux, non ut Imperator. Bald. in l. si quando. C. de appellat.

Videndum est, quomodo cognoscatur, an procedat, ut ordinarius, an ut delegatus? Respondet hinc Iulianus, quoties eius partibus fungitur, cuius mandato ius dicit. Fungi autem eius partibus dicitur, quando aliquid agit, quod ad delegatam causam, vel iurisdictionem pertinet. Si verò id agat, quod ad suam iurisdictionem spectat, ut ordinarius facere censeatur. In dubio autem si utroque iure facere posset, tanquam ordinarius procedere diceretur. l. qui in aliena. §. si is qui. ff. de acquir. hæred. l. si pupilli. §. primo. vbi gloss. de negot. gest. Alexand. consilio vicefimo quinto. viso instrumento. numero decimo. & sequenti. in secundo volumine. Panormitan. in cap. nisi. de præb. & Felin. in cap. cum ex officij. de præscript. dixi in tractat. nominatio. questione 14. numero III. & Roma. consilio 91. visis. columna tertia. vide in cap. licet. de officio ordinarij. quod potest prodesse ad titulum de causis. & seq. in Concordat. Franciæ.

Sed dubium est, quid si Prætor cognouerit auctoritate delegata, & non valeat delegatio, an valebit sententia lata ab ordinario? Respondeo, si dixerit in processu auctoritate delegata procedere, tunc si non valeat ea auctoritate, non valebit tanquam lata ab ordinario, quia quod potuit, noluit, & quod voluit, implere nequiuit. l. multum. C. si quis alteri vel sibi. cap. cum super. de officio delegat. Innocent. & alij in cap. cum ex officij. de præscript. Alexand. in l. si per errorem. ff. de iurisdic. omnium iudicum. Doctores in l. prima. §. si quis ita. de verborum obligatione. hoc etiam dixi in ordinario, qui beneficium in mensibus graduatorum vacans contulit alicui tanquam graduato, qui non erat: ideo licet aliàs sit idoneus, non valebit collatio. per text. in cap. ex parte Astenf. de concessio. præb. Ludou. Roma. consil. 483. dubitatur, scripsi in §. teneantur. in verb. alteri. de collat. in Concordat. Franciæ.

Et hoc utile est, nam si Consiliarius, qui nihil potest recipere pro sportulis, fiat iudex delegatus, tanquam delegatus poterit recipere, videlicet ea, quæ permittuntur in cap. statutum. §. insuper. & seq. de rescript. in sexto. & an ordinarius non habens salarium possit à partibus recipere, disputat Paulus Turrenti.

*Ampliatio  
ad §. qui  
mandatam.  
l. i. sup. eod.*

*Delegatio  
ne nulla, an  
sententia ab  
ordinario  
lata, va-  
leat.*



Turrenti in dist. disput. in quarto dubio. Tamen non tenebitur seruare stylum suæ Curia, nec consuetudinem localem, teste Felin. in cap. cum dilecta. columna decimaseptima. numero duodecimo. de rescript. versic. Limita quartò. & in cap. licet. col. prima. de officio ordinarij. Aretinus in l. prima. §. si quis simpliciter. columna secunda. ff. de verborum obligation. Doctores hîc volunt confundere hanc materiam, & miscere aliam, videlicet cap. licet. de officio ordinarij. vbi Papa videtur excitare nouam iurisdictionem, non verò nouam mandare: sed in isto textu non disputatur, quando excitatur iurisdictione, vel quando fiat delegatus, sed dubitatur, si mandata est iurisdictione alicui ordinario, Prætori, vel alij, an cognoscens videatur suo nomine fungi, vel alieno? Respondet, alieno in iurisdictione delegata, propriè verò in sua iurisdictione. Et sic intelligi iste text. debet, vnde sunt duæ quæstiones. Prima, an ordinarius factus delegatus fungatur imperio suo: secunda quæstio, quando mandatur causa ordinario, an is fiat delegatus? Et hoc à Papa declaratur in d. c. licet. de offic. ordin. sed hoc est extra istum text.

*Prætor fungitur in iurisdictione delegata, alieno nomine.*

*Iurisdictione non habenti, mandari potest.*

Colligitur etiam ex hoc textu, iurisdictionem mandari posse habenti, & sic magistratui, vt hîc. Nam, vt est in Euangelio, omni habenti dabitur, & utilitas est, quia appellabitur ad delegantem, non ad superiorem Prætoris. cap. Romana. §. debet. de appellat. libro sexto. l. vnica. C. qui pro sua iurisdictione. Et si causa delegata fuerit Episcopo, eius Vicarius constitutus non cognoscet sine nouo mandato, vt plenè scripsi in praxi benefic. in forma Vicar. Archiepiscop. & per istum textum potest concurrere iurisdictione delegata cum ordinaria, quod explicat Felinus, & alij in cap. cum ex officij. de præscript. sed in dubio quis potius dicitur facere iure ordinario, quàm delegato & extraordinario. l. quanquam. C. de testam. milit. Alexand. consilio quinquagesimo quinto. quoniam. columna secunda. in quinto volumine. Etiam iste delegatus non poterit subdelegare, licet tanquam Prætor posset. l. more. titulo secundo. infra. de iurisdictione omnium iudic.

Et hodie ex hoc textu praxis Regni Franciæ est, vt Rex non committat causas priuatis, sed tantum suis iudicibus. §. iudices. in authentica de iudic. collatione sexta. licet regulariter iurisdictione etiam priuatis hoc iure mandari possit. l. finali. infra eodem.

Sic Papa non solet hodie committere causas, nisi dignitate præditis, vel Canonicis Ecclesiarum Cathedralium. cap. statutum. in principio. de rescriptis. libro sexto. & sic delegatus Papæ sine dignitate iudex factus, non dicitur habere dignitatem ratione delegationis, sed honorem. l. honor. ff. de muneribus & honoribus. nec inuenio ratione vnius causæ delegatæ, aliquem constitutum in dignitate, quidquid velint hîc quidam dicere interpretes, quia iure hoc non probatur.

Arbiter tamen esse non potest ordinarius iudex, ne iniuria fiat iurisdictioni ordinariæ. l. sed & si in seruum. in fin. ff. de arbit. Tamen de iure canonico hoc non procedit. cap. cum tempore. de arbit. quod ius in hoc regno quoad

hoc seruatur in forensi iudicio.

Et quando iudex recipit arbitrum, ad quem appellatur in hoc regno scripsi in tertio tomo Constitutionum Regiarum, tract. de arbitris.

Clerici etiam non debent sumere delegationes à laicis, maximè causarum criminalium laicorum, aliàs irregulares fiant. cap. sententiam sanguinis. vbi Doctor. ne clerici, vel monachi.

Causas etiam ciuiles facillè non debent suscipere, quia sæcularibus negotiis immiscere se non debent. capit. primo. & per totum. ne clerici, vel monachi. cap. te quidem. vndecimo. quæstione prima. ibi: *Ne in vlla aliqua occupatione prorsus inueniatur.* Panormitanus, & alij in cap. 1. de iudic. Barbatius in rubrica de officio delegati. post Calderic. consil. 6. illo titulo.

Vnde dicerem Prælatos peccare mortaliter, qui animas regere in suis Episcopatibus illis commissas debent, & pascere, tamen eas negligunt propter laicorum negotia, sed reddent exactam Deo oprimo maximo rationem de his, & animas suas pro animabus perditis sua culpa dabunt.

Item Prælati habentes istas laicorum delegationes, non possunt in ea causa excommunicare: quia funguntur vice delegantis. l. prima. & hac l. et si Prætor. nec ab eis appellabitur ad Papam, sed ad delegantem. Bald. in authentica si quis litigantium. vltim. not. de Episcoporum audientia. Iason hîc, & in l. secunda. columna tertia. versiculo, tertio limita. de iurisdictione omnium iudicum.

Abutuntur ergo cum in impositionibus laicorum hac iurisdictione vtuntur, vt dicebat quidam bonus Episcopus, dicens se non esse carnificem suorum sacerdotum, vt eos excommunicare sic deberet: sed nullus extra Papam potest causas clericorum laicis mandare. text. in cap. secundo. de iud. vbi plenè Doctores, & Aufrerius in repet. clem. j. de officio ordinarij.

Non tamen pro suo imperio agit, sed pro eo, cuius mandato ius dicit. Colligitur iudicem delegatum in executione sui officij representare delegantem. Et ideo si fiat illi iniuria, dum gerit, vel exequitur officium delegantis, videtur illata iniuria ei, cuius vices gerit, & hoc quando fit ei exercendo officium illud, sicut si fiat militibus iuxta latus Principis existentibus. l. quisquis. C. ad legem Iuliam, Maiestatis. Et sic iniuria illata Officiali Regis, actu gerenti officium, Regi facta censetur. vt docet Cynus in l. si non conuicij. C. de iniuriis. refert Lucas de Penna in l. prima. in fi. C. de cohortalibus. libro duodecimo. & qui lacerat literas iudicis, vel eas legi, aut publicari non permittit, iniuriam iudici inferre dicitur. cap. ex literis. de officio deleg. in fi. vbi Bal. not.

Vnde orta est praxis in Francia, per quam puniuntur capitis, amputatione manus prius facta, illi, qui apparitores Regis exequentes suum officium, verberant. vt docet Guido Papæ in decisione quingentesima quinquagesima septima. aliquis dicens, in patria Delphinali pecunialiter puniri, & nunquam vidi ita exactam poenam illatam contra inferentes manus in apparitores, secus si magistratibus. l. omne delictum. §. qui manus intulit præposito, capite puniendus est. ff. de re militari. Et fuit per arrestum

*Verberantes apparitores Regis, exequentes suum officium.*



Curiæ Parlamenti condemnatus quidam Louuart, qui cultello vulnerauerat dom. Robertum Dancuegim Regis Consiliarium, vt per ciuitatem traheretur vsque ad supplicij locum, & ibi amputaretur ei manus dextra, & postea caput. Hoc refert Ioannes Gallus in quæstionib. per aresta quæstione centesima quinquagesima secunda. in fine. nisi inferretur iniuria iudici, tanquam priuato, de quo scribit Oldra. consilio 7. quædam maledicta. Lucas de Penna in l.j. col. vlt. C. de cohortalibus. lib. 12.

Item docet Masuerius in sua praxi titul. de iniur. quòd si feruens offendatur exercendo suū officium, multa seu emenda domino debetur, & est communiter arbitraria.

Idem etiam dicunt iniuriam fieri domino, si fiat eius famulo exequenti officium domini, vel in eius præsentia sine causa. d. l. quisquis. §. sed si. vbi Ioan. Fabr. & alij de iniuriis. in Instit. Aufre. in decision. Tholosa. q. 145. Cardin. in clement. vnica. 13. notab. de excessib. Prælat.

Idem docet text. si fiat vxori, marito enim censetur. facta. l. ij. ff. de iniur. quia defendi vxores à viris, non viros ab vxoribus æquum est. vt ibi scribitur, & idem habetur in §. patitur. illo titul. in Instit. Boër. in tractat. de seditio.

Ideo potest dominus prosequi delictum commissum contra suos subditos, vt censuit Parisiensis Senatus pro Episcopo Laudunensi, & Archiepiscopo Remensi. teste Ioan. Gallo in quæstio. per aresta. q. 41. fuit in eodem, &c.

#### SYMMARIA.

1. & 2. Ius dandi tutores non potest mandari.
3. Dare tutorem vel curatorem incidenter potest, qui de causa principali cognoscit.
4. Delegatus potest de suspectis tutoribus cognoscere, iurisdictione generaliter mandata, secus specialiter.

#### LEX IIII. MACER LIB. I. DE OFFICIO PRÆSIDIS.



Ognitio de suspectis tutoribus mandari potest: imò etiam ex mandata generali iurisdictione, propter vtilitatem pupillorum eam contingere constitutum est in hæc verba: IMPERATORES SEVERVS ET ANTONINVS BRADVÆ PROCONSULI AFRICAE. Cum propriam iurisdictionem legatis tuis dederis, consequens est vt etiam de suspectis tutoribus possint cognoscere.

Iurisconsultus cognitionem de suspectis tutoribus mandari posse hic ait, etiam mandata generali iurisdictione, propter vtilitatem pupillorum transire in delegatum. Sed Accurs. Iurisconsultum sibi ipsi contrarium esse ait: sic suspecti tutoris accusatio pro tribunali tantum examinari potest, & nullus

alius de huius quæstione, quam Præses, pronuntiare. l. prima. §. suspecti. ff. ad Turpil. nisi dicas Præsidis nomen generale. hæc Accurs.

Ego verò dicerem ius remouendi suspectos tutores datum Romæ esse Prætoribus, in prouinciis verò Præsidibus earum, & Legatis Proconsulum, vt docet Vlpian. in l. prima. de suspect. tutor. Et dum ait Iurisconsultus, ibi: *Nullum alium extra Præsidem posse pronuntiare*, intelligitur in prouinciis, Romæ verò Prætores. Et quamuis delegatus Præsidis cognoscat, tamen Præses ipse cognoscere censetur, cum hic iudex datus fungatur vice Præsidis, & ipsius nomine cognoscat, & sic ipse idem Præses cognoscere creditur. l. prima. in fine. supra eodem. & dum text. in dicta l. prima. de suspect. tuto. dicit examinandam accusationem suspecti tutoris pro tribunali, & vbi causæ cognitio requiritur, res pro tribunali expediri debet. l. vbiunque. ff. de regulis iuris. l. nec quicquam. §. vbi decretum. de officio Proconsul. l. iij. §. hoc autem. de dam. infect.

Et videtur vera limitatio Doctor. vt si tutor accusetur suspectus, eo casu licet postea Procurator Regius se iungat, & petat, vt puniatur, tamē nō prohibetur iudex datus cognoscere. l. quotiens. C. de iudic. Si non excedat modicam castigationem, secus si ipse tutor accusaretur suspectus, vt puniretur, tunc non poterit mandari, quia meri est imperij, quod non mandatur. l. prima. & l. finali. infra. Et sic quando ciuilitè agitur, vt tutor remoueatur, mandari potest, secus si criminaliter, vt puniatur. Bart. in d. §. suspecti.

Item licet hæc cognitio de suspectis tutoribus delegari possit, non tamen ius dandi tutores, quia vtile est pupillo, vt suspectus remoueatur. Et ideo iste text. dicit propter pupillorum vtilitatem, & quamuis sit vtile, quod detur tutor, non tamen prodigus, vel alius, qui dari non debet: ideo lex confidit in eo, cui ius dandi tutores concessit, & non in eius delegato, ob id non potest mandari. l. nec mandante. ff. de tutor. ac curat. dat. Vide si possit dici ius dandi tutores specialiter datum esse. Primò, quibusdam magistratibus, videlicet Proconsuli, Prætori, Præsidi, & ex oratione Diui Marci etiam Proconsulis Legato. l. prima. ff. de tutoribus & curator. dat. ab his.

Postea omnibus magistratibus propter vtilitatem pupillorum. l. ius dandi. ibidem. & probat iste text. Imò etiam tribunis, qui magistratus non erant.

Ideo Iurisconsultus dicit ius dandi tutores non esse imperij, neque iurisdictionis, aliàs competeret magistratibus tantum. vt dico in interpretatione. l. muto. ff. de tutel.

Sed Franciscus. in l. prima. supra eodem. intelligit non esse imperij, nec iurisdictionis, id est, non competere alicui propter hoc, quod habeat imperium, vel iurisdictionem, sed eò quòd nominatim sit concessum, & ad id tendit eius sententia. Fusiùs dicam in d. l. muto.

Nec me mouet l. Lucius. §. cum in testamento. ff. de administratione tutorum. quia Doctor. dicunt ex præcepto Præsidis dari tutorem posse per alium magistratum, sed non ex delegatione, & hoc si non magnæ erant pupilli facultates. §. sed hoc iure. de Atrilia. tutor. in Instit.

*Ius remouendi suspectos tutores, quibus datum sit.*

*Mandari quando de suspecto tutore possit.*



Hodie ista corriguntur per Iustinia. in §. nos autē. ibidem. vbi non expectata iussione Præsidum etiam defensores ciuitatum poterunt dare tutores. Putarem etiam hodie cum specialiter concedatur certis magistratibus ius dandi tutores, vt hoc non possit mandari, quia periculosum pupillo, quod est notandum. Poterit tamen is, qui cognoscit de causa principali, dare tutorem, vel curatorem incidenter, licet alias non posset. l. finali. §. primo. C. de admin. tutor. vbi Doctor.

Cognitio  
comprehen  
dit cause  
definitionem.

Cognitio sententiam & definitionem continet. l. iiij. §. cognoscit. suprā. de officio Præfect. vigil. vt si cognitio sit alicui commissā, & definire causam ipse poterit. kas. in l. j. numero 7. suprā. glos. in l. procuratorem datum. ff. de procurator. & ibi Bart. & Bald. in titul. de pace Constantiæ. in verbo, ad cognitionem. Doctor. in l. ait Prætor. in princ. & l. de qua re. ff. de re iudic. contra Bartol. in l. tutor. ff. de suspect. tutor. l. & si non cognitio. C. si contra ius. dixi in l. prima. suprā.

Mandata generali iurisdictione.] No. duobus modis mandari iurisdictionem, generaliter, & specialiter. Generaliter, quando tota mandatur iurisdictione, & specialiter, quando certa causa mandatur. l. solet. infrā. de iurisdic. omnium iudic. Et sic iudex delegatus potest de suspectis tutoribus cognoscere, quando iurisdictione generaliter mandata est, vt Legato Proconsulis. per istum textum: secus ergo si specialiter mandata fuerit aliqua causa, tunc iste de suspect. tutoribus non cognoscet. d. l. & belissimè conuenit, quod Vlp. docet in l. j. ff. de suspect. tutor. sic scribens: *Damus autem ius remouendi suspectos tutores Roma Prætoribus, in prouinciis Præsidibus earum: an autem apud Legatum Proconsulis suspectus postulari possit, dubium fuit, sed Imperator Antoninus cum Diuo Seuero Bradua Marico Proconsuli Aphricæ rescripsit posse, quia mandata iurisdictione, totam officium iuris dicendi ad eum transit: ergo si Prætor mandet iurisdictionem, simili modo dicendum est suspectum posse apud eum postulari, cui mandata est.* Sed quando vna tantum causa mandatur, nō fit prorogatio vnius causæ ad aliam. l. ij. ff. de iudic. Nam fundo limitato nihil accedit. l. in agris. ff. de acquirend. rerum domi. Tamen hæc cognitio de suspectis tutoribus specialiter mandari potest per istum text. ibi, imò. Nam si mandata generaliter iurisdictione transferatur, fortius si specialiter mandetur. argumen. l. sed & si. §. quæsitum. ff. si quis cautionibus. & ex hoc text. colligitur illud specialiter mandari posse, quod mandata iurisdictione transfertur, de quo in l. j. superius.

#### S V M M A R I A.

- 1 Mandari regulariter possunt, quæ ad iurisdictionem pertinent.
- 2 Cautio pro legatis purè relicta hodie non petitur.
- 3 Delegatus Prætoris vel Præsidis quibus cognoscere possit, an danda sit bonorum possessio.

§. Vt possessio bonorum detur, vel si cui damni infecti non caueatur, vt is possidere iubeatur, aut ventris nomine in possessionem mulier, vel is, cui legatum est, legatorum seruandorum causa in possessionem mittatur, mandari potest.

EX hoc textu colligunt Doctor. delegationem fieri posse, vt bonorum possessio detur. Dubitatum est secundum eos, quia ita exigunt decretum, & ideo non delegantur. l. nec quicquam. §. vbi suprā. de offic. Proconsul. Sed dicendi rationem dicunt, quod non exigunt in hoc text. casus conscripti plenam causæ cognitionem. glos. Bart. & alij Doctor. sic intelligunt.

Delegatio  
de bonorū  
possessione  
danda.

Ego puto hoc falsum esse, quod vbi decretum exigitur, & plena causæ cognitio, hoc non possit mandari. Nam regulariter illa quæ ad iurisdictionem pertinent, mandari possunt. l. j. suprā eodem. & tamen plenam causæ regulariter cognitionem habent. l. j. de officio Præfect. vrb. Proconsul habet plenam causæ cognitionem. l. si in aliquem. in fi. ff. de offic. Proconsul. & tamen legato suo mandari potest. l. obseruare. in fin. cum l. seq. ibidem.

Adhæc Accurs. intelligit istum text. in bonorum possessionibus, quæ ius tribuunt, & sic causa cognita præstantur, de quibus in tit. de bonorum possessio. in Instit. quod non est verum. Nam bonorum possessio est ius persequendi, retinendique patrimonij siue rei, quæ cuiusque, cum moritur, fuit. Vlpian. in l. ij. ff. de bonorum possessio. de quo iure non loquitur Iurisconsul. quod pater: quia terminus, possessio, est prius adiectum, & quamuis verba transposita idem ferè significant, tamen in iure non ita in pluribus terminis. Nam possessio bonorum, est vñs bonorum, seu detentio rerum. l. quæstio. ff. de verbor. significatione. Bonorum verò possessio est ius persequendi & retinendi rei, quod remedium à Prætorē inductum fuit, vt patet in titul. de bonor. possessio. vnde dicit Vlpia. Bonorum possessio (vt Labeo scribit) non vtrique rerum possessio accipienda est: iuris enim magis est, quam corporis possessio. l. ij. §. j. ff. de bonorum possessio. Ideò tria exempla text. tendunt ad possessionem bonorum, non ad bonorum possessionem. Ideò de prima intelligi debent, quicquid Accurs. & Doctor. interpretentur. Nam bonorum possessio vñm tantum verbum est, possessio bonorum duo verba, bonorum possessor heres dicitur de iure Prætorio. §. quos autem. de bonor. posses. in Instit. l. ij. ff. de bonorum possessio. Possessor autem bonorum is, qui bona possidet. l. sciendum. ff. qui satisd. cogantur.

Bonorum  
possessio  
quid sit.

Notandum est, quod si quispiam ædes ruinosas iuxta meas habet, per quas timeo domui meæ damnum inferri, ego postulare possum à Prætorē, vel Præside, & hoc pro tribunali, non domi, vel in itinere, vt ille mihi caueat de damno infecto, videlicet se sarciturum damnum, si ædes ruant: & iudex auditis partibus, & sic causa cognita, iubebit cauere intra tres dies, vel aliud tempus arbitrarium. l. 4. §. hoc autem. & l. euenit. & sequen. ff. de damno infect. Ideò si intra diem à Prætorē constitutum non caueatur, in possessionem eius rei actor mittendus est. dict. l. quarta. §. si intra.

Cautio dā  
ni infecti.

Itaque Vlpian. scribit: *Cum res damni infecti celeritatem d. sideret, & periculosa dilatio Prætori videtur, si ex hac causa sibi iurisdictionem reseruet, magistratibus municipalibus, delegandum hoc rectè putabit.* l. j. de dam. infec. Duas ergo res magistratibus municipalibus Prætor, vel Præses iniunxit, cautionem, & possessionem, cetera suæ iurisdictioni reseruauit: si forte daretur non cauere, vt possideri liceat, quod cognita causa



causa fieri solet, non Diuuiros, sed Prætores, vel Præides permitturos. Item vt ex hac causa decedatur de possessione. Vlpian. in dicta l. iij. §. duas. cum seq. ibidem.

Et sic dicit iste text. vt possessio bonorum detur alicui, mandari potest, vel in text. positum exempli causa ponitur, vt si causa damni infecti non caueatur, poterit Prætor mandare alteri, vt is iubeatur possidere, cui non cauetur, & hoc causa cognita solet fieri, & sic intelligitur primus casus: vel si dicatis, vt bonorum possessio detur in bonis debitoris ex primo decreto. iuxta l. si finita. §. si plures. ff. de dam. infect. & titulum de bonis auctori. iudic. possiden. hic erit primus casus, & præcedens secundus.

Tertius casus, quem text. ponit, est, vt si mulier dicens se prægnantem tempore mortis mariti, mittatur in possessionem bonorum, vt partus alatur, hoc mandari potest, vt hic. Si tamen calumniæ causa, fortè quia sciens se non esse prægnantem, missa fuerit in possessionem, Prætor illam calumniam impunitam non permittet. Vlpian. in l. j. ff. si mulier ventris nomi. in possessio. calumn. caus. esse dicatur. declarat Specul. in tit. de eo qui mittitur in possess. §. primo. & notatur illa mulier, quæ per calumniam ventris nomine in possessionem missa est, dum asseuerat se prægnantem. Vlpian. in l. notatur. cum legib. seq. ff. de his qui not. infam.

De partu  
alēdo man  
dari potest.

Missio in  
possessionē  
causa lega-  
torum seru-  
uandorum.

Quartus casus est, vt is, cui legatū est, causa legatorum seruandorum in possessionem mittatur: sciendum est Vlpian. sic scripsisse. ff. vt legatorum seu fideicommiss. seruandor. caus. caueat. *Legatorum nomine satisfdari oportere Prætor putauit, vt quibus testator dari, fieriue voluit, iisdem vt detur, vel fiat, dolūq. malum abfuturū stipuletur: semper autem satisfacere cogatur cuiuscunque sit dignitatis, vel quarumcunque facultatum heres, nec sineracione hoc Prætori visum est, sicuti enim heres incumbit possessioni bonorum, ita legatarios quoque carere non debere bonis defuncti, sed aut satisfdari eis, aut si satis non detur, in possessionem bonorū venire Prætor voluit. & alibi idem Vlpian. sic scribit: Is, cui legatorum fideiuecommissorum nomine non cauetur, missus in possessionem nunquam pro domino esse incipit, nec tam possessio rerum ei, quam custodia datur: neque enim expellendi heredem ius habet, sed simul cum eo possidere iubetur, vt saltem tadio perpetua custodia extorqueat heredi cautionem.* in tit. vt in possessione legato. vel fideicommiss. seruando. causa esse liceat.

Et sic quando per legatarium petitur satisfactio ab hærede, si non caueat, causæ cognitio interuenire debet summaria, vt docet Accurs. non plena, ideò non posset delegari: dicite contrarium, siue plena causæ interuenire debeat cognitio, in his possessionibus, siue summaria, delegari potest: quia iste text. dicit simpliciter mandari posse, nec distinguit. & l. si is à quo. vt in possessio. lega. loquitur de cognitione, & sic de plena, vt hic: verum est, quòd si dicatur legatarium per calumniam petere satisfactio, de ea re summam debet Prætor cognoscere: sed de possessione plenariè, vt ibi, & non obstat. l. nec quicquam. §. vbi decretum. de officio Procons. quia non dicit causam, habentem plenam causæ cognitionem, non posse mandari, sed non posse expediri per libellum sine causæ cognitione, & ita intelligi debet, quicquid iactent hic Doctores. & in l. iubere cauere.

infra. de iurisdic. omnium iudicum.

Hodie non solet peti cautio, seu satisfactio legatorum, si ipsa sint purè relicta, quia potest legatum peti, ob id, *Modò constat de legato, modò agamus*, dicit Vlpian. in l. si is à quo. ff. vt in possessio. legat. Sed & si legata relicta sint in diem, vel sub conditione, tunc quia mora fieri potest, ideò posset interim hæres ea consumere, ob id petitur cautio, vt legata conseruentur, & præstentur die adueniente, vel conditione. vt docet Specul. in tit. de pigno. §. sequitur. versi. sed & hæres. Vnde vidi Scholasticum petentem satisfactioem ab hærede, à quo erat relicta domus præstanda, quando is Scholasticus erit Doctor, obtinuisse in forensi iudicio.

Cautio pro  
legatis in  
diē facien-  
da.

Et sic patet in his tribus casibus mandari posse, vt possessio bonorum detur, & sic delegatus poterit cognoscere, an danda sit possessio nolenti cauere causa damni infecti, vel an mulier dicens se prægnantem mittenda sit in possessionem, vel etiam si hæres nolit satisfacere, & eo casu pronuntiare poterit mittendos hos in possessionem, & eos mittere, quicquid Accurs. & cæteri scribant. Nam quamuis magistratibus municipalibus non permittatur. l. ea quæ. j. ff. ad municipal. tamen bene permittetur delegato Prætoris, vel Præsidis. l. j. ff. de dam. infect. vt supra dictum fuit. & licet videatur mixti imperij, tamen mandari posse teneo. in l. fin. infra eod.

#### S V M M A R I A.

- 1 Iurisdic. aliena non potest committi.
- 2 Iurisdictionis ordinaria proprium est, delegare.
- 3 Iudex datus alium iudicem dare non potest.
- 4 Restrigitur. & seq.
- 6 Scientia & patientia sola non perficit mandatum.
- 7 Mandata iurisdictionis mandari non potest, nisi lege permittente.
- 8 Sacerdotes multi, & pauci, quomodo intelligendum.
- 9 Merum imperium causa valetudinis longè mandari potest.
- 10 Rex Franciæ potest causas ad eum relatas approbare, addere, vel diminueri pro ratione, non ex libito.
- 11 Locumtenens hominis autoritate non potest cognoscere de causa meri imperij.
- 12 Iurisdictiones sunt in regno Franciæ patrimoniales.
- 13 Soluere pensionem, vel aliquid pro molendino quis non tenetur, si sit inutile.
- 14 Audientia iuris dicendi quandoque deneganda.
- 15 Coercitio modica mandari potest. corporalis verò non.
- 16 Delegatus tortura executionem non habet.

#### LEX V. PAVLVS LIB. XVIII. AD PLAVTIUM.



Andatam sibi iurisdictionē mandare alteri non posse manifestum est. Mandata iurisdictione priuato, etiam imperium, quod nō est merum, videtur mandari, quia iurisdic. sine modica coercitione nulla est.

Hæc lex est utilis, & ex ea colliguntur sequent. conclusiones, quarum prima est: Mandata iurisdictionis non potest alteri mandari, per istum text. quia Iulian. ait: *More maiorum ita comparatum esse,*

Iurisdic. mandata.

vt is



*ut is demum iurisdictionem mandare possit, qui eam suo iure, non alieno beneficio habet.* l. more. infra. de iurisdictione omnium iudic. quia is, qui eam suscepit, nihil proprium habet. l. j. in fin. supra eod. sed alieno beneficio. l. solet. de iurisd. om. iudic. & fungitur iurisdictione eius, & partibus, qui eam mandauit. d. l. j. in fin. & l. iij. ibidem. Etiam quia principaliter ei non non est data iurisdictione. l. & quia. ff. de iurisd. om. iud. & aliena iurisdictione committi non potest. l. vnica. C. qui pro sua iurisdictione alias rationes scripsi in l. j. supra. & iste delegatus censetur esse subrogatus in locum ordinarij, quoad iudicandum, non autem ut iurisdictionem mandet. Doct. hic.

Lex eam non defert, sed confirmat mandatam iurisdictionem. l. & quia. ff. de iurisd. omnium iud. Nam si lex istam mandatam iurisdictionem daret, posset ista iurisdictione mandari, & esset propria eius, qui eam haberet, quod non est in eo, cui est mandata, ut superius dictum fuit. & quamuis sit à lege approbata tanquam delegata, non autem tanquam ordinaria. ut d. l. cum Prætor. ff. de iudic. & proprium iurisdictionis ordinariæ, est delegare. d. l. imperium. quod non procedit in iudice dato.

Nec me mouet, quod etiam Legatus Proconsulis eam iurisdictionem propriam non habeat, nec alij delegati suo nomine eam exerceant, quod est fatendum, ergo eam non possunt mandare, hoc est diffitendum, quia etiam is, qui suo nomine non habet, eam mandare potest legis permisso. dicta l. cum Prætor. ff. de iud. Ideò lex permittit istis, etiam si non sint magistratus, quia lex non requirit ad delegationem magistratum esse, sed bene ad iussum, quia non potest quispiam iubere iudicare, qui non est magistratus. l. eum qui. ff. de iurisd. omnium iudic. vbi dicitur: nec ex diuersis bene argumētari potest. l. si. ff. de calumnia. nec dicitur quis alienam causam delegare, quando lex permittit mandare illam cognitionem, quam quis habet. ut dicitur de delegato Principis. in l. vnica. C. qui pro sua iurisdictione.

Limitatur, ut is, cui mandata est iurisdictione, iudicem dare possit. l. cum Prætor. ff. de iud. ut Legatus Proconsulis, & iudicem dare censetur, qui causam, vel causas, non iurisdictionem delegat. Iustitia. id declarat in d. l. vnica. C. qui pro sua iurisdictione.

Et sic non potest iudex datus alium dare iudicem, quia ipse non habet iurisdictionem solidam, sed tantum causæ cognitionem: ideò non potest dare iudicem, qui iurisdictionem non habet, nisi hoc lex permittat. l. cum Prætor. ff. de iud.

At qui iurisdictionem sibi mandatam habet, non potest se abdicare illa iurisdictione. l. penultima. ff. de officio Præsid. nec eam alteri dare in præiudicium mandantis, & sine eius voluntate. l. solent. §. primo. supra. de officio Proconsul. excusare tamen se potest, ut iurisdictionem non suscipiat. l. sciscitatus. de rescript. Si tamen semel iurisdictionem suscepit, alteri eam non committet, aliàs esset priuare superiorem suam voluntate, & iurisdictione, de iure ciuili.

Et de stricto iure quamuis prædicta procedant, & de iure Digestorum, tamen diuersum est de iure Canonico. cap. si is cui. de offic. deleg. lib. 6. vbi quis mandat iurisdictionem in toto, & in parte, attamen regula datur, ut delegatus non possit subdelegare, nisi in casibus seq.

Primò in delegato ad vniuersitatem causarum, is

enim vnam causam delegare potest. cap. super quæstionum. §. si verò. vbi communiter Doctor. de offic. delegat. glossa & Doctor. in l. j. ff. quis & à quo. & dicitur ad vniuersitatem, quando omnes causæ illius territorij, vel iurisdictionis committuntur. Ias. & alij in l. à iudice. C. de iud. & ideò is iudex dicitur datus de iure ciuili, id est, delegatus.

Secundò non procedit, quando potestas data esset delegato, ut ipse posset subdelegare. glossa & Doctor. in l. more. & in l. solent. ff. de iurisd. om. iudic. quia tunc is videtur datus à delegante. l. item eorum. §. primo. ff. quod cuiusque vniuersita. no. cle. penul. de procurat. & cap. primo. & cap. si duo. illo titul. in vj. sicut scripsi de Vicario Episcopi in praxi benefic. titul. forma Vicari. Archiepiscop. numer. 80. & seq. nec sufficeret scientia & patientia ordinarij, nisi expressè fuisset data potestas delegandi alicui: quia sola scientia & patientia non dat mandatum. l. non eo minus. vbi Salicet. C. de procurat. & seruatur in Curiis Parlamenti. ut docet Guido Papa decisio. 40. quaritur. & consilio 84. circa. Bald. in l. j. ff. de nego. gest. quicquid Ias. hic dicat, quia mandata sunt facti, quæ non præsumuntur, licet valeant acta facta præsentente parte. gloss. in d. l. j.

Item consensus partium nihil faceret sine delegatione, quia priuatorum consensus non facit iudicem. l. priuatorum. C. de iurisd. om. iudic. Vnde si subdelegatus sit is, qui iudex esse non potest, utpote alienæ iurisdictionis, tunc ille subdelegatus non erit iudex: ideò nulla erunt acta, & sententia. l. vnica. in fine. C. qui pro sua iurisd. & semper opponi poterit defectus iurisdictionis. gloss. in clementin. vnica. de sequestra. possess. licet Ias. contrarium teneat, sed eius sententia potest sustineri, ut valeat sententia istius subdelegati, si aliàs erat Prætor, vel iudex, tunc valeret ut pactum. gloss. in l. ij. C. communia vtriusque iudic.

Tertiò vitatur hæc regula, quando lex concederet mandare, ut Legato Proconsulis, vel patriæ consuetudo. l. cum Prætor. ff. de iud. & sub ista restrictione aliæ comprehenduntur, quas Ias. tradit in d. l. à iudice. C. de iud. & Pirrus in l. nemo potest gladij. ff. de regul. iur.

Ex quo infertur quod delegatus à Papa, habet potestatem à lege subdelegandi. cap. super. §. nos autem. & per totum. de officio delegat. siue totum, siue partem deleget. cap. super. §. prætereà. & c. quamuis. & sequen. illo titul. lib. 6. Idem in delegato Principis docet Iustinian. in l. à iudice. C. de iud. & d. l. vnica.

Ex his patet quid iuris sit, tam de iure Digestorum quam Codicis, & de iure Canonico, nam de iure Digestorum non potest quis se abdicare iurisdictione, & sic mandata iurisdictione mandari non potest, nisi lex permittat, aliàs is, cui mandata est iurisdictione, iudicem dare potest, quia iurisdictionem habet, quæ est iudicis dandi licentia. l. imperium. de iurisd. om. iudic. Laus Deo, quia ista breui traduntur, quæ tam effusè scripta sunt per Doctor.

Mandata etiam iurisdictione, &c.] Colligitur iurisdictionem mandari & committi posse priuato, id est, ei, qui aliàs magistratus non est, nec aliam iurisdictionem adeptus, ut abundè scripsi de hac dictione, priuatus in l. pupillus. §. munus. ff. de verbor. signific. sed ut superius scripsi, hodie in hoc regno priuatis non solet mandari iurisdictione, sed magistratibus. ut in l. & si Prætor. supra eodem.

Imperium

*Delegatus ad vniuersitatem causarum.*

*Iudex non fit ex solo consensu partium.*

7

*Priuatis in regno Francie nulla mandatur iurisdictione.*



**Imperium quod non est merum.]** Ergo ex hoc text. & l.j. suprà eodem. regula elicitur, merum imperium mandari non posse. l. solent. ff. de officio Proconsul. l. nemo potest gladij. de regul. iuris. siue expressè, siue generaliter omnes causas mandando. l.j. suprà eodem. vbi Bart. & alij glo. in cap. quod sedes. de offic. ordinar. nec in toto, nec in parte, cum prohibito toto & eius pars prohibita censeatur. l. quæ de tota. ff. de rei vend. cap. pastoralis. §. j. de offic. delega. & maximè quia merum imperium diuidi non debet. vt in l. imperium dicam.

Tum quia eius, cui commissum est, electa industria censetur. vt ex l.j. liquet. in fine. C. de summa Trinitate. Iacob. Rau. & Cy. in 1. quæst. & vbi est electa personæ industria, actus non potest explicari per alium. l. inter. ff. de solut. Nam omnes homines non sunt ingenio & eruditione similes, & virtus intellectus habitat in paucis, sicut inter infinitas spinas vix vnum lilium reperitur. teste Bald. in l. liberti. col. 3. C. de oper. libert. Nam multos esse sacerdotes, & paucos esse, docet Chrysostomus: paucos in opere, multos in nomine. c. fin. 40. dist. sic & Cicer. multos homines esse refert, & paucos. 1. Officio.

Tum quia res est ardua, & grauis, cum agatur de capite hominis, ob id mandari esse periculosum, cum etiam olim à Cōsulibus ad populum esset prouocatio, si de capite ciuis Romani ageretur, vt docet Liuius in prima Decad. ab vrbe condita. & in l. 2.

*Præfetti vrbis potestas.* suprà de orig. iuris. Etiam à Præfecto vrbis, qui licet omnia sibi in vrbe criminà vendicer. l. j. ff. de officio Præfect. vrb. etiam querelas filiorum, seruorum, & de pecuniariis causis cognoscebat. d. l. j. & ij. ibidem.

Et illi propter vim imperij licebat, sicut & cæteris magistratibus iurisdictionem, non autem merum imperium mandare. l. cum Prætor. ff. de iudic. & hoc probat iste text. & quia lex prohibet hoc imperium mandari. d. l. j. suprà. & l. nemo. ff. de reg. iur.

*Vsuarius non potest aliu vsuarium constituere.* Adhæc ratio est secundum Alciatum lib. 2. Paradox. c. 6. quia is, cui vsus relictus est, alium vsuarium constituere non potest. l. ij. vbi Bald. ff. de vsu & habitatione. §. primo. illo titulo. in Instit. Sed magistratus habet exercitium & vsu. in l. j. sup. eod. ergo illum mandare non potest, quod reprobauit suprà. Nam per istam rationem nūquam posset imperium mandari: & tamen l. j. sup. permittit in casu absentia.

*Restrictio præcedētis regule.* Limitatur ista regula ratione absentia. vt l. j. suprà eodem. l. ij. de officio eius, qui vicem alterius gerit. Nam ratione absentia quis restituitur læsus. l. j. ff. ex quib. caus. maior. & permittitur, quod aliàs prohiberetur. l. de pollicitationibus. ff. de pollicitat. quod est verum, quando longa esset absentia & necessaria, secus si brevis, vel affectata. Vlpian. in l. si longius. ff. de iudic. l. aut longa. & l. aut si valetudinem. de procur. l. & qui data. ex quibus caus. maior. Idem existimant interpretes in absentia probabili & iusta. in l. j. suprà eodem. & in l. filiusfam. cum l. seq. ff. de Procurator. Etiam in casu longæ absentia loci seruatorem facere posse, lex non denegat. §. ad hæc. in fin. in authen. de collato. colla. 9.

*Seruator loci.* Et reuerso iudice reuocata erit delegatio, nec est opus iudicis reuocatione. Bart. hîc. & quia cessante absentia causa cessat effectus. l. adigere. §. quamuis. ff. de iure patron. l. quod dictum. ff. de pact. & tantum debet prodesse tacita reuocatio, quantum expressa. l. cum quid. ff. si certum petat. sed in expressa solue-

retur iudicium vetante iudice. l. iudicium soluitur. ff. de iudic. Nec procedit hoc casu. l. de qua re. ibid. quia non habet locum quando desiit esse iudex, nec dicitur causæ continentia diuidi, si tractetur coram delegante. l. nulli. vbi Doctor. C. de iudic. nisi iudex eo reuerso statim esset absfuturus. argum. l. cum aliis. C. de curat. furios. l. qui mutuam. §. non eo minus. ff. mandati. l. Martius. loca. ff. facit cap. si delegatus. de officio deleg. lib. 6.

Idem dicendum est ratione valetudinis longæ, vt etiam merum imperium mandari possit. Bart. in l. j. suprà eodem. facit l. aut si valetudinem. de Procurat. l. sciendum. & l. sed et si. ad Trebel.

Nec refragatur dicta l. j. suprà. ibi, *Non aliter mandare poterit, quam si abesse cæperis*, ergo in casu valetudinis, non in aliis. Respondeo, non excludi similem casum eandem habentem rationem. l. adigere. §. quamuis. ff. de iure patronat. & causa valetudinis & absentia æquiparantur l. quæsitum. ff. de re iudic. & legib. superius allegatis, vbi adest eadem necessitas, & in æquiparatis statutum in vno seruatur, & in alio. c. de multa de præb. dixi in d. l. j.

Intellige in graui valetudine, quæ omne negotium agere impedit, vt dicitur de morbo sentico. in l. morbus vbi scripsi. ff. de verbor. significatione. & l. quæsitum. de re iudic. Alexand. in l. solet. cum l. seq. de iurisd. om. iud.

Idem dicendum existimarem in iudice occupato multitudine causarum, vel negotiorum. l. placet. C. de pæda. iud. melius facit text. in l. si longius. ibi: *Si forte occupatio aliqua iudicem non patiatur*. de iudic. vt vnam causam etiam criminalem mandare possit, cum ferè eadem ratio sit cum absentia, & valetudine. l. casus. C. de testam. l. vnica. ff. si famil. furtum fecisse dicatur. vbi Bart. & in l. ij. C. de his qui latro. facit l. aliquando. ff. de offic. Proconsul. & cap. licet. de feriis. l. aut si valetudinem. cum l. seq. ff. de Procurat. & eadem est æquitas, licet Doctor. dicant ob hanc delegationem dispositionem facillè illudi posse, hoc tamen non video vnde seruaretur in hoc ista limitatio, vt posset fieri delegatio, maximè quia ius canonicum etiam hoc permittit, quod verum censerem, si impeditus esset multitudine causarum criminalium, secus si civilium, quia eo casu causas ciuiles mandaret, non autem criminales, per prædicta.

Credendum esset his casibus iudicandi se præpeditum, vel necessaria causa absfuturum. per l. si publicanus. §. j. ff. de publica. glos. in §. pastoralis. in verbo, exonerare. de officio delegati. & quia pro iudice est præsumendum. l. Herennius. ff. de euitio. cap. ad audientiam. de præscript. Nisi à parte contrarium probaretur, & sic debet intelligi opinio Ias. & aliorum contrarium asserentium.

Secundò, non procedit, quando Imperator, vel Rex expressè mandaret merum imperium. l. j. C. de precib. Impera. offer. l. fin. C. vbi senat. vel clarif. quia ipse supra leges est, & ipsis solutus. l. Princeps. ff. de legib. l. ex imperfecto. C. de testam. Et sufficiet, si ex certa scientia Princeps mandet. l. Barbarius. ff. de offic. Præsid. l. quidam. de re iud.

Sed hoc casu delegatus Principis imperium illi concessum non mandabit, tum ratione prohibitionis, quæ est in l. j. suprà. tum quia electa est industria personæ, & quia ardua est causa, & huius sunt sententia. Iacob. Cy. & quidam alij. & quia propriam iurisdictionem

*Imperator vel Rex merum imperium expressè mandare potest.*



iurisdictionem non habet, licet, communis sententia contrarium firmet, per l. primam. C. qui pro sua iurisd. quæ secum non facit. vt planè ibi scripsi in nouo intellectu ad illam legem.

*Legatus  
Principis  
merum im-  
perium nõ  
mandat.*

Et quamuis Principis legatus mandare iurisdictionem possit, non tamen merum imperium. l. à iudice. C. de iud. l. cum Prætor. ff. de iud. quia eius est electa industria, & ita semper vidi seruari. Sed si ille moriatur, vel aliàs non possit cognoscere, sufficitur in locum eius alius à Principe, & ille nõ posset mandare, cui mādatur est. scribit Pau. Turreti. in disputa. incipien. Rex Aragonum. in primo dubio.

Etiamsi esset ei vniuersa iurisdictione mandata, sicut nec ordinarius, qui firmiorem delegato iurisdictionem habet. l. more. cum l. seq. ff. de iurisd. om. iud. l. nemo potest gladij. ff. de reg. iur.

*Speciale  
in delegato  
Principis.*

Sed erit speciale in delegato Principis, vt ad ipsum appelletur, non autem ad ipsum Principem. l. vnica. C. qui pro sua iurisdictione. vt ibi dixi, in intellectu ad illam legem. Nam si liceret ei mandare imperium, auferret iurisdictionem ordinariam, quod in dubio Princeps nollet facere. c. super eo. de offic. delegat. c. quamuis. de rescript. in 6. l. ij. §. meritò. ff. ne quum in loco public. fiat. §. fin. in authen. vt defuncti seu funera. colla. 5. & si Princeps deleet in vno casu, non sequitur, quod is in alio casu delegare possit, sicut de casu absentia dicitur in l. prima supra vbi dicit, non aliter, &c.

Nisi fortè isti delegato esset specialis delegandi potestas à Principe tributa. Nā hoc casu mādaret nomine Principis, & nõ suo. clemen. fin. de Procurat. c. is qui. de offic. deleg. in 6. & sic intelligitur doctrina Bart. & aliorum in l. more. vt supra dictum extitit.

Et poterunt isti iudices dati omnia expedire, quæ ordinarij facerent, cum iste text. non distinguat, & ne delictorum punitio differatur citra nouissimum supplicium, & membri abscissionem, nam periculosum esset pœnam differre; maximè in insigni latrone, cui & mortis pœna infligi poterit. l. penult. C. de feriis. vt abundè scripsi in l. prima supra.

Item delegati Principis & membri abscissionem imponere poterunt, quando eis mandatum erit. l. si. C. vbi Senato. vel clarissi. vbi expressè sibi Princeps definitionem reseruat, aliàs sine reservatione posset delegatus Principis, quando in mādato hoc ei commissum esset, alioqui iusta voluntas Principis non seruaretur, quod esset iniquum, & sic vidi semper seruari in Fracia, vt committi processus criminalis aliquibus soleat vsque ad sententiæ definitiue exclusionem, & prolationem. Et isti iudices à rege dati, postea referunt illi conclusionem consilij: ipse approbat, addit, vel diminuit pro ratione, sed non pro voluntate, vt alibi scripsi. Nam si pro libito posset addere, non oporteret habere iudices, sed ipse condēnaret, vel absolueret sine causa, vt tyrannus, quod non est existimandum. facit l. diui. in fin. ff. de pœnis.

Tertiò, limitatur in substituto in locum mortui, vel absentis, vt de mero imperio cognoscere possit. l. j. §. à præfectis. ff. de legat. 3. l. proponebatur. de iudic. sed ista restrictio non videtur Doctoribus habere dubitationem, quia si substitutus fuerit in locum demortui ordinarij, erit ordinarius, & sic poterit exercere merum imperium, si ei commissum sit.

Si verò suffectus sit à Principe in locum eius, qui merum habebat imperium, eius iure vtatur, quo

prior in cuius locum suffectus est. l. si eum. §. qui iniuriarum. ff. si quis cautio.

Sed si esset substitutus ab ipso ordinario, idem dicendum esset, quod in delegato superius diximus. Nam verè delegatus esset, vt ea quæ sunt meri imperij exercere non possit, saltem mortem, vel membri abscissionem non imponet, vt prædixi.

Aduertendum est, quod Seneschalli & Bailliui habent in Francia iudices, quos vocant Locumtenentes, dubium est, an eandem iurisdictionem habeant, quàm & Seneschalli, & an habeant merum imperium. Et an præfente Bailliuo, vel Seneschallo cognoscere possint, demum, an si causa à Rege commissa sit Seneschallo, an ipse Locumtenens cognoscere possit. Istæ quæstiones forenses sunt, & vtilis: ideò visum est eas tradendas esse, quamuis interpretes illas non ita docēant.

Ad primam respondeo, Locumtenentes ipsos eandem habere iurisdictionem, quàm & Seneschalli. per l. ij. C. de offic. eius qui vicem alterius gerit. & ipsi dicuntur horum assessores, & per eos exercetur iudicium, & ius dicitur, cum cōmuniter Seneschalli sunt inexperti ad ius reddendū. §. primo. in authen. de iudicib. colla. 6. ideò isti Locumtenentes sunt iudices illorum, quibus committitur exercitium iurisdictionis. Item etiam merum imperium habere videntur, sicut ipsi Bailliui, quia ad hoc præfati sunt à Rege, sicut & ipsi Seneschalli. Imò istis Locumtenentibus datur exercitatio iurisdictionis, & publici iudicij vt in hoc textu. & d. l. j. quia Bailliui & Rectores communiter sunt ignari, & nescirent ius dicere, ideò Locumtenentes sunt illis assessores, & ius dicunt. vt in titul. de assessoribus dicitur, quamuis glos. in l. fin. C. de offic. eius qui vicem alterius gerit, dicat istos nõ posse de mero imperio cognoscere. sic dicitur in l. solent. ff. de offic. Proconf. Sed ibi intelligitur de legato facto autoritate Proconfulis, qui tantum audire potest, sed non iudicare, & idem esset in Locū tenente Seneschalli, si ab eo ipso præficeretur, sed quia à Rege præficitur, sicut Seneschallus, ideò datur ei illa iurisdictione, quæ & Seneschallo, vel Bailliuo, & exercitium illius.

*Locumte-  
nentes Sene-  
schallorū.*

Siue præfens sit Seneschallus, siue absens, quicquid dicat Bart. in l. obseruare. in princip. supra de offic. Proconf. & ita seruat vsus Franciæ forensis, quando Seneschallus non est iurisperitus. Etiam si Præsede defuncto prouincia regēda commissa esset. Nam illi eadem iurisdictione dabitur, quæ & isti dari solita erat, in cuius locum subrogatur. l. prima. ff. de tutor. & curat. dat. ab his.

Item si causa commissa sit Seneschallo Bellicadri, poterit cognoscere Locumtenens eius, licet non exprimat, quia est iudex Locumtenentis primarius, & ad exercitium iurisdictionis præfectus. Ideò Rex committendo Seneschallo, videtur & committere Locumtenti eius; alioqui sequeretur, quod partes non haberent iudicem, quod esset inconueniens. l. meminisse. ff. de offic. Proconf. §. illud. in authent. de administrato. collat. 7.

Et quia illis Locumtenentibus à Rege data est vniuersalis iurisdictione, sicut Seneschallis, ergo & ipsi cognoscere poterunt.

Imò absente primario Locumtenente, dicerem secundarium cognoscere etiam posse, quia datus est ab ipso Rege ad vniuersitatem iurisdictionis, sicut

*Legatus  
Proconfu-  
lis non po-  
test iudica-  
re.*

*Locumte-  
nens Sene-  
schalli à Re-  
ge commissus.*

*Substitutus  
in locū de-  
mortui.*



primus, sed non præsente primo: ergo si sit absens, vel cognoscere nolit, poterit secundarius iudex Bailliui cognoscere, de hac causa Bailliuo commissa. vel si fuerit primus recusatus, vt scripsi in tractat. de recusat. in 3. tomo Constit. Reg.

Quod est verum, quando vterque locumtenens esset ab ipso Rege creatus, secus si à Seneschallo, vt docet patruus meus Iacobus Rebuf. in l. ex eo. C. de agent. in reb. lib. 12. Nam docet Bald. locumtenentem hominis autoritate non posse cognoscere de causa meri imperij, sicut Legatus Proconsulis, secus si à lege, vel Principe, in authentica, sed nouo iure. in princip. C. de furt. Chassan. in Consuet. Burgund. in rub. *des iustices*. in verbo, & *droit d'icelles*. num. 73. & seq. Ias. in l. si eadem. ff. de Affessor.

Hodie tamen praxis habet ad cuiusdum has opinionones, vt in rescriptis & literis Regiis soleat exprimi Seneschallus & locumtenens, sic: *Henry, &c. au Seneschal de Lyon, ou à son lieutenant, Salut, &c.* [Henricus, &c. Seneschallo Lugdunensi, vel suo locumtenenti, salutem, &c.]

Quartò, non procedit de iure canonico, quo iure causæ meri etiam imperij mandari possunt. c. quod sedem. de officio ordin. cap. in Archiepiscopatu. de raptò. & hoc communiter tenetur, quia non censetur hoc iure electa personæ industria, nisi hoc expressè appareat, vel sit de reseruatis Papæ. cap. quod translationem. de officio legat. c. fin. de offic. delegat. & quando cognoscitur electam esse industriam, docent Iason, & Purpurat. hîc. dicite vt superius scripsi in l. prima.

Quintò, hæc regula vitatur, si lex in aliis casibus permetteret delegationem, vt ducibus belli. in l. tam collatores. C. de re militari. lib. 12. vbi Bart. & Iacob. Rebuf. & Doctor. in l. à iudice. C. de iudic. maximè per Ias. vel si consuetudo hoc permetteret, sed in regno Franciæ nō, in quo iurisdictiones patrimoniales sunt, teste Alber. in l. prima. suprà eodem. scripsi in rub. suprà.

Vnde inquisitores possunt mandare lege permitte clemen. 2. & ibi glos. in verbo, ipsorum. de hæretic. Nam hoc fieri de conscientia legis, docet Bal. in l. solent. suprà. de offic. Procons. & in l. placet. C. de prædan. iudic. & potest haberi consilium super mero imperio. l. prima. vbi Dec. in glos. prima. infrà titul. proximo.

Vltimò, in quibus casibus meri imperium mandari potest, sub delegatione tamen generali non continetur. l. prima. in fine. suprà eodem. d. l. solent. de offic. Procons. cap. 2. de officio Vicar. lib. 6. ea enim quæ notabiliter fiunt, nisi specialiter notentur, videntur quasi neglecta. Vlpian. in l. item apud. §. ait Prætor. ff. de iniur. de quo dicam in l. imperium. ff. de iurisd. om. iud.

Nisi delegatio esset vniuersalis. l. quædam. ff. de acqui. rerum dom. vt superius dictum fuit in l. prima. vel nisi verba essent amplissima, vt: Mando quicquid iuris iurisdictionisue habeo in tali castro. l. si in aliquem. §. cum plenissimam. ff. de officio Procons. aut si competeret iure magistratus. vt l. prima. suprà eodem. vel si imperium cohæreret iurisdictioni. §. si. l. j. suprà. Alia longè latèque tractant interpretes in d. l. j. præ. quæ ibi videri poterunt.

Alia est regula ex hoc text. elicitæ, ibi: **Quod non est merum.** Ea quæ mixti sunt imperij, man-

dari possunt. per istum textum, ibi, mandata iurisdictione priuato, etiam imperium, quod non est merum, videtur mandari: ergo si imperium, quod non est merum, mandetur iurisdictione mandata, & sic tacitè, multò magis expressè mandari poterit & imperium quod non est merum, mixtum est, quia non est aliud quoad hanc materiam. dicta l. imperium. infrà. de iurisdictione omnium iudicum. ergo mixtum imperium mandari potest.

Merum imperium prohibetur mandari. in l. prima. ergo mixtum permitti videtur: nam cum Prætor vnum vetat, alterum permittit. l. cum Prætor. ff. de iud. c. nōne. de præsumptio.

Iurisdictione inest imperio. d. l. imperium. & iurisdictione mandari potest. l. j. suprà eod. sic & imperium mixtum, cui inest iurisdictione.

Præterea vbi sunt duæ regulæ generales, vna prohibitiua, altera permissiua, attenditur illa, quæ permittit, vt pulchre docet Iason in l. prima. §. veteres. numero sexto. ff. de acquirend. possessio. sed in imperio mixto. concurrunt duæ regulæ, vna negatiua, prohibens merum imperium mandari, altera permissiua, concedens iurisdictionem mandari. dicta l. prima. suprà. idè respiciemus ad id, quod est permissorium, licet diuersum esset: si altera regula esset generalis, altera specialis, tunc specialis attendetur. & Bart. doctrina sic est intelligenda, in l. tutor. ff. de suspectis tutor.

Adhæc, mixtum imperium competere ratione magistratus Doctor. asserunt, præcipuè Alciat. libro Paradox. secundo. c. primo. dicens d. l. primam tantum de mero imperio prohibuisse, & si voluisset intelligere de mixto, proculdubio dixisset. l. vnica. §. fin. autem ad deficientis. C. de cadu. tollend. c. ad audientiam. de decimis.

Etiam iubere cauere, & in possessionem mittere, est mixti imperij. l. iubere. ff. de iurisd. om. iudic. & tamen mandari ista possunt. l. cognitio. §. final. suprà eodem.

Idem dicunt de in integrum restitutione, quæ non competit nisi maioribus magistratibus, non municipalibus. l. ea quæ. §. primo. ad municipal. ff. & tamen mandari potest. l. fin. C. vbi & quand. cognitio. ergo ea quæ mixti sunt imperij regulariter mandari poterunt, tam expressè, quàm tacitè.

Limitatur non procedere quando alicui lege, Senatuscons. vel Principum cōstitutione tributum est specialiter hoc imperium. d. l. prima.

Vel in casibus, in quibus lex prohibuit ex causa fortè ardua, tunc legis inhibitioni standum est. l. non dubium. C. de legib.

Item potest quædam iudex mandare, & reliqua sibi reseruare. l. 4. §. duas. ff. de dam. infect. Et sub his comprehenduntur ea, quæ fusissimè Doctor. tradunt in d. l. prima. suprà eod. & Paul. Turrenti. in sua disput. incipiente, Rex Aragonum. in 3. dubio.

**Quia iurisdictione sine modica coercitione nulla est.** Id est, inefficax & inutilis. Nam si nollent homines parere isti iudici, ipse non posset aliquo remedio vti contra eos, vt docet hîc Bald. & alij. Idè necesse est, vt cui iurisdictione cōcessa est, omnia concedantur, sine quibus iurisdictione non posset explicari. l. 2. infrà titul. 2. Et sic infert Iason inutilem actum nullum esse, & maritum inutilem vxori, nullum,

*Imperium mixtum mandari potest.*

*Regulæ duæ generales.*

*Delegatio generalis.*

*Delegatio vniuersalis.*



Obligatio-  
ni ineffi-  
caci nō po-  
test accede-  
re fideius-  
sor.

13

lum, quo ad effectum. dicit gl. in l. si plagij. C. de plagiar. & obligationi omni accedere potest fideiusor. l. prima. ff. de fideiusor. tamen si nulla vel inefficax sit, non potest, sicut nec pignus. l. 2. in glos. vlt. ff. de conditio. ob turp. caus. Etiam si quis teneatur solvere pensionem, vel aliquid pro molédino, si sit inutile, non tenebitur. l. prima. C. de iure emphyt. Bald. in §. si quis. de manso. de controuerf. inuesti. tractatur in l. 4. §. condemnatum. ff. de re iud. & l. quoties. qui satisfar. cog. vbi dicitur. Etiam scribit Papa in delegato, vt renitentem compellere possit, eò quod iurisdic-tio illa nullius momenti videretur, si coërcitionem aliquam non haberet. c. pastoralis. in princ. eod. Imò iurisdic-tio delusoria videretur, si etiam sub delegatus aliquam coërcitionem non haberet. c. seq. ex literis. ibidem.

Nec refragatur c. cum contingat. de foro compet. vbi iurisdic-tio est sine coërcitione, & ita not. Card. ibi & Imo. & Feli. in c. auditis. col. 6. de præscrip. Ego dicerem ibi capitulum Beluacense præscripsisse iurisdic-tionem in ciuilibus, sed in criminalibus non: ob id dicit Papa capitulum non potuisse excommu-nicare, nec coërcere, id est, pro excessibus castigare, & punire seruientes capituli, sed ad Episcopum spectare, tamen ibi iurisdic-tio ciuilis non erat sine aliqua coërcitione, prout præscripta erat.

Subtilis tamen scholasticus conclusionem sustinere posset hanc, iurisdic-tionem sine coërcitione esse, quando sic præscripta fuit, per d. c. cum contingat. & poterit respondere huic text. iurisdic-tionem criminalem nō esse sine coërcitione, sed ciuilem sic, quando præscripta fuit sine coërcitione, alia tamen in fi. text. d. c. cum contingat excipit, videlicet indulgentiam & consuetudinē, & vide ibi Soci. in §. notab.

Dicer quis, in quo consistat hæc modica coërcitio. Bart. & alij in l. ij. de iuris. om. iud. dicunt intelligendum de coërcitione verbali, non autem de reali, vel personali, vt loquitur. Vnde poterit delegatus denegare iurisdic-tionem nō parenti. l. sed si per præ-torem. §. sed & si eum decreto. ex quibus caus. maior. Bart. & alij in l. magistratibus. vbi dicam de iurisd. om. iudic.

Coërcitio  
quomodo  
hic accipia-  
tur.

Ego putarem hic generaliter accipi coërcitionē. Nam coërcere significat compellere, cōtinere, comprimere, seu punire. l. diuus. 2. ff. de fals. quod potest fieri multa pecuniaria. l. quinque summales. C. de decur. lib. 10. vbi exprimitur pecuniaria multa, & multoties solet exprimi, vt quis multa pecuniaria puniatur. l. si. ff. de iniur. Sed si non exprimatur, pro materia intelligetur, interdum pro pecuniaria multa, vel alia. in l. ij. ff. quod quisque iur. Adeo vt iudex debeat comprimere & compellere eum, qui est coërcendus, & postquam non exprimitur, residet in suo arbitrio. l. prima. ff. de effract. Interdum pro pœna corporis accipitur. Pœna autem est omnium delictorum coërcitio. l. aliud est fraus. §. primo. ff. de verb. signifi. l. si quis iniuriam. iuncta glos. ff. de iniur. l. medicus, de variis & extraordinariis cognitio. vide quæ scripsi in l. hæc stipulatio. ff. de verb. signi. Nam omnibus magistratibus concessum est iurisdic-tionem suam etiam pœnali iudicio defendere. Vlpia. in l. vnica. infra, si quis ius dicenti non obtempera. cap. primo. de offic. delegat. vbi plenè Doctor. Et magistratibus etiam municipalibus modica castigatio nō est deneganda. l. magistratibus. ff. de iurisd. om. iud.

itaque consistere hæc coërcitio potest tam in multa, quam in pœna.

Et seruatur, quod is qui iurisdic-tionem tantum habet, si ei non pareatur, vel contemnatur, potest rebellem in carcerem detrudere, & custodire illum per viginti horas. iuxta l. capite quinto. ff. de adulter. Potest etiam paruam multam irrogare, & detinere condemnatum quousque soluerit illam. l. vnica. ff. si quis ius dicen. non obtemper.

Et sic hæc modica coërcitio in his consistit, & vt possit continuam iudex audientiam denegare. l. sed & si per præ-torem. §. sed si dum decreto. ff. ex quib. caus. maior. Et habebit partem rebellem pro confessa, si nolit respondere in casibus à iure expressis, in c. ij. de confes. lib. vj. & condemnabit ad expensas, & alia quæ tradit Innocen. in c. primo. de offic. delegat. Angel. & Iacobi. in l. ij. infra titul. seq. Vnde hoc anno cum quidam nobilis diffamatus de homicidio, & absens per procuratorem in causa alia audiri cuperet, senatus eidem audientiam denegauit, requirere do. R.ailio Aduocato Regio egregio, anno 1556.

Modica  
coërcitio in  
quibus con-  
sistat.

14

Item exactis Regibus Consules duo constituti sunt, qui tamen, ne per omnia Regiam potestatem sibi vendicarent, lege lata factum est, vt ab eis pro-uocatio esset, neue possent in caput ciuis Romani animaduertere iniussu populi, solum relictum est illis, vt coërcere possent, & in vincula publica duci iuberent. l. ij. §. exactis. ff. de orig. iur. c. de liguribus. 23. q. v. l. penult. in fi. ff. de parricid. & sic habens iurisdic-tionem solam, habet etiam coërcitionem, vt hic, vt iurisdic-tionem suam exercere possit, & tueri, & ista nō est meri imperij, sed grauis coërcitio. sic. l. si quid. supra de offi. Procons. & sic modica coërcitio dicitur, quæ sufficiens erit ad cogendum partes iurisdictionibus iudicis parere, reuereri, & alia quæ ad iurisdic-tionem exercendam pertinent, aliàs inutilis esset iurisdic-tio, & nulla, vt dicit iste text. dicam in l. imperium. infra. de iuris. om. iudic.

Interpretes in d. l. imperium. ff. de iur. om. iud. sese valde torquent dicentes, Bart. esse sibi contrarium super hac quæstione, an modica coërcitio delegari possit. Ego pro certo putarem vanam fore quæstionem. Nam postquam iurisdic-tio sine coërcitione non est, ipsa delegari potest, quia ea ipsa coërcitio transit. Item si mandando iurisdic-tionem coërcitio sequatur, per istum text. ergo & expresse mandari poterit. Nam si ea quæ tacite insunt exprimantur, non nocent. l. ij. ff. de legat. primo. licet quidam intelligant coërcitionem modicam mixti esse imperij, magnam verò meri, & coërcitionem iurisdic-tio non habet, sed mixtum imperium, cui iurisdic-tio inest. l. imperium. ff. de iurisd. om. iud. Ego verò primæ inhaererem sententiæ, vt hæc modica coërcitio mandari possit, sed corporalis non. l. nemo potest gladij. ff. de regul. iur.

15

Sed an delegatus coërcitionem habeat in personam? Bart. in d. l. magistratibus, dicit delegatis competere modicam coërcitionē, sed nullo modo potest corpus tangere. per text. in §. si verò ignoti. in auth. de testibus colla. 7. Sed quia ille text. videtur corruptus, ideò sicut habetur in Nouellis, volui transcribere. Si verò ignoti sint, & vndeunque obscuri, videaturque omnino aliquid de veritate in proferendo testimonio corrumpere voluisse, possunt etiam tormentis subiici, & indices, si cum magistratu sint, ipsi hoc fa-

Delegatus  
non habet  
corporalē  
coërcitio-  
nem.



*ciant, si alij quidam præter eos, qui magistratus gerunt, hic quidem assumant apparitorem magnificentissimi Prætoris plebey, in prouinciis verò locorum defensorum, perque eos adhibeant illis tormentorum periculum, ut non saltem sine nihil de veritate occultent, aut hac etiam ratione deprehendantur accepta pecunia testimonium dixisse, aut alioqui circa ipsam dolo versatos esse.*

Dom. Bellonius libro supputatio. 4. c. 13. corruptum textum dicit, ibi, defensorem, & debere esse, defensoris, quia absurdum esset defensorem ciuitatis æquiparari apparitori, sed nullum est ibi absurdum, si perpendatur text. oculatè. Nam si coram delegato quis protulerit falsum testimonium, iudex iste delegatus ad torturam condemnabit, vel ad multam ratione falsi coram eo commissi. l. nullum. C. de testibus. sed executionem torturæ faciet Prætor plebeius in ciuitate per suum apparitorem, & in prouincia defensor per suos ministros, & milites. de quibus dictum fuit in l. prima. suprâ. de officio Præfecti. vrb. quia iudices torturam non per se imponere solent, sed per suos ministros, & apparitores.

Et sic debet conciliari l. nullum. C. de testib. cum dicto §. si verò ignoti. & l. Diuus. ff. de falsi. in praxi tamen seruetur, vt delegatus ad multam condemnare possit testem, coram eo falsum deponentem, & sic extra ordinem, non verò pœna ordinaria legis Cornelie, & sic docet Salicet. in dicta l. nullum. & Doctor. in l. j. suprâ. facit text. in cap. 2. in fine. de ordin. cogni. & Aufre. in clementina prima. de offic. ordinarij. Felin. in cap. præterea. de testib. vide quæ scribam in l. vnica. infrâ. Si quis ius dicenti non obtemperauerit.

### *De officio Assessorum. TIT. XXII.*



**SCIENDUM** est Speculatorē istam materiam tractasse in prima parte sui operis tit. de Assessore. Imprimis docent Assessorem illum esse, quem is, qui iudicandi potestatem habet, sibi adiungit, vt in causæ cognitione secum assistet, & ad recte causam decidendam instruat: nam assidere, est iuxta sedere, seu propè, & assistere, vt Cicero probat in Verrè, Sthenius est is qui nobis assidet. & de Diuina. Lacedæmonij Regibus suis augurē Assessore dederunt. Inde inuentum fuit hoc officium, vt imperitiæ iudicatis succurratur. teste Ang. consil. 71. primus punctus. col. j. vt refert Dec. consil. 8. viso puncto. nu. 3. versi. his tamen non obstantibus. dicens etiam post Bar. & Doct. in l. j. infrâ. eo. Assessorem nullam habere iurisdictionem, sed consilium iudici dat, vnde Assessores generali vocabulo dicuntur, siue consilij tantum gratia vocentur, siue etiam vt iudicent, & illi Consiliarij à Paulo nominantur. in l. penult. infrâ. eod. siue vt comitentur, per hanc rub. iuncta l. diem functo. infrâ.

Hodie verò in hoc regno æquiparamus istis iudices Seneschallorum, quos locumtenentes vulgus vocat. Solent autem hi à Rege sicut Seneschalli præfici, ob id iurisdictionem habent, & illam exercent, siue in præsentia siue in absentia Præsidum Seneschallorum, vel Bailliuorum, vt dictum fuit in tit. præced. l. fin. in 3. limita. Est etiam Assessor apud Pictones ordinariam habens iurisdictionem & instar Præpositi

primariam in ciuitate Pictauiensi, de quo meminit Chassa. in catha. glo. mundi. in 7. parte. confide. 27.

Et ideo isti iudices Seneschallorum & Bailliuorum, & alij qui iunguntur magistratibus imperitis, dicuntur Assessores illorum. text. in §. j. in authen. de iudicib. collat. 6. vbi sic scribit Iustinian. *Nostris enim administratoribus adsunt modis omnibus Assessores, ea, quæ legum sunt, explicantes, & occupationes adimplentes eorum: quoniam multis detenti curis, quas apud nos habent, merito iudiciorum complent partem per suorum præsentiam Assessorum.* Et sic non solum inuenti sunt, vt imperitiæ iudicantis succurrat, verum etiam propter varias occupationes. d. §. j. & glof. in c. statutum. §. Assessorem. de rescript. lib. 6.

Etiam non est inconueniens peritum iudicem sibi habere Assessorem. d. c. statutum. §. Assessorem. sed est differentia. Nam iudex peritus non tenetur consilium Assessoris sequi, secus in imperito. vt docet Anthon. Butri. in c. cum olim. in fi. de arbit. & Alex. in l. si conuenerit. ff. de re iudic. Et eisdem priuilegiis gaudere debent, quibus & potestates, & Seneschalli, quibus subsunt. per tex. iuncta glo. in verb. quod pro voto. in l. restituendæ. C. de Aduoca. diuerso. iud. & sic æqualis honor eis impendi debet. teste G. Paride Puteano in tractat. Syndica. in veric. Assessor. facit l. non parum. C. eod.

Iudices tamen in Francia, siue Ecclesiastici, siue Lici, in causis decidendis vocare solent peritos, & illorum consilium sequi, & ex Constitutione Regis hoc tenentur facere, qui illo iure vtuntur, vt etiam scripsi in d. Constitut. Regi. & isti Consiliarij vocari possunt. l. Consiliariis. infrâ. quia cōsulant iudicibus, qui eos vocat. Hodie in quibusdam ciuitatibus, sicut in Montepessulano, vidi vnum præfectum iustitiæ administrandæ in domo Consulum, vel Schabinorum, qui vocabatur Assessor, & habebat iurisdictionem, & quando præficatur ad officium, putare eum sic creatum iurisdictionem habere, Consiliarios verò vocatos ad consulendum super processu à iudice, nullam habere iurisdictionem, & hoc iure vtimur in Francia. De assessura loquitur Vlpian. in l. fin. ff. de proxenet.

### **LEX I. PAVLVS LIB. SINGVLARI DE OFFIC. ASSESSORVM.**



**MNE** officium Assessorum, quo iuris studiosi partibus suis funguntur, in his ferè causis constat, in cognitionibus, postulationibus, libellis, edictis, decretis, epistolis.

**P**ostquam superius tractauit de officio delegatorum, nunc tractat de officio Assessorum, & in quo consistat: dicens, omne officium Assessorum versari in cognitionibus causarum ciuiliū, & criminalium, vt dum Prætor, vel alius, cui assidet, cognoscit, ipse adsit, & sic in his cognitionibus, quæ fiunt coram Prætore, vel alio, vt ipse Assessor consulat: nam ipse non cognoscebat. Hodie cum sint ipsi iudices, & ad hoc Præfecti, in cognitionibus causarum consistit illorum officium, vt cognoscant de postulationibus partiū verbo, vel scripto factis,

*Imperiti  
iudex, con-  
silium As-  
sefforis ten-  
tur sequi.*

*Assessor ha-  
bens iuris-  
dictionem.*

*Assessorum  
officium.*



an iustæ sint, & an debeant recipi, necne: vel reiici stultæ, vt in l. Domitius Labeo. ff. de testam. & posset accipi pro supplicatione, & petitionibus etiam verbo factis: quia omnes possunt dici postulationes, vel libelli, vt in l. nec quicquam. §. vbi decretum. ff. de officio Procons. Nec poterat ipse Assessor libellis subscribere. l. ij. C. eodem. sed Seneschallus, vel alius magistratus: hodie tamen contrarium est, quia iudex subscribit, non Seneschallus, Gubernator, vel Bailliarius, quia hi deciperentur, cum non semper intelligant iudicij rigorem. & sic d. l. ij. non seruatur in Francia.

In libellis. ] Videlicet, an libellus sit bene conceptus, & an sit recipiendus necne. vt docet text. in authent. offeratur. C. de litis contestatio. c. j. de libel. obla. & cap. sacerdotibus. ii. quæstione i. Bald. in l. de quibus. in fin. ff. de legib. & Panormitan. in cap. cum Ecclesiasticæ. columna 2. de excepti. De hoc dixi in d. l. nec quicquam. §. vbi. suprâ de officio Procons. & dum interpretes dicunt iudicem ex officio sine partis petitione reiicere libellum, vel testes posse: ergo in forensi iudicio. Vidi semper obseruari, vt sine petitione iudex procedere non soleat, alioqui acciperetur tanquam pars.

Edictis. ] Id est, in citationibus, an factæ sint vna post alteram, & an iure, & ritè factæ sint. Et an peremptorium elapsum fuerit. vt in l. ad peremptorium edictum. cum l. seq. ff. de iudic. vel de citationibus in criminalibus intelligi potest, quæ fiunt per triduum, & vt dicanici vocant, ad tres breues dies, de quibus Papinian. meminit in l. inter accusatorem. ff. de accusat.

Vel intelligi potest officium Assessoris constare in edictis, hoc est, in his quæ edicuntur, & statuuntur ab ipso magistratu, vt videat an iusta sint, quæ edicuntur. l. Barbarius. ff. de officio Prætoris. vt si magistratus velit edicere, quod nullus arma deferat, consilio opus est Assessoris, & officium Assessoris in eo constat, vt sunt banna, teste Accurs.

Decretis. ] Videlicet interponendis, vt in alienatione rerum minoris. l. magis puto. ff. de rebus eorum. vel aliis. vt scripsi in Concordat. in tit. de annatis. In decretis etiam intelligitur, quæ decernuntur, & statuuntur, an sic statuendum sit, & an sit iustum, vt dictum fuit in d. l. nec quicquam. §. vbi decretum. suprâ eodem.

Epistolis. ] Quas alij iudices mittunt, an illis sit acquiescendum, & an exequendum sit, vel vtrum id recusari debeat, quod mandatur. l. Diuus. ij. ff. de custod. reorum. ca. Romana. §. contrahentes. de foro competenti. in vj. Et hodie vulgus vocat has epistolas, literas rogatorias, seu requisitorias. de quibus abundè scripsi in tract. de literis requisito. in 2. tomo Commenrar. ad Constitut. Reg. Gallic. In his igitur consistit officium Assessorum, & in omnibus aliis, quæ cognitionem causarum requirunt, & decisionem, ac etiam executionem. Ideo text. dicit hic ferè in his consistere, quæ præcipua sunt.

Colligitur etiam ex hoc text. iuris studiosos ad officia iustitiæ administrandæ eligendos: hoc enim eis pollicitus est Iustitia. in §. fin. in Procem. Inst. sed quidam dicunt hoc quantum ad spem, sed hodie (proh dolor) viris pecuniosis resp. creditur, quod maximè Aristot. in Politic. & alij Sancti viri reprobant, sed transeat cum cæteris, &c. vel dicit

Odofr. vt refert Iacob. de Nigris, Assessores & alios iudices studere debere pro iure reddendo, non Plauto, vel Terentio, sed iuri Casareo, & Pontificio, quibus causæ decidi debent, non per Grammaticos, vel Rhetores, qui potestatem statuendi necessariam non habent, sicut Pontifices summi, & Principes. Faluntur ergo, qui sententiam suam solis Poëtarum, aut Oratorum autoritatibus fulciunt, perinde ac si quis ægrotum per ius ciuile curare vellet.

## S V M M A R I A.

- 1 Infames ad dignitates aspirare non possunt.
- 2 Præses, vel alius magistratus iurisdictionem habens, suos iudices, Assessores, vel locumtenentes, in officio delinquentes punire non potest.
- 3 Actuarium verò, ac Procuratorem delinquentes in suo officio potest.

LEX II. MARTIANVS LIB. I.  
DE IVDICIIS PVBLCIS.

**L**iberti assidere possunt: infames autem licet non prohibeantur legibus assidere, attamen arbitror (vt aliquo quoque decreto principali refertur constitutum) non posse officio Assessoris fungi.

**I**N hac lege 2. Martia. declarat, qui Assessores esse possint, & regulariter iure cautum est omnes posse, nisi prohibiti inueniantur, vnde etiam liberti Assessores esse possunt, quamuis liberti olim non possent aspirare ad dignitates. l. vnica. C. ad legem Iuliam viscel. quod tamen hodie correctum est. in authent. vt liberti de cætero aureo annulo non indigeant. collat. 6.

Infames verò non possunt fieri Assessores, nam ad dignitates aspirare non possunt. l. ij. C. de dignit. lib. 12. & in regul. iuris. Et quamuis dignitate non dicatur fungi Assessor, sed officio, tamen decreto Principis fuit prohibitum infamibus assidere, & dignum valde reputabatur hoc officium, quo functus fuit Vlpian. vt scribit in l. metum. §. sed quod Prætor. ff. quod metus causa. & Lamprid. in Alexand. Imperatorem Seuerum ait, Paulum & Vlpianum in magno honore habuisse. Nam & Consiliarius Alexandri & Magister Scrinij Vlpian. fuisse perhibetur, qui tamè ambo Assessores Papiniani fuisse dicuntur. Bart. etiam hoc officium exercere non erubuit, vt testatur in l. si is qui. nume. quinquagesimo. ff. de vsucap.

Requiritur tamen, antequam repellatur, quod sit is condemnatus criminis infamiam inducentis, vtpote furti, aut alio, vel super contractu mandati, depositi, vel alio casu, qui infamiam inducit. l. prima. ff. de his qui notantur infam. Nam iudicatum aliquem requirit lex ciuilis. l. tertia. ff. de testib. secus est in iure canonico. in c. testimonium. de testib.

Non tamen requiritur declaratio infamie, sed sufficiet condemnatio criminis, vel actus infamiam inducentis. Doctor. in cap. cum secundum leges. de hæret. lib. 6.

Assessores  
qui esse possint.

Condemnatio necessaria,  
vt quis infamis sit.

Littera rogatoria, seu  
requisitoria.



Quidam interpretes hîc dubitant, an Præses, vel alius magistratus iurisdictionem habens, possit suos iudices, vel assessores, aut locumtenentes in officio delinquentes punire, quod videbatur. Nam omnes subiecti sunt in prouincia Præsidi, maximè in criminibus. §. volumus. in authen. vt iudices sine quoquo suffrag. collat. 2. & §. festinabis. in authen. de manda. princip. colla. 3. ibi, *Illum expelles, alio verò vteris consiliario, &c.*

Contrarium tamen verius est. per text. in l. vnica. §. officium. cum sequent. vt omnes iudices tam ciuiles, quàm milita. & l. prima. de offi. Præf. Augusta. Ratio est, ne iste cogatur voluntati Præsidis iniquæ satisfacere. c. accedens. 2. vt lite non contesta. & ibi Docto.

Et vt securè possint resistere iniustitiæ Prætoris, vel sui magistratus. l. omnes. prima. C. de Decurio. Lucas in l. quinque summates. col. prima. ibidè. lib. 10. Et quia paris sunt iurisdictionis locatenētes cum Præsilibus, vt superius dictum fuit titul. proximo. in l. fin. & par in parem non habet imperium. l. iij. ff. de arbit.

Alios verò suæ Curia ministros poterit Præses punire, nec alibi conuenire poterunt pro delicto ibi commissio. l. ij. C. de offi. magistra. milita. & l. fin. de apparitor. magist. milita. lib. 12. probatur in authen. de defenso. ciuitat. in princip. & §. si verò egerint, & in authen. de iud. §. is qui. vnde actuarium, ac Procuratorem in officio delinquentes punire poterit. l. moris. §. solet. & l. si quis aliquid. §. si quis. ff. de pœnis. Et omnes apparitores, ac alios ministros in suo officio delinquentes. §. quod si delinquentes. & §. præcipuè. in authen. de manda. Princip. collat. 3. Et ita seruatur in forenfi iudicio, vt omnes Præsides prouinciarum, Seneschalli & Bailliui soleant suos punire ministros, à quibustamen appellari poterit, sed iidem Præsides & alij, non solent suos iudices & locumtenentes punire, nec vnus alium, nec quidem primus iudex secundum, vel tertium in eodè auditorio Præfectum, cum paris sint iurisdictionis in defectum & negligentiam: sed iudices superiores, aut Curia suprema istos pro modo delicti, castigare poterit. abūdè scribit Petr. Iacob. in sua praxi titul. de statutis vniuersitatis. versic. item Baro poterit.

#### SUMMARIA.

- 1 Assessor quis esse non debet in sua prouincia, & quare.
- 2 Episcopatus vnus in duo diuidi potest.
- 3 Diuisio iurisdictionum non fit sine Principis auctoritate.
- 4 Nec prouinciarum unio, nec Episcopatum, aut Abbatiarum, aut beneficiorum.

#### LEX III. MACER LIB. I. DE OFFICIO PRÆSIDIS.

**S**I eadem prouincia postea diuisa, sub duobus Præsilibus constituta est (veluti Germania, Misia) ex altera ortus, in alia prouincia assidebit: nec videbitur in sua prouincia assedisse.

**D**Vbitatio ad istum tex. est. Nam consequi quis officium in sua patria non potest, sed si diuisa fuerit, videbatur prohibitus, quia sua semper est patria. Respondet text. contrarium, quia postquam est diuisa prouincia, amplius non est eadem, & ideo in illa parte, in qua ortus est, prohibetur fieri assessor, in altera nō: nec videtur in sua prouincia assidere. Duo tamen requirit iste tex. primum, diuisam ipsam fuisse prouinciam: secundum, duos Præsides fuisse. Et sic vnus in qualibet prouinciæ diuisæ parte: alioqui si vnus tantum esset Præses vtriusque prouinciæ, non posset assidere is, qui in altera esset ortus.

Colligitur ex hoc tex. neminem in prouincia sua assessorem esse debere; ratio est propter consanguinitatem, familiaritatem, & notitiam quam in sua patria habet, quia posset suis fauere quoad iustitiæ administrationem, & externos odio prosequi. glossa in l. hi qui. ff. ex quibus caus. maior. & propter odia, quæ cum quibusdam fortè in patria habet, vindicare se vellet. c. penult. vt lite non contesta. suam autem prouinciam declarat Imperator eam esse, in qua aliquis natus est, vel in qua collocauerit larem, id est, domicilium statuerit. l. iij. C. de diuers. offic. lib. 12. l. in lege censoria, vbi dixi. de verbor. signific. Albert. Brunus consil. 71. non potest. in materia feudorum.

Hoc etiam prohibetur constitutione Regia in tit. *des Seneschaux*. art. 7. vnde etiam in aliis officialibus, locumtenētibus perpetuis Regiis in hoc Regno opus est literis derogationis, alioqui reiicietur à Senatu, nisi proprio motu officium datum esset. l. ij. C. de crimi. sacrileg. Et hodie de consuetudine quilibet ferè in sua patria officiū obtinet, vt docet hîc Alberic. & Dec. esset tamen salubre, vt exteri permiscerentur, ne ciues aduenas odio prosequantur. docet Benedict. in repetit. c. Raynutius. in verb. & vxorem. num. 1050. de testam. Colligitur in Germania vnum Præsdatum in duos esse diuisum. de hoc meminit Laz. in Commenta. de Repub. Roma. lib. 2. c. 8.

Item quamuis Bart. & alij in l. ex hoc iure. ff. de iustit. & iure, dicant prouincias esse de iure gentium diuisas, ego tamen tenui gētes ipso iure gentium diuisas, vt ibi probaui, sed prouincias constitutas & factas ab ipsis Romanis, vel à Principibus, & diuisas per istum text. & in l. vnica. C. de metropol. Berit. Scripsi in praxi beneficiar. in titul. de vnione. Et longa latæque est differentia inter gentium diuisionem, & prouinciarum. vt probaui in d. l. ex hoc iure, superius.

Ex hoc text. patet vnā prouinciā in duas diuidi posse, sic & vnus Episcopatus. extra. Saluator. de præbend. in communibus. & idem in parrochia, & præbenda. c. ad audientiam. de eccles. ædific. & c. vacante. de præbend.

Nec requiritur vt prouincia habeat decem ciuitates, & totidem potestates. vt not. in c. scitote. 6. questio. 3. Bart. in extra. qui sint rebelles. in verbo, Lombardiæ, sed hodie inspicitur diuisio ipsius Papæ, seu Principis, & constitutio, ac vulgaris nuncupatio. vt docet l. vnica. & Docto. C. de metropo. Berit. libro vndecimo. & in c. coram. de elect. at Ioan. Fabr. in §. primo. de v. sucap. in Instit. etiam requirit, vt capax sit prouincia, quod duæ fiant, vt dicitur de præbend. in c. exposuisti. & c. vacante. de præbend.

Idem dicendum est, antequam diuidatur sedes Seneschalli, Bailliui, Parlamenti, vel alterius iurisdictionis,

*Diuisa prouincia non est eadem.*

*Prouincia sua quæ dicitur.*

*Præses in forenfi iudicio, depuniendo locumtenentes.*

*Diuisio iurisdictionis propter utilitatē publicam.*



etionis, vt debeat inspicere, quod sufficiat vtrique, & hoc fiat vtilitatis Reipub. gratia, non per pecuniam, aliàs postea cessante pecunia, diuisio cessabit. c. primo. ne sede vacante. scripsi in tracta. de vnion. reuocat. in praxi benefic. Ideò solet inquiri super comodo & incommodo, antequàm diuisio decernatur.

3 Et ista diuisio iurisdictionum, vel prouinciarum non debet fieri sine Principis autoritate. teste Bart. & aliis in d. l. vnica. C. de metropo. Berit. lib. ii.

4 Sic nec prouinciarum vnio, vt ibi, nec Episcopatum, aut Abbatiarum, seu beneficiorum. vt plenè docui in d. praxi benefi. in titul. de vnio. & tit. de reuoca. vnio. vbi alia videri de his poterunt.

## S V M M A R I A.

- 1 Apparitor in patria sua quis esse non prohibetur.
- 2 Forma & officium Curatoris ciuitatis, seu Reip.
- 3 Curatoris operum officium.

LEX VI. PAPINIANVS LIB. I.  
RESPONSORVM.

**I**N consilium Curatoris Reipublicæ vir eiusdem ciuitatis assidere non prohibetur: quia publico salario non fruitur.

**E**T quia ista lex vltima conuenientem habet materiam cum superiori proxima, ob id eam nunc elucidabo. Nam lex tertia permittit, vt quis Assessor sit in illa parte prouinciæ, in qua natus non fuit, quando prouincia fuit diuisa, sic & hæc lex permittit viro eiusdem ciuitatis assidere in consilium Procuratoris Reip. id est, fisci, exponit Accurs. sed idem erit de aliis Curatoribus, & magistratibus, vt firmat Anton. hic.

*Salarium de publico cui debeatur.*

Ratio ponitur in hac lege, Quia publico salario non fruitur, ergo quando quis non habet salarium de publico, potest assidere in consilio curatoris Reip. vel aliud officium in patria habere. Et salarium de publico non debetur cuiquam, nisi à Principe specialiter constituatur. l. vnica. C. de præb. salar. vbi patruus meus Rebus. lib. io. Et ideò apparitor quis non prohibetur esse in patria sua, vel aliud officium obtinere, in quo iurisdicatio non exercetur. Sed istud est parui emolumenti, cum hodie ex consuetudine recipiatur quilibet in sua patria ad officia, & munera, etiam quibus iurisdicatio inest, dummodò aurum offerat, quia hæc memoria aureos facit officiales: tamen ad vitandum infinita mala, quæ ex his provenire possunt, bonum esset vt saltem dimidia pars officialium esset extraneorum.

Sed videndum est, quod statuit Vlpian. in l. moris. in princip. ff. de pœnit. eum postulare non prohiberi apud legatum, vel Procuratorem, cui interdictum est apud tribunal Præsidis, ne postulet. Si tamen apud legatum prohibitus fuerit postulare, credo per consequentias, nec quidem apud Præsidem, relictam illi postulandi facultatem, & sic prohibitus assidere in sua ciuitate cum Præside, non prohibetur apud Curatorem in consilio esse, vt statim dicetur.

Superest nunc scrupulus, quod assidere quis prohibeatur in sua patria, ne odiosus, aut graciosus apud aliquos sit, vt dictum fuit in proxima l. ideò dicit Vacca rationem Papiniani vitiosam, ne dicam iniudam, & malignam, vt verbis utar suis.

Ego verò putarem veram. Nam ratio, cur assidere habentibus iurisdictionem prohibeatur ciuis, est, ne graciosus, aut odiosus sit, sed hic dicit text. In consilium Curatoris Reip. quæ assidere non prohiberi, id est, assidere in consilio cum Curatore Reip. quia assidens in consilio Curatoris ciuitatis, non fruitur publico salario, ergo respublica non grauatur: etiam hic ciuis poterit consulere suæ Reipubl. fortè vtilius, quàm exterius, ob id statuit hic text. ne prohibeatur assidere. & text. iste non simpliciter dicit, vt assidere possit, & sic ius dicere, & alia facere, quæ Assessor, vt in l. prima. suprâ. sed dicit ciuem non prohiberi in consilio Curatoris Reipub. assidere, sicut videmus in ciuitatibus multos habere consiliarios, vt rectè negotia ciuitatum gerantur, & quamuis prohibeatur in l. tertia. suprâ. vt quis officio Assessoris fungatur in sua patria, tamen in consilium ciuitatis vocari potest, quia consiliarij nullo fruuntur publico salario, & sic intelligendo conciliantur diuersæ interpretum sententiæ.

*Ciuis consulat suæ Reip. vtilius, quàm exterius.*

Nam differentia constituitur inter Assessorem illum, qui ius dicenti assidet, vt ille ciuis esse non possit. d. l. tertia. si verò agatur, vt quis assidat in consilio Curatoris Reipublicæ, aut ciuitatis, & hoc potest ciuis, vt hic, quia publico salario non fruitur, sicut alter, qui assidet cum ius dicente. vt in l. sequen.

Sciendum est, vt apud Romanos olim, tria maximè Curatorum genera fuisset. Primus erat, Curator ciuitatis, seu Reipub. cui cura ciuitatis demãdata erat. Formulam istius sic describit Cassiodor. varia. rerum lib. 7. Quamuis per se honorabilis habeatur, qui vel nimiam sollicitudinem ciuitati propriè videtur impendere, & inter suos magna reuerentia perfruatur, qui ciues se amare professus est, tamen indubitatus honor est, qui nostræ electioni cõfertur, quia præditus bonis institutis creditur, cui aliquid Principis autoritate delegatur. Et ideò ab indictione illa, illius ciuitatis curam ad te volumus pertinere, vt laudabiles ordines Curia sapietè gubernes, moderata pretia ab ipsis, quorum interest, facias custodiri: non sit merces in potestate sola vendentiũ, æqualitas grata custodiatur in omnibus, opulentissima siquidem & hinc gratia ciuium colligitur, si pretia sub moderatione seruentur, vt verè Curatoris impleas officium, cum tibi sollicitudo fuerit de vtilitate cunctorum. Consuetudines autem tibi ex nostra autoritate defende, quas in eodem loco tuos constat habuisse maiores. Hæc ille. Per quam formam patet, quale officium habebat hic Reipubl. Curator, & istius meminit Trebel. Pollio in histor. tyranno. familiari ergo sibi furore, cum quadam die cuiusdam seruus Curatoris, qui Alexandriam tunc regebat, militaret, ab hoc cæsus esset, & alibi sapius Historiographi, & Iurisconsulti nostri.

*Curatorum tria genera.*

2

Alius erat Curator, qui ciues Romanos in aliqua ciuitate constitutos, & qui ius Romanæ ciuitatis habebant, moderabatur. authore Laz. in Commenta. Reipub. Roman. lib. tertio. c. xvj. tit. de ciuita. Rom. muneribus. in locum cuius fuerat antea Prætor Urbanus. de quo dixi in tit. de officio Prætor.

Tertium genus Curatorum erat, qui vias ciuitatis, & vias publicas administrabant, & ripas, ac cloacas, quam curam ante constitutum imperium Censores, demum Ædiles habebant. l. Ædiles. ff. de via public. & Liuius lib. primo.



Curator  
Palatij  
quis di-  
scitur.

- Erat & Curator Palatij, qui curam operum & ædificiorum habebat, & vocatur ab Vlpiano Curator operum. l. prima. ff. de oper. public. de quo sic scribit Casiodor. lib. 7. variar. rerum in hac formula.
- 3 Non enim tibi minima cura delegatur, quando animum nostrum fabricandi studio cupidissimum artis tuæ ministerio probaris explere. Nam sicubi aut ciuitatem reficimus, aut castellorum volumus fundare nouitatem, vel si construendi nobis Prætorij amœnitas blandiatur, te ordinante ad oculos perducitur, quod nobis cogitantibus inuenitur; quicquid enim structor parietum, aut sculptor marmorum, aut æris fusor, aut camærum rotator, aut gypsoplastes, aut mensurarius ignorat, te prudenter interrogat; & tam magnus ille fabrilis exercitus ad tuum recurrit iudicium, ne possit aliquid habere confusum. Vide ergo quanta debet nosse, qui tantos instruere possit, &c. Reliqua de multiplici genere Curatorum, tractaui in l. quibus. ff. de verb. signific.

### S V M M A R I A.

- 1 Legato mortuo, pro residuo tempore salarium comitibus illius debetur.
- 2 Ampliatur.
- 3 Officiales, legato mortuo, tenentur residuo tempore seruire, si velint illius temporis mercede gaudere.
- 4 Casus locatori non est imputandus.
- 5 Salarium difficilius repetitur, quam petitur.
- 6 Salarium pro rata temporis tantum in Francia debetur.
- 7 Aduocatis, Procuratoribus & Medicis quando debeat salarium.
- 8 Consuetudo vltima, spectanda.
- 9 Doctor non potest in præiudicium primæ Vniuersitatis, remittere salariū suum vltimæ Vniuersitati.
- 10 Dominium à Principe non potest sine causa auferri.
- 11 Dignitas Imperatoria, Regia, vel Papalis non moritur.
- 12 Legatus voluntariè accipiens successorem sine protestatione, videtur remittere salarium residuum temporis.
- 13 Seneschallus eligens imperitum Locumtenentem, pro eo tenetur.

### LEX IIIII. PAPINIANVS LIB. IIIII. RESPONSORVM.

**D**iem functo legato Cæsaris, salarium comitibus residui temporis, quod legatis præstitutum est, debetur: modo si non postea comites cum aliis eodem tempore fuerint. Diuersum in eo seruatur, qui successorem ante tempus accepit.

Species facti  
Et declaratur.

Ista lex est Papinia. ob id subtilis & difficilis, species facti talis est. Legatus Cæsaris destinatus ad Regem fuit pro vno anno, quo in itinere cum esset, vel dum fungeretur sua legatione, fortè ipse intra sex menses mortuus fuit; quæsitum est, an comitibus illius, qui secuti fuerant eum in legatione debeat salarium residui temporis, quod tempus videlicet anni præstitutum erat legato. Et responderet

Papinia. deberi, dummodò comites illius legati defuncti cum aliis non fuerint, & mercedem ab alio non acceperint.

Sed quæsitum fuit, an salarium obtinere debeat legatus, cui datus est successor ante anni tempus? Et respondet text. non deberi, & diuersum esse, fortè quia ex causa remotus fuit, vt inferiùs dicitur.

Accurs. & ferè alij interpretes legunt præstitutum & exponunt præstadium, tempus pro tempore. Budæ. verò & Alciat. præstitutum, referendo ad tempus præstitutum legatis. id est, præfinitum, & in idem recidit, siue dicatis præstitutum, id est, datum, cōcessum tempus legatis, sed interpretes referebāt relatiuum quod legatis præstitutum est, ad salarium, quod fieri non debet, sed ad tempus, cum relatiuum ad proxima referendum sit, secundum Grammaticos. Hoc etiam docet iste text. ibi, cum aliis eodem tempore fuerint: & sic exceptio declarat huius legis principium.

Primò colligitur ex hoc text. quòd mortuo legato comites, qui legato inseruiebant, debent habere salarium pro tempore, quo conducti erant: hoc tamen videbatur durum, quia mortuo domino soluti sunt famuli, & seruientes à pactis conductionis & promissionis, cum mors omnia soluat. §. deinceps. in authen. de nupt. collat. 4. l. defuncto. ff. de publi. iud. & hinc Bart.

Ratio text. est, quia mors legati non debet esse detrimento comitibus, per quos non stat, quin præstent operas suas, ergo illis non debet imputari. l. in iure. ff. de reg. iur. Nec debet alteri per alterum iniqua conditio inferri. l. si quis in suo. §. fin. C. de inoffic. test. & reg. iur.

Aduertendum est, quòd iste text. non loquitur plus de Assessore, quàm de aliis comitibus legati, quibus solet promitti salarium pro tempore legationis, quod si legatus moriatur, iniquum esset, si salarium non haberent, quia per eos non stat, quin seruiant, etiam si cum alio conducti fuissent, salarium obtinuissent, ergo debet eis nihil imputari. per d. l. in iure. ff. de reg. iur. & Imperator Antoninus cū Diuo Vero rescripsit ad libellum exceptoris in hæc verba. Cum per te non stetisse proponas, quo minus locatas operas Anto Aquilino solueres si eodem anno mercedes ab alio non accepisti, fidem contractus impleri æquum est. Papinia. quoq; lib. 3. Responsorum scripsit; Diem functo legato Cæsaris salarium comitibus residui temporis, modò si non postea comites cum aliis eodem tempore fuerint. l. sed addes. in fin. cum l. seq. ff. loca.

Ideo intelligo istum text. non solum de Assessore, verum & de omnibus, qui comitabatur legatum, vel alium officialem. & tum stipendius, vt præstandum sit illis salarium mortuo legato, vel officiali pro eo tempore, quo officialis & ipsi conducti fuerint, dummodò mercedes ab aliis non acceperint pro isto tempore. Nam Vlpia. scribit ius dici debere non solum ludi magistris, sed & si Comites salarium petant. l. prima. §. ludi quoque. ff. de variis & extraordinar. cognitio. l. abesse. ibi. Et præfectos & comites legatorum. ff. ex quibus caus. maior. vbi comites dicuntur, qui legatum sequuntur, & ministris legatorum à Repub. salarium constituebatur, vnde Hermogen. sic scribit. Eorum, qui Reipub. causa absunt, comites qui sunt intra statutum numerum à tutela, quæ absen

Dubitandi  
ratio.

Ratio deciden-  
dendi.



*absentibus, vel praefecturis delata est, excusantur.* ff. de excusa. tutor. l. administrantes. & idem ius fit Praesidibus, & comitibus, in l. Senatusconsulto. supra. de offic. Praesid.

Et ut haec materia plenius intelligatur, faciam casus seq. primus est in hac lege, quod mortuo legato, vel Praeside, pro residuo tempore debetur salarium comitibus illius.

Etiam si legatus non iuerit ad locum, sed miserit quendam, ut interim tutius accedere posset. l. obseruare. ff. de offic. Proconsul. §. prohibemus. in authen. de collato. collat. 9. alioqui si aliquem non miserit, nec possessionem officij habuerit, non debetur eidem salarium, sed impensa facta pro eundo haeredibus reddi debent, ne ipse, vel eius haeredes in damno remaneant. Bart. & alij hic per l. si pecuniam. ff. de condi. causa data. requiritur enim legatum aliquo seruiuisse tempore. l. qui concubinam. §. v xori. ff. de lega. 3.

*Legato quando non debeat salarium.*

*Quando debeat.*

Sed quando salarium debeat? statim deberi Bal. & Paul. Castrensis affirmant, dummodo ipsi comites caueant se restitutos, si ab alio mercedem acceperint, per istum tex. & in tit. ff. si cui plus quam per legem Falcid. licuerit. Alexand. tamen Ias. & alij dicunt deberi salarium in fine anni. per l. in illa stipulatione si Calendis. ff. de verb. obliga. & commodum medij temporis (quod interusurium interpretes vocant) considerari debet. l. si constante. §. quotiens. ff. solut. matri. maximè quia ex persona haeredum non immutatur obligatio. l. 2. §. ex his. ff. de verbo. oblig. Vnde si viueret legatus, comites non haberent salarium, nisi post operas praestitas, sic nec eo mortuo, & quia regulariter pensio in fine anni debetur. l. æde. vbi Doct. C. loca. l. si eum. §. homo. vbi Bald. si quis cautio.

Ego dicerem conuentionem super hoc inspiciendam, quæ si non appareat, dimidia vel aliqua pars esset in principio soluenda, in fine verò reliquum. per §. ne autem. in authen. de iudicib. colla. 6. vbi gloss. dicit in omnibus procedere iudicibus ordinariis probat Angel & Ias. in §. tripli. de actio. in Inst. scripsi in scholastic. priuileg. 7. & 54.

Nec me mouet d. l. si in lege. §. si domus. ff. loca. vbi statim agere permittit Paul. Sed hoc quando ventum est contra legem locationis, in eum casum locator statim agit, ut videat an conductor habeat iustam causam derelinquendi locationem quo casu non tenebitur nisi ad pensionem debitam. d. §. si domus. ibi, *De his quæ presenti die prestare.* l. si verò non remunerandi. in fin. ff. manda. l. si in lege. §. si domus. loca. l. habitatores. ibidem. si verò iniusta causa fuerit, ad pensiones totius temporis soluendas teneri. Idem Iurisconsultus Paul. docet. in l. dominus. in fi. ibidem. & aliud est in eo, qui deserit culturam, quam in eo, cuius casu conductor non potest seruire.

Ego putarem Principem, qui prouidebat legato, debere prouidere & comitibus eius, ut aliquid eo residuo tempore agant, & sic potest statuere, ut seruiant nouo legato, vel Praesidi, cui si nollent seruire, non habebunt mercedem residui temporis, quia per eos stat. l. in iure. ff. de reg. iur. dicit tamen Alexand. officium esse finitum per mortem legati, quod est verum, ut non teneatur amplius seruire, si non querat mercedem residui temporis, alioqui operas praestabunt, si mercedem illius temporis obtinere velint. Et hoc docent Paul. & Dec. ut Officiales teneantur re-

poris consequi. Sed si ad patriam redire velint, ex fiduo tempore seruire, si velint salarium illius tempore & æquo Princeps prouidere illis debet, ne mendicent, sed ut possint redire cum honore ipsius, & sine ipsorum detrimento, & dare pretium, quo possint pro victu & aliis necessariis, & pro cultu corporis, sibi & personis suis satisfacere, & quod sustinere se possint, sed non habebunt salarium residui temporis, quando petita fuit ab illis opera, & non praestita, secus si nulla est petita.

Sed à quo salarium peti debeat? Respondeo, olim dum populus Roma. promittebat, soluebat salaria legato, vel comitibus eius de publico, eo casu à publico salarii residui temporis praestandum esset. Si autem à Principe legatus fuerit missus, & ei, & singulis comitibus praestabitur salarii ex ærario Principis. Si verò Princeps certam summam promiserit legato tam pro se, quam pro comitibus, tunc haeredes legati conueniendi essent, & qui promisit salarium, & ipsi tenerentur soluere illud, iuxta hanc tradita.

*Salarium à quo petendum.*

Sed qua actione ad salarium petendum, agendum erit? Respondeo, actione ex stipulatu, si promissum sit. l. salarium. iuncta gloss. ff. manda. & l. prima. illo tit. C. vel actione conducti. d. l. sed addes. in fin. cum l. sequent. ff. loca. aut officio iudicis. l. prima. §. ludimagistri. ff. de variis cognitionib. l. salarium. C. manda. & aliis modis, ut per Doctorem. in d. l. prima.

*Actio ad salarium petendum.*

Secundus casus est. salarium promissum pro anno Doctori, vel alteri, si promittens moriatur ante annum, illi debebitur integrum, quia per eum non stat, quod minus locatas operas praestet. l. sed & addes. in fin. ff. locati. Idem in famulo dicunt Doct. nisi merces fuerit conditionaliter promissa, si opera praestarentur, quia eo casu impleri debet conditio, id est, operæ praestari debent. l. ij. C. de condi. ob causam. gloss. in l. si militem. ibidem. Paul. Castrensis in l. ex conducto. §. Cum quidam. ff. loca. Corse. in sing. incipiente, salarium. in 3. plenè Francisc. de Ripa in tract. de peste. vers. venio ad conductores. fol. 19. & sequent. in paruo vol.

*Salarium Doctori promissum, vel famulo.*

Tertius casus, salarium promissum legato, vel Doctori pro vno, vel tribus annis, non debetur haeredibus post mortem, nisi pro rata temporis, quo isti seruierunt. l. j. C. de re milita. lib. 12. l. fin. de domest. & proteet. ibidem. & Corse. in sing. incipien. salarium 3. vbi speciale in domestico dicit, ut debeat etiam pro anno sequenti, etiā speciale est in Aduocatis fiscali. in l. post duos. C. de Aduocat. diuersor. iudic. ne egeni exeant. l. post hanc. §. sexceti. de Aduocat. diuersor. iudic. Ratio est, quia pretium operæ non debetur ante praestitam operam, sed habet conditionem, si praestetur opera. l. interdum. & l. si à colono. ff. de verb. obligat. Et sic non acquiritur pretium antequam praestita opera sit. l. sed & si quis. aliās incipit, adhuc. §. si operas. ff. de usufruct. l. si seruus communis. §. si. de stipulat. seruo. Et actio ex conducto datur solum ad id quod interest. l. ex conducto. ff. loca. Sed non interest haeredibus, postquam conductor non praestitit operas, ergo non petent, etiam si vnica tantum salarii praestatio esset facienda pro vno anno, quia pro rata debebitur ei, quicquid dicat Salicetus in l. si vno. §. cum quidam. & l. sed addes. in fin. ff. loca. alioqui duplici salario quis grauaretur, quod esset iniustum; nec stat per locatorem quod minus ei praestentur

*Haeredibus an salarium debeat.*



tur operæ, sed per casum, qui non debet ipsi imputari. l. ex conducto. §. primo. ff. locat.

*Salarium  
solutum, an  
repeti pos-  
sit.*

Illud tamen salarium, quod solutum antea fuerit, prohibet Diuus Pius repeti, quia non stat per eum, quominus seruiat. l. prima. §. Diuus. ff. de variis cognitio. maximè quia in solutione consensus vtriusq; venit, ob id non repetitur, aliàs grauaretur hæres, sed donare videtur soluens scienter. l. j. ff. de conditio. indeb. l. sed addes. §. si quis. locat. ibidem. Etiam data esse censetur pecunia pro impensis faciendis, & vt ornatio incederet, aut veniret, ob id non poterit repeti: sed si salarium solutum non sit, non petetur, nisi pro rata, quia tam labor quàm pecunia diuisionem recipiunt. l. Seio. ff. de annuis legat. difficilius enim quid repetitur, quàm petatur. l. prima. & l. indebiti. §. sed si nummi. & per totum. ff. de condic. indebit. l. per retentionem. C. de vsur. l. ij. vbi Bald. 3. not. de fideicom. probat l. qui operas. ff. locat.

*Salarium  
integrum  
quado de-  
beatur.*

Limitat Bart. quando salarium esset promissum legato, vel Præsidi intuitu suæ personæ, & comitum, tunc integrum salarium deberetur hæredibus, qui tenerentur ad soluendum salarium residui temporis comitibus, vt hîc, quia casus contingens in persona vnius, non nocere debet alteri. l. eo conducto. §. cum quidam. & l. si quis fundum. §. Imperator. ff. locat. Et licet Lucas de Penna in l. prima. col. ij. C. de primipilo. lib. 12. & Bolog. consil. 17. pro tanto. ac cõmuniter Doctor dicant integrum hæredibus deberi salarium. Forensis tamen vsus Franciæ recepit, vt tantum pro rata petatur, si vltra non intersit, etiam si salarium integrum solutum esset Doctori pro toto anno, vel legato, non repetetur ab hæredibus eius, sicut nec ab hæredibus Aduocati. l. prima. §. Diuus. ff. de variis cognitio. l. post duos. C. de Aduocat. diuersor. iudicio. quia donatū videtur. l. prima. ff. de conditio. indebit. Et non solum datum fuit salarium pro labore, sed etiam pro expensis, & cultu corporis, vt ornatus accederet ad legationē pro æquis, & aliis necessariis, quæ fuerunt exposita ab initio. argumēt. l. si verò non remunerandi. §. si. ff. mandati. l. insulam. in fin. locati. & quod datum est pro sumptibus recipientis faciendis, nō repetitur, si fiant aliqui sumptus, & postea is moriatur. l. legatus antequam. in fin. ff. de legatio. Diuersum est, si in sumptibus faciendis erga alios. vt in l. ij. C. illo tit. lib. 10. Corse. in sing. incipiente. salarium. 3.

Et licet quidā interpretes dicant Aduocato præstandum salarium ab initio, vt Specul. in tit. de salario. §. sequitur. versic. sed quando. & Alexand. hîc. Alij verò in fine, sicut medico, dum saluus factus est ager. l. archiatri. C. de professor. & medic. lib. 10. vbi Bar. & Rebus. Docto. in l. vnica. C. de suffrag. & in c. propter sterilitatem. de loca. Tamen ego conciliarem opiniones sic, vt Aduocatis, Procuratoribus, & Medicis debeatur in initio pars salarij, & deinceps pro rata seruitij præstari debet, vt supra dictum extitit. & Doctor. notant in l. ij. C. locat. & l. salarium. manda. & ita seruat vsus forensis, aliàs nullus esset Aduocatus, nec Medicus, qui expectare salarium vsque ad finem vellet, & processus postea habere contra hæredes, vel eos, qui supersunt. Vide quæ scripsi in scholastico priuileg. 7. & gloss. vlt. in cap. magna. de poenitent. dist. j.

Quartus casus, salarium incertum promissum Assessori, vel alteri, intelligi debet de consueto, & so-

lito. l. licet. C. loca. vbi Bald. & Angel. quia in dubio videtur contractum secundum consuetudinem. l. vel vniuersorum. ff. de pigno. actio. l. quod si nolit. §. qui assidua de ædilit. edicto. & de Doctore, vt intel ligatur conductus secundum consuetudinem studij. Bart. docet in l. nemo. ff. de duob. reis c. cum M. vbi Panorm. & alij. de constit.

Et si varia consuetudo fuerit, quia vno tempore plus salarij datum fuit aliquibus, aliis verò minus, tunc intelligitur de consuetudine vltima. l. Mela. ff. de aliment. & cibar. leg. vbi Bar. & Bal. in l. binos. in fi. ff. de Aduoca. diuerso. iudicio. l. si mater. C. ne de statu defunct. l. penul. §. vxor. solut. mat. facit c. cum de beneficio. vbi Docto. de præben. lib. 6.

Si verò non appareat de consuetudine, tunc arbitrio boni viri debetur pro qualitate personæ. Bart. in l. prima. §. sed & si comites. ff. de variis cognit. l. ij. de re iudic. Et cum his poterunt alij ferè casus completi.

Modò si non postea. ] Colligunt ex hoc tex. interpretes limitationem ad prædicta, vt salarium non debeatur mortuo legato eius comitibus, videlicet Assessori, vel aliis, quando ipsi cum aliis fuerunt, vel mercedem ab aliis acceperunt, vnde si locauerint operas suas nouo legato, non debetur duplex salarium, quia bona fides non patitur, vt bis idem exigatur. vt ait regul. iur. Et quamuis iste text. in plurali loquatur, si cum aliis non fuerint, tamē idem erit, si cum alio. vt docet Vlpian. in l. iij. §. negotia sic accipere debemus. siue vnū, siue plura. ff. de nego. gest. Et sufficit semel recepisse, vel recipere posse, sed si non tantam mercedem habuit à secundo, quanta erat promissa à primo, poterit agere ad residuum contra primum, quia in hoc sua interest, & satis fuit releuasse primum in eo, quod potuit. arg. l. prædia. ff. de actio empti. l. prima. de vi bonor. raptor. l. dominus. in fi. loca.

Imò etiam si aliò se transfulerit Doctor in vno loco conductus, debet haberi ratio harum impensarum, si illas impensas ex suo fecerit. vt Fulgos. Alex. nd. & Ias. hîc scribunt.

Idem docet Accurs. si potuit mercedem ab alio accipere, & non accepit, vt illa debeat computari ei: nam paria sunt, habere, vel per eum stare quominus habeat. l. quod te. ff. si cert. petat. l. Labeo scribit, si mihi bibliothecam. de contrahend. emptio. Et quamuis præcisè quis non cogatur locare operas, tamen si mercedem accipere velit, tenetur, nec mutat obligationem, sed si par salarium detur, exinguitur prima obligatio, alioqui daretur materia subtrahendi pecuniam alterius sine labore. Et Doctor, vel alius cõductus ad triennium, sterteret in lecto cum vxore sua, nihil eo tempore agens, quod non est permitendum. Ideo mortuo domino debet curare famulus, vt aliū dominū habeat, aliàs imputari sibi debet, si ab alio vocatus seruire ei recusauit. Et ista est communis interpretū sententia. Imò fortius, si Doctor legerit in alia Vniuersitate, & remiserit illud salarium vltimæ Vniuersitati, dicerem non posse à prima petere, quia cū aliis fuit, vt dicit iste tex. & non potest in præiudiciū primæ Vniuersitatis remittere. l. si pignore. ff. de furt. Et habebat actionē contra illā, antè quàm remisisset, ergo & salariū habuisse videtur. l. qui actionem. ff. de reg. iur. aliàs daretur materia calumniandi, & consequendi duplex salarium.

Colli

*Consuetudo  
consideratur.*

*Expensa  
Doctori a-  
liò se trans-  
ferenti re-  
stituenda.*



Colligunt etiam mortuo locatore, & domino, assessorem & omnes officiales liberatos esse, à seruitio eis imposito; adeò vt non sint obligati seruire etiam nouo legato, subrogato in locum primi, morte enim seruitium extinctum est. l. eius. ff. si certum petat. l. eius. ff. de curator. furios. l. defuncto. de publ. iudic.

Princeps  
habet in  
Francia per  
petua offi-  
cia.

Limitatur in Principibus, qui perpetua regulariter habent officia, nec illa mutare solet successor, saltem in Francia, & ita semper fuit obseruatum, adeò quòd minimè mutanda sunt, quæ semper certam interpretationem habuerunt. l. minimè. ff. de legib.

Sæpius fui interrogatus, an Princeps possit consiliarios, & alios suos officiales sine causa reuocare, & visum fuit mihi non posse. probat text. in c. primo. de natura feud. vbi Princeps non potest sine culpa vassallum suum priuare feudo. c. vnico. quibus modis feud. amittatur.

Præterea quod nostrum est, sine facto nostro ad alium transferri, iura non patitur. l. quod nostrum. ff. de regul. iur. Sed iurisdictio ordinaria, quam Princeps concedit, est propria illi, cui est concessa. l. prima. l. & si prætor. supra. tit. l. proximo. l. more. cum l. seq. ff. de iurisd. omn. iudic. ergo illud proprium ab illis auferri non potest.

10 Nam Princeps dominium nō potest auferre sine causa, cum sit de iure gentium. l. ex hoc iure. ff. de iusti. & iure l. ij. vbi gloss. & Doctor. C. de precib. Imperato. offerend. aliàs veniret contra rationem naturalem, quæ inter omnes gentes constituit hoc ius. §. ius autem ciuile. Institut. de iure natura.

Iurisdictio  
nō princeps  
auferre nō  
potest.

Item iurisdictio & dominium æquiparantur. in l. qui furere. ff. de statu homi. Bald. in l. si abducta. C. de fur. non potest Princeps auferre dominium, ergo nec iurisditionem: nec potest Princeps contra naturam statuere. §. sed naturalia. de iure natur. in Instit. At natura nō priuat furiosum, aut cæcum suo magistratu, d. l. qui furere. ff. de statu homi. l. cæcus. de iud. multò minùs poterit Princeps.

Adhuc videtur Princeps contrahere cum suo subdito, cui officium concedit, vt amplius eum non destituat, & contractus ligat Principem. c. primo. de proba. l. Princeps. vbi Bal. ff. de legib. Si autem præficiat in consiliarium quendam Aduocatum famosum, qui plus fortè lucrabatur in eo officio, quàm in officio consiliarij, sed illud munus accipit. zelo iustitiæ, & vt prouideat ex nominatione suis filiis, si liberum esset Principi remouere illud officium, esset eum necare, & decipere, quod nō potest iustus Princeps, is autem Aduocatus fortè reliquit pensiones, quas habebat, & alia quæ recuperare nunc non potest, ergo si hoc Princeps faceret, homines necaret. l. necare. ff. de liberis agnosc. quod etiam est prohibitum Principi per præceptum negatiuum, Non occides, nisi iustitiæ autoritate & iuris.

Præterea olim apud Romanos erant officiales temporales, & perpetui. vt est apud Lamprid. Cornel. & alios. probat l. principalibus. cum l. seq. ff. de rebus creditis. Perpetui igitur dicebantur, quia non reuocabantur, sed perpetuò erant in suo munere, alioqui non esset differentia inter perpetuos & temporales.

Et si licet reuocare temporales, ergo non perpetuos à contrario. l. cum prætor. ff. de iud. l. in honorariis. ff. de actio. & obligat. & in tit. de perpetuis & tempor. actio. in Instit. Item quadam contumelia

afficitur, qui remouetur sine causa. l. litigatores. ff. de arbitr. quam iniuriam pater populi filiis, id est, populo, inferre non debet, alioqui patris officio non fungitur.

Et si licitum esset Principi reuocare pro libito suos magistratus, aliqui exemplo illorum deterri non inuenirentur, qui id munus subire vellent, vel non facilè. c. primo. de cleric. agro. & sic oporteret solum Principem omnia negotia per se gerere.

Imò, si Princeps ad beneplacitum suum aliquos præficeret, eos reuocare non posset. text. not. in l. iurisperitos. ff. de excusa. tutor. ibi, *quoniam circa latus eorum agerent, & honor delatus finem certi temporis, ac loci non haberet.* & ibi Bal. hoc expressè firmat: quia, placet, ibi arbitrium boni viri importat, scilicet si iusta causa interuenerit, & quamuis denotaret liberum arbitrium, tamen iniustitiam nō posset per hoc facere. vt Bart. plenè explicat in extrauagan. ad reprimendum, in verbo, videbitur. & las. in l. si sic. ff. de lega. primo. & quando Princeps prius se nominauerit Imperatorem, vel Regem, & postea dicit, *concedimus ad beneplacitum nostrum*, intelligitur de Regio beneplacito, & sic de perpetuo, cum Regia dignitas, vel Imperatoria non moriatur, sicut nec Papalis. c. si gratiosa. de rescriptis. libr. 6.

Inconstantia maximè in Principe reprobanda est. l. in causa. ff. de procur. clem. vnica, de renūtia. Principi enim conuenit illud, quod habetur in Euangelio, quod scripsi, scripsi. Et in hoc maximè reprehensus fuit Bonifac. qui gratias de manè concedebat, & in vespertis reuocabat. Doctor. in c. penult. & vlti. de concessio. præben. in 6. Ideò non debet mutare Princeps voluntatē suam in alterius detrimentum. l. nemo. ff. de reg. iur. & in camera cōputo. ordinationes à Rege Fræciæ, editæ sunt à Carolo viii. quæ prohibent reuocationes officiorum, etiam datorum ad beneplacitum, nisi in tribus casibus, videlicet, in casu mortis, renūtiationis, & delicti inducentis priuationē, alibi fortè fusiùs dicetur. docet Francisc. Marc. in decis. 19. in 2. parte.

Idem dicendum est, vt per mortem Principis non reuocentur officiales Principum, nec iurisdictio ordinaria. c. relatum. & c. gratum. vbi Doctor. de offic. delega. l. eius qui. vbi Bart. & Doctor. ff. si cert. petat. gloss. & Doctor. in l. & quia. de iurisd. omn. iudic.

Etiam nō potest successor Principis reuocare, & destituere officiales, quos prædecessor præfecit, sicut nec feuda, vel dominia rei, vt supra probaui. per c. primum. de natura feud. quia debet approbare facta per prædecessorem, quæ detrimentum non afferunt Reipub. Bald. in l. prima. ff. de constit. Princip. c. primo. de proba. nec fortius ius habere debet successor, quàm defunctus habebat. l. heredem. ff. de reg. iur. scripsi plenè in præfatio. ad tit. de collatio. in Concord. Fræciæ. ne plura. An successor possit pecuniam exigere pro confirmatione officiorum, alibi plenè probaui non posse, cum eos nō possit destituere, ergo non requiritur confirmatio, sed si fiat, gratis est concedenda.

Diuersum in eo seruatur qui successorrem, &c. ] Ex hoc text. colligitur legatum non posse recipere, nec petere salarium ex eo tempore, quo alius legatus in eius locum successus fuit, & sic ista vltima pars debet intelligi de legato, non in comitibus. Nam dicit, diuersum in eo, non autem, in his,

Successor  
nō pot pecu-  
niā exige-  
re pro con-  
firmatione  
officiorum.



in his, & ita intelligitur, quod salarium nullo modo debetur legato, cui successor datus est, sed de comitibus nullum verbum, nec de assessoribus, quicquid hic iacent interpretes: attamen ut hæc materia breui comprehendatur, conclusiones sequi statuam.

12. Prima est, legatus accepit voluntarie successorem, non debetur illi salarium, quia videtur remittere illud, accipiendo successorem sine protestatione, sicut qui recipit pecuniam ex sententia debitam sine expensis, ut eas remittere videatur. l. iij. C. de pos. & ne duplex salarium pro vna causa debeat.

Sed quid in comitibus, an illis salarium hoc casu debeat? Et deberi non dubito, quia pereos non stat, quominus seruiant, & non potest legatus in præiudicium comitum successorem accipere, aliàs esset in legati potestate priuare suos officiales salario, recipiendo successorem ante tempus, & daretur illi materia delinquendi, & priuandi suis stipendiis comites, contra l. conuenire. ff. de pact. dot. l. Ideo iste text. dicit diuersum in eo, videlicet legato, sed non in comitibus, nec dicit, in his, quod dixisset si voluisset istos comprehendere: tamen si ipsi comites reciperent alios in locum illorum, vel paterentur, ut alij in eorum locum sufficerentur, ipsi non possent postea salarium petere dictante eadem ratione.

*Legatus  
sua culpa  
remotus.*

Secunda conclusio est, quando legatus sua culpa remotus est, non debetur ei salarium, ergo diuersum est in eo, quam in comitibus, quibus etiam salarium debetur, poena enim suos debet tenere authores, non alios. l. sancimus. C. de poenis. c. ij. de his quæ fiunt à maiori parte capituli.

Item perdit salarium à die remotionis per sententiam, non ipso iure. Nam quandiu est toleratus, debet salarium obtinere. l. Barbarius. supra. de offic. prætor. Petrus Bellaper. & Ias. hic. Et consiliarius vel iudex accusatus debet habere sua stipendia, quousque priuatur, quia talis est, donec officio sit exutus. c. degradatio. vbi Doct. de poenis. lib. 6.

*Officialis  
ex fraude  
remotus.*

Etiam perdit salarium futuri temporis, non præteriti, nec enim corrumpi, aut mutari potest, quod rectè transactum est superueniente delicto. l. ij. ff. de itinere. nisi illud per sententiam quoque confiscaretur. Bart. in l. Mauius. in Princip. ff. de annuis legat. Officialis tamen ad exigendas collectas ascriptus, & ad pecunias publicas, si remoueat ex fraude, perdit etiam salarium præteriti temporis. l. iudices. vbi Bart. & patruus meus Rebus. C. de anno. & tribut. lib. 10. l. si. de vestib. holober. lib. 11. l. ædem. C. locati. Bald. idem dicit in famulo, qui recedit à domino suo, tempore importuno, & in quo valde interest domini, ut salarium etiam præteriti temporis, mittere debeat. l. item si vno. §. item cum quidam. vbi Bart. ff. locat. Et hoc nisi famulus dominum prius monuerit. Ex æquitate tamen aliquid dandum esset ei, & arbitrio iudicis moderandum, si iustam habebat famulus causam discédendi, secus si nullam, teste Aufrer. in decis. Tholosæ. quæst. 248.

*Famulus  
tempore im-  
portuno re-  
cedens à do-  
mino.*

*Famulus  
aeger.*

Sed si famulus aeger fuerit, salarium etiam habebit tempore infirmitatis, dummodò postea tanto tempore seruiat, quando conualuerit. l. arboribus. §. de illo. ff. de usufr. Bal. in l. si. C. de condi. insert. alioqui nullum. Bart. in l. opere testamento. ff. de usufr. Doctor. in c. propter. de loca.

Nec refragatur quod culpa comitum hoc accidisse censetur, ut Doct. hic tradunt, quod si proba-

retur, etiam ipsi priuandi essent, sed si culpa tantum legati probata sit, comitibus non debet legati delictum adscribi, ideo salarium illis debetur. l. ij. ff. quod quisque iur. ut infra dicitur.

*Legati de-  
lictum.*

Tertia conclusio, quando Princeps sua voluntate alium præfecit legato, vel utilitatis suæ causa ante tempus, tunc debetur & legato salarium, & comitibus, quia Princeps non debet in præiudicium legati, illum remouere. l. ij. §. meritò. ff. ne quid in loco. ut dictum fuit. Et factum Principis non deberet nocere tertio. l. Lucius. ff. de cuius. l. nec auus. C. de emancip. liber. l. ex facto. ff. de vulga. & solebat Alexand. Seuer. si vnquam alicui præsentium successorem dedit, dicere, Gratias tibi agit Respub. cuique muneratus est ita, ut priuatus pro loco suo posset honestè viuere, &c.

Nisi cum aliis fuerint, & parem mercedem ab aliis acceperint, tunc non tenebitur Princeps ad aliud salarium. Sed si Doctor conductus Auenione, ob pestem legerit Valentia, si paria stipendia non habuerit, potest id quod interit ab Auenione petere. l. si in lege. §. domus. & l. dominus horreorum. in fin. ff. loca. & sufficit quod indemnitas seruetur. l. iij. in fin. quod certo loco. æquitas autem non dicitur, quod duplex salarium exigat. idem tenet Ioan. de Ripa in tracta. de peste. versic. sed hic quæret. num. 96.

*Doctor con-  
ductus Aue-  
nionem, legi-  
bus Valentia.*


Quarta conclusio est, si culpa comitum ante tempus destitutus est legatus, & comites, non debetur salarium ipsi, nec quidem comitibus, ut omnes puniantur, in quo deliquerunt. l. si merces. §. culpa. ff. loca. l. penult. solut. matr. Bart. hic.

*Legatus  
culpa comi-  
tum desti-  
tutus.*

Quinta conclusio, quando culpa tantum comitum successor datus fuit legato, tunc comites salarium perdere debent, sed ipse legatus culpam aliorum prægrauari, vel puniri non debet. Et sic salarium pro residuo tempore obtinere debet. l. si quis in suo. in fin. C. de inof. testa. Et culpa adscribitur assessoribus, licet ipsi nomine potestatis sententiam proferant. allegatur l. prima. vbi Ange. C. de his qui latro. occulta. Paris Putea. in verbo, assessor. tract. de syndica.

Notandum est Seneschallum vel alium magistratum teneri pro suo locumtenente, & assessore, quando elegit imperitum, secus si Rex illum elegerit. facit l. si Procuratorem. §. si tutores. ff. manda. Paris Putea. in tracta. syndica. in vers. assessor.

## LEX V. PAVLVS LIB. I. SENTENTIARVM.



Consiliariis eo tempore, quo assident, negotia tractare in suum quidam auditorium nullo modo concessum est: in alienum autem non prohibentur.

**A** Ccurf. & alij istum text. intelligunt tractare tanquam Aduocatus, ut non liceat Assessori fungi Aduocati officio, tempore quo est Assessor, & in eodem auditorio, in alieno sic: quidam asserunt hodie etiam in alieno auditorio non licere. per l. si. ff. de assessor. sed Dec. dicit illam l. loqui de Aduocatis Roma. quorum erat certus numerus, ut nunc est Aduocatorum Consistorialium, & scio seruari in Forensi iudicio in Castelletto, ut Consiliarij ibi præfecti in

*Forensis  
usus in Ca-  
stelletto.*



in eodem etiam auditorio postulent, & Aduocati officio fungantur, & in aliis auditoriis, si vellent, quia non habent iusta stipendia, & quando iudicatur illa causa, in qua fuit ille Aduocatus, ipse consiliarius egreditur à consilio, & alij iudicant.

*Negotium  
quomodo  
accipien-  
dum sit.*

Et quamuis negotium generaliter accipiat pro eo, quod agitur, siue in contractibus, siue in iudiciis & causis: c. forus. de verb. signif. tamen hîc accipitur pro actibus, qui circa lites sunt, vt statim dicitur inferius. Deci. verò intelligit tractare generaliter, vt in c. ij. de iud. videlicet vt assessor nō possit tractare negotia, id est, consulere propriis negotiis, & in illis iudicare. l. qui iurisdictioni. ff. de iuris. omn. iud. & consiliarius in causa, in qua agitur de suo interesse, assidere non potest, vt docet Anto. Butr. in c. irrefragabili. §. cæterum. de offic. ordi. hoc est verum, sed non congruunt isti intellectus verbis text.

Quidam intelligebant legendo in principio legis, consiliarij, prout est in Pandect. Florent. quod eo tempore, quo assident & iudicant consiliarij, non licet assessori tractare & iudicare in suo auditorio causas, in alieno autem auditorio, quàm consiliariorum, licebit assidere, & tractare causas etiam eo tempore quo assident consiliarij.

Et sic colligitur ex isto text. nō licere eodem tempore assessori iudicare in suo auditorio, quo consiliarij assident, ne impediatur confusione causarum expeditiones, & quia cessante causa cessat effectus. l. quod dictum. ff. de pact. cap. cum cessante. de appella. cessat causa, quando consiliarij assident, vt assessor iudicet, & consulat, ac causas tractet, ergo ipse assessor iudicare, consulere, ac tractare in suo auditorio non poterit. Nam adueniente Principe cessat magistratus, sic & consiliariis assidentibus, & causas tractantibus, cessabit assessor. Iste intellectus est valde alienus à vero sensu.

Ideo ego sic istum intelligerem text. videlicet non

esse concessum aliquo modo tractare negotia consiliarij in suo auditorio, eo tempore quo ipse assidet: quia quando ipse assidet, est ibi iudex, ideo non licet eo tempore, quo iudex est, tractare, nec decidere negotia ipsius consiliarij: quia ibi ipse esset & iudex & pars, quod esse nō potest. d. l. qui iurisdictioni. in alieno auditorio, vbi non assidet, tractari causæ consiliarij poterunt. Alienum ergo vocat, vbi nō præst, nec iudicat, nec consulit, ob id in alieno auditorio ipse nō consulit, nec iudicabit, faueréque ei iudices non poterunt, sicut in proprio auditorio. vt in tit. C. ne quis in sua causa iudicet.

*Alienū au-  
ditorium,  
quod nā vo-  
cetur.*

Et sic in praxi notāndus erit iste text. in Parliamentis, in quibus eo tempore, quo agitantur consiliariorum causæ, ipsi descendunt de tribunali, & in locis Aduocatorum se locant, & iuxta suum Aduocatum esse solent, vt non assideant in auditorio, in quo suæ tractantur causæ, quibus finitis reuertuntur ad pristinum locum, & sedem solitam obtinent. Idem in Episcopis, & aliis, qui in Curiis supremis sedem habere solent: tamen Modesti. Consiliarios & Senatores nominat, quia multi sunt Consiliarij, qui Senatores vocari nō possunt, vt Cōsiliarij inferiorum Curiarum, sed tantum illi, qui in Curiis supremis resident. l. & qui non sunt. ff. de tutor. & cura. dat. ab his. l. vnica. de offic. præfect. Præto. supra.

*Praxis in  
cōsiliario-  
rum causis  
agitandis.*


Et sic eo tempore, quo quis est iudex temporarius sicut olim erat assessor, non debent decidi, nec tractari causæ ipsius assessorum, vel iudicis. Duo ergo requiruntur in hoc text. primum est, vt quis sit iudex, assessor, vel aliàs præsit auditorio, secundum quod causa tractetur tempore, quo est iudex, ergo finito officio causa poterit ibi tractari, vbi fuit assessor, vel iudex, quia amplius non est suum auditorium, nec eo tempore iudicatur quo assidet, & sic planus erit sensus huius legis.

*Finis primi libri Digest.*

P. Rebuffi Lectura.

R









D. PETRI REBUFFI  
COMMENTARIORVM  
AD IVS CIVILE,  
PARS SECVNDA.

DIGESTORVM LIBER SECVNDVS.

*De Iurisdictione omnium Iudicum,*

TITVLVS I.



VPERTIORE libro tra-  
ctatum fuit sigillatim  
de officio plurimorū  
magistratuum, verū  
quia in immensum se  
extenderet materia, si  
singula Romano ma-  
gistratuū officia spe-  
ciatim tractarētur, id-  
eō hīc adiecit genera-

lem titulum, videlicet de iurisdictione omnium iu-  
dicum, tam ordinariorū quā delegatorum. Nam  
Vlpia. ait non esse nouum, vt lex specialiter quibus-  
dam enumeratis, generale subiiciat verbum, quō  
specialia complectantur. l. si seruus seruū. §. inquit  
lex. ff. ad legem Aquil. Doctor. in Rub. de reg. iur. si-  
mile dicit esse Bart. C. communia vtriusq; iud. com-  
munia de legat. communia de successio. communia  
de manumissio. communia de vsucapio. & ff. com-  
munia prædior. & in alijs titulis similibus.

Consyderate, cum in primo libro tota iurisdic-  
tionis materia tractata sit, nunquid congruentius fuisset  
istum titulum in fine, illius libri locari, & demū ma-  
teria iurisdictionum finita secundū exordiri librum,  
& sic iurisdictionis magistratuum officia non essent  
separata, sed conclusa fuissent in eo primo libro: at-  
tamen sic visum fuit Triboniano.

Item, quod in superioribus titulis dixit de officio,  
hīc dicit de iurisdictione. & in l. prima. cum dixit  
officium, nempe intelligit quod data iurisdictione  
alicui, officium ad eum totum, iuris dicendi, tran-  
seat. l. prima. §. damus. ff. de suspect. tutor.

Præterea iurisdic-  
tio in rub. generaliter capitur, vt  
& merum imperium comprehendat. constat in l.  
imperium. infra eodem. vbi fusiū dicitur. vnde hīc  
tractatur de potestate, iurisdictione, ac officio om-  
nium iudicum. facit text. in §. iusiurandum. in fin. in  
authen. de defenso. ciuita. colla. 3.

Et sic iurisdic-  
tio consistit in officio iuris dicendi,  
d. §. damus. ipse iuridicus dicitur. l. vnica. supra. de  
offic. iurid. & ius dicens. l. prima. infra eodem. Et iu-

risdic-  
tio continet officium, dicendi ius. vt l. prima.  
infra eod. quomodo accipiat vide, in l. si quis.  
infra eodem.

Iurisdic-  
tio duplex est, ordinaria & delegata. Or-  
dinaria est, quæ iure suo, non alieno exercetur. l. j. in  
fin. ff. de offi. eius. Delegata autem alieno nomine, &  
fungitur delegatus vice eius, cuius nomine ius dicit.  
l. ij. & iij. ibidem. ac l. more. & l. solet. infra eodem.  
aliter definit Specul. in hoc titul. in princip.

De voluntaria & necessaria iurisdictione dictum  
fuit in l. j. & ij. supra de offi. Proconsul. Bald. in l. j. in  
repet. C. de emancipa. liberor.

Appellatio-  
ne iurisdictionis venit tam ordinaria,  
quā delegata, vt in hac rubrica constat, vbi de iu-  
risdictione dicit, & postea tractatur in l. more. cum  
sequent. & in l. solet. ac l. Prætor. de iurisdictione  
delegata, in hoc tit. & genus comprehendit suas spe-  
cies, vt Dialectici firmant, & interpretes.

Quod limitatur pro materia. Nam in titulo de  
offi. eius, si loquamur de iurisdictione, in dubio lo-  
quemur de delegata secundū naturam tituli. l. ius  
emphyteutici. ff. de in diem addict. Et hoc poterit  
intelligi ex re, id est, secundū materiam subiectam,  
vt docet Iuriconsultus. in l. sæpe. ff. de verb. signific.  
vbi scripsi.

Adhuc in hac rubrica est dictio Iudicum, quæ  
generaliter accipitur hīc, pro quolibet magistra-  
tu ius dicente, id est, iudicante. §. iusiurandum. in  
authen. de defenso. ciuit. colla. 3. Nam dicitur iudex  
quasi ius dicens. l. j. inf. eodem. l. vnica, si quis ius di-  
centi non obtempera. c. forus. de verb. signific. & ma-  
ximè propter dictionem omnium iudicum: qui  
totū dicit, nihil excludit. l. a Procuratore. C. de Pro-  
cura. l. Iulianus. ff. de legat. iij. sed in Pandect. Floren.  
titul. iste inscribitur de iurisdictione, & additum est  
omnium iudicum, sed hoc non vitiat. l. testa-  
mentum. C. de testa. siue sit ordinarius, siue delega-  
tus. l. more. & l. eum qui. infra eodem. l. quotiens. C.  
de iudic.

Notandum est in iudice requiri, primò, bonita-  
tem, quam prius experituit Dauid tanquam præci-  
puam, sic inquit: Bonitatē, disciplinam, & sciētiam  
doce me Domine: idē in iudice requiritur bonitas,  
vt in iure vir bonus vocari soleat. l. continuus. §. cum  
ita. ibi, Et magis est, vt totam rem ad iudicem, id est, ad  
P. Rebuffi Lectura.

*Iurisdic-  
tio nis appella-  
tio.*

*Requisita  
in iudice.*

*Iurisdic-  
tio com-  
prehen-  
dit & me-  
rum impe-  
rium.*



virum bonum remittamus. ff. de verb. oblig. l. vir bonus. iudic. solui. l. sed & si vnus. §. Prætor ait. de iniur. Iudicis ergo nomen habere non meretur hæreticus, malignus, vindicta & dolis instructus. §. si filiusfamilias. ff. de iudic.

Scientia iuris in iudice necessaria.

Secundò, requiritur scientia in iudice, videlicet iuris. l. j. ff. de offic. Assessor. & quamuis magistratus fieri posset, utpote Seneschallus, & præfici rei militari, qui in illa arte est experies. l. certi iuris. de iud. ta men ad dicendum ius nullus præfici debet, nisi iuris sit peritus. l. si. ff. de variis cognit. §. primo. de obligat. quæ ex quasi del. to. nasc. nempe, quomodo ius dicere poterit, qui iuris ignarus est, etiam si Plauti peritiam, Terentij, & aliorum Poëtarum calleat? Nam quamuis exempla à Valerio, & aliis cõgesta habeat, Iurisconsulti non exemplis, sed iuribus iudicant. l. nemo. C. de senten. & interloc. omn. iud. Ideò toto errant cælo quidã iuuenes, qui potiùs Ciceronis, vel alterius Rhetoris sententiam inducunt, quàm Iurisconsultorum, cum ille Grammaticus, vel Rhetor necessitatem iudicandi non habeat, sicut Iurisconsultorum & Imperatorũ statuta; quemadmodum si quis Galenũ ad decidendum causas adducere veller.

Tertio, diligens esse debet iudex, alioqui punitur ex negligentia. l. Diuus. vbi dixi. ff. de offic. Præsidi. l. iustissimos. C. de offic. Rector prouinc.

Quartò, iustissimus & vigilantissimus. d. l. Iustissimos & vigilantissimos iudices publicis acclamationibus collaudandi damus omnibus facultatem. C. de offic. Rect. prouin. ut vnicuique reddat, quod suum est. l. iustitia. ff. de iusti. & iur. & in Institut. illo titul.

Eloquẽtia in iudice.

Quintò, eloquens esse debet. authent. apud eloquentissimum aliquem iudicem. C. de fide instru. alioqui, quam clamoris vocẽ daturus est iudex mutus. c. sit rector. 43. distin. Vnde in Præsidibus supremarum Curiarum maximè attendi debet eloquentia, ut ab omnibus sermo eius intelligatur, & nõ parieribus, & sibi tantum loquatur: & idem in Aduocatis, & maximè Regiis, ut scripsi in Ordi. Reg.

Sextò requiritur prudentia, & constãtia, ut Callistrat. scribit: *Sed & in cognoscendo, neque excescere aduersus eos, quos malos putat, neque precibus calamitosorum illacrymari oportet, id enim non constantis & recti iudicis, cuius animi motum vultus detegit.* l. obseruandum. ff. de offic. Præsidi. Et ideò stulti, stolidi ac inconstantes iudices reici ab officio iudicandi debent. l. si. C. de fideicomiss. liberta. & Bal. in l. j. C. de senten. ex libel. recit. ait, iudices duas clauas obtinere debere, videlicet sapietia & cõsciẽtia. Alia requisita scripsi in verb. summas. in proœ. Concordat.

#### S V M M A R I A.

- 1 Iudex furioso, etiam inuito, tutorem dare potest.
- 2 Eidem etiam Aduocatum ultro, si nemo sit qui petat, dare debebit.
- 3 Iudex in regno Francie suum officium, nemine petente, perraro impertitur, & quare.
- 4 Officium iudicis post sententiam etiam in executione interponitur.
- 5 Quantum valeat in bonæ fidei iudiciis.
- 6 Iudex de negligentia sua tenetur, etiam parte non requirente.
- 7 Appellari potest à iudice, denegante cautionem de dolo.

8 Actio & persecutio præscribi possunt.

9 Agnitione sola rumpitur testamentum.

10 Domo concessa, in qua exigitur vectigal, ius exigendi vectigal non censetur concessum.

#### LEX I. VLPIANVS LIB. I. REGVLARVM.



Vs dicentis officium latissimum est. Nam & bonorum possessiõnem dare potest, & in possessiõnem mittere, pupillis non habentibus tutores constituere, iudices litigantibus dare.

Q Via in rub. ponitur de iurisdictione om. iudic. hîc declarat Iurisconsul. iurisdictionem illam consistere in officio iudicis, videlicet, ut iudex illam iurisdictionem exerceat, quando opus erit: nec ponitur hîc definitio iurisdictionis, ut quidam putant, sed loquitur text. de officio iudicis, nõ de iurisdictione. ut in l. ij. infra.

Officium iudicis dicitur onus illud iurisdictionis exercendæ, quod iudici datum est ratione magistratus, ideò omnia, quæ causa magistratus, & ut iudex facere tenetur, hoc in officio suo continetur, & vocatur officium iudicis. Nam illud minus mouet illum ad faciendum ea, quæ sibi incumbunt, & ad reddendum ius vnicuique. l. ij. C. de delator. lib. ro. etiam in criminibus. l. si quis. in fin. ff. ad Turpilia. & sic officium iudicis, ut partibus ius dicat, consistit.

Iudicis officium quidam dicunt.

Etiam quod in rubr. dicitur Iudicum, hîc, ius dicentis. Nam iudex dicitur, quasi ius dicẽs. c. forus. de verb. signif. Et vult intelligere de iudice exercente iurisdictionem. Nam si iudex illam non exerceret, & sic ius non diceret, officium illius non esset latissimum, sed angustissimum, nec diceretur ius dicens: & officium propriè iudicis est, cum ius dicit, non quando est in lecto. ut in titul. si quis ius dicen. non obtempera. & l. ij. de in ius vocand. l. nõ possunt. in fin. supra. de legib. Ideò hîc Iurisconsultus vult explicare, quod sit iudicis cuiuslibet, reddentis ius, officium, nõ autem iudicis nihil agentis, & dicit esse latissimum, & postea exempla ponit, in quo consistat, quia etiam & in aliis quibuscunque consistit. Nam exempla in text. conscripta non restringunt regulam. l. nam quod liquidè. ff. de penu legat. & ius dicere quidem dicunt fusiùs patere, quàm iudicare. Nam iudex ius dicit, siue decretum interponat, siue in interlocutoriis, siue in definitiuis, vel alio modo iustè aliquid faciat, etiã extra iudiciũ, sed iudicat in iudicio, & quando sententiam decernit. l. voluit. in fin. ff. de interrogat. actio. Sed dicerem parum differre ista duo, & dictionem, vel, pro & assumi posse, ibi. & in rub. C. ne quis in sua causa iudicet, vel ius dicat. probatur in l. sape. ff. de verbo. significat.

Et hîc non solum loquitur de maiore iudice, sed & de quocunque habente merum imperium, mixtum, seu iurisdictionem, ut apparet ex rubr. omnium iudicum, ergo de omnibus hîc intelligit, postquàm dicit, omnes. l. Iulianus. de legat. iij. facit l. magistratibus. infra eodem. vbi de illis, qui tantum iurisdictionem habent, loquitur, videlicet de magistratibus municipalibus, & in aliis legibus de habentibus merum & mixtum imperium, & sic de omnibus



bus intelligitur, quicquid dicat hîc Accurs. cum generaliter iste text. loquatur. l. prima. §. & generaliter. de legat. præstand. hoc probat Iustinia. C. hoc eodem tit. sed hîc non loquitur de officio Principis, sed tantum ius dicentis, licet confusè Doc. loquantur. vt dicam in l. imperium. infra eod.

Item officium iudicis latissimum esse ait Vlpian. non (vt dicit Bart.) quòd sapientia consistat in latitudine, non in longitudine, cum rarò longus sapiens existat, quod displicebat Cy. quia ipse erat multum longus. Ista distinguit Bartholo. Cocles in primo lib. suæ Phisyonomiae. c. 39. de longitudine colli, crurum, vel dorsi, & totius denique corporis. Ad eum te reicio, & quantum velis ipsi credas.

Itaque Iuriscon. hîc nō vult dicere quantum dureret officium iudicis, an videlicet per triginta annos, vel alio breuiori, vel longiori tempore, de quo inferius dicitur, & sic an longum sit, vel longissimum in tempore, & quo tempore præscribat.

Officiū iudicis quāmlatè pateat.

Sed hîc dicit esse latissimum, volens ostendere, quid, & quantum contineat hoc officium, vt hîc docet Bart. & latissimum, id est, amplissimum, ad multas & varias factorum species, & actus se extendens. Nam Vlpia. ita scribit in l. ædiles prima. §. itē sciendum. ff. de ædil. edic. Iudici enim statim atque factus est, omnium rerum officium incumbit, quæcunque in iudicio versantur, videtis ergo esse eius officium amplissimum, & in omnibus rebus, quæ in iudicio agitantur, consistere: & sic iudex dicitur, & cum ius reddit, ius dicens, & reddēs. vt est in tex. ius dicentis. Nam officium eius est, vt ius dicat. l. penult. supra. de iustit. & iure.

Latum enim dicitur amplum, & spatiosum, cuius contrarium est angustum. l. via constitui, vella. tior octo pedibus, vel angustior potest. ff. de seruit. vrb. præd. De hoc verbo, latum, scripsi in l. ij. ff. de verb. signific. & Aristo. lib. 5. Metaphysico. ponit differentiam inter latitudinem & longitudinem, quæ ibi videri potest.

Latissimum ergo est, quia in principio cogit partes venire, decernendo citationem. vt in titul. de in ius vocand. & l. ad peremptorium. cum l. seq. ff. de iud. Et idè dicit text. iudicium reddi in inuitum. l. inter. §. primo. ff. de verb. oblig. in libellis reiiciendis, vel recipiendis. l. prima. de offic. assessor. l. prima. de edend. in Aduocatis dandis. l. nec quicquam. §. Aduocatos. de offi. Proconsul. Post litem contestatam, vt testes & alias probationes decernat, & recipiat. titul. de probatio. de testib. & fide instrui.

Et (vt summatim dicam) vbicunque iudicem mouerit æquitas, officium suum exercere potest, & partes interrogare. Vlpian. ff. de interrogat. actio. l. vbicunque. & dicit Bald. in rubr. de offic. deleg. col. vlti. officium iudicis esse motum ad aliquid explicandum in causa latissimè patente. facit l. qui explicandi. C. de accusat. & sic vbi est persecutio, ibi officium iudicis adesse debet. l. j. ff. de variis cognitio.

Præterea etiam amplissimum est, quia iudex illud impertiri potest, siue parte petente, siue non: regulariter tamen parte requirente. l. iij. §. hoc autem iudicium non datur, nisi postulatū fuerit. ff. de dam. infect. l. prima. §. magistratibus. de magistratib. conuen. Vnde scribit Iacobi. cauendum esse, ne quis exasperet iudicem, sed eum gratum reddat. Nam bonum est habere iudicem fauorabilem, maximè in

arbitrariis. c. de causis. & c. consuluit. de offic. delega. §. præterea. de actio. in Institut.

Illud etiam officium iudex impertitur non petente parte, quando pars petere non posset, & tamen æquum est illud concedi, vt si furiosus sit, qui tutorem petere nō possit, ei ex officio iudex dabit, etiam inuito. l. illud. cum l. sequen. ff. de tutor. & cura. datis ab his. & Bart. in l. ij. ff. de cura. bonis dando. & Aduocatum furioso vltro, si nemo sit, qui petat, dare debebit. vt Papinia. docet in l. nec quicquam. §. Aduocatos. ff. de offic. Proconsul. & Lucas de Penna in l. ij. C. de lucris Aduoca. lib. 12.

Etiam dicunt fauore publicæ vtilitatis, animæ, & fisci, iudicem sine petitione officium suum impertiri debere. per l. si quis in hoc genus. C. de Episcop. & cleric. l. congruit. supra. de offic. iud. l. si vacantia. vbi Barto. C. de bonis vacant. idem Barto. & alij in d. §. hoc iudicium. In his tamen casibus in praxi seruatur, vt Procurator fisci prosequatur, alioqui non imputatur iudici, & in hoc regno perrarò iudex nemine requirente aliquid molitur, ne quis in eum tanquam priuatum agat (vt practicè loquar) recipiendo eum in formalem partem.

Poterit quoque iudex post conclusionem in causa, si perpendat testes non planè examinatos fuisse, iterum examinare, si bonum & æquum videat esse ad iustitiam causæ, etiam parte non petente, cum hoc petere non posset. c. per tuas. vbi Docto. de testib. Bald. in addit. ad Specul. in titul. de offic. iudic. & generaliter alia facere in fine causæ debet, quæ videt iure esse facienda, putà vocare partes ad sententiam audiendam. c. ij. de dolo. lib. 6. & postea eam proferre ex libello. l. ij. C. de senten. ex libello recitand. & sic iudex ex suo mero officio multa facit, idè eius officium dicitur amplissimum, quia iure actionis ad illud cogi non potest, in multis casibus.

Etiam latissimum dicitur, quia post sententiam in executione interponit illud officium. vt in l. à Diuo Pio. ff. de re iud. & in l. qui restituere. de rei vend. & sicut temone regitur naus, sic iurisdicatio officio iudicis, alioqui parum esset habere iurisdictionem, vel sententiam, nisi esset qui eam executioni daret. l. ij. §. post originem. ff. de origi. iur. c. vbi periculum. §. præterea. de elect. lib. 6.

Nec refragatur quòd circa quædam restrictum sit, ergo non est amplissimum. Respondeo, non ob id debet esse latissimum: nam & potestas Imperatoris restricta est, vt naturalia tollere non possit, quia immutabilia. Instit. de iure natural. §. sed naturalia. tamen non desinit potestas Principis esse amplissima, quamuis sit in aliquibus casibus restricta, sic & in officio iudicis dicemus, & sic cessabunt contraria Docto. quæ hic mouent. Alio modo soluit dom. Bello. in lib. supputat. 2. c. vij. & seq.

Et sic ex his patet officium iudicis esse amplissimum, & latissimū, quia extenditur ad omnes actus, in quibus necessarium est, vt interponatur, siue actio competat, siue persecutio, siue petatur, siue nō, quando peti non potest, vt superius probatum fuit, & vbi æquitas versatur, quos casus dinumerare potius esset laboriosum, quàm vtile, ob id reliquā te ad Spec. in titul. de offic. iud. & ad practic. Bald. in hoc titul. Host. in summa, in titul. de offic. iud. & Rosfred. Beneuenta. in tracta. libello. eodem titul. quia tantum in bonæ fidei iudiciis officium iudicis valet,

Iudex sine petitione quādo officium suum impertiri debeat.

Naturalia iura, immutabilia.



quantum in stipulatione nominatim eius rei facta interrogatio. l. quia. ff. de neg. gestis. nec probo quod Zas. hic scribit quod olim Reges manu Regia omnia expediebant (l. ij. suprâ. de orig. iuris) hoc hodie ceteri potest officio iudicis nobili expediri: nã omnia & maiora & leuia negotia reges expediebant auctoritate Regia: nunc iudices ea tantũ, quæ supremi non sunt imperij: & sic regalia non expediuntur officio iudicis, vt in titul. quæ sint regalia, tractatur. & in his actio vel persecutio ferè est, vt probauit in l. actionis. ff. de verb. sign. quæ non competeabant olim, quia non erant eo tempore inuentæ. vt d. l. ij.

Item quantum attinet ad Bart. diuisionem de officio iudicis, eã nõ probo; in qua sic officiũ distinguit, videlicet, in nobile, mercenarium, & aduersariũ. Nobile, quod per se stat: mercenarium deseruit actioni: aduersarium, quod non deseruit actioni, sed illi aduersatur, vt quando deseruit exceptioni propositæ. hæc summam docet Bart. gloss. tamen in l. iij. C. depositi. dixerat triplex esse, sed non sic nominauerat, nec in §. præterea. de actio. in Instit.

Item, vt vocari debeat nobile, vel mercenariũ, siue per se stet, siue non, siue deseruiat actioni, vel aduersetur, nõ video. Nã potius vocaretur vltro-neum, seu spontaneum, vt statim dicitur; sed quia hæc nominum impositio nullam parit vtilitatem, sed potius confusionem, ego eam non sequor, sed Alber. in l. j. col. iij. ff. de interrog. actio. sic diuidit, videlicet quoddam esse merum, quoddam mercenarium, & postea tripliciter diuidit merum, & hoc confusè: ideò ego dicam sic: officium iudicis quoddam merum esse, aliud mixtum.

Merum iudicis officiũ est, quod ipse iudex actione nõ præexistente impertitur, & in quo plurimũ eius valet potestas. de hoc mero officio sic scribit Põp. in l. v. ff. de verb. oblig. Iudiciales sunt, quæ à mero iudicis officio profisciscuntur, veluti de dolo cautio. vbi Accurs. dicit iudiciales esse cautiones, quæ à iudicis interponuntur officio, quando principaliter super aliqua re cognoscebat, vt si vendicem seruum, dubito possessorem venenum temporarium illi dedisse, vel quicquam doli admisisse, petam de dolo caueri, iudex hoc decernet. Ista cautio profisciscitur ex mero iudicis officio, & idem in aliis casibus similibus, & Bal. in præst. in hoc titul. de offic. iudic. dicit principaliter intentari, vt in restitutionibus minorum dicam, in l. in causæ. ff. de minor. & dici potest merum, quod nulli actioni, vel accusationi cõiunctum sit, vt in imperio dicitur. in l. imperium. infra eod.

Mixtum, quod iudex impertitur partim mouente magistratu, & partim actione mediante, vel exceptione. cum sine actione nullus experitur. l. si pupilli. in fin. ff. de negot. gest. & regulariter officium iudicis istud vbique versatur. Nam scribit Caius. l. officio iudicis conuenit iubere hereditariam rem venire, vnam, pluresue, & pecuniam, quæ ex pretio redacta est, ei numerari, cui legata sit. ff. famil. hercisc. Et in mero officio iudicis, plurimum potest iudex, tam in cõcessione, quàm in denegatione, quod non est in mixto, & raro denegari solet, & mixtum dici potest, quia & de mero, & actione, persecutioneque concipitur. Et dixi officium iudicis vix dari sine actione, & persecutione, in l. actionis. ff. de verb. signific.

Ex hoc inferitur Bar. & alios perperam firmasse, nõ posse partem appellare, si iudex merũ suum offi-

cium, & quod nobile dicit, denegat, quia hoc misericorditer (vt suis verbis vtar) implorandum est. gl. in rub. ff. de interrog. actio. Nam vbi pars habet iustam petitionem, & persecutionem, tunc non potest iudex officium suum denegare, alioqui ab illius denegatione rectè appellare poterò. l. j. C. si sapius in integ. restit. & illi intimare, non parti. gloss. & Doct. in c. bene. j. de postul. Prælat. Felin. in c. & si clerici. §. si. col. vij. de iud. scripsi in §. j. de friuol. appel. in Cõcord. Nam iudex ex negligentia, non requirente parte, tenetur. l. diuis. vbi dixi. de offic. Præsid. suprâ. multò fortius requisitus tenebitur, quia munus habet publicum. l. pupillus. §. munus. ff. de verb. signific. quod iure persequenti denegari non potest. Et quia hoc officium pro actione proponitur. c. si. de offic. iud. imò iniuriã facit parti iudex, officium suum non præbens, quando à parte peti potest. l. j. §. permittitur. in fi. ff. de aqua quotidiana. & æstiuâ. Felin. in c. at si clerici. §. fin. col. vij. de iud. & l. in §. j. de actio. in Instit.

Nam munus iudicandi est necessarium. l. fin. §. iudicandi. ff. de munerib. & honorib. ob id & officium iudicis, quod sequitur ipsum iudicẽ, monet illum, vt ius dicat. l. ij. C. de delator. l. in §. j. nu. 64. & sequent. de action. in Instit. etiam si non comperat actio. l. j. §. medicorum. ibi, & ideò his quoque extra ordinem ius dici debet. ff. de variis cognit.

Etiam si ad merum iudicis arbitrium relatum esset. per d. l. v. de verb. oblig. vbi cautio de dolo mero officio iudicis præstatur, & tamen si eam iudex denegaret, ab eo appellari posset, & ita tenet vsus forensis, quicquid dicat Innocent. in c. si. de feriis. licet Angel. l. as. & alij eum sequantur in d. §. j. de actio. in Instit. Imò in quibus casibus iudex est puniendus, si non fecerit, hoc intelligitur, si fuerit requisitus, vt id faceret, aliàs non. vt docet Anthon. Butr. in c. fin. de rescr. Felin. in c. si autem. col. iij. nu. 4. ibid. l. as. in l. vniuersa. C. de precib. Imp. offerend.

Limitatur in casibus à iure permissis. Nam ad officium iudicis spectat omnes res inter singulos hæredes diuidere. l. j. ij. & seq. ff. fam. hercisc. tamen de libris magicis, vel improbatæ lectionis, non debet se interponere. l. cetera. ibid.

Item ius permittit denegare iurisdictionem ei, qui non obtemperat iudici. l. sed & si per. §. sed & si dum decreto. ff. ex quib. caus. maior. Ergo officium suum iudex rectè denegare his casibus poterit, quia est à iure permissum, vel constitutione, aliàs nõ, quod est notandum.

Item quando pars non potest petere, vt in testium repetitione, si iudex hoc non faciat, supplebit superior iudex, & bene appellatum ex nouiter actis pronuntiabit, vt seruat forensis vsus. vide Dec. in c. adhæc. iij. de appellat.

Ex his constat Docto. perperam sensisse persecutionem esse officium iudicis; nam persecutio respicit partem, sicut actio, & actio est ius persequendi in iudicio, quod sibi debetur. l. nihil aliud. ff. de actio. §. j. de actio. in Instit. sicut actio non est officium iudicis, ita nec persecutio, quia pars ius suum persequitur, iudex suum officium, si & quando expedit, impertitur. Ergo officium iudicis esse non potest in parte, alioqui posset facere id, quod iudex.

De actione, vt officium iudicis non sit, probatur in l. iij. §. ex quib. ibi, in hac actione officium tantum iudicis consequatur actor. ff. de alien. iud. mutad. caus. facta

*Iudicis officium, aliud merum, aliud mixtum.*

*Iudicis officium merum, quidnam dicatur.*

*Quidnam mixtum sit.*

*Cautio de dolo.*

7

*Persecutio non potest iudicis officium dici.*

*Actio, officium iudicis non dicitur.*



facta. l. harum actionum euentus hic est, vt victori officio iudicis aut res præstetur, aut cautio. ff. si seruit. vendict.

Origine etiam differunt, quia officium iudicis est de iure gērium, vt constat in lib. Iudicum. in Bibliis. facit l. ij. ff. de origi. iur. Doct. in §. j. de actio. in Instit.

Actiones verò iuris sunt ciuiles. l. in commodato. §. sicut. ff. commoda. ibi. *actiones ciuiles*. Ias. & alij in d. §. primo. vnde dicit Bald. in c. querelam. col. 2. de electio. officium iudicis potius actū esse, quàm actionem, quia maximè constat in exercitio iurisdictionis iudicis, qui in iudicando interponit officium suum.

De persec-  
utionis  
verbo.

Sic erit de persecutione, vt nullo modo iudicis officium dici possit: quod probatur, de iure fisci ff. in l. in fraudem. §. qui pro alio à fisco cōuentus, debitum exoluit, nonnunquam postulat persecutionem bonorum eius, pro quo soluerit, in quo etiam adiuuare per officium iudicis solet, ergo persecutio partis adiuuatur officio iudicis. Nam partis petitio sine decreto iudicis & suo officio nihil parit, officio enim iudicis iudex statuit, pars verò rem persequitur, hoc notum est, quod etiam probat l. si priusquàm. ff. de noui oper. nuntia. l. pars literarum. de iudi. facit l. si cuius. ibi, *dominus potest in ea re satisfactionem desiderare, vt officio iudicis hoc fiat*. ff. de v. usufr. Actionis tamen verbo venit persecutio. l. actionis. vbi amplè tractauit. ff. de verbo. signific. quia per actionem persequimur id, quod nobis debetur. d. §. primo. de actio. in Instit. alioqui si persecutio vel actio esset officium iudicis, pars ageret, & officio iudicis condemnaret, quod absurdum esset.

Ex his constat inanes & superuacuas esse Bart. & aliorum differentias, quas tradunt inter actionem & officium iudicis, tanquàm si quis veller facere differentiam inter officiū partis, & iudicis, officium enim partis, est, persequi, vel excipere, seu fugere. d. l. pars literarum. & l. properandum. §. primo. ff. & C. de iud. Iudicis autem officium est, de iuribus partium cognoscere & definire. l. de qua re. ff. de iud. Sed in eo interpretes decepti fuere, cū persecutio sit extraordinaria prosecutio. Doctor. putauerunt esse officium iudicis, sed latè distat, quia persecutio partem respicit: officium iudicem. l. pecuniæ. secunda. §. persecutionis. de verborum significatione. Prima differentia est, quia officium iudicis non præsupponit obligationem, quod reprob. in d. l. pecuniæ. secunda. §. verbum debuit. ff. de verborum significatione. vide Iaso. in §. primo. numero quinquagesimo quarto, de actio. in Instit.

Bartoli dif-  
ferentia re-  
probatur.

Secunda etiam differentia Bartoli relicta, vt si officio iudicis quicquam debeat, non constituitur quis in mora per interpellationem extraiudicialem, secus si iure actionis, quod non est perpetuum, quia etiam si debeat iure actionis, non constituitur quis semper in mora per interpellationem extraiudicialem. l. cū fundus. ff. si certum petatur. Barto. in l. denuntiasset. §. primo. de edil. edicto. Ias. in l. nec quicquam. §. vbi decretum. numero septuagesimo quinto. ff. de offic. Proconsul. Purpurat. hic num. 105.

Nec me mouet ratio per Barto. assignata, videlicet, quod debetur officio iudicis, hoc nō deberi parti. l. cū postulasset. ff. de damn. infect. quia hoc non videtur verum. Nam illud quod pars potest persequi, est ei debitum, vel suum, alioqui illud frustra persequeretur. l. creditores. ff. de verborum significa-

tionem. & in l. cū postulasset. hoc non euenit eò quod fiat officio iudicis, sed quia à lege ita statutum fuit. l. euenit. ibidem, vt fusiùs dicam in nouo intellectu ad illam legem.

Etiam falsum puto, quod interpretes dicunt, iudicis officium esse remedium extraordinarium: nam iudex in omnibus causis suum impertitur officium, vt iudicet, & decernat super eo, super quo partes contendunt, donec controuersia finiatur. l. prima. §. inde. ff. de noui oper. nuntia. Ideo potius dicitur ordinarium, quàm extraordinarium: nec quidem illud potest dici extraordinarium, quod per solennia iuris exercetur. l. omnes. 2. C. de anno. & tribut. lib. 10.

Nec l. in causæ. de minorib. probat, quia loquitur de restitutione, quæ non datur, quando est actio, quæ dicitur remedium ordinarium, sed restitutio dicitur extraordinaria, vbi ergo non competit actio de iure communi datur restitutio, & sic non loquitur ille text. de officio iudicis, sed de restitutione. Et licet concedatur officio iudicis, tamen mediante partis persecutione. vt ibi dixi. Et quia persequi hoc pars iure potest.

Etiam respondeo, d. l. pecuniæ. §. persecutionis. ff. de verbo. signific. loqui in persecutione extraordinaria, non in officio iudicis. de quo ille text. non loquitur. vt ibi dixi, & multa de extraordinario scripsi in l. pupillus. §. munus. ibidem.

Differentiæ etiam traditæ hîc per interpretes inter persecutionem & officium iudicis, non placent, vt dixi, quia persecutio ad partem respicit, officium autem iudicis ad iudicem, idè dicitur officium iudicis, ergo non partis. quamuis Ias. & Gomez. in §. primo. de actio. in Instit. multas velint tradere differentias, in quibus nihil est vtilitatis, sed est potius cōfundere vocabula, & in futilibus & falsis versari terminis, quod alienum à Iuriconsulto esse debet.

Et sic iuratur in litem, vbi pars iure persequi potest, in casibus à iure permisis. in l. in actionibus. ff. de in litem iurando. quicquid scribat glos. in l. harum. §. si. ff. si serui. vendi. alioqui postquàm iudex condemnasset aliquem, si ille noller rem restituere, vel aliud facere, seu præstare, dolus eius impunitus esset, quod non est permittendum, vt scripsi in interpretatione l. vnica. C. de sentent. quæ pro eo quod interest in illius titul. declaratio.

Etiam vbi imploratur officium iudicis, habet locum reconuentio, contra glos. in l. sed & si restituitur. ff. de iud. Cuius enim obseruat arbitriū in agendo, eum habere & contra se iudicem in eodem negotio non dedignetur. l. cum Papinia. C. de sentent. & interlo. omn. iud. alioqui iniquum esset condemnare eum, qui absoluendus est. Et sic cū officium iudicis in omnibus versetur, nunquam esset locus reconuentioni, quod est ridiculum. & hanc glos. reprobant Doctor. per text. in l. j. in fi. ff. de variis & extraord. cognit. & in c. primo. de mutuis petitio.

Et per prædicta inter dicaneos Franciæ hodie est notorium in officio iudicis ita ferè procedi, sicut in actione, verbis tamen vtrique conuenientibus. Vnde requiritur citatio in hoc officio, & datur libellus, ac lis contestatur, audiuntur testes, & alia solennia iudiciorum ferè seruantur, quæ in actionibus, nec est alius stylus in vno, quàm in altero. licet Bart. & alij dubitent, & distinguant. in l. nec quicquam. §. vbi decretum. supra. de offic. Proconsul. vbi dixi. & Ias.

Officiū iu-  
dicis nō di-  
citur ex-  
traordinarium.

8

Reconuen-  
tio, etiam  
implorato  
iudicis of-  
ficio, com-  
petit.



in §. primo. num. 67. de actio. in Instit. & Doctor. in c. fi. de offic. iudic.

Ex his inferitur, actionis appellatione ex vi nominis non contineri officium iudicis, licet persecutio comprehendatur. in l. actionis verbo. vbi scripsi. ff. de verbo. signifi. quia vtrumque respicit partem, sed officium iudicis ipsum iudicem, si tamē lex vel constitutio indulgeat parti actionem, vel persecutionem, tunc iudex non poterit suum officium denegare, quia actio est ius persequendi. d. §. primo. de actio. in Instit. & l. nihil. illo titul. ff. alioqui inutilis esset actio apud partem, si ipse iudex nollet officium suum impertiri. l. planē. ff. de petitio. hæred. Ideo cessant difficultates Doctor. an proprie vel largē, quia nullo modo, vt dixi, nisi in consequens, & iure quodam correlationis.

*Actionis  
appellatio.*

Etiam vbi denegatur actio, & persecutio, etiam iudicis officium actionem & persecutionem respiciens. l. si pupilli. in fi. ff. de nego. gest. alioqui iudex iniuste officium suum præstaret, & malē faceret interponēdo officium, vbi non competit parti ius, nec persecutio, vtpote quia nihil ei debetur, vel si iudex interponeret officium in restituendo minorem post 29. annos, aut in Gallia post 35. certē non rectē faceret, vt scripsi in tracta. de restit. articul. 2. in 2. tomo. Commētario. in Consti. Regi. Gal. Etiam iudex hoc casu suppleret de facto, quod est à iure improbatum. in l. vnica. C. vt quæ defunt Aduocat. Ex hoc periclitatur Accurs. doct. in l. prima. C. qui admitti. dicens vbi cessat actio, implorari officium iudicis posse.

Imò, si vel lex, vel constitutio tollat omne remedium, non cēsetur sublatum officium iudicis, ipsum iudicem respiciens, quo poterit vti, quando bonum & æquum erit, sed remedia partium tantum sublata censentur. text. in l. planē. & l. vlti. vbi Angel. ff. de petitio. hæred.

Vnde non videtur sustineri posse doctrina Accurs. communiter approbata in l. sicut. in verb. persecutione. C. de præscriptio. 30. anno. vt officium iudicis possit 30. annis præscribi. Nam quamdiu iudex in officio durat, & magistratu, semper eius durat officium, & nunquam præscriptione tollitur, quia non potest esse iudex, & non habere suum officium. Et licet sublata actio sit, tamen iudicis officium semper virens est, in illis causis, in quibus bonum est & æquum, vt ipsum interponat. Et finita causa per sententiam, adhuc officium iudicis durat in executione. l. à Diuo Pio. ff. de re iudic. Et sic nō dicetur præscriptione sublatum iudicis officium. Sed quia non est æquum, vt illud iudex impertiatur deficiēte actione, & persecutione partis, ideo dicit tex. latissimū non longissimū, vt dictum fuit, quia nunquam præscribitur officium iudicis, vbi ius est persequendi, sed actio sic, & persecutio, & tunc cessat iudicis officium.

*Officiū iudicis nō potest præscribi 30. annis.*

Etiam perperam scribunt Doctores, tunc dēum implorari officium iudicis posse, quando quis non potest agere, fortē quia deficit actio. l. quintus. ff. de annuis lega. Barto. in l. si deposita. C. depositi. l. hæreditas. ff. de petitio. hæred. quia imò officium iudicis semper cum actione concurrat, & persecutione, sed quando deficit actio, & æquum est iudicem suum impertiri officium, tunc illud non denegabit persequēte parte, vt plenē scripsi in l. actionis verbo.

ff. de verbo. signifi. vbi alia videri poterunt huic materiæ accommoda.

Non videtur etiam verum, eum posse officium iudicis implorare, qui non potest excipere, vt si contra instrumentum Regio sigillo notatum non possit aliquid opponi, vel excipi, non poterit officium iudicis peti, nisi lex vel cōstitutio permittat quicquam opponi. vt docui in arti. primo. tracta. de literis obligat. in primo tomo Constit. Reg.

Et si stylus curiarū habeat, (vt parui sigilli Montispefulani & conuentionum Nemausi) vt non opponantur nisi tres exceptiones, non poterit alia opponi, etiam implorando officium iudicis, alioqui esset in potestate iudicis derogare stylo, etiam à principe approbato.

Sed vbicunque sublata exceptione iudex videt æquum esse, quem audiri, vt in criminalibus, & iure hoc permittente. in l. prima. ff. de quæstio. tunc officium suum impertietur iure, vel constitutione permittente, vel rescribente Principe, aliās esset in potestate iudicis omnia iura & constitutiones infringere, quod ius ei non permittit, alia scripsi in d. l. actionis verbo. de verbo. signifi.

Nam & bonorum possessionem dare potest. Iudex ex officio suo persequentibus consanguineis habilibus decernebat olim bonorum possessionem, & cum decreta fuerat, non poterat repudiari, quia quod acquisitum est, repudiari non potest, vocabaturque decretalis bonorum possessio. l. prima. §. decretalis. ff. de successio. edict. Hodie verò ista petitio bonorum possessionis nō fit, sed sufficit agnitio, & qualiscunque testatio amplectendæ hæreditatis facta coram quocunque iudice. l. final. C. qui admitti.

Nam petitio bonorum Constantiniana lege subiecta est. l. fin. §. fin. autem ex alia. C. de curat. furio. vbi Accurs. dicit per solam agnitionem rumpi testamentum. quod Ias. probat in l. scimus. §. final. C. de inoffi. testa. & Bald. hīc.

*Agnitio amplectēda hæreditatis.*

Imò etiam in Francia non requiritur aliqua testatio, sed si delata fuerit hæreditas, seu bonorum possessio alicui, is vi consuetudinis factus est etiam possessor, & poterit agere interdicto vti possidetis si ne alia apprehensione possessionis, vel agnitione bonorum possessionis, & per illam consuetudinem mortuus sayzit viuum. de qua plenē docui in 3. tomo Constitut. Regia. artic. 9. tracta. de mater. posses. sit ne mixti imperij, vel iurisdictionis, hodie pauca est utilitatis. Nam postquam olim mixti erat imperij, non desuit esse aliquo iure. Ideo dicit tex. in l. precipimus. de appella. *quod non mutatur cur stare prohibetur?* Vnde probat hīc Iurisconsultus latissimum esse iudicis officium, eo quod bonorum possessionem concedere habilibus possit, vt sequitur.

Et in possessionem mittere. Etiam ad officium iudicis spectat, vt, si cui damni infecti non caueatur, vt is possidere iubeatur, aut ventris nomine in possessionem mulier, vel is cui legatum est, legatorum seruandorum causa in possessionem mittatur. Martian. in l. cognitio. in fin. suprà de offic. eius. vbi docui.

Itaque quomodocumque iudex decernat mittendum quem in possessionem rerum, hoc suo facit officio, per istum textum: sed quod nuntius exequitur, cum facti sit, non spectat ad iudicis officium. de quo Accurs.



Accurs. & facit l. eum quem. ff. de iud. Ideò siue hoc iudex decernat ex primo, siue ex secundo decreto, semper interponit officium suum, quia etiam actio non potest agitari, & in finem deduci sine iudicis officio, vt superius probatum extitit, quicquid hinc iactent interpretes. Ideò Iuriconsult. hic dicit esse latissimum.

Item gloss. dicit sententiam super possessione esse definitiuam, quod intelligunt Doctores. si lata sit super secundo decreto, secus si super primo; quia tunc erit interlocutoria.

*Sententia  
super pos-  
sessorio lata,  
an defini-  
tiua dica-  
tur.*

Vnde in hoc regno sententiæ sequestri, & recedentiæ dicuntur interlocutoria, habentes vim definitiuam, sic intelligitur sententia Gratia. in cap. si. §. de possessione. 2. quæstio. 6. gloss. in l. quod iussit. ff. de re iudic. vbi scripsi. Sententia verò super pleno possessorio dicitur definitiua, quia totam possessionis causam definit, & sic intelligitur. l. vnica. C. si de momenta fuerit appellatum. & cap. consultationibus. de officio deleg.

Potest. ] Exponit Accurs. pro, debet, definiens iurisdictionem, ego dicam in l. iij. infra eodem. sed hæc expositio non est necessaria. Nam text. declarat officium iudicis esse latissimum, & potest iudex dare bonorum possessionem, & alia facere, quæ iurisdictionem & munus iudicis respiciunt, nempe postquam officium mouet illum ad ista, & alia faciendum, non debemus addere aliam necessitatem. Nam officium cogit iudicem, vt det bonorum possessionem, & ea quæ in textu sunt conscripta, & alia quæ ad iudicis spectant officium. l. non quicquid. de iudic. de hoc verbo, potest, tractat Bart. & alij in l. Gallus. ff. de liber. & posthu. & ideò hoc verbū, potest, non variatur, siue iudicem respiciat, siue alium, quia iudex potest instante officio, apparitor potest præcedente iudicis decreto, nec est differentia facienda inter ista.

*Tutores da-  
re pupillis,  
ad merum  
officiū iudi-  
cis spectat.*

Pupillis non habentibus tutores constituere. ] Etiam ad officium iudicis spectat dare tutores pupillis, siue sint qui petant. vt in tit. C. qui petant tutor. l. omnem. C. ad Tertulian. siue nullus petat, & hoc ex officio mero procedit. l. illud. ff. de tutor. & curat. dat. ab his. Alexand. hic. Hodie regulariter consanguinei solent petere, alioqui Procurator Regius, vel Domini. Nam iudex monebit procuratorem, vt petat, deficientibus consanguineis, & ita habet vsus forensis Franciæ, & sic conciliantur sententiæ contrariæ, vt iudex det tutores pupillis etiam non petentibus consanguineis, instigabit tamen Procuratorem Regium, vel Domini, vt petat aliis non petentibus. Vide quæ dixi supra in l. prima. de officio eius. & qui tutores petere possint. tractat Iustinian. in tit. C. qui petant tutores. & sic non habenti iudex tutorem vel curatorem dat, non autem habenti, nisi in casibus à iure expressis, vt in tit. in quibus casibus tutorem habenti, tutor vel curator dari possit, & alibi.

Iudices litigantibus dare. ] Vlpianus scribit: *Cum res damni infecti celeritatem desiderat, & periculosa dilatio Prætori videtur, si ex hac causa sibi iurisdictionem reseruet, magistratibus municipalibus delegatum hoc rectè putabit.* l. j. ff. de dam. infect.

Iuriconsultus per hæc exempla ostendit officium iudicis esse amplissimum, sed non latissimum esset, si non contineret alios casus, super quibus iudex in-

terponere officium suum debet, ob id hæc exempla causam tantum demonstrationis ponuntur, sed alia non excluduntur, & non est curandum, siue exempla sint de mixto imperio, siue de iurisdictione, quia maximè iudex impertitur officium suum in his casibus, nam iudicare vel iudicem dare potest. vt in l. imperium. dicam, & in mero imperio, vt taceatur innocentem. l. j. ff. de quæstio. l. absentem. de pœnis. Ista tamen exempla text. mixtum imperium, & iurisdictionem respiciunt, & quamuis iudex non possit indulgere reis, sed tantum Princeps, l. ij. §. j. & l. Diui. ff. de pœnis. l. penult. de sicar. nec quidem in ciuilibus, l. quotiens. C. de precib. Imperat. offeren. tamen multum ex suo officio potest, etiam in criminibus. l. de minore. §. plurimum. ff. de quæstio. l. moris. l. respiciendum. l. hodie. l. aut facta. cum aliis legibus. ff. de pœnis. & sic causæ etiam meri imperij comprehenduntur, quicquid dicant interpretes.

Bart. hic & alij interpretes docent an iurisdictione inhaereat territorio, & breui ego dicere iurisdictionem eo casu inhaerere territorio, quando territorio & locis ipsis seu ciuitatibus data est. per l. primam. §. cum urbem. ff. de offic. Præf. urb. & scribit Bald. inhaerere territorio, tanquam nebula supra paludem.

*Iurisdictione  
an territo-  
rio inha-  
reat.*

Et solet hoc Princeps concedere in erectione Ducatus, Comitatus, aut Baronie, vel alterius feudi, & tunc quicumque feudum obtinebit, iurisdictionem illi feudo concessam habebit. Bartol. in l. si quando. j. C. de bonis vacantibus. lib. 10. & est iurisdictione adhaerens territorio, omnis iurisdictione ordinaria. Bart. in l. si. C. vbi & apud quos. & in dicta l. j. §. cum urbem. & eo casu appellabitur ad illum, qui illam iurisdictionem concessit, vt docet Petrus Iaco. in sua Praxi. tit. super iurisdictione. libellus. col. 3.

Si verò concessa sit iurisdictione personis, tunc non inhaeret territorio, sed personis. per l. forma. §. quamquam. ff. de censibus. Vnde interpretes hic dicunt iurisdictionem esse actiue in magistratu ius dicente, sed passiuè dicitur esse in subditis, ratione situs, & quia in eos exercetur. l. si. infra eod. Alexand. hic. & consil. 35. viso. col. 1. in 4. volum.

Ex his inferitur, quod concessio toto territorio, censetur concessa iurisdictione inhaerens ipsi territorio, secus si pars concessa fuerit. l. in modicis. ff. de contrahend. emptio. l. quædam. de acquirend. rerum dom. l. si quando. j. C. de anno. & tribut. vbi Bar. & Rebus. libro 10. Vnde concessa domo in qua exigebatur vectigal, non censetur concessum ius exigendi vectigal. vt docet Bald. in l. à Procuratore. col. penult. C. manda. d. cap. primo. de capita. qui curiam vend. Sic dicimus de iure patronatus in cap. ex literis. de iure patron.

10

Idem dicemus in fundo concessio, cui inhaerebat seruitus. l. traditio. ff. de acquirend. rerum dom. sic in adscriptitiis seruis statuit Iustinian. in tit. de agricol. & censit. lib. 11. C.

Item qui vendit castrum, vel Baroniam, censetur vendita iurisdictione saltem accessorie. Bart. in l. inter eos. ff. de acquirend. rerum dom. Bal. in ca. primo. de capita. qui curiam vend. Ludouic. Roman. consilio 444. an dictum castrum. in 2. quæst. Doctor. plenè in l. imperium. infra eodem. Boer. in decisio. Burdeg. q. 50. num. 11. Socin. consil. 74. in præsent. col. 1. vol. 1.

Imò si Princeps concesserit castrum cum iurisdictione Titio, si postea addatur territorium castrum, etiam




etiam intelligitur addi, vt iurisdictionem habeat in illa parte addita. docet Angel. in §. primo. in authen. de æqualitate dotis. collat. 7. quem Ias. hñc sequitur. & Bart. in l. fin. C. vbi & apud quos. & idem in parte aucta per alluionem. concludit Francisc. Curt. senior. in consil. 57. super eo, vbi multa congerit. quod enim accedit pignori, reputatur pignus. l. si conuenierit. ij. §. si nuda. ff. de pignor. actio. Multa de hac materia scribit Albert. Brunus in tracta. de augmento. ibi abundè videri potest.

### S V M M A R I A.

- 1 *Privilegium militi concessum, competit medico & eius militibus.*
- 2 *Matrimonio prohibito, & sponsalia prohibita censentur.*
- 3 *Locumtenens non potest gratiam homicidii, nec aliis concedere.*

### LEX II. TABOLENVS LIB. VI. EX CASSIO.



Vi iurisdicção data est, ea quoque concessa esse videntur, sine quibus iurisdicção explicari non potuit.

Ista lex generalem regulam præscribit in iurisdictione, vt si cui data sit, omnia is facere possit, sine quibus iurisdicção non potest explicari. Ideò citare is ipse poterit, punireque contumaces, & rebelles, & alia facere, sine quibus iurisdicção exerceri non posset, etiam si literæ commissionis hoc non cõtineant. cap. primo. & cap. præterea. de offic. deleg. l. fin. ff. de offic. eius. Ratio est, quia si committens fuisset de hoc interrogatus, verisimile est, quòd illud concessisset, nollens actum suum esse nullum. l. Titius. §. fin. ff. de liber. & posthum. glos. in l. tale pactum. in fi. ff. de pact. & in clemen. j. de rescript. Etiam cui causæ cognitio est concessa, sententiam proferre poterit, nisi mandans hoc sibi retinuerit. l. iubemus. cum authent. adhæc. C. de iud. glos. in l. qui procuratorem. ff. de Procur. Bart. & alij in l. à Diuo Pio. ff. de re iud. & hñc accipitur iurisdicção, pro iuris dicendi potestate. idem in l. quamuis. infr. de in ius vocand. l. postquam. §. Imperator. ibi, *ex forma iurisdictionis*. ff. vt lega. vel fideicom. Dicam in l. si quis id quod. infrà.

Item per hoc verbum data, iste text. loqui videtur in ordinaria. vt in l. cum Prætor. ff. de iudic. & §. sic itaque. de actio. in Instit. & in l. j. suprà de offic. eius. dictum fuit. tamen etiam potest intelligi in delegata. vt probatur in d. cap. primo. & cap. præterea. de offic. deleg. cum eadem ratio in vtraque versetur, ergo idem ius cõstituendum erit. l. illud. ff. ad legem Aquiliam. & quia dare iurisdictionem etiam pro mandare, frequenter accipitur. l. cognitio. suprà de officio eius.

Etiam quamuis text. loquatur in iurisdictione, habebit etiam locum hæc regula in legatis, & aliis actibus. vnde Vlpianus scribit: *Legata peni ea contineri solim, sine quibus penus haberi non rectè potest*. l. iij. in fin. ff. de peni legata. Venuleius quoque scribit: *Eum, qui apportare non patitur ea, sine quibus iter refici non possit, vim facere videri, quominus reficiatur*.

l. veteres. ff. de itine. act. & que priuat.

Ideò succedit generalis regula, vt vno concessio videantur quoque cætera concessa esse, per quæ ad illud deuenitur. l. iij. §. qui habet. ff. de serui. urban. prædio. vbi Vlpian. scribit sic: *Qui habet haustrum, iter quoque habere videtur ad hauriendum*. l. prima. §. primo. si usufruct. petatur. & alibi sic ait: *Videtur etiam hoc exceptum inter eumentem & vendentem, vt ei per fundum, sepultura causa, ire liceat*.

Privilegium datum militi, competit medico & comitibus militis, sine quibus miles esse non potest. l. inter eos. in fin. ff. ex quibus caus. maior. l. administrantes. §. j. de excusa. tutor. & parata illa quoque causa vxoris censentur, quæ ad vsum ancillæ eius constituta sunt. l. iij. & sequen. ff. de vfu & habità. l. vxori. de auro & argent. legat. Etiam quòd expenditur ad vsum nautarum, censetur impensum in naui, sine quibus naui conducti non posset. l. prima. §. non autem. ff. de exercito. actio. l. huius. qui potior. in pigno. habeant.

Adhæc, privilegium non soluendi decimam concessum hospitali, trahetur ad eos, qui præfunt hospitalibus, sine quibus pauperes viuere non possent. sic consuluit Oldra. consilio ii. thema tale. quòd multis iuribus confirmat, maximè per l. secundam. C. de Episcop. & cleric.

Item data studendi facultate monacho, ipse agere poterit, & alia facere, sine quibus studere, & studium perficere non posset. l. si longius. in fin. vbi glos. etiam & Doctor. ff. de iudic. Dom. de Rota. decisione 334. Monachus in nou. & in addit. & decisi. 20. per Aufre. & decisi. 88. dixi in Scholast. privileg. 156.

Sic & contraria regula est, vt prohibito vno, omne videatur esse prohibitum, per quòd peruenitur ad illud. Vnde prohibito matrimonio censentur esse prohibita sponsalia, per quæ ad matrimonium deuenitur. l. oratio. ff. de sponsal. quando est eadem ratio, aliàs contrà. l. solet. ff. de his qui notant. infam. l. si quis officium. de ritu nuptia. Alexand. consilio 194. consyderatis. col. vltima. in 2. vol. Barbat. consilio 91. col. 17. in 3. vol. Dec. in consilio 502. & Bauer. in §. est autem. col. 3. Instit. de hæred. instit.

Alia regula est, cui committitur consequens, videtur committi & antecedens ad illud. vnde Vlpian. scribit l. *Ad rem mobilem petendam datus Procurator, ad exhibendum rectè ager*. & Pompo. l. *Ad legatum petendum Procurator datus, si interdicto utatur aduersus heredem, de tabulis exhibendis procuratoria exceptio, quasi non & hoc esset ei mandatum, non obstat*. ff. de Procurator. Vnde cui data est potestas eligendi, postulare poterit. glos. & Doctor. in cap. in causis. de electione. facit glos. in cap. cum olim. primo. in verbo, protinus contradixit. de officio delegat. Hanc regulam restringunt Alex. Claud. & alij. in l. si aliquam. ff. de acquiren. possessio. & Curt. in l. postquam. col. j. de pact. C. post Bart. in l. ambitiosa. in 2. regula. ff. de decretis ab ordin. faciend. ibi videte.

Etiam à contrario si permittatur antecedens, & consequens permitti videtur. vnde Vlpian. in l. *Qui procuratorem dat, vt confestim agat, is intelligendus est permitttere Procuratori, & postea litè peragere*. ff. de procurat. Multa scribit in hanc rem Nicol. Euerard. in locis legalibus. in argumen. à concessione antecedentis, & argument. sequen. & ibi etiam ponit argumentum à destructione consequentis, ibi. vide & Panor.

Commissio  
consequenti,  
committitur  
& anteceden-  
s ad illud.

Ratio deci-  
dendi.

Textus le-  
gis ad le-  
gata quo-  
que trans-  
ferendus.



Panor. in cap. cum sit liberum. col. pen. & per Claud. Cantiunculam in locis legalibus.

Sine quibus. ] Colligitur ex isto text. concessa iurisdictione & necessaria concessa censeretur, sine quibus iurisdictione non posset explicari: illa quoque, per quæ facilius explicari causa poterit, concessa censentur, quia & hoc necessarium videtur ad causam.

*Commissio-  
nem habes  
audiēdite-  
stes, etiam  
cōfessionem  
pārtiū reci-  
pere potest.*

l. fin. ff. manda. cap. fin. de dolo. vnde habens commissionem vt audiat testes, & cōfessionem partium recipere poterit, vt facilius processus iudicari valeat. l. cum te. C. de transact. facit l. prima. in fin. ff. si v. sus. peta. & l. cuicunque. §. item si institor. ff. de instito. actio. docet Papa in cap. præterea. in fine. de officio delegat. ibi: *Quia ex eo quod causa sibi committitur super omnibus, quæ ad causam ipsam spectare noscuntur, plenariam recipit potestatem.* Areti. in cap. de testibus. extr. de testib. & sic per illum textum poterit etiam absolueret ad cautelam delegatus, si hoc sit necessarium, & facile nō possit haberi ordinarius, quicquid scribat glos. in cap. 2. de senten. excommunicat. in vj. Hyppol. singul. 175. concessio.

Et ita seruat vsus forensis, & postquam Papa declarauit delegatum habere plenariam potestatem in sibi commissis, ergo ea, per quæ facilius expedietur, concessa videntur, quicquid dicant quidam interpretes. Nam illud videtur necessarium, quod est vtile. l. j. ff. solut. matrim.

Nec refragatur d. l. j. in fin. ff. si v. sus. peta. loquitur enim in usufructuario, cui sufficere debet vti, quomodo potest, ne proprietas omnino inutilis sit, secus in iurisdictione, vt hīc. & d. cap. præterea. nec usufructuarius recipit plenariam potestatem, sic nec in causa etiam delegatus. d. c. præterea.

Tamen maiora, vel grauiora expressis non videntur concessa, quia hæc sub generali expressione non veniunt. c. sedes. de rescript. clem. 2. de Procura. sed hoc alia ratione, quia in specie ea quis daturus non esset. l. obligatione. ff. de pigno. Ideo Principi reseruata, concessa non censentur, vnde Locumtenens non poterit dare indulgentiam, vel gratiam homicidis, nec aliis, nec delegatus Papæ absolueret in casibus Papæ reseruatis. c. quod translationem. de offic. delegat. cap. si quis suadente. 17. q. 4. Panormi. in cap. prudentiam. §. sexta. per illum text. de offic. delegat. Felin. in cap. veniens. 2. de testib. Sed in ordinario dicit Bart. posse eum cognoscere de maiori causa status, quando concurrat cum principali. l. quotiens. C. de iud. alibi dicam.

Etiam ista regula restringitur, quando esset diuersa ratio, vel quando cessaret, vt in maioribus, de quibus dictum fuit, & quando commissum esset negotium laico, vt cognoscat de petitione hæreditatis, non videtur commissum, vt cognoscat an ille sit legitimus, quia est alia causa penitus separata, & maior videtur, quàm illa commissa. c. tuam. & c. lator. qui filij sint legitimi. vbi Doct.

Tamen dicit Ias. laicum cognoscere posse, quia capax est virtute delegationis ab Episcopo factæ, sed hīc dicimus hanc causam, tanquam maiorem, non esse laico commissam: ideò non posse de ea cognoscere, sed non dubitamus, quod, si commissam causa laico à Papa fuerit, quin nomine mandantis cognoscat. cap. 2. de iudic. sed non videtur eidem commissam per delegationem simplicem, vt dictum fuit, & per ista comprehenduntur quinque limitationes hīc conscri-

ptæ à Ias. & aliis per Decium in dicto c. in præsentia.

Deci etiam sententia videtur vera, vt si iurisdictione sit præscripta, omnia censeantur præscripta, sine quibus iurisdictione explicari non potest. Nam quomodo iurisdictionem præscribere quis potuisset, si non puniisset rebelles, contumaces, & alios qui sunt puniendi. Ideò præscripta illa iurisdictione, & ista necessaria ad præscriptionem videntur etiā præscripta, per istum text. nec obest c. cum contingat. in fin. de foro competen. vbi qui præscripsit, vt puniret sibi feruientes, non censetur præscripsisse, vt eos excommunicaret. Nā in iurisdictione præscripta quantum possessum, tantum præscriptum. Ideò ibi iurisdictione non extenditur ad alios articulos non præscriptos, sed iurisdictione non potuit præscribi sine necessariis ad illam, ergo necessaria veniunt ad præscriptionem, sed non alij articuli non possessi.

*Iurisdictione  
quomodo  
præscriba-  
tur.*

Vltimò, dum Bartol. scribit iudicem delegatum non posse ante litem cōtestatam citare te, id est,prehendere, aduertendū est. Nā si causa criminalis mandata alicui sit, is ipse poterit citare, & prehendere personam, tam ante litem contestatam, quàm post, & hoc per istam regulam, si causa vagabundi commissam sit, iudex poterit decernere imprimis illumprehendendum, alioqui ipse non posset cognoscere. Nam statim fugeret vagabundus, & hoc etiam Doctor. videntur scribere in l. nullus. cum l. sequen. C. de exhib. reis.

*Causa cri-  
minalis ali-  
cui commissam.*

Si verò causa civilis mandetur, tunc non potest, nec quidem ordinarius, nisi in casibus à iure expressis ante litem contestatam prehendere, & citare. l. fin. C. de Procurat. quia non est materia, nec causa, imò à iure permittitur, vt quilibet per se, vel alium compareat. d. l. fi. l. consentaneum. C. quomodo & quādo iudex. vbi plenè Boër. in sua interpreta. docet. facit text. in c. j. de iudic. lib. 6.

Etiam cui datum est principale, & accessorium. l. cum principalis. ff. de regul. iuris. & reg. accessorium. illo titul. lib. 6. vbi Doctor. abundè istam materiam tractant.

#### S V M M A R I A.

- 1 Princeps solus potest sententiam in criminalibus mutare.  
Et sententiam nullam confirmare. ibid.
- 2 Quæ sunt supremi Imperij, ad se decernit referenda.
- 3 Ius gladij consistebat in gladij gestatione, cognitione & executione.
- 4 Sententia, vt extraneum mortis genus imponatur, non valet.
- 5 Iurisdictionem principaliter habere non dicitur, qui merum imperium obtinet.
- 6 Delictorū animaduersio sine accusatore fieri nō debet.
- 7 Imperium merum non diuiditur.
- 8 Anatomia concessio debet fieri hyberno tempore.
- 9 Sententia in absente non fertur sine citatione præmissa.
- 10 Mixtum imperium quare vocetur.
- 11 Concedere veniam ætatis, est summi imperij: cognoscere verò de ea, est mixti.
- 12 Iurisdictione in venditione castri venire non videtur, nisi id expresse agatur.
- 13 In generali concessione non venit quod non est verisimile quem concessurum.
- 14 & 15 Mero imperio concesso, quid censeatur concessum.



16 *Cardinalium collegium non potest prescribere contra Papae auctoritatem.*

17 *Erectio furcarum est meri imperij.*

18 *Possessio meri imperij per erectionem furcarum retinetur.*

*Ampliat. ibidem.*

19 *Mensura falsæ pœna plerunque arbitraria est.*

20 *Mixtum imperium habens non potest occidere.*

21 22 23 & 24 *Iurisdictionem, seu bassam iustitiam habens, de quibus cognoscat.*

25 *Iurisdictionem dolo usurpans, vel extendens, quomodo puniendus.*

26 *Populus illius ciuitatis sub iurisdictione dicitur, in qua tributa & collectas soluit.*

LEX III. VLPPIANVS LIB. SINGVL.  
DE OFFIC. QVÆSTORIS.



**I**mperium, aut merum, aut mistum est. Merum imperium est, habere gladij potestatem, ad animaduertendum in facinorosos homines, quod etiam potestas appellatur. Mistum imperium est, cui etiam iurdictio inest: quod in danda bonorum possessione consistit, vt iurdictio est iudicis dādi licētia.

**I**n ista lege interpretes materiam iurisdictionum copiosè tractarunt, & diuisiones imperij & iurisdictionis fecerunt, vt omnia iura conciliarent, sed contrarium euenit. Nam per eas diuisiones, nunc omnia confusa penè sunt. Idèd ego breuius dilucidiusque hanc materiam pertractabo, & maximè quatenus respicit praxim: istas ambages, & dubia, quæ nihil profunt, his relinquens, qui de vmbra asini digladiari solent.

*Imperij diuersæ appellationes.*

Imprimis dicam imperium accipi aliquando pro iussione, vt velle non creditur, qui obsequitur imperio patris, vel domini. l. velle. ff. de regul. iur. l. liber homo. ij. ad legem Aquiliā. Accipitur etiam pro decreto & sententia. in l. quod iussit. ff. de re iudic. ibi: *Contrario imperio tollere potest.* l. fin. ne quid in loco publico. iuncta l. si Prætor. de iudic. Quandoque imperium pro ipso regimine, & summo imperio ac Principis potestate, & excellentia maximè Imperatoris, vulgò, *l'Empire*, capitur. in l. cum ratio. §. si plures. ibi: *Cum ampliari imperium hominum adiectione potius quam pecuniarum copia malim.* ff. de bon. damnato. & Iustinian. sic scribit: *Maxima quidem in omnibus sunt dona Dei, à superna collata clementia, sacerdotium, & imperium.* in authent. quomodo oporteat Episcop. in princ. collat. j. §. quorum. in procem. Instit. & cum dicimus imperium translatum esse à populo Romano in Principem. l. j. ff. de Constitut. Principum. Interdum accipitur pro potestate, auctoritate, vel magistratu. in l. potestatis. ff. de verb. signif. vbi dixi, & sic accipiendo comprehendit & merum & mixtum imperium ac iurisdictionem. vnde Paul. ait: *Magistratus superiores, aut qui sunt in pari imperio, nullo modo possunt cogi.* l. iij. ff. de arbit. Et Proconsul portam Romæ ingressus, deponit imperium. l. fin. de offic. Proconsul. sup. l. & si Prætor. de offic. eius. Nunquam verò imperium accipitur pro mero imperio. vt hîc, & sic pro potestate animaduertendi infa-

cinorosos homines. vt in l. j. §. fin. suprà de offic. eius.

Item, vt facilè hæc materia intelligatur, sciendum est imperium esse genus supremum, comprehendens omnem potestatem, & iurisdictionem. quod probatur in l. j. ff. de constit. Princip. vbi populus Romanus transtulit omne imperium in Principem, & dictum est imperium, ab imperando, quia omnibus ipse Imperator potest imperare, & super omnibus rebus. Idèd imperium habere dicitur, id est, supremam potestatem. §. sed & quod Principi. de iure natural. in Instit.

Vnde Vlp. sic scribit ff. de offic. Præsid. *Præses provincie maius imperium in ea provincia habet omnibus post Principem:* ergo Princeps habet maximum & supremum. Idem dicitur de Proconsule, in l. & idèd. ff. de offi. Proconsul. Et istud imperium summum vocat Aurel. in l. vnica. ff. de offic. Præfect. Prætor.

Itaque hoc imperium habet in se omnem potestatem & iurisdictionem, & sic continet merum imperium, mixtum, ac iurisdictionem, & alia multa extra iurisdictionem, vt condere leges, vt dicam. Et ex hoc imperio (sicut de equo Troiano Græci) profiscuntur, merum imperium, mixtum, ac omnis iurdictio & omnis potestas, sicut de mari omnia flumina, vt scribit Bal. in tit. de alaud. col. 3. num. 12.

Adhæc iurdictio duobus modis accipitur, generaliter & specialiter. Generaliter accipitur pro potestate, & continet merum & mixtum imperium, vt probatur in hac rub. de iurif. omnium iud. & l. vnica. si quis ius dicē. non obtempera. quia in vtroque imperio non deest iurdictio. Probat l. j. de officio eius. vbi, qui habent publici iudicij exercitationem, iurisdictionem suam, dum profiscuntur, mandant, & sic merum imperium. l. si in aliquam. §. cum plenissimam iurisdictionem habeat Proconsul. sup. de offic. Proconsul. Et tamen merum imperium habet, vt ibi. & ista iurdictio, vt docet Bart. diuiditur in imperium & iurisdictionem, sicut adoptio. l. j. ff. de adoptio. Imperium verò, in merum & mixtum per hanc legem diuiditur, vt dicam inferius.

*Iurdictio nis generalis appellatio.*

Tamen iurdictio non comprehendit summum imperium, de quo suprà locuti sumus. Nam supremum imperium per se est, nullique communicatur, sed semper est apud ipsum Principem, qui potest facere ratione huius imperij & potestatis, ea quæ aliis non permittuntur, vt pote condere leges, & constitutiones. l. j. ff. de constit. Princip. & eas interpretari. l. si. C. de legib.

*Quæ spectat ad supremum imperium tantum.*

Create Consiliarios, & alia officia publica. l. Barbarius. in fi. ff. de offi. Prætor. Et potestas constituendi magistratus ad iustitiam, est de regalibus. vt patet in tit. quæ sint regal. in Feudis.

Indulgentiam & gratiam delinquentibus præbere. vt per totum titulum ff. ad Turpilian. l. j. & l. cum indulgentia. & l. si deportationis. C. de senten. passis. Veniam ætatis concedere. vt in tit. C. de his qui veniam ætat. impetrauer. Et sententias etiam in criminalibus mutare, ipse solus Princeps potest. l. Diui. ff. de pœnis. & sententiam multam confirmare. cap. ad petitionem. de accusat.

Create Notarios generales. Inno. in c. cum primo tabellio. de fide instrum. potest tamen præscribi per tantum tempus, cuius memoria non est in contrarium, vt creetur Notarius in illo loco, sed non generalis. per c. auditis. vbi Docto. de præscript. & c. super quibusdam



quibusdam. de verb. signif. sic consuluit Bal. pro Ecclesia Beluacensi in consil. 201. Casus est talis. in 2. vol Dec. in d. c. cum primo tabellio. de fide instrum.

2 Vnde ea, quæ supremi sunt imperij, Princeps ad se referenda decernit. in l. iij. C. de offi. præfect. Præto. Orient. & l. fin. de offi. præfect. Augustal. insequens consilium Ietri datum Moyfi. Exod. 18. c.

Alia sexaginta duo competētia soli Principi, quæ summi sunt imperij, congerit Lucas de Penna in l. contra. de re milita. lib. 2. Bald. in l. prima. C. de iure aureo. annulo. & Iacobi. de Sancto Georg. in tractat. feudor. in verb. Princeps.

Ex his apparet multa esse Principis & summi imperij, quæ non versantur in iurisdictione, nec in mero imperio, ut superius dictum fuit, & sic imperium est genus superius iurisdictione, quamvis Doctor. iurisdictionem tanquam genus supremum apposuerint.

Summum imperium à mero segregandum.

Et sic istud imperium est summa potestas, in supremo tantum Principe residens. d. l. vnica. ff. de offi. præfect. Præto. & ista, quæ tantum sunt supremi imperij, non tendunt ad merum imperium, ut dicam: ergo non oportet ea miscere, & vnum cum alio confundere, si rectè hanc materiam quis intelligere cupiat. Et ex hoc confusiones infinitæ ortæ sunt, quæ sopientur, si summum à mero imperio segregetur.

Imperij diuisio.

Vnde summam diuisionem sic facere debemus, videlicet imperium aliquod est in genere, quod sic partitur: quoddam est summum, de quo superius: alterum merum, aliud mixtum, de quibus statim dicetur. Postea succedit iurdictio, de qua in hoc tex. & in rub. diuisio eius facta fuit, & per ista diuisiones in arborem redactæ, superflue sunt, cum ad istam reducantur.

Imperium diuidi à Iuriscons. bifariam videmus, cum omnis bona diuisio bimembris esse debeat, vel ad bimbrem reducibilis, teste Philoso. videlicet in merum & mixtum, & postea singula membra definit, quicquid iacent interpretes hinc, & sic Vlpia. definit merum:

Imperium merum est habere gladij potestatem, ad animaduertendum in facinorosos homines, quod etiam potestas appellatur.]

Interpretes securi Bart. alio modo definiunt, dicentes Vlpia. hinc non definire merum, nec mixtum imperium, nec iurisdictionem, sed exempla tantum ponere. Ego verò definitiones hinc apposuisse Vlpia. & descriptiones censeo, in hoc secutus Angel. Et cum hinc dicat Vlpia. imperium est, non dicit, exempla meri imperij sunt. Et quamuis in iure omnis definitio periculosa sit, & rara est, quæ non possit subverti. l. omnis. ff. de regul. iur. & ideo Iuriscons. solent vti descriptionibus, quia, ut Philosophus testatur, vix inuenitur bona definitio, sed pro ea descriptionibus vtendum est, ut hinc Vlpia.

Et idem est dicere, merum imperium est habere gladij potestatem animaduertendi in facinorosos, ac si diceret, merum imperium est potestas gladij ad animaduertendum in facinorosos. &c. Et sic per rei substantiam hinc potius definitur, quam per effectum, quo usus est Horatius, dicens: *Virtus est vitium fugere*, id est, fuga vitiorum est virtus. Et ista definitio constat genere, videlicet in verbo, potestas, ac differentiis, respectu mixti imperij, & iurisdictionis.

Definitio imperij meri, constat genere & differentiis.

Et comprehendit hæc gladij potestas animaduertendi in facinorosos, poenam damnandi in metallum, & aliam quamcunque poenam, cum in qualibet poena in facinorosos animaduertatur. Et sic comprehenditur in hac definitione, per l. aut damnum. ff. de poenis.

Et sic colligere possumus merum imperium consistere in potestate animaduertendi, & puniendi scelestos, ergo qui habet potestatem puniendi facinorosos gladio, vel alio modo adimendi eis vitam, aut membrum, is merum imperium habere dicitur. Vnde Vlpian. ait, *qui vniuersas provincias regunt, hi ius gladij habent, & in metallum dandi eis potestas permissa est*. l. illicitas. ff. de offi. præsid. vbi dixi & idem Vlpia. scribit sic, *l. nemo potest gladij potestatem sibi datam, vel cuiusvis alterius coercitionis, ad alium transferre*. ff. de regul. iur. declarat Vlpia. ff. de iniur. l. si quis iniuriam atrocem fecerit, qui contemnere iniuriarum iudicium possit, ob infamiam suam, & egestatem, Prætor acriter exequi hanc rem debet, & eos qui iniuriam fecerunt, coercere. Accurs. dicit, corporaliter.

Sciendum est apud Romanos ius gladij ornamentum fuisse Prætorij, ut docet Laz. lib. 2. c. iij. de repub. Romanor. dabatur enim gladius pro insigni, sicut hodie Regi Franciæ in coronatione datur gladius strictus, quem ante eum magister militum, dictus Comes stabilis, postea gestat de eo gladio. Iulius Capitol. in Gordia. ait gladij potestate, succinctus est. & Lamprid. in Alexand. scribit sic, Honores iuris gladij nunquam vendi passus est, dicens necesse esse, ut qui emit, vendat. Ideo qui istud ius gladij habet, & cui accinctus erat, & datus gladius, is merum imperium habere dicebatur. Ob id dicit hic text. Imperium merum est habere gladij potestatem, ad animaduertendum in facinorosos.

De iure gladij.

Nam hæc gladij potestas ideo dabatur, ut animaduertetur in scelestos, & hoc ius gladij in tribus consistebat, in gladij gestatione, cognitione, & executione. Ideo nemo poterat hanc gladij potestatem in alium transferre, quia specialiter aliquibus tribuebatur. l. solet. supra. de offi. Procons. l. prima. de offi. eius. l. nemo. de regul. iur. Sed postea Imperatores declinante imperio, solo verbo ius gladij, seu merum imperium quibusdam dederunt, quo iure nunc utimur. l. illicitas. §. qui vniuersas. ff. de offi. Præsid. & sic optima erit prima Iurisconsulti definitio. De gladio scripsi in l. armorum. ff. de verbo. signif. vbi dixi hinc intelligi de gladio, de quo in l. aut damnum. ff. de poen. cuius nomine continetur omne aliud instrumentum, quo vita adimitur. ut in l. cum vir, ibi, *gladio ultore*. C. de adult. d. l. aut damnum.

Merum imperium habere, quid sit.

Gladij significatio.

Dando ius gladij alicui, non dabatur suprema potestas, sed ius tantum animaduertendi, gestandi, & cognoscendi, ut dixi, sed alia insignia dabantur, ut nunc Regi Franciæ in coronatione, quæ summum denotant imperium, & sunt insignia summi imperij, ut patet in tracta. de corona. Regis.

Et ideo dicit text. gladio. Nam Vlpia. ait gladio animaduerti oportere, non securi, vel telo, vel fustibus, vel laqueo, vel aliquo alio modo. in l. aut damnum. ff. de poenis. licet hodie & animaduertatur securi in Ressortu (ut vulgò dicunt) Tholosano, & vbi que in Francia, laqueo, sed non valere sententiā, ut extraneum genus mortis imponeretur. d. l. aut damnum. utpote si vellet telis delinquentem occidere, aut alio



modo extraneo. teste Iaso. in l. si quis mihi bona. §. seruus. col. 3. ff. de acquir. hared.

*Quæ in me-  
ro imperio  
requiran-  
tur.*

Et sic merum imperium consistit non in sola executione, ut quibusdam visum est, sed in cognitione & examinatione causæ criminalis, & in eius decisione & executione. probat l. prima. §. idem Cornelio. ibi, *sed argumentis causam examinandam.* ff. de quaestio. & §. *Diuus Pius rescripsit, sed & eum, qui cognitionis suscepta tempore.* ibidem. Ergo est cognitio in mero imperio, & sic iurisdictio. l. prima. ibi, *cognitionem Prætor, quam ex Senatusconsulto habet, mandare non poterit.* suprâ. de offic. eius. l. solent. de offic. Proconf. §. audient quoque leuiores crimina. in authen. de defensor. ciuitat. colla. 3. l. interdum. §. qui furem. ff. de fur. & pœnale iudicium non datur, nisi causa cognita. l. quamuis. ff. de in ius vocand. ergo cognitio in mero imperio requiritur, alioqui condemnaretur inauditus. contra l. absentem. ff. de pœnis. & l. qualiter. de accusa.

In definitione etiam quod consistat merum imperium, probat text. in l. prima. §. si serui. ff. de quaestio. ibi, *in diem ita pronuntiare debere.* l. patre. ibidem. & l. vnius. in fi. ibi, *custodia non solum pro tribunali, sed & de plano audiri possunt, atque damnari.* ibid. l. prima. in fi. ff. de pœnis. l. absentem. & l. seq. ibidem. l. nō dubito. in fi. ff. de capti. ibi, *& in eos damnatos animaduertimus.*

Item Iuriscōsultus dicit, habere gladij potestatem animaduertendi in facinorosos, esse merum imperium certe qui hanc gladij potestatem habet, prius debet cognoscere de delicto, quàm animaduertere. l. prima. §. ite illud. ff. de Senatuscon. Sylla. aliàs inauditus & non damnatus puniretur, & non dicit Iuriscōf. animaduersionem esse merum imperium, quia tunc fortè in executione consisteret, sed in gladij potestate, qui ergo habet gladij potestatem, non potest pœnam infligere, nec animaduertere in facinorosos, nisi eos audierit, & cōdemnauerit, ut probat d. l. non dubito. ibi, *in eos damnatos animaduertimus.* l. qui ultimo supplicio damnatur. l. ad bestias damnatos. l. in metallum damnati. ff. de pœn. vbi semper de damnatis loquuntur iura.

Etiam in executione consistit hoc imperium. l. si quis fortè. & l. capitaliū. ff. de pœnis. l. Diuus. de bonis damnato. l. cum eo. ad legem Iuliam. pecula. l. si quis missus. ne vis fiat ei. Nam parum esset habere cognitionem, & definitionem, nisi & executionem haberet. l. ij. §. post originem. ff. de origi. iur. c. vbi periculum. §. præterea. de elect. in 6. & per istum text. ibi, *ad animaduertendum in facinorosos homines, &c.* non esset animaduertere tantum cognoscere & pronuntiare.

Et si diceremus merum imperium in sola executione consistere, lector solus haberet imperium merum, quia ad eum executio pertinet. l. Diuus. ff. de bonis damnat. quod esset ridiculum.

*Index sine  
iurisdictio-  
ne nemine  
in carcerē  
ducere po-  
test.*

Etiam non posset index sine iurisdictione visis informationibus decernere reumprehendendum, & in carcerem ducendum, & testes recolendos esse, vel reum torquendum. ut in titul. ff. de quaestio. aut reiiciendos testes, vel recipiendos, & alia facere, quæ ad causam decidendam pertinent, sed incidenter, non principaliter dicunt iurisditionem habere eum, qui merum obtinet imperium. Etiam ego dicere in consequens. Nam cui datum est imperium, omnia con-

cessa videntur, sine quibus imperium exerceri non posset. l. ij. suprâ. eo.

Item licet in executione non interueniat cognitio causæ principalis iam decisæ, tamen interuenire potest cognitio exceptionis, opponendæ post sententiam, de quibus in l. a Diuo Pio. §. in venditione. cum seq. ff. de re iud. l. prima. C. de iuris & fac. igno. c. de cætero. vbi Doct. de re iudic. dixi in tractat. de exceptionibus.

Merum dicitur solum, purum, simplex, ab omni commixtione separatum, & sic à iurisditione ciuili, nec probo sententiam Bart. ut merum dicatur liberum quoad Principem, & quoad alios non. vnde Pompo. ait ff. de verb. obli. l. v. §. *Iudiciales stipulationes sunt, quæ à mero iudicis officio proficiuntur, veluti de dolo cautio, & Prætoris, quæ à mero Prætoris officio,* & Theophil. exponit, merum, ibi, pro solo, sed sic, ut superius dictum fuit, exponendum est, videlicet merum officium Prætoris, sine actione, vnde mera veritas, sine falsitatis immixtione. c. qualiter. primo. in fi. de accusa. Stipulatio merum factum continere dicitur, cum factum tantum contineat, non dationem, ut, Insulam in meo solo ædificari, aut in loco Titij. l. qui res. §. qui Romæ. ff. de solut. Mero iure, id est mera interpretatione, exponit Bald. in l. ij. C. de obseq. ego exponerem ibi, mero iure, ut suprâ, quasi nō habita ratione ad pactum, vel ad aliam rem, sed hoc fiat, mero iure, id est, puro & solo iure. Merum etiam ius gentium, quod est solum, nō commixtum cum ciuilibus præceptis, & Prætoris. l. bona fides. ff. depositi. Mera ratio, sine æquitatis admixtione, & interpretatione. l. si mandauero. 2. §. si hi quorum. ff. mandati. Mera subtilitate, pro sola, sine æquitate. l. ij. §. primo. ff. de adimen. lega. Mera liberalitate. c. statutum. §. in super. de rescript. in 6. quasi sola, & sine petitione, & pactione. Mera fide. l. omnium. C. de testa. Mera pœna, absque rei persecutione. l. vnica. in fi. ff. si quis ius dicenti non obtempera. Merum aurum, non commixtum cum alio metallo, sed per se purum. l. idem Pōponius. ff. de rei vend. Idem merum dicitur, quasi non mistum cum iurisditione, quia iurisdictio ciuilis non inest, sicut in misto, quod bellè declarat text. in l. cum seruus. ff. de conditio. & demonstra. ibi, *sed nos neque conditionem meram esse putamus, quæ in datione existat, neque meram conditionem, quæ in facto sit, sed eam conditionem, quæ ex quadam mistura consistat, &c.* Tamē is, qui merum habet imperium, iurisditione utitur, id est, ius dicit in his, quæ concernunt imperium, cum enim cōcessum sit imperium, omnia cōcessa censentur, sine quibus imperium non posset explicari. l. ij. suprâ.

Vnde potest habēs hoc imperium, inquirere contra scelestos, & demum informationes videre, & decernere, ut prehendantur, qui delictum perpetraverint, deinde audire eos debet, postea probationes recipere, testes recolere in informationibus auditos, & alios audire, si inueniatur, & statuere super illis: omnia ista ad iurisditionem pertinent, & iure publico expediuntur, ut interpretes aiunt, sed iurisdictio consistens in misto, iure priuato expeditur, & ad singulorum vtilitatem. d. l. pupillus. §. munus. ff. de verbo. signifi. tamen vtrunque iure publico expediri, inferius dicitur.

Ex prædictis inferitur definitiones Bart. parum, aut nihil ad rem pertinere, dum definit imperium esse

*Merum,  
quid dica-  
tur.*

*Quæ ad iu-  
risdictionē  
pertineat.*

*Bartol. de-  
finitiones  
reprehēditur.*



esse iurisdictionem, quæ officio iudicis nobili expeditur. Nam superius dixi imperium esse in genere summam potestatem, in supremo tantum Principe residentem. Etiam dictum fuit, imperiū in alijs consistere quàm in iurisdictione, vt condere leges, &c. reprobauitque officiū vel nobile, vel mercenarium. in l. prima. suprà. dictumque fuit non esse alias extra istas Iureconf. definitiones quærendas, nec faciendam differentiam de nobili & alio officio, cum semper iudicis idem officium, quod est amplissimum (vt in l. prima. suprà) versetur. item dicit Bart. imperium merum esse iurisdictionem, & tamen negat in mero imperio iurisdictionem esse, & alia multa, quæ valde inter se pugnant, scribit. Ego puto etiam publicè interesse ius cuiuslibet reddi, tam in ciuilibus, quàm in criminalibus, vt scribit Vlpia. in l. si longius. §. si. ff. de iud. l. ita vulneratus, ad legē Aquil. & ius publicum maximè in magistratibus consistit. l. prima. ff. de iustit. & iure. Et sic non valent istæ definitiones ad publicam, vel priuatam vtilitatem tendentes, quia munus publicum est officium priuati hominis, ex quo commodū ad singulos, vniuersosque ciues, remque eorum, imperio magistratus, extra ordinem peruenit. l. pupillus. §. munus. ff. de verbor. signific. ideo sistendum est in definitione Iurisconf. quæ est sufficiens, si rectè intelligatur. Nam adeo publicè vtile est, vt ius dicatur in ciuilibus, sicut in criminalibus. Ergo sicut imperium iure publico expeditur, sic & mistum, & iurisdic. & priuata etiam vtilitas est illius, qui absoluitur in criminalibus, sicut in ciuilibus. c. cum inter. de except. Ex quo prouenerunt infinitæ interpretum confusiones, quæ euitabuntur, si veram Iurisconf. doctrinam sequamur.

Vnde non video sustineri posse differentias Bart. vt quæ meri sunt imperij, officio iudicis nobili expendantur, quæ mixti sunt, officio mercenario. Nam in vtroque idem iudicis officium versatur, vt docui in l. prima. suprà. nempe nullus sine accusatore puniri debet. l. rescripto. §. si quis. ff. de munerib. & honorib. Et dominus noster Iesus Christus Iudam furem esse sciebat, sed quia non fuit accusatus, ideo nō est ab eo eiectus. c. nihil. 2. q. prima. Ideo animaduersio delictorum non fit tantum iudicis officio nobili, vt docet Bart. sed iure accusationis, denuntiationis, aut per viam inquisitionis instante semper parte, aut Procuratore fisci. vt docet Papa in c. qualiter. 2. de accusa. c. Deus omnipotens. 2. q. prima. Quid igitur debemus dicere vnum expediti officio nobili, & alterum officio mercenario, & vnum ad publicam vtilitatem, & alterum ad priuatam? quia non minor est priuata vtilitas, quādo à crimine liberatur reus, quā in pecuniariis causis, quādo absoluitur. In hæc reamus ergo definitionibus Vlpia. & planū iter inueniemus.

*Diuisiones  
meri impe-  
rij super-  
flua.*

Præterea diuisiones imperij datæ per Bart. sunt confusæ, & superuacaneæ, dum diuidit merum imperium in maximum, maius, & magnum, paruum, minus, minimum, nulloque iure cauetur. Imò potius sunt contra iura, & diuisio Zas. dicentis merum imperium magnum, medium, & paruum, etiam est superflua.

Nam si condere leges, creare notarios, & alia iura suprema, maximi & summi sunt imperij, vt suprà probatum fuit, ergo non meri, cum merum ab eo segregetur, vt dictum fuit, quid enim respicit ad iurisdictionem, & ad iudicis officium leges condere? non

idem expeditur iudicis officio, sed summo Principis imperio, licet Bart. hoc sciebat.

Etiam cui non conuenit definitio, nec definitum. l. prima. ff. de dolo. sed definitio meri imperij non conuenit supremo imperio, quod indulgentiam præbet facinorosis, ergo non est illa potestas gladij animaduertendi in eos, vel coercendi, nec alia, quæ suprà dixi, videlicet nobilitare, officia creare, & alia quædam summi imperij. Ista quid ad ius meri imperij, & gladij faciant, equidem certè non video, nec restituere aliquæ famæ, & honori, pertinet ad merum imperium, sed ad summum. l. prima. §. de qua. ff. de postul. l. prima. C. de senten. passis. & per hoc confusa sunt omnia. vt est in profa sanctorum.

Item contrarietas est in obiecto, quod sit merum imperium, & quod sit maximum: nam merum non potest esse maximum, nec maximum potest esse merum: alioqui suprema potestas in defensore ciuitatis, & latrunculatore esset, si eis mandatum esset imperium merum.

*Supremū  
imperium  
cū mero nō  
confundē-  
dum.*

Et quomodo maius imperium haberet Princeps, si Proconsul & alij haberent maximum, & tamen in l. & ideo. ff. de offic. Proconsul. dicitur Proconsulem maius imperium habere post Principem, quod non haberet.

Adhuc non potest merum imperium esse maius apud vnum, quàm apud aliū, cui est concessum, ideo non opus est facere gradus maximi, vel parui, cum imperium sit totum, & tantum in vno sicut in alio, postquam ei tributum est. Nam omnis, qui merum habet imperium, habet ius gladij, ergo æquale ius in vno est, quale in alio post concessionem, nisi à Principe in concessione restrictum fuerit.

Ex his constat non esse confundendum supremum imperium cum mero, & mixto, cum ista à supremo proficiantur, licet Doctores hætenus confuderint, & simul miscuerint, & ex hoc multæ intricaciones ortæ fuerunt, quæ diluentur per prædicta.

Etiam per hoc cessabit disputatio inter Lotha. & Azo. videlicet, an apud solum Principem sit merum imperium, vt debeat intelligi apud Principem tantum summum imperiū esse, & Reipublicæ regimē. l. vnica. ff. de offi. Præf. Prætor. & non apud aliū. vt ipse disputa. Alex. incipien. Sigismundus, licet Henricus Germanorum Rex Bononiæ pro Lothario pronuntiauerit, vt refert Alciat. lib. 2. Paradox. c. 6.

Sed merum imperiū est apud illos, quibus Princeps concessit, videlicet olim apud consules, dictatores, quæstores Parricidij, præfectos prætorio, prætores, procōsules, Præsides, & alios de quibus suprà visum fuit, & scripsi in l. j. de offi. eius. Idem in misto, vt apud illos consistat, quibus à Principe datum est, & sic debet conciliari contrariæ sententiæ Lotharij & Azo. quicquid hætenus scripserint Doctores. Nā Lotharius confundebat merum imperium & pro summo accipiebat. Azo verò intelligebat de mero imperio, quod est potestas gladij ad animaduertendum in facinorosos homines vt hic, & hoc merum imperiū habent omnes, quibus hoc Princeps concessit, cōsuetudo, vel præscriptio. vt c. cū cōtingat. de foro cōpet. licet interpretes hic multa super hoc effundant.

*Merū im-  
perium apud  
quos cōstet.*

Item imperium merum delegari non potest, nec coercitio corporalis, quæ ratione delicti imponitur principaliter, quia meri est imperij. At alia, quæ sequela est iurisdictionis, etiam non mandatur per se,

*Imperium  
merum nō  
delegatur.*



sed sequitur iurisdictionem. vt d. l. fin. suprà. de offic. eius. Et illa non est imperij meri, quicquid Barto. & alij super hoc scribāt, nec debet fieri hæc diuisio par-  
7 ui, & minimi, vt superius traditum fuit, sed debet totum imperium merū esse, & non sic frustratim eum diuidere, vt lupus agnum.

Item merum imperium est potestas animaduerti in facinorosos homines, siue sint serui, siue ingenui. l. j. §. prætereā. ff. de fidei. i. b. i. *qui hominē occiderit, punitur, non habita differentia cuius conditionis hominem interemerit.* l. in seruorum. de pœnis. Etiam si puniretur mortui cadauer, fortè propter læsam maiestatem, hæresim, aut alio casu à iure permissio, in §. per contrarium. vbi gl. de hæred. quæ ab intesta. deferunt. l. ex iudiciorum. ff. de accusa. vbi Bart. & Fel. in c. cum nobis. 3. col. de præscrip. & c. si quis Episcopus. de hæresi. licet regulariter crimen extinguatur morte. l. defuncto. ff. de publi. iudic. & non debet puniri cadauer mortui, nisi in casibus à iure expressis, aliàs fit iniuria cadaueri. l. j. §. & si fortè. ff. de iniur. quam hæredes prosequi debent, vt in titul. de Senatusconsult. Syllan.

Et sic potest iudex post mortem cadauer suspendi, vel capite truncati, dare Medicis ad anatomiam faciendam, vtilitatis Reipub. gratia. vt Doctor. hinc firmant allegantes l. quod reipub. ff. de iniur. & l. si. ff. de pignora. actio. & quod Bart. ibi scribit, nec in hoc consulitur Princeps, sed is magistratus permittet hanc cadaueris sectionem fieri, qui merum obtinet imperium, & illum condemnauit, vt sæpe vidi in Montepeffulano, quamuis contrariū teneat Chassa. in consue. Burgud. in titul. *des confiscations.* §. j. gloss. *confisque.*

8 Sed hæc anatomie concessio hyberno tempore fieri debet, nō autem in æstate propter fœtorem, vel statim expediri debet. vt docet Francisc. de Ripa in tracta. de peste. in 3. parte. q. 6. in fi.

Idem dicendum est, si animaduertatur in corpus irrationale propter horrendum crimen, nō aliàs, hoc etiam merum respicit imperiū. c. mulier. 15. q. j. Guido Papæ in Decis. Delphi. q. 238. si animal. & Lucas de Penna in l. ij. col. ij. C. de pascuis publi. lib. 11. Bened. in repet. e. Raynutius, in verb. mortuo. in primo. nu. 138. de testa. Et hoc merum imperium consistit tam in terra, aëre. quàm in aqua. In terra, quando quis truncatur capite. In aëre, vt si quis suspendatur furca, vt famosi latrones. in l. capitaliū. §. si. ff. de pœnis. & Bal. alios furcæ figendos congerit. in §. iniuria. col. 2. de pace & iura. firmand. in feud. & Guido Papæ in Decis. Delphin. q. 389. quæritur. in aqua, vt quis proiciatur in aquam, vt parricida. C. de his qui parentes vel liberos occiderunt, licet illa pœna nō seruetur hodie, vel si proiciatur in aquam calidam, vt in crimine falsæ moneræ, vt C. de falsa moneta.

Et quamuis in l. j. de offic. eius. suprà dicatur exercitationem eos habere, qui habent merū imperium, & sic tantum vsum, vt docuit Alciat. lib. 2. Paradox. capite sexto, tamen ibi scripsi quomodo intelligendum sit.

Et licet exercitium habeant, ordinariam tamen iurisdictionem in eo habere dicuntur, quādo à Principe exercitium concessum est, vt Præsidibus, & aliis, alioqui tempore absentie demandari non possent, vt ibi permittitur.

Nec in propria persona posset iudex, imperium

merum habens, sententias concipere, si tantum vsum haberet, & tamen contrarium est verum. Nam latrunculator dicit, *Ego te condemno ad mortem*, & non dicit, *Rex, cuius vices gero.* l. solemus. §. latrunculator. ff. de iud. vbi Doct. gloss. in l. cum probatio. de probatio. & hoc imperium non agitur per Procuratorem. l. seruum. §. publicè. ff. de procurat. l. pen. de accusat. nec in absentem sententia fertur. l. absentem. ff. de pœnis. nisi fuerit prius citatus ad tres (vt dicunt) breues dies. l. inter. ff. de publi. iudic.

Et licet magistratus administratores dicantur, vt in titul. vt omnes iudices tam ciuiles quàm milita. C. tamen verè magistratus sunt, & administratores ex eo dicuntur, quia omnibus ius administrare, & reddere debent, ius tamen obtinent, sicut alij, qui administrationes in iure canonico habent. cle. prima. de rescript. & de quibus loquitur Lucas de Penna in l. secunda. C. vt dignitatum ordo seruetur. libro 12.

Constat etiam Imperatorem, vel alium Principem nunquam concedere solere ea, quæ supremi sunt imperij, quamuis merum imperium frequenter concedat, & in his, quæ supremi sunt imperij, requiritur expressa & specialis concessio, sicut docent Doctor. & Bart. in extra. ad reprimendum. in Rub. dicit Carolus 4. Imperatorem se in consiliariorum & domesticorum numero ab eo fuisse aggregatum, vt suis verbis vtar, & legitimationis, & concessionis veniæ ætatis, aliisque priuilegiis & gratiis decoratum fuisse scribit.

Imò licet Princeps concesserit castrum cum iurisdictione, & omni imperio, tamen nō videtur concessisse supremum imperium, idè ille non poterit exigere gabellas, vel collectas, quæ ad solum spectant Principem, & idem in emptore docet Bertachin. in tracta. de gabel. in prima. parte Gaspar. Valac. in repet. huius l. imperiū. col. 11. Boer. in Decis. Burdeg. q. 50. num. 12. vbi dicit regalia non esse concessa, vt in titul. quæ sint regalia. in feud. quia ista Principem ipsum respiciunt, & illum sequuntur, sicut lepra leprosum, & Neapolitanus morbus suum alumnum. vt docet gloss. in l. iij. ff. pro socio. plenius inferius dicitur. & hoc declarauit Ioannes filius Carol. 6. quādo Ducatus Turonensis concessus ei pleno iure fuit, vt non continerentur iura superioritatis, vt apparet in lib. antiq. anno 1414. Octobris. 8. fol. 293.

Mixtum imperium est, cui etiam iurisdictione inest, quod in danda bonorum possessione consistit. JEr quamuis (vt superius dictum fuit) iurisdictionem habeat, qui merum obtinet imperium, non tamen principaliter, sed tantum, vt merum imperiū explicari possit, sed in mixto imperio inest principaliter iurisdictione, id est, causarum cognitio, & vt iudex hoc imperium habens, ius partibus dicat, ideo dicit iste tex. inesse iurisdictionem, nam ad hoc tendit mixtum imperium, vt ius in ciuilibus dicatur partibus, antequam iudex imperet, iubeatue.

Nec probo Bartoli definitionem, vt mixtum imperium respiciat vtilitatem priuatam. Nam si quis nolit cauere ob domum ruinofam, iuxta palatium regium, vel aliam publicam domum scitam, iudex mittet in possessionem, per totum titul. ff. de damno infecto. & tamen ibi missio respicit publicam vtilitatem, & alia suprà dixi de hoc mero imperio.

Nempe hoc imperium mixtum, ob id mixtum vocatur,

Cadauer mortui quādoque puniendum.

Castrū cū omni imperio & iurisdictione concessum.

Mixtum imperium continet principaliter iurisdictionem.



*Potestas ha-  
beris mistū  
imperium.*

vocatur, quia est compositum ab imperio, & iurisdic-  
tione, sicut hermaphroditus utroque membro. l.  
quæritur. ff. de statu hominum. nec est in his pertina-  
citer insistendum. Nam hoc habens imperium, po-  
test flagellis, & fustibus cedere, ac aliam castigatio-  
nem citra mortis supplicium, aut membri incisio-  
nem imponere, quæ meri sunt imperij. §. ad hoc. in  
authen. de collator. colla. 9. dummodò quicquam  
atrociter non agat. l. si quid. ff. de offic. Procons. Et  
sic imperium merum regulariter in capitalibus cau-  
sis consistit, mistum verò, ut ius dicat is, qui illud ob-  
tinet, & sic in causis civilibus. ideo tex. dicit, cui iu-  
risdictio inest, videlicet ut ius dicat, & inesse, im-  
perio est contineri. l. si quid. §. final. ff. de legat. tertio.  
Vnde antequàm daretur bonorum possessio, iudex  
cognoscebat, an danda esset, & postea eam decerne-  
bat, licet hodie secus. in l. fin. C. qui admitti. ut infe-  
rius dicam.

Nec puto interpretum sententiam veram, dicen-  
tium illis competere mixtum imperium, qui iurisdic-  
tionem habent, quòd pœnali iudicio iurisdic-  
tionem suam tueri possint. l. vnica. ff. si quis ius dicent.  
non obtemper.

Nam in hoc text. tria sunt, videlicet merum im-  
perium, mixtum, & iurisdic-  
tio. Et si eos sequamur,  
duo tantum dicemus, videlicet merum imperium,  
& iurisdictionem. Nam qui habet iurisdictionem,  
habet & mistum imperium secundum eos, sed hoc  
est falsum. Nam qui mistum habet imperium, non  
habet iurisdictionem, nisi quatenus inest imperio,  
sic & coërcitionem habebit, prout est misti im-  
perij.

*Iurisdic-  
tionem habes,  
non habet  
mixtū im-  
perium.*

Nec refragatur, quod iurisdic-  
tio modicam in se  
coërcitionem contineat. l. final. ff. de offic. eius. Re-  
spondeo, illa coërcitio modica est, at illud imperium  
mistum maiorem habet coërcitionem. Ideò qui iu-  
risdictionem habet, non habet mistum imperium,  
nec concludit argumentum: sed qui habet mistum  
imperium habet & iurisdictionem, quæ in misto  
imperio inest, ut hîc, sed in iurisdictione non inest  
imperium.

Vnde testis, qui falsum protulerit testimonium  
coram habente mixtum imperium, acrius punietur  
ab eo, quàm ab habente tantum iurisdictionem. iux-  
ta l. nullum. C. de testib. Et si pœnam maleficio di-  
gnam imponere non possit, remittet illum falsarium  
ad superiorem, pœna digna delicto puniendum. l.  
prima. §. item solêt. ff. de offic. præf. vrb. l. Diuus.  
de fals. vbi Barto. l. nisi. C. de administ. tutor. Et qui  
non potest pœnali iudicio procedere, ad mulctam  
condemnat, & secundum ius suæ potestatis. d. l.  
vnica. ff. si quis ius dicent. cap. cum non ab homi-  
ne. de iud.

Non me mouet, quòd is, qui civiliter de causa co-  
gnoscit, possit & incidenter de crimine cognoscere.  
l. quotiens. C. de iud. & contra. qui de crimine co-  
gnoscit, de rei restitutione cognoscet. Barto. in l. in-  
terdum. §. qui furem. ff. de furt. Sed hoc fit auctori-  
tate legis, quæ hoc concedit, ut vna res non diuida-  
tur, sed tota expediatur coram vno iudice, & ne cau-  
sæ continentia diuidatur. l. nulli. C. de iud. cap. pri-  
mo & secundo. de causa possessio. l. prima & secun-  
da. ff. de quib. reb. apud eundem iudi. agat.

At iurisdic-  
tio non est eadem cum mixto impe-

rio, ergo arguere ex vno ad aliud, non est rectè ar-  
guere, cum ex separatis non fiat bona illatio. l. si. ff. de  
calumniat.

Item postquam iurisdic-  
tio inest imperio, si quæ-  
dam exerceantur, quæ meri sunt imperij principaliter,  
certè illa respiciunt merum imperium, utpote  
si ob cognitionem delicti, quis pro eo mulctetur. l.  
aliud est fraus. §. primo. ff. de verborum significa-  
tione. Ideò si quis excommunicetur in pœnam deli-  
cti, cuius accusatur, hoc meri est imperij. Panor. in  
cap. cum contingat. columna tertia. de foro compet.  
quia loco gladij est. c. sollicitudinem. de appel. c. dile-  
cto. de senten. excom. in 6.

Si verò iudex ad facilius exercendam iurisdic-  
tionem, & expediendam quenquam excommunicat,  
hoc mixti est imperij, utpote si iurisdictionem exer-  
ceat, quia iurisdic-  
tio inest imperio. Et ita debet alia  
opinio intelligi, quam Doctor. sequuntur in l. vnica.  
ff. si quis ius dicent. non obtempera. Et inferius in  
praxi alia deducam.

Et sic concedere veniam ætatis, est summi impe-  
rij. ut l. secunda. C. de his qui veniam æta. impetra.  
sed cognoscere de venia ætatis, est mixti, & sic con-  
ciliantur opiniones diuersæ, ut plenè docui in secun-  
do tomo Constit. Regi. tit. de Registris baptismi.  
articul. primo. gloss. prima. Item super legitimatio-  
ne, & restitutione literas concedere, saltem in Fran-  
cia, summi est imperij, cognoscere verò an iustè sint  
literæ, pertinet ad iudices, quibus literæ diriguntur,  
& ista videmus quotidie in forensi iudicio exer-  
ceri.

Eriam super supplicatione (quam propositionem  
erroris nostri dicunt) literas concedere, est summi  
imperij, cognoscere verò de iudicato, pertinet ad il-  
los, quibus literæ directæ sunt, prout scripsi in tra-  
ctatu de supplica. & error. propos. in primo tomo  
Commenta. in Constit. Reg. idem dic in aliis. In va-  
num ergo Barto. & alij diuidunt mixtum imperium  
in maximum, maius, &c. Sicut de mero supra scripsi  
imperio, quia illa quæ summi sunt imperij, non sunt  
mixti. & tamen Barto. & alij commiscet, & confun-  
dunt ista, quæ volui separare, ut dilucidiora fiant,  
& ut quilibet intelligat nostros in his perperam pro-  
cessisse.

Et hoc mixtum imperium à digniore sumit no-  
men, videlicet ab imperio, non à iurisdictione, pro  
quo facit l. quæritur. ff. de stat. homi. vbi scripsi. & l.  
cum in diuersis. de religiof. infra. cap. quod in dubiis.  
de consecra. Eccles. vel alia. quod Ias. probat hîc per  
octo similia. vide Felin. in cap. primo. de præscr.

Quod in danda bonorum possessione  
consistit. Dicunt interpretes mixtum imperium  
continere in se modicam coërcitionem. l. vlti. ff. de  
offic. eius. sed in datione bonorum possessionis nulla  
coërcitio versatur, ergo non est mixti imperij. Re-  
spondeo, in mixto imperio versari quidem impe-  
rium, & modicam coërcitionem, vbi hoc est necesse,  
sed non est semper necessaria coërcitio, nec ob hoc  
desinit imperium mixtum esse. Nam & iurisdic-  
tio sine modica coërcitione nulla est. d. l. final. Et tamen  
non in omnibus casibus iurisdictionis adhibetur  
coërcitio, sed quando necesse est. l. ij. supra. ut quan-  
do iudici non obtemperatur. l. vnica. infra si quis ius  
dicent non obtemperauer.

P. R. buffi Lectura.

*Mixtū im-  
perium à di-  
gniore de-  
nomina-  
tur.*

*Causæ cō-  
tinētia, nō  
diuidenda.*



Vnde olim cum quis bonorum possessione contra tabulas petere volebat, probare eum oportebat se filium esse, & à patre præteritum. l. prima, & per totum. ff. de bonorū possessionib. cōtra tabul. §. sunt autem. de bonorum possessione. in Instit. Et in his versabatur causæ cognitio. ff. de Carbo. edict. Et imperium ac decretū postea, & sic iurisdicō inest imperio, ita ut antequam iudex iubeat, vel decernat, oportet quod cognoscat. l. de qua re. ff. de iudicib. & idem in aliis multis bonorum possessionibus. ut dicto §. sunt autem. & l. prima. §. decretalis. ff. de successor. edict.

Vnde omnia, quæ sunt meri, misti imperij, & iurisdicōnis, vno eodēque officio expediuntur, & non diuerso. Nam sicut iudex non mutatur, sic nec eius officium, nec ex vno iudice nascitur filius nobilis, vel mercenarius, sed omnes æquales facit. Et ideo omnia expediri dicuntur ab eo, iure sui officij, & magistratus, & ita intelligendum puto, quicquid Barto. & alij tradant.

Et sic gradus misti imperij sunt reiciendi, sicut in mero imperio diximus, aliās est miscere summum imperium cum mero & mixto, quod est confundere & obtenebrare iura per se clara.

Iurisdicō etiam est iudicis dandi licentia. ] Postquam Iurisconsultus declarauit imperium merum & mixtum, nunc etiam declarat iurisdicōnem dicens esse iudicis dandi licentiam. Nam qui iurisdicōnem habet, eam mādare potest. Papinian. in l. prima. suprā. de offic. eius. ergo habet licentiam & facultatem dandi iudicem, facultas dandi iudicem, est iurisdicō, quia non potest iudicem dare, qui iurisdicōnem non habet. l. cum prætor. ff. de iud. l. priuatorum. C. de iurisdic. omn. iudic. & l. prima. suprā. de offic. eius. Vnde qui iurisdicōnem obtinet, potest ius dicere, vel iudicem dare. Vlpia. scribit, *non imitari necessitatem proconsuli, vel legato eius, vel Præsidi provincie suscipiende cognitionis, sed eum aestimare debere, an ipse cognoscere, an iudicem dare debeat.* l. sæpe. & seq. ff. de offic. Præsidi.

*Iurisdicō  
quid sit.*

Et sic cognoscere per se, vel per alium, & ius dicere, est ius dicendi licentia, & sic iurisdicō est iudicis dandi potestas. ut in l. iudice. C. de iud. vel, iurisdicō est iudicia dandi licentia. Nam qui iurisdicōnem habet, licet ei iudicia dare, id est, reddere ius, & is qui iurisdicōnem non habet, non potest, & facit locus Ciceronis orationis 4. in Verrem: causam Verres cognoscit, Verres cognoscebat, Verres iudicabat, dubium non est, quin omnes omnium pecuniæ positæ sint in eorū potestate, qui iudicia dant, & eorum, qui iudicant, & paulò post, ibi: Atque ut aliquando de rebus ab isto cognitis, iudicatisque, & de iudiciis datis dicere desistamus. Et in Orat. pro Cecinna, ibi: Etenim si Prætor is, qui iudicia dat, nunquam petitori præstituit, qua actione illum uti velit, tamen Iurisconsulti definitio melior erit.

Et sic non placet intellectus Alciati libro secundo. Paradox. cap. octauo, licet quidam eam sequantur, videlicet ut legi debeat text. ita: *Atisum est imperium cui etiam iurisdicō inest quod in danda bonorum possessione consistit, ut iurisdicō iudicis dandi licentia, & sic nihil ageretur hic de iurisdicōne, sed de mixto tantum imperio, quod non est verissimile, quia in hac rub. tractatur de iurisdicōne om-*

nium iudicum Iurisconsultus se profiteretur, & tamen si nihil tractaret, etiam esset pervertere text. Ideò ego intelligerem, ut suprā, iurisdicōnem definiri hic, & esse iudicis dandi licentiam, vel iuris dicendi licentiam, ut docet Doct. Viglius. in §. præterea quibus nō est permixtum facere testa. Nam qui habet iudicis dandi facultatem, habet & iuris dicendi potestatem. ut d. l. sæpe. & sic intelligendo, ut ei qui iurisdicōnem habet, liceat ius dicere, & reddere. Et nihil est iurisdicō, quàm ius dicere. l. prima. §. damus. ff. de suspect. tutor. Ideò qui iuris dicendi licentiam habet, dicitur habere iurisdicōnem. Nam iurisdicō in iure sæpe comprehendit mixtum imperium, & cognitionem in ciuilibus. l. fin. ff. de iud. Et conueniet hæc definitio tam delegato, quàm ordinario, ut omni, qui iurisdicōnem habeat, per se vel alium, liceat ius dicere, & quando non potest per se, poterit iudicem dare. Et sic cessabunt intellectus aliorum, & in hærendum est Iureconf. Vlpia.

Iurisdicō dicitur, quasi iuris ditio, id est iuris potestas. ut docet Barto. hic. Ego dicerem iurisdicōnem dici à iure, & dicere, quod iurisdicō consistat in iure dicendo. Nam iurisdicōnem exercens ius dicit partibus, ideo qui iurisdicōnem habet, habebit ius dicendi, vel iudicis dandi licentiam, nec potest melius exprimi effectus, & substantia iurisdicōnis, quàm hic facit Iurisconsultus breuib. verbis.

Item iste text. definit imperium merum, & mixtum, & demum iurisdicōnem continuando, non solum imperium merum est habere gladij potestatem, & mixtum est, cui iurisdicō inest, & c. Etiam iurisdicō est iudicis dandi licentia. Nam qui eam habet, ius dicere, vel dare iudicem potest, & ita intelligitur ditio, etiam, de qua plenè tradidi in l. mulieris. ff. de verborum significatione, & qui mixtum habet imperium, iurisdicōnem quoque habet, & principaliter: sed qui habet imperiū merum, in consequens, sic & in iurisdicōne coërcitio continetur, in consequens. l. fin. de offic. eius.

Sunt qui dicant verbum, licentia ab authoribus non esse receptum, quo verbo tamen vsus est Cicero in Offic. dicens, Pueris non omnem licentiam ludendi damus. Et de Orat. Consuetudo dabat hanc licentiam. Et in Epistol. Magna est gladiatorum licentia, & alibi sæpius. de qua dictione plura scripsi, ff. de verborum significatione l. licet inter. prima. vbi dixi apud Iurisconsultos pro permissione libera, non temeraria accipi, licet contrarium quidam scripserint.

Dubitant interpretes quando iurisdicō datur alicui, an cumulatiuè, an priuatiuè data censeatur. Felin. in cap. Pastoralis. de offic. ordinari. cumlatiuè dari testatur. per l. final. C. de iurisdic. omn. iudic.

Vnde si Rex det iurisdicōnem latrunculatori in ciuitate Parisiensi, intelligi debet, ut ipse habeat iurisdicōnem cum aliis magistratibus Parisiensibus, tunc erit locus præuentioni, nam in dubio non videtur aliis tollere, & illi soli dare. l. secunda §. meritò. ff. ne quid in loco public. fiat. facit l. si in aliquem, & l. nec quicquam. de offic. Procons. Barto. in l. studentibus. C. de offic. præfecti vrb. Panor. in c. cum ab Ecclesiarum. de offic. ordinari. & cap. cæterum. de iud.

*Iurisdicō  
unde dicitur.*

*Præuentioni  
cōcessa iurisdicōne  
alicui cognoscere  
aliis, locum  
habet.*



iud. Roma. consil. 393. Præfens. vbi hoc decem argumentis probat.

*Commissio-  
nes Regis,  
quomodo  
intelligēde  
sint.*

Limitatur quando diuersæ fierent species iurisdictionis, tunc Rex committendo vnam cuiuspiam, aliis prohibere censetur, vt si causas criminales vni concedat, alteri ciuiles. l. solemus. §. latrunculator. ff. de iudi. vt videmus in hoc regno Franciæ, in quo habemus magistratus in causis ciuilibus, & alios in criminalibus, vt est videre in Constit. Reg. in prima parte. Idem, si committantur causæ patrimoniales Regis quibusdam, aliis prohibere censetur, vt superius dictum fuit, & solet in cōcessione Princeps prohibere, quādo vult, vt hi soli, quibus committit, causas cognoscant. vt constat in titul. *de la chambre du Domaine*. in d. Constit. Reg.

Item quando Rex causas & lites super nemoribus motas, & mouendas al quibus tribuit, aliis tollere censetur, & specialiter his committere. l. prima. supra. de offic. eius.

Et interest, an generaliter tribuatur iurisdicção certis iudicibus, quæ iam fuerat aliis cōcessa, & tunc regulariter non videtur tolli à primis, sed locus erit præuentioni, vt dictum fuit. Si verò committatur certis personis, & interdicatur aliis, non est dubium primos priuatos esse, vt in Francia fieri solet, & ita concludunt Panor. & Felin. in cap. cū ab Ecclesiis. & c. pastoralis. de offic. ordin. quod est notandum ad declarationem Cōstitutionum Regiarum.

Dubium arduū est, an si Princeps donauerit urbem, videatur quoque donare omnia, quæ in vrbe ei competunt, & sic iurisdictionem. super hac quæstione ego faciam tres casus.

Primus est, donans, vel vendens ciuitatem, seu castrum simpliciter sine vniuersitate, non videtur vendere iurisdictionem, nō coherentem castro, nisi expressa sit, quia iurisdicção in venditione venire non videtur, nisi expressè sit actum. cap. primo. de capit. qui curiam vendidit. Ludo. Roma. consil. 444 an dictum. 2. dubio. Bald. in l. à Procuratore C. mandat.

Secundus casus est, Princeps donando urbem vel castrum cum iurisdictione, donare non videtur merum imperium, nisi exprimatur. l. prima. ff. de offic. præf. vrb. Bald. in cap. quanto. colum. 2. de iudic. etiamsi dixerit, quicquid iuris habeo in vrbe dono, nihil excipiendo, vt censuit sacrum magnum Conciliū Neapoli. vt refert Mathe. de Affli. in Decis. Neapol. quæst. 122. Si comes. Et ita etiam iudicauit Senatus Parisiens. Anno 1271. circa festum omnium Sanctorum, quia in generali concessione nō venit illud, quod non est verisimile, quem esse concessurum. l. obligatione. ff. de pignor. c. fin. de offic. vica. libro 6. nisi diceretur, quia maiora expressis non veniunt. l. sedes. de rescri. nisi diceretur, Ego cedo totā, vel omnem, vel quācumque, vel omnimodam, seu plenissimam iurisdictionem, tunc & merum imperium veniret, vt docet Claud. Seicel. hīc, per d. l. si in aliquā. in fine. & clem. primā. in gloss. omnimodam. de foro competent. Præpos. in cap. pastoralis. colum. 6. de appellat.

Reprobata opinione Felin. in cap. quod sedes. de offic. ordi. dicentis merum imperium venire iurisdictionis nomine, quando Princeps donat castrum cū iurisdictione, quia latissimè interpretari verba illa Principis debent. l. beneficium. ff. de constitut. Prin-

cip. diuersum est, si Princeps committat alicui iurisdictionis exercitium, sed hoc est contra l. primā. ff. de offic. præf. vrb. Nā potius restringi debet concessio rei, quā vsus, aut exercitium, vbi non est tantum incommodum. vt probat l. fin. C. quæ res pigno. oblige. poss.

Et sic vidi decidi in eo, qui vendiderat suum castrum cum tota & quacunque iurisdictione, quā ibi habebat, vulgò *aneques toute iustice*, vt etiā merum imperium venditum esset, non autem supremum. Idem dicunt si merum imperium cohereret territorio, aliās non. per l. primā. in fin. ff. de offic. eius. Alexand. consil. 35. viso processu. in 4. vol. Panor. & alij in c. quod sedes. de offi. ordin. Paul. Castren. consilio 406. satisfaciendo. 4. q. vol. primo. Corne. consil. 270. in hac. vol. primo.

Idem, si concedatur ciuitas, *sicut illam teneo, vel vt tenuistis*, tunc in ea imperium etiam supremum concedi censetur. per text. in c. ego. Ludo. 63. dist. ibi, *sicut à prædecessoribus vestris vsque nunc in vestra potestate & ditione tenuistis, & disposuistis*, & c. At in c. Constantinus. 96. dist. verba sunt expressa, quibus etiam summum imperium est expressè concessum, quando ille qui concedit, illud summum habebat, aliās habet locum. l. traditio. ff. de acqui. rerum do.

Simile dicunt, si concederetur castrum Ecclesiæ, vel ciuitas, vt fauore Ecclesiæ trāsferatur etiam merum imperium. Nam summa est ratio, quæ pro religione facit, Papinia. in l. sunt personæ. ff. de religios. & ita intelligunt Docto. d. c. Constantinus. 96. dist. vbi sic donatam Romam Papæ Syluestro asserunt. & ita Francisc. Marcus in 2. parte decis. 180. Claud. Aquen. etiam aliter limitat. illum videre hīc.

Non refragatur l. si in aliquam. §. final. ff. de offic. Proconsul. Nam ille text. non loquitur de donatione, sed dicit Proconsulem in prouincia illi destinata habere plenissimā iurisdictionem, & imperium declarat l. seq. habere, & sic nihil facit l. prima. de offic. præf. vrb. quia Iuriscōsultus declarat in quo consistebat officium præf. vrbis, sed non statuit legem, quando primò donat urbem, sed quando Rex præficit aliquem magistratum vrbi, & sic non facit contra.

Tertius casus est, donans urbem seu ciuitatem cum mero imperio, & omnibus, quæ ibi habet, non censetur dare ea, quæ summi sunt imperij, nisi speciatim expressa sint, & nominatim. c. vnico. de capit. qui curiam vendi. in feud. Felin. in c. quod sedes. de offic. ordi. quia ista inharēt Principi. Ideo sine eius voluntate non possunt ab eo auelli. l. quod nostrum. ff. de reg. iur. nisi fuerint regalia quædam expressa, cum clausula generali, teste Luca de Penna & Iacob. Rebus. in l. quisquis. colum. secunda, C. de agricol. & censu. libro 11.

Vnde concesso mero imperio, nō censetur datum multarum, poenarumque cōmodum, quod de regalibus est. vt est text. in cap. vnico. quæ sint regalia. Ideo dicunt quidam merum imperium per illum text. esse de regalibus, quod non est verum, sed compendia & multæ meri imperij & mixti sunt de regalibus, & sic debet intelligi ille text.

Item sciendum est, quod concesso mero imperio non censetur concessum mistum, nec iurisdicção, nisi quatenus respicit cognitionē meri imperij, vel misti,

*Castri venditio cum tota iurisdictione.*

*Merum imperium nō cōprehendit regalia.*



etiam concessio mero imperio, non censetur concessa iurisdictione, nisi quæ inest imperio, nec concessa iurisdictione censetur concessum merum imperium, nec mistum: quia ista diuersa sunt, per istum text. ergo vno concessio, aliud non veniet.

Præterea quando est contentio inter Regem, & dominum merum obtinentem imperium, quem alium vocant Iustitiarium, ratione aliquorum facinorosorum captorum. Isti interim ponentur ad manum Regis, tanquam superiorem, donec discussum fuerit ad quem pertineat iurisdictione. Etiam quando est controuersia inter duos vassallos, nolentes recipere hominem ad iuramentum, remittitur hic homo ad iudicem Regium, qui eum recipiet Regio nomine, & *comme souverain*. [ & tanquam supremus. ] Et hæc receptio nulli nocebit, nec in petitorio, nec in possessorio, sicut dixi in positione manus Regiæ. in §. j. in verbo, in manibus. de nominatio. Regia. in Concor.

Poterit etiam per præscriptionem vel consuetudinem merum acquiri imperium. c. cum contingat. de foro compet. vbi plenè Soc. facit c. irrefragabili. §. j. de offic. ordin. c. super. §. præterea. de verborum signific. facit l. ij. C. de fund. limit. lib. ii. & l. viros. de diuers. offic. lib. 12.

*Quæ sunt summi imperij, sunt Principi re seruata.*

Illa verò, quæ summi sunt imperij, præscribi non possunt. l. competit. C. de præscrip. trigint. anno. quia reseruata sunt Principi in signum vniuersalis dominij. cap. ad audientiam. & cap. cum nobis. vbi Doct. de præscrip. Nam si præscribi hæc iura possent, diuideretur imperium, vel regnum, quod prohibetur in §. præterea. de prohibita feud. alienatio. per Federi. Et essent duo Imperatores, & Reges, & vnus alterum punire delinquentem vellet, vt Romulus, Remum, quemadmodum legitur in Histor. & in l. fin. ff. de rerum diuisio. Et hoc docet Bal. consil. 300. ad euentiam. col. i. vol. 5. facit l. fin. C. de fund. & salrib. rei do. lib. ii. Guido Papæ consil. 416. cum quæritur. & Ias. consilio 208. illustis, & in 2. lib. ac plenè Ioan. Francisc. Balb. tractat. de præscrip. in 2. parte. 5. partis principa. versic. & vt clarior habeatur. q. j.

*Præscriptio quæ nõ subsistat.*

Etiam non valet consuetudo, nec præscriptio, vt simplices sacerdotes possint conficere chrisma, vel præbere tonsuram, aut alia facere, quæ ad Episcopos respiciunt. c. quanto. de consuet. Et contra supremam Principis potestatem nõ procedit præscriptio. glos. in c. cum non liceat. de præscrip. Et sic vt non obediatur Principi, non potest præscriptione, vel consuetudine induci. c. cum inter. vbi glos. & Doct. de consuet. Bald. in authen. quas actiones. col. vlt. C. de sacrosanct. Eccles. & in l. j. col. 5. C. de emancipat. liber. Etiam non præscribitur, ne ad Principem appelletur. cap. venientes. de iureiurand. cap. nulla. 93. dist. Nec collegium Cardinalium potest præscribere contra supremam Papæ potestatem. Innocen. in cap. bonæ. 2. de postula. Prælator. Panor. in cap. ex gestis. col. vlt. de clericis non resident.

*Tempus in memoriale requiritur in præscript. contra absentem.*

In præscribenda iurisdictione seu mero imperio requiruntur triginta saltem anni, etiam contra præsentem, quia iura discontinua non præscribuntur, nisi per illud tempus. l. seruitutes in magna. ff. de serui.

Contra verò absentem & ignorantem requireretur spatium temporis immemorialis. cap. super quibusdam. de verborum signific. vbi alia tractantur. & hodie non præscribitur, nisi per tempus immemo-

riale, quia non habet causam continuam. vt docet Petr. Iacob. in titul. de confessio. in rem actio. in fin. & titul. sequen.

Itaque vt in praxi ista intelligantur, nos Galli pro mero imperio, misto, & iurisdictione, dicimus altam, mediam, & infimam seu bassam iurisdictionem. Gallicè, *haute, moyenne, & basse justice*. de quibus Bald. in cap. primo. numero 8. de iudic. & in c. licet. colum. 2. de probat. ac Masue. in praxi. titul. de iudic. §. item sciendum. & Iacob. in l. more. in 2. lect. in fin. infra eod.

De bassa idem Bald. in c. irrefragabili. numer. 5. de offic. ordi. vbi bassam iurisdictionem vocat, quæ non habet alium gradum sub se, vel quando competit iure magistratus, vt dicimus in auditoribus Castelleti, qui iurisdictionem vsque ad viginti libras habet. vide Iacobi in tractat. de feud. in verbo, & cum mero & misto imperio.

Et sic notandum est, de mero imperio esse, punire famulos latrones. l. capitalium. §. fin. ff. de pœnis, & homicidas, seu qui venenum parauerint, aut dederint. l. j. ff. de fidei. item raptos. l. j. C. de raptu. virgi. incendiarios. Bart. in l. j. vbi dixi sup. de offi. Præfect. vigil. l. qui ædes. & l. fin. ff. de incend. ruina & naufragio. homicidas, & adulteros. §. homicidia. in authent. de manda. Princip. collat. 3.

Etiam pertinet ad merum imperium, punire facinorosos ob alia delicta commissæ, vbi pœna mortis infligitur, vel membri incisio. §. ad hoc id prohibemus. in authent. de collato. collat. 9. etiam damnare in metallum, est meri imperij. l. in metallum. ff. de pœnis. & maximè ad Præsides prouinciarum spectat. l. illicitas. §. qui vniuersas. ff. de offic. Præsidi. Doctor. in l. transigere. C. de transactio. Et quamuis membrorum incisio sit meri imperij, non est tamen propriè pœna capitalis. l. ij. de publ. iud. Bart. in l. ex iudiciorum. ff. de accusa. & ibi Imol.

Quamuis per consuetudines Vicecomitatus Paris. tres casus tantum de alta iustitia reputentur, videlicet incendium, raptus, & homicidium de industria perpetratum. Et in his tribus casibus solet trahi condemnatus per ciuitatem, & habet manus antè ligatas: alij verò latrones vel homicidæ retrò. Alij addunt Sodomie crimen, imperij esse, & hi solent comburi; vt habetur in stylo Parlamenti in j. parte. titul. de alta, media, & bassa iurisdictione. Tamen hæc consuetudines non trahuntur ad loca, quæ iure scripto reguntur, in quibus omnes casus, qui ad gladij potestatem respiciunt, de mero sunt imperio. Ideo omnis incisio membri, vt abscindere aures, manus, & alia membra, meri sunt imperij: imò etiam figere florem lilij in facie, vel alio loco corporis, nam in facie prohibitum est. l. si quis. C. de pœnis. vbi ponit rationem, quia facies est ad similitudinem cœlestis pulchritudinis figurata.

Item is, ad quem merum imperium pertinet, potest erigere furcas etiam inuito domino, habente mistum imperium. vt docet Oldra. consilio 161. thema tale est. pro Rege habente merum imperium in villa Cellæ nouæ iuxta Montempeffulanum, contra Abbatem Auianæ. Et erectio furcarum meri est imperij, Bal. in l. à Procuratore. C. manda. & in c. j. quid sit inuestitura. Tamen quando plures sunt merum imperium habentes, vnus alio inuito furcas erigere non poterit, quia in re communi melior est conditio prohiben-

*Quæ sunt meri imperij.*

*Potestas habentis merum imperium.*



prohibentis. l. in re communi. ff. de seruit. vrba. & l. per fundum. ff. de seruit. rustic. præd. & sic consuluit Dec. consil. 249. in casu.

Idem quando duo litigant super mero imperio, vt processu pendente alter non possit erigere furcas, & si erigat, alter tollere potest. it. teste Bal. in l. vnica. per illum textum. Vt nemini liceat sine iudic. autoritate signa reb. impo. alien. C. Et per erectionem furcarum & patibuli retinetur possessio meri imperij, etiam si reus aliquis per centum annos non fuerit ibi affixus. vt docet Bald. in l. arboribus. in j. lect. §. & si agrum. ff. de vsuf.

Alta iustitia signum, quod nã sit.

Item consuetudinarij dicunt signum altæ iustitiæ esse, habere patibulum, quod pillorium vocant, & scalas, quæ ita nullus habere potest, si non habeat merum imperium: & is qui illud habet, potest ista habere, nisi Rex habeat pillorium in illo loco, tunc etiam altus Iustitiarius non poterit ibi erigere aliud, sed scalas tantum, vt sit differentia inter subiectum, & dominum Regem. Nam potentioribus pares esse non possumus. l. iij. ff. de aliena. iudic. & sic dominus, etiam altus, sic vocant, non debet esse Regi par. & de his scalis habetis Paris. in iustitia Sancti Nicolai de Campis.

Etiam nullus in regno potest patibula seu furcas erigere quadratas, cum quatuor columnis, seu vt vocant *pilliers*. Nam hoc tantum ad Regem spectat, sed habentes merum imperium possunt cum duabus, vel tribus columnis patibulum habere, & si tribus columnis constructum fuerit, vulgus vocat *gibet*, & significat dominum ibi habere castrum, Castellaniam, & ressortum, si autem patibulum duabus columnis constructum fuerit, vocatur vulgò *fourches*.

Portus armorum crimen.

Meri etiam est imperij, crimen portus armorum, & cognoscere, & auferre arma Rex solet, & hi, quibus ipse committit. vt est in stylo Parlamenti in prima parte. titul. quorum cognitio specialiter pertinet ad Regem, quamuis Petrus Iacob. in sua praxi. titul. de condic. ex lege. Instit. de actio. §. quadrupli. dicat regales super hoc & aliis turbare Barones, & alios Dominos, tamen non esse resistendum, nisi iuris autoritate.

De confiscatione.

Confiscare, est meri imperij. l. vnica. C. ne sine iussu Principis, &c. Iason in consilio 46. in 4. vol. sed Boër. in decisio. Burdegal. quæst. 264. an foror, illam legem non habere locum in regno arbitratur. Sed dicerem non licere alicui confiscare personam & bona extra Principem, nisi lex sit, vel consuetudo, vt in Francia, tunc is, qui habet merum imperium, poterit condemnando ad mortem declarare bona confiscata, insequendo legem vel consuetudinem etiam, quia hoc facit nomine Regis.

Etiam confiscationes ad altum Iustitiarium spectant. vt Chassan. docet in consuet. Burgund. titul. *des confiscations*.

Præconisationes ad relegandum causa criminis aliquæ ad tres breues dies, meri sunt imperij. l. inter. ff. de public. iudic. & relegare, & deportare meri est imperij. §. cum autem. & sequen. Instit. quib. mod. ius patriæ potest. solui. Petr. Iacob. in sua praxi. titul. super iurisdictione libellus. versic. quæstio circa prædictum, & interdictio patriæ. l. nulli. C. de senten. & interlo. omnium iudic.

Suscipiunt isti superiores Dō. bona extraneorum, albinorum, & naturalium non habentium liberos

ex seipsis legitimos. vt docet glo. in pragmat. sanctio. in §. sequuntur qualificationes. de colla. & Bened. in repetitio. c. Raynutius. in verbo, & vxorē. nu. 1004. & seq. de testam. scripsi in tractat. de liberis natural. in 2. tomo Comment. ad Constit. Reg.

Bona etiam oberrantia, quæ *espaues* Gallicè vocantur, quando est res, quæ non inuenit dominum, superiores dom. occupant. de his vide l. iij. §. Nerva. ff. de acquir. posse. Ioan. Faber in §. examen. de rerum diuisio. in Instit. & Chassan. in consuet. Burgund. in §. j. tit. *des iustices*.

De bonis oberrantibus.

Cognoscunt hi de falsis mensuris. l. annonam. in fin. ff. de extraord. criminib. glos. & Doctor. in c. 2. de emption. & vendit. l. arbitro. §. de eo. vbi scripsi. de dolo. Ioan. Raynaud. in tractat. de mensuris. Etiam dicunt consuetudinarij merum habentem imperium cognoscere de falsis mercibus, quæ venduntur, Gallicè vocant *de faulses denrees*, vt eas comburere possint, vel panem non legitime factum frangere. Cognoscere de delictis in itineribus perpetratis, & de arboribus ibidem crescentibus, etiam de verberibus ex industria factis, vel de criminibus propter pecuniam per alium perpetratis. Fustigare pertinet etiam ad altum Iustitiarium, licet citra sanguinem ad medium, etiam pertinet ad superiorem cognoscere de iniuria atroci. l. si quis. ff. de iniur. l. si quid. ff. de offic. Procons. quando multa esset corporalis, vel excederet sexaginta solidos. Facultatem dare subditis, vt congregari possint, & venditoribus theriacæ vt eam vendant. Mimis & histrionibus ludendi facultatem tribuit, & eradicatoribus, quia hi extrahendo possent hominem interficere: ideo ad habentem merum imperium ista pertinent, & alij sunt casus, quos non congeram, sed ex his cognosci poterunt habentes merum imperium.

Mixti imperij seu (vt dicunt) mediæ iustitiæ, hæc sunt. Primò, vt delinquens ab apparitoribus suis prehendi & capi possit, dummodo non trahatur: nam capitali pœna plecti debet apparitor, qui offendit captum, vt permulti solent. text. in l. fin. C. de malefic. quem not. Bald. in marg. in verbo, maleficium. 3. q.

Que ad mixtum imperium spectent.

Patibula potest hic habere duabus columnis subnixæ, quarum ligamina sunt intrà: alti verò Iustitiarij extrà, vt superius dictum fuit, & hoc procedit de consuetudine huius patriæ.

Item de mensuris cognoscit, si non prætendantur falsæ: sed vbi non est, nisi emenda 60. solidorum, vel minor, & mensuras concedere, & iustas facere, & signare, mixti est imperij. Guido decisione 490. mensuræ si comburendæ sint, tunc altus Iustitiarius cognoscit in hac patria. Et isto medio debetur sexaginta solidi pro emenda, etiam quando comburuntur à superiore, & reliquū debebitur superiori dom. Tamen habens mixtum imperium, potest eas frangere, si non iustas inuenerit. l. item quæritur. §. si quis mensuras. ff. locati. Et regulariter pœna falsæ mensuræ arbitraria est. Doct. in c. 2. de emptio. & vendit.

Mensura quomodo & per quos cognoscenda sint.

Cognoscit etiam de aliis causis criminalibus, vt si de terminis amotis agatur. vt ff. de termi. amoto. Et si de demolitione vinearum, & pratis illato damno, & ferè vbi nō interuenit pœna mortis, incisio membri, sed coercitio vsque ad sanguinem exclusiue cognoscere potest ratione imperij, sed cum non habeat gladium, sicut merum habens imperium, non potest occidere, quia olim gladio, scelesti, vel furca

19

20

occide



occidebantur. l. aut damnum. l. capitalium. in fi. ff. de poenis. Nec etiam membra incidere, sed verberare, dummodò non exeat sanguis, potest.

*Bartolus reprehenditur.*

Ideò falsum est, quod Bartol. & Doctor. scribunt, coërcitionem corporis esse meri imperij, quia sola coërcitio sine sanguine est misti, non meri, per prædicta: & leuia crimina pertinent ad cognitionem imperij misti. de quibus in l. leuia. ff. de accusat. graui ad merum imperium. not. in c. at si clerici. §. de adulteris. de iudic. & c. cum non ab homine. ibid.

Potest etiam ad mulctam sexaginta solidorum condemnare, & non vltra, nec etiam in omnibus casibus vsque ad illam summam, sed minus pro modo delicti. vt docet Ioan. Fab. in l. illustres. C. de modo mulctar.

Postremò, cognoscit in causis omnibus ciuilibus, siue actione personali, siue reali, siue mista, vel in rem scripta agatur, siue de seruitute, siue de aliis iuribus: quia iurisdictio imperio inest. vt in hac l. imperium. Et hoc habetur in consuetud. Cœnoman. in titul. *de moyenne iustice*. artic. 45. vbi Guiliel. Rouillius doctè explicat. Et ponere ad manum Regiam, est mixti imperij, quod Regij iudices, citius quàm debeant faciunt. teste Petr. Iacob. in sua praxi. tit. de misto imperio. & in tit. de statu Curie.

*Iurisdictio in quo consistat.*

Iurisdictio consistit in cognitione verberum, vbi non effluit sanguis, dummodò non interueniat casus privilegiatus, de quo non cognoscit inferior, qui bassam habet iurisditionem. Et de iniuria verbali inter suos subditos cognoscit, solam habens iurisditionem sine imperio: & habere postellū, est signum infimæ iurisditionis. vtor verbis Petri Iacob. in sua praxi. tit. de bassa iurisditione.

Et potest habere carcerem, & Numellam vocant Galli, *vn cep pour mettre les prisonniers, & les garder vne nuit*. argum. l. capite quinto. ff. de adulter. Nam Vlpian. scribit in l. Magistratibus municipalibus supplicium de seruo sumere non licet, modica autem castigatio ei non est deneganda. infra. Idèd perperam dicunt, qui aiunt habentem solam iurisditionem non habere coërcitionem. Imò inueni in registris Curie ad iurisditionem, seu vt dicunt ad bassam iustitiam pertinere, vt quis cognoscat contra mulierem, ad dormiendū dare solitam, papauer forte, vt postea liberè surripere ipsam, vel alij possent, hominibus dormientibus. sicut in Euangelio scribitur de eo, qui seminauit zizania dormiente patrefamilias.

22 Limites apponere potest inter hæreditates diuisas, & inter hæredes potest cognoscere, & successores de hæreditate diuidenda. vt per totum titulum. ff. famil. herciscun. Et de iure Codicis ad Prætozem, aut Præsidentem cognitio pertinebat. l. si qua. & l. si familiaris. & l. filia. C. famil. hercisc.

23 Sistere, & arresta ( vt dicunt ) facere propter non solutos census, vel laudimia, potest etiā habens solā iurisditionē, & ob non solutam domorum pensionem, vt abudè scripsi in 1. tomo Commēta. ad Constit. Reg. art. 4 glo. 2. tract. de literis obliga.

Potērit etiam sexaginta solidos pro emenda accipere, & vnum denarium pro arrestandis bobus, vel animalibus pro consuetudine cuiusque loci.

24 Animalia inuenta in prato alieno, vel aliud damnum afferentia, apparitor huius iudicis iurisditionem tantū habentis capere, & de damno cognoscere potest. l. quamuis. ff. ad legē Aquil. vbi etiam

permittitur domino fundi capere animalia ibi inuenta, afferentia damnum, & ducere ad iudicē. Bar. in l. hoc amplius. §. de his ff. de dam. infect. Ioha. Fab. in §. j. Insti. si quadrupes paup. fecit. dica. Boër. in §. fi. de consue. prædior. in consue. Bituri. & Chassa. in §. 6. gloss. *en mesusage. tit. des Iustices*. Anton. Capit. in decis. Neap. q. 45. Alibi de his plenè tractabo.

Notandum est habentem iurisditionem, vel mistum imperium, non posse ampliare, nec extendere suæ iurisditionis terminos, aliàs nullum est, quod agit etiam si partes consentirent. l. eos C. de modo mulctar. l. j. C. si à non comp. iudic. l. certa. vbi Bald. C. quando prouoca. non est necesse. quia non est permissa prorogatio de minore ad maiorem. c. 1. de offi. deleg. l. 2. de iud. Bal. in l. iubere. infra eod. Bar. in l. j. in §. & post operis. de no. operis nuntia. Ergo qui acquisiuit ius cognoscēdi in ciuilibus, nō extenditur ad cognitionē criminum, teste Salic. per illum tex. in l. j. C. de emancipa libero. Soc. consil. cxj. abundè, col. vlt. in 1. vol.

*Prorogatio de minori ad maiorem prohibita.*

Etiam si delictum esset commissum in eorum territorio, non poterunt vltra iurisditionem punire, sed remittere ad superiorem debent. l. fi. vbi Petr. & Bald. C. de sportul. alioqui semper vsurparent iurisditionem superioris, vt adhuc solent quidam.

Excusatur tamen iudex inferior, qui propter scādalum, vel tumultum, excessit iurisditionem, vt firmat Bal. in l. obseruare. in q. xj. sup. de off. Proconf. & in l. si quis filio. §. hi autem. de iniusto. Felin. multa congerit in c. nihil prodest. de præscrip.

Item is, qui dolo vsurpat iurisditionem vel extendit, debet eam perdere, & confiscari debet iurisdictio ad vtilitatem eius, cui fuit vsurpata. l. eos. C. de aqua duct. li. xj. vbi patruus meus Rebuf. c. tuarū. de priuileg. vt puniatur in quo deliquit. c. postulastis. vbi abundè scripsi de clerico excom. ministr.

25

Tamen ex consuetudine multa interdum data sunt habentibus mixtum imperium, quæ meri sunt imperij. Nam in comitatu Cœnomanensi cognoscit habens mistum imperium, etiam de homicidio simplici, non facto per industriam, vel aliter qualificato. vt est in c. 1. de homicid. Etiam de simplici furto, & aliis criminibus simplicibus, vt in Consuet. Cœnoma. est videre artic. 44. Et sic interdum illi casus, qui meri sunt imperij, de iure ex consuetudine misti imperij fiunt, vel iurisditionis, & sic inferiori acquiruntur, sicut & ipsa iurisdictio. c. cum contingat. de foro compet. l. fi. C. de emancipa. liberor. l. viros. de diuers. offic. lib. 12.

*Consuetudo Cœnomanensis de habere mistum imperium.*

Notandum est illum populum esse sub iurisditione illius ciuitatis, in qua tributa & collectas soluit. §. si quis igitur. in gloss. persoluat. in authen. quibus mod. natura efficiat. sui. colla. 7. probat Bal. consil. 161. proponitur, col. fin. vol. 3. & in l. 2. C. de natura. liber. facit l. qui ex viro. ff. ad municipales. & l. forma. de censib.

### LEX IIII. IDEM LIB. I. AD EDICTVM.



Vbere cauere Prætoria stipulatione, & in possessionem mittere, imperij magis est, quàm iurisdicti onis.

In pro



**I**N proxima lege superiore dictum fuit, quid imperium merum mixtumue sit, & iurisdictionis, nunc Vlpia. ait an iubere caueri prætoria stipulatione, & in possessionem mittere, sit imperij, an iurisdictionis, & respondet magis esse imperij, quam iurisdictionis, id est, magis sapit imperium, quam notionem, in qua iurisdictionis versatur.

Prætoria  
stipulatio  
que dicitur.

Prætoriam stipulationem interpretatur Vlpian. eā, quæ à mero Prætoris officio proficiscitur, veluti damni infecti. in l. stipulationum. ff. de verbo. obligat. quia hæc stipulationes regulariter officio nobili, iudiciales verò officio mercenario decernuntur, vt docent interpretes, idè non esse imperij, sed iurisdictionis existimat Paul. Castren. quem alij ferè sequuntur, ista tamen reprobauit in l. prima. supra eod.

Quamobrem Iohan. Faber aliam assignat rationem, quare stipulationes prætorie magis sunt imperij, quam iurisdictionis, & iudiciales non, quia hæc non sunt necessaria, Prætorie verò necessariae sunt. in §. si. de diuisio. stipul. quod etiam improbant Doctor. Nā in vanum à Iuricon. inductæ fuissent, si necessariae non essent.

Ego putarem text. loqui in stipulatione Prætorie, quia Prætor necessitatem imponendi dabat, & iubebat per suum edictum, vt caueretur. vt in l. 4. ff. de dam. infect. Idè quia iudex insequens Prætozem, iubet & imperat, vt quis caueat, ob id dicitur imperij, & iussus, magis quam iurisdictionis, quia vi actionis non cauetur, sed eò quod pars persequatur ex edicto Prætoris, vt sibi caueatur, quia Prætor ita statuit: stipulatio verò, seu cautio doli, est iudicialis, quæ vi actionis exercetur. Nam in hoc edicto Prætoris dicebatur, *iudicium dabo*, in edicto damni infecti, *iubebo*. l. Prætor. ff. de dam. infect. alibi dicam abundè.

Accurs. voluit intelligere istum tex. vt vnum tantum contineret casum, videlicet iubere caueri damni infecti, & si non caueatur, in possessionem mittere, esse magis imperij, quam iurisdictionis: sed hoc improbant interpretes. & Martia. Iuricon. in l. cognitio. in fin. supra de offic. eius. vbi sic scribit. *Vt possessio bonorum detur, vel si cui damni infecti non caueatur, vt is possidere iubeatur, aut ventris nomine in possessionem mulier, vel is, cui legatum est legatorum seruandorum causa in possessionem mittatur mandari potest.*

Et sic cum ibi casus distinguantur, & hic quoque distinguere oportet, & sic duos casus continebit hæc lex.

Et quamuis interpretes dicant illum text. dictæ l. cognitio, refragari in eo, quod ibi mandari potest iussus de cauendo, & in possessionem missio, & tamen est imperij: respondeo, ibi ea, quæ imperij meri sunt, non posse mandari, patet ibid. sed & quæ misti sunt imperij mandari posse, quod probat Iuricon. Paul. in d. l. final. vbi alia iura adduxi: & sic nulla est obiectio, quamuis Docto. intelligant d. l. cognitio, loqui in cognitione de mittendo in possessionem, quæ mandari potest, cum sit simplicis iurisdictionis, sed ipsa missio non potest mandari. At totum contrarium est verum. Nam missio in possessionem, quæ est facti, mandari & committi solet apparitori, cognitio verò non. Et iste text. loquitur in cognitione, nam dicit iubere caueri, iussus enim & decretum non interponitur sine cognitione. l. de qua re. ff. de iud. l. quod iussit. ff. de re iud. l. 4. §. si fortè. de dam. infect. & §. hoc autem iudicium. nec probò dicta interpretum,

videlicet vt missio in possessionem, ex causa damni infecti, eò mandari possit, quia res celeritatem desiderat. l. prima. ff. de dam. infect. secus in alia missione, sed idem dicendum est, cum sit mixti imperij, sed si causa damni infecti localem exigat inquisitionem, hoc ad magistratus municipales remittere Prætor, vel Præses potest. l. 4. in princip. de dam. infect. Duas ergo res magistratibus municipalibus Prætor iniungit, actionem, & possessionem, cætera suæ iurisdictioni reseruauit, si fortè differatur non caueri, vt possidere liceat, quod cognita causa fieri solet, non duuiros, sed Prætores, vel Præsides permissuros. Item, vt ex causa discedatur de possessione, & sic cognitionem de mittendo in possessionem non habent municipales magistratus, sed tantum inquisitionem.

Magistratibus municipalibus  
duas res commissas.

Dicit quis, quorsum ista dicantur in hac lege, quæ nullius sunt vtilitatis? Respondet Paul. ff. ad municipal. l. ea quæ magis imperij sunt, quam iurisdictionis, magistratus municipalis facere non potest. Magistratibus municipalibus non permittitur in integrum restituere, aut bona rei seruanda causa iubere possidere, aut dotis seruanda, vel legatorum seruandorum causa, &c. Ergo vtilitatem, vt ea, quæ nisi sunt imperij, non committantur magistratibus municipalibus.

Et sic minores magistratus non habentes mixtum imperium, id est, mediam iurisdictionem, non possunt in possessionem mittere, nec ex primo, aut secundo decreto, de quibus in l. si finita. §. si plures. & seq. ff. de dam. infect. nec quidem in Francia cognoscunt minores magistratus in causa possessoria, hoc enim ad Seneschallos, & Bailliuos pertinet. vt est in Cõstit. Reg. tit. Des Seneschaulx & Baillifs. Ordi. 27. Artic. 5. cautum. Videtis igitur legis istius vtilitatem, vt minores magistratus non possint iuberi caueri prætorie stipulatione, nec in possessionem mittere, quia ista sunt imperij magis, quam iurisdictionis, & sic electiue accipitur, solet enim magistratus iubere, vt quis caueat damni infecti, aut alio modo. Prætorie stipulatione, etiam iubet possessori, vt vacuam possessionem relinquat, & illum, de quo cognitum est, in possessionem mittit. l. qui restituere. ff. de rei vend. & in tit. ff. ne vis fiat ei qui in possessionem.

LEX V. IULIANVS LIB. I.  
DIGESTORVM.



**M**Ore maiorum ita comparatum est, vt is demum iurisdictionem mandare possit, qui eam suo iure, non alieno beneficio habet.

**A**Dria. in suo lib. de sermo. Lat. exponit pro modo, vel in modum, quod ineptè dicitur. Ego id exponerem pro obseruatione & instituto, & sic interpretarer in l. sed & si. §. hæc clausula. ff. ex quibus caus. maior. & Budæus probat in l. ius civile. per illum text. ff. de iusti. & iur. vbi pro obseruatione accipi ait. Quod autem grauiorum hominum placito, non lege, neque necessitate confirmatum esset, & more maiorum, exponit in lib. 4. Parerg. Alciat. c. 21. sicut solebat fieri tempore maiorum. Scripsi de hoc in l. pronuntiatum. ff. de verb. signifi.

Allegatur ista lex ad hoc, vt is iurisdictionem mandare possit, qui eam suo iure habet. Suo iure habere

Suo iure habere iurisdictionem, quid dicatur.



habere dicitur, qui suo nomine eam exercere potest, & non vice alterius l. prima in fi. & l. cognitio. ff. de off. eius. Et Vlpia. ait, *eum, cui mandata est iurisdictio, fungi vice eius qui mandauit, non sua.* l. solet. infra eod. declarat Budæ. quando quis iure suo facere dicatur. in l. usufructuarius. ff. de usufruct. & ego fusiùs in l. verbis legis. ff. de verb. sig.

Itaque duæ ex hoc text. cum l. seq. regulæ eliciuntur. Prima est affirmatiua, videlicet, Ordinariū iurisdictionem suam mandare posse, quia eam suo iure habet, & non alieno beneficio, & quia lex eam præcipuè iurisdictionem dat. Secunda autem, negatiua est: delegatum iurisdictionem mandare non posse, quia eam suo iure non habet, sed vice alterius fungitur, ut dictum fuit. Ista tractaui in l. fi. supra de offic. eius. post Doctor hinc. & in l. à iudice. C. de iud. vbi Ias. abundè scribit.

### SUMMARI A.

- 1 *Princeps contractum etiam nullum ex partium consensu potest confirmare.*
- 2 *Confirmatio matrimonij inualidi non legitimat filios iam natos.*
- 3 *Princeps actum nullum per statuta & consuetudines, non videtur confirmare, & quare.*
- 4 *Confirmans actum validum, eum de nouo non dicitur facere.*
- 5 *Confirmatio Principis non trahitur ad iniqua.*
- 6 *Locus contractus concepti attenditur.*

### LEX VI. PAVLVS LIB. II. AD EDICTVM.

**Q**uia nec principaliter ei iurisdictione data est, nec ipsa lex defert, sed confirmat mandatam iurisdictionem ideoque si is qui mandauit iurisdictionem, decesserit antequam res, ab eo cui mandata est iurisdictione, geri cœperit, solui mandatum Labeo ait, sicut in reliquis causis.

**C**onfirmat mandatam iurisdictionem.] Ex hoc text. not. Doctor. eum qui actum confirmat inualidum, videri de nouo dare & concedere, per l. adoptio. ff. de adoptio. Et istud parum probatur hinc, sed vera est Doctor. conclusio. Nam qui confirmat actum inualidum, illum de nouo faceret, si ab eo peteret, ergo perinde habetur ac si de nouo faceret, quia voluntas confirmantis est, ut actus valeat postquam confirmat, ergo confirmans illum, ut valeat confirmat. Igitur videtur sic confirmando facere, ac si de nouo faceret. Doctor. in rub. de cōfir. vtil. Areti. consil. 129. clarissimæ. col. prima. alioqui nihil proderet confirmatio, cum actus sit inutilis.

Item probat Iuriscon. eum, cui mandata est iurisdictione, delegare non posse, quia principaliter ei non est data, sed secundariò. Nam principaliter & directò datur ordinario, cui eam Princeps dedit: verum quia hinc est impeditus aduersa valitudine, ideò eam mandat alicui, sed hoc non est principaliter, sed secundariò, durante videlicet impedimento. Accurs. dicit principaliter, id est, à Principe, sed hæc sententia à multis notata est. De hoc verbo scribit Bar. in l. am

bitiosa. ff. de decret. ab ordi. faciend. & in l. si quis. & l. rogasti. si cert. peta. alibi dicam.

Et quamuis à populo Principi data sit iurisdictione, l. prima. ff. de Constit. Princip. & à Principe ordinario, tamen illis data est à lege principaliter, ut eam exercent suo iure, & non alieno, nec vice alterius: ideò eam mandare possunt, quia eam suam habent & propriam. l. prima. ff. de offic. eius. & is cui mandata est, non suam habet, sed vice alterius exercet, ut dictum fuit in d. l. prima in fine.

Item, si actus sit imperfectus, utpote sine solemnitate & forma, tunc videtur imperfectum sufficere, ut in electione. c. quando sicut. de electio. Nam omnia nostra facimus, quando auctoritatem nostram impartimur. l. prima. §. omnia. c. de veter. iur. enucleand. Id quando iudex decretum suum interponit, alienationi fortè minoris, ut in tit. de prædiis minor. C. & in tit. de prædiis decurio. C. lib. 10. Et qui perficit, quasi de nouo dare & erigere videtur, ut plenè tractat Albert. Brunus, in tracta. de forma & solenni. actus. rub. penul.

Vnde Princeps contractum inefficacem & nullum confirmare potest, si accedat consensus contrahentium. l. si quos. C. de decur. lib. 10. Angel. in l. adoptio non iure. col. 2. ff. de adoptio. Areti. consil. 128. eximiè Doctor. col. 2.

Intellige valere confirmationem ex eo tempore quo confirmatur, non autem trahitur retrò l. obseruare. in fi. ff. de offic. Proconsul. l. donationes. C. de dona. inter vir. & vxor. sic consuluit Areti. dicto consil. 128. eximiè Doct. col. 2. & 1. consil. seq. Bal. in l. nominationes. in fi. C. de appel. Alex. consil. 122. viso puncto. nu. 17. in 4. vol. post Bart. in l. ab emptione. in fi. ff. de pact. & l. heredes. §. si quid post. de testa. Vnde confirmatio matrimonij inualidi non legitimat filios iam natos. Doctor. per illum tex. in c. per venerabilem. qui filij sint legit.

Item non extenditur confirmatio ad illud, quod non comprehendebatur tempore actus perfecti. l. Aurelius. §. testamento. primo. ff. de libera. lega.

Etiā confirmatio actum nullum confirmat, quando Princeps sciebat actum illum esse nullum, alioqui contrà, quia defectum ignoratum non tollit. l. curator. ff. de inoffi. testa. l. quidam. de re iud. Bart. in l. si constante. 2. no. de appella. Panor. in c. primo. & c. examinata de confir. vtil.

Et sic non videtur confirmare actum nullum per statuta & consuetudines, quæ cum sint facti, ea quis ignorare præsumitur? c. primo. de constit. in 6. Bal. in l. impetrata. nu. 7. C. senten. rescind. non posse.

Et hanc confirmationem actus inualidi, nullus inferior à summo Principe, etiam legatus confirmare potest. teste Angel. in d. l. adoptio. ff. de adoptio. glos. in c. si de hæret. in 6. & Panor. in c. primo. de transactio. Actum verò imperfectum inferior confirmat, ut iudex per suum decretum, ut docet Bart. hinc.

Et per istam confirmationem nō poterit quidem Princeps tollere quæ iuris sunt naturalis, sed tantum illa quæ ad ius civile respiciunt, quia iura naturalia tolli non possunt. §. sed naturalia. de iure natural. in Instit. Areti. consil. 8. abundè Alexand. consil. 122. viso puncto. nu. 19. in 4. vol.

Et sic defectum consensus supplere non potest, ut docet Innocen. in c. nihil. de electio. & Archi. in c. quanto. 65. dist. Vnde donationem non insinuatam poterit

*Electio etiam imperfecta valet.*

*Confirmatio non trahitur retrò.*

2

3

*Legatus Principis actum nullum confirmare non potest.*

*Confirmans actum inualidum, eum de nouo videtur concedere.*



*Donatio  
nō insinua-  
ta, mortuo  
donate, po-  
rejt à Prin-  
cipe confir-  
mari.*

poterit quidem Princeps cōfirmare mortuo donante, quia insinuatio iuris est civilis, vt consuluit Paul. Caitren. consil. 178. donatio. vol. primo. scribit tamē Curt. ista procedere quando clarē cōstat actum esse nullum. Nam si dubitetur an valeat actus, poterit peti pro tribunali coram iudice confirmatio, sed non huius insinuationis. Barto. in l. si quis. C. de decurio. lib. 10. abundē Anto. Burgos. in c. cum causa. col. 9. de emptio. & venditio.

Putarem literas confirmantes donationem non insinuatam, esse inciuiles, nisi Princeps eas ex magna causa concesserit, & ante ius acquisitum, vt scripsi in tracta. de dona. insinuandis. in 2. tomo Comment. ad Constit. Reg. probat Alex. consil. 122. viso. colum. 60. in 4. volum.

Item per confirmationem actus inutilis, non tollitur defectus personæ, vt si excommunicatus pupillus, vel furiosus actum fecerit. Curt. hīc & Areci. d. consil. 8. col. 3. Angel. in d. l. adoptio. Idem in clausula motus proprii. dixi in verb. motu proprio, in forma mandati. in Concorda. Franciæ.

Limitantur prædicta, quando Princeps noluit de nouo inducere, sed tantum confirmare, prout est. Nam eo casu de nouo dare non videtur cap. ante penult. de confir. vtil. Nam actus agentium non operantur vltra eorum intentionem. l. non omnis. ff. si cert. petat. & sic lex confirmat iurisdictionem delegatam, prout est, sed eam ordinariam non facit, & sic declarat Barto.

4 Alia est regula, videlicet, confirmans actum validum & perfectum, non dicitur de nouo dare, vel facere. l. prima. ff. de confir. tutor. c. cum dilecta. & c. fi. de confirma. vtil. Nam quod semel est validum, amplius per confirmationem fieri non potest. Alex. consilio 122. viso. col. vlt. in 4. vol.

*Testamentū  
à Principe  
cōfirmatū.*

Ex quo inferitur testamentū confirmatum à Principe, ab ipso testatore reuocari posse. l. omnium. C. de testa. quia ante mortem nō habet effectum. l. cum hic status. ff. de donat. inter virum & vxor. c. cum marte. de celeb. Missar.

Sic & contra statuta à Papa confirmata possunt partes venire, & illis derogare. c. cum accesserit. vbi Doctor. de constitut. Quod verum est, si ex sola voluntate superioris confirmata sint, secus si ex necessitate, vt docet Barto. in l. omnes populi. 3. q. in fin. ff. de iusti. & iure. & per Doctor. in d. c. cum accessissent. de constitut.

*Restitutio  
in integrū,  
etiā contra  
minores cō-  
tractum à  
Principe  
cōfirmatū.*

Vnde si Princeps confirmet contractum minoris, adhuc restitutio in integrū peti poterit. l. si quidem. C. de præd. minor. quia speciale remedium per confirmationem sublatū non videtur, & sic in integrum restitutio. gloss. in l. postquam liti. C. de pactis. vbi Ias. & Doct. amplē tractant.

5 Adhuc, perpetuū est notandum, confirmationem non trahi ad ea quæ sunt iniua. l. prima. vbi Bart. & alij. ff. de his qui sunt sui vel al. en. iur. Doctor. in l. ex facto. ff. de vulga. nā iniua Principibus sanæ mentis non possunt placere, & idē ea confirmare ex voluntate non censentur, sed confirmando de iustis intelligunt. c. primo. de iureiurand. lib. 6.

*Derogatio  
Generalis.*

Generalis etiā derogatio non tollit actum à Principe confirmatum, etiam si diceretur, *non obstantibus quibuscunque in contrarium facientibus*, etiam si non esset confirmatio, nisi in forma cōmuni: vt, *Actum, prout conceptus est, confirmamus, non narrato plenē fa-*

cto, vt docet Alex. consil. 122. viso puncto. & consil. seq. in 4. volum.

Si actus in vno loco factus sit, & in alio confirmatus, attenditur locus vbi contractus conceptus erit, l. si quis in legatione. ff. de iudi. Vnde gabella solui debet in illo loco, & insinuatio fieri, in quo fuit actus factus. teste Bald. in l. obseruare. in fin. ff. de offic. Proconsul.

De hac confirmatione in forma communi, tractat gloss. & Doctor. in c. quia diuersitatem. de concessio. præbend. & Doctor. (maximē Decius) in Rub. de confir. vtil. ac in toto illo titul. gloss. in c. frater. 17. q. 4. & in c. 2. de causa possessio.

Ideoque si is qui mādauerit. ] Nota, iurisdictionem delegati extingui morte eius qui eam mādauit, si decesserit antequam iurisdicatio geri cœperit, ab eo cui mandata est.

Cœpta iurisdicatio dicitur per citationem decretam ab ipso iudice. c. relatum. vbi etiam interpretes, de offi. & potest. delegat. Nam iudicium à citatione incipit. §. fi. de offic. iudic. in Instit. & Marcellus scribit, *vbi iudicium cœptum est, ibi finem accipere debet.* l. vbi. ff. de iudi. facit l. prima. C. illo titul.

Idem si iurisdicatio cœpta in vna causa, non extinguitur in aliis, quoniam vniuersa iurisdicatio mandata est, & (vt dicimus) delegatio facta est ad vniuersitatem causarum. l. etiam. prima. §. primo. de mino. vbi scripsi.

Diuersum est, quando plures causæ singulares commissæ sunt, tunc cœpta non expirabit morte, sed aliæ sic, cum tot dicantur causæ, quot ei commissæ sunt. argu. l. scire debemus. de verb. oblig. ff. Et res dicitur integra quoad causas non cœptas. c. fi. de offic. deleg. lib. 6. vbi Ioan. Andr. & alij.

Præterea iurisdicatio sicut morte mandantis expirat, ita si remotus mandans fuerit, aut sua iurisdictione priuatus. Nam pro mortuo habetur depositus. c. degradatio. de poenis. lib. 6.

Ista procedunt tam in delegato inferioris, quam Principis. d. c. relatum. de offic. deleg. c. fin. illo tit. lib. 6. quod loquitur in conseruatoribus Papæ, quia non est alia lex, quæ ad hoc, Principi, seu eius legato, data sit, sed hæc est omnibus generalis. l. leges. C. de legib. & sic etiam procedit in conseruatoribus, nisi illi conseruatores dati essent collegio, seu vniuersitati, quando de nouo erigitur, tunc non desinit illorum iurisdicatio per mortem mandantis, sicut in vniuersitatibus Franciæ videri potest, vt non accipiant alios conseruatores, per mortem Papæ, vel Regis, siue sit delegatus ad vniuersitatem causarum, siue ad vnam causam, quia par causa omnium videtur, & quia iste text. loquitur generaliter. & d. c. relatum. & equiparantur ista in l. solet. infra eodem.

Etiā quod sit post mortem, non valet, quamuis mors esset ignota, quia ipso iure extincta est iurisdicatio delegata, d. c. fi. gloss. in verbo. ignorassent. l. eius qui. ff. si certum petat. quia voluntas mandantis desinit, sicut de matrimonio dicitur per reuocationem, in c. fin. de Procu. in 6. de hoc dixi plenius in d. l. eius. Bald. in marga. in verbo, delegatio. num. 22.

Diuersum est in reuocatione, quæ non operatur quidquam nisi fuerit reuocata. l. si forte. ff. de offic. Præsid. quia voluntas præsumitur durare. l. non ad ea. ff. de conditio. & demonstra. Oportet ergo scire mutatam voluntatem, sed mors ipso iure operatur

P. Rebuffi Lectura.

T

*Iurisdicatio  
delegata  
morte ex-  
tinguitur.*



reuocationem, vt hîc: quamuis partes consenserint post mortem, non poterit iudex delegatus procedere, per gloss. in cap. cum venissent. de testib. quia priuatorum consensus non potest facere iudicem, nec dare iurisdictionem quam non habet, l. priuatorum. C. de iuris. omn. iudic.

*Iurisdic-  
tio  
re integra  
quomodo  
extingua-  
tur.*

Adde extingui iurisdictionem re integra, etiamsi commissa fuerit, autoritate sedis Apostolicæ, quia licet sedes Apostolica non moriatur, tamen moritur is qui committit, & esset opus noua delegatione, c. si gratiose, de rescript. in 6. vbi quis potest retinere beneficium etiam post mortem, nec desinit gratia per mortem, quia res ibi non est integra, quia ibi ille obtinebat beneficium: sed si res esset integra, & non geri cœpta, extingueretur gratia, vt si dispensatum cum aliquo esset, vt duo obtinere & retinere posset beneficia, si nihil actum sit, finitur illa gratia morte, quicquid interpretes dicant, & gloss. in c. si delegatus. de offic. delegat.

Item per mortem extinguitur tam iurisdic- tio delegati quam subdelegati. Nam extincto iure authoris, extinguitur & ius accipientis. l. lex vestigali. ff. de pignor. Curti. hîc allegat Barto. licet parum prober, in l. secunda. ff. de cura. bono. dan. quamuis Angel. hîc teneat contrarium, dicens sufficere, si delegatus viuat, quod nō puto verum, per ea quæ Doctor. tradunt, in l. ab emptione. ff. de pact. & in l. prima. & secunda. C. quando liceat ab emptio. disced. Bart. in l. prima. ff. de donatio.

Etiam si esset delegatus ad vniuersitatem causarum, quia in eo non est scripta diuersitatis ratio, & quæ in vna, idem in diuersis & pluribus docet Vlpian. in l. singularia. ff. si cert. petat. Panor. & alij. in c. relatum. de offic. deleg. Et quamuis æquiparetur hic delegatus ordinario, quoad hoc, vt delegari possit, tamen non est ordinarius, sed iurisdictionem habet delegatam, quæ morte extinguitur, vt hîc & cap. fin. de offic. delegat. libro 6. Doctor. in l. à iudice. C. de iudic.

Et procedit hæc regula, quando mandans diceret, *quotiens abesse contigerit, mando iurisdictionem, vel, donec reuocauero*, per cap. si delegatus. de offic. deleg. ibi, *dum tamen illo viuente, iurisdictione uti cæperit.* & ibi, *ex quo res integra, morte mandantis extingueretur iurisdic- tio legati*, licet Doctores aliter dicant.

*Restric-  
tio  
nes præce-  
dentis regu-  
læ.*

Primò, restringitur text. in casibus à iure expressis, utpote in fauorem fidei, mandatum enim inquisitoris fidei non extinguitur per mortem Papæ, c. ne aliqui. de hæretic. in 6.

Idem est declaratum in executoribus gratiæ vel Apostolicæ, vel Imperialis, c. si super. de officio delegat. in 6. ne gratia reddatur inutilis, & ne accessorium extinguatur durante principali, contra regulam, accessorium. de reg. iur. in 6.

Secundò, vitiat in ordinaria iurisdictione, quæ non extinguitur per mortem mandantis, quia vt Iason docet, post alios, iurisdic- tio est radicata in ipso ordinario, cap. sanè. 2. de officio delegati. sed istud non est de regula, cum regula loquatur in delegata iurisdictione, & non in ordinaria.

Tertiò non procedit quando de mandantis voluntate appareret, utpote si mandauit vt post mortem sibi quis faceret monumentum. Vlpian. in l. si verò non remunerandi. in fin. ff. manda. tum quia

mandatum erat post mortem explendum, tum quia voluntas testantis seruanda est.

In reliquis causis.] Colligite, quòd non solum mandatum iurisdictionis extinguitur morte re integra, sed etiam in reliquis causis. Vnde Procuratoris mandatum ad lites, morte domini constituentis, expirat, etiamsi sit in rem suam, l. prima. C. de actio. empt. item & ad negotia, l. mandatum. C. mandat.

Pulchre etiam scribit Marcellus ff. de public. iud. *l. defuncto eo qui reus fuit criminis, & pena extincta est*, nisi in certis criminibus, ibidem per Accurs. & alios conscript. & in §. per contrarium, de hæred. quæ ab intesta. deferunt. In ciuilibus autem vide c. significauit. de rescript.

Tamen constitutus à Prælato, vel rectore Ecclesiæ, pro beneficio vel Ecclesia Procurator, expirat per mortem mandantis, etiam post negotia cœpta, & litem contestatam, clemen. fin. de Procurat. vbi gloss. idem concludit in Vicario, quod probat Philip. Perus. in cap. primo. de offic. Vicar. in 6. Ias. consil. 138. reuocatur. columna secunda. in quarto volumine.

Idem dicunt, si constitutus sit à Prælato, vel beneficiario, si postea transferatur in aliud beneficium, vel si ciuilitè moriatur, deponatur, vel renuntiet. dom. de Rota Decis. 376. in no. sub tit. de Procurato. numero vigesimo octauo. & Guido Papæ. Decis. 547. an cle.

Tamen in Curiis Delphinalibus, seruatur post litem contestatam Procuratoris mandatum non extingui, cum sit dom. litis effectus, & dominus satisfecerit pro eo. l. si defunctus. ff. de Procurat. hoc docet Guido Papæ. quæst. 119. iure canonico. Et probat Aufre. in suis quoque Decis. q. 264.

In Curiis Fraciæ per mortem domini reuocatur Procuratoris mandatum, etiam lite contestata, vt dicam in d. l. si defunctus. ff. de Procur.

Vltimò Ias. hîc mouet quæstionem vtilem, & vsu venientem hanc, videlicet, si quis locauerit redditus iurisdictionis fiscalis per totum annum vnum provenientes, tam multas, quam alia omnia emolumenta, si commissum sit delictum eo anno, quo exigere debet multam, in eo tamen anno delinquens non fuerit condemnatus, sed sequente anno, cuius anni emolumenta erant alteri locata, quæsitum est cui debeat hæc condemnatio multæ, an primo conductori, vel secundo? & respondeo, deberi primo conductori, cui est ius acquisitum, eo ipso quòd delictum perpetratum fuit. & per l. quæcunque actiones. ff. de actio. & obligat. & l. is qui in puteum. §. si postea. quod vi aut clam. l. prima. §. si fundum. de aqua quotid. l. si filiusfamilias. de verborum obligat. Idem tenet Petr. à Bellapertica quæst. 533. per l. defuncta. ff. de usufruct. Alexand. consil. 7. viso. colum. secunda. in 3. volum. & bis fuit secundum hanc opinionem iudicatum. Ias. hîc & in l. si ideo. C. de his quib. vt indig. teste Chassa. in consuetud. Burg. in §. 7. gloss. *L' amende*. in fin. titul. *des iustices*. facit l. lege Fauria. vbi Alberi. ff. de manumissio. & ista est communis conclusio, teste Alexand. in l. diuortio. §. si vir. in fin. ff. solut. matri. & Ioan. Ananias in c. primo. ne prælat. vices suas. & Bened. in repetitio. c. Rayn- tius. in verb. cætera. numero 38. de testa. quod nō procedere putarem, quando emolumenta hoc anno pro- uenien

*Mandatum  
Procurato-  
ris quando  
extingua-  
tur.*



uenientia locarentur, vel condemnationes, quia non proueniunt ante condemnationem, & adiudicationem. l. si qua multa. ff. de verbor. signific. & ita debet intelligi opinio contraria. & hoc videtur not. Bart. & Rebuf. per illum text. in l. susceptores. C. de susceptor. libr. 10. gloss. in l. rescriptum. in verb. hypothecas. ff. de pact. Barto. in l. fin. ff. de iniur. Bald. in l. si filiusfam. ff. de his qui sunt sui, vel alieni iur. facit l. eius qui. ff. de testa. Nam quamuis ante condemnationem non sit verè pœna debita, tamen ex die condemnationis retrahitur ad tempus delicti. l. furti. §. primo. ff. de his qui not. infam. & l. qui ultimo. ff. de pœn.

Multa taxata à lege non debetur ante adiudicationem.

Non procederet, si multa non esset taxata à lege, vel ordinatione, vt notat Barto. in l. prima ff. de pœnis. Ita firmat expressè Io. Sanxon. in tit. *des droictz de basse iustice*. artic. primo. quia tunc illa non videntur debita ante adiudicationem, secus ergo videtur in emenda seu multa à lege, vel ordinatione decreta & certa. Nam ea vi ordinationis censentur debita à tempore delicti commissi.

Etiā non procedit, si aliquis notarius cōduxerit emolumenta huius anni, si inceperit in suo anno facere inquisitiones, finito anno non poterit eas perficere, sed secundus, & is ipse emolumentum sui anni habebit, & sic loquitur Guido Papæ. in Decis. 535. Barto quidam. quia hic secundus non debet suis stipendiis militare. cap. cum ex officij. in fin. de præscriptio. quia postquam præstat operam & diligentiam suam, debet mercedem accipere, sicut is qui feram persequitur. l. naturalem. de acquir. rer. domin.

Vnde, quando sine opera secundi hoc non poterat acquiri, tunc acquireretur secundo, qui operam præstat, vt in inquisitionibus faciendis & perficiendis, secus si sine opera sua, vtpote quia tantum sententia iudicis requirebatur, & hoc videtur dicere Alex. in d. §. si vir. in fin.

Si tamen condemnatio multa facta fuerit tempore primi conductoris, & executio tempore secundi, ad primum proculdubio spectabit multa, si ex causa onerosa ad eum fructus iurisdictionis pertinebat, vt docet Bald. in l. diuortio. in fi. ff. de verborum obligation.

Secus si ex causa lucratiua, l. in lege Falcidia hoc obseruandum. ff. ad leg. Falcid. Barto. in l. reos. ff. de duob. reis. & l. qui hominem. §. primo. de solu. hoc expressè docet Alexand. in d. l. diuortio. §. si vir. in fi. ff. solut. mari. quæ ad verbum refert Bened. in verb. cætera. num. 40. de testa.

Ego autem dicerem non faciendam differentiam inter causam lucratiuam & onerosam. Nam si Princeps donauerit fructus iurisdictionis huius anni Titio, & fructus sequentis anni Caio, condemnatio multarum, quæ in primo anno facta est, debetur Titio, licet non sit facta exactio, & condemnationes factæ in secundo anno debentur Caio, secundo donatario.

Nam per condemnationem iam acquisitæ sunt primo, vt docet Bart. in l. aufertur. §. fiscus. ff. de iure fisci. ergo illud emolumentum secundus donatarius habere non potest, quicquid Alexand. & alij dicant, nec est bona similitudo horum ad conreos credendi, quia hi cōiuncti sunt, alij autem diuisi, nec valet hoc argumentum. l. si vnus ex argentariis. ff. de pact.

Accurs. & alij tractant hîc de ordinaria iurisdictione, quam lex, populus, Princeps, consuetudo & vniuersitas concedere possunt, & delegatam etiam ordinarij, & delegati, quibus à iure id concessum est, ad eos nunc te reuocam his contentus.

## S V M M A R I A.

- 1 Consuetudinem scribendi non seruans in instrumento, vix probat.
- 2 Corruptens edictum in regno Francie pœna arbitraria punitur.
- 3 Castigatio corporis loco solutionis cedit.
- 4 Senatus potest ex casu incidente pœnam corporalem mutare in pecuniariam, & econtrâ.

LEX VII. VLPIANVS LIB. III.  
AD EDICTVM.

I quis id, quod iurisdictionis perpetuæ causa, non quidem prout res incidit, in albo, vel in charta, vel in alia materia propositum erit, dolo malo corruerit, datur in eum quingentorum aureorum iudicium, quod popolare est. Serui quoque & filij familias verbis edicti cōtinentur, sed & vtrumque sexum Prætor complexus est.

Interpretes intelligunt istum text. in corruptente album Prætoris: de hoc tamen in text. nullum verbum, sed si corrumperet id quod in albo est propositum, vel in alia materia.

Adhæc intelligunt in edictis Prætorum perpetuis. Nam Cornelius legem tulit, vt Prætorum edicta perpetua essent, & ex his Prætores ius dicerent, nec amplius illis esset potestas ea immutandi, hoc esset restringere plus iusto textum, maxime quia generaliter in corruptente id quod est propositum intelligitur.

Idè ego intelligerem istum text. in corruptente id quod est positum & affixum in albo muro, charta, vel in alia materia, requirit tamen Vlpian. sequentia hîc.

Primò, quòd aliquid sit positum & affixum in aliquo loco, alioqui quod non est, corrumpi non potest. l. decem. ff. de verbor. obligat. §. seruus. de capit. dimi. in Instit.

Secundò, quòd quis corruerit, corrumpere autem, est inquinare, destruere, perimere, rumpere, vel frangere, vitare & delere. l. prima. §. Labeo putat. ff. de aqua quotid. Scripsi plenè in l. mulieris. §. res abesse. ff. de verbo. signifi.

Tertiò, requirit positum esse causa iurisdictionis perpetuæ, tunc positum censetur, quando id quod decretum & statutum est, perpetuò stabilitum fuit, & ab eo qui perpetuam legem facere potest, sicut Princeps l. iij. & vlti. C. de legib.

Itaque, eò ipso quòd Princeps legem facit perpetuò seruaturam, etiam si hoc non dicat, perpetuo est seruanda, & dicitur causa iurisdictionis perpetuæ facta, id est, autoritatis & potestatis iuris dicendi. Nam iudex ex illa constitutione habet iurisdictionem.

P. Rebuffi Lectura.

T 2

Authoris ad hanc legem intellectus.

Corrumpere quomodo accipitur.

Per condemnationem multarum ius acquiritur.



nem perpetuam iuris dicundi.

*Constitutio  
localis ad  
hanc legem  
etiā refe-  
renda.*

Nec faciam hinc differentiam siue constitutio posita sit localis, vel generalis, sed sufficiat per istum text. eam positam causa iurisdictionis perpetuæ. Vnde si quis edictum lutorum Parisi. corrumpere, hac poena teneretur, licet locale sit edictum: quia perpetuum esse censetur, & sic quælibet lex perpetuè obseruanda, censetur esse facta causa iurisdictionis perpetuæ.

Nec obest quod possit mutari, quia sufficit quod possit esse perpetuum, per l. sufficit. ff. de condit. indebi. c. si gratiose. de rescript. lib. 6.

*Corrumpens  
decretū in-  
ferioris, po-  
na huius le-  
gis non pu-  
niendus.*

Et sic inferitur, huius constitutionis poena non puniri, si quis corrumpere decretum inferioris, quia non est propositum causa iurisdictionis perpetuæ, quod non potest inferior à Principe facere, vel si forte insignia patroni Ecclesiæ corrumpere, vel deleteret. Tamen hic arbitrio iudicis puniendus esset. l. ij. ff. de oper. publi. quem text. allegat sing. Roma. sing. 474. eorum arma. & Capol. in tracta. feruit. titul. 71. de picturis. col. 3. & las. in l. ex hoc iure. numero 6. de iusti. & iure.

Quamobrem edictum inferioris corrumpens, poena arbitraria pro modo contemptus, & qualitate personæ tenetur, ut pulchre docet Specul. in titul. de dolo & contuma. §. restat. vers. primo. Siue res sit parui momenti, siue magni, quia maiestas Prætoris semper ex corruptione contemnitur. l. si familia. ff. de iurisd. omni. iud. & quando res est parui momenti, maior esse videtur contemptus. l. vnica. si quis ius dicenti non obtemperauer.

*Edictū nō  
propositū  
corrumpens.*

Quartò requiritur hoc esse propositum, nō prout res incidit, idè si Princeps conuocet edicto suo omnes vassallos ut comitentur illum ad bellum quod gesturus est, si quis corruerit edictum illud, non punietur hac poena. Idem, si Princeps statuatur interim quid seruandum tempore belli. Nam quod belli calamitas introduxit, pacis lenitas sopire debet, l. vnica. C. de caduc. tollend. & quia non est positum causa iurisdictionis perpetuæ, sed puniretur hic corrumpens arbitraria poena, cum nō sit hinc statuta, argum. l. primæ. ff. de effractor.

Quintò, requiritur hoc esse propositum, id est, promulgatum, ostensum, & publicatum. Nam qui constitutionem ante promulgationem corrumpere, non sic puniretur ex verbis text. ex mente tamen sic.

Quod si dum proponitur, vel ante propositionem quis corruerit, edicti quidem verba cessabunt: Pomponius autem ait, sententiam edicti & ad hanc porrigendam esse. Hoc intelligitur siue in scriptis, siue sine scriptura, ut docet Barto. quia text. non dicit de scriptura, sed de eo quod propositum erit. Idè si imaginem alicuius positam in publico ad ignominiam quis destrueret, hac poena mulctandus esset, ut docet Bart. & ista est communis sententia, quia verba text. conueniunt, & sic dispositio l. 4. §. totiens. ff. de damn. infect. & quia iste text. loquitur tam de positis in albo, quàm in alia materia, quando sunt posita causa iurisdictionis perpetuæ, ut ista sunt: ergo hæc poena tenebit corrumpentem, per hanc legem, quicquid Fulgos. & las. dicant.

Nam scribit Modesti. ff. de poen. l. eorum qui relegati, vel deportati sunt ex causa maiestatis, statuas de-

trahendas, sed à quo videamus? Et putarem auctoritate magistratus remouendas esse, non priuata. Nam publica facta est statua, posita in publico, idè à priuatis non est corrumpenda, cum ad priuatos publica tractare, vel tollere non pertineat, sed ad Regis Procuratores & magistratus. l. prima. ff. de iust. & iure. & omnis res per quasunque causas nascitur, per eas & dissoluitur, c. primo. de regul. iur. quamuis las. contrarium scribat in §. poenales. no. primo. de actio. in Instit.

Sextò, quod in albo charta, vel in alia materia, puta in muro sit positum, scriptum, pictum, vel insculptum, seu aliàs pro voluntate Principis factum. Est autem album, paries dealbatus, seu tabula, in qua edicta & iudicum nomina olim ponebatur. l. prima. & seq. ff. de alb. scribend. gloss. in clem. prima. de iudi. Doctor. in §. poenales. de actio. in Instit. Bud. in l. prima. de eden. & sic Doctor. dicunt nō referre instrumentum in qua materia scribatur, per hunc text. tamen putarem rationem consuetudinis scribendi in membrana, vel papyro, spectandam, ut si quis scriberet in alia materia, vix probaret, quia veniret contra consuetudinem, quæ magni est momenti. l. consuetudinis. C. quæ sit longa consuet. quid chartarum appellatione contineatur, scribit Vlpia. in l. librorum. ff. de legat. 3.

Et quando hac dictione, vel alia materia in principio leg. usus est Vlpia. per eam inferre voluit, quod si quis corrumpere aliquid, quod scriptum in lib. actorum esset, posito in archiuis, ut ibi asserueretur perpetuè, hac teneretur poena. Idè si quis arestum in lib. arestorum Curia scriptum deleteret, hac poena, & falsi quoque puniretur. l. penul. ff. de fals. debet tamen iudex in condemnatione falsi habere rationem ad istam legis poenam. Nam si pauper sit qui corrumpit, in corpore puniatur: si diues, ad pecuniam, & sic vtraque in effectu imponetur poena, & falsi & huius legis.

*Arestū de-  
lēs in libro  
arestorum  
Curia scri-  
ptum.*

Tenetur etiam quis falsi, si debeat aliquid, vel addat instrumentis actorum, processus, & causa cadet. l. in fraudem. §. quotiens. ff. de iure fisci. etiam in beneficalibus. c. olim. de rescript. Guid. Papæ in statui. si quis. in verbo, per literas. vers. sed talis. etiam dicit furti teneri eum, qui surripit saccum, vel aliquas literas processus. per l. Sempronia. ff. de furt. & l. qui tabulas. ibidem. Pet. Jacob. in sua praxi. titul. de actio. tenebitur etiam actione in factum ex albo corrupto, ut refert las. in dicto §. poenales. numero 31. de actio. in Instit.

*Addēs vel  
delens ali-  
quid instru-  
mentis.*

Septimò, requiritur ut quis dolo malo corrumpat: dolo malo autem facere videtur, qui sciens per industriam hoc facit: si autem per imperitiam, rusticitatem, aut casu fecerit, non tenetur, ut constat in hoc text. vers. doli. & l. si filius familias. cum l. seq. ff. de iudic. & Neratius scribit sic. ff. de doli except. l. si Procurator. ij. §. In vniuersum autem hac regula sequenda est, ut dolo omnimodò puniatur, etsi non alicui, sed ipsi, qui eum admisit, damnosus sit, nec tanti momenti est corrumpere edictum, vel constitutionem vnā, quàm omnes, vel plures. Idè is, qui se gerit pro magistratu, committit crimen læsæ maiestatis. l. tertia. in fine. ff. ad legem Iuliam. maiest. quia omnia perturbat, & cum sit priuatus, se magistratum facit, & plus nocere potest, quàm solus corrumpens.

*Aureorum  
nomine  
quid ve-  
niat.*

Octauò, Quingentorum aureorum iudicium.]



cium. ] Notandum ex text. corruptentem puniendum in aureis quingentis. Et quamvis apud veteres aureus esset maioris valoris, quàm nunc, vt in tract. de assē docet Bud. tamen sufficeret aureos nunc excusos, & quibus hoc tempore vtimur.

Imò Iustinian. solidum accipit pro aureo, in §. fin. de pœna temere litigan. in Institut. & in l. quotiens. C. de suscepto. lib. 10. & alibi sapius, quia olim solidus genus aureorum erat, dictus, quòd solidus & integro & iusto pondere percussus fuerat aureus, non dimidiatus, nec trientalis, vt per Bud. in d. tract. de assē. & Lazium in Commentar. Reipub. Roman. cap. 3. lib. 3.

Sed ab eo tempore quo solidus in monetam argenteam translatus fuit, tunc ab aureo valde distinguere cœpit, vt hodie videtur. Nam aurei, quibus vtimur 36. solidis, & solidi 12. denariis valere solebant. vt dixi in l. etiam æs. ff. de verb. sig.

*Pœna edictum corruptentis, fisco applicanda.*

Sed cui applicetur hæc pœna, dubitant Doctor. & ad hoc inclinant, vt parti acquiratur, quæ eam prosequetur. Ego dicerem fisco eam applicandam; quia in pœnam contemptus edicentis statuitur. dicta l. vnica. ff. si quis ius dicenti nō obtēp. & in l. tertia. ff. de sepulchro viola. Interest partis suum sepulchrum esse violatum, aut corruptum, at non sic in hoc text. Et quia istud est popolare, quod promouet Procurator Regius in hoc regno, non pars: idèd fisci interest, & parum partis. l. prima. vbi dixi. ff. de iustitia & iure. quamvis olim de iure veteri digestorum cuilibet de populo liberum esset prosequi actionem popularem, & post litem contestatam prosequens dicebatur creditor, & ei acquirebatur multa. l. si cui. ff. de verborum significatione. Hodie tamen in hoc regno fisco acquiritur: idèd fisci Procurator hunc prosequitur. Et quia regulariter multa fisco debetur. l. multarum. C. de modo multar.

Imò in regno Franciæ, in vsu forenfi non seruatur ista impositio multæ, sed punitur, qui corrumpit, pœna arbitraria, pro modo delicti, & qualitate personæ, aliquando plus, aliquando minus, quicquid dicat Ias. in dicto §. pœnales. num. 38. & sequen. de actio.

Serui quoque, &c. ] Serui tenentur legibus in pecuniam punientibus, quamvis Venul. scribat pœnam pecuniariam non irrogari seruis, neque hanc pœnam in seruum cadere, & minus illis conuenire. in l. hos accusare. §. omnibus. ff. de accusat. sed responder istè text. ibi: *In seruos, si non defendantur à dominis, & in eos qui inopia laborant, corporis pœnam inferendam esse.* Idèd pœna pecuniaria non cadit in seruum, nec illa lex conuenit seruo, quando ad illam simpliciter teneretur, sed hic puniri potest in corpore, ob id conuenit seruis ista pœna. l. in seruorum. ff. de pœnis.

Vtrumque sexum Prætor complexus est. ] Et sic verba præcedentia, si quis, &c. erant in edicto Prætoris, quod nunc Vlpian. exponit, dicens: Vtrumque sexum complecti sub hoc verbo, si quis, & Doctor. hinc tractant quando masculinum comprehendit fœmininum, sed hoc abundè tradidi in l. j. ff. de verbor. signific. idèd hinc non repetam.

Quod si dum proponitur. ] Colligit Bartol. præteritum ex propria significatione non continere perfectum, quod tractatur in l. verbum erit. ff. de verb. signific. ego scripsi in l. verbum, oportebit. ibid.

Edicti quidem verba cessabunt. ] Hinc colligitur, quòd licet verba deficiant, si tamen mens assentiatur, habebit locum legis dispositio. Vnde si lex dicat: Si quadrupes pauperiem fecerit, teneatur dominus. in rub. ff. si quadrupes pauper. fecit. dicatur. Si bipes, fortè anser, vel gallina damnum dederit, etià dominus tenetur ex mēte legis, vt hinc. Est tamen differentia in nomine, sed non quoad effectum, & in forenfi iudicio. Nam si quis corruerit id quod est propositum, datur in eum actio directæ, si ante propositionem, actio vtiles, de quibus scripsi in l. cum Prætor. ff. de verb. signific. de edicto & interdicto. in lilla verba. ibidem.

Porrigendam. ] Dicunt Doct. per hoc, verbum ex extensione & improprietate. per l. pronuntiatio. ff. de verb. sign. ego autem dixi in d. l. j. ibidem. etiam propriè, quia quando extensio fit à Iureconsulto, vt hinc à Pomponio, hoc propriè accipere debemus, saltem non abusiue, quia hoc Iuriscon. non dicit, vt in l. j. ff. quemadmo. testa. aperiant. Bal. hunc text. sing. dicit, quod statuta recipiunt extensionē fauore Reip. in marga. in verb. statutum. quæst. 10. melior tex. in l. si quis in graui. §. vtrum. ff. de Senatuscon. Sylla. vbi alia addidi.

Qui inopia laborant, corpus torquendum est. ] Colligitur eum qui non habet in ære, puniri debere in corpore, probatur Exodi, 22. c. ibi, *Sed si nō habuerit, quod pro furto reddat, ipse venum dabitur.* & lex vlt. infra. de in ius vocand. Et solet dici,

*Corpore det pœnam, qui caret ære, malus.*

Quod debet intelligi, quando multa debetur ratione maleficij, vt hinc d. l. final. secus si ratione contractus, quia eo casu cedere quis bonis potest. vt in titul. ff. & C. de celsio. bono. & ita seruatur in iudiciis.

Nec probatur in praxi gloss. in l. 3. §. tutores. ff. de suspect. tutor. dicens pauperem esse in carcerem detrudendum donec soluerit, sed iudex secularis concedit creditori vt liceat contra eum, qui non potest soluere, vt censuris. & hoc docet Iohan. Fabri. & sic seruatur debitor, nisi corpus etiam obligauerit. Nam eo casu in carcere seruabitur, donec bonis cesserit, vel soluerit, maximè quando se obligat sub rigoribus sigillorum.

Et si postea quàm fuerit castigatus, ad pinguiorem fortunam peruenerit, non tenebitur amplius soluere, quia castigatio corporis loco solutionis cedit. l. sed & vnus. §. Prætor ait. ff. de iniur. c. si res. 14. q. 6. Bal. in d. l. si. quem sequitur Roma. sing. 24. quod non valens. allegat glo. in c. sicut dignum. §. eos. de homicid. & in reg. peccatum. de regul. iur. in 6. Et docet Guid. Papæ decisio. Delphinat. 579. contingit. senatum posse ex casu pœnam corporalem in pecuniariam mutare, & è contrario.

§. Doli mali, &c.

Colligite quòd vbi dolus malus requiritur, non punitur, si per imperitiam, aut rusticitatem aut culpā fecerit. l. in lege Cornelia. ff. de sicar. quod est verum pœna legis requirentis dolum, sed arbitrio iudicis punitur. l. prima. si testa. quis liber esse iussus fuerit. Notatur in l. cum Syllania. C. de his quib. vt indig. & sic respondet Iohan. Bapt. contra quendam qui culpa, & non dolo corruerat libros publicos, & contra alium qui falsa culpa commiserat, vt ipse ait in

P. Rebuffi Lectura.

T 3

*Glossa de debitore paupere in carcerado, reprobat in praxi.*

*Pœna pecuniaria non irrogatur seruis.*



interpre. l. primæ col. 71. C. de summa Trinit. per l. 2. §. hac actione. ff. vi bonor raptor. Ibi, *Is demum tenetur, qui dolum malum adhibuit. Si quis igitur rem suam rapuerit, vi quidem bonorum raptorum non tenebitur, sed aliter mulcabitur.* facit l. si adulterium. §. Imperatores. ff. de adulter.

**Casus, qui à dolo excusent.** Quod si per imperitiam, vel rusticitatem, vel ab ipso Prætoris iussus. ] Etiam colligere possumus ex hoc text. casus à dolo excusantes. Primus, quando per imperitiam, nesciebat esse edictum legis propositum, sed aliam putabat scripturam, nempe ignorantiam & imperitiam nolumus obligari, dicit text. in l. generali. C. de tabul. lib. 10. l. ex maleficij. vbi glos. ff. de actio. & obligat. l. 2. infra tit. proximo. Imperitia tamen culpæ adnumeratur, his qui tenentur scire. l. imperitia. ff. de reg. iur.

**Rusticitas.** Secundus casus est rusticitas, quæ à dolo excusat, sancta enim rusticitas omnia palam habet. glos. de actio. in Instit. §. ite Seruiana. l. Fulcinus. ff. ex quib. caus. in posse. eatur. Et rustici excusantur in casibus à iure expressis, sicut mulieres, non aliter l. si. ff. si quis in ius vocat. non ierit. l. fin. C. de iur. & facti ignor. Vnde vidi denegari rustico cuidam sagaci restitutionem, quoddam versutus, callidusque esset, de quo allegatur glossa singula. in l. Athletæ. §. rusticis. ff. de excusa. tutor. quam sequitur Iohan. de Pla. in l. 2. C. de agricol. & mancip. dominic. lib. 11. & Dec. in c. super literis. col. 4. de rescript. Barba. consil. 76.

**Iussus iudicis.** Tertius casus est, iussus iudicis excusat, si fortè iudex iusserit alicui vt edictum laceraret: non enim dolo facere videtur, qui iussu iudicis facit. l. nō videtur. §. qui iussu. ff. de reg. iur. & c. quod quis. illo tit. in 6. & Paul. in l. diuus. prima. §. item Senatus. ff. de falsis. ait, *seruos, cum dominis suis parent, necessitate potestatis excusari.* l. ait Prætor. §. permittitur. ff. de minor.

Notandum est iussu iudicis excusare quem à dolo, etiam si esset iussus iudicis incompetentis. d. §. qui iussu, vt consuluit Alex. consil. 39. visis. in 3. vol. facit text. in l. si. ff. de leg. commif.

Sed iussus incompetentis magistratus non excusat omnino à pœna, & sic debet intelligi contraria sententia. Areti. in consil. 35. viso themate. Nam cum iudex sit vir bonus, excusari debet à dolo, qui bono viro credidit. l. Titio. 2. ff. de condit. & demonstrat.

**Error.** Quartus, error excusat. l. si per errorem. infra eod. de aqua. plu. arcen. Pompo. sic scribit. l. *sed hoc ita si non per errorem, aut imperitiam deceptus fuerit, nulla enim voluntas errantis est.*

**Casus fortuitus.** Quintus est, qui excusat à dolo, casus fortuitus, vel improvisus, quæ enim fortuitis casibus accidunt, prævideri non possunt: ideo dolo non veniunt alicuius. l. quæ fortuitis. C. de pignora. actio. l. absentem. in fi. & l. respiciendum. in fi. ff. de pœnis. etiam si culpa præcesserit casum, licet tunc de culpa teneatur, sed non dicitur dolo fecisse. l. si vt certo. §. nunc videndum. & l. in rebus. ff. commodat.

**Corruptus emendandi causa, edictum.** Sextus casus est, si quis corrumperet emendandi causa, nō incideret in edictum, per l. primā. ff. ne quid in loco sacro fiat. fieri tamen debet auctoritate magistratus ad hoc potestatem habentis, per text. in c. licet. vbi glos. etiam docet de crimine falsi. Iohan. Odo, in additionibus ad Speculam. in tit. de dolo & continua. in §. restat. versic. primo. & edictum propositum non licet priuato emendare.

Septimus casus est §. impetu. de lege Aquil. in Instit. Ratio istorum casuum est, quia in his dolo non est, & sine dolo non tenetur quis ad pœnam huius legis, sed potest arbitraria pœna puniri, vt docet Iohan. Baptist. in interpret. l. primæ. col. 71. C. de sum. Trin. Nam licet isti casus à dolo excusent, non tamen à culpa, & ab aliis, vt docet Caius in l. idem iuris. in fi. ff. ad leg. Aquil.

Octauus casus, minor simplex excusaretur à dolo, & sic à pœna huius legis, diuersum esset in dolo. Nam ille non excusaretur, si de dolo appareret, cum in delictis dolo commissis excusetur minor, Vlpia. in l. si ex causa. §. nunc videndum. & l. auxilium ff. de minor.

Vltimò, dicerem quamlibet aliam iustam causam à dolo excusare. Nam quæcunque iusta causa mouetur, sine calliditate est, & sic absque dolo. l. igitur. ff. de libera. causa. l. prima. de dolo. Et tã in delictis, quàm in cōtractibus procederet, sed licet excusaret à dolo, nō tamē à pœna, sed pœna mitigaretur, vt dictum fuit, ne doli pœna, sed culpæ puniretur, quamuis iniustam causam excusare scripserit Accurs. in l. vnica. in fi. ff. si quis ius dicen. non obtemperauer.

Itaque qui corrumpit, tenetur. Ampliat hinc Vlpia. ad illum qui tollit edictum propositum. Nam aufert videndi potestatem populo, & idem est ac si corrupisset ex mente legis, & idem est si frangat, vt Guido Pap. decis. 233. reliquit cogitandum. Sed, q. 579. contingit. in fin. dicit remouentē literas à manu apparitoris, teneri pœna falsi, in qua etiam habebitur ratio istius mulctæ quingentorum aureorum. Vide Ioha. Fabri, in §. pœnales. de actio. in Instit.

Et qui suis manibus facit. ] Colligitur eum teneri qui suis manibus corrumpit, & eum qui mandauit. Callistrat. ff. de falsi. l. Diuus. §. scribere autē sibi legatū, videri non solum eum, qui manu sua fecit, sed etiam eum, qui per seruum suum, vel filium, quē in potestate habet, dictante testatore, legato honoratur, & quando quid faciendum est propria manu, vel suis manibus, hoc non potest fieri per substitutum. l. penult. vbi Rebus. C. de erog. milit. anno. lib. 12. c. periculose. de pœnitent. dist. prima. scripsi in tract. nomi. q. 10. nu. 12. in Concord. Et istum text. sing. dicit Bal. in marga. in verb. mandatum. q. 9. quia dolo mandans non excusatur propter mandatarij innocentiam, & imperitiam. Idem Alberic. in 3. parte statutu. q. 44. Dicam in l. seq.

Omnes tenebuntur. ] Collige, quod omnes delinquentes tenentur, & singuli, aded vt nō sufficiat vnum pœnam luere. vt in l. aded. infra eod. Vnde si tres occiderint vnum, illi tres expectare debent quod fecerunt. l. 3. C. de Episco. audien. & omnes puniri debent. l. item Mela. §. sed si seruum. ff. ad leg. Aquil.

Et aresto Senatus fuit reprobata cōsuetudo, quod quilibet non teneretur, sed vnus excusaret alium. Anno 1389. die 29. Nouembris, vt est in lib. Concilij cautum.

Imò si quidam innocens condemnatus ad mortem fuerit, tamen alius nocens non liberatur. l. qui seruū. ff. de interrog. actio. vt docet Hyppolit. in sua praxi criminali, in §. opportune. nu. 12. Et in l. prima nu. 16. ff. de sicar. & l. prima. §. si. nu. 77. de quæstio. post Corset. in singul. incipiente, homicidium.

Aduertendum est quod in maleficiis duplex oritur actio, videlicet civilis, quæ datur parti, criminalis,

Minor simplex.

Qualibet iusta causa.

Tollēs edictum propositum.

Mandans edictū corrumpi.

Arestum notabile contra cōsuetudinem malā inueteratam.

Actio duplex in maleficijs.



lis, quæ fisco. l. 3. & ibi glos. ff. de sepul. viola. Et vna, cessante alia, non tollitur. l. prima. C. quando actio. ciuili. præiudicet criminali. Vnde homicida, vel alius delinquens, licet componat cum parte, remanet tamen adhuc poena criminalis. per l. diuus. vbi glos. & ibi scripsi. ff. de Senatus. Syllania. l. as. in l. si mora. col. 6. ff. solut. matri. Ideo adhuc poterit condemnari ad furcas, si gratiam non obtinuerit. l. inde Neratius. §. si dolo. ff. ad leg. Aquil. §. liberum. illo tit. in Instit.

## S V M M A R I A.

- 1 *Crimina tot censentur, quot sunt delinquentes, si de vindicta publica agatur.*
- 2 *Facta plura, sunt in iniuria & damno à pluribus illato.*
- 3 *Pœnales actiones, de eadem pecunia concurrentes, non perimuntur per aliam.*
- 4 *Princeps in literis Gratia interesse parvis remittere non potest.*

LEX IX. PAVLVS LIB. III. AD  
EDICTVM.

**S**I familia alicuius album corruperit, non similiter hinc edicitur, vt in furto, ne in reliquos actio detur, si tantum dominus (cū defenderet) vnus nomine, quantum liber præstaret. Fortasse, quia hinc & contempta maiestas Prætoris vindicatur, & plura facta intelliguntur: quemadmodum & cū plures serui iniuriam fecerunt, vel damnum dederunt, plura facta sunt, non (vt in furto) vnum.

**H**æc lex videtur difficilis: ideo eam sic declaro. An si familia alicuius album corruperit, teneatur omnes, an vnus? & in l. si quis. suprà, dictum fuit omnes teneri, si plures corruperint: sed dubitatio est in furto, quia si familia furtum fecerit, & dominus præstiterit tantum quantum vnus liber præstitisset, liberatur familia, in tit. ff. si famil. furt. fecisse dicatur. Ergo non omnes tenentur, sed Iuriscon. respōdet in albo corrupto non similiter hoc edicitur, id est, non ita statuitur in albo corrupto, sicut in furto, quia in corruptione maiestas Prætoris est contempta à quolibet. Ergo plura facta intelliguntur, quia quilibet contemnit corrumpendo, ideo quilibet tenetur, sicut in iniuria, & in damno dato. In furto autem tantum est vnum factum, quod tollitur vna solutione, nec obest quod Octauenus ait, huic domino familiæ succutrendum esse, si familia corruperit: sed hoc verum esse ait Paulus, quando consilio & suasionem familiæ vnus ex familia album corruperit, tunc vnum est consilium totius familiæ, non plura facta. Ideo hoc casu liberabitur dominus, dando illum qui corrupti consilio familiæ, vel soluendo quantum vnus liber solueret. Secus si tota familia corruperit, eo enim casu omnes tenentur, & sic intelligi ista lex debet.

Colligendum etiam est ex hac lege in diuersis casibus diuersum statuendū esse, ibi. Non similiter hoc edicitur, quia separatorū separata est ratio. l. si. ff. de calumnia. l. naturaliter. §. nihil commune. vbi

Doctor. de acquir. posses.

Si tantum dominus cū defenderet. ] Ex hoc etiam text. colligi potest, quod dominus potest defendere familiam, vel eam dare pro noxa: quod verum est in seruis, secus in liberis hominibus, vt per totum tit. de noxalib. actio. Vnde si dominus soluat pro vno libero, ex causa furti, alij non liberantur à crimine. vt suprà dixi. in l. si quis. & notatur in l. prima. ff. de publica. Et ibi Bart. nisi vnus communi consilio furtum fecerit, tunc ille qui fecit, tantum de furto tenetur, vt hinc, alij verò de consilio, vbi dixi in l. sapie. in fi. ff. de verb. sig.

Contempta maiestas Prætoris vindicatur. ] Colligitur ex hoc text. Alberi. & Curt. Prætorum & iudicem posse cognoscere de iniuria sibi illata & familiæ, sed iste text. hoc non dicit, nam tantum vindicatur maiestas Prætoris, sed à quo vindicetur, iste text. non loquitur, & l. sequens esset contraria. Vnde vidi seruari, iudicem condemnare posse eum qui publicè pro tribunali iniuriam ei intulit, & is reus ad superiorem appellare poterit. Si tamen aliqua requiratur cognitio, utpote quia publicata non est iniuria, tunc alius iudex cognosceret, vt in l. seq. dicitur.

Etiam per hunc textum ibi, Maiestas, dicunt Doctores maiestatem esse in Prætoris & iudice, & facit l. quod reipublicæ. ff. iniur. Ideo committit crimē læsæ maiestatis, si quis eos læserit, scribit Ioan. Fabr. in proœmi. Instit. tamen iste text. nihil facit. Nam accipitur hinc maiestas, pro authoritate, amplitudine & dignitate, & sic accipit Cicero pro S. Roscio. vbi maiestatem iudicum dicit, & de Orat. sic scribit. Maiestas est amplitudo, ac dignitas ciuitatis, unde propriè maiestatis crimen committitur, aduersus populum Romanum, vel securitatem eius, l. prima. ad leg. Iul. maiesta. Et hodie quicumque contra Principem, non recognoscētem superiorem, aliquid molitur, vel aduersus rempub. suam, vt docet Alexand. consil. 13. consyderatis his. in 6. vol. ac Ioan. de terra Rubea in suo tracta. contra rebel. Reg. artic. 5. tracta. 3. Doctor. in l. quisquis. C. ad leg. Iul. maiesta. Barto. in verb. rebellando in extra. qui sint rebelles.

Plura facta intelliguntur. ] Iste text. reputatur singula. secundum Bart. & Bolog. hinc, & Bald. in marga. in verbo, delictū. q. 3. Quod si agatur de publica vindicta, facta vnus familiæ, plura facta reputantur, aliàs reputatur vnum factum.

Et quamuis Bart. & communiter Docto. dicant vnum esse factum, quādo delictum est nominatum, vt furtum, sed si delictum est innominatum, vt in corruptione albi Prætoris, plura sunt facta.

Hoc tamen non videtur verum, quia pro homicidio, quod est nominatum delictum, quilibet tenetur, & plura sunt facta, ac vno suspensio, alij non liberantur, l. qui seruum ff. de interrog. actio. Ideo quidam voluerunt dicere plura esse facta, quando delictum respicit personas, secus si res.

Ego dicerem, vt suprà, quando delictum respicit vindictam publicam, tunc quot delinquent, tot sunt crimina, quia publicè interest vt puniantur illa delicta. l. ita voluerat. ff. ad leg. Aquil. secus si respiciat tantum vtilitatem priuatam, quia satisfactio vna sufficit priuato. Nā amplius nihil sua interest, quamuis plures fecerint, vel vnus. l. prima. §. si plures dolo fecerint, omnes tenentur, sed si vnus præstiterit pœnam,

*Vnus communi consilio furtū faciens.*

*Maiestas, quomodo accipitur.*

*Facta vnus familiæ, an plura facta dicenda sint.*

*Familia album alicuius corrumperit, quæ pœna teneatur.*



*ceteri liberantur, cum nihil intersit, &c. ff. de eo per quem factum erit.*

- 2 Etiam in iniuria & damno dato, plura sunt facta, & ideo quilibet tenetur sicut in albo corrupto, cum hic æquiparentur: ergo in iure & in facto, quicquid Accurs. & alij dicant, quod ostendi potest. Nam variis modis quis iniuriam inferre potest, vel alapis, vel baculo, vel alio instrumento, & quilibet hoc facit, & sic etiam plura sunt facta. Ideo tot sunt iniuriæ, quot & personæ iniuriam facientes. l. si plures. ff. de iniur. Etiam in damno quilibet damnum dat, vnus demoliendo fortè fenestram, alter caminum, vel alia similia. Ideo plura sunt facta, & sic idem ius est, sicut in iniuria. l. sed et si. ff. ad legem Aquil.

At non potest in furto, nisi vnum esse factum. Bal. in consilio 329. quidam. in 4. volum. vbi dicit quando dolo fit delictum, quemlibet teneri, secus si culpa. l. in magistratus. ff. de magistrat. conueniend.

*Damni ap-  
pellatio.*

Et sic damni nomine veniet furtum, & omnis patrimonij diminutio. l. iij. ff. de dam. infec. Ideo qui tenetur de damno, & de furto teneri debet, cum furtum sit damni species, & in dubio genus speciem cõplectitur. vt not. interpret. per illum text. in litem legato. §. item interest. ff. de legat. 3. & in l. iij. ff. si cert. petat. nisi lex separatim loqueretur de genere & specie, vt de damno & furto, vt hic. & in l. si seruus seruuum. §. si oliuam. ff. ad legem Aquil. Bald. in l. iij. ff. de iniur. & in quantum damnum & iniuria respiciunt partem, idem est quod in furto, sed quoad vindictam publicam, idem vt in albo corrupto.

*Authoris  
de factis  
pluribus  
sententia.*

- Ego distinguendum putarem, de pœna criminali, vel ciuili, vt quantum ad partem priuatam attinet, non est nisi vnum factum, licet plures commiserint, & vna satisfactio sufficit: sed quoad crimen, tot sunt crimina, quot personæ, & vnus non liberat aliu, vt fuit superius conclusum: nunquam enim actiones pœnales de eadem pecunia concurrentes, alia aliam consumit. l. penultima. ff. de actio. & obligat. Ideo in homicidio si Princeps vni indulgeat, intelligitur quoad pœnam, non autem quoad interesse partis, quod Princeps remittere non potest. l. quotiens. & l. rescripta. C. de precib. Imperat. offeren. Ideo solet in literis gratiæ dicere, *Satisfactio facta parti ciuilitertantum, &c.* vt scripsi in præfatio. l. vnica. num. 30. & seq. C. de senten. quæ pro eo quod interest.

Adhæc, quando de vindicta publica agitur, tantum serui solent puniri pœnis legis, nisi illæ pœnæ respiciant pecuniam, quæ in seruos non cadunt. l. hos accusare. §. omnibus. ff. de accusat. l. iij. in fine. de sepulch. viola. vnde Vlpianus scribit de iniur. l. sed si vnus. §. Cum seruus iniuriam fecit, maleficio eum admittere palam est. Igitur merito sicut ex ceteris delictis, ita ex hoc iniuriarum noxalis actio datur, sed in arbitrio domini est, an velit eum verberandum exhibere, vt ita satisfiat ei qui iniuriam passus est. Neque enim erit necesse domino vtiq; eum verberandam præstare, sed dabitur ei facu- tas præstandi seruuum verberandum, aut si de eo verberibus satis non fiat, noxæ dedendi, vel litis contestationem sufferendi.

Et sic domino pro delicto facultas datur, vel vt seruuum castigandum præstet, aut noxæ dedat, aut litis æstimationem soluat, vt ibi, & idem scribit Paul. in l. quod si minor. §. si seruus. ff. de minor. & quando omnes tenentur de delicto, omnes pro noxæ dandos arbitraret, quia pariter deliquerunt, & vnus non inue-

nitur exceptus: nec videtur iniuria fieri domino, qui omnes potuit liberare, litis æstimationem præstando, vel noxæ dedendo, aut si voluisset præbendo eos castigandos, vt visum fuit, & in his est differentia. Nam postquam serui verberibus traditi sunt & castigati, domino sic reddi solent. l. penultima. ff. de condiçt. causa data. si verò noxæ dati sint, non amplius repetuntur, vt in titul. ff. de noxal. & in Institut. est videre.

Et sic tam in furto, quàm in aliis delictis publicis dominus tenetur omnes seruos, qui deliquerunt pro noxæ dare, si non præstet quod lege tenetur, quia ratio diuersa non assignatur in his delictis, & in culpa est dominus, qui non præstat litis æstimationem, si velit euitare noxæ deditionem, & in hanc sententiam scribit Vlpian. in l. j. si famil. fur. fecisse dicatur. & Paul. Castrenf. quamuis multi contrarium asseuerent, vnde sufficit domino, pro tota familia, quæ furtum commisit, duplum vel quadruplum, pro qualitate delicti præstare, & rem furatam restituere: sic & in damno sufficit damnum verè datum sarcire, quod declarat sic Caius: *Illud quesitum est, an quod Proconsul in furto obseruat, quod à familia factum sit, num in singulos detur pœna persecutio, sed sufficeret id præstari quod præstandum foret, si id furtum vnus liber fecisset, debeat & in actione damni iniuriæ obseruari: sed magis visum est idem esse obseruandum, & merito: cum enim circa furti actionem hoc idem sit, ne ex vno delicto tota familia dominus careat, eaque ratio similiter & in actione damni iniuriæ interueniat, sequitur vt idem debeat æstimari, præsertim cum interdum leuior sit hîc causa delicti, veluti si culpa & non dolo damnum daretur.* l. illud. ff. ad legem Aquiliam. sed idem Caius ff. de iniur. l. si plures. scribit, tot esse iniurias, quot sunt personæ illam facientes. & Accurs. Barto. & ceteri dicunt illum loqui ibi in seruis diuersorum dominorum, sed ibi nullum verbum exprimitur de diuersis dominis: ob id ego dicerem non refragari, quia tã diuersum est in iniuria, quàm in furto. Nã in ea quilibet infert iniuriam, alapis fortè, ense, vel alio instrumento: ideo quilibet tenetur sarcire. At in furto statutum est duplum, vel quadruplum, pro pœnæ persecutione: ideo si illam pœnam dominus soluat, liberat seruos omnes, quia legi satisfat. Idem in damno restituto, sed non in iniuria, & in his quæ publicam respiciunt vindictam, & pœnæ persecutio-nem, vt scripsi in l. præcedenti.

*Dominus  
quatenus  
pro seruis  
delinquenti-  
bus tenetur.*

#### S V M M A R I A.

- 1 Pater intra domum inter filios iudicare potest.
- 2 In delictis verò non.
- 3 Substantia iudicij requirit quatuor adesse personas.
- 4 Concilium vniuersale de Papa iudicare debet, si de hæresi agatur.
- 5 Pœnæ iuris non seruantur in Francia.
- 6 & seq. Requisita, antequam iudex super iniuriam sibi illatam iudicare possit.
- 8 Emenda honorabilis inter Regem & magistratum pro iniuria, eidem illata, diuidenda.
- 9 Curia Parlamenti potest sine suspitione cognoscere de domesticis.
- 10 Pars se non opponens, nec iudicem recusans, tacitè in iudicem consentire videtur.
- 11 Filium coram patre conuentus, potest se coram eodem defendere.

Debitor



12 Debitor, instante filio creditore, tenetur etiam coram patre in iudice cognoscere chirographum.

LEX X. VIPIANVS LIB. III. AD  
EDICTVM.



Vi iurisdictioni præest, neque sibi ius dicere debet, neque vxori, vel liberis suis, neque libertis, vel cæteris, quos secum habet.

**D**Vra admodum refertur ad hanc legem ab interpretibus antinomia, quam sic scripsisse Aphrica. docent. l. In priuatis negotiis pater filium, vel filius patrem iudicem habere potest. ff. de iudi. quippe iudicare munus publicum est. l. seq. ibidem. gloss. & Doctor. hinc sic diluere conatur, dicentes hanc l. intelligendam in iudice ordinario, dictam verò l. in priuatis in iudice delegato, qui recusari non potest.

Sed hoc non videtur ex sententia, quia iudex ordinarius recusari potest, etiam de iure ciuili & adiungi debet ei Episcopus, vel alius. l. apertissimi. cum authent. sequen. C. de iudi. & iudex ordinarius potius deberet ius dicere, quam delegatus. Nam potentior & fauorabilior est eius iurisdictione, tamquam propria, quam delegata. l. prima. supra de offic. eius. gloss. & Doctor. in c. primo. de rescript. in 6. Alij hanc legem in criminalibus intelligunt, aliam in ciuilibus, tamen hoc non exprimit iste text. & contra hanc solutionem facit l. congruentius. in fin. C. de patr. potest. & l. si filius. ibidem.

Priuata  
negotiaque  
dicantur.

Ideò ego dicerem patrem posse habere filium iudicem, & econtra, in priuatis & propriis negotiis: priuata enim dicuntur, quæ propria cuiusque sunt. l. nō verè. ibi, sui priuati negotij causa. ff. ex quib. caus. maior. Et priuata dicuntur, quæ sunt singulorum. §. singulorum. de verbo. signifi. Vnde poterit pater habere filium, & filius patrem iudicem in his, & iudicare poterit de negotiis ipsorum filiorum, & domesticorum, quæ propriè priuata dicuntur. Et sic possunt intelligi dictæ leges: quinetiā de re patris filius familias arbitrum esse posse dicitur. Nā & iudicem eum esse posse, plerisque placet. l. v. ff. de arbit. Et hanc solutionem declarat etiam Imperator, in d. l. congruentius. C. de patri. potest. vt pater inter filios iudicare possit intra domum, & sic in priuatis negotiis, quia par affectio tollit suspicionem. l. nō solum. §. de vno. ff. de ritu nuptia. sed si ita res fuerit, vt pro iniuriis eorum & ad ius experiendum, & ad vindictam processeris, aditus Præses prouinciæ super disceptationibus quidem pecuniariis, consuetum exerceri iubebit ordinem iuris. d. l. congruentius. Ego scripsi quomodo publicum & priuatum accipiantur, in l. pupillus. §. munus. ff. de verb. signifi.

Antinomia  
conci-  
liatio.

Dubitatio esse poterat an filius possit iudicare in causa patris, vel pater in causa filij, cū filius in patris sit sacris, non videbatur posse: & quia pater & filius vna persona reputantur. in l. si. C. de impub. ob id videbatur etiam patrem non posse iudicare in causa filij: sed contrarium deciditur in d. l. in priuatis negotiis filium habere posse patrem iudicem, & patrem filium, quia eò quod pater est iudex, vel filius, habet munus publicum, ideò non est inconueniens quod sit eius iudex in his priuatis, & quæ propria sunt filij.

Nam verè diuersæ sunt personæ, & quod respicit ad ius publicum, patria potestas cessat. l. filius familias. ff. de his qui sunt sui vel alie. iur. Gel. lib. 2. cap. 2. Et iudicare est munus publicum, ideò non inspicitur, an quis sit pater vel filius, sed an sit in priuatis negotiis, & ita videntur ista intelligenda & concilianda.

Non debet tamen pater, ius dicere liberis contra extraneos, si recusetur, vt hinc, quia affectio inclinaret illum (vt est verisimile) ad iudicandum pro filiis, cū pater plus diligat filium quàm seipsum. l. isti quidem. in fin. ff. quod met. caus.

Et sic intelligit hanc legem, & ista. Nam ita seruat vsus forensis, vt pater iudicet in causa filij, si non recusetur à parte, per l. lex Cornelia. ff. de iniur. qui non potest recusari, si inter filios iudicet in priuatis, & domesticis negotiis, & ordine iuris non seruato, vt pote intra domum. vt d. l. congruentius. In delictis autem iudicare non posset, etiam inter filios, vt d. l. congruentius. quia hæc crimina respiciunt vindictam publicam, quam non posset ipse pater facere: quia præsumitur neminem carnem suam odio habere, & remanerent delicta impunita contra ius l. Ita vulneratus. ff. ad l. Aquil. c. vt famæ. de sentent. excommunicat.

Vsus forensis de patre iudice in causa filij.

Regulæ sequentes ex hoc text. colliguntur. Prima est, nullum in sua causa iudicem esse posse, quod etiam prohibet Imperator in tit. ne quis in sua caus. iudicet. Et cū prohibeatur à iure, non potest quis etiam de consensu partis permitti. gloss. in rub. C. ne fideiussor. dotium dentur. & quia deficeret substantia iudicij requirentis quatuor adesse personas, cap. primo. 4. quæst. 4. Nec iudex potest sibi iubere facere, aut præstare, neque sibi imperare, neque seipsum condemnare. l. pen. ff. de recept. arbitr. & iniquum est aliquem suæ rei iudicem fieri. l. Iulianus. 2. ff. de iudiciis. nec in ciuilibus, nec in criminalibus. l. lex Cornelia. ff. de iniuriis: aliàs citò quis se absolueret. Etiam non posset se condemnare ad mortem, vel amissionem membrorum, cū nemo sit illorum dominus. l. liber homo. ff. ad leg. Aquil. Ideò extra iudicium quilibet est moderator & dominus rei suæ. l. in re mandata. C. mandati. sed de re sua iudicare nemini licet.

Nemo in sua causa potest esse iudex.

Imò, non valere consuetudinem vt quis iudicet in suis negotiis, asserit Papa, & ibi Doctor. post illum text. in c. cōtingit. de sententia excommunicat. Nec etiam valeret constitutio hoc permittens, cū contra actus substantiam disponere non possit. vt Doct. tradunt in c. ad monasterium. de statu monachorum. Bart. in l. prima. §. vsque adeò. ff. de iniur. quod probant hinc interpretes. Etiam non putarem valere vt quis inter suos & extraneos iudicet, quia hoc esset per obliquum ius alterius tollere. Nam iudex consanguineus semper iudicaret pro consanguineo, vt verisimile est, & sic ius alterius tolleretur. Recusatio enim rationem habet naturalem. cap. quod suspecti. 2. quæst. quinta. cap. secundo requiris. de appellat. dixi in præfatio. tracta. de recusat. in 3. tomo Commenta. ad Constit. Reg. in 2. quæstio. Limitant interpretes in Principe recognoscente superiorem, per l. proximè. ff. de his quæ in testa. delent. & l. hoc articulo. de hæred. instit. Felin. in cap. cū venissent. col. 2. de iudiciis. De Papa est text. quia non habet superiorem in mundo. cap. si Papa. 40. dist. c. nemo. cum seq. 9. q. 3.

Cōsuetudo non valet, vt quis in suis negotiis iudicet.



Ego distinguerem, quod in rebus controuersis inter Principem & suos subditos ipse iudicare per se vel alios possit. Nam cum sit populi pater, verisimile est quod iuste iudicabit inter suos filios, sicut bonus pater, sed inter Principes Papa iudicabit. c. nouit. de iudiciis. & ibi abunde interpretres. glos. in cap. si quis erga. 2. q. 7.

Papa inter  
Principes  
iudicat.

4 Sed si agatur de facto & delicto suæ personæ, debet Papa inter Principes iudicare, & concilium vniuersale de Papa, vtpote si de hæresi agatur. c. si Papa. 40. distinctio. Nam Papa deposuit Regem Franciæ inutilem. cap. alius. 15. q. 6. & Imperatorem Federicum hæreticum, & Ecclesiæ rebellem. cap. ad Apostolicam. de re iudic. in 6. Et cum sit iniquum quem in sua causa iudicem fieri. d. l. Iulianus. de iud. iniquitatem non debet fouere Princeps, & sic iudicare de suo delicto, & se absolvere.

Iniuria iudici illata  
sedeni pro  
tribunali.

Secundò, non procedit in iudice, cui fit iniuria sedenti pro tribunali, vel ius dicenti. Nam, cum eo casu repræsentet illum, cuius nomine ius dicit, & eius vice fungatur. l. j. ff. de officio eius. ob id nomine eius, qui eum præfecit, cum illi iniuria facta sit. l. cognitio. ibidem. iudicare poterit. cap. quoniam. de filiis presbytero. c. ex parte. j. de verb. sign. Bart. in l. si quis fortè. §. si quis. ff. de pœn.

Etiam si pœna illius delicti non esset certa, quia hoc facit iudex iuris autoritate, & eius qui eum commisit vice. Doctor. in c. cum venissent. de iudic. quicquid Ias. & alij hîc scribant, alioqui cum pœnæ iuris non seruentur in Francia, nunquam posset iudex imponere pœnam, sed esset ludibrio, nec tueri iurisdictionem suam posset contra ius. l. vnica. ff. si quis ius. & Iurisconsult. ait: *Hodie constat, hodie agamus.* l. is à quo. ff. vt in posse. lega. & ne iudicialis euanescat autoritas. c. dilectus. de pœnis.

Iudici sententia executioni interdum non mandanda.

Arbitraret tamen propter aliquam affectionem, quam possent iudices habere iniuriam passi, vt eorum sententiæ non essent executioni mandandæ, si appellatum fuerit, donec per superiorem confirmatæ fuissent, etiam si ille iudex haberet supremam iurisdictionem in quibusdam causis, vt Præsides in Francia, per edictum Regium. facit d. c. dilectus. vbi Doct. de pœn. glos. in d. c. si quis erga. 2. q. 7. & causa infamiæ & vitæ æquiparatur. glos. in l. iusta. ff. de manu. vindict. facit l. si adulteriū. §. Imperatores. ff. de adult. l. infamia. vbi Rebus. C. de decurion. lib. 10. Ideò non mandatur executioni per illum, edictum Regium Præsidium, quia non capit æstimationem sicut libertas. l. libertas. ff. de reg. iur.

Etiam hanc regulam vitari in pluribus casibus docet Accurs. in l. extat decretum. ff. quod met. caus. & Specul. in tit. de actore. §. j. versic. item quod vult propria. vbi 19. casus enumerat. Ego dicerem illos casus nihil ad rem facere, quantum attinet ad istam regulam. Nam quamuis in illis casibus, quis auctoritate priuata possit, vel adulterum inuentum cum vxore, occidere, propter iustum dolorem. l. Gracchus. C. de adulter. & furem nocturnum, si se telo defendat. l. furem. ff. de ficiar. tamen isti casus non pertinent ad iudicium, nec quisquam iudex in re sua iudicat, sicut hîc capimus: sed ibidem aliquid facere priuata auctoritate, sine iudice, pars potest, maximè quando iudicem non habet. l. generali. C. de decur. lib. 10. l. nullus. C. de Iudæis. & sic quantum ad hanc materiam illi casus remanent superflui, & non per-

tinent ad iudicia, in quibus est nostra disputatio, ne quis in sua causa ius dicat.

Requiruntur tamen, antequam iudex super iniuriam sibi illatam iudicare possit sequentia. Primò, quod is sit iudex ordinarius vel delegatus: nā etiam delegatus rebelles compescere potest. cap. primo. vbi plenè Doctor. de offic. deleg. quamuis delegato non competere asserant Doctores. Quod si eis super hoc non competeret, iurisdicatio esset elusoria, & omnibus licet tueri iurisdictionem suam. l. vnica. ff. si quis ius dicenti. Secundò requiritur, quod ei ius dicenti iniuria fiat. l. vnica. si quis ius dicenti non obtemper. alioqui si non exercenti officium suum inferatur iniuria, iure ordinario coram alio magistratu aget. Doctor. in d. l. vnica. si quis ius dicent. non obtemp. Oldrad. consil. 7. quædam. Tertiò, quod palam & notoriè. glo. in c. si quis erga. 2. q. 7. Doctor. per illum textum in clemen. pastoralis. de re iudic. Quartò, quod hunc iniuriam per actuarium scribere faciat, vt postea constare possit iudicem non sine causa illum condemnasse. c. quoniam. de proba. Quintò, quod partē super ea interroget, & quæ causa mouit eam ad talia proferendum, vt si perseveret, maiore multa eam puniat, vt probat Ancharanus in l. de minore. §. plurium. & l. vnus. in fine. ff. de quæstio.

6  
Delegatus  
potest rebelles  
compescere.

Sextò, si Consiliarios habeat, sententiam illorum exquirat, vel Aduocatorum, antequam reum condemnet, ne possit illi obiici ex proprio capite, & ex affectione iudicasse. contra c. ne innitaris. de constit.

Septimò, quod condemnet pro iniuria facta Regi in persona magistratus, vel pro iniuria facta Episcopo in persona sui Officialis, vt scripsi in l. cognitio. ff. de offic. eius. Octauò, quod iniuria est facta Regi ratione sui magistratus, vel Episcopo per Officialem. Ideò dicerem multam esse diuidendam inter Regem & magistratum, & emendam, quam dicunt honorabilem faciendam, tam nomine Regio, quàm magistratus, vt vtraque iniuria farciatur. §. primo. de iniur. in Institut. Nonò, dicerem sententiam hanc exequendam, si appellatum non fuerit, etiam per detentionem personæ in carcere, donec solutum fuerit vsq; ad vltimum quadrantem, vt est in Evangelio. & de hac multa exequenda docui in l. aliud est fraus. §. primo. ff. de verbor. significat. & in tracta. de senten. executio. art. 15. in primo tomo Comment. ad Constit. Reg.

Iniuria dicitur Regi facta, ratio ne sui magistratus.

Secunda regula est, iudicem non posse ius dicere in causa vxoris, liberorum, vel aliorum quos secum habet, & hoc ratione affectionis, quam posset habere ad vxorem & consanguineos. l. lex Cornelia. §. j. ff. de iniur. vbi etiam in criminalibus maximè prohibetur, ne in fisci iniuriam & damnum iudex absoluat condemnandum, & periculosum esset extraneis coram isto iudice suspecto litigare. cap. cum inter: de except. Nempe nullus vix reperiretur iudex, qui vxorem suam condemnare auderet, alioqui malè esset tali iudici. Nam vxor potius faceret se Saracenam, quàm de illo non se vindicaret, tam vnguib; quàm per adulterium. text. in cap. tua. in 2. de iureiurand.

Procedit etiam in delegato, per c. insinuante. de offic. delegat. quicquid hîc dicant Doct. quia eadem ratio in illis procedit, & sic seruant Curiæ, vt delegati etiam recusentur, sicut ordinarij, nec ius dicant liberis, vel consanguineis.

Delegati etiam ius liberis non dicunt.

Adhuc



Adhæc tam in parvis rebus, quã in magnis, quia nec iste text. hîc excipit, & in casibus à iure exceptis fit tantum differentia rei magnæ vel parvæ, sed non quoad condensationem. l. scio. ff. de minor. Alex. hîc. quamvis Ias. teneat contra. per d. l. Senatusconsulto. ibi, *parcissimè ius dicatur*. ff. de offic. Præsid. Sed ibi intelligitur, parcissimè, pro raro, & perrarò dicit Vlpian. in l. minor autem. §. primo. ff. de minor. & sic nō probat sententiam Ias.

Etiã sui dicuntur hîc vsque ad decimum gradum ad quem successio defertur. vt Ias. docet. allegans Barto. in l. qui testamento. §. quod autem. ff. de testa. ego autem dico istum text. loqui de vxore & liberis eius, nō autem simpliciter de suis. Ideò liberorum appellatione nepotes & pronepotes, cæterique, qui ex his descendunt, continentur. l. liberorum. vbi scripsi. ff. de verbor. significatio. vnde intelligimus hunc text. non solum de filiis, verum etiã de consanguineis, & ita seruat praxis.

*Liberorū  
appellatio.*

*Restrictio-  
nes ad le-  
gem.*

Limitatur in Curia Parliamenti: quia ibi sunt plures, ideò poterunt tam in ciuilibus, quàm in criminalibus cognoscere, & sine suspicione, nec potest tota Curia recusari, quidam sic, vt scripsi in tracta. de recusa. in tertio tomo. Commenta. ad Constitut. Reg.

Imò etiã in criminalibus, aliis iudicibus exclusis, cognoscunt: factum tamen fuit præceptum, ne deinceps iudices inferiores cognoscerent, de famulis, & domesticis Consiliariorum, vt censuit Senatus Parisiens. prout refert Aufre. in stylo Parlament. arest. 260. item die 4. facit text. in l. final. C. vbi Senato. vel clarif.

Secundò, in priuatis negotiis. d. l. in priuatis. ff. de iud. vt superius dictum fuit.

Tertiò, iudex cognoscit, si pars non opposuerit, nec recusauerit iudicem: quia pars tacitè consentire illi videtur, & sic iurisdictionem approbare. l. secunda. & l. in priuatis. ff. de iudic. & ista est communis sententia Doct. quamvis Antoni. Butri. in c. dilecti. de appella. dicat sententiam nullam, eo quòd iudex est suspectus suspicione iuris, sed hoc non obest, quia suspicio iuris dicitur quando est à iure approbata, & in casibus, in quibus est recusatio approbata, illa iuris dicitur, & tamen valet sententia si non recusetur iudex. c. postremo. de appel. alioqui nunquam valeret, si recusari iudex posset, quod est absurdum, nempe, quid aliud agit Prætor, præterquàm hoc vt controuersiam partium dirimat, quibus, si sponte cesserint, debeat id ratum habere. Vlpia. scribit in l. prima. §. inde. ff. de noui oper. nuntiat.

Nec me mouet iste text. dum dicit, neque debet ius dicere, & verbum debet denotat necessitatem. gloss. in clem. attendentes. in verb. debeant. de statu mo. & maximè, quando negatiua præcedit. gl. in cap. primo. de reg. iur. Barto. in repet. l. tertia. col. prima. C. de pigno. sed ista necessitas tendit in fauorem partis, ergo illi fauori pars renunciare potest. l. penul. C. de pact. sicut dicitur de clausula decreti, quæ intelligitur, si pars ea vti velit. Ioan. Mo. in c. statutum. de præbend. in 6. in §. si quis verò. de colla.

in Concord. Nam si filius conueniatur coram patre, poterit ibi se defendere. dicta l. lex Cornelia. in princip. ff. de iniur. sic & quando agit filius, & pars nihil opponit, & ista sententia seruatur in Curiis Franciæ.

*Praxis in  
Francia de  
eadem re.*

Quartò, non procedit, quando res erat peritura, tunc litis contestatio coram suspecto fieri poterit, siue pater sit, siue filius. l. Senatusconsulto. ff. de offic. Præsid. l. sed & si restituatur. §. sed et si dies. ff. de iud. Vnde instante etiã filio cogeretur debitor coram patre iudice cognoscere chirographum, & postea remitteretur ad suum iudicem, & hoc per Constit. Regiam. de qua plenè scripsi in tracta. de chirographo. & scedula recog. articul. primo. in primo tomo Comment. ad Constit. Reg.

Quintò restringitur, si iudex inter duos pariter conuictos cognosceret, eo casu pars affectionis causa suspensionem amoueret, vt scribit Tripho. in l. non solum. §. de vno. ff. de ritu nuptia. Barto. in l. repeti. §. quæstione. ff. de quæstio. Tamen etiã vidi hoc casu iudicem recusari, quia vnus consanguineus recusabat iudicem, quòd eum tanquam consanguineum non tractauerat, eo quòd illum pauperem cerneret, & alium diuitem, ideò par causa non videbatur.

Sextò, Episcopus iniuriam illatam familiæ, cum visitat, & notoriam punire potest, quemadmodum & Archiepiscopus. c. primo. de pœnis. libro 6.

Septimò iudex officiales suos in officio delinquentes punire poterit. l. nulli. C. quorum appella. non recipiantur. Barto. in l. si quis. ff. de pœn. vbi iustum reputat vt eam familiam in officio contineat.

*Iudex offi-  
ciales suos  
punire po-  
test.*

Non poterit tamen iudex in criminalibus de suis liberis, vel consanguineis cognoscere, tum ne fisco præiudicet, quoad confiscationes, tum etiã vt crimina puniatur. gloss. & Doct. hîc. & in d. l. lex Cornelia. ff. de iniur.

Aliæ restrictiones Ias. videntur superflue, & parum ad materiam respicientes, quando limitat in iurisdictione voluntaria, quia in illa non dicitur ius, de quo loquitur hic text.

Adhæc non facit ad istum text. quod Episcopus in causa suæ Ecclesiæ possit cognoscere, quia non est vxor, nec liberi, & quia præficitur Ecclesiæ vt eam tueatur. Ideò non est illa affectio, quam haberet in liberis, nec hodie solet cognoscere, & quantum attinet ad Vicarium, vt cognoscat de causa, quam Episcopus prosequitur, certè recusari Vicarius potest, si pars hoc petat, nec cognosceret Vicarius inuita parte hodie, quicquid hîc Ias. scribat.

*Episcopus  
pōt in cau-  
sa sua Ec-  
clesiæ co-  
gnoscere.*

Imò etiã si iudex esset sanctus, si pars non confidat illi, non poterit ius dicere inuita parte, quicquid scribat Spec. in titul. de iudi. delega. §. superest. verfic. quid si non est consanguineus, licet in pluribus hîc viris bonis (qui rari sunt) deferatur. c. nisi. de præben. Hyppol. consil. primo. circa finem.

#### S V M M A R I A.

1. Coacernatio vniū actionis non est faciendā.
2. Auditores Castelleti cognoscunt vsque ad viginti libras.
3. Iudex de quare cognouit, de eadem tenetur iudicare.
4. Emphyteota emphyteosi non priuandus, quamvis per quadriennium non continuum soluere cessauerit.
5. Iudex supra modum sue iurisdictionis quandoque cognoscit.



LEX XI. CAIVS LIB. I. AD E DICTVM  
PROVINCIALE,

**S**I idem cum eodem pluribus actionibus agat, quarum singularum quantitas intra iurisdictionem iudicantis sit, coaceruatio verò omnium excedat modum iurisdictionis eius, apud eum agi posse Sabino, Celsio, Proculo placuit, quæ sententia rescripto Imperatoris Antonini confirmata est.

**D**eclarabo prius text. postea eius materiam tractabo. Primò, in hoc text. scribitur, si idem, Requirit ergo iste text. vnum esse actorem, qui moueat plures actiones. Nam si multi plures mouerent actiones, diuersas, & se nihil continentes, illæ non possent in vno libello concludi, teste Bart. in l. edita. C. de edend. Et nō est absurdum vnum contra eundem plures congerere actiones, in vno libello, etiam specie differentes, vt in mutuo, & deposito, & aliis, secus contra plures debitores, & ita intelligi opinio Bart. debet in d. l. edita.

*Libellus vnus nō potest continere plures multorum actiones.*

Secundò, dicit iste text. cum eodem, & sic requirit, quod vnus contra vnum & eundem plures moueat actiones, vt non debeat fieri coaceruatio summarum. Idem, & multò fortius, si contra plures, quia tūc nulla esset dubitatio, quod nō fieret coadunatio, finali. ff. de calumnia. Et sic videbatur vnum esse datum, cum vnus & idē sit actor, & vnus etiam sit reus: sed contrarium hūc statuitur, quia quot sunt summæ, tot & debita, petitiones, & actiones, quæ omnes intra iurisdictionem iudicantis sunt: & sic de illis iudicare poterit, cum Vlpian. scribat: *in stipulationibus tot esse stipulationes, quot summa sunt, vel species.* l. scire. ff. de verborum obligatio. & sicut pro quolibet debito vna actio datur, quæ tamen actiones non coniunguntur, ita nec hūc, vt iurisdictionem iudicum impediunt.

**Tertio, Pluribus actionibus.]** Ergo non procedit iste text. in vna actione, quia non est faciendæ coaceruatio vnius actionis, cum iam sit vna, etiam si esset diuersa numero, vtpote si mihi debeas decem ex mutuo facto Calend. Ianuar. & viginti ex mutuo accepto die Regum, agere potero coram auditoribus ista actione mutui, quia licet vna sit actio, tamen plura sunt debita, & diuersæ quantitates, & vna actio pro quolibet debito: ideo nulla fit coaceruatio. l. cum quaritur. ff. de except. rei iudic. & l. seq.

Limitant Doctor. quando vna actio plures contineret species diuersas, vt actio tutelæ. l. j. ff. de eden. & ista videtur communis sententia, vt nulla fiat coadunatio, licet vna tantum sit actio.

**Quartò, Agat.]** Et sic in actore habet locum iste text. non in reo, qui pluribus, & diuersis exceptionibus coaceruatis se tueri potest. l. nemo. ff. de except. & regul. nullus. de reg. iur. lib. 6. Vnde si reus petat reconueniendo, non habebit locum iste text. vt in §. sed si mutua. seq. dicitur.

**Quindò, ponderandus est iste text. Quarum singularum quantitas intra iurisdictionem iudicantis.]** Et sic requiritur quod de singulis actionibus separatim iudex cognoscere possit, vt au-

ditores Castelleti cognoscunt, vsque ad viginti libras. Ideò nulla actio istam summam excedere debet, alioqui ipsi per istum textum cognoscere non possent, vel metas suæ iurisdictionis excederent, & sic nullius esset momenti appellatio, vt in l. fin. infra eodem dicitur.

Sextò, Coaceruatio verò omnium excedat modum iurisdictionis eius.] Ex isto text. colligitur regula, coaceruationem pluriū actionum non esse faciendam in præiudicium iudicum, qui possunt cognoscere de singulis vsque ad certam summam, vt olim defensores ciuitatum in quinquaginta. l. j. C. de defensor. hodie vsque ad 300. aureos, in authent. de defensor. ciuita. collat. 3. §. & iudicare.

Et iste text. nō solum prodest auditoribus Castelleti, verum etiam iudicibus Præsidialibus, qui vsque ad ducentas quinquaginta libras iure supremi imperij cognoscere ex Cōstitutionibus Regis possunt. Si verò summa coram illis petita, & condemnatio sit quingentarum librarum, sententia illorum executioni mandabitur per modum (vt loquuntur dicantici) prouisionis: sed recipietur appellatio, facta executione, vt scripsi in tractat. de sentent. execut. articulo 15. in primo tomo Commentariorum in Constit. Reg.

Idem dicerem in annuo debito viginti librarum, vt auditores Castelleti cognoscere possint, quia quot sunt anni, tot sunt debita, nec fit coniunctio plurium annorum. l. sancimus. §. si quis autem. & sequent. C. de donat. Doctor. in l. si Stichum. in fin. ff. de verbor. obligation. sed si ageretur ad debitum redditus totius anni, vel ad redimendam, vel ad continuandam pensionem, tunc non posset agi coram his auditoribus, sed ad alium iudicem esset remittenda causa. vt not. in l. si certis. C. de pact. l. j. de eden. Et quomodo cognoscatur an sit vnum debitum, vel plura, docet text. in l. Firmio. vbi Bartol. & l. si cum præfinitione, quando dies legat. ced. ff. Alex. consil. 50. in causa.

Poterunt Præsidiales magistratus cognoscere, etiam si actio possit crescere, vltra summam quingentarum librarum in edicto cōtentam, dummodò tempore petitionis non petatur vltra modum suæ iurisdictionis, vtpote in actione quæ crescit per inficiationem. l. contra negantem. C. ad legem Aquil. §. sed furti. de action. in Institut. vel in arbitrariis. §. præterea. de actio. ibidem. & titul. de eo quod certo loco. & sic poterunt iudicare vltra terminos suæ iurisdictionis. l. fin. in fine. C. de appel. vbi scribitur hæc ratio: *Nec scilicet tanti iudices, quasi vinculis præpediti, non possint legum veritati & iudiciali vigori per omnia satisfacere.* Nam de qua re cognouit iudex, de ea iudicare tenetur. l. de qua re. ff. de iudic. alioqui elusoria esset eorum potestas. l. si Prætor. ff. de iudic. Bertachin. in tract. gabella. in octa. parte principalis. q. 10. quia principium petitionis attendi debet. l. pen. in fin. infra eodem.

In ipso tamen casu, non iudicabunt tanquam supremi, si res excedat ducentas quinquaginta libras, nec executio fiet post appellationē, si excedat quingentas libras, quia ad hoc non est data illis potestas, qua deficiente deest, & effectus iurisdictionis. l. quod dictum. ff. de pact. cap. cum cessante. de appel. alibi in d. edicto plenius tractabitur, nempe iudicare poterunt vltra illam summam, postquam de ea cognouerunt. per d. l. fin. sed non iure supremi imperij: quia addita

*Coniunctio plurium annorum, in annuo debito, nō faciendæ*

*Præsidiales magistratus quoadque vltra iurisdictionis sue terminos iudicant.*

*Hæc lex in actore tantum procedit.*



additamenta eodem iure decidi debent, quo & principale l. inter. §. cū inter. ff. de pact. dotall. etiam. C. de iure dorum. Albert. Brun. in tract. de augmento. in §. conclus.

*Expensa,  
ad summa  
principale,  
non coniun-  
genda.*

Impensæ autem non computantur in summa principali, nec coniunguntur ad excludendum iurisdictionem Præsidentum. l. ampliore. in fi. C. de appel. ita edito Reg. super his facto cautum est, adeo, ut etiam si expensæ factæ coram illis taxatæ fuerint ad mille libras, hoc iure supremi imperij iudicare poterunt, si prima summa erat sic iudicanda.

Item, sicut coniunctio plurium quantitatum non debet fieri ad impediendum iurisdictionem, ita nec diuisio vnius quantitatis, ex vna actione, debita fieri debet ad iurisdictionem augendam, sed totum debitum inspicere debet. ut in fi. huius l. dicitur. §. & iudicare. in authen. de defenso. ciuit. colla. 3. Ideo si quingentæ libræ petantur, non possunt Præsides iure supremi imperij cognoscere de ducentis & quinquaginta libris, & de aliis postea, & sic semper sunt supremi, quia vna res non sic debet diuidi. l. ij. & seq. & l. stipulationes non diuiduntur. ff. de verb. oblig.

Procedit quoque iste text. ut non fiat coaceruatio etiam in fauorabilibus, si materia non patiatur. ut inferius dicitur, in delegata iurisdictione, & in abigeo, per l. fin. ff. de abige.

*Coacerua-  
tio temporis  
non faciēda.*

Hæc regula limitatur, non procedere in coaceruatione temporis, quæ fieri non solet, unde si quis remanserit in vno monasterio per duo semestria, non dicitur tacite professus, quia annus non censetur completus, quod requiritur. cap. postulasti. & seq. & cap. penult. de reg. Spec. in tit. de statu monacho. §. j. verfic. 38. & Bart. in l. finali. §. quotiens. ff. de publica. quicquid dicat glos. in ea eum qui certus est. de reg. iuris. in 6. ut scripsi, in consilio quod super hoc edidi. & sic non indulgebatur ei qui stetit in carcere per duo diuersa semestria, quamuis per statutum liceat è carcere eicere eum, qui per annum ibi detentus fuit, ut Angel. hîc, quem refert Ias. dicit emphyteotam priuati, qui non soluit per duos annos, si postea alio anno soluat, & demum cesset per alios duos annos, non fieri coniunctionem temporis, ad hoc ut sit priuatus, quasi cessauerit per quadriennium, quia illud tempus debet esse cōtinuum, ut decidunt hîc Ias. Dec. & alij: & sic consuluit Socin. consil. 118. circa. in 4. vol. quod probaui in eo qui seruiuit duobus medijs diebus. in l. 3. in fin. ff. de verborum significat. l. penult. infr. eodem. vbi hoc vitatur fauore libertatis. l. Paulus. in fin. ff. de libera. causa. l. seruus qui testamento. §. j. de statuliber.

Secundò vitatur, si pendente iudicio summa aucta sit, eo casu iudex iudicare poterit. l. ampliore. in fin. C. de appel. ut superius dictum fuit.

*Coaduna-  
tio faciēda,  
ad sciendū  
maius de-  
bitum.*

Tertio, non procedit iste text. quando respicere- mus maius debitum, tunc omnia, etiam diuersa, debita, & plurium personarum coadunanda sunt, ut debitum maius appareat. Vnde in pactis, ad hoc ut noceant creditoribus, qui non pacti fuerunt, requiritur, ut pars maior creditorum pactum fecerit, quod declarat Iurisconsultus, maiorem partem dici ratione debiti. l. iurifgentium. in fine. ff. de pact. iuncta l. maiorem. ibidem. quod si æquale debitum fuerit, maiorem partem personarum considerat Papinian. ibidem. etiam si minutæ summæ sint, coadunabuntur, quia maius faciunt debitum, & maior

pars debiti ibi respicitur. Hic autem non fit coadunatio, ut non impediatur iurisdictione, & sic non obest l. si plures. ff. de pact. quia ibi fit coadunatio ad sciendum maius debitum, hîc verò non ad impediendam iurisdictionem, nec inspicitur ibi odium, vel fauor, licet hoc scribant interpretes.

Quartò, coaceruatio plurium summarum fit, ut ad Principem appellari possit, si illæ summæ ex vna actione descendunt. l. si cui separatim. §. j. ff. de appel. ibi: *Si quis cum vna actione ageretur, quæ plures species in se habeat, pluribus summis sit condemnatus, quarum singule notionem Principis non faciunt, omnes autem coniunctæ faciunt, poterit ad Principem appellare.* Et per illum textum recepta fuit appellatio à iudicibus Præsidentialibus, qui in actione tutelæ condemnauerāt tutorem, quoad vinum in centum libras, & quoad frumentum ad ducentas, & ad quinquaginta, quoad alia negotia, & est sing. limitatio.

Si tamen illa debita ex pluribus actionibus deuenirent, non fieret coadunatio, ut hîc, & plenè dicitur in §. fin. infrà.

Quintò, istum textum restringunt interpretes in iudice delegato, quia eius iurisdictione est odiosa, allegatur l. j. ff. de offic. eius. vbi Doctor. glos. in cap. j. de rescript. in 6.

Ego dicerem habere hunc textum locum etiam in delegato, quia licet iurisdictione sit odiosa, & sic restringenda in casu dubio, in casu autem certo non est tollenda, nec impedienda. ut hîc. c. i. & c. sanè. 2. de offic. delegat. alioqui iurisdictione delegata auferretur, quod iura non permittunt. Vnde si concessum fuerit delegato, ut de omnibus causis non excedentibus centum aureos cognoscat, ut in Conseruatoribus. cap. primo. & fin. de offic. deleg. libro 6. si vnus agat diuersis actionibus, non fiet cumulatio, ut iurisdictione delegati impediatur, cum iste text. non restringat, sed generaliter loquatur, & sic coram iudicibus delegatis non fiet coadunatio actionum, ut iurisdictione delegata tollatur: & sic seruatur in praxi.

*Actionum  
coadunatio  
coram iudici-  
bus delega-  
tis non fa-  
cienda.*

Sextò, in fauorabilibus fit coaceruatio, ut si collator vnus habeat quinque dignitates, & quatuor præbendas, & beneficia alia curata, vel sæcularia, sex, potest grauari vno mandato, quia omnia ista beneficia adunantur, & fit numerus decimus, qui est sufficiens ad imponendum grauamen vnius mandati in Francia. §. primo. de manda. Apostol. in Concord. vbi scripsi in glos. decem, tamen in hoc casu, siue fauor sit, siue odium, coaceruatio fit, quia sufficit habere decem beneficia in sua prouisione, sed non respondet proposito text. Nam ibi attenditur numerus, & sic omnia faciunt ad numerum, & ideo ista restrictio non procedit generaliter. Nam & in odiosis pro materia fit coaceruatio. l. fin. §. qui sapius. ff. de abigeis.

*Coacerua-  
tio fit in fa-  
uorabili-  
bus.*

Septimò, si mihi debeantur centum, & petam viginti coram auditoribus Castelleti, ipsi poterunt iudicare, si pars non opponat, sed pars opponere poterit, ut totum petatur debitum, ne in diuersis tribunalibus vexetur. l. quidā. ff. de rebus. cred. §. & iudicare. de defensorib. ciuitatum. collatione tertia. Angel. & Iacob. hîc. & in l. penult. infrà eodem. vbi abundè tractatur. inuito autem eo non esse diuidendam petitionem, si iudex non possit cognoscere, sed ad eundem erit alius maior iudex, qui de hoc cognoscere possit.

Sed si vni debeantur octo libræ, & coram Con-



filiariis supplicationum ipse petat decem, quia ipsi non cognoscunt de minori summa contra longè distantes, si pars opponat eos non esse iudices competentes, tamen ipsi hoc non pronuntiabunt, quia ipsum principium & petitio inspicere debet. l. penult. in fine. infra eodem. sed in fine causæ Consiliarij condemnabunt reum ad debitum octo librarum, & actorem ad expensas, damna, & interesse, quæ passus est reus, ut docet hic Bald. & Iacob. allegat text. in §. & iudicare. in authentic. de defensor. ciuitatum. collatione tertia. & §. tripli. de actio. in Instit. & istæ expensæ, & interesse plus poterunt ascendere, quàm debitum principale, & victor in expensas condemnabitur contra l. properandum. §. si autem alterutra. C. de iudic. & ita docent Accurs. & Angel. in d. §. & iudicare.

Sabino, Cassio, & Proculo placuit. ] Istum textum dicit singularem Barbat. in tractat. præstan. Cardin in prima quæstio. Basilica primæ partis. numero 9. & in repetit. lacutissimi. columna 94. C. de fideicommiss. & in rub. de testament. columna 43. & consilio 11. colum. 13. in primo volum. ad hoc quod ubi non habemus legem, sufficit allegare auctoritatem maiorem. facit cap. primum. de decim. hæc abundè tractat Bartol. & alij in l. prima. ff. si certum petatur.

*Auctoritas  
maiorū sufficit, nō exi-  
stente lege.*

Etiam est not. quod auctoritas plurium est exquirenda. Sic in l. cum filio. ff. de vulgar. ibi: *Ex consilio Labeonis, Offlij, Casselij, Trebatij.* facit l. si anno- nam. ibi: *si cum peritioribus tractatum habuisses, facile cognosceres.* C. de inge. & manu. Sed in hoc text. sententia Iurisconsult. confirmata fuit auctoritate Imperatoris: idè tenet. Nam responsa prudentum illam habent auctoritatem, quam ei tribuit Imperator. §. responsa. de iure natur. in Instit.

Sed & si mutue sint actiones, & alter minorem quantitatem, alter maiorem petat, apud eundem iudicem agendum est ei, qui quantitatem minorem petit: ne in potestate calumniosa aduersarij mei sit, an apud eundem litigare possim. ] Ex hoc text. patet quod si in ius vocem Titium coram auditoribus Castelleti, & ab eo petam decem, is ipse poterit coram illis, centum à me iure reconuentionis petere, ne in potestate calumniosa aduersarij mei sit, an apud eundem litigare possim, & ista est ratio reconuentionis faciendæ, aliæ super hoc assignantur rationes in l. cum Papinianus. cum l. sequen. C. de sentent. & in cap. unico. ubi plenè Socinus hanc reconuentionis materiam explicat. Et sic conuentus coram Præsede super quantitate centum aureorum, non potest reconueniendo petere remitti ad auditores Castelleti, dicens se minorem summam, fortè decem velle petere. Nam qui de maiori summa cognoscere potest, multò fortius de minori, & qui de minori cognoscere potest reconueniendo etiam de maiori cognoscet, per istum textum. Idè reus tenebitur respondere, postquam elegit sibi illum iudicem. dicta l. cum Papinianus. Alia alibi de reconuentione tractabo. Notandum est tamen quod licet reconuentione ipso iure permittatur: tamen in hac patria consuetudinaria solent literæ Regiæ imperari concedentes reconuentionem fieri, quod tamen est superfluum, ut dixi in proœm. in Constitut. Reg. Et idem est statutum per Constit. Saxo. in lib.

*Reconuen-  
tionis ius.*

tertio. ut refert Hegendorphi. Et quamuis quidam intelligant conuentum coram maiore iudice, posse reconueniri de minori summa, non haberet hic intellectus dubitationem, ut is qui de maiori summa cognoscere possit, & de minori cognoscat, sed ut is qui cognoscere de minori tantum summa possit, cognoscat supra modum suæ iurisdictionis. Hoc est dubium, quod tollitur hic ratione reconuentionis: quia etiam incidenter cognoscere posset. l. quotiens. C. de iud. tractatur in tit. de quibus rebus ad eundem iudicem agatur.

§. Si vna actio communis sit plurium personarum, veluti familiæ herciscundæ, communi diuidendo, finium regundo- rum: vtrum singulæ partes spectandæ sint citra iurisdictionem eius qui cognoscit? quod Offilio, & Proculo placet: quia vnusquisque de parte sua litigat. An potius tota res, quia & tota res in iudicium venit, & vel vni adiudicari potest? quod Cassio & Pegaso placet. Et sanè eorum sententia probabilior est.

EX hoc tex. colligitur in his tribus iudiciis fami- herciscun. cōmuni diuid. & finium regundorum, inspicere totam rem, & si tota res ultra quingentas libras ascendat, non poterunt Præsidiales cognoscere interim, id est, per modum prouisionis, ut executio fiat. Dubitatio est, quia vnusquisque reus de parte sua litigat, & sunt plures, & sic plura videbantur debita, quare non coadunanda, sed contrarium statuit hic Iurisconsult. quia tota res in iudicium deducta est, non pars, tota etiam vni adiudicari potest: & vna est actio, quæ plures respicit personas: idè vna dicitur res debita, & sic iudex cognoscere non potest, si tota excedat modum iurisdictionis suæ. At si plures essent actiones, ut in principio huius l. licet mouerentur ab vno, & eodem contra eundem, tamen istæ plures non coadunarentur, ut ibi dictum fuit. Hic verò vna non diuiditur, ut plura sint debita: vnde patet per istum text. iudicem non posse supra suam iurisdictionem ius dicere, quod fusiùs tractabitur in l. fin. infra.

*Dubitanda  
ratio.*

*Ratio de-  
cidendi.*

Colligitur in his actionibus tribus inspicendum valorem totius rei ab initio, qui si excedat modum iurisdictionis iudex non cognoscet, nec separabitur actio, quæ vna est, utpote familiæ herciscundæ quæ datur ad diuidendam hæreditatem inter cohæredes. l. prima & secunda. ac in toto titul. famil. herciscund. ff. Idè antequam sententia diuisionis probata sit, vna actio erit, & non plures, vnum iudicium & vna sententia. vnde Paul. scribit eodem titulo. l. In hoc iudicio condemnationes & absolutiones in omnium personas faciendæ sunt. Et idè si in alicuius persona ommissa sit condemnatio, in caterorum quoque persona quod fecit iudex, non valebit: quia non potest ex vno eodemque iudicio res iudicata in partem valere, & in partem non valere. Ac quomodo res sit consideranda an pro diuiso, vel indiuiso, tradit tex. in l. rectè dicimus. ff. de verb. signific. vbi tractaui.

*Valor to-  
tius rei ab  
initio inspi-  
ciendus.*



Idèd cùm quælibet harum actionum generalis ad plures res competat. l. j. vbi Accurs. & Doctor. ff. de edend. vna tamen erit actio, quæ ad plures res datur, & sic si modum iurisdictionis excedat, iudex cognoscere non poterit.

*Familia, pro hereditate accipitur.* Sciendum est autem familiam pro hereditate accipi in hac actione, & heredes, pro diuidere secundum quosdam, quasi sit actio hereditatis diuidendæ, vel (vt alij voluerunt) à verbo Græco *ἐπίνομ*, quod scindo & seco significat, dicam abundè in tit. famil. heriscund.

Actio verò communi diuidendo contra eum datur, qui res communes possidet vt diuidantur, in tit. ff. communi diuidun. vbi alia tractabuntur.

Finiū verò regūdorū actio datur vt fines agris, & limites imponantur, & tunc fines regi dicuntur, quando limitibus fundi distinguuntur, & separantur, vt ibi dicitur.

*Reprehensio Doctorum.* Adhæc putarem interpretum sententiam falsam, maximè Matthesil. no. 110. vbi intelligit in istis tribus iudiciis duplicibus quemlibet actorem esse, & quemlibet reum, quoad ordinationem litis, non quoad iurandum de calumnia, nec quoad decisionem, non vt præualeat sententia pro prouocato, sed expectabitur sententia superioris. l. duo iudices. ibid. Tamè postquam hoc declarat Iuriconsultus illum actorem videri, qui litem mouit, & reum qui se defendit, hoc quidem certè in omnibus rebus habebitur, cùm non inueniatur exceptum. d. l. duo iudices, nullum verbum profert de his tribus iudiciis: & sic intelligetur etiam in duplicibus iudiciis. l. inter pares. ibidem. vt plenè dicam in interpreta. illarum legum, quicquid Ias. & alij hîc scribant. & idem Ias. in l. in prouinciali §. finali. col. 2. ff. de no. oper. nuntia. Et intelligere l. duo iudices. in duplicibus iudiciis, est prælagire, & illam generalem l. ad vnum casum restringere, quod facere non licet. Alia quæ hîc per interpretes scribuntur, & quæ sententia attendatur, an vltima, & de clausula in fin. posita, quia parum hîc conuenirent, alibi tractabo, ne plura.

### SUMMARIA.

1. Modica castigatio in quo consistat.
2. Iudex secularis etiam de heretico cognoscere potest.
3. Ex confessione sola, si probet se errasse, quis in Francia ad torturam non ponitur.

### LEX XII. VLPIANVS LIB. XVIII. AD EDICTVM.



Magistratibus municipalibus supplicium à seruo sumere non licet: modica autem castigatio in eis non est deneganda.

*Municipales magistratus qui vocentur.* Magistratus municipales vocantur cuiuslibet municipij, id est, ciuitatis, vel oppidi, non castrorum tantum seu villarum, vt interpretes existimant. declaratur in l. municipales. ff. de verb. signific. & in l. j. ad municip. & l. j. C. de magistr. municipal. vbi decuriones vocantur magistratus municipales. Nec oportet istum text. indefinitè loquentem restringere ad decuriones tantum, vel ad duumuiros, sed oportet de ipsis municipalibus intelligere.

Itaque statuitur hîc magistratibus municipalibus non licere seruos vltimo afficere supplicio, multo minus liberos, quia merum imperium non erat illis concessum, sed specialiter quibusdam magistratibus. vt in l. j. de offic. eius. sed modica tantum castigatio, quæ consistit (vt quidam dicunt) in admotione flagellorum, castigatione, & in vinculorum coniectione. l. veluti. ff. de pœnis. sed illa l. declarat coërcitionem corporis, non autem modicam castigationem, de qua hæc lex loquitur. Rationem huius decisionis tradit Paul. ff. ad municipal. *Ea enim quæ magis imperij sunt, quàm iurisdictionis, magistratus municipalis facere non potest.*

Nec licet his magistratibus in integrum restituere, nec ea facere quæ magis imperij sunt, quàm iurisdictionis. Idèd cùm sumere supplicium, imperij sit, ad magistratus municipales non pertinet, vt scripsi in l. imperium. suprâ eodem.

*Supplicij appellatio.* Aduertendum est hîc supplicium sumi non solū pro morte, sed pro graui animaduersione, & cruciatu, vt declarat Venuleius in l. si quid. ff. de officio Procons. & Luc. de Pen. in l. si quando. ij. C. de bonis vacant. lib. 10. l. milites. de custod. reor. ff. Doct. hîc.

Nempe interdum iura loquuntur de vltimo supplicio, & tunc solam mortem interpretatur Celsus. ff. de pœnis. l. vltimum. & l. qui vltimo.

*Summum supplicium quodnam vocetur.* Callistratus in l. capitalium. ff. de pœnis. summum supplicium esse ait damnationem ad furcam. Item viui cremationem, & capitis amputationem, de quibus debet intelligi l. penult. ff. de condic. causa data. Vnde cùm Iurisc. hîc non expresserit vltimum, vel summum supplicium, non intelligetur tantum de illis, sed de omni corporis maiori animaduersione, quæ illis magistratibus municipalibus concessa non erat, sed modica castigatio, vel leuis, fortè virgarum verberatio, & in carcere detentio, & aliæ pœnæ leuissimæ, quæ eo tempore assignari ab his solebant. vide text. in l. fin. ff. de custod. reorum.

Hodie verò in hoc regno Franciæ nulla esse debet inter magistratus controuersia. Nam diuisæ sunt iurisdictiones, vt possit dici:

*Diuisum imperium cùm Ioue Caesar habet.*

Idèd ciuilis iudex non cognoscit quidem de fustigatione, vel alio crimine: quia limitata causa limitatum producit effectum. l. in agris. ff. de acquirend. rerum dom. nec è contrario. l. solemus. §. latrunculator. ff. de iudic.

Limitatur, quando in consequens ista ciuilis causa, vel criminalis incideret, per l. quotiens. C. de iud. Vnde vidi Dom. Generales iustitiæ Paris. degentes, qui cognitionem tantum de vectigalibus habent, condemnare ad furcas falsarios, qui super processu, in illa Curia pendere, falsum commiserant: sic etiam in Generalibus Montispeffulani restatur Nico. Boër. in tractat. notab. de seditiof. multos ab ipsis seditiosos in furcas damnatos, & alios fustibus caesos, propter seditionem.

Vnde censuit Senatus Parisiensis, remittendam causam ad Scabios Remenses qui generalem cognitionem habebant extra tres casus, vulgò *meurre, prodicion, & forfaiture*, qui est interpretet a blasphème & usurpation du nom de Dieu & de sa mere. *in vain.* [latrocinium, prodicionem, & maleficium, quod interpretatum est de blasphemia, & usurpatione nominis Dei, suæque matris in vanum.] Vnde cùm P. Rebuffi Lectura.



quidam alium verberando blasphemasset, consequens fuit & incidens blasphemia, igitur ad Scabinos pertinebat cognitio, quia principaliter de causa verberum iudicabant, anno 1544. die 16. Decemb.

Adhuc videndum est, quando hæreticus remittitur condemnatus ad iudicem sæcularem, pro executione, vel clericus degradatus, an ipse iudex sæcularis possit de nouo cognoscere, & inquirere. Communis sententia tenet, non posse, & in hæresi est text. singul. prohibens iudici sæculari cognoscere. in c. fi. §. prohibemus. de hæretic. in 6. quia hoc crimen est merè Ecclesiasticum, sed sententia Bart. est in contrarium per §. si verò crimen. in authent. de sanctis. Episcop. col. 9.

Hodie verò seruatur in regno sententia Barto. dicentis posse de nouo sæcularem & inquirere, & cognoscere, per text. in d. §. si verò crimen.

Alioqui iudices sæculares non exequerentur, dicentes velle se iudicare ex veris, & non exequi tantum: idè executionem non facient, nisi reuiso summarie processu. Et aliquando euenire posset condemnatum à iudice Ecclesiastico, absolutum postea fore adiecta modica pœnà, quod in hæresi fieri non debet, quia interdum sæculares sunt hæretici. Et Clodius non condemnaret mœchos. Huius est sententiæ Bal. in consil. 360. Facta est. in fin. vol. 3. & Luc. de Penna in l. j. col. 3. C. de priuileg. scholast. lib. 12.

*Confessio  
coram iudice  
incompetente  
facta.*

Etiam Bartol. hic docet confessionem factam coram iudice incompetente, non sufficere coram alio iudice, ad quæ remittitur. per l. Diuus. 2. ff. de custod. reor. l. iij. §. idem Diuus. de testib. cap. at si clerici. de iud. licet Ias. hic dicat istam confessionem sufficientem ad torturam, & vt confitens teneatur coram suo iudice perseuerare.

Tamen contrarium seruat vsus forensis, nec vnquam vidi aliquem poni ad torturam ex hac sola confessione in hac patria consuetudinaria: imò nec cogitur persistere in illa confessione, si causam dicat rationabilem in contrarium, probando fortè negatiuam loco, & tempore coarctatam, & se in prima confessione errasse, vt in l. magnam. C. de contrahend. stipul. Aliter esset dicendum, si illa confessio reuocari non posset, nec confitens se defendere valeret, quod esset absurdum, & hoc not. Doctor. in d. c. at si clerici. vbi plenè ista materia traditur.

### S V M M A R I A.

1. Magistratus non potest committere iudicare in tempus, quo non erit magistratus.
2. Priuatus non potest iubere iudicare.
3. Lex in dubio generaliter intelligenda est.

### LEX XIII. IDEM LIB. LI.

#### AD SABINVM.



**U**m, qui iudicare debet, magistratum esset oportet. Magistratus autem is est, qui in potestate aliqua sit, vt puta Proconsul, vel Prætor, vel alij qui prouincias regunt, iudicare iubere eo die, quo priuati futuri sunt, nō possunt.

**H**æc lex tria dicta præscribit, secundum quædam exemplaria. Primò dicit illum posse iu-

bere iudicare, qui est magistratus, idè non potest is, qui talis non est. Secundò, dicit magistratum eum esse, qui in aliqua sit potestate, vt Proconsul, vel Prætor. Tertiò, declarat magistratus non posse iubere iudicare eo die quo priuati magistratu suo erunt. In aliis verò exemplaribus, & in correctis, maximè in Pandectis Florent. duo sunt tantum dicta, videlicet primum & vltimum, vt magistratus non possit iubere iudicare eo die, quo erit priuatus.

Imprimis dicendum erit, qui sint magistratus, & Arist. lib. 4. Polit. c. 15. sic ait: Maximè verò, vt simpliciter illi magistratus appellantur, quibus datum est deliberare de quibusdam, & statuere, & maximè hoc extremum, nam iubere, imperiosius est: vel magistratus is est, qui est in aliqua potestate & imperio, vt hic. Olim verè magistratus dicebatur, qui prius Quæstor à populo creatus prouincias deinde obtinuisset, vt probat l. j. ff. de officio Quæstor. & Nicol. Crachius in suo tractat. de Comiti. lib. 2. c. 22.

Iubere verò, interdum accipitur pto præcipere. in l. libertas. ff. de stat. homi. l. fine. de officio Præfect. vigil. Vnde Vlpian. ait in edicto Prætoris, *Edi iubebo.* in l. si quis. §. Prætor. ff. de edend. l. veluti. ibidem. l. iij. de in ius vocand. l. iubere. suprà eod. l. nec mandante. de tutor. & curat. datis ab his. Præses potest iubere tutorem dare. §. & hoc iure. de Attilia. tutor. in Instit. sed non mandare. d. l. nec mandante l. Lucius. §. cum testamento. ibi, Præsidis præcepto. ff. de admin. tuto.

Vnde si Princeps committat causam per verbum, Iubeo, is non poterit causam alteri mandare, licet aliàs possit. l. sæpe. iuncta glos. ff. de officio Præsid. l. à iudice. C. de iud.

*Princeps  
per verbum  
Iubeo, cau-  
sam com-  
mittens.*

Etiam magistratus potest præcipere arbitris, & cogere eos vt sententiam dicant. l. iij. in fin. l. litigatores, cum aliis multis legibus. ff. de arbit.

Adhuc iudices, negligentes iudicare, cogendi sunt à magistratu superiore, aliàs ad id quod interest damnandi erunt. l. venditor. in fin. ff. de iud. l. iij. §. in eum. de dam. infect. l. Diuus. de offic. Præsid.

Sed dubitatur, an magistratus possint iubere iudicare: id est, committere alicui, vt iudicet eo die quo amplius non erunt magistratus, vel cogere, vt pronuntient. Respondeo, non posse. Sicut enim is qui non est magistratus, non potest facere magistratum, ita nec causam committere decidendam, quam ipse non posset. Nam paria sunt non esse magistratum, vel committere in tempus quo nō erit magistratus, & sic ipse iudicare non posset, sic nec is cui committitur, quod pulchre declaratur in l. obseruare. ff. de offic. Procons.

Paria sunt etiam aliquid facere tempore prohibito, vel conferre ad tempus prohibitum. l. quod sponsæ. de donat. ante nupt. dicam in l. lege obuenire. in fin. ff. de verborum signific. in Pandectis Florent. Est magistratus autem, vel is qui in potestate aliqua, vel alij, &c.

Nec me mouet quod Paul. scribit ff. de iudic. in l. venditor. §. *Iudices à Præsede dati solent etiam in tempus successorum eius durare, & cogi pronuntiare.* Et sic magistratus poterit committere causas cognoscendas, etiam postquam non erit magistratus. Respondeo: Magistratus, Præses, scilicet vel alius potest mandare iurisdictionem eo tempore quo est Præses, vel magistratum exercet, quam si mandauerit, & is, cui est mandata, cognoscere cœperit, poterit ille ipse



ipse causam finire etiam finito magistratu Præsidis: sed si is Præses vellet mandare iurisdictionem, ut eo tempore, quo non esset magistratus, ille cognoscere inciperet delegatus, non valeret, ut dicit iste text. quia per hoc auferretur iurisdicção successoris, & per alias rationes superius scriptas.

*Recurfus  
ad iudicem  
immediatē  
superiorem.*

Quomodo poterit quis iudicare cogi? in Concord. in tit. de friuol. appellat. in princip. statuitur, quod si quis coram suo iudice non poterit habere complementum iustitiæ, ad immediatum superiorem per appellationem recursum habeat; ad minimum (ut ibi dixi) vna interpellatione, seu requisitione iudici negligenti prius facta. argum. l. Titia. §. vsuras. ff. de legat. 2. Bart. in l. mora. de vsur. tamen melius est quod pars ter, requirat iudicem, ut causam expediat, & postea si non expedierit, appellet à denegatione iuris, per c. grandi. de supplen. neglig. Prælator. Felin. in cap. ex literis. de constit. l. j. §. magistratibus. de magistrat. conueni. ff. vel poterit pars impetrare literas à superiore. quibus superior illi præcipiat, ut intra quindecim dies, vel aliud tempus illam causam expediat. & hæc praxis probatur hinc, & per Panor. in cap. nullus. de iure patron. sed prima seruatur, & est magis communis.

*Iubere iudi-  
care, aliud  
quàm iudi-  
cem dare.*

Nunc videndum est, quomodo iste text. intelligatur. Communis Doctor. sententia est, ut ille delegare possit, & cogere iudicare, qui magistratum habet, sed hic intellectus communis à quibusdam reicitur, dicentibus verbis text. non conuenire. Et quia aliud est iudicare iubere, quàm iudicem dare. Nam is cui mandata est iurisdicção, illam mandare potest. l. legatus. ff. de officio Proconsul. cum Prætor. de iudic. sed iubere iudicare non potest, ut hinc. Iubet ergo iudicare, qui consilium exercere potest, & cogere quos sortitur iudices: dat iudicem, qui non cogit, sed sponte suscipienti causam delegat, vel aliquod eius capitulum. Iste etiam intellectus non conuenit, ut is iubeat iudicare, qui consilium exercet, ut dixi in l. ij. supra de officio eius. ut inferius plenius dicetur.

Itaque ego putarem hoc verbum, iubere. pro decernere, statuere accipiendum in hac lege esse, & ita frequenter accipitur in edictis Prætorum, ut, *satisfacere iubebo*. l. Prætor. ff. de damno infect. l. ij. & l. Fulcinius, quibus ex caus. in posses. eat. plenè scripsi de hoc verbo iubeo. in l. nomen filiarum. §. primo. de verb. signific. ff. quæ hinc transferri possunt.

Vnde Cicero ad Atticum scribit sic: Quod nec Senatus censuit, nec populus iussit, id arroganter non præiudico. Nam sicut verbum, Censeo, vel, Decerno, respiciebat Senatum. l. item veniunt. §. item placere. cum §. sequen. de petitio. heredit. scripsi in l. censere. ff. de verborum significat. ita, Iubeo, erat populi verbum proprium, ut idem Cicer. pro Flacco, ait: Quæ censeret Senatus, aut populus iuberet. & in Vatinius: Senatus decreuit, populus iussit.

Et sic quando populus decernebat aliquem iudicem, siue illi vnam causam, siue totam iurisdictionem committendo, & sic ordinariū faciendo, iubebat eum iudicare, id est, eum iudicem constituere, & causam vel iudiciū ei committebat. Et illud verbum, iubeo, quod populi erat, postea retinuerunt magistratus, ut cum causam committerent, vel mandarent iurisdictionem, iudicare iubeant, etiam si intelligatur, iubere iudicare, id est, cogi pro-

nuntiare: ita ut is qui magistratus non est, cogere magistratum, ut pronuntiet sententiam, non possit, nec quidem finito magistratu.

Vnde vetare pronuntiare, est contrarium, iubere iudicare. l. Cum Prætor vnum ex pluribus iudicare vetat, ceteris id committere videtur. ff. de iudic. Idem Paul. scribit ibidem. l. iudiciū soluitur vetante eo, qui iudicare iusserat. Et sic vetante eo, qui illum constituerat iudicem. sic & Vlpian. l. sequen. scribit: Si locus in iubendo iudicare non est comprehensus, videtur eo loco iudicare inuisse, quo solet iudicare sine incommodo litigantium. Et idem Vlpian. l. fin. de offic. Præfect. vrb. ait Præfectus vrbi, cum terminos exierit potestatem non habet: extrā tamen potest iubere iudicare, id est, mandare iurisdictionem, & committere iudicem.

Vlpian. quoque docet sicut mandare iurisdictionem, vel non mandare, est in arbitrio Proconsulis: ita adimere mandatam iurisdictionem licet quidem Proconsuli.

Itaque iste text. intelligitur generaliter, ut omnes istos casus comprehendat, videlicet, ut si quis decernat, vel statuatur, ut quis iudicet, fortè vnam causam committendo, vel vnum eum iudicem faciendo ad omnes causas, quas ut cogat pronuntiare, magistratum eum esse oporteat. Dubitatio erat, quod potentioribus pares esse non possumus. l. ij. ff. de aliena. iudic. Ideo videbatur ut potentiores, & quicunque diuites possint iubere iudicare, & cogere iudices ut iudicent, cum ipsi sint potentes.

*Dubitandi  
ratio.*

Tamen iste text. contrarium statuit, quia priuatus homo est, qui sine magistratu est. l. pupillus. §. munus publicum. ff. de verborum significatio. Ideo non potest iubere iudicare, si ipse non habeat potestatem, vel imperium, quod non habet priuatus: & non dat, quod non habet. l. traditio. ff. de acquirend. rerum dom. l. si vniuersa. C. de legat. nec potest cogere maiorem minor. l. fin. ff. quod met. caus. & maior est magistratus aliquo priuato. l. secunda. C. quod met. caus.

Nec haberet dubium, quod is, qui non habet iurisdictionem, non possit delegare, per l. vnicam. C. qui pro sua iurisdictione. Sed is, qui est priuatus homo, utpote qui sine magistratu est, licet sit diues, non potest iubere iudicare, id est, mandare iurisdictionem, nec cogere magistratum: quia maior eo est magistratus, nec potest diues committere causam decidendam, quam non habet. Et sic in utroque iste text. intelligi poterit, quicquid dicant Doct. Itaque omnes sententiæ conciliabuntur. Et quia leges debent esse generales. l. leges. C. de legib. Ideo debemus in dubio legē generaliter intelligere, cum ita sit edita, & non ut certo casui tantum deferuiat, alia de delegatione missa faciam.

#### SUMMARIA.

1. Papa eò quod peccat, minor est suo confessore.
2. Pontifices plurimi in Concilio depositi fuerunt.
3. Decurio contractus seruare tenetur à prædecessoribus factos, sed non eorum debita soluere.
4. Reconuentio non facienda coram arbitro, & quare.
5. Iudex prorogatus in casu tantum prorogato iudex est.



LEX XIII. IDEM LIB. XXIX. AD  
EDICTVM.



St receptum, eoque iure utimur,  
ut si quis maior, vel æqualis subi-  
ciat se iurisdictioni alterius, possit  
ei, & aduersus eum ius dici.

Ista lex facilis est, dubitatio tamen in ea erat. Post-  
quam dictum fuit priuatum hominem non posse  
iudicare iubere, sed oportet eum, qui iudicare iubet,  
magistratum esse, nunc dubitatur an quilibet, & quis  
magistratus possit ius dicere alteri magistratui ma-  
iori, vel æquali, quod non videbatur, quia non habet  
minor vel æqualis potestatem, vel imperium in  
maiores. l. iij. infra. de arbit. l. ille à quo. §. tempe-  
stium. ad Trebel.

Hic text. respondet verum esse, nisi maior vel  
æqualis se subiciat, eo enim casu minor, vel æqualis  
habet iurisdictionem in maiorem, vel parem, & hoc  
receptum est, & eo iure utimur. Ratio est, quia post-  
quam maior se subicit minori, videtur minor. Inde  
1 Papa eo quod peccat est minor suo confessore, qui  
vice Dei fungitur in confessione, ut docet gloss. in c.  
nemo. 9. q. 3. & c. sanè 2. de offic. deleg. Non posset ta-  
men Papa se submittere iudicio Regis, vel Impera-  
toris, vel alterius laici: quia scandalum esset Eccle-  
siæ: quia exemptus de iure diuino est. c. si Imperatori.  
2 93. dist. Sed debet congregari concilium, in quo con-  
demnari poterit, ut videmus in pluribus Pontifici-  
bus, qui in concilio depositi fuerunt. & c. nos si incom-  
petenter. 2. qu. 7. ex humilitate intelligitur, eo quod  
Leo Papa 4. erat apud Ludo. Augustum diffamatus,  
ideò voluit ut inquireret de eo crimine, quam in-  
quisitionem sciebat in honorem suum euenturam, no-  
luit tamen ab eo iudicari, sed ipse Papa voluit cun-  
cta emendare suo iudicio & discretionem si inuenire-  
tur nocens, sciens se non posse talem inueniri. Multa  
docet Soci. in c. significasti. col. 4. & seq. de foro com-  
peten. Doctor. in c. omnis. de poeni. & remission.

Ista submissio, seu prorogatio expressè fieri pote-  
rit, exprimendo se velle minorem in eum posse co-  
gnoscere. l. prima. ff. de iud. l. prima. si quis in ius vo-  
ca. non ierit.

Item tacitè, ut delinquendo, authen. qua in pro-  
uincia. C. vbi de crimine agi oporteat, vel cōtrahen-  
do. l. hæres. ff. de iudi. c. fin. de foro compet. vel si non  
opponatur exceptio. l. sed & si suscepero. ff. de iudic.  
l. fin. C. de exceptio.

Et sufficit submissio expressa, vel tacita, nisi quo  
ad non recognoscentem superiorem, in quo requirit  
hic Angel. expressam submissionem, aliàs cōtrahen-  
do, vel delinquendo non videtur se submittere. Vn-  
de si Rex Hispaniarum interficeret in Francia homi-  
nem, sine submissione Rex in illum vix cogno-  
sceret.

Ista tamē submissio præiudicabit successor, etiam  
ante latam sententiam: quia successor etiam Principis  
ligatur legibus prædecessoris, & contractibus. in  
c. primo. de proba. & huius est sententiæ Iacobi. licet  
Bald. teneat contrarium. per l. prouidendum. C. de  
decurio. lib. 10. sed ille text. nihil facit: quia decurio  
non tenetur pro debitis sui prædecessoris: quia nihil  
emolumenti ex eo cōsequitur, quod secus est in Prin-

cipe. ut in l. Princeps. ff. de legib. & l. digna vox. C. il-  
lo titul. Et ipse decurio contractus à prædecessori-  
bus factos seruare tenetur, sed soluere illorum debi-  
ta non, ut abundè docui in præfatio. tit. de collatio.  
in Concorda. nisi, ut ibi distinguunt Doctor.

Idem dicemus de Imperatore, Regibus & duci-  
bus ut possint se submittere. per istum text. & in c.  
nouit. de iudic. sed hodie rarè se submittunt aliorum  
iudicio, sed belli euentu negotia illorum (proh do-  
lor!) reguntur.

Limitatur in clericis, qui non possunt se subicere  
laicorum iudicio: quia hoc tenderet in vilipendium  
totius cleri. c. si diligenti. & c. significasti. de foro com-  
pet. vbi abundè interpret.

Secundò, non procedit in subditis regni habenti-  
bus iurisdictionem: quia ipsi per rogationem iurisdic-  
tionis subditorum impediunt, dicentes, iurisdic-  
tionem eorum diminui, quam patrimoniale habent.  
de qua scripsi in titul. de causis. in Concorda. Alia  
dicam in l. prima. & secunda. infra. de iudic. vbi Do-  
ctor. eam tradunt.

Tertiò, per illam submissionem non perdit sub-  
iectus ius quod in aliis rebus habet, & sic ius superi-  
us, sicut nec dominus serui dominium. l. post certi. C.  
de liberal. causa.

Quartò, Accurs. hunc limitat text. in iurisdic-  
tione voluntaria per l. apud filium. ff. de ma. vindic. vbi  
Paul. scribit. *Apud collegam suum Prætor manumitte-  
re non potest*, sed ibi apud collegam Prætor non ma-  
numittebat: quia iurisdic-  
tio data erat simul his Præ-  
toribus, ideò cum collega partem iurisdictionis ha-  
bet, & alter alteram partem, non poterat alter colle-  
ga fungi officio Prætoris in solidum, ideò non pote-  
rat alter coram eo manumittere, ut dictum fuit in l.  
prima. ff. de offic. Consul. vbi plenè hoc fuit expli-  
catum.

Quod etiam probatur ex fin. l. C. de emancipa.  
vbi emancipatio debet fieri coram competente iudi-  
ce, vel apud eos magistratus, quibus hoc facere legi-  
bus, vel longa consuetudine permissum est, sed per  
hanc legem permissum est, ut cum maior, vel æqua-  
lis se subicit iurisdictioni alterius, ut ius dici in eum  
possit, ergo & in iurisdictione voluntaria, idem dice-  
tur, quæ non est tanti momenti, ut in l. prima. & 2. ff.  
de offic. Proconsul.

Tamen quantum attinet ad verba text. dicerem  
sub illis non comprehendi voluntariam iurisdic-  
tionem: quia hæc text. verba conueniunt iurisdictioni  
contentiosa, in qua ius dicitur, & non solet ius dici  
ferè aduersus aliquem in iurisdictione voluntaria,  
ideò arbitrarer hunc text. loqui in iurisdictione con-  
tentiosa. Verum quia maior, vel saltem æqualis est  
ratio, in voluntaria, ut possit exerceri in eum, qui se  
subicit iurisdictioni alterius, ob id habebit etiam in  
ea locum text. per l. illud. ff. ad leg. Aquil.

Quintò, dicendum est eum, qui subiecit se iurisdic-  
tioni alterius, non posse coram eo inuitum recon-  
ueniri, nisi consentiat illi reconuentioni: quia iurisdic-  
tio data est illi iudici, in eo solum articulo, in quo se  
submit, & non in alio, ideò non extenderetur iurisdic-  
tio ad casum, ad quem non se subiecit. arg. l. com-  
modissime. ff. de liber. & posthum. l. si extraneus. de  
condict. causa data.

Idem in arbitro dicunt Doctor. per text. in c. cum  
dilectus. de arbit. quia expressus cōsensus est in vno  
casu,

Dubitandi  
ratio.

Ratio de-  
cidendi.

Submissio  
quomodo  
fieri de-  
beat.

Successor  
Principis.

Restitutio-  
nes presen-  
tis legis.

Lex ista  
ad volunta-  
riam etiā iurisdic-  
tione  
extenditur.

Reconuen-  
tio non fit in  
inuitum.



casu, ergo in reconuentione non habebit locum, vt possit fieri coram arbitro, quia de ea nō est commissum. Vnde scribit Paul. ff. de arbit. l. non distinguemus. §. de officio arbitri tractantibus, sciendum est omnem tractatum ex ipso compromisso sumendum esse, nec enim aliud illi licebit, quā quod ibi vt efficere possit cautum est. Non ergo quodlibet statuere arbiter poterit, nec in re qualibet, nisi de qua compromissum est. Idē ergo dicendum est in eo qui subiecit se iurisdictioni alterius, vt non possit coram eo reconueniri, in quo non consentiit, sed tantum coram primo.

Quamuis Accurs. hīc dicat contrarium, & hanc gloss. singul. dicat Bald. in margarita, in verbo, reconuentione. quāst. prima. & Ludouic. Roma. in consi. 149. coram arbitro. dicat coram iudice prorogato reconuentionem fieri posse, quod verum putarem, si pateretur reconuentus, & sic nouum praeberet consensum, aliās iudex prorogatus non erit iudex nisi in casu prorogato. l. ij. ff. de iudic. quia in illo casu non consentit pars, quā debet consentire, vt ibi scribitur.

Sexto, vtilitas huius legis erit, vt si maior se subiiciat iurisdictioni minoris, & is dicat sententiam contra maiorem, vt maior appellare possit. Vnde si Rex subiiceret se Praesidi Prouinciā, poterit ad Praesidis superiorem appellare: nec videtur Rex isti dare maiorem auctoritatem, propter submissionem: quia ad vnum finem inducta non debent contrarium & diuersum finem inducere. l. legata. ff. de legat. primo.

Præterea, si Rex nolit vt iurisdictione exerceatur, pro exteris, requirēdus erit vt iustitiam administret de suis subditis, quod si recuset, pignorationes concedentur contra suos subditos, & pignorationes illas Barto. in tracta. represa. represa alias vocat. c. primo. de iniuriis & damno dat. lib. 6.

Item si plures sint domini vnius castri, non poterit vnus alium delinquentem punire, nec habere iurisdictionē in eum dicitur. arg. l. qui duos. ff. de procura. quia par in parem non habet imperium. l. iij. ff. de arbit. dixi in l. recte dicimus. §. fin. ff. de verbor. significat.

## S V M M A R I A.

- 1 Error defensionem non excludit.
- 2 Impedit prorogationem iurisdictionis.
- 3 Mercator conuentus coram Conseruatoribus nundinarum, pro alia re qua nundinas non tangit, respondere non tenetur.
- 4 Error in iure partibus competente, non impedit iurisdictionem.
- 5 Ratificatio quandoque iurisdictionem prorogat.
- 6 Erranti in facto, prae-textu erroris, succurritur.

## LEX XV. IDEM LIB. II. DE OMNIBVS TRIBVNALIBVS.



**S**per errorem alius pro alio Praetor fuerit aditus, nihil valebit quod actum est. Nec enim ferendus est, qui dicat consensisse eos in Praesidem, cum (vt Iulianus scribit) non consentiant qui errant. Quid enim tam contrarium consensui, quā error, qui imperitiam detegit?

**P**raefari nobis oportet olim duos Romae, Praetores, maximē fuisse, vnum qui urbanus, alterum qui peregrinus dicebatur. Ille inter ciues & incolae, hic autem inter exteros & aduenas ius dicebat, vt est apud Fenestellam, & scripsi suprà. in tit. de offic. Praetor.

Species facti talis fingi potest: Exterus credens Praetorem urbanum, peregrinum esse, in ius vocauit alium exterum coram eo. Is ipse Praetor urbanus ius dixit, & condemnauit exterum, quāsitum fuit an valeat quod actum est coram illo, & Caius respondet nihil valere quod actum est, dubium est, nūquid litigando coram eo videatur consensisse, & text. respondet non esse ferendum eum, qui dicat consensisse, quia ipse non cōsentit qui errat, & nihil est tam contrarium consensui, quā error, qui imperitiam detegit, & non potest dici iurisdictione prorogata: quia prorogatio consensum requirit. l. ij. ff. de iudic. l. si quis ex consensu. C. de Episcopali audien. Et error excludit consensum, vt hīc constat. Nulla enim voluntas erratis est. l. sed hoc. ff. de aqua pluuiā arcend. ergo nulla prorogatio, sic nulla erit apud illum iudicem iurisdictione in illos, & sic tanquam priuatus censetur iudicasse. per l. iij. suprà. de offic. Praesid. Error autem mutare veritatem non potest. l. assumptio. in princip. ff. ad municipal. nec defensionem excludit. l. libertas. §. error. ibidem. & vt ista melius intelligantur, declarabo verba text.

Prosequor verba text. Per errorem adiri quis dicitur, quando putabat eum esse peregrinum, qui tamen urbanus erat, & sic erat error facti, sed idem & multo fortius in errore iuris, vt docet Accurs. hīc per l. ij. ff. de iudic. quem Angel. & Iason sequuntur, licet fiat differentia in confessione per errorem iuris, vel facti, vt in l. non fatetur. ff. de confess. sed non quoad iurisdictionem. vt hīc.

Et quamuis erratum hīc sit in persona, idem tamen arbitraretur si erratum sit in iurisdictione, siue in tota, siue in parte, & si putabam eum delegatum in hac causa, erat tamen ordinarius, tunc error impediet prorogationem, vt nihil valeat quod actum erit. teste Panorm. per illum text. in cap. primo. de offic. delega. & Doctor hīc: quia nullus est consensus in hoc, idē nec prorogatio.

Etiam procedit iste text. siue error sit in ytraque parte, siue in altera tantum. Nam ad prorogationem iurisdictionis requiritur consensus vtriusque partis, quando is iudex nullius partis est iudex. l. prima. & 2. ff. de iudic.

Idē non valebit processus, nec sententia etiam in praedictum scientis, ne iudicium claudicat. contra l. fin. C. de fruc. & litium expensis.

Et in dubio in hoc casu error non praesumitur. Nam quilibet praesumitur scire quod notum cunctis est, & publicum. l. si tutor petitus. C. de periculo tutor. l. quinquaginta. ff. de excusa. tutor. cap. fin. qui ma. accusa. possunt. licet regulariter ignorantia excuset. l. verius. ff. de proba.

Etiam procedit, siue ita litigetur à singulari persona, siue ab vniuersitate, vel populo: quia si per errorem populus, vel vniuersitas adeat vnum pro alio. iste text. locum habebit generaliter loquens, & lex loquens generaliter vniuersitatem etiam comprehendit. l. metum in magna. §. animaduertendum. ff. quod met. caus.

Duo Romae Praetores.

Facti species huius legis.

Legis huius utilitas.

Pignorationes contra subditos, quando concedantur.

Prorogatio iurisdictionis.



Consuetudo  
excludit  
errorem.

Sitamen populus vsus fuisset illo iudice, pro alio per tempus legitimum, quod consuetudinem vel prescriptionem inducere potuisset, eo casu ratione consuetudinis, vel prescriptionis, valeret quod gestum esset ab his, quia consuetudo approbat, & excludit errorem, & habetur pro veritate. l. de quibus. ff. de legib. & sic conciliantur diuersæ interpretum sententiæ. vt Celsus scribit. ff. de legib. l. quod non ratione introductum est sed errore primum, deinde consuetudine obtentum, in aliis similibus non obinet, sed in suo casu proprio, vt dictum fuit supra.

Alius pro alio. ] Idem dicerem, si alius fuerit aditus pro alio negotio, cuius cognitionem non habebat, vt si iudicem civilem adierim, sciens esse talem, sed putabam eum, & in criminibus principaliter cognoscere posse, quod non est verum. l. solemus. §. latrunculator. ff. de iudic. quia cum non habeat in hoc casu iurisdictionem, non potest extendi à priuatis. l. priuatorum. C. de iurisdic. omn. iudi. Et quia prorogatio debet fieri in his quæ eiusdem sunt naturæ. gloss. in c. hi qui autoritate. de præben. lib. 6.

Prorogatio  
iurisdic-  
tionis.

Vnde, si quis trahat in ius mercatoris coram Conservatoribus nundinarum, pro alia re quæ nundinas non tangit, nec debita, non valebit quod actum erit si is ipse erret, putas eum de omni re cognoscere posse, teste Cyno in l. prima. C. eo. Panor. & Imol. in c. P. & G. de offic. deleg. idem dicunt Bald. & Fulgos. in l. repetita. C. de Episcop. & cleric. quod iudex prefectus ad vnum locum ciuitatis, vt Tholosæ ultra pontem, non poterit cognoscere de his quæ citra pontem in controuersiam veniunt. vt probat gloss. in l. quicumque. C. de excepto. & exacto. lib. 12. quem sing. not. Barba. consil. 45. col. 4. in 3. vol. & las. consil. 2. 9. in 2. vol. Bal. in l. testamenta. C. de testam. Posset tamen vnus scienter litigare, & prorogare in alium, sed si alius pro alio adeatur, nihil valebit quod actum erit, propter errorem excludentem consensum, per istum text.

Prætor capitur hic pro quocunque iudice, quod declarat postea tex. ibi, in Præsidentem, quod nomen est generale. l. prima. ff. de offic. Præsidi. vbi scripsi. hic accipitur pro quocunque magistratu, habente iurisdictionem, sed de Prætoris locutus est hic Vlpian. vt melius facti species intelligeretur: quia duo, maxime erant Romæ Prætores, non autem Præsides, vt dictum fuit suis in locis.

Aditus. ] Et sic non habebit locum si in ius vocatus non iuerit, vel si tantum conuenerit de adeundo. vt in l. si conuenerit. inferius dicitur.

Sed nunquid posset ad expensas condemnari iste in ius vocatus, non veniens? Respondeo, posse, per clemen. primam. de rescript. Nam Vlpian. ff. de iudic. scribit. l. si quis ex aliena iurisdictione ad Prætoris vocetur, debet venire, vt & Pomponius & Vindius scripserunt. Prætoris enim est existimare an sua sit iurdictio, vocati autem est, non contemnere autoritatem Prætoris Nam & legati ceterique qui reuocandi domum ius habent, in ea sunt causa, vt in ius vocati veniant, privilegia sua allegaturi. Idem scribitur in l. prima. & 2. ff. si quis in ius vocat, non ierit.

Contumax  
non audien-  
dus, nisi  
purgata con-  
tumacia.

Imò reus contumax non potest allegare præuentionem, vel litem pendentem coram eo iudice, in quo fuit contumax, nisi contumaciam prius purgauerit. vt l. sancimus. vbi Doctor. C. de iud. Barr. in l. sepulchri violati. colum. prima. ff. de sepul. viola. Socin.

consil. 137. in 2. vol.

Nihil valebit quod actum est. ] Colligitur omnia acta facta per errorem coram iudice non suo, non valere, ibi, quod actum est, & sic quodcunque probatur in l. metum, magna. ff. quod met. caus. vide quæ scripsi in l. si quis id quod. supra eodem.

Vnde citatio non interrompet prescriptionem, etiam triginta annorum. contra l. cum notissimi. C. de præscriptio. trigint. annor. quia nihil valet quod actum est hic, & ille text. intelligitur de vocatione in ius valida, sed non valet per istum text. quod actum est per errorem. Nec litis contestatio, facta per errorem coram isto Prætoris, habet effectus, quos trado in tract. i. de litis contestatio. & Doctor. in c. primo. & per totum titulum de litis contestat. Attestationes coram eo factæ non proderunt coram alio iudice: quia non valent. vt Doctor. not. in c. causam. de testib. Sententia & alij actus etiam non valebunt per verba hæc, Nihil valebit quod actum est, nisi superuenerit scientia cum approbatione gestorum, vt inferius dicitur.

Vnde fuit iudicatum, quendam beneficiarium non audiendum in interdicto vt possideris, in casu falsitatis & nouitatis, qui intra annum litigauerat per errorem coram Præposito, qui cognitionem interdictorum non habebat, & annus lapsus erat à die possessionis adeptæ per aduersarium, ideo non poterat nunc agere coram Præsidente, vt alibi scripsi.

Item postquam nihil valet quod actum est, etiam post decem annos confirmari non poterit. per regul. iuris. Quod in initio vitiosum est, non potest tractu temporis conualescere.

Imò non posset confirmari per literas Regias. Nā licet error corrigi possit impetrando à Rege ex praxi huius Regni, tamen inciuile esset approbare in præiudicium partis, id quod nullum est, alioqui esset per indirectum ius partis auferre, quod Princeps facere non debet. l. quoties. C. de precib. Imperat. offerend. l. ex hoc iure. ff. de iustit. & iure.

Princeps  
ius partis  
auferre non  
debet.

Quamuis Bartol. scribat ad vitandum errorem, Notarium scribere debere, talis sciens se non teneri promittit, vel facit. &c. in l. fin. §. item quæsit. ff. de conditio. indebiti, & istam clausulam notarij apponere solent, ea tamen non obstante solent releuari partes probato errore. l. vnica. C. de erro. calcul. l. vlti. de erro. aduoca. scripsi in titulum de restit. artic. primo. gloss. prima. in 2. tomo Commenta. ad Constit. Reg.

Limitatur iste text. non procedere, quando partes errarent in iure illis competente, tunc ille error non impedit iurisdictionem, utpote si partes, vel altera poterat declinare, vel reiicere iudicem, & ipsa hoc ignoret, certè litigando videtur iurisdictionem prorogare, siue iudex pronunciauerit se iudicem, siue tacite cognouerit: quia istæ exceptiones non tollunt vim iudicij, nec iurisdictionem. l. ita demum. C. de Procura. Innocen. & Panor. in c. ad petitionem. de accusa. & Paul. scribit. §. Qui ignorauit rei dominum esse venditorem, existimet se à non domino emere: tamen si à domino ei tradatur, dominus efficitur. l. penult. de iur. & fact. ignoran.

Restrictio-  
nes ad hanc  
legem.

4

Secundò vitatur, quādo error in principio esset, & durante processu interuenerit scientia, tunc partes ratificare poterunt etiam ea quæ antè gesta sunt. l. prima. vbi gloss. inchoare. C. vbi de crimi. agi oport.

& ibi



& ibi Barto. & in l. prima. ff. de iud. quod est verum, quando scientia & consensus partium posset iurisdictionem prorogare, aliàs contra. vt in c. significasti. de foro competen. Et si quis vellet, quod iudex ciuili, esset sibi iudex in criminalibus, quod fieri nō potest, vt superius dictum fuit, nec possent tunc partes dare iurisdictionem illam iudici, qui non habet.

Error per-  
sona.

Tertio restringitur, in delinquente, errante in persona eius in quo deliquit. Nam error personæ excusare non debet delictum, sed est puniendum, Paul. scribit l. eum qui. ff. de iniuriis. §. si iniuria mihi fiat ab eo cui sum ignotus, aut si quis putat me Lucium Titium esse, cum sum Caius Seius, praualeat quod principale est, iniuriam eū mihi facere velle. Nā certus sum ego, licet ille putet me alium esse, quā sim, & ideo iniuriarum habeo actionem. Et idem si putās vnum occidere, alium occidas: quia delictum, & sic puniendum: quia non errat in delinquendo, qui error non excusat. Non tamen ita acerrima poena esset hīc puniendus, sicut is qui de industria aliquem elegit. cap. primo. de homicid.

6 Et sic error in facto non vitiat factum, sed prætatu erroris succurritur, vt si quis putans hereditatem sufficientem ad legata, ea prætiterit, valet quidem traditio: quia in ea consentiit hæres, sed ei succurritur. vt in l. prima. §. si legatarius. ff. ad leg. Falc. & l. prima. si cui plus, & c. Et tunc solent impetrari litteræ Regiæ, vt non obstante legatorum solutione, liceat ei quartam repetere, cum errans in facto soluerit, existimans hereditatem sufficientem, sed cauti hæredes solent sibi ante solutionem prouidere per cautionem, id est, per instrumentum obligatorium, vt legatarius offerat se ad restituendū quartam Falcidiæ, si appareat eam deberi.

Aliæ limitationes per las. & alios conscriptæ non procedunt, nec in praxi seruantur, ideo eas mis-  
sas facio.

#### LEX XVI. IDEM LIB. III. DE OMNIBVS TRIBVNALIBVS.

**S**olet Prætor suam iurisdictionem mandare, & aut omnem mandat, aut speciem vnam. Nam & is cui mandata iurdictio est, fungitur vice eius, qui mandauit, non sua.

#### LEX XVII. IDEM LIB. I. OPINIONVM.

**P**rætor, sicut vniuersam iurisdictionem mandare alij potest, ita & in personas certas, vel de vna specie potest: maximè cum iustam causam susceptæ ante magistratum aduocationis alterius partis habuerit.

**I**stæ leges duæ loquuntur de iurisdictione mandanda, sed quia plura vidimus in Rub. ac in toto titul. suprâ. de offic. eius. Ideo hīc habebuntur pro repetitis: restantū quæstiones hīc deciduntur. Prima, quæ iurdictio mandari possit: Respondeo, tota,

vel pars, ibi, solet Prætor suam iurisdictionem mandare, & aut omnē mandat, aut speciem vnam. declarat l. Prætor, tribus modis fieri posse. Nam aut quis mandabit vniuersam, & quod in vna lege dicit vnam, hīc dicit, vniuersam, itaque Proconsul, vel alius poterit omnem mādare iurisdictionem, quam habet in suo territorio. l. obseruare. cum l. seq. suprâ. de offic. Proconsul.

Iurisdictione  
tribus mo-  
dis mādari  
potest.

Aut speciem vnam, videlicet iurisdictionē, quam Præses habet in tali ciuitate, mandat tali: nam sicut species prædicatur de pluribus numero differētib, vt tradunt Dialectici, ita & hæc delegatio de causis eius ciuitatis, non totius territorij.

Vel ad certas personas, vt delego causam contra Petrum, Ioannem & Titium, & sic nominatim in certas personas, non inter pauperes, vel pupillos, vt Accurs. arbitratur, quia hoc esset incertum, & mandare vnam speciem, & sic non esset differentia inter secundum casum & tertium: vnde text. redderetur superfluous, quod non est dicendum.

Inde colligit Dec. argumentum à toto ad partem, validum esse. Nam si omnis iurdictio potest mandari, ergo & vna species, vel contra certas personas. l. quæ de tota. ff. de iurisd. omn. iud. sic arguit Papa. in c. pastoralis. §. item cum totum. de offic. delega. hoc tamen argumentum non procedit, si diuersa sit ratio in parte, quā in toto. l. qui hominem. vbi Accurs. de solut. ff. l. quemadmodum. de agricol. & censit. lib. ii. Bart. & alij in l. iurisdgentium. §. adeo. ff. de pact. Albert. Brunus. in tracta. de augmento. conclus. prima. Euerard. in locis legal. in hoc arg.

Argumen-  
tū de toto  
ad partem  
est validū.

Secunda quæstio est, quam iurisdictionē habeat is, cui mandata est iurdictio: Respondeo, illā quam habet mandans, nec vice eius fungitur. l. prima. & in toto tit. suprâ. de offic. eius. vbi abundè tradidi.

Tertia quæstio est, quando iurdictio mandari possit: & Vlpia. hīc respondet, cum iustam causam habet mandans.

Et quando iustam causam habere videatur: Respondeo, maximè si is effectus sit iudex, qui Aduocatus fuerat alterius partis, ipse enim eam causam mādare debet, quia affectionem ad causam habere censetur, ratione Aduocationis ante magistratum susceptæ, per l. fin. de testib. ff. c. vlti. illo titul. lib. 6. c. postea. de appella. si tamen reuelauerit secreta causæ Aduocato, & non defenderit causam, non poterit recusari per gloss. in c. dilecto. de testib. quia non debet iudicari secundum conscientiam, sed secundum allegata, & probata, & multi cōsulunt audita vna parte, qui postea contrarium iudicarent, si ambas audirent partes. Ideo Philippus Macedonū Rex, Alexandri Magni pater reseruabat alteram aurem ad audiendum reum, dum actorem audiebat.

Iusta cau-  
sa iurisdic-  
tionis mā-  
danda.

Etiā in causa, in qua non fuit Aduocatus, non potest recusari: quia in illa non potest affectione duci, quam ignorauit, licet fuerit Aduocatus in aliis pluribus causis, vt Doctor. hīc tradunt, & in d. c. fin.

Et Iurisconsultus hīc vnam iustam causam tantum enumerat: quia Modesti. scribit sufficere vnum argumenti causā referre. in l. si quis obrepserit. ff. de Falc. & Iulia. ait, vnum interim proposuisse contentus ero. l. ita vulneratus. circa fin. ad leg. Aquil. sed idem erit in aliis iustis causis. vt in l. j. suprâ. de offic. eius scripsi.

Vtilitas est. Nam si iudex mandauerit iurisdictionem

Vtilitas ha-  
rū legum.



nem suam vniuersam, non potest is recusari etiam causa subsistente. Diuersum est, si aliquid sibi reseruet. c. iudex. de offic. deleg. libr. 6. Nam primo casu nihil potest in causa agere, in secundo sic.

Item, quando quis totam iurisdictionem mandauit, non potest postea illam reassumere, nisi re integra. c. quauis. de offic. deleg. in 6. secus est, si partem. l. iudicium soluitur. ff. de iudic.

Præterea, non appellatur ad eum qui totam iurisdictionem mandauit, cum nihil habeat, sed ad primum. l. prima. qui & à quo appel. secus si vnam tantum causam. c. si is cui. & cap. si à suo delegato. de offic. deleg. lib. 6.

Adhæc, qui totam iurisdictionem mandat, non potest postea alios iudices dare, secus si aliquid sibi retinuerit, vt in Conseruatore Paris. alibi scripsi. Doctor. in d. c. quamuis. de offi. deleg.

### S V M M A R I A.

- 1 Clerici non possunt privilegio, ipsis competenti, renunciare.
- 2 Conuentio iuxta contractum posita, obseruanda.
- 3 Procurator non potest acquisitum tollere.

### LEX XVIII. APHRICANVS LIB. VI. Q V A E S T I O N V M.

**S**i cōuenerit, vt alius Prætor, quàm cuius iurisdictione esset, ius diceret: & priusquàm adiretur, mutata voluntas fuerit, proculdubio nemo compellitur eiusmodi conuentioni stare.

**I**stum text. contorquet Doctor. & varios præbent intellectus: ego verò intelligerem sic, duo ciues conuenerunt, vt Prætor peregrinus de controuersia illorum cognosceret, antequàm tamen iudicem adirent, vnus mutauit consilium, volens coram vrba- no Prætoris litigare, quæsitum fuit ab Africano, vtrum ille seruare cōuentionem teneatur, & respondeo neminem compellendum stare huiusmodi conuentioni, quod dubium erat. Nam Vlpia. scribit, *Nihil tam congruum fidei humane est, quàm ea seruare, quæ inter partes placuerunt.* l. prima. ff. de pact. Africanus tamen hic alia ratione motus contrarium statuit. Nam hic fuit nuda conuentio, ideò non parit obligationem, & idem Vlpia. scribit in l. iurisdgentiū. ff. de pact. Ideò, siue vna pars mutauerit voluntatem, siue ambæ partes, non est vis: nempe quod ad hunc casum attinet, nō fit differentia, siue vnus, siue ambæ partes discedere à conuentione velint, sed dicit nemo compellitur. Ideò nec reus, nec actor: & in hoc Doctor. controuertunt, sed idem dicendum est, siue vnus mutauerit voluntatem, siue omnes, alioqui text. dixisset, si ambæ partes voluntatem mutauerint, non compelluntur stare illi conuentioni, quippe cum conuentio sit puda, ergo vnus partis dissensus sufficit, licet interpretes aliam assignent rationem, videlicet quia iurisdic- tio est publici iuris, ideò prorogatio eam non firmat, ante litem contestatam, sed hæc ratio potius faceret contra: quia in his quæ publici iuris sunt, conuentio sola prodest. l. conuentio- num. suprâ. de pact. Ideò tutior erit ratio quâ dedi,

Nuda cō- uentio obli- gationē nō parit.

licet Doctor. plures assignent.

Et quia ista materia satis confuse solet à nostris interpretibus tractari, ob id, vt tota facilius, & vno cōplexu tradatur, conscribam seq. casus.

Primus est, quod conuentio nuda extra iudicium facta, inter partes, non obligat illas, si eas, vel alteram earum, poeniteat, nec compelluntur stare huic conuentioni, per rationes suprâ expressas. Et sic videtur intelligi text. per verbum, *conueniret*, in hoc text. positum, quod nudam significat conuentionem. l. lecta. vbi Ias. ff. si cert. pera. Et apparet etiam extra iudicium conceptam per hunc text. dicentem, *priusquàm adiretur mutata fuit voluntas*, verbum enim, adeo, capitur pro accedo, quasi ad iudicem eo. Ergo dicitur iudex aditus pro tempore, quo quis eum congressus est, nec requiritur litem contestatio, vt gloss. dicit. Nam si semel pars vtraque adierit iudicem, postea nemo voluntatem mutare poterit, vt statim dicitur. probat Vlpia. in l. fin. ibi, *Cum potuerit ius publicum inuocare, & adire aliquem potestate præditum.*

Nuda con- uentio, ex- tra iudiciū facta.

Item in permissione transigendi super alimentis, sine cognitione litem contestatio non fit, & tamen Vlpia. dicit, *Prætor aditus citra causæ cognitionem transigi permiserit*, ergo adiri iudex dicitur per primum congressum. l. si per errorem. suprâ. eodem. Etiam si partes promiserint stare mandatis illius iudicis, quia ad idem tendunt ista cum conuentione, & conuentio ista nuda non obligat, maximè quando exprimitur illud quod tacitè inest. l. item quia. ff. de pact. l. iij. ff. de legat. primo. Doctor. in l. cum quid. ff. si cert. petatur.

Causa co- gnitio litem contestatio- nē præce- dit.

Secundus casus est, quod conuentio facta in iudicio coram iudice, vt ipse de causa cognosceret, valet, nec ab ea resilire quis potest. c. primo. de iudi. Nā & calor iudicij hoc facit. argu. l. siue apud acta. C. de transact. siue iudex acceptauerit, siue non. l. est receptum. suprâ eodem. quia submisit se iurisdictioni alterius, postea hoc non potest retractare, ne ei illudatur. Et quia videtur tacitè acceptata submissio, vt docet Guid. Pap. in decis. Delphi. quæst. 77. lex si conuenerit. Etiam de consensu vtriusque partis non potest voluntas mutari sine iudice, quia in præiudicium tertij, id est, iudicis fieri non potest, nec illi nocere. l. prima. & 2. ff. de iudi. & omnis res per quascūque causas nascitur, per eas & dissoluitur. per regul. iuris. Et sic ista lex procedit, tam in foro Ecclesiastico, quàm in seculari: quia non inuenitur cōtrarium statutum. Et licet pacta debeant obtinere suam firmitatem. c. primo. de pact. hoc verum est, si non fuerit mutata voluntas, sed nō prohibet mutare voluntatem in casibus, in iure expressis, vt in contractibus inualidis, & pactis sine causa conceptis.

Conuentio in iudicio facta.

Tertius casus est, renūcians privilegio fori, & volens conueniri coram alio iudice, quàm suo, non potest voluntatem mutare, sed tenetur illi renuntiationi stare. l. si quis in conscribendo. C. de Episcop. & cleric. & de pact. quia renuntiatio privilegij, cum redeamus ad ius commune, est fauorabilis. l. eius. §. militia. ff. de testa. milita. Et quia res nō est integra post renuntiationem, ob id non potest reuocari. l. mandatum. C. manda. vbi gloss. siue renuntiauerit privilegio, siue generaliter huic legi. Nam & illa renuntiatio, huic legi facta, firmaret actum, vt non posset postea mutare voluntatem, præsertim si per stipulationem,

Renunciās fori priuilegio.



- 1 *Iudicium ubi inceptum est, ibi & finire debet.*
- 2 *Domicilium suum ibi quis habere censetur, ubi sedes & tabulas habet.*
- 3 *Mulier illegitimum contrahens matrimonium, non dicitur nupta.*
- 4 *Iurisdictio dicitur praeventa per citationem.*
- 5 *Privilegium non tollit litispendentiam.*
- 6 *Forum originis domicilij translatione non perditur.*
- 7 *Domicilium non mutatur, nisi factum & animus interueniant.*

LEX XIX. VLPPIANVS LIB. VI.  
FIDEICOMMISSORVM.



Vm quædam puella apud competentem iudicem litem suscepit, deinde condemnata erat, posteaque ad viri matrimonium, alij iurisdictioni subiecti peruenerat, quærebatur, an prioris iudicis sententia exequi posset: dixi posse: quia fuerat sententia dicta. Sed & si post susceptam cognitionem ante sententiam hoc eueniret, idem putarem de sententia, quæ à priore iudice rectè ferretur, quod generaliter, & in omnibus huiusmodi casibus obseruandum est. Quoties de quantitate ad iurisdictionem pertinente quæritur, semper quantum petatur, quærendum est, non quantum debeatur.

**H**aec lex utilis est, & vtitata in iudiciis, & tres præcipuè casus in principio decidere videtur. Primus est in puella Parisiensi, quæ inchoauerit iudicium coram iudice Parisiensi, & fuerit ab eo condemnata, posteaque nupsit ciui Aurelianensi, quæsitum fuit ab Vlpiano, an ista sententia possit exequi, contra istam factam mulierem. Et responderet posse, quia ante mutationem domicilij sententia erat dicta. Dubitatio erat: nam cum res peruenerit ad casum à quo non potuit incipere, videbatur sententiam non valere, sicut non valeret contra subditum alterius iudicis, & sic non posse exequi, sed hinc contrarium statutum est: quia non vitatur actus perfectus, si peruenerit ad illum statum, in quo inchoari non poterat. l. pluribus. §. fin. ff. de verbo. obliga. sed hinc actus erat perfectus, & sententia dicta, ergo si postea puella mutauit domicilium, non vitatur sententia, alioqui esset in facultate condemnati mutando domicilium, sententiam irritam facere, & nunquam soluere, quod iura abhorrent. l. conuenire. ff. de pact. dotal.

Secundus casus est magis dubitabilis, videlicet, si puella nupsit alteri, & mutauerit domicilium, ad virum se conferens post susceptam tantum cognitionem, & sic post contestationem & ante condemnationem, quæsitum est an sententia proferri possit contra istam mulierem, quod non videbatur, quia subditum alterius territorij condemnare non potest. l. fin. infra. Contrariū hinc statuit ea ratione, quod, ubi iudicium inceptum est, ibi & finem accipere debere scribit Marcel. in l. vbi. ff. de iudic.

Species facti.

Dubitandi ratio.

Ratio decidendi.

nem, & quia res non est integra post stipulationem, quicquid Docto. hinc scribant, & quia pactum esset geminatum, ideo teneret l. iurisdictionem. §. sed cum nulla. ff. de pact. facit l. Balista. ad Trebel. de clericis, dicitur eos non posse renuntiare eorum privilegio. in c. si diligenti. de foro compet.

Conuentio in instrumento cum stipulatione facta.

Quartus casus, conuentio facta in instrumento cum solenni stipulatione, de respondendo coram iudice aliquo, valebit: quia stipulatio obligat, quamuis pactum nudum non. l. si pacto. C. de pact. l. lecta. ff. si cert. petat. Barto. & alij hinc, & in l. prima. ff. de verbo. oblig. Et sic conciliantur contrariae Doctor. sententiae, ut pactum nudum cum debitore factum quo possit quis conueniri, etiam coram iudice non suo, non obliget, secus in stipulatione, per prædicta.

Iuramentum partium.

Quintus casus, si partes iurauerint coram iudice non suo litigare, iuramentum seruandum erit. Doctor. hinc quia seruari potest sine detrimento salutis æternæ. c. si verò. & c. cum contingat. de iureiurand. Et quia iuramentum plus obligat quam stipulatio. c. ad nostram. & per totum. de iureiurand. & præcise obligat. c. fin. ne præla. vices suas. gloss. sing. in l. si pecuniam. ff. de conditio. caus.

Notorius error.

Sextus casus, confitens se esse de iurisdictione Praetoris vrbani, & tamen erat sub iurisdictione peregrini, probato errore, voluntatem mutare poterit: quia notorie apparet de errore, qui non obligat. l. si per errorem. supra eodem. Et quamuis confessio pro veritate habeatur, l. prima. ff. de confes. tamen si de errore constet, non obligat. l. vnica. C. de erro. calculi. quamuis Bald. & Alex. dicant confessionem obligare, quod arbitraretur verum, non probato errore, alioqui contra.

Conuentio debitoris.

Vltimus casus est, si debitor in contractu mutui, vel alio nominato promittat soluere ubicunque fuerit conuentus, & voluerit ibi posse conueniri, valebit hæc conuentio, & poterit conueniri debitor ubicunque repertus fuerit, nec altera pars voluntatem mutare poterit. l. prima. ff. de eo quod certo loco. 2. quia iuxta contractum conuentio posita firmatur. l. in bonæ fidei. C. de pact. & Vlpia. scribit. ff. de actio. & obliga. sic contraxisse unusquisque eo loco intelligitur, in quo, ut solueret, se obligauit. Et sicut à contractu non disceditur, sic nec à conuentione in contractu posita. l. iurisdictionem. §. quinimò. ff. de pact. l. in bonæ fidei. ac l. petens. C. illo titul.

Si tamen promiserit soluere, ubi voluerit creditor, poterit conueniri ubi inuentus fuerit, aliàs non extra domicilium. per l. Lucius. ff. deposit. & l. Titium. §. primo. de administra. tutor. Nec in praxi fit differentia in verbis conuentionis, siue ubi placuerit, vel ubi voluerit creditor, sed an conuentio sit firma: & ita seruat praxis Franciæ, quicquid Doctor. scribant hinc.

Praxis Francia de conuentione.

Procuratoris conuentio.

Postremò, si Procurator conuenierit, ut hinc, non poterit mutare voluntatem, si hæc conuentio placeat domino, sed dominus hoc poterit: quia Procurator acquirere potest, sed acquisitum tollere non potest. l. quotiens. C. de dona. quæ sub modo. l. si hominem, à speciali inducèdo. ff. manda. Doctor. in l. qui Romæ, §. Flavius. ff. de verb. oblig. Petr. Anchar. consil. 140. primum dubium. in 2. quæst. & consil. 192. in secundo dubio.



*Extensio le-  
gis ad alios  
casus.*

Tertius casus est, an iste text. loquēs in puella, ha-  
beat quoque locum in aliis casibus, utpote si quidam  
Titius inchoauerit causam corā Preposito Parisiensi,  
an si postea mutet domiciliū, iudex possit sententiā in  
eū proferre? & Vlp. statuit dicens posse: generaliter  
enim in omnibus huiusmodi casibus est obseruan-  
dum, quia leges generales esse debent. l. leges. C. de  
legibus. quæ licet loquantur in vna persona, tamen  
in alia locum habebunt, nisi in fauorem personæ in-  
troducæ essent. l. j. ff. de Constitut. Princip. §. sed &  
quod Principi. de iure natur. in Instit. Ergo colli-  
gere possumus sententiā exequendam esse contra  
condemnatum, etiam si is mutauerit domiciliū,  
ut hīc.

*Sententia  
quomodo  
executioni  
mandanda  
sit.*

Sed videndum est, quomodo hæc sententia exe-  
cutioni mandari poterit? Respondeo, si iudex datus  
fuerit ab eo qui iurisdictionem mandauit, sententia  
exequi poterit. l. à Diuo Pio. ff. de re iudicat. Si verò  
fuerit iudex ordinarius, poterit per se is qui protulit  
suam exequi sententiā, in bonis sitis in suo territo-  
rio. per d. l. à Diuo Pio.

Sed quomodo poterit exquirere? Respondeo, ca-  
pere bona condemnati poterit, & vendere iuxta for-  
mam conscriptam in d. l. à Diuo Pio. §. in venditione.

*Litteræ re-  
quisitoria  
quomodo  
mittantur.*

Sed si condemnatus, qui aliò migravit, nulla ha-  
beat bona in territorio iudicis, qui sententiā pro-  
tulit, tum iudex mittet epistolam, seu literas ad iu-  
dicem in loco, in quo degit condemnatus, ut istam  
sententiā exequatur, rogans eum, ut hoc faciat,  
offerens se ad similia, ut docet text. in clem. pastora-  
lis. de re iudic. & Doctor. in §. contrahentes. de foro  
compet. de qua materia abundè tractaui in tractat.  
de literis rogator. in 2. tomo Comment. ad Constit.  
Reg. Et quod Iurisconsulti vocant, epistolam, in l. j.  
ff. de assessorib. in l. Diuus. ij. de custod. reorū, pra-  
xis vocat, literas rogatorias, seu requisitorias. Etiam  
si condemnatus extra regnum discederet, his literis  
utendum esset, ut probatur in d. cle. pastoralis. nam  
vnus iudex alterum iuuare debet. d. l. à Diuo Pio. §.  
sententiā. & in c. j. de offic. ordin.

*Mutatio  
domicilij,  
quando di-  
catur fieri.*

Dubium est, quando videatur puella mutare do-  
miciliū? Respondet Modestinus ff. ad municipal. l.  
*Ea quæ desponsata est, ante contractas nuptias suum  
non mutat domiciliū.* Idè ante contractas nuptias  
poterit iudex Parisiensis sententiā exequi contra  
illam, si sit in territorio iudicis, & antequam domi-  
ciliū mutauerit. Nam is qui possidere iubetur, eo  
loco iussus esse videtur, cuius cura ad iubentem per-  
tinet. Paul. in l. cum vnus. §. penult. ff. de bon. autho.  
iud. possid.

*Domiciliū  
ante contra-  
ctas nuptias  
mutatum.*

Si tamen simulatque desponsata est, ante contra-  
ctas nuptias, mutet puella domiciliū, sententia  
exequetur contra illam, non per iudicem qui pro-  
tulit sententiā, sed per illum in cuius est territorio,  
per epistolam tamen primi iudicis. Et hoc probat  
iste text. dicens, peruenerit, ergo antequam puella  
perueniat ad domiciliū viri, sententia exequi con-  
tra eam poterit, & iudex qui illam dixit, hoc poterit  
etiam sine epistola, siue sint contractæ nuptiæ, siue  
non, & suum domiciliū ibi quis habere censetur  
vbi quisque sedes & tabulas haberet, suarumque re-  
rum constitutionem fecisset. Alphe. in l. in lege. ff. de  
verbor. signific.

*Extensio  
legis.*

Vnde iste text. non solum procedit in vxore, ve-  
rū etiam (distante eadem ratione) in concubina,

quæ peruenerit ad habitationem concubinarij, &  
ibi domiciliū constituit. Nam quilibet potest sibi  
constituere domiciliū, vbi constituit sedes, & res  
suas. dicta l. in lege. ergo & hæc concubina. Et hoc  
docet Alexand. hīc post Bartolum, in l. finali. ff. ad  
municipal.

Nec refragatur quod Callistratus scribit ff. ad mu-  
nicipales. l. de iure. *Mulieres, quæ sese in matrimonium  
dederint non legitimum, non ibi muneribus fungendas,  
unde mariti sunt earum, sciendum est: sed unde ipse  
orta sunt.* Respondet ille text. non loqui de concubi-  
nis, quæ ratione concubinatus nullum contrahunt  
matrimonium, ut in tit. de concubinis. ff. patet: & ille  
tex. in d. l. de iure. dicit, *sese in matrimonium dederint.*  
ergo de concubinis text. ille non intelligitur, quic-  
quid Accurs. & alij Doctor. hīc scribant. facit l. in li-  
beræ. ff. de ritu nuptia.

Sed d. l. de iure. loquitur de mulieribus quæ con-  
trahunt matrimonia non secundum leges, utpote si  
libertam Senator vxorem duxerit. l. lege Papia. cum  
aliis illius titul. ff. de ritu nuptia. Item, si quis in alie-  
na prouincia officium administrat, inde oriundam,  
vel ibi domiciliū habentem vxorem ducere non  
posse, scribit Paul. in l. si quis. ibidem. Etiam non est  
legitimum matrimonium tutoris cum adulta. l. tu-  
tor. ibidem. Inde pulchre Iustinian. scribit de nupt.  
in Instit. *Si aduersus leges aliqui coierint, nec vir, nec  
uxor, nec nuptia, nec matrimonium, nec dos intelligi-  
tur, & sic nec munera ibi sustinebit, postquam nul-  
lum est matrimonium, sicut dicitur de Scholasticis  
qui animum habent reuertendi, in l. j. C. de incol. &  
l. mulieres. ibidem lib. 10.*

*Matrimo-  
nia illegi-  
tima.*

Itaque quantum attinet ad munera personalia,  
quæ mulieres subire possunt. ut l. vnica. C. de mulie-  
ribus. & in quo loco munera. lib. 10. ea subire debent  
in loco in quo mariti degunt, patrimonij verò mu-  
nera sustinere eo loci debent, in quo res sitæ sunt. d.  
l. vnica. Idè mulieres quæ non legitimum contra-  
xerunt matrimonium, non dicuntur nuptæ, per di-  
ctum §. si aduersus. de nupt. in Instit. Et sic non di-  
cuntur mutasse domiciliū, sed eum locum in quo  
erant, & sic non tenentur subire munera in eo loco,  
in quo illegitimum contraxerunt matrimonium, &  
idem de concubina intelligerem, licet nullum con-  
traxerit matrimonium, quia eadem est ratio in ea,  
videlicet ut non fungatur muneribus in loco con-  
cubinarij, sed si ibi degat, per illum iudicem senten-  
tia exequetur. Verū si occasione istius matrimo-  
nij, non legitime contracti, mulier alibi se transtulerit,  
sententia esset exequenda, etiam per iudicem in  
cuius territorio ipsa degit, ad epistolam alterius iu-  
dicis qui sententiā protulit. d. l. à Diuo Pio. §. j. &  
seq. licet munera ibi subire non cogatur, & sic concili-  
abuntur sententiæ contrariæ.

*Munera  
vbi mulie-  
res subire  
debeant.*

Si tamen puella reliquerit aliqua bona in loco suæ  
originis vbi fuit condemnata, iudex poterit per se,  
sine alterius auxilio bona ista vānundare, & sic sen-  
tentiā exequi. iuxta l. à Diuo Pio. §. in venditione.  
ff. de re iudic. alias per epistolam, vel literas requisi-  
torias, ut dictum fuit.

Et quomodo sententiæ sint exequendæ maximè  
in Francia, & quæ sint sententiæ executoriæ, quæ non  
obstante appellatione executioni mandari possunt,  
scripsi abundè in tract. de senten. executor. in j. tomo  
Comment. ad Constit. Reg. Galli hīc non repetam.

Secundò



Secundò colligitur, si post susceptam cognitionem mulier mutauerit domicilium, posse iudicem proferre in eam sententiam, statuit hîc Vlpia. eadem ratione videlicet, vt vbi acceptum est iudicium, ibi & finem accipere debeat. d. l. vbi. ff. de iudic. vbi alia pertractabo. Et quia causæ continentia diuidi non debet. l. nulla. C. de iudic. & qui fuit iudex competens in principio, sit vsque ad finem litis.

*Causa continentia nō est diuidenda.*

*Iudiciū acceptū dicitur per litis contestationem.*

Susceptam cognitionem, hîc intelligerem per litis contestationem, nam ante non dicitur cognitio. l. de qua re. ff. de iudic. & regulariter acceptum iudicium tradunt Doctores. per litis contestationem. in l. prima. C. de iudic. l. item veniunt. §. post susceptum. ff. de petitio. hæred. Ego fusiùs scripsi in l. aliud est capere. ff. de verborum significatione. Et etiam per citationem præuenta est iurisdic. in l. si quis postea. de iud. tamen non quoad hunc text. nempe si mulier post citationem mutaret domicilium, vel contraheret nuptias, si non esset suscepta cognitio, non posset iudex in eam proferre sententiam, quia cognitio non est suscepta per citationem, quicquid Doctores. tradant. Nam citatio solet concedi multoties sine iudice, & sic nulla est cognitio: nam aliud est accipere iudicium, aliud cognitionem, vt dicit text. nam cognitio non fit ante litem contestatam, nisi de exceptionibus dilatoriis.

*Citatio an domicilij nuntiatio nem impediatur.*

Ideò, licet præoccupata sit iurisdic. per citationem, quando duo erant iudices, qui poterant cognoscere, tamen quia liberum est cui libet cōstituere domicilium vbi vult, l. nihil. & l. domicilium. ff. ad municipal. ideò sola citatio in ciuilibus non impedit mutationem domicilij, maximè quando antea destinata erat. Diuersum dicerem in criminalibus quia is videretur discedere causa euitandi pœnā, vel quando sit miles, aut religiosus, vt ibi fusiùs dicitur in l. prima. ff. de pœnis.

*Causa quādo remittenda sit.*

Quòd si mulier opponat, & alleget contractas esse nuptias, & peruenisse ad domicilium viri (nam ista duo requirit iste text.) tunc causa remittenda erit ad iudicem, in cuius territorio maritus degit, etiam post citationem, & ante susceptam cognitionem. E contrario si maritus venerit ad domicilium vxoris, vt ibi remaneat, iudex proferet sententiam puellæ, & eam exequetur, quia domicilium non mutauit, & hoc docet hîc Dec. quamuis Bald. contra: nam licet contractæ sint nuptiæ, tamen mulier non peruenit ad domicilium viri, neque mutauit territorium, ideò non habet locum iste textus.

Vltimò, colligendum est ea quæ dicta sunt supra, videlicet illos duos casus procedere, & sic non esse speciale matrimonij fauore, non enim in dubio videtur speciale induci per istum text. & in l. item veniunt. §. in priuatorum. ff. de petitio. hæredit. vbi Accurs. imò etiam lex videtur priuilegiarios comprehendere, quia generalis est ista terminatio, vt docet Vlpia. in l. in fraudē. in fin. ff. de testa. milit. & ibi Doctores.

Imò etiam docent interpretes procedere, si Princeps motu proprio concedat alicui, ne respondeat alibi, quàm coram consiliariis supplicationum. Nam causæ inceptæ coram iudicibus perficientur, si de illis non erit habita mentio, per clem. dispendiosum. de iudic. l. idem Vlpia. ff. de excus. tutor. Felin.

in cap. fin. de rescript. Ergo priuilegium non tollit litispendentiam. l. si adulter. §. si eo tempore. ff. de adulter. Masuer. in sua praxi. tit. de iudic. §. item si lite.

Ex prædictis infertur, per mutationem & translationem domicilij, transferri forum, & ita mutari, vt quis conueniri debeat in loco noui domicilij. Nam cessante causa, cessat effectus. l. quod dictum. ff. de pact.

*Transfer-tur forum per domicilij mutationem.*

Limita non mutari forum acquisitum ratione contractus, vel si hoc iure priuilegiario haberet, vnde poterit conueniri ratione contractus in loco in quo contraxit, vel deliquit. l. hæres absens in fin. ff. de iudic. c. fin. de foro competen. c. primo. de priuileg. lib. 6. l. ij. C. eo.

*Restrictiones de eadem re.*

Nec forum originis perditur mutatione domicilij. l. assumptio. in princip. & in §. filius. ff. ad municipal. non tenetur tamen quis munera personalia in loco originis subire, quia non potest in duobus locis esse. l. si vt certo. §. si duobus ff. commodat. l. si ad municipal. vbi nupta non cogitur muneribus fungi ibi, vnde originem traxit, sed vbi nupta est.

Et quamuis Vlpia. scribat ff. ad municipal. l. assumptio. *iuris prudentibus placuisse duobus locis posse aliquem habere domicilium, si vtrouque ita se instruxerit, vt non idè minus apud alteros se collocasse videatur.* Tamen si relicto vno, quis collocauerit se in altero, mutatur forum, nec in primo loco, à quo migravit, conueniri poterit, donec in alio residet, sed si postea ad forum originis, sibi vtrunque domicilium retineat, vnde licet vidua retineat domicilium viri, l. fœminæ. ff. de Senatorib. quandiu post mortem viri inibi habitat, secus si ad suum prius domicilium reuertatur, quia nihil est impedimento quo minus quis vbi velit domicilium habeat, quod ei interdictum non sit. Martia. in l. nihil. ff. ad municipal. & l. filij. §. primo. vbi si contraheret alias nuptias, mutaret prioris mariti domicilium se aliò conferendo, sic in hoc casu. Non puto tamen viduam perdere domicilium prioris mariti, licet inhonestè viuat: quia non tantum datur ei in priuilegium, verum ad securitatem creditorum, vt sciant vbi locorum vidua conueniri possit. Et quia hoc à iure non est statutum, nec mutat quis domicilium, nisi factum & animus interueniant. l. in lege. ff. de verbor. signific. sed factum, id est, constitutio alterius, ideò non censetur perditum ob vitam luxuriosam, & potius ratione delicti domicilium contraheret, vbi delinquit. l. omnem. ff. de iudic. Felin. in cap. ex parte. de foro competen.

*Vidua quādo domicilium viri retineat.*

Postremò dicendum est, si aliquis post perpetratum delictum, & susceptam cognitionem à iudice laico, clericus fiat, non remittetur ad iudicem Ecclesiasticum, etiam si in fraudem hoc non fecerit, per istum text. & Barto. in l. prima. ff. de pœnis. Sed bonum esset hoc casu vocare iudicem Ecclesiasticum, vt interesset sententiæ per laicum proferendæ, vt ius seruetur vtrique, iuxta cap. si iudex. de sententia excommunication. libro sexto, & hic non potest mutare forum iam acquisitum iudici laico per delictum.

*Forū iudici laico per delictū acquisitū, non mutandum.*

In ciuilibus tamen gauderet priuilegio clericali, vt executio in mobilibus fieri non deberet post sententiam, vt censuit Senatus pro Ioanne Aubige-



ris, de quo Ioannes Gallus, in arestis suis. numero sexagesimo primo.

*Degradatio.*

In criminalibus opus etiam esset degradatione, ut ibi sentit Barto. & Doctor. hinc. idem dicentes in eo qui monachus effectus est post delictum, & Hyppol. in l. si statuliberi. ff. de quaestio. ego tamen paululum fisterem in hoc monacho, qui toto vitæ tempore vult agere poenitentiam, ut non debeat extrahi, nec puniri, sed suo Abbati relinqui, ut perpetua, & Deo gratiam, agat poenitentiam. Nam plus est perpetuam quam temporalem subire poenam. l. si diutino. & l. ante damnum. ff. de poenis. At illam monachus subit, ergo non est de monasterio extrahendus.

*Monachus post delictum effectus, Abbati relinquendus.*

In hoc tamen non acquiesco Ias. nec aliis dicentibus quem liberari, & non posse à iudice laico puniri, si dicat & iuret se fecisse votum clericatus, aut monachatus ante delictum perpetratum, quasi votum trahatur retrò, quod in practica non seruatur. Chafsa. in Consuetud. Burgund. in titul. *des iustices*. §. 5. in gloss. *s'il n'a grace*. nume. 69. Alioqui daretur materia delinquendi. contra l. conuenire. ff. de pact. dotal. & euitandi poenam post delictum, & tamen expedit Reipub. ut crimina puniantur. l. ita vulneratus. ff. ad leg. Aquil. nec in hoc staretur iuramento suo, quicquid hinc scribant Doctor. alioqui euadere sic quilibet posset.

*Praxis Francia in puniendo clericos delinquentes.*

Imò etiam si clericus & laicus simul commiserint maleficium, laicus à suo punitur iudice laico, clericus ab officiali & Ecclesiastico, & ita in praxi seruari scribit Benedic. in repetitio. c. Raynutius. in verb. & uxorem. numero 246. de testa. & ita vidi in Francia semper seruari, ut alibi scripsi & in Constitut. Reg.

Præterea dum Ias. & alij limitant in iurisdictione prorogata, ut is non possit exequi qui pronunciauit contrarium, tenetur in praxi per l. ij. supra. eodem. cui iurisdictione data est, omnia censentur concessa sine quibus, &c. Parum enim esset habere sententiam, nisi executioni mandaretur. l. ij. §. post originē. ff. de orig. iur. & l. Episcopali. C. de Episcopali audien. loquitur de Episcopo qui tulit sententiam, nisi executioni mandare poterit. Et statuunt ibi Archad. & Honor. Imperator. ut etiam iudices seculares, si requirantur, illam Episcopi sententiam executioni tradant, sicut videmus quotidie quando vnus magistratus requirit alium, nā requisitus illum adiuuare tenetur. cap. primo. de offic. ordin. c. nouit. de iudi. nec prohibet d. l. Episcopale, quin Episcopus sententiam à se datam non exequatur, sed in reuerentiam Episcopalis dignitatis vult ut executio fiat, siue appellatio. Et ideo seruatur praxis Franciæ, ut iudex ordinarius suam sententiam exequatur, siue protulerit illam per prorogationem partium, siue alias in delegato fortè posset procedere Doctor. limitatio, per d. l. à Diuo Pio. in princip.

§. Quotiens, &c.

Iste §. valde utilis est, & ex eo colligitur hæc regula, iurisdictionem cognosci ex petitione actoris. Vnde si quis petat coram electis iudicibus, ut cognoscant de tributis, & vnus petat tributa, inspicitur petitio illius, ut electi cognoscere possint, & si quis co-

gnoscat de pane, vel alimentis tantum, sufficit ut alimenta petantur, ad cognoscendum an ipse iudex petitus cognoscere possit. Facit etiam pro auditoribus Castellari & iudicibus Præsidialibus, ut iurisdictionem cognoscere possint ex petitione partium. Et quando res petitur, vel factum, potest actor declarare se non plurius facere illam rem vel factum, & tunc iudex dicet se competentem, per Constit. Reg. ut dictum fuit in d. l. si idem. supra. eo. vide Mathesil. not. ii6. quod si, &c.

Et quamuis, quoad decisionem causæ, debeat non petitio, sed veritas inquiri & probari. l. qui se dicit. ff. de iudi. l. non est nouum. C. de edend. tamen quoad iurisdictionem cognoscendam sufficit petitio, ut hinc, sicut quoad condemnationem, ut iuxta id quod petitum fuerit, si probatum sit, fieri debeat. l. ut fundus. ff. communi diuidendo. c. licet. de symo.

*Veritas inquirenda & probanda.*

### S V M M A R I A.

- 1 Citatus à iudice tenetur venire, & allegare priuilegium suum.
- 2 & 5 Statuta extra territorium non ligant.
- 3 Confederata ciuitates statutis aliarum ciuitatum ligantur.
- 4 Absolutus sine causa cognitione in alieno territorio, in alio quoque absolutus censetur.
- 6 Iudex secularis iniuriam inferentes in loco sacro, vel eius ministris, punire potest.
- 7 Iudex extra tempus sui officij iudicare, vel inbere iudicare non potest.
- 8 Auditores Castellari Parisiensis vsque ad viginti tantum libras cognoscunt.
- 9 Chirographum potest quis recognoscere coram iudice, coram quo inuenitur.

### LEX XX. PAVLVS LIB. I. AD EDICTVM.



Extra territorium ius dicenti impune non paretur. Idem & si supra iurisdictionem suam velit ius dicere.

Ista lex in praxi est utilis, sed eius materia ab interpretibus parum cognita, potest autem in summam sic redigi: non obediens iudici extra territorium, vel ultra suam iurisdictionem cognoscendi, non punitur. Doctor. intelligunt hunc text. de iudice, ut puniatur. Territorium definit Pompo. in l. pupillus. §. territorium. ff. de verborum significatione. sic: Territorium est vniuersitas agrorum intra fines cuiusque ciuitatis, quod ab eo dictum quidam aiunt, quod magistratus eius loci intra eos fines terrendi, id est, submouendi ius habeat.

*Territorium quid sit.*

Tria videtur hæc lex statuere, duo expressè, & vnum tacitè. Primum est, quod si quis non obediat ius dicenti extra territorium, sine poena erit non obediens. Vnde si iudex Aurelianensis præcipiat in ciui



in ciuitate Parisiensi cuidam, vt soluat decem intra quindecim dies, si ille non soluat, non potest mulctari, nec puniri. Dubitatio erat in titul. si quis ius dicenti non obtemper. vbi non parens iudici punitur, sed ille text. intelligitur quando ius dicit in suo territorio, & quatenus protenditur sua iurisdic-  
*Decidendi ratio.*

alioqui obedire quis non tenetur, vt hñc. Ratio est, quia extra suam iurisdictionem tanquam priuatus habetur, nullam habens ibi iuris dandi licentiam. l. iij. ff. de offic. Præsi. ergo non obediens illi tanquam priuato, non punitur.

Etiam Imperator scribit, non licere impunè Duū- uiro extollere potestatem fascium extra metas ter- ritorij propriæ ciuitatis. l. Duumuium. C. de decu- rio. lib. 10. & Vlpian. l. fin. de offic. Præfec. vrb. Præfe- ctus vrbis cum terminos exierit, potestatem non ha- bet, & Proconsul potestatem non exercet, nisi in ea prouincia, quæ ei decreta est. l. prima. de offic. Pro- consul.

*Iudici in suo territo- rio nō pa- res, puni- dus.*

Secundum hñc tacitè elicitur à contrario sensu, videlicet quod si quis ius dicat in suo territorio, vel quatenus sua continet iurisdic-  
*Citatus extra Ca- stellaniam.*

ei est obtemperandum, & non parens punietur. Et sic loquuntur iura contraria, punientia non obedientem iudici, quod plenius tractabitur in d. l. vnica. inferiùs, & visum fuit in l. vt vim. supra de iust. & iure.

Prosequar nunc verba legis. Primum est, extra territorium; ex quo verbo patet iudicem cogno- scere non posse, & sic nec ius dicere extra territo- rium suum, & locum iurisdictionis sibi destinatæ, vt superiùs dictum fuit.

Et quamuis text. dicat iudicem non posse ius di- cere, & sic cognoscere, sed nec quidem in ius vocare partem extra territorium existentem, nisi per episto- lam, & de consensu iudicis, qui præest territorio. c. ex parte. & c. fin. de foro compet. plenè Angel. in di- sputatio. incipiente, extra ciuitatem, vbi sex conscri- bit limitationes, & quamuis citatus teneatur venire & allegare priuilegium suum. l. si quis ex aliena. ff. de iudic. tamen quando citatur extra territorium, ire nō tenetur citatus, nec aliquid dicere, quia notorium est illum, qui citauit extra territorium, ius ibi dicen- di non habere. Et si proficisci oporteret, impunè non pareretur, ob id Cōstitutionibus Reg. cautum est, vt citatus extra Castellaniam suam, non obediat, nec dicta die compareat, etiamsi causæ Regem tangeret, quod est valde notandum pro Gallis, vt scripsi in tit. de la iurisdiction du Connestable. artic. primo. vbi est Constit. Reg.

*Facinoro- sus in alio territorio, sine iudicis consensu, capi nō po- test.*

Nec quidemprehendere, vel capere facinorosum in alio territorio, sine consensu iudicis, in cuius terri- torio est, quis debet. l. quis sit fugitiuus. §. idem Cæ- lius. in verb. abduci. ff. de ædil. edict. clem. pastoralis. de re iudic. quicquid interpretes scribant in l. si quis ex aliena. ff. de iudic.

Etiam non potest statuta vel ordinationes facere, vt ligent extra territorium, vt docet Bart. & alij in l. prima. C. de summa Trinitat. cap. fin. de constit. libr. 6.

Nec obest, ciuitates (vt dicunt) confederatas sta- tutis aliarum ciuitatum ligari, quia hoc verum est, eo quod statuta illa receperunt. Nam nec iura ipsa ligant nos, nisi quod à populo sunt recepta. l. de qui- bus. ff. de legib.

Præterea magistratus ius dicere extra territo- rium non potest, etiam partibus consentientibus. clem. vnica. de foro competenti, aliàs esset occupa- re iurisdictionem alterius, & turbare, quod non li- cet. cap. peruenit. vndecima quæstione prima. Iniuria fieret iudici, in cuius territorio quis ius dicit sine illius consensu, & ita seruat praxis Franciæ, quicquid dicant hñc interpretes. Imò si magistratus præfectus sit in aliquo loco, extra locum illum nullam habet iurisdictionem: ideo consensus partium & iudicis non darent illi iurisdictionem. l. priuatorum. C. de iurisdic. omn. iud. nisi iudex territorij illi mandaret suam iurisdictionem. argu. l. in agris. ff. de acqui- rend. rerum domi.

*Extensio hu- ius legis.*

Adhac etiam de causa Ecclesiæ, libertatis, vel alia pia non cognoscet in alio loco, non sibi destinato, nec quidem de alimentis: quia ibi est tanquam priuatus, non habens iurisdictionem. d. l. tertia. ff. de offic. Præsid.

*Extensio alia.*

Nec obest l. non tantum. §. abesse. ff. de fideicom. liberta. nam ibi Præses prouinciæ contra hæredem cognoscit, licet non sit eius prouinciæ: quia hæres ibi conueniendus est, vbi defunctus debuit, & vbi est hæ- reditas. l. hæres. ff. de iudic. nec probari video, cur al- legetur per interpretes.

Effectus iurisdictionis extra territorium, est nul- lus, vnde si quis iudicauerit in alieno territorio, sen- tentia & processus est nullus: quia tanquam priua- tus iudicauit, cum ibi nullam haberet iurisdictionem. Si tamen quis sit absolutus rectè, id est, sine co- gnitione causæ, in alio territorio, absolutus censetur, secus in excommunicatione, quæ causæ cognitione requirit. c. sacro. de sentent. excommunication. & qui cautionem præstitit securitatis in vno loco, tene- tur & in alio, vt docet Barto. in l. illicitas. §. ne poten- tiores. ff. de offic. Præsi. Ias. & alij hñc. nec limitata iu- risdictio extenditur. per l. primam. ff. de offic. Præf. vrb. l. in agris. ff. de acqui. rer. domi.

4

Inde prohibito ab vno Præside in vna prouincia postulare, in alia prouincia erit liberum. l. ex ea cau- sa. ff. de postul. & Vlpia. scribit l. puto. ibidem, *Si quis aduocationem præstare fuerit prohibitus, si quidem apud se ( vt solent facere tempore magistratus sui) puto eum posse apud successorem eius adesse.* Et sicut non exten- ditur iurisdic-  
*Iurisdic- tio ad aliud tē- pus nō ex- tenditur.*

ad alienum territorium, sic nec ad aliud tempus.

Item, statutum etiam extra territorium vim non habet c. vnico. de constit. lib. 6 Barto, & alij in l. pri- ma. quæstio. 8. C. de summa Trinita. facit c. à nobis. primo. de sentent. excommu. Vnde statutum exclu- dens fœminas, non habet locum extra territorium. Bart. ibi & Alexand. consil. 16. viso titulo. vol. primo. & consil. 18. Consideratio. ibidem. Felin. in c. postu- lasti. colum. vltim. de foro competenti. & Albert. Brunus in tracta. de statu. excluden. fœmi. articu- lo sexto.

5

Etiam non potest iudex permittere vt quidquam fiat in alieno territorio, sicut quando non erit iudex. Leum qui. supra. aliàs esset iurisdictionem alterius usurpare. cap. nouit. de offic. lega. Ideo non potest tutori permittere, vt in alio loco non subdito iurif- dictioni suæ administret, sed tutor in vno territorio rectè creatus potest vbique administrare pupilli bo- na, eo quod vbique est tutor. vide Barto. in l. legiti-

*Tutor pōt vbique ad- ministrare pupilli ne- goria.*



mos. ff. de legit. tuto. Vnde tutor in alio territorio ostendet literas suæ creationis, & ille permittet isti in suo territorio exercere tutelam. l. propter. ff. de excusa. tutor.

*Fræcorum  
leges.*

Leges quoque Francorum non ligant extra regnum. in cap. fin. de constit. lib. 6. vbi Doctor. Nec imperiales extra imperij metas: quia,

*Diuisum imperium cum Ioue Caesar habet.*

*Iudex in lo  
co exempto  
cognoscere  
non potest.*

Ampliat etiam Ias. non posse magistratum cognoscere in suo territorio, si locus sit exemptus, vt monasteria & Ecclesiæ cathedrales, quia quoad eos nō est iudex, sed priuatus, & paria sunt extra territorium cognoscere, vel in loco exempto. probatur in c. cum Episcopus. de offic. ordi. in 6. Felin. in c. graue. illo titul. Calder. consil. 13. illo titul. vnde exempti non tenentur parere ius dicenti in eos. c. per exemptionem. de priuileg. lib. 6. Tamen si quis iniuriam inferat in loco sacro, vel eius ministris, iudex secularis, in fauorem Ecclesiarum, contra hosce facinorosos cognoscere, & capitali iudicio eos, iure permittente, punire potest. l. si quis in hoc. C. de Episcop. & cleric. multo minus is magistratus potest cognoscere post litem ab alio iure susceptā, vt dictum fuit in l. proxima. c. primo. de foro competent. & in titul. vt lite pendent.

Non poterit quoque iudex extra tempus, quo finitum est suum officium, iudicare, vel iubere iudicare. l. eum qui. supra eodem. l. puto. de postul. l. 2. de iud. l. fin. de poenis. c. quærenti. & c. consuluit. de offic. delega.

*Opera sub  
diti extra  
territoriū  
iudici non  
denegada.*

Ius dicenti.] Colligitur quem non teneri parere ius dicenti extra territorium, & si illi non pareat, impunè fit: si tamen iudex extra territorium indigeret opera subditi, eam denegare illi non debet, per istum text. qui loquitur de ius dicente, sed quia à minore maiori honor & reuerentia debetur. c. statui- mus. de maior. l. prima. §. sicut. vbi glossa. ff. de aqua pluuiarum arcend.

Non paretur impunè.] Et sic impunè est, qui non paret ius dicenti extra territorium, cum ibi potestatem non habeat, & non punitur non parens ei qui præcipit, si ius præcipiendi non habeat, vt dicitur in l. vnica. si quis ius dicenti non obtemp.

Idem & si supra suam iurisdictionem.] Tertium est ex hoc text. collectum & expressum, videlicet quem non teneri parere iudici supra suam iurisdictionem cognoscere volenti supra suam iurisdictionem, dicitur re, loco, quantitate, tempore, & persona.

Re inquam, si iudex vectigalium, de aliis rebus cognoscere attenter, tunc supra suam iurisdictionem facit, idè nullum præceptum & sententia. Idem, si illi qui syluis fluminibusve præfecti, de aliis rebus cognoscere satagant, vt in Constit. Reg. Galliarum continetur. Idem, si laicus de re sacra, decimis, & aliis rebus Ecclesiasticis cognoscere velit. clem. dispendio- sam. de iud. & idem si de aliis quibuscunque rebus cognoscere attenter, quibus non est præfectus. l. prima. supra. de offic. Præfec. vrb.

De loco dictum fuit supra extra territorium, & ne cognoscat vltra centesimum lapidem. l. prima. supra. de offic. Præfec. vrb. ff. De quantitate, si cognosce- re vsque ad viginti libras sit permissum, vt auditoribus Castelleti Parisiensis, vltra illam summam co-

gnoscere non poterunt. l. si idem. supra. eodem. vbi idem in iudicibus Præsidialibus scripsi, qui iure su- premi imperij ex edicto Regio, in Gallia, vsque ad quingentas libras cognoscunt, sed vltra illam sum- mam cognoscere etiam possunt, iure edicti, vt exe- cutio fiat non obstante appellatione, hoc eis permi- titur à constitutione, seu edicto, sed iure magistra- tus cognitio tamen permessa est, & decisio iure com- muni, vt in titul. ff. de offic. Præsid. & l. prima. de of- fic. eius.

Imò, id quod est supra suam iurisdictionem vitiat totum, si iure edicti exprimant se iudicare, quia sen- tentia est indiuidua. l. in hoc iudicio. ff. famil. hercisc. Et idè non fiet executio in quingentis libris, si sen- tentia excedat etiam in obolo, vt not. Innocent. in c. prudentiam. de offic. delegat. & ita censuit Senatus Parisiensis anno 1520. vt plenius scripsi in primo tomo Commenta. ad Constit. Reg. articulo secun- do. gloss. 4. in fin. nisi capitula essent separata. l. quæ- dam. ff. famil. herciscun. quia eo casu tot sententiæ sunt, quot capita. l. etiam. §. primo. ff. de minor. vbi Bald. & ibi scripsi. gloss. & Doctor. in l. ampliorem. ff. de appel. & ista est communis secundum Doctor. hîc, quæ etiam à Senatu est approbata, idè seruanda, quicquid dicant interpretes in contrarium. Nec refragatur quod Iulia. scribit ff. de iud. l. de qua re. §. Iudex qui vsque ad certam summam iudicare iussus est, etiam de maiori re iudicare potest, si inter litigatores con- ueniat. & Paul. in l. inter conuenientes. ff. ad municip. Nam hoc intelligitur quando non fieret præiudi- cium alteri iudici, quàm illi qui mandauit iurisdic- tionem, vel iussit iudicare: diuersum est si fieret præ- iudicium alteri iudici qui est ad maiores causas præ- fectus, vt in Francia, tunc dicerem etiam ex consen- su partium iudicem non posse de maiori cognosce- re, nec iure supremi imperij, quia illa qualitas nō da- tur à partibus sine Regis concessione.

Et hoc casu providebitur per appellationem, quæ fieri potest ad Senatum, qui quotidie sententias illo- rum Præsidialium nullas pronuntiat & irritat, ac re- format, & maxime quando supra iurisdictionem suam iudicant, licet gloss. in l. prima. C. quando pro- uo. non est neces. dicat non esse appellandum, quan- do sententia est nulla, tamen ratione Constitutionis Regiæ in hoc Regno non succurritur aduersus sen- tentiam nullam, nisi per appellationem, vt scripsi in Constit. Reg. idè, si grauaris, appella.

Tempore etiam quis dicitur iudicare supra suam iurisdictionem, si iudicet finito officio. l. fin. supra. de offic. Præfec. vrb. vt superius dictum fuit. Vnde scri- bit Paul. in l. si quis, postquam transacto tempore libera- tus est, fideiussorem dederit, fideiussor non tenetur, quo- niam fideiussio erroris nulla est. ff. de fideiussor. facit l. puto. de postul.

*Fideiussio  
erroris nul-  
la.*

Ex persona iudicat quis supra suam iurisdictionem, si iudicet contra personas non subiectas suæ iurisdictioni, vtpote quia exemptæ sunt, vt clerici à laicis. cap. si diligenti. & cap. significasti. de foro com- petenti.

Poterit tamen magistratus ferè cognoscere con- tra exteros in suo degentes territorio. l. prima. ff. de offic. Præfec. vrb. l. iij. de offic. Præsid.

Vitiatur istius text. decisio, in casibus in quibus à iure vel constitutione permissum esset, vt iudex vbi- que scit.

*Casus in  
quibus iu-  
dex etiam  
extra terri-  
torium cogno-  
scit.*

*Iudices  
Præsidia-  
les vsq; ad  
quingentas  
tantum li-  
bras cogno-  
sunt.*



que etiam extra territorium cognosceret. text. singu. in l. j. C. in quibus caus. colon. libr. ii. vbi Imperator Constant. ita scribit: *Quisquis colonus plus à domino exigit, quam consueuerat, & quam in anterioribus temporibus exactum est, adeat iudicem, cuius primum potuerit habere presentiam, & facinus comprobet, ut ille qui conuincitur amplius postulare, quam accipere consueuerat, hoc facere in posterum prohibeatur, prius reddito quod super exactione perpetrata noscitur extorsisse.* Lucas de Penna in l. ij. C. de lucris Aduocato. lib. 12. facit text. in l. ij. C. de naufrag. lib. 11.

9 Idem constitutio Regia permittit, vt quis possit recognoscere chirographum, coram illo iudice, coram quo inuentus sit. artic. primo. de recogni. chirogra. in Constit. Reg. vbi abunde hoc tradidi.

*Latruncu-  
latores.*

Etiam latrunculatoribus, quos Præpositos Marescallos vocamus, permittum estprehendere quoscunque latrones & grassatores itinerum, raptores, & alios in edictis expressos, & eos punire, vt patet in Constit. Reg. tit. *de la iurisdiction des Preuostz des Mareschaux*, & tit. *des voleurs*.

Adhæc scribit Bart. in extra. ad reprimendum. in verb. per edictum, quem sequitur Hyppol. sing. 203. iudex extra iudicem qui rogat alium, vt exequatur suam sententiam, si rogatus nolit, ipse rogans exequi poterit: quod non seruatur in Fræcia, vt abunde tradidi in tracta. meo de literis requisitor. sed hoc per superiorem suppletur, vt ibi dixi.

Idem, si iudex iudicaret consentiente iudice illius territorij, vt in expulso Episcopo scribit Papa clem. vnica. de foro compet. vel si impedirentur iudicare in eorum prouincia. arg. l. aliquando. ff. de offic. Proconf. Paul. Castrensis, & alij hîc.

*Cōsuetudo  
inspicienda.*

Idem, si consuetudo permetteret, vt quis in alio loco cognosceret. l. iij. in fin. ff. de testib. c. vt litigantes. de offic. ordi. lib. 6. Nam Hermogenia. ff. de legib. sic scribit. l. *sed & ea quæ longa consuetudine comprobata sunt, ac per annos plurimos obseruata, velut tacita ciuium conuentio, non minus quam ea quæ scripta sunt, iura seruantur*, imò cōsuetudo vincit legem. l. de quibus. ff. de legib. l. cum consuetudinis. C. quæ sit longa consuetudo. Idem in priuilegio dicerem, concessio ab eo qui iuri derogare poterit, cum æquiparentur. l. fin. C. de fideiussor. & in rub. de decret. decurio. lib. 10. l. neque. ff. de reg. iur. l. ex facto. de vulgar.

*Voluntas iudicis  
quomodo at-  
tendenda.*

Vltimò, velit ius dicere. ] Colligitur voluntatem iudicis inspiciendam, requiritur tamen, vt illa voluntas ad aliquem actum deducta sit, vtpote quia iudex partem citauerit, vel illi præceperit extra territorium, vel voluerit de maiori summa cognoscere, quam eius esset iurisdicctio, sed pars eidem parere nolit. & iste text. dicit, Impune à parte non paretur, nec punietur non parens, alioqui voluntas non deducta ad actum nihil esset. Bald. in consil. schisma. & in l. prima. C. qui admitti. facit l. fi. ff. de rerum diuis. Francisc. de Crema. sing. 49. Dec. in l. nō vult heres esse. de reg. iur. scripsi in §. primo. in gloss. subire voluerit. de colla. in Concorda. Gallia.

Etiam pars non diceretur non parere, si aliquis nō adesset actus, reliqua hîc videri possunt, per Doctor. & per Bald. in l. fin. C. de commer. & merca. & in practica sua. in tit. de iurisdictione. Iacob. de Bello visu, in repetitio. §. contrahentes. de foro competen. Soci. in c. dilecti. col. 13. & c. fin. col. 33. ibidem. Barba.

consil. 26. in primo. vol. & consil. 75. in 3. vol. & plenissimè per Hyppol. in sua ad hanc leg. interpreta. ne plura.

## Quod quisque iuris in alterum statuit, vt ipse eodem iure utatur.

TIT. II.



Ita titulus duos casus conscribit. Primus est in magistratu statuente nouum ius, nondum conscriptum, & contra leges, fortè, prolaturum, vt eodem iure adstringi debeat, & est nouum: quia recenter dictum. vide gloss. hîc, & in l. vnica. §. ne autem. in fin. C. de cad. tollend.

Vnde, si iudex decernat, vel Curia, vt vasa aurea, vel argentea sumatur pro causis Reip. eius vasa sunt prius assumenda: dicit enim sapientis autoritas, Patere legem quam ipse tuleris. Et Papa hoc approbat in c. cum omnes. de constitut.

*Vasa iudi-  
cis pro cau-  
sis Reipub.  
quādo prius  
sumenda  
sint.*

Nam quos mores approbo, non possum reprobare. l. in arenam. C. de inoffic. test. l. Pompo. ff. de nego. gest. Quis enim aspernabitur idem ius sibi dici, quod ipse aliis dixit, vel dici effecit? Vnde si tutor decedit cum plerisque creditoribus, vt certam portionem acciperent, eum, qui ceteros ad portionem vocauit, eadem parte debere esse contentum, scribit Scæuola in l. cum in eo. infra de pact. per rationem huius text.

*Tutor cum  
creditori-  
bus deci-  
dens.*

Et sic, in magno sunt periculo, qui res nouas inueniunt. Nam semper (si malæ sint) in eorum perniciem veniunt. Nempe, qui prius (vt fertur) construxit patibulum in ciuitate Parisiensis, is ipse in eo prius suspensus fuit. Similiter qui consuluit, vt expensis reorum processus criminales conficerentur, illi confectus hac de re primus fuit processus, & bona eius diuendita fuerunt. Nunquid Principes, & domini multas & alios redditus habent, vt ius omnibus reddant, quid opus est iustitiam illis vendere?

Et necesse est vt homicida expectet quod fecit. l. iij. C. de Episco. audient. & quis debet puniri in quo deliquit. l. si aliquid. C. de suscep. lib. 10. auct. omnes peregrini. C. comm. de success. c. postulastis. de cleri. excomm. vbi dixi in 3. not. Et ista deberet Consiliarij Principum dicere Principibus ne quid in subditos statuerent, quod non existimarent in ipsos statuendum esse. Et ita non grauarentur subditi, sed semper lex iusta fieret. vide Specul. in tit. de actio. seu petitio. §. postremo. versiculo nunc dicamus. & Valerius recitat exempla. lib. 6. in titulo de iustitia. maximè de Zaleuco Rege, & de Charonda: & hic text. intelligi debet in omnibus magistratibus, aliquid decernentibus contra subditos, vel in iudicio, vel extra, vt eodem iure damnandi sint, quo & ipsi alios adstringere cupiunt, & idem in parte, quæ hoc ius à iudice postulauit: qua requirete hoc ius iniquum latum fuit. Et hîc ius accipitur pro decreto, & iudicis vel magistratus sententia, vt quod ius, id est, quod decretum iniquum ipse protulerit, in alium, vel pars impetrauerit, ipse iudex & pars impetrans eodem iure, vti debeant: quia vterque peccat tam decernens, quam petens.

*Intellectus  
huius legis.*

Secundus est, in impetrante ius iniquum, vt pote P. Rebuffi Lectura.



*Impetrans  
ius iniquū,  
debet eādē  
legē pati,  
quā tulit.*

ut non soluat intra annum, vel quinquennium, tunc debitor eius etiam ante illud tempus non tenentur eidem soluere, ut pariat legem quam ipse tulit. De hoc tamen scripsi in tractatu de literis dilatoriis, in 2. tomo Comment. in Constit. Reg. Gallie. Et quod in alterius persona statuit, id in ipsius quoque persona valere pariat. §. si quis. in l. prima.

Ego tamen illud procedere intelligerem in quolibet impetrante, siue à Principe impetrauerit, siue à iudice, vel magistratu, ut si quis extraneus à magistratu impetrauerit equum extranei, forte sistendum, & (ut dicunt) arestandum, ut etiam ipsius equus possit ab alio peti, ut arestetur, per regul. quod quisque de qua in l. prima. alia licet videre per interpretes.

Limitatur in magistratu, qui ius dixit inter quos iurisdictionem non habebat, quoniam pro nullo hoc habetur, nec est vlla sententia. Et ideo cessare edictum scribit Vlpianus in l. prima. in fi. infra. eodem. quem text. sing. notat Barb. in repet. l. cum acutissimi. col. 61. de fideicommi. C. & consil. 38. Præclare. col. 13. ac consil. 53. col. 13. in 2. vol. vide Hyppolit. in l. qui falsam. nu. 56. ff. de falsis.

*Si quis ius dicenti non obtemperaverit. TIT. III.*



Ecce rub. non habet clausulam perfectam, sed intelligi debet, ut si quis non obtemperaverit ius dicenti, puniatur pro modo rebellionis, & contumaciæ. Et potest continuari à lege fin. supra. de iurisdictione omnium iudicum, ubi quis non tenetur parere ius dicenti extra territorium, vel supra suam iurisdictionem. Hic autem Vlpia. docet eum puniendum, qui non obtemperavit iudici iure cognoscenti, nempe inobedientia peccatum est gravissimum, ac hæresi comparatur. c. sciendum. 8. q. prima. c. si Papa. 40. dist. & melior est obedientia quam victima. primo Reg. c. 15.

Potest aliquando quis priuari sua substantia propter inobedientiam. primo Esdræ. c. 9. & ult. ibi, *Et omnis, qui non venerit in tribus diebus iuxta consilium principum & seniorum, auferetur ab eo substantia eius.* c. ante omnia. 40. dist.

Et si magistratus electus fugerit, alius in locum eius subrogetur, & bona fugientis in usum isti subrogato concedantur, & si venerit, duplicato tempore cogitur officium administrare. l. si ad magistratum. C. de decur. lib. 10. vbi Luc. de Penna, & Rebuff. Hodie pauci electi fugiunt, sed erunt munera & electiones, &c. Alia plura scripsi in trac. de contumacia, in 3. tomo Commentar. ad Consti. Reg.

*SUMMARIA.*

1. Arbitrator notionem tantum, non iurisdictionem habet.
2. Magistratus municipalis inobedientem capite punire non potest.
3. Duumviris non est multa potestas data.

*LEX VNICA VLPIANVS LIB. I.  
AD EDICTVM.*



Mnibus magistratibus, non tamen Duumviris, secundum ius potestatis suæ concessum est iurisdictionem suam defendere pœnali iudicio.

EX principio huius text. not. Doctor. Magistratus omnes posse inobedientes & contumaces mulctare: hic text. tamen non sic loquitur, sed dicit omnes magistratus, exceptis Duumviris, posse suam defendere iurisdictionem pœnali iudicio, tamen secundum ius suæ potestatis, id est, sui imperij, & iurisdictionis suæ.

Ex quo inferitur, quod si quis non obtemperet iudici, præcipienti quippiam, licebit ipsi defendere suam iurisdictionem iudicio pœnali, quemadmodum quis defendere potest personam suam. l. ut vim. ff. de iusti. & iur. Etiam res suas liberum est defendere, ut docet Vlpia. in l. prima. ff. unde vi. sic & suam iurisdictionem, si alius eam velit, vel usurpare, vel ei non obtemperare. Et quamvis Doct. non intelligant istum text. nisi in non parente, sicut verè intelligitur, tamen etiam si quis usurpet iurisdictionem alterius, potest iudex eam defendere, etiam in alieno territorio. cle. vnica. de foro compet.

Requiruntur tamen sequentia in hoc text. Primò, quod quis habeat magistratum, ut probatur in hoc text. ibi, magistratibus. Magistratus sunt, qui in aliqua sunt potestate, & imperio. l. eum pro quo. supra. titul. 2. vbi scripsi. & text. in l. aliud est fraus. in fine. de verbo. signifi. sic ait: *Magistratum enim solum, & Presides prouinciarum posse mulctam dicere, mandatis permissum est.* Et sic malè addūt Doctores hic magistratus maiores: quia iste text. generaliter loquitur de magistratibus. d. l. aliud. Ergo maiores & minores possunt suam iurisdictionem defendere (exceptis Duumviris) quia exceptio firmat regulam, ut generaliter in non exceptis procedat. l. prima. ff. de reg. iur. ergo iste text. non haberet locum in priuato, qui non fungitur aliquo magistratu.

Secundò, quod ille magistratus iurisdictionem habeat, ibi, iurisdictionem suam. Ergo delegati (dicunt Doctor.) cum non habeant propriam iurisdictionem, non possunt eam defendere. l. j. supra de officio eius. & sic de iure ciuili, ut ipsi scribunt. Dicerem tamen etiam ipsos posse eam defendere (quæ illis mandata est) iurisdictionem. Et de hoc loquitur cap. primum, de officio delegat. quia iurdictio nulla est, sine coërcitione. l. fin. de offic. eius. superius. Ob id de iure canonico nullum est dubium: nempe magistratus etiam de iure ciuili alienam iurisdictionem (si requirantur) defendere possunt. l. à Diuo Pio. §. primo. ff. de re iud. l. Episcopale. C. de Episcop. audien. imò potest implorare Episcopus, & iudex Ecclesiasticus, auxiliū brachij secularis. d. l. Episcopale. & c. cum non ab homine. de iudic. c. dilecto. de sentent. excommunic. lib. 6. multò magis suum. Item potestas poterit iurisdictionem defendere etiam delegatam, mulctando inobedientem & coërcendo. l. ij. C. de sportul. d. c. j. & c. de causis. & c. præterea. de offic. deleg. vbi Doct. hoc approbant. & Barbat. in d. l. à Diuo Pio. in princ. quamvis hic teneat contra, per l. ij. in fi. ff. de iudiciis. vbi dicitur.

*Contumax  
mulctandus*

*Iudici non  
obtemperas,  
iudicio pœ-  
nali puni-  
endus.*

*Requisita  
ut punia-  
tur aliquis  
inobediens  
iudici*

*Iurdictio  
delegata  
defendi  
potest.*

Fortè

*Inobedien-  
tia equipa-  
ratur hære-  
si.*

*Magistra-  
tus electus  
fugiens.*



Fortè interim conciliari diuersæ sententiæ possunt, vt iudices delegati non possint multare pro speciali quolibet delicto, vt dicitur in l. aliud. §. j. ff. de verborum signific. l. eos. C. de mod. mult. & hæc multa est specialis delicti alicuius coercitio.

Quam quidem indicare poterunt contra rebellem, & non parentem illorum decreto, vt suam tueri & defendere iurisdictionem (vt hîc) possint. Alioquin nec defendere, nec tueri possent, quod esset absurdum. vt l. fin. de officio eius. Et cui data est iurisdictione, ea etiam concessa sunt, sine quibus, &c. l. ij. de iurisd. omn. iudic. Et quamuis delegatam habeant iurisdictionem, est tamen illis liberum eam defendere, sicuti & qui rem habet sibi legitimè competentem, pro ea agere, & defendere poterit. l. officium. ff. de rei vendic. l. bona fides. ff. de positi.

Et quod plus est, subditi si non tueantur, & defendant suos magistratus, puniri arbitraria pœna debet, vt docet Capit. in decisio. Neapol. quæst. 149. nuper. facit §. fin. de forma fidelit. in vsib. feud. dixi in l. vt vim. circa finem. ff. de iustit. & iure. alia dicuntur in d. §. fin. l. ij. de iudic. Ergo tam ordinariis, quàm delegatis competit iure magistratus, vt suam possint iurisdictionem tueri, secundum ius suæ potestatis.

Etiam pœnam, in compromisso statutam, pars non parës arbitro soluere tenetur. l. arbitri intra certam. l. non ex omnibus. ff. de arbit. non tamen poterit arbitri ad multam condemnare partem illi non obedientem, nisi quatenus in compromisso est expressum, quia imponere multam, ad iurisdictionem respicit. l. eos. C. de modo multa. quam non habet arbitri, sed tantum notionem. l. ait Prætor. ff. de re iudic.

Tertiò requiritur, vt eam defendat secundum ius suæ potestatis, id est, pro iurisdictione iudicis. l. ij. si quis in ius voca. non ierit. & pro potestate eis data, non supra. Vnde si magistratus municipalis non obedientem capite multare vellet, hoc non esset pro sua potestate, & imperio. Et ideò multam à iure vel statuto concessam imponet. l. eos. C. de modo multa. & non supra suam iurisdictionem cognoscet. l. fin. de iurisd. omn. iud.

Vnde quidam dicunt, iudices laicos, non posse aduersus clericos, iudicio pœnali suam iurisdictionem defendere, quia clericus non potest à laico condemnari, nec ciuilitè, nec criminaliter. c. vnico. de cler. coniug. libro 6. Ergo si eum condemnaret, non esset secundum ius suæ potestatis, quia in eum nullam habet iurisdictionem.

Tamen Officiales Regij dicunt se esse in possessione defendendi iurisdictionem suam, etiam contra clericos, quod est notorium, aliàs ludibrio secundum eos essent. At hic text. dicit posse defendere: ergo non vsurpare, sed in casu defensionis tantum: & tamen, in perniciem animarum, hodie magistratus regni totam vsurpare conantur Ecclesiasticam iurisdictionem, & ab Ecclesia auferre, sed ante eos fuit creata, & post eos durabit, sed non sine magnis periculis. Aufre. in tract. de potesta. secul. super Eccles. & perso. regula prima. in 14. fallen. sed non esset illorum iurisdictione ob hoc ludibrio, si ipsi requirerent iudices Ecclesiasticos, sicut Rex requirit Episcopos, vt suos cogant clericos ad decimarum solutionem: verum de his alibi abundantius tractabo.

Quartò requiritur, quod aliquis iurisdictionem

inuadat, vel offendant, seu vsurpet, quia defensio præsupponit inuasionem. l. scientiam. §. qui cum aliter. ff. ad legem Aquiliam. ergo à contrario, non licet magistratibus alienam vsurpare, nec inuadere iurisdictionem. d. l. fin.

Dicit quis, quando dicitur inuadi, seu offendi? Respondeo, si quis ius dicere vellet, in alieno territorio. vt dixi in l. fin. supra eodem.

Idem dicendum est, si quis ius dicenti non pareat, vt pote non veniendo die præstituta. l. si quis ex aliena. ff. de iudic.

Vel præceptis magistratus non parendo. l. si quis. ff. ne vis fiat ei. & hîc. & in l. prima. §. quid ergo. de ventre inspic.

Idem, si non restituat rem ad iudicis præceptum. l. qui restituere. ff. de rei vend. & aliis modis, quos scripsi in 3. tomo Comment. in Constitut. Reg. & in tractatu de contumacia.

Etiam hanc iurisdictionem defendere potest contra extraneos non subditos, impediens suam iurisdictionem. c. j. de offic. deleg. c. dilecto. de senten. excommunic. in 6. c. ex parte. de verb. signific. Innocen. in c. dilectus. de pœn.

Contra Aduocatos, Procuratores, scribas, ac testes non obedientes defendere etiam poterit. l. moris. §. primo. ff. de pœn. l. ex ea. de postul. l. nullum. C. de testib. imò poterit etiam suam iurisdictionem bello, & ense defendere. vt docet Bald. in margarit. in verbo, iudex. vt refert Aufrer. in d. tractat. de potestate secul. regula j. fallen. 15. quod non est verum, quia iure suæ potestatis non est concessum, vt quis moueat bellum extra principem, sed tueatur eam iurisdictionem, quatenus ius permittit. argumen. l. fin. C. de actio. emp. Vnde censuit Senatus, appellationem apparitoris Ambianensis non esse recipiendam, quam is apparitor emiserat pro præcepto sibi facto, à Bailliuo Ambianensi, quia poterat obedire, vt refert Ioan. Gall. in quæst. per aresta. q. 117. Affardus.

Et quando præcepta iudicum à partibus contemnantur, iudex eas multis coercere poterit. vt docet Guido Papæ in decisione Delphinat. quæst. 359. de præceptis.

Sed non poterit iudex collegam, id est, coniudicem suum punire, quia par in parem non habet imperium. l. iij. ff. de arbit. Doctor. in §. sequenti. glos. & Doctor. in c. prudentiam. §. adiicimus. de offic. deleg. dixi in l. fin. supra de offic. eius.

Quintò, Concessum. Dicunt Doctor. colligi, quod iudex non cogitur, hoc videtur superfluum, quia nemo defendere se, vel sua cogitur, vt Diuus Paul. ait: Non vos defendentes charissimi, sed locum date iræ. Et non quicquid facultati iudicis permittitur, subiicitur eius necessitati. l. non quicquid. ff. de iudi. l. j. C. quomod. & quand. iudex. conceditur illi, vt hoc possit facere, si viderit expedire: & per regulam iuris, inuito non confertur beneficium.

Possent etiam cogi magistratus instante Procureto Regio, vel Domini, quia iurisdictionem suam seruare Regi & Domino suo debet integram, sicut illi concessa est. Et quia Reipub. interest, vt magistratibus obediatur. l. prima. ff. de iustitia & iure. Et si magistratus negligant, possent postea allegari consuetudo contra istum iudicem negligentem, & eius successorem: ideò ad hoc vitandum, debet suam defendere iurisdictionem.

Subditi nō defendentes suos magistratus, puniendi.

Arbitri ad multam non condemnant, inobedientem partem.

Iudices laici quomodo suam iurisdictionem aduersus clericos defendunt.

Officiales Regij iurisdictionem suam, etiam contra clericos defendunt.

Inuasio iurisdictionis requiritur.

Arrestum.

Iudex non potest collegam suum punire.



Interpretes dicunt oriri officium iudicis, quia verba diriguntur iudici. per glos. in l. si soror. C. de col. lat. reprehendentes glos. hinc dicentem actionem in factum oriri ex hoc edicto, quod non habemus.

Aduertendum est non oriri in hoc principio, nec officium iudicis, nec actionē, ex hoc text. ad defendendam iurisdictionem, sed datur tantum facultas & potestas cuilibet magistratui defendendi suam iurisdictionem. Quis enim diceret ex d. l. ut vim, quæ permittit cuilibet defensionem, actionem, vel officium iudicis? sed est permixtum autoritate iuris, ut quis se defendat, & hoc facit magistratus ex officio suo sibi dato autoritate iuris: & tunc actionem oriri dicimus, quoties à lege introductam esse videmus. l. vnica. ff. de condict. ex leg. vel officium iudicis, quoties parti datur persecutio. l. actionis. ff. de verborum significat. vbi plenè tractauimus, quæ in hoc text. non insunt, & quamuis in fin. text. detur partibus actio, non tamen in hoc principio, quod iudicem respicit, non autem partem.

Vltimò dicit text. quomodo liceat iudici defendere suam iurisdictionem? Respondet, pœnali iudicio.

*Iudiciū pœnale quod nā dicatur.*

Pœnale iudicium autem est, quando in eo agitur de mera pœna extra id quod interest partis. §. finali. infra eodem. Vnde cum hinc agatur ad id quod reo non adest, nec iudici abest, ideò pœnale dicitur iudicium, ut docet Ias. & alij in §. pœnales. de actio. in Institut. Primò, nihil abest iudici, cui non obtemperatur, nec adest aliquid resistenti iudici, vel non obediendi, vnde dicitur pœnale iudicium, quia meram continet pœnam, non rei persecutionem. §. fin. infra eodem. & quomodo hoc fiat, dicam in §. seq.

Sed, quomodo iudex suam iurisdictionem defendet? Respondeo, In lege 12. Tabul. sic habebatur: *Magistratus nec obedientem, & nocuum ciuem, mulctā, vinctis, verberibusque coercendo, ni par, maiorue potestas prohibeſſit, ad quos prouocatio esto.* Et sequitur Labeo in l. cum eo. ff. ad legem Iuliam. pecul. ibi, *Pignus capiēdo, corpus retinēdo, mulctam dicēdo.* Idem quoque videtur firmare Vlpian. in l. j. §. igitur. ff. de ventr. inspici. ibi, *Cogenda igitur erit remediis Pratoris. & in ius venire, & si venerit respondere, pignoraque eius capiēda, & distrabēda, si contemnat, vel mulctis coerceri potest.* Etiam iurisdictionem suam non obtemperanti denegare, & auditum magistratus potest. l. sed & si. §. item per magistratū. in fi. ff. ex quib. caus. maior. ac potest mittere in possessionem ex primo & secundo decreto. l. si finita. §. Iulia. & §. si plures. ff. de damno infecto. l. consentaneum. C. quomod. & quand. iudex. Potest etiam coram superiore accusari, & pœna ordinaria puniri, tanquam rebellis. ut per Barto. in extrauag. qui sint rebel. & aliis modis, quos tradidi in tract. de contumac. in 3. tomo Commen. ad Constit. Reg.

Non tamen Duumiris.] Glos. dicit, id est, defensoribus municipiorum, vel causarum. l. fin. C. de iudic. & in l. defensores nihil. C. de defensor. vbi defensores mulctam non indicunt. Sed aduertite Duumiros sacris literis legendis, carminibusque Sybillarum, & fatis populi interpretandis, primū à Tarquinio institutos fuisse duos, ob id Duumiros appellatos legimus, quod duorū suffragio crearentur, & quod duo tantum ad idem munus eligerentur, & sic Triumvir, & Decemvir, quicquid dicat

Accur. & alij in d. l. si. Hi ab omni vrbanò munere, & belli cura immunes erāt, & sacras ædes dedicabant, obsecrationes, expiationesque ad placādas, auertendāsque Deorum iras, procurabant. Vnde M. Attilius, ex his alterum, quod arcana Sybillæ promulgaret, & palam facere ausus fuisset, tanquam parricidam insutum culeo in mare proici iussit Tarquinius. Ideò hi, cum sacris vacarent, iurisdictionem suam, quam non habebant, tueri non poterant, & quia populus eam tuebatur, si quam haberent, teste Alexand. lib. 3. cap. 16. Ideò id non tantum honori personarum, sed maiestati Dei, cuius sacris eos vacare oportebat, indultum erat. l. non distinguemus. §. sacerdotio. ff. de recept. arbit. Fuere postea alij Duumiri capitales, qui causas criminales tractabant, & in facinorosos animaduvertebant, & qui perduellionis diem ad populum dicere solebant, de quibus Iurisconsult. in l. ij. ff. de origine iuris. & in l. si quis vxor. §. si fugitiuum. ff. de furt. & l. prima. ff. de albo scribēdo. l. honores. de decurionibus. Et de istis hanc intelligendam legem non arbitraretur, quia hi habent iurisdictionem, ideò liberum illis erat eam pœnali iudicio defendere, ut scribit Zazius in interpretatione ad hanc legem. Alij etiam erāt Aedilitij, ut idem Zazius docet in libro 3. de Republ. Roman. cap. 2. pag. 355. & sequenti. vbi etiam dicit Nauales alios non habuisse etiam iurisdictionem, nisi curam tantum instruendarum nauium, & de his etiam intelligi hic text. potest. Et si quis dicat intelligendum de omnibus etiam capitalibus, quod ij etiam de criminibus inquirerent, custodiam, & de carcere dimittendi potestatem habebant. d. §. si fugitiuum. & non data eis erat potestas ante imperium acceptum, ut mulctam indicerent. Nam licet, ut latrunculatorum crimina promouebant, ius tamen non habebant mulctandi, quia cum facinorosos detinebant, eos cogere poterant, absque mulcta, ob id non est illis data mulctæ potestas, ut etiam docet Alciat. libro tertio dispunct. cap. 5.

*Duumiri capitales.*

*Duumiri nauales.*

Sed quamuis mulctandi potestas id temporis illis data non esset, tamen iurisdictionem suam aliis modis tueri poterant, ut superius dictum fuit. Alioqui illorum potestas inanis fuisset, si reus in carcere vinctus non obtemperasset, & ideò in Duumiris, aliis exceptis capitalibus, procedere potest iste text. & fortè tempore Vlpiani.

Sed si aliis Duumiris alio tempore concessa fuerit iurdictio, non esset inconueniens, ut ipsi iurisdictionem suam, etiam defendere possint intra metas suæ potestatis. l. Duumirum. C. de decurion. lib. 10. Et sic distinguendo & personas, & tempora, concordare poterimus scripturas, ut dicit text. in c. si peccauerit. circa finem. 2. quæst. 1. De Triumiris scripsi in l. j. supra de officio Præfec. vigil. Bartol. hinc tractat materiam dictionum exclusiuarum (ut ipse vocat) ut, tantum, & tantummodo, sed ego abundè materiam istam tractauimus in l. pratum. ff. de verbo. signific. ponendo reg. cum limitat.

#### S V M M A R I A.

1. *Inobedientia omnis iudici illata puniēda.*
2. *Reus post geminatam contumaciam, & duos defensus, verificata prius petitione, potest de stylo Francia condemnari.*

*Duumi-  
rum officiū  
& potestas.*



3 *Restitutionis litera etiam post annum, probato iusto impedimento, conceduntur.*

4 *Heres mulctam adiudicatam, sine iusto impedimento, soluere tenetur.*

§. Is videtur ius dicenti non obtemperasse, qui, quod est extremum in iurisdictione, non fecit. Veluti si quis rem mobilem à se vendicari passus non est, sed duci eam, vel auferri passus est. Cæterum si & sequentia recusauit, tunc non obtemperasse videtur.

**I**ste text. difficilis est, & hætenus vix intellectus, propter ignorantiam vsus forensis, vt infra demonstrabitur. Torquentur enim interpretes, & in multa tantum imponenda intelligunt, licet iste text. nullam faciat expressam mentionem de mulcta, sed tantum quando quis non dicatur obtemperasse, ratione cuius contemptus non solum mulctari quis potest, sed & aliàs puniri, vt supra in huius l. principio scripsi. Vnde (vt facilius text. intelligatur) speciem facti ponā ita. In principio huius legis dictum fuit, magistratus suam posse tueri iurisdictionem contra non obtemperantes, quæsitum ab Vlpiano fuit, quando dicatur quis non obtemperasse, vt is puniri possit, qui respondet, tunc demum, quando non fecit quod extremum est in iurisdictione. Sed quando dicatur quis non fecisse extremum in iurisdictione? Respondet, quando non passus est mobilem rem à se vendicari, sed auferri, vel duci passus est: idem si sequentia recusauit. Et iurium interpretes in hoc lapsi videntur, & in verbo, sequentia, maximè Zafius. dum reprobatur intellectum communem, dicens hic Iuriconsultum duo præmississe. Primum, cum res vendicatur: secundum, cum res duci & auferri iubetur: si primum reus recuset, non incidit in pœnam inobedientiæ. Cæterum si sequentia, id est, quæ secundo loco præmissa fuere, recusarit, tunc demum, & non antè, non obtemperasse dicitur, vt in pœnam edicti incidat. Ergo quod extremum in iurisdictione est, perpenditur: non quod sit primum. Et is est indubitatus intellectus. Hæc, & longè plura Zafius. Iste tamen (mea sententia) intellectus est directò contra text. dicentem, ibi, Veluti si quis rem mobilem vendicari à se passus non est, sed duci eam, vel auferri passus est, vel ferri, vt legitur in Pandectis Flor. Ergo si passus sit rem ferri & duci, quomodo dicitur recusare? & quomodo dicitur sequentia recusasse, vt postea text. scribit? Alia ergo recusandò, rem auferri, non facit extremum, & tamen hic patitur rem ferri & duci. Vnde verior est iste intellectus, quàm omnes alij. Ideò ego intellexerem, vt dixi: nam iste text. dicit eum non obtemperasse, qui extremum non fecit quod est in iurisdictione, quod quidem extremum declarat Paulus in l. non distinguemus. §. si arbiter. ff. de arbit. sic dicens: *Si arbiter sese celare tentauerit, Prætor eum inuestigare debet, & si diu non paruerit, mulcta aduersus eum dicenda est.* text. in l. iij. §. tutores. ff. de suspect. tutor. dicit pertinaciter, sed melius declarat summus Pontifex Celesti. in c. cum non ab homine. de iudic. vbi sic dicit: Clericum homicidam deponendum,

qui si depositus incorrigibilis fuerit, excommunicandus est: deinde, contumacia crescente, anathematis mucrone feriri debet. Postmodum verò, si in profundum malorum veniens, contempserit, cum Ecclesia non habeat ultra quid faciat, ne possit esse perditio ultra plurimorum, per secularem comprimendus est potestatem, &c. Vides itaque extremum quod est in iurisdictione Ecclesiastica.

*Extremum in iurisdictione Ecclesiastica.*

Extremum dicitur, quando nihil sequitur. l. proximus. ff. de verborum significat. vbi scripsi. & in l. si. ff. de custod. reor. §. fraudulenter. & in extremis esse dicitur. in l. alumna. in fin. ff. de adimen. lega. c. Raynuius. de testam. & postquam præcepta iurisdictionis facta fuere, quibus non fuit obtemperatum, nil aliud superest in iurisdictione, sed via facti, & manu militari executio fiet, quæ executio facti, quoad hoc non est iurisdictionis.

Itaque sicut clericus, quando fecit extremum, quod est in iurisdictione Ecclesiæ, est ad secularem iudicem remittendus, vt puniatur, quia Ecclesia non habet ultra quid faciat: & extremum in iurisdictione Ecclesiæ est anathema, quod ille scelestus contemnit, & mala continuando, perpetrat: ideò non facit quod est extremum in iurisdictione, id est, ultimo præcepto iudicis non paruit, certè ad executionem facti veniendum est, quam patietur victus, quia resistere non poterit. Ideò dicit text. ferri rem, vel duci passus est: sed illa executio non est extremum in iurisdictione, licet sit extremum in executione, sed text. cautè vsus est verbo, **extremum in iurisdictione**, non autem simpliciter.

Sic quando primò quis non obtemperat iudici, sed contemnit, iterum citatus etiam contemnit, si postea iudex non habeat quod ultra præcipiat, tunc est ille mulctandus, vel aliàs puniendus: quia obtemperare non videtur. Nam Iabole. scribit in l. *Nex ex omnibus causis ex quibus arbitri paritum sententia non est, pœna ex compromisso committitur, sed ex his duntaxat quæ ad solutionem pecunie, aut operam præbendam pertinent.* ff. de arb. licet non ex omnibus præceptis censetur quoad edictum hoc non obtemperatum, sed quando ad extremum iurisdictionis ventum est.

Vnde text. ponit in eo exemplum, qui non est passus rem mobilem à se vendicari, id est, repeti, quamuis iudex illi victo præceperit, vt rem restitueret, & hoc verbum magnum negotium fecit Doct. Ideò videndum est, quando quis dicatur non pati rem à se vendicari. Respondeo, primò, si contumax fuit, & sæpius vocatus ius noluit comparere, ab eo ratione contumaciæ aufertur possessio rei, vt habetur in l. consentaneum. C. quomod. & quand. iud. l. is cui. §. qui in possessione. ff. vt in possess. lega.

*Quid sit non pati rem à se vendicari.*

Secundò, cum ab eo res peteretur, negauit se eam possidere, vt euitaret rei vendicationem, & ideò tràslata fuit possessio rei, & demum sublata à possessore res, cum præcepto restitutionis non obtemperasset. l. fin. ff. de rei vendica.

Tertiò si eam alienauit, vel dolo desuit possidere. l. vnica. C. de alien. iudi. §. omnium. de actio. in Instit. declarat Paul. in l. ij. in fin. ff. si ex noxal. causa agat. ibi, *Si seruus præsens sit, sed dominus abest, nec quisque seruum defendit, ducendus erit iussu Prætoris.*

Quartò, non est passus rem à se vendicari, qui statim facta condemnatione ad restituendam rem ad Præ

*Species facti.*

*Zafius reprehenditur.*

*Sententia au horis de huius legis intellectu.*



*Extremū  
in iurisdic-  
tione est iu-  
diciis prae-  
ceptum extre-  
mum.*

ad praeceptum iudicis vltimum, eam non restituit, ob id manu militari ab eo auferitur. l. qui restituere. ff. de rei vendi. Vnde, si lata sententia fiat praeceptum condemnato, ut equum restituat, si non audiat praecepto, vendicari rem à se non patitur: ideo iudex auferet illum equum ab eo manu militari, & tradet victori, is victus cum non possit resistere iudici, patitur rem, forte equum duci, vel aliam rem mobilem ferri, certe pars non fecit id, quod est extremum in iurisdictione, quia non paruit praecepto iudicis extremo, ob id oportuit habere familiam: sic extremum attenditur. l. Papi. §. meminisse. ff. de inof. testa.

Et sic iste condemnatur, sicut quis ad inferos extremo fine, & affectu peccandi. c. voluissent. de poenit. distinctione j.

*De eadem  
re.*

Itaque quando iudex habet quid facere, & vltra procedere, non habet locum istud edictum, ut puta, citatus ad videndum iurare testes, non comparet, vel ad videndum facere ostensionem, quam vehutam dicunt, tunc iudex testes, non obstante absentia partis, recipiet, ut Bald. Alexand. & Ias. hic docent. Et est verum in praxi, nam iste text. docet illum non obtemperasse, quando extremum non fecit, quod est in iurisdictione, & quando iudex nihil habet vltra, sed in hoc casu iudex habet quod faciat: ideo illud non erit extremum in iurisdictione, & hoc docet Boër. in consuetud. Biturigum. tit. de iurisd. om. iudic. artic. 20.

Dubitant Doctores, quae sint sequentia: supra recitavi Zafi. intelligentem sequentia, id est, rem auferri, sed hic text. dicit, sequentia, post rem ablata. Ideo puto intelligendum text. si quis sequentia recusauit, id est, ea quae sententiam sequuntur, quoad huius text. exemplum, licet aliter pro materia intelligi possit, nam in rei vendicatione fit, restitutionis rei condemnatio, cum fructibus. l. rei. l. & ex diuerso. l. si nauis. cum aliis. ff. de rei vendic.

*De extre-  
mo in iurisdic-  
tione.*

Itaque cum res ablata fuerit à condemnato, nil superest, nisi ut fructus, & expensae restituantur: ideo fiet ei praeceptum ad restituendos fructus, quos si non restituat, facit quod extremum est in iurisdictione, quia iudex non habet quid vltra facere, nisi fructus extarent in aliquo loco, quo casu iudex manu militari auferret, & traderet actori. At cum illi fructus non appareant vbinam locorum sint, & ad praeceptum iudicis sapius factum iste recuset, sequentia sententiam recusant, ac fructus restitutionem: ideo non videtur obtemperasse, & ita puto intelligendum text. quicquid loquantur Doctores. Nam satis clementer cum eo Praetor agit, ut det ei restituendi facultatem, si vult poenam cuitare. Vlpia. in l. si cum exceptione. §. primo. ff. quod met. caus. Etiam requiritur, quod dolo non obtemperet, ut Doctores. concludunt hic. & Barbat. consil. 57. illud. vltim. quaest. vol. 3. Videte quae scripsi in l. qui neque sequantur. ff. de verborum significat. Ista pulchre declarat Iabo. ff. de rei vend. l. qui restituere. Iussus iudici non parit, praetendens se non posse restituere (& sic non patitur à se vendicari) si quidem habet rem manu militari, officio iudicis ab eo possessio transfertur (& sic victus cum non possit resistere, patitur rem ferri & duci) & fructuum, omnisque causae nomine condemnatio fit. Ideo, sequentia, fructus, & omnem causam, rei que vtilitatem vocat. facit l. à Diuo Pio. ff. de re iudic. Scripsi in l. rei. ij. ff. de verborum significat.

Item ferri respicit res mobiles, quae sine facto hominis non moventur, ut vestes, & alia. Mouentia vero, quae per se moueri possunt, ut equus. d. l. à Diuo Pio. §. in venditione. ff. de re iudic. l. mouentium. vbi scripsi. ff. de verbor. signific.

Ex praedictis patet, quando multa imponi possit, videlicet quando quis non fecit id, quod est extremum in iurisdictione, quia iudex nil vltra habet quid faciat, nisi ut condemnet non parentem ad multam: magistratus enim iurisdictionem suam tueri potest multis, & aliis poenis, de quibus in §. j. supra eodem. & de hac multa hic non tractabo, quia abunde scripsi de ea in l. aliud est fraus. §. fin. & in l. si qua poena. ff. de verb. signific. Notandum est tamen interdum multam imponi posse, etiam si iudex habeat vltra quid faciat, vi legis, consuetudinis, aut styli. l. ij. si quis in ius voca. non ierit. vbi, si operapretium fuerit, dicitur. Inde in consuetud. Biturigit. de iurisd. omnium iudicum. articulo 18. cautum est, citatum, si in prima citatione non compareat, esse multandum ad septem solidos: debet tamen iterum ad hoc citari, ut abundantius alibi scripsi in tractat. de contumacia. in tertio tomo Commentar. in Constit. Reg. Gall. sed dicit Bar. hic non esse opus in hac multa impositione nouum facere processum, & posse ex causa remitti, atque ab ea appellari, quae omnia in d. §. si. explicata sunt.

Non refragatur, quod omnis inobedientia facta iudici, puniri debet. l. magistratibus. supra de iuri. omn. iud. l. j. §. quid ergo. ff. de ventre inspi. Nam hoc verum est, sed non per hoc edictum, quo punitur tantum is, qui non fecit, quod est extremum in iurisdictione, quia is non obtemperasse dicitur. Et sic hodie in forensi iudicio seruatur, & si quis non veniat ad iudicium citatus, puniendus erit. l. ij. ff. si quis in ius voca. non ier. quia vocatus est parere, & non contemnere iudicis iurisdictionem. l. si quis ex aliena. ff. de iudic. ex lege enim regni, is, qui in prima vocatione non comparuit, iterum est vocandus super vtilitate dicti defectus, seu contumaciae, & ad procedendum super verificatione, & probatione petitionis actoris, & si reus non venerit, poterit actor suam petitionem literis, vel testibus summarie auditis probare, qua probatione facta, iudex condemnabit reum ad restitutionem rei petita, vel ad solutionem. Sic vidi seruari, & hoc habemus in Constitutionibus Reg. tit. de contumacia. & defect. art. 5. & sequen. vbi alia dixi maxime non seruari, l. absentem. ff. de poen. nec alia iura dicentia, absentem, lite non contestata, non posse condemnari: nam de stylo generali Franciae, & ex lege regni, post geminam contumaciam, & duos defectus, potest reus condemnari verificata prius sua petitione, licet olim non ante quatuor defectus, ut dicit Boër. in decisio. Burdegal. quaestio. 63. Minor. Et antequam iudex condemnet absentem, oportet declarare defectus debite fuisse obtentos, & continuatos, & declarare reum contumacem, & ab omnibus exceptionibus declinatoriis, dilatoriis, & peremptoriis cecidisse, & exclusum fuisse, & postea cum condemnabit. Ita Bart. in l. si finita. §. Iulianus. ff. de damno infecto. Docet Butrig. in cap. cum dilecti. nota. 8. de elect. & cap. dilecti. col. 7. versic. vlt. aduerte. de dolo. refert Hyppol. in rub. ff. de fals. nu. 25.

Et hoc seruatur tam in ciuilibus, quam in criminalibus, ut docet idem Boër. in d. quaestio. 63. Minor.

vbi

*Usus foren-  
sis iudicij in  
Francia.*

*Defectus  
quatuor o-  
lim requi-  
rebatur ad  
condemnan-  
dum reum.*



vbi concludit minorem esse restituendum, si condemnatus fuerit per contumaciam solutis tamen expensis. Poterit & maior sic restitui, si iustum probet impedimentum, & quotidie vidi concedi literas restitutionis etiam post annum, quamuis Bar. & alij in l. si finita. §. Iulianus. contrarium dicant, videlicet post annum non dari.

4 Sed si semel condemnatus ad multam quis ex contumacia fuerit, & moriatur, eius hæres, nisi iustum impedimentum probauerit, multam adiudicatam soluere tenetur. vt docet Bart. in Lex iudiciorum. ff. de accusat. refert Do. Boër. in quæstione 64. Sed quid si.

Casus duo  
huius textus.

Et sic iste text. duos continet casus: videlicet, eum non obtemperasse, qui non fecit, quod extremum est in iurisdictione, & generaliter intelligitur, quando pertinaciter obedire noluit, vt si noluerit rem restituere, & iudici oportuit conuocare numerum apparitorum, vt rem ferrent & amouerent à condemnato. Secundus casus est, quando quis sequentia non fecit, etiam non obtemperasse dicitur. Sequentia voco, fructus, & omnem rei causam, ac utilitatem, si illa omnia restituere non est passus, vt dictum fuit. Alia nunc missa faciam.

#### S V M M A R I A.

- 1 Delicta authores suos ligant.
- 2 Procurator in quibus Domino non noceat.
- 3 Dominus potest, non obstante confessione sua, appellare.

§. Si procurator tuus, vel tutor, vel curator ius dicenti non obtemperauerit, ipse punitur, non dominus vel pupillus.

**R**egula ex hoc text. colligitur inobedientiam, & factum Procuratoris, vel tutoris, non obligare pupillum, vel dominum. licet Doctor. dicant istum textum intelligendum in contumacia in non veniendo, de quo iste text. non loquitur, sed est alius casus in l. ij. ff. si quis in ius voca. Sed ratio huius text. est: quia inobedientia delictum est. l. omne delictum. ff. de re milit. & §. fin. infra eodem. Et delicta suos authores tenere debent. l. sancimus. C. de pœn. & quilibet ex suo facto obligatur. l. j. ff. de action. & obligat. & sic ex suo facto obligabitur Procurator, non dominus.

Decidendi  
ratio.

- 1

Restrictiones  
ad text.

Nisi tamen dominus hoc Procuratori mandauerit, vel ratum habuerit. l. iij. §. si Procurator. supra tit. proximi. quia nullius momenti est quod fit contra mandatum. l. diligenter. ff. manda.

Si verò tutor, vel curator furiosus, vel adolescentis non obdierit, ipse coërcebitur, non furiosus, vel pupillus. d. §. si Procurator. idem in Aduocato. Vlpian. in l. j. §. propter casum. ff. de postuland.

- 2

Et quamuis confessio Procuratoris noceat domino, etiam quæ fit per contumaciam. cap. fin. de con-

Procurato  
ris confessio.

fess. lib. 6. glos. & Doctor. in c. j. in fin. vt lite non contestata. & in c. suborta. de re iudic. tamen non nocebit quominus appellare dominus possit, quod non posset de iure, si ipse dominus confessus esset. Panormit. & alij in d. cap. j. Philip. Franc. in cap. cum speciali. in fi. de appellat. Aufrer. in decisio. Tholos. quæst. 101. sequitur. Hyppolit. Marf. singul. 290. Confessio Procuratoris, &c. Decius consilio 493. viso tenore. Hodie non seruatur in praxi, vt si dominus etiam confiteatur, quin possit appellare: nam in appellatione poterit dicere calore iracundiæ confessionem emissam, aut errore, & sic illam reuocare, vel poterit conqueri de breuiori tempore dato ad soluendum, vel aliàs iustam excusationem proponere. Multa de contumacia Procuratoris congerunt Doctor. hinc, quæ scripsi in d. tractat. de contumac. in tertio tomo Comment. ad Constitut. Reg. ibi videre licet. & in cap. j. vt lite non contestat.

3 Praxis de  
confessione  
domini.

§. Non solum autem reum, qui non obtemperauit, hoc edicto teneri Labeo ait, verum etiam petitem.

**P**lanè docet iste text. non obtemperasse, respicere & reum & actorem, adeo quod si actor non obtemperauerit ius dicenti, hoc edicto tenebitur sicut reus. Vnde si reus absolutus cum expensis à petitione actoris fuerit, & ad præceptum iudicis reo expensas sarcire, & præstare recuset actor, monitus (vt decet) non obtemperasse dicitur, & extremum facere in iurisdictione, & sequentia recusare, vt superius in d. §. j. dictum fuit, quia in iudiciis debet esse æqualitas. regul. in iudiciis. de reg. iuris. lib. 6. & non debet actori licere, quod reo licitum non existit. nec è contratrio. l. non debet actori. ff. de regul. iuris. Bart. & alij in l. de die. qui satisf. cogant. Si ergo reus non obtemperans puniendus est, sic & actor: cum ad hoc non sit priuilegiatus, & maior videtur inobedientia actoris, quam rei. cap. j. de iudic. sicut de contumacia dicitur in cap. primo. de dolo & contumac. in 6. facit cap. primum. vbi etiam Doctor. de iudic. lib. 6. & Rota decisio. 2. tit. de dolo & contumac.

Æqualitas in iudiciis.

#### S V M M A R I A.

- 1 Praxis ad legum intelligentiam necessaria.
- 2 Cadaver mortui suspendi vel castigari non debet.
- 3 Turpia lucra ab hæredibus quoque extorquentur.
- 4 Hæres non debet cum aliena iactura lucrari.

§. Hoc iudicium non ad id quod interest, sed quanti ea res est, concluditur, & cum meram pœnam contineat, neque post annum, neque in hæredem datur.

**S**pecies facti ea esse potest. Suprà visum fuit hoc edicto & reum & actorem inobedientes teneri, sed ad quid teneantur? Respondet Iurisconsultus, non ad id quod interest sed quanti ea res est, id est, quanti erit inobedientia, seu contemptus, & pro qualitate illius. Etiam dubitatur, an non obediens post annum puniri possit? Respondet, post annum non extendi hoc edictum, & idè postea puniri non poterit non parens, neque hæres ex inobedientia prædecessoris tenetur:

Facili huius  
textus species.



teneretur : quia pœnalia post annum non dantur. l. in honorariis. ff. de action. & obligatio. & hoc edictum meram continet pœnam, ideo ad hæredes non extenditur.

*Hæres cur hoc edicto non teneatur.*

Ratio est de hærede, quia pœna suos authores tenere debet. ut supra dixi in §. primo. per l. sancimus. C. de pœn. & c. unico. de Eccles. benef. nec vnus pro alio punitur, ne quidem pater pro filio, vel è contrario. in tit. ne filius pro patre. C.

Interpretes Bart. & alij eum seq. dixerunt idē esse quanti ea res, & quanti interest, quod tamē est valde diuersum : nam quanti interest utilitatem respicit : quanti verò res est, æstimationem veram rei. l. hæc verba, quanti. ff. de verbor. significat. vbi abundē declarauit per regulam & limita. & hinc veram inobedientiæ æstimationem continet, & sic intelligitur iste tex. quicquid hætenus dixerint Doct. qui multa scribunt, quæ ad rem non pertinent, ideo ea missa faciam.

Item hic §. magnum fecit negotium interpretibus ex ignorantia praxis, & ut intelligatur materia huius §. notandos puto casus sequentes. Primus est, ratione inobedientiæ, & contemptus iudicis punitur inobediens ad multam, vel ad aliam pœnam, quæ iudici visa fuerit pro qualitate & modo delicti, & hoc probatur in hoc §.

*Pars hoc edicto ad pœnam non agit.*

Secundus casus est, quod inobediens ratione inobedientiæ non punitur, quoad partem, nisi ciuilitate, videlicet ad rei, pecuniæue restitutionem, de quo hinc nihil dicitur. sed in tit. de rei vendic. & alijs legibus. Et ideo superflua est Doctor. controuersia, an hoc edicto pars agat. Certè non ad pœnam, quia non respicit hoc edictum, nisi inobedientiæ iudicis. Ideo dicitur, si quis ius dicenti non obtemperauerit, & sic non habetur ratio ad partem, sed quia pars rem, in iudicio, expensas, vel fructus prosequitur, ad ea iudex condemnat, quia si pars non soluerit, multabitur ratione inobedientiæ, & nunquam liberatur à restitutione rei, non parens iudicis præcepto.

Tertius casus est, quod iudicium hoc inobedientiæ est merè pœnale per istum textum, quæ pœna ratione contemptus imponitur, quando iudici non paretur.

*Pœnales actiones an non concluduntur.*

Quartus casus, post annum non punitur hoc edicto inobediens. facit lex j. ff. de calumnia. & lex j. de vi & vi ar. Videtur enim quis pœnam remittere, qui intra tempus non egit. sic in l. penult. infra de in ius vocand. & actiones pœnales anno regulariter concluduntur, in tit. de perpetuis & tempor. actio. in Instit. sed pars ad rei restitutionem etiam postea agere poterit, quia pœna solum tempore excluditur.

Quintus casus, hæres ex inobedientia prædecessoris non debet puniri, ciuilis est constitutio, pœnaliibus actionibus hæredes non teneri, ceteros quidem nec successores. Vlpian. in l. j. ff. de priua. delictis. Est certissima iuris regula, ex maleficiis pœnales actiones in hæredem rei non competere. §. non omnes. de perpet. & tempor. actio. in Instit. quia per mortem delictum à pœna extinguitur. l. defuncto. ff. de publ. iudic. Vnde non potest cadauer mortui ad furcas suspendi, vel aliàs castigari, ut Doct. firmant in l. ij. C. qui testa. fac. poss. & Hyppolit. in l. fin. ff. de quæst.

*Actiones pœnales quando ad hæredes transeant.*

Hæc regula limitatur, quando lis esset contestata cum defuncto, tunc omnes actiones, pœnales etiam, ad hæredes transeunt. l. omnes pœnales. ff. de obliga.

actio. §. pœnales. de perpet. action. in Instit.

Idem dicunt Doct. quando pœna imponitur ipso iure, nam etiam ante litem contestatam transit ad hæredem. per gloss. in l. j. §. quod autem. in fin. supra. tit. proximo. vbi Doct. illum valde sing. dicunt. & Bald. in rubr. C. de priuileg. fisc. num. 12.

Secundò tenetur hæres de eo quod ex delicto defuncti ad eum peruenit. Nam est constitutum, turpia lucra ab hæredibus quoque extorqueri, & auferri. l. in hæredem. ff. de calum. quia sicut non tenetur hæres ex delicto defuncti, ita non debet ex eius delicto lucrari. l. j. in fin. ff. de vi & vi arma. l. ij. vi bono. rapt.

Etiā de iure Canonico tenetur hæres, & propinqui, ad quos bona defuncti peruenerunt, ut pro eodem satisfaciunt. c. fi. de sepul. gloss. in c. ex literis. de raptor. Decius in regul. pupillum. §. j. ff. de regul. iur. vbi Dec. vult facere differentiam inter ius ciuile & Canonicum, sed in idem vtrumque ius reincident, videlicet hæredem teneri satisfacere pro defuncto ex bonis, quæ ad eum peruenerunt, ex eodem delicto, secundum ius ciuile: de iure verò canonico quomodoque bona ad eum peruenerint, ipse satisfacere tenetur : & iuris canonici dispositio magnam sapit æquitatem, ut non lucretur hæres cum aliena iactura : ideo si centum aureos surripuerit Titius, licet eos exposuerit, tenetur de alijs bonis satisfacere hæres, quod est notandum : nam ius canonicum in vtroque foro seruari debet, cum agatur de peccato. reg. peccatum. de reg. iur. in 6.

*Hæres quod pro defuncto debeat satisfacere.*

## De in ius vocando. TIT. IIII.

### SUMMARIA.

- 1 In ius vocari omnes possunt, qui excepti non sunt.
- 2 Persona, quæ ad tempus in ius vocari non possint, quæ verò perpetuò.



Rimò, à definitione inchoat hinc Iurisconsult. sic in l. j. ff. de iustitia & iur. & hoc edictum de in ius vocando prohibitorium est certorum, & permissoriū regulæ: adeò ut omnes permittantur in ius vocari, nisi excepti fuerint. ut in l. ij. & ferè vsque ad l. quamuis. vbi dicit penitenti veniam concedi. de quo per Doct. in §. pœnales. de action. in Instit. & Modestini in l. generaliter. infra scribit, personas quibus reuerentia præstanda est, non posse, sine iussu Prætoris in ius vocari. Has cumulat Socin. in tract. de citatio. quæst. res. art. 20.

Hodie sine delectu omnes in ius vocari solent in Francia, petitur aliqua venia, sed eo ipso quod iudex recipit agentem, veniam illi cōcedere censetur, & ita vidi in iudicijs seruari Franciæ.

Maximè nomine alieno potest filius, vel alius prohibitus agere, videlicet libertus in ius vocare patrem, vel patronum, tutorio, vel procuratorio nomine. d. l. quamuis. infra. eodem. Et multa alieno nomine facere possumus, quæ nostro nobis non licet. teste Alber. in 4. parte statut. quæst. 63. & Alexand. consilio vlt. in §. vol. ac Ludouic. Roman. in repet. l. si verò. §. de viro. col. 34. fallen. 37. ff. solu. matrim. Ioan. Crot. in repetit. cap. i. col. 7. de rescript. lib. 6.

Sunt tamen quædam personæ, quæ in ius vocari

*Vsus Franciæ de vocatione in ius.*



non possunt ad tempus, vt Pōtifex & alius. sacerdos, dum sacra facit, sed nec præcones tempore quo edicta publicant, nec magistratus tēporales, & alij ferē hīc enumerati, nā cessante causa, cessabit effectus. l. quod dictum. ff. de pact. Alij verò sunt qui perpetuò in ius vocari nō possunt, vtpote qui inde moueri nō possunt, vt condemnati ad perpetuos carceres, vel in metallum, & idem dicit glos. in monachis, vt non possint in ius vocari coram iudicibus secularibus, sed coram suis iudicibus sic. vt constat in c. cū dilecta. de rescript. & in iure Canonico frequentius.

## S V M M A R I A.

- 1 Promissio facta in iudicio paratā habet executionem.
- 2 Promittēs apud grapharium quid exhibere, tenetur, quamuis iudici non cauerit.
- 3 Procuratorium apud acta factum valet, ac si coram iudice factum esset.

LEX XVII. IDEM LIB. I.  
SENTENTIARVM.

**I** Vm, pro quo quis apud officium cauit, exhibere cogitur. Item qui apud acta exhibiturū se esse quem promisit, & si officio non caueat, ad exhibendum tamen cogitur.

**I** Sta lex duos continet casus. Primus est, quando quis promisit apud officium, id est, apud iudicem vel magistratum aliquē exhibere, vel rem aliquā, vt ipse omnimodo teneatur: nam promissio in iudicio loco confessionis est, & executionem habet paratam. l. tale pactum. §. qui procurauit. ff. de pact.

**S**ecūsus casus est in eo, qui apud acta, id est, apud actuarium (quem grapharium, seu scribam vocamus) promiserit aliquid exhibere, vt etiam teneatur, licet officio non cauerit, id est, iudici, sed hoc tantū faciat apud actuarium, & grapharium, & vulgò dicimus, *au Greffe*.

**D**ubium erat, nam si quis promiserit apud acta, non videbatur idem esse, ac si coram iudice, cū actuarium nullam habeat iurisdictionem, sed contrarium docet hīc Paulus Iurisc. hos tamē casus discernens, vt in primo casu ob calorem iudicij, quando apud officiū, id est, iudicem aut magistratū cauit, vt præcisē exhibere teneatur, quem promiserit, sic & in secundo, quia ista æquiparantur. l. siue apud. C. de transact. vbi plenē Doct. Et interdum officiū, Officiales exponit glos. in l. si fideiussori. §. si satisfdatum sit apud officium. ff. qui satisfd. cogant. facit l. illicitas. §. ne tenuis. de offic. Præsid. ff. & aliis multis modis accipitur officium, vt per Doct. in rub. ff. de offici. eius. vbi scripsi. & interpr. i. rub. de offici. deleg. ac per Ioā. Franc. in tract. de offici. & potest. capituli sede vacan.

**E**t sic per istum text. vidi iudicari bonum procuratorium, apud acta factum, ac si in iudicio & coram iudice factum esset. Et multa expedire actuarium & grapharium, quæ non requirunt causæ cognitionem, potest, & illa valebunt. vide Socin. consi. 94. vol. i. de quadam fideiussione præstita apud officium.

**S**ciendum est hos duos casus æquiparari, siue quis fecerit coram magistratu, siue apud acta sine magistratu, quod est verū in his, quæ causæ cognitionem

non requirūt, alioqui apud acta sine magistratu fieri non possent. l. nec quicquam. §. vbi. ff. de offici. Procon. l. omnia. de reg. iuris. Et multa in Francia apud acta fiunt, id est, *au Greffe*, quæ valent, & leuant iudices magno onere, tamen quæ requirunt causæ cognitionem, apud acta sine officio expediri non debent, & in his duobus casibus qui promisit, præcisē tenetur ad factum, licet aliās regulariter. contrā l. si quis. §. si. ff. de re iud. l. stipulationes non diuiduntur. de verb. obligation.

LEX XVIII. CAIVS LIB. I. AD  
L. DVODECIM TABVL.

**P** Lerique putauerunt, nullum de domo sua in ius vocari licere, quia domus tutissimum cuique refugium atque receptaculum sit: eūque qui inde in ius vocaret, vim inferre videri.

**E**x ista & tres sequentes habent eandem materiam, quæ tam abūdē hīc tractata fuit à Socino, vt vix addere quis possit, & in tract. de cita. artic. 18. Ego multa scripsi de citatione, & quæ seruantur in hoc regno, in tract. de citat. in 3. tomo Comment. ad Constitut. Reg. Galli.

**H**odie Apparitores regni, maximē Parisiis, vbiq; ingrediuntur, si inueniāt ianuam apertam: idē non seruant has leges, quando non habent resistentes, sed verbo citant: pro debito tamē non esset licitum prehendere in domo ad corpus obligatum, per l. nemo ex domo. ff. de regul. iuris. nisi ad hoc esset expressē obligatus, huic priuilegio renuntiando, vel aliter visum iudici fuisset, & causa cognita statutū, vt Doct. probant in d. l. nemo.

*Apparitores regni  
Francia quo  
modo citēt.*

## S V M M A R I A.

- 1 Pars non auditur in criminibus vindictam publicam concernentibus.
- 2 Debitor propter debitum priuatum, in corpore non puniendus.
- 3 Per indirectum non est concedendum, quod directē denegatur.

LEX XXV. MODESTINVS LIB. I.  
DE POENIS.

**I** sine venia edicti impetrata, libertus patronum in ius vocauerit, ex querela patroni, vel quinquaginta aureorum pœnā dat, vel à Præfecto vrbi quasi inofficiosus castigatur, si inopiā dignoscitur laborare.

**E** X l. si. Ex querela patroni. colligitur quod de criminibus tangentibus interesse partis, non punitur quis, nisi coquerēte parte, & instante. Et idē dicit iste text. ex querela patroni, & ista regula est valde vīitata in Curiis, vt semper respiciant, si pars conqueratur, vel petat.

**S**i verò crimina respiciant vindictam publicam, tunc pars non auditur in hoc regno, sed Procurator

*Parte non  
coquerēte,  
nemo con-  
demnādus  
ad interes-  
se.*

*Dubitandi  
ratio.*

*Officij in-  
terpreta-  
tio.*

*Facta apud  
acta, quando  
valeant.*



Regius seu Fiscalis, & ita seruatur, vt plenè dixi, in interpretatione l. Diuus. ff. de Senatusc. Syllanian.

*Qui nō habet in are, luat in corpore, de quo intelligatur.*

Vnde l. fin. dicens, Qui non habet in are, luat in corpore, intelligitur, in debitore ex delicto, vel quasi, seu ex multæ impositione, sed si sit debitum priuatum, non punietur sic debitor. Ita seruatur de consuetudine regni, & hoc est conueniens legi antiquæ Papyriæ, qua statutum fuit, ne quis, nisi noxam meruisset, donec poenam lueret, in compedibus, aut in neruo teneretur, pecuniæ debitæ bona debitoris, non corpus obnoxium esset, licet lege 12. Tabular. aliter cautum esset, vt docet Liuius, quem etiam refert Ioan. Zazius in catal. legis antiquæ, in lege Papyria de noxis.

*Restrictio ad regulam præcedentem.*

Intellige tamen in vili: nam si vir, non levis conditionis, fuerit ad multam condemnatus, quam non valeat soluere, non punietur in corpore. Nam si iudex pro principali delicto nō condemnauit eū ad poenam corporalem, multo minus debet condemnari pro hac multa. Ne per indirectum concedatur, quod directo denegatur, vide Ludouic. Roma. sing. 24. Quod non valens.

*Si quis in ius vocatus non ierit, siue quis eum vocauerit, quem ex edicto non debuerit. TIT. V.*

#### SUMMARIA.

- 1 Iurisdictiones in Francia sunt patrimoniales.
- 2 Renuntiationes privilegij fori, in Francia sunt parui momenti.
- 3 Citatus, à citatione appellans, non recipiendus.
- 4 Restrigitur.
- 5 Multa pro non comparando in iudicio, quando remitti possit.

#### LEX I. VLPIANVS LIB. I. AD EDICTVM.



**S**i quis in ius vocatus fideiussorē dederit, in iudicio sistēdi causa, nō suppositum iurisdictioni illius, ad quem vocatus est, pro non dato fideiussor habetur, nisi suo privilegio specialiter renuntiauerit.

*Fideiussor debet esse sub iurisdictione iudicis.*

**E**x l. j. habetur quod si in ius vocatus dederit fideiussorem in iudicio sistendi, non existentem in iurisdictione illius iudicis cui datur, pro non data habetur, nisi fideiussor renuntiauerit privilegio suo. idem dicitur in l. penult. C. de pact.

*Ampliatio eiusdem.*

Hodie vix etiam si renunciaret, quia hoc tenderet in præiudicium magistratus, cui subditus est iste fideiussor. Et quia iurisdictiones sunt in Francia patrimoniales, nec posset hīc iudex aliquid statuere in istum fideiussorem post renuntiationem privilegij, nisi ad literas sui iudicis, sicut in alio qui non renuntiavit, de quo dixi in l. finali. suprā de iurisdictione omnium iudicum. & in titul. de caus. in Concorda. scripsi, vbi dixi in Francia has renuntiationes parui esse momenti quoad hoc.

Ex l. ij. regula datur, in ius vocatum teneri comparere coram iudice, qui eum vocauit, vt sciatur an iurisdictionis eius sit, quia Prætoris est æstimare, an sua sit iurdictio, vocati autem est non contemnere authoritatem Prætoris, sed vt in ius vocati veniant, priuilegia sua allegaturi. Vlpia. in l. si quis ex aliena. ff. de iudic. vbi Alexand. in addit. ad Bartol. ait, non allegans priuilegia, illa amittere, ibi fusiùs dicitur.

Etiam clericus vocatus coram iudice seculari debet comparere, & allegare priuilegium suum, vt censuit Senatus, teste Aufrer. in stylo Parlam. Tholosan. in aresto 167. item not. quod clericus, licet super hoc variæ reperiuntur sententiæ, & facit glos. in cap. placita. 15. quæst. 4. vbi dicit teneri, quando est dubium. idem dicit Accurs. hīc. & glossa in cap. conuenior. 23. quæst. 8. & arestum, dicit aliàs valere processum, quia comparēdo allegabit priuilegium, & remitteretur ad suum iudicem cum expensis: ideo debet comparere & allegare priuilegium, quapropter citatum appellans à citatione, eò quod comparere poterat, & allegare suum priuilegium, non esse recipiendum, idem Senatus iudicauit, nisi esset notorium illum citatum esse exemptum, aresto 107. ibidem. Et notorium est, quando citatur, vt extra regnum, vel ressortum, aut territorium comparet, & tunc esset necesse exprimere causam in citatione, ob quam ille conuentus teneretur venire, vt scripsi in tit. de caus. in Concordat.

*Clericus coram iudice seculari vocatus.*

Ex hoc text. habetur, quod si in ius vocatus non comparuerit, ad multā damnatur pro iurisdictione iudicis, id est, secundū ius suæ potestatis, l. vnica. suprā. si quis ius dicenti non obtemper. nam multam paruum imponit iudex minor, iudex autem maior imponere maiorem poterit. iuxta l. eos. C. de modo multar. quæ tamen in hoc regno non seruatur, sed hæc multa solet esse taxata per Constitutiones Regias, vel ex cōsuetudine, vel ex Curiarum stylo, illa est imponenda, vt docet Boër. in §. 18. & sequen. de iurisdic. omnium iudic. in consuetud. Bitur. alioqui est arbitraria.

Istam tamen multam remittit iudex, quando non interest actoris, fortè quia non comparuit, vel quia dies feriata erat. Hodie si dies assignatus sit feriatu, tenetur pars comparere die sequenti, ex communi stylo Curiarum Franciæ: ideo si pars non veniret die sequenti, etiam multari posset, vt dixi in tract. meo de citat. in 3. tom. Comm. ad Constit. Reg. Gal.

Et dum text. hīc dicit, remittit Prætor poenam, accipitur pro multa, & vult intelligere non esse imponendam multam, quando partis nil interest, vtpote quia non venit is ipse actor.

Hodie ex prima contumacia in nō veniendo non solet condemnari pars ad multam, sed iterum citatur ad vidēdum declarari multam, quo die si compareat, & iustam causam dicat, nō indicetur multa. Hoc docet Boër. in repetit. l. consentaneum. C. quomodo & quando iudex. scripsi in l. aliud est fraus. §. j. ff. de verbor. signific. & ibi abundè tractaui.

Ex l. fin. habetur, quod si quis promittat sistere aliquem & poenā certam, si nō sistat, illa poena per certi cōditionem petetur quæ datur pro omni certo petendo. l. certi cōdictio. ff. si cer. pet. si verò poena certa non sit promissa, agitur cōditione incerti ad id quod interest, quæ cōdictio incerti datur, quando incertū petitur. l. sed & si. §. si. ff. de cōdict. inde. & l. qui sine.

*Multa nō comparatur in regno Franciæ taxata.*

*Usus regni Franciæ.*

*Multa nō imponitur quando partis nil interest.*

*Cōdictio certi competit pro omni certo petendo.*



de condie. sine cau. Alia scripsi de hac conditione, & de certo ac incerto in l. alienationis. & l. subsignatum. §. incertus. ff. de verbor. signific.

*Qui satisfdare cogatur, vel iuratò promittant, vel suæ professioni committantur. TIT. VIII.*



Satisfdationis materiam tractaui in l. satisfdationis. ff. de verborum significat. quæ huc transferri potest, si ea quis indigeat.

Olim in ius vocatus satisfdare iudicatum solui cogebatur, tam in actione in rem, quàm in personam. §. j. de satisfda. in Instit. sed hoc abolitum fuit, & satisfdatio de iudicio sisti, vt quis in iudicio se repræsentet dari solita est. §. j. & §. sed hodie. de satisfda. in Instit. Hodie verò hæc satisfdatio iudicio sisti, non datur nisi in criminalibus, vt inferiùs dicitur.

#### SUMMARIA.

- 1 Fideiussor locuples quomodo approbari debeat, si dubitetur de eo.
- 2 Fideiussor ex consanguineis non locuples, recipiendus.
- 3 Apparitores Curiarum supremarum, si rei illis commissi fugiant, possunt moram purgare.

#### LEX II. VIPIANVS LIB. V. AD EDICTVM.



Ideiussor iudicio sistendi causa, locuples iubetur dari, non tantùm in facultatibus, sed etiam ex conueniendi facilitate.

**F**ideiussor locuples dari debet, non tantùm ex facultatibus, vt plures habeat facultates, & bona, de quo si dubitetur, debet approbari per certificatores. l. cum tabernam. ff. de pign. abudè scripsi in art. j. tract. de senten. execut. in j. tom. Commen. in Const. Reg. in glos. 16. circa fin. qui si post approbationem recusetur, iniuriarum agi contra recusantem potest, quia sanè nō sine qualibet iniuria est, duci eum in ius, qui satis idoneum fideiussorē det. l. si verò. in fin. infrà.

Hodie non solet ex hoc agi iniuriarum, sed iudex pronūtiabit fideiussores esse recipiēdos, vel nō: à qua sententia poterit pars appellare, si se grauata sententia, alioqui fideiussores recipere tenetur. l. arbitro. & l. sequent. infrà eodem.

Fideiussor etiam idoneus dari debet, ex conueniendi facilitate. d. l. ij. quæ facilitas cōsistit, si dicatur fideiussorem habere fori præscriptionem, & timeat petitor ne iure fori vtatur, vnde recusari potest. l. si fideiussor. infrà. & debet renunciare priuilegio fori, si detur. l. j. suprà. si quis in ius vocat. non ierit.

Facilitas etiam ratione loci consideratur, vt glos. hñc dicit: Si dandus fideiussor sit in loco munitissimo, in quo executio fieri non posset, vel non facilè, vt in castro limitaneo, Bar.

Etiam ratione potentia, quia potentioribus pares esse non possumus. l. ij. ff. de aliena. iudic. vel, vt dicit Bart. si esset notarius valde cauillosus, vel valde rixosus, vel Procurator, seu Aduocatus, aut alius astutus Curialis, qui omnia mala norunt, vt dicit glos. in l. ab Anastasio. C. manda.

Nam facilè litigantes malitiis (vt plurimum) sunt dediti. clem. vnica. de sequestra. posses. Barb. in clem. j. col. ij. de re iud. & plerunque idonei non tam patri- monio, quàm fide quoque æstimantur. Pomp. in l. si quis stipulatus sit Stichum. in fin. de verb. oblig. ff.

Debet etiam recipi fideiussor non locuples, si sit ex necessariis personis, id est, consanguineis, l. j. ff. in ius voca. vt eant, vel satis cautum dent. & in hac l. ij. §. Prætor. Ratio est, quia licet nō sit diues, est præsumptio q̄ suum consanguineum sistet, quia nemo vnquam carnem suam odio habuit, c. nō existimemus. 12. q. 2. l. iij. de liber. cau. l. ij. de recepta. & qualiscunq; scriptura in libertate data in conspectu populi prodest. in l. j. C. de his qui in Eccle. ma. & qualiscunq; sufficit. Consanguineus ergo recusari non debet, per istum text. & hoc firmat Bald. in l. filius familias. in fi. suprà. de his qui sunt sui vel alieni iuris.

Si tamen quis agere non possit contra aliquem, & isti fideiussor datus sit, frustra erit datio: nā postquam is agere non potest, ideò ego non debeo me sistere, & sic fideiussor non tenetur. Et quamuis glo. hñc plures intellectus fundat, tamen iste text. est intelligendus in his, qui agere non potuerunt, vnde in praxi vidi interdum allegari istum text. pro eo, qui dederat fideiussorem de sistendo homicidam alicui, se dicente consanguineum, & sic agere poterat, verum quia repertus fuit non consanguineus, sed extraneus, cuius non interest: ideò pro non data habita est fideiussoris datio, quod est notandum. vide text. in l. iij. §. fin. si quis cautio.

Hodie isti fideiussores de iudicio sisti tantùm dantur in criminalibus, & obligatur fideiussor præsentare reum quoties fuerit requisitus, & solet hoc in iudicio fieri, & promitti certa pœna. & in carcerem detrudi iste fideiussor, ob istam promissionem, si non pareat: sed vidi dubitari, an fideiussor, qui promiserat sistere quoties fuerit requisitus, liberetur, si semel præstauerit aliquem, & is accusatus fuerit in carcerem tunc detrusus, postea aufugerit, quod non videbatur, quia obligatus est repræsentare quoties fuerit requisitus: & verba duo ad minimum notant. l. j. in verbo, *totiens quotiens*, ff. si famil. furt. fecis. dica. l. si alienus. de stipul. seruo. Et hoc firmat Luc. de Pœna in l. si quis decurio. j. col. 2. C. de decur. lib. 10. per l. si ita stipulatus à Seio. ff. de fideiussor. & l. mouissima. ff. iudi. solui.

Ego teneo contrarium, videlicet fideiussorem liberatum: nam quando iudex recipit fideiussorem, remittit reum custodiae illius, aliàs in carcerem eum detruderet. l. si quis reū. ff. de custo. reor. c. si clericos. de senten. excom. in 6. Et si iudex reum in carcerem ponat post præsentationem fideiussoris, iam nō vult illi committere custodiam, ergo fideiussor est liberatus, nam postquam alteri committit custodiam, alter tenetur, videlicet commentariensis, & sic non fideiussor. l. si. ff. de custod. reor. l. ad commentariensem. illo tit. C. lapud Labeonē. §. si. ff. de præscript. verb. & sic fuit bis iudicatum in concil. Neapolit. vt refert Matth. de Afflic. in decis. Neap. q. 130. Habuimus. 12.

Etiam fideiussor de iudicio sisti, si semel præstauerit reum iudici, liberatus est. l. duobus. §. si ei. vbi glos. & Doct. ff. de iureiur. Alex. & Ias. hñc. maximè quādo iudex eum præsentatum retinuit, & licet illa clausula, *totiens quotiens*, respiciat duo ad minimum, l. si finita. §. fin. ff. de dam. infect. non tamen hñc, quia

*Idonei fideiussores quomodo æstimandi.*

*Satisfdatio iudicio sisti hodie tantum in criminalibus datur.*

*Fideiussor post approbationē recusari non potest.*

*Facilitas conueniendi in quo consistat.*

*Vt hodie nō de fideiussoribus iudicio sistendi causa datur.*



iudex suscipit custodiam, & illam committit custodi carceris: ergo est fideiussor liberatus. Nam ista clausula *totiens, &c.* intelligebatur, totiens quotiens relinqueretur sub custodia, videlicet fideiussoris, quæ cessat quâdo est in carcere positus, alioqui delictum commentariensis noceret fideiussori, quod non est dicendum, quia ex delicto alterius quis non debet grauari, l. si quis in suo. C. de inoffic. testa. nec puniri, l. sancimus. C. de pœnis.

*Culpa custodis non debet fideiussori nocere.*

Nec facit d. l. si ita. quia loquitur in alio casu, & l. nouissima. allegata per Lucâ. vt in voce demonstrauit, nec enim debet culpa custodis nocere fideiussori, qui illû bene custodiussit, si apud eum relictus fuisset: & ita tenet in rub. ante moram fideiussoris ex alio delicto, vt fideiussor liberetur. Spec. in tit. de accusa. in 3. parte. §. sequitur. versic. item quæritur. Ecce Titius, &c. Aliàs sequeretur quod culpa & dolus vnius noceret alteri, & culpa commentariensis noceret fideiussori, quod non est dicendum. per l. sancimus. C. de pœn. & hoc est æquum: imò etiam dicunt liberatum fideiussorem, etiam si ipse non præsentauit, sed iudex capere fecit istum reum pro illo delicto, secus si pro alia causa fuerit captus, vt docet Ioan. And. in additio. ad Spec. vbi suprâ. nisi protestatus esset fideiussor iudici, quod ipsum haberet pro præsentato, postquam est carceratus, & hoc sequitur Hyppol. in repetit. rubr. vt fideiussor. quæst. 16. hoc etiam examinat. Nellus in tracta. bannito. in j. parte secundi tempo. quæst. 15.

*Restriçtio ad præcedentia.*

Limitarem, quando fideiussor, dum reus caperetur, & in carcerem detruderetur, promisit pro eo iudicatum solui, & eum representare totiens quotiens, quia eo casu non liberatus esset, si reus fugeret: nam hoc denotat sua promissio, vt sapius præsentet, & ita intelligerem sententiam Lucæ de Penna, in d. l. si quis decurio.

Item si fideiussor qui promisit sistere reum intra mensem potest purgare moram, si reus fugerit. & illum exhibere intra sex menses. l. sancimus. C. de fideiuss. 3 Et hoc est vile Apparitoribus Curiarum supremarum, quando rei illis commissi, fugiunt.

Est tamen differentia inter sistere, & præsentare, seu exhibere: nã promittens sistere, tenetur vsque ad sententiam, & facere quod iste reus perseueret vsque ad sententiã in iudicio ex vi huius verbi: Sed si promiserit simpliciter reum præsentare, liberatur si semel eum representauerit, vel exhibuerit. argu. l. boues. §. hoc sermone. ff. de verb. signific. & hoc docet Alcia. in lib. Parergon. ca. 10. facit §. sed hoc hodie. de satisfacta. in Instit. alibi dicam.

### §. In fideiussorem, &c.

**H**ic §. docet si fideiussor non sistat eum, quem sistere promisit, ad quid teneatur, & respondet teneri ad id, quanti ea res erit, de qua disceptabatur: nempe si lis erat de re centum aureorû, & fideiussor promisit in hac causa sistere reum, si promissis non satisfaciatur, ad centum condemnabitur aureos, cum expensis, nisi promiserit in fideiussione certam summam, & sic ad veram quantitatem tenetur, & non ad id quod interest.

*Portio reus præceditur.*

Actionem dat Prætor. ] Per istum text. pater doctrinam Bart. reprobata, quam scripsit in l. j. ff. iud. sol. quod executio fieri possit contra fideiussorem de iudicio sisti: nam hîc non daretur actio in eum, si

per viam executionis hoc fieri posset, nec probat l. sancimus. C. de fideiussor. quia dicit, *non statim, &c.*

Vnde non sistens eum, quem promisit, solet à iudice condemnari ad certam summam, quam promisit, vel ad aliam quanti res erit, & quatenus pars probauerit, quæ relinquitur arbitrio iudicis, & ita seruatur in praxi.

In fideiussorem verò iudicatum solui fieri executio potest ad id, in quo est iudicatus reus. per l. ult. in fin. vbi glos. C. de vsur. rei iudic. Bart. in d. l. j. glos. & Doct. in c. vnico. de iniur. & damno dato. lib. 6. Guid. Papæ in decis. Delph. q. 26. Fuit inter. Imò cõdemnato principali, & eo non discusso, poterit fideiussor in carcerem detrudi, vt censuit Senatus in conuentibus iurid. apud Turonen. anno 1533. & hoc in praxi seruatur, nisi personæ mutata essent, tunc debet pars vocari, vt docet Guido Papæ in decis. Delphin. q. 21. De iure. & d. q. 26.

In fideiussore cõtractus, requiritur quod condemnatur, nec facta condemnatione principalis, fiet executio in fideiussorem. l. Græcè. §. & post litem. de fideiussor. l. à sententia. in princ. ff. de appell.

### SUMMARIA.

- 1 Debitor speciei per mortem eiusdem liberatur.
- 2 Mortuus non est exhibendus, vel sistendus.
- 3 Mora semel commissâ, nō purgatur per mortem rei.
- 4 & 5 Deportatio quando mortis nomine contineatur, quando verò non.
- 6 Donatio inter virum & uxorem, per seruitutem donatoris, vel donatarij extinguitur.

### LEX IIII. PAVLVS LIB. IIII. AD EDICTVM.



**S**i decesserit, qui fideiussorẽ dedit, iudicio sistendi causa, non iubebit Prætor iubere exhiberi eum. Quod si ignorans iusserit exhiberi, vel post decretum eius ante diem exhibitionis decesserit, deneganda erit actio. Si autẽ post diem exhibitionis decesserit, aut amiserit ciuitatem, vtiliter agi potest.

**V**T intellectus ad hanc l. Si decesserit, facilis habeatur, faciã casus sequentes. Primus est, Fideiussor promittens sistere Titium, liberatur morte Titij, per istum textum, quia res venit ad eum casum, in quo non potuit incipere: idẽ non valet, per regul. iur. & sicut debitor speciei per mortem liberatur. l. si ex legati causa. ff. de verbor. obligat. l. quod te. si cert. petat.

Secundus casus est, Iudex non debet cogere ad exhibendum vel sistendum mortuum: & si hoc decreuerit, non valebit sententia quoad effectum. Probat iste text. ibi, deneganda erit actio.

Tertius casus est, si iudex præceperit exhiberi intra decem dies reum, & is moriatur ante illud tempus. non tenetur promissor, vel condemnatus eum exhibere. Dicit iste text. ibi, ante diem exhibitionis, quia defuncto reo extinguitur delictum, l. defuncto. ff. de public. iudic. sic & decretum de exhibendo,

*Vsus præces, de nõ sistente iudicio eum, quem promisit.*

*Executio quomodo fideiussorẽ iudicatum solui fieri debeat.*

*Executio in fideiussore contra-*



Quartus casus est, si mortuus reus fuerit post præceptum & diem exhibitionis lapsus, tenetur vtiliter fideiussor, & potest condemnari quâti ea res est, per hunc text. quia semel commissâ erat mora, quæ non purgatur per mortem rei, cum fideiussor teneatur. Doct. in l. & si post tres. infra. si quis caution.

Fideiussor  
pro cõdem-  
nato.

Quintus casus, fideiussor pro condemnato, qui soluere iudicatum promisit non liberatur mortuo reo. & hoc probat d. l. si verò. licet eam intelligant Doct. in fideiussore de iudicio sisti, sed non conuenit text. & hoc probat Ias. in d. l. ij. §. si. col. 2. & Alex. hîc.

Sextus casus, promittens sistere aliû, liberatur lata sententia: nam sufficit illum sistere vsq; ad sententiam. l. Gracè. §. post litem. ff. de fideiussor. quem ad hoc no. Mathesil. no. 178. incipere, nota quod fideiussor etiam si promisit sistere, quoties fuerit requisitus, nisi dixerit, & *quandocumque*: eo enim casu & post sententiâ teneretur, vt verbum, *quandocumque*, aliquid operetur. l. quod si nolit. §. si mancipium. in fin. ff. de adl. edict. Hoc docet Franc. Cremen. sing. 11. Si quis promisit, liberatur fideiussor, etiam si à sententia appellatum fuerit. Bartol. in l. cum apud. col. 2. ff. iudic. solui. Ias. in l. ij. §. fin. supra eod.

Nota quando iste titulus habeat locum in forenfi iudicio, nempe si quis promittat pro reo, cui nòdum factæ sunt testium repetitiones, nec compositiones, quas vocant confrontationes testium, tunc fideiussor promittet reum presentare & sistere, quoties requisitus fuerit, &c.

Si verò detur fideiussor post confrontationes reo factas, tunc ille promittet stare iuri. c. ex parte. de verb. sig. & soluere iudicatu. & sic loquitur tit. iud. solui. Sic cõsult Senatus seruandû, anno 15; 7. die verò 11. Maij.

In text. Decefferit, aut ciuitatem amiserit.] Ex hoc colligunt Doct. mortē naturalem & ciuilem æquiparari, & sic iuriū interpretes omnes hætenus dixerunt duplicē esse mortem, videlicet naturālē, & ciuilem. Naturālē vocauerunt, vbi anima à corpore separatur. Ciuilem verò, à lege ciuili inductam, vt quæ fit deportatione, quia deportati iure ciuili pro mortuis habentur. l. j. in fin. ff. de bonorum possess. contra tabu. l. prima. §. sed & si patronus. de coniung. cum emancipat. lib. aut aqua & igni interdictione. & in tit. de interd. & relegat. vel quando quis est seruus pœnæ effectus, vel ad bestias damnatus. l. ad bestias. ff. de pœn. aut in metallum, aut ad aliud opus datus, fortè ad portum Massiliæ. l. aut damnum. l. aut facta. & l. in metallum. ff. de pœn.

Mors du-  
plex in iu-  
re.

Vnde inferunt iidem interpretes, quod si quis ad mortem cõdemnatus sit, debet exilio tradi, non autem mori, quia mitior pœna imponi debet, l. interpretatione. ff. de pœn. & ista est mitior morte, idè imponenda: hæc est communis sententia Doct. in l. transigere. C. de transact. vbi ea tractant.

Pœna capi-  
talis cõpre-  
hendit exi-  
lium.

Hæc sententia non videtur vera, & fortè hallucinatum fuit hîc in eo, quod interpretes capitalem pœnam, & mortem indifferenter accipiunt, capitalis enim pœna exilium continet. per l. secundā. ff. de publi. iudi. tamen mors non cõprehendit exilium, nisi, vt inferius dicam: idè condemnatus ad mortem, non potest iure exilio tradi, sed morti. Et licet mitior pœnæ interpretatio fieri debeat, tamen vna pœna pro alia nō debet imponi, quæ imposeretur, si pro morte indiceretur exilium, quod non est mors, & diuersa sunt nomina, mors & exilium, ergo & di-

uersa. l. si idem. C. de codici. & vnum non veniet sub nomine alterius, vt inferius dicitur.

In hac doctrina, vtrū mortis nomine veniat mors ciuilis, & contrā, tot distinctiones ac conclusiones à Doct. hætenus conscriptæ sunt, vt nihil ferè in hac materia certi tradi possit, nec adhuc planum est, sed omnia contraria & confusa, & vt eam liquidam redderent, dixerunt mortem ciuilem contineri mortis nomine, quando habet effectum eundem. l. actione. §. publicatione. ff. pro socio. sed ista distinctio quàm plurimas patitur contrarietates, aded quod nil stabile tradi hætenus potuit, sed confusè.

Mortis no-  
mine an  
mors ciui-  
lis veniat.

Maximè, quia si mors sit, eundē effectum operari debet, quem altera mors, alioqui non est mors, & frustra dicta est mors: si nomen habeat, ergo effectum. l. à nullo. C. de feriis.

Præterea, mortem naturalem vocant, quādo anima à corpore separatur, & tamen si quis gladio, vel alio modo occidatur, vt in l. j. exprimitur. §. occisorum ff. de Senatusc. Syllania. separatur anima à corpore, & tamen illa mors contra naturam infertur, & sic non est naturalis, vt docet Bald. in c. i. quib. mod. feud. amitta. quia contra naturam est, hominem homini insidiari. l. ij. ff. de iustitia & iure. l. seruus. ff. de seru. expor.

Dicunt etiam Canonistæ cessionem esse mortem ciuilem, & mortis nomine venire. cap. susceptum. de rescript. in 6. vbi glos. dicit mortis nomine venire ciuilem in casibus à iure expressis. glos. in c. placuit. 2. 16. q. 1. Sed cur resignatio potius vocatur mors ciuilis, quàm donatio, vel alia alienatio? Quia resignatio alienatio est, Doct. in c. nulli. de reb. Eccles. non alien. & in tit. de renuntiat. scripsi in Praxi benef. in reg. de viginti diebus.

Itaque ego (saluo meliori peritorum iudicio) sic puto dicendū, hætenus esse hallucinatos in eo, quod nostri duplicem mortem tradiderunt: nempe mors est vltimus vitæ terminus, & finis, §. his omnibus in authen. de hæredi. & fal. collat. j. & Aristoteles lib. 5. Meta. c. 16. & Plato dicit esse animæ & corporis dissolutionem: idè deportatio, exilium, damnatio in metallum, & alia id genus, non possunt vocari mors, nec in iure deportatio, vel alia vocatur mors nec ciuilis, vel naturalis: vnde cum non vocetur mors, non oportebit disputare, an mortis veniat nomine, saltem non inueni apud Iureconsultos quod mors ciuilis vocetur.

Authoris  
de morte  
sententia.

Verumenimverò (vt doctrinam nouam ex ipsis Iureconsult. hauriamus) interpretum nunc omissa, nos dicemus, quod quædam est mors naturalis, de qua supra. Quidā verò sunt casus ad similitudinem mortis inducti, vel morti similes à iure facti, l. Gallus. §. & quid si tantum. ff. de liber. & posthum. ergo non potest dici mors in illis casibus, cum nullum simile sit idem. l. quod Nerva. ff. de pos. Vel quidam sunt mortui, alij mortuorum loco habentur. l. j. in fi. ff. de bonor. possess. cont. tab.

Et quamuis homines dicantur interire maxima, aut media capitis diminutione, & morte, l. verum. §. si. ff. pro soci. tamen maxima vel media capitis diminutio non dicitur mors, licet ibi dicatur interitus, id est, loco mortis. Quod declarat Cicer. lib. 1. Tuscul. quæstio. sic dicens: Est enim interitus, quasi discessus, & secretio, ac direptio earum partium, quæ ante interitum cõiunctione aliqua tenebatur. Et illa dictio



*quasi*, denotat ibi similitudinem, & ibi dicitur homines capitis diminutione perire & morte, sed non dicit, Moriuntur capitis diminutione.

Regulam ergo constituerunt, quod mortis appellatione veniet vitæ tantum interitus, seu animæ & corporis dissolutio, per iura superius scripta.

Sed nunquid mortis nomine venient casus ad similitudinem mortis inducti? Et regulariter dicemus non contineri, nisi sit eadem ratio in illis casibus, vel quando sunt inducti ad eundem effectum, vel sic à iure est expressum.

Vnde licet ius fingat viuum mortuum, hoc est, quoad aliquem casum specialem, in quo casu fictio locum habebit, & tantum operabitur, sicut si casus verus esset. l. si filiusfamilias. ff. si cer. pet. vt, lex fingit monachum mortuum mundo, quia professus est, & in consequens Deo deditus & contemplationi: ideo non debet res prophanas tractare, alioqui potius institor quam monachus dicendus est. c. si cupis. & c. placuit. 2. 16. q. 1. & c. 1. & per totum. ne cler. vel monac. & quoad ista, & secularia negotia, mortuus censetur.

Item, licet ius fingat aliquem mortuum viuere, vt in bello mortuos, per gloriam viuere fingit. §. j. de excusa. tuto. in Insti. tamē mortui nomine non veniet viuus.

Sed cum metio in iure mortis fuerit, veniet mors quæcunque, siue violenta, vel gladio, vel fato, generaliter interueniens. l. qui duo. ff. de reb. dubi. Bald. in l. si tibi. C. de donat. ante nupt. & in l. res vxoris. de donat. inter vir. & vxor. Et quomodoque veniat, fato Dei, & dispositione venire dicitur. per glos. sing. in §. j. de capit. diminut. in Insti. quam sequitur Ben. in c. Raynutius. in verbo, mortuo. j. nu. 27. de testam.

Igitur vbi erit eadem ratio in deportatione, & aliis casibus inductis ad similitudinem mortis, habebit locum & dispositio loquens de morte. Ideo sicut patrono mortuo succedit filius eius liberto, vt de successio. liber. in Instit. ita & deportato patrono, quia loco mortui habetur, & est eadē ratio, sicut in morte. Et hoc etiam declarat Iurisc. in l. si necem. §. si deportatus patronus. ff. de bon. libert. & sicut morte patris liberantur filij patria potestate, ita & deportatione. l. si mater. C. de institut.

Et sicut societas morte soluitur, quia personæ mortuæ non habemus commercium. §. finitur. de societ. in Instit. & l. actione. §. morte. ff. pro soc. ita & publicatione bonorum. §. publicatione. ibidem. Cum bonorum societas contracta sit, bonis deficientibus finitur, & hoc non solum fit publicatione bonorum, sed donatione, aut bonorum peremptione, quia societas non potest ex alienis fieri bonis: non enim communicare possum ea quæ non habeo. argu. l. si vniuersa. C. de legat.

Item si maritus vxori dotem reddere teneatur, quando illa vxor esse desierit morte, si ab hostibus capta, deportata, aut ancilla facta fuerit, in hac conuentione omnes hi casus continentur. l. si quis stipuletur. solut. matrim. & licet in his casibus deportatio veniat, non tamen mortis appellatione: sed quia à Iureconsultis hoc declaratum est, dictate eadem ratione, & sic, vbi à iure hoc est expressum, æquiparabuntur, aliter non.

Nā si diuersa ratio in morte & deportatione fuerit, deportatio non continebitur mortis nomine, vnde Papin. scribit: *In insulam deportato reo promissæ dī stipulatio ista concepta, cum morieris, dari non nisi eo mo-*

*riente committitur.* l. ex ea parte. §. in insulam. ff. de verbo. oblig. & rogatus restituere hæreditatem filiis suis, vel vni ex his cui voluisset, si deportatus fuerit, eligendi facultatem habet: quia deportatus voluntatem retinet, quæ mortuum non sequitur. §. deinceps. in auth. de nupt. colla. 4. l. cum pater. §. hæreditatem. j. ff. de legat. ij. l. ex facto. §. si quis rogatus. ad Trebel. Etiam legatum alimentorum deportato factum valet, & non mortuo, quia est pro non scripto. l. si in metallum. ff. de his quæ pro non scrip. habent. l. vnica. in j. de caduc. tollen. & diuersa est ratio (vt patet) in his casibus.

Etiam lex comparat seruum penè mortuo, & seruitutem mortuo assimilari dicit Vlpian. in l. interdict. in fi. ff. de condit. & demonst. Et quasi mortuam mulierem, seruam effectam, in l. sed si alia. ff. de bon. damnat. & seruitutem mortalitati ferè cōparamus. l. seruitutem. ff. de regul. iur. non tamen mortuos vel morri addictos dicunt illa iura.

Siue is seruus penæ effectus, sit ad bestias damnatus, l. ad bestias. ff. de pœn. siue ad metallum, vel ad opus metalli, aut alio modo seruus penæ fiat, per cōdemnationem. l. aut dānum. & l. aut facta. ac l. in metallum. ff. de pœn. l. in metallum. C. de bon. damnat.

Vnde isti sunt intestabiles, sicut mortui. l. eius. ff. de testa. l. qui vltimo. de pœn. vbi Bart. & is electionem non habet, sicut mortuus. d. l. ex facto. §. si quis rogatus. 2. ad Trebel. quod est verum in filiis, quos habuerit postquam est seruus penæ effectus.

Tamen si diuersa succedat ratio in hoc seruo penæ effecto, non veniet hic nomine mortui, vel mortis. Vnde donatio facta inter virum & vxorem, morte confirmatur: tamen si donator, vel donatarius seruus priuati fiat, extinguitur donatio. l. cum hic status. §. si donator. ff. de donat. inter vir. & vxor. sed ibi non erat penæ seruus effectus, sed priuati seruus, & in illo casu est diuersa ratio: quia vendendo se ad pretium participandū, censetur tacite donationē factā reuocare, & sicut personā vult trāsferre in aliū, multo magis & bona, secus in seruo penæ effecto. arg. l. si adoptaue-ro. ff. de precar. glo. & Doct. in authen. ingresi. C. de sacrosanct. Eccles. Ergo censetur donatio extincta, sicut si donator eam reuocasset.

Quamobrem Iurisc. hic vult, vt quemadmodū si pro cōdemnato quis fideiusserit, vt teneatur eo mortuo soluere iudicatum, ita si ille condemnatus exilio fuerit datus, & amiserit ciuitatem, quia non potest conueniri principalis, ob id conuenitur fideiussor. l. si. ff. si cer. pet. & eadem est ratio in hoc casu, quæ in morte: Et hæc de morte, & casibus morti similibus, quæ notanda existimarem: quia multæ Doct. chartæ per hoc aboletæ censentur, & multa iura planè elucidata, & doctrina facilis tradita. Laus Deo.

#### S V M M A R I A.

- 1 Fideiussor datus non habetur, qui perperam datus est.
- 2 Testis etiam non iuratus, falsum deponens, punitur.
- 3 Contrahens matrimonium, quamuis nullum sit, perdit beneficium.

#### LEX VI. PAVLVS LIB. LV.

#### AD EDICTVM.



Votiens vitiosè cautum vel satisfdatum est, non videtur cautum, nec satisfdatum.

*Monachus  
quomodo  
mortuus  
mundo di-  
catur.*

*Mors quæ-  
cunque in  
iure mortis  
nomine ve-  
nit.*

*Societas ex  
alienis non  
fit bonis.*

*Legatum  
alimentorum  
factum de  
portato.*

*Intestabi-  
les sicut  
mortui.*

*Exilium  
mors æqui-  
paratur.*



Nummos  
reprobos  
dare, & nō  
soluere, pa-  
ria sunt.

Solutio ga-  
bellæ.

Cautio usu  
fructuaria.

Prædia pro  
securitate  
dotis in ea-  
dē provin-  
cia emi de-  
bent.

**H**æc lex ad multa allegari solet, imprimis pro non dato fideiussor habetur, qui perperam datus est. l. prima. suprâ. si quis in ius voca. non ierit. l. j. §. sciendum. ff. de magistra. conueni. Et paria sunt, nō soluere, & dare nummos reprobos, quia neuter liberatur. l. eleganter. §. qui reprobos. ff. de pignora. acti. l. quamuis. §. si conuenerit. ad Velleia.

Quod est verum, si ignoranter, sed si sciens quis acceperit nummos improbos, vel satisfactionem, seu aliam rem, postquam ea fuit contentus, non poterit postea queri, sed sibi imputet, qui admisit talem. l. iij. in fi. ff. de fideiussor. l. inter. §. abesse. manda. Alex. confi. 60. Consideratis. in 5. vol. quod est repetitum. confi. 34. in 7. vol. & Doctor. in l. si quis stipulatus sit Stichum. §. fi. ff. de verb. oblig. & Felin. in c. tua nos. de iureiur. Deci. in l. quo tutela. ff. de regul. iur.

De contractu etiam nullo non debet solui gabella. vt docet Bald. in l. non dicitur. C. de leg. & in l. ij. de eunuch. plenè Bertachi. in tract. de gabel. in 3. parte. 8. partis. q. 15. facit l. 4. §. condemnatū. ff. de re iudi.

Notandum est, quod licet actus nō valeat, tamen punitur, qui actum fecit prohibitum. l. si quis legatum. ff. de fal. Vnde punitur testis, falsum deponens, etiam si non fuerit iuratus, vt ibi per Bart. & in l. ij. C. de Episc. audi. Ioan. de Plat. per illum tex. in l. prima. in 3. nota. C. de peti. bono. subla. lib. 10. ne sit melioris conditionis actum nullum faciēs, quā qui bonum, vt docet Angel. consil. 61. Queritur. col. 2. Et contrahens matrimonium nullum, perdit beneficium, ac si validum esset. gloss. & Doct. in c. vnic. de cleri. coniuga. in 6. Roma. consil. 483. Dubitatur. col. 2. num. 4. Alia hīc possem adducere similia, sed his contentus nunc ero.

### l. Si fideiussor, &c. §. Si necessaria, &c.

**I**stum text. notant Doct. hīc, qui licet loquatur in fideiussore de iudicio sisti, tamen etiam habet locum in alio. Et per hunc text. consuluit Alex. confi. 57. Ponderatis. quæst. iij. in tertio vol. in usufructuaria, vt possit petere cautionem recipi in alia ciuitate, si non possit dare fideiussorē in illo loco, vbi usufructum habet. Sic in eo qui fideiussorem dare tenetur in criminibus, docet Boer. in decis. Burdegal. q. 124. Testator. in fi. dicēs sic fuisse iudicatum in supremo Senatu Burdegalensi.

Et per istum text. Bart. & alij dicunt quod si aliquis promisit satisfdare, intelligitur in eadem ciuitate. facit l. si cūm dies. §. si arbitet. ff. de arbi. Vnde Alex. & Ias. scribunt, quod si pro euictione debeat quis emere prædia ad securitatem, vt illa in ciuitate, vel saltem in eadem prouincia emere debeat, per istum text. alioqui non esset securitas, quod est valde notandum in hac patria, vbi dimidia pars dotis in pecunia consistens debet locari in emptionem prædiorum, vel redditus pro securitate dotis, vt in hac prouincia emi bona debeant, non in alia: alioqui si Hispanus vel Anglus vellet emere in sua patria, parum esset prouisum vxori, & hoc sequitur Hyppoli. plura adducens in repetit. rub. ff. de fideiussor. q. 34.

De consensu tamē partium in alia prouincia hæc emptio fieri poterit, quia si partes sunt concordēs, nil ad iudicem. l. j. §. inde. ff. de noui oper. nuntia.

De satisfdatione necessaria loquitur l. de die. §. tutor. infra eodem. & iste tamen qui petet alibi dare fideiussorē, debet de calumnia iurare. §. iubetur. ibi-

dem. & si iusta causa fuerit, impetrare, aliās non. §. fi. ibidem.

In §. Si satisfdatum. ] Doct. maximè Ias. hīc tractat materiam sequestri, quæ est valde vtilis, & frequens in iudiciis, verū quia eā plenè docui in tract. de sequestis. in 3. tomo Commentar. in Consti. Reg. ideo hīc non repetam.

### S V M M A R I A.

- 1 Minor in rem suam fideiubens, non potest petere restitutionem, & quare.
- 2 Clericus miles, & alij privilegiati in rem suam fideiubere possunt.
- 3 Mulier promittendo iudicatum solui, in rem suam fideiussisse censetur.

### LEX VIII. PAVLVS LIB. XLIII. AD EDICTVM.

**D**E die ponenda in stipulationem, solet inter litigatores conuenire, si non conueniat, Prædus putat, in potestate stipulatores esse, moderato spatio de hoc à iudice statuendo.

**P**incipium huius l. est valde difficile interpretibus, & illud distorquent in varias sententias, ego verò puto sic breui intelligi posse, siue in reo, siue in fideiussore.

Casus. Reus quidam compellebatur à parte, vt promitteret se sistere, vel præsentare in iudicio, quæsitū fuit à Iurisc. quo die debeat promittere. Respondet, de die ponenda in stipulatione solet inter litigatores, & partes conuenire, quo die se reus sistat, vel quo die fideiussor eum sistat, & illi conuentioni standum erit. Sed dicet quis, non fuit conuentum inter partes, nec possunt partes conuenire. Nam reus vel fideiussor longum requirit tempus in stipulatione poni, stipulator seu petitor breuem diem requirit, ad quem spectet?

Respondet, In stipulatoris est potestate petere à iudice, vt diem statuatur, qui moderato spatio partibus statuatur, quo die, reus se præsentare, vel fideiussor illū sistere, seu exhibere teneatur, & ita cessabunt contraria. Nam ideo est in stipulatoris potestate petere, vt statuatur tempus à iudice, quia si in rei potestate esset, semper fugeret, & nūquam peteret à iudice tempus statui, & sic illusoria essent iudicia. l. inter stipulantem. §. Stichum. ff. de verbo. obligat. Nec refragatur l. quicquid. ff. de verbo. oblig. quia ibi loquitur Iuriscōn. in restringenda obligatione quoad rem promissam, hīc verò agitur de die stipulationis interponendæ, quæ relinquitur voluntati stipulatoris, vt eam petat à iudice moderari, & sic in diuerso casu, & ita cessant alia, & omnia quæ hīc iactantur per Doctores.

Et non esset peccatum, tenere in iudiciis non esse habendam acceptionem personarum, per regulam in iudiciis. de reg. iur. in 6. nec debet licere reo, quod actori non sit licitum, nec è contrario. per regul. non licet actori. de reg. iur.

Vnde superflua videtur Barto. & aliorum doctrina, quod in principio litis faueamus actori, in fine reo, & in medio æqualitas seruari debeat: nam nec vni, vel alteri faueri debet, nec quidem pupilli, vel

Species facti.

Obiectio-  
nis solutio.



pauperis misereberis in iudicio, ut testatur Salomō, & tex. in c. ex parte. de foro compet. Iura tamē interdum ex causa indulgent quicquam vni, quod non alteri, quia causa in vno adest, in altero non, ut in dilationibus in criminalibus, in quibus plures reo, quam actori dantur. l. fin. ff. de feriis. quia non est in potestate rei, quando ad iudicium venit, sed bene in actoris potestate, idē paratus debet venire. l. inter. §. si Stichum. ff. de verbo. oblig. Maiore igitur opus est dilatione reo improviso, quam actori, qui praevidere potuit, antequam ageret, & idem in aliis dici poterit, ne plura.

*Dilationes plures reo in criminalibus, quam actori dantur.*

*Mulier in re sua fideiussor non inuatur Velleiano.*

- In §. primo statuitur mulierem non posse adhiberi ad satisfactionem de iudicio sisti, nec de soluendo iudicatum, cum iuuetur Velleiano, propter sexus fragilitatem, ut in toto titulo ad Velleian. tamen si ipsa satisfecerit in utilitatem suam, utpote pro Procuratore suo, valet satisfactio per hunc text. singu. ad hoc. & idem in minore. Nec hoc casu poterit restitutionem petere, quia usus est iure communi, ideo non videtur circumscribitus. l. fin. C. de in integ. resti. idem dicit Bolog. in secundis interpretation. in clerico, milite, & aliis privilegiatis. Nam cum Procurator teneatur cauere de rato, quando de eius dubitatur mandato. l. prima. C. de Procura. etiam mulier, minor, & alij poterunt satisfacere, & promittere se ratum habituros quod ipsorum Procurator gesserit.
- 3 Et si a marito petatur fundus dotalis, poterit mulier promittere iudicatum solui, & in rem suam fideiussisse censetur, & hic §. quidam non loquitur de satisfactione de sistendo, quia maritus possidendo rem dotalem liberatur a satisfactione de sistendo. l. sciendum. §. si fundus. infra eodem. dicam in l. Iulia. infra.

### SUMMARIA.

- 1 Error accipienti fideiussorem vel cautionem, nocere non debet.
- 2 Fideiussio de nouo peti potest, quando non subsistit.

§. Si seruus interueniat, qui antequam iudicium accipiatur, fideiusserit iudicatum solui, succurrendum est actori, ut ex integro caueatur.

*Dubitandi ratio.*

*Ratio decidendi.*

- D**ubium videbatur in hoc text. postquam recepit quis seruum in fideiussorem, videbatur sibi esse imputandum, ut aliud petere non posset. tamen tex. dicit succurrēdū esse actori, ut ex integro caueatur, & ratio est, quia in civilibus seruus pro nullo habetur. l. quod attinet. ff. de regu. iur. Idē hic seruus, qui fideiussit inutiliter, habetur ac si nullus datus esset. l. quotiens. supra. eodem. & error non debet nocere accipienti, cum non habeat consensum. l. ij. ff. de iudic.

- 2 Et sic patet ex isto text. quando fideiussio non tenet, peti potest de nouo, ut iterum caueatur, ut in §. si fideiussor. infra.

Nec refragatur in hoc tex. dum dicunt seruum ante iudicium acceptum, & sic non valuit, quia sicut cautio rati habitionis post litem contestatam non potest peti, l. Pomponius. §. rati habitionis. ff. de Procur. ita nec satisfactio de iudicio sisti, vel de iudicato soluendo. ut docet hic Ias. per l. vnicam. C. de satisfat.

Ego dicerem hunc text. intelligendum, quod licet pars non possit petere (quamuis hoc sit dubium) ante litem contestatam satisfactionem iudicatum solui, tamen si data fuerit, non ob hoc annullatur, quod ante litem fuerit data, secus de persona, quae non poterat (ut seruus) satisfacere, idē si mulier, vel minor satisfecerit, etiā ante iudicium, eis est succurrendū. Hoc probat iste text. in versiculo. minori quoque, quamuis Doct. hos text. in varias trahant sententias. De his fideiussoribus, & cautionibus quando in praxi peti possint, & probari, scripsi in i. tomo Commenta. ad Constit. Reg. titul. de sententia executio. artic. i.

§. Hoc autem. fin. notandū, quomodo quae iuste petuntur, impetrantur, iniuste petita recusantur, iusta petentibus non est denegandus assensus. l. ij. ff. de his qui sunt sui vel alien. iur. in quo loco annotaui.

### SUMMARIA.

- 1 Ab arbitro appellari potest, dato cum adiectione poenae.
- 2 Et ab eo qui a iudice datus est, de consensu partium, si iniquum proferat arbitrium.
- 3 Prouocatio potest fieri a iudice dato circa compromissum, de consensu partium.
- 4 Et a iudice dato ad probandum fideiussores, si ab eodem fuerint probati vel reiecti.
- 5 Ab interlocutoria habente vim diffinitiuam, non licet appellare.

### LEX IX. CAIUS LIB. V. AD EDICTVM PROVINCIALE.



Arbitro ad fideiussores probandos constituto, si in alterutram partem iniquū arbitrium videatur, perinde ab eo, atque a iudicibus appellare licet.

**D**octores hic multos praebent intellectus ad istū text. quem arbitror sic intelligendum in arbitro a partibus accepto, sine adiectione poenae, ad probandos fideiussores. Vnde si partes constituerint arbitrum, qui cognosceret, an fideiussor de sistēdo, vel de iudicatum soluendo esset idoneus, & hic arbiter iniquum protulerit arbitrium, illum fortē (licet locupletem) reprobando, an ab eo liceat appellare? Respondet Caius licere ab eo appellare, atque a iudicibus, quod tamen dubium erat, quia non licet appellare, nisi a persona publica. l. scire. ff. de excusa. tuto. l. ex consensu. §. primo. ff. de appella. Et priuatorum consensus non facit iudicem. l. priuatorum. C. de iurisd. omn. iudi. Ergo non appellabitur ab isto. Text. decidit contrarium, quia non est hic arbiter omnino persona priuata, nempe iuris autoritate habet notionem, ergo iuris autoritate appellare ab eo licebit, cum etiam actio & exceptio, ex hac arbitri sententia, si non fuerit reclamatum, oriatur. l. penul. C. de arbi. & sic soluta est ratio Ias. & aliorum: nam ex transactione etiam facta a partibus colludentibus, licet appellare. l. a sententia. versiculo idēque rescriptis. ff. de appel. Ludo. Roma. cōs. 261. Super eo. Et si poena adiecta non sit, adhuc actio incerti datur. l. diem proferre.

*Dubitandi ratio.*

*Ratio decidendi.*



proferre. in fi. ff. de arbit.

Obiectio-  
nis solutio.

Nō refragatur lex prima. C. de arbi. quia ille text. loquitur in arbitro accepto, cum adiectione pœnæ, à quo non licet appellare, quia pœnæ exactio sufficit. l. ij. ff. de arbi. stari enim debet sententiæ arbitri, quam de re dixerit, siue æqua, siue iniqua sit, & sibi imputet, qui cōpromisit. Vlpia. in l. diem proferre. §. stari. eodem titul. Hic autem tex. loquitur de arbitro sine adiectione pœnæ, à quo potest appellari, vt hīc, & l. fin. ff. à quibus appel. non licet. clem. 2. de appel. quia hæc arbitria redacta sunt instar iudiciorum. l. prima. ff. de arbi. & arbiter non cogitur sententiam dicere his diebus, quibus iudex nō cogitur. l. idē Pomponius. §. fi. de iudi. & ad arbitrium boni viri redigi illorum sententia potest. d. l. fi. & l. societatem. §. fin. pro socio. de quo abundē scripsi in tract. de arbit. in 3. tomo Commenta. ad Constit. Regias.

Et ad tollenda omnia dubia & contraria, faciem casus sequētes. Primus est, Ab arbitro dato cum adiectione pœnæ non potest appellari, rationem supra adduxi, nec iudicati actio datur, cum pœnæ exactio sufficiat. d. l. prima. & nihil superflui introducendum est, vt in prima constitutione. C. patet. nisi in hoc regno ratione Constitutionis Regiæ.

Secundus casus est, Ab arbitro dato à iudice, de consensu partium, iniquum proferēte arbitrium, appellari potest. vt hīc, & l. fi. ff. à quibus appel. nō licet. Et quamuis de consensu partium datus iudex non possit recusari, tamen à sentētia eius appellari potest, quia non videtur consentire iudicis sententiæ, qui consentit vt ille cognoscat. Doctor. in l. Iulia. ff. de condiēt. indeb. c. cæterum. vbi Doc. de rescrip.

Idem dicerem, si acceptus esset à partibus sine iudice, cū hic text. nō distinguat, an à iudice datus fuerit, vel acceptus à partib⁹ sine iudice, & quia in vtroque est eadem ratio, eō quod promittebant partes stare eorum sententiæ, licet pœna non adiceretur, actio incerti dabatur. l. diem proferre. §. fi. ff. de arbi. Ergo ab vtroque appellari potest, vt hīc.

Tertius casus, A iudice dato circa cōpromissum, de consensu partium, potest prouocari. l. ex consensu. ff. de appel.

Et ille consensus circa iudicem, non facit vt pars consentiat sententiæ, quam iudex proferret, & ideo appellare poterit, vt dictum fuit.

Et quamuis gloss. intelligat illum tex. in partibus, quæ compromiserunt, nō recusantibus eum, qui daretur à Præsīde, etiam si delegatus fuerit, aliās cōtrā. l. prima. C. de arbi. l. fin. de iudic. tamen ego intelligerem illum tex. l. ex consensu, in quo dubitatur de compromisso, an valeret & an teneret contra compromittentes: nam Præsēs, circa istum compromissum, dedit iudicem, qui de hoc cōpromisso cognouit, & bonū pronuntiavit: vnde quæsitum fuit, postquam de cōsensu partium datus erat, an possint partes, vel earum altera prouocare? & text. respondet posse, quia tantum fuit habitus consensus ad iudicē, non ad qualem sententiam proferendam, quod non valeret. l. qualem. ff. de arbit.

Quartus casus, A iudice dato seu commissario ad probandum fideiussorē, si ab eo probati fuerint, vel reprobati, appellari potest, nam à quocunque iudice delegato appellari potest. l. j. in fi. ff. qui & à quib. appel. & de hoc arbitro, ad fideiussorē probandos, loquitur Vlpia. in l. ait Prætor. §. non solum. primo. ff.

de minor. & iste text.

Nec erat in hoc text. arbiter iudex, alioqui tex. si bi ipsi esset contrarius, dum dicit, perinde ab eo atque à iudicibus appellari licet, ergo nō erat iudex: nam perinde fictionem notat. l. prima. ff. de recept. arbitr. gloss. & Batto. in l. vnica. C. qui pro sua iurisdictione.

Hodie cū dubitatur de fideiussoribus dandis, committitur negotium alicui Consiliario, vbi sunt, vel alteri, vbi non sunt, & ille commissus probabit iudices, & ab illa approbatione poterit pars appellare, & sic in praxi seruatur: sed si sententia executoria sit, executioni dabitur non obstante hac appellatione, & sine illius præiudicio. vt scripsi in tract. de senten. executio. artic. primo. in primo tomo Comment. ad Constit. Reg.

Nec refragatur non posse appellari de iure ciuili ab interlocutoria, l. ij. ff. de appel. recipi. verum est, nisi haberet vim diffinitiuā, vt gloss. fi. in authen. habita. in fi. C. ne fil. pro pat. asserit. allegatur l. Prætor. §. permittitur. ff. de minor. & gloss. hīc dicit speciale, quia deciditur vnus articulus. & hanc gloss. singularem dicit Bart. quod à sententia interlocutoria decidente vnum articulum, & sic habente vim diffinitiuā, etiam de iure ciuili appellatur, sed non placet dicta decisio in hoc, quod à sententia arbitri appellare non liceat, quando est acceptus super tota causa, secus si super vno articulo: nam si liceat in minori, ergo & in maiori. authen. multo magis. C. de sacrosanct. Eccle. l. qui inferiore. ff. de Senator. c. de appellationibus. de appel. & text. est in l. item Pomponius. scribit, si de meis, & l. quid tamen. & l. si cū dies. §. j. ff. de arbit.

Tamen ista glo. in fi. allegatur singul. à Lanfranc. in repeti. c. quoniam contra. in verbo, recusationes. col. 3. de proba. quod à sententia arbitratorum, ex forma statuti, vel ordinationis datorum, poterit appellari. Idem docet in verbo, interlocutiones. col. 26. ibidem, & Socin. hanc gloss. singul. etiam ad hoc dicit in tract. fallen. regul. 24.

#### SVMMARIA.

- 1 A sententia arbitri fit ad iudicem ordinarium appellatio.
- 2 Casus superueniens domino nocere non debet.
- 3 Fideiussor effectus non soluendo, vel mortuus, debet renouari.
- 4 Debitor de fuga suspectus in regno Francie non potest capi. Restrigitur. ibidem.

#### LEX X. PAVLVS LIB. LXXV. AD EDICTVM.



I ab arbitro probati sunt fideiussores, pro locupletibus habendi sunt: cū potuerit querela apud competentem iudicē deferri. Qui ex causa improbat ab arbitro probatos, aliās improbatos probat. Multo que magis, si sua voluntate accipit fideiussorē, contentus iis esse debet. Quod si medio tempore calamitas

Forensis  
usus in ap-  
probando  
iudices.

A senten-  
tia arbitri  
super tota  
causa acce-  
pti, licet ap-  
pellare.

De eadem  
re.

Iudex de  
cōsensu par-  
tium datus,  
non potest  
recusari.



lamitas fideiussoribus insignis, vel magna inopia acciderit, causa cognita, ex integro satisfidandum erit.

*Fideiussor-  
es ab arbi-  
tro proba-  
ti.*

**I**N hac lege dubium est, si fideiussores probati sunt ab arbitro tanquam idonei, & locupletes, an eos possim recusare? Respondet non posse, sed pro locupletibus habendi sunt: nam querela, id est, appellatio poterat deferri ad iudicem, ut in l. precedenti. si ergo non appellauerim, imputetur mihi, quia huic sententiae arbitri standum est, & ad quem hodie appelletur à sententia arbitri in Francia, dixi ad iudicem ordinarium, artic. primo. tract. de arbitr. in 3. tomo Commenta. ad Consti. Reg. ubi declaravi ea quae traduntur in l. si societatem. §. arbitrorum. ff. pro socio.

Quid, si pars aduersa obtulerit quatuor fideiussores, arbitrum duos approbavit tanquam locupletes, & idoneos, alios duos improbavit, ego ab eo probatos, ex causa (forte quia erant cauillosi & malae fidei) nolui accipere, sed ab ipso reprobatos (propter eorum bonam fidem) probavi, vel mea voluntate pro libito accepi: si non sint idonei, an alios petere possim? Respondet text. non posse, sed his contentus esse debeo, nempe quos approbo, reprobare non possum. l. Pomponius. ff. de nego. gest. licet esset dubium, postquam reprobati erant ab arbitro, quod illos pars non poterat accipere, sed hoc erat in utilitatem partis, cui potest pars renunciare. l. penul. C. de pact.

Dicit quis, accepi fideiussores locupletes, qui postea deuenerunt ad inopiam casu, & calamitate, quaesitum fuit an alios petere possim? Respondet text. posse, & ex integro satisfidandum, quia casus superueniens non debet mihi nocere, ideo alij mihi de nouo dari debent. Ista est vera & facilis ad text. elucidatio. Accur. assignat rationem hanc, quae de nouo emergunt, nouo indigent auxilio. l. de aetate. §. ex causa. ff. de interroga. actio. docet Roma. in repetit. l. si verò. §. de viro. col. 46. fallen. 50. ff. solu. matrimo. vnde Vlpianus ait in l. iij. §. quamuis. de adm. tutor. ff. nonnunquam recedi, etiam à voluntate defuncti, si minus perpenso consilio, tutorem aliquem dederit, vel eo tempore, quo fecit, tutor datus bonae vitae, vel frugi videbatur, deinde postea idem coepit male conuersari, ignorante testatore, vel si contemplatione facultatum eius, ei res commissa est, quibus postea exutus est.

Et sic per istum text. dixi in tract. de senten. executio. artic. primo. gloss. 16. num. 27. quando fideiussor datus pro eo, qui obtinuit sententiam possessorij, videlicet recredientiam, effectus non soluendo, vel mortuus fuerit, alius dandus erit, ut etiam docet Bart. in l. Prætoriae. 2. ff. de Præto. stipul. consuluit Aret. in consi. 134. Clarissime. & quando possit fideiussor exonerari, scripsi in d. tract. num. 29. & sequen. quae hinc pro repetitis habeantur.

Diuersum est, quando accepi fideiussorem non idoneum scienter, tunc alium petere non possum, quia qui admisit eum fideiussorem, idoneum esse comprobauit. l. qui satisfidare. ff. de fideiussor. & in dubio videri sciuisse idoneum fuisse, verisimile est. l. qui cum alio. ff. de regul. iur. pulchre Alex. consi. 60. Consideratis. in 5. vol. & Barba. consi. 70. Illud. qu. vlt. in 3. vol. quod est valde vtile.

Oportet itaque probare, quod paupertas de no-

uo aduenerit. l. creditores. §. planè. ff. de priuile. credi. Vnde inferunt Doctores. suspectum debitorem de fuga posse prehendi, & in carcerem duci, requisitis tamen sex hinc per l. numeratis, & in §. primo. de actio. in Insti. sed hæc praxis non seruatur in regno, nec ratione suspicionis fugae capi potest debitor, nisi ad corpus (ut dicunt) obligatus fuerit, sed bona alicuius possunt arestari, ut saepius dixi in primo tomo Commenta. in Constitu. Regi. vnde hinc amplius non prosequar.

#### S V M M A R I A.

- 1 Satisfactio per quamlibet instantia mutationem expirat.
- 2 Actionis mutatio liberat fideiussores.
- 3 Fideiussores, si alibi iudicentur, quam coram quo iudice promiserunt iudicatum soluere, non tenentur.
- 4 Fideiussores mutata causa persona, pro qua fideiussurrunt, non obligantur.

#### LEX XI. VLPIANVS LIB. LXXVIII. AD EDICTVM.



Vlpianus ait: si antequam mandarem tibi ut fundum peteres, satis acceperis petiturus fundum: & postea mandatu meo agere institueris, fideiussores teneri.

**S**pecies facti est, quidam dicanicus, seu pragmaticus confidens me ei daturum mandatum, ad petendum fundum meum, quem Titius possidebat, accepit fideiussores à Titio, de soluendo iudicatum ratione illius fundi, ego postea mandavi illi pragmatico, ut fundum peteret, qui ratione huius mandati incepit agere, & fuit condemnatus possessor, quaesitum est, an fideiussores teneantur soluere iudicatum. Dubium erat non teneri eos, quod promissio erat facta ei, antequam esset Procurator, sed Iuriscon. ait fideiussores teneri. Ratio est, quia promissio erat ratione fundi, ideo siue vnus, siue alter petat, fideiussores tenentur, non ratione confirmationis, quae hinc nulla fuit, sed ratione mandati. Itaque iudicatum soluere promittens pro illo fundo, tenetur semper ratione illius fundi, igitur si iste, cui satisfidatum sit, Procurator fiat, fideiussores non minus tenebuntur: nam etiam si alter prosecutus fuisset causam, iudicatum fideiussores tenerentur ratione stipulationis interpositae pro illo fundo, quod probat iste text. ibi, petiturus fundum satis acceperis. Diuersum esset, si fideiussores promississent soluere iudicatum coram illo iudice, nam si coram alio causa decisa fuerit, non tenerentur, l. iij. in princ. ff. iudi. sol. & inferius distinguetur.

Nempe fideiussores promiserunt soluere iudicatum, & litis aestimationem, quae fieret in prosequendo talem fundum meum, si postea dederim mandatum, illi non liberantur fideiussores, qui iam sunt obligati ad hoc, nec acquiritur mihi directò obligatio per hunc dicanicum iuxta l. primam. C. per quas perso. nobis acqui. sed iuxta stipulationem eorum tenentur fideiussores, qui promiserunt soluere litis aestimationem factam pro illo fundo.

*Facti huius  
legis spe-  
cies.*

Nec

*Fideiussor  
non idoneus  
scienter ac-  
ceptus.*



1 Nec refragatur, quod Doctor. dicunt, quod per quamlibet mutationem instantiæ expirat satisfdatio. l. ij. & l. si ante. ff. iudi. sol. sed vt hæc materia rectè intelligatur, & contraria concilientur, distinguendi sunt casus sequentes.

Fideiussor  
res liti  
astim  
ationem  
soluere pro  
mittentes.

Primus est, si fideiussores promiserunt soluere liti æstimatione & iudicatum, quod erit factum pro tali fundo, tenentur, siue Procurator, siue defensor prosecutus fuerit, & siue defensori promiserint, siue domino, & iste est propriè casus huius l. quicquid hætenus scripserint Doctor.

Secundus est, promittens soluere iudicatum ex processu factum in actione in rem, non tenetur, si in personam processus fuerit motus, quia actionis mutatio liberat fideiussores. l. cum quærebatur. ff. iudi. solui. alia est enim actio in rem, alia actio in personam: l. actionum genera. ff. de acti. & obligat & qui promisit pro vna, non est obligatus pro altera, quia pro illa non promisit.

Tertius casus est, fideiussores promittentes soluere iudicatum factum coram iudice consignatore, non tenentur si alibi iudicetur. l. ij. ff. iudi. sol. *quia non huiusmodi iudicis sententia fideiussores se subdiderunt*, dicit ibi tex. ergo non sunt obligati.

Fideiussor  
in vno iu  
dicio pro  
mittens sol  
uere iudi  
catum.

Quartus casus, fideiussor promittens soluere iudicatum in vno iudicio, non tenetur soluere in causa appellationis, l. cum apud. ff. iudi. sol. idè intelligitur promisisse in prima instantia tantum, & non in secunda. dicit text. in Procuratore, qui in causa appellationis non censetur constitutus, nisi tantum vt appellet. l. si Procuratorem. §. si ignorantes. ff. manda. l. inuitus. C. de Procurator.

Quintus casus, promittens soluere iudicatum, ac liti expensas faciendas contra Titium, non tenetur si Sempronius litem moueat, quia de illo non sensit promissor, nec de eo pollicitus fuit, & alia est Titij persona, alia Sempronij. l. cum quærebatur. ff. iudi. sol. vbi no.

Sextus casus est, & ad hoc istum text. singularem interpretes dicunt, & Barba. in repetit. c. Raynuius. col. 28. de testa. & Alex. confi. 146. in causa. nu. 9. in 5. vol. ac Felin. in c. nonnulli §. si. col. 4. de rescrip. quod gesta sine mandato confirmantur per superueniens mandatum, super actu nondum finito, sed non probatur in hoc tex. & vix obseruaretur in forensi iudicio, si non adesset in mandato clausula cum ratihabitione gestorū, vt est in l. licet. infra. de iudi. quia aliud est mandatum, aliud ratihabitio. l. si verò. §. si post creditam. vbi gloss. ff. manda.

Ratihabi  
tio confir  
mat gesta  
sine mada  
to.

Et superius dixi aliter istum text. intelligendum. Mandatum autem super lite proseguenda vix operatur confirmationem eorum, quæ prius gesta sunt, & in hoc hallucinati (vt puto) fuere interpretes.

Septimus casus est, si is, qui sine mandato defendebat aliū, fideiussores dederit, qui promiserunt soluere id, in quo fuerit iudicatus defensor si postea defensor fuerit effectus Procurator, & nomine Procuratorio condemnatus, vel tanquam hæres, non tenentur fideiussores, quia non est eadem causa personæ. per l. si ante. ff. iudi. sol. non enim in stipulatione est comprehensa persona illius, qui constituit eum Procuratorem, nec eius causa fideiussores dati, idè ad illud non tenentur. l. Plautius. ff. de Procurat. Ipsi autem promiserunt iudicatum soluere, si defensor fuisset condemnatus, sed non est condemnatus, verum is,

cuius erat Procurator, seu ipse Procuratorio nomine, l. prima. C. de senten. & interlocu. omni. iudi. & sic est casus valde diuersus à casu nostro. Et hoc decipit omnes interpretes hætenus, & magnū negotium dedit, vt contrarium illius text. euitarent, quod tamen non potuerunt. Alia dicam in interpretatione illius legis, si antè his nunc, pro huius legis interpretatione, contentus.

Vltimò, iste text. non potest intelligi de satisfdatione de iudicio fisti, quia hic possessor erat fundi huius, & quamuis Doct. dicant illum, qui possidet rem quæ petitur, non haberi pro possessore quoad satisfdationem istam, tamen contrarium est verū, & probatur in d. l. sciendum. §. si fundum. & §. si fundus. infra eod. ibi, *eius fundi possessores intelliguntur*, licet Doctor. eam solutionem gloss. reprobet, nec probat §. quidam. nam ibi dubitatur an mulier possit fideiubere pro marito, à quo fundus petitur dotalis, soluere iudicatum, & respondet posse, quia potest fideiubere in rem suam, & cum petitur fundus dotalis, in rem suam fideiubere dicitur, sicut si fideiubeat pro Procuratore suo. se rem ratam habiturum, nisi inteligeretis, quod hic fundus esset modici valoris, nec posset esse par ad liti æstimationem præstandam, & tunc satisfdare de iudicio fisti tenentur, etiam quisquis istum fundum possideat, gloss. & Doct. in d. l. sciendum in princ. infra eod. sed melius est intelligere in satisfdatione iudicatum solui.

Satisfdatio  
de iudicio  
fisti, non cõ  
uenit textui.

# SUMMARIA.

- 1 Vniuersalis oratio ex causa restringenda est.
- 2 Inuadens hæreditatem, non priuatur iure suo, cum inuadendi causam habuit.
- 3 Hæres ex noua causa dilapidationis tenetur satisfdare, quamuis testator cautionem remisit.

## LEX XII. IDEM LIB. LXXVII. AD EDICTVM.

**I**nter omnes conuenit, hæredem sub conditione, pendente conditione, possidentem hæreditatem substituto cauere debere de hæreditate. Et si defecerit conditio, hæreditatem adeuntem substitutum, & petere hæreditatem posse, & si obrinuerit, committi stipulationem. Et plerunque ipse Prætor, & ante conditionem existetem, & ante diem petitionis venientem, ex causa iubere solet stipulationem interponi.

Ista lex, inter omnes huius tituli leges, est difficilis, & parum intellecta à nostris interpretibus, & eam adscribendam ad verbum censui, prout est in Pandectis Florentinis, vt facilius intelligatur. Speciem facti sic ponam.

Quidam Caius fuit institutus hæres sub conditione (quod fieri potest §. hæres. de hæred. insti.) si Rex venerit ad hæccitatem intra annum, & si non venerit, substituit Titium: interim pendente conditione hæres possidet hæreditatem, substitutus petit satisfdationem ab eo de restituenda hæreditate, & ea conser

Facti huius  
legis spec  
ies.



conseruanda, an hæres cauere debeat? Respondet text. cauere debere.

Quid si ipse hæres promiserit conseruare, & si defecerit conditio, hæreditatem restituere? Ipsa defecit conditio, quia Rex non venit intra annum, an substitutus hæreditatem petere possit? & respondet text. posse hæreditatem, illum adeundo, petere, quam si obtinuerit, committitur talis stipulatio, adeò quòd ex sua promissione est obligatus, bona in hæreditate inuenta substituto restituere, vel (si perierint eius culpa) præstare earum rerum æstimationem.

Dubitandi  
ratio.

Dubitatio hîc esse poterat, quia hæres tenetur cauere in legatis conditionalibus, quid in hærede sub conditione instituto? Respondet text. idem in hæreditate, sicut est institutum in legatis, vt ff. & C. vt legat. no. caue. licet Ias. dicat non esse dubium in substituto per fideicommissum, tamen dixi adhuc esse dubium, quia ante hanc legem non erat tam planè expressum.

Versiculus, & plerique, &c. sic intelligi debet, Tenetur hæres sub cōditione cauere de restituendo hæreditatem substituto, sed quomodo hoc, cum substitutus, adhuc pendente conditione, nullum ius habeat? Respon. hic tex. dicēs Prætorem sæpius ante conditionem existentem, etiam ante diem venientem solere iubere ex causa, vt stipulatio & cautio interponatur. Hoc probat Papini. in l. in omnibus bonæ fidei iudiciis, cum nondum dies præstandæ pecuniæ venit, si aliquis agat ad interponendam cautionem, ex iusta causa condemnatio fit. ff. de iudic.

Quid si plures substituti sunt? Respōdeo, nedum vni, sed & singulis cauendum est, quia singulorum interest. Ista est vera elucidatio ad istum tex. difficilem, in cuius intellectu gl. & Doct. valde laborarūt.

Ex isto text. colligunt Doctor. iuncta gloss. orationem vniuersalem restringendam ex causa, ibi, inter omnes conuenit, scilicet Iurecō. super hac re interrogatos, & qui de hoc scripserunt, facit l. prima. §. penul. ff. de vsufr. accrescend.

Vnde si notarius dicat, Omnibus de capitulo placuisse, vel omnes de consilio ita respondisse, debet restringi ad præsentēs, nec instrumentum redditur ob hoc falsum, vt docet Bart. & alij in l. prima. §. nuntiatio. ff. de noui oper. nuntia. l. ij. §. Prætor. suprā. eod. nisi in illo instrumento diceretur, omnes Canonicos illius Ecclesiæ consensisse, tunc si quidam erant absentes, instrumentum erit falsum, vt docet Bald. in l. fi. C. sine censu vel reliq. Baner. in §. sed cum aliquis. col. 4. de testa. in Instit. Scripsi de hoc plenè in interpretatione authen. habita. C. ne fil. pro pat. in verbo. omnium.

Hæres sub  
conditione  
institutus,  
tenetur satisfacere.

Secundò, ex hoc text. colligi potest, quòd hæres institutus sub conditione possidens hæreditatem, cauere tenetur substituto, & Doct. hîc dubitāt quomodo possidebat hæres hæreditatem pendente conditione. Respondeo de facto, & sicut is, qui ius habet, tenetur cauere, multò fortius is qui nullum ius habet, ne melioris conditionis sit, quàm ius habens, & hæc probant Angel. & Ias.

Sed quomodo, hic inuadens hæreditatem nunquid priuatur iure suo? l. si quis in tantam. C. vnde vi. & l. extat. quod met. cau. Respondet gloss. singul. hîc, quòd inuadens hæreditatem pendente conditione, sub qua est institutus, non perdit ius suum adueniente conditione, quia causam inuadendi habuit.

Bald. hoc docet in marga. in verbo, inuasio. 2. q.

Vel dicit gloss. quòd hæres petierat bonorū possessionem secundum tab. quam petere potest ex tacita voluntate defuncti, siue filius sit institutus, siue extraneus. l. prima. §. si sub conditione. & l. si demum. ac l. si sub conditione. ff. de bonor. possess. secundum tab. & hoc Papinia. docet in l. Paulus. ff. de Prætor. stipul. sic dicens, *Paulus notat, qui sub conditione hæres institutus est, agnita bonorum possessione, cogitur substituto in diem cauere longiorem. Prætor enim beneficium suum nemini vult esse captiosum.* Nam tacitè interdū testator vult, vt institutus sub conditione, pendente conditione, hæreditatem possideat, vt si dicat: *Instituto Titium, si Rex venerit ad Parisiorum ciuitatem intra annum, qui si non venerit, volo vt hæres restituat istam hæreditatem Caio, interim hæres possidebit iure hæreditatē, & cauebit substituto, vt hîc.*

Item hic hæres institutus tenetur cauere sub hypotheca bonorum, l. filio. ff. vt legat. vel fideicommiss. nomi. caue. siue sit fideicommissarius, siue substitutus vulgaris, licet is directò fiat hæres, & sua autoritate capiat. not. in l. centurio. ff. de vulg. tamen quia interim hîc hæres, hæreditatis possessor, de facto posset alienare bona, antequam substitutus ea caperet, & ea consumere, ideò cauere tenetur, vt hîc, & poterit fieri hæc substitutio ita: *Talem substituo sub conditione, si Rex venerit intra annum Luteriam, qui si non venerit, & alter hæres non extiterit, Titius hæres esto, vel volo vt restituat hæreditatem substituto: & sicut tacitè vult testator, vt hæres pendente conditione hæreditatem possideat, hoc etiam permittit Prætor dando eidem bonorum possessionem.*

Limitat Ias. post alios in substituto pupillariter, cui non tenetur cauere pupillus, allegat gloss. in l. cū Archimedoram. C. vt in possessio. lega. Bart. in l. is potest. col. 3. versicul. sed circa hoc quæro. ff. de acqu. hæredi. quia pupillus, cui facta est substitutio, potest alienare bona cum autoritate tutoris, & decreto iudicis. l. Marcellus. §. res quæ. ff. ad Trebel. vbi Doct. & in l. sed et si in conditione. §. si seruum. de hæred. instituend. quæ iura parum probant. Et substitutus non poterit ea alienata secundum eum reuocare, sicut in substitutione fideicom. in qua non valet alienatio. l. fi. §. si in autem sub conditione. C. communia. de legat. Contrariū (vt refert Ias.) tenet Bal. in l. nec enim. ff. de adopt. per tex. in l. prima. §. primo. in verbo, Ad substitutū. ff. de tutel. & rati. distrah. cui text. respondent Doct. in d. §. res quæ. sed parum ibi probatur, nec est opus responsione.

Pupillus  
substituto  
pupillari-  
ter non te-  
netur ca-  
uere.

Ego autem dico ambas opiniones conciliari posse, vt videlicet pupillus teneatur cauere de dimidia parte bonorum, quæ est patrimonium testatoris, & ad substitutum peruenire debet. c. Raynutius. de testa. Alia verò dimidia est, quæ respicit legitimam, & quartam Trebellianicam, quæ ad pupillum pertinet, ideò de illa non cauebit, tãquam de sua substantia, aliàs in sua grauaretur legitima, quod est prohibitum in l. scimus. C. de inoffi. testa. & interim factæ iure alienationes per pupillum valebunt, quatenus dimidiam hæreditatem nō excedunt, & alienatio in illius partem cōputabitur. authen. res quæ. C. commun. delega. & in d. l. Marcellus. §. res quæ. & sic prouidetur & substituto, & pupillo, nec nocebit hæc cautio pupillo, quoad suam portionem, si generaliter cauerit, nec hæredibus pupilli.

Non



*Fiscus satisfdare nō tenetur.*

Non procedit iste tex. in fisco, qui non solet satisfdare, l. prima. §. si ad fiscum. ff. vt legat. quia semper idoneus est, & soluendo. l. ij. ff. de pact. dota. idem in Ecclesia & Repub. interpretes dicunt, per l. si quando. §. admonēdi. vt legat. &c. licet maior videretur ratio in fisco, vt cauere deberet (quia, postquam aliquid tenet, ita fortiter stringit, vt nemo possit, sicut nec clauam à manu Herculis, eripere) quod posset obtinere ex fideiussore: etiamsi testator remiserit satisfdationem, non tenetur hāres eam prāstare. l. penul. C. vt in possess. legat.

Imò, si hāres coeperit dilapidare, non cogitur satisfdare, vt dicit hīc Ias. per text. in l. fin. in princ. vbi Bar. ff. vt lega. no. caue. sed si testator remitteret cautionem, tamen ex noua causa dilapidationis, de qua non cogitauit testator, teneri hāredem satisfdare dicerem: per l. Imperator. vbi Doct. ff. ad Trebel. nam quæ de nouo emergunt, nouo indigent auxilio, l. de ætate. §. ex causa. ff. de interrog. actio. & hæc cautio intelligi debet, stantibus rebus. l. fin. infra. eodem.

*Obiectionis solutio.*

Nec refragatur d. l. fin. vt lega. quia ibi testator vetuerat, & magis est prohibitio, quā remissio, etiā quia ibi vetuerat patri, ne satisfdaret nepti, de cuius amore confidit lex. l. isti quidem. ff. quod met. cau. Et verisimile est, quod hic non alienabit bona, quæ ad filios, vel nepotes peruenire debent, sed ipsis custodiet. l. liberorum. ff. de verbor. signific. ob id non datur ibi cautio, à patre filio vel nepoti suo: secus ergo esset in extraneo, cui, licet remissa esset cautio à testatore, tamen si dilapidare inciperet, cauere teneretur. Et hoc æquitate fulcitur, quam iudices sequi debent. l. quod si Ephesi. ff. de eo quod certo loc. quicquid Ias. & alij scribant.

Etiā dicerem teneri hāredem non solum cauere substituto, sed etiam venientibus ab intestato, quia eadem est ratio in illis, ne interim dolo bona hāres consumat, & ista est sententia Alex. Paul. & Ias. quicquid dicat Speculator in titulo. de testa. §. penult. versicul. sed si quis est sub conditione, prout refert Ias. hīc: nam hoc æquum est, nec est odiosa hæc materia, ideò non restringenda, & hoc quando ius substitutionis transit ad hāredes. de quo per Doct. in l. sed si plures. ff. de vulga.

*Substituto, quē alius antecedit, non est cauendum.*

Vltimò iste tex. restringitur in substituto, quem alius antecedit, vt nō debeat illi cauere. per l. Paulus. ff. de præto. stipul. nam quamuis singulis satisfdandum sit substitutis, vt hīc, verum est quando in vno gradu sunt, sed calumniosè videtur satispetere, quem alius antecedit. d. l. Paulus. Ideo hi, quos principalium causa tangit, vocandi sunt, non alij. l. de vno. & l. sæpe. ff. de re iudic. facit §. legatariis. de testa. in Instit. & l. si quis nec causam. vbi Doct. ff. si cert. petat. Alia, quæ ibi Doct. iactant, missa faciam, his nunc contentus.

# S V M M A R I A.

- 1 Tutor loco domini habetur.
2. Defensor in ciuilibus sine satisfdatione recipi non debet.
- 3 Satisfdatio iudicatum solui in Curia Francie, cum ciuilitur agitur, non fit.

## LEX XIII. PAVLVS LIB. II. RESPONSORVM.



Illius familias defendit absentē patrem, quāro an iudicatum solui satisfdare debeat. Paulus respōdit, eum qui absentem defendit, etiamsi filius, vel pater sit, satisfdare petituto, ex forma edicti debere.

Ista l. tollit dubium, si filius familias defendat patrem suum absentem, an satisfdare iudicatum solui debeat? quod non videbatur, quia sine mandato etiam potest, & coniunctim, l. exigēdi. C. de Procur. contrarium tamen hīc statuit Paulus: nam edicto cautum erat neminem recipiendum ad defendendum absentem sine satisfdatione, & sic comprehenditur filius qui patrem defendit absentem, & edictum veterem regul. appellat Iustin. in §. si verò. de satisfd. in Instit.

*Nemo ad defendendū absentē, sine satisfdatione recipiendus. Extensio legis.*

Amplia, etiamsi locupletissimus sit defensor, l. pia. in l. minor. in fin. ff. de Procur. is enim qui suscipit defensionem, etsi locupletissimus sit, etsi consularis sit, non videtur defendere, nisi satisfdare fuerit paratus. Vnde Iuriscon. hīc declarat istud edictum extendi ad filium familias defendentem patrem absentem, idem etiam in patre defendente filium fami. absentem, à fortiori ratione procedet in aliis cunctis, & etiam extraneis. Ratio est, ne illusorium sit postea iudicatum, l. si Prætor. ff. de iudic. nam si pars nihil habeat, fideiussor tenebitur, & sic non erit illusoria sententia.

*Ratio decidendi.*

Idem dicendum est in Procuratore, vt dominus pro eo satisfdare iudicatum solui debeat, alioqui non recipietur. vt Modest. pulchrè scribit in l. si ad defendendum. ff. iudic. solui.

Limitatur tamen in patre defendente filium suum in bonis, in quibus vsumfructum habet, quia in illis est legitimus administrator, & suo quodam iure filium defendere videtur, gloss. in l. fin. §. vbi autem. C. de bonis quæ lib. l. prima. de bonis mater. & non videtur alienæ litis defensor, Bart. & alij in l. ij. in fin. ff. solut. matr. l. qui proprio. ff. de Procur. l. in eo. §. nemo. ff. de reg. iur.

*Restrictiones huius legis.*

Quæ quidem regula non procedit in tutore, l. fin. §. defensionem. C. de administ. tuto. quia officium non debet ei esse damnosum, l. sed si quis. ff. quemadmod. test. aper. & quia loco domini habetur. l. qui fundum. §. si tutor. ff. pro empto.

Non procedere quoque scribunt interpretes in defendente vnum articulum causæ, per l. in eo. §. nemo. vbi Accurs. ff. de reg. iur. quia tunc causa non iudicatur, sed si is peteret iudicari, posset pars satisfdationem petere, & iudex ita statuere debet, per istū text. & alia iura generaliter loquentia, quicquid dicant Doct.

Limitat etiam Ang. & Soc. in defensione notoria, per l. exigēdi. C. de Procur. ille tamen text. loquitur in alio casu, vt ibi declarabo, & in criminalibus fortè procedere posset, sed non in ciuilibus, in quibus recipi non debet defensor sine satisfdatione, ne iudicatum elusorium sit, & vt iuri pareatur hoc præci-



*Iudex in  
præiudiciū  
partis sa-  
tisfactionē  
statuere nō  
potest.*

pienti; & in casibus in quibus à iure releuabitur satisfatione, alias iudex in præiudiciū partis statuere non posset, nec contra ius, cum secundum iura iudicare debeat, & ita iurat se facturum, vt patet in Authent. in titul. iusiurand. quod præst. ab his collat. 2.

3 Hodie ista satisfactio iudicatum solui, non seruatur in Curiis Franciæ, quando ciuilitur agitur, ideo infiniti processus sunt, qui non essent, si præstaretur. Nam multi cessarent à vexandis aliis, si cauere tenerentur, maxime in beneficialibus, vbi supponitur & fingitur chymera, vel monachus, & is qui fingit, & fingitur, in perniciem partis. filij Belial sunt, & cum eo (nisi resipiscant) in inferno in æternū, & vltra cruciabuntur. Et bonum esset, si hæc cautio iudicatum solui suscitaretur in Francia, & iudices ad partium petitionem eam exigere, causa dictate. Alia dicitur in l. minor. de Procurat.

LEX XV. MACER LIB. I. DE  
APPELLATIONIBVS.

**S**ciendum est, possessores immobilium rerum satisfacere non compelli.

*Fideiubere  
omnes iudicatum  
solui, tenentur,  
non habentes  
immobilia.*

Principium huius legis est à Doctoribus ampladote donatum, ob id aliam non impertiat, sed dicam hodie per authenticam, offeratur. C. de litis contestat. omnes teneri fideiubere, scilicet si non habeant immobilia, sed habentes non, per istum text. vel dicemus, istum text. corrigi per vsum communem, quia hodie hæc satisfactio non præstatur, vt superius scripsi: sed quia §. si fundum, est valde difficilis, ideo eum sic explanabo.

§. Si fundum, quem possidebā, à me petieris: deinde cum secundum te esset iudicatum, appellauerim, an possessor eiusdē fundi sim? & recte dicetur, me possessorem esse, quia nihilominus possideo: nec enim ad rem pertinet, quod euinci ea possessio possit.

*Species facti  
huius §.*

Illius fuit conuentus, super fundo quem possidebat, actione fortè rei vendicationis, succubuit, fuitque condemnatus ad restituendum illum, is appellauit: pendente appellatione conuenitur ab alio, an satisfacere tenebitur? quod videbatur: quia euinci potest fundus ab eo, si prima sententia confirmetur.

*Ratio huius  
§. de iuris,  
decidendi.*

Contrarium tamen statuit hīc Iuriscon. quia interim possidet, & defendit fundum: & quia prouocationis remedio condemnationis extinguitur pronuntiatum. l. prima. in fin. ff. ad Turpil. vel saltem suspenditur iudicatum inspecto futuro euentu, & tempore quo poterit confirmari, cap. venientes. de iureiurand. l. si causa cognita. C. de transact. etiam dicunt Doctor. si deserta esset appellatio: quia quando possidet, habet locum hæc lex sciendum, & donec auferatur res manu militari. ff. de rei vendi. l. qui restituere.

*Testamentum capitali  
crimine damnati.*

Etiam si quis capitali crimine damnatus appellauerit, & medio tempore pendente appellatione fece-

rit testamentum, & ita decesserit, valet testamentum. l. qui à latronibus. §. fin. ff. de testa. hoc docet Ioan. Andr. in additionibus ad Specul. in titulo de instru. editio. §. compendiosè. versiculo. Vndecimò condemnatus, & versicul. 15. ac Bald. consil. 243. in primo volum. ac consil. 433. in 4. vol. & Alex. consil. 95. Repetitus. in 7. vol. Ias. in l. j. ff. de re iudic.

Etiam fuit iudicatum in magno consilio Neapolitano: vt quis teneatur cauere, donec constet eū possidere immobilia: quia paria sunt, non esse & non apparere. l. duo sunt. ff. de testa. tutel. Matthe. de Afflic. decis. 109. Actor. Vide Doct. in l. fi. C. de princ. agent. in reb. lib. 12. & Hyppol. in rub. de fideiussio. qu. 32. & seq. vbi hanc materiam abundè tractat.

SUMMARIA.

- 1 *Immobilia desinens fortuito possidere, vel vendens, ex integro tenetur satisfacere.*
- 2 *Præsumptio fugæ est contra eum, qui sua immobilia vendit.*
- 3 *Cautio iudicatum solui post litem contestatam peti non potest.*

§. Possessor, &c.

Scrisbitur in Pandectis Florentinis, Possessor autem quis necne sit, tempus cautionis spectandum est. Nam sicut ei, qui post cautionem possessionem vendidit, nihil obest, ita nec prodest ei, qui post cautionem possidere cœpit.

Iste §. irrationabilis videtur, teste Ias. & plura continens absurda: nempe si is qui desit possidere immobilia casu fortuito, ex integro satisfacere tenetur. l. si ab arbitro. supra. eodem, sic & multo fortius is, qui immobilia vendidit, quorum causa releuatus à satisfatione fuit, cum suo facto voluntario desit possidere, tum quia hæc causa de nouo orta est, ideo nouo indiget auxilio, & ratio d. l. sciendum. cessat, quia præsumptio fugæ est in eo, qui vendidit sua immobilia. Ideò absurdum est, quod non cogatur denuò satisfacere, & difficile est sustinere communem intellectum. Hæc Iason.

Ego verò puto istius text. intellectum rationabilem, si inspiciamus quem teneri cauere, si non possideat immobilia, & si possideat, nō teneri. Et quando debeat possidere, vt satisfationem euitet? Respondet text. ante iudicium acceptum. l. de die. §. seruus. supra. eodem. & sic ante litem contestatam. l. Pomponius. §. rati habitionis. ff. de Procura.

*Ita is contestate  
tēpus inspi-  
ciendum.*

Itaque si tempore, quo res petebatur, pars possidebat immobilia, ideo non cauit, si illa vendat post iudicium acceptum, non tenetur satisfacere. Ratio est, quia hæc cautio, si ante litem contestatam non fuit data, postea peti non potest, sicut exceptiones dilatoriae opponi. d. §. rati habitionis. nepe si cautio data esset in principio, non tolleretur per acquisitionem immobilium, ita non petetur de nouo per alienationem immobilium: nam sicut numerus liberorum, postea impletus, susceptis antea muneribus, non liberat. l. secunda. ff. de vaca. muner. ita excusatus propter numerum liberorum, si vnus moriatur, non tenetur iterum soluere, vt docent plenè Doctor. hīc.

Non



Obiectio-  
nis solutio.

Non refragatur l. si ab arbitro. in fi. suprà eod. quæ loquitur in fideiussoribus, quibus, si insignis calamitas acciderit, ex integro satisfidandum erit: nam quod datū est, ius permittit renouare, & reficere, l. prima. ff. de riuis. sed non omisum de nouo petere, nempe si parti, quæ iam liberata est à satisfidatione per iudicium acceptum, magna calamitas inciderit, ipsi de integro non satisfidabit, sed fideiussores renouari possunt, vt in d. l. si ab arbitro, quæ nō loquitur in parte.

Item sicut non profunt immobilia post iudicium acceptum, ita non nocet alienatio, à contrario: nam eum sequuntur commoda, quem sequuntur incommoda, l. secundum naturam. de regul. iur. nec debet auxilium dari contra legis prohibitionem, quæ est hîc, sed tantum quando æquū est, sed non est æquū, quod postquam nō profunt bona acquisita post acceptum iudicium, ita nec obesse debent ad hoc, vt teneatur de nouo satisfidare.

Obiectio-  
nis noua so-  
lutio.

Nec obest, quod cesset ratio legis, & sic debet cessare lex, l. quod dictum. ff. de pact. sed respondeo, si cessaret ante iudicium acceptum, verum esset, quia eo tempore satisfidare teneretur, sed non vitiatur actus perfectus, si perueniat ad casum, à quo incipere non potuit. l. penult. in fi. ff. de verb. oblig.

Etiā dicit hîc Bart. iste qui possidebat immobilia, ea obligauit in cautione, quam præstitit ante iudicium acceptum, per l. filio. ff. vt lega. no. caue. ob id parti satisfit, quia ille fundus sic obligatus trāsit cum sua causa in emptorem, quod non est in d. l. si ab arbitro. vbi fundus & alia bona non stant, nec iuuare possunt, & dixi ibi in fideiussoribus, hîc in parte.

Nec me mouet ratio, quod possessor immobilium habet beneficium à lege, vt non teneatur satisfidare, & sic est perpetuum, quia etiā habet beneficium, vt postquam satisfidedit, non teneatur satisfidare, sed his fideiussoribus contentus esse debet, is, qui eos accepit, d. l. si ab arbitro. & sic iste §. non est irrationabilis, sed cōtinet æquitatē, si bene intelligatur, quicquid Ias. & Doctor. proferant.

# S V M M A R I A.

- 1 In iuramento inest tacita conditio, nisi iusta causa interueniat.
- 2 Princeps secularis gratiam iuramenti facere potest.
- 3 Papa non potest contra effectum iuramenti, per ius ciuile inductum, dispensare.
- 4 Litera à Principe seculari impetranda in Francia, ad contractum iuratum rescindendum.

## LEX XVI. PAVLVS LIB. VI. AD E D I C T V M.



Vi iuratō promisit iudicio sisti, non videtur peierasse, si ex concessa causa hoc deseruerit.

Facti spe-  
cies huius  
legis.

Q Vidam iurauit sistere aliquem, qui tanta valetudine affectus fuit, vt non posset se sustinere, eum ipsum non stitit, quæsitum fuit an videatur periurus? Paul. respondet, non videri peierasse, si ex concessa causa hoc deseruerit. Dubium tamen erat eum esse periurum, quia non satisfecit iuramento, quod etiā quis præcise seruare tenetur. l. si pecuniam. in-

Dubitadi-  
ratio.

frà. de condic. causa data. facit text. in c. fin. ne præla. vices suas. melius in cap. debitores. de iureiurand. Paul. tamen hîc decidit contrarium, quia Deus respicit animum, c. si quid inuenisti. 14. q. 5. & nō obligare vult ad impossibile. l. impossibile nulla est obligatio. ff. de reg. iur. & ibi Dec. etiā in quolibet iuramento intelligitur excepta autoritas legis, & superioris. c. venientes. de iureiurand. & habet locum iste tex. etiā de iure Canonico. per c. querelā. vbi Panor. & Felin. hoc tractant.

Concessam causam, vocat iustam, à iure expressam, & approbatam, sicut dicimus de iusto impedimento. in l. secunda. ff. si quis cautio. l. quæsitum. de re iudic. c. cupientes. §. insuper. & c. commissā. de elec. lib. 6. Scripsi in gloss. impedimēto. §. primo. de colla. in Cōcorda. & in tract. de excusa. & exposui in 2. tomo Commenta. ad Consti. Reg.

Et sic in iuramento inest tacita conditio, nisi iusta causa interuenierit, quæ impediatur iuratum explere, per istum text. & casus in quibus inest tacita conditio in iuramento, inuenietis in c. fin. de non numera. pecu. & in c. quemadmodum. de iureiurand. & per Angel. in §. æque. col. 4. de excep. in Institu. Roma. consil. 428. Alexand. consil. 59. in primo vol. Barba. consil. 20. col. 12. in 2. vol. & Fortu. Garf. in tract. de ultimo fine iuris. num. 240.

Accurs. hîc docet legem posse iuramentum remittere, idem in l. ad gere. in fin. ff. de iure patron. vbi legem dicit habere vim Apostolicam in remittendo, scilicet iuramentum, sed refragatur, quia iuramentum est iuris diuini, c. & si Christus, de iureiurand. contra quod non potest disponere Princeps secularis, nec aliquid statuere. c. Ecclesia. de constitutio. Etiā iuramentum ad Ecclesiam spectat, c. nouit. de iudiciis. cap. primo. de iureiurand. quocirca Iason hîc asserit hanc materiam valde periculosam, & super ea quatuor recitat opiniones.

Ego verò, his reiectis, putarem tenendum Principem secularem posse iuramentum, & pœnas ab ipso iure per eum inductas remittere: cap. primo. de reg. iur. nam ex iuramento non seruato, de iure ciuili incurrit quis in infamiam, & interdum priuatur actione, l. si quis maior. C. de transact. & non debet post iuramentum audiri. l. nō erit. §. dato iureiurando. ff. de iureiurand. Et sunt quædam pœnæ ciuiles, tam bona, quàm corpora respicientes, & bona confiscari disponentes, ex periurio vel personam puniri. Et his casibus Principes seculares gratiam iuramenti facere possunt, l. fin. ff. ad municip. & sacramento soluere possunt militem. l. fin. ff. de re milit. & l. prima. C. qui milit. non poss. lib. 12.

Ex his infertur, quod cum iuramentum respiciat animam, corpus, & bona, quantum ad animam attinet, liberum erit ex causa Papæ, vel Episcopi iuramenti gratiam facere, & super illo dispensare, c. primo. de iureiurand. quia ad illos spectat peccata remittere. Ioan. 20. Quorum remiseritis peccata, remittuntur eis, &c. Idē ipsi dispēfant in his quæ animam, & sic peccatum respiciunt. gloss. in c. possessor. de reg. iur. in 6. c. nouit. de iudiciis.

Sed si iuramentum corpus, vel bona respiciat, seu illorum pœnas, iure ciuili, vel constitutione inductas, tunc Principis secularis erit remittere pœnas, in ipso iure vel constitutione inductas, atque præstittas: non enim Papa posset dispensare contra effe-

Iuramen-  
tum an per  
legē possit  
remitti.

Papa, &  
Episcopus  
super iura-  
mento di-  
spēfare pos-  
sunt.



etum iuramenti à lege civili inductum, sed tantum poenas à iure Canonico remittet, vt scribit Francisc. Curtius, in d. l. si quis maior. C. de transactio. facit quod scribit Anchar. in c. tua. primo. in fin. de deci.

4 Vnde in praxi seruatur, quod si quis velit rescindere contractum iuratum, tanquam contra iura conceptum, vt impetret literas à Principe seculari, quod quidē Princeps permittit: alioqui hic petitor actione priuatus non posset agere, etiam habita dispensatione ab Episcopo, & is actor peccaret agendo, quod non solet Princeps concedere in perniciem animæ postulantis. Ideo dici solet vt habita iuramenti dispensatione ab Episcopo, liceat contractum rescindere, vel agere, non obstante transactio, aut contractu, dolo vel metu inito. Ista abunde conscripsi in interpretatione l. si quis pro eo. ff. de fideiuss. & ita debent intelligi hæ contrariæ sententiæ, & conciliari, quicquid Doctor. hactenus de hac re scripserint. Laus tamē Deo optimo maximo, virginique Marię.

*Si ex noxali causa agatur, quemadmodum caueatur.*

TIT. IX.



E actione noxali, & eius materia, tractauit in l. plebs. §. si. ff. de verbo. signi. Quę ibi scripsi, huc trāferri possunt, quare alia non scribā hīc, maximē q̄ titulus iste respiciat seruos, & nullos in Francia habeamus, ideo non est frequens in iudiciis, nisi in animalibus, in quibus tantum seruatur.

*De eo, per quem factum erit, quominus quis in iudicio sistat.*

TIT. X.

LEX I. VLPPIANVS LIB. VII.  
AD EDICTVM.



Equissimū putauit Prætor, dolum eius coërcere, qui impedit aliquem iudicio sisti. Fecisse autē dolo malo non tantum is putatur, qui suis manibus vel per suos retinuerit, verum qui alios quoque rogauit, vt eum detinerēt, vel abducerent, ne iudicio sisteret, siue scientes, siue ignorantes quid esset, quod comminisceretur.

LEX Ex prima declarat, quando quis dicatur aliquē dolo impedire, & quamuis loquatur de impediēte quominus quis in iudicio se sistat, id est, præsentet, & perseueret vsque in finem iudicij, tamen etiam habet locū in alio actu, vbi quis alium impedit, & datur ei ex hoc edicto actio ad id quod interest. l. iij. infra. eodem.

*Impedire alium quis dicatur.*

Hic impedire quis alium dicitur, quando eum retinet suis manibus, id est, per se. c. ad limina. 30. quęst. prima. & in tract. nomina. quęst. 10. numero 13. plenius probaui.

Vel per suos.] Gloss. exponit seruos, ego dice-

rem generaliter hīc accipi, per suos, cōsanguineos, seruos vel famulos, seu domesticos aut amicos, vt abunde scripsi in l. liberorum. in fi. ff. de verb. signi. qui suorum nomine veniant.

*Suorum nomine, qui veniant.*

Idem, si alios extraneos amicos roget quis, vt eum detineant. Probat hic text. ibi, verum, qui alios quoque rogauit, parui enim referre visum est, suis manibus quis deiciat, an verò per alium, Vlpia. in l. prima. §. deieciisse. ff. de vi & vi arma. facit l. prohibitum. vbi Rebus. C. de iure fisci. lib. 10. quia factū est per illum cuius nomine fit, & eadem ratio habet in hoc casu locum, ergo eadē erit & decisio. l. illud. ff. ad legem Aquil.

Etiam si quis abducatur, id est, à loco iudicij reum ducat aliò, & sic extra forum, vbi comparere debebat, ibi, abducerent. De hoc verbo plenē tractaui in l. qui neque sequantur. ff. de verbo. signifi.

Præterea, si venienti ad iudicium quis pronuntiauerit aliquid triste, vt, si Titius compareret, occideretur, vel suum patrem esse mortuum, vel similia, is impedire etiam dicitur, quamuis aliàs imputetur ei, qui credulus fuit, sed non quoad hoc edictum, in quo Vlpian. ita interpretatur, licet quidam sibi imputari dicat, qui credulus fuit.

Vltimo, aliàs audiui nullam pronuntiarī electionem, quod is, qui eligi ambiebat, vnū ex Canonicis retinuerat, donec electio perfecta esset, nempe, si electio facta vno contempto irritari possit, multo fortius, quando aliquis vi retinetur: & quis maior contemptus esse possit, quā violenta retentio? c. bonæ. 2. de elect. l. qui in carcerem. ff. quod metus causa. l. iij. de vi & vi arma. Et hoc etiam interdum vidi inter magistros artium Parisiis seruari.

*Electio, vno retento, nulla.*

Ad intellectū §. Si plures, an vnus solutio liberet alium? & si plures fuerint ad vnā summā condemnati, an diues teneatur pauperis soluere partē? vide text. in l. si multi. de publica. l. offertur. in fin. de iure fisci. l. tres tutores. de administ. tuto. & l. ex persona. C. de proba. & in titul. C. si plures vna sententia cōdemna. fuerint. & Alberic. in tract. statu. q. 72. in 2. parte. & Boër. in Decis. Burdeg. q. 310. Si plures.

Ad declarationem huius tituli alia multa scribit Rosfred. in tract. libello. in 3. parte. rub. de actionibus in factum, ex illo edicto, de eo per quem factum est. & Spec. in titul. de dolo & contumac. §. restat. vers. fin. & Soc. in §. vltimo. in tract. de citat. Ego his nunc contentus ero.

*Si quis cautionibus in iudicio sistendi causa factis non obtemperauerit.* TIT. XI.

LEX I. CAIVS LIB. I. AD EDICTVM  
PROVINCIALE.



Vicena millia passuum in singulos dies dinumerari Prætor iubet, præter eū diem, quo cautum promittitur, & in quē sistere in iudicium oportet: nam sanè talis itineris dinumeratio neutri litigatorum onerosa est.

Hic



**H**ic titulus est utilis, & habet ferè leges difficiles, lex tamen prima est facilis, quæ statuit, ut si quis promittat sistere Titium absentem, intelligitur, ut pro quolibet die ad sistendum dentur viginti millia passuum, id est, viginti miliaria, quæ decem constituunt leucas, ex computatione Franciæ, & in hac computatione non computatur dies cautionis, quæ computatio apparet ex his versibus,

*Quatuor ex granis digitus componitur unus,  
Est quater in palmo digitus, quater in pede palmus.  
Quinque pedes passum faciunt, passus quoque ceterum  
Quinque & viceni stadium dant, sed miliare  
Octo dabunt stadia, duplicatum dat tibi leucam.*

*Dilationes  
in Francia  
arbitra-  
rie.*

Hodie ista cõputatio nõ servatur in Curiis Franciæ, sed dilationes sunt arbitrariæ, & pro consuetudine Curiarũ, vel stylo reguntur, ut plenè scripsi in l. 3. ff. de verbo. signifi. vbi istam materiam tractavi, & in tract. de dilatio. in 3. tomo Commetar. in Constit. Reg. Gall.

### SUMMARI A.

- 1 *Pœna post transactum negotium peti non potest.*
- 2 *Quæstio & pœna pregnantis mulieris differenda.*
- 3 *Onera tutela affectata alicui prodesse non debent.*
- 4 *Impeditus se sistere iudicio, debet Procuratorem vel excusatorem mittere.*

*Restrigitur. ibidem.*

### LEX II. VLP IANVS LIB. LXXIIII. AD EDICTVM.



**N**on exigimus reum iudicio sisti: si negotium, propter quod iudicio sisti promissit, fuerit transactum. Sed hoc ita, si nõ prius id negotium transactum sit, quàm sisti oporteret. cæterum si postea transactum est, exceptio doli opponi debet. Quis enim de pœna promissa laborat, post negotium transactum? &c.

**I**n l. ij. statuenda est regula, quod non obtemperas cautioni iudicio sisti, in pœnã incidit promissam, probatur & in rub. & in hac lege.

*Restrictio-  
nes huius  
legis.*

Limitatur, si priusquàm dies sistendi venerit, sit transactum negotium vel etiam postea. Nam quis etiam pœnam petere cum effectu, post negotium transactum nõ poterit, ut in hac l. in princ. scribitur, quia lis finitur per trãfactionem, l. causas. C. de transact. & censetur per istum tex. transactum tam super principali, quàm super pœna & accessoriis, facit l. iij. C. de positi. nisi contrarium specialiter partibus placuerit, ut in hac lege statuitur.

Secundò excusatur impeditus causã muneris, & officij suæ ciuitatis, vel municipij, aut reipub. ut in hoc §. si quis. & in l. si is qui, infra. eodem, si tamẽ dolo malo non abfuerit, dolum eò pertinere accepi, ut qui reuerti potest, neque reuertetur, in eo, quod per id tempus aduersus eum factum est, non adiuvetur. Callistra. in l. item hi. ff. ex quib. cau. maior.

Tertiò, si causã testimonij ferendi fuerit coactus ad aliud iudicium accedere. §. simili modo, facit lex ij. §. legatis. de iudic.

Quartò, si valetudine, tempestate, vel vi fluminis impeditus fuerit, exceptione adiuvabitur, §. si quis: quomodo enim potest se sistere, qui aduersa valetudine impeditur? Tẽpestatem exponit Vlpia. Iuriscõ. in §. quod diximus. in hac l. siue terrestre, siue marinam, talem quæ impedimento itineri, vel nauigationi sit. Vim autem fluminis accipit, etiam sine tempestate, si magnitudo eius impedimento sit, siue pons solutus sit, siue nauigatio nõ stet, d. §. quod diximus. cum sequen. & valetudo excusat non solum sua, sed etiam suorum. glos. in c. communis. 23. distinc. Vnde Pantha. Calde. in repeti. l. ij. col. 77. C. de rescin. vendi. & Purpur. in l. prima. numer. 57. ff. de offic. eius. l. quæsitum. ff. de re iudic. Multa scripsi in tract. de excusa. & exem. in 3. tomo Comment. ad Constit. Regi.

Quintò, mulier grauida excusatur, §. si non propter, nisi esset grauida paucorum dierum, vel esset rustica, & robusta mulier, quæ interim posset venire, ut docent Alexand. & Ias. hic, idem, si decubuerit post partum, quasi valetudine impedita, tunc excusatur, quod verum est tempore consueto dari ad decumbendum, videlicet per tres septimanas, vel quatuor, non postea, nisi fuerit tam debilis, quod eques, nec pedes, venire non posset, & glos. in l. pregnantis. ff. de pœn. dicit quadraginta dies dandos, sed hoc est arbitrariũ, inspecta qualitate personæ. Similiter pregnantis mulieris consumenda, damnata pœna differtur, quoad pariat, & quæstio, d. l. pregnantis, etiam si facta sit grauida post accusationẽ delicti, sed quidam faciunt causã differendæ pœnæ executionem, ut docet Bald. in l. Imperator. 2. ff. de stat. homi. tamẽ non debet partus, ob hoc necari, licet Ioãnes de Platea teneat contrã, in l. negotiantes. de excusa. muner. lib. 10. C. licet eum sequatur Hyppol. in practi. sua. §. opportunè, & pœna debet suos authores tenere, & nõ alios l. sancimus. C. de pœn. idè etiam hoc casu differenda pœna erit propter partum.

*Partus mulieris grauida nõ est necandus.*

Sextò, furore captus post promissionem excusatur, §. idem est in hac lege. nam qui furore tenetur, valetudine impeditur, & maiore, quàm qui sola corporis valetudine, quia hic & corporis & animi patitur vitium. ut in l. prima. ff. de ædil. edic. l. furiosum. C. qui testa. facer. poss.

Septimò, si à magistratu quis retentus sit, siue dolo malo partis, nam si pars affectauerit, vel causam dederit, non excusatur, §. fin. quia superiori obtemperare iustè debuit, & onera tutelæ affectata non profunt, §. item tria. de excusa. tuto. in Instit. l. item hi. in fin. cum l. sequent. ff. ex quib. cau. maio. secus si à priuato detentus fuit, quia eo casu in priuatum actio datur ad id quod interest, sed iste retentus non excusatur. d. §. si. l. ij. & l. sequen.

*Retentus à priuato, nõ excusatur à sistendo se iudicio.*

Octauò, iura excusant condemnatum morte, aut exilio, l. iij. & proderit exceptio fideiussoribus, defensoribus, seu hæredibus, vbi non est confiscatio bonorum, sicut de iure. in authen. bona damnatorum. C. de bon. damnat.

Idem si in carcere detentus fuit. §. illud. l. succurritur. ff. ex quib. cau. maio.

Nonò, si quis funere domestico impeditus non venit, etiam excusatur. §. præterea. & l. secunda. ff. de in ius vocan.

Decimò, si in seruitutem hostium deuenerit. §. itẽ si quis, & l. ei quoque. & litem ei. ex quib. cau. maio.



- 4 Vndecimò, regulariter impeditus debet mittere Procuratorem, vel excusatorem, nisi in arduis, & aliis casibus à iure expressis. Barto. & Doctor. in c. querelam. de Procura. l. fin. C. de Procura. Alia impedimenta scripsi in §. primo. de colla. in Còcord. & in tract. de excusa. & exem. in 3. tomo Comment. ad Constit. Regi. De his hactenus.

## S V M M A R I A.

- 1 *Renunciatio vel promissio generalis non valet, de nulla exceptione utenda.*
- 2 *Renunciatio specialis etiam fortuitorum casuum valet.*
- 3 *Littera Regie solent impetrari in Francia à renunciante casibus fortuitis, si magna fuerit lesio.*

LEX IIII. VLP IANVS LIB. LXXIIII.  
AD E D I C T V M.

Quæsitum est, an possit conueniri, ne vlla exceptio in promissione deserta, iudicio sistendi causa facta, obiciatur. Et ait Atilicinus, conueni- tionem istam non valere. sed & ego puto cõuentionem istam ita valere, si specialiter causæ exceptionũ expressæ sint, quibus à promissore sponte renunciatum est.

**H**ic §. reputatur subtilis, & habere materiã quotidianam & difficilem, difficultas in eo est, quod variè legitur, Quæsitum est, an possit conueniri ne vlla exceptio, in promissione deserta, in iudicio sistendi causa facta, obiciatur, & c.

*Deserta promissio qua vocetur.*

Desertam promissionem vocat, quando non seruatur promissum, gloss. hñc. & sic desertum, pro contempto ponitur, in l. sequen. §. primo. & l. si duo. §. primo. vel pro neglecto. in l. quisquis. C. de agrico. & censu. lib. II. Desertum pro non culto accipit Papa in c. primo. de verbor. significatio. in 6. & Imperator in titulo. de omni agro deser. lib. II. C.

Alcia. lib. 2. Parergon, c. 27. nouum esse loquendi Iuricon. modum dicit, & legendum putat, disertã, pro speciali & expressa. Differere enim nihil aliud est, quàm clarè & specialiter sententiam suam exprimere. Hæc Alciat.

Ego in quibusdam vetustis exẽplaribus legi ita, Quæsitum est, an possit conuenire, ne vlla exceptio in promissione, de certa, in iudicio sistendi, causa facta obiciatur: Et fortè non esset absurdum quoad sensum, videlicet an valeat cõuentione ne aliqua exceptio obiciatur in promissione facta de certa causa, in iudicio sistendi: & respondet valere, si specialiter causæ exceptionum expressæ sint, quibus à promissore est sponte renunciatum.

Itaque in l. secunda. suprã. multæ sunt causæ, quæ excusant promissorem, ne in pœnam incidat. Si tamẽ promissor dixerat se non oppositurum aliquam exceptionem, si suam promissionem non impleuerit, sed eam deseruerit. utpote, si non sistat, potest allegare valetudinem, tempestatem, vim fluminis, & alios casus. Si tamen has exceptiones promiserit non obii-

cere, nec aliquam illarum, valet promissio, si certæ exceptiones expressæ sint in sua promissione deserta, id est, quam deseruit, vel in promissione facta in certa causa in iudicio sistendi. Vterque intellectus est textui conueniens, & menti legis, & prior probatur in l. si duo. §. primo. infrã. eodem. Vbi pœnam desertionis vocat, illius qui ad iudicium non venit; contempta sua promissione iudicio sistendi causa facta, & ferè ibi sunt eadem verba, quæ hñc, ideò non est nouus modus loquendi: sed Alciati intellectus non probatur, quia sensus non conueniret text. videlicet, an valeat conuentio in promissione speciali de iudicio sisti: & sic non haberet locum in aliis; præterquã in promissione de iudicio sistendi, & sic reduceret ad casum specialitatis, & tamen leges generales esse debent. l. leges. C. de legi. Et si promissio clarè esset, & specialiter expressa à partibus, non esset opus distinctione Iuricon. videlicet an causæ exceptionum expressæ sint à promissore, vel non: & nulla esset dubitatio, an si quis in promissione disertã, id est, speciali, & expressa conueniat non obicere exceptionem vllam, an valeat. Ideò communis intellectus nõ est reiiciendus, qui etiam habet locum tam in iudiciis, quã etiam in contractibus, & hoc iure vtimur, si legatis certa dubitatio erit, vt valeat promissio in certa causa, ne quis aliquam obiciat exceptionem, postquam causa certa est, quod improbat hñc Iuricon. nam licet promissio fiat in certa causa, tamen incerta est, videlicet ne vlla exceptio obiciatur, & generalitas captionem sæpe solet producere. l. cum Aquiliana. ff. de transact.

*Alciati reprehenditur.*

In hac ergo materia, vt facilius intelligatur, distinguam casus sequentes Primus est, Non valet renuntiatio generalis, vel promissio, quod quis nulla vtetur exceptione, quia de omnibus nõ videtur cogitatum, & liberalitatẽ captiosam interpretatio prudentũ fregit. d. l. cum Aquiliana. ff. de transact. & ne ista generalitas & incertitudo capiat simplices homines. l. Pomponius. in prin. ff. de Procurat. Et hæc opinio est æquior, vt docet Bald. consil. 4. Quæritur. in fin. in primo vol.

Secundus casus est, Valet renuntiatio specialis etiã fortuitorum casuum, per istũ text. contractus enim ex conuentione legem accipiunt. l. j. §. si conueniat. ff. de positi. l. contractus. ff. de reg. iur.

Tertius casus, Valet renuntiatio generalis, si facta sit numeratio aliquorum casuum specialis antea, etiam de non expressis, gloss. hñc & est text. in c. qui ad agendum. de Procura. lib. 6. & hoc seruari in Curiis dicit Guido Papæ in Decis. Delphi. qu. 327. In aliquo. Ioan. Andr. & Panor. in c. vnico. & idem Panor. consil. 71. Videtur. col. 2. in 2. vol.

*Renunciatio generalis.*

Valebit etiã hæc renuntiatio in expressis, & in similibus nõ expressis, sed ad maiores casus nõ extēdetur. c. sedes. de rescrip. Bal. cõf. 4. quæritur. col. 2. vol. j.

*Renunciatio in expressis, & in similibus, ad quod extēdatur.*

Nec extēdetur ad insolitos casus, vel improuisos, per l. fistulas. & l. frumenta. ff. de contrah. empt. & pro hoc cõsultuit Bal. consil. 145. Casus talis. col. 2. in 3. vol. Vnde si quis cõductor renũtiauert omnibus casibus fortuitis, nõ videtur renũtiare bello, fortè si exercitu veniẽte vastati sunt fructus. l. item quæritur. §. exercitu. ff. loca. Socin. probat cõsil. 123. Circa præsentem. in 4. vol. Ias. distinguit consil. 107. Attingam. plenè de Ripa in tract. de peste. nu. 57. & sequen. versiculo, Ista conclusio. in prima parte.

In tex.



Renūtiatio  
debet esse  
spontanea.

Notariorū  
praxis.

In text. Sponte renuntiatum, collige non valere renuntiationem vel conuentionem, nisi spōte facta sit, quæ enim metus causa sunt facta, rata non habet Prætor. l. j. & per totū ff. quod metus caus. nec valet beneficij renuntiatio metu facta. c. super hoc. de renuntia. Plura scripsi in Praxi bene. in 3. parte. tit. de resignatione metu extorta. Vnde inoleuit praxis notariorum dicentium, Talis, &c. sponte, non dolo, vel metu coactus, vulgò text. *de son bon gré*, &c.

3 Hodie in forensi iudicio seruatur, vt is, qui sic renuntiavit casibus fortuitis, soleat releuari à Principe, & impetrare literas Regias, quibus conceditur non obstante effusa hac renuntiatione opponere talem exceptionem niuium, vel gelu, seu aliū casum fortuitum, si magna fuerit læsio, & ex æquitate approbari hæ literæ solent, quia de tam magna læsione non est verisimile quod partes cogitauerint. Videte Felin. & alios in c. ex parte. de offic. deleg.

Generalis  
renūtiatio  
quādo non  
profit.

Non refragatur, quod renuntiatio generalis tantum debeat operari, quantum specialis, per l. si duo. de administrat. tutor. ff. hoc non procedit in casu huius text. vt docet Bart. Nos verò generalitatem non prodesse dicemus, vbi expressa & specialis debet fieri expressio, vt hīc. Bart. & alij docent in l. j. ff. de vulg. Vnde cum hīc statutum sit, vt expressio specialis fiat, non valebit generalis propter constitutionem hīc factam, & rationem superius scriptam, nec possunt partes hos casus pro expressis habere, quia partes non possunt fingere, nec quicquam facere contra legis constitutionem. Bart. in l. si is qui. ff. de vsucap. Hoc pertinet ad legem, vel ad conditionem eius. l. omnes. de præscript. trigin. vel quadrag. anno. Ideo solet Papa vti hac clausula, *Pro expressis habentes*, vt est in forma manda. in Concord. Scripsi etiam in Praxi benefic. in forma supplica. licet Papa Paul. III. hanc clausulam in rescriptis amplius non esse scribendam censuerit in suis cancel. Reg.

#### SUMMARIA.

- 1 *Expense semper restituendæ à reo, pro contumacia.*
- 2 *Mora purgatio in appellatione non admittenda.*
- 3 *Sens in Curia Francie.*
- 4 *Mora ex æquitate Canonica semper purgari potest.*

#### LEX VIII. VLPIANVS LIB. XX. AD EDICTVM.

**E**T si post tres, aut quinq; plurē sue dies, quā iudicio sisti se reus promisit, secum agendi potestatem fecerit, nec actoris ius ex mora deterius factum sit, consequens est dici, defendi eum debere per exceptionem.

**I**Ason post alios, dicit videri hanc decisionem tex. absurdam, vt videlicet reus, qui promisit se sistere in iudicio certo die, possit purgare moram post tres, quatuor, quinque, plurē sue dies, & sic intra modicum tempus, si ius actoris non sit factum deterius. Sed quomodo hoc? quia actio ex hoc edicto datur ad id quod interest, l. ij. in fin. supra si quis in ius voca: non ier. l. qui autem. infra eod. & quando ius actoris non est factum deterius, cessat interesse, & sic actio contra reum. Ergo frustra hīc deciditur quod reus

possit moram purgare, quia frustra purgat si ad nihilum tenetur, quia nihil interest, ob id glos. duos intellectus ad text. deducit. Primus est, quia pœna promissa erat à reo, si se non sisteret, & non tenetur ad illam pœnam si breui veniat, & secum agendi potestatem actori faciat. Verum quia in hoc textu nihil dicitur de pœna, ideo iste intellectus reiicitur ab interpretibus.

Secundus intellectus est, quod non erat adiecta pœna, sed sola promissio de iudicio sistendi: vnde non agitur ad id quod interest, si ius actoris non est factum deterius, quoad principalem causam, quia actio prima durabat, sed quoad expensas, & tunc potest mora purgari. Hæc las. post alios.

Ego putarem istum textum intelligendum sic, & pono speciem facti. Titius reus promisit se sistere, & perseverare vsque ad finē causæ, in primo die nō stetit, post tres verò, quatuor, quinq; aut plures dies se exhibuit, secumque agendi potestatem fecit, quæsitum fuit, si cōtra eum reum opponatur, quod non se stitit iuxta suam stipulationem, vtrum sic debeat repelli, an soluere? Respondet, se defendere debere per exceptionem, contra actorem, si ius actoris non sit factum deterius: difficultas tamen est, quando ius dicatur deterius. Vlpian. in l. fin. de eo per quem fact. erit. declarat, ibi, *Videlicet si fortè actor quid amisit, fortè si reus acquirat dominium interim, aut actione liberatus fuerit*, tunc & in aliis casibus in quibus actoris interest, commissæ est stipulatio, nec reus defendi potest exceptione, quamvis soluat id quod interest. Nam si actor opponat reo venienti post diem, reus excipiet ius suum non esse factum deterius, ideo tua non interest: quapropter semper reus audiri debet sine interesse.

Authoris  
ad hanc legem  
intellectus.

Nec frustra hīc inducitur, nam ante istum text. nihil erat inductum in cautione iudicio sistendi, vt daretur exceptio promittenti, sed declaratum erat in eo qui vocatus ad ius non venerit, vt ad id quod interest teneretur, & si iustam causam habebat, vt excusetur, sed si promiserit se sistere, & non stiterit, fortè sine iusta causa, non dabatur ei exceptio. per l. ij. supr. eodem. ideo hīc necesse fuit statuere. Quod si reus, etiam sine iusta causa, promissioni suæ de iudicio sisti non obtemperauerit, si tamen intra duos, vel paucos dies, agendi secum potestatem fecerit, vt possit excipere, si ius actoris factum deterius non sit, siue adiecta pœna fuerit, siue non, quia iste text. generaliter loquitur: & hoc etiam ex æquitate, quia æquum est, vt si nil actoris interest, vt reus recipiatur, & ita seruant Curia Franciæ, vt inferius dicam.

Sed dicet quis, Semper reus tenetur ad expensas pro contumacia, per l. sancimus. C. de iudic. ergo semper ius actoris est factum deterius. Respondeo, istud edictum non respicit principaliter expensas, sed hoc est alibi statutum contra contumaces, vt ad expensas teneantur, sed hīc text. respicit ad id quod interest, in quo deducuntur etiam impensæ. Verum in hoc text. dicitur reum venisse intra modicum tempus intra quod non intererat actoris, ideo ius actoris non est factum deterius: frustra ergo hæc ponitur decisio, quod quidem inficior: nam quod statuitur hīc, æquum est, quia intra modicum tempus reus venit, & ius actoris non erat factum deterius, ideo exceptio datur reo contra stipulationem commissam. Verum quia non interest actoris, eò quod ius suum

Obiectionis  
solutio.



non est factum deterius, idèd audietur, ac si comparuisset prima die. Nec dicitur ius actoris factum deterius propter expensas, quæ semper restituuntur antequam audiat contumax. per d. l. sancimus.

*Interesse  
quado non  
exigatur.*

Et sic notandum est, quod reus veniens tenebitur ad expensas, quæ exiguntur ratione contumaciæ, vt in l. sancimus. C. de iudic. Scripsi in tracta. de expens. in 3. tomo Commentariorum ad Constit. Reg. Sed non exigetur interesse, quia ius actoris non est factum deterius, idèd non interest partis, cum ipse reus venerit intra modicum tempus, & si text. dixisset: intra lōgum tempus, certè interesse partis posset: ergo non posset admitti sine solutione illius deteriorationis, quam vocat text. pœnam desertionis. in l. si duo. §. j. suprà eodem. Et illud tenendum est, quod aestimatio eius quod intersit agētis ad illud tempus referenda est, quo fisti debuit, non ad id quo agitur, quamuis deserit eius interesse. l. qui autem. in si. infra eodem, & si tempore quo agitur non interest, reus admitti debet, nec quicquam vltra expensas contumaciæ ab eo peti debet. l. si ita quis. §. Seia. in fin. ff. de verbor. obligat. ibi respondit posse, si non multò post obtulisset, nec mulieris quicquam propter eam moram interesset, quod omne ad iudicis cognitionem remittendum est.

*Reus non se  
sistēs iudi-  
cio, quando  
non teneat-  
ur.*

Vnde si reus promiserit se sistere, siue adiecta pœna, siue non: si tamen non se præsentaerit, & sic commissæ sit stipulatio, non tenebitur ad pœnam, nec ad interesse duobus concurrentibus, quod intra modicum tempus moram commissam purget: nam in idem recidit intra tres pluresue dies, & modicum tempus. l. si cum dies. in fin. ff. de arbit. & quod ius actoris deterius factum non existat, nec erat hic adiecta dies, vt dicunt Doctor. sed tantum promissio facta iudicio sistendi. Et si adiecta pœna, & dies fuissent, adhuc in Curiis Franciæ (saltem supremis) reciperent, duobus his existentibus, atque concurrentibus, moræ purgationem.

Videamus itaque de purgatione moræ, in qua Doctor. hætenus proluxa commentaria scripserunt, quæ quidem per regul. sequentes breui comprehendam: maximè quæ in Curiis, & in praxi seruantur, quicquid disputent interpretes.

*Mora pur-  
gatio quan-  
do admit-  
tatur.*

Et prima regula erit, In iudiciis admittitur intra modicum tempus mora purgatio, si ius partis deterius factum non fuerit, quia damnum non est subiturus actor, idèd exceptio tunc reo venienti danda est, si omnia integra sint actori. Si verò venditæ res sint, quas consecutus fuisset, si reus venisset, vel seriùs libertas data fuisset, tunc ius actoris deterius factum censetur, vt in l. mancipiorum. & l. apud. ff. de optio. lega. facit l. si in lege. §. colonus. ff. loca. & l. fin. C. de repud. hære. & c. si tibi absenti. de præben. lib. 6.

Secunda regula est, In contractibus vsque ad litem contestatam admittitur purgatio moræ, postea non, quia est duplex mora, & quasi contractus. l. si insulam. ff. de verbor. obligat. Vnde qui promisit domum edificare, poterit, si conueniatur ante litem cōtestatam se illam facturum offerre, & non incidet in pœnā, imò, vsque ad sententiam, si actor petat domum fieri, secus, si interesse. §. fin. de perpet. & tempora. actio. in Instit. Bar. in l. interdum. & d. l. si insulam. ff. de verbor. obligat. & interpretes in dicta l. si insulam.

Intelligunt Doctor. quando illa contestatio litis

fieret intra modicū tempus, per istum textum. & in l. si ita quis. §. Seia. ff. de verbor. obligat. hoc tamen reprobatur Alexand. in d. l. si insulam. & huic videntur acquiescere alij. Doct. communiter, cum in d. l. si insulam hoc non dicatur, nec in alia lege exprimat: nec hic text. loquitur in litis contestatione, quando facienda sit, & iura per eos allegata hoc non probāt.

*Quando nō  
admitta-  
tur.*

Tertia regula est, Vbi in contractibus dies & pœna est apposta, non recipitur purgatio moræ. l. tractitæ. §. de illo. ff. de action. & obligat. l. magnam. C. de contrah. & cōmit. stipu. l. ij. C. de iure emphyteut. vbi emphyteota non soluens pensionem per triennium, iure suo priuatus est.

Quarta regula, Post sententiam non admittitur purgatio moræ, nisi vnū fuerit in obligatione, aliud in solutione. Litem veniunt. §. idem rectè. ff. de petit. hæred. & speciale est in l. ij. in fin. cum l. sequent. ff. iudi. sol. & in l. fideiussor euictionis. de doli except. Matthæ. de Afflict. in decisi. Neapol. 187. Facta. in fi.

Quinta, Moræ purgatio non recipitur in causa appellationis. glos. & Doctor. in l. j. in principio. ff. de actio. emp. Allegatur lex ab executione. in fine. ff. de appel. quamuis parum probet, Alexand. tamen Ias. & alij hoc probant. in d. l. si insulam. in fin. quia si non licet post sententiam, multò fortius nec post appellationem.

*2  
Restrictio-  
nes ad re-  
gulas præce-  
dentes.*

Sexta regula, Hodie in Curiis Franciæ semper ferè recipitur moræ purgatio, si ius actoris non sit factum deterius, per istum textum, etiā in causa appellationis ratio est, quia ex bono & æquo hæc purgatio fit. l. si seruum. §. sequitur. ff. de verbor. obligat. quam æquitatē iudices sequi debēt, l. quod si Ephesi. ff. de eo quod cert. loc. non rigorem iuris. cap. dilecti. de iudi. Et de æquitate Canonica mora semper purgari potest. cap. suam. secundum vnum intellectum. de pœn. Bald. in l. qui crimen. quæst. 9. C. qui accus. non possunt. Anton. Butri. in cap. dilecti. col. 2. de arbit. Ias. consil. 10. Ex hac. nu. 2. vol. 1. Et hanc Canonicam æquitatem receperunt Curia Franciæ tam seculares, quàm Ecclesiasticæ, sequentes glos. in cap. apud misericordem. 32. q. 1.

*Arrestū pro  
moræ pur-  
gatione.*

Vnde sepius iudicatum fuit, pro ista moræ purgatione, etiam in causa appellationis, & maximè pro de la Bonne, Ciui Lugdunensi, & nouissimè contra capitulum Sancti Thomæ du Loure, Parisiis, quod concesserat domum cuidam ad tempus longum, hac lege, quod si non solueret intra sex terminos, quod capitulum, sine figura processus, sua auctoritate domum haberet, & emphyteosis, seu locatio pro non data & facta haberetur: qui tamen vocatus in ius, post mensem & sex dies finiti temporis, obtulit pensionem, & Senatus cēsuit illum posse moram purgare celeri satisfactione, per cap. potuit. de loca. & intra modicum tempus: sic conclusum fuit, anno 1547. in mense Februarij. Et hoc, siue sit adiecta dies & pœna, siue aliàs de iure prohibeatur, nisi ius partis deterius sit factum, & hoc est valde arbitrarium, vt dicit text. in d. l. si ita quis. in §. Seia. ff. de verborum obligat. ibi, quod omne ad iudicis cognitionem remittendum est. Idèd non disputo an ipso iure, an per exceptionem, quia semper per exceptionem oportet quod in Curiis fiat, licet super his interpretes valde disputent.

Etiā si iuramentum sit appositum, admittunt iudices moræ purgationem, si ius partis non sit factum



Etum deterius, iuramenti tamē prius obtenta dispensatione, licet de iure non recipiatur. l. si quis maior. C. de transact. Alexand. consil. 148. Vifo. in 7. vol. las. consil. 10. Ex casu. nu. 2. vol. 1. Et sic per prædicta vides quomodo purgatio moræ fiat, ne plura hac de re hic congeram.

LEX X. PAVLVS LIB. I.  
AD PLAVTIVM.

**S**I eum iudicio fisti promiserō, qui iam tempore liberatus esse dicatur, quanuis fortē iam actione non teneatur, actio in me danda est, vt vel exhibeam eam, vel defendam, vt veritas inquiratur.

**P**incipium huius l. explicat Hyppolit. Marf. in tractat. de fideiussor. 14. num. 136. & 150. cum seq. nec refragatur d. l. ij. §. j. suprà, qui satisfd. cogant. quia ibi ille, cui erat facta promissio, agere non poterat, & sic non poterat petere, vt promissus se sisteret. hic verò potest agere, & dicit text. dandā actionem vt exhibeam, vel vt defendam, scilicet me non teneri exhibere, quia is liberatus erat tempore, idē ad iudicium conueniri non poterat. Vide in d. l. ij. alia.

§. Qui iniuriarum acturus est, &c.

**R**eputatur hic §. singularis, ad hoc, vt quādo stat per reum, vt lis non contestetur, habeatur pro contestata, & sic actio perpetuatur, & transit ad hæredes, ac si lis contestata esset, vt dico in tractat. de effect. litis contest. & hunc text. singul. dicit Alexan. consil. 100. Discusis. in princip. in 5. vol. & las. consil. 35. volum. 1. quia quod per me non stat, mihi non est imputandum. regul. in iure ciuili. ff. de regul. iur. & in 6. regula, quod per me, vbi hoc plenē tractatur.

Secunda regula ex hoc tex. elicitur, licet hæc non probetur hic, quod subrogatū debet sapere naturam eius, in cuius locum subrogatur. glos. hic in verbo, danda non est, alia adducit iura, quæ tamen limitat glos. in l. certi conditio. ff. si cert. per.

Istam regulam explicat Soci. in tract. fallen. regul. 383. & in c. veniens. col. 11. de accusat. Alexand. consil. 106. in 3. volum. 1. post Bar. in l. j. §. hæc actio. ff. si quis testa. liber. esse iussus fuerit. Bal. in margarita. in verbo, actio. quæst. 7. Ausfer. decisio. Tholos. quæst. 90. Anchar. consil. 421. Et an habeat locum in electionibus? Ludouic. Roman. singul. 478. & Hyppolit. singul. 255. las. consil. 108. An subrogatus pacta seruare teneatur? Bologn. consilio 168. Cotta in 2. parte memorat. in verbo, subrogatum. De his hætenus.

*De feriis, & dilationibus, & diuersis temporibus, & quibus causis feria non impediatur.*

TIT. XII.

SUMMARIA.

- 1 Sententia tempore feriarum lata, est nulla.
- 2 Partes possunt testibus iuramentum remittere.
- 3 Proquisitio etiam die feriato fieri potest.

4 Cognitio custodiarum potest tempore feriarum, messium, & vindemiarum fieri.

5 Creditor de nocte solutionem recipere non cogitur.

LEX I. VLPIANVS LIB. IIII. DE  
OMNIBVS TRIBVNALIBVS.



**N**E quis messium, vindemiarumue tempore aduersarium cogat ad iudicium venire, oratione Diui Marci exprimitur: quia occupati circa rem rusticam, in forum (venire) cōpellendi non sunt, &c.

**T**itulus de feriis. Multas feriarum species docet Macrobius in lib. 1. Saturnal. Specul. in eod. tit. de feriis. Hostiens. & Azo in summa huius tituli. Iurisperiti tres maximē feriarum species conscripserunt. Primæ sunt, feriæ in honorem Dei & Sanctorum introductæ, quo tempore ab omni opere cessatur. Exod. 20. cap. & Leuitic. 23. Sicut enim Deus die septima ab omni opere, quod patrauerat, cessauit: Genes. 2. cap. sic & homines illis diebus in eius honorem cessare debent. Et de hoc loquitur pulchre l. fin. & aliæ multæ leges. C. eodem.

Aliæ sunt feriæ messium & vindemiarum, de quibus iste ferē tit. loquitur, vt quis eo tempore non teneatur ad iudicium venire, quia rustici occupati circa rem rusticam ad forum venire compellendi non sunt, & quamuis ratio de rusticis loquatur, idem tamen in aliis, quia principium huius legis dicit, Ne quis, quod est generale: l. prima. ff. de verbor. significat. nam alij prouident sibi id temporis, vt à rusticis emant, etiam in locis vbi non sunt messes, nec vinum. Dari solent hæ feriæ, vt, qui mōtes incolunt, aliunde sibi quærant, & comparent ista, vt docent hic Doct. & in c. fin. extra. eodem.

Et si propter contumaciam feratur sententia in vocatos in ius tempore feriarum, nullius erit momenti sententia, & citra appellationem infirmabitur, & nulla pronuntiabitur, & quatenus de facto processit, irrita declarabitur. text. hic, & glos. Et sententia lata hoc tempore executioni mandari non debet, nec condemnatus soluere, l. si ferialis. infra. vbi glos. dicit partem non teneri facere iudicatum, quando est in faciendo, imò dicatis, quod facit iudicatū pars, quando satisfacit id, in quo est iudicata. Et iudex cogit partem facere iudicatum, id est, soluere, & satisfacere, quod iudicatum est. l. decem. ff. de verbor. oblig. Scripsi in l. verbum, facere. in verbo, soluendi. ff. de verbor. signific.

Limitatur, si partes sponte litigauerint: sponte enim censentur litigare, quando ferias non opponunt, & tunc tacitē censentur his feriis renuntiare, quod possunt, vt hic, & l. si ferialis. infra eodem. Alexand. consil. 113. Vifo. col. 2. in 2. vol. Cuilibet enim licet renuntiare priuilegio in fauorem suum introducto, l. penult. C. de pact. vnde dicit glos. in verbo, sententia, partes posse remittere iuramentum testibus, & illam glos. probat Lanfranc. in c. quoniam. in verbo, testium. de probat. alia est in c. tertio loco. ibidem. de probat. & in cap. tuis. de testib. vbi plenē Felin.

Secundò non habet locum, si res erat peritura, vel

Tres feriæ  
rē species.

Feria vin-  
demiarum.

Partes pos-  
sunt ferias  
renuntiare.

2

Lis nō con-  
testata quā  
do habea-  
tur pro con-  
testata.



*Restrictio-  
nes ad tex-  
tum.*

- 3 vel dilatio sit actionem peremptura, aut si res urgeat, aut agatur de alimentis, & in aliis casibus positus. in §. fin. in ista l. j. & l. ij. & sequen. infra eodem. Et regulariter ubi prouisio debet fieri, de quo amplè tractauit in tract. de senten. prouisio. in i. tom. Commen. ad Constit. Reg. Galliar. & in casibus in quibus procedi potest, & testes, & omnes ad causam facientes euocari poterunt: nam qui vult antecedens, & consequens ad illud. l. ij. ff. de iurisdictione om. iudicum. l. ad rem mobilem. ff. de procurat. aliàs non. iudex tamen iis feriis non utetur, si partes veniant in casibus necessariis, alioqui contrà. vt docet Bald. consil. 374. Quaritur. in 5. vol.

*Disciplina  
militaris  
potest feriis  
diebus  
feri.*

- 4 Tertio, istæ feriæ vacationem tantum in forensibus negotiis concedunt, non autem quoad disciplinam militarem: idè feriatis diebus, die sanctissima Paschalis in ciuitate munita non debent defensiones omitti, & hoc est verum, sed non probatur in l. pen. infra eodem: sed cognitio custodiarum, id est, personarum, quæ in custodia & carcere sunt, potest tempore feriarum, messium & vindemiarum, fieri, quia in hoc summum Numinis speratur venia, per quod multorum salus & incolumitas procuratur, l. prouinciarum. C. eodem. vbi non debet differri proditio sceleratorum, nec latronum tormenta, & sic executio fieri potest hoc tempore. Aufser. in deci. Tholosan. q. 158. Allegata.

*Feris mes-  
sum decla-  
randæ in-  
dice.*

Hodie sunt feriæ istæ statutæ in singulis Curiis, per consuetudinem & stylum Curiarum, & iudex debet illas ferias messium & vindemiarum declarare tempore debito.

- 5 Notant interpretes glossam singularem in l. more Romano. infra eodem. quod creditor non potest cogi recipere solutionem de nocte, si posset decipi, vel infidiosus sit locus. quem Ias. not. in l. non solum. §. morte. colum. 20. numer. 43. ff. de noui oper. nuntia. Hodie non coguntur creditores accipere, quia vix vnquam, etiam post condemnationem, debitores offerunt, semper solutiones differentes, quantum possunt.

*Feris re-  
pentina.*

Aliæ sunt feriæ repentinæ, quæ in honorem Principis indicuntur, ob res prosperè gestas, fortè si natus ei fuerit filius, vel ob partam magnam victoriam, l. sed si. §. si feriæ. ff. ex quibus caus. maior. & quamuis in veteri ff. meo ex antiquis habeā ibi, repentinæ, tamen in libris nouis non inuenitur. Et notandum est, quod ea quæ dicuntur in feriis, in honorem Dei introductis, ferè in his locum habent, vt docet glos. singul. in clemen. sæpe. in verbo, amputet. de verbor. signific. quam notandam censeo.

Vltimò, ad intellectum l. oratione. & l. fin. colligendum est, quod dilatio vna datur, vel causa cognita duæ, hoc procedit in pecuniariis causis, sed in capitalibus accusatori duæ, tres verò reo dantur: l. si. hoc titul. nam olim duæ horæ accusatori, tres verò reo dabantur, ne res in infinitum protraheretur, vt refert Alexand. lib. Genial. 4. c. 11.

Hodie tam in Curiis secularibus, quàm Ecclesiasticis dilationes sunt arbitrariæ, nisi sint taxatæ à consuetudine, vel stylo, vt plenè scripsi in tract. de dilation. in 3. tomo Commen.

ad Constit. Reg. vbi abundè de his scripsi.

## De edendo. TIT. XIII.



Id titulus est in iudiciis frequens, quare in eo dicam tantum, quod vsus fori seruat, cum super hoc nulli recentiores (quos viderim) haftenus aliquid scripserint, extra Iason. & Iacob.

### S V M M A R I A.

- 1 Edere, quatuor modis dicitur.
- 2 Instrumenta in Curiis Franciæ solent cum die & Consule edi.
- 3 Rationum editio quomodo in Curiis Franciæ fieri soleat.
- 4 Editio expensis petentis fieri debet.

### L E X. I. V L P I A N V S L I B. I I I I.

#### A D E D I C T V M.



Va quisq; actione agere volet, eā prius edere debet. Nam æquissimum videtur eum qui acturus est, edere actionem, vt proinde sciat reus vtrum contendere an cedere ultra debeat: & si cõtendendum putet, veniat instructus ad agendum, cognita actione qua conueniatur.

Imprimis sciendum est, quod edere est exhibere, ostendere, & demonstrare. Est etiam copiam describendi facere, vnde solet actor, cum reum in ius vocare vult, Apparitori tradere papyrū sic scriptā, aut simile, pro qualitate actionis: Citerur Titius corā Cõseruatore, visurus recognoscere suū chirographum, vel condemnari ad decem aureos, quos causā mutui debet. Ecce quomodo editur actio, vt reus instructus veniat: & ita extat Constitutio Regia, vt omnis in ius vocatio debeat esse (vt vocant) libellata, & continere actionem, quā reus agere vult. in tit. de citat. seu adiorna. art. 3. & sequen. vbi plenè scripsi. Et sic maximè quatuor modis edere dicitur. Primò, quando copiam describendi aduersario facit, dando ei facultatem & potestatem, vt conscribere possit, qua actione actor velit agere.

*Forma edi-  
tionis actio-  
nis.*

Secundò, quando ea, quæ in libello complexus est, dat reo, vt describat, ibi probatur, vel in libello complexi & dare. Et in l. si quis. §. edere autem, est vel tradere libellum, vel codicem proferre, infra.

Tertiò, quando actor dictat reo, & ipse excipit quæ est dicturus, & in iudicio prosecuturus.

Quartò, edere dicitur, qui suum aduersarium in album producit, id est, in iudicium ducit, & illi demonstrat quid sit dictaturus in suo libello, vel dicendo aduersario quo genere actionis vti velit, ibi, Eum quoque, &c.

Aliis etiam multis modis accipitur hoc verbum, edere, quos scripsi in l. boues. §. inter reddere, ff. de verbor. signific. facit lex ij. de dilatio.

Edere igitur dicitur actor, quando manifestum facit reo id quod petere vult, l. j. vel edit quis, quando palàm facit id quod exhibere petitur, vt instrumenta & rationes, de quibus infra.

*Edere actio-  
nem, quādo  
quis dica-  
tur.*

Hodie



Hodie extat regula in iudiciis certa, quod tam actor, quam reus omnia edere debent quibus in iudicio vuntur, & etiam allegationes iuris in medium productas, edendas censet (quamvis per errorem productæ essent) Specul. in tit. de instru. editione. in §. videndum. versic. vnde si aliquis alia ad fundandam intentionem. Bart. & alij in §. editiones. in hac l. j. Nam quæ producuntur, quodammodo communia fiunt, & pars nesciret respondere his, quæ contraeam producuntur, nisi exemplum eorum haberet: ergo ei edenda sunt. Et quia producendo instrumentum videtur illud approbare tam pro se, quam contra glos. quam not. Iason in §. editiones. hoc titul. & Decius in c. cum venerabilis. col. 2. de exception.

Et in Curiis non obseruatur §. editiones. quia instrumenta edi solent cum die & consule, & integre, nec pars editionem accipere solet, nisi integre ei fiat exhibitio, secus in rationibus: nam quando illarum ex libro fit editio, principium libri transcribitur, & postea aliqui articuli, ante articulum necessarium, describi solent, cum articulis necessariis, & ita solet praxis seruari.

*Edere quomodo quis compellatur.*

Quomodo possunt compelli partes ad edendum? Respondeo, ad requisitionem petentis officio iudicis. glos. in l. iij. infra. Alias si pars nolit, vel dixerit se non habere illa instrumenta, poterit iudex pronuntiare non esse adhibendam aliquam fidem, si deinceps inueniantur, imò ea cassat & irrita pronuntiat. Bart. pulchre in l. ij. C. eodem. & pro illa decisio. Bart. facit text. in l. huiusmodi. §. si ita. ff. de legat. j. l. fin. versic. quod si prædictum. C. de fide instrumen. cap. longinquitate. in fin. 12. q. 2. & Bald. in l. hi qui ad ciuilia. col. 3. C. de appel. Federic. consil. 202. Decius in c. 1. col. penult. de probat. extat lex Regia conformis sub tit. de Procura. art. 11. & seq.

Edere quis compellitur expensis petentis, quando petitur editio eorum, quæ producta sunt in iudicio. Decius in cap. j. de probat. l. Prætor. in fin. infra. glos. in clemen. 2. de appel. & in clemen. fin. in verbo, pronuntiatio. de verbor. significat. Si verò petatur extra iudicium ab apparitore, exemplum eorum quæ ipse contra partem facit, tunc expensis partis illius, cuius nomine ipse exequitur, fiet, vt est glos. in clemen. causam. in verbo, porrecto. de elect. Lanfranc. in cap. quoniam. in verbo, petitionis. in fine. de probat. est Constitu. Regal. tit. de citat. vbi scripsi. Decius in c. 1. columna 36.

*Denombramenta vassallo edenda.*

Vnde dominus tenetur instrumenta feudalialia, quæ vocant Pragmatici denombramenta, vassallo edere, quia communia videntur. Ista censuit Senatus, anno 1533. die 15. Iulij. & pro hoc facit glos. in c. j. §. illud. in verbo, requisitus. de prohibet. feud. alien. per Feder. vbi Bald. & Alexan. Tamen quando vassallus, vel emphyteota fatetur se vassallum, vel emphyteotam, tenetur declarare res feudales, vel emphyteoticarias, quas à Domino habet: aliàs expelli poterit glos. in verbo, iurata. & Doct. in l. ij. C. quando & quibus quarta pars debetur. libro 10. Iacob. in tractat. de feud. in verbo, dictique vassalli. secunda columna. ac Socin. consilio 167. incipiente, Non inutilis. columna septima. in secundo volum. Boer. in §. 2. de consuet. feud. & §. 16. ac in §. 2. de consuetu. reten. rerum feudalium.

LEX II. PAVLVS LIB. III.  
AD EDICTVM.



Legatum petatur, non iubet Prætor verba testamenti edere: idè fortasse, quia hæredes solent habere exemplum testamenti.

Vbi est in hoc text. si legatarius ab hærede legatum petat, & hæres dicat legatario, vt edat verba testamenti in quibus est illi legatum factum, an legatarius edere illud teneatur? Respondet text. Non iubet Prætor verba testamenti edere. Rationem ponit, quia hæredes solent habere exemplum testamenti, & absurdum est, cum ipse in ea sit causa, vt edere debeat, ipsum petere vt edatur, & l. si quis. §. Prætor. infra eodem.

Secundò dicit glos. hæredem non cogendum exhibere legatario originale, sed exemplum per istum textum. & l. Procurator. C. eod. hoc verum est, sed non probatur in hoc text. qui loquitur de legatario, vt hæredi edere non teneatur verba testamenti, quia hæredes solent habere exemplum testamenti, id est, formam testamenti, & ipsum testamentum ac originale, l. cætera. in fi. famil. herciscun. ff. sed idè dixit, exemplum, quia prius dixerat, verba testamenti hæredi non edenda, quia ipse habet exemplum testamenti, & illorum verborum: idè ea non tenetur legatarius exhibere, & sic accipitur hic exemplum, pro forma, vt docet Valla lib. 6. c. 33. & dixi in l. in vulgari. ff. de verbor. signific.

SUMMARIA.

- 1 Fisco instrumenta edenda non sunt, cum criminaliter agit.
- 2 Fiscus in locum privati succedens, iure privati vitur, non iure fisci
- 3 Ecclesia, minor & hospitale non tenentur fisco instrumenta edere.

LEX III. MODESTINVS LIB. II.  
DE POENIS.



Enatus censuit, ne quisquæ eorum, à quibus quid fisco petitur, alia instrumenta delatori cogatur edere, quàm quæ ad eam causam pertinerent, ex qua se deferre professus esset.

Species facti talis est, Quidam denuntiavit talem mercatorem fisco instituisse, & testamentum surreptum, ob id fisco bona mercatoris petebat à possessoribus, & delator petebat instrumenta sibi edi, quæ situm fuit quæ instrumenta petenda & edenda sunt? Respondet Iurisconsult. edenda ea quæ ad istam causam pertinent, ex qua deferre professus est: igitur si delator velit, vt aduersarius instrumenta exhibeat, quæ ex patris successione habet, non tenetur: quia non pertinent ad institutionem illius mercatoris: nam instrumenta tantum, quæ spectabant ad mercatorem, & quæ ad eius bona respiciunt, sunt edenda fisco, alia verò quæ ad possessores bonorum pertinent, ex suo patrimonio edi non debent, &

*Facti huius legis species.*

fic



sic intelligi debet iste text. quicquid glo. & alij dicant, probat text. & ibi Iason notat, & in l. si quis. §. rationem. infra eodem.

Fisco instru-  
menta eden-  
da.

Et sic ex isto text. colligitur, quem teneri edere fisco, tam ad suam fundandam intentionem, quam replicationem iuuandam, & speciale est in eo, per istum text. quamuis nullum speciale in fisco debeamus inducere, nisi lege cautum sit, l. item veniunt. §. ait Senatus. ff. de petit. hered. vbi glos. in verbo, in publica. & in l. j. C. eodem. ac l. non puto. ff. de iure fisci. quia ipsi Principes, satis sibi ipsis, & quatenus voluerunt, prospexerunt, & postea magistratus adulator, volentes se & consanguineos, bonis temporalibus ditare, & spiritualibus priuare, ea privilegia fisco auxerunt: tamen hic non vult ut instrumenta, quae non pertinent ad eam causam inchoatam, edantur: quia iniquum est res suas exhibere, & sic paupertatem suam deregere. l. ij. C. quibus quarta pars debet. libro 10. Et sic idem videretur in alio instituto, ut posset cogere eum, qui habet instrumentum, quo est institutus, ut alibi dicam.

Imò si edita & exhibita fuissent instrumenta alia, non nocerent parti, & ita intelligitur l. ij. §. Diuus. ff. de iure fisci. quae negotium fecit interpretibus, eò quòd dicit: *Sed nec aliàs dubitari oportet, quin non aliam in causam nocere debeant, quam in eam, quam desiderata sunt.* Nam ibi negatiuè accipiendum est, non dubitari quin quod non debeat nocere in aliam causam, ut plenè docui in l. duobus. ff. de verborum significatione.

¶ Ista etiam lex non procedit, quando fiscus ageret criminaliter, quia tunc nimis graue esset, & absurdum, quòd accusatus teneretur edere, & parare arma contra se. l. nimis graue. C. de testib. Et Callistra. ait, totiens edenda esse fisco instrumenta, quotiens de iure capiendi, vel de iure dominij, vel de alia causa simili re numaria quaeratur, non si de capitali causa agatur. d. l. ij. §. item Diui. Panormit. & alij in cap. j. de probat. licet Bart. teneat contrà, in d. §. item Diui. Videte plenè Doct. in l. ij. C. de edendo.

Emptores  
gabellarum  
habent idem  
privilegiū  
cum fisco.

Hoc etiam privilegium dicunt competere emptoribus gabellarum, cum in locum fisci succedant. Bald. in l. j. §. editiones. in fin. supra eodem. sed text. in l. licitatio. §. fin. ff. de publica. dicit contrarium, & sequitur Alexand. & Ias. hinc per illam l. licitatio. in fin. quod non transit ad alium. l. fin. in fine. ff. de contrahend. emptio. & regula, privilegium. de reg. iur. in 6. quia hoc privilegium est personale.

Ego sic conciliarem. Nam si emptores vel conductores fisci emissent, aut à fisco conduxissent, ut simili privilegio vterentur, tunc hoc daretur privilegium, quia in locum fisci subrogantur: ergo eodem privilegio uti debet. l. si eum. §. qui iniuriarum. ff. si quis cautio. & sic intelligi prima sententia debet, & hoc videtur tenere Guido Papae in decis. Delphi. 208. Iuxta materiam. in fin. etiam quando debitores sic essent obligati, scilicet quòd possent compelli ad soluendum, sicut debitores fiscales, & sic in his duobus casibus hoc fieri poterit.

Si verò simpliciter venditio, aut conductio fuisset facta, nec obligati fuerint debitores, sicut fiscales, tunc hoc privilegium non transit in alium, & sic intelligitur d. lex licitatio. quia ex mutatione personae mutatur conditio rei. l. Paulus respondit per Procuratorem. ff. de acquirend. hered. & quia fiscus succe-

dens in locum priuati, non vitur iure fisci, sed priuati, l. fiscus. ff. de iure fisci. sic nec priuatus, quando succedit fisco, titulo locati, vel emptionis, seu alio titulo.

Item non procedit iste text. in Ecclesia, minore & 3  
hospitali, qui non tenentur edere fisco plus quam priuato, cum habeant speciale privilegium, & privilegiatus fiscus non vitur privilegio contra privilegiatam Ecclesiam, vel alium: l. fin. cum authent. ibi posita. C. de sacrosanct. Eccles. Bald. in cap. i. col. 3. de probat. tamen quisque Ecclesiae & aliis privilegiatis tenetur edere, sicut fisco, quia hi simile censentur habere privilegium. l. Rempubicam. C. de iure Reipub. lib. ii.

Fiscus etiam tenetur edere omnia, quibus vitur in iudicio, sicut priuatus, & ad haec non est privilegiatus, & ita vidi seruari in usu forensi, alias non posset priuatus se defendere contra eum, & sic libros edere tenetur, quibus appareat quantum solutum sit, l. iustum. C. eodem.

Fiscus ad  
que privile-  
giatus non  
sit.

Item fiscus cogit Collegia & Ecclesias exhibere instrumenta foundationis, quae ipsa vel praedecessores fecerunt, sic & Ecclesiam, vel Episcopus hoc potest petere, & Doctor. asserunt in d. cap. primo. Vnde Schabini Remenses fuerunt condemnati ad edendum foundationem, & chartas, quas habebant, Archiepiscopo Remensi. Et idem censuit Senatus pro Abbate Sancti Ioan. Laudunensis, contra quosdam habitantes prope Laudunense monasterium, ut refert Ioan. Gallus in quaestio. per aresta. q. 32. Pro Archiepiscopo. & q. 37. Fuit in eodem.

#### SUMMARIA.

- 1 Nummulariorum apud Romanos officium, non erat publicum.
- 2 Libris argentareorum contra eos creditur, pro eis verò, non.
- 3 Notarij contractus semel expeditos iterum tradere in Francia prohibentur. Restrigitur. ibidem.
- 4 Interesse, propter editionem rationum non factam, actione in factum petitur.

#### LEX IIII. VLPIANVS LIB. IIII. AD EDICTVM.

**P**RATOR ait: ARGENTARIAE MENSARAE EXERCITATORES RATIONEM, QVAE AD SE PERTINET, EDANT ADIECTO DIE ET CONSULE, &C.

**L**Ex ista loquitur de argentariis, quos glos. in l. si quis. infr. eodem. comparat Tabellionibus. Ego dicerem olim Romae argentarios constitutos, qui rationem accepti expensique facerent, & non tam permutationem pecuniarum, quam maiorem negotiationem exequabantur, quibus moris fuit, pecunias custodiendas interdum dari scenerato, interdum gratuito. ut docet Budae. in Annotat. prior. ad Pandectas. in l. si hominem. §. quotiens. ff. mandat. Nummulariorum verò officium erat, sicut campso-  
rum, sed non erat publicum, sicut argentariorum,  
ut ibi.



*Argentarij apud Romanos videntur.* vt ibi. Sed ij argētarij varij erant, quidam erant Triumuii mensarij (vt Liuius eos appellat) qui publicas pecunias exigebant, ab his qui redditus debebant. Alij erant, qui pecunias sub fide publica, permutabant verè: & tertij, qui nummos scēnori & suos & aliorum collocabant. Erant & postremi, qui auctiōibus, & venditiōibus prāerant, quæ in publico fiebant, contractus quoque apud eos celebrati eorum Calēdariis inscribebātur, quod hodie Notariorum est, teste Laz. in lib. de Repub. Roma. 2. c. 13. pag. 307. qui ista omnia probat. Scripsi in l. boues. §. tutor. ff. de verbo. signific.

*Cāpsores.* Hodie vtile esse potest, qui loco argentariorum Galli habent nummularios, quos campsores dicunt: habent etiam alios mensularios, quos banqueros vocant: hi enim præsunt expeditionibus beneficiorum in Curia Romana, vel legationibus faciendis, & hi habent officium de publico, & tenentur conficere libros signaturarum, bullarū, & expeditionum quas fecerint, & quo tempore, & an esset signatura nouæ prouisionis, vel resignationis, seu alia prouisio: & tenentur etiam exhibere & edere illos libros, vt est statutum lege Gallica in tit. de la reformation des prouisions. artic. 5. & sequen. sed quia nummularij rationes conficiunt, quia accipiunt pecuniam, & erogant per partes, quarum probatio scriptura, codicibusque eorum maximè continetur, & frequentissimè ad fidem eorum decurritur, idèd edere tenentur. l. quādam. §. nummularios. infra eodem. l. emptor. §. j. ff. de pact.

*Ratio que dicatur.* Itaque regula est per hanc l. Prator. quod hi argentarij, siue sint nūmularij, banquerij, siue Notarij, edere tenentur rationes, & libros quos confecerunt, adiecto die, & consule. Rationem Labeo ait esse vltro citroque dandi, accipiendi, obligandi, credendi, soluendi sui gratia negotiationem: l. si quis. §. rationem. infra. nam cum singulorum rationes ij argentarij conficiant, æquum fuit, id, quod mei causa confecit, meum quodammodo instrumentum mihi edi: nam pertinere ad me videtur, si rem meam tractaueris, me mandante. l. si quis. §. pertinere. infra eodem.

Et quia eorum officium atque ministerium publicam habet causam, & hæc principalis eorū opera est, vt diligenter conficiant actus sui rationem. l. argentarius. §. j. infra eod. idèd edere coguntur.

Vnde patet cuius quæstus ad eum peruenit, compelli ad edendum posse, & domini, qui famulos præfecerunt ad has rationes conficiendas, etiam successores illorum edere tenentur. l. si quis. §. cogentur. infra eodem. Et nihil interest si successores, aut pater, aut dominus argentarij, eiusdem fuerunt professionis, quia cum in locum & ius succedat argentarij, partibus eius fungi debent. l. quādam. §. j. infra eod.

*2* Et libris eorum creditur contra eos, sed pro eis non. glos. & ibi Doctor. in l. quādam. infra eodem. & in l. admonendi. de iureiur. ff. l. emptor. §. j. ff. de pact.

*Editio quod facienda sit.* Quotiens edere quis tenetur? Respondeo semel, & causa cognita, iterum, l. si quis. §. Prator. iterum enim duas res significat, & si secunda editio non sufficiat, quia fortè is cui editum fuit, casu perdidit, quotiens opus erit, Prator edere compellit. l. veluti. in fi. infra eodem. & idem in Notariis dicendum est, vt Barr. docet in d. l. si quis. in fin. hoc tit. & extat super hoc lex Regia in hoc regno. in tit. de Notar. art.

*3* ii. vbi prohibetur Notariis, ne contractus semel expeditos iterum tradant, nisi causa cognita, & ad iudicis præceptum, vt ibi dicam, ne quādam contrarietas & confusio oriatur.

Etiam edere cogitur Notarius, vel argentarius vbi officium suum exercet, quia ibi rationes & instrumenta habere debet, l. Prator. in fin. Quod si aliò attulerit, dandum ei spatium est ad perferenda ea instrumenta, l. spatium. & l. si quis ex argentariis. & si (vt plerique eorum) in villa habeat instrumenta, vel in horreo, aut ad locum te perducet, aut descriptas rationes dabit. ibidem.

Quomodo teneatur is, qui non edidit? Respondeo ad id, quod interest mea eas rationes, vel instrumenta edita non fuisse, cum decerneretur à Pratore, nō quod hodie interest. Et idèd licet interesse desit, vel minoris, vel pluris interesse coepit, locum hæc actio non habebit, neque ad augmentum, neque in diminutionem, l. vbi. in fi. eod. vnde si quis condemnatus sit, siue quod petierit, non obtinuerit, eò quod instrumenta, ex quibus causam tueri poterat, non edita ei fuerunt, idipsum, quod ita perdidit, hac actione consequetur. l. argentarius. §. cum autem. infra eodem.

Si agatur de editione actionis, quam actor in initio litis edere debet, si non edat, reus non tenetur respondere, sed in ius vocatis cum expensis commectus dabitur. de quo in l. j. hoc tit. vt dixi in tractat. de citat. in 3. tomo Commen. ad Constit. Reg. Gal.

Quo iure hæc editio petatur? Respondeo, quantum glos. & interpretes in l. j. C. eodem. sint in magna cōtrouersia, ego tamē putarem officio iudicis compellendum Notariū, trapesitam, & nummulariū ad edendum libros, instrumenta, seu rationes, & alia quæ me mandante confecisse ratione officij censentur, d. l. j. C. eodem. vel conditione ex lege, vbi extaret lex noua, vt in Francia. l. vnica. C. de condiet. ex leg.

Alij verò, cum quibus contraxi, vt socius, Procurator, & alij tenentur edere per actionem ex illo contractu. l. quādam. infra eodem. Et in praxi parui est emolumenti quoad coactionem, quia semper iudicis interponitur officium.

*4* Si tamen ad iussum iudicis quis non ediderit, ad id quod interest, actione in factum ex hoc edicto de edendo agatur, l. si quis. §. ex hoc edicto. in id quod interfuit actio competit: ergo oportet, vt prius iudex iubeat, alioqui ante requisitionem partis, & iussum iudicis non potest venire condēnatio eius quod interest, l. vbi. §. is autem. qui in hoc edictum incidit, id præstat, quod interfuit mea eas rationes edi, cum decerneretur à Pratore: ergo oportet, vt prius Prator ex officio suo decernat editionem faciendam esse, quæ si non fiat, succedit interesse, quod actione in factum petitur. probat lex argentarius. §. finali. infra eodem.

Et hæc actio, quæ datur ad id quod interest, est pœnalis: idèd in hæredem non datur, qui non deliquit, neque post annum, l. fin. infra eodem. vt dixi in §. finali. supra, si quis ius dicen. non obtemper. quicquid dicat glos. in d. l. fin. & interpretes, quia is qui noluit edere, punitur, l. vbi. eodem tit. ergo pœnalis est actio. sed in hoc fuere Doctor. decepti, quia putabant loqui de actione seu officio iudicis, quo petitur editio, quæ non est pœnalis, sed cum non ob-

*Argentarius quo in loco edere rationes teneatur.*

*Qui non edit, tenetur ad interesse.*

*Editio quo iure petenda sit.*



temperatur, hoc poenale est, & ita conciliantur iura.

*Aktor qua  
reo edere te  
neatur.*

Et sic concludendo patet, quod actor tenetur actionem reo edere, & suis sumptibus, & hæc edita actio speciem futuræ litis demonstrat. l. edita. C. eodem. facit cap. prætereà. de dilatio. Datur etiam regula quod actor instrumenta, non solum quibus vitur, sed etiam alia reo edere tenetur, etiam ad exceptionem fundadam. l. non est nouum. & l. iustum. C. eodem. nisi ex hac editione fieret criminis manifestatio, quo casu actor non tenetur. per l. ij. §. item Diui. ff. de iure fisci. etiam si ageretur de crimine læsæ maiestatis, vel alio priuilegiato, quia nemo tenetur prodere seipsum. l. j. ff. de bonis eor. qui ante sententiam mortem sibi consciuerunt. Felin. & alij in cap. primo. de probat. nisi ageretur ciuilit. vt docet Anton. Capit. in decisio. Neapol. quæst. 127. In causa. Et limitatur etiam hæc regula, quando æquitas refragatur, vt per Doctor. in l. fin. C. eodem. vbi aliæ limitationes ponuntur, quæ comprehenduntur hîc per superiores.

*Reus qua  
edere non  
teneatur.*

Secunda regula est, quod reus actori instrumenta, quibus non vitur, edere non tenetur ad originem petitionis fundandam. l. fin. C. eodem. quia non tenetur arma cõtra se parare: nimis enim graue est reum ad exhibitionem vrgeri eorum, per quos sibi negotium fiat. l. nimis graue. C. de testib. & qui accusare volunt, probationes habere debent. l. qui accusare. C. eodem. nisi ex causa. l. j. C. eodem.

*Quæ è con-  
trario ede-  
re teneat-  
ur.*

Si ergo actor à reo petat extra originem petitionis aliquid sibi edi, reus tenebitur, in d. l. fin. à contrario probatur in l. penult. §. fin. ff. ad legem Falcid. & quando hoc iudex ex æquitate, vel causa decerneret, l. j. C. eodem. & sic ferè comprehenduntur limitationes, quas Doctores congerunt in d. l. fin.

Vnde cum Dom. de Culaut diceret contractum nullum, & quatenus processisset, irritari peteret aduersus D. Ioannam de Francia, viduam Admiraliij de Borbon, & contractum illum sibi edi, & exhiberi, Senatus censuit exhibitionem actori faciendam, anno 1514. die 14. Iunij, in magna classe. Alia in hac materia amplè tradunt Doctor. in c. j. de probat. & in l. fin. C. eod. videre ibi poteritis.

*Defectum  
alterius mo-  
dicum sup-  
plet vnus  
integritas.*

Vltimò, Ias. notat istum text. in l. si quis. §. primo. quod integritas vnus supplet alterius maculam, hoc in teste, Notario, quod est verum, si modicus esset defectus, sed si vnus esset inhabilis, & omnino recusatus, nõ supplebit probatio alterius, neque fides eius defectum, atque (vt ita dixerim) inhabilitatem. Barbat. consilio 50. Illud. col. 6. & consilio 54. col. 11. in 1. vol. & consil. 18. Præclare. num. 39. in 2. vol. Felin. in c. 3. rub. de fideiuss. num. 288.

Item quidam habent in §. si initium. inter scripta Bart. lecturam Alex. cuiusdam Doctoris Perusini: ideò stylus non est similis Bart. vt docet Alexand. in proem. ff. no. num. 8. & Purpura. in q. 5. col. 2. de offi. Affector. sed iste §. est notandus, quod annus conscriptus in principio libri, prodest ad totum librum, & idem in mensibus & diebus, vt si vnus contractus habeat diem, & sequens non, complebitur ex præcedente: nam quæ in præcedentibus scribuntur, vel dicuntur, in sequentibus repetita intelliguntur. l. item. in fin. ff. de pact. l. Titia. de verborum obligat. & Iason hîc limitat, videte per eum. & in l. age cum Germaniano. C. de transact. post Lanfranc. in repet. cap.

quoniam, in verbo, instrumentorum. columna 5. de probation.

Acta autem & regeſta Curia sunt edenda cui-  
bet cuius interest, tam ciuilia, quàm criminalia. l. se-  
cunda. C. eod. & ad hoc cogi potest scriba, siue gra-  
pharius, & quotidie hoc videmus in forenſi iudicio  
ſeruari.

*Acta Cr-  
ria edenda.*

## De pactis. TIT. XIII.

### SUMMARIA.

- 1 Papa, Imperatores, & Principes quibuscunque pa-  
ctis obligantur.
- 2 Promittere & pacisci sibi ipsi nemo potest.
- 3 Pactum inter patrem & filium non subsistit, &  
quare.
- 4 Nec inter dominum & seruum.
- 5 Restrigitur.
- 6 Nec inter religiosos, & superiores eorum.
- 7 Nec inter uxorem & virum, vt alterutri acquiratur,  
durante matrimonio.
- 8 Vniuersitas, & ciuitas, vni ex pacto possunt obli-  
gari.
- 9 Voluntas coacta, non est placitum, nec voluntas sim-  
pliciter.
- 10 Electio coacta non valet.
- 11 Furiosi & impuberes iniuriam pati possunt, sed non  
facere.
- 12 Fatuis amantibus exemplariter substitui potest.

### LEX I. VLPIANVS LIB. IIII. AD EDICTVM.



Vius edicti æquitas naturalis est. Quid enim tam congruum fidei humanæ, quàm ea quæ inter eos placuerunt seruare? Pactum autè à pactione dicitur, inde etiam pacis nomen appellatum est. Est autem pactio duorum pluriùque in idem placitum consensus.

Vlpianus in hac l. prius commendat edictum Prætoris, quo statuit vt pacta seruarentur, dicens proficisci ex æquitate naturali. Quid enim tam congruum est fidei humanæ, quàm ea, quæ placuerunt inter eos seruare? Et alibi idem Vlpian. ait graue esse fidem fallere, in l. prima. ff. de constit. pecunia. Vnde æquum naturæ est, vt quisque seruet, quod ei placuit, nempe ex hoc perfecta est iuris regula, Quod semel placuit, ampliùs displicere non potest, & Contractus ex conuentione partium legem accipiunt. l. prima. §. si conueniat. ff. de pos. l. contractus. de regulis iuris. & nihil magis bonæ fidei congruit, quàm id præstari, quod inter contrahentes actum sit. l. ex empto. in principio. ff. de actio. empt.

Ex quo inferunt interpretes, Papam, Imperatores, & Principes quoscunque pactis, & conuentionibus teneri, tum quia in naturali ratione fundata sint, vt hîc,



Papa nō est  
s: praratio  
nem, vel &  
quitatem,

hīc, tum æquitate: & quamuis ipsi sint supra iura, non tamen supra rationem, vel contra æquitatem, aliās potiūs in pecudis nomen declinarent, quā hominis. facit l. digna vox. C. de legib. & l. Princeps. suprā, illo tit. vbi dixi.

Tamen non puto esse necesse hīc inquirere, an de iure naturali, an gentium pacta sint: quia insitum est homini naturā, vt pacta & conuentiones seruet, & æquum est, vt hæ conuentiones seruentur: idē text. dicit, Huius edicti æquitas est naturalis, id est, hominibus à natura insita, & alibi Vlpian. ait, hoc edictum naturalem potiūs, quā ciuilem habere æquitatem: l. j. in princ. ff. si quis testa. liber esse iussus fuer. declarat l. bona fides. ff. deposit. sed cū æquitas huius edicti sit naturalis: idē oritur obligatio naturalis ex illo pacto. l. Stichum. §. naturalis. ff. de solut. & non dicit iste text. quōd naturale sit pactum, vel ex iure naturali, sed dicit æquitatem illam esse naturalem.

Secundō, docet pactum à pactione deduci, inde nomen pacis ducitur: tamen pactum & pactio pro eodem (nisi separatim illorum fiat mentio, vt hīc) ferē sumuntur, vt in l. in personam. in prin. infrā eodem. & l. vnus. §. j. ibidem. & l. si creditori. in fine. de distract. pignor. vbi in princ. §. dicit pactum, & in fine, pactionem. l. iurisgentium. in princ. & in §. adēd. & in l. si tibi. §. idem. de pignor. l. non impossibile. infrā eodem. vbi indifferenter Iuriscons. pactione, pro pacto, & è contrario vsi sunt.

Tertiō, Iurisconsul. definit pactum sic: *Pactum est duorum pluriūmve in idem placitum & consensus.* Sed in l. pactum. idem Vlp. sic definit: *Pactum est duorum consensus, atque conuentio.* ff. de pollici. & in idē reincident. Huius itaq; definitionis explicationē videamus.

Primō, ponitur duorum in definitione, pluriūmve: pactum enim esse non potest, nisi sit ibi saltem consensus duorum, quia vnus & idem non potest sibi ipsi promittere & pacisci: nemo enim imperare, vel promittere potest sibi. l. penult. ff. de arbit. Differentia enim esse debet inter promittentem, & eum cui promittitur. c. fin. de institut. nec potest quis sibi esse obligatus: imō quando debitor succedit creditori, vel è contra, extinguitur & confunditur obligatio. l. si debitori. & l. si Stichum. §. à Titio. ff. de fideiussio. l. debitori. C. de pact. & seruitutes prædiorum confunduntur, si idem vtriusque prædij dominus esse cœperit. l. j. ff. quemad. seruitut. amittant.

Et sic duo sufficiunt ad conficiendum pactum, vnde dicit text. in l. pactum. ff. de pollici. pactum esse duorum consensum, non dicit pluriūm, tum, quia duo sufficiunt, tum quia vbi plures sunt, duo ad sunt, cū in maiori numero minor insit. l. j. §. si stipulanti. ff. de verbor. oblig. l. duo ex tribus. de re iudic. c. i. de arbit. lib. 6.

Limitatur in tacito pacto in quo non interuenit duorum cōsensus verē, sed fictē. l. item quia. in f. eod.

Et idē pollicitatio non est pactum, cū sit solius offerentis promissio. d. l. pactum. de pollicitatio. vnde non obligat, quando consensus vtriusque non interuenit, vt scripsi in l. sponsio. ff. de verbo. signific. & pollicitatio est, si quis promittat sine conuentione, & interrogatione, quæ pollicitatio obligat, si quis Deo, Reip. Ecclesiæ, aut ad piam causam polliceatur. l. j. & per totum ff. de pollicit. glos. & Archidiacon. in c. sci. mus. 12. q. 1. Angel. Clauas. in sua Summa. in verbo,

pollicitatio. ista æquiparantur in c. i. de integ. restit. glos. in l. si vt proponis. C. de rei vendic.

Nec placet ratio Fortu. eo quōd Deus sit vbique, & præsens, ergo debet valere. Nam etiam si quis esset præsens, & non consentiret, vel non acceptaret, non valeret: ergo nec hoc casu, quia Deus non solet acceptare omnes promissiones, quas illi facimus, sed quia loco pio pollicitatio facta valet, sic & Deo, cū propter vnumquodque tale, & illud magis. authent. multō magis. C. de sacrosanct. Eccles. & fauore piæ causæ. l. sunt personæ. ff. de religiosis.

Idem, si incipiat facere, vel dare quod pollicitus fuerat: nam ad residuum tenetur. d. l. pactum. ff. de pollicitat. glos. & Doct. in l. iurisgentium. §. quinimō. infrā eodem.

Nec etiam credam Fortu. dicenti, de iure Canonico pollicitationē passim producere obligationem & actionem, sicut pactum nudum. per cap. i. de pact. quod nihil facit, nā Papa dicit: *Pacta obtineant suam firmitatem*, ergo nō dant nouā, sed suam firmitatem: & ius Prætorium dicit, *Pacta seruabo*, & tamen non oritur actio, nec facit c. iuramenti. 22. q. 5. vbi Deus non facit differentiam inter iuramentum & loquelam nostram: quia sicut in iuramento nulla conuenit esse perfidia, ita quoque in verbis nostris nullum debet esse mendacium, vide quomodo probet. & c. si tibi absenti. per eum inductum, nihil secum, sed mecum facit: nam ante acceptationem non acquiritur beneficium, sic nec per pollicitationem vbi non est consensus duorum, & alia iura per eum adducta non probant.

Si tamen velitis sententias istorum conciliare, Dicit pollicitationē, nec de iure Canonico, nec de iure ciuili producere communiter actionem, nisi fauore piæ causæ, & in casibus à iure expressis, & in illis producit pollicitatio obligationem & actionem.

Infertur aliquando non valere pactum, etiā inter duos, vtpote, si pro vno habeantur, vt pater & filius, l. si. C. de impub. §. ei verō. de inutil. stipul. l. frater. de condict. indeb. ff. & quicquid acquirit filius, acquirit patri, iure ciuili dictante. l. placet. ff. de acquir. hæred. l. non solum. §. simili modo. C. de bonis quæ liber. obligatio tamen naturalis est inter patrem & filium. d. l. frater. sed ciuilis non, nisi in castrensi, vel quasi, in quibus filiisfam. loco patrumfam. habentur. l. ij. ff. ad Macedonia. & in beneficialibus. c. fin. de iudic.

Eadem ratione non cōsistit pactū inter dominum & seruū. §. item inutilis. de inutil. stipul. in Instit. nec enim dubij iuris est, dominos cū seruis suis paciscentes, ex pactis teneri, atque obligari non posse. l. interpositas. in fi. C. de transact. nisi antequam dom. esset, pacisceretur. Doct. ibid. Idem, si pactum fieret super libertate, illius certē fauore sustinetur pactum. l. cū affirmes. C. de libera. caus. l. j. §. quæ onerandæ. quarum rerum actio non det. ff. & quando dubitatur de ipsius seruitute. l. si. C. de transact. & facit l. Barbarius. ff. de offic. Prætor. l. si arbiter. C. de senten.

Idem dicemus in religiosis, vt non possit fieri pactum inter eos, & eorū superiores, vnde monachus non paciscitur cum suo Abbate, quia hi religiosi seruis, aut saltem filiisfam. æquiparantur. Bart. & alij in l. j. ff. de vulgar. l. cum filiofam. ff. de legat. primo. vbi Anthon. Bauer. enumerat multos casus, & Doctor. in c. in præsentia. de proba. vbi interdum æquiparantur seruis, quandoque filiisfamilias.

P. Rebuffi Lectura.

A a 2

Pollicitatio, de iure Canonico producit obligationē.

Fauor piæ causæ.

Pactum requirit duorum consensum.

Religiosi seruis æquiparantur.



7 Pactum etiam durāte matrimonio inter uxorem, per quod alterutri acquiritur, non prodest. l. j. ff. de donation. inter vir. & vxor. & per totum. secus ante matrimonium contractum. l. prima. & toto tit. ff. de pact. dotal.

Est in definitione, plurium, videlicet quoddam consensus plurium in idem, dicitur pactum, quod est intelligendum, siue plures cum vno conueniant, siue vnus cum pluribus, vel plures cum pluribus. l. & suum heredem. in fin. cum l. seq. infra eodem.

8 Vnde valeret pactum, si vniuersitas conueniret cum vno, vt per Doct. in c. ex literis. de constitut. & ciuitas mutui datione obligatur vni. l. ciuitas. ff. si certum petat.

In idem, est in definitione: requiritur enim consensus partium in idem tendere, alioqui non est consensus, sed dissensus, & sic nec pactum: nam Imperator ait in l. si voluntate. C. de rescinden. vendit. partes vix post multas contentiones paulatim venditore, de eo, quod petierat, detrahente, emptore autem huic, quod obtulerat, addente, ad certum consentire pretium, & tunc partium conclusio attēditur.

Vnde si duo consentiant, quoddam tertius det alteri, non valet quoad tertium, quia cum illo non est pactum, neque conuentio: ideo non valet, nec quidem stipulatio sic facta. l. stipulatio ista. §. alteri. ff. de verborum obligat.

Si tamen conuentum inter duos fuerit, quoddam alter paciscentium det tertio, pactum vtile est, & valet: & si paciscentium inter sit, exigere promissum potest, d. §. alteri. & §. si infulam. sed hoc pactum, si non inter sit paciscentis, non habet effectum. vt Bar. & alij asserunt.

Præterea pactum excludit personas in pacto non comprehensas. Vnde si soror renuntiat bonis paternis, & fraternis, & promittit, & conuenit nil petere in fauorem primogeniti, illud pactum, seu renuntiationem aliis fratribus non prodesse arbitrantur Doct. in l. si actionem. C. de pactis. Ego autem scio istam questionem agitatam, & plenè in Senatu Parisiensi disputatā, anno 1543. in mense Iunij, & postea in 16. die conclusum, renuntiationem vni ex fratribus factam aliis prodesse, ob id condemnatus fuit frater maior ad communicandum fratri minori ea bona, quæ ex sororis parte habuerat: tamen frater minor fuit condemnatus ad restituendum partem pretij, & expensis, quas frater maior fecerat, nisi ipse ex hereditatis bonis illam pecuniam recepisset. Hoc pronuntiātū fuit pro Tristando Fretard minore, contra Renatum maiorem fratrem, anno & die quibus supra.

Et sic reiicienda est additio gloss. hinc, & interpretum ad dandum, vel faciendum, quia cōsensus duorum, siue tendat ad dandum, siue ad faciendum, siue ad datum restituendum, vel destruendum, dicitur pactum, dummodò in idem tendat, & non est interpretum addere ad text. l. Gallus. ff. de liber. & posth. Et in idem tendere pactum dicitur, quando vnus & alter consensus in vno iungitur: vt pote si conueniamus, vt tu bonum tuum per decem dies tradas mihi, ad laborandum cum meo, & ego meum decem aliis diebus, valet conuentio. l. si rem. §. j. ff. de præscrip. verb. Si verò ego volo vt des decem, & tu vis dare equum, ista conuentio non in idem tendit: ideo non valet, nec dicitur pactum: & in idem tendere, est in vnam sententiam decurrere, sic exponitur in §. conuentionis. infra.

Ex his patet, quomodo differat pactum à pollicitatione: nam pactum est consensus duorum in idem, & conuentio inter eos facta: pollicitatio verò, est solius offerentis promissio, vt promitto tibi decem, nam hæc pollicitatio nihil aliud est, quàm promissio, sine conuentione facta, sed à solo promittente concepta: ideo non quærimus hinc, an fuerit facta præfenti, an absenti: quia si præfenti etiam facta sit, non est pactum, quia non est conuentio duorum, nec consensus, sed vnius tantum: ideo pactum esse non potest, quicquid Doct. iactent.

Si verò præfens offerentis promissum acceptet, adhuc non erit pactum, quia non est conuentio duorum, sed per illam acceptationem & ratihabitionem valebit acceptatio, vt pactum: tamen non est pactum, id est, conuentio duorum, sed tanquam pactum valebit ratione consensus postea superuenientis.

Interdum verò pollicitatio, seu verbum, polliceri, generaliter accipitur, pro promissione. l. tenetur. §. penul. & l. emptorem. §. fin. ff. de actio. empt. ibi, *Vt id quod præstaturum se esse pollicitus sit venditor, emptori præstari oporteat.* iuncta l. propter. de pollici. vbi dicit, *si quis promiserit*, & tamen intelligit de pollicitatione. probat l. j. ibid. vbi passim vitur verbo, pollicitus, & promiserit, & pollicitor, pro promissore. l. cum duobus. §. si in cocunda. ff. pro foci. ergo habenda est ratio materiæ: nam in titulo de pollicit. verbum, pollicitus, & promiserit, pro eodē accipiuntur, videlicet pro promissione solius offerentis: in alia materia generaliter pro quacunque promissione, nisi distinguantur, vt in l. sciendum. §. dictum. ff. de edil. edict. & Vlpian. ait in l. j. §. in potestate. ff. de exercit. actio. *Prætor pollicetur actionem.* & l. iij. de pecul.

Placitum, est etiam in definitione: nam quauis placitum quidam vocent decretum Senatus, tamen vix potest sic vocari, quia non proferunt quod eis placet, sed quod iuri est conueniens, verum Principis tantum propriè est placitum, in l. j. ff. de constit. Princip. scripti ff. de verbor. signific.

Et placitum, hic antè ponitur quia consensus, quia oportet prius ea quæ proponuntur placere, antequam in conuentionem redigantur, vnde hic placitum accipitur pro eo, quod placuit, à verbo, placere, vt in hoc text. ibi, *Quid enim tam congruum est fidei humanæ, quàm ea, quæ placuerunt, inter eos seruari?* l. vir vxori. ad Velleia. Inde placitum, idem est quod voluntas, quæ à cōsensu differt, nam placitum est singulorum: cōsensus autem duorum, vel plurium voluntas quæ quidem voluntas placitum dicitur. text. in l. si plus. ff. de cuiet. & inde Imperator vocat placitum permutationis. in l. ex placito. C. de rer. permuta. & Iurisc. placitum transactionis, & tamen inter plures. in l. pen. ff. de transact. & in l. interpositas. in fine. ff. de transact. Igitur placitum dicitur id, quod placuit siue vni parti, siue pluribus placuerit, & ita conuentum fuerit. l. diuisionis placitum. infra eodem. vbi pro conuentione & pacto accipi potest, & in iure sæpius. l. siue apud. C. de transact. l. inter. §. conuenit. versicul. cum pro se. de pact. dotal.

Inde placitas vsuras dicit, id est, conuentas, quæ partibus placuerunt. Iurisc. in l. tutor. in fi. ff. de vsur. facit l. inter. §. pen. ibi, *Vir contra placita repetenti.* ff. de pact. dotal. & Ouidius in Epistolis:

*Est virtus placitis abstinnisse bonis.*

*Differētia inter pactū & pollicitationem.*

*Placitum quid propriè vocetur.*

*De eadem re.*

*Renūtiatio vni ex fratribus facta aliis prodest.*

*Tendere in idem quid sit.*



Ideò iste text. dicit pactum esse duorum placitum, id est, quod duobus placuit, & ita consenserunt: nam potest partibus placuisse, & tamen non fuerit in idem conclusum, nec ad hoc præstitus consensus. Vnde pactum est quod partibus placuit, & sic consenserunt, quasi inter duos placuisset. dicit Tripho. in l. Bebius. versic. apud Petronium magnum. ff. de pact. dotal.

Et sic requiritur, quòd pactum placeat partibus, aliàs non diceretur pactum, nec consensus duorum valebit, ex quo infertur pactum metu factum non subsistere, quia non est placitum. l. j. & per totum. ff. quod met. caus. Et quamuis voluntas coacta, voluntas sit, l. si mulier. §. si metu. ibidem. tamen non est placitum, nec voluntas simpliciter, sed coacta, & sic non est, iure nec subsistit quod non placet.

Itaque matrimonium metu contractum non valet. l. Titia. ff. de verbor. oblig. cum locum non habeat consensus, vbi metus, vel coactio intercedit, c. cum locum. de sponsal. sic nec electio coacta valet, c. vbi periculum. §. ceterum. de elect. lib. 6. sic nec resignatio. cap. super hoc. de renuntiat. gle. multorum. de poen. Plenè scripsi in Praxi benef. in 3. parte. tit. de vi in resignatione adhibita. & tit. de resignatione metu extorta.

Etiā non dicitur placitum id, quod non est in pactis comprehensum, vnde Paul. ait: *Ante omnia animaduertendum est, ne conuentio in alia re facta, aut cum alia persona, in alia re, in aliaue persona noceat.* l. si vnus. §. ante omnia. infra eodem. vbi plenè las. & in l. si priusquam. col. 9. ff. de noui oper. nuntiat. Barbar. consil. 3. in 4. vol. Purpura. in l. imperium. num. 48. ff. de iurisd. omn. iudic.

Item non dicitur placitum, quod nondum conclusum est, licet de eo sit inter partes præloquutum. l. si voluntate. C. de rescin. vendi.

Ideò placitum est nomen generale, pro eo, quod placuit, vnde si quis venit contra placitum transactionis, ad poenam tenetur, l. penult. ff. de transact. id est, contra id quod in transactione placuit: & ita conclusum & conuentum fuit.

Placitum, secundum ius Canonicum accipitur interdum pro causis, seu litibus, seu strepitu iudicario, seu tribunali, seu litigio. Placita secularia Dominicis diebus, vel præcipuis festis, seu etiam in his diebus, in quibus ieiunia celebrantur, secundum Canonicam Cōstitutionem minimè fieri decreuimus. 15. q. 4. c. placita. c. decet. de immunit. Eccles. lib. 6. c. 1. de fer. c. ad audientiam. de præscript. vbi glo. exponit pro iurisdictione causarum. cap. 2. de cler. pugnan. in duel. Et vulgus vocat, *les plaicts*, sed (vt arbitror) debent dicere, *les plaincts*, quia plangunt se ibi læsi, & queruntur aram iudicibus. Ideò placita, id est, lites & causæ non debent in Ecclesia tractari, quia templum est domus orationis, non litium, & processus: alibi pro voluntate mera placitum sumitur.

Subiicitur in definitione, & consensus. Accurs. exponit placitum & cōsensus, id est, placitus consensus: ego dicerem pactum esse placitum duorum, id est, quod placuit duobus, & in idem consensus, id est, quod consenserunt in idem: nam omne pactum consensus est, sed non omnis consensus pactum est, vt in l. j. & l. obligationum substantia. ff. de actio. & obligat.

Ex quo infertur, omnes, qui consensum habent, pacta facere posse, hos verò qui consensu carent, non

posse, quia pactum est consensus, & qui non habet consensum, non potest consentire, nec pacisci, sicut seruus, qui nullum habet caput, non potest capite minui. §. seruus. de capit. diminut. in Institut. & sic furiosus non paciscitur, quia non habet consensum: vnde furiosum, siue stipuletur, siue promittat, nihil agere, natura manifestum est. Paul. in l. j. §. furiosum. ff. de actio. & obligat.

*Furiosus nō habet consensum.*

Huic proximus est, qui eius ætatis est, vt nondum intelligat, quid agat. d. §. furiosum. l. infans. de fidei. vnde sic Paul. Iurecon. ait l. j. §. *Furiosus & pupillus (sine tutoris auctoritate) non possunt incipere possidere, quia affectionem tenendi non habent, licet maxime rem suo corpore contingant, sicuti si quis dormienti aliquid in manu ponat.* ff. de acquir. possess. Et sic dormiens etiam non paciscitur, quia non consentit. cap. testamentum. & seq. distinct. 5. nec somnians, licet visum fuerit quosdam somniantes eo tempore loqui, ac miracula facere, vt refert Bart. in l. vt vim. col. 3. ff. de iustitia & iur. De quodam Pisano, se noctu armate, & demum per ciuitatem palante, refert Marc. Bauer. in §. item furiosi. col. pen. quib. non est permis. fac. testa. in Instit.

Idem dicendum est in amente, fatuo, & frenetico, quia hi mente & sensu carent: ideò pacisci & consentire non possunt, §. item furiosi. col. pen. quib. non est permis. fac. testam. in Institut. c. fin. de success. ab intest. Bald. in l. ij. C. de rescin. vendit. & idem est in mente captis, in l. si furiosi. C. de nupt. §. furiosi. & seq. de curat. in Instit. quia ij furiosis æquiparantur.

Ebrij pacisci iure non valent, nesciunt enim quid loquantur, qui nimio vino indulgent, iacent sepulti. c. sanè. 15. q. 1. & c. inebriauerunt Loth filia eius, & se, nescienti, miscuerunt. ibidem. & pactum illorum non valet. gl. in c. quisquis. vigesima secunda. q. quarta. Hienim non dicuntur delinquere. l. omne delictum. §. Per vinum, aut lasciuia lapsi, capitalis poena remittenda est. ff. de re militar. Quomodo enim reus constituitur, qui nescit, quid fecerit? c. aliquis. 15. q. 1. August. de vera relig. ait: *Peccatum vsque adeò voluntarium esse, vt nisi sit voluntarium, nullo modo peccatum sit.* vt 15. q. 1. in summa. Vnde Vlpian. ait, Furiosos, impuberes, & eos qui non consentiunt, iniuriam pati posse, sed non facere. in l. illud. §. j. ff. de iniur. in his tamen & seq. videndū erit an potuerint habere consensum, vt tunc valeat, aliàs contra.

*Ebriorum pactum nō valet.*

Ira vehementi concitatus vix pacisci poterit, quia extra consensum est, nempe Iuriscons. Paul. ita ait: *Quicquid calore iracundia vel sit, vel dicitur, non prius ratum est, quam perseverantia apparuerit iudicium animi fuisse.* l. 3. ff. de repud. l. quicquid. ff. de regul. iuris. Nam iuxta doctrinā Sapiētis, Impedit ira animum, ne possit cernere verum: ira autem impedit confessionem, vt non valeat irati confessio. glos. in c. ex litteris. de diuort. Roman. singul. 508. Volo. & Panor. in c. olim. col. ij. de rescript.

*Ira concitata cōsensum non habens.*

Etiā impedit votum, glossa in cap. dudum. de conuers. coniuga. in verbo, calore iracundia. quam probat Felin. in cap. Matthæus de Symon: quia in furore esse dicitur, qui tenetur ira dura. cap. illa. vnde decima. quæst. tertia.

*Ira votum impedit.*

Idem fortè dicendum esset in eo, qui nimio gaudio affectus est, cum extra consensum videatur, sicut si per iocum hoc faceret, l. obligationum substantia. in fin. ff. de verborum obligat. idem si diceret, Omnia mea, tua sunt, facias quod placet: hæc etiam non



*Donatio ab Impe. ante coronationem facta, an valeat.*  
 valet donatio, quam sic amicus profert. text. in cap. cum venissent. de institut. glos. in l. secunda. C. in quibus caus. colo. libro vndecimo. Imò non valere donationem asserit glos. à Papa factam, vel ab Imperatore, seu Rege ante coronationem, nec statim post, quia præ nimio gaudio facta censetur, in procemio regul. Cancel. Ideò non valent indulta & privilegia concessa Cardinalibus per pactum, vt quicunque eligitur, hoc conceder, quia videtur esse quædam impressio, & Papa fretus illa promissione, nō ligatur.

Non absimile videtur in eo, qui amore mulieris infatuatus est: nam hic omne fas, & nefas committeret, vt dicit text. in l. secunda. §. initium. ff. de orig. iuris. vbi Bald. dicit amorem mulierum peruertere sensum, vt testis nobis est David. Et isti fatui amantibus substitui potest exemplariter, sicut furiosis, vt firman interpretes, in l. humanitatis. C. de impub.

*Donationes à fatuis amantibus factæ.*  
 Vnde donationes factæ ab his facillè irritari debent, maximè si à Principibus fiant, qui magis alieni sunt à mente, quo plus diligunt, l. si vxor. ff. de adulteriis.

*Monachus an, & quomodo pacisci possit.*  
 Et quamuis monachus non habeat velle, nec nolle, cap. si religiosus. de election. in 6. quia mortuus mundo censetur, fictione iuris, l. Deo nobis. C. de Episcop. & cleric. cap. placuit. & per totum. 16. q. 1. tamen pacisci potest, quia consensus inest homini sensato à natura, & huius edicti æquitas est naturalis: ergo per professionem ea priuari non potest, sed effectum pacti priuatur frater minor, clement. exiui. de verborum signification. & alij multi religiosi, nisi pactum fiat in vtilitatem monasterij, & de superiori voluntate, sed cum superiore regulariter pacisci non potest.

Seruus etiam pacisci potest, & stipulari. l. prima. & per totum ff. de stipula. seruo. quia licet quod ad ius ciuile attinet, nihil sit, tamen naturalia retinet iura. l. quod attinet. ff. de reg. iur.

### §. Conuentionis, &c.

*Conuenire, verbum, ad quæ pertineat.*

**V**erbum, conuenire, generale est, pertinens ad omnia, super quibus, vel de quibus contrahitur, aut transigitur: nam sicut conuenire dicuntur, qui ex variis locis in vnum colliguntur, ita qui ex diuersis affectibus & voluntatibus in vnam sententiam concurrunt, conuenire dicuntur: & aded conuentionis nomen generale est, vt nullus sit contractus, nullæue obligatio, quæ conuentionem non habeat, siue re fiat, vt mutuum, & alia quæ scribuntur in toto titulo, quibus mod. re contrah. obligat. in Institut. siue verbis, vt stipulatio, quæ nisi consensum habeat, & conuentionem nulla est. l. prima. ff. de verbor. obligat.

*Differentia inter conuentionem & pactum.*

Ex hoc text. patet conuentionis nomen esse generale, vnde cōprehendit quamlibet conuentionem inter partes factam, & sic pacta etiam: est tamen nomen generalius, conuentio, quàm pactum, quia hæc contractus tam nominatos, quàm innominatos comprehendit. etiam contractus, qui in aliud nomen transeunt, in l. iuriscgentium. infra eodem. idem in congregatione, vt nomen sit generale, prout consuluit Bald. consilio 262. Decretum. in secundo vol. quod est vtile quando congregatio est prohibita, vt omnis inhibita censeatur hominum coadunatio. Pactum verò non se extendit ad contractus, quibus datum est aliud nomen, vt emptio, pignus, & alij, vt in §. fin. huius l. & in l. iuriscgentium. infra eodem.

Pactum tamen & conuentio idem ferè significant, cum pactum sit conuentio. l. pactum. ff. de pollicit. l. sed si tantum. l. & hæredi in fine. ibi. infra eodem. Itaque debitoris conuentio fideiussoribus proficiet. & l. fideiussoris autē conuentio. & l. sequen. infra eodem. vbi dicitur conuentio, pactum. & in l. si vnus. §. pacta. & §. ante omnia. & in l. auus. vbi dicitur, exceptio conuentionis. & in l. si cum te. infra eodem. & in toto titulo, de exceptio. in Institut. & exceptio pacti conuenti dicitur, in l. qui de reddenda. ff. de pactis dotal.

Conuentum est id, quod conuenit, & id quod conuenit est pactum: ergo idem dicemus conuentum & pactum, seu conuētio & pactio, & promiscuè his vocabulis vtuntur Iuriscōsul. vt patet in l. inter. §. conuenit. ff. de pact. dotal. & in l. cum dos. ibidem. dicitur pactum conuentum facere, quod est pacto conuenire. in l. fin. ibidem.

Item pactum conuentum idem est, quod pactum initum, & factum, & emphasim habet, quasi velit dicere Iuriscōf. pactum conuentum, id est, pactum conclusum inter partes, in toto titul. C. de pact. conuent. & dicunt vulgò Notarij, *pacte accordé entre les parties* l. si ribi. §. pactum conuentum. cum venditore factum. & l. iuriscgentium. §. quinimo. cum §. seq. ff. hoc nostro titulo. de pact. ibi, *Pacta conuenta inesse bonæ fidei iudiciis.* ait Vlpian. *si incontinenti subsecuta sint.* & in §. seq. vocat pacta simpliciter. Nam conuenire pacto dicit Liuius libro 4. belli Punici: sic & pactum conuentum dicemus, quasi pactiōnem inter partes conclusam, non tamen stipulatione confirmatam, sed conuentum, est genus, pactum verò species, & stipulatio.

*Pactū conuentū quod dicatur.*

Et hoc facit Iuriscōf. vt ostendat hoc pactum à mera partium conuentione subsistere. & quod in §. pacta conuenta vocat, in §. dolo. vocat simpliciter pacta, & in §. sed si fraudandi. & in l. rescriptum. & in l. & hæredi. §. nos. ac in l. si vnus. §. pactus. & l. contra. §. j. & finali. infra eodem. ac in l. pacta conuenta. de contrah. emptio. in princip. vocat pacta conuenta, & demum pacta simpliciter, ad denotandum veteres promiscuè vsos fuisse his verbis, pacta conuenta, vel pacta simpliciter, vt scripsi in l. iij. ff. de verbor. signific. quamuis Doctor. recentiores multa super hoc iactauerint, & pacti conuentionem vocat Pomp. in l. si necessarias. §. si annua. ff. de pigno. actio.

Ex hoc text. docet Bart. & alij transactionem esse contractum innominatum, quia habet nomen generis. l. siue. C. de transact.

Sed dicunt hîc quidam, Quomodo erit innominatus, cum non sit contractus: quia non est vltro citroque obligatorius, vt est contractus. l. Labeo. §. j. ff. de verb. signific. & in transactione receditur ab obligatione, & hoc de vi verbi dicunt neoterici.

Sed potestis respondere, vt dixi in d. §. cōtractum. videlicet transactionem contractū dici ratione conuentionis duorum, quæ in idem tendit, & siue ad rescindendum, siue ad faciendum respiciat, tamē contractus dicitur, id est, duorum vel plurium animus ad idem tractus, vt plenius ibi declarau. Et verbum transigendi, non refertur hîc ad transactionem, sed accipitur pro cōponere, pacisci, & concordiam inire, inde dicimus transactum pacto. l. si instituta. in prin. ff. de inoff. testa. vt scripsi plenè in l. vt sunt transacta. ff. de verbor. signific.

*Transactio quomodo dicatur contractus.*

Item



*Obligatio  
ex quasi cō-  
tractu non  
oritur ex  
cōuentione.*

Item text. dicit nullam obligationem, siue fiat re, siue verbis, & nullum contractum esse, qui conuentionem non habeat, quod non procedit in obligatione, quæ ex quasi contractu nascitur, quia non oritur ex conuentione, quam furiosus non potest facere, & tamen ex gestione negotiorum suorum utiliter facta obligatur. l. iij. §. & si furiosi. ff. de nego. gest. & in titulo, de obliga. quæ ex quasi contract. in Institut. Et hæc conuentio, quando fit requirit rem antè, sed sola conuentio non sufficit, nisi res interueniat, vt in mutuo, re contrahitur obligatio mutui datione. l. prima. ff. de actio. & obliga. l. rogasti. §. si tibi. si cert. pet. & quibus modis re contrah. obliga. in Insti. & quomodo fiat hæc conuentio dicitur in l. Labeo. infra. eod. Quot modis accipiatur conuentio, scripsi in l. iij. ff. de verbor. significat.

### S V M M A R I A.

- 1 *Differentia inter permutationem & alios contractus innominatos.*
- 2 *Stipulatio, contractus nominatus habetur, & quare.*
- 3 *& 4 Pactorum variae diuisiones.*

§. Sed conuentionum pleraque, in aliud nomen transeunt, veluti in emptionem, locationem, pignus, & stipulationem.

*Pactorum  
diuisiones.*

**P**ostea definitione pacti, Iuriscōn. nūc diuisiones pactorum tractare incipit, dicens, conuentionū seu pactorum quædam in suo nomine stat, quædam in aliud nomē transeūt, omnes quippe conuentiones, quæ nomen proprium non habent, in suo nomine remanent, vt in Iuriscōgentium. infra eodem. vbi Doctor tradunt quasdam pactiones seu contractus nominatos, & quosdam innominatos, & quamuis pacta seu contractus generale nomen habeant, tamen non ob hoc nominati dicuntur. l. prima. secunda. & sequen. ac l. naturalis. ff. de præscrip. verb. Nam generale habere nomen, nō est habere nomen, vt si quis vocetur homo: quia nomen generale est, nomen confusum, & æquiucum. vt docet Bald. in rub. C. de rer. permuta. & cum nomen proprium inuenire non possumus, generis nomē retinemus. l. j. & sequen. infra. de præscrip. verb.

*Pactū nudum quid.*

Inde quodlibet pactum nudum dicitur contractus innominatus: quia in nomine generis stat. gloss. in l. prima. in verbo, figuris. in fin. ff. de actio. & oblig. nec producit actionem: nam postquam nec nomen habet, nec effectum habere debet. l. à nullo. C. de feri. & hoc ante implementum ex vna parte.

*Contractus,  
faciunt fa-  
cias.*

Idem in contractibus facio vt facias, & aliis positus in l. naturalis. ff. de præscrip. verb. vt innominati dicantur, quia in suo generis nomine stant, & idem si quis det, vt alter det & faciat: nam etiā casus mixti continentur sub his. l. iij. ff. de verb. obli. & l. si dominus. & l. naturalis. vbi Ias. ff. de præscrip. verb. Et isti contractus non producant actionem ex sola conuentione, vel etiam ex sola oblatione, nisi res sit tradita. l. naturalis. & d. l. Iuriscōgentium. & ibi gl. in verbo, facias, quam limitat Ias. si quis promiserit factū, & in quatuor casibus in quibus oblatio sufficit, & habet locum pœnitentia re integra. l. si pecuniam. ff. de condi. cau. da. nisi stipulatio sit interposita. l. si pacto. C. de pact. quæ regulariter solet à Notariis in-

terponi. §. quod ferè Iuriscōgentium. infra eod. §. item verborum. de inutil. stipul. in Institut.

Tamen differentiam inter permutationem & alios contractus innominatos faciūt interpretes. Nā si eis credi dignū sit, permutatio fit de specie ad speciem, vt, permuto librum meum infortiatum, cum tua veste nigra, sed innominati contractus fiunt, de genere ad genus, vel speciem: vel de genere ad speciem, seu è contrario. Vnde do vestem meam, vt des mihi infortiatum, non exprimēdo tale, vel do cyphum istū, vt facias mihi domum. Bart. & alij in l. iij. ff. de reb. credi. & in l. prima. de rer. permuta. & hīc etiā. Quæ tamen differentia non fit à Iuriscōn. saltem ipsi nihil probant, sed putarem pro hac sententia facere text. in l. fin. infra. de præscrip. verb. & in permutatione contractum do vt des inesse, & regulariter ad permutationem, concludendum esse, eò quod actio ex ea descendens bonæ fidei sit, §. actionum. de actio. in Insti.

*Contractus,  
do vt des,  
inesse i per-  
mutatione.*

Et sic paret stipulationem esse contractum nominatū, quia in suo nomine non stat, sed in aliud nomen transit, hoc dicit iste text. facit l. Aquiliana. ff. de transact. licet quidam Doctor. dicant stipulationem esse contractum innominatum, sed iste tex. contrariū dicit: nam si in aliud nomen transeat, quàm conuentionis, ergo est nominatus contractus.

Aliæ sunt pactorum diuisiones, nempe pacta alia expressa, alia tacita. l. iij. vbi dicitur. & l. sequen. infra. eodem. vbi etiam dicitur quædam pacta inter præsentem, quædam inter absentes contrahi, & ibi dicitur, quædam expressa esse, quædam tacita.

Item pacta seu conuentiones quædam sunt publicæ, aliæ priuata, siue ex publica causa, aut ex priuata, de quibus dicitur in l. j. infra eod. alia Iuriscōgentium, alia legitima. l. Iuriscōgentium. & l. legitima: infra eodem.

Pacta quædam, alia vtilia, alia inutilia. in d. l. Iuriscōgentium. §. pacta. infra eodem. vbi dicam. Alia in re sunt, alia in personam. §. pactorum. ibidem. alia nuda, alia vestita, seu non nuda. l. Iuriscōgentium. §. sed cum nulla. infra eodem. in quibus locis hæc declarabuntur diuisiones.

### S V M M A R I A.

- 1 *Instrumento debitori reddito, in quo ipse & alius est obligatus, pro parte debitum remissum dicitur.*
- 2 *Debitor censetur liberatus, instrumento reddito, nisi alia, quàm liberationis causa, subsit.*
- 3 *Conditio tacita quæ dicitur.*
- 4 *Heres tacite ad soluenda legata obligatus dicitur.*

### LEX II. PAVLVS LIB. III. AD EDICTVM.



Abeo ait, conuenire posse, vel re, vel per epistolā, vel per nūtiū. inter absentes quoque posse. Sed etiā tacite cōsensu conuenire intelligetur. Et ideo si debitori meo reddidero cautionē, videtur inter nos cōuenisse, ne peterē: profuturamque ei cōuentionis exceptio- nem placuit.



LEX III. MODESTINVS LIB. III.  
REGVLARVM.

**P**ost pignus vero debitori redditum, si pecunia soluta non fuerit, debitum peti posse dubium non est: nisi specialiter contrarium actum esse probetur.

**P**aulus Labeonis sententiā adducens, censet quendam pacta, seu conuentiones inter absentes fieri posse, videlicet re, per epistolam, & per nuntium. Re, id est, traditione rei, quicquid scribant hic interpretes per l. primā. §. re. ff. de actio. & oblig. vbi Vlpian. exponit.

*Reddens chirographum, vel cautionem, re conuenire dicitur.*

Vnde tunc re conuenire dicor, quando reddo chirographum, seu cautionem, id est, schedulā aduersario, quā tenebatur mihi ad decem aureos, vt per redditionem chirographi integri, vel cancellari videar conuenisse, ne peterem decem aureos, quos debebat, vt ex dicta cautione apparebat. Vnde si postea petere velim illos decem aureos, exceptionem taciti pacti pars opponere poterit, gloss. & Doctor. in c. Ecclesia. 2. vt lite penden. nisi debitor restitueret illud chirographum integrum creditori, tunc non videretur debitor liberationem acceptare, vnde creditor hoc debitum exigere demum posset, cum quilibet possit renuntiare iuri in fauorem suum introducto. l. penult. C. de pact.

Intellige quando redditur à domino, secus à fure, vel ab alio potestatem remittendi non habere, vt potest à filio, qui non potest debitum patris paciscendo remittere, l. filius. C. eod. vel à Procuratore, qui etiam donare non potest. l. filius. ff. de dona. Vide Soci. in tract. fallen. reg. 183. l. si de possessione. C. de proba.

Item si tertio, non debitori, datum sit instrumentum obligatorium, videtur quoque debitum in eo contentum, datum eadem ratione. per l. primam. C. de dona. Barba. consil. 30. Scribitur col. 4. in primo vol. & Ias. consil. 61. in 4. vol. sed an cogatur quis portitori instrumentorum soluere? Scripsi multa aresta in articulo 2. numero 75. tract. de liter. obliga. in primo tomo Commenta. ad Constit. Reg. Sed si reddiderim instrumentum debitori, in quo est obligatus ipse & alius, dicit Bart. pro parte debitum remissum, & datum mandatum illi, cui datum est. Ego dicerem datum etiam illi tertio, si erat cōsanguineus, vel amicus, vt docet gl. & Doct. in l. cum quid. ff. si cert. petat. igitur ex coniecturis hoc decidi poterit.

At Modestinus hoc non censet in pignore, verū in l. sequen. nam si reddidero pignus, debitum adhuc peti posse arbitratur, nisi specialiter contrarium esse actum probetur, quod pignus redditum vtilitatem afferre possit debitori, vt in libris & veste dicunt interpretes, post Accurs. At in cautione & in instrumento reddito nulla potest esse vtilitas debitori, nisi liberationis, idē liberatus censetur, nisi alia esset causa, vt si transcriptione illius instrumenti debitor indigebat, vt in l. si quæ. ff. famil. hercis. vel si redditum fuit contra creditoris voluntatem, l. quod debitori. C. de solut. vel alia causa, sit quā liberationis, seu coniectura, tunc liberatio non præsumeretur. l. si cum aurū. ff. de sol. Vnde si apud domesticos sit instrumentum, non præsumeretur redditum, l. vnica. §. ille. C. de lat.

libert. tollend.

Securius itaque erit debitori, vt acceptilationem habeat à creditore, quā si eidem chirographum redditum fuerit, l. pecuniar. C. de solut. ne aliqua cauillatio ingeri possit: tenetur tamen creditor soluto debito, reddere chirographum debitori. per text. in l. dissolutæ. C. de condict. ex lege. Instrumentum vero suis sumptibus, à Notario receptum, non tenetur creditor reddere, nisi sumptibus illius instrumenti prius persolutis: vt docent ibidem Doct. & Aufser. in Decis. Tholo. q. 4. ac 229. & quæstione 307. generalem tamen acceptilationem, seu (vt dicunt) quietantiā quis facere non tenetur, sed tantum de eo, quod solutum est, ne detrimento possit esse in aliis. l. Aquiliana, vbi Bart. & alij. ff. de transact. Bald. per illum text. in l. iij. §. contrarium. ff. de contrah. actio. tute. Ias. consil. 9. Venerabilis. in fin. vol. primo. Et hæres grauatus reddere chirographum, censetur esse grauatus vt debitorem liberaret, l. huiusmodi. §. si ita. ff. de lega. primo. l. iij. de libera. lega. etiam si reddat vnū instrumentum, sufficit, licet plura essent ratione taciti pacti, per istum text. nisi creditor vellet probare contrarium, ad quem spectat probare, cum ius præsumat debitum remissum.

Per epistolam, vel nuntium.] Ex hoc text. colligitur, quomodo conuentiones inter absentes fieri possunt quatuor modis. Primò, re, si reddā debitori instrumentū debiti, videor ei debitum remisisse, & sic rem, ita liberatio fit, sic Modest. scribit in l. iij. ff. pro soc. Societatem coire & re, & verbis, & per nuntium posse nos, non dubium est.

*Conuentiones inter absentes possunt quatuor modis fieri.*

Secundò, per epistolam conuentio fieri potest, si cut emptio, l. prima. in fi. ff. de contrah. empt. l. Publia. depof. & tunc datur actio utilis, non directæ. l. inter. §. conuenit. ff. de pact. dotal. Tertiò, fieri potest per nuntium, vt hic. & l. consensu. ff. de actio. & oblig. Quartò, per Procuratorem. l. prima. §. nuntiatio. & l. de pupillo. in fi. ff. de noui oper. nuntia. scripsi in l. subsignatum. §. attestari. ff. de verb. signifi.

Et sic patet duobus modis fieri pactum, expressè, vel tacitè. expressè, quādo verbis ad hoc accommodis conuētio facta est. Tacitè verò, quādo à iure ex aliquo actu fingitur, vt in reddita cautione in hac lege, cum aliis sequen. Et tacita conditio dicitur, quādo lex eam exprimit, non homo. Bald. in c. quemadmodum. num. 3. de iure iu. Vnde si acceptilatio inutilis fuit, tacita pactio, id actum videtur, ne peteretur. l. si vnus. §. si acceptilatio. infra. eod.

*Pactū tacitè factū.*

Sic dicimus tacitam renuntiationem à iure inductam, vt in clemen. gratiæ. de rescrip. scripsi in Praxi benefic. in 3. parte. titulo, de tacita renuntia. & tacitam substitutionem ac expressam, in l. iam hoc iure. ff. de vulga. expressam etiam & tacitam hypothecā, l. assiduis. C. qui potio. in pigno. habe. de quib⁹ scripsi in tract. de constitu. reitib. in 2. tomo Comment. ad Constit. Reg. art. j. glo. 14. Et tacitum tantum operari, quantum expressum, regulariter asseritur. per l. cū quid. ff. de reb. credi. & hic satis probatur.

Et in quibus casibus oritur obligatio ex quasi contractu, tunc dici potest tacita conuentio: vt patet in titul. de obliga. quæ ex quasi contractu.

*Conuentio tacita quādo dicatur.*

Vnde qui absentis negotia gerit, non cum eo contrahit, vel conuenit, sed tacitè à iure præsumeretur vtilitatis causā conuenisse. §. primo. Instit. de obliga. quæ ex quasi contractu. l. si pupilli. ff. de nego. gest.

Et in



*Pupillus  
ex quasi co-  
tractu obli-  
gatur.*

Et in tutela dicitur in §. tutores. ibidem ex quasi contractu obligari etiam pupillum, unde videtur ibi quoddam tacitum pactum, seu cōuentio. facit l. Lucius. ff. de manumiss. testa. & l. potuit. de iure delib. C. Hæres etiam tacite ad soluenda legata obligatur. d. §. hæres. & l. prima. C. communi. delegat. l. apud Iulianum. in fin. cum l. sequen. ff. ex quib. cau. in pos. se. eat. & in aliis casibus ibidem cōscriptis. Vide quæ scripsi in l. verba, contraxerunt. ff. de verbo. signific.

## S V M M A R I A.

- 1 *Fructus prædiorum conductorum tacite pro pensione obligantur.*
- 2 *Sine naturales sint, siue industriales.*
- 3 *Hypotheca tacita non extenditur extra obligationem à iure inductam.*
- 4 *Inuecta & illata, dummodo alia bona ad pensionem soluenda sufficiant, ab inquilino diuendi possunt.*

LEX IIII. PAVLVS LIB. III.  
AD EDICTVM.

Tem quia cōuentiones etiā tacitæ valent, placet in vrbanis habitationibus locadis inuecta illata pignori esse locatori, etiam si nihil nominatim conuenerit. Secundum hæc & mutus pacisci potest.

*Obligata  
tacite pro  
pensione do-  
mus.*

Hæc lex prosequitur tacitam conuentionem, quæ dicitur esse inter locatorem & conductorem, videlicet vt omnia bona inuecta & illata, sint tacite obligata pro pensione domus locatori, vt pensio & merces conuenta inter eos domino persoluantur, etiam si nihil nominatim conuenerit. l. certi iuris. C. loca. Soci. in tract. fallen. regula 192. & Iason hinc limitauit. Verum quia hæc materia abunde fuit à me tradita in articul. 4. gloss. 2. in tract. de lite. obliga. in primo tomo Commentar. ad Constitu. Reg. vbi posui regulam cum amplia. & limita. & illam doctrinā multis probaui arestis, ob id ad ibi dicta nunc te reiciam, bone lector, & quæ dicantur vrbana prædia, explicat Iurifcon. in l. vrbana prædia, vbi etiam scripsi, ff. de verbo. signific.

Videndum est, cur inuecta in prædium vrbani sint tacite, etiam ignorante domino, obligata pignori, & in rusticis prædiis contra? l. eo iure. ff. in quibus cau. pig. gloss. & Doct. putant hoc esse in §. item Seruiana. de action. in Insti. quia rustici omnia bona palam habent, sed hoc nihil ad rem pertinet, unde dicendum est res inuectas in prædium rusticum, non esse tacite obligatas, nisi volūtas, id est expressa obligatio interueniat. per l. si non inducta. C. in quibus cau. pig. ibi, *nec hæc obligata specialiter monstratur*, & voluntas ac scientia domini, sed tacite iuris auctoritate inducta in prædium vrbani, etiam sine scientia domini, tenentur: nam vbi ius operatur, non requiritur domini scientia, quemadmodum est in obligatione tacita, vt hinc. Sed quando obligatio debet interuenire ex hominis dispositione, requiritur hominis factum. l. quod nostrum. ff. de regul. iur. At cum instrumenta rusticorum, quæ inuehuntur, sint boues, ligones, aratra, & alia id genus, quæ sine detrimento

*Inuecta in  
prædiu ru-  
sticum, cur  
nō sint ta-  
cite domi-  
no prædi-  
obligata.*

reipub. à fundis auferri nō possunt, alioqui destitueretur annonæ præbitio, fundi inculti remanebunt, & auocabuntur ab opere rustici. l. ij. ff. de nundi. unde dicit text. in l. *Pignorum gratia aliquid quod ad culturam agri pertinet, auferri non conuenit*. C. quæ res pigno. oblig. poss. & authen. sequen. ibidem. Præterea sub obligatione generali nō continentur ea, quæ perquam sunt necessaria ei, qui ea habet, vel quod verisimile est obligatum ea non fuisse. l. obligatione. cum l. sequen. ff. de pignorat. actio.

*Obligatio  
generalis  
qua com-  
prehendat.*

Et licet ista instrumenta rusticorum tacite obligata non sint, fructus tamen prædiorum conductorum tacite tenentur. l. in prædiis. ff. in quibus cau. pignus, sed in domibus nullus videtur fructus, ergo inducta erunt tacite pignori, nec in his scientia domini requiritur. Quid enim tam durū, tamque inhumanum est, quàm publicatione pompæque rerum familiarium & paupertatis detegi vilitatem, & inuidiæ patere diuitias? l. ij. C. quando & quibus quar. pars debe. lib. 10. & sic patet res inductas in domum esse tacite obligatas, etiam sine domini obligatione, & scientia. d. l. certi iuris.

Sed inducta in prædium rusticum, non esse obligata tacite nisi expressa interuenerit obligatio, sed fructus fundorum tacite tenentur. Et hoc est menti figendum, siue sint fructus naturales, siue industriales, cum ille text. d. l. in prædiis. simpliciter loquatur de fructibus. quæ indefinita æquipollet vniuersali. c. vt circa. de elect. in 6. Anto. Negusant. in tract. de pigno. in 4. membro 2. partis num. 148. licet Bart. contrarium teneat in l. assiduis. col. 2. qui potio. in pig. habe. quem refert & sequitur Ias. hinc.

Notandum est tamen inuecta & illata non solum retineri posse pro pensione & deterioratione. l. ij. ff. in quibus cau. pig. taci. contraha. verum etiam pro eo, quod debetur domino ex alia causa, vt docet Bart. in l. solutum. §. solutam. ff. de pignorat. actione.

Sed Iason eum hinc reprehendit, & in l. si non sortem. §. si centum. ff. de condi. indeb. per l. prætextu. commoda. sed Bar. opinionem probat Anto. Negusant. in tract. de pigno. & hypothe. in 4. membro 2. partis. nu. 119. per l. vnicam. C. etiam ob chirogra. pecu. pig. tener. dicens non posse retineri rem, quando nullo modo erat obligata, aliàs contra.

Ego conciliando ambas sententias, dicerem inuecta non posse retineri pro alio debito, pro quo nō datur hæc hypotheca. l. si non inducta. C. in quibus cau. pig. nisi auctoritate iudicis fiat, qui sistat & arestet hæc bona ad domini petitionem: nam hypotheca in vno casu inducta, non trahitur ad alium casum à iure non expressum. Sed quando res est obligata pro vno debito, si aliud fiat debitum, pars videtur consentire pro alio debito vt retineatur. d. l. prima. C. etiam ob chirogra. pecu. quod non est in obligatione inducta à iure, vt est tacita hypotheca, quæ non extenditur nisi à iure, & ideo pro alio debito æque priuilegiato retineri posset, vel auctoritate iudicis, aliàs nō, & ita seruat praxis.

*Inuecta an  
retineri  
possint pro  
alio debito.*

Aduertendum est Ias. hinc dubitare, post alios Doctores, de quo profit hæc tacita hypotheca: Et respondet prodesse, vt bona inuecta non possint alienari, sicut in conuentionali hypotheca. per l. si debitor. de distract. pigno. l. Pomponius ait si gratuitam. ff. in quibus cau. pig. taci. contrah. & speciale in libertate dicit in l. est differentia. ibidem.



4 Ego autē in praxi seruari vidi, vt inquilinus possit bonā inuecta & illata vendere, donare, & alienare sine fraude, dummodō retineantur in domo conducta bona, quæ ad pensionem soluendam sufficiat. vt nota. in l. prima. ff. de Salui. interdi. scripsi ind. articul. 4. num. 29. vbi dixi conductorem teneri referre bona ad domum conductam, ex qua clanculo exportauit, vt satisfieri domino domus possit de sua pensione ventura.

§. Huius rei argumentum est, & c.

*Dos dici non potest vbi matrimonium non est.*

**D**Eclarat tacitam conuentionem esse in dote, vt si pater promiserit dotem marito pro filia, intelligitur si matrimonium contrahatur. l. quod seruus. ff. de condi. cau. da. l. promittendo. de iure doti. Dotis enim promissio futuri matrimonij tacitam accipit conditionem. l. dotis promissio. ibidem. & æstimatione rerum dotalium quasi sub conditione est, si matrimonium fuerit secutum. l. plerunque. §. si ante. ibidē. & dos soluta repeti potest, quasi causa cessante. l. si extraneus. & l. quod seruus. cum l. sequen. ff. de condi. cau. dat. Neque enim dos sine matrimonio esse potest. Vbiunque igitur matrimonij nomen nō est, nec dos est. l. iij. ff. de iure dot. l. fin. C. de dona. ante nupt.

*Dos puellæ cōcomitatur, quæ monasteriū ingreditur.*

Si tamen quis donauerit puellæ dotem causa matrimonij, si ipsa ingrediatur monasterium, dotem habebit. c. in præsentia. de proba. idem si moriatur antequam nupserit, tunc illa donatio non retractabitur quoad mulierem, secus si marito data fuisset. Bar. & alij in l. qui se debere. ff. de condi. cau. da. nam datum nomine dotis filie, non repetitur. l. cū is. §. si mulier. ff. de condi. indeb. Ias. & alij hīc.

*Pactū tacito fidei duorum cōsensu inest.*

Ex his legibus habetis hanc conclusionem, in pacto non requiri consensum duorum, contra l. primam. supra. sed respondeo hīc loqui de tacito pacto de quo etiam in l. post venditionem. C. eodem. secus in expresso, in pacto enim tacito verē non interuenit consensus duorum, sed fidei, & fictio tantum operatur, quantum veritas. l. si filius familias. ff. si cert. petat.

§. Idem Iuliano placet, & c.

*Facti species.*

**H**ic §. sic potest intelligi, cū cētum mutuarem Titio, conuenit vt quādiu ipse decē pro usuris solueret, fors, id est, principale debitum de cētum non peteretur, postea factum est instrumentum de sorte, promisit enim Titius debitor restituere illa centum, quæ situm fuit, an creditor illam sortem ratione stipulationis petere possit? quod videbatur, quia purē concepta est stipulatio de sorte reddenda, ergo creditor poterit eam petere, respondet Iuliano contrarium placuisse: nam quamuis stipulatio sortis restituendæ purē concepta fuisset, tamen inest conditio stipulationi, atque si hoc fuisset expressum, videlicet quod donec soluantur usuræ, fors non petatur, & hoc pactum valet: alioqui potest debitor compelli ad sortem, licet offerat usuras. l. ult. in fin. C. de iure dot. Non valeret tamen pactum, quod debitori non liceret soluere sortem ante certum tempus, vel nisi ex beneplacito creditoris, quia hoc sapit usuram. c. ad nostram. de empti. & vendi. & quia est contra libertatē se liberandi ab obligatione. gloss. magna. in l. qui Romæ. ff. de verbor. obligation. & in l. fin. C. de pact. pigno.

*Pactum, quod usurā sapit, nō est seruandum.*

Item si creditor in futurum usuras acceperit, deinde pecuniā nihilominus petat, antequam id tempus prætereat, cuius temporis usuras accepit, potest dici dolo eum facere: accipiendo enim usuras, distulisse videtur petitionem in id tempus, quod est post diem usurarum præstiturum, & tacitē conuenisse, interim se non petiturum. l. iij. §. non malē. ff. de doli excep. l. qui in futurum. infra eod.

*Creditor in futurum usuras accipiens.*

LEX V. VLPPIANVS LIB. IIII.  
AD EDICTVM.



**C**onventionum autem tres sunt species, aut enim ex publica causa fiūt, aut ex priuata: priuata, aut legitima, aut iurifgentium. Publica conuentio est, quæ fit per pacem, quotiens inter se duces belli quædam paciscuntur.

**A**liam diuisionem hīc tradit Vlpia. videlicet, quædam cōuentiones fiunt ex publica causa, quædam ex priuata. Publicæ sunt, seu ex publica causa, quæ statum publicum respiciunt, & quæ ad salutem & vtilitatem vniuersorum pertinent, vt in l. prima. in fi. ff. de iustit. & iur. l. eum qui vectigal. vbi scripsi. ff. de verbo. signific.

Vnde conuentiones factæ super pace faciēda, vel habēda, dicuntur publicam respicere causam, & sic Principes obligantur ad eas seruandas, vt hīc. & in c. nouit. de iudi. ac in c. primo. de proba. & fidem hosti etiam seruandam à priuato, docet tex. in l. nam & Seruius. ff. de negot. gest.

*Cōuentiones publicæ causam respicientes.*

Item conuentiones super fœdere, quod treugas vocant, causam respiciunt publicam, vt in titulo de treuga & pace. in Decr. & in tit. de pace tenen. Doctor. in c. sicut. de iure iur. Et has conuentiones (cū publicam respiciant causam) nullus extra Principem facere, nec quidem belli duces possunt, nisi ratæ postea habeantur, & hoc docent hīc interpretes.

Aliud est pactum commune, quod inter socios fit, vt filia vtriusque socij de communi dotentur. l. si socius pro filia. ff. pro soci. Priuatum pactum est, quod singulorum vtilitatem respicit, & inter priuatos fit, & hoc est duplex: quoddam enim est legitimum, & quoddam iurifgentium.

*Pactū commune.*

S V M M A R I A.

- 1 Dos ex nudo pacto promissa, exigere potest.
- 2 Actio etiam lege confirmante tollitur.
- 3 Actione præscriptis verbis, vel in factum agendum, quando conuentio est innominata.

LEX VI. PAVLVS LIB. III.  
AD EDICTVM.



**L**egitima conuentio est, quæ lege aliqua confirmatur, & ideo interdum ex pacto actio nascitur, vel tollitur, quotiens lege vel senatusconsulto adiuuatur.

Cūm



**C**um igitur priuata conuentio diuidatur in legitimam & iuris gentium, hinc declarat Paul. Iuricon. quæ sit legitima cōuentio. Conuentio, seu pactio sine causa facta, non confirmatur à lege, vt in l. sequen. dicitur, idè actionem non parit.

Illa ergo quæ à lege cōfirmatur, legitima dicitur, & actionem producit. Vnde si quis constituat se pro alio soluturum, cogi potest, vt id exequatur, quia conuentio illa lege confirmatur, vt patet sub titulo infrà. de consti. pecu. Et dos exigi potest, etiam nudo pacto promissa. l. ad exactionem. C. de dot. promiss. licet hodie stipulationem interuenisse ius præsumat. l. vnica. C. de rei vxor. acti. & ex nudo pacto debentur ciuitatibus vsuræ creditarum ab eis pecuniarum. l. etiā ff. de vsur. & frumenti vel hordei, mutuo dati, accessio, etiam ex nudo pacto præsumenda est, lege confirmante. l. frumenti. & l. per retentionem. C. de vsur.

*Vsuræ debentur ciuitatibus ex nudo pacto.*

Vnde non est necesse, quod contractus sit à iure ciuili inductus, sed confirmatus, vt hinc. Idè non est dubium ex stipulatione, literarum obligatione, contractu emphyteutico, seu sponsalitia largitate, actionem oriri: quia contractus illi à iure ciuili inducti sunt, & quoad actionem, & quoad exceptionem, vt patet. ff. de verb. oblig. & in Insti. & in aliis titulis. Et de his non puto loqui hanc legem, sed de cōuentione, quæ per aliquam legem confirmatur. vt in l. prima. C. de suffra. non de contractibus à lege ciuili inductis, quos non oportet à lege cōfirmari, cum inducti sint ab ipsa, idè quæ dicta sunt, non possunt huic conuenire legi.

Nec etiam puto hunc text. intelligi in donatione, quæ licet confirmetur à lege (l. si quis argentum. C. de dona.) vt valeat, tamen interdum in donatione non est conuentio, sed donatio, & traditio, & ibi cogitur donator conditione ex illa lege per §. sed etsi quis, ibi, *coartari donatore legis nostræ auctoritate, &c.* Idè non facit ad rogatum quoad istum text. quod notandum est, quia vbi quis conuentionem partium lege approbatam, & cōfirmatam inuenerit, legitima illa conuentio erit, ex eaque producet naturalis obligatio, ex consensu, & ciuilis ex legis confirmatione, & sic intelligenda est ista lex.

Sed nunquid conuentiones iurifgentium à lege confirmantur? ergo legitimæ dici poterunt? Respondent moder. non esse confirmatas à lege, sed mutata est vis executionis, quia data sunt à iure ciuili his conuentionibus actiones, & exceptiones, loco manus Regiæ, aut Curiatarum sententiarum: successerunt enim manus Regiæ Curiatæ sententiæ. l. ij. in Prin. ff. de orig. iur.

*Conuentiones iurifgentium, an sint, legitima.*

Ego autem dicerem, insequendo communem interpretum sententiam, conuentiones iurifgentium esse à iure confirmatas, vt producant actiones & exceptiones, sed non eò posse dici legitimas, si inuentionem inspiciamus, quæ est iuris gentium, sicut dicimus de matrimonio. in l. prima. ff. de iusti. & iur. quod licet inuentione iuris sit diuini, & à iure ciuili confirmatum & approbatum, tamen non ob hoc legitimum dicemus inspecto principio.

Item licet lex 12. Tab. confirmet testamentarias hæreditates. l. lege obuenire. de verbo. signifi. non tamen ob hoc legitimæ vocabuntur, cum sint de iure gentium. l. interdum. vbi Bart. & alij. ff. de condit. indeb. Et licet in pactis id dicatur legitimum, quod

*Legitimū, quid dicatur.*

est cōfirmatum lege, eò quod lex facit illud pactum potens ad producendam actionem vi legis, idè, dicitur legitimum: tamen cum actus ex se sit potens, sicut actus iurifgentium, licet à lege approbetur, non dicitur actus legitimus, vt plenè docui in d. l. lege obuenire. ff. de verbor. signifi. vbi dixi multis modis legitimum dici, & legitimos hos actus dici posse, id est à iure approbatos, sed non quod mutant nomen iam receptum à iure gentium.

Etiā non possunt conuentiones iurifgentium dici legitimæ, cum sint iurifgentium, alioqui diuisio nō subsisteret, quare Iuricon. iurifgentium conuentiones noluit dici legitimas, sed eas à legitimis exclusit, sic diuidendo, & vbi sit se paratio à Iureconf. non vult vnum separatum coniungere, alioqui non separasset. l. fin. ff. de calumnia.

Idè hinc dicemus conuentionem legitimam, quæ per se erat inutilis, & ad actionem & ad exceptionem, sed lex eam cōfirmavit vt actio & exceptio oriretur, vt in constituto dixi & in titul. de pact. dora. probatur & de pactis conuentis in multis legibus, & in l. in bonæ fidei contractibus. & in l. legē. C. de pact. & contractus innominati lege confirmantur re tradita, & ex his oritur actio. in l. naturalis. & per totum. ff. de præscrip. verb. & in permutatione. in l. j. ibidem.

*Conuentio legitima, per se inutilis.*

Etiā tollitur actio lege confirmante, vel adiuvante. in l. si rem. §. omnis. ff. de pignora. acti. & acceptilatione & per totum titul. ff. de acceptil. l. si tibi. infrà. eodem.

De senatuscon. adducunt hinc Doctor. l. cum hic status. ff. de dona. inter vir & vxor. vbi senatusconsulto donationes factæ vxoribus, si in vita non sint reuocata, confirmantur, hoc est fragile, quia ibi non est conuentio, sed donatio, in qua sapius non est aliqua conuentio. l. Aristo. vbi gloss. in fin. ff. de dona. & alia exempla sunt extranea, nec conueniunt huic legi. Sed multa alia in voce dixi quæ per otium non licuit scribere, idè, bone lector, tu supplere poteris.

Tolli actionem ex Senatuscon. Velleiano & Macedo. Doct. arbitrantur. vt est in his titul. ff. & C. ad Senatuscon. Velleia. & Macedonian.

Torquentur Doctor. hinc quando agendum sit conditione ex lege, idè dicatis agendum actione præscriptis verbis, vel in factum, quando est cōuentio innominata, & perfecta ac completa, & ita loquitur totus titulus. ff. de præscript. verb.

Si verò lex absque partium conuentione inducat obligationem, tunc agendum erit cōditione ex illa lege. vt in l. omnimodò. C. de inoffi. testa. vbi si testator reliquerit filio minus legitima, poterit peti supplementum legitimæ conditione ex illa lege, & sic valde differt cōdictio ex lege à legitima cōuentione.

#### LEX VII. VLPPIANVS LIB. IIII. AD EDICTVM.

**I**urifgentium conuentiones quædam actiones pariunt, quædam exceptiones: quæ pariunt actiones, in suo nomine nō stant, sed transeunt in proprium nomen cōtractus: vt emptio, venditio, locatio, cōductio, societas, commodatum, depositum, & cæteri similes contractus.

Iuricon.



**I**uriscon. conuentionem iurifgentium adhuc diuidit: nam quædam actiones pariunt, quædam verò exceptiones. Illæ cōuentiones, quæ actiones pariunt, non stant in suo nomine, sed in aliud transeunt contractus nomen, vt emptio, &c.

Constat conuentiones iurifgentium vocari, quæ ab ipso gentium iure inductæ sunt, de quibus in l. ex hoc iure. suprâ. de iusti. & iur. & differunt à legitimis, quæ lege confirmantur, vt in lege præcedenti dictum fuit.

*Requisita ad cognoscendū contractū nominatū ab innominato.* Et sic ex isto text. requiruntur sequētia ad cognoscendum contractum nominatum & innominatum. Primò, quod conuentio transeat in aliud nomen. l. j. suprâ, eodem.

Secundò, quod non stet in suo nomine, vt emptio, quæ non stat in nomine, do vt des. l. naturalis. §. j. ff. de præscrip. verb.

Tertiò, quod proprium nomen habeat cōtractus, non generale, nec cōmune, vt in l. prima. & sequen. ff. de præscrip. verb. l. ij. de adop.

Et sic permutationem contractum esse nominatum concludi potest, cum quod in suo nomine conuentionis do vt des, non stet, tum quod in proprium nomen contractus transeat: nam vocatur permutatio, & est propria species contractus. §. item pretium. de empt. & vendi. in Instit. Et l. prima. ff. de rer. permut. non probat, quamuis dicat in his receptum esse, quæ nomen suum habent, ergo permutatio non habet nomen, nō sequitur, quia licet emptio suum nomen habeat, sic & permutatio suum.

*Donatio & transactio an inter contractus nominatos computentur.* Donatio verò & transactio, licet sint nominatæ, & propriū nomen habeant, nō tamen computantur inter contractus nominatos, quia ex his non oritur vtrò citròque obligatio, vt regulariter in contractibus, l. Labeo. 2. §. contractum. ff. de verbo. signific. sed in his potius dissoluitur obligatio, quàm contrahatur. l. prima. ff. de transact. Nec probat l. quamuis. C. de transact. transactionem esse contractum innominatum, sed potius mecum facit, quia in transactione postquam est conclusum, non est locus pœnitentiæ, sicut in contractibus nominatis, licet in innominatis contrâ. per l. si pecuniam. ff. de condic. cau. da. verū in illis quatuor contractibus, de quibus in l. naturalis. in fi. de præscrip. verb. permutatio vix dici do vt des, potest, ergo licet sit nominatus contractus, etiam in illa locum habebit pœnitentia, re scilicet integra: nam in contractibus, qui re perficiuntur, antequam res tradita sit, contractus non erit perfectus, & sic licebit pœnitere. §. primo. quibus mod. re cōtra. oblig. l. prima. ff. de obliga. & actio. nec valet consequentia quod est nominatus contractus, ergo pœnitentia in eo locum non habet. per l. contractus. C. de fid. instrumen.

Vnde ista regula in contractibus nominatis, qui consensu perficiuntur, habet locum, sed in aliis contractibus non passim, quicquid dicant Doctores, vt abundè tractabo in l. si pecuniam. de condic. cau. da. si Deus volet, & mihi id per lōgioris æui industriæ quæ curriculum concedatur.

Idem in diuisione dici potest, in l. diuisionis. infrâ. eodem. in qua ante traditionē admittitur pœnitentia, si inter partes tantum fiat, diuersum est si per sortem, aut iudicis autoritatē facta fuerit. vt alibi plenius de ea scripsi. facit l. inter. §. primo. ibi, apud arbitrum diuisionis. ff. de pactis dotal.

1 Contractus nominati non admittunt pœnitentiam, & quare.

Innominati verò sic. ibidem.

2 Contractus rei tantum traditione perficiuntur.

3 Oblatio non impedit pœnitentiam in contractibus.

4 Liberationis fauore sufficit quandoque sola oblatio.

5 Oblatio cum depositione & consignatione habet vim solutionis.

6 Et ea, quæ fit in iudicio.

§. Sed etsi in alium contractum res non transeat, subsit tamen causa, eleganter Aristoteli Celso respondit esse obligationem, vt putà, dedi tibi rem, vt mihi aliam des, dedi vt aliquid facias, hoc συνάλλαγμα esse: & hinc nasci ciuilem obligationem. Et ideo Iulianum puto rectè à Mauriciano reprehensum in hoc, dedi tibi Stichum, vt Pamphilum manumittas, manumisisti, euietus est Stichus. Iulianus scribit in factū actionem à Prætore dandam, ille ait ciuilem incerti actionem, id est, præscriptis verbis sufficere: esse enim contractum quod Aristoteli συνάλλαγμα dicit, vnde hæc nascitur actio, si ob maleficium ne fiat, promissum sit, nulla est obligatio ex hac conuentione.

**I**ste §. ait contractus quosdam non transire in aliud nomen, sed in suo stare nomine, & hi producant obligationem, si subsit causa, vtpote dedi rem, vt aliā dares, vel dedi vt aliquid facias, nasci ciuilem obligationem Aristoteli ait.

Iuriscon. hic ait quosdam contractus in suo permanere nomine, vt sunt quatuor cōtractus, de quibus in l. naturalis. infrâ. de præscrip. verb.

Iste text. habet difficile cōtrarium, cōtra versic. & ideo: nam si dedi tibi Stichum, vt Pamphilum manumittas, & tu manumiseris, deinde euietus est Stichus, Iulianus scribit in factum actionem à Prætore dandam, ille verò Aristoteli, ciuilem actionem incerti præscriptis verbis sufficere: at in l. naturalis. §. sed si dedi, Iulia. ait, de dolo actionem dari, & sic Iulia. rectè à Mauritiano reprehensus fuit. Interpretes dicunt de dolo actionem tunc dari, quando sciens alienum dedit, sed si ignorans dedit, tunc ciuilem competere concludunt, & Iulianum variasse, quia vnum dicit in vno loco, aliud in alio, & alia multa asserunt, quæ videre quilibet, si non grauetur, poterit, quæ parum seruiunt ad tex. & huius antinomix dissolutionem.

Ego verò puto Doct. hætenus super hoc hallucinatos, arbitantes Iulianum voluisse ciuilem actionem competere, quod non est verum, sed Paul. hoc narrat in d. l. naturalis, nec reprehensionem Iuliani refert, sicut Vlpian. hic.

Et sic conuenire videntur hæ duæ leges, si rectè intelligantur, quia in l. naturalis. dicit Paul. Si sciens quis dederit seruum alienū, de dolo actionem dandam Iulia. ait & rectè. Si verò ignoras, ciuilem in factum cōpetere, ait ibi Paul. nō verò Iulia. Ideò Iulia.

ait

Contractus in suo nomine stantes, quæ producant obligationem.

Obiectionis solutio.



ait actionem de dolo in casu scientiæ cōpetere, Paul. verò postea in d. l. naturalis ait in factum civilem competere, & Vlpia. hñc referens Iulia. in hoc à Martiano reprehensum, quòd diceret dandam actionem à Prætore, nam civilem in factum sufficere ait, nempe frustra daretur Prætoriam civili existente, quia ius Prætorium introductum est adiuuandi, supplendi, vel corrigendi iuris civilis gratia propter publicam vtilitatem. l. ius autem civile. ff. de iusti. & iur. sed in hoc casu non est opus adiuuare ius civile, cum actio civilis introducta sit, & sic sufficiat. Ergo à Prætore nulla alia dabitur.

Ex his notandi sunt duo casus. Primus est, quando alienus seruus Stichus datus est scienter, qui postea est euictus, & tunc de dolo datur actio, dolo enim facit, qui alienam rem, vel pignoratam, scienter dat. l. prima. de pignora. actio. l. si oleum. §. primo. de dolo. & in hoc conueniunt omnes Iuriscōn.

Secundus casus est, si ignorans alienum seruum dedi, & is postea euictus sit, hoc casu civilis actio præscriptis verbis in me datur, per tex. hñc, & nō datur actio à Prætore, quia sufficit civilis, & in hoc reprehensus fuit Iulia. à Martia. vt Vlpian. refert. Et ita intelligi debent & conciliari ista contraria difficilia, quicquid super hoc Doctor. hactenus scripserunt, dicam fusiùs in d. l. naturalis. nam tota difficultas interpretum est, eò quòd istos casus non separauerunt. Vide quæ scripsi in l. sæpe. ff. de verb. signific. & hñc incerti actionē vocat in factum, quia est sine nomine proprio, sed stat in suo nomine, vt suprà diximus de contractibus.

Et per istum text. ibi, in factum actionem à Prætore dandam, Doctor. dicunt actionē aliam esse datiuam, aliam natiuam: datiuam dicunt esse, quando lex eam dat, & non habet præexistentem materiam, sicut enim Adam fuit datus à solo Deo, vt docet Aret. §. primo. de obliga. in Insti. sic & ista actio datur à solo Imperatore. l. cū mota. C. de transact. Natiuam dicunt eam, quæ ex naturali & civili oritur actione, vt regulariter in l. licet. §. ea obligatio. ff. de Procura. las. in rub. de actio. in Insti.

Ego verò dicerem hanc interpretum diuisionem superfluam, nec verbis Iuriscōn. conuenire, quippe omnis ferè actio, aut à lege civili, aut à Prætoria datur. §. j. & §. sed istæ. de actio. in Insti. ergo omnis actio erit datiuam.

Et tamen nulla actio datur à lege, nisi præcedat materia, scilicet contractus, vel quasi, maleficium, vel quasi. l. obligationum. ff. de actio. & obligat. l. licet. §. ea obligatio. de Procura. Nam cum nulla subest causa, actio non datur in hac lege. §. sed cum nulla. nec nascitur actio sine aliqua causa. l. prima. ff. de actio. & obliga. Vnde si ob maleficium ne fiat, promissum sit, nulla est obligatio ex hac conuentione. §. si ob maleficium, in hac lege: nam quilibet abstinere debet à maleficio sine datione, aut promissione, vt ibi.

Vnde arbitror Iuriscōsultos promiscuè fuisse vsos his terminis, dari actionem, vel nasci, & nullam vel modicam constituisse differentiā, nam omnes actiones à iure datæ sunt, & introductæ. l. ij. ff. de origi. iur. l. in commodato. §. sicut. commoda. & l. legitima. præceden. Nam hñc dicitur nasci actionem, pro oriri, proficisci, dari, & §. quinimò ibi, ne ex pacto actio

nascatur. & §. sequen. & §. quod fere. l. si tibi. ibi, non nascitur obligatio mihi. & §. de pignore. ibi, nascitur ex pacto actio. l. ij. ibi, itaque eo casu vltro citroque nascitur actio, quæ negotiorum gestorum appellatur. ff. de negotiis. l. si vendidero. in fin. ibi, actio, quæ statim cum pecunia soluta est, ei, qui dedit, nata est. ff. de fur. l. §. ibi, nata actione. de bon. damnat.

Item eadē actio dicitur dari. l. si quis. id quod. ibi, actionem dabo. ff. de iurisdictione omnium iudic. l. secunda. in fin. qui satisd. cogant. l. sicut. quod cuiusque vniuersi nomi. l. in hæredem. in fin. & l. si quis. de calumniat. l. quod autem, quod met. cau. l. hæredibus. de dolo. l. prima. §. Non autem ex omni causa Prætor dat in exercitorem actionem. ff. de exerci. actio. Alia ferè centum iura allegauit. in l. sæpe. ff. de verbor. significatione, quæ hñc omittam, ista ratus sufficere.

Ex prædictis patet difficultates à Doctoribus motas cessare, & omnes actiones dici promiscuè posse nasci, vel dari: & sic datam, vel natam, habere præ-existentm materiam, ex qua dantur vel nascuntur, videlicet ex contractu vel quasi, maleficio, vel quasi, & sic omnes actiones possunt vocari datæ, vel natæ, sed non memini me inuenisse apud Iuriscōn. actionem datiuam, vel natiuam, de quibus disputare videtur superfluum, cum apud Iuriscōn. non inueniantur, & quis posset tenere omnes actiones esse natiuas, imò datiuas: & ex præmissis istas conclusiones probare?

Nec refragatur d. l. cū mota. C. de transact. vbi Doctores dicunt non esse præ-existentm materiam: nam (salua illorum pace) materia est illarum, nempe transactio est: nam mater renuntiauerat querelæ nomine filij, vt aduersarius aliquid daret, qui hoc post renuntiationem dare noluit. Vnde text. ibi dicit, si promissum dari fuerit per stipulationē, actio ex stipulatu nascitur, si verò non interuenerit stipulatio, actio eo casu datur præscriptis verbis à lege, mediante negotio gesto, & ex conuentione sic facta: nam sine conuentione non daretur actio, aliàs lex esset iniqua, si daret actionem sine causa. Sicut enim Deus Opt. Maxi. dat fructum subsistentem materia, vel semine, & postea nascitur foetus, vel partus, ita lex actionem dat præcedentem cōtractu, vel quasi, vel negotio gesto, ex quibus nascitur actio, & nasci actio dicitur, etiamsi materia extincta esset. l. si cū quis. in fin. ff. de furt. vbi nasci, per metaphoram à rebus naturalibus, quæ propriè nasci dicuntur, transferimus ad res in animatas, videlicet ad actiones, & sic nō est differentia vel vtilitas, siue lex dicat nasci actionem, vel dari, & Iuriscōn. indifferenter vtuntur.

Vnde constituentes has differentias, ius nouum constituere videntur, & antiquum perturbare, nec probo differentiam gloss. in l. cum precario. de precat. vt actio datiuam non transmittatur ad hæredes, quia hoc est falsum, cum omnis actio possit & datiuam & natiuam dici, per prædicta, vel nulla, vt veriùs insequendo Iurecōs. loquar.

Item interpretes hñc dicunt, quamobrem contractus nominati actiones pariant, simulatque facti sunt, & innominati non, nisi post implementum, saltem ex parte vnius: Et respondent, innominatos esse debiles, nominatos verò potentiores, & frequentiores, & innominatos suis stare nominibus, & sic in sua nuditate: certè hec rationes parū mouere videtur.

Actio quomodo dari dicatur.

Dari actio nes, vel nasci, sunt eadem.

Incerti civilis actio, vocatur in factum actio.

Actio sine aliqua causa non nascitur.



*Contractus  
nominati,  
quare actio  
ne pariat*

Vnde fortasse non esset absurdum dicere, contractus nominatos hic expressos eò actionem parere, quia solo consensu completi, perfectique sunt, vt in titul. de obliga. ex consensu patet, & Iulia. ait, *quia in his neque verborum, neque scriptura vlla proprietates consideratur, sed sufficit eos, qui negotia gerunt, consentire.* in l. ij. ff. de actio. & oblig. Sed innominati nō, nisi implementum ex vna parte interuenerit, ideò ante perfectionem nullam actionem producere possunt, sicut habetur in l. contractus. C. de fide instrum. vbi si emptionis instrumentum fieri debeat, non erit perfectus contractus, antequam instrumentum fiat, & altera pars poterit pœnitere, vt & alij Doctor. ibi tradunt, per illum text.

Merito dicemus in contractibus nominatis locum non esse pœnitentiæ, quia ex sola conuentione & consensu perficiuntur, illi verò qui non perficiuntur solo consensu, vel innominati sunt, admittunt pœnitentiam, antequam sint perfecti, quia non sunt completi. l. si pecuniam. ff. de condict. cau. dat.

Sed diceret quis, quare isti innominati non complentur solo consensu, sicut quidam alij. Respondeo, quare omnia Deus non fecit similia? Certè hoc sic legislatori placet, nec omnium, quæ à maioribus nostris constituta sunt, ratio reddi potest. l. non omnium. ff. de legib.

*Conuentio  
sola, contractum  
innominatum,  
aut nominatum  
non perficit.*

Nec etiam potest inspecta vi verborum contractus innominatus dici completus sola conuentione, si res non interueniat, quia conuentio est, vt ego promittam dare, vt des. Requiritur ergo, vt aliquis dare incipiat, ad hoc, vt compleatur, & actio detur. d. l. si pecuniam. & l. naturalis. de præscrip. verb. vbi alia Deo auspicante, dicuntur. At, in contractibus nominatis qui re perficiuntur, vt mutuum, etiam non est complementum, nisi res interuenerit, nec sola conuentio mutuum facit. l. rogasti. §. si tibi. ff. de reb. credi. §. primo. quib. mod. re contrah. oblig. idem in aliis casibus ibidem conscriptis. Cum enim huius edicti sit naturalis æquitas. l. prima. suprà. repugnat natura, vt quod indiscretè promisi, dare tenear, & aduersarius lucretur ex iactura mea, & incauta promissione. l. nam hoc natura. ff. de condict. indeb. Igitur hæc naturalis æquitas mutari non debet, at cum aliquid dedi, aut feci tua causa, tuâque promissione confusus, æquum est vt lucrum non facias, ideò teneris & tu dare, vel facere quod conuenit, vel id quod interest præstare. d. l. naturalis: nam quauis pactum, & conuentio consensu perficiantur, vt suprà dictum fuit, contractus tamen non nisi facto, vel rei datione, seu traditione non absoluuntur. vt l. prima. ff. de rer. permut.

Et per hoc infertur, in contractibus innominatis solam oblationem non sufficere, cum requiratur rei implementum.

Et hoc docet hic Accurs. in verbo, non facias, & oblatio non impedit quin sit pœnitentiæ locus. Doctor. in l. siue apud. C. de transact. ideò debet esse cautus ille, qui agit ex contractu innominato, vt dicat se ex parte sua impleuisse, non autem dicat se obtulisse tantum, quia posset dicere pars, nolo nunc facere, vel dare, quod conuentum est, sed reuoco quatenus opus est.

Limitatur, quando factum esset promissum, tunc sola oblatio, cum factum statim impleri non possit,

sufficit. l. prima. C. de rer. permuta. quæ parum probat ias. hic allegat Bald. in l. ex placito. C. de rer. permuta. qui hoc non dicit.

Vnde cum quidam promississet prosequi processum, & alter domum ei in casu victoriæ dare, si alter offerat se prosequuturum processum, illa oblatio sufficit, quia per eum non stat, ergo ei non est imputandum. l. in iure ciuili. ff. de regu. iur. Et consului pro eo qui promiserat dare procuratorium ad resignandum, vt alter prosequeretur processum in magno concilio, & deponeret aureos si opus esset, si alter non resignet, & sic iste non potest prosequi processum, sufficit oblatio pro implemento ex parte vnus. l. Labeo. 2. ff. de contrah. emptio.

Secundò limitat Ias. quando contractus innominatus ordinatur ad nominatum, vt si ob certam causam vendere promittam. Id enim regi debet secundum naturam contractus, cui est similis. l. prima. §. si quis seruum. ff. de pos. nec habet locum pœnitentia, sed sola sufficit oblatio. d. l. Labeo scribit. & l. cum ab eo. de contrah. empt. Bald. in l. quamuis. in fin. C. de transact.

Tertiò, non procedit quando contractus tenderet ad liberationem. l. si cum fundum. infrà eodem. vbi Bald. facit l. si maior. C. de transact. quia fauore liberationis hoc fit. l. Arrianus. ff. de actio. & obligat. Bald. in d. l. quamuis.

Quartò, obligatio in contractibus innominatis sufficit, vt agi possit ad pœnam promissam, vel ad id quod interest, non autem ad rem principalem, per illum tex. in l. si pacto. C. de pact. qui sic declarat istā gloss. & Ias. hic.

Quintò, oblatio cum depositione & consignatione sufficit, quia habet vim solutionis. l. oblatione. C. de solu. Doctor. in l. acceptam. C. de vsur. & postea agere potero, nec liberum erit aduersario pœnitere, quia ex parte mea impleui. Bald. in l. ex placito. C. de rer. permut. quæstio. 18. & Iacobi. hic.

Vltimò, non procedit in oblatione facta in iudicio, quæ tantum operatur, sicut oblatio & consignatio extra iudicium facta. l. si rem. prima. §. fin. de pignora. actio. ff. explicat Anto. Negusan. in tract. de pigno. in 3. membro 5. partis. de hoc scripsi in l. habere. ff. de verb. signifi.

#### S V M M A R I A.

- 1 *Obligatio naturalis ex consensu indiscreto & vano non oritur.*
- 2 *Pactum nudum inter mercatores obligat.*
- 3 *Item incontinenti iuxta contractum appositum.*
- 4 *Exceptio non competit super actione non constituta.*

§. Sed cum nulla subest causa propter conuentionem, hic constat non posse constitui obligationem, igitur nuda pactio non parit obligationem, sed parit exceptionem.

*Oblatio  
sola contractum  
non perficiuntur.*

*Oblatio sola  
quædo in  
contractibus  
sufficiat.*

*Ex oblatione  
sola agi  
potest ad  
pœnam promissam.*



*Pactio nuda  
da qua di-  
catur.*

**I**urifcon. declarat hîc, quæ dicatur nuda pactio, & respondet illam esse in qua præter conventionem nulla subest causa, idè obligationem non parit, sed exceptionem. Causam exponit Accurs. & interpretes pro facto, seu datione, nam in his contractibus innominatis, vbi nulla subest causa, id est, nullum implementum ex vna parte, & sic datio, vel factum non interuenit, nullam esse obligationem. vt dicit text. in prin. Ego exponerem hîc pro occasione, aut ratione, nam vbi nulla est occasio, seu ratio promittendi, ibi etiam stipulatio non parit actionem. l. ij. §. circa. ff. de doli excep. nam si exponatur pro datione & facto, non habebit locum, nisi in contractibus innominatis, & tamen nuda promissio extra contractus innominatos nullam producit actionem, si nulla sit promittendi causa. d. l. ij. & l. diuisionis. infra eod.

*De eadem  
re.*

Itaque ego dicerem per istum tex. nudam pactio- nem, seu nudum pactum, quod nullam habet causam præter conventionem, nullam producere obligationem, vnde omnes contractus innominati, ante implementum possunt dici nudi, seu nudæ conventiones, vel pactiones, quia nil habent ante implementum præter conventionem, si autem factum, vel datio, seu traditio ex vna parte interuenierit, non dicitur amplius nudum pactum, vel conuentio. probat iste text. & l. prima. ff. de pignora. acti. l. solent. de præscrip. verb. l. cum emptor. de rescin. vendi. Alia etiam quæcunque conuentio nuda erit, si causam quis non habeat promittendi. Vnde si cõueni tecum, vt mihi centum da- res, vel equum, si non est causa, vel dotis, vel dona- tionis, vel vt negotia mea geras, seu alia quædã, nu- da erit conuentio, nec actionem pariet, vt hîc.

*Conuentio  
iusta, qua  
dicatur.*

Si verò conuentio in aliud nomen transeat, non dicitur nuda conuentio, sed nomen proprium habet, & iusta vocabitur conuentio, de qua scripsi abundè in l. Herennius. ff. de verbo. significat. & sic quædam vocabitur nuda conuentio, quædam iusta. de quibus in l. cum emptor. in fi. ff. de rescind. vend. vel quod- dam est pactum nudum, aliud lege confirmatum, seu iustum, quod Doctor. vocant vestitum. Verum quia de hoc vestito non inueni apud Iurifcon. idè hoc interpretibus relinquo, quia omnis conuentio quæ vel in aliud nomen transit, vel traditione, facto, seu datione subnixa est, non est amplius nuda, nec quidem ob hoc vestita dicitur, sed iusta, vel proprio nomine vocabitur, & ex his ingentes cessabunt diffi- cultates, quas gloss. hîc & interpretes apposuerunt propter vestimenta: nam in illis casibus lege confir- mantur, & iuuantur, & sunt iusta pacta, vel in aliud nomen translata.

Ex prædictis colligitur, quod ex pacto nudo non oritur actio, nec quidè obligatio naturalis, quæ ori- tur ex consensu ad idem tendens perfectio, sed in im- perfectis consensus partium non in idem tendit, si vna pars resilit ab obligatione & si nulla est causa pro- mittendi, nulla est obligatio. l. secunda. §. circa. ff. de doli excep. Cessante enim causa, cessat obligatio & actio. l. quod dictum. ff. de pact. & sic postquam nul- la est obligatio, nec actio. Et quamuis sit aliquis cõ- sensus, non tamè perfectus, nec solidus, sed indiscre- tus, & vanus, ex quo non oritur obligatio naturalis, vt hîc: nempe is natura debet, quæ iure gentium dare oportet. l. cū amplius. §. is natura. ff. de reg. iur. sed in hoc pacto nudo non oportet dare, ergo non est ibi

obligatio naturalis, & tex. hîc dicit nullam esse obli- gationem.

Et sic nec quidè de iure Canonico pactum nudum parere potest actionem, cum eo iure non completus contractus, non producat actionem, sed vult pactio- nem suam firmitatē habere, quia si firmum sit, vt po- te, quia implementum interuenit ex altera parte, tunc firmum remanere debet: si verò non firmum sit, vt- pote quia non perfectum, nec completum ex al- tera parte factum est, nec est promittendi causa, tunc illo iure non sapius producit actio, nam cum hu- iusmodi conventiones indiscretæ, & potius ostenta- tionis gratiã, quàm voluntariè proficiscantur, absur- dum videretur si quocunque verbo, etiam non pen- sato, & indiscreto, & sine causa tenerentur homines, idè datus fuit pœnitentiæ in his locus, vel voluntas implendi, si ad factum peruenerit, cum subsit causa, id est, negotium factum, vel datio, vel ratio promit- tendi, tunc altera pars quoque tenebitur. l. si pecuniã. ff. de condiçt. cau. dat. Et quamuis æquitate nitatur ius Canonicum, hoc tamen non est æquum, quod ex vana promissione & indiscreta quis obligetur, imò potius esset iniquum. Et quãuis Deus Op. Max. nō faciat differentiam inter simplicem loquelam cum causa factam, & conclusam, & iuramentum, tamen Deus non recipit, vt quis decipiatur vana promis- sione, nec recipit promissiones antequam complean- tur, vel sine causa, vel nisi fiant sponte, vt toto titulo ff. quod met. cau. & non semper promissa omnia sol- uenda sunt. c. non semper. 22. q. 4. & per totā causam.

Et sic nec in terris Ecclesiæ pactum nudum indi- scretum, & sine causa factum producet actionem, alioqui Ecclesia cultrix iustitiæ à iustitia aberraret. c. vnico. de alienat. feud.

*Pactum nu-  
dum non pro-  
ducit actio-  
nem, etiã  
in terris Ec-  
clesiæ.*

Et sic valeret statutum, quod ex pacto nudo agi non posset, contra Panor. in c. dilecti. col. 3. de iudi. cū non sit contra ius Canonicum, imò subnixum sit equi- tate, vt supra visum fuit, nec poterit agi ex pacto nu- do corā Ecclesiastico iudice, nisi (vt inferius dicam) quia nulla est etiam obligatio naturalis, vt hîc. Ergo iudex Ecclesiasticus sine obligatione condemnaret, quod est contra ius.

*Nec corā  
iudice Ec-  
clesiastico.*

Et postquam non est obligatio etiam naturalis, sic nec actio, fateri videtur Bald. in l. cum quis. C. de iur. & fact. ignor.

Sic nec officium iudicis, nisi quoad exceptionem, vel nisi lege iuuetur. Doc. in l. prima. ff. de iurisd. om. iud. & in l. lecta. ff. si certum petat. scripsi in l. actionis verbo. ff. de verb. signif.

Nec etiam datur actio de dolo contra nō seruian- tem pactum nudum, sine causa factum, licet allegetur text. in l. & eleganter. §. seruus. ff. de dolo. qui non probat: nam ibi erat causa, & sic non erat nudum, quamuis sic iudicatum fuerit Neapoli, vt refert Mat- thæ. de Afflict. in Decis. Neapol. q. 120. Lata fuit.

Nec quidem denuntiatio Evangelica habet lo- cum, vt plenè scripsi in tract. de pact. posse. limita. 3. num. 12. nam denuntiatio locum tunc habet, quan- do imminet peccatum. c. nouit. de iudic. sed quomo- do potest imminere peccatum ex vana & iactabun- da promissione, quæ non obligat, vt supra dictum fuit, vel quando est locus pœnitentiæ, & sic denun- tiatio cessabit, quando iure hoc mihi licet, non suc- cedit denuntiatio Euāgelica. l. ij. C. de rescind. vend.

*Denuntia-  
tio Euāge-  
lica quādo  
locum ha-  
beat.*



Limitant interpretes pactum nudum producere actionem inter mercatores, & ubi ex bono & æquo agitur. l. Quintus. & l. si fideiussor §. quædã. ff. manda. qui tex. parum probant, & cur inter mercatores vanitas, indiscretio, seu leuitas promissionis magis valebit, quàm inter alios. Et si æquum & bonum ipsi seruare teneantur, non verò, quod indiscretè actum sit, probare. l. cum de indebito. in fin. ff. de proba. Idèd licèt ipsi agnoscere bonam fidem debeant, non tamè iniquum. Vnde iniquum agnoscerent, quandiu alij resilire possint ab eorum promissis, si ipsi deterioris conditionis essent, & leges non essent generales, nec tenerent omnes, sed aliquos, contra l. leges. C. de legi.

Vnde dicere in quibus casibus alij poenitere possunt, idem & mercatores, & quando promissio sine causa alios non tenet, nec mercatores, cum sibi proprias leges non habeant, & quavis Bart. in d. l. Quintus. probet per illum text. ibi, si ipse pepercisset pudori suo: nam non solum mercator debet pudori suo parcere, sed omnis Christianus, & omnes qui ex fide agunt: nec debet esse pudor facere id, quod lex permittit. Gracchus C. de adul. alioqui mercatores ex sola instantia, & sine causa ex promissione passim obligarentur, quod esset absurdum.

Ex prædictis ego cōstituerem regulam, videlicet pactum nudum actionem non parere, quam limitarem in sequentibus casibus. Primò, quando illa pactio esset à lege confirmata, siue ciuili, Prætoria, seu municipali, vel statuto, per l. legitima. suprà. eod. quæ comprehendit ferè omnes limitationes Iasonis & aliorum. facit l. si. C. de rerum permutat.

Secundò, quando causa promittendi subesset, unde si promiserim equum tibi causa negotia mea gerendi, obligatio aderit. postquam causa adest, & non dicitur tunc nuda pactio per istum text. à contrario, idè cōuentio pacis iurata, seu iudicialis, causam habere videtur, & aliquid præter conventionem, quapropter ex illis obligatio oriretur. l. & eleganter. §. feruus. ff. de dolo. l. licet de pact. dota. ibi, *Licet manente matrimonio non possit inter viram & uxorem conveniri, ut longiore die dos reddatur post diuortium, tamen si iusta causa conventionis fueris, id pactum custodiri debet.*

Nec pactum geminatum actionem producere dicemus, cum lege cautum non sit, & cum vtrunque causam non habeat præter conventionem, & quia censetur esse factum secundum regulas iuris, ut poenitentia locus sit, & ut non valeat sine causa, ut de stipulatione dictum fuit, & qui bis idem promittit, amplius quam semel non tenetur. l. qui bis. ff. de verb. obligat.

Tertio, non procedit quando conuentio aliquid haberet vltra conuentionem, vt quando implemen- tum, vel traditio ex altera parte interuenerit. l. pri- ma. ff. de rer. permutat.

3 Quarto, non procedit quando est appositum in-  
continenti iuxta contractum, vt in §. sequenti statim  
dicetur, & ista limitatio etiam comprehendi potest  
super prima, quia lege confirmatur pactum, ideò  
actionem producit. Et hæ limitationes sufficiunt, &  
comprehendere videntur omnes alias, quas Doctor.  
tradunt: nam hodie dicere possumus, si vix seruantur  
conventiones iustæ, quomodo hæc pacta seruabun-

tur: licet male faciant non seruantes, vt apud Theognidem hoc disticho declaratur,

ὅρκοι δι' ἑκέτι πλεοὶ ἐν ἀνθρώποισι δίκαιοι,  
ὅδε θεὸς ὅδε θεὸς ἀξίωμα ἀθανάτου.

*Nulla manent homines inter nunc fœdera firma,  
Non superest vnus numina rite colens.*

Sed quomodo exceptionem hæc actio producat? Respondeo. quando fit super actione iam constituta, vt si auus pactus est, cum dotem pro nepte suscepisset, ne à se, nève à filio dos peteretur, ab alio verè quàm filio hærede, vt dos peteretur, exceptione conventionis filius tuendus erit. l. auus. ff. de pact. dotal. Igitur opus est quòd hæc exceptio ad exclusionem actionis tendat. l. secunda. ff. de except. Oportet ergo actionem esse, vel persecutionem: nam priuatio præsupponit habitum. l. decem. ff. de verborum obligat. §. seruus. de capi. diminut. in Instit. Itaque Papin. ait, *Si intra illum diem debiti partē mihi solueris, acceptum tibi residuum feram, & te liberabo, licet actionem non habeat debitor, pacti tamen exceptionem competere debitori constat.* l. si intra. infra eod. & Vlpian. ait. *Plerumque solemus dicere doli exceptionem subsidium esse pacti exceptionis, quosdam denique qui exceptione pacti uti non possunt, doli exceptione vsuros.* & Iulian. scribit, & alij plerique consentiunt vt putā si Procurator meus paciscatur, exceptio doli mali mihi proderit, vt Trebatius videtur, qui putat sicuti pactum Procuratoris mihi nocet, ita & prodest. l. rescriptum. infra.

Nam si promiserim dare vel facere, vt des, vel facias, antequam completus ex vna parte sit contractus, nuda est conuentio, quæ nec parit actionem, nec quidem exceptionem, quia quilibet potest resili-  
re iure suo à promissione, & sic nulla adest obligatio etiam naturalis. vt hîc dicit text. & inferiùs dicitur  
fufius in §. fequenti.

SUMMARI A.

- 1 *Patium ex intervallo appositum non parit actionem.*
- 2 *Dos in immobilibus consistens, soluto matrimonio statim reddenda, in mobilibus verò, intra annum.*
- 3 *Pacta quæ contractui in se dicantur.*
- 4 *Actor quomodo concludere in libello debeat, super pacto incontinenti contractui appposito.*

§. Quinimò interdum format ipsam actionem: vt in bonæfidei iudiciis. solemus enim dicere pacta cōuenta inesse bonæfidei iudiciis, sed hoc sic accipiendum est, vt si quidem ex continenti pacta subsecuta sunt, etiam ex parte actoris insint: ex intervallo non inerunt, nec valebunt, si agat ne ex pacto actio nascatur.

**H**ic §. declarat pactum nudum non solum parere exceptionem, quin etiam actionem informare, id est, instituire, componere, seu parere : nempe, si pactum iuxta contractum venditionis appositum fuerit, ipsi contractui inesse videtur, & sic parit actionem, l. in bona fidei. C. eodem.

Vnde

*Passū nu-  
dum quax-  
do actionē  
pariat.*

Postūge-  
minatū an  
obliget.



*Pactum  
incontinenti  
appositu,  
censetur  
pars contra-  
ctus.*

Vnde si vendam tibi domum, & incontinenti conclusa emptione promittas reuendere eam pro simili pretio, actionem ex empto habebis, vel praescriptis verbis ad cogendum te, ut reuendas iuxta conventionem. l. ij. C. de pact. inter emp. & vendit. Non ex pacto dabitur actio, eo quod est pactum, sed quia inest contractui, & pars censetur contractus, cui statim est adiectum. Igitur quod in toto constitutum est, necesse est ut & in parte locum habeat. l. quae de tota. ff. de rei vendi. ideo sicut actio datur ex contractu principali, ita ex pacto incontinenti appposito, quia pars illius censetur. l. si sterilis §. si tibi. ff. de actio. emp.

**I** Sed si ex intervallo pactum appositum sit, non poterit ex illo pacto agi, quia ex pacto actio non nascitur, cum non inest, nec pars sit contractus, & ex intervallo pactum non informat, id est, non parit, nec producit actionem. Iuriscon. subiicit exempla in vers. sequen. (ut puta.) Primum est, dos annua, bima, trima die reddi de iure digestorum debet. l. de die. cum l. sequen. iuncta l. aliud. ff. de pact. dotal. si post diuortium conuenit, ut statim dos reddatur, non expectato statuto tempore, haec pactio ex intervallo facta actionem non producit, alioqui ex pacto nasceretur actio, quod esset contra iura, nec poterit mulier dotem repetere statim soluto matrimonio, quia haec pactio addit ad obligationem. Oporteret igitur agere ex ipsa pactio-  
**2** ne, quod est prohibitum, cum sit ex intervallo adiecta & nuda, sed hodie dos in immobilibus consistens debet statim soluto matrimonio reddi, ea vero quae in mobilibus, intra annum. l. vnica. §. exactio. C. de rei vxor. acti.

*Vsuræ quā-  
do praestā-  
da.*

Item usurae non praestantur sine stipulatione l. quamuis. prima. C. de usur. si in actione tutelae, id est, in actu & administratione tutelae ex intervallo conuentum sit, ut maiores usurae praestentur, quam à iure constitutae sint, non proderit hoc pactum, ne ex pacto nascatur actio contra ius. Vnde Imperator ait: *In bonafidei contractibus ita demum ex pacto actio competit, si incontinenti fiat: nam quod postea placuit, id non peritionem, sed exceptionem parit.* l. in bonafidei. C. de pact.

**3** Regula ergo ex hoc text. est, illa pacta inesse, quae legem contractui dant, id est, quae in ingressu contractus facta sunt, per ingressum contractus non solum initium accipit, sed & finem, & progressum, nempe quae fiunt in initio, in medio, seu fine contractus, & incontinenti post, in ingressu fieri censentur. Et aliam, si post consummationem contractus ex intervallo pactum apponatur, non poterit ex eo agi.

Item Papinia ait: Si aliquid promissum extra naturam contractus sit, post emptionem ex intervallo, ex empto agi non potest, quia ex pacto non nascitur actio, ideo pacta etiam, quae extra naturam contractus fiunt ex intervallo, non censentur inesse contractui, secus si incontinenti, ut si commodum seruum pacto adiecto, ne eum furem facias. l. non impossibile. infra. eodem. Et sic quaecunque pacta apponi possunt contractibus, siue sint secundum naturam contractus, siue extra, siue seruiant contractibus, siue illis detrahant, dummodò non sint contra leges, & annullent contractus, ideo iste text. non potest intelligi, ingressum contractus, pro natura, ut dictum fuit, & ista intelligenda sunt in omnibus bonafidei contractibus, & quatenus utilitatem actoris respiciunt, sed si ex parte rei proponatur, id est, ad ipsius rei uti-

*Pacta quae  
contractibus  
apponenda.*

litatem, habebit locum pactum, id est, proderit pactum, quia solent pacta ex intervallo facta parere exceptiones, ut dictum fuit in d. §. sed cum nulla.

Ex praedictis Doctor. inferunt quaedam esse pacta reformatiua, quaedam informatiua, & quaedam transformatiua, ut per eos. Verum quia sunt termini Doctor. qui apud Iuriscon. non sic inueniuntur, nec est utilitas hoc scire, ideo illos relinquo. Nempe informare actionem, est instituere, vel producere, seu parere: reformare verò, est aliam formam dare, quasi iterum formare, aut innouare. §. adeo. & l. vectigalia. ff. de public. & vectigal.

Conclusio ex hoc text. elicitur, quod pactum incontinenti appositum producit actionem, sed quam Doctor. sunt varij, & dicunt aliqui actionem veterem informatam ex illo contractu, alij praescriptis verbis, si habita relatione contractus ad pactum, sit contractus innominatus, alioqui non. in l. petens. C. eodem.

Ego verò dicerem vtramque competere. l. labeo scribit. ff. de contrah. empt. l. ij. C. de pact. inter emp. & vendit. ibi, *Actio praescriptis verbis vel ex vendito tibi dabitur.*

Nec refert si resultet contractus innominatus, vel non, cum iura hoc non expriment, sed ex pactis incontinenti apposis praescriptis actionem dari statuunt, ut probauimus: nec est necesse alias respondere iuribus adductis in contrarium, cum satis las. hic respondeat, & ideo erit in electione actoris, vel concludere in libello suo super actione principali, vel praescriptis verbis. per l. quod in haereditatem. §. eligere. ff. de tribu. acti. Doctor. in l. edita. C. de eden. l. rescriptum. §. si pacto. infra. eod.

Ex hoc §. cum sequenti, duae colligi videntur regulae. Prima est, quod pactum appositum incontinenti iuxta contractum bonafidei, censetur inesse, ideo producit actionem ista regula, probatur etiam in l. in bonafidei. C. de pact. nam quod inest contractui, contractus est, & sicut ex contractu actio nascitur, sic ex eo quod inest, quia videtur esse pars contractus, & quia lege etiam confirmatur, etiam si agatur de quasi contractu, ut probat iste text. in tutela, ideo si ex principali contractu actio non oriatur, utpote quia non valet, vel est nudum, sic nec ex pacto incontinenti appposito. l. si pacto. C. de pact.

Sed etsi apponatur iuxta contractum stricti iuris, etiam produceretur actio. ut in l. petens. C. eodem. l. rescriptum. §. si pacto. infra. eodem. l. lecta. ff. si certum petat. non tamen producit noua actio, ut Fortu. censet, quia postquam est vnus contractus, vna erit actio, verum si quis agere velit praescriptis verbis, erit etiam actio, & ista est communis interpretum sententia, quae sic debet intelligi, ut ex pacto incontinenti appposito producatur noua actio praescriptis verbis, etiam illud pactum appositum iuxta contractum, censetur pars contractus, & sic agi poterit actione ex eo contractu, iuxta quem est appositum, vel noua actione praescriptis verbis, & quamuis possit dari actio ex contractu principali, l. tenetur. §. si vendidi. ff. de acti. emp. tamen iura statuerunt dari etiam praescriptis verbis, ut vna sit actor contentus actione.

Idem si stipulatio sit apposita iuxta contractum bonafidei, illa enim inest contractui bonafidei, & sic naturam contractus bonafidei sumet. l. praedia. vbi Doctor. ff. de act. empt. l. rescriptum. §. si pacto. infra eodem.

*Actio quae  
competat ex  
pacto inconti-  
nenti ap-  
posito.*

4

*Stipulatio  
iuxta con-  
tractum ap-  
posita.*



Et sic in actione præscriptis verbis, quæ iuxta contractum bonæ fidei apponitur, veniunt fructus à tempore moræ, sicut in actione bonæ fidei. l. ij. C. de pact. inter empt. & vend. l. videamus. §. si actionem. ff. de usur. nam qui adhæret Deo, vnus est spiritus cum illo. c. damnamus. de summa Trinita. & sic pactum quod inhæret contractui bonæ fidei, illius induit naturam. Doct. in l. petens. C. eod.

Hoc intellige, quando aliquid extra naturam contractus conuenit, versiculo, idem responsum. Et naturam, exponit Accurs. pro substantia, & fortè exponi posset pro materia seu proprietate: vel statum & naturam, dicit Iurisc. in l. eandem. §. primo. ff. de duob. reis. l. si reus. de fideiuss. nam si emptione perfecta conuenit, vt eam Romam, hoc non est de materia contractus emptiois, & vëditionis, nec de substantia, nec de statu & natura, vel de iure contractus. vt in l. ij. in fin. ibidè ideo ex interuallo pactum adiectum, actionem non producit, & quod hic vocat naturam. in l. si vnus. §. pactus. in fi. infra eod. vocat ius suum & formam.

Si autem materiam contractus tangat, iam detrahit contractui, vel adiicit, tunc etià ex interuallo valebit. vt in sequenti regul. dicitur, per l. pacta. C. de contrah. empti.

Limitatur, quādo pactum esset extra rem, & personas in contractu contentas, vt pote, vendo domū, & pactū adiicio, quod Titius fideiubebit, vel quod hæreditas Titij inter nos diuidetur. Bald. in l. petens. col. penul. C. eod. Alexand. & alij in l. in bonæ fidei. ibidem.

Etiā non procedit, quando pactum apponitur iuxta contractum non perfectum, vel conditionalem. eo casu, cum principalis non producat actionem, nec pactum incontinenti appositum. l. si pacto. C. eodem. & postquam principale non valet, nec accessorium. regul. cum principalis. ff. de regul. iur. Bart. in d. l. petens. & Doct. idem quando apponitur iuxta distractum. gl. in l. si tibi. infra eod.

Tertiò, vitiatur regula, quando pactum repugnet contractui, ac illum irritaret, vt in contractibus qui re perficiuntur. per l. rogasti. §. si tibi. ff. de reb. credi. Bald. & alij in d. l. petens. & l. si tibi. infra eod.

### S Y M M A R I A.

- 1 *Pactum ex interuallo appositum respiciens naturam contractus, censetur contractui inesse.*
- 2 *Res integra quando dicatur.*
- 3 *Fideiussor primi contractus est liberatus, toto contractu renouato.*

§. Adeo autem bonæ fidei iudiciis exceptiones postea factæ, quæ ex eodem sunt contractu, insunt, vt constet in emptione, cæterisque bonæ fidei iudiciis, re nondum secuta, posse abiri ab emptione, &c.

Iste §. demonstrat pactione placitum reformari posse re, etiam ex interuallo, & re nondum secuta, quando pertinet ad substantiam contractus, vnde si domum tibi vëdidero centum aureis, & postea placeat inter nos esse venditam quinquaginta, hoc pla-

citum reformabit pristinam vëditionem, vt tantum quinquaginta peti possint, nam si in totum recedi possit ab emptione, cur non & pars eius mutari poterit pactione? & si tota res potest tolli, cur nō & reformari? & ideo contractus videbitur renouatus, & ex illo nouo contractu agitur. Etiam in partem recedi pacto ab emptione Pompo. probat, quasi repetita partis emptione.

Vnde si duo hæredes emptori extiterint, & venditor cum altero pactus fuerit, vt ab emptione discedatur, Iulia. ait dissolui pro parte paciscentis emptio- nem, quasi repetita emptione partis suæ, licet alij legant, *pacti emptione*, seu conuentione, tamen non est absurdum legere *repetita partis emptione*, videlicet suæ, quoniam paciscendo ex alio contractu, alter ex hæredibus acquirere sibi potuit exceptionem.

Colligi potest ex hoc text. quod licet possit pro parte ab emptione recedi, & abiri, tamen Aristo ait non posse ita pacisci, vt vnus contrahentium remaneat obligatus, quia pro vna parte contrahentium abiri pacto ab emptione non possit, & ideo si ab vna parte sit renouatus contractus, dicitur nō valere huiusmodi pactionem, sed dicendum est patre paciscente, & liberato aduersario, filium quoque obiter liberari. Pompon. in l. prima. ff. de rescind. vendi. quem tex. intelligerem, quando venditio pro parte valere nō poterat, sed respiciebat in solidum quemlibet, vt pote facta à filio. Nam si à patre conuentum sit, vt abeat ab emptione, tamen filius adhuc remanebit obligatus. secus si pactum respiceret partem emptio- nis, vt hic, non verò totam emptio- nem, vt in d. l. prima. itaque in emptio- nibus scimus, quid præstare vëd- itor debeat, quidque ex contrario emptor, quod si in contrahendo aliquid exceptum fuerit, id seruari debeat. l. in emptio- nibus. infra eod.

Ex hoc text. regula elicitur, quod pactum respiciens naturam, vel substantiam contractus, etiam ex interuallo appositum, censetur inesse, & ideo renouat contractum, & sic parit actionem, & exceptionem, vt hoc, §. adeo. & l. pacta. ff. de contrah. empti Ratio ponitur in tex. si tota res potest tolli, cur nō & reformari? quia hoc casu, cum rem contractus tangat & materiam, semper censetur inesse, ob id valet etiam ad producendam actionem ex interuallo, inest enim quod in re ipsa est, & in contractu.

Quæro, quando pacta inesse censeantur? Respon- deo, quando legem contractui dant, & legem contractui dare censetur, quando in ingressu contractus facta sunt. In ingressu autē cōtractus tunc facta creduntur, quando in ipso contractu, vel incontinenti fiunt, secus si ex interuallo, nam tunc legem nō possunt dare contractui iam perfecto, & ita declaratur §. quoniam. & iste tex.

Hoc est intelligendum re nondum secuta, per istum text. id est, neque pretio soluto, neque fundo tradito. §. fin. quib. mod. tolli. oblig. vel expone, re integra; nam si pars pretij soluta sit, res amplius integra non est. l. prima. & secunda. C. quando liceat ab empti. discede. vbi dicitur etiam per dationem arrharum rem non desinere esse integram, ideo illæ repeti poterunt. l. ex empto. §. si is qui viuum. ff. de acti. empt. & integris omnibus, dicit Iurisc. in l. ab emptione. infra eodem. Multas phrasas adduxi de integro. in l. sylua. §. integra. ff. de verborum significatione,

Et sic

*Pactū, quādo ex interuallo valeat.*

*Restrictiones ad huius §. textum.*

*Pacisci nō licet, vt pro parte ab emptio- ne recedatur.*

*Pacta in ingressu cōtractus facta, dant legem cōtractui.*



Requisita  
in pacto, ut  
pariat a-  
ctionem.

Et sic Doctor. tria requiri in hoc text. testantur. Primum, quod fiat super substantialibus contractus. Secundum, quod fiat super contractibus, qui solo consensu contrahuntur. Tertium, quod res sit integra, quando fit pactum, & ista probantur in hoc text. & in §. fin. quibus mod. re. cōtrah. oblig. in Instit. & in l. pacta conuenta. de contrah. emptio.

Vnde hoc pactum differt à pacto informante actionem. d. §. quinimò quia hoc super substantialibus, & in §. quinimò. ponitur super eo, quod est extra naturam, seu materiam contractus, & ibi non valet nisi incontinenti fiat, hinc etiā ex interuallo, & si sic fiat, nouus erit contractus: sed in §. præcedente vnus est cum pacto contractus. Ista probantur in his duobus §§. & in d. l. pacta conuenta. ff. de contrah. emptio. & l. j. & ij. de rescind. vendit. hoc non procedit quando pactum idem contineret quod contractus tunc non tollit. vt l. *Qui his idem promittit, non amplius quàm semel tenetur.* ff. de verbor. oblig.

3 Vnde quando totus contractus est renouatus, & sublatu, fideiussor primi contractus est liberatus. l. iij. in principio. & l. cum apud. & l. cum quærebatur. in fin. ff. iudic. solui. Hyppolit. in tractat. de fideiussor. q. 7. num. 90. & nu. 108. & actio oritur ex nouo contractu, non ex primo, qui sublatus est per secundum. l. pacta nouissima. C. eodem.

#### SUMMARIA.

- 1 Statuas publicas in honorem ciuitatis positas auferre nemo potest.
- 2 Pactum in odium dolosi, si passus dolum velit, subsistit.
- 3 Amissa in ludo sine fraude facto, non sunt restituenda.
- 4 Pacta contra edita que valeant.
- 5 Pacta præter vel secundum leges admittenda.

§ Prætor ait: PACTA CONVENTA, QUÆ NEQVE DOLO MALO, NEQVE ADVERSVS LEGES, PLEBISCITA, SENATVSCONSVLTA, EDICTA, DECRETA PRINCIPVM: NEQVE QVO FRAVS CUIQVAM EORVM FIAT, FACTA ERVNT, SERVABO.

IN hoc §. apponitur Prætoris edictum: videns enim Prætor. ea quæ placuerunt inter contrahentes, æquum esse seruari. idè ipse proposuit in albo se ea pacta seruaturum, & sic duo hinc sunt. Primum expressum, quod Prætor dicit: Pacta non facta contra leges, seruabo, id est, seruari faciam. Accurs.

Pactum seruare, quid sit.

Seruare Prætor pactum dicitur, quando iudicat illud seruandum, sicut de iudicibus, qui iudicant se æquitatem & leges seruatuos. in authent. iusiurandum quod præstatur ab his. colum. 2. sic & Præsides, Consilarij, & alij iudices regni iurant se Constitutiones Regis obseruatuos, vt est in Constitut. Reg. in tit. *des sermens que sont tenuz faire, &c.* Nam ipsi leges & constitutiones seruant, quando secundum eas iudicant. Et quando conuentio facta est de his, pro quibus pacisci non licet, seruanda non est talis conuentio, sed omnino rescindenda. §. si paciscat. in fine. infra eodem.

Secundum est. Pacta facta contra leges rata non habeo, & sic non seruabo, nec secundum eas iudicabo, sicut dicitur de pacto metu inito, quod metus causa gestum est, ratum non habeo. l. j. ff. quod met. caus. l. contra iuris ciuilis. infra eodem. Et hæc duo edita Deus posuit in ore Prætoris, vt testatur Barbat. in addit. ad Bald. in rub. de controuer. inuest. & in consilio 1. col. 36. in 4. vol. ac Albert. Brunus consil. 12. col. 5. in mater. feud.

Vnde patet ex hoc edicto Prætoris actionem non dari, quia Prætor non dicit, Actionem dabo, aut iudicium, sed, seruabo pacta, sicut in l. prima. ff. de dol. l. si quis. ff. de iuris omnium iudicium. & l. j. commoda. l. ij. de sepul. viol. scripsi in l. sape. ff. de verborum significat. Perperam ergo Doct. sentiunt, qui dicunt actionem oriri, sed pacta se seruaturum Prætor ait, si iusta, licita, sint ac vtilia, secus si non completa, vel nuda, iniusta, vel inutilia fuerint.

Pacta etiam, quæ turpem causam continent, non sunt seruanda, veluti si paciscar ne furti agam, vel iniuriarum, si feceris: expedit enim timeri furti vel iniuriarum pœnam. l. si vnus. §. pacta. infra eodem. Et dicit Prætor, seruabo pacta, ea videlicet quæ seruanda erunt, & si nuda fuerint, quoad exceptionem. Si iusta, quoad actionem & exceptionem: nam hæc phrasis, seruabo pacta, vel iura, prolata ab eo, qui iubere, & statuere potest, viderur iniungere & iubere, vt pacta seruentur à subditis, & ipse ea seruare faciet, vt dicitur hinc. Et si generaliter accipiatu pactum pro omni conuentione, etiam iurifgentium, vt pro contractibus empti, locati & aliis, qui etiam producant actionem. l. iurifgentium. supra eodem. etiam seruandum erit pactum quoad actionem: si verò referatur ad pactum nudum, non intelligetur, nisi quoad exceptionem, quia hoc à lege declaratum est.

Nec refragatur lex statuas. ff. de acquir. rer. dom. videlicet vt seruari debeant quoad actionem & exceptionem, quia ille text. hoc non probat, & magna est differentia inter hunc casum, & illius legis, qui publica ciuitatis iura respicit, vt statuas positas in honorem ciuitatis, etiam is, qui posuit, vel eius hæres auferre non possit, & si quispiam hoc tentauerit, tuendi ciues sunt, sed quomodo: si quis has statuas à ciuibz petat, exceptione hi adiuuabuntur & si quis eas abstulerit, actione. Aliud siquidem est dicere, tueri aliquē, aliud, seruabo pacta, vt hinc. Etiam aliud est dicere dare operam Prætozem oportere, vt quod ea mente in publico est positum, ne liceret priuato auferre, nec ei, qui posuerit. Tuendi ergo ciues erunt, & aduersus petentem exceptione, & actione aduersus possidentem iuuandi sunt. Vide igitur quomodo ille text. nil facit contra istum text. nam ibi exprimit quomodo tuendi sint ciues: & actione, & exceptione esse tuendos dicit, sic & conuentiones & pacta iurifgentium, quæ in nomen contractus transeunt, secus in nudis, & ita conciliandæ sunt ambæ sententiæ.

Quæ neque dolo malo. ] Pactum ergo dolo malo factum Prætor ait se non seruaturum, etiam quoad exceptionem, quæ ex æquitate oritur, & hoc non est æquū, vt docet las. fit enim dolo ex calliditate & fallacia, & (vt ait F. dius) quotiens circūscribendi alterius causa aliud agitur, aliud simulatur. Alia traditur definitio in l. j. infr. de dolo. ibi dicitur: *ualebit tamen pactum in odium dolosi, si passus do-*

Pacta turpē causam continentia.



lum velit. glos. hîc & in l. & eleganter. in verbo, nullam. ff. de dolo. idèd potest agere dolosus contra deceptum, vt declaret an velit contractum valere, teste Bart. per illum textum in l. Iulianus. §. si quis à colludente. in fin. ff. de actio. empt.

Aduersus leges, &c.] Pacta contra leges non valent, vnde Caius ait: *Contra iuris civilis regulas pacta conuenta rata non habentur, veluti si pupillus sine tutoris autoritate pactus sit, ne à debitore suo peteret, vel ne intra certum tempus, veluti ne intra quinquennium.* l. contra iuris. infra eodem. quod pactum remotum à iure communi dicitur. §. & generaliter. infra. vbi sic dicitur: *Et generaliter quotiens pactum à iure communi remotum est, seruari non oportet.* Ergo ius commune vocat ius civile, quod continet ius publicum & priuatum, l. prima. ff. de iustitia & iure. Et, *Ius publicum priuatorum pactis mutari non potest.* Ius publicum. infra eodem. quia regimen iuris publici ad Principem, vel eius ministros pertinet, vt scripsi in l. eum qui. & l. sequen. ff. de verbor. signific. idèd priuati non possunt super eo pacisci. Vide an possimus intelligere hîc ius publicum interdum accipi pro iure communi, quod tamen est latius, vt dictum fuit, de quo in l. *Testamenti factio non priuati, sed publici iuris est.* ff. de testam. l. inter. & l. epistola. §. j. infra eodem. Alibi fusiùs dicam.

Contra leges dicitur, quando lex prohibet, & quando quis nõ obstante legis prohibitione pactum facit: l. contra leges. ff. de legib. l. non dubium. C. illo titul. ergo valebit conuentio secundum legem, vel præter, sumèdo argumentũ à contrario, l. j. ff. de offi. eius. leges enim ab omnibus seruari debent, l. leges. C. de legib. ergo nullus potest contra legem venire, aliàs est puniendus. c. j. de constit. vbi Doct.

Plebiscita.] Igitur pacta aduersus plebiscita seruanda non sunt, quia lege Hortensia lata non minùs valere, quàm leges cœperunt. §. plebiscitum. de iure natur. in Institut. nempe plebiscito continetur, ne quis Præsidum munus, donũmue caperet, nisi esculentum & poculentum, quod intra dies proximos prodigatur. l. plebiscito. ff. de officio Præsid. Itaque si magistratus conueniant, vt alia recipiantur, non debet pactum seruari, tãquam contra plebiscita factum, vtq̃ue vrbani magistratus ab omni forde abstineant, neue plus doni, munerisue in anno accipiant, quàm quod sit aureorum centum. l. eadem. in fin. ff. ad leg. Iul. repet.

Senatusconsulta.] Ea quæ fiunt pacta contra Senatusconsulta, non erunt rata, neque seruanda, vnde Senatusconsulto cauetur, vt de his quæ prouincias Regentes, Comitèsue, aut libertini eorum, antequam in prouinciam venirent, contraxerunt, parcissimè ius dicatur, & vt actiones amissæ ob eam causam, quòd institutæ non sint, posteaquam quis eorum ea prouincia excesserit, restituantur. l. Senatusconsulto. ff. de officio Præsid.

Senatusconsultum etiam vetuit in pecunia ludere; præterquam si quis ceter hastam, vel pilam, iaciendo vel currendo, saliendo, luctando, vel pugnando, quòd virtutis causa fiat. l. ij. ff. de aleæ lufor.

Hodie valere consuetudinem asserit Ioannes Andreas, & Cardin. in cap. penult. de vita & honestate cleric. & Roher. Curt. in repet. cap. fin. in 3. nota. 3. limitat. de consuetu. vt amissa in ludo non restituantur, si ille ludus fiat causa solatij sine fraude, & cum

eo, qui dominus est pecuniæ, & dicit Rosfred. in tractat. libel. in 8. parte. tit. de constit. authen. se vidisse resticulos alicuius affixos tabulario cum clauo, quos ludens amiserat: nam calidi lufores dentes, & propriam personam ob defectum pecuniæ luderent.

Potest etiam intelligi in Senatusconsulto. Macedoniano, & aliis, si non sint facta ad alicuius vtilitatem, cui vtilitati liberum est renuntiare. l. penult. C. cod. idèd Senatusconsulto. Macedoniano mulier renuntiat. l. j. ff. ad Senatusconsulto. Macedonian. cap. ex rescripto. de iureiur.

Edicta.] Prætorum videlicet, si prohibeant quicquam, pactum contra ea non valebit, quod est verum, si ad publicam læsionem tendant, secus si ad priuatam. Vnde si paciscar ne operis noui nuntiationem exequar ex re familiari, & domestica, ac priuata re mea, valebit pactio. §. si paciscar. infra eodem. vnde non valet conuentio facta, vt quis metu vel dolo cogi possit ad contrahendum, & vt ille contractus valeat. per totum titul. infra. quod met. caus. & de dolo.

Decreta Principum.] Quod Iurisconsult. vocauit Principis placitum, in l. j. ff. de constitut. Princ. & in §. sed & quod Principi. de iure natur. in Institut. hîc vocat decretum, à decernendo dictum, quod dispicere significat, quoniam & vbi cum animo suo de tota re dispexit, id quod iustum sibi videtur, pronuntiat, nempe ius, quod à Principe conditur, in tres partes diuiditur, in epistolam, edictum, & decretum. Epistola est edictum Principis ad elationem magistratus alicuius, de re quapiam dubia emissum. Decretum est sententia Principis inter duas partes, de quarum ipse causa cognoscit, & iudicat pronũtiata. Edictum, est quicquid, ex sua natura motus, Princeps statuit, ad honestatem, & vtilitatem subditorum, dictum ab edicendo, quod prædicere significat, & obuam ire rebus, quæ si contingant, damno, aut dolori sunt subditis futuræ, vt docet Theophil. in d. §. sed & quod Principi. sed hoc verbum, decretum, hîc comprehendit edictum & epistolam, & sic non valet pactum factum aduersus Principis decretum. Et ex hoc vidi pronuntiarì multas alienationes nullas, factas aduersus prohibitionem Principis, maximè ab hæreticis.

Neque quo fraus cuiquam eorum fiat.] Siue autem ab initio dolo malo factum pactum est, siue dolo malo post pactum aliquid factum est, non cebit exceptio propter hæc verba edicti, neque fiat. §. siue. infra eodem. Iubet iste text. pacta seruari, quæ non sunt contra leges, plebiscita, &c. & quæ non facta erunt quòd, id est, vt fraus fiat eorum legi plebiscitorum, &c. Et sic intelligo istum textum, pacta non esse seruanda, quæ dolo malo fiunt, neque aduersus leges, plebiscita, Senatusconsulto. edicta Prætorum, decreta Principum, neque alia pacta, quæ erunt facta in fraudem legum, plebiscitorum & aliorum. Nam quædam fiunt contra legem, alia in fraudem legum. vt in l. contra. cum l. seq. ff. de legib.

Vnde sicut non valet pactum contra legem, sic si in fraudem legum factum sit, vt, si conueniat inter virum & vxorem, quod vir vendat domum vxori, & vxor non soluat pretium, sed maritus confiteatur illud habuisse, sic fiet legi fraus, cum vir non possit donare vxori, nec è contrario. l. j. & per totum ff. de donat. inter vir. & vxor. per venditionem simula-

*Pacta contra Senatusconsulto. Macedonianum, non valent.*

*Ius à Principe conditum, est tripartitum.*



tam donaret, quod non valet, itaque non valet pactum, etiam in fraudem legum factum.

Et sic verbum, fiat, hic denotat futurum tempus. glos. in cap. quisquis. de electio. scripsi in Praxi benefic. in forma signaturæ. in 2. parte. licet ibi accipi de præfenti, fiat ut petitur, scilicet nunc, tempore prolationis, dixerim.

Item ex hoc text. colligere possumus duas negativas, quando ad diuersa referuntur, non affirmare, ut hic, ut abunde scripsi in l. duobus. ff. de verbor. significatione.

*Pacta quæ  
do contra le-  
ges valeant.*

Limitarem istum textum non procedere, quando illæ leges tenderent in gratiam priuatorum, & utilitatem, tunc liceret contra illas pacisci. l. pacisci contra edictum ædilium curulium licet. infra eodem. & §. si paciscar. infra eodem. ibi quæ non ad publicam læsionem, sed ad rem familiarem respiciunt pacisci licet. l. si vnus. §. item ne experiar. infra. l. penultima. C. eodem.

Vnde mulier Velleiano renuntiat. l. prima. infra ad Velleian. quia in fauorem mulierum est introductum, ut supra dictum fuit, sed fortè posset dici non esse eo casu contra leges, quia hoc leges permittunt.

*Canonici  
quædo sta-  
tus Eccle-  
siarum de-  
rogare pos-  
sunt.*

Canonici possunt derogare statutis Ecclesiarum, etiam confirmatis à Papa, si tendant in eorum utilitatem, & quatenus illam respiciunt. c. cum accessissent. de constit. vbi glos. & Doct.

Secundò limitatur, quando non esset contra legem, sed præter, aut secundum legem, à contrario sensu huius text. ibi, aduersus leges, non improbat, ut supra dictum fuit per d. l. non dubium. vbi Bal. & Ias. C. de legib.

### S V M M A R I A.

1. Immunitatis beneficia rebus, aut locis generaliter data, ad posteros transmittuntur.
2. Contractus regulariter ad hæredes transit.
3. Pactum in rem ad extraneos non transit, sed bene ad hæredes.

§. Pactorum autem quædam in rem sunt, quædam in personam. In rem sunt, quotiens generaliter paciscor ne petam: in personam, quotiens ne à persona petam, id est, ne à Lucio Titio petam. Vtrum autem in rem, an in personam pactum factum est, non minus ex verbis, quam ex mente conuenientium existimandum est. Plerunque enim (ut & Pedius ait) persona pacto inferitur, non ut personale pactum fiat, sed ut demonstretur, cum quo pactum factum est.

*Pactorum  
alia diuisio.*

Iurisconsult. aliam hic subiicit pactorum diuisionem, videlicet quædam esse pacta in rem, quædam in personam. In rem sunt, quoties generaliter paciscor, ne rem petam: in personam sunt, quotiens ne à persona petam, id est, ne à Titio petam, interpretes vocant in rem, reale: in personam, personale: & summi Pontifices in regula, priuilegium personale, de regul. iuris. in 6. & alibi sapius, ac Iurisconsult. in l. idem in duobus. infra eodem.

Iste §. est utilis. Primò ad declarandum personale priuilegium, vel beneficium, arbitrium, seruitutem rerum, seu realem, vel personalem. ut in l. prima. ff. de seruitut. & quando generaliter aliquid factum est non adiecta personæ expressione, id in rem factum vocant Iurisconsulti, idè interdicta in rem concepta dicuntur. in l. j. in fine. ff. de interd. & in §. fin. illo tit. in Instit. & operis noui nuntiatio in rem fit, l. operis. ff. de noui oper. nuntia. & actio quod metus causa in rem scripta est, l. metum magna. §. penult. ff. quod met. caus. l. iij. §. metus. de doli except. & pactum in rem est, ut ne ea pecunia petatur. l. contra iuris. §. si filius. infra eodem.

Secundò est utilis, quia personale pactum ad alium non pertinet, quemadmodum nec ad hæredem. l. idem in duobus. infra eodem. Sic in compromissis arbitrium personæ insertum, personam non egreditur. Vlpian. in l. in compromissis. ff. de recep. arbit.

Item beneficia immunitatis personis data, cum persona extinguuntur, sed data generaliter rebus, locis, aut ciuitatibus ad posteros transmittuntur, & nunquam extinguuntur, l. iij. in fine. & l. sequent. §. quanquam. ff. de censibus. & in dubio personis data censetur. l. prima. & l. semper. §. immunitati. ff. de iure immunit.

Quod est verum, si priuilegio data sit, secus per contractum, qui regulariter ad hæredes transit. l. veteris. C. de contrah. & commit. stipul. & ne multum noceat. cap. suggestum. de decim. Ias. consilio 17. Immunitas. in 2. volumin. & consilio 89. In præfenti volumine 3.

Adhuc de vendendo pignore in rem pactio concipienda est, ut omnes contineantur, sed etsi creditoris duntaxat persona fuerit comprehensa, etiam hæres eius iure venderet, si nihil contrarium actum esset l. si necessarias. §. de vendendo. ff. de pign. actio.

Etiam docet text. in l. non solum. §. tale legatum. ff. de libera. lega. ibi, Quotiens coheret personæ id, quod legatur, veluti personalis seruitus, ad hæredem eius id, quod legatur, non transit si non coheret, transit.

Aliud est pactum mixtum, quod regulariter sub simplicibus continetur. l. ij. ff. de verborum obligat. §. omnium. vbi Ias. de actio. in Instit. ob id Iuriscon. hic non expressit de hoc pacto, partim in rem, partim in personam, sed Floren. in l. qui in futurum. in fin. infra eodem. sic dicit: Si ex altera parte in rem, ex altera in personam pactum conceptum fuerit, veluti ne ego petam, vel ne à te petatur, & hæres meus ab omnibus vobis petitionem habebit, & ab hærede tuo omnes petere poterimus.

*Pactum mix-  
tum, quod-  
nā vocetur.*

Itaque cum promitto non petere, quoad me personale pactum est, ex parte autem debitoris in rem: idè ego neque à te, neque à tuis hæredibus petere potero, sed hæredes mei, qui non pacti sunt, & à te, & à tuis hæredibus petere poterunt. l. tale. infra eod.

E contrario si pactus fuero ne à te petatur, quantum ad me attinet est in rem conceptum, quoad te verò, in personam: vnde neque ego, neque mei successores ius habent petendi à te, sed te mortuo, à tuis, ego & hæredes licet petemus. l. Aurelio. de libera. lega. ff. & l. si tibi. §. si quis. infra eodem.

In dubio tamè præsumitur in rem: vult enim quis sibi & suis providere, & fideiussoribus. l. si pactum. ff. de probat. l. tale pactum. l. & hæredi. in fine. cum l. nisi. infra eod. Ias. consil. 217. col. i. in 2. vol.

*Pactum in  
rē in dubio  
præsumi-  
tur.*



Et sic personale priuilegium ex parte eius, cui conceditur, cum persona extinguitur. cap. petisti. 7. quæst. 1. Ex parte etiam cōcedentis, cum ipso concedente. c. si graciosè. iuncta glos. perpetuè. de rescript. in 6. c. quoniam Abbas. de offic. deleg.

Sed priuilegium reale ex parte concedentis non expirat per mortem concedentis. d. cap. si graciosè. cap. quæ ad perpetuam. 25. quæst. 1. Alexan. consil. 76. In causa. & consil. 101. Visis instrumentis. num. 4. & sequen. in 1. volum. & consil. 71. Circa. in 6. vol. plenè Socin. consil. 38. Visis priuilegiis. in 1. vol. & Dec. consilio 262. In causa.

Intelligendum ergo est, vt pactum in rem ad posteros transeat, videlicet ad hæredes, vel ad eos, qui ius, aut causam à pacifcente habent: aliis autem extraneis non proderit, cum alteri nemo pacisci possit. l. penult. infra eodem. l. stipulatio ista. §. alteri. ff. de verbor. obligat.

Vnde Imperatores Antoninus & Verus rescripserunt: Priuatis pactionibus non dubium est non lædi ius cæterorum. in l. iij. ff. de transact. & quia non interest pacifcentis, l. fideiussoris. infra eodem. sed pactum conuentum cum venditore factum, si in rem constituatur, secundum plurium sententiam, emptori prodest, & hoc iure nos vt Pompon. scribit l. si tibi. §. pactum. infra eodem.

*Pactum conuentum in rem factum cum venditore.*

Ante omnia etiam aduertendum est, ne conuentio in alia re facta, aut cum alia persona, in alia re aliue personæ noceat. l. si vnus. §. ante omnia. infra eodem. quam regul. ibi. Ias. limitat, & declarat, & idem in l. si priusquam. col. 9. ff. de noui oper. nuntia. & Barba. consil. 3. in 4. vol. ac Purpur. in l. imperium. num. 48. ff. de iurisd. omnium iudic. & Francif. Cur. in l. fin. ff. de lege commissor.

*Pactum à seruo factum.*

Si tamen seruus pactus est, ne à se peteretur, nil valebit pactio, sed si postea à manumisso petatur, doli prodest exceptio. l. & suum. infra eodem. & si in rem pactus sit, proderit etiam doli exceptio domino, & hæredi eius, si ab eo petatur: sed si in personam, tunc soli domino proderit, & hæredi. §. j. infra eod.

*Pactum cum ciuitate factum.*

Etiam pactum factum cum ciuitate, vel vniuersitate, transit ad omnes, quousque durat ciuitas, & vniuersitas. Bart. in l. ciuitas. ff. si certum petat. l. Cæsar. de publica.

Non minùs ex verbis, quàm ex mente conuenientium existimandum est. Colligitur pactum cognoscendum an in rem sit, an in personam, tam ex verbis, quàm ex mente, & sic in contractibus dicunt interpretes legum mentem inspicendam. l. si quis. ff. de iurisd. om. iudic. plenè scripsi in l. nominis. §. verbum, ex legibus. ff. de verb. signifi. quæ hîc non repetam.

Ex verbo, plerunque, colligit Iason hîc verbum, plerunque, denotare regulam, de quo plenè scripsi in l. interdum. ff. de verbor. signific.

Item, Persona pacto inseritur, &c. Tex. est nota. quòd pactum dicitur in rem, licèt persona sit inserta in pacto, quia ibi apposita est demonstratio- nis causa, non autem vt pactum personale fiat.

§. Sed si fraudandi causa pactum factum dicatur, nihil Prætor adiicit. Sed eleganter Labeo ait, hoc aut iniquum esse, aut superuacuum. Iniquum, si quod semel remisit

creditor debitori suo bona fide, iterum hoc conetur destruere. Superuacuum, si deceptus hoc fecerit, inest enim dolo & fraus.

Vlt dicere iste text. Prætozem non adiecisse fraudem in suo edicto, quia iniquum esset, si pacta dolo careant, quæ bona fide inita sunt, ea non seruari: vt quando quis remisit creditori bona fide. Si verò pacta dolo facta sint, esset superfluum fraudem in edicto adiicere, si deceptus fraude hoc pactum fecerit: quia postquam doli est habita mentio in edicto Prætoris, & fraus inest dolo: & sic quando Prætor dicit, sine dolo, intelligit & de illa fraude dolo coniuncta. Nam non punitur dolus sine fraude, id est, sine damno: nempe, si dolus nemini noceat, hoc frustrà rescindi quis postulat, vnde nō punitur falsum, si nō noceat. l. damus. C. de fals. vbi gl. & Doctor. Pactum ergo non reprobatur, si dolus absit, licèt damnum afferat, tamē ratum & firmum habebitur, vt de creditore, qui fecit pactum de non petendo, dictum fuit.

*Fraus sub doli mentione conuenitur.*

Et sic quando fraudis sit mentio in iure, regulariter intelligitur de fraude dolo coniuncta, ibi in hoc text. Neque quòd fraus cuiquam eorum fiat, & l. j. de his qui notant. infam. l. Fraudis interpretatio semper in iure civili non ex euentu duntaxat, sed ex consilio quoque desideratur. ff. de regul. iuris. Fraus ergo pro deceptione inest dolo, pro damno non regulariter, vt probat iste text. ibi, Iniquum, aut superuacuum: tamen dolus sine fraude, id est, damno, non solet puniri, vt dixi.

*Fraus quomodo in iure interpretanda sit.*

Nec refragatur, si quis dicat in fine huius edicti fraudis mentionem esse habitam, ibi, Neque quòd fraus cuiquam eorum fiat. Respondeo, in edicto Prætoris non esse factam mentionem fraudis, sed doli, quatenus respicit pactum fraude initum: quia dum Prætor dicit se non seruaturum pacta dolo inita, ergo nec ea quæ fraude: inest enim dolo & fraus. Sed bene adiecit Prætor, quòd si quicquam fiat in fraudem legis, plebisciti, Senatusconsulti, edicti, & decreti, illud non debeat seruari: & sic non est facta mentio pacti fraude facti, sed si in fraudem legis quid fiat, vt illud non seruetur.

Illud etiam nulla pactione effici potest, ne dolus malus præstetur, quamuis si quis paciscatur, ne depositi agatur, re ipsa id pactus videtur, ne de dolo agat, quod pactum proderit. in l. si vnus. §. pactum. infra eodem. Et sic dolus præteritus remitti potest, etiam quoad depositum, vt si quis rem depositam dolo corruperit, sed futurus non: quia esset contra bonos mores, & inuitaret ad delinquendum. l. j. §. illud. ff. de pos. l. conuenire. de pact. dotal. dicam in d. l. si vnus. §. illud. vbi dabo nouam conciliationem.

*Dolus præteritus, non futurus, potest remitti.*

## LEX VIII. MARCELLVS LIB. XVIII. DIGESTORVM.



T suum hæredem, & seruum necessarium purè scriptos, pacifcentes priusquam se immisceant, putat rectè pacisci, quod verum est, &c.



LEX IX. PAPINIANVS LIB. X.  
RESPONSORVM.

Maiorem esse partem pro modo debiti, non pro numero personarum, placuit, &c.

*Maior pars quando possit minori obesse.*

Iste text. iuncta l. maiorem, allegatur in forensi iudicio, quando comprobari petuntur literæ quinquennales, vt cōsensus creditorū, vel maioris partis adesse debeat, antequam iudex eas comprobet, seu, vt vulgus dicit, interinet. Probatur in l. fin. C. qui bonis cede. poss. & quæ dicatur maior pars declaratur hīc, & quando plures loco vnius habeantur. l. si plures. sequen. & l. si plures. depos. infrā. requiritur conuocatio creditorum in vnum, vt hīc, *conuenerint in vnum.* & in d. l. fin. Nam quando aliqua sunt communia pluribus, vt singulis, ad hoc vt maior pars possit minori obesse, requiritur vt omnes in vnum conueniant, & rem diligenter excuriant, per istum text. & docet Bart. in l. omnes. in 3. q. 2. q. principalis. ff. de iustit. & iure.


*Creditorū conuocatio non fit in Francia.*

Sed hoc non seruatur in Francia, nempe quilibet creditor coram suo iudice conuentus consentiet, vel non, & postea ista acta deferuntur ad illum iudicem, coram quo quinquennales literæ comprobantur, & hoc fit vt sumptus euitentur, vt abundē docui in tractat. de literis dilat. artic. 1. glos. j. in 2. tomo Commentar. ad Constitut. Reg. vbi adieci vndecim differentias inter literas annales, & quinquennales, & quæ possint contra illas opponi, ac alia ad materiam pertinentia, ne plura.

Noua explicatio ad l. si vnus, in qua conciliantur difficiles iuris antinomix hætenus ab interpretibus exagitatæ, sed nondum rectè sopitæ.

## SUMMARI A.

- 1 *Pars debiti pacto remittenda, totum verò debitum, acceptilatione.*
- 2 *Sociorum nemo plus parte sua alienare potest.*
- 3 *Fideiussor, etiam ex mora vnius ex reis debendi, tenetur.*

LEX XXVII. PAVLVS LIB. III.  
AD EDICTVM.

I vnus ex argentariis sociis cum debitore pactus sit, an etiam alteri noceat exceptio? Neratius, Attili-  
cinus, Proculus aiunt, nec si in rem pactus sit, alteri nocere. Tantum enim constitutum, vt solidum alter petere possit. Idem Labeo, nam nec nouare alium posse, quamuis ei rectè soluatur: sic enim & his, qui in nostra potestate sunt, rectè solui, quod crediderint, licet nouare nō possint, quod est verum, Idemque in duobus reis stipulandi dicendum est.

Ista lex est difficilis propter dissolutionem contrariorum, quæ in ea sunt, secundum commu-

nem intellectum, sed rectè intelligendo & distinguendo casus, spero omnia iura (Deo adiuuante) conciliari. In primis hæc lex loquitur de argentariis sociis: hi enim erant præpositi ad pecunias asseruandas, & fœneratō dandas, vt declarauī in l. Prator. suprā. de edendo. Vnde quando sunt socij, de illis iudicari debet, sicut de aliis sociis.

*Argentarij quibus fuerant præpositi.*

Itaque secundum intellectum communem dicit hic text. pactum factum ab vno ex argentariis sociis cum debitore, ne debitum ab eo peratur, non nocere alteri: imò fortius dicunt Nerati. Attili. & Proculus, etiam si argentarius pactus sit in rem, id est, generaliter, vt in l. iuris gentium. §. pactorum. suprā eodem. exponit Vlpianus, & in l. contra. §. si filius. in fin. infrā eod. sic, videlicet ne debitum petatur, adhuc illud pactum non nocebit argentario socio, vt ipse, qui non est pactus petere, prohibeatur.

Rationem tradit text. quia statutum est à iure, vt alter argentarius socius tantum solidum petere possit, non verò dare, vel remittere, & paciscendo remittit, nec nouare potest, licet ei possit solui, sicut his, qui crediderunt, qui in nostra potestate sunt, & idem in reis stipulandi censet dicendum: ita intellexerunt hætenus nostri iurium interpretes.

Iste intellectus communis varias patitur antinomias, quæ solui vix possunt, si alio modo iste text. nō intelligatur. Idè interpretes hīc decepti eò fuere, referētes verbum, nec ad verbū, nocere, quamvis legere debeamus, nec si in rem pactus sit. Et ex hoc tota euenit difficultas, vt inferius apparebit, nec referam quæ hīc Doctor. scribunt, quia præfagiunt in intellectu huius l. & ferè totius materiæ: idè his omisissis veniam ad verum (vt arbitror) intellectum.

Quocirca ego sic legendo text. dicam, cum aliis conuenire, si rectè intelligatur, quod vt fiat, speciem facti assignabo. Quæsitum fuit à Paulo Iureconsult. an pactum factum ab vno ex argentariis sociis cum debitore, noceat alteri: si fortè vnus promittat à debitore non petere, & Nerati. Attili. & Procul. aiunt, pactum illud nocere: tamen videbatur non nocere, quod personale pactū ad alium non pertinet. l. idem. suprā. Respondet text. nec si in rem pactus sit, vult dicere pactum socio nocere, si, id est, quamuis, vel etiam si vnus argentarius, nec in rem pactus sit. Quamuis personale pactum non profit, nec noceat alteri: tamen hīc nocet, ratio est, quia tantum constitutum est à iure, vt alter ex argentariis sociis solidum petere possit, quod non potest facere post pactum ab altero factum: idè illud pactum nocet alteri, quominus solidum exigere possit, etiam si in rem pactum non sit, multò fortius si in rem pactus esset, sed hoc posuit ad augendam dubitationem.

*Pacti huius legis species.*

Hoc etiam Iurisconsultus probat autoritate Labeonis, qui ait alterum ex argentariis sociis post factum pactum ab altero nec nouare posse, sed dicit quis, hoc esse iniquum, vt alter socius perdat suum debitum. Respondet text. hoc non esse, quia ei rectè soluitur, scilicet pars, quæ eum tangit, & sic non perdit debitum, id est, partem suam. Etiam hoc probat in filiisfam. & seruis, qui in potestate nostra sunt, vt rectè eis soluatur, quod crediderint, licet ipsi nouare non possint: nouatio enim totum respicit debitum, l. si rem. §. fin. ff. de noua. & hīc totum non potest nouari ratione pacti: idè prohibet hīc nouationem fieri totius debiti: alioqui quod quis vno modo con-

*Nouare nō possunt, qui bus solui potest.*

sequi



sequi non posset, alio modo consequeretur, videlicet per nouationem, totum debitum, quod tamen est prohibitum, in regul. cum quid vna via. de regulis iuris: in 6.

Præterea in versicul. Idem, &c. in duobus reis stipulandi idem censet dicendum, ut pactum ab vno factum alteri noceat, quominus alter solidum petere possit, & ut alter totum debitum etiam nouare non possit, hæc est facilis ad istum text. explanatio.

*Dolus socio  
prodesse non  
debet.*

Ex prædictis colligitur conventionem factam ab vno ex argentariis sociis alteri nocere, quominus alter totum debitum exigere possit, alioqui dolus prodesset socio paciscenti: nam is, qui pactus esset, non peteret, sed alter totum peteret debitum, & sic societati acquireret per dolum partem etiam debiti pacto remissam, quod prohibet text. in l. si duo. ff. si quis cautio. ibi, *Nec profit ei dolus propter societatem.*

Igitur alter qui pactus non est, non prohibetur petere partem suam: nam pactum regulariter paciscentis partem respicit. Vnde qui vult partem remittere, hoc debet pacto: si autem totum debitum, acceptilatione uti debet. l. iij. §. primo. & §. nunc de effectu. ff. de liber. lega. ibi, *Sed etsi cum alio sim debitor, puta duo rei fuimus promittendi, & mihi soli testator consultum voluit, agendo consequar, non ut accepto liberet, ne etiam correus meus liberetur contra testatoris voluntatem, sed pacto liberator.*

Et sic primus casus erit, quod pactum factum cum debitore ab vno ex argentariis sociis, vel ex duobus reis stipulandi nocet alteri, ad hoc, ut ab altero totum exigere non possit, si personale pactum sit, & non in rem, ut dicit iste text. ibi, *Nec si in rem pactus sit.*

Secundus casus, Pacta in rem facta ab vno ex argentariis habentibus eiusdem pecuniæ exactionem in solidum, vel qui eiusdem pecuniæ sint debitores, omnibus prosunt, quorum obligationem dissolutoriam esse, eius, qui paciscebatur, interfuit. l. & hæredi. in fin. supra eodem. Nam, cum alio conventio facta prodest tunc demum, cum per eum, cui exceptio datur, principaliter ei, qui pactus est, proficiat, sicut in reo promittendi, l. fideiussoris. supra eodem. idem in duobus reis promittendi, & duobus argentariis sociis dicendum est. l. idem. supra eodem.

*Obiectionis  
solutio.*

Non refragatur quod Vlpian. scribit in l. iij. §. fin. ff. de duob. reis. ubi si duo rei facti sint, potest vel ab vno eorum solidum peti: hoc enim ius duorum reorum est, ut unusquisque eorum in solidum sit obligatus, possitque ab alterutro solidum peti. Ubique enim cum vna sit obligatio, & vna etiam summa est, & siue vnus soluat, omnes liberantur, siue vni solvatur, ab altero liberatio contingit. l. si rem. §. j. ff. de noua. ibi, *Et vnum in iudicio petentem totam rem, in litem deducere.* Respondeo, naturam obligationis duorum reorum esse, ut vnus solidum petere possit, nisi alter suam partem receperit, vel pacto remiserit, ut hic. Partes autem à singulis peti posse nequaquam dubium est, d. §. finali. poterit itaque reus stipulandi actionem suam diuidere, si velit: neque enim diuidere cogendus est. l. reos. ff. de duob. reis. Si igitur vnus diuiderit paciscendo, alter prohibetur petere totum: partem autem suam petere est ei liberum, quia non est remissa, & sic illud pactum nocebit petenti, ne totum petat debitum: nam nemo ex sociis plus parte sua alienare potest, & si totorum bonorum socij sint.

l. nemo. ij. ff. pro socio. & l. si socius. ff. si certum petat. & Sabinus ait: In re communi neminem domino iure facere quicquam inuito altero posse, l. Sabinus. ff. communi diuid. Roman. consilio 209. Pro verificatione. & ante omnia aduertendum est, ne conventio in alia re facta, aut cum alia persona in alia re, aliusve personæ noceat. §. ante omnia. in hac lege.

Tertius casus est, Compromissum factum cum vno ex reis promittendi, vel stipulandi adiecta pœna, seu ab vno ex argentariis sociis, nocet alteri solidum petenti, ut committatur pœna, l. si duo. ff. de arbi. qui conuenit cum hac lege: nam sicut hic vnus conventio cum debitore facta nocet alteri solidum petere volenti, sic & ibi compromissum ab vno factum socio, quia is qui post arbitri sententiam solidum petit, facit contra compromissum, & nomine eius, qui compromisit, videtur saltem partem illius petere: ideo incidit in pœnam, maxime cum compromisso insit pactum. l. idem Pompon. scribit si de meis, ibidem. Si ergo non fuerint socij, & alter, qui non compromisit, partem suam petat, non committitur pœna, nec debetur, quia is non compromisit, & sic non est vetitus partem suam petere, igitur non est, quod debeat pœnam ex compromisso alterius, cum compromissum non liget alterum. l. non distinguemus. §. de officio. ibidem. sic nec pactum hic ligat, nisi ut solidum peti non possit, alia dicam in intellectu ad d. l. si duo.

Quartus casus. In quibus casibus lex solidi administrationem vni ex reis præbet, vel argentariis sociis, si vnus administrauerit totum debitum, nocet in debito integro alteri, unde si vnus petiit totum debitum, petitione soluitur tota obligatio. l. ij. ff. de duob. reis. petere siquidem dicitur post litem contestatam. l. amplius. ff. rem rat. habe. adeo, quod si semel vnus egerit, alteri promissor offerendo pecuniam, nil agit, l. ex duobus. ij. ff. de duob. reis. quia præoccupatione debitum factum est illius, qui petiit. ut scribit Vlpian. in l. fideicommissa. §. plerumque. ff. de legat. i. ibi.

*Praoccupatio in debito petendi.*

Vnus igitur, qui occupat agendo, totum consequitur, ita ut caueat defensum iri aduersus ceteros fideicommissarios, eum qui soluit, siue socij sint, siue non, sicut dicitur de Procuratore in cap. si duo. de Procurat. in 6.

Idem in acceptilatione. d. l. ij. ut Vlpian. ait: *Si vnus ex pluribus reis stipulandi acceptum fecerit, liberatio contingit in solidum.* l. & per iusiurandum. in fin. ff. de acceptil. & ibidem ait Vlpian. l. *Si ex pluribus obligatis vni accepto feratur, ipse non solus liberatur, sed & hi, qui secum obligantur: nam cum ex duobus pluribusve eiusdem obligationis participibus accepto fertur, ceteri quoque liberantur, non quoniam ipsis accepto latum est, sed quoniam velut soluisse videtur is, qui acceptilatione solutus est.*

Etiam iusiurandum delatum ab altero ex duobus reis stipulandi, alteri nocebit, l. duobus. ff. de iureiur. & hoc ratione petitionis totius debiti, & administrationis, quam lex vni reorum concedit.

*Iuramentum vnius rei stipulandi.*

Idem, si ex duobus reis promittendi eiusdem pecuniæ alter iurauerit, alteri quoque prodesse debet. in d. l. duobus. §. ex duobus. nempe ait Pompon. multum interesse vtrum res ipsa solvatur, an persona liberetur, cum persona liberatur, manente obligatione, alter durat obligatus: & ideo si aqua, & igni interdi



interdictum est alicui, fideiussor postea ab eo datus tenetur. in l. fin. ff. de duobus reis.

Quintus casus est, Delictum vnius ex reis debendi, vel credendi, vel ex argentariis, etiam sociis, non nocet alteri, quia delicta suos debent tenere auctores, in l. sancimus. C. de poen. & pater etiam pro filio in delictis non regulariter tenetur. in tit. C. ne filius pro patre.

Mora dicitur delictum.

Inde quia mora est delictum, vt not. in l. inter stipulantem. §. Stichum. ff. de verb. obligat. mora vnius ex reis promittendi non nocet alteri. l. mora. §. pen. ff. de vsur. declarat Bart. in l. ex duobus. ff. de duobus reis. & Guid. Papa in consil. 212. Circa. quamuis noceat fideiussori. l. mora. ff. de verb. oblig. vt perpetuo fideiussor teneatur, sed eius non augetur obligatio. l. si seruum. §. nunc videamus. ibidem. & l. si à colorio. §. fin. de fideiussor.

Debitum totum an vni ex reo recte solvatur.

Sextus casus est, An vni recte solvatur, vbi Iurisc. ait, vni ex duobus reis recte solui, etiam totum debitum. l. iij. in fin. ff. de duobus reis. & hoc ante pactum vel diuisum debitum: post tamen pactum personale factum ab vno, vel diuisum debitum, alteri pars recte solui poterit: nam diuidi debitum potest. l. reos. ff. de duobus reis. & supra dixi.

Septimus, Agnitio debiti facta ab vno ex reis debendi, vel admonitio facta ab vno ex reis stipulandi, prodest, vel nocet aliis conreis, cum ex vna stirpe vnoque fonte vnus affluxit contractus, vel debiti causa ex eadē actione apparuit. l. vlt. in fi. C. de duobus reis.

Octauus casus est, An nouare vnus ex argentariis sociis possit? Respondet Vlp. in l. iij. ff. de duobus reis. In duobus reis promittendi frustra timetur nouatio: nam licet ante prior responderit, posterior etsi ex intervallo accipiat, consequens est dicere pristinam obligationem durare, & sequentem accedere, & parui refert, simul spondeant, an separatim promittant, cum hoc actum inter eos sit, ut duo rei constituentur, neque vlla nouatio fiet.

Ex præmissis subtilis Scholasticus tueri poterit sequentes conclusiones. Prima erit, Pactum factum ab vno ex argentariis sociis cum debitore nocet alteri, quamuis nec in rem pactus sit: intelligere tamen debet nocere alteri, qui non est pactus ne totum petat debitum.

Secunda conclusio est, Post pactum factum ab altero socio creditore, cum debitore, alteri solui non potest, intellige scilicet, totum debitum.

Tertia conclusio, Nouare totum debitum potest argentarius socius, quod intellige, ante pactum factum cum debitore ab altero.

At vnus ex reis stipulandi nouare potest, si hoc specialiter actum sit. l. si rem. §. fin. ff. de nouat. cuius verba sunt Venule. Si duo rei stipulandi sint, an alterius nouatio habeat, queritur, & quid iuris vnusquisque sibi acquisierit: ferè autem conuenit, & vni recte solui, & vnum in iudicio petentem totam rem in litem deducere. Item vnus acceptilatione perimi vtriusque obligationem. ex quibus colligitur, vnumquemque perinde sibi acquisiuisse, ac si solus stipulatus esset. Ergo sicut debitor potest totum debitum vni soluere, ita ipse nouare poterit, sed totum nouando debitum, alteri socio tenetur.

Obiectio- nis solutio.

Nec obstat iste text. quia hic alter non potest nouare totum debitum, postquam alter correorum, vel argentariorum pactum fecerat cum altero, & nouatio respicit totum debitum. l. si rem. §. fin. ff. de

nouat. Ideò hic Paul. dicit quod postquam alter non potest petere totum debitum, hoc pactum ei nocet: sic nec illud totum nouare potest, & ita conciliari ista iura possunt, vt probat text. in d. §. si ibi, Excepto eo, quod etiam factum eius, cum quo commune stipulandus est, admittere debitorem potest, secundum quod si vnus ab aliquo stipuletur, nonatione quoque liberare eum ab altero poterit, cum id specialiter agitur. Et sic is, qui habet ius commune stipulandi cum alio, potest nouare totum debitum, & ab vtroque liberare debitorem: at hic non potest nouare partem alterius, cum quo factum erat pactum de non petendo, quicquid in contrarium glos. & Doct. dicant.

Ista sunt tenenda, per quæ conciliantur & sopiuntur antinomiae graues, quæ hactenus nostros interpretes tenuerunt, tam hic, quam in dictis legibus, & in l. ex duobus. ij. ff. de duobus reis. vbi Bartol. & alij hanc materiam explicare, & casus separare nixi sunt, sed non vt vobis tradidi, si bene, à Deo optim. max. datum esse nobis, cognosco, cui gratias ago immensas.

### SUMMARI A.

1. *Damnum, quod tutor ex tutela sensit, ei legari potest.*
  2. *Transactio super dolo præterito, valet.*
  3. *Conuentio nulla ad dolum futurum extendi potest.*
- §. Illud nulla pactio, &c.

Antinomia difficilis est inter hunc §. illud. l. si vnus. & l. j. §. illud. ff. de pos. nondum ab interpretibus iure sopita, ob id vt eam diluere possimus, verba ob oculos vtriusque §. subiicio. §. Illud nulla pactio effici potest, ne dolus malus præstetur, quamuis si quis paciscatur ne depositi agat, vi ipsa id pactus videatur, ne de dolo agat, quod pactum proderit.

L. j. §. illud. de pos. Illud non est probandum, dolum non esse præstandum, si conuenerit: nam hac conuentio contra bonam fidem, contraque bonos mores est, & idè nec sequenda.

Interpretes intelligunt hos text. sic, dolum præteritum tolli posse pactio, sicut alimēta, l. de alimentis. C. de transact. sed non futurum. Qui ergo conuenit ne depositi agatur, intelligitur de dolo præterito, non de futuro conuenire, res tamen deposita restitui debet.

At hæc solutio periclitatur, quia iste §. illud, hanc conuentionem dicit vi ipsa continere dolum: & tamen illud pactum prodesse asserit, si respiceret, dolum præteritum, & nullus esset, quid prodesset? idè hæc solutio ad istum textum nil facit, quia iste text. dicit, ne dolus præstetur, non dicit, remittatur, quod verbum dolum præteritum respiceret.

Sunt & qui intelligant, non valere conuentionem, si doli fiat expressa mentio, quia incitaret depositarium ad delinquendum, per l. conuenire. ff. de pact. dotal. secus in tacita: nam iuramentum de calumnia tacite remitti potest, non verò expressè. c. fi. de dolo. lib. 6.

Vnde si quis conueniat ne depositi agat, actionis genus remississe censetur, sed rei suæ vendicationem remississe non videtur. l. ei cui. ff. de liber. lega.

Hæc solutio non placet, quia sic remitteretur dolus futurus, sub verbis, ne depositi agam. Ita incitatur.

P. Rebuffi Lectura.

Cc

Obiectio.

Interpretis solutio.



leat quis ad delinquendum, sicut si expressè dolus exprimeretur, & esset contra bonam fidem, bonosque mores, quod pactum reprobatur in d. §. illud. depof. & iste text. dicit nullam pactionem valere: ergo nec expressam, nec tacitam valere vult.

*Atinomia  
sonatio, per  
anthorem.*

Ego autem putarem sic intelligendos istos text. In primis quæsitum fuit à Paul. Iuriconsul. an pactum valeat, ne dolus malus præstetur, utpote, locavi tibi equum conventionem apposita, ut nō tenearis, etiam si illum occideris, & hic respōdet Paul. nulla pactione effici posse, ne dolus præstetur: idē istud pactum non valet, at dubium facit, ut si quis conveniat, ne depositi agat, nunquid dolum remittere videtur: & tamen pactum proderit, ut hīc dicit text.

Respondet Iuriconsult. quamvis re ipsa, seu vi ipsa & in effectu videatur iste pactus, ne de dolo agat: tamen si illud pactum factum sit, eo non obstante si dolus commissus fuerit, præstabitur dolus, ut in §. illud dicitur. in l. j. ubi scribitur non esse sequendam pactionem illam, ne quis doli sui premium ferat. Vlpian. in l. ita demum. ff. de arbit.

Et sic patet non valere conventionem, ut dolus malus non præstetur, quin est contra bonam fidem: bona enim fides vult, ut meam rem, apud te depositam, mihi restituas, l. bona fides. ff. depof. & hæc conventio etiam est contra bonos mores, quia induceret eum, qui rem alterius custodiret, ut eam vel corrumpere, vel interficeret, vel ut nunquam restitueret, & sic contra bonos mores, ut in l. conditiones. ff. de conditi. inst. l. si quis. in fin. ff. de lega. primo. & sic incitaret ad delinquendum, & delinquens doli sui premium ferret, quod est prohibitum, ut supra dixi.

Sed ista conventio, ne depositi agam, vi ipsa & in effectu videtur dolum continere: tamen proderit hæc pactio, ne depositi agatur, quia si dolus commissus non fuerit in re deposita, non agetur actione depositi propter rem amissam, unde scribit Neratius, si res deposita sine dolo malo amissa sit, ratione huius pacti non agetur depositi, etiam si recuperetur à depositario, licet teneretur restituere, nisi adesset hæc pactio. l. j. §. inde. depof.

At si dolus fuerit à depositario commissus, dolus præstabitur non obstante pactione: nam si contra agentem opponatur exceptio pacti, de dolo replicabitur, & hoc probat hic §. illud. ubi nulla pactione effici potest, ne dolus malus præstetur. Ergo si conveniat super deposito, ne depositi agatur, censetur intelligendum, quod si culpa etiam lata res deposita pereat, ut agi non possit ad rem depositam: quod si depositarius dolum adhibuerit, nulla pactione effici potest, ut dolus non præstetur. Ergo agi poterit non obstante pactione: & ita videntur ista iura concilianda, quicquid hætenus Doctores inveniunt, quia illud fieri non potest conventionem aliqua, ut dolus malus non præstetur: nam semper quis tenetur de dolo, licet conventum fuerit, ut non teneatur. facit l. tres fratres. in fin. infra eodem.

Et quamvis aliud sit remittere dolum, vel doli quæstionem, l. Lucius. §. tres hæredes. ff. ad Trebel. Bal. in rub. de arbit. col. 2. in Decreta. ubi tenet quæstionem doli remitti posse, & sic ut non agatur doli: in praxi tamen in utroque casu recipietur ad agendum impetratis (ut solet) literis Regiis, & ita servat forensis usus.

Et sic concipiendi sunt duo casus. Primus est,

non valere conventionem, ut dolus malus non præstetur, ut hīc, & in l. contractus. ff. de regul. iuris. ne detur occasio delinquendi, per l. iurisperitum. §. si paciscar. supr. eodem. & l. convenire. ff. de pact. dotal. & aliis rationibus superius adductis, siue in contractibus bonæ fidei, siue in stricti iuris, l. si quis cum aliter. ff. de verbor. oblig. Dec. in d. l. contractus. in §. nota. ubi ait, quod in nulla latitudine potestatis includitur dolus. per l. creditor. §. Lucius. ff. mandat.

Intellige, siue conveniat expressè de dolo malo, siue tacite: & idē in commodato hæc pactio, ne dolus præstetur, rata non est. Paul. in l. in commodato. in princ. ff. commod. Vnde si commodauero equum apposita pactione te non teneri quomodocunque equus peribit, si dolo tuo extinguatur, teneberis per d. l. in commodato. siue generaliter pactum fuerit interpositum, siue specialiter, unde non potest testator tutori remittere confessionem inventarij, ut saltem bonorum conscriptionem tutor non faciat, ne res hæreditarias occultet, & furetur. l. si. C. arbit. tute. vel nisi iudici visum hoc fuerit. ut docet Guido Papæ in decisio. Delphin. q. 352. Confessio.

Item si quis tutoribus leget, ne reddant rationes, & analogistas esse eos velit. Iulia. ait tutores, nisi bonam fidem in administratione præstiterint, damnari debere: nemo enim ius publicum huiusmodi cautionibus remittere potest, nec mutare formam antiquitus constitutam. Damnum verò quodcunque ex tutela quis senserit, & legari, & per fideicommissum ei relinqui potest, l. quidam decedens. & l. qui plures. ff. de administ. tutor. & idē dolum non videtur testator remittere, sed rationes reddent isti tutores, & res, ut Martian. ait ff. de leg. 1. l. si servus vetitus est à testatore rationes reddere, non hoc consequitur, ut nec quod apud eum sit, reddat, & lucrifaciat: sed ne scrupulosa inquisitio fiat. Hoc est ut negligentia ratio non habeatur, sed tantum fraudum. Alexand. consil. 62. Serenissimus. in 4. volum. Decius consilio 178. In causa.

Etiam cautio non potest remitti usufructuario, ne utendo rei proprietate corrumpat. l. j. C. de usufr. Dec. consil. 48. Visa. in c. dubio. nu. 16. & Ias. consilio 40. in 1. vol. & Alex. consil. 58. nu. 9. in 3. vol. & consil. 96. in 7. vol. Cornel. consil. 195. in 4. vol.

Hæc regula non procedit in dolo præsumpto, & incerto, qui potest remitti tacite, non autem dolus certus. Bal. in l. j. in fin. C. de usufr. post gloss. in l. vbi. ff. de edend. Felin. in cap. si deligenti. num. 31. de foro compet. Dec. consil. 418. Visa. in fin. & Fulgos. consil. 25. supra dixi.

Secundò, in dolo re ipsa, quia non dat occasionem delicto: idē remitti potest. Bal. in l. cum antea. in 2. col. C. de arbit. Dec. in l. si quis cum aliter. ff. de verbor. obligat.

Tertiò in dolo præterito, qui remitti potest, l. quidam. ff. de administ. tutor. l. si quis rationes. in fine. de liber. lega. ut superius dictum fuit, & super dolo præterito transigi potest. l. actione. C. de transact. dicam in l. Aquiliana. infra. de transact.

Quartò, non procedit, quando per indirectum dolus remitteretur, per l. si quis rationes. ff. de liber. lega. unde potest grauari hæres, ut non possit petere id, in quo condemnabitur tutor, ratione administrationis, vel ut teneatur præstare id, in quo ipse tutor condemnabitur, per dictam l. si quis.

hoc

*Pactum, ne  
dolus ma-  
lus præste-  
tur, non va-  
let.*

*Amplia-  
tio.*

1

*Dolus quis  
remitti  
possit.*

2

*Regie lite  
re impetra-  
dæ contra  
dolum.*



hoc docet Salic. in l. cum necessitatem. C. de fideicom. tamē non videtur remittere res, vt docet Alex. consil. 70. Circa. in 2. q. vol. 2. & Barba. consil. 4. Illud. col. 5. & sequen. in 4. vol. Ioan. Ana. consil. 86. Visis. & per hoc non censetur dolus futurus remissus, sed legatum id, in quo condemnabitur per negligētiā & culpam extra dolum. Doct. in l. quidam. ff. de administrat. tutor. Socin. consil. 282. In præsent. col. 5. in 2. vol. & ista nouissima sententia seruatur in vsu forensi, ne detur causa malignandi, & dolum committendi. l. conuenire. ff. de pact. dotal. & probatur hæc sententia in l. Aurelio. in fine. ff. de liber. lega. sic consuluit Socin. consil. 72. Difficultatē. nu. 7. in 3. vol.

Secundus casus est, valere pactum, vt non agatur actione depositi, per istum text. per quod deponens intelligitur remittere dolum præteritum, si fortē deterior res erat facta dolo depositarij: nam dolus ille præteritus remitti potest, vt superius dictum fuit, quia non tantum præteritus dolus in depositi actionem venit, sed etiam futurus, id est, post litem contestatam. l. j. §. non tantum. depof.

Futurum verò ideò remitti non posse, quia est contra bonam fidem, bonosque mores, & dolo videtur facere is, qui reposcenti rem depositam non reddit. §. est autem. in d. l. j. vel id quod ad se peruenit. §. fin. cum l. seq. ibidem. Ideò hoc pactum, ne depositi agam, proderit, si culpa vel negligentia quicquam admissum sit, ne teneatur. Si verò dolo, nil proderit hæc conuentio, quominus depositarius doli commissi ratione, condemnatur.

Et sic quæcumque sit conuentio, tam expressa, generalis, vel effusa, seu tacita, non extendetur ad dolum futurum: ideò condemnatur dolosus, non obstante aliqua pactione, & remissione, & ista iura ita conueniunt.

## S V M M A R I A.

- 1 Perpetuum dicitur quod ad vitam durat.
- 2 Querela inofficiosi testamenti tollitur quinquennio.
- 3 Transactio de re dubia fieri debet.

EX LEGE LII. VLPiani LIB. III.

O P I N I O N V M, incipiente,

Epistola, &c.



De inofficioso patris testamento acturis, vt eis certa quantitas, quoad viueret hæres, præstaretur, pactus est, produci ad perpetuam præstationem id pactum postulabatur. Rescriptum est, neque iure vlllo, neque æquitate, tale desiderium admitti.

Facti huius  
tex. species.

Facti species talis est, Filius à patre sine causa exheredatus, hoc iure, vel præteritus agere de inofficioso testamento volebat, quod cum videret hæres, pactus est se daturum eidem filio certam quantitatem, putà decem, quoad viueret, ipse hæres, dummodò querelæ renuntiaret, vel non ageret, quod filius promisit: demum hæres in vita illa decem soluit, sed eo mortuo filius vult, vt perpetuò ista quantitas ei præstetur, & etiam hæredi: quæsitum est ab Vlpian. an iure hoc petat? Respondet Vlpian. Rescriptum esse,

hoc desiderium filij recipiendum non esse, nec admittendum aliquo iure, neque æquitate.

Dubitationem ingerebat, quod is filius renuntiauerat actioni de inofficioso perpetuæ: ergo & perpetuo dari ei quantitas debebatur. Augebat difficultatē, quod si filius bona patris habuisset, perpetuò essent ad hæres deuoluta, ergo & illa quantitas, quæ in locum bonorū successit, debet perpetua esse, vt subrogatum sapiat naturam eius, in cuius locum subrogatur. l. si eum. §. qui iniuriarum. si quis caut. ff.

Contrarium deciderit Vlp. hac ratione: nam quoad viueret hæres, tenebatur dare, ergo eo mortuo alius non tenebitur: erat enim personale pactum, videlicet quandiu viueret hæres, quod non transit ad hæredem, l. & hæredi. supra eod. nec ad alium pertinet. l. idem. supra eod. & sic nullo iure recipi debet desiderium istius petentis, & sic vides hîc vocari desiderium, postulationem. Nam primò dicit hîc text. postulabatur, & postea vocat illam postulationem, desiderium: nam ea quæ petimus, desideramus, vt scripsi in l. sæpe. ff. de verbor. signific.

Itē nulla est æquitas, sed magis iniquitas, vt quod vnus promisit per se, alter teneatur, vel promissum vni, quandiu viuet, quod eo mortuo, aliis teneatur. Vnde Imperator ait Instit. de except. Iniquum esse, quem damnari contra pactionem, pactio erat quoad hæres viueret: ergo eo mortuo hæres hæredis non tenebitur, quia non est ita pactus.

Vnde pulchre dicit Vlpian. in l. j. ff. de oper. pub. *Curator operum creatus, motus præscriptione, ab excusatione perferenda, sicuti cessationis nomine, in qua quoad vixit moratus est, hæres suos obligatos reliquit, ita temporis, quod post mortem eius cessit, nullo onere eos obstrinxit.* & Labeo ait in l. pen. ff. de reuind. *Si hominem à petieris, & is post litem contestatā mortuus me sit, fructus quoad is vixerit, æstimari oportet.* l. si re. ij. in fi. de euict. vbi est pactio quoad vixerit, quæ quidem censetur pactum personale ad vitam eius, cui factū est.

Ista tamen lex trahitur ad varios sensus, per glos. & Doct. hîc. sed iste est tenendus, qui est verbis text. conueniens, videlicet in hærede, qui promiserit filio præstare certam quantitatem, quandiu ipse viueret, vt filius renuntiaret actioni de inoffic. testam. si filius renuntiauerit, vel promiserit nō agere, post mortem hæredis, non poterit filius aliquid petere, quia istud pactum est personale, quoad viuet hæres: ergo non potest produci, nec extendi vltra hæredis vitam, nec longius etiam, vt dicit Iuriscon. in l. qui occidit. §. in hac. ff. ad legem Aquil.

Alij intelligunt hanc perpetuam præstationem, quæ est ad vitam, non posse produci ad hæredē: nam illud dicitur perpetuum, quod durat ad vitam, l. j. ff. pro socio. sed hoc confunditur per præpositionem, ad, alioqui text. esse deberet absque illa.

Alij intelligunt, an possit ad querelam redire post hæredis mortem, sed de hoc nihil in text. nam querela quinquennio tollitur. l. posthumus. in fine. ff. de inoffic. testam. l. si quis filium. infra, illo tit.

Item Paul. Castren. & Ias. intelligunt istum tex. in transactione, & sic melius fuisset hæc lex posita secundum eorū sententiā, sub tit. de transact. vt est lex cū mota. C. de transact. tamen Bar. dicit, hoc pactum impletum fuit ex parte filij, qui renuntiavit querelæ, & non egit: ideò ex hoc pacto agi præscriptis verbis poterat, quasi ex contractu, Facio vt des.

P. Rebuffi Lectura.

C c 2

Dubitandi  
ratio.

Ratio de-  
cidendi.

Intellectus  
huius text.



3 Nec poterat hinc dici transactio, quia non erat res dubia, ut in transactione esse debet, l. i. ff. de transact. nec erat mora querela, ut in d. l. cō mora inofficiosi querela. & quamvis Imperator Anton. declarauerit transactionem interuenire posse propter timorem litis, in l. i. C. de transact. tamen iure digestorum hoc non erat ita declaratum: ideo pacto hoc fieri poterat, maxime hinc quia uterque ex sua parte impleuerat, & hæres quantitatem promissam soluerat, quando vixit, ob id istud pactum non potest extendi post mortem hæredis.

Adhæc interpretes conturbant capita in hoc text. ibi, Neque vllō iure, elicientes quoddam pactum temporale ipso iure non transit ad hæredes, sed hoc non vult dicere iste text. sed reprobatur hinc desiderium & petitionem filij volentis extendere pactū factum ad vitā hæredis, in perpetuum: nā dicit text. hoc nullo iure, neque æquitate admitti potest, & sic nil facit in contrarium, leum qui ita. §. qui ita. ff. de verb. oblig. nec l. obligationum ferre. §. placet. ff. de actio. & oblig. nec iste text. induci potest, ut pactum temporale ipso iure rescindatur, quicquid scribant Doct.

#### SVMMARIA.

- 1 Pactum de quota litis, est contra bonos mores.
- 2 Honorarium & salarium, etiam non promissum, debetur Aduocatis.
- 3 Promissio ob causam victoriam, aduocato promissa valet.
- 4 Obligationes Aduocatis à partibus factas Senatus in Francia non admittit.
- 5 Aduocatus de quota litis paciscens, officio Aduocationis priuandus..

#### LEX LIII. VLPIANVS LIB. IIII.

#### OPINIONVM.

**S**umptus quidem prorogare litiganti honestum est: pacisci autem, ut non quantitas eo nomine expensa cum vsuris licitis restituatur, sed pars dimidia eius, quod ex ea lite datum erit, non licet.

**A**c curs. & alij intelligūt hinc, prorogare, pro, dare, vel præstare, ut honestum sit litiganti dare sumptus Aduocato, vel Procuratori: non autem pacisci de quota litis.

Alij exponunt prorogare, id est, pro alio soluere, cum spe recipiendi, quod soluitur, ut cum Procurator, vel Aduocatus sumptū in causa clientis facit, & impendit, sibi finita lite id restituendū, ut dixi in l. derogatur. ff. de verb. signi. Et sic ego exponerem prorogare, hinc, pro differre, proferre: & sic ego speciem facti fingerem. Litem habebam aduersus Titium, in qua constitui Procuratorem, vel Aduocatum, qui me defenderet, conuenitque nobiscum, ut Procurator sumptus in ea faceret, & mihi litiganti prorogaret, id est, solutionem differret vsque ad finem causæ: quæsitum fuit, an illud pactum valeat? Vlpia. ait sumptus prorogare litiganti honestum esse, postquam honestum, ergo seruandum pactum.

In vers. pacisci autem, quæritur, an conuentio valeat, ut pars dimidia, quæ ex lite proueniet, detur Aduocato vel Procuratori, & non restituatur quantitas in lite expensa, cum vsuris. Respondet text. non valere cum pactum de quota litis sit reprobatum, ut inferius dicitur.

Ego etiam in quibusdam libris antiquis legi hinc prerogare, & sensus erit etiam bonus, videlicet ut litiganti sit honestum prerogare, id est, ante soluere Aduocato sumptus in lite faciendos, & salarium soluere ante litem finitam, ut ipse melius consulat causæ, quia solet Aduocatus & Procurator melius & vigilantius seruire soluentibus, quam non soluentibus, ut firman interpretes in l. diem functo. ff. de officio Affessor. & Specul. in tit. de Aduoc. Ideo honestum est ut litigans preroget sumptus in lite faciendos, id est, antea soluat, quæ lis finita sit, si facile velit obtinere.

Videndum est si pars prerogauerit Aduocato, vel Procuratori, an illud honorarium ab ipsis repeti possit? Respondet Iurifcon. his verbis: *Aduocati, si per eos non steterit, quominus causam agant, honoraria reddere non debent* l. qui operas. in fi. ff. loca. Ergo salaria & honoraria reddere debent, si per eos stat, & tunc in conscientia non sunt tuti retinendo, & Diuus Seuerus ab hæredibus Aduocati eo mortuo prohibuit mercedem repeti, quia per ipsum non stetit, quominus causam ageret. d. l. j. §. Diuus. ff. de var. cogniti.

Ex hac lege patet, pactū de quota parte litis factū inter clientulum & Aduocatum, vel Procuratorem non valere, sed esse contra bonos mores, unde Papin. sic ait in l. Salarium Procuratori constitutum, si extra ordinem peti ceperit, considerandum erit, an laborē dominus remunerare voluerit: atque ideo fidem adhiberi placitis oporteat, an euentum litium maioris pecunie premio contra bonos mores Procurator redemerit? ff. manda.

Hæc omnia habent locum in sollicitatore, cum sit eadem ratio, ut docet Anth. Butri. in c. cum à nobis. col. pen. de testib. & sic pronuntiauit Senatus Parisiensis, anno 1544. die 2. Octobris: etiam antea declarauerat idem Senatus donationem sollicitatori Egidio factam par de Carlat, de tertia parte debiti nullam, 1514. die 7. Iulij.

Imò isti, postquam eis sunt aperta negotia, infideliter facerent, si beneficium, vel officium, de quo agitur, ipsi sibi impetrarent, nec esset hoc sustinendum, ut in c. super literis. de transact. Doct. asserunt. Unde anno 1510. die 21. Februarij, fuit decretum contra sollicitatorem Archidiaconi Parisiensis du Bellay, ut in carcere detineretur, donec restituisset impetrationes, quas fecerat de beneficiis domini sui Archidiaconi, quæ impetrauerat per inhabilitatē, eò quod non erat dispensatus, & ille dispensationem sui domini subtraxerat.

Ratio est, ne ipsi calumniis & vexationibus, & iniuste bona clientum acquirant, & hoc metu iusto censeretur factum, nempe non auderet cliens denegare Procuratori, aut Aduocato, seu Sollicitatori, sicut nec æger Medico: ideo illud factū inciuile Præses provincie coercere debet, remque restitui iubere. l. Medicus. ff. de variis & extraor. cognitionib.

Prædicta multò fortius intelligenda sunt in scriba causæ, seu (ut Galli dicunt) in graphario, maxime in criminali, cum sit eadem ratio. & §. si cui. d. l. j. de var. cognit. generaliter sic loquitur: *Si cui cautum est honorarium, vel si quis de lite pactus est, videamus an petere possit, & quidē de pactis ita rescriptum est ab Imperatore nostro, & à diuo patre eius, litis causa, malo more pecuniā tibi promissam, ipse quoque profiteris, sed hoc ita est, si suspensa lite societatem futuri emolumentī cautio pollicetur. Si verò post causam actam cautum est honoraria summa, peti poterit vsque ad probabilem quantitatem.*

Idem

*Honoraria quando Aduocati reddere non debeant.*

I

*Sollicitator inhabilis impetrans beneficium.*

*Extensio huius text. ad scribam seu grapharium.*

*Facti species huius legis.*



Eiusdem  
ampliatio.

Idem dicerem in iudicibus, quia non licet iudici vendere iustum iudicium, etsi liceat Aduocato vendere iustum patrocinium, & Iurisconsulto rectum consilium. August. in c. non licet. ii. q. 3.

Intelligendum non licere pacisci de quota parte litis, siue ante causam incœptam, siue durante lite, siue post actam causam. dicta l. j. §. si cui. redimere litem, & partem aliquam litis ferè cōtra bonos mores est. l. litem. C. de procurat. Alexan. in l. ij. ne fisc. rem quam vend. euincat. dicit habere locum in Republ. & quolibet alio, extante eadem ratione.

Secundus casus est, Licet pacisci, & honestum est, vt ea quæ Procurator & alij superscripti expendunt, restituere pars teneatur. per istum text. secundum vnum intellectum. facit l. prima. & l. si contra. C. manda. nec ad rem pertinet, quod is qui mandasset, potuisset, si ipse negotium gessisset, minus impendere. d. l. si quis alicui. §. impendia. ff. mandat.

Imò sine promissione licet ea exigere, etiamsi pars succubuerit, non culpa eius Aduocati, aut Procurat. l. si contra licitum. C. mandati. Et impendia mandati exequendi gratia facta, si bona fide facta sint, restitui omnino debent. d. l. si quis. §. impendia. ff. mandat.

Expensæ  
Aduocato-  
rum factæ  
in lite.

Adhæc etiam repetere ipsi Aduocati, Procurator, & Sollicitator poterunt, non solum quod expendunt, sed etiam vberrimas vsuras consequuntur, vt scribit Vlpia. in l. si verò non remunerandi. §. si mihi. ff. mandat. probat Imperator in l. j. C. illo titulo. Sed hodie de iure Canonico sufficeret impendia repetere, cum vsuræ illo iure, nec quidem diuino debeantur, nisi ipse Procurator nomine Domini eas soluisset, quia mandans tenetur reddere indemnem mandatarium. Matthæ. de Afflict. decisio. 91. Iterum.

Salarij pro  
missio quo-  
vsque ex-  
tendatur.

Tertius casus, Valet promissio salarij facta Aduocato, vel Procuratori vsque ad licitam quantitatem, videlicet vsque ad centum aureos pro singulis causis. declarat Vlpian. in l. j. versicul. licita. de var. & extraord. cognit.

Hodie licita quantitas in hoc regno est taxata ex consuetudine & stylo Curiarum Franciæ: idè extra illam quantitatem taxatā, vel à iudicibus taxandam, non valeret promissio, vt inferiùs explicabitur.

2 Quartus casus, Aduocatis honorarium & salarium debetur, etiamsi non promissum fuerit, & ita loquitur Vlpian. in l. j. §. in honorariis. ff. de variis & extraord. cognit. vbi sic scribitur: *In honorariis Aduocatorum ita versari iudex debet, proque Aduocati facundia, & fori consuetudine, & iudicij in quo erat acturus, estimationem adhibeat, dummodo licitum honorarium quantitas non egrediatur.* l. j. vbi gl. & Doct. C. mandat.

3 Quintus casus, Valet promissio facta Aduocato palmarij nomine: palmarium, victoriam causæ vocat Iurisconsult. in d. l. j. ibi, *Et si palmarij nomine cautum sit, sic tamen, vt computetur id, quod datum est, cum eo quod debetur, neutrumque compositum licitam quantitatem excedat.* ibidem.

4 Hodie verò Senatus non solet recipere obligationes, nec chirographa Aduocatis facta, nec pro illis ius dicere, in quib⁹ aliquod salariū ipsis promittitur, vel Procuratoribus, sed liberum est illis petere, vt salariū à iudicibus taxetur, quod officio iudicis fit, l. quotiens. §. item si temporali. ff. de administra. tutor. alioquin isti simplices extorquerent instrumenta & obligationes à partibus.

Vnde instante Procuratore Regio fuit ipsis prohibita, ne hæc instrumenta recipiant pro honorario, anno 1544. 17. Martij, & fuit annullata scedula sex aureorū facta Aduocato Tyranno, huius nominis.

Sextus casus, Aduocatus, qui est pactus de quota litis, debet priuari officio Aduocationis, & si fideiussit pro parte, & quicquam soluerit, non potest illud à parte repetere. l. si remunerandi. §. Maurus. ff. mandat. l. si qui Aduocatorum C. de postul. Francif. Marc. in decisio. Delphin. q. 19. i. partis. dicit quendam Procuratorem fuisse sic priuatū officio quoad Curiam supremam, sed non quoad Curias inferiores, eò quod cessionem rei litigiosæ susceperat, & fuit ad multam condemnatus.

Procurator officio priuatus.

Alia dixi in Constitut. Reg. titul. de Aduocat. & Procurat.

### S V M M A R I A.

- 1 *Conuentio ex vna parte non dissoluitur, quæ totum contractum respicit.*
- 2 *Contractus ex vna parte regulariter non subsistit.*

### LEX LVI. IULIANVS LIB. VI. AD MINICIVM.



I conuenerit, ne dominus à colono quid peteret, & iusta causa cōventionis fuerit, nihilominus colonus à domino petere potest.

V T iste text. facillè intelligatur, conscribam casus sequentes. Primus est, pactum factum à domino super resolutione contractus, prodest colono, adeò vt colonus non possit quicquam à domino petere, nec ipse quidem dominus. text. in l. cum emptor. ff. de rescind. vend. vbi Iulianus sic scribit: *Cum emptor venditori, vel venditor emptori acceptum facit, voluntas ostenditur vtriusque id agentis, vt à negotio discedatur, & perinde habetur, ac si conuenisset inter eos, vt nenter ab altero quicquam peteret.*

Pactum super resolutione contractus.

Et sic ex potestate conuentionis, quæ respicit totum contractum, non potest ex vna parte resolui, nisi ex vtraq; dissoluatur: idè si vnus promisit rem non petere, nec pretium alter petere poterit. l. j. C. quādo lice. ab emptio. discede. l. pacta. ff. de contrah. empt. scripsi in l. iurisgentium. §. adeò. supra eodem.

Sitamen consentiat pars resolutioni, poterit agere dominus ad id, quod sibi ex locatione debetur, quia ista ad diuersa tendunt, vt statim dicitur.

Secundus casus, Pactum non respiciens resolutionem, sed contractui accidentia, factum vni, non extenditur ad alterū, per istum text. vnde si dominus locauerit, colono vineam ad tres annos, & vno anno fulgare & chasmate racemi perierint, si dominus promiserit non petere mercedem illius anni: poterit tamen colonus agere contra dominum, vt locatio teneat vsq; ad tempus conuentum, videlicet ad tres annos. Et quia iusta erat conuentionis causa domini erga colonum: tamen nulla est iusta causa quin colonus agat, & sic debet intelligi iste text. quicquid Accurs. scribat hîc actum fuisse, vt ex vna tantum parte tolleretur, quia non potest esse contractus regulariter ex vna parte. l. Iulia. §. si quis à pupillo. ff. de actio. emp. l. fin. de acceptil. Vide alia in l. ab emptione. infra eodem.

Pactum super accidentibus contractui.



## De transactionibus. TIT. XV.



Ciendum est ad huius text. intellectum, transigere, duobus modis capi, in genere & in specie, sicut de iurisdictione interpretes dicunt in l. imperium. ff. de iurisd. om. iudic.

*Transigere quid sit.*

In genere transigere, dicitur pacisci, componere, conuenire, concordiam inire, finire, inde transactum tempus. l. continuus. §. cum ita. ff. de verbor. obligat. & l. j. supra. de pact. & transactum pacto, dicit Iurisc. in l. si instituta. ff. de inoffi. testam. sic in specie, quando à lite disceditur per compositionem, & iste text. assignat differentiam inter transactionem, & pactum: nam transactio fit de re dubia & lite incerta non finita: pactum verò, fit de re certa & indubitata, hoc dicit iste text. & sic docet Accurs. in §. j. in authen. vt differ. iudic. collat. 9. arbitrium dicit transactionem, & fieri de re dubia. quod probat Alexand. consil. 119. Quæritur. col. j. in ij. vol. Ias. in §. omnium. nu. 18. de action. in Institut. & Barbat. consil. 42. Illud col. 9. & sequen. in i. vol. & consil. 85. Illud. col. 1. & 2. in 3. vol. Alibi dicam.

*Differentia inter transactionem & pactum.*

Ex his colligi potest, quod compositio est transactio, cum transigere sit componere. sed refragatur c. super eo. de transact. vbi compositio dicitur pactio gratuita, transactio autem dicitur aliquo dato, aut retento seu promisso. l. transactio. C. eodem. quod in spiritualibus citra symoniæ labem fieri non potest. d. c. super eo. & c. constitutus. & c. fin. ibidem.

Respondeo, componere generaliter accipitur, & tunc comprehendit etiam transactionem, & gratuitam compositionem: ideo solent interpretes iuris Canonici adiungere, gratuitam, vel gratis, & amicabiliter componere, d. c. super eo. vnde cum sit declaratum ab eis, posse fieri gratuitam compositionem in spiritualibus, non transactionem, si in aliquo iure dicatur simpliciter compositionem in spiritualibus faciendam, intelligetur de gratuita. c. de cætero. ibid. & docet Hostien. in summa de transact. & Felin. in c. capitulum. in fin. de rescript.

## S V M M A R I A.

- 1 Transactio, etiam super metu litis futura, valet.
- 2 Non est facienda gratis.
- 3 Debet fieri bona fide.
- 4 Remissio etiam dicitur donatio.

## LEX I. VLP IANVS LIB. I.

## AD E D I C T V M.



Vi transigit, quasi de re dubia, & lite incerta, neque finita transigit: qui verò paciscitur, donationis causa rem certam & indubitatam liberalitate remittit.

**D**icitur, quasi, hic conscripta exprimit veritatem, sicut alibi in Euangelio Ioannis 1. quasi vnigeniti l. si ego. vbi Dec. ff. si certum peti. scripsi in tract. fiction.

*Requisita, ut transactio constet.* Ex quo infert Iason hic requiri tria ad transactionem. Primo, quod fiat de re dubia, & non finita: nam si finita esset, & non dubia, non esset opus alia transac-

tionem: nam quod transactum esset, non oporteret amplius transigi. argum. c. ad dissoluendum. de desponsa. impube. quia transactio est remedium finendarum litium, l. fratris. C. eodem. Si iam lis est finita, non oportet eam amplius finire: nam quod non est, finire non potest. l. nam quod. §. post defectum. ff. de iniusto testam. Barbat. consil. 73. A Ioue. in 3. vol.

De lite incerta etiam transigi solet, litem nōdum motam, vel quotam intelligo propter incertum & dubium euentum, l. quod debetur. ff. de pecul. nam saepe is, qui vincere putat, succumbit. l. si de communi. ff. si feruit. vendi. licet Doct. intelligant incertam, id est, inchoatam, vel inchoari speratam, & hanc litem incertam dubiam vocat Imperator in l. Præses. C. de transact. Et Iuriconsul. incertum causæ euentum, in l. fin. §. pen. ff. de bon. eorum qui ex. nec ista coniunctim requiruntur, sed alterum sufficit, cum ista lex dicat: Qui transigit de re dubia, & qui transigit de lite incerta transigit, quando lis adest, alioqui si vtrumque requireretur, non valeret transactio sine lite. contra l. ij. siue lis fuerit super tota re, siue super parte: nam super eo, quod est dubium & litigiosum, transigitur. quicquid dicat Accurs. hic. per text. in l. ex facto. §. Lucius. ff. de vulga. Alij litem insertam, in text. legunt. dicentes transigi de re dubia, & inserta lite, id est, imposita, & intellectus in idem reincident.

Sed aduertendū est valere transactionem, etiam si non sit lis, sed timor tantum litis: l. ij. C. eodem. nam quilibet sibi providere debet, ne in labirintum litis incidat, à quo vix patet egressus in multis Curiis.

Imò sufficit quod res sit dubia: dubiam autem existimo, etiam per inficiationem nō calumniosam, vt Accurs. asserit in l. post rem. infra eodem. l. ij. quibus ad liber. procla. non licet. & tam ante litem contestatam, quam post transigi licet. l. & eleganter. §. si quis post. ff. de condi. indeb.

Idem siue lis fuerit, siue non: dum tamen de facto moueatur etiam extra iudiciū controuersia, transigi potest per hunc text. de re dubia, etiam si lis non speretur, sed via facti: quia per transactionem potest quis sibi providere, vt hic. Bart. & alij in d. l. ij. quia hoc casu res est dubia: & super re dubia etiam sine lite transigi poterit, vt hic, dummodò res non sit indubitata. vt d. l. & eleganter. §. si post. nam eo casu transactionem etiam super re indubitata factam, vt pactum, valere arbitrantur. & bene hic Accurs. & interpretes. & in l. si causa cognita. C. eodem. per l. suus. C. de repud. hæred. A contrario, vbi est expressum se transigere non causa donationis: non potuit ergo valere vt pactum, nec vt transactio, quia fit nullo dato vel retento, vt ibi dicam, in no. interpre. facit l. an inutilis. ff. de acceptil.

Nec audiui vnquam impugnari transactionem, eò quod non esset facta de lite incerta, quia rem sufficit esse inter partes dubiam & controuersam.

Nec placet quod Ias. scribit transactionem de communi partium consensu posse fieri de re certa & liquida, quando est expresse renuntiatum instrumento, vel sententiæ, nempe cum iam sit his renuntiatum, res non dicetur amplius liquida, sed dubia, super qua transigi poterit. Ego dicerem hanc renuntiationem sine causa non valere, sed esse quandam tantum imaginariam transactionem, quæ parum firma esset, vt dicitur in l. imaginaria. ff. de regulis iuris.

*Dubia rei quomodo accipiat.*

*Transactio quomodo de re certa fieri possit.*

Sed



Sed si causa aliqua à partibus allegetur, utpote quia sententia fuit lata cōtra minorem indefensum, ideò nō valet, ut asseritur in l. si præsēs. C. quomo. & quando iudex. Super hoc transigi potest, nam hoc dubium est, etiam si me absente, non contumace lata fuit sententia. l. ea quæ. ibidem, & his casibus transigi poterit, sed sola partium renūtiatio vix sufficeret ad veram transactionem faciendam, sed tunc valeret ut pactum, sicut si ficta lis suscitaretur (fingi enim lites possunt) l. cum hi. §. si cum lis. infra eod.

Et quamvis Doctor dicant non esse transactionē, si aliunde oriatur dubium, quàm ratione litis. l. de fideicommissio. C. eodem. tamen contrarium dicite, sufficere rem esse dubiam quomodocunque, ad hoc ut quisque providere sibi possit per transactionem, ut superius dictum fuit.

Requiritur quod lis non sit finita, scilicet per sententiæ pronuntiationem non suspensam. l. prima. ff. de re iudi. l. si causa. C. eodem. Nec res dicitur finita post publicata testimonia, quia lis non est adhuc finita, quicquid dicant hīc quidam interpretes.

2 Etiam requiritur, quod non fiat gratis, sed aliquo dato, quando accipitur in specie, secus si in genere, ut supra scripsi.

3 Bona fides etiam in transactione requiritur. per l. primam. in fin. ff. ad Tertullian. nempe si dolo, vi, vel metu inita sit, rescinditur. per l. interpositas. C. de transact.

Regia litera ad rescindendas transactiones impetrantur.

Sed in hoc regno solemus impetrare literas à Rege, vel eius cancellaria ad infringendum transactiones, & alios contractus sic factos, ut scripsi in tract. de rescisso contract. in 2. tomo Commentar. ad Const. Regi. in Curiis tamen Ecclesiasticis nullæ impetrantur literæ, sed iudex omnia ex officio facit, prout ius ei concedit. c. fi. de offi. iudi. Doctor. in l. prima. ff. de iurisdic. omnium iudic. dixi in l. actionis. ff. de verb. significatione.

4 Vltimò, liberalitate remittit, ex hoc text. colligitur remissionem esse donationem. facit l. si quis obligatione. ff. de regul. iur. Ideò requiritur insinuatō sicut in donatione, ut plenè scripsi in tract. de dona. insinuan. in 2. tomo Comment. ad Constit. Regi.

### SUMMARIA.

1 Aquiliana stipulatio omnes obligationes precedentes perimit & novat.

2 Acceptilatio obligationes iurisperitorum non tollit, & quare.

3 Cur post Aquilianam stipulationem interponatur.

### LEX II. IDEM LIB. LXXIII. AD EDICTVM.



Transactum accipere quis potest, non solum si Aquiliana stipulatio fuerit subiecta, sed & si pactum conuentum fuerit factum.

Transactio duobus modis fieri potest, vel per Aquilianam stipulationem, vel per pactum. Si enim controuersia erat inter te & me de centum aureis debitis ex mutuo, nos deducemus eos in Aquilianam stipulationem, & postquam inter nos con-

clusum erit te præstaturum quinquaginta, recedemus à primo debito, & ista stipulatio dicitur Aquiliana à Gallo Aquilio, illius inuentore, quam declarat Florent. Iuriscōn. in l. & vno. ff. de acceptil. & his verbis concipiendam esse. *Quicquid te mihi ex quacunque causa dare, facere oportet, oportebitve præsens in diemve, quarumcunque rerum mihi tecum actio, quæve aduersus te petitio, vel aduersus te persecutio est, eritve, quodve tu meum habes, tenes, possides, quanti quæque earum rerum res erit, tantam pecuniam dari stipulatus est, Aulus Augerius, spondit Numerius Nigidius, quod Numerius Nigidius Aulo Augerio spondit, id haberetne à se acceptum, Numerius Nigidius, Aulum Augerium rogauit, Aulus Augerius Numerio Nigidio acceptum fecit.* Hæc ille.

Ibi declaratur melius quàm alibi, quomodo fiat Aquiliana stipulatio, & demum acceptilatio, quod prodest, quia Aquiliana stipulatio omnimodò omnes præcedentes obligationes novat, id est, in se transfert, & perimit, ipsaque perimitur per acceptilationem, & hoc iure utimur, ideòque & legata & fideicommissa etiam sub conditione relicta in stipulationem Aquilianam deducuntur, & postea acceptilatione perimuntur, si conditio stipulationis extiterit, vel dies venerit. l. quod in diem. & l. si sub conditione. ff. de acceptil.

Per pactum etiam fit transactio, si pacto promittam illam summam controuersam me non petiturum, vel non controuersiam deinceps moturum. l. sed et si lege. §. si ante. ff. de petitio. hæred. & Paul. sic ait: *Pacto conuento Aquiliana quidem stipulatio subiici solet, sed consultius est huic pœnalem quoque stipulationem subiungere, quia rescisso fortè pacto, pœna ex stipulatu peti potest.* l. pacto. infra eod.

Intelligenda ita est hæc lex, ut Aquiliana stipulatio omnes præcedentes obligationes perimat, etiam iurisperitorum, licet acceptilatio illas non possit tollere, nisi quod verbis est obligatum. l. an inutilis. §. acceptum. ff. de acceptil. nam civilis ratio naturalia iura non potest corrumpere. l. eas. ff. de capit. diminut. ideò inuenta est Aquiliana stipulatio, ut obligationes à iure gentium inductæ, & omnes aliæ transferantur in eam. l. ij. ff. de nouat. & postea tollantur per acceptilationem, ut si debeas centum emptionis causa, ego dicam quæ mihi debes ex causa venditionis, promittis per stipulationem, & tu ea promittes.

Vnde prima obligatio ex emptione nouata & sublata est, ideò non potero amplius illa centum petere actione ex empto, sed actione ex stipulatu, & sic verbis obligatus es, nunc demum ego illa centum, quæ debebas, acceptum feram, & per acceptilationem tollitur hæc Aquiliana stipulatio. Et aliquando dixi hæc stipulationem Aquilianam similem esse vino, quod vulgò *Rape* vocant, quia sicut omnia viua in rape deduci possunt, ita omnes obligationes in hæc stipulationem, quæ tandem acceptilatione tollitur.

At hīc non paruum dubium est de Aquiliana stipulatione, quæ novat & perimit. Quid ergo opus est postea acceptilatione, si iam per Aquilianam stipulationem obligatio perempta sit? Respōdeo, Aquilianam stipulationem novare & perimere obligationes antiquas, quibus non poterit agere creditor, sed actione ex stipulatu nouata. l. ij. à contrario. & l. si Strichum. §. idem Celsus. & §. fin. & l. sequen. & l. fundū. ff. de nouat. vnde Paul. ait, *novatione legitime facta*



*hypotheca liberantur, & pignus & usura non currunt.*  
 l. nouatione. ibidem. Sed acceptilatio postea tollit  
 hanc actionem ex stipulatu, in Aquilianam dedu-  
 ctā, ac nouatā. d. l. & ex vno. ff. de acceptil. & l. si cau-  
 sa. C. eodem. Et sic Aquiliana stipulatio nouat, &  
 nouando perimit obligationem ex vendito, vel lo-  
 cato præcedentem, & nascitur ex ea actio ex stipula-  
 tu, quæ postea tollitur per acceptilationem, vnde  
 Aquiliana tollit obligationem primam ex contra-  
 ctu, acceptilatio verò perimit secundam obligatio-  
 nem in Aquilianam transfusam, & hoc est subtile.

*Gravis antinomia dissolutio inter l. ij. & l.  
 controuersia. ff. de transact.*

**I**N l. Imperatores, quæ est 3. huius tituli, mater  
 defuncti fortè exheredata à filio, vel præterita  
 hoc iure testamentum per querelam annullare vo-  
 lebat, quamobrem transactio inter eam & scriptum  
 hæredem facta extitit, in qua partem bonorum ma-  
 ter obtinuit, & alteram partem hæres sibi retinuit.  
 Quæsitum est, an testamentum rescissum sit per hanc  
 transactionem? & respondet Sceuola, rescissum non  
 esse, ob id non sunt ademptæ actiones his qui ex te-  
 stamento manumissi sunt, neque legatariis, quare hi  
 manumissi & legatarij conuenire debent scriptum  
 hæredem, vt ea quæ in testamento legata sunt, im-  
 plectant: nā scriptus hæres legata soluere, & onera hæ-  
 reditaria tenetur.

Dubium erat, an testamentum hoc iure nullum ef-  
 fet, & rescissum per transactionem, & sic legata non  
 deberi. l. Papinianus. §. penul. ff. de inoffi. testa. saltem  
 vt onus pro parte emolumenti solueretur. l. prima. ff.  
 de lega. 3. licet hodie ex causa præteritionis vel ex-  
 heredationis testamentum irritum sit, legata tamen  
 manent. authen. ex causa. C. de liber. præter.

*Obiectio-  
 nis solutio*

Respondeo, transactionem hæredis cum legitimo  
 non annullare testamentum, idè hæres scriptus non  
 definit esse hæres. §. quos autem. de bonor. possess. in  
 Insti. l. ex facto. in fin. ff. de vulga. & Vlpia. ait, *Quam-  
 uis instituta inofficiosi testamenti accusatione, res tran-  
 sactione decisa sit, tamen testamentum in suo iure ma-  
 net, & idè data in eo libertates atque legata, usquequò  
 Falcidia permittit, suam habent potestatem.* l. si suspe-  
 cta. §. j. ff. de inoffi. testa. ob id conueniri debet hæres:  
 nam mater, vel alij non sunt obligati legatariis, ergo  
 ipsi non possunt legitimum conuenire, & his pactio-  
 nibus priuatorum non dubium est non lædi ius cæ-  
 terorum, vt dicit iste text. qui arguit sic. Aut hæres  
 transigendo cauit sibi pro oneribus hæreditariis, for-  
 tè vt quisque pro rata solueret onera hæreditatis, &  
 inter eos illa conuentio seruanda est, aut hæres non  
 sibi cauit, sed dimidiam partem hæreditatis dedit ma-  
 tri, tunc antè imputari hæredi debet, qui sibi negli-  
 gens fuit, & negligentia sua nõ debet ad alienam in-  
 iuriam referri. Hæc est facti species, & declaratio ad  
 hanc l. Imperatores.

Iste text. allegatur, quòd ad quem peruenit emo-  
 lumentum, non peruenit onus, nam cum mater ha-  
 beret partem hæreditatis, tamen legatarij conueniunt  
 hæredem, sed contra hoc facit l. secundum naturam est  
 commoda cuiusque rei eum sequi, quem sequuntur in-  
 commoda. ff. de regul. iur. Respondeo hoc esse secun-  
 dum naturam, tamen quando potest imputari negli-  
 gentia vni, ista regula non procedit, vt hinc: nam hæ-

res transigendo debebat sibi cauere de oneribus hæ-  
 reditariis persolvendis, si sibi non cauit, imputandum  
 est ei. Et sic scholasticus subtilis sustinere poterit cõ-  
 clusionem, eum non teneri ad incommoda & onera,  
 qui commoda habet, &c. etiam adducitur iste text.  
 ad transactionem inter aliquos factam, vt aliis non  
 prodesse, nec nocere possit, de pacto scribit text. in l.  
 si vnus. §. ante omnia. ff. de pact. vbi Iason abundè  
 scribit.

Hunc tex. adducit Iaco. de Are. & Iacobi. ad quæ-  
 stionem, quæ nobis vsui esse potest in mandatariis.  
 Certum est enim collatorem habentem collationem  
 decem beneficiorum, grauari tantum posse, vt con-  
 ferat vnum beneficium mandatario. §. j. de manda.  
 Aposto. in Concordatis Franc. Mandatum est dire-  
 ctum Episcopo Parisi. is confert beneficium in sua  
 diocesi vacans, de quo dubitatur, an collatio perti-  
 neat ad abbatem Sancti Germani, is abbas alteri cõ-  
 tulit, nunc fit compromissum ab ipso prouiso per  
 Episcopum, & beneficium remanet apud eum, cui  
 fuit collatum ab abbate, quæritur, an Episcopus di-  
 catur grauatus? Respondeo, grauatum esse, quia con-  
 tulit, & ista transactio, seu compromissum factum à  
 prouiso, non debet nocere Episcopo. d. l. si vnus. §.  
 ante omnia. ff. de pact.

*Cõpromis-  
 sum à pro-  
 uiso per  
 Episcopu,  
 factum, an  
 Episcopo  
 noceat.*

Nec probat hæc transactio, quòd beneficium spe-  
 ctet ad collationem abbatis, cum res inter alios acta,  
 aliis nocere nõ debeat. vt in hac rub. C. patet. & quā-  
 do emptor compromittit super re emptā, non potest  
 agere de euictione. l. si dictum. §. si compromiserò. ff.  
 de euict. vide quæ scripsi in §. primo. in verbo, grauare.  
 de mandat. Aposto. in Cõcorda. Et sic contentus  
 debet esse mandatarius illa prouisione, nec alius  
 mandatarius poterit super alio inquietare dictum  
 Episcopum, nisi haberet collationem quinquaginta  
 beneficiorum, quia eo casu in duobus mandatis gra-  
 uari posset in regno. d. §. primo. de mand. Apostol.

*Emptor su-  
 per re em-  
 pta cõpro-  
 mittens.*

Lex controuersia, quæ est eiusdem Sceuolæ, du-  
 bium facit, quando controuersia sopita est transac-  
 tione inter legitimum hæredem, & scriptum, & vter-  
 que bonorum portionem habeat, creditores quem  
 conuenire possint, an scriptum hæredem? vt in l. iij.  
 supra. eodè, an legitimum? & hæc lex duos casus di-  
 stinguat. Primus est, aut in transactione interuenit  
 consensus creditorum, & dictum fuit de ære alieno  
 persoluen-do. Et eo casu creditores conuenire debent  
 eum, qui æs alienum assumpsit de consensu illorum,  
 & quod approbarunt, reprobare nõ poterunt. l. Pom-  
 ponius. ff. de nego. gest.

Si verò sint alij creditores, qui non consenserint  
 isti transactioni, debent conuenire pro ea parte, pro  
 qua vnusquisque expressit bona in transactione, nẽ-  
 pe si in transactione expressum est, quòd hæreditas  
 pro virili diuideretur inter legitimum & hæredem  
 scriptum, tunc creditores pro virili vtrumque con-  
 ueniunt, & pro ea parte, pro qua bona tenent, & hoc  
 actionibus vtilibus, quia directæ dantur contra  
 scriptum.

Ratio est, propter incertum successionis, quia in-  
 certum est, quis successerit defuncto propter transac-  
 tionem, idè vterque præsumitur successisse, post-  
 quam vterque bona possidet, & sic ex bono & æquo  
 vterque tenetur: nam qui sentit emolumentum, de-  
 bet sentire onus. l. secundum naturam. ff. de regul. iur.  
 l. prima. ff. de legat. 3.

Et sic



Et sic antinomia videtur soluta, vt semper legatarij conuenire debeant hæredem scriptum, qui illis est obnoxius, videtur enim adeundo hæreditatem quasi contraxisse cum legatariis. §. hæres. de obliga. quæ ex quasi cōtract. in Initi. Alij verò creditores, quando apparet hæres, debent illum cōuenire, si verò dubitetur de hærede, possunt conuenire bonorum possessorem, hanc differentiam facit text. in l. iij. ff. de pignoriis.

*Legatarij debent regulariter scriptū hæredē cōuenire.*

Et ideo casus sequentes sunt distinguēdi. Primus est, quod legatarij regulariter scriptum hæredem conuenire debent, quia illis est ex quasi cōtractu obligatus per aditionē. d. §. hæres. de obliga. quæ ex quasi cōtract. scripti in l. verba, contraxerunt. ff. de verborum significatione.

*Creditores quem conuenire debeant.*

Secundus casus, creditores hæredem scriptum conuenire debent, quando de eo apparet, siue controuerfia, vt hīc.

Tertius casus, quando dubitatur quis hæres sit, cōuenire creditores possunt eos, qui bona possident, & ex qua parte possident: vt in hac l. controuerfia. nam pro ea parte, pro qua bona quisque possidet, actiones inter eos bona possidentes diuiduntur, secus si pecuniam alter haberet, alter bona. l. si legatus. §. multum. ff. ad Trebel. vnde Papinia. ait, Hæredes, quibus pars bonorum ablata est, non in ampliorem partem, quam pro ea parte, quæ relicta est, legatorū nomine teneri. l. in ratione. prima. §. Imperator, ad leg. Falcid. l. & si contra tabulas de vulgar.

Quartus casus, quando aliquis possessor bonorum assumpsit æs alienum soluendum, de consensu creditorum, is conueniendus erit, vt hīc. & l. si ab eo. C. de nego. gest.

### S V M M A R I A.

- 1 *Acceptilatio generalis cur captiosa liberalitas vocetur.*
- 2 *Pupillus tutori post rationem redditam acceptilationem generalem facere non cogitur.*
- 3 *Acceptilatio generalis non comprehendit ea, de quibus nil actum, nec cogitatum est.*  
*Ampliatur. ibidem.*
- 4 *Transactio super crimine admittenda.*

### LEX V. PAPINIANVS LIB. I. DEFINITIONVM.



**Q**uam Aquiliana stipulatio interponitur, quæ ex consensu redditur, lites, de quibus nō est cogitatum, in suo statu retinentur, liberalitatem enim captiosam interpretatio prudētium fregit.

**I**sta lex restringit l. præcedentē, in hoc, quod stipulatio Aquiliana nouet & perimat omnes obligationes, hoc est verum, de quibus fuit actum & cogitatum: nam cum ipsa ex consensu fiat, vltra consensum extendi non potest, ideo illæ obligationes, de quibus non est actum, retinentur in suo statu, & sic non sunt nouatæ, neque peremptæ, & licet postea acceptilatio generalis interposita fuerit, non extenditur vltra Aquilianam stipulationem. l. si de certa. C.

*Acceptilatio generalis.*

eodem: quia peremptum non dicitur, quod in stipulationem non fuit deductum: nam transactio, quæcunque sit, de his tantum, de quibus inter cōuenientes placuit, interposita creditur. l. qui cum tutoribus. §. primo. infra. eod.

Sic non extenditur vltra cogitatum iuramentum c. veniens. de iureiur. facit l. si. ff. qui sitis d. cogan. l. si. C. de non numer. pecu. Alex. consil. 42. Super præmisso. col. 2. in vol. primo.

Cogitatum dicitur, si ex verbis transactionis apparere possit. l. non est, infra. eod. l. Gallus. §. quidam rectē. ff. de liber. & posthu. nam cogitationis poenam nullus patitur. l. cogitationis. ff. de poen. nec leges agunt de sola cogitatione, quæ in mente est. l. si repetendi. C. de condict. ob cau. c. cogitationis. de poeniten. dist. prima. imò perimi pacto id, de quo cogitatum non docetur, iniquū existimat Vlpia. in d. l. qui cum tutoribus. in si. infra. eod. & Imperator ait, *si de certa re pacto transactionis interposito hoc comprehensum erat, nihil amplius peti, & si non additum fuerat eo nomine, de ceteris tamen questionibus integra permaneat actio.* l. si de certa. C. eod.

Etiam ex hoc text. colligitur, ibi, liberalitatē, & c. Creditorem non posse cogi ad aliquem liberandum ab omni & quacunque obligatione generaliter, & de omnibus. sed de his quæ recepit, tenetur acceptilationem, quam quistantiam dicunt, præstare. l. plures. C. de fide instrumen. Imò potest compelli creditor soluto debito, vel reddere instrumentum debiti obligatorium, vel illud lacerare. l. qui tabulas. ff. de furt. l. dissolutæ. C. de condict. ex lege. & licet creditor reddat instrumentum, adhuc tenetur facere cognitionem debiti, id est, instrumentum solutionis, vt docet Bart. in d. l. qui tabulas. & Aufser. Decis. Tholo. q. 47. & q. 307. post Specul. in tit. de instrum. edit. §. postquam. versi. quid si solui decem. Panor. in c. accedens. primo. nota. vlt. vt lite non contest. at generaliter omnia remittere non tenetur, sed tantum ea, de quibus actum est, quia hæc generalis acceptilatio captiosa est, id est, perniciofa & damnofa, & potest capere & decipere facientem, ideo istam acceptilationem quam vocat Iuriscon. hīc liberalitatem captiosam, eò quod liberaliter pars acceptum ferat, quod sibi debetur ex quacunque causa, licet non actum fuerit, nisi de tutela, ideo interpretatio prudētium hanc effusam & captiosam liberalitatem reprobat, & fregit, vt hīc. De hac captiosa liberalitate, & positione dixi. in l. aliud est capere, de verborum significatione. ff.

*Creditor ad quæ tenetur.*

Vnde scribit Vlpian. in l. iij. §. primo. ff. de contra. acti. tutel. quem agere non posse, vt tutelæ iudicio liberetur, sed tantum de eis, quæ ei propter tutelam absunt, & sic tutor non potest post tutelam finitam, & rationem ac reliqua reddita cogere pupillum, vt sibi acceptilationem faciat generalem, sed de his tantum, de quibus est actum in rationibus, & libro rationum, ideo si postea inueniantur aliqua, quæ non sint in libro scripta, pupillus agere poterit. l. age. C. eodem.

Imò dicunt hīc interpretes, creditores posse acceptilationem facere, cum expressa reseruatione maioris summæ, vel residui debiti, aut iurium suorum. argumento l. item Labeo. iuncta gloss. ff. famil. hercis. & l. prima. in princip. ad leg. Falc.

Fortius non poterit arbiter, nec quidem iudex, cogere



*Arbiter partes cogere non potest ad generalem liberationem.* cogere partes ad faciendum alteri parti generalem liberationem, quia non possunt contra interpretationem prudentum venire, cum lex sit. §. responsa. de iure natur. in Insti. Roma. consil. 155. Præmissum. & quia est captriosa, & sic fugienda.

3 Sed si aliquis hanc acceptilationem generalem fecerit, non faciet ei præiudicium ad ea, de quibus nil est actum, nec cogitatum. per tex. in l. si. §. idem quæsit. ff. de condict. indeb. vbi Bart. pulchre concludit. etiam si diceretur in instrumento, quod vult extendi tam ad cogitata quam incogitata, & etiam si iuratum esset, quia impetratis literis Regiis releuaretur, quicquid doceat Alex. consil. 41. Nam interpretatio prudentum fregit istam generalem & effusam acceptilationem, per verba Notarij, & per errorem, quo fuit tractus ad accepto ferendum, & ad ponendum illa verba generalia. Alex. consil. 8. Vifo themate. in 5. vol. & consil. 11. Vifo. in 2. volum. & las. consil. 171. Vifis. in 2. vol.

Ex prædictis patet multis modis à lite recedi posse. Primò, per transactionem, vt in hoc toto titul. ff. & C. Secundò, per pactum. l. prima. & 2. suprà. eodem. Tertio, per acceptilationem. l. age cum Geminiano. & l. vt responsum. ac l. si causa cognita. C. eodem.

Quartò, renuntiando liti. l. postquam liti. C. de pact. Quintò, si per triennium quis eam non prosequatur, perit instantia. l. properandum. in prin. C. de iudi. Doctot. in c. venerabilis. illo titul. Sextò, etiam per annum lis interruptitur, & sic à lite receditur, si quis non impetret postea literas, vt docet Boër. in §. 3. de iurisd. omn. iudi. in cōsuetu. Biturig. Septimò, quando actor succedit reo, vel è contrà, per l. debitori. C. eodem.

*Remedia multa post transactionem.* Aduertendum est post transactionem multa dari nobis remedia. Primum est, vt, si actio prima non sit sublata, illa actione agatur. l. transactionis. Et si transactio excipiat, replicationis auxilio, doli mali pacti exceptio remouetur. l. sub prætextu. prima. & l. siue apud. C. eod.

Secundum est, vt agi possit actione ex stipulatu ad id, quod promissum & conuentum est in transactione, si stipulatio interposita sit, si autem non interuenerit stipulatio, agetur actione præscriptis verbis. l. cum mora. ac l. si pro fundo. ibi, *Ex stipulatione sanè, si placita seruari secuta est, vel si non intercesserit, præscriptis verbis actione civili subdita, apud rectorem provincie agere potes.* C. de transact.

Tertium, si in transactione interuenerit Aquiliana stipulatio, & demum acceptilatio, eo casu non superest, nisi actio de dolo. l. actione. iuncta l. vt responsum. C. eod. si dolo non interuenerit ex parte agentis. l. transactione finita. C. eodem. quia ex suo dolo lucrari non debet, nec agere.

4 Nisi de dolo transactum fuerit: nam tunc actio de dolo non competit, quæ iam extincta dicitur per transactionem, utpote si de dolo inductus agebat doli, super qua actione transactum est, transactio rata haberi debet, si aliud non obstat, cum non sit prohibita transactio super dolo præterito, nec super crimine, exceptis quibusdam, in l. transigere. C. eodem. Nam quando de dolo transigitur, & tunc dolo præteritus includitur super quo & pacisci, & transigi potest. l. si vnus. §. illud. vbi scripsi. suprà. de pact.

Quartum remediū est, si vi, metu, aut dolo transactum fuerit, agetur ad rescissionem illius transactio-

nis. l. interpositas. C. eodem.

Quintum datur, vt si transactio facta fuerit ab eo, qui eam facere non potuit, vt à pupillo demente & alio, tunc agetur vt nulla pronuntietur, & quatenus de facto processit, rescindatur l. prima & secūda. C. si aduer. transact.

Sextum remedium est, vt si quis transactionis causa accepto tulerit debitum, vt debitor quicquam faceret, daret forrè expromissorem, vel aliud, si nō faciat, agi potest conditione ob causam non secutam. per l. si quis accepto tulerit. ff. de condict. cau. data.

Praxis est in ressortu Tholosano, vt impetrentur literæ cancellationis instrumenti facti per acceptilationem, in quibus petitur vt pars reponatur in pristinam obligationem, & postea condēnetur ad dictam summam, non obstante acceptilatione, quæ praxis probatur etiam in l. dissolutæ. C. de condict. ex lege. scripsi abundè in tract. de liter. obliga. artic. primo. gl. 9. in primo tomo Commenta. ad Constit. Regias.

*Praxis pro impetrandis literis cancellationis instrumenti.*

Septimum est: nam exceptio competit transigentis. l. si super. & l. si quidem. C. eod.

Octauum, res data causa transactionis, si pars non seruet eam transactionem, repeti potest. l. cum proponas. C. eod. vide l. nec intentio. ibidem.

Nonum, agi potest ad pœnam promissam in transactione, si illi non stetur. l. promissis transactionis causa non implevis, pœnam in stipulationem deductam, si contra factum fuerit exigi posse constat. C. eod. Vnde Paulus ait, *Pactō conuento Aquiliana quidem stipulatio subiici solet, sed consultius est huic pœnalem quoque stipulationem subiungere, quia rescisso forrè pacto, pœna ex stipulatu peti potest.* l. pacto. infrà. eodem.

Decimum, potest non solum pœna peti, sed etiam excipi, vt transactio seruetur, quando in transactione est apposita clausula, rato manente pacto. l. qui fidē. infrà. eodem. vbi dicitur.

Vndecimum remedium est, in hoc regno, vt quis impetret rescriptum à cancellaria, in quo factū narrer, & petat transactionem infringi, quod rex concedit, si ita sit, & iudex cui literæ diriguntur, cognoscit, an ita sit, & si hoc verum sit, literas comprobat, transactionem rescindens, in expensis eodēmnans eum, pro quo transactio facta erat: ista est praxis regni, nec refragatur l. causas, vel lites transactionibus legitimis finitas imperiali rescripto resuscitari non oportet. C. eod. quia loquitur de legitimis transactionibus, sed illegitimæ, factæ contra ius, possunt resuscitari rescripto secundum quosdam, vel forrè potest intelligi, quod lites præteritæ iam sopitæ non suscitantur rescripto, sed bene impetrari potest, vt ea rescindatur transactio, si non sit facta secundum ius, & ita potest intelligi: nam per rescriptum, vt dixi, non suscitantur lites præteritæ, sed iudex videt, an dolo facta sit, an transigens enormiter deceptus sit, & aliis transactionis annullandæ causis.

*Praxis regni Franciæ pro infringenda transactione.*

## S V M M A R I A.

- 1 Transactio super fideicommisso facta, non visis verbis codicillorum, non valet.
- 2 Notarius debet testari verba testamenti Latine conscripti, vulgari sermone esse recitata.
- 3 Renunciatio facta à filia, de hereditate, non visis verbis testamenti, non valet, & quare.



LEX VI. CAIVS LIB. XVII. AD  
EDICTVM PROVINCIALE.

**D**E his controuersis, quæ ex testamento proficiuntur, neque transigi, neque exquiri veritas aliter potest, quam inspectis, cognitisque verbis testamenti.

**E**X hoc text. requiruntur sequentia. Primum, quod sit controuersia, quæ sit tam in iudicio, quam extra, etiam resistendo. vt docet tex. iuncta gl. in l. Lucius. §. tres hæredes. ff. ad Trebel. & interpretes in l. causas. C. de transact. Alex. cons. 51. Viso testamento. in 2. vol. & cons. 177. Repetitum. in 5. vol. & Georg. Natan in clemen. sæpe. col. 7. de verbor. significatione.

Secundò, quod illa oriatur ex testamento, vel ratione testamenti, vnde si ex alia causa controuersia proficeretur, non haberet locum iste text. quia publicè expedit suprema hominum iudicia exitu habere. l. vel negare. ff. quemad. testam. aperi. dicam inferius.

Idem tamen, si ex codicillis oriatur, cum eadem sit ratio, vt interpretes hic docent, & probat text. in l. iij. §. cum transactio. supra. eod. vbi mater defuncti transegit super fideicommissio eidem relicto, non visis codicillis, qui post transactionem reperti fuerunt. Quæsitum fuit, an quantominus consecuta fuit ex transactione, quam sibi ex fideicommissio debeatur, consequi debeat? Et respondet tex. consequi debere, quia transactio facta non visis verbis codicillorum non valet, etiam per hunc tex. & alibi Iulian. ait, codicillorum ius singulare esse, vt quæcunque in his scriberentur, perinde haberentur, ac si in testamento scripta essent, l. ij. §. primo. ff. de iure codicil. & Celsus scribit ita, Nō est ferendus, qui generaliter in his, quæ testamento relicta sunt, transegerit, si postea causetur de eo solo se cogitasse, quod prima parte testamenti, ac non etiam, quod posteriore legatum est, si tamen postea codicilli proferantur, nō improbè mihi dicturus videtur de his duntaxat se cogitasse, qui illarum tabularum, quos tunc nouerat, scriptura continentur.

Transactio  
generalis.

Duo ibi sunt casus, vt qui generaliter visis verbis testamenti transegerit, valeat transactio de omnibus, quæ debentur ei ex illo testamento. Verba enim generalia generaliter intelligenda sunt. l. prima. ff. de legat. præstand.

Secundus casus ibi traditur, vt non valeat transactio de his, quæ in testamento illo non continentur, sed fortè in codicillis, quia de his non videtur cogitatum, vt dictum fuit in d. l. cum Aquiliana. supra.

Tertius casus est, in hac lege, vt transactio nō valeat de controuersis ortis ex testamento, nisi inspectis, &c.

Testamen-  
tū deside-  
rari, exhi-  
bendum.

Tertiò requiritur quod videantur verba testamenti, ibi, inspectis, & si hæres recuset verba testamenti exhibere, audi quid dicat Paul. in l. prima. ff. quemad. testa. aperi. *Omnibus, quicunque desiderant tabulas testamenti inspicere, vel etiam describere, inspicendi, describendique potestatem facturum se Prætor pollicetur, quod vel suo, vel alieno nomine desideranti tribuere eum manifestum est. Ratio autem huius edicti*

*manifesta est, neque enim sine iudice transigi, neque apud iudicem exquiri veritas de iis controuersis, quæ ex testamento proficiuntur, aliter potest, quam inspectis, cognitisque verbis testamenti.*

Quartò, non sufficit inspicere, sed requiritur cognitio illorum verborum. inspectio autem tabularum, etiam lectionem earum indicat. l. ij. ibidem. nec sufficit legere, nisi intelligantur verba. l. prima. ff. de his quæ in testa. delen. vnde necesse est in transactione dicere, partes habuisse plenam notitiam testamenti, & si verbis Latinis cōscriptum fuerit, debet attestari Notarius illa verba recitata esse vulgari sermone. per l. primam. in fin. ff. de verbor. oblig. alioqui transactio non nocebit læso. per istum tex. & Bart. docet in l. scyphi. ff. de opti. legat. ibi, *cum sciret & alios esse.*

Inspicere  
verba testa-  
menti, quid  
denotet.

Nempe scire leges, non est earum verba tenere, sed vim & potestatem habere. l. scire leges. ff. de legi. nec sufficit audire, nisi auditum intelligatur. c. auditis & intellectis. de elect. & c. auditis. de in integ. resti. gloss. in extrauag. quia nonnunquam in verbo, ac intelligere. de verbo. signifi. in extraua. sic & non sufficit inspicere, nisi & cognoscatur. Ratio esse videtur, quia transactio non fit donandi animo, sicut pactum, l. prima. supra. eod. sed potius fit gratia quærendi, quod fieri non potest, si ignorentur res, quæ & quales sint in pacto contra.

Iste tex. allegatur, neque exquiri veritas aliter potest, &c. quod veritas actus haberi non potest nisi ex verbis, vnde Celsus ait, *Quorsum nomina sunt, nisi vt demonstrent voluntatem dicentis?* in l. La-beo. ff. de suppellect. lega. Inspicienda ergo sunt priuilegia, & ipsorum tenor diligentius est attendendus, vt veritas exquiri, & haberi possit, quod totum iudex potest consequi ex ipsorum inspectione. c. porro & sequen. de priuile. & priuilegia non inspecta falsitatis argui non valent. c. accepimus. de fide instrum. Verba fideiussionis legi debent, vt veritas habeatur. l. fideiussiores magistratuum. §. primo. ff. de fideiuss. & actorum lectio manifestè declarat. l. ij. C. de delat. lib. 10. vbi Lucas exponit, & inspicendus est ventris, vt sciamus an mulier sit prægnans, necne. l. prima. ff. de ventr. inspic.

Vnde Ferret. putat hanc legem pertinere ad iudicia: nam vult inquiri veritatem, quod nullam habet cum transactione communionem. nam qui transigit, id agit, vt discedat à lite, & de veritate nullo modo est sollicitus, sed potius ad iudicem pertinet. c. iudicantem. 30. q. 5. l. ij. C. de eden. & idè lex prima, quæ ad testa. aperia. addit, *exquiri veritas apud iudicem.* Hæc ille.

Aduertendum est quod Paul. Iuriscon. in illo tex. dicere videtur, sine iudice transigi de controuersis ex testamento profectis non posse, sed intelligi ille text. debet, vt sine iudice, id est, absque iudice. Et sine præsentia iudicis inter partes non potest fieri transactio, nisi inspectis cognitisque verbis testamenti, & id propter odium eorum, qui testamēta occultare possent, & sic daretur materia occultandi, & calumnian-di, quod à iure improbatur. l. cōuenire. ff. de pact. do-tal. nec malitiis hominum est indulgendum, l. in fundo. ff. de rei vendi. etiam reipub. interest. l. vel negare. quemad. testa. aperi. c. vltima voluntas. 13. q. ij. & pro modico posset quis multa sibi incognita remittere. l. cum hi. infr. eo. intelligendū est in casibus, in quibus opus est iudicis præsentia, vt in alimentis. d. l. cū hi. infr. e.

Transactio  
inter par-  
tes super  
testamen-  
to.

Adhæc



*Rescissio  
transactio-  
nis.*

Adhuc iuramentum retractatur prestitum super controuersis testamenti, quando aliter apparet esse in testamento, quam iuratum sit. l. si. C. de reb. credi. sic & rescinditur transactio, quando aliter apparet esse transactum, quam scriptum fuerit in testamento. l. iij. §. cum transactio. supra. eod. sed non, si secundum testamentum, quia non interest, licet non sint visa testamenti verba.

Et quamuis ille tex. in d. l. prima, dicat apud iudicem non aliter exquiri veritatem posse, quam inspectis cognitisque verbis testamenti, tamen iste text. non repetit, apud iudicem, nec repeti debet.

Sed debet hic tex. intelligi, partes non posse transigere de controuersis ex testamento proueniētibz, nisi testamenti verbis inspectis, & cognitis: nam veritas harum controuersiarum testamentorum non potest inquiri, nec haberi, nisi ex verbis testamenti. ergo verba testamenti videri debent, & sic hæc lex non tantum respicit iudicem, sed & partes, apud quas veritas testamentorum non potest haberi, nisi visis cognitisque testamenti verbis.

Nec refragatur, si visa sunt verba testamenti & cognita, non erit tunc dubium, ergo non poterit transigi. Respondet Accurs. posse, dubium esse tamen de quibus denariis, vel nummis intellexerit, vel an testamentum ritè conceptum sit, vel an sit insinuatum, vel super facultatibus, aut alijs, vt in l. si seruius plurium. in fi. vbi gloss. ff. de legat. primo. & de his transigi poterit, & hoc seruire potest ad dubitationem huius text.

*Renuntiatio  
huiusmodi.*

Sed an huic legi renuntiari possit? Doctor. sunt inuicem contrarij, sed vos dicite valere renuntiationem cum iuramento factam, quæ tamen retractari poterit habita iuramenti dispensatione, quam facile quis obtinere poterit, dicendo se non visis nec cognitis verbis testamenti transigisse, tum quia hæc lex hoc prohibet, & legi prohibenti renuntiari non potest. l. prima. vbi Accurs. C. ne fideiuss. dot. dentur. & videtur quædam formam adhibere, quam homo tollere non potest. l. nemo. ff. de lega. primo. Adhuc quis modico recepto remitteret multa incognita. l. cum hi. infra. eod. Et ideo licet sit clausula generalis in transactione, non tamē extēditur ad codicillos non visos, de quibus non videtur actū, nec cogitatum, vt dixi supra, adhuc quia veritati renuntiari non potest, quin habeatur, quod fieret huic legi renuntiando.

Et si in transactione habeantur ista verba posteaquam exposita fuerunt verba testamenti, etiam vulgaribus verbis, venerunt ad transactionem, si sit vna pars valde læsa, adhuc semper impetrare literas Regias potest ex bono & æquo ad rescindendum illā transactionem.

Et sic duo casus sunt hic. Primus, an si non visis, nec cognitis verbis testamenti quis transegerit renuntiando isti legi, valeat transactio, maximè, cum iuramento. Et dicerem valere, donec rumpatur, quod facile fieri potest habita iuramenti dispensatione, & Principis permissu in hoc regno, & sic transigens restituitur. l. ij. & l. si mulier. ff. de except. rei iudic.

In 2. casu, quando visis verbis testamenti transigit, & cognitis, si grauiter læsus sit, adhuc eidem vidi succurri, sed remedio. l. ij. C. de rescind. vendi. de quo dixi in tract. de rescis. contrac. in 2. tomo Comment. ad Constit. Regi.

Licet iste tex. loquatur in controuersis profectis

ex testamento, vt transactio non valeat, non inspectis cognitisque verbis testamenti, & sic non habebit locum in contractibus, vt dicunt Doctor. tamen quia bonum est de contractibus ad vltimas voluntates argumentum, l. quæ de legato. ff. de legat. primo. ex bono & æquo succurreretur ei. Vnde qui transigit modico recepto, super contractu facto à patre suo, quem ipse ignorabat, vidi succurri, non ex hac lege, sed ex æquitate, & quia frequentius fit in testamentis, quam in contractibus, quos partes sciunt, vel scire debent, ideo de testamentis hic cautum est: tamen is, qui in alterius locum succedit, iustā causam ignorantie habet. l. qui in alterius. ff. de regul. iur. Ideo illi succurri poterit, & sæpius vidi super his literas Regias impetrari, & cōprobari, quia bonum & æquum est maximè quando de his non est actum, neque cogitatum, & ex iusta causa subuenit Prætor. l. prima. ff. ex quibus causis maior.

Et sic non valebit sententia, nec compromissum non visis verbis testamenti, quia veritas non potest haberi, nisi inspectis verbis testamenti. Et quia compromissum vim transactionis obtinet, cum discedatur à lite. authen. si verò. C. de iudi. quia transactio & sententia æquiparatur. l. ij. ff. de iure iur. & d. l. prima. quemad. testa. aperi.

Vnde non valere renuntiationem factam à filia de hæreditate, & de his quæ ex testamento consequi poterat, puto, vt ea non obstante, filia consequi posset id, quod à patre relictum erat ei in testamento, postquam renuntiavit non visis verbis testamenti, nam hæc renuntiatio vim transactionis habet & pacti, & pactum etiam non valet, vt docet Accurs. & quidam alij, licet Alber. Paul. Fulgos. & Ias. contrā, quia facilius inducitur quis ad transigendum, quam ad paciscendum, quia aliquid recipit ex transactione, & non ex pacto, quod sit gratis, & sic decipitur. Sed primæ adhærerem sententiæ, nam si testamentum sciuisset paciscens, non fuisset sic pactus, & sic eidem succurri debet, tanquam non sit actum, nec cogitatum de eo, quod nesciebat. per l. cum Aquiliana, & l. non est ferendus. hoc titul. & actus agentium non debent ultra eorum intentionem operari. l. non omnis. ff. si cert. petat. ideo etiam in pacto hanc legem habere locum putarem, vt interueniente læsione magna læso subueniri possit, quod probat Guido Papa in consil. 51. Nobilis. in fi. & consil. 87. Pro declaratione. col. penul. Benedi. in repeti. c. Raynutius. in verbo, si absque. 2. de substitu. fideicommiss. num. 121. de testa. vbi dicit non habere locum in testamento, vbi nulla est scriptura, quia quod non est, videri non potest, quod intelligerem verum, nisi postea redigeretur in scripturam, quia tunc haberet locum iste text. & tunc posset hæres cum Notario conuenire, ne aliquod testamentum scriberet, donec esset transactum.

Imò licet facta esset visis & cognitis verbis testamenti, adhuc posset supplementum legitimæ filia petere, quod nunquam remissum censetur, nisi expresse dictum fuerit. l. si quando. in fin. C. de inoffic. testament.

Ista lex non procedit in creditoribus, qui sciunt debita aliunde, quam ex testamento, utpote ex instrumentum obligatorio: ideo valebit transactio, non viso testamento, quia veritas aliter exquiri potest quam ex testamento, & sic est diuersa ratio. l. iij. & l. controuersia. Alex. consil. 11. Viso. in 2. vol.

*Transactio  
super con-  
tractu, mo-  
dico rece-  
pro, facta.*

*Lex ista in  
quibus loci  
non habet.*

Etiam



Etiam non procedit in donationibus, quas legatarius faceret alteri, quam hæredi, unde valerēt, vt docet Fulgos. consil. 164. Quædam. col. vlt. & hoc probat Benedic. in d. c. Raynutius. de fideicom. substi. nu. 135. qui licet quinque limitationes scribat, tamen ex prædictis comprehenduntur.

Testamen-  
ti notitia.

Et in dubio non præsumitur transigens habuisse testamenti notitiam, quia ignorantia præsumitur l. verius. ff. de proba. Doct. in l. qui Romæ. §. duo fratres, de verbo. oblig. in 4. quæst. & is, qui allegat notitiam, eam probare debet. argumēto l. quotiens. §. qui dolo. ff. de probat. nisi in instrumento cautum fuerit, transigentes plenam habuisse notitiam: nam eo casu is, qui dicit non habuisse, poterit probare per testes in instrumento descriptos, videlicet quod non factus fuit certior de testamento tempore transactionis, nec fuit id temporis exhibitum instrumentum testamenti, vt docet Socin. consil. 214. In causa Onesrij. col. 3. in secundo volum.

### SUMMARI A.

- 1 Transactione, durante lite in Parlamento, facta, transactio annullatur, & partes ad multam condemnantur.
- 2 Transactio post rem iudicatam valet, petita in integrum restitutione.

### LEX VII. VLPIANVS LIB. VII. DISPUTATIONVM.



Post rem iudicatam transactio valet, si vel appellatio intercesserit, vel appellare potueris.

**R**egula est, quod post rem iudicatam non valet transactio, quia est res nō dubia, & lis certa, super quo transigi non potest. l. prima. suprā. & Vlpia. ait. in l. & eleganter. §. si post rem. ff. de condic. indeb. Si post rem iudicatam quis transfegerit, & soluerit, repetere poterit, idcirco quia placuit transactionem nullius esse momenti.

Sic non valet compromissum super liquido, vt asserunt Bar. Bald. & alij tam hīc, quam in d. l. & eleganter. & Alex. consil. 94. In causa. col. 2. in 2. vol. & Deci. consil. 39. Iuridicam. col. prima. Doctor. in l. si causa. C. eodem. quod transactionis vim habet, & quod est decisum non potest amplius decidi & iudicari.

Restrictio-  
nes huius  
textus.

Primò, limitatur in hoc text. quando appellatum est ab illa sententia, vel quando ab ea appellari potest: nam paria sunt, appellatū esse, vel appellari posse. c. non solum. de appel.

Vnde cum in hac patria ferè partes semper appellant, dum hoc eis concedi solet in literis, dicere transactionem interuenire posse etiam post sententiam, quæ in rem trāseunt iudicatam, dummodò appellatio releuata sit per literas.

Transactio  
post arestū.

Hoc non procedit post arestum Curie supremæ, quia postea non valet transactio: nam res est indubitata, super qua nō transigitur. d. l. & eleganter. Et sæpius vidi annullari transactiones factas post arestum, maximè quando altera pars ignorabat esse latum in

suam vtilitatem.

Imò non valet transactio durante lite in Parlamento, nisi dicatur in instrumento transactionis sub beneplacito Curie, *Soubs le bon plaisir de la Cour.* teste Masue. in practi. sua. §. item sæpe partes. Et eo casu solent partes ad multam condemnari, & transactio annullari: vt scripsi in procemi. Concord. in verbo, summas. versic. 25. vbi posui priuilegia Curiarum supremarum.

Secundò, post rem iudicatam, etiam si prouocatio non est interposita, tamen si negetur iudicatum esse, vel ignorari possit, an sit iudicatum, quia adhuc lis subesse possit, transactio fieri potest. l. post rem. infra, eodem. Negari tunc dicitur iudicatum, quādo defectus iurisdictionis super iudicato allegatur, vt in l. prima. vbi Bald. C. si à nō compe. iudice iudica. fuerit. vel quando sententia ostendi non potest, nec acta, vt videtur docere Carol. Ruinus consil. 109. Viso. nu. 11. in primo vol. & gloss hīc reputatur singul. per Ias. in l. Iulianus. col. 3. ff. de condic. inde. quod res efficitur dubia per negationem, quando iuste & probabiliter fit, secus si per calumniam. tradunt Panor. & Fel. in c. 3. de testi. cogend.

Transactio  
quādo post  
re iudicatā  
fieri possit.

Tertiò, non procedit quando sententiæ executio non fuisset petita intra 30. annos, quia postea illa sententiæ executio peti non potest. vt docet Innocen. in c. si. de excep. quem ibi sequitur Bald.

Ideo lapso dicto tempore valet sententia secunda contra primā, vt docet Bal. in rub. de prescrip. num. 22. sicut de sententia dicitur, vt valeat contra primā. in l. prima. C. quando prouo. non est neces. Carol. Ruin. consil. 167. In causa. colum. prima. & sequen. in 5. vol.

Quartò, transactio facta post rem iudicatam poterit valere, vt pactum: maximè si hoc in instrumento transactionis sit expressum, & pactum post rem iudicatam valet. l. iurisperitum. §. si paciscar. ff. de pact. suprā. Bart. & alij, in l. sub pretexto. prima. & in l. si de certa. in fi. C. eod. Carol. Ruinus consil. 109. Viso: col. penul. in primo. vol.

Pactū post  
re iudica-  
tam.

Quintò, post rem iudicatam potest transigi, si restitutio in integrum petita sit, & eius quæstio indecisa pendeat, quia tunc adhuc res dicitur dubia, & lis incerta, super quibus transigi potest. l. prima. suprā. eodem. l. si causa cognita. C. eodem. sed ante impetrationem restitutionis non valeret transactio, quia non est lis, nec res est dubia. articulo l. ergo. §. primo. ff. de fideicom. liber. docet Bart. in l. inter. §. sacram. col. penul. ff. de verbo. oblig.

Sextò, transigi post rem iudicatam potest, si contra eam opponatur aliqua exceptio de his, quæ contra sententiam, & in executione opponi possunt, de quibus per gloss. & Doctor. in l. prima. C. de iur. & fact. ignor. vt si maritus soluto matrimonio conueniatur ad dotem, & ad restitutionem illius condemnatus sit, in executione opponi poterit, ne ab eo exigatur ultra quā facere possit. l. maritum. ff. solut. matrimo. l. sunt qui. cum l. sequen. de re iudic. quia res fit dubia per oppositionem iustę exceptionis modificatis rem iudicatam, ob id poterit super eo transigi, quamuis iam iudicatum sit, verū in hoc casu transigitur super alio, videlicet super isto nouo dubio, & in consequens super re iudicata. De his scripsi in tract. meo de excep. vide Anto. de Can. in tract. de executio. instru. q. 5.



§. Si fideiussor conuentus & condemnatus fuisset, mox reus transegisset cum eo cui erat fideiussor cōdemnatus: transactio valeat, quæritur. & puto valere: quasi omni causa & aduersus reum & aduersus fideiussorem dissoluta. Si tamē ipse fideiussor condemnatus transegit, transactione non peremit rem iudicatam: tamen eo quod datum est, releuari rem iudicatam oportet. Vsq̃ue adeo autem quod datum est, etiam si non proficit ad transactionem, extenuat tamē rem iudicatā, vt inde sit & edictū & rescriptum circa alimentorum transactionem citra Prætoris auctoritatem factam, vt quod datum est, proficiat ad alimenta: ita vt si quid amplius ex causa alimentorum deberi potest, id præstetur: quod autem datum est, imputetur.

Septimò, post sententiam cōdemnationis fideiussoris poterit transigere reus, quia adhuc res est dubia quoad eum, & valebit transactio. vt in hac l. & post §. si fideiussor. Sed potest intelligi iste text. quod reus mox transegerit, id est tempore quo fideiussor appellare poterat, & in prin. huius l. visum exitit, quem posse transigere post rem iudicatā, & sententiam prolatam, quandiu quis potest appellare, etiam hæc transactio proderit vtrique, vt dicetur. Et dubium erat, quia iam iudicatus est fideiussor, an reo transigere liceat, & hoc decidit tex. & iste sensus magis placet. Potest etiā intelligi post decem dies, quo tempore non est liberum appellare, tamen poterit reus condemnatus transigere, quia sententia non pertinet ad eum, nec res dicitur iudicata quoad transigentem; & sic non dicitur post rem iudicatam, quantum ad eum, qui non est condemnatus.

Transactio  
cum debi-  
tore facta.

Ex hoc text. colligitur, Quasi omni causa, & aduersus reum, & aduersus fideiussorem dissoluta. ] quod transactio facta cum debitore prodest fideiussori, quia liberato reo & fideiussorem liberari existimat Paul. in l. iij. ff. de rescin. vendi. & exceptiones competentes reo, & fideiussori profunt, nisi sint personales. l. exceptiones. ff. de excep. plenè hanc materiam tractat Hyppol. in rub. de fideiuss. 36. q. nu. 267. cum sequen.

Obiectio-  
nis solutio.

Nec refragatur l. iij. §. si. suprā. eod. vbi transactio facta cum eo, qui hæredem se iactabat, nō nocet, neque prodest legitimo. Respōdeo, ibi est diuersa persona, quæ nihil commune habebat cum vero hærede, nec erat hæres, sed hic fideiussor est ad debitorem accessorius: idè accessorium cōuenit sequi naturam sui principalis. l. cum principalis. ff. de regul. iur. probat Vlpia. in l. ex persona rei, & quidem inuito reo exceptio, & cetera rei commoda fideiussori, ceterisque accessoribus competere possunt. ff. de fideiussor. Imò de re filiorum, quos in potestate non habuit transigentem patrem, minimè his obesse placet, ait Vlpian. in l. de re, infrā eodem.

Si tamen venditor hæreditatis post illius venditionem, censis emptori hæreditatis actionibus transegerit cum debitore ignorante, & debitum recepe-

rit, liberatur debitor propter bonam fidem & ignorantiam, & si emptor iterum petat debitum, exceptione transactionis iuari debitor poterit, vbi idem responsum etiam est in eo, qui fideicommissariam recepit hæreditatem, si hæres cum ignorante debitore transegit: nam in vtroque casu ignorantia erat debitoris, & transactio fiebat cum hærede, licet vendidisset, vel restituisset hæreditatem, sed hîc non erat hæres.

Vnde in l. iij. Mæuius se iactabat legitimum creditoris hæredem, qui pignus debitoris distraxerat, hic debitor minimo sibi dato transegit de suo pignore distracto, & promisit pignus non se repetiturum, post transactionem inuentum est, & publicatum testamentum creditoris, in quo inuentus est Septitius hæres, quæsitum est, an si debitor agat pignoratitia contra Septitium hæredem, ad repetendum pignus datum debitori, cuius ipse erat hæres, & qui pignus distraxerat, possit Septitius vti exceptione transactionis factæ, cum Mæuio, qui eo tempore, quo transegit, erat hæres.

Secundò ibi quæritur, an Septitius hæres possit pecuniā datam Mæuio à debitore repetere, quasi sub prætextu hæreditatis acceptā? Et vno verbo, respondet Scauola nō posse hæredem vti exceptione transactionis aduersus debitorem repetentem pignus, quia ipse hæres nō transegit, sed Mæuius, & conuentio facta cum vna persona, alij personæ non prodest, nec nocet. l. si vnus. §. ante omnia. suprā. de pact. Item non poterit hæres Septitius pecuniam datam à Mæuio debitore repetere, quia Mæuius non gerebat negotium Septitij, idè per personam extraneam non quæritur Septitio actio, vt in l. prima. C. per quas personas. l. stipulatio. §. alteri. ff. de verbo. obligat. Et iste est verus intellectus ad istum §. licet Accurs. & Doctor. ibi in diuersos trahant sensus.

Præterea colligitur ex hoc §. si fideiussor. sententiam latam contra fideiussorem non nocere reo, nec prodesse, quia res inter alios acta aliis non prodest, nec nocet, & liberatio facta fideiussori, non prodest debitori. l. fideiussor. ff. de pact. & ad hoc istum text. singularem dicunt interpretes.

Sententia  
cōtra fidei-  
ussorem  
lata.

Etiā colligitur, & si transactio nō perimit rem iudicatam, tamē in eo quod datum est, releuari rem iudicatam oportet. ] quod pecunia data transactionis causa, non potest exigi, cum in debito rei iudicatæ computatur, vt pote, ad centū quis erat condemnatus, postea partes transegerunt ad quinquaginta, quæ fuerunt transactionis nomine data, sed quia non valet transactio post rem iudicatam, certè proderunt illa quinquaginta ad sententiā, adeò vt nō possint exigi nisi alia quinquaginta, quia prima quinquaginta computantur in debito rei iudicatæ, & sic transactio inutilis non impedit executionem rei iudicatæ: nam quotiens vitiosè cautum est, pro non cauto habendum est. l. quotiens. suprā. qui satisda.ogan.

Vltimò, Iuriscon. probat de alimentis, vt quando non valet transactio citra Prætoris auctoritatem, quod datum erit transactionis gratia proficiet ad alimenta, & si quid amplius alimentorum causa debetur, id præstabitur.

Aliæ leges videntur faciles, maximè l. cum hi, quam Vlpia. verbis hîc satis facilibus ornauit. Et de his alimentis locutus fui in tract. meo de senten. pro-  
uissio.

Transactio  
super ali-  
mentis.



uifio. in primo tomo Commenta. ad Constit. Regi.  
ob id alia non addam, nisi ad l. qui fidem. infra. eod.

## S V M M A R I A.

- 1 *Seruans transactionem quando sortem & pœnam possit petere.*
- 2 *Pœna transactionis illicita peti non potest.*
- 3 *Faciens contra transactionem iuramento firmatam, sit infamis, & ad pœnam tenetur, omnēque commodum transactionis restituit.*

LEX XVI. HERMOGENIANVS LIB. I.  
I V R I S ἐπιτομή.

**Q**ui fidem licitæ transactionis rupit, non exceptione tantum sum-  
mouebitur, & etiā pœnam, quam  
si contra placitum fecerit, rato manente  
pacto stipulanti recte promiserat, præsta-  
re cogetur.

**E**X hac l. colligitur facientem contra transactio-  
nem, puniendum. Primo exceptione transactio-  
nis repelli poterit.

Secundo, vt ab eo alter transigentium possit pete-  
re pœnam appositam in transactione, si promissa sit,  
ideò consulit l. præcedens. vt apponatur, ex quo in-  
fert gloss. in l. ex parte, vbi etiam interpretes. ff. de  
verbo. oblig. consultorem posse decernere pœnam  
apponendam in contractu, si actus eius consilio fieri  
debeat, quod probat Bald. in l. sancimus. C. de ver-  
borum significatione.

Tertio, si sit apposita clausula, rato manente pa-

cto, poterit reus, seruans transactionem, obicere ex-  
ceptionem transactionis, vt valeat transactio, & pe-  
tere pœnam, & hoc ratione illius clausulæ, rato ma-  
nente pacto, & sic ista clausula censetur apposita in  
fauorem tantum seruantis transactionem, vnde ces-  
sat argumentum d. l. veteribus. supra. tit. l. proxi. Et  
hoc casu seruans transactionem poterit sortem & pœ-  
nam petere. Doctor. in l. cum proponas. C. eodem.  
Alias si non sit apposita hæc clausula, rato manente  
pacto, non poterit quicquam aliud præter pœnam  
petere, nisi in contractibus bonæ fidei, in quibus taci-  
tè hæc clausula intelligitur, per l. prædia. ff. de actio.  
empti. Bald. in l. si pacto. col. 3. C. de pact. plenè Vital.  
de Camba. in tract. clausul. in hac clausula.

Pœna tamen committitur tantum semel, nisi clau-  
sula sit in instrumento apposita, quod totiens pœna  
committatur, quotiens contrauentum fuerit trans-  
actioni, vt docet Specul. in tit. de arbi. §. sequitur. vers.  
quid si plura capitula. Bart. in l. cum pater. §. libertis.  
ff. de legat. 2. & Sali. in l. quotiens. C. de fideicom. ple-  
nè Hyppoli. in singu. 47 2. clausula.

Etiā pœna peti non poterit, si transactio non va-  
leat, per istum text. à contrario, ibi, licitæ trans-  
actionis, ergo si transactio sit illicita, non debetur  
pœna, vt docet hic Accurs. quem sequitur Bald. in  
margā. in verbo, fides. q. 4. Probatur in l. nō dubium.  
in fin. C. de legi. vt, si fortè transactum sit super ali-  
mentis sine Prætoris, l. cum hi. supra. eodem.

Quarto, si iuramentum sit in transactione apposi-  
tum, is qui contra transactionem facit, non solum ad  
pœnam tenetur, sed & restituit id quod ratione tran-  
sactionis accepit, carebitque omni transactionis com-  
modo, ac infamis efficietur. l. si quis maior. C. eodē.  
vide Barba. consil. 74. col. II. in 3. vol. Pet. de Bella  
Pertica quæst. 350.

Transactio-  
nis pœna.





# DIGESTORVM

## LIBER TERTIVS.



*De Postulando. Tit. primus.*

### SUMMARIA.

- 1 *Aduocati possunt à iudice cogi, vt consilium dent.*
- 2 *Foro prohibitus ne postulet, poterit nihilominus consulere.*
- 3 *Prohibitus postulare in iurisdictione vnus iudicis, non prohibetur in alia.*

LEX I. VLPIANVS LIB. VI.  
AD EDICTVM.



**H**unc titulum Prætor proposuit habendæ rationis causa, suæque dignitatis tuendæ, & decoris sui causa: ne sine delectu passim apud se postuletur. Ea propter tres fecit ordines: nã quosdam in totum prohibuit postulare, quibusdam vel pro se permisit, quibusdã & pro certis duntaxat personis, & pro se permisit. **P**OSTULARE autem est desiderium suum, vel amici sui in iure apud eũ, qui iurisdictioni præest, exponere: vel alterius desiderio contradicere. Initium autem fecit Prætor ab iis, qui in totum prohibentur postulare. In quo edicto aut pueritiam, aut casum excusauit.

**H**unc titulũ Prætor proposuit habendæ rationis causa. ] Gl. exponit, id est, discretionis personarũ. Videte an possit exponi rationis, id est, consilij, vel sententię, aut propositi, vt Lucas in l. prima C. de iure fisci lib. 10. nam potest cõsilium ab Aduocatis iudex accipere, & cogere eos vt consilium dent. l. ij. vbi glos. C. de proximis sacro. scrinio. lib. 12. Et ibi Iacobus Rebuffus, & Bald. in marga. in verbo consilium. 6. q. illam gloss. probat, ac Panor. in c. cum in veteri. col. 5. de elect. nu. 13.

**D**ignitatis tuendæ. ] Ex hoc text. habetur, dignitatem senatoriam & aliorum iudicum defendi per Aduocatos dignos, vtpote Doctores, & alios probos viros, & quodãmodo diminuitur autoritas iudicum, quando habent indoctos & malos Aduo-

catos, & Procuratores, apparitores, aut alios officiales: nam præsumitur quod ipsi similes sunt illis. c. peruenit. vbi gloss. 18. distin.

**Decoris causa.** ] Honor est iudici habere Aduocatos excellentes, idẽ Prætor his rationibus motus tres ordines fecit, quosdam in totum postulare prohibuit, vel propter pueritiã, vsque ad decimum septimum annum completerum, qua ætate aut paulo maiore fertur Nerua filius publicè de iure respõdisse. §. initium. in hac l. vel propter casum, vbi surdum prohibet postulare, quia eò quod non audit, nõ posset replicare his, quæ à reo proposita fuere, & præceptum iudicis contemnere videretur quando non exaudiret.

**Notandum est iudicem posse alicui interdicare aduocationibus, id est, foro prohibere ne postulet ad tempus, vel in perpetuum pro delicti qualitate. l. prima. in fi. ff. de offic. præfec. vrb. l. moris. ff. de pœn. & si ad biennium prohibuerit, finito tempore postulare poterit. l. & si seuerior. ibi, eò quod post biennium remississe tibi prohibitionem videtur. ex quib. cau. infra irrog. l. prima. C. de his qui in exilium dat. lib. 10. Et tempore quo est postulare prohibitus, consulere poterit, quia postulare, est desiderium suum, vel amici sui in iure apud eum, qui iurisdictioni præest, exponere, vel alterius desiderio contradicere, & qui consulit, non hoc facit, ergo non comprehenditur. d. l. moris. & l. Paulus. prima. in fin. ff. de legat. Et cui interdicitur foro, non poterit etiam tanquam Procurator in iudicio esse, quia illi fori exercitium est prohibitum. l. si remunerandi. §. penul. ff. manda. l. ex ea causa. infra eodem. ibi vide.**

**Et si Aduocato interdictum sit forum, nõ censetur interdictum forum rerum venalium, sed tantum iudicium, in quo postulabat, quia non potest extendi sententia ultra iurisdictionem iudicantis. l. cum quidam. & l. fi. ff. de iurisd. omn. iudi. Idẽ prohibitus postulare in Montepessulano, poterit Nemausi postulare, tamen non prohibetur emere, vel vendere, nisi hoc prohibitum fuerit. l. septem diebus. C. de eroga. mili. anno. lib. 12. l. speciebus. de coartal. ibidẽ. quicquid dicat Lucas in d. l. prima. C. de his qui in exilium. vbi etiam dicit istum posse gratis postulare. per l. Paulus. primam. in fi. ff. de legat. quod non puto. nec illa l. hoc probat. Aliàs fieret fraus sententiæ: nam ipse diceret se gratis seruire, vt plures haberet clientes, vt docet Bart. Aduocatos iuuenes & mendicos, sæpe gratis seruire, vt plures acquirant qui ad eos confugiant, in l. quod Nerua. nu. 32. ff. de pos. Cepol. cautela. 185. sed Purpura. in tit. de offic. Assessore. q. 4. in fin. tenet quem non posse consulere, si patrociniũ sit interdictum ei, vt statuto eorum cautum esse asserit.**

*Aduocacionibus potest alicui interdici iudice.*

*Senatoria dignitas defenditur per doctos Aduocatos.*



## SUMMARI A.

- 1 Postulare quis potest decimo octavo anno.
- 2 Procurator in iudiciis non potest esse ante xxv. annum.
- 3 Aduocatus mandati actione non obligatur.

§. Pueritiam, dum minorem annis decem & septem, qui eos in totum compleuit, prohibet postulare: quia moderatam hanc ætatem ratur est ad procedendum in publicum, &c.

**I**N hoc §. colligi potest, quem posse postulare in decimo octavo anno incepto, & cōpleto decimo-septimo, quia Prætor ratur est hanc ætatem ad procedendum in publicum sufficere in qua ætate, aut paulò maiore, fertur Nerua filius publicè de iure respondisse.

Doctor potest fieri decimo octavo anno.

Et sic infertur quòd doctus potest effici Doctor, vel licentiatus in 18. anno. Et hoc vidi multoties fieri, licet de iure canonico Procurator in iudiciis esse nō possit ante 25. annū: quia ipse actione mādati obligatur, & condemnatur, quod non est in Aduocato. c. quia generaliter. in fi. de Procura. in 6. Specul. in tit. de Aduocat. §. primo. versic. item quod est minor.

Accurs. Ratur, exponit pro, cogitavit. Cogitatio autem, si non deducatur ad effectum, nihil est. l. cogitationis. ff. de poen. idè de sola cogitatione hīc nō intelligitur, sed Prætor arbitratus est hanc ætatem sufficere ad procedendum in publicum, in qua ætate quis ad beneficia sit habilis, scripsi in tract. de pacific. possessor. in 4. limita.

Notat etiam Accurs. hāc rationem, vt de his quæ sunt arbitraria, sufficiat dicere; sic volo, sic iubeo, sit pro ratione voluntas. Vt, quare tres, & nō plures anni, statuti sunt in vsucapionibus §. furtiua. de vsucapio. & non omniū quæ a maioribus nostris constituta sunt, ratio reddi potest. l. non omniū. ff. de legi. hāc gloss. not. Fel. in c. si quando. col. 9. & 18. de rescript. & Bertedi. in repeti. c. Raynutius. in verbo, in eodem testamento. primo. numer. 179. & sequen. de testa. ac Ioannes Ponzinis. in tract. de lamiis. col. 10.

§. Ait Prætor, SI NON HABEBVNT ADVOCATVM, EGO DABO. Nec solūm his personis hanc humanitatē Prætor solet exhibere: verūm, &c.

**V**Bi quis non inuenit Aduocatum, Prætor, id est iudex, in quo foro agitur, dabit. l. nec quicquā. §. Aduocatos. ff. de offi. Procon. imò poterit iudex cogere Aduocatum, vt aliquem tueatur, quia opprimi aliquem per aduersarij sui potentiam non oportet, d. §. Aduocatos. nisi contra cōsanguineos, & amicos, quo casu cogi Aduocatus nō debet. Accurs. hīc per l. humanitatis. C. de excusa. tutor.

Iudex potest Aduocatos distribuere.

Item, si vnus acceperit omnes Aduocatos fori utiliores, iudex distribuet, vt vnus accipiat vnum, & alter alterum, aliā si ageretur contra potentem, pauper Aduocatum non haberet. l. prouidendum. C. de postulando, ibi, *Par causidicorum distributio fiat, & exequetur partibus auxilium singulorum, & aqua diuiso procedat, &c.* Et ibi tex. vocat Aduocatos nobilissimos, de quo alibi dicam.

§. Sexum, dum fœminas prohibet pro aliis postulare. Et ratio quidem prohibendi, &c.

**M**Vlieres propter sexus fragilitatem postulare prohibentur hīc, quia virile est officium. l. fœminæ. ff. de regul. iur. Et origo prohibitionis introducta est à Calphurnia improbißima muliere, quæ inuerecundè postulans, & magistratum inquietans causam dedit edicto. Calphurniam inuenimus Titi Imperatoris vxorem, de qua Trebel. Pollio sic scribit. Huius vxor Calphurnia fuit, sancta & venerabilis fœmina, de genere Cēsorinorum, id est, Pisonum, quam maiores nostri vni virum sacerdotem inter sacratissimas fœminas adorarūt, cuius statuam in templo Veneris adhuc videmus Argolicam, sed auratam. Hactenus Pollio, ob id de ista intelligi non potest.

Alij dicunt Aphraniam dedisse causam, vt Alcīa. lib. 2. Parergon, c. 37. adducēs Valerium Maximum libro octauo: qualiscunque fuerit, non mutatur ob id iuris decisio.

§. Casum, dum cæcum vtriusque luminibus orbatum Prætor repellit, videlicet quòd insignia magistratus videre & reuereri non possit.

**O**Rbatū vtroque lumine à postulando iudex repellere potest, quòd insignia magistratus videre, & reuereri nō possit, vnde Publius Cæcus Asper nati, vel (vt alij dicunt) Asprenalis, Nonij pater, cum auersa sella à Bruto vellet postulare, fuit prohibitus. Iacobus Curtius in lib. 3. coniectura. c. 4. vide in mag. consue. tit. des Aduocat. fol. 94. lib. 3.

Sed cæcus Senatorium ordinem retinet, & idè iudicandi officio fungitur, vt hīc. & in l. cæcus. infra. de iudic.

In text. sed de hoc deliberabimus. ] Iste text. est valde notandus, non esse ex tempore de quaestionibus difficilibus respondendum, sicut faciunt Aduocati Parisienses, sed de hoc deliberandum est, vt verè consulatur. facit l. ij. §. Primus Diuus Augustus. ff. de origi. iur. ibi, *Et idè si quis fiduciam sui haberet, delectari se, populo ad respondendum se prepararet.* & in l. item veniunt. §. pridie. ff. de peti. hared. post propositam quæstionē ibi, *Iuris periti responderūt.*

Cæcus potest esse iudex.

Ex tempore de difficultibus non respondendum.

## LEX VIII. PAPINIANVS LIB. II.

## QVAESTIONVM.

**I**Mperator Titus Antoninus rescripsit, cum, cui aduocationibus in quinquennium interdictū esset, post quinquennium pro omnibus postulare nō prohiberi. Diuus quoque Hadrianus rescripserat, de exilio reuersum postulare posse: nec adhibetur distinctio, quo crimine silētium, vel exiliū sit irrogatum: ne scilicet pœna tēpore determinata, contra sententiæ fidem vltius porrigatur.



**E**X isto text. habetis, quod Aduocatus interdici-  
tus postulare per quinquennium, eo finito po-  
tuit ibi, & exul ad quinquennium, eo exacto redire  
poterit per istum tex. quia vltima dies permittit, &  
vt dicunt Doct. licentiat.

Et sic non requiritur superioris licentia, argu. l. si  
quando. in fi. bi. *His autem diebus effluxis liceat quidē  
restibus discedere à iudice nullam habente licentiam.* l.  
Falci. prima. in fi. ff. de Fal. Francisc. Cremen. singul.  
47. Consulimus. Decius in c. quæstioni. nota. vlt. de  
appel. facit l. prima. C. de his qui in exil. missi sunt.  
lib. 10. vide quæ scripsi in l. quod iussit. 2. nota. nu. 337.  
cum sequ. ff. de re iudi.

Erit tamen perpetuò infamis, si ex crimine infa-  
mante condemnatus fuerit. l. ad tempus. C. cod.

Natura  
sententiæ  
finitiva.

Nec refragatur quod sententia sit perpetua. l. fin.  
C. vt lite pendente. vbi docet Bald. naturam diffini-  
tiuam esse, vt perpetuum silentium imponat. l. seruus.  
C. de pœn. gloss. in c. ad Apostolicæ. de re iudic. in 6.  
ideò depositus ab officio, amplius illud habere non  
potest, nisi ex noua causa. l. prima. C. de postul. c. i. de  
renūtiat. l. si aliquid. vbi Patruus meus Rebuf. C. de  
suscepto. lib. 10. Bald. in c. primo. §. si duo. de pace te-  
nen. Hoc est verum, quādo simpliciter profertur, se-  
cus si ad tempus, vt hic, nempe castra per sententiam  
destruata nunquam reparari possunt sine Principis  
concessione. vt docet Ioan. Faber in d. l. seruus. ff. de  
pœn. Bar. in l. si quis adulterium. §. primo. ff. de adul.  
& Barba. in c. ex literis. col. 12. de Consti. & in repetit.  
c. Raynaldus. col. 85. de testa. quod limitat Feli. in d.  
c. ex literis. cau. 11. & in c. fraternitatis. de heret. etiam  
ex concessione Principis hoc fieri poterit.

• Et an sententia durare possit vltra iurisdictionē iu-  
dicis. gl. in c. à nobis. de senten. excom. Bald. in l. pri-  
ma. C. de postul. Imol. in c. primo. col. prima. de loca.  
Petrus de Bella Pertica. q. 400. super l. Imperator.

#### LEX IX. IDEM LIB. I. RESPONSORVM.

**E**X ea causa prohibitus, pro alio  
postulare, quæ infamia non irro-  
gat, ideòque ius postulandi pro  
omnibus non aufert, in ea tantum pro-  
uincia pro aliis non rectè postulat, in qua  
præses fuit, qui sententiā dixit. In alia ve-  
rò non prohibetur, licet eiusdem nomi-  
nis sit.

**P**rohibitus ab vno iudice ratione furti, vel falsi,  
vel alterius criminis infamiam irrogantis, postu-  
lare non poterit alibi: nam quocunque vadat, infa-  
mis est, & infamibus prohibitum est postulare, & si-  
cut lepra sequitur leprosum, ita & infamia hominē.  
gloss. in l. 4. ff. pro socio.

Prohibitus autem postulare in vna prouincia non  
ratione infamiæ, poterit in alia postulare, vt hic. in fi.  
quia hæc sententia non extenditur vltra locum, in  
quo iudex iurisdictionem habet, nec vltra ressortum  
& iurisdictionem Curie supremæ, ideò Aduocatus  
prohibitus postulare in Curia suprema Parisiensi ra-  
tione fortè contemptus, & in tota eorū iurisdictione,  
poterit Tholosa, vel alibi, extra eorum iurdictio-

nem, postulare.

Etiam si illa prouincia eius esset nominis, quod  
declarat Alcia. lib. 8. Parergon. c. 20. vbi scribit eas  
esse eius nominis, quia vna dicebatur Rhelia prima,  
altera Rhelia secunda, Belgica prima, & Belgica  
secunda.

Quando dicitur Aduocatus infamis? Respondeo,  
dum prohibetur postulare ratione criminis infamiæ  
inducentis, quæ exprimuntur in l. prima. infra. titul.  
proxi. Si verò prohibeatur, quia verbosus sit, vel ex  
alio crimine infamiam non trahente, non erit infa-  
mis, & in alio foro postulare poterit. Et sic Aduoca-  
tus verbosus, officio Aduocationis priuari potest. Et  
hanc gloss. singul. adducit Roma. singul. 739. An ni-  
mis. & in additio. ad Panor. in procem. Decretal. col.  
3. ac Purpura. in 3. q. nu. 105. cum seq. de offi. Assesso.  
c. infames. 3. q. 7.

Aduocatus  
verbosus.

Gloss. vltima allegatur singul. à Bald. in marga. in  
verbo, castrum. q. 2. quod castra & municipia debet  
regi statutis, & consuetudinibus ciuitatis, pro his est  
text. in c. cum olim, vbi plenè tractant interpretes,  
de consuetu.

Quod est verum, quando ipsa municipia nō ha-  
bent specialia statuta. Socin. consil. 74. In præsent. in  
primo vol. & Ioannes Baptista, in repeti. l. omnes po-  
puli. col. 14. ff. de iusti. & iure. Barba. in c. nouit. col. 9.  
de iudic.

#### LEX X. PAVLVS LIB. SINGVLARI REGVLARVM.

**I** qui fisci causas agunt, suam, vel  
filiorum, vel parentū suorum, vel  
pupillorum, quorum tutelam ge-  
runt, causam etiam aduersus fiscum agere  
non prohibentur. Decuriones quoque cō-  
tra patriam suam causam agere prohiben-  
tur, præter superiores personas.

#### LEX XI. TRIPHONIANVS LIB. V. DISPUTATIONVM.

**A** Principe nostro rescriptum est,  
non prohiberi tutorē adesse pu-  
pillo in negotio, in quo Aduoca-  
tus contra patrem eius fuisset. Sed & illud  
permisum ab eo est, agere tutorem pupil-  
li causam aduersus fiscum, in qua aduersus  
patrē pupilli, ante Aduocatus fisci fuisset.

**C**olligite, Aduocatum fisci non posse pro alio  
postulare, quia in negotiis Regiis est satis oc-  
cupatus.

Quod est verum, quando iusta habet stipendia,  
ex quibus viuere possit, alias contrā, ideò in hoc re-  
gno Aduocati fisci, in Curiis supremis præfecti, pro  
aliis non postulant, quia iusta habent stipendia, & ne-  
gotiis publicis valde occupati sunt, ideò ea non de-  
bent deserere.

In aliis verò Curiis inferioribus pro omnibus po-  
stulare solent, si causa fisci non agatur, vel fisci nō in-  
ter sit, alioqui fame periret, cū parua habeat stipendia.

Tamen

Aduoca-  
tus fisci,  
quādo pro  
alio postu-  
lare probi-  
beatur.



Tamen patroni fisci causas eorum rectè tuentur, etiam contra fiscum, quia ordinata charitas incipit à seipso. l. Preses. C. de seruitu. & aqua. Poterit etiam postulare pro filiis suis, parentibus, & pupillis, quorum tutelam gerunt, etiam contra fiscum: nam quod ad priuatum commodum attinet, maior charitas esse debet in seipso, & parentibus, & filiis, quàm erga fiscum, secus quoad statum publicum, cui potius quis debet fauere, quàm patri. l. humine. ff. de religios. Non prohibetur etiam Aduocatus fisci postulare pro pupillo, cuius tutelam gerit, etiam si contra patrem eius fuisset Aduocatus. l. fin. ff. hoc tit. de postul. Triginta priuilegia Aduocati fisci scripsi in tit. de elect. deroga. in Concorda. Franciæ. alia, si operæpretium fuerit, dicam in tit. de Aduocat. in Constit. Reg.

## De his qui notantur infamia.

TIT. II.

## S V M M A R I A.

- 1 Debitores bonis cedentes, quamuis eorum bona idcirco uenerint, infames non sunt.
- 2 Infames neque dignitates, neque beneficia obtinere possunt.
- 3 Mulctatus tali causa, quæ infamiam irrogat, in Francia infamis non erit.
- 4 Frater rumpit testamentum fratris per institutionem illegitimi.
- 5 Restrigitur.

Infamia triplex.



Iste titulus declarat, qui notentur infamia, & causas ex quibus, & est facilis, & ad eius intellectum notandum est triplicem esse infamiam, iuris, facti, & iuris & facti simul. Iuris infamia est, quæ à iure imponitur, ut si quis condemnatus furti, iniuriarum, vel doli mali fuerit, & in aliis casibus, in l. j. & per totum istum titulum, cõscriptis. Et interdum à iure infligitur, etiam sine sententia, sed ipso iure. l. amissione. §. j. ff. de capit. diminut. l. infamia. C. de decurio. lib. 10. l. quisquis. C. ad l. Iuliam, maiest. Aufrer. in decisio. Tholos. q. 173.

Infamia facti est, quando factum, quod quis commisit, notat committentem apud bonos & graues, tamen à iure non notatur. text. in l. j. ff. de obsequiis. ibi, *Licet enim verbis edicti non habeantur infames ita condemnati: re tamen ipsa & opinione hominum non effugiunt infamia notam.* quem text. singul. notat Lanfranc. in repet. l. admonendi. col. 22. ff. de iureiur. in 1. conclus. Barbat. in c. 1. col. 5. de constit. & Ias. in §. sic itaque. num. 22. de actio. in Instit. Et debitores, qui bonis cesserunt, licet ex ea causa bona eorum uenerint, infames non sunt. l. debitores. C. eodem. quædam tamen infamia facti notantur apud bonos & graues, sicut increpatio patris in filios, l. ea quæ pater. C. eodem. si tamen talis infamia emanauerit apud plures. Panor. in cap. 2. col. 10. versic. ad ultimum. de ord. cognit. Alciat. in tract. præsumpt. regul. prima. præsumptio. 15.

Alia est iuris & facti simul, quæ mixta dici potest, & potest cõprehendi sub simplicibus, l. j. ff. de verb. oblig. Vnde si fur condemnatus fuerit furti, & fusti-

bus ea ratione casus, notatur vtrique infamia, licet ictus fustium, sine causa factus, non infamet, secus ex causa. l. ictus. infra eod. l. fustibus. C. eodem. sed furti damnatus citra verbera, iuris tantum infamiam patitur, l. furti. C. eodem. sed nullum infamiæ detrimentum patitur is, eod. quod in carcerem, vel vincula iussu iudicis coniectus est, l. j. ibidem. quia carceres etiam Sancti, vincula, & verbera experti sunt, ut docet Salomon in Eccles.

Alij dicunt infamiam quandam esse Canonicam, quam contrahere quis dicitur per peccatum, vel quando à canone infligitur, c. infames. 6. q. 1. ca. testimonium. vbi Doct. de testib. tamen omnes infames de iure ciuili, sunt etiam infames de iure Canonico, cum nihil in hoc sit ab eo iure immutatum. c. omnes verò. 6. q. 1. Innocen. in cap. qualiter. de accusa. & vterque suis remittit infamiam. cap. 1. vbi Archid. & Doct. 10. distinct. Felin. in c. cum te. de re iudic. Doct. in c. nouit. de iudic.

Effectus iuris infamiæ sunt, ut infames non possint dignitates obtinere. l. j. C. de dignita. vbi sic scribitur: *Neque famosis, & notatis, & quos scelus vita, aut turpitudine inquinat, & quos infamia ab honorum casu segregat, dignitatis porte patebunt.* l. j. C. de inf. lib. 10. item non possunt habere beneficia. cap. 2. de rescript. vbi Doct.

Testimonium ferre non possunt, nisi in causa symoniæ, & hæresis. c. tanta est labes. de symon. l. iij. §. lege. vbi Iacob. ff. de testib. dicunt in subsidium. l. ob crimen. ff. de testib.

Postulare etiam prohibentur, l. j. §. ait Prætor. supra. tit. proximo.

Non potest esse iudex, nec Assessor. l. j. ff. de Assessor. c. infames. 3. q. 7. l. iudices. C. de dignit. lib. 11.

Imò nec Notarius esse potest infamis, quia testis est Notarius de actu, quem conficit, l. Domitius. ff. de testamen. & infames sunt prohibiti à testimonio, ut dictum fuit, & licet vile sit Notariorum officium, quia omnibus seruire tenentur, l. vniuersos. C. de decur. tamen infames illud obtinere non poterunt. Lucas ibidem.

Et hanc infamiam solus Princeps remittere potest, si potestatem habeat supremam. §. de qua. supra. de postul. Panor. & alij in c. cum te. de re iudic. in spiritualibus autem Papa. c. idem. 2. q. 6. Barbat. consil. 3. Et quidem. in 2. vol.

Curia autem supremæ habent potestatem statuendi, ne condemnatus in infamiam incidat, sed postquam est infamis, non possunt remittere, ut dixi in l. aliud. ff. de verbor. signific.

Nec possunt hodie Curia supremæ, quod olim poterat Senatus, nec tantam habent potestatem, ut olim Senatus Romanus, ut est omnibus obuium. Hodie cum omnia crimina extra ordinem in Fræcia agantur, mulctatus etiam tali causa, quæ infamiam irrogat, non erit infamis. teste Spec. in tit. de senten. §. species. versic. quid in areragiis.

Infamiam verò facti solus Deus remittere potest, non autem Princeps, quia facta non potest tollere. c. ex tuarum. in fin. de purga. cano. & Alber. in d. l. j. ff. de obseq. text. in c. Euphœmum. ibi, *Infamiam tamen abolere non possumus.* 2. q. 3. potest tamen facere Princeps, ut illa facti infamia non habeat aliquem infamiæ effectum. c. cum in iuuentute. de præsumpt. cap. Mennam. 2. quæstione 4. quia illi effectus sunt

Infamia Canonica.

Infamia iuris effectus.

Infames ad testimonium non admittuntur.

Princeps solus iuris infamiam remittit.



de iure inducti, & hi sunt huius infamiae effectus.

*Effectus in-*  
*famia fa-*  
*cti.*

*Heredum*  
*infamia.*

Primò, turpitudine siue infamia facti segregat ab honestorum cœtu virorum. l. ij. C. de dignit. lib. 12.

Item frater potest rumpere testamentum fratris per querelam, si scripti hæredes infamiae, vel leuis notæ macula aspergantur, l. fratres. C. de inoff. testa. & sic infamia facti sufficit. Vnde si quis instituerit vsurarium, cùm sit infamis, l. improbum. C. eodem. frater testamentum irritabit querela, vt docet Matthæ. nota. 49. Quod omnes.

4 Imò, si frater instituisset illegitimum, alter frater ruperet testamentum, & obtineret fratris hæreditatem, Bald. in l. cùm autem. C. de instit. & substit. refert Benedictus in repet. c. Raynutius. in verbo, de clera. num. 28. de testam. nec poterit illa turpis persona aliquam detrahare quartam. vt docet Boleg. consil. 15. Viso casu. in fine.

5 Nisi institueret consanguineum turpem, vt sororem meretricæ, tunc consanguinitatis ratione frater non rumpet testamentum fratris, teste Hyppolito in l. vnica. num. 199. C. de raptor. virgi. & l. Diuus. nu. 5. de parricid. Diuersum est, si sacerdos filium suum spurium institueret, vt consuluit Ias. consil. 71. Præsentem. col. 2. in 1. vol. si tamen frater, vel soror fuerit institutus in aliquo, poterit petere legitimæ supplementum, & non rumpere testamentum in totum, per l. omnimodò. C. de inoffic. testam. quia non debet esse melioris conditionis, quàm descendentes, & ita iudicauit magnum consilium Neapolitanum, vt refert Matthæus de Afflictis decisio. 104. Quidam. sed communis opinio est in contrarium, quia in d. l. frater. non agitur de supplemento legitimæ, sed de testamento fratris rumpendo, & sic de omnibus bonis, vt alibi dicam.

*Spurius*  
*sacerdotis,*  
*institutus*  
*hæres.*

Repellit etiam à testimonio in criminali, & in arduis causis, glos. in l. iij. §. duæ. in verbo, non eandem fidem. de Carbo. edit. sed in ciuili non reicitur: de

fide tamen illius diminuitur, vt not. Doct. in l. j. C. de summa Trinit. Iacob. in d. l. iij. §. lege. col. vltim. ff. de testibus. quia probationes in criminibus debent esse luce meridiana clariores. l. fin. C. de probat. & testes omni exceptione maiores, vt docet Aufrer. in decis. Tholos. q. 173. Et ibi testes esse debent integræ opinionis, vt in probanda ingratitude vassalli, testes isti reiciuntur, per text. in cap. vnico. quod testes sint necessarij ad probandum ingritudinem. quem text. singul. dicit Ludouicus Roman. singular. 463. Dubitatio.

Etiam à dignitate iste infamis reicitur, l. ij. C. de dignitat. & l. infamia. C. de decurionib. lib. 10. Panor. in c. super eo. de elect. & à muneribus publicis: nam hæc officia mundis dari debent. c. ventum. 1. quest. 1. Ioan. de terra Rubea in tracta. contra rebel. Regis, 11. conclusionem 3. tractatu. artic. 10. & non recipitur ad tutelam illustris personæ, vel nobilis. Bal. in l. Cassius. ff. de Senat. Doct. in c. testimonium. de testib. Christoph. Porc. in §. suspectis. de suspect. tutor. in Instit.

Non recipitur etiam ad tutelam illustris personæ, vel nobilis. Bal. in l. Cassius. ff. de Senator. & Doctor. in c. testimonium. de testib. Christophorus Porc. in d. §. suspectis. de suspect. tutor. in Instit.

Adhæc notā illos infames, qui indigna sibi petunt loca, cap. infames. 6. q. 1. & per illum text. vides quot magistratus hodie sint infames, qui nedum loca indigna illis petierunt, verum etiam maximo pretio emerunt. ô ambitio! ô cæcitas! ô damnata symoniaca labes!

Vltimò est notandum in l. finali. infra eodem. ibi, *Si quis in bello ceciderit, & si corpus eius nō compareat, lugebitur.* per quem text. dicit Bartol. iustam probationem mortis esse, si aliquis intrauerit bellum,

& postea non reperiatur. Plura adducit

Cornel. consil. 251. in fin.

vol. primo.

DIGES





# DIGESTORVM

## LIBER QVARTVS.

### *De in integrum restitutionibus.*

#### TIT. I.

#### LEX I. VLPPIANVS LIB. XI. AD EDICTVM.



**V**ILITAS huius tituli non eget cōmendatione: ipse enim se ostēdit. Nam sub hoc titulo plurifariā Prætor hominibus, vel lapsis, vel circumscriptis subuenit: siue metu, siue calliditate, siue ætate, siue absentia inciderunt in captionem.

**I**N hac lege quinque modis quis restituitur, vel propter metum, vel propter calliditatem & dolum, aut propter ætatem, aut absentiam, siue si quis per errorem læsus fuerit, aut per status mutationem. l. ij. ibidem. & de his sunt tituli inferius.

#### LEX III. MODESTINVS LIB. VIII. ΠΑΝΔΕΚΤΩΝ.



**Q**Mneis in integrum restitutiones causa cognita à Prætorē permittuntur: scilicet, vt iustitiam earum causarum examinet, an veræ sint, quarum nomine singulis subuenit.

**I**Taque in integrum restitutiones, causa cognita, à Prætorē permittentur, scilicet vt iustitiam earum causarū examinet, an veræ sint, quarū nomine singulis subuenit, scilicet læsis. Et sic Prætor permittebat restitutionem fieri: causa tamen cognita, non aliàs. Item iustitiam causæ examinabat, id est, an iustum esset eum restitui ex causa allegata: præterea oportebat probare causam metus, vel aliam allegatam veram, & tunc demum Prætor restitutionem permittebat.

Hodie in hoc regno Princeps post facti narrationē concedit literas iudicibus suis directas, quibus mandat, vt petito rem restituant, si ita sit: & tunc iudices iustitiam causæ examinant, pars demum probat, quæ in literis allegauit, videlicet causam veram esse, & postea iudex his visis pronuntiat literas comprobandas esse, quod vulgò dicunt interinandas, & res

metu præstitas restituendas iudex decernit. Ista est praxis harum restitutionum, & iudices seculares non restituunt sine literis à Principe, vel Cancellaria emanatis, quod non procedit in Curiis supremis, quæ interdum solent etiam sine literis restituere, sed perraro, & de his restitutionibus edidi tractatum in Commentariis ad Constitutiones Regias in 2. tom. idè non repetam hîc.

#### LEX IIII. CALLISTRATVS LIB. I. EDICTI MONITORII.



**S**Cio illud à quibusdam obseruatum, ne propter satis minimam rem, vel summam, si minori rei vel summæ præiudicaretur, audiat is, qui in integrum restitui postulat.

**E**Tiam pro re minima restitui quem Prætor nō permittit, si maiori rei, vel summæ præiudicaretur, alioqui contrà: nam actionem de dolo permittit, si de duobus aureis agatur, l. non est. infra. de dolo. & pro aliis, quæ non sunt tam odiosæ, permittet etiam pro minimo damno actionem Prætor, in l. si proprietarius. in princ. ff. de damno infecto. & maiorem restituendum ex sola affectione permittit Iuriconsul. in l. si in emptionem. ff. de minor. & restitutio datur illi, quando aliquid minuitur. l. minoribus 25. annis subuenitur. infra. de minor.

Et sic per istum textum dicere possumus, quem restituendum etiam pro re minima, & sic etiam in rebus mobilibus quæ restituendum docent interpretes, si ultra dimidiam pretij iusti partē quis deceptus fuerit, l. ij. C. de rescin. vendit. c. cum causa. de empt. quod non seruatur ex consuetudine Franciæ. nisi res essent pretiosæ, vt firmat Masuer. in tit. de empt. §. item pro re mobili. & in stylo Parlamen. in titul. de actio. person. §. j.

Secundò, non restituitur quis pro re minima, si maiori rei, vel summæ præiudicaretur, vt si plures res sint vna summa venditæ: tamen vna res fuit non bene æstimata, si quis in illa velit restitui, non audiretur, quia fieret maiori rei præiudicium, quod non permittit iste text. & l. cum eiusdem. ff. de ædil. edict. Dec. consilio 421. Plenè. & cap. maioribus. de præbend. vbi in pœnalibus & odiosis limitat, vt si quis puniendus sit pro vulnere, non puniatur pro vulnuscule. l. j. §. vitium. ff. de ædil. edict. l. Senatus. §. Marcellus. de legat. j. Alexand. consil. 104. Statutum. in fin. vol. I. Ludouic. Roman. in repetit. l. si verò §. de viro. col. II. & sequen. ff. solut. matri. Corset. in suo tract. de nummis. & las. in consil. 63. col. 7. vol. 3. & in §. rursus.

*Restitutio  
pro re mi-  
nima.*

*Praxis re-  
stitutionū  
in Fræcia.*



§. rursus. de actio. in Instit. etiam docet Bart. in l. j. §. item solet. in fin. ff. de offic. Præf. vrbis. non vitari inuentarium si res modica omitta sit: quia de modico non curatur. Hic sexcenta similia possem adducere, verum ea omitto: nam Corset. in d. tractat. suo de nummis, multa congecit, quæ ibi videri possunt. Nam ego in cumulandis materiis non delector.

LEX V. PAVLVS LIB. VII.  
AD EDICTVM.



Emo videtur re exclusus, quem Prætor in integrum se restitutum pollicetur.

**P**er istam l. vidi maximam controuersiam, si is, qui vendiderat domum, deceptus ultra dimidiam iusti pretij, pro qua literas restitutionis impetrauerat, interim tanquam ciuis reputari debeat, & ad honores & munera admitti, ad quæ non recipiuntur non habentes ibi saltem vnam domum, & allegabatur hæc lex, ut is non videatur exclusus, quem Prætor se pollicetur restitutum, & qui actionem ad rem habet, rem ipsam habere Iuriscon. firmat, in l. qui actionem. ff. de regul. iuris. & in fauorabilibus hoc consentirem, in odiosis non habere rem, dicere possumus, ut Decius, & alij in d. l. qui actionem. docent, ubi alia scribuntur.

Pollicetur. ] Allegatur hic text. quod promissa, debita sunt, & huic text. adducit Bonus de Curtili in tractat. nobilitatis. in quarta parte. in 3. privilegio. quod promissa nobilium pro factis habentur. Nobilitas legē ponit, ut debere se existimet, quod sponte tribuit, c. primo. de donat. sed hoc est verum in veris nobilibus, at sola caro & genitura hoc non præbet, ut expertus sum in multis, & quicquid promittant, *non ty fidare*, quia plura promittunt, & pauca faciunt, & qui vidit, testimonium perhibet de his.

LEX VI. VLPIANVS LIB. XIII.  
AD EDICTVM.

**N**on solum minoris, verum eorum quoque, qui Reipub. causa abfuerunt, item omnium, qui ipsi potuerunt restitui in integrum, successores in integrum restitui possunt, & ita sæpissime est constitutum. Siue igitur hæres sit, siue is cui hæreditas restituta est, siue filii familias militis successor, in integrum restitui poterit, &c.

*Restitutio  
nis benefici-  
cium potest  
in alium  
transferri.*

**I**n integrum restitutiones transeunt in successores, si minor læsus, vel maior eam non petierit, poterit successor eam petere, l. non solum. cum seq. vide Francisc. Cremen. singul. 117. Hæres minoris. & hoc si tempora largiantur, id est, si contra tempus præstitutum petatur restitutio.

Et sic per istum text. patet beneficium restitutionis cedi posse, si fortè minor pauper erat, & non poterat prosequi, ut glos. & Doct. firmant. in l. si minoris. ff. de admin. tutor. Guido Papa in decisio. Delph. q. 141. si minor.

LEX VII. MARCELLVS LIB. III.  
DIGESTORVM.



Iuvs Antoninus Marcio Auito Prætori de succurrendo ei, qui absens rem amiserat, in hanc sententiam rescripsit. Et si nihil facile mutandum est ex solemnibus: tamen ubi æquitas euidens possit, subueniendum est. Itaque si citatus non respondit, & ob hoc more solito pronuntiatum est, confestim autem te sedentem pro tribunali adiit, existimari potest, non sua culpa, sed parum exaudita voce præconis defuisse: ideoque restitui potest.

**R**estituitur citatus, si non comparuerit eo tempore, quo in iudicio vocatus fuit, sed venit iudice sedente pro tribunali. Alber. in 2. parte statuto. quæst. 227. adducit hanc l. Ego autem posui regulam cum amplia. & limita. in tractat. de contuma. artic. 2. in tertio tomo Commen. ad Constitut. Reg. ideo hic non repetam.

LEX VIII. MACER LIB. II. DE  
APPELLATIONIBVS.



Minter minores 25. annis, & eos qui Reipu. causa absunt, hoc interest, quod minores annis, etiã qui per tutores curatorésue suos defensi sunt, nihilominus in integrum contra Reipub. restituuntur, cognita scilicet causa. Ei verò, qui Reipublicæ causa absit, cæterisque qui in eadem causa habentur, si per Procuratores suos defensi sunt, hæctenus in integrum restitutione subueniri solet, ut appellare iis permittatur.

**G**lossa plenè loquitur de absentia, quam probat Bald. in margar. in verbo, absentia. & Petrus Iacobi. in sua practica de in integrum restitut. in personali alia est glos. in c. biduum. in verbo, audiatur. 2. q. 6. & Dec. in c. consultationibus. col. 2. de officio deleg. Ias. & Gomes. in §. rursus. col. 2. de action. in Instit. alia dicuntur in tit. ex quib. caus. maior.

Notandum est quod absens Reipubl. causa si est legitimè defensus, restituitur ad appellandum, sed non ad totam causam, per glos. & Barto. hic. secus si non esset defensus.

*Absens  
Reip. causa  
quomodo  
restitu-  
tur.*

Sed si non possit appellari, utpote quia est à Curia suprema quis condemnatus, restituetur ad producendum illud instrumentum, vel ad faciendum illum actum, in quo fuit læsus: & ita vidi concedi literas, ut non obstante arresto illi, in quo Parlamento fuit iudicatum, secundum ius pronuntiarent, & talem impetranter reciperent, ad illud faciendum, quod fecisset, si absens non fuisset.



*De eo quod metus causa gestum erit.*

TIT. II.

LEX I. VLPIANVS LIB. XI.

AD EDICTVM.



It Prætor: **Q**UOD METVS CAUSA GESTVM ERIT, RATVM NON HABEBO. Olim ita edicebatur: **Q**UOD VI METVSVE CAUSA. Vis enim fiebat mentio, propter necessitatem impositam contrariam voluntati: metus autem, instantis, vel futuri periculi causa mentis trepidatione. Sed postea detracta est vis mentio: quia quodcunque vi atroci fit, id metu quoque fieri videatur.

**V**Lpian. hîc primùm Prætoris edictum, postea metus definitionem præbet, & demum verba edicti Prætoris elucidat: itaque consideranda sunt Prætoris verba, & edictum, quod sic conceptum fuit, **Quod metus causa gestum erit, ratum non habeo.**

Si res metu tradita, cautione, aut acceptilatio exorta, aut alioqui cui quid ablatum esse dicetur, neque ea res arbitrio iudicis restituatur, quanti ea res erit, in quadruplum intra annum, quo primum experiundi potestas erit, post annum in simplum, causa cognita, iudicium dabo.

Ista verba, **Quod metus causa gestum erit, ratum non habeo**, posuit Spiritus sanctus in ore Prætoris, & illa vox Prætoris est vox Dei per hominem prolata, ut refert Bald. & ibi Barbat. in titu. de controuer. inuesti. in fine. & Bald. in l. nominationes. col. 2. C. de appel. & Barbat. consilio 1. col. 3. in 1. vol. Postquam igitur hæc à Deo optimo maximo emanarunt, amplectenda & amplianda sunt, tanquam fauorabilia.

*Edicti due  
Partes.*

Imprimis duo continet hoc edictum. Primum, ut factum metu ratum non habeatur. Dicit Aesopus, Non stant fœdera facta metu. Secundum, si res metu tradita, aut alius actus perfectus arbitrio iudicis non restituatur, in quadruplum agetur intra annum: si post annum agatur, in simplum agi poterit, causa cognita.

Itaque postquam Vlpian. Prætoris posuerit edictum, refert olim in edicto Prætoris fuisse ista verba, **Quod vi metusue causa**, sed postea detracta est mentio vis, eo quod si quicquam vi fiat, & metu fieri censetur: ideo hæc dictio, metus, & vim continet, ut habetur in l. j. & seq. Vnde licet in hoc titulu. vis sit sæpe facta mentio, tamen hoc fit in factorum narratione, sed Imperator C. eodem. insequens edictum Prætoris inscripsit, de his quæ vi metusue causa fiunt, sic & Papa in Decreta. sed Vlpian. videns hoc non esse necessarium, omisit.

*Definitio  
metus.*

Secundo Iurisconsul. metum sic definit, cum in edicto sit metus habita mentio. Metus est instantis periculi, vel futuri causa mentis trepidatio: nã trepidamus periculum mortis instans, vel futurum, & ille

dicitur metus. Cicero libro 3. Tuscul. quæstio. dicit metum esse opinionem magni mali imponentis, & ægritudinem esse opinionem magni mali præsentis, vel est passio voluntatis contra naturam, quia homo est animal naturaliter liberum. teste Barbat. in rub. de testam. col. 5. in 1. lectura. & Aristotel. libro Ethicorum 3. metum veteres definisse ait, esse expectationem mali, metuimus autem omnia mala, ut infamiam, mortem, & similia, & cum ea de proximo expectamus.

Vnde solent Notarij, ut iste metus euitetur, in instrumentis dicere: *Talis Titius non vi, nec metu coactus, sed sponte, ac sua mera liberalitate donauit, &c. vel vendidit, &c.* ut docet Vital. de Camba. in tract. clausul. in clausula non vi, nec metu, quia actus factus metu, non valet iure naturali, ut dicit Innocen. in c. quod sicut. in glo. mag. de elect. quia est contra liberi arbitrij supremum thesaurum à Deo homini datum. Bald. in §. item sacramenta. colum. 2. de pace iuram. firman. Inferius dicetur, an valeat actus metu factus.

*Verba Notarij in instrumentis apponi solent.*

Ideo, si Notarius istam clausulam, *non vi, &c.* apposuerit, inesse sciens metum, puniri debere extraordinem, si postea probatus sit à parte metus: debet ergo cauere Notarius ne hoc scribat, si verum non sit, ut docet Ias. in authen. sacramenta. nu. 24. & seq. C. si aduers. vendit.

Atroce vim vocat hîc Iurisconsul. eam, quæ fit contra bonos mores, & maiorem & acerbiorē, quàm sit cõmuniter, & maioris mali, vocat in l. iij. & v. Et atrox iniuria quæ dicatur, dixi in §. atrox. de iniur. in Institut. declaravi in tit. ff. de verbor. significatio. quid sit.

*Vim atrox, que vocatur.*

LEX III. VLPIANVS LIB. XI.

AD EDICTVM.



Continet igitur hæc clausula, & vim & metum: & si quis vi compulsus aliquid fecit, per hoc edictum restituitur Sed vim accipimus atrocem, & eam, quæ aduersus bonos mores fiat: non eã, quæ magistratus rectè intulit, scilicet iure licito, & iure honoris, quem sustinet. Etenim si per iniuriam quid fecit populi Romani magistratus, vel prouinciæ Præses, Põponius scribit hoc edictum locum habere: si fortè, inquit, mortis aut verberũ terrore pecuniã alicui extorserit.

**I**N hac lege dicitur vim inferri à magistratibus duobus modis posse, aut licito iure, & iure officij quod obtinet, aut illicitè: licitè fit, si quis sub pœna tenebatur soluere centum, vel iurauerat, si iudex illi præcipiat, ne soluat, excusatur ratione præcepti iudicis, & iure fit licito. l. fin. ff. de lege commissio. nisi pars procurauerit. Bald. in c. sanè. de offic. delegato. Felin. in cap. cum contingit. in fin. de rescript. Dec. in l. nõ videtur. §. qui iussu. ff. de regul. iur. & consil. 98. Iuridicam. quia semper excepta videtur auctoritas superioris. c. venientes. de iure iur. & iuris executio non habet iniuriam. l. iniuriarum. §. j. ff. de iniur. l. quemadmodum. §. si magistratus. ad legem Aquil.

*Vim à magistratibus fit duobus modis.*

Ias.



Prætor: nam ratum non habere, est non comprobare, nō agnoscere, quod actum sit: l. quo enim. & l. Paulus. ff. rem rat. hab. idē Prætor nō potuit actum de iure gentium factum validum annullare, sed quia ratum non est, debet annullari. d. l. quo enim. in fi. ibi, *Eundem actum retractet.* l. qui cœtu. ibi, *Quæ per vim sibi aliquem obligauit.* nam eam obligationem lex rescindit, ff. de vi pub. & hoc fit officio iudicis, vt in l. metum. §. ex hoc edicto. infra eodem. facit l. fin. C. eodem.

Consensus  
debet esse li-  
ber in ma-  
trimonio.

Quod limitant Doctores in dote promissa, & matrimonio, quæ non valent, nisi consensus sit liber, c. cum locum. de sponsal. & nuptias non concubitus, sed consensus facit. l. nuptias. ff. de regul. iur. & in casibus traditis per Doct. in cap. Abbas. eodem tit. per gloss. Notabilem.

## S V M M A R I A.

- 1 Pater plus torquetur in filio, si filius ad supplicium ducatur.
- 2 Filius, herede extraneo instituto, de melioribus bonis patris potest legumam eligere.

LEX VIII. PAVLVS LIB. XI.  
AD EDICTVM.

Hæc, quæ diximus ad edictum pertinere, nihil interest, in se quis veritus sit, an in liberis suis: cum pro affectu magis in liberis terreantur.

Metus li-  
beris illa-  
tus.

ETiam nō solum attenditur metus nobis illatus, sed & ille, qui liberis nostris infertur, quia nihil interest in se quis veritus sit, an in liberis suis, cum pro affectu, id est, ratione affectionis, quam in filios habet parentes, magis in liberis terreantur, quam in se, l. isti quidem. infra eodem. attenditur etiam metus consanguineorum, c. sciant de elect. in 6. & paternus affectus omnem alium vincit l. fin. C. de cura. furios. & naturalis stimulus patrem hortatur ad cogitandum pro filiis, l. amicissimos. in fi. ff. de excusat. tuto. l. Aurelius. §. Titius. de liber. legat. & omnia filiis ex voto paramus. l. scripto. ff. vnde libe. & Virgilius:

*Omnis in Ascanio chari stat cura parentis.*

Et plus diligit pater filium, quam seipsum, ad hoc allegatur iste text. & aliquando, vltra quam debeat: nam multos damnatos patres in inferno propter filios referunt Theologi.

Filius in  
cōspectu pa-  
tris quando  
torquendus  
sit.

Ex hac l. multiplex elicitur utilitas. Prima, vt si pater & filius capti sint, tortura debet inchoari, in conspectu patris, contra filium, l. vnus. ff. de quaestio. quia pater plus torquebitur in filio, & fertur Carolus Magnus, cum dubium esset vtrum pater vel filius interfecisset quendam, finxisse ambos suspendere voluisse, & prius filium patre, sed cum filius in furcis fuisset, patrem se occidisse cōfessum, & filium euasisse. Ias. refert in l. si is qui. numero 172. col. 40. ff. de vsucap.

Secunda est, quod si pater filium suū proditorem, vel homicidā, Regi vel Principi obtulerit, Princeps eidem filio veniam dare debet, aut saltem leuiter castigare. l. milites. §. desertorem. ff. de re milit. vbi sic

scribitur: *Desertorem, qui à patre suo fuerit oblatum, in deteriore militiam Diuus Pius dare iussit, ne videatur, inquit, pater ad supplicium filium obtulisse.* Vide Liuium de bello Punico, qui dicit proditorem filium à patre Hannibali oblatum, liberatum in Campania. Idem docet Capola cautela 1. & Ias. in l. j. col. ij. C. de his quibus vt indign. & Hyppol. in l. inauditum. col. 4. ff. de sicariis. & l. Diuus. de parric.

Filius pro-  
ditor à pa-  
tre oblatum  
Hannibali  
& libera-  
tus.

Tertiam docet Barbat. in repetit. cap. Raynaldus. col. 143. de testam. vbi inquit filium posse eligere legitimam in rebus melioribus sui patris, si hæres extraneus institutus sit, quia verisimile est, si pater illi dedisset, hoc fecisset ratione amoris & affectionis, alibi dicam. Vide quæ scripsi in l. liberorum. ff. de verbor. signific.

## S V M M A R I A.

- 1 Inuare alium cum periculo persone quis non tenetur.
- 2 Plures metum adhibentes, vno conuento, ceteri liberantur si rem restituant.
- 3 Actio quod metus causa, quod tendat.

LEX IX. VLPIANVS LIB. XI.  
AD EDICTVM.

Etum autem præsentem accipere debemus, non suspicionem inferendi eius: & ita Pomponius libro vicesimo octauo scribit. Ait enim metum illatum accipiendum, id est, si illatus est timor ab aliquo. Deniq; tracta, si fundum meū dereliquero, audito quod quis cum armis veniret, an huic edicto locus sit, & refert Labeonem existimare, edicto locum non esse, &c.

MEtum etiam illatum esse debere, id est, præsentem, non autem suspicionem inferendi sufficere dicunt. Vnde si dereliquero fundum, audito quod quis cum armis veniret, non esse me restituendum Labeonem existimare, quoniam non videor vi deiectus, qui deiici non expectaui, sed profugi, aliter atque si posteaquam armati ingressi sunt, tunc discessi: huic enim edicto locum fore. l. metum. magna.

Quartò, docet Iurisconsul. à quo metus illatus puniendus sit. & in l. metum. §. animaduertendum. infra. dicit à quocunque illatus sit metus puniendus: quia lex generaliter loquens, generaliter est intelligenda, l. prima. ff. de lega. præstan. maximè quando in rem loquitur, vt quod metus causa gestū erit, &c. & in l. prima. ff. de his qui deiecer. & tunc comprehenditur siue singularis persona, siue plures, siue populus intulerit, siue vniuersitas, collegium, vel corpus, & vim factam à quocunque Prætor complectitur. §. sed licet. vbi eleganter Pomponius ait: *Si quo magis te de vi hostium, vel latronum tuerer, vel liberarem, aliquid acceperim à te, vel te obligauero, non debere me hoc edicto teneri, nisi ipse hanc tibi vim submisi: ego enim potius opera mea mercedem acceperisse vi-*



*Donatio per metum facta.* *deor.* Per quem text. singul. inferitur, quod donatio remuneratoria, metu facta, non reuocatur, quia operæ meæ mercedem accepisse videor, nec propter ingratitudinem: laboris enim merces eximij appellanda est, quod contemplatione salutis certo modo æstimari non placuit. Paul. in l. si pater. in fine. ff. de donatio. est enim remuneratio permutationis quoddam genus. l. sed et si lege. §. consuluit. ff. de peti. hæred. Barbat. in tractat. de præstan. Cardin. in tertia questione primæ partis. numero 32. & consilio viciesimosexto. Sapienter. columna duodecima. in secundo volumine. Curtius Senior, consilio 67. Sapienter. ac Ioannes Lupus in repetitio. cap. per vestras. §. 50. columna 2. de donat. inter virum & vxor. folio 29.

Et sic Bartol. per istum textum docet vnum, videlicet quem non teneri iuuare alium, cum mercedem recipere possit per istum textum, & l. quartam. §. si tibi. ff. de conditione ob turpem caus. l. solent. de præscript. verb. intelligunt Doctor. de iure ciuili, & cum periculo personæ, aliàs contrà. l. culpa caret. vbi Doctor. ff. de regul. iuris. Bart. & Ias. in l. vt vim. de iustitia & iure. Doctor. in c. 1. de offic. delegat. & Felin. in c. 1. de hæret.

*Gestū, quid significet.*

Et gestum, significat actum sine verbis factum, l. Labeo. ff. de verborum signification. & secundum hoc si plures metum adhibuerint, & vnus fuerit conuentus, siquidem sponte rem ante sententiam restituerit, omnes liberati sunt, c. item si cum exceptione. infra eodem. sed & si id non fecerit, sed ex sententia quadruplum restituerit, verius est etiam sic perimi aduersus cæteros quod metus causa actionem, aut in id dabitur aduersus cæteros actio, quod minus ab illo exactum sit. dicta l. item si cum exceptione. in fine. cum l. sequen. vbi Vlpian. ait, *Idem dici, si ad alium res peruenerit, & alter metum adhibuerit.* ff. quod metus causa.

*Actus metu factus quomodo annullandus.*

Quintò, Iuriscon. declarat quomodo actus metu factus annuletur. Respondeo, siue negotium perfectum sit, siue imperfectum, datur actio & exceptio, vnde cum Campani metu illato extorssissent cautionem pollicitationis à quodam, Imperator rescripsit hinc dandam actionem aduersus Campanos, vt rescindatur hæc stipulatio, & pollicitationis cautio, vel instrumentum, & si Campani petant, exceptione repelli debent. & Pomp. ait, In perfectis & actionem & exceptionem competere, in imperfectis autē solam exceptionem. §. sed quod Prætor. & seq. huius l. metus. hoc nostro titulo. nam licet ex instrumento obligatorio nulla sit facta executio, quia deinceps fieri posset: idèd actio dabitur ad infirmandum hoc instrumentum, siue hanc cautionem, quod est notandum.

Sextò adiicit Iurisconsult. quæ actio detur ad infirmandum id, quod metu factum est? Respondeo, dari primò actionem quod metus causa, quæ tendit, vt metum passus in integrum restituatur. §. sed ex facto. ibi, Rescriptum esse ab Imperatore nostro posse eum à Prætorē in integrum restitutionem postulare, & sic vt rescindatur actus metu factus, quia Prætor non habet ratum gestum: ergo ille actus est annullandus, & rescindendus, & officio iudicis, sed quomodo hoc fieri debeat, audi.

S V M M A R I A.

- 1 *Actio quod metus causa contra quemcunque possessorem rei datur.*
- 2 *Actio in rem scripta dicitur, quæ rem sequitur, licet actio sit personalis.*
- 3 *Pæna ad heredem non transit. Restrigitur. ibidem.*

§ Ex hoc edicto restitutio talis facienda est, id est in integrum officio iudicis, vt si per vim res tradita est, retradatur, & de dolo, sicut dictum est, repromittatur, ne fortè deterior res sit facta. Et si acceptilatione liberatio interuenit, restituenda erit in pristinum statum obligatio: vsque adeò, vt Iulianus scribat libro 4. Digestorum, Si pecunia debita fuit, quæ accepta per vim facta est, nisi vel soluatur, vel restituta obligatione iudicium accipiatur, quadruplum eum condemnandum. Sed & si per vim stipulanti promiserit, stipulatio acceptò facienda erit. Sed & si vsusfructus, vel seruitutes amissæ sunt, restituendæ erunt.

**R**estitui autem debet quod abest, si nuda possessio sit, & illa ipsa restituenda erit cum fructibus. l. si mulier. §. primo. infra eodem. Ecce ergo restituendum esse omne illud, quod à nobis abest, vel abesse potest, metu à nobis extortum, & postquam promissio metu facta accepto ferenda erat: ergo erat obligatio. §. item. quib. mod. tollit. obligat. in Instit.

Item postquam rescissus est contractus, vel actus metu initus, seu acceptilatio, vel alia liberatio, datur actio in rem, & in personam. In rem tunc datur actio, si dederim fundum metu, & donatio rescissa sit, nil superest, nisi vt rem vendicem: quia res in bonis eius est, qui vim passus est: finiri tamen actionem in rem, si in quadruplum quis egerit, vel si actione in rem egerit, finiri actionem in quadruplum. §. licet. l. metum. eodem.

Si verò centū debebas actione ex empto, & metu liberatus fuisti, si liberatio rescissa sit, datur actio personalis ad petendum debitum, ea videlicet actio, quæ prius competebar.

Seprimò, cui hæc actio detur? Respondeo, metum passio. l. iij. ibi, *Et si quis vi cōpulsus aliquid fecit, per hoc edictum restituitur.* & per totum hunc titulum. Item datur hæredibus illius, cæterisque successoribus, si ad eos res peruenerit, quoniam hæc actio rei habet persecutionem. l. quod dicimus. §. si verò. hoc tit.

Octauò, videndum est contra quem detur hæc actio, & Iuriscon. probat dari aduersus omnes, non solum aduersus eos, qui metum intulerunt, verum etiam cōtra alios: in hac enim actione non quaeritur vtrum is, qui conuenitur, an alius metum fecerit: sufficit enim hoc docere metum esse illatum, vel vim, & ex hac re eum, qui conuenitur, etsi crimine caret, lucrum tamen sensisse. d. l. item si cum exceptione. §. in hac. & in d. l. metum. in fin. sic Vlpian. ait, *Cum autem hæc actio in rem sit scripta, nec personam vim facientis cōerceat, scilicet solum, sed aduersus omnes restitui velit, quod metus causa factum est, in rem scripta*

*Possessio quomodo restituenda.*

*Actio in rem propter actum metu rescissum.*

*Actio personalis propter metum illatum.*



scripta ideò dicitur : quia datur contra quemcun-  
que possessorem rei , & ad quemcunque peruenierit,  
2 sicut si actio esset libro, vel alteri rei scripta, ad quem  
liber vel res perueniret, & scripta in eo peruenirent:  
ita actio in rem scripta vocatur, quando rem sequi-  
tur, licet actio sit personalis : nam eo quod metu me  
coegisti ad dandum damnum, ex maleficio es mihi  
obligatus actione personali, vt toto tit. de oblig. quæ  
ex malefic. in Instit. & si illa domus ad alium deue-  
niat, actio in rem scripta est, vt detur in illum. sic in  
l.ij. §. est autem. ff. ad exhib. §. omnium. de action. in  
Instit. per Ias. & alios.

*Fideiussor  
per vim ac-  
ceptilatio-  
ne libera-  
tus.*

Vnde si fideiussor vim intulit, vt accepto libera-  
retur, in reum etiam restituendam actionem, & ad-  
uersus reum competere actionem hanc, cum in rem  
sit scripta, §. fin. & cum metus habeat in se ignoran-  
tiam, merito quis non adstringitur, vt designet quis  
ei metum, vel vim adhibuerit : & ideò ad hoc tantum  
actor adstringitur, vt doceat metum in causa fuisse,  
vt alicui acceptam pecuniam faceret, vel rem trade-  
ret, vel quid aliud faceret, nec cuiquam iniquum  
videretur, ex alieno facto alium in quadruplū con-  
demnari, quia non statim quadrupli est actio, sed si  
res non restituatur. d. §. in hac. & in l. illud.

*Debitor  
vim inse-  
rens.*

Hoc verum est, si ex facto debitoris, metum adhi-  
bentis fideiussores acceptilatione liberati sunt, etiam  
aduersus fideiussores agi posse, vt se reponant in  
obligationem, l. non interest. C. eod. vbi non interest  
à quo vis sit adhibita, nec an sit vendita minoris,  
quam res esset, quia metu factum annullabitur, vt  
ibi interpretes docent : imò in hæredes & cæteros in  
3 id quod peruenit ad eos, non immerito datur : licet  
enim ad hæredem pœna non transeat, attamen quod  
turpiter, vel scelere quæsitum est, ad compendium  
hæredis non debet pertinere, id est, ad lucrū, l. quod  
dicimus. in fin. infra eodem. & sufficit semel perue-  
nisse ad proximum hæredem, vt perpetua actio esse  
cœperit.

#### S V M M A R I A.

- 1 *Nemo sine actione agere debet.*
- 2 *Possessio à reo, processu pendente, non est auferenda.*
- 3 *Dignitate aliis præcellentes imprimis iuris debent esse obseruatores.*

#### LEX XIII. CALLISTRATVS LIB. V. DE COGNITIONIBVS.



**E**Xtat enim decretum Diui Marci  
in hæc verba : Optimum est, vt si  
quas putas te habere petitiones,  
actionibus experiaris. Et cum Marcianus  
diceret, vim nullam feci. Cæsar dixit:  
Tu vim putas esse solum, si homines vul-  
nerentur? Vis est & tunc, quoties quis id,  
quod deberi sibi putat, non per iudicem  
reposcit.

**E**Xtat enim decretum Diui Marci in  
hæc verba. ] Ex hoc textu colligunt, verba  
interdum ipsa referenda, vt hîc Iuriscôn. facit, & in

l. j. ff. ex quib. caus. maior. ibi, *Verba autem edicti talia  
sunt, &c.* & regulariter Iuriscôn. referunt verba Præ-  
toris necessaria.

Decretum pro constitutione accipitur hîc, quam  
tamen Princeps promulgabat, nisi causa cognita, &  
tunc dicebatur decretum : si autem motu proprio,  
edictum appellabatur : per epistolam verò, quando  
ad consultationem alicuius, teste Theophilo in §.  
fed & quod Principi. de iure natur. in Instit. vide glo.  
in princ. 3. dist. in verbo, omnes. in Decret.

*Edictum,  
quod pro-  
prio dica-  
tur.*

Optimum est, vt si quas putas te habere  
petitiones, actionibus experiaris. ] Et notan-  
dum est, Marcianum quendam creditorem, viden-  
tem suum debitorem, ei nolle soluere, coegisse eum,  
vt solueret, qui debitor conquestus est Diuo Mar-  
co Imperatori, qui sic alloquitur Marcianum credi-  
torem : Optimum, &c. vt si aliquas habeat peti-  
tiones, experietur actionibus, id est, agat, & actione  
experietur, & per iudicem id, quod sibi deberi putat,  
reposcat : & si quis aliquod ius de quacunque re, vel  
facto, contra aliquem se habere putauerit, & iudi-  
ciali aseat potestatem, & per eam ius sibi compe-  
tens exequatur, in tit. de pace & iura. firman. §. j. glo.  
hîc aliquos casus scribit, in quibus propria autori-  
tate pars procedere potest. Specul. alios in titulo de  
action. in §. item quod vult. ac Bart. alios in l. gene-  
rali. C. de decurion. lib. 10. Ioan. de Platea in l. nemo.  
de exact. tributorum. In hoc tamen regno Franciæ  
parum fit sine iudicis autoritate, & ideò nō seruan-  
tur hi casus, vt alibi dicam, & hîc petitio non accipi-  
tur pro actione in rem, vt in l. actio. ff. de action. &  
obligat. sed pro postulatione, vt, si quid velis petere,  
reposce hoc coram iudice, & actione experiaris : age,  
& non procedas de facto. Et per hunc text. dicunt  
Pragmatici, omnem viam facti prohibitam : & si  
quis rem suam consequi velit, agere debet, & sic co-  
gitur quis litigare, si velit suam rem, vel ius, aut tue-  
ri, aut repetere, alioqui auferetur ab eo.

Etiam probatur in isto text. neminem agere de-  
bere sine actione, facit l. item si pupilli. in fine. ff. de  
negot. gest. nisi illa actio nasci debeat in contestatio-  
ne, l. si Titius. ff. de verbor. obligation. & docet Cal-  
listratus in l. penult. ff. de vi priuata. vt interim pen-  
dente processu morari debeat reus in possessione, &  
tu petitor esse : nam processu pendente non est  
auferenda possessio à reo, l. si à contrario. ff. de rei  
vendic.

Subsequitur in text. Et cum Marcianus di-  
ceret, vim nullam feci, negabat se Marcianus  
vim fecisse, dicens : Obtinui à debitore meo, quod  
ei dederam, videlicet centum mutuaueram, centum  
coegi mihi reddi : ideò nullam vim feci. Ex hoc text.  
colligitur primam reorum responsionem esse infi-  
ciationem : faciles enim sunt homines ad negandum.  
l. item si vnus. in fine. ff. de arbit. ideò solent interro-  
gari super veritate, vel credulitate, sed pauci sunt qui  
veritatem dicant.

*Inficiatio,  
prima reo-  
rum respo-  
sio.*

In text. Cæsar dixit : Tu vim putas esse so-  
lū, si homines vulnerentur. ] Ecce quomo-  
do Cæsar reprehendit Marcianum intelligentem  
vim esse tantum, quando homines vulnerantur, de  
qua scripsi in l. liberationis. ff. de verborum significa-  
tione. suprâ.

Per istum textum colligere possumus reprehen-  
P. Rebuffi Lectura. E c 2



dendos esse eos, qui lites incipiunt, nisi prius intelligant, de qua re agitur, vt scripsi in proœmio Consti. Reg. Vis enim est, & tunc, quoties quis id, quod debet sibi putat, non per iudicem reposcit. in l. penult. de vi priua. additur: *Non puto autem nec verecundia, nec dignitati, nec pietati tue conuenire quicquam, non iure facere.* per quem text. apparet esse dedecori ei, qui aliquid contra ius facit, & contra pietatem, ac dignitatem, quia homines maximè in dignitate positi, iura seruare debent. l. leges. C. de legib.

## S V M M A R I A.

- 1 *Creditor propria autoritate bona debitoris occupat, tertia parte bonorum mulctatur, & fit infamis, iusque crediti remittit.*
- 2 *Hoc in regno Francia non seruatur.*

§. Quisquis igitur probatus mihi fuerit, rem vllam debitoris, vel pecuniam debitam non ab ipso sibi sponte datam, sine vlllo iudice temere possidere, vel accepisse, isq; sibi ius in eam rem dixisse, ius crediti non habebit.

**C**olligitur ibi, Probatum, Principem nō debere credere, nec reddere ius, nisi de eo quod illi probatum fuerit. l. *Si probaueris pradia, vel hortos, de quibus agebatur, tuos esse, &c.* C. si alien. res pignor. da. fit. & per totum tit. de probat.

*Creditor  
re debito-  
ris, suum  
faciens.*

Ex hoc text. vt breui materia colligatur, facio casus sequentes. Primus est, si creditor rem debitoris propria autoritate pro suo debito acceperit, debitum amittit, & illam rem debitori restituere compellitur actione rei vendicationis, d. l. penult. ff. de vi priua. vbi etiam dicitur si in rem debitoris intrauerit nullo concedente, intellige quacunque res fuerit, siue mobilis, siue immobilis, per hunc textum, ibi, *Vllam rem, & §. penult. vi bon. rap. in Instit.*

Et quamuis hic text. dicat, rem debitoris, & genitiuis denotet dominium regulariter, vt Docto. tradunt in proœm. Digest. scripsi in titulo de verborum significatio. ff. tamen idem esset si precario data esset, vt in tit. ff. & C. de preca. Idem si auferat rem, quam creditor iure pignoris, depositi, vel commodati habebat, eò quòd illam rem domino hi restituere tenebuntur, & auferens furtum committit. §. aliquando. & §. item si fullo. cum §. seq. de obligat. quæ ex delicto nascuntur. in Instit.

Siue illa res esset propria debitori, siue sit debita creditori, vnde Deuterono. 24. cap. scribitur: Cum repetes à proximo tuo rem aliquam, quam debet tibi, non ingredieris domum eius, vt pignus auferas, sed stabis foris, & ille tibi proferet quod habuerit.

*Creditor  
vim faciens  
debitori.*

Alius casus est, Creditor accipiens pecuniam debitam à suo debitore non sponte, sed vi, perdit debitum, & pecunia ab eo repetitur. l. sed & si partus. in fin. supra. ibi, ius crediti amisisse.

Intelligitur iste text. Non sponte sibi datam, Cessat ergo hæc constitutio, si sponte debitor dederit, quia volenti non fit iniuria, nec dolus, l. prima.

ff. de iniur. & sponte dicitur facere, si voluntariè hoc facit. l. finali. ff. qui & à quibus. authentica, sacramenta pub. C. si aduer. vendit. & in rubr. C. de his qui sponte munera pub. subeunt. lib. 10. C.

**Sine vlllo iudice.]** Intelligi potest tam de iudice competente, quam de incompetente, vnde si à debitore res iudicis autoritate remota sit, vel pecunia, non amittet creditor debitum, etiam quia hoc non facit temere, vt dicit iste text. facit l. aded. §. ex diuerso. in fin. ff. de acquir. rerum domin. l. cum quem temere. de iudic. l. magistratos. vbi Lucas. col. 3. de professio. lib. 10. C. & in l. si. de priuileg. eorum qui in sacro pala. milit. lib. 12.

Vnde interdum vidi quendam iudicem abesse à loco, in quo erat Præfectus, & in eius præsentia duo cum contenderent, & vnus alium cogere vellet, ipse iudex dicit vni, vt præstaret equum, cuius dictum sequens præstitit, non potest is agere actione quod metus, quia si sine iudice sponte tradidisset, conqueri non posset, fortius, cum coram iudice etiam incompetente. facit glossa in l. viuum. ff. si certum petat. in glos. vlt. & §. serui. de libert. in Institut. & quia eam re non occupat, vt dicit d. l. si. ff. de vi priua. sic si creditor sine autoritate iudicis res debitoris occupet, hac l. tenetur. & in tertia parte bonorum mulctatur, & fit infamis, & per illum tex. vidi opponi interdum contra vnum nobilem infamiam, eò quòd alium sic spoliasset, sed hoc intelligitur post sententiam, non ante. l. 3. ff. de testib. §. lege Iulia.

*Dans equi  
corā iudice  
incōpetente.*

Temere etiam dicitur, qui sine iure, vel authore, possidet. cap. eum qui. de præbend. in 6. dixi de verb. significat. ff. de hoc verbo pleniùs.

**Isq; sibi ius in eam rem dixisse, ius crediti non habebit.]** In l. qui iurisdictioni præest, non potest sibi ius dicere, nec liberis suis, l. qui iurisdictioni. ff. de iurisdic. omn. iud. sed ibi, ius dicere, est iurisdictionem administrare.

Hic autem ius sibi dicere, est propria autoritate, vel rem alienam sibi debitam occupare, vel pecuniam accipere, & temere, vt in hoc text. nam Iuriconsul ait, Non est singulis concedendum, quod per magistratum publicè possit fieri, ne occasio sit maioris tumultus faciendi.

Imò, etiam fuit per Senatum reprobata consuetudo in causa Dom. de Partenay, vt quis possit de facto ratione sui debiti rem debitoris accipere, & pignori sibi habere, vt refert Ioannes Gallus in quæstione per aresta. quæstione 114. Non est consuetudo, &c.

*Arestū quod  
reprobatur  
consuetudine.*

In hoc tamen regno Franciæ non seruatur pœna 2 huius l. nec priuaretur debito, nec re debita, qui cogeret debitorem ad sibi soluendum, vel rem debitam præstandam, sed mulctaretur pro modo excessus, quæ multa interdum maior est, quam res valeat. Et ista regni consuetudo est conformis legi diuinæ, quæ vult, vt pœnæ non exigantur, sed contentus sit sorte, in capit. fraternitas. duodecima. quæstione secunda. & idem in l. si quis in tantam. & aliis constitutionibus puniētibz inuasores rei amissionem. vt etiam in hoc regno seruatur, vt docet Benedictus in repetit. c. Raynutius. in verbo, si absque. 2. numero 148. de testament. Scripsi in proœmio Constitut. Regiar. ob id de his ampliùs non tractabo hic.



## S V M M A R I A.

- 1 Debitor quando post moram de rei interitu non teneatur.
- 2 Vim inferens improbius est fure.
- 3 Reus metum inferens, quando & ad rei æstimationem, & ad triplum teneatur.

LEX XIII. VLP IANVS LIB. XI.  
AD E D I C T V M.

Quatenus autē diximus quadruplo simplū inesse, sic hoc disponendū est, vt in cōdemnatione quadrupli res quidē omnimodò contineatur, & eius restitutio fiat: pœna autē vsq; ad triplum præstetur.

**H**ic §. videtur difficilis Bar. & aliis: idē eum sic elucidabo, & prima pars vsque ad §. quod si homo, hoc habet: in quadruplo simplū inesse, siue res extet, siue non, vnde si res valeat viginti, ad octoginta condemnabitur, & sic rei æstimatio continetur, videlicet viginti, & pœna erit triplum, videlicet sexaginta. Et per istum textum declarantur alia iura de hoc quadruplo loquentia, & eō fuit illis difficilis, quia putant loqui in prima parte de condemnatione rei, & sic de prima sententia: in alia parte de condemnatione quadrupli, & sic de secunda, quod non est verum. Accurs. legit per saltus, Bartol. ordinatē, sed perperam intelligunt: idē notate sequentia, & superfluitates & contraria (quæ glos. dicit esse in hoc text.) cessabunt.

In secunda parte Iuriscon. declarat, an is, qui vim intulit, ad rei restitutionem teneatur, si res perempta sit dolo, & culpa eius: intra tamen tempora iudicationis, & responderet non teneri, sed à rei condemnatione relaxabitur. Vnde si quis fuerit condemnatus ad equum restituendum intra mensem, & is equus moritur interim, absque dolo & culpa condemnati, non tenebitur condēnatus ad equum restituendum, quia non potest illum restituere, & per eum non stat: idē non tenetur quidem ad rei æstimationem, sed tripli pœnam propter facinus satisfacere cogitur, eō quod non restituit, & in edicto Prætoris est, quod triplum præstetur, si res non restituatur.

Istum text. singularem dicunt Doct. ad hoc, quod debitor etiam condemnatus ad rei restitutionem, non tenetur de rei interitu, si intra quadrimestre datum iudicatis pereat: iste tamen text. non loquitur de quadrimestri, sed de tempore dato iudicatis, quod est arbitrariū iudici: l. si debitori. ff. de iudi. vbi plenē probaui, tamen vna per istum text. datur limitatio, ad l. quod te. ff. si certum petat. vbi debitor tenetur post moram de rei interitu, quod non procedit, si sine dolo pereat res intra tempora iudicationis, seu iudicati actionis.

Sed iste text. loquitur in debitore condemnato ad rei restitutionem, quam metu habuerat creditoris, secus in alio, quia hoc est speciale pro triplo, quod consequitur creditor ratione facinoris, id est, metus, secus in aliis casibus, vbi ista non consequeretur, & sic creditor nil haberet, vt inferiùs dicitur.

Nec obstat, vbi non est mora, ibi nulla est petitio.

l. lecta. ff. si certum petat. Accurs. dicit quoad vsuras verum, secus quoad interitum, quod reprobat Bart. dicens non teneri quem, si res pereat intra tempora iudicatis, postquam tempus à lege habet. Ego dicerem teneri, si res non fuisset peritura, quia videtur in mora, eō quod passus est se condemnari, & hoc tempus datum est illi miserationis gratia, l. debitoribus. ff. de re iudic. idē si res interim pereat, tenebitur reus, quia si statim restituisset, liberatus fuisset: sibi imputetur ergo, si non restituerit: etiam hoc procedit tum fauore rei iudicata, vt in l. j. ff. de iureiur. & l. j. ff. de re iudic. tum etiam quia superest æstimatio, ad quam tenetur.

Sequitur versic. Pro eo autem, qui dicit, quod si seruus in fuga sit, aut non inueniatur apud eum, qui vim intulit, tunc cautio extorquenda est ab illo condemnato, quatenus & persequatur, & omnimodò eum restituat, id est, in omni casu, quo inueniri poterit. Et nihilominus poterit metum passus in rem agere, & eam rem vindicare ab illo, apud quem ea res inuenitur, vel agere ad exhibendum, si fortē sciat illam rem apud aliquem esse, vel agere alia actione, quæ integra sibi manet, si aliqua cōpetebat, ne fortē is, qui vim intulit, colludat cum illo, qui rem habebat, & dicat se illam non posse inuenire.

Si tamen dominus receperit quoquomodo rem suam, is, qui conuenitur per stipulationem, quæ promisit rem persequi, & restituere in fuga existentem, liberabitur, & exceptione tutus erit post condemnationem factam contra eum, quicam rem possidebat: nam bona fides non patitur, vt quod semel exactum est, bis exigatur, regula iuris, & ipse dominus poterit iudicati experiri contra illum possessorem, qui est cōdemnatus ad rei restitutionem, & in hoc erratum fuit à glos. & Doct. qui dicunt post condemnationem secundam, sed iste text. intelligitur de condemnatione possessoris, vt is, qui intulit metum, sit liberatus, si possessor restituerit rem metum passo post condemnationem: nam illa condemnatio possessoris rei parit exceptionem ei, qui vim intulit, & sic antequam sit liberatus vim inferens, requiritur quod dominus receperit rem suam, & quod eam habuerit post condemnationem possessoris: idē si ante condemnationē (quia posset dicere se alio iure habuisse) non liberabitur metum inferens, quod est valde notandum, & probat §. eum qui. infra eodem.

In versic. Si autem, Iuriscon. ait: quod si homo mortuus fuerit ante sententiam, sine dolo & culpa eius, qui vim intulit, tenebitur saltem ad æstimationem rei: quam si non restituat, ad quadruplum tenetur ea ratione, quia in verbis edicti sunt scripta hæc verba: Si neque ea res arbitrio iudicis restituatur, sed non restituetur arbitrio iudicis homo ille, cum est mortuus: ergo non restituens tenetur nisi (vt dixi) æstimationem illius prius præstiterit.

Item, si in fuga sit seruus, ante condemnationem, sine dolo malo, & culpa eius, cauendum est per iudicem, id est, officio iudicis, §. aliquando. supra. quod eum seruum persequetur, & persecutum reddet.

Versic. Sed & si non culpa, declarat quomodo potest teneri is, cuius culpa res non abest, & respondet, quia res non erat peritura penes dominum, si illi metus illatus non fuisset: idē reus tenetur, sicuti in interdico vnde vi, & quod vi aut clam, in quibus tenetur inferens vim, si non fuisset res peritura apud



dominum. Itaque concludit Iuriconsul. interdum aliquem recipere pretium hominis mortui, si eum venditurus erat, si vim passus non fuisset: ista est ad hunc textum elucidatio, & dicit, interdum, quia non semper recipit, videlicet si res eodem modo peritura esset apud dominum.

Ex hoc text. & materia faciendi sunt casus sequentes. Primus est, si res metu ablata pereat ante sententiam & condemnationem, tenetur reus, siue periisset, siue non, apud dominum. versicul. si autem. gloss. & Doctor. hic. Bart. verò contrà, quia hæc actio quod metus causa exigit damnum. l. sed & partus. in fine. suprâ. & nihil abest ab isto, ergo non tenetur reus. Respondeo, ego putarem reum omnino teneri ad rei æstimationem, siue esset peritura, siue non, quia res metu ablata debet restitui: si non restituatur, quadruplum, si res extat.

Sed si res non extet, eo casu condemnabitur reus ad rei æstimationem: detracta tamen tripli æstimatione, ne metus, quem passus sum, sit mihi captiosus. per text. §. aliquando. in hac l. ubi sic scribitur: *Aliquando tamen, & si metus adhibitus proponatur, arbitrium (videlicet iudicis) absolutionem affert: quid enim si metum Titius adhibuit, me non conscio, res autem ad me peruenit, & hæc in rebus humanis non est, sine dolo malo meo, nonne officio iudicis absoluar? aut si seruus in fuga est, æquè si cauero, iudicio me (si in meam potestatem peruenerit) restitutus absolui debeo. Vnde quidam putant bonæ fidei emptorem ab eo, qui vim intulit comparantem, non teneri, vel eum, qui dono accepit, vel cui res legata est, sed rectissime Iuliano videtur etiam hos teneri, ne metus quem passus sum, mihi captiosus sit.*

Et sic ista actio quod metus non solum requirit damnum, sed ut aliquid absit, ut in princ. huius l. patet: ideo quia metum passo abest seruus, qui defunctus est, quem si non recuperaret, vel eius æstimationem, metus esset illi captiosus: ideo is, qui intulit metum, ad æstimationem illius saltem tenetur, etiam si res eodem modo periisset apud dominum, ut reus puniatur ex suo delicto, & ita debet intelligi iste text. & l. arbitrio. §. non tamen. ibi, quid enim si manifestum sit rem restitui non posse, veluti si seruus dolo malo traditus defunctus sit: ideoque protinus condemnari debet in id, quod interest actoris, & solent iudices condemnare ad rei restitutionem, si extet, & si perempta sit, ad rei æstimationem.

Secundus casus, Si tertius, qui vim non adhibuit, cõueniatur post rem peremptam, sine dolo & culpa eius eo quod res ad eum peruenerit, si nil lucri consecutus fuerit, non tenetur, ne quidem ad æstimationem. l. si ipsa res. eodem.

Tertius casus est, Si res post condemnationem intra tempora iudicatis data pereat, non tenetur reus ad rei restitutionem, nec quidem ad æstimationem, sed ad triplum tenetur. Ratio est: quare ad restitutionem non teneatur, quia res periit sine dolo & culpa eius, verum quia ipse non restituit arbitrio iudicis: ideo ad triplum tenetur. §. quod si homo. gloss. Bar. & Doct. hic obscurum reddunt text. dicentem non esse dandum quadrimestre in rei restitutione, secus in personalibus. Ego dixi nullo iure digestorum cautum dari quatuor menses condemnatis, sed illud tempus esse arbitrium. l. si domus. §. in pecunia. ff. de legat. j. ibi, *Quod quidem tempus ex bono & æquo Prætor observare oportebit.* Et ideo tenetur ad triplum post con-

demnationem, quia non restituit rem ad arbitrium Prætoris, sed quia non est in culpa, non cõdemnatur nisi ad pœnam. Si autem ante sententiam res pereat, eo quia adhuc non est arbitrium Prætoris: ideo non tenetur nisi ad rei æstimationem, ad quam condemnari debet, quam si non restituat, ad quadruplum: satis enim clementer cum reo Prætor agit, ut det ei restituendi facultatem, si vult pœnam euitare, ut in princ. huius l. scribitur. dixi in d. l. si debitori. de iudi. & quando res perit intra hoc tempus, licet excusetur reus hic quoad rei æstimationem, tamen in aliis casibus non, ut inferius dicetur in 6. casu.

Quartus casus est, Si res pereat post tempus iudicatis datum, reus tenetur, & ad rei æstimationem, & ad triplum, gl. & Doct. hic. quia est in mora, cum non restituerit arbitrio iudicis, & si res periit sine dolo & culpa violenti: tamen debet æstimationem præstare, quam si ad iudicis arbitrium non præstet, quadruplum dare tenetur, & ita intelligi hic etiam text. & alia iura debent.

Quintus casus, si res ablata metu in fuga sit, vel non appareat, siue ante sententiam, siue post, tenebitur reus cauere rem perquirere, & eam inuentam omnimodò restituere, ut hic. versic. pro eo autem. qui tenebitur tamen semper ad rei æstimationem, nisi dominus eam rem fuerit ab alio consecutus per condemnationem, eo quod non restituit.

Sextus casus, Inferens metum semper ad rei restitutionem tenetur, vel saltem ad eius æstimationem, etiam si eo modo fuisset peremptura apud dominum: quia non est sumendum argumentum à contrario hic ratione absurdi, nã Imperator ait: *Persecutione eorum qua vi, vel furto ablata sunt, etiam si postea interciderint, integram esse iure responsum est.* l. j. C. eodem.

Ratio est, quia fur semper moram facere videtur, l. in re furtiva. in ff. de condict. furti. & qui vim intulit improbius est fure. §. qui vim. in hac l. ergo debet teneri, ut fur, à quo semper æstimatio rei condici potest, si eam non obtulerit, d. l. in re furtiva. quãvis iste text. dicat, si non esset perempta apud dominum, pretium rei extorquendum: ergo si ita periisset, non esse extorquendum, non valet hoc argu. ut metum passus puniatur, & ut metus non sit damnosus illi, qui eum passus est.

Septimus casus, Si res arbitrio iudicis non restituatur, ad quadruplum condemnabitur reus, in quo quadruplo simplum inerit, ut hic, & superius dixi: Hæc autem actio cum arbitraria sit, habet reus licentiam usque ad sententiam ab arbitro datam restitutionem rei facere, quod si non fecerit, iure meritoque quadrupli condemnationem patietur. Pedius quoque lib. 8. scribit: Arbitrium iudicis in restituenda re tale esse debere, ut eum quidem, qui vim admisit iubeat restituere, etiam si ad alium res peruenerit, videlicet facto ipsius: eum autem, ad quem peruenerit, etiam si alius metum fecit: nam in alterius præmium verti alienum metum non oportet.

Vltimus casus est, Si res pereat post secundam sententiam, reus tenetur, & ad rei æstimationem, & ad triplum, tam ratione moræ, quam natura huius actionis, quia arbitrio iudicis non restituit, & quia est maior contemptus iudicis, l. vnica. ff. si quis ius dicenti non obtemper. ideo ad ista tenetur, licet non teneretur si post sententiam, & intra tempus datum iudicatis, res periret, ut dictum fuit, quicquid Accur.

Re non ex-  
stante, quo-  
modo reus  
condemnā-  
dus sit.

Reus metum  
inferens sem-  
per ad rei  
restitutionem  
vel æsti-  
mationem  
tenetur.

Tertius,  
qui vim non  
fecit, con-  
ueniens.

Tripli po-  
na.

Quadrupli  
condemnatio  
continet &  
simplum.



Accurf. Bar. & ceteri dicere tentēt, alioqui (vt etiam ipsi dicunt) is, qui in maiori esset contumacia, melioris esset conditionis, quā is, qui est in maiori, quod est absurdum, vt scripsi in l. quod debitori. ff. de iudi.

## S V M M A R I A.

- 1 *Actio in vñ heredē transiens, perpetuatur ad alios.*
- 2 *Causa semel facta delegabilis, in posterū delegari pōt.*
- 3 *Iniuriarum actio regulariter anno expirat.*
- 4 *Metus in vno adhibitus, præsimitur durare in aliis.*
- 5 *Maleficio non committit, qui à sponte solvente pecuniam recipit.*

## LEX XVII. PAVLVS LIB. I.

## Q V Æ S T I O N V M.



Ideamus ergo, si hæres, ad quem aliquid peruenerit, cōsumpserit id quod peruenit, desinat teneri: an verò sufficiat semel peruenisse? & si consumpto eo decesserit, vtrum aduersus hæredem eius omnimodò competat hæc actio, quoniam hæreditariā suscepit obligationem: an non sit danda, quoniam ad secūdū hæredem nihil peruenit? Et melius est, omnimodò competere in hæredem hæredis actionē. sufficit enim semel peruenisse ad proximum heredem, & perpetua actio esse cœpit. Alioquin dicendum erit, nec ipsum, qui consumpsit, quod ad eum peruenit, teneri.

- 1 **H**anc legem notat Ange. in §. primo. de perpe. & tempor. actio. in Instit. ad hoc, vt sufficiat actionem semel transiisse in vnum hæredem, vt postea ad alios trāseat, licet ad illos nihil peruenerit, & si causa sit semel facta delegabilis sufficit, vt in posterū delegari possit. Bolog. hīc sic si prioratus electius sit semel factus commendabilis, id est, datus in commendam seculari, postea etiam Papa hunc prioratū commēdarit, vt videmus, sed citius esset restituendus religiosus: quia non verisimile est, quod eum bene & legitimè obtinuerit tempore commendæ.

Iulia. tamen ait, in l. seq. infrā eod. *si ipsa res qua ad alium peruenerit, interierit, non esse locupletiore dice- mus. Si verò in pecuniam, aliāve rem conuersa sit, nihil amplius quarendum est, quis exitus sit, sed omnimodo locuples factus videtur, licet postea depereat.* Itaque si res metu affecta peruenerit ad hæredē, & interierit apud eum, non tenetur hæres, si verò ipse pretium receperit, & illud perierit, vel pecuniam ipse hæres metu extortam consumpserit, teneri eum, & ceteros hæredes æquum est: quia sufficit quod semel locuples factus fuerit, quem tex. notat Bald. hīc.

Nonò, ad quid detur actio quod metus causa? Respondeo, vt rescindatur actus, & metum passus in integrum restituatur, & si res tradita sit, vt retradatur. §. idem Iulia. & §. ex hoc edicto. eod. Et si facta sit liberatio, vt debitores liberati reponant se in pristinam obligationem. vnde Caius ait, *Si metu à te co-actus acceptam tibi stipulationem fecerim, arbitrato iudicis, apud quem ex hoc edicto agitur, non solum illud continetur, ut in tua persona reintegretur obligatio, sed*

*vel fideiussores quoque, vel eosdem, vel alios non minùs idoneos adhibeas, præterea, vt & pignora, qua dederas in eadem causa restituas.* l. illud. hoc titulo.

Decimò, videndum est, quomodò sententia proferatur? Respondeo, secūdum formam libelli, & petitionis. l. vt fundus. ff. commu. diuidund. & in hac actione, duæ de iure ferri debent sententiæ, in prima condemnatur reus ad rei restitutionem, cum fructibus perceptis, & percipiendis, & cum omni causa. l. metum. §. ex hoc edicto. eod. & l. sed & partus ancillarum, & factus pecorum, & fructus restitui, & omnem causam, id est, omne augmentum & accessionem, oportet. l. sed & partus. eod.

Sed si condemnatus reus non restituat iussu iudicis, ob recusationem iudex condemnabit illum ad quadruplum. d. l. item si cum exceptione. §. primo. & §. *Hac autem actio cum arbitraria sit, habet reus licentiā ab arbitro datam, restitutionem rei facere, quod si non fecerit, iure meritoque quadrupli condemnationem patietur.* Quadruplabitur autem omne quodcunque restitui oportuit. Vnde si domum, quæ centum valet, & pensio decem, per metum dare compellas, & sis condemnatus ad restituendum eam cum fructibus ad decem taxatis, si non ea restituas, teneberis ad quadringenta, in quibus domus æstimatio comprehenditur, & ad triginta pro fructibus, quia tam fructus, quā res debiti quadruplabuntur. Ita Petrus Iacobus interpretatur, in sua praxi in hac actio. Nec est hoc absurdum, quia satis clementer Prætor agit, vt daret ei restituēdi facultatem, si vult pœnam euitare. §. primo. d. l. item si cum exceptione.

Vnde in §. Labeo, primo. d. l. item si cum exceptione. sic dicitur. *Quadruplatur autem id, quanti ea res erit, id est, cum fructibus & omni causa.* sed videtur §. Iulia. contradicere, vbi ait, quod interest quadruplari solum, & idè eum qui ex causa fideicommissi quadraginta debebat, si trecēta promiserit per vim, & soluerit, ducentorum sexaginta quadruplum consecuturum. In his enim cum effectu vim passus est, sed respondeo rem ablatam, id est, quanti ea res est quadruplari, si intersit, alioqui id quod interest solum quadruplabitur. vt Iulia. ait, *Quod interest quadruplari solum.* Et idè eum qui ex causa fideicommissi quadraginta debebat, si trecenta per vim promiserit, & soluerit ducentorum sexaginta quadruplum consecuturum. In his enim cū effectu vim passus est, cum in quadraginta, quæ debebat, nō videatur vim passus. Nam idem Iulia. ait, eum, qui vim adhibuit debitori suo, vt ei solueret, hoc edicto non teneri propter naturam quod metus causa actionis, quæ damnum exigit, quamuis negari non possit. in l. Iulia. de vi eum incidisse, & ius crediti amisisse. l. sed & partus. in fin. suprā. eod.

Sunt & alij iudices, qui vna sententia hoc solebant exprimere, videlicet, condemnamus talem N. ad talis rei restitutionē, quam si non restituat intra mensem, ad quadruplum eum cōdemnamus, & istud est planius, & celerius fit, vt circuitus euitetur. l. dominus. ff. de condi. inde. Et sic docet Petr. Iacobus. in forma libelli de actio. Quod metus causa, in sua praxi, quamuis hanc reprobet sententiam, & duas proferendas esse dicat.

At in hoc Regno Franciæ non solent duæ ferri sententiæ, sed iudex, cui diriguntur literæ Regiæ, rescissionē solet cōprobare, & verificare literas rescis-

*Sentētia in actioe quod metus causa.*

*Cōdemnatio ad quadruplum quomodo fiat.*

*Litera rescissionis, & eius meticolosi, quomodo comprobanda sint.*



sionis, actus meticolosi, & eas interinando (vt Pragmaticorum verbis vtat.) condemnare reum ad rei restitutionem intra mensem, vel aliud tempus faciendam, & ad fructus perceptos & percipiendos cum expensis. Qui reus si non restituat intra tempus prætututum, fiet ei præceptum, cui si non obedit, auferetur ei res manu militari, & ipse ex contemptu condemnabitur ad multam. l. qui restituere. ff. de rei vendi. l. vnica. si quis ius dicenti non obtemperau.

*Pœna quadrupli de iure Canonico sublata.*

Et ego in hoc regno nūquam vidi reum ad quadruplum condemnari, nec ad alias iuris pœnas, quia in foro conscientiae sunt sublatae, vt statuit Papa in c. fraternitas. 12. q. 2. quam constitutionem sequitur vsus forensis Franciae, sed is qui vim facit, condemnari solet ad multam, quæ interdum excedit quadruplum, aliquando minor est pro criminis qualitate & personæ malitia: & hanc multam (licet respiciat partem) tamen Procurator regius eam petere solet.

Vndecimò, intra quod tempus metum passus agere teneatur? Respondeo, si quadruplum consequi velit, ob non restitutionem rei ablatae, debet intra annum agere, post annum verò non poterit agere, nisi ad simplum. d. l. item si cum exceptione. §. primo. & sequen. Sed vt hæc materia plenius habeatur, faciam casus sequentes.

*Iniuria in metu inest.*

Primus casus est, metum passo liberum est intra annum ad rei restitutionem agere, quæ si ad iudicis præceptum non fiat, consequi quadruplum pars poterit: quia in metu inest iniuria, quæ anno regulariter expirat. l. si non conuitij. C. de iniur. §. fin. illo titul. in Insti. idè à die illati metus agere debet intra annum, si prædicta consequi velit.

*Actio ad simplum quando competit.*

Secundus casus est, post annum ad simplum poterit metum passus agere, causa tamen cognita, in causæ cognitione versatur, vt si alia actio nō sit, tunc hæc detur. d. l. item si cum exceptione. §. post annum. & l. si per vim. C. eodem.

Tertius casus est, si is qui metum intulit, rem bonæ fidei emptori vendiderit, & is decem annis possederit, eam rem præscribet. l. iij. C. eod. secus in alio, qui metum intulit, qui eam non præscriberet: nam malæ fidei possessor nullo tempore præscribit. c. vigilant. de præscript. c. possessor. de regul. iur. in 6. quia omne quod non est ex fide, peccatum est, vt Diuus Paul. ait, & Papa in c. si. de præscript.

*Actio ad rei restitutionem competitens est perpetua.*

Quartus casus, ad rei restitutionem perpetuò agi poterit, id est, vsque ad triginta annos. l. iij. C. eodem. etiam in hæredes. l. quod autem. infra. eo. Nam quod metus causa gestum erit, nullo tempore, vel modo Prætor habebit ratum. l. si mulier. infra. vbi Placen. dicit durare tantum decem annis, cuius opinio est probata & confirmata l. Regia. vt scripsi in tract. de rescis. contract. in 2. tomo Commentar. ad Constit. Regias.

*Tempus agendi, metum passo quando curat.*

Intelligite istud tempus non esse computandum, nisi à tempore, quo metus cessat, vel vis, vt si metus inferatur à patre filio, fortè ad ingrediendum religionem quandiu viuit pater, non currit tempus agendi, vel quandiu viuit maritus, qui vim vxori intulit, quod probatur in l. interpositas. vbi interpretes. C. de transact. l. si per impressionem. C. eod. Bart. in l. penul. in fin. ff. de condi. ob turpem causam. etiam tamdiu durat metus, quandiu officialis est in officio.

Bald. in l. nouissime. quod fals. turo. probat Alex. consil. primo. col. 2. vol. 3. quod limitat Feli. in c. causam matrimonij. de offic. delega.

Etiam qui metu carceris aliquid promissit, quandiu est in carcere non currit hoc tempus, sed posteaquam egressus fuerit. l. qui in carcerem. infra. scripsi in l. qui neque. §. solutum. ff. de verbor. signific. Boer. q. 100. Maritus in Decis. Burdegalen. scripsi in d. trac. de rescisio. contract. in 2. tomo Commenta. art. primo. gloss. pen.

Imò, si quis probauerit metum incidisse, vt venderet domum, si postea donauit pratum, poterit agere ad rescissionem, quia metus in vno adhibitus, in aliis durare præsumitur. c. accedens. de conuers. coniugat. nisi fuerit purgatus. l. quæ oneranda. ff. quarum rerum actio nō datur. Panor. in c. primo. in fin. quod met. cau. alioqui inferret quis metum in vna re, quæ nollet ipse habere, vt postea aliam consequeretur, & fieret legi fraus, licet cōtraria sententia fuerit approbata in consil. Neapol. vt refert Matthe. de Afflict. in suis Decis. q. 246. Quidam maritus.

4

Dubium est non modicum, an solutio partis purget metum in totum, respondeo, considerandi sunt sequentes casus. Primus est, si ratione contractus meticolosi partem pretij soluero spontè, totum approbare videor, quia totus fuit factus contractus, idè reliquum cogi soluere potero: partem enim soluendo, videor totum approbare, l. prima. ff. de pollici. l. cum eiusdem. de ædil. edicto. quia nō apparet quam contractus partem approbare voluerit, idè totum videtur approbasse. argum. l. primæ. C. de fideicom. Et non esse maleficium, recipere à spontè soluente, concludit Bal. consil. 33. In primis, in 2. vol. idè fiscus nihil debet habere.

*Purgatio metus, quando facta cōseatur.*

Secundus casus, soluens partem pecuniæ metu promissæ, non ratione contractus, sed promissionis, non videtur in reliqua parte, donationem approbare, vel stipulationem, quia suum quis iactare non videtur. l. cum de indebito. ff. de proba. quia partem soluendo, de reliquo non censetur cogitatum. arg. l. cum Aquiliana. ff. de transact. & in diuiduis vna pars alteram non firmat. regu. vtile. de regul. iur. in 6. gl. in l. pecuniæ. ff. de vsur. l. si. C. ne vxor pro marit.

Tertius casus, solutio vnus rei nō purgat metum in alia. l. voluntaria. C. de excusat. tutor. quia separatim separata est ratio. l. fin. ff. de calumnia.

Nec obest l. sed Iulia. §. fin. ff. ad Macedo. quia ibi pater soluens partem, totum approbat contractum, sicut in primo casu dictum fuit. Et quia ibi ex equitate naturali tenebatur ad pecuniam receptam mutuò per filium, idè soluendo partem, totum approbare videtur, in casu autem præterito, ad nihilum tenebatur, sed erat metu compulsus promittere, si partem voluntariæ soluat, reliquum approbare non censetur. gloss. in d. l. si. C. ne fil. pro pat.

*Obiectio nis solutio.*

Quartus casus est, solutio spontanea facta vni, purgat metum quoad alterum, vt, si à duobus coactus fuero, & vni soluam spontè, metus quoad alterum censetur purgatus. arg. l. cui fundus. ff. de cōdi. & demonstra. gloss. & Doctor. in l. non dubium. C. de testa. quia vnum est debitum, & non respicitur res, nec persona, sed spontanea præstatio. l. si. C. eodem. licet Ias. hunc casum cogitandum reliquerit. in l. si ob turpem. ff. de condi. ob turp. causam. scripsi in tract. de rescis. contract. gl. 22. Bal. consil. 33. In primis, in 2. vol.

*Metus quo ad alterum purgatus.*



Notandum est, quod in dubio actus praesumitur sponte celebratus. l. ij. C. eodem. ideo qui metum, vel dolum allegat, illum probare debet. l. quotiens. §. qui dolo. ff. de proba. Innocen. & alij in c. causam matrimonij. de offic. delegat.

*Metus quo  
modo pro-  
bandus.*

Qui metus probatur ex indiciis, & praesumptionibus, ut docet Bart. in l. si ob turpem. ff. de condict. ob turpem causam. sicut dicitur de dolo in l. dolum. C. de dolo. Anchar. consil. 299. Visa. & consil. 410. Ponderata. Et metum non iactationibus tantum, nec contestationibus, sed atrocitate probari convenit. l. metum. C. eodem. Boer. in decis. Burdeg. quaest. 101. nunc quaeritur.

Ratio est, quia vis & metus communiter clam inferri solent, ideo leuior probatio in illis recipitur. argu. c. si. de testi. cogen. Alex. consil. 16. Ponderatis. in fi. & consil. 98. Quoniam. in 3. vol. plenè Carol. Ruyus consil. 121. Quia principalis. in 4. vol.

Sed hoc arbitrio iudicis relinquitur. Bart. & alij in l. de pupillo. §. si quis ipsi. ff. de noui operis nuntiatio. Bald. in l. si quis in hoc genus. C. de episc. & cleri. l. 4. C. ex quib. cau. maio. Vnde minae capitales iustum inducunt metum. l. si donationis. C. eodem. Et capitales dicuntur, si de capite hominis agatur, videlicet de morte, aut exilio. l. ij. ff. de publ. iud. scripsi in l. licet capitalis. ff. de verbo. signifi. quicquid dicat glo. in d. l. si donationis, quia licet metus mortis, aut cruciatus corporis inducant iustum metum, tamen is, cui hoc infligitur, pertimescit minas istas capitales, in quibus de capite agitur hominis, ideo in d. l. si donationis, dicitur confectum instrumentum metu mortis, vel cruciatus corporis extortum, capitales minas pertimescendo, &c. Et sic haec dicuntur capitales minae, quod est notandum ad intellectum illius text.

Et plus creditur duobus testibus de metu deponentibus, quam decem de libera voluntate, quia illi de sensu corporis deponunt, videlicet de minis, terroribus, verberibus, quae videri & audiri possunt, ut docet Innocen. & alij, in c. super hoc. de renuntia. Panor. in c. primo. quod met. cau. Corse. in singul. testis. incipiente, mille testes. Alij verò de libera voluntate deponentes, quae est secreta, & occulta, ideo periculosa est eorum depositio, quia non reddunt rationem per sensum corporis. Bald. in consil. Schisma. Decius in l. in omnibus causis. in fi. ff. de regul. iur. Panor. in d. c. primo. quod met. cau. Boer. in Decis. Burdeg. q. 100. Maritus.

*Vis qua in  
re commit-  
tatur.*

Interdum committitur vis in re sua, vel sibi debita, quandoque in re aliena. In re sua, auferendo rem, quam quis commodauerat, vel deposuerat, seu pignori dederat, & tunc is amittit rem suam, vel ius quod in illa re habet, & de ea loquitur l. extat enim decretum. ac l. praecedens. in §. si. supra. eod. vbi si quis adhibuit vim debitori suo, ut ei solueret, non tenetur hoc edicto quod metus causa, quod damnum exigit, sed incidit in l. Iuliam. de vi. Et ideo ius crediti amisisse ait Iulia. adeo ut solutum repeti possit a debitore, qui soluere fuit coactus. In re autem aliena si inferatur metus, habet locum ista actio, verum quia l. extat, quibusdam videtur difficilis, ideo eam explanabo.

Lex qui in carcere, infra eod. elucidatur, & eius materia traditur in l. solutum. aliàs est §. qui neque. ff. de verbor. signifi.

- 1 Homo praclarus minus praesumitur fuisse compulsus, quam pauper.
- 2 Vir non praesumitur a muliere compulsus.
- 3 Iuramentum quando in supplementum probationis non deferatur.

## LEX XXIII. VLP IANVS LIB. V.

## O P I N I O N V M.



Non est verisimile, compulsum in vrbe iniquè indebitum soluisse eum, qui claram dignitatē se habere praetendebat: cum potuerit ius publicum inuocare, & adire aliquem potestate praeditum, qui utique vim eum pati prohibuisset. sed huiusmodi praesumptioni debet apertissimas probationes violentiae opponere.

**H**æc l. docet non esse verisimile eum qui claram dignitatem, se habere praetendebat, compulsus in vrbe soluisse indebitum, quia poterat ius publicum inuocare, id est, adire aliquem magistratum, qui vim eum pati prohibuisset, sed contra hanc praesumptionem debet metum passus probationes apertissimas opponere. etiam dicit text. in l. prima. in fi. C. de his qui propter metum iudi. non appell. in sacro enim comitatu nostro timere nihil potuisti, vel debuisti, quod quidem docet etiam ibi Accursius.

Ex hoc text. colligitur, quem non compelli, vbi est magistratus, qui id prohibeat. Et Cicero pro Milone ait, Nulla vis vnquam est in libera ciuitate suscepta inter ciues, non contra rempub. vel potest intelligi iste tex. non esse verisimile eum qui compulsus est vbique, quod iniquè indebitum soluerit in vrbe, sed voluntariè. Et sic purgatus fuit metus, & id maximè procedit in eo, qui claram dignitatem praetendebat: nam quamuis fuerit extra urbem, vel in vrbe compulsus ad promittendum, tamen in vrbe poterat adire iudicem, qui ei metum incutere prohibuisset, sic non iniquè soluisset debitum. Quare metus videtur purgatus, si quis in vrbe soluat, quod fortè extra, per metum promisit, nisi probet, &c.

*Compulsus  
quando quis  
non presu-  
mat.*

Intellige, non compellitur iniquè, ergo æquè, in vrbe enim quis est compellendus, scilicet autoritate iuris: nam si obligatus sit, potest in carcere in vrbe duci, & sic cogi ad soluendum. l. ij. supra. eodem. vbi dixi. & in tract. de literis obliga. in primo tomo Comment. ad Consti. Regi. vel bona eius capi, & distrahi possunt. l. à Diuo. §. in veditio. & per totum. ff. de re iudi. & ideo iste text. dicit, iniquè, videlicet quem non iniquè compulsus ad soluendum debitum, & quamuis vrbis appellatione veniat Roma. l. ij. & l. vbi Alphenus. de verbor. signific. ff. tamen hic comprehenditur quaelibet vrbs & ciuitas, & quia vrbis appellatio muris finitur. d. l. ij. Et sic hæc praesumptio non habet locum in suburbiis, vbi saepius fiunt adulteria, & multa mala.

Item maior est praesumptio in homine praclaro, & habente dignitatem, non fuisse compulsus, quam



in paupere: quia ille familiam & multam habet, quæ eum tueatur hic nullā, vel paruam: ille habet, qui ei faueant, hic nullos, sed contemptui potius habetur. c. pauper. l. i. quæst. 3.

<sup>2</sup> Adhæc non præsumitur compulsus vir à muliere, vel miles ab artifice, vel à sacerdote, vel à puero: nam quod est longè à verisimili, est falsitatis imago. Bald. & Felin. in c. quia verisimile. de præsump. ibi, ius publicū inuocare, & adire aliquem potestate præditum. Colligimus eum, qui aliquid patitur ab aduersario, debere adire iudicem, & conuenire illum coram eo, & is ius reddet illi, & vim pati prohibebit.

Potestate præditum. ] facit C. si quacunque potest. prædi.

Probatio  
cōtra iuris  
præsum-  
ptionē ad-  
mittitur.

Huiusmodi præsumptioni. ] Nota contra præsumptionem admittendam probationem, hoc verum contra præsumptionem iuris, & etiam contra præsumptionem iuris & de iure, ubi ius quiescit, & vera inest præsumptio, sic non admittitur probatio in contrarium. l. prima. C. de rei vxo. acti. alioqui esset venire contra l. quæ illam præsumptionem probat. c. is qui fidem. de sponsa. extra. & per Doct. in tit. de præsumpt. plenè hæc materia tractatur.

Apertissimas probationes opponere. ] Bal. in marga. in verbo, iuramentum. q. 9. dicit hunc text. iuncta gloss. singul. ad hoc, quod quando actor habet præsumptionem contra se, non defertur ei iuramentum in defectum probationis, de quo per Doct. plenè in l. admonendi. ff. de iureiur. & Doct. etiam in c. fin. illo tit.

<sup>3</sup> Secundò, allegatur iste text. iuncta gloss. singul. ad hoc, quod si lex vel statutum requirat in superlatiuo probationes exactissimas, plenissimas, euentissimas, vel apertissimas, eo casu non defertur iuramentum in supplementum probationis: quia ea probatio, quæ fieret per iuramentum, non esset exactissima, vel apertissima. l. si. illud. C. de tempor. appel. Ludo. Roma. singul. 208. Tu scis quod datur. & Lanfranc. in repeti. d. l. admonendi. col. 21. Soci. in tract. fallen. regula. 204. Iuramentum primo.

§. Si iusto metu perterritus, cognitione iudicis, ad quem, vt vinctus iret, potens aduersarius minabatur, id quod habere licebat, compulsus vendidit, res suæ æquitati, per præsidem prouinciæ restituitur.

**Q**uidam metu tali perterritus, vt vinctus ad cognitionem iudicis duceretur, vëdidit domum, quam habere sibi licebat: quæro, an restitui debeat? Non videbatur, quod iudex non sit timendus, quia is vim pati prohibuisset, vt in prin. huius l. tamen hîc dicit per Præsidem prouinciæ restituendum suæ æquitati, id est, secundum æquitatem, quam ob oculos habere debet. l. quod si Ephesi. in fi. ff. de eo quod cer. loco. Nam hîc agitur de metu partis, non iudicis, de quo supra dixi. requiruntur tamen sequentia in hoc tex. Primò, quod aduersarius sit potens: nam potentes tenuiores opprimere solent, non è contrario. l. prima. in fi. C. ne lice. poten. Secundò, quod iste potēs minatus fuerit se ducturum eum ad iudicem. Tertiò, vt vinctum eū duceret, ibi, vt vinctus iret, quia vincula iustum præbent timorem. l. nec timo-

rem. §. proinde. supra. eodem. Quartò, vt vëdat rem, quam sibi licebat habere, id est, si eam non vendidisset, hoc metu ductus atque impulsus.

§. Si fœnerator inciuiliter custodiendo athletam, & à certaminibus prohibendo, cauere compulerit vltra quantitatem debitæ pecuniæ, his probatis competens iudex rem suæ æquitati restitui decernet.

**F**acti species esse potest, Quidam fœnerator mutauit alicui athletæ centum aureos, quos promisit restituere debitor, & cum hic fœnerator maiorem quantitatem extorquere ab athleta vellet, inciuiliter eum custodiebat, & à certaminibus prohibebat, donec promississet maiorem quantitatem, quam receperat, hoc metu ductus, videlicet vt custodiretur humanius, & vt certare liberius sibi liceret, promisit vltra quantitatem debiti, an debeat restitui hoc metu probatos, quod non videbatur, quia nō apparet de metu mortis, neque de cruciatu corporis: tamē hic text. dicit, iudicem rem suæ æquitati restitui debere, id est, iudex ex bo. io & æquo istum restituendum statuet. Ratio enim hæc est, quia is, in cuius custodia sum, multa mala mihi inferre potest, & ideo iustus videtur metus.

Ex hoc tex. patet acerbam custodiā & inciuilem inducere iustum metum, ideo promissio facta apparitori per eum, qui in eius est custodia, nō valet, quia metus hic iustus est, per istum text. Et sæpius vidi obligationes & chirographa facta apparitoribus, à custodia, infirmari, vnde oportet vt taxetur salarij custodia à iudicibus, qui tradiderunt istum in viatoris custodia, & sicut non valet promissio facta Commentariensi, l. qui in carcerem, supra. sic non valet facta isti custodi: nam in eadem causa sunt qui à militibus custodiuntur, stratoribus, vel à municipalibus ministeriis obseruantur, sicuti illi, qui in vinculis sunt. l. succurritur. & l. sequ. ff. ex quibus caus. maio.

Chirographa apparitoribus facta.

A certaminibus prohibendo. ] Colligi potest iustum metum esse prohibere quem suo vti artificio. Vnde cum apud antiquos tria essent athletica certamina, cursorum videlicet, pugilum, & luctatorum, si quis hoc prohiberetur vti certamine, etiam si gratiā virtutis fieret, certè iustus videbatur metus, cū honor & fama æquiparentur. l. iusta. ff. de manu. vindic. Doct. in l. vt vim. ff. de iustit. & iure. Multò ergo fortius, si gratiā lucri, & ideo omnes artifices faciunt pluris lucri prohibitione, quàm alia, eò quod vitam sibi parant artificij lucro.

Artificio suorum prohibitus.

Competens iudex. ] Ex hoc tex. patet iudicem competentem cognoscere de metu, non autem incompetentem, vt in toto tit. de foro compe. & l. interpositas. C. de transact.

Nec refragatur l. extat. supra. eodem. quia ibi iudex etiam incompetentis à vi & metu excusat, si eius autoritate res fuerit tradita, sed hîc agitur de actu metu facto, quis possit illum infringere, & iste text. respondet iudicem competentem hoc posse.

Vltimò, rem æquitati suæ restitui decerneret. ] & in §. præcedenti dicit, res suæ æquitati per præsidem prouinciæ restituitur. & in §. sequen. Iudex inciuiliter extorta restitui iubet, & c. Ex quibus colligendum est, prius Prætorē edicto

Que iusti  
prebeant  
metum.



edicto suo statuiffe se non habere ratum gestum metu, de quibus superius dictum extitit. De quo autem metu intelligatur, declaratur de cadente in constantem virum, & de metu mortis, & cruciatus corporis. Sed is Prætor non annullabat actum ipso iure, sed per actionem, quod metus causa, ista fuerunt dicta in l. prima. 2. 3. & sequen. supra eodem.

Aliquando ex sententia edicti Iuriscon. extenduntur ad passum metum in liberis, vel consanguineis. ut in l. isti quidem. supra eodem.

Item Iuriscon. videntur plura esse negotia, quam vocabula. ut ait Iuriscon. in l. 4. ff. de præscrip. verb. voluerunt metum aliquando annullare actum, ut in dote metu promissa, & matrimonio. l. si mulier. §. primo. supra. & c. cum locum. de sponsal. extra. & in promissione facta in carcere, l. qui in carcerem. ibidem. & in quibusdam aliis casibus in iure expressis, interdum minorem metum, quam mortis vel cruciatum corporis sufficere statuerunt. l. prima. ff. quar. rer. act. non dat. l. non licet. de cōtrah. empti. l. medicus. de variis & extra. cogni. quia non potuerunt sigillatim exprimere singula facta: ob id iudicis arbitrio vel præsidis reliquerunt, ut hîc, cum præsidis nomen sit generale pro quocunque iudice. l. prima. ff. de offi. Præsid.

Etiâ constitutiones Principum super hoc metu statuerunt, ut in l. interpositas. C. de transact. l. si per impressionem. C. eod. gloss. ad hoc nota. in l. nec timorem. in verbo, restitui. supra eodem.

In his officium iudicis datur, quia verba directa sunt ad iudicem, ut probatur in ista l. & gloss. in l. si foror. C. de collat.

Et idè etiam metus reuerentialis interdum sufficit. l. prima. §. quæ oneranda. ff. quarum rer. actio non datur. facit l. penultima. ff. de furtis.

Et ad rescindendum talem actum hoc metu reuerentiali factum, non datur nisi annus. allegatur text. in l. virum. ff. si quis aliquæ testa. prohib. sed hoc non dicit, quia officium iudicis 30. annis durat. gl. in l. sicut. in verbo, persecutione. C. de præscrip. 30. annor. Et hodie in hoc regno intra decem annos agi potest, per Constit. Regi. de qua quidem Regia Cōstitutione satis amplè tractavi, in tractatu de rescissione contractuum, in 2. tomo Commentariorum ad Regias Constitutiones.

### S V M M A R I A.

- 1 Delegans debitor per delegationem liberatur.
- 2 Apparitor Præsidis non potest debitorem, sine iudicis commissione, cogere ad dandum, vel restituendum.
- 3 Debiti exactio secundum quem ordinem iuris fieri debeat.
- 4 Debitum citra iuris ordinem exactum & redditum, non repetendum, & quare.
- 5 Præscriptio etiâ longissima non firmat extorsionem.
- 6 Captus pro crimine, non potest retineri pro debito: secus e contrario.

§. Si quis quod aduersario nō debebat, delegante eo per vim apparitione Præsidis interueniente, sine notione iudicis co-

actus est dare, iudex inciuliter extorta, restitui ab eo, qui rei damnum præstiterit, iubeat. Quod si debitis satisfecit simplici iussione, & non cognitione habita, quamuis non extra ordinem exactionem fieri, sed ciuliter oportuit, tamen quæ solutioni debitarum ab eo quantitatim profecerunt, reuocare inciule est.

Iste text. est valde obscurus, qui sic tamen potest declarari. Quidā decem debebat, delegauit debitorem, & sic amplius nō tenebatur. l. iij. C. de nouat. fuit tamen coactus ab apparitore sine iudicis notione illa decem præstare, quæritur, an illa restituere teneatur? Non videbatur, eò quod creditori plenè non erat satisfactum per delegationem, & actiones directæ remanserant apud creditorem. d. l. iij. sed dicit iste text. inciuliter extorta restituenda, ratio est: nam postquam delegatio erat facta, is amplius non debebat, idè non poterat cogi dare, maximè ab apparitore, qui nullam habet cognitionem, sed nudam executionem: idè factum inciuliter dicit, & quidam intelligunt istum text. in illo, qui non debet, & coactus est delegare, & postea dare, & tunc nō esset dubium: at, ut dixi casum, est dubium.

In secunda parte text. ait, q. si debitor iussus simplici ab apparitore, sine cognitione iudicis soluerit, inciule est reuocari, quod debitum erat, quamuis hæc exactio (ut dicit text.) non debeat fieri extra ordinem, sed ciuliter & autoritate iudicis, tamen facta tenet, quia soluens debitum liberatur, idè nō potest illud repetere. l. in diem. & per totum. ff. de cōdict. indebit.

Idè, ut intelligas tex. dicas, si quis coactus est aduersario dare per vim id quod non debebat, aduersario scilicet delegante, & apparitione Præsidis interueniente, sine iudicis notione, iudex inciuliter extorta restitui ab eo qui rei damnum præstiterit, iubeat.

Ex hoc text. potest colligi quod per delegationem liberetur delegans, adeò quod amplius aduersario non debet, & sic cogi nō debet soluere. l. iij. C. de nouat. delegare enim est vice sua aliam dare rem creditori, vel cui iusserit. l. delegare. ff. de nouat. & qui delegat, soluit. l. quamuis. §. interdum. ff. ad Velleian.

Secundò ex hoc text. ibi, apparitione Præsidis, nota quod apparitor Præsidis, vel etiam senatus, non potest cogere debitorem, vel alium ad dandum, vel restituendum: & quæ ipse facit, tanquam priuatus facere censetur, quia cognitionem non habet, sed solum meram executionem, sine cōmissione iudicis. l. neminem in iudicio exhibendum esse precipimus, nisi de cuius exhibitione iudex, pronuntiauerit. C. de exhib. reis. De apparitione loquitur tex. in l. consulta. C. de testam.

Tertiò, declarat iste text. à quo damnū restituendum sit, & respondet ab eo, qui rei damnum præstiterit, & quis est ille? Respondet pars, licet enim apparitor adiumento fuerit, nō præstiterit tamen rei damnū, idè pars tenetur, ad cuius vtilitatem actus succedit, quia ipsa hoc fecisse videtur. c. constitut. de testibus.

Quartò, non extra ordinem exactionem fieri, nota exactionem debiti debere fieri secundum ordinem iuris, & non extra ordinem. Ordo ponitur in l. à Diuo Pio. §. in vèditione. ff. de re iudi. ut primò mobilia

Facti species.

Exactio ciuliter faciendae est.

Metus quādo annullet actum.

Annus datur ad rescindendum actū metu reuerentiali factum. In Francia dantur 10. ann.



3 mobilia, deinde immobilia, postea nomina capiatur pro executione ibidem.

Licet iste ordo non seruetur in Francia, ut abunde scripsi in tract. de literis execu. arti. 11. in primo tomo Comment. ad Consti. Reg. Gallic.

4 Quinto, ex hoc tex. colligitur, debitum exactum citra iuris ordinem repeti non posse, quia debitum est. singul. istum tex. ad hoc dicit præposi. in c. ut debitus. in glossa, Rationabiliter, de appel. Sic & datam possessionem à iudice ex iusta causa, licet inciuiliter, quia non citato possessore, non reuocandam asserit Barba. per hunc tex. in consi. 51. Scripsit. col. 21. in primo vol. quod Iason probat in l. iubere. nu. 5. ff. de iurisdictione omni. iudi. sed de hoc alibi dixi.

*Possessio à iudice data, non seruato iuris ordine.*

Sexto, per istum tex. docet Hyppoli. in practi. crimin. §. incipien. secundo. nu. 38. quod reus potest condemnare ad mortem non obstare nullitate suæ confessionis, dummodo constet de veritate homicidij, de quo scripsi in interpret. l. Diuus. ff. de Senatuscon. Syllania.

Limitat Ludo. Roma. in sing. 51. Iurat, &c. in iuramento, ut coactus iurare, quod soluet id, quod debet, possit petere absolutionem à iuramento, cum quia ex coactione illi infertur iniuria. c. legebatur. de maiori. tum quia superior occasionem peierandi auferre debet. l. ij. C. de indicta vidui. tollen. sequitur Ioan. Fab. in l. ij. C. cod. Hoc tamen non videtur verum, quia non potest absolui à debito principali is qui debet, ergo nec ab accessorio, scilicet à iuramento, nec obest quod fiat iniuria, nam nulla fit, & si fiat, non debet agi, sicut quando appellatur à iudice, illi fit iniuria, sed non attenditur illa iniuria. Alioqui daretur materia delinquendi, & peierandi, ac frustrandi debitorem suum.

Item non datur occasio peierandi, quando quis cogit debitorem iurare, ut soluat quod sibi debitum est, & ideo dicerem per hunc tex. eum qui coactus fuit iurare soluere debitum, non posse absolutione prætextu metus accessorij petere, & istud æquum est. Alioqui daretur materia delinquendi, & non soluendi.

Ultimò, istum tex. allegat Guido Papæ consil. 65. Viso themate. col. 2. ad hoc quod si Buro, vel alius potens vtatur aliquo iure contra non potentem, forte quia sistit, arestat, vel pignorat sine causæ cognitione, præsumitur extorsio, & violètia, quo casu consuetudo vel præscriptio etiam longissima non sufficeret, quia esset irrationabilis, & peccati nutritiua. c. fin. de consue. quod facit contra potentes, ut præscriptio facile non recipiatur contra pauperes, & maxime contra subditos.

Postremo, ex hoc text. colligunt Doctor. quod si apparitor sine iudicis mandato prehenderit debitorem, an poterit postea ibi de iudicis mandato retineri, & (ut dicunt) recommendari: super hac quæstione distinguendi sunt casus sequentes.

Primus est, Inclusus in carcere non potest retineri à Commentariensi pro quocunque debito sine iudicis sententia, alioqui custos carceris priuatus committeret crimen. l. neminem. C. de exhib. reis. l. capite quinto. ff. de adult.

Secundus casus est, Non potest hæc sententia retentionis à iudice die feriato in honorem Dei proferri. C. de fer. l. fi. & c. fi. illo titul. quia hæc retentio per sententiam iudicis fit, quæ non potest proferri die feriata. c. placita. 15. q. 4. Bald. in authen. ci qui. col. 3. nu.

*Inclusus in carcere debitor, sine iudicis mandato.*

13. C. de bon. autho. iudi. possiden. sic consuluit Alex. consil. 159. Circa primum. 2. q. in 2. volum.

Tertius casus, Vbi prehensio est nulla, non potest quis pro alio debito retineri, ut si quis fuerit in loco sacro captus, vel in domo sua, tunc restitui debet. l. plerique. ff. de in ius vocan. l. præsent. C. de his qui ad eccle. cofuger. c. inter alia. extra. de immunita. eccle. quia spoliatus sua libertate, ante omnia venit restituendus. l. si quis ad se fundum. C. de vi publi. nec exceptio opponi potest, quare non restituitur. l. prima. C. si per vim vel alio modo. Alex. d. consil. 159. Circa secundam quæstionem. vol. 2. facit lex, si quis liberum. ff. de proba. Nam quod inutile est, non potest alij robur dare. l. cum vnus. §. planè. ff. de bon. autho. iudi. possid. quod intelligit Bart. in d. q. 6. verum quando recommendatio (ut verbis suis vtar) caperet vim à prima captura, quia postquam non valet fundamentum, nec id super quo ædificatur. l. ego. ff. de excep. rei iudi. & idem est dicendum, si in alio esset territorio captus. Bar. in d. q. 6. incipiente, Lopus. Si tamen prima prehensio fuerit sine iudicis mandato facta, nunc retentio ad iudicis præceptum fieri poterit. Benedi. in repe. c. Raynutius. in verbo, si absque. 2. de substi. fideicom. nu. 50. de testa.

*Captus quando restitendus sit.*

Quartus casus est, captus pro vno debito potest pro alio ibi retineri, maxime quando erat debitum eidem creditori, etiam si actor sit in calumnia, dummodo non sit peccatum in capiendo, per istum text. facit l. vnica. C. si ob chirogra. pec. vbi pignus potest retineri ob chirographum, licet pro eo debito non esset datum. Bart. & alij in l. iij. §. primo. ff. ne quis eum qui in ius voca. est, vi eximat. & in consi. 221. An positus. in prima quæstio. imò, si debitor prehensus & captus est pro non debito, potest pro vero debito retineri. argu. l. tutores. in fi. ff. de condi. indeb. quia nihil refert, an quis de nouo capiatur, an retineatur, nec venari animal debet, quod est intra laqueum. l. in laqueum. ff. de acquir. rer. domi. Bald. consil. 90. Queritur. in 5. vol. nam secundum eum prehensio est quædam secunda citatio, sed ille, qui est præsens, non debet citari, sed inberi, ut remaneat, unde si iudex præcipiat, ut non recedat de carcere, est tacite hunc iterum citare. ut l. ij. C. quomod. & quando iudex. Quod est verum, quando ex illo debito poterat in carcerem includi, alioqui ibi non poterit retineri, quia hæc commendatio non habet maius priuilegium, quam prima prehensio, ut docet Baldus, consil. 50. Queritur. in fin. vol. 5.

*Debitum captus pro alio debito potest retineri. Pignus retentum ob chirographum.*

Quintus casus, captus pro debito priuati, semper retineri poterit pro debito fisci, quod est valde priuilegiatum. §. oportet. in authen. ut iudi. sine quoquo suffra. colla. 2. §. publicorum. in authen. de manda. princip. colla. 3. & è contrario l. quotiens. C. de exact. trib. lib. 10. Bal. in tract. de carcere. c. 2.

*Debitum fisci.*

Sextus, pro debito ciuili captus, potest pro crimine retineri. Bart. in l. ij. in fi. ff. de custo. reor. sed non è contrario, quia criminalis causa præfertur. l. per minorem. ff. de iudi. l. fi. de ordi. iudi. Bart. d. consil. 221. & Bal. in d. tract. de carcere. in d. c. 2.

6

Septimus casus, pro vno delicto detentus, semper potest pro alio retineri, etiam si crimen leuius sit. l. si cui. in fi. ff. de accusa. & finita primi delicti cognitione, cognoscetur de secundo. l. qui de crimine. C. de accusa. Bar. in d. consil. 221. An positus. & in d. l. ij. Angel. in tract. malefi. in gl. Fama publica. q. 7.

*Captus pro delicto.*



## De dolo malo. TIT. I I I.

## S V M M A R I A.

- 1 Prætor quomodo dolum adinuenerit.
- 2 Dolus regulariter non præsumitur.
- 3 Dolus quomodo probari debeat.
- 4 Actio famosa à Præatore non decernenda, si sit civilis, honoraria, vel ordinaria.

## LEX I. VLP IANVS LIB. XI.

## AD E D I C T V M.



O c edicto Prætor aduersus varios & dolosos, qui aliis obfuerunt calliditate quadam, subuenit: ne vel illis malitia sua sit lucrosa, vel istis simplicitas damnosa. Verba autem edicti talia sunt, **Q**UAE DOLO MALO FACTA ESSE DICENTVR, SI DE HIS REBVS ALIA ACTIO NON ERIT, ET IVSTA CAUSA ESSE VIDEBITVR, IVDICIUM DABO.

**P**rimùm quærendum est, quis inuenit edictum de dolo. Respondet l. prima Prætozem adinuenerit.

- I** Sed quomodo à Præatore dolus inuentus sit, cum Cain filius Adæ dolo induxerit Abelem, vt egrediretur domo patris, vt postea eum interficeret, Genes. 4. & Deutero. 15. Deus prohibuit ne quicquam ageretur callidè, maximè in necessitatibus pauperum subleuandis, imò diabolus inuenisse dolum coniectare possumus, quem longo tempore scimus exercuisse, prout exercet, & malos docuisse, vt illū exercerent. Respondeo, ante Prætores non erat specialis inuenta actio doli, ad irritandum actus dolo initos, idè Prætor introduxit actionē de dolo, & hoc edictum, non autem dolum, qui longo antea tempore inductus fuerat, & hoc probat hæc lex prima. Ex qua notandum est, quod vbicunque lex dicit, ait Prætor, dicere possumus edictum illud à Præatore inductum, vt in titul. proximo diximus, & in sexcentis fermè legibus videre est, & quare nō vocatur lex Prætoris, sed edictum? Respondeo, Prætori, & aliis magistratibus Rom. iura constituere tātum per edictum permissum fuit, quod edicta res ipsas præcedant, id est, antequam negotia & causæ existant, proponi soleant, atque ita omnis sinisterior suspicio cesset, teste Theophilo in §. Prætorum edicta. de iure natur. in Institut.

Secundò, aduersus quos inductum est hoc edictum? Respondeo, aduersus varios & dolosos, qui aliis obfuerunt calliditate quadam, id est aliqua, sic exponitur in l. si duo. ff. de pos.

Variis dicitur, diuersus, multiformis, multiplex, mutabilis, vnde qui rem duobus vendidit, diuerso tempore, varius est, & falsi poena tenetur. l. qui duobus. ff. de fal. & qui varius est, dolosus etiam dici potest, vt probat copulatiua, & in isto text. posita.

Aduersus etiam hæredes dolosorum datur. l. hæredibus. infra, sed duntaxat de eo quod ad eos per-

uenit, quatenus ex ea locupletiores facti sunt l. si plures. & l. in hæredem. infra. vel dolo malo eius factum fuerit, quominus perueniret, idè si accepto lata fuerit pecunia, cum hærede agatur. l. dolo. & sequen.

Tertiò, quibus detur? Respondeo, deceptis dolo, & calliditate aduersarij, secus si casu & bona fide, probatur in l. si vt certo. §. nunc videndum. ff. commodat. l. si legatarius. ibi, *vel quadam alia fallacia*, infra.

Et sic sequentia requiruntur in hoc tex. ad hoc vt doli oriatur actio. Primò, quod sit varius & dolosus, ibi, varios & dolosos, nā si simplex esset, non præsumeretur dolo.

Secundò, quod ille obfuerit & nocuerit probat lex, & eleganter. §. primo. ibi, venenum dedit, & §. si seruuum. ibi, interemptus est. infra eod. quæ est aliàs l. si quis affirmauerit. l. si oleum. §. penul. ibi, *nam si ea res sit, in qua dolus commissus est*. nam verba cum effectu intelligi debent. l. prima. ff. quod quisque iur. & l. cū quis. ibi, si quid damni mihi accesserit. infra, eod.

Tertiò, quod aliis nocuerit, ergo si soli doloso, nō posset agere dolosus. gloss. in l. & eleganter. in verbo, nullam. vbi dicitur. infra, eod.

Quartò, quod etiam calliditate nocuerit, vnde si casu, non agatur. l. si quis affirmauerit. ibi, si callidè hoc fecerit, infra eod. l. quod si cū scires. & l. quod venditor. infra. ibi, decipiendi causa: si tamè duo dolo malo fecerint, inuicem de dolo nō agent. l. si duo. infra. & Vlpia. ait, dolo malo adiecto calliditatē notat Prætor eius, qui persuadet. Cæterum si sine dolo quis deteriore fecerit, vt & si lusus gratia fecerit, non tenetur. l. dolo. ff. de interroga. actio.

Quintò, quadam, ergo sufficit minima calliditas: ibi, calliditate quadam, id est, aliqua. l. prima. quæ non magnam machinationem exquirunt, hoc titu. per gl. in l. & eleganter. in fi. infra. & l. quid enim. ibidem. facit gl. in clemen. vnica. in verbo, aut earum aliqua. de foro compe. scripsi in interpre. authen. habita. in verbo, aliquam. C. ne filius pro patre.

Et sic perperam videtur concludere Doctor. qui dicunt dolum esse considerandum, sicut metum, qui etiam cadere possit in prudentem virum, quia per iura prædicta aliqua calliditas sufficit, quicquid dicat Bald. in rub. C. de rescin. vendi. & in l. prima. col. 2. C. de sentent. ex libello recitanda. Hyppol. singul. 407. Nō omnis. Relinquitur tamè arbitrio iudicis, si calliditas illa sit sufficiens, necne, nempe dolus tantò punibilior est, quantò callidior, & latentior. teste Bald. in l. fraus. ff. de legi. Ista videtur additiones quadam interpretum ad textum, & ex hoc sequeretur absurdum, non puniendum, scilicet dolum, qui in simplicibus, & faciles sit.

Quartò, principaliter dubitatur, quāobrem hoc edictum inductum sit? Respondeo, duplici ex causa. Primò, ne simplicitas dānosa sit istis simplicibus, quidam sunt simplices, id est fatui, negligentes, & his aliqua etiam iura subueniunt. vt in l. in negotiis. ff. de regul. iur.

Alij sunt simplices, id est puri, & aperti, à dolo & simulatione alieni, nil fuci præferentes, de quibus in c. si cupis. 16. q. prima. ibi, habeto simplicitatem columbæ, ne cuiquam machineris dolos, & serpentis astutiam, ne aliorum supplanteris insidiis, & ista veritatis est amica simplicitas. c. veritatis. de iureiur. Et his simplicibus qui interdum facillè decipiuntur, sub-



uenit hoc edictum aduersus dolosos & vafros.

Alia est causa, ne malitia & calliditas dolosis sit lucrosa, vt etiam docet Paul. in l. ne ex dolo suo lucrarentur, infra. Etiam Caius ait, non debere quos ex alieno damno lucrari. l. itaque. in §. si. infra eodem. & alibi idem ait, videri me dolum malum facere, quod ex aliena iactura lucrum queram. l. si quis mancipiis. in fin. ff. de insti. actio. vnde iure naturæ æquum est, neminem cum alterius detrimento, & iniuria fieri locupletiores. l. iure. ff. de regul. iur. & Paul. scribit in l. prima. ff. de doli excep. Ideo autem hanc exceptionem Prætor proposuit, ne cui dolus suus per occasionem iuris ciuilem contra naturalem æquitatem profit.

*Actio de dolo finitur biennio.*

Quintò, quantum durat hæc actio? Respondeo, hæc actio debet moueri & finiri intra biennium. l. si. C. eodem. eò quod famosa sit, iura volunt eam citò extinguendam: sed in praxi non seruatur illa lex quoad contestationem, vt si semel intra biennium cœpta sit, & non perfecta, quod finiatur, alioqui dolosus protrahendo causam, sic lucraretur, quod non est dicendum, imò etiam tempus, quo quis non potuit agere, quia causa reipub. erat absens, detrahitur. l. iij. C. eodem.

Sed de eo quod ad dolum peruenit, & locupletior factus est, in factum actione tenetur perpetuò, etiam hæres eius. l. itaque. in fin. infra eodem. quæ actio famosum eum non facit, quia rem respicit, & potius calculi ratione, quàm maleficii hæredem conueniri (id est, si post calculum bona inueniantur apud eum hæredem) ait Iuriscons. in l. Sabinus. hoc titulo.

Neque causæ cognitio in hæredis persona erit necessaria. l. neque. ibidem. quia datur in hæredem quæcunque, etiam si dignitate præditus sit, etiam si res modica sit apud eum, quia hæc non infamat, vt dixi, cum rem respiciat, & sic nõ requiritur cognitio causæ, an sit in dignitate necne hæres, vel an res sit modica, vel magna.

*Actio personalis ad rescindendum contractum doli initium, finitur post 10. annos.*

Postremo notandum est, quod si venditio, vel alius contractus dolo factus fuerit, datur actio personalis ad rescindendum illum contractum, quæ 30. annis durat. l. sicut. & l. omnes. C. de præscrip. trig. anno. nisi in hoc regno Franciæ, quæ tantum decem durat annis. vt in titul. proximo scripsi supra.

Et quamuis actio quod metus causa dolum contineat. l. item si cum. §. eum qui. supra tit. prox. tamẽ nullus metus est, si dolus intercedat. l. & qui dat. ff. ex quib. cau. maior.

Sextò, Vlpian. ait, qui dolo dicit factum aliquid, licet in exceptione, docere dolum admissum debet. in l. quotiens. §. primo. ff. de proba. Et sic dolus est probandus, quia regulariter non præsumitur interuenisse. l. meritò. ff. pro socio.

Sed quomodo probetur dolus? Respondet Imperator, *dolum ex iudiciis perspicuis probari conuenit.* l. dolum. C. de dolo.

*Dolus quando præsumatur.*

Interdum à iure præsumitur dolus ex qualitate facti, vel actus cui inest, vt quando debitor, sciens se debere, omnia bona alienat: nã hoc in fraudem creditorum facere censetur. l. Lucius. §. omnes. ff. quæ in fraudem credit. & res ipsa aliquando in se dolum habet. l. si quis cum aliter. ff. de verbor. obliga. Et his casibus & similibus dolus non est alio modo probandus, sed iudex ex actu ipso habet probatum dolum,

postquam lex eum etiam sic habet, ideò præsumitur dolus, quando quis non facit, quod debet. l. dolus. ff. manda. l. tutor qui. ff. de administ. tut. Ias. consil. 219. col. 2. in 2. vol.

Aliquando qualitas facti concludit contrarium eius, quod agitur, vt non potest dolo carere, qui imperio magistratus non obtemperat. l. non potest. ff. de regul. iur. l. item hi qui reipub. causa, sine dolo malo abfuisse, dolum malum eò pertinere accepit, vt qui reuerti potest, neque reuerteretur. ff. ex quibus cau. maio.

Item in maleficiis præsumitur dolus. l. si non conuicij. de iniur. C. l. prima. de fcar. & quando vergit in alterius detrimentum. l. nec ex vi. C. de fal. Bald. consil. 155. Reperitur in 3. vol. plenè scribunt Doct. in c. si autem. de rescript.

Item eò dicunt iudiciis dolum probandum, quia verè probari non potest, cum in animo consistat, & animi cognitor est solus Deus. c. erubescat. 32. dist. c. tua nos. de symo. & Iuriscons. ait, an dolo quid factum sit, ex facto intelligitur. in l. prima. ff. de doli excep.

Sed quæ iudicia sufficiant? Respondeo, oportet esse perspicua, & dilucida, quæ facti qualitatem indicent, ex quibus iudex possit dolum arguere, cognoscere, seu cõiectare, & de eo iudicare, & ideò arbitrio iudicis ista relinquuntur, cum super his certa non possit constitui regula. vt docet Luc. de Penna. in l. quemadmodum. col. 11. C. de agrico. & cens. libr. 11. & quod Imperator vocat iudicia, Iuriscons. vocat argumenta. in l. non solum. §. à Barbaris. ff. de re milit. Et perspicua vocantur clara, aperta, dilucida, manifesta, super quibus iudicantis authoritas iudicium firmare potest, vt docet Bart. in l. admonendi. col. 3. C. de iureiur.

*Iudicia ad dolum probandum, debent esse dilucida.*

Discutere ergo debet iudex, an iudicia sint sufficientia ad probandum dolum, an verò leuia sint, ex quibus dolus non est satis probatus, vt eis credat, & per ea iudicet. l. si. C. de proba. l. & elegãter. §. primo. infra. Bald. consil. 250. in quæstione. in primo vol. Vnde Celsus confitetur, si leuior sit suspicio aduersarij, quasi dolosè versari, hoc non sufficere, vt minor in integrum restitui possit quasi callidè deceptus. l. iij. §. si quis. versic. idem tamen. ff. de minor.

Item discutiet iudex, inspecta qualitate personæ & facti, an plura sint cõtra dolum iudicia, & fortiora quàm pro eo, vel à contrario, & qualia sint vtraque. vt probatur arbit. tute. l. si defunctus. & l. nec ei. §. primo. ff. de adop.

Septimò, quæro quod est Prætoris edictum? Respondeo, in l. prima. Vlpia. hæc fore verba edicti scribit, *Quæ dolo malo facta esse dicentur, si de his rebus alia actio non erit, & iusta causa esse videbitur, iudicium dabo.*

Primò in edicto Prætoris sunt hæc verba, quæ facta erunt, & c. Videlicet, quæcunque dolo malo facta erunt, datur actio, sicut in edicto Prætoris quod metus causa gestum. l. metum. §. animaduertendum. supra. eodem. vbi dixi. & in edicto Prætoris erant verba, *quæ fraudationis causa gesta erunt*, & Vlpian. sic declarat in l. prima. ff. quæ in fraud. credi. quodcunque igitur fraudis causa videtur fieri, his verbis reuocari, quaecunque fuerit: nam latè ista verba patent, & in rub. ff. quod vi aut clam fact. est. ac in titul. quod falso tuto. aucto. gestum esse dicet.



Dolo malo, ideò Prætor dixit, quia dolus quidam bonus est, qui pro solertia accipitur. Solertiam dicimus, sagacitatem, prudentiam, celetitatemque ingenij, quæ non infringit actum, licet in eo interueniat, & ita intelligi debet text. in l. in causâ. 2. §. Idem Pomponius ait, in pretio emptionis & venditionis naturaliter licere contrahentibus se circumuenire. ff. de minor. Nam cum hæc solertia naturaliter hominibus quibusdam insit, ob id naturaliter dicit licere circumuenire alium in pretio, & idem text. in l. item. §. si. loca. dummodò dolus absit.

Interdum, hoc dolo uti potest Aduocatus, si iustâ habeat causam. glos. in c. dominus. 23. qu. 2. Panor. in c. primo. col. 2. quod metus causa.

Idem in iudice, ut veritatem eruat à scelesto homine. Bald. in l. prima. §. editiones. 2. nota. de eden. Hyppoli. in singul. incipiente, Malitiis. 177. & Archidia. & alij. in c. vtilem. 22. q. 2.

Alius dolus est malus, qui sic à Labeone definitur, cuius definitione probat hîc Vlpia. dolum malum esse omnem calliditatem, fallaciam, machinationem ad circumueniendum, fallendum, decipiendumque alterum adhibitam. Et Accurs. putat hîc calliditatem in tacendo, fallaciam in mentiendo, machinationem in arte verborum consistere: tamen regulariter ista vocabula ad malitiam tendunt, ob id indifferenter his utimur vocabulis, ideò omnis machinatio, fraus, versutia, fallacia, & calliditas ad decipiendum alterum adhibita, dicitur dolus.

Item doli appellatione venit dolus malus. l. & eleganter. & ferè in aliis legibus infra. eod. l. dolo facit. ff. de excep. rei iudic. & hoc docet Diuus Thomas. in 2. secundæ. q. 55. arti. 4. quem sequitur summa Angel. in verbo, astutia.

Deinde in Prætoris edicto erat verbum, facta. Verbum, facere, omnem omnino faciendi causam complectitur, dandi, soluendi, numerandi, iudicandi, & ambulandi. l. verbum, facere. ff. de verborum significatione, vbi dixi.

Si dolo malo suaferim ut des seruum, dedisti, actio de dolo competit, si alia non detur, quia verbum facere in hoc text. conscriptum complectitur causam dandi.

Idem, si per dolum tuum, quod non debebam Titio, soluerim, repetam à Titio, si soluendo sit, alioqui contra te de dolo agetur. l. ideòque. hoc titulo.

Si dolo coactus fuerim tibi pecuniam numerare, etiam hoc edicto dolus malus punitur, cum verbum hoc factam numerationem etiam contineat. d. l. verbum facere. Iudicandique dolus plectitur in l. si filius familias. ff. de iudi.

Ambulandi causa, punitur dolus. in l. is qui cum telo ambulauerit homines necandi causa, sicut is, qui hominem occiderit, vel cuius dolo malo factum erit commissum, legis Corneliæ, de sicar. pœna coercetur. C. de sicar.

Faciendi etiam verbo, reddendi causa continetur. l. faciendi. ff. de verbor. significatio. Vnde si venenum datum fuerit seruo meo, quem commodaueram, vel qui mihi erat veditus, de dolo dabitur actio. l. & eleganter. §. nō solum. infr. & sic hoc verbum, facta, in edicto Prætoris positum latè patet. ut in l. prima. ff. quæ in fraud. credit. facta sunt. & in l. prima. & per totum. ff. si quid in fraud. pat. fact. sit.

Adeò quòd hoc verbum, factum, comprehendit etiam dictum dolo, ut Caius, & Vlpia. inferius satis explicant. Ait enim Caius. l. quòd si cum scires eum facultatibus tui, tui lucri gratia affirmasti mihi idoneum esse, de dolo iudicium dandum. infra. eo. Similiter & Vlpia. in l. si quis affirmauerit. ibidem. Etiam si quis ad infamiam alterius dolo malo cantilenam, vel aliud scripserit, si alia actio non sit, daretur doli actio. l. lex Cornelia. §. si quis librum. ff. de iniur. Imò si lex dolo alicuius sit promulgata & edita, hæc actio datur, & quidem dolus fit, tam in contractibus, quàm in testamentis. l. prima. in fi. ff. de doli except.

Dicuntur. ] Accurs. supplet, & erunt facta, hoc tamen non est necessarium: nam hæc est phrasis Iurisc. ut quādo factum pro vero habendum, hoc verbo uti soleant, ut quæ dicuntur esse facta, pro eo, quæ facta erunt. ut in titul. si quadrupes pauper. fecit. dica. si libertus ingenuus esse dicatur. & in tit. si mulier vent. min. in posses. calumniæ causa esse dicatur. ac in titul. quod falso tutore authore gestum esse dicetur. l. qui nomine Prætoris literas falsas reddidisse editumve falsum proposuisse dicetur, ex hac causa actione in factum pœnali tenetur. ff. de falsis. Adduxi iura in l. iij. §. si. ff. de verbo. signifi. & hoc quando Iurisc. impersonaliter loquuntur, secus si ad partem referatur, quia tunc qui dicit se esse talem, intelligitur, si probetur quod dicit, l. qui se dicit. ff. de iudic. l. actor. C. de proba. l. non ignorat. qui accus. non possunt.

Si de his rebus. ] Rei verbum tãquam generale Prætor elegit, l. prima. in fi. ff. de reb. credi. & rei appellatio generalior est, quàm pecuniæ. l. rei. ff. de verborum significatione, vbi abundè scripsi, quid rei nomine contineatur, videlicet & facta, & alios actus contineri, & ideò in re gesta dolo, id est, in actu gesto dolo, si non oriatur, de dolo actio dabitur. Et hoc dicit iste text.

Si alia actio non erit. ] Hoc amplissimè elucidat Iurisc. in hac l. prima. & sequen. nam Vlpian. docet his verbis, Merito hanc actionem Prætor ita demum pollicetur, si alia actio non erit, quoniam famosa actio non temere debuit à Prætore decerni, si sit ciuilis, vel honoraria, ordinaria, id est, qua quis possit experiri. ut Accurs. ait, vsque adeò ut & Peditius lib. 8. scribat, etiam si interdictum sit, quo quis experiri, vel exceptio, qua se tueri possit, cessat hoc edictum. §. ait Prætor. l. prima. hoc tit. idem & si quis stipulatione tutus sit, non agetur de dolo.

Imò, si quis in integrum restitui ratione ætatis, metus, vel absentia, vel aliæ iustæ causæ possit, non dabitur hæc actio, sed imputabitur illi, qui in integrum restitutionem petere non vult, nisi per dolum fecerit, ut tempus ad petendam restitutionem præterierit, eo casu post tempus doli actio dabitur. §. idem Pomponius. in d. l. j. etiam Vlpian. docet, Si quis aduersarium callidè circumuenerit, & omnis in hac lite dolo versatus est, locum habebit ex stipulatu actio, & ideò si velit de dolo actionem aduersarius exercere, non debet, cum habeat ex stipulatu actionem. l. ita demum. in fi. ff. de arbitr.

Nec quidem hæc actio datur, si primum habeam actionem, & eam acceptam fecerim: nam imputari mihi debet, cur eam sustulerim, nisi dolo malo quis induxerit me, ad illam actionem extinguendam, eo



casu de dolo actio competeret §. si quis. in hac l. prima.

Et generaliter vbicunque res seruari potest, siue ab eo, qui dolum intulit, siue ab alio, nunquam hæc actio dabitur, vnde si dolo tutoris, vel collusione sua minor sit circumscriptus, non datur minori actio de dolo, quia tutelæ competit in tutorem, nisi tutor soluendo non sit, tunc de dolo daretur aduersus Titium rem pupilli possidentem, & qui dolum cum tutore commisit. l. ij. & sequen. l. ideò. cum l. sequen. & alibi. Papinia. ait, *Quotiens deficit actio, vel exceptio, utilis actio, vel exceptio præscriptis verbis danda est.* l. quotiens. ff. de præscrip. verb. Ideò, vbi ex facto dolus abest, est tamen æquum actionem dari, tunc præscriptis verbis, vel in factum dabitur, & ita intelligetur dicta lex quotiens. & l. prima. & per totum. ff. de præscrip. verb. At cum factum dolo conceptum est, & ex eo non adest alia actio, tunc de dolo competit, vel actio, vel exceptio. l. prima. ff. de doli excep. Sufficit ergo vel aliam habere actionem, exceptionem, persecutionem, vel in integrum restitutionem, per prædicta.

*Restrictio  
nes ad præ  
cedentia.*

Limitatur, quando criminalis competeret cum hac actione, tunc vna per alteram non cessabit. vt docet Vlpian. his verbis, in l. si quis affirmauerit. in fi. infra. ibi item, si tabulæ testamenti ne de inofficioso diceretur, diu suppressæ sint, mox mortuo filio prolata, hæredes filij aduersus eos, qui suppresserunt, & lege Cornelia, & de dolo posse experiri certum est. facit gloss. in §. gallinarum. de rer. diuis. in Instit.

Secundò, quādo alia actio, quæ daretur, esset inutilis, & sine effectu, vt si tutor colluserit cum Titio, & minor circumscriptus fuerit, in Titium dabitur actio de dolo, si tutor soluendo non fuerit, licet actio tutelæ competat, tamen esset pupillo inutilis. l. ideò. que rationem tradit Caius: nam is nullam actionem videtur habere, cui propter inopiam aduersarij inanis est actio. ibidem.

Idem dico in Procuratore, qui passus est vincere aduersarium, vt si cum Procuratore agi non possit, quia non est soluendo, liberum erit contra aduersarium. l. & eleganter. §. si dolo malo. infra eodem. vbi dicam. facit l. si oleum. in princ. infra, quæ est aliàs l. si quis affirmauit. §. Labeo libro tricesimo se primo posteriorum scribit, si oleum, &c.

*Actio de  
dolo pro re  
modica nō  
competit.*

Tertiò, ista actio non datur pro re modica, quia odiosa est, & infamat, modicā rē dicit Paul. vsque ad duos aureos l. si oleum. in fin. cum l. sequen. infra eodem: nam nisi ex magna causa & euidenti calliditate, non debet de dolo actio dari. l. & eleganter. in fin. infra eodem.

Quartò, interdū in lege numerantur plures actiones, & dari eas pro vno actu Iurifcon. asserit, tamen quandiu vna competere potest, actio de dolo (quæ est subsidiaria) non competit, vt in l. prima, & secunda, & hac l. iuncta l. repeti. §. fi. ff. quibus modis vfusfruct. amitta. & in hoc limitabitur l. quod in hæredem. §. eligere. ff. de tributo. actio. & sic non est inconueniens quem pluribus actionibus teneri, etiam cum actione de dolo, sed agatur aliis actionibus, & non de dolo. facit l. qui tabulas. ff. ad legem Aquilianam.

Quartò, non datur liberis contra parentes, quia

liberi honorare, & non infamare parentes debent. l. liberto. ff. de obseq. Etiam eadem ratione non competit aduersus patronos, idem dixi non dari scholastico aduersus doctorem, & præceptorem, quia parentum hi prærogatiua iuuantur. d. l. liberto. Ioan. Fab. & alij in §. pœnales. de actio. in Insti. idem sentiunt.

Non datur hæc actio etiam humili aduersus hominem excellentem, vtputa non datur plebeio aduersus consularem, id est, aduersus eum qui iam erat functus officio Cōsulis, in memoriam prioris dignitatis. l. fin. ff. de decur. vel qui dignus erat consulatione: sic nec aduersus consiliarios Curiarum supremarum, aut magni consilij, nec aduersus nobiles, vt docet Cæpol. cautel. 161. Dicat.

Sed, nec vili datur aduersus homines vitæ emendationis, quos non debet infamare, quare per istum text. dixi aliquem scurram, seu vilem non posse agere contra Aduocatum actione doli, quia hi viles honore afficere debent hos honoratiores, non verò infamia dedecorare. hoc docet Angel. in §. primo. colum. ii. & sequ. de excep. in Instit. Cæpol. cautel. 107. Filio.

Humiles & abiectas personas esse Imperator declarat, seruos, & ancillas, libertos & libertas, ac horum filios scenicos ac scenicas, tabernarios, ac lenones, arenarios, & horum filios, ac filias, & eas quæ publicè mercimoniis præfuerunt, id est, meretrices. in l. humilem. C. de incest. nupt.

*Personæ  
abiectæ quæ  
dicantur.*

Luxurioso. ] Gloss. dicit carnali, vel prodigali iniuria. vt l. ex damno in princ. ff. de damno infect. Ille dicitur luxuriosus, qui luxui deditus est, siue in voluptatibus mulierum, siue bonorum, probat l. & mulieri, quæ luxuriosè viuit, bonis interdicti potest. ff. de cura. furio. quam alibi elucidauit.

Prodigo ] Is, qui prodigit substantiam suam, vilis est, quando ad summam venit profusionem, *ἀφάνιστος*, dicitur, id est, consumere, vt nusquam vestigium appareat, vnde à Nabatæis seruatum legimus, vt negligens & remissus, qui opes paternas minuisse, pœna mulctaretur, cui verò res esset auctior, daretur præmio, nec hi in sepulchro patris apud Græcos inhumabantur, vt docet Alexand. lib. Genial. qui bona paterna voluptatibus deliniti & infascati abligurierant.

Viles dicuntur, qui abiectas artes exercēt, vt cloacarij, custodes caprarum, & pecorum, tabernarij, histriones, & alij artes similes exercentes. vt in l. ne quis. C. de digni. libro duodecimo. & qui malis moribus vilescunt. gloss. in cap. qui contra. 4. quæstion. prima. Bald. in d. l. humilem. scripsi in interpretatione authen. habita. in verbo vilissimis. C. ne filius pro pat. Alcia. in l. mercis. ff. de verborum significatione.

*De eadem  
re.*

Dicit quis, ergo isti parentes lucrabuntur cum dolo suo? Respondeo, non: sed in factum agatur in ipsos, & verbis temperanda erit ista actio, vt non doli, sed bonæ fidei sit habenda mentio, vel docet Iacobus de Rauen. filium & libertum posse narrare in facto dolum commissum, à parente, & patrono, sed in cōclusionē temperabunt actionē, faciendo mentionem bonæ fidei: sic, quia bona fides nō patitur, quod ex dolo suo quis lucretur, ideò peto patrē meū condemnari actione in factū, sed hoc nō est verum, alioqui

*Dolus po  
tentū quo  
modo in a  
ctionē de  
ducendus.*



*Actio filij  
decepti,  
quomodo  
contra pa-  
trem for-  
manda.*

alioqui nominando dolum pater infamaretur. Ideò praxis hodierna inualuit, vt si pater dolo induxerit filium ad dandum illi, illum fortè inebriando, filius deceptus narrabit factum, vt est, sed nō dicet patrem induxisse eum dolo, sed bona fide eum inebriasse, & postea induxisse eum ad dandum talem domum, quare dicet, cū ex tali facto appareat eum esse sic deceptum, ideò petit, vt talis donatio annulletur, & demum sibi res restituatur, & sic nūquam fiet mentio doli, sicut nec fit mentio furti, quando vxor post mortem res mariti amouit, sed rei amota, & in factū sic agitur. l. prima. & per totum. ff. rerum amota. aliās si doli haberetur mētio, infamis apud bonos & graues fieret pater, quod non debet filius facere etiā excipiendo. l. apud. §. aduersus. ff. de doli excep. Cæpola, cautel. 107. Filio. Ideò hodie dolo sic deceptus, quisquis sit, solet impetrare literas Regias, in quibus factum narratur, & rex iudici mandat, quòd si de his constiterit, annullet & irritet cōtractum sic factum, & demum rem restituat, & iudex in sententia pronuntiabit literas cōprobandas, & (vt dicunt) interinandas, & eas interinando rescindet contractum, & annullabit, ac condemnabit eum, qui dolum commisit ad rem restituendā cum expensis & fructibus.

Et in his etiam literis bonæ fidei erit faciēda mentio in personis conscriptis. in d. l. non debet. & nō doli, vt iudex postea sic possit proferre sententiam, iuxta petitionis & literarum formam: l. vt fundus. ff. cōmuni diuidundo. hæredibus tamen harum personarum, item aduersus hæredes de dolo actio erit danda. l. hæredibus. infra. sed hoc non infamat hæredem, quia datur quatenus ad eum peruenit, & non ex delicto defuncti. l. in hæredē. infra eo. & l. si plures. eod.

Deinde in edicto sunt ista verba, & iusta causa videbitur esse. ] Merito quoque causæ cognitionē inseruit Prætor, neque enim hæc actio passim indulgenda est: nam ecce in primis si modica summa sit, id est, vsque ad duos aureos, nō debet dari hæc actio, nec quibusdam personis. l. si oleum. §. fin. cum l. sequenti. infra eod. & superius dixi.

*Pupillus  
quando ex  
dolo conue-  
niendus sit.*

Item in causæ cognitione versari Labeo ait, ne in pupillum de dolo actio detur, nisi fortè hæreditario nomine cōueniatur, ego arbitror & ex suo dolo cōueniendum, si proximus pubertati est, maximè si locupletior ex hoc factus est. Quid enim si impetrauit à Procuratore petiturus, vt ab eo absolueretur, vel si de tutore mentitus (fortè se nō habere tutorem asserens) pecuniam accepit, vel alia similia adinfit, quæ non magnam machinationem exigunt. l. non debet. in fi. cum l. sequen. infra, eodem. Et si ex dolo tutoris, pupillus factus sit locupletior, puto in eum dandam actionem, sicut exceptio datur, vt censet Vlpia. in l. sed si ex dolo. infra. Etiam in ciues vel municipales non datur actio de dolo, nisi quicquam ad eos peruenierit, sed in eos, qui dolo administrarunt, dari Vlpian. ibi consentit, & de dolo decurionum, in ipsos decuriones dabitur de dolo actio. ibidem.

Præterea in edicto Prætoris est, videbitur, & intelligitur de iudice, si iudici videatur iusta causa dandi actionem de dolo, dabitur, si alia non sit, quia hæc verba ad iudicē referuntur. l. arbitrio iudicis. infra eo.

Denique in edicto est, iudicium dabo, id est, actionem, vt patet in l. prima. & per totum istum titulum. scripsi plenè in l. xpe. ff. de verbo. signifi.

Quæ requirantur ad hoc, vt hæc actio competat?

Respondeo sequētia. Primò, dolum interuenisse malum, ergo non sufficeret si solertia quis, & suasionibus fuerit ingressus religionem, vel effectus fuerit sacerdos, qui ob dolum non potest liberari. c. fi. 2. qu. 3. quia bonus dolus est, qui nō infringit iustum actum. l. prima. infra. & c. vtilem. 22. q. 2.

Secundum est, quòd dolus interuenierit, ab eo, qui est sagax: nam si inter infantes, vel amentes, non habebit locum actio doli, & hæc in causæ cognitione interuenire solent l. si oleum §. fin. infra. eodem, quæ est noua tituli, & aliās incipit l. si quis affirmauerit vt supra dictum est.

Tertiò requiritur ignorantia, alioqui si vterque scierit dolum committi, non agetur doli, quia scienti dolus non infertur. l. venditor. C. de rescin. vendi. l. in diem. ff. de aqua plu. arcend. l. prima. de iniur. l. nemo videtur fraudare eos, qui sciunt. ff. de regul. iur. & regula scienti. illo titul. libr. 6. Alex. consil. 122. Quoniam. in 6. volum.

Quartò requiritur etiam illum, qui dolum commisisse dicitur, non esse authoritatis receptæ, & eum, qui agit, vilem esse. l. non debet. ff. de dolo. vt prædictum fuit.

Quintò requiritur, vt exprimatur persona, quæ dolum adhibuit, ne fortè liberi sui sint, qui in parentes agere velint, quod non possunt. per d. l. non debet. Etiam quia dolus ex natione personæ præsumitur, inspiciet enim iudex, si fuerit simplex ortus in Normania, Cenomania, Liguria, vel alia simili patria: nam Vlpia. ait interesse nostra scire nationem, præsumptum enim est quosdam seruos bonos esse, quia nationis non sunt infamata, quosdam malos videri, quia ea sunt natione, quæ magis infamis est. l. quod si nolit. §. qui mancipia. ff. de ædili. edi. Debet etiam exprimi res, super qua dolus est commissus, scire enim debet actor in qua re circumscribitur sit, nec in tanto crimine vagari oportet. l. item exigitur infra. Sic in qualibet actione reali debet quis designare, quod petit l. in rem. ff. de rei vendic. non tamen debet exprimi locus, sicut in criminalibus l. libellorum. ff. de accusa. Sôci. consil. 109. Clarum. in 3. vol.

Sextò, requiritur quòd damnum ascendat vltra duos aureos, alioqui pro modica re non datur hæc actio. l. si oleum. §. si. cum l. sequen. infra. eod.

Septimò, quòd alia actio non competat: nam cū hæc sit famosa, non datur, si alia sit actio. l. prima. & per totum. infra. & superius dictum fuit.

Octauò si plures dolo fecerint, & vnus restituerit, omnes liberantur, quia si vnus quanti ea res est præstiterit, putat ad hoc ceteros liberari. Vlpia. in l. si plures, infra, eodem.

Vltimò, requiritur biennium non esse transactum à tempore, quo dolus est admissus, aliās actio doli tempore esset perempta. per l. fi. C. eod.

#### S V M M A R I A.

- 1 Dolus dans causam contractui, infirmat contractum minoris.
- 2 Diuisio dolo facta, est reformanda.
- 3 Dolus cur ipso iure societatem annullet, non alios contractus.
- 4 Dolum passus potest contractum, inuito eo qui dolum intulit tenere.
- 5 Procurator Regius actionem popularē in regno Francia persequitur.

*Requisita,  
vt actio de  
dolo cōpe-  
tar.*





**I**teleganter Pomponius hæc verba, *SI ALIA ACTIO NON SIT*, sic excipit, quasi res alio modo ei, ad quem ea res pertinet, salua esse non possit. Nec videtur huic sententiæ aduersari, quod Iulianus libro quarto scribit, si minor annis viginti quinque consilio serui circumscriptus, eum viderit cum peculio, emptorque eum manumiserit, dādam in manumissum de dolo actionem. Hoc enim sic accipimus carere dolo emptorem, vt ex empto teneri non possit: aut nullam esse venditionem, si in hoc ipso, vt venderet, circumscriptus est. Et quod minor proponitur, non inducit in integrum restitutionem: nam aduersus manumissum nulla in integrum restitutio potest locum habere. Secundum quæ, etiamsi pœnali actione indēnitati eius consuli possit, dicendum erit cessare de dolo actionem. Pomponius etiamsi popularis actio sit, cessare de dolo ait actionem.

*Facti huius  
legis spe-  
cies.*

**I**stam l. hætenus perperam ab interpretibus intellectam arbitror, idēd primò, speciem facti ad principium huiusce legis adducam, quæsitum fuit ab Vlpia. quomodo intelligerentur hæc verba edicti, si alia actio non sit. Respondeo, quando res potest esse salua dolum passo per aliud remedium, hæc actio famosa dari non debet, si rem, aut æstimationem rei habere actor quoquomodò possit.

In secunda parte Iuriscon. tollit dubium, ibi, nec videtur, dicet quis, minor dolo & consilio sui serui deceptus vendidit illum cum peculio, quem emptor manumisit, quæ actio detur? Iulia. ait dādam in manumissum de dolo actionem. Sed, quomodo hoc intelligatur? Respondet text. ita demum actionem in manumissum dandam, si emptor carebat dolo, quia tunc alia actio dari non potest aduersus emptorem, ergo contra manumissum dabitur hæc actio deficiente omni alia actione.

Item debet intelligi actionem in manumissum de dolo dandam, si emptio nulla erat: nam si nulla erat venditio, eo quod minor erat in hoc ipso circumscriptus, vt venderet seruum frugi & bonum, quem nō erat alioqui venditurus, tunc nulla est emptio, & sic seruum suum vindicare poterit, ac si venditus non esset, at in eo quod est minor, nō datur restitutio contra manumissum, nec peteris restitutionē, vt in seruitutem redigatur manumissus, sed si possit consuli indemnitati huius minoris actione pœnali, vel alia, cessabit actio de dolo, etiamsi popularis actio competere, ista est textus declaratio.

Et eleganter. Ista est Iuriscon. phrasis propria, vt patet in l. & eleganter. ff. de condict. indeb. & in l. & eleganter. ff. de pignorat. acti. interdum dicunt,

bellissimè Iurisconsulti in l. si alius. §. bellissimè. ff. quod vi aut clam. aliquando, rectè. vt in l. nec timorem. ibi, *rectè scribit Pompo.* supra titul. proximo. Et sapius, rectissimè. l. item si cum exceptione. §. aliquādo. ibi, *sed rectissimè Iulia. videtur.* ff. quod met. cau. l. si verò. §. si post creditam. manda. & non incommode potest adhiberi distinctio. Paul. in l. Stichum. §. quæsitum. ff. de solut.

Excipit, exponit gloss. id est, excepta, sic exposuit, ego exponerem, pro exclusit, separauit, vt scripsi in tract. excep. in prima. quæst. & infert glo. & ad hoc allegatur, quod nomine actionis venit omne remedium. facit l. cum à te. infra. & l. prima. §. cum autem. ff. de aleæ usu. scribunt interpretes in §. primo. de actio. in Insti. & dixi in l. actionis. ff. de verborum significatione.

Quasi res alio modo ei ad quem ea res pertinet salua esse non possit. Ex hoc tex. colligitur, quod si res possit esse salua domino rei, non dabitur actio doli, vel exceptio res salua dicitur, quando potest seruari mihi. l. ij. & sequen. & si indēnis possim esse, extra hanc actionem, ea non vtar, vt inferius patet.

Nec videtur huic sententiæ aduersari. Colligitur, quod si volumus aliquam sententiā tenere, debemus respondere his, quæ illi sententiæ aduersantur, quod facit pro consiliariis & aliis, qui faciles sunt ad dicendam eorum sententiā, sed non ad respondendum, quod aduersatur suæ sententiæ, & in hoc est vis ingenij, & doctrinæ argumentum, alioquin tantum faceret analphabetus, vel alius illiteratus, sicut hic, qui dicit suam sententiā, & non respondet rationibus allegatis in contrarium.

Consilio serui circumscriptus. Ex hoc text. colligitur quem de consilio teneri & in eum actionem de dolo dari.

Nec refragatur l. consilij non fraudulenti nulla est obligatio. ff. de regul. iur. Respondeo, ibi soluitur, in illo text. nam nullus obligatur ex consilio non fraudulento, nec doloso, sed quilibet regulariter obligatur ex consilio fraudulento, & doloso. Ita & hic seruus consuluit domino suo, vt eum venderet, fortè dicens, se valetudine affectum, quam non poterat euadere, quod dominus credens vendidit, ob id si emptor eum dolosum manumiserit, datur in eum de dolo actio, vt supra dictum fuit. de hoc consilio dixi in l. sæpe. §. si. ff. de verb. signifi.

In text. emptorque eum manumisit, & sic ista manumissio & libertatis datio tanquam fauorabilis, non poterit retractari. l. si dolo. infra eodem. & l. si ex causa. §. fin. de minor. vbi Vlpian. ait, Aduersus libertatem minori à prætore subueniri, impossibile est, nisi ex magna causa à Principe fuerit consecutus. l. nisi. ibidem & facit titul. C. si aduer. liber. resti. postul. vel nisi libertus erexerit ceruicem in dominum, & ingratus fuerit. l. ij. & sequen. C. de liber. & eo. liber.

In manumissum dandam de dolo actionem. Nota hîc dari actionem in manumissum, de his quæ gessit in seruitute, licet regulariter contrā. l. eum actum. ff. de nego. gest. eò quod dolus sequitur dolosum, vt inferius dicitur, & peccata suos aucthores. l. sancimus. C. de pœnis. dicam in l. verum. infra. de minor.

Dandam

*Actionis  
nomine,  
quid con-  
tineatur.*

*Actio do-  
li, ex consi-  
lio dato.*

*Obiectio-  
nis solutio.*



**Dandam actionem.]** Interpretes dicunt actionem esse datiuam, sed ex hoc text. & aliis quos adduxi in l. sæpe. ff. de verborum significatio. & in l. iurifgentium. de pact. apparet deceptos esse, quia est phrasis Iurisconsul. dandam actionem, id est, concedendam, quando Prætor vult, ut actio detur.

**Hoc enim sic accipimus carere dolo emptorem, ut ex empto teneri non possit.]** Colligitur ex hoc text. declaratio ad regulam in principio text. positam, ut actio de dolo detur contra manumissum, cuius consilio minor circumscriptus eum vendidit, hoc intelligitur quando emptor carebat dolo, at si ipse emptor in dolo erat, nulla dabitur doli actio, sed actio ex empto aduersus emptorem, seu ex vendito. Ratio est, postquam alia actio est, non datur de dolo, & quia potest res esse salua per actionem ex vendito, idem actio de dolo cessabit. l. Iulia. §. si venditor. cum seq. infra. de actio. empt.

**Nullam esse venditionem, si in hoc ipso, ut venderet circumscriptus est.]** Ex hoc text. colligitur nullam esse venditionem factam per minorem deceptum in eo ipso, quod vendidit: & sic quando dolus dat causam contractui emptionis & venditionis, contractus minoris est nullus, duobus interuenientibus. Primus est, quod minor vendiderit, ut in text. patet qui tantum loquitur de minore.

**Secundum, quando est deceptus in hoc ipso, ut venderet, & sic aut fuit deceptus in pretio, & tunc est actio data, ex l. ij. C. de rescin. vendi. aut in rei restitutione, & tunc emptio non annullabitur.**

Sed videndum est, quando quis minor dicatur circumscriptus in hoc ipso, ut venderet? Respondeo, quando non erat venditurus seruum frugi, nec vtilem, consilio tamen serui & dolo suus minor illum vendidit, tunc nulla emptio dicitur, ut hic.

**At non parua difficultas est, an iste text. loquens in minore, locum habeat in maioribus: interpretes ferè tenuerunt habere locum, & fixerunt regulam per istum textum hanc, videlicet contractus bonæ fidei nullos esse, si dolus dederit contractui causam: si verò incidat in contractum, non erit nullus, sed annullandus. Et idē dicunt in contractibus stricti iuris, ut annullari debeant quoquomodo dolus acciderit.**

Verumtamen putarem istum textum in minore loquentem, non extendendum ad maiores: multa enim in illis specialia sunt, quæ in maioribus non habent locum, l. j. & per totum. infra tit. proxim. scripsi 30. illorum specialia in tractat. de resti. artic. 2. glo. 4. in 2. tomo Commentariorum ad Constitut. Regias. & solet Iurisconsultus extendere ad maiores, quando vult ut in maioribus locum habeat, l. in causæ. ij. ibi, nec inter maiores quidem. ff. de minor. sed hoc non video in maioribus statutum, ergo in illis locum non habebit.

Item annullatio actus est pœna, c. cognoscentes. de constit. & ibi Doctor. c. super literis. de rescriptis. c. si religiosus. de elect. in 6. scripsi in §. mouemus. in verbo, nullitatis pœnam. de collat. in Concord. idem hæc pœna non est extendenda, ut actus annulletur: nam si in iure hoc non sit expressum, in minore est expressum, ut dolus dans causam contractui annullet contractum minoris, si ipse sit circumscriptus, & nil de maiore dicitur, ergo in maioribus non procedet.

Præterea actio de dolo, vel ex illo contractu datur ad rumpendum id, quod dolo factum est, licet

dolus dederit actui causam. probat text. in l. seruus. in princ. & §. j. vbi Bart. & alij notant infra. probat l. si legatarius. & l. sequens. ac l. si filiusfam. & l. quod venditor. ac l. sequens. cum l. penult. & vlt. infra. vbi actione doli agitur, licet dolus dederit causam contractui: ergo actus tenebat, & non erat nullus ratione doli. hoc probat text. in l. Iulia. §. per contrarium. ff. de actio. empt. vbi actio ex vendito competit venditori, qui minimò vendidit hæreditatem persuaso quod minime valeret, eò quod instrumenta essent substracta, quam non erat aliàs venditurus. facit l. si quis affirmauerit. infra, eodem.

Item si actio finita sit, qua quis agere poterat, non dabitur de dolo actio, sed imputabitur illi, qui non egit intra tempus, nisi in hoc quoque dolus admissus sit, ut tempus exiret, l. j. §. idem Pomponius. ij. supra eodem. & sic ibi dolus dedit causam, ut actio finiretur, & tamen actio de dolo datur, & non est nullus actus.

Etiā verba edicti Prætoris non tendunt ad hoc, ut dolus annullet actum, siue det contractui causam, siue incidat in contractum, idem à verbis legis recedere non debemus, l. non aliter. ff. de legat. primo. dicit enim edictum, *iudicium dabo*, si Prætor dat actionem, ergo stat contractus, etiam dicit, *si iusta causa videbitur*: ergo datur actio, ut iudex videat an sit iusta causa, necne, & si nullus esset contractus, non daretur causæ cognitio iudici.

Nec actus agentium operabuntur ultra Prætoris intentionem, & eorum qui actus conficiunt. l. non omnis. ff. si cert. petat.

Adde, cum contractus sua habeat substantialia, utpote consensum, rem, & pretium, valebit, l. j. & per totum ff. de contrahend. emptione. l. dolo. C. de commit. stipul. & sic non erit nullus ratione doli commissi.

Adhæc, nullo iure cauetur, ut contractus factus à maiore sit nullus ex causa doli, etiam si dolus dederit contractui causam: idem hoc non est iure addendum: l. de pretio. ff. de publicia. l. ij. ff. de iureiur. & iura adducta per Doctor. non probant, ut inferius dicitur: si enim contractus esset nullus dolo dante causam contractui bonæ fidei, sequeretur quod ex eo contractu non transferretur dominium, l. j. §. si vir. vbi Bart. & Alexand. ff. de acquir. possess. sed in hoc text. constat de contrario, vbi ex venditione transfertur dominium, aliàs manumissio non valeret.

Etiā Prætor non potest nec vult annullare contractus iurifgentium, secundum ius civile initos, sed si iusta causa appareat, iudex rescindere illos debet, ut est in hoc edicto, nec hæc potestas Prætori data fuit. l. ius autem civile. ff. de iust. & iure.

Præterea diuisio vicem emptionis obtinet, l. j. C. comm. vtriusque iudic. & tamen diuisio dolo facta non est nulla, sed reformari debet, l. maioribus. ibidem. & l. tres fratres. ff. de pact. ergo contractus non est nullus, etiam bonæ fidei: & de emptione, ut dolo inita non sit nulla, est tex. in l. Iulia. §. per contrarium. ff. de action. empt. etiam si dolus dederit causam contractui.

Et istam sententiam probat text. in l. si quis cum aliter. ff. de verborum obligat. cum aliter conuenisset obligari, aliter per machinationem obligatus est: erit quidem subtilitate iuris obstrictus, sed doli exceptione uti potest: qui enim per dolum obligatus

*Actus ratione doli, quando nullus non sit.*

*De eadem re.*

*Obligato per dolum, competit exceptio.*



est, competit ei exceptio. Ecce text. loquentem generaliter, vt obligato per dolum exceptio competat, & sic ei datur actio: idè contractus tenet, siue loquamur in contractibus bonæ fidei, siue stricti iuris, nec in hoc iura faciunt differentiam.

Imò text. C. de inutil. stipul. l. dolo. sic ait, *Dolo vel metu adhibito actio quidem nascitur, si subdita stipulatio sit: per doli tamen vel metus exceptionem submoueri petitio debet.* Et quamuis loquatur in stipulatione, idem in contractibus bonæ fidei: nam si quis per dolum vendat domum, & subdita sit stipulatio, non obstante emptione & stipulatione si agatur, de dolo excipi poterit, & hæc declarat Imperator in l. si dolo. C. de rescind. vendi. sic dicens, *Si dolo aduersarij deceptum venditionem pradij te fecisse Praeses provincia aditus animaduenerit, sciens contrarium esse dolum bonæ fidei, quæ in huiusmodi maximè contractibus exigitur, rescindi venditionem iubebit.* Et sic venditio tenebat dolo facta, si rescindi debeat: nam si nulla esset, non est rescindenda, l. iij. §. post defectum. ff. de iusto rupto. & sic communiter extra istum ferè casum competet minori in integrum restitutio contra illum, qui dolum adhibuit. l. dolo. C. de rescind. vendit. Et per illum textum probatur praxis Franciæ, quæ est, vt si emptionem dolo vel metu factam rescindere quis velit, impetret literas à Rege, vel eius Cancellaria, quibus mandatur iudici, vt si de his constiterit, rescindat contractum, & rem restituere iubeat, vt abundè scripsi in tractatu de rescis. contract. in 2. tomo Comment. ad Constit. Reg.

Praxis Franciæ de impetrandis literis Regiis.

Nec refragatur l. iij. in fi. ff. pro socio. vbi societas, si dolo malo, aut fraudandi causa coita sit, ipso iure nullius momenti est: quia fides bona contraria est fraudi, & dolo, & sic dolo ipso iure annullat societatem, tam si minor eam coeat, quàm maior. l. in causæ. ij. ibi, *Nullam esse societatem, nec inter maiores quidem.* infrà de minor. & hoc procedit, & expressum est in societate, non in aliis contractibus regulariter: nam cum inter socios maximè debeat versari bona fides, vt maneat socij vnà, si alter fraudem & dolum adhibeat, grauior ille dolo est, quàm in alio contractu, quia hic dolo & personam respicit & res: idè hic annullat societatem, quia socius non posset cum dolo habitare, & si fortè cum eo habitaret, priuaret eum suo dolo omnibus bonis: ob id ius vult, vt societas sic dolo coita nulla sit, quod docet Ioan. Fab. in §. actionum. col. 2. de actio. in Instit.

Non me mouet text. in l. si fraude & dolo (licet inter maiores viginti quinque annis) facta venditio est, hanc confirmare non potuit consequens tempus, cum longi temporis prescriptio in bonæ fidei contractibus locum non habeat. C. de præscript. longi temporis. Respondeo, ibi præscriptio longi temporis non confirmat emptionem dolo factam, vt non possit rescindi non obstante temporis lapsu decē vel viginti annorum, sed non vult dicere, quòd venditio nulla fuerit, alioqui lex fuisset de indubitabili: nam quod ab initio vitiosum est, tractu temporis non potest conualescere. l. quod initio. ff. de regulis iuris. ergo non oportebat dicere præscriptionem non confirmare contractum nullum.

Actio quæ datur contra hæredes ex dolo detur.

Nec obstat quod Bartolus docet, quando dolo purgatur per actionem descendente ex contractu, illa actio datur contra hæredes, l. si hominem. §. datur. ff. de pos. l. ex depositi. & l. ex contractibus. de

actionibus & obligat. sed quando dolo dat causam bonæ fidei contractui, actio non datur contra hæredes: §. aliquando. Instit. de perpe. & tempor. act. ergo concluditur, quòd dolo non purgatur per actionem ex contractu, & hanc rationem Bar. hic dicit inconuincibilem.

Ego verò puto Bart. de industria vsum fuisse aliis terminis, quàm Iuriscons. vt hanc materiam obtenebraret. & Ioan. Igne. in repetitio. l. contractus. col. 39. ff. de regul. iur. fundamentum istud Bart. esse falsissimum asserit, nec se inuenisse scriptum in aliqua lege: imò siue dolo det causam contractui, siue incidat in contractum, conuenitur hæres ex dolo defuncti locupletior factus, vel ex eo quod ad eum peruenit, l. in hæredem. infrà eodem. aliàs lucraretur hæres ex dolo defuncti: nam si Titius modico pretio induxerit te ad vendendū, & illi vendideris, quæ venditione facta, & traditione subsequuta, mortuus est Titius, nunquid tenebitur hæres? Nemo negabit, aut si inficietur, dicere oportet locupletari hæredem ex dolo defuncti, quod prohibet l. in hæredem. infrà. sic Bart. ratio est contra ius: nam siue dolo det causam contractui, siue incidat in contractum, hæres tenetur ex dolo defuncti. l. ex depositi. & l. ex contractibus. ff. de action. & obligat.

Bartol. reprehenditur.

Aliquando tamen, & sic regulariter ex dolo defuncti hæres non tenetur, quia dolo & delictum suos debet tenere authores, l. sancimus. C. de pœnis. ista regula maximè procedit, quando ille dolo esset delictum, tunc hæres non tenebitur ante contestationem. l. vnica. C. ex delict. defuncti. Quæ limitatur, quando ex dolo defuncti aliquid ad hæredem peruenit. l. si plures. in fin. infrà, eodem. Secundò, quando locupletior factus fuit. l. in hæredem. infrà.

Restrictiones ad regulam præcedentem.

Tertiò, tenetur in casibus à iure expressis. cap. fin. de sepultur. & sic §. aliquando. de perpe. & tempor. actio. dicit, *Aliquando tamen actio ex contractu contra hæredem non competit, veluti cum testator dolose versatus sit, & ad hæredem eius nihil ex eo dolo peruenit.* Nam eo casu non datur actio contra hæredem.

Nec facit pro Bart. quòd dolo dans causam distractui bonæ fidei, impedit ipso iure liberationem, per §. proximum, qui nil probat, vt statim dicitur: imò debet distractus resolui per actionem, ergo non est nullus: idè sicut in distractu dolo non impedit liberationem, etiam si dolo det causam illi liberationi, igitur non erit nulla liberatio, sic nec alius contractus. l. arbitrio. in fin. infrà, eodem.

Dolus interueniens in distractu.

Nec probo sententiam Bartoli, vt dolo annullet consensum in contractibus bonæ fidei, quia hoc non est verum, nec iure probatur, quia ita annullaret quando daret causam, sicut si incidere, & ita in contractibus bonæ fidei, sicut stricti iuris, & quod quis dolo persuasus consentiat. facit l. feruus. in fine. & l. cum à te. ibi, *Consentiente me absolueris.* infrà eod.

Et sic comprehendendo hanc materiam facerem casus sequentes. Primus, contractus factus à minore, dolo dante contractui bonæ fidei causam, in quo idem est circumscriptus, est nullus, & hic casus est in hac l. & eleganter. expressè decisis.

Idem fortè dici posset, in contractu stricti iuris, quia eadem esset ratio, videlicet vt quia est minor, qui stipulatur, & est in hoc ipso circumscriptus, tunc nulla esset stipulatio ratione illa duplici considerata: tamen si dolum passus vult contractum tenere, non

Stipulatio à minore facta quando nulla dicitur.



poterit is, qui dolum intulit, allegare contractum nullum. *glos. hic in verbo, nullam. quam probat Bal. in c. de cetero. col. 2. de re iudic. & Feli. in c. dilectus. 2. col. 5. de rescript. & Feder. consil. 89.*

Secundus casus, dolum dans causam contractui bonæ fidei facto à maioribus, non annullat contractum, sed est annullandus, ut supra probatum fuit.

Terrius casus, dolum incidens in contractum bonæ fidei, vel stricti iuris, siue à minore, siue à maiore factus fuerit, non annullat contractum, sed est ratione doli annullandus. l. cum postea. vbi Doctor. C. de pact. & l. si dolo. C. de contrah. & committen. stipul.

Quartus casus, dolum dans causam societati annullat societatem. l. in causa. ij. infra. tit. proxi. & l. iij. in fin. pro socio. supra dixi rationem.

Idem dicendum est in casibus aliis, vbi hoc à iure exprimitur, *glos. & Doctor. in c. dilectus. in fine. de his quæ vi metusue cau. fiunt. pulchre Antonius de Burgos in c. cum dilecti. de empt. & vend. & quamuis hactenus communiter interpretes hoc tenuerint: tamen ex iuribus constat verà ea, quæ superius scripsi, & istam dicunt fuisse sententiam Petri à Bella Pertic. & Docto. nostrorum, non tamen sic probata, & distincta ab aliis fuit.*

In textu, **Et quod minor proponitur, non inducit in integrum restitutionem.** Colligitur non sufficere minorem esse, & circumscriptum, ad hoc ut restitui minor possit, sed in contrarium facit, l. nam postea. §. si minor. ff. de iureiurand. vbi hæc duo sufficiunt ad postulandum in integrum restitutionem. Respondeo, verum esse quando materia patitur restitutionem, ut regulariter in rebus restituendis. Diuersum est, quando minor non potest in illa re restitutionem petere, ut in seruo manumisso fauore libertatis, non petitur restitutio, & ita dicit iste text. nam aduersus manumissum nulla in integrum restitutio potest locum habere. ut in l. j. & per totum C. si aduers. liber. in integrum restit. postul. vide quæ scripsi in l. si mulier. infra. de minorib.

Ex his potest subtilis elicere conclusiones sequentes: minorem circumscriptum non posse in integrum restitutionem petere, imò posse commune est, intelligitur aduersus libertatem. Secunda, regulariter minor in integrum restituitur. l. j. & per totum ff. de minoribus.

Secundum quæ, & si pœnali actione indemnitate eius consuli possit, dicendum erit cessare de dolo actionem. ] Concludit Iuriscons. hic, nunquam dandam actionem de dolo, si possit consuli dolum passo alia actione, vel civili, vel pœnali: nam si falso minor suatus est, ut seruum venderet, & is manumissus est, aget minor falsi, qua actione poterit consuli indemnitate eius, ut per totum tit. ff. de fal. vel si quis dolo induxit alium, ut illi præstaret claues domus, & ipse subripuit bona ibi existentia, actione furti poterit prouideri, vel condemnatione furtiua, ergo de dolo non dabitur actio.

Pompon. autem, etiam si popularis actio sit, cessare de dolo ait actionem. ] Ampliat Iuriscons. hanc de dolo actionem non dari, etiam si actio popularis daretur, quæ quilibet de populo competit, & dicitur popularis, quia ius populi tueretur. l. j. & per totum ff. de popul. actio. Et hodie Procurator Regius eam promouet, ut scripsi in l. si cui. ff. de verborum significatio. Et sic in hoc regno cum

priuatus eam persequi non soleat, quamuis eam haberet: tamen de dolo actio daretur, ad id quod ciuilitate interest, & Procurator Regius prosequeretur interesse publicum.

§. Non solum autem si alia actio non sit, sed & si dubitetur, &c.

IN hoc §. dictum Labeonis Vlpianus distinguit: dicebat enim Labeo actionem de dolo dandam, si dubitetur an alia actio competat, utpote, quidam mihi debebat seruum ex venditione, vel ex stipulatione, antequam illum mihi traderet, venenum ei dedit, & sic eum tradidit: quaesitum fuit, an actio de dolo mihi competat. Labeo ait de dolo dandam actionem, siue cauit, siue non: quoniam si cauit, dubium sit, an competat mihi ex stipulatu actio, sed verius esse ait Vlpian. cessare de dolo actionem: nam si debitor cauit tradendo seruum, & promittendo dolum abesse, tunc actione ex stipulatu agetur, quia dolum non abest, postquam venenum ei propinatum erat: si autem tradendo seruum, hoc non promiserit, & tunc si ex contractu emptionis debeatur seruus, dabitur actio ex empto, quia res deteriorata datur. l. Iulianus. §. si venditor. ff. de actio. empti. & sic de dolo cessabit actio.

Si verò debeatur seruus per stipulationem, & non est cautum de dolo, dum ille tradebatur, tunc actio de dolo dabitur. ut in fin. huius text. patet.

Idem dicendum est, si quis erat debitor fundi, vel vineæ, & antequam illum fundum tradat, imposuerit seruitutem, vel ædificia diruit, aut arbores excidit, & fregit, vineas quoque extirpauit, & tunc de dolo dandam actionem, si non est de dolo cautum, & ex stipulatu ista debeantur, sed si ex emptione, actione ex empto agetur, ut superius dictum fuit.

Colligitur ex hoc, ratione dubij actionem de dolo competere: & sicut, quando non est alia actio, ista datur, sic & si dubitetur, an alia competat. Sed videamus de quo dubio iste text. intelligatur? Respondet Bart. si dubium erat iuris, in casibus vbi sunt opinioniones, l. cum de nouo. C. de legib. & in j. constitut. C. ego etiam dicerem, si dubitetur super facto, forte non apparebat, an is qui promiserat, cauisset, interim agi de dolo poterit: nam postquam dubitatur an sit aliqua actio, habetur ac si nulla esset, per istum text. & facit l. sufficit. ff. de condict. indeb. nam paria sunt non esse, vel non apparere. l. duo sunt. ff. de testa. rure.

Glos. hic tractat quando res deteriorata præstatur, quæ actio detur. Vide eam & in l. iij. §. si reddita. ff. commodat. docui in l. mulieris. §. abest. ff. de verbo. signific. quocirca hic non repetam.

§. Si seruum vsuarium, &c.

SI dominus proprietaris serui illum occiderit, in quo alius vsuarius habebat, licet ipse dominus occiderit: tamen quia alius vsuarius illius serui habebat, ob id sua interest: ideo vsuarius poterit agere contra dominum actione legis Aquiliæ, quæ datur pro damno dato, & actione ad exhibendum: ideo cum hæc actiones dentur, actio de dolo cessat.

Et sic probat hic Iurisconsul. cessare actionem de dolo quodcumque alia datur, & ideo dicit iste text. dominum teneri ad exhibendum si possidens seruum occiderit:

*Actio de dolo quando datur, vel non.*

*Obiectio-  
nis solutio.*

*Actio de dolo etiam propter dubium competit.*

*Actio de dolo quando datur.*

*Ampliatio de eadē re.*

*Vsuarius agit etiam contra dominum pro seruo occiso.*



occiderit: nam Iulianus scribit, *Si quis hominem, quem possidebat, occiderit, siue ad alium transtulerit possessionem, siue ita rem corruerit ne haberi possit, ad exhibendum tenebitur: quia dolo fecit, quominus possideret.* l. Iulia. ff. ad exhib.

### SUMMARIA.

1. *Heres ante aditam hereditatem legatariis non est obligatus.*
2. *Dominium rei legata recta via in legatarium transfertur, non in heredem.*
3. *Secus in legato sub conditione.*

#### §. Item si seruum, &c.

**A**liam facti speciem Iurisconsult. tradit, videlicet, Hæres legatum alicui seruum occidit, an actio de dolo legatario detur? Et respondet non dari, si occiderit ante aditam hæreditatem, quo casu non erat factus legatarij: si autem postea, dabitur actio ex testamento, ergo non dabitur actio de dolo, postquam ex testamento actio competit. facit quod scribit Paulus Iureconsultus in l. *Sed si ipse heres eum occiderit, dictum est, dandam in eum legatario actionem.* ff. ad legem Aquil.

Ex hoc textu colligitur, Quoniam priusquam factus sit legatarij, quod res legata non efficitur legatarij ante aditam hæreditatem. Contra hunc textum refragatur id, quod Iulian. scribit in l. à Titio. ff. de furt. vbi dominium rei legata recta via in legatarium transit, & à morte testatoris, & sic ante aditam hæreditatem, vt interpretes asserunt. Accur. respondet fide à morte testatoris trāsire dominium in legatarium, verè autem à die aditæ hæreditatis, & ista est communis sententia Doctorum.

Ego autem existimarem legatam rem non fieri legatarij ante aditam hæreditatem, per istum text. & Pompon. sic confirmat in l. proinde. ff. si certum petat. ibi, *Item si legatam pecuniam heres crediderit, deinde legatarius eam noluerit ad se pertinere quia heredis ex die aditæ hæreditatis videtur nummi fuisse, vt credita pecunia peti possit.* Nam & Iulianus ait, *traditiones ab herede factas ad id tempus redigi, quo hæreditas adita fuerit, cum repudiatum sit legatum, aut acquisitum.* Sic debet esse in illa l. quamuis quidam legant aliter. l. quædam. ff. de rebus dubiis. facit l. si seruus legatus. ff. de noxal. actio.

Adhæc idem Iulian. docet, *Cum seruus legatur, & ipsius serui status, & omnium, quæ personam eius attingunt, in suspensio est: nam si legatarius repulerit à se legatum, nunquam eius fuisse videbitur, si non repulerit, ex die aditæ hæreditatis eius intelligitur.* in l. si tibi homo. §. cum seruus. ff. de legat. primo. imò legatario acquiritur via, & seruitus etiam ignoranti. l. si partem. §. fin. ff. quemadmodum. seruit. amit. l. cum pater. §. furdo. de legat. 2.

Præterea, quæ in testamento relinquuntur, non valent, si hæreditas non adeatur, l. eam quam. C. de fideicom. nam si nemo adiit hæreditatem, omne ius testamenti soluitur, l. si nemo. ff. de regulis iuris. & sic non possunt legata deberi, antequam valeant, & quia ante aditam hæreditatem non dicitur hæres quasi contraxisse cum legatariis, & sic illis non est obligatus. §. hæres. de obligat. quæ ex quasi contract. in Institut.

Item, si legatum esset acquisitum à morte testatoris legatario, & illud postea repudiaretur, esset in fraudem creditoris, & diminuerentur bona legatarij, & tamen illud legatum potest repudiare citra fraudem, l. qui autem. §. sed & illud. ff. quæ in fraud. credi. ergo non est acquisitum ab eius morte. imò ibi glos. dicit legatum ante aditam hæreditatem non posse repudiari, ergo non est legatarij antea: nam quod quis, si velit, habere non potest, id repudiare non potest. l. qui potest facere. §. j. ff. de regul. iur. l. is potest. ff. de acquir. hæred.

Non refragatur l. à Titio. ff. de furt. ibi, *Quia ea, quæ legantur, recta via ab eo, qui legauit, ad eum, cui legata sunt, transeunt.* Nam illa verba intelliguntur, vt rei legata transferatur dominium ab ipso testatore in legatarium, non vt legata res acquirantur hæredi, & per eum legatario, sed ab ipso testatore res transeunt in legatarium, non tamen dicit iste text. quod à morte testatoris dominium rei legata in legatarium transeat, & in hoc perperam allegatur ille text. vt dico in interpretat. ad illam legem. Id probat Iulian. in l. si seruus legatus. ff. de noxal. actio.

Super hoc ego putarem casus sequentes ita distinguendos & decernendos. Primus est, dominium rei legata, à die aditæ hæreditatis acquiri legatario, vt hîc. & l. si tibi homo. §. cum seruus. ff. de legat. j. & ab eo tempore competit legatario rei legata vendicatio, l. j. C. commun. de legat. nam omnia, quæ testamentis sine die, & conditione adscribuntur, ex die aditæ hæreditatis debentur. l. omnia. ff. de lega. ij. Vnde Vlpian. ait, *Si seruus legatus post aditam hæreditatem sit occisus, competere legis Aquiliæ actionem legatario, si nō post mortem serui agnouit legatū, quod si repudiauerit, consequens esse ait Iulianus dicere, heredi competere.* l. liber homo. in fi. ff. ad legem Aquil. & denuò in l. huic scripturæ. sic docet Vlpian. ff. ad leg. Aquiliam. l. *Huic scripturæ consequens est dicere, vt si ante aditam hæreditatem occidatur legatus seruus, apud heredem remaneat Aquiliæ actio, per hæreditatem acquisita.* & sic dicit ibi Accurs. nondum erat legatarij. per d. §. cum homo. & idè nec actio ei competere potest, & hæres est liberatus, si sine dolo suo hoc factum fuerit. dubius fit text. ibi, *Quod si vulneratus sit ante aditam hæreditatem, in hæreditate quidem actio remansit, sed cedere eam legatario, heredem oportet.* in eadem l. huic scripturæ, vt statim dicetur.

Secundus casus, dominium rei legata non acquiritur hæredi, sed recta via in legatarium transit. l. à Titio. ff. de fur. declarat Vlpian. in l. legatum. ij. ff. de legat. ij. ibi, *Recta via dominium, quod hæreditatis fuit, ad legatarium transeat, nunquam factum heredis.* facit l. sed si damnum. aliàs incipit, peculium. §. sed & creditor. ibi, *Licet heres nullo momento dominium in manumisso, vel legato purè habuerit, nisi legatarius repudiauerit.* l. quædam. ff. de reb. dub. vel nisi vulneratus fuerit seruus ante aditam hæreditatem, quia eo casu in hæreditate remanet actio, quam cedere legatario heredem oportet. d. l. huic scripturæ. §. primo. ff. ad legem Aquiliam.

Tertius casus, Si legatarius repudiet legatum, nunquam eius fuisse videbitur, nec quidem à die hæreditatis aditæ, d. §. cum seruus. si verò agnouerit ex die aditæ hæreditatis eius fit. l. proinde. ff. si cert. petat. & l. si seruus legatus. de noxal. actio. d. l. quædam. Vnde Pompon. ait, *Si legatum nobis relictum*

*Legatum ante aditam hæreditatem non est legatarij.*

*Obiectionis solutio.*

*Antinomie solutio.*

2

*consti*



*constituerimus nolle ad nos pertinere, pro eo erit quasi ne legatum quidem sit, & ideo dicemus necconfusas seruitutes, si forte pradium mihi legatum pradio meo debuerit seruitutem.* in l. legatarius. §. j. ff. de legat. primo. & sic furti actio legatario datur. l. is qui rem. §. j. ff. de furt. & Iurifconsul. Paul. ait, *Si quis rem sibi legatam ignorans adhuc legauerit, postea cognouerit, & voluerit ad se pertinere, legatum valebit: quia ubi legatarius non repudiavit, retrò ipsius videtur fuisse, ex quo adita hereditas est: si verò repudiauerit, retrò videtur res repudiata, fuisse heredis.* l. seruum. §. j. ff. de legat. j.

<sup>3</sup> Quartus casus, Legatæ rei sub conditione transfertur dominium à die conditionis eueniente, & non à die hæreditatis aditæ, & interim dominium est hæredis, & fructus percipiet, l. omnia. §. primo. ff. de legat. ij. l. j. §. serui. ff. de Senatuscon. Syllanian. d. l. proinde. in fi. ff. si certum petat. etiam ei, qui istam hæreditatem, vel legatum accepit, si decem dederit, Iulian. scribit neque hæreditas, neque legatum aliter poterit acquiri, quàm si post impletam conditionem id egerit scriptus hæres, vel legatarius, per quod hæreditas, seu legatum acquiri solet. l. ei qui ita. ff. de condit. instit.

Fructus rei  
legatæ.

Quintus casus, Quando legatarius agnoscit legatum, fructus debentur ei à morte testatoris, l. apud. §. j. ff. de legat. j. quia retrò res eius fuisse videtur. l. quædam. ff. de rebus dub. l. j. §. vtrum. ibi, *Quamuis enim legatum retrò nostrum sit, nisi repudietur, attamen cum repudiatur, retrò nostrum non fuisse palam est.* ff. si quid in fraudem patron. l. iij. de manumiss. vindi. l. Titio. cum l. seq. ff. ad legem Aquil.

Vnde Vlpian. ait his verbis, *Fundum autem legatum repudiare pupillus, sine Prætoris autoritate non potest, esse enim & hanc alienationem, cum res sit pupilli, nemo dubitat.* l. magis. §. fundum. ff. de reb. eorum. Et sic fundus est legatarij ab adita hæreditate, si ipse velit: quare illud legatum non potest repudiare pupillus, tamen antequam quis agnouerit legatum, non dicitur diminuere patrimonium suum, ad hoc, vt in fraudem alienare dicatur. per l. qui autem. §. sed illud. ff. quæ in fraudem credito.

### §. Si quadrupes, &c.

Iste §. facilis est, & potius respicit tit. si quadrupes pauperiem fecisse dicatur, quàm nostrum. Vnde si equus tuus immissus in vineam, vel pratum meum, dolo Titij damnum mihi dederit, datur actio noxæ contra dominum, qui si noxæ dederit animal, cessat actio de dolo, etiam in id quod excedit. Si verò dominus careat quadrupede, & non sit soluendo, agitur actione de dolo contra eum, cuius dolo damnum factum fuit.

Vidi tamen iudicari in eum, qui incitauit canem Titij contra alium, & is momordit illum, vt teneatur iste, qui incitauit, & condemnari debet ad id quod interest læsi, & ad expensas Medicis, & Chirurgis præstatis, l. penult. ff. de his qui deiecer. quia reus est incitans, secus in domino animalis, & iste text. loquitur in damno rei, secus si damnum datum sit personæ, quia eo casu, qui occasionem damni dat, damnum dedisse videtur. l. qui occidit. §. in hac. ff. ad legem Aquiliam. Posset etiam agere dominus animalis ad æstimationem illius contra Titium, eò quod oportet eum carere suo animali ratione doli Titij,

Incitans canem  
alterius  
contra alium.

cuius dolo eius animal dedit damnum, vt patet per totum tit. ff. si quadrup. pauper. fec. dic.

### §. Idem Labeo, &c.

Hic §. est facilis, vt is, qui compeditum seruum dolo, vt fugeret, soluit, furti teneatur, quia opem tulit seruo, qui sui furtum fecit. l. prima. C. de seruis fugit.

Soluens seruum  
compeditum.

Sed si misericordia motus soluerit, actione in factum tenetur reddere, quanti seruus fugitiuus erat. §. fin. de lege Aquilia. in Instit.

Per istum textum etiam vidi quendam Titium conueniri ad æstimationem equi, quem soluerat, posteaquàm dominus illum posuerat in pratis ad pascendum, quia dominus sciebat illum equum esse ferocem: ideo ligauerat illius pedes ambos, quem Titius videns ita miserè ligatū, soluit eum, & postea equus non est visus, an is debeat condemnari?

Fuit conclusum, eum condemnandum ad equi æstimationem, licet diceret se fecisse misericordia ductum, tamen non debebat sic soluere, nec debebat magis custodire rem alienam, quàm dominus rei: ideo fuit condemnatus per istum text. alia dicitur in d. §. fin. & hic text. etiam allegatur contra custodes carceris, vt si vinctos, etiam ducti misericordia, soluant, & ipsi euadant, vt ipsi teneantur, vt docet Angelus in d. §. finali.

Custodes  
carceris,  
vinctos soluentes.

Etiam Bart. hinc hunc text. trahit ad quæstionem. Tres sunt scholares, quorum duo habent equos austeros, & vt ipsi dicunt, inimicos, ego scholaris tertius pono equum meum in medio, ne lædantur inuicem: tamen postea ego aufero equum meum, & statim alter equus alteri fregit crus: quæsitum est, an ego tenear læso de dolo. Respondeo, si potest habere locum actio l. Aquiliæ, vel de pauperie, non, per istum textum, aliàs contrà. Bart. nil statuit: ideo dicendum est, quod si ita conuentum est, vt ego in medio essem, aliàs alter non inisset, certè dabitur actio contra me, qui promiseram stare in medio, actio inquam ex stipulatu. Si verò non promiseram stare, eò quod non tenebar stare inter duos equos rixosos, non teneor, sed tenebitur is, qui equum rixosum habebat, qui crus fregit, actione in factum de pauperie, l. j. ff. si quadrup. pauper. fecit. dica. vel actio in factum ex lege Aquilia dabitur. & hoc refert Bolog. in repetit. authen. habita. C. ne fil. pro pat. non tamen sic distinguit, sed verba Bart. refert.

### §. Seruus pro libertate pactionis, &c.

Iste §. est difficilis, ob id sic eum declaro. Dominus pactus est cum seruo se libertatē ei daturum, si quasdam operas inter eos conuentas præstaret post manumissionem, darēque expromissorem reum, qui ista nomine serui promitteret, reum seruus domino dedit, ea tamen conditione, vt post libertatem præstitam transferatur obligatio in manumissum seruum, quem sic dominus manumisit, qui postea seruus non vult obligari, nec transferri in se obligationem patitur: quæsitum est, quæ actio detur in eum, Pomponius ait actionem de dolo dari.

Facti species.

In versiculo, Sed si per patronum, quæritur, quid si patronus non vult obligationem transferri in manumissum, sed reū obligatum tenet. Respondet Pom

Pom



Pomponius, Si patronus à reo petat, hic exceptione repellendus erit, ratione conuentionis, sic ab initio conceptæ.

Ego moueor. ] Vlpian. ait, Quomodo in primo casu actio de dolo dari potest, cum actio ex stipulatu competat? Nam manumissus stipulatus est, vt post manumissionem in se transferretur obligatio: ergo si non patiatur transferri, dabitur actio ex stipulatu, iuxta suam promissionem, & sic non de dolo.

Nisi. ] Dicit quis, quando patronus non vult in manumissum transferri actionem, vtpote quia est pauper, si agat in reum, exceptione repelli potest: ergo nulla videtur actio, quæ exceptione repellatur, & sic de dolo dari debet. Respondeo, verum esse, repellendum patronum, si nolit manumissum accipere ex sua promissione: tamen dicemus expromissori dandam actionem de dolo aduersus manumissum, qui non vult suscipere actionem, & eum liberare, aut si expromissor non sit soluendo, & manumissus recuset actionem suscipere, dabitur domino actio doli, & iste est sensus huius textus.

Et quidam in text. habent, Si nolit expromissorem, alij, ex promissione, & magis conuenit textui.

Dubitatio ad istum textum oritur. Imperatoris constitutio est in titul. C. an seruus ex suo facto. in l. Promissæ tibi pecuniæ à seruo tuo, vt eum manumitteres. si postea quàm manumisisti, stipulatus ab eo non es, aduersus eum petitionem per in factum actionem habes.

Et sic non competet actio de dolo, postquam in factum competit, per illum textum. Respondet gloss. in hoc tex. seruum promississe pecuniam causa libertatis habendæ, quæ libertas est res inæstimabilis, l. libertas. ff. de regulis iuris. idè illa promissio licet in seruitute facta à seruo fuerit, valet, & parit actionem in factum, ratione facti, id est, dationis libertatis subsequutæ. In hoc §. seruus, non promiserat operas, nec pecuniam, sed expromissorem dederat, & promiserat transferri in se obligationem, quod si transferri in se post manumissionem recuset, dolo facere videtur: idè de dolo datur, quādo expromissor non est soluendo: nam debet seruus, qui manumittitur, statim libertate accepta obligari etiam cum iuramento ad operas, l. fin. ff. de liber. causa. l. ij. & l. vt iurisiurandi. ff. de oper. liber. si autē recuset, vt æquum est, obligari, dolo facere videtur: idè de dolo in eum actio datur, cum non sit alia.

Ex hoc text. colligo casus sequentes. Primus casus est, si seruus cum domino, pro libertate sibi danda, conuenerit aliquid dari, & reum pro hoc dederit pacto adiecto, vt transferatur hæc obligatio in manumissum, si post manumissionem libertus hoc non patiatur, domino actio ex stipulatu dabitur, ratione primæ promissionis, versicul. Ego moueor, quia illa promissio, vt in se transferatur obligatio, valet, per istum text. & d. l. promissæ.

Secundus casus, Si expromissor soluendo non sit, & manumissus non patiatur actionem transferri in se, actio de dolo dabitur domino, quia dolo facit manumissus, qui non patitur in se transferri obligationem, & ita finis huius text. intelligitur.

Tertius casus est, Si manumissus non patiatur actionem in se transferri, actio de dolo expromissori dabitur, vt liberetur, cum alia actio illi non sit. versi.

expromissori planè.

Quartus casus, Si patronus non vult pati, vt actio in manumissum transferatur, si conueniat expromissorem, exceptione pacti submoueri poterit, & sic intelligitur iste text. nam ita pactus erat patronus, vt patet ibi, pactionis, &c.

Quintus casus, Si seruus promiserit pecuniam, vt libertatem consequatur, data sibi libertate actione in factum conueniri poterit ad id, quod promissum est consequendum. dicta l. promissæ. C. an seruus, &c.

Sextus casus, Seruus si post manumissionem operas stipulatus fuerit, obligatur, l. fin. ff. de liber. caus. l. vt iurisiurandi. de oper. liber. & ex prædictis cessabunt contraria, quæ hic adducuntur.

Istum textum dicit singularem Bal. in margar. in verbo, pactum. quæst. 12. ad hoc, quod licet pactum nudum de iure ciuili nō producat actionem: tamen si nō obseruetur, agi de dolo potest, per istū text. qui tamen hoc non probat, & verisimile est, quod si iura voluissent pactum illud seruandum esse, introduxissent potius actionem in factum, aut aliam, quàm de dolo, quæ infamat. Ob id iste text. hoc non dicit, quamuis idem doceat Angel. consil. 1. col. 2. vbi dicit semper ex pacto nudo oriri actionem, quādo si non obseruaretur, pars pateretur damnum, & sic semper oriretur secundum eos, quod non probo, licet idem teneat Alexand. consilio 41. Viso puncto. col. 2. in 3. vol. & in additio. ad eundem Alexan. in l. si conuenierit. ff. de iurisdictione omnium iudi. Nec officium iudicis oritur, si non sit actio, vel persecutio, vt abudè scripsi in l. actionis verbo. ff. de regulis iuris. de hoc pacto etiam dixi in l. iurisdictionem. §. sed cum nulla subest. de pact.

Istum textum etiam allegat Alexan. in l. stipulationum. §. stipulatio. nota. j. ff. de verborum obligat. & Iason in l. iij. §. ait Prætor. col. prima. de re iudic. ad hoc quod expromissor est, qui intercedit pro non obligato. De hoc plenè scripsi in l. sponsio. ff. de verb. obligat. quare hic non repetam.

Iste versic. nisi, solet adduci ad hoc, quod ille nō dicitur habere actionem, qui exceptione repelli potest. ibi, quasi nulla actio sit, quæ exceptione repellitur. probat l. nam is. supra. nam verba cum effectu intelligi debent. l. prima. ff. quod quisque iuris. Scripsi in l. nomen filiarum. §. habere. ff. de verborum significat.

### §. Si dolo malo, &c.

Iste §. videtur Bartol. & aliis difficilis, ob id prius text. elucidabo, & demum materiam. Species facti talis est, Litigabam cum aduersario super vna domo, vel alia re, constitui Procuratorem, qui me defenderet, is passus est aduersarium vincere, ita vt absolutus sit aduersarius à mea petitione: quæsitum est, an actio de dolo competat aduersus eum, qui vicit, & absolutus fuit? Respondeo, non competere, si reus absolutus, sit paratus iudicium in se trāsferre, ac si non effet iudicatum, sub exceptione hac si collusum sit, offerens se in eadem causa suscipere iudicium, si probem Procuratorem collusisse cum eo: si verò ipse reus opponat exceptionem rei iudicatæ, tunc de dolo agam contra reum absolutum, si non possit cum Procuratore agi, quia non erat soluendo.

Ergo

Seruus ante manumissionem promittitur obligatur.

Officiū iudicis nō datur, nulla actione existente.

Facti species, huius textus.

Obiectio-  
nis solutio.



Ergo quandiu potest agi contra Procuratorem, qui est soluendo, non poterit contra partem agi.

Ex hoc text. colligo casus sequentes. Primus erit, si Procurator colludens cū aduersario patiat eum vincere, poterit pars appellare ab illa sententia à die notitiæ, c. concertationi. de appel. lib. 6. & prosequi appellationis causam poterit contra illum qui vicit.

Et iste casus est valde fauorabilis, quia non deducta in prima causa, in causa appellationis deducere possum, l. per hanc. C. de tempo. appel. & in forensi iudicio istud est tutius, videlicet appellare, & prosequi causam appellationis.

*Procurator tenetur ad expensas, probata collusionem.*

Secundus casus, Si per collusionem Procuratoris dominus causam amiserit, & appellare non possit, agere poterit mandati actione cōtra Procuratorem, si soluendo sit, quia mandatum non ex bona fide explicauit, l. si Procuratorem. ff. mandat. & si actum fuerit contra Procuratorem venient etiam expensæ, si collusio probetur, in quibus Procurator tenebitur, quicquid dicant glos. & Doct. hīc per l. sancimus. C. de iudic. vbi Ias.

Tertius casus, Si reus absolutus, sit paratus subire, & prosequi iudicium, ac si collusum esset, tunc agitur contra illum, qui obtinuit, per istum text. Nam, & si per collusionem Procuratoris victus sim, tamen reus iure dicit me victū, & vult defendere causam, ac si super ea pronuntiatum non esset, tunc non est quod agam contra Procuratorem. Et hoc dicit iste text. qui hoc modo est intelligendus. & in praxi, Si pars defendat causam, non agitur contra Procuratorem, nec iudicem, vt alibi dixi. idem dicitur in l. iij. in fin. ff. de alien. iudic. vbi sic scribitur: *Quid ergo est, si is, aduersus quem talis actio competit, paratus sit utile iudicium pati, perinde ac si possideret, recte dicetur denegandam esse aduersus eum ex hoc edito actionem.*

*Actio de dolo contra partē propter collusionem Procuratoris.*

Quartus casus, Si per collusionem Procuratoris mei victus fuerim, & velim agere contra partem, quæ obtinuit, sed ipsa exceptionem rei iudicatæ opponit, tunc si Procurator non sit soluendo, agam actione de dolo contra partem, quæ dolo & per collusionem Procuratoris obtinuit, per istum textum. & idem in tutore censet Vlpian. in l. idēoque. suprā eod.

*Dolus Procuratoris quando domino noceat.*

Quintus casus est, Si quid ex dolo Procuratoris ad dominum peruenit, datur in dominum de dolo actio, in quantum ad eum peruenit: nam Procurator ex dolo suo proculdubio tenetur. l. sed ex dolo. §. item si quid. infrā eodem.

Sed dubitat glo. hīc: Quid si primò fuit soluendo Procurator, nunc verò non est, an imputetur mihi, quare non egerim id temporis contra eum, quo erat soluendo? Respondeo, non esse mihi imputandum: imò, si non sit hodie soluendo, agam contra partem, per istum textum qui non distinguit, nec obest, l. j. §. idem Pomponius. ij. suprā, eod. quia loquitur de actione, quæ mihi tunc competeat, & sua natura & cursu perit, sed iste text. loquitur de actione doli, quæ datur contra partem, quando Procurator non est soluendo, idēò sufficit non esse soluendo quocunque tempore, vt hīc, quia qualitas adiuncta verbo debet intelligi secundum tempus verbi. l. in delictis. §. si detracta. ff. de noxal. quicquid dicant interpretes, nisi pars in magna negligentia fuerit.

Sextus casus, Si dolo partis quis victus fuerit, vt pote si pars suaserit se soluisse Procuratori, ob id consensu, vt pars absolueretur, tunc potero ex integro

agere contra partem dolosam, quæ si excipiat de re iudicata, replicabo per dolum suum hoc fuisse iudicatum, docet text. in l. cū à te. infrā eod. vel si persuaseris mihi nullam societatem tibi fuisse cum eo, cuius hæres sum, & ob id iudicio absolui te passus sum, dandam mihi de dolo actionem censet Paul. Iurisconsult. in l. seruus. in fin. infrā.

Septimus casus, Si Procurator in rem suā factus, vel generalis cum libera agat, vel dominus contra actum à se factum, poterit de dolo excipi in Procuratorem, & dominum: l. apud. §. quæsitum. ij. ff. de doli excep. nam dolo facere videtur, qui actum à se editum vult impugnare. Alij casus ponuntur in l. arbitrio. §. dolo. infrā, eodem.

#### S V M M A R I A.

- 1 *Creditor falsò debitore laudans, actione doli tenetur.*
- 2 *Mercator ducens ad alium mercatorem quendam, vt quid præsentē pecunia ab eo emat, si non soluat, pro eodem tenetur.*
- 3 *Affirmans aliquem coram iudice idoneum, pro eodem tenetur.*
- 4 *Eligere idoneum debet is qui aliquid ad aliquem per portitorem mittit.*

§. Idem Pomponius refert Cæcidianum Prætorem non dedisse de dolo actionem aduersus eum qui affirmauerat idoneum esse, cui mandata pecunia dabatur, &c.

**H**ic §. qui est fin. huius l. & eleganter legitur cum l. seq. quod si cū scires. Et ex his facio sequentes casus. Primus est, Si quis affirmet eum idoneum, cui pecunia creditur, non tenetur actione doli, quæ non datur, nisi ex euidēti calliditate, & magna causa quæ non inuenitur hoc casu: nam de iure quilibet præsumitur idoneus, l. cū quidam. ff. de legat. ij. l. seruus. & l. testamento. iij. de manum. testam. ergo qui hoc affirmavit, teneri non debet, quia non est in euidēti calumnia, cū hoc facere iure possit.

*Idoneus quilibet præsumitur.*

Est tamen in culpa is, qui affirmat id, quod ignorat, l. Iulia. §. quod autem. ff. de actio. empr. sed culpæ nomine non tenetur quis actione doli, tamē ex consuetudine Fræciæ inducta inter mercatores, ex bono & æquo, si quis affirmet mercatori aliquem esse idoneum, & quod illi bene soluet, si ille non soluat, is qui hoc affirmavit, conuenitur, quasi pro eo responderit, & fideiusserit: nam mercator non mutuaasset, nisi ille sic eum commendasset, & idēò ex consuetudine vidi teneri, non de dolo, quia fortè dolo non fecit, sed quasi fideiussor habetur.

*Affirmans aliquē idoneum, tanquam fideiussor tenetur.*

Secundus casus, Si creditor laudauit suum debitorem, & sui lucri gratia, vt debitor solueret illud, quod debebat, falsò eum laudando, actione doli tenetur, per hanc l. quod si cū scires. quia hic dolus est euidens, & lucrū, ob id actio doli oritur, vt superius dixi. Vnde interdum vidi mercatorem conuentum ab alio mercatore, eò quod mercator duxerat nobilem, vt emeret sericum nō præsentē pecunia, vt alteri mercatori ex eius pecunia solueretur, & ille nobilis non soluebat, erat enim pauper: idēò non solueret secundo, mercator, qui illum duxerat, tenebatur.

Tertius casus, Vbi coram iudice agitur de aliquo, an sit idoneus vel non, si aliquis affirmet eum esse



idoneū, qui non sit, tenetur is qui affirmavit, text. in l. cum ostendimus. in ff. de fideiussor. tuto. nam isti certificatores in subsidium tenentur, l. j. §. j. ff. de magist. cōueni. l. cum tabernam. de pignor. vbi vocatur in antiquis libris certificador & affirmator in d. l. cum ostendimus. De his scripsi abunde in tract. de senten. execut. artic. j. glos. 16. in materia possessoria recedentia. & Fulgos. in l. si verò. §. fin. col. j. ff. qui satisd. cogant, dicit hos affirmatores iudiciales teneri omnino, sed alios non, nisi evidens calliditas ostendatur.

Quartus casus, Si quis mandauerit alicui, vt suo periculo credat, vel si ei mutuauerit, vt bene ei reddat, tenetur actione mandati. l. si verò non. §. si quis mandauerit. ff. manda. l. Lucius. de fideiussor. vbi Bar. docet. De literis verò *de credit*, quam faciāt fidem, si fortè mandauero, vt credat tali portitori, quas Bar. vocat literas credentia, videte Boer. in decis. Burdegal. q. 182. Sed quid.

Licet verba commendataria non obligent. d. l. si verò. §. cum quidam. ff. manda. vbi sic scribitur: *Cum quidam talem epistolam scripsisset amico suo, rogo te, vt commendatum habeas Septitium Crescentem amicum meum, non obligabitur mandati, quia commendādi magis hominis, quā mandandi causa scripta est.* Vnde Vlpia. ait, *Quod venditor vt comedet dixit, sic habendum est, quasi neque dictum, neque promissum: si verò decipiendi emptoris causa dictum est, aq̃ue sic habendum est, vt nō nascatur aduersus dictum promissumue actio, sed de dolo actio detur.* l. quod venditor. infr. eod. vbi est glos. not. Bar. in d. l. Lucius. & Anton. Bauer. in §. plane. in glos. vlt. de testa. mili. in Institu. Et si mandem alicui, vt ad mē mittat librum, quem commodaueram, si portitori literarum tradiderit, & is non reddat, tenetur is qui tradidit, quia eligere idoneum debebat, text. nota. in l. eum qui. in fine. ff. commod. dicit non liberari commodatarium, nisi dicatur, per presentem mittas, quod est notandum.

Quintus casus est, Si emptor dixerit, seruum non esse furem, vel aliud affirmauerit de re vendita, tenetur actione ex vendito, quia non debebat affirmare, quod ignorabat. l. Iulia. §. quid autem. aliās quid tamen. ff. de actio. empt.

#### LEX IX. VLPIANVS LIB. XI. AD EDICTVM.



**S**i quis affirmavit minimam esse hereditatem, & ita eam ab hærede emit, non est de dolo actio, cum ex vendito sufficiat. Si autem mihi persuaseris, vt repudiem hereditatē quasi minus soluendo sit, vel vt optem seruum, quasi melior eo in familia non sit: dico de dolo dandam, si callidè hoc feceris.

**I**n hoc principio tres sunt casus. Primus est, Quod si quis affirmauerit minimam esse hereditatem, & sic tanquam minimam emerit, actio ex vendito in eum datur, vt emptor consequatur quanti pluris hereditas est, quā vendita fuerit, sed si deceptus fuerit ultra dimidiam iusti pretij, agi posset conditione ex illa. l. rem maioris. C. de rescind. vendit.

Secundus casus est, Si quis persuaserit heredita-

tē mihi obuētam non esse soluendo, sed potius damnosam, & ego repudiem suā illius, de dolo in eum datur actio, si callidè hoc fecerit, quæ calliditas oportet quod probetur, saltem re ipsa, id est, vt appareat hereditatem esse soluendo, & lucrosam. arg. l. si quis cum aliter. ff. de verbor. oblig.

Tertius casus, Si data mihi sit equorum, vel seruorum optio, & quidam suaserit, vt accipiam vnum, quasi meliorem, cum sit deterior, actio de dolo in eum dabitur per hanc legem.

Et sic per istum tex. patet, quicquid dicat Accur. venditionem, dolo dante causam contractui, nō esse nullam, sed rescindi debere, vt in l. dolo. C. de rescin. vendit. nam in hoc text. apparet partem persuasisse, vt quis repudiaret hereditatem, vel minimè venderet, & iste text. dicit actionem ex vendito sufficere: ergo nulla non est emptio & venditio: idem dicitur in l. Iulianus. §. per contrarium. ff. de actio. empt. vbi villicus, qui subtraxerat res quasdam de hereditate, instrumenta, & mancipia, persuasit hereditatem minimi momenti esse, & sic eam vendidit hæres, text. actionem ex empto concedit, licet furtum dedisset causam contractui, & sic dolus dans contractui causam non reddit contractum nullū, sed is qui sic dolo contraxit, si habeat rem, in qua est deceptus, excipere de dolo potest. l. qui nondum. C. de hæred. vend. dixi fufius in l. & eleganter. suprā eod.

Accur. hīc corruptè allegat l. iij. & v. de oper. libe. sed voluit allegare l. iij. quæ incipit, Scyphi. de opti. lega. vbi si optio dolo facta fuerit, integra actio datur, & respondet ibi glos. ab hærede dolum fuisse adhibitum, hīc ab extraneo, quæ quidem solutio nullius est momenti, quia iste text. indefinitè loquitur, si quis, quod indefinita æquipollet vniuersali. c. circa. vbi plenè glos. de elect. lib. 6.

Postea Accur. ait: Tu dic quod hīc fuerunt omnes exhibiti, sed qui deterior erat, fuit bene vestitus, & rāsus, vt melior appareret. Istā glos. not. Bald. contra fideiussores, qui vt idonei appareant, ad Curiam accedūt bene vestiti, & sic iudicem & Curiam decipiunt, vt illi qui eos ducunt, doli teneantur, & certificatores, qui eos affirmant idoneos. Et hoc vidi in quodam qui baiulum bene vestierat, vt esset eius fideiussor, & certificatores hos similes habebat, ob id dolo delecto Procurator Regius conclusit contra eos, vt postea fustigationis punirentur, quasi falso adhibito.

Notant etiam interpretes istā glos. ibi, *& rāsus vt melior appareret*, quod veteres rāsos crinibus, & sic monachos, & religiosos, ac sacerdotes pro melioribus habeant, licet quidam hæretici eos contemnant, sed contemptus eorum nihil est, dum tamen iusti apud dominum fuerint.

Istæ tamen solutiones non respiciunt text. ideo ego dicerem integram optionem dandam ei, qui dolo alterius deteriorem optauit, sed quomodo illi subueniatur ad petendum, vt interim optare possit? Iste text. respondet actionem de dolo competere, & sic supplet ad dicta l. Scyphi: nam regulariter electione facta, semel alia fieri non potest, l. apud Aufidium. ibidem. & l. serui electione. ff. de legat. primo. si tamen illa optio dolo facta fuerit, alia fieri ex integro potest, & si hæres non permittat, agi contra eum actione doli potest, si ipse persuaserit.

*Dolus non annullat venditionem.*

*Baiulus bene vestitus factus fideiussor.*

*Optionem deteriorem alterius dolo optans.*



Si verò tertius, tunc agetur actione ad exhibendū, vt omnes res mihi exhibeantur, per l. iij. §. item si optare. ff. ad exhib. & si hæres opponat electionem semel factam, replicabit legatarius dolo esse factam, & ita debet in isto text. prouideri, quamuis Doctor. nō declarent. & hoc probat etiam l. ij. de optio. lega. Nam ista exhibitio ea de causa fit, vt rebus exhibitis noua fiat optio.

Et sic est hic vnus casus, in quo electione facta iterum optare possum. Secundus est, in minore, vt in l. & si sine. ff. de minor. & in aliis casibus à iure expressis: aliàs electione facta imputare quis sibi debet, cur illum optauit. l. iij. ff. de optio. legat. & dicit glos. in §. cæterum. quod cum eo qui in alien. potest. est. in Institut.

*Qui videt vtilius, & sumit deteriora,*

*Abstineat radius luminis absque mora.*

Et sic non releuaretur quis etiam à Principe obtinendo literas Regias, quia electione facta ius est alteri acquisitum, & semel optare possumus. l. serui. ff. de legat. j. sic consuluit Ludouic. Rom. consilio 475. Quoad primum. nisi iusta causa moueret Principem ad hoc concedendum.

### §. Item si tabulæ testamenti, &c.

*Actio de dolo, alia actione exi-  
sente.*

**H**ic est vnus casus, in quo de dolo agi potest, licet alia actio competat, vt supra dixi: nam cum pater exhæredasset, vel præterisset filiū suum, hoc iure querela inofficiosi agere filius poterat, si hæres institutus suppresserit tabulas testamenti, vt quinquennium quærelæ institutum præteriret, & interim filius decesserit, si post mortem filij hæredes velint agere lege Cornelia de falsis, possunt, l. ij. ff. de fal. & quia ille dolo malo fecit occultando testamentum: idè & de dolo agi poterit, idem in quolibet alio testamento suppresso, l. Paulus. ff. de fals. & de quo filio intelligatur, & de quibus hæredibus dicite de hæredibus filij mortui: non tamen erant isti hæredes filij ab eo, vel à patre instituti, aliàs possent agere querela, per iura Codicis, l. scimus. §. fin. C. de inoffic. testam. & putarem etiam hoc casu si hæredes filij vellēt agere querela, vt possent, quia per eos non stetit, sed per dolum alterius, idè non debet illis imputari. l. in iure civili. ff. de reg. iur. dummodò ante quinquennium mortuus fuerit filius, & quamuis non fuisset præparata querela, quia per filium non stetit, illi non debet nocere, opus tamen esset restitutione, & literis à Principe impetrandis, saltem in hoc regno. vnde Ias. in l. si quis filius. numero 6. C. de inoffic. testamen. amplè docet, quando querela non præparata, ad suos hæredes transmittatur.

### LEX X. LABEO LIB. VII.

#### POSTERIORVM.

**S**i oleum tuum, quasi suum, defendat Titius, & tu hoc oleum deposueris apud Seium, vt is hoc venderet, & pretium seruaret, donec inter nos diiudicaretur, cuius oleum esset, neque Titius velit iudicium accipere: quoniam neque mandati, neque sequestraria

Seium conuenire potes, nondum impleta conditione depositionis: de dolo aduersus Titium agendum. Sed Pomponius libro vicesimo septimo, posse cum sequestro præscriptis verbis actione agi, vel si is soluendo non sit, cum Titio de dolo, quæ distinctio vera esse videtur.

**L**ex si oleum, aliàs est l. aliàs est §. sub l. si quis affirmauerit. Species facti est, Oleum vendicabam à Titio, qui quasi suum esset, illud defendebat, inter nos conuentum est, ne pendente lite confumeretur, vt apud Seium deponeretur, ea lege, vt is Seius illud oleum venderet, & pretium seruaret, donec iudicatum esset ad quem oleum spectaret, Titius non vult accipere iudicium, nec causam prosequi, quæritur qua actione possim agere contra Seium? Videtur agi posse vel mandati, vel depositi: Labeo tamen ait non agendum actione mandati: quia mandatum fortè non erat gratuitum, neque possum agere actione sequestraria, quia is Seius non potest conueniri ex conventionione, nisi iudicatum fuerit inter eos, sed non est iudicatum: ergo non est impleta conditio depositionis. Vnde Pomponius ait agendum esse cum Seio sequestro actione præscriptis verbis, quasi vicerim, cum per me non stet, & quia dictum fuit, vt olei pretiū redderetur: idè reddi debet secundum verba præscripta. l. si rem. in fine. ff. de præscrip. verb. si tamen hic sequester soluendo non fuerit, agi de dolo potest aduersus Titium, qui sua calliditate facit, vt non diiudicetur cuius sit oleū.

Iste text. semper allegatur de actione sequestraria, quæ tamen non est proprium nomen actionis, vt docet Accurs. sed est quædam adiectio, & est actio depositi, vt in l. ei apud. & l. sequen. ac l. licet. ff. de po. Scripsi tamen differentias inter depositum & sequestrationem. in tract. de sequest. in 3. tomo Commentariorum ad Constitut. Regias. vbi istam materiam planè & vtiliter tractaui: ob id ad ibi dicta nunc (lector beneuole) te reiciam, vide interim Accursium in verbo, præscriptis verbis. at Barbat. consilio 71. Illud afferam. in 4. vol. col. i. allegat pro sequestro, vt possit salarium & mercedem suæ custodiæ recipere, & ita dixi in d. tractat. de sequestris. & in l. sequester. ff. de verbor. signific.

Ex hoc text. colligitur actionem dari ante impletam conditionem, quando per me non stetit quominus eam impleres, vt not. Decius in d. regul. in iure. ff. de regul. iur. facit l. Labeo scribit si bibliothecam. de contrah. emptio.

*Huius legis facti species.*

*Sequester potest mercedem suam custodiæ recipere.*

§. Et si tu seruū pignoratū noxæ mihi dederis, per iudicem absolutus, de dolo teneris, si apparuerit eum esse pignori datum.

**I**urum Doctor. istum textum variè interpretantur: ego verò sic intelligo, Seruū tuum pignori dedisti Titio, qui seruus mihi nocuit, fortè occidit equum meū, ego te cōueni apud iudicē, coram quo noxæ eum dedisti, & idè per iudicem absolutus es: quæsitum fuit, qua actione tenearis? Respondet

P. Rebuffi Lectura.

G g 2

*Casus huius legis.*



text. si apparuerit eum datum pignori alteri, antequam noxæ daretur, mihi quidem certè de dolo actio competit: nam seruum à se pignoratū non poterat noxæ dare, & tamen ea causa quod illum dedisti, fuisti absolutus, cum post absolutionem alia non detur actio, hæc dabitur.

Notatè, id quod habetur in tit. de noxal. in Instit. ut noxales actiones dentur ex delictis seruorum, pro quibus Do. damnato permittitur, aut litis æstimationem sufferre, aut hunc hominem noxæ dedere, & hoc summa ratione permixtum est: nam erat iniquum nequitiam seruorum ultra ipsorum corpora dominis damnosam esse, unde dominus seruum noxæ dādo liberatur, ut est in tit. de noxal. actio. sed ea conditione, ut illum pleno iure det, id est, nulli obligatum, vel in quo habeat, & vsum fructum & proprietatē, aliās non videtur soluisse. l. si rem meam. ff. de solut. l. iij. in fin. de re iudic.

*Seruus nulli obligatus noxæ dandus est.*

Et sic faciendi sunt sequentes casus. Primus est, Si condemnatus ad sarcindum damnum à seruo datum, dederit seruum alienum, aut pignoratū, iudicati conueniri poterit, ac si nō dedisset, quia auocari seruus potest ab eo, qui pignori accepit. d. l. si rem meam.

Secundus casus est, Si cōuentus ad æstimationem damni à seruo dati, ante iudicis condemnationem offerat noxæ seruum pignoratū, & sit absolutus à damni æstimatione, de dolo cōueniri poterit, ut hīc. Et in hoc decepti fuere interpretes: nam hic dolo fuit absolutus, dando noxæ seruum pignori obligatum, quod pars ignorabat, & iudex, ideò tacendo eum obligatū, callidè egit, ergo de dolo actio competit: sed quando iudicatus est dominus ad damnum persoluum, dando seruum obligatum pignori, non liberatur ab actione iudicati, quia non plenè soluit, ideò illa actio adhuc competit. d. l. iij. in fin. & l. si hominem. de solut.

*Decidendi ratio.*

Tertius casus est, Si condemnatus ad sarcindum damnum datū à seruo, noxæ illum seruū pignori obligatū dederim, iudicati agere poterit is, cui dedi, etiā antequam creditor vincat, id est, antequam obtineat sententiam contra illum, cui noxæ dedi seruum, & antequam illum seruum sibi obligatum cōsequatur. d. l. si hominem. ff. de solut. Idem Aphrican. ait: *Si sciens alienam rem mihi ignoranti dederis, etiam priusquam euincatur, utiliter me ex empto acturum putari in id, quanti mea interstet meam esse factam.* l. seruus. §. fin. ff. de actio. empt. quia inspicitur quod euinci potest, licet non sit euictum.

*Quod potest euinci inspicitur.*

Quartus casus est, Si dominus proprietatis serui, ad æstimationem damni serui conuentus, vsum fructuarium ad litis æstimationem conuenierit, tenetur is pro æstimatione vsum fructus conferre, aut vsum fructui cedere. l. si ex duobus. in fin. ff. de noxal. act.

Quintus, Si creditor, cui est pignori obligatus seruus, conuentus ut pro æstimatione litis conferat, noluerit iudicium suscipere, pignoris persecutionem ei iudex denegare poterit, & hoc casu pignus ipso iure liberatur, l. si noxale. ff. de noxal. quia nullum est pignus, cuius persecutio denegatur, & sic antequam persecutio fuerit à iudice creditori denegata, poterit is creditor ius pignoris persequi, nec noxæ dari poterit in præiudicium eius, cui seruus est obligatus, & ita conciliari iura ista debent, quamuis Accurs. & alij interpretes super hoc titubauerint.

*Pignus ipso iure liberatum.*

Sextus casus est, Hæc actio de dolo noxalis est, unde si dolus commissus est in re peculiari, datur actio de peculio: si verò ea sit, ex qua noxalis, hoc quoque noxale erit. §. hæc. De dolo alia dicentur infra, in tit. de noxal. si Deus voluerit.

§. Merito. cum l. seq. & l. non debet. declarauit supra. in q. 7.

LEX XVIII. PAVLVS LIB. XI.  
AD EDICTVM.



Arbitrio iudicis in hac quoque actione restitutio comprehenditur: & nisi fiat restitutio, sequitur condemnatio quanti ea res est. Ideò autem & hic & in metus causa actione certa quantitas non adiicitur, ut possit per contumaciam suam tanti reus condemnari, quanti actor in litem iurauerit, sed officio iudicis debet in vtraque actione taxatione iusiurandum refrenari. Non tamen semper in hoc iudicio arbitrio iudicis dādum est. Quid enim si manifestum sit restitui non posse, veluti si seruus dolo malo traditus, defunctus sit, ideòque protinus condemnari debeat in id quod interstet actori?

IN edicto Prætoris erat, quæ dolo malo facta esse dicentur, Si de his rebus alia actio non erit, & iusta causa esse videbitur, iudicis arbitrio restituantur quanti ea res erunt, intra annum, quo primum experiundi potestas erit in eum, qui dolum fecerit, de dolo iudicium dabo. Nunc declarari hæc lex ita poterit.

Quæsitum fuit à Paulo, quomodo verba Prætoris intelligenda sint, ut arbitrio iudicis res restituantur. Respondeo, restitutionem comprehendere sub arbitrio iudicis, ut iudex in primis condemnet reum, qui dolum commisit, ad rei restitutionem, & si is non restituat, iudex condemnabit eum quanti ea res erit.

*Declaratio textus.*

In secunda parte, dicet quis, quare in Prætoris edicto, etiam in actione quod metus causa, non est adiecta certa quantitas, in qua condemnaretur is, qui ad arbitrium iudicis rem non restituit? Respondeo, ideò, ut possit iudex, ratione contumaciæ rei, tanti reum condemnare, quanti actor in litem iurauerit, iudex tamē refrenare debet iusiurandum actoris sua taxatione.

In tertia parte dubitari posset, an semper arbitrium iudicis dandum sit, si quis non restituat? Respondeo, non semper dandum: nam si manifestum sit restitui seruum non posse, quia mortuus est, condemnari debet is, qui dolum intulit, in id quod interstet actoris, ista est sententia & intellectus huius legis.

Ex hoc textu colligitur partes iudicis esse, ut prius condemnet eum, qui dolum in re adhibuit ad rei restitutionem. facit l. qui restituere. ff. de rei vindicat.

Secundò,



Quanti ea  
res est, quid  
denotet.

Secundò, si is non restituat, debet condemnari, quanti ea res erit: hîc iacet huius l. difficultas, quia verbum, quanti ea res est, significat veram rei æstimationem, l. inter hæc verba. ff. de verbor. significat. & tamen hic condemnatur quanti in litem actor iuraverit. Respōdet glo. tripliciter tex. intelligendum. Primò, vt improprie ponatur hoc verbum, quanti ea res est. Secundò, vt suppleatur quanti ea res est, videlicet æstimata. Tertiò, vt proprie accipiat, & actor habet duplex remedium. Vnum, per quod iuret in litem: alterum, per quod interesse tantum verum petat, & hæc approbatur à Bar. & interpretibus.

Ego autem puto hunc text. intelligendum proprie, videlicet vt prius iudex condemnare debeat ad rei restitutionem, quam si pars non fecerit, iudex condemnabit quanti ea res est, quanti æstimabitur lis id temporis, quo non fit restitutio: nam aduertendum est quòd si debeat æstimari domus quanti ea res est, tunc verè æstimabitur, quanti verè valet, & ita loquitur d. l. inter.

Interdum debet aliquid æstimari quāti ea res est, & tunc refertur non tātum ad rem principalem, sed ad totam litem & contumaciā factā à parte in nō restituendo, vt hîc. Vnde si iudex condemnauerit ad restitutionem domus dolo acquisitæ, & is condemnatus eam non restituat, debet, quanti ea res est, nunc æstimari, eò quòd non restituitur domus, sed videamus, quanti ea res est, videlicet vt possit pars iurare in litem, & iudex taxare ex officio suo, quāti litem æstimauerit, & ita debet intelligi iste text. qui decepit interpretes, putantes iudicem debere æstimare, quanti ea res erit, scilicet principalis in qua est adhibitus dolus, & tunc iste tex. esset sibi contrarius, qui quidem tex. dicit debere fieri condemnationem quanti ea res erit, id est, quanti æstimabitur ea res, scilicet illa lis nō facta restitutione per cōtumaciam.

Rei appellatio.

Et sic verbum, ea res, hîc denotat generaliter, non solum rem principalem, sed etiam contumaciam rei non restituentis, & sic ad litis æstimationem refertur, vt declarat text. quod est notandum, ideò intelligetis multa iura per hoc.

Nec refragatur quod tūc non denotat veram rei æstimationē. Respōdeo, imò semper æstimatur verè res: nam quando refertur ad rem certam, veram rei æstimationem significat. Si verò respiciat litem, vel interesse, & tunc etiam verè id quod interest significatur, quod iuramento præcedente, & taxatione iudicis apparuerit, vt hîc. & in l. qui restituere. ff. de rei vendic.

Ideò autem.] Ex hoc text. colligitur, quare interesse non est taxatum, seu contumacia non restituentis. Respondeo, ideò, vt possit ratione contumaciæ actor iurare in litem, & iudex postea pro contumacia, & rei qualitate taxare, qui quidem iudex potest etiam iuramentum refrænare: nam si pars iuraverit nolle carere domo pro mille aureis, iudex hoc taxabit, & olim nō erat de iure Digestorū certa taxatio, vel quantitas vt hîc, sed de iure C. hodie taxatum est id quod interest, vt duplum non excedat, l. vnica. C. de senten. quæ pro eo quod interest, vbi abundè scripsi intelligi de interesse singulari.

Interesse hodie duplum non excedit.

In isto textu tamen, non est taxata quantitas ad quam iudex debeat condemnare, & licet in actione quod metus causa, ad quadruplum fieri debeat condemnatio, tamen non est certa quantitas: nam du-

plum & triplum non potest certa dici quantitas. l. certum. ff. si cert. petat. dixi in d. l. vnica.

Non tamen semper, & c.] Ex hoc text. colligitur dolum non semper ad rei restitutionem condemnandum, nec arbitrium iudicis super hoc versari, vt quando res non potest restitui, quia est perempta, non culpa doli, tunc æstimabitur id quod actoris intererit, & sic protinus reus condemnari debet, id est, omninò & statim. Vnde (vt dictum est) iudicis hîc non interuenit arbitrium, quia præcisè condemnat ad id quod interest, & non ad rei restitutionem: & si res non restituatur, ad id quod pars iuraverit, taxatione iudicis prius tamē interueniente.

Hodie verò praxis Franciæ solet in vna sententia condemnare ad rem si extet, vel ad eius æstimationem cōmunem, & si dolosus rē habeat, auferetur ab eo res, nec recipietur volens æstimationem soluere. Si verò perempta sit, tunc ad veram rei æstimationem veniendum erit, & rarò venimus ad hoc iuramentum in litem, vt scripsi in interpretatione l. vnica. C. de senten. quæ pro eo quod interest profe-

Æstimatione eius q̄ interest quādo fieri debeat.

Praxis Franciæ, de sententia contra dolosū.

### S V M M A R I A.

- 1 Pondus commune, & mensura assueta assumi debet, si de alia conuentum non sit.
- 2 Vendens modios vini, censetur vendere secundum vsitatum & communem illius loci modium.
- 3 Emptor sciens maiora pondera commodatò accipiens furti tenetur. Item is qui commodat. ibidem.
- 4 Pondera iusta & mensura olim in Ecclesia seruabantur, hodie verò in Curia.

### §. De eo qui sciens, & c.

Species facti est, Emi decem sextarios olei, vel Smellis, cum venditor detulisset, ego pōdera, quæ vicinus habebat, rogavi mihi cōmodatò tradi, quæ sciens falsa esse tradidit, deinde venditor appendit oleum, vel mel: quæsitum fuit, quæ actio detur, Trebatius dicebat actionem de dolo dandam.

Casus huius textus.

In secunda parte Iuriscon. ait: Si vicinus commodauerit maiora pōdera, potero repetere id quod amplius datum est, conditione indebiti. vt docet glos. vel furtiua.

Si autem commodauerit minora pondera, potest emptor agere ex empto, vt reliqua merx detur ad verum pondus.

Sed si ea conditione oleum, vel mel venditum fuerit, vt illis pōderibus traderetur, cum ille vicinus affirmasset habere pondera æqua, causa decipiendi emptorem, tunc de dolo dandam actionem. Vlpian. consentire videtur in eū, qui æqua ea esse affirmauit.

Quidam tamen in text. habent, commendauit falsa pondera, dicens esse vera, si sciens hoc fecerit de dolo contra eum agitur: quia dolo facit, commendans falsa pondera.

Sed si maiora pōdera commendauit, repeti potest quod amplius datum est: si minora commendauit emptor, reliquum actione ex empto cōsequi potest: nisi conuentum fuerit, vt his ponderibus merx traderetur, eò quòd vicinus affirmasset vera esse, & iusta pondera, tunc cum emptor non sit in dolo, nec venditor, & ratione conuentionis non potest agi alia actione: ideò de dolo datur contra eum, qui com-



mendauit falsa, vel maiora pondera, hoc videtur iste text. dicere.

*Pōdera falsa que dicuntur.*

Ex hoc tex. colligitur falsa pondera esse, quæ sunt maiora vel minora, quàm sint vera, & æqua, & vocantur dolosa, etiam per Prophetam Amos 8. c. & hæc prohibuit Deus Leuit. 19. c. in fi. his verbis: Statera iusta & æqua sint pōdera, iustus modius, æquusque sextarius. & Prouerb. 16. cap. Ponderus & statera, iudicia Domini sunt, & statera iniqua non dicitur statera, nec modius iniquus. l. Paulus respondit, vbi scripsi ff. de verb. signific.

*Princeps mensuras communes omnibus constituere debet.*

Videndum est ad quem spectet pondera & mensuras constituere, & breui putarem ad Principem pertinere pōdera, & mensuras communes omnibus præbere. l. in odios. vbi etiam not. Rebus patruus meus. C. de suscep. & Archæ. lib. 10. vbi sic scribitur: *Modios annos vel lapideos cum sextariis, atque ponderibus per mansiones, singulasque ciuitates iussimus collocari. & l. fin. de frumen. Alex. lib. 11. ibi, Et tessera designentur, & nostra pietatis nomine censeantur.*

*De eadem re.*

Et postquam à Principe institutæ sunt, ad dominos locorum spectat alias mensuras, vel pondera, si quis indigeat, cum illis æquare, & curare, vt in illis nulla fraus fiat, & vbi non sunt domini, spectat ad magistratum illius loci. l. iubemus. C. de defensor. ciuitat. Et extant in hoc regno Franciæ Constitut. Reg. in tit. *des aulnes & aulnages.*

*Signū Regis ponderibus & mensuris imponendum.*

Et in his ponderibus signum Regis & Principis debet imponi, etiam dum æquatur à magistratibus, qui illa pondera, vel mensuras probant, & æquant, l. stigmata. C. de fabricen. libro 11. & l. ij. de frumen. Alexan. ibidem. etiam vidi imponi signum domini loci, qui illa pondera & mensuras æquabat, sed à parte inferiori.

Quæro, si diuersa sint pondera, & mensura, quibus mensuris debeat fieri? Et notandum est prius hæc diuersa pondera venisse ex diuersitate dominorum: solebant enim domini olim diuersa habere pondera, & mensuras. Comes Tholosanus in suo territorio pondera & mensuras speciales suis subditis tondere solebat. Et Burgūdi etiam à Duce eorum accipiebant: nunc quia Rex effectus est dominus istorum locorum, ipse solus hæc constituere potest, licet remanserint quædam mēsuræ ex antiquis, quas Principes tollere noluerunt. Vnde Imperatores rescripserunt: *Quibus mensuris aut pretiis negotiatores vina compararent, in contrahentium potestate esse: neque enim quisquam cogitur vendere si aut pretium, aut mensura ei displicuerit: præsertim si nil contra consuetudinem regionis fiat.* l. Imperatores. ff. de contrahen. emptio.

*Ponderus, de quo conueniunt, est, appendendum.*

Ideo, si diuersa sint pondera in ciuitate, vel mensuræ, debet appendi secundum pōdus, vel mensurari ad mensuram, de qua conuentum est, vt hîc. Et si nihil dictum fuerit, tunc pondus assumemus, & mensuram communem, & assuetam. c. ex parte. de cens. & d. l. Imperatores.

Vnde quando quis vendit modium vini in ciuitate Tholosana, intelligetur de vsitato & communi modio, licet sit ibi modius maior, qui dicitur mensurari ad mensuram Comitum Tholosani, sed ille neglectus est, & non vsitatus, sicut alius: ideo qui vendit modios vini, censetur vendere ad communem & frequentem vsum, & non ad alium, argu. l. si seruus plurium. in fin. ff. de legat. 1.

Si verò agatur de ponderibus diuersorum locorum, vel de mensuris, tunc fieri pondus & mensura debet in loco contractus, & vbi venditur, & in illo foro. l. septem. C. de eroga. milit. anno. lib. 12. Doct. in cap. 1. de empt. & vendit. Vnde si hîc Parisiis vendantur centum sextaria frumenti, debent mensurari mensuris huius loci publicis. c. 2. vbi Doct. de empt. & vendit.

Si tamen quis venderet hîc centum sextaria frumenti, quæ promitteret tradere Lugduni, mensurari debent ad mensuram Lugduni, quia ibi videtur quis contraxisse, in quo vt solueret, se obligauit. l. contraxisse. ff. de actio. & oblig. Vnde quia maius est pondus hîc, si conueniam Lugduni, vt pro singulis centenis dem aureum pro delatione mercium ad ciuitatē Parisiensem, si ibi ponderentur, inspicietur illud pondus, si autem hîc, istud pondus erit inspiciendum.

Hoc procedit in rebus mobilibus. Si verò decem iugera terræ vendiderim, debent intelligi de mensura loci, vbi prædia sita sunt. l. si prædium. C. de prædiis minor. l. si seruum. §. fin. ff. de actio. empt.

Item, non debet quis diuersa pondera, vel mensuras habere: hoc enim prohibuit dominus. Deute. 25. c. in fin. dicens: Non habebis in sacculis diuersa pondera, maius & minus: nec erit in domo tua modius maior & minor: pondus habebis iustum & verum, & modius æqualis & verus erit tibi, vt multo viuas tempore super terram, quam Dominus Deus tuus dedit tibi: abominatur enim Deus eum, qui facit hæc. & auersatur omnem iniustitiam. & Prouerb. 2. scribitur: Ponderus & pondus, mensura & mensura vtrumque abominabile est apud Deum.

Et istas mensuras, vel varia pondera debet magistratus frangere, nec permittere cuiquam diuersa habere. l. item queritur. §. si quis mensuras conduxerit, easque magistratus frangi iusserit. ff. de loca. alia daret materiam delinquendi à iure prohibitam. l. iurifgentium. §. si paciscat. ff. de pact. Luc. de Pen. in l. modios. col. 2. C. de suscep. li. 10. & ista sūt mixti imperij, vt docet Guid. Papa. in decif. Delph. q. 490. Mēsuræ.

Quomodo puniantur hi, qui alios falsis mensuris decepterint? Respondeo, faciam casus sequentes, vt materia hæc distinguatur. Primus casus, Emptor deceptus in pondere, vel mensura, potest agere ad id, in quo est deceptus. Vnde si quis emerit modios decem vini, aut centum libras olei, si desint viginti librae, eas emptor petere poterit, & si venditor maiori mensura, vel pondere deceptus fuerit, poterit quod amplius dedit, repetere per istum tex. & l. si seruum. in fi. ff. de actio. empt. Petrus de Bella Pertic. in q. 387.

Secundus casus, Qui falsa pondera, aut mensuras tenet, ex cōstitutione Diui Adriani pœna falsi coercetur, l. penul. in fin. ff. de fal. intellige, siue ea corruperit, vt docet text. siue eas diminuerit, vel plumbum, aut quicquam addiderit, vt pondus iustum inæquale redderetur.

Tertius casus, Adulterinas stateras, vel mensuras conficiens, pœna eadem legis Corneliæ punitur. in l. annonam. in fi. ff. de extraord. criminib. ibi, *Onerant annonam etiā statera adulterina.* de quibus D. Traianus edictum proposuit, quo edicto pœnā l. Corneliæ in eos statuit, proinde ac si lege testamentaria, quod testamentum falsum scripssisset, signasset, recitasset, damnatus esset, sed & D. Adria. cum qui falsas mensuras habuerat, in insulam relegauit. l. penul. ff. de fal.

Quartus

*Pōdus loci contractus assumendum.*

*Mensura loci vbi prædia sita sūt inspicienda.*

*Diuersa pondera, a magistratu frangenda.*

*Deceptus in pondere, vel mensura, quomodo agere debeat.*

*Falsitas ponderis.*

*Mensuras falsas pondus se habens.*



Quartus casus, is apud quem inuentæ sunt falsæ mensuræ, debet relegari per illum text. & in d. l. penul. quando probaretur eum illis mensuris vel ponderibus vsum fuisse, & aliquē decepisse: alioqui falsum, sine damno proximi, non punitur. l. damus licentiam. vbi gloss. C. de fals.

Pena ad  
duplū pro  
fraude in  
mensura  
facta.

Quintus casus, si venditor, aut emptor in mensura fraudem fecerit, aut eam corruperit, ad duplum punitur, quanti ea res est, id est, quanta est deceptio. Nam si venditor de decem libris olei deceperit emptorem, ad 20. libras puniendus erit. d. l. penul. quæ sic dicit: *Si venditor mensuras publicè probatas, vini, frumētī, vel cuiuslibet rei, aut emptor corruperit, dolo vè malo fraudem fecerit, quanti ea res est eius duplo condemnatur, decretūque Diui Adriani præceptum est in insulam eos relegari, qui pondera, aut mensuras falsas aut breuiores in computatione fecissent.* Ergo intelligi debent prædicta de ponderibus publicè probatis, secus si de aliis priuatis, per illum text.

Dardana-  
rij qui vo-  
centur.

Sextus casus, est in l. in Dardanarios propter falsum mensurarum modum ob utilitatem popularis annonæ, pro modo admissi extra ordinem vindicari placuit. ff. de pœn. Dardanarij dicuntur à Dardano scelesto viro, q. artes iniquas, maximè super annonæ adinuenit, & propolæ, seu reuēditores annonæ, qui annonam vexant, fortè miscendo corruptum cum incorrupto, vel falsum mensurarum modum cōficiunt, vel aliàs annonam corrumpunt, Dardanarij vocātur, l. anno-  
nam attētare & vexare, vel maximè Dardanarij solēt, quorum auaritia obuiam itum est, tam mandatis, quàm constitutionibus. Mandatis denique canetur ita, præterea debetis custodire, ne Dardanarij ullius mercis sint. ff. de extraord. criminib. & isti fraudulentæ annonam, in falsa mensura extra ordinem puniuntur. Panor. in c. 2. dicit pœnam arbitrio iudicis imponendam quod est verum.

Mutās in-  
sta pōdera.

3. Septimus, si Titius commodauerit maiora pondera emptori, furti tenetur, & emptor, si sciuerit. Nō enim ex voluntate venditoris accipit, cum erret in pondere. l. si quis vxori. §. si maiora. ff. de furt. Ergo id quod plus solutum est, conditione furtiua repeti poterit, vt docet Accur. hīc. vide Bal. consi. 155. Quæritur. in primo vol.

Octauus, de iure canonico, si quis iustas mēsuras, & iusta pondera causā lucri mutare præsumperit, 20. dies in pane & aqua pœniteat. c. 2. de emp. & vendi. & ita inueni in integra Decretali, licet nos habeamus in nostris libris. 30. dies. sed corruptum, vt puto.

Nonō, ad curam & solertiam defensorum ciuitatis spectat, ne exactores grauent maioribus mensuris & ponderibus possessores. l. penul. C. de defenso. ciuit. Vnde exactores iustis ponderibus & mensuris vti debent, & olim Comitibus sacrarum largitionum cura erat, vt ista iusta pondera & mensuræ in ecclesia seruarentur. §. eos. 2. in authen. de colla. colla. 9. melius est tamen vt in Curia custodiātur, vt dicam. Hodie in Frācia ad iudices vectigalium pertinet cognoscere de his exactoribus, & in consequens, an iustæ sint mensuræ, sed extra exactiones publicas præfides locorum, Bailliui, seu Seneschalli cognoscūt. l. fin. C. de suscep. lib. 10. videte Ioannem Raynaud. in tract. suo de mensur. vbi alia tradit. His nunc contentus ero.

§. Dolo, alij habent, Si cuius dolo, &c.

Hic §. declarat illa verba Prætoris, *nisi arbitrio iudicis restituantur*, quæsitum fuit in isto text. Constitui Procuratorem ad prosequendum litem, is eam non est prosecutus intra annum, & sic perit instantia, vel intra triennium, qua actione possim experiri aduersus illum Procuratorem? Respondet Trebatius dandum iudicium de dolo.

Species fa-  
cti huius  
textus.

Sed per hanc actionem, quid restituetur, nōne lis in statum pristinum reducetur? Respondeo, non: ne lex circumscribatur, sed actor tantum consequetur, quanti eius interfuit processum non esse prosecutum.

Dubitatio erat, an restitui in integrum debeat is, cuius processus perit. per l. properandum. in fi. C. de iudi. Respondet hic tex. contrarium, dicit, ne lex circumscribatur: nam lex non haberet locum, quia semper quis vellet processum restitui, & sic nūquam legitimo tempore periret lis, idē est introductum, vt is, cuius dolo factum est, condemnatur ad id quod interest actoris, id non esse factum. Vnde si aduersarius debebat centum aureos, & periit processus, amplius illa centum prosequi non possum, sed agam ad illa centum consequenda, actione de dolo, & ille processus erit tempore exclusus, hoc declarat Caius in l. iij. §. penul. ff. de aliena. iudi. his verbis: *Ex quibus apparet quod Proconsul in integrum se restitutum pollicetur, vt actione hac, officio tantum iudicis consequatur actor, quantum eius interfuit, alium aduersarium non habuisse, fortè si quas impensas fecerit, aut si quam aliam incommoditatem passus erit, alio aduersario substituto.* Et sic impensas, & omnia alia damna consequi poterit, per illum tex.

Ratio de-  
cidendi.

Ex hoc text. colligitur, quod quandiu quis restitui potest, non datur actio de dolo. pro hoc tex. in l. prima. §. idem Pomponius. 2. suprà. eodem. idē cum hodie anno pereat in Parlamento instantia, & vulgò dicunt *subannē*, quia hoc potest restitui per literas Regias, non solet agi contra Procuratorem. Idem si instantia pereat triennio, etiam dantur literæ restitutionis ex causa, iuxta illam cōstitutionem notabilem. d. l. properandum. in fin. Et quando Procurator non appellauit, etiam dominus appellare poterit, & releuari, vt quotidie videmus, & scripsi in tract. de restitut. in integr. 2. tomo Commentar. ad Constit. Regi.

Dominus  
potest ap-  
pellare, li-  
cet Procura-  
tor negli-  
gat.

Sed vidi magnum dubium in eo, cuius bona licitabantur, qui constituit Procuratores ad opponendum, & interim dominus quærebat pecuniam, vt satisfaceret. Procurator autē permisit labi dilationes, nec monuit dominum, qui dominus tamen ad eum creditorem misit, vt adhuc intra sex mēses ipse posset offerre pecuniam, tamen ista bona venūdata sunt vili pretio vltimo offerenti pretium, & decretum est interpositum, nunc dominus vult restitui, cui denegatur restitutio, num agere poterit cōtra istum Procuratorem? Respondeo posse, per istum text. actione de dolo, vt omnia soluat, sed si non est soluendo, gl. dicit hīc, vt lis restitui debeat, tamen vidi restitutionē denegatam: nam imputari sibi debet is, qui talem Procuratorem elegit, vt de socio dicitur in §. fin. de societa. in Insti. & ita fuit repulsus dom. de Haan à venditione interposita decreto Senatus, & reiectus ab impetratione literarum, in forma ciuili impe-

Eligens  
Procura-  
torem ne-  
gligētem.



tratarum. istum text. sing. & notand. dicit Barb. con-  
fil. 57. col. 9. in 3. vol. & Anto. de Burgos in c. vlt. in fi.  
de emptio. & vendit.

LEX XXXV. VLP IANVS LIB. XXX.  
AD EDICTVM.



I quis tabulas testamenti apud se  
depositas, post mortem testatoris  
deleuerit, vel alio modo corrupe-  
rit: hæres scriptus habebit aduersus eum  
actionē de dolo. Sed & his, quibus legata  
data sunt, erit de dolo actio.

Iste tex. est facilis in verbis, vt qui deleuerit tabu-  
las testamenti, de dolo actione teneatur, etiam le-  
gataris de dolo actio erit, sed antinomia est valde  
difficilis, quæ adducitur per Accurs. in qua se extri-  
cat sicut mus in pisce, & multas solutiones præbet,  
quæ omnes non conueniunt text. sed præfagiunt,  
ideò ego dicerem constituendos esse casus se-  
quentes.

Primus, si instrumentum testamenti, seu tabulæ  
fuerint depositæ in vita testatoris apud aliquem, & is  
custos eas deleuerit, actione depositi tenetur, quia  
in deposito malè versatus fuit, ideò depositi tenetur,  
& ita loquitur lex, qui tabulas. ff. ad leg. Aquil. vbi  
dicit teneri depositi, & ad exhibendum, & sic non  
est inconueniens quem pluribus actionibus teneri cū  
actione de dolo, vt supra probatū fuit in 7. quæstio-  
ne. Et tunc non agetur actione de dolo, quandiu aliæ  
competent, quia est subsidiaria & licet interuenerit  
dolus in aliquo actu, tamen ob hoc nō agitur de do-  
lo, si alia supersit. l. prima. & l. eleganter. supra. l. prima.  
§. si rem depositam. ff. depof.

Secundus casus, qui tabulas testamenti apud se,  
depositas post mortem testatoris deleuerit actione  
de dolo conueniri potest, ita loquitur iste text. Et ra-  
tio diuersitatis reddi potest inter primum casum, &  
istum, quia ante mortem testantis nullum ius quæsi-  
tum est hæredi: nam testamētum mutare potuit vs-  
que ad mortem. l. iij. ff. de adimē. lega. & l. prima. C.  
de sacrosanct. eccle. nam testamentum morte con-  
firmatur. l. cū hic status. ff. de dona. inter virum &  
vxo. c. cum Marte. de celebrati. missa.

Ideò dolo facit is, qui post mortem testantis de-  
let testamentum, vel mutat in præiudicium hære-  
dis, & legatariorum, ideò de dolo erit actio, quia  
alia non datur hoc casu.

Tertius casus, si quis tabulas testamenti apud se  
depositas causa damni dandi, vel iniuriæ faciendæ,  
deleuerit, vel publicauerit, iniuriarum, vel Aquiliæ  
teneatur. l. si quis testamentum. ff. ad leg. Aquil. l. pri-  
ma. §. si quis tabulas, deposit. quod est verum quoad  
hæredes, & legatarios, quorum commodum æsti-  
mari potest, & quibus testamenta penè sunt chiro-  
grapha, ideò sicut chirographa æstimari possunt, ita  
& hæc testamēta quoad eos, secus quoad testantem,  
cuius interesse æstimari nō potest, ideò Iuriscon. ibi-  
dem ait: incertum esse quomodo fiat & ineatur te-  
stantis æstimatio, qui hoc nō respicit interesse pecu-  
niarum. argum. l. planē. 2. §. fin. ff. de lega. primo. l.  
cū etiam. de reb. cred. Doctores. in l. ab eo. C. de  
fideicom.

Quartus casus, si quis furti faciendi causa deleue-  
rit id, quod est in instrumēto scriptum, furti tenetur,  
quia furtum animum furis exigit l. si quis testamen-  
tum. ff. ad leg. Aquil. nec furtum sine affectu furandi  
fieri dicitur. §. furtum. versiculo placuit. de obligat.  
quæ ex deli. nascun.

Quintus casus est, qui testamentum amouerit,  
celauerit, rapuerit, deleuerit, interleuerit, subiecerit,  
resignauerit dolo malo, l. Corneliæ pœna damnatur.  
l. ij. ff. de fal. idem si corruperit: corripisse enim ta-  
bulas rectè dicitur, & qui eas interleuerit. d. l. qui ta-  
bulas. in fi. ff. ad leg. Aquil. Et per istos casus sublata  
videntur antinomix graues, in quibus interpretes  
hactenus valde insudarunt, scopum autem non atti-  
gerunt, aliæ huius tit. leges faciles sunt, nec explica-  
tione egent.

LEX XXXVII. VLP IANVS LIB. XLIIII.  
AD SABINVM.



Qvod venditor, vt commendet, di-  
cit, sic habendum, quasi neque di-  
ctum, neque promissum sit. Si ve-  
rò decipiendi emptoris causa dictum est,  
æquè sic habendum est, vt non nascatur  
aduersus dictum promissumve actio: sed  
de dolo actio detur.

Notandum, esse delicta quædam habentia titu-  
lum delicti (vtar verbis Bald. consi. 15. Ad eui-  
dentiam. in primo vol.) vt furtum, & alia nominata.

Quædam verò sunt quæ nō habent titulum de-  
licti, vt crimen stellionatus. l. iij. in prin. ff. de crimine  
stellio. quod est huius naturæ vt non intentetur, nisi  
ratione doli, & in subsidium competit criminalis ac-  
cusatio, sicut in subsidium in ciuilibus cōpetit actio  
de dolo, & sic dolus punitur ciuilitè, per actionem  
doli, vel criminaliter, per stellionatum.

LEX XXXVIII. IDEM LIB. V.  
OPINIONVM.



Vidam debitor epistolam, quasi à  
Titio, mitti creditori suo effecit, vt  
ipse liberaretur. Hac epistola cre-  
ditor deceptus, Aquiliana stipulatione &  
acceptilatione liberauit debitore, postea  
epistola falsa, vel inani reperta creditor  
quidē maior annis viginti quinque, de do-  
lo habebit actionem, minor autem in in-  
tegrum restituetur.

Iste casus est singul. secūdū Ludo. Roma. sing. 284.  
Ad hoc, quod si propter Procuratoris reuocationē  
pars damnum patiarur, poterit agere actione de do-  
lo, hoc etiā est in addit. ad Dynū. in regula, Mutare.  
de regulis iur. in vj & Fulgos. notat istum text.  
pro his, qui faciunt Procuratores, & statim eos re-  
uocant, vt teneantur de dolo suis aduersariis, de quo  
alibi dicam.

Furtū nō fit  
sine animo  
furandi.

Corrumpe  
re tabulas,  
quis dica-  
tur.

Crimen  
stelliona-  
tus quod  
nam sit.



## De minoribus vigintiquinque annis.

TIT. IIIL.

LEX I. VLPIANVS LIB. XI.  
AD EDICTVM.

**H**oc edictum Prætor, naturalem æquitatem secutus, proposuit: quo tutelam minorum suscepit: nam, cum inter omnes constet, fragile esse & infirmum huiusmodi ætatum consilium, & multis captionibus suppositum, multorumque insidiis expositum, auxilium eis Prætor hoc edicto pollicitus est, & aduersus captiones opitulationem.

**E**x prima Vlpia. demonstrat quamobrem Prætor edictum de minoribus proposuerit, dicens esse secutum naturalem æquitatem: naturale enim est, ut subueniamus & tueamur eos, qui per ætatem se tueri non possunt: nam, quemadmodum ait Cice. lib. primo. Officio à natura datum esse tueri se, ita & suos: sic & alibi docet nos à natura impelli, ut plurimis prodesse velimus, in primisque docedo, rationibusque prudentiæ tradendis, atque ut tauris naturam datum est, ut pro vitulis contra leones summa vi impetumque contendant, teste Aristot. sic & qui valent opibus, atque id facere possunt, ut de Hercule accepimus, ad seruandū genus humanum naturam incitatur, & sic illa naturæ vis incitat ad tuendū se, & alios, qui tueri se non possunt, ut hinc, & de hac naturali æquitate loquitur. l. prima. ff. de lega. præstan. scripsi in l. prima. supra. de pact.

Idem Prætor hoc edicto suscepit tutelam, & protectionem minorum, quibus tueri se per ætatem non licet: nam palam est, & inter omnes constat, consilium minorum esse valde fragile, & infirmum, id est, non firmum, sed leue. Et sicut arundo huc, illucque ventis impulsam regitur, ita & minores leuitate ingenij, & quod ait Homerus, semper iuniorum hominum animi leues consilio, constantia & prudentia seruum regedi, & scribitur Prouerb. 12. c. Stultitiam colligatam esse in corde pueri, & virga disciplinæ eam fugabit.

Vnde tex. ait eos esse multis captionibus suppositos, & sic tuendos, multi etiam consanguinei ad hoc tendunt, ut eos decipiant, ut sæpius vidi.

Multorumque insidiis, subiecti sunt minores: quidam enim, ut bona ab eis extorqueant, eos ad voluptates pelliciunt, ut deinceps ab eis amentur, & bona illorum per fas, nefasque consequi possint, & dicit gloss. insidias, extra contractus, captiones, in contractibus, possunt etiam insidiæ esse & in contractibus, quando quis dolo occulto tendit ad decipiendum minorem, & ut illi donet res, vel alio modo eum decipiat.

Quamobrem Prætor pollicetur hoc titulo illi auxilium aduersus insidias, & opitulationem aduersus captiones, ut deceptiones, quas in dies multi ipsis inferunt, sic & Diuus Seuerus Cuspino Rufino ait his verbis, *Omni me rationem adhibere subueniendis*

pupillis, cum ad curam publicam pertineat, liquere omnibus volo. l. iij. ff. qui petant tutor.

Ex hoc tex. patet minorem restituendum esse, siue insidiosè & dolo deceptus sit, siue alio modo, etiā sine dolo, dummodò sit deceptus, quia Prætor hinc pollicetur non solum auxilium contra insidias, & sic contra dolum, & fraudem, sed etiam aduersus captiones, intellige quascunque, quia indefinita æquipollet vniuersali. l. si pluribus. ff. de lega. 2. c. ut circa. de elect. in 6. inferius alia explicabuntur.

§. Prætor edicit. **Q**UOD CVM MINORE, QUAM VIGINTIQUINQUE ANNORVM NATV GESTVM ESSE DICETVR, VTI QVAEQUE RES ERIT, ANIMADVERTAM.

**I**sta est portio edicti Prætoris, sed inferius alia describitur. Notandum est ante Prætorem in fauorem minorum esse latam quandam legem. Lectorius enim tulerat legem, quæ eum qui adolefcem, aut furiosum cum suæ authoritatis, iurisque non esset, circūscripsisset, fraude, dolo, & malo, iudicio publico persequeretur, ut docet Cicero lib. iij. Offi. & Iulius Capitol. in autho. Philoso. Verum quia hæc lex tantum persequeretur decipientem, sed contractum factum non reuocabat, ob id Prætor statuit in fauorem minorum, ut causa cognita restitueretur, & contractus factus reuocetur. Sed non minus possunt publico iudicio hi hodie persequi (cum lex Lectoria non sit correctæ) qui minores decipiunt, & ad Procuratorem Regium hoc spectat, qui si negligens fuerit, redditurus est Deo optimo maximo rationem.

Primum verbum edicti est, quod, sed illud in titulo quod metus causa declarauit, itaque hinc non repetam.

Subiicitur, cum minore quàm vigintiquinque annorum, sed quare his pollicetur Prætor auxilium, & non aliis, usque ad triginta annos? Respondet Vlpia. quia in hoc tempore completur virilis vigor, & hoc declarabitur in l. iij. infra. nam cum ante istam ætatem infirmi sint, vigor & firmitas animi completur, iudicium mentis augetur.

Et idem, etiam hodie adolefcentes auxilio curatorum reguntur, usque in hanc vigintiquinque annorum ætatem, nec antè eis debet committi administratio bonorum, etiam si rem suam bene gerant, ergo restituendi erunt, si antèa decepti fuerint.

Regula ergo est, ut administratio rei suæ non debeat committi minoribus vigintiquinque annis, ne lædantur, & ne contractus periclitetur, & ex vno latere tantum, maioris, scilicet teneant. l. Julia. §. si quis à pupillo. ff. de actio. empt.

Limitatur, nisi minor impetrasset ætatis veniam à Principe, per l. primam. & 2. C. de his qui veniam ætatis impetrauer. abundè tractauit materiam illius tituli in tract. de regest. baptisimi. artic. primo. gloss. prima. in 2. tomo Commentar. ad Constit. Regi. ubi nouem requisita conscripsi, & effectus veniæ ætatis.

Secundò, consuetudo huius patriæ reputat minores coniugatos maiores, si tamen lædantur, restitui poterunt. gl. & Doctor. in l. vnica. C. si de momenta. possess. fuerit appel.

Tertiò, quoad testamenta censetur maior in 14. anno.

Naturæ vis  
ad que nos  
incitat.

Lex Lectoria etiam  
hodie locum  
habet.

Contractus  
cum minori-  
bus inui-  
cur non va-  
leant.

Minor im-  
petras æta-  
tis veniam  
recte con-  
trahit.



anno.completo. l. quæ ætate. ff. de testa. & fauore libertatis. in 18. & 20. anno. §. eadem. quibus ex causis manumi. licet. in Instit. & in aliis casibus à iure expressis.

*Minor quando quis dicatur.*

Sciendum est, minores dici secundum materiam subiectam, & ætatem à iure taxatam, ut minor infante. l. si infanti. C. de iure deliber. Minor 12. vel 14. annorum ad contrahendum matrimonium, §. primo. de nupti. in Instit. etiam ad ingrediendum religionem. c. primo. vbi gloss. 2. quæst. prima. c. in præsentia. de probatio. etiam minor dicitur ante 17. annos, quoad postulandum. l. prima. initium. ff. de postul. & ante vigintiquinque annos quantum ad istum titulum, & sic vbi taxata est ætas à iure, vel consuetudine, ante illam ætatem quis dicitur minor, ut abunde super hac taxatione ætatis scripsi in tracta. de paci. possessor. in prima limita. gloss. no. in c. sicut. 27. quæstion. prima.

*Anni à die natiuitatis computandi.*

Deinde est in tex. natu, & ex eo colligitur annos computari à tempore natiuitatis, non conceptionis, & ideo facta est lex in hoc regno, ut curati debeant conscribere diem natiuitatis pueri, & annum, & mensem, ac nomen susceptorum, & quo nomine fuerit nuncupatus in baptismo, & alia quæ scripsi in tract. de regest. baptismi. arti. primo in 2. tomo Comment. ad Constit. Regi.

Alia edicti Prætoris verba partim fuerunt declarata in titulo quod metus caus. & alia dicuntur inferius Deo iuuante.

## LEX II. IDEM LIB. XVIII. AD L. IULIAM, ET PAPIAM.



Ec per liberos suos rem suam maturius à curatoribus recipiant. Quod enim legibus cauetur, ut singuli anni per singulos liberos remittantur, ad honores Diuus Seuerus pertinere ait, non ad rem suam recipiendam.

Hæc lex tollit dubium, quod est: nam minores, etiam si rem suam bene gerant, non habent ante vigintiquinque annos administrationem rerum suarum, quid si contraxerint matrimonium, & liberos habeant? Respondet tex. eos non recipere, maturius rem suam administrandam à curatoribus, per liberos, id est, occasione liberorum, vel gratia liberorum, quia procreatio liberorum non reddit sapientes: nam & stolidi & fatui generant, & liberos habent.

Et non obstat, quod ratione liberorum remittantur munera patribus, hoc verum est, & pertinet ad honores, id est, munera, ut is qui tres habebat liberos immunis esset à ciuitatis custodia, qui verò quatuor, ab omnibus, ut docet Arist. in lib. 2. Polit. c. 7. Et hodie est statutum ab Imperatoribus in titul. de his qui numero libero. se excus. lib. 10. ibi, *Numerus quoque liberorum excusat à muneribus personalibus*, intelligunt Doctores, & rectè de legitimis, quamuis iste tex. intelligi possit tam de naturalibus, quam de legitimis, ut per liberos non recipiat quis maturius rerum suarum administrationem, quicquid Doctores scribant.

Et sic ex isto text. colligi potest, cum qui liberos habet, non suscipere rerum suarum administratio-

nem ante vigintiquinque annos, siue liberi sint naturales, siue legitimi.

Hodie tamen consuetudo generalis regni est, ut finiatur cura per contractum & consummatum matrimonium, ad hoc ut minor gerere possit maturius, & administrare bona sua: nam cui committitur persona uxoris gubernanda, & multo magis rerum administratio committi debet. l. prima. C. ne fideiussor. dotum dentur, & ideo de consuetudine regni non seruatur iste tex.

Item maior quatuordecim annorum, non habens curatorem, contrahere potest, & si læsus fuerit, restituetur, contractus tamen valebit. l. si curatorem. C. de in integr. restitut. minor autem tredecim annis potest cum tutore contrahere, & aliàs non valebit contractus, quicquid in contrarium dicat Benedictus in repeti. c. Raynurius. in verbo, adiectæ. nu. 56. de testa. vbi allegat Ioannem Fabrum adducentem consuetudinem, sed non est ita in libro meo, & quamuis esset consuetudo, tamen (ut statim dixi) contraria inualuit consuetudo.

Si tamen minores, matrimonio coniuncti, lædantur, restitui possunt per hanc legem, & ita seruatur, quia consuetudo eos fingit maiores quoad administrationem suorum bonorum, & quoad procreandos liberos, sed non quoad hoc, ut læsi non restituantur, quia verè restitui debent non obstante matrimonio, & prole suscepta, aliàs daretur afflictio afflicto: nam fortè satis est hic à sua coniuge duri capitis afflictus, quare alia afflictio ei dari non debet. l. Diuus. ff. de offi. Præsid. hoc firmat gloss. & Doct. in l. vnica. C. si de momenta. possessi. fuer. appella. & tex. in l. prima. C. qui & aduersus quos in integ. resti. non postule. vbi ampliatur, etiam si hic minor, diligens paterfam. fuerit, actibusque publicis industrium se docuerit, ut lapsum eum verisimile non sit, etiam si fuerit decurio factus, vel Consul ciuitatis, tamen si probetur læsus, restitui poterit, & per illum tex. dixi Doctorem restituendum, si læsus fuerit, quicquid dicat gloss. in l. professio. C. de muneribus patrimon. lib. 10. ut alibi de hoc scripsi.

*Cura minorum per matrimonium, de consuet. regni, finitur.*

*Minores coniugati restituntur.*

*Ampliatio eiusdem.*

*Doctores, minor, restituitur.*

## LEX III. IDEM LIB. XI. AD EDICTVM.



Enique Diuus Seuerus & Imperator noster, huiusmodi Consulium vel Præsidum decreta, quasi ambitiosa esse interpretari sunt. Ipsi autem per rarerò minoribus rerum suarum administrationem extra ordinem indulerunt: & hoc iure vtimur.

Ista lex continuat hanc materiam, ut minor non recipiat rerum suarum administrationem ante vigintiquinque annos, etiam si per sententiam iudicum, seu decretum Consulium, ac Præsidum hoc illis permissum fuerit, quia talia decreta Diuus Seuerus & Imperator noster quasi ambitiosa interpretati sunt.

Imò ipsi Principes per rarerò indulerunt extra ordinem administrationem rerum minoris.

Ex hoc text. colligitur alios extra Principem non posse minori concedere rerum suarum administrationem

*Liberi non faciunt minorem sui iuris.*



Princeps  
cur extra  
ordinem  
iuris ve-  
niā etatis  
nō indul-  
geat.

tionem ante vigintiquinque annos, & Principes hoc non solent extra ordinem iuris concedere, qui ordo iuris ponitur in l. ij. c. de his qui veniā aet. impe. Igitur extra ordinem iuris non solet Princeps indulgere veniam aetatis, videlicet ut ante vigintiquinque annos quis rerum suarum liberam administrationē habeat, & ut alia seruentur posita in d. l. ij. & tunc nō restitueretur minor. l. prima. C. de his qui veniam aet. impetra. ne hi, qui cum eis contrahunt, principali auctoritate circumscripti esse videantur, ut dicit illa lex & quot modis quid dicatur extra ordinem fieri, scripti in l. pupillus. §. minus. ff. de verborum significatione.

Secundō, ex hoc tex. colligitur à contrario, valere restitutionem minoris factam à iudice cum causae cognitione, ut in l. in causae. infra eod. quia hīc tantum prohibet iudici ne rerum administrationē minori concedat, quod si fecerit, illa sententia ambitiosa censetur, id est, per gratiam & nimiam importunitatem lata, ob id non valebit, imō talis iudex litem suam facit. l. filius fa. ff. de iudic. & Vlpia. ait, *ambitiosa decreta decurionum rescindi debent.* l. ambitiosa. ff. de decre. ab ordi. faciend.

Sententia  
ambitiosa  
qua dica-  
tur.

Minorum  
restitutio  
per iudi-  
ces, sit cau-  
sa cogni-  
ta.

Ex his patet iudices posse restituere minorem cum causae cognitione, & valere eorum sententias, ut patet in toto isto titulo. & Imperator sibi reservauit, ne aliquis concedat rerum administrationem minori, quia hoc est contra ius, & inferior legem superioris non potest infringere. clem. ne Romani. de elect. Et quia minores postea non possunt restitui, ob id publice interest, ne laedantur. ut in l. prima. supra. & hoc docet Bart. in l. non ambigitur. ff. de legib. vbi etiam dicit senatum hoc concedere non posse.

Potest tamen facere consuetudo, vel statutum quod adolescens contrahat sicut maior. ut Bart. docet in 3. quæst. princip. in repe. l. omnes populi. ff. de iustit. & iure. Alex. & alij in l. moribus. ff. de vulga. Bal. in tract. statu. in verb. contrahere.

Vnde est consuetudo in Francia, ut maior 14. annis reputetur perfectæ aetatis ad contrahendum sine curatore, sed si laedatur, restitui solet, hoc docet Ioan. Fab. in l. vnica. C. si ut causae post pubertatē adsit tutor. & sequitur Bened. in repe. c. Raynutius. in verb. adiectæ. nu. 56. de testa.

§. Si quis cum minore contraxerit, & contractus inciderit in tempus quo maior efficitur: utrum initium spectamus, an finem? Et placet (ut est constitutum) si quis maior factus comprobauerit quod minor gesserat, restitutionem cessare. Vnde illud non ineleganter Celsus epistolarum libro vndecimo & digestorum secundo tractat, ex facto à Flauio Respecto Prætoris cōsultus: minoris annis vigintiquinque, annos fortè viginti quatuor agens, iudicium tutelæ heredi tutoris dictauerat: mox factum, ut non finito iudicio iam eo maiore effecto vigintiquinque annis, tutoris heres absolutus proponeretur, in integrum restitutio desiderabatur. Celsus igitur Respe-

cto suasisit, non faciliè hunc quondam minorem in integrum restitui: sed si ei probaretur calliditate aduersarij id actum, ut maiore eo facto liberaretur. Neque enim extremo, inquit, iudicij die videtur solum deceptus hic minor: sed totum hoc structum ut maiore eo facto liberaretur. Idem tamen confitetur, si leuior sit suspicio aduersarij quasi dolose versati, non debere hunc in integrum restitui.

VT materia huius text. intelligatur, faciam sequentes casus, vsque ad §. minorem. Primus casus est, si quis minor contraxerit, & contractus perfectus fuerit, tunc inspicitur dies perfectionis. l. si voluntate. C. de rescinden. vendit. nam eo tempore quo fuit contractus perfectus, videtur minor læsus, idè illud tempus inspicitur. facit l. contraxisse. ff. de actio. & obliga.

Tempus con-  
tractus per-  
fecti inspi-  
ciendum.

Secundus casus, si contractum factum in minori aetate, maior factus probet, non poterit in integrum restitui, ut hīc, sed contractus valebit à die approbationis. l. pupillus. §. item ipse. ff. de auctori. tuto. & quædam est comprobatio expressa, altera tacita per quinquenij, vel decennij lapsum, de quibus in l. fin. ff. si maior fact. & de hac ratihabitione scripsi aresta in proæmio Consti. Regi. in gloss. §. in primo tomo Commentar. ad Consti. Regi. tamen ratihabitione tacita, quæ non approbatur à iure, non nocet, ut in hoc §. scio. utpote, si quis minor se hæreditati paternæ immiscuerit, maiorque factus exegerit aliquid à debitoribus paternis, & sic videbatur comprobare aditionem, tamen posse hunc restitui in integrum, initio inspecto, ait Iuricon. quia læsio cōtiggerat tempore minoris aetatis, & idem in hæreditate aliena dicit hīc Vlpia. & in l. ait Prætor. §. non solū. & §. sed & si. infra eodem. & §. si. ac l. non solum. §. restitutus. ibidem. oportet tamē probare hæreditatem onerosam. l. non solum. & l. quod si minor. infra eod. sic iudicauit Senatus Delphi. ut refert Guido Papa in decis. 141. Si minor.

Ratihabi-  
tio contra-  
ctum inua-  
lidum con-  
firmat.

Tertius casus, si læsio contingat in maiori aetate, non faciliè maior restituetur, quia minor non est læsus, sed maior, qui maior non solet restitui ex sola læsione, nisi ex causa, de qua in titulo sequen probat l. prima. C. si aduersus rem iudic.

Vnde si minor vigintiquinque annis, agens tamē 24. conuenerit hæredem tutoris actione tutelæ, & sic cōtra eum iudicium tutelæ dictauerit, si hæres tempore maioris aetatis fuerit absolutus, non poterit in integrum restitui, nisi probatum fuerit aduersarium callidè fecisse, ut maiore effecto sententia pronunciaretur, & hæres sic liberaretur, per hunc tex. quia hoc casu non videtur solo die extremi iudicij deceptus, sed hoc totum videtur vnum structum, vel obstrutum. Alij habent, *id est hoc totum iudicium est connexum*, tam principium quàm iudicij finis. Et sic inspecta connexitate actus, minor restituetur: quia in minori aetate fuit deceptus, & non potest res iudicata ex vno eodémque iudicio in partē valere, & in partem non valere. l. in hoc iudicio. ff. famil. hercis. Ex leui tamē doli suspitione aduersarij minor non restituetur, sed oportet dolum probari, & sic ratione doli restituetur,

Connexitas  
actus inspi-  
cienda.

Dolus ad-  
uersarij pro-  
bandus.



restituatur, non ætatis beneficio, quia poterat appellare post condemnationem, & sic remedium eidem minori concedebatur ordinarium, ideo aliud non est tribuendum extraordinarium à iudice. l. in causæ. 2. infra eodem. Si tamen fuerit absolutus minoris aduersarius ratione libelli à minore malè cōcepti, tempore minoris ætatis, vel alterius defectus sic contingens, restitui poterit minor. gloss. & Bart. hīc. Ideo minor aduersus sententiam malè latam ex defectu proueniēte in minori ætate poterit restitui: diuersum est, si tantum aduersus sententiā bene latam, & in maiori ætate, ex qua est læsus, & eo casu reuocatur, vt in hoc rex. & gloss. adducit iura, quæ possunt videri. facit l. prima. C. si aduers. rem iudicat. facit decis. Neapol. quæst. 210. Multæ sunt.

*Principiū  
quando in-  
spici de-  
beat.*

Quartus casus, si minor partim fuerit læsus in minori ætate, partim in maiori, restituendus erit. arg. l. si filiusfamilias. ff. de verb. oblig. gl. hīc. Vnde si fuerit contractū cum minore sub cōditione, quæ euenit in maiori ætate, restituatur, & idem, si minor vendidit, & factus maior tradidit, quia ex necessitate præcedentis contractus tradere tenebatur. per §. pretiū. de empt. & vendi. in Insti. Et quando finis habet necessarium consequens ad principium, inspicere debet principium, vt hīc. & Bart. intelligit in necessitate, præcisa. in l. prima. ff. qui potior. in pigno. habeat. Idem tamen est in necessitate iuris, vt in traditione rei, quæ licet præcise fieri non debeat, per d. §. pretiū. tamen si non fiat, ad id quod interest tenetur venditor. l. prima. ff. de actio. empti. Abundè scripsi in interpretatione l. vnica. C. de senten. quæ pro eo quod interest.

Gloss. in verbo, si leuior, exponit, id est, leuis: potest tamen intelligi sic, si leuior sit suspicio aduersarij, quam probari possit, tunc debet minor in integrum restitui.

Ex quo infert gloss. non esse stādum leui præsumptioni, & non deferretur sacramentum in supplementum probationis offerenti talem præsumptionem, licet deficient aliæ probationes, vt in l. fin. suprā. quod met. caus. istam gloss. notab. hīc Bart. docet, & Lanfranc. in repet. l. admonendi. col. 25. in 3. conclus. ff. de iureiur. Quod vbi adest præsumptio minor, semiplena probatione, non potest deferri iuramentum in defectum illius semiplenæ probationis. sequitur Bart. & Ias. in l. si duo. col. 2. ff. de iureiur. & idem Ias. in repetit. d. l. admonendi. col. 34. nu. 85. ibidem.

§. Scio etiam illud aliquando incidisse: Minor viginti quinque annis miscuerat se paternæ hæreditati: maiorque factus exegerat aliquid à debitoribus paternis: mox desiderabat restitui in integrum, quo magis abstineret paterna hæreditate. contradicebatur ei, quasi maior factus cōprobasset quod minori sibi placuit: putauimus tamen restituendum in integrum initio inspecto. Idem puto & si alienam adiit hæreditatem.

*Minor læsus, maior factus restituitur in integrum petit.*

Istum textum singularem dicit Bened. in interpretatione c. Raynutius. in verbo, mortuo, primo. nu. 344. in fi. de testam. quod minor per aditionem hæ-

reditatis læsus, poterit in integrū restitutionem petere, etiam si maior factus intra quadriennium restitutionis petendæ debita hæreditaria exegerit, tanquam hæres. & hoc probat Angel. hīc, & Ludouic. Roma. in l. damni. §. Sabini. ff. de damno infecto.

### S V M M A R I A.

- 1 *Dies captus quando pro completo habeatur. & seq.*
- 3 *Conditio, cum erit 14. annorum, intelligitur de annis completis.*
- 4 *Supinum denotat actum, in quo aliquid fit.*

§. Minorem autem viginti quinque annis natu, videndum an etiam diem natalis sui adhuc dicimus ante horam qua natus est, vt si captus sit restituatur. Et cum nondum compleuerit, ita erit dicendum: vt à momento in momentum tempus spectetur. Proinde & si bissexto natus est, siue priore, siue posteriore die: Celsus scripsit nihil referre: nam id biduum pro vno die habetur, & posterior dies kalendarum intercalatur.

Iste §. minorem, est valde corruptus in libris antiquis, ideo volui hīc ad verbum trāscribere, prout inueni etiam in Pandectis Florentinis, & hīc declarantur verba ista in edicto Prætoris apposita (minore natu) quando dicatur minor natu, an requiratur tempus completum, vel non, & tempus completum esse debere dicit Iuriscō. vnde natalis sui dies & hora lapsa sit. Neceffe est, etiam dies quæ intercalatur, quia momento illo horæ, in qua natus est, perficitur tempus viginti quinque annorum, nempe si Calendis Ianuarij hora sexta noctis natus fuerit, posteaquam ad illam horam peruenerit, erit viginti quinque annis, sed si natus fuerit in anno bissextili, non refert siue priore die, siue posteriore, quia semper inspicimus diem & horam, & illud biduum pro vno habetur, nam posterior dies Calendarum intercalatur, id est, interseritur in sexto Calend. Februarij, & dicitur bissextus, quia quolibet die cōputamus sexto Calend. Martij & sic dicitur bissextus in l. cum bissextus. infra. eodem. vbi alia explicantur, & tempus viginti quinque annorum impletum esse debere, docet Iuriscō. Paul. in l. minor viginti quinque annis adito. infra. eod.

*Tēpus completū requiritur, vt minor natu dicatur.*

Gloss. hīc dicit quādo tempus cōceptum habeatur pro completo, & distinguit, quam distinctionem hīc probant Doctor. & plenè Christophor. Porcus. in §. eadem. quibus ex causis manumitte. non licet, ego verò dico sic.

Regula facienda est, quando constituitur alicui dies, mensis, vel annus, aut aliud tempus, illud tempus debet cōpleri, & completum dicitur, si dies postrema completa fuerit, nec inspicitur de momento in momentum, nisi in casibus à iure expressis, vt in hac l. iij. §. minorem. ff. de minori.

*Tēpus quādo completū dicatur.*

Vnde Iuriscō. ait, *In omnibus temporalibus actionibus, nisi nouissimus dies impleatur, non finit obligatio.* l. in omnibus. ff. de diuers. & temporal. præscripti. Et hoc procedere in vsucapione tam triū, decem, vel



vel viginti, quàm triginta annorum dicimus, quicquid Accurf. Bart. & alij dicant. Nam iura allegata per eos probant cōtrarium, primò in vſucapionibus non à momento ad momentum, sed totum postremum diem computamus, ideòque qui hora sexta die Calendarum Ianuariarū possidere cœperit, hora sexta noctis pridie Calendarum Ianuariarū implet vſucapionem, & sic vides illum text. loqui in vſucapione, & non in præscriptione, vt interpretes dicūt, imò rationabile est, vt citius cōpleatur præscriptio, quē in longius tēpus producta est, quā vſucapio. Et sic fortius debet procedere in præscriptione triginta annorum, vt cœpta dies pro completa sit, quàm in triennij præscriptione. Nec refragatur quòd vna sit odiosa, & altera fauorabilis, quia hīc non agitur de odio vel fauore, sed de tempore complendo, in quo non exigitur fauor vel odium, sed quòd compleatur præsstitutum tempus, vt fusiùs scripsi in meis no. interpretata. & sic interpretatur Vlpian. in l. prima. ff. de manumiss. sic dicens: *Placuit eum, qui Calendis Ianuarijs natus est, post horam sextam noctis pridie Calendarum, quasi vicesimum compleuerit, posse manumittere.* Idem Vlpian. in l. qua ætate. ff. de testa. ibi, *Pone aliquē Calendis Ianuarijs natum testamentum ipso natali suo fecisse, decimoquarto anno, an valeat testamentum: dico valere. Plus arbutur, etiam si pridie Calendas fecerit, post sextam horam noctis valere testamentum. iam enim compleſse videtur annum 14. vt Martiano videtur.*

Et sic Iurifcon. tendunt ad hoc, vt completus debeat esse dies vltimus, sed Venuleius ait seruari, vt etiam si minimo momento nouissimi diei possessa sit res, nihilominus compleatur vſucapio, nec totus dies exigitur ad explendum cōstitutum tempus. l. in vſucapione. ff. de diuersis & temporal. præscrip. & Paulus ait, *Anniculus, non statim vt natus est, sed sexagesimo quinto die dicitur, incipiente planē, non exacto die, quia annum civiliter, non ad momenta temporum, sed ad dies numeramus.* in l. anniculus. ff. de verb. sign. vbi scripsi, & Vlpian. ait, *Minorem viginti quinque annis & eum accipimus, qui annum vicesimum quintum ætatis agit.* in l. si maritus. ff. de adulter.

Et sic tam in vſucapione triennij, quàm in qualibet alia præscriptione tempus cōpletum esse debet, etiam licet vltimus dies non sit completus, sed tantum cœptus, sufficit, quia de modico non curatur. l. scio. ff. de minori.

2 Limitatur, nō procedere nisi aliter sit declaratum à lege, vel constitutione, fortē cuiusdam ratione fauoris, vt in muneribus & honoribus. l. ad rem publicam. ff. de minorib. & honori. qui fauor non est in trienni vſucapione, quæ aufert rem alterius, & sic locupletatur quis cum aliena iactura. in l. nam hoc natura. ff. de condi. indeb. facit quod scribit Chassan. in consuet. Burgun. in rub. *des iustices.* §. 8. gloss. & le iour. nu. ii. cum sequen.

Secundò, quando lex vteretur aliquo verbo denotante cœptum tempus, vt si dicat cōstitutum in vigesimo quinto anno, eo casu sufficit annū vigesimū quintū inceptum, quia in illo est cōstitutus, vt abundē scripsi in praxi beneficior.

Ideò putarem in singulis dispositionibus inspicienda verba esse, & si exactum tempus respiciant, ita iudicetur, si cœptum, vt illud sequi oporteat.

Vnde Pomp. ait, *Si ita fuerit libertas relicta Stichus seruus meus, anno duodecimo postquam mortuus fuero,*

*liber esto, verisimile est in principio duodecimi anni eū esse liberum, & postquam mortuus fuisset hoc sensisse, & inter hos sermones duodecimo anno, & post duodecim annos, multum interest, & ita loqui solemus.* ff. de manumiss. testa. per quem text. patet seruandam verborum differentiam, & hoc quando ita sensit testator, si tamen aliud disponens senserit, volūtas erit sequenda. l. in conditionibus. ff. de conditio. & demonstrat.

Volūtas testatoris, in verborum differentiis sequenda.

Item, si dicatur vt intra annū recuperari res vendita possit, vt in c. constitutus. de in integr. resti. Doctor. in l. dudum. C. de contrah. emptio. hoc in qualibet anni parte poterit, & nisi totus annus lapsus fuerit, nō erit exclusus aduersarius. l. annus. ff. de requir. reis. l. in omnibus. ff. de actio. & obliga. d. l. si ita libertas fuerit. in fi. ff. de manumiss. testa. vbi sic scribit Labeo, & refert Pomponius. *Si sic libertas relicta sit, Stichus intra annū postquam mortuus fuero liber esto, statim eum liberum esse. nam & si ita sit, scriptum si intra annum decem heredi meo dederit, liber esto, statim soluendo, eum liberum sine mora futurum.*

Item inspicendum est, an lex dicat, nisi sit maior viginti quinque annis, non poterit manumittere, vel alium actum facere, & tunc non censetur maior, qui totum non exegerit tempus. l. prima. ff. de manumiss.

Idem, si dicatur, cū erit 14. annorum, tunc intelligimus, si cōpleuerit. l. si cui. prima ff. de lega. primo. vbi sic Vlpian. scribit, *Si cui legetur, cū quatuordecim annorum erit, vtimur certo iure, vt tūc sit quatuordecim annorum, cū impleuerit, & ita Imperatorem decreuisse Marianus scribit.* l. si Titio. ff. quando dies lega. ced.

Idem, si lex dicat, cū talis peruenerit ad decimū sextum annum, habeat decem, non habebit ea decē antequā compleuerit, non quando ingressus fuerit illum ipsum decimū sextum annum. l. Nō putabam diem fideicommissi venisse, cū xvj. annum ingressus fuisset is, cui erat relictum, cū ad xvj. annum peruenerisset, & ita etiam Aurelius Imperator Antoninus ad appellationem ex Germania iudicauit. ff. de conditi. & demonstrat. l. si cui. prima. ff. de lega. primo. l. Seius Saturninus. & l. qui filium. ff. ad Senatuscon. Treb. & ista sunt notanda, quicquid Doctor. dicant.

Bar. hīc notat de natura supini esse, quòd denotet ipsum actū, & ipsum opus, in quo aliquid fit, & ideò cū text. dicit, natu, intelligitur ab alio momento, quo natus est, fallitur Bar. & Fulgo. quia dictio, natu, hīc posita, est nomen, & ablatiui casus, quo vtitur sæpius Cicero & alij Rhetores, licet, natus, quartæ declinationis rarò inueniatur, nisi in hoc casu: nam in Academ. Cic. ait aliquot annis minor natu. & in Tuscula. minor natu. & sæpius maiorem natu dicit, & sic doctrina Bartoli non respicit istum text.

#### SUMMARY.

- 1 Bonis paternis confiscatis, peculium aduentitium non censetur publicatum.
- 2 Vſusfructus propter delictum publicandus.
- 3 Proprietas non est dissipanda.
- 4 Peculium nullum confiscari potest propter delictum patris, sed bene ob filij.

§. Sed vtrum solis patribus familiarum, an etiam &c.

Istum §. fortem & difficilem dicunt Bar. & alij interpretes, ob id expositione opus est, & in hoc text. est dubium, an in integrum restituantur tam patrefamilias, quàm filij familias minores, quòd non vide-



batur in filiisfamilias. Nā si his subueniatur, ergo & patribus eorum subueniri necessum erit, & sic tam minoribus quā maioribus subuenietur, tamen dicit iste tex. subueniendum etiam filiisfamilias, si illorum interfit, utpote si obligati sint. Vnde si filiusfamilias iussu patris obligatus sit, licet pater in solidum conueniri possit ratione iussus, ut in titulo quod iussu, inferius patet: tamen filius quandiu manet in potestate potest conueniri, etiam inuito patre, in id quod facere potest, vel etiam emancipatus, aut exheredatus, itaque si conueniatur ipse filius, auxilium restitutionis impetrabit, quod patri non proderit, & sic maioribus non subuenietur, igitur si pater conueniatur, filius auxilium non postulabit, secus si filius, excepto mutuo, propter quod si conueniatur filius, restitutionem non petet, quia is ipse filius non potest super eo conueniri, cum iuuatur Senatuscon. Macedoniano, ergo si auxilium restitutionis impetraret, iuuaretur eo pater, quod prohibet iste tex.

*Filius super mutuo restitutionem non petet.*

Colligitur ex §. Sed utrum, esse subueniendum minoribus, siue hi minores sint suae potestatis, siue alienae, & ideo si filij in sacris patris existentes laedantur, in integrum restitui poterunt, si ipsorum interfit: interesse autē dicitur, si ipsi filijfamilias obligati sint, per istū tex. nā qui sua interesse dicit, propria causam defendit. l. si Procuratorio. in fi. ff. quando appel. sit.

Secundo, maioribus subueniatur, etiam colligitur non esse per hoc edictum maioribus subueniendum, quia hoc edictum fuit introductū minoribus, non verò maioribus, & nequaquam fuit Prætoris propositum maioribus in hoc edicto subuenire, ergo maioribus non subuenietur, licet edictum tituli sequētis maioribus subueniat ex causa, nō tamē istud, nec sequitur, istud edictum nō subuenit maioribus, ergo maiores nunquam sunt restituendi, verum per hoc edictū, sed per sequens sic, quod est conscriptum in l. prima. ex quibus causis maio. inferius.

*Maioribus quando subueniendum.*

Item maioribus etiam subuenitur quando commune & connexum est negotium maioris cum minore. l. prima. C. si in communi eademque causa in integrum resti. postul. Ideo si causam ego & minor habeamus contra alios, si restituatur, mihi quoque in connexis restitutio proderit. facit l. si communem. ff. quemad. serui. amitta. Barba. in c. prudentiam. col. 10. de offic. delega. & Ias. in l. sed si plures. §. filio. ff. de vulgar. Georgius Nathan in repeti. c. quamuis. col. 53. de pact. & Anto. Bauer. in §. testes. col. 7. de testa.

Tertio ex hoc tex. colligitur filio subueniendum, etiam si patris iussu contraxerit, sed obest l. cum mandato patris filiusfamilias, res patris administrasset, non habet beneficium restitutionis, nam & si alius ei mandasset, non succurreretur, cū eo modo potius maiori consuleretur, cuius damno res sit cessura. infra, eod. Respon. gloss. variè, sed Bart. (& melius) ut dicamus, si filius mandato, vel iussu patris contrahat, & nō se obliget, tunc filio non subuenitur, quia filij non interest, cum non obligetur, & sic non poterit conueniri, nec restitui, sed si mandato patris contrahendo ipse se obligat, poterit restitui, si conueniatur, ut hīc docet text. & hoc declarat d. l. cum mandato.

*Objectionis solutio.*

*Excussio- nis exceptio an patri sit admittenda contra filiū.*

Quarto, sed an hoc auxilium, &c. Iste text. est casus singularis secundum Auzer. in decis. Tholo. q. 196. ad hoc, quod pater obligatus pro filio non potest opponere exceptionem, ut filius prius excutiat, licet alius fideiussor possit, quia haberet regres-

sus contra principalem, quod pater non habet. per text. in authen. præsentē. C. de fideiussor. & idem probat Barba. in c. peruenit. col. 2. in fin. de fideiussor. iste tamen tex. hoc non probat. Nam quando minor restituitur, interdum restitutio prodest fideiussori suo. ut in l. in causā. infra. eodem. dicitur. sed auxilium restitutionis minoris non prodest patri, cuius mandato vel iussu filius contraxit, ut in hoc text. patet, nec hīc agitur de excussione, ideo ego dicerem, quod si pater obligaretur pro filio, si filius sit diues, ut excussione exceptio sit admittenda, cum cōtrarium iure non caueatur, ut non admitti debeat. Quid autem si filius velit seruare sua bona, & patrem periclitari, num esset audiendus, nisi pater renuntiasset illi authen. præsentē, sicut alius extraneus, alioqui pater dupliciter grauaretur, quod non est dicendum. Vide quæ scripsi in l. si ita. ff. de verb. signif.

Quinto versiculo, si igitur filius, ibi, excepta mutui datione. Istum tex. singularē docet Roma. singul. 633. Regula. ad hoc quod minor non restituitur quando iussu patris recepit mutuum, sed ipse Roma. cupit ibi scire rationem, quia in eo mutuo est magis priuilegiatus filiusfamilias, quā in aliis, nam in eo iuuatur Macedoniano, & iussus patris facit perdere beneficium Macedoniani. l. tamen si, cum l. sequen. ff. ad Macedo. & de hoc fuit interrogatus quidam scholaris in examine, & nesciuit respondere, nec quidem aliquis Doctor ibi existens: ita refert Roma. nec ipse rationem assignat, sed Iason in l. singularia. col. 10. num. 29. ff. si cert. peta. dicit rationem, quia filiusfamilias obligatur ex omni cōtractu, præterquam in mutuo, etiam siue iussu patris & obligatur naturaliter & ciuilitur, & cum effectu. l. filiusfamilias. 2. ff. de actio. & obliga. Et ideo omnes alij cōtractus sustinentur in persona filij: ista ratio non respicit rem, nec ad rogatum responderet, ideo ego dicerem in mutuo non iuuari filium beneficio restitutionis, quia non potest conueniri tutus Senatusconsulto Macedoniano, ergo sua non interest, quia pater tantum conuenietur, quando filius iussu suo mutuū recipit. per l. si tamen. ad Macedoni. Ideo filij non interest, unde siue filiusfamilias receperit mutuū, siue iussu, vel consensu patris, si illud consumpserit, non poterit conueniri, quia exceptione Senatuscon. Macedoniani se tuebitur. per totum titul. ad Senatuscon. Macedonianum, ergo nō est opus restitutione, postquam iure ipse est tutus, siue iussu patris mutuū receperit, & tunc pater tenetur, non filius, & sic non est opus, ut restituatur filius, quia ipso iure munitus est. l. in causā. 2. infra, eodem.

*Filius quando in mutuo non restituatur.*

Versic. Proinde, & si sine iussu patris, &c.] Vult demonstrare iste tex. filiū non esse restituendum, si pater conueniatur, nomine peculij, ex contractu filij, quem fecit siue patris iussu, nā licet eo casu interfit filij habere peculium, tamen magis interest patris, quia conuenitur in solidum, & filius tantum quatenus est in peculio.

*Filius nomine peculij conuenitur.*

Nisi in aliquo casu, ubi separatur peculium à bonis patris, & peculium spectat ad filiū, nā si bona patris propter debitum pecuniarium à fisco occupata sint, peculium separatur, & remanet proprium filio.

Idem in filiafamilias dicit, ut si in stipulatione dotis capta sit, quia fortè pater eam stipulatione sibi reddi, post duos annos, à soluto matrimonio, & sic filia interim nubere non poterit, unde

*Filiafamilias in dote capta.*



vnde est decepta, vel pater voluit, vt alteri dos redderetur, quàm patri & huic pactioni filia consensit, in hoc etiã est circunuenta, idè restitui poterit, quoniam dos est ipsius filia propriũ patrimonium, hæc est summaria, & brevis ad tex. declaratio.

Sextò, collige ex versicul. proinde, magis enim patris quàm filij interest. istum text. allegat Bal. in marga. in verbo, iudex: q. 10. vt quotiens sunt duæ personæ, & vtriusque interest, illa persona inspicienda est, cuius principaliter interest, & nō illa cuius minus, per istum tex. quem notabilem dicit ibi Bald. facit l. si quis. nec. causam. vbi interpretes. ff. si certum petat. & in l. de vno. de re iudic. ff. & Gomef. in regula prima. cancellariæ. qu. 3. §. legatariis. vbi Bauer. de testa. in Insti.

Septimò, si patris eius bona à fisco propter debita occupata sunt, nam peculium eius ex constitutione Claudij separatur. ] Bart. istum tex. alibi dicit se nescire esse, vt publicatis bonis patris, separaretur peculium profectitium filij, quod non erit publicatum in eius præiudicium. istum text. etiã non esse alibi dicit Bald. in l. pen. C. qui bonis cedere possunt. & singu. Ioan. de Platea. in l. iij. C. de fide instru. & iure hastæ fiscal. lib. 10. & in l. intelligis. de castren. pecul. lib. 1. Albe. in tra& statu. in 3. parte. q. 12. versicul. sed quæro. Angel. & Ias. in §. actiones. de actio. in Insti. Imola, & alij in l. si finita. §. si de vestigalibus. ff. de damno infec. Ratio videtur, quia hoc peculium cedit in legitimam filij, & quamuis confiscaretur cum bonis, tamen legitima filij esset detrahenda, nisi in casu læsæ maiestatis. l. quisquis. C. ad legem Iul. maiest. & in crimine hæresis, & quibusdam aliis, de quibus ibidem per Doctor. Igitur peculium etiam profectitium nō erit publicatum, & quia hæc separatio, non in fraudem facta, facit, vt pater voluerit ea separata, non esse inter alia computada, vt probatur in l. prima. ff. de separa. bono.

**I** Etiam non censetur proprietas peculij aduentitij publicata, si bona paterna sint confiscata, quia proprietas illorum bonorū est filij l. cum oportet. C. de bonis quæ liber. & filius pro patre non tenetur. vt in titulo. Ne filius pro pa. quia delicta suos authores tenere debent. l. sancimus. C. de pœn. c. vnic. vt ecclesiast. benefi. Aufser. in decis. Tholo. q. 120.

**2** Quid in vsufructu, qui acquiritur patri, quandiu viuit, per d. l. cum oportet? Bart. hinc cogitandum reliquit, sed vsufructum publicari, quandiu viuit pater, docet in l. si postulauerit. §. iubet. per illum tex. ff. de adul. l. Statius Florus. in fi. de iure fisci. Masuer. in praxi, titul. de pœn. versic. item si bona patris, non enim quod ille non habuit, sed quod in ea re, quæ pignori data est, debitor habuerit, considerandum est. Vlpian. in l. iij. in fi. ff. de pignor.

Item potest quis vsufructum videri, & pignori dare, & sicut emptorem vsufructus tuetur Prætor, cur non & creditorem tuebitur? eadem ergo ratione & debitori obiicietur exceptio. l. si is qui. §. vsufructus. ff. de pigno. sicut enim potest alienari & obligari per contractum, sic per delictum.

Et quamuis vsufructus nō possit cedi alij, quàm proprietatis domino. l. si vsufructus. ff. de iure doti. tamen quando confiscatur, non ceditur, vt fiscus perpetuò illum habeat vsufructum, sed ad vitam patris tantum, & illa alienatio est necessaria, quæ videtur permessa. l. prima. ff. de fundo dotali. & cessio

videtur tantum prohibita, quia finitur vsufructus morte. §. finitur. de vsufr. in Insti. & si cedi posset ad vitam alterius, duraret, idè hoc fuit prohibitum, vnde dicit Vlpian. ff. de vsufr. & quemad. quis vtat. fruatur. &c. in l. arboribus. §. vsufructuarius, vel ipse frui eare, vel locare, vel vendere, vel alij fruendam concedere potest, nam & qui locat, vtitur, & qui vendit vtitur sed & si precario alij concedat, vel donet, puto eum vti, atque idè retinere vsufructum: sed si cedam vsufructum, non illum retineo, idè cedi non potest, vt superius dixit Iacobi. in d. l. si vsufructus mouet quæstionem, an pater post delictum possit renuntiare vsufructui? & Capol. caut. 52. Propter delictum. concludit posse, quod verum non putarem: nam post delictum, hoc fieret in fraudem fisci, & renuntiare censeretur. l. post contractum. vbi Doctor. ff. de dona. antetamen delictum non præsumeretur fraus interuenisse.

Si tamen pater propter impositam pœnam, & sic per delictum moriatur, aut patria potestas pereat, tunc redibit ad proprietatem vsufructus, quia cessat causa, ob quam ille vsufructus datur patri. §. finitur. de vsufr. in Insti. l. prima. quibus modis vsufruct. amit. ff. Doctor. in d. l. si finita. §. de vestigalibus. Et tenebitur fiscus, si filius nil haberet, nisi proprietatē, alere filium, sicut pater tenebatur, ne proprietas interrim dissipetur. l. si. §. ipsum autem filium. C. de bonis quæ liber. & ita iudicauit Senatus Burdegalen. anno 1530. pro Gaucherio Alexandro, contra Franciscum du Boys prout refert Boër. in decis. Burdegal. qu. 7. Alia fuit. allegat tex. in l. iij. ff. de adimēd. lega. quæ nihil secum facit.

Sed si bona filij publicata fuerint propter delictum, an peculium aduentitium censeatur publicatum? & tex. in l. iij. C. de bonis damna. dicit non esse, in præiudicium patris, & in solatium filij amissi, Bald. ibi. Bar. & alij in l. si finita. §. si de vestigalibus. ff. de damno infect. Iason. in d. §. actiones. nu. 62. & sequen. quia filio est interdicta omnis alienatio, sine patris consensu. l. si. §. filiis. C. de bonis quæ liber. ne quidem dare in solutum potest. Bal. in l. penult. C. qui bonis cedere poss. ergo delinquendo non alienabit in patris damnum. facit l. cum ancillis. à contrario. C. de incest. nup. licet filius non possit alienare peculium aduentitium, ne patrem vsufructu fraudet, & vt calores iuueniles retineantur. d. §. filiis. tamen delinquere potest, & qui delinquit, bona eius in consequens publicatur. & iste text. dicit bona à fisco occupata, propter debita, non ratione delicti.

Item, dum bona patris sunt publicata, peculium castrense, vel quasi non censetur publicatum, quia non est de bonis patris. d. l. iij. gloss. in l. prima. ff. de bon. damna. Deci. in l. ex pœnalibus. ff. de regul. iur. Ioan. Fab. & alij in §. si. de noxal. in Insti. Soci. regu. 358. Sententia.

Itaque, si bona filij publicentur, peculium castrense, & quasi, erit confiscatum, vt docet Angel. in l. si filius. ff. de damno infe. aliàs nil publicaretur, quando filius delinqueret, & patri non fit præiudicium, sed soli filio, quia proprium patrimonium filij est. §. Pomponius. infra. & pater in eis pecuniis nil iuris habet & idè executio etiam in illis fieri poterit, teste Guido. Papa in decis. Delphi. q. 526. Executio. & Paul. Cast. in l. si filio familias. 2. ff. sol. matrim. & sic nullum peculium confiscatur propter delictum patris, quia principaliter

Peculium  
profectitium  
filij cur non  
publicetur.

Peculium  
aduentitium.

Peculium  
castrense.

vsufru-  
ctus ad vi-  
ta alterius  
nō ceditur.



interest filij, sed peculium castrense, & quasi, ac proprietas aduentitij publicari potest, propter delictum filij, & ita debent conciliari opiniones contrariæ. vide de Capol. cautel. 51. Propter delictum.

Vnde duo hîc casus fiunt. Primus est, peculium nullum publicari propter patris delictum, vt hîc.

Secundus casus, peculium castrense, vel quasi, publicari propter delictum filij. Istos casus latius examinabo in interpretatione d. l. iij. C. de bon. damna. vbi do intellectum ad illam l.

Et idèd filij peculium castrense, vel quasi, poterit saisiri propter delictum filij, secus propter delictum patris, & ita concludit Senatus Burdegal. vt refert Boëri. in q. 7. Alia fuit. licet ibi valde confuse procedat, non sic distinguens, & ista vidi seruari in forensi iudicio, quicquid Doctor. in contrarium iactent, nā considerari debent iura antiqua, in quibus filiusfam. non habebat hæredem, & idèd pater ea occupabat iure peculij. l. ij. ff. de castren. pecul. at de iure nouissimo habet hæredē, & potest alienare peculium castrense, & quasi, in quibus pater nil iuris habet. vt fufius dicā (Deo iuuante) in d. l. ij. idèd de his hætenus.

Bona pro-  
pter matris  
delictū pu-  
blicata.

Vltimò publicatis bonis maternis, propter matris delictum, filij nihil possunt de illis bonis habere. l. de bonis. C. de bonis dānat. & ita intelligit Ias. in §. actiones. nu. 66. de actio. & communiter Doctor. sed hoc reprobaui in intellectu illius l. sed vt intelligatur, filios nil debere habere de bonis deportatæ matris, acquisitis post deportationem, secus de acquisitis ante, gloss. vltima describit duas quæstiones. Prima est, an dos proprium sit filiæ patrimonium, hoc traditur fufius in l. doce ancillam. C. de rei vendic. l. in rebus. de iure doti. C. nunc ista non tractabo.

Filia in do-  
te institu-  
ta.

Secunda quæstio est, an filia in dote institui possit. & tex. in c. Raynutius. decidit posse. & gloss. hîc dat consilium, vt filia instituatur in dote, & in 12. Imperialibus, & valebit testamētū, sed poterit filia postea agere ad supplementum legitimæ. l. omnimodò. C. de inoffi. testa. sed testamentum, non erit nullū, postquam erit instituta, etiam in vno nummo, & hanc gloss. docet singularem Lāfrancus. ad hoc, in c. Raynutius. col. 2. de testa. & Barba ibi col. 6. & in consil. 2. col. 6. in primo vol. ac consil. 38. Difficile. col. 4. in 3. vol. & consil. 73. Magnanimus. col. 8. in 4. volumine. & Iason consil. 25. in primo volumi. ac Benedictus in repeti. d. c. Raynutius. in verbo, in eodem testamento. primo. nu. 20. & sequen. Idèd solent notarij ponere in fine testamenti, item testator iure institutionis legauit omnibus & singulis, qui possent testamentū querelare quinque solidos, &c. sed hoc non proderet, si ille non esset nominatus, qui ius testamentum rumpendi habet, vt alibi dixi.

§. Si quis minor viginti quinque annis adrogandum se dedit, &c.

Arrogatus  
subdolē.

Hic textus est facilis, & hoc habet, in arrogatione ne deceptus potest restitui, vt putā si a prædone fuerit arrogatus, & ipse sit locuples: nam prædonem eum dicimus, qui bona alicuius iniuste occupat, vt abundè tradidi in l. hostes. ff. de verbo. signi. Vnde si aliquis subdolē arrogauerit aliquem filiumfam. diuitem, vt eius bona dissiparet, & deglutiret, is poterit restitui, & impetratis literis à Principe petet arrogationem nullam pronuntari.

Idem, si à luxurioso filia puella sit arrogata, vnde Vlpia. ait, inquirendū esse ne fortè turpis causa arro-

gandi sit. l. nec ei permittitur. ff. de adop. nam pater qui lenocinium filiæ præbet, perdit patriam potestatem. l. si lenones. C. de episco. audien.

Dubitationem facit ad hunc text. nam arrogatur is, qui sui iuris est, adoptatur, qui est in patris, vel aui potestate. l. ij. ff. de adoptio. Et antequam quis arrogetur, Principis autoritas interuenit, vt ibi, *Et eorū duntaxat pupillorum arrogatio permittenda est his, qui vel naturali cognatione, vel sanctissima affectione ducti adoptarēt, ceterorum autem prohibenda.* d. l. nec ei. vbi, primū dicit excutiendum esse, quæ facultatis pupilli sint, & quæ eius qui adoptare eum velit, vt æstimetur ex comparatione earum, an salubris adoptio possit pupillo intelligi, deinde cuius vitæ sit is, qui velit pupillum redigere in familiā suam, idèd si ista sint obseruata, cur iste minor possit restitui, non video: nam interdū & ditiozem permittitur adoptare pauperiori, si vitæ eius sobrietas clara sit, vel affectio honesta, nec incognita, & satisfactio in his casibus dari solet. d. l. nec ei. in fi. Respondeo, ista omnia seruanda esse fateor, si tamē iudex, ad quem dirigitur arrogationis rescriptum, ista non inquisierit, vel quidam inquisierit, sed corruptus arrogationem permiserit, poterit restitui filius. Quid enim si arrogator in principio iusta affectione motus fuerit, nunc autem filij arrogati bona dissipat: poterit vel ei interdici administratio, & si malæ vitæ sit arrogator, arrogatio dissolui per in integrū restitutionē poterit, per istū text.

Arrogatio  
quādo per-  
mittenda.

§. Si quid minori, &c.

SI pater legatum filio factum, vt post mortem patris illud consequatur, remiserit, illi pacto cōsentiente filio, poterit restitui filius: sua enim interest legatum non esse remissum propter spem legati, quod competit ei post mortē, habet enim filius spem, quod post mortem patris legatum sibi cōsequetur. Sed nō videbatur restituendus, quia hoc iure quicquid quærebat filius, patri statum quærebat. l. placet. ff. de acqu. hæredi. Sed hoc non obstante cōtrarium decidit iste tex. eò quod post mortem patris legatū est peruenturum ad filium, idèd restitui poterit, vt illud consequatur, quia hîc non acquirebatur patri: nam post mortem tantū dari debet filio, & sic solius filij intererat, vnde restitui potest, si remiserit pater illud ex suo consensu.

Spes legati  
à filio re-  
missa.

Hodie multò magis restitueretur, cum aduētitia, quoad proprietatem quærantur filiis. l. cum oportet. C. de bonis quæ liber. & idèd tam durante vita patris, quàm etiam post mortē restitutionem impetrare poterit filius in aduentitiis.

Albericus post Guillel. ait filiū non esse restituendum, si intra annum non fuerit emancipatus ratione absentiae patris longæuæ, fortè qui erat absens ultra mare, quia hoc casu non est læsus sui facilitate, sed est iure communi læsus. l. fin. C. de in integrum restitut. ego tamen putarem eum restituendum, si læsus & minor sit, nec est vsus iure communi: nam si maior sic est institutus, si intra annum emancparetur impetraret literas à Principe, vel Cancellaria, vt postquā pater non potest (quia absens) eum emācipare, quod Princeps eum mandet iudici emancipandum, & hoc iudex causa cognita faciet, imò sine literis de iure iudex patris absentiam suppleret, per l. bonorū. C. qui admitti. sed tutius in hoc regno esset literis vti, idèd minor, qui non est vsus isto iure, est circumuentus, quapropter restitui poterit.

Minor nō  
vsus iure co-  
muni, etia  
restituatur.



§. Sed & si ei legatum sit aliquid quod personæ eius cohæret, putà ius militiæ, dicendum est posse eum restitui in integrum. interfuit enim eius non capi: cū hanc patri non acquireret, sed ipse haberet.

**H**ic §. dicit minorem filium familias posse etiam restitui, si legatum fuerit ei relictum quod personæ eius cohæreat, ut ius militiæ: interest enim filium familias non capi, cū hæc militiæ patri non acquiratur, ipse filius sibi eam habet. De ista militiæ, & quot modis in iure accipiatur, tradit Bald. & Iason in l. omnimodò. §. imputari. C. de inoffi. testa. scripsi in l. munus. prima. ff. de verb. sign. & hodie officia regia militiæ loco sunt in hoc regno.

§. Et si hæres sit institutus si à patre in diebus centum sit emancipatus: mox patrem debuerit certiorare, nec fecerit, cū posset, qui eum emancipasset si cognouisset: dicendum erit posse eum restitui in integrum, parato patre eum emancipare.

**E**t etiam iste tex. facilis, sed valde utilis. & vult, ut si filius familias minor sit hæres institutus, si pater eum intra centum dies emancipauerit, & ipse filius intra centum dies non fuit emancipatus, nec certioravit patrem, qui eum emanciparet, dicit text. hunc filium restituendum, si paratus fuerit pater eum emancipare, ut hæreditatem consequatur, sed si pater nolle eum emancipare, à contrario hæreditatem non consequetur, nisi patris recusationem iudex suppleret. l. bonorum. C. qui admitti. quod facillè posset recusante patre.

Idem dicit Bald. in minore, qui non confecit inventarium intra tempus iuxta l. fi. C. de iure deliberandi, ut possit restitui ad illud conficiendum, quia ad id in quo læsus est, restitui debet, ut constat in hoc titulo.

Per istum tex. dicit Roma. singul. 93. pridie se lucratum fuisse sex ducatos, & consuluisse pro hospitali hærede instituto, si ibi intra annum Capellam ædificasset, quod si non fecerit, instituit tertium. Mortuo testatore transiit annus, in quo non fuit ædificata constructa, per istum text. poterit hospitale restitui, quia pius locus minori æquiparatur. Et postquā minor restituitur, sic & pius locus. hoc docet Bald. in l. pupillorum. C. de repud. hæredi. licet ibi valde cessipitet, nec adducit istum tex. hoc firmat Angel. consil. 168. Testator in omnibus. col. prima. in eo qui erat institutus sub conditione, ne aliqua bona alienaret, & si alienaret, ut bona venirent ad alium, ut si alienauerit vnam rem, tota priuari illa debeat hæreditate, nisi petat restitutionem, sed illa re priuari tantum alienata dicerem, ne pœna delictum excedat, sic concludit Iason, in l. ait Prætor. 2. col. prima. & sequen. ff. de iureiur.

Idem etiam consuluit Aret. consil. 67. Diligenter in 4. dubio, ut puella restitui possit contra priuationem hæreditatis, quæ imminebat illi, si nupsisset contra defuncti voluntatem, licet ipsa iam nupsisset. Quod limitat Barb. quādo dolus immineret, quia dolo suo quis iuvari non debet. l. si legatarius. supra. titul. proximo. Barba. consil. 32. illud. col. 3. in 3. volum.

§. Pomponius adiicit, ex iis causis, ex quibus in re peculiari filii familias restituntur, &c.

**H**ic tex. tollit vnum dubiū, an pater possit post mortem filij restitutionem impetrare in peculiaribus casibus, in quibus filius minor eam postulare posset: non videbatur, quia restitutio maiori non datur. d. §. sed vtrum. iste tamen tex. patri restitutionem dandam asserit, quia pater nomine filij post eius obitum restitutionem impetrat, non nomine suo, id est patris, sed filij minoris, ob id conceditur minori restitutio, quæ per maiorem hæredem, seu successorem, vel Procuratorem impetrare poterit, ut hîc. Et licet maiori non detur restitutio, per hoc edictum, tamen impetranti nomine minoris datur, ut hîc. facit l. quæsitum. ff. de in ius vocan. l. lis nulla. de iudic. vbi filiusfam. potest agere contra patrem alieno nomine, & inferius dicitur in l. minor autē. in fi. & l. seq.

Item, si filiusfam. habeat castrense peculium, poterit ipse filiusfam. circumuentus minor in illo restitui, quasi fuerit captus in proprio patrimonio. & in prima parte Iuriscon. loquitur generaliter, videlicet ex quibus causis in re peculiari minor restitui potest, & pater quasi hæres poterit, licet pater non sit hæres. l. ij. ff. de castren. pecul. sed est quasi hæres.

Ideo, sicut hæredi minoris datur restitutio, ut infra dicitur in d. l. minor §. fi. iuncta l. sequenti, sic & patri, qui quasi hæres habetur, occupando iure peculiij bona filij. Et sic principium loquitur de re peculiari generaliter, quomodocunque sit peculiaris, ut patri detur restitutio, post obitum filij. & in 2. parte ait, an si filiusfam. habeat castrense peculium, & in eo lædatur, possit ipse filius restitui, & dicit posse, sed hic casus differt à primo, quia in primo dubitatur, an restitutio post obitum filij concedatur patri, si læsus fuerit filiusfam. in re peculiari, in secundo verò, an si læsus in castrensi peculio fuerit, ipse filiusfam. auxilium restitutionis impetret, quia in eo pro patrefam. habetur. Et sic videbatur pro maiore haberi, & non restitui. Respondeo tamen restitui posse, tanquā si læsus esset in proprio patrimonio, quamuis Accur. aliter dicat, contorquens text. qui sic, ut prædixi, intelligi debet: nam dictio (sin autem) diuersitatem facti denotat, non iuris. l. fi. §. sin autem. C. de aboli. Hic est facti diuersitas, quia sicut pater potest impetrare restitutionem nomine filij, in re peculiari: post eius obitum, quando filius posset, sic & filiusfam. per se in castrensibus poterit. & dicit text. (proculdubio) quasi sine dubio, velit dicere, quod multò fortius filius in castrensi restitutionem impetrabit, quam etiam pater impetrare nomine filij poterat, ut in prima parte habetur.

Ex hoc text. colligitur post obitum filij successores posse impetrare restitutionem in integrum, in illis casibus vbi minor posset, quia omnia iura transeunt in hæredes, & successores. l. prima. ff. ad Trebellianum.

Secundò, cognitionem, potest colligi restitutionem minoris vocari cognitionem, quia causa cognita fit. l. in causæ. prima. §. causa autem. infra, cod.

Tertiò, ex hoc tex. habemus filiumfam. minorem restituendum, si lædatur in peculio castrensi, quasi læsus in proprio patrimonio: nam sicut si lædatur in patrimonio proprio restituitur, ita & in peculio castrensi, quia in illo tanquam paterfam. habetur. l. ij. ff.

*Maiori, non mineminois, datur restitutio.*

*Minor in castrensi peculio deceptus.*

*Patri quādo restitutio post mortem filij datur.*

*Minor est ut paterfamilias in castrensi peculio.*



ad Macedon. sed non tanquam maior.

Idem est dicendum in quasi castrensi peculio. per l. primā §. nec castrense. ff. de colla. bonor. Scripsi de his peculis in l. paterfamilias. infra, de verbo. signifi.

§. Seruus autem, &c.

*Servus mi-  
nor cur nō  
restituatur.*

**H**ic §. est ultimus huius liij. & legitur cum duabus legibus sequen. & hoc dicit, servum minorem nullo modo restituendum, quoniam inspicitur domini persona, qui sibi debet imputari, cur seruo suo minori rem suam commiserit, sed in §. proximo. & in §. vtrum, patri succurrēdum propter filium familias dixit, & sic videbatur in seruo, cum filiofam. æquiparetur. l. cum filiofamilias. ff. de lega. primo. at non ita est, quia patri, nec quidem filio succurreretur, si patris negotia gereret, sed quando gerit negotia, in quibus filij minoris interest, ut est in peculio, tunc restitutio datur filiofam. minori, sed non prodest patri: at mortuo filio pater nomine eius impetrat restitutionem, si filius eam petere poterat, & non eam postulauerat, & sic debent ista intelligi.

Idem, si maior dominus commiserit seruo liberā peculij administrationem, nec quidem hoc casu restituetur dominus: nam quodcumque gerit servus, domini voluntate gerere censetur, & ideo dominus restitueretur, non servus, & sic maior dominus, & non servus minor.

Ideo, ipse servus gerit negotia domini, aut tanquam institor, ut per totum tit. de instito. actio. infra. aut tanquam Procurator, ut si dominus mandet minori, ut negotia sua gerat, & tunc si malē ea gerat, imputari mandanti debet, nec poterit restitui mandans maior, sicut dicit Impera. in §. fin. de socie. Qui parum diligentem socium sibi assumit, de se quæri debet, hoc est sibi imputari debet, idem ipse ait in §. præterea. quibus mod. re contrah. oblig. vbi qui negligenti amico rem custodiendam tradit, non ei, sed suæ facilitati imputari debet, ideo, si nomine Procuratorio minor circumscriptus sit, siue servus, siue liber Procurator fuerit, imputari debet hoc domino, qui tali commisit sua negotia, idēque Marcello placet, ut Paulus in l. cū mādato. in fi. infra. eo. docet.

LEX V. VLPPIANVS LIB. XI.

AD EDICTVM.

**I**tamē is servus fuit, cui fideicommissaria libertas debebatur præsens, & fuit captus, quum rem mora ei fit, poterit dici Prætorem ei succurrere oportere.

**I**sta lex ponit vnum casum in quo seruo minori læso succurritur, utpote, si fideicommissaria libertas præsens fuerit ei relicta, id est, si rogatus erit hæres statim post mortem testantis seruo minori dare libertatem, quod non fecit, sed longo tempore distulit, & interim institutus fuit hæres ab alio, quam hæreditatem (quia non erat manumissus) domino acquisiuit, ideo ad eam habendam restituetur, ut hīc: vnde colligere debemus servum minorem non restituendum, quatenus commodum domini respicit, aliās maior dominus restitueretur, quod prohibet tex. in §. sed vtrum. suprā. sed quando servus minor scriptus est, in eo, quod sua interest, tunc restitui

poterit, ut in hac l. constat, & mora hīc dicitur fieri in rem, quando circa libertatem dandam fit, et si non detur tempore præstituto, licet Alber. exponat, sine interpellatione & an à iure fiat, aliter glossa hīc docet. dicam in l. naturalis. ff. de præscrip. verb. si Deus voluerit.

LEX VI. IDEM LIB. X.

AD EDICTVM.

**I**noribus vigintiquinque annis subuenitur per in integrum restitutionem, non solum cum de bonis eorū aliquid minuitur, sed etiam cum inter sit ipsorum litibus & sumptibus non vexari.

**I**sta lex est utilis minoribus: dicit enim succurri nō solum minoribus, si minuatur aliquid de bonis eorum, verum etiam si inter sit eorum litibus & sumptibus non vexari, & dicit Accurs. hoc posse dici in hæreditate locuplere, quam minor vult repudiare, eò quod multis molestiis est implicata, & onerata. allegat l. cum lege. ff. de arbi. quæ parum facit, quia ibi minor recepit auditorium, id est, causæ cognitionem, & tunc parum vexatur, sed partes litigantes vexantur, & ita loquitur ille tex. sed facit l. quia poterat. ad Trebelli. ibi, *Cum varia sint hominum voluntates quorundā negotia imētium, quorundā vexationē, &c.*

Ex hoc text. colligitur minorem restituendum, quādo aliquid diminuitur ex bonis eius, & sic etiam ex minimo restitui potest, ponderando verbum, aliquid, quod etiā minimum respicit. per gl. in clemē. vnica. in verbo, aut earū aliqua. de foro cōpe. etiam si affectionem iustam habet in re maiorum. l. si in emptionem. infra. eod. solet tamen iudex iustum minoris damnum in restitutione respicere, ut dicetur in l. si ex causa. infra.

Secundò, colligi potest ex hoc text. minorem restitui posse propter vexationē litis, & sumptuum, quod tamen dubitationem faciebat, quia in his minor utitur iure communi, ergo non videbatur circumscriptus, sed respondet Prætor voluisse omnimodo succurrere minoribus circumuentis, circumuenitur maximē quis in litibus, & vexatur, & maior est animi vexatio, quā bonorū, ut in Tusculanis plenē probat Cice. & per lites diminuitur patrimoniū, & quis efficitur pauper, in authē. ut disse. iudi. colla. 9. Et tria in his litibus maximē expetenda sunt, bonum ius, sumptus summi, labor & diligentia, & interdum cū his quis aliquando, fato vel iniuria, vel culpa, pro dolor! miserē atque infelicitē succūbit, l. si de communi. ff. si seruit. vendi. ob id servum Dei nō oportet litigare. c. sicut. 2. q. 7. Et Esaias inquit, Non enim in sempiternum litigabo: si lites dilexisset, magno magistratu donatus fuisset, quem ob animi libertatē, & litium odium recusavi. Vide quē scripsi in proœmio Concord.

Idem in ecclesia læsa, Bald. hīc, qui allegat Archidiaconum in c. episcopus. 12. qu. 2. nam fungitur iure minoris, vnde interdum ecclesia impetrauit literas restitutionis, ut repudiaret hæreditatem cuiusdam vsurarij, quam adiuerat, eò quod vexabatur litibus & sumptibus pro restitutione facienda his, à quibus extortæ erant vsuræ, & fuerunt literæ comprobatae.

In

*Dubitandi  
ratio.*

*Ratio de-  
cidendi.*

*Ecclesia læ-  
sa restitui-  
tur ut mi-  
nor.*

*Minor, no-  
mine Pro-  
curatoris,  
non resti-  
tuitur.*

*Servus mi-  
nor quādo  
restituatur.*



*Minor quā  
do nō resti-  
tuatur.*

In transactione etiam non restituitur minor, quia à lite discedit, & satis lucrari videtur, licet sit latus in ea, vt docet hîc Accur. qui simpliciter verum non dixit: nam aduersus transactionem restitutio peti potest, l. j. & per totum C. si aduersus transactionem. sed si in minimo sit in ea latus, nō restituitur: diuersum est si in magno, & iudex considerabit dubium litis euentum, sicut scribunt Doct. in decepto, vltra dimidiam in l. ij. C. de rescind. vendit. & in cap. cum causa. de rescind. vendit. & hoc docet hîc Alber. sed in minore facilius erit iudex ad restituendum.

LEX VII. IDEM LIB. XI.  
AD EDICTVM.



**A**IT PRÆTOR: GESTVM ESSE DICETVR. Gestum sic accipimus, qualiterqualiter, siue contractus sit, siue quid aliud contigit. Proinde si emit aliquid, si vendidit, si societate coit, si mutuam pecuniam accepit, & captus est, ei succurretur.

**H**ÆC lex declarat edictum Prætoris dicens: Quod gestum est cum minore, &c. sed gestum quomodo intelligatur? Et respondet Vlpian. verus edictorū interpres: Gestum sic accipimus, qualiterqualiter, siue contractus sit, siue quid aliud cōtingat. Vnde si minor contraxerit, siue contractus sit nominatus, vt quia emit, vel vendidit, si societatem contraxit, & captus sit, ei succurretur, & idem in aliis contractibus. Idem, si mutuam acceperit pecuniam, & eam consumpserit ludendo, vel meretrici dando, non tenetur eam soluere, l. si quis cum sciret. ff. pro empt. etiam si capiatur in contractu innominato: fortè ipse dedit rem pluris, quā esset res, quam accepit, eidem subueniendum erit, vt ei restituatur res data, per istum textum qualitercunque gestum sit, & ipse tenebitur restituere rem, quam acceperat: nam eo restituto censetur eius aduersarius restitutus ad suam primariam actionem, etiam si hoc non fuerit dictum in sententia restitutionis. per text. in l. j. & ij. C. si in communi, eademque causa, &c. & si minor suam rem destruxisset, restituatur ad id, quod pluris erat res sua, non ad totam rem. Dicit etiam text. (vt Doct. scribunt) in d. l. j. *sine quid aliud contingat*, ergo quicquid contigerit ex gestione minoris, si captus sit, restitui debet.

Mouebat dubitationem l. Labeo. ij. in fine. ff. de verborum significat. ibi, *Gestum dicitur, sine verbis factum*. Respondeo, hîc generaliter accipitur ex interpretatione Vlpiani, quamuis pro materia gestum accipiat, sine verbis factum, vt ibi docui.

Sed dubitat Accurs. nunquid eidem succurratur, si beneficio Ecclesiastico renūtiauerit? & videri non esse subueniendum, quia in illis admittitur, vt maior, & agit & conuenitur, etiam si sit minor, c. si. de iudic. lib. 6. & quia renuntiando beneficium videtur potius exoneratus, quā damnum passus. gloss. in c. ex parte. de restitut. spoliat.

Ego verò dicerem eum minorem restituendum ad suum beneficium, si suasionibus aduersarii illud resignauerit, & captus in ea resignatione sit, tum ne

detur via decipiendi minores in his beneficiis, tum quia minores restituendi sunt qualitercunque gestum sit cum illis, vel quid aliud cōtingat, per istum textum, ad hoc, quia non præsumitur quod sponte renuntiauerit beneficium tot laboribus acquisitum, quo viuere in posterum debebat, cap. super hoc. de renuntiat. & quia non habet firmum iudicium: idèd lex resistit, etiam fauore libertatis, l. si minor. ff. de seruis exportand. etiam est multis captionibus & infidiis expositus, l. j. ff. de minorib. & iura generaliter loquuntur de minore decepto, si igitur in cessione beneficii deceptus sit, cur non restitui debet? vt scripsi in praxi benefic. in tertia parte tit. ratione personæ, & rei vitatur resignatio, maximè cum amplior bona fides in beneficiis interuenire debeat, quā in aliis prophanis, ergo dolus plus reiiciendus, & acerbius puniendus in illis, quā in aliis, vt notant Doct. in §. actionum. de actionib. in Instit.

Item iura Canonica admiserunt restitutiones minorum & maiorum, prout ius ciuile disposuit, in toto tit. de in integrum restitutio. & non limitantur in beneficiis, sed tantum in matrimoniis, quia ibi consensus adest, qui semper potest suppleri, qui non potest sic interuenire in renuntiationibus beneficiorum, vt in c. cum locum. de sponsal.

Nec refragatur quod minor in beneficialibus reputetur maior, & sic non restituitur. gloss. tamen & communiter Doctores in l. vnica. C. si de momenta. possessio, fuerit appel. dicit, quem posse restitui, licet consuetudo vel lex faciat eum haberi pro maiore: ita, licet Papa dispensauerit cum eo, vt beneficium obtineret, non tamen videtur dispensare cum eo, vt sine causa illud resignaret, quia ad recipiendum & tenendum erat dispensatus, non ad resignandum, imò eo ipso quod dispensauit cum eo ex causa ad retinendum illud, videtur prohibuisse, ne illud resignaret, in praxi benefic. in dispensa. forma. & ita deciditur, vt scripsi in praxi beneficiorum, in dispensa. forma.

Nec obest, quod sit exoneratus resignando: nam ista ratio non valet, quia non est oneratus, quando Papa secum dispensauit, sed is, qui cum eo dispensauit, aut saltem non sicut is, qui ei contulit, aliqui dispensatio non prodesset, quod est hæreticum, quia Papa potest cum causa dispensare, c. non est. de voto. & quando repudiauit hæreditatem est exoneratus, & sic non debet restitui, quod est contra iura: & si plura habebat beneficia, & illis non poterat seruire, si vnum resignet, proculdubio non poterit restitui, quia captus non est, at si captus esset, posset, quia fortè non potest ex alio viuere, & iura considerant ætatem & læsionem.

Nec me mouet, quod lassa censetur Ecclesia. Respondeo, si minor sit valde doctus & bonus, potest seruire Ecclesiæ, ob id ipsa non erit lassa Ecclesia, sed completa ætate optimè reget illam Ecclesiam. Itaque interim est expectandus, quod cognosci ex studiis suis potest. cap. ex studiis. de præscriptio. Ecclesia nunquid est valde capta, à maiore ignorante, maligno, & discolo, & tamen non restituitur: sic in hoc minore, quia imputandum est illi, qui beneficium dedit, & contulit, nec in hac restitutione minorum, consideratur Ecclesia, sed an minor sit, & captus.

Idèd, concludendo dicerem minorem esse ad

*Minor in  
cessione be-  
neficii de-  
ceptus.*

*Restituitur  
quis, licet  
habeatur  
pro maiore.*

*Restitutio  
requirit æ-  
tatem & læ-  
sionem.*

*Minor con-  
sumens lusu  
pecuniam.*



beneficium resignatū dolo & suasionibus aduersarij restituendum, siue alteri facta fuerit collatio, quia resolutio iure datoris, resolutur ius acceptoris, l. lex vestigali. ff. de pignorib. siue non fuerit alteri facta collatio, nisi in illa collatione duo interuenerint. Primum, quod resignatio fuerit facta in manibus superioris. Secundum, quod interuenerit causa cognitio, videlicet quod expediat pupillo illud resignare. argum. l. magis puto. §. ne passim. ff. de reb. eorum. hoc expresse docet Nicol. Milius in repert. in verbo, minor. 14. annis. & sequitur Bened. in repet. c. Raynurius. in verbo, adiectæ. num. 62. de testam. & hoc casu agere poterit minor remedio reintegrandæ possessionis, non retinendæ. teste Ioanne de Selua. in tractat. de benefic. in iij. parte. quæst. 32. & sic conciliabuntur sententiæ contrariæ, videlicet vt non restituatur minor, quando causæ cognitio interuenerit, in resignatione: si verò non interuenerit, restituendus erit. Idem in officiis scribit Boër. in decisio. Burdegal. quæstio. 350. Minor. 14. annis. idè collatores beneficia minorum per resignationem conferre non debent, nisi videant resignationis causam iustam, & eos audiant, & si resignatio fuerit facta non cognita causa, non valebit collatio, quod est notandum: quia sic & minori succurritur, & aliis contra dolum & fraudem partium.

*Minor quā  
do in res-  
ignatione re-  
stituatur.*

#### S V M M A R I A.

- 1 *Libellus debitoris quomodo formari debeat contra personam coniunctam ad solutionem agentem.*
- 2 *Debitor non potest cogi minori soli soluere, vt liberetur.*
- 3 *Iniuste iudicans, iniuriam parti facit.*
- 4 *Minor etiam contra solutionem sibi auctoritate curatoris factam potest restituere.*
- 5 *Minori sine iudicis precepto non soluendum.*
- 6 *Minor contra venditionem etiam iudicis decreto interpositam restituitur.*

#### §. Sed & si ei pecunia, &c.

**I**ste §. est not. qui docet quomodo gestum dicatur, cum minore, & responder, si eidem solutum sit, & ipse pecuniam crediderit. Nempe si minor conueniat debitorem, adhibere debet curatorem, vt ei soluatur pecunia, aliter debitor non compellitur ei soluere, sed solet pecunia in æde sacra deponi, ne debitor vltra vsuris oneretur, vel creditor minor perdat pecuniā, aut curatoribus solui debet, si sint. Poterit etiam debitore compellere minorem, vt curatores accipiat, in quorum præsentia ei soluat. Quid si iudex condemnauerit debitorem ad soluendum minori, siue curatoribus, & debitor soluerit, eritne liberatus? & liberatum esse docet eum Iurisconsult. nihilq; illi imputandum, cum compulsus sit ad solutionem, & postea minor, si pecuniam consumat, non restituatur propter auctoritatem sententiæ. l. seruo. §. cum Prætor. ff. ad Trebellianum.

Ex hoc tex. colligitur, debitore paterno, quod debitor paternus non tenetur soluere filio, debita patris, & si soluat, non est liberatus, & si filius famil. minor eam pecuniam perdat, iterum poterit pater eam petere. l. Filium paciscendo. vel debitum patris accipiendo nihil detrahit patris obligationi. C. de pactis.

*Debitor pa-  
tris, soluēs  
filio, non li-  
beratur.*

etiam dicit ibi glo. si filius postea patri succedat, quia administrationem rerum non habebat viuo patre: idè ipse filius eam pecuniam sibi in vita patris solutam petere poterit, vt inferius dicitur.

Vnde licet coniuncta persona possit agere pro coniuncta, l. exigendi. C. de procurat. tamen illi solui non potest, l. filia. & l. qui hominem. §. si nullo. ff. de solut. imò his verbis, scribit Vlpian. in l. ij. ff. vt lega. nom. nec si fortè velit pater cauere, neminē amplius petiturum, compellendus erit hæres legatum, quod iam filius potest petere, alij, quàm cui debetur, exoluere, & si soluerit, non competit liberatio, sed creditor agit contra debitorem, & debitor contra eum cui soluit.

Vnde si praxi notandum est, quod si coniuncta persona agat ad solutionem, concludet debitor, vt soluator illi, cuius nomine agitur, nō verò ipsi agenti, aliās malè concluderet, teste Bart. in l. vero Procuratori. §. j. ff. de solut. quod dictum notat Iacobi. in d. l. filius. C. de pact. facit l. qui aliena. §. quanquam. ff. de negot. gest.

Filius tamen solutionem recipere poterit ex contractu ab eo celebrato super re patris. argumento l. quod seruus. ff. de positi. l. quod seruus. de solutio. quia ipse quæsiuit obligationem patri contrahendo: ergo & dissolutionem facere poterit. Non valeret tamen liberatio per filium facta, nec patri noceret, nec filio post mortem patris. per l. si seruus. ff. qui & à quibus. Bart. in l. filius. ff. de solut. nisi filius aliquid recepisset in vita patris, quia in eo obstat filio exceptio. Bart. in l. cum dominis. §. fin. ff. de pecul. lega. Iason in l. ij. §. j. nota. 7. ff. de solut. allegatur l. cum vir. de vsucap. quando filius erat maior, vel si minor erat, & non consumpserat pecuniam.

*Solutio fi-  
lio facta  
per re pa-  
tris.*

Procuratori etiam constituto ad contrahendum solui potest. per d. l. filia. & l. quod seruus. de solut. Idem in constituto ad vendendum, vt ei solui possit pretium ex illa venditione conclusum. Doctor. in l. eum qui ita. §. qui sibi. ff. de verborum obligatio. & Doctor. in §. venditæ. de rerum diuisio. in Instit. hoc docet Alexand. in consil. 61. Viso processu. col. penul. num. 10. in 2. vol. nisi interuenisset factum domini, vtpote qui pecuniam debitam in iudicio petiit, & sententiam obrinuit, l. hoc iure. ff. de solutio. scribit Aufrer. in decisio. Tholos. quæst. 122. per l. eum qui. §. qui sibi. ff. de verborum obligat. vbi Bart. nisi fuerit Procurator constitutus ad vendendum tantum, tunc à solutione recipienda renititur, l. j. §. igitur præposito. ff. de exerci. actio. etiam Procuratori litis non potest solui, l. hoc iure. ff. de solut. nisi haberet liberam causæ administrationem, Bart. in l. qui Romæ. §. Callimachus. ff. de verborum obligatio. vt refert Mathesil. not. 30. incip. quod licet. & quando agit in his casibus, debet de rato cauere, l. non solum. §. sed interdū. ff. de Procurat. si non habeat mandatum ad hoc speciale, & regulariter si debitor offerat se soluturum, sed iis qui petit, non habere sufficiens mandatum dicit, iudex solet decernere, vt solemnius mandatum intra tempus ab eo præstitutum exhibeat. An negotiorum gestorum solutionem recipere possit? decidit text. in l. filia. & ibi Bart. ff. de solut. vbi si illi ignoranter solutum fuerit, liberatur soluēs, secus si scienter, & hoc probat Ludo. Rom. sing. 164. Tu scis. Ignoranter factum existimo, si bona fide existimās eum habere mandatum, debitor soluerit.

Et



*Filius iura  
patris ce-  
dens, sine  
mandato.*

Et si filius receperit solutionem à debitore paterno, vel cesserit iura patris, non committit crimē falsi, vel stellionatus, sed aliud, quia non est aliqua lex, quæ hoc dicat, l. dissentientis. C. de repud. l. illam. de collat. & scire debebat debitor, vel celsionarius cum quo contrahebat. l. qui cum alio. ff. de regul. iur. nec debebat credere filio, nisi mandatum patris ostenderet: quia in his filij sæpius mentiuntur. l. si quis inficiatus. vbi pulchre Bart. ff. de pos. l. qui hominem. §. si nullo. ff. de solut.

Nisi falsò assereret se patris Procuratorē, & tunc doli nomine puniendus venit. l. falsus. ff. de furtis. & l. falsus. C. illo tit. sic consuluit Bal. consil. 14. Filius fa. in 1. vol. & interdum defendi filium fam. contra Procuratorem Regium.

*Debitor nō  
liberatur  
soluendo mi-  
nori.*

Secundò, colligitur, vel à proprio, & hanc perdidit, & c. solutionem factam à debitore minoris ipsi non valere, & sic non erit debitor liberatus. Vnde si minorem perdiderit, vel malè consumpserit, poterit integrum petere debitum, per istum tex. & proprius debitor dicitur, nō paternus, sed is cuius emolumentum, vel damnum ad filium pertinebat, l. j. §. in propria. ff. quando appel. sit. fortè si habebat bona castrensia, vel alia bona.

Et ideò, si minor conueniat debitorem, adhibere debet curatorem, vt ei soluatur pecunia. ] Nota minorem adolescentem posse conuenire debitorem etiam coram iudice, per l. primam. §. fin. ff. de administrat. tutor. quamuis glos. ista contrà. per l. clarū. C. de authorit. præstan. quæ loquitur in criminibus, & quando minor cōuenitur, hīc verò quando agit contra debitorem, & sic ad rem non pertinet. d. l. clarum.

Cæterum non ei compellitur soluere. ] Bonus est hic textus ad hoc, vt debitor non cogatur soluere creditori, etiam postquam dies cesserit, & venit: sed intelligitur in debitore minoris, qui minori soluere non cogitur soli, vt liberetur, sed debet hoc facere ad iudicis præceptum.

Sed hodie solet pecunia, & c. ] Ex hoc text. colligitur bonum remedium pro minore, & eius debitore soluere volente, & vt sit liberatus, videlicet vt soluat pecuniam, & illa pecunia apud ædem sacram reponatur, ne illa pecunia à minore amittatur, & ne ille debitor amplius oneretur in solutione vsurarium.

Hodie verò nō solet deponi apud ædem sacram, sed solet dari mensulariis, & trapezitis ad honestam lucri rationem, l. tutor qui repertorium. §. j. ff. de administ. tutor. & postea debitor non curat si soluerit cum iudicis decreto.

Curatoribus solui, si sint. ] Collige solutionem debitorum minoris fieri posse curatoribus si sint, aliàs cōpelli potest minor ad assumendum sibi curatorem, & compellitur per iudicem ordinarium, ne debitor soluens decipiatur, vel soluetur ei ex iudicis decreto.

Quid tamen si Prætor decernat soluendam, & c. ] Colligitur debitorem minoris compulsum à iudice, vt minori solueret, etiam sine curatoribus, esse liberatum, quod est verum interuenientibus sequentibus. Primò quòd debitor allegauerit minorem esse creditorem, cui noller soluere, timens ne fortè iterum peteretur ab eo post cōsumptionem pecuniæ à minore factam, aliàs si per contumaciam

fuerit condemnatus, non habet locum, iste text. quia hoc non allegatur, & est in culpa non comparendo, vt docet Barba. consil. 26. Vbi. col. 1. vol. 3. nam si hoc allegasset, iudex non ita decreuisset.

Secundò, quòd iudex hoc decernat & pronuntiet per sententiam, videlicet condemnando talem debitorem ad soluendum tali minori ibi decernat soluendam pecuniam minori.

Tertiò, quòd debitor cōpulsus sit, ibi, Compulsus sit, & dicitur compulsus, quando ratione illius sententiæ factum est ei præceptum ab apparitore, vt solueret. de quo in l. à Diuo Pio. §. in venditione. ff. de re iudic. l. nouissimè. quod falso tutore autho. gestum esse dicitur. l. fin. quod met. caus.

*Compulsus  
debitor  
quando di-  
catur.*

Idem dicerem, si non expectato præcepto Apparitoris, sed post iudicis sententiam solueret, cum iste text. non requirat, nisi iudicis compulsionem, & ad hoc est singu. teste Aretin. consilio vigesimo quarto. col. 4. in praxi tamen est, vt post sententiam fiat præceptum per Apparitorem, vt plenè scripsi in tracta. de literis obligat. in 1. tomo Comment. ad Constit. Regias Gallicas.

Nisi fortè, quasi aduersus iniuriam appellandum quis ei putet. ] Iste text. allegatur iudicem iniuste iudicantem facere iniuriam parti: tamen iniuriarum non agitur, sicut dicitur in eo qui superuacue & temere appellat, is iniuriam facere iudici dicitur, l. fin. C. quando prouoc. non est neces. nulla tamen iniuria fit iudici, si rectè appelletur, l. & in maioribus. C. de appel. & interdum bonum faciens, iniuriarum tenetur. l. si seruus. §. & si puerum. ff. ad legem Aquiliam.

Quartò, non poterit restitui minor si dissipauerit hanc pecuniam, autoritate iudicis sibi solutam, ibi, auditurum non esse, & ratio est propter rerū iudicatarum autoritatem. l. seruo. §. cum Prætor. ff. ad Trebel. l. si Prætor. de iudic. & ad hoc istum text. singularem dicit Guido Papa. singul. 95. Solutio.

Poterit tamē restitui minor aduersus solutionem sibi factam cum autoritate curatoris, si illa pecunia sit perditā facilitate minoris, text. in l. j. C. si aduers. solut. igitur bonum est ne quis soluat minori sine iudicis præcepto, vt consequatur plenissimam liberationem, vt Accurs. docet.

Quintò, nisi iste debitor appellauerit à iudicis sententia, tunc non liberaretur soluendo postea, quia appellatio extinguit iudicatum, l. j. in fi. ff. ad Turpil. ideò post appellationem soluere non debebat.

Non tenetur tamen appellare semel condemnatus, sicut dicit de nominato, qui succubuit in primā sententia recredientiæ, aut pleni possessorij ad hoc, vt ei non computetur beneficium ad repletionem statutam. in §. volumus. de collat. in Concord.

Sextò, licet victus victori debeat condemnari in expensis. l. properandum. §. sin autem alterutra. ff. de iudic. tamen hic debitor, qui allegat eum esse minorem, & hoc facit, vt liberetur, & sibi prouideat, non debet condemnari in expensis, quia iustam habet causam litigandi, eo casu non cōdemnatur quis, in l. qui solidum. §. etiam. ff. de legat. ij. Scripsi in 3. tomo Commentariorum ad Constitut. Reg. tracta. de expēsis. secus si debitor appellauerit, quia in causa appellationis dicerem eum condemnandum, quia contentus debebat esse prima sententia. & text. in l. sancimus. j. C. de administrat. tutor. dicit, *iudicialis*

*Iustam liti-  
gandi cau-  
sam habēs,  
non cōdem-  
natur in ex-  
pensis.*

*senten*



*sententia, sine omni damno celebrata.* & sic de prima. argumento l. boues. §. hoc sermone. ff. de verborum significatione.

Septimò non poterunt substituti opponere, vt isti minori non soluatur, vt consuluit Bald. consil. 107. Quidam habens. in 1. vol. quia nullum ius præsens habent.

*Debitor  
minori sine  
tutoribus  
soluens non  
liberatur.*

Vltimò ex prædictis faciam casus sequentes, quorum primus est, Debitor soluens minori sine tutoribus, vel curatoribus, nullam consequitur liberationem: contra glos. in l. obligari. §. pupillus. ff. de auctorit. tutor. nam si plenam consequeretur liberationem, vt dicit glos. postea minor nō posset agere contra illum debitorem, & contra glos. facit text. in §. penult. quibus alienare licet. in Institut. vbi dicit minorem posse adhuc petere, nisi pecuniam saluam habeat pupillus, vel locupletior factus sit, & tunc doli exceptione submoueri pōterit.

*Soluēs mi-  
nori, quādo  
liberetur.*

Secundus casus, Soluens minori cum auctoritate tutoris, vel curatoris, liberationem consequitur, à qua restitui potest minor, si illam pecuniam perdiderit. per illum textum, ibi, *Et hanc perdidit, dicendum est ei subueniri, quasi gestum sit cum eo.* §. at ex contrario. quibus alienare licet. in Institut. vbi sic habetur, at ex contrario omnes res pupillo & pupillæ, sine tutoris auctoritate rectè dari possunt: ideoque si debitor pupillo soluat, necessaria est debitori, tutoris auctoritas alioqui non liberabitur: ergo à contrario, cum tutoris auctoritate, liberabitur.

Tertius casus, Soluens tutori vel curatori minoris, ipso iure liberabitur. l. Lucius. ij. §. tutelæ. & §. si. ff. de administrat. tutor.

Differentia est inter secundum casum & tertium, quia in secundo casu restituitur minor, in tertio non, dicit quis, Nōne hoc est iniquum, vt postquam debitor cum auctoritate tutoris pupillo soluit, iterum soluere cogatur? nunquid potius agere debebat, minor actione tutelæ contra tutorem, vel curatorem, & non contra debitorem? & hoc esse contra omnem mundi æquitatem testatur Paul. Castr. in l. j. C. si aduers. solut. & hoc refert Iacobi. ibi, dicens solutionem non esse legitimè factam pupillo.

*Authoris  
sententia  
cur minor  
restituatur  
contra de-  
bitore sol-  
uens.*

Ego dicerem in secundo casu restitutionem dari, quia in culpa est debitor soluendo minori, qui non poterat compelli eidem soluere, vnde si soluat, & pecunia consumatur à minore, restituitur, quia pupillus non potest agere contra tutorem, qui non recepit pecuniam, licet ipse sit in culpa, eò quod non recepit, & abstulit à minore: sed culpa debitoris præponderat: ideo agendum est contra debitorem per restitutionem, cum hoc casu nulla detur actio contra tutorem, vel curatorem. Diuersum est in tertio casu, in quo potest minor actione tutelæ agere contra tutorem, vel curatorem, qui recepit illam pecuniam, & permisit, vt minor illam pecuniam consumat, vel in ratione reddenda eidem non computabitur.

Quartus casus, Debitor compulsus soluere à iudice, ipso iure liberatur, vt hīc, & plenissimam liberationem consequitur. d. l. sancimus. & §. penult. quibus alien. licet. in Instit. quia dolo non facit, qui iussu iudicis aliquid facit, l. non videtur. ff. de regulis iuris. & regula dolo. in 6. Poterit etiam minor restitui, si iudex in venditione interponat decretum, per l. si quidem. C. de prædi. minor. quia ibi non est com-

pulsio iudicis, sed voluntas partis, & iudicis auctoritas, ac decretum, ob id minori succurritur, secus si sit compulsus, vt hīc.

§. Non solum autem in his ei succurritur, sed etiam in interuentionibus: vtputà si fideiussorio nomine se, vel rem suam obligauit. Pomponius autem videtur adquiescere distinguendis, arbitet ad fideiussores probandos constitutus eum probauit, an verò ipse aduersarius. Mihi autem semper succurrendum videtur si minor sit, & se circumuentum doceat. Sed & in iudiciis subuenitur, siue dum agit, siue dum conuenitur, captus sit. Sed & si hæreditatem minor adiit minus lucrosam: succurritur ei vt se possit abstinere: nam & hic acceptus est. Idem & in bonorum possessione, vel alia successione.

**H**ic §. dicit minori succurri in interuentionibus, si interuenerit & fideiusserit pro aliquo, se, vel rem suam obligando, siue probatus fuerit ab arbitro, siue à parte tantum, semper succurritur, si se minorem & circumuentum doceat.

Et ex hoc tex. colligitur minori succurri, quando fideiubet pro aliquo, sicut mulieri, vt per totum titulum ff. & C. ad Senatusconsult. Velleian. sed hīc per restitutionem, ibi à iure, scilicet Senatusconsult. auxilio.

Etia colligitur quod potest in fideiussionibus quis obligare personam & bona, ibi, se, vel rem suam, & ideo fit hæc obligatio, quia pro debito regulariter persona prehendi non potest, l. tertia. §. tutores. ff. de suspect. tutor. abundè super hoc scripsi in tractat. de literis obligat. artic. ii. glos. 3. in i. tomo Commentariorum ad Constitut. Reg. vbi enumeravi casus, in quibus quis pro debito prehendi potest.

Si minor sit, & se circumuentum doceat. ] Nota minorem duo teneri probare, se minorem, & circumuentum. facit l. nam & postea. §. si minori. ff. de iureiur. ideo fuit denegata restitutio in Parlamento Gratianopolitano Do. Clarimontis, eo quod non probabat damnosam fuisse hæreditatem, super qua restitui volebat.

*Restitutio  
quare denegata fuerit.*

Sed videbatur contra: nam eo ipso quod minor fideiubet, malo videtur affigi, & capi. Prouerb. 6. c. Fili mi si sponderis pro amico tuo, defixisti apud extraneum manum tuam, illaqueatus es verbis tui, & captus propriis sermonibus. & ibid. c. ii. Affigetur malo, qui fidem facit pro extraneo, qui autem cauet laqueos, securus erit. Respondeo, ibi nō probari minorem deceptum ex sola fideiussione, sed est captus, id est, obligatus verbis, & affigetur malo, si debitor non soluat, sed si fideiusserit in rem suam, non restituitur, l. de die. §. j. supra. qui satisfare cogant. quod si fideiussio non teneat, non erit circumuentus: ergo non restituetur. vt in §. si quis. in authent. de leno. collat. 3. in dubio tamen præsumitur circumuentus, etiam si pro patre & consanguineo fideiusserit, vt docet Accurs. hīc, sed tenendum est, quod



quod Imperator statuit in titul. de filiofam. minore. in l. j. vbi sic scribitur: *Filiusfam. si minor quinque & viginti annis pro extraneo fideiussit, in integrum restitutionem implorare potest, sed & si pro patre suo extitit fideiussor, eique diem suum functo non successit, in integrum restitutionem postulare potest.* Ergo si successerit patri in solidum, non restituetur, quia tanquam hæres tenetur, etiam de euictione, l. vendicantem. ff. de euiction. quod si tantum pro parte succedat, potest restitui pro illa parte, pro qua non successit, quia obligatio pro illa parte non est extincta. l. hæres. §. quod si stipulator. ff. de fideiussor. l. Stichum. §. quod vulgò. de solutionib.

*Minor etiam contra confessionem suam restituitur.*

Notandus est vnus casus valde singularis, in quo minor restituitur etiam non probata læsione alia, vt si confessus fuerit delictum quod nō potest alio modo probari, sed satis lædi dicitur sua confessione. teste Angel. in l. certum. §. in pupillo. ff. de confessio. & hoc singulare dicit Hyppol. singul. 445. Minor.

Alium casum cōscribit iste text. videlicet in iudiciis succurri minori, & hic casus (sicut equus Troianus) multos continet: nam si in dilationibus, in testium vel instrumentorum productionibus, aut aliis circumuentus sit, eidem succurritur: imò etiā in hermodiciis, vt dicitur in l. seq. §. si. siue agant, siue cum eis agatur.

Sed & si hæreditatem. ] Hic pater succurrit minori, qui adiuit hæreditatem minus lucrosam, vt possit se abstinere ab hæreditate, si tempora largiantur, aliās contra curatorem agere poterit, l. j. C. si tutor vel curator interuenerit. Largiri tempora dicuntur, quando non est elapsum tempus, intra quod restitutionem petere potest.

Idem, si bonorum possessionem secundum tabulas, vel vnde liberi, aut cognati, aut aliam agnouerit, vel hæreditatem fideicommissariam: & in hæreditate adita quomodo minori succurratur, dicitur hic, & in §. sequen. quod tractatum fuit in l. iij. supra eodem. seruo autem non succurritur, vt se absteineat, quia necessarius est hæres. l. necessariis. ff. de acquir. hæred. & §. seruus. de hæred. quali. & differ. in Instit.

Vnde dicit Vlpianus, *Sciendum est necessarium heredem seruum cum libertate institutum impetrare posse separationem, scilicet vt si non attigerit bona patris, in ea causa sit, vt quicquid postea acquisierit, separabitur, sed & si quid ei à testatore debetur.* l. j. in fi. ff. de separat. at hic etiam seruo minori succurritur etiam si hæreditatem adierit, & hoc ætatis beneficio per istum textum, & sic conclusio sustineri potest per istum text. minori non esse succurrendum, si hæreditatem damnosam adeat: imò succurri certi iuris est, videlicet seruo non succurritur, sed libero, sic & interdum seruo, vt in vltimo casu dictum fuit.

Ætatis beneficio. ] Allegatur iste text. ætatem vocari beneficium, eò quod ætatis ratione minori subueniatur, sic dicitur in l. Iulianus. ff. de in integr. restitut. & beneficium dixi accipi largè pro eo, quod bene facit alicui, vt beneficium manumissionis. l. manumissiones. ff. de iustit. & iure. Beneficium legis. in l. libertæ. C. de oper. liber. & aliās, vt scripsi in praxi benefic. in j. parte tit. quid sit beneficium.

Planè. ] Ex hoc tex. patet eum, qui hæreditatem adiuit, si restituatur, teneri ad restituendum quicquid percepit ex hæreditate, si illud non perierit ætatis infirmitate, & imbecillitate: nam si in hæreditate

inuenit centum aureos, quos ludendo perdidit, eos restituere non tenetur: diuersum est, si ex illis emerit domum, vel aliam rem, quæ extet, tunc quicquid in rem eius peruenerit, restituere debet, vt plenè dicitur in l. quod si minor. §. restitutio. infra eodem.

§. Hodie certo iure vtimur, vt & in lucro minoribus succurratur. Pomponius quoque libro vicesimo octauo scribit, & si sine dolo cuiusquam legatū repudiauerit, vel in optionis legato captus sit, dum elegit deteriolem, vel si duas res promiserit, illam, aut illam, & pretiosiorē dederit, debere subueniri; & subueniendum est. Quæsitum est ex eo quod in lucro quoque minoribus subueniendum dicitur, si res eius venierit, & existat qui plus liceatur, an in integrum propter lucrum restituendus sit. Et quotidie Prætores eos restituunt, vt rursus admittatur licitatio. Idem faciunt & in his rebus quæ seruari eis debent, quod circumspectè erit faciendum. Cæterum nemo accedet ad emptionem rerum pupillarium, nec si bona fide distrahantur. Et districtè probandum est, in rebus quæ fortuitis casibus subiectæ sunt, non esse minori aduersus emptorē succurrendum: nisi aut sordes, aut euidentis gratia tutorum siue curatorum doceatur.

Hodie l. ait Prætor, supra eodem præbet regulam, minori subueniendum esse, etiam si lucrum amplexus non sit. & l. seq. & l. & si sine. multa ad hanc rem adducit exēpla. Primum est, Quando minor repudiavit legatum sine dolo malo, & suasionem alicuius, sed sua facilitate, potest restitui, vt non obstante repudiatione legatum consequi possit, quia captus est in lucro; legatum enim regulariter in lucro consistit. l. ab eo. vbi Doct. C. de fideicom.

Secundum est, Si optio seruorum, aut equorum legata fuerat, & ipse elegit deteriolem, restitui poterit, vt iterum eligere possit, quamuis serui electione legata, semel duntaxat optare possumus, l. serui. de legat. j. l. apud. & per totum de optio. legat. sed hic minori beneficio ætatis succurritur, maiori autem dolo inducto ad optionem alicuius actio datur. in l. si quis. §. j. vbi scripsi supra, de dolo.

Tertium, Si minor promiserit vnam, aut alteram rem, tenebitur tantum vnam præstare, quam volet, l. iij. ff. de eo quod certo loco. si meliorem & pretiosiorē rem minor dederit, restitui poterit, quia lucrum amittit. docet Accurs. differre, quando quis promiserit duas res, & tunc ad vtramque tenetur, si copulatiue, secus si alternatiue: & licet iste text. dicat, duas res promiserit, tamen declarat promissionem alternatiue factam, & si vtramque soluisset, quam veller, repetere etiam maior posset. l. pen. C. de condict. indeb.

Quartum exemplum est, Si bona eius vendita fuerint, etiam ad licitationem, & plus offerenti, est tamen

*Minor in optione deceptus.*

*Beneficij verbum late accipitur.*



*Restitutio  
aduersus li-  
citationē.*

tamen qui nunc plus velit offerre, restituetur minor, vt rursus admittatur licitatio, & quotidie Prætores eos restituunt, & de hoc plenè scripsi in tractat. de præco. & licita. in 2. tomo Commentar. ad Constit. Regias.

Idem faciunt in his rebus, quæ seruari eis debent, quod circumspectè erit faciendum. ] Ego intelligo istum textum, vt si testator statuerit libros suos seruandos esse minoribus, si vendantur, restituentur minores ad consequendum hos libros iam venditos, quod circumspectè erit faciendum, id est, prudenter, & sagaciter: nam iudex videre debet an emolumentum possit habere minor in his libris, necne. Nam si nullum possit commodum habere, quia fortè libri noui sunt meliores & vtiliores, ei certè non restituentur, licet testator iusserit seruandos esse, & idem in aliis rebus dicendum erit, quæ minori seruari debent.

Cæterum. ] Iuriconsul. ait, Præterea nemo accedat ad emptionem rerum pupillarium, etiam si bona fide distrahantur, ne fortè postea auferantur res ab eo per minoris restitutionem. & iste text. monet emptores ne res minorum emant, & vtinam hoc consilium Iuriconsul. seruarent auari, qui per fas & nefas res acquirunt minorum, Ecclesiæ, & aliorum.

*Minor in  
quibus non  
restituatur.*

Tamen hoc accuratè & strictè probandum, vt minor non restituatur in rebus, quæ fortuitis casibus subiectæ sunt, vt in fructibus, nisi aut sordes, aut euidentis gratia tutorum, siue curatorum doceatur.

Ex hoc tex. colligitur minori non esse succurrendum in fructibus, si fortè tanti non fuerit vinum, aut frumentum æstimatum, quanti fuit venditum in foro, non ob id restitutionem petet, quia vinum potuit accidum fieri, vel aliud vitium accipere. Idem in frumento dicendum est, quia hæ res sunt de his, quæ seruando seruari non possunt: sic loquuntur interpretes in l. vnica. C. si aduersus v. fupac.

Nisi aut sordes doceantur, si per auaritiam, aut parsimoniam appareat tutorem, vel curatorem vinum, aut frumentum æstimatum accepisse, eodem pretio pro pluribus annis facto, restitui minor poterit: nam pretia rerum variantur secundum varia tempora, l. pretia rerum. ff. ad legem Falcidiam. idè non potuit fieri æstimatio plurium annorum, & ita vidi iudicari in Senatu, sed singulis annis æstimatio horum fructuum fieri debet, vt plenè docui in interpret. l. vnica. C. de sentent. quæ pro eo quod interest. in glos. Subtilitatem.

*Æstima-  
tio fructuum  
singulis an-  
nis facièda.*

Item euidentis gratia est, Si modius frumenti in foro venditus sit decem aureis toto anno, & tamen modius frumenti minoris nō fuit æstimatus sex aureis. Certè de euidenti gratia apparet, & maximè in hoc regno, in quo apparet quanti veniuntur singulis anni mensibus, & mercatibus in foro: idè hoc casu restitui posset. De his verbis, sordes, & euidentis gratia, dicam in l. si filius familias. infra, de iudic. & doceri ista euidentis gratia, vel sordes potest per librum ciuitatis, aut per testes, sed in hoc regno per librum æstimationis, in quo est scripta æstimatio totius anni, & euidentis gratia tutorum probatur, si quæ dixi probata fuerint, licet tutor nō æstimauerit, sed alius, quia in vtilitatem tutoris cecit: idè ille procurasse censetur. arg. c. constitutis. j. de testib.

*Euidentis gra-  
tia vel sor-  
des quomo-  
do proban-  
da.*

§. Restitutus autem, cū se hæreditati

misceat, vel eam adeat quam repudiauit: rursus restitui poterit, vt se abstineat, & hoc & rescriptum & responsum est.

**H**ic §. est notabilis, quod minor restitutus, vt adeat, potest restitui, vt repudiet, si damnosam sentiat hæreditatem, & idem puto è contrario, quia deceptus est in eo quod adiuit, vel repudiauit: ergo in illo restitui poterit.

Ex hoc tex. patet restitutionem semel concessam iterum peti posse, nec refragatur l. ij. C. si sapius in integrum restit. postul. vbi restitutio vltra semel non conceditur, quod est verum durante eadem causa, secus si noua accesserit. Nouam causam dico, nondum allegatam, & quæ nondum apparuerat, vt dico plenè in l. sylua. §. noualis. ff. de verbor. signific. per d. l. ij. ibidem.

Vnde si minor impetrauerit literas super restitutione, & fuit ei restitutio denegata, & ipse à suis literis reiectus, non poterit iterum alias restitutionis literas impetrare, quæ si fuerint impetratæ, non comprobabuntur, l. j. C. si sapius. sed ipse poterit à denegatione restitutionis appellare, qui si non appellaue- rit, restitui poterit ad appellandum, quia in hoc latus censetur. l. si. d. tit. C. si sapius. & c. si. de in integr. restitut.

*Minor à li-  
teris resti-  
tutionis re-  
iectus.*

Docet tamen Hostiens. in summa tit. de in integr. restitut. §. quotiens. differentiam esse, an minor restituatur aduersus sententiam, & eo casu habetur, ac si lata non esset, c. tum ex literis. de in integr. restitut. an restituatur ad appellandum, & tunc sententia remanet valida, sed inquiretur an bene sit iudicatum, & suspenditur prima sententia. per cap. venientes. de iureiurando.

Sed si minor acquieuerit, & renuntiauerit primis restitutionis literis impetratis, poterit restitui super hac renuntiatione, & cōcedetur eidē, vt possit prosequi restitutionē, non obstante renuntiatione. Sic vidi iudicari in Senatu Parisiensi, & intelligunt illum tit. C. si sapius. vt post sententiam non recipiatur iterata restitutio, secus antea, vt dixi. vide Capit. in decisio. Neapolit. q. 165. & Maurin. in tract. de restit. q. 132. & seq. vide etiam alia quæ scripsi in 2. tomo Commentariorum ad Constit. Reg. artic. fin. in fine tractatus restit. mino.

*Restitutio  
iterata con-  
ceditur ante  
sententiā.*

§. Sed quod Papinianus, &c.

**B**ar hunc §. fortè dicit, id est, difficilè: idè illum declarabo sic. Pater instituit suum filium minorem natu hæredem, & si nollet hæres esse, substituit ei seruum, testatore mortuo minor repudiauit hæreditatem, vnde seruus fuit hæres necessarius & liber, sed minor postea fuit restitutus, vt adiret hæreditatem: quæsitum est, an seruus remanere liber possit, licet auferatur ab eo hæreditas? Respondeo, per restitutionem omnia videbantur retractari debere, l. quod si minor. §. restitutio. infra eodem. sed hīc contrarium dicit Iuriconsul. quia libertas semel data retractari non debet, l. & eleganter. §. seruus. ff. de dolo. sup. nisi ingratitudinis causa. l. ij. C. de liber. & eorum liberis. sed & si minor adierit hæreditatē, & postea se abstinerit ab ea seruus substitutus, non erit hæres, nec liber, secundum sententiam Papiniani, hoc tamen non per omnia verum est.

*Facti spe-  
cies.*

Vnde



Vnde Vlpian. huius l. auctor, ita distinguit Papin. dictum, non esse per omnia verum, substitutum seruum pupillo cum libertate. non posse & liberum & heredem esse: nam si hereditas non sit soluendo, & minor se abstineat, post aditionem, etiam in extraneo pupillo, locum fore necessario substituto: nam substitutus seruus necessarius heres erit, & vtiliter, ac liber.

Item declarat Vlpia. primum dictum Papiniani, quando minor repudiavit hereditatem, & demum restitutus fuit ad eam, liberum nihilominus remanere seruum ait, licet non remaneat heres, sed tantum liber, quando pupillus impetrat restitutionem, posteaquam abstentus fuit.

Et Vlpian. tacite reprehendit Papinia. in eo. nam quando minor repudiavit hereditatem seruus substitutus fuit heres & liber, & quando fuit restitutus, remansit seruus heres & liber, & dum minor fuit restitutus, actiones utiles habuit, sed seruus sine dubio heres mansit: nam qui semel heres fuit, non desinit heres esse, §. quos autem. de bonorum possess. in Institut. Ideo quando minor repudiavit hereditatem, substitutus seruus fuit heres necessarius, quod si postea minor petat restitutionem, ut adeat, adire quidem poterit hereditatem, & utiles actiones habebit, ac si ei restituta fuisset hereditas per Trebellianum, l. j. & per totum ff. ad Trebellian. sed seruus, qui semel fuit heres directus remanebit heres quoad nomen, & directæ actiones apud eum permanebunt: ut docet Angel. consil. 168. in tertio dubio. sed pauci erunt emolumenti istæ directæ actiones, quia minor habebit commoda & emolumenta hereditatis, & hoc est subtile.

Ex hoc §. casus colligo sequentes. Primus est, Quando minor est institutus, & seruus illi substitutus cum libertate, si minor, antequam adeat, repudiet hereditatem, seruus erit necessarius heres & liber: si tamen minor videat hereditatem lucrosam, & restituatur, ut adeat, seruus nihilominus & heres directus & liber erit: & tamen Papin. dixerat simpliciter liberum seruum remanere, quasi voluerit dicere non remanere heredem: attamen Vlpianus ait etiam seruum heredem manere, quia semel heres fuit directus per aditionem, quam fecit: ergo non desinit heres esse, per istam restitutionem, ut hic, & hoc vult glos. in l. in substitutione. ff. de vulgar. sed minor actiones utiles habebit, ac si restituta fuisset hereditas per Senatusconsultum Trebellianum. l. j. ff. ad Senatusconsult. Trebellian. Doct. in l. post aditam. C. de impub.

Item gesta per minorem non rescinduntur, nec contractus, ut Iulia. scribit, in integrum restitutione postulata aduersus aditionem à minore factam, si quid legatis expensum est, vel pretia eorum, qui ad libertatem aditione eius peruenerunt, à minore refundenda non sunt. Quemadmodum per contrarium, cum minor restituitur, ad adeundam hereditatem, quæ antè gesta erunt per curatorem bonorum, decreto Prætoris, ad distrahenda bona, secundum iuris formam constitutum rata esse habenda, Calphurnio Flacco, Seuerus, & Antoninus rescripserunt. l. in integrum. infra, eodem. l. si mulier. ibidem.

Secundus casus est, Si minor institutus heres sit,

& seruus substitutus ei fuerit, & is minor adeat, ac demum abstineat, Papinian. ait seruum non esse heredem, nec liberum, sed hoc non est indistinctè verum: nam conceditur ex benignitate, si non sit soluendo hereditas, ut locus sit necessario substituto: non enim dicit iste text. quod seruus sit heres necessarius, sed ut quidam alius sit heres, ut ait Accurs. qui quidem sit satisfactorius creditoribus, aut creditores serui nomine res hereditarias vendent, §. licet. quibus ex causis manumitt. licet. ideo poterit hic seruus petere addici sibi bona libertatum cõseruandarum causa, §. si is qui. de eo cui liber. causa bona addi. imò ibi dicitur, Si post adiectionem libertatum cõseruandarum causa factam in integrum sit restitutus, vtrique non erit dicendum reuocari libertates, quæ semel competierunt, & hic seruus non erit heres necessarius directus, sed vtiliter, ac si fuisset ei restituta hereditas, & ista est glos. difficultas, etiam in extraneo.

Si verò hereditas adita per minorem erat soluendo, sed eam, ut vexationem & lites vitaret, repudiavit post aditionem, tunc legitimi & proximiores succedent: l. si minor. ff. de acquirend. heredit. nam deficiente filio agnatus venit. l. si. ff. de success. edicto. l. j. §. si quis adita. ad Tertul.

Vnde quamuis cohæres post aditam hereditatem non cogatur hereditatis partem repudiatam amplecti, l. ex contractu. ff. de re iudic. tamen hoc non procedit in seruo necessario hærede, qui etiam post hereditatem causa liberratis cõseruandæ acceptam, bona recipere, ut creditoribus soluat, tenetur. glos. & Doctor. hic, & in dicta l. prima. §. si quis adita. facit l. cum quasi. §. sed si quis. de fideicom. liberta. Alia sunt magis subtilia, quàm vtilia, itaque ea missa facio.

§. Item si non prouocauit intra diem, subuenitur ei, ut prouocet: finge enim hoc desiderare.

**H**ic §. docet minorem restituendum si non prouocauerit condemnatus, ut prouocare possit, & debet prouocare intra decem dies, computandos à die restitutionis, & probationis literarum, & postea non auditur. ut docet Petr. Iacobi. in praxi. in libel. de constit. pecu. versiculo, appellatio in scriptis. & Guido Papa consilio 182. incipiente, Nobilis. in principio.

Sed an sit in expensis condemnandus quando restituitur? allegatur text. in l. non est ignotum. C. de administr. tutor. & Bart. in l. si finita. §. & si forte. ff. de damn. infecto. Aufrer. in decisione Tholosan. q. 329. Dicatis minorem non esse condemnandum in expensis, si iuste impetrauerit restitutionem, & comprobata sint ei literæ restitutionis, alioqui contra: & ita seruatur in Curia Franciæ. dicam in l. in integrum. infra, eodem. quia victus victori in expensis commendandus est. l. properandum. §. si alterutra. C. de iudic.

Et per istum textum potest minor restitui ad appellandum, si non appellauerit, & appareat ei expedire appellare: dicitur enim læsus, si non appellauerit, ideo iusta erit causa restitutionis. Bart. in l. finali.

*Seruus heres necessarius.*

*Minor restitutus, in expensis non condemnandus est.*

*Hæres semel directus remanet heres.*



C. in quibus causis in integrum restitutio non est necessaria. Barbat. consilio 44. Illud. in tertio volumine. declarat an prohibita appellatione censeatur in integrum restitutio prohibita: imò licet etiam in spiritualibus habeatur pro maiore. cap. fin. de iudic. lib. 6. tamen restitui poterit. per glo. in l. vnica. C. si de momentanea possess. fuerit appellatum.

*Minor appellationi ante sententiam renuncians.*

Si tamen minor ante sententiam appellationi renuntiauerit, statim dicitur latus, eò quod iniusta potest proferri sententia: idè non probata latione alia restitui poterit, secus si post sententiam non appellet, quia eo casu non constat eum esse latum, nisi probet se bonam habere causam, vt Bartol. & Iason firmant in l. nam postea. §. si minor. ff. de iureiurand. Aufre. in decisione Tholos. quæstione quinquagesimatertia.

*Restitutio super matrimonio.*

Etiam super matrimonio restitui potest, si fuerit confessus matrimonium esse, quod non erat, quamuis non probet confessionem esse erroneam, cap. secundo. cum glos. de restitut. in integr. libro sexto. l. certum. §. minorem. ff. de confess. & ibi Ang. & alij. sed non restituetur aduersus substantiam matrimonij, quando verè constat eum contraxisse, etiam cum muliere vetula, quamuis leprosa, & Neapolitana, vt docet Specul. in titul. de restitut. in integr. in secunda parte. §. qualiter. versic. quid si quis contrahat. quem sequitur Alexand. consilio 80. In causa. columna 1. in 7. volum.

*Praxis Fræcia de literis Regiis super restitutione impetrandis.*

Notandum est quantum attinet ad praxim Franciæ, non quæri, an tempus currat contra minorem, vel non currat, quia in utroque casu impetrantur literæ Regiæ super restitutione, vt non obstante lapsu temporis minor possit petere, vel rem, vel debitum, & ita cessant exactæ illæ subtilitates, positæ per Bar. & alios in d. l. fin. C. in quibus causis in integrum restitutio non est necess. & latè prosequitur Ioan. Francif. Balbus in tract. præscrip. in sexta parte principali. col. 17. in 23. Casu.

§. Item & in eremodiciis ei subuenitur. Constat autem omnis ætatis hominibus restaurationem eremodicij præstari, si se doceant ex iusta causa abfuisse.

Item & in eremodiciis subuenitur minori, utpote si causam non fuerit prosecutus per triennium, & sic deserta est instantia. l. properandum. C. de iudic. non obstante hac desertione restituetur, vt possit de integro causam prosequi.

Eremodicium, dictio Græca est, vt docet Gatelli. Cotta in secunda parte memorialium. in verbo, eremodicium, Latinitati donata, & est composita à dictione, ἐρημος, quod est desertus, desolatus, solitarius, & δίκη, quod est causa, vel iudicium. Alij mendosè cum aspiratione, hermodicium, legunt: hoc etiam notat Budæ. in annotation. in Pandect. vnde si quis post litem contestatam non prosequatur litem per triennium, non poterit postea illam prosequi, quia deserta est causa, l. properandum. C. de iudic. sed poterit minor agere contra tutorem, vel curatorem ad id quod sua interest, qui si non fuerint soluendo, restituetur minor per §. final. ibidem. sed hodie seruamus hunc §. in Francia, vt restitatur minor

*Causa deserta quando dicatur.*

ad prosequendum processum, in quo statu erat, ante desertionem, siue soluendo sit tutor, vel curator, siue non.

Imò dicit text. in vers. Constat, restitutionem in eremodiciis concedendā omnis ætatis hominibus, id est, siue minoribus, siue maioribus, siue fœminis, siue masculis, siue ingenuis, siue libertis, & hoc si doceant se ex iusta causa abfuisse, & sic non potuisse prosequi causam, sed est differentia inter minorem & maiorem, quod minori succurritur sola ætatis ratione habita, maiori verò, si iusta causa absentiae fuerit, vt consuluit Alexand. consilio quadragesimosecundo. In causa. in tertio volumine, & maxime si fuerit protestatus de impedimento. teste Francisco Curtio Seniore consilio 24. Super eo. in secunda quæstione.

Hodie in hoc regno Franciæ solet releuare partes Princeps tam ab interruptione, quæ fit non prosequendo causam per annum, vt docet Boër. in §. 23. de iurisdictione omnium iudicum. in consuetud. Biturig. quàm etiam à desertione instantiæ per triennium, vt in dicta l. properandum. etiam in desertione in causa appellationis, vel si intra annum (vt debet) quis errorem non proposuerit contra arrestum. vt docet Nicol. Boër. in decisione Burdegalen. quæstione 247. Nunc ad secundam. & ibi arrestum allegat. Plenè scripsi in tractatu de supplicat. & error. propo. in primo tomo Commentariorum ad Constitut. Regias.

*Restitutio, quæ fit à Rege, in regno Franciæ.*

LEX VIII. HERMOGENIANVS  
LIBRO I. IVRIS  
ἐπιτομὴν.



Inor etiam si quasi cõtumax condemnatus sit, in integrum restitutionis auxilium implorabit.

Hæc lex tollit dubitationem, an si minor condemnatus fuerit tanquam contumax, possit in integrum restitui, & text. responderi posse, sed dubitatio erat, quia illi non succurritur, si quid doli commiserit, l. sequen. §. nunc videndum. sed non potest dolo carere, qui magistratui non obtemperat. l. non potest dolo. de regulis iuris. glossa variis modis intelligit hunc text. tamen non bene aperit intellectum.

*Dubitandi ratio.*

Ego arbitrarer duo, vel tria hîc discutienda. Primum, an minor possit esse contumax. Secundum, si tanquam contumax fuerit condemnatus, an possit restitui?

Ad primum dicendum est, minorem legitimè citatum posse dici quasi contumacem, & his verbis utitur hic text. Nam si adultus fuerit vocatus auctoritate tutoris, vel tutor, aut curator nomine minoris, tunc poterit contumax dici, si non compareat, vt in l. prima. ff. de administratione tutor. vbi Bartol. & Doctor. & in l. contra. ff. de re iudica. & an possit ad multam condemnari, & certè poterit, vt in l. vnica. ff. si quis ius dicent. non obtemperau. sed ab illa sententia restituetur, vt hîc.

*Minor contumax quando dicatur.*

Secundum



Secundum est, an minor condemnatus quasi contumax, possit restitui? Et per istum textum concludendum est, restituendum, siue lata sit sententia contra eum ratione contumaciæ, fortè ad exhibendum, vel restituendum rem, l. si. §. iussus. ff. de appellat. siue ad dandum, vel soluendum decem, quia eadem ratio videtur in his, & iste text. generaliter loquitur, vt restitui possit.

Idem, si per contumaciam habitus fuerit pro confesso, iuxta l. de ætate. §. qui tacuit. ff. de interrogat. actio. c. fin. de confess. lib. 6. & sic ferè semper restituitur in quacunque contumacia, si eadem subsistat ratio, quamuis glos. dicat contrarium.

Obiectio-  
nis solutio.

Non obest, quod minor non possit restitui aduersus dolum, & contumacia dolus est, dicit Bart. non verus, sed præsumptus, & in minore hic dolus non præsumitur, l. vbi. suprà, de eden. & aduersus dolum præsumptum restituitur minor, vt in §. nunc videndum. dicitur in l. seq. etiam licet minor non restituatur aduersus dolum, tamen restituitur aduersus hanc sententiam, per istum text. docet Franc. Marc. decis. 74. in 2. parte.

Et sic docet hic Bart. aduertendum, quod si per dolum minor non paruerit iudici, ob id lata fuit contra eum sententia, ipse poterit restitui contra sententiam, non aduersus dolum verum, ideò cautus esse debet, quia si sententia lata fuerit contra eum ratione doli præsumpti, restitui poterit ad appellandum: si autem ratione veri doli, & tunc aduersus sententiam restituetur. l. post edictum. in fine. ff. de iudic. l. cum & minores. C. si aduersus rem iudi. alibi fusiùs dicam.

### S V M M A R I A.

- 1 Minor contra executionem ex causa iudicati factam non restituitur, & quare.
- 2 Venditio rerum minoris sine decreto nunquam valet.
- 3 Læsonis quantitas secundum boni viri arbitrium indicatur.
- 4 Ecclesia restituitur, licet non sit enorme damnum.

### LEX IX. VLPIANVS LIB. XI. AD EDICTVM.

**S**I ex causa iudicati pignora minoris capta sint & distracta, mox restitutus sit aduersus sententiam Præsidis, vel Procuratoris Cæsaris, videndum an ea quæ sunt distracta, reuocari debeant: nam illud certum est, pecuniam ex causa iudicati solutam, ei restituendam. Sed si intersit ipse, corpora potiùs habere, & puto interdum permittendum, id est, si grande damnum sit minoris.

Facti spe-  
cies.

**S**I ex causa minor fuit ad centum condemnatus cum tutoris autoritate, cum non haberet pecuniam capta sunt eius res immobiles, venditæque, postea minor in integrum restitutus est, aduersus hanc Præsidis sententiam: quæsitum est, an ea, quæ vendita sunt, restitui minori debeant? De pecunia

ex rebus habita minoris non est dubium, quin restituenda minori sit: tamen res venditæ non debent restitui, nisi minor patiatur graue damnum.

Et sic ex hoc text. patet, quod licet minor sit aduersus sententiam, & rem iudicatam restitutus, non tamen contra executionem factam ex causa iudicati, vt bona per hoc ei restitui debeant, quia per hoc fieret præiudicium non solum veditori, sed etiam emptoribus, qui non fuerunt vocati, ob id sententia illis nocere non poterit. l. sæpe, vbi omnes. ff. de re iudic.

Notat Iason per istum textum in consil. 63. Circa columna sexta. in tertio volum. minorem non esse restituendum, nisi damnum sit enorme, hoc tamen mihi non placet, quia in l. ait Prætor. suprà eodem. dicitur minorem restituendum, quando quid gestum est cum illo: ergo pro quocunque gesto, siue magno, vel paruo, vt ibi dixi, & hoc etiam probat Alexand. consilio 62. Videretur in secundo volumine, alioqui possent sic spoliari minores: nam vnus læderet in decem, alter in viginti, alius in centum, & sic bona eius in diuersis & minutis summis in nihilum redigerentur, & daretur materia decipiendi eos in parua summa, in qua non haberent aliquod auxilium.

Etiam quia ratione affectionis restitui minor potest, l. si in emptione. infrà, eodem. multò fortius in paruo damno, quod magis nocet, & lædit, quàm affectio sola, & pro hoc est text. in l. minoribus. suprà, eodem. vbi sic scribitur: *Minoribus vigintiquinque annis subuenitur per in integrum restitutionem, non solum cum de bonis eorum aliquid minuitur, sed etiam cum intersit ipsorum litibus & sumptibus non vexari.* Ergo ratione vexationis vitandæ restituitur, & sic pro modico damno etiam ponderando verbum, aliquid, quod modicum respicit, vt suprà scripsi, & in repetit. authen. habita, C. ne filius pro patre, facit text. in l. non omnia. infrà, eodem.

Non obest iste text. quia hic maiori rei fieret præiudicium, ob id minimum damnum non consideratur: nam res minoris, venditæ ob causam iudicati fuerunt ad licitationem, & plus offerenti: ideò præsumuntur rectè venditæ. Recuperando itaq; pecuniâ illarum rerum, non videtur minor læsus: si tamen minor velit habere illas res, iam pro executione iudicati venditas, eas habere non poterit, nisi grande damnum sit minoris, si fortè res erant multò pluris æstimationis, quàm fuerint venditæ, & apparet gratiosam potius, quàm iustam emptionem factam. Facit quod scribit Vlpian. in l. penult. infrà, eodem. vbi sic scribitur: *Si res pupilli, vel adolescentis distracta fuerit, quam lex distrahi non prohibet, venditio quidem valet, verumtamen si grande damnum pupilli, vel adolescentis versatur (etiam si collusio non intercesserit) distracta per in integrum restitutionem reuocatur.* Et sic in hoc casu loquitur, aliàs regulariter contrà, scilicet restitutionem dari pro re, quæ non infert grande damnum.

Et sic patet Accursium & alios interpretes distinguentes non rectè sensisse, quia si ipse creditor vendat bona minoris, siue iudex, nunquam valebit venditio rerum minoris sine decreto, l. si prædium. & per totum C. de prædi. minor. ob id restitutione opus non est, l. siquidem. ibidem. sed quando venditio facta est cum decreto, tunc minor aduersus hanc venditionem, vt pecuniam repetat ex re, restitui po-

Minor pro  
quocunque  
gesto resti-  
tuitur.

Res vedita  
ad licita-  
tionem præsu-  
muntur re-  
ctè vedita.

Minor quã-  
do aduer-  
sus vendi-  
tionem re-  
stituatur.



rerit, sed si velit rem venditam recuperare eo casu non restituatur, nisi grande damnum interuenierit, & hoc propter rei iudicatæ authoritatem, præsumitur enim illum non læsum, nisi in pecunia, & non in rei æstimatione publicè facta: idè non debet restitui, nisi enorme damnum interueniat, quod arbitrio iudicis, an sit grande, relinquendum censet Alexand. consilio 67. Videretur. in quinto volumine. argumento l. sed & si susceperit. §. primo. ff. de iudic.

Idem dico in Ecclesia, vt etiam debeat restitui, si enorme dispendium pateretur, etiam si non sit enorme, sed graue damnum, quod declarat Guido Papa in decisio. Delphin. q. 170. Alia.

Et quamuis tex. in cap. cum ex literis. de in integ. restitutio. loquatur de enormi damno, & in c. penul. de rebus Eccles. non alien. tamen etiam si nō sit enorme damnum, & Ecclesia (vt dictum est) restituatur, alioqui nil priuilegij haberet: nam quilibet restituitur ob enorme damnum, in l. secunda. C. de rescind. vend. Idè læsionis quantitas arbitrio boni viri iudicanda, vt consuluit Alexand. consilio sexagesimo-septimo. Videretur. columna prima. volum. quinto, quia in illis iuribus factum tale erat narratum Papæ, in quo erat enorme damnum: tamen licet non enorme damnum patiatur Ecclesia, restituatur, vt iam dictum est.

Et ista sententia seruatur in forenfi iudicio, nisi apud illos, qui hæresi vestiuntur, qui parum habent honoris matri illorum.

Facit quod scribit Bald. & alij in l. j. C. si aduers. venditio.

§. In dotis quoque modo mulieri subuenitur, si vltra vires patrimonij, vel totum patrimonium circumscrip̃ta in dotem dedit.

*Mulier omnia sua bona in dotē dare potest.*  
IN hoc §. statuit Iuriconsul. subueniri mulieri, si vltra vires patrimonij dederit dotem, vel si totum patrimonium dederit, non tamen restituatur, quin matrimonium teneat, sed vt non teneatur vltra vires hæreditarias. Vnde Doctores hñc dicunt mulierem, quæ dedit totum suum patrimonium in dotem, esse restituendam per istum textum, si maritus non mereatur: ego contrarium teneo, quia mulier potest de iure omnia bona sua in dotem dare. l. mulier. ff. de iure dotium. ergo ob hoc non est circumscrip̃ta, & aliàs absurdum sequeretur, quòd puella diues nuberet alicui nobili, & daret ei omnia bona sua in dotem, & perfectò matrimonio restituatur, & ille bonus maritus esset postea sine dote, vel admodum parua, & mulier duri capitis, postea virum suum regeret cum suis bonis.

Idè ego dicerem, istum textum intelligendum, videlicet subueniendum mulieri in modo, id est, in quantitate dotis: postea text. declarat, si vltra vires dotem promiserit, vt si habebat mille, promissit duo milia, tunc ipso iure, non valer promissio, nisi ad mille, & sic à iure ei subuenitur. l. siue generalis. ff. de iure doti. Et si curator sponte promiserit vltra vires pro filia, tenetur, nisi putauerit bona sufficere, & tanquam curator se obligauerit. l. cum post. §. primo. ff. de administrat. tutor.

Secundus casus text. est, quando ipsa circumscrip̃ta, & decepta à marito promissit totum patrimonium: nam inducta fuit dolo à marito, vel ab amicis mariti, ad promittendum totum patrimonium, tunc ratione illius deceptionis illi subuenietur, non eò quòd totum patrimonium promissit, vel dedit, quicquid iactent Doctores, dicentes esse restituendam, si non merenti dedit, secus si merenti, Doctor. in l. vnica. C. si aduersus dotem. sed hoc est diuinare, ob id non restituendam eam consuluit Francis. Curtius consilio sexto. Præsupponitur in secunda quæstione. quod consilium est in fine tractat. feudo. Nam si valeat promissio dotis magna, facta à vetula iuueni, in cōpensationem virilis ætatis, & idem si detur nobili ampla dos ab ignobili, l. si voluntate. vbi glos. & Doctor. C. de dot. promiss. à fortiori in hoc casu, maxime secundum eum si acceperit infectam peste, cuius parentes mortui erāt, nempe Celsus ait: *Quæro quantæ pecuniæ dotem promittenti adultæ mulieri, curator consensum accommodare debeat? Respondeo, modus ex facultatibus, & dignitate mulieris, maritisque statuendus est, quousque ratio patitur.* l. quæro. ff. de iure doti.

Et sic apparet dotem filia statuendam pro qualitate mariti & vxoris: nam maior dos nobili, quàm ignobili, dari debet, & filia mercatoris maior, quàm filia artificis, aut rustici. Si tamen modus ex cedatur, non restituatur filia minor, nisi ipsa circumuenta fuerit in illa constitutione, & ita debet intelligi iste text. & text. in d. l. quæro. est intelligendus, quando quis tenetur dotare puellā ex statuto fortè, vel aliàs, vt ista inspicere debeant, vt docet Bart. in l. filia. ff. de legat. 3. & Iacob. in dicta l. quæro. at hodie in forenfi iudicio in vno tantum casu restitui possent, scilicet quando vltra dotem promississent, vel dedissent, aliàs non: alioqui quotidie inuenirentur nouæ deceptiones in matrimoniis ( licet aliæ multæ, proh dolor! sint ) quod non est permittendum cum in matrimoniis tranquillitas, pax & requies esse debeat, quamuis plerumque tenebræ, & infinitæ lites inter coniugatos ac dissidia repetita interfint.

Animaduertendum est curatorem debere doti tradere res pupillæ, non illas vendere, nisi aliter nubere honestè ipsa non possit, vtpote filius mercatoris eam ducere vult, si pecuniam in dotem ferat, ex qua merces ipse emat, & deinceps se ex eis & vxorē alat, si magis expediat vxori argenti dari, quia aliter matrimonium cōtrahere non possit, tunc officium curatoris est apud iudicē intrare, qui eum constituit, vt iterum ei, causa cognita, etiam viro absente, permittat rerum venditionē, & in dotem constituere, l. siue generalis. in fin. ff. de iure dotium. Ergo si maritus sit præsens, etiam debet consentire huic venditioni rei dotalis, per illum text. à contrario.

Etiam iste text. intelligitur tam de rebus mobilibus, quàm de immobilibus, vt mobilia æstimata dentur, immobilia verò ( quia perire non solent ) inæstimata dari in dotem possunt. l. si æstimatis. vbi Doctor. ff. solut. matrimonio. si verò minor mulier pacto deteriore dotem fecerit, restitui poterit. l. minor. vlt. in fin. infra, eodem.

Nec obest text. in l. iure. §. si. ff. de iure doti. vbi sic scribitur: *Si in dote dāda circumuentus sit alteruter etiam maiori 25. annis succurrendū est, quia bono & æquo non conuenit, aut lucrari aliquid cū dāno alterius, aut dānum sentire*

*Promissio dotis magna quando valeat.*

*Minor filia quando pro dote non restituitur.*

*Venditio rei dotalis quando & quomodo faciendā sit.*

*Obiectio- nis solutio.*



*sentire pro alterius lucro, & illum textum intelligunt interpretes, quando deceptus est maritus, vel vxor in æstimatione, hîc verò in modo, & quantitate dotis, tamen vtròbique, si in danda dote: idèò putarem dictum §. si. intelligendum, maiori etiam subueniendum, tam marito, quàm vxori, si alteruter deceptus sit in dote danda, quia fortè mulier vltra vires patrimonij dedit, aut fundum alienum, vel rem onerata seruitutibus, redditibus, aut pensionibus, & tunc erit subueniendum marito decepto, sed in æstimatione rarò succurritur, quia soluto matrimonio res poterit restitui, sic æstimata, & sic non lædentur, nec maritus, nec vxor. l. si res æstimata. ff. de iure dotium.*

## S V M M A R I A.

- 1 *Minor pro adulterio non restituitur.*  
*Nec pro iis, quæ commiserit contra legem, quæ lex pro adulterio punit. ibidem.*
- 2 *Minoribus quando in delictis subueniatur.*
- 3 *Moderatio & leuiatio pœna in impubere adhibenda.*
- 4 *Separatio thori debet iudicio Ecclesiæ fieri.*

## §. Nunc videndum vtrum, &amp;c.

Iste §. est valde utilis & decidit, an minoribus subueniatur, si delinquant, vtpotè si in re deposita, aut commodata in aliquo delinquant, fortè occidendo equum depositum, aut commodatum, & placet Vlpian. non esse subueniendum eis in illis delictis, etiamsi nihil ad eos peruenerit, aut si furtum fecerint, vel damnum iniuriâ dederint, non subueniatur illis.

Si tamen in eo, quod à iure civili statutum est, vtpote damnum dedisse inficiatus est, quod postea probatum est, & idèò ad duplum tenetur de iure, certè restitui hoc casu dicit iste text. quia potest illud ius ignorare, sic tamen restituetur, vt pro confesso habeatur, & sic non tenetur, nisi ad simplum tantum, etiamsi ipse potuerit transigere pro furto, & sic in transactione vitasset pœnam dupli, vel quadrupli. in hoc ei subuenietur, hæc est huius text. summa. Dubitatio erat, nempe in l. j. & in l. ait Prætor. statuitur minoribus subueniendū, si quid gesserint, etiam videbatur, si deliquerint, quod remouet iste text. nam delictum omne tollit priuilegium. l. j. C. vbi Senator. vel clarif.

- 1 Colligitur ex hoc tex. minori in delictis non succurrendum: nam nulla deprecatio adulterij pœnæ est, si se minor annis adulterium fateatur cōmisisse, sed nec si quid eorum commiserit, quæ pro adulterio eadem lex punit: veluti si adulterij damnatam sciens vxorem duxerit, aut in adulterio deprehensam vxorem non dimiserit, quæstūmue de adulterio vxoris fecerit, pretiūmue pro comperto stupro acceperit, aut domum præbuerit, ad id stuprum, adulteriūmue in ea committendum, & non fit ætatis excusatio aduersus præcepta legum ei, qui dum leges inuocat, contra eas committit, l. auxilium. in fin. infra eod. & quia malorum mores infirmitas animi non excusat, l. j. C. si aduer. delict. imò auxilium in integrū restitutionis in exemptionibus pœnarum, seu in executionibus paratum non est, idèòque iniuriarum iudicium semel ommissum, repeti non potest.

Sed & in sexaginta diebus præteritis, in quibus iurè mariti sine calumnia vir accusare mulierē adulterij potest, denegatur ei in integrum restitutio, quod si ius ommissum nunc repetere vult, quid aliud quàm delicti veniam, id est, calumniæ deprecatur? & cum neque in delictis, nec calumniatoribus Prætores succurrere oportere certi iuris sit, cessabit in integrum restitutio. d. l. auxilium. in princ.

Intelligunt Bar. & cæteri istum tex. in dolo vero, vt minoribus non succurratur in eo, & dolus verus dicitur, quando est commissum delictum de iure gentium, vel diuino prohibitum, prout est furtum, secus in dolo præsumpto, quod crescit ad duplum per inficiationem. §. ex maleficiis. de actio. in Instit. l. eum qui. ff. de iureiur. & Doctores sæpius negligentiam delictum vocant in l. ij. C. si aduersus delictum. ob id se inuoluunt, vt vix aliqua ex eorum dictis, constet doctrina.

Ego dicerem minori in delictis non subueniendum per in integrum restitutionem, videlicet vt delictum habeatur pro non commissio, & quod minor restituatur in pristinum statum, sicut tendit iste titulus ac si delictum non perpetrasset, l. auxilium. infra, eod. quia delinquendo non est læsus, sed ipse alios lædit, nec sui facilitate, sed dolo: ergo non restituetur per hoc edictū: subuenietur tamen minoribus etiam in delictis per alias leges, nempe, si non ex animo delictum fecerit, id est, voluntatem delinquendi, & animum non habuerit, vt docet text. in l. j. C. si aduers. delict. quia voluntas & propositum distinguūt maleficia, l. verum. ff. de fur. & Diuus Adrianus in hæc verba rescripsit, In maleficiis voluntas spectatur, non exitus. l. Diuus. ff. de fidei. dicam in d. l. j. C. si aduer. delict. in meis no. interpret. & in d. l. auxilium. infra.

Item minor pœna imponenda erit minori ratione ætatis, quàm maiori. l. auxilium. §. in delictis. inf. eod. vbi Tripho. Iurecon. sic ait: *In delictis autem minor annis viginti quinque non meretur in integrum restitui (vtique in atrocioribus) nisi quatenus interdum miserratio ætatis ad mediocrem pœnam iudicem produxerit.* Ferè in omnibus pœnalibus iudiciis ætati, & imprudentiæ succurritur, l. ferè. ff. de reg. iur. c. j. de delict. puer. vnde minorem, etiā doli capax, capite propter homicidium non esse puniendum asserit Bal. in l. si seuerior. C. de his qui notan. infam.

Et sic cessabunt omnia contraria, vt in delictis non succurratur minoribus per in integrū restitutionem, & ista rubrica ponitur in materia restitutionum minorum, C. & hîc, in tit. de minoribus. sed minoribus æquum est subueniri, vt dixi, & quosdam in toto excusari, alios vt alleuietur delictum, & hoc per alias leges, quàm per in integrum restitutionem: idèò Iuriscon. ait in l. aut facta. §. persona. ff. de pœn. in pœnis rationem ætatis habendam, siue in eo interueniat verus dolus, siue præsumptus, vt dicitur, siue consistat delictum in faciendo, siue in omittendo, quia non inuenitur in his facta à Iuriscon. differentia, sed tantum, vt dixi.

Si verò non fuerit doli capax, nō punietur, vtpote si infans sit, vt scribit Vlpian. in l. impuberem. ff. de furt. sic: *Impuberem furtum facere posse, si iam doli capax sit, Iulian. libro 22. Digestorum scripsit.* Item posse cum impubere damni iniuriâ agi, quia & furtum ab impubere fiat, sed modum (id est, moderationem & leuiationem) in impubere adhibendam ait. Nam

*Restitutio  
contra dolum  
verum nō fit.*

2

*Minor propter homicidium, capere nō puniendus. Ratio ætatis in delictis habetur.*

3

*Minor damnum dans, quomodo restituatur.*



in infantes id non cadere nos putamus, cum impubere, culpæ capace, Aquiliana agi possit. Item verum est quod Labeo ait, nec ope impuberis furto facto, teneri eum, idem docet Modest. de fidei. in l. *Infans, vel furiosus si hominem occiderit, legis Corneliae non tenetur, cum alterum innocentia consilij taceatur, alterum fari infelicitas excuset.*

*Obiectionis solutio.*

Non refragatur l. j. C. de falsa mone. ubi impuberes, etiam doli capaces, & criminis conscij, nullum debent sustinere detrimentum, ex fabricatione monetae, facta in domibus eorum, quia in illis ignorantia praesumitur, quæ eos excusat, sicut in impubere, excusantur ex ope præstita furto, sed non excusantur à furto per eos facto, vel à falsa moneta per eos fabricata, quia ista sunt delicta ex animo provenientia, sed ignorantia excusat à fabricatione aliorum in domibus eorum, quicquid dicant Doct. in d. l. j. & Barbat. consil. 17. col. 4. in 2. vol.

Ergo & si potuit pro fure damnum decidere magis, quam actionem dupli, vel quadrupli pati, ei subuenietur. ] Ex hoc text. colligit Bar. minorem restituendum, ut habeatur pro transacto, ex quo ipse dicit, Sic pluries feci fieri cautelam, quando minor litigat cum Ecclesia, quod fiat contractus concordia, & transactionis, postea in fine si veniat sententia pro minore, bene quidem, aliàs restitueretur, ut habeatur pro transacto. Et in hoc sit cautus aduersarius, quod non patiat istos tractus fieri, ita quod possit probari, & ad hoc istum textum singularem esse docet Ludovic. Rom. singul. 398. Volo tibi. & Francisc. Cremenf. singul. 18. Obtinui. & Benedict. in repetit. cap. Raynutius. in verbo, mortuo. l. nume. 23. de testa. & Capola in cautela 6. Quando aliquis.

Ego verò istam (quam dicunt cautelam) posse procedere in terminis, in quibus loquitur, videlicet in delictis, ut si minor pro furto potuerit transigere cum domino, dando decem, & postea fuerit ad centum condemnatus, eo casu subuenietur, ut non teneatur, nisi ad decem, pro quibus potuit transigere.

In contractibus verò non procedit iste text. nisi pars, quæ voluerit transigere, remaneat in eadem voluntate post sententiam, alioquin in præiudicium partis valeret transactio, quod nullo iure cauetur, & quis non tenetur transigere, nec contrahere, l. sicut. C. de actio. & obligat. & imputari debet tutori, vel curatori, qui recusavit transactionem in contractibus: nam si ab ea discessum fuerit, non tenetur post sententiam illam reintegrare, sed si minor restituatur, hoc poterit fieri culpa tutoris, vel curatoris.

In delictis hoc ætati datur ratione poenæ dupli, aut quadrupli, qua minor tenebatur ex augmento, quod datur ex legis dispositione, l. j. & seq. ff. de furt. & ideo auferri illud lucrum potest, per istum text. sed in contractibus ex cōventionibus partium quaeritur ius ipsis partibus, lex hoc iure. ff. de iust. & iur. nam quod nostrum est, sine facto nostro à nobis auelli non potest, l. quod nostrum. ff. de regul. iuris. unde noua res esset, ut quis compelleretur transigere pro modico, nunc post sententiam pro se latam, licet olim obtulerit, fauore fortè patris pupilli, vel tutoris, aut litium fugiendarum, & etiam pupillus nunc fortè, est inimicus capitalis, & tamen cogit eum ius remittere. Certè non esse iustum puto, sed imputabitur tutori, vel curatori, parti autem nequaquam.

*Transactio debet esse spontanea.*

Si mulier. ] Hoc iure Digestorum licebat viro diuertere ab vxore, & vxori à viro, l. ij. & per totum ff. de diuort. ideo si mulier culpa diuerterit à viro, vel contrà, & postea restitutionem petat, non est ei succurrendum, quia non est modicum delictum, diuertere: nam si minor adulterium commisit, ei non subuenitur, sic nec in diuortio.

*Mulier contra diuortium non restituitur.*

Colligitur ex hoc text. de iure Digestorum licitum esse diuortium, quod per hæc verba fieri solebat, *Res tuas tibi habeto, vel agito.* In sponsalibus verò his verbis utebatur, *Conditione tua non utar.* Caius in l. ij. ff. de diuort. & nullum diuortium ratum est, nisi septem ciuibus Romanis puberibus testibus adhibitis, l. nullum. ibidem. & eum qui sine causa vxorem repudiavit, Diuus Adrianus in triennium relegauit. l. Diuus. ibidem. De iure Codicis etiam sine causa non poterat vxorem maritus, nec è contra repudiare. l. consensu. C. de repud.

Hodie de iure diuino & Canonico non licet vxorem repudiare extra causam fornicationis & adulterij, & tunc soluitur matrimonium quoad thorum, ut maritus eam adulteram in thoro suo, vel domo sua habere non teneatur, nec eam alere, sed non poterit maritus aliam habere durante vita illius vxoris, quia matrimonij vinculum durat, & hæc separatio iudicio Ecclesiæ fit, c. 3. de diuort. & mulier perdit ob adulterium dotem, & conquestus, quos gratia matrimonij habere posset. cap. plerumque. de donat. inter vir. & vxor. d. l. consensum. Petr. Gerard. singul. 48.

*Maritus aliam vxorem non potest ducere, separato matrimonio.*

4

Reintegrabitur tamen matrimoniū, si postea vir fornicetur, c. ex literis. de diuort. ideo sapientes viri in pectore cornua portant, nihil dicentes, fatui verò in fronte, quia omnibus notum crimen vxoris faciunt, ut dicit Felin. in c. 2. de calumniatorib.

*Matrimonium quando reintegrandum.*

### §. Papinianus, &c.

Hic ponitur vnus casus, in quo non restituitur minor, si vendiderit se ad pretium participandum, quia hæc res non capit restitutionem, cum minor statum mutet, quia de libero efficitur seruus.

Et sic ex hoc text. colligitur, restitutionem cessare in casibus, in quibus non potest interuenire restitutio, ut in libertate, de qua in §. penult. de iure persona. in Institut. Hodie inter Christianos non fit ista venditio, & si fieret possent consanguinei istum liberum vendicare, quia liber esset, non seruus, & illorum interesset habere liberum consanguineum. l. j. ff. de rei vendic.

*Restitutio in quibus cesset.*

Glossa ista reputatur singularis à Baldo in margarita. in verbo, monasterium. in hoc, quod monachus liberatur à patria potestate, quia efficitur subiectus monasterio, & sic non potest in vtriusque potestate esse, ut docet idem Bald. in margar. in verbo, monachus. secunda quaestione. & Barbat. in tractat. de præstant. Cardinal. in prima quaestione. primæ partis. columna decima octaua. numero sexagesimo nono. Ego dicerem vtramque potestatem remanere, sed exercitium paternæ potestatis cessare quoad ea, quæ iuris sunt Dei, & monasterij. Doctor. in c. Iudæorum. de ætate & qualitat.

Et sic si minor ingressus fuerit religionem, pater poterit eum reuocare intra annum à die xiiij. computandum, vel xij. Si autem filius maior fuerit, pater non

*Minor intra monasterium, an à patre reuocari possit.*



non poterit eū extrahere de religione, quia amplius non est in sua potestate, vt hīc: nam quæ spiritu Dei aguntur, non sunt sub lege, teste Diuo Paul. c. licet. de reg. text. in c. primo. & sequen. 20. qu. 2. Bald. hoc asserit hīc, & in l. ij. C. de liber. exhibend.

§. Si in commissum incidisse vectigalis dicatur: erit in integrum restitutio. Quod sic erit accipiendum, &c.

*Restitutio aduersus fisci.*  
**S**I minor omisit professionem & declarationem fieri, ob id res ceciderit in commissum, poterit minor restitui, & hoc si ex imperitia acciderit, secus si dolo, quia volebat fraudem adhibere fisco, & nihil soluere de rebus suis, hoc casu nō dabitur restitutio, ne materia delinquendi minoribus præbeatur, contra liurifgētium. §. si paciscar. ff. de pact. & istum tex. singularem ad hoc dicit Francisc. Cremen. singul. 29. quid si minor, quod dolo in minore maximè non præsumitur, ideò qui dolum contra illum allegat, oportet quod probet. l. quotiēs. §. qui dolo. ff. de probat. nisi tempore prohibito inuētus fuerit, vtpote notū, quia eo casu animus fraudandi præsumeretur, arg. l. furem. ff. de sicar. & si illicita deferebat. l. cotem. §. dominus. ff. de public. vt arma inimicis. l. prima. C. quæ res exportari non debeant.

*Pœna commissi pupillo remissa.*  
 Item Imperatores Antoninus & Seuerus rescripserunt, pupillo remittere se pœnam commissi, si intra diem tricesimum vectigal intulisset. Papinia. in l. Imperatores. in fi. ff. de vectigal.

Ex hoc text. concludendum est minorem posse restitui, si omissa professione res suæ in commissum ceciderint, & res publicatæ & addictæ fisco fuerint.

*Mora solutione purgata.*  
 Limita, nisi dolum adhibuerit, vt dixi, vel si intra 30. dies minor vectigal obtulerit, tunc excusatur à commissio, nec est opus restitutione, per d. l. Imperatores. de publica: quia ex ignorantia præsumitur quod res suas non fuerit professus, ideò si intra 30. dies soluerit vectigal, moram purgare dicitur, quod ei permittitur in d. l. Imperatores. §. si. & scribunt Doctor. in l. & si post tres. ff. si quis cautionibus.

§. Aduersus libertatem quoque minori à Prætoze subueniri impossibile est.

*Minori quomodo succurratur contra seruū manumissū.*  
**S**I minor dederit libertatem seruo, & sit deceptus, Sei nō subuenietur à Prætoze, vt restituatur, libertatis fauore, tamen ex magna causa ei subueniri poterit à Principe, etiam dari potest actio de dolo contra seruum manumissum, qui dolo induxerit minorem ad eum manumittendum, vel actio utilis in factum, si dolo cesset, ad id quod minoris interest illū non manumississe, & hoc dicit l. verum. infra eod. quæ actio oritur ex facto manumissionis, etiam competunt actiones cōtra manumissum istum, si res domini occultabat, & supprimebat, & sic contrectabat, videlicet actio ad exhibendum, furti, & conditio furtiua.

In versiculo cæterum, dicitur seruum non posse conueniri ex delicto commissio in seruitute, gl. duos excipit casus, Doctor. alios in leum actum. ff. de nego. gest. ibi videte eos.

Ex hoc §. aduersus, ibi, impossibile, iuncta l. seq. no. Principem posse facere id, quod est impossibile, sed videtur ob stare l. impossibilis. & l. inter §. sacram.

ff. de verb. oblig. Respondeo, Principem nō posse facere id, quod natura impossibile est, vt cælum ascendere, minotaurum, vel rem sacram dare, id autem quod est impossibile de iure ciuili inferiori, Princeps facere potest. l. si stipuler. ff. de verb. oblig. gloss. not. in l. nemo potest. de regul. iur. libr. 6. Vnde Princeps ex causa concedet minori restitutionem, vt libertas data pro non data habeatur. l. ij. C. de libertis & eor. liber. & hoc Paul. docet in l. seq. nisi ex magna causa hoc à Principe concedatur. Ex hoc text. constat Principem non debere aliqua concedere contra ius, nisi ex magna causa, videlicet vt id quod cōcedit sit bonum & æquum, quia non est positus ad destructionem, vt Diuus Paulus testatur, sed ad ædificationem, & si ea destrueret, quæ antecessores statuerunt, non constructor, sed euerfor iustè approbaretur. in c. si ea. 25. q. 2. & licet sit legibus solutus, & dominus legum, nō tamen est dominus morum. l. Princeps. vbi dixi. suprā, de legib.

Etiam ex hoc tex. colligi potest, restitutionem à Principe in magnis rebus concedendam, quamuis olim magistratus restitueret, & adhuc in Ecclesiasticis Curiis seruatur, vt in titul. de in integr. restit. in Decre. tamen in casibus, in quibus restitutio est à iure prohibita, magistratus eam concedere nō poterit, nisi Princeps hoc iudulgeat, vt in libertate dicit iste text. & ideò in his restitutionibus semper nos recurramus ad Principem, & ipse concedit restitutionis literas, & hoc iure vtimur, quod his iuribus probatur. scripsi in tract. de restitut. in 2. tomo Commenta. ad Constit. Regi. & dicit Paul. Iuriscon. imperiali beneficio opus est. l. ij. ff. de rebus eor.

*Magistratus in quibus restitutionem cōcedat.*  
 Dubitatio est, an Cancellariæ Franciæ possint hanc restitutionem concedere: non posse concludit Chassa. in consue. Burg. in rub. des retraiets. §. primo. tum quia Cancellarius non potest vt hac clausula, non obstante, & quia custodes sigillorum non habēt illam potestatem, ego dicerem contrarium, quia custodes sigillorum habēt Principis sigillum commissum, ergo omnia, sine quibus sigillo vti non possent, l. ij. ff. de iuris. om. iud. & istam derogationem non faciunt nomine proprio, sed regio: ideò non debet fieri differentia, siue Rex concedat, siue eius Cancellaria. Imò dicit Bald. in c. scripta. in fin. de fide instrū. quod ex quo custodia sigilli data est alicui, videtur Princeps ei dedisse talem potestatem, quam habet Cancellarius, alioqui non oporteret præficere Cancellariam in singulis Parlamentis, si nō posset vt clausula non obstante: fateor tamen quod prohibita in ordinationibus regiis, permittere Cancellariæ non poterunt, nec vt generaliter in aliis Parlamentis istæ literæ concessæ ab vna Cancellaria possint exequi, vt alibi scripsi, nec ea quæ Principi reseruata sunt, tanquam capiti, concedere, vt regalia, in titul. quæ sint regalia. in feud. & no. interpretes in l. imperium. ff. de iuris. om. iudic.

§. Quid si minor, &c.

*Sigillorum Regis custodes.*  
**I**ste §. limitat §. aduersus. suprā eodem, vbi aduersus libertatem subueniri est impossibile, quod est verum postquam data fuerit libertas, sed antea subueniri potest, etiam citra restitutionem à Principe impetratā, vnde si maior viginti annis seruum vendiderit, vt manumittatur intra certum tempus, si



læsus in hac venditione petierit restitui, antequam libertas competat, restitui poterit, postea verò non, etiam Scauola dicebat constitutionem diui Marci ad Aufidium non completi minorem xx. annis, sed maiorem, quæ constitutio ponitur in l. ij. C. si mancip. ita fuerit aliena. ibi, *Si ea lege præses seruum suum, sed naturalem filium suum venundedit, ut emptor manumitteret eum, & quamuis non sit manumissus ex constitutione Diuorum Marci & Commodi ad Aufidium Victorinum, liber est.*

Itaque ex illa constitutione siis, qui recepit seruū non manumiserit illum intra tempus præstitutum, statim elapso tempore seruus libertatem accipiet, quod est verum, si maior xx. annis voluerit sic libertatem dare, quia ipse manumittere potest, & sic alteri dare ad manumittendum. §. eadem. quibus ex causis manumitt. licet, itaque lex illum facit liberum. sed si minor xx. annis vendat seruum, ut intra mensem manumittatur, si non fuerit manumissus, constitutio illa non faciet illum liberum, quia ille minor nō potest eum manumittere, nec alteri dare manumittendi potestatem, nā qui non potest per se, nec per aliū. per regul. iur. & ideo dicit hīc Sceuola, constitutionem illam non completi minorem xx. annis.

Idem dicitur in §. item quæri potest. Si quis vendiderit seruum minori, ut manumitteret eū, & emptor ipse fuerit læsus, poterit ipse quidē restitui, antequam libertas seruo cōpetat, sed postquam dies manumissionis venit, non, quia voluntas maioris venditoris libertatem imponit ex potestate constitutionis, & quia hæc materia parum vsu venit in Curiis Franciæ, ideo ad aliam pertransco,

### §. Ex facto quæsitum est, &c.

Species facti.

**F**acilis est tex. & dubitatur eo quod Saluianus factus Procurator vr̄bis, beneficio Principis se excusauerat coram Prætore, à cura adolescentum administranda, quam habebat, & adolescentibus absentibus fuerat excusatus, postea adolescentes in integrum restitutionem petebant, eò quod dictus Saluianus fuisset excusatus contra constitutiones, quæ neminem excusant à deponēda tutela, nisi sint absentes trans mare, vel nisi circa Principem sint occupati, sicut fuit indultum in persona Menandri Principis Consiliarij, & tamen Saluianus meruit excusationē, & eam obtinuit coram Prætore, ideo in integrum restitui coram eo minores petebant, verum quia super hoc facto Arrius Seuerus Prætor dubitabat, retulit ad Principem Seuerū: at quia hic Arrius Prætor mortuus est interim, ob id Imperator successori Ventidio Quieto rescripsit, minores non esse in integrum restituendos, quia non erat contractum cum iis minoribus, ideo nō poterant restitui: nam cum illis nihil erat factum, sed quia hic Saluianus perperā fuerat excusatus, beneficio Principis concessio minoribus reductus est d. Saluianus ad administrationem curæ adolescentum.

Consilium ex facto petendum.

Colligitur ex hoc tex. ibi, ex facto quæsitum, quæstionem ex facto eliciendam, ad hoc vt consiliū super ea petatur. l. ex facto. supra. de nego. gestis. l. ex facto. de vulga. l. ex facto. ad Trebell. ex facto enim ius oritur. l. si ex plagis. §. in cliuo. ff. ad leg. Aquil.

Istum tex. etiam allegat Alber. ad hoc, quod si iudex de facto aliquid in lite fecerit, illud debet de fa-

cto reuocare, & sine causæ cognitione. allegat l. fin. in fi. supra quod met. cau. & l. Imperatores. ff. de priuileg. credi. & quod factum est die feriata, reuocari etiā die feriata potest. glo. in l. minor. ff. de euieti.

Contrarium tamen in Curiis Franciæ seruatur, vt iudiciaria authoritas requiratur, & iuris ordo, aliàs iudex puniri solet à superiore, & si malè factum sit die dominico in iudiciis, non debet quis iterum in iudiciis reuocare, & sic perperam agere, sed in extrajudicialibus hoc verum esse potest.

Ex hoc §. colligitur, beneficio Principis, quod officia Principis concedi debent ex gratia Principis, & sic non vendi, alioqui nō daretur beneficio Principis, sed pecuniæ beneficio, quod hodie fit, vnde Senatus à senibus dici vix hodie potest, sed potius iuuentus, vel ἀρχεὶον νεανιωῶν, quia consilium Theodori sanctissimum nō sequatur, quod est in authen. vt iudices sine quoquo suffragio fiant. colla. 2.

Contra constitutiones. Colligitur excusationem & sententiam contra constitutiones, & contra ius, ac ordinationes, nō valere, quod esse verum docent interpretes, quando sententia lata est contra ius expressum in ea, vt quod minor quatuordecim testari possit, & tūc est ipso iure nulla, nec opus est appellatione, diuersum est, si fuerit sententia lata contra ius litigatoris. l. prima. §. contra constitutiones. ff. quæ senten. sine appella. rescin. l. as. plenè in l. penul. & fi. ff. de iusti. & iure. Sed in Francia in vtroque casu requiritur appellatio, alioqui non prouidebitur parti victæ.

Cum susceptam tutelam. Regula est, quod potest quis ante susceptam tutelam in multis casibus excusari, vt per totum titulum de excusa. tuto. sed post tutelam susceptam nō potest quis deponere, nisi in certis casibus hīc enumeratis. Primus, videlicet quando quis est absens trans mare, idem si longa absentia fuerit, & non sit citò venturus, vt in l. si lōgius. ff. de iudic.

Absens quis tutelā deponere possit.

Secundus casus, quando quis est occupatus circa Principem, vt sunt consiliarij, ex quo text. patet consiliarium statim posse deponere tutelam, vel curam, quando ad officium assumptus est. gloss. addit idem in senatoria dignitate. per l. spadones. §. scire. & §. sequen. ff. de excusa. tuto. & idem dicendū est, si sit occupatus circa negotia Principis: nam videmus canonicum occupatum circa Episcopū, posse relinquere ecclesiam, in qua est præfectus. c. ad audientiam. de cleri. non residen. sic & qui erit in negotiis Principis occupatus.

Idem dicerem, si necessariò esset occupatus circa negotia publica patriæ, quia ista æquiparantur. in l. prima. ff. ad legem Iul. maiest.

Addit & Accurs. alium casum, quando quis iussu Principis transtulit domicilium, & corruptè allegat. facit l. idem Vlpia. §. sunt & alij. ff. de excusa. tutor. vbi requiritur, vt domicilium trāsferat, ex rescripto & concessione Imperatoris, seu Principis sciētis eum tutorem esse, & expressè concedentis ei transmigrare, & horum alterutrum significātis literis, id est, exprimentis vnum & alterum in iis, alioqui non valebit translatio domicilij, nisi illa sint expressa.

Translatio domicilij quando à tutela excuset.

Alius casus est, in quo post susceptam tutelā quis deponere eam potest, vt pote si tutor factus sit cæcus, mutus, surdus, furiosus, aut valetudinarius perpetuus: nam si ad tempus, non. Vnde vidi quendam morbo



morbo Neapolitano affectum. tutela excusatum, & tutelam deposuisse, ne forte pupillos inficeret, & quia morbus ille est perpetuus & contagiosus instar leprae, à qua parum differt, istam gloss. singul. dicit Angel. in §. si. quibus modis tutel. fini. in Insti. alios casus doceant interpretes in eod. titul.

Quia dubitabat ad Imperatorem Seuerum retulit. ] Per istum tex. patet iudicem in casu valde arduo dubitantem referre debere ad Principem, ut hinc, & hoc rarissime fieri debet, nisi in nouis causis, in quibus decisione plena opus est, ut in hoc casu, & Doctor. scribunt in titul. de relationibus. C. alibi dicam.

Nullas partes esse Prætoris. ] Colligitur quedam esse, quæ non spectant ad Prætores, nec ad inferiores magistratus, sed ad Principem tantum, & ideo nos impetramus beneficium Principis, qui per literas hoc nobis concedere solet in Fræcia, & quamuis gloss. & Doctor. videantur velle Prætores (qui istum perperam excusauit) posse minorem restituere, in Francia tamen sine literis à Principe impetratis hoc non fieret.

Neque enim contractum proponi cum minore. ] Colligunt quidam minorem non posse restitui, nisi sit cum eo contractum, & contra illum, cum quo est contractum, sed gloss. in hoc text. dicit contractum esse, quia inter tutorem, & pupillum quasi contrahitur. in §. tutores. de obliga. quæ ex quasi contra. & in sententia lata in excusatione quasi contrahitur. l. licet. §. idem scribit. ff. de peculio. Vos dicite Vlpia. hinc verum dicere, videlicet dum iste Saluianus fuit excusatus absentibus adultis, nullus fuit contractus cum eis, neque negotium, ut Imperator etiam attestatur in d. §. tutores. sed distinguendi sunt casus: nam quando quis suscepit tutelam, aut curam, quasi contrahere videtur cum pupillis, vel adoleſcētibz, & ita loquitur d. §. tutores. sed de hoc casu non loquitur tex. iste. verum de eo quod Saluianus excusauerat se à tutela: non enim agitur hinc actione tutelæ, sed quia malè excusatus fuerat, & sic non erat contractum cum adoleſcētibz absentibus: item licet per sententiam, seu litis contestationem videatur quasi contractum, intelligi debet inter illos, qui in lite sunt, sed inter absentes non, & hinc adoleſcentes erant absentes, ideo nihil censetur contractum cum minoribus absentibus, quicquid Accurs. canat hinc, volēs Vlpia. reprehendere, & per istum tex. dici minorem, vel alium qui non fuit in processu, non debere impetrare literas civiles contra areſtum, quia postquam nihil gestum est cum illo, areſtum non tangit illum, sed poterit in executione illius areſti se opponere, ut scripsi in primo tomo Commentariorum ad Consti. Regi. tractatu, de literis civilibus.

### §. Sciendum est autem, &c.

Declarat Iuriscon. hinc illa Prætoris verba, quæ res erit animaduertam, posita in edicto, in l. prima suprà. id est, considerabo, videbo, aduertam, intelligam, quæ res erit, an in illa re minor sit restituendus necne, & Iuriscon. docet ista verba duo significare, videlicet primò, minores non passim restituendos, secundò, etiam non restituendos sine causæ cognitione, de quo in l. in causâ. infra.

Primò ergo non subuenitur minoribus indistin-

ctè, & in omnibus casibus: nam si sobriè & rectè administrat negotia sua, non restituetur: non videtur enim circūscriptus esse minor, qui iure sit vsus communi. l. si. C. de in integr. restitut.

Etiam occasione damni non datur restitutio, si facto ei acciderit, non inconsultè, quod etiam maiori accidisset. unde dicit Marcellus, non restituendum minorem, si emerit necessarium ei seruum, & statim decesserit, quia non est captus emendo sibi rem necessariam, licet mortalem, nec enim euentus damni restitutionem indulget, sed inconsulta facilitas, ut hinc scribit Pompo. & quod casu eidem contingit. l. de fideicommissio. C. de transact. l. as. confi. 1. In prædicta. col. 1. in 4. vol.

Idem Marcellus ait non esse restituendum minorem, si locupletem adierit hereditatem, quæ deinde lapsa est, puta domus exusta fuerit, prædia chasmate perierunt, serui fugerunt, aut decesserunt, neque enim ætatis lubrico deceptus est adeundo hereditatem locupletem, & quod facto contingit, posset contingere cuius patrifamilias quamuis diligentissimo, sed Iulia. ait in integrum restitui posse. Vlpia. hinc conciliat sententias vtriusque dicens posse quidem restitui, si in hereditate multæ erant res mortales, vel multa prædia urbana, id est, domus, quæ facile incendio consumi possunt, secus ergo si vna tantum domus, vel vnus seruus: nam eo perempto, non esset hereditas facta non soluendo, vel si grande æs alienum apparet, quod non prospexit, minor, vel si non citò vendidit mancipia, & alia bona mortalia, quæ perierant, certè his casibus restitui minorem posse, sed si damnum solo fato euenerit, non posse dicendum est, & ita conciliantur diuersæ Iurisconſul. sententiæ, & antinomix varix.

Non possum. ] Colligitur non esse indistinctè minores restituendos, sed hoc cum causæ cognitione, de qua dicitur in l. in causâ. prima. infra, eod.

Secundò, qui sobriè rem suam administrant, non restituendū minorē, si sobriè rem suam administrauerit, id est, prudenter, rectè, & temperanter, id est, non prodigaliter, sed frugaliter, facit tex. in l. is qui. in prin. ibi, *Filium si sobriè viuat patri curatorē dandum, magis quàm extraneum.* ff. de tutor. & curat. datis ab his.

Occasione damni non inconsultè accidentis, sed fato velit restitui. ] Colligitur minorem non esse restituendum, si damnum fato patiatur, unde si diuisio bonorum fiat cum minore per sortem, non poterit restitui, si per sortem obuenerit ei minor pars, æquata tamen per diuisores, per istum tex. in qua fortuna, & non facilitas decepit eum, & vsus est iure communi, & sicut à sententia sortis, seu fortunæ non appellatur, quia non habet in mundo superiorem, teste Bal. in l. fin. in prin. C. communia delega. ita non datur minori restitutio contra sortem damnum dantem, hoc scribit Philip. Franc. in rub. de appella. in Decreta. col. 3. nu. 6. cum sequi. qui adduxit l. primam. C. de his qui se deferunt. & l. ij. C. quando & quibus quarta pars debet. lib. 10. allegat etiam Bald. in l. ait Prætor. §. planè. ff. de minor. sed non inueni in lib. meo Bal. hoc scribentem.

Posset tamen minor restitui, si damnum euidenter pareretur ex æquatione partiū, eò quod vna sit multo maior altera, in eo autem præsumitur aliqua fraus inter æquatores, ob id vidi restitui quando notabile patitur

*Restitutio non datur propter dā nū fato eueniens.*

*Minor contra sortem non restituatur.*

*Restitutio propter dā nū, ex æquatione partiū, præueniens.*

*Restitutio non fit in Francia, sine literis Regiis.*

*Per litis contestationē quasi contrahitur.*



paritur damnum in ista diuisione, quia non bona fide censentur æquaræ partes, vt fieri debebat, & sic in literis restitutionis debet fieri mentio illius inæqualitatis.

**Incōsultra facilitas.]** Ex tex. constat minorem non esse restituendum, nisi damnum patiatur inconsultè, & sua facilitate, vel dolo & culpa aduersarij, & sic per istum tex. dicunt quidam, quod si cōsilio peritorum vsus lædatur, nō debet restitui, dicerem vix posse ledi minorem, si consilio peritorum vsus fuerit, si tamen etiam læsus fuerit, adhuc restituetur, quia periti errare potuerunt, vel quia ex tempore consuluerunt, lapsi sunt, vel speciem facti non planè retulit minor. facit quod cōsultuit Ioan. Auia. consil. 48. Circa præsentem.

**Seruum sibi necessarium comparauerit, mox decesserit.]** Nota debitore nō teneri euictionis nomine, si res vedita fuerit post traditionem perempta, & mox hīc potest intelligi post traditionē, quia ante traditionem res emptā, est in periculo veditoris. l. prima. & per totum. ff. de pericu. & commo. rer. vendi. & C. illo titul. quia res perit domini periculo. l. pignus. C. de pignora. acti. & venditor antequam tradat, est dominus, nempe traditionibus & vscapionibus dominia rerum nobis acquiruntur. l. traditionibus. C. de pact. Rationē assignat hīc Iuriconsul. quia non est captus minor emendo sibi rem pernecessariam, licet mortalem.

#### S V M M A R I A.

- 1 *Incendium inter casus fato contingentes annumeratur.*
- 2 *Fuga seruorum æquiparatur morti.*
- 3 *In legis Falcidia ratione quæ comparentur.*

§. Si locupleti hæres extitit, & subito hæreditas lapsa sit, putā prædia fuerunt quæ chasmate perierūt, insulæ exustæ sunt, serui fugerunt, aut decesserunt: Iulianus quidem libro quadragesimo sexto sic loquitur, quasi possit minor in integrum restitui. Marcellus autē apud Iulianum notat, cessare in integrum restitutionem: neque enim ætatis lubrico captus est adeūdo locupletem hæreditatē: & quod fato contingit, cuius patrifamilias quamuis diligentissimo possit contingere. Sed hæc res adferre potest restitutionē minori, si adiit hæreditatem in qua res erant multæ mortales, vel prædia vrbana, æs autem, &c.

**S**ubito.] Quod superius dixit, mox, hīc, subito, dicit, lapsa sit hæreditas, & ideò hoc dicit, quia si longo tempore possedisset, posset repellere creditores per præscriptionem, etiam interim habuisset lucrum ex hæreditate, ob id dicit, subito, hoc est antequam vsus fuisset longo tempore hæreditate, & istæ dictiones, subito, mox, incontinenti, respiciunt arbitrium boni viri, & secundum materiam, vt Bart. & alij scribunt in l. prima. §. primo. ff. de verborum obligation.

Prædia chasmate perierūt. Vi fortè fluminis,

quia erant iuxta mare, vel flumina, ideò per alluionem ad aliud prædium delata sunt. l. adeò. §. præterea. ff. de acquir. rer. dom. & §. præterea. de rerum diuisione. in Institut.

Velerant in montibus, & delapsa sunt vi aquarum, adeò quod non remansit nisi lapis in illis montibus, vt docet gloss. & Bart. in l. ij. ff. solu. matri. vbi ille dicitur non soluendo, quando res erant in loco periculoso, vt in montibus, vel iuxta flumen rapidum, facit tex. in l. prima. §. sunt autē qui putant. ff. ne quid in flumi. publico, ibi, *Pone enim grande damnum flumē ei dare solitum, prædia eius depopulari.* Vnde docet Bald. hīc minorem restitui posse, qui emit molendinum in flumine, in quo molendina non longo tempore durant, sed sæpius destruntur: nam ex hoc lædi dicitur, cum citò perire possit, & antequā pereat, bonum est quod restituatur: nam si postea fato damnum contingeret, ideò non subueniretur illi.

**Insulæ exustæ sunt.]** Ex hoc tex. patet incēdiū inter casus fortuitos numerari, licet plerunque culpa inhabitantium eueniat. l. iij. ff. de offic. præfe. vigil. ibi dixi.

Et sic insula hīc capitur pro domo, nā prædium comburi non potest, & dixi multa allegādo in l. impensæ. ff. de verb. signifi.

**Serui fugerunt aut decesserunt.]** Fuga seruorum & mors hīc æquiparantur, & in ratione legis Falcidiæ mortes seruorum, cæterorumque animalium, furta, rapinæ, incēdia, ruinæ, naufragia, vis hostium, prædonum, latronum, debitorum facta peiora nomina, &c. Martia. in l. in ratione. ff. ad leg. Falcidiā. Neque enim ætatis lubrico captus est. Quod superius dixerat, inconsultè, nunc, lubrico ætatis, dicit: nam sicut locus lubricus dicitur, in quo quis consistere nequit, vt supra gelu, sic & figuratè adolescentia dicitur lubrica, non firma, sed quæ facillè labitur. Cicero in Verrem ait. Aetas puerilis maximè lubrica, atque incerta. & pro Cælio, Viæ adolescentiæ lubricæ, quibus illa insistere, aut ingredi, sine casu aliquo, aut prolapsione vix potest. & Salom. ait Prouerb. 30. Tria esse sibi incognita, & quartum penitus ignorare, videlicet viam iuuenis in adolescentia sua. & dicit tex. in c. omnis ætas. 12. q. prima. nihil incertius esse vita adolescentium, de qua etiam loquitur Philosophus lib. primo. Ethic. c. 3.

Et quod fato contingit, cuius patrifamilias quamuis diligentissimo posset contingere.] Ex hoc tex. colligitur minori non esse succurrendū, si damnum quod perpeffus est, cuius cōtigisset, quia vsus est iure cōmuni. l. inter eos. §. pen. ff. de fideius. l. fin. C. de in integr. restitut. quod est intelligendum, quando minor præuidit illa omnia, quæ alius diligentissimus prospexisset.

In hoc tex. æs autem alienum graue, quod non prospexit posse euenire: & licet minor vsus sit iure communi, damnum alteri etiam contigisset, tamen restitui debet, si non præuidit ea, quæ euenire poterant, quæ diligentissimus paterfamilias præuidisset, & ita conciliari iura debent per istū text.

Vnde cū do. de Corbie & de laigni minor esset in studio, ibi accepit mulam, & pro estimatione promissit centum aureos, quando erit Præses primus Parisiis, coniugatus, aut presbyter, fuit postea conuentus, & in senatu condemnatus ad iustam mulæ valorem, prout tempore promissionis esse poterat, anno 1526. die 2. Aprilis, ante Pascha.

Minor cōsilio sapiē-  
tium vsus,  
& læsus.

Minor cō-  
tra emptio-  
nem molē-  
dini resti-  
tutus.

Minor etiam  
iure cōmuni  
vsus, res-  
tituitur.



## S V M M A R I A.

- 1 & 2 *Privilegiatus quando contra privilegiatum privilegio uti possit.*
- 3 *Monasterium præfertur substituto priuato.*
- 4 *Ætatis beneficium est potentius, quam Senatusconsultum Macedonianum.*
- 5 *Item quam Senatusconsultum Velleiani.*

## §. Item quæritur, &amp;c.

Minor quã  
do aduer-  
sus minorẽ  
restituatur.

**H**ic §. cum l. sequen. tres decidit casus. Primus est, an minor aduersus minorem restitui possit: Et Pompo. simpliciter, id est, sine aliqua distinctione dicebat non esse restituendum, Vlpian. tamen ait esse à Præatore inspiciendum, quis captus sit: nam si ambo decepti sunt, utpote, minor minori pecuniã dedit mutuam, is, qui accepit, eam dilapidauit, vel perdidit, certè nõ restituatur is, qui dedit, sed melior erit conditio eius qui perdidit.

Et sic ex hoc tex. colligitur, quòd si ex contractu facto inter duos minores, alter tantum læsus sit, is ipse restituatur, utpote minor vendidit minori domum pretio centum aureorum, domus tamen multò pluris est valoris eo casu minor venditor læsus restituatur, & idem è contrario, & hoc innuit iste text. tacitè, licet expressè non decidat, hoc tamen docet Accurs. hic, dicens restitutionem, in hoc prodesse, ut contractus pro nihilo habeatur, & pactiones in eo cõtentæ non seruentur, sed irritentur, & demum res vendicari poterit, quod non conceditur de iure communi.

Item, si ambo decepti sunt, tunc iuuandus est is, qui de damno certat, & sic videndum est quando privilegiatus utatur privilegio contra privilegiatum.

Regula ergo ex hoc text. erit, quòd privilegiatus non utetur privilegio contra privilegiatum, unde nõ restituatur minor contra minorem, ut hic, & in l. Aemilius. infra, eodem. Bart. plenè in authen. quas actiones. C. de sacrosan. eccles.

**I** Limitatur, quando vnus esset potentiore privilegio munitus. l. sed & milites, ibi, *coequalitas enim honoris militie fortior.* ff. de excusa. tuto. ut de minore si concurrat cum filiofamilias, ut hic, & in l. si minor vigintiquinque annis filiofamilias minori pecuniam crediderit, melior est causa consumetis, nisi locupletior ex hoc inueniatur litis cõtестatæ tempore is, qui acceperit, infra, eodem. unde privilegium fori maius trahit ad se minus, & sic scholastici trahunt alios privilegiarios ad suum forum, authc. habita. C. ne filius pro patre, nisi specialiter causa esset commissæ à Rege, ut solet committi cõsiliariis supplicationum Parisiis, quia hi sunt præcipui, ut docet Lucas de Penna in l. penul. C. de silentia. lib. 12. & Matthæ. de Affli. in decisio. Neapol. 56. Fuit.

Scholastici-  
corum pri-  
uilegium.

Certans de  
damno vi-  
tando.

**2** Sed si privilegia sunt æqualia & paria, tunc is, qui certat de damno vitando, præfertur, ut hic, dum dicit, meliorem esse causam eius, qui dilapidauit, & perdidit, sic & iuris ignorantia non prodest acquirere volentibus, suum verò petentibus non nocet, Papin. in l. iuris ignorantia. cum l. sequen. ff. de iuris & facti ignoran. tex. in §. rursus. de actio in Insti. Roma. cons. 179. Amplissimè. nu. 16. & sequen. Hyppoli. singul. 99. Privilegiatus.

Etiam erit melior conditio possidentis, per l. in pari causa. ff. de regul. iur. & d. l. si minor. infra, eodem.

gloss. & Doctor. in l. privilegia. ff. de priuile. credi. plenè Henricus Boic. in c. dilectus. 3. de præbend.

Item, si vnus sit in vna causa & specie privilegiatus, præfertur ei, qui est in genere, in illa tamen causa, in qua non est privilegiatus. l. ult. ff. ex quibus cau. maior. & ibi, certat is, qui vult restitui, de damno vitando, ibi, *si aliquid damni.* Et ecclesia restituatur contra ecclesiam. c. auditis. de in integr. resti. quia solum persona læsa reperitur privilegiata, ut hic, unde si Ecclesia sit substituta alicui si sine liberis decedat, si ipse ingrediatur monasterium, substituta Ecclesia præfertur monasterio, quia ad hoc tendit testatoris voluntas, & expressa dispositio, & quia substituta Ecclesia est pia, sicut monasterium, licet alij substituto priuato monasteriũ præferretur, per text. in §. sed & hoc præfenti. in authen. de sanctis. episcopis. colla. 9. & in c. in præsentia. de proba. Sed in hoc casu monasterium habebit legitimam & Trebellianicam, filio ingreffo monasterium debitam, aut saltem Trebellianicam si erat extraneus, & sic non debet conqueri vtrique Ecclesia, quia per prædicta vbique prouidetur, & hoc æquum est, quicquid dicant Doctor in contrarium.

Restitutio  
Ecclesia.

3

Præterea, si locus pius fuerit institutus hæres, & legatum alteri loco pio factum fuerit, etiam hæres non detrahet Falcidiam de legato facto alteri loco pio, quia ad hoc speciatim est locus pius privilegiatus, & non hæres institutus. authen. similiter. C. ad leg. Fal. Barba. consil. 15. decis. 3. vol. primo. & sic debet semper considerari si quis in ea causa sit privilegiatus: nam quidam in foro sunt privilegiati, alij in debito, quòd si agatur de privilegio fori, respiciemus privilegiatum in foro, si de debito agatur, debitorem in debito privilegiatum respiciemus, & ista sunt in hoc maximè inspicienda.

Falcidia  
de legato  
loco pio  
facto non  
detrahi-  
tur.

Secundus casus est, si minor contraxerit cum filiofamilias maiore, utpote, ei mutuando. an filiusfamilias iuuari Senatusconsultum Macedonianum exceptione aduersus minorem possit, quod videbatur, quia est introductum in odium creditorum, qui filiusfamilias mutant, ut in toto titulo ad Senatusconsultum Macedonianum. tex. tamen contrarium statuit, quia magis ætatis ratio, quam Senatusconsultum haberi debet, & sic potentius est beneficium ætatis, quam filijfamilias, per istum tex. & potentius privilegium attendi debet, ut proximè dixi per d. l. si minor vigintiquinque annis. infra, eodem.

4

Tertius casus est, si minor contraxerit cum aliquo maiore, qui remanserit minori obligatus in centum, pro qua summa apud minorem mulier intercessit, an Velleiano ipsa iuuari possit? Respõdeo posse, quia iure communi minor agere poterit in debitore priorem, & si soluendo sit, cogetur soluere, si verò soluendo nõ fuerit, actio in mulierem dabitur, quia, ut prædictum fuit, magis habetur ratio ætatis, quam Senatusconsultum, & quia minor agit de damno vitando, ut Bart. docet in l. maritum. ff. solut. matri. & intelligo mulierem teneri, etiam si debitor non esset soluendo tempore quo mulier promisit, quia læsus est minor, cum hoc non sciuit, & quia imputeretur mulieri, siue ipsa sciuerit, siue non, semper tenetur, cum hic text. generaliter loquatur, & indistinctè mulierem teneri, si debitor nõ sit soluendo, ergo quocunque tempore, quicquid dicat Hugò & Alber. hic: nam potentius habet privilegium fauore ætatis minor, quam

Mulier  
pro mino-  
re inter-  
cedens.

5

mulier,



mulier, ob sexus fragilitatem, per istum tex. & in l. fi. in prin. ibi, *nec enim loco minoris vigintiquinque annis circumscripsi, per omnia habenda est mulier.* ff. ad Velleian.

Et sic est vnus casus, in quo mulier obligari ex intercessione potest, videlicet si obligetur pro paupere minore. Alios casus tradit Accurs. in l. prima. ff. ad Velleia, & non iuuatur tunc exceptione Velleiani mulier, maximè quando debitor ab initio non erat soluēdo, quia eo casu creditor desiderabat fideiussorem idoneum, aliās non contraxisset cum debitore, ne per istam mulieris intercessionem deceptus fuisset, quæ deceptio in necem illius creditoris tendebat, quod reprobat, vt docet Bar. hīc, & dicitur in l. sequen. & l. si decipiendi. ad Velle. infra.

LEX XIII. V L R I A N V S L I B. X I.  
A D E D I C T V M.

**I**N causæ cognitione versabitur, vtrum soli ei succurrendum sit, an etiam iis, qui pro eo obligati sunt, vt putà fideiussoribus. Itaque si cum scirem minorem, & ei fidem nō habesem, tu fideiussoris pro eo, non est æquum fideiussori in necem meam subueniri: sed potius ipsi deneganda erit mandati actio.

**I**N l. verum. §. sciendum. supra dictum fuit subueniendum minoribus non passim, quod declarauit Iuriscon. hactenus, sed etiam ibi dictum fuit subueniendum minori causa cognita. ista l. cum l. sequen. vsque ad l. in pretio. §. nunc videndum. docet in quo consistat illa causæ cognitio, & primò, versabitur in causæ cognitione, an soli minori subueniendum sit, an verò etiam fideiussori eius? Vnde si nolebam credere minori, nisi dedisset fideiussorem, & is aliquem dederit, isti fideiussori nō subuenietur in necem creditoris, sed nec ipse fideiussor actione mandati vteretur aduersus minorem, pro quo fideiussit, sed eidem imputandum erit, cur pro eo promiserit & fideiussit.

S V M M A R I A.

- 1 Minor non restitutus aduersus fideiussorem, si pro minore soluerit, potest conueniri actione mandati.
- 2 Restitutio minoris etiā contra fideiussorem, non prodest fideiussori, in necem creditoris.
- 3 4 5 & 6 Minoris restitutio quibus casibus fideiussori prodest.
- 7 Minor, locupletior factus, non restituitur.

§. In summa perpendendum erit Prætori, cui potius subueniat, vtrum creditori, an fideiussori. Nam minor captus neutri tenebitur. Facilius in mādatore dicendum erit, non debere ei subuenire: hic enim velut affirmator fuit & suasor vt cum minore contraheretur. Vnde tractari potest, minor in integrum restitutionem vtrum

aduersus creditorem, an aduersus fideiussorem implorare debeat, & puto tutius aduersus vtrumque.

**V**idere & cōsiderare Prætor in his debet, an per restitutionem subueniatur potius creditori, an fideiussori: nam minor captus neutri tenebitur, creditori non, nec quidem fideiussori, imò nec mandatori, qui mandauit fideiussori, vt pro minore fideiuberet, quia est velut affirmator, & suasor, vt cum minore contraheretur, sed poterit minor in integrum restitui, tam aduersus creditorem, quàm aduersus fideiussorem, & hoc iudex diligenter examinare debet, vt docet Ancha. consilio 330. Visis. versiculo, vel tertius. col. 2.

Colligitur ex hoc text. beneficium regulariter, quod reo datur, fideiussori quoque prodesse, sed si quis pro minore vigintiquinque annis circumscripso fideiussit, si deceptus in re sit, tunc nec ipse ante habet auxilium, quàm restitutus fuerit, nec fideiussori danda est exceptio. Iulia. in l. exceptiones quæ. ff. de exceptio. vbi datur hæc regula, vt exceptiones, quæ personæ cuiusque cohærent, non transeant ad alios, veluti ea, quam socius, habet in id, quod facere possit, vel parens patronusue, & sic non competunt fideiussori, sic mariti fideiussor post solutum matrimonium datus in solidum dotis nomine conuenitur, quamuis prædictæ personæ non teneantur, nisi quantum facere possint, vt docet text. in l. sunt qui. cum l. sequen. iuncta l. & si fideiussor. cum l. sequen. ff. de re iudic. l. maritum. ff. solut. matrim. tamen fideiussores eorum in solidum tenentur, quia non est eadem ratio in fideiussore, quæ in principali: nam fauore personæ ipsi fuit indultum priuilegium, quod ad alios non transfertur, reg. priuilegium. de reg. iur. in 6.

Sed rei cohærentes exceptiones fideiussoribus etiā competūt, vt rei iudicatæ, doli mali, iurisiurandi, quod metus causa factum est, & si reus pactus sit in rem, omnimodò exceptio competit fideiussori, intercessionis quoque exceptio, item quod libertatis oneranda causa petitur. vt in l. prima. ff. quarū rerum actio non datur, etiam fideiussori competit, idem dicitur, & si pro filiofamilias contra Senatusconsultum quis fideiussit. d. l. exceptiones. & sic conclusio est, quod exceptiones, quæ fauore personæ introductæ sunt, non competunt fideiussori, quia personale priuilegium non transit ad alios. l. quia. ff. solu. matrimo. secus in exceptione rei cohærente, vt prædictum extitit.

Ex his colligendi sunt casus sequentes. Primus est, minorem posse restitui tam aduersus principalem debitorem, quàm aduersus fideiussorem, quia est læsus in vtroque.

Secundus casus est, Si minor non fuerit restitutus aduersus fideiussorem, & is pro minore soluerit, minor poterit conueniri, & soluere tenebitur actione mandati, nisi aduersus fideiussorem quoque fuerit restitutus. l. Marcellus. ff. de fideiussor. & d. l. exceptiones quæ. in fi.

Tertius casus, Si minor fuerit restitutus etiā contra fideiussorem, hæc restitutio non proderit fideiussori in necem principalis, vt hīc, & compelletur soluere fideiussor, sed non aget postea actione mandati, vt hīc dicitur, & d. l. Marcellus.

Quartus casus, Restitutio cōcessa minori, fideiussori non

Exceptio-  
nes personæ  
cohærentes.

Exceptio-  
nes cohæren-  
tes rei.



non prodest. d. l. prima. C. de fideiusso. minor. quod ibi limitatur in l. ij. quando dolus aduersarij interuenit. Vnde cum Titius vellet cum minore contrahere, dolo induxit Sempronium ad fideiubendum, eo casu restitutio minoris proderit fideiussori etiam aduersus partem, quæ eum induxit. l. ij. C. de fideiuss. minor. Bald. consil. 226. & sequen. in 2. vol. quia dolus non debet alicui prodesse. l. non debet. in fin. cum l. sequen. de dolo.

4 Prodest etiam fideiussori minoris restitutio, quando aliàs ipsa restitutio nullum afferret minori commodum, utpote si minor non posset petere restitutionem contra fideiussorem, ut not. Doctor. in l. cum filius familias. §. primo. ff. de verbo. oblig. & Iacobi. in d. l. prima. C. de fideiusso. minor.

5 Item, quando fideiussor potest habere regressum contra alium: nam tunc beneficiū restitutionis concessum minori, proderit etiam fideiussori. l. minor vigintiquinque annis. ff. de Procura. facit l. & hæredi. §. 2. supra, de pact.

6 Etiam quando fideiussor successisset minoris debitori principali, poterit ipse ex persona defuncti secundum quosdam petere in integrum restitutionem. l. Stichum. §. quod vulgò. secundum vnum intellectum. ff. de solu. dicam in interpretat. ad illam l.

Præterea dicunt Bar. & Imol. in d. §. quod vulgo. prodesse restitutionem etiam fideiussori, quando minor compareret, & subiret defensionem pro eo, utpote quia animo repetendi intercessit, sed Paulus & Cuma hanc Bart. sententiam improbant, & quod minor non sit defensor necessarius, ob id non poterit prodesse minoris defensio in necem creditoris, ut docet iste tex. nam licet fideiussor quis animo repetendi, adhuc minor restituitur contra eum, si autem minor esset defensor necessarius, tunc defensio minoris prodesset fideiussori. ut in 2. limitatione dictum extitit. & probat l. idemque. §. generaliter. ff. mada. Vide quæ scribit Iacobi. in d. l. prima. C. de fideiussor. minor.

Adhuc si pupillus contraxisset cum tutoris vel curatoris autoritate, vel fuisset locupletior ex contractu, teneretur fideiussor, & ipse minor fideiussori. l. si pupilli. in princ. ff. de nego. gest. quia æquum est neminem locupletiores fieri cum aliena iactura. l. nā hoc natura. ff. de condiēt. indeb. l. iure naturæ. de regul. iur. nec posset minor restitui, in quo est locupletior, quia non est læsus. l. quod si minor. §. primo. & l. non omnia. infra, eodem.

Etiam super glossæ dubitatione non est insistendum, quia per restitutionem non extinguitur obligatio naturalis, nec civilis: nam restitutio non est modus tollendæ obligationis, de quibus in titul. quib. mod. tolli. oblig. in Institu. sed vtrique obligatio est inefficax ad agendum propter restitutionem, ut no. in d. l. Stichum. §. quod vulgò. ff. de solut. Ideò postquam principale debitum tenet, & sic fideiussor est obligatus, potest compelli ad soluendum, nec actione mandati aget contra minorem, propter minoris restitutionem l. Marcellus. ff. de fideiussor. & in hoc probatur text. ut supra dictum extitit.

Nō est æquum fideiussori in necem meā subueniri. Colligitur restitutionem minoris non prodesse fideiussori, quia hoc non est æquum, & sic restitutio cum ex æquitate proficiscatur, non datur contra æquitatem, aliàs beneficio Prætoris iniquitas

feret, & quis deciperetur, quod non probat l. prima. C. de his qui veniam æta. impetra.

Et sic dum minor impetrat literas restitutionis, debet narrare tam debitum, quàm etiam fideiussionem, & in eis se læsum esse lubrico ætatis, ob id restitui aduersus vtrumque postulet, per istum text. Et vtrumque eodem iudicio conueniet, & petet literas à iudice comprobari, & iudex eas comprobabit, annullando tam literas debiti, quàm fideiussionis, alioqui mandati iudicio conuenietur minor à fideiussore, si contra eum non restitueretur. l. prima. C. de fideiusso. minor.

Necem meam.] Nota amissionem bonorum tendere in necem dominorum, quia sicut pecunia dicitur vita hominis, & secundus sanguis, gloss. allegatur in l. Aduocati. C. de aduo. diuer. iud. ita & mors dicitur amissio bonorum, ut hîc, in necem meam. Multa scripsi de his in proce. Concorda.

Etiam allegatur, nemini subueniendum in necem alterius, id est, in perniciem, & peremptionem, melius est enim neutri subuenire, quàm si vnum lædas. Vnde Papa ait, *Nos sumus viduis in iustitia sic debitores, quod aliis iniustitiam facere non debemus.* c. ex tenore. de foro compe. Ioan. de Ana consil. 68. & pauperis in iudicio non misereberis. Exodi 23. Barba. consil. 36. & consil. 46. in 2. vol.

In summa notandum est minorem impetrare restitutionem debere, & contra creditorem, & contra fideiussorē, quia in vtroque læsus est, alioqui nil prodesset restitutio, cum fideiussor ageret contra minorem, ut superius dictum fuit.

§. Causa enim cognita, & præsentibus aduersariis, vel si per cōtumaciam desint, in integrum restitutiones perpendendæ sunt.

Docet iste tex. quomodo intelligatur causa cognita, & responder intelligendum Prætorem neminem restituere debere, nisi vocatis partibus, & præsentibus, aut per contumaciam absentibus, etiam ubi pars lædi potest, vocada est. l. de vno. ff. de re iud. & Imperator sic ait in l. vnica. in fin. C. si aduersus dotem. *Præses provincie, presente aduersa parte, examinabit.* idē dicit Imperator in l. prima. C. de præd. minor. & in l. ij. in fin. C. si propter public. pensitat. sic dicit, *Quæ omnia tractari conuenit presente eo, quæ emptorem extitisse proponis.* Et iste text. dicit in integrum restitutiones perpendendæ sunt causa cognita, id est examinandæ sunt, & ponderandæ præsentibus partibus, aut earum Procuratoribus, vel per contumaciam absentibus, alioqui pro nō facta habetur restitutio sine causæ cognitione, quia nullum esse, vel insufficiens esse, æquiparantur. l. quotiēs. ff. qui satisf. cogan. Alber. docet in l. si curatorem. col. prima. C. de in integr. restitut. refert Guido Papa. in consil. 182. Nobilis. col. 2. versic. 3. Hoc probat Modestinus in l. etiam. §. si. infra, eodem. ubi sic scribitur, *Si ab hereditate patris ætatis beneficio in integrum restitutus minor abstinuisse, nemine de creditoribus paternis presente, vel ad agendum à præside euocato, an ea restitutio recte facta videatur, queritur. Herennius Modestinus respondit, cum non euocatis creditoribus in integrum restitutionis decretum interpositū proponatur, minimè id creditoribus præiudicasse.* Et si aliqui sint euocati, illis

P. Rebuffi Lectura.

K k

Litera restitutionis quid continere debeant.

Restitutio nes causa cognita facienda.

Fideiussor causa repetendi pro minore intercedens.

Restitutio non extinguat obligationem.



tantum nocet, & sic non facta est, quoad non vocatos, restitutio.

Et in hoc iste text. est valde notandus, declarans multa iura, quæ dicunt causa cognita aliquid faciendum, sicut in l. pupillares. ff. quemad. testa. aperiant. ibi, *Prætor pupillares tabulas aperiri nisi causa cognita non patietur*. alibi Iurisconsul. dicit, perpesso iudicio. in l. respiciendum. ff. de poenis. & Imperator in l. ea quidem. C. de accus. annotandum est, vbi quæque causa cognita aliqua facienda sunt, hæc neque passim admittenda sunt, neque districtè deneganda, sed à Prætorè causa cognita temperanda. Vlpian. in l. sed hæc neque. ff. de Procura. l. sed si hac. §. Prætor. de in ius vocand.

Et sic tres sunt casus, in quibus minor restitutionem petet aduersus possessorem. Primus, quando emptor sciebat venditorem causam habuisse, alios in textu legere oportet, & per Alexand. consil. 7. incipiente, *Videretur*. col. 2. vol. 3.

Item dum Bar. petit, an in restitutione requiratur libellus? & respondet quando petitur principaliter restitutio, offertur libellus, lis quoque contestatur, & alia seruantur, quæ in aliis causis. c. si. de offi. iudi. c. 2. & c. pen. de in integr. restit. gloss. & Doct. in l. nam & postea §. si minor. ff. de iureiur. Nos verò in Francia literas restitutionis petimus coram iudice comprobari, & vt vulgò dicitur, interinari, & interinando minorem restituui, ad illum statum, in quo erat ante sententiam, vel contractum rescindi, remque alienatam restituui, & aliàs prout casus occurrit. Bald. in l. prima. C. si aduer. dorem. scripsi in tract. de restit. in 2. tomo Commentar. ad Cõstit. Regi. & dicam in §. sequen.

Iste tex. allegatur, paria esse quem præsentem, vel contumacem, quia sicut contra præsentem procedi potest ad omnes actus iudiciales, ita contra cõtumacem, quia censetur præsens quoad suum damnum, vt plenè probaui in tract. de contuma. in 3. tomo Cõmentar. ad Constit. Reg. & docet Bald. per illum tex. in authen. qua in prouincia. C. vbi de crimine agi oportet. & in l. cum fratrem. colum. vlt. C. de his quib. vt indig.

§. Interdum autem restitutio & in rem datur minori, id est, aduersus rei eius possessorem, licet cum eo non sit cõtractum: vt putà rem à minore emisti, & alij vendidisti, potest desiderare interdum aduersus possessorem restituui, ne rem suam perdat, vel re sua careat, &c.

*Restitutio contra rei possessore.* **H**ic §. docet minorem interdum restituendum etiam contra possessorem, vt si emeris à minore domum, quam alij vendidisti, potest etiam aduersus rei possessorem minor restituui, ne rem suam perdat, & sic dabitur primo iudicium rescindens contra illum, cui minor vendidit, vt rescindatur illa venditio, & ea postea rescissa, actio in rem contra possessorem dabitur, & ita olim seruabatur, & ista iudicia prosequabantur; nec ante finitum vnum, alterum in iudicium deducebatur. §. rursus. de actio. in Insti. & per istum tex. planè cõstat iudicium esse rescindens, & rescissorium, & quid sit, licet Doct. valde dubitèr,

qui non nouerunt praxim, Bart. tamen de his scribit in l. ab hostibus. §. sed quod simpliciter. in tit. ex quib. causis. maio. infra, l. necnon. §. exemplo. ibidem.

Et per hoc patet perperam sensisse Ias. & alios in d. §. rursus. de actio. in Institu. asserentes ex rescissorio iudicio duplicem adesse actionem, institutoriam scilicet, & restitutoriam. per tex. in l. quamuis. §. si cū essem. ff. ad Velleia. ibi, *qua actione magis instituetur, quàm restituetur obligatio*. Et sic vocatur actio institutoria, quod sit à Prætorè de nouo instituta, qua mihi, pro eius recuperatione, quam tamen primum nō habueram, succurratur, hoc non videtur verū, quicquid dicat D. Ioannes Mauric. in tract. de restit. in integrum: nam actio omnis, quæ à lege instituitur, diceretur institutoria, & aliæ dicerentur datoria, quando à lege dantur, aliæ confirmatoria, quod est ridiculum, idè & restitutoria vocatur, quod minorem ad ius pristinum restituat, & ita scripsi in l. verbis legis. ff. de verb. signifi.

Hodie verò, vt circuitus vitetur, vtrumque cumulari solet in Francia, quicquid dicat Bart. in l. fin. C. ex quibus caus. maio. & Mauric. in c. 6. & hoc docet Guido Papa in decisi. Delphi. qu. 43. An prætendens. Nempe dicanici concludere sunt assueti, vt literæ restitutionis comprobentur, & comprobando rescindatur venditio facta per minorem, qua rescissa restituatur dicto minori domus per eum vendita, in qua lesus fuit, vt plenè scripsi in tract. de rescissio. cõtract. artic. primo. gloss. 2. in 2. tomo Commentar. ad Consti. Regi. & arti. 2. gl. 5. in fi. de restitutio.

Item iste tex. est singularis, in quo restitutio competit minori ex Iurisconsul. interpretatione, etiam si nihil gestum sit cum eo, nec contractum, licet in edicto Prætoris sit, *Quod cum minore gestum est*. l. prima. & l. ait Prætor. supra, eod. sed videre quæ scribam in l. Aemilius. & l. etiam. 2. infra, eodem.

§. Pomponius quoque libro vicesimo octauo scribit Labeonem existimasse, si minor vigintiquinque annis fundū vendidit & tradidit, si emptor rursus eū alienauit, si quidem emptor, &c.

**H**ic §. distinguit minorem non restituendum aduersus possessorem, & emptorem secundum, si bonæ fidei possessor sit, & primus, qui contraxit cum pupillo, soluendo sit: alioqui si primus emptor non sit soluendo, agatur contra secundum, siue sit bonæ fidei possessor, siue non, siue sciens, siue ignoras, & hoc probat Paul. Iureconsul. in l. planè. sequen.

#### LEX XV. CAIVS LIB. IIII. AD EDICTVM PROVINCIALE.

**S**ed vbi restitutio datur, posterior emptor reuerti ad auctorem suum poterit. Per plures quoque personas si emptio ambulauerit, idem iuris erit.

**I**sta lex ponit casum notandum, quod vbi agitur contra posteriorem emptorem, ille poterit agere, re euicta, contra priorem venditorem & auctorem.

Idem

*Consuetudo in Francia de literis restitutionis comprobandis.*

*Contumacia equiparatur presentii.*



Idem etiam dicendum erit, si primus vendiderit secundo, & secundus tertio, & tertius quarto, si per plures manus emptio ambulauerit, ut idem iuris sit, & ex hoc text. puto elicatum tex. in cap. si beneficia. de præbend. libro sexto. Et de verbo, ambulat, ut etiam metaphoricè respiciat res, scripsi in l. hæc verba, illi. ff. de verb. signifi.

*Restitutio sit etiā cōtra secundū emptorem.*

Ex hoc text. colligitur, minorem posse agere non solum contra eum, cui ipse fundum vendidit, verum etiam contra alium emptorem, si primus emptor alteri vendiderit, quod verum est, si posterior emptor sciuerit emptionem à minore factam, quod potest probari, si primus emptor tradiderit illi instrumentum emptionis factæ à minore, vel si hoc ei est expressum in secunda venditione, & in instrumento secundæ venditionis, alioqui si posterior emptor ignorauerit, non agetur contra eum, si soluendo sit primus emptor, quia minor consequi à primo emptore fundi æstimationem poterit, ut hîc, & consuluit Alexand. consilio sexagesimo septimo. Videatur in 5. volu.

*Minor quo modo i Frācia restituitur.*

Nisi minoris intersit habere rem, tunc etiam si soluendo sit prior emptor, agetur contra possessorem rei, per l. si in emptionem. & l. si res. infra eodem. Et hoc firmat hîc Alber. Et ista sententia seruatur in Forensi iudicio in Francia, ut minor semper restituatur & contra emptorem, & contra possessorem, siue primus emptor fuerit soluendo, siue non, & ita vidi iudicari, siue res fuerit vendita, siue donata, vel alio titulo in alium translata per primum emptorem, nisi à iudice fuerit vendita, tunc nisi grāde damnum minor consequatur, non restituatur cōtra possessorem. per l. si ex causa. suprā eod. propter rei iudicatæ auctoritatem. l. seruo. §. cum Prætor. ff. ad Trebel. Nam secundus emptor poterit, euiecto prædio, agere contra primum, & ipsi succurretur hac via, & minor suā rem obtinebit, & in Francia facilius debet iudex restitutionem minori concedere, eò quod à Principe hoc conceditur minori per literas Regias, ideò voluntas Principis iusta sequenda est, licet iudex ex sua potestate, hoc iure vetante, concedere non posset.

*Restitutio ad instantiā peremptam.*

Ideò hodie restituatur minor ad instantiā peremptam, etiam tutore vel curatore existente soluendo, licet de iure cōtrā. l. si minoris. ff. de administra. tutor. l. properandum. in fi. vbi Doct. C. de iudi. imò hodie in Francia in omnibus restitutionibus, quæ ipso iure fiunt, opus est rescripto, quicquid dicant Doct. in l. admonendi. ff. de iureiur. & in l. Diuus. de re iudic. Hoc docet Nicol. Boër. in decisionibus Burdeg. quæst. 247. nunc ad secundam. vide in l. Imperatores. infra, eodem.

Notandum est minorem teneri restituere pretium in quo factus est locupletior, antequam rem consequi possit. l. quod si minor. §. restitutio. infra, eodem. vbi dicitur. l. prima. C. de reputa. quæ fiunt in iudic. &c.

*Pretium secundo emptori restituendum à minore, re vendicāte.*

Et tenetur minor pretium restituere ei à quo rem vendicat, & non primo emptori à quo prius habuit. probat l. iij. C. quod met. cau. quia primus emptor à secundo emptore habuit pretium, ergo iterum illi non debet dari. l. bona fides. ff. de regul. iur. & abest istud pretium à secundo, ergo illi restitui debet. l. si emptor. ff. de rei vendica. l. si & rem. de peti. hæredi.

1. venditor. de hæredi. vendi. & ista sententia est tutior, ut docent Gulielm. & Iacobus de Rauen. prout Albe. hîc refert, & hæc seruatur in Curiis, quia primi emptoris non interest, postquam recuperavit pretium à secundo emptore.

### S V M M A R I A.

- 1 *Societas donationis causa non rectè contrahitur.*
- 2 *Extraordinarium remedium à iudice non dandum, quando ordinarium competit.*
- Restringitur. 3. & sequen.*
- 5 *Minor restitutionem petere potest, quamuis possit appellare.*

### LEX XVI. VLP IANVS LIB. XI. AD E D I C T V M.

**I**N causæ cognitione etiam hoc versabitur, num fortè aliqua actio possit competere, citra in integrum restitutionem. Nam si communi auxilio & mero iure munitus sit, non debet ei tribui extraordinariū auxilium: utputà, cum pupillo cōtractum est sine tutoris auctoritate, nec locupletior factus est. Ita relatum est apud Labeonem, si minor circumscriptus societatem coërit, vel etiam donationis causa, nullam esse societatem, ne inter maiores quidem: & ideò cessare partes Prætoris. Idem & Ofilius respondit: satis enim ipso iure munitus est.

**H**Æc l. prosequitur materiam causæ cognitionis, videlicet ut minor non possit restitui nisi causa cognita, in causæ autem cognitione versari docet hîc Vlpian. an alia actio detur minori, vel aliud remedium extra in integrum restitutionem: nam si minor iure communi iuuetur, non debet impetrare restitutionem in integrum, nec ei tribui extraordinarium auxilium, utpote si cum minore fuerit contractum sine tutoris auctoritate, & ipse non sit locupletior factus iure communi, agetur ad declarationem contractus, & nullum eum esse dicetur, ergo non est veniendum ad auxilium extraordinarium, & ad aliud quàm ad commune. extraordinarium autem vocat hîc auxilium, non commune, ordinarium verò, commune.

Quod si idem contraxerit societatem cum aliquo, etiam donationis causa, quia ipse minor posuit totum, & donabat partem alteri, ut essent deinceps socij, certè societas est nulla, etiam inter maiores, ob id non potest Prætor concedere huic minori restitutionem cum iure cōmuni nullam possit dicere societatem, sic initam: dicit etiam Ofilius satis esse ipso iure minutum minorem, & Vlpian. ait sic donationis causa societas non rectè contrahitur. in l. societas. in fi. ff. pro socio.

*Minor societate cōtrahens.*

Ex hoc text. colligitur, minorem non esse restituendum, si alia actio detur, de quo dicam inferius. P. Rebuffi Lectura. K k 2



rius, & multa scripsi in l. & eleganter. suprâ, de dolo.

Secundò, cum datur commune auxilium, non debet ei dari extraordinarium, de quo etiam infrâ.

*Auxilium  
iuris extra  
ordinariû.*

Tertiò, per istum text. dicunt interpretes auxilium in integrum restitutionis extraordinarium esse, quia iuri communi pugnat, & contra ius commune competit. vt Bart. & alij scribunt in l. iij. §. primo. ff. de noui oper. nuntia.

A qua sententiâ Zasius in suis intellectibus dissentit, cum hoc remediû restitutionis ex æquitate competat. l. prima. ff. de in integr. resti. & dicatur iustissimum, in l. prima. ff. ex quib. cau. maior. ob id nō potest esse contra ius commune, quod est ars boni & æqui. l. prima. ff. de iusti. & iure.

*Restitutio  
etiam con-  
trarius.*

Mauritius in tract. de restitu. in c. 2. his verbis conciliare nititur, vt hi optimè indicarint, qui restitutionem contra ius competere sunt tutati, habita ad id consideratione, quòd per eam contractus, qui iure communi subsistebant, cassentur & annullentur.

Ideoque Zasium verè, probè & rectè sensisse, non esse iuri communi pugnantem restitutionem, quia Prætoris edicto adinuenta sit, ac Prætorum edicta sub iuris communis formula includi, necnon in iure scripto clausa esse, imò existimarem moderniores illos nihil à Zasio dissentire, nec abnegasse restitutionem iuris communis esse, hæc ille Maur. Doct. egregius.

*Authoris  
opinio, an  
restitutio  
sit contra  
ius.*

Ego verò putarem restitutionē nullo modo esse contra ius, quod sex partibus constet. §. constat. de iure natur. in Instit. & in his sex partibus inclusa sunt edicta Prætorum, inter quæ est materia restitutionum, ergo non est contra ius, imò secundum ius, vt videmus in his titulis inscriptum, nec posse dici contra ius, eo quòd per restitutionem rescindantur contractus: nam per metum, dolum, falsum, & alio modo à iure rescinduntur contractus, vt patet in illis titulis & ff. & C. ergo ista erunt contra ius, quod non est verum, nec id quod à iure rescinditur, dicitur contrarius, imò potius eo, quòd rescinditur à iure, contrarius non est, nam multa rescinduntur ex æquitate iuris, vel à iure ipso datur restitutio. vt in l. ij. C. de rescin. vendit. & non sunt contra, sed secundum ius rescissa.

Sed aduertendum est, quòd ex legibus datum est commune auxilium, & ordinarium pupillo, vt si sine tutore contrahat, contractus sit nullus. l. prima. ff. de autho. tuto. l. cum quidam. de administra. tuto. C. & l. in negotiis. ff. de regul. iuris. & tunc postquam minor est communi auxilio munitus, non datur ei restitutio: nam in §. sequ. dicit, *Satis enim ipso iure munitus est*, & in §. Pomponius generaliter probandum est vbi contractus non valet, pro certo se Prætorem non debere interponere, scilicet ad restituendum minorem: Prætor enim statuit adiuuandi, supplendi, & corrigendi iuris gratia, l. ius autem. ff. de iusti. & iur. sed postquam est commune auxilium, nō oportet iuuare, vel supplere. ergo Prætor non vult restitutionem concedere, postquam ius sufficit, nec armato alia præbere arma, hoc enim superfluum esset.

Verum, quia interdum ex lege non erat prouisum

minoribus contrahentibus authore tutore, quia eo casu contractus valet, æquitate motus Prætor vnum auxilium, videlicet restitutionem adinuenit. l. prima. ff. de minor. quod tamen extraordinarium auxilium Vlpian. dixit, quia extra ordinem communis auxilij inuentum, & sic intelligitur ista lex in causâ. 2. ibi, *nam si communi auxilio, & mero iure munitus sit, non debet ei tribui extraordinarium auxilium*, scilicet extra commune, vt puta, si cum pupillo contractum est, sine tutoris authoritate, nec locupletior factus est, non valebit de iure communi contractus. l. Iulia. §. sed cum in facto. ff. de actio. emp. sed factus valet authore tutore, sed ex æquitate, si læsus minor sit, rescindetur contractus, per restitutionem, est quod notandum.

Iste text. allegatur per Accurs. hîc perperam dicentem, restitutionem non esse concedendam, si alia sit actio minori, sed in contrarium est tex. in l. etiam. C. si tutor, vel curator interuenerit. vbi sic habetur: *Etiam in his, quæ minorum tutores, vel curatores male gessisse probari possunt, licet personali actione à tutore, vel curatore suum consequi possint, in integrum restitutionis auxilium eisdem minoribus dari iampridem placuit.* Et sic patet restitutionem minori cōcedendam, etiam si aliquam actionem habeat. vt in d. l. prima. & maxime si ei plenius per restitutionem succurratur, vt inferius dicitur.

*Minor re-  
stituitur, li-  
cèt ei alia  
sit actio.*

Nec obstat iste tex quia loquitur in Prætorē, quā cognitionem ipse habere debeat, antequam minorem restituat, certè debet dispicere, an alia actione sine restitutione sit munitus: nam si minor commune auxilium habeat, & mero iure munitus sit, id est, communi iure, puro, & liquido, non dabit ei restitutionem, vt, quando contractus est nullus, non debet eum restituere, quia minor est munitus communi auxilio, & sic non probat hic rex. non dandum remedium extraordinariū, quando ordinarium competit, sed probat iste text. minorem non restituendum, si commune auxilium habeat, & mero iure sit munitus, quia hoc superflue ei concederetur, & superflua sunt rescanda, vt Imperator fecit in prima constitutione. C. & quia Prætor inuenit remedium supplendi iuris gratia, quod in hoc casu supplendum non est, cum sufficiat commune auxilium.

*Obiectio-  
nis solutio.*

Regula ergo ex hoc text. elicitur, iudicem non debere illi auxilium extraordinarium impartiri, qui habet ordinarium, tum ne superfluis vtamur remediis, tum etiam vt suo quisque sit contentus, & aliena non quærat.

Limitemus non procedere, quando vtilius esset eidem minori restitutionem concedi. l. cum mandato. & l. Aemilius. infrâ, eodem. dixi in l. in causâ. prima. §. Pomponius. suprâ, eodem. gloss. & Doctor. in l. fin. C. si aduer. rem iudic. Alex. confi. 207. Domine. in fin. vol. 7.

Secundò, si non esset munitus mero iure contra vnum, sicut contra alterum: contra illum enim, contra quem non est munitus, restitui poterit, vt intelligunt Doctor. l. etiam. C. si tutor, vel cura. interue. vel si vitaretur circuitus, & litium anfractus. l. in causâ. prima. §. Pomponius. suprâ. vbi scripsi. Corne. cōsilio octuagesimo septimo. Circa primum. col. 4. in primo. volum.

Tertiò,



5 *Princeps re-  
stituit mi-  
norē, licet  
aliud au-  
xilium ei cō-  
petat.* Tertio, limito in Principe, qui potest restituere etiam si commune auxilium minor habeat. l. si ex causa. §. fin. cum l. sequen. supra, eodem. nam iste tex. loquitur in Prætorē, ut non tribuat auxilium extraordinarium, si cōmune competat, sed Princeps hoc facere potest.

Ideo, in hoc regno, cum restitutiones petantur à Principe, si concessæ fuerint ipsis minoribus, debent à iudicibus comprobari, etiam si alia habeant remedia, quia Princeps his vult plenius subuenire, & potest, ob id voluntas eius sequenda. l. leges. C. de legib. etiam quia bonum est plura habere remedia, & utilius eligere. l. quod in hæredem. §. eligere. ff. de tributo. acti. Panor. & alij in c. ex parte. de rescrip. & Feli. in c. significauit. de testi.

Et sic non videtur vera regula ab interpretibus hætenus mordicus defensa hinc, quod non competat remedium extraordinarium, ubi ordinarium competit, quia sæpius datur remedium extraordinarium à iure, ut in §. sequ. probatur, & Zasius probat, etiam ordinarium competat, ut quis plura habeat remedia, & possit sibi utilius eligere. d. l. quod in hæredem. §. eligere. ff. de tributo. Doctor. in l. edita. C. de eden. & in regu. nullus pluribus. de regul. iur. in 6. Guido

6 Papa in consil. 114. Quia in causa. in fin. Et minor restitutionem petere poterit, licet possit appellare. gloss. & Doctor. in l. fin. C. si aduer. rem iudic. c. tum ex literis. de in integr. resti. Francisc. Marc. in decisio. Delphi. q. 55. in 2. parte.

*Extraordi-  
narium re-  
mediū quā-  
do dādum  
non sit.*

Sed quando quis munitus est communi auxilio & mero iure, ac sufficiente, tunc non ei dabitur à iudice extraordinarium, quia superfluum esset, & iudex non debet introducere superflua remedia, etiam quia iudex debet iudicare secundum leges, & eas sequi, & auxilia à iure data amplecti, & alia non quærere. c. primo. de re iudi. quod si iudex aliud remediū daret, quàm à iure datum, videretur ius contemnere, & suo sensu iudicare, & prudētiae suæ inniti, quod iura reprobant. c. ne innitaris. de constitu. Ideo istud videtur hinc prohibitum, & per hæc tolluntur ea, quæ abunde scripta sunt ab interpretibus, videlicet ut iudex non debeat dare auxilium extraordinarium, ubi adest commune ne ius contemnat, sed lex ait, Princeps non est prohibitus plura remedia ordinaria, vel extraordinaria vni pro vna re cōcedere, imò illa, quæ concedit, videntur ordinaria, ut in l. iij. ff. nautæ caupo. l. omnes. 2. C. de anno. & tribu. libr. 10. quod potest probari in conditione: nam aliquando tres competere possunt. l. prima. ff. de condict. sine causa. l. prima. de condict. triti. facit l. prima. §. per hanc. ubi gloss. ff. de re iudic. l. prima, §. inde quæritur. de publica. alia tradunt interpretes in d. l. iij. de noui oper. nunciat. & gloss. & Doctor. in cap. 2. de offic. iudic.

*Officiū iu-  
dicis quate-  
nus exten-  
datur.*

Ex prædictis etiam apparet falsam esse interpretum sententiam, dicentium officium iudicis esse auxilium extraordinarium, & id implorandum ubi cunque deficit actio, & sic non competere, ubi ordinarium, & actio datur: nam nulla est actio, nec persecutio, in qua officium iudicis non interueniat, aliàs non proferretur aliqua ab ipso iudice sententia, ut plenè probaui in l. actionis. ff. de verborum significatione, quicquid dicat Guido Papa in Decis. Delphi. quæst. 362. Vtrum officium, quia nō potest esse persecutio in iudicio, nisi officium iudicis interueniat.

Doctor. in §. primo. de actio. in Insti. nec distinguendum est, an sit nobile, vel mercenarium, ut interpretes distinguunt. in l. prima. ff. de iurisdic. omn. iudic. nam hoc esse superfluum, & extra ius inuentum, asserui in d. l. actionis verbo.

Nec obest l. quod si minor. §. fin. infra, eodem. ubi sic Iuriscons. Paulus scribit: *Ex hoc edicto nulla propria actio, vel cautio proficiscitur, totum enim pendet ex Prætoris cognitione*, quia non probat, nempe ex hoc edicto Prætoris de minoribus, non oritur propria actio, neque cautio, quia dicitur in eo, *quæ res erit, animaduertam*, & sic Prætor debet animaduertere, an debeat minorem restituere, necne, nō quod propria actio detur ex restitutione, sicut ex mutuo, & ita loquitur ille tex. ut ibi dicam, sed si restitutio cum causa petatur, non poterit eam recusare iudex, ut dixi de officio iudicis in d. l. actionis.

*Obiectio-  
nis solutio.*

Etiam perperam existimant Doctor. restitutionem in integrum competere ex solo iudicis officio: nam competit ex edicto Prætoris, de quo in l. prima. sed an minor sit restituendus necne, in causæ cognitione est, quæ causæ cognitio ad iudicem spectat, & ita debet intelligi hæc lex, & aliæ loquentes de in integrum restitutione minorum, etiam maiorum. in l. prima. ex quib. cau. maio. ad quæ non aduerterunt interpretes, & sic cessabit difficultas, an beneficium restitutionis possit cedi, & remitti, de quo non est dubitandum, cedi posse, & transmitti. l. quod si minor. in princ. & l. patri. infra, eodem. quicquid Bar. & alij dicant in l. prima. §. usufructuarius. ff. de noui oper. nunciat.

*Restitutio-  
nis benefi-  
cium cedi  
potest.*

Et id docet gloss. singular. in verbo, competere. in fi. Rauen. etiam in verbo, exceptio, in Alpha, dicit exceptionem non tollere restitutionis in integrum auxilium, quam dicit singul. Alex. in l. admonendi. col. prima. ff. de iure iur. quod sicut exceptio non impedit restitutionem, ita nec replicatio. Feli. in c. significauit. de testi. de ordinario & extraordinario iure & remedio multa scripsi in l. pupillus. §. munus. ff. de verborum significatione, quæ poterunt pro intellectu horum videri.

*Restitutio  
nō tollitur  
per excep-  
tionem.*

§. Pomponius quoque refert libro vicesimo octauo, cum quidam hæres rogatus esset fratris filia complures res dare ea conditione, ut si sine liberis decessisset, restitueret eas hæredi: & hæc defuncto hærede hæredi eius cauisset se restitutura, Aristonem putasse in integrum restituendam. Sed & illud Pomponius adiecit, quod potuit incerti cōdici hæc cautio etiam à maiore. Non enim ipso iure, sed per conditionem munitus est. Et generaliter probandum est, ubi contractus non valet, pro certo Prætorē se non debere interponere.

**S**pecies facti est, Quidā in suo testamento hæredem instituit, rogauitque eum, ut quàm plures res filia fratris daret, ea conditione, ut si filia decederet sine liberis, eas res hæredi eius restitueret, deinde hæres mortuus est, filia tamen hæredi hæredis promisit se restitutura eas res. Quæsitum fuit, an filia

*Casus huius  
textus.*



restitui possit, videbatur non posse, quia hæredis appellatione omnes cōtinentur successores, & tam hæres primus, quàm hæredis hæres. l. hæredis. ff. de verbor. sign. Aristo tamen putat in integrum restituendam filiam, quia legatum (vt Accur. sentit) erat conditionale, vt hæredi restitueretur, quod si hæres moriatur, fideicommissum non transmittitur in successorem. l. vnica. §. si autem aliquid. C. de cadu. tollen. Ergo cauendo successoris hæredis, læsa est fratris filia, & sua facilitate, ob id restitui potest per istum tex. vel potest dici filiam grauam restituere hæredi eius, & non hæredi alterius, vt dicit iste tex. idè non extenditur ad hæredem hæredis.

Imò adiecit Pompo. hanc cautionem posse condici etiam à maiore, incerti, id est, conditione incerti, quæ datur ad ea repetenda quæ nō sunt certa, sed cautio ista non est stipulatio, quæ ad certa tendat, sicut si promississet duos seruos, idè poterit hac conditione incerti repeti. vt in l. fin. ff. si quis in ius voca. non ierit. suprâ, vbi dixi.

In versiculo, non enim, tollit dubium Iuriscōsultus, si quis dicat restitui nō posse filiã, quia est iure communi munita, respondet nō esse ipso iure munitam, sicut quando nullus est contractus, vt suprâ dictum fuit, idè Iuriscōsultus regulam præbet, tunc demum restitutionem competere, quando contractus valet, & non competere quando non valet.

Ex hoc text. colligitur iuncta gloss. legatum seu fideicommissum cōditionale in hæredem non transferendum. d. §. si autem aliquid. dixi in l. cedere diem. ff. de verbor. signi. sic nec substitutionis spes, quia personam respicit. l. sed si plures in prin. ff. de vulga. l. si ex pluribus. de suis & legit. Alibi de his dicetur in suo proprio loco.

Nota ex hoc tex. minorem restituendum, si promiserit id, ad quod non tenebatur, quia ex sua promissione læsus est, & ex sua ignorantia & facilitate, ob id per restitutionem ei succurritur: nam ad hoc tendit Prætoris edictum, quod cum eo gestum est. vt in l. ait Prætor. suprâ, eodem.

Et illud Pompo. adiecit. ] Colligere possumus minorem restituendum, etiam si auxilium aliud habeat: nam conditio incerti hîc competit, ad repetendum illam promissionem, quam filia fecit, de restituendo bona hæredi hæredis, si ipsa decesserit sine liberis, quia ipsa nō tenebatur restituere, nam conditionale fideicommissum expirauerat, idè illam etiã cautionem repetere posset. l. prima. ff. de condict. si ne cau. vbi sic ait Vlpian. *Qui autē promissit sine causa, condicere quantitatē non potest, quam nō dedit, sed ipsam obligationem, & agitur, vt instrumentum obligationis cancelletur, & annulletur, & sic cassum & annullatum, eidem promissori reddatur.* l. dissoluta. C. de condict. ex lege. scripsi in primo tomo Commentar. ad Consti. Regi. tracta. de liter obligat. gloss. 9.

Sed in versiculo, non enim, regula colligitur, tunc demum minorem restituendum, etiam si auxilium habeat per exceptionem, si verò auxilium ipso iure minori competat, non est restituendus, & sic debet intelligi huius l. etiam principium: nam ad id, quod non valet, non potest minor restitui, quia ipso iure auxilium ei competit, vt in cōtractu facto à minore sine curatore, sed si contractus factus sit cum

curatore, valet quidem, licet ipse minor possit exceptionem non iusti pretij, vel aliam opponere, tamen restitui poterit per hunc text. nam vbi contractus non valet, non debet se interponere Prætor ad restituendum minorem, ergo si valeat, licet competat exceptio ad annullandum, tamen restitutio dabitur, & Princeps etiam si valeat contractus, concedit literas in Francia, vt annulletur contractus, quatenus de facto processit, vt alibi dictum fuit.

§. Idem Pomponius ait, in pretio emptionis & venditionis naturaliter licere contrahentibus se circumuenire.

Idem Pōponius ait in pretio emptionis & venditionis naturaliter licere contrahentibus, se circumuenire, quæ verba declarat Paulus Iuriscōsult. in l. item si pretio. in fi. ff. loca. sic inquires, *Quemadmodū in emendo & vendendo naturaliter concessum est, quod pluri sit, minoris emere, & quod minoris sit, pluri vendere, & ita inuicem se circumscribere, ita & in locationibus quoque & conductionibus iuris est, & ideo Hermogenes ita scribit, sub pretextu minoris pensionis locatione facta, si nullus dolus aduersarij probari possit, rescindi locatio non potest.* ibidem. l. & idè.

Istum tex. intelligunt Doctores licere decipere sine dolo, aliàs agi doli actione poterit, vt suprâ de dolo pater, etiam bono viro non licet alium decipere, gl. in l. semper in contractibus, ff. de regul. iur. & de iure diuino, etiam in foro conscientie, non licet aliquem decipere, sed naturaliter concessum est, quod pluri sit, minoris emere, pro tempore, & loco, & hoc probat Panor. & alij in c. cum dilecti. de empti. & vendi. & per Conrad. in tract. de contracti. q. 55. & sequen. & Pantha. Calder. in repeti. l. ij. col. 35. de rescin. vendi. alibi, si operæpretium fuerit, abundantius dicam, his nunc contentus.

*Decipere aliu nullo iure licitum.*

§. Nunc videndum qui in integrum restituere possunt. Et tam præfectus vrbi, quàm alij magistratus pro iurisdictione sua restituere in integrum possunt tam in aliis causis, quàm contra sententiam suam.

Docet hîc Iuriscōsultus qui magistratus possit in integrum restituere, dicens præfectum vrbi restituere posse, & alios magistratus secundum suam iurisdictionem, nam si prædanei sint, non poterunt, quia sua non est iurisdictione. vt C. de præda. iudic. idè text. dicit in l. vnica. ff. si quis ius dicenti non obtempera. *secundum ius sue potestatis*, vel dicit Accur. quilibet in sua iurisdictione, & inter suos subditos cognoscendo restituere potest, & intra quantitatem, quæ in sua iurisdictione cōtinetur, quia eam non potest excedere, si restitutio pluri erat, quàm sua continebat iurisdictione. l. fi. ff. de iurisd. omn. iudi. & l. ij. C. vbi, & apud quem.

*Magistratus qui possint restituere.*

Item poterunt in integrum restituere tam in aliis causis, quàm etiam contra sententias lãtas à se ipsis, sed minor magistratus non restituet aduersus sententias maiorum, l. minor. infrâ, eodem. & per text. notabilem,

*Minor ex promissione læsus.*

*Minor quādo restituendus sit, vel non.*



notabilem, quòd sicut non potest minor magistratus restituere aduersus sententiam maioris, ita nec aduersus actum à priuato gestum, in quo autoritas superuenit. Vnde si Episcopus interposuerit decretum in alienatione rei Ecclesiasticae, non poterit inferior Episcopo concedere restitutionem: Alexand. & Iason firman in l. nam & postea. §. si minor. ff. de iureiurand. poterit tamen iudex minor incidenter cognoscere, etiam pædaneus de restitutione, l. quotiens. C. de iudic. l. fin. C. ubi & apud quem. nisi illa causa fuisset agitata coram iudice superiore, ut per Doct. in d. §. si minor. & d. l. quotiens.

Et per istum textum probabatur praxis, quam olim iudices in patria iuris scripti habebant, ut lata sententia contra aliquem is impetrabat literas à Seneschallo, ut suis impensis sententia reuideretur, & interdum annullabatur in reuisione, & ista praxis seruabatur etiam in Delphinatu, sed hodie est correctæ, & iudices maximi solent, ut Parlamenta, cognoscere per literas ciuiles, vel per supplicationem, quam propositionem erroris dicanici vocant. authen. quæ supplicatio. C. de precib. Imperat. offer. de quibus abundè scripsi in primo tomo Commentarior. ad Constitut. Reg. Gallicas, tit. de supplicat. & erro. proposit.

LEX XVII. HERMOGENIANVS LIB. I.  
Iuris ἐπιστομῶν.

**P**ræfetti etiam Prætorio ex sua sententia in integrum possunt restituere, quamuis appellari ab iis non possit. Hæc idcirco tam variè, quia appellatio quidem iniquitatis sententiæ querelam, in integrum verò restitutio erroris proprii veniæ petitionem, vel aduersarij circumuentionis allegationem continere.

Ista lex docet Præfectos Prætorio posse in integrum restituere aduersus eorum sententias, licet ab illis non posset appellari. Rationem ponit, quia appellatio continet querelam iniquitatis sententiæ, in integrum autè restitutio erroris proprii, veniæ petitionem, vel aduersarij circumuentionis allegationem.

Et sic per istum textum patet minorem posse restitui etiam aduersus sententiam Præfetti Prætorio, sed istam l. non seruari in Francia affirmat Benedict. in repetit. cap. Raynutius. in verbo, si absque. secundo. de fideicommiss. substit. numero 50. de testam. ubi dicit nunquam minorem audiendum per viam restitutionis in integrum aduersus arestum Curiae supremæ, quia per ordinationes Regias prohibitum est venire contra arestum Curiae, nisi per erroris propositionem: ergo alio modo non licet, quod quidem non est verum, quia contra aresta Curiae etiam venimus per literas in forma supplicationis ciuilis petimus, ut scripsi in tractat. de liter. ciuil. seu (ut dicunt) in forma supplicat. ciuilis Imper. ubi etiam alios modos scripsi, quibus, iure quis contra supremæ Curiae arestum dicere potest: & maxime in in-

tegrum restitutionem potest minor contra arestum impetrare à Principe, & non ab alio, ut in l. seq. patet. §. primo. quia si à Principis sententia restituatur minor, fortius à sententia Curiarum supremarum, cum non maiora priuilegia habebat, quam ipse Princeps. & pro hoc est text. in l. tertia. C. si aduers. rem iudic. in quo est quiescendum. Et ego sæpius vidi minores in integrum restitutos contra aresta Curiarum supremarum, quicquid in contrariū dicatur, & text. in l. vnica. in fi. ff. de offi. Præfetti. Prætor. sic ait: *Subnixi sunt & alio priuilegio, ne à sententiis eorum minores ætate ab aliis magistratibus, nisi ab ipsis Præfettis Prætorio restitui possint.* Et sic magistratus inferiores, sed Princeps, vel ipsi, possunt eos restituere minores.

Et quamuis restitutio petatur, tamen executio aresti, & sententiæ Curiae supremæ non impeditur pendente cognitione in integrum restitutionis, etiam non data cautione in hoc regno, quamuis de iure cautio requiratur, in c. suscitata. de in integr. restitut. imò etiam si nullum dicatur arestum, executio illius non impeditur propter Curiae supremæ auctoritatem, ut in l. seruo. §. cum Prætor. ff. ad Trebel. probatur. & hoc docet Guido Papa in decisio. Delphin. quæstio. 50. Quia hæc Curia. & sic non seruabitur l. vnica. C. de in integrum restit. postul. ne quid noui fiat, quia pendente cognitione in integrum executionis aresta executioni demandantur. Aliæ etiam minorum magistratuum sententiæ solent per modum prouisionis exequi, postquam iudex hoc protulerit, qui de restitutione cognoscit, sed hoc fit cautione data, quæ in aresti executione cessat: si tamen executio esset non retractabilis, non fiet pendente cognitione, ut Doct. ibi asserunt, in tribus sententiis conformibus, ut scripsi in §. finali. de friuol. appel. in Concord. post Doctor. in clemen. j. de re iudic.

LEX XVIII. VLPIANVS LIB. XI.  
AD EDICTVM.

**M**inor autem magistratus, contra sententiam maiorum non restituet. Si autem Princeps sententiam dixit, perrarò solet permittere restitutionem, & induci in auditorium suum eum qui per infirmitatem ætatis captum se dicat, dum ea, quæ pro causa sunt, dicta non allegat, vel ab Aduocatis prodictum queratur. Denique Glabrimonem Acilium, Diuus Seuerus, & Imperator Antoninus non audierunt incoloratè restitui desiderantem aduersus fratrem, post speciem in auditorio eorum finitam. Sed & Percennio Seuro contra res bis iudicatas in integrum restitui, Diuus Seuerus & Imperator Antoninus permiserunt in auditorio suo examinari.

Cum supra dictum fuerit, quemlibet magistratum pro sua iurisdictione posse restituere, hic

Inferior  
Episcopo  
non restituit  
aduersus  
decretum  
Episcopi.

Praxis ve-  
tus de reui-  
denda sen-  
tentia cor-  
rectæ.

Executio  
aresti non  
impeditur  
per in inte-  
grum resti-  
tutionem.

Minor ad-  
uersus are-  
stum Curiae  
supremæ an  
restituatur.



*Minor qui  
bus casibus  
non resti-  
tuatur.*

textus addit, dummodò minor magistratus non restituat contra sententiam maioris, & in §. si autem. deciditur Principem, dum dixit sententiam, raro permittere restitutionem, ætatis ratione sola inspecta: sed si minor se captum dicat, eò quòd non allegauerat ea, quæ pro causa sunt, id est, causam non adduxerat ad suam defensionem, quam si adduxisset, non fuisset condemnatus, tunc audiendus est minor.

Idem, si ab aduocatis proditum se esse dicat, vel, ut alij scribunt, si dicat se ab Aduocatis præuaricatum, vel proditum: unde Diuus Seuerus, & Imperator Antoninus non audierunt Glabrimonem Attilium incoloratè, id est, sine colore & causa restitui desiderantem aduersus fratrem, post causam in auditorio Principis finitam.

Si autem causa nō fuerit decisa in auditorio Principis, poterit minor restitui etiam contra res bis iudicatas coram aliis magistratibus, & ita Diuus Seuerus & Antoninus promiserunt Percennio Severo.

Dum ea quæ pro causa sunt, dicta allegat. ] Istum textum singul. notat Ludouic. Roman. singul. 113. Maior. ad hoc, ut si minor petat restitutionem à iudicis sententia, teneatur causam specialiter, in qua læsus est, exprimere. Diuersum est, si petat à sententia lata in auditorio Principis, eo enim casu dicere sufficit se generaliter læsum, & est mirabile secundum Bart. quòd in restitutione dicere sufficit se minorem, & læsum sui facilitate, nec est necesse exprimere articulum læsionis, sed id iste text. non probat, quia hic restitui minor desiderat, eo quòd non allegauit ea dicta, quæ erant pro causa instruenda, vel obtinenda coram Principe: nam præsumptio est, quòd Princeps non condemnauit minorem, nisi prius dixerit causam coram eo, & sic interpretes non intellexerunt illum versiculum, dicentem, Perraro Principem restitutionem concedere minori aduersus sententiam, quam ipse dixit, & iterum inducere in auditorium illum minorem pro restitutione, dum allegat ea dicta non esse, quæ sunt ei profutura pro causa obtinenda, & dum omissa ea causatur, quæ causæ conductura erant. Hæc Budæ. in annotatio. dicens istum textum interuersum.

*Læsonis ar-  
ticulus, in  
restitutione  
an expri-  
mendus.*

*De eadem  
re.*

Et sic patet minorem in restitutione teneri causam, & articulum, in quo læsus est, exprimere debere, etiam coram Principe, ne sub incerto vagetur, quia fortè Princeps non concederet restitutionem, si causa allegaretur, ut hîc patet: idè est alleganda, & specialiter, & ita vsus seruat forensis, quicquid Doctor. iactent, nec obtinebit minor restitutionem, nisi alleget super quibus est læsus, & in illis articulis expressis, dicet se deceptum, & sui facilitate, vel dolo aduersarij.

Vel ab Aduocatis proditum quærat. ] Habent alij, præuaricatum, colligitur sententia contra minorem lata, ex proditiōe seu præuaricatione Aduocati, minorem restitui posse, etiam si sit lata in auditorio Principis, quia sententia valet, alioqui non quæreretur de nouo de illa re, nec alia proferretur citra appellationem sententia, & tamen in l. j. C. de Aduocat. diuerso iudicio, hoc dicitur, quam quia corrupta inueni, sic scribendum duxi: Si patronum causa præuaricatum putas, & impleris accusationem (implere accusationem dicitur, qui probat ea, quæ in accusatione deducit) non deerit aduersus eum pro temeritate commissa sententia, atque ita

de principali causa denuò quæretur, quòd si non docueris præuaricatum, scilicet Aduocatum, & calumnia notaberis, videlicet tu accusans, & rebus iudicatis, à quibus non est prouocatum, stabitur, & sic valet sententia contra minorem habentem defensorem, licet eum malè defenderit, sed restitutio hoc casu petetur, cum sententia teneat, secus si minor defensio non esset, tunc nulla est sententia. l. si Præses. C. quomodo & quando iudex.

Non audierunt incoloratè restitui desiderantem. ] Colligitur non esse audiendum minorem petentem sine causa & colore restitui, maximè aduersus fratrem, post causam in auditorio Principis finitam: res enim iudicata instaurari non debet, nec illusoria esse. l. si Prætor. ff. de iudiciis.

*Restitutio  
sine causa  
non admit-  
titur.*

Contra res bis iudicatas. ] Nota restitutionem dari, & facilius contra res bis iudicatas ab aliis iudicibus, quàm si in auditorio Principis semel esset finita, quia hoc casu tam solemnia præsumuntur interuenisse, quàm etiam iustitia causæ, & examinatio: idè præsumitur pro illa sententia, nec obest l. Herennius. in fin. ff. de euiet. & cap. in præsentia. de renuntiat. vbi pro sententia præsumitur, verum ut sit iure lata, sed non est tanta præsumptio, sicut pro sententia lata in auditorio Principis. Etiam dicit Innocentius (nunc non recordor vbi) non præsumitur pro sententia lata à iudicibus, qui emerunt officia, quod est notandum, quia præsumitur potius lata per pecuniam, quàm bene lata, eo quòd vendere velint ea, quæ emerunt, quæ hodie posset habere locum, vbi sunt plurimi emptores, & venditores, etiam post tres sententias conformes restitui minor poterit, ut docet glos. & Doctor. in clement. prima. de re iudicat. & in l. vnica. C. ne liceat in vna eademque causa. dixi in §. finali. de friuol. appellat. in Concorda.

*Obiectionis  
solutio.*

§. Idem Imperator Licinio Frontoni rescripsit, insolitum esse post sententiam vice sua ex appellatione dictam, alium in integrum restitutionem tribuere, nisi solum Principem, sed & si ab Imperatore iudex datus cognoscat, restitutio ab alio, nisi à Principe, qui iudicem destinauit, non fiet.

Idem Imperator rescripsit Licinio Frontoni, rem esse insolitam, si sententia dicta sit in auditorio suo per appellationem, ut alius quàm Princeps restituat: imò si Imperator causam, & iudex datus sententiam proferat, si ex illius sententia minor se captum dicat, alius à Principe non poterit eum restituere, qui eum iudicè designauit. Hæc est summaria huius §. declaratio.

Ex hoc §. colligitur Principem valde raro concedere restitutionem contra sententiam à se dictam, quod tunc arbitramur, siue verbo (quod rarum est) protulerit eam, siue Cancellarius pro eo, siue in suo consilio primo, aut secreto fuerit pronuntiata, siue per alium eius mandato: nam qui per alium facit, perinde est, ac si ipse faceret: l. prima. §. de iei. ff. de vi & vi arma. omnia enim nostra facimus, quibus authoritatem nostram impartimur, l. prima. §. omnia. de vete. iure enucle. & quia non est verisimile minorem per Principem (qui est maximè mi-  
vocat



norum & viduarum pater) læsum, cū apud Hebræos vocetur Abimelech, id est, pater meus Rex, sed fortè illud nomen non est hætenus continuatum. De hoc verbo perrard vide Vlp. in l. fi. suprā, de Senator. & in l. impuberibus, in fi. de suspect. tutor. & l. nam ad ea. de legib. suprā. l. ij. de re iudic.

Vltimò, ex hoc text. colligitur non esse restituendum minorem condemnatum, siue sententia ex appellatione dicta, siue à iudicibus à Principe designatis lata fuerit, nisi ipse Princeps restituat. Et hodie hoc est commune in Francia, vt non detur restitutio, nisi à Principe, vel à sua Cancellaria, & idè si Princeps concederet literas, essent, cum causa, comprobandæ minori.

*Restitutio in Francia datur tantū à Principi vel à sua Cancellaria.*

§. Non solū autem minoribus, verū successoribus quoque minorum datur in integrum restitutio, etsi sint ipsi maiores.

**L**Ex minor, tollit dubium qui possint restituere: hic autem §. quibus in integrū restitutio competat docet, & respondet non solū minoribus restitutionem competere, verū etiam minorum successoribus, licet videretur hoc personale priuilegium, quod ad successores non transiret l. prima. ff. de constitut. Principum. regul. personale. de regulis iuris. in 6.

Sed Iurisconsult. contrarium vult, dicens, *Non solū autem minoribus, verū successoribus quoque minorum datur in integrum restitutio.* Et quid si successores sint maiores, etiam competere illis restitutionem dicit Iuriscon. hic.

Nec obest, priuilegium personale non transire ad hæredes, quod verum regulariter, nisi hoc à lege concessum fuerit, vt hīc, & docet Bart. in l. quia tale. ff. solut. matrim. licet ibi aliter distinguat, dicēs hanc restitutionem, non tantū personam læsi respicere, verū rem & læsionem: idè datur etiam contra possessorem rei, vt in l. in causā. j. §. interdum. suprā, eodem. & ita concludit Matth. de Afflict. in decisio. Neapol. q. 211. Pupillus. dixi in l. non solū. suprā, de in integrum restit.

Notandum est tamen, quod si successores petant restitutionem, eam nomine minoris petere, & non nomine proprio debent, aliās reiicerentur, & sic debent concludere minorem fuisse læsum, & potuisse restitutionem petere, & ipsi successerunt eidem, idè eius nomine restitui petunt.

#### LEX XIX. IDEM LIB. XI. AD EDICTVM.



**I**nterdum tamen successorī plus, quā annum dabimus, vt est edito expressum: si fortè ætas ipsius subueniat: nam post annum vicesimumquintum habebit legitimū tempus. Hoc enim ipso deceptus videtur, quod cū posset restitui intra tempus statutum ex persona defuncti, hoc non fecit.

**I**sta lex decidit intra quod tempus successor petere in integrum restitutionem debeat, & respon-

det intra annum, videlicet vtilem, in quo non computabantur festi dies, nec illi in quibus agi non poterat, vt declarant Doctores in §. rursus. de action. in Institut.

*Annus utilis quid contineat.*

Interdum etiam dabitur restitutio successorī post annum, vtpote si minoris successor, sit etiam minor, tunc dabitur legitimū tempus huic minori ad restitutionem petendam, videlicet annus utilis à vicesimoquinto anno suæ ætatis computandus: hoc enim ipso deceptus videtur, si ex persona defuncti hoc non fecit, idè poterit ex sua persona restitutionem petere, quā omisit in tempore præstituto, ex persona eius, cui successit.

*Minor successor.*

§. Planè si defunctus ad in integrum restitutionem modicum tempus ex anno utili habuit: huic hæredi minori post annum vicesimumquintum completū, non totum statutum tempus dabimus ad in integrum restitutionem, sed id duntaxat tempus quod habuit is cui hæres extitit.

**H**ic §. decidit dubium, an si minor mortuus fuerit intra annum vtilem, si parum restabat de utili anno, an detur integer annus successorī, respondet text. non dari totum statutum tempus anni utilis, sed id duntaxat tempus, quod habebat is, cui hæres extitit: idè si supererant sex menses defuncto, is minor successor post vicesimumquintum annum habebit illos sex menses, ad impetrandum illam restitutionem.

Notandi sunt casus sequentes. Primus est, Si maior successerit minori, annus utilis datur maiori ad petendum in integrum restitutionem, per istum tex. Sed quia incertus erat iste annus utilis, idè in eius locum datur quadriennium. l. superuacua. C. de tempor. in integrum restit.

*Quadriennium in locū anni utilis concessum.*

Secundus casus, Si minor non habebat ex quadriennio, nisi annum ad petendum restitutionem, maior ei succedendo non habebit, nisi annum, qui supererat, vel tantum tempus, quod minori compete-  
bat. §. planè. in hac l. & l. ea quæ. in fin. de tempor. in integr. restit. peten.

Tertius casus, Si minor succedat minori, non solū dabitur annus utilis, vel quadriennium minori ex persona defuncti, verū post tēpus viginti quinque annorum, habebit adhuc successor legitimū tempus, quod est hodie quadriennium. per d. l. fi. C. de tempor. in integr. restit. petend.

Quartus casus, Quando minor succedit maiori læso, nulla dabitur restitutio huic minori ex persona maioris, nisi in illis casibus, in quibus maior illam impetrare posset. l. j. & per totum ff. ex quibus causis maior. l. cum mandato. infra, eodem.

Quintus casus, Si maior maiori succedat, & is poterat in integrum restitui, illud tempus dabitur successorī maioris, quod supererat defuncto. per istum textum, & l. fin. C. de tempor. in integr. restit. petend.

Sextus casus, Istud quadriennium nō currit ignorantī, per text. in c. j. de in integrum restit. libro 6. ibi, negligenter omiserit, & ignorans non dicitur negligenter omittere, vt in c. 2. de concess. præbend. idè hoc quadriennium ad petendum restitutionem, non

*Quadriennium scienti tantum læsum, currit.*



mibi incipit currere, nisi quando scio me læsum. Ista est sententia Bal. in l. si falsam. C. si ex fals. instrumen. & Cardin. in clementina vnica. de in integrum restitut. Panor. in c. j. colum. vlt. de præscript. Alexand. consilio 1. in 4. vol. & Decius consilio 303. ac Hyppol. in l. qui falsam. num. 91. ff. de fals. & sic iudicatum fuit in Senatu pro magistris domus Dei Parisiis contra Abbatissam & moniales du port Royal, anno 1518. die 13. Aprilis post Quasimodo.

Septimus casus, Si minor fuerit læsus in tempore dilationis, fortè in octo diebus, certè successor restituetur ad illud tempus, & non vltra, vt tantum restituatur, quantum læsio abstulit, l. quod si minor. §. restitutio. infra, eod. poterit tamen restitutionem petere à morte defuncti intra quadriennium. glos. & Doctor. in d. l. fin. C. de tempor. appellat. dicitur in l. Aemilius. infra, eodem. Vide quæ scripsi in tractat. de restit. in 2. tomo Commentar. ad Constitut. Reg. Gallic. artic. 2.

Vltimus casus est, Quod hæredi minoris non currit ipso iure tempus, sed datur restitutio, vt in glos. vltim. & in praxi: parum curatur an currat ipso iure, an per restitutionem, quia semper in vsu forensi petitur restitutio, vt in d. l. Aemilius. inferius dicitur.

LEX XX. IDEM LIB. XI.  
AD EDICTVM.

**P**apinianus lib. secundo Respon-  
sorū ait, exuli reuerso non de-  
bere prorogari tempus in inte-  
grum restitutionis statutum, quia abfuit,  
cū potuerit adire Prætorem per Procu-  
ratorem, nec dixit, vel Præsidentem, vbi erat.  
Sed quod idem dicit, id indignum esse  
propter irrogatam pœnam, non rectè.  
Quid enim cōmune habet delictum cum  
venia ætatis?

*Facti huius  
legis spe-  
cies.*

**I**sta lex est difficilis, & perperam à Doctoribus  
intellecta: idè facti species hæc vera esse videtur.  
Minor exul læsus est in suis rebus, non petit restitu-  
tionem intra tēpus statutum, videlicet intra annum  
vtilē hoc iure, post tempus restitutionis petendæ  
reuersus est ad urbem, vult petere restitutionem, vt  
prorogetur ei tempus anni vtilis, ad petendum di-  
ctam restitutionem, quam petere omisit absentis  
tempore, an possit ad hoc restitui? Quod videbatur,  
quia obstante absentia non potuit, sed respondet  
Papinian. non posse, quia poterat tempore sui exilij  
adire Prætorem per Procuratorem, qui petiisset in-  
tra statutum tempus restitutionem, non petiit, ob id  
illi imputetur, idè ei legitimum tempus non pro-  
rogabitur, eò quod abfuit.

Sed nunquid potuit minor adire Præsidentem, vbi  
erat exul, & ibi petere restitutionem? Respondet  
Iulia, huius l. author. Papinian. hoc non dixisse, quasi  
velit dicere non potuisse, quia indignus est ob exi-  
lium per se petere, etiam quia in vrbe lædebatur,  
ob id corā Prætore vrbis hoc petere debebat. Quo-  
modo enim potuit exul propter irrogatam pœnam  
restitui? hoc videbatur indignum Papiniano, sed nō  
rectè. Quid enim habet commune delictum cum

venia ætatis, & sic cum restitutione? Nam minor si  
fuerit exul, & lædatur, poterit restitui, non quidem  
ratione delicti, sed læsionis, & non excluditur exul  
ab ætatis auxilio, vt non possit restitui, quia restitui-  
tio & delictum nihil commune habere dicuntur.

Colligunt Docto. ex hoc text. absentem ex causa  
necessaria non esse restituendum, si potuerit Procu-  
ratorem dimittere, quod tamen non probatur ex  
hoc text. nec est verum: nam iste text. loquitur in  
minore exule, qui non petiit restitutionem tempore  
statuto, an postea possit? & iste text. dicit non posse,  
quia statutum tempus à iure non debet prorogari  
sine causa, l. ij. ff. de re iudic. sed nō est in exule causa,  
quia potuit Procuratorem constituere, qui suo no-  
mine petiisset restitui coram Prætore, si hoc non fe-  
cerit sibi imputetur, & sic iste text. loquitur in casu,  
in quo exul vult restitui, vt restituatur, vult inquam  
restitui, vt prorogetur tempus, vt demum ipse petat  
restitutionem, quod non est concedendum.

Secundò, ex hoc text. elicitur, restitutionem peti  
posse per Procuratorem: requiritur tamen speciale  
mandatum ad hoc, l. illud. §. si talem. infra, eod. vbi  
dicitur abundantius.

Tertiò, Nec dixit, vel Præsidentem vbi erat.]  
Collige quem debere restitutionem petere coram  
iudice, in cuius territorio bona sunt sita, & vbi est  
læsus, non vbi ipse degit, si causa sit necessaria, videli-  
cet exilij. Et quamuis de iure sit controuersum, an  
restitutio sit petenda coram iudice domicilij, vel rei.  
per l. quoniam. C. vbi & apud quem. & l. j. vbi in rem  
actio. & l. j. vbi de hæredit. agitur. tamen in hoc re-  
gno est in electione actoris, vt impetret literas resti-  
tutionis directas iudici domicilij defensoris, vel iu-  
dici rei sitæ, vt videtur statutum in ordina. Reg. in  
tit. des Seneschaux. ordin. 27. artic. 18. Scripsi in tract.  
de resciss. artic. 1. glos. 21. in 2. tomo Constit. Regiar.

Hoc non procedit quando quis haberet domici-  
lium necessarium, tunc coram illo iudice restitutio  
non petetur, per istum textum quem limitarem, nisi  
ibi læderetur. argum. l. si longius. §. fin. de iudic.

Quartò, Indignum esse propter irrogatam  
pœnam non rectè.] Ex hoc tex. patet, delinquenti  
post irrogatam pœnam non esse auferendum priui-  
legium: nam beneficium ætatis minori exuli con-  
cedit debet, nec exiliū & irrogata pœna aufert illud  
beneficium, nec obest l. j. C. vbi Senato. in qua l. rea-  
tus excludit honorem & priuilegium: verum qui-  
dem quoad crimen, sed non quoad alia: nam si mi-  
nor vellet restitui propter delictum, ex quo exul  
factus fuit, non potest, nec per se, nec quidem per  
Procuratorem, l. si ex causa. §. nunc videndum. supra  
eodem. sed si lædatur in suis rebus, restitui poterit,  
vt hîc, quia semper minor est, & nil commune habet  
delictum cum ætatis venia, vt sequitur.

Quintò, Quid enim commune habet de-  
lictum cum venia ætatis?] Colligunt Docto. ex  
separatis non posse inferri quicquam necessariò: non  
sequitur enim, minor deliquit, ergo amisit ius petendi  
restitutionem, in alio contractu separato à delicto,  
cū ista sint separata, non bene ex separatis conclu-  
detur, l. fin. ff. de calūnia. & separatorum separata est  
ratio. d. l. fin. & l. si maritus. ff. de dona. inter virum  
& uxorem. & quorum sunt diuersa & separata no-  
mina, & omnia separata esse debent. l. si idem. C.  
de codic. c. duo. 12. quæst. 1. quod separatum est, non  
debet

*Restitutio  
coram quo  
iudice pe-  
tenda.*

*Exiliū non  
aufert bene-  
ficiū mino-  
ri concef-  
sum.*



debet coniungi. l. Procuratoris. §. si plures. ff. de tribu. actio. Lucas de Penna in l. diffinimus. colum. j. C. de agricol. & censit. lib. ii.

Sexto, colligitur, *venia ætatis*. Hic vocatur *venia ætatis restitutio*, quæ datur propter ætatem, alibi dicitur beneficium ætatis, in l. j. §. j. supra, eodem. & l. tutor. de liber. lega. & dicitur *venia*, quod *veniam* mereatur ob ætatem.

*Venia ætatis quomodo apud Iurisc. accipitur.*

Et aliò tendere videtur Imperator, in titulo de his qui *veniam ætatis* impetra. vbi loquitur de his, qui possunt impetrare à Principe *veniam ætatis*, ad gerendum sua negotia, hic verò de gestis restitutionem petit, & sic *venia ætatis* datur, vt quis restituatur ob læsionem, vel vt bona sua ante tempus administret, l. ij. & iij. supra, eodem. & sic loquitur titulus de his qui *veniam ætatis*. de quo multa scripsi in tractat. de restitut. in 2. tomò Commentariorum ad Constit. Regias.

Quid enim commune habet delictum cum *venia ætatis*? Colligite phrasim Iurisc. vt interrogando sapius decident, vt & in l. quid aliud sunt iura? ff. de verbor. signific. vbi dixi.

Notate istâ phrasim Iurisc. *Quid habet commune?* &c. alibi dixit, *Nihil habet commune possessio cum proprietate*. l. naturaliter. §. nihil commune. ff. de acquirend. possess. & accipitur hic, commune, pro connexo, vt scripsi in l. inter stuprum. in fine. ff. de verbor. signific.

Et ex his apparet regulam Doctor. non esse veram, vt ille non restituatur, qui potuit mittere Procuratorem, sed regula vera est, quod minor etiam relegatus restitui poterit, si læsus in bonis suis fuerit, per rationem text. quia nihil habet commune delictum cum *venia ætatis*, & quia ex edicto Prætoris subuenitur minori, in eo, quod cum eo gestum erit: l. ait Prætor. supra, eodem. ergo etiam si fuerit exul, l. sed & si per Prætorem. §. j. quibus ex caus. maior. aliàs afflicto daretur afflictio. contra l. Diuus. ff. de offic. Præsid. sed & bis puniretur pro delicto, primò quia fuit exilio datus ob delictum, adhuc si perderet restitutionem duplici pœna puniretur, quod est à iure prohibitum. c. at si clerici. in fine. de iudic. l. j. C. quando civilis actio præiud. crimin. Bar. in l. Prætor. §. j. ff. de iniur. scripsi in §. mouemus. in glos. vlt. de collat. in Concorda. in quibusdam casibus quem duplici pœna affici posse.

*Duplici pœna quis non afficiendus.*

Ista regula limitatur in duobus casibus. Primus est, vt restitui non debeat, si lapsus fuerit tempus ad petendum restitutionem, vt in hac l. Papinianus.

Secundus est, Quod minor non est restituendus, si velit restitui in eo, quod est læsus ratione delicti, l. si ex causa. §. nunc videndum. supra, eodem. & d. §. j. & sic extra istos casus & alios similes poterit restitui relegatus, tam de gestis ante exilium, quàm postea: ex causa tamen, si maior sit, si autem minor, beneficio solo ætatis, & læsione, consideratis, restituetur.

Etiam relegatus non amittit ciuitatem, sed eam retinet, l. relegatorum. §. siue ad tempus. ff. de inter. & releg. imò ad tempus relegatis, neque tota bona, neque partem adimi debere rescriptis quibusdam manifestatur, & reprehensæ sunt sententiæ eorum, qui ad tempus relegatis ademerunt partem bonorum, vel bona. ibidem in §. ad tempus.

Etiam aduersus relegatos restitutionem facien-

dam Pompon. ait in l. sed & si per Prætorem. §. j. ff. ex quibus caus. maior.

Item reprehenditur Accurs. hic, dicens exulem improprie poni pro relegato, quia proprie relegatus exul dicitur, cum exilium triplex sit, l. exilium. ff. de interd. & relegat. videlicet aut certorum locorum interdictio, aut lata fuga, vt omnium locorum interdicitur præter certum locum, aut insulæ vinculum, id est, reformatio in insulam.

*Exilium triplex.*

Item notat Fulgos. ex isto text. quem restituendum ex imperfecta responsione, licet verum dicat, adducit text. in l. fin. §. j. ff. ad leg. Rhod. de iactu. & per istum textum vidi condemnari cum aliis hæreticum, qui multa dixerat imperfecta, quia hoc solent hæretici, videlicet imperfectè loqui, vt non possint reprehendi, sed de imperfecto sermone argui poterunt, per istum textum.

*Hæreticus ex imperfecto sermone condemnatur.*

Etiam hoc non videtur verum, vt exul & bannitus teneatur relinquere Procuratorem, qui respondere teneatur de contractibus & actibus gestis ante exilium, licet hic text. ad hoc allegetur, sed non probat, tamen Bart. hoc firmat in l. si quis stipul. de in integr. restit. & in l. j. de diuers. & tempor. præscript. & hoc sine dubio procedit in civilibus, secus in criminalibus. vt docet Alexand. consilio 72. Visis. col. vlt. in 2. volum. firmat etiam Bart. hic, exuli non esse concedendam veniendi securitatē, quando per Procuratorem comparere potest, quod planè tractat Angel. in disputatione incipiente, Extra ciuitatem. col. 8. in 4. q.

Ego verò putarem eum non teneri relinquere Procuratorem, nisi hoc fuerit à iudice pronuntiatum, antequam discesserit, per l. sed & si. §. aduersus. infra, ex quibus caus. maior. ibi, quia potuit Procuratorem relinquere, ergo non tenetur: nam verbum, potest, non inducit necessitatem. l. sæpe. ff. de officio Præsid. Vnde interdum audiui Procuratorem Regium requirere, vt antequam discederet exul, constitueret Procuratorem super contractibus iam factis, & iudex audiuit illum exulem, & is non contradixit, & sic fuit condemnatus, vt relinqueret Procuratorem, qui cum super bonis suis defenderet, & super contractibus iam factis, ne illi (quibus tenetur) habeant eum perquirere extra ciuitatem, quod est notandum. De his exulibus & bannitis sunt plures tractatus, maximè Nelli, qui plura ad hoc congestit.

*Exul Procuratorem relinquere antequam teneatur.*

§. Si quis tamen maior viginti quinque annis intra tempus restitutionis statutum contestatus postea destiterit, nihil ei proficit ad in integrum restitutionem contestatio, vt est sæpissime rescriptum.

**D**ubitatio est, Si minor petiit restitutionem intra annum utilem, vel quadriennium hodie, & lite contestata destiterit, an profit ei litis contestatio ad perpetuandam actionem? Respondet textus non ei proficere.

Sed quando videatur destitisse, in l. destitisse. infra, eodem. dicitur, vt is destitisse videatur, non qui distulit, sed qui renuntiavit liti in totum.

Ex hoc text. colligitur in restitutione litem esse contestandam, hoc esse verum tradit Bart. hic, quando principaliter petitur, per §. finalem. de offic. iudic.

in

*Minor quibus casibus non restituitur.*



in Institut. & in l. nam & postea. §. si minor. ff. de iureiurand.

Idem, si petat aduersus omnes restitui, & sic aduersus personam incertam. authen. si omnes. C. si minor se ab hæredi. abstineat. Dom. de Rota decisio. 9. Si petatur. in no.

Istum textum allegat Fulgos. ad hoc, quod litis contestatio non perpetuat beneficium restitutionis in integrum: hoc tamen non est verum, quia generalis regula est, vt litis contestatio perpetuam faciat actionem, super qua interponitur. l. nam & postea. §. si is qui temporali. ff. de iureiurand. sed licet sit actio perpetua per litis contestationem, si ei renuntietur, non poterit iuari litis contestatione, cui renuntiavit, vt hic, & l. postquam. C. de pact. & sic debet intelligi iste text. quicquid Fulgo. canat. Alia dicam in tractat. de effectibus litis contestationis, & sic potest allegari, quod litis contestatio, cui est renuntiatum, nihil prodest.

LEX XXII. IDEM LIB. XI.  
AD EDICTVM.



**I**N integrum verò restitutione postulata aduersus aditionem à minore factam si quid legatis expensum est, vel pretia eorum, qui ad libertatem aditione eius peruenerunt, à minore refundenda non sunt: quemadmodum per contrarium cum minor restituitur ad adeundam hæreditatem, quæ antè gesta erant per curatorem bonorum decreto Prætoris ad distrahenda bona secundum iuris formam constitutum, rata esse habenda Calpurnio Flacco Seuerus & Antoninus rescripserunt.

**H**æc lex duos casus conscribit. Primus est, si minor restituatur contra aditionem hæreditatis damnosæ, quam fecit, si quis legata soluerit post aditionem, & pretium pro manumittendis seruis, non tenebitur illorum refundere pretium, licet contrarium videretur in l. quod si minor. §. j. & sequen. infra, eodem. sed ibi textus intelligitur minorem teneri restituere omnia, in quo est factus locupletior, sed hic soluendo legata à testatore relicta, non est factus locupletior. ergo illa restituere, vel pretiū refundere minor non debet, nec quiuis alius, vt docet Accurs. etiam contractus facti cum auctoritate curatoris, vel iudicis, & seruata iuris solemnitate à minore valebunt, nec rescindentur.

Postea, vt pulchre scribit his verbis Iulianus de acquirend. hæredit. l. Quotiens pupillus patri hæres extitit, & abstinnit se hæreditate, quamuis patris bona sub creditoribus fiant, tamen rata haberi debent, quacunque pupillus bona fide gesserit, & ideo ei qui fundum tutore auctore à pupillo emerit, succurrendum erit, nec interest pupillus soluendo sit, necne.

Item quod libertas teneat, nec sit rescindenda, scribit ita Papinian. infra, eodem. in l. Si mulier, postquam hæres extiterit, propter atatem abstinendi causa in integrum restituta fuerit, seruos hereditarios ex

fideicommissio ab ea rectè manumissos, retinere libertatem respondi. vt ibi dicitur: legata tamen indebitè soluta repeti poterunt per conditionem indebiti à legatariis per eum, ad quem bona pertinent. l. iij. & l. sequen. ac l. nec nouum est. ff. de condit. indeb.

Secundus casus huius textus est, Si minor restitutus fuerit ad adeundam hæreditatem, illa quæ gesta fuerint interim per curatorem bonorum, sententia & decreto iudicis, rata erunt, nec poterit minor ea improbare, quia non retractatur actus rectè conceptus, licet peruenerit ad casum, à quo incipere non potuit, per regulam iuris. & sic per istum text. dicunt Doct. quod gesta etiam à Prælato, qui postea reuocatus est, vel à curato, valent. plenè Doctor. per illum textum in l. Barbarius. ff. de offic. Prætor. Aretinus in d. l. quotiens.

Requiruntur tamen sequentia antequam actus gesti valeant. Primò, quod illi actus facti sint à domino, tempore quo ipse verè administrabat, vel ab alio, qui pro domino habebatur, per istum text.

Secundò, quod ille, qui administrat iuris auctoritate creatus sit, & secundum formam iuris, ibi, secundum iuris formam, & ideo si curator, vel tutor factus fuerit non iure, non valebunt gesta facta per eum: nam à falso tutore facta, & gesta nequaquam valere possunt, vt est in tit. quod falso tutor. author. gestum. Respondeo, hic requiritur quod sit conceptus secundum formam iuris, ibi non, sed à falso, habito tamen pro tutore, valere, quia iste text. loquitur de curatore bonorum, qui debet secundum formam iuris creari, aliàs non valent gesta ab eo. l. ij. & per totum ff. de curat. bonis dand.

Tertiò, quod ibi actus facti sint bona fide, dicta l. quotiens. secus ergo, si dolo & mala fide, quia non valerent. l. tutores. ff. de condit. indeb. l. pupillus. que in fraudem credit.

Quartò, quod solēntas requisita à iure ad illum actum perficiendum interuenerit. Vnde si minor actum faciat, in eo requiritur auctoritas tutoris, d. l. quotiens. ibi, tutore auctore, & si res fuerit immobilis, quæ fuit vendita, requiritur iudicis decretum, l. si prædium. C. de præd. minor. nam si alio iure venderetur, non valeret actus, ratione fortè decreti omissi, & non esset ratus per istum text. qui actum valere præsupponit, & vt validum actum non vult infringere, ita nec actum ipso iure inualidum, & nullum, validum atque efficacem facere.

LEX XXIII. PAVLVS LIB. XI.  
AD EDICTVM.



**V**m mandatu patris filius familias res patris administrat, non habet beneficium restitutionis: nam & si alius ei mandasset, non succurreretur: cum eo modo potius maiori cōsuleretur, cuius dāno res sit cessura. Sed si in euentu damnum minor passurus sit, quia quod præstiterit, seruare ab eo cuius negotia gessit, non potest, quia is non erit soluendo, sine dubio Prætor interueniet. Si autem ipse dominus minor sit: Procurator

verò

Renuntiatio  
litis conte-  
stationis.

Actus à  
Prælato, po-  
stea reuocato  
gesti.

Requisita,  
vt actus ge-  
sti antere-  
stitutionem  
valeant.

Antino-  
mia solu-  
tio.



verò maioris ætatis, non potest facile dominus audiri, nisi mandatum eius gestum erit, nec à Procuratore seruari res possit. Ergo & si Procuratorio nomine minor circumscrip- tus sit, imputari debet hoc domino, qui tali commisit sua negotia, idq; & Marcello placet.

**F**liusfam. minor res patris maioris administravit, & perperam, quæritur an possit restitui? & Paulus hic dicit illum beneficium restitutionis non habere, quia si alius ei mandasset, minori non succurreretur, aliàs potius maior restitueretur, cuius dāno res est cessura. Quid si minor gerens patris negotia pecunias suas dedit pro patris negotiis, & pater non est soluendo, eo casu restituendum minorem censet, quando ex euentu damnum minor ex administratione maioris habet, quia tunc læditur, & ob suam facilitatem. Si verò minor cōmisit negotia sua Procuratori maiori, & minor nomine Procuratorio circumscrip- tus sit, vix restituetur: agere enim contra Procuratorem potest, & imputari ipsi minori debet, qui talem curatorem elegit, sicut de socio dicitur, in §. fin. de societate. in Instit. si tamen Procurator soluendo non sit, minor restituetur, dixi etiam si Procurator soluendo sit, minorem restituendum, vt lites vitentur, vt sequitur.

Notandi sunt casus sequentes. Primus est, si minor administrat res maioris patris sui, aut alterius, & lædatur, restitui non potest, per istum text. quia eo modo potius consuleretur maiori, cuius damno res sit cessura, vt dicit iste text.

Nisi ex euentu damnum minor passurus sit, quia quod præstiterit seruare ab eo, cuius negotia gessit, non potest, quippe is non erat soluendo, sine dubio Prætor interueniet, ibi, in vers. sed si ex euentu. quia hoc casu minor læsus est, & ita intelligitur l. iij. §. sed vtrum. supra, eod. vt non restituatur minor ob bonorum patris læsionem, & ipsum patrem respicientem, secus si læsio filiū respiciat, vt quia se pro patre obligauit, per illum textum, & istum, qui sic conciliandi sunt.

Secundus casus, Si Procurator maior fuerit, & dominus rerum minor, difficile est, vt restituatur, quia agere potest contra Procuratorem, vnde cum sibi contra Procuratorem prouideatur iure cōmuni, non restituetur, l. in causa. ij. supra, eodem: nisi Procurator fuerit inops, & non soluendo. Hodie tamen quia duriores essent lites contra Procuratores, quàm contra alios, solet minor restitui & impetrare à Principe literas restitutionis, quæ comprobari debent postquam Principi ita placet, & bene sic consultur minori, qui semper posset remanere in litibus cum vulpino Procuratore, & probat l. etiam. C. si tutor, vel curator interuenierit, quia hoc datur ei nouo iure per dictionem, etiam, ibi, in d. l. positam. nam liberum est minori contra Procuratorem agere, & tutorem, & si velit restitui etiam potest, quia iste text. dicit, difficile: si tamen Rex concedat, non est dubitandum, quicquid dicat Accurs. quia iudici difficile est restituere, sed Principi non.

Tertius casus, Maior succedens minori restitui potest, ex persona minoris. l. minor. §. fin. supra, eod.

vbi dixi. scribit Matthæ. de Afflict. in decisio. Neapo. q. 212. Litigatur.

Quartus casus, Restitutio minoris in indiuiduis prodest, & maioribus, eiusdemque litis consortibus. glos. in l. vnica. C. si in communi eademque causa. in integr. restit. postul. arg. l. si communem. ff. quemad. seruit. amitta. plenè Matthæus de Afflict. decisione Neapol. 213. Agitur.

LEX XXIIII. IDEM LIB. I.  
SENTENTIARVM.



Vòd si minor sua sponte negotiis maioris interuenierit, restituendus erit ne maiori damnum accadat.

Quòd si hoc facere recusauerit: tunc si cōuentus fuerit NEGOTIORVM GESTORVM, aduersus hanc actionem non restituitur: sed compellendus est ei cedere auxilio in integrum restitutionis, vt Procuratorem eum in rem suam faciat: vt possit per hūc modum damnum sibi propter minorem contingens refarcire.

**I**N proxima præcedenti lege, dictū fuit minorem restitui non posse, si mandato alicuius maioris negotia gesserit, quia maiori potius subueniretur, quàm minori: in ista autem lege dicitur succurri minori, si sua sponte, & sine mādato res alicuius administravit, ne maiori per minorem damnum accadat: si tamen hic minor nolit in integrum restitutionem petere, postea conuentus actione negotiorū gestorum, non restituetur aduersus hanc actionem, quin teneatur, vnde conuentus compelletur à iudice cedere auxilium in integrum restitutionis illi, cuius negotia malè gessit, & Procuratorem in rem suam illum facere, vt iste possit refarcire damnum, quod minoris causa sibi contigit.

Ex hoc text. colligitur, quem sua sponte facere aliquid, quando non habet mandatum ad hoc, sed liberè hoc exercet. per istum text. & per totum tit. de negot. gest. & facit text. in l. fin. ff. qui & à quibus. ibi, *Sponte sua libertus patrono mercedem præstiterit.* sed Iuriscon. in l. qui tatiario. ff. de pignor. actione. dicit sua voluntate, & sponte fieri id dicitur, quod nō coactè. l. sed & si restituatur. ibi, *sponte, vel coactus.* ff. de iudic. scripsi in l. munus. ij. ff. de verb. signific.

Secundò, ex hoc text. elicitur minorem restituendum, ne maiori damnum propter minorem accadat: nempe si minor sine mandato maioris negotia sua administrat, se obligat, & actione negotiorum gestorum tenetur, quando sponte, & nulla necessitate cogente immiscuit se negotiis alienis. Vlpian. in l. ij. §. penul. ff. de negot. gest.

Tertiò, patet ex hoc text. Quod si hoc facere recusauerit, minore recusantem in integrū restitui, ne alteri profit, esse in dolo, & postea si cōueniatur, nō restituetur: nam cum maior patiatur damnum ex persona pupilli, debet restitui, & sic per istum textum conclusio sustineri potest, maiorem restitutionem petere posse, etiam inuito minore, & est casus specialis, licet regulariter contrà. vt in l. patri. infra, eodem.

P. Rebuffi Lectura.

L l

*Spōte, verbum quid importet.*

*Maior quā do restituatur, etiam inuito minore.*

*Minor res maioris administrans non restituitur.*

*Limitatio eiusdem.*

*Minor etiam contra Procuratorem suum restituitur.*



Quartò, Compellendus est ei cedere. Ex hoc text. not. minorem compellendum ad cedendum auxilium restitutionis, quo iuuare non vult, & sic inuito confertur beneficium, quia minor inuitus restituitur, contra l. inuito. ff. de reg. iur. Sed hoc procedit quando agitur de solo commodo inuiti: si verò agatur de commodo inuiti & tertij, tunc inuito conferri potest beneficium, vt ibi docet Dec. idè quis pro alio inuito soluere potest, quia agitur etiam de commodo eius, qui pecunias recipit, vt not. in l. soluendo. ff. de negot. gest. & potest Medicus curare infirmum, etiam inuitum. glos. in summa. 83. dist. & c. qui emendat. 45. distin. Iason in §. tripli. de actio. in Instit. Roman. singul. 123. Iason & alij in l. seruius vante. ff. de verbor. obligat.

Vt Procuratorem eum in rem suam faciat. ] Not. bene istum text. eum dici Procuratorem in rem suam, quando cessæ sunt actiones, & auxilia alicui, quibus potest ipse iuuari in causa propria, quod bellè declarat Vlpian. in l. si Procuratorem. in fine. ff. mandat. ibi, *Puto sufficere, si mihi hanc actionem cedas, & Procuratorem me in rem meam facias, nec amplius præstes, quàm consecuturus sis.* & text. in l. ij. in fine. famil. hercisc. quamuis illum text. in d. l. si Procuratorem dicat sing. Aret. in consil. 125. & Bald. in c. ex literis. col. 2. de probat. & consil. 42. in 2. vol. sic Iason in l. 4. ff. de re iudic.

Etiam not. Bald. ex hoc text. officium iudicis, per quod petitur in integrum restitutio, cedi posse, similiter in l. si minori. ff. de administrat. tutor. hoc tamen mihi non placet, quia cedi non potest, quod nobis non competit, l. traditio. ff. de acquir. rerum domin. sed officium iudicis non competit parti, sed iudici tantum, per quod iudicat, & actus ad suum officium spectantes agit: ergo non potest à parte cedi, quia licet pars ius, quod habet ad petendum restitutionem cedere possit, vt hic, iudicis tamen officium, quod in ipso residet iudice, cedere non potest, aliàs cederet quod ad se non spectaret, contra l. si vniuersæ. C. de legat. vbi Bart. & d. l. traditio. & si cederet officium iudicis, iudex officio suo amplius fungi non posset, quia illud non haberet, cum iam cessum esset. idè scripsi in l. actionis verbo. ff. de verbor. signific. ista esse diuersa, videlicet actionem, persecutionem, & officium iudicis, quia duo prima partem respiciunt, vltimum iudicem, & idè nihil commune habent. vt in l. naturaliter. §. nihil commune. ff. de acquir. posses.

Et an illa restitutio cescatur, an verò sit personale beneficium, dictum fuit in l. minor. in fin. suprà, eod. ibi videte.

#### SUMMARIA.

1. Mercatores exteri non possunt expelli à dominis.
2. Minor sine manifesta deceptione non restituitur.
3. Princeps potest minorem restituere, licet manifesta læsio non sit.

§. Non semper autem ea, quæ cum minoribus geruntur, rescindenda sunt, sed ad bonum & æquum redigenda sunt: ne magno incommodo huius ætatis homines afficiantur nemine, &c.

Iste §. est vtilis, scribens regulam, videlicet an passim minores sint restituendi, & dicit non semper rescindenda esse, quæ cum minoribus gesta sunt, sed ad bonum & æquum sunt redigenda: rationem ponit text. ne minores afficiantur magno damno, eo quod commercium eis interdiceretur, & nemo vellet cum eis contrahere. Idè, idem Paulus in l. verum. §. sciendū. ait non passim minoribus subueniendū, &c.

In versicul. itaque, infert, quando minor sit restituendus, & quidem tunc est restituendus, quando est manifesta deceptio, aut tam negligenter versatus est in ea causa, vt ei succurri debeat, aliàs Prætor interponere se non debet.

Ex hoc text. colligitur, quando restituendus sit minor, quando bonum & æquum est restitui, id est, quando est vtile, vt dicit Accurs. sed ista utilitas debet inspicere, tam ex persona minoris, quàm alterius, cuius restitutionis omisio afferret damnum illi, cuius negotia gessit, vt in princ. huius l. dictum fuit, de eo cuius negotia minor gessit. Hæc verba exponuntur in l. j. ff. de iustit. & iure. scripsi in l. bonorum appellatio. j. ff. de verbor. signific.

Ne magno incommodo, &c. ] Ex hoc text. patet incommodum fore alicui, quando prohibetur contrahere, & quando commercium prohibetur, sicut Barbaris commercium prohibetur cum Christianis, l. ij. & per totum C. quæ res vendi non possunt. etiam excommunicatis prohibetur commercium, in cap. excommunicatos. n. q. 3. sicut Tantalo (vt Poëtæ fingunt) vt per Horatium Satyra 1.

*Tantalus à labris sitiens fugientia captat Flumina.*

Et sic Principes sine magna causa nō debent prohibere commercium, & illa prohibitio est odiosa, & sic maximè restringenda. Vnde Bald. in §. dominus. de forma fidei. ait, Dominos nō posse expellere mercatores exteros forenses, quia mundus est communis patria, sed ex causa poterit eis prohibere ingressum, maximè tempore belli. arg. l. Diuus. ff. de seruitut. rustic. præd. Bar. in l. relegatorum. §. interdicere. ff. de interdi. & relega. Boër. in §. j. in principio. consuet. Biturig.

Et quædam sunt res, quæ in nullius bonis sunt, §. nullius. de rerum diuisio. quarum commercium apud homines non est, vt rei sacræ, religiosæ, & sanctæ, l. inter stipulantem. §. sacram. ff. de verb. oblig. §. idem iuris. de inutil. stipul. & res quæ in publico vsu habentur, non sunt in commercio nostro, l. sed Celsus. ff. de contrahen. empr. l. quædam. ff. de acquir. rerum domi. & illa etiam legari, furiosi est. l. idem Iulianus. §. fin. ff. de legat. j.

Manifesta circumscripção. ] Colligitur minorem restituendum, quando deceptio est manifesta, & apparet, si autem non appareat de deceptione, non debet restitui. Oportet ergo quod minor probet, & claram faciat deceptionem: nam si de ea dubitetur, iudex non debet restituere, vt docet Bart. in l. de ætate. infrà, eodem. & in l. admonendi. col. 3. ff. de iureiurando. vnde in literis solet mandare Princeps iudici, cui literæ illæ diriguntur, quod si appareat de læsione, & aliis, quatenus sufficere debeat, vt minorem restituant. De hac clausula si constiterit, vel preces veritate nitantur, tradit text. & ibi interpretes in l. fin. C. si contra ius. & in c. 2. de rescript.

Aut tam negligenter. ] Nota minorem restituendum, si negligenter sua gesserit negotia, quod

Restitutio  
nis utilitas  
consideranda.

Prohibitio  
commercij

2

Minores  
ex negligē-  
tia resti-  
tuntur.



non videbatur, quia Marcellus ait, non immeritò culpæ eorum adscribendum, qui negligentiores in officio fuerunt, l. Diuus. in fin. ff. de offic. Præsid. sed respōdeo ibi loqui de maioribus, & his qui in aliquo sunt officio: nam hi diligentes in officio esse debent, sed minores ex leuitate ingenij non ita: idē illis succurri mandat. Et de hac negligentia & diligētia scripsi in interpret. authen. habita. C. ne fil. pro patre.

Prætor interponere se non debet. ] Not.

- 3 Prætorem non debere restituere, nisi ex manifesta læsione, aut ex negligentia minoris, tamen Princeps hoc potest. l. minor autem. eodem. ibi, *Perrarò solet permittere restitutionem.* & facit contra iudices, qui licet videant restitutionē concedi à Principe: tamen repellunt minorem, quod facere non debent: nam multa permittuntur Principi, quæ iudex facere non potest. l. Princeps. de legib. & suprā dixi. Vnde vidi interdum restitutum minorem ad accipiendum pecuniam hæreditatis, post eam distractam, licet iste text. dicat repellendum minorem: tamen Princeps, qui minori hoc concedit, plenius ei prouidet, quàm iudex, quia adhuc finita non erat causa, vt statim diceretur in §. seq.

#### S V M M A R I A.

- 1 Princeps ius quæsitum non censetur tollere.
- 2 Minor quando post lapsum quadriennium etiam restitui possit.
- 3 Labores alterius sibi adscribere, furti species est.

§. Scæuola noster aiebat: Si quis iuuenili leuitate ductus omiserit, vel repudiauerit hæreditatem, vel bonorū possessionem: si quidem omnia in integro sint, omnimodò audiendus est. Si verò iam distracta hæreditate, &c.

**M**inor qui repudiavit, vel omisit hæreditatem, aut bonorum possessionem, potest restitui, si omnia sint integra, secus si hæreditas sit distracta, & finita negotia, & multò difficilius minoris hæres restituetur. Hæc sit brevis summa.

Ex hoc §. requiruntur sequentia, antequam minor repellatur à restitutione. Primò, requiritur quòd ipse eam hæreditatem repudiauerit, vel omiserit: repudiare dicitur expressis verbis, omittere autem est permitttere, & si cum potuerit adire, noluit, vt declarat Papinianus in l. j. ff. si quis omiſſa causa testa. & ego in l. alienationis. in fin. ff. de verb. signific.

Secundò, quòd sit per substitutum adita, vel accepta, quod patet, ibi, substituti. Idem putarem in aliquo consanguineo, cuius laboribus hoc fieret, dummodò ista interuenirent, quia hîc non plus vult fauere substituto, quàm alij, qui requisita in text. fecerit.

- 1 Tertiò, quòd hæreditas sit distracta, ibi, Si verò iam distracta hæreditate, quia ius videtur quæsitum, idē Princeps ius non vult tollere quæsitum. l. ij. §. meritò. ff. ne quid in loco pub. fiat.

Quartò, quòd negotium super hæreditate sit finitum, & sic quòd licitationes & decretum sit interpositum: si ergo ante decretum minor interuenierit, non dicitur finitum negotium, ergo recipi debet: nam finitum dicitur illud, quando nihil aliud superest agendum. l. penult. C. de his quibus vt indig.

scripsi in l. tranſacta. ff. de verbor. signific.

Quintò, quòd veniat quando parata est pecunia, ibi, paratam pecuniam. Et parata pecunia esse censetur, quando est præparata, vt eam accipere possit substitutus, vel consanguineus, nec est hîc facta differentia inter substitutum consanguineum, vel creditores, cum iure non sit cautum, & hîc loquitur de substituto, qui alijs præfertur: tamen eadem est ratio in alijs, concurrentibus hîc requisitis.

Sextò, quòd sit parata laboribus substituti, ibi, laboribus substituti, vel consanguinei, vt dixi, quia hîc nullū est speciale fauere substituti potius, quàm alterius. Alex. consil. 67. Videretur. in fin. vol. 5.

Septimò, in suo hærede, additur hoc in l. fin. C. de repud. hæredit. vt si res hæreditatis sint venditæ eo tempore, quo minor erat, tunc non denegatur minori adire hæreditatem, & res recuperare, & creditoribus paternis satisfacere, etiam postquam causa erat finita, & parata pecunia: sed si tempore maioris ætatis sint venditæ hæreditariæ res, non auditur restitui volens, quia dum vendebantur res, opponere se debebat.

*Minor etiam causa finita quando restituatur.*

Octauò, additur in d. l. final. quando res non sunt alienatæ, vt minor possit venire, etiam post lapsum quadriennium, & adhuc datur ei triennium, vt plenius dicam in nouis interpretationibus ad illā legem.

Omnia in integro sint. ] No. minorem ita restituendū ad hæreditatem repudiatam rehabendum, recuperandumque, vt consequi possit quæcunque integra esse censetur, quando scilicet res non sunt alienatæ, vel distractæ, & omnibus rebus in suo statu manentibus, d. l. fin. de repud. hæred. & mandatum re integra finitur, l. mandatum. C. mandat. quando autem res censeatur integra, scripsi abunde in l. sylua. §. integra. ff. de verbor. signific.

*Integræ res quando dicatur.*

Laboribus substituti. ] Not. quem non debere labores alterius occupare, sed quemlibet per se debere laborare, & non in labores alterius venire, & idē librum ab alio factum nullus debet suo nomini adscribere, alioqui furti species est, vt dicit Iason in procem. actio. in Institut. ibi, occultatorem laudis alienæ esse parem furi. & Vlpian. ait. paria esse, subſtrahere, vel negare rem alicuius. l. hæreditatum. quæ aliàs incipit, computatio. in fin. ff. ad leg. Falcid. Bald. in margar. in verbo, negatiua. q. 6. Zaz. in l. ij. in verbo, quæſtores. de orig. iur.

Multoque parcius ex hac causa hæredem minoris restituendum esse. ] Not. quòd facilius datur restitutio minori, quàm eius hæredi, quamuis in l. minor. §. finali. suprā, eodem. dictum fuerit hoc priuilegium restitutionis dari etiam hæredibus, & successoribus minorum: tamen in hoc casu distractionis hæreditatis repudiatæ parcius subuenietur hæredi, quàm minori.

Hodie, dictante lege Regia, quæ est in tractat. de restitut. art. 2. potest minor vsque ad 35. annos completos petere restitutionem ex contractibus, vel actibus, in quibus fuerit læsus, sed vltra non, & idē non poterit petere hæreditatem, quam repudiavit post illud tempus, etiam si non fuerit distracta, quia illud tempus succedit in locum triennij præstituti, in d. l. fin. C. de repud. hæred. & quia ibi negatur restitutio post illud tempus, & generaliter omnia remedia ratione ætatis ei denegantur: ergo & illud remedium, d. l. fin. quod est notandum.



§ Si seruus, &amp;c.

*Dominus  
quatenus  
pro seruo  
teneatur.*

**E**X hoc §. habemus dominum teneri pro seruo in eo, quod ad eum peruenit ratione actus gesti cum minore, & illud restituere tenetur, & idem in filiofamilias cēset. Dubitatio videbatur, ut dominus non teneatur pro seruo, nec pater pro filio, ut in tit. ne filius pro patre. sed iste text. dicit teneri tantum de eo quod ad ipsum peruenit, ut restituere teneatur, quod suum non est, & ministerio serui ad eum peruenit. l. j. ff. de vi & vi arma. Dolo autē dominus facere videtur, qui cum habeat restituendi facultatem, restituere non vult, Vlpian. in l. in bonafidei. in fine. ff. de pecul. nam iniquissimum idem existimat dominum ex furto serui locupletari, l. iij. §. ex fortuna. ibidem. imò etiam dicit Bald. in l. j. ff. de his qui sunt sui vel alieni iur. filiosfam. & seruos posse restituere, etiam sine patris, dominiue consensu, re male acquisitam in foro conscientiae, & omnia ablata per seruum & famulum dominus restituere tenetur, quæ ad eum peruenerint. c. j. & per totum 4. q. 6.

*Vxor quan-  
do non po-  
tatur con-  
questibus.*

Idem in vxore, ut in ablatis per virum cōquestus non habeat, sed si quicquam receperit, restituere teneatur, l. quod seruus. ff. de acquirend. possessio. c. cōquestus. vbi Barbat. de foro compet. quia inhonestarum rerum non contrahitur societas. l. nec præt. mittendum. & l. quod autē ex furto. & l. si fratres. §. socium. ff. pro socio. abundè Ioan. Lupus in repetit. cap. per vestras. §. 65. de donat. inter vir. & vxor.

Sed si aliquid nō peruenerit ad dominum, tamen filiosfam. vel seruus decepit aliquem minorem dolo, pater vel dominus tenebitur quatenus est in peculio, ut hic, & in l. licet. §. si opem. ff. de pecul. l. ex contrahibus. de actio. & obligat.

Sed si nihil sit in peculio, vel non tantum, ut satisfieri possit, & dolus serui interuenerit, tūc erit verberibus castigandus, aut noxæ dandus, sed in cuius electione erit? Respondet gloss. in domini potestate, dicas tamen contrarium: nam quando actio noxalis respicit rem, ut hic, dominus tenetur rem, vel estimationem reddere, aut pro noxa seruum dare. l. miles. §. decem. ff. de re iudic. §. j. & per totum. de noxal. in Instit. Si verò seruus teneatur pro delicto, tunc in arbitrio domini est, vel offerre seruum castigandum, vel eum dare pro noxa. Vlpian. in l. sed si vnus. §. cum seruus. ff. de iniur. sic scribit: *Cum seruus iniuriā fecit, maleficium eum admittere palam est: igitur merito sicuti ex ceteris delictis, ita ex hoc iniuriarum noxalis actio datur, sed in arbitrio domini est, an velit eum verberandum exhibere, ut ita satisfaciat ei, qui iniuriam passus est: neque enim erit necesse domino utique eum verberandum præstare, sed dabitur ei facultas præstandi seruum verberandum, aut si de eo verberibus non satisfaciat, noxa dedendi, vel litis estimationem sufferendi.*

Sed, quomodo castigabitur, ad domini voluntatem, vel alterius partis? Respondeo, non, sed ad arbitrium boni viri, id est iudicis, ibid. §. Prætor ait. imò si verberibus affectus est, non poterit postea agi. per illum tex. quem docet singularem Roma. singul. 24. Quod non valens. dicens punitionem corporalem cedere loco solutionis: idè qui cessit bonis, cum aliqua castigatione est liberatus, nec poterit conueniri, si postea peruenerit ad pinguiorem fortunam. per illum text. Hoc scribit Iason in §. fin. de actio. in Instit. facit gloss. in c. sicut dignum. §. eos. de homicid. Felin. in c. ad liberandum. de iudic.

SUMMARI A.

- 1 *Venditione rescissa, minor quid restituere teneatur.*
- 2 *Fructus ab emptore fundi à tempore litis contestatæ minori restituendi.*
- 3 *Scientia minoritatis à quo, & quomodo probanda.*
- 4 *Minor cur pecuniam ex mutuo receptam non restituere teneatur, si consumpserit.*

§. Restitutio autem, &amp;c.

**D**Ocet hic §. quomodo restitutio facienda sit, dicens sic: Ita est facienda, ut quilibet ius suum integrum habeat. Vnde si minor in fraudem venditionis circumscriptus sit, restituetur ipsi minori fundus cum fructibus, & ipse pretium venditori reddet, nisi venditor dederit pretium minori, cum ipse sciret minorem perditurum, eo casu minor non restituet pretium, sicut quando quis mutuat consumpturo minori, sed parcius & rarius est in venditione, ut minor non teneatur restituere pretium, quia æs alienum ei soluitur, id est, tanquam debitum, quod facere necesse est, at cedere non est necesse. Vnde si origo contractus sit infirmenda, si necesse fuerit pretium soluere, ut in venditione, certè emptor in damno esse non debet: ergo debet ei restitui pretium datum venditori.

Ex hoc text. æqua regula colligitur, quod ubi restitutio est facienda, utraque pars ius suum recipere debet, & vna pars non debet esse in damno, & altera in lucro: idè cum minor restituitur, ipse pretium receptum restituet, & altera pars illud, quod habet ea causa, & per istum text. reprobauimus communem Doctorum definitionē, ut restitutio sit in pristinum statum repositio: nam status non continet rei restitutionem, & alia quæ restituere oportet, & repono significat iterum pono in statum pristinum, & tamē restitutio in locum suum ponit. idè dixi in tract. de restit. in 2. tomo Commen. ad Constit. Reg. in princ. restitutionem esse ad rem, & ius pristinum reductionem, per istum text. vel restitutio est ad pristinam causam reductio. l. quæsitum. §. ex hoc. ff. de precario. vide alia in d. tract. & Vlpian ait, *Quemadmodum accurritur superscriptis personis ne capiantur, ita & aduersus ipsas succurritur, ne capiant.* in l. item ait Prætor. §. j. ff. ex quibus caus. maior.

Itaque.] Ex hoc text. colligitur minorem teneri restituere pretium, quod habuit ab emptore, quādo petit rem venditam sibi restitui, ne locupletior sit ex re alterius, & ne aduersarius in damno sit, aliàs non esset in integrum restitutio. ut docet Impe. Anto. in l. j. C. de senten. passis. ibi, *ut autē scias quid sit in integrum restituere, restituere honoribus, & ordini tuo, & omnibus ceteris.* Vnde si minor restituatur ad bonorū possessionem omissam, tenebitur conferre bona, quæ habuit à suo patre, sicut alij. l. fi. C. si omissa hæred.

Emptorem fundum cum fructibus reddere.] Not. emptorē fundi minoris teneri restituere non solum fundum, sed etiam fructus. Sed, à quo tempore? Iste text. videtur innuere à tempore venditionis, sed hodie seruatur, ut fructus tantum reddantur à tempore litis contestatæ: per l. cum fundus. ff. si cert. petat. nam postquā pars aduersa habet bonam fidem, & titulum, debet lucrari fructus vsq; ad litem cōtestatam. per l. si fundum. C. de pactis inter empt. & vendit. & ita vidi seruari in Curia Franciæ.

*Minor cit  
conuictus in  
venditione.*

*Restitutio  
ne facta mi-  
nori, quid  
faciendum.*

Nisi



Nisi si tunc dederit, cum eum perditurum non ignoraret. ] No. minorem non teneri ad restitutionem pecuniæ receptæ ab emptore, quando ipse eam consumpsit, & emptor sciebat illum minorem eam esse consumpturum. facit l. verum. §. penul. suprà, eod. sed pugnare videtur, quod Iulian. scribit l. si quis cum sciret venditorem pecuniam statim consumpturum, seruos ab eo emisset, plerique responderunt eum nihilominus bonæ fidei emptorem esse, idq. verius est. Quomodo enim mala fide emisit videtur, qui à Do. emit? ff. pro emptor. sed illa lex intelligitur in maiore: iste verò text. in minore circumscripso, cui ætatis beneficio subuenitur. Quis autem tenetur scientiam probare? Respondeo, minor, quia in dubio præsumitur ignorantia, nisi scientia probetur, l. verius. ff. de probat. regul. ignorantia. de regul. iur. in 6. ideò ex fama probabitur, si forè fama erat hunc iuuenem prodigum, leuem, & inconstantem, multa expendentem, & consumentem, tunc emptor non ignorabat eum pecuniam consumpturum, vel ignorare non debebat. Nempe Accurs. hinc affirmat paria esse, si non ignoraret, vel ignorare non deberet. l. seruus. ff. quod vi, aut clam. & Pompon. ait, scire & scire debere, æquiparari, in l. quod te. ff. si cert. pet. ideò cum hinc qualitas scientiæ in emptore requiratur, probanda est, vt dictum fuit suprà, in l. in causâ. j. §. interdum. suprà, eod. & in l. ex maleficiis. ff. de actio. & oblig.

Et sic ex hoc text. requiruntur sequentia. Primò, quòd minor vendiderit rem suam, ibi, in vendendo fundo, constat.

Secundò, quòd sit deceptus, ibi, circumscripso restituatur: nam deceptio attenditur in edicto posito in l. j. suprà, eodem.

Tertiò, quòd pretium ei fuerit datum, non verò tutori, alioqui tutor tenetur, vt dictum fuit in l. verum. §. fin. suprà, eodem.

Quartò, quòd emptor sciret minorem perditurum, ac cõsumpturum pecuniam, ibi, perditurum non ignoraret, vel ignorare non deberet.

Quintò, quòd illam pecuniam minor perdiderit, aliàs tenetur restituere id, in quo est factus locupletior. l. ait Prætor. §. penult. suprà, eodem.

Consilium ergo Iuriscon. Pauli, quisquis sibi bene prospectum cupit, accipiat in l. & si sine. §. j. suprà, eod. dicentis: Nemo accedat ad emptionem rerum pupillarum, nec si bona fide distrahantur, ne in hos labyrinthos incidat.

Sicuti. ] Not. minorem non teneri restituere pecuniam sibi creditam, quam ipse consumpsit: si verò non consumpsit, tenetur, & quatenus habet. Maior autem tenetur, nisi mutuauerim ei ad certum vsum prohibitum, vt forè daret scorto, tunc si petam, obstat exceptio, per illum text. in l. si quis cum sciret. ff. pro empto. Diuersum est, si credidero consumpturo, non tamen ad certum vsum: nam iste tenetur, & contractus factus cum isto valet. per l. si cum doctem. §. j. ff. solut. matrim. & ibi pulchre Alex. & Arcet. consil. 81. Alibi fusiùs dicam.

Sed parcius in venditione. ] No. quòd minor magis tenetur ad soluendum pretium receptum ex venditione, quàm ex mutuo, quia debitum ei soluitur ratione rei veditæ, quòd necesse habebat emptor soluere ad complendam emptionem, & ad rem venditam consequendam, l. Iulia. §. offerri. & l. ex empto. ff. de act. empt. l. curabit. Cillo tit. hoc ergo emptor

neceffe habebat facere, videlicet soluere pretium: ergo si soluit ex necessitate, debet illud pretiũ, quod ex necessitate emptor soluit, recipere, secus est in mutuo, quòd necesse ei non erat: ideò sibi cauere debebat, antequam ei crederet, & sic emptor habet necesse soluere pretium, quia æs alienum est, & debitum, sed credere & mutuare non est necessarium, vt sequitur.

Ex quo apparet restitutionem competere, etiam quando minor est læsus in pecunia, & sic in mobilibus, & ita frustra disputant Docto. an rescissoria detur pro rebus mobilibus, quia etiam pro iuribus dabitur, vt etiam concludit, Ioan. Nauar. in tractat. de restit. in 1. parte. c. 7.

Credere autem non est necesse. ] Istum text. not. Doct. ad hoc, vt non teneatur quis mutuare, sed idem videtur in quolibet alio contractu, l. sicut. C. de actio. & obligat. vbi liberum est contrahere, vel non contrahere: ergo non est necesse, vt dicit iste textus. Respondeo, verum esse ab initio liberum esse contrahere, vel non, sed postquã quis contraxit, id, quod causa contractus promissum fuit, hoc est debitum, tanquam æs alienum, vt dicit iste text. sed credere non tenetur quis, nec fit mutuum per contractum. l. sed re. l. rogasti. §. si tibi. ff. de rebus credi. & §. j. quibus mo. re contrahitur obligat.

De iure etiam diuino tenetur quis mutuare proximo in eo casu, quo donare teneretur, & in casu necessitatis. Deuter. 15. c. & Matthæi 5. & Luc. 6. Mutuum date, nihil inde sperantes. scribit Conrad. in tract. de contract. q. 19. post S. Thomam in 4. senten. dist. 15. ac Angel. Claua. in verbo, mutuum. in fine. in sua summa. sed de iure ciuili non est necesse credere, id est, mutuare. imò dicit Lucas de Penna in l. j. col. 3. C. de agri. & mancip. lib. 11. si vis amittere amicum, mutua ei tuum, & si velis habere inimicum, quod de malis intelligendum est: nam bonus vir reddet quod sibi datum erit, sed rarus est.

Notat etiam Bart. ex hoc text. magis fauendum esse ei, qui aliquid ex necessitate facit, quàm ei, qui facit ex voluntate. & suprà l. proxi. ac l. cum postularem. in fin. ff. de dam. infect. vnde Paulus ait in l. de die. §. tutor. ff. qui satisfd. cogan. Tutor & curator, vt rem saluam fore pupillo caueant, mittendi sunt in municipium, quia necessaria est satisfdatio.

Sed pugnat illud, non esse succurrendum ei, qui in necessitate temerè se ponit, l. de die. in fine. ff. qui satisfd. cogan. l. ij. §. si quis tamen. si quis cauti. ideò tres tutelæ affectatæ non excusant, vt quis non suscipiat quartam. §. item tria. de excusa. tutor. in Instit.

Respondeo, fatendum est, non esse ei succurrendum ita, qui voluntariè, in onus non necessarium se iniecit, quominus illud impleat onus, quod voluntariè suscepit, & ita loquuntur iura pugnancia. & l. si fideiussor. §. si necessaria. ff. qui satisfd. cogan.

Si tamen quis contrahendo illaqueatus est, certè magis succurrendum est huic arctato, qui necesse habet implere contractum, quàm si nullus esset contractus, & quàm si voluntariè daret, vel crederet pecunias. Vnde ære alieno obstrictus, donans bona in fraudem creditorum, non posset bonis cedere, secus si soluat quibusdam creditoribus, quia hoc facit ex necessitate contractus. vt Docto. asserunt in §. fin. de actio. in Instit. maximè Iason. Opus tamè magis meritorium est in vouente, quàm in alio, quia vouens.

Mutuum nõ  
fit per con-  
tractum.

Obiectionis  
solutio.

Antino-  
mie conci-  
liatio.

Requisita,  
vt minor  
ex veditio-  
ne restituatur.

Minor pe-  
cuniam cõ-  
sumptã, sibi  
creditã, nõ  
restituunt.



dat fructum & arborem, quod non facit is, qui non vouit, & sic illa necessitas est meritoria, de qua Theologi, & glos. in verbo, seipsum. in clem. vnica. de reliq. & venera. Sanctor.

§. Ex hoc edicto nulla propria actio, & c.

*Restitutio  
officio iudicis  
petenda.*

**E**X hoc colligunt Doct. restitutionem petendam officio iudicis, non iure actionis. Sciendum est edictum Prætoris non introduxisse actionem peculiarem, nec propriam ad restituendum minorem, ne interdicere ei commercium, ut in §. j. supra visum fuit. Nullus enim contrahere cum minore voluisset, si Prætor annullasset omne illud, quod gestum fuisset cum minoribus: ideo arbitrio Prætoris reliquit, an bonum & equum sit, ut ibi, & totum illud ex cognitione iudicis pendet. Nec Prætor dixit, sicut in actu metu gesto, videlicet, *Quod metus causa gestum est, ratum non habeo*, tunc enim & actio propria esset, sed in hoc edicto minorum dixit, *Quod cum minore gestum erit, qua res erit animaduertam*, & sic Prætor cognitionem restitutionis reliquit iudici.

Et sic Prætor, in hoc casu non introduxit hanc actionem, sicut redhibitoriam ad infringendam venditionem, l. redhibere. & per totum ff. de ædil. edicto. l. ij. C. de ædi. actio. quia ibi potest constare de vitio rei venditæ, sed hic non potest constare de læsione minoris, antequam sit: ideo Prætor noluit propriam actionem introducere, sed in cognitione ius dicentis esse voluit.

*Obiectio-  
nis solutio.*

Nec obest text. per Martia. inductus in l. in causæ. ij. in princip. ibi, *Num forte alia actio possit competere, citra in integrum restitutionem*. Ergo actio datur pro in integrum restitutione. Respōdeo, hic dictio alius non denotat similitudinem, sicut regulariter. ut in l. si fugitiui. C. de seruis fugit. & in clem. i. de rescriptis. quod probat iste textus, dum dicit, Nam si communi auxilio & mero iure munitus sit, non debet illi extraordinarium tribui auxilium, & sic extraordinarium auxilium competit, quod est restitutio, & non actio, sed qui habet aliam, id est, aliquam actionem, non debet in integrum restitui, quia actione ordinaria iuuare se potest, verumtamen rescissa alienatione à minore facta, actio in re competit, l. in causæ. j. §. fin. sup. eod. sed ad rescissionem, ex edicto Prætoris non datur propria actio: maxime quia iudicium rescindens, & rescissorium ob hoc dantur. §. rursus. de actio. in Instit. & supra vidimus in l. in causæ. j. §. interdum.

Ergo satis est prouisum minori per iudicium rescindens, & rescissorium: ideo non erat introducenda alia noua actio. Item nulla cautio introducta est à Prætoris, ut is, qui cum minore contrahit, teneatur cauere, se restitutum rem minori, si in ea læsus fuerit, quia raro aliquis cum minore sic contrahere vellet, & sic ei commercium interdiceretur.

*Bart. repre-  
henditur.*

Nec placet quod Bar. & alij dicunt, officium iudicis nobile dari ad restituendum minorem: non enim video quod ius nobilitauerit istos iudices, qui minores restituunt, potius quam alios, & quod isti sint nobiles, alij ignobiles: unde puto dicendum, ius petendi restitutionem minoribus concessum esse per illud edictum Prætoris, positum in l. j. supra. & sic cum minor habeat persecutionem, iudex necesse habet impetiri officium suum, alioqui puniretur, si negligens esset in suo officio, l. Diuus. ff. de offi. Presi. Scripsi in l. actionis. ff. de verb. signific. & sic conclu-

dendo dicendum est, restitutionem petendam ex edicto Prætoris, & faciendam ex eius cognitione, si bonum & æquum ei videatur, non quod ex solo iudicis officio fiat: nam si edictum non esset, Prætor non restitueret, ideo in Francia ex Principis indulgentia restitutiones fiunt, non ex solo officio iudicis, nisi in literarum comprobatione, an videlicet ita sit sicut minor Principi narrauit.

*Restitutio-  
nes in Fran-  
cia sunt ex  
Principis  
indulso.*

Totum enim. ] Ex hoc text. patet restitutionem petere ex Prætoris cognitione: nam, ut dixi Prætor voluit, ut iudex animaduertere, an æquum & bonum esset, ideo eius arbitrio & cognitioni reliquit, ut superius conclusum fuit.

LEX XXV. CAIUS LIB. IIII. AD  
EDICTVM PROVINCIALE.

**I**llud nullam habet dubitationem, quin si minor non debitum soluerit ex ea causa, ex qua iure civili repetitio non est danda, sit ei utilis actio ad repetendum: cum & maioribus viginti quinque annis iustis ex causis dari soleat repetitio.

**C**olligitur ex hoc text. minorem posse repetere indebitum, licet iure civili maiori non esset danda repetitio, ut si maior soluerit indebitum sciēter, non repetit, quia donare videtur, l. j. ff. de condiēt. indeb. tamen minor repetere poterit, quia in eo cessat illa præsumptio, cum non possit donare, quod est perdere, l. filiusfamilias. ff. de donat. & ætatis fauore hoc statuitur, & sic limitatur l. j. in minore. etiā hæc lex procedit in indebito, quæ per inficiationem crescit, ut illud minor repetat, licet maior non posset. l. ea quæ. C. de condiēt. indebit. Ibi enim naturaliter debitum solutum, non repetitur, si à maiore solutum fuerit, l. naturaliter. ff. de condi. indeb. sed Vlp. sic scribit: *Interdum persona locum facit repetitioni, ut puta si pupillus sine tutoris auctoritate, vel furiosus, vel is cui bonis interdictum est, soluerit: nam in his personis generaliter locum esse repetitioni non ambigitur*. l. interdum. ff. de condiēt. indeb. facit l. indebito. C. si aduer. solut. Alij casus traduntur in quibus repetitio non est in maiore, in l. j. C. de condiēt. indeb. sed minor restituitur etiā si ex causa iudicati soluerit indebitum, etiam si post transactionem, vel iuramentum, & in aliis ferè casibus conscriptis per Accurs. in l. eleganter. in fine. ff. de condiēt. indeb.

*Minor in-  
debitum sciē-  
ter soluens  
repetit.*

Ratio traditur in text. quia etiā maioribus ex iustis causis dari solet repetitio, à fortiori & minoribus, utpote si soluant ultra Falcidiam. per l. error. C. ad leg. Fal. & in l. j. ff. ex quibus caus. maior. vel si metu, ut in titul. quod met. caus.

Nullam dubitationem. ] Ex hoc text. colligi potest legē faciendam, etiā si nulla dubitatio sit. Idem est in l. Diuus. ff. de tutor. & curat. da. ab his. sed hoc est intelligendum quando nulla erat dubitatio apud Iurecon. sed erat dubitatio apud alios. l. inter omnes. ff. qui satisf. cogant. iuncta glos. & interdum fieri lex potest ad euitandum dubitationem, si qua esse posset. l. quod Labeo. ff. de Carbo. edict. De hoc plenè scripti in l. inter publica. ff. de verbor. signific.

Danda sit ei utilis actio. ] Doct. putant illam esse actionem datiuam, quando in l. dicitur dandam actionem, quod reprobaui in l. sæpe. ff. de verb. signi. & in liuris gentium. supra, de pactis.

Utilis



Vtilis actio.] No. quod cōdictio vocatur actio: nam conditiones actiones vocantur personales. §. sic itaque. de actio. in Instit. & quare dicatur utilis actio, abunde scripsi in l. cūm Prætor. ff. de verborum significatione.

§. Si talis interueniat iuuenis, cui præstanda sit restitutio: ipso postulante præstari debet, aut Procuratore eius cui idipsum nominatim mandatum sit. Qui verò generale mandatum de vniuersis negotiis gerendis alleget non debet audiri.

**I**psa postulante præstari debet.] Not. contra Doctorem. sententiam restitutionem non dandam minori, nisi eo postulante, vel eius curatore, & sic nō ex officio nobili, vt dicunt, quod sine petitione impartitur. Bart. in l. prima. ff. de iurisd. omn. iudi. & officium iudicis etiam regulariter nō datur, nisi postulatum fuerit. l. iij. §. hoc autem iudicium. ff. de dam. no infect. & est tex. similis. in l. patri. infra eodem.

Præstari debet.] Quod iudex tenetur restituere minorem, quando bonum & æquum est, sicut quando conceditur actio, & non est aliud officium iudicis in hoc edicto, quā sit in aliqua actione. c. fi. de offi. iudic. Alioqui ex natura petitionis officium denominaretur, vt nobile aliquando rusticum, aliās mercenarium, siue famulitium, quod est ridiculum: nam iudicis officium residet in sua persona quousque iudex est, nec mutatur sicut Protheus, ideò non est amplius, vel minus in vna actione, quā in alia. d. c. fi. de offi. iudi. nisi à iure ei plus tribuatur, vt in arbitrariis, & bonæ fidei iudiciis. l. prima. & per totum. ff. de eo quod certo loco. §. præterea. de actio in Instit. Et sicut officium apparitoris seruit cuilibet executioni, & tamen est idem officium, ita & iudicis officium seruit cuilibet actioni, & iustæ petitioni partis, & ideò est latissimum. l. prima. ff. de iurisd. omn. iud. & tamen idem est iudicium, & officium, & non variatur pro actione proposita.

Cui idipsum nominatim mandatum sit.] Ex isto text. notant interpretes restitutionem non esse concedendam Procuratori, eam petenti nomine minoris, nisi speciale habeat mandatum ad illam petendam. tex. in c. coram. in fi. de in integr. resti. & loā. de Ana. consil. 48.

Et sic Procurator generalis non potest petere restitutionem in integrum, quia agitur de retractando factum domini, quod fieri non debet sine eius mandato, sine magna causa. l. si hominem. ff. manda. quia voluntas præsumitur durare pro facto, quod dominus gessit. Bald. hīc. & quia contra ius commune petitur. l. in honorariis. §. sed cū rescissa. ff. de actio. & oblige. alias Bald. scribit rationes in l. vnica. C. etiam per Procura. in fi. vbi dicit illum tex. intelligendum, in Procuratore habente speciale mandatum. Aufre. in Decis. Tholos. q. 55.

Ideò, non sufficeret constituere Procuratorem ad petendum in integrum restitutionem, sed oportet exprimere causam, & personam, vt docet Bart. in l. generali. per illum text. ff. de ritu nupti. Sed fallitur Bart. nam ille text. loquitur in matrimonio, in quo oportet, vt persona cum qua quis vult matrimonium contrahere, placeat, ideò expressio personæ requiri-

tur. ibi. c. fi. de Procura. lib. 6. Sed in petenda in integrum restitutione sufficit cōstituere Procuratorem ad petendam eam ipsam in integrum restitutionem sine alia expressione, per istū tex. qui dicit, idipsum nominatim mandatum sit, & postquam nominata est in integrum restitutio, nominatim ei mādātum est, & sic tex. huic satisfactum est, & in c. coram, de in integrum resti. dicitur requiri speciale mandatum, ergo non requiritur singulare, nec indiuiduum, vt in tali causa, & hoc firmat Bal. in l. vnica. C. etiam si per Procura. & sic regula est, ad restitutionem petendam requiri speciale mandatum.

Limita, nisi incidenter restitutio peteretur, tunc sufficeret generale mandātū. l. fin. C. vbi & apud quē in integr. restitut. agi debe. gloss. & Doctor. in c. suscitata. de in integr. restitut.

Secundò, etiam sufficit cōstituere Procuratorem ad transigendum, supplicandum, & generaliter ad alia omnia faciendum, & c. quia paria sunt, aliquid nomine proprio exprimere, aut ea demonstratione quæ vice nominis proprii fungitur. l. certū. ff. si cert. petita. & huius est sententiæ Aegidius Bellamera. de cisi. 31. Mandatum generale. & Panor. in c. suscitata, & in c. coram. de in integr. resti. expressē Cassado. in decis. prima. de Procura. maximè quia in praxi non requiruntur istæ iuris subtilitates, vt in c. dilecti. & c. examinata. de iudi. vbi Doctor. nec obstat hīc text. quia in præmisso casu non habet simpliciter generale mandatum, cū generale tribus dicatur modis, vt docet Bart. in l. prima. ff. de vulgar.

Tertiò vitiatur, in habente officium publicum, vt in Syndico ciuitatis, vel vniuersitatis, qui ex potestate generali data poterit restitutionem petere, cū in hoc casu tantum valeat generale mandatum, quantum speciale. argu. l. si duo. ff. de administra. tuto. l. fi. §. fideiussores. ff. de muner. & honor. nec potest facile congregari vniuersitas, vel ciuitas ad dandū quotidie nouum mādātum, ideò hæc generalis potestas sufficit. l. præses. vbi Doct. C. de transact.

Quartò, etiam procedit in habente officium priuatum, si sua inter sit, vt in collegij Syndico. arg. l. vlt. C. vbi & apud quem. sic decidit Aufre. in Decis. Tholos. quæst. 55. & in patre etiam in l. patri. infra eodem.

Quintò, etiam ætatis venia à Principe impetrata, vt quis negotia sua administret, nō potest in iudicio peti, vt comprobetur per Procuratorem, sed per se minor hoc facere debet. l. ij. C. de his qui veniam æta. imper. quia ibi nō agitur de restitutione impetranda, vt hīc, sed de ea impetrata comprobanda, & ibi agitur de venia ætatis impetrata ad rerum administrationem concedendam, hīc ad rescissionem actus gesti, & ad læsionem reparandam, quicquid dicant Doctores. potest tamen Aduocatus has literas veniæ ætatis, præsentare impetrante petere, vt comprobentur, & sic vidi obseruari in iudiciis.

Vltimo, hæc l. quod si de speciali, præbet cautelā, si de speciali mandato dubitetur, petens debet cauere dominum, & adolescētem rem ratam habiturum. ita probatur etiam in l. prima. C. de Procura. & per totum tit. ff. rem rat. habe.

Si verò dubitetur de mandato defensoris, id est, eius contra quem petitur restitutio, ipse debet satisfacere iudicatum solui, vt si condemnatus ministerio suo fuerit dominus, ipse iudicatū soluet, vt per totū

*Mandātū generale.*

*Demonstratio vice nominis proprii fungēs.*

*Syndicus potest sine mandato speciali restitutionem petere.*

*Cōprobanda venia petitio amentis facienda.*



titulum. ff. iudi. solui. etiam de rato cauere debet, vt dicit gloss. per l. non solum. §. est & alius. ff. de Procurat.

LEX XXVII. CAIVS LIB. IIII. AD  
EDICTVM PROVINCIALE.

**P**atri pro filio omnimodò præstāda restitutio est, licet filius restitui nolit: quia patris periculū agitur, qui de peculio tenetur. Ex quo apparet, cæteros cognatos vel affines alterius esse conditionis: nec aliter audiri oportere, quàm si ex voluntate adolescentis postulent: aut eius vitæ sit iste adolescēs, vt meritò etiam bonis ei interdici debeat.

*Restitutio non datur vi.*  
**E**X hoc text. regula datur, videlicet vi non esse dandam restitutionem etiam consanguineo, etiam si ex minoris voluntate ipsi postulent dictam restitutionem, & minoris nomine, quia inuito non confertur beneficium. l. inuito. ff. de regu. iur. & quia non debent venire contra voluntatē eius, vt dictum fuit suprā in l. illud. eodem.

*Restitutio non datur nisi postuletur.*  
Et per istum text. reprobatu doctrina interpretū, dicentium ex nobili officio concedi restitutionem, & sic non petente minore. Sed hic tex. dicit contrarium, nec aliter oportet quenquam audiri, quàm si ex voluntate adolescentis postuletur, dicit etiam tex. in l. iij. §. hoc autem iudicium nō datur, nisi postulatum fuerit. ff. de damno infect.

*Limitatio eiusdem.*  
Limitatur ista regula in patre, nempe hīc Caius ait, patri pro filio omnimodò præstāda restitutio est, licet filius restitui nolit, ratio assignatur, quia patris periculum agitur, qui de peculio tenetur, ergo eo casu, vbi non teneretur inspecta ratione, non poterit exercere ea, quæ speciale mandatū requirunt: alibi tamen dicam.

Secundò, limita, quando filius esset prodigus, vt meritò bonis interdici debeat, vt dicit iste text. tunc cognati, & amici petere restitutionem poterunt, & illum defendere. l. item ait. & l. ergo. ff. ex quibus cau. maior.

Tertiò, idem dicerem in aliis personis, quæ curatorum ope iuuantur, vt furiosi, amentes, & similes id genus. l. Fulcinius. §. planē. ff. ex quib. cau. in pos. se. eat.

Quartò, vitatur quādo tenderet in damnum alterius, si minor non peteret restitui, vt quando negotia sponte sua gessit alterius, & perperā. vt in l. quod si minor. in prin. suprā, eodem.

*Antinomia conciliatio.*  
Quintò, gloss. opponit. l. iij. §. sed vtrum. suprā, eodem. & valde titubat. Vos dicite patri omnimodò restitutionem esse concedendam, si nomine filij eam petat, quia sua interest quoad peculium, sed ista restitutio à parte petita nō proderit patri, sed filio minori. d. l. iij. §. sed vtrum. nam iste text. dicit patrem petere posse restitutionem pro filio, ergo non pro se ipso patre, ne maioribus profit, & ita possunt ista iura conciliari.

Ex quo apparet cæteros cognatos, vel affines, alterius esse conditionis. Colligitur cō-

sanguineos minoris nō habere illa iura, & priuilegia, quæ pater habet in filio: nam pater ex causa famis filium suum liberum vendere potest. l. ij. C. de patrib. qui filios distrax. quod nō possunt alij cognati, & alia iura videte in listi quidem. suprā, quod met. cau.

Singularem istum tex. dicit Bal. in Marga. in verbo, coniuncta persona. q. quod vbi requiritur mandatum speciale, coniunctus non accipitur pro coniuncto, per istum tex. tam de iure canonico, quàm ciuili, & Roma. singu. 613. Tu audiui. limitat in patre per istum tex. ad hoc singul. vt idem scribit Bald. in c. nonnulli. col. vlt. de rescrip. & Iason in l. iusiurandum quod ex conuentione. §. Procurator. 3. no. de iureiur. ff.

Etiam coniuncta persona non potest agere pro coniuncta, quando aliquis ad hoc haberet mandatū, & sic contra mandatū, vt hīc: quia curator adolescentis habet mandatū generale, ergo coniuncta persona non poterit petere restitutionem. l. exigendi. & l. maritus. C. de Procura. & ibi Doctor. etiam istum text. singularem tradunt Doctor. ad hoc, vt licet coniuncti non possint restitutionem petere pro coniunctis: limitatur tamen quando cōsanguineus erat minor, & prodigus, quia agitur de damno illorum, vt si moriatur hic prodigus, ei succedant consanguinei, & sic restitutionem nomine minoris & prodigi petent.

In hoc tex. duplex funiculus attenditur, videlicet consanguinitas, & prodigalitas, & licet curator datus fuerit tanquam minori, non tamē tanquam prodigo. l. qui habet. vbi Bar. ff. de tutel. Ideò, quia alium non habet, qui petat restitutionem, illi tanquam prodigo, permittitur hīc consanguineis restitutionē pro eo petente, & maximè quia illorum interesse potest, cum illi succedere aliquando possint, si moriatur.

Notandum est, quod quamuis cōsanguineus agat pro cōsanguineo, & illius actus exerceat, & ille actus sic factus valeat, tamen actus gestus regulariter non præiudicat consanguineo, nisi is ratum habeat. tex. in l. iij. §. j. vbi Bart. ff. iudi. sol. & in l. j. C. quibus res iudi. non no. ista ergo, quæ gerunt consanguinei pro consanguineis, valent quoad commodum cognatorum, sed non quoad damnum, si consanguineus ratum nō habeat.

Cognati qui dicantur, declarat Iurisc. in l. non facile. & l. Iuriconsultus. ff. de gradi. & declarauit in l. in vulgari. ff. de verbor. signific. & per istum textum patet cognatorum nomine non venire affines, cum dictio, vel, inter diuersa ponatur. l. sæpe. ibidem.

Bonis ei debeat interdici. Ex hoc tex. iuncta gloss. colligitur curatorem minorum posse petere restitutionem aduersus contractus factos per minorem ante interdictionem, quia ipse generale & plenū mandatū, æquipollens speciali habet, & quia tenetur vtilitatem minoris procurare. l. fin. C. de administrat. tutor. & quando administrat res pupilli, loco domini habetur. l. qui fundū. §. si tutor. ff. pro empto. & dominus petere posset, sic & eius curator, vt superius dictum fuit, licet etiam consanguinei possint.

Quid in maiore Ludo. Roma. in sing. 223. Fuit interrogatus. dicit idem in curatore maioris, vt in integrum restitutionem pro maiore prodigo possit petere, si iustam causam habeat. l. j. & l. necnon. ff. ex quibus caus. maior.

Et per istum tex. docet Ludouic. Roman. in l. non solum.

*Coniuncti quando pro coniunctis restitutionē possint petere.*

*Actus per consanguineū gestus an præiudicet consanguineo.*

*Curator minorum.*

*Curator maioris.*



*Solutio cō  
iunctæ per-  
sonæ facta,  
an debito-  
rē liberet.*

solum. ff. solut. matrim. solui posse coniunctæ perso-  
næ, quando debitor erat prodigus, alioqui non, per il-  
lum text. & in l. vero procuratori. vbi Doct. ff. de sol-  
lut. tamen Alex. firmat cōtrarium in d. l. non solum.  
dicens istam l. loqui in restitutione in integrum, quæ  
potest peti à coniuncto, quia potest esse fauorabilis  
minori, sed solutio alteri facta, non æquæ: ego tamen  
putarem per solutionem factam coniunctæ personæ  
prodigi debitorem non liberari, nisi pecunia perue-  
nerit in rem prodigi. l. sed si lege §. si minor. ff. de pe-  
tit. hære. l. quotiens de solut. quod est no. quia sic con-  
ciliantur contrariæ sententiæ.

### §. Si pecuniam, &c.

*Restitutio  
quando in-  
cideret pe-  
ti dicatur.*

**E**X hoc tex. colligitur minori conuenio ad pecu-  
niam mutuā, quam dissipauit, dari exceptionē:  
nam postquam proconsul denegare debet contra  
eum actionem, ergo & exceptio, si conueniatur, da-  
tur, & tunc restitutio incidenter peti dicitur. vt in c.  
suscitata. de in integ. restit. l. metum magna. §. ex hoc  
edicto, suprā. Quod met. caus. & aliqui in tex. habēt,  
Proconsul denegare actionē debet, alij, Præ-  
tor, sed vtrūque, quia generaliter accipitur pro iudi-  
ce, & prætorē, vt dicit gl. in l. j. ff. de aliena. iudi. vide-  
licet vt iudex denegare actionē debeat cōtra mino-  
rē, qui dissipauit illam pecuniā mutuā acceptam, &  
verbum, dissipare, accipitur hīc pro, disperdere, atq;  
consumere. Sic in l. si cum dotem. §. si autem in sæ-  
uissimo. ff. solut. matr. l. j. §. itaq; si quis testa. liber. esse  
iussus fue. & de iure diuino etiam tendit in abusum:  
vt de filio prodigo, qui patris substantiam dissipauit.  
Lucæ 15. & de iure canonico in c. si. de fideiuss. c. quia  
sæpe. de elect. lib. 6.

Sed quantum ad expositionem, vt proconsul ex-  
ponatur pro prætorē, non facile consentirem, quia  
prætor edicebat in vrbe, & aliorum magistratuum  
erat ista seruare edicta. Vnde cum proconsul mit-  
tebatur in aliquam prouinciam, is habebat supre-  
mam iurisdictionem, vt in l. obseruare. l. solent. & l.  
nec quicquam. ff. de offic. proconsul. idē ad eū spe-  
ctabat, vt ista edicta in sua obseruarentur prouincia,  
itaque iura dicunt proconsulem hoc debere facere,  
cuius maximè interest. l. j. de alienat. iud. ibi, *Om-  
nibus modis proconsul id agit, ne cuius deterior causa  
fiat ex alieno facto.* facit d. l. nec quicquam, etiam om-  
nia proconsul agit, vt qui contraxit cum eo, qui in alie-  
na potestate fuit, & c. l. prima. ff. quod cum eo.

Secundò, quod si egenti, patet minorem con-  
uentum ad reddēdum pecuniam mutuam, liberari,  
si cedat actiones aduersus illum, cui mutuauit: nam  
Accur. tradit regulam istam, quandocunque quis  
tenetur ob hoc, quod actionem habet, tunc illam ce-  
dendo, liberatur, per l. quod debetur. in fi. ff. de pecul.  
ibi, & in omnibus, quod idcirco teneri dicimus, quia  
habēt actionem, delegatio pro iusta præstatione est,  
& ibi gloss. adducit alia iura ad hoc conuenientia, &  
maximè istum tex.

Idem dicit, si ad rem teneatur quis restituendam,  
vel dandam, vt cedendo actionem liberetur, quando  
cedens culpa caret. l. j. §. si post litem contestatam. ff.  
si quadrup. & l. si vt certo. §. idem Labeo. commod.

Tertiò, in versiculo prædium, in primo casu statui-  
tur vt si minor ex pecunia mutua emerit prædium  
pleris, quàm oporteret, cogitur venditor pretiū cum  
vsuris reddere minori, & is tenetur reddere prædiū

cum fructibus, quibus locupletior factus est, & po-  
stea ista pecunia recepta à venditore prædij restitue-  
tur creditori, qui eam mutuauit minori, ne creditor,  
qui mutuauit minori, sit in damno, sed suam pecu-  
niam à iuvene consequi possit.

Secundus casus est, si minor emerit ex sua pecu-  
nia prædium, pluri quàm esset, & restituatur contra  
istam emptionem, cogetur vt in prædicto casu ven-  
ditor reddere pecuniam cum vsuris minori, & is ipse  
cogetur reddere prædium cum fructibus, quibus fa-  
ctus est locupletior, ergo non fructus omnes restituet  
minor, sed illos, in quibus factus est locupletior. lo-  
cupletior autem dicitur, quādo fructus ad eum per-  
uenerunt, & ipse tantum in suam vtilitatem consum-  
psit, & erat tantum de suo consumpturus. l. sed & si.  
§. quod autem. ff. de peti. hæredi. Doctor. in l. ex pœ-  
nalibus. ff. de regul. iur. Decius in §. actiones. col. 7. de  
acti. in Insti.

Et sic patet, restitutionem faciendam tam ex par-  
te minoris, quàm maioris, vt plenè scripsi in l. quod si  
minor. §. restitutio. suprā, eodem.

Ex quo scilicet simul intelligimus. ] Nota  
ex isto tex. responsionem vnā posse seruire pluri-  
bus quæstionibus, nempe quia Iurisconsul. hīc vno  
responso respondet quæstionibus duabus suprā pro-  
positis, probat etiam text. ibi, vt tamen hoc, & su-  
periori casu, & c.

Vsuras, & c. ] No. casum, in quo vsura permitti-  
tur de iure ciuili, sed an permittatur hodie: quod vi-  
deretur, quia in compensationem fructuum datur:  
nam sicut minor restituit fundum cum fructibus, ita  
& emptor pretiū cum vsuris, seu interesse, inuicem  
habita compensatōe, per l. curabit. C. de actio. empt.

Sed hodie cum non fiat restitutio in Francia fru-  
ctuum, quando extat titulus, nisi à tempore litis con-  
testatæ per l. cum fundus. ff. si cert. peti. vt superius  
fuit dictum, certè nec pretium cum vsuris restitue-  
tur, sed sufficiet restituere solum pretium, & ita ser-  
uant Curia Franciæ, etiam suprema.

Percepit, aut percipere potuit, reddat. ] No.  
vsuram reddendam, non solum quam percepit ven-  
ditor, sed etiam quam ipse potuisset percipere, hodie  
tamen vsura sunt de iure diuino prohibitæ, vt Lucæ  
15. Mutuum date, nihil inde sperantes, & de iure ca-  
nonico. c. primo. de vsur. in 6. & in Decreta. Sed Iu-  
risconsul. Paulus ait in titul. de rei vendi. in l. Fructus  
non modo percepti, sed & qui percipi honestè potuerunt,  
estimandi sunt. l. si nauis. §. fin. ibidem. & gloss. hīc in  
verbo, cum fructibus, addit etiam, quos percipere  
potuit, sicut & in vsuris.

Sed cōtra istum tex. & gloss. pugnat l. si cum fun-  
dum. de rei vendic. C. vbi titulus excusat possessore  
à fructibus, qui percipi potuerunt, quia censetur bo-  
næ fidei ratione tituli, & tamen hic tenetur, responderet  
Ludo. Roman. singul. 528. Tu habes, per hoc esse sin-  
gulare, & speciale in re minoris, vt illam possidens  
teneatur, & ad restitutionem illius rei, & ad fructus  
perceptos, & qui percipi potuerunt. Hoc etiam pro-  
bat idem Roma. consil. 454. & Francis. Cremen. sin-  
gul. 134. Tuscis. Iaso. in l. apud Iulianum. §. fructus. ff.  
de leg. j. Alios casus speciales tradit gl. licet hodie nō  
seruetur, vt dixi in l. sed & partus. ff. quod met. caus.

Quartò, ex diuerso, si minor prædium minori  
pretio quàm oporteret vendiderit & restituatur em-  
ptor, debet prædium cum fructibus restituere, adol-  
lescens

*Minor lo-  
cupletior  
factus, fru-  
ctus resti-  
tuit.*

*Vsura, quæ  
percipi po-  
tuit, reddē-  
da minori.*

*Minor quā  
do fructus  
restituatur.*



lescens verò pretium, sed in quātum est locupletior factus: nam si ducentos aureos receperit, & dissipauit centum, alia centum restituet. Nec ait hic text. de vsuris pretij, quoad minorem, vt teneatur, sicut in proximo versiculo suprā, dictum fuit in maiore.

## S V M M A R I A.

- 1 *Noua collatio non requiritur in renunciante beneficio per metum.*
- 2 *Minor liberans vnum ex reis debendi, aduersus vtrumque restituitur.*
- 3 *Item quid leuitate iuuenili promittens, officio iudicis restituitur.*

§. Si minor annis vigintiquinque sine causa debitori acceptum tulerit, nō solum in ipsum, sed & in fideiussores & in pignora actio restitui debet. Et si ex duobus reis alteri acceptum tulerit, in vtrumque restituenda est actio. Ex hoc intelligimus, si damnosam sibi nouationem fecerit, fortē si ab idoneo debitore ad inopē nouandi causa transtulerit obligationem, oportere eum in priorem debitorem restitui.

*Minor debitum sine causa remittens.*

**C**olligitur minorem restituendum, si sine causa debitum remiserit, non solum aduersus debitorem, verum etiam aduersus fideiussorē, & pignora, si ea habebat, vt actio restitui ei debeat; nam restitutio est in pristinum statum positio. vt d. l. quod si minor: §. restitutio. dictum fuit. Ergo reus non obstante acceptilatione reponetur in obligationem primam, sic & fideiussor, & si pignora restituta erant ratione acceptilationis restituentur minori, vt plena sit restitutio.

*Obiectio- nis solutio.*

Nec refragatur l. qui. res. §. aream. ff. de solut. vbi actio semel extincta nō reuiuiscit. Respondeo verū, ipso iure, sed per restitutionem sic, vt hic l. si vnus. §. pactus. ff. de pact. Alioqui non prodesset restitutio: nam quod læsio aufert, reddit restitutio, vt dictum fuit.

Vnde text. in c. si verò. primo. de iureiur. & ibi Panor. & Feli. notant, quod per restitutionem omnia in pristinum statum restituuntur, adeò, quod renunciās beneficio per metum, non indiget noua collatione, licet communis opinio sit in cōtrarium, vt noua collatio requiratur post resignationem, vt per Doctor. in c. venerabilis. de excep. plenē scripsi in tract. de pacifi. possessor.

- 2 *Secundò, in versiculo, & si ex duobus reis, etiam censet restituendam actionem aduersus vtrumque, si minor alterum liberauerit, & accepto tulerit vni, nam Iabole. ait in l. ij. de duobus reis. ff. Cum duo eandem pecuniam aut promiserunt, aut stipulati sunt, ipso iure singulis in solidum debetur, & singuli in solidum debent, ideoque petitione & acceptilatione vnius tota soluitur obligatio ex duobus quoque reis, promittēdi, eiusdem pecunie, si alter iurauit, alteri quoque prodesse debet iuramentum. l. in duobus. §. ex duobus. ff. de iureiur. ideo in vtrumque restituetur actio.*

Tertiò, si minor animo nouandi liberauerit debitorem diuitem, & transtulerit ad alterum reum

debendi obligationem, oportebit minorem in obligationem prioris debitoris idonei, restitui: nam in eo minor læsus esse censetur, quod inopem pro idoneo accepit, & idoneus hic dicitur, qui est sufficiens ad soluendum debitum, & in alia materia quis idoneus dicatur, scripsi in l. probrum. ff. de verbor. signific. vbi abundē videbis.

Fulgosius ait alium casum hic Iurisconsul. omisisse, videlicet si minor promiserit leuitate iuuenili, quocasu rescindetur promissio illa officio iudicis, secundum Bar. vel Fulgos. ille ait partem cogi accepto ferre minori, nisi eo casu, vbi sunt fideiussores. l. iij. ff. de libera. lega. Praxis Franciæ seruatur, vt petatur cancellari instrumentum promissionis, & irritari, & sic nullum & cassum minori reddi, & ita concedit Princeps in suis literis restitutionis, & postea iudex literas approbando irritat instrumentum obligatorium, illudque cassat & annullat iuxta formam literarum, vt scripsi in tracta. de literis obliga. artic. primo. in primo tomo Commentar. ad Constit. Regi. Gallic.

*Praxis Francia de promissionis minorum instrumento.*

§. Aduersus eos quoque, &c.

Iste §. declarabitur in l. etiam. infra. ibi vide.

LEX XXVIII. CELSVS LIB. II.  
DIGESTORVM.



**V**m minor, quàm quinque & viginti annorum, aduersus eum, cum quo tutelæ egit, restituitur: non ideo tutori contrarium tutelæ iudicium restituendum est.

**I**ntelligit gloss. istum text. & Doctor. vt si minor restituatur aduersus tutorem, vel curatorem, vt iudicio tutelæ experiatur, fortē tamen post acceptilationem ab eo factam, in hac restitutione, non restituetur contraria actio tutelæ tutori, sed pugnat l. prima. & 2. C. de transact. vbi si minor restituatur, restituitur & aduersarius ad veterem actionem. Accurs. & Doctor. se extricant ab hoc contrario, sicut mus in pisce. Primò, dicunt imputandum esse, quod nō appellauit, quando minor fuit restitutus per sententiā, sed appellatio fuisset iniusta, eo quod actio contraria non debet restitui, vt hic dicitur, ideo hoc non placet: vnde dicit tutorem ex alia causa actionem remisisse, quàm minorem, hoc nihil est dicere, vel aduersus coniunctam personam restituitur, non verò aduersus extraneum, sed iustius esset restitui aduersus extraneum, quàm contra cōiunctam personam, quia ius fauet cōiunctis, vt in l. proxima dictum fuit. & facit l. prima. & sequen. ff. de libera. cau.

*Obiectio.*

Imò sic intelligendo, ista lex videretur continere iniquitatem, videlicet vt minori subueniri debeat in necem tutoris, vt nō possit ea repetere, quæ exposuit pro minore, tamen minor ab eo petet, vt vidimus in l. quod si minor. & l. patri. suprā, eodem cui iniuriæ atque iniquitati Doctor. non respondent: nam actio tutelæ datur pupillo contra tutorem, vt reddat rationem & reliqua præstet. l. prima. & per totum. ff. de tute. & ratio. distra. Actio autem contraria tutelæ, datur tutori ad recuperandum ea, quæ pro pupillo exposuit.

*Actio tute la contraria.*

*Minor liberans debitore diuitem.*



exposuit. l. prima. & per totum. ff. de contra. & utili. acti. tute. §. tutores. de obliga. quæ ex quasi contra. na. in Insti. Si ergo restituatur actio pupillo, ergo & tutori restitui debet, aliàs esset iniquum, & non diceretur restitutio: nam restituto minore æquum est illius aduersarium restitui, vnde si minor fuerit restitutus, vt non obstante publicatione testium possit producere testes, idem quoque licebit aduersario. vt per Bart. & alios. in l. prima. §. nuntiatio. ff. de noui ope. nuntia. Iacobi. in l. prima. C. si aduersus transact. Ideo ego dicerem hinc non subueniri tutori aduersus pupillum, videlicet per restitutionem, quia hic tutor merito iure communi munitus est, ob id restitutionis auxilium ei præstandum non est. l. in causâ. 2. supra, eodem: frustra enim confugeret ad extraordinarium remedium cum ordinario sit & munitus & tutus: iure communi duo siquidem habet remedia. Primum, quia eius arbitrij est, vtrum compensare, an petere sumptus velit, quod si non petierit, ei esse imputandum, ait Vlpian. in l. prima. §. prætereâ. ff. de contra. & utili. acti. tute. vbi plus ait idem Vlp. Quid ergo si iudex compensationis eius rationem non habuit, an contrario iudicio experiri possit, & vtrique potest, sed si reprobata est hæc reputatio, & acquieuit, non debet iudex contrario iudicio id refarcire, sed imputetur ei, qui non appellauit post reprobata compensationem: nam agenti postea obstat exceptio rei iudicatæ. l. si autem. §. si. ff. de nego. gest. l. quod in di. in fi. de compensa. Nempe si minor restitutus fuerit ad actionem tutelæ, poterit agere contra tutorem, & tutor poterit compensationem opponere sumptuum, quos fecit in rebus pupilli, quod si omiserit, poterit actione tutelæ contraria agere: nam licet actio tutelæ sit extincta, non tamen actio contraria, ideo dicerem, quod si per acceptilationem vtrique actio esset extincta, tunc vtrique actio restituenda esset. per d. l. primâ. C. si aduer. transact. & l. quod si minor. §. restitutio. supra, eodem. quod est valde notandum, quia Doct. hinc non potuerunt hæc assequi, quod probatur ex natura correlationis, seu negotij. l. si. ff. de acceptil. & l. si. C. de indict. vidui. tollen. etiam si in restitutionis sententia pro minore lata iudex nihil dixerit, adhuc vtrique restitutio fiet, vt Bal. & alij scribunt in l. si. C. si aduer. transact.

Etiam, an ista actio quæ restituitur, sit directa vel utilis, non disputo, quia in praxi nullius est utilitatis, cum effectum eundem habeat utilis, quæ & directa.

## LEX XXIX. MODESTINVS LIB. II. RESPONSORVM.

**I**tem si à patre, eodemque tutore authore, pupillus captus probari possit, tutorem postea ei datum, nomine ipsius in integrum restitutionem postulare, non prohiberi.

**C**aius in l. patri. in fin. supra, eodem. sic scribit: *Aduersus eos quoque restitutio præstata est, quorum de dolo agere non permittitur, nisi quadam persone specialis lege excepta sint.*

Ex his ergo iuribus patet restitutionem dari filio aduersus patrem, & liberto aduersus patronum, licet doli actio aduersus eos non detur. l. non debet. supr. de dolo.

Vnde intelligunt quidam non dari restitutionem aduersus parentes ratione doli, secus si ratione ætatis fuerit à patre deceptus. vt d. l. etiam.

At refragatur l. fin. C. qui & aduer. quos. vbi sic scribitur: *Sacimus nullo modo neque aduersus parentes vtriusque sexus, neque aduersus patronum, vel patronam dari restitutionem: nam personarum reuerentia omnem eis excludit restitutionem, cum proculdubio sit, etiam ipsas personas cauere, ne quid sua opinioni contrarium existat.*

Et sic per illam legem istam corrigi quidam dicunt, cum reuerentia personæ excludat omnem restitutionem, & sic tam nomine doli, quam ætatis, aut alia ratione, maximè quia filij cauere debent ne repugnent voluntati, & opinioni patris: nam dicitur in §. sed & quod sancitum. in authc. de nup. colla. 4. non li contradicere parentibus, etsi iusta dicas.

Ego dicerem hunc tex. non corrigi, sed in suo tantum casu procedere, vt videlicet filius non possit petere restitutionem aduersus patrem solum, quando pater contraxit cum filio suo, vel aliquid egit cum illo.

Sed si pater contraxerit cum filio suo minore, & ipse tutor fuerit sui filij, & eo patre tutore, & authore captus fuerit, tunc restitutionem concedendam illi dicit iste tex. quia inspicitur hinc persona tutoris, qui decepit eum, quæ quidem res est pessimi exempli: nam quamuis reuerentia patris excludat restitutionem, non tamen tutoris, & sic inspicietur illa tutoris qualitas in restitutione, & nominabitur in literis, & si probata fuerit læsio, Princeps providere debet, & ita videtur conuenire. §. fin.

Nec hoc casu doli mentio habebitur, vt ea ratione minor restituatur, sed læsionis re ipsa. vt in l. si quis cum aliter. ff. de verb. oblig.

Ex quo apparet filium non restituendum aduersus patrem, quia non est verisimile quod pater circumueniat filium, nec mater, cum plus suos hi filios diligant, quam seipsum. l. isti quidem. ff. quod met. causa.

Limitatur, si isti fuerint tutores, vel curatores, inspecta ista siquidem qualitate, restitui poterunt, per istum tex. quem vidi in praxi seruari.

Secundò, vitatur ex magna causa, vt pote propter enorme damnum. l. si ex causa. supra, eodem. & in d. l. fin.

Tertiò, limitatur, quando pater plures haberet filios ex diuersis vxoribus, tunc quia vltima coniunx solet pervertere patris sensum, erga priores filios, ideo eos sæpius vidi restitui in forensi iudicio, si pater quicquam agat in illos, sicut sæpius ius eos iuuat. in l. hac edictali. & per totum. C. de secund. nupt.

Vltimò, quando à Principe ex causa, etiam minori, restitutio fuerit concessa, vt d. l. si ex causa. cum l. seq. supra, eodem. & quamuis d. l. si. excludat omnem restitutionem, tamen non excludit restitutionem à Principe concessam, vt docet text. iuncta gloss. in l. postquam liti. vbi Doct. C. de pact. & ita seruatur in Francia: nam si probetur patris circumuentio, restitueretur filius minor, sed est præsumptio pro patre, quod filium suum non circumscribet, ideo opus est, vt filius probet hanc patris impiam circumscriptionem.

§. Ex causa curationis condemnata pupilla aduersus vnum caput sententiæ restitui volebat: & quia videtur in ceteris litis speciebus.

Restitutio  
aduersus  
parentes.

Obiectio.

Solutio.

De eadem  
re.

Filius quando  
aduersus  
patrem  
restituatur.

Obiectio-  
nis solutio.

Tutor mi-  
nore resti-  
tuto, duo ha-  
bet reme-  
dia.



speciebus.releuata fuisse,actor maior ætate qui adqueuit tunc temporis sententiæ, dicebat totā debere litem restaurare. Herennius Modestinus respondit, si species in qua pupilla in integrum restitui desiderat, ceteris speciebus non cohæret, nihil proponi cur à tota sententia recedi actor postulans audiendus est.

**A**ccurs. docet istam pupillam cōdemnatam finita tutela, sed tunc non diceretur condemnata ex causa curationis, vt dicit text. sed ex causa tutelæ, ideò dicit condemnatā contra curatorem, hoc nihil est dicere, vel ex causa cuiusdam curæ, quam pater eius fecit, hoc est, præfagire, ideò ego dicerem pupillam condemnatam ex causa curationis, id est, curæ & administrationis bonorum, & si obiiciatur iudicium tutelæ, non datur, nisi finita tutela. l. nisi. ff. de tutel. & rati. distrah. sic nec actio contraria. l. prima. §. finito. ff. de contra. & utili. actio. Respondeo, si quis pro tutore administrauerit negotia pupilli, statim potest conueniri. l. prima. §. cum eo. ff. de eo qui pro tuto. & ipse etiam, si quid legitimè impenderit, conueniet Procuratorem ex causa curationis. l. prima. §. sed si pro tutore. ff. de contra. & utili. acti. tute. Etiam potest intelligi, Titium suscepisse curam hæreditatis pupilli, & multa in hac hæreditate exposuisse, demum egit contra pupillam, quæ fuit condemnata ad centum pro multis capitulis gestis, quæsitum est, si pupilla læsa sit in vno capitulo, & restitui velit in illo, an possit, quod non videbatur, quia sententia est indiuidua, ideò tota debet restaurari lis. Contrarium scribit Modestinus hîc, si capitulum illud non cohæret cæteris capitulis, & speciebus, aliàs contrā, & iste casus probatur in l. debitor. supra, de nego. gest. & potest intelligi in omnibus casibus, in quibus pupilla ex causa curationis conueniri, & condemnari potest.

Curatio enim potest accipi, vel pro cura adolescentis, vt in l. minor. infra, eodem. l. cui. de postul. l. iurisperitos. §. primo. de excusa. tuto. vel pro iniunctione muneris. l. si. ff. de munc. & honor. l. si. ff. de administra. rerum ad ciuita. pertinen. aut pro cura hæreditatis, seu alterius rei administrandæ. l. debitor. ff. de nego. gestis. scripsi in l. quibus. ff. de verborum significatione.

Colligitur ex hoc tex. minorem posse restitui aduersus vnum articulum sententiæ, si ille articulus non cohæret alteri, vtpote si condemnata pupilla fuit curatori ad decem ratione vnus debiti, ad alia decem ratione frumenti, si pupilla desideret restitui quoad decem debita ex causa frumenti, poterit, quia non cohæret alteri articulo, seu casui, seu speciei, & ita intelligitur iste tex.

**Obiectio.** Nec refragatur l. in hoc iudicio. ff. famil. hercis. vbi sic Paulus ait: *Quia non potest vno iudicio res iudicata in partem valere, in partem non valere.* Accurs. dicit hîc text. in disiunctis intelligendū, contrarios autem, in coniunctis.

**Solutio.** Ego verò dicerem illum text. vel alios nihil obstare, quia sententia non potest pro parte valere, pro parte non, vt in d. l. in hoc iudicio, sed quādo sententia valet tota, an possit minor contra partem sententiæ restitui? & respondet hîc tex. posse. Nam licet ab

initio testamentum in totum valere debeat, nec potest quis intestatus, testatū sue esse, l. ius nostrum. ff. de regul. iur. tamen postea potest testamentum pro parte valere, & pro parte non. l. circa. ff. de inoffi. testa. Sic & sententia debet ab initio in totum valere, sed postea potest pro parte rumpi, vt hîc, & pupilla in qua parte grauata fuerit, restitui: quod est verum, quando illi articuli non cohærebant: nam si cohæreant, in totum sententia rescindetur, vide tex. in l. si tutor post pubertatem. ff. de tutel. & rationi. distrah.

Quando autem dicantur capitula cōnexa, vel separata declarat gloss. hîc. & Bar. fusiùs in l. Aurelius. §. idem quæsit. ff. de libera. lega. Iason in l. non solū. §. sciendum. ff. de noui oper. nuntia. Soci. in l. non vtique. de excep. Felin. in c. cum inter. col. 4. de re iudi. Boër. in Decis. Burdegal. q. 164. & 339.

### §. Si hæreditate patris, &c.

**H**ic §. fuit declaratus in l. in causæ. prima. §. causa. supra, eodem. allegatur tamen sententiam latam absente parte, & non vocata, non valere, illique non præiudicare. facit l. de vno. ff. de re iudi. l. ea quæ. C. quomodo & quando iudex.

Vnde consuluit Bald. consil. 2. Si egressa. in 4. vol. sententiam pro minore ætate prolatā, nemine cōvocato, non valere, & ideò proinde cognoscendum, ac si nil esset iudicatum, per istum text. quia licet in datione curatoris nemo sit citandus, tamen si ætas in dubium reuocetur, de ea est cognoscendum. per l. iij. §. pen. ff. de bonor. possess. & l. primam. C. quorum bonorum.

*Sententia, absente parte lata, non valet.*

### S V M M A R I A.

- 1 Legatum petens, censetur restitutionem repudiare.
- 2 Præteritus potest supplementū legitima petere, quāuis legatum petierit.
- 3 Patrie potestatis & emancipationis hodie nō est differentia.

### LEX XXX. PAPINIANVS LIB. III. QVÆSTIONVM.

**S**i filius emancipatus non accepta cōtra tabulas possessione, post inchoatam restitutionis quæstionē, legatum ex testamento patris maior viginti quinque annis petisset, liti renūtiasse videtur: cum etsi bonorum possessionis tempus largiretur, electo iudicio defuncti, repudiatum beneficium Prætoris existimaretur.

**S**pecies facti talis esse potest. Filius emancipatus minor à patre suo præteritus, vel exhæredatus fuit relicto sibi aliquo legato in testamēto, ob id ipse filius poterat bonorum possessionem contra tabulas intra tempus à iure præstitutum petere, sed non petiit, verum factus maior petiit se restitui ad petendā bonorum possessionē, & inchoata restitutionis quæstione petiit legatum in testamento patris sibi relictum, quæsitum fuit, an possit prosequi restitutionis causam, quod videbatur, quia inchoata per contestationem

*Huius legis, species facti.*



Decidendi  
ratio.

stationem restitutio, facta est perpetua. l. nam postea. §. si is qui temporali. ff. de iureiur. sed hinc contrarium statuit. Ratio est, quia petendo legatum, videtur renuntiare liti motæ super restitutione, & rationem etiam ponit Papinia. quia si ipse maior intra tempus petendæ bonorū possessionis elegisset legatum petere, censeretur repudiare beneficium Pretoris, id est, restitutionem, fortius si legatum accepit pendente & inchoata lite.

Renūciatio  
liti tacita.

Ex hoc tex. colligitur emancipatum, qui petiit legatum, videri renuntiare liti motæ: nam duobus modis quis liti renuntiat, expresse, & tacite, expresse, quando verba sunt renūciationis expressa, de quibus in l. postquam liti. C. de pact.

Tacite, quando legatum est relictum alicui in testamento, si is legatum accipiat, testamentum quoque approbare videtur, ut hinc, & inferius alia iura adducam, sic & gratiæ suæ renuntiare videtur, qui aliud beneficiū incompatible adeptus est. c. gratiæ, de rescrip. & de hac tacita renūciatione plenè scripsi in praxi beneficiæ. in tertia parte. tit. de tacita renuntia.

Sed, ut habeatis perfectè materiam, super qua gl. & Doctor. valde titubant, ego conscribam casus sequentes. Primus casus est, quicumque lite pendente super restitutione, vel testamento, petit legatum in testamento relictum, liti renuntiare videtur. ita loquitur iste tex. sed, an possit postea agere contra testamentum? aduertite ad sequentia.

Testamen-  
tum patris,  
quod rum-  
pere potest,  
approbas.

Secundus casus, qui potest testamentum patris rumpere, & post illius mortem illud approbat, non poterit postea illud infringere, nec contra venire. l. penul. ff. de inoffi. testa. nam quod semel approbaui, reprobare non possum. l. Pomponius. prima. ff. de nego. gest. l. in arenam. C. de inoffi. testa. Plura scripsi de hac variatione in ratione dubitandi ad l. quod iussit. ff. de re iudi. in eius l. interpretatiōe. imò scribit Iurisconsultus. Paulus. ff. de inoffi. testa. ita, *Si exheredatus petenti legatum ex testamento aduocationem praberit, procuratiōemque susceperit, remouetur ab accusatione: agnouisse enim videtur, quia tale iudicium defuncti approbauit.* Si ergo Aduocatus postulando pro testamento, vel Procurator defendendo testamentum, videtur illud approbare, multò fortius is qui legatum suo nomine petiit.

Tertius casus, hodie siue præteritus, siue exheredatus petierit legatum in testamento relictum, non poterit postea testamentum infringere, licet gloss. dicat non habere locum in præteritis, sed tantum in exheredatis, & Bart. dicit hodie emancipatum posse dicere testamentum nullum. per l. fin. C. de liber. præter. & Fulgos. putat Accurs. sententiam veram, sicut Deus est in cœlis: dicatis tamen ut sequitur.

Præteritus  
petēs lega-  
tum.

Quartus casus est, præteritum dici illum, qui nō est institutus, neque exheredatus. §. eadem. de hæredi. quæ ab intest. defer. in Instit. Idè hodie præteritus potest dicere testamētum irritum quantum ad institutionem, cætera namque firma permanent. authen. ex causa. C. de liber. præter. & hoc fatendum est, sed si præteritus petierit legatum ex testamento relictum, ex bono & æquo tuebitur voluntatem testatoris. l. filio præterito. ff. de iniusto testa. Nam clausula decreti, & nullitatis semper intelligitur, si is uti ea velit, in cuius fauorem actus sit nullus. l. proinde. ff. si certum petat. Ioan. Monachus in c. statutum. de præ-

ben. in 6. scripsi in verbo, ipso iure. §. si quis verò. de colla. in Concorda.

Quintus casus, filius exheredari non potest, nisi causa exheredationis in testamento fuerit expressa, & ab hærede probata. authen. non licet. C. de liber. præterit. §. aliud quoque. in authen. ut cum de appella. cognosc. colla. 8. Et si hoc factum nō fuerit, fatendum est testamentum irritum, sed si filius legatum agnoscat, & testamentum approbet, illud non poterit postea irritare, imò Marcellus ait, *Illud notissimū esse, eum, qui legatum perceperit, non rectè de inofficioso testamento dicturum, nisi id totum alij administrauit,* id est, restituit, & libere ex voluntate testantis dedit. l. si pars. in ff. de inoffi. testa.

Sextus casus est, si filius præteritus legatum petierit ex testamento relictum, non prohibetur petere supplementum legitimæ. l. si quando. §. illud. C. de inoffi. testa. quia etsi testamentum valeret, posset petere. l. omnimodò. C. illo tit. fortius quando testamentum est irritum d. l. omnimodò. & ibi iurium interpretes.

Acceptans  
semel lega-  
tum.

Septimus casus est, si filius exheredatus, vel præteritus, semel acceperit legatum, in testamento relictum, non poterit postea agere, ut iure institutionis ei detur legitima, sed illud sibi cōputabitur in legitima, postquam hoc approbauit. §. aliud quoque. in authen. ut cum de appella. cognosc. Et suppletio ei fieri poterit in pecunia etiam filio inuito. ut docet Guido Papa in Decis. Delphin. qu. 487. Pater. licet legitima ex substantia patris dari debeat. l. scimus. §. repletionem. C. de inoffi. testa. licet si non approbasset testamentum, debuisset ei relinqui legitima iure institutionis. d. §. aliud quoque. & Doctor. in authen. nouissima. C. de inoffi. testam.

Octauus casus, tam emancipatus, quam in testamento præteritus testamentum nullum dicere potest, per d. authen. ex causa. generaliter loquentem, idque quoniam hodie ferè nulla est differentia patriæ potestatis, & emancipationis. §. nullam. in authen. de hæredi. ab intest. venien. colla. 9. quicquid dicat Accurs. hinc.

Nonus casus, minor qui accepit legatum, ut seruū manumitteret, si legatū reddere paratus sit, seruū, qui pluris est, manumittere nō tenetur. l. si minor vintiquinque annis seruū. infra, eodem.

Vltimò gloss. dicit præscriptionem annalem non currere minori ipso iure. de quo in l. prima. C. in quibus caus. in integrum resti. non est necessa. suprà dixi, idè cum non sit materia huic nostræ conueniens, eam missam facio.

# LEX XXXI. IDEM LIB. IX. RESPONSORVM.



**S** mulier postquam hæres extitit, propter ætatem abstinēdi causa in integrū restituta fuerit, seruos hæreditarios ex fideicommissio ab ea rectè manumissos, retinere libertatem respōdi. Nec erunt cogendi viginti aureos pro libertatē retinenda dependere, quam iure optimo consecuti videntur. Nam etsi quidam ex creditoribus pecuniam suam ante



restitutionem ab ea recuperassent, ceterorum querela contra eos, qui acceperunt, ut pecunia comunicetur, non admittetur.

**H**æc lex tria conscribit. Primum, si filia minor adiuerit hereditatem, & fideicommissariam seruis dederit libertatem, si postea videas eam damnosam, abstinerit, & in integrum restituta fuerit, an libertates datae teneant? & respondet tenere, postea quam illi recte manumissi sunt, sed isti manumissi, an cogatur viginti aureos prestare illi, qui bona defuncti obtinebit, sicut manumissi alij tenerentur post ruptum testamentum per querelam, & respondet, non esse cogendos dependere illos viginti aureos pro libertate, quam iure optimo consecuti sunt, hoc probat Iuriconsul. ratione sequenti: nam si creditoribus fuisset ab illa filia solutum, ante restitutionem, non reciperetur querela contra istos creditores, si qui vellent illam pecuniam repetere, sic nec in libertate data, quæ magis est favorabilis. l. libertas. ff. de reg. iur.

Ex hoc text. patet, libertatem datam per heredem, licet postea hereditate abstineat, non reuocari. l. & eleganter. & l. si dolo. supra, de dolo. vbi dixi, & l. c. si §. sed quod. supra, eodem. quia non est nouum, ut quæ semel utiliter constituta sunt, durent, licet ille casus extiterit, à quo initium capere non potuerunt. l. in ambiguis. §. primo. ff. de regul. iur. & idem dicitur in regu. factum legitime. illo titul. lib. 6. sed valde pugnat tex. in l. Papinianus. in fi. ff. de inoff. testa. vbi ipso iure libertates non valent, quando testamentum annullatur per querelam. Doctor. hic multa dicunt, quæ non videntur vera, nec verisimilia, sed valde confusa, quia miscent plures materias. Ego verò putarem intelligendum reuocari libertates datas, sine dispositione testatoris, sed quæ datae sunt ex testatoris dispositione, sic recte, non reuocantur ut hic, dum dicit tex. ex fideicommissio ab ea recte manumissos retinere libertatem. Itaque ut totius materiae cognitio præbeatur, faciendi sunt casus sequentes.

Primus, quando hæres factus ex testamento valido dedit libertatem sine testatoris dispositione, si testamentum postea nullum pronuntietur, vel irritum, ipso iure libertates datae non valent, & ita intelligitur d. l. Papinianus. §. si ex causa. ff. de inoff. testa. quia hæres poterat interim cogitare de filio vel alio, quod fortè annullaret testamentum, ob id non debebat dare libertates, nec dissipare bona hereditatis. Imò præsumitur quod dederit in fraudem filij, qui querelam proponere poterat intra quinquennium, & ut ipsum fraudaret his seruis, ob id libertates ipso sunt iure nullæ, annullato testamento, & datae ex animi sententia, ipsius hæredis.

Secundus casus, libertates directæ, vel fideicommissariæ, quæ ex dispositione testantis debebantur, non competunt, si testamentum irritum dicatur. l. si autem. ff. de inoff. testa.

Tertius casus, Libertates datae ratione testamenti, & dispositionis, siue directæ fuerint, siue fideicommissariæ, intra tempus, quo annullari testamentum potest, retractantur. d. l. Papinianus. §. si. nisi ei. qui adierit hereditatem, denuntiatum fuerit à præterito, ut non adiret, ne libertates competere. Nam eo casu libertates tenerent, & de dolo conueniri posset is, cui nuntiatio facta est, quia damno affectus hereditatem. l. vilis. §. si adierit. ff. de lega. præstan.

Quartus casus, Libertates à testante siue directæ fuerint, vel per fideicommissum decretae, si post tempus à quo annullari testamentum de iure non potest, ab hærede datae fuerint, reuocandæ non sunt per restitutionem, sed viginti aurei à singulis manumissis præstandi sunt. d. §. si. cum l. sequen. unde dicit Imperator in l. si. C. de petit. hæredi. *Si autem libertates, vel à possessore, vel à petitore fideicommissaria petantur, vel directæ ipso iure competere dicantur, annale tantummodo spacium expectetur à morte testatoris numerandum, & si quidem hereditatis petitionis iudicium intra id spacium terminum accipiat, secundum euentum iudicij, & libertates, vel effectum habeant, vel euanescent, sin autem tempus annale emanauerit, tunc libertatis fauore & humanitatis intuitu competant quidem directæ libertates, ex fideicommissariis autem in libertatem serui eripiantur.* Et sic ipso iure post tempus competunt libertates directæ, fideicommissariæ non, sed datae sunt. ut in l. cū verò. §. apparet. ff. de fideic. liber.

Quintus casus, libertates datae ex dispositione testantis ab ipso vero hærede, valent, nec reuocantur per in integrum restitutionem, ut hac l. si mulier. nam hic testator rogauerat heredem, ut manumitteret Titium, is hæres eum manumisit, recte manumissus est. Ergo libertas valet, & tenet, nec postea reuocari poterit; nam aduersus manumissum nulla in integrum restitutio locum habet. l. & eleganter. in prin. supra de dolo. & semel data sententia pro libertate retractari non debet. l. si dolo. ibidem.

Sextus casus, aduersus libertatem, iure præstitam non restituitur minor, nisi ex magna causa l. si ex causa. in fi. cum l. sequen. supra, eod. vbi scripsi, & poterit minor latus damnum, quod subiit ex datione libertatis, petere ab eo, qui eum circumuenit. l. prima. & per totum. C. si aduers. liberta. vbi si manumissus circumuenit minorem, agendum erit contra manumissum, sed libertas tenet. quamuis gloss. dicat aduersus iam competentem non restitui, imò si non fuerit præstita libertas, restituitur, sed postquam est præstita, non: quia, ut dixi in l. si ex causa, libertas est favorabilis, ibi alia scripsi, & per hæc cessabunt contraria per gloss. adducta.

### S V M M A R I A.

1. Tria requiruntur, ut quis falsi puniatur.
2. Aetas vigintiquinque annorum dicitur perfecta ætas ad gerendum negotia, & sua, & aliena.
3. Minoris fauore interdum sententia non statuitur.

LEX XXXII. PAVLVS LIB. I.

### Q V Æ S T I O N V M.

**M**inor vigintiquinque annis, adito Præside, ex aspectu corporis falso probauit perfectam ætatē. Curatores cum intellexissent esse minorem, perseverauerunt in administratione: medio tempore post probatam ætatem, ante impletum vigesimum quintum annum, solutæ sunt adolescenti pecuniæ debitæ, easque malè cōsumpsit, quæro, cuius sit periculum? Et quid si curatores quoque eo modo in eodē errore perseverassent, ut putarēt maiorem esse, & abstinuissent se ab administratione, curationē et restituisent: an periculum temporis, quod

*Libertates quando reuocandæ non sunt, datae ex testamento.*

*Libertatis fauor.*

*Obiectio.*

*Solutio.*

*Libertates quando nullæ sunt, datae ex testamento.*

*Minor aduersus libertatem, quando restituitur.*



quod post probatam ætatem intercessit, ad eos pertineat? Respondi, hi, qui debita exoluerunt, liberati iure ipso, non debent iterum cōueniri. Planè curatores, qui sciētes eum minorem esse, perseverauerunt in eodem officio, non debuerunt eum pati accipere pecunias debitas, & debebunt hoc nomine conueniri. Quòd si & ipsi decreto Præsidis crediderunt, & administrare cessauerunt, vel etiam rationem reddiderunt: similes sunt ceteris debitoribus; ideòque non conueniuntur.

*Species facti prior.*  
Ista lex duos ponit casus. Primus est, Si minor ex aspectu fuerit probatus maior coram Præside, & curatores perseverauerint in administratione curæ, medio tempore creditores soluerunt isti, qui maior probatus fuit, an sint liberati? Et liberatos esse respondet tex. sed curatores tenentur, quia postquam erant in administratione, non debebant pati illum minorem accipere pecuniam, & consumere, ideò periculum pecuniæ spectat ad curatores, in versiculo Planè, &c.

*Altera eiusdem textus.*  
Secundus casus istius tex. est, si curatores post decretum Prætoris falso interpositum super ætate, pro minore administrationem curationis reliquerint, & postea minori soluta est à creditoribus pecunia, liberantur creditores ipso iure, ideò non poterit ipse minor restitui, nec contra creditores, nec contra curatores, quia non subuenitur minori, si maiorem se dixerit, ut in tit. Si minor se maiorem dixit. à fortiori, quando se dixit, & falso probavit, & decretum iudicis super hoc fuerit interpositum, ut hinc: & tam creditores quam curatores sunt in bona fide, ideò plenissimam liberationem sunt cōsecuti, ut fuit dictum in l. ait Prætor. §. permittitur. suprà, eodem. Itaque, si falso errore ductus minor se maiorem probauerit, restitui potest, secus si per malitiam, aut decipiendi animo. l. j. & ij. & per totum. C. si minor se maio. dixer.

Iste tex. communiter est corruptus in libris antiquis, in versiculo, & quid si curatores quoque in eodem errore perseverassent, ut putarent maiorem esse, & abstinuissent ab administratione, curationem etiam restituissent, an, &c. ita esse debet.

Ex aspectu corporis. ] Ex hoc tex. constat ætatem probari posse ex aspectu corporis, tamen iste tex. dicit falso probari, quia interdum puer, vel puella ex aspectu corporis videtur excedere viginti quinque annos, & tamen nondum est eius ætatis, & alius, qui tamen verè excessit, ex aspectu corporis iuniorē diceret, ideò possumus dicere hanc probationem fallacem. Vnde Bar. novam considerationem præbet in l. de ætate. infrà, eodem.

*Probatio per aspectum corporis, quādo fiat.*  
An probatio per aspectum fieri possit, per istum text. patet posse & in §. si. de gradi. in Insti. & l. testiu. C. de testi. imò videtur præferri omnibus aliis probationibus, teste Ludouico Roma. consil. 104. Pater reuerende. in si. & ista est quæ fit per rei euidentiam. docet Hyppol. Marfil, in tract. de proba. fol. 20. vers. Modò restat deuenire.

Tota difficultas est, an probatio per aspectum fieri

possit? Respondeo probationem per aspectum in rebus, quæ aspectu discerni possunt, fieri posse, & plenè probare. Vnde si dubitetur an castrum sit in tali territorio, hoc per aspectum discernetur, & si dubitetur de fundo, an sit de iurisdictione loci, iudex in re præsentem veniet, & pars omnè rem subiiciet oculis, & hominum, & iudicis, qui super hoc discernet. l. si irruptione. ff. finium regun. etiam si numularij iudicent falsum aureum ex aspectu, credi illis debet, & planè probant l. prima & sequ. C. de pondera. & auri illa. lib. 10. & si minor se castratum, vel valetudine detentum fuisse dixerit, poterit per visum probari ex aspectu. l. spadonum. ff. de verborum significatione.

In illis verò, in quibus probatio certa esse non potest in aspectu, illa probatio per aspectum non probabit, ut hinc, quia falli conspicientes possunt: ideò si quis per aspectum vteri mulieris gravidæ velit dicere esse masculum, eò quòd antè magis geritur quàm post, vel quia māmilla dextra est amplior, certè hoc falli sapius potest, ideò illa probatio non recipitur ad plenam probationem, sed ad præsumptionem, si dicatur puellam esse gravidam, vel corruptam, mulieribus credetur, per aspectum iudicantibus. l. prima. ff. de ventre inspic. c. proposuisti. de proba. potest tamen probari contrarium, quia sæpe manus & oculus obstetricum fallitur. c. causam matrimonij, de proba. videtè plenius de hac probatione per Bart. in l. de ætate. infrà. & per Hyppoli. in d. rubri. de proba. Et sententia lata ex aspectu nunquam transit in rem iudicatam, quin possit probari contrarium. Bald. hic & Iaco. in l. si minorem. C. de in integr. restitui. Vnde Bar. consil. 92. In quæstione. col. 2. dicit inane & fragile esse iudicium ex aspectu, & soli iudici esse permisum de ætate iudicare, non tamen iudicio eius stari, sed posse probari contrarium, ut hinc: vnde solent iudices, quando quis dicit se minorem, & petere curatorem, ex tempore interrogare testes palam, an videatur ex aspectu minor, qui si dicant eum minorem ex aspectu, iudex illi curatorem dabit, & ita solet fieri in Curiis, sed quādo agitur principaliter de ætate, oportet quòd minorem probet. l. si minorem. C. de in integr. restitui. dicam in l. de ætate. infrà, eodem.

Etiam testis deponēs separatim de ætate ex aspectu non probat, nisi dicat rationem concludentem, etiam si non fuerit interrogatus, ut docet Innoc. in c. cum causam quæ inter archiepiscopum. de testib. refert & sequitur Alex. consil. 29. Clarissimè. col. prima. in 7. volum.

Nisi notoria sit ætas, fortè septem annorum vel decem, tunc ex aspectu probatio plena fit, & tunc nō fallit, sed quando est proxima ætati viginti quinque annorum falli testis & aspectus possunt. ut no. Doct. in d. l. si minorem. C. de in integr. resti.

Falso probavit. ] Nota, quòd probans falso aliquid non committit falsum, nec falsi punitur, si ipse decipiatur in probatione, & habeat bonam fidem, ut docet Bald. hic. probat l. prima. & fin. C. si minor se maior. dicit ibi, *falsi opinione*. Et antequam aliquis falsi puniatur, requiruntur tria copulatiuè. Primum, immutatio veritatis, & dolo facta, ac ut alij noceat. §. primo. in authen. de instru. caute. & fide. colla. 6. & gl. in l. damus. C. de fal. vbi alia addidi in codice meo antiq. sed hinc nō interuenit dolus, ergo probans falso non punitur.



**Perfectam ætatem.]** No. ætatem vigintiquinque annorum dici perfectam, quia id temporis conceditur ei administratio rerum suarum. l. ij. & sequē. suprà, eodem. estque habilis ad honores & munera. l. ad rempublicam. ff. de muneri. & honor. & ferē ad omnia munera, nec amplius ei obstat ætas, & sic dicitur perfecta ætas ad gerendum negotia, & sua & aliena. videre quæ scripsi de hoc in l. rei. prima. §. fin. & l. ædificia. §. primo. ff. de verb. signifi.

*Curatores  
cōtra sen-  
tētiā res  
pupilli ad-  
ministran-  
tes.*

**Perseuerauerunt in administratione.]** No. sententiam iudicis non excusare, si contra veritatem iudicauerit, sed ob stare videtur. l. ingenuū. ff. de statu homi. vbi sententia pro veritate habetur, verum est, quando quis illi acquiescit, sed si illi non stetur, vt hic, illa sententia non prodest, vt si illi renuntiatum sit expresse, vel tacite, idē curatores non possunt iuuari sentētiā præsidis, si ipsi in administratione curæ pupilli permanserint, quia sententiæ renunciaſſe videtur, vt docet Decius in l. res iudicata. ff. de regul. iur. Idē tenetur, quia verē curatores sunt, & pro tutore & pro curatore tenetur, qui nō est tutor, nec curator. fortius & hi curatores, qui in administratione rerum pupillarium remanserunt, vt in titu. de eo qui pro tutore vel cura. negotia gessit. imō etiam falsus tutor & curator tenetur. l. prima. & per totū. ff. quod cum falso tutore authore gestum esse dicitur.

**Ante impletum vigesimum quintum annum, &c.]** No. vigintiquinque annos esse debere completos antequam minor suarum rerum habere possit administrationem. l. ij. suprà, eodem. Et licet annus cœptus quandoque pro completo habeatur, tamen non in hoc casu, vt dictum fuit in l. ij. §. minorem. suprà, de minor.

**Malē consumpsit.]** Ex hoc text. patet consumere in bono posse & in malo intelligi, alioqui Iuriconsul. non dixisset malē, nisi ad vberiore expresseionem, vt scripsi de hoc plenē in l. cum in testamento ff. de verb. signifi. & gloss. probat. in l. si minor vigintiquinque annis filioſa. infra, eod.

*Error iuris  
quando ex-  
cuset.*

**Si curatores in eodem errore perseueras-  
sent.]** Colligi potest errorem proueniētem ex prætoris decreto excusare errantem. facit l. Barbarius Philippus. ff. de offi. Præto. vbi dixi. facit l. prima. C. de testam.

**Abstinuissent se ab administratione, cura-  
tionem etiam restituisſent.]** No. curatorem nō teneri de eo, quod post restitutam curam & administrationem fit. l. fin. C. de peri. tuto. l. à tutoribus. §. primo. ff. de administra. tuto. & l. ita autem. in fin. ibidem.

**Qui debita exoluerunt.]** Ex hoc tex. apparet soluentes creditori post maiorem ætatem, vel post sententiam super maiori ætate latam, liberari. l. ait Prætor. §. permittitur suprà, eodem. quia sententia pro veritate habetur. l. ingenuum. ff. de statu homi.

**Planē, &c.]** No. curatores teneri pro pupillo, qui recipit pecuniam à creditoribus, & postea eam malē consumpsit, etiam si lata sententia fuerit pro minore, vt maior sit, & sic sine appellatione fauore minoris sententiæ non statuitur, quando ipsi curatores perseuerant in administratione, quia tacite renuntiare censentur sententiæ, vt superius dictum fuit.

*Curatores  
in admi-  
nistratiōe per-  
seuerantes,  
post sentē-  
tiā pro mi-  
nore latam.*

LEX XXXIII. ABRNIVS VALENS  
LIB. V. FIDEICOMMISSORVM.



**I** minor vigintiquinque annis seruum suum, qui pluris est, quam in testamento ei legatum sit, manumittere rogatus fuerit, & legatum acceperit, non cogendum libertatem præstare, si legatum reddere paratus sit, Iulianus respondit. Vt quemadmodum maioribus liberum sit, non accipere, si nolint manumittere, si huic reddenti legatum, necessit s manumittendi remittatur.

**Q**uidam in testamento legauit decem minori, rogauitque eum, vt seruum suum manumitteret, is minor legatum accepit, & non vult manumittere seruum, quæsitum est, an cogatur? quod videbatur, postquam legatum acceptauit, & sic onus. per l. si filius. suprà, allegatam, contrarium tamen statuit hîc Iuriconsul. fauore minoris, si legatum reddere paratus sit, quod probatur per simile: nam maior non tenetur manumittere seruum, si nolit legatum accipere, sic non tenebitur minor si acceperit, & paratus sit illud reddere: in hoc enim succurritur minori ætatis beneficio, vt etiam post legatum acceptum, reddendo illud, non teneatur ad onus, quod erat legato impositum, vt pulchre docet Scevola. in l. tutor. ff. de libera. lega. vbi Accurs. alia adducit iura conformia.

*Facti spe-  
cies.*


*Fauor æta-  
tis.*

Si verò maior pecunia accepta rogatus sit rem propriam, quanquam maioris pretij æstimaretur, restituere, non est audiendus legatarius legato percepto, si velit computare, videlicet vsque ad pecuniam, quam accepit, non enim æquitas hoc probare patitur, si quod legatorum nomine percepit legatarius, offerat. l. Imperator. §. primo. ff. de lega. 2.

Vnde licet quis non possit grauari in plus, quam in testamento acceperit. §. primo. de singul. rebus per fideicom. relict. tamen si detur legatum alicui, si hoc fecerit, vel dederit, quamuis amplius sit onus, quam legatum, tenetur is, qui legatum accepit. l. Mauius. ff. de manumiss. testa & acceptando legatum, onus illi impositū accipere videtur, cum in potestate sua fuerit repudiare legatum, si onus recusabat. & per hoc soluta sunt contraria allegata per gloss. in d. §. primo. & hæc materia tractatur in l. planē. 2. §. fin. ff. de lega. primo. & in l. ab eo. C. de fideicom. Benedi. in repeti. c. Raynurius. in verbo, si absque. in 2. num. 26. & sequ. de testa. & Vincen. Hercula. in l. quod de bonis. §. quod auus. ff. ad leg. Falcid.

*Contrario-  
riū solutio.*

LEX XXXIIII. PAVLVS LIB. I.  
SENTENTIARVM.



**I** minor vigintiquinque annis filioſa familias minori pecuniam credidit, melior est causa consumentis: nisi locupletior in hoc inueniatur litis contestatæ tempore, qui accepit.

**I**stius legis principium declaratur in l. verum. in fi. suprà, eodem.

Gloss.



Gloss. tamen dicit non esse locupletioremin, si luserit pecuniam, & amiserit excepto vno nummo, & cum illo nummo recuperauerit reliquā summam, quod non placet, quia pecuniam creditam habet, vel saltem in illius locum aliam, & quando minor habet aliam rem pro pecunia, dicitur in illa ex bono & æquo locupletior. l. patri. §. si pecuniam. & §. sequen. suprā, eodem. & omne id quod habet ratione rei restituere tenetur. l. quod si minor. §. restitutio. suprā, eod. & æquum est minorem teneri de illa pecunia, quam habet ratione mutui sibi facti, ideò Angel. Clauas. in verbo, ludus. §. 8. dicit in conscientia cum, qui amiserat in ludo centum cum aliquo, si ludat iterum cum illo, & recuperet, compensationem facere posse, nec teneri ad restitutionem. allegat Panor. in c. filius. de testa. & in c. ex parte. in fi. de censib. non tamen ibi inueni.

Secundò, Accurs. dicit consumptionem in bonos vsus, & in malos fieri posse, & si consumptio fuerit in bonis vsibus facta, fortè vt ipse minor se alat, tunc repeti potest pecunia, secus si exposuerit eam ad vinum extraordinarium, fortè pro conuiuiis faciendis iuuenibus, aut ad alios vsus, etiam bonos, sed non necessarios, sicut de impensis dicitur in l. impensa. ff. de verbor. signific.

§. Minores si in iudicem compromiserunt, & tutore auctore stipulati sunt: in integri restitutionem aduersus talem obligationem iure desiderant.

SI in iudicem tutore auctore minores compromiserint, & promiserint stare sententiæ illius iudicis, lata in vim compromissi, poterunt in integrum restitutionem petere aduersus istā obligationem, quia poterat à sententia iudicis minor appellare, sed à sententia arbitri minimè hoc iure, nec agetur de cutione, si res per compromissum euincatur. l. si dictum. §. si compromisso. infrā, de euct. Ideò minor lædi censetur compromittendo, & sequendo quodammodo extraordinariū compromissi auxilium, cum haberet ordinarium iudicium. De hoc dicam abundè in l. si pupillus. infrā, de arbit.

## S V M M A R I A.

- 1 Minor ob rem minimam non restituitur: secus ob mediocrem lesionem.
- 2 Restitutio etiam propter vicinitatem fit.
- 3 Minor dicitur læsus, propter affectionem ad rem, qua cauere debet.
- 4 Res maiorum suorum prohibetur vendi.
- 5 Minor etiam restituitur propter alienationem prædij in loco salubri sitam.

LEX XXXV. HERMOGENIANVS  
LIB. I. ἐπιρρωμῶν.

**S**I in emptionem penes se collocatam, minor adiectione ab alio superetur, implorās in integrum re-

stitutionem, audietur, si eius interesse emptam ab eo rem fuisse approbetur: veluti, quod maiorum eius fuisset, ita tamen vt id quod ex licitatione accessit, ipse offerat venditori.

**M**inori vendita est domus, vel alia res sub pacto adiectionis in diem, vt si alius obtulerit meliorem conditionem, ab ea discedatur, interim ista emptio est collata penes minorem, alius adiecit meliorem conditionem, fortè decem, superatus est minor, aliq̃ue fuit vendita ipsa domus. Quæsitum est, si interfit minoris, an is ipse in integrum restitui possit? Respondet tex. posse, & interesse minoris videtur, veluti si domus fuisset maiorum suorum, debet tamen minor offerre id, quod ex licitatione accessit, id est illa decem, quibus minor in licitatione superatus fuit.

Dubium videbatur: nam postquam res est vendita per licitationem, non potest repeti, nisi grande dānum immineat. l. si ex causa. suprā, eodem. quod non videtur hīc. Respondeo, ibi loquitur in re minoris distracta, hīc verò in emptione rei alienæ collata apud ipsum minorem, id est, in sua potestate. Nam ipse poterat emere illam cum illa accessione pretij, si voluisset, sed passus est se vincere licitando, & sic non erat minoris domus, quicquid Doct. dicant nempe iste tex. vtitur verbo, penes se, videlicet minorem, collocatam, & penes te, amplius est, quàm apud te: nam apud te est, quod qualitercunque à te tenetur, penes te est, quod quodammodo à te possidetur. l. penes. vbi etiam dixi. ff. de verb. signifi. & sic minor eam rem possidebat, donec alius meliorem conditionem afferret.

Notat Bald. ex hoc text. quòd pari pretio primus emptor superat alium licitantem. facit l. necesse. infrā, de in diem adiecti. & si hoc ius superandi minor admisit, restituitur, si prætendat singulare interesse, etiam affectionis, istud tamen dictum Bald. non est verum: nam hīc minor fuit superatus, eo quòd alius attulerit maius pretium, & hoc probat iste tex. in fin. dum dicit, minorem audiri, si offerat pretium quod ex licitatione accessit, ergo non erat par pretium, sed maius, aliàs minor nullum pretium offerre deberet, si par pretium dedisset, nec probat hoc ille text. in l. necesse, allegatus per Bald. sed sententia Bal. videtur probari in l. eum qui. §. melior autem conditio offerri videtur, si pretio sit additum, sed si nihil pretio addatur, solutio tamen offeratur facilius pretij, vel maturior, melior conditio offerri videtur, sed ille text. loquitur de meliori conditione, quæ dicatur, hīc loquimur autem quādo minor est superatus in pretio, an postea offerendo dictum pretium quo superatus fuit, restitui possit, & concludit posse, ideò nō loquitur de re sua, id est, minoris.

Etiam notat Bald. quòd propter illud interesse affectionis minor fingitur enormiter lædi, aliàs non haberet in integrum restitutionem. per l. scio. ff. de in integr. resti. hoc etiam probat Barba. consil. 13. Clementissimi. col. 2. in primo vol. sed hoc non videtur verum, quòd minor non restituatur, nisi enormiter lædatur. vt dixi in l. prima. suprā, eodem. nisi in casu. d. l. si ex causa. vbi dixi. suprā, eodem. ob id aliud est

Facti species.

Obiectionis solutio.

Minor in licitatione superatus.

Minor etiam propter interesse affectionis restituitur.



lædi in re minima, vtpote in obolo, & tunc non fit restitutio, aliud in re maxima, & est enormis læsio, alia est res media, & si in illa lædatur, restituetur minor, vt superius fuit conclusum in d. l. si ex causa. Nec enormiter ob hoc dicitur lædi minor propter affectionem, quia res fuit maiorum suorum, sed sufficit, quod sit læsus dum caret re, quæ suorum fuit maiorum, & quæ dicatur, declaravi in l. appellatione parentis. ff. de verborum significatione.

De eadem  
re.

Interesse emptam ab eo rem fuisse approbetur. Colligitur minorem posse restitui si non emerit rem, quæ emere sua interesse putabat, vt quia erat maiorum, & hoc esse mirabile docet Accursus. sed facit l. lex quæ tutoris. C. de administ. tuto. ibi, *Nec domum verò vendere liceat, in qua defecit pater, minor crevit, in qua maiorum imagines, aut non videre fixas, aut videre reuulsas, satis est lugubre.* facit l. prima. §. sed si rem. ff. si quid in fraudem patro. ibi, *Verumtamen hoc interesse sua non esse venudatam, inq. hoc esse fraudem, quod venerit possessio, in quam patronus habeat affectionem, vel opportunitatis, vel vicinitatis, vel cæli, vel quod illic educatus sit, vel parentes sepulti.* Et sic apparet minorem restituendum etiam ratione vicinitatis. vt probat l. si cui. ff. de legat. 2. l. cum seruus. manda. & ex prædictis causis, oportet saltem probare vnam, alias succumberet, per istum text.

Et sic istum text. singularem dicunt interpretes, maximè Benedictus in repeti. c. Raynutius. in verbo, in eodem testamento relinquens. primo. numero 34. de testa. quod propter rei affectionem, quæ fuerat maiorum suorum, datur minori restitutio, sine aliqua læsione. exëplo Nabot, de quo 3. Regum 21. c. & in c. Achab. de poeniten. disti. 3. hoc tamen non placet, quod sine læsione minor restituatur, quia læsio hic duplex videtur, prima quia res emptam fuerat maiorum suorum, & erat in potestate sua eam habere, tamè dimisit, eod quod alius adiecit ei pretium, & sic læsio adest, quicquid dicatur, sicut fuit dictum superius, quando potuit transigere super furto minoris, de minori summa. l. si ex causa. §. nunc videndum. supra, eodem.

Vnde Anton. de Burgos in c. primo. col. 5. de emptio. dicit text. istum singularem, in quo minor restituitur ratione affectionis, hoc etiam docet Boër. in additio. ad Dynum in regula, mora. de regul. iur. in 6. sed vt dixi non est sola affectio, sed læsio, eod quod minor caret re maiorum suorum, aut sua.

Etiam per istum text. infert singula. Barba. in c. Raynaldus. colum. 143. de testa. minorem posse eligere domum, vel aliam rem pro sua legitima, quando illa res fuit maiorum suorum, & institutus erat extraneus hæres. argumento huius text. de quo Doctor. plenè docent in l. scimus. §. repletionem. C. de inoffic. testam. & in l. in quartam. ff. ad legem Falcidiam.

Infert etiam de Ripa. in tract. de peste. in vltima parte istum text. habere etiam locum in re minoris, quam si vendiderit, concedetur ei restitutio, si fuerit maiorum suorum, & quamuis iste text. de hoc nō loquatur, tamen iustum est, quia talis res prohibita est vendi. l. lex, quæ tutores. §. nec domum. C. de administra. tutor.

Plus dicens concedendam minori restitutionem aduersus alienationem prædij siti in loco salubri, &

si magis expediebat minori, prædium alibi situm, in loco fortè pestilenti, alienare, & pro hoc potest allegari text. in d. l. prima. §. sed si rem. ff. si quid in fraudem patro.

Adhæc si consanguineus vendiderit rem quamcunque, minor illam iure retractus habere poterit intra annum, quod si non habuerit, postea restitui minor poterit, per istum text. quia emptio collocata erat penes se, & ipse eam omisit, idè restitui iure poterit, eod quod maiorum fuerit. per text. in cap. constitutus. de in integr. resti. & hoc expressè docet Chafsa. in consue. Burgun in titul. *des retraicts.* §. primo. in prin. alibi dicam, Deo fauente.

Rescissio  
ditionis, in  
re retra-  
ctus.

#### S V M M A R I A.

- 1 Minor aduersus crimen, à se confessum restituitur.
- 2 Propter obiectiones omittas non restituitur.
- 3 Aduersus defensiones omittas, etiam latis contra eum sententiis, restitui potest.
- 4 & 5 Item propter allegationem à tutore, curatore vel aduocato omittam, restituitur: secus si ab eius Pro curatore omittatur.
- 6 Aliter verò in utroque obseruatum inuenitur.
- 7 Minor in detrimentum suum quid confitens, etiam non probato errore, restitui potest.

#### LEX XXXVI. PAVLVS LIB. V. SENTENTIARVM.



Inor viginti quinque annis omittam allegationem, per in integrum restitutionis auxilium repetere potest.

Istam legem variè intelligit gloss. & Doctor. ego verò generaliter intelligerem, videlicet vt si minor quicquam allegare, & pro se adducere omiserit, si ob hoc læsus fuerit, potest hoc omittam repetere, id est reassumere, per in integrum restitutionem, & iterum allegare id, quod omisit.

Minor ad  
uersus omi  
sum allega  
re restitu  
tur.

Accursus. hanc intelligit legem in minore, qui exceptionem dilatoriam omisit opponere, fortè non tenebatur soluere ante decem annos, illam exceptionem allegare omisit, fuit condemnatus, poterit restitui, vt illam allegare possit, & ea se iuuare. l. exceptio. nem. C. de proba. dummodò non venerit iam tempus. vt Doctor. tradunt in c. exceptionem. de exceptio. l. cedere diem. ff. de verbo. signific.

Item, non poterit se iuuare exceptione declinatoria iudicii, quæ dilatoria dicitur. l. exceptionis. ff. de excep. Innocen. in c. coram. de in integr. restitut. quia is iudex potuit sicut alius ei iustitiam præbere. Iason in l. & eleganter. §. si quis. ff. de condi. inde. & ita iudicauit magnum concilium Neapol. vt docet Antonius Capit. in Decis. 13. In causa.

Idem, si omiserit allegare exceptionem peremptoriam solutionis, pacti de non petendo, vel aliam, restituetur. l. peremptorias. C. senten. rescindi non posse. Angel. in §. appellantur. de excepti. in Institut.

Siue

Minor po-  
test res ma-  
iorum suo-  
rum pro le-  
gitima eis-  
gere.

Restitutio  
propter re-  
maiorum suo-  
rum diuen-  
diam.

4

5



Siue in ciuili, siue in criminali, de ciuili probatum extitit, in criminali probatur in l. si maritus. ij. §. præscriptiones. ff. de adult. Idem si ipse minor confessus fuerit crimen, quod alio modo probatum non erat, restitui poterit, vt dictum fuit in l. minor autem. suprâ, eodem.

Minor omittens probationem.

Præterea, si minor omiserit probationem, restituetur, in quo casu maiori non succurreretur, videlicet post publicationem authentica qui semel. C. de testi. c. fraternitatis. vbi Doct. de test. Aufrer. Decisi. Tholosan. quæstione 248. Oportet tamen probare se habuisse testes, quos non produxit, & eos producere est paratus, vt Bart. & alij dicunt in l. nam postea. §. si minor. ff. de iureiurand. sed aduersus probationem necessariam omissam, etiam læsione non aliter probata, restituetur, quia eo ipso quod omisit probare, læsio apparet. c. auditis. & c. suscitata. de in integrum restit. vbi Panormitan. & alij, & Aufrer. in Decisio. Tholosa. q. 53. Iason pulchre in l. nam postea. §. si minor. ff. de iureiurand. idem si omiserit probare intra terminum sibi præstitutum, vt docet hic Bald.

Idem dicit glos. si omiserit probationes legum adducere ad causam suam pertinentium. allegat l. minor autem magistratus. §. si autem Princeps. suprâ, eodem.

De eadem re.

Intelligatis, si omitteret allegare legem municipale, vt pote statutum, vel consuetudinem: alioqui necessaria nõ esset restitutio, quia leges allegari semper in causa possunt, etiam in causa appellationis, vt docet Bald. hic. & licet non fuerint allegatæ leges, vel iura, tamen iudex potuit in his, quæ iuris sunt, supplere. C. vt quæ desunt Aduocatis, partium iudex suppleat.

Idem dicendū est, si minor omiserit aliam quancunque facti allegationem, quæ seruire (si allegata fuisset) potuisset suæ causæ, vt si articulos omisit dare probatorios, vel alios, aut alia, quæ ad causam faciunt, adducere, teste Aufrer. per istum textum in decisio. Tholosan. q. 53. vbi dicit non restituendum propter obiectiones omissas, quia sunt odiosæ. idem tenet Specul. in tit. de in integrum restit. §. 2. versic. sed pone in Ecclesiam. quod non procedit in obiectionibus contra testes, quas si fecisset, non succubisset. Doctor. in c. fraternitatis. §. col. de testi. plura adducit Guido Papa in statu. si quis per literas. in verbo, omni allegatione cessante.

Et si hæc restitutio petatur ante latam sententiā, incidenter petetur, non dato libello, nec aliās solemniter. per c. sin. de offic. iudic. secus post sententiā. l. j. suprâ, eodem. Ego dixi in hoc regno Franciæ, siue petatur incidenter, siue principaliter, semper impetratur literæ Regiæ restitutionis, & vocatur pars aduersa, cōtra quam restitutio petitur, & ipsa (si sibi expediat) oppugnat literas, & iudex postea pronuntiat literas esse comprobandas, vel nõ, & minorem restituendum ad eum statum, in quo erat ante omissam allegationem, vel contra pronuntiat: ista est praxis Franciæ in Curiis obseruata.

Praxis Franciæ de literarum restitutionis Regiis.

Etiam aduersus omissas defensiones restitui minor poterit, per istum textum quem ad hoc adducit Aufrer. suis in dictis decisio. q. 53. etiam si tres latæ fuerint sententiæ conformes contra eum, vt idem docet Aufrer. quæstio. 54. sed pendente in integrum restitutione sententiæ illæ mandabuntur executioni, si illa executio sit retractabilis, alioqui contrā, vt not.

Doctor. in clemen. j. de re iudic. per c. suscitata. de in integrum restit. restitutio tamen non dabitur, nisi constet de iniustitia dictarum sententiarum, vt est in decisio. Rotæ. 2. in no.

In text. dicitur, omissam allegationem, sed à quo erat omissa, cum minor non possit stare in iudicio, vt in titu. qui legitimam person. habent standi in iudic. Respondeo, omissam vel ab ipso minore in casibus, in quibus in iudicio stare potest. vt in d. tit. probatur, vel ab ipso curatore, seu tutore, vel Aduocato eius, quia hic text. generaliter loquitur, & qui per alium facit, perinde est, ac si minor ipse faceret, l. j. §. de iecisse. ff. de vi & vi arma. quia damnum & detrimentum ipse minor ob hoc pateretur.

Allegatio omissa, quatenus accipitur.

4

Si tamen minor litiget per Procuratorem, & is omiserit aliquid allegare, nõ restituetur minor, quia Procurator est voluntarius administrator, sed tutor vel curator est necessarius. vt docet hic Bart. quem sequitur Aufrer. in decisio. Tholosa. q. 45.

Idem cauti debent esse Aduocati minorum, vt ipsi non litigent per Procuratores constitutos cum sacramento, quia per iuramentum amittent restitutionem, per authen. sacramenta. C. si aduers. vendit. & ista est communis interpretum sententia.

Cautela pro Aduocatis minorum.

Ego verò in vtroque vidi seruari contrarium: nam siue minor læsus fuerit per se, Aduocatū, Procuratorem, tutorem, vel curatorem, semper restitui solet, vt docet Panormitan. in c. cum venissent. num. 7. de in integrum restit. etiam si iurauerit, & approbauerit omnia cum iuramento, quia habita iuramenti dispensatione, eidem prouideri solet. quicquid dicat Bartol. & alij: nam ego quotidie ista in Curiis vidi obseruari.

Vltimò, vidi dubitari, an minor restituatur, si dixerit aliquid quod suæ causæ noceat? Certè restitui poterit, etiam non probato errore, licet maior non restitueretur, nisi errore probato. l. certum. §. in pupillo. ff. de confes. vbi etiam Doctor.

7

#### S V M M A R I A.

- 1 Minor quoad furtum non restituitur.
- 2 Neque in criminibus aliis, quæ partis interesse respiciunt.
- 3 & 4 Minor delictum sponte vel in tortura confitens, an restitui possit.
- 5 Pretium pro comperto maleficio non licet accipere, vt quis taceat.
- 6 Contra leges non est faciendum, quibus quis se vult defendere.

#### LEX XXXVII. TRIPHONIVS LIB. III. DISPUTATIONVM.



Vxilium in integrum restitutionis in exemptionibus pœnarum paratum non est. Ideoque iniuriarum iudicium semel omissum, repeti non potest: & in sexaginta diebus præteritis, in quibus iure mariti sine calumniâ vir accusare mulierem adulterij potest, denegatur ei in integrum restitutio, quia ius omissum si nunc repetere vult, quid aliud



quàm delicti veniam, id est, calumniæ deprecatur? & cum neque in delictis, nec calumniatoribus Prætorem succurrere oportere, certi iuris sit: cessabit in integrum restitutio. In delictis autem minor annis vigintiquinque non meretur in integrum restitutionem (vtique in atrocioribus) nisi quatenus interdum miseratio ætatis ad mediocrem pœnam iudicem produxerit, &c.

**I**sta lex variè legitur in text. sic, videlicet, Auxilium in integrum restitutionis in exemptionibus pœnarum paratum non est. Alij libri antiqui habent, executionibus pœnarum, & vterque intellectus sustineri poterit. Primò, vt in exemptionibus pœnarum non succurratur minori, vt si delinquat, sit à pœna exemptus, & immunis, & hoc probat hæc lex, ibi, In delictis autem, &c.

Si verò legatur, in executionibus pœnarum, etiam intelligi poterit minori non subueniri in executionibus pœnarum, id est, in prosecutionibus faciendis contra alios: nam si affectus iniuria fuerit, vel vxor sua commiserit adulterium, & is ipse minor non egerit intra annum iniuriarum, vt debet, l. si non conuicij. C. de iniur. §. si. c. illo tit. in Instit. postea agere non poterit, nec pœnæ executionem petere: nam iniuriarum iudicium semel omissum repeti nō potest, per hunc text. & si hic minor non accusauerit vxorem adulterij intra sexaginta dies viles, non poterit restitui, vt eam postea accuset. Nam ait Triphonius, Quod ius omissum, & sic nunc repetere vult, quid aliud quàm delicti veniam, id est, calumniæ deprecatur? Et sic, neque in delictis commissis à minore oportet Prætorem succurrere minoribus, vt pœna exempti sint, neque ipsis calumniatoribus: nam calumniari videtur, qui extincta crimina suscitare cupit, sicut qui falsa crimina intendit. l. j. ff. ad Turpil. & sic dicit versic. Et cum neque, &c. cessabit in integrum restitutio, &c.

**I**n delictis. ] Concludit Iurisconsul. minorem non mereri in integrum restitutionem, & certè in atrocioribus maximè cessabit: vnde si minor se fateatur adulterium, nulla est deprecatio pœnæ adulterij, imò etiam si quid commiserit, quod lex pro adulterio puniat, vtpote si adulterij damnatam minor sciens duxerit vxorem, aut si eam deprehensam in adulterio non dimiserit, vel si quæstum de vxoris adulterio fecerit, vel pretium acceperit pro cōperto stupro, aut domum præbuerit ad committendum adulterium, vel stuprum, concludit Iurisconsul. vt nō sit excusatio ætatis ei, aduersus præcepta legum, qui dum leges inuocat, contra eas committit. Ista est text. breuis declaratio.

Ex hoc text. colligitur auxilium restitutionis esse denegandum minori, si ipse velit crimen tempore extinctum reperere, & prosequi: idè post annum non poterit actione iniuriarum experiri, quia is, qui omissum crimen repetere vult, nihil aliud quàm calumniam deprecatur, vt in hoc text. etiam quia hoc tendit in necem, & damnum alterius. l. in causâ. supra, eodem. & ad vindictam. l. sepulchri violati. in

fine. ff. de sepulchr. violat. ibi, *Sed magis ad ultionem pertineat.*

Idem, si crimen adulterij extinctum tempore suscitare velit, & adulterum accusare de nouo, ei non debet in integrum restitutio cōcedi, vt alteri noceat: nam hoc odiosum est, & sic restringendum. l. cum quidam. ff. de liber. & posthum.

Cōtrouertit hic Accur. in verbo, sine calumnia, sed vos dicite, maritum posse iure suo adulterij agere intra sexaginta dies, sine calumnia, per l. miles. §. sexaginta. ff. de adult. sed si post lapsos illos sexaginta dies agere velit tanquam extraneus, poterit, si confidat accusationi, id est, se probare posse accusationem veram, & adulterium commissum, & eo casu calumniam, nec illius notam timere debet. l. iure mariti. C. de adult. Extraneus verò, sine calumnia, vel calumniæ nota non potest iure mariti agere, & sic calumniæ periculum non euitare, & in hoc defertur marito, & sic intelligitur, & conciliatur text. in l. is cuius. §. fin. ff. de adult. quicquid ibi dicat glos. & Doctor.

Idem in aliis criminibus dicendum erit: nam crimen falsi viginti annis præscribitur. l. querelam. C. de fal. c. cum venerabilis. de except.

Nec me mouet distinctio glos. & Doct. nam non videtur vera, idè dixi in d. §. nunc videndum. per istum textum minorem non iuari in delictis restitutione in integrum beneficio ætatis, tum quod nil gestum est cum minore, sed ipse gessit, quia deliquit, & delictum excludit priuilegium. l. j. C. vbi senat. & cla. c. secuti. in fin. 2. q. 7.

Et si minori daretur in integrum restitutio in delictis, minores inuitarentur ad delinquendum ex leuitate iuuenili, quod est maximè illis cohibendum, l. iuris gentium. §. si paciscar. ff. de pact. & hoc potius tenderet in perniciem iuuentutis, quàm ad releuandum illam, cum iuuenes sapius sint stolidi, & faciles ad delinquendum, c. omnis ætas. 12. q. 1. & possent interficere iudices, ac alios magistratus, & quia, vt dixit iste text. non merentur exemptionem, in quo delinquant.

Existimarem tamen multas leges deferre minoribus in delictis, non vt restituatur minor in pristinum statum, ac si non deliquisset, sed miseratio ætatis inducet ad alleuiandam pœnam, per hunc text. ibi, Nisi quatenus interdum miseratio ætatis ad mediocrem pœnam iudicem produxerit. Ergo non ad remissionem pœnæ, sed ad mediocrem pœnam imponendam, vel ad conuertendum in pecuniariam, quæ fuisset corporalis, sicut ratione sexus etiam defertur, ne ipsi incidant in certum crimen, vt in l. j. §. si accusationem. in fine. ibi, meritò. Itaque dicendum est omnes, excepta muliere, & minore, nisi abolitionem petierint, in hoc Senatusconsulto incidere.

Quod minor pœna imponatur minori, quàm maiori, scribit Martian. in l. hac lege. ff. ad legem Iul. pecul. his verbis, *Diuis Seuerus, & Antoninus quendam clarissimum virum iuuenem, cum inuentus esset arculam in templum deponere, ibique hominem includere, qui post clausum templum de arca exiret, & de templo multa subtraheret, & se in arculam iterum referret, conuictum in insulam deportauerunt.* Et tamen pœna sacrilegij in maioribus est capitis, vel furcæ. l. sacrilegij. j. & ij. ibidem.

*Martianus agit adulterij intra 60. dies.*

*In delictis cur minor non restituatur.*

*Iniuriarum iudicium omissum, non repetitur.*

*Minor in quibus non restituatur.*



Obiectio-  
nis solutio.

Nec refragatur l. vnica. ff. ad legem Iul. de ambit. ibi, *Qua lege damnatus, si alium conuicerit, in integrum restituitur, non tamen pecuniam recipit.* Respondeo, ille text. non loquitur de minore plus quam de maiore, sed lex indulget condemnato ad centum aureos cum infamia ex lege Iulia de ambitu, vt in integrum restituatur quoad suam famam, si alium reum conuicerit: nam fiscus habet centum aureos ex illo conuicto, & pecuniam conuicentis, & hic in integrum restituitur, quoad suam famam, in præmium conuictionis, sicut interdum lex libertatem concedit pro præmio, vt in toto titulo C. quibus ex caus. serui qui pro premi. libe. accep. & aliquid etiam pro iudicio criminis. in l. iiii. §. si iudicium. ff. de condict. ob turpem cau. l. solent. de præscrip. verb.

Item non obstat iste text. ibi, *Vtique in atrocioribus minoribus non succurrendum, sed in aliis delictis minoribus, secus.* Respondeo, hoc argumentum à contrario non procedit, quia in principio huius legis loquitur in delictis simpliciter: ergo de omnibus, etiam de furto, quod non est de atrocioribus, intelligit textus huius legis, cui textui est alius conformis, in l. si ex causa. §. nunc videndum. supra, eodem. vbi minori non succurritur quoad in integrum restitutionem, quæ est impossibilis in delictis: nam facta pro infectis haberi non possunt, l. in bello. §. facta. ff. de capti. & hæc restitutio reponit rem in pristinum statum, quod in delictis vix fieri posset. l. quod si minor. §. restitutio. supra, eod.

Ideò, nec in atrocioribus, nec in minimis etiam delictis, minor poterit petere in integrum restitutionem, & quæ dicantur atrociora, glos. & Docto. declarant in c. at si clerici. §. de adulteriis. de iudic. & dum prosequar materiam criminalem, ea distinguam.

Sed gratiam delicti, sicut maiores, à Principe, & facilius impetrare poterunt minores, & quotidie videmus, quia non debent esse in hoc deterioris conditionis, quam maiores, quibus veniam delicti Princeps ex causa concedit. in l. prima. & per totum ff. ad Turpil.

Vtique nulla deprecatio adulterij pænæ est. ] Colligunt quidam ex hoc text. gratiam non dari adultero, & hoc probat text. iste, quia hoc tangit interesse partis, quod Princeps remittere non potest. l. rescripta. & l. quoties. C. de precib. imper. offer. glos. & Docto. in l. fin. C. de in ius vocan. nisi quoad infamiam. l. & si crimine. C. de adult.

In criminibus læsæ maiestatis, & hæresis nulla est deprecatio. l. quisquis. C. ad legem Iul. maiest. l. j. & l. Manichæos. C. de hæred. nec concedi gratiam vidi sacrilegis, seu maleficis.

Nec virginum raptoribus, aut aliarum mulierum parcere decet. §. neque autem. in authen. de manda. Princip. collat. 3. & in l. vnica. C. de raptor. virgin.

Homici-  
da de in-  
dustria non  
debet resti-  
tui.

Neque homicidis, vt ibi, quod est intelligendum quando quis per industriam hominem occiderit, ille iuari gratia non debet, cap. j. de homicid. vbi dicit etiam, vt est in Exodo, extrahendum eum ab altari, vt moriatur, & quando hoc facit Princeps damnat se, & eum, cui gratiam concedit, & iudices, qui gratiam comprobant. Hoc probatur i. Regum c. 15. vbi Saul parcendo Regi Achab indignationem Domini accepit, priuatúsque regno fuit, ad quod vtinam aduerterent Principes: nam Diuus scribit Ambrosius de offic. Nónne cum quis vni indulget indigno, ad

prolapsionis cōtagium prouocat vniuersos? facilitas enim veniæ incentiuum tribuit delinquendi. cap. est iniusta. 23. q. 4.

Ista crimina non merentur veniam, quia de industria fiunt, & ex propria malitia, etiam (vt dictum fuit) respiciunt partis interesse, ob id non datur gratia, sicut nec pro furto, aut falso commisso.

Vnde Imperator his verbis ait, in §. deinde. versi. non permittas. in authen. de manda. Princip. collat. 3. *Non permittas, inquit, priuilegiis aliquibus vti nocentes, sed illud solum eis auxilium obseruabis, vt undique puri eorum, quæ eis inferuntur, & innoxij videantur, homicidia autem, & adulteria, virginumque direptiones, & inuasiones, & oppressiones, ita cum vehementia corrigas, puniens delinquentes secundum nostras leges, vt paulatim supplicium eorū omnes faciat saluos.* Aliæ sunt personæ, quæ nō iuuantur Principis venia, quas conscribam in tract. de abolit. seu gratiis. in Constit. Reg. & ferè in nullo casu liberatur in Francia condemnatus ad mortem, etiam si constaret de innocentia, siue de Principis literis. l. j. in fin. ff. de quæstio. quamuis ibi Hyppolit. conscribat aliquos casus, tamen in praxi non profunt. facit pro praxi ista, text. in l. Diui. ff. de pœnis.

Si se minor annis adulterium fateatur commisisse. ] Ex hoc text. colligitur credi confessioni minoris, & nō restitui ob suam confessionem, sed Diuus Seuerus rescripsit confessiones reorum pro exploratis facinoribus haberi non oportere, si nulla probatio religionem cognoscentis instruat. in l. j. §. Diuus. ff. de quæstio. sed Accurs. dicit ibi non perseuerasse in cōfessione, quam tertius fecit propter tormenta, hîc sic: ideò vt hoc faciliè intelligatur, facerem casus sequentes.

Minor quā  
do propter  
suam con-  
fessionē non  
restitu-  
tur.

Primus casus est, Si quis confiteatur delictum commissum esse à minore, illi creditur ac si deposuisset contra maiorem, & minor non poterit restitui, quamuis dicat se læsum, quia probatio æqua facienda est contra maiorem & minorem. per totum tit. ff. & C. de probat. nec inuenitur minor in hoc priuilegiatus. l. nō est necesse. ff. de probat. vbi Doct.

Secundus casus, Si quis minor confiteatur se perpetrasse delictum, ei non semper creditur, vt in l. j. §. primo. ff. de quæst. vbi sic scribitur: *Si quis vltro de maleficio fateatur, non semper fides ei habenda est: nonnunquam enim aut metu, aut qua alia de causa in se confitentur, & extat epistola diuorum fratrum ad Voconium Saxam, quā continetur liberandum eum, qui in se fuerat confessus, cuius post damnationem de innocentia constitisset, &c.* & d. §. Diuus Seuerus. ibidem.

Tertius casus, Si minor confessus est delictum spōte, vel in tortura, poterit illam confessionem reuocare prætextu erroris. l. certum. §. penultim. ff. de confess. & hoc si probauerit se errasse, teste Specul. in tit. de in integrum restitui. §. j. versic. sed nunquid Ecclesia. Hyppo. plura adducit in l. j. in fi. ff. de quæst. ego putarem restitui posse, etiamsi non probaret se errasse, dum tamen modò hoc alleget, quia errasse præsumitur, si aliter crimen non probetur. & text. in d. l. certum. generaliter loquitur, dicens: *Minorem à confessione sua restituemus*: ergo non probato etiam errore, alioqui nullum haberet priuilegium minor in hoc, cum maior, errore probato, hoc possit. l. de ætate. §. qui iusto errore. ff. de interroga. actio. & in tit. C. de erro. Aduocat.



*Processus  
contra mi-  
norem.*

Quartus casus, Confessio & processus factus contra minorem non habentem curatorem, non valet, etiam in criminalibus, l. clarum. C. de author. præstan. nisi forè haberet Procuratorem legitime constitutum. l. cum & minores. C. si aduers. rem iudic. vbi Bald. dicens idem operari Procuratorem constitutum minori, sicut tutorem, vel curatorem. & Hyppolit. in l. de minore. circa. fin. prin. ff. de minor.

Ista tamen non seruantur in regno Franciæ, saltem in Parlamento, vbi processus valebit, teste Benedict. in repetit. c. Raynutius. in verbo, si absque. 2. de fideicommiss. numero 50. de testam. Solet tamen Curia Parliamenti, si quis dicat se minorem, vel si ex aspectu ei appareat talem, dare curatorem minori, videlicet Procuratorem suum, & ita seruat, vel Aduocatum, aut alium pro Curia arbitrio.

*Minor cur  
à crimine  
incestus ex  
cusetur, nō  
ab adulte-  
rio.*

Ex hoc text. patet minorem non excusandum ab adulterio, quominus puniatur, sed à crimine incestus excusatur ratione illiciti matrimonij, aliàs nō, quamuis crimē incestus sit grauius adulterio. ff. de adulte. l. si adulterium cum incestu. §. stuprum. & §. fratres. Denique Imperatores Claudia crimen incestus per ætatē remiserunt, sed distrahi coniunctionē illicitam iusserūt, cum aliàs crimen adulterij, quod pubertate delinquitur, non excusetur ætate: nā mulieres in iure errantes, & incesti crimine non teneri, supra dictum est, cum in adulterio commissio nullam possit habere excusationem, & sic mulier ignorans consanguinitatē, & sic errans, excusatur à crimine incestus: sic & minor quando contraxit matrimonium, quia præsumitur ignorare vinculum necessitudinis, aliàs matrimonium non contraxisset, sicut si sine matrimonio incestum committeret, quia eo casu non excusaretur, & ita conciliari iura contraria possunt.

Non excusatur etiam minor, si adulterij damnatam sciens duxerit, vt hīc. Idem, si reduxerit Imperator in l. castitati. ibi, *Qui autem adulterij damnatam, si quocunque modo pœnam capitalem euaserit, sciens duxerit uxorem, eadem lege ex causa lenocinij punietur.* & l. siue metu. C. de adult.

Sciens ] Dicit text. quia ignorans non delinquit, l. ex maleficiis. §. longè minus. ff. de actio. & obligat. & idem dicit d. l. castitati. & l. siue metu.

Idem dicit text. Si in adulterio deprehensam uxorem non dimiserit: nam crimen lenocinij contrahunt, qui deprehensam in adulterio uxorem in matrimonio detinuerunt, non qui suspectam adulteram habuerunt, l. ij. C. de adult. & l. ij. §. item in eum, qui in adulterio deprehensam retinuerit. ff. eod. quod hodie non seruatur. vt docet Accur. nam quos Deus coniunxit, homo separare non potest. c. inter. de transla. Episcop.

*Lenocinij  
crimen.*

Quæstumue de adulterio vxoris fecerit. ] Vnde Vlpian. ait. ff. de adulte. l. ij. §. *Lenocinij quidem crimini lege Iulia de adulter. præscriptum est, cum sit in eundem maritum pœna statuta, qui de adulterio vxoris suæ quid acceperit.* Et sic adulteri multi sunt viles homines, qui recipiunt aliqua officia, vel beneficia à Principibus, vel à Prælati ea causa, aut quid aliud, quod declarat Marcellus in l. mariti. ij. ff. de adulter. his verbis: *Tunc autem puniendus est maritus, cum excusare ignorantia suam non potest, vel adumbrare patientiam prætextu incredulitatis: quæstum etiā ex adulterio vxoris suæ facere videtur qui quid acceperit, vt adulteretur vxor: siue enim semel, siue sæpius acceperit,*

*non est eximendus: quæstum enim de vxoris adulterio, ille facere propriè existimāndus est, qui acceperit aliquid, vt uxorem pateretur adulterari quodam genere meretricio, quod si patitur uxorem suam delinquere, non ob quæstum, sed ob negligentiam, vel culpam, vel quantamcunque patientiam, vel minimam credulitatem, extra legem positus est.* ibidem.

Pretiumue pro comperto stupro acceperit. ] Idem, si pro adulterio comperto, nec interest vtrum maritus sit, qui acceperit, an alius quilibet, d. l. mariti. ij. §. plectitur. ff. de adult. etiam per istum textum non licet accipere pecuniam pro comperto alio maleficio, vt quis taceat. & id docet Vlpian. in titul. de adulter. l. ij. versic. *Ceterum qui patitur uxorem suam delinquere, matrimoniūque suum contemnit, quique contaminatione non indignatur, pœna adulterij configitur, aut qui domum præbuerit ad stuprum, vel adulterium in ea committendum.* & Papinian. ff. de adulter. sic ait l. *Qui domum suam præbuerit, vt stuprum, adulteriūque cum aliena matrefam. vel cum masculo fieret, sciens, cuiusque conditionis sit, quasi adulter punitur.* Appellatione enim domus habitationem quoque significari palam est. & Vlpian. ait, ibidem, *Et si amici quis domum præbuerit, tenetur.* Sed & si quis in agro alieno, vt stuprum fieret, causam præbuisse, comprehendi debet, sed & si in domum aliquam soliti fuerint cōuenire ad tractandum de adulterio, etsi eo loco nihil admissum fuerit, verūtamen videtur is domum suam, vt stuprum adulteriūque committeretur præbuisse, quia sine colloquio illo, adulterium non committeretur.

In fin. nota, non licere facere contra leges, quibus quis iuari vult, & quas pro se adduxit. glossa allegat alia iura. vide tamen Bald. & Iason. in l. non dubium. C. de legib.

#### S V M M A R I A.

- 1 *Venditor legem commissoriam eligens, postea variare non potest.*
- 2 *Factum sine conclusione sufficit apud Principem proponere.*
- 3 & 4 *Minor ex contractu patris non restituitur.*
- 5 *Restringitur.*
- 6 *Minor quomodo contra solutionem pensionis emphyteuseos restituatur.*

#### LEX XXXVIII. PAVLVS LIB. I. DECRETORVM.

**A**Emilius Larianus ab Ouinio fundum Puteolanum lege commissoria emerat, data parte pecuniæ: ita vt si intra duos menses ab emptione reliqui pretij partem dimidiam non soluisset, inemptus esset. Item si intra alios duos menses reliquum pretium non numerasset, similiter esset inemptus, intra priores duos menses Lariano defuncto, Rutiliana pupillaris ætatis successerat, cuius tutores in solutione cessauerunt, vt venditor denuntiationibus tutoribus sepe datis,



dati, post annum eandem possessionem Claudio Telemacho vendiderat pupilla in integrum restitui desiderabat, victa tam apud Prætores, quam apud Præfectum urbi prouocauerat. Putabam bene iudicatum, quod pater eius, non ipsa contraxerat, &c.

*Facti species huius legis.*

**S**pecies facti est, Aemilius triginta aureis Puteolanum fundum sub hac lege commissoria data pretij tertia parte emit, ita, vt si intra duos menses reliqui pretij partem dimidiam, videlicet alia decem non soluisset fundus inemptus esset, item etiam si finitis his mensibus reliquum pretium, videlicet alia decem, quæ restabant non soluisset, similiter inemptus esset fundus. Mortuus est Aemilius intra duos priores menses, Rutiliana sua filia pupilla, quæ ei successit, hæc decem non soluit, nec eius tutores intra duos priores menses, nec quidem reliquum pretium intra alios duos menses soluerunt, venditor factis denuntiationibus tutoribus d. pupillæ, vt pretium soluerent, post annum, dictum fundum Telemacho vendidit, pupilla vult in integrum restitui, quod pecuniam non soluerit præstituto tempore: quæsitum fuit, an restitutio concedenda illi sit? non esse concedendam videbatur, eo quod pupilla victa apud Prætores, & Præfectum urbis sit, quæ tamen prouocauerat, & Paul. ait se putare rectè iudicatum, si inspicatur, quod pater contraxerat, non ipsa pupilla, & sic patris inspecta persona, pupilla non debet restitui: tamen Imperator Anto. pupillæ restitutionem non denegauit, eo quod dies committendi in tempus pupillæ incidisset, quamvis pater contraxerit: nam per eam sterit, ne legi venditionis pareretur, cum ipsa non obtulerit pretium, nec intra primos duos menses, nec quidem intra alios duos. Etiam alia ratione fuit motus Imperator, quia venditor denuntiando tutoribus, vt soluerent, post tempus petendo pretium, videtur à lege commissi discessisse, videlicet vt inemptus sit fundus: ergo si emptio valida erat, non poterat venditor alij vendere.

Neque me mouet. ] Alij habent, nec me mouere, sed in idem reincident, & iste versic. videtur difficilis, sed sic fortè intelligi potest, videlicet, dicet quis, Domine Imperator dies legis commissoriae transit, id est, illi quatuor menses, intra quos solui debebat pretium, post conuentionem factam, & emptionem: ergo fundus inemptus erit. Et sic pupilla non est restituenda, cum iustè fuerit facta venditio Telemacho. Respondet, non me mouet, & dat simile, si debitor dederit pignus creditori, & voluerit, si intra mensem, pecunia soluta non fuerit, quod pignus remaneat, & sit creditoris, si post mensem, & sic finita die solutionis, ac post mortem debitoris, creditor vendiderit pignus, quod ex lege commissoria retinere poterat, legi commissoriae renuntiare videtur, licet transisset dies. Sic, & hoc casu venditor, postquam transit dies solutionis pretij, si petierit pretium, videtur legi commissoriae renuntiare, & sic tenebat emptio: idè restitui poterit pupilla, & præcipue, quod tutores (qui non petierant restitutionem pro pupilla) suspecti pronuntiati erant, iste videtur facilis intellectus ad istam legem.

Ex hoc text. intelligitur, quæ sit venditio facta sub

lege commissoria, videlicet vt res sit inempta, si pretium non soluatur, vel reliqua pretij pars, & interim emptio tenet, sed resoluitur sub conditione, si pretium non soluatur. l. j. ff. de lege commissio. & Marcellus lib. 20. dubitat, *Commissoria vtrum tunc locum habeat, si interpellatus non soluat, an verò si non obtulerit, & magis arbitror offerre eum debere, si vult se à legis potestate solvere, quod si non habeat cui offerat, posse eum esse securum.* dicimus ex l. iiii. in fin. ff. eodem.

*Venditio sub lege commissoria facta, qua discitur.*

Intelligendum est resolui, si id venditor voluerit, quia id venditoris causa cauetur: nam si aliter acciperetur, exusta villa in potestate emptoris, futurum esset, vt non dando pecuniâ inemptum faceret fundum, qui eius periculo fuisset: nam legem commissoriae, quæ in venditionibus adicitur, si volet venditor, exercebit, non etiam inuitus. l. ij. & sequen. ff. de lege commissio.

Itaque statim atque commissoria lex est, statuere venditorem debere, vtrum commissoriae velit exercere, an porius pretium petere, nec posse, si commissoriae elegerit, postea variare. Idem dicit Scæuola: *Si post statutam diem, reliquæ pecuniæ venditor legem dictam non exercuisset, sed partem reliqui debiti accepisset, videri recessisse à commissoria.* l. de lege. in fin. de leg. commissio. Imò Hermogenes sic ait l. *Post diem commissoriae legi præstitutum si venditor pretium petat, legi commissoriae renuntiare videtur, nec variare, & ad hanc redire potest.* ibidem. Igitur ista est ratio ad istum text. nam postquam venditor petierat pretium à tutoribus, renuntiare videbatur legi commissoriae, & sic nolebat inemptum esse fundum, idè non potuit variare, & illum vendere Telemacho, & sic pupilla Rutiliana poterat restitui, vt solueret pretium comprehensum in venditione.

Data parte pecuniæ. ] Colligitur partis appellatione non venire dimidiam, sed refragatur l. nomen filiarum. §. portionis. ff. de verborum signific. vbi partis nomine & portionis venit dimidia, quod regulariter obtinet, sed hic text. intelligitur, quando pars certa in l. exprimitur, vt hic, vel quando colligi potest, non intelligi de dimidia: nam hic dicit reliqui pretij partem dimidiam, ergo non erat dimidia pars totius pretij soluta, licet text. dicat, data parte pecuniæ, intelligi debet ex sequentibus: nam hic diuisio fuit tripartita, vt dixi in expositione text. Plura de hoc scripsi in d. l. nomen filiarum. quæ videri ibi poterunt, nec ea repetam.

*Partis appellatio.*

Denuntiationibus tutoribus sæpe datis. ] Ex hoc text. colligunt quidam denuntiationem esse faciendam minori, seu tutori, licet ipso iure maiori tempus curreret: nam licet Aemilio tempus omnimodò cucurrisset, tamen pupillo seu tutori denuntiatio erat facienda: nam qui in alterius locum succedunt, iustam habere ignorantiae causam dicuntur. l. qui in ius. ff. de regul. iur.

Nec obstat quod scribit glos. in verbo, restitui, videlicet non esse opus restitutione, cum iure communi concedatur, l. si per emptorem. & l. post diem. infra, de lege commissio. Respondet, in fin. plus consequi per restitutionem, quam per actionem ex illo contractu, quia & fructus etiâ à bonæ fidei possessore repetit, l. quod si minor. §. restitutio. & l. patri. §. idem. supra, eod. vel volebat restitui contra possessorem, hoc diuinat.

*Obiectio.*

Idè, ego dicerem istam pupillam desiderare restitutionem

*Solutio.*



stitutionem, vt & iure communi tuta, facilius illam consequeretur, nec est inconueniens (vt dixi in l. in causâ. ij. suprâ, eodem) & quia iudices denegauerant restitutionem, Imperator eam concedit, dicens maximè esse concedendam, non obstâte iudicum sententia, eò quòd post diem pretium petendo, quo placuerat esse commissum, à lege commissoria recessisse videbatur.

*Interpellatio quando debitor in mora constituat.*

Glos. in verbo, restitui, dicit singul. Bald. hîc, quam refert Bolog. ad hoc, quòd interpellatio facta debitori, non constituit eum statim in mora, sed cum aliquo modico interuallo cõmoditatis prouidendi solutioni. & Bald. in margarit. in verbo, interpellatio. in fin. & eam etiam dicunt singularem Alex. & Vincent. in l. j. §. item si ita. ad legem Falcidiam. & Alexand. consilio 79. Vifo. numero 2. in 2. volum. Barbat. in c. ex literis. col. 8. numero 30. de constitut. Iason in l. eum qui. §. fin. in fine. de verborum obliga. Dec. in l. quod te. colum. 3. si certum petat. Georgius Natan in repet. clem. sæpe. col. 55. de verbor. signific. dicit ad hoc singularem, vt si data sit potestas arbitro prorogandi cõpromissi, intelligitur quod possit prorogare tanti quanti iustum videretur bono viro, quod magis intellectu quàm locutione percipitur. arg. l. ratum. ff. de solut.

*Potestas prorogandi cõpromissi quatenus accipiat.*

Item istum textum singularem dicit Matthæ. de Afflict. in decisio. Neapo. 3. ad hoc, quòd in consistorio Principis sufficit factum proponere sine conclusione, & hoc esse verum testatur Innocen. in cap. i. de libell. oblat. sed non video planè probari in hoc text. Doct. in l. edita. C. de edendo.

*Sententia Iureconsul. non semper standum.*

Putabam bene iudicatum. ] Not. non esse standum sententiæ Iurisconsul. si reprobata sit ab Imperatore: neque Paul. approbat sententiam iudicum, qui denegauerant restitutionem Rutilianæ, quam tamen Imperator concessit, & sic multa conceduntur ab Imperatore, quæ ab inferioribus nõ cõcederentur, vt fuit dictum in l. si ex causa. in fi. cum l. seq. suprâ, eodem. Sed hîc conditores dicunt Paulum prima facie dixisse bene iudicatum, sed quando rationes Imperatoris audierunt, retractasse sententiam, & inclinasse in sententiam Imperatoris, per rationes allegatas in fine.

Quod pater eius, non ipsa contraxerat. ]

Colligitur dandam non esse restitutionem minori ex contractu patris, habetur in l. cum mandato. sup. eod. nisi aliquid gestum fuerit cum minore, & ita sub multis verbis dicunt Doct.

Vt hæc materia perfectè intelligatur, quæ apud Doctores valde confusè traditur, & ob id perperam hæctenus intellecta fuit, tria vel quatuor hîc sunt separanda, & tractanda. Primum, an minori succurratur ex contractu patris, vel alio actu sui prædecessoris: Et super hoc ego dicere nõ esse succurrendum minori, quando læsio fuit tempore sui prædecessoris, & actus fuit perfectus, & consummatus, vt, si intra annum pater poterat fundum habere iure retractus conuentionalis, vel tanquam proximus, si annus sit elapsus in vita patris, vel prædecessoris, filius minor nunquam admittetur, nec restituetur, tum quia pater contraxit, non filius: & pater læsus fuit, non filius, & maiori non subuenietur, l. iij. §. sed vtrum. suprâ. & quia nihil gestum cum minore est, vnde consuluit Ias. consilio 162. Statutum. in 2. vol. spoliatum restituendum etiam contra minorem, non obstante sta-

*Spoliatus etiam contra minorem restituendi potest.*

tuto ciuitatis, quia nihil actum cum maiore erat, sed cum minore, qui spoliauerat, nec hoc casu ratio ætatis haberi debet. glos. & Doct. in l. cum filius familias. §. in hac. ff. de verborum obligat. Vnde si minor promiserit de bonis testatoris, & eo cõsentiente, valebit promissio, nec poterit minor restitui, quia non est læsus de bonis alienis promittens, & altero videlicet domino consequente. Bal. in l. j. in fi. C. de pact. Idem in sententia, si tempore latæ minores fuerint, vt restitui possint, secus si maiores. l. j. C. si aduersus rem iudica. scripsi in l. iij. §. j. suprâ.

Si verò læsio venerit tempore minoris ætatis, tunc læso minori succurratur, licet pater contraxerit, & ita hîc poterat pater intra duos menses soluere pretium, & fundus nõ fuisset inemptus intra illos duos menses, post cuius mortem etiam minor, vel eius tutor poterat offerre pecuniam, & quia eam non obtulit, lapsus est tempus, & ideò minor postquam fundus fuit inemptus, restituatur hîc, quia læsio cõtingit minori, licet pater contraxerit. probat l. etiam. infrâ, eodem.

Vsucaptum amisit. ] Ergo ibi priusquam nasceretur vsucaptum amisit. Diuersum fuisset si pater amisisset, quia filius etiã minor non fuisset restitutus.

Idem, in retractu dato proximo intra annum, vt si ipse minor poterat rem extero venditam iure proximi rehabere, & omiserit, restitui poterit, per cap. constitutus. de in integ. restitut. secus si annus fuerit lapsus tempore prædecessoris.

Idem in pacto de retro vendendo. vt in l. ij. C. de pact. inter empt. & vendit.

Et sic in hoc text. restituetur, vt possit soluere reliquum pretium, prout poterat tempore mortis Aemilij patris sui, & quia omisit acquirere fundum, quem poterat acquirere, pro quo emolumento omisso minor etiam restituatur, l. non omnia. infrâ, eod. sic & hîc restitui eum voluit Imperator.

Idem dicemus, si pater emphyteota cessauit à solutione pensionis per triennium, vt postea si moriatur, non possit restitui minor, sed si ante triennium decesserit, quo tempore poterat minor hæres illam soluere pecuniam, & vitare commissi pœnam, si non soluerit, restitui poterit, per glos. vlt. & Doct. in l. ij. C. de iure emphyt. vbi Iason istam dicit communem esse opinionem, post Lud. Rom. consil. 166. Vifo. vlt. q.

Idem dici debet, si præscriptio cõpleatur in posthumo, siue nato, vt etiam posthumus restituatur, sicut si natus esset, & ita docet text. in l. etiam. infrâ, eodem. quæ negotium dedit Doct. dicentibus nihil gestum esse hoc casu cum minore, sed salua eorum reuerentia læsio euenit tempore, quo est in vtero: ergo gestum est cū eo, videlicet, quia ipse amisit fundum, quem habebat: ideò restitui poterit, l. non omnia. inf. eo. suo enim tempore completa est præscriptio, non verò tempore sui prædecessoris, nec hoc videretur mirabile, quod sic currat præscriptio, & compleatur, postquã erat incepta cum defuncto, quicquid dicat Ias. in l. cum filius familias. §. in hac. ff. de verb. oblig.

Secundò, infertur perperam glos. & Doct. sensisse in l. si cum militaribus. C. de restit. milit. vbi in pœna conuentionali dicunt militi, ratione absentiae, non subueniri, sicut nec minori. per hanc l. si læsio contingerit suo tempore: nam & militi subueniri vidi, & gl. in d. l. si cum militaribus. nõ hoc dicit, sed si miles distraxerit per pactum res suas, non reuocat, sic nec minor

*Minor restituitur aduersus retractum.*

*Restitutio pro emolumento omisso.*

*Restitutio posthumus.*

*Glossa & Doct. reprehenduntur.*



minor venditionem pignoris factam, à suo prædecessore. l. ij. C. si aduers. vend. pignor.

Tertia difficultas est, vt ista l. concilietur cum l. vltim. C. in quibus causis. vbi non currit præscriptio contra minorem, hîc secus. Istam legem loqui in præscriptione conuentionali dicit Bar. & alij hîc, legem verò fin. in præscriptione legali. Sed hoc nunquam mihi placuit, quia in præscriptione vtraque nihil est, nec magis cum minore gestum est in conuentionali, quàm in legali: idèd dicunt minorem non restituendum fauore ætatis, sed ex clausula generali. allegant l. cum filiusfamilias. §. in hac. ff. de verbor. oblig. vbi Ias. dicit esse valde singul. & literis aureis scribendum, sed cum non sit verum, esset potius abolendum, quàm scribendum. Idèd ego dicerem istam legem habere locum siue in præscriptione legali, siue conuentionali, vt si compleatur præscriptio contra maiorem, non concedatur minori restitutio, secus si compleatur cum minore, quia eo casu minor læsus est, & non maior, vt hîc. Nam pater Aemilij fuit mortuus intra duos menses, intra quos debebat soluere dimidiam partem reliqui pretij, eò quòd omisit illud emolumentum, restitui poterit, tam in legali præscriptione, quàm in conuentionali.

Quartò, videndum est, an currat præscriptio contra minores. Et breui respondeo, currere per istum tex. sed ista restitui solent. Ista est communis sententia, & est vera de iure Digestorum.

Quam limitant Doct. quando incepta non esset contra maiorem, quia tunc non currit. per l. fin. C. in quibus causis. in integ. restit. per verbum, ab initio.

Ego verò dicerem, præscriptionem non currere de iure Codicis contra minorem, siue sit cœpta contra maiorem, siue non, quia in vtroque est eadem ratio text. vt intacta iura minoribus seruentur.

Item text. in d. l. fi. dicit, *In omnibus casibus, in quibus vetera iura currere præscriptiones aduersus minores concesserunt, eas ipso iure non currere.* Ergo siue fuerint cœptæ, siue non, non current, cum in omnibus casibus velit extendere, & qui totum dicit, nihil excludit, l. Julia. ff. de lega. 3. l. à Procuratore. C. manda. & quia vetera iura (maximè cœptas) præscriptiones currere contra minores voluerunt, vt est ista: ergo & de cœptis loquitur præscriptionibus, & de aliis, & præcipue, quia de aliis non dubitabatur, vel parum, & quoniam ibi vetera corrigat iura.

Non refragatur d. l. fin. sic dicens: *Sancimus fauore imperfectæ ætatis exceptionem non numeratæ pecunie ab initio minoribus non currere.* Ergo intelligitur secundum Doct. de præscriptione antequàm sit cœpta: ego verò intelligo ab initio ætatis imperfectæ, vt hæc præscriptio, si cœpta sit, non currat contra minorem, ab initio suæ imperfectæ ætatis, & ab initio quo successit, donec compleuerit perfectam ætatem, & probat hoc text. ibi, Ne dum in integrum restitutionem expectamus, aliquod emergat obstaculum, per quod minor huiusmodi beneficio vti non possit, vel substantia eius subuertatur. si cœpta præscriptio contra minorem curreret. Obstaculum ei emergeret, dum expectatur restitutio, & subuerteretur substantia minoris. Et sic non debet currere præscriptio minorum quandiu expectatur restitutio, quod est vsque ad 25. annos, vt dixi in d. l. fi. sed doctrina interpretum potest intelligi, non succurrendum minori in præscriptione con-

uentionali, inita & completa cum maiore, secus si cum ipso compleatur, quæ hodie non potest compleri, cum non currat. per d. l. fin.

Ex hoc infertur currere præscriptionem minori de iure Digestorum, siue incepta esset cum maiore, siue inciperet ab eo per iura prædicta.

De iure verò Codicis, præscriptio non currit contra minorem, etiam si fuerit cœpta contra maiorem. Vnde si patri erat data facultas reemendi prædium intra biennium, & post annum moriatur, non curret præscriptio minori suo filio, donec fuerit perfectæ ætatis, & tunc (nisi intra annum egerit) completa erit præscriptio, sine aliqua restitutione, vt plenè dixi in d. l. fin. C. in quibus causis. in integ. restit.

Hodie, quia praxis videbat incertas & dubias super hoc sententias, amplexa est certior opinionem, vt minor restitutionem petere soleat, siue cœpta fuerit præscriptio, siue non, in Curiis secularibus regni: & hoc fit ad vitandum opiniones, & vt securius minoribus prouideatur, vt probat l. vni. C. si aduers. vsucap. sed in Curiis Ecclesiasticis ius seruari solet. Guido Papa in decisio. Delphin. q. 31. incipiente, Secundum statutum.

#### §. Id quod dicitur, &c.

Iste §. est facilis, decidens, vt si filiusfam. existens in potestate patris omiserit aliquid, per quod lèdatur, si postea emancipetur à patre, nò succurrendum esse ei, in his, quæ patri acquirere potuit: si verò sibi omiserit acquirere, ipse restitui facillè poterit. Et ratio est, quia si restitueretur in his, quæ omisit acquirere patri, maior restitueretur, & non minor, quod prohibet l. iij. §. sed vtrum. supra, eodem. vide text. & ibi interpretes in l. si ad resoluendum. C. de prædiis & aliis reb. minor.

#### S V M M A R I A.

- 1 Sententia interlocutoria quando vim diffinitivæ habeat.
- 2 Tempus impedito non currit, siue factò aduersarij, siue factò iudicis.
- 3 Iudices in quibus pendente appellatione possint ad executionem procedere.
- 4 Sententia quomodo à iudicibus appellationum pronuntianda.

#### LEX XXXIX. SCÆVOLA LIB. II.

#### DIGESTORVM.

**I**ntra utile tempus restitutionis apud Præsidentem petierunt in integrum restitutionem minores. De ætate sua probauerunt, dicta pro ætate sententia, aduersarij, vt impedirent cognitionem Præsidentis appellauerunt ad Imperatorem: Præsides in euentum appellationis cætera cognitionis distulit. Quæsitum est, si finita appellationis apud Imperatorem cognitione, & iniusta appellatione pronuntiata, egressi ætatem deprehendantur, an cætera negotia implere possint, cum per eos non steterit, quo minus res finem accipiat? Respondi, secundum ea,

P. Rebuffi Lectura.

N n

Restitutio  
minoru cõ-  
tra præscri-  
ptiones in  
Francia.

Decidendi  
ratio huius  
textus.

Conciliatio  
legis vlti-  
mæ cū ista.

Præscri-  
ptio contra  
minores.

Obiectio-  
nis solutio.



quæ proponerentur, perinde cognosci, atque si nunc intra ætatem essent.

*Facti species.*

**H**æc lex variè est à Doctoribus nostris interpretata, ego illam sic intelligo, & pono facti speciem, vt facilius intelligi possit. Minores durante minori ætate apud Præsidentem petierunt in integrum restitutionem, probaueruntque se in ætate ea esse, in qua poterant restitui, Præsides pronuntiavit idem, scilicet eos minores esse in ea ætate, in qua poterant restitutionem petere, à qua sententia, aduersarij (vt impediret cognitionem Præsidentis) ad Imperatorem appellarunt, Præsides distulit (ob reuerentiam appellationis) cognoscere de restitutione, & de cæteris aliis negotiis cognitionis, donec pronuntiatum super appellatione esset. Interim durate appellatione minores facti sunt maiores, & egressi sunt minorem ætatem, demum pronuntiata est appellatio iniusta, & remissum fuit negotium cognitionis ad Præsidentem: quæritur, an isti maiores facti in integrum restitutionem petere possint? Non videbatur posse, quia maior restitutionem non petit beneficio ætatis, & isti erant maiores, sed contrarium statuit hic Scæuola, & ratio est, quia per eos non steterit quominus res finem acceperit, id est, quominus durante ætate minori, ipsi restituti fuissent, ergo istis maioribus, factis non debet imputari, si in minori ætate non fuerint restituti, ideò perinde Præsides cognoscere poterit de ista restitutione, atque si nunc intra ætatem essent, de cuius cognitione fuit prohibitus per appellationem.

Interpretes post gl. intelligunt tempus utile pro anno utili, sed Iuriscō. expressisset annum, si de eo voluisset intelligere, imò si ita intelligeremus, tex. esset sibi contrarius, dum dicit, Minores de ætate sua probauerunt, & ibi, dicta pro ætate sententia, & ibi, egressi ætatem, si durate appellatione egressi sunt ætatem minorem, ergo primo dum petierunt, erant in illa ætate, vnde ego intelligo utile tempus, id est, accommodum, & consentaneum: nam tempus minoris ætatis, & anni utilis, quo restitutio peti debet, est accommodum & consentaneum ad perendam restitutionem, ideò dicitur utile, & per totum istum tit. vt plurimum, videmus minores petere restitutionem, & in anno utili maiores facti sunt, sed datur illis iste annus, vel hodie quadriennium. l. si. C. de tempo. in integ. restit. Et sic putarem differre annum utilem ab utili tempore, quia annus utilis à maiori ætate incipit, & non computatur in illo anno dies quibus agere minor potest, §. rursus. de actio. in Insti. l. j. ff. de diuer. & tempo. præscr. sed utile tempus est, quando minori accommodum est ad agendum, sicut est ætas imperfecta, intra quod est utile agere fauore ætatis, & etiam annus utilis. l. si. C. in quibus causis in integ. restituit. & c. Et ita cessabunt difficultates gl. & interpretum, & sic in hoc textu minores erant eo tempore, quo apud Præsidentem petierunt restitutionem, quicquid dicant Doctores, supponentes minores quondam, vnde plus continet tempus utile, quam annus utilis, & sic non potest iste textus exponi, cognitionis cætera, id est, executionis, quia nil erat exequendum hic, sed erat cognoscendum, an minores deberent restitui super his negotiis, in quibus ipsi petebant restitutionem, licet Accurs. sic intelligat in primo intellectu. Secundus etiam intellectus gl. non valet, quod isti essent restituti, vt actionem amissam præscriptione possent interdere, quia senten-

*Utile tempus quomodo hic accipitur.*

tia tantum de ætate dicta fuerat, & non de restitutione, nec de præscriptione, ideò hic intellectus contra textum directe loquitur.

Tertius intellectus est imperfectus, nisi supplicatur, vt dictum fuit, in facti specie, nec datur hic restitutio post 30. annos, vt dicit glo. quia hic egressus erat tantum ætatem minorem, sed esto quod esset in 30. anno, adhuc restitutionem petere posset, si per eum non steterit quominus peteret: nam regula est, quod per me non stat, mihi non est imputandum. l. in iure ciuili. ff. de reg. iur.

Item dicit Accurs. non debebat iudex iudicare de incidenti, id est, de ætate. Respondeo, imò optimè iudicatum fuit, quia postquam allegabatur ab aduersariis minores esse maiores, & sic non posse petere restitutionem: ij minores ætatem probauerunt, & iudici apparuit adhuc minores esse, & eos esse intra utile tempus restitutionis, quod quidem iudex pronuntiavit: nam de qua re cognouerit iudex, de ea pronuntiare tenetur. l. de qua re. ff. de iudic.

Postremo, ista glo. dicit non licere appellare ab interlocutoria ante sententiam, l. ante. C. quorum appell. non recipiatur. quod limitat, nisi causam ferè totam determinet, & ista gl. dicit sing. Alex. in l. v. col. 2. ff. de verbo. oblig. & consi. 182. In causa. in 6. vol. & Geor. Nathan in repet. cle. sæpe. §. & quia. de verb. sig. col. 21. ad hoc quod sententia interlocutoria, decidens vnum articulum substantialem negotij, dicitur habere vim definitiuam, & ideò poterit appellari ab illa, sicut à definitiua, scripsi in interpre. l. quod iussit. in præfat. nu. 42. & seq. ff. de re iud. In tex. ibi, aduersarij, vt impediret cognitionem Præsidentis, iuncto fine tex. colligitur non currere instantiam, vel tempus ei, in quo culpa cessat, & quando alter ex litigantibus licet protelat, vel actum. Idem probat Tripho. de excus. tuto. in l. si cum ipse institueret, vt proferret excusationem, mora contradictionis impeditus est, quominus decreto liberetur, excusationem recte probari. facit l. petendæ. C. de tempo. in integ. restit. petend. & l. si. C. de adul. vbi tempus non currit impedito per dilationem aduersarij. text. iuncta gl. ibi. in c. venerabilis. de iud. sic consuluit Alex. consil. 72. Videtur. in 3. vol.

Ergo à contrario, si potuit pars facere, siue impediat factum aduersarij, vt hic, siue factum iudicis, vnde instantia non currit, impedito facto iudicis. l. prope-randum. §. si autem vtraque. vbi Doct. C. de iudic. glos. & Doctor. in c. pen. de iud. l. in omnibus causis. vbi etiam Decius, ff. de reg. iur.

Ergo à contrario, si potuit pars facere, vt intra tempus utile inchoaretur restitutio, eidem non succurreretur postea, à ratione cessante, vt plenè scribit Alex. consil. 62. Egregiè. in 6. vol. quod est repetitum consil. 123. ibid.

Et sufficit probare impedimentum, etiam si non probetur eo factum, vt impediret cognitionem iudicis, quod ratione impedimenti præsumitur fecisse, vt sibi prodesset. arg. c. constitutis. de testi. & sufficit quod per minores non steterit, quominus intra tempus utile non egerint.

In euentum appellationis cætera cognitionis distulit. ] Ex hoc text. colligitur iudices, à quibus est appellatum, non debere procedere post appellationem, sed debet differre negotium in euentum appellationis finitæ, & hoc bene seruatur in Francia, in qua omni appellationi deservitur propter reuerentiam superioris, nisi lege Regia cautum sit, vt, non obstante appellatione iudices procedant ad executionem, vt in sententiis executorijs, & prouisionalibus, vtpote

*Glossa intellectus suppletur.*

*A sententia interlocutoria quando appellari possit.*

*Instantia quando non currat.*

*Impedimentum quomodo probandum.*

*Iudices, post appellationem non debent procedere ad executionem.*



utpote latis in materia alimentorum, dotium, & in aliis quas abundè tractavi in 1. tomo Commenta. ad Constit. Reg. Gallic. in tract. de senten. prouisio. & tractat. de senten. executor. ubi dico in præfat. duos latrunculares fuisse restè suspensos, eò quòd post appellationem ad Senatum executionem fecerant, scripsit etiam in tract. de appella. in 3. tomo, Commen. ad Constit. Reg. Gallic.

4 In iusta appellatione pronuntiata. ] Nota quomodo iudices appellationum debeant pronuntiare sententiam, videlicet bene appellatum, aut iudicatum, vel male: iustè appellatum, seu iudicatum, vel iniustè: idem probat l. qui Romæ. §. penult. ff. de verb. oblig. l. eos. C. de appel. idè sententia Bailliui, in qua non fuerat dictum bene vel malè iudicatum, seu appellatum, fuit annullata in Senatu Paris. licet fuerit in ea dictum, *Pronuntiauius emendando sententiam primi iudicis.* & hoc anno, id est, 1513. die 15. Decembris. de quo scripsi in interpret. l. quod iussit. in præfat. num. 16. & sequen. ff. de re iudicata. possunt tamen iudices addere aliquid sententiæ, postquam dixerint bene vel malè iudicatum, & emendando sententiam, vel illi addendo, diximus, &c. argum. l. item quamuis. ff. communi diuidund.

#### §. Vendentibus curatoribus, &c.

EX hoc text. colligitur minorem nō posse restituere aduersus emptorem, qui rem meliorem fecit, nisi maluerit omnes expensas, quas bonæ fidei emptor fecerit in melioratione restituere: ratio est, quia habet actionem cōtra curatores, qui illum fundum vendiderunt, & hoc quando sunt idonei, aliàs ager contra emptorem recta via: quæ quidem restitutio nihil aliud est, quàm in statum pristinum positio, l. quòd si minor. §. restitutio. suprā. eo. & minor esse in lucro non debet, in necem alterius, l. in causæ. j. suprā. eod. & idè restituere tenetur quatenus factus est locupletior. l. patri. §. idè ex diuerso. sup. eo.

Hodie in hoc regno Franciæ vterque conuenitur, & aduersus vtrumque petitur restitutio, & rescissa emptione condemnatur emptor ad restituendum rem minori, & hoc fit, vt vnâ sententiâ vterque condemnatur, aliàs oporteret postea habere aliam sententiam contra emptorem, vt superius scripsi in l. cum mandato. §. j.

Ex hoc §. colligit Bal. ibi, bonæ fidei emptor, &c. emptorem rerum pupillarum dici bonæ fidei emptorem: sed refragatur tex. in l. & si sine. §. cæterum. suprā. eod. vbi prohibet Paul. Iureconf. vt nemo accedat ad emptionem rerum pupillarum, nec etiam si bona fide distrahantur: ergo is qui emet contra ius, vel eius prohibitionem possessor erit malæ fidei, quia contra iura mercatur. l. quemadmodum. in fin. C. de agricol. & censit. lib. ii.

Respondeo, dicerè istum emptorem, cum decreto iudicis esse bonæ fidei emptorem, sed sine decreto non, per tex. & ibi glos. in l. j. C. de fide instru. & iure hactæ. fiscal. lib. 10. vbi est gl. sing. in verbo, mala fide secund. Ias. §. item si quis in fraudem. nu. 45. de actio. in Instit. ad hoc quòd, quando venditio non concipitur cum ordine, & solemnitatibus à iure requisitis, præsumitur cōtrahentes esse in mala fide. vide Alexand. consil. 53. nu. 18. in 3. vol. & quæ addidi in d. l. j.

#### S Y M M A R I A.

1 Iuramentum conuentionale non habet paratam executionem.

- 2 & 5 Instrumentum garentigiatum, vel sigillo Regio, aut alio authentico signatum, habet executionem.
- 3 Missio in possessionem conceditur à iudice ex instrumento testamenti non raso.
- 4 Notarius dicitur habere iurisdictionem in volentes.

LEX XL. VLP. IANVS LIB. VI.

OPINIONVM.



Inor annis 25. cui fideicommissum solui pronuntiatum erat, cauerat id se accepisse: & cautionē eidem debitor quasi creditæ pecuniæ fecerat, in integrum restitui potest: quia partam ex causa iudicati restitutionem, nouo cōtractu ad initiū alterius petitionis redegerat.

EX hoc text. habemus, quòd si condemnauerit iudex debitorem fideicommissi, ad soluendum illud fideicommissum minori, & ipse illam pecuniam se accepisse cauerit instrumēto publico, vel priuato, licet debitor eidem minori instrumētum publicum tradiderit, in quo se pecuniam ex fideicom. debitam quasi creditam & mutuam, promittebat illam reddere minori, an posset minor ipse restituere? Non videbatur, quia nil amittit: cētum siquidem pono debita ex fideicom. & centum erant ei promissa ex mutuo, tanquam creditæ: ergo vbi non est læsus, non restituere debet. Respondet Vlp. eum restituendum: nam maxime læsus censetur, quia sententia habebat paratam executionem, illa promissio pecuniæ nō habet, nisi petitionem: idè quia paratam executionem ex nouo contractu pecuniæ creditæ, redegit ad initiū alterius petitionis, ob id læsus cēsetur, & sic restituendus: nam perfectum erat negotium per sententiam, & oportet nūc eum minorem venire ad initiū petitionis, & vocare in ius aduersarium, & litibus vexari. Idè læsus censetur, & sic restituendus.

Cauerat id se accepisse. ] Colligitur minorem restituendū, quando dicit se accepisse, quod nō accepit, quia acceptilatio donationis instar est, l. Modestinus. ff. de dona. l. si quis obligatione. vbi Dec. ff. de reg. iur. & ipse donare nō potest, vt superius satis dictū est.

Accepisse. ] Sing. hūc tex. dicit Rom. in sing. 16. Quod si cōfiteor, dicens: Si cōfiteor me habuisse centum nomine dotis, quæ mihi debes, & postea illa ipsa centū mihi promittas reddere, & dare, præsumitur facta confessio sub spe futuræ numerationis. Bal. in l. si absentis. col. pen. nu. 9. C. si cert. pet. idem si cōfitear habuisse centū, & postea recepi quinquaginta, ex illa summa, præsumitur me non recepisse alia quinquaginta, l. ab Anastasio. C. mandati. nam sicut particularis solutio facta post cōfessionem de recepto inducit præsumptionem de alia parte, sic promissio facta post confessionē de accepta summa, quam habuisse cōfessus fuit, & hoc probat in dote Lud. Rom. consil. 445. Consultatio. col. i. dicens ita nos facere solere, vt primò procedat confessio de dote recepta, secundò promissio de soluendo, & ex eo quod cōtrā fieri solet promissio, inducitur probatio non receptæ dotis, vel summe, l. sufficit. ff. de sponsal. & idè cōfirmat Corn. consil. 52. Quotidianus. col. i. vol. i. & Ias. consil. 122. In causa. vol. i. ac etiā Cur. Sen. consil. 55. Super duobus. nu. 20. quod est vtile pro thesaurariis, qui dum rationes reddere volunt, exigere solent acceptilationes, &

P. Rebuffi Lectura. N n 2

Minor quā  
do contra  
emptorem  
non resti-  
tuatur.

Minor qua  
litercūque  
læsus resti-  
tuatur.

Promissio  
post confes-  
sionē quid  
importet.

Mala fidei  
emptor quā  
do quis præ-  
sumatur.



quia non valent statim soluere, dant instrumentum obligatorium, vel chirographum, vel antipocham, in qua illam pecuniam promittere solent, & vocatur vulgò, *cōtrelestre*, & prohibetur thesaurariis, ne hoc faciāt in Const. Reg. tit. *des thesauriers*. Ord. 7. quod est notandum, vt confessio de recepto, & promissio de soluendo facta eadē die, vel postea præsumentur sic facta, videlicet spe numerationis futuræ.

Quia partam ex iudicati causa. ] Istum tex. singularem notat Alex. in l. si cum dotē. §. eo autem tempore. ff. solut. matr. ad hoc, quod instrumenta publicā, de iure non habent executionē paratam, sed agendum est actione cōpetenti, & probatio fiet per instrumentū siue illud instrumentū pro minore factū fuerit, vt hīc, siue pro maiore Ecclesia, vel alio, etiā si ageretur de pecunia credita, vt hīc, nec quidē fauore dotis, vt in d. §. eo autem tempore. nam Iurisc. ait, si quas petitiones habes, actionibus experiaris. l. extat. ff. quod met. caus. vnde Imperator ait: *Nimis propere iudex pignora Marcella capi, ac distrahi iussit, ante rem iudicatam: prius est ergo, vt seruato ordine, actionem aduersus eam dirigas, & causa cognita, sententiam accipias.* l. j. C. de executio. rei iudic.

Excipiuntur quidā casus. Primus est, quando iuramentum interuenit in instrumēto, & tūc executionem habere instrumentū firmat Bal. in l. j. in fi. ff. de iureiur. miraturq; quare cōsuetudo hunc modū non inuenerit, q̄a iuramētū vim sentētiæ habet. l. 4. §. si ex cōuentione. ff. de re iud. idē docet Bar. in l. j. C. de reb. cred. & l. post rē. ff. de re iud. & Ias. cōfirmat in l. item si quis postulāte. col. pen. de actio. in Instit. & in d. l. j.

Ego putarem nō habere executionem, nisi fuerit iuramentum iudiciale, & litis decisorium: nam illud tum ratione sententiæ, tū iuramenti, hanc executionē obtinebit, cū de hoc Iurecon. dicat, in d. l. j. iusiurandum speciem transactionis continet, maioremq; habet autoritatē, q̄ res iudicata: alia autē iuramēta aliō tendunt: nā quoddam ad confirmationē contractus tendit, auth. sacramenta puberū. C. si aduersus vend. Bar. in l. si quis pro eo. ff. de fideiussō. vbi scripsi quod non potest operari confirmationē & executionem, vt faciat vltra intēctionem eorū, qui illud interposuerunt, l. non omnis. ff. si cert. petat. Adhæc, iuramentum ex cōuentione partiū, à Prætoře inductum est ad actionē, vel exceptionem, nō ad executionem. l. iij. & l. ait Prætor. & l. nam postea. ff. de iureiur. vbi sic habetur in §. *Iureiurādo dato, vel remisso, rem quidem acquirit exceptionem sibi, alijsque, actor vero actionem acquirit.* Actio autem est ius persequēdi, nō tantū exequēdi, §. j. de actio. in Instit. ergo vbi acquiritur actio, non regulariter erit executio, l. à Diuo Pio. ff. de re iudic. & hoc seruatur in praxi, vt instrumentum publicū, in quo quis iurauit restituere centum, quæ causa mutui acceperit, non habeat executionē, nisi fuerit garētigiatum, vel sigillo Regio, aut alio authentico sigillatum, de quo inferiūs dicam.

Secundus casus est in instrumento depositi, quod quidem executionē paratam habere, cōmunis interpretum sententia affirmat, per l. pen. C. deposit. sed ille tex. hoc nō videtur probare: nam licet tex. dicat ibi, vt depositarius reddere depositum illicō modis omnibus cōpellatur, & quā celerrimē, sine aliquo obstaculo, requiritur tamē iudicis cōdēnatio. Et hoc videtur probare tex. dū dicit, *Legitima actiones integre ei reseruētur.* Sed à quo, nisi à iudice reseruaretur?

Præterea potest depositarius, illud depositum amisisse casu. l. j. ff. & C. deposit. & si fieret executio, hoc esset iniquum. Adhæc Imperator in l. iij. ibidem. dicit condemnationem necessariam, ibi, *Ex qua condemnatione facta.* facit l. si is qui. vbi actio cōpetit. & in l. sequen. dicitur, *Petere potestis apud Rectorem prouincia.* & in l. *Qui depositum non restituit suo nomine conuentus & condemnatus.* ibidem. ergo requiritur condemnatio, sed tex. in l. penult. C. ibidem. intelligi debet reddēdum depositū, postquam de eo apparet, §. planē. Instit. de testa. milit. & facta à iudice condēnatione, idē etiā praxis recepit, vt condemnatio fiat à iudice, alioqui instrumentū non exequetur, si nō sit Regio vel alio authētico signatum sigillo, vel garentigiatū: quia non est singulis permittendū, quod per magistratū publicē fieri possit, ne occasio sit maioris tumultus, l. nō est singulis. ff. de reg. iur. nisi in deposito autoritate iudicis alicui facto: is enim depositarius, etiā in carcerē detruditur, quia iudex dando illi depositū, condemnauit eū ad restituendū, toties quoties requisitus fuerit, quod si non restituat, executio in eum fieri poterit, vt scripsi in tracta. de liter. oblig. art. 6. glos. 3. in i. tomo Commen. ad Constit. Reg.

Tertiū casum dicunt in instrumento testamēti, q̄ probāt per l. si. C. de edict. D. Adriani tollend. etiā iste casus nō est recipiendus simpliciter: nā ex testamēto agitur, & tres actiones hæredi cōpetunt, in l. j. C. cōmunia. de leg. quæ frustra concederentur si executio fieret, vnde d. l. si. dicit mittendū in possessionē eum, qui habet instrumentū non vitiatum, nec rasum, aut cācellatum, neque aboletū. Sed à quo? à iudice, qui si non sit contradictor, viso testamento pronuntiabit eum in possessionem mittendum: si verō fuerit contradictor, tunc agatur, vt ibi scribitur, & sic ibi non est executio simpliciter facienda, quicquid scribant quidam Doct.

Quartum casum dicunt in instrumēto sententiæ arbitri, q̄ post omologationē partium executionem habet. l. nō distinguemus. §. quēsitū. ff. de arbit. l. cū anteā. C. illo tit. hoc tamen non solet exequi sine iudicis permissu, & solet offerri supplicatio iudici, vt instrumentum illud exequi permittat, quod permittit iudex, nisi pars opponat, quæ postea ab ipso auditur, vt plenius scripsi in 3. tomo Commentar. ad Constit. Reg. tract. de arbitris.

Quintus casus est in instrumento fideiussoris, qui iam soluit debitum, vt executionem habeat in debitore, pro quo soluit, per l. vlt. in fi. C. de vsuris rei iud. & hoc docet ibi Bal. sed ille tex. loquitur in tempore dato iudicatis, vt profit etiam fideiussoribus. Idē dicendum est fideiussorem iudicij habere executionem paratam, contra suum debitorem, ratione condemnationis, & obligationis factæ in iudicio, vt docet tex. iuncta glos. in cap. vnico. de iniur. lib. 6. & Spec. in tit. de executio. senten. §. sequitur. versic. quid si sententia. & Bart. in l. j. ff. iudicatum solui. diuersum est in fideiussore contractus. l. Græcē. §. & post litem. ff. de fideiussō. l. præsentī. §. adiicientes. C. de his qui ad Eccles. confug.

Sextus casus est, in instrumento computationis facto inter partes, vt docet Bartol. in l. ij. col. penult. C. de iure fisci. lib. 10. Boër. in decisio. Burdeg. q. 295. Compositio tamen in Francia si instrumentum non esset sigillatum, vix mandaretur executioni, nisi ex permissu iudicis.

Septimus

Condemna  
tio iudicis  
in deposito  
necessaria.

Instrumenta  
publica  
quam vim  
habeant.

Instrumentum iura-  
mento firmatum.

Iuramenti  
iudicialis  
effectus.

Instrumentum testamēti non  
habet executionē paratam.

Instrumentum sententiæ arbitri.

Fideiussoris instru-  
mentum.

Instrumentum depositi.

Instrumentum ratione computationis factum.



*Instrumentum Notarij quando executionem paratam habeat.*

Septimus casus est, quando in instrumento Notarius fecisset præceptum parti, ad soluendum tempore inter partes conuento, quod solet Caturci fieri, quando Notarij apponunt, *monitus & condemnatus per nos*, quia Notarius dicitur iudex cartularius, & habere iurisdictionem in volentes, l. j. ff. de iud. & etiam hac praxi Itali vtuntur, vt docet Corne. consilio 95. Viso processu. vol. 4. & Panor. consil. 72. Videtur in 2. vol. de quo plenè scripsi in tract. de literis oblig. in præfatione quæ est in 1. tomo Commen. ad Constit. Regias.

Hodie in hoc regno Franciæ vix alia instrumenta habent executionem, si non sint sigillata, sigillo Regio, vel alio authentico, & illa, ratione legis Regiæ, exequi solent, vt abundè docui in d. tract. de literis oblig. art. 1. & 2. ac per totum, & maximè artic. 6. vbi hos casus plenè tractaui, & alios.

Sed vidi dubitari, si minori post sententiam instrumento garentigato, vel sigillato sigillo Regio, fuerit promissa pecunia, tanquam credita, an reuui possit? non videbatur, quia læsus non censetur: nam istud instrumentum habet executionem, sicut sententia, vt dictum fuit, nec redigitur hoc debitum ad initium alterius petitionis. Respondeo, dicerem contrarium: nam licet instrumentum sigillatum sigillo Regio habeat executionem, tamen multas recipit oppositiones, quas non recipit sententia, vt scribit Anton. de Barzis in tract. de garentig. & ego in d. §. j. tract. de liter. oblig. Idè interest minoris huius non fatigari, vt l. minoribus. suprà, eo. & longè diuersam est, habere instrumentum sigillatum, vel sententiam: nam ex instrumēto sigillato ad initium ferè alterius petitionis petitio minoris redigitur, si opponat pars etiam interest minoris, quia (vt Accur. dicit) vsuræ currunt in sententia post quatuor menses, quod non est in mutuo, & maiores etiam currunt vsuræ, vt l. fi. C. de vsuris rei iudicatæ. & longè facilius est contra instrumentum venire, quàm contra sententiam. l. j. C. quando prouoca. non est necesse. l. iij. §. condemnatum. ff. de re iudic.

*Vsuræ rei iudicatæ.*

**Nouo contractu.]** Hic nouus dicitur contractus de recenti factus, vt abundè docui in l. sylua. §. noualis. ff. de verb. signific.

### §. Prædia patris sui, &c.

**C**asus, Pater ex administratione tutelæ debebat centum, & ista debens mortuus est, filius minor eidè successit, & cum videret tutelare debitum patris, prædia patris sui inconsultè in solutum dedit, postea videns se læsum voluit restitui, quæ situm est an possit? Respondet tex. rem esse reuocandam ad suam æquitatem: nam æquum est vt minori reddantur sua prædia, quæ inconsultè dedit, & fructus percepti ex illis prædiis computabantur cum vsuris pecuniæ, quam constiterit deberi ex ipsa tutela.

Ex hoc tex. colligitur minori succurrendum esse, si rem suam in solutum dederit pro debito patris, si læsus sit, glos. dicit in solutum dationem factam cum decreto: sed si cum decreto facta sit, quomodo inconsultè? Nam in decreto magnum consilium interuenire solet, antequàm interponatur, l. magis puto. §. non possum. §. de rebus eorum, &c. postea glos. dicit intelligi de vrbis, quæ sine decreto poterant alienari tempore huius legis, vt in l. lex quæ tutores.

*Minor in solutu rem suam dans, pro debito patris.*

C. de administ. tutor.

Ego intelligerem, etiam si sine decreto dederit: nam inconsultè dicitur dare, si non interuenerit decretum, sed si interuenerit, etiam inconsultè dicitur dare, si fortè ipse alia habebat bona, quæ non tanti erāt redditus, & expediebat illa potius alienare, quàm ista prædia, quia ista vtiliora erant pupillo, quàm alia, idè in his læsus fuit: nam inconsultè fecit ob læsionem, sicut dicitur in l. verum. §. sciendum. suprà, eodem. vbi inconsultè facilitati succurritur, & iudex ista non perquisiuit, licet inquirere debuerit, etiam si prædia dedisset sine decreto in solutum, inconsultè fecisse dicitur, quamuis non teneret datio, l. si minor. C. de præd. minor. quæ dubitatio erat in hoc tex. postquam minor patri successerat, tenebatur debita patris soluere, & præcipuè istud tutelare, ob id si ille satisfecerit, maximè quia currebant vsuræ, videtur vsus iure communi: ergo non debet restitui, l. fin. C. de in integ. restit. tamen iste tex. decidit contrarium. Ratio est, quia æquum est, vt si minor læsus sit, quia prædia plaris erant, vel alio modo, vt restituatur, computatis scilicet expensis cum redditibus. Nec obest quod venditio firma est, si data fuerit datio in solutum, ex Prætoris decreto, l. fin. C. de præd. minor. quod quidem fac sic esse, tamen succurritur minori, si læsus sit, vt hic, nec refragatur, quia contractus factus à minore, sine decreto, in re immobili sit nullus, ex quo ipse non obligatur, etiam naturaliter. l. si ad soluendum. C. de prædiis & aliis reb. minor. Bar. in l. cum lex. ff. de fideiussor. & in l. prima. de nouatio.

*Minor quæ do inconsultè prædia in solutum dare discatur.*

Tamen ille contractus tenet contra maiorem, unde minor potest cogere maiorem ad complendum talem contractum, & ipse paratum debet se dicere ad solemnitatem necessariam adhibendam. l. Julia. §. si quis a pupillo. ff. de actio. empt. Mathefsil. nota. 156. incipiente, Nota quod si minor. probat Ias. in l. cum hi. §. eam transactionem. ff. de transact. facit l. & eleganter. sup. de dolo. vbi idè dixi de contractu inito per dolum, vt non teneat respectu eius, cui illatus est dolus, secus ratione dolosi: & sic iste text. dicit reuocandam rem ex æquitate per in integrum restitutionem, licet actus non valeat, vt videlicet omnia in pristinum statum reuertantur. l. prædiorum. C. de prædiis minor. &c.

*Contractus dolo initus.*

### S V M M A R I A.

- 1 Dilatio actori data, est utrique parti communis.
- 2 Vxor, si non vocetur domina à marito, non potest conqueri.
- 3 Renuntiatio restitutionis à minore facta, in genere non valet, secus in specie.

### LEX XLI. IULIANVS LIB. XLV. DIGESTORVM.



**S**i iudex circumuento in venditione adolescenti, iussit fundum restitui, eumque pretium emptori reddere, & hic nolit vti hac in integrum restitutione, pœnitētia acta: exceptionem vtilem aduersus petentem pretium, quasi ex causa iudicati adolescēs habere poterit:

P. Rebuffi Lectura.

Nn 3



quia vnicuique licet contemnere hæc, quæ pro se introducta sunt, nec queri poterit venditor, si restitutus fuerit in eandem causam, in quam se constituerat: & quam mutare non potuisset, si minor auxilium Prætoris non implorasset.

*Facti species.*

**M**inor dicens se læsum in venditione fundi, petit restitui coram iudice, qui fundum minori restitui iussit: ea tamen lege, ut ipse pretium ab emptore receptum, redderet, postea minor vidit vtilius esse sibi pretium habere, & fortè alium fundum emere, quam eum, quem vendiderat: quæsitum fuit, an minor isti possit sententiæ renuntiare? Et Iulianus respondet, posse: quia vnicuique licet contemnere, quæ pro se introducta sunt. Quid si aduersarius minoris agat ad pretium? poterit se exceptione vtili minor tueri, quam habebit ex causa iudicati, nec merito venditor, id est, emptor, si fuerit per poenitentiam minoris restitutus in illam causam, in qua ipse se constituit, conqueri poterit. Ipse enim se constituit emptorem fundi minoris, si ergo minor facit, ut remaneat emptor, nihil iniuriæ illi infert, & maxime, quia ipse emptor maior non potuisset mutare propositum, & recedere à venditione, si minor auxilium Prætoris non implorasset, videlicet restitutionem, igitur si illo auxilio petito minor nolit vti, non cogetur.

*Minor potest sententiam pro se latam contemnere.*

Et hic nolit, uti hac in integrum restitutione. ] Iste text. allegatur, quod minor potest sententiæ latæ pro eo renuntiare, & eam contemnere, quia licet vnicuique, &c. per istum tex. & idem dicit Iulian. ff. de bonis liberti. l. in seruitutem. §. Si petierit in seruitutem, & obtinuerit, mox cognita veritate passus sit in libertate morari, non debet ei obesse: maxime si habuit in eam causam errandi. facit l. penult. C. de pact. vbi licet privilegio in fauorem suum introducto renuntiare, l. si quis in conscribendo. C. de episcop. & cleric. sic & minori licebit, quia ætatis miseratio non debet eum deteriores maioribus reddere. ut in l. j. supra eod. diximus.

Ratio etiam altera est, quia quod fauore alicuius introductum est, non debet in eius odium retorqueri. l. quod fauore. C. de legib. glo. vlt. in c. nihil est quod. de electio.

*Restrictio eiusdem.*

Limitemus non procedere, quando ista renuntiatio fieret in fraudem iuris quæsitæ alteri, Bald. hinc in 2. lect. per l. quoniam. C. de natur. liber. vnde naturalis datus Curia, & sic legitimatus post mortem patris, non poterit renuntiare bonis patris, ut munera patriæ relinquat, quia ius per receptionem illius erat quæsitum patriæ. facit l. j. & ij. & ibi not. ff. de acquir. hæredit.

*Maiores ares Curia non potest renuntiare.*

Secundò, non procedit in aresto Curia, cui non poterit maior renuntiare, propter rerum iudicandarum auctoritatem, l. seruo. §. cum Prætor. ff. ad Trebellian. & ne aresta & sententiæ supremorum iudicum sint elusoria, l. si Prætor. ff. de iudic. & ut auctoritas Curia fartatecta seruetur, & ita iudicauit Curia suprema Burdegalen. ut refert Boërius in decision. Burdega. quæstione quadragesima octaua. Quæritur an proximior.

*Eiusdem limitatio.*

Quod limitarem, nisi in aresto diceretur, si parti bonum videatur, vel si velit, vel, Gallicè, si boni luy

*semble*, tunc arestum dat facultatem: ergo illo casu pars renuntiare poterit. Vnde cum quidam cornutus maritus arestum contra vxorem adulteram obtinuisset super bonorum separatione, & omnes conquæstus essent mariti, & ipsa in monasterio resideret, nisi bonum videretur marito eam reconciliare, hoc casu maritus eam conciliare sibi poterit, l. si vxor. §. sed & si ea sit. & l. quæsitum. in fine. ff. de adult. sed non poterit eam reconciliare antequam verberata sit, si hoc erat statutum, ne arestum ludibrio sit, ut docet Boër. in dicta decisio. quæstione 298. Sed alia. & ut puniatur ex suo peccato, alioqui in potestate Cornelij fatui esset arestum & iudicium Curia irritum facere, quod non est permittendum: sed veniat maritus (si velit) ante condemnationem, aliàs patitur condemnationis executionem. Etiam arbitraretur, quando arestum esset latum omnino in fauorem vnius partis, quod tunc illa pars renuntiare posset, per istum textum, alioqui quod in fauorem vnius introductum esset, in odium eius retorqueretur, quod non est dicendum, ut superius scriptum fuit, secus si in vtilitatem vtriusque partis tendat, ut in cap. Raynutius. de testamen. facit cap. ex parte. §. de rescript. in fine. vbi not. Doctor. in appellante, an in præiudicium appellati renuntiare appellationi quis possit.

Adde, etiam cuilibet liberum esse transigere, & componere super lite pendente coram iudicibus inferioribus, etiam eis inuitis, l. j. & per totum ff. de transact. nam, quando partes sunt concordantes, quid ad iudicem? l. j. §. inde. ff. de noui oper. nuntiat.

Tamen, quando causa & processus pendet in Curia suprema, non est liberum partibus propter Curia auctoritatem transigere, nisi apposita fuerit clausula, sub bono placito Curia, & non aliàs: & illa clausula est conditionalis, quod si non placeat Curia, nil censetur factum, ut docet Iason in l. secunda. colum. penult. C. de iure emphyteo. & aliter transigentes solent ad multam condemnari, ut docet Aufser. in stylo Parlamen. arest. 53. Item nota. & 57. & 96. scripsi in proœm. Concorda. in verbo, summas.

Idem dicit Bartol. in dilatione noua data reo, ut si ea vti nolit, nec actor poterit, l. penultima. C. de tempor. appellat. sed in hoc aduertendum est, quod dilatio quando datur actori est communis vtrique parti, l. petenda. C. de tempo. in integrum restitut. petend. l. finali. C. de fruct. & litium expensis. & ideo altera pars illi renuntiare non potest in præiudicium alterius, cui ius est quæsitum, siue detur dilatio minori, poterit vti & maior, quia illud ius commune est, & dilatio est communis, ideo non poterit maior ei renuntiare, nisi beneficio restitutionis fuerit ei data dilatio, videlicet post dilationes communes: & ita intelligi potest sententia Bartol. & Iason. in l. si arrogator. ff. de adopt. & iste text. intelligitur in sententia, non in dilatione: ideo iuri mihi competenti, liberum quidem mihi est, illi tantum renuntiare: secus tamen dicendum puto, si commune sit ius cum alio.

Idè tenendum, quod iuri mihi tantum competenti licet renuntiare, nec tu vti potes illo iure, contra me, si tantum in fauorem meum detur, & si mea causa tantum habeas, l. amicissimos. C. de excusatio. tutor. & ita intelligitur doctrina Bartoli in l. si post mortem. §. primo. ff. de bonorum possessio. contra tab. & Riminald. in l. posthumus. numero 2. C. illo

*Transactio super lite pendente quando per mittatur.*



2 C. illo titulo. vnde infert Bartol. vxorem non posse queri, si maritus eam non vocet dominam, quia hoc mariti causa habet, & illius iure, quo non potest vti contra maritum, secus contra tertium, nisi ipsa vxor iure suo haberet, ratione scilicet Ducatus, vel alia ratione: ideo nobiles & Principes solent vxores suas vocare dominas ratione honoris aliunde quaesiti, quia sunt filiae Regum, vel Principum, & Ducatum, & Baronias habent.

*Minor re-  
stitutioni  
in integrum  
renuntians  
leditur.*

Item quamuis minori liceat sententiam pro eo latam contemnere, vt hic: tamen non valebit renuntiatio restitutionis petendae, nec potest minor restitutioni in integrum renuntiare: nam eo ipso laederetur, vt docet glos. & Doct. in l. si intra. C. de in integ. restit. Bal. in margar. in verbo, minor. ii. facit l. interdum. l. ait Praetor. & l. & si sine. supra. eodem: nam ea facilitate qua induceretur quis minor ad contrahendum simili, & ad renuntiandum restitutione, & ad eam non petendam inuitaretur, & traheretur, quod permitti non debet, l. j. supra. eodem. & ita pracluderetur via minoribus, vt nunquam restituerentur, quod esset absurdum, cum eis sic à iure beneficium indultum auferretur, contra reg. indultum. de regul. iuris. in 6. Bald. consil. 96. Pupillus. col. vlt. in 5. vol.

*Praeatus  
beneficio re-  
stitutionis  
renunciās.*

Imò etiam Praeatus non poterit renuntiare beneficio restitutionis, in praedictum Ecclesiae, vt docet Angel. consil. 187. Sic punctus. col. penult. facit etiam quod scribit consil. 245. Quia omne. & non obstante hac renuntiatione poterit restitutionem petere, sed in literis restitutionis debet facere mentionem istius renuntiationis, & quod ea non obstante, ei agere permittatur, & solet permitti, etiam si iuratum fuerit non petere restitutionem, habita tamen prius iuramenti dispensatione, & ita in Curiis seruatur.

*Obiectio-  
nis solutio.*

3 Nec refragatur iste text. in quo minor potest renuntiare sententiae restitutionis, si videat sibi vtile esse: nam illa sententia restitutionis non impedire debet pupilli vtilitatem, & sic in specie valet renuntiatio, non autem in genere. Minor igitur non impetrabit restitutionem, quia per hoc excludi posset, etiam si sibi vtile esset, cum non possit prauidere, an si iterum conueniatur, aliquando restitutio sibi prosit, quod in sententia lata, & in casu speciali dignosci potest. Itaque renuntiatio in specie valet in casibus fortuitis, quae non valet in genere, in l. sed & si quis. §. quaesitum. ff. si quis cautio. nam qua facilitate, inconsulta scilicet inducitur ad contrahendum, etiam induceretur ad renuntiandum restitutioni, vt dicunt Doctor. de exceptione non numerata pecuniae. in l. si ex cautione. C. de non numerata pecun. Ioannes Andr. & alij in c. si diligenti. de foro compet. dicunt hic minorem renuntiare ipso facto, nolendo scilicet vti restitutione sibi à iudice concessa, quod tamen potest, vt inferius dicitur. Ego dicerem non renuntiare hic restitutioni petendae, sed sententiae, per quam minori competit restitutio. Vnde si vtilius sit minori non vti illa sententia restitutionis, ea non vretur, sed sibi dabitur exceptio vtilis tanquam iudicati: nam directa exceptio competit ei, pro quo est iudicatum, si iterum conueniatur, vt l. j. & per totum ff. de excep. rei iudicatae. vtilis verò ei, pro quo iudicatur, & non vult iuari illa sententia, vt hic, si aduersarius vult, cogere eum potest ad ea vtendum sententia, & sic regulariter minor potest renuntiare sententiae restitutionis, non autem restitutioni petendae.

Limitemus, non procedere, si renuntiaret restitutioni petendae, factus maior, etiam si in illo quadriennio, in quo se restitui cupit, petere possit. & hoc dicit tex. in l. si intra. C. de in integ. restit. l. doli exceptio. ff. de noua. l. fin. C. de repud. etiam poterit ratum habere contractum factum in minori aetate, l. j. & per totum. C. si maior factus. glos. in d. l. si intra. C. de in integ. restit. etiam si renuntiaret intra aetatem, cui succurri solet, videlicet à vicesimo quinto anno, vsque ad vicesimum nonum.

Potest etiam tacendo renuntiare, videlicet si factus maior non petat, & sic omittat per quinquennium, l. fin. C. si maior factus. sed facultatem petendi restitutionem, sibi tollere non potest. glos. hic, & in d. l. si & Vital. Camba. in tract. Clausula. renuntia. c. an beneficio restitutionis in integrum renuntiare possit.

Sed cum iuramento valebit renuntiatio: quippe qui illud iuramentum contractum firmat, in authent. sacramenta. C. si aduersus vend. hoc docet Felin. in c. si diligenti. numero 15. de foro compet. sed adhuc habita dispensatione iuramenti, non prohibetur restitutionem petere, si laesum se probet in magna re, quam arbitrio iudicis relinquo. vt scripsi in l. si ex causa. supra. eodem.

*Renuntiatio  
iuramento  
firmata à  
minore.*

Sed dubitabatur, an quis renuntiare appellationi interponendae possit? Angel. in consil. 187. Sic punctus. cōcludit liberum esse cuiuspiam appellationi renuntiare: ego autem, vt haec materia nota fiat, facerem casus sequentes.

Primus casus erit, quod possunt partes conuenire, ne à sententia iudicis, coram quo causa pendet, appelletur. Vlpian. in l. j. ff. à quibus appella. non licet. §. Si quis ante sententiam professus fuerit, se à iudice non promouaturum, indubitate auxilium perdidit. l. fin. C. de tempor. appel. poterit tamen à Principe, si grauetur, releuari, & restitui, vt appellet, quia haec conuentio debet intelligi, si aequum arbitratus sit, & recte iudex iudicauerit. l. si libertus ita iurauerit. ff. de oper. liberto. Socin. consil. 22. in 4. vol.

*Renuntiatio  
appellatio-  
nis.*

Secundus casus, non possunt partes renuntiare appellationi interponendae, quia hoc tangit ius superioris, cui non possunt partes renuntiare, c. venientes. de iureiurando. alioqui in potestate esset patrum, Principis & alterius Superioris, iudicium & auctoritatem eludere & tollere, quod non possunt, nec etiam partes, vt ibi dicitur & in l. fin. ff. qui satisd. cogant. & iniquitas primi iudicis non corrigeretur, quae per appellationem corrigitur, l. j. ff. de appel. & fauore publico est introducta appellatio, clem. pastoralis. de re iudic. & quia iudices induci possunt ad malè iudicandum.

Tertius casus, potest Princeps in quibusdam casibus prohibere appellationem, utpote ne tertio prouocare liceat, vt in titulo, ne in vna eademque causa liceat tert. prouoc. & in tributis, & sumptibus litis, etiam non licet prouocare, vt patet ex titul. quando prouoc. non est necesse. & etiam in aliis casibus quos enumerant Doctor. in rub. de appellat. in Decret.

*Princeps  
appellatio-  
nem quando  
prohibere  
possit.*

Quartus casus, potest quis interpositae appellationi renuntiare, nisi fiat praedictum appellato, vel consorti, seu alteri. l. j. C. si vnus ex pluribus appellauerit. Scripsi abundè in tractat. de appellat. in tertio tomo Commentariorum ad Constitution. Regias. articulo 15.



LEX XLII. VLPPIANVS LIB. XI.  
DE OFFIC. PROCONSULIS.

**P**ræses prouinciæ minorem in integrum restituere potest, etiam contra suam, vel decessoris sui sententiā: quod enim appellatio maioribus interposita præstat, hoc beneficio ætatis consequuntur minores.

**I**sta lex est facilis, cæterū utilis, ex qua duo colligi possunt. Primum, quod Præses prouinciæ restituere potest, non solum contra sententiā, quam ipse protulit, verum etiam cōtra sententiā sui prædecessoris, licet iudex posteaquā semel dixit sententiā, iudex esse desinat. Et hoc iure utimur, ut iudex, qui semel vel pluris, vel minoris condemnauit, amplius corrigere sententiā suā non possit: semel enim siue malè, siue bene functus est officio, l. iudex. ff. de re iud. & hoc dicit gl. in appellatione. vel etiam ibi prohibetur iudici, ne mutet sententiā, quam semel protulit: sed si minor restitui desideret aduersus illam sententiā, ius facultatem iudici restituendi illum, tribuit, & restitutio alio nouo iure procedit, quæ minori datur ratione ætatis, & illam non potest denegare iudex: sed ut cognoscat de eo, quod est iam cognitum, vel hoc corrigat, prohibent iura, ut plenè scripsi in l. quod iussit. ff. de re iud. nec regulariter potest quis suam, neque prædecessoris sententiā retractare, nisi post restitutionem, ut hīc, & l. j. C. senten. rescindi non posse.

Secundò, notanda est regula, quam text. ponit, videlicet, quod maiores per appellationem consequi possunt, hoc minores beneficio ætatis consequuntur. Nempe, si maior condemnatus fuerit iniquè, si velit, ut sententiā ei non noceat, opus est ut appellet, & per appellationem annullabitur illa sententiā: nam pronuntiabitur iniusta, ut dictum fuit in l. intra. suprā. quod ergo præstat ista appellatio maiori, scilicet ut sententiā non noceat, hoc præstabit restitutio minoris, ut in titu. C. si aduersus rem iudica. poterit etiam appellare minor, ut docet Accurs. per l. si pater. C. quando prouoca. non est necesse. sed tutius est, ut restituatur, vel si non appellauerit, restituetur ad appellandum, ut suprā dictum fuit in l. & si sine. §. item si non prouocauit. tamen si prohibita fuerit appellatio, restitutio non prohibetur. clem. j. de re iud. l. j. C. si de momenta. possess. Barba. consil. 44. in 3. vol. Socin. consil. 299. Capi. col. 2. in 2. vol.

#### SUMMARIA.

- 1 Maiori quando rerum suarum administratio concedatur, postquam ei fuit interdicta.
- 2 Libellus ad probandam ætatem an interuenire debeat.
- 3 Ætas maior quomodo probetur.
- 4 & 5 Probatio minoris ætatis fit per obstetrices, per consanguineos, vel vicinos.
- 6 & 7 Item per paternos, vel alios qui baptismo interfuerunt.
- 8 & 9 Nec non per aspectum, aut scripturam curati.
- 10 Ætas in actu iam perfectō presumitur.

LEX XLIII. MACER LIB. I. DE  
OFFICIO PRÆSIDIS.

**E** ætate eius, qui se maiorem annis vigintiquinque dicit, causa cognita probandum est: quia per eam probationē in integrum restitutioni eiusdem adolescentis in aliis causis præiudicatur.

**M**inor petebat sibi committi rerum suarum administrationem, dicens se maiorem: quæsitum fuit, an sit ætas probanda, & quomodo? Respondetur probandam, & causa cognita, id est, præsentibus aduersariis, vel contumacibus, ut in l. in causæ. j. §. causa. suprā, eodem. rationem postea ponit text. quia per istam probationem præiudicabitur restitutioni huius adolescentis: nam si probauerit se maiorem, & fuerit ei commissa rerum suarum administratio, ut in l. j. suprā, eod. non poterit restitui, etiam in aliis causis: nam si vendiderit aliqua bona, & in illis fuerit læsus, non iuuabitur ætatis beneficio, sed sibi præiudicabitur postquā fuit maior probatus.

Nec puto faciendam distinctionem vnius casus, aut alterius, quia hæc lex cū generaliter loquatur, habebit locum in omnibus casibus illi conuenientibus, etiam ultra casus positos per gloss. & Bar.

Siue agatur principaliter de ætate, ut suprā dixi in eo, qui rerum suarum administrationē petebat, siue incidēter, ut in c. si. de offi. iudi. utpote si electus erat ad dignitatem, in qua requiritur annus 25. l. ad Rempublicam. ff. de munerib. & hono. opponeretur contra, eum non esse habilem ratione ætatis, ipse vult probare se maiorem, hoc causa cognita fieri poterit, quia si probatus fuerit maior, obtinebit dignitatem, nec poterit restitui, sed conuenietur in aliis causis tanquam maior.

Et poterit etiam maior principaliter agere, ut ad administrationem rerum ei cōcedatur, eo quod ab eo tempore, quo fuit ei interdicta rerum suarum administratio, tanquam furioso, vel prodigo, venit ad suam mentem, & hoc probare poterit, vel alia impedimēta ab eo sublata esse, & sanos mores recepisse. l. j. ff. de curat. furiosi.

Sed quæritur, quomodo, & quando super ætate testes examinari debeant? Respondendum est, eos esse examinandos regulariter post litem cōtestatam, sicut in aliis causis, l. ij. de feriis. quia lite non contestata regulariter nō recipitur testium probatio, ut in titu. ut lite non contesta. non procedatur ad testium recep. vel ad sententiā definitiuam.

Limitatur, quando quis non posset agere, nisi probatione ætatis facta, tūc ante litem contestatam examinatio testium, & probatio permittitur, quia ista litem contestatam præcedunt. Bar. hīc. nu. 2. allegat d. l. ij. de fer. & l. ij. C. de bon. posse. cōtra tabul. quæ iura nequaquā probant, tamen doctrina Bar. vera videtur.

Non solet dari libellus ad probandam ætatem, ut docet hīc Bar. post gl. & Doct. in l. nec quicquā. §. vbi decretū. ff. de offi. Procon. & Spec. in tit. de offi. iudi. §. j. ego tamen vidi offerri libellum, quando quæstio principaliter super ætate agitabatur: nā hoc fieri debet causa cognita, ut hīc. Ideo libellus, & alia iudicij solēnia, interuenire debent, in hac probatione ætatis: debet autē citari aduersari⁹ nominatim, si certus sit, alioqui

*Iudex, semel sententiā protulit, non potest eam corrigere.*

*Restitutio minorum præstat id, quod appellatio maiorum.*

*Ætas minorum causa cognita probanda.*

*Testes super ætate quando producendi.*



alioqui per proclamationem. l. in causâ. j. §. causa. sup. eod. l. si omnes. C. si minor se ab hæredit. abstinet. l. si eo tempore. C. de remissio. pignor.

*Aetas tri-  
bus modis  
probatur.*

Quot modis autem probetur ætas, Bar. hic docet: probari, scilicet, duobus modis. Primò, per testes, secundò per aspectum: ego addo tertium modum videlicet per scripturam.

Primò dicit Bar. faciliè ætatem maiorem probari posse: nam testis dicit se vidisse illum, & cognovisse, sunt vigintiseptem anni, completi, ergo ille est maior vigintiquinque annorum, & hoc ad excusationem minorum seruire potest, vt in l. prima. & per totum. C. qui ætate se excusant. libr. 10. Alex. consil. 29. Clarissime. in 7. volum.

*Probatio  
ætatis, per  
obstetrices.*

Aetas verò minor difficiliùs probari solet, & primò per obstetrices probatur, quæ tẽpore partus interfuerunt, & viderunt puerum exẽtem de ventre, & hæc probatio est valde certa. l. iij. §. duæ. de Carbo. edic. ff. ibi, *Finge esse annum obstetricem, vel ancillas, quæ veritatem pro partu possunt insinuare*, sed istæ non semper interueniunt, idè alia probatio quærenda est.

Probati potest etiam per consanguineos & vicinos, qui dicent puerum tali tempore esse natum, & pro ratione, dicent adfuisse ibi, & esse consanguineos, vel vicinos, qui præsumuntur scire facta consanguineorum, & vicinorum. l. filium. ff. de his qui sunt sui vel alie. iuris. l. de tutela. C. de in integ. rest. l. si vicinis. C. de nup. Bart. in l. prima. ff. si certum petat. Feli. in c. literis. de præsumptio. col. 2. c. præsens. 20. q. 3. & meliùs probatur per consanguineos & domesticos, quàm per extraneos, quia verisimile est, quòd sunt magis certi, quàm extranei. d. l. de tutela. & l. etiam matris. ff. de probat. l. consensu. C. de repud. Carol. Ruinus. consil. 194. In hac causa. col. prima. vol. primo.

*Testis quo-  
modo pro  
ætate de-  
ponere de-  
beat.*

Item possunt, pro ratione dicere, talis ætatis esse, quia eum sciunt natum tempore pestis magnæ, quæ fuit tali anno, vel ante, vel post, vel tempore aduentus Imperatoris, aut Regis, vt docet Bald. consil. 218. Testes. col. vlt. in 4. vol. & idem, si dicant natum tali die, quo natiuitatis die, vel anno fuit facta magna solennitas, vel instructa Ecclesia, seu factæ aliquæ campanæ. Bald. in l. ij. C. de tempo. appellat. col. prima.

Non valeret tamen ratio testis, si diceret talem esse ætatis vigintiquinque annorum, quia ego sum talis ætatis, & tamen ipse maiori statura erat, cum in scholis eramus, quia sunt quidam maioris stature, & tamen erunt minoris ætatis, vt docet Alex. consil. 29. Clarissime. col. 4. nu. 10. in 7. vol. sicut dicit Ioan. And. de Iacobo de Castello, qui putabatur esse corâ Papa genibus flexis, & tamen rectus erat, de quo in proœm. Sexti. in gloss. A multis.

Per susceptores (quos vulgus vocat patrinos) potest etiam ista ætas probari. Bar. consil. 92. In quæstione. col. 3. quia isti melius scire possunt, cū de illorum actu agatur.

Item per presbyterum, qui eum baptizauit, & per clericum, qui eum adiuuabat, & per alios testes, qui baptismo interfuerunt, ob id solent campanæ pulsari, vt multi adfint. Alex. d. consil. 29. in 7. vol.

Etiam testimonium patris & matris super ætate admittitur, vt interpretes asserunt, per l. etiam. C. de proba. c. fi. §. testis idoneus. 4. q. 3. vbi gl. Bar. ind. consil. 92. In quæstione. col. 2. Dec. in c. cū dilectus. de accus.

Ego tamen putarem testimonium patris & matris reiiciendum, maximè si agatur de commodo fi-

lij. per l. parentes. C. de testib. sed professio matris, seu patris, id est, apud acta denuntiatio, facta de filio sibi nato, bene recipietur. l. etiam. ff. de proba. nam cum veteres profiteri tenerentur liberos suos, illa professio parentum recipiebatur, & si diuersæ fiebant professiones, in arbitrio iudicis residebat, cui crederetur. l. cum de ætate. ff. de probat. & ista professio præcipiebatur à lege, quia id tẽporis nemini professio nocebat, sed quando causa ætatis est introducta, tunc testimonium matris non recipitur, saltem ad probationem pro filio. Aliud enim est testimonium, aliud professio, & sic puto ista distinguenda, licet Doctor. ea non distinguat. sed gloss. in d. l. etiam matris. dicit matris testimonium recipiendum, sed non probare, quam gloss. probat Lanfranc. in repe. c. quoniam. in verb. testium depositiones. colum. 30. de probatio. sed in vacuum reciperetur, & frustra, si nõ probaret. Vnde dicendum est professionem patris, & matris recipiendam, & probare, si non fuerint contrariæ professiones, & non probetur contra, sed testimonium patris & matris super ætate reiiciendum. Nam si filius esset in Episcopũ electus, & impugnaretur eius electio, ratione ætatis, nunquid pater & mater deponent eum minorem? quod nec puto, idè illi deponere de hac ætate non debent, sed profiteri sic. gloss. & Doctor. in c. cum nobis olim. de elect. Etiam duo testes deponentes de affirmatiua, videntur melius & certius deponere quàm de negatiua. gloss. & Doct. in l. diem proferre. §. si plures. ff. de arbitr. Bal. in l. cum te minorem. C. de probatio.

Secundò, probatur per aspectum, vt scripsi in l. minor 25. annis, edito Præside. suprâ, eodem.

Tertiò, probatur per scripturam curati: nam in hoc Franciæ Regno solent curati habere libros, in quibus scribunt nomina baptifatorum, & mortuorum, & quo die, anno, & hora baptizatus, quibus suscepto-ribus, seu patrinis, & aliis testibus, nobilibus, seu magnis viris præsentibus, vt extat Cõstitut. Reg. Scripsi regu. in trac. de regeſtis seu libris baptif. vbi scripsi abundè de professione, quæ apud veteres fiebat, & de aliis probationibus ratione ætatis, quæ quidem ætatis probatio per instrumentum etiam fieri quãdoque dicitur, per gloss. in l. ij. ff. de excus. tutor. Salicet. in l. si minor. C. de in integ. restituitur.

Item liber patris, in quo scribebat ætates, & natiuitates filiorum suorum, facit præsumptionem circa numerũ annorũ, vt in addit. ad Bar. habetur, in d. cõsil. 92. & Carol. Ruin. consil. 31. Intentio. in fi. vol. 4.

Item dicit Herennius in l. ij. ff. de excusa. tuto ætas autem probatur aut ex natiuitatis scriptura, aut ex aliis demonstrationibus legitimis.

Etiam per instrumentum matrimonij probatur ætas, quia præsumitur filius natus post instrumentum matrimonij, & hoc per locum à cõmuniter accidētibus, quia matrimonium inter personas honestas, consuevit (vt plurimum) præcedere festiuos amplexus, ergo ita præsumitur, quia ita est consuetudo: sunt verba Bald. in l. neque natales. col. pen. nu. 8. C. de proba. & per confessionem etiam fit ista probatio ætatis, vt inferiùs dicitur.

Nunc videndum est, cui incumbat onus probandi ætatem. Respondeo, illum teneri ætatem probare, qui illam allegat ad suam fundandũ actionem, seu exceptionem, seu intentionem. Vnde scribit Imperator. C. de proba. *Cum te minorem quinque, & viginti*

*Præsum-  
ptio anno-  
rum.*

*De eodem.*

*Ætatem  
probare  
quis tenea-  
tur.*

*Patris seu  
matris de  
filij ætate  
professio.*



*annis proponas, adire prouincia Presidem debes, & de etate tua probare.*

Et qui cōtractum, ratione ætatis suæ minoris, petit rescindi, debet probare se minorem, quia ætas est causa suæ intentionis. l. si minorem. C. de in integ. restit. sic consuluit Bar. consil. 92. In quæstione. gloss. in c. presbyter. 78. dist. & qui petit rescindi cōtractum, vel sententiā tāquam latam contra minorem, debet ætatem probare. d. l. cum te minorem. C. de proba. vbi Bald.

Item si quis petat sibi curatorem dari, dicens se minorem, si pars eum negat minorem, oportet vt ille, qui curatorem petit, probet se minorem. d. l. si minorem. & Bal. consil. 2. Si egressæ. in 4. vol. siue ætas allegetur negatiuè, siue affirmatiuè, contra gloss. istā siue conditionaliter, vel aliās. vt docet Bald. in d. l. cum te minorem. C. de proba. ac in l. si minorem. de in integ. restitut.

*Impugnās electionem minoris.*

Item si quis impugnat electionem factam de minore, debet probare ætatem, cum se in illa fundet. c. dudum. primo. de elec. idem in professione. c. ad nostram. de regula. Ioan. And. in regula. infamibus. de reg. iur. in 6. in Mercur. Panor. in c. si. de præsumptio. & dicit Bald. consil. 418. Pronuntiatio. in 2. vol. quod quādo minor ætas proponitur in modū alicuius beneficii consequēdi, vel excusationis, vel exceptionis, ille, qui se excusat, debet probare. l. nā postea. §. si minor. ff. de iureiur. l. pen. C. si minor se mai. dixer. Vnde qui vult succedere ei, qui decessit in pupillari ætate, oportet quod probet eam ætatem, & sic illum in ea ætate decessisse. Bald. consil. 19. Factum tale. in 5. vol.

10 Limita in actu iam perfecto, pro quo cōfirmando non tenetur quis probare ætatem requisitā ad illum actum, quia præsumitur, vnde sufficit probare testamentum factum, licet non probet eum, qui illud fecit maiorem quatuordecim annis fuisse. per tex. in l. qua ætate. ff. de testa. & ad hoc est text. sing. in c. in præsentia. vbi Imol. & alij, de proba. alioqui sic impugnari possent omnes actus: nam probato actu, præsumitur ætas ad ipsum idonea, ideo si probetur matrimonium, vel professio, præsumitur ætas idonea ad illos actus, & qui vult actum impugnare, oportet quod hoc probet, postquā est præsumptio pro actu, vnde, si allegetur datio tutoris nulla, quia is erat maior, oportet quod allegans probet, quia pro actu iudicis præsumitur. Floriæ in l. cum de ætate. col. prima. ff. de proba. Alexand. consil. 85. Vifo. numer. 9. in 2. volum.

Limita, quando iudex transulisset onus probandi in aduersarium, fortè quia ex aspectu pronuntiaffer. l. minor. suprā, eodem. Salicet. in d. l. si minorem.

Quæro, quis sit effectus probationis ætatis? Respondet tex. quia probatio ætatis præiudicat minori in aliis causis, sed non aliis personis, non auditis, nec citatis, ideo probare illi poterunt contra: nam res inter alios iudicata, aliis non nocet, vt per totum illum titulum. C. & dicit Paulus Iurisconsul. ff. de iureiurand. l. quia non debet alij nocere, quod inter alios actum est.

Limita, quando illa probatio esset facta causa non cognita, & non citatis partibus, per istum tex. à contrario. ibi, causa cognita, l. etiam. in fi. suprā, eodē. sic consuluit Bald. consil. 2. In Dei, &c. si egressæ. in 4. volum.

Secundò, quando per dictionem (circa) testes de-

posuissent, tunc nil probarent, per tex. in c. attestatio- nes. de desponsa. impuber. Alex. consil. 29. Clarissime. col. 3. in 7. vol. scripsi in tract. nominatio. in q. 1. in fi. quædam & notanda, ideo diligenter legenda.

Tertiò, confessio super ætate nō præiudicat quoad alios absentes, vt dicit gloss. ista. quæ est vera, quoad plenum præiudicium, facit tamen iudiciū, etiam, quoad alios. l. si duo. ff. de iureiurand. ibi, *multum tamen fidei, & autoritatis, &c.*

Item dum gloss. dicit sententiam super ætate facere ius, quam gloss. reprehendit Bar. intelligite illam sententiam facere ius in consequens, vt si per iudicis sententiam pronuntiatus fuerit Titius maior, valent contractus facti cum alijs ab illa sententia: nam postquam est maior, ergo cōtrahere potuit. l. prima. suprā, eodem. & sic sententia facit, quoad hoc ius, & habetur pro veritate. l. ingenuum. ff. de statu homi.

Nec obest, quod possit postea probare se minorem, & deceptum fuisse, in illa falsa probatione: quia sententia semper facit ius, donec probatum fuerit contra illam. & tunc non dicitur sententia, saltem non nocebit post restitutionem, siue ille fuerit in iudicio, siue non: hoc autem semper nocet, nisi probatum fuerit cōtrarium, & restitutus fuerit minor, vt in edicto Prætoris patet, in quo restitutione opus est.

Si tamen dolus minoris interuenerit in probando ætatem, tunc non iuuabitur ætatis auxilio. C. si minor se maior. dixerit, quia nil habet commune delictum cum ætatis venia. l. auxilium. suprā, eodem.

Aduertendum est etiam ad istum text. dicentem, & aliis causis præiudicatur, esse intelligendum, quando probata fuerit maior ætas: nam tunc in aliis causis poterit contrahere, & ita probat iste text. ibi, qui se maiorem vigintiquinque annis dicit, causa cognita probandum est.

Sed si quidam se probauit minorem alio anno, & nunc vult dicere, & probare se minorem per illam eandem sententiam, hoc quidem certè illi non proderit, quia probationes factæ in vno iudicio, non probant in alio, in his præcipuè quæ solo cursu temporis mutantur, vt in ætate. l. spadonem. §. qui absolutus. ff. de excusat. tuto. l. ij. ff. de fer. l. siue possidetis. C. de proba. gloss. & Doctor. in d. l. si minorem. C. de in integ. restit. Bald. in l. ij. C. quando prouoc. non est necesse.

Poterit tamen probare ex illa sententia illum fuisse minorem, id temporis, quò sententia prolata fuit, & probationes factæ ad hoc tendunt, non ad aliud tempus. d. l. siue possidetis. C. de proba. & l. cum te. ibidem.

#### LEX XLIIII. VLPIANVS LIB. I. OPINIONVM.



On omnia, quæ minores vigintiquinque annis gerunt, irrita sunt: sed ea tantum, quæ causa cognita eiusmodi deprehensa sunt, vt ab aliis circumuenti, vel sua facilitate decepti, aut quod habuerunt, amiserint: aut quod acquirere emolumentum potuerunt, omiserint: aut oneri, quod non suscipere licuit, se obligauerint.

*Sententia quatenus ius faciat.*



**I**N hac Lex ponit Accurs. irrita, id est irritanda. al-  
legat l. quod si minor. §. non semper ea, quæ cum  
minoribus geruntur, rescindenda sunt, sed ad bonum  
& æquum redigenda, & hoc dicit ea ratione Accurs.  
quia si irrita & nulla sunt, non esset opus restitutione.  
l. in causæ. 2. §. primo. ibi, *nullam esse societatem, & in-  
ter maiores quidem & idè cessare partes Prætoris.* & §.  
Pomp. quoque. ibi, *Et generaliter probandum est, ubi  
contractus non valet, pro certo se Prætozem non debere  
interponere.* suprà, eodem. vel dicere possumus esse ir-  
rita, inspecto futuro euentu, videlicet per restitutio-  
nem, & quoad effectum, vt dicitur de appellatione.  
in l. prima. in fi. ff. ad Turpilia.

*Rescissio  
contractus  
in minore.*

Sed ea tantum, quæ causa cognita huius-  
modi deprehensa sunt. ] Iurisconsult. tunc decla-  
rat quando irrita sint ea, quæ minores gesserunt, di-  
cens rescindenda sunt, quæ deprehensa sunt, id est  
comperta esse huiusmodi, vel eiusmodi, videlicet vt  
rescindi debeant, & hoc causa cognita, vt dictum fuit,  
in l. in causæ. prima. suprà. Rationem assignat Paul.  
Iurecon. in l. quod si minor. §. primo. suprà, eodem.  
non semper rescindenda esse ea, quæ cum minoribus  
geruntur, ne magno incommodo huius ætatis affi-  
ciantur, nemine cum his contrahere volente, & quo-  
dammodo commercium eis interdiceretur.

Vt ab aliis circumuenti. ] Quod superius Iu-  
risconsultus in genere dixerat, nunc sigillatim, more  
boni oratoris exprimit, & melius quam alibi docet,  
sed quæstio est quando minores restituendi sint. Re-  
spondeo, quando ab aliis sunt circumuenti. Si ergo mi-  
nor alios decipiat, eidem non succurreretur, vt patet  
ex l. si alterius. C. si minor se maiorem dixerit. sicut  
dicitur in muliere. l. si decipiendi. ad Velleia. ff. in-  
telligite, succurrit minoribus circumuentis, siue dolo  
aduersarij, siue nõ, sed sua facilitate decepti sint, quod  
apertè declarant Imperator. in variis titulis de in in-  
tegrum restitutio. quod probatur in l. prima. quæ in-  
cipit, minoribus. in quib. caus. in integr. restit. necess.  
non est. ibi, *innumeris parietum meorum, ac meis rescri-  
ptis continetur.*

Quod quidem ius restitutionis minoribus ipsis  
competere iure ipso intelligendum est, in iis casibus  
in quibus se esse captos probare possunt, & id etiã si  
aduersarij dolus non possit probari, quod procedit  
fauore minoris ætatis, dolo malo, & alterius callidi-  
tate circumuentæ.

Vel sua facilitate decepti. ] Potest enim mi-  
nor sua facilitate aliquando decipi, non alicuius cir-  
cunventione, si fortè donauit nõ instigatus ab aliquo,  
vel vendidit alicui, qui valorem rei nesciebat, fortè  
minori. l. verum. in fi. suprà, & sic circunuentio requi-  
rit factum patris aduersæ, nõ autem facilitatem mi-  
noris solam, vel inconsultam facilitatem vocat Vlp.  
in l. verum. §. sciendum. suprà, eod. & in hoc text. di-  
ctio, vel, accipi potest, pro veluti, quia post genus enu-  
merantur species. sic in l. illicitas. in princ. ff. de offic.  
Præsid. scripti in l. verbum, oportere. ff. de verb. sign.

Aut quod habuerunt amiserint. ] Facit ad  
hoc l. patri. §. si pecuniam. suprà, eod. vnde Impera-  
tor ait, *Minoribus in his, quæ vel prætermiserunt, vel  
ignorauerunt, innumeris auctoritatibus constat esse con-  
sultum.* l. penul. C. de in integ. restit. Ex hoc tex. cõ-  
stat succurrendum minori, quando amittit id, quod  
habuit, vt, si fortè domũ, vel prædium, quod possi-  
debat, vendidit modico pretio, quod postea in malos

consumpsit vsus, vt dictum fuit. suprà, in l. verum. in  
fi. & l. patri. §. primo. & rem amisisse videtur, qui ad-  
uersus deuatorem, nullã eius rei persequendæ actio-  
nem habet. l. Labeo. prima. in fi. ff. de verb. signifi. er-  
go si rem possit vindicare, non dicitur eam amissi-  
se, & sic non restituitur. l. in causæ. 2. suprà, eodem. &  
amissa res dicitur perditæ, vt plenè docui in d. §. fi. l.  
Labeo. vbi tractaui quot modis res dicatur amissa, &  
vtilitates, quæ inde oriuntur. Et iste textus procedit,  
siue minores amiserint id, quod tenebant, & posside-  
bant, siue actionem ad rem persequendam: nam qui  
actionem ad rem habet, ipsam rem habere videtur. l.  
qui actionem. ff. de reg. iur. vnde si minor actionem  
remiserit, restitui poterit, quia amittit, quod fictè ha-  
bebat, & potest etiam iste tex. intelligi, licet minus sit  
habere actionem, quàm rem. l. minus. ff. de reg. iur.  
tamen læditur etiam minor, dum actionem amittit.  
Limitatur iste tex. quando chasmate, & casu minor  
rem amisit, quia tunc restitui nõ potest aduersus eũ,  
qui eum læsit. l. verum. §. sciendum. suprà, eod.

*Minor læ-  
sus, quando  
non resti-  
tuatur.*

Aut quod acquirere emolumentum po-  
tuerunt, omiserint. ] Accurs. adducit l. prima. C.  
si vt omissa hæred. facit tex. in l. Aemilius. in fi. ibi, *mi-  
noribus succurri in his, quæ omisissent.* suprà, eod. vnde  
Imperator statuit in l. prima. & 2. C. si vt omissa hæ-  
redit. *Minores vigintiquinque annis non tantum in  
his, quæ ex bonis propriis amiserunt, verum etiam si hæ-  
reditatem sibi delatam non adierint, posse in integrum  
restitutionis auxilium postulare iam dudum placuit.*  
Imò etiam, *ad bonorum possessionem in paternis rebus  
omissam, minores in integrum restitutionis admitti be-  
neficio iam pridem placuit.* Et sic quãdo potuerunt ac-  
quirere hæreditatem, vel alia bona, quæ omiserunt  
acquirere, ob id restitui poterunt etiam maiores. in l.  
cũ quidam. ff. de acqui. hæred. scribit etiam Iuris-  
consult. Paul. sic: *Minor vigintiquinque annis omissam  
allegationem per in integrum restitutionis auxiliũ repe-  
tere potest.* suprà, eodem. vbi plenius scripsi.

Aut sese oneri, quod non suscipere licuit,  
obligauerint. ] Vt si maior viginti annis minora-  
men vigintiquinque temerè auditorium receperit,  
& cognitionem causæ tanquam arbiter, succurren-  
dum ei est ex lege Iulia. vt scribit Callistra. in l. cũ  
lege. in fi. ff. de recep. arbitr. Idem, si legatum accepe-  
rit, vt manumitteret seruum, qui pluris erat, quàm  
legatum, tunc etiam succurri vult Furnius Valen-  
tius, in l. si minor vigintiquinque annis seruum. suprà,  
eod. & idem omnibus in aliis casibus, in quibus obli-  
gatur ad aliquod onus, quod suscipere non teneba-  
tur, & poterat illud onus recusare, tunc restituendus  
erit, vt hîc dẽpto vxoris onere, de quo superius scri-  
psi. Addendũ etiam (cũ intersit illum minorem li-  
tibus & sumptibus non vexari) esse restituendum. l.  
minoribus. suprà, eodem. vbi dixi.

*Onus quod  
minor non  
debeat sus-  
cipere.*

Etiã cũ diminuitur aliquid de bonis minoris,  
d. l. minoribus. suprà, eodem. & generaliter dicẽdum  
est minoribus ratione ætatis succurrendum, vbi mi-  
seratio ætatis hoc exposcit. l. auxilium. suprà, eodem.  
In hoc text. probatur melius quàm alibi, quando mi-  
nor sit restituendus, vel an sit restituendus, & Ias. di-  
cit non esse restituendũ, si vnum ex his, quæ iam di-  
cta sunt, non insit, in consi. 63. Per reformationem. in  
2. quæst. volum. 3.

*De eodem.*



LEX XLV. CALLISTRATVS LIB. I.  
EDICTI MONITORII.



Tiam ei, qui priusquam nascere-  
tur, vsumcaptum amisit, restituē-  
dam actionem Labeo scribit.

*Prescri-  
ptio contra  
minore, &  
posthumū.*

**E**X hoc tex. patet contra minorem, imò etiam contra non natum currere præscriptionem, & hoc intelligatis de iure Digestorum, siue cœpta esset siue non, quicquid dicant Doctores, sed si præscriptio complebatur in persona minoris, eo quòd per completum præscriptionis is ipse lædebatur, ob id restitui poterat, secus si præscriptio esset cōpleta tempore prædecessoris, vt plenè explicauit in l. Aemilius. suprā, eodem.

De iure autem Codicis non currit præscriptio contra minorem, siue cœpta fuerit contra maiorem, siue non, per l. si. C. in quibus caus. in integr. restit. non est necessa. vt abundè scripsi in d. l. si. siue fuerit præscriptio introducta per statuta, ordinationes, aut aliter, quia nulla præscriptio regulariter eo iure currit contra minorem, quicquid dicant Bar. & ceteri, nec refragatur quod nihil gestū sit cum minore, & edictum Prætoris dicit, *Quod cum minore gestum est*. l. j. suprā, eodem. Respondeo, satis gestum est cum minore, quando contra eum est præscriptum: nam amisit, quod habuit, & id sufficit, vt restituendus sit. l. non omnia. suprā, eodem. & edictum Prætoris non dicit, *quod gessit minor, sed quod cum minore gestum est* impersonaliter, idèd à quocunque gestum fuerit, minor restituetur, & ita probat l. ait Prætor. suprā, eod. ibi, *Gestum sic accipimus, qualitercunque siue cōtractus, siue quid aliud contingat*. l. in causā. prima. §. interdū. suprā, eodem. & idèd cessant difficultates gloss. & Doctores. hīc, fusiùs tamen ista tractauit in l. Aemilius. suprā, eodem, ibi videri poterit: nam ista lex ampliat & declarat edictum Prætoris, habere etiam locum in posthumo, qui si lædatur, cū pro nato habeatur, l. qui in vtero. ff. de sta. ho. poterit natus restitui, & sic non est tam mirabile, sicut dicit Ias. in l. cū filiusfamilias. §. in hac. col. 2. ff. de verb. oblig.

§. Imperator Titius Antonius rescripsit, eum, qui fraude tutoris aduersarium suum diceret absolutum, & agere cum eo ex integro vellet, licentiam habere prius cum tutore agere.

*Fraus tuto-  
ris nō nocet  
minori.*

**E**X hoc tex. colligitur, minorē posse restitui contra eū, qui fuit absolutus fraude tutoris, & super hoc facio casus sequētes. Primus si tutor petebat domum pupilli, non probauit per fraudem pupilli esse, ob id reus absolutus fuit. Dicit iste tex. posse minorē ex integro agere contra aduersarium ad domum, nec poterit obiici illi exceptio rei iudicatæ, quia ab illa restitutus fuit minor.

Secundus casus, potest minor post absolutionis sententiā agere cum tutoribus, vel curatoribus, qui per fraudem, passi sunt minorē succumbere, vt hīc, quia ij deliquerunt, fraudem adhibendo.

*Fauore li-  
tium pupillis  
succurri-  
tur.*

Tertius casus, si tutores, vel curatores passi sunt triennium elabi, & sic instantiam esse preceptam, nempe fauore litium introductum est, vt agatur cō-

tra tutores, vel curatores, aut contra hæredes, vel fideiussores eorum, vt id, quod interest pupillis refundatur, sed si nō sufficiat pupillis tutorum, & aliorum substantia, tunc in quo fuerunt detrimentum perpe- si, restitutionis auxilium eis superest. l. properandum. in fin. C. de iudic.

Quartus casus, quandiu primus emptor. soluēdo est, agere minor contra eum debet, & postea contra alium. l. in causā. prima. §. interdum. cum l. seq. suprā, eodem. quia minor cum eo & gessit & contraxit.

Quintus casus, datur electio minoribus, vt agant, vel contra tutores, vel curatores, seu cōtrahentes, aut bonorum possessores. l. si. C. si tutor vel cura. interue. & hīc, dum dicit, licentiam habere, prius cum tutore agere. Nam verbum, licentia, liberam voluntatem & potestatem denotat. l. imperium. in fi. ff. de iuris. om. iud. l. fructuarij. si vsusfru. petat. l. si actor. de Procura. De hoc abundè scripsi in l. licet inter gesta. ff. de verbo. signi. & hodie hoc iure vtimur, vt dixi in l. sed vbi. suprā, eodem. & vide quæ scripsi in l. in causā. 2. suprā, eodem. Et quia potius interest agere contra rei possessorem, quā cōtra tutorem qui fortè est peruersus, & litigator, ob id eligat minor cōtra quem agere velit (vel etiam contra vtrumque experiri proponat) & vno electo, nō præiudicat sibi, quominus possit agere contra alium, in eo quod non potuit obtinere contra primum. d. l. si. & l. si minoris. ff. de admi. tutor.

LEX XLVI. PAVLVS LIB. II.  
RESPONSORVM.



**U**m, qui ex sua volūtate minorem annis in iudicio defendit, & condemnatus est, ex causa iudicati posse conueniri: nec eius, quem defendit, ætatem ad restitutionem impetrandam ei prodesse: cū causam iudicati recusare nō possit. Ex quo apparet, nec eum, cuius nomine condemnatus est, auxilium restitutionis propter eam sententiam implorare posse.

**I**sta lex duo decidit. Primum est, vt defensor minoris, qui sine mandato, & sua voluntate defendit minorem, si condemnatus fuerit, non poterit actione iudicati cōueniri, nec quidem restitutionem poterit etiam impetrare propter ætatem alterius.

*Maior pro-  
pter ætate  
minoris nō  
restituatur.*

Secundum est, quòd minor non poterit quidem restitutionem suo nomine impetrare contra victorē, quia ei non tenetur, sed defensor: nam dicit Vlpia. *Sed & si defensor meus satis dederit, in me ex stipulatu actio non datur, quia nec iudicati nomine agi potest*. l. si Procurator meus. in fi. ff. de Procu.

Et sic ex hoc tex. colligitur minorem non posse restitui, si defensor cōdemnatus sit, quia vltro se obtulit, & sibi imputer. Idem etiam ait Vlpia. si quis se liti obtulerit, in ipsum actio dabitur. Obtulisse autē videbitur se liti, qui iudicio pro domino se obtulit, ergo tutor, vel curator in eadem cōditione non sunt, nec Procurator. l. iij. ff. de re iudic.

*Offerre se  
liti, quis di-  
catur.*

Limitatur, quādo defensor bene gesserit: nā eo casu minor teneretur, & sic (si læsus esset) posset restitui.

liam



liam tamen. §. in hac. 2. ff. iudica. solui. l. si pupilli. de nego. gest.

Si verò Procurator fuerit condemnatus nomine minoris, & eò læsus sit minor, restituatur. l. cū mandato. §. sin autē. suprā, eodem. l. si minor. de Procura.

Idem, si tutor vel curator fuerit nomine minoris condemnatus: nam tunc teneretur minor, ne officia sint eis damnosa, quod esse non debet. l. sed si quis. ff. quemadmo. testa. aperiant, & hoc modo restituere- tur minor. l. & cū minores. C. si aduersus rem iudica. alia scripsi in l. iij. §. sed vtrum. & l. cum manda- to. suprā, eodem.

LEX XLVII. SCAEVOLA LIB. I.  
RESPONSORVM.



Vt or vrgētibus creditoribus, rem pupilli bona fide vēdidit, denun- tiantē tamen matre emptoribus, quæro, cū vrgentibus creditoribus di- stracta sit, nec de sordibus tutoris meritò quidpiam dici possit, an pupillus in inte- grum restitui potest? Respondi, cognita causa æstimandum: nec idcirco, si iustum sit restitui, denegādum id auxilium, quòd tutor delicto vacaret.

*Dubitatio  
ad legem.*

**D**ubitatio huius legis erat, quia tutor vendidit rem pupillarem iustè, utpote, quia vrgebat æs alienum, & tunc res minoris iure vendi potest. l. magis puto. §. ne passim. ff. de rebus eo. item bona fide vendidit, & res bona fide vēdita propter minimam causam inempta fieri non debet. l. res. ff. de contrah. emp. Ad hæc non accedebāt sordes tutoris, ergo mi- nor nō poterat restitui, sed cōtrariū statuit hīc Sca- uola, si iustum iudici videatur, & causa cognita. Et sic vult, vt minor non simpliciter restituatur, sed cau- sa cognita, videlicet si videatur iudici minorē læsum fuisse, quia minoris fuit res adolescentis vendita, quā esset, tunc restitui minor poterit, & non est ei dene- gandum auxilium restitutionis, licet delicto tutor careat, vel vacaret delicto, vt quidam in tex. habent, alij, caret. Etiam denuntiatio matris potest inducere quemquam ad restitutionem: nam nemo debet ac- cedere ad emptionem rerum pupillarium, nec qui- dem si bona fide distraherentur. l. & si sine. vers. cate- rum. suprā, eodem. tamen si iure venditæ sint, valet quidem alienario, sed non idēd minus, minor hoc casu restituendus erit.

Duo ergo colliguntur hīc. Primum, minorem re- stituendum, etiam si contractus fuerit bona fide ini- tus, nec enim, vt dicit rex. denegandum est auxilium minori, quòd tutor delicto vacet, seu careat, sed suf- ficit eum minorem læsum sua facilitate, vt sæpius su- perius dictum fuit.

Secundum est, quòd denuntiatio matris facta eis, qui tenere volebant res minorum, non cōstituit eos in mala fide, sed refragatur l. si fundū. C. de rei ven- di. vbi denuntiatio facta, ne quis emat, facit malæfi- dei emptorem, sed hoc verum est vbi denuntiatio erat facta à domino, hīc verò à matre, quæ ius denū- tiandi non habebat, sed ad tutorem spectabat, qui

loco domini est. l. qui fundum. §. si tutor. ff. pro em- pto. & denuntiatio facta ab his, quorum interest, fa- cit aliquem malæfidei possessorem. l. ait Prætor. §. si quis particeps. ff. quæ in fraudē cred. de hac denun- tiatione alibi dixi, his nunc contentus ero, postquam reiecerō te ad Bar. & ad alios in l. nō solūm. §. mor- te. ff. de no. oper. nuntia. & Francif. de Ripa in c. cū M. nu. 160. vers. Octaua conclusio. de Consti.

§. Curator adolescentium prædia com- munia sibi & his, quorum curam admini- strabat, vendidit, quæro si decreto Præto- ris adolescentes in integrum restituti fue- rint, an eatenus venditio rescindenda sit, quatenus adolescentium pro parte fundus communis fuit. Respondi eatenus rescin- di, nisi si emptor à toto contractu velit di- scedi, quòd partem empturus non esset.

**H**ic §. decidit no. casum, vt si cōmunis, cum cu- ratore, fundus minoris venditus fuerit, & de- mum minor restituatur, venditio rescindetur pro parte tantūm minoris, & non pro alia parte maioris, nisi emptor à toto contractu discedere voluerit, eo quòd partem non emisset.

Ex hoc text. colligitur venditionem vno pretio factam posse rescindi pro parte, quod tamen sit spe- ciali quodam iure, videlicet per restitutionem, licet aliàs regulariter, secus si vno pretio facta sit vendi- tio. l. quod si vno. ff. de in diem adiectio.

*Ius restitu-  
tionis.*

Adhæc si ita contractum fuerit, vt partem nollet quis emere, tunc in totū rescindetur, d. l. quod si vno. vel si emptor non emisset partem, vt hīc, & præsu- mitur, quòd emptor non accepisset partem. l. si quis aliam. de solu. & sic puto standum suo iuramento in hoc, arg. l. thesaurus. ff. ad exhibēd. quia de volunta- te sua & animo agitur, & tunc iuramento partis sta- tur. c. vt circa. in fi. & c. nulli. in fi. de elec. in 6. gloss. in §. sed iste. de actio. in Insti. & probabitur per indicia & coniecturas, sicut dicitur de dolo. in l. dolum. C. de dolo.

*Iuramento  
partis quā-  
do siādum  
sit.*

Sed si plures venditæ res fuerint, & pro qualibet constitutum sit pretium, plures erunt venditiones. l. cū eiusdem & l. si plura. ff. de ædil. edic. Corfe. in singul. incipien. Vēditio. & qualibet poterit retrahi, vel super ea disponi, si verò pretium vnum pro om- nibus statutum fuerit, regulariter vna venditio dice- tur, dummodò faciliè res separari non possint, vt in pari mularum, vel bouum: nam si vnus bos, vel mula vitiosa sit, redhiberi vtrumque debet, l. ædiles. 2. §. si fortè. ff. de ædil. edic. quia cum vno boue arare non posset, & ad arandum, vnum bouem tantūm non emisset. l. si rem tibi. §. si cū vnū bouem. ff. de præ- scrip. verbis.

Si tamen in pluribus rebus manifestum sit, non nisi omnes quem empturum, vel venditurum fuisse, tunc etiam, si in singula capita pretium constitutum fuerit, vna emptio erit. l. cū eiusdē. ff. de ædil. edic.

Idem censuit senatus in reditu, vt non possit ab vno redimi pro parte, nisi totus redimatur, ita fuit di- ctum die 8. Februarij, anno 1546. in magna classe, cōtra vnum hæredem testatricis cuiusdam quæ reliquerat Ecclesiæ pro anima, tres modios frumenti,

*Reditus  
pro parte  
non potest  
redimi.*

quos

*Emptio re-  
rum pupil-  
larium.*



quos volebat posse redimi pro trecentis libris, & vnus ex tribus hæredibus, offerebat centum, sed reiectus fuit, nisi omnes redimeret illud totum. per iura suprâ adducta, alia dixi in l. etiam prima. §. primo. suprâ, eodem.

§. Item quæro, emptor vtrum à Seio & Sempronio pupillis pretium cum vsuris recipere deberet, an verò ab hærede curatoris. Respondi hæredes quidem curatoris teneri: verum in Seium & Sempronium pro parte qua eorum fundus fuit, actiones dandas: vtrique si ad eos accepta pecunia pro eadem parte peruenisset.

*Species facti.*

**P**One Seium & Sempronium pupillos, & sic impuberes, vendidisse, cum autoritate tutoris, & iure, Titio fundum communem cum curatore, postea mortuo curatore restituti sunt pupilli, vt partem fundi recuperarent, ipsi tenentur restituere pretium. Quæsitum est, an vsuras pretij accepti restituere similiter teneantur? Et tex. respondet teneri, vnde si emptor vult totam restituere rem, & hæredes curatoris, & ipsi hæredi, vsuras restituere tenentur singuli, pro cuiuslibet parte: nam postquam emptor ad fructus fundi tenetur, sic & emptores ad vsuras pretij, vt dictum fuit in l. quod si minor. §. restitutio. & l. patri. §. prædium. suprâ, eodem.

Gloss. in verbo, pupillis, exponit pro adolescentibus, quia pupillo, id est, impuberi non datur curator, sed tutor. gloss. multa præfagiendo dicit. Ego putare curatorem etiam dari pupillo hoc iure. l. iij. §. liberti. ff. de suspectis tutoribus. vnde Pompo. ait, *Solet etiam curator dari aliquando tutorem habenti, qui magis administrator rerum, quam curator esse intelligitur.* l. solet. ff. de tutel. & in Pandec. Flor. est verbum, adolescentibus, non, pupillis, & ita cessant difficultates.

Ex hoc tex. colligitur non esse plus deferendum minori, quam maiori, dum restituitur: nam Prætor ei fauet, vt restituat eum in pristinum statum, attamen ipse tenetur restituere pretium acceptum ab emptore, & sicut emptor fructus restituit, ita & pretij vsuras minor restituere tenetur. l. patri. §. prædium. suprâ, eodem. vbi dixi nos hoc iure non vti: nam emptor lucratur fructus rei, & minor vsuras pretij non reperit, & sic fit hodie in iudiciis compensatio istorum, quæ vidi semper ita seruari in curiis Franciæ, quia regulariter restitutionem facere vult (vt debet) Princeps, scilicet sine iniuria alicuius. l. ij. §. meritò. ff. ne quid in loco publ. fiat. c. quauis. de rescrip. lib. 6. Lucas de Penna in l. vnica. C. de his qui in exilium dati. libr. io.

LEX XLVIII. PAVLVS LIB. I.  
SENTENTIARVM.

**M**inor se in id, quod fideiussit vel mandauit, in integrum restituendo, reum principalem non liberat.

**I**sta lex est facilis, & tria tollit dubia. Primum est, si minor pro aliquo fideiussit, vel mandauerit

credi pecuniam alteri, & in integrum restitutus fuerit, an liberatus sit reus principalis? Quod videbatur, cum vnum sit debitum, sed tamen contrarium hic decidit Paulus, quia ista separata sunt: potest enim esse principale debitum sine fideiussione, sed non fideiussio sine principali debito. l. generaliter. & l. Græcè. ff. de fideiussor. etiam si accessoria obligatio sublata sit, non ob id & principalis. l. cum principalis. ff. de reg. iuris. quoniam debito liberato, per consequentiam ipse quoque fideiussor dimittitur, sed non contra. l. si fideiussor. suprâ, de dolo.

Et notanda est phrasys Iuriscōsul. ibi, se restituendo, quod minor dicitur se restituere, quando procurat, vt restituatur, & restitutio illius non prodest fideiussori, vel ei pro quo mandauit, quod limitat Accurs. quando in rem suam fideiussisset, vel mandasset, vt pote, domum vel equum sibi emi, vt fuit dictum in l. in causâ. prima. suprâ, eodem. & si dolo minoris hoc factum fuerit, ille dolus non proderit. l. itaque. in fin. de dolo.

§. Minor ancillam vendidit, si eam emptor manumiserit, ob hoc in integrum restitui non poterit: sed aduersus emptorem quanti sua interest actionem habebit.

**T**ollit dubium iam decisum in l. si ex causa. in fi. suprâ, eodē. vbi Vlpia. dicit, Aduersus libertatem quoque minori à Prætoris subueniri impossibile est. Vnde si minor vendidit ancillam, & emptor eam manumiserit, restitui non poterit, vt ancilla in seruitutem redigatur, quod quidem fit fauore libertatis, sed aduersus emptorem, qui minorem decepit in illa venditione ancillæ, poterit minor agere quantum sua interest, & hoc dicit gloss. quando interuenit circumuentio, non aliàs. l. si res. §. primo. ff. de iure dot. vel si dolo manumiserit, quia sciebat minorem velle eam petere, aliàs quasi mortua esset ancilla, liberatus erit emptor. l. si mihi alienum. ff. de solu. nec refragatur l. si is cui mortis causa seruus donatus est, eum manumiserit, tenetur conditione in pretium serui, quoniam scit id sibi condici posse, si conualuerit donator. ff. de donat. causa mortis. per quem text. Iacobi. & Alber. dicunt emptorem videri esse in dolo manumittendo, quia sciebat minorem restitui posse. Respondeo, contrarium est in donatario causa mortis, & in emptore, quia donatarius non habet rei dominium, nisi post mortem: nam donatio hæc morte confirmatur. l. cum hic status. ff. de dona. inter virum & vxor. at in emptorem, traditione facta statim translatus est dominium, §. primo. & 2. de emprio. & venditio. in Insti. ideò hic donatarius non poterat hanc manumittere, quia adhuc ancilla non erat eius, sed in emptore diuersum est, nec debebat existimare minorem velle restitui post datam libertatem seruo suo, quia patri suo (fortè) & sibi tam egregie seruierat, argumēto l. inter. §. sacram. ff. de verb. oblig. & quia ipse emptor rem emerat iusto pretio, ideò in bona fide erat, quod non potest esse donatarius causa mortis, nec quicquam facit l. in causâ. §. Pompo. suprâ, eodem. quamuis ipsi ad suam velint trahere sententiam.

*Obiectionis solutio.*

Et puto dandam minori actionem in factum facta restitutione, vel ex edicto Prætoris, sed in Francia impetrat minor literas, quæ si comprobata fuerint à iudice, in factum, iudicati actio dabitur.

§. Mulier

*Fideiussore liberato, non liberatur reus.*



## §. Mulier minor vigintiquinque, &amp;c.

LEX L. POMPONIVS LIB. IX.

ἐπιστολῶν.

*Mulier læsa in pacto restitutionis dotis.*

**T**ollit dubium, si mulier pacta fuerit dotem sibi restitui post tres annos, & tamen annua, bima, tertia die restitui dos debebat, id est, primo anno tertia pars, & 2. altera: reliqua, anno tertio (& in hoc conditio dotis facta est deterior) an mulier restitui possit, ut reuocetur pactum? Respondet text. posse, etiam si tale pactum fecerit, quod nunquam maioris ætatis facta, paciscetur pro dote, & sic quod non reuocabit primum pactum, quo dotis conditio deterior facta fuit: nam in eo dicitur læsa, eo quod non potest pacisci contra primum pactum: nam per vltimū derogaretur primo. l. si vnus. §. pactus. ff. de pact.

Duo ergo ex hoc tex. colliguntur, primum, mulierem posse restitui, quando dotis conditio facta est deterior, ut abundè dixi in l. si ex causa. §. dotis. supra, eodem.

Secundum, minorem restituendum esse contra pactum, quo læsus est, si dictum fuerit non posse aliter pacisci: nam eo dicitur læsus, idè restituetur, ut illud pactum reuocetur, & de his clausulis derogatoriis tractat Bar. in l. si quis. in prin. ff. de lega. 3.

LEX XLIX. ULPIANVS LIB. XXV.  
AD EDICTVM.

**S**i res pupillaris vel adolescētis distracta fuerit, quam lex distrahi non prohibet: venditio quidem valet, verumtamen si grande damnum pupilli vel adolescentis versatur (etiam si collusio nō intercessit) distractio per in integrum restitutionem reuocatur.

**C**ertum est prædia vrbana, vel rustica pupilli prohibita esse alienari, nisi ut id fieret, parentes testamēto, vel codicillis cauerint: vel fortè æs alienū, (quod ex aliis rebus non possit exolui) adsit. l. prima. & l. magis. & per totū. ff. de rebus eorum. Ergo hoc iure res mobiles minorum non erant prohibita alienari, licet secus de iure Cod. ut in l. lex quæ tutores. C. de admi. tutor. vnde ista lex intelligi potest, ut si res pupilli mobiles, quæ non prohibentur hoc iure distrahi, vendita sint, valebit venditio, tamen si in illarum venditione minor grande damnum sentiat, restitui poterit, & distractio, per in integrum restitutionem, reuocabitur, etiam si collusio, vel fraus, in venditione nō intercesserit, quia magnum damnum facit, ut retractetur venditio, & sic per istum tex. patet, minorem non restitui ad res mobiles, non prohibitas vendi, nisi grande damnum interuenerit, quia possessio rerum mobiliū vilis & abiecta est. l. si rem. ff. de acqui. posse. & in his non curatur de modico. l. scio. de in integ. restit. & maximè quia hoc tendit in præiudicium emptionis factæ autoritate iudicis, idè non facile reuocari debet, sed sumendo argumentum à contrario, in rebus prohibitis alienari, ut in immobilibus, etiam si non grande damnum interuenerit, competit minori restitutio, nisi autoritate, & decreto iudicis, et res distracta fuerint. l. si ex causa. supra, eodem. vbi alia scripsi, & ibi videri possunt, ne plura.

*Venditio rerum mobilium minoris de iure C. nō valet.*

**V**nus Diophantus Pomponio suo salutem. Minor vigintiquinque annis nouandi animo intercessit pro eo, qui temporali actione tenebatur, tunc cum adhuc supererant decem dies: & postea in integrum restitutus est, utrū restitutio, quæ creditori aduersus priorem debitorem datur, decem dierum sit, an plenior? Ego didici ex tempore in integrum restitutionis tantundem temporis præstandum, quantum supererat, tu quid de eo putas, velim rescribas. Respondit, sine dubio, quod de temporali actione, in qua, &c.

**I**sta est lex vltima, in qua Iunius interrogat per Epistolā Pompo. de minore, qui fideiussit in actione temporali ante decem dies, quam finiretur illa actio, an si finito actionis tempore restituatur minor aduersus priorem debitorem, pro quo fideiussit, an etiam & ipsi creditori decem dies restitui debeant, qui supererant tempore fideiussionis, & hoc verius esse respondet Pompo. Idè si prior debitor dederit pignus, illud etiam manet obligatū, sicut antea erat, antequam minor fideiuberet.

Itaque si quis vendiderit vitiosum equum, debet emptor intra sex menses redhibitoria agere, vel quantò minoris, intra annum. l. ij. C. de edil. actio. volebat quidem emptor ante decem dies, quam finiretur altera actio, agere, at minor intercessit pro venditore animo nouandi, postea finito tempore, minor restituitur, & sic non tenetur ipse, sed dubitatur nunquid venditori restituentur illi decem dies, quibus poterat agere ante minoris fideiussionem, & hic Iurisconsult. ait, verius esse, quia si minor restituatur, restitui etiam debet aduersarius eius, ut dictum fuit in l. quod si minor. §. restitutio. supra, eodem. Idè iustum est, ut omnia in pristinum statum deducantur, in quo erant tempore, quo is minor se obligauit.

Et sic colligitur, quod si minor restituatur contra suam obligationem, restituitur & creditor in veterem suam obligationem, alioqui non esset plena restitutio, ut habetur in d. §. restitutio.

Hoc verum, nisi in fraudem creditorum, hoc factum fuerit, l. si Titius, in fine. ff. de fideiuss. tunc censetur indignus propter fraudem commissam, ne ex sua fraude emolumentum sentiat. l. itaque. ff. de dolo. nam restitutio in integrum concessa minori non prodest aduersario, si dolo aduersarij læsio intercesserit. tex. sing. in l. qui res. §. huic applicatur. ff. de solu.

Intelligimus minorem teneri ex sua intercessionem, utpote autoritate tutoris, vel curatoris facta, vel fortè erat adolescens, iuxta ætatem maiorem, & non habebat curatorem, & sic valuit sua intercessio. l. si curatorem. C. de in integ. resti. nam & alia multa potest minor facere sine tutore, & curatore quæ scribit Alberic. in tractatu statutorum, in 4. part. q. 90. Dominus Hubertus. Laus Deo, & Beatæ Virgini Mariæ.

F I N I S.

*Restitutio debet plena esse.**Lesio dolo aduersarij cōtingens.*









# NOVVS ET VTILIS

## INTELLECTVS AD L. SI DEBITORI,

DE IVDICIIS, A D. P. REBUFFO, DE

Monte-pestulano Iurium Doctore & Comite,

magno auditorum concursu applausuq;

subtili ac docto dicendi & disle-

rendi genere, explica-  
tus Tholosæ.

\* \*



**L**lumina Domine seruum tuum, & doce me iustificationes tuas, ut quæ dicam veritati & iustitiæ consona sint.

**A**ggredior hanc l. si debitori. ff. de iudic. quæ licet in tex. videatur facilis: mea tamen sententia fuit nostris interpretibus difficillima, ab eisque (ut arbitror) perperam intellecta: ita ut in sole caligare dicantur, quod ut facilius intelligi possit, singula legis verba breuiter enucleabo.

### S V M M A R I A.

- 1 Debitori alieno, suo nomine, actio non edenda. Restrigitur. ibidem.
- 2 Velle non dicuntur, stultus & furiosus, & id genus homines.
- 3 Sententia in confessum valet, etiam super libello inepto.
- 4 Etiam omisso ordine iudicij.
- 5 Recollectio testium quando facienda.
- 6 Executio sine sententia fit in confesso de crimine notorio.
- 7 Debitori condemnato & consentienti se paratum soluere, quando dilatio danda.
- 8 Preceptum in confessum ante litem contestatam, debet fieri à iudice ordinario.
- 9 Litigans usque ad finem causæ post appellationem motam, & vicissim appellationi cedens, quæ pena in Francia mulctetur.
- 10 Appellanti quando tempus ad soluendum non datur.
- 11 Tempus vendendi pignora quodnam sit.
- 12 Princeps, ut debitor nunquam soluat, non concedit.
- 13 Neque ut soluat per decem annos.

LEX XXI. VLPIANVS LIB. LXX.  
AD EDICTVM.



**S**I DEBITORIME VELIM ACTIONEM EDERE, PROBANDUM ERIT: SI FATEATUR SE DEBERE, PARATUMQUE SE DICAT SOLUERE: AUDIENDUM EUM, DANDUMQUE DIEM CUM COMPETENTI CAUTELA AD SOLVENDAM PECUNIAM, NEQUE ENIM DAMNUM MAGNUM EST IN MORA MODICI TEMPORIS. MODICUM AUTEM TEMPUS HIC INTELLIGENDUM EST, QUOD POST CONDEMNATIONEM REI INDULTUM EST.

*Dictio, Si, quid importet.*

**S**I.] Primum omnium in hac lege est dictio, si, quæ propriè facit conditionem, gloss. in l. prima. ff. de conditio. & demonstra. l. secunda. C. de condit. insert. omitto multa quæ docet Alber. in verb. si. & an differant si, & cum, Bart. & alij post eum, tradunt, in l. Titia textores. §. primo. ff. de legat. primo. cum aliis, quæ nunc missa facio, cum multa scribat Bonifac. in clement. prima. colum. secunda. de præbend. & quia accinctus sum itineri, non possum longiora de hoc verbo dicere.

**Debitori.]** Subsequitur postea in hac lege verb. debitori, certum est quod debitor est is, à quo inuito exigì pecunia potest. l. debitor. ff. de verbor. signific. vbi scripsi. Ergo hæc lex non habet locum in debitore conditionali, vel in diē, cum eis ante diem actionem non possim edere: nec possit exigì pecunia ab eis ante conditionem, vel diem: imò volens ab illis exigere non obtineret, sed duplicarentur induciæ temporis restantis in obligatione in diem. per §. hodie. Instit. de except. & l. iustas. C. de iure fisci. lib. 10. licet hoc in praxi non seruetur: sed ad impensas plus petens condemnari solet, deinde etiam quia appellatione debitoris, non venit debitor conditionalis l. creditores. vbi plenius scripsi. ff. de verborum signific. gloss. in l. prima. §. non solum. ff. ut lega. seu fideicom. seruan. causa caueat. & in §. sub conditione. Instit. de

*Debitoris nomine, quid significetur.*



verborum obligat. Bart. & alij in l. prima. in fin. ff. si cert. petat.

**I** Meo.] Ideò dicit text. quia alieno debitori non possum meo nomine actionem edere, nec illum conuenire, cum non sit mihi debitor: nisi iure cesso agerem, vt in l. tertia. C. de noua. & delega. vel procuratorio, vt per totum titulum de Procurato. vel si essem coniunctus. per l. exigendi. C. de procurat. & in aliis casibus à iure expressis. sed iste text. loquitur de meo debitore, vt patet hic.

Velim.] Dicit quia nemo inuitus agere, vel accusare compellitur, C. vt nemo inuitus agere vel accus. exceptis quibusdam casibus ibidem descriptis.

**I** Intelligite, si velim & possim: nam infans, stultus, furiosus, & id genus homines non dicuntur propriè velle: quia duo sunt ex quibus humanorum actuum constat effectus, videlicet voluntas & potestas, quorum vnum si desit, nihil est quod explicari queat. Bald. in c. cum contingat. col. 4. numero 10. de iureiur. plenè scripsi de hoc in gl. subire voluerit. in §. primo. de collatio. in Concordat.

Actiōnem edere.] Is dicitur actionem edere, qui libellum offert. l. edita actio. C. de edēd. & etiam qui demonstrat qua actione experiri velit: vt reus sciat vtum cedere, an cōtendere vltra debeat. l. prima. ff. de edendo.

Aliquādo edere est componere aut facere, vt edere librum. Cicero de Diuinat. Vnū librum Diogenes edidit, eius auditor Antipater duos. vel, Edere nomen, est dare. Liuius ab vrbe condita, Vt redimendi potestas fieret, iussit nomina edere. Et aliis multis capitur modis, vt est videre per reuerēdissimum Cardinalem D. Adrianū, in suo libro de sermone Latino. & ego plenius in l. boues. §. si. ff. de verborum significat. scripsi.

Probandum erit.] Id est, approbandū, vel considerandum erit, si debitor fateatur se debere l. qui repudiantis. §. si. infra, de inoffi. testa. ibi nō idem probandum est. l. si finita. §. si fortè. ibi, probandum est, de damno infecti. l. ij. §. si non propter. ff. si quis cautio. l. si quis cum totum. §. fin. ff. de except. rei iudica. l. ait Prætor. §. præterea & seq. quæ in fraud. cred. ff. & Iurisconsult. sapius vtitur hoc verbo, probandum, pro approbandum. l. prima. §. si quis simpliciter. ff. de verborum obligatio. l. prima. quando appell. sit. in fin. princip. & alia iura notaui, quæ omitto, nec est intelligendus hic text. quod is, qui fatetur se debere, probare debeat: nec contra eum est probandum, postquam fatetur: quia nullæ sunt partes iudicis in confesso, nisi in condemnando. l. proinde. §. si. ff. ad leg. Aquil. Hvppol. sing. 201. & vbi reus fatetur se debere, nō est opus iudicio. l. si reus. ff. de procurat. Et alibi dicitur valere sententiā latam in confesso, iudicio etiam minus legitimè instituto, vel super libello inepto, cap. Pisanis. de restit. spoliato. vbi etiam Inno. & Panor. plenè tradunt, & Iacob. hic refert. quia vbi habemus confessionem, non curamus de ineptitudine libelli, nec de ordine iudicij Bald. in l. ij. in fin. C. de re iud. & in l. prima. §. in initio. col. vlt. ff. de offic. Præf. vrb. per d. c. Pisanis. & ibi not. Panor. vlt. not. & Perus. inc. dilecto. col. 3. de appella. Et vbi confessio non est, ibi necessaria est disceptatio fori, quam iudicium vocamus, teste Bald. in rubr. de iudic. in fi. lecturæ primæ. & licet contestatio litis sit nulla: tamē confessio facta in illo processu remanet valida, Bald.

in auth. offeratur. col. vlt. C. de litis contestat. nam confessio non requirit tractum iudicij Innocent. in c. qualiter. 2. in fin. de accusa. Panor. in c. per inquisitionem. col. vlt. de electio. & in c. at si clerici. de iudiciis, licet regulariter per litis contestationem factam coram iudice incompetenti præscriptio non interrumpatur. l. si pater. C. ne de statu defunct. gloss. 2. & ibi Doctor. in cap. vt debitus. de appella. & idem asserit Bald. in d. l. si pater in citatione nulla. & Paul. in l. prima. in princ. ff. de feriis. & in processu nullo, ita concludit Bal. in auth. offeratur. col. vlt. C. de litis contestat. Dec. in d. c. vt debitus. colum. 3. tamen confessio, omisso ordine iudiciario, valet. cap. primo. de accusa. vbi Perus. & alij plenè notant, Panor. & alij in c. at si clerici. not. 2. de iudic. vbi plenè Barba. col. 4. & seq. & ideò notat ex hoc text. Doctor. quod si actor velit offerre libellum, & reus fateatur debitum, non erit tunc ordinariè procedendum: sed summarie & extraordinariè per viā præcepti, hoc tamē non probatur ex hoc text. vt inferiùs dicetur. Et quando reus confitetur ante litem contestatam, libello non oblato, tunc non fertur sententia definitiua: sed præceptū de soluendo fit confitenti. gl. in c. dudum. 2. de elect. & in cap. nos in quemquam. 1. quæst. 1. Si verò confessio fiat ad libellum post litem contestatam, tunc fertur sententia in confesum. Bart. & alij in l. vnica. C. de confess. Specul. in tit. de senten. §. species. vers. est quoque. in secunda parte. Et sola confessio sine præcepto (quod fit per viam cōtentiosæ iurisdictionis) non sufficeret. Aufer. in Decis. Tholos. qu. 350. Item an confesso, &c. quia non potest quis seipsum condemnare. l. vnica. C. ne quis in sua caus. iud. Panor. in c. ex parte. de confess. præceptum tamē à quo non fuit appellatum, impedit litis contestationem, sicut exceptio rei iudicatæ. c. primo. de lit. contestat. lib. 6. & Dom. de Rota in Decis. 541. Vtrum præceptum. in antiquis.

Intellige tamen supradicta in causa ciuili: nam confessio in causa criminali nō est sufficiens ad condemnandum cōfitemem, quando processus est nullus: sed recollectio testium debet fieri. gloss. in l. si filium. de libera. caus. C. Guido Papa Decis. Delphina. quæst. 120. Dominus. sed Bart. distinguit in l. si confessus ff. de custod. reor. & Angel. in tract. de malefic. in gl. comparent inquisiti. vers. Quæro an confessus, &c. plenius prosequuntur Doctor. in d. cap. at si clerici. de iud. c. vide Socin. consilio octauo. Visis. col. 3. volum. primo.

Etiam in criminalibus cōfessus est per sententiam condemnandus. d. l. si confessus. ff. de custod. reo. nisi crimen sit notorium: quia tunc ad executionem procedi potest, sine alia sententia. text. in l. istus fustium, & ibi gloss. ff. de his qui not. infra. Innocent. in c. ex parte. de verbor. signific. Aufer. Decis. Tholos. 350. Petrus de Bella Pert. quæst. 110. Tamen de consuetudine regni Franciæ, etiam si crimen sit notorium, requiritur condemnatio, vt semper vidi in forensi iudicio seruari.

Paratūmque se dicat.] Istum tex. notat sing. Roma. sing. 450. Tu habes. ad hoc quod licet condemnatus dicat se paratum soluere, tamen adhuc non perdit beneficium dilationis indultæ causa miserationis, quia indultum à lege beneficium nemini est auferendum. regula indultum. de regul. iur. libro sexto.

*Præscriptio quādo per litis contestationem non interruptatur.*

*Præceptū de soluendo, quando fiat, & quid operetur.*

*Cōdemnatio ex confessione in causa criminali.*

5

6

*Vt si forensis in Francia de confesso in criminalibus. Voluntas alius cuius secundum in interpretatione.*

Intellige

*Actus humani ex duobus constant.*

*Edere actionē quid sit.*

*Probandū nō est contra confesum.*

*Confessio nis effectus.*



*Dilatio de  
bitori quā-  
do non con-  
cedenda.*

8  
Index or-  
dinaris cō-  
stituit diē  
ad soluen-  
dum.

Delegati  
an possint  
viri præce-  
pto aduer-  
sus cōfitem-  
tescorā eis,  
ad soluen-  
dum.

ad solven-  
dum.

§.vt autem. versiculo, nunc dicamus. in 2. parte. præceptum cōcipi sic debere, Ego talis iudex, audita cōfessione tua præcipio tibi N. vt des & soluas, hinc ad decem dies, centū aureos solares, quos ex causa mutui te debere tali N. cōfessus es, &c. Vide ibidem per eum, Iudices nostri condemnant sequēdo rei confessionem, & ista est communis interpretum iuris sententia, cui non facilē acquiesco.

*Obiectio.*

*Solutio.*

*Eiusdē cō-*  
*firmitio.*

P. Rebuffi Lectura,



*Dilationes ad probandum quæ dantur.* paratum ad soluendum, saltem magis quam eum, qui litigauit vsque ad sententiam, quia nesciebat se debere, & sic nunquā decreuerat soluere, probat hoc per l. si. ff. de feriis. vbi auctori non dantur nisi due dilationes ad probandum, quia debet esse paratus, reo autem tres. facit l. purè. §. si. ff. de doli except.

*Obiectio.* Nec refragatur secundum eum, quod si lex præsumat eum paratū solutioni, ergo nullum terminū debet habere. vt l. debitoribus. ff. de re iud. & suprà dictum extitit, quia, respondet, quod lex non præsumit eum statim paratum solutioni, sed magis quam eum, qui litigauit: nam & si aliquis paratus sit, tamen non debet venire cum sacco paratus. l. ratum. & l. quod dicimus. ff. de solutionib.

*Authoris sententia Iasonis reprobatio.* Hæc solutio Ias. mihi non satisfacit. Primò, quia nullo iure probatur, quod lex præsumat cōfitemem esse paratum ad soluendum: nam multi cōfitemur, & tamen ne nummum quidem habent: sed habere sperant, vt experientia docet, & præsumere contra eum, qui bona fide agnoscit debitum, vt sit paratus, præberet materiam inficiādi, vt prolixius quis tempus haberet, & sic materiam delinquēdi, quod si lex hoc præsumeret, esset contra iura, quandoquidē tex. hic dicit, paratum se dicat, ergo lex nō præsumebat hoc, & quāuis in hoc tex. reus diceret se paratū, tamen adhuc debet dari tempus, vt hic patet, nec faciunt iura allegata per eum, qui loquuntur in auctore & reo, sed hic tantū in reo cōfitemente loquimur, qui bona fide, paratum se, dicit soluere.

**IO** Item post appellationem desertam, appellanti nō datur tempus ad soluendum, vt probat tex. in l. quoniam. in verb. mox. C. de appel. gl. in l. ij. in verb. executioni. de tempo. appel. Alex. consil. 61. Et si puto. in 3. voleo quod longo tempore litigauit.

*Authoris solutio.* Quare puto aliter hunc tex. intelligendum, videlicet vt tantum tempus dandum sit cōfitemi, quantum inficianti. per l. debitoribus. ff. de re iudic. ibi, *Hic, qui fatebuntur se debere, aut ex re iudicata necesse habebunt reddere, tempus ad soluendum detur.* Ecce ergo quomodo tam cōfitemes quāam condemnati ex re iudicata æquiparantur, & sic illud tempus, quod iudicatis datur & cōfitemibus dabitur: nam in lege xij. tab. tam confessis quāam iudicatis triginta dies assignati erant per hæc verba. *Aeris confessi, ebis que iure iudicatis, triginta dies in sti sunt: post acinde manus iniectio esto, inque ius ducito, in iudicatum faciat.* Et declarat Aulus Gellius lib. 20. c. primo, sic dicēs, Confessis igitur æris ac debiti iudicatis triginta dies sunt dati, conquirendæ pecuniæ causa, quam dissoluerent, eosque dies decemviri iustos appellauerunt, velut quoddam iustitium, id est, iuris inter eos quasi interpositionem quādam, & cessationem, quibus diebus nil cū his agi iure posset, post deinde, nisi dissoluerant, ad Prætorem vocabantur, & ab eo, a quo erāt iudicati, abducebantur, neruo quoque, aut compedibus vinciebantur, vide ibi reliqua. & Cxl. Rhod. antiq. le. lib. 7. c. 22. sed hodie quod tempus concedatur, dubitant quidam, gloss. tamen & Doctor. hic dicunt cōfitemi dādos decem dies. per l. promissor. §. primo. ff. de constitu. pecu. Ego verò puto arbitrio iudicis relinquendum, per istum tex. dicentem, dandum diem, videlicet per iudicem, & arbitrio suo. l. si legatum. ff. de oper. pub. & l. prima. ff. de iure delib. ran. hoc etiam probat hic Vlpianus, vbi interpretatur modicum tempus esse intelligendum, quod post

condemnationem reis indultum est, sed reis cōdemnatis indulgetur hodie tempus arbitrium: ergo & confessis. Hoc docet Vlpianus in l. certum. §. si. ff. de confess. ibi, *Confessi utique post confessionem tempora quasi ex causa iudicati habebunt.*

Item hoc suadet ex dicta l. debitoribus. ibi, *Aut tempus ad soluendum detur, quod sufficere pro facultate cuiusque videbitur.* & in l. ij. ff. de re iud. probat etiam bellissimè tex. in l. si domus. §. in pecunia. ff. de legat. primo. vbi sic dicitur, *In pecunia legata cōfitemi hæredi modicum tempus ad solutionem dandum est. nec urgendum ad suscipiendum iudicium, quod quidem tempus ex bono & æquo Prætorem obseruare oportebit.* & sic est arbitrium, facit lex si cūm dies. §. si. ff. de arbitr. & l. si quis libertatem. §. planè. ibi, modicum tempus. vbi glo. dicit, ad arbitrium suum. ff. de petitione hæreditatis. & sic cōfitemi datur tempus arbitrium ad soluendum, vnde cessant amaritudines supradictæ: nā iudex cōfitemi dare poterit vnū mensem ad soluendum, aut quatuor, vel aliud tempus pro qualitate personæ, debiti & quantitatis: sicut daret condemnato. & pro hoc est tex. formalis in l. certum. §. si. ff. de confess. vbi confessi utique post cōfessionem, tempora, quasi ex causa iudicati, habebunt: vnde dicunt Doctores hic & in d. l. certū. hoc esse de iure, sed de consuetudine decem tantū dies dantur. Ego dico consuetudinē in regno Fraciæ esse iuri conformem, aliās credere non valere: quia inuitaret ad litigandū, & sic ad delinquendum, contra l. iurisperitū. §. si paciscar. ff. de pact. & si iudex videat maiore inesse miserationem cōfitemi, maius tempus dabit, quāam litiganti, & ita cessabit contrarium.

Nec obest tex. in l. debitoribus. in fi. vbi, *duo menses dantur condemnato ad soluendum*, prout gloss. ibi & omnes Doctores firmāt, sed parcāt mihi, tot tātique doctissimi iuris interpretes: nam in hoc decipiuntur, cūm primò iudex debeat cōdemnare debitorem ad soluendum intra tempus arbitrandum per eum, intra quod si debitor non soluerit, capiuntur pignora. Quod si debitor is postea intra duos menses nō soluerit, vel pignora sua non redemerit, vendentur, & sic de iure Digestorum nullum tempus certū datur condemnatis ad soluendum, sed est in arbitrio iudicis, tempus tamen vēdendi pignora est certū, videlicet duo menses, per dictam l. debitoribus. & hic est sensus germanus ad hanc legem, & ad d. l. debitoribus. qui tamdiū fuit sepultus, vt vix eum à tenebris excutere potuerim Laus Deo Optimo Maximo.

Nec obstat l. a Diuo Pio. §. in vēditione. vbi pignora capta debēt mox distrahi. Respōdeo, secūdū Bar. & alios, ibidē illū text. debere intelligi mox, scilicet post duos mēses, vt nō corrigatur d. l. debitoribus.

Nec refragatur tex. in l. ij. ff. de re iud. vbi sic dicitur, *Qui pro tribunali cognoscit, non semper tempus iudicati seruat.* Ergo tempus est præstitutū. Respōdeo, quod iudex nō semper seruat tēpus iudicati, videlicet idē tēpus, quod tātū tēpus detur vni, quātū datur alteri, sed nōnunquā prorogat tēpus iudex pro causæ qualitate & quātitate, si enim magno numero pecuniarū agatur, prorogabit, coarctabit verò, si de paruo, vel de alimentis agatur, vel si pauperi dandū sit illud tempus prorogatum.

Nec obstat lex 4. si se nō obtulit. §. si quis cōdemnatus. illo tit. de re iud. vbi si iudex minore diem statuerit tempore legitimo, repletur ex lege, & sic datur hoc

*Tēpus arbitrium ad soluendum.*

*Verus ad d. l. debitoribus, intellectus.*

*Tēpus arbitrium ad soluendum.*

**II**

*Obiectio nis solutio.*

*Alia obiectio.*

*Responsio.*

*Antinomia eiusdem.*



Cōciliatio.

hoc iure tempus legitimum, aliàs non posset suppleri, quod virtute iudicis deest. Respondeo, si iudex cōdemnauerit debitorem ad soluendum mille aureos intra septē dies, ex lege suppletur ei tēpus, sed quod? Respondeo, illud quod iudex superior arbitrabitur, & sic licet à lege dicatur suppleri tempus, hoc intelligitur, si pars appellauerit ab illa termini coarctatione, aliàs nō. arg. c. cū secundū leges. de hāret. lib. 6.

Eiusdē cōfirmatio.

Intellige, vt per Panor. & alios in c. quod ad consultationem. de re iudicata, vbi dicunt suppleri, si sine causæ cognitione iudex abbreviauerit terminum quatuor mensiū, secus si cum causæ cognitione, imò vos intelligite, quod si pro quantitate, & qualitate causæ iudex non assignauerit competentem terminum, suppletur à superiore, vt superius dictum fuit.

Praxis Frācie de tempore ad soluendū arbitrario.

Et hoc recepit praxis regni Frācie, vt iudices prestituunt condemnatis ad soluendum tempus, quod arbitrantur, à quo potest pars, ex causæ qualitate & quantitate, si tempus nō sit sufficiens, & legitimum, appellare, si non appellauerit, nec soluerit intra tempus, per iudicem præstitutum, capientur pignora, & postea vendētur, nec expectātur, in practica hodierna, illi duo menses, sed pro stylo Curiarum: nam Parisiis expectantur septem dies, & postea pignora distrahuntur in loco publico, in aliis verò locis triduū, plus minūque temporis datur, secundū stylum Curiarum, nec debet intelligi text. quod iudex debeat prorogare ita demum, quando prius non assignauit tempus duorum mensium, aliàs non, quia in l. ij. hoc non dicitur, nec illa lex debet intelligi per illam l. debitoribus. postea sequentem. quia l. ij. est Vlpian. l. debitoribus, Callistrati, vel ibi loquitur de legitimo tempore vendendi pignora, & sic exequutionis, vt pote si iudex condemnauerit reum ad soluendum, intra mensem, & postea eo non soluente intra illud tempus, iudex exequi velit sententiā, & statim vendere pignora, non poterit, sed expectabit adhuc duos menses, antequam pignora vendat, & si iudex amplio rem numerum dederit in sua definitione, id est, in sua sententia, vt si condemnauit ad soluendum intra quatuor menses, tunc non poterit exequi sententiam statim post quatuor mēses, sed adhuc duos expectabit menses ad vendendum pignora, vt dictum est: nam illud tempus vendendorum pignorum est legitimum, id est, à lege datum & præstitutum.

Alia adhuc legē obiectio.

Nec me conturbat l. intra. ff. de re iud. vbi intra dies constitutos à iudice ad soluendū, non potest agi iudicati, quia spacium dierū datum à iudice ad soluendum, datur in fauorem rei, vt interim quærat sibi pecunias, & illud tempus à iudice datum dicitur per legem constitui in fauorem iudicatorum, & cōdemnatorum, non tamē debet intelligi, quod illud tempus constituatur à lege, sed per legem constituitur in fauorem iudicati, id est, per legem statuitur, quod in fauorem cōdemnati cedat. & ita debet ille tex. intelligi, idē intelligi debet l. ij. ff. de diuers. & temp. præscript. & ibi gl. vbi dicit in tempore constituto iudicatis, ergo est constitutum. Respondeo, esse constitutum, postquam iudex cōdemnauerit reum ad soluendum, sed antē non erat tempus certum constitutum à lege. l. tempus. ff. de re iud. l. prima. ff. iudic. sol. sed pro quantitate, vt in d. l. ij. & sic debet intelligi l. si cum exceptione. §. quatenus. ibi, Si intra tempora iudicationis moriatur. ff. quod metus causa, licet aliter Doctores intelligant. & l. in fideicommissi. in prin. de vsur.

Responsio.

ibi, legitimo tempore, quod condemnatis præstatur, nam tempus à iudice cōstitutum, dicitur legitimum tempus, quia est lege confirmatum. l. legitima. ff. de pact. dixi in l. lege. ff. de verbo. signifi.

Nec obstat tex. in l. si. §. si. C. de vsur. rei iudi. ibi, Et cum antiquitas pessimo exemplo reis quidem condemnatis laxamentum duorum mensium præstabat, quia ibi fortē nō intelligitur de antiquitate Digestorum, sed de alia antiqua iuris prudentia, de qua in §. sed cum antiquitas. Instit. de hāredita. quæ ab intesta. defer. & Doctores ibidem non declarant de qua antiquitate loquatur, nec allegāt legē Digestorum, & potuit ibi loqui de alio iure, quàm Digestorum.

Vel si intelligatur de antiquitate iuris Digestorū, possumus dicere, quod ius Digest. præbebat laxamentum duorum mensium condemnatis ad vendendum pignus, sed non ad soluendum, & sic concordabit cum isto textu. & hoc suadetur ex illo tex. dicente, condemnatis præstabat laxamentum duorum mensium, & sic non præstabat in cōdemnatione duos menses, quia tempuserat arbitrarium, sed ipsis condemnatis dabat duos menses ad luendum pignora pro executione rei iudicatæ capta, vel ad vendendum illa. facit quod scribit Paul. in l. j. ff. iudica. sol. sic qui stipulatione iudicatum solui post rem iudicatam statim dies cedit, sed exactio in tempus reo principali indultum differtur, ergo illud tempus datur à iudice reo ad soluendum, & non à lege, & exactio differtur tam rei, quàm eius fideiussoris & Procuratoris.

Præterea iura canonica dicunt quadrimestre cōdemnatis regulariter dari, nullum verbum dicunt quod duo darentur menses de iure Digestorum, vt patet in c. quod ad consultationem. de re iud. & illi textui dedi nouum intellectum vltra Doct. vide intellectus iuris canonici, facit c. quæretī. de officio delega. ergo non dabantur duo menses ad soluendū de iure Digestorū (nec me mouet l. ij. C. de vsur. rei iudic.) vbi vult cōdenatos ad vsurarū solutionē centesimarum cogendos post quatuor menses, sed inde non sequitur ante quatuor menses eos conueniri nō potuisse, quia creditori electio data erat vtrū mallet eos conuenire statim ad summam debitam, vel si lapsa quadrimestri die eos ad centesimas vsuras conuenire cuperet, vt ibi.

Item speciale est in fisco, vt in maioribus summis non plus, quàm tres menses, in minoribus verò non plus, quàm duo menses prorogentur. tex. in l. in fraudem. §. fiscalibus. ff. de iure fisci. Ergo in aliis hoc nō procedet, & sic habetis intellectum ad multas leges, ex quo patet quod de iure Digest. nullū tempus iudicatis, vel confessis certum dabatur ad soluendum, sed erat arbitrarium, verum ad luendum pignora capta pro rei iudicatæ executione, dabantur duo menses. d. l. debitoribus, & à quo tempore cōdenatus ad fructus teneatur, decidit Boer. Decis. Burdegal. quæ. 45. Quoniam per arrestum.

Cum comperenti cautela, &c.] Alibi idē dicit Iurisconsult. in l. Quāuis. ff. de pigno. act. Hic probatur debitore gratia (vt dicunt) miserationis compelli ad satisfaciendum, cum fideiussoribus, vel pignoribus de soluendo, adueniente termino: esset enim iniquum, si pendente dilatione debitor fugeret, & res suas forsan exportaret. l. si lōgius. §. primo. supra, eo. Ideo cum creditor non possit iudicati actione agere

Rursus alia ad eandem obiectio.

Solutio.

Alia responsio.

De eadem re.

Fisci praua gratia.



*Cautio, p̄dente dilatio, à debitorē faciendā.*  
 intra constitutum tempus. l. intra. ff. de re iud. ob id cauere tenetur, vt h̄c, & n̄li caueat, vel bonis cedat, potest capi & incarcerari secundum Bart. h̄c. quod est verum, quando laboraret inopia. Panor. in d. c. quod ad consultationē. nu. 22. vbi ad hoc dicit istū tex. singularem. Idem, si haberet dilationem anni, vel quinquennij à principe ad soluendum, præstabitur de iure, etiam tūc cautio. l. vniuersa. C. de precib. imperat. offerend. Panor. in d. c. quod ad cōsultationem. nu. 23. & post eum plenē Felin. col. 6. nu. 9. cum sequ. scripsi in tract. de dilatio. annalib. & quinquennialib. hodie cautionem non dari.

*Vsus forensis de cautione nō dāda.*

*Obiectio.*

*Solutio.*

Nec refragatur, quod nemo conuentus nomine proprio, satisfdare tenetur de iudicato soluendo. §. si. Instit. de satisfda. quia debet intelligi, lite pendente: secus si finita. Nam per sententiam finitur satisfdatio de iudicio fisti. tex. singularis in l. Gracē. §. & post litem. ff. de fideiussorib. idē lite finita habebit locum satisfdatio iudicatum solui.

Nec obstat l. in om̄ibus. infra, eodē. quæ loquitur in termino conuentionali, intra quem nō potest cogi debitor ad satisfdandum, nisi noua suspicionis causa superueniat. l. si creditores. ff. de priuileg. cred. quia est imputandum creditori, qui illam dedit dilationē, & sibi non cauit, secus in dilatioe legali, quæ gratia miserationis conceditur, cum detur præter voluntatē creditoris, & idē nihil potest sibi imputari. l. si cum militi. §. primo. ff. de compensa. facit l. si constante. §. quoties. ff. soluto matr. Hodie tamē in Francia, in forensi iudicio, seruatur, vt ista cautio non exigatur, siue dilatio detur iudicato, siue consenti, à iudice, siue à Principe: tunc enim solet describi in literis Regis moratoriis, quod recepta cautione tam ab impetratē, quam super hoc dare poterit, hoc modo, *Receitū caution dudiēt impetrāt, telle qu'il pourra dōner.*

Quæro, an obligato sub instrumēto, sigillo regio sigillato, vel garentigiatō, dentur decē dies, vel quatuor menses ad soluendum. Respond. Cum obligatio sit pura, statim poterit fieri executio, insequendo tamen consuetudinem regionis. Leum, qui calendis. ff. de verbo. obliga. Et quia in contractibus nō datur tempus, gratia miserationis, teste Anto. de Cauaro in tract. de execut. instrumen. quæst. 42. & dixi in tracta. meo de literis obligator. regio sigillo, &c.

Item dubitari potest, si iudex assignet quadrimestre condemnato, an censeatur dilatio legalis, vt. post tempus soluente reo, mora possit purgari? quod videtur per l. si cum dies. §. si. cū l. seq. & l. Celsus. ff. de arbitr. & hoc expressim decidit Bar. in l. si arrogator. in fin. ff. de adopt. & lasibi post eum confirmat, vos eos videte.

Sequitur in tex. Neque enim magnum damnum est in mora modici temporis. Ad hoc allegatur iste text. quod in mora modici temporis non est magnum præiudicium, & sic Princeps dilationem ad soluendum, quæ non est magni præiudicij, cōcedit: secus, vt debitor nunquam soluat. l. quotiens. C. de precib. Imper. offer. quia exceptiones peremptorias, quæ magnum afferunt præiudicium, non tollit. c. ex parte. 2. de offic. delega.

Hinc inferitur quod minor quidem restituitur ad exceptiones peremptorias, non ad dilatorias, quia nō adferunt magnum præiudicium. Bal. in l. peremptorias. C. sententiam rescindi non posse. per l. scio. ff. de in integrum restitut.

*Minor ad exceptiones dilatorias non restituitur.*

Tertiō inferitur à contrario, quod ad lōgum tempus differre, est magnum præiudicium, quod etiam Princeps non potest concedere, videlicet, vt non soluat per decem annos, sed per quinque annos ei à iure conceditur vltra non vidi concedi, vt nota. in d. l. quotiens. & Felin. in c. constitutus. col. 4. versicul. considera. & c. 2. de rescrip. cum magnum præiudicium inferre non debeat, & multo minus iudex, vt h̄c: nam sunt paria ista (dicit tex.) auferre, & ad longum tempus differre, & in c. si super. de offic. delega. & facit l. cum hi. ff. de transact.

Quartō, si longius spatium intercessurū erit, quo minus iudex datus iudicare possit, mutari eum Prætor iubet, secus si modicum spatium, quia tūc expectandus erit. l. si longius. supra, eod. & idem dicunt Paul. & Iacobi. ibi, in Aduocato & Procuratore, & Bart. in l. sed si vnus. §. fin. ff. de iniur. Tolerabilius enim est interdum iudicem, qui semel cognouerit, tantisper expectare, quam iudici nouo rem rursus iudicandā committere. l. penult. in fi. ff. de vaca. mun.

Quintō, modicum damnum æquo ferre animo, quis debet. l. si merces. §. vis maior. ff. locati. Gomez. in regul. cancell. de non tollend. ius quæsitum. quæst. 10. gl. sing. in c. cū olim. de cōsuetud. vbi alia addidi.

Sextō, post interpellationem debet dari modicū tēpus ad soluendū, antequā quis cōstituatur in mora. gl. sing. in l. Aemilius. in verbo, restitui. ff. de minorib. Alex. sequitur in l. j. §. itē si ita. col. 2. ff. ad l. Falci.

Vltimō, notate vnū casum sing. in quo nec modicū tēpus datur, nec etiā vllū tēpus, fauore libertatis. tex. in l. si. §. j. ff. de libero homine exhib. ibi, *Nec modicum tēpus ad eū non exhibendū dandū quoniā præteriti facti pœna præstanda est*: alia specialia libertatis fauore numeratur in l. libertas. ff. de regul. iur. in fine textus sic habet, Modicum autem tempus h̄c intelligendum est, quod post condemnationem reis indultum est. Ex hoc textu patet, quod tantū temporis debet cōfitem habere, sicut negans, vt & supra probaui, & modicum quando dicatur, gl. in l. si quis libertate. in fi. ff. de petitio. hæredita. docet, licet allegetur alia gl. reputata singularis, & approbata in autho. præterea. C. vnde vir & vxor. dicens, arbitrio iudicis relinquendū. gl. melior in l. si cū dies. §. fin. de arbitris. l. traeditiæ. in fi. de actio. & oblig. & gl. in c. statutū. §. in super. de rescript. li. 6. scribit, de modicis & minimis Corsetus in tractatu de potestate reg. vbi ponit casus in quibus de minimis iura curant, & in quibus non.

Reum h̄c à re dici nō est vobis ignotū, vt etiā loquitur gl. in l. j. ff. de duob. reis, & à reatu, id est, crimine: & interdū exprimitur reus criminis, vt scripsi plenē in l. iudicasse reum. ff. de verb. signific.

Vltimō notandū est, quod ab executione inchoatur, cōtra id, quod habetur in l. j. C. de executione rei iudica. sed respō. in tracta. de literis obliga. art. 6. gl. 2. tomo primo Commenta. ad Consti. Reg.

Alia nūc (auditores beneuoli) missa facio, finē huic imponēs interpretationi, peregrino itaq; vestro Rebuffo, dabitur veniam, si vestris non respōderit votis. Multo nāque plura, si libros meos habuissem, & viator nō extuissem, daturus vobis erā. Hæc, qualiacumque sint, petitionibus importunis ferē vestris quasi per transennā denegare nolui, quorum nomine Deo optimo maximo, ac Beatissimæ virginis Mariæ, omnibūque calicolis perpetuō gratias agam. Valere.

NOVVS

*Mora in soluendo quando cōstituatur.*

*Fauor libertatis.*

*Reus, vnde dicatur.*



# NOVVS ET SVBTILIS,

INTELLECTVS D. P. REBVFFI AD

I. Imperatores. De priuilegiis credit. vel de bonis  
auth. iudic. possidend. quam in Montis-  
pessulani Ciuitate, anno 1538.  
& die mensis Sept. 18.  
explicauit.

## SVMMARIA.

- 1 *Creditor cognatus habetur potior, cum bona debitoris veneunt.*
- 2 *Mutuanus ad rei refectionem specialiter, quibus priuilegiis gaudeat.*
- 3 *Creditoribus gratis mutuantibus preferuntur feneratoribus.*  
*Ampliatur. ibidem.*
- 4 *Solutio unicreditorum facta per gratificationem, omnibus communicanda.*
- 5 *Littera Regia in Francia in omnibus ferè casibus, etiam à iure communi concessis, impetrantur, & quare.*
- 6 *Et in aliis, & in quibus præter, vel ultra ius cauere nobis cupimus.*

LEX XXX. PAPYR. IVSTVS LIB. XI.  
CONSTITVTIONVM.



**I**mperatores Antoninus & Seuerus Augusti rescripserunt, eos, qui bona sua negant iure venisse, præiudicio experiri debere, & frustra à Principe desiderare rescindi venditionem.

**A** pud Græcos venusto quodā more receptum fuisse legimus (celeberrimi auditores) ut si quid fauiste & feliciter nuntij adferrent, coronati aduentarent, ipsique etiam ciues, felici accepto nuntio, in communis signum lætitiæ, coronati incederent, ouantes, gratantesque, quod à me non magno perere videbitur alienum, si vobis nuntium (ut spero, iudicabitis) bonum attulero: quandoquidem intellectum huius utilissimæ I. Imperatores, tandiu sepultum, velut quoddā iure postliminij breui restituam, & in perpetuæ amicitie signum loco coronæ, vobis relinquam. Eum igitur (auditores dilectissimi) ardendi suscipite animo, & in sermibus vestræ mentis reponite, quod si (ut arbitror) feceritis, pignus perpetui erga me amoris, habebitis.

Hæc lex est Papirii Iuriconsulti, qui quatuor responsorum libros reliquit: alij tamen erant Papy-

rij, de quibus est videre per Titum Liuium ab vrbe condit. lib. 8. & seq.

Et primò præmittendum est, pro huius legis clara explicatione quoduplex est priuilegium. Iuris interpretes duplex esse affirmant, reale scilicet, & personale. Reale primò dici autumāt, quod rei cohæreat, vnde immunitas locis, aut ciuitatibus sic data videtur, ut ad posteros transmittatur, l. forma. §. quamquam. ff. de censib. cap. 1. & 2. 25. quæst. 2. Alex. consil. 86. In causa. col. 1. vol. 1. & quomodo dignoscatur an sit reale, vel personale, tradit Alexand. consilio 86. & consil. 71. Circa. volum. 6. plenius Dec. in consil. 262. In causa. post glo. in c. tua. de his, quæ fiunt à Prælat. sine consens. capit.

Secundò reale dicitur, quod alicui in re concedi soleat, ut ius hypothecæ, quod quidem rem sequitur, ut patet ex l. eos. C. qui potior. in pig. habeantur: vbi sic habetur: *Eos, qui acceperant pignora, cum in rem actionem habeant, priuilegiis omnibus, quæ personalibus actionibus competunt, præferri constat.* & de his etiam loquitur titulus. ff. & C. qui potior. in pignor. habeantur.

Personale priuilegium duobus etiam consideratur modis. Primò, quod personæ cohæreat, & personis detur, & cum personis amittatur: idè neque ad alium dominum prædiorum, neq; ad heredem, vel qualemcumque successorem transit, ut si forte detur alicui priuilegium, ut Doctores creare possit. l. j. §. permittitur. ff. de aqua quotid. & æstiu. & l. in omnibus causis id obseruatur. vbi Deci. ff. de reg. iur. de quo etiam loquitur regula, Priuilegium personale, de reg. iur. in 6. glos. in c. si gratiosa. in verbo, perpetuò. de rescript. eod. lib. 6.

Secundò dicitur priuilegium personale, quod personali actioni cohæreat, de quibus personalib. act. est §. omnium. de act. in Instit. & prouenit ratione contractus, seu quasi, ex quibus alia actio priuilegiata descendit, & interdum comperit ratione personæ: quia cum bona debitoris veneunt, potior habetur creditor cognatus, in comparatione extranei pluribus volentibus emere. l. j. suprà, eodem. & not. Bart. in consil. 19. Viso testamento. & in emphyteosi idem tradit Bart. in d. l. j. & Alex. consil. 161. Visis narratis. in 7. vol. Decius consil. 131. Reuocatur. & Ias. in l. j. num. 22. C. de iure emphyteu. Imò ex consuetudine generali re vendita, datur cognato proximiori ius retractus, tempore præstituto, §. Titius. si de feudo

*Priuilegiū reale, duobus dicitur modis.*

*Priuilegiū personale, quot modis accipitur.*

*Cognatus proximior habet ius retractus in re debitoris vendita.*



defuncti contentio sit inter domi. & aqua. vassal. nor. Dom. Igneus in l. dudum. C. de contrahen. emption. & in tractat. de iure protomiseos. per Matthæum de Afflictis, & per consuetudinarios, hæc describuntur in rub. de consuet. retractus.

*Privilegiū personale, ratione causæ.*

Aliquando ratione causæ competit privilegium personale, vt l. secunda. & l. privilegia. isto titulo. vbi primò satisfaciendum est ei, qui sumptus fecit in re funeraria, l. penultima. ff. de religiof. & sumpt. funer. & l. finali. §. in computatione. C. de iure deliber. & hæc expensa, tanquam respiciens publicam utilitatem, præfertur aliis, etiam habentibus tacitam hypothecam anteriorem, etiam in dote: secus in expressa. l. at si quis. §. primo, & sequen. & l. penultima. ff. de relig. & sumpt. funer. de Ripa in l. secunda. in fine princip. suprâ, eodem. Bartol. in l. prima. in 4. oppositio. ff. soluto matrimonio. Antonius de Fauo. in tractat. de pignor. & hypothec. in secundo membro quintæ partis. numero vicesimo octauo. Idem concludens in expensa infirmitatis, cum in hoc Bald. teste, æquiparentur l. restituenda. C. de petitio. hered. & Iason in dicto §. in computatione. & octo requisita in hac actione funeraria scribit Ioannes Andræas in addition. ad Specul. in titulo de sepult. §. primo. versiculo, porro qui funus. vbi licet videre.

*Aliud ratione rei.*

Quandoq; competit privilegium ratione rei, vt in eo, qui domino, vel operariis, domino tamen mandante, mutuatur ad nauem, vel domum reficiendam: habet enim privilegium hoc personale potentius in illa re triplex ius. Primum, vt res resecta censeatur mutuanti tacite hypothecata. Secundum, quod creditor mutuans in resectionem, præferatur in hypotheca illius rei resectæ creditori, alij etiam anteriori tempore. Hæc probantur in l. interdum. cum glos. ff. qui potio. in pignor. habeant. Tertium, quia præfertur hic creditor, omnibus creditoribus in actionibus personalibus. l. quod quis. & l. proxima. infra, eodem. l. creditor. prima. ff. si certum petat. Alberic. in rubric. suprâ, eodem. Intellige, quando specialiter mutuauerit ad illius rei resectionem, secus si generaliter, quamuis ex hoc res resecta fuisset, l. si ventri. §. primo. ibi, *ob restitutionem*, &c. vbi de Ripa suprâ, eodem. & quando fuit conuersa in resectionem, secus si in alios vsus. l. quod si seruus. §. sed si sit. ff. de in rem verso. Etiam requiritur quod reparationes extent, glossa in l. prima. ff. de celsio. bon. & pro ea quantitate, quæ fuit conuersa, & non vltra, quia illa pecunia versa, fuit causa saluandi rem, dicta l. interdum. & l. finali. ff. de exercito. actio. & qui dicit non fuisse conuersam, probare hoc debet dicta l. fin.

*Res resecta pecunia mutuatis, quantum obligetur.*

Et pro sorte est obligata res resecta, nõ pro interesse, vel pœna. Paul. in l. & idem. ff. de compensa. refert Ripa in dicta l. si ventri. §. Diuus. suprâ, eodem. Negulan. etiam sex modis restringit in tract. de pignor. secundo membro quintæ partis. numero decimoquinto. vide locum. Ex his, inquit Imperator in §. furti. Instit. de obligat. quæ ex delict. nascun. melius est pignori incumbere, quam in personam agere, quia plus cautionis est in rem, quam in personam. l. plus cautionis. ff. de reg. iur. ideo semper interest pignus habere, litaque. §. fin. ff. de furt. at inter hypothecarios, qui prior est tempore, potior est iure, regu. qui prior. de regulis iuris. in 6. quam regulam ornat

viginti ampliationibus, & totidem limitationibus Anton. de Fauo. in tractat. de pignor. & hypothec. in 2. membro. 5. partis. & de Ripa in dicta l. privilegia. hoc tit.

Sed, vt ad hunc titulum tandem redeamus, inter creditores privilegiarios in personalibus tenendum est, privilegiatis prius satisfaciendum, quam privilegiis non habentibus, l. tertia. ff. quod cum eo. quia prius habenda est ratio privilegiorum. l. ex facto. in fin. ff. de pecul. *Eorum ratio creditorum prior est, quorum pecunia ad creditores privilegiarios peruenit.* vtor verbis Vlpiani in d. l. si ventri. §. penultimo. suprâ, eodem.

*Creditores qui in personalibus præferantur.*

Si sint æquè privilegiati, præfertur is, qui potentius habet privilegium, vt mulier his, qui rem deposuerunt, l. asiduis. C. qui potior. in pigno. habeantur. Bart. in authen. quas actiones. C. de sacrosanct. Ecclesiis. & in decisio. Neapolitan. quæstione 56. Fuit dic. & nisi in re deposita, quæ ante omnia poterit deponens, si extet, vindicare, dicta l. si ventri. §. in bonis. suprâ, eod. quia rei vindicatio est supra omnes personales actiones. l. planè. §. sed si dedi. ff. de tribu. actio. l. depositi nomine. ff. de peculio.

Si paria habent privilegia, vt opposites aiunt, tunc concurrunt, etiam si diuersis temporibus deposuerint. glos. & Doctor. in d. l. privilegia. hoc titulo. & text. in l. si hominem. §. si. ff. deposit. Si verò fuerint plures creditores, illi, qui gratis mutuauerunt, præferendi sunt sceneratoribus, text. in d. l. si ventri. §. in bonis. vbi de Ripa not. 3. suprâ, eodem. dicens etiam in re empta ex pecunia vsurarij præferri creditores, qui gratis mutuauerunt, quod est notandum. Cognoscuntur autem æqualia esse privilegia ex causa: nam si causæ privilegiorum sunt pares, dicuntur æqualia, si dispares, dicuntur inæqualia. Bar. in auth. quas actiones. C. de sacrosanct. Ecclesiis. & Ripa in d. l. privilegia. col. 2.

*Privilegia æqualia quomodo cognoscantur.*

Inter creditores non privilegiarios melior est occupantis conditio, si vigilauerit vt sibi satisfiat, antequam bona debitoris possideretur, l. summa. ij. respõso. ff. de pecul. l. pupillus. infr. quæ in fraudem creditorum, postquæ creditores ceperunt bona debitorum possidere, omnia iura paria sunt facta, d. l. pupillus. si vni solutum fuerit per gratificationem, utroque creditore instante, tunc omnibus communicari debet. l. si non. §. primo. suprâ. tituli. proximo. His ad præfationem tituli iactis fundamentis prosequor reliqua, propius huius legis materiam tangentia, sed cum his poterit quisque intelligere hunc titulum de privileg. creditorum. sub tituli. de rebus autoritate iud. possidend.

*Occupans, potior quis dicatur.*

Hoc summarium Bart. non debet à Principe impetrari, quod iure communi conceditur, non comprehendit totum text. sed tantum vltimam partem: ideo ego sumo sic. Is qui bona iure vendita negat, præiudicio experiri debet, non verò à Principe venditionem rescindi impetrare. Et sic iste tex. duas habet partes, prout duo dicta tradit, secunda ibi, Et frustrâ. Et ne deinceps circa res tenues vos remorer, aggredior glos. huius legis, postea secundum nouum intellectum, speciem siue casum (vt communius dicitur) ad hanc legem effingam, & quamuis de Ripa leges huius tituli serime omnes interpretatus fuerit, hanc quasi desperatam, & difficillimam reliquit. Quamobrem dum sua scripta ad manus nostras perue

4



peruenerunt, non potui non admirari, & intellectum iam in præclara ortus mei patria, huic legi assignatum, non confirmare, atque non omittendum esse, mei muneris & officij, sine certa explanatione existimaui.

Glos. 2. & Doctores intelligunt hunc textum dupliciter. Primò in actore dicente sua bona non iure, vendita, quamobrem agebat rei vendicatione illi præiudicante venditioni, quæ tamen de facto tenuit.

Hic intellectus contradicit verbis huius text. quæ habent præiudicio experiri debere, & exponere præiudicio, id est, rei vendicatione, non est bene exponere, quia text. dixisset si voluisset, rei vendicatione, & non, præiudicio. Et diuersitas nominum, rerum diuersitatem inducit, l. si idem. C. de codicil. & quia in iure non probatur præiudicium accipi pro rei vendicatione: imò est differentia inter præiudicium & actionem rei vendicationis, in l. j. ff. de rei vendicatione. vbi dicitur, *Per hanc actionem non petuntur libera persona, sed præiudiciis, vel interdictis experiri dum est.* Quare hunc intellectum esse refutandum reor, licet glos. in l. fin. ff. si liber. ingen. esse dica. in eodem errore persistat, vt hîc.

Secundus intellectus est Martini, quem etiam gl. 2. tradit, qui intelligebat hunc textum in reo venditore, cuius bona sunt vendita non seruatis solemnitatibus requisitis, & possessio illorum bonorum postea rediit ad eum, tunc contra emptorem agentem excipit is reus, cuius bona sunt vendita exceptione præiudicati, scilicet quod venditio non valeat.

Etiâ hic mihi nō placet, quia tex. dicit, experiri debere: & sic in actore loquitur, qui propriè dicitur experiri, l. vnica. ff. de condi. ex lege, c. pastoralis. de causa poss. & proprietat. l. inter tutores. & l. si duo. ff. de administrat. tutorum. licet etiam quandoque reus dicatur experiri, glos. in c. i. de iudic. l. cum miles. ff. de alien. iud. cap. qui generaliter. de Procurat. in 6. in hoc est improprie, glos. in c. penult. de re iudic. & in dubio non debemus verba improprie accipere. l. iij. §. hæc verba. ff. de neg. gest.

Item, quod possessio peruenerit ad eum, cuius bona sunt vendita, non fit in hoc text. aliqua mentio: ergo hic intellectus est diuinius, qui à iure improbatur, glos. in l. non iustam. C. ad Trebellian. & quamuis iuris interpretes primam interpretationem pedetentim sequantur, audite (quæso) quid super hac re sentiam, omisis aliis interpretationibus tam glos. primæ, quam Doctorum.

Ego verò hunc textum aliter posse intelligi arbitror, & primò defecerunt Doctores in hoc verb. præiudicio, quod aliquando pro nocumento capiatur, vt, Nō faciet præiudicium Titio, id est, non nocebit, l. penult. ff. de ma. testam. & l. j. ff. ne de sta. defunct. l. frpe. ff. de re iudic. l. j. §. eleganter. & §. Iulianus. ff. de liber. agnoscen. l. si defensor. in princ. ff. de interrog. act. & alibi non paucis in locis, sed de his hætenus, cum hîc non sic accipiatur. Reuerendiss. Cardinalis Adrianus in lib. de sermone Latino multa congesit ad hoc testimonia, tu igitur (nisi graueris) eum videto.

Interdum præiudicium vocatur iuris responsum, seu iuris decisio & constitutio, & tunc dicitur res, quæ cum statuta fuerit, affert iudicaturis exemplum quod sequantur, vnde responsa prudentum, edicta

Prætorum, constitutiones Imperatorum, ac leges, præiudicia appellari possunt: quia in his sunt propositæ res, & decreta, quas iudicaturi sequi possunt, teste Ascon. Pædian. & Hegendor. in sua Dialectica legali. libro 4. circa finem. in argumen. à præiudicio. igitur quod à iure statutum est, hoc iudices sequi debent, §. sed & quod Principi. cum duobus §§. seq. Insti. de iure nat. gent. & ciuili. & l. leges. C. de legib. vnde sententia contra leges non valet, l. j. §. item. ff. quæ sententiæ sine appellat. rescind. nec etiam contra Canones. c. i. de re iud. & iudices ad seruandum leges iuramento adiguntur, l. rem nō nouam. iuncta authent. hodie. C. de iudiciis. & authentic. iusiurand. quod præsta. ab his. collat. 2. sed hîc verb. præiudicio, non sic accipitur.

Aliquando verò dicitur præiudicium, præcedens iudiciū, siue examinatio. vt i. ad Timoth. 5. c. Manus nemini citò imposueris, & nihil sine præiudicio facies. quod, in summa 24. dist. exponit glo. id est, præcedenti iudicio, & hoc iudicium præcedens Cicero actio. i. in Verrem. sic explicat, Primū causam inimici tui subleuabis, de quo non præiudicium, sed planè iudicium, iam factum putatur. Vide Iurisculti præiudicia pro cognitionibus causarum (quas ob legitimas rationes præcedere oporteat, si fortè cum aliis concurrant) accipiunt, vt non admodum referat, quam ob causam præcedant, modò sic iuris exigat auctoritas, propter iudiciorum ordinem, & sic accipitur hîc: nam venditio non iure facta prius rescindi debet, quàm res empta venditur. Aliquando tamen, & multoties capitur pro sententia interlocutoria, quam vim definitiuæ habere nostri aiunt: & potest dici interlocutoria præiudicialis, vt per Claudium Cantiunculam in Topicis iuris. argum. à præiudiciis. etiam de hac potest intelligi text. in l. sed & hæc. §. non solū. ff. de Procurat. vbi præiudicium dicitur, quasi præiudicandum sit, id est, antea de eis indicandum, quàm aliæ actiones, ab eodem, aduersus eundem, intententur, apudque eundem iudicem.

Exemplum tradit Laurent. Valla in Rauden. sic, Duobus Scribis de officio contendentibus, quia lis in longum protrahitur, Rex iussit interea dum sententia feratur, alterum officio fungi, quasi iudicans, nūc se pro eo sentire, penes quem esse vult rem, de qua agitur ex hoc præiudicio nimirum tacitè exhortans iudices ad iudicandum pro eo, pro quo præiudicium factum est, quod quidem valde coadiuuat possidentem, & obest excluso. Hæc ille. Hac sententia maximè (quam recredientiam Practici vocant) frequentius vtuntur Curia huius regni in beneficiis, vt adiudicent habenti apparentiorem titulum, & clariorem, & sæpius Curia Parlametorum Franciæ videntes rem protrahi in longum tempus, vni adiudicant rem per modum, vt dicunt, prouisionis, de quo fusiùs dicam in tract. meo prouisio.

Solent etiam prouisiones hæ per Curiam concedi, in causis alimentorum, dotium, medicaminum, & aliorum casuum descriptorum in Ordin. Reg. vbi abundè prosequor, & solent hæ sententiæ, non obstantibus oppositionibus & appellationibus, mādari executioni, vt ibidem cernere est.

Aliquando præiudicium dicitur cum quadam lite præuia præiudicatur, vt petenti hæreditatem oppo

*Praeudiciū  
pro iudicio  
precedenti.*

*Itē pro sen-  
tentia in-  
terlocuto-  
ria, habēte  
vim definiti-  
ua.*

*Sententia  
prouisiona-  
les.*

*Actiones  
praeiudi-  
ciales.*

*Praeudiciū  
differt à rei  
vendica-  
tione.*

*Actor pro-  
priè dici-  
tur experi-  
ri, nō reus.*

*Praeudiciū  
pro nocu-  
mento.*

*Praeudicia  
iuris deci-  
siones ap-  
pellantur.*



opponitur illegitimitas, quādoq; vel seruitus: primò enim de his cognoscendum erit, quia in eis præiudicium vertitur aliis rebus sequentibus, & sic intelligitur rub. C. quando ciuilis actio præiudicat criminali. vbi plenè Azo. in summa illius tituli elucidat, sic debet intelligi §. præiudiciales. Insti. de actio. vbi plenè Ias. & alij, text. in l. fundum. cum seq. ff. de except. l. si. ff. si libert. ingenuus esse dicat.

*Præiudiciales expensæ, quæ dicantur.*

Aliæ dicuntur expensæ præiudiciales, quibus non solutis præiudicatur ei, qui eas debet: vt nō audiatur non refutis expensis, etiam in aliis causis coram eodem iudice, Bald. in l. consentaneum. col. 5. versicul. item nota. nu. 31. C. quomodo & quando iudex. imò ille iudex potest mādare aliis iudicibus, vt cum non audiant, donec moram purgauerit. Bald. in c. cum venissent. col. 3. de iudic. Ias. in l. sancimus. in 2. nota. C. de iudic. per glos. in l. sed & si. §. sed & si. in verbo, decreto. ff. ex quib. caus. maior. si tamen reus processerit in causa ad vnum actum, etiam cum protestatione de expensis, desinent esse præiudiciales, quia postquam non tenebatur non refutis expensis procedere, si contrarium faciat, sibi præiudicat, teste Masuer. in sua practica. rubric. de expens. versic. item expensæ, &c.

*Præiudicium ratione contingentie.*

Aliquando ratione contingentie dicitur præiudicium, quod tribus modis cōtingit, vel ratione actionis generalis, vt tutelæ & negotiorum gestorum: vt si coram vno iudice super vna re te conuenire actione tutelæ velim, & alios coram alio, non potero, l. nulli. C. de iudic. decisio. Neapol. quæst. 354. In causa. vel ratione pluralitatis personarum, & eiusdem facti, vt ff. de quib. reb. apud eundē iud. agatur. hoc etiam habet in criminalibus locum, quando plures vnum crimen commiserunt, inter quos est vnus clericus, tunc omnes ad iudicem Ecclesiasticum remittentur. Iason in d. l. nulli. col. 1. in forenū tamen iudicio videri contrarium seruari, vt laicus coram suo iudice puniatur, clericus coram suo iudice Ecclesiastico, vel quando duo iudicia competunt ad eandem rem, licet diuersis medijs, vt possessorum & petitorum; de quibus in cap. 1. & 2. & c. cum Ecclesia. de caus. poss. & proprietat.

*Item pro exceptione.*

Interdum præiudicium pro exceptione ponitur, vt in rub. de except. & in l. generaliter. vnde rei iudicatæ exceptionem, rei præscriptionem vocat Papinian. in l. iudicatæ. ff. de except. rei iudicat. scripsi in tract. except. quæst. 2.

Aliisque multis modis apud Rhetores accipitur, vt per Quintilia. lib. 5. Insti. Orato. & per Trapezuntium Rhetor. libro 2. & per glos. in l. vt euidenter. 1. quæst. 1.

*Facti species huius legis.*

Huius legis casus sic fingi potest. Debitoris bona sunt, non iure tamen, vendita per creditores, quæro qua actione possit debitor experiri? Respondet text. præiudicio experiri debere, id est, iudicio præiudicante illi venditioni, videlicet vt agat ad rescindendū venditionem, vel præiudicio, id est, ante iudicio & præcipitato, videlicet, vt prius agam ad rescissionem venditionis, & postea facta rescissione res meas vendicabo. probatur in l. 1. ibi, *Rescissa venditione mala fide facta, easdem res recipies* C. de fide instrument. & iure haitæ fiscal. lib. 10. Secundò dubitatur, an à Principe debeat debitor impetrare rescriptū, vt illa venditio rescindatur, & tex. respondet non debere.

Dubitatio ad istum textum est, quia postquam bona sunt vendita, videbatur quod creditores essent tuti, cum venditio perfecta nequeat retractari. C. quando liceat ab emptio. discedere. Contrarium hinc statuitur, ratio decisionis est, quia venditio non iure facta, rata non habetur, l. ratas. C. de rescind. venditio. & pro non facta censetur, l. quoties. ff. qui satisfd. cogant. l. iij. §. condemnatum. de re iudic. & sic, vt faciat ad titulum, creditores nullum habent priuilegium in hac re, non iure vendita, licet nulla habeant priuilegia, vt supra declaratum extitit, & ista est vera huius legis sententia.

*Ratio dubitandi.*

*Decisionis ratio.*

Antoninus & Seuerus. ] Alciatus, olim collega meus apud Bituriges, lib. disunctio. 3. c. 8. in fin. dicit Aelium Verum vna cum Antonino imperasse, & sic legendum, *Diui Verus & Antoninus*. cui assentit Nebrissenis in Lexico iuris ciuilis. in verbo, Antoninus. Ego verò insequor Pium Anton. in fine annotationum suarum ad leges de ordine Imperat. vbi dicit post Diuum Iulianū occisum, Seuerum imperasse, vna cum filio Antonino nomine Caracalla, & sic legendum puto, *Antoninus & Seuerus*, &c. cum ij ambo regnauerint: & ita habetur in legibus, quas omnes corrigere deberemus, si sententia Alciati vera esset.

*Alciati lectio repræhenditur.*

Ibi, dum text. dicit, bona. not. quod licet remedium legis secundæ non detur pro mobilibus, vt patet in l. ij. C. de rescind. venditio. & scripsi in tract. de rescis. contr. hoc etiam admisit consuetudo Curiarum Gallicanarum, vt in stylo Parlamenti est videre, in prima parte. rubric. de actio. personali. §. fin. & Masuer. cōfirmat rub. de emptio. §. item pro mobili. facit l. si ea lege. C. de vsur. quæ est de iure Canonico correctæ, teste Decio consil. 123. Perlectis. col. 1. idem dicens, videlicet legem secundam, non habere etiam locum pro temporali locatione, & venditione fructuum, secus in perpetua, l. item si pretio. §. si. ff. loca. quia mobilium vilis & abiecta est possessio, l. rem mobilem. ff. de acquir. possess. & communis in his agitur de modico, pro quo non curat lex rescindere contrarium, l. scio. ff. de in integ. restit. tamen remedium huius legis pro mobilibus dabitur: nam illud remedium datur ad rescindendam venditionem iure factam, hoc ad rescindendam non iure factam, & hoc probat iste text. vtens hoc verb. bona, nec video consuetudinem regni hinc sententiæ cōtrariam: sed quotidie video bona mobilia non iure vendita repeti.

Sed intra quod tempus debeat, ad huiusmodi venditionem rescindendam agi dubitabatur. Quidam dicunt officio iudicis intra quadriennium. cap. cum causa. & ibi glos. de emptio. & venditio. sed hæc opinio refellitur per Doct. ibi, & in d. l. ij.

In hoc Franciæ regno quidam putant agi debere intra decem annos, per ordinat. regiam Ludouici Pij rub. *des rescissions des contrats*, vbi statuit omnes restitutiones siue rescissiones contractuum, & distractuum, deinceps debere spatio decem annorum præscribi, & postea agi non posse, & sic, secundum eos, non audiretur quis post decem annos in hoc regno, etiam ex hac causa. Ego verò putarem hoc remedium annis triginta tantum, sicut aliæ personales actiones, præscribi posse, glos. in d. l. ij. & c. cum causa. de emptio. nec habet locum in hoc casu ordinatio,

*Prescriptio contractuum, siue distractuum restitutionum.*



rio, cū dicat, *Toutes rescissions fondees sur dol & fraude, &c.* [Omnes rescissiones super dolo & fraude fundatas, &c.] & sic limitat. Item dicit, *Es cas cy apres declarez.* [In casibus postea hīc declaratis.] Ergo in casibus ibi non declaratis non habet locum, vt dico in tract. de rescissio. contractuum.

Putarem tamen, quod tertius emptor præscriberet, per longum tempus, cum bona fide & titulo: nec sibi obesset mala fides authoris, id est, primi emptoris, si secūsus emptor ignorauerit alienationem non iure factam. authen. malæ fidei. C. de præscrip. longi tempo. Ioan. Francisc. Balbus in tract. de præscrip. in 4. parte. 4. partis. princ. q. 26.

Not. ibi, negant, iuncta glos. quod negans bona iure vendita, hoc non debet probare, cū per rerum naturam factum negantis, probatio nulla sit. l. actor. C. de proba. c. bonæ. j. de elect. c. quoniam. de probat.

*Negans  
quid factū,  
quandoque  
probat.*

Nec refragatur l. j. C. de fide instrument. & iure hastæ fiscal. lib. 10. vbi is, qui dicit venditionem non iure factam, probare debet: quia debet intelligi quando in instrumento apparet solemnitas, tunc negans hoc probat, cū stetur instrumento, l. cum precibus. C. de probatio. secus si in instrumento nihil appareat: quia tunc solemnitas non præsimitur, nisi probetur. Alber. hīc, etiam quia negatiua nihil ponit: idē à reo non probatur. Bald. in l. peremptorias. num. 36. & in l. si quidem. in princ. C. senten. rescindi non posse.

Nota ibi, iure, &c. iuncta glos. quod qui negat bona iure vendita, præiudicio experiri potest, vt hīc dicitur, sed ad glos. elucidationem quæro, quare negabat iure vendita? Glossa respondet, quia bona defendebantur, & Prætor ait bona eius, qui non defenditur, possideri vendique posse: ergo si defendatur iure, vendi non possunt, l. Fulcinius. §. j. suprā. quib. ex causis in posses. eatur. & defendi is demum videtur, qui boni viri arbitratu defenditur, & idē non potest videri boni viri arbitratu litem defendere is, qui actorem frustrando efficit, ne ad exitū controuersia deducatur, l. pen. & vlt. ff. de Procurat. & sic debet intelligi quando iure defendebatur reus, & tamen bona eius sunt vendita, tunc negat iure vendita, vel quia is, cuius bona sunt vendita, latitabat: tamē dicit gloss. fortē in hoc secundo casu valet venditio, sed per restitutionem in integrum rescinditur, l. si finita. §. si forte. ff. de damno infect. vbi dicitur Prætorem non debere festinare ad decernendum, vt iubeat possidere bona eius, qui reipublicæ causā abest, aut ex alia iusta causa, sed & si decreuerit, in integrum restitutionem indulturum. Sic & quando quis latitat, & bona eius venduntur, in integrum restitutionem petere potest, quod verum intelligerem, quando latitaret sine fraudatione, quia tunc non sunt iure vendita: secus si latitet fraudationis causa, videlicet vt fraudet creditores, d. l. Fulcinius. §. j. & seq. & §. sed is qui. nam malitiis est tunc obuiandum, l. in fundo. ff. de rei vendica. c. sedes. de rescript. hodie etiam fortē si fraudationis causa, dūmodō fraus nō probaretur, per literas Regias solutis expensis releuaretur.

Alij dicebant, vt Mart. quod quis negabat iure vendita, cō quia erant vendita fortē ob tributa: tamen non seruatis solemnitatibus, & ista potest esse vera per tex. in l. j. C. de fide instrumen. & iure hastæ fiscal. lib. 10. vbi venditio non valet, si non fuerint seruata solemnitates. Et quando est omīssa solem-

nitas in aliquo actu, actus est nullus, nisi solemnitas fuisset leuis, vel non necessaria, l. j. §. fi. ff. de ventre inspic. declarat Alexand. in l. filiusfamilias. §. Diu. col. j. ff. de leg. 1. & Felin. in c. exhibita. col. i. de iudic. plenius Albert. Brunus in tracta. de forma & solemnitate actus in rub. quoduplex est forma. & abundē per totum tractatū residuum glos. j. suprā reprobaui, non insisto vltiā in hac glossa, sed prosequor text.

Itē nota ibi, præiudicio, &c. quod prius agendum est remedio rescindente, quā rescissorio: & sic prius debet venditio rescindi, quā res peti, & vendicari. §. rursus. Instit. de actionib. l. ab hostibus. §. sed quod simpliciter. ff. ex quibus caus. maior. & rescisso testamento per querelam, datur petitio hæreditatis. l. qui de inofficioso. ff. de inoffic. testamen. Socin. consil. 134. Visa petitione. col. 2. vol. 1.

Hodietamen practica iusta & sancta in hoc Franciæ regno inualuit, vt iudicium rescindens, & rescissorium simul prosequantur: concludit enim actor ad rescissionem venditionis non iure factam, & ad dictæ rei venditæ restitutionem sibi faciendam, arg. l. si autem. §. j. ff. de rei vendica. l. quæsitum. ff. de peculio. & hoc est introductum, vt lites abbrevientur, & circuitus euitetur. teste Berber. in viatorio iuris. in 4. parte. rubr. de rescisso. & Guido. Pap. in Decisio. Delphin. quæst. 143. post Specula. in tit. de in integr. restit. §. j. versic. sed nunquid in eodem libello.

Sed quis erit iudex vtriusque iudicij? Videtur quod iudex loci, in quo sita est res, arg. l. qui proprio. §. item quæritur. ff. de Procurat. alioqui iudex domicilij, si alibi esset res, non posset suam mandare sententiam executioni, & sic esset elusoria. contra l. si Prætor. ff. de iudiciis. & facit rub. C. vbi in rem actio exerceri debeat. vbi res debet peti coram illo iudice, in cuius iurisdictione sita est.

In contrarium fuit iudicatum in hoc supremo Senatu, vt iudex domicilij rei possit cognoscere: quia iudex iudicij præparatis, est iudex iudicij præparati, Bald. in l. ordinarij. C. de rei vendica. nec erit sententia eius elusoria, quia sententia poterit mandari executioni per iudicem, in cuius territorio est res sita, ad literas iudicis domicilij.

Frustra, &c. ] Nota quod frustra impetratur quod iure communi conceditur, l. vnica. C. de thesauris. libro 10. sed hodie in hoc Franciæ regno alio iure vtimur: nam in omnibus ferē casibus, etiam si à iure communi concedatur principale beneficium, impetramus & literas Regias, argum. l. ille à quo. §. tempestiuum. ff. ad Trebel. & hoc Regis remedium implorandum esse testatur Bald. in l. si frater. C. qui testamenta facere possunt. quod non deficit iustē supplicantibus, l. ij. ff. de his qui sunt sui, vel alie. iur. & non est mirum de hac impetratione, quia plus timeri solet quod à Principe conceditur, gloss. in c. j. de rescript. & in multis casibus impetratur à Principe, quod à iure communi conceditur, maximē ad tollendum dubium, c. quia in causis. de Procurat. c. ex tuarum. de author. & vsu pallij. Lucas de Penna in l. vnica. col. 3. C. de castren. omnium Palatin. pecu. lib. 12. Chassan. in §. 3. in glos. vltim. rub. *des successions*. in consuetud. Burgund. & puto ex eo introductā regni Franciæ practica: quia cū leges (vt leges) in hoc non seruentur regno, licet aliquid à iure concedatur, dubitabant practicantes an in hoc regno haberet locum: idē recursum habuerunt ad Principem nostrum,

*Iudicium  
rescindens,  
& rescisso-  
rium in Fran-  
cia simul  
intēantur.*

*Iudex iudi-  
cy rescin-  
dents &  
rescissorij.*

*Arrestū, quo  
iudex do-  
miciij rei  
potuit co-  
gnoscere.*

*Bona quan-  
do iure non  
dicantur  
vendita.*

*Latitās bo-  
nis eius v-  
ditis, resti-  
tui potest.*



strum, qui hoc declarat per literas, quod est notandum, vel ut pecuniæ ad sigillum perueniant, aut ex inscitia impetrantium, primæ tamen iustius est adherere sententiæ.

*Venditio  
nulla sine li-  
teris Regiis  
in Francia  
non rescin-  
ditur.*

6

Et sic, quoad hoc, finis huius legis non seruatur in hoc regno, quia sine impetratione literarum, non rescinderetur per iudices etiam venditio nulla, quatenus de facto processit, nec nulla declararetur, saltem in patria Franciæ consuetudinaria. Idem in contractibus factis dolo: etiam si dolus daret causam contractui, vel metus, vel in quibus quis est deceptus, ultra dimidiam iusti pretij, semper impetrantur literæ Regiæ, & in omnibus casibus in quibus caueri nobis volumus præter, vel contra ius, ut dico abundantius in nostris, ad Ordin. Regiæ, Commentariis.

Ista tamen pro complemento huius legis, & per

transennam dicta notanda sunt. Maiora (dilectissimi auditores) dixissem, si meo ingenio, meisq; libris in præsentiarum uti potuissem, quibus omnibus visenda charissimæ matris causa careo. Interim oro vos, ut æqui bonique consulatis, quicquid est huius rudioris tæturæ, quod facile affecuturum me spero, si Socratis aureum dictærum in mente habueritis, qui cum ab amico admoneretur, quod hospites expecturus admodum tenuem fecisset apparatus, Si boni sint, inquit, satis erit: sin minus, plus satis. Cum igitur omnes boni sitis, satis erit vobis: maiora propediem editurus, si mihi præstent diuturnioris vitæ curricula superi, quibus non quas debeo, sed quas possum habeo, & habiturus sum gratias in perpetuum.

*Elegans So-  
cratis di-  
ctum.*

F I N I S.

NOVVS





# NOVVS AC PERVTILIS INTELLECTVS L. SI QVIS PRO EO.

ff. de fideiuss. quam quidem D. P. Rebuffus apud  
Bituriges, anno 1533. & die mensis  
Sept. 18. dum suum ab illis  
discessum parat, in-  
terpretatur.

\* \*  
\*

## SVMARIA.

- 1 Iuramentum pactum non vestit.
- 2 Promissio iudicialis obligat aliquem.
- 3 Via periuriis non aperienda.
- 4 5 & 6 Iuramentum errore, metu, vel dolo factum,  
non producit actionem.
- 7 Quando in peiorem exitum dicatur vergere.
- 8 Fideiussor pro non obligato non accedit.
- 9 Fideiussor pro alieno facto, intelligitur fideiubere om-  
ni modo quo valere potest.
- 10 Fideiussor promittendo pœnam, ad quam debitor non  
tenebatur, obligatur.
- 11 Iuramentum omne, quod sine detrimento salutis  
eternæ servari potest, de iure Canonico servan-  
dum.
- 12 Statuto ob causam publicam inducto non potest re-  
nuntiari, etiam cum iuramento.
- 13 Matrimonia quomodo apud Babylonios tractari  
solita.
- 14 Iustitia & æquitas debent omni iuramento in-  
esse.
- 15 Legis transgressor dicitur, qui contra legem facit,  
etiamsi verba in rem dirigantur.
- 16 & 17 Conventio de re pignoratata quando va-  
leat.
- 18 Contractus nobilium statuto prohibitus, iuramento  
non firmatur.
- 19 Iuramentum super testamento sine solemnī numero  
testium quem effectum habeat.
- 20 Renovatio causa mortis duplici ex causa.
- 21 Ordo in notoriis non servatur.
- 22 Fideiussor in casibus, quibus non tenetur, ut fide-  
iussor, iurando se obligat tanquam principalis.
- 23 Venditio in absentia, sine organo facta, iuramento  
non confirmatur.
- 24 Societates inter virum & uxorem, licet in aquali-  
tatem contineant, iuramento firmantur.
- 25 Contractus per nimiam reuerentiam factus, censetur  
excludere consensum.
- 26 Iuramentum capit eandem conditionem, quam con-  
tractus super quo interponitur.
- 27 Contractus factus inter patrem & filium, dominum  
& servum, an iuramento firmetur?
- 28 & 29 Causa finalis duplex.
- 30 Lex civilis in quibus Canonis cedat.

## LEX LVI. PAVLYS.



I quis pro eo, qui li-  
bertus non esset, &  
operas prestiturum se  
iurasset, fideiussor:  
non tenebitur. Item si  
filius à patre, vel ser-  
uus à domino stipu-

letur, nec fideiussor acceptus tenetur: quia  
non potest pro eodem & eidem esse obli-  
gatus, ex diuerso ergo patre à filio, vel  
domino à seruo stipulato, fideiussor ac-  
ceptus tenetur. Si numos alienos quasi  
tuos mutuos dederis sine stipulatione, nec  
fideiussorem teneri, Pomponius ait: Quid  
si consumptis numis nascatur condictio?  
fideiussorem puto obligatum fore: in om-  
nem enim causam acceptus videtur, quæ  
ex ea numeratione nasci potuit. Pro furti  
actione fideiussor accipi potest, item pro  
eo, qui in legem Aquiliam commisit di-  
uersa causa est popularium actionum.

Cum patres suas gratis filiis hæreditates, ac Do-  
ctores auditoribus scientiam per manus relin-  
quere soliti sint (doctissimi viri) hæc mente mea re-  
uoluens, piaculum, nisi munere aliquo ante meum  
(qui scilicet & faustus sit) discessum vos donarem,  
commisisse viderer, eamque consuetudinem in con-  
temptum ducere. At quænam in præsentiarum mu-  
nera darem, animi pendebam, non Cyclopi (quod  
absit) donum: non Midæ, nec Tantalæ talenta offerre  
in animo erat: nec enim poteram, sed plusquam Zo-  
pyri donis, ipsis videlicet privilegiis maximis, no-  
stro iam Marte compilatis, vos honestare decreue-  
ram. Verum, ut adagio dicitur, Iupiter, haud, quic-  
quid animo conceperit, illud extemplò quidem per-  
ficit, verum illud esto: aliquando tamen, Deo fauente,  
ea scholasticorum privilegia in apertum proferam.  
Vos interim semel atque iterum rogans, ut lubentes  
nostram suscipiatis operam, & xenia discessus nostri.



Itaque, vt mei memores sitis, interpretationem ad l. si quis pro eo ff. de fideiuss. pignus perpetui erga vos amoris, vobis relinquam, eam benigno suscipite animo. Accepit & glebam ( vt parœmia dicitur ) erro, & quantæ utilitatis, subtilitatis, ac emolumentum vobis hæc futura sit, vestrum posthac erit iudicium, verumtamen ( vt reor ) operæpretium non pœnitendum, si benignas patientesque accommodaueritis aures, ex his nostris xeniis facietis.

Dei Optim. Maxim. inuocato præsidio. Hæc lex, licet sit in text. facilis, tamen in ea tractatur plenius, quàm alibi, materia iuramenti confirmatorij actus inualidi per Bart. cuius vestigia hîc sequemur, pro intellectu cuius, & totius materiæ præmittendum est, quod iuramentum quoddam est litis decisorium, quod præstatur ad litis decisionem, vt l. j. C. de reb. cred. & per totum tit. præcipue in l. j. ff. de iureiur. vt si neges te debere centum quæ peto, ego defero iuramentum, quod si acceptes, & iures, lis decisa cõsetur: nam maximum remedium finiendarum litium in vsum venit iurisiurandi religio, d. l. j. ff. de iureiuran. & hoc trifariam partitur: quoddam enim est voluntarium, alterum iudiciale, aliud necessarium, glos. in rub. ff. de iureiuran. & in d. l. j. c. fin. illo tit. vbi dicitur iuramentum voluntarium esse, quod à parte parti defertur, extra tamen iudicium, de quo loquitur l. iurisiurandum quod ex conuentione. ff. de iureiuran. iudiciale, quod à parte parti in iudicio, & hoc iuramentum producit actionem, l. actori. & l. j. C. de reb. credi. Necessarium autem est, quod in defectum probationis iudex defert, l. admonendum. ff. de iureiur. & l. in bonæ fidei. C. eodem. & ista ibidem iuramenta fusiùs tractantur: sed quia hîc de alio loquimur, ob id ad illud accedamus.

Quoddam iuramentum est promissorium, seu introductorium obligationis, vt quando obligatio, quæ non erat, mediante iuramento introducitur, & de iure ciuili sunt duæ opiniones. Prima fuit Citramontanorum nostratum: altera Italarum, videlicet Ultramontanorum. Discutiamus vtramque opinionem. Prima opinio habet, quod ex iuramento promissorio, de iure ciuili non oritur actio, vt, Iuro facere domum. Iuro dare decem: ex his enim iuramentis nulla oritur actio secundum Bartol. & alios Ultramontanos, quod sic probant: Iuramentum est quædam asseueratio, addens vinculum religionis simplici assertioni. Proinde iuramentum non includit consensum, per quem iurans se velit obligare: sed eius essentia cõsistit in hoc, vt addatur vinculum religionis. Hæc igitur est causa, quare ex iuramento de faciendo vel dando aliquid, non oriatur obligatio, quia actus agentium non debent operari ultra eorum intentionem. l. non omnis. ff. si certum petat.

Secundò, sic probant, speciale est in liberto, vt ex iuramento præstito causa libertatis, obligetur, l. vt iurisiurandi. ff. de oper. libert. ergo in contrarium ius commune erit. l. ius singulare ff. de legib. l. j. ad municipalem. & §. sed & quod Principi. Instit. de iure natu. gent. & ciuili.

Tertiò, iuramentum fuit inductum, vt per illud finis litibus imponeretur, l. prima. ff. illo titulo. & vt increduli facilius credant, cap. & si Christus. de iureiurando. ergo non fuit repertum ad vestiendum pactum, & sic non inducit obligationem, nec actio-

nem, quia inducta ad vnum effectum, non debent operari contrarium effectum, l. legata inutiliter. ff. de legat. primo. nec obligationes ex obligationibus oriri debent. l. iij. §. ait Prætor. ff. de re iud.

Quartò, iuramentum venit ad pactum, vt quoddam accessorium: igitur illud non potest vestire. l. ex pupillari. ff. de vulg. Regul. cum principalis. de regul. iuris.

Quintò, nulla lege cauetur, ob id erubescimus. l. dissentientis. C. de repud. l. illam. & ibi Iason. C. de collatio. §. consideremus. in fine. de triente & semis. collatione 3. in authen.

Sextò, quia ius ciuile considerauit, quod prouidentur homines ad malè seruandum iuramentum, & per consequens faciles esse ad periuriam. Et idè vt tolleretur materia periurandi, voluit quod non obligaretur quis iuramento, vt sic videntes homines quod iuramentum non esset species obligationis inducendæ, se de iuramento non intromitterent, nec inducerent alium ad iurandum, ex quo viderent tale iuramentum non habere effectum. facit l. j. & ij. C. de indict. viduita. Imol. in dicto cap. cum contingat. col. 19.

Et ista fuit sententia glos. iuris ciuilis hîc, & in d. l. vt iurisiurandi. & hîc Barto. & Bald. in l. prima. col. secunda. C. de operis libert. & in authen. sacramenta puberum. C. si aduers. vend. & ibi hoc tenet Salic. & Ias. Angel. in l. iurisiurantium. §. quinimo. ff. de pact. & Imol. in cap. cum contingat. col. decima octaua. numero 30. de iureiurando. vbi dicit istam communem sententiam, & eam communem Italarum dicit Ias. in l. iurisiurandum quod ex conuentione. colum. penultima. ff. de iureiurando. cum aliis multis, quæ ( ne lectorem prolixitate fastidiam ) de industria omitto.

Contrariam sententiam tenuerunt Galli nostri, quod ex iuramento promissorio oriatur actio, etiam de iure ciuili, quod sic comprobabimus: nam si iuramentum tendens ad confirmationem contractus inualidi, & sic indirectè ad obligationem inducit obligationem & actionem, vt in dicta authent. sacramenta. ergo multò magis debet inducere, quando actus est validus, & tendit directè ad obligationem, vt est iuramentum promissorium, quod lex vult seruari, etiam si per minorem fiat: multò fortius si per maiorem fiat promissio. vt dicta authent. sacramenta.

Secundò allegatur text. melior iuris, in l. si quis maior. C. de transact. vbi veniens contra transactionem iurata, perdit actionem ex promissione iurata ortam, sed de iure ciuili non oritur actio ex pacto nudo, l. iurisiurantium. §. sed cum nulla. ff. de pact. ergo fuit orta ex iuramento, & illum text. ponderauit Anton. de Butri. in d. c. cum contingat.

Tertiò, quando lex remittit iuramentum, vult tamen id fieri, vel dare ad quod tenebatur, l. quæ sub conditione. §. quoties. ff. de conditionib. instit. multò fortius vult fieri quando est iuratum, & si non fiat, dat actionem: quia in d. §. quoties. dicit compellendum, ergo per actionem. arg. l. statuas. ff. de acqui. rer. dom.

Quartò, lex debet esse iusta & honesta, c. erit autem. 3. dist. l. j. ff. de iustit. & iure. & l. iustitia. §. primo. sed non esset iusta & honesta, si iuramentum etiam promissorium non seruaretur: imò esset contra ius diuinum. Numerorum cap. 30. sic habetur, Si quis virorum

*Iuramentum  
litis decisorium.*

*Ex iuramento promissorio an oriatur actio de iure ciuili?*

*Ex hoc non oriri actionem, probatur.*

*Ex iuramento promissorio an oriatur actio de iure ciuili?*

*Actio ex promissione iurata.*



*Ius civile  
nō disponit  
contra iu-  
ramētum.*

virorum se constrinxerit iuramento, non faciet irritum verbum suum, sed omne quod promiserit implebit, & contra iuramentum ius civile non potest disponere, vt nota. in c.j. de constit. quia inferior legem superioris tollere non potest. clem. ne Romani. de election.

Quintò, obligatio est iuris vinculum, quo necessitate quis adstringitur, §. j. Insti. de obliga. sed si iuro dare centum necessitate adstringor ad ea dandum: & est iuris vinculum, c. quanto. de iureiur. ergo est obligatio orta, & sic actio: imò etiam iuramentum per vim præstitum obligat. glos. in c. autoritate. 15. q. 6. fortius libere præstitum.

Sextò, summa est ratio, quæ facit pro religione, l. sunt personæ. ff. de religio. & sumpt. funer. sed iuramentum est religio. l. j. ff. de iureiur. ergo, & c.

Septimò facit text. in c. vnico. de no. for. fidel. vbi vassallus iurans domino fidelitatem, adstringitur ad seruandum ea, quæ promissit. Et licet speciale dicant esse quidam in vassallo, fateor quòd ratione speciali, id est, feudi, debetur ipsi domino à vassallo fidelitas, & sic specialitas stat in forma fidelitatis, non in eo quòd iuramentum sit specialiter obseruandum: nam ab omnibus obseruari debet, c. ego N. de iureiurand. & à scholaribus iudicibus, & aliis, frustra iuraretur, in authen. iusiurand. quod præstatur ab his. colla. 2. & c. 1. de iureiur. in 6.

*Iuramentū  
parit para-  
tam execu-  
tionem.*

Octauo, iuramentum de iure civili habet executionem paratam, Bart. in l. ij. ff. de iureiur. & Ias. in §. item si quis postulante. Instit. de actio. de Petruc. in 22. effectu iuramētī. Ergo & fortius poterit actionem producere, quod est minus, & scripsi in repetit. l. quod iussit. ij. not. ff. de re iudica.

2. Nonò, iuramentum & iudicium æquiparantur, l. qui iurasse. ff. de iureiur. sed promissio facta in iudicio obligat, l. cum ostendimus. §. fin. ff. de fideiuss. tutor. etiam sine causa. glos. in l. j. ff. de interrogato. actio. ergo idem est in iuramento. Bal. in rubr. C. de rer. permuta. Roman. consil. 373. In casu proposito. Barbat. consil. 25. col. 9. vol. 1. de Petruc. in tractat. de virib. iuram. in 7. effectu.

Decimò, superflue introduceretur iuramentum hoc promissorium, si non produceret actionem, cum aliud non inducat, nec operetur, & nihil superfluitatis est in iure, in procemio Instit. & in prima constitutione. C. & ludibrio esset, quod non debet. arg. l. si Prætor. ff. de iudic.

Vndecimò, iuramentum est à lege approbatum, nisi in certis casibus à iure expressis, l. non dubium. in fin. C. de legib. l. si quis inquilinos. §. fin. ff. de leg. j. sumendo arg. à contrario, ergo ex eo oritur actio. l. legitima. ff. de pact. l. vnica. ff. de condict. ex lege. & hoc etiam tenuit Panor. in c. cum venissent. in fine. de institut.

Duodecimò, probatur in l. si duo. §. ij. & seq. & l. duobus. §. si. ff. de iureiur. vbi dicitur dari actionem, licet Doctores dicant esse in iuramento necessario, & iudiciali: tamen idem videtur etiam in iuramēto promissorio, cum lex velit iuramēta seruari, & non reperiatur contraria decisio de hoc iuramento, nisi in quibusdam casibus, ergo producet actionem: regulariter enim civilia puniuntur periuria, l. si duo. §. fin. ff. de iureiur. l. Lucius. ff. de his qui not. infam. & qui vult iuramenta seruari, & non distinguit de quibus: ergo etiam omnia promissoria vult seruari, quæ

non seruarentur si nullam producerent obligationem & actionem, ideò debent eam producere.

Decimoquartò, nō obligatur quis ex iuramento, quando non est ritè interpositum: ergo ex ritè interposito obligatur, l. seruū testamento. ff. de manumiss. testa. sed ex obligatione oritur actio, l. licet. §. j. ff. de Procuratorib. & sic ex iuramento promissorio.

Decimoquintò, non valeret actus omni modo meliori quo posset, quod esset contra l. cum pater. §. filius matrem. ff. de leg. ij.

Decimosextò, iure civili promissa debent seruari, l. vnica. C. de suffrag. ergo & fortius iuramentum promissorium.

Decimosseptimò, iuramentum habet vim transactionis, & maiorem authoritatem, quàm res iudicata, l. ij. ff. de iureiur. sed ex sententia & re iudicata oritur actio, l. miles. §. qui iudicati. & l. iij. ff. de rei iud. ergo & ex hoc iuramento, cum maiorem habeat authoritatem.

*Iuramentū  
potentius,  
quàm res  
iudicata.*

Postremò facit l. fin. ff. qui satisfacere cogant. vbi ex causa licitum est venire contra id, quod est iuramento promissum: ergo nisi subsit causa debet seruari etiam iuramentum promissorium.

Non obstant argumenta in contrarium supra adducta. Et primò, quòd iuramentum sit quædam assueratio, quæ non includit consensum. Respondeo, quòd non præsumitur quis iurare, quod mente non cogitarit, & sic in quo non consensit, arg. l. Labeo. ff. de supell. legat. imò non dicitur quis iurare indeliberatè, seu incòsultè. Alex. consil. 27. Viso. col. 3. in 1. vol. Do. de Petruc. in tract. de virib. iuramenti. in 13. effectu. & iuramentum à mente iurantis regitur, l. fin. C. de non numera. pecu. c. veniens. de iureiur. c. clericus. illo tit. & c. iuramenti. 22. q. 5. imò iustum est, vt qui iurat, seruet iuramentū, & ista est iustitia naturalis, & nota. Qui enim aliquid iurat, ideò iurat, quia habet intentionē obseruandi, alioqui non iuraret, vt David Psalm. 147. Iuravi, & statui custodire iudicia iustitiæ tuæ, & sic non operatur vltra intentionem.

*Responso ad  
argumenta  
contraria.*

Secundum non obstat, videlicet speciale esse in liberto. Respondeo, verum esse vt obligetur ad operas, quæ libertatis causa imponuntur: ideò ea libertate deficiente tãquam materia, cessat obligatio & actio, text. in d. l. vt iurifiurandi. vt enim obligatio contrahatur, libertum esse oportet, qui iuret, & libertatis causa iurare, quæ si non adsit, non oritur obligatio. l. ij. ff. de oper. libert. ibi, *Hoc edictum Prætor proponit, coarctandæ persecutionis libertatis causa impositorum.* Ergo si operæ non imponantur causa libertatis, non debentur: quia tam materia, ex qua promittuntur operæ, scilicet ipsa libertas, deficit, quàm causa ex qua à Prætorè pollicita est actio. l. certum. §. si quis absente. ibi, *Nec qui iurat, de operis obligatur.* ff. de confess. l. in liberto. ff. de solutio. vbi in liberto antiquior contractus operarum esse non potest, sine quibus libertas ei data non esset.

*Iuramentū  
deficiente  
materia,  
propter  
quā iura-  
tur, nō obli-  
gat.*

Item facit l. operæ. ff. de oper. liber. vbi dicitur operas causa libertatis impositas deberi nō posse, nisi patrono, cū proprietates earū, & in edentis persona, & in eius, cui eduntur, consistat. Itaq; in eo opere tales sunt, vt nullū obligent, nisi libertum. Si ergo iureiurando promittuntur, non ob hoc debebuntur: vides ergo, quòd hoc non est quin ex iureiurando oriatur actio, sed quia deficit materia, ex qua imponuntur, & hoc probo per d. l. operæ. & l. seruus. illo tit. vbi, qui non



est libertus, si promittat per stipulationē operas, non obligatur, non quia ex stipulatione oriatur actio, §. j. Instit. de verbor. obligat. sed quia deficit materia, ut dixi. facit l. si plagij. ff. de verb. oblig. l. multum. & seq. ibid. sic etiam iuramentū non introducit obligationem, nec actionem deficiente materia habili ad obligationem, facit text. in l. pen. ff. de obseq. vbi sunt ista verba, *Nullum ius libertatis causa impositorum habet pater in filio emancipato: quia nihil imponi solet liberis. Nec quisquam dixerit iureiurando obligari filium manumissori patri, ut libertum patrono: nam pietatē liberi parentibus, non operas debent.* En ergo operas deberi à liberto, causa tā magni boni, videlicet libertatis, qua deficiente, non oritur actio, nō quod iuramentū non producat actionē: sed quia defecit materia, d. l. operę. & l. liberti. C. illo titu. vbi operę officiales semper sequuntur auctorem suum, & seruitus non potest imponi Ecclesię iam constructę & liberę, c. significatum. de prebend. vbi Decius, sic nec operę liberto. & sic intellectus peculiaris & nitidus datur, tam ad d. l. ut iurifurandi, quā ad hanc l. & l. fin. ff. de liberal. causa. & quia in illis casibus leges prohibent actionē dari: alioqui dicit text. in l. si. ff. de liberali caus. seruū non aliter, quā liberū obligari. & postea subdit sic, *Idē autē solet iurandū à suis exigi, ut hi religione adstricti, posteaquā suę potestatis esse cepissent, iurandi necessitatē haberent, &c.* Ecce ergo quod iuramentum obligat & adstringit, ac necessitatem iurati imponit.

Obiectio-  
nis solutio.

Tertium non obstat, quod iuramentum est introductum, ut esset finis liti, quia verū est iuramentum esse liti decisium. de quo proximē dixi, & loquitur d. l. j. C. & ff. de iureiurando. secus in iuramento promissorio, ut in c. j. & c. debitores. & c. quāto. de iureiur. c. j. illo tit. lib. 6. nec vnum & idem iuramentum inducit contrarium effectum: imō ducit effectum ad quem introductum est, postquam iuramentum liti decisium producit actionem, licet ad hoc non tendat, fortius in hoc iuramento obligatorio.

Non obstat aliud, quod iuramentum venit accessorie ad pactum, & sic non producit actionem: quia text. est in contrariū in l. cum pater. §. filius matrem. ff. de leg. 2. vbi iuramentū dicitur habere clausulam, ut valeat omni meliori modo, quo potest. Et quando dicatur accessorium, vel principale declarat Bal. in §. item sacramenta. col. 2. de pace iuram. fir. vbi dicit quod si in actu substantiando est necessarium, dicitur principale: sed si in actu protegendo, ne rumpatur, dicitur accessorium, allegat l. controuersia. ff. de transact. nec cessatō principali, censetur ruptum iuramentum, quod in illo actu interuenit, licet sit accessorium. glos. in c. cum non deceat. de electio. lib. 6. De Petruc. in d. tract. effectu. 1.

Principalis  
facto irritum  
iuramentū  
non cessat  
irritum.

Responsio ad  
aliā ob-  
jectionem.

Nec obstat ratio Imol. quia secundum eam, via aperiretur periuriis, quod est prohibitum in c. clericos. de cohabita. cler. & l. ij. C. de indicta viduita. tol. & in concernentibus periculum animę presumere debemus in partem tutiorem, c. iuuenis. de sponsal. c. unico. de scrutinio in ord. fac. imō si producatur actio ex iuramento, cogitabit quis iurando promittere, si non obligaretur, via aperiretur periuriis. Item in quibusdam casibus lex sustulit iuramentum interponendum, secus in interposito, l. quę sub conditione. ff. de condit. institutionum. & l. ij. suprà allega. ergo in aliis casibus non frustra disputaretur de iuramento.

Nec obstat quod nullo iure cauetur: quia imō ut in d. l. auctori. & in dict. legibus suprà allegatis, quę licet Doct. dicant loqui in aliis: tamen generaliter loquitur, nec est lex prohibens ex iuramento promissorio actionem non oriri, quando est materia habilis, & est ritē interpositum, & istius sententię fuit Mathesil. no. 36. Nota nouā. & Fel. in c. j. col. 2. de pact.

Iuramentū  
ritē inter-  
positū obli-  
gat.

Amplia procedere, etiam secundum cōmunem, quando in pacto nudo interuenit iuramentum, tunc vestitur, & ex illo oritur actio, per d. l. si quis maior. C. de trans. Bar. hīc in 6. mēbro. Panor. in c. cum venissent. col. vlt. de institu. Salic. in d. l. si quis maior. & Do. de Petruc. in tracta. de virib. iuram. in 1. effectu. dicens esse communem, & sic sequendam tanquam veritati consonā licet contrariū teneat Bal. in §. item sacramenta. col. pen. de pace tenend. & iuram. fir. in feud. & l. cum antea. col. vlt. C. de arbit. dicēs nudum non posse vestire nudum, attamen cum saltem sit geminatum pactum, producet actio, las. in Liurifgentium. §. sed cum nulla. ff. de pactis. nec dicitur nudum, ut suprà dixi. glos. in d. §. j. Instit. quib. modis re contrah. obliga. & in d. Liurifgentium. §. quinimō. ff. de pactis.

Pactū iuro-  
mento ve-  
stitū parit  
actionem.

Fallit, quando esset nudum à consensu, ut in pacto simulato: nam postquam non habet consensum, non habet speciem, nec formam. Bald. in l. j. C. de oper. libert. & infrā dicitur.

Rursum amplia etiam in vltimis voluntatibus: nam si testator in minus solemnī testamento leger centū, & iuret se præstare velle, debetur & inducitur actio, l. cum quis decedens. §. codicillis. ff. de leg. 3. & d. l. cum pater. §. filius matrem. de leg. 2. quia leges interpretantur legata ab intestato repetita, ne testator periurium incurrat, Alber. in d. l. ut iurifurandi. sed cum bonum sit argumentum de vltimis voluntatibus ad contractus, ergo etiam procedet in contractibus. l. quę de legato. ff. de legato. 1.

Testamentū  
minus  
solēne iura-  
mento fir-  
matur.

Tertiō amplia, quando iuraret vterque, ut iuro dare decem tibi, & tu iuras dare librum mihi, tunc quia resultat contractus innominatus, iuro, ut iures, oritur actio, Bal. in d. §. item sacramenta. col. pen. de pace tenend. & iura. fir. in feud. quem refert. & sequitur Cremenf. sing. 119 Ex iuramento. & las. consil. 5. Srenui milites. col. 5. in 3. vol. & consil. 173. Circa. col. 7. vol. 4. hęc tamen ratio non satisfacit, quia secundum eā sequeretur, quod si primō sine conuentione iurasti mihi dare decem, & ego gratis promittam dare vestem, postea cum non resultet contractus innominatus, non oritur actio, quod non videtur verum, argum. de donatione facta vxori per maritum, quę non valet, l. j. ff. de donat. inter vir. & vxorem. tamen si mutuo sibi donent, valet, l. quod autem. §. si vir. ff. illo tit. sic & hic debet valere, licet non resultet contractus innominatus.

Iuramentū  
resultās ex  
contractu  
innominato.

An habeat locū in promissione facta per fidem? Vide quę plenē scripsi in artic. 2. rubr. de citationib. in stylo Bituricen.

Quartō amplia, vbiunque aliās præcederet obligatio naturalis: quia tunc iuramentum etiam de iure ciuili super ea præstitum induceret obligationē, arg. l. j. §. debitum. ff. de constituta pecu. vbi constituens se soluturum id, quod tantū naturaliter debebatur, obligatur efficaciter. facit auth. siue à me. C. ad Velleian. Anchor. & Imol. in d. c. cum contingat. Panor. in c. cum venissent. de institut.

Iuramentū  
præcedens  
obligationē  
naturalis  
obligat.

Primō



4 *Iuramentū promissoriū quādo non obliget.* Primò fallit, quando errore promississet: nempe, error efficit, vt tale iuramentum actionem non producat, cap. quantò. de iureiur. nam iuramentum ad incognita non porrigitur, c. debitores. c. veniens. & c. penult. de iureiuran. & nihil est tam contrarium consensui, quàm error. l. si per errorem. ff. de iurisd. omn. iudic.

Secundò fallit etiam vi. authent. sacramenta puberum. C. si aduersus vendit. glos. not. in c. auctoritatem. 15. q. 6. c. quamuis. de pact. lib. 6.

5 Tertiò fallit, quando metu quis promississet, c. si verò. & ibi Panormit. de iureiuran. c. ad aures. quod metus causi. l. ij. C. illo titulo. glos. in d. cap. auctoritatem. 15. quæstione 6. & hoc quando contractus esset nullus. contra Philip. de Perus. in c. 2. de pact. lib. 6. Marf. in l. penult. num. 76. versic. nec istis obstat. ff. de quæstion. per gloss. sing. in authen. si qua mulier. C. ad Velleian. vbi iuramentum non confirmat contractum ipso iure nullum.

Quartò fallit, quando materia esset inhabilis, vel deficeret, vt dixi suprā in liberto iurante alij, quàm patroho operas daturum, vel in ingenuo operas promittente.

6 Quintò fallit, quando dolo, vel astu, Bolog. plenè consil. 44. Pro tanto. col. 4. & sequen. Socin. consilio 182. col. penult. & seq. in 2. volum. aliàs sequeretur, quòd per ius ciuile tolleretur ius diuinum; & quòd passim eo iure ciuili homines iurent, & sicerit conclusio, quòd ex iuramento introductorio (quod vocant) obligationis, seu promissorio, orietur actio, contra communem, & hoc traditur in verbo, iuramentum. in 4. q. 8. in summa Syluestri, & sequuntur Theologi, maximè Thom. in 2. 2. quæstio. 89. & sic Galli, qui semper fuerunt religionis amantes, vt per Iulium Casarem lib. 6. Commentar. vbi Galli Druides commemorantur, & summa est religionis ratio: d. l. sunt personæ. ff. de religiof. & sumpt. funer.

Sextò fallit, quando vergeret in dispendium salutis æternæ, c. si verò. & c. cum contingat. de iureiur. & dicitur vergere in dispendium salutis, quando iuratur aliquid quod est mortale, vel veniale peccatum. c. & si Christus. de iureiuran. l. iuris gentium. §. si paciscar. ff. de pact.

Secundò, quando verteretur in peiorem exitum.

Tertiò, si iuramentū est indifferens, id est, quando se haberet ad bonum & malum: vt si quis iurat rectori obedire, intelligitur in licitis & honestis. l. non videtur. §. qui iussu. ff. de reg. iur. c. i. de reg. iur. lib. 6.

Quartò, non seruatur iuramentum, quando excludit opus ex charitate faciendum, vt si quis iuret, quòd non faciet elemosynam, vel nihil ex charitate dabit. Panormitan. in cap. si verò. columna tertia. de iureiurando.

Quintò, quando excluditur opus de genere bonorum, vt quando quis iurat quòd nunquam erit Episcopus, vel religiosus, c. qui Episcopatum. 8. q. 1. vel iurat non doctore. Bal. in tracta. statu. in verbo, iuramentum. q. 6.

7 Sextò, dicitur vergere in peiorem exitum quādo est indifferens, neque meritorium, neque demeritorium: nisi tamen in aliquo casu efficeretur demeritorium, vt si iurarem non loqui tecum: si viderem te peccare, te corripere teneor, licet iurauerim. Arch. in c. si aliquid. 21. q. 4. vide 17. casus, in quibus iuramentum promissorium non obligat, per Angel. de

Claua. in sua summa. in verbo, iuramentum. in §. 5.

Quæritur an de iure canonico oriatur actio, Inn. in c. nouit. de iudic. & in cap. cum venissent. col. 2. de iustit. tenet, quòd non, quia non debet tradi differentia inter ius Canonicum & ciuile, nisi expressè inueniatur, cap. i. de oper. noui nuntia. sed non reperitur differentia: ergo iuri ciuili stabimus, fatetur tamen quòd potest cogi ad obseruationem per viam denuntiationis Euangelicæ. d. c. nouit.

Secundò, vbi verba diriguntur ad iudicem, oritur officium iudicis, glo. sing. in l. si soror. C. de colla. sed verba diriguntur ad iudicem, c. fin. de foro compet. lib. 6. vbi text. vult, quòd iurans cogatur per iudicem Ecclesiasticum ad obseruantiam iuramenti: & ista est communis opinio, & verior, teste Ias. in l. iusiurandum quod ex conuentione. in fin. princip. ff. de iureiuran.

Contrarium tenet Hostiens. Ioan. Andr. & Panor. in d. cap. cum venissent. & ibi Imol. dicit esse communem opinionem Canonistarum, & Bart. hinc. Primò, quia ius Canonicum dicit, omne iuramentum, nisi vergeret in dispendium salutis æternæ, esse seruandum. c. cum contingat. de iureiuran. cap. quamuis. de pact. lib. 6. postquam dicit obseruandum, ergo oritur actio, & exceptio. l. statuas. ff. de acquir. rerum dom. glos. in versicul. custodiat. in d. authent. sacramenta. C. si aduers. vend. & c. i. de pact.

Secundò, vltra Bart. probatur sic: Vbiunque oritur obligatio, ibi & actio oriri debet. l. licet. §. ea obligatio. ff. de Procurat. Ias. & alij in Institut. de actio. in princ. sed ex iuramento obligatio de iure Canonico oritur, text. in c. qui sacramento se obligauit. 22. q. 4. & c. omne. 22. quæst. 1. text. in clem. Romani. col. 3. de iureiuran. ibi, *Et quòd nunquam fecerit iuramentum, propter quod foret ad iuramentum fidelitatis obligatus.* & ibidem col. penult. sub prædicto suæ obligationis iuramento, & c. aut regula, non est obligatorium à contrario. de reg. iur. in 6.

Tertiò, postquam ex pacto nudo oritur actio illo iure, fortius & ex iuramento, cap. i. de pact. & quòd oriatur actio, est glos. sing. in c. quoties cordis. 1. q. 7. & communiter Doct. in d. c. i.

Postremò facit c. per tuas. in fin. de arbit. ibi, *Quia iuramento potuit seipsum personaliter obligare.* & istam opinionem æquiore & veriore puro. quā tenet Barbat. in rub. de iureiur. in clem. col. pen. & seq. & Fortu. in d. c. i. num. 25. de pact. & ista est communis, teste Corseto in tracta. de iureiur. q. vlt. quem sequitur Ioan. de Selua in tractat. de iureiur. in 3. parte. q. 1. vbi hanc conclusionem limitat 24. modis, quos ibi videre poteris.

Non obstant argumenta contraria: quia: posito pro constanti, quòd ex iuramento promissorio, de iure ciuili oriatur actio, fortius de iure Canonico, nec refragatur, quòd imò officium iudicis oriatur, quia quoddam est, quod etiam deseruit actioni, Bar. in l. j. ff. de iurisd. om. iud. & sic de illo potest intelligi, vt ait Innoc.

Et per hoc inferitur, quòd perperam sensit hinc Bar. dum generaliter dicit iuramentum non obligare etiam naturaliter, per hunc textum, alioqui posset fideiussor adesse, l. j. & l. stipulatus. suprā, eodem. quod non potest, vt hinc: sed hoc ex eo est hinc, quia deficit materia, vt suprā declarauimus, & etiam, quia lex prohibet, aliàs secus.

*Iuramentū promissoriū an de iure Canonico pariat actionem?*

*De eadem re.*

*Eiusdem confirmatio.*

*Officiū iudicis actio- ni deseruiens.*



*Iuramentū Deo factū.* In quantum Bartol. dicit hīc, quod ex iuramento facto Deo non obligor: loquitur contra text. in cap. debitores. de iureiur. ibi, *Cogendi sunt Domino reddere iuramentum.* & Matth. c. j. Reddes autem Domino iuramenta tua. Ideo dico, quod quando iuro dare Deo centum, tunc videtur Deus acceptare, & ministri Ecclesiæ habebunt, l. si quis ad declinandam. C. de Episcop. & cleric. & sic potest intelligi Bartol. Aliquando iuro præsenti dare decem, & videtur acceptare, & sic est consensus duorum, saltem tacitus, l. qui ad certum. ff. loca. c. qui tacet. de reg. iur. lib. 6. aliquādo iuro me dare absenti, & loquitur l. certum. §. si quis. ff. de confess. Item absentia partis repletur præsencia Dei. l. properandum. §. sin autem reus. C. de iudiciis.

Secundò, probatur postquam de iure Canonico secundū eum, oritur actio, ergo & obligatio naturalis: quia alioqui ius Canonicum non diceret illud seruandum, prout dicit in c. j. & per totum titulum de iureiuran.

Tertiò postquam oritur obligatio naturalis de iure Canonico, ergo & de iure ciuili: quia ius naturale est immutabile, §. fin. Instit. de iure natur. gent. & ciuil. & iure naturæ teneor obseruare iuramentum: ideo cū lex naturæ sit immutabilis, cuius est interpret & sator Deus, teste Cicer. nō erit alia lex naturæ Romæ, alia hīc, sic nec alia de iure Canonico, alia de iure ciuili, ergo idem erit in vtroque casu.

*Parti quomodo iurādo promittatur.* Item dum dicit, quod iurando nō promitto parti, sed Deo, loquitur contra text. in cle. vnica. de iureiur. vbi ponitur forma iuramenti Imperatoris, videlicet, *Iuro coram Deo & Beato Petro, me de cetero protectorem, procuratorem & defensorem fore summi Pontificis, & huius sanctæ Romane Ecclesiæ, in omnibus necessitatibus, & utilitatibus suis, custodiendo, & conseruando possessiones, honores, & iura eius, &c.* En ergo, quomodo promitto parti, teste Deo, & coram Deo: alioqui pars non posset promittere iuramentum, vt facit, c. ij. de sponsal. l. remittit. ff. de iureiuran. glos. in verbo, sententia. l. j. ff. de fer. nec parti acquireretur aliquid ex iuramento.

Item est text. in l. cū quis decedens. §. codicillis. ff. de legat. 3. ibi, *Patruo suo iurauit.* & sic potest quis iurare præsenti se daturum, & absenti. l. certum. §. si quis absente. ff. de confess.

Tertium est iuramentum actus inualidi confirmatorium, de quo plenè infrā dicitur.

Ratio dubitationis huius principij erat ex l. si quādo. §. fin. ff. de oper. libert. vbi pro liberto iurante potest quis fideiubere: ergo videbatur etiam pro alio, cū non aliter obligetur libertus, quā liber. Contrarium hīc statuitur in alio: quia postquam alius non obligatur, ergo fideiussor non potest accedere obligationi, quæ non est, quia iam liber est, l. qui contra. sup. eod. & l. fideiussor obligatur. illo tit. nec admitto quod dicit Paul. hīc, eò fideiussorē non teneri, quod principalis teneretur Deo, & fideiussor parti, & hoc non potest esse, l. obligari. ff. de fideiussor. secus quando libertus iurat patrono, quia tunc iuramentum habet vim promissionis factæ parti, dic vt suprā dixi.

Summarium Bar. sup. reprobauit in eo, quod dicit generaliter iuramentum non posse inducere obligationem: ideo ego sic sumo, Pro non obligatione non potest accedere fideiussor. Primum not. etiam suprā fuit

in præfatione elucidatum.

Secundò notat Bar. quod in obligatione facti potest accedere fideiussor, si principalis sit obligatus: nam hīc ideo non tenetur fideiussor, quia principalis non tenebatur.

Oppono, quod fideiussor tunc non possit obligari, quia factum vnius, non est alterius: imò eiusdem hominis diuersa facta sunt inspecta varietate temporis, l. si non sortem. §. libertus. ff. de condit. indeb. §. j. & in auth. de instru. cautel. & fid. colla. 6. ergo aliud videretur fideiussor promittere, quod non valeret. l. si ita fideiussorem. suprā, eod.

Respondeo, pro declaratione facias casus sequentes. Primus est, fideiussor simpliciter fideiubere pro alieno facto potest, & intelligitur fideiubere omni modo, quo valere potest, l. quoties. ij. sup. de verbor. obli. l. cū filius. §. j. eod. tit. l. cū ostēdimus. §. si. de fideiuss. tuto. tum quia curabit principalē debitorem factum adimplere, tum etiam quod si principalis non faciat, fideiussor tenebitur, per iura prædicta.

Secundus casus est, quando in fideiussione promittit ipsum interesse ratione facti, & tūc valere dubium non est, l. stipulatus es opus. de fideiussor. Bal. in margar. in verbo, fideiussio. in 23. q. nec videtur promittere rem diuersam: nam principalis etiam videtur promittere interesse, si alius non faciat, l. stipulationes. §. Celsus. ff. de verbor. obliga. secus in obligatione dandi. d. l. si ita fideiussorem.

Tertius casus est, quando promitto factum perfectum, tunc valet, vt, promitto dare librum scriptum à tali scriptore: eo enim casu potero facere quod per ipsum fiet, & postea dabo. l. continuum. §. si ab eo. ff. de verbor. oblig.

Quartus casus est, quando promitto factum non perfectum, vt promitto & fideiubeo quod ille faciet domum, & tunc non valet: quia factum alienum omnino promitto, l. sicut. de fideiussor. potest tamen fideiussor promittere pœnam, ad quam non tenebatur debitor principalis, & ad eam obligatur, quod est singulare, secundum Angel. & Imol. ibi.

Quintus casus est, quādo promittit se curaturum quod principalis faciet, & valet, l. inter stipulantem. in prin. ff. de verb. obli. & an fideiussor liberetur per mortem principalis, vide Panor. consil. 90. Circa primum. in i. volu. tenentem, quod sit liberatus, & plenissimè Hyppol. Marfil. in rub. suprā eod. q. 20.

Sextus casus est, quando promittit se facturum id quod principalis promittit, & valet, si sint eiusdem peritiæ, l. nemo. ff. de duob. reis. aliās non: quia diuersum videtur promittere, d. l. si ita. de fideiussor. quod est notandum: nam per hos casus plena & facilis redditur materia.

Nunc superest videre, quando iuramentū habeat confirmare actum inualidum, & hīc Bar. plenissimè tractat, & alibi nō inuenitur prout ipse asserit, describendo decem casus in quibus iuramentum hoc, an valeat, discutit.

Primus casus est, quando contractus est cōtra bonos mores, tunc nō validatur iuramēto. per reg. non est obligatorium. de reg. iur. lib. 6. quia iuramentum nō est institutum, vt sit iniquitatis vinculum. c. inter cetera. 22. q. 4. c. i. de consuet. lib. 6.

Quæro, qui dicantur boni mores? Respondeo, qui congruunt rationi naturali: mali verò, qui à ratione dissentiant. Vnde dicunt Theologi, quod est contra

ius

*Fideiussor in obligatione facti.*

*Oppositio.*

*Responso.*

9

*Fideiussor promittēs interessē ratione facti.*

*Factū aliē nū promittē nō potest.*

10

*Fideiussor quis morte debitoris liberetur.*

*Iuramentū nō cōfirmat cōtractum cōtra bonos mores. Boni mores de quibus intelligantur.*



ius naturale, peccatum est, Thomas in secunda secunda questione 162. artic. primo. & q. 198. artic. 14. & prima secunda. q. 21. art. primo. probatur in c. primo. de consuetu. lib. 6. vbi illud, quod fit contra ius naturale, inducit periculum salutis æternæ: & sic peccatum est. Fortu. in tract. de ultimo fine iuris canon. & ciuilibus. numero 256. & Feder. consil. 140. Punctus. circa finem.

Aduertendum est quod quidam sunt boni mores naturales, id est, de iure canonico, alij sunt boni mores ciuiles. Primo casu, contra bonos mores dicitur, quando inducit peccatum: vel homines ad peccandum. Bal. & alij in l. pacta quæ contra. C. de pactis. Bal. in l. pactum quod dotali. 19. q. de collatio. l. non dubium. 17. opposit. de legib. & sic intelligitur d. reg. non est obligatorium, non de bonis moribus ciuilibus. Alex. consil. 21. Attentis. col. 4. in 3. vol. Decius consil. 655. Vifo. col. 3. Felin. in c. si diligenti. correla. vlt. limitatione 6. de foro compet.

Illud dicitur contra bonos mores ciuiles, quando artificio iuris ciuilibus inducitur. Felin. in c. si diligenti. numer. 30. de foro compet. vnde quicquid est improbum, vel inhonestum, dicitur contra bonos mores ciuiles. Ias. in d. l. pacta. notab. 2. Alex. consil. 7. Vifo. col. 3. vol. 6. Ias. in l. ex ea. §. primo. not. 2. ff. de verborum obligat. vel illud, quod est contra honestatem publicam. l. item apud. §. sed quod adiicitur. ff. de iniur. Ioan. Riminald. in l. pacta quæ contra. col. prima. C. de pact.

Et si statuto vel consuetudine cautum sit, quod factum contra bonos mores non valeat, debet intelligi de naturalibus. §. singulorum. Instit. de rer. diuis. Thom. in prima secunda. q. 100. artic. primo. & Paul. ad Roma. 2. c. Gentes, quæ legem non habent, naturaliter ea, quæ legis sunt, faciunt. & David Psal. 40. Quis ostendit nobis bona? Signatum est super nos lumen vultus tui Domine. Posset etiam intelligi & de bonis moribus ciuilibus, cum statutum intelligi, declarari, & restringi secundum ius ciuile debeat. l. omnes populi. & ibi Bar. ff. de iustit. & iure.

Ex quo inferitur, quod pactum futuræ successio- nis, per quod inducitur votum captandæ mortis alius, non firmatur iuramento: quia est contra bonos mores. l. fi. C. de pact.

Nec refragatur c. quamuis pactum. de pact. lib. 6. vbi iuramentum valet super pacto de non succedendo, quia considerare debemus quoddam esse pactum de non succedendo, & istud bene firmatur iuramento. d. c. quauis. Benedic. in c. Raynutius. in vers. duas. num. 193. cum seq. de testa. quia hoc introducit ius ciuile propter inconueniens, quod poterat sequi: quod est, si filius videret se successione priuatum propter suum pactum, non curaret præstare obsequia patri, vt debet. Idem, vt filius incitetur ad obsequia præstanda patri, & ad viuendum honestè, noluit ius ciuile, quod dictum pactum valeret: tamen ius canonicum fauore religionis statuit contrarium. Imol. d. c. cum contingat. col. 25.

Aliud est pactum de succedendo: & istud non valet etiam cum iuramento, quia inducit votum captandæ mortis: & istud est contra bonos mores naturales, id est, de iure canonico, & sic non firmatur iuramento. c. ne captandæ. & c. de restit. de concess. præbendæ. lib. 6. & etiam quia auferret liberam testandi facultatem, contra l. primam. C. de sacrosan. ecclesiis. Itē

frater malignaretur fratri succedere debet: sicut cogitur, Genes. 27. vbi sic dicitur, Oderat ergo Esau Iacob, pro benedictione, qua benedixerat ei pater, dixitque in corde suo, Veniet dies luctus patris mei, vt occidam Iacob fratrem meum, &c.

Idem dicendum est in pacto, de certo modo hereditate disponenda, sine consensu illius de cuius successione agitur: quia cum videatur inducere votum mortis captandæ, censetur contra bonos mores: idem non valet. not. in d. l. fin.

Secundò inferitur, quod pactum per quod auferitur libera testamenti factio, est contra bonos mores: idem non firmatur iuramento. l. stipulatio hoc modo. ff. de verbo. oblig. Bar. hic intelligit de iure ciuili, sed de iure canonico, cum iuramentum possit seruari sine detrimento salutis æternæ, venit seruandum, alioqui est periurus. Imol. in d. c. cum contingat. in primo membro. valebit tamē actus, cum iuramentum tendat contra substantiam actus, qui est vt testamentum dicatur vltima voluntas, quæ sic non dicitur, nisi esset reuocabilis. Idem iuramentum non impedit reuocationem, licet faciens contra iuramentum sit periurus. gloss. in c. si. de Procurat. lib. 6. vbi multa addidi, gloss. in c. vltima voluntas. 13. q. 2.

Tertiò inferitur, quod pactum per quod impeditur libertas matrimonij, est contra bonos mores. l. Titia. ff. de verborum obligat. nec firmatur iuramento. c. Gemma. de sponsa. Aufrer. in Decis. Tholosan. quæst. 191.

Quartò, pactum factum cum muliere adultera, de contrahendo post mortem sui viri cum adultero, non valet, nec firmatur iuramento: quia est contra bonos mores naturales: & inducit votum captandæ mortis. Aufrer. in Decis. Tholosan. q. 382.

Quintò inferitur, quod conuentio turpis non firmatur iuramento, nec valet. l. generaliter. & l. si plagij. ff. de verb. oblig. & sic qui iurauit occidere, vel adulterari, non tenetur: imò magis placent transgressionibus, quàm obseruationes iuramenti. §. primo. in authen. Scenicas. §. non solum si fideiussores, &c. colla. 5. Feder. consil. 140. Punctus. & c. Angel. in §. æquæ. colum. 3. Instit. de except. quod eis permittitur. C. de nupt. idem magis placuisset Deo reuocatio iuramenti Herodis filia facti, quàm executio in Ioannem. c. actione. 22. quæst. 4.

Sextò inferitur, quod qui iurauit occidere patrem, non obligatur. c. primo. & per totum. 22. qu. 4. & est variatio melior, quàm executio. c. magnæ. 22. q. 4.

Septimò, qui iurauit vxorem, & liberos siue filios expellere. c. quinquaginta. de iure iur. c. inter. 12. q. 4.

Octauò, qui iurauit non alere patrem, vel filios, non obligatur, quia contra bonos mores est. Alexan. consil. 7. colum. 3. vol. 6. allegat Bald. in d. l. pactum. q. 19. text. in l. condiciones. ff. de conditio. instit. c. cum quidam. §. si. ff. de iure iur.

Nonò, non valet iuramentum, vt non agatur cum vxore rerum amotarum: quia per illud inuitarentur mulieres ad furandum & delinquendum. l. conuenire. ff. de pactis. dotal. l. iurifgentium. §. & generaliter. ff. de pact.

Decimò iuramentum dolo, vel metu præstitum, non valet de iure ciuili. authen. sacramenta puberum. C. si aduersus vend. de iure verò canonico obligat: sed potest peti absolutio, gloss. & Doctor. in d. c. si verò. & ista est communis opinio Canonistarum.

Simile pactum priori.

Pactum auferens liberam testamenti factionem.

Pactum quod matrimonij libertatem impedit.

Pactum adulteræ cum adultero.

Iurans occidere, vel adulterari. non obligatur.

Iurans occidere patrem.

Iurans vxorem expellere.

Iurans non alere patrem, vel filios.

Absolutio iuramenti dolo præstiti.

Boni mores ciuiles concernunt honestatem publicam.

Iuramentum non firmat pactum futuræ successio- nis.

Pactum de non succedendo firmatur iuramento.

Quare pactum de succedendo, non valet.



*Iuramentū  
non firmat  
promissio-  
nē rei non  
existentis.*

Vndecimò inferitur, quòd nō valet promissio beneficii non vacantis, quomodocunque fiat. c. detestanda. & c. seq. de concess. præbendæ. libr. 6. nec firmatur iuramento, cū sit contra bonos mores: quia inducit votum captandæ mortis. not. in c. 2. de concess. præbend.

*Absolutio  
iuramenti  
quādo non  
petenda.*

Duodecimò inferitur, quòd quando iuramentum est contra bonos mores naturales, non requiritur absolutio, vt quis veniat contra: quia iuramentum non est obligatorium. vt d. regula. & hoc expressè firmat Panor. in qu. 2. incipien. Stante statuto. col. 14. vers. Tertius est casus. & ad elucidationem illius regulæ vide abundantius per Lucam de Penna in l. iij. col. 4. de prædiis curial. libr. 10. Angel. in §. æquæ. col. 3. cum seq. de exceptio. in Instit. & Christopho. de Castellan. in sua prima disputatione. col. 4. in 2. conclus. & Feder. de Senis, cōsi 140. Aegidius Bellamer. consil. 3. Alex. consil. 7. num. 9. in 6. vol. Decius consil. 655. ad cautelam tamen melius est absolutionem petere. c. cū quidam. in fi. de iureiur. Alex. in l. stipulatio hoc modo: col. 3. ff. de verbor. obligat. vide Ioan. Berber. in viatorio iur. rubr. de donatio.

*Iuramentū  
non firmat  
contractum  
inualidum  
ob publicā  
utilitatē.*

Secundus casus, quando contractus reprobatu-  
fauore publicæ utilitatis principaliter, tunc nō con-  
firmatur iuramento. l. ij. & l. quemadmodum. C. de  
agricol. & censitis. c. si diligenti. de foro competentis:  
quia non esset seruandum, si adferret damnum pri-  
uato fortius quando utilitati publicæ. c. sicut. 2. c. in-  
tellecto. de iureiur. & quia non debet esse iniquitatis  
vinculum. c. inter cætera. 22. qu. 4. sequitur Aufser.  
Tholos. Decis. q. 38. gloss. in verb. iureiurando. in tit.  
de pignorib. quæ ad cultum diuinum.

*De eodem.*

Ex quo inferitur, quòd iuramentum interpositum  
super alienatione rerum, quæ sunt ædibus adfixæ, nō  
firmat contractum prohibitū propter publicam uti-  
litatē principaliter: ne vrbs deformetur ruinis. l. cæ-  
tera. ff. de legat. primo. & l. senatus. de contrah. empt.  
in Ordina. Regia Philippi Pulchri, prima: dicendum  
est tamen, quòd postquam à iure canonico nō repe-  
ritur improbatum, & cum eo iure omne iuramen-  
tum, quòd potest seruari, sine detrimento salutis æter-  
næ, sit seruandum. d. c. cū contingat. hoc etiam erit  
seruandum: quia in aliquibus casibus licitum est de-  
trahere adfixa domui: vt nota. in d. l. cætera. & per  
Soci. in tract. fallentia. regula 222. Legari. ergo iura-  
mentum videtur quòd possit hoc operari. Imol. d. c.  
cū contingat. col. 27. & hoc respectu iurantis, sed  
reipub. si viderit ex hoc subire detrimentum. poterit  
contradicere. & non obstante iuramento prohibere,  
ne res sic tradatur, vt notatur in rub. C. de operis  
publ. facit l. si quis in graui. §. verum. ff. de Senatus-  
consult. Syllanian.

*Pactum de  
instantia li-  
tis proroga-  
ta, iuramē-  
to firmatū.*

Secundò inferitur, quòd pactum per quod proro-  
gatur instantia litis, non firmatur iuramento, quia  
contra publicam utilitatem. l. properandum. C. de iu-  
dic. sed de iure canonico non videtur contra publi-  
cam utilitatem, cum eo iure non sit præfixa instantia  
in causa principali, nota. in c. penult. secundum vnum  
intellectum, de iudic. Ergo iuramentum seruari de-  
bebit, cū siue detrimento seruari possit. c. si verò. de  
iureiur. Iacobi. contra Bart. in d. l. properandum.  
ita tenet.

*Pactum de  
opus nouū  
nuntiando,  
in causa pu-  
blica.*

Tertiò, non firmatur iuramento pactum, ne opus  
nouum nuntietur in causa publica, l. iuris gentium. §.  
si paciscar. ff. de pact. dicerem etiam hoc iuramentum

seruandum: quia licet is, qui iurauit, nō nuntiet, alius  
poterit nuntiare, & hoc tenent Paul. & Ias. in d. §.  
si paciscar.

Quartò, inferitur, quòd si statuto caueatur, vt de-  
bitor frumenti liberetur soluendo decem solidos pro  
corbe, vel sextario frumenti, vt ciuitas abundet fru-  
mento: cū tale statutum sit ob publicam utilitatem  
principaliter tum inductum, tali statuto non poterit  
renunciari, etiam cum iuramento. Bart. hīc. dic ta-  
ment, quòd postquam potest seruari sine detrimento  
salutis æternæ, venit seruandum secundum ius ca-  
nonicum. hoc tenet Alex. consil. 27. Viso. numero 9.  
in primo. vol. potest tamen peti absolutio secundum  
eum ibi. Corne. consil. 78. Quanquam. vol. primo.

Quintò inferitur, quòd si alienetur seruus adscri-  
ptus, non tenet alienatio, etiam cum iuramento:  
quia videtur esse prohibitum propter publicam uti-  
litatem principaliter, videlicet ne cultura agrorum  
deferatur. tex. & ibi gloss. in l. ij. C. de agrico. & cen-  
sit. lib. 11. tamen, quia non reperitur iuramentum à  
iure canonico improbatum, potestque seruari sine  
detrimento salutis æternæ, idè seruandum erit: quia  
poterit locari fundus colendus alteri: vel alij emere,  
vel locare ad colendum poterunt dictum fundum:  
quia multi sunt fundi, in quibus nō sunt illi adscripti-  
tij, maxime in hoc regno, tamen cultura ob hoc non  
deferitur. Imol. in d. c. cū contingat. col. 7. De istis  
seruis vide gloss. in consuetud. Burgundiæ. in rubr.  
des mains mortes. per Chassan.

*Alienatio  
serui adscri-  
pti.*

Nec obstat c si diligenti. quia ibi loquitur, quando  
actus nedum est improbatus ob publicā utilitatem,  
verum etiam, quando est expressè à canonibus im-  
probatum, vnde in fine tex. dicitur, quòd iuramentum  
seruare non potuit, quia cōtra statuta canonica, aliās  
ergo remanere debet, quod quidem iuramentum  
etiam contra publicam utilitatem appositum, est ser-  
uandum: quia potest seruari sine detrimento salutis  
æternæ: fallit, quando est à canonibus expressè im-  
probatum à quibus iuramenti potestas dependet.

*Potestas iu-  
ramenti à  
Canonibus  
dependet.*

Nec obstat secundum, quòd habeat præiudicare  
iuri reipub. quia non præiudicat, sed potius præiudi-  
cat dispositioni factæ propter publicam utilitatem:  
quod non videtur esse prohibitum: nam firmat iura-  
mentum contractū super re dotali initum, licet pro-  
pter publicam utilitatē fuerit prohibitum, etiam me-  
lius est temp. pati, quàm hominis animam damnari,  
cū sit præferenda quibuscunque rebus, etiam uti-  
litati publicæ. l. sancimus. C. de sacros. eccles. Imò  
maior est utilitas publica, Theologicè loquendo, in  
seruando iuramentum, quàm alia reip. utilitas: vt in  
Euangelio, Gaudium est in cœlis super vno peccato-  
re, &c. Et sic, de duobus malis maius, videlicet dam-  
natio animæ est fugienda. c. duo mala. dist. 13. & c. nō  
solū. 22. q. 4. & maior est amissio vnius animæ, quàm  
omnium corporum. c. si habes. 24. qu. 3. Et etiam ius  
ciuile, licet reputet aliquid contra publicam utilita-  
tem principaliter, non per hoc sequitur quòd de iure  
canonico illud etiam debeat reputari contra publi-  
cam utilitatem, nisi hoc exprimat, vt patet de pro-  
rogatione instantiæ. Imol. in d. cap. cū contingat.  
columna 17.

*De eodem.*

Nec refragatur, quòd ius canonicū videatur ap-  
probare dispositionem iuris ciuilis, quando non pro-  
bet, cap. primo. de noui oper. nuntia. quia hoc verum  
est, quādo actus nō est iuratus, sed quādo est iuratus

*Eiusdē cō-  
firmatio.*

&



& ius ciuile non obseruat, non videtur ius canonicum approbare illum actum. notatur in d. cap. si diligenti.

Nec ius ciuile poterit iuramenta improbare, cum sint iuris diuini: Reddite iuramenta vestra Deo. Matth. 5. & c. & si Christus. de iureiur. c. magnæ. de voto. & c. si peccatum. 22. q. 1. sed seruabit iurans suum iuramentum, quod si esset detrimento publicæ vtilitati? Respond. impedit ne seruetur, vt suprà dixi: quia illud iuramentum non impedit rempub. nec ligat. Et sic non obligatur in foro Cæsareo pars quæ iurauit ad seruandum prædictum iuramentum, licet animaliget, vt in fine istius legis dicitur.

Tertius casus est difficilior cæteris, quando actus improbatur à lege, ratione vtilitatis priuatæ principaliter, & publicæ secundariò, tunc iuramento confirmatur, secundum ius canonicum. d. c. cum contingat. & c. licet mulieres. de iureiur. lib. 6. gloss. in verb. iureiurando. in tit. de pignor. cult. diui. in prag. sanct. Soci. consi. 279. Visa donatione. col. prima. vol. 2. tum quia cõtinet æquitatem, qua nulla est maior, quàm salus animarum. l. sancimus. C. de sacrosan. ecclesiis: & quia sine interitu salutis æternæ seruari potest.

Ex quo inferitur, quod alienatio rei dotalis, quæ principaliter ratione vtilitatis mulieris est prohibita, ne careat dote, & sic non possit nubere, & secundariò fauore publico, ne impediatur liberorū procreatio, vtque ciuitas hominibus impleatur liberis. l. prima. ff. solut. matr. l. lex Iulia. ff. de fund. dota. l. prima. §. & cum lex. C. de rei vxor. actio. tamen firmatur iuramento. d. c. cum contingat. Guido Papæ in Decis. Delph. qu. 190. In honorariis. Ausfer. Decis. Tholos. quæst. 382. Item fuit quæsitum an iuramentum, & c. Alex. cons. Viso instrumento, & c. vol. primo. & consil. 32. Consideratis. in 2. vol. & consil. 21. Attentis col. 4. vol. 3. nam vir sine dote inuenit vxorem nobilem & generosam, ac pulchrā, & virginem, quæ est prima dos, inuenit certè pellem pro pelle, ob id matrimonium non prohibetur.

13 Imò, apud Babylonios matrimonia sic tractabatur, quotannis statò die locòque puellas suas congregabant: formā præstantiorem plura offerenti despondebant: deformiorem autem minore dote accepturo nuptui dabant, dotemque ex accepta, in formosioris collocatione, pecunia persoluebāt, ita ex in deformibus deformium dos parabatur. teste Fulgo. lib. 2. de instit. antiq.

Aduertendum est tamen, quod licet illa capitula, non dicant contractum confirmari, sed solum dicant iuramentum esse seruandum tamen contractus remanet validus, quasi iurando liceat alienare. gloss. in authen. sacramenta. in verbo. obseruari. C. si aduersus vendi. quod est magni effectus, vt infra dicitur.

Ex quo inferitur, quod si lex prohibeat contractū, seu alienationem tantum, vt in l. Iulia. ff. de fundo dota. non alie. confirmatur iuramento. d. cap. cum contingat.

Si verò lex præciperet personæ, & diceret, mulier nō alienet: vel, quod aliquis non emat, tunc talis contractus iuramento non confirmatur, quod sic probat hîc Bart. qui facit contra præceptum legis constitutæ ab habente potestatem, peccat mortaliter: quia scriptum est, qui non obedierit Principi morte moriatur. c. 2. de maior. & obed. ergo prohibitus ne alienet, alienando, vel aliàs recipiendo, peccat mortali-

liter. Iuramentum ergo interpositum super obseruatione peccati mortalis est nullum, quia ita demum debet seruari, si non vergat in dispendium salutis æternæ. c. si verò. de iureiur. Calde. consil. 9. An iuramentum. rub. de iureiuran.

14 Ultra Bar. facit, quia in hoc iuramento deficit vnū ex tribus comitibus, videlicet iustitia, quæ omni iuramento debet inesse. c. animaduertendum. 22. qu. 2. & c. & si Christus. de iureiur. & quia iuramentum nō ad hoc inductum est, vt sit iniquitatis vinculum, vel cuiuscunque criminis, nec iuramentum ad hoc fieri debet, vt iniusta iuratio suorum bonorum sit iniuste iurantibus spoliatio, & accipienti æterna damnatio. c. inter cætera. 22. qu. 4.

Præterea Bar. inducit dictum Hosturi. allegatum per gloss. in d. c. licet. vbi si vir iurat alicui se non alienaturum fundum dotalem, postea alienat cum iuramento, non valet alienatio, secus si nulli per d. gloss. sing. secundum Bald. in c. veniens. in fi. de iureiuran. Barba. in repetit. c. Raynaldus. col. 93. de testamen. Alexand. in l. Mæuia. §. fi. ff. solut. matr. & consil. 16. Ponderatis. 3. vol. Ias. in l. duobus. §. fi. ff. de iureiur. & l. non solum. §. morte. col. 7. de noui operis nuntia. & in §. si quis postulante. numero 11. Institu. de actio. & Georg. Nat. in repet. c. quamuis. col. 5. de pact. libr. 6. & Thomas Parpal. in repetit. l. si quis maior. col. 18. C. de trāfact. Benedict. in repet. c. Raynutius. in verb. duas habens. num. 290. de testam.

Aduerte tamen, quod gl. in d. c. licet. format quæstionem in muliere, quæ iurauit non alienare dotem, nec alienanti consentire, nisi certo modo, & iudicis autoritate, quod longè diuersum est, teste Luc. in l. ij. C. de agrico. & censit. lib. 11. vnde Guido Papæ in suis Decisio. q. 546. Testis. & q. 593. Testis. Bal. consil. 133. in vol. primo. Fel. in c. cum M. col. penul. de cõstitut. Capola cautela 171. Hyppolit. in rubr. ff. de fideiussor. q. 28. Chassa. in §. 16. in glos. ne peut. in consuet. Burgūd. rubr. des droicts. & quibus casibus valeat secundum iuramentum, de Petrucia in 8. effectu.

Insuper subdit Bar. quod si fideiussor pro seruanda dote detur, contra tit. C. ne fideiussor. dorum dentur, non confirmatur iuramento talis prohibitio, quia dirigitur in personam, videlicet ne mulier accipiat: ne vir det, ergo si fecerit, est factum contra præceptum legis, & ita tenet gloss. in d. l. prima. dicens illi legi non posse renuntiari etiā cum iuramento: nam si mulier se cõmisit marito, ne perfidiæ causa in conubio oriatur, cur exigi debet ista satisfactio? dicit l. ij. ibidem. & hoc sequitur Bald. distinguendo tamen, consil. 487. Considerandum. vol. 3.

Contrarium tenet Paul. hîc, videlicet, quod confirmetur iuramento & allegatur, licet hoc nō dicat, Ioan. Andr. in addit. ad Specul. in tit. de instrument. edit. §. porro. circa fi. & Bald. in l. antiquæ. in fin. C. ad Velleia. Sali. in d. authen. sacramenta. Alex. in l. si constante. §. quoties. col. 3. ff. solu. matr. Ias. in proce. actio. num. 22. & seq. Corne. consil. 6. col. 5. in primo volu. & consi. 36. Videtur. D. de Petruc. in d. tracta. de viribus iuramenti. in 30. effectu. quia licet legi prohibitiuæ non possit renuntiari pacto simplici, vel stipulatione: secus tamen si iuramento. Doctor. ind. c. cum cõtingat. Vital. in tract. clausul. fol. 215. in paruo vol. Iacobi. in l. profectitia. §. primo. col. 2. ff. de iure dot. Soc. consi. 81. Super. col. 2. vol. 3. Ioan. Lupus in repet. c. per vestras. §. not. de donatio. inter virum & vxor.

Et

*Iuramentū  
quomodo  
actū inua-  
lidū de iure  
canonico cō-  
firmet.*

*Alienatio  
rei dotalis  
iuramento  
firmata.*

*Alienatio  
rei dotalis  
cum iura-  
mento.*

*Lex probi-  
bitua ariū  
ramēto cō-  
firmari pos-  
sit.*

*De eadem  
re.*

*Iuramentū  
confirmat  
cōtractum  
à lege pro-  
hibitum.  
Restrictio.*



*Eiusdem  
decisio.*

Et ista sunt valde notanda propter statuta diuersa & consuetudines, vt semper inspicere debeat an prohibeant contractum, videlicet vt non alienetur fundus dotalis, vel an prohibeant personas, vt mulier in potestate viri nullum contractum possit facere, & tunc non confirmatur iuramento, ista est doctrina Bar. (qua sequitur Angel. hic) in d. authen. sacramenta. sed Paul. hic contrarium tenuit, dicens se pluries contra Bar. consuluisse, & hanc opinionem Pauli ferè tenent omnes canonistæ & legistæ, teste Alex. c. 27. Vifo. col. penult. in primo vol. quia etiam si verba dirigantur in rem: tamen contra faciens videtur dici legis transgressor. l. non dubium. C. de legib. & sic videtur debere incurrere peccatum inobedientiæ, per id quod habetur in c. generali. de electio. lib. 6.

*Confirmatio  
eiusdem.*

Item facit text. in tit. quibus alien. licet. in princip. in Instit. & l. lex Iulia. ff. de fundo dota. vbi prohibitio fundi dotalis dirigitur in personam mariti, & tamen firmatur iuramento. c. cum contingat. & c. licet. de iureiur. lib. 6. idem habetur in d. authen. sacramenta. iuncta l. si. ff. de rebus eorum. & l. non solum. C. de prædiis minor. l. prima. & 2. ff. ad Velleian.

Item facit l. quisquis. §. præterea. C. de postul. Guido Papa. q. 190. in honorariis. & multos hinc inde citat Andr. Tiraquel. in tracta. de legib. connubia. in gloss. 2. in fi. Corne. consil. 6. vol. primo. & Barba. consil. 53. col. 5. vol. 4. Ias. dicit doctrinam Bart. falsam, in l. is cui. col. penult. ff. de verb. oblig.

*Obiectio  
nis solutio.*

Nec obstat l. non dubium. vbi non valet contractus, nec iuramentum, verum est de iure ciuili: secus de iure canonico, vel intellige, quando contractus esset nullus, quia sit contra bonos mores naturales, vel ratione turpitudinis. Bald. & Ias. ibi. & Dec. consil. 345. Vifis. col. vlt. vide Iacobi. col. 1. d. authen. sacramenta.

Item doctrina videtur verbis imposita, & non rebus, contra c. commissa. de electio. lib. 6. l. ij. C. communia de lega. Luc. in d. l. ij. & Ancharan. in repet. c. primi. de constitutio. quia verba collata in rem, concernunt potius personam, quam res c. tanta. de excessib. prælator. Panor. in qu. 2. incipiente, Statuto. col. 5. & sequent.

*Prohibitio  
legis qua-  
tenus exten-  
datur.*

Item sufficit legislatori prohibere, quod fieri non vult, qualitercunque: nec distinguitur personaliter, aut impersonaliter. l. non dubium. C. de legib. fortior est prohibitio in rem, quam in personam. l. aut qui. §. si. ff. quod vi aut clam. & æquè punitur delictum prohibitum personaliter, & impersonaliter. l. vnica. C. de superindict. lib. 10. nec debet inspicere cum quo lex loquatur: sed in quem dispositionis effectus dirigatur. l. cum pater. §. donationis. ff. de lega. 2. gloss. in l. prima. C. ne fideiussor. dot. dentur. quæ dicit, quod si quis prohibetur dare, alter prohibetur recipere. l. prima. C. de cupres. lib. 11. nec obstat doctrina Bart. quod qui venit contra præceptum legis, peccat: quia verum est, quando comprehenderetur actus, sed actus iuratus non comprehenditur in lege, vel statuto faciente mentionem de aliquo actu. gloss. in c. cum non deceat. de elect. lib. 6. & ita peccaret quis veniendo contra præceptum, siue in rem, siue in personam. Alex. consil. 27. in fi. vol. primo. Hanc opinionem in quibusdam casibus veram tradunt moderni. in c. cum contingat. de iureiur. vbi eos vide.

*Iuramentum  
in contractu,  
odio credi-  
toris prohi-  
bito, seruā-  
dum.*

Quartus casus est, quando contractus in odium creditoris prohibetur, tunc iuramentum appositum in ipso contractu est seruandum. c. significante. de pi-

gnor. vbi pactum legis commissoria est in pignori- bus reprobatur odio creditorum, qui rem magni valoris pro modico emerent, & in fraudem vsurarii hoc fieret. Guido Papa. consil. 81. Ad decem. Iacobi. in l. pactum inter hæredem. col. 2. ff. de pact. tamen si iuramentum ibi apponatur, est seruandum: non tamen pactum confirmatur, secundum Innocentium ibi. Feder. consil. 140. Punctus quæstionis. Aufrer. d. Decis. Tholos. q. 381. Guido Papæ consil. 79. Vifo ad plenum. & consil. seq. Intellige reprobari, quando fit conuentio, vt creditor habeat rem pignoratam, si in termino pecunia mutuata non restituatur, secus si pactum fiat, quod creditor eam habeat iusto pretio. tex. sing. in l. si fundus. §. fin. ff. de pignori. Corneus consil. 50. in primo vol. & de Petrucia in d. tract. in 9. effectu. & C. de pact. pignor. per totum.

16

Item intellige, quando illud pactum apponitur statim: secus si ex interuallo. l. Titius. ff. de pignorat. act. Bar. si bene memini, in l. fin. C. de pactis pigno. Barb. consil. 72. col. 7. & seq. in quarto vol. Corrad. tract. de contract. q. 86.

17

Istud est magni effectus: quia simulatque obseruauit pactum meum, sum absolutus à iuramento, ideò remanebit res apud creditorem sine causa, igitur poterit petere ille, qui iurauit, quod absoluitur, vel liberetur à iuramento, si remanet obligatus, vel agere poterit conditione sine causa contra creditorem, dat exemplum Bart. quando quis iurauit se soluturum vsuras, quod pactum est odio creditorum prohibitum. Si ergo istud pactum potest impleri, soluendo impleatur, & postea repetatur, si non haberet implementum: vt si iurasset se non repetiturum, & si non potest impleri, petet debitor se absolui (à superiore) à iuramento. c. debitores. de iureiur. c. tuas. de vsur. sic fuisse iudicatum Gratianopoli testatur Guido Papa in Decision. Delphin. quæst. 6. incipiente, Pactum legis.

*Pactum de  
soluendo vsu-  
ras.*

Alius effectus, vbiunque non firmatur contractus iuramento, quamuis iurans possit cogi ad obseruantiam iuramenti, tamen mortuo iurante non cogitur eius hæres ad obseruantiam iuramenti: quia vinculum iuramenti est personale, & non transit ad hæredem, vt vbi defunctus necesse habuisset petere relaxationem iuramenti, hæres eius non tenebitur. Innocen. Ioan. Andr. & alij in c. veritatis. de iureiur. hoc expresse tenet Bald. in l. iij. C. plus valere quod agitur. & authen. ei qui. col. penult. & seq. de bonis auth. iud. possid. Alex. consil. 129. Videretur. in fi. vol. 6.

*Iuramenti  
vinculū nō  
transit ad  
hæredem.*

Secundò inferitur, quod si filiusfamilias renuntiaret cum iuramento Macedoniano, quod est introductum in odium creditorum. l. prima. ff. ad Senatuscon. Macedonia. posset ratione iuramenti soluere, & postea cōdicere, vel posset se petere absolui ad cautelam, secundum Bar. hic, quem sequitur Anto. & Imol. in d. c. cum contingat. quando essemus in loco vbi frequentaretur, quod filij inducerentur ad occidendos parentes: nam tunc per iuramentum quoad effectum non tollitur ipsa exceptio. Ideò filiusfamilias soluens, videtur soluere timore iuramenti, & sic posset dici quod soluendo impleuit contractum, & postea datur repetitio, secus si sponte soluerit, non interueniente iuramento. Imol. in d. c. cum contingat. col. 65.

*Filiusfamili-  
as renun-  
tians Ma-  
cedoniano  
cum iura-  
mento, an  
soluere te-  
neatur.*

Hoc non videtur de iure procedere: quia si filiusfamilias soluat pecuniam, quam mutuo recepit, eam non potest repetere, cum sit obligatus. l. qui exceptionem. ff. de

*De eadem  
re.*



ff. de condit. indebit. & ibi vide Ias. & Alex. consil. 129. in fin. vol. 6.

*Eiusdē cōfirmatio.*

Fortius, si iuramentum interuenerit, quod potest sine detrimento salutis aternæ seruari, c. si verò. de iureiur. Felin. in c. si diligenti. col. penul. de foro compet. Imò in foro conscientie teneretur filiusfamilias, non obstante Macedoniano ad soluendum, quod pro necessitate accepit. Innoc. in c. quia plerique. de immunita. eccle. ergo iuramentum illud tēdens ad factam testamque conscientiam, erit seruandū, nisi creditor esset in dolo, vel culpa. Roma. in l. sequitur. §. si viam. ff. de vsucap. Anto. in additio. ad Vbert. de Bonacurso. rubri. de perempt. except. in verb. Macedoniani, in fin.

*Obiectionis solutio.*

Nec obstat, quòd istud videtur contra bonos mores: quia filiusfamilias potest insidiari vitæ parētum. Respond. quòd quandoque filij licet occasionaliter insidentur vitæ parentum: tamen ex quo illud quod iurat, de se est licitum, non debet attendi talis occasio ad inuolidandum tale iuramentum. notatur per glo. in d. c. si verò. Imol. in d. c. cum cōtingat. col. 42. vers. item etiam non obstat. Corne. consil. 6. In hac. col. 5. volum. primo.

*Vsuræ quādo omni iure sint improbata.*

Item notandum est bonū arg. de vsuris quæ sunt omni iure improbatæ ad pecuniam filiofamilias mutuam, quòd iure tantūm ciuili prohibetur creditorum odio: quia filij, vt possent creditoribus suis soluere, ante diem patrios inquirebant in annos, vt dicit Ouid. & refert glo. in l. si C. de pact. Vsuræ iure diuino prohibentur, igitur iuramentum.

Præterea creditor recipiendo vsuras, peccat mortaliter, & debitor qui soluit: quia lucrū prohibitum recipit, & subtrahit alienum, sed creditor à filiofamilias recipiēs pecuniam, quam mutuauit, suum recipit, & ideo alienum non subtrahit. Itaque is, qui aliquid promittit per pactum Symoniacum, cum iuramento, non tenetur tale iuramentum seruare. Ioan. de Imol. in d. c. cum cōtingat. refert Do. de Petruc. in d. tracta. de viribus iuramenti. in 37. effectu.

*Officiales, durāte eorum officio, prohibentur emere.*

Idem dicit Bart. in omnibus contractibus prohibitis odio vnius partis tantūm, vt in officialibus, qui prohibentur emere durante eorum officio, propter metum impressiois. l. si per impressionem. C. quod metus caus. l. principalibus. & seq. ff. si certum petat. l. non licet. ff. de contrah. empr. l. prima. C. de contract. iudicium. & l. quisquis. si certum petat. l. fin. Si quis alteri vel sibi, quod dicit esse notādum ad statuta, quæ sunt in ciuitatibus, prohibentia emere vni personæ tantūm, vt nobiles facere certos contractus, vel magnates: vt si postea faciant, etiam cum iuramento, nō firmatur contractus iuramento & hoc sequitur Angel. hic.

*Magistratus in Frācia nō prohibentur contrahere.*

Hodie in Francia, cum officia sint in ea perpetua, magistratus vendere non prohibentur, nec emere, nec alio modo iuste contrahere: vt vidi seruari Tholosæ, fuit enim aresto prohibitum, ne habentes officium iudicaturæ possint ipsi, nec vxores, aut domestici, conducere fructus beneficiorum.

*Iuramentū firmat cōtractū prohibitū, fauore debitoris, vel minoris.*

Quintus casus est, quādo contractus prohibetur fauore debitoris, tunc iuramento confirmatur: vt fauore minoris. d. authen. sacramenta. quia minus malum, minori contingit in obseruando contractum, quā si ad pœnam æternam inuitaretur ob peccatum mortale, quod aliās incurreretur propter contractus transgressionem. Panor. in disput. 2. incipien.

Statuto. & in cap. debitores. in vlt. dist. de iureiur. & renunciatur iuri in fauorem introducto, quod est licitum. l. penult. C. de pact.

Idem in contractu fideiussionis facto à muliere, cum iuramento. d. c. cum cōtingat. nam Senatusconsult. Velleia, non iubet mulieres non intercedere, sed solum dicit, quòd si intercedant, nō teneantur, secundum Bart. sed potior ratio est: quia potest mulier etiam sine iuramento aliquando renunciare, & consequenter se obligare. authen. matri & auia. C. quando mulier tut. offic. sing. auth. siue à me. ad Velleian. fortius se iuramento ligare. sic cōsultuit pulchre Alex. consil. 146. Viso themate. vol. 7.

Item alienatio rei dotalis confirmatur iuramento. c. cum contingat. de iureiurand. plenè Christoph. de Castella. in disputat. incipiente, Statuto ciuitatis Pap. & sic de aliis casibus.

Sextus casus est, quando lex sibi non assistit: tamē non reprobatur, vt l. stipulatio. §. alteri. ff. de verb. oblig. quia tunc ex tali conuentione oritur obligatio naturalis, vt ibi. Idem in pacto nudo de iure canonico, & tunc talis cōuentio validatur per appositionem pœnæ, & per iuramentum. l. nuda. C. de cōtrahen. stipulatione. gloss. sing. in c. quoties. q. 7. sic consultiuit Bald. consil. 114. Super primo. vol. 5. Corne. consil. 327. In presenti. col. 2. vol. primo. Alex. consil. 185. In causa. col. 3. vol. 6. & quādo dicatur lex resistere, plenè Ioan. Imol. in d. c. cum cōtingat. col. 76. de iureiur. post Bar. & Doctor. in d. l. cum lex. infra, eodem.

Item, licet debitor pro ciuili debito non possit inuitus detineri, præsertim si bona possident. l. ob æs alienum. C. de actio. & obliga. tamen si debitor detentus iurauerit non recedere, aut ab initio se obligauerit cum iuramento ad detentionem & carcerationem, donec satisfactum fuerit, obligatur hoc iuramento, & ratione iuramenti poterit capi & detineri. tex. in c. ex rescripto. de iureiurand. Ioan. Fabri. in §. si Instit. de iure person. & §. si. de actio. sequitur D. de Petrucia. in 17. effectu iuramenti.

Septimus casus, quando actus deficit ratione solennitatis probatorie, tunc iuramentum non supplet illum effectum Bar. hic: quia fauorem publicum respicit, cui renunciari non potest. l. ius publicum. ff. de pact. l. nemo. de lega. primo. Et dicitur solennitas probatoria, quæ occasione probationum inducitur, sicut solennitas testium, & plerumque scripturæ, & inducitur ob publicam vtilitatem, propter euitandas fraudes. l. hac consultissima. C. de testa. & l. si vnus. ibidē. & l. contractus. C. de fid. instru. & in casibus numeratis per gloss. in c. primo. de censibus. lib. 6. vbi numerat casus, in quibus de solennitate probatoria requiritur scriptura. l. maximis. C. de nupt. Bald. consil. 414. Casus talis. & consil. seq. in 3. vol. Soci. consil. 97. Abundē. colum. 3. vol. primo. vbi dicit, quòd stante statuto, vel consuetudine, non probetur contractus, nisi duo notarij fuerint rogati, tūc etiam si iuramentum fuerit appositum, nō probatur contractus, nec iuramentum. Panor. in d. c. cum contingat. col. penult. quia sicut non probatur contractus, sic nec iuramentum. l. si. C. de non numerata pecun. si tamen aliter constaret de iuramento, putà per testes, compellendus esset iurans seruare iuramentum, & deficientibus probationibus, tenetur in foro animæ & conscientie: quia statutum non annullat obligationem in fauorem publicum, sed probationem. Ergo

sufficit,

*Contractus fideiussionis à muliere iuramento firmatus.*

*Confirmatio alienationis rei dotalis. Obligatio naturalis quādo ex cōuentione oritur.*

*Debitor ratione iuramenti potest capi.*

*Actus deficiens ratione probatorie solennitatis.*



sufficit, quòd aliter de facto constet. facit c. sicut. de probatio. Panor. in d. l. cum contingat.

*Iuramentū  
super actu  
aliquoquid  
importet.*

19

Notandum est, quòd iuramentum appositum super aliquo actu importat idem ac si diceretur, si non valet isto modo quo agitur, valeat omni modo quo valere potest. Et idèd si super testamento iuratur, & ibi non est solennis numerus testium, perinde erit ac si diceret testator, si non valet iure testamenti, valeat iure codicillorum. tex. in l. cum pater. §. filius matrè. ff. de lega. 2. qui textus singularis est secundum Baldum in margar. in verb. codicillus. in 8. q. & verb. iuramentum. q. 12. Matthæ. notab. 56. Barba. consil. 16. col. 3. in fi. in 2. vol. & consil. 43. col. fi. ibidem. & consil. 55. col. penult. ibidem. & Curt. consil. 76. num. 26. Roman. consil. 517. Barba. in additio. ad Bal. in tit. de cōtrouer. feud. apud pares term. Ias. in §. item si quis in fraudem. num. 4. Instit. de actio. Benedikt. in repetit. c. Raynutius. in verb. testamentum. in 2. num. 19. & in 3. num. 2. & seq. de testamen. de Petrucia in d. tract. de virib. iuramenti. in 4. effectu.

*Probatio-  
nis defectus  
non supple-  
tur iuramē-  
to.*

Ex quo inferitur, quòd iuramentum non supplet defectū solennitatis probatorię: nec probatio ob hoc defectiua iustificatur, & sic si in instrumēto non apponatur nomen Principis, licet iuramentum interuenierit, non valet instrumentum. not. Barba. in rub. de fide instrumento. ex quo sequitur quòd iuramentum non supplet probationis defectum, nec probationem iustificat, & sic confessio debiti facta super causa, quę de iure est, inualida & indiscreta vocatur, l. cum de indebito. §. fi. ff. de probatio. iuramento assertorio veritatis non confirmatur, in quo asserat talem confessionem indistinctè esse veram. Certè per adiectionē iuramenti nō iustificatur illa informis probatio, quę ex tali confessione indiscreta sumebatur: quia confessio indiscreta, propter adiectionem iuramenti, nō magis asserit causam propositam in libello esse verā, quā prius: nec magis deducit ipsam in lucem probationis, cum per ipsam confessionem non probetur causa in libello proposita. Idèd absoluetur reus, non vi exceptionis: sed ratione intentionis non probata: quia non probatur per illud iuramentum: nam probatio necessariò debet concludere. c. in præsencia. de probatio. l. neque natales. C. illo tit. de Petruc. in 7. effectu iuramenti.

*Iuramen-  
tū promiss-  
oriū quā-  
do aliquem  
obliget.*

Si verò esset iuramentum promissorium, per quod confitens iurando promittat dictam confessionem indiscretam habere ratam, & omnia in ipsa contenta tenere, vt sæpius notarij ponunt: hoc in casu debitor, ratione talis iuramenti promissorii, poterit adstringi per censuram Ecclesiasticam ad obseruantia talis iuramenti: vt dixi suprā de iuramento promissorio. Roma. consil. 573. In casu proposito. & Ioan. Baptista in repet. l. admonendi. col. 26. ff. de iureiurand. Do. de Petruc. in d. tracta. 17. effectu. & Hyppolit. in l. prima. §. præterea. ff. de quaestio. & in l. penult. num. 63. ibidem. & in rubr. de probat. fol. 12. versic. & vlt. tra. promissa.

*Iuramen-  
tum firmat  
cōfessionem  
in vltima  
voluntate.*

Fallit in vltima voluntate, in qua propter iuramentum, confessio præsumitur esse vera. l. cum quis decedēs. §. codicillis. ff. de lega. 2. & in auth. de iureiur. a mor præbito collat. §. gloss. sing. in l. prima. C. de fissa cau. adiect. leg.

*De eodem.*

Qua non præsumitur suę salutis immemor, maxime in morte, l. si. C. ad l. lul. repetund. idèd illud iuramentum facit cessare fraudem & suspicionem, &

sic probationem illud iuramentum facit: quod secus est in contractibus, quia propter iuramentum non inferitur, causam in libello actoris expressam, necessariò esse veram, vt suprā dixi.

Hinc inferitur, quòd donatio causa mortis facta coram duobus testibus, in qua requiruntur quinque, l. si. C. de donat. cau. mort. confirmatur iuramento: quia iurans facit eam transire in donationem inter viuos: si tamen vi contractus donationis inter viuos valere possit, & vis, & natura verborum hoc importent. l. vbi. ff. de donatio. caus. mortis.

Idèd nouiter dixi, si vis & natura verborum hoc importent: vtpote, quia iuramentum fuit declaratorium voluntatis donatoris, donator etenim iurauit se velle præstari id, quod donauit: vel iurauit se habere ratam & gratam donationem, & tunc, quia nō valet vt donatio causa mortis, valebit tamen vt valere poterit, per d. §. filius matrem. & sic tanquam donatio inter viuos propter declarationem voluntatis testatoris. sic consuluit Aret. consil. 74. Diligēter. col. 2. vbi dicit, quòd si iurās promiserit omnia & singula in donatione, seu in instrumento donationis contenta tenere, & obseruare, & eis non contrauenire aliqua ratione, vel causa, de iure, vel de facto, per ista verba dicit irreuocabiles factas donationes causa mortis, nisi ex interuallo hæc clausula, vtpote in dicti instrumenti fine ponatur. Dec. consil. 305. Iuridicam. colum. 2.

Si verò vis verborum & natura hoc non importat, vtpote, quia iuramentum non est declaratiuum voluntatis ipsius iurantis: sed est iuramentum promissorium de non reuocando donationē causa mortis, tunc propter iuramentum non transferitur hæc causa mortis donatio in contractum inter viuos: sed ex pœnitentia donatoris non poterit reuocari. l. si alienam §. fi. ff. de donatio. caus. mort. verum ex iuris dispositione reuocabilis remanebit, videlicet, si donatarius præmoriatur: nā donatio causa mortis habet duplicē, sui natura, reuocationē. Vnā expressam, quę fit ex pœnitētia donatoris. l. qui mortis. ff. de donatio. caus. mort. alteram tacitam, quę fit ex iuris dispositione, scilicet quando donatarius præmoriatur donatore. Instit. de donatio. §. primo. l. ij. & ibi glo. ff. de donatio. caus. mortis. & l. nō omnes. si certum pet. vnde licet de donatione causa mortis tollatur vnus modus reuocationis, videlicet quòd non reuocatur per pœnitentiam, vel quòd non possit reuocari, erit irreuocabilis in casu expresso: tamē in alio casu omisso, erit reuocabilis, & remanebit sub dispositione iuris communis. arg. l. commodissimè. ff. de liber. & posthu. l. si extraneus. ff. de co. dict. cau. da. & probatur etiam, quia licet donatio in omnibus casibus non sit reuocabilis, in vno tamen erit. l. Senatus. §. mortis causa. & ibi not. ff. de donatio. caus. mortis. Bal. consil. 108. Domina Ioanna. in 3. volum.

Si verò in donatione causa mortis tollatur omnis modus reuocationis, vt quia donator dicit nolle in aliquo casu reuocari, & sic loquitur vniuersaliter negatiuè, tunc donatio causa mortis necessariò transfertur in donationem inter viuos, ac si mentio mortis facta nō fuisset. & ita loquitur d. l. vbi. ff. de donatio. caus. mort. & l. si alienam. §. fi. ibidem. & l. Senatus. §. mortis. in fi. vbi ponuntur nedum verba indefinita: sed & vniuersaliter negatiua: videlicet, & nullo casu reuocentur, quę verba generalia negatiua necessitatē faciunt

*Testatoris  
voluntatis  
declaratio  
iuramento  
firmata,  
quid im-  
portet.*

*Donatio  
causa mor-  
tis propter  
iuramentū  
nō reuoca-  
tur.*

20

*Donatio  
causa mor-  
tis, in dona-  
tionem in-  
ter viuos  
translat.*



faciunt transferendi donationem causa mortis in specie donationis inter viuos, quæ donatio inter viuos, appellatur pura & absoluta: donatio verò causa mortis, reuocabilis. l. senatus. §. donatio. ff. de donatio. caus. mort. & §. mortis causa. per quem datur intellectus ad d. l. vbi. Et sic quando non fuerit adhibitus numerus testium iure requisitus in donatione causa mortis, donator poterit eam per pœnitentiam reuocare, non obstante iuramento de non reuocando, cum non transeat in speciem donationis inter viuos: sed remanet donatio causa mortis, ergo reuocabitur, nisi vniuersaliter negatiuè fuerit appositum iuramentum, vt suprà dixi, arg. c. ad nostram. in 3. de iureiur.

21

vbi ille, qui iurauit in omni casu seruare ordinem iudicarium, non tenetur in notoriis: quia natura est in eis, quòd ordo non seruetur, sic & iurando non venire cōtra donationem, poterit per pœnitentiam reuocare, cum natura ipsa sit reuocabilis, & propriè non dicitur reuocando venire contra donationem, sed si diceretur eam non fecisse, vel illud non donasse, vel non comprehendisse illam rem, tunc venire contra dicitur, quod est notandum, & hæc sequitur Benedict. in d. c. Raynutius. in verb. testamentum. 4. num. 27. & seq. de testa. vide quæ plenè scripsi in l. alienatū. §. donationis. ff. de verbo. signifi. vbi vltra omnes distinxī quomodo possint hæ donationes cognosci.

Octauus casus est, ratione defectus solennitatis formalis, vt in stipulatione, in qua debent esse verba ex vtraque parte. si ex vna tantum fuerint, non valet stipulatio, l. prima. ff. de verb. oblig. nec etiam confirmatur iuramento, vt sit stipulatio, prout agebatur: quia deficit forma, quæ dat esse rei. l. Iulianus. §. si quis. ff. ad exhibendum. sed iurando valebit in vim pacti nudi, & sic prout valere poterit, vt d. §. filius matrem. suprà, dixi.

Et idèd dicit Bar. hīc, quòd in toto titul. de fideiuss. cum diximus fideiussorem non teneri, quando intercessit in duriorē causam, vel quando promissit aliud, vel quando principalis non tenetur. l. Græcè. §. illud. & seq. & l. fideiussor obligari. in princip. & §. primo. suprà, eodem. tamen in istis casibus iurando tenetur, non vt fideiussor, quia deficit forma fideiussionis, sed vt principalis promissor, actione ex stipulatu fideiussoria conuenietur, quoniam iurando videtur velle teneri eo modo, quo potest, & sic videtur velle donare. l. j. ff. de cōdictione indebiti. de Petruc. in 6. effectu. Bal. cōsi 495. vol. 3. Alex. cōsi. 32. in fi. vol. 4. Hyppolit. in rubr. ff. de fideiussor. q. 38. nu. 291.

Intellige, nisi esset defectus circa cōsensum: tunc si deficiat consensus in totum, vel est certo modò limitatus, vel certa conditione, eodem modo intelligitur iuramentum, non enim se extēdit, nisi vsque quo est cogitatum & consensus. l. si. C. de non numer. pec. l. fin. ff. qui sarisda. cog. l. si libertus. de oper. liber. l. fin. ad municipal. nam iuramentum non probaret consensus. l. si per errorē. ff. de iurisdic. om. iud. nec iurans ignorās videretur donare. l. cuius per errorem. ff. de regu. iur.

Pro notitia eorum, quæ tradit hīc Bar. aduertendum est, quòd duplex reperitur in actibus forma: quædam necessaria seu substantialis, quædam accidentalis. Necessaria est, quæ de esse rei est, & sine qua res esse non potest, & hæc forma dicitur substantialis, quæ dat esse rei, & eam in esse conseruat. l. Iulianus. §. sed & si quis. ff. ad exhibendum. Et hæc dicitur

tur triplex. Prima dicitur, sine qua actus esse non potest, & hæc forma substantialis, à Iureconsultis dicitur solennitas intrinseca, sine qua licet actus esse verus possit, tamen sine ea valere non posset. l. cum hi. ff. de transact. l. quæcunque. §. fin. de publicia. in rem act. vel dicitur intrinseca: quia per se non recipit formam, sed inest vt interrogatio & responsio, ad stipulationem: institutio, ad testamentum: stipulatio, ad fideiussionem. Albertus Brunus in tracta. de forma & solen. actus. rubr. quoduplex est forma. vers. aliam etiam fieri, &c.

Secundò dicitur forma substantialis, solennitas extrinseca, de qua in l. sciendum. ff. de verb. oblig. gl. in c. si fortè. de elect. lib. 6. Et dicitur extrinseca, quæ per se requirit formam, vt in autoritate tutoris, qui est actus separatus, & per se formatus. Bald. in d. l. sciendum. licet ibi dentur aliæ declarationes.

Tertiò dicitur forma necessaria, solennitas probatoria. l. si vnus. C. de testa. & suprà dixi in proximo casu.

Altera est forma accidentalis, quæ adesse, vel abesse potest citra subiecti corruptionē, vt dicunt Philosophi, & est introducta ad verum esse, & actus ortum, & hæc potest dici actus formositas, seu specialitas, cuius formæ defectus non vitiat. l. prima. & ij. C. de formul. & impetra. subla. l. prima. §. si. ff. de ventre inspiciend. vnde tamen Albert. vbi. suprà, circa fi.

In forma substantiali intrinseca dicendū est prout suprà dictum est, quòd non confirmatur iuramento, vt valeat prout agitur: sed in vim pacti sic, quia iuramentum potest seruari sine dispendio salutis æternæ, & idèd si stipulatio fuerit facta ex interuallo, nō valet. l. continuus. l. quæ extrinsecus. & l. prima. §. si quis. ff. de verb. obligat. firmatur iuramento tamen, vt in vim pacti valeat.

Secundò infertur, quòd donatio facta absenti, vel venditio, sine organo epistolæ, vel nuntij, licet non valeat (quia nullus reperitur, qui hoc recipiat) glos. in l. id quod. C. de sacros. eccles. l. consensu. ff. de actio. & oblig. l. prima. manda. tamen non firmatur iuramento, vt valeat, sicut agitur, sed in vim pacti sic.

Tertiò infertur, quòd absens, qui postea consentit, & ratam habet donationem, vel venditionem, in absentia, sine organo factam, nō potest donatorem, vel alium via actionis constringere ad obseruantiam iuramenti, cum enim contractus ex eo iuramento non fuerat confirmatus, non potest producere actionem: sed saltem officio iudicis compellitur iurans, censura Ecclesiastica, ad obseruantiam talis iuramenti, cum dictum iuramentum possit seruari sine detrimento salutis æternæ.

Item cum in d. c. si verò. & d. c. cum contingat. dicitur generaliter iuramentum licitum debere seruari, debet intelligi de obseruatia cū effectu, videlicet vt officio iudicis cogatur iurans, vt suprà dictū extitit.

Quartò infertur, quòd trāfactio facta nullo dato, vel retento, non valet. l. trāfactio nullo. C. de transac. nec confirmatur iuramento, propter defectū formæ, vt valeat tanquā transactio, sed in vim pacti nudi, sic tradit Bar. in l. si quis maior. in fin. C. de transact. de Petruc. in d. tractat. de virib. iuram. in 4. effectu.

Restat videre de forma substantiali extrinseca, in qua sic facienda est regula, Contractus, seu actus peccans ex defectu formæ necessariæ, & solennitatis extrinsecæ, confirmatur iuramento.

P. Rebuffi Lectura.

Qq

*Solennitas intrinseca quæ à Iureconsultis dicitur.*

*Extrinseca; solennitas per se requirit formam.*

*Solennitas probatoria.*

*Forma accidentalis defectus actum nō vitiat.*

*Iuramentū donationē, absenti facta, non firmat.*

23

*Iuramentū non firmat transactionem, ob defectum formæ.*

*Iuramentū confirmat actum ex defectu formæ necessariæ.*

*Venire cōtra donationē quādo quis dicitur.*

*Iuramentum nō cōfirmat actū propter defectum formæ inualidum.*

*Fideiussor quando nō teneatur.*

*Iuramentū non extendit se vltra, quā est consensus.*

*Forma necessaria dat esse rei.*



*Alienatio  
iuramento  
cōfirmata.*

Ex quo infertur, quod si pupillus doli capax alienauerit prædium sine auctoritate tutoris, vel curatoris, vel sine decreto iudicis, iuramento cōfirmatur talis alienatio: quia supplet tales solennitates. d. auth. sacramenta. & Bald. in l. ij. q. 9. C. de rescind. vend. & de Petruc. vbi supra, in 8. effectu iuramenti. facit c. in præsentia. de probat.

Secundò infertur, quod talis iurans potest compelli via actionis ad seruandum tale iuramentum cum contractus sit validus & per iuramentum confirmatus. gloss. & Doctor. in d. authen. sacramenta. in verb. obseruari. secus quando contractus est inualidus, vt supra dictum extitit.

*Iuramentū  
non firmat  
cōtractum  
prohibitū  
ratione ma-  
terie.*

Nonus casus est, quando contractus prohibetur ratione rei, vel materiæ, super qua interponitur, vt si contrahatur super re, de qua non est commercium, tunc non validatur iuramento, nec iuramentū obligat, quia videtur continere impossibile de facto, vel de iure. allego l. idem Iulianus §. si. licet Bart. alleget l. apud Iulianum. §. primo. de lega. primo. l. inter stipulatem. §. sacram. de verb. obliga. & quia iuramentum, vel consensus priuatorum non potest supplere defectum rei. ita hinc Bar. Aduertendum est, quod sicut in operationibus artificialibus & mechanicis, ad hoc vt fiant, & in esse producantur, requiritur præexistencia & habilis materia, super qua contrahatur & disponatur. d. l. inter stipulantem. §. sacram. ff. de verb. obliga. l. insulam. de præscript. verb. vnde causa materialis in cōtractibus est res, quæ per partes principaliter in contractum deducitur, vt pote in contractum emptionis. Causa materialis est res, substantia, & pecunia, l. pacta. ff. de cōtrah. empt. & similiter materia dicitur in aliis contractibus illud, quod in eis principaliter deducitur, & ex qua, cum aliquo, fit aliquid. arg. l. si conuenerit. 2. §. si quis. de pignor. act. l. adeo. §. voluntas. de acquir. rer. dom. & per Philos. in 2. Phisico. & ibi commentator Burleus multa ponit de materia & forma. in 3. tract.

*De eadem  
re.*

Quando queritur, an actus peccans ratione materiæ, firmetur iuramento, faciatis tres conclusiones. Quandoque contractus, seu actus inualidus peccat ex parte materiæ turpis, aut ex parte materiæ impossibilis, aut ex parte materiæ impertinētis. Primo casu, non firmatur iuramento, vt supra fuit dictum.

*Eiusdē cō-  
firmatio.*

Secundo casu, contractus aliquando est inualidus ratione materiæ impossibilis, super qua contrahitur, & tunc talis contractus nō confirmatur iuramento: quia iuramentum super impossibili præstitum, non valet. c. primo. & seq. de iureiur. lib. 6. quoniam impossibilium nulla est obligatio. l. impossibilium. ff. de regulis iur. siue deducatur impossibilitas naturæ, vt si cælum digito tetigeris, Instit. de inutilib. stipulationib. in princip. siue sit impossibilitas de iure, vt res sacra, l. inter stipulantem. §. sacram. ff. de verb. oblig. vel aliàs si stipuletur res quæ non est in nostro commercio, tunc etiā non firmatur iuramento, vt supra dixi.

*Iuramentū  
an cōfirmet  
pactū defi-  
ciēs in for-  
ma & sub-  
stantia.*

Quæro, an pactum contra naturam contractus intrinsecam & formalem, iuxta l. cum precario. ff. de precario. confirmetur iuramento. Et videtur, quod non, quia tale pactum censetur impossibile: natura enim cōtractus impossibilis, super quo interponitur, non patitur ipsum simul cum principali valere. d. l. cum precario. In contrarium videtur, quia iuramentum super tali pacto appositum, potest sine dispendio salutis æternæ obseruari, igitur obseruan-

dum erit. per dictum c. si verò.

Respondeo: Aliquando quis iurauit super pacto tantum, & tunc tale iuramentum facit transire pactum principale in naturam alterius contractus, secundum quod pactum, super quo iuratur, melius valere & custodiri poterit, cum iuramentum habeat vim clausulæ, si non valet actus vt agitur, valeat vt valere poterit l. cum pater. §. filius matrem. ff. de lega. 2. & supra dixi.

Aliquando quis iurauit super vtroque, scilicet pacto & contractu, & tunc si iurauerit generaliter dicendo, omnia supradicta rata & grata habere, & tenere, tale pactum contra naturam intrinsecam, non confirmatur iuramento generali: quia iuramentum non ex præsumpta voluntate iurantis facit tantum relationem ad ea, quæ sunt iuris, & quæ interpretationem restrictiuā exigunt. c. ad nostram. de iureiur.

Quandoque quis iurat specialiter super vtroque sic, iuro habere dictum pactum, seu contractum ratum, & illud tenere, & tunc etiam istud pactum specialiter interpositum contra naturam contractus, nō confirmatur iuramento, nec facit eum transire in naturam alterius contractus, quia iurans vult contractum valere vt agitur, quod est impossibile: ideo non valebit etiam alio modo, attamen iurans debet in quantum potest facere, ne veniat contra iuramentum, cum possit seruari sine detrimento salutis æternæ. arg. d. c. cum contingat.

Et sic infertur, cum hoc iuramentum non confirmet contractum, quod mortuo pacifcente, seu contrahente, qui iurauit, hæres eius excipiens contra pactum nullatenus repelli poterit. Primò, non vi exceptionis pacti, cum de se fuerit nullum, nec fuerit (vt dixi) iuramento cōfirmatum: & sic ex se nullam potest producere exceptionem, quæ passiuè transeat contra hæres pacifcentis.

Secundò, non potest compelli hæres officio iudicis in vim iuramenti, cum tantum liget iurantē. c. per tuas de arbit. Innoc. in c. veritatis. de iureiuran.

Tertia conclusio est, quando contractus est inualidus ex parte materiæ impertinentis, vt si promittatur factum alienū: tunc talis contractus iuramento quidē firmatur, nō quod promissor factū istud alienū præstare teneatur, l. si non sortē. §. libertus. ff. de condi. indeb. sed vt iurans teneatur præstare diligentia, vt factū adimpleat, d. c. ex rescripto & ibi glo. vlt. de iureiur. & ideo si iurauerim, quod filia vel soror mea nubet tecū, videor promississe, q̄ curabo vt eā habeas in vxorē, c. sicut ex literis. de sponsal. c. j. de matrim. contra interdictū Ecclesiæ cōtracto, c. 1. 32. q. vlt. l. qui autē. §. j. ff. de constituta pecunia. Panor. in c. gemma. nu. 9. de sponsal. las. in §. in personam. nu. 31. Instit. de actio. Dec. consil. 313. & consil. 310. & licet actus non valeat vt agitur, debet tamen valere, vt melius poterit. d. §. filius matrem. & vt supra dictum fuit.

Et sic infertur, q̄ transactio facta super lite, vel re certa, licet fieri nō debeat, l. j. ff. de transact. vbi super re dubia & lite incerta fieri debet, tamen cōfirmatur iuramento, nō vt valeat, prout transactio, ratione materiæ impertinētis: quia in transactione debet deduci (vt dixi) res incerta, l. post rem & l. si. ff. de transact. & iuramentum nō supplet defectum materiæ, vt supra dictū fuit, sed vt valeat in vim pacti, prout valere poterit. per d. §. filius matrē. las. & Iacob. in d. l. j. col. pen. Alex. in l. eleganter. in prin. ff. de condi. indebit.

Item

*Responso.*

*Eiusdē so-  
lutio.*

*De eodem.*

*Hæres iu-  
rantis quā-  
do cōtra p-  
ctum exci-  
pere possit.*

*De eadem  
re.*

*Cōtractus  
ex parte  
materie in-  
ualidus, iu-  
ramēto fir-  
matus.*

*Transactio  
super re cer-  
ta, iuramē-  
to cōfirma-  
ta.*



Et super  
alimentis  
futuris.

Item transactio super alimentis futuris non valet. l. cum hi. ff. de transact. tamen iuramento confirmatur, secundum Bar. hic. licet contrarium videatur tenere in d. l. cum hi. in princ. sed voluit ibi intelligere de iure civili: hic de iure canonico. Nicellus concordia 82. Transactio. & de Perruc. in 4. effectu. in fin. de virib. iuram. dic tamen vt nō confirmetur sicut transactio: sed bene vt pactum, quicquid dicant alij.

Item super  
testamen-  
to, non vi-  
sis verbis  
testamenti.

Tertio infertur, quod licet transactio non valeat, non inspectis cognitisque verbis testamenti, l. de his. ff. de transact. tamen firmatur iuramento. Cuma. hic, & Alex. consil. 11. in 2. vol. & Corne. consil. 6. In hac. col. 3. & seq. vol. primo. Alex. consil. 204. in 2. vol. de Perruc. 19. effectu. & Doctor. in l. qui Romæ. §. duo fratres. ff. de verbor. oblig. Guliel. Benedic. in verb. si absque. in 2. num. 133. cum sequ. de substitu. fideicom. quia iurans censetur in genere de omni remedio cogitasse, per quod posset rescindi actus. Bart. & alij in l. ij. C. de rescind. vend. poterit tamen peti absolutio. Iacobi. in d. l. de his.

Restrictio  
precedēti  
illationis.

Intellige, si specialiter fuit legis, & testamenti habita mentio: alias secus. Alex. consil. 48. In causa. col. 3. vol. 7. quia deficit consensus. & consil. 118. Viso. col. 2. Soc. consil. 214. col. 5. & seq. vol. 2. licet contrarium teneat Angel. consil. 94. Cum lis. in fin. Guido Papa consil. 53. Nobilis. in fin. & consil. 87. Pro declaratione. in fi. Roma. consil. 403. Soci. consil. 182. & seq. vol. 2. Tenuit primam. & consil. 103. In casu. vol. 3. Vital. de Cāba. in tracta. clausul. fol. 205. vol. paruo. Dec. consil. 345. Visis.

Arestum  
Tholosanū  
de eodem.

Imò fortius, fuit iudicatum per senatum Tholosanum inter Dominum de Caluiffone, & D. de Sancto Albano, eius fratrem, renuntiationem valuisse, quamvis verba testamenti nō essent visa, nec cognita: eo quod descripta erant hæc verba in transactione, *Remitto tibi omne ius, quamvis vocatus essem per testamentum, aut contractum: & iuro hac tenere, &c.*

Decimus casus est, quando actus prohibetur propter alias subditorum vtilitates. exemplum est in l. cum hi. ff. de transact.

Pactū re-  
nuntiationis  
successioni  
future, iuramento fir-  
matum.

Item pactum per quod quis renuntiat successioni future, l. pactum quod dotali. & l. pactum. C. de pact. & de collatio. & istis casibus cōfirmatur iuramento. c. quamvis. de pact. lib. 6. Ista nō sunt prohibita, quia cōtra bonos mores, sed quia pro modico quis remitteret magnam successione futuram, ideò lex volēs vtilitatibus subditorum prouidere, hoc statuit, non principaliter, ob fauorem publicū, de quo dixi suprā.

Donatio in  
ter virū &  
uxorē, iuramento fir-  
mata.

Idem in donatione inter virum & uxorem, quæ prohibita est, ne vnus efficiatur ditior, alter pauperior, propter nimium amorem, quē habēt inuicem, tamen firmatur iuramento. hoc tenet Bart. in l. prima. ff. de donatio. inter vir. & vxor. & in l. sed & si possessor. §. item si iurauero. ff. de iureiur. & sic cum his est expedita doctrina Bart. quam communiter sequuntur legistæ, & quod confirmetur hæc donatio iuramento, tenet idem Bar. in l. Scius & Augerius. & ibi addidi. ff. ad leg. Falcid. & ista est cōmunis sententia, secundum quam sæpius vidi iudicari. Guido Papæ in Decision. Delphina. q. 190. In honorariis. teste Iacobi. in l. profectitia. §. j. col. 2. ff. de iure dot. Aret. cōfil. 1. col. 2. Ac fauet religioni. l. prima. ff. de iureiur. & summa dicitur opinio, quæ facit pro religione. l. sunt personæ. ff. de religio. & sumpti. funerum. Do. de Pe-

truc in tract. de virib. iura. in 2. effectu. Corn. consil. 6. In hac. col. 4. & seq. vol. primo. licet Do. Chaffia. in consuet. Burg. in rubr. des droiēts. §. 7. in gloss. verb. *supposé, que lesdicts contractz, &c.* teneat contra, quæ sententia potest saluari in iuramento assertorio quādo maritus iurat habuisse dotem, quam non habuit: tunc quia est periurium, & falsum, ob id nō firmatur iuramento. Bar. in l. cum quis decedens. §. Tertia. ff. de lega. 3. plenè Franc. Curtius consuluit in consil. 95. Sacratissimè, &c. Sed in practica idem in vtroque fit: nam impetrantur literæ regie rescissionis, habita dispensatione iuramenti, & perinde postea agunt, ac si nunquam iuratum esset.

Item infertur, quod si pars promiserit aduocato suo dare pro vna causa vltra centum aureos, non valet. l. prima. §. in honorariis. & §. si cui. ff. de variis & extra. cognit. propter vtilitatem cliētulorum, qui de facili omnia bona, vel maiorem partem promitterēt ac darent propter timorem litis, sicut infirmus medico ratione mortis l. medicus. ff. illo tit. gloss. in l. quisquis. §. præterea. ff. de postuland. tamen iuramento firmatur, prout concludit latè Guido Pap. in Decis. Delph. d. q. 190. In honorariis.

Item societates inter virum & uxorem non valēt, quando continent inæqualitatem. gloss. in authen. Aequalitas. & ibi addidi. C. de pact. conuent. Berber. in viatorio iuris. rub. de societa. col. 6. tamen firmatur iuramento, dummodò nō versetur præiudicium tertij, filiorum scilicet primi matrimonij. l. hac editali. C. de secūdis nupt. Do. de Petrac. in tracta. de virib. iura. in 2. effectu. Corne. consil. 184. In præsent. col. vlt. vol. primo.

Vndecimus casus vltra Bart. est, quando contractus est inualidus ex parte causæ efficientis. Præmittendum est, quod causa efficiens dicitur faciens, & in esse rem producens, & est duplex, videlicet immediata & mediata. Mediata, dicitur remota causa, immediata, efficiens, seu propinqua, est consensus contrahentium, ex quo contractus fiunt, & in esse producuntur. l. consensu. & l. obligamur. §. cōsentientes. ff. de actio. & obliga. l. j. manda. l. licet. C. de actio. & obligat. Conclusio est, quod contractus seu actus inualidus ratione consensus, non cōfirmatur iuramento, quia iuramentum habet consensum iurantis pro materia fundamentali, & secūdam illud regulatur. l. si. ff. qui satisfd. cog. & l. si. C. de non numera. pecunia. c. veniens. de iureiur. Et vbi consensus deficit, nihil facit iuramentum, nec confirmat contractum, eodem defectu laborantem: quia deficit in tali iuramento vnum de tribus comitibus, scilicet iudicium. Barba consil. 5. Præclarè. col. penult. vol. 2.

Ex quo infertur, quod iuramentum non confirmat cōtractum infantis, vel furiosi, qui de se est nullus. l. in negotiis. ff. de reg. iur. l. Fulcinus. §. planè. quibus ex caus. in possess. eat. Oldrad. consil. 95. Ex forma. in fi. c. paruuli. 2. q. 4. l. prima. §. furiosum. ff. de actionib. & obliga. Henric. Bohic. in c. debitores. in fin. de iureiur.

Secundò, idem infertur in amente, & phrenetico cū furiosis æquiparentur. c. cū dilectus. de successio. ab intesta. Bal. in l. ij. q. 10. C. de rescind. vend. quid in amasiis. decide per ea, quæ habentur in l. ij. §. initium. ff. de orig. iuris. & Instit. de successio. subla. & §. illud. in auth. quibus mod. nat. effie. legiti. Marcus P. Rebuffi Lectura.

Litera Re-  
gia in Frā-  
cia pro di-  
spensatione  
rescissionis  
iuramenti.

Promissio  
inualida ad  
uocato fa-  
cta, iuramē-  
to firmata.

24

Iuramentū  
regulatur  
secundum  
consensum iu-  
rantis.

Contractus  
infantis, vel  
furiosi.

Item amā-  
tis & phre-  
netici.



*Contractus  
cū amasia  
factus.*

Anto. in §. item furiosi. col. 4. & seq. Institut. quib. non est permiff. facere testa. Et dicerem, quod cōtractus factus cum amasia non firmaretur iuramento, secus cum alia, non sua causa, peti tamē posset absolutio, etiam si cum amica.

*Iuramentū,  
cōtractum  
ebriū nō fir-  
mat.*

Tertiò infertur, quod cōtractus temulenti & ebrii iuramento non firmatur, propter defectū consensus. c. sanè. 15. quæst. prima. c. vnusquisque. 22. q. 4. Lucas de Penna. in l. prima. col. 2. C. de erogatione milita. anno. lib. 12. Mar. Anto. in §. item furiosi. col. 9. Instit. quibus non est permiffum facere testa. D. de Ripa. in l. fi. q. 20. C. de reuocan. dona. Bened. in repet. c. Raynūtius. in verb. adiectæ. nu. 84. de testam.

*Cōtractus  
per errorē  
initus.*

Quartò infertur, quod contractus erroneus iuramento non cōfirmatur. l. si ex falsis. c. de transact. vbi si quis credens se libertum, promiserit, & iurauerit se daturum operas, non obligatur (licet Bart. hīc aliter intelligat) Bald. in l. ij. q. 9. C. de rescind. vend.

25 Idem dicunt ex contractu facto per nimiam reuerentiam, quæ videtur etiam excludere cōsensum. l. prima. §. quæ onerandæ. ff. quarum rer. actio. non detur. gloss. & Doctor. in l. quemadmodum. de iureiur. dixi suprà, in præfatio. de metu.

*Conditio  
tacita do-  
nationis om-  
nium bono-  
rum.*

Quintò infertur, quod donatio omniū bonorum, quæ ex præsumpta voluntate donantis habet conditionem tacitam resolutionem, si liberi postea nascantur donatori, l. si vnquam. C. de reuocandis dona. non confirmatur iuramento: quia dictum iuramentum regulatur secundum consensum donantis & iurantis, & capit tantam conditionē, sicut contractus, super quo interponitur. Alber. in l. fin. C. de non numera pecu. Bar. in l. Titia Seio. §. Imperator. q. vlt. ff. de lega. 2. latè de Ripa in 3. q. in interpretatione ad illam legem, & post eum Dom. Andreas Tiraquellus.

26

Sextò infertur, quod contractus simulatus iuramento non confirmatur: quia deficit consensus. gloss. singul. in l. emptio. C. plus valere quod agitur. latè declarat Panor. in q. 2. incipiēte, Statuto. col. 9. & seq. vbi ponit quinque casus, & Imol. in d. c. cū contingat. in 6. membro. & illam gloss. dicit singul. Angel. in §. primo. col. 25. Instit. de exceptio. Felin. in c. si cautio. col. 17. de fid. instru. Alex. in l. nemo. de lega. primo. & consil. 89. in fin. vol. 2. & consil. 28. in 5. volum. Bald. consil. 289. in 5. vol. Corne. consil. 135. volu. primo. Barba. consil. 60. col. 19. vol. 3. & col. 21. Soci. consil. 83. in 3. vol. Hyppol. sing. 474. Thom. de Ferra. cautel. 16. Vital. de Camba. in tracta. clausu. fol. 145. Ias. in §. item si quis in fraudem. numer. 7. col. prima. Instit. de actio. & in §. fuerat. num. 87. ibidem. & l. ij. col. penult. ff. de iureiuran. Anton. de Burgos. in c. ad nostram. & ibi Panor. de emptio. col. 8. Chassa. in cōfuet. Burgund. rub. *des droicts*. §. 7. gloss. *supposé*. numero 51.

*Iuramentū  
non confir-  
mat arbi-  
tramentum  
iniquum.*

Septimò infertur, quod arbitramētum & renuntiatio habent in se implicitam cōditionem tantæ voluntatis præsumptæ, scilicet quod arbiter dolo non arbitretur, vel quod pars enormi læsione non lædatur. l. ita demum. & l. non distinguemus. §. cū quidam. ff. de arbitr. Bart. in l. societatem. §. arbitrorum. & ibi addidi multa. ff. pro socio. & ideò non confirmatur iuramento, quin iurans possit petere recursum ad arbitrium boni viri. c. veniens. in gloss. mandato. de iureiur. Innoc. in c. quinquauallis. illo tit. Etia

si diceretur, siue æquè, siue iniquè arbitretur, adhuc etiam iuramento non cōfirmatur: quia præberet materiam delinquendi. arg. l. si vnus. §. illud. ff. de pact. c. quemadmodū. de iureiur. Specula. in tit. de arbitr. §. fi. versic. item quid si compromissum.

Octauò, contractus factus calore iracundiæ per eum, qui erat in tanta ira, quæ animum à vero auertebat, non confirmatur iuramento. gloss. in c. ex literis. de diuort. notatur in l. quicquid. ff. de reg. iur. per Decium & Panor. in c. sicut ex literis. de iureiur. ira enim impedit animū, & sic consensum, debet tamē peti absolutio ad cautelam, Syluest. in sua summa, in verb. iuramentum. 4. quæst. 9.

Aliquando contractus seu actus est inualidus ex parte causæ mediæt efficientis, & remotæ, scilicet ex parte personarum contrahentium, quæ sunt ad contrahendum inhabiles, quæ quidem inhabilitas potest esse duplex, prior est, quando contrahentes sunt inhabiles propter legem, vel superioris inhabilitatem. Posterior, propter iuris positiui dispositionē, & priori casu, quando personæ sunt inhabiles propter superioris auctoritatem, vel propter legem, tūc talis contractus non firmatur iuramento. l. non dubium. C. de legib. quia peccat sic cōtrahens, vt suprà dictum est. in 3. casu & ibi vide.

Ex quo infertur, quod non cōfirmatur iuramento contractus venditionis factæ à Christianis, Barbaris, vel mutuum. l. ij. C. de commerc. & mercato. c. ita quorundam. de Iudæis & Sarac.

Secundò, contractus venditionis factæ de cupressis in luco Daphnenfi existētibus, non firmatur iuramento. l. prima. C. de cupress. lib. 11.

Tertiò, contractus prodigi, cui est bonis interdictum non confirmatur iuramento, secundum quosdam, licet contrarium teneat Bar. & cōmuniter omnes Doctor. in l. is cui. ff. de verb. obliga. Federi. consil. 31. Minori. & l. j. q. 10. de rescind. vend. quod intellige, si capax sit consensus, & aliud intrinsecum non obstat. Aufre. q. 498. & de Petruc. in 8. effectu. in fin. Bald. consil. 259. vol. 2. & consil. seq. ac consil. 37. vol. 3. ac consil. 287. vol. 5. Dec. consil. 274.

Quandoque contrahentes sunt inhabiles, propter solam iuris positiui dispositionem, inhabilitatem inducentem inter personas contrahentium: vtpote inter patrem & filium: inter dominum & seruum. Tunc dicas, quod talis contractus factus inter tales personas, non confirmatur iuramento, ita quod ex eo oriatur actio ciuilis, & effectus acquisitionis producat: quia impossibile est talem contractum, quantum ad hoc, confirmari iuramento, cū per dictum iuramentū inhabilitas ciuilis, & positiua contractus, non tollatur. argu. reg. non firmatur. de regu. iur. libr. 6. & quia non inuenitur, quod iuramentum habeat vim emancipandi, vel manumittendi. de quibus Instit. quib. mod. ius patriæ potesta. sol. & ff. & C. de manum. seruorum. Igitur nō confirmatur iuramento, etiā ratione impossibilitatis, quoad hoc, sed quoad obseruantiam facti bene firmatur, quia pater vel dominus tenetur adimplere contractum prout iurauit: & potest cogi, cū iuramentum possit, sine salutis æternæ dispendio, obseruari, d. c. cū contingat. & verus est cōsensus inter patrem & filium, & contractus. l. frater. ff. de cōdict. indeb. & inter dominum & seruum. l. si id quod. illo tit. ex quo consensu reciproco,

*Contractus  
per iracū-  
diā factus.*

*Contractus  
ex parte in-  
habilitatis  
inualidus.*

*Eiusdē cō-  
probatur.*

*Contractus  
prodigi.*

*Inhabilitas  
inter perso-  
nas contrahentium.*



proco, scilicet oritur obligatio naturalis. l. Stichum. §. naturalis. ff. de solutionib. Igitur cum talis contractus sit de iure gentium validus, iuramento confirmabitur. Guido Papa consil. 79. Vifo, &c.

Ex quo eliciuntur quinque notabiles effectus. Primus est, quod traditio rei promissæ facta filio, vel seruo, erit nuda, ex qua nullus acquisitionis effectus producet, nec dominium rei per illam traditionem acquireretur, quia dicta inhabilitas durat post iuramentum: ideò impedit dominium transferri per traditionem, propter impossibilitatem acquisitionis, & quia titulus est inhabilis & inefficax de iure civili, ideò sola nuda traditio non transfertur dominium in accipientem. l. nunquam nuda. in princ. ff. de acq. rer. domin. & l. si. §. illo. C. de necess. seru. & l. si quis in testamento. de fideicommissar. libert.

Secundus effectus est, quod pater vel dominus non potest adstringi ad implementum contractus, nec conueniri via actionis, cum contractus in se, per iuramentum non confirmatus, adhuc in primario efficaciam statu remaneat, nullam producat actionem, ut supra dictum extitit.

Tertius effectus est, quod pater officio iudicis, vel dominus, potest constringi ad implementum contractus facti cum suo filio, vel seruo: quia officium iudicis bene cadit inter eos. l. lis nulla. & l. vix certis. ff. de iudic. gloss. sing. in l. prima. C. qui admitti. & sic per censuram Ecclesiasticam compellentur, cum iuramentum possit sine salutis eorum dispendio seruari, & ipsi non possint cogi via actionis, ut supra dictum est, ergo officio iudicis poterunt compelli.

Quartus effectus est quod si pater, vel dominus, post traditionem factam filio, vel seruo, alienauerit dictam rem in alium, licet sit periurus, tamen transfertur dominium in alium accipientem dictam rem, quia iuramentum tantum afficit personam, & non rem: ideò non impedit dominij translationem. Innoc. in c. dilecta. de excessibus prelato.

Item postquam dominium non erat translatum in filium, vel seruum, ergo penes patrem, vel dominum, illud scilicet dominium, quod transferre poterunt, remanserat. l. traditionibus. C. de pactis. & l. quotiens. C. de rei vendic.

Quintus effectus est, quod si interim moriatur pater, vel dominus, ante videlicet traditionem, non poterit hæres cogi ad implementum contractus. Primò, non via actionis, quia nulla orta est actio ex dicto contractu, ut supra dixi.

Item, nec per officium iudicis, quia morte iurantis extinctum fuit iuramentum, tanquam personale. ergo hæres non tenebitur c. per tuas. de arbit. Inno. in c. veritatis. de iureiur. si tamen pater, vel maritus in vita tradiderit rem filio, vel seruo, non poterit postea illam rem hæres repetere, & hoc propter naturalem obligationem ex dicto contractu ortam, quæ in hæredem passivè transit, & soluti impedit repetitionem. l. frater à fratre. & l. Iulianus. ff. de cōdict. indeb. & quia per mortem talis donatio confirmatur. l. si. C. de donationibus inter vir. & vxor.

Duodecimus & ultimus casus est, quod aliquando improbat contractus ratione causæ finalis. Præmittendum igitur est quod causa finalis dicitur dupliciter. Primò, dicitur causa finalis, ipsa videlicet finalis ratio, principaliter mouens aliquem ad contra-

hendendum, & disponendum, qua causa cessante, cessat contractus simul & dispositio. l. si. ff. de hæred. instit. l. ij. de donatio. l. si pater. C. de hæred. instit. Et contractus seu actus inualidus ex parte huius causæ, non confirmatur iuramento: quia iuramentum eandem causam finalem & conditionem, quam habebat ipse contractus, recipit. l. final. C. de non numer. pecu.

Et ideò stipulatio dotis habet tacitam conditionem ad causam finalem, si nuptiæ sequantur. l. stipulationem. ff. de iure dot. l. si extraneus. ff. de cōditione cau. dat. idem in iuramento super ea interposito. c. quemadmodum. & ibi gloss. de iureiur.

Secundo modo, dicitur causa finalis, ipse finalis effectus, qui ex contractu, seu actu inferitur, & ad quem contractus ordinatur & tendit.

Sciendum est, quod contractus seu actus de iure, propter finem, octo modis improbat.

Primò, fauore publicæ vtilitatis principaliter. Secundò, ratione publicæ vtilitatis secundariò. Tertiò, quandoque reprobatur fauore debitoris. Quartò odio debitoris. Quintò, propter particularem vtilitatem subiectorum. Sextò, quando est impedimentum tertij. Septimò, quando non interest contrahentium. Octauò, quando est contra bonos mores.

Quia supra expediti sunt omnes casus, dempto sexto, ergo de illo videamus. Notandum est, quod quando contractus seu actus improbat, quia tendit in præiudicium tertij, non confirmatur iuramento, quia non operatur, nec obligat in præiudicium tertij. d. c. cum contingat. in fi. & c. 2. de pact. libr. 6. gloss. & Doctor. in c. licet mulieres. de iureiur. libr. 6. l. si. ff. ad municipal. Guido Papæ. consil. 81. Ad decem. qu. 4. Angel. Clauas. in sua summa. in verb. iuramentum. §. quæst. 15.

Primò inferitur, quod si pater iurauit non consentire filio agere volenti, non præiudicat tertio volenti agere contra filium. Specula. in tit. de act. §. primo. vers. sed quid si iurauerit.

Secundò inferitur, quod si aliquis iurauit non ferre testimonium contra aliquem, tale iuramentum est temerarium, & sic non obligat in præiudicium tertij. c. intimaui. de testib. Hostien. in summa. de testib. §. & quem. vers. si quid. in fin. & Specul. eodem tit. §. de testium compulsionem. vers. quid si quis iurauit, &c.

Tertiò, si quis iurauerit pro nullo fideiubere, & proximior sit in magno periculo constitutus: iurans tenetur, non obstante iuramento, fideiubere. Ioan. And. in addit. ad Specul. in tit. de iureiur. l. as. in §. item si quis postulante. colum. 16. Instit. de actionib. sequitur Hippol. singul. 359. Iuramentum, & c. Panor. in sua disputa. 2. incip. Statuto, &c. col. 14. & in c. si verò. col. 2. de iureiuran.

Quartò, si donans renuntiaret l. si vnquam. C. de reuocand. donat. cum iuramento, non præiudicaret filiis. Ioan. Andr. in addit. ad Specul. in tit. de instru. editio. §. porro. in fi. & supra dixi.

Ultimò quæro, an quis possit venire contra iuramentum sua propria auctoritate, & quando, vel an requiratur dispensatio superioris. Quatuor sunt casus.

Primus, quando constat iuramentum esse manifestè illicitum. Secundus, quando constat esse licitum.

Tertius, quando est dubium. Quartus, quando iura-

*Octo modi improbandi contractus, propter finem.*

*Contractus, seu actus in præiudicium tertij.*

*Iuramentum temerarium.*

*Iurans non fideiubere, quando fideiubere tenetur.*

*Casus, quibus quis venire contra suum iuramentum potest.*

*Traditione nuda quam do dominum non transferatur.*

*Officiū iudicis habet locū inter patrē & filium, dominū & seruū.*

*Iuramentū ad rem non extenditur.*

*Naturalis obligatio impedit soluti repetitionē.*

*Contractus inualidus ratione causæ finalis.*



mentum est temerarium. vide Panor. in quæst. 2. Statuto, &c. col. 14. & seq. ponentem octo casus: hos tamen prosequar tanquam necessarios. Primus casus est, quando manifestè constat iuramentum esse illicitum, utpote quia continet aliquod peccatum mortale, aut veniale, seu aliquod nocumentum salutis, vel ne intret religionem, & tunc poterit iurans venire contra, etiam propria autoritate: nec indiget aliqua dispensatione. c. quod David. & c. seq. & c. in malis. 22. q. 4. tolerabilius enim est non implere sacramentum, quam permanere in stupri flagitio. c. non est obseruandum. ibidem. Perit Herodes, qui iuramentum obseruauit: saluatus est Petrus, qui recusauit. c. actione. ibidem. tamen agere debet de hoc temerario iuramento, poenitentiam. c. ad audientiam. de sponsalib. Panor. in c. quanto. in gloss. absolui. de iureiuran.

Secundus casus, quando constat sacramentum, siue iuramentum esse licitum, & tunc iurans non potest venire contra: sed requiritur dispensatio superioris, cum causæ cognitione facienda. not. in c. primo. de iureiuran. nisi necessitas vrgeret iurantem venire contra iuramentum suum, & non posset commodè haberi copia superioris. c. antecessorum. ii. quæst. 3. utpote si quis iurauerit non recipere mutuum ab aliquo, certè si iurans non potest in eo loco venire, non tenetur illud seruare iuramentum, quia venit res ad causam, de qua si iurans in initio cogitasset, & præcisè iurasset, illicitum fuisset iuramentum. c. primo & 2. in 22. q. 2.

Idem si utilitas Ecclesiæ immineret. c. olim. in fin. de electione. c. exposuisti. & c. de multa. de præbendis.

Tertius est casus, quando est dubiū, an iuramentum sit licitum, vel illicitum, vel an sit nocuum, vel non, & certè non poterit venire contra, propria autoritate: sed in hoc casu dubio solus Papa poterit dispensare. c. venerabilem. in fi. de electione. c. quanto. de iureiur. & Bohic. in c. si verò. primo. ibidem. Lucas in liij. col. 5. C. de prædiis curia. lib. 10. Hodie impetrantur literæ Regiæ ad rescindendum illum contractum, habita prius dispensatione iuramenti à suo Episcopo, vel ab alio potestatem habente, & ita vidi praticari.

Quartus casus est, quando iuramentum est temerarium simpliciter, & tunc est seruandum. c. qui sacramento. 22. quæst. 4. & dicitur sex modis temerarium, ut per Archidiaconum in summa. 22. q. 4. Si verò tale iuramentum est periculosum, tunc non veniet contra propria autoritate: sed requiritur absolutio. not. in d. c. venerabilem. Henric. Bohic. in c. quemadmodum. de iureiur. vide alios casus per Panor. in d. 2. disputa. col. 14.

Alius casus est, ratione approbationis factæ per clericos. Chassa. in consuet. Burg. in rub. des successions. §. 7. in gloss. verb. *supposé que lesdits*. circa fin. quod mihi non placet, tum quia multa per patientiam tolerantur, quæ si ad iudicium venirent, non tolerarentur, c. cum iam dudum. de præbendis. tum quia dispensatio est facti, quæ non præsumitur, nisi probetur. l. si. & ibi Ias. not. 10. C. de iure emphyteu.

Item, quando dispensatio requiritur, tolerantia non sufficit, quia aliud est tolerantia, aliud dispensatio, uno non censetur dispensatum, nisi sit verbū, *dispensamus*. Cald. confi. 8. de rescript. fusiùs alibi dicit, hoc tamen non firmo.

Postremò, necesse est videre, quis possit dispensare super iuramento. Quare conclusiones sequentes faciendæ sunt. Prima conclusio, potest Papa super iuramento etiam licito dispensare, & ex causa reiicere, vel relaxare in perpetuum, vel ad tempus. c. verum. de iureiuran. c. autoritate. 15. qu. 6. vbi dicitur, quòd in voluntariis iuramentis non dispensat sine causa, in aliis secus. Henr. Bohic. in c. quanto. in vlt. dist. de iureiur.

Secunda conclusio, Archiepiscopus & Episcopus potest super iuramentis vi, metu, dolore extortis, dispensare. c. constitutus. de rescript. d. c. venerabilem, cap. peruenit. in primo. & cap. debitores. de iureiurando.

Est tamen differentia, quia ad Papam recurrendum est in factis magnarum personarum, vel multum dubiis. d. c. venerabilem. in fi. de electio. Panor. in d. c. quanto. de iureiur.

Tertia conclusio, Abbas, vel alij Prælati inferiores, super nullis iuramentis possunt dispensare, nec aliàs, nisi in casibus à iure expressis. c. cum illorum. de sentent. ex com. c. 2. de eo qui furt. ord. recipit. Innoc. & alij in c. vlt. de transact. Bohic. in d. c. quato. sicut nec in voto. c. primo. de voto.

Quarta conclusio: Princeps secularis non potest super iuramento dispensare. c. tua. de decimis. nec refragatur gl. in l. adigere. §. quamuis. ff. de iure patron. quæ dicit legem habere vim apostolicam in remittendo iuramentum, quia illa gloss. refellitur: nam in hoc cum tractetur de animæ periculo, lex civilis succumbit canonici. c. licet mulieres. de iureiur. lib. 6. vide tex. & ibi Lucam de Penna in l. prima. C. qui milita. non possunt. lib. 12. vbi Imperator solet indignos ad militiam sacramento soluere, quod ad commodum ipsius principaliter spectat, quod est notandum.

Aduertendum est, quicquid hætenus scripserint Doctores, quòd Princeps secularis non possit remittere iuramentum, nisi quatenus tangit illum. Ego puto considerandam in iuramento poenam civilem & canonicam: utpote poenā animæ, & corporis ac bonorum, in quantum iuramentum tangit animam, arbitror Papam, vel Episcopos remittere & dispensare posse, prout superius dixi, & plenè scribit Felin. in c. 2. de sponsal. quia Deus dedit Papæ & Ecclesiæ ministris potestatem relaxandi & remittendi peccata. Ioan. 20. Quorū remisistis peccata, &c. & quoad hoc intelligi debet rubr. de iureiuran. ob id Papa & Episcopus, quoad peccatum habent potestatem remittendi, commutandi, vel dispensandi super iuramento, ut superius dictum extitit.

Aliquando, & secundò, ex iuramento non seruato quis incurrit periurium & infamiam, atque priuatur actione. l. si quis maior. C. de transact. & alias poenas civiles, ut ibi, quæ tangunt corpus & bona, & super hoc iuramento, quatenus concernit corpus & bona, infamiam civilem, vel aliam poenam, applicandam Principi seculari, possunt Principes seculares dispensare, & iurisiurandi gratiam facere. l. si. ff. ad municipal. & l. adigere. §. si. de iure patro. & sacramento soluere, in l. si. ff. de re milita. & l. prima. C. qui militare non possunt. lib. 12. & alia iura civilia loquētia de remissione iuramenti: nam Principis est remittere poenas, quas statuit. l. eas. ff. de capit. diminut. ipse has poenas induxit, ergo illas remittere potest. Quòd si quis

*Papa super quo iuramento dispensare possit.*

*Dispensatio Archiepiscopi & Episcopi super iuramentis.*

*Dispensatio Abbatis, vel Prælatorum.*

*Dispensatio Principis secularis super iuramento non admittitur.*

30

*De eodem.*

*Principes seculares super quibus dispensare possint.*

*Dispensatio superioris quando pro iuramento requiritur.*

*De eodem.*

*Super iuramento dubio solus Papa dispensat.*

*Præcisè Frā. ciuides videt.*

*Iuramentum temerarium.*



quis supplicauerit illi, antequam dispense, istas incurrit poenas. d. l. si quis maior. & sic debet intelligi decisio Guido. Pap. quæstio. 194. Princeps. alioqui si Princeps secularis non faceret gratiam iuramenti, dispensatus ab Episcopo, esset periurus de iure civili, & sic puniendus à iudicibus secularibus, cum remissio iuramenti non inueniretur in suo foro. Curtius in d. l. si quis maior. in princip. docet Papam non posse dispensare contra effectum iuramenti à lege civili inductum, secus in effectum à iure Canonico inducto. allegat Paul. in consiliis. facit quod scribit Anchar. in c. tua. r. in fin. de decim.

Item sic dispensatus ab Episcopo, non posset agere coram iudice seculari, quia actione priuatus, vel si ageret ex illa sola dispensatione Papæ, vel Episcopi usurparetur iurisdictio secularis, contra c. nouit. de iudiciis. Adhuc nunquam opus esset adire secularem post dispensationem ab Episcopo obtentam: quia ratione causæ præparantis Episcopus esset iudex præparati, per regulam quam tradunt Doctores in l. ordinarij. C. de rei vend & l. incerti. C. de interd. sicut Papa non legitimat quoad temporalia. c. per venerabilem. qui filij sint legitimi. cap. nouit. de iudiciis. Scripsi in Scholasticis priuilegiis. priuilegio 98.

Quamobrem in praxi seruatur, vt qui rescindere vult contractum iuratum, vel alium actum à se gestum, & cancellationem instrumenti obtinere, vt impetret literas à Rege, vel à Principe seculari, vt hoc sibi liceat, qui concedit gratiam iuramenti, suas poenas respiciens, verum quia pars posset negligere animam, ob id dicit, non obstantibus obligationibus, renuntiationibus, fide & iuramento vallatis, prout quod à Prælato suo, vel ab alio potestatem habente, de huiusmodi fide, & iuramento fuerit dispensatus. Et sic Princeps secularis videt animam ac corpus, & bona ligata propter iuramentum, ob id ipse

remittit iuramentum quoad poenam corporalem, quam incurreret agens si in periurium incideret. Verum, vt seruet iurisdictionem Episcopo quoad animam, vult etiam quod pars habeat ab Episcopo iuramenti dispensationem, & sic dicebant quidam, si Princeps vult, vt pars habeat ab Episcopo dispensationem, ergo non est dispensatus. Respondeo per prædicta, non esse dispensatum quoad animam: sed quoad facultatem agendi, & quoad poenas civiles censetur à Principe dispensatus, & vt agere possit, & ista sunt notanda, super quibus multum laborauit Fortun. Garzia, in tractatu de ultimo fine iuris. num. 243. cum seq. sed scopum attingere non potuit.

Item lex aliquando iuramentum nullius momenti esse dicit in l. si quis inquilinos. §. fin. ff. de legat. j. in l. iurisdictionum. §. si paciscar. ff. de pact. l. stipulatio hoc modo. ff. de verbor. obligat. & l. si plagij. ibid. quia in quantum videt iuramentum esse contra bonos mores, non vult vt de iure civili incurrat poenam civilem sic iurans: ideo quoad forum suum, illud iuramentum nullum dicit, sed quoad animam, illud Episcopo & Ecclesiasticis remittit, & quoad forum animæ: potest enim lex civilis Canoni adiungere poenam, vt sapius in rub. C. de sacros. Ecclesiis. & de Episc. & cler. ac de Episcopali audient. patet. & Doctores not. in c. cum contingat. de iureiur. & in c. Ecclesiam sanctæ Mariæ. de constitut. Et illam poenam solus remittet Princeps, & iuramentum nullum, quoad forum suum, pronuntiabit: & sicut est competens ad obseruationem iuramenti, c. licet. de iureiuran. in 6. ita poterit compellere partem, vt relaxet turpe iuramentum, c. j. de iureiuran. dixi in c. debitorum. illo tit. Roman. singul. 492. Vbi iuramentum. Felin. in c. cum sit. de foro compet. & c. j. de iureiur. & c. ij. de sponsalib. & sic patet intellectus ad multa iura, quæ perperam hactenus fuere intellecta. Laus Deo & Virgini Mariæ.

Praxis in  
Francia de  
rescissione  
contractus  
iurati.

Princeps  
secularis  
quod iura-  
mentum re-  
laxare pos-  
sit.

F I N I S.

Qq 4







## INTELLECTVS NOVVS,

ATQVE AVREVS, AD LEGEM VNICAM.

C. ex delictis defunctorum. in quantum hæredes

conueniantur, autore Domino

Petro Rebuffo.

\*\*\*

## S V M M A R I A.

- 1 *Litis contestatio facit, ut actio ex delicto defuncti, in solidum contra hæredes transeat.*
- 2 *Citatio est de processu.*
- 3 *Restringitur.*
- 4 *Citatio inualida non facit quem contumacem, etiamsi non veniat.*
- 5 *Reus ratione libelli ineptè propositi, nõ debet puniri.*
- 6 *Lis pendere non dicitur, quando citatio non peruenit ad aures citati.*
- 7 *Vel quando fit à iudice incompetenti.*
- 8 *Lis contestata censetur, quando per reum stat, quo minus fiat litis contestatio.*
- 9 *Audientia potest contumaci per iudicem in omni sua causa denegari.*
- 10 *Ignorantia affectata qua dicatur.*
- 11 *Et quando presumatur.*
- 12 *Princeps potest iudices propter negligentiam deponere.*
- 13 *Tempus non tantum ignoranti, sed nec dubitanti currit.*
- 14 *Ignorantia iuris naturalis non excusat, & quare.*
- 15 *Lata culpa in perditione famæ non equiparatur dolo, & quare.*
- 16 *Omissio signi crucis in inuentario, non vitiat inuentarium.*
- 17 *Vulnerans aliquem modicè, non est puniendus pœna statuta de vulnerante.*
- 18 *Bona fides de iure Canonico est omni prescriptionis tempore requisita.*
- 19 *Ratio legis ipsis verbis preferenda.*
- 20 *Bannitus non ritè condemnatus, non comprehenditur statuto puniente statutum.*
- 21 *Testamentum inualidum non subsistit, licet habeat clausulam, Irritans omnia alia testamenta prius facta.*
- 22 *Testimonium testis contrariū primo quando valeat.*
- 23 *Gabella de contractu inualido non soluenda.*
- 24 *Non condemnatum esse, vel non ritè, equiparatur.*
- 25 *Non habere maritum, vel inutilem habere, idem est.*
- 26 *Confessio extra iudicium geminata præiudicat.*
- 27 *Actio ex nudo pacto oritur ratione geminationis.*
- 28 *Delictum propter geminationem grauius puniendū.*
- 29 *Iuste fieri dicitur, quod fit per iudicem.*
- 30 *Iurans soluere alicui debitum, opponendo compensationem, censetur soluisse.*
- 31 *Exceptio dilatoria etiam post lisis contestationem opponi potest.*
- 32 *Testator non potest ex mora, vel delicto cohæredis alium cohæredem punire.*
- 33 *Mora purgatio non admittitur, ubi executio fit ipso iure.*
- 34 *Pœnitentie locus quando non sit in contractibus innominatis.*
- 35 *Purgatio moræ pro Iudeis & Hæreticis non admittitur.*
- 36 *Procurator bannitus potest reuocari.*
- 37 *Dominus quando in dubio Procuratorem reuocasse presumatur.*
- 38 *Fideiussorem non idoneum accipiens, non potest eum postea reprobare.*
- 39 *Fructus à tempore moræ quando non veniant tanquam interesse, & quando veniant.*
- 40 *Libellus in obligatione dandi quomodo à tempore moræ formandus.*
- 41 *Reiterans accedere sermones hæreticorum, habetur hæreticus.*
- 42 *Decurio qui desit esse, non potest torqueri, & quare.*
- 43 *Emptor quando in casum deficientis conditionis debeat fructus lucrari.*
- 44 *Hæredi ipsius adiecti solui non potest, & quare.*
- 45 *Adiectus cur nec nouare, nec acceptum ferre possit.*
- 46 *Procurator ex postfacto malus homo effectus, tacite presumitur reuocatus.*
- 47 *Actio in factum ex causa iudicati non habet paratam executionem.*
- 48 *Periculum interitus post moram debitoris, spectat ad ipsum debitorem.*
- 49 & 50 *Victus, si iustam litigandi causam habeat, non condemnandus est in expensis.*
- 51 *Officiales cogentes aliquem ad venditionem alicuius rei faciendam ipsis, qua pœna puniendi.*
- 52 *Christiani in Ecclesia delictum committentes, eius immunitate non gaudent.*
- 53 *Respub. cum minore concurrens in priuilegio preferitur ipsi minori.*
- 54 *Sententia contra Rempubl. minorem, vel Ecclesiam lata, quomodo restituatur.*
- 55 *Causa malitiosè procurata & affectata non debet affectanti asserre commodum.*
- 56 *Absentes cum affectatione causa Reip. non debent uti priuilegiis absentium.*
- 57 *Per sententiam quomodo quasi contrahatur.*
- 58 *Actio in factum, oriens ex sententia, nascitur ex consensu ficto à lege, non ex tacito.*
- 59 *Sententia quomodo equiparetur ultimæ voluntati.*
- 60 *Vel potius contractibus.*  
Extensio de contractibus ad quasi contractus est regularis. ibidem.



- 61 Sententia per subauditionem vnius verbi non est supplenda.
- 62 Procurator in criminalibus regulariter non debet interuenire.
- 63 Restrigitur.
- 64 Officium iudicis tantum petenti dandum.
- 65 Delictum causa pecunia factum, aestimatur enormius quam factum sine pecunia.
- 66 Exemplum de homicidio.
- 67 Nuntio iurato de citationibus per eum factis credendum.
- 68 Statutum puniens homicidam, extenditur ad homicidium fieri facientem.
- 69 Delictum dicitur verè committere, qui per alium committit.
- 70 Stipendia debent militibus solui propria manu, non per Procuratorem.
- 71 Stipendiarij non debent per substitutum recipere stipendia.
- 72 & 73 Contumacia quando loco litis contestationis succedat.
- 74 Principis sententia regulariter sine citatione non subsistit.
- 75 & 76 Fuga à iudicio quando delictum probet, quando verò non.
- 77 Homicidium, vno vulnere inflicto, factum, si ignoretur omnium quis inflixerit, in melius interpretandum.
- 78 Contrahens nuptias incestas, inter cetera exilio puniendus.
- 79 Matrimonium metu illatum, culpa ipsius metum passi, an valeat?
- 80 & 81 Metus ex culpa sua procedens, an sibi noceat?
- 82 Iudex pro suspecto recusari non potest ab eo, qui accusat, cum suspicio sua culpa prouenit.
- 83 Maritus interficiendo uxorem suam, perdit dotem.
- 84 Testes inimici quando contra debitorem testificari possint.
- 85 Causa qualibet, etiam iniusta, excusat à dolo.
- 86 Fugisse de carcere non dicitur, ille qui statim redit. Scholaris reuertens ante quinquennium à die recessus, habetur pro scholari. ibidem.
- 87 Acquirere aliquid, quod de breui apud quem non sit remansurum, vel quod non acquiratur, equiparantur.
- 88 Fuga nullam inducit presumptionem, quando aliquis fugit post inquisitionem de delicto contra eum factam, & quare.
- 89 Procurator post litis contestationem alium substituens, excludit tertium.
- 90 Ingerens se presumptuose in ordinem alterius, illo priuandus, & omnium ultimus constituendus.
- 91 Facta, immediate reuocata, habentur fictione quadam iuris pro infectis.
- 92 Conditiones debent propriè, non iuris fictione impleri.
- 93 Testamentis duobus eadem die factis, de quorum prioritate non appareat, quodnam praeualeat.
- 94 Infamis non potest esse Procurator apud Principem, & quare.
- 95 Inducta in fauore, non debent in odium retorqueri.
- 96 & 97 Accessorium quando sublato principali non tollatur.
- 98 Actio realis, siue res in ea deducta, fit per solam conuentionem litigiosa.
- 99 Hereditas per solam denuntiationem, vel conuentionem, dicitur petita.

LEX VNICA. IMPER. DIOCLET. ET  
MAXIMIAN. AA. ET CC.  
MACEDONI.



Ost litis contestationem eo, qui vim fecit, vel concussionem intulit, vel aliquid deliquit, defuncto: successor eius in solidum, alioquin in quantum ad eum peruenit, conueniri, iuris absolutissimi est, ne alieno scelere ditetur. D. V. Kalend. Maij, Sirmij. CC. C o s s.

**D**Ei Optimi Maximi inuocato suffragio, hæc l.vnica. C. ex delictis defunctorum in quantum hæred. conueniant. secundum Baldum in tres partes diuiditur. In prima enim parte traditur regula post litis contestationem: in secunda parte altera regula, ante ipsam litis contestationem, in tertia ponitur ratio vltimæ regulæ, secunda ibi, alioquin. tertia ibi, ne alieno. Casus in voce expressus fuit, & hinc scribitur, per Bald. quamobrem cum nunc missum facio, & venio ad notabilia. Noto igitur primò, ex hoc text. vnam regulam affirmatiuam, scilicet, quod actio ex delicto, facta litis contestatione, transit in solidum ad hæredes defuncti, quod patet hinc, idem habetur in l.j. ff. de priuat. delict. & hoc ratione litis contestationis, de qua in hoc text. introductum esse nemo ignorat: nam actio pœnalis non transit ad hæredem, nisi in casibus traditis per Pirrum in l.pupillum. §. in hæredem. ff. de reg. iuris. Ex quo apparet vnus effectus litis contestationis, quæ quidem facit transire actionem ex delicto, contra hæredes in solidum, quæ aliàs non transfret. Quare decreui hinc colligere alios litis ipsius contestationis effectus, cum sit huic nostræ legi, quam explicandam suscepimus, materia satis accommoda, vide tamen regulam, cum limitatione, per Pirrum in d.l. pupillus. §. in hæredem. ff. de regulis iuris. vbi regulariter actio pœnalis, non transit in hæredem, vt ibi dicitur. Ultra ergo hunc effectum, alius habetur in l. iudicium soluitur. ff. de iudiciis. cum glos. ibi, quæ probat, quod iudicium dicitur propriè incipere à litis contestatione, & prima glos. est, quodammodo peregrina, sed pro ea adduco text. nouum & clarum, in l. cum fundus. in 2. responso. ff. si certum pet. dum ibi dicit text. quod agens conditione certi post iudicium acceptum, ei causa omnis restituenda est, id est, omne id quod habiturus esset actor, si litis contestatæ tempore solutus fuisset, facit l. ædiles. §. item sciendum. ff. de ædil. edict. l. si rem. ff. de Procurator. lamplius. rem ratam haber. ponderatur tamen tex. in contrarium, in litem veniunt. §. idem rectè. ff. de petitione hæredit. ibi, Et susceptum iudicium non potest noxa dedendo se obligare, suscepit autem per aditionem hæreditatis, & sic per solam actionem propositam, & ita ante litis contestationem, sed dic, quod ibi intelligitur inceptum iudicium, per petitionem hæreditatis, cum renuntiatione: & sic per litis contestationem, & istam opinionem approbat

Effectus litis contestationis.

Iudicium quando incipiat.



*Iudiciū per  
citationem  
perpetua-  
tur.*

Bart. cum qua nunc transeo, alibi plenius fortè exami-  
nabo: iste tamen effectus recipit certas declara-  
tiones, siue limitationes, in quibus iudicium videtur  
incipere ante litis contestationem. Prima est, quoad  
perpetuandum iurisdictionem iudicis delegati: nam  
per solam citationem perpetuatur eius iurdictio,  
& ita iudicium censetur cœptum. De hoc est bonus  
text. in c. gratum. de offic. deleg. in verbo, negotium  
quasi cœptum. & istud voluit Bart. in l. & quia. in 4.  
col. ff. de iurisdictione omni. iudic. vbi assignat hanc  
rationem specialitatis, quia ipsi delegato mandatur  
iurdictio, in causa delegata, & iurdictio incipit  
quodammodo & exerceri, & geri per citationem,  
quod patet, quia missio citationis est iurisdictionis,  
vt patet Insti. de pœna tem. litig. §. fin. in princ. & in  
rub. ff. & C. de in ius voc. vbi iudicium, vel (vt me-  
lius dicam) processus incipere videtur à citatione:  
2 ergo definit per citationem res integra. Et quod ci-  
tatio dicatur de processu, allego glos. singularem in  
c. prudentiam. in verbo, citra formam. extra. de offi.  
3 deleg. quam tamen singulariter intelligatis limitan-  
do, vt non procedat in prima citatione, quia prima  
non censetur de processu, sed potiùs extraiudicialis,  
de hoc est glos. singul. in clem. prima. in verbo, cita-  
tiones. de iudic. ex qua posset inferri decisio quæ-  
stionis, si statuto caueretur, vt à tempore contractus  
creditor debeat incipere processum infra tres men-  
ses, si tantummodò faciat vnam citationem, non vi-  
detur inchoasse processum: idè ad supradicta vide  
quæ dixi in §. fin. de collat. in Concordat. animad-  
uertatis tamen per glos. in d. l. & quia. quod requiri-  
tur etiam litis contestatio ad perpetuandam iurisdic-  
tionem delegati, sed ibi istud reprobatur Bartol. pro  
quo tamen videtur tex. expressus. in c. relatum. extra  
de offic. deleg. vbi deciditur quod si ante litis conte-  
stationem moriatur iudex delegans, tunc finietur iur-  
isdictione delegata, quasi re integra, & ita citatio quæ  
fit ante litis contestationem, non perpetuat ipsam  
iurisdictionem, sed ad illud contrarium, quod prima  
fronte apparet, fortè dici potest, quod ille text. intel-  
ligitur, quando mortuus fuit ante litis contestatio-  
nem nulla præparatione iudicii facta, aliàs secus: &  
hoc est, maximè quia debemus esse prompti ad iura  
concordanda, l. vnica. C. de inoffic. dotibus. Cum er-  
go c. gratum. subsequens dictum c. relatum. expressè  
firmet, quod citatio sola perpetuet iurisdictionem,  
ergo præcedens debet declarari secundū sequens, l.  
hæredes palam. §. sed & si notam. ff. de testam. & per  
textum in l. talis. §. fin. & l. si seruus plurium. §. fin. ff.  
de legat. j. vel solue secundum glos. ibi, quæ tamen  
non videtur ex Doctorum sententia, idè confugas  
ad alias solutiones, vt vni tandem dicere possis cum  
Poëta Ouidio,

*— cui dicam, tu mihi sola places.*

Amplia, hanc declarationem non solū procedere  
per citationem factam, vt per eam perpetuetur iur-  
isdictione delegati, sed etiam per quemlibet actum,  
aliqua liter per præparationē exercitiij iurisdictionis  
factum, per ipsum iudicem delegatum. Exemplum,  
quando ipse iudex delegatus eligit sibi locum in  
quo vult sententiam proferre, siue ius dicere, de hoc  
est vna glos. singularis in cap. ne aliqui. in verbo, in-  
cœpta de hæreticis. in 6. Iason in l. more maiorum.  
numero 58. ff. de iurisdictione omnium iudic. quod  
quidem est intelligendum, quando talis actus, gestus

*Actus quis  
iudicis de-  
legati iuris-  
dictionem  
perpetuet.*

per delegatum, erat validus, quia tunc perpetuat iur-  
isdictionem, secus autè si esset nullus, de quo est glo.  
singularis in c. cum plures. in verbo, quo potest. de  
offic. deleg. in 6. quam ordinariam scribit Roman.  
singul. 148. glossa ordinaria. pro cuius glos. confirma-  
tione adduco aliqua singularia incidenter. Primò  
glos. c. de causis. in verbo, venire. extra. de offic. deleg.  
quæ vult, quod licet per citationem quis efficiatur  
contumax non veniendo, tamen illud fallit si citatio  
fuisset inualida, & notoria esset eius nullitas: tunc  
enim non reddit eum contumacem, aduerte tamen  
quod citatio facta per iudicem incompetentem ad  
instantiam creditoris, habet vim cuiusdam interpel-  
lationis extraiudicialis, istud est dictum singulare  
glos. in c. j. de milite vass. qui contumax est, in feud.  
vbi etiam Doctores multa in medium afferunt pro  
ea confirmanda & corroboranda. Secundò, ista de-  
claratio vltima, per glos. singularem in l. si accusato-  
ribus. in glos. vlt. C. de accusat. quam singularem ex-  
clamant. Felin. in c. quoniam. col. 7. de prob. Hyppo.  
in sua pract. in §. secundo. nu. 8. & §. quoniam. nu. 44.  
Anton. de Tremolis in additione ad de Bonacurso.  
num. 6. quibus modis citatio impunè fieri possit. in  
princ. Tertiò, confirmo per id quod vult regula iur-  
is. c. non præstat. de regul. iur. in 6. vbi dicitur, *Non  
præstat impedimentum quod de iure non sortitur effe-  
ctum.* Et de hac regula multa exempla ponit ibi glo.  
notabilis, quam videas alibi cum in ciuili, tum in  
Pontificio & Canonico iure, sed adhuc vltra eam  
addo vnum dictum singulare, quod licet conuentus  
rei vendicatione, si neget se possessorem, deinde  
contrarium proberur, ratione ipsius negationis pri-  
uatur possessione, vt patet ex textu singular. in l. fin.  
ff. de rei vendic. pro quo est bonus tex. in l. si dubite-  
tur. §. ita demum. ff. de fideiussor. vbi negans se fide-  
iussorem, probato contrario, perdit beneficium di-  
uisionis, tamen si ipsa rei vendicatio vitiosè, & non  
competenter proposita fuerit, tunc illa negatio nul-  
lum facit præiudicium ipsi neganti. Istud dictum  
allegatur singulariter ex his quæ vult Bal. in l. edita.  
in 2. col. C. de edend. vbi solemnem regulam posuit  
in materia ista, quod vbi libellus est ineptus, & mi-  
nus solemnis, licet expressio ipsius sit etiam inepta,  
& minus solemnis, & vitiosa, tamen nō debet puniri  
reus ex illa expressione vitiosa, & aliàs inepta, ratio-  
ne libelli ineptè propositi. de hoc allegat & ponderat  
text. vnicum in l. vnica. in verbo, solemniter. C. de  
his qui potent. nomine tit. prædiis affigunt. cum ibi  
sentit text. quod ad hoc, vt reus incidat in pœnam  
illius tituli, requiritur actorem proposuisse libellum  
congruum: ergo ex istis probatur clarè declaratio-  
nem ad illam l. fin. ff. de rei vendic. esse veram, & sin-  
gularem, & per ista sit satis confirmata dicta decla-  
ratio, quia alibi infrà, de hoc dicetur latius.

Limita tamen hanc vltimam declarationem, vo-  
lètem quod actus nullus per iudicem delegatus non  
perpetuet eius iurisdictionem, vt non procedat in  
casu singulari & vnicò. c. venerabili. de offic. delega.  
vbi allegatur vnus casus, in quo actus inualidus, per  
delegatum factus, perpetuat iurisdictionem, scilicet  
quando post actum nullum, à delegato factum, vel-  
let iudex delegans alteri delegare, quia non potest,  
& censetur perpetuata iurdictio delegati, licet actū  
nullum fecerit, & rationem ibi assignat tex. quia iam  
delegans functus est suo officio: idè cum delega-  
tum

*Negans se  
possidere,  
contrario  
probato, pri-  
uatur pos-  
sessione.*

*Actus nul-  
lus iudicis  
delegati  
quandoque  
perpetuat  
eius iuris-  
dictionem.*



tum potest reuocare ipse delegas, vt alibi transferat. Istud tamen vltimum intellige in iudice delegato delegante, quia tunc in delegando, videtur commisisse omne ius quod in causa habebat: secus autem esset dicendum in iudice ordinario delegante, quia posset iurisdictionem delegatam alij, qui sententiam nullam protulit, in alterum transferre. De hoc est text. singularis in l. si vt proponis. j. C. quomodo & quando iudex. pro quo glos. notanda in l. j. in glos. fin. C. de senten. ex libello recitan. quæ allegari solent, quod iudex delegatus, qui protulit etiam sententiam nullam, dicitur functus officio suo: & per hoc extinguatur iurisdictione delegata, vel potest dici speciale esse in hoc c. venerabili. quando reuocatio fieret expressè per delegantem: nam tunc actus nullus impedit reuocationem, secus si fieret per tacitam causam reuocatio, vt pote per mortem, & ita loquitur & debet intelligi glos. in d. c. cum plures. de offi. deleg. in 6. Hanc declarationem dat Ludouicus Romanus in consilio 412. Pro habenda. ex cuius dictis allegatur vnum notandum, quod plus operatur in illo casu reuocatio tacita, quam expressa, circa quod cogita latius.

Reuocatio  
tacita po-  
terior ex-  
pressa.

Eiusdem  
contrarium.

Contra hanc declarationem Ludouici Romani tu nouiter pondera glos. singularem in contrarium in l. ante litem. ff. de Procur. quæ expressè probat, quod plus operatur reuocatio expressa, quam tacita, cum ibidem per mortem mandantis non fiat reuocatio Procuratoris, qui satisfecerat iudicatum solui, & tamen secus est in expressa. Tu vide multa cumulata in hac materia, per Iason. in l. cum quid. ff. si certum petat.

Secunda declaratio ad prædictum effectum, siue limitatio est, quoad litem pendentiam, quando iudicium dicitur incipere à citatione, ad hoc vt dicatur lis pendere. text. est bonus & expressus in clemen. si. vt lite penden. est tamen intelligenda ista declaratio cum grano salis, dummodò illa citatio peruenerit ad aures citati: aliàs autem si citatio fieret, etià competenter, nec peruenerit ad eius notitiam, non dicitur lis pendere. De hoc est text. notandus in d. clemen. se ipsam declarans. Secundo modo, se declarat ille text. si citatio fuerit facta à iudice competenti. ita patet in dicta clemen. in verbo, postquam à iudice competenti. argumentando à contrario sensu, quod est validum in iure, vt est text. in l. prima. §. huius rei. ff. de offic. eius cui manda. est iurisdictione. glos. singularis in l. si Procuratorem. §. si ignorantes. in verbo, igitur. ff. man. quæ vult quod etiam in rescriptis argumentum à contrario sensu sit validum. Adde, quod est validum etiam in contractibus, text. notabilis in l. inter socerum. §. j. ff. de pact. dotal. imò etiam in sententiâ per text. singularem in l. Pomponius. §. primo. ff. de Procurat. quæ confirmatio vltima declaratur, præcipue per dicta in præcedentibus.

Argumentum à contrario sensu, in quibus sit validum.

Citatio facta, quando dicatur.

Aduerte tamen quod licet requiratur citationem in hoc casu peruenerit ad notitiam citati: tamen idem est, si per eum factum est quominus peruenerit: nam quoad sui præiudicium, est ac si peruenerit. De hoc est text. notandus in dicta clemen. fin. facit etiam quod habetur in clemen. causam. de elect. cum similibus. sed inter cætera pro clara huius rei cõfirmatione est textus singul. in l. si eum. §. fin. ff. si quis caut. vbi singulariter deciditur, quod quando per reum stat quominus fiat litis contestatio (quia quotidie subterfu-

git) tunc est ac si facta fuisset, & habet eodẽ effectus, eandẽ vim, eandẽque potestatem, vt ibi Bald. tenet. Et istud expressè sentit glos. singularis in l. electio. §. si is quem. in verbo, accipiendo. ff. de noxa. actionib. volens idem esse reum moram contraxisse in litem contestando, & litem contestatum fuisse. argumen. dictæ l. si eum. §. fin. Et istud est in odium contumacis, qui non vult venire: qui tamen aliàs punitur grauius, putà, quia aliquando potest mulctari, aliquando corpus suum retineri, & aliquando ab eo pignora possunt capi. De his tribus pœnis est text. melior de iure in l. sacrilegi. §. final. ff. ad leg. Iul. pecul. ibi, *Pignus capiendõ, corpus retinendõ, & mulctam indicendõ.*

Pœna contra contumaces.

Adde incidenter aliam pœnam contumacis, quia potest ei, in omni sua causa, non solum in ea, in qua est contumax, audientia per iudicem vel Prætorem denegari. De hoc est bonus text. & vnicus in l. sed & si per Prætorem. §. sed & si dum decreto. ff. ex quibus caus. maior. & istud in tantum est verum, quod denegata audientia extenditur etiam ad casus fauorabiles, vt sentit glos. singularis (& ibi Doct.) in c. in nomine Domini. 23. distin. volentes, quod statutum denegans audientiam alicui, in tantum operetur, vt non possit intentare interdictum recuperandæ, & istud expressè voluit Ioan. de Ana. in c. ad abolendâ. extra. de hæret. in 6. inferens vltra illud esse notabile propter statuta, quæ communiter denegant audientiam bannitis, vt non possint intentare interdictum recuperandæ, & si vis videre casus vltra istum, in quibus denegatur audientia. vide glos. in d. c. in nomine. in verbo, audient. sed latius Ioan. de Ana. in d. c. ad abolendam. vbi plenè hoc examinat, & ego latius in c. j. de causa possess. & proprietat. examinaui.

De eadem re.

9

Statutum denegans audientiam.

Adde aliam pœnam contumaciæ, quam ponit text. singularis in l. si is cum quo. ff. communi diuid. probans etiam quod ex sola contumacia vnius socij habentis domum communem, potest eius domus communis comburi, quod est singulare, & menti tenendum, alia est in l. si vt proponis. C. de ædific. priuat.

De eodem.

Adde aliam pœnam contumaciæ singularem, quæ est, quamuis ille qui fuit missus in possessionem ex primo decreto, non faciat fructus suos, vt habetur in l. iij. §. fin. ff. de acquir. possess. (vbi text. vocat illam possessionem, quandam detentionẽ, & quasi possessionem asininam) tamen propter contumaciam rei posset iudex constituere actorem dominum fructuum. de hoc est text. singularis in l. Fulcinius. §. fin. atque ibi notat Bar. ff. quib. ex causis in possess. earur.

Actor sit dominus fructuum propter rei contumaciam.

Adde incidenter, quod consuetudo volens missum ex primo decreto posse acquirere ipsos fructus, non reprobat, imò est valida. De hoc est glos. satis incognita in authen. de exhiben. & introducen. reis. §. si verò etiam quidam. col. 5.

Adde aliam pœnam contumaciæ (menti tenendam) quod licet regulariter in causis ciuilibus non habeat locum remissio, vt est text. peregrinus in c. primo. §. contrahentes. de foro competen. in 6. tamen illud fallit ratione contumaciæ. De hoc est text. singularis in l. consentaneum. C. quomodo & quando iudex. quem ibi commendat Bald. dicens illum non esse alibi, sed si rectè ponderetur ille text. non videtur illud probare, quando dicit quod si reus post litis contestationem sit contumax in non veniendo, ita quod

8



*Remissio debet fieri de diuersis iudiciis.*

quod post monitionem factam nō velit ad iudicium accedere, tunc potest cogi personaliter ad veniendum, & sic non propriè fit remissio, cum remitteretur: deinde (à quo discesserat) in illud idem, quod non est de proprio & peculiari esse remissionis, quæ debet fieri de diuersis & separatis iudiciis, vt patet in dicto §. contrahentes. cogita tamen, & ad amussim expende.

Alias pœnas contumaciæ potest quis studiosè colligere tam ex l. si. ff. de bonis eorum qui sibi mortem consciu. quàm ex l. diffamari. C. de ingenu. manumissi. & ex l. si quis instituatur. in princ. ff. de hered. instit. & alias similes colligat per se studiosus, idque studiosè.

Finaliter in materia contumaciæ nota accuratè duo dicta. Primum est, quod contumacia eò grauior habetur, quantò ex re minori confurgit. De hoc est glos. singularis in c. duo sunt. 96. dist.

*Delicti nomen continet contumaciam.*

Secundum adde, quod contumacia continetur sub nomine delicti, de quo est glos. (quæ solet allegari pro singulari) in l. si filius. in verbo, succurrendum. ff. de interrog. actio. sed pro ea videatis bonum text. in l. omne delictum. ff. de re milit. Adde etiam quod contumacia continetur sub nomine virij, vt patet in l. sancimus. C. de iudic. nec est mirandum, si contumacia dicatur delictum: quia solet pro ea fulminari sententia excommunicationis, vt patet in c. ex parte. extra. de verbor. significat. & habetur in c. j. extra. de iudic. ergo non solum est delictum, imò est peccatum mortale, cum pro solo peccato mortali imponatur sententia excommunicationis, vt est bonus text. in cap. nemo. Episcop. cum glos. x. q. i. & isti incidenter (satis tamen ad propositum) volui dicere in materia contumaciæ, quoniam alibi in hac lege sic opportunum offerri non potuisset, nec prætermittendum tanquam singulare, tanquàmque quotidianum. arg. l. legauit. ff. de liber. legat.

*Effectus ignorantie affectata.*

10

11

Reuertendo ad materiam præsentem, confirmo præcedentem declarationem dicti capituli, quæ erat, vt procederet etiam si non peruenisset citatio ad aures citati, dummodò noluerit eam ad eius notitiam peruenire: nam pro ea facit text. in cap. eos qui. de tempor. ordin. lib. 6. vbi litera singulariter probat, quod idem operatur ignorantia affectata, quantum ipsa vera scientia, & ibi glos. singularis in verbo, affectata. ponens quando dicatur ignorantia affectata, scilicet quando potuit scire, & noluit, & dissimulauit, pro qua allego glos. singularem in c. ad falsarium. in verbo, examinauerint & dixerint. extra. de crimin. falsi. quæ vult quod vbi debebat præcedere diligens inquisitio, tunc allegans ignorantiam, præsumitur esse in dolo, & propterea voluit bonus text. in c. quamuis. de regul. iuris. extra. quod non venit excusandus pastor, si lupo oues suas comederit, & dicat pastor se nescire: quia contra eum præsumitur affectata ignorantia, vt ibidem sentit glos. pro quo adduco glo. singularem in l. cum ita. §. j. ff. de legat. 2. quæ vult quod si in carcere aliquis carceratorum occidatur, debet probare custos carceris se non esse conscium delicti, nec in dolo, & ex hoc allegatur singularis limitatio ad l. quotiens. §. qui dolo. ff. de probat. quæ vult allegantem dolum, debere illum probare, vt id non procedat, vbi esset præsumptio grandis contra dolosum, quia tunc præuia præsumptio transfert onus probandi in ipsum reum, sicut in

*Allegans dolum, quando illud probare non debeat.*

simili habetur in l. si non conuitij. C. de iniuriis. vbi proferens verba iniuriosa, debet probare se non protulisse animo iniuriandi, quando est præsumptio contra eum. idem in l. j. C. de sicar. & pro supradictis facit bonus text. in l. carceri. ff. de custo. reorum. vbi ratione negligentiae custodis, ipsemet carceris custos deponitur à suo officio, pro quo bonus text. in cap. j. extra. de officio custod. vbi Prælatus negligens, deponi debet à suo officio, qui tamen text. debet intelligi in negligentia crassa, vt patet ex eo. vnde voluit glos. singularis in c. ea quæ contra. extra. de offic. Archidiaconus. quod quælibet negligentia in Prælato sit peccatum mortale, & potest esse ratio, quia facta eorum de facili trahuntur in exemplum, c. magnæ. extra. de voto & voti redemp. etiam quia Prælati sunt tanquam signum ad sagittam, cap. qualiter. & quando. primo. extra. de accusat. Itaque ratione mali exempli grauius præsumuntur delinquere, sicut in simili dicitur in iure ciuili, quod ratione mali exempli aliquis grauius delinquit, & ideo grauius punitur, de hoc allego casum in l. si quis aliquid. §. qui abortionis. ff. de pœnis. vbi aliquis solum in lata culpa punitur ultimo supplicio, ratione mali exempli, quod tamen regulariter est prohibitum, vt est bonus text. in l. cum autem. §. excipitur. ff. de ædil. edicto. & l. in lege Cornelia. ff. ad legem Corneliam. de sicar. vbi lata culpa & dolus in delictis non æquiparantur, quia diuersimodè debet fieri punitio pro vno, quàm pro alio, & miriùs pro lata culpa, quàm pro dolo, argum. l. respiciendum. ff. de pœnis. vbi pœna debet esse delicto conformis. Pro istis facit text. singularis in l. iij. in fin. C. ne sanctum baptisiteretur. vbi iudex negligens in punitione pœnæ, à lege ordinatæ, debet eandem ipse iudex pati, vnde voluit bonus text. in l. ij. in C. de commerciis & mercat. quod iudex negligens & dissimulans in pœna imponenda, præsumitur delicti conscius, & per hoc voluit bonus text. (Legistis incognitus) in l. seruos. C. ad legem Iuliam. de vi publica vel priuat. quod iudex negligens punire aliquem pœna à lege disposita, vel etiam miriùs puniēs, est infamis, & illum text. dicit Legistis incognitum Ludouicus Roman. in suo singulari 77. incipiente, Veni quia tu habes. dicens Hostiensis. illum textum allegasse in c. de causis. extra. de officio delegat. Pro istis etiam facit text. in l. iij. C. de offic. Præf. Præto. vbi ratione negligentiae potest Princeps iudices deponere, & propter eorum negligentiam dicuntur facere litem suam, & de hoc est text. melior de iure in l. si quis in conscribendo. C. de pact. Vltimò contra hos negligentes, & quasi negligentiam & ignorantiam affectantes, veniat glos. singularis in authentic. de manda. Princip. collat. 3. §. deinde. in verbo, nuntiūs. quæ exclamat contra miseros Prælatos, qui tantum timent literas Papæ, vt contra eas non audeant reclamare, & etiam de hoc loquitur alia glos. in l. puniri. C. si contra ius vel vtili. pub. quæ præcipit Prælati ne timeant aliquos superiores, sed semper veritatem sequantur, & propterea voluit glos. vna singularis in c. clericis. de immunit. Eccles. in 6. quod quælibet etiam dissimulatio Prælati, est peccatum mortale, & breuiter contra hos iudices dissimulantes est text. singul. & melior de iure in l. prima. C. de deserto. libro 12. & ibi glos. inuehens contra eos qui pœnam omittunt imponere dissimulando, & illum text. ibi commendat Bart. & patruus meus magnus Iacob.

*Prælatus negligens.*

*Delictum ob malum exemplum grauius puniendum.*

*Iudex negligens debet punire aliquem secundum legem.*

12

*Affectata ignorantia & negligentia.*

*Dissimulatio Prælati.*



Iacobus Rebuff. idèd ista sit sufficienter confirmata declaratio, quæ punit affectantes & ignorantiam & negligentiam.

Vltimò in hac principali declaratione est aduertendum ad vnum, quòd licet requiratur notitiam citationis peruenisse ad citatū, ad hoc vt dicatur lis pendere: tamen illud non requiritur ad hoc, vt perpetuetur iurisdictio delegati. De hoc est glos. singularis in d. clem. fi. vt lite penden. in verbo. ad partem. ex qua glos. habetur bona declaratio ad materiam præsentis primæ limitationis.

Et crederem posse dari rationem diuersitatis, inter hos duos casus, hoc modo: nam cum per litis pendentiam graue præiudiciū generetur, vt patet, quia efficitur litigiosa ipsa res, nec lite pendente aliquid sit innouandum, vt patet per glos. in d. clem. fin. idèd ius voluit illum certificari debere, ne sibi ignorantia præiudicium fiat, maximè tam grande quia tollitur sibi liberum arbitrium in re sua, contra l. in re mandata. C. mandat. præsertim cum statuta non ligent ignorantes, l. si. ff. de decret. ab ordin. facien. pro hoc allego bonum textum in l. iij. §. si plures. ff. de re mili. vbi illis, qui nouiter intrant aliquod collegium, particitur ratione ignorantia, si contra statuta & consuetudines collegij veniant. Facit etiam bonus text. in l. iij. §. si quis hæredi. ff. de statuliber. vbi tempus non currit contra ignorantem. Pro istis facit text. in l. ij. ff. quis ordo in bo. poss. serue. vbi non solum nescienti, sed dubitanti tempus non currit. Pro quo bonus text. in l. manifestissimi. in versi. fin. autem nescius & dubitās. C. de furt. bonus text. in l. mater decedēs. ff. de inoffic. testam. vbi ignorans non videtur suo iuri renuntiare, & ratio est, quia nihil tam contrarium est consensui, quàm error: vulgata l. si per errorem. ff. de iurisd. omnium iudic. Per hæc ergo videtur dicendum notitiam debere peruenire ad citatum, & ista ratio non habet locum in casu in quo tractatur de iurisditione perpetuanda: imò, cum sibi mandetur iurisdictio per citationem factam, licet non peruentam ad notitiam conuenti dicitur, iam interposuisse suam iurisditionē, vt clarū est: ergo amplius res non est integra, & sic sufficit sola citatio ad perpetuandam iurisditionem delegati, etiam si ipsa citatio non peruenierit ad notitiam & citati & legitime conuenti.

Aduerte tamen, quòd licet statuta nō ligent ignorantes: tamen si fieret statutum volens quod ignorantes etiam ligentur, illud valeret. De hoc est text. singularis (quem ibi commendat Bar.) in l. Diuus. ff. de falsis.

Secundò adde illud non procedere in ignorantia iuris naturalis, quia illa nullo modo excusat. De hoc est optimus text. in l. ij. C. de in ius voc. & ratio est, quia talis ignorantia est crassa & supina, idèd non excusanda. c. fin. de consti. in 6. Quæ autem ignorantia excuset à damno vitando, vel lucro captando, vide de hoc bonum tex. in l. error facti. cum l. seq. ff. de iuris & facti ignor. & quod vult Bal. in hac materia, in l. iuris ignorantiam. C. qui admitti ad bon.

Considera tamen in enucleatione huius rationis diuersitatis, datæ inter citationem factam, vt lis dicatur pendere, & inter citationem factam, vt perpetuetur iurisdictio: nam contra eam videtur glos. singularis in l. eius qui in prouincia. in verbo, ignorassent. ff. si certum petat. vbi mortuo delegante expirat

iurisdictio delegati, etiam antequam mors peruenerit ad eius notitiam, ex consensu partium, non posset amplius procedere in causa, gl. sing. in c. cū venisset. in verbo, postea egerit. extra. de testib. & tamen hinc tractatur de grandi præiudicio, quod probò: nam tractatur de perditione iurisditionis & honoris, quæ perditio est in magna consideratione & præiudicio, vt colligitur ex §. quibus autem. Instit. de capi. dimi.

Item istud de se clarum est, nec indiget probatione: facit tamen l. iusta. ff. de man. vindic. vbi periculum fame, & periculum mortis æquiparantur. Vnde voluit pulcher text. in cap. nolo. 12. q. 1. quòd crudelis est, qui famam suam negligit, & voluit bonus text. in c. & qui emēdat. 45. dist. illum esse sibi inimicum, qui famam & honorem suum negligit, non omittatur text. elegans & aureus in l. Iulianus scribit. ff. si quis omiſſa causa testa. in quo textu Papinian. Iurisc. acutissim. vult illum non carere dolo, qui famam suam postponit commodo pecuniario, & propterea voluit text. in c. deteriores. 6. q. 1. illos deterius facere, qui famam alicuius minuunt, quàm qui substantias eorum destruunt, furantur & surripiunt, quod est mirabile, cum patrimonium nostrum & substantia dicatur vita nostra, vt est glos. singul. in l. Aduocati. C. de Aduoc. diuer. iudic. Finaliter pro istis adduco glos. singularem & absconsam in §. suspectus autem. Instit. de suspect. tutor. quæ vult singulariter, quòd sicut in grauib. delictis lata culpa non æquiparatur dolo, nec in perditione famæ, quod est summè notandum, & per hæc probatur perditionem honoris esse summi præiudicij, quia melius est perdere oculum, quàm famam. l. infamia. & ibi patruus meus magnus Iacob. Rebuff. C. de decur. lib. 10.

Et ratio diuersitatis inter hos duos casus, scilicet inter naturalem interruptionem & ciuilem, posset esse ista: nam cum naturalis interruptio inducatur semper ex defectu aliquorum substantialium, ad ipsam vsucapionem: puta ex defectu possessionis, sicut in l. naturaliter. ff. de acquiren. vel amitten. posses. quæ possessio est vnum de requisitis ad ipsam vsucapionem, iuxta l. sine possessione. ff. de vsucapionibus. ergo talis interruptio debet operari quoad omnes: secus autem est in ciuili interruptione, quæ oritur tantummodò ex aliquo actu accidentali, celebrato cum volente vsucapere, qui quidē interruptit præscriptionem, quoad celebrantem illum actum, puta per litis contestationem, & ita non tantum debet operari, quantum ipsa interruptio naturalis, quæ facit deficere substantiam ipsius vsucapionis: quia, vbi tolluntur substantialia alicuius actus, ille est nullus ipso iure, quoad omnes, vt patet in l. si vnus. C. de testam. vbi defectus solemnitis requisitæ in testamento, vitiatur testamentum ipso iure. pro quo bonus text. in c. cum dilecta. extra. de rescript. c. venerabili. de offic. deleg. vbi omiſſio forme siue solēnitatis vitiatur ipsum actum, & ratio huius rei est, quia forma dat esse rei: & eius quod est, esse rei pars tanta est, vt ea mutata propè interimatur substantia totius rei, qua de re est bonus tex. in l. Iulianus. §. si quis. ff. ad exhiben. circa quod adde vnū singulare, quòd sicut forma dat esse rei, ita forma dat esse delicto. De hoc est text. singularis in l. qui falsam. ff. de fals. vbi Paulus Iurisc. subtiliter illud probat. Nō est ergo mirandum si cessante forma, cesset ipse actus, pro quo adduco id quod vult glo. singularis in l. an inutilis. ff. de acceptil. quæ vult

Fama periculum, quàm grande sit.

15

Interruptio naturalis facit deficere substantiam vsucapionis.

Ciuilis interruptio ex quo oritur.

Forma vel solēnitatis omiſſio vitiatur ipsum actum.



quod maior est defectus existens in forma, quam in materia, cum ibi dicat, hanc regulam, si non valet quod ago ut ago, valeat ut valere potest, non procedere quando illud principale quod non valet, deficit in forma, secus si in materia deficeret.

Adde idem tenuisse Bald. in l. j. §. si quis ita. ff. de verbor. oblig. & in l. si vnus. §. pen. ff. de pact.

*Restri-  
ctio  
eiusdem.*

Limita tamen, id quod dictum est de defectu ipsius solemnitatis, non procedere (ne erres) quando talis solemnitas esset levis: nam tunc eius omisio non debet actum vitare. De hoc est text. (& ibi expressè Bar.)

16

in l. j. §. fin. ff. de vent. in spi. ibi inferens, quod omisio signi crucis in inuentario non vitiat ipsum, & potest esse ratio, quia de modico non curatur, l. scio. ff. de in integrum restit. bonus tex. in c. terrulas. 12. q. 2. vbi

*De modi-  
cis quomo-  
do non cu-  
randū sit.*

17

Episcopus res modici valoris potest alienare nulla seruata forma, quia non debent esse in consideratione illa, quæ sunt parui ponderis, aut pretij. pro hoc est etiam tex. singularis in l. j. §. sciendum. in verbo, perinde levis febricula. ff. de ædil. edict. vbi de modico vulnere non curatur, vnde per illum tex. si puniendus esset aliquis vulnerans alium in platea, modicè vulnerando non deberet in statutum supplicium incidere, & propterea voluit vna glos. singul. in c. cum illorū. in verbo, effusione. de senten. excom. quod si quis puniatur propter effusionē sanguinis, debet intelligi de magna, & non de modica. facit cōsequenter pro his gl. sing. in auth. minoris. C. qui dare tutor. vel cur. possunt. quæ, limitando istum tex. ibi, volentem debitorem non posse effici curatorem sui creditoris: tamen illud non procedit, vbi esset modicū debitum, vnde voluit Bal. singulariter in auth. sed iam necesse. iuncta ibi glos. C. de donat. ante nupt. quod licet aliquando creditor possit suum debitore iurare suspectum: tamen illud non potest facere, quando est debitor in parua quantitate. Finaliter pro hac ratione adduco casum singularem in l. Senatus. §. Marcellus. (secundum expositionem quam dat Bar. ad hanc dictionem dietam ibi positā) ff. de leg. j. vbi probatur singulariter quod si statutum prohibet alienationem donationis, per hoc non intelligitur prohibita alienatio alicuius domunculæ, & illam tex. dicit non esse alibi Ludo. Rom. in suis singularibus, singulari 330. incipiente, Hodie quidam Procurator. & multa tradit Corse. in tract. de minimis. ibi vide.

*Solemnitas  
levis qua-  
nam sit.*

Quæ autem dicatur solemnitas levis, de hoc vide Bar. in dict. §. Marcellus. volentem quod est illa, qua omisio affertur paruum præiudicium actui: magna autem est illa, qua omisio magnum oritur præiudicium actui & agenti.

*Actus ipso  
iure non in-  
telligitur  
nullus, per  
omissionem  
solemnitatis.*

Finaliter in materia omisionis solemnitatis adde vnum, quod non est omittendum, quia aureum & valde ideò notandum, videlicet quod omisio solemnitatis requisitæ (quæ habet sequi ipsum actum) non reddit actum ipsum nullum, ipso iure, licet fuisset dictum quod sine solemnitate non valeret ille actus: quia debet intelligi ope exceptionis, & non ipso iure. De hoc est vna sola gl. scribenda literis aureis, iuncta doctrina Bart. in l. vniuersa. C. de precib. Imper. offe. ad quod ibi infert Bart. de statuto volente, quod de quolibet cōtractu facto soluarur gabella decem aureorum, aliàs non valeat contractus: nam si talis non soluat illa decem. tamen contractus non est nullus ipso iure, sed ope exceptionis venit annullandus, nisi expressè illud diceretur in statuto, quod nota perpetuè.

Possit tamen opponi cōtra rationem diuersitatis datam in præcedentibus circa interruptionem naturalem & ciuilem, ut videatur mala: nam clarum est quod in præscriptionibus saltem trium, decem & viginti annorū necessariò debet interuenire bona fides, ut patet in §. j. Instit. de vsucapio. ergo cum illa bona fides deficiat, & sic vnum de substantialibus ipsius præscriptionis, dicendum est interruptionē ciuilem debere operari, etiā quoad alios extraneos, sicut operatur ipsa interruptio naturalis, cum sit eadem ratio: ergo debet idem ius statui, iuxta l. illud. ff. ad legem Aquil. l. à Titio. ff. de verbor. oblig.

*Bona fides  
quantiopere  
in præscri-  
ptionibus  
sit necessa-  
ria.*

Sed ad istud argumentum, quod apparet forte, cum dicitur bonam fidem esse necessariā & substantialem ad ipsam vsucapionem, fatemur illud esse verum, quoad inchoandam ipsam vsucapionem, & ita intelligendum est contrarium: secus autem quoad complementum eius, ut est tex. in l. sequitur. §. de illo. ff. de vsucap. & glos. in §. j. Instit. eodem. vbi scientia rei alienæ superueniens post inchoatam vsucapionem, non nocet, & bona fides ex postfacto non est necessaria, nec est de substantialibus, & ita non obstat contrarium, quando per litis contestationem desinit esse in bona fide: & ratione litis contestationis interruptitur præscriptio: tamen iste non deberet extendi ad alios extraneos, cum non sit eadem ratio.

*De eadem  
re.*

Adde tamē aliam rationem, quare defectus bonæ fidei non prodest, nisi interruptenti interruptione ciuili, sed defectus possessionis interruptæ interruptione naturali, prodest omnibus: nam cum possessio sit semper vna & eadem, respicit omnes: & cum non sit nisi vna tantummodò ciuilis possessio, paries vsucapionem, l. iij. §. ex plurimis. & §. ex contrario. ff. de acquir. poss. sed secus est in bona fide, quæ potest variari respectu diuersorum, ut sit respectu vnius in bona, & respectu alterius in mala fide, iuxta l. Fulcinius. §. quid si aduersus. ff. ex quib. caus. in possessio. eatur. meritò debet tantummodò procedere iste defectus bonæ fidei, in illum interruptentem ciuilitè, respectu cuius causatur mala fides, & non alio respectu, in quo potest habere bonam fidem, & hanc rationem singulariter sentit Bart. in l. naturaliter. ff. de vsucap. in 3. col. vbi bene notat.

*Defectus  
bonæ fidei  
cur inter-  
rumpenti  
tantum  
profit.*

Supradictis adde, quod licet scientia rei alienæ superueniens post inchoatam vsucapionem non vitiet eam: tamen fallit singulariter vbi cum scientia rei alienæ concurreret scientia rei furtivæ: nam tunc ratione horum duorum coniunctorum impeditur complementum vsucapionis. De hoc est tex. sing. in l. si alienam. ff. pro suo. quod tamen est intelligendum, dummodò sciat illum à quo surrepta est, aliàs sola scientia furtivæ rei non impediret ipsam vsucapionem. De hoc est casus singul. in d. l. si alienam. quam ibi ad hoc ponderat Bart. singulariter.

*Scientia rei  
alienæ &  
furtivæ.*

Secundò intellige prædicta procedere de iure ciuili, secus enim est de iure Canonico, quia secundum illud requiritur bona fides omni tempore, ut habetur in c. si extra. de præscript. & ibi glo. voluit etiam Bar. in d. l. naturaliter. quod ius sequendum est, cum tangat animas nostras, iuxta dictum c. fin. & c. 2. de regul. iur. in 6.

18

Verū tamen aduerte ad vñ, quod licet de iure Canonico mala fides superueniens tollat vsucapionē inceptā: tamē secus esset si superueniret defectus bonæ fidei, ita videtur quasi sentire Inn. in c. si ex. de præsc. sed de hoc

*Medium  
quod sit in-  
ter bonam  
fidem &  
malam.*



*Restrictio  
indubitate.*

hoc est glos. singularis in l. iij. §. fin. ff. de acquir. poss. volens quod medium quoddam fingatur esse inter bonam fidem & malam, puta si post inceptam vsucapionē dubitet an sit sua, vel nō, & ita illo tempore dubij adhuc cōtinuat vsucapionē. Ita videtur sentire Bar. in d. l. naturaliter. quod quidē dictum Bart. confirmo per text. notabilē in l. iij. ff. quis ordo in bo. po. serue. vbi priuilegium datum ignorantī, etiam habet locum in dubitante. De hoc est text. sing. & ibi Bart. in l. manifestissimi. in verbo, si autem nescitur. C. de fur. vbi dicit Bart. illum casum se nescire alibi, quod sicut eligens vnum ius, non videtur alteri renuntiare quod sibi competit: si tamen ignoret sibi competere, ita etiam dicendum si dubitet: ergo ex supradictis inferri videtur, quod sicut cū ego credo me esse dominum, & ignoro alium esse, tunc procedit vsucapio: ita etiam cū ego dubito, maximē ex postfacto, cū à principio ignorabam.

*Ignorās &  
dubitas in  
quibus aq̃  
parentur.*

*Dubitatio  
quādo non  
excuset.*

Considera tamen, si possit contrariū dici, maximē per hanc regulam, quod licet dubitans & errans videantur pari passu ambulare: tamen vbi ille, qui dubitat, potuit de facili, & sine magno labore certiorari, tunc idem est ac si sciret, nec eum excusat talis dubitatio. De hoc est text. singul. in l. locus. ff. de acquir. poss. ergo cū in casu nostro de facili potuit certiorari, postquam incepit dubitare, præsertim cū id quod credimus non esse nostrū, debeamus scire alienum, iuxta l. fi. C. vnde vi. igitur procedet vsucapio: circa hoc tamen cogita, & diligenter omnium rationes expende.

Et hanc vltimā partem, vt dubitans non videatur de iure Canonico præscribere, confirma ex regula iuris Canonici, quod bonarum mērium est, culpam ibi agnoscere, vbi nō est, c. 2. extra. de obseruat. ieiun. c. ad eius verō concubitus. in fi. §. dist. pro quo facit tex. singul. in c. debitores. extra. de iure iu. vbi ius Canonicum nos adstringit (vt euitemus peccatum) ad faciendū id quod de iure Canonico, & de omni iure ciuili est reprobatur, vt dicitur in gl. d. c. debitores. in verbo, cogendi. & ita per hoc videtur melius esse, si desinat (post dubitationem) velle retinere eam possessionem vsucapiendo, quā cum scrupulo cōscientiæ eam detinere.

Tertiō confirmo hanc partē per tex. (qui videtur expressus) in d. c. fi. extra. de præscript. qui quidē text. vult non solum quod non sit in mala fide, sed etiam quod habeat præcisē bonam fidem, qui præscribere & ciuilitate & Canonicē cupit, & quod in nulla temporis parte rei habeat conscientiam alienā, idq; dico iusto lanceis examine ponderando illum eundē text. in fi. quasi diceret quod nō debet aliquo modo suspicari, an sit sua res, vel nō: sed pro certo debet credere suam esse. Et pro ista parte adduco vnum notabile, quod in his quæ consistunt in salute animæ, verba debent impropriari, vt de hoc est glos. sing. in auth. sacramenta puberum. in verbo, contractibus. C. si aduer. vendit. ergo in fauorem animæ verba illius c. fin. debent declarari eo modo, vt possint animæ prodessē ad euitandum peccatum. Et per ista crederem hanc opinionem veriorē, tamen cogita circa hoc.

*Verba quādo  
impro-  
prianda.*

*Dubitatio  
quādo præ-  
scriptionē  
impediat.*

Aduerte tamen q̃ crederē eam posse limitari (si vera sit) vt non procedat quādo ille dubitans inquisiisset, & diligentiam adhibuisset, an erat illius cuius dubitabat esse, nam tunc illa dubitatio nō debet impedire præscriptionē, maximē cū post inquisitionem

amplius nō dubitet, & istud sentit gl. notab. in d. c. fi.

Secundō crederem posse limitari in habente amplum & grande patrimonium, vt in Rege, Comite, vel Duce & similibus, quia licet dubitent (dūmodō stēt in finibus dubitationis) tamen nō perdunt vsucapionem. quoniā sepe (tales præsertim homines) plus creduntur habere in bonis, quā habeant. iuxta §. in fraudem. Insti. quib. ex cau. manu. non licet. & ista dubitatio videtur potius procedere, eō, quia vidēt se tanta habere bona, vt admirando dubitent, & ita teneo quoad superueniat ratio, vel dictum Docto. contrarium tenens.

Conclusiue in hac materia aduerte, quod licet de iure Canonico ad continuandam præscriptionem requiratur bona fides, vt in d. c. fi. & c. vigilant. extra. de præscript. tamē si superueniat scientia rei alienæ, siue mala fides, post completam vsucapionem, tunc illa mala fides non rumpit, nec tollit dominium quæsitum virtute vsucapionis. De hoc est glos. peregrina, ibi, *Arguendo ab utraque parte.* in cap. vigilant. extra. de præscript. quæ allegat per hoc dictum c. fi. extra. eod. in quo probatur (arguendo à contrario sensu) quod mala fides superueniens post vsucapionē non nocet, sed tu nouiter considera illud non posse elici ex d. c. quia habeo vnum dictum singulare, quod si induceretur argumentū à contrario sensu, alicuius canonis vel statuti, statuētes indicerent in pœnam: quia tunc non habet locum argumentū à contrario sensu. De hoc est gl. vnica in iure in cle. j. de vsur. in verbo, facere. cū ibi dicit glos. *Quod si officiales statuunt, vt nō possit exigi vsura ultra duos denarios.* Per hoc non videtur permittere (arguendo à contrario sensu) quod vsura exigatur infra duos denarios, quia tūc statuētes illud, inciderent in pœnam dictæ cle. ita ergo in casu nostro: nam si argueremus à contrario sensu illius c. fin. tunc per tale argumentum incideret statuens in pœnam, scilicet in peccatū mortale, permittendo vt quis possit detinere rem quam scit nunquam fuisse suam, quin potius alienam, ad istud tamē potest dici quod talis non incideret in peccatum mortale, cū illa sit iam effecta sua, per præcedentē vsucapionem factam cum bona fide, legisque autoritate.

*Mala fides  
post vsuca-  
pionem su-  
perueniens.*

*Argumentū  
à contrario  
sensu quan-  
do locū non  
habeat.*

In hac quæstione breuiter omittendo multas opiniones extraneas, quas ponit glos. in d. c. vigilant. & sequendo hanc, de qua loquitur principium istius gl. in d. c. vigilant. dicas, de hoc esse text. expressum in iure Canonico singularem, de quo meminerunt glo. iuris Canonici in c. veniens. ext. de præscript. in fin. & per illū text. cessant multe opiniones quæ sunt superstitiosæ, sed vt magis certi simus de hac opinione, p̃ ea allego text. singularem in iure ciuili, & pro certo aureum, in l. iij. iuncto si præcedentis legis. ff. de itin. act. uque priuat. vbi si quis vsus fuerit itinere modo debito, secundum formam illius tituli, quia fortē per 30. dies, nec vi, nec clam, nec precario, licet post completam præscriptionem, iret vi, vel clam: tamen non perdit præcedentē vsucapionē, siue præscriptionem, subiiciens tex. illius l. iij. quod non debent corrumpi, aut mutari ea quæ legitimē facta & transacta sunt ex superueniente delicto, & ibi expressē probatur ista conclusio: nam cum ratio istius text. sit generalis, extenditur ad similes casus, iuxta text. in l. regula. §. fin. ff. de iur. & fac. ignor. text. in l. illud. ff. ad l. Aquiliam. bonus text. in c. sedulō. 38. distin. volens quod ita est præferenda ratio legis, siue mens ipsis verbis, sicut

*De eadem  
re.*

*Ratio ge-  
neralis.*



19 anima ipsi corpori pro his facit glo. aurea in c. primo. de tempor. ordi. lib. 6. quæ vult quod vbi eadem ratio militat in vno casu, sicut in alio, non proprie dicitur fieri extensio, imò dicitur esse eadem dispositio. pro qua glof. allego text. meliorem de iure, in l. his verbis. in verbo, tacite cautum putamus. C. de reuocand. donat. bonus tex. in l. milites agrum. ff. de remilit. in prin. pro istis facit etiam tex. singul. in l. cum pater. §. dulcissimus. ff. de lega. 2. vbi verba l. debent seruire rationi, & non è contra.

*Prescriptio quomodo per litis contestationem interruptatur.*

Tertia principalis declaratio ad hunc tertium effectum litis contestationis volentem quod per eam interruptatur prescriptio, est ista, scilicet vt procedat, quando est facta valide, secus autem si mala & inualida esset, de hoc est gl. expressa in c. vt debitus. in verbo, coram idoneo. ext. de appella. idem etiam voluit glo. notabilis in l. si pater. C. ne de sta. defunct. & quoniam est notabilis declaratio, idè in ea insistam, ornando eam singularibus. Et primò per ea quæ pulchre diximus supra in prima declaratione secundi effectus litis contestationis. Secundò (vltima ibi posita) per tex. notabilem in l. non putauit. §. non quæuis. ff. de bono. posses. contra tabu. vbi sola exheredatio, quæ est ritè & rectè facta nocet exheredato, & non alia, per quem tex. dicit Bart. tria dicta singularia. Primò, quod si ex permissione statuti bannitus possit occidi, intelligitur in ritè cõdemnato. Secundò, quod si instrumentum publicum debet executioni demãdari, intelligitur de ritè facto. Tertiò, quod si statutum puniat cedentem actionem suam nobili potenti, intelligitur in cessione ritè facta, facit etiam pro istis dictum Bart. singulare in l. 2. §. prætor. ff. qui satisfd. cog. vbi vult, quod si statutum dicit, quod qualiscunque fuerit sententia arbitri, mandetur executioni, tunc intelligitur, dummodò sit lata à persona quæ sit arbiter, & esse possit. Pro his etiam adduco glo. notabilem in c. significantibus. ext. de officio delegati. quæ vult, quod si quis se obligauerit iuxta contractum, ad pœnam, non tenetur ad illam si contractus sit nullus. Idem voluit glo. iuris ciuiliis l. iij. in verbo, Fauiana. ff. si quid in frau. patr. quæ vult quod obligans se de enictione, non tenetur si contractus, super quo se obligauit, non tenebat. Et pro istis adduco glo. singularem in l. si iudex. ff. de variis & ext. cog. quæ vult quod iudex proferens sententiam nullam, non faciat litem suam, quod est summè notandum.

*Pœna contractus nullo appositæ.*

*Contractu existente nullo, obligans se de enictione, non tenetur.*

21 *Irritans omnia alia testamenta prius facta*, illa clausulã habere in se tacitam conditionem, si illud testamentum, in quo est appositæ talis clausula, sit validum & perfectum, & illud probat ibi text. Confirmantur & supradicta per glo. singularem in c. veniens. j. in glo. si ext. de testi. quæ vult quod testis dicens testimoniũ contrarium primo, quod quidem primum illi testis testimonium non fuerat acceptum, imò habitũ pro nullo, auditur tamen, & tenet eius secundum dictum, pro quibus facit quod voluit Bald. in l. non dubium. in secunda columna. C. de legib. vbi si de quolibet contractu debet solui gabella, intelligitur de valido.

23 Adde etiam quod vult glo. in c. extenore. in fi. glo. magnæ extr. de rescriptis. cum ibi dicit quod li-

cet regulariter secundæ regulæ in rescriptis, non facientes mentionem de primis, non valeant, tamen fallit, si primæ erant inualidæ. Et omnium istorum ratio est, quia idem est aliquid non esse factum, vel factum inutiliter, quod patet in l. quotiens. ff. qui satisfd. cog. vbi satisfactio nulla & vitiosa æquiparantur. idè patet in d. l. nō putauit. & d. §. nō quæuis. ff. de bo. pos. cont. tab. pro quo bonus tex. in l. 2. ff. de auth. tut. vbi idem est quod interueniat autoritas tutoris perperam, vel quod non interueniat, pro hoc etiam est optimus tex. in l. si aut nullum. C. de legit. hæc. per quem dicit ibi Bald. summariū ponendo, quod nihil & inualidum æquiparantur, pro istis facit tex. in l. 4. §. condemnatum. ff. de re iudica. vbi idem est quem non esse condemnatum, vel non ritè & rectè, idem probatur in l. 2. ff. de pœnis.

*Factū inutiliter.*

*Autoritas tutoris perperam interposita.*

24

Adde etiam supradictis text. meliorem de iure, in c. inter corporalia. extr. de translat. episcop. vbi singulariter probatur quod idem est non habere episcopum, vel habere minus sufficientem, & propterea voluit vna glof. singularis in l. si plagij. C. ad l. Fauiam, de plagiar. quod idem est non habere maritum, vel habere inutilem, & per ista sit sufficienter ornata hæc tertia declaratio. Et sic iste tertius effectus, & ex hoc effectu, cum suis declarationibus, habetur quasi materia prescriptionis (saltem subtilior) declarata.

25

Quartus effectus litis contestationis est iste, quia per litis contestationem committitur stipulatio, amplius non peti, quæ regulariter sine ea non committeretur, de hoc est text. quem dicit ibi Bar. esse multum singularem in l. amplius non peti. ff. rem ratam haberi. quæ tamen lex, cum suo effectu recipit multas declarationes. Prima est, vt intelligatur, quando expressè fuit promissum amplius non petere: secus autem, si promiserō me talem ratam rem habiturum: nam si non conferat reus post eius scientiam, etiam ante litis contestationem committitur illa stipulatio. De hoc est tex. optimus in l. Procurator. §. si quis à Procuratore. ff. rem ratam haberi. & istud est notabile, quia istæ duæ stipulationes, scilicet amplius non petere, & rem ratam habere, æquiparantur, vt patet in l. si quis vni. ff. rem rat. habe. & ibi Bart. ergo videbatur idem dicendum in stipulatione rem ratam habere, sicut in stipulatione amplius non petere, cum de similibus idem sit iudicium, vulgata l. illud. ad l. Aquil. ad istud tamen responde, quod æquiparantur in casu illius, l. tantummodo, non autem in aliis, ita Bar. ibi, & in d. l. amplius. in prin. nec istud est inconueniens, præsertim cum argumentum à simili soluat per dissimilitudinem datam, glof. peregrina in cap. sicut vtrgeri. j. quæstione prima. sed de hoc sunt duæ aliæ glossæ absconditæ in l. creditori. ff. de operis no. nuntiat. alia in l. Marcellus. in verbo, deduci. ff. de rei vendic. modò clarum est infinitas esse differentias inter has duas stipulationes, imò nullo modo reperiuntur similes præterquam in casu l. prædictæ si quis vni. ff. rem ratam haberi.

*Stipulatio amplius nō peti committitur per litis contestationem.*

*Eiusdē restrictionem.*

Sed pro confirmatione huius argumenti nouiter stringo fortius illum textum d. l. si quis. vt videatur expressè probare quod stipulatio rem ratam haberi, non committatur nisi eo modo, quo committitur stipulatio, amplius nō peti, cū ibi dicit, *Quod si aliquis Procurator promiseris rem ratam dominum habiturum,*

*Stipulatio rem ratam haberi, quādo committatur.*



aut amplius non peti, dicendum est stipulationem committi, si ab eo petatur, qui eiusdem obligationis socius est. & declarando istud verbū, si ab eo petatur, dicendum est idem, committuntur hæ duæ stipulationes, si fiat litis contestatio, cōtra socium obligationis, cum non dicatur peti propriè, nisi per obligationem, per d.l. amplius non peti. Declarato ergo isto verbo, petatur, posito in illa l. infertur à contrario, quod si non peteretur, non committeretur illæ stipulationes, & si non fieret litis contestatio, per quā dicitur petitum fuisse. Et videtur ponderando illum tex. eo modo, scilicet per argumentum à contrario sensu, quod est in iurè validum, per l.j. §. huius rei. ff. de offic. eius cui man. est iurisdictio. quod non cōmittatur rem ratā haberi stipulatio, nisi cum petitur per litis contestationem.

Secundò, quod ita debeat declarari iste text. probò per regulam, volentem quod clausula in fine posita debet referri ad omnia præcedentia. De hoc est bonus text. in l. prima. C. de lib. præte. in fin. (quem ibi ad hoc notat Bart.) quæ vult quod lex suum, & non meum potest denegare auxilium, pro quo facit quod solet dici, Fortius est ius competens alicui sua industria, quā ex facto alterius, ut habetur in l. quod Principi. cum l. seq. ff. de legat. ij. sed ultra hos duos tex. est alius solemnisis in l. si filius. in §. erit. Rubriano S. C. & ibi Barto. ff. de fideicom. liberta. & per ista sit expedita ista limitatio.

Limita tamen hanc limitationem non procedere in vno casu singulari, in quo etiam quoad pœnam legalem quis dicitur petiisse ante sententiā, imò per ipsam litis contestationem, scilicet in casu l. vnicę. C. de plus peti. vbi quādo aliquis exegit in Canone, vel instrumento plusquam fieri debebatur, deinde post eum debitorem pro illo debito conuenerit, & perseuerauerit vsque ad litis contestationem, talis punitur pœna legali in hoc, quia perdit totum verum debitum, sed ratio huius specialitatis traditur per Bart. in d.l. amplius. scilicet quia ibi erat duplex delictū, ut patet ex supradictis: ideo grauius erat puniendus, pro cuius rationis confirmatione adduco aliqua singularia, & pono regulam, volentem quod plus operatur geminatio, quā res nō geminata, ita patet in l. Balista. ff. ad Trebel. pro quo facit doctrina Bar. singularis in l. cum scimus. C. de agricol. & cens. lib. ii. vbi voluit quod licet verba enuntiatiua nō disponunt, c. si Papa. de priuile. in 6. tamen fallit, vbi essent geminata, per illum text. plus tamen ibi voluit Bart. quod licet confessio extra iudicium non præiudicat, tamen fallit, vbi fuisset geminata: nam tunc præiudicat, & istud est singulare.

Tertiò confirmo per text. in §. de constituta. Insti. de actio. & per totum tit. de consti. pecu. ff. & C. vbi in constituta pecunia ratione geminationis oritur actio ex pacto nudo, quod aliàs non potest fieri, ut patet in l. in bonæ fidei. C. de pact.

Quartò confirmo per casum singularem, in l. mulier. C. ad Velleianum. vbi licet mulier non possit effectualiter constituere pro tertia persona: tamen illud fallit vbi tale constitutum fuisset geminatum: nam tunc obligat ipsam mulierem, quando fuit geminatum infra tempus ibi positum, scilicet post biennium.

Quintò confirmo per casum singularem in l. Diuus. §. fin. ff. ad legem Cornel. de fals. vbi conditio duplicata plus operatur quā simplex, quia dicit ibi text.

quod si aliquis scribens testamentum, aliquid adscribat sibi sub duplici cōditione, tunc excusatur à pœna; & etiam consequitur legatum, quod sibi non competiisset vbi sibi adscripsisset sub simplici conditione, ut vult ibi Bart. per l. impuberem. §. j. ff. de fals.

Sextò, confirmo per text. singularem in sui materia, in l. iij. C. de Episc. audient. vbi ratione geminationis grauius punitur delictum, & per illum text. dixit ibi Bart. quod qui geminat ipsum delictum, non debet veniam sperare. Hinc ibi dixit Bart. quod si ex forma statuti, vel consuetudinis in die sancta Veneris delinquentes sint excarcerati, si aliqui aliàs fuerant excarcerati, qui nunc pro eodem delicto ibi adhuc reperiuntur, non debent excarcerari.

Septimò, adduco illud quod voluit Bart. singulariter in l. si cui. §. fin. ff. de accusat. vbi voluit quod delictum commissum in extranea prouincia, quod nō poterat alibi puniri, si tamen simile delictum committat alibi, & ibi capiat, tunc ratione præcedentis delicti, alibi commissi, grauius punietur.

Pro quo facit dictum singulare & admirandum Bal. in auth. qui semel. C. quomo. & quan. iudex. vbi voluit quod si statutū puniat pro primo homicidio in centum libris, deinde velit quod pro secundo puniatur pœna vltimi supplicij, si aliquis commiserit primum homicidium quod satisfecerit soluendo pœnam, punitur pœna vltimi supplicij, si iterum homicidium committat, licet prima fronte cōtrarium videatur, per l. Diuus. ff. de iure patron. vbi postquā aliquis satisfecit de delicto, est ac si nunquam deliquisset, ideo istud non fit propter geminationem.

Nonò adduco gl. singularem in l. ij. C. de furt. quæ vult quod geminatio emptionis de rebus furtiuis inducat quandam præsumptionem fraudis & furti, contra talem euentem.

Istis adde quod non solum punitur geminans grauius, ratione geminationis, sed etiam admonitus perseuerans, quod voluit glos. singularis in c. scripta. in verbo, ignosce. de consecra. dist. 2. sentiens quod post admonitionem non est amplius parcendum, sicut nec post veniam semel datam, pro qua glos. videatis tex. in l. capitalium. §. solent. ff. de pœnis. vbi bonus text. & per ista sit sufficienter declarata & ornata nostra limitatio.

Decimò limita hunc effectum litis contestationis non procedere in illo, qui promisit quæstionem non mouere, quia etiam qualitercunque molester, ante litis contestationem, talis incidit in commissionem ipsius stipulationis. De hoc cum glos. (quæ ita intelligitur) est text. in l. qui fidem. ff. de transact. secus autem quando verbum quæstionis profertur à lege: nam tunc intelligitur mouisse quæstionem per litis contestationem. De hoc est glo. in l. ij. & iij. C. finium regund. & has glossas ita concordat Bart. in dicta l. amplius.

Addam tamen vnum in hac materia extra ea quæ notat Bart. in d.l. amplius. quod si quis alicui promiserit non facere molestiam, intelligitur de facto: secus autem si de iure, cum conueniat eum. De hoc est glos. singularis in l. si seruum. §. Prætor autem. ff. de acquir. hæred. quam facit singularem Bald. in l. j. C. de his quæ pœn. nomine. in fin. primæ col. sed pro ea facit glo. alia singularis in c. pro illorum. in verbo, contradictores. extra. de præbend. quæ vult quod ille non dicitur contradictor, qui de iure contradicit,

Homicidij  
geminatū.

Geminata  
emptio de  
rebus fur-  
tuis.

Perseuerans  
in crimine  
admoni-  
tus.

Molestiam  
non facere,  
quomodo  
intelliga-  
tur.

Contradi-  
ctor quis  
dicatur.

Creditor  
plus debito  
exigēs per-  
dit totum  
debitum.

Geminatio  
nis effectus.

De eodem.

Constitutū  
per mulie-  
rem gemi-  
natum.

Conditio  
geminata.



29 & potest esse horum ratio, quia cum illud faciat iuris autoritate, praesumitur fieri iuste, & sine dubitatione alicuius poenae, arg. l. Gracchus C. de adul. vbi factum autoritate legis non meretur poenam, & sic promittens non molestare sub poena, non debet incidere in poenam, de iure suo disputando, pro quo bono text. in l. iuste. ff. de acq. poss. vbi iuste id fieri dicitur, quod autoritate ipsius iudicis exequitur. Vnde voluit bonus text. l. si quis id quod. ff. de iurisdic. om. iudic. quod remouens album Praetoris, autoritate iudicis, non debet puniri. pro hoc facit l. furti. §. qui iussu. ff. de his qui notan. infra. vbi paciscens iussu Praetoris super crimine, etiam dato pretio, non est infamis, alias tamen secus esset. per text. in d. l. furti. §. pactusque, inquit, erit. Et ratio, quare faciens aliquid autoritate iudicis, excusatur, potest esse, eo quod primo videtur illud facere necessario, ideo non debet puniri, argumento eorum quae habentur in l. cum postularem. §. si. ff. de dam. infect. l. ij. ff. si quis caut. pro quo glo. singul. in clem. j. in verbo, seipsum. de reliq. & venera. Sanctior. vbi faciens seruitium Deo ex necessitate professionis, vel voti, plus meretur quam alius, pro his etiam glo. in l. Procurator qui pro euitatione. ff. de Procurat. vltimo, pro hoc adduco glo. singularem in princ. in l. si familia. ff. si famil. fur. fec. dica. vbi si seruus, ex metu mortis, sibi de proximo imminentis, alium interfecerit, non tenetur, maxime quando aliter euadere non poterat.

*Iudicis autoritas.*

Secunda ratio huius vltimi dicti potest esse, quia iudex censetur legis minister glo. singularis in l. accusationis. C. quod met. caus. pro quo glo. l. Celsus. ff. de arbit. ideo cum sit minister legis, non praesumitur male, & iniuste aliquid mandare, nec exequi. pro quo text. l. meminerint. C. vnde vi. vbi verè & rectè deciditur, quod vnde debet nasci aequitas, non praesumitur, nec debet oriri aliqua iniquitas, & propterea voluit text. in l. quod si Ephesi. ff. de eo quod cert. loco. quod Praetor siue iudex, debet semper habere aequitatem ante oculos suos, vnde voluit glo. singularis in l. inter filios. C. fam. herc. quod iudex non sequens aequitatem, dicitur habere oculos caligatos, quam cum iudex debeat semper habere ante oculos, praesumitur pro eo, praesertim cum semper pro iudice praesumatur, l. Herennius. §. Gaia Seia. ff. de iur. opt. tex. l. ij. C. de offi. ciuiliu iudicum. in vers. quod non arbitramur. & per ista sit satis declarata ratio vltimi dicti propositi.

*Petere, quisnam dicatur.*

Breuitur, pro expeditione huius effectus cum sua pulchra materia, est aduertendum, quod sicut per litis contestationem quis dicitur petere, vt per hoc committatur stipulatio, ita etiam per solutionem factam illi, cui fuerat promissum amplius non petere: nam talis recipiens illam solutionem, dicitur petiisse quodammodo, vt committatur stipulatio, amplius non peti. De hoc est text. in d. l. amplius. qui est ad hoc singularis, secundum Bart. ibi.

*Amplius non peti, stipulatio, quando committatur.*

Istud tamen, vbi talis soluit ignoranter, quia credebatur se ad illud teneri: nam tunc cum videatur quodammodo deceptus per illum, cui facta est solutio, committitur illa stipulatio, amplius non peti, & exemplum potest poni in illo, qui promiserat ab vno ex sociis vnus obligationis, amplius non petere: nam si a consocio illius obligationis, ignorante talem stipulationem fuisse factam, solvatur ipsi creditori, tunc is qui se cum eo, qui soluit ignoranter obligauerat,

tenetur, sicque committitur illa stipulatio, amplius non peti. Ita sentit Bart. hocque exemplum, in medium affert, pro quo exemplo est text. notab. l. si quis vni. ff. rem rat. haber. secus autem dicendum esset, si solueretur a sciente, quia volenti non fit dolus, neque iniuria, l. j. §. vsque adeo. ff. de iniuriis. l. cum donationis. C. de trans. Itè quia talis, qui nihilominus poterat se iuuare exceptione & peremptoria, & fauorabili, videtur quodammodo scienter donare, l. j. & l. qui exceptionem. ff. de condic. indeb. sed iste erat tutus tali exceptione fauorabili, & peremptoria, ergo soluendo videtur donare, & ideo alter non debet incidere in poenam, vt ibi sentit Bart.

Vltimo, aduerte idè esse, vbi ille qui promisit amplius non petere, vellet opponere compensationem: nam tunc opponendo videtur petere, vt per hoc incidat in stipulationem amplius non peti. De hoc est tex. sing. in d. l. amplius. qui est per supradicta satis superq; declaratus. Et per hoc infert ibi Bart. quod si aliquis iurauerit soluere alicui debitum, tunc opponendo compensationem, videtur soluisse, & iuramentum adimpleuisse. Nec per hoc potest dici periurus: sed contra videtur tex. expressus in c. ad nostram. j. extra. de iureiur. vbi ille, qui iurauit creditori nullum grauamen super re pignoratam facere, donec soluerit debitum, volendo compensare fructus in sorte, non auditur repetens debitum: imò debet prius soluere verè & inte. graliter, & allegatur illud c. quod iuramentum debet adimpleri in forma specifica, non obstante tunc illo tex. Bart. ibi confirmat suam questionem. Primo, quia conditiones debent in forma specifica adimpleri, l. qui haeredi. in princ. ff. de condit. & demonstrat. sed iussus dare, sine soluere, compensando adimplet ipsum iussum, l. si peculium. §. j. ff. de statuliberis. igitur videtur liberatus, & ab obligatione beneficio compensationis, solutus. Secundò facit etiam iuxta Bart. opinionem, impeditus facere iuxta de causa illud, ad quod tenebatur cum iuramento, per hoc non est periurus, l. si. ff. qui satisd. cog. sed ille qui non soluit, impeditur per illum, cui soluendo est, & cui debetur, ne soluat: vnde (quasi suo facto impeditus) non est periurus, arg. l. iij. in princ. in vers. inde quaeritur. ff. de statuliber. & per hanc opinio ista videtur bona.

*De eadem re.*

30

*Obiectio.*

Ad contrariu c. ad nostram. non respondet Bart. sed potest dici secundum Ab. in d. c. quod opinio Bart. post factum teneret, inclinando in meliorem partem, scilicet vt excusetur a periurio, secus autem ante factum, vel etiam secundum eum Ab. q. opinio Bar. est generaliter vera, vbi cunq; quis tenetur soluere, sed opinio illius c. procedit tantum in casu suo, quia iurans ibi de non molestando ante solutionem pignoris, videbatur tacite expresse promittere de numeratione pecuniae vera, & sine compensatione fructuum, vt ibi per eos, & per ista sit clarè expeditus iste effectus.

*Obiectio solutio.*

Quintus effectus litis contestationis est, quia per eam tollitur purgatio morae, quae alias purgaretur ante litis contestationem. De hoc est tex. in l. si insulam. ff. de verb. oblig. vbi offerens factum ad quod tenebatur, & in quo adimplendo fuit in mora, si se offerat post litis contestationem, tunc talis non purgat moram suam, secus si ante litis contestationem, & ratio huius effectus est: nam cum ille, cum quo fit litis contestatio, ante eam iam fuerit in mora (quia semper praesumitur eum interpellatum fuisse, vt vult textus singularis in l. in fideicommissi. in principio. ff. de

*Purgatio mora tollitur per litis contestationem.*

*Mora duplicata impedit purgationem.*

ff. de



ff. de v. sur.) & postea per litis contestationem sequētem iterum fit in mora, illa duplex mora debet sibi impedire purgationem, eod quod geminasse videtur delictum, ideò non est cū illo agēdum misericorditer, sed potius de religione iuris. l. iij. C. de episc. audien. & eorū quæ latè dixi in quarta limitatione quarti effectus. pro hac tamen limitatione vide optimum tex. in l. si alienam. prima. §. fin. ff. de pig. act. vbi debitor agens pignoratitia contra creditorem, facta litis contestatione, potest offerre debitum (id est pecuniam in iudicio) pro qua obligabatur ipsa res pignorata, quia talis mora videtur contracta per litis contestationem.

*Mora cōtracta quādo purgari possit.*

Et ex his potest inferri prima limitatio, siue declaratio ad hunc effectum, vt non procedat quando ante litis cōtestationem nō fuisset quis in mora: quia tunc videtur posse purgare moram contractam, etiā post litis contestationem eod præcipuē, quia tunc deficit ratio supradicta duplicis moræ, & hanc limitationem videtur sentire gloss. singularis, in l. siue apud acta. C. de transact. in verbo, vrgerē, quod quando mora fit ante litis contestationē, non impeditur purgatio ipsius moræ. & clariùs voluit Bar. in l. si maior. in fi. C. de transactio. pro quo facit illud quod in simili dicitur per Doctor. in lita demum. ff. de Procura. vbi volunt, quod licet exceptio dilatoria debeat opponi ante litis contestationem, tamen si veniat post eam, potest quis tunc opponere. pro quo gloss. l. de die. ff. qui satisda. cog. quod notabis (quoad illud accessorium) idque non fieri alio modo, nisi beneficio litis contestationis, quæ, cuius sit præcipuē in hac re momenti, consydera attentè & diligenter.

*Mora purgatio quādo post litis cōtestationem admittitur.*

Secunda declaratio, siue limitatio ad prædictum effectum est, vt non procedat in stipulatione, defendendo, quæ continetur in stipulatione iudicatum. iuxta liudicatum. primam. ff. iudicatum sol. nam hoc casu admittitur purgatio moræ, etiā post litis contestationem. De hoc est tex. notabilis in l. iij. §. si. cum l. seq. ff. iudicatum sol. & ratio specialitatis huius est: nam cū inducatur vnum in præiudiciū ipsius promittentis (quod regulariter induci non debet) scilicet quia quotiens quis est obligatus ad factum, nunquam committitur stipulatio ad totale interesse, nisi cū trāserit tantum tempus, quo factum illud perfici posset, vt est tex. in l. si ita stipulatus essem abs te. & l. stipulationes non diuiduntur §. planè. ff. de verb. oblig. Vnde in casu nostro istud deberet obseruari, scilicet vt non teneatur promittens de defendendo, nisi postquam excurrerit tātum temporis interuallum vt certum sit iudicium in illo tēpore potuisse perfici, verū quia istud est incertum, lōgum esset, illud expectare, ideò committitur (contra regulas iuris) stipulatio de defendendo ab ipso initio ad totale interesse, cū ergo talis reus grauatur in vno, iura voluerunt eum in aliquo releuare, vt possit moram, scilicet suam, purgare, etiā post litis contestationem, vsque ad ipsam sententiam: ita subtiliter declarat Bar. in d. l. iij. §. si. pro quo facit casus in simili in l. eū qui. ff. de iureiur. vbi grauatus in vno, putà quia credit actori de causa inter eos agitata releuatur in vno, vt non teneatur ad id quod teneretur in duplū ex lege Aquil. facit etiam gl. §. de constituta. Insti. de action. cum similibus.

*Stipulatio de defendendo, quādo cōmittitur.*

*Purgatio mora in actionibus arbitrariis.*

Tertia declaratio est, vt nō procedat iste effectus in actionibus arbitrariis: nam tunc admittitur pur-

gatio moræ vsque ad litis contestationem, de hoc est text. in l. item si cum exceptione. §. satis clementer. ff. quod met. cau. & voluit Bar. l. si insulam. in fi. §. col. ff. de verbo. obliga. ita intelliges ibi tex. notabilem, in l. hoc edicto. in prin. ff. de publica. & hæc sufficiant.

Aduerte tamen pro complemento huius declarationis pulchræ, quod licet post litis contestationē nō admittatur regulariter purgatio moræ, secus tamen est si fiat ante litis contestationem, vt patet in d. l. si insulam. & ratio diuersitatis assignari potest, quia quando statuitur, quod post contestationem litis nō inducatur purgatio moræ, non habet locum nec militat eadē ratio ante litis contestationē, quia tunc non nocet mora simplex, cū facile possit, minimòque negotio, & dissolui & purgari.

Istud tamen vltimū intellige, nisi interesset ipsius actoris non admitti purgationem: nam tunc non admittitur. De hoc est bonus text. in l. si ita quis promiserit. §. Seia. ff. de verb. oblig. & ratio esse potest, quia per hoc sequeretur quod ex facto, & quodam alterius delicto ego obligarer, quod quidem esset nō solum inconueniens & incōgruum, sed prorsus & absurdum & iniustum, vt habetur toto titulo, ne filius pro patre, & ne vxor pro marito. cū similibus. Et circa hoc adduco vnum dictum singulare, quod nō possit testator vnum cohæredem punire ex mora, vel delicto alterius cohæredis. text. est (qui nō est alibi) in l. pater familias ff. de hæredi. insti. ista tamen limitatio debet intelligi, quādo magis interesset actoris habere æstimationem illius facti, quā ipsum factum fieri, ita sentit gloss. singularis l. vtrique. ff. de arbit. & ratio quare ita debet intelligi, est, quia si quotiescunque aliquo aliter interesset ipsius actoris, non admitteretur purgatio moræ, tunc nunquam admitteretur aliquo casu, & illa l. insulam, seruiret de vento, quod probo: nam cū semper post moram facti non præstiti succedat obligatio ad interesse, l. stipulationes non diuiduntur. in versic. Celsus. ff. de verb. obligat. ergo sequeretur quod mora contracta non purgaretur.

Secundò, & principaliter, intellige hanc regulam purgationis moræ non procedere vbi esset in obligatione appositus dies & poena: nam tunc etiam ante litis contestationem non admitteretur purgatio moræ. De hoc est tex. notabilis in l. traiecitur. §. de illo fanè. ff. de act. & oblig. & ita declarat Bart. in dicta l. si insulam.

Quod tamen vltimum Bartoli declaratur, duobus modis, in quibus non procedit. Primò, vt intelligatur de die expressa, siue tacita, dum tamen veniat ex mente partium: nam tunc procedit dictus §. de illo, ita intelligendus, & notandus, & tex. l. j. in prin. ff. de penu legata. secus autē diceremus, si esset dies tacita, veniēs ex sola legis dispositione: nā tunc bene admitteretur purgatio moræ, vt est in l. si insulam. vbi admittitur purgatio moræ ante litis contestationem, & tamen inerat tacitè dies, quia in qualibet stipulatione facti tacitè à lege inest dies, scilicet tanti temporis, in quo fieri posset tale factum. vt patet in d. l. si insulam. etiam in d. l. si ita stipulatus essem abs te. ff. de verb. oblig. De hoc etiā est bonus text. in l. quid tamen. §. Papinianus. libro tertio. quæstio. ait si cū dies. in fi. ff. de arbitr. vbi quando est poena ex compromisso imposita, & dies tacita veniens ex sola legis dispositione, & absque aliquo hominis facto, expri-

*Ante litis cōtestationem non fit mora purgatio.*

*Limitatio eiusdem.*

*Sublimitatio limitationis præcedentis.*

*Mora purgatio ante litis contestationem.*

*De eadem re.*



mente vel pœnam ipsam, vel diem, bene tunc admittitur purgatio moræ, vt ibi patet.

*Eiusdem  
confirmatio.*

Secundò intellige hanc vltimam declarationem nō procedere, quando pœna esset à lege imposita: nā tunc etiam bene ipsius moræ purgatio admitteretur, vt patet in d. l. insulā. vbi post moram succedit pœna legalis, scilicet interesse, & tamen bene purgatur ipsa mora ante litis cōtest. vt ibi dicitur. & ratio harū duarū limitationū vltimarum est. Primò, quia melius & mitius agitur cum lege, quàm cum homine, vt l. Celsus. suprā allegata. ff. de arbit. item fortius est mihi ius competens ex personā mea, & iure meo, quàm ex alterius auxilio. l. quod Principi. cum l. seq. de lega. 2. cum aliis suprā alibi allegatis. ergo per pœnam ab homine appositam facilius debet impediri purgatio moræ, quàm per pœnam à lege sibi debitā, & etiam ex auxilio alterius.

*Moræ pur-  
gatio quā-  
do ante li-  
tis cōtesta-  
tionem non  
admitta-  
tur.*

Tertiò limita principaliter regulā præcedētem affirmatiuā, vt non procedat, quando ante litis cōtestationem fuisset longum tempus: nam tunc ratione illius lōgi temporis distantis, à citatione vsque ad litis cōtestationem si semper debitor fuerit in mora, non admittetur etiam ante litis cōtestationem, ad purgandam moram suam. De hoc est tex. singularis in l. si ita quis. §. Seia. ff. de verbor. obligat. & sentit ibi Barto. & ista est pulchra declaratio, & notatu dignissima.

*Dies cum  
pœna obli-  
gationi ap-  
posita.*

Aduerte grauitè in hac materia, quia semper dies cum pœna nō facit cessare purgationem moræ, sed requiritur quòd dies sit appositus causa differendæ obligationis, secus autem esset si causa multiplicandæ, in vltimis voluntatibus præcipuè. De hoc est tex. singularis in l. prima. versic. quòd si in annos, & ibi (cū ita intelligat Bart.) ff. de penu lega. & ratio optima huius dicti est, quia quando tempus in vltimis voluntatibus apponitur causa multiplicandæ obligationis, quis non est obligatus ante temporis aduentum, l. si Stichum aut Pamphilum. §. stipulatio. ff. de verbor. oblig. meritò non debet tempus veniens eum in mora constituere, cū idem tempus non debeat quem reddere obligatum, & immeritò eum in mora constituere. per tex. in l. quod dicimus. ff. de solut. & quidem singularem ad limitationem. l. magnam. C. de cōtrahen. & committen. stip. vbi habetur quòd dies interpellat, & cōstituit quem in mora pro homine, vt non illud procedat in die constituto in vltimis voluntatibus, gratia multiplicandæ alicuius obligationis per suprā dicta, quòd tamen, notabis, & præcipuè singularem. d. l. magnam, limitationem.

*Purgatio  
moræ quā-  
do non ad-  
mittatur.*

Et pro complemento huius materiæ aduerte ad duo non omittenda. Primò, quòd vbicunque fit aliqua promissio sub pœna, & illa promissio vallatur iuramento, tunc non admittitur purgatio moræ. de hoc est tex. in l. si quis maior. C. de transactionibus, vbi dicit quòd cōueniēs est priuatus ipso iure actione, cū talia verba, præteriti temporis, inducant priuationem ipso iure. vt est gloss. & ibi Bart. in l. iubemus magna. in verbo, priuetur. C. de sacrosan. eccle. item probo ex verbo, careat posito in illa l. quòd denotat ipso iure, vt est gloss. singularis in l. prouidendum. in verbo, careat. C. de postul. Cū ergo per suprā dicta ipso iure priuetur, non debet posse purgare moram suam, quia vbicunque fit executio ipso iure, nunquam habet locum purgatio moræ. De hoc est

tex. in l. si cui legata sint centum. ff. de fideicommiss. libert. & istud etiam voluit Bart. in d. l. si insulam. in 7. col. & pro istis facit quòd habetur in l. qui res. §. aream. ff. de solut. vbi habetur quòd illud quòd est ipso iure extinctum, nunquam debet reuiuiscere, quòd nota.

Pro huius confirmatione adduco, primò quòd multa mala inducuntur fauore iuramenti quæ aliàs non inducerentur. Inducitur enim vnum speciale, vt fauore iuramenti quis det vsuras, ad quas non tenetur aliquo iure. De hoc est tex. in c. debitores. ext. de iureiur. vbi istud probatur, est tamen verū, quòd postea illud repetet, vnde ex hoc patet quòd admittitur fauore iuramenti circuitus, qui aliàs à iure reprobat, quòd est singulare ad limitationem egregiā l. dominus testamento. ff. de conditione indeb. quòd singulariter sentit Bald. in l. receptitia. in princ. C. de constitu. pecu. quòd nota, & menti infixum tene.

*Iuramenti  
fauid.*

Pro hoc etiam est bona gloss. & singularis in l. si pecuniam. in verbo, necesse. ff. de condi. caus. dat. vbi probantur duo singularia in fauorem iuramenti. Primum est, quòd licet regulariter quis nō teneatur præcisè ad factum, l. stipulationes non diuiduntur. in vers. Celsus. ff. de verbor. obligat. tamen vbi iuramentum interuenit, tūc tenetur præcisè, pro quo adduco tex. ad hoc singularem in c. fin. ex. ne prælat. vices suas. & ibi Doct. Secundum singulare probatū ex illa gloss. est, quia licet regulariter in contractibus sit locus pœnitentiæ, præcipuè quando tales contractus sunt innominati, vt patet ex d. l. si pecuniā. cum similibus, tamen illud non procedit vbi iuramentum interuenisset, quòd est singulare, & menti tenendum facit tex. singularis l. cū pater. §. filius. ff. de lega. 2. vbi per illum tex. dicit ibi Bart. quòd iuramentū habet in se tacitam clausulā, vt valeat actus omni modo quo valere poterit.

*De eodem.*

Aduerte tamen, quia multi tenuerunt quòd iuramentum non obligat quem præcisè ad factum, & imprimis Pet. de Ana. in d. c. fin. in 1. col. & multi alij, & arguunt hoc argumento valde difficili: nam iuramentum sequitur materiam contractus cui apponitur l. fin. C. de non numer. pec. sed natura obligationis facti est, vt post moram ille teneatur ad interesse. l. stipulationes. §. Celsus. ff. de verbor. oblig. ergo iurans videtur iurare secundum naturam cōtractus, cui apponitur, maximè quia iuramentum appositum alicui obligationi, videtur habere cōditiones tacitas, quæ insunt extra naturam contractus, vt patet in c. quemadmodum. ext. de iureiur. l. fin. ff. qui satisfda. cogant.

34

*Oppositio.*

Sed ad istud argumentum est dicendum, quòd iuramentum debet sequi naturam primordiale ipsius obligationis, non autem secundariam, sicut in simili dicitur per gloss. singularem in l. certi conditio. ff. si certum petatur. vbi regula volēs quòd subrogatum sapiat naturam eius in locum cuius subrogatur, iuxta l. si eum. §. qui iniuriarum. ff. si quis cautio. procedit quoad naturam primordiale, non autem accidentalem, pro quo bonus tex. l. item. veniunt. §. prædiximus. ff. de peti. hæredi. sed sic est quòd natura primordialis obligationis facti est, vt teneatur præcisè ad factum, ergo eam debet sequi ipsum iuramentum, non autem naturam accidentalem, quæ est vt post moram succedat obligatio ad interesse, & istud nota.

*Responsio.*

Et



De eodem.

Et pro confirmatione communis opinionis facit, quod fauore Reipublicæ, vel testatoris quis præcise teneatur ad factum. tex. singularis in l. fideicommissa. §. si. ff. de lega. 3. ergo multo magis fauore animæ, quæ est res inæstimabilis. iuxta l. iustissimè. ff. de ædilit. edict. & pro huius confirmatione vide latius per modernos. in c. veniens. in additionibus ad Abbatē. ext. de iureiur. vbi pulchre fortiter & rigide, hanc & defendere, & tueri videntur opinionem.

Iuramentū  
quādo mo-  
ra purga-  
tionem im-  
pediat.

Intellige tamen singulariter id quod dictum est de virtute iuramenti, vt impediatur purgationem moræ, procedere solum in foro iudiciali, secus autem dicendum est in foro pœnitentiali. De hoc est gloss. singularis & vnica in c. apud misericordem. 22. qu. 1. ex qua patet, quod si iuravi tibi dare decem, infra decē dies, & non do, si tamen habeo bonam voluntatem dandi, postea si ego do, tunc admittitur benignè purgatio moræ, nec dicor periurus. pro qua allego casum notandum. in l. ij. in §. quod obseruari. C. de iura. cal. vbi patet notabiliter, quod quando aliquis iurat, & ita esse sicut iurat credit, tunc licet veritas sit in contrarium, tamen non est periurus, ita ergo in casu isto: nam cum iurat aliquis de dandis decem, habet bonam voluntatem & credit se ita facturum, licet tamen aliter ex casu eueniat, per hoc non debet tamen dici, periurus is, qui boni, strenui & sedati functus est officio viri, vt fidem datam præcipue iuramento confirmatam liberaret.

Periurus  
quādo quis  
dicatur.

Finaliter, pro expeditione huius materiæ, est aduertendum, quod supradicta, quæ volunt quod ante litis contestationem admittatur purgatio moræ non procedunt, quando mora proueniret ex facto & non ex omissione: nam tunc non purgatur mora. De hoc est tex. notabilis in l. prima. §. si rem à seruo. ff. de pos. quod tamen est intelligendum, quando tale factum erat momentaneum, & citò ad implendum: nam tunc non purgatur mora, & ita est intelligenda etiam gloss. in l. cum filius familias. §. in hac. ff. de verbo. oblig. quæ vult quod si pupillus fuerit in mora per factum suum, quod subueniatur ei per restitutionem in integrum. ergo sentit quod non potest purgare moram suam, cum vbi habemus remedium ordinarium, nō debeamus sequi extraordinarium. l. in causæ cognitione. in prin. ff. de minori. secus autem esset in facto successiuo: nam si per illud sit in mora, quia in modico consentit, tunc admittitur purgatio moræ, infra modicum tempus, vt est text. notandus ad hoc in l. colonus. §. si. cum l. sequenti. ff. loca. & ista ita declarat Bar. in d. l. si insulam. vbi cum vide.

Mora in  
facto adim-  
plendo non  
purgatur.Mora in  
omittendo  
admitti-  
tur.De eadem  
re.

Et ratio quare facilius permittitur purgatio moræ in omittendo, quàm in faciendo est ista, quia non est tam graue illud delictum quod consistit in omittendo, sicut ipsum quod est in committendo, vt voluit gloss. singularis in l. si mora. ff. sol. matri. pro quo allego etiam gloss. singularem in l. Diuus. ff. de Senatusconsulto. Syllan. & Claud. quæ sentit quod super delicto in omittendo, potest transigi, vbi aliàs non posset. facit etiam tex. in l. ij. C. de liber. causa.

Vltimò (& erit finis materiæ) aduerte, quod purgatio moræ est inducta de æquitate, & ex bono & equo. De hoc est tex. singularis in l. si seruum. §. de illo. ff. de verbo. oblig. ex quo infertur vnum singulare, quod in ludæis vel hæreticis non debet habere locum purgatio moræ, eo quod omnis rigor contra eos statui debet, vt est gloss. singularis c. 2. ext. de lu-

dæ. & istud pulchre declarat Iason Maximus in l. & si post tres. ff. si quis caut. quod nota ad magnam declarationem prædictorum, & ad intelligendas personas contra quas debet rigor stricti iuris seruari, puta contra excommunicatum & alios, de quibus paulò antè, & per hæc sit expeditus iste effectus singularis.

Sextus effectus litis contestationis est, quia per eam quis admittitur ad agendum sine actione: nam vbi speratur actionem nasci per litis contestationem, tunc quis admittitur ad agendum sine ea. De hoc est tex. singularis in l. si Titius. ff. de verbo. oblig. vbi ita notant Doct. per illum tex. & per hoc limitatur tex. singularis in l. si pupilli. in §. videamus. ff. de negot. gest. vbi nemo sine actione legitimè experitur, & ad imitationem tex. l. quoties. in §. item si temporali. in versic. aduersus alios. ff. de administra. & pericul. tut.

Sine actio-  
ne agitur  
per litis  
contesta-  
tionem.

Et pro cōfirmatione huius tex. adduco vnum dictum singulare: nam illud quod mihi debetur sub conditione (si tamen venit certificandum in ingressu ipsius litis) tunc potest proponi in iudicio, ac si iam deberetur. De hoc est gloss. singularis in c. Raynaldus. in verbo, si contra ipsum illi venirent. ext. de testa. quod est notandum ad limitationem l. non quemadmodum. ff. de iudiciis. vbi notatur de hac materia, & an iudicium possit esse in pendente, necne.

Debitū sub  
conditione  
potest in iu-  
dicio pro-  
poni.

Et circa istud est aduertendum quod vbi est nata actio per litis cōtestationem, tunc potest agi ad condemnationem faciendam super re petita ex eodem iudicio, nec est opus nouo libello, nec noua instantia. ita voluit Bar. (licet antiqui tenuerint contrarium) in d. l. si Titius. & ratio huius est, quia vbicunque ius, quod oritur post litis contestationem dependet ex aliquo contractu præcedenti, & ab eo trahit causam & originem tunc non est opus nouo iudicio, imò idē est ac si illa fuissent deducta in limine iudicij. De hoc est tex. notabilis in l. si rem. §. si. ff. de pignor. act.

Post litis cō-  
testationē  
nō est opus  
nouo libel-  
lo.

Limita tamen istud singulariter, nisi tale ius superueniens post litis contestationem, superueniret, postquam est conclusum in causa: nā tunc esset opus nouo iudicio & nouo libello. istud est singulare dictum Bar. in l. si mater. §. eandem. ff. de except. rei iudic. in fine.

Restrictio  
eiusdem.

Considera tamen, quia contra hanc limitationem communem videtur text. singularis & expressus in l. quod si in diem. in prin. ff. de pet. hære. vbi clarè patet quod ius superueniens tempore ferendæ sententiæ, & postquam est conclusum in causa, conualidat iudicium ex causa de præterito, ita ibi expressè patet, cum dicit ibi text. quod si fiat petitio hæreditatis vniuersalis, & inter bona hæreditaria, erant aliqua debita sub conditione, si veniat conditio, etiam tempore sententiæ ferendæ, potest debitor in illa cōdemnari, & ea veniūt quæ incipiūt deberi post litis cōtestationem, & per hunc tex. dicit Frāsciscus de Aretio, subtilis Doctor, hanc opinionem de iure videri veriorem in d. l. si Titius. sed secundum eum in practica opinio Bar. teneretur, tanquam æquior, & potest dici secundum eum ibi, quod paria sunt (quoad iudicium agitandum) quod sit conclusum in causa, vel quod sit sententia lata, & nō obstat tale argumentum, sed quia istud videtur multum absurdum, vt conclusio in causa (quæ fit ante sententiam) videatur habere eundem effectum, quem habet sententia iam lata, & istud etiam videatur contra dictā l. quod si in diem. quæ præsupponit taliter fuisse conclusum

Oppositio  
cōtra limi-  
tationē præ-  
dictam.



in causa, cum ibi dicit, quod debet inspicere tempus rei iudicatae siue sententiae, & praesupponendum est quod iam erat conclusum, cum ipsa conclusio praecedat sententiam, ut clarum est, ideo crederetur posse aliter quaestio proposita solui.

*Solutio op-  
positiois per  
authorem.*

Nouiter ergo (ex Dei inspiratione) sustine opinionem Bar. esse veram, etiam de iure communi, nec obstat illa l. quod si in diem. quauis tenuerit Franc. de Aretio. contra opinionem Bar. sed dic quod ideo in illa l. inspicitur tempus rei iudicatae, eo quod intentabatur petitio, siue actio vniuersalis, scilicet petitio hereditatis, quae concernit totam hereditatem, ut ex ea metiamur ius actoris, in tali vniuersali iudicio, ut est tex. notabilis in l. prima. §. primo. ff. si pars heredita. pet. cum ergo ius actoris consistat in tota hereditate, & incipiat pure deberi quod euenit pendente tempore sententiae, ideo est, ac si expresset tale ius fuisset purum, in limine iudicii. ita sentit gloss. singularis l. quatuor. ff. de pecul. in princ. & ibi est bonus tex. similis illi qui est in d. l. quod si in diem.

*Debita condi-  
tionalia  
veniunt in  
iudiciis, ut  
accessoria.*

Et ratio specialitatis etiam in hoc casu ista esse potest: nam cum, petendo hereditatem, petens videatur se referre principaliter ad debita pura & confessa, similiter ad conditionalia, illa debita conditionalia, scilicet, veniunt tempore etiam ferendae sententiae in illo iudicio, tanquam per quandam consequentiam & maxime quia multa sunt permixta in consequentiam, quae alias nunquam permetterentur. Et de hoc est bonus tex. in l. si quis nec causam. ff. si cert. pet. pro quo allego casum singularem in l. interdum. 2. in princ. ff. de furt. vbi dicit Bar. illum §. esse mirabilem, cum ibi patet quod iudex (qui non potest cognoscere de causa ciuili principaliter) potest tamen incidenter, & per quandam consequentiam de illa cognoscere, & ibi illud infert Bart. ad quaestionem de qua vide eum notabiliter.

*Procurator  
quatenus  
per litis con-  
testationem  
dominus li-  
tis fiat.*

Amplia hunc effectum, ut intantum Procurator fiat dominus litis per ipsam litis contestationem, ut possit alium postea substituere. ut habetur in c. primo. de Procu. in 6. & in l. quod quis. C. de Procur. aduerte tamen ad vnum singulare, quod licet possit substituere sibi quis post litis contestationem, tamen substitutum non potest reuocare, etiam re integra. casus est singularis in c. is qui. de Procurat. in 6. & ratio assignari potest, quia iam functus est suo officio, item quia hic quodammodo constitutus potius per ipsum principalem dominum videtur, quam per Procuratorem substitutus, ut ibi sentit glossa in verbo, vsus non fuerit.

*De eadem  
re.*

Septimus effectus litis contestationis est, quia per eam Procurator efficitur dominus litis. De hoc est tex. in l. neque. l. nulla. & l. Procuratorem. C. de Procura. & propterea voluit text. in l. post litē. ff. de Procura. quod post litem contestatam non potest ipse dominus, qui eum constituit, reuocare.

*Procura-  
tor per ab-  
sentiam do-  
mini con-  
stitutus, est  
reuocabi-  
lis.*

Limita istud non procedere, quando fuerat constitutus Procurator causa absentiae domini: nam per eius absentiam tacite videtur reuocabilis, etiam sine alia causae cognitione. ita Bar. in l. mutari. ff. de Procu. per text. in l. qui mutuam. §. primo. ff. mand. & illud sentit glossa in l. vel hereditas. ff. de Procur. & ratio est, quia videtur constitutus sub conditione, secundum regulam ibi positam.

36 Quod tamen est intelligendum, nisi interuenerit iusta causa reuocationis, nam tunc potest reuocari.

Et iusta causa potest esse, quando talis Procurator est bannitus: nam tunc tacite videtur mandatū Procuratoris reuocatum. ita patet in d. l. post litem. in verbo, In ciuitate manente. & ibi illud notat Bart. per illum text.

Aduerte hic quod ita demum requiritur causa cognitio in reuocatione Procuratoris, quando ipse Procurator, vel aduersarius contradicunt. Ita vult Bart. in l. mutari. ff. de Procur. & sentit text. l. post litem. ff. de Procu. in verbo, ab inuito. Vnde infert ibi Bart. quod si dominus aliquem actum in iudicio faceret praesente suo Procuratore & aduersario non contradicentibus, videtur tacite reuocatus Procurator, quod tamen est intelligendum, nisi dominus dixerit se non facere hunc actum animo nouandi, vel nisi fuisset actus, qui debebat expediri per ipsum dominum, quia forte melius veritatem nouerat. De hoc est tex. optimus in c. si quem. de Procu. in 6.

Confirma istud exemplum per id quod in simili voluit glossa singularis in c. non oportet. de consec. dist. prima. quae sentit singulariter quod quando clericus incipit esse vagabundus, ita quod dubitatur de vita vel morte eius, tunc tacite videtur reuocatum suum beneficium, quod prius acquisiuerat.

Secundo confirma istud per text. singularem, in l. libera peculij administratio. ff. de peculio. quae vult notabiliter, quod cum primum seruus, cui est concessa libera peculij administratio, incipit vagari & discurrere, tunc videtur per dominum reuocata peculij administratio. Et per illum text. dicit Ludo. Roma. in singular. 223 incipiente, Morte mandantis. quod vbi dominus constituit aliquem Procuratorem, de cuius vita, vel morte dubitat, in dubio praesumitur dominus illum reuocasse.

Tertio adduco text. singularem in l. quod nisi. ff. de op. liber. vbi singulariter patet, quod licet libertus debeat prestare operas suo patrono, tamen si talis patronus incipiat vagari, ius sibi debitum tacite remittere videtur tali liberto, & tales operas, quia libertus non tenetur illum patronum, scilicet errorem & vagantem, perquirere.

Item aduerte quod licet requiratur causa cognitio, quoad reuocandum Procuratorem post litis contestationem, & quoad transferendum iudicium, secus tamen est quoad validandum actum factum per dominum in iudicio, aduersario vel Procuratore praesentibus. ita vult Bar. in d. l. mutari.

Quarto adduco pro praecedenti remotione officij Procuratoris gl. singularem in c. cum tu. ext. de vsur. quae vult quod licet etiam vsurarius (qui multum à iure vituperatur) vsuras soluere teneatur, tamen non cogitur sequi suum debitorem, à quo eas accepit, si sit vagabundus, & erro, quod nota.

Quinto adduco id quod voluit solennis glossa in c. primo. qui ma. accusa. possunt. quod licet vxor debeat sequi virum suum, tamen illud fallit vbi talis vir erat vagabundus. & istud etiam voluit glossa in c. si quis necessitate. 34. q. 2. & glossa in c. de illis. ext. de sponsal. & glossa etiam in cap. primo. extr. de coniug. lepro.

Limita tamen istud vltimum singulariter non procedere, vbi conditio mariti (tempore quo fuit matrimonium) erat ut vagaretur: nam tunc vxor cum (licet vagabundus) cogitur sequi. istud voluit glossa singularis c. vnaquaeque. 13. qu. prima. pro quo facit, quod

*Cause co-  
gnitio qua-  
do ad reuo-  
candū Pro-  
curatorem  
requira-  
tur.*

*Beneficiū  
tacite re-  
uocatum.*

*Confirmatio  
eiusdem.*

*De eodem.*

*Vsurarius  
non cogitur  
sequi debi-  
torem vaga-  
bundum.*

*Vxor virū  
vagabundū  
sequi non de-  
bet.*

*Eiusdem re-  
strictionis.*



quod in simili habetur, in l. ij. §. fin. ff. de fideiusso. vbi accipiens fideiussorem non idoneum, non potest illum reprobare, quasi illum semel approbauerit. ita ibi pater. Et per ista sit bene declarata causa reuocationis mandati, quæ sit propter absentiam eius, putà propter bannum.

*Vagabundus non potest ad magistratum promoveri.*

Et quia prædicta loquuntur contra vagabundos, vide etiam quod habetur in l. prima. per Bart. ibi. C. de tyroni. lib. 12. vbi vagabundus non efficitur magister, & istud est contra scholares, contra quos etiam fuit gloss. singularis l. primæ. C. de stud. lib. vrb. Ro. libr. 12. quæ arguit contra scholares facientes in lectione castra in Hispania, & ita vagantes (saltem quoad animum eorum) qui non aduertunt ad studium.

Vide etiam incidenter gloss. singularem, contra scholares qui vadunt ad Ecclesiam, vt ibi deambulent, vel vt videant mulieres: nam tunc magis agunt causam eorum, turpem scilicet, quàm causam Dei. istud voluit gloss. notanda in c. odi & proieci. 24. qu. 1. quam nota. vide etiam gloss. contra scholares dormientes in lectione, in c. sunt qui. de poenit. distinc. prima. quæ contra eos exclamat, & contra eosdem non habentes libros sibi necessarios, vt non debeant vti privilegiis scholarium. de hoc videatis text. in argu. singulare. in l. semper. §. Diuus Hadrianus. ff. de iure immunitat.

*Scholares qui privilegium vti non debeant.*

Si autem vis videre multa citata contra Doctores, quære gl. singularem in c. nouatianus. 7. q. 1. quæ bene exclamat contra novos Doctores in principio feruentes, & postea deficientes.

Vide etiam contra eos, gloss. singularem l. non omnes. §. si. ff. de re milita. quæ arguit contra Doctores, contra eos præcipuè qui promittunt maria & montes aureos, vt est in prouerbio, & ex eorum doctrina, scilicet ex iactatione sterili atque inani, nascitur ridiculus mus.

Vltimò, vide etiam contra Doctores, doctrinam singularem in c. primo. ext. depo. vbi voluit, quod si aliquis Doctor mutuauerit alicui scholastico docto, pecunias ea mente, & eo proposito apud eum retento, vt veniret ad scholas suas, vt per hoc faceret sibi honorem, tunc talis Doctor videtur committere vsuram. & istud etiam voluit Ioan. de Ana. in c. nauiganti. ext. de vsur. pro quibus videatis gloss. notabilem in l. prima. in verbo, solent. ff. de offic. prefec. vrb. quæ arguit contra Docto. qui sibi per pecuniam acquirunt scholasticos. & vide etiam gloss. l. ij. ff. de calum. & gloss. in §. si. Instit. de suspect. tut.

*Doctores per pecuniam sibi scholasticos acquirunt.*

Adde incidenter contra Doctores habentes scholares in pensione, vt non debeant dare vinum vetus eis post Kalendas Nouembres, sed debent eis dare vinum nouum. De hoc allego text. in argu. in l. iubemus. prima. de erogat. milit. anno. C. libr. 12. quam etiam ibi notat Bar. contra tutores, & ista dicta incidenter tene menti.

Aduerte in hac materia, quod vbi Procurator satisfecit iudicatum solui, vel dominus, pro eo tamen præsentem, tunc non reuocatur mandatum, etiam ante litis contestationem. text. est singularis in l. si defunctus. ff. de Procur. qui sic loquitur, & debet intelligi in reuocatione tacita, scilicet mortis: secus autem de expressa reuocatione, vt vult gloss. singularis l. ante litem. ff. de Procurat. & ibi Bart.

Secundus casus principalis, in quo remouetur, & reuocatur Procurator etiam post litis contestationem,

est ratione ætatis, vt vult text. in d. l. post litem. in fin. quod est intelligendum secundum gl. ibi, idem ratione nimie senectutis, item ratione iuuentutis, & sic excipit tex. iuncta gloss. patet bona declaratio ad illud quod habetur in c. de quibus. 20. distinc. & ad c. domino sancto. l. distinc. vbi semper in dubiis causis, & in consulendo deferendum est senectuti, & propterea voluit text. in l. semper. ff. de iure immu. quod semper senectus veneranda fuit: vnde voluit etiam tex. singularis in c. primo. ext. de renuntia. quod plus valet umbra senis, quàm eloquentia iuuenis, & ibi illud notat Bar. alibi istud vult Bald. in l. senium. C. qui testa. fac. pos. omnia tamen ista non videntur procedere & habere locum in illo, qui nimia senectutis grauitate laborat, sed tantum in illo qui mediocrem habet ætatem in senectute, vt patet ex gloss. nostra.

Secundò ex eodem tex. iuncta glo. inferitur, quod non est confidendum in causis, ipsis iuuenibus ita patet ibi, cum possint reuocari etiam si excefferint vicesimum quintum annum, si tamen iuuenilibus studiis incumberet, vt sentit ibi gloss. notanda, ex qua inferitur pulchra declaratio. ad l. exigendi. C. de Procur. quæ vult quod maior viginti quinque annis potest esse Procurator, tamen ex hac gloss. inferitur quod potest reuocari, quod nota, & quod debeat ille text. intelligi de illo qui excefferat vicesimum quintum annum, probo, quia lex debet esse de dubitabili. l. quod Labeo. ff. de Carb. edict. sed non est dubium, illum, qui non habet ætatem, non posse esse Procuratorem: idè ibi non erat dicendum illum posse reuocari, cum propriè nunquam fuerit Procurator, & cum priuatio habitum certum præsupponat. l. decem. ff. de verb. oblig. & illud sentit ibi gloss. in d. l. post litem.

*Iuuenibus non confidendum in causis.*

Aduerte in hac materia quod licet possit Procurator ex iusta causa reuocari post litis contestationem, nec etià sibi præiudicet id quod facit ipse, postquam scit se reuocatum, iuxta l. si mandauero. ff. mand. tamen illud fallit singulariter, vbi reuocasset post conclusionem in causa: nam tunc potest non obstante ea conclusione in causa ferri in Procuratorem sententia, & præiudicabit ipsi domino. casus est singularis & vnicus in c. auditis. ext. de Procur.

*Procurator post conclusionem in causa reuocatus.*

Et pro illa gloss. iuncto text. facit text. singularis l. prouidendum. C. de postulan. quæ vult, quod non debemus capere iuuenes Aduocatos, nec in eis est multum confidendum, & præcipuè contra gloriam & vanam opinionis de se cupidos, vide gl. singularem. in l. cum ea. C. de transact.

Aduerte tamen, quod aliquando Doctor antiquus debet sequi opiniones Doctoris iuuenis, vbi talis meliori ratione nititur. ita probat elegans text. l. si seruum. in versi. & sanè. ff. de verb. obligat. (& ibi suam opinionem adiunxit de Aret.) vbi Iulianus sequutus est opinionem adolescentis Celsi, quia nitebatur meliori ratione: plerumque enim plerique, sub iuris scientiæ autoritate, perniciosè errant, vt in eo dicitur cō-textu, & versiculo.

Et propterea voluit text. singularis l. vnicuique. C. de proximis sacro. scrini. libr. 12. quod ille qui est iuniori tempore, præfertur antiquiori in assequutione alicuius dignitatis, si sit melior & doctior: ita ibi patet, & ita notat Bar.

Et istud maximè est verum, si talis sit valde excellens: est enim superexcellencia doctrinæ iusta causa,

causa,

*Mandatum quando ante litis contestationem non reuocatur.*

*Procurator ratione ætatis reuocatur.*



causa, vt recedatur à clausulis iuris communis, vt est tex. melior de iure, in l. sed & reprobari, in versu. valde tamen disciplinatos. ff. de excusat. tutor. pro quo etiam allego bonum tex. in l. ad bestias. ff. de pœni. vbi propter excellentiam hominis potest differri executio sententiæ, quæ tamen aliàs dilationem non recipit. tex. est in l. cum reus. C. de pœni. quod tamen vltimum singulariter limita, & incidenter, quando populus contra eum insurgeret: nam tunc nulla dilatio facienda est. tex. est singularis in l. penul. ff. de sicar. & pro iuuenibus doctis vide glos. singu. in l. prima. C. de anno. ciuili. lib. 10. quæ vult iuuenem scholasticum peritū debere præferri Doctori ignauo & inutili, etiam ætate prouectiori.

Pro supradictis facit text. singularis in l. prioris. C. de offi. recto. prouin. qui probat singulariter quod non debent senes irasci si aliquando à iuuenibus redarguantur, qui subtilius inuestigant: ratio enim huius est, quia aliquando Deus immitrit in eū qui iunior, & quandoque deterior est, opiniones & scientias, quas Doctor nec inuestigare, nec consequi posset. & de hoc est text. singularis in iure ciuili. in l. prima. in versu. cum vnus forsitan. C. de vet. iur. enucl. & idem voluit tex. singularis in iure canonico. in c. esto subiectus. 95. dist.

Adde similiter vnum dictum singulare, in quo iuuenes & senes pari passu ambulant. scilicet vbiunque aliquid tractatur in cōcilio, collegio, vel vniuersitate, tunc vox iuuenis & senis sunt eiusdem ponderis. istud est dictum singulare Doct. in c. cum omnes. per illum text. ext. de constit. & per ista sit iste casus declaratus. Multos autem casus alios, in quibus Procurator reuocatur etiam post litis cōtestationem, vide in d. l. post litem. cum quinque legibus sequentibus.

Sed pro expeditione huius effectus nota vnum perpetuū, quod licet regulariter Procurator possit ante litis cōtestationē reuocari, per iura allegata, tamen illud fallit in Procuratore in rem suam. tex. est singularis in l. illam. C. de dona. vbi talis etiam ante litis cōtestationem censetur dominus litis, in tantū, vt possit alium Procuratorem ante litis cōtestationem constituere. quod est contra tex. l. quod quis. C. de Procurat.

Et ratio specialitatis potest esse, quia tunc iste habet ius fortius quàm alter, cum sit causa illa de iure suo principaliter, idē debet ab illo cum difficultate tolli argu. l. eius militis. §. primo. ff. de testa. milita.

Adde alium casum, in quo ille qui est quodammodo Procurator, potest ante litis cōtestationem substituere, scilicet in patre, qui est summus administrator bonorum filij. l. prima. C. de bon. ma. & istud est, quia habet plus iuris, quàm alij, quia facit fructus bonorum filij suos, vt vult Bart. in l. neque. C. de Procurat.

Adde tertium casum singularem in prælato, vel clerico litigante nomine Ecclesiæ, vel beneficij sui. tex. in c. petitio. ext. de Procu.

Adde idem posse dici in Rectore hospitalis, quia etiam habet plus iuris quàm alij, quia potest alere se, & suos de bonis hospitalis. cle. quia contingit. de relig. domi. & non obstat quod æquiparetur tutori, vel curatori, vt d. cle. quia habet plus iuris, quàm alij, idē videtur posse ante litis cōtestationem substituere.

Octauus effectus litis cōtestationis est, quia in contractibus, fructus veniunt à tempore cōtestatæ litis, & non prius. de hoc est tex. notabilis in l. si filiusfamilias. §. cum fundum. ff. de verbo. oblig.

Intellige hunc effectum, quādo in tali contractu, vel obligatione, fundum, vel rem dari, simul coniunguntur: nam tunc veniunt fructus soluēdi à tempore litis cōtestatæ, ita loquitur & probat ille §. cum fundum. iuncta glo. secus autē si veniant in obligatione fundum, vel rem tradi, ita separata: nam tunc fructus veniunt tantū à tempore moræ. vt est text. in l. si fundum. ff. de verbo. obliga.

Declara tamen istud vltimum, vt intelligatur in obligatione rem tradi, venire fructus à tempore moræ, non vt fructus, sed vt interesse. de hoc est text. ita intelligendus in l. in conuentionalibus. §. si. ff. de verborum obligat. quem ita intelligit Bart. in dicto §. cum fundum.

Et aduerte quod lata est differentia, cum quæritur an veniant fructus, vt fructus, vel vt interesse: nā hæc quæstio dupliciter solet proponi, si enim rusticus debet mihi fundum, vel prædium tradere, & ante traditionem percipiat multos fructus, si autem dedisset mihi fundum tempore quo debebat, ego non percipissem tot fructus, imō paucos, tunc si ego petam fructus, vt fructus (quod tamen non debeo facere) mihi illi fructus deberentur omnes quos percipi, si autem petam fructus vt interesse, tunc tantummodò veniūt fructus, quos ego percipere potuissem: & in hoc differunt. & ista est pulchra consyderatio Bar. in l. videamus. §. si actionem. ff. de vsur. & in d. §. cum fundum. quæ est notanda, & ita loquitur tex. l. in conuentionalibus. §. si. ff. de verbo. oblig. secundū Bar. in d. §. cum fundum.

Adde etiam aliam differentiam, quæ consistit in modo practicandi: nam fructus quando petuntur vt fructus, petuntur officio iudicis, vt habetur in d. l. videamus. §. ex causa. si autē petantur fructus vt ipsum interesse, tunc petuntur iure obligationis, vt habetur in l. stipulationes §. Celsus. ff. de verbor. oblig. & istud voluit Bar. in d. §. cum fundum.

Ratio autem diuersitatis inter obligationem veram, & propriam rem dari, & inter veram obligationem rem tradi, potest esse ista: nam cum in obligatione propria, rem dari, nūquam succedat obligatio ad interesse, vt patet in l. vbi autē. §. si. ff. de verbo. oblig. Idē dicendum est non posse venire fructus tanquā interesse, à tempore moræ, cum illud esset contra regulam præcedentem, sed secus est in obligatione rem tradi pura, quia semper post moram succedit obligatio ad ipsum interesse. vt d. l. stipulationes. versu. Celsus. l. si quis ab aliquo. §. si. ff. de re iudicat.

Notāter autem dixi in obligatione, rem dari, quæ est pura & propria, ad differentiam obligationis, qua tenetur venditor ad dandam rem ipsi emptori, quia in ea veniunt fructus, vt infra dicam latius. Et ex his crederem posse inferri nouiter, vbi in pura obligatione dandi aliquo casu succederet obligatio ad interesse, quod tunc etiam in obligatione rem dari, veniret fructus à tempore moræ, vt interesse, argumentando ex identitate rationis. iuxta l. illud ff. ad l. Aquil. item quia nihil aliud est dicere, post moram quis tenetur ad interesse, quàm dicere, quod post morā quis tenetur ad fructus vt interesse. Et per hoc limitatur nouiter ista declaratio, data per Bar. in d. §. cū fundū.

vt non

*Fructus à tempore litis cōtestatæ debentur.*

*De eadem re.*

*Fructus à tempore moræ veniunt vt interesse.*

*Fructus petendi, dupliciter considerantur.*

*Fructus quomodo petantur.*

39

*Fructus à tempore moræ, quando veniunt vt interesse, in obligatione rem dari.*

*Executio propter hominis excellentiam differenda.*

*Vox iuuenis & senis quādo æqui polleat.*

*Procurator in rem suam ante litis cōtestationē nō reuocatur.*

*Pater pro filio Procurator.*

*Prælatus litigās pro Ecclesiā, vel causā beneficij. Rector hospitalis.*



ut non procedat in casibus, in quibus in obligatione dandi succederet obligatio ad interesse, quia tunc venirent fructus ut interesse, etiam ante ipsam litis contestationem, quod est singulare.

De eadem  
re.

Exemplum huius esse potest in illo, qui stipulatus est certam pecuniā dari Titio, quia sua tunc intererat propter aliquā causam, si tempore statuto non det, tunc illi obligationi succedit obligatio ad interesse. de hoc est tex. singularis in l. liber homo. §. fin. ff. de verb. oblig. & ratio istius est, quia fortè post moram, non interest plus ipsius stipulantis: unde dicerè quòd tunc in illo casu veniunt fructus ut interesse à tempore moræ, licet fuerit obligatio rem dari.

Obiectio.

Et si subtiliter opponatur contra hanc meam rationem diuersitatis quæ sentit, quod idèd non veniunt fructus ut interesse in obligatione rem dari, à tempore moræ, quia in tali obligatione nunquā succedit obligatio ad interesse, & non debent idèd fructus venire, videtur enim mala hæc ratio: nam post litem contestatam circa obligationem dari non venit interesse, ut clarum est, quia etiam re perempta non potest peti principaliter interesse, tanquam obligatum. De hoc est tex. optimus, & ibi Bart. in l. si seruum. §. fin. ff. de verborum obligation. ergo videtur dicendum quòd non debent fructus venire etiam post litis contestationem in obligatione dandi, quod est contra effectum nostrum, & contra l. videamus. §. si actionem. ff. de v. fur.

Responsio  
authoris.

Ad istud respòdeo quòd istud cōtrarium procederet, vbi dixissem simpliciter non venire fructus, ut fructus, sed superius dixi non venire fructus ante litis cōtestationem ut interesse, eò quòd post moram in obligatione dandi non venit interesse, quòd si non veniat interesse, ergo nec fructus ut interesse, cū nihil aliud sit interesse quàm fructus, qui prætenditur ratione interesse, & istud bene sequitur, & ita loquuntur prædicta. Non autem sequeretur, non venit in obligatione dandi interesse, ergo nunquam debent venire fructus, quandoquidem alij sunt fructus qui petuntur ut fructus, & alij qui petuntur ut interesse, ut patet ex supradictis, præsertim cū fructus petiti ut interesse, veniant & subrogentur in locum obligationis prioris. ut d. l. stipulationes. vers. Celsus. sed illi fructus, qui petuntur ut fructus, non subrogantur in locum alterius obligationis, imò veniunt officio iudicis lite contestata, vna cum re principali petita. ut patet in d. §. si actionem. Et sic ista sunt bene compatible, quòd in obligatione dandi nunquā veniant fructus ut interesse, sed in eadem obligatione bene veniunt fructus ut fructus, scilicet post litis contestationem, ut patet ex supradictis, & propter ista redditur contrarium (satis subtile) declaratum & solutum.

Secundò nouiter infero, ex ratione diuersitatis prædicta, in quantum dicebatur quòd idèd in obligatione rem tradi, & similibus obligationibus facti, veniunt fructus ut interesse à tempore moræ, id idèd esse, quia in talibus obligationibus venit interesse post moram.

Fructus, ut  
interesse, à  
tempore mo-  
ra quando  
non veniat.

Unde ex hoc potest inferri, quòd in casibus, in quibus quis teneretur præcisè ad factum, nec liberaretur præstando interesse, tunc non venirent fructus ut interesse à tempore moræ, argumētando à cessante ratione. argumento l. adigere. §. quamuis. ff. de iur.

patr. Vnde si in casu in quo quis teneretur ad factum, præcisè conuenirem cum ad adimplendum factum, nec vellem illum liberare per solutionem interesse, tunc non venirent fructus ut interesse, quia esset quædam repugnantia, si vellem illum cogere ad factum, & habere interesse, cū ipsum interesse ita demum debeatur, vbi non adimpletur ipsum principale factum. ut in d. l. stipulationes non diuiduntur. vers. Celsus. & per hoc habetis nouam declarationem huius quæstionis datam per Bar. in d. §. cū fundum. l. si filius familias. ff. de verb. oblig.

Et posset poni exemplum in illo qui se ad factum obligauit in iudicio: nam talis præcisè obligatur ad factum, ut voluit glos. singularis in l. filius familias. §. fin. ff. de Procur. nam in hoc casu conuentus ad tale factum, post moram non tenebitur ad fructus, ut interesse, ipso actore volente illum cogi ad factum, per supradicta. Et idem posset dici in quolibet alio casu, in quo quis teneretur præcisè ad factum, putà, fauore vltimæ voluntatis, vel in obligatione legali, vel virtute iuramenti. de quibus habetur per Bart. in d. l. stipulationes. quæ omnia nota, tanquam noua, & valde vtilia, subtiliterque excogitata.

De eadem  
re.

Aduerte tamen pro declaratione limitationis datæ ad præsentem effectum, quòd licet in obligatione dandi non veniant fructus ante litis contestationem, tamen bene inspicitur valor rei debitæ, & quanti plurimi fuit à tempore moræ. De hoc est tex. ita intelligendus in l. in hac. ff. de tritica. & in l. vinum. ff. si cer. pet. quos duos textus ita etiam declarat Bart. in d. §. cū fundum. quod nota.

Valor rei  
debitæ in  
obligatione  
dandi à tem-  
pore moræ.

Et istud est vtile propter practicam secundum eundem Bar. in d. §. cū fundum. quia si in libello meo peterem condemnari talem ad fundum, cum fructibus, ego succumberem in petitione illorū fructuum, ut patet ex supradictis, secus autè, si peterem talem obligatum ad dandum, ut condemnaretur ad fundum, quanti plurimi fuerit à tempore moræ: nā tunc vincam, & per hoc lucrabor, quia non est dubium fundum pluris fuisse, cū erat plenus fructibus, quàm illo non habente fructus, ut vult text. notabilis in l. fin. §. fructus. ff. quæ in fraud. cred. & istud nota.

40

Secunda principalis declaratio ad hunc effectum est, ut procedat in actionibus, siue obligationibus stricti iuris, quia in talibus non veniunt fructus nisi per litis contestationem, ita loquitur prædictus effectus, secus autem in actionibus bonæ fidei, quia in talibus à tempore moræ succedunt fructus. De hoc est text. notandus in l. Iulianus. §. si fructibus. ff. de acti. emp. quem ita intelligit Bart. in pluribus locis.

Fructus à  
tempore mo-  
ra in actio-  
nibus stri-  
cti iuris.  
Et in actio-  
nibus bonæ  
fidei.

Et ratio diuersitatis ista esse potest, quia in actionibus stricti iuris nihil venit, nisi illud quod natura ipsius actionis strictè exigit, & solum refertur ad expressa in ea obligatione, ut habetur in l. quidquid adstringendæ. ff. de verborum obligat. quod non est in actionibus bonæ fidei, & istud sentit gloss. nigra. §. actionum. Insti. de actio.

Differētia  
vario.

Sed pro clariori intelligentia huius declarationis distingue, quando veniunt fructus in contractu bonæ fidei, sicut loquitur ille §. si fructibus. in quantum facit mentionem de contractu venditionis, in quo contractu distingui potest hoc modo.

P. Rebuffi Lectura,

SS

Authoris  
opinio de  
fructibus in  
contracti-  
bus bonæ fi-  
dei, quando  
veniant.



Aut enim quærimus de fructibus perceptis post venditionem, aut de perceptis ante venditionem, aut de extantibus tempore venditionis, adhuc tamen pendentibus.

Primo casu, subdistingue, aut percepit ante pretij solutionem, vel habitam fidem de pretio, & tunc illos lucratur, nec tenetur eos restituere, & sic in hoc casu non procedit ista declaratio, si autem percepit eos post solutionem, vel post habitam fidem de pretio, tunc tenetur eos restituere. ista notantur in l. fructus. in l. pen. & in l. curabit. C. de act. emp. & istud ultimum patet in d. §. si fructibus. cum §. seq. & in l. ij. C. de peric. & commo. rei. vendit.

Secundo casu, scilicet quando fuerunt percepti ante venditionem, & tunc in illo, nullum est dubium, illos esse ipsius, cum adhuc sit verus & plenus dominus.

Tertio casu, scilicet quando sunt pendentes, dic quod si tempore venditionis erant adhuc in ipsa re vendita, nec erant aliquo modo collecti, tunc cedunt lucro ipsius emptoris, & que sunt dandi, ut habetur in d. §. si fructibus, & habetur etiam in l. si cum fundum. in prin. ff. de contrahen. empr. quod probat text. l. fin. §. fructus. ff. quæ in frau. credi. quod nota. & ista procedunt in fructibus germinatis in terra, hominis industria & labore culta.

Quid autem de aliis, puta pensionibus, & censibus, quorum dies soluendæ pecuniæ nondum cessat tempore venditionis? Responde, & breuiter dic, pro veriori opinione, quod cedunt emptori. De hoc est tex. singularis in l. si. §. si. ff. de iure fisci. pro quo facit l. si mercedem. in prin. ff. de actio. empr. licet ibi Bar. videatur distinguere.

*Obiectio.* Et si opponatur contra supradicta, ut videatur dicendum quod obligatus ex venditione ad tradendum non teneatur ante litis contestationem de fructibus, ut fructibus, sed quod veniant fructus, ut ipsum interesse, quod probo, quia talis venditor tenetur ex obligatione rem tradi, ut patet in l. prima. ff. de act. empr. ergo in ea venit post moram obligatio ad interesse. iuxta d. l. stipulationes. vers. Celsus. & ita debent venire fructus ante litis contestationem, ut interesse, & non ut fructus: quia in obligatione rem tradi veniunt fructus ante litis contestationem, ut interesse.

*Solutio.* Ad istud argumentum nota, quod obligatio qua tenetur ipse venditor, est quædam obligatio participans partim de propria natura obligationis dandi, & partim de vera natura obligationis tradendi, siue obligationis faciendi: imprimis enim capit partem ab obligatione dandi, quia si venditor est dominus, tenetur ipsum emptorem facere dominum, ita quod pactum in contrarium non valeret, ut est casus singularis in l. cum manu sata in venditione, §. si. ff. de contrahen. empr. & imitatur in hoc naturam obligationis dandi, & etiam (si non est dominus) tenetur ipse transferre v. succipiendi conditionem, ut est tex. in l. ex empto. in prin. ff. de act. empr. & istud sentit gloss. l. ij. §. primo. in verbo, continetur. ff. eodem. hoc etiam sentit gloss. magna l. certi conditio. ff. si cer. pe. quæ vult venditorem non teneri ad merum factum.

*Amplior eiusdē declaratio.* Item sequitur in aliquo obligationem dandi, quia si habet rem, cogitur præcisè ad eam dandum, item in aliquo sequitur obligationem faciendi, quia si rem non habet, liberatur soluendo interesse, ut pulchre

voluit Bart. in l. prima. ff. de ac. emp. in 7. colum. In ea ergo parte, in qua sequitur obligationem faciendi, dicendum est illum teneri ad fructus, sicut tenetur obligatus ad rem tradi propriè, sed quia ex alia parte tenetur de obligatione dandi, quæ non permittit ut aliquo modo quis teneatur ad fructus, tanquam interesse, per supradicta, & necessariò sit dicendum illum teneri ad fructus, debet intelligi, quod veniunt fructus, ut fructus, à tempore moræ, in tali obligatione, tradendi, cogita tamē (quia subtile & nouum) ideo potest aliter istud solui.

Quod quidem est maximè, quia cum petuntur illi fructus, petuntur cum ipsa re, & veniunt officio iudicis, & res debita non erat perempta, ergo non poterant peti fructus ut interesse, quia obligatio rem tradi in venditione, sequitur naturam obligationis rem dari, quia re extante, non liberatur præstando interesse, ut supra dixi. Vnde subtiliter considera, si posset esse casus in quo obligatus ex venditione primò teneretur ad fructus, tanquam fructus, deinde ex postfacto teneretur tanquam ad interesse: puta quando res postea periret, quod nota, & cogita, quia subtile & nouum, ad praximque & accommodum, & utile.

Dic ergo, quod contrarium procedit in obligatione rem tradi, interueniente & producta ex contractu stricti iuris, ut patet ex legibus allegatis in hac materia, secus autem esset dicendum, ubi quis teneretur ad rem tradi in obligatione descendente ex contractu bonæ fidei: nam tunc veniunt fructus, ut fructus, à tempore ipsius moræ, ut patet in d. §. si fructibus. Et ratio diuersitatis potest esse, quia strictius proceditur in contractibus stricti iuris, quam in aliis bonæ fidei. iuxta l. quidquid adstringenda. ff. de verbor. obliga. & superius dictum est.

Itē breuiter potest dici, quod non sequitur in mera & simplici obligatione rem tradi non veniunt fructus, ut fructus ante litis contestationem: ergo nec etiam in mixta obligatione, scilicet venditionis, quia regulariter sub simplicibus non continentur mixta, ut habetur per gloss. & Doct. latè. in l. ij. ff. de verbor. obliga. vbi vide.

Tertia declaratio & ad hunc effectum limitatio est, ut non procedat, quando obligatio siue stipulatio contineret utrumque, scilicet ipsam obligationem dandi, & vacuam possessionem tradendi: nam tunc in tali casu veniunt fructus, ut fructus, etiam à tempore moræ. De hoc est tex. notandus (qui ita intelligitur) in l. si stipulatus. ff. de vsur. quæmque ira declarat Bar. in d. l. videamus. §. si actionem. ff. de vsur. & in d. §. cum fundum.

Et ratio huius est propter geminationem, quæ debet aliquid vltra operari, & sic ista duo iuncta plus operantur, quam vnum separatim. ita sentit Bart. in d. §. cum fundum. & latius dixi de regula huius rationis in præcedentibus, vide tamen vltra ibi notata in materia geminationis, id quod volunt Doctores in c. excommunicamus. in §. credentes. extr. de hæreti. & ibi Ioan. de Ana. quod regulariter vadens semel ad sermones hæreticorum, per hoc non præsumatur hæreticus, quod si reiteret, tunc pro hæretico habetur, quod nota.

Item pro his facit id quod vult gloss. singularis & post eam Ioan. de Ana. in cap. ita quorundam, extra,

*Confirmatio eiusdē.*

*Conclusio de eadē re.*

*Fructus, quando, ut fructus, à tempore moræ veniunt.*



extra, de Iudæis, quæ ibi ponit aliquos effectus singulares, quos operatur sententia excommunicationis reiterata. vide ibi.

*Effectus geminatus prohibitionis.*

Istis addo vnum dictum singulare Ioan. de Imola in l. filiusfamilias. §. Diui. ff. de lega. primo. vbi voluit quod quando cum prohibitione legis, postea concurrat prohibitio hominis circa alienationem alicuius rei, tunc illa secunda prohibitio tantum operatur, vt etiam in casu aliàs permisso à lege, non possit fieri alienatio, & sic habes singularem effectum geminationis, scilicet vt prohibitio geminata multum operetur. De hoc dicto meminit Anto. Corset. in suis singularibus, in verbo, prohibitio. quod nota, & menti tene.

*Fructus à tempore moræ quando veniant in actione stricti iuris.*

Vltima declaratio huius effectus est, vt procedat quando ago ad consequendum id quod nunquam fuit meum, secus autem si ago etiam actione stricti iuris ad consequendum fructus ex re quæ fuit, & nunc est mea: nam tunc veniunt fructus à tempore moræ, vt de hoc est tex. in d. l. videamus. §. si actionem. & ibi istud notat Bar. in summa.

*Ratio memoria præcedentis quærum opere-*

Et ratio diuersitatis potest esse ista, quia res de facili reuertitur ad naturam suam pristinam. l. si vnus. §. pactus ne peteret. ff. de pact. Cum ergo isti fructus (aut saltem similes) solebant acquiri domino illius rei, tempore quo illam rem possidebat, & habebat, ideo nunc etiam de facili debent in eum reuerti. Istud etiam operari potest ratio memoriæ præcedentis, quæ multum operatur in iure, sicut probo per glo. singularem in. §. fin. Inst. de tutel. quæ vult quod licet mater in testamento non possit dare tutorem suo filio, sine inquisitione facienda postea per iudicem, tamen secus est in ipso patre, qui filio suo emancipato, & qui non est in potestate, potest dare tutorem sine inquisitione, & illud operatur ratio memoriæ præcedentis, scilicet, quia aliàs habuit eum in sua potestate. quod nota. pro quo etiam facit tex. in l. fin. ff. de decurio. volens quod ille qui desit esse decurio, non debet torqueri (sicut prius non poterat) in rationes memoriæ præcedentis. Pro his etiam facit tex. l. in seruos. ij. C. de quæst. quæ vult quod sicut seruus non potest in dominum suum torqueri, ita nec effecto eo liberto, propter memoriam præcedentem. Non est ergo mirandum si propter memoriam præcedentem facilius veniant fructus in hoc casu, quàm in primo. Itaque sic omnibus elicitur effectus præcedens clarus, & perfectus hoc nota. Per litis contestationem veniunt fructus in actionibus stricti iuris dationem concernentibus, quando petitur id, quod nunquam fuit nostrum, & non aliàs. Dico (stricti iuris) ad differentiam bonæ fidei, & dico (dationem) ad differentiam obligationis rei traditi, siue facti. Dico autem (circa id quod non fuit nostrum) ad differentiam actionis stricti iuris propositæ, circa id quod fuit aliàs nostrum, quando quidem in talibus non habet locum hæc notabilis regula.

*Fructus in actionibus stricti iuris.*

Aduerte tamen pro expeditione, & huius effectus clariori & maiori declaratione, quia cum prædictus effectus loquatur de materia restitutionis præcipue fructuum, est notandum quod etiam appellatione fructus continetur palea. De hoc est text. singularis in l. si usufructuarius messem. ff. quib. mod. usufruct. amittat. in versi. stipulam quæ in messe. & idem dicitur in fœno, vt contineatur appellatione fructus, vt patet in dicta l. in verbo, fœno.

*Fructus appellationis.*

Secundo aduerte in materia restitutionis fructuum ratione contractus venditionis (de qua supra) quod licet regulariter post factam venditionem, fructus pertineant ad ipsum emptorem (vt dictum est supra) tamen illud non procedit in emptione quæ fuit facta sub conditione. Nam si conditio ipsa deficiat, fructus, quos percepit ipse emptor, debent restitui venditori. De hoc est tex. in l. necessariò. §. quod si pendente. ff. de peric. & comm. rei vend. Istud tamen singulariter sublimita non procedere, quando in casum deficientis conditionis, ipse emptor debet perdere pretium datum, ita quod cedit tale pretium lucro venditoris: tunc enim in recompensatione pretij prædicti debet emptor fructus lucrari, text. est de hoc singularis in l. iij. §. sed quod aut Neratius. ff. de lege commissor. vbi si vendita fuerit aliqua res sub pacto legis commissoriæ, scilicet, vt si non soluat residuum pretij emptor infra certum tempus, habeatur res pro non emptæ, & cum hoc etiã adiecerit venditor, quod pretium solutum remaneat penes eum venditor, tunc si percepit fructus aliquos ipse emptor ante defectum conditionis, facit illos iure suos, vt ibi patet, quod nota, quia singulare, & de hoc meminit Lud. Roma. in suis singularibus, singulari incipiente. si fructus percepti: vbi dicit se lucratum fuisse quinquaginta aureos propter secundum casum.

*Fructus in contractu venditionis quæ sequantur.*

43

Tertio attende pro intellectu præcedentium, quod fructus, cum sunt pendentes, dicuntur pars fundi, & non aliàs, vt est tex. in l. fructus pendentes. ff. de rei vendic. & sic vbi debetur fundus ex stipulatione, vel aliqua actione maximè personali, si post promissionem obligantur fructus, non possunt peti per actionem ex stipulatu, cum amplius non sint pars rei & non debeantur: quia obligatio stricti iuris tantummodo concernit ipsum fundum expressum in stipulatione, non autem fructus, præcipue non pendentes, secus autem dicendum esset in rei vendicatione, in qua cum peto fundum, possum etiam exigere fructus pendentes, & etiam separat non pendentes, quia eos non exigo tanquam partem rei & fundi, sed tanquam meos, perceptos scilicet in fundo meo, & istud tenet Bart. subtiliter in d. l. filiusfamilias. §. cum fundum. ff. de verbo. oblig. & per hæc sit expeditus hic effectus noster cum sua pulchra, notabilique materia, eiusque perspicua, arguta & subtili Bart. declaratione.

*Fructus post promissionem obligati, quomodo peti debeant.*

Nonus effectus contestationis est iste, quod per litis contestationem tollitur facultas soluendi, id quod aliàs antè solui poterat. De hoc est text. singularis (nec habens concordantem secundum Bar. ibi) in l. si quis stipulatus fuerit decem in melle. ff. de solut. vbi si aliquis fuerit stipulatus decem, quæ sibi debebatur, soluenda in melle, tunc licet ante litis contestationem possit liberari soluendo mel, si tamē fuerit iā facta litis contestatio, super illis decem, tollitur facultas soluendi illa in melle, & dicit ibi Bart. se nunquam intellexisse illam legem, nisi tunc, quod nota pro singulari.

*Facultas soluendi tollitur per contestationem litis.*

Iste tamē effectus declarari debet & intelligi, quando vnū est in obligatione, aliud autē in solutione ex dispositione, & voluntate hominis, sicut in casu prædictæ legis: nā decem erant in obligatione, & mel in solutione, ex ipsa hominis dispositione & ita ibi illū textum declarat Bart. in fine, secus autē esset, si solutio rei adiectæ esset ex dispositione legis: nā tunc posset illud solui etiã post sententiā latā super re obligata, quoad fieret litis contestatio super actione rei sol-

*Amplior præcedentis declaratio.*



uendæ in iudicio faciendæ. ita ibi voluit Bar. per text. notabilem in l. miles. §. decem. ff. de re iudic. vbi condemnatus in decem, quæ petebantur propter noxæ deditioem, potest soluere noxam illam quæ intulit damnum, etiam post sententiam vsque ad litis contestationē super actione iudiciali factam, ita ibi patet, & ratio est, quia illa noxæ deditio venit ex dispositione legis, vt ibi vult text. & idem probatur in l. item veniunt. §. idem rectè ait. ff. de pet. hæredi. vbi idem est casus quod in §. decem. & per hanc distinctionem infertur ibi Bar. se consuluisse in quæstione de facto, in qua continebatur quod quidam debebat dare alicui centum, hoc pacto, quod posset (si vellet) dare pro ista quantitate certam speciem, quam cogeretur creditor accipere, qui quidē debitor perdit hanc facultatē dandi illam speciem post litis contestationem factam, super illis centum. ita voluit Bar. in d. §. idem rectè.

*Bartoli sum-  
per eadem  
re decisio.*

*Eiusdē cō-  
firmatio.*

*Obiectio.*

*Eiusdē per  
Barolū so-  
lutio.*

*De eodem.*

*Confirmatio  
eiusdē.*

Et per hanc eandem distinctionem voluit Bart. singulariter in l. stipulationes non diuiduntur. versi. Celsus. ff. de verbo. obliga. in 24. col. quod si aliquis ad factum fuerit condemnatus, iuxta petitionē actoris, liberabitur (etiam post sententiam) soluendo interesse, & ratio potest assignari, quia tale interesse est in solutione ex dispositione legis, & sic non tollitur sibi libera soluendi facultas, quoad fuerit facta litis contestatio super actione rei iudicatæ, per supradicta, sic ista esse intelligēda, colligere faciliè licet. Nec obstat secundum Bar. ibi si dicatur quod agendo ad interesse post moram factam per reum, & post litis contestationem, nō potest amplius offerre solutionē ad factum, ad quod tenebatur adimplendum, vt latè dixi in expeditione sexti effectus, ergo etiam simili modo dicendū esse videtur, eum nō debere (si fuerit condemnatus ad factum) admitti ad solutionem faciendam super interesse.

Sed ad istud dicit ibi Bar. quod idēd non admittitur ad soluendum factum, post litis contestationem factam super interesse, petito per actorem, quia talis obligatio facti, & solutio eius est ex dispositione hominis, vt patet ad oculū, & sic regulariter istud ita fit, & procedit secundum l. si quis stipulatus. præallegatam, quæ vult quod quando obligatio, siue solutio est ex dispositione hominis, tunc tollitur illa facultas soluendi pro litis contestatione facta super alia re petita, & ita sentit (multum tamen subtiliter & in duobus verbis) in d. l. stipulationes. subtilis, acutus, & argutus Bart.

Ratio autē diuersitatis inter obligationē venientē ex dispositione hominis, & venientē ex legis dispositione, traditur per d. Bar. in d. l. si quis stipulatus. scilicet eò quod mitius agatur cum lege, quam cum homine. l. Celsus. ff. de arbi. cum similibus, vt suprà dictum est, ergo facilius debet tolli ipsa obligatio, siue solutio, quæ fuit ex hominis dispositione introducta, quam illa quæ fuit ex legis dispositione mera adinuenta, & tacitè introducta.

Et per supradicta declaratur text. notabilis in l. si verò. §. de viro. ff. solut. ma. vbi seruo dotali per maritum manumisso, quidquid ad maritum ex bonis liberti peruenerit, debet vxori restitui, tamen dicit ibi text. quod si fuerit conuentus ad id expresse quod ad eum peruenerit, etiā poterit liberari ipse maritus, soluendo æstimationē rerum quæ ad eū peruenerūt, & illud est, quia talis æstimatio venit ex dispositione

legali, & admittitur vsque ad litis contestationē factā super actione iudiciali. ita sentit Bar. in d. l. si quis stipulatus. in fin.

Et pro expeditione huius effectus nota vnum singulare, quod vbi est commissæ obligatio ad interesse, respectu certæ speciei, liberatur soluendo talem speciem, etiam si iam fuerat condemnatus ad solutionem interesse. Istud dictum singulare probatur per text. notabilem in l. fideiussor euidtionis. ff. de except. dol. & illum text. dicit mirabilem Bar. in l. si insulam. in 6. col. ff. de verb. oblig. quod nota, & per hæc sit expeditus iste effectus litis contestationis difficilis, quāuis utilis tamen.

Decimus effectus (qui oritur ex supradictis) est iste, quia per litis contestationē factam cum principali creditore, tollitur facultas soluendi ipsi adiecto, per debitorem. de hoc est text. notabilis secundum Bart. ibi in d. l. si quis stipulatus fuerit decem. ff. de solut.

Et ratio huius dicti potest esse ex suprà dictis, quia dispositio hominis de adiecto debet tolli per contestationem litis: nam sicut facultas soluendi rem adiectam solutioni tollitur, quando fuit ex dispositione hominis inducta (vt dictum est) ita etiam dispositio de soluendo adiecto (cū sit eadem ratio, vt ibi patet) debet tolli, quando iam litem contestatus sum, quia ex hominis dispositione fuit introducta.

Addo nouam rationem: nam litis contestatio & solutio equiparantur. l. amplius non peti. ff. rem rat. hab. & voluit Bar. in l. si insulam. in 8. col. ff. de verbo. obliga. si per solutionē factā principali creditori, tollitur facultas soluendi ipsi adiecto, vt clarum est, præsertim cū ille, qui est adiectus in stipulatione, censetur tantummodò adiectus causa solutionis, vt est text. l. si §. si ita fuero. ff. de verbo. oblig. ergo idem dicendum est in litis contestatione, vt ipsa litis contestatio facta cū principali creditore, impediat ne amplius possit fieri solutio ipsi, qui fuit adiectus: cogita & iusto lancis examine accuratè expende.

Et in materia adiecti nota vnum, quod licet possit solui adiecto ante litis contestationem factam per principalem creditorem, non posset tamen solui hæredi ipsius adiecti. text. est de hoc notabilis in l. si mihi aut Titio. ff. de verbo. oblig.

Ratio autem duplex ibi assignatur, per Bart. Prima, quia apud adiectum est incertum factum, nec ob id ei aliquid iuris acquiritur, non præsumitur etiam ipsum principalem creditorem cogitasse de hærede. Altera ratio est, quia adiectus equiparatur mādatario, vt est bonus text. in l. Iulianus. §. primo. ff. de verborum obligat. Sicut ergo mandatum finitur morte mādatarij (re integra) vt clarum est, ita ipsa adiectio morte adiecti.

Secundò, nota in materia adiecti, quod licet adiecto solui possit, tamen non potest talis petere cum effectu, vt sibi solvatur. de hoc est text. notabilis in l. quod stipulatus. ff. de solut.

Et ratio huius esse potest, quia cū petitio præsupponat obligationem, vt est text. in l. licet. §. ea obligatio. ff. de Procur. vbi obligatio est mater actionis, siue petitionis, & nulla obligatio sit penes ipsum adiectum, vt est text. in d. §. si ita fuero. ergo dicendum est illum non posse petere, nec agere virtute suæ adiectionis.

*Obligatio  
ad interesse  
causa certa  
speciei*

*Adiecto sol-  
ui nō potest,  
postquā li-  
te quis con-  
testatus est.*

*Eiusdē ra-  
tio assigna-  
ta.*

*Alia de-  
inceps ab  
ambore.*

*Adiectio  
expirat  
morte ad-  
iecti.*

*Adiectus  
ex petere  
nō possit, et  
sibi solui  
tur.*

Adde,



Adde, quòd nec nouare potest, nec etiã acceptum ferre, vt habetur in d.l. quod stipulatus. & ratio horũ duorum eadem esse potest, quæ in præcedenti, scilicet quia nouatio præsupponit præcedentem obligationem. l. prima. ff. de nouat. quæ non est in eo adiecto. Item etiam acceptilatio præsupponit obligationem, cum priuatio præsupponat habitum. l. decem. ff. de verbo. oblig. Igitur nec agere, nec petere potest virtute suæ adiectionis, neque nouare, neque acceptum ferre.

*Restriçtio ad l. cui rectè soluitur. ff. de nouat.*  
Et per id quod dictum est de nouatione (quæ non potest fieri per adiectum) oritur pulchra limitatio ad l. cui rectè soluitur. ff. de nouat. quæ vult, quòd ille, cui rectè soluitur, nouare possit, vt non procedat in adiecto ad obligationem, cui scilicet solui possit, tamen is adiectus non poterit nouare, quod voluit tex. expressè in d.l. cui rectè. seipsum ita limitans, & restringens.

*Adiecto in melius conditione mutari potest solui.*  
Terriò nota in hac materia adiecti, quòd adiectus, etiam si mutet conditionem, dum tamen in melius, nihilominus adhuc tamen licet recipit solutionem. de hoc est tex. notabilis in l. eum qui. §. qui sibi, aut filio. ff. de verbo. oblig. vbi si fuerit filius adiectus ad solutionem, si postea emancipetur, adhuc durat adiectio, quia filius emancipationem acquirere dicitur meliorem conditionem acquirere, vt potest ibi probari. pro quo allego tex. notabilis in §. hoc quoq;. Instit. per quas perso. nob. acqui. in vers. & quod honoris ei ex emancipatione contingebat. secus tamen esset si mutaret suam conditionem in deterius: nam tunc ei solui non posset. de hoc est tex. singularis in l. cum quis sibi, aut Titio. ff. de solut. per quem textum dicit ibi Barr. quòd si quis constituit aliquem honestum Procuratorem suum, si ex post facto talis Procurator efficiatur malus homo, vel ribaldus, tacitè præsumitur per dominum reuocatus, & idem etiam voluit Bar. in l. si cum Cornelius. ff. de solut. per illũ text. & illa sunt notanda ad limitationẽ l. post litem. ff. de Procur.

*Secus in deterius.*  
Vndecimus effectus litis contestationis est, quia vbi quis poterat soluere certũ quid, etiam post sententiam latam super alia re, in qua fuerat condemnatus & obligatus, puta quando aliquid debebat ex dispositione legis, tamen litis contestatio facta super actione iudicati, ad consequendum id ad quod fuerat condemnatus, impedit, & tollit facultatẽ soluendi illud quod antea soluere poterat. de hoc est tex. in l. miles. §. decem. ff. de re iudic. & in litem veniunt. §. cum prædiximus. & præcipue in §. idem rectè ait. ff. de pet. hæredi. vbi ille, qui in iudicio noxali fuit condemnatus ad danda decem pro noxa, etiam post sententiam potest liberari, dando illud quod delictum commisit, si tamen fiat litis contestatio super actione iudicati, tunc amplius non admittitur ad soluendum illud pro noxa, quòd delictum commisit, sed cogitur ad decem, & de materia huius effectus dictum fuit in penultimo effectus aliquid, de quo ibi videatis.

*Litis contestatio impedit facultatẽ soluendi alterũ, causam nox.*  
Et ex istis inferitur, quòd actio in factum, quæ oritur ex ipsa sententia, nõ dicitur habere paratam executionem, ita patet in dictis legibus, cũ antè debeat fieri contestatio litis in iudicio, & iam ita procedatur ordine iudiciorum. & istud voluit Bart. in d. §. cum prædiximus. per illum text. & melius per eũ in l. qui de inofficioso. ff. de inoff. testa. pro hoc adducens regulam vulgatam & generalem, quòd quacunque

actione quis agat, experiaturque, eam debeat edere. l. prima. §. primo. ff. de eden.

Item quia debet fieri executio, saltem officio iudicis vt est text. in l. minor annis viginti quinque cui fideicommissum. ff. de minorib. quod nota: quia contrarium tenuit gloss. in d.l. qui de inofficioso. & in d. l. minor. & de hac actione quæ oritur ex sententia, videte bonum text. in l. actori. C. de reb. cred. & ibi vide Bart. an actio quæ oritur ex sententia, vocetur actio in factum, vel actio iudicati: latius per eundem in l. miles. §. qui iudicati. ff. de re iudic. vbi eũ videatis, & per ista sit finitus noster brevis effectus cũ laude Dei Opt. Max.

Duodecimus litis contestationis effectus est, quia per eam ille qui prius erat bonæ fidei possessor, efficitur malæ fidei, vt est tex. notabilis in §. primo. Instit. de offi. iudicis. vbi bonæ fidei possessor conuentus, facta litis contestatione, tenetur ad fructus, tanquam malæ fidei possessor. vnde sicut ille, qui est malæ fidei possessor, tenetur de iam perceptis, iam consumptis & percipiendis, vt patet in l. certum. C. de rei vend. & l. si naui. §. si. ff. eod. ita etiam tenetur talis bonæ fidei possessor de his omnibus, factus, iuris præsumptione, malæ fidei possessor, ex eo tempore, quo cum eo est facta litis contestatio, & pro isto effectus, facit bonus tex. in l. sed & si lege. §. si ante. ff. de pet. hæredi. quæ expressè dicit omnes per litis contestationẽ esse malæ fidei possessores, aut tacitè saltem fingi, iuris tacita fictione, & præsumptione.

Aduerte tamẽ (pro huius tex. declaratione) quòd in vno casu etiam bonæ fidei possessor per solam controuersiam motam, & sic ante litis contestationẽ, reputatur malæ fidei possessor, vt patet in illo qui est conuentus iudicio vniuersali, puta petitione hereditatis. de hoc est tex. notabilis in d. §. si ante litem contestatam. in vers. quamquam. & ibi gl. dicit illud esse speciale.

Ratio autem specialitatis huius casus datur per Bar. in d. §. si ante litem contestatam. scilicet, quia in iudiciis vniuersalibus simplex denuntiatio, siue notificatio facit quem esse malæ fidei, vt est tex. in litem veniunt. §. petitam. ff. de pet. hæred. sed per simplicẽ controuersiam fit ista notificatio, vt patet, ergo ante litis contestationem talis efficitur possessor malæ fidei, sed secus est in iudiciis particularibus, quia simplex denuntiatio non inducit, nec generat malam fidem. vt vult gloss. notanda in l. penu. ff. pro emp. ergo dicendum quòd per solam controuersiam, vel per solam dationem libelli non efficitur bonæ fidei possessor in mala fide in his iudiciis particularibus. Et si queratur quæ est ratio diuersitatis, videlicet quare simplex denuntiatio in vniuersalibus malam fidem inducat, & non in particularibus, dic istud esse iuris positiui, & ideò non esse necessariam redditionem rationis, iuxta l. non omnium. ff. de legibus. & istud sentit in duobus verbis Bart. in d. §. si ante.

Limita tamen, præcedentem effectũ singulariter non procedere in casu singulari, scilicet quoad interitum ipsius rei, quia per litis contestationem ille, qui prius erat bonæ fidei possessor, non efficitur, quantũ ad rei interitum, malæ fidei possessor. de hoc est tex. notabilis in l. illud. ff. de pet. hæred. & ibi Bar. pulchre assignat rationem specialitatis, scilicet quia ista mala fides, quæ oritur per contestationem litis, dicitur ficta, quia ius fingit, siue præsumit, illum, qui iam litem

*Litis contestatio facit malæ fidei possessore.*

*Bonæ fidei possessor quando per solam controuersiam motam in mala fide constituitur.*

*Eiusdẽ assignata ratio.*

*Limitatio præcedentis effectus.*

*Ratio eiusdẽ assignata.*



contestatus est, singularem fuisse, aut de suo iure dubitauisse: nam regula est quod mala fides ficta nunquam habet locum, nisi æquitate suadente: l. sciendum. & l. denique ff. ex quib. caus. maiores. latè per Bar. in l. si is qui pro emptore. ff. de v. sucap.

*Fructus post litis contestationē restituendi à possessore etiā bonæ fidei.*

Modò dicendum est, quod quantum ad fructus æquitas subest, vt talis bonæ fidei possessor præsumatur malæ fidei per litis contestationē: præsertim cum tempore illo debeat scire, aut scit, vtrum res perita sit sua, vel non, & sic in tali dubio tanquam sapiens debet conseruare rem cum fructibus propter futurum euentum iudicij, nihil mirum ergo, si respectu ipsorum fructum, censeatur malæ fidei, & sic teneatur ad eorum restitutionem, eodem modo quo ipse malæ fidei possessor teneretur.

Sed quantum ad ipsum interitum cessat ipsa æquitas, quia licet dubitet post litis contestationem de iure suo, tamen in tali dubio nō debet ius suum indiscussum relinquere: idèò quantum ad ipsum interitum, non debet censi malæ fidei possessor.

*Malæ fidei possessor post litis contestationē de interitu tenetur.*

Et ex his inferitur, quod si post litis contestationē ipse esset verè & sine dubio in mala fide, tunc talis teneretur de ipso interitu, cum tunc dicta ratio cesset, scilicet ipsa æquitas. ita sentit pulchre Bart. in d. l. illud.

*Oppositio contra rationem specialitatis.*

Considera tamen, contra ipsam rationem specialitatis datam per Bart. in d. l. illud. nam videtur prima fronte mala, per id quod vult text. notandus in l. nemo. §. si. ff. de verbor. oblig. vbi expressè vult litera, quod ille qui maluit litigare quàm restituere, dicitur esse in mora, sed post moram debitoris periculum interitus pertinet ad ipsum debitorem. l. si ex legati causa. cum l. seq. ff. de verbor. obliga. ergo videbatur dicendum indistinctè, quod ille qui voluit litem contestari, licet tunc esset in bona fide, tamè deberet obligari ad interitum.

*Responsio.*

Ad istud argumentum responde sustinendo opinionem Bart. quod illud argumentum non obstat, quia procedit vbi talis vult iniuste, & ex certa scientia litigare: nam sic loquitur & intelligitur contrarium, vt sentit gloss. in d. l. nemo. secus autem si iuste credit litigare: quia tunc illa iusta causa excusat eum à mora, vt intelligitur & loquitur text. in d. l. illud.

*Iusta litigandi causa excusat à mora.*

Pro quo adduco tex. singularem in simili in l. qui solidum. §. etiam. ff. de legat. 2. quæ vult quod licet regulariter victus debeat victori condemnari in expensis, tamen illud fallit, vbi talis iustam litigandi causam habebat.

Secundò adduco pro illo tex. gloss. singularem, & expressè voluntatem quod iusta causa litigandi excuset quæ ab interitu rei. in l. in hac. ff. de tritica. Vnde addo, quod non solùm iusta causa litigandi excusat quem ab interitu rei, sed etiā iusta causa interficiendi rem debitam, excusat eum ab interitu & mora. de hoc est bonus text. in l. qui seruum. ff. de verborum obligat. & bonus text. in l. quid ergo. §. si hæres. ff. de legat. primo.

Circa hanc iustam causam litigandi, adde vnum singulare, quod ille, qui est cōdemnatus virtute probationis semiplenæ, factæ per partem aduersam, cum eius iuramento, non est condemnandus in expensis, tanquam habens iustam causam litigandi. istud est dictum singulare Bal. in authenti. generaliter. circa 6. col. C. de episc. & cler.

Adde aliud dictum singulare, quod ille qui pro-

bauit per testes, qui postea inuenti sunt minùs idonei, propter excommunicationem, vel aliam inhabilitatem personæ, & per hoc non obtinuit, censeatur habuisse iustam causam litigandi, & sic excusabitur ab expensis. istud etiam voluit Bal. in d. authenti. quod nota. Et à fortiori ratione, ab ipsius rei interitu, quacunque ratione acciderit, meritò excusabitur. Cōsequenter, pro declaratione huius effectus, est aduertendum quod licet malæ fidei possessor regulariter teneatur de fructibus percipiendis perceptis, & consumptis, vt habetur in l. ij. C. de fructi. & lit. expens. cum similibus. tamen fallit, vbi talis malæ fidei possessor haberet titulum: nam tunc ille titulus excusat eum à fructibus percipiendis. de hoc est bonus text. in l. si fundum. C. de rei vendica.

*Probās per testes minùs idoneos.*

*Titulus malæ fidei possessoris excusat à percipiendis fructibus. Limitatio præcedētis.*

Quod quidem solet limitari in quatuor casibus, in quibus titulus non excusat à percipiendis. Primus est, in illo qui mala fide coëgit aliquem ad sibi vendendum: nam talis metum inferens tenetur venditori de fructibus, etiam percipiendis, vt de hoc est bonus tex. in l. sed & partus. ff. quod met. caus. & istud est in odium metum inferentis.

Quædam alia inducuntur specialia, contra metum inferentes, præsertim contra officiales, quia si tales cogant aliquem ad alicuius rei venditionē faciendam ipsi, puniuntur in restitutione rei venditæ, item in amissione pretij. de hoc est tex. singularis in l. si per impressionem. C. de eo quod met. caus. gest. est.

51

Intelligi tamen debet ista limitatio, si fuerit factus metus, qui caderet in cōstantem virum, vt est bonus tex. in l. metum. ff. de eo quod met. caus. & voluit gl. notabilis in c. cum locum. extr. de sponsa. quæ solet allegari etiam quod in metu facto mulieri, est inspicendum, an talis metus potuisset cadere in cōstantem mulierem, vt ibi sentit gloss.

*Intellectus limitationis.*

Secundò modo intellige illud procedere, quando metus fuit immediatus, siue causa immediata venditionis: secus autem, si fuisset mediatum, siue causa mediata, re non proxima. de hoc est tex. singularis cum gloss. in l. metum. §. sed licet. ff. quod met. caus.

*De eodem.*

Secundus casus, in quo titulus non excusat à fructibus percipiendis, est in eo qui emit in fraudem creditorum: nam talis tenetur de fructibus percipiendis, non obstante suo titulo. de hoc est text. notandus in l. ait Prætor. in §. per hanc. ff. qui in fraud. credito. & illud est in odium eius. de quo casu meminit glo. in d. l. si fundum.

*Alia eiusdem limitatio.*

Sed nouiter (cum Dei instinctu) do pulchram rationem specialitatis, in hoc casu, scilicet: nam cum tota intentio ipsius emptoris malæ fidei versabatur in volendo decipere & fraudare creditores ipsius vendētis debito eorum, & fructibus, præsertim cum si talis non emisset, ex fructibus, quos potuisset venditor percipere, potuisset aut in totum, aut in partem satisfieri creditoribus venditoris, meritò Iurisconsulti subtiliter considerantes, nec volentes quod propria malitia noceat aliis, iuxta l. fin. (vbi est pulcher text.) C. de reb. cred. voluerunt illum cogere ad illos fructus restituendos, & principalis ratio ad id faciendum Iurisconsultos mouere potuit, quia regulā habemus notandā, quod in eo, in quo quis deliquit, puniri debet. l. si fugitiui. C. de seruis fugit. vbi serui fugitiui puniebantur de iure antiquo in pedis abscissione, aut amputatione, quia per illū delinquebāt, pro quo est bonus text. in c. ad liberandam. ext. de Iudæ.

*Amplior declaratio de malæ fidei possessore.*



*Christiani  
Saracenis  
arma ven-  
dentes.*

vbi est sollemnis text. volens quod Christiani, qui portat & vendunt Saracenis arma & similia contra utilitatem Ecclesie sancte, nunquam debent recipi in consortio Christianorum, nisi prius dent omnia quae lucrati sunt in talibus commerciis ipsi Ecclesie. Et, ut etiam puniantur, in quo ipsi deliquerunt, debent tantundem dare de suo, adde bonum text. & expressum in c. fin. de tempor. ordin. lib. 6.

52 Istud etiam probat bonus textus in c. fin. extra. de immun. Eccles. volens quod licet regulariter omnes Christiani iuventur immunitate Ecclesiarum, cum ad eas confugiunt, tamen illud fallit, quando in ipsa Ecclesia delictum commiserunt: nam tunc ea non iuantur, cum in eo, in quo quis dicitur deliquisse, debeat puniri.

Alios casus in quibus non iuuatur quis illa immunitate, vide per text. singularem in c. inter alia. extra. de immunit. Eccles. & per text. & Ioan. de Ana. in c. primo. extra. de homicid. & pro predicta regula facit quod vult glos. l. j. C. de transact. quae expressè vult delinquentem debere puniri, in quo ipse deliquit, & per ista non est mirandum, si talis emptor male fidei in fraudem creditorum, teneatur de fructibus percipiendis: cum enim ipse deliquit in volendo decipere creditores, & fraudare talibus fructibus, debet ipse in eis merito puniri, & istud nota pro nouo.

*Emptor  
male fidei  
quando de  
fructibus  
percipien-  
dis tenea-  
tur.*

*Contrahens  
contra iura,  
etiam de fru-  
ctibus per-  
cipiendis  
teneatur.*

*Eiusdem  
assignata  
ratio.*

Tertius casus est in mercante & contrahente contra iura, quando quidem talis tenetur etiam de fructibus percipiendis, non obstante titulo. De hoc est text. in l. quemadmodum. C. de agricol. & censu. lib. II. & voluit glos. in d. l. si fundum.

Et ratio prima specialitatis elici potest ex mente Bart. ut sit fauore Reipublicae, ut ibi patet. Secunda potest esse, quia cum iste contrahat contra iura, non debet eorum auxilio uti, nec ab eis aliquod priuilegium consequi, quia frustra legis auxilium impetrat, qui contra eam mercatur, & nititur venire, ut habetur in c. quia frustra. extra. de vsur. pro quo facit quod habetur in l. Papinianus. §. meminisse. ff. de inofficioso testamen. vbi impugnans testamentum, perdit commodum quod potuisset in eo consequi, cum nemo debeat consequi commodum ex eo quod impugnat.

*Emens à  
fisco, sine so-  
lemnitate,  
teneatur de  
fructibus  
percipien-  
dis.*

Quartus casus est, in emente à fisco, non interueniente sollemnitate requisita in tali contractu: nam talis emptor male fidei tenetur de fructibus percipiendis, licet habeat titulum. De hoc est text. notandus in l. j. C. de fide instrum. & iure hastae fiscalis. lib. ro.

Et ratio specialitatis est, quia ibi non interuenit sollemnitas illi requisita in tali contractu, & ille talis contractus habetur pro non facto, utpote carente iusto titulo. Ita sentit ibi Bart. notabiliter, & per ista habetis (melius quam alibi) hos quatuor casus declaratos, quos enumerat glos. in d. l. si fundum. & in d. l. sed & partus. & in multis aliis locis.

*Malitiosè  
nolens colli-  
gere fructus  
iam matu-  
ros.*

Addit tamen glos. in d. l. si fundum. vnum alium casum, menti tenendum, scilicet in illo qui studiosè, & cum malitia noluit colligere fructus, qui iam erant maturi: nam tunc ille (non obstante titulo) tenetur de talibus fructibus.

Et ratio specialitatis potest esse, quia tales fructus maturi (qui ferè propter maturitatem cedebant) habentur pro perceptis, tum propter eius dolum, tum etià, quia cum maxima facilitate percipi potuerunt, & sic est, quod sibi imputetur, scilicet dolus suus.

Item quia ea quae de facili fieri possunt, habentur pro factis, ut est text. in l. Iulianus. §. fin. ff. de legat. 2. pro quo facit quod habetur in l. continuus. §. illud. ff. de verbor. oblig. cum similibus aliis.

Adde istis vnum incidenter, quod sicut punitur non colligens fructus maturos, ita etiam punitur colligens immaturos, ut de hoc est gl. in l. si absente. in fin. ff. de vsufruct. vbi vide tex. expressum in l. pen. ff. de vsufruct. legat.

*Colligēs fru-  
ctus imma-  
turos.*

Adde tamen vnum alium casum singularem, in quo habens iustum titulum, tenetur de fructibus percipiendis, scilicet in illo qui emit à minore, pretio minus sufficienti. De hoc est vnus casus singularis in l. patri. §. si pecuniam. in versic. item ex diuerso. ff. de minor. vbi iuncta glos. patet expressè quod emens rem à minore, iniusto pretio, debet ipse emptor prae-dia cum fructibus, etiam percipiendis, restituere, & illud est in fauorem ipsius minoris, quod est singulare, & ibi notat Bart. quod nota, ad limitationem dictae l. si fundum.

*Emēs rem  
à minore  
iniusto pre-  
tio.*

*Fauor i-  
psius mino-  
ris.*

Considera ex hac vltima declaratione, an habeat locum iste casus in Ecclesia vendente, item in Republica etiam vendente: nam videtur dicendum quod sic, quia statutum in vno eorum extenditur ad alium. Et quod istud procedat in Republica, de hoc allego text. qui videtur expressus in l. Respublica. C. ex quib. cau. maior. vbi ponitur regula quod respublica solet uti regulariter iure minorum, maxime circa restitutionem in integrum, unde dicendum est, quod sicut minor illo iure utitur, ut ipse emptor teneatur ipsi minori de fructibus percipiendis, ita & ipsa respublica vendens eodem iure utetur. Pro quo allego tale argumentum, Emēs ab aliquo extraneo, tenetur ipsi extraneo de fructibus, quia illud concernit fauorem publicum, ut est text. in l. quemadmodum. C. de agricol. & censu. lib. II. Ergo multò magis si fiat venditio pro Republica, cum regula sit quod propter vnumquodque tale, & illud magis, &c. ut patet authen. multò magis. C. de sacrosanct. Eccles. vbi sicut prohibita est alienatio rerum Ecclesiae, ita & multò magis ipsa Ecclesia, siue monasterium: ergo si competat extraneo hoc priuilegium propter Rempublicam, ergo multò magis ipsi Reipublicae.

*Ecclesia,  
vel Respu-  
blica ven-  
dens, iure  
minoris v-  
titur.*

*De eadem  
re.*

Pro hac parte adduco (nam magis est priuilegiata ipsa Respublica, quam ipse minor, ut potest probari ex multis iuribus) inter cetera text. multum subtilem in l. fin. C. in quib. caus. in integrum restitut. non est necessa. iuncta l. properandum. §. fin. C. de iudic. ex quibus elicitur talis regula singularis, Quod vbi-  
cunque datur vnū priuilegium ipsi minori, & aliud Reipublicae, tunc si ad inuicem concurrant praefertur ipsa Respublica, ita patet: nam cum dicit text. in d. l. fin. quod praescriptiones, quae solebant currere contra minores, ipso iure cessant: tamen illud non procedit in praescriptione instantiae, quia illa currit, etiam contra minorem, ut vult text. in d. l. properandum. & hoc est, quia talis praescriptio est in fauorem Reipublicae inducta, ut patet in d. l. properandum. §. primo. & ideò si maius priuilegium habet Respublica, quam minor: ergo statutum in vno, scilicet minore, ad alium extendi meritò multò magis debet, scilicet ad Rempublicam ipsam, quod nota.

*Respublica  
tenus priui-  
legiata sit.*

53

Et quod debeat etiam extendi ad Ecclesiam, probò à simili: quia minor & Ecclesia æquiparantur, ut est bona glos. in l. sub praetextu. C. de transact. & glo.

*Ampliatio  
ad Eccle-  
siam.*



54 notabilis in l. Imperatores. ff. de re iud. vbi pari passu ambulant, Reipublica, minor & Ecclesia, quia sententia lata contra eos restituitur per instrumenta de nouo reperta, quod aliàs non esset per l. Diuus. ff. de re iudic. & quod habetur in l. admonendi. ff. de iureiur. & pro his etiam adduco text. ( qui videtur expressus ) in cap. primo. extra. de in integrum restit. qui text. dicit quod Ecclesia circa restitutionem in integrum vti solet iure ipsius minoris. Pro istis facit text. in l. si. C. de sacrosanct. Eccles. vbi ius publicum & Ecclesia æquiparantur. facit etiam quod habetur per Doctor. maximè per Ludouic. Roman. in repetitione authenticæ similiter. C. ad legem Falcidiam. & per ista videtur nō solum extensionem posse fieri, imò potius esse idem ius, sine extensione, cum vbi est omnimoda ratio, non dicitur propriè extensio, sed eadem dispositio, vt vult glos. singularis in cap. primo. de tempor. ordin. libro sexto. text. singularis in l. his solis. C. de reuoc. donat. in hoc tamen cogita latius.

*Dispositio eadē quādo dicatur.*

*Prodigi, fructuosi, & si miles gaudent priuilegio minorum.*

*Fructus percipiendi, quatenus intelligantur.*

*Obiectio.*

*Responsio ad obiectiōem.*

Adde etiam, quod idem videtur posse dici in ipsis prodigis & aliis, qui gubernantur per ipsos curatores. Et istud dico fretus autoritate glos. singularis l. ij. C. de curat. furios. quæ dat solemnem regulam, quod statuta & priuilegia, quæ cōceduntur pupillis, & minoribus, extenduntur ad illos, qui solent regulariter sub cura gubernari, putā ad furiosos, prodigos, & similes: & per eam dico venditionem factam per tales, qui læsi sunt, debere rescindi cum restitutione omnium fructuum, etiam percipiendorum, per supradicta, in quo cogita.

Consequenter circa istos malæ fidei possessores, pro declaratione prædicti effectus, in quantum dicebatur illos per litis contestationem effici malæ fidei, & teneri de fructibus percipiendis, istud est intelligendum idē de fructibus, quos potuisset ipse malæ fidei possessor colligere, si voluisset, sed negligentia ductus prætermisit. Ita expressè probat text. in §. illorum. Instit. de offic. iudic. & text. expressus in l. domum. C. de rei vend. & sic non inspiciuntur fructus, quos potuisset percipere ipse petitor, sed tantum ij, quos potuisset percipere possessor. Sed contra istud videtur text. in l. si nauis. §. fin. ff. de rei vendic. vbi expressè dicit text. quod in fructibus æstimādis non inspicitur tantum circa fructus quos malæ fidei possessor collegit, & percepit, sed etiam circa fructus quos petitor percipere potuisset. Idē patet in l. apud Iulianum. §. j. ff. de fideicommiss. libert. vbi hæres qui omittit quærere seruū legatū, tenetur ad fructus quos potuisset percipere ipse legatarius, & sic petitor, & per illa iura Bart. in dictis locis tenuit contrariam sententiam, scilicet quod debent inspicere fructus, quos potuisset percipere ipse petitor, & non possessor.

Et ad dictam l. domum. respondet ibi Bart. & in dicta l. apud Iulianum. quod ibi loquitur text. circa pensionem domus, ad quam tenetur possessor, si percipere eam potuisset: nam ibi Imperator se retulit ad ipsum possessorem eo, quia apud omnes certa est quodammodo, & fixa ipsi pensio, nec præsumitur quod plus potuisset percipere ipse dominus.

Aduerte tamen, quia non respondet Bart. ad text. rotundum, in d. §. illorum. idē sustineo hanc opinionem, vt inspiciantur fructus, quos percipere potuisset ipse malæ fidei possessor.

Est tamen verum, quod si ipse petitor potius vult, vt inspiciantur fructus, quos percipere potuisset, quā quos potuisset percipere ipse malæ fidei possessor, tunc esset audiendus, & ita debet intelligi illa l. si nauis. §. fin. de rei vend. ff. si vult ipse petitor, aliàs autem in dubio inspiciuntur ipsi fructus percipiendi, à malæ fidei possessore. Ita etiam debet intelligi dictus §. j. l. apud Iulianum. & ita hos duos text. à Bart. citatos concordat Dominus Matthæus Mathesillanus in suis singularibus, singulari incipiente, Nota, quod malæ fidei possessor. in 160. singulari.

Considera tamen si posset dici ad illam l. apud Iulianum. §. primo. ibi esse speciale propter moram hæredis, qui differt adimplere voluntatem defuncti, quæ mora illi damnosa esse debet.

Secundò considera ad illum §. si. d. l. si nauis. quod non ibi dicitur petitorē esse inspiciendum, quoad hoc, vt fructus percipiendi considerētur ex persona eius, sed quod rātummodò istud dictum est ad probandum, quod non solum tenetur malæ fidei possessor de perceptis, sed etiam de percipiendis, vt potest colligi ex verbis illius legis. Melior tamen est prior opinio Matthæi, quia ista consideratio vltima saluari non posset sine violentia verborum. Et per ista relinquetur iste articulus discussus, in quo tamen latius cogitandum est, & per supradicta datur via latior ad loquendum de hac materia.

Adde tamē vnum casum singularem, in quo non tenetur malæ fidei possessor, etiam sine titulo, de fructibus percipiendis ab aliquo, quando loquimur de fructibus. quos potuisset percipere ex fundo propter meliorationem à se factam: nam tunc nullo modo tenetur. De hoc est vnus casus singularis in d. l. si fundum. C. de rei vendic. & in l. si duobus. §. fin. in versic. extra quæro. C. commun. de legat. & ratio est, quia ibi mala fides nullum cēsetur habere effectum, vbi legis autoritas interuenit, quæ omnem iustificat actionem, vt in hoc casu.

Aduerte consequenter ad materiam prædicti effectus circa malæ fidei possessores, qui non habentes titulum, tenentur tamen de fructibus percipiendis, vt istud extēdatur singulariter, etiam si ex postfacto habeant titulum, quia procurauerunt habere illa de causa, ne tenerentur de talibus fructibus: nam talis habens illum titulum callidè procuratum, non excusatur à fructibus percipiendis. Istud est dictum aureum, & mirabile solius Ludouici Romani in suis singularibus, singulari 348. incipiente, Tu scis quod malæ fidei possessor. & ibi reprehendit Cynum, qui contrarium tenuit in l. apud antiquos. in quæstione fin. C. de furt.

Confirmat autem dictum suum per id quod voluit singulariter Bart. in l. siue autem. iuncto text. ff. de publicia. vbi per eum habetur, quod titulus procuratus per aliquem, ne contra eum actio publiciana dirigatur, non sibi aliquo modo prodest, & idem erit dicendum ac si nullum habuisset titulum.

Secundò confirmat per dictum singulare Cyni in l. cogi. C. de pet. hæredita. in fi. qui ibi voluit, quod licet contra titulo possidentem, non possit dirigi actio, siue petitio hæreditatis, l. hæreditatem. C. in quib. caus. cessat long. temp. præscript. & l. regulariter. ff. de pet. hæredita. tamen illud fallit in eo, qui procurauit quodammodo malitiosè titulum ne conueniretur tali petitione hæreditatis.

*Eiusdem amplior de claratio.*

*De eodem.*

*Consideratio alia de eodem.*

*Mala fidei possessor quando de fructibus percipiendis non teneatur.*

*Titulum ex postfacto sibi procuras, non excusatur à fructibus percipiendis.*

*Titulus per aliquem procuratus non prodest.*

*De eadem re.*

Sed.



*Eiusdem  
confirmatio  
per autho-  
ritatem.*

55 Sed ultra eum confirmat istud dictum, quia est singulare. Primò per textum etiam singularem in l. spadonem. §. fin. ff. de excusat. tutor. vbi ille qui affectavit suscipere tria onera tutelæ non gaudet excusatione. Et solet allegari ille text. quòd causa semel affectata, & malitiosè procurata, nunquam debet afferre commodum ipsi affectanti.

*De eodem.*

Secundò facit bonus text. in l. ij. §. penult. si quis caut. vbi licet ille, qui detinetur à magistratu, non incidat in stipulationem de iudicio sisti: tamè fallit vbi illud malitiosè affectasset.

56 Tertiò facit bonus text. in l. & qui data. ff. ex quib. cau. maio. vbi illi qui absunt causa Reipublicæ cum affectatione, non debent uti privilegiis competentibus ipsis absentibus, & propterea solet regulariter dici, quòd ille qui se ingerit, suspectus est. l. quæ omnia. ff. de Procur. bonus text. in l. vxori. ff. ad legem Cornel. de fals. per quem text. dicit ibi singulariter Bart. quòd testis ferens testimonium non rogatus, eò quòd se ingessit, tanquam suspectus reprobat, nec tenet eius dictum, quod nota.

*Testis non  
rogatus, te-  
stimonium  
ferre non  
potest.*

*Fructus per  
cipiendi, nò  
intelligun-  
tur de illi-  
citis.*

*Secus de  
perceptis.*

Ultimò declara hæc materiam, ut id quod dictum est, de malæ fidei possessore, circa fructus quos potuisset percipere, non procedat in fructibus quos illicite potuisset percipere: nam ad illos non tenetur. De hoc est text. optimus cum glos. in l. fructus. ff. de rei vendic. & ibi Bar.

Istud tamen non procedit in fructibus iam in honestè perceptis, quia illos tenetur restituere ipsi petitori. De hoc est text. notabilis ita intelligendus in l. ancillarum. in fin. ff. de pet. hæredit. & voluit Bart. in d. l. fructus. quod nota.

*Differètia  
ratio.*

Ratio diuersitatis illa est, quia multa impediunt contrahenda, quæ tamen iam contracta non tolluntur, ut de hoc est text. in l. patre furioso. ff. de his qui sunt sui vel alien. iuris. pro quo facit glos. singularis in clemen. 2. de testibus. quæ vult quòd licet post didicita testimonia non producantur testes: tamen si sint producti, tenent. Pro hoc etiam adduco dictum singulare Innocent. in cap. cum Bertoldus. extra. de re iudic. in glos. sua, incipiente, Non quod post diffinitum. & Doct. in c. cum dilecta. extra. de rescript. vbi volunt quòd licet contra sententiã, quæ transiit in rem iudicatam, non debeant aliquæ probationes adduci: tamè si fuerint de facto adductæ, & receptæ, tenent, & prosunt. Vnde si ex eis appareat de iniustitia sententiæ, talis sententia licet transiuerit in rem iudicatam, rescinditur, quod tamen aliàs nunquam fieret, præsertim cum postquam sententia transiit in rem iudicatam, sit præsumptio iuris, & de iure, quòd valeat, & sit comperens, ut est text. singularis in c. cum inter vos. in fin. extra. de re iudic.

*Probatio-  
nes contra  
rem iudi-  
catam.*

*Expenses in  
fundi cultu-  
ra, an mala  
fidei posses-  
sor deduc-  
eat.*

Vnum finaliter nota pro expeditione, quòd licet malæ fidei possessor multum grauetur in talibus fructibus restituendis: tamen in alio releuatur, quia potest deducere ante restitutionem rei & fructuum, omnes expensas, quas fecit in fundi cultura. De hoc est text. singularis in l. fundus. secunda. in prin. ff. fam. heres. secunda.

*An etiam  
impen-  
sam pro cultu-  
ra rei.*

Nunquid autem deducet impensam factam pro custodia rei, ut puta, fundi? De hoc vide Bar. singulariter in l. cum quaereretur. §. prædictis. ff. de leg. tertio. vbi dicit quòd non, per illum text. sed tu vide contra eum text. expressum, & singularem in l. si à domino. §. si. ff. de petit. hæred. vbi expressè contrarium

patet. & istud voluit Ludouic. Roman. in suo singulari 360. incipiente, Malæ fidei possessor. vbi dicit se mirari, quòd tantus homo (sicut Bart.) in hoc errauerit, & idè istud nota pro singulari.

Decimus tertius effectus litis contestationis est, quia per eam quasi contrahitur. De hoc est glos. singularis in l. ij. §. si. in verbo, sed si lite contestata. ff. de Prætor. stipula. quam ibi notat Bar. & iste quasi contractus consistit in hoc, quia litem contestans videtur tacitè se obligare ipsi instantiæ iudicij, ut voluit Bar. in l. ij. §. idem scribit. ff. de peculio. & ibi subdit Bar. quòd per contestationem litis videtur tacitè actum ex illo quasi contractu, ut sententia possit ferri in absentem, quod tamen lite non contestata fieri non posset, de quo infra dicam latius. Item, ut post litem contestatam non possit fieri mutatio petitionis, quia per litis contestationem dicitur quidem contractus celebratus, & à contractu non est licitum discedere, l. sicut. C. de action. & obligat. l. j. & ij. C. quando liceat ab emptione discedere. Alexan. & alij in l. edita. C. de edend. & infra dicitur. Item in casu l. si conuenerit. ff. de iurisdictione omnium iudicum. post litem contestatam non admittitur pœnitentia, quia contractus aut quasi, in iudicio dicitur & celebratus & factus per litis contestationem. Iacobi in l. de ætate. §. qui interrogatus. ff. de interrog. actio.

Et adde huic effectui, quòd non solum per ipsam litis contestationem quasi contrahitur, sed etiam per ipsam sententiam. De hoc est text. (iuncta glo.) ita intelligendus in l. ij. §. idem scribit. ff. de peculio. de quo ibi Bart. Jatè. Et operatur iste quasi contractus, non ut videatur pars se obligare instantiæ, quia per sententiam iam finita est, ut habetur in l. terminato. C. de fruct. & lit. expen. sed operatur, ut pars condemnata videatur se obligare ex illo quasi contractu, ad standum ei quod in sententia continetur. Ita voluit ibi Bart. in prima col. pro quo adduco regulam volentem, Quod quicquid facit iudex, præsumitur à iure partim illud facere, ut de hoc est text. notandus in l. si ob causam. C. de euictionib.

Secundò facit regula alia volens quòd quilibet præsumatur velle suum animum iuri communi, & eius dispositioni confirmare, ut est text. in l. Gallus. §. idem credendum. ff. de liber. & posthum. & præsumitur condemnatum (se confirmando iuri communi) velle ex quodam quasi contractu se obligare ad adimplendum id, quod in iudicio erit & contentum, & diffinitum, & propterea dicitur quòd ex tali sententia (quasi ex quodam contractu) oritur quædam actio in factum, de qua habetur plenè in l. actori. C. de rebus cred. & scripsi abundanter in repet. l. quod iussit. in 2. not. ff. de re iudic.

Et ex istis vltimis verbis deciditur quæstio quæ proponi potuisset, scilicet, Nunquid actio quæ oritur per sententiam sit datiuæ, puta à lege, vel an sit natiuæ potius? Patet enim per supradictam illam esse natiuam, quia videtur oriri ex sententia, non tamen immediatè, sed ex quadam obligatione, quæ censetur, ex isto quasi contractu, facta per ipsam sententiam, tanquam per ipsam materiam: & ita breuiter decedit Bart. in d. §. idem scribit. præsertim cum (secundum eum) quando dari potest materia præcedens, ex qua actio possit nasci, semper præsumatur natiuæ, & non datiuæ, ut habetur in l. iuriscitium. post principium. ff. de pact. quod nota.

*Per litis co-  
testationem  
quasi con-  
trahitur.*

57

*Actio in fa-  
ctum quo-  
modo oria-  
tur ex sen-  
tentia.*

*De eadem  
re.*

Et



*Eiusdem  
confirmatio.*

Et ex quali consensu oriatur ipsa actio in factum, de hoc vide plenè Bart. in d. §. idem scribit. vbi conclusiue tenet notabiliterque, quòd oritur ex quodā consensu ficto à lege, quia lex fingit eum consentire sententiæ, qui tamen in rei veritate non consentit, tanquam in suum præiudicium: præsertim cum iudicium reddatur in inuitum, l. inter stipulantem. §. j. ff. de verbor. obligat. nec oritur ex tacito consensu, sicut aliqui voluerunt, quia in eo etiam non est propriè tacitus consensus, cum oriatur tacitus consensus ex tacita quadam voluntate: sed hîc nulla est etiam tacita voluntas, imò (vt suprâ dixi) nullo modo dicitur velle. Igitur aliudè oriri necesse est, ex fictione scilicet iuris, & ita debet intelligi, quòd dicitur de conditione indebiti, vt ille qui ea tenetur, non videatur obligari tacitè, imò potius inuitus, & sic ex quadam fictione iuris. Et idem penè in aliis quasi contractibus, vt dicantur potius nasci ex ficto consensu, à lege inducto, quàm ex tacito. Non obstat (secundum Bartol.) quòd dicatur induci fictus consensus per legem, quia etiam plus facit: nam fingit contractum interuenisse (qui tamen non interuenit) l. j. C. de rei vxo. act. §. j. quod nota.

*Sententia  
subimpossi-  
bili condi-  
tione lata,  
an valeat?*

*Responso se-  
cundū Doct.  
modernos.*

Et ex supradictis oritur incidenter singulare dubium, & menti tenendum, scilicet, an sententia lata sub conditione impossibili teneat, ita, quòd reiiciatur ipsa conditio, tanquam impossibilis, vel an vitiet ipsam sententiam?

Et in hoc multi Doctor. moderni in l. impossibilis. ff. de verborum obligat. tenuerunt eam non vitari, æquiparantes ipsam sententiā vltimæ voluntati, iuxta ea quæ sentit Bart. in l. centesimis. §. finali. ff. de verborum obligat. & per ea quæ notat in l. si mihi & tibi. §. si quis seruos. ff. de legat. primo. Cum ergo æquiparati videatur vltimæ voluntati, sicut conditio impossibilis in ea apposita non vitiat dispositionem illam in vltima voluntate, sed potius reiicitur, vt habetur in l. quæ sub cōditione. ff. de condit. insti. §. impossibilis. Instit. de hæred. institu. ergo idem in sententia dicendum erit.

*Resolutio  
per author-  
rem.*

Aduerte tamen, quia per supradicta teneo contrariam opinionem, scilicet, vt ipsa sententia vitietur ratione conditionis impossibilis in ea appositæ, per hanc rationem: nam cum in sententia fiat quidam quasi contractus. vt latè suprâ dictum est, & dispositio de contractibus regulariter extendatur ad quasi contractus, vt est bonus text. in l. apud Iulianum. §. fin. ff. ex quib. caus. in pos. eat. & sentit Bart. cum pulchra declaratione in d. §. idem scribit. 4. colum. ergo dicendum est, quòd sicut in contractibus impossibilis conditio vitiat ipsum cōtractum, d. l. impossibilis. ergo etiam in quasi contractibus, & sic in sententia debet ipsa conditio impossibilis vitare ipsam sententiam. Et ad id quod dictum est eam debere æquiparari vltimæ voluntati: imò dic debere comparari potius contractibus per supradicta, item quia sententia est stricti iuris, vt volunt Doctor. in l. quicquid adstringendæ. ff. de verbor. obligat.

*Sententia  
in rebus  
lata con-  
tra iurum  
an sit  
iniqua de-  
beat.*

Et quòd sententia debeat dici stricti iuris, de hoc est tex. notabilis in l. prima. C. si plures vna sententia condemnata sunt. Cum ergo sit stricti iuris, debet potius insequi naturam cōtractuum stricti iuris, quàm vltimæ voluntatis, cum ipsa vltima voluntas reguletur secundum contractus bonæ fidei, vt est text. in l. in minorum. C. in quib. caus. in integrum restitut.

non est necessar. sed conditio impossibilis, in contractibus bonæ fidei non vitiat actum, vt est casus singularis in l. insulam. §. in operis. ff. locat. Igitur in sententia apposita conditio impossibilis eam vitabit, vt contractus stricti iuris vitare solet.

Et pro hac opinione allego text. subtilem in l. j. §. biduum. ff. quando appellan. sit. vbi dicit text. quòd sententiæ non debent ferri sub conditione. Deinde ille text. vltra procedit, seipsum tacitè limitans, in conditione possibili, quia per hoc non vitatur sententia, ergo cum tantummodò ponat vnum casum exceptum à regula, videtur tacitè inferri quòd in aliis conditionibus vitietur, per regulam, Quòd qui vnum permittit, de aliis videtur negare, vt est text. in l. maritus. C. de Procur. bonus text. in l. cum Prætor. ff. de ienic. Item quia casus omissus continetur sub dispositione iuris communis, vt est text. l. commodissimè. ff. de liber. & posthum. Item facit, quia exceptio fit. mat regulam, in casibus non exceptuatis, vt est text. notandus in l. nam quod liquidæ. §. fin. ff. de penu leg. cum similibus.

Et si dicatur, ibi text. loquitur simpliciter de conditione, ergo debet intelligi simpliciter, & generaliter, iuxta l. de pretio. ff. de publicia. Ad istud dic quòd licet ibi text. loquatur simpliciter de cōditione, tamen quia materia illius legis, siue §. non potest se extendere præterquam ad conditionem possibilem: idè debet de ea intelligi, quia verba debent intelligi secundum materiam subiectam, iuxta §. singulorum. Instit. de rerum diuis. cum similibus.

Adde dictum Bald. l. fin. C. ad Maced. vbi voluit quòd si filio mercatoris cōcedatur, vt possit accipere mutuò pecunias, intelligitur tantummodò respectu mercantis & habito respectu ad materiā subiectam.

Et quòd materia subiecta illius §. illud requirat, probo, quia ibi text. proponit dubitando quando sententia est lata sub conditione, nunquid tempus appellandi incipiat à rēpore latæ sententiæ, vel à tempore quo conditio purificabitur, & sentit de conditione possibili, cum frustra dubitaret de illa impossibili, vt clarum est, cum illa non purificatur per cursum temporis, sed aut vitiat immediatè, aut vitatur, iuxta ea quæ notantur in d. l. impossibilis. de verborum obligat. & hunc text. ita subtiliter ponderat Franciscus de Are. in d. l. impossibilis. per quem sequitur hanc opinionem pro veriori.

Pro hac etiam parte adduco text. expressum (qui videtur clarè decidere hanc quæstionem) in l. penul. & fin. ff. quæ sententiæ sine appellatione rescin. vbi expressè sentit text. maximè in l. fin. quòd illa sententia, cui per rerum naturam pareri non potest, est ipso iure nulla, tanquam impossibilis, & sic ipsa impossibilitas vitiat illam sententiam.

Confirmo etiam hanc opinionem per rationem sequentem: nam facilius rescinditur sententia, quàm ipse contractus, etiam qui est stricti iuris, vt hoc probabo: ergo si contractus tales vitantur ratione conditionis impossibilis, multò magis ipsa sententia. Antecedens illud probo, quòd in contractibus tacitè promissio referatur secundum interrogationem, nec est opus reiteratione, vt patet in §. prætereà. Instit. de inutil. stipulat. & in l. Titia. §. primo. ff. de verborum obligat. sed secus est in sententia, quia etiam subaudiatio vnius verbi (quod secundum verum sensum deberet suppleri) non suppletur, sed debet expressè exprimi,

*Cōfirmatio  
opinionis  
authoris.*

*Oppositio.*

*Responso:*

*De eodem.*

*Eiusdē de-  
claratio.*

*Amplior  
opinionis  
authoris  
corroboratio.*

*De eadem  
re.*



exprimi, vt probo per text. in l. Præses. C. de sententiis. iunctis his quæ ibi notat Bart. volens, quod si iudex in sententia sua dixerit, *Titium absoluo, & in expensis victum victori*, non subintelligitur istud verbum, *Condemnamus*: ergo per hæc probatur, sententiam sub conditione impossibili, debere dici nullam argumentando à fortiori.

Adde tamen quod ista opinio Bart. in d. l. Præses. non tenetur, per eundem in l. prima. §. si. ff. de hæred. institut. imò ibi tenuit contrarium. & in rei veritate videtur eius posterior opinio melior, sed pro concordantia illarum dicendum est, quod dictum suum in l. Præses. verum est inspecto legis rigore, sed dictum in d. l. j. §. fin. procedit inspecta æquitate, quod nota.

Decimus quartus effectus contestationis litis est, quia per eam sententia potest etiam in absentem ferri, quæ tamen aliàs non esset ferenda. De hoc est text. in l. properandum. §. j. & ij. C. de iudic. vbi vnum probatur expressè, scilicet quod per contestationem litis potest ferri sententia in absentem. Secundum probatur tacitè, & à contrario sensu, quod ante litis contestationem non debet sententia diffinitiva ferri.

Et ratio huius effectus est, quia per illam contestationem litis videtur ipsæ partes quasi contrahere, & se ita obligare, vt possit talis sententia ferri etiam in absentem, ita sentit Bart. in l. iij. §. idem scribit. ff. de peculio.

Limita tamen hunc effectum non posse procedere in causis criminalibus, quia etiam post litis contestationem requiritur præsentia ipsius partis. De hoc est text. notabilis in l. absentem. ff. de poenis.

Et ratio esse potest, quia hîc tractatur de grandi præiudicio: idèo cautiùs agendum est, iuxta tex. in c. vbi periculum. de elect. in 6. & in l. ne causas quæ. C. de appellat. & propterea voluit tex. in l. fin. C. de probatio. quod in talibus causis criminalibus debet fieri clàm probatio & indubitata, eò quod in ea tractetur de grandi præiudicio.

Adde aliam rationem specialitatis, scilicet, quia cum regulariter in causis criminalibus non possit, nec debeat interuenire Procurator, l. penul. §. ad crimen. ff. de public. iudic. idèo non est mirandum, si non ita durè procedatur sicut in causa ciuili, in qua semper potest interuenire Procurator, & sic est quædam negligentia crassa, quæ debet sibi tunc imputari: quæ tamen non potest in causa criminali imputari, quia ipse non constituit Procuratorem, cum non possit, quod non est in causa ciuili, & ita sentit text. in d. l. properandum. in §. & si quidem. in versic. neque per se, neque Procuratorem instructus, &c.

Limita tamen, hanc limitationem non procedere in causa criminali, existente infra poenam relegationis, quia tunc sententia in tali causa criminali ferri potest, etiam in absentem lite contestata. De hoc est text. notabilis in d. l. absente. in versic. quid igitur est? ff. de poen. vbi dicit in tali causa criminali posse procedi more iudiciorum ciuiliū, & sic præcedens dictum procedit quando talis causa criminalis erat supra relegationem.

Ratio huius limitationis est prior, quia non tractatur hîc de tam graui præiudicio, sicut in casu præcedenti, idèo non idem dici debet.

Posterior ratio potest esse, quia in hoc casu potest dari Procurator, vt habetur in l. seruum quoque. §. publicè. ff. de Procur. & voluit glo. in d. §. ad crimen.

& ibi Bart. vbi notatur quod in casibus, in quibus potest in causa criminali sententia ferri in absentem, in eis potest Procurator interuenire, sed in hac (vt dictum est) potest sententia talis ferri in absentem. Igitur, & cum possit sibi maior contumacia imputari, debet faciliùs condemnari, per supradicta.

Et per ista habetur pulchra limitatio ad d. §. ad crimen. qui quidè §. incidenter fallit in vno casu singulari, scilicet vbi produceretur Procurator postquam esset cõclusum in causa, etiam criminali: nam tunc in ea potest admitti. Casus est singularis & ibi glos. notanda in l. quamuis. j. C. de adulter.

Adde etiam in hoc vnum singulare, quod licet regulariter non debeat admitti Procurator, in tali causa criminali: tamen si fuerit admissus, gesta per eum tenet. De hoc est glos. singularis in c. j. de iudic. in 6. in verbo, criminalis.

Adde etiam in hac regula vnum singulare, quod licet Procurator in tali causa criminali non debeat interuenire: tamen potest se aliquis piè intromittere ad instruendum & informandum iudicem, de ipsius accusati innocentia. pro hoc est text. singularis in argumentum in l. si. §. si. ff. ad legem Iuliam. de annon. vbi mulier (licet non possit interuenire in accusatione de committente contra leg. Iuliam. de annon.) tamen vbi vult instruere iudicem de aliquo circa eiusdem annonæ vtilitatem, debet eam audire iudex. pro quo facit text. singularis in l. iij. in verbo, & hoc iudicare. ff. de lib. caus. facit etiam bonus textus in l. si non defendantur. ff. de poenis. vbi etiam potest iudex de innocentia illorum, qui non habent Procuratorem, vel defensorem, inquirere, & istud vult Bar. in d. §. ad crimen. in 4. col. cuius ratio esse potest, quia in his, quæ concernunt piam causam, potest iudex suum officium impertiri non petenti, vt habetur in l. nec quicquam. ff. de offic. Proconsul. quod nota ad limitationem eorum quæ habentur in l. iij. §. hoc autem iudicium. ff. de dam. infect. vbi notatur quod officium iudicis non datur nisi petenti, quod nota.

Limita secundò istud non procedere in casu singulari l. lege Cornelia. ff. de sicar. §. & qui hoc crimine. vbi contra facientes spadones potest ferri sententia diffinitiva, licet sint absentes, & illum casum ibi notat Bar. quod istud potest esse propter enormitatem ipsius criminis, vt per eam recedamus à regulis iuris: nec enim est dubium istos grauiter delinquere, qui sunt quodammodo inimici naturæ, quia per eos genus humanum diminuitur, quod iura nostra multum abhorrent, imò semper nituntur consulere proli & generationi, vt patet in l. j. ff. solut. matrimo. vbi infinita priuilegia dantur mulieribus circa doctes earum. Et propterea voluit bonus tex. aureus in l. cum ratio. in §. fauorabilem. ff. de bonis damnato. quod multò fauorabilior est apud rempublicam causa ipsorum liberorum, quàm pecuniæ, quæ tamen pecunia est tantæ vtilitatis, vt dicatur vita nostra, vt sentit glo. singul. in l. Aduocati. C. de Aduoc. diuerso. iudicio. & propterea voluit tex. iuncta etiam glos. in l. prima. ff. de contrahen. empt. quod pecunia est inuetera, vt subueniatur necessitatibus hominum. Idem voluit glos. in l. fin. ff. quæ sententiæ sine appel. rescind. vnde voluit Bal. in l. receptitia. C. de constit. pecu. per vnum aureum dictum, quod pecunia siue nummus censetur fideiussor nostræ necessitatis. Et sic licet per ista videre pecuniā apud Rempublicam esse

Procurator  
in causa cri-  
minali.

De eodem.

Index po-  
test ab ali-  
quo, etiam  
non Procu-  
ratore, in-  
formari.

Index po-  
test inqui-  
rere de in-  
nocentia nō  
habentium  
Procura-  
torem.

Sententia  
contra fa-  
cientes spa-  
dones.

Liberorum  
fauid.

Sententia in  
absentē fer-  
ri potest à  
tempore li-  
tis cōtesta-  
tionis.

Restrictio  
præcedens.

Eiusdem  
assignata  
ratio.

Rursus alia  
eiusdem.

62

Sententia  
in causa cri-  
minali quā-  
do in absen-  
tem ferri  
possit.

64



esse in tantum necessariā, vt ea commodè carere non possimus: tamen ipsa proles est multò fauorabilior, vnde non est mirandum, si talis tam enormiter, & contra pietatem delinquens, puniatur contra regulas iuris nostri. Præsertim cum etiam fauore proles, sententia (quæ debet immediatè executioni demandari, iuxta l. cum reis. C. de pœn.) in tempus commodum differatur, vt patet ex l. prægnantis. ff. de pœn. & pro his etiam facit tex. solemniss in l. prima. ff. de ventre in possess. mittendo, ibi, quia fauorabilior, quòd maior fauor attribui debeat partui, vt debitè generetur, quàm ipsi puero iam nato, & illud est propter fauorem liberorum procreandorum, & pro his faciunt quæ notantur in titulo de infant. expos. C. & in Decretalibus. vbi vide.

Tertiò, limita prædictam limitationem non procedere, in casu singulari l. ne diu. C. de pœn. vbi potest ferri sententia, in causa criminali contra apparitores siue nuntios etiā absentes, & istud est in odium ipsorum, vt ibi expressè vult text. qui se fundat propter duo. Primò, propter perfidiam eorum, quia cum iurauerint licitè eorum officium exercere, veniunt contra: idè sunt tam durè tamque acerbè puniendi: præsertim cum hoc faciendo reddant causas delusorias, & sententiam iudicis quasi irritoriam, quod est valde graue, vt est text. in l. ij. circa finem. C. de sportulis. & est ibi glos. quæ vocat executores, siue apparitores, vel nuntios publicos, malè se habentes, pessimos. Fundat etiam se tex. in illa l. ne diu. ratione venalitat, quia propter pecuniam solent omittere executionem sententiæ: idè propter istud non mirum est, si contra eos inductum sit, vt sententia contra eos, etiam absentes, possit ferri maximè, quia delictum factum spe quæstus, & pecuniæ, grauius reputatur, quàm factum sine ipsa pecunia, vt est tex. solemniss in l. Cicero. ff. de pœn. vbi grauius punitur mulier, quæ suum partum suffocat propter pecuniam, quàm si illud sine pecunia faceret. Pro quo etiam facit tex. in l. mariti. §. plectitur. ff. de adulter. vbi remittens stuprum propter pecuniam sibi datam, punitur, qui tamen aliàs, gratis remittendo, non puniretur.

Et propterea voluit tex. in l. miles. §. primo. ff. de adulter. vbi sunt pulchra verba tex. quæ volunt verècundum esse alicui & turpissimo exemplo, relinquere suam iniuriam, factam familiæ, inultam, prætextu lucri pecuniarij, vnde etiam voluit optimus tex. in l. Iulianus. ff. si quis omis. caus. testa. vbi sunt verba aurea, dicentia, illum non carere doli suspicionem, qui honore proprio omisso, sequitur compendium & lucrum pecuniarium, putà hereditatem, & alia id genus. Et pro istis etiam facit bonus rex. in l. venales. C. quæ sententiæ sine appellatione rescind. quòd sententia lata per pecuniam sit ipso iure nulla, quæ tamè aliàs lata aliquo modo fauorabili, vt putà precibus, teneret ipso iure, licèt posset rescindi, per ea quæ notantur in l. seruo inuito. §. cum Prætor. ff. ad Trebellian. pro hoc etiam facit quod sentit Bar. in l. non solum. §. si mandato ff. de iniur. in 4. col. vbi vult homicidium factum per pecuniā grauius esse, quàm aliud, & idem voluit in d. l. Cicero. Faciunt etiam quæ habentur in titulo l. Iulian. de ambitu repetundarum. l. Iulian. de annon. & similibus. & quod habetur per Canonistas in titulo extra. de symo. vbi vide. Non est ergo mirandum, si puniatur ille appa-

ritor in tantum, vt possit etiam in sua absentia legitime condemnari.

Sed nouiter (Deo authore) dari potest vna ratio specialitatis, propter quam talis nuntius potest condemnari, propter delictum commissum in suo officio, etiam in eius absentia, licèt aliàs istud de iure nullo modo reperiatur regulariter permissum.

Et est ista. Nam cum delicta istorum nuntiorum publicorum, siue apparitorum consistant in contemnendo sententias ipsorum iudicum, quas ipsi nolunt executioni, pro modo officij eorum, demandare, & sic semper reddere conantur sententias iudicis illusorias, vt sentit tex. in d. l. ij. C. de sportulis. meritò iura voluerunt, & ipse Imperator in d. l. ne diu. quod cum tales apparitores videantur reprobare & impugnare formam iudicij, & ordinem requisitum in ipsa sententia, sine sententiæ executione, nolendo sententiam executioni reddere, quæ fuit iustè & rectè lata, meritò etiam forma requisita, siue ea quæ necessariò requiruntur, pro sententia validanda, non debent circa eos de necessitate interuenire, cum ex eo quod quis impugnat, nullum debeat sequi commodum, l. Papinianus. §. meminisse. ff. de inoffic. testam. & per istud non est mirandum, si sententia quæ regulariter debet inter præsentis ferri, & non contra absentes, in hoc casu non procedat, pro quo adduco aliud. Nam, frangenti fidem, debet fides ipsa etiam eidem frangi, vt habetur in l. cum proponas. C. de pact. sed iste apparitor videtur fregisse fidem iudicibus, in quantum ipse promississe videtur in susceptione sui officij, se sententias iustas executioni missurum, nec se eas tanquam illusorias reputaturum. Cum ergo fidem frangit, tali iudici, circa suas sententias, potuit etiam in talibus sententiis ei fidem, à lege datam, non obseruare: præsertim cum in eo, in quo quis deliquit, sit puniendus, vt alibi superius dixi, & istud nota pro nouo.

Et circa hos apparitores, siue nuntios iudicum, adde hîc vnum verbum singulare, quòd si nuntius alicuius iudicis citet aliquem sine mandato, tenetur criminaliter lege Corn. de fal.

Item cum hoc tenetur etiam actione in factum, ad interesse ipsius citati. de quo est tex. singularis in l. qui nomine. ff. ad leg. Cornel. de fal. vbi illud notat Bar. & est menti tenendum, quia quotidianum.

Adde secundò contra hos nuntios, id quod vult glos. non vulgaris in l. j. ff. de concussione. quæ sentit quòd isti apparitores, qui fingunt aliquando se habere mādaturum, de capiendò certum hominē, quam capturam meticulosi illi timentes aliquid dant ipsis nuntiis ne capiantur, illi nuntij & apparitores tenentur crimine concussione, vt ibi vult glos. expressè arguens contra nuntios alicuius communitatis. Et sic puniuntur pœna, de qua in d. l. ij. quod nota, quia hodie istud multū frequentatur, & de hoc dicto sing. meminit Ang. de Are. in §. quadrupli. in §. col. Instit. de actio. & ibi glos. vult contra illos posse agi ad quadruplum, si plus debito exegerint ratione solutionis sportularum.

Adde tertiò, quòd ad hoc vt quis possit exercere officium nuntij publici, requiritur illū esse iuratum, vt voluit Ang. in d. §. quadrupli. allegans glo. c. cum parati. extra. de appella. in verbo, suus nuntius. quæ etiam vult quòd tali nuntio iurato credatur de citationibus per eum factis, & quod debeat iurare, de hoc

*Sententia propter prolem prorogata.*

*Sententia contra absentes apparitores in causa criminali.*

65

*Stuprum propter pecuniam remissum.*

*Honorem proprium postponens propter pecuniam.*

66

*Ratio, cur sententia contra apparitores absentes valeant.*

*Apparitor nō exequens sententiā, frangit fidem iudicibus.*

*Apparitor aliquē sine mandato citans.*

*Apparitores quando crimine concussione teneantur.*

*Nuntius publicus debet esse iuratus.*

67



hoc est bonus tex. in l. hac edictali. §. his illud. C. de secund. nupt.

*Nuntius nō miratus, ab omnibus ut idoneus reputatus.*  
Aduerte tamen circa istud vltimum, quod etsi iste non iurasset, si tamen reputabatur ab omnibus, tanquam idoneus, & recte cōstitutus, tunc idem est, nec gesta per eum cassantur. ita voluit Ang. in d. §. quadrupli. allegans l. Barbarius. ff. de offi. Prætor. vbi notatur quod communis error facit ius, & pro eo faciunt ea quæ notantur in l. prima. C. de testa.

*Amplior eiusdē declaratio.*  
Consydera tamē circa istud dictum, quia non videtur verum, saltem meo iudicio. Et istud dico fretus autoritate non modica tex. singularis, quem ad hoc ibi notat Bart. in l. actuarios. C. de numer. & actua. lib. 12. vbi elicitur talis regula aurea, & menti tenenda, quod vbi quis reputatur pro publico Officiali ab omnibus, qui tamen non est, in rei veritate, quia ad hoc non fuit ordine & forma requisita cōstitutus, tunc gesta per eum sunt nulla, & cum hoc punitur talis fictus Officialis. Vnde ibi voluit Bart. quod si aliquis reputetur tabellio, qui nō sit, propter defectum solennitatis, vel aliquis iudex, qui illa de causa non sit, & sic de similibus, tunc gesta per eos sunt ipso iure nulla, sic ergo in casu nostro, cum præsupponat Ang. necessarium esse iuramentum pro forma ipsius actus, & cōstitutionis apparitorum, dicendum est quod si tale iuramentum non interueniat, licet reputatus fuerit pro publico nuntio ab omnibus, tamen videtur per supradicta, ea quæ sunt per eum gesta, nulla esse, & non solum nulla, sed etiam poterit ille puniri, vt patet ex supradictis, quod reipub. imposuerit. cogita.

*Responso ad d. l. Barbarius.*  
Restat respondere ad l. Barbarius. in qua se fundat dominus Ang. de Are. quia regula illius legis, quæ sentit, quod gesta per illum, qui communi hominū errore existimatur competēs in suo officio, licet postea appareat de eius incompetētia, tamen non cassantur, & id procedit, quando talis nō erat idoneus, in rei veritate, ad suscipiendum tale officium ex defectu suæ personæ, puta, quando erat seruus, tamen interuenit solēnitas requisita ad electionem talis officialis, vel iudicis, & ita est intelligēda d. l. Barbarius. quæ videtur (vt patet) non valde prodesse ad cōstitutionem Ang. secus autem esset, si ille reputabatur idoneus & competens, non tamen fuerat ad officiū legitimē, & seruata forma cōstitutus: nam tunc gesta per eum nullo modo valent, sicut in casu nostro. & ita intelligitur dicta l. actuarios. in qua ibi Bart. ita pulchre distinguit, & nota istā declarationem, quando quidem multi errant & temere allucinantur, se fundantes in dicta l. Barbarius.

*Nuntius cre dēdū circa commissā eis.*  
Vltimō circa hos nuntios, videte id quod dicit Bart. in l. prima §. cura carnis. ff. de offi. Præfect. vrb. vbi notat, quod creditur ipsis nuntiis tantum circa ea, quæ spectant ad eorum officium, non autem circa alia eis non commissā: subiiciens tamen, quod si talis nuntius referret alium commississe certum homicidium, licet sibi non crederetur, tamē sua relatio operaretur, vt iudex posset, de illo delicto, procedere per viam inquisitionis, vide ibi.

*Nuntius relatio, extra eius officium.*  
Et circa alios nuntios priuatarum personarum, vide id quod vult gloss. singularis in l. multum inter est. C. si quis alt. vel sibi. quæ vult nuntium haberi quodammodo pro pica.

Et propterea voluit tex. in l. si quis Titio. ff. de le-

ga. 2. quod nuntij, siue ministri nullum debent consequi commodum, vt vult ille tex. & per eum Bart. ibi, quod nota.

Et circa hos nuntios nota incidenter quod poena inflicta alicui ingredienti aliquem locum, non intelligitur, si fiat ingressus per nuntium, istud est dictum singulare Bal. in authen. habita. in 4. col. C. ne filius pro patre. allegans de hoc text. quem dicit singularem in l. quod sæpe. §. si quis amico. ff. de contrahen. emp. vbi vult tex. quod si alicui aliquis mandauerit, vt seruum fugitiuum quærat, & eo inuento vendat, tunc per illam venditionem non tenetur mandans lege Fabia, de plagiariis, quasi ipse viderit seruum in fuga cōstitutum, nec etiam ipse nuntius, quia præsentem viderit, & sic illum tex. notat Bal. ad hoc singularem.

Consydera tamen nouiter, quia de hoc dicto Bald. multum dubito, cum videatur tex. expressus in contrarium in l. prima. §. deiecit. ff. de vi & vi armata. vbi ille dicitur deiecit quē de fundo suo, qui mandauit alicui vt deficeret, & sic videtur ingredi talis mandans, cum ipsa deiectio non fiat nisi causa ingressus, & talis mandatarius cum ingrediatur deiciendo alium, videtur ipse mandans ingredi, & per istud videtur dictum Bald. non sustentabile, & confundi posse.

Secundō per hoc facit dictum Bar. in l. quemadmodum. C. de agrico. & censu. lib. 11. vbi statutum puniens facientem homicidium, extenditur secundum eum, ad fieri faciētem. Pro hoc adduco tex. singularem & expressum in c. mulieres. ext. de sent. excom. vbi ille dicitur verē committere delictum, qui committit per tertiam personam, vt ibi expressē tex. in fin. dicit.

Et pro his adduco tex. in iure ciuili singularem, & non vulgatum, in l. certē si interim. §. primo. ff. de preca. vbi expressē patet, quod ille qui per alium aliquid facit, videtur ipse facere, cum dicit ibi solennis tex. quod si aliquis me mandante rogauit precario, ego proximē & verē dicor habere rē precario, tanquam ex persona mea, & contra istud dictum Bald. multa alia possent induci, & inter cetera tex. in l. quoniam multa. C. ad l. Iuliam. de vi publi. cum aliis similibus.

Saluando tamen dictum Bald. posset nouiter declarari suum dictum in d. authen. habita. vt procedat tantummodō in suo casu, in quo sentit illud dictum allegare, scilicet in casu, quo statutum fuisset, quod quicumque intrauerit certum territorium, vel res suas in id intromiserit, possit ipse & res eius detineri: nam fateor quod si aliquis alium mitteret, tunc ille mandans non ligaretur, tanquam intrans tale territorium, argumento d. §. si quis amico. & ita crederem intellexisse Bald. Et ratio illius casus est, quia videtur tale statutum requirere personalitatem facientis, vt probō, cum dicit quod possit, modō clarum est quod talis qui illuc misit, non potest detineri in illa ciuitate, cum in ea nunquam fuerit à tēpore prohibitionis. Igitur dicendum est, quod cui non conueniunt verba legis, vel statuti, nec debet etiam conuenire ei mens legis & statuti, iuxta l. non aliter. ff. de legat. 3. & quod habetur in l. lege Iulia. ff. de rit. nupt. vbi patet quod illud, quod non est sub ratione legis, non censetur sub eius dispositione, sed

P. Rebuffi Lectura.

Tt

*Mandans aliquid cui quā vende-re an ipse met vde-re censetur.*

*Obiectio cōtra dictum Baldi.*

*Eiusdē cōfirmatio.*

68

69

*Baldi opinio de mandante aliquid alicui, nouiter declarata.*

*Statutum requirēs personalitatem faciētis, nō intelligitur de mandante.*



ratio huius statuti fundatur propter temeritatē ipsius ingredientis, vt sentit ibi Bal. Ergo dicendum est non debere idem dici in mandante, cum in eo nulla reperiatur temeritas, vt patet. Igitur Baldus hac ratione saluari poterit.

*Eiusdē corroboratio per auctoritatem.*

Quam quidem suprà dictā rationem cōfirmo per regulam singularem in simili, volentem, quod statutum puniens vnum delictum, & præsупponēs aliud, non includit illum in quo non verificatur tale delictum præsупpositū. Istud vult gl. vnica in iure, in l. mancipia. C. de ser. fugit. in verbo, aduocandū. quam ibi ad hoc commendat Bar. Exemplum est istud, Si statutum dicit, quod perturbans aliquem in possessione, puniatur poena ceterum, & restituat possessionē: punit enim turbantē, & præsупponit aliud delictū, scilicet possessionem ipsam ablatam: si ergo aliquis turber alterius possessionem, non tamen eam ab eo auferendo, non tenetur poena statuti. Ita ergo, quasi idem in casu prædicti statuti, de quo per Bal. in d. auctoritica. cum tale statutum, præsупponat ingressum principalem, tunc non verificatur statutum in casu, in quo non reperitur talis personalitas præsупposita, quod nota, quia singulare & non vulgatum.

*Personalitas quando & in quibus requiratur.*

Et sic, cum per supradicta pateat, quod requiratur personalitas in adimplēdo verba statuti, inferitur non comprehendi fieri faciētem, vt sentit gl. sing. in cle. j. in verbo, publicē. de vita & hone. cler. quæ vult clericos puniri, si exerceant publicē opera in mercātiis seculares, cum tamen illud faciant per seipsos: secus si per alios, secundum illam gl. quia tex. requirit personalitatem, vt ibi patet in verbo, personaliter, & pro hoc etiam facit quod vult Bar. singulariter per illum tex. in l. iubemus. ij. C. de cro. milit. ann. lib. 12. vbi voluit quod soluere debentes stipendia militibus, debēt soluere propria manu, & non per Procuratorem: & e contra etiam stipendiarij debent per se, & non per substitutum recipere stipendia. Ita ponderat illum tex. ibi Bar. in verbo, manu sua. & in verbo, per suā. pro quo facit quod habetur in cap. 2. extra. de senten. excom. & in l. si quando. C. vnde vi.

*Amplior dicta a Baldus de declaratione.*

Nec etiam textus, in quo se fundabat Bal. probat illum regulam generaliter, sed tantum modō procedit in suo casu, scilicet quando aliquis mandauit ceterum seruū perquirendum, quo perquisito & adinuento, vt vendatur: nam ideō ille non incidit in legē Fabiam, de plag. quia talis l. requirit expressē, vt vendat illum, qui est in fuga constitutus, vt patet in l. in fuga. C. de plagiar. sed iste amplius non est in fuga, cum sit & deprehensus, & apprehensus: ideō nihil mirum, si non teneatur, & ita sentit pulcher text. in l. sciendum. ff. de plagiar.

*Obiectio contra prædicta.*

Nec obstat si mihi dicatur text. in dicto §. si quis amico, fundat se, mandantem ideō non teneri, quia non vendit, vt expressē ibi dicit text. neque amicus eius, quia non vendidit seruū fugitiuum, sed præsensem, & sentit ille tex. quod faciens per nuntium, non tenetur, quasi non faciens, & ita videtur probare contra supradicta.

*Solutio per auctorem.*

Tu nouiter solve, cum dicit ibi tex. quia non vendidit, supplendum esse, scilicet seruū tunc fugitiuum, & quod illius §. textus ita debeat intelligi, probo in simili casu, quia ita intelligitur tex. in dicta l. sciendum. cum expressē dicat quod ille qui mandauit seruū fugitiuum persequendū, & post demum distrahendū, non teneatur ex illa l. Fabia. de plag.

gia. quia dicit ibi tex. nec enim fugam vendidit. & dicit ibi gl. Idem seruū, tunc fugitiuum, non vendidit, & ita sentit tex. quia vnde videtur vendidisse, vendendo scilicet per alium? sed non videtur vendidisse seruū fugitiuum, & ita nullo modo videtur facere illa l. pro Bal. quia illa non se fundat in hoc quod mandans vendi, non videatur vendere, sed notat, quia non videtur eo reperto vendere fugitiuum, & potius faceret contra eum, præsertim cum habeam tex. expressum in l. j. §. fin. ff. de contrahend. emptio. quia vendere possum per nuntium, & est contra Bald. & ista nota tanquam nouissima. Deo gratias.

Tertiō limita principaliter præcedentem limitationem, quæ vult in causis criminalibus non posse ferri sententiam contra absentes, etiam lite contestata, vt non procedat in crimine læsæ maiestatis: nam in tali delicto quis potest absens condemnari. ita voluit Bar. in l. prima. ff. de requir. reis. & in l. lege. §. & qui hoc crimine tenentur. ff. de fizar. & de hoc est vnus text. expressus in extrauag. ad reprimendum. in verbo, perinde ac si præsentialiter. & ibi Bart. vbi vide.

Ratio autem specialitatis in hoc potest esse, propter enormitatem criminis: nam ea de causa licitum est recedere à regulis iuris communis, iuxta ea quæ habentur in §. sic itaque. Insti. de actio. in versi. planē odio furum. vbi, licet quis non possit agere ad dandam rem, cuius ipse est dominus: tamen illud potest facere odio furum, vt ibi dicitur. Et propterea voluit gl. singularis in l. ij. ff. arbor. furtim cæsa. quod licitū est, propter delicti enormitatem, aliquando tradere aliquem dilacerandum viuū bestiis. Vnde etiam aliquando propter enormitatem delicti reperitur, animalia bruta, quæ nullā iniuriam facere possunt, iuxta l. j. ff. si quadru. pau. fec. dic. puniri, & quodammodo ad mortem condemnari, vt de hoc est glo. peregrina in c. mulier. 15. q. 1. & pro glo. illius l. j. (quæ solet ad illud quotidie allegari) vide aliam glo. quæ videtur expressior in l. nemo. C. de malefic. & mathem. quæ vult consulentes aruspices, posse dentibus ferarum subici, & illud non est nisi propter delicti enormitatem. Pro istis facit quod habetur in l. capitalium. §. famulos. ff. de poen. vbi est bonus tex.

Aduerte tamen circa supradicta, in quantum dictum fuit, quod lite non contestata non potest perueniri ad diffinitiuam, vt istud non procedat in criminibus, in quibus est poena à relegatione infra: nā quoad supradicta, nempe sententiā posse ferri contra absentem post litis cōtestationem, dic, idem etiā esse ante litis contestationem, ita tenet glo. notanda in l. absentem. ff. de poen. & ibi Bar. eā sequitur, assignans rationē huius, quia in hac poena, multa remedia sunt prodita contra absentem. Primō, quia non fit missio in bonis ex primo decreto, vel secundo, sicut in ciuilibus. Item in criminalibus grauib. sunt prodita remedia annotationis bonorum, vt habetur in toto titulo de requir. reis. ff. & C. quæ remedia non habent locum in criminibus grauib., vt habetur in l. prima. ff. de requir. reis. Ideō fuit necessarium, ne ille remaneret impunitus, & ne sua absentia & contumacia sibi prodesset, vt posset ferri sententia etiam lite non contestata, contra eum, vt ibi Bar. ait.

Nec obstat secūdū Bar. ibi, illud quod habetur in d. l. absentē. vbi in talibus delictis proceditur more priua

*Absens quis eodem nari potest in crimine læsæ maiestatis.*

*A regulis iuris communis quādo recedere liceat.*

*Animalia bruta quādoque puniendi.*

*Diffinitiuā potest ferri in criminibus, etiam lite non contestata.*

*Remedia contra absentem, in poena.*

*Obiectio.*



*Eiusdem  
solutio.*

priuatorum iudiciorum : sed si est, quod in ciuilibus ante litis contestationem non potest sententia ferri in absentē, vt habetur in l. properandum. §. si autem. C. de iud. ergo idē hīc, & in casu isto, sed dic quod illud procedit quoad ea de quibus loquitur illa lex, scilicet quod sicut post litis cōtestationē potest ferri sententia in ciuilibus, ita & in criminalibus nō grauibus, non autem procedit similitudo quoad omnia, vt ibi Bar. ait, præsertim cū non sit eadem ratio, vt patet per supradicta: ergo diuersum ius statuendum erat, vt meritō statuitur.

*Amplior  
prædictorū  
elucidatio.*

72 Adde circa istud, quod nō solum in hoc casu præcedenti potest ferri sententia ante litis contestationē, sed etiā in quolibet casu, in quo reperitur in crimine capitali, posse ferri sententiam cōtra absentem, illud procedit etiam lite non contestata: ita voluit Bar. in extrauag. ad reprimendum. in verbo, lite contestata. Et ratio est, secundum ipsum, quia contumacia sua habet vim, & præsentiæ, & litis contestationis, vt ibi est tex. pro quo est etiam alius singularis in l. si cum. §. qui iniuriarum. in fin. ff. si quis caut. vbi ille per quē stat ne fiat litis contestatio, habetur (quantū ad eum) pro contestante, ratione suæ malitiæ. Et istud nota ad ampliationem duorum casuum præcedentium, in quibus potest ferri sententia in criminalibus, scilicet in odium apparitoris, & in crimine læsæ maiestatis, vt istud procedat, etiam lite non contestata, verē, sed bene fiētē, quod nota.

*Absens, o-  
riam nō cō-  
tatem, quan-  
do eodem-  
nari possit.*

In hac materia, nota perpetuū vnum dictum singulare, in quo potest ferri sententia in absentē, nullo modo contumacem, nec etiam citatū, & nulla facta litis cōtestatione, scilicet vbiq; iudex ex rei clara euidētia scit eū, qui si esset præsens, tamē non posset aliquo modo sententiæ suæ cōtradicare: putā, quādo re ipsa apparet probatio, super qua ferenda est sententia: nam tunc contra talem posset ferri sententia, licet sit absens, & non contumax, & sic ante contestationem litis. De hoc est vnus text. scribendus literis aureis, iuncto dicto Bar. ibi in l. ij. §. quod de frumentaria. ff. de administ. rer. ad ciuit. pertinent. per quem dicit ibi Bar. quod reuifores rationum communitalis possunt condemnare Officialē præteritum, etiam in eius absētia, esse debitorem communis, quod nota perpetuū.

Et per proximē dicta inferitur bona limitatio, ad ea quæ habentur in l. prolata. C. de sent. & interloc. vbi ad validitatem sententiæ requiritur citationem præcedere.

74

Quod in tantum verum est, vt etiam regulariter sententia Principis nō valeat sine citatione, vt est gl. sing. in l. si. C. de legib. in verbo, cominus. vt ista non procedant in casu, in quo nulla via posset condemnatus subterfugere, & sententiam euitare, vt in casu prædicto: nam tunc sententia potest ferri sine citatione, vt patet ex supradictis.

*Sententia  
sine citatio-  
ne valida.  
Citatio an  
in notorio  
necessaria?*

Istud tamen non videtur verum per gl. singularem in cap. ad nostram. 3. extra. de iureiur. in verbis, ordo iudicij obseruandus. cum similibus. quæ vult etiam in notorio debere interuenire citationem, licet aliquis ordo iuris non sit necessarius, vt ibi, sed ratio dictæ l. secundę fundatur in notorio. Igitur sententia contra talem absentem lata, rei iudicatæ authoritatem non obtinebat.

*De eadem  
re.*

Ad istud primo responde, illam gl. nō esse veram, præsertim cum tex. illius c. ad nostram. loquatur ge-

neraliter, item quia gl. est alia in contrarium in c. ab excommunicato. extra. de rescrip. & istud etiā voluit Innoc. in c. ex insinuatione. extra. de appell. vbi dicit quod in notoriis procedi potest parte non citata & absente, per quod dictum oritur pulchra declaratio in materia huius effectus, & pro hoc videtur tex. expressus in cap. bonæ memoriæ. extra. de elect. sed pro horum declaratione & concordia (ne videar manus meas in alienam segetem immittere) vide plenius quā alibi Dominū Anto. de Butrio, in repetitione c. vestra. extra. de cohabi. cler. & mulier. in declaratione 4. articuli, in versic. nunquid autem notorietas excuset à citatione? vbi latē.

Vel secundō dic, quod in illo §. quod de frumentaria. l. ij. ff. de administ. rer. ad ciuit. pertin. idē ibi non requiritur citatio, cō quod non erat solum simpliciter notoriū, sed erat tale, quod nullo modo poterat inficiari, & contra sententiam iudicis nihil potuisset opponi, quod potuisset impedire condemnationem, quod non est in alio notorio: potuisset enim aliquis, si fuisset citatus, proponere probationes & defensiones contra notorium. ita sentit dictus Anto. in dicto loco, & in discursu illius materiæ.

Et pro declaratione prædictorum est summopere aduertendum, quod in casibus in quibus potest sententia ferri contra absentem cōtumacem, requiritur quod fiat probatio de crimine, sicut si præsens esset, nec sola cōtumacia probat delictum. ita voluit Bar. in d. l. absentem. in 2. col. per tex. in d. l. properandum. §. j. & tex. in authen. qui semel. C. quomo. & quando iudex. in versic. veritate perquisita. pro quo facit tex. singularis in l. si idē. ff. de euct. vbi notatur quod sententia lata contra absentem, præsumitur potius lata propter suam contumaciā, quā quod habuerit malam causam. Et sic videtur ex his probari qualiter ipsa fuga à iudicio, non probat ipsum delictum: de hoc tamen quando probet, vel quando non, vide Bar. in l. admonendi. ff. de iureiur. melius per eundem in lege Cornelia. ff. ad Syllanian. & aliquid per Bar. & alios in l. in bonæ fidei. cum gl. ibi posita C. de reb. cred.

Et vltra ea quæ ibi notat Bart. in materia fugæ, seu absentie (quia materiæ huius effectus non incommodē istud adaptari potest) adde tres casus singulares, in quibus ratione fugæ, seu absentie affectatæ, nemo venit condemnandus, tanquam fuga ipsa faceret, vel plenam, vel semiplenam probationem: cū tamen nullam faciat, vt ex sequentibus clarē demonstrabitur.

Primus est, vbi quis aufugeret ratione alicuius partialitatis, seu factionis in ciuitate existentis, vel quia locus non esset securus, aut quia Officialis esset nimium crudelis, vel ex similibus causis: nam tunc talis fuga nullam suspicionem generat contra talem fugientem, & se temere absentantem, quia cū sit inculpatus de homicidio, vel alio crimine, ibique securē tamen habitare non possit, illa fuga non est sibi imputanda. argumento tex. in c. accedens. extra. vt lite nō contesta. vbi citatus non cogitur venire in locum sibi non tutum, & ita in terminis decidit Bal. singulariter in l. in bonæ fidei. in penult. columna. C. de reb. cred. allegat quod habetur in clemen. pastoralis. de re iudic. vbi citatus non adstringitur ad veniendum in locum vbi timet de mortis periculo: allegat etiam, quia semper in partem mitiorem est

*Responsio  
authoris ad  
obiectionē.*

*Probatio  
de crimine  
cōtra absen-  
tem contu-  
macem, nec-  
cessaria.*

75

*Fuga fugien-  
tem nō gra-  
uans.*

76

*Citatus nō  
cogitur ve-  
nire in locū  
vbi mortis  
periculum  
est.*



presumendum. per tex. in l. non omnes. §. à Barbaris. ff. de re milit. pro quo tex. est in l. sunt personæ. ff. de relig. l. interpretatione. ff. de pœn. c. estote. extra. de reg. iur. facit gl. singul. in iure, in l. itē Mela. ff. ad legē Aquil. in verbo, sed si plures. quæ vult quod si plures fuerint in rixa, in qua fuit tantummodò vnum vulnus datum, & nescitur quis dederit, omnes liberantur, nec tenentur de homicidio, & fit interpretatio in partem meliorem, quod nota perpetuò.

Pro hoc dicto Bal. facit id quod habetur in l. quid tamen si de pluribus. §. si intra diem. & §. sed si in aliquem locum. ff. de arbit. vbi licitum est arbitro non obtemperare, qui mandat partibus, vt conueniant in locum, non aptum ad sententiam ferendam, ipsis partibus, etiam si vna illarum partium eò veniret, vt ibi patet.

*Arbitro  
quado non  
obtempe-  
randum.*

Cōfirmatur etiam per tex. notabilem in c. quamuis. in verbo, inimicitia. & c. de cætero. extra. de sen-ten. excom. vbi patet quod licet præcisè Papa cogat incidentes in Canonem, si quis suadente. vt veniant ad sedē Apostolicā, aliās non habebunt absolutionē à sentētia excommunicationis, tamē excusantur propter inimicitias, quas habēt in loco sedis Apostolicæ. faciunt etiam quæ habentur in l. ij. ff. si quis caut.

*Eiusdem  
cōfirmatio.*

Et istud dictum Bald. cum suis confirmationibus audeo extendere, vt procedat etiam si inimicitia habuerit ortum culpā ipsius fugientis, vel nolētis comparere: nam tunc etiam dico illā fugam nullo modo contra eū probare, ideò nolētem cōparere excusari.

*Extensio  
eiusdem.*

Istud dico fretus primò diuino auxilio, secundò fretus autoritate gl. sing. iuncto tex. in c. statutum. §. cum verò. de refer. in 6. quæ probat hanc extensionem, cum dicit ibi tex. quod causa inter duos eiusdē diocesis extra eā diocesim tractari nō debet: deinde limitant illum text. nisi ille, putā actor, non audeat intrare diocesim, & subdit gl. ibi, putā, quia relegatus, & patet quod ideò ibi non poterat venire, quia erat in culpa ex parte ipsius, & tamen excusatur, quod nota perpetuò.

*Probatio  
extēnsionis.*

Secundò pro hac extensione adduco text. singul. iuncta ibi gl. in l. v. suras. C. de solut. vbi licet regulariter promittens soluere in certo loco, nō possit per actorem cogi alibi soluere, vt habetur in l. v. & toto tit. ff. de eo quod certo loco. & §. plus. Instit. de actio. tamen illud fallit per illum text. vbi actor aliqua de causa non potuisset venire ad locū destinatæ solutionis: nam tūc cogitur reus alibi soluere. & gl. ibi ponit exemplum, in relegato, vel bānito: nam cum non audeat venire in locū, à quo fuit bānitus, vel relegatus, iuxta notata in l. relegati. ff. de pœn. tunc debitor eorum cogitur eis soluere in loco alio tuto & securo, & sic patet quod ideò ei solui non poterat, quia fuerat in culpa, scilicet delinquendo, & tamen culpa sua ei non nocet: sic ergo in casu nostro dicendum est, vt inimicitia quæ prouenit culpā ipsius fugientis, vel comparere nolentis, sibi non obstat, neque noceat.

*Cōfirmatio  
extēnsionis.*

*De eadem  
re.*

*Filij tenen-  
tur patrem  
bannitum  
alere.*

Tertiò, pro hac extēnsione adduco id, quod voluit gl. sing. in auth. de nupt. §. j. col. 4. in verbo, alia necessaria. nam ibi voluit tex. quod cōtrahens nuptias incestas & nefandas, inter cætera puniatur exilio: & si habeat filios ex tali matrimonio, substantia eius ad eos transit, dū tamen nutrant patrem, quia (vt vult ibi pulchra litera) quāuis impius, & malus sit, semper tamen pater, & quærit super hoc glo. quomodo dantur sibi alimenta, cum sit bannitus? Respondet,

quod sunt ad eum mittenda: & sic non cogitur venire, cum non possit ex causa iusta, quia exul: licet illa causa sit ex culpa sua, tamen eum excusat, ergo idem in casu nostro.

Limita tamen istud de patre, quem filius tenetur alere, licet sit bānitus, vt nō procedat in vno solo casu singulari, scilicet in patre violatore pacis, qui fuit bānitus: nā eius filij non debent, nec possunt patrē talē alere: imò si faciāt, puniuntur in hoc, quia priuantur ipsa hæreditate paterna. De hoc est vnus tex. sing. in authen. de pace tenen. & eius viola. §. si quis alium. in vsibus feud. quem perpetuò tene menti.

*Secus de  
patre pacis  
violatore.*

Quartò adduco, quod voluit gl. notanda in l. ij. §. pen. in verbo, simili modo. ff. si quis caut. quæ voluit quod ille qui detinetur in vinculis ex iussu Præsidis, ratione sui delicti, non tenetur ex stipulatione de iudicio sisti, & tamen istud prouenerat sua culpa, vt clarè patet: ergo idē in casu nostro, & pro hoc facit tex. in l. ij. C. ex quib. cau. ma. quæ voluit quod detē-tus in vinculis iussu Præsidis, vel iudicis, si cōtra eum fuerit cōtinuatum in causa, debet restitui, quod nota.

Quintò pro hac extēnsione adduco: nā omnes tex. loquentes de excusatione orta ratione inimicitia, loquuntur generaliter, vt patet in d. cap. de cætero. & c. quamuis ext. de sen. excom. cum ergo loquantur generaliter, debent intelligi generaliter, iuxta tex. in l. de pretio. ff. de public. cum aliis similibus. maximè cum in vtroque sit eadem ratio, vt clarè patet. ergo idem ius debet statui, argumento l. illud. ff. ad legem Aquil. & tex. l. à Titio. ff. de verbor. oblig.

*Extēnsionis  
alia com-  
probatio.*

Sextò, pro hac extēnsione adduco id quod in simili sentit tex. sing. in c. veniens. extra. de sponsa. vbi quis potest ad fauorem suū allegare metū sibi factū, licet talis metus prouenerit culpā ipsius qui metū passus est, cū ibi vult tex. quod quis potest allegare ad impediendū matrimonium metum de facto illatum, ratione cuius tale matrimonium contraxit, licet talis metus prouenerit culpā ipsius metum passi: & metus procedens ex culpa sua, sibi non nocet: ergo idem dicendum est in casu nostro.

*Cōfirmatio  
eiusdem.*

79

80

Aduerte tamen singulariter ad istud vltimum, vt intelligatur in metu grauaminis facti (fortè iniusti) vt ibi patet ex litera illius c. secus autē esset in metu grauaminis iuris, quia talis metus proueniens culpā ipsius metum passi, nō potest per eum ad vtilitatem allegari. De hoc est tex. sing. in l. si mulier. in j. responso. ff. quod met. caus. vbi si liberta, quæ ratione ingratitudinis cōmissæ contra patronū timebat grauamē iuris, scilicet ne in seruitutē denuò redigeretur: & ratione illius metus aliquid dederit ipsi patrono, ne in seruitutē reuocaretur, nō potest se iuuare ex titulo quod met. caus. sed illud iuste & irreuocabiliter remanet apud patronū, & talis metus iuris, proueniens ex culpa ipsius qui metū patitur, nullo modo potest per ipsum patientem metum, ad eius fauorem allegari, quod nota perpetuò.

*De eadem  
re.*

81

Contra tamen hanc extensionem ita declaratam, inueni gl. singularem in c. vt debitus. in verbo, et si minus rationabili. extra. de appel. quæ vult expressè, quod ego non possum recusare iudicē pro suspecto, quādo talis suspicio prouenit ex culpa mea, & videtur supradicta vana & superflua: maximè quādo illā gl. sequitur ibi lo. And. cuius summa est autoritas: ideò videretur illa opinio sequenda, argum. tex. in l. Labeo. §. si. ff. de suppell. lega. vbi autoritas alicuius est in

*Oppositio  
contra ex-  
tensionem.*

82



est in magna consideratione, pro quo bene facit tex. in c. nisi essent. extra. de præben. præsertim eius quod in simili notauit pulchre Iacob. Britica. in l. vnica. C. qui pro sua iurisd. vbi loquens de Accursio glossatore iuris ciuilibus, dixit quod vbiunque aliquis Doctor etiam solus adhæret opinioni glossæ, semper cæsetur illa opinio communis, & per consequens sequenda, vt voluit tex. in l. j. circa medium. ff. de offi. Quæsto.

*Responsio  
per antho-  
rem.*

Non obstante tamē illa glossa, tu tene prædictam extensionem pro veriori, & ad illam glossam responde, post Anto. de Butrio, & Abbatem eum referentem in d. cap. vt debitus. dum ibi vult non esse curandum, vnde proueniat suspicio, dummodò aliàs iudex sit legitimæ parti suspectus, nec secundum eos videtur glossa sentire contrarium, sed tantummodò loquitur in casu istius capituli, scilicet quando talis pars, quæ remittebatur ad iudicem, à quo appellauerat sine causa, allegabat suspicionē iudicis, eò quod irrationabiliter prouocauerat, & timebat propterea ne iudex esset sibi infestus. Cū ergo illa causa non est sufficiens ad recusandum iudicem pro suspecto, quia nō præsumitur iudicem discretū ad iram prouocari ratione leui & malæ appellationis, igitur non obstat supradicta glossa.

*Alia rur-  
sus responsio  
ad opposi-  
tionē cōtra  
extensionē.*

Et per supradictam solutionem patet illam glossam non obstat quæque prædictæ extensioni, cum etiam voluerit Abbas in d. c. vt debitus. quod si habeat aliquis iudicem suspectum, eò quod appellauit iniquē, & malè ab eius sententia, si ratione illius appellationis iudex eum minatus fuerit, tunc potest ista pars allegare & recusare talem iudicem, tãquam suspectū, & talis causa suspicionis prouenerat principaliter, & ab origine ratione culpæ existentis in malè appellando à sententia iudicis, & istud est, quia illa causa est sufficiens ad suspicionem inducendam, quod nota perpetuò.

*Obiectio ex  
argumento  
Io. Andr.*

Nec obstat argumentum, in quo se fundabat Io. Andr. in d. c. vt debitus. vbi tacitè volebat gloss. illius c. esse veram, eò quod nemini debet sua culpa, vel dolus prodesse, in quantum allegabat tex. l. itaque. ff. de furt. vbi fur non potest actione furti agere, quia non debet suum crimen sibi patrocinari, pro quo bonus tex. in l. si ab hostibus. §. j. ff. solut. matri. vbi si debeat maritus per mortem suæ vxoris lucrari suam dotem, tunc eam interficiendo, non lucrabitur: imò perdet eam, quia dolus suus nulli debet esse lucrosus, vt etiam sentit tex. in c. aduersus. extra. de immunit. Eccl. & pro his facit quod notatur in l. siue hæreditaria. ff. de neg. gest. vbi notatur quod ex eo, ex quo quis debet poenā incurrere, nō debet consequi commodum, vbi licet gestor possit consequi æstimationem eorum quæ gessit, si ea consumpta sunt, tamen secus est, si sunt consumpta ex sua culpa, vt ibi.

*Responsio ad  
idem argu-  
mentum.*

Sed ad istud argumentū respōdeo, soluēdo, quod regula volēs neminem ex sua culpa debere cōsequi commodum, intelligatur quando talis culpa erat ordinata, vt loquuntur prædicta. Et hanc solutionem sentit gl. sing. in c. statutum. §. cum verò. in verbo, nō audens. iuncto tex. de rescript. in 6. cum ibi relegatus ratione sui delicti, consequatur cōmodum, vt possit conuenire reum, etiam in locum distantem ultra duas dietas à diocesi, quod tamen alteri non permitteretur. Et ratio est, quare illa culpa sibi prodest, eò quod non fuit principaliter ordinata ad consequendum illud commodum, vt clarè patet. Igitur & hæc

*Probatio e-  
iusdem so-  
lutionis ar-  
gumenti.*

eadem solutio potest probari, ex d. l. vsuras. cum gl. C. de solut. & ex omnibus aliis legibus suprà allegatis, pro cōfirmatione extensionis, quod nota perpetuò.

Vnde ex istis singulariter inferri potest, quod vbi ipsa inimicitia, propter quam pars aufugit, vel non audet venire in locum iudicij, fuisse principaliter ordinata, & facta occasione ipsius commodi (scilicet fugæ) consequendi, tunc quod illa fuga bene faceret aliqualem probationem cōtra fugientem, & pro hoc oritur singularis limitatio ad prædictā extensionem, pro qua adduco id quod in simili voluit Bal. singulariter in l. si quis testibus. in vlt. col. C. de testib. vbi decidit quod si debitor alicuius, qui nō poterat probari esse debitor, nisi per duos testes, videns se in proximum debere conueniri à suo creditore, tunc illos accusauerit crimine capitali, vel cum illis rixatus est, ita vt ex eo tempore fuerint effecti capitales inimici, tunc talis inimicitia non debet prodesse ipsi culposo, imò probata illa malitia poterunt tales contra eum testificari, quia tunc illa inimicitia fuit ordinata principaliter ad tale commodum consequendum. Idem ergo etiā in casu nostro potest dici, si in tempore, quo debebam conueniri, ego contraxi inimicitias capitales, propter quas ego postea aufugero, tunc talis fuga potest cōtra me facere aliqualem probationē, quod nota.

Et pro hac vltima declaratione, facit illud quod in simili notatur in §. item si quis in fraudem. Insti. de actio. & quod habetur toto titu. ff. quæ in frau. credi. & §. idemque iuris. Instit. quib. ex caus. ma. non licet. vbi ad hoc vt creditores possint reuocare alienationem factam per debitorem inter viuos, requiritur debitorem habuisse animum ordinatum regulariter ad defraudandū ipsos creditores, ita quod solus euentus non sufficeret, & ille animus defraudandi sibi nocet, vbi tamen nō noceret ipse euentus: sic ergo idem in casu nostro, ipse animus, & dolus existens in illo qui quærit inimicitias, plus sibi nocet, quàm ipsa sola inimicitia, quod est singulare, ideò notandum.

Et ratio diuersitatis inter hos duos casus esse potest: nā illū, qui causat inimicitias ad hūc finem, vt ex eis aliquod cōmodum consequatur, apparet esse in dolo, sed ille qui habet & causat inimicitias, nullo habito respectu, ad consequendū aliquod cōmodum, nō est in vero dolo, sed tantūmodò in culpa. Nō est ergo mirandū si ipse dolus debeat plus nocere, quàm ipsa culpa, cū sit grauius delictū, & ideò grauius puniendum, iuxta tex. l. in l. Cornelia. ff. ad l. Corn. de fidei. & per tex. in l. respiciendum. ff. de poen. & per tex. in c. nō afferamus. in fi. 24. q. 1. cum similibus, quod nota.

Et quod causans inimicitias nullo habito respectu ad aliquod cōmodum, dicatur solū in culpa, & nō in dolo, probō subtili quadā ratione: nā talis inimicus effectus est, aut propter rixā, aut propter verbera, vel aliā ob causam, & potuit forsitā ille habere iustā causam pugnandi: imò etiā si ad minus habuisset causam aliquam, licet iniustā, tamen adhuc debet excusari à dolo, per id quod voluit gl. sing. in l. plagij. C. ad l. Fabiā. de plagia. quæ vult quod quælibet causa, etiā iniusta, excuset quæ à dolo. idem gl. & Doct. in l. j. ff. de abig. pro quo est bonus tex. in l. igitur. ff. de lib. causa. facit etiā gl. sing. in l. vnica. §. si. ff. si quis ius dic. nō obtem. quæ sentit quod quælibet causa, etiā iniusta, excusat quem à contumacia, igitur & multò magis à dolo excusabit, quod tamen non est in aliquo casu, cū ipse ex propria malitia cōtraxerit tales inimicitias, quod nota.

P. Rebuffi Lectura.

T t 3

*Limitatio  
ad extēsi-  
onem præ-  
dictam.*

84

*Fuga cōtra  
debitorem  
prohans.*

*Animus  
defraudandi  
plus nocet,  
quàm ipse  
euentus.*

*Differen-  
tia ratio,  
cur animus  
fraudandi  
plus punia-  
tur, ipse e-  
uentus.*

*Probatio  
eiusdem.*

85



Et per supradicta fit expeditus melius, quàm alibi iste casus, in quo fuga nullam facit probationem, nec iudicium contra fugientem, quod vide.

*Fuga, vel absentia quando fugienti, vel se absentati non praiudicat.*

86 Alius casus, in quo ipsa absentia siue fuga nullum parit praiudicium se absentati, vel fugienti est, quando aliquis aufugit, si postea citatus non distulit venire, imò illicò talis reuersus est: nam tunc illa fuga nullum etiam praiudicium facit contra ipsum fugientem. Istud est dictum singulare Bar. in l. quis sit fugitiuus. §. j. per tex. ibi. ff. de ædilit. edict. & ratio huius est, quia ille non videtur habere animū fugiendi, qui aliquo momento solūm se absentat, vt est tex. l. si quis ita legauerit. ff. de conditio. & demonstra. vbi voluit Bal. in l. j. C. de seruis fugi. in 1. col. quod qui exiuit de carcere animo redeundi, si citò redeat, non dicitur exiuisse, & propterea voluit singulariter Bal. in l. j. in 2. col. C. de ædilit. actio. quod si custos carcerum dimisit exire carceratum, vt iret ad Missam audiendam, vel sua vota facienda in aliqua Ecclesia, tunc si reuertatur ille, non dicitur aufugisse. Cū ergo tales non dicantur fugisse, clarum est illos remanere impunitos, tanquā omni suspicione vacuos.

*Scholaris breui tempore à studio se absentans.*

86

Et pro istis facit id quod pulchre declarat Bar. in l. aut facta. §. tempus. in princ. ff. de poen. vbi decidit scholarem (qui certo tempore se absentauit à studio, dummodò tale tempus fuerit breue) non desinere nihilominus, esse scholarem, quasi sentiat ibi, talem non propriè se absentasse: subiiciens ibi tacitè vnum singulare, quod quoad hoc, vt dicatur reuersus fuisse scholaris breui tempore, sufficeret illū reuerti ante quinquennium à die recessus: aliàs si post quinquennium rediret, ampliùs non haberetur pro scholari, imò si vellet reputari scholaris, deberet iterum in matricula poni, quod non esset, si reuertetetur ante quinquennium, quia non est opus noua matricula. De hoc allegat tex. notandum in l. ij. C. de primicer. & l. tertia. C. de domesti. & protector. lib. 12. Aduerte tamen incidenter, secundum Bart. in dict. §. tempus. quod si aliquis scholaris post recessum assumit aliquod exercitium, putà quia est Aduocatus, vel affessor, tunc etiam ante quinquennium desinit esse scholaris, & à matricula est deponendus, per tex. in l. legatis seruis. §. si ex officio. ff. de leg. 3.

*Scholaris post recessū à studio sumgens officio, desinit esse scholaris.*

Aduerte secundò incidenter, secundum Bar. ibi, in quantum sentit reuertentem post quinquennium debere iterum matriculari, quod si solitum erat aliquid solui pro matricula, iste qui reuertitur non tenetur iterum soluere, vt vult tex. singularis in l. pen. C. de Confli. 12. quod perpetuò nota pro singulari.

*Eiusdē probatio de fug.*

Pro supradictis facit etiam id quod voluit tex. §. pauonum. Instit. de rerum diuis. in fi. vbi patet quod quoad retentionem nostri animalis, idem est si illud aufugiat cum animo reuertendi, vel si apud domum maneat, postea declarat ibi pulchra litera, quod talia animalia dicuntur habere animum reuertendi. Et istud fit maximè, quando in loca remota fugiunt talia animalia, vnde ex his patet, quod sentit ille tex. idem esse aliquem non fugere, vel fugere, & immediatè reuerti, quod nota.

*De eadem re.*

Confirmatur quartò dictum Bar. per tex. iuncta glos. in l. ij. §. emanfor. & l. qui cum vno. §. edicta. ff. de re milit. vbi miles ille qui se absentauit, si tamen post breue tempus reuertatur, talis non est computandus inter desertores, ita ibi patet, quod nota.

Quintò confirmatur prædictus casus per text.

notabilem in c. diuortium. de poen. distinct. prima. vbi voluit tex. quod si diuortium fuerit factum calore iracundiæ, & immediatè reconciliatum, tunc est ac si nunquam fuisset factum diuortium. idem patet in l. diuortium. ff. de diuort. bonus tex. in l. vir mulieri. ff. de donat. inter virum & vxorem. & tex. in l. plerique. ff. de rit. nup. cum aliis similibus.

*Diuortium immediatè reconciliatum.*

Finaliter pro hoc allego glossam singul. in l. fin. in verbo, filio nepotes. ff. de condit. insti. quæ vult, quod licet quidquid acquirit filius, acquiratur patri, vt patet in l. placet. ff. de acquir. hæred. tamen illud non procedit, vbi filius aliquid acquireret tempore quo pater esset in articulo mortis: nam tunc, si filius aliquid acquirat tempore quo iam est in statu mortis, illud non acquiritur patri, quia cū deberet immediatè per mortem eius in filios tale acquisitum redire: idè ius voluit, propter tam breue tempus, illud per ipsos filios semper continuari, quasi idem videatur esse quod alicui acquiratur aliquid, quod de breui apud eum non est remansurum, vel quod non acquiratur, & de hoc est vnus tex. singul. in l. fi. §. in seruis. C. de bonis quæ liber. iuncta ratione illius tex.

*Filius in mortis articulo patris quid acquirat, sibi acquirit.*

87

Vltimò, pro isto casu in quo fuga nullo modo probat, facit tex. c. præsent. de præben. in 6. & regula vulgata, quod ea quæ incontinenti fiunt, habentur pro inesse, l. lecta. ff. si cer. per. l. in bonæ fidei. C. de pact. & quod habetur in l. j. ff. de verb. obli. ita ergo in casu nostro, quando aliquis se absentauit, & illicò reuertitur, est ac si nunquam se absentasset, cū ista reuersio breuis faciat actum præsumi semper continuatum, & fugam nunquam fuisse factā, quod nota.

*Cōfirmatio de fuga.*

Tertius casus in quo fuga nullam facit probationem, nec aliquod iudicium est, quando aliquis aufugeret & se absentaret post inquisitionem, vel accusationem de eo factam, de delicto ex quo veniret poena sanguinis imponenda: quia tunc fuga nullam inducit præsumptionem. Istud expresse & singulariter decidit Bar. in l. j. per illum tex. ff. de his qui sibi mort. consciuer. nam ibi dicit tex. quod in his quæ tangunt sanguinis redemptionem, licitum est cuilibet, qualitercunque voluerit, suum sanguinem redimere, & sic nullo modo præsumitur contra talem, iuxta tex. in l. transigere. C. de transact. & de hoc dicto Bar. exclamat Ludo. Roman. in l. admonendi. ff. de iureiur. & post eum moderni.

*De eadem re.*

88

Et amplia istud dictum Bar. vt procedat etiā post libellum, vel accusationem comminatum, licet nondum ad effectum deductā. Ita volūt omnes moderni in d. l. admonendi. argumento eorum quæ habentur in l. miles. §. j. ff. ad l. Iul. de adul. & pro eis adduco, id quod sentit tex. singularis l. nouissimè. versi. quod ait Prætor. ff. quod fals. tuto. vbi patet melius quā alibi, quod idem operatur timor ipsius grauaminis, quod ipsum grauamen, cū ibi dicit tex. ille qui falsò, tanquam tutor dedit pupillo, aut in contrahendo si fuit compulsus, aut nisi fecisset volens, coactè fecisset, tunc excusatur, vt ibi.

*Ampliatio eiusdem.*

*Graumini timor quid operetur.*

Et pro hoc facit dictum allegans Pet. de Ancha. in suo consilio 87. vbi voluit quod sicut emens passagium durante guerra, potest impetrare mercedis remissionem, ita vbi est futurum bellū iam fortè comminatum, ratione cuius homines nolunt (quia tutò non possunt) itinera frequentare. & ibi ipse adducit illud Senecæ in suis tragediis,

*Comminationis bellis effectum.*

*Pecior est bello, timor ipse belli.*

Tertiò



*Ampliationis confirmatio.*

Tertiò adduco pro confirmatione prædictæ ampliationis modernorum text. ad hoc solennem. in c. primo. in verbo, timentes grauari. ext. de dilat. quem ad hoc ibi ponderat Andr. Barba. vt per illum text. idem dicendum sit de ipso timore grauaminis, quod de grauamine.

*Comprobatio eiusdē.*

Quartò adduco id quod notatur pulchre in l. iij. §. qui armati. ff. de vi & vi ar. vbi idem operatur timor, siue terror ipsorum armorum, quantum ipsa arma. pro quo etiam tex. l. primæ. §. idem Labeo. eodem titu. vbi aufugiens ex turba veniente ad eum, dicitur vi deiectus, licet nondum venisset talis turba.

*Timor futuri grauaminis.*

Quintò adduco tex. singularem in l. si pater. C. de celsi. bon. vbi habetur quod timore futuri grauaminis possum habere recursum ad superiorem, vt illud inhibeat, quod est singulare.

*Declaratio authoris ad ampliationem prædictam.*

Crederem tamen supradictam ampliationem, cū suis declarationibus, procedere, vbi iusta causa esset adimplendi, id quod timor grauaminis inducebat, aliàs autem secus esset, exemplum autem esse potest, in eo qui accusabatur à quodam vili & parū honesto: nam tunc si accusatus erat potens & diues, ab omnibus etiam honoratus, tunc si ratione ipsius accusationis factæ per personam vilē aufugeret, crederem posse dici talem fugam inducere aliquale præsumptionem, contra fugientē, & pro hoc ego allego tex. singularem ad hoc ibi ponderatum articulo primo. per Andr. Barba. qui sentit quod ita demum excusat timor grauaminis, quando erat iustus & sufficiens, cū ibi dicit tex. eò quod reus fuerat grauatus à prima citatione nimis breui & peremptoria, idè timet verisimiliter grauari in futurum, & erat causa iusta futuri grauaminis. & sentit text. quod si fuisset iniusta, ille timor non excusasset eum. & pro hoc faciunt ea quæ volunt moderni. in d. l. admonendi. in materia fugæ, quod licet fuga facta post accusationē, nihil probet, tamen fallit, quando erant alia iudicia contra ipsum fugientem, quod nota.

*Fuga post accusationē, quandoque probat.*

Et pro hoc adduco, id quod voluit litera pulchra, litem si res. in §. non tamen. ff. de alie. iud. mutan. cau. fac. quæ vult quod rarò audent pauperes, & minus rixosi contendere cum diuitibus, & istud sentit etiā tex. l. iij. in principio. ff. eod. vbi vult tex. quod potentioribus pares esse nō possumus. facit etiam pro istis. Nam non est præsumendum virum magnanimum aufugisse, ratione personæ vilis, vt sentit Bart. in l. vt vim. §. si. ff. de iusti. & iur. Et per ista sint expediti isti tres casus singulares, & multum vtilis, & sæpe venientes in facti contingentia pro saluatione amicorū, quæ nota.

*Iuramentū solū, probas de furtis officialiū fugientium.*

Addo tamen in hac materia fugæ, siue absentia vnum dictum singulare, quod in vno casu, ex solo iuramento partis aduersæ, cōdemnatur aduersarius, scilicet in iudice, vel officiali fugiente infra tempus syndicatus: nam contra talem admittitur probatio de baratariis, & furtis per solum iuramentum. de hoc est vna gloss. singularis in §. necessitatem. in authentic. vt iudi. sine quoque suffrag. fiant. in verbo, ostenditur. quæ etiam sentit aliud singulare, & perpetuò notandum, quod in illo casu ipsi testes, etiam singulares, plenè probant, quod quidem nota perpetuò.

*Idē de testibus singulāribus.*

In hoc tamen nota, quod contra officiales, aliàs non fugientes, non admittitur probatio de baratariis & furtis, etiam per iuramentum, cum semiplena probatione. De hoc est casus singularis l. si. versi. nota te-

stimonia. & ibi Bald. & Ang. C. vbi de rat. agi oport.

Consequenter aduerte, ad id quod suprà dixi, de fugiente post accusationem, vt illa fuga nullum iudicium faciat contra eum, vt illud procedat, nisi fuga esset effractis ostiis, & carceribus: nam tunc talis punitur, ac si contra eum plenè probatio fuisset facta de delicto, propter quod ipse erat in carcere positus. De hoc est tex. singularis, & ibi glo. & expressè Bar. in l. in eos. ff. de custo. reorum. quod nota.

*Fuga effractis carceribus, contra aliquē plenè probat.*

Addo etiam alium casum, in quo absentia plenè probat, scilicet in famulo qui aufugit à domo alicuius: nam si reperiantur res eius subreptæ, tunc inducitur grandis præsumptio contra eum, vt dicatur talis fugiens illas res abstraxisse. De hoc est vna gloss. singularis in §. si verò etiam quidem. in authen. de introduct. reis col. 5.

*Absentia famuli quando plenè probet.*

Postremò (ne longior videar) nota pro expeditione huius effectus, cum sua materia, in casibus prædictis, in quibus dixi sententiam posse ferri contra absentem, sententiam tamen illā tertio non posse præiudicare. De hoc est tex. notandus in l. quæ repudiantis. §. si. ff. de inoffi. testa. & l. si per lusorio iudicio. ff. de appella. & l. præsens. C. de pignor. Vnde si Princeps ferret sententiam contra absentem, illa nō præiudicaret tertio, licet aliàs secus argumento tex. in l. si. C. de legib. & istud decidit Matthæus Matthesianus, in suis singularibus. singulari 27. incipiente. Nota regulam, quod in omnibus.

*Sententia quando tertio nō præiudicet.*

Decimus quintus effectus litis contestationis est, quia ea facta per vnum ex pluribus Procuratoribus constitutis, semel in solidum, clauditur via aliis, qui fuerunt constituti cum illo licem contestate. De hoc est tex. notabilis in l. pluribus cum gloss. ff. de Procu. in verbo, petit. quod quidem verificatur per litis contestationem, vt patet in l. amplius non peti. ff. rem ra. hab. & suprà latè dictum est in 6. effectū.

*Vnus ex Procuratoribus litem contestans, aliis cū eo constitutis præfertur.*

Et ratio huius effectus est, quia per litis contestationem dominus litis quis efficitur, vt habetur in l. post litem. ff. de Procura. & latius suprà dixi in 7. effectū. & hanc rationem ad hunc effectum dat text. expressus c. si duo. de Procur. in 6.

*Effectus litis contestationis ratio.*

Sed limita hunc effectum, nisi dictum esset, quod non fieret melior conditio occupantis: nam tunc illo Procuratore litem contestante, non præcluditur totaliter via alteri, sed eo, aliqua ratione, impedito, puta, absentia, vel morbo, vel etiam, si morte præuērus fuerit, tunc alter poterit in locum illius subrogari. De hoc est tex. notandus in d. c. si duo. §. primo. quod nota perpetuò.

*Eiusdē effectus restrictio.*

Limita secundò, vt istud non procedat, vbi plures constituti essent Procuratores simpliciter, nō adiecto, quod in solidum: nam tunc non occupatur tale officium, per litis contestationem, imò quilibet pro parte debet se immiscere. De hoc est glo. notabilis in dicta l. pluribus. & etiam tex. expressus in d. c. si duo. in primo responso, de quo c. meminit Bar. in d. l. pluribus. & de eo vide ibi per eum.

*Eiusdē restrictio altera.*

Et pro confirmatione huius limitationis facit bonus tex. in l. reos. §. cum tabulis. ff. de duobus reis. quæ solet allegari quod semper in dubio præsumatur obligantes se obligare pro parte, & non in solidū. & propterea voluit tex. l. legatorum. ff. de lega. secundò. quod hæredes adeuntes hæreditatem, videantur tacitè se obligare in parte, scilicet hæreditaria. & idē habetur in l. prima. cum aliis seq. C. de iure delib.

*Limitationis eiusdē confirmatio.*



*Limitatio  
nis restri-  
ctio.*

Istud tamen non procederet, si natura rei obligata illud non pateretur, puta quia esset indiuidua, de quo vide l. i. §. ex his igitur. ff. de verb. oblig.

*Amplior  
limitatio-  
nis decla-  
ratio.*

Limita tamen predictam limitationem, volentem quod in dubio constitutio Procuratoris, intelligatur facta pro parte, & non in solidum, & idem in casu suo, & similibus, scilicet quando mandatur vnum negotium particulare, vel plura particularia, secus autem si mandaretur vnum negotium vniuersale. De hoc est bonus tex. in l. prima. §. si plures. & ibi late Bart. in sua repetitio. ff. de exercit. istud vult etiam idem Bart. in d. l. pluribus.

*Differētia  
ratio inter  
negotium  
particula-  
re vel vni-  
uersale mā-  
datum.*

Ratio diuersitatis datur pulchre per Bar. in d. §. si plures. scilicet quia his, quibus mandatur negotium vniuersale, videtur concedi plurimum, & quodammodo in eos transferri plena administratio, ita quod nomine eorum (ratione officij) contrahunt, vt habetur in l. si. ff. de insti. quod non est in aliis negotiis particularibus, sicut in Procuratore, in quem non transfertur ius tam plenum, praesertim cum nomine domini contrahat, & non videtur ordinarius administrator, item nec directe dominum obligat. l. Iulianus. §. si Procurator. ff. de actionib. empt. & vend.

*Ratio eius-  
dem diuer-  
sitate co-  
probat.*

Pro hac ratione diuersitatis, facit id quod in simili dicitur de iurisdictione: nam illa, quae est ordinaria, competit cuilibet in solidum. l. prima. ff. de offi. Proconsul. secus autem est, in iurisdictione delegata. l. duo ex tribus. ff. de re iudic. cum similibus. Ratio autem horum eadem est cum praecedente, quia in primo casu competit quaedam iurisdicatio vniuersalis & iure proprio. l. more. cum l. seq. ff. de iurisdic. omnium iudic. quod non est in delegata, iuxta l. prima. §. si. ff. de offi. eius cui mandat. est iurisdic. & iuxta ea quae habentur in c. praeterea. ext. de offic. delegat.

Et quod ista æquiparatio sit bona, probat Bart. in d. §. si plures. in duobus scilicet, in modo constituendi, & in effectu iam constituti, de quo vide ibi per eum.

*Primus oc-  
cupans, alium  
substituens,  
alteri occupa-  
tione au-  
ferit.*

Aduerte tamen ad id quod dictum fuit in prima limitatione, vt per hanc clausulam appositam in constitutione Procuratoria, quod non sit melior conditio occupantis, tunc secundus, cessante primo, admittatur, illud non procedere, vbi ille primus occupans, alium substituit, cum tunc illa substitutio auferat alteri occupationem. ita voluit pulcher tex. in dicto c. si duo. ex quo nouiter infero pulchram ampliationem, ad ea quae habentur in c. primo. de Procur. in 6. vbi Procurator facta litis cōtestatione, potest alium substituere, vt procedat etiam in prauidicium tertij volentis admitti etiam debito ordine ad Procuracionē, quod nota.

*Eiusdē affi-  
gnata ra-  
tio.*

Ratio autem, quare talis substitutus praefertur, est, quia ille substitutus repraesentat personam substituentis, ita quod honor debitus alicui, debetur etiam substituto illius. De hoc est casus singularis in c. praecipimus. 93. distinc. qui tex. aliud singulare probat, quod si aliquis praesumptuose se ingerat in gradum, & ordinem alterius, debet illo priuari, & vltimus omnium constitui, quod nota perpetuo, & pro praedictis facit quod habetur in l. si cum §. qui iniuriarum. ff. si quis cauit. vbi subrogatum sapit naturam eius, in cuius locum subrogatur, quod nota.

*Substitu-  
tus quando  
excludatur  
cōditioe ex  
postfacto  
impleta.*

Adde incidenter pro expeditione huius effectus, vnum singulare, quod si aliquis constituerit Gaium Procuratorem suum, & si nollet, substituerit Titium, si ipse Gaius acceptauit, deinde ex causa renuntiauerit,

ipse substitutus non admittetur. De hoc ponderatur text. singularis in l. penu. ff. de testa. tutela. vbi si Titius fuit tutor substitutus, & si non viueret, Gaius substituebatur, si Titius se immiscuerit, deinde ille moriatur, non admittetur ille secundus. ita ergo in casu nostro, quod est singulare, & istud decidit Ludo. Romanus in suis singularibus.

Et pro hoc dicto adduco illud, quod in simili dicitur de substitutionibus vulgaribus, quae expirant adita ipsa hereditate, puta si dicam, si talis non sit, vel nolit esse haeres, Gaium ei substituo: nam adeunte primo, licet postea moriente, secundus non admittetur, vt patet ex dispositione eorum quae habentur toto titulo de vulga. substitui.

Et ex isto dicto singulari infero nouiter, quod licet facta (immediate tamen reuocata) habeantur pro infectis, fictione quadam iuris, sicut in fugiente qui immediate reuertitur, iuxta l. si quis ita. ff. de cōdi. & demonst. Dixi latius in fine prosecutionis decimi-quarti effectus, tamen illud non procedit in casu nostro, quia licet aliquis immediate, suscepto officio Procuratoris, renuntiet, non tamen est, ac si nunquam habuisset officium, vt patet ex supradictis.

Ratio specialitatis, in hoc casu, & noua potest esse, quia conditio semper debet adimpleri verè, & propriè, & in forma specifica, vt habetur in l. qui haeredi. ff. de condi. & demon. vbi grauatus per viam conditionis ad dandum decem haeredi, qui quidem erat seruus, dando domino eius, non liberatur, licet quoad fictionem iuris idem videatur, cum quicquid acquirit seruus, transeat in dominum: ita etiam in casu nostro, cum iste secundus erat factus Procurator, ea tamen lege, & conditione, si alter nollet, & ille propriè dicitur, nullo modo velle, qui nunquam vult sibi acquirere, idè ad hoc vt admittatur ille secundus, oportet illam conditionem adimpleri propriè, & sine fictione: & quantum ad casum nostrum, illa renuntiatio facta post susceptionem non facit, vt idem sit, ac si nunquam acquisiuisset, & in hoc cogita latius: quia mihi nouum est.

Finaliter, pro expeditione huius effectus, nota vnum singulare, quod si constituentur duo Procuratores eadem die, & non appareat de eorum prioritate, tunc neutra constitutionum tenet. De hoc est gloss. sing. in c. si quis iusto impedimento. in prima glossa. de elec. in 6. de qua meminit ipse Ludo. Romanus in suis singularibus, singulari 261. incipiente, Tu habes. quod nota pro singulari egregio. Aduerte tamen secus esse in duobus testamentis factis eadem die. de quorum prioritate dubitatur: nam possessor hereditatis ex altero testamentorum praefertur, vt voluit Bar. singulariter in l. prima. ff. de bon. possesi. secund. t. bul. & gl. peregrina in c. duobus. de refer. in 6. & istud operatur commodum possessionis, vt ibi sentit Bar. pro quo facit quod vult glo. singu. in c. nulli. r. q. §. quae ponit vnum singulare commodum possessionis, scilicet quod si dubitetur de acquisitione bonorum clerici, an sit ex bonis Ecclesiae, vel non, in dubio praefertur Episcopus in possessione, quod nota.

Et quia iam in duobus effectibus naturam Procuratorum competenter attigimus, aduerte quod officium Procuratoris est vile, nec honestum. ita sentit tex. §. si. Insti. de excep. vbi expressè vult text. infamè posse esse Procuratorem, quod tamen limita singulariter non procedere in illo qui vellet esse Procurator

*De eodem,  
in substitu-  
tionibus vul-  
garibus.*

*Officiū Pro-  
curatoris  
immediate  
renūciatū.*

*Differētia  
ratio inter  
cōditiones  
adimplen-  
das, & re-  
nūciationē  
factā post  
susceptionē.*

*Cōstitutio  
Procura-  
torū facta  
de duobus  
eadem die,  
inualida.*

*Possessionis  
commodū.*

*Procurato-  
ris officium  
inhonestum  
& vile.*



in consistorio Principis: nam tunc nō admitteretur, si esset infamis. De hoc ponderatur singulariter vnus tex. l. sed & milites. circa medium. in versic. quia ingredi urbem eis non licet. ff. de excusat. tuto. pro hoc etiam tex. solēnis in l. quod ait. versic. ignominie causa missus. ff. de his qui notāt. infra. vbi sentit tex. quod non decet infamem morari in loco vbi est imperator, quod nota perpetuū ad declarationem d. §. fin. & per hoc sit effectus iste expeditus.

*Cōfusio nō fit, vbi litis contestatio facta est.*

Decimus sextus effectus litis cōtestationis est iste, quia per litis contestationem factam cum accessoria obligatione, impeditur eiusdem cōfusio, licet illa postea concurrat cum principali obligatione. De hoc est vnus text. singularis in l. seruus. ff. de his qui not. infra. qui ita illud probat subtiliter: nam dicit ibi tex. quod contra dominum actum fuerat actione noxali, & ante litem finitam, moriente domino, institutus fuit ille seruus, qui delictum vel noxam commiserat, quo domino mortuo, fuit cōdēnatus iste seruus, qui est effectus hæres, & liber, certē ratione illius condemnationis, non efficitur famosus, quia non fuit cōdēnatus suo nomine. Nec obstat secundum subtilem mētem tex. iuncta gl. si dicatur, quod cū ipsa principalis obligatio, qua tenebatur ratione noxæ cōmissæ, nunc concurrat cū accessoria, scilicet ipsius domini, ergo videbatur dicendum accessoriā debere extinguī, tamen idē ibi non extinguitur, quia iam erat lis ipsa contestata contra defunctum, vt ibi sentit tex. in fine. quod nota pro singulari.

*Obligatio fideiussoria concurrens cū principali.*

Et per hoc limitatur bonus tex in l. generaliter. ff. de fideiussor. vbi concurrente ipsa obligatione principali, cum ipsa obligatione accessoria, tūc extinguitur ipsa accessoria, quasi sit quodammodo obfuscata radiis ipsius principalis obligatiōis. Et per supradicta inferunt ibi Bal. & Ang. quod licet obligatio fideiussoria cōcurrens cum principali extingatur, vt in d. l. generaliter. tamen illud non procedit, quando iam fuisset facta litis contestatio cum ipsa obligatione fideiussoria. argu. d. l. seruus: & sic pulchre declaratur d. l. generaliter. & de hoc dicto meminit Franc. de Are. in l. si reus promittendi. ff. de duobus reis. quod nota, quia nouum in hac materia, & singularissimū.

*De eadem re.*

Adde etiam incidenter alium casum singularem, in quo ipsa obligatio fideiussoria concurrens cum principali non extinguitur, scilicet quādo ipsa obligatio principalis erat minū efficax quā obligatio accessoria: nam tunc non extinguitur accessoria, per concurrentiam principalis obligationis. De hoc est tex. notādus in l. hæres à debitore. versic. quod si hic seruus. ff. de fideiussor. vbi si obligatus tantum naturaliter, succedat obligato ciuilitate, & naturaliter, scilicet fideiussori, non tollitur ratione concursus ipsa obligatio fideiussoria per principalem, quia illa principalis erat inutilis.

*Obligatio accessoria magis efficax, quā principalis.*

Et ratio huius est, quia per hoc fieret cōditio creditoris, deterior, scilicet si extingueretur ipsa accessoria efficax, per principalem inutilem, quod esse non debet, cū id quod inductum est ad augmentum, nō debeat operari diminutionem, iuxta bonum tex. l. frustra. C. de sent. pass. cū similibus. sed sic est quod obligationem fideiussoriā accepi, vt mihi securius, & tutius consultum esset: idē illud non debet operari contrarium effectum, quod esset, si tolleretur accessoria efficax per principalem inutilem, quia cū poteram prius conuenire fideiussorem, ex sua obli-

gatione, nunc ego non possem si extingueretur per successionē ipsa fideiussoria, vt patet clare, quod nota.

Et per hoc facit, quod ea quæ sunt inducta in fauorem nostrum non debeant in odium nostrum retorqueri. l. quod fauore. C. de legib. & quod voluit Bald. in l. si Rufinus. C. de testa. mili. sed sic est quod ista datio fideiussoria data fuit in fauorē meum, idē non debet mihi præiudicare, licet succedat debitori principali, quod nota.

Et per ista voluit Bar. in d. l. generaliter. ff. de fideiussor. quod si fideiussor succedat principali, & fecit inuentarium, tunc si ipse creditor conueniat fideiussorem, ratione principalis obligationis, quia scilicet hæres est, & ipse representat personam defuncti, iuxta tex. in authent. de iureiur. à mo. præsti. col. 5. Et si contra eam opponat fideiussor de ipso beneficio inuentarij, quod facit vt quis teneatur tantum secundum mēsuram bonorum defuncti, iuxta ea quæ habentur in l. si. C. de iur. delib. quo tamē creditore repulso, vult nihilominus ille creditor alia via procedere, scilicet conueniendo eum ex fideiussoria obligatione, si ipse fideiussor excipiat de confusione obligationis, tunc per hoc non repellitur creditor, imō illa obligatio est tantummodō confusa, in quantum potest consequi ipse creditor ex bonis debitoris principalis, sed in quantum non potest, non est confusa, ergo in residuum tenetur ipse fideiussor, ex sua obligatione fideiussoria.

Et ratio est, quia per confusionē generaretur præiudicium creditori. De hoc est vnus casus singularis in l. debitor debet. ff. de bono. separ. quem notat Bar. ad vnum, quod vbicunque obligatio fideiussoria, siue accessoria cum ipsa obligatione principali cōcurrens, per illam extingueretur, & tunc per hoc fieret præiudicium creditori, certē illo casu nō extinguitur: & per hoc tertio limitatur d. l. generaliter. & rationē sentit tex. dicta l. debitor. quia sua diligentia debet sibi esse utilis, & non damnosa. Pro quo bonus tex. in l. pupillus. ff. quæ in frau. credi. vbi vigilatibus, & nō dormientibus, siue negligētibus iura subueniūt.

Et per casus supradictos patet, quod aliquādo potentius est accessorium suo principali, quia per principalis concurrentiam non extinguitur. Et illud est fauore creditoris, vel causa litis contestata, aliās autem regulariter potentior est principalis obligatio, quā accessoria, quoad hoc vt extingatur ipsa accessoria, vt voluit tex. in d. l. generaliter.

Circa id adde, quod sicut ipsum accessorium est potentius aliquando suo principali, ita etiam potest esse dignius, sicut patet in text. notabili §. si tamen alienam. Insti. de rer. diuis. vbi dicit ille text. alienam purpuram in textam alicui vestimento, & ei accessoriā, esse digniorem ipso vestimento, est tamen aduertendum, quod licet sit dignior res accessoria, tamen per hoc non impeditur quin sequatur naturam sui principalis. vt probat bonus tex. in d. §. si tamen. & pulcher tex. in l. cum aurum. §. perueniamus. versic. si. & ibi Bar. ff. de aur. & argen. leg. vbi gemmæ, & ipsi lapides pretiosi cedunt argēto. Et per ista reprobat gl. l. ij. ff. de pecul. legat. quæ contrarium tenuit, volens quod accessorium dignius principali, nō sequatur suam naturam.

Nec obstat, si dicatur, quod magis dignum trahit ad se minū dignum. c. primo. de consecra. Eccle. vel altar. ergo videtur ipsum accessorium, tanquā dignius, debere

95

*Fideiussoria extinguitur cum principali, quando nō extinguitur.*

*Accessorium quando potentius suo principali.*

*Accessorium naturā suā principalis sequitur.*

*Obiectio.*



*Solutio.* debere trahere ad se principale minus dignum, & nō e contra, sed ad hoc responde, quod in casu nostro ipsum accessorium, non censetur dignius, quia ipsa accessio reddit rem (quæ aliàs per se esset dignior re principali) minus dignam: & per ista non obstat cōtrarium dicti capitis primi, cum similibus, quia illa regula aliter procedit, videlicet vbicunque maius dignum, & minus dignum concurrerent æquē principaliter. Exemplum esset, si in vniuersitate scholarium essent tot clerici quot laici, tūc diceretur ipsa vniuersitas Ecclesiastica tanquam dignior. ita notatur in c. ex literis. ext. de iure patron.

Adde tamen vnum casum singularem, in quo accessorium, quod est dignius, non sequitur principalis naturam, scilicet vbi esset prohibitus vsus talis accessorij, exemplū est in casu, quo prohiberetur mulieri portare certa ornāmēta aurea, vel pretiosa cum vestibus suis: nam tunc legādo per maritum, ipsi suæ uxori vestes, non veniunt illa ornamenta accessoria. istud est singulare dictum Bar. in l. vnica. C. ne liceat in frenis & equestribus sellis. libr. ii. per quod limitatur pulchre dictum tex. l. vestis. cum l. seq. ff. de auro & argen. lega. quod nota pro singulari.

*96* Incidenter adde singulariter alium casum, in quo ipsum accessorium, qualecunque, nō sequitur naturam sui principalis, scilicet in casu, vbi principale tolleretur per remedium iuris specialis: nam tunc non tollitur ipsum accessorium. De hoc est vnus casus singularis in l. si. §. si. ff. de condict. indeb. vbi restitutio ipsa, & remedium speciale, contra principale debitum, non extenditur ad accessorium, putā ad ipsas vsuras, & ratio huius est, quia ius speciale semper est restringēdum. l. eius militis. §. militia missus. ff. de testa. milit. l. quod verō. ff. de legib. & per hoc limitatur regula volens, quod sublato principali tollatur ipsum accessorium. iuxta l. hæres §. quod si stipulator. ff. de fideiussor. cum similibus.

*De eadem re.*

*97* Vltimò, pro huius expeditione, adde aliam limitationem, in qua accessorium remanet vitiato principali, nec sequitur eius naturam, scilicet, vbi diuersa est ratio prohibendi principale ab accessorio: nam tunc tenet accessorium, etiam principali vitiato. istud voluit pulchre Ioan. de Ana. in c. si quis. ext. de symo. vbi ita exemplificat in casu c. debitores. ext. de iureiur. vbi dicitur quod promissio vsurarum est ipso iure inualida, & tamen iuramentum appositum tenet. Ratio est, quia ob id prohibetur ipsa vsurarum promissio, quod fiat illicitè, & cōtra omnia iura, idē non debet tenere, præsertim cum ipsi parti promittatur, quæ illicitè & contra ius illam recipit promissionem: idē ergo non tenet illa principalis promissio, sed quia per iuramentum promittitur quodammodo ipsi Deo, iuxta notata per Ab. in c. primo. ext. de sponsa. vbi voluit quod primaria obligatio iuramenti acquiratur Deo, & propterea quia Deus non potest illicitè aliquid recipere, tale iuramentum tenet, nec in hoc sequitur suū principale, quod fit, quia tunc est diuersa ratio prohibendi.

*Iuramentum stringit nos Deo.*

*Eiusdē confirmatio.*

Et pro hac declaratione Ioan. de Ana. addo casum singul. in l. & si is quem. C. de prædiis mino. vbi si curator vendit res immobiles pupilli, rescinditur ipsa venditio, tanquam contra ius, ne per eam præiudicetur ipsi pupillo. Et tamen si ipse curator dedit pignora pro euictione, non reuocantur, licet sint ad ipsam venditionem accessoria, & rationem sentit ibi

gl. notanda, quia ob id rescinditur vēditio, ne fiat pupillo damnum, quod quidem non habet locum in accessorio, quia per illam promissionem de euictione solus curator patitur præiudiciū. & de hac l. meminit dominus Franc. de Aretio. in l. Titia. in 6. col. ff. de verb. oblig. quod nota.

Et per vltima verba prædicta infero singularem limitationem ad gl. singularem in l. iij. in verbo, Fabiana. ff. si quid in fraud. pa. quæ voluit expressè, quod vbi contractus principalis nō teneret, quia factus esset contra iura, nec etiam tenet ipse contractus de euictione, tanquam accessorius. Nā illud non procedit, quando ratio, quare prohibetur ipse principalis, non extenderetur ad contractum euictionis accessorium, vt patet ex supradictis, vel potest aliter illa gl. declarari ex his quæ sentit gl. in d. l. & si is quæ. vt procedat quando contractus fiebat contra leges communes, secus si contra priuilegium, quod nota, & ista faciunt ad declarationem gl. singularis in l. pacta quæ contra. C. de pact. vbi vide.

*Limitatio eiusdem.*

Pro expeditione huius effectus, qui loquitur de obligatione fideiussoria, nota vnum singulare incidenter, quod quicquid accedit principali obligationi, etiā accedit ipsi fideiussoriæ. De hoc est casus singul. in iure. l. si ab vno. ff. vt legat. seu fid. nomine cauea. vbi dicit litera, quod si vnus ex hæredibus fideiussorem dederit, ratione legatorum debitorum sub cōditione, deinde pars cohæredis accrescat isti hæredi, tunc sicut accrescit ista pars hæreditatis illi cohæredi, ita accrescit ipsa fideiussio fideiussori, vt videatur nunc fideiussisse, ac si à principio ipse suus hæres, pro quo fideiussit, fuisset hæres in totum, ita ibi patet, quod est multum notandū, & singulare, de quo meminit Ludo. Roma. in suis singularibus, singulari incipiente, Attende quod.

*Obligatio-  
ni fideiussor-  
ie quid ac-  
cedat.*

Decimus septimus effectus litis cōtestationis est, quia per eam actio efficitur litigiosa. De hoc est bonus tex. l. lite pendente. C. de litigiosis. cum ibi dicit tex. quod per actiones in iudicium deductas, res ipsa efficitur litigiosa, & sic sentit ille text. quod per litis contestationem res efficitur litigiosa, cum ipsum iudicium incipiat à litis contestatione, vt habetur in l. iudiciū soluitur. ff. de iudic. & dixi latè in prosecutione primi effectus litis contestationis, & ita etiam illud intelligit ibi Bar. ex suo summario ad illam legem posito.

*Litis con-  
testatio ef-  
ficat rē liti-  
giosam.*

Intellige tamen primò hunc effectum procedere in actione personali, quæ efficitur litigiosa per ipsam litis contestationem, secus autem est in actione reali, quia illa efficitur litigiosa per solam conuentionem. ita voluit tex. in authentica, litigiosa. C. de litig. & Bar. in d. l. lite pendente. volēs quod sicut res in actione reali deducta per solam conuentionem efficitur litigiosa, ita etiam ipsa actio realis, quia secundum eū eadem est ratio, ergo idem ius est statuēdum. l. illud. ff. ad l. Aquil.

*Declara-  
tio eiusdē.*

*98*

Restringe tamen istam declarationem vltimam, vt procedat in actione reali, in qua principaliter agitur, siue cōtenditur de dominio, vel quasi: nam tunc actio ipsa efficitur litigiosa per solam cōuentionem, secus autem esset in aliis actionibus realibus, scilicet hypothecaria, confessoria, vel negatoria.

*Eiusdē li-  
mitatio.*

Nam in istis licet ipsa actio efficiatur litigiosa, tamen illud est per litis contestationem, & non per solam cōuentionem. ita Bar. in dicta l. lite. & etiā hodie in actio

*De eadem re.*



in actione reali requiritur contestatio, vt tenet Ioan. And. in c. primo. vt lite pendente in 6. quem sequitur Guido Papa in Decis. Delphina. qu. 337. incipiente, Pro declaratione.

Aduerte tamen quod licet in hoc casu præcedenti ipsa actio efficiatur litigiosa, tamen secus est in re deducta in tali actione, quia nunquam efficitur litigiosa, ita expressè patet in auth. de litig. §. ab hoc. & col. 8. voluit Bar. in d. l. lite pendente. quod perpetuò nota.

*Confirmatio eiusdè.*

Item ad prædicta aduerte, quod licet ipsa actio personalis efficiatur litigiosa, per ipsam litis contestationem, ipsa res nunquam tamen efficitur litigiosa. ita voluit Bart. in d. l. lite pendente. qui allegat pro hoc bonum tex. in l. quamquam. §. primo. ff. de aqua plu. arcen. quod quidem intellige procedere, quando actio ipsa personalis fiebat super opere aliquo facto in re, vt loquitur d. §. prim. secus autem esset, si ipsa res deduceretur in iudicium principaliter, per actionem personalem, quia tunc etiam efficitur & res & actio litigiosa, vt patet. in d. l. ij. ff. de litigiosis. & ita seipsum declarat Bar. in l. prima. §. si inter. ff. eod. & etiam in dicto §. j. dictæ l. quamquam. quod nota.

*Res in actione personali deducta, cur, quando litigiosa non dicatur.*

Diuersitatis autem ratio inter hos duos esse potest, quod, cum agitur circa opus factum in re, non fit mentio de ipsa, nisi in quandam gratiam & consequentiam, & ideo videtur res deduci aliquo modo in iudicium, quæ non debet ob id tamen dici litigiosa, quod non est in secundo casu, vt clarè patet.

*Effectus 7. amplior de claratio.*

Consequenter declara prædictum effectum, vt procedat in casibus supra declaratis, scilicet in ipsa actione personali, non autem in mixta: nam tunc etiam per solam citationem res ipsa efficitur litigiosa. De hoc est tex. in l. Diuus. ff. de pet. hæred. & l. alienationes. ff. fam. hercisc.

*De eodem.*

Quod tamen est intelligendum in actione mixta vniuersali, secus autem esset, in alia actione mixta particulari, quia in ea res, & actio efficitur litigiosa, per ipsam litis contestationem. de hoc est tex. in l. prima. in fi. C. communi diuid. Et sic ex supradictis colliguntur tres casus, in quibus procedit noster effectus, scilicet in ipsa actione personali, & in actione reali, non concernente dominium, & in actione mixta particulari, quod nota.

*Inquisitio differentie inter actiones.*

Sed vellem quærere de ratione diuersitatis, inter ipsam mixtam actionem vniuersalem, & particularem, cum potius videatur ipsam actionem realem, iunctam cum personali, debere semper sequi ipsam naturam personalis, quæ videtur dignior, cum ipsam concernat personam, omnibus rebus digniorem, iuxta l. iustissimè. ff. de ædili. edic. & videbatur omnes actiones mixtas effici litigiosas, per ipsam solam litis contestationem, præsertim cum à digniori parte denominatio fieri debeat, vt probat text. l. quæritur. ff. de stat. homi. & gl. notabilis in l. prima. ff. de verbor. obligatio. vbi stipulatio denominatur ab actore, tanquam digniori. Pro hoc est tex. l. prima. §. primo. ff. si ager vectig. vbi appellatione dominij venit directum, tanquam dignius.

*Dominij appellatio.*

*Ratio diuersitatis inter mixtam actionem vniuersalem & particularem.*

Ad istud responderi potest, assignando hanc rationem diuersitatis, videlicet quod ideo in actionibus mixtis vniuersalibus sola citatio facit rem, & actionem litigiosam, & non in ipsis actionibus particularibus mixtis, quia sola conuentio vel denuntiatio in

iudiciis vniuersalibus, puta in petitione hæreditatis, habet quædam vim litis contestationis. De hoc al ego tex. l. item veniunt. §. petitam. ff. de pe. hæred. vbi petita dicitur hæreditas, etiam per solam denuntiationem, vel conuentione, & ibi patet, quod cum proprie quidquam petatum non dicatur, nisi per litis contestationem, vt patet in l. amplius. ff. rem ra. hab. & in d. auth. litigiosa. & latè dixi in quinto effectus: tamen illud non procedere videtur in talibus iudiciis vniuersalibus, imò in eis conuentio sola habetur pro litis contestatione. Et sic infero, quod in actionibus mixtis vniuersalibus, ipsa sola conuentio facit rem ipsam litigiosam, idemque operatur in talibus iudiciis, quantum ipsa contestatio litis in aliis particularibus iudiciis, sed sic est, quod per ipsam litis contestationem, in actionibus particularibus efficitur res ipsa litigiosa, ita ergo idem dicendum est, per ipsam solam conuentione in vniuersalibus, cum conuentio in hoc casu æquiparetur litis contestationi, circa quod cogita, quia hæc ratio apud me noua est.

Adde supra dictis, ad huius effectus declarationem, quod licet per controuersiam, quæ est super dominio, vel quasi alicuius rei, res illa efficiatur litigiosa, vt patet ex prædictis, secus tamen est, si sit controuersia super possessione alicuius rei: nam res ipsa per hoc non efficitur litigiosa. De hoc est gloss. singularis in c. j. extr. de confirma. vtil. vel inutil. in gloss. j.

*Controuersia super rei alicuius possessione. Possessor pacificus quis desinatur.*

Decimus octauus litis contestationis effectus est, quod per ipsam litis contestationem, & iuris sui in iudicio exhibitionem, quis definit esse pacificus possessor, & postea non iuuatur decreto de pacificis possessor. text. est in rubr. de pacific. possessor. in Concor.

Decimus nonus ipsius litis contestationis effectus est, vt non valeat rescriptum impetratum, post ipsam litis contestationem, non facta ipsius litis mentione, & super ipsa legitima contestatione. cap. inter monasterium. vbi aliqua addidi in gloss. extra. de re iud. vide Pirrum in reg. non solet. ff. de reg. iur.

*Rescriptum inualidum litis mentione non facta.*

In summa dicendum est, iudicia per eam litis contestationem ita ordinari, ex narratione, petitione, scilicet actoris, & rei responsione, ad probationem, cognitionem, & definitionem, excludereque exceptiones dilatorias, declinatorias, etiam peremptorias, & iudicij illas duas partes præcipuas esse, litis ipsa legitima contestatio, & sententia: nam reliqua quæ in iudiciis versantur, aut præparatoria sunt, vt citatio: aut media, vt probationes: aut posteriora, siue consequentia, vt executio.

*Partes iudicij præcipue sunt.*

An autem semper illa litis contestatio sit necessaria, necne, vide Guidon. Papæ in suis Decisionibus Delph. decisio. 58. & 369. nam Curia non attendit in causis, qualescumque sint, summarie siue ordinarie, ad ipsius litis contestationis defectum.

Cæteros autem (beneuole lector) litis ipsius contestationis effectus, videre poteris in tractatu meo, quem super hac re edidi, vbi congesi 75. effectus ipsius litis contestationis.

Et sic absolutus erit l. nostræ utilissimus intellectus, præcipue materia litis ipsius contestationis, & ea potissimum ratione, vt faciat transire actiones ex delicto ad hæredem, & contra ipsum, sed quando & quomodo id contingat, dictum sit satis superque. Laus Deo Virginique Mariæ.









# INDEX EORVM OMNIUM,

CERTISSIMVS AC LOCVPLETISSIMVS,

quæ in his Commentariis D. P. Rebuffi ad quatuor

libros Pandectarum, leges, Si debitori. Im


peratores. Si quis pro eo. ff. & l.

unicam. C. notatu di-

gna visa sunt.

\*\*\*

In quo prior numerus paginam, posterior Summariorum numerum, a, verò  
priorem columnam, & b, posteriorem, indicat.



**A**  
BIMELEC, quid significet. 103.1.b

Absens reipublica causa quomodo  
resituatur. 322.b

Absens quis tutelam deponere pos-  
sit. & in quibus casibus. 380.b

Absens quis condemnari potest in  
crimin. l. se maiestatis, & quare. 498.71.b

Absens, etiã nō citatus, quādo condēnari possit. 499.73.a

Absentes cum affectatione causa Reipub. an debeant vii  
privilegiis absentium. 493.56.a

Absentia quenam tantum excuset. 168.1.a

Absentia famuli quando plene probet. 503.b

Absolvere quis non potest, qui non potest condemnare.

115.1.a

Acceptilatio à creditore facta, plus operatur quàm chiro-  
graphum redditum. 284.2.b

Acceptilatio obligationes iuriscgentium non tollit, &  
quare. 307.2.b

Acceptilatio generalis non extenditur ultra Aquilianā  
stipulationem, & quare. 309.a. & b

Acceptilatio generalis cur captiosa liberalitas vocetur.  
ead. num. 1.

Acceptilatio ad quæ extendatur, & ad quæ non. 310.3.a

Accessorium, & coherens an prescriptum sit, prescripto  
principali. 170.3.b

Accessorium quando potentius suo principali. 505.95.b

Accessorium naturam sui principalis sequitur. ibid.

Accessorium quando, sublato principali, non tollatur.  
506.96. & 97.a

Acquirere aliquid, quod de breui apud quem non sit re-  
mansurum, vel quod non acquiratur, equiparantur.

502.87.b

in Actibus, quotuplex forma reperiatur. 461.22.a

Actio legis Aquiliæ contra quem cesset. 102.10.b

Actio ad salarium petendum quanam esse debeat. 189.3.b

Actio & officium iudicis qui differant. 199.a

Actio & persecutio an prescribi possint. 200.8.a

Actio, quotuplex in maleficiis oriatur. 212.b

Actio etiam lege confirmante tollitur. 287.2.b

Actio de dolo quando dari dicatur. 288.b

Actio incerti civilis quæ dicatur. 289.a

Actio quomodo diuidatur. ibid.

Actio nulla datur a lege nisi precedente materia quare,  
& quomodo. ibid.

Actio quomodo dari dicatur. 289.b

Actio ex pacto quomodo exceptionem producat. 291.4.b

Actio quæ competat ex pacto incontinenti appposito.  
293.3.b

Actio de dolo in transactionibus an competat. 310.3.a

Actio quod metus causa quò tendat. 3.6.3.a

Actio in rem quando detur. ead. b

Actio personalis quando detur, & quibus, & contra  
quos. ibid.

Actio in rem scripta quæ dicatur. 3.7.1.a

Actio in unum heredem transiens perpetuatur ad alios.  
331.1.a

Actio quod metus causa ad quid detur. ead. 2.

Actio de dolo quare intra biennium finiat, de quæ co  
praxis consuetudinaria. 338.a

Actio personalis ad rescindendum contractum dolo ini-  
tum, finitur post decem annos in Francia, secundum  
ius verò antiquum post triginta. ibid.

Actio famosa à Pretore non decernenda si sit civilis, ho-  
noraria, vel ordinaria. 339.4.b

Actio de dolo quando locum non habeat. ibid. & seq.

Actio filii decepti quomodo contra patrem forman-  
da. 34.4

Actio de dolo quādo incives vel municipales detur. ibid.

Actio de dolo ut competat, quæ requirantur. ead. b

Actio de dolo in manumissum quando detur, & quando  
non. 342.a

Actio de dolo quando contra heredes detur. 344.3.a

Actio de dolo quando detur, vel non. 345.a & b

Actio de dolo etiam propter dubium competit, & quod  
dubium hinc intelligatur. ibid.

Actio de dolo an detur legatario, si heres legatum ali-  
cui servum occiderit. 346.a

Actio de dolo an competat aduersus eum qui vicit, &  
absolutus fuit. 348.b

Actio de dolo quando à Procuratore contra partem tran-  
seat. 349.a



# I N D E X.

- Actio ante impleri conditionem quando dari possit.* 351.b  
*Actio de peculio quando detur.* 351.b  
*Actio quod metus causa, cur certa quantitate limitata non sit, qua condemnaretur is, qui rem non restituerit ad arbitrium iudicis.* 352.b  
*Actio de dolo an competat cum aliis actionibus.* 356.a  
*Actio ex promissione iurata an pariat actionem.* 450.b  
*Actio ex nudo pacto oritur ratione gminationis.* 477.7.a  
*Actio in factum ex causa indicati non habet paratam executionem, & quare.* 489.47.a  
*Actio in factum quomodo oriatur ex sententia.* 491.57.b  
*Actio que oritur per sententiam, an sit dativa vel nativa.* ibid.  
*Actio in factum, oriens ex sententia, an nascatur ex consensu facto à lege, an ex tacito.* 494.58.a  
*Actio realis, siue res in ea deducta sit per soli conventionem litigiosa, & quare.* 506.98.b. & seq. a. confirmatur.  
*Actione prescriptis verbis, vel in factum agendum, quando conventio est innominata.* 287.3.b  
*Actione alia existente an agi possit.* 351.a  
*Actionem informare, & reformare, quid.* 293.3.b  
*Actionem popularem in regno Francie quis persequatur.* 341.5.a. & b  
*Actionem in se transferri si non patitur marumissus, de dolo actio domino dabitur, & quare.* 348.a  
*Actiones quomodo iuris gentium & civiles dicantur.* 22.9.b  
*Actiones penales, de eadem pecunia concurrentes, non perimuntur per aliam.* 214.3.a  
*Actiones penales quando ad heredes transeant.* 252.2.a & b  
*Actiones dari, vel nasci quando dicantur.* 289.b  
*Actiones noxales olim dabantur ex delictis servorum, & quare.* 351.a  
*Actionis unius coaceruatio non est facienda, & quomodo.* 228.1.a  
*Actionis edictio quomodo fideat.* 274.b  
*Actionum coadunatio coram iudicibus delegatis non facienda, & quare.* 229.b  
*Actor que reo edere teneatur.* 278.a  
*Actor quomodo concludere in libello debeat, super pacto incontinenti contractui appposito.* 293.4.b  
*Actor quomodo fiat dominus fructuum.* 471.4.b  
*Actorem corrumpens ad quid teneatur.* 151.a  
*Actori an sufficiat servum in fideiussorem habere.* 260.a  
*Actuario & scriptori de consensu partium creditur, & quare.* 100.3.a  
*Actum inuvalidum confirmans, cum de nouo videtur concedere & quare.* 216.a  
*Actum validum confirmans, cum de nouo non dicitur facere, & quare.* 217.4.a  
*Actus sine cognitione cause omnes coram patre vel filio expediri possunt, & quare.* 90.3.b  
*Actus publici an à quolibet fieri possint.* 93.7.b  
*Actus metu factus quomodo annullandus.* 326.2.a  
*Actus ratione doli quando nullus non sit.* 343.b  
*Actus conexitas inspicenda in minoribus, & quare.* 359.b  
*Actus gesti à Pralato, vel Curato postea remoto, an valeant.* 396.a  
*Actus gesti ante restitutionem ut valeant, quam requirantur.* ibid.  
*Actus per consanguineum gestus, an praui dicet consanguineo.* 404.b  
*Actus qui iudicis delegati iurisdictionem perpetuet.* 470.3.a  
*Actus nullus iudicis delegati, quando non perpetuet eius iurisdictionem.* 470.5.b. & seq.  
*Actus ipso iure non intelligitur nullus, per omissionem solemnitatis, & quare.* 474.17.a  
*Adiecti ipsius heredi solui non potest, & quare.* 488.44.b  
*Adiecto solui non potest postquam litem quis contestatus est, & quare.* 488.b  
*Adiectus cur petere non possit ut sibi solvatur.* ead. 44  
*Adiectus cur nec nouare nec acceptum ferre possit.* 489.45.a  
*Adiectus in melius conditionem mutans, an recipiat solutionem.* ibid.  
*Administratio tutori, non confecto inuentario, decreta, auferenda est, & à quo.* 74.a  
*Adeptari qui non possint.* 43.a  
*Adoptio quot modis fiat.* 54.1.a  
*Adoptio & emancipatio sunt voluntarie iurisdictionis.* 100.1.a  
*Adoptiones in Francia an fiant.* 43.a  
*Adoptiuus quomodo filius Senatoris dicatur.* 53.b  
*ex Adulterio uxoris questum facere quando quis dicatur.* 48.4.a. & b  
*Adulterium uxoris viro cordato grauius, quam mors filiorum.* 73.1.a  
*Aduocati causam dicentes in foro quibus prefationibus uti debeant.* 31.a  
*Aduocati antiquiores prius audiendi sunt, & quare.* 124.1.a  
*Aduocati quales debeant furiosis & pupillis à Proconsule dari.* 124.2.a  
*Aduocati fisci officium quis primum instituerit.* 152.3.b  
*& quot olim fuerint.* ibid.  
*Aduocati à quo possint cogi ut consilium dent.* 316.1.a  
*Aduocationibus interdicere alicui, quid sit, & à quo possit interdicti.* 316.1.b  
*Aduocatis, Procuratoribus & Medicis quando debeatur salarium.* 190.7.a  
*Aduocato semel destituto, nunquam ad agendum copia datur.* 124.3.a  
*Aduocato interdictum forum quodnam sit.* 316.2.b  
*Aduocatos & Procuratores, quid per peram agentes, perire ad quem pertineat.* 11.1.a  
*Aduocatus verborum, postulationis officio privandus.* 30.1.b  
*Aduocatus de quota litis paciscens puniendus, & quomodo.* 505.5.b  
*Aduocatus mandati actione non obligatur.* 317.1.a  
*Aduocatus quando dicatur infamis.* 318.b  
*Aduocatus verbosus officio aduocationis privari potest.* ibidem  
*Aduocatus fisci quando pro alio postulare prohibeatur.* ibidem  
*Aduocatus fisci potest postulare pro filiis suis, parentibus & pupillis, quorum tutelam gerit, etiam contra fiscum, & quare.* 319.a  
*secus autem quoad statum publicum.* ibid.  
*Aedificia cum aliis coniungere est de iure gentium.* 22.5.a  
*Aediles unde dicti fuerint, & quoniam Curules dicebantur, & quot erant.* 101.5.b  
*Aediles Plebei qui fuerint, & eorum officium, & edicta ab eis statuta.* ibid. & seq. a  
*Aedium sacrarum, operumque publicorum inspectio ad quem pertineat.* 139.b  
*Aegyptiorum lex de Medicis.* 137.1.a  
*Aequi*



# I N D E X.

- Aequibonique notitia unde petenda.* 3.8.b  
*Aequitatis & legis coadunatio qua.* 4.8.a  
*Aequum à bono quando separatur, & quando non.* 2.6.b  
*Aequum ab iniquo separare, ad quos pertineat.* 4.8.b  
*Aestimatio eius quod interest quando fieri debeat.* 35.3.b  
*Aestimatio fructuum quando facienda.* 37.2.a  
*Aetas ex aspectu corporis an probari possit.* 411.a  
*Aetas perfecta quando esse dicatur.* 412.1. & 2.a  
*Aetas viginti quinque annorum an debeat esse completa, ut minor suarum rerum habeat administrationem.* ead.2.  
*Aetas minorum causa cognita probanda, priusquam eis rerum suarum administratio detur, & quare.* 418.b  
*Aetas quot modis probetur.* 419.a  
*Aetas maior quomodo probetur.* ead.num.3.  
*Aetas quando probari debeat in minore.* 430.a. & num.10. limitatur.  
*Aetatem probare quis teneatur.* 419.9.b. & seq.a  
*Aetatis veniam concedere, est summi imperij cognoscere verò de ea est mixti.* 209.11.b  
*Aetatis beneficium est potentius, quam Senatusconsultum Macedonianum, aut Velleianum.* 383.4. & 5.b  
*Aetatis venia quomodo apud Iurisconsultos accipitur.* 395.a  
*Aetatis minoris probatio per quos fiat.* 429.5.6. & 7.a. 8. & 9.b  
*Aetatis praesumptio unde oriatur.* ibid.  
*Aetatis probationis effectus quis.* 410.10.a  
*Agentes rerum, seu agentes in rebus, qui dicantur.* 151.a  
*Agere lege quis dicatur.* 95.b  
*Agere alio iure quando quis dicebatur.* ibid.  
*Agere per se quid debens, alium subrogando non liberatur explicatur.* 103.12.a  
*Agere impedito an currat praescriptio regulariter.* 149.3.a  
*Aggressus in domo quis dicatur.* 125.b  
*Alienatio rerum Caesaris Procuratori suo prohibita, & quare.* 15.6  
*Alienatio serui adscriptitij etiam cum iuramento facta, an teneat.* 456.12.b  
*Alienatio rei dotalis an iuramento firmetur.* 457.12.a  
*Alienatio rei dotalis cum iuramento facta, an valeat.* ead.14.b  
*Alienatio sine tutoris vel curatoris auctoritate facta, an iuramento firmetur.* 462.a  
*in Alienatione rerum Caesaris quae requirantur.* 153.b  
*in Alienatione rei suae quid requiratur.* 154.1.2.3. & 4.a  
*Alimenta pro militibus possunt capi, & quare.* 136.b  
*Alium ledere quid sit.* 28.1.a  
*& quando alterum ledere quis dicatur.* ead.2.b  
*Amasius an possit fieri substitutio exemplaris.* 32.2.b  
*Amasius, qui ebrio equiparatur, an possit in iudicem, vel testem recipi.* 32.1.b  
*Anatomiae confessio quo tempore fieri debeat.* 208.8.a  
*Anaxandridae praeclarum responsum, de iudiciorum maturitate & temperamento.* 144.1.a  
*Animalia bruta an puniunda.* 498.71.b  
*Animus fraudandi plus nocet, quam ipse euentus, & quare.* 501.84.b  
*Anni quot dentur ad rescindendum actum motu reuerentiali factum.* 335.a. de quo ex Francia consuetudo. ibid.  
*Anni à die natiuitatis, non autem conceptionis, debent computari.* 358.a  
*Annona nomine quae contineantur.* 101.5.b  
*Annus conscriptus in principio libri, prodest ad totum librum, & quare.* 278.a  
*Apparitor volens prehendere furem, potest precipere laicis ut eum adiuvant, & si non pareant, possunt puniri.* 15.7.b  
*Apparitor Regis, praecepto dato abutens, puniendus.* 135.2.b  
*Apparitor in patria sua an quilibet esse possit.* 187.1.a  
*Apparitor Praesidis non potest debitorem, sine iudicis commissione, cogere ad dandum, vel restituendum, & quare.* 335.2.b  
*Apparitorem in prima citatione acceptum, pars non tenetur iterum recipere in alia.* 63.9.a  
*Apparitores Castelleti Paris. an ubique executionem habeant.* 110.3.b  
*Apparitores quando possint cogi ut aliquem suspendant.* 1.8.3.a  
*Apparitores Regis, officium suum exequentes, qui verberant, qua poena in Francia puniantur.* 175.7.b.  
*restringitur ad dominum & servum, maritum & uxorem.* 176.a  
*Apparitores regni Francia quomodo citentur.* 253.b  
*Apparitores Curiarum supremarum si rei illis commissi fugiant, an possint moram purgare.* 256.3.a  
*Apparitores quando fidem frangere iudicibus dicantur.* 496.b  
*Apparitores quando crimine concussionis teneantur.* ibidem  
*Apparitori in quibus credatur, & in quibus non.* 81.b  
*Apparitori in rebus magnis & arduis quando credatur.* 82.2.a  
*Appellanti quando tempus ad soluendum non detur.* 440.9.a  
*Appellatio rei quid contineat.* 38.b  
*Appellationi omni in regno Francia defertur.* 17.12.a. & b  
*Appositorum ad portas urbium quodnam fuit officium.* 102.10.b. & seq.a  
*Aquiliana stipulatio quare inuenta.* 307.2.b  
*Aquiliana stipulatio quare vino, quod vulgus Rapé vocat, equiparetur.* ead.3.  
*Aquilianae stipulationis forma.* 307.b  
*Aquilianae stipulationis effectus.* ead.num.1.  
*post Aquilianam stipulationem cur interponatur.* 307.3.b  
*Arbiter non condemnat ad mulctam inobedientem partem, & quare.* 247.1.a  
*Arbiter partes cogere non potest ad generalem liberationem, & quare.* 310.2.a  
*Arbitri dati à Magistratibus sententia, licet ille sit servus, an valeat.* 95.b  
*Arbitrio iudicis res restitui quomodo intelligatur.* 352.b  
*Arbitrium iudicis an semper dandum sit, si quis rem non restituat.* 352.b  
*ab Arbitro, iniquum arbitrium proferente, an liceat appellare.* 260.b  
*ab Arbitro, accepto cum adiectione, an liceat appellare.* 261.a. & num.1.  
*Arbitro quando non obtemperandum.* 500.77.a  
*Archiepiscopus & Episcopus an possint super iuramento dispensare.* 466.b  
*item Abbas vel alij Pralati.* ibid.  
*Arestis executio an impediatur per in integrum restitutionem pendente cognitione.* 391.b  
*Arestum delens in libro Arrestorum Curiae scriptum, item & addens vel delens aliquid de instrumentis, qua poena puniantur.* 210.1.b  
*Arestum notabile contra consuetudinem malam inueteratam.* 222.b



# I N D E X.

*Arrestum Senatus in inobedientem iudici.* 247.b  
*Arrestum pro mora purgatione.* 272.4.b  
*Arrestum Curia Parisiensis de renuntiatione uni ex fratribus facta.* 280.8.a  
*Arrestum Parisiense contra Sollicitatorem Archidiaconi Parisiensis du Bellay, ad impetrandum beneficia inhabilem.* 304.1.b  
*idem quoque in Scriba seu Graphario tenendum, & in iudiciis etiam.* *ibid.* & seq. a  
*Arrestum super quodam Titio qui equum alterius in pratis pascetem per pedes ligatum soluerat.* 347.b. de que eadem re, at saltem simili, questio. *ibid.*  
*Arrestum super baiulis bene vestitis, factis fideiussoribus cuiusdam.* 350.b  
*Arrestum Curia super reditu pro parte redimendo.* 433.b. & seq. a  
*Arrestu, quo index domicilij rei potuit cognoscere.* 447.b  
*Argentarij quibus erant prepositi.* 299.b  
*Argentariorum libris quando credendum, & quando non.* 277.2.a  
*Argentarius quo in loco edere rationes teneatur.* ead. 3.b  
*Argumentum de statuto ad consuetudinem, & e contra, vel ad rescriptum Principis, an valeat.* 27.3.a  
*Argumentum de pacto ad legem, statutum, vel consuetudinem, an etiam valeat.* ead. 4. a  
*Argumentum a contrario, in quibus locum habeat.* 166.b. & seq.  
*Argumentum a contrario, in quibus non procedat.* 167.b  
*Argumentum a contrario unde sumendum.* 168.11.a  
*Argumentum a contrario sensu in quibus sit validum.* 471.7.4  
*Argumentum a contrario sensu quando locum non habeat.* 475.b  
*Aristotelis praeclare dictum, de coniunctione maris & feminae.* 9.1.b  
*Aristotelis sententia de pueris, iuuenibus, filiis & patribus.* 45.a  
*Arrogatio qualiter fiat.* 4. a  
*Arrogatio an possit concedi a Cancellaria.* *ibid.*  
*Arrogatio quando permittenda.* 364.b  
*Arrogatus subdole an possit restitui.* 354.a  
*Ars quid sis, & quomodo ius ars dicatur.* 2.5.a. & quoruplex sit. *ibid.*  
*Assessor quis dicatur, eiusque officium.* 184.a  
*Assessor an habeat iurisdictionem.* *ibid.* b  
*Assessor quis esse non debet in sua prouincia, & quare.* 186.1.b  
*Assessores qui esse possint.* 185.b  
*Assessori quodnam salarium dari debeat, & quomodo illud considerandum.* 190.7. & 8.b  
*Assessori an liceat fungi Aduocati officio, tempore quo est Assessor, deque eo forensis usus Castellati.* 192.b. & seq. a. & b  
*Assessorum loco qui dicantur esse in Francia.* 184.a  
*Assessorum priuilegia quanam esse debeant.* *ibid.* b  
*Assessorum officium in quo consistat.* *ibid.* & seq. a  
*Attestatio nobilitatis filio facta, coram magistratu patre, an valeat.* 90.4.b  
*Audientia an possit contumaci per iudicem in omni sua causa denegari.* 471.9.b  
*Audue aliquem cum ingenio quid sit.* 122.b  
*Auditores Castellati in annuo debito viginti librarum cognoscere possunt, & quare.* 228.2.b  
*Auditorium alienum quodnam vocetur.* 193.b  
*Auditorum Castellati cognitio quousque extendatur.*

228.2.a. & b  
*Augusta & uxori Regis eadem priuilegia tribuuntur, quae & ipsi Regi.* 34.6.b. & ministri eius iisdem priuilegijs gaudent quibus & ministri Imperatoris. *ibidem*  
*Aureorum nomine quid veniat.* 221.1.a  
*Authoris de factis pluribus sententia.* 224.2.a  
*Authoris de morte sententia.* 257.b  
*Authoris ad legem, etsi post tres. ff. si quis cautionib. intellectus.* 271.b  
*Authoris sententia cur minor restituatur contra debitorem soluentem.* 370.a  
*Authoris opinio, an restitutio sit contrarius.* 388.a  
*Authoris opinio de fructibus, in contractibus bona fidei, quando veniant.* 485.40.b. & seq.

## B

**B** *Aillini, Seneschalli & Praesides, de quibus cognoscant.* 151.b  
*Baldi opinio, de mandante aliquid alicui, nouiter declarata.* 497.69.b  
*Bannitus non rite condemnatus, an comprehendatur statuto puniente statutum.* 476.20.a  
*Baro, Comes, vel alius dominus male tractans suos subditos idque iniuste, perdit suam iurisdictionem.* 42.5.a  
*imò & Rex Franciae superioritate priuatur.* ead. 6.a  
*Barstardus non habet in regno Franciae heredem.* 57.2.a  
*Bella quomodo a iure gentium introducta.* 20.b  
*Beneficia duo habens, in quo residere teneatur.* 40.3.a  
*Beneficia immunitatis rebus aut locis generaliter data, ad posteros transmittuntur.* 297.1.b  
*Beneficium petens pro indigno, quo crimine teneatur.* 92.4.a  
*Beneficium quando inuito conferri possit.* 398.a  
*Bona oberrantia quanam dicantur.* 213.18.b  
*Bona quando iure non dicantur vendita.* 447.a  
*Bona fides de iure Canonico est omni praescriptionis tempore requisita.* ead. 18.  
*Bona fides quantopere in praescriptionibus sit necessaria.* 474.b  
*Bona fidei defectus cur interrumpenti tantum proffit.* *ibidem*  
*Bona fidei possessor quando per solam cotrouersiam motam in mala fide constituatur.* 489.47.b  
*inter Bonam fidem & malam medium quodnam sit.* 475.a  
*Boni mores de quibus intelligantur.* 454.10.b  
*Boni mores ciuiles quid respiciant.* 455.a  
*Bonis maternis, ob matris delictum publicatis, an filij possint aliquid de illis habere.* 364.a  
*Bonis suis venditis latitans restitui potest, & quare.* 447.a  
*Bonorum confiscationes cur inducuntur.* 5.9.a  
*Bonorum raptores qui dicebantur, & ad quos eorum cognitio pertinebat.* 104.b  
*Bonorum possessio quid sit.* 177.1.b  
*Bonorum amissio cur in necem dominorum tendere dicatur.* 385.b  
*contra Bonos mores quid fieri quando dicatur.* 455.a  
*Bonum & equum quid dicatur.* 2.5.a  
*Breuitas verborum quae dicatur.* 30.3.b

## C

**C** *ancellariae Franciae an possint restitutionem concedere.* 379.b  
*Cancellarius regni Franciae quibus rebus praponatur.* 87.2.b



# I N D E X.

*Canem alterius incitans contra alium, quem postea mordit, ad quid teneatur.* 347.4  
*Canonici quando statutis Ecclesiarum derogare possint.* 297.a  
*Cardinalibus in quibus credendum sit, & contra.* 68.a  
*Cardinalium collegium an possit prescribere contra Papæ auctoritatem.* 212.16.a  
*Castigatio filiorum patri omni iure permissa.* 16.8.b  
*Castigatio modica in quo consistat.* 231.1.b  
*Castigatus, non tenetur amplius soluere, & quare.* 221.3.b  
*Casus quibus locus iurisdictionis mutari potest.* 29.4.b  
*Casus à dolo quæ excusantes quot & qui sint.* 222.a. & b  
*Casus in quibus iudex etiam extra territorium cognoscit.* 245.8. & 9.a  
*Casus, quibus quis venire contra suum iuramentum potest.* 455.29.b  
*Casus, in quibus iudicium, ante litis contestationem, incipere videtur.* 470.1.a. & s. q. a  
*Causa possessoria inter nobiles in regno Franciæ, coram quo tractanda est.* 73.3.a  
*Causa quando specialiter committi dicatur.* 163.1.b  
*Causa iustæ permissionis, ut res minoris alienentur, quam sit.* 172.b. & 173.a  
*Causa semel facta delegabilis, in posterum delegari potest, & quando.* 331.2.a  
*Causa deserta quando dicatur.* 374.a  
*Causa efficiens quid sit, & quotuplex.* 463.24.b  
*Causa finalis quotupliciter dicatur.* 465.28. & 29.4. & b  
*Causa iusta litigandi an excuset à mora.* 490.48.a  
*Causa malitiose procurata & affectata, non debet affectanti aff. re commodum.* 493.55.a  
*Causa qualibet, etiam iniusta, excusat à dolo.* 501.85.b  
*Causa, ex quibus statutum cognoscitur illicitum, quot & quæ.* 4.9.b  
*Causæ coniunctorum & affinium per totam Italiam arbitris committuntur, ac per eosdem finiuntur.* 123.4.b  
*Causæ nobilium à quibus cognoscantur.* 151.a. & b  
*Causæ specialis concessio quomodo cognoscatur.* 164.2.a  
*Causæ ex privilegio concessæ an mandari possint.* 165.5.a  
*Causa cognitio quando ad renocandum Procuratorem requiratur.* 482.b  
*Causam iustam litigandi habens, an condemnetur in expensis.* 369.5.b  
*Cautela & fallacia omnes, an sint de iure illicitæ, necne, & quare.* 4.8.b  
*Cautio damni infecti quando postulanda.* 177.1.b  
*Cautio, pro legatis in diem facienda, cur non petenda.* 178.2.b  
*Cautio iudicatum solui post litem contestatam peti non potest.* 266.3.b. & seq. a  
*Cautio, pendente dilatione, à debitore est facienda, & de eadem re obiectio.* 442.11.a  
*Cautiones metu extortas quis prohibere debeat, & cautionum vocabulo quid denotetur.* 133.3.b  
*Cella quid sit, & unde dicta.* 106.b  
*Christiani in Ecclesia delinquentes, an gaudeant eius immunitate.* 491.52.a  
*Ciceronis sententia de populo.* 35.b  
*Cippi siue lapides prope publicas vias in terminis agrorum positi, quid denotent.* 72.3.b  
*Cippi appellatione qui veniant.* 72.3.b  
*Citatio non interruptit prescriptionem etiam triginta annorum, & quare.* 236.b  
*Citatio quomodo iurisdictionem praueniatur.* 241.4.a  
*Citatio an domicilij nummationem impediatur.* ibid.

*Citatio est de processu, & quando.* 470.2. & 3.a  
*Citatio inualida non facit quem contumacem etiam si non veniat.* 470.4.b  
*Citatio facta quando dicatur.* 471.7.a. & quando contestata censeatur. ead. 8.a. & b  
*Citatio an in notorio necessaria.* 499.74.a  
*Citatus extra territorium an ire teneatur.* 243.1.a  
*Citatus à citatione appellans quando non recipiendus.* 254.3. & 4.b  
*Cines singuli in causa Vniuersitatis possunt deponere, & quare.* 452.b  
*quando verò non.* ead. 3. & 4  
*Cines necessitatis causa frumentum emere an cogantur, & quare.* 79.6.a  
*Ciuitates confederatæ statutis aliarum ciuitatum ligantur, & quare.* 243.3.a. & b  
*Clarissima mulieres quæ dicantur.* 56.a. & b  
*Clarissimi qui dicantur, & quot modis Clarissimi appellentur.* 53.a. & ead. num. 4.  
*Clarissimi quot modis dicantur.* 57.2.a  
*Clerici an possint cogi ad domorum suarum & Ecclesiæ reparationem.* 140.2.a  
*Clerici an possint delegationes sumere à laicis.* 175.4.b  
*Clerici num possint privilegio ipsis competentibus renuntiare.* 239.1.a  
*Clericum à iudice seculari captum an, & quando liceat auferre.* 17.12.b  
*Clericus recipiens instrumentum in fauorem Ecclesiæ suæ, an incidat in pœnam falsi.* 8.3.a  
*Clericus instrumentum scribens tanquam Notarius falsarius est, & quare.* ead. 4.a  
*Clericus potest excommunicari à iudice sub quo deliquit.* 131.5.b  
*Clericus coram iudice seculari vocatus, an debeat comparere, & privilegium suum allegare.* 254.2.b  
*Clericus miles, & alij privilegiati an possint in rem suam fideiubere.* 260.2.a  
*Clientes an possint Aduocatis suis, loco salarij, promissiones, instrumenta, aut chirographa tradere.* 123.2.a  
*Coacervatio plurium summarum quare fiat.* 229.b. & in fauorabilibus quomodo fiat. ibid.  
*Coadunatio quando facienda.* ead. 4.a. & b  
*Coercitio modica in quibus consistat.* 183.13.b  
*Coercitio modica an possit mandari.* ead. 14. & 15.  
*Cognatorum nomine qui veniant.* 18.15.b  
*Cognitio rei fiscalis ad quem pertineat.* 119.4.b  
*Cognitio causæ in quibus requiratur.* 121.3.b  
*Cognitionem causæ non requirentia, an per solum libellum expediri possint.* 122.3.a  
*Cohors quid significet, & eius plures species.* 103.2.b  
*Cohortes septiæ quare constitutæ fuerunt, & à quo.* 103.1.b  
*Coitus vitiosus quis sit.* 9.a  
*Collatio à Vicario renocata facta an valeat.* 149.a  
*Collatio noua an requiratur in renuntiante beneficio per metum.* 406.1.a  
*Collegium unde iudicetur laicum.* 40.9.b  
*Collegium illicitum quodnam dicatur, & illud cogentes à quo puniendi.* 83.b  
*Coloni propter dominorum suorum sanctiam an fugere possint.* 41.2.b  
*Commercium quomodo intelligendum.* 22.6.a  
*Comminationis belli effectus qui.* 502.88.b  
*Committo, verbum, quem effectum habeat.* 71.2.b  
*Compromissum à prouiso per Episcopum factum, an Episcopo noceat.* 308.b



# INDEX.

- Compulsus quando quis non presumatur.* 333.b  
*Compulsus fuisse minus presumitur homo praeclarus, quam pauper. & quare.* ead.1. & seq. a  
*Compulsus vir à muliere an presumatur.* 334.2. a  
*Compulsus debitor quando dicatur.* 369. b  
*Communis opinio de aliquo, liberat solutionem.* 93.8. b  
*Communis fama in antiquis an valeat.* 94.9. a  
*Communis opinio quando praeualeat veritati.* ibid.  
*Communis opinio de aliquare quando dicatur.* 98.12. b  
*Concesso castro, & iurisdictio territorio inherens concessa videtur, & quare.* 71.3. b  
*Concilium, & conuentus quid sint.* 61.1. a  
*Concilium praebere qui possint, & qui non.* 61.3. b. & quis dicatur concilium praebere. 62.4. a  
*Concilium vniuersale indicare debet de Papa, & quando.* 226.4. a  
*Concinnatores causarum qui dicantur.* 122. b  
*Condemnatio innocentis quam sit abominanda.* 136.5. a  
*Condemnatio ad quadruplum quomodo fiat.* 331. b  
*Condemnatum esse, vel non rite & recte, equiparantur.* 476.24. b  
*Condictio certi competit pro omni certo petendo, & contra.* 254.5. b  
*Conditio tacita quae dicatur.* 284.3. b  
*Conditio, cum erit quatuordecim annorum, quid denotet.* 361.3. b  
*Conditio tacita donationis omnium bonorum non firmatur iuramento.* 464.25. a. & quare. ead. num. 26  
*Conditiones quomodo adimpleri debeant.* 504.52. b  
*Confessio extra iudicium geminata praedudicat.* 477.26. a  
*Confirmatio priuilegiorum facta à Papa, dum legationis officio fungeretur, an valeat.* 150. b  
*Consenti quot dies dandi.* 439.8. a. & b. & de hoc obiectio, eiusdemque solutio, & confirmatio. ibid.  
*Consenti cur breuius tempus detur quam litiganti.* 439.9. b. & 440. a  
*Consentibus quod tempus ad soluendum detur.* 440.10. a  
*Confusio an fiat, ubi litis contestatio facta est.* 505. a  
*Coniuncti quando pro coniunctis restitutionem possint petere.* 404. b  
*Conscripti qui dicebantur.* 59. b  
*Consensus partium nihil facit sine delegatione, & quare.* 179.6. b  
*Conseruator Vniuersitatis Parisiensis semper causas delegat usque ad tres sententias conformes.* 165.8. b  
*Consiliarij vel iudices notitiam boni & aequi non habentes, cur creati non debeant.* 3.8. b  
*Consiliarij vt seueri sint, ac secundum ius aequitatemque iudicent, quot & quae requirantur.* 67. a. & b  
*Consiliarij Parisienses aut alij, an habeant iurisditionis exercitium in alia prouincia sibi non decreta.* 110.2. a. & b  
*Constitutio prohibens adificare in suo, non valet.* 22.6. a  
*Constitutio secundum ius commune, non dicitur ius proprium ciuitatis.* 24.1. a. quando verò contra. ead.2. a  
*Constitutio contraria non tollit ius proprium effectum Gallorum.* 24.3. b  
*nec Imperator, nec priuilegia in Constitutionibus Regis scripta.* ead.4  
*Constitutio, ipsi condenti & non populo utilis, non est seruanda, & quare.* 26.3. a  
*Constitutio, quae ad vnius tantum utilitatem fit, non meretur ius dici.* 29.1. a  
*Constitutio Procuratorum facta de duobus eadem die, an valeat.* 504.92. b  
*Constitutiones quales debeant esse.* 5.10. b  
*ad Constitutiones corrigendas, vel immutandas quid requiratur.* 25.1. b  
*Consuetudinem scribendi non seruans in testamento vix probat, & quare.* 220.1. b  
*Consuetudo contra ius gentium non valet, & quare.* 23.10. a  
*Consuetudo Parisiensis de conquestibus.* 56. b  
*Consuetudo Caenomanensis de habente mixtum imperium.* 214.25. b  
*Consulares quot modis dicantur.* 48.4. b  
*Consularia ornamenta meritis, & Consularis homo, quomodo differant.* 48.4. & b  
*Consularis prouincia quae dicatur.* 47.2. b  
*Consularis aetas quae.* ibid.3  
*Consularis dignitas per matrimonium amittitur, & quare.* 54. b  
*Consularis nupta plebeio, non erit clarissima, nisi mortuo marito plebeio iterum nubat nobili.* 59.1. a  
*Consules quot fuerint olim, unde dicti, & eorum munus.* 60. a  
*Consules in caput ciuis Romani, iniussu populi Romani, non poterant animaduertere.* ead.1. a  
*Consules possunt seruos suos apud se manumittere, & quare.* 62.4. a  
*Consules consilium separatim praebere qui possint, & qui non.* 62.5. a. & b  
*Consulum potestas quae.* 60.1. a. & an vna sit maior alia. ead.2. b  
*Consulum potestatem denotat Principis concessio, & quare.* ead.3. b  
*Consulum potestas quomodo, & unde cognoscatur.* ibid.  
*Consulum & Praesidium Parlamentorum Galliae, & aliorum Officialium, equiparationes.* ibid.  
*Contemnere verbum in lege quid importet.* 75.4. b. & ex contempto quid facere quis dicatur. ibid.  
*Contrahendi libera facultas permissa, an debeat à Principe prohiberi.* 22.6. b  
*Contrahens contra iura etiam de fructibus percipiendis tenetur, & quare.* 491.52. a  
*Contrahens incestas nuptias qua poena puniatur.* 500.78. a  
*Contrahere cum pupillis quando quis videatur.* 381. a  
*à primo Contractu quando recedatur.* 24.5. b  
*ex Contractu emphyteutico, seu sponsalitia largitate quare oriatur actio.* 287.1. a  
*Contractus nominatus vt dignoscatur ab innominato, quae requirantur.* 288. a  
*Contractus in suo nomine stantes, quam producant obligationem.* ead. b  
*Contractus nominati quare actionem pariant.* 290. a  
*Contractus nominati non admittunt penitentiam, & quare.* ead. num. 1.  
*Contractus nominatus aut innominatus an sola conuentione perficiatur.* ibid.  
*Contractus rei tantum traditione perficiuntur.* ead.2.  
*Contractus regulariter ad heredes transit.* 297.2. b  
*Contractus ex vna parte regulariter non subsistit.* 305.2. b  
*Contractus cum minoribus initur non valeant.* 357. b  
*Contractus nobilium statuto prohibitus, an iuramento firmetur.* 459.18. a  
*Contractus prohibitus fauore debitoris vel minoris, an firmetur iuramento.* ibid.  
*Contra*



# INDEX.

- Contractus fideiussiois à muliere factus an iuramento firmetur.* ibid. b
- Contractus ex parte materiae inualidus an iuramento firmetur.* 462. b
- Contractus seu actus inualidus, ratione consensus, non confirmatur iuramento, & quare.* 463. 24. b
- Contractus cum amasia factus an firmetur iuramento.* 464. 24. a
- Contractus ebrj an firmetur iuramento.* ibid.
- Contractus per nimiam reuerentiam factus, censetur excludere consensum.* ead. 25.
- Contractus per iracundiam factus an iuramento confirmetur.* 464. 26. b
- Contractus inhabilitas quotuplex sit.* ibid.
- Contractus factus inter patrem & filium, dominum & seruum, an iuramento confirmetur.* 464. 27. b
- Contractus improbatio propter finem quot modis fiat.* 465. 29. b
- Contractus seu actus in prauiudicium tertij factus, an iuramento firmetur.* ibid.
- Contradictor quis dicatur.* 477. 28. b. & seq.
- Controversia super rei alicuius possessione.* 507. 99. b
- Contumacia quare delictum vocetur.* 472. 9. a
- Contumacia quando loco litis contestationis succedat.* 499. 72. & 73. a
- Contumax & praesens curaequiparentur.* 386. a
- Contumelia unde dicatur, & quando contumeliam quis facere censeatur.* 76. a
- Conueniendi facilitas in quo consistat.* 255. 1. a
- Conuenire verbum ad quae pertineat.* 282. 12. a
- Conuentio partium non valet contra vetita per legem.* 33. 1. a
- Conuentio nuda an pariat obligationem.* 238. a. & b & seq. 1. & 2. a
- Conuentio iuxta contractum posita, obseruanda.* 239. 2. a
- Conuentio & pactum quomodo differant.* 282. a. & b
- Conuentio tacita quando dicatur fieri.* 284. 3. b. & seq. a
- Conuentio tacita quando dicatur esse in dote.* 286. a
- Conuentio legitima quae dicatur.* 287. a
- Conuentio iusta quae dicatur.* 291. a
- Conuentio non valet, si doli fiat expressamentio, & quare.* 301. b
- Conuentio ex una parte non dissoluitur, quae totam contractum respicit.* 305. 1. b
- Conuentio de re pignoratata quando valeat.* 458. 16. & 17. b
- Conuentiones inter absentes quot modis fieri possint.* 284. b
- Conuentiones publicam causam respicientes quae sint.* 286. b
- Conuentiones iurisgentium an confirmentur à lege.* 287. 1. a
- Conuentiones iurisgentium an sint legitima.* ibid. & b
- Conuicium quid sit, & unde dicatur.* 76. a. & quis conuicium facere dicatur. ibid.
- Corrumpens decretum inferioris, poena legis, si quis id. de iurisd. omn. iudic. non est puniendus, & quare.* 220. a
- Corrumpens edictum in regno Francia quae poena puniatur.* 221. 2. a
- Corrumpere quomodo accipiat.* 219. b
- Corrumpere tabulas quis dicatur.* 356. b
- Creditor, vendendo pignus, potest gratiam facere in dilatione pretij, & quare.* 155. 4. b. item Procurator generaliter, vel specialiter constitutus. ibid. num. 5.
- Creditor an de nocte solutionem recipere cogatur.* 274. 5. a
- Creditor infuturum vsuras accipiens quando dolo facere dicatur.* 286. b
- Creditor ad quae teneatur.* 309. b
- Creditor rem debitoris suam faciens, an amittat debitum.* 328. a
- Creditor bona debitoris propria autoritate occupans, tertia parte bonorum mulctatur, & sit infamis, usque crediti remittit. ead. 1. b. de quae eo praxis regni Francia. ead. 2.*
- Creditor falso debitorem laudans, actione doli tenetur, & quare.* 349. 1. b
- Creditor cognatus quando habeatur potior.* 443. 1. b
- Creditor recipiendo vsuras, peccat mortaliter, & quare.* 459. 17. a
- Creditor plus debito exigens, perdit totum debitum, & quare.* 477. a
- Creditorum, quando dubitatur quis haeres sit, quem conuenire debeant.* 309. a
- Creditorum qui in personalibus praeferrantur.* 444. 2. b
- Creditorum conuentio num fiat in Francia.* 299. a
- Crimen laesae Maiestatis quando committi dicatur, & quando non.* 29. 6. b
- Crimen stellionatus quodnam sit.* 356. b
- Crimina tot esse quando censeantur, quot sunt delinquentes.* 223. 1. b
- Criminaliter agi quando censeatur.* 132. 8. a
- Curationis nomine quid veniat.* 408. a
- Curator Palatij quis dicebatur, eiusque officium.* 188. 3. a
- Curatores operum qui dicebantur, & eorum officium.* 118. 2. a
- Curatores Caesaris an habeant ius deportandi.* 159. a. & b
- Curatores in administratione rerum pupilli permanentes, non possunt inuari sententia Praesidis, & quare.* 412. 2. a
- Curatores quibus in rebus pro pupillo teneantur, & in quibus non.* ibid. & num. 3.
- Curatoris ciuitatis seu Reipublicae forma & officium, & Curatorum genera quot fuerint.* 187. 2. b
- Curia suprema an possit prehendere & punire nocentes, etiam in ingressu Proconsulis.* 119. 3. b
- Curia Parlamenti an possit sine suspitione cognoscere de domesticis.* 217. 9. a
- Curia suprema in Francia habent maius imperium, quam ipsi Locumtenentes Regis, & quare.* 119. 1. a
- Curiaeque potestas quae sit.* ibid.
- Curia suprema in quorum locum successerint.* ead. 2.
- Curiali condemnato in regno Francia prohibetur locus ubi Princeps agit, aliter vero est in Senatore & alio.* 51. 4. a
- Curiarum supremarum in iudiciis ferendis privilegia duo, & quae illa sint.* 67. 11. b
- in Curia suprema iussio secunda debet à Principe expectari.* 36. 3. b
- Custodiae etiam de plano audiri possunt, & damnari.* 123. 1. a

## D

- D**amnum iniquum quod dicatur. 133. 4. b
- D**amnum rei quis praestitisse dicatur. 335. 2. b
- D**ardanarj qui vocentur. 355. a
- D**ebita conditionalia veniunt in iudicium, ut accessoria, & quare. 482. a
- D**ebiti agnitio facta ab vno ex reis debendi, an profit



*vel noceat aliis conreis.* 301.3.a  
*Debitor exactio secundum quem ordinem iuris fieri debeat.* 335.3.b  
*Debitor, instante filio creditore, tenetur etiam coram patre iudice cognoscere chirographum.* 227.1. b  
*Debitor propter debitum priuatum, in corpore non puniendus, & de eo vsus regni Francie.* 254.2. & 3.a  
*Debitor de fuga suspectus, ex vsu forensi regni Francie, an capi possit.* 262.4.b  
*Debitor quando liberatus esse censeatur.* 284.2.a  
*Debitor quando post moram de rei interitu non teneatur.* 329.a. & b  
*Debitor delegatus an restituere teneatur ea, ad qua delegans tenebatur.* 335.b  
*Debitor delegans an per delegationem liberetur.* ead. nu. 1.  
*Debitor in carcere quando non possit retineri.* 336.5.a. & b  
*Debitor patris soluens filio debita an liberetur.* 368.a. & b. & 369.a  
*Debitor non potest cogi minori soli soluere, vt liberetur.* ead.2.a  
*Debitor minori soluens, sine tutoribus vel curatoribus, an liberetur.* 370.a  
*Debitor soluens minori quando liberationem consequatur.* ibid.  
*Debitor compulsus soluere a iudice, ipso iure liberatur, & quare.* 370.a  
*Debitor an euictionis nomine teneatur.* 382.a  
*Debitor an cogatur satisfacere in termino conuentionali.* 442.11.a  
*Debitor, si sua bona sint vendita per creditores, nec iure tamen qua actione possit experiri.* 446.a. & b  
*Debitor ratione iuramenti an possit capi.* 459.b  
*Debitorum bonis cedentes an sint infames, licet etiam eorum bona ex ea causa venierint.* 319.1.a  
*Debitori alieno an possit quis, nomine suo, actionem e-dere.* 438.1.a  
*Debitori condemnato & consentienti se paratum soluere, quando dilatio danda.* 439.7.a  
*Debitori dilatio quando non concedenda.* ibid.  
*Debitoris libellus quomodo formari debeat contra personam coniunctam ad solutionem agentem.* 368.1.b  
*Debitoris nomine quid significetur.* 437.b  
*Debitum totum an vni ex reis recte soluatur.* 301.3.a  
*Debitum citra iuris ordinem exactum, & redditum, non repetendum, & quare.* 336.4.a  
*Deceptus in pōdere, vel mensura quomodo agere debeat.* 354.b  
*Decipiens mulierem per artem magicam, qua pœna puniendus.* 67.9.b  
*Decretorum appellatione qua veniant.* 95.11.a  
*Decretum Superioris factum ab inhabili est validum.* 98.21.a  
*Decretum qualiter accipiendam sit.* 120.a. & b  
*Decretum & edictum quid sint.* 327.b  
*Decurio contractus seruare tenetur a predecessoris factos, sed non eorum debita soluere.* 234.3.b  
*Decurio, qui desit esse, non potest torqueri, & quare.* 487.42.a  
*Decurionis filius quis dicatur.* 54.2.a  
*Defectus olim quot requirebantur ad condemnandum reum.* 250.2.b  
*Defendere se omnibus licet, etiam religiosis.* 14.5.b  
*Defensio est iuris naturalis, & quare. 13.a. & quomodo iurisdictionum sit.* ibid.b  
*Defensio etiam iure diuino permissa.* ibid.

*Defensio à Papa, vel alio Principe, à lege vel consuetudine tolli quando possit, & quando non.* ead.1. & 2.b  
*Defensio tam persona, quam rerum, quousque extendatur.* 14.4. & 5.b  
*Defensio an contra quemlibet sit permissa.* 16.7.a  
*Defensio contra quos non admittatur.* 16.8.a  
*Defensionis modum excedens quomodo puniatur.* 16.10.b  
*Defensor an sine satisfactione in ciuilibus recipi debeat.* 265.2.b  
*Definitio substantiam per essentialia regulariter explicat.* 2.4.a  
*Definitio & descriptio in quo differant.* ibid.  
*Definitio quam comprehendat.* ibid.  
*Definitione quot modis Iurecōsulti arguere cōsueuerint.* 2.3.a  
*Definitum non debet ultra definitionem extendi.* 2.3.a  
*Delegati & Vicegerentis differentia.* 162.4.a  
*Delegati an possint vti precepto aduersus consentientes coram eis ad soluendum.* 439.8.a  
*Delegatio an fieri possit per libellum.* 120.1.b  
*Delegatio facta in praiudicium Aduocati in Frācia prohibetur.* 162.4.a  
*Delegatione nulla, an sententia ab ordinario lata, valeat.* 174.b  
*Delegatus quomodo nihil proprium habere dicatur.* 170.a. & 171.a  
*Delegatus destitutus agere possessorio an possit.* 170.1.a  
*Delegatus Papæ & Principis, an possint alteri iurisdictionem delegare.* 171.4.b  
*Delegatus, seu iudex, an possint congregare consilium, vt quid fiat apud illud.* ibid. & seq.a  
*Delegatus non potest conuocare consiliarios ad causam, qua sibi delegata est, decidendam, & quare.* 172.1.a. & b  
*Delegatus Prator non potest subdelegare tanquam delegatus.* 175.2.a  
*Delegatus iudex quando possit de suspectis tutoribus cognoscere.* 177.4.a  
*Delegatus Pratoris vel Prasidis, quibus cognoscere possit, an danda sit bonorum possessio.* 178.3.b  
*Delegatus Principis imperium illi concessum non mandabit, & quare.* 180.9.b  
*Delegatus an habeat coercitionem corporalem.* 183.15.b  
*Delegatus an habeat tortura executionem.* 184.16.a  
*Delens quod est in instrumento scriptum, furti tenetur, & quare.* 356.b  
*Delicti nomen quid contineat.* 472.9.a  
*de Delicto quando omnes tenentur, omnes pro noxa dandi sunt, & quare.* 224.4.a. & b  
*Delictorum animaduersio quomodo fiat.* 207.6.a  
*Delictum non mutatur per nouam pœnam, licet per constitutionem addatur.* 24.2.a  
*Delictum ob malum exemplum grauius puniendum, & quomodo explicatur.* 472.11.b  
*Delictum propter geminationem grauius puniendum.* 477.28.b  
*Delictum causa pecunia factum aestimatur enormius, quam factum sine pecunia, deque eo plura exempla.* 496.65. & 66.a. & b  
*Delictum dicitur verè committere, qui per alium committit.* 497.69.b  
*Delinquens in negotiatione sua, à quo possit prohiberi, ne eam amplius exerceat.* 136.3.a  
*Deliquisse quis quando dicatur.* 32.9.a  
*Denuntiatio Euangelica quando locum habeat.* 291.b



# INDEX.

- Denuntiatio cui fieri debeat. 419.1.b  
 Denuntiatio matris potest inducere quemquam ad restitutionem, & quare. 433.a  
 Deportatio in insulam in cuius pœna locum successerit. 138.1.a  
 Deportatio an de nocte etiam fieri possit. ead.2.b  
 Deportatio quando mortis nomine contineatur, quando verò non. 258.4. & 5.a. & b  
 Derogatio & cognitio per iudices auditorij facienda, in quo differant. 141.3.a  
 Desideria, verbum, quid importet. 142.a  
 Destruens imaginem in publico positam, qua pœna puniendus. 220.a  
 Dictator quis, & eius officium ac munus, quandiuque durabat. 64.b  
 Dies captus quando pro completo habeatur. 361.1. & 2.a  
 Dies cum pœna obligationi apposita, an semper faciat cessare purgationem mora. 480.a  
 Dignitas an per adeptionem minuatur. 54.2.a  
 Dignitas liberis quasita propter casum patris remoti à Senatu, an auferenda. 56.3.a  
 Dignitatem amissam quomodo retinere quis possit. 59.a  
 Dignitatis autoritas quomodo minuatur. 150.a. & b  
 Dignitatum ordines quot sint, & qui. 51.3.b. & 52.a  
 Dilatio legalis quando facta dicatur. 442.11.a  
 Dilationes ad probandum quot dentur. 440.9.a  
 Dilationi communi an possit renunciari. 426.1.b  
 Dispensatio facta ab Officiali, sede vacante, spurio, ut tonsuram recipiat, an valeat. 96.1.b  
 Dispensatio superioris, quando pro iuramento requiratur. 466.a  
 Dispensatio Principis secularis super iuramento, an admittatur. ead.b  
 Dispensatus ab Episcopo, non potest agere coram iudice seculari, & quare. 467.a  
 Dispositio eadem quando dicatur. 492.54.a  
 Divi Ambrosij de bono iudice sententia. 134.a  
 Divi Ambrosij definitio officij. 161.b  
 Diviso dolo facta an valeat. 343.2.b  
 Doctor an possit in praeiudicium primæ Vniuersitatis, remittere salarium suum ultimæ Vniuersitati. 190.9.b  
 Doctore vno ad licentiam quem presentante, alter lauream illi non concedet. 62.5.b  
 Doctores iura profitentes an minus aut magis mereant, quam Sacerdotes & religiosi. 3.7.a  
 Doctores per pecuniam sibi scholasticos acquirentes usuram committunt. 483.a  
 Doctrina sine praxi non est elucidanda. 88.3.a  
 Doli actio ut oriatur, quæ requirantur. 337.b. & seq.a  
 Doli mali definitio. 319.a  
 Dolo malo quid facere quis dicatur. 220.1.b  
 Dolo facere quis videatur. 303.3.a  
 Dolum passus potest contractum, inuito eo, qui dolum intulit, tenere. 344.4.b. & seq.a  
 Dolum committens in pondere vel mensura ad quid teneatur. 355.a  
 Dolum allegans, quando illum probare non debeat. 472.11.a. & b  
 Dolus prateritus an remitti possit. 258.b  
 Dolus an socio prodesse debeat. 300.a  
 Dolus prateritus an possit tolli pactione, sicut alimenta. 301.b  
 Dolus quis remitti possit. 302.1.b  
 Dolus prateritus quando remittatur. 303.2.a  
 Dolus quomodo probari debeat, & quando presumatur. 338.3.a. & b  
 Dolus potentum quomodo in actionem deducendus. 340.b  
 Dolus quando contractum annullet. 343.a  
 Dolus dans causam contractui, quando annullet contractum minoris. ead.1.  
 Dolus cur ipso iure societatem annullet, non alios contractus. 344.3.a  
 Dolus num annullet consensum in contractibus. ead.b. & 345.a  
 Dolus Procuratoris quando domino noceat. 349.a  
 Dolus num annullet venditionem. 350.b  
 Dolus verus quis dicatur. 377.b  
 Domicilium ubi quis habere dicatur. 58.1. & 2.a. & 240.2.a  
 Domicilium in urbe Senator quare dicatur habere. 58.3.b  
 Domicilium originis an mutetur. ead.4.b  
 Domicilium quando mutare quis possit. 241.7.b  
 Dominia quomodo à gentibus instituta. 21.1.a  
 Dominiorum distinctiones quæ. 21.a  
 Dominium utile à directo iure gentium non distinguitur. 21.1.a  
 Dominium acquisitum quare Princeps auferre non possit. ead.2.a  
 Dominium alicui de iure civili acquisitum, an possit Princeps auferre. ead.3.b  
 Dominium, transactione demum facta, per sententiam acquiritur. ibid.  
 Dominium quomodo transferatur. ead.4.  
 Dominium non transfertur per sententiam latam in reali, & quare. 22.5.a  
 Dominium rei legata recta via in legatarium transfertur, non in heredem, secus autem in legato sub conditione. 346.2.b. & 347.3.a  
 Dominium, traditione nuda, quando non transferatur. 465.a  
 Dominus reuocare potest donationem, factam ab hominibus manus mortuæ, inter extraneos. 206.a  
 Dominus an possit confessionem à Procuratore factam ratam habere. 156.8.a  
 Dominus quatenus pro seruis delinquentibus teneatur. 224.b. & 400.a  
 Dominus quomodo quid dolo facere videatur. 400.a  
 Dominus quando in dubio Procuratorem reuocasse presumatur. 482.b. & 483.b  
 Domo concessa, in qua exigitur vectigal, ius exigendi vectigal an censeatur concessum. 201.10.b  
 Domum omnino destructam anteneatur quis de nouo reedificare. 140.4. & 5.a  
 Donatio ciuitatis quid comprehendat. 71.2.b  
 Donatio facta per Constantinum Papæ Siluestro, an valuerit. 72.3.a  
 Donatio causa mortis quomodo reuocetur. 157.16.a  
 Donatio non insinuata, mortuo donante, non potest à Principe confirmari, & quare. 217.3.a  
 Donatio inter virum & uxorem, per seruitutem donatoris, vel donatarij extinguitur, & quare. 258.6.b  
 Donatio ab Imperatore ante coronationem facta, an valeat. 282.a  
 Donatio & transactio an inter contractus nominatos computentur. 288.a  
 Donatio remuneratoria metu facta non reuocatur, & quare. 326.a  
 Donatio



- Donatio causa mortis an reuocetur propter iuramentum.* 460.19.b
- Donatio causa mortis quotuplicem habeat. sui naturā reuocationem.* ead. num. 20.
- Donatio causa mortis an transferatur in donationem inter vivos.* ibid.
- Donatio absenti facta, vel venditio sine organo epistolae, vel nuntij, an valeat, & iuramento firmetur.* 461.22. & 23.b
- Donatio inter virum & uxorem an iuramento confirmetur.* 463.a
- contra Donationē quando quis venire dicatur.* 461.21.a
- Donationis instrumentum male conceptum an recipiatur.* 39.2.b
- Dos puellam concomitatur, quae monasterium ingreditur.* 266.a
- Dos ex nudo pacto promissa an possit exigi.* 287.1.a
- Dos in immobilibus consistens, soluto matrimonio hodie statim reddenda, in mobilibus autem, intra annum.* 293.2.a
- Dubitatio quando non excuset.* 475.a
- Dubitatio quando prescriptionem impediat.* ibid.
- Duumviri Capitales & Navales quānam dicebantur.* 248.b
- Duumviris non est data multa potestas.* 248.b. & quomodo iurisdictionem suam tueri poterant. ibid.
- Duumvirorum officium, & potestas.* ibid.
- E**
- Eriorum pactum an valeat.* 28.b
- Ecclesia Romana non alligatur sacris Canonibus, & quare.* 34.2.a
- Ecclesia minor, vel hospitale an teneantur fisco instrumenta edere.* 276.3.b
- Ecclesia restituatur, licet non sit enorme damnum.* 376.4.a
- Ecclesia quando a ra Ecclesia restituatur.* 383.b. & 394.3.
- Ecclesia vel Respublica vendens, an teneatur de fructibus percipiendis.* 491.b
- Edere nomen quid significet.* 62.5.b
- Edere quot modis dicatur.* 274.1.b
- Edere actionem quando quis dicatur.* ibid.
- Edere quomodo quis compellatur.* 275.3.a
- Edere cuius expensis quis compellatur.* ead. 4.
- Edere testamentum an teneatur legatarius heredi, per quod ei legatum factum est.* ead. b
- Edere actionem quis dicatur.* 438.2.a
- Editio Principis ius constituitur.* 38.10.a
- Editum quid, & unde dicatur.* ibid.
- Editum propositum tollens non excusatur à dolo, & quare.* 212.b.
- item & mandans illud corrumpi.* ibid.
- Editum de dolo quare à Praetore introductum fuerit.* 387.b. & seq. a
- Editio rationum quomodo in Curiis Franciae fieri soleat.* 275.3.a
- Editio quoties facienda sit.* 277.2.a
- Editio quomodo petenda sit.* 277.3.b
- Educatio puerorum an sit de iure civili.* 103.a
- Educatio iherosolymorum quomodo sit de iure naturali.* ead. 3.b
- Educatio parentum an sit de iure naturali.* 106.b. & 11.a
- Effractores fures vim pariam facientes, quae pena ple- tiendi.* 104.1.a. & b
- Effractorum nocturnorum poena quae.* 104.a
- Electio Praetoris facta à non professo an valeat.* 142.b
- Electio etiam in persona valet, & quando.* 216.b
- Electio, uno relicto, an valeat.* 268.b
- Emenda honorabilis inter Regem & Magistratum, pro iniuria eidem illata, diuidenda est.* 226.8.b
- Emens à fisco sine solennitate, tenetur de fructibus percipiendis, & quare.* 49.52.a
- Emphyteota, quamvis per quadriennium non continuū soluere cessauerit, an priuandus sit emphyteosi.* 229.4.a
- Emptio & locatio quomodo de iure civili contractus dicantur.* 22.8.b
- Emptio sine pretij numeratione fieri nō debet, & quare.* 133.2. & 1.b
- Emptor fructus rei emptae percipiens, tenetur etiam ad usuras pretij non soluti, & quare.* 28.3.b
- Emptor super re emptā compromittens, non potest agere de evictione.* 308.b
- Emptor dicens seruum non esse furem, de re vendita, tenetur actione ex vendito, & quare.* 350.4.a
- Emptor scienter maiora pondera commodatō accipiens, furti tenetur, & quare.* 355.a
- Emptor male fidei quando quis praesumatur.* 423.4.a
- Emptor virum à pupillis pretium cum usuris recipere debeat, an verò ab herede iuratoris.* 434.a
- Emptor quando in casu deficientis conditionis debeat fructus lucrari.* 487.43.b
- Emptor male fidei quando de fructibus percipiendis tenetur.* 491.2.a
- Enuntiatiua verba quando fidem plenam faciant, & rem probent.* 71.1.b
- Enunciatio quomodo exponat Budaeus.* 113.b
- Episcopi & Archiepiscopi non possunt deferre crucem in praesentia Papae, nec mitram in Episcopatu alieno, & quare.* 128.1.a
- Episcopi Vicarius an cognoscat in causa Episcopo delegata sine nouo mandato.* 175.1.a
- ad Episcopum quando recurrendum.* 26.4.a
- Episcopus per mortem alterius Episcopi de Episcopatu prouisus, an possit ea exercere, quae iurisdictionis voluntarie sunt, ubi primum Episcopatum est ingressus.* 114.1.a
- Episcopus non potest conferre beneficium, antequam vacet, nec antequam sit Episcopus, & quare.* 114.4.a
- Episcopus debet in manibus Papae Episcopatu se abdicare, idem & obtinens beneficia.* 150.b
- Episcopus potest in causa suae Ecclesiae cognoscere, & quare.* 227.12.b
- ex Equestri vel plebeio ordine electus ad Senatum an transferatur Senatorum ad filias.* 14.b
- Error quando impediatur prorogationem iurisdictionis.* 235.2.b. & ad prorogationem iurisdictionis quid requiratur. ibid.
- Error in facto non vitiat factum, sed pretextu erroris succurritur, & quomodo.* 237.6.a
- per Errorem adiri quis quando dicatur.* 237.1.b
- Error in iure partibus competente, non impedit iurisdictionem.* 236.4.b
- Ethica, Oeconomica, & Politica Philosophia quid sit.* 6.11.a
- Exactio quomodo facienda.* 315.b
- Exactiones illicitae quomodo à Praeside prohiberi possint.* 133.a
- Exactiones illicitae quae dicantur.* ibid.
- Exactiones illicitae ab Ecclesiis si factae fuerint, in duplicem restitui debent.* ead. 1.
- Examinatio in criminalibus in regno Franciae mandari potest.* 115.4.b
- Exceptio**



# INDEX.

Exceptio excussionis an patri sit admittenda contra filium.	362.a. & b
Exceptio dilatoria etiam post litis contestationem opponi potest, & quando.	479.31.a
Exceptiones personæ vel rei coheredes, an ad alios transeant.	384.b
in Excommunicatione per annum scienter remanens velut hæreticus condemnandus est.	75.5.b
Exconsules qui dicebantur.	88.2.a
Executio flagitiosorum, etiam intra tempora appellationis faciendæ, de quæ eo praxis regni Fræciæ.	18.14.b
Executio quomodo in fideiussorem indicatum solui fieri debeat.	256.b
Executio sine sententia quando fiat.	438.6.b
Executio quando differenda.	484.a
Exercere, verbi, variae acceptiones.	173.3.a. & b
Exercitatio quid sit.	173.b. & seq.a
Exhereditatio non ritè facta, exhereditatio non nocet.	476.19.a
Exilium quotuplex sit.	70.3.b
Exilium an offerat beneficium minori concessum.	394.b
Exilium quotuplex sit.	395.b
Exordium cuiuslibet rei, medium & finis, qualia esse debeant.	30.b
Expensa semper restituenda à reo, pro contumacia.	272.1.a. sed non interesse exigetur, & quare.
Expensas in fundi cultura, aut pro custodiari rei, an male fidei possessor deducat.	493.56.a
Experiri quis propriè dicatur.	445.a
Exquisitor quot modis accipiat.	88.3.a
Exteri in regno Gallia quæ acquirunt, Regi acquirunt.	20.5.a
Extremum in iurisdictione quando quis non fecisse dicatur.	249.a
Extremum in iurisdictione Ecclesiastica quòdnam sit.	ibid.b
Extremum in iurisdictione quid dicatur.	250.a
Exul Procuratorem relinquere an teneatur.	395.b
Exuli commeatum, remeatumve dare quis possit.	160.1.a

## F

<b>F</b> Acere, verbum, quomodo comprehendat etiam non facere.	16.7.a
Facere non posse quid dicatur.	28.1.a
Facere, verbum, quid complectatur.	339.a
Facta vnius familie, an plura facta dicenda sint.	223.a
Facta plura sunt in iniuria & damno à pluribus illato, & quare.	224.2.a
Facta apud acta quando valeant.	253.3.a. de quæ eo praxis regni Fræciæ.
Facta, immediate renocata, habentur fictione quadam iuris pro infectis, & quomodo, probatur.	504.91.b
Facti infamia infamis an recipiatur.	505.a
Facultas soluendi tollitur per litis contestationem, & quando.	487.43.b. & de eo Bartoli decisio atque confirmatio.
Falcidia de legato loco pio facto nõ detrahitur, & quare.	488.a
	383.3.b
Falsi antequam quis puniatur, quot requirantur, & quæ sint illa.	411.1.b. & seq.
Familia publica quæ dicatur.	102.7.a. & b
Familia priuata quanam erat.	ibid.
Familia publica quare disposita esse debeat.	ead.10.
Familia album alicuius corrumpens qua pœna teneatur.	223.a
Famulus ager an habeat etiam salarium tempore infirmitatis.	192.12.a

Feria Regales vel Imperiales quæ.	117.1.b
Feria repentina quæ dicantur.	274.5.a
Feriarum species quot sint.	273.b
Feriarum tempore lata sententia an valeat.	ead.1.
Feriarum tempore an possit fieri prouisio.	274.3.a
Feriarum tempore, messium & vindemiarum, an possit fieri cognitio custodiarum.	ead.4.
Feudum semel concessum sine culpa non renocatur, & quare.	35.7.a
Fideiubere indicatum solui qui teneantur.	266.3.a
Fideiubere an quis possit pro alio.	454.7.a
Fideiussio quando d. nouo peti possit.	260.2.a. à fine.
Fideiussor locuples quomodo approbari debeat, si dubitetur de eo.	255.1.a
Fideiussor post approbationem recusari non potest, & quare.	ibid.
Fideiussor ex consanguineis non locuples recipiendus, & quare.	ead.2.b
Fideiussor de iudicio sisti, si semel presentauerit reum iudici, quando liberetur.	ibid. & seq.a
Fideiussor nõ sistens eum, quem sistere promissit, ad quid teneatur.	256.3.a
Fideiussor, si mortuus reus fuerit post præceptum & diem exhibitionis lapsus, potest condemnari quanti ea res est, & quare.	257.3.a
Fideiussor sistere alium promittens, liberatur lata sententia, & quare.	ibid. & hoc quando locum habeat in forensi iudicio.
	ibid.
Fideiussor quando pro non dato habeatur.	259.1.a
Fideiussor effectus non soluendo, vel mortuus, an debeat renouari.	262.3.a
Fideiussor non idoneus scienter acceptus, an renouari possit.	ibid.
Fideiussor primi contractus quando liberetur.	295.3.a
Fideiussor an teneatur ex mora vnius ex reis debendi.	301.3.a
Fideiussor vim inferens, acceptilatione liberatur, & quomodo.	327.2.a
Fideiussor an possit accedere pro obligato, aut in obligatione facti.	454.8.9. & 10.b
Fideiussor quando non teneatur.	461.11.a
Fideiussor in casibus, quibus non tenetur ut fideiussor, iurando se obligat tanquam principalis, & quare.	ead. num. 22.
Fideiussor liberato, an liberetur reus.	434.b
Fideiussores idonei quomodo estimandi.	255.1.b
Fideiussores ab arbitro tanquam idonei & locupletes probati, an possint eos recusare.	262.1.a
Fideiussoris, si alibi iudicentur quam coram quo iudice promiserunt, indicatum soluere non tenentur.	213.1.a
Fideiussores, mutata causa persona, pro qua fideiussurunt, non obligantur, & quare.	263.4.a
Fideiussori causa repetendi pro minore intercedenti, an proficit restitutio.	385.6.a
Fideiussoribus locupletibus ad inopiam casu & calamitate deuenientibus, an alij peti possint.	262.2.a
Filia ex promissione an restituatur.	390.a
Filia familias in dotis stipulatione capta, an debeat restitui.	362.b. & 363.a
Filij naturales nõ gaudet tantum privilegiis Senatorum.	53.b
Filij adoptiui quomodo vocentur liberi.	53.1.b
Filij nomen amittitur emancipatione, & quare.	54.1.a
Filij in quibus patris sequantur conditionem.	58.3.b
Filij Patritiorum vel illustrium quare Senatores dici nõ possint, nisi à Principe creati fuerint.	60.3.a

Filij



# I N D E X.

<i>Filij quomodo possint patribus suis bannitis alimenta dare.</i>	500.b	<i>Fisci prerogativa quanam sit.</i>	441.b
<i>Fili an debeant patres suos pacis violatores, ob idque bannitos, alere.</i>	ibid.	<i>Fiscus satisfactus non tenetur, &amp; quare.</i>	265.a
<i>Filij familias an in integrum restituantur, sicut &amp; patres familias.</i>	362.a	<i>Fiscus in locum privati succedens, iure privati utitur, non iure fisci.</i>	276.2.b
<i>Filius prodigus an sit à patre alendus.</i>	10.4.b	<i>Fiscus ad quæ privilegiatus non sit.</i>	ead.3.
<i>Filius à patre alendus statim atque natus est, sin minus, in filiationis perdit pater.</i>	ead.5.b	<i>Fæmina consulares quæ dicantur.</i>	47.1.b
<i>Filius genitus potentior in armis, quàm in literis, potiùs armis præficiendus, &amp; quare.</i>	40.4.a	<i>Fori interdictio quid importet.</i>	83.4.a
<i>Filius lanionis natus ante officium, ad officium patris an recipiendus: item natus ante regnum, an regno succedat.</i>	54.4.b	<i>Forma necessaria quæ dicatur.</i>	461.22.a
<i>Filius adoptivus quando Senatoris filius dicatur, &amp; quando non.</i>	54.b	<i>Forma accidentalis quid sit.</i>	ead.b
<i>Filius Senatoris in adoptionem datus alteri, inferioris etiam dignitatis, an remaneat semper Senatoris filius.</i>	ibid.	<i>Forma substantialis intrinseca an confirmetur iuramento, necne.</i>	ibid.
<i>Filius ante susceptam patris dignitatem natus, an eius dignitate inueteretur, &amp; quare.</i>	56.4.a	<i>Forma vel solennitatis omisio vitiat ipsum actum, &amp; quare.</i>	473.15.b. & seq.
<i>Filius coram patre conventus, potest se coram eodem defendere, de quæ eo praxis Francia.</i>	227.11.a	<i>Foro cedere quis dicatur.</i>	80.6.a
<i>Filius conventus ab alio, pendente appellatione, super fundo quem possidebat, an satisfacere teneatur.</i>	266.3.a	<i>Forum quid sit, &amp; unde dicatur.</i>	79.6.b
<i>Filius à patre sine causa exheredatus, cui hæres promissit certam summam dum viveret, ut actioni de inefficace testamento renunciaret, an iure petere videatur, si post mortem hæredis petat sibi solui eandem quantitatem.</i>	303.a. & b	<i>item &amp; pro quo interdum sumatur.</i>	80.a. & b
<i>Filius exheredatus an possit ad querelam redire, post hæredis mortem.</i>	ead.num.1.	<i>Fori quis sortitur ratione delicti, ubi deliquit: restringitur hæc regula. pag. 131. nu. 4. &amp; 5.b. &amp; 132.6. &amp; 7.a</i>	
<i>Filius in conspectu patris quando torquendus sit.</i>	325.a	<i>Fori an transferatur per domicilij mutationem.</i>	241.5.b
<i>Filius proditor vel homicida à patre Principi oblatus, an puniendus ab ipso Principe.</i>	ead.1. & b	<i>Fori originis an mutatione domicilij perdat.</i>	ead.b
<i>Filius hæredis extraneo instituto, de melioribus bonis patris potest legitimam eligere, &amp; quare.</i>	ead.2.	<i>Fori iudici laico per delictum acquisitum, an mutandum.</i>	ead.7.
<i>Filius super mutuo restitutionem non petit.</i>	362.a. & b	<i>in Francia nulli sunt servi nec captivitate, nec natiuitate.</i>	39.2.a
<i>Filius nomine peculij conventus, an restituendus.</i>	ibid.	<i>in Francia quænam homines manus mortuæ appellentur.</i>	ead.4.a
<i>Filius iura patris cedens sine mandato, an committat crimen falsi vel stellionatus.</i>	369.a	<i>in Francia nulla debet esse inter magistratus controuersia, &amp; quare: limitatur.</i>	231.1.b
<i>Filius, quando exheredari possit.</i>	409.1.b	<i>Francia consuetudo in parendo Magistratui.</i>	17.12.a
<i>Filius præteritus legatum petens ex testamento relictum, non prohibetur petere supplementum legitima, &amp; quare.</i>	ead.2.b	<i>in Francia regno nullæ sententiæ sine appellatione corrigi, vel infringi possunt.</i>	307.a
<i>Filius exheredatus vel præteritus acceptus legatum, an possit postea agere ut iure institutionis ei detur legitima.</i>	ibidem	<i>Francia consuetudo in preferendis mulieribus Senatorum.</i>	48.4.b. & 49.a
<i>Filius emancipatus, &amp; in testamento præteritus, nullum testamentum dicere possunt, &amp; quare.</i>	ead.3.	<i>Francia usus in publicis ludis permittendis.</i>	81.b
<i>Filius in mortis articulo patris quid acquirens, an sibi acquirat.</i>	502.b	<i>Francia consuetudo incredendo Apparitoribus.</i>	82.a
<i>Filij familias an possit patri aut sibi ius dicere, patremque in litibus, vel contra, in iudicem habere.</i>	90.1. & 2.b	<i>Frater rumpit testamentum fratris per institutionem illegitimæ: restringitur.</i>	320.4. & 5.a
<i>Filius familias patrem suum absentem defendens, an satisfacere iudicatum solui debeat.</i>	265.b	<i>Fraus quomodo in iure interpretanda sit.</i>	298.b
<i>Filius familias an possit restitui si legatum fuerit ei relictum quod personæ eius cohereat.</i>	365.a	<i>Fructus prædiorum conductorum, num tacite propensione obligentur.</i>	185.1.b
<i>Filius familias, cum quo contraxit minor, an inueteretur Senatoris consulti Macedoniani exceptione aduersus ipsum minorem.</i>	383.3. & 4.b	<i>sive naturales sint, sive industriales.</i>	ead.2.
<i>Filius familias renuncians cum iuramento Macedoniano, an soluere teneatur.</i>	458.17.b. & seq.a	<i>Fructus rei legata quando legatario debeantur.</i>	347.3.a
		<i>Fructus à tempore litis contestatæ quando debeantur.</i>	484.b
		<i>Fructus petendi quotupliciter considerentur.</i>	ibid.
		<i>Fructus quomodo petantur.</i>	ibid.
		<i>Fructus à tempore mora quando non veniant tanquam interesse, &amp; quando veniant.</i>	ibid.
		<i>Fructus à tempore mora, quando veniant ut interesse, in obligatione rem dari.</i>	ibid. & seq.a
		<i>de quæ eo Authoris opinio.</i>	485.a
		<i>Fructus ut interesse à tempore mora quando non veniant.</i>	ibid.
		<i>Fructus à tempore mora in actionibus stricti iuris, vel bonæ fidei, quomodo veniant.</i>	ead.40.b
		<i>&amp; quomodo differant.</i>	ibid.
		<i>Fructus à tempore mora quando cedant lucro ipsius emptoris.</i>	486.a
		<i>Fructus quando ut fructus à tempore mora veniant.</i>	ead.b
		<i>Fructus à tempore mora quando veniant, in actione stricti iuris.</i>	487.a. & nu. 41. paulo post.
		<i>Fructus nomine quid veniat.</i>	ead.42.
		<i>Fructus in contractu venditionis quem sequantur.</i>	ead.b
		<i>Fructus post promissionem obligati, quomodo peti debeant.</i>	ead.43.
		<i>Fructus post litis contestationem restituendi à possessore etiam</i>	



# I N D E X.

etiam bona fidei, & quando. 490.a  
*Fructus percipiendi quatenus intelligantur.* 492.54.a  
*Fructus percipiendi num de illicitis, an de inhoneste perceptis intelligantur.* 493.56.a  
*Fuga à iudicio quando delictum probet, quando vero non.* 499.75. & 76.b  
*Fuga contra debitorem num probet.* 501.84.b  
*Fuga vel absentia quando fugienti, vel se absentiam non preiudicet.* 502.a  
*Fuga nullam inducit presumptionem, quando aliquis fugit post inquisitionem de delicto contra eum factam, & quare.* ead.88.b  
*Fuga post accusationem an probet.* 503.a  
*Fuga effractis carceribus an contra aliquem plene probet.* ead.b  
*Fugisse de carcere non dicitur ille qui statim redit, limitatur.* 502.86.a  
*Fur pecuniarum Principis an maiori pena puniatur, quam fur rerum alterius privati hominis.* 106.3.b  
*Furiosus ob quot causas adhibeatur custos.* 146.b  
*Furiosorum cura prima ad quos spectet.* 145.5.a  
*Furiosum custodientes, si interim ipse delictum committat, an puniendi.* 146.b  
*Furiosus quis dicatur, & quotuplex sit.* 145.1.b  
*Furiosus, si bona non habeat, cuius expensis custodiendus sit.* 146.4.a  
*Furiosus quando puniendus, & quando non, explicatur.* ead.1.b. & per totam paginam 147. vsque ad l. seq.  
*Furiosus non paciscitur, & quare.* 281.b  
*Furta domestica an publice vindicanda.* 64.2.b

## G

**G**abella de quo contractu solui debeat. 476.23.a  
*Gabellarii emptores habent idem privilegium cum fisco, & quando.* 276.1.a  
*Galli suas uxores an cogantur emancipare.* 44.a  
*Gallia quo iure hodie regatur.* 25.a  
*Gallorum lenitas in nouis legibus constituendis.* 38.1.a  
*Gentium & populorum diuisio quomodo fiat.* 20.b  
*Gesta per eum, cuius in electione forma non sit seruata, quando valeant, & quando non.* 94.10.b  
*Gesta per electum inhabilem, aut ad aliquod officium prouisum, an valeant.* 9.10.a  
*Gesta per seruum in Pretoria dignitate constitutum, propter publicam utilitatem an valeant.* ead.b  
*Gesta quoad se, quia est in mala fide, an valeant.* 96.12.a  
*Gesta à Procuratore quando non valeant.* ibid.  
*Gesta per eum, qui electus est ab non habente potestatem eligendi, an valeant.* ead.b. de que eadem re praxis. ibidem  
*Gesta per errorem an valeant in priuatis aut publicis.* 97.16. & 17.a  
*Gesta antequam successor possessionem acceperit, hodie valent, & quare.* 115.1.a  
*Gesta per Consules & Scabinos annales, ac Capitularios, etiam post administrationis tempus, valent si in exercitio sint.* ead.2  
*Gesta à Praefide scienter, post aduentum successoris, an valeant.* 149.b  
*Gesta & acta quomodo differant.* 153.a  
*Gesta quomodocunque Procuratoris Caesaris an valeant, etiam in suum preiudicium.* ead. & b  
*Gesta per nuntium non iuratum, ab omnibus ut idoneum*

*reputatum, an valeant.* 497.a  
*Gesta à reputato pro Officiali publico, qui non est, an valeant.* ibid.  
*& ad legem Barbarius. de eadem re responsio.* ibid.  
*Glossa de debitore paupere incarcerando, reprobatur in praxi.* 221.2.b  
*Gratia euident vel sordes quomodo probanda.* 372.a

## H

**H**abitanter in vrbe Roma ciues Romani efficiuntur. 92.2.a  
*Hereditas per solam denuntiationem, vel conuentionem dicitur petita, & quomodo.* 507.99.a  
*Hereditatem inuadens, pendente conditione, non perdit ius suum adueniente conditione.* 264.2.a  
*Heres mulctam adiudicatam, sine iusto impedimento, soluere tenetur.* 251.4.a  
*Heres de eo, quod ex delicto defuncti ad eum peruenit, tenetur.* 252.3.b  
*Heres quando pro defuncto debeat satisfacere.* ibid.  
*Heres non debet cum aliena iactura lucrari, & quomodo.* 252.4.b  
*Heres quomodo sub conditione cauere de restituendo hereditatem substituto teneatur.* 264.a  
*Heres quomodo hereditatem possidere dicatur pendente conditione.* ibid.1.  
*Heres quando satisfacere teneatur.* 265.3.a  
*Heres tacite cõsetur obligatus ad soluenda legata.* 285.4.a  
*Heres Septitius an possit pecuniam datam Mauius, à debitore repetere, quasi sub prætectu hereditatis acceptam.* 314.b  
*Heres ante aditam hereditatem legatariis non est obligatus.* 346.1.a  
*Heres, mortuo iurante, non cogitur ad obseruantiam iuramenti, & quare.* 458.17.b  
*Heres iurantis quando contra pactum excipere possit.* 462.b  
*Hermaphroditus quis dicatur.* 40.a  
*Hermaphroditus ex quo sexu iudicandus.* ead.4.  
*Hermaphroditus, si in utroque polleat, eligere poterit quo sexu uti velit.* ead.5.b  
*etiam in Francia.* ibid.  
*Hermaphroditus electo virili sexu, an possit masculinum feudum habere.* ead.6.b  
*an etiam testis esse in testamento, & sacris initiari.* ead.7.b  
*Hermaphroditus prænalis in sexu virili, excludit feminas, & quare.* ibid.  
*Hermaphroditus prænalis in sexu virili, an possit Aduocatus esse, & alia virilia munera exercere.* ead.8.b  
*Hermaphroditus muliebria exercens, est infamis.* ibid.  
*Homicidium quotuplex sit.* 17.13.b  
*& quot modis fiat.* 18.a  
*Homicidium committens quando puniendus, & quando non.* ead.13.  
*Homicidium de industria factum an excuset.* ibid.  
*Homicidium, uno vulnere inflicto factum, si ignoretur omnium quis inflixerit, in melius interpretandum.* 500.77.a  
*Homines quomodo de iure naturali omnes sint liberi.* 19.2.a  
*Homines de Vniuersitate iuribus Vniuersitatis renuntiare non possunt, & quare.* 45.1.a



# I N D E X.

<i>Honestè vivere quid designet.</i>	28.4
<i>Honoraria quando Aduocati reddere non debeant.</i>	304.b
<i>Honorarium &amp; salarium, etiam non promissum, debetur Aduocatis.</i>	305.2.a
<i>Honores &amp; munera petere an licitum sit.</i>	92.3.a
<i>Honoribus maioribus prohibitus, minores petere an prohibeatur.</i>	51.b
<i>Hospes ancillam ad turpia adigens qua pœna damnatus.</i>	75.2.a
<i>Hospes cœnam exuli transeunti præbens, aut prandium, an dicatur receptor.</i>	145.5.a
<i>Hospitale an, &amp; quando restituatur.</i>	365.4
<i>Hospitiorum taxatio ad quem spectet.</i>	78.4.a
<i>Hypotheca tacita an extendatur extra obligationem à iure inductam.</i>	285.3.b
<i>Hypotheca tacita ad quid prosit.</i>	ibid.

<b>I</b> doneum aliquem affirmans, ex consuetudine Franciæ, tanquam fideiussor tenetur, & quare.	349.b
Idoneum aliquem affirmans coram iudice, pro eod. m. tenetur.	ead. num. 3.
Idoneus, cui pecunia creditur, an actione doli teneatur.	ead. b
Ignaris administratio Reipublicæ non est committenda.	3.7.b
Ignorans & dubitans in quibus equiparentur.	475.4
Ignorantia affectata qua dicatur.	472.10.4
& quando præsumatur.	ead. num. 11.
Ignorantia quo casu excuset.	473.4
Ignorantia iuris naturalis non excusat, & quare.	ead. 4.
Ignorantia affectata effectus.	471.9.4
Illegitimus interdum progignitur ex legitimo matrimonio.	39.2.a
Illicitum ab licito discernere qui possint.	4.8.b
Illicitum per legem quandoque necessitas facit licitum, & quare.	ibid.
Illicitum sub specie liciti an faciendum.	135.1.b
Illustres quot modis dicantur.	52.a
Immobilia d. sinens casu fortuito possidere, an ex integro satisfacere teneatur.	266.1.b
Impedimentum quomodo probandum.	422.2.b
Impedire alium quis dicatur.	268.4
Impedire aliquem dolo quando quis dicatur.	ead. b
Imperator cur Commilito nonnunquam velit appellari.	51.3.b
Imperator in regno Franciæ est tanquã priuatus.	98.21.a
Imperator potest seruum alienum manumittere ex causa publica, & quare.	99.22.a
Imperator an possit mandare iurisdictionem.	169.a
Imperator iudicans in Ducatu, an procedat ut ordinarius, an ut delegatus.	174.b
Imperatori de hereditate consulere, an sit iniquum.	138.4.b
Imperij diuersæ significationes.	204.4
Imperij diuisio quotuplex sit.	205.2.4
Imperij meri definitio quibus constet.	ibid.
Imperij definitiones à Bartolo allatæ reprehenduntur, & quare.	207.5.4
Imperij meri possessio per erectionem furcarum retinetur.	213.18.a
Imperio mero concesso quid censeatur concessum.	21.14. & 15.b. & seq. a
Imperium merum quid sit, & quoniam illud habere dicantur.	105.3.b
Imperium merum quomodo mandari possit.	115.3.b

<i>Imperium merum minoribus Magistratibus datum, an mandari possit.</i>	163.a. & 1.b
<i>Imperium merum an mandari possit.</i>	164.2.a
<i>Imperium merum cui comparatur.</i>	166.9.a
<i>Imperium mandans an abesse debeat.</i>	168.12.b
<i>Imperium mixtum specialiter concessum an possit transferri. Restrungi ur.</i>	169.16.b
<i>Imperium merum an mandetur.</i>	170.a
<i>Imperium merum, mandata iurisdictione, an transferatur.</i>	ead. 1. & 2.b
<i>Imperium merum quando mandari possit.</i>	180.9.b
<i>Imperium mixtum an mandari possit.</i>	182.b
<i>Imperium supremum quæ comprehendat.</i>	204.b
<i>Imperium merum in quibus consistat.</i>	206.4.a
<i>Imperium merum an possit maius esse apud unum quàm apud alium.</i>	207.b
<i>Imperium merum apud quos constet.</i>	ibid.
<i>Imperium merum an possit delegari.</i>	ibid.
<i>Imperium merum an debeat diuidi.</i>	208.7.a
<i>Imperium supremum an ei concessum sit, cui Princeps castrum cū omni imperio &amp; iurisdictione concesserit.</i>	ead. b
<i>Imperium mixtum quid contineat principaliter.</i>	ibid.
<i>Imperium quare mixtum vocetur.</i>	209.10.a
<i>Imperium mixtum habentis potestas.</i>	ibid. & seq.
<i>Imperium merum habentis potestas.</i>	212.16. & 17.b
<i>ad imperium mixtum quæ spectent.</i>	213.18.b
<i>Imperium mixtum habens an possit occidere.</i>	ead. 20.b. & seq. a
<i>Impositio vectigalium iniusta, etiam de iure diuino, est fraudanda.</i>	5.1. b
<i>de incendio domus quis teneatur, &amp; quorum culpa plerunque eueniat.</i>	105.1.a
<i>de incendio quando conductor teneatur, &amp; quando non.</i>	ead. 2. & 3.b
<i>Incendium, ut arceatur quomodo vocandi sunt homines.</i>	103.10.a
<i>ad incendium arcendum deputati tenentur ad sonitum campanæ venire, secus puniuntur.</i>	ibid. 11.
<i>Incendium in ciuitate faciens data opera, qua pœna puniebatur olim.</i>	108.1.a
<i>Incendium de dolo &amp; de industria factum quomodo puniendum.</i>	ead. 2.b
<i>Incendium ex proposito factum quomodo hodie in Francia regno puniatur.</i>	ibid.
<i>Incendium per negligentiam &amp; imprudentiam factum quomodo punitur.</i>	ead. num. 3.
<i>Incendium tentatum, &amp; nondum perfectum, an puniendum.</i>	ead. num. 4.
<i>Incendium in Ecclesia faciens excommunicationis pœna punitur.</i>	109.5.a
<i>Incendium dolosum in Ecclesia factum qua pœna afficiendum.</i>	ead. b
<i>Incommodum alicui fieri quando dicatur.</i>	398.b
<i>Inculpatæ tutelæ moderamen in quo consistat.</i>	14.3.b
<i>Infames an prohibeantur in vrbe morari.</i>	50.3.b
<i>Infames an ad testimonium admittantur.</i>	319.2.b
<i>Infamia quotuplex sit.</i>	ead. a
<i>Infamia facti quid sit.</i>	ibid.
<i>Infamia iuris effectus quis sit.</i>	ead. 2.b
<i>Infamia facti effectus varij.</i>	320.3.a
<i>Infamia timor quis dicatur.</i>	324.a
<i>Infamiam Canonici quis contrahere dicatur.</i>	319.1.a
<i>Infamiam iuris quis possit remittere.</i>	319.2.b
<i>Infamiam facti quis remittere possit.</i>	ead. 3.
<i>Infamis</i>	



# I N D E X.

- Infamis antequam à dignitatibus repellatur, quæ requirantur.* 185.1.b
- Inferior à Papa conferens beneficium indigno non videtur dispensasse, & quare, restringitur.* 98.20.a
- & quot requirantur ut illius gesta valeant, qui creatus est vel Notarius, vel Prælatus.* ead.21.a. & 22.b
- Inferior Episcopo an possit restituere aduersus decretum Episcopi.* 191.a
- Ingerens se presumptuose in ordinem alterius, illo priuandus, & ei alius substituendus, qui præferri debet, & quare.* 504.90.a
- Inhabilis ad officium Inferius ad maius etiam indignus habetur.* 51.1.a
- Iniuria facta Sacerdoti aut Magistratui quare publica dicatur.* 7.1.a
- Iniuria quid dicatur.* 13.2.b. & 14.a
- Iniuria Magistratui in executione officij illata, censetur Principi facta.* 29.5.b
- Iniuria filiis facta, patri facta censetur.* 76.6.a
- Iniuria uxori patroni, vel alterius uxori facta, marito censetur facta, & quare.* ibid.
- Iniuria Officiali Regis facta, cui facta censeatur.* 175.7.b
- Iniuriam verbalem quomodo de iure civili propulsare liceat.* 14.2.a
- In iuste iudicans an faciat iniuriam parti.* 369.3.b
- Inobediens an post annum puniri possit.* 251.b. & seq.
- Inobedientia omnis iudici facta, punienda est, deque eo usus forensis Franciæ.* 250.1.b
- Inobedientia, vel factum Procuratoris, vel tutoris, non obligant pupillum, vel dominum.* 251.a.
- & quare.* ibid.num.1.
- Insinuatio quando non facienda.* 155.1.a
- Inspicere verba testamenti quid denotet.* 311.1.b
- Instantia quando non currat.* 422.1. & 2.b
- Instrumenta emptionum perperam Latinis cõcepta verbis an valeant.* 39.3.b
- Instrumenta & alij actus quomodo in regno Franciæ concipi debeant.* ead.4.b
- Instrumenta facta per eum qui Notarius non est, an valeant, deque eadem re praxis Franciæ.* 92.5. & 6.b
- Instrumenta facta à Notario post priuationis sententiã, an, & quando valeant.* ibid. & seq.a
- Instrumenta Notariorum facta in loco ubi ipse præfectus est, ubique valet, & si illud timeas ne impugnetur, quid agendum.* 110.4.b
- Instrumenta in Curis Franciæ quomodo soleant edi.* 275.2.a
- Instrumenta feudalìa, seu denombramenta, an vassallo edenda.* ead.num.4.
- Instrumenta delatori quæ edenda sint ab aduersario.* ead.b
- Instrumenta quãdo fisco edenda.* 276.a. & quando non. ead.num.1.
- Instrumenta publica quam vim habeant.* 424.a
- Instrumentorũ portitori an cogatur quis soluere.* 284.1.a
- Instrumentum, quo à primo contractu additur vel detrahatur, ex lege regni Franciæ insinuandum est.* 24.6. & 7.b
- per Instrumentum confessionis Procuratoris non probatur solutio.* 156.9.a
- Instrumentum garentigiatum, vel sigillo Regio, aut alio authenticò signatum, an executionem habeat.* 424.2.a.
- & 425.5.a*
- Instrumentum testamenti, sententia arbitri, fideiussoris, & ratione computationis factum, an habeat executionem paratam.* 424.2. & 3.b
- Instrumentum Notarij quando executionem paratam habeat.* 425.a
- Insularum appellatio quid denotet.* 106.a
- Integra res quando dicatur.* 399.2.b
- Intellectus verus ad legem debitoribus.* 440.10.b
- Interdici quibuscumque negotiationibus possit.* 82.2.b
- Interdici professione quomodo possit.* ead.b
- & ad quem eius rei iurisdictio pertineat.* ibid.
- Interdici Aduocato quomodo possit ne postulet.* 83.a
- Interdictio urbis an patriam vel prouinciã completatur.* 83.b
- Interesse, propter editionem rationum non factam, actione in factum petitur.* 277.4.b
- Interesse, & contumacia non restituentis quare non sint taxata.* 351.a
- Interitus quid sit.* 257.b
- ab Interlocutoria habente vim diffinitiuã, an liceat appellare.* 261.5.b
- Interpellatio quando debitorem in mora constituat.* 420.a
- Interruptio naturalis facit deficere substantiam usucapionis, & quomodo.* 473.15.b
- Interruptio civilis ex quo oriatur.* ibid.
- Inuecta in prædium urbanũ cur sint tacite, etiam ignorante domino, obligata pignori.* 285.a
- Inuecta in prædium rusticum, cur non sint tacite domino prædij obligata.* ibid.
- Inuecta an retineri possint pro alio debito.* ead.2.b
- Inuecta & illata, dummodo alia bona ad pensionem soluendam faciant, ab inquilino (ex praxi Franciæ) diuendi possunt.* 286.4.a
- Irenarche qui fuerint.* 64.1.b
- Itinera ante domum pro rata domus reficienda, & quare.* 140.3.a
- Iudex de pecuniis Principis non potest disponere, nisi ipse Princeps consentiat.* 5.10.a
- Iudex excedens modum in puniendo tribus casibus in regno Franciæ punitur.* 17.13.b
- Iudex nouus & delegatus quomodo efficiatur.* 24.5.b
- Iudex appellationis potest locum eligere, si ei statutus non sit.* 29.3.b
- Iudex ordinarius an possit ex consensu partium extra locum maiorum iam assignatum sine causa necessaria agnoscere.* 30.7.a
- Iudex secularis, etiam in re spiritali, super facto cognoscere potest.* 41.3.a
- Iudex urbis primarius potest cognoscere de possessorio per prauentionem in regno Galliæ.* 7.2.a
- Iudex debet primò adiri, antequam ius reddat.* 76.6.b
- Iudex in querelis puniendis quomodo se gerere debeat.* 76.6.b
- Iudex potest iustum pretium rebus ad vitam necessariis vendendis taxare, & quare.* 77.1.b
- item & videre ne caro fetida in vrbe vendatur.* ibidem
- Iudex quid facere debeat si videat duos ciues qui inter se durissimam controuersiam habeant.* 82.2.a
- Iudex extra terminos urbis, quomodo possit iubere iudicare, licet ipse extra territorium iudicare nõ possit.* 84.2.a
- Iudex in his quæ causæ cognitionem requirunt an possit aliquid statuere, decernere, vel pronuntiare per solam scripturam.* 111.2.a. & b



# INDEX.

- Iudex non audita altera parte, potest pauperi, libello supplicanti, Aduocatum decernere, & quare.* 122.4.4
- Iudex potest etiam non postulatus, officium suum exercere.* 124.6
- Iudex datus an iurisdictionem habeat.* 126.3.6
- Iudex extra locum sue iurisdictionis habetur tanquam priuatus, & an quis possit ab abusu appellare.* 131.2.4. & b
- Iudex extra territorium an possit sententiam suam exequi.* ead. 2. & 3.6
- Iudex quare non possit eum condemnare qui probauit se non commisisse homicidium.* 134.3.4
- Iudex contra conscientiam iudicare non debet.* ibid.
- Iudex non poterit moueri ex confessione facta coram eo unica voce, & non scripta in actis.* ead. 4.6
- Iudex an possit secundum probationem notorij iudicare.* ibidem
- Iudex pauperi de Aduocato providere debet.* 135.4
- Iudex, an possit de causa sibi per rescriptum remissa cognoscere.* 140.2.6. & 141.3.4
- Iudex, qui antea male iudicauit, non tenetur, nec potest causam ad se remissam cognoscere.* 141.2.6
- & quapena puniatur si de ea cognoscat.* ibid. 3.
- Iudex committens quid debeat in commissoriis literis dicere.* ead. 5.4
- Iudex contra quos inquirere debeat.* 143.4. & b
- Iudex ex suspitione quando moueri debeat.* 145.1.6
- Iudex ex causa etiam in criminalibus potest dissimulare, secus ipse est puniendus, & quomodo.* 146.2.4
- Iudex quare se debeat praeberet facilem.* 149.6. & quando. ibid.
- Iudex in cognoscendo irasci non debet, nec malorum precibus lacrymari, & quare.* 150.4
- Iudex datus alium iudicem dare non potest, & quare.* 179.3.4. & 5.4. & b
- Iudex furioso etiam inuito, tutorem dare potest.* 197.1.6. item & Aduocatum. ead. 2.
- Iudex quando sine petitione officium suum impertiri debeat.* ibid.
- Iudex in regno Francia suum officium, nemine petente, perraro impertitur, & quare.* ead. 3.
- Iudex delegatus quando possit aliquem citare seuprehendere ante litem contestatam.* 203.6
- Iudex ordinarius iurisdictionem suam mandare potest, & quare.* 216.4
- Iudex delegatus iurisdictionem suam mandare non potest, & quare.* ibid.
- Iudex antequam iudicare possit super iniuriam sibi illatam quarequirantur.* 226.6. & 7.6
- Iudex non potest ius dicere in causa uxoris, liberorum, vel aliorum quos secum habet, nec etiam delegatus, & quare.* 226.8.6. & 227.4. & liberorum appellatione qui veniant. ibid.
- Iudex de quare cognouit, de ea iudicare tenetur.* 228.3.6
- Iudex secularis an de heretico etiam cognoscere possit.* 232.2.4
- Iudex prorogatus de quibus iudicet.* 235.5.4
- Iudex an possit cognoscere in loco exempto, etiam in suo territorio.* 244.5.4
- Iudex secularis, iniuriam inferentes in loco sacro, vel eius ministris an punire possit.* ead. 6.
- Iudex extra tempus sui officij iudicare, vel inbere iudicare non potest.* ead. 7.
- Iudex an possit collegam suum punire.* 247.6
- Iudex quomodo suam iurisdictionem defendat.* 248.4
- Iudex an debeat cogere ad exhibendum vel sistendum mortuum.* 256.2.6
- Iudex de consensu partium datus an possit recusare, & ab eius sententia appellari.* 261.2.4
- Iudex in praeiudicium partis an possit satisfactionem statuere.* 266.4
- Iudex potest cogere Aduocatum ut aliquem tueatur, & quare.* 317.4
- Iudex, si vnus acceperit omnes Aduocatos fori utiliores, distribuet, ut vnus accipiat vnum, & alter alterum, & quare.* ibid.
- Iudex quando possit pignoris persecutionem denegare.* 352.4
- Iudex, si aliquid de facto in lite fecerit, illud debet de facto renouare, de que eo praxis regni Francia.* 380.4. & b
- Iudex non debet illi auxilium extraordinarium concedere qui habet ordinarium, & quare.* 388.2.3. & seq.
- Iudex, an possit sententiam quam semel tulit, corrigere.* 428.4
- Iudex iudicij rescindentis & rescissorij, quis debeat esse.* 447.6
- Iudex an possit ab aliquo, etiam non Procuratore informari.* 495.63.6
- Iudex an possit inquirere de innocentia non habentium Procuratorem.* ibid.
- Iudex pro suspecto an possit recusari ab eo qui accusat, cum suspicio sua culpa prouenit.* 500.82.6. & seq. 4
- Iudicandi consuetudo Romanorum qua.* 85.6
- Iudicare qui non potest, an possit testimonium dicere.* 49.1.6
- Iudicare quomodo quis cogi possit.* 233.4
- Iudicare iubere, & iudicem dare quomodo differant, verbique, iubere, diuersae acceptiones.* ibid.
- Iudicatum negari quando dicatur.* 313.1.6
- à Iudice appellans, cum appellandum non sit, an puniendus.* 66.5.6
- & utrum à Rege sit appellandum.* ibid. num. 6.
- in Iudice quot & quarequirantur.* 195.6. & seq. 4
- à Iudice denegante cautionem de dolo, an possit appellari.* 198.7.4
- à Iudice dato circa compromissum de consensu partium, an liceat appellare.* 261.3.4
- & à Iudice dato ad probandum fideiussores, si ab eodem fuerint probati vel reiecti.* ead. 4.
- Iudicem mandare, & iudicem dare quomodo differant.* 161.6
- Iudices in regno Francia nullum homicidam absoluunt sine literis Regijs.* 18.13.4
- Iudices hereticos vel alios sceleratos punire dissimulantes, sicut rei sunt puniendi, & quare.* 146.3.4
- Iudices Praesidiales in Francia an possint cognoscere ultra quingentas libras.* 244.8.6
- Iudices laici quomodo suam iurisdictionem aduersus clericos defendant.* 247.2.4
- Iudices in quibus, pendente appellatione, possint ad executionem procedere.* 422.3.6 & seq.
- Iudici vel Magistratui iniuste quid praecipienti resistere licet.* 17.12.4
- Iudici in suo territorio non parens puniendus.* 243.4
- Iudici non obtemperans qua pena puniendus.* 246.6
- & qua ad hoc requirantur.* ibid. & seq. per totam.
- Iudici quomodo liceat suam defendere iurisdictionem.* 248.4
- Iudici non obtemperasse quando quis dicatur.* 250.4
- Iudicia publica qua dicantur.* 166.9.4
- Iudici



# INDEX.

- Iudicia ad dolum probandum qualia esse debeant.* 338.b  
*Iudicialis promissio an obliget.* 451.2.a  
*à Iudicibus Prædialibus in Francia in minimis causis an liceat appellare.* 142.b  
*Iudicij substantia quot personas adesse requirat.* 225.3.b  
*in Iudicio quot persone sint necessariae.* 43.4.b  
*quot item in iurisdictione voluntaria.* *ibid.*  
*Iudicis ordinarij sententia non valet, si locum maiorum iudicum mutauit.* 29.2.a  
*Iudicis comminatio in maleficos.* 76.6.b  
*Iudicis officium contra potentem implorari potest pro securitate præstanda, & quando.* 135.1.a  
*Iudicis officium quòdnam sit.* 196.b  
*Iudicis officium quàm late pateat.* 197.a  
*Iudicis officium etiam post sententiam in executione interponitur.* *ead. num. 4.*  
*Iudicis officium quare amplissimum & latissimum esse dicatur.* *ibid.*  
*Iudicis officium quantum valeat in bonæ fidei iudiciis.* *ead. num. 5. & 198.a*  
*Iudicis officium merum, mixtumque quòdnam dicatur.* 198.a  
*Iudicis officium quare non dicatur extraordinarium.* 199.7.b  
*Iudicis officium non potest præscribi 30. annis, & quare.* 200.7.a  
*Iudicis officium quando & à quo implorari possit.* *ibid. & 8.b*  
*Iudicis voluntas quomodo attendenda.* 245.9.a  
*Iudicis vasa pro causis Reipublica quando prius sumenda sint.* *ead. b*  
*Iudicis partes quana sint circa dolosos homines, & fraudulentos.* 352.b. & seq.  
*Iudicis officium quatenus extendatur.* 389.6.a  
*Iudicis officium habet locum inter patrem & filium, dominum & seruum.* 465.a  
*Iudicis autoritate aliquid faciens, quare excusetur.* 478.29.a  
*Iudicis officium quibus detur.* 495.64.b  
*Iudicium ubi inceptum est ibi & finire debet.* 239.1.b  
*Iudicium quomodo dicatur acceptum.* 241.3.a  
*Iudicium pœnale quòdnam dicatur.* 248.a  
*Iudicium rescindens & rescissorium in Francia simul intentantur, & quare.* 447.b  
*Iudicium quando incipiat.* 461.1.b  
*Iudicium mulieres corruptentiū stipendia quæ sint* 67.b  
*Iudicium & Consiliarium Prædialium potestas hodie quousque extendatur.* 129.1.a  
*Iura naturalia an possint à Principe vel consuetudine tolli.* 10.3.a  
*Iura gentium in lege expressa plura non inueniuntur.* 11.5.b  
*Iura Magistratus per edicta constitui quare permissum erat.* 38 10.a  
*contra Iuramenti effectum per ius civile inductum, quis dispensare possit.* 267.3.b  
*Iuramenti iudicialis effectus quisnam sit.* 424.a  
*Iuramenti dolo præstiti absolutio an valeat.* 455.b  
*Iuramenti absolutio quando non petenda.* 456.a  
*Iuramenti potestas unde pendeat.* 456.12.b  
*in Iuramento inest tacita conuentio, nisi iusta causa interueniat.* 267.1.b  
*Iuramento partis quando standum sit.* 433.b  
*ex Iuramento promissorio an oriatur actio de iure civili.* 450.a
- ex Iuramento quando quis obligetur.* 451.2.b  
*super Iuramento dubio quis dispenset.* 466.a.  
*dèque eo praxis Franciæ.* *ibid.*  
*Iuramentum an per legem possit remitti.* 267.1.b  
*Iuramentum præstitum super controuersis testamenti, quando retractetur.* 312.a  
*Iuramentum quando in supplementum probationis non deferatur.* 334.3.a  
*Iuramentum conuentionale non habet paratam executionem.* 424.1.a  
*Iuramentum litis decisorium quòdnam dicatur, & quotuplex sit.* 450.a  
*Iuramentum an pactum vestiatur.* *ead. 1.b*  
*Iuramentum etiam per vim præstitum obligat.* 451.1.a  
*Iuramentum quòdnam producat actionem.* 451.2.a  
*Iuramentum an includat in se consensum.* *ead. b*  
*Iuramentum quando non obliget.* *ibid.*  
*Iuramentum cur introductum.* 451.2.a  
*Iuramentum veniens accessorie ad pactum, an producat actionem.* *ibid.*  
*Iuramentum quando dicatur accessorium, vel principale.* *ibid.*  
*Iuramentum ritè interpositum an obliget.* *ead. 3.b*  
*Iuramentum resurgens ex contractu innominato, an pariat actionem.* *ibid.*  
*Iuramentum præcedente obligatione naturali, an obliget.* 451.3.b  
*Iuramentum errore, metu vel dolo factum an producat actionem.* 453.4.5. & 6.a  
*Iuramentum promissorium quando non obliget.* *ibid.*  
*Iuramentum quando in peiorem exitum dicatur vergere.* *ibid. 7.*  
*Iuramentum quot & quibus modis dicatur vergere in dispendium salutis æternæ.* *ibid.*  
*Iuramentum promissorium an de iure Canonico pariat actionem.* *ibid. b*  
*Iuramentum Deo factum an obliget.* 454.7.a  
*Iuramentum quando habeat confirmare actum inualidum.* *ead. 10.b*  
*Iuramentum non firmat contractum inualidum ob publicam utilitatem, & quare.* 456.a  
*Iuramentum omne, quod sine detrimento salutis æternæ seruari potest, de iure Canonico seruandum.* *ead. 11.a*  
*Iuramentum quomodo actum inualidum de iure Canonico confirmet.* 457.12.a  
*Iuramentum quando confirmet contractum à lege prohibitum, & quando non.* *ead. 13.*  
*Iuramentum interpositum super obseruatione peccati mortalis est nullum, & quare.* *ibid. b*  
*Iuramentum in contractu, odio creditoris prohibito, an seruandum.* 48.15.a. & 17.b  
*Iuramentum an suppleat defectum actus deficientis ratione solennitatis probatoria.* 459.b. & seq. 19.a  
*Iuramentum super actu aliquo quid importet.* 460.a  
*Iuramentum super testamento sine solenni numero testium, quem effectum habeat.* *ead. 9.*  
*Iuramentum promissorium quando obliget.* *ibid.*  
*Iuramentum firmat confessionem in ultima voluntate, & quare.* *ibid.*  
*Iuramentum an confirmet actum propter defectum forme inualidum.* 461.21.a  
*Iuramentum an se extendat ultra quàm est consensum.* *ead. 22.a*  
*Iuramentum an firmet transactionem ob defectum forme.* *ead. 23.b*



# I N D E X.

- Iuramentum an confirmet actum ex defectu forma necessaria.* ibid.
- Iuramentum an confirmet contractum prohibitum ratione materiae.* 462.a
- Iuramentum an firmet pactum deficiens in forma & substantia.* ibid. & b
- Iuramentum an firmet contractum simulatum.* 464.26.a
- Iuramentum an confirmet arbitramentum iniquum.* ibidem
- Iuramentum an ad rem extendatur.* 465.a
- Iuramentum quando mora purgationem impediat.* 481.a
- Iurando quomodo parti aliquid promittatur.* 454.7.a
- Iurans sistere aliquem, nec sistens, an videatur periurus.* 267.a & b.
- Iurans occidere vel adulterari an obligetur.* 455.b
- Iurans in omni casu servare ordinem iudicarium, non tenetur in notoriis, & quare.* 46.21.a
- Iurans non fideiubere, quando fideiubere teneatur.* 465.9.b
- Iurans solvere alicui debitum, opponendo compensationem censetur soluisse, & quare.* 478.30.b
- Iurare in litem quid sit.* 199.8.b
- Iurare coactus solutionem facere, an possit absolutionem petere.* 336.4.a
- de iure recte sentire quis possit.* 4.8.a
- in iure interrogatus quid denotet.* 29.1.a
- Iure magistratus concessa quae dicantur.* 164.2.a
- Iure Magistratus concessa quando delegari possint.* ead.4.b. & seq.b.a
- Iuridicus Alexandriae quis dicebatur.* 160.b
- Iuris definitio perelegans.* 1.2.b
- Iuris principia nosse prius debet, qui iura scire cupit.* ibid.m
- Iuris civilis facultas quid contineat.* 4.8.a
- Iuris civilis positiones seu fundamenta quot & quae sint.* 6.b
- Iuris divisio quae.* 25.a
- Iuris novi constitutio cur fiat.* 38.1.a
- Iuris & facti infamia quae.* 50.4.a
- Iuris & legum cunabula quae dicantur.* 66.b
- Iuris dicendi audientia quando sit deneganda.* 183.14.b
- Iuris infamia quid sit.* 319.a
- Iuris & facti simul infamia quae dicatur.* ead.1.a & b
- Iuris error quando excuset.* 412.2.a
- Iurisconsulti qui dicantur.* 25.a
- Iurisconsulti an possint verba Imperatoris referre, & ex illis aliquid statueré.* 140.1.b
- Iurisdicatio secularis debet auxiliari Ecclesiae, & è contra.* 10.4.b
- Iurisdicatio voluntaria quae dicatur, quae verò contentiosa.* 110.a
- Iurisdicatio voluntaria quoad quos esse dicatur.* 111.a
- Iurisdicatio voluntaria extra territorium non potest exerceri, alicui concessa ab inferiore à Principe, idq. explicatur.* ead.3.b
- Iurisdicatio ordinarij non cessat, etiamsi maior sit praesens, & quare.* 119.2.b
- Iurisdicatio quid sit.* 116.1.b
- & Mandare iurisdictionem, & dare iudicem, quomodo differant.* ibid.2.
- Iurisdicatio quot modis mandari possit.* 177.3.a
- Iurisdicatio aliena an possit committi.* 179.1.a
- Iurisdicatio mandata quando mandari possit.* ead.7.b
- Iurisdicatio quid comprehendat, in quo consistat, & quomodo simplex sit.* 195.a
- Iurisdicatio an territorio inhaereat.* 201.b
- Iurisdicatio quomodo praescribatur.* 203.b
- Iurisdicatio quot modis accipiat.* 204.b
- Iurisdicatio quid sit, & unde dicatur.* 210.a. & b
- Iurisdicatio venire non videtur in venditione castri, nisi id expresse agatur.* 211.12.a
- Iurisdicatio in quo consistat.* 214.20.a
- Iurisdicatio cepta quando expiret, & quando non.* 217.6.b
- d. que eo praxis Franciae in Conservatoribus.* ibid.
- Iurisdicatio delegata an morte extinguatur.* ibid.
- Iurisdicatio re integra quomodo extinguatur.* 218.a
- Iurisdicatio subdelegati an per mortem extinguatur, si- cut & delegati.* ibid.
- Iurisdicatio quot modis mandari possit.* 237.b
- Iurisdicatio cognoscitur ex petitione actoris, & quomodo, explicatur.* 242.a. & b
- Iurisdicatio delegati perpetuatur, etiam sine notitia citationis, & quare.* 473.a
- Iurisdicatio concessa, omnia concedi videntur, sine quibus iurisdicatio non constat, explicatur.* 97.15.a
- Iurisdicatio sibi data quis omnia facere potest, & quare.* 201.a
- Iurisdictionem prorogare an liceat parti.* 30.7.a
- Iurisdictionem mandare & committere, quid differant.* 141.4.a
- Iurisdictionem delegare quis possit, & quae causae delegari possint.* 161.3.a
- Iurisdictionem mandare quibus permittatur.* 169.a
- Iurisdictionem principaliter habere quis non dicatur.* 206.5.a
- ad Iurisdictionem quae pertineant.* ead.b
- Iurisdictionem habens an habeat mixtum imperium, & contra.* 209.a
- Iurisdictionem, seu bassam iustitiam habens, de quibus cognoscat.* 214.21.22.23. & 24.a
- Iurisdictionem dolo usurpans, vel extendens quomodo puniendus.* ead.25.b
- Iurisdictionem suo iure habere quid sit.* 216.a
- Iurisdictionem quando proroget ratificatio.* 236.5.b. & seq.a
- supra iurisdictionem suam cognoscere quot modis quis dicatur.* 244.7. & 8.a. & b
- Iurisdictiones in Francia quales sint.* 182.11.a. & 254.1.a
- Iurisdictionis prorogatio vix fit in Francia, & quare.* 30.8.a
- Iurisdictionis exercitium quando quis habere dicatur.* 168.13.b
- Iurisdictionis ordinaria proprii quodnam esse dicatur.* 179.2.a
- Iurisdictionis divisio priusquam fiat, quid inspicendum, & quis eam permittere debeat.* 187.2.3. & 4.a
- Iurisdictionis mandanda iustam causam quando quis habere dicatur.* 237.b
- Iurisdictionis effectus extra territorium an valeat.* 243.4.b
- Iurisperiti quomodo Sacerdotes vocari possint, cum ferè omnes sint laici.* 3.6. & 7.a
- Iurisperiti officium quodnam sit.* 39.1.b
- Iurisperitis prohibitum est exemplis iudicare.* 3.8.b
- Iurisperitum ledens atque offendens, an teneatur crimine publico.* 3.7.a
- Iurisper



# I N D E X.

*Iurisperitum ledentium pœna ad quem spectet.* ead.b  
*Iurisperitus ad facti quæstionem quare non respondeat.*

41.1.a

*Ius à Iustitia deducitur.* 1.1. & 2.a. & quomodo. ibid.

*Ius quomodo in lege condenda consideretur, & an unum ab altero possit separari.* 2.6.b

*Ius civile quam Philosophiam complectatur.* 6.11.a

*Ius publicum quomodo tripartitum sit.* 8.5.b

*Ius civile quòdnam sit quod publicum ius respiciat.* ead.b

*Ius gentium quomodo ius naturale dicatur, eiusque exempla.* 11.1.a. & quomodo dicatur à naturali iure recedere. ead.2.b

*Ius naturale quotupliciter consideretur.* ead.3.b

*Ius naturale secundarium dicitur naturalis ratio, & ius hominum, seu gentium, seu equitas naturalis.* ibid.

& 4

*Ius gentium an diuidi possit.* ibid.

*Ius gentium antiquum quod dicatur.* 19.4.b

*Ius gentium nouum quid.* ibid.

*Ius civile potest in parte à iure naturali recedere.* 23.a

*Ius naturale quomodo mutari possit.* ibid.

*Ius civile quomodo iuri naturali detrahatur.* ibid.

*Ius scire debent qui constitutiones facere volunt, & quare.* ibid.

*Ius commune quod dicatur.* ibid. & 26.1

*Ius civile quomodo diuidatur.* 25.a

*Ius Prætorium quare introductum.* ead.b

*Ius Prætorium ad ius civile se habet, ut Prælatum, ut socius, & ut pædagogus.* ead.1.

*Ius supplendi & corrigendi cur Prætoribus datum.* ead.2

*Ius proprium quod dicatur.* 26.1.b

*Ius gentium quare non indigeat promulgatione, ius uero civile sic.* ibid.

*Ius cognationis an pacto mutetur.* 30.a

*Ius omne positum consuetudine mutari potest.* 31.a

*Ius patriæ potestatis non sequendum, quoad ius publicum.* 90.1.a. nec potest pater iudex filij esse, vel è contrà in contentiosa iurisdictione. ibid.2. de que eadem re Authoris sententia. ibid.

*Ius remouendi suspectos tutores quibus datum sit.* 176.b

*Ius dandi tutores an possit mandari.* ead.1.b. & 177.2.a

*Ius gladij quòdnam dicebatur.* 205.2.b

*Ius & potestas gladij quare dabatur, & in quibus consistebat.* ead.3

*Ius civile & Canonicum, in satisfactione debita ab hærede defuncto quomodo differant.* 252.3.b

*Ius à Principe conditum in quot partes diuidatur.* 296.4.b

*Ius sibi dicere quid significet.* 318.1.b

*Ius civile non disponit contra iuramentum, & quare.*

451.1.a

*Iuste fieri quid dicatur.* 478.29.a

*Iustitia est prior Iure.* 1.1.a

*Iustitia quid, & unde dicta.* ead.2. & 3.a. & b

*Iustitiæ allusio quæ sit.* 1.3.b

*Iustitiæ exercitium quibus committendum, & quibus non, de que eadem re Aeschinis præclare dictum.* 3.7.b

*Iustitiæ aliæ signum quòdnam sit.* 213.18.a

*Iustum & iniustum quid, æquique & boni natura quæ.* 4.8.b

*Iurare alium cum periculo personæ an quis teneatur.*

326.1.a

*Iuuenibus non confidendum in causis, & quare.* 483.b

L

**L**abores alterius sibi adscribere furti species est. 399.3.b

*Lacedæmoniorum mos in educandis pueris.* 10.3.a

*Lesionis quantitas secundum boni viri arbitrium indicatur.* 376.3.a

*Lesionis articulus in restitutione an sit exprimendus.* 392.a

*Laniones & panifices omnibus vendere quando cogantur, & quare.* 79.6.a

*Lata culpa in perditione famæ non equiparatur dolo, & quare.* 473.15.b

*Latrones & fures quomodo differant, & unde dicantur fures.* 143.1.b

*Legatarij debent regulariter scriptum heredem conuenire, & quare.* 309.a

*Legati multiplices fuerunt & quænam illi.* 127.1.22.a. & b

*Legati mortui comites, an debeant habere salarium pro residuo temporis quo conducti erant.* 188. b. & seq.1. & 2.a

*Legationes supernumeraria, item libera & titulares dictæ quæ dicebantur.* 127.2.b

*Legato quando salarium debeatur, & quando non.* 188.2. a. & 192.12.a

*Legatum hostium pulsare contra quid peccatum sit.* 8.4.b

*Legatum alimentorum deportato factum an valeat.* 258.5.b

*Legatum ante aditam hereditatem an possit repudiari.* 346.b

*Legatus de latere, antequam sua legationis prouinciæ ingressus sit, an possit beneficia conferre, vel reseruare.* 111.2.a. de que eadem re Francia consuetudo. ibid.

*Legatus quando manumittere possit.* ibid. & b

*Legatus adoptare non potest, & quare.* ibid. & quid sit legis actio. ibid.

*Legatus quare tutorem suspectum remouere possit.* 115.3.a

*Legatus etiam innocentem liberare non potest, & quare.* ead.b

*Legatus an possit administrare contra voluntatem successoris.* 115.2.a

*Legatus an possit modicè castigare.* 126.a

*Legatus, mandata sibi iurisdictione, an possit iudices dare.* ead.1.a. & b

*Legatus non habens exercitium iurisdictionis, non habet potestatem dandi iudices.* ead.2

*Legatus acceptus Romæ, an haberet iurisdictionem, antequam esset ei mandata à Proconsule.* 127.a

*Legatus Proconsulis quare tutores dare possit.* 128.a

*Legatus à latere an possit iurisdictionem, sibi à Papæ concessam, alteri mandare.* 165.7.b

*Legatus, cui mandata est iurdictio, an propriam habeat iurisdictionem.* 170.a. & 171.a

*Legatus Principis merum imperium non mandat, & quare.* 1819.a

*Legatus, cui datus est successor ante anni tempus, an salarium obtinere debeat.* 188.b

*Legatus Principis actum nullum confirmare non potest.* 216.3.b

*Lege agere qui dicantur.* 160.b

*Legem generalem nemo hodie præter Principem facere potest.* 33.1.b

*Legem generalem nemo præter Principem post legem Regiam ferre potuit.* 47.5.a



# I N D E X.

- Leges quare ordinatae sint.* 33.a  
*Leges quomodo imperent, & quomodo vetent, permittant ac puniant.* ead.1.a  
*Leges antiquae, rudes & iniquae mutanda.* 38.3.a  
*Leges scire quid.* 311.2.b  
*Legis proprium quid sit.* 5.9.a  
*Legis actio quid sit.* 160.a  
*Legis Iuliae de adulteris cognitio, an mandari possit.* 164.3.b. & 165.7.b  
*Legis verba, vel alterius narratiua non inducunt argumentum à contrario, & quare.* 167.10.b  
*in Legis Falcidia ratione quae equiparentur.* 382.3.b  
*Legis transgressor quis dicatur.* 458.15.a  
*Legis prohibitio quatenus extendatur.* ibid.  
*Legislator unum semper in lege de uno enuntiare debet.* 33.3.b  
*Legitima quo iure debeatur.* 10.3.b  
*Legitima tolli non potest, licet ex causa minuat, & quare.* ead.4.b  
*Legitimatio facta ab Imperatore in terris, suo imperio non subiectis, an valeat.* 97.14.a  
*Legitimatio sobolis, etiamsi matrimonium contra leges factum Papa confirmauerit, an valeat.* 114.5.a  
*Legitimum quid dicatur.* 287.1.b  
*Legum finis quotuplex sit.* 5.11.b  
*Legum nomine quid contineatur.* 26.b  
*Legum seclarium siue Ecclesiasticarum officium quodnam sit.* 33.a  
*Legum mutatio quibus ex causis fieri possit.* 38.2.a  
*Lenocinii crimen qui dicantur contrahere.* 418.4.a. & b  
*Lex quomodo examinanda.* 2.6.b  
*Lex vim unde habeat.* 38.4.b  
*Lex Iulia repetundarum in quibus locum habeat.* 125.b  
*Lex Pompeia quot capita contineat.* 145.1.b  
*Lex Aquilia cui comparet furiosum.* 147.4.b  
*Lex ista, De his controuersis ff. de trans. in quibus locum non habeat.* 312.3.b. & seq.  
*Lex Lectoria quid statuerit.* 357.b  
*Lex prohibitua an iuramento confirmari possit.* 457.14.b. & seq.a  
*Lex civilis in quibus Canoni cedat.* 466.30.b  
*Lex civilis Canoni potest adiungere poenam, & quomodo.* 467.b  
*Libellus quid significet, eiusque varia & multiplex significatio explicatur.* 119.b. & 120.a. & b.  
*Libellus ad probandam aetatem an interuenire debeat.* 428.2.b  
*Libellus in obligatione danda, quomodo à tempore morae formandus.* 485.40.b  
*Libertates datae filiae minori hereditate aduenti, an valeant.* 410.a  
*Libertates datae per heredem, licet postea hereditate abstinat, non reuocantur, & quare.* ibid.  
*Libertates datae ex testamento quando nulla sint.* ibid.  
*Libertates datae ex testamento quando reuocandae non sint.* ibid.b  
*Libertatis priuatio an sit apud Christianos.* 39.3.a  
*Liberti ingrati quomodo puniendi.* 77.6.a  
*Libertorum suos patronos egentes alere negligentium poena quotuplex.* 70.2.a. & à quo illi audiantur. ibid.  
*Libertus suum patronum alere tenetur, & quare.* 69.b  
*Limen quid, & unde dicatur, eiusque plura significata.* 136.b  
*Lis non contestata quando habeatur pro contestata.* 273.a  
*Lis pendere quando non dicatur.* 471.6. & 7.a  
*à Lite recedi quot modis possit.* 310.3.a  
*Litterae Regiae non sunt statim executioni mandandae, & quare.* 36.2.a  
*Litterae Regiae quomodo soleant comprobari.* 44.b  
*Litterae restitutionis quando Procuratori sint concedendae.* 158.1.2. & 3.a  
*Litterae requisitoriae quomodo mittantur.* 240.1.a  
*Litterae restitutionis quando concedantur.* 251.3.a  
*Litterae rescissionis, actus meticolosi, in regno Franciae quomodo comprobandae sint.* 331.b. & seq.a  
*Litterae restitutionis quid continere debeant.* 385.b  
*Litterae Regiae in Francia in omnibus fere casibus, etiam à iure communi concessis, impetrantur, & quare.* 447.5.b. & 448.6.a  
*Litterae Regiae in Francia pro dispensatione rescissionis iuramenti.* 463.b  
*ex Litterarum obligatione an oriatur actio.* 287.1.a  
*Litterarum portitor, si non reddat mihi librum sibi traditum ab alio, tenetur is qui tradidit ad eius restitutionem & quare.* 350.4.a  
*Liti se offerre quis dicatur.* 432.b  
*Litigans usque ad finem causae post appellationem motam, & vicissim appellationi cedens, quae poena in Francia mulctetur.* 439.9.b  
*Litis contestatio perpetuat actionem ad quadraginta annos.* 148.1.b  
*Litis contestatio an prosit minori si petierit restitutionem intra annum utilem, & lite contestata destiterit.* 395.b  
*Litis contestationis effectus qui sint.* 469.1.b  
*post Litis contestationem an nouo libello sit opus.* 481.b. & seq.  
*Litis contestatio an impediat facultatem soluendi alterum causa noxae.* 489.46.a  
*Litis contestatio facit male fidei possessorem, & quomodo.* ead.47.b  
*Litis contestatio quomodo efficiat rem litigiosam.* 506.b  
*Litium redemptores qui dicantur.* 123.a  
*Locatio quando reuocetur.* 12.3.b  
*Locumtenens an possit causas coram eo inchoatas perficere.* 63.7.a  
*Locumtenens hominis auctoritate an possit cognoscere de causa meri imperij.* 182.11.a  
*Locumtenens an possit gratiam homicidis concedere, delegatusue Papa quem absolvere, in casibus ipsi reseruatis.* 203.3.a  
*Locumtenente primario absente, secundarius etiam potest cognoscere, & quare.* 181.b. & seq.a  
*Locumtenentes Seneschallorum & Bailliuorum, an eandem habeant iurisdictionem, quam & Seneschalli & Bailliui.* 181.b  
*Locus, ubi contractus factus est, attenditur.* 217.6.b  
*Lucrum iniquum quod dicatur.* 133.4.b  
*Ludentes ad inuidiam vel infamiam alicuius quomodo puniendi.* 81.1.b  
*Ludorum seu spectaculorum disciplina quae sit, & ad quae eius cognitio pertineat.* ead.a

## M

- M**agister equitum quis dicatur, & cui comparandus. 66.a  
*Magistratibus municipalibus duae res commissae, & quae illae sint.* 215.b  
*Magistratus quilibet an possit ius dicere alteri Magistratui maiori, vel aequali.* 234.a  
*Magistratus an possit publica alterius territorij iura tractare.* 8.4.a  

*Magistratus*



# INDEX.

- Magistratus iudicans contra leges, quando non sit puniendus.* 25.2.b
- Magistratus perpetui ac temporales an possint contrahere.* 116.1.b
- Magistratus Francia ad beneplacitum Regis creati, an careant potestate per mortem ipsius Regis.* 125.b
- Magistratus quid faciens per iniuriam, quasi priuatus, iniuriarum conueniri potest.* 131.1.a
- Magistratus discedens sine Superioris autoritate quomodo puniendus.* 148.a
- Magistratus maiores qui appellati fuerint, & an possint sibi commissa mandare.* 163.a
- Magistratus minores an possint iubere caueri Pratoria stipulatione, & in possessionem mittere.* 211.b
- Magistratus Praesidiales quando ultra iurisdictionis suae terminos iudicent.* 228.2.b
- Magistratus qui dicantur.* 232.b
- Magistratus non potest committere iudicare in tempus, quo non erit Magistratus, & quare.* ead.1.b
- Magistratus municipalis an possit inobedientem partem punire.* 247.2.a
- Magistratus in quibus restitutionem concedat.* 379.b
- Magistratus qui possint restituere.* 390.b
- Magistrorum equitum & Praefectorum Pratorio potestas quae.* 64.1.b
- Magnifici, amplissimi, excellentes, excellentissimi, & sublimes, qui dicantur.* 53.4.a & b
- Maiestas iudicum quae dicatur.* 29.5.b
- Maiestas quid sit, & quis maiestatis crimen committere dicatur.* 223.a
- Maiestatis nomen quid contineat.* 29.6.b
- Maiores pars quando possit minori obesse.* 299.a
- Maiores non facile restituitur, si laesio contingat in maiori aetate, & quare.* 259.b
- Maiores succedens minori restitui potest ex persona minoris, & quare.* 397.4.a & b
- Maiores quando restituantur etiam inuito minore.* ead.b
- Maiores quando rerum suarum administratio concedatur, postquam eis fuit interdicta.* 4.8.1.b
- Maiores quando subueniendum.* 362.a
- Mala fides post usucapionem superueniens, an tollat dominium quæsitum virtute usucapionis.* 475.b
- Mala fidei possessor post litis contestationem, an teneatur de interitu.* 490.a
- Mala fidei possessor quando de fructibus percipiendis non teneatur.* 492.b
- Mali homines ubi sint conquirendi, & cuius expensis.* 143.a
- Mandans aliquid cuiquam vendere, an ipsemet vendere censeatur.* 497.a
- Mandari quae non possint.* 172.b
- Mandari quando de suspecto tutore possit.* 176.b
- Mandari regulariter quamnam possint.* 177.1.b
- Mandari de partu alendo an possit.* 178.a
- Mandatarius donum vendens sine domini consensu, non transfert in accipientem dominium, & quare.* 154.5.a
- Mandatum, ut quis audiat victos, num extendatur ad absolutionem, vel causae decisionem.* 115.2.a
- Mandatum meri imperij cui committendum.* ibid.
- Mandatum quid sit.* 116.a & b
- Mandatum Procuratoris quando extinguatur.* 218.b
- Mandatum quando ante litis contestationem reuocetur.* 483.a
- Manumissio à quo primum inuenta.* 19.1
- Manumissio in transitu causae cognitionem non requirebat.*
- Manumissio vindictae quando fiat.* 61.4.a
- Manumissio quando & quomodo retractari non possit.* ibid.
- 62.5.a
- Manumittere suos seruos qui possint, & qui non, & apud quem causa manumissionis approbetur.* 61.4.a & quot modis approbetur. ead.1.a
- Manumittere apud quem possimus, & apud quem non.* 63.9.b
- Manumittere Consul minor quando possit.* ibid.
- Manumittere, verbum, ad quos praecipue pertineat.* 111.1.a
- Manus quomodo in iure accipiatur.* 19.4.b
- Maritum non habere, vel inutile habere, idem est.* 476.25.b
- Maritus an teneatur pro sua uxore, si occiderit aliquem.* 113.4.a
- Maritus agere adulterij potest intra sexaginta dies sine calumnia, extraneus vero non.* 416.b
- Maritus interficiendo uxorem suam an perdat dotem.* 501.83.a
- Matrimonia apud Babylonios quomodo tractari solita.* 457.13.a
- Matrimonij inualidi confirmatio non legitimat filios iam natos, & quare.* 216.2.b
- Matrimonio prohibito, & sponsalia prohibita censentur.* 201.2.b
- Matrimonium an sit de iure naturali.* 9.a
- Matrimonium quomodo dicatur esse de iure naturali, gentium, ciuili ac diuino.* ead.1.b
- Matrimonium sub conditione tali contractum, Si euites generationem prolis, an valeat aut etiam altero ad procreationem inepto, & quis dicatur ineptus.* 10.2.a
- Matrimonium Senatoris cum libertina an permissum.* 56.3.a
- Matrimonium contrahens, quamuis nullum sit, perdit beneficium.* 259.3.a
- Matrimonium metu contractum an valeat.* 281.9.a
- Matrimonium quando reintegrandum.* 378.b
- Matrimonium metu illatum culpa ipsius metum passi, an valeat.* 500.79.b
- Medici negligentia quot modis probetur.* 137.3. & 4.b
- in Medico quae requirantur ut excusetur.* 137.1.a
- Medicus de imperiis tenetur, & quare.* ibid.
- Medicus dolo medicamenta infirmo dans, quibus moritur, quae poena puniendus.* ead.2.a
- Medicus quando delinquere dicatur.* ead.b
- Medicus quomodo de morte alicuius teneatur.* ibid. & num.3.
- Medicus extorquens promissiones vel donationes ab agro, an sit puniendus.* ead.4
- Medicus tenetur ad damna, quae infirmus ex dilatione infirmitatis est passus.* 137.5.b
- Mens, in appetitum ciuile & regium habet imperium.* 19.3.a
- Mensularij quibus praesint.* 277.1.a
- Mensura quomodo & per quos cognoscenda sint.* 213.8. b. falsa quae poena quae sit. ead.19.
- Mercator conuentus coram Conseruatoribus nundinarum, pro alia re quae nundinas non tangit, an respondere teneatur.* 236.a
- Mercator ducens ad alium mercatorem quendam, ut quid praesente pecunia ab eo emat, si non soluat, pro eodem tenetur.* 349.2.b
- Mercatores exteri non possunt expelli à dominis, & quare.* 398.1.b
- Mere



# I N D E X.

- Meretrices ex urbe cur expellenda.* 28. a  
*Merum, quid dicatur.* 206. b  
*Meticulosus quis non restituatur.* 324. b  
*Metum passus intra quod tempus agere teneatur.* 332. a  
*Metum passio tempus agendi quando currat.* ead. 3.  
*Metum passio liberum est intra annum ad rei restitutionem agere, & quare.* ibid.  
*Metus quid sit.* 323. a & b  
*Metus quis recipiatur, & locum habeat.* 324. b  
*Metus iustus ad quæ extendatur.* ibid.  
*Metus nobis illatus non solum attenditur, sed & ille qui liberis nostris infertur, & quare.* 325. a  
*Metus à quo illatus, sit puniendus.* ead. b  
*Metus in uno adhibitus, præsumitur durare in aliis, & quomodo.* 332. 4. b  
*Metus purgatio quando facta censeatur.* ibid.  
*Metus quomodo probandus.* 331. a  
*Metus ut sit iustus quanam requirantur.* 334. 3. a. & b  
*Metus quando annullet actum.* 335. a  
*Metus ex culpa sua procedens, an sibi noceat.* 500. 80. & 81. b  
*Meum & tuum à iure gentium inuentum.* 21. 2. a  
*Miles ignominia missus, quare in urbe non possit morari.* 51. 3. a  
*Militis quid in emptionibus suis obseruabant.* 72. 3. b  
*Militis vallum transcendentis, post ducis prohibitionem, pæna quæ.* 45. 1. b  
*Minor in rem suam fideiubens, non potest petere restitutionem, & quare.* 260. a  
*Minor quando quis dicatur.* 358. a  
*Minor, dolo aduersarij probato, ratione doli, non etatis restituitur, & quare.* 360. a  
*Minor læsus, maior factus, an possit petere restitutionem in integrum.* ead. a. & b  
*Minor an sit restituendus si intra annum non fuerit emancipatus ratione absentia patris longa.* 364. b  
*Minor heres sub conditione institutus, nec faciens inuentarium, an restituendus.* 365. a  
*Minor in castrensi peculio deceptus, an possit restitui, & quare.* ead. b  
*Minor quando non restituatur.* 367. a  
*Minor consumens lusu pecuniam, an eam soluere teneatur.* ibid.  
*Minor quando in resignatione restituatur.* 368. a  
*Minor dissipans pecuniam sibi autoritate iudicis solutam an restituatur.* 369. 3. b  
*Minor etiam contra solutionem sibi autoritate curatoris factam an possit restitui.* ead. 4  
*Minor contra venditionem etiam iudicis decreto interpositam restituitur, & quare.* 370. 6. a. & b  
*Minor etiam contra confessionem suam an restituatur.* 371. a  
*Minor in quibus non restituatur.* 372. a  
*Minor à literis restitutionis reiectus, an possit alias literas impetrare.* ead. b  
*Minor an sit in expensis condemnandus quando restituitur.* 373. b  
*Minor appellationi ante sententiam renunciens, an dicatur læsus.* 374. a  
*Minor an super matrimonio restitui possit.* ibid.  
*Minor condemnatus tãquam contumax an possit in integrum restitui.* ead. b. & seq. a  
*Minor contumax quando dicatur.* ibid.  
*Minor contra executionem ex causa iudicati factam non restituitur, & quare.* 375. 1. b  
*Minor an pro quocunque gesto restituatur.* ibid.  
*Minor quando aduersus venditionem restituatur. ead. 2. & seq. pag.*  
*Minor filia quomodo non restituatur.* 376. b  
*Minor damnum dans quomodo restituatur.* 377. a  
*Minor pro adulterio non restituitur, nec pro iis quæ commiserit contra legem, quæ lex pro adulterio punit, & quare.* ead. 1. a. & 2. b  
*Minor intrans monasterium an possit à patre reuocari.* 378. b. & seq.  
*Minor an possit restitui aduersus fiscum.* 379. a  
*Minor quando moram purgare dicatur.* ibid.  
*Minor propter damnum fato eueniens an restituendus.* 381. b  
*Minor contra sortem num restituatur.* ibid.  
*Minor propter damnum ex æquatione partium proueniens an restituatur.* ibid.  
*Minor contra emptionem molendini an restituatur.* 382. b  
*Minor etiam iure communi vsus an restituatur.* ead. 3. b  
*Minor quando aduersus minorem restituatur.* 383. a  
*Minor priuilegiatus quando contra priuilegium priuilegio uti possit.* ead. num. 1. & 2  
*Minor an possit restitui tam aduersus principalem debitorem, quam aduersus fideiussorem.* 384. 1. b. & seq.  
*Minor locupletior factus an possit restitui.* 385. 7. a  
*Minor in quibus casibus restitutionem petat aduersus possessorem.* 386. a  
*Minor an possit restitui aduersus possessorem, & emptorem secundum.* ead. b. & seq. a  
*Minor an ad instantiam peremptam restituatur.* 387. a  
*Minor pretium restituere debet secundo emptori, non autem primo, & quare.* ibid.  
*Minor societatem contrahens an possit restitui.* ead. b  
*Minor ex promissione læsus an restituatur.* 390. a  
*Minor quando restituendus sit, vel non.* ibid.  
*Minor aduersus arrestum Curie suprema an restituatur.* 391. a  
*Minor quibus casibus non restituatur.* 392. a. & 395. a  
*Minor, sententiâ contra seipsum latâ ex prauaricatione Advocati an possit restitui.* ibid.  
*Minor in exilio læsus in suis rebus, an possit restitui, si post tempus restitutionis petenda reuersus sit ad urbem.* 394. a. & b. & seq. a  
*Minor res patris maioris cum mandato administrans, quando restitui possit, & quando non.* 397. a  
*Minor committens res suas Procuratori maiori quando restituatur.* ibid.  
*Minor ob bonorum patris læsionem an restituatur.* ibid.  
*Minor quomodo hodie contra Procuratorem suum restituatur.* ibid.  
*Minor alicuius maioris negotia sponte gerens quomodo restituatur. ead. b. & sponte verbum quid importet.* ibid.  
*Minor sine manifesta deceptione non restituatur.* 398. 2. b  
*Minor negotia sua negligenter gerens an restituendus.* 398. 2. b. & 399. a  
*Minor repudiens vel amittens hereditatem quando possit restitui.* ibid.  
*Minor ut à restitutione repellatur hereditate adita vel omissa, quæ requirantur.* ibid.  
*Minor, etiam causa finita, quando restituatur.* ead. 1. b  
*Minor quando, post lapsum etiam quadriennium, restitui possit.* ead. 2. b  
*Minor ad quam usque ætatem restitutionem ex contrahibus vel actibus petere possit.* ead. 3. b  

Minor



# I N D E X.

Minor, venditione recissa, quid restituere teneatur.

400.1.b

Minor an teneatur fructum ab emptore captum restituere.

ead.2

Minor in venditione circumuentus, quomodo restituatur.

ead.6

Minor, facta sibi restitutione, quid requirat.

ibid.

Minor an teneatur ad restitutionem pecunie receptae ab emptore quando ipse eam consumpsit.

401.2.a

Minor scientiam probare tenetur, & quare.

ead.3

Minor ut ex venditione restituatur, quae & quot requirantur.

ibid.

Minor pecuniam consumptam sibi creditam an restituere teneatur.

ibid.

Minor quare pretium receptum ex venditione magis soluere teneatur, quam quod ex mutuo.

ibid. & b

Minor indebitum scienter soluens an repetere possit.

402.b

Minor comprobanda veniae petitionem cur facere debeat.

403.b

Minor conuentus ad reddendam pecuniam mutuam, liberatur, si cedat actiones aduersus illum, cui mutauit, & quare.

405.a

Minor locupletior factus, quando fructus restituere cogatur, & quando quis locupletior factus dicatur.

ead.b

Minor quando fructus restituat.

ibid. & 406.a

Minor debitum sine causa remittens an restituendus.

406.a

Minor liberans unum ex reis debendi aduersus quem restituatur. ead.2.a. item si debitorem diuitem liberet.

ibid. a. & b

Minor etate iuuenili quid promittens officio iudicis restituitur.

ead.3.b

Minor potest restitui aduersus unum articulum sententiae alteri non coherentem, & quomodo.

408.a

Minor an possit contra partem sententiae restitui, si tota valet sententia.

ead.b

Minor filius à patre suo praeeritus vel exheredatus, relicto tamen aliquo legato in testamento, an possit persequi restitutionis causam, quam factus maior petiit.

ibid. & seq.

Minor petendo legatum renuntiare videtur liti mota super restitutione, & quare.

409.1.a

& quot modis quis liti renuntiare dicatur.

ibid.

Minor aduersus libertatem quando restituatur.

410.b

Minor legatum sibi datum accipiens, eum manumittere, quem insit testator, an teneatur.

412.b

Minor non dicitur locupletior, si luserit pecuniam, & amiserit excepto uno nummo, & cum illo nummo recaperauerit reliquam summam, & quare.

413.a

Minor quando pecuniam possit repetere, & quando non.

ibid.

Minor compromittendo, censetur ladi, ac restituatur, & quare.

ibid.

Minor ob rem minimam non restituatur, secus ob mediocrem lesionem.

ead.1.b

Minor quomodo enormiter ladi dicatur. ibid. & 414.1. & 3.a

Minor ratione vicinitatis an restituendus.

ead.2.a

Minor potest res maiorum suorum pro legitima eligere.

ead.3

Minor etiam restituatur propter alienationem praedij in loco salubri siti.

ead.4.a

Minor rem venditam iure retractus intra annum habere poterit, & quare.

ead.b

Minor aduersus omissum allegare restituitur? ead.b

Minor aduersus crimen à se confessum restituatur. 415.1.a

Minor propter obiectiones omissas non restituatur. ead.2

Minor aduersus defensiones omissas, etiam latis contra eum sententiis, restitui aliquando potest.

ead.3

Minor propter allegationem à tutore, curatore, vel Aduocato omissam, restituatur: secus si ab eius Procuratore omittatur.

ead.4. & 5.b

huc accedit cautela pro Aduocatis minorum. ibid.

Minor aliquid dicens quod suae causae noceat, an restituatur.

ibid.7

Minor in quibus non restituatur.

416.a. & b

Minor in delictis cur non restituatur.

ibid.

Minor quoad furtum non restituatur, & quare. 417.1.a

Minor quando propter confessionem suam non restituatur.

ead.2.b

Minor delictum confitens sponte vel in tortura, an possit restitui.

ead.3. & 4.

Minor cur à crimine incestus excusetur, non autem ab adulterio.

418.4.a

Minor ex contractu patris an restituatur. 420.3.4. & 5.a. & b

Minor quando aduersus retractum restituatur.

ibid.

Minor pro emolumento omissio an restituatur.

ibid.

Minor quomodo contra solutionem pensionis emphyteoseos restituatur.

ibid.6

Minor quando contra emptorem non restituatur. 423.4. a. deque eo praxis regni Francia.

ibid.

Minor qualitercunque latus an restituatur.

ead.b

Minor an possit restitui, si ipsi post sententiam instrumento garentigato, vel sigillato sigillo Regis, fuerit promissa pecunia, tanquam credita.

425.5.a

Minor in solutum rem suam dans, an restituatur.

ibid.

Minor quando inconsulte pradia in solutum dare dicatur.

ead.b

Minor potest sententiam pro se latam contemnere, & ei renuntiare. & quare.

426.a

Minor aresto Curiae supremae, an possit renuntiare.

ibid. & b

Minor restitutioni in integrum renuntians, leditur, & quare.

427.2.a

Minor quando possit sententiae restitutionis renuntiare.

ibid. & b

Minor latus quando non restituatur.

431.b

Minor quodnam onus suscipere non debeat.

ibid.

Minor in quibus casibus possit restitui, aduersus eum qui absolutus est fraude tutoris.

432.a. & b

Minor an finito actionis tempore restituatur aduersus priorem debitorem pro quo fideiussit.

435.b

cum Minore quomodo gestum decatur.

368.a

Minore mortuo intra annum utilem, de quo parum restabat, an annus integer detur eius successoribus ad in integrum restitutionem petendam.

393.b. & seq.

Minores multis multorum insidiis subiecti sunt, & quomodo.

357.a

Minores an possint habere rerum suarum administrationem ante viginti quinque annos, si modo contraxerint matrimonium, & liberos habeant.

358.a

de quo eo praxis regni Francia.

ead.b

Minores coniugati si ladanur, restituuntur, & quare.

ibid.

Minores quando in integrum restituendi.

361.a

Minores quomodo sint restituendi.

398.b

Minores delicti gratiam à Principe facilius impetrant, quam maiores, & quare.

417.1.a

Minori



# I N D E X.

- Minori an succurratur si beneficio Ecclesiastico renuntiaverit.* 367.a
- Minori sine iudicis precepto an soluendum.* 369.5.b
- Minori quando subueniendum, si lucrum amplexus non sit.* 371.b. & seq.
- Minori an restituendi libri sint, quos testator statuit ipsi seruandos.* 372.a
- Minori in delictis non subuenitur per in integrum restitutionem, & quare.* 377.b
- Minori an succurratur in omnibus pœnalibus iudiciis, & quomodo.* ead.2
- Minori quomodo succurratur contra seruum manumissum.* 379.a
- Minori rem suam vendenti quando concedatur restitutio, & quare.* 414.4.a
- Minori in executionibus pœnarum quare non subueniatur.* 416.a
- Minori existenti in potestate patris, an succurratur in his qua patri acquirere potuit.* 421.b
- Minoribus quando in delictis subueniatur.* 377.2.b
- Minoribus in quibus non subueniatur.* 381.b
- Minoris restitutio quibus casibus fideiussori profit.* 385.3.4.5. & 6.a
- Minoris consanguinei non habent illa iura & privilegia in eo, qua pater habet in filio, & quare.* 404.b
- Minoris favore interdum sententie non statuitur.* 412.3
- Minoris, cui vendita est domus sub pacto adiectionis in diem, altero meliorem conditionem offerente, an intersit, & an is ipse in integrum restitui possit.* 413.b
- Minorum restitutio facta à iudice cum causa cognitione valet, & quare.* 359.a
- Minorum restitutio quomodo fiat per iudices.* ibid.
- Minorum Curator potest petere restitutionem aduersus contractus factos per minorem, ante interdictionem, & quare.* 404.b
- item & Curator maiorum.* ibid.
- Miscere verbum ad quos referatur.* 158.3.a
- Missio in possessione quando cœcedatur à iudice.* 424.3.b
- Moderatio & leuiatio pœnae in impubere est adhibenda.* 377.3.b. & quare. 378.a
- Modus defendendi res suas per ius ciuile.* 15.5.a
- Modus legitimandi per matrimonium.* 56.b. & 57.a
- Molestiam non facere quomodo intelligatur.* 477.28.b
- Monachus delinquens per quem corrigi debeat.* 42.4.a
- Monachus apostata semper vendicari potest, & quare.* 91.1.b
- Monachus post delictum factus Abbati relinquendus est, & quare.* 242.a
- Monachus quomodo mortuus mundo dicatur.* 258.3.a
- Monachus an & quomodo pacisci possit.* 282.12.a
- Monachus liberatur à patria potestate, & quare.* 378.b
- Mora in soluendo quando constituatur.* 442.13.b
- Mora duplicata impedit purgationem, & quare.* 478.30.b. & seq.
- Mora contracta quando purgari possit.* ibid.
- Mora in omittendo admittitur, & quare.* ibid.
- Mora in facto adimplendo non purgatur.* 481.a
- Mora purgatio quando admittatur.* 272.1.a. & quando non. ibid. & 2.3. & 4.b
- Mora purgatio tollitur per litis contestationem, & quare.* 478.30.b
- Mora purgatio quando post litis contestationem admittatur.* 479.31.a
- Mora purgatio in actionibus arbitrariis, an admittatur.* ead. & b
- Mora purgatio num fiat ante litis cōtestationem.* ead.31.b
- Mora purgatio an admittatur ante litis contestationem, si esset in obligatione appositae dies pœnae.* ead.31.b. & seq.a
- Mora purgatio quando ante litis contestationem non admittatur.* 480.a
- Mora purgatio non admittitur, ubi executio fit ipso iure, confirmatur.* ead.33. & b
- Mora purgatio pro Iudeis & Hereticis an admittatur.* 481.35.a. & b
- Mors quoduplex in iure esse tradatur.* 257.3.a
- Mors naturalis quid sit.* ead.b
- Mors quacunque in iure, mortis nomine venit.* 258.3.a
- Mortis nomine an mors ciuilis veniat.* 257.b
- Mortui cadauer an puniri possit, & quomodo.* 208.7.a
- Mortui cadauer suspendi vel castigari non debet.* 252.2.a
- Morum nomine quid veniat.* 26.b
- Mulcta semel propter inopiam remissa, quando possit exigi, & quando non.* 139.4.a
- Mulctataxata à lege non debetur ante adiudicationem.* 219.a
- Mulcta quando imponi possit.* 250.b
- Mulcta pro non comparando in iudicio, quando remitti possit.* 254.5.b de que eo usus regni Francie. ibid.
- Mulcta non imponenda quando partis non interest.* ibid.
- Mulctae moderatio à Preside fieri potest, & quando.* 138.b
- Mulctae remissio pauperi fieri potest, nō verò pœnae.* ead.2.
- Mulctae condemnatio an primo conductori, vel secundo debeat.* 218.b. & 219.a
- Mulctam ex delicto publico an possit iudex remittere.* 139.3.a
- Mulctam in regno Francie an possit iudex remittere.* ibid.
- per Mulctarum condemnationem ius acquiritur, & quomodo.* 219.a
- Mulctatus tali causa, qua infamiam irrogat, in Francia non erit infamis, & quare.* 319.3.b
- Mulier incestum committens eandem pœnam, quam maritus sustinet.* 26.2.b
- Mulier in rem suam fideiubens an Velleiano inuetur.* 260.a
- Mulier promittendo iudicatum solui, an rem suam fideiussisse censeatur.* ead.3.a
- Mulier an possit fideiubere pro marito, à quo fundus petitur dotalis, soluere iudicatum.* 263.b
- Mulier contra diuortium non restituitur, & quare.* 378.b
- Mulier pro minore intercedēs an inuetur Senatusconsulto Velleiano.* 383.4.b. & seq.
- Mulier laesa in pacto restitutionis dotis, an possit restitui.* 435.a
- Mulieres ubi munera subire debeant.* 240.2.b
- Mulieres illegitimum matrimonium contrahentes an munera in eo loco, in quo illegitimum matrimonium contraxerunt, subire possint.* ead.3.
- Mulier an subueniatur, si totum patrimonium suum deriderit.* 376.a
- Munerum appellatione quid contineatur.* 116.b
- Mutatio domicilij quando dicatur fieri.* 240.1.a
- Mutatio petitionis non potest fieri post litis contestationem, & quare.* 493.56.b
- Mutans ad rei refectionem specialiter, quibus privilegiis gaudeat.* 444.2.a
- Mutantis pecuniā res resecta quatenus obligetur.* ibidem.



# INDEX.

<b>N</b>	
<i>Natura vis ad qua nos incitet.</i>	357. a
<i>Negligentes &amp; validi mendicantes quare puniendi.</i>	10.3. a
<i>Negotia priuata qua dicantur.</i>	90.1. b
<i>Negotium omne tria requirit, &amp; qua.</i>	4.8. b
<i>Negotium quomodo accipiendum.</i>	193. a
<i>Negotium particulare, &amp; vniuersale mandatum quomodo differant.</i>	504. a
<i>Nemo potest partim liber esse, partim seruus, nec legitimus pro parte, &amp; pro parte illegitimus, nec testatus, &amp; intestatus, &amp; quare.</i>	44.1. & 2. b
<i>Nemo tenetur iuuare alium in incendio, &amp; quare, restringitur.</i>	102.8. & 9. b
<i>Nemo potest in alium transferre quod non habet, explicatur.</i>	114.2. & 1. a
<i>Nobilis offendens ex subditis quenquam, securitate praestita, an &amp; quomodo puniatur, de eoque exemplum.</i>	42.8. a
<i>Notarij quando ubique instrumenta conficere possint, &amp; quando non.</i>	110.2. & 4. b
<i>Notarij contractus semel expeditos iterum tradere in Francia prohibentur.</i>	277.3. b
<i>Notarij verba in instrumentis apponi solita, ut metus euitur.</i>	323. b
<i>Notarius quando sese alteri committere possit.</i>	63.7. a
<i>Notarius falsi condemnatus an non possit amplius instrumenta conficere.</i>	92.6. b
<i>Notarius suo officio priuatus, ob crimen falsi, non amplius Notarius creari potest.</i>	93.7. a
<i>Notarius, vel Episcopi Vicarius, per qua quis presumatur.</i>	95. 1. a
<i>Notarius debet testari, verba testamenti Latine conscripti, vulgari sermone esse recitata.</i>	31. 2. b
<i>Notarius infamis esse non potest, &amp; quare.</i>	319. 2. b
<i>Notionis nomen ad quos pertineat.</i>	72.4. b
<i>Novatio an ab vno ex reis stipulandi fieri possit.</i>	301. 3. a. & b
<i>Nummularij officium in regno Francia a quo impetrandum, &amp; quales esse debeant ij qui ad illud appellantur.</i>	75.2. a
<i>Nummularij, pecuniam improbam sibi oblatam frangere debent, &amp; quare.</i>	ead.3. a
<i>Nummularij expeditionibus beneficiorum praefecti qui dicantur.</i>	ead.4. a
<i>Nummulariorum cognitio ad que spectet, ead. per totam.</i>	
<i>Nummulariorum apud Romanos officium, non erat publicum &amp; eorum varij ordines.</i>	277. a
<i>apud Nummularios improba pecunia si inueniatur, est confiscanda.</i>	75.4. a
<i>Nuntij relatio quid operetur.</i>	497. a
<i>Nuntij in quibus credendum.</i>	497. a

<b>O</b>	
<i>Oblatio an impediatur penitentiam in contractibus.</i>	290.3. a
<i>Oblatio sola quando in contractibus sufficiat.</i>	ibid. & b
<i>Oblatio sola quandoque sufficit liberationis fauore.</i>	ead.4. b
<i>Oblatio cum depositione &amp; consignatione, &amp; ea qua fit in iudicio, quam vim habeat.</i>	ibid.5. & b
<i>Oblationes, qua diebus Dominicis, &amp; in die sancti Laurentij, ipso die etiam Dominico adueniente, offeruntur, diuidenda sunt, &amp; quare.</i>	128.2. b
<i>Obligatio ex quasi contractu, an oriatur ex conuentione.</i>	283. a

<i>Obligatio generalis qua comprehendat.</i>	285. b
<i>Obligatio naturalis ex consensu ind. secreto &amp; vano non oritur.</i>	291.1. a
<i>Obligatio naturalis quando ex conuentione oriatur.</i>	459. b
<i>Obligatio naturalis impedit soluti repetitionem, &amp; quomodo.</i>	465. a
<i>Obligatio fideiussoris concurrens cum principali, an extinguatur.</i>	505. a
<i>Obligatio accessoria an magis efficax, quam principalis.</i>	ibidem
<i>Obligatio fideiussoria extinguens cum principali, quando non extinguatur.</i>	505.9. b
<i>Obligationi inefficaci an possit accedere fideiussor.</i>	183.13. a
<i>Obligationi fideiussoria quid accedat.</i>	506. b
<i>Obligatus sub instrumento an habeat dilationem ad soluendum.</i>	442.11. a
<i>Occidere impune quos liceat.</i>	16.9. & 10. b
<i>Officia singula singulis committenda, &amp; quare.</i>	43.1. b
<i>Officia duo inuicem non repugnantia quis obtinere possit.</i>	ead.2. b
<i>Officiales Regios offendens in Francia quomodo puniendus.</i>	135.3. b
<i>Officiales qui dicantur.</i>	161.1. & 2. a
<i>Officiales legati mortui ad quid teneantur, si velint residui temporis, pro quo conducti sunt, mercedem habere.</i>	183.3. b
<i>Officiales Regij an possint iurisdictionem suam, etiam aduersus clericos, defendere.</i>	247.2. a
<i>Officiales, durante eorum officio, prohibentur emere, deque eo praxis regni Francia.</i>	459.18. a
<i>Officiales cogentes al. quem ad venditionem alicuius rei faciendam ipsis, qua poena puniendi.</i>	490.51. b
<i>Officialis militia hodie nullum substituere potest sine Principis voluntate.</i>	114.1. a
<i>Officialis quandiu antiquus dicatur.</i>	125.1. a
<i>Officialis quando concutere dicatur.</i>	135.1. b
<i>Officialis quilibet quando a prouincia, in qua praefectus est, abesse possit, &amp; ob absentiam excusari.</i>	148. a
<i>Officialis cuiuslibet salarium quandiu duret.</i>	149. a
<i>Officij aut dignitatis consequenda gratia, aliquid dare aut promittere an liceat.</i>	92.5. a
<i>Officio duorum an quis surgi possit in actibus voluntariae aut contentiosae iurisdictionis.</i>	43.2. & 3. b
<i>&amp; quare.</i>	ibid.4.
<i>Officium scienter inhabili alicui ab Imperatore concessum, an valeat.</i>	97.18. & 19. b
<i>&amp; quot in eo concedendo requirantur.</i>	ibid.
<i>Officium suum quando quis exercere prohibeatur.</i>	136.5. a
<i>Officium quid dicatur.</i>	160. b
<i>eiusque varia significationes.</i>	161.2. a
<i>Officium Iudicis an cedi possit.</i>	398. a
<i>Officium iudicis nobile an possit dari ad restitutionem minorum.</i>	402. a
<i>Officium iudicis an sit mutandum.</i>	403. a
<i>Opera subditi extra territorium iudici non deneganda, &amp; quare.</i>	244.7. a
<i>Opus inceptum ab vno artificum, an possit ab altero compleri.</i>	63.6. a
<i>Oratio habita coram Regibus, seu aliis, in eorum ingressu, quid continere debeat.</i>	117. . b
<i>Ordines recipiens ab eo qui non est Episcopus, non ordinatus censetur, &amp; quare.</i>	94.10. b
<i>Originem repetere quando dicamur.</i>	31.2. b



- P**
- P**acisci non licet, ut pro parte ab emptione recedatur, & quare. 294.b
- Pacta quæ contractui inesse dicantur. 293.3.a
- Pacta quæ contractibus apponenda. ibid.
- Pacta quando contractui inesse dicantur. 294.1.b
- Pacta turpem causam continentia an sint seruanda. 295.b
- Pacta aduersus plebiscita, an seruanda sint. 206.a
- item & ea quæ contra Senatusconsulta. ibid.
- Pacta contra Senatusconsultum Macedonianum, an valeant. ead.3.b
- Pacta contra edicta quanam valeant. ead.4.
- Pacta quando contra leges valeant. 297.4
- Pacta præter vel secundum leges admittenda. ead.num.5.
- Pacti definitio. 279.1.a
- Pactio nuda quæ dicatur. 291.4
- Pactorum diuisiones varia. 283.3. & 4.b
- Pactum nudum quid sit. ead.a
- Pactorum alia diuisio. 297.4
- Pactum esse non potest, nisi sit ibi saltem consensus duorum. & quare. 279.2.a
- Pactum nec inter patrem & filium, nec inter dominum & seruum, subsistit, & quare. ead.3.4. & 5.b
- nec inter religiosos & Superiores eorum. ead.6.
- nec etiam inter virum & uxorem, ut alterutri acquiratur durante matrimonio. 280.7.a
- Pactum quando in idem tendere dicatur. ead.8.a
- Pactum quomodo differat à pollicitatione. ead.b
- Pactum metu factum an subsistat. 281.a
- Pactum conuentum quodnam dicatur. 282.b
- Pactum quot modis fieri possit. 284.2.b
- Pactum usuram sapiens, an seruandum. 286.a
- Pactum commune quid dicatur. ead.b.
- priuatum item quid, & quotuplex. ibid.
- Pactum nudum de iure Canonico an possit parere actionem. 291.b
- Pactum nudum an producat actionem inter mercatores. 292.2.a
- Pactum nudum quando actionem pariat. ibid.
- Pactum geminatum an obliget. ibid.
- Pactum incontinenti appositum iuxta contractum, an pariat actionem. ead.3.
- Pactum incontinenti appositum, censetur pars contractus. 293.a
- Pactum ex intervallo appositum, an pariat actionem. ead.num.1.
- Pactum quando ex intervallo valeat. 294.a
- Pactum ex intervallo appositum, respiciens naturam, vel substantiam contractus, censetur contractui inesse, & quare. ead.num.1.
- Pactum ut pariat actionem, quæ requirantur. 295.a
- Pactum seruare Pretor quando dicatur. ibid.
- nūmque ex eo oriatur actio. ibid.b
- Pactum ex dolo malo factum, an seruandum. ead.1.b
- Pactum in odium dolosi, si passus dolum velit, subsistit. ead.num.2.
- Pactum contra leges quomodo fieri dicatur, & an valeat. 296.a
- Pactum in fraudem legum factum an valeat. ead.4.b
- Pactum mixtum quodnam dicatur. 297.2.b
- Pactum in rem ad quos transeat. 298.3.a
- Pactum conuentum in rem factum cum venditore cui profit. ibid.
- Pactum à seruo factum quādo valeat, & quādo nō. ibid.
- Pactum cum ciuitate factum ad quos transeat. ibid.
- Pactum factum ab uno ex Argentariis sociis cum debitore, ne debitum ab eo petatur, an noceat alteri. 299.b
- Pactum ne dolus malus præstetur, an valeat. 302.a. & b
- Pactum de quota parte litis factum, inter clientulum, & Aduocatū, vel Procuratorem, an valeat. 304.1.b
- Pactum super resolutione contractus factum cui profit. 305.b
- Pactum super accidentibus contractui factum, ad quem extendatur. ead.num.1.
- Pactum iuramento vestitum an pariat actionem. 452.3.b
- Pactum de non succedendo quomodo firmetur. 455.a
- Pactum de succedendo quare non valeat. ibid.
- Pactum auferens liberam testamenti factionem an valeat. ibid.b
- Pactum impediens matrimonij libertatem, & adulteræ cum adultero, an sit contra bonos mores. ibid.
- Pactum de instantia litis prorogata, an firmetur iuramento. 456.11.a
- Pactum de opus nouum nuntiando in causa publica, an iuramento firmetur, & an probandum. ibid. & b
- Pactum renuntiationis successionis futura, an iuramento confirmetur. 463.a
- Papa & Imperator an legibus subijciantur. 36.4.b
- Papa & Imperator an consuetudinibus derogare velle videantur. 41.2.a
- Papa non potest datam dispensationem à prædecessore suo reuocare. 59.3.a
- Papa illegitimi scienter concedens beneficium, ipsum legitimum censetur, si verò ignoranter, non, & quare. 97.20.b
- Papa, Principes, vel Parlamenta partes inauditas condemnare aut absolueri non debent, & quare. 121.2.a
- Papa solus potest causas clericorum laicis mādare. 175.6.b
- Papa quare minor suo confessore dicatur. 234.1.a
- Papa & Episcopus, an dispensare possint super iuramento. 267.2.b
- Papa, Imperatores, & Principes quibuscunque pactis obligantur, & quare. 278.1.b. & seq.a
- Papa super quo iuramento dispensare possit. 466.b
- Papa non potest dispensare contra effectum iuramenti à lege civili inductum. 467.a
- Papa constitutio obligat subditos iure poli. 80.7.b
- Parentibus in illicitis non obtemperandum. 12.1.a
- Parochus quis dicatur. 40.1.a
- Pars se non opponens, nec iudicem recusans, tacite in iudicem consentire videtur. 227.10.a
- Pars in quibus non audiatur. 253.1.b
- Pars debiti pacto remittenda, totum verò debitum accipilatione explicatur. 300.1.a
- Parte sua nemo sociorum plus petere potest. ead.2.a. & b
- Partes possunt testibus iuramentum remittere. 273.2.b
- Partes quādo possint de controuersis, ex testamento prouenientibus, transigere. 312.a
- Partes iudicij præcipue quot sint. 507.b
- Partis nomine quid veniat. 419.1.b
- Partus seu conceptionis tempus quādo inspiciatur. 55.2.b
- Pater an possit obligationem filij propria voluntate dissoluere. 12.1. & 2.b
- Pater an possit repellere vim illatam suo filio, & quare. 15.5.a
- Pater non debet in filium scuire, & quare. 42.4.a
- Pater ad quæ teneatur in filio instituendo. 45.a
- Pater filios vel filias peccare cogens, patria potestate priuandus. 74.1.b
- Pater



- Pater coram filio quæ expedire possit.* 90.a  
*Pater emancipare potest filium suum Pratorem coram ipso Pratore, & quare.* 99.b  
*necipse filius Prator se potest emancipare, & quare, idemque de adoptione est.* ibid.  
*Pater filio ingrato iure alimenta denegare potest, & quare.* 121.3.b  
*Pater an possit offerre filium puniendum pro grauissimis delictis.* 121.2.b  
*Pater inter filios intra domum indicare potest, & quare.* 225.1.a. in delictis vero non, & quare. ead.2.b  
*Pater plus torquetur in filio, si filius ad supplicium ducatur, de quo eo exemplum.* 325.1.a  
*Pater an possit post mortem filij restitutionem impetrare in peculiaribus casibus, in quibus filius minor eam postulare posset.* 365.b  
*Pater familias non tenetur de incendio dato ex negligentia familie, & quare.* 105.2.a  
*Patri quando potius parendum est quam patriæ.* 12.3.b  
*Patri an liceat filiam suam interficere, ut contumeliam stupri arceat.* 31.a  
*Patri quando restitutio post mortem filij detur.* 365.b  
*Patriæ nostræ an parere teneamur, & quotuplex sit patriæ.* 12.3.b  
*Patriæ defensio parentibus quando præferenda, & quare.* ead.4.b  
*Patriæ charita ceteras omnes vincit charitates.* 13.5.a  
*Patriarcha quando, etiam in Papæ præsentia, habeat potestatem.* 128.a  
*Patris seu matris de filij ætate professio, an recipiatur.* 429.b  
*Patritiorum dignitas quæ & quanta.* 59.b  
*Patronus nolens in manumissum transferre actionem, an exceptione repelli possit.* 348.a  
*Paupertas excusat usurarium à restitutione usurarum.* 138.1.b  
*Paupertas excusat quem à multa, & quare.* 119.5.a  
*elegantisque, de paupertate, Diogenis Cynici dictum.* ibidem b  
*Peculium profectitium filij cur non publicetur.* 363.a  
*Peculium aduentitium non censetur publicatum, bonis paternis confiscatis, & quare.* ead.num.1.  
*Peculium aduentitium an censeatur publicatum, si bona filij fuerint publicata.* ead.3.b  
*Peculium castrense an censeatur publicatum, si bona patris fuerint publicata.* ibid.  
*Peculium nullum confiscari potest ob delictum patris, si bene propter filij, & quare.* ead.4. & seq.  
*Pecunia à iure gentium est introducta, & quis primus nummorum usum adinuenit.* 22.8.b  
*Pecunia per pactum cur non possit prohiberi.* ibid.  
*Pedarij quinam fuerunt.* 59.b  
*Penes te est, & apud te est, loquutionis discrimen.* 413.b  
*Perfectum quid quando dicatur.* 30.3.b  
*Periculum instans & terror armorum declarant vim.* 14.3.a  
*Periculum interitus post mortem debitoris ad quem spectet,* 490.48.a  
*Periurus quando quis dicatur.* 481.a  
*Permissio alienandi res minoris Ecclesiæ, aut ciuitatis an deleganda.* 173.2. & 3.a  
*Permutatio, & alij contractus innominati, quomodo inter se differant.* 283.1.b  
*Permutatio quare contractus nominatus dici possit.* 288.a  
*Perpetuum quodnam dicatur.* 303.1.b  
*Persecutio an possit dici iudicis officium.* 198.7.b. & seq.  
*Personæ abiectæ quænam dicantur.* 340.b  
*Personalitas quando, & in quibus requiratur.* 498.a  
*Petere quisnam dicatur.* 478.29.a  
*Philosophiam simulatam qui sequantur.* 5.11.b. & 6.a  
*Philosophus & Rhetor an Iurisperiti.* ibid.  
*Pignorationes contra subditos quando concedantur.* 235.5.a  
*Placitum quid propriè vocetur.* 280.b  
*Plagiarius quis dicatur.* 143.b. & quæ pœna puniantur Christianos Turcis vendentes. ead.num.1.  
*Platonis elegans dictum de pœnis scelerum.* 5.9.a  
*Plures motum adhibentes, an uno conuento ceteri liberentur, & quando.* 326.2.a  
*Pœna æris & personæ per quos comminari debeat.* 144.2.b  
*Pœna duplex, quando alicui est imponenda.* 146.4.a  
*Pœna grauissima, seu seuerissima quid complectatur.* 151.a  
*Pœna edictum corruptentis cui applicetur.* 221.1.a  
*Pœna pecuniaria an irrogetur seruis.* ead.num.2.  
*Pœna capitalis & mors an indifferenter accipiantur.* 257.3.a  
*Pœna post transactum negotium peti non potest, & quare.* 269.1.a  
*Pœna tripli quando committatur.* 319.a  
*Pœne iuris an seruentur in Francia.* 226.5.a  
*Pœna contra contumaces quæ sint.* 471.8. & 9.b  
*Pœnarum discrimina in sceleratos homines.* 58. a  
*Pœnitentiæ locus quando non sit in contractibus innominatis.* 480.34.b  
*Pollicitatio de iure Canonico an producat obligationem.* 279.2.b  
*Pondera falsa quæ dicantur.* 354.4  
*Pondera diuersa unde manarunt.* ibid.  
*Pondera cum diuersa sint, quibus mensuris appendi debeant.* ead. & 2.a  
*Pondera falsa, aut mensuras tenens quæ pœna puniatur.* ibid.  
*Pondera, vel mensuras diuersas habere an liceat.* ead.b  
*de Ponderum exactoribus qui olim cognoscebat, & quis hodie in Francia cognoscat.* 355.4.a  
*Pondus loci, ubi fit contractus, est assumendum.* 354.b  
*Populi ordines quot fuerint apud Romanos, Athenienses & Arabes.* 39.5.6.a  
*Populi quiete quomodo tueri possit Præfectus urbi.* 8. b  
*Possessor pacificus quis desinat esse.* 507.b  
*Possidere se negans, contrario probato, priuatur possessione, & quomodo.* 470.4.b  
*Posthumus quando dicatur Senatoris filius.* 55.1.a. & b  
*Posthumus restituitur perinde atque si natus esset, & quomodo.* 420.6.b  
*Postulare in Curiis supremis apud Francos qui prohibeantur.* 124.1.a  
*Postulare quid sit.* 316.2.b  
*Postulare prohibitus in iurisdictione unius iudicis, non prohibetur in alia.* ead.3.  
*Postulare quis potest decimo octauo anno, & quare.* 317.1.a  
*Postulare, mulieribus num liceat.* ead.b  
*Postulare utroque lumine orbatus non potest, & quare.* ibidem  
*Postulare prohibitus in una prouincia, an possit in alia postulare.* 318.a  
*Postulare prohibitus ab uno iudice ratione furti, vel falsi, vel alterius criminis infamiam irrogantis, alibi non poterit postulare, & quare.* ibid.



- Potestas prorogandi compromissi quatenus accipiat.* 420. a
- Præbenda quæ dicantur in neutro genere.* 79. 6. b. item & præbere quid significet. *ibid.*
- Præcepta Iuris quot, & quæ sint.* 28. a
- Præceptiva verba quid denotent.* 141. 1. b
- Præceptum de soluendo quando fiat, & quid operetur.* 438. 4. b
- Præceptum in confessum ante litem contestatam, à quo fieri debeat.* 439. 8. a
- Prædia pro securitate dotis an in eadem provincia emi debeant.* 59. 3. a
- Præfationes, sicut & sermones, secundum materiam sunt exquirende.* 31. a
- Præfationum commoda duo, & quæ sint illa.* ead. 3. & 4. b
- Præfecti Prætorio sine appellatione indicabant.* 65. 3. a. & quare Senatoriam dignitatem consequuti sint. ead. 4.
- Præfecti Prætorio quibus equiparandi.* *ibid.* & b
- Præfecti Prætorio dignitas quæ & quanta.* 68. a
- Præfecti Prætorio & Præfecti urbi differentia.* ead. b
- Præfecti urbis auctoritas quæ.* ead. 1. b
- Præfecti urbis quibus equiparentur.* 69. a
- Præfecti urbis de quibus criminibus cognoscant, eorumque officium.* *ibid.* & b
- Præfecti urbis an habeant ius relegandi & deportandi.* 70. 2. a
- Præfecti urbis cognitio quousque extendatur.* 71. 2. b. & 72. 3. a. per totam columnam.
- Præfecti vigilum apud Gallos officium quòdnam sit, & de quibus cognoscat.* 104. a
- Præfecti vigilum cognitio quousque extendatur.* ead. 1. b
- Præfecti vigilum officium quòdnam sit.* 107. a
- Præfecti Prætorio an possint in integrum restituere adversus eorum sententias.* 391. a
- Præfectis Prætorio quomodo Cardinales possint comparari.* 67. 11. b
- Præfectorius quis dicatur.* 47. 3. b. & 48. a
- Præfectorum Prætorio sedes quot, & quæ.* 65. 2. a
- Præfectura urbis quo in honore habita primò fuerit, & quis postea eam dehonestavit.* 68. 2. b
- Præfectura Romæ quotuplex.* 71. b
- Præfectus Prætorio an maior Senatore.* 52. b
- Præfectus Prætorio unde dictus, item & Prætorium unde ita appellatum.* 65. b
- Præfectus Prætorio quis dicebatur olim, & quis hodie eo nomine veniat.* *ibid.*
- deque eo Feneſtella sententia.* 66. a
- Præfectus urbis habet in urbe cognitionem totius carnis ut iusto pretio vendatur, & quare.* 77. b
- Præfectus urbis extra terminos urbis habetur tanquam priuatus.* 84. 1. a
- Præfectus vigilum in cuius locū successus fuerit.* 100. 3. a
- Præfectus vigilum & annonæ an sit magistratus extraordinarius.* 103. 2. b
- Præfectus in genere quis dicatur.* *ibid.*
- Præfectus vigilum, an sit spectabilis.* *ibid.* & quare hodie non sit spectabilis. *ibid.* 3. & seq. a
- Præfectus vigilum contra quos cognoscat.* 104. 1. b
- Præfectus vigilum quo in apparatu tempore nocturno incedere debeat.* 107. a
- Præfectus vigilum omnes interdum admonere debet, ut ignem innocentem habeant, & ut aquam quilibet in suo cœnaculo & habitatione habeat, ad extinguendum ignem.* ead. 1. & 2. b
- Præfectus vigilum cognoscebat etiā de iis, qui vestimen-*
- ta in balneis, mercede accepta, non restituebant.* ead. 3.
- Præiudiciales expensæ quæ dicantur.* 446. a
- Præiudicium pro quibus interdum accipiat.* 445. a. & b. per totam paginam. & 446. a
- Prælati quando excommunicare non possint.* 175. 5. b
- Prælati an possint beneficio restitutionis renuntiare.* 427. 2. a
- Præscriptio in quibus non valeat.* 212. 15. a
- Præscriptio etiam longissima non firmat extorsionem, & quare.* 336. 5. a
- Præscriptio an currat contra minores.* 421. a. & b
- Præscriptio contra minorem & posthumum quando currat.* 432. a
- Præscriptio quando per litis contestationem non interrumpatur.* 438. 4. b
- Præscriptio quomodo per litis contestationem interrumpatur.* 476. 19. a
- in Præscriptione iurisdictionis seu imperij contra absentem & ignorantem quid requiratur.* 212. 16. a
- Præses quando iurisdictionem etiam criminalem mandare possit.* 169. a
- Præses in regno Franciæ quomodo vocetur.* 130. 2. a
- Præses an possit extra provinciam cognoscere.* 131. a
- Præses Prouinciæ in quibus casibus contra non subditos cognoscat.* 132. 10. 11. & 12. b
- Præses prohibere potest ne quis vendat vinum quandiu ipse vendet suum, & quare.* 136. 4. a
- Præses Prouinciæ in quibus debeat pauperibus prouidere.* ead. b
- Præses cur deportandi ius non habeat.* 137. 5. b. & seq. a.
- deque eo Zouaneti ratio, & authoris opinio.* *ibid.*
- Præses prouinciæ quomodo compellere debeat habentem domum ad eius refectionem.* 139. b
- Præses prouinciæ an possit de causa sibi ab Imperatore remissa cognoscere.* 140. b
- Præses prouinciæ an de criminalibus cognosceret absolute.* 142. b
- Præses prouinciæ quid agere debeat, ut sua prouincia quieta pacatæque sit.* 143. a
- Præses, vel alius Magistratus iurisdictionem habens, an possit punire suos Iudices, assessores, locumtenentes, vel alios in officio delinquentes.* 186. 2. & 3. a
- Præsidatus munus quandiu durabat.* 129. 1. b
- Præsidatus formula.* 130. b. & 131. a
- Præsides prouinciæ quomodo in insulâ relegare possint.* 70. 2. & 3. b. & seq. 3. a
- Præsides prouinciæ an possint relegare in insulam quæ non est in ea prouincia cui præsumt.* 71. 4. a
- Præsides alicui arte sua interdicare non possunt, ultra tempus administrationis, & quare.* 83. 5. a
- Præsides Prouinciæ, vel alij iudices locumtenentes in regno Franciæ an possint creare.* 114. b
- Præsides exactis Consulibus successerunt, & eorum potestas.* 118. b. & 119. a
- Præsides in quo pretio habiti fuerint olim.* 129. 1. a
- Præsidis prouinciæ potestas quæ.* 70. 2. b
- Præsidis nomen quousque extendatur.* 129. a
- Præsidum stipendia quonam erant.* 129. 1. b
- Præsidum diuersa nomina, & quot fuerint in Asia, & in Gallia quot sint.* ead. 2.
- Præsidum familia quibus rebus ornata fuerit.* 130. 4. a
- Prætor & quilibet alius index, quare ius reddere dicantur.* 29. 1. a
- Prætor aut Iudex, non possunt in iurisdictione contentiosa se tutores aut indices dare, & quare.* 100. 2. a
- Prætor,



- Prætor, cui mandata est iurisdictio, an exerceat illam iuris-  
isdictionem tanquam Prætor.* 174.a. & b
- Prætor quomodo dolum adinuenerit.* 337.1.a
- Prætor cur minorum tutelam & protectionem susceperit.* 357.a
- Prætor quomodo restituere debeat.* 399.3.a
- Prætores unde dicti.* 89.a.
- & à quo originem traxerunt.* ibid.
- Prætores urbani, interdum peregrini in urbe, & quare.* 90.3.a
- Prætorum stipulatio qua dicatur.* 215.a
- Prætorum stipulatio an imperij sit, an verò iurisditionis, ibidem*
- Prætoris appellatio quousque extendatur.* 89.2.b
- Prætoris officio fungenti salarium debetur, & quare.* 94.8.a
- Prætorum officium quomodo distinguendum.* 89.a
- Prætorum edicta primum vim legis annalis habuerunt, postea, perpetua facta, & quamobrem.* ead.1.a
- Prætorum varij & multiplices modi, Prætorumque distinctio.* ead.a. & b. & 90.3.a
- Præuentio, concessa iurisditione alicui cum aliis, an valeat.* 210.b
- Præxis ad notandum quem Notarium, vel Episcopi Vicarium.* 95.10.a
- Præxis regni Franciæ quoad subscriptionem libellorum quorundam, & eius ratio.* 122.4.a
- Præxis Franciæ de præstanda securitate.* 135.2.b
- Præxis Franciæ de causa remissione.* 141.1.b
- Præxis regni Franciæ pro actione amissa Reipublicæ causa.* 148.b
- Præxis regni Franciæ de Officialibus creandis.* 157.16.a
- Præxis regni Franciæ in Consiliariorum causis agitandis.* 193.b
- Præxis Franciæ de officio Iudicis.* 199.8.b
- Præxis Franciæ de hereditate tenenda.* 200.8.b
- Præxis regni Franciæ in coacervationibus & coadunationibus plurium summarum.* 229.b. & seq.a
- Præxis Franciæ de conuentione.* 239.2.a
- Præxis Franciæ in puniendo clericos delinquentes.* 242.a
- Præxis Franciæ de sententia executione.* ibid.
- Præxis Franciæ de confessione domini.* 251.3.b
- Præxis ad legum intelligentiam necessaria.* 252.1.a
- Præxis Franciæ de vocatione in ius.* ead.1.b
- Præxis regni Franciæ de satisfactione iudicatum solui.* 266.3.a
- Præxis Franciæ de rescissione contractus iurati.* 268.4.a
- Præxis regni Franciæ de renuntiante casibus fortuitis.* 271.3.a
- Præxis Senatus in Franciæ de obligationibus Aduocatis factis à partibus.* 305.4.a
- Præxis Franciæ de rescissione transactionum.* 307.3.a
- Præxis pro impetrandis literis cancellationis instrumenti, in ressortu Tholosano.* 310.b
- Præxis regni Franciæ pro infringenda transactione.* ibid.
- Præxis restitutionum in Franciæ.* 321.a. & b
- Præxis regni Franciæ de pœna quadrupli.* 332.a
- Præxis regni Franciæ de rescissione emptionis dolo metue facta.* 344.a
- Præxis regni Franciæ de sententia contra dolosum.* 353.b
- Præxis Franciæ consuetudinaria de contractu maioris quatuordecim annis.* 359.a
- Præxis regni Franciæ de literis Regiis super restitutione impetrandis.* 374.a
- Præxis Franciæ consuetudinaria de literis restitutionis comprobandis.* 386.a. & b
- Præxis regni Franciæ de minoris restitutione aduersus emptorem & possessorem.* 387.a
- Præxis vetus de reuocanda sententia correcte.* 391.a
- Præxis Franciæ de promissionis minorum instrumento.* 406.3.b
- Præxis & consuetudo iudicum in probatione ætatis minorum.* 411.b
- Præxis Franciæ de literis restitutionis Regiis.* 415.2.a
- Præxis regni Franciæ de restitutione minorum contra præscriptiones.* 421.b
- Præxis regni Franciæ de tempore ad soluendum arbitrio.* 441.a. & b
- Præxis Franciæ de cautione à debitore non præstanda.* 442.11.a
- Præxis Franciæ de tempore quo agi potest in aliquem.* 446.b. & 447.a
- Præxis Franciæ de rescissione venditionum.* 448.5.a
- Præxis regni Franciæ de rescissione contractus iurati.* 467.a
- Princeps nil potest contra ius naturale, nec contra bonos mores, nec contra ius gentium, nec contra disposita ab iure ciuili, in ratione naturali fundata, & quare.* ead.5.6.7. & 8.b
- Princeps non potest legitimam in bonis paternis vel maternis auferre, & quare.* ead.8.b
- Princeps tenetur compensare eum, à quo tollit ius ei competens.* 23.9.a
- Princeps quomodo, & quare legibus non dicatur solutus.* 34.1.a
- Princeps quomodo legis nexibus solutus dicatur.* ibid.
- Princeps non potest pœnam à Senatu impositam augere, & quare.* ead.3.b
- nec emendam parti adiudicatam remittere.* ead.4.b
- Princeps præsumitur tantum quod iustum & verum est confirmare.* 36.2.a
- Princeps in rebus diuinis tanquam priuatus censetur, & quare.* ead.4.b
- Princeps an possit suam dispensationem reuocare.* 59.2.a
- Princeps quibus tenetur subditis compensare, si rem ab iis aliquam sine eorum consensu, acceperit, & quibus non.* 99.23.a. & b
- Princeps quando non est consulendus.* 115.1.b
- Princeps, vel alius quispiam iudex an debeat filium à patre oblatum, ad mortem damnare.* 123.2.b
- Princeps ius partis tollere non potest, & quare.* 134.1.a
- Princeps an possit Consiliarios, & alios suos Officiales sine causa reuocare, & iurisditionem auferre.* 191.9.10. & 11.a. & b
- Princeps donas urbem, an videatur quoque donare omnia que in urbe ei competunt.* 211.12.a. & b
- Princeps contractum etiam nullum ex partium consensu potest confirmare.* 216.1.b
- Princeps actum nullum per statuta & consuetudines, non videtur confirmare, & quare.* ead.3.
- Princeps in literis gratiæ interesse partis remittere non potest, & quando.* 224.4.a
- Princeps non potest expellere mercatores extraneos de terris suis, & quare.* 227.b
- Princeps per verbum, iubeo, causam committens, non potest causam alteri mandare.* 232.b
- Princeps secularis, an possit gratiam iuramenti facere.* 267.2.b
- Princeps measuras communes omnibus constituere debet.* 354.a. & in iis signum ipsius imponi. ibid.



# INDEX.

- Princeps cur extra ordinem iuris veniam aetatis non indulgeat.* 359.a
- Princeps potest minorem restituere, licet aliud auxilium ei competat, deque eo praxis consuetudinaria Francia.* 389.5.a
- Princeps an possit concedere restitutionem contra sententiam a se datam.* 392.b
- Princeps quare de adulterio minori non restituat.* 417.1.a  
*nec etiam homicidam de industria.* ibid.
- Princeps quando appellationem prohibere possit.* 427.3.b
- Princeps, ut debitor nunquam soluat, dilationem non concedit, nec quidem decem annos, & quare.* 442.12.a. & 13.b
- Princeps secularis quando possit iuramentum remittere.* 466.30.b  
*& super quibus dispensare possit.* ibid.
- Princeps secularis videt animam & corpus, bonaque propter iuramentum ligata, & quomodo.* 467.a. & b
- Princeps secularis quod iuramentum relaxare possit.* ibidem
- Princeps cur iudices possit deponere.* 472.12.b
- in Principe an causa presumatur quando aliquid agit, & an ille actus presumatur ex causa factus.* 379.a
- in Principe quando causa non presumatur.* ead. 10.b
- Principes causa populi facti sunt, non e contrario.* 26.3.a
- Principes an obligentur contractu, & quomodo.* 34.7.b
- Principi non licet sine consensu rem subditi accipere, & quare, limitatur.* 99.22.a
- Principia fores sunt in quibus errandum non est, & quare.* 122.a
- Principis voluntas quando pro lege habeatur.* 36.1. & 2.a
- Principis placitum quid dicatur, & quando pro lege servandum.* ead. 2.a
- de Principis potestate non est inquirendum, & quare.* ead. 3.b
- Principis sententia diffinitiva haberi debet pro lege.* 37.8.a  
*item & placitum per epistolam.* ibid.
- Principis voluntas an sit iusta causa faciendi actum.* ead. 10.b
- Principis constitutio in tria diuiditur, & quae sint illa.* ibidem
- Principis & Magistratus decretum quomodo differant.* 38.a
- Principis successor an possit pecuniam exigere pro confirmatione officiorum.* 91.1.b
- Principis confirmatio non trahitur ad iniqua, & quare.* 217.5.a
- in Principis consistorio sufficit factum proponere sine conclusionem.* 410.1.a
- Principium quando inspicere debeat.* 360.a
- Prinatus an possit iurare indicare.* 233.2.b
- Privilegia a quibus debeant extendi & a quibus non.* 34.7.b
- Privilegia plebeiorum ultra Trinepotes non extenduntur.* 57.1.b
- Privilegia aequalia quomodo cognoscantur.* 444.3.b
- Privilegiu fori renuntians non potest voluntatem mutare, sed tenetur illi renuntiationi stare, & quare.* 238.b
- Privilegium Senatori concessum & filiis, non extenditur ad filias nuptas & quare.* 57.3.a
- Privilegium cuiuslibet datum quibus etiam competat.* 202.1.b
- Privilegium non tollit litispendentiam.* 241.5.b
- Privilegium personale ex parte eius, cui conceditur, cum persona extinguitur.* 298.2.a
- Privilegium quousque sit.* 443.b
- Privilegium reale & personale quot & quibus modis considerentur.* ibid.
- Privilegium reale ex parte concedentis non expirat per mortem concedentis.* ibid.
- Privilegium personale quomodo ratione causa competat, itemque ratione rei.* 444.1.a
- Probatio contra iuris praesumptionem an admittatur.* 334.2.a
- Probatio per aspectum corporis quando fieri possit, & quando non.* 411.a. & b
- Probatio per praesumptionem, quae.* ibid.
- Probatio contra confessum non est facienda, & quare.* 438.2.a
- Probatio de crimine contra absentem contumacem an sit necessaria.* 499.b
- Processus contra minorem factus an valeat, & quando, deque eo praxis regni Francia.* 418.4.a
- Proconsul non potest provinciam in hospitibus praebendis onerare, explicatur.* 112.a
- Proconsul non potest in provincia alios statores habere quam designatos, & quare.* ead. 1.a. & b
- Proconsul an teneatur pro sua uxore delinquente in eo quod eius officium respicit.* ead. 2. & 3.b
- Proconsul quomodo sit excipiendus in urbe quam ingreditur.* 113.a
- Proconsul in ingressu civitatum eadem observare debet quae & alij observarunt, explicatur.* ibid. b
- Proconsul an munera accipere possit.* 116.2.a
- Proconsul quando munera accipere possit.* ead. 1.b
- Proconsul quid facere debeat, quando fines provinciae sibi decreta, & civitatem aliquam celebrem ingreditur.* 117.a. & 2.b
- Proconsul quando & quomodo iurisdictionem plenissimam habeat.* 118.3.a
- Proconsul an possit quodcumque expedire per scripturam & libellum, instar Principis.* 121.1.a
- Proconsul patiens esse debet circa Advocatos, explicatur, deque eo praefata diui Gregory sententia.* 122.b
- Proconsul & Legatus quot dies debeant stare in provincia post depositam administrationem.* 125.b
- Proconsul vel Praeses an possit per se sibi datam adimere iurisdictionem.* 150.b
- Proconsularis dignitas quousque duraverit.* 128.3.b
- Proconsules unde originem suam traxere.* 109.a
- Proconsules quidam fuerunt ordinarii, alij extraordinarii, & quoniam illi.* ead. 1.a. & b
- Proconsules extraordinarii, ab ipsis Augustis missi, pluribus provinciis praesidebant, quam ordinarii, & quomodo, explicatur.* ead. 2.
- Proconsules quomodo diversa consideratione spectabiles & illustres dicantur.* ead. 3.
- Proconsules cum creabantur, quibus caeremoniis utebantur Romani.* ibid.
- Proconsules ubi insignia habebant, & quae erant eorum insignia.* 110.1. & 2.a
- Proconsules quando legatos statuunt, eorumque potestas.* 116.1.a
- Proconsules non poterant maius imperium habere in provincia, quam Consules Romae.* 118.b
- Proconsules & Praesides quomodo inter se differant.* 130.3.a
- Proconsules, Praesides, & alij Comites eorum, an possint convenire*



conuenire & conueniri de his qua cōtraxerunt, ante-  
quam in prouinciam venissent. 148.b  
Proconsulibus quinam hodie successerint. 109.4.b  
Proconsulibus, & alijs Officialibus, expietis annis Pro-  
consulatus, & alterius Praefectura, Imperatores pro-  
uidere solebant apud Romanos, & quomodo. 128.3.b  
Proconsulis ministri delinquentes a quo puniendi. 112.1.b  
Proconsulis officium, quando prouinciam est ingressus,  
quodnam sit. 113.b  
Proconsulis officium quantum durabat. 124.b  
Proconsulis & Pratoris differentia. 405.a  
Procurator Vniuersitatis quomodo constituatur. 45.1.b  
Procurator fisci quis dicatur. 151.b  
Procurator Caesaris quis dicatur. ibid. & 152.a  
Procurator Rationalis quis vocetur. ibid.  
& quomodo is appelletur in Gallia. ibid.  
Procurator fisci quibus negotiis praeficiatur. aed.1  
Procurator generalis quis dicatur. 152.3.b  
Procurator Caesaris errans an possit negotia eius gere-  
re. 154.a  
Procurator Caesaris habet generalem cum libera potesta-  
tem. eadem 5. item  
& Syndici ac Procuratores ciuitatum. eadem b solētque  
clausula, cum libera, hodie in Procurationibus adii-  
ci. eadem numero 6.  
Procurator cum libera constitutus an possit rem domi-  
ni alienare. ead. numero 7  
Procurator Caesaris an possit fidem habere de pretio rei  
venditae. 155.1.a  
Procurator Ecclesiae & minoris non possunt fidem habere  
de pretio rei venditae, & quare. ead.2.a  
Procurator ad exigendum & recipiendum pretium de-  
bitum, confitendo se habuisse, quod non habuit, an  
noceat domino. ead.6.b. & 156.7.a  
Procurator datus ad agendum, transigere non potest, &  
quare. 156.10.b  
Procurator fisci, siue Reipub. non potest permittere ut  
quid in loco publico fiat, & quare. ead.11.b  
Procurator Caesaris non potest rem eius donare, nec debi-  
tum eiusdem acceptum ferre, & quare. ead.14.  
nec beneficia aut officia conferre, praesentare, vel do-  
nare, & quare. ead.15. & 157.a  
Procurator Caesaris, Cesare instituto, quando adire here-  
ditatem possit. 157.1. & 2.b  
Procurator Regis potest restitui contra aditionem here-  
ditatis non epulenta, & quomodo. 158.a  
Procurator priuati an possit alij hereditatem acquirere.  
ead.3. & 4.b  
Procurator solo animo non potest agnoscere hereditatem,  
imò dominus. ead.4.b  
Procurator Caesaris, hereditatem Casari delatam non  
potest repudiare, & quare. 159.a  
Procurator an possit constitui ad adeundam heredita-  
tem. ibid.  
Procurator Caesaris sententiā colonos prohibens in pre-  
dia Caesaris accedere, illam reuocare postea non potest,  
& quare. 160.2.a  
Procurator non potest mutare voluntatem, si eius cōuen-  
tio placeat domino, & quare. 239.3.a  
Procurator in quibus domino non noceat. 251.2.a  
Procurator in iudiciis non potest esse ante vigesimum  
quintum annum, & quare. 317.2.a  
Procurator quando teneatur ad expensas causae, quam  
susceperat, amissa. 349.a  
Procurator in rem suam quis dicatur. 398.a

Procurator quatenus per litis contestationem, dominus  
litis fiat. 482.a  
Procurator quando sit reuocabilis. ead.16. & b  
Procurator an possit reuocari post conclusionem in cau-  
sa. 483.b  
Procurator in rem suam ante litis contestationem non  
reuocatur, & quare. 484.a  
Procurator ex postfacto malus homo effectus, facile pra-  
sumitur reuocatus. 489.46.a  
Procurator in criminalibus regulariter non debet inter-  
uenire, & quare. 495.62.a. & 63.b  
Procurator post litis contestationem, alium substituens,  
excludit tertium, & quare. 504.89.a  
Procurator non potest esse infamis apud Principem, &  
quare. ead.94.b  
Procuratores Consulum, & Augustorum, qui diceban-  
tur. 151.b  
Procuratores saltuum qui dicebantur. 152.1.a  
Procuratores ad vectigalia qui vocabantur, eorumque  
diui Pij Caesaris commendatio. ibid. & 2. & qui in eo-  
rum loco sint hodie. ead.b  
Procuratores fisci debent esse omni exceptione maiores,  
& quare. ibid.  
Procuratori sine speciali mandato, quando non est danda  
restitutio. 403.a  
Procuratoris constitutio ad petendam in integrum resti-  
tutionem qua. ead. & b  
Procuratorium factum apud acta an valeat. 253.3.a  
Prodigi, furiosi, & similes gaudent priuilegijs mino-  
rum. 492.54.a  
Prodigus quando vilis esse dicatur. 340.b  
Professores Iuris debent legum voluntates aperire.  
31.2.b  
Profitentes aliquam sciētiam non debent, praefationibus  
omissis, eam interpretari. 31.1.a  
Prohibitionis geminatae effectus qui. 487.a  
Prohibitus postulare in Parlamento, censetur & in om-  
nibus alijs Curijs prohibitus. 83.3.a  
Promissio inhonesta an valeat. 28.a  
Promissio habendi rata, quaecunque gesta fuerint, non  
inducit liberam potestatem, & quare. 154.8.b  
Promissio facta apud iudicem, vel magistratum, an  
obliget promittentem. 253.1.a  
Promissio deserta qua dicatur. 270.a  
Promissio ob causae victoriam Aduocato facta, an va-  
leat. 305.3.a  
Promissio dotis magna quando valeat. 376.b  
Promissio post confessionem quid importet. 423.b  
Promissio beneficij non vacantis an valeat. 456.a  
Promissio inualida Aduocato facta an firmetur iura-  
mento. 463.b  
Promittens apud Grapharium quid exhibere teneatur,  
quamuis iudici non cauerit. 253.2.a  
Promittens indicatum soluere ex processu factum, in a-  
ctione in rem non tenetur, si in personam processus  
fuerit motus, & quare. 261.2.a  
Prorex potest dare officia, & praesentare ad beneficia, &  
quare. 157.16.a  
Publica iura in regno Franciae quis promouere & perse-  
qui debeat. 7.1.a  
Publica & publice utilia quomodo differant. ibid.  
Publica vectigalia qua dicantur. ibid.  
Publicum ius in quibus consistat. 7.1.a  
Publicum ius pactis priuatorum mutari non potest. ead.b  
Puella contra voluntatem defuncti nubens, quando re-



stitui possit. 365.a  
*Puniri in corpore quando debeat is, qui non habet in are.* 221.2.b  
*Pupilla an possit in illo capitulo restitui, in quo fuit lasa.* 408.a  
*Pupillus substituto pupillariter non tenetur cauere, & quare.* 264.b  
*Pupillus quando ex dolo conueniendus sit.* 341.a

## Q

*Questiones domestice ubi terminande sint.* 123.3.b  
*Questores à quo inuenti fuerint, & unde dicti, & cur inuenti.* 84.b. & 85.a  
*Questores seu Thesaurarij an possint Regum pecuniam aliis mutuare.* ibid.  
*Questores quomodo, & quot creabantur, & eorundem officium.* ibid.  
*Questores in regno Francia sunt perpetui, nec possunt officium exercere si in eo deliquerunt, & quare.* ead.b  
*Questores quoruplici in differentia fuerint.* ead.2. & 3. & pag. 86.a  
*Questores quomodo ab Imperatoribus vocentur.* 85.2.b  
*Questores Romanorum quibus hodie comparandi sint.* 87.2.b. & 88.a  
*Questoris candidati Principis officium in quo positum erat, & unde dictus.* 85.b. 87.1.a. & 88.b  
*Questoris urbani dua species, & eius officium.* 85.b. & 86.a  
*Questorum dignitas quanta fuerit.* 87.1.b  
*Qualitas, Coniectura, Possessio & Obligatio potentior in Hermaphrodito, an spectanda.* 40.a  
*Quanti ea res est, & quanti interest quomodo differant.* 252.a  
*Quanti ea res est aliquid aestimari, ad qd referatur.* 353.a  
*Quanti ea res est, quid denotet.* ibidem  
*Qui non edidit, ad quid teneatur.* 277.3.b  
*Quotuplex sit Iurisdictio.* 28.a

## R

*Ratihabitio quando equiparetur mandato.* 145.a  
*Ratihabitio confirmat gesta sine mandato.* 263.3.a  
*Ratihabitio an confirmet contractum inualidum.* 359.b  
*Ratio quid sit.* 277.1.a  
*Ratio legis est preferenda ipsis verbis.* 476.19.a  
*Ratio memoria precedentis quantum operetur.* 487.a  
*Ratio differentia inter conditiones adimplendas, & renuntiationem factam post susceptionem.* 504.91.b  
*Ratio diuersitatis inter mixtam actionem uniuersalem & particularem.* 507.a  
*Reconuenire quando quis dicatur.* 284.a  
*Receptatores furum & latronum ad quem remittendi sint.* 104.1.b  
*Receptorum pena varia, & quae illa sint.* 144.2.b  
*Receptorum ignorantia quomodo probeatur.* ibid.  
*Receptor, seu receptator, quis dicatur.* 144.1.a. & quomodo puniendus. ibid.2.3. & 4  
*Reconuentio quando competat.* 195.8.b  
*Reconuentio non facienda coram arbitro, nec etiam in inuitum, & quare.* 234.4.b. & seq.a  
*Reconuentionis ius quomodo faciendum.* 230.a. & b  
*Rector provinciae an possit, pro furto sibi facto antequam veniret in provinciam, agere.* 148.1.b  
*Recuperatores qui dicebantur, & quare ita appellati fuerint.* 61.2.b  
*Recuperatores peregrini dabant mancipiis naturalem libertatem cum Praeside pro tribunali sedentes.* ead.b  
*Regina eadem privilegia non habet qua Rex.* 34.7.b

*Regis mater non potest dici Regina.* 47.2.b  
*Regis officium quando quis admittere possit, certificatoresque pro haeticis quomodo puniendi.* 66.7. & 8.b  
*Regis commissiones quomodo intelligenda sint.* 211.11.a  
*Regnorum destructio propter quos adueniat.* 12.1.a  
*Regnorum constitutiones quae.* 20.b. & 21.a  
*Regnum quare de gente in gentem transferatur.* 27.b  
*à Regulis iuris communis quando recedere liceat.* 408.71.b  
*Rei appellatio quid denotet in l. Arbitrio indicis. ff. de dolo malo.* 353.a  
*Rem alienam à Principe recipiens, nisi iusta causa, non est quoad animam tutus, nisi eam, cuius est, restituat, & quare.* 23.9.a  
*Rem à se non pati vendicari quando quis dicatur.* 249.b. & seq.a  
*Remedia contra absentem in pena quae sint.* 498.b. & seq.a  
*Remedium extraordinarium quando dandum non sit.* 389.6.a  
*Remissio de quibus fieri debeat.* 472.9.a  
*Remotus à Senatu non potest iudicare, & quare.* 49.1.b  
*Renuntiationes privilegij fori, in Francia sunt parui momenti.* 254.2.a  
*Renuntiatio vel promissio generalis, non valet de nulla exceptione vitanda, & quare.* 270.1.b  
*Renuntiatio specialis, etiam fortuitorum casuum, an valeat.* ead.2  
*Renuntiatio in expressis & in similibus ad quae extendatur.* ibidem.  
*Renuntiatio generalis quando non proffit.* 271.3.a  
*Renuntiatio facta à filia de hereditate, non visis verbis testamenti, non valet, & quare.* 312.3.b. secus in testamento ubi nulla est scriptura. ibid.  
*Renuntiatio in specie in quibus valeat.* 427.3.a  
*Renuntiatio iuramento firmata à minore an valeat.* ead.b  
*Renuntiatio appellationis in quot & quibus casibus fieri possit.* ibid.  
*Reo dilationes plures in criminalibus, quam aetori dantur, & quare.* 260.a  
*Reo parato subire & persequi iudicium, actio in Procuratorem transferri non debet, & quare.* 349.a  
*Repetundarum damnatus tantum prohibetur iudicare, vel testimonium dicere.* 49.1.b  
*Res integra quando dicatur.* 294.2.b  
*Res vendite ad licitationem praesumuntur recte vendite, & quomodo, explicatur.* 375.1.b  
*Res in actione personali deducta cur, & quando litigiosa non dicatur.* 507.a  
*Rescripta quaedam imperant, quaedam vetant, quaedam permittunt, alia puniunt.* 33.2.b  
*Rescriptum de iure Canonico quomodo vitietur.* 39.5.b  
*Rescriptum nullum olim recipiebatur, nisi à Questore annotatum.* 87.1.a  
*Rescriptum non facta litis mentione, an valeat.* 507.b  
*Respublica uniuersa in quot ordines est diuidenda.* 3.8.b  
*Respublica quatenus privilegiata sit.* 491.b  
*Respublica cum minore concurrens in privilegio, praefertur ipsi minori.* ead.53  
*Restitutio quomodo facienda.* 28.2.b  
*Restitutio à quo fiat in Francia.* 49.1.b  
*Restitutio in integrum, etiam contra minoris contractum à Principe confirmatum, peti potest, & quare.* 217.4.a  
*Restitutio quare denegata fuerit dominis Clarimontis, à Parlamento Gratianopolitano.* 370.b  
*Restitutio in ermodiciis quibus concedenda.* 374.b  
*Restitutio quomodo in Francia fiat à Rege.* ibid.  
*Restitutio in quibus cesset.* 378.b

Restitutio



<i>Restitutio non fit in Francia sine literis Regis.</i>	381.a	<i>Et quomodo.</i>	71.a
<i>Restitutio an extinguat obligationem.</i>	385.7.a	<i>Sacerdotes aliis stipulari possunt in sacris, non autem in profanis.</i>	ead.2.b
<i>Restitutio cur facilius detur contra res bis iudicatas ab aliis iudicibus, quam si in auditorio Principis semel esset finita.</i>	392.b	<i>Sacerdotes extra sacra quæ facere possint.</i>	ibid.
<i>Restitutio in Francia à quo detur.</i>	393.a	<i>Sacerdotes multi, Et pauci, quomodo intelligendum.</i>	180.8.a
<i>Restitutio in integrum quibus etiam competat, præterquam minoribus.</i>	ibid.	<i>Sacerdotia petere an liceat.</i>	92.3.a
<i>Restitutio coram quo iudice petenda.</i>	394.b	<i>Sacrilegi qui dicantur, Et eorum pæna.</i>	143.b
<i>Restitutio an videri possit, nec nisi postulanti.</i>	404.a	<i>Salarij promissio quousque extendatur.</i>	305.a
<i>Restitutio quando incidenter peti dicatur.</i>	405.a	<i>Salarium à quo petendum.</i>	189.3.b
<i>Restitutio an detur filio aduersus patrem.</i>	407.a. & b	<i>Salarium an debeatur heredibus eius cui promissum est.</i>	ibidem
<i>Restitutio quando peti possit à filio aduersus patrem, Et quando non.</i>	ibid.	<i>Salarium solutum an repeti possit.</i>	190.4. & 5.a
<i>Restitutio etiam locum habet in re maiorum causa diuendita.</i>	414.3.a	<i>Salarium integrum quando debeatur.</i>	ibid.
<i>Restitutionem pro re minima Prætor non permittit, Et quare.</i>	ead.b	<i>Satisfactio iudicio fieri hodie tantum in criminalibus datur.</i>	255.a
<i>Restitutiones in integrum, causa cognita, à quo permittentur.</i>	321.a	<i>Satisfactio quomodo expiret.</i>	263.1.a
<i>Restitutiones in Francia quomodo fiant.</i>	402.b	<i>Scholares qui priuilegijs uti non debeant.</i>	483.a
<i>Restitutionis beneficium potest in alium transferri, Et quando.</i>	322.a	<i>Scholaris reuertens ante quinquennium à die recessus an habeatur pro scholari.</i>	502.86.a
<i>Restitutionis beneficium an cedi possit.</i>	389.b	<i>Scholaris post recessum à studio fungens officio publico, an desinat esse scholaris.</i>	ibid.
<i>Renocatio tacita potentior est, quam expressa, Et quomodo.</i>	471.5.a	<i>Scopatio ab antiquis quæ dicatur.</i>	77.6.a
<i>Reus cõtumax nõ audiendus nisi probata cõtumacia</i>	236.a	<i>Secularis potestas intra Ecclesiam interdum necessaria, Et quare.</i>	71.b
<i>Reus post geminam contumaciam, Et duos defectus, verificata prius petitione, potest de stylo Franciæ condemnari.</i>	250.1.b	<i>Securitatem frangens quomodo in Francia puniendus.</i>	135.2.b
<i>Reus Et actor inobedientes ad quid teneantur.</i>	251.b	<i>Securitatis promissio perpetuò durat, etiam extra territorium, Et quare.</i>	ead.1.a
<i>Reus quo die promittere debeat sistere se, vel præsentare in iudicio.</i>	259.b	<i>Seditionem concitans quo crimine teneatur.</i>	159.b
<i>Reus non se sistens iudicio, quando ad pænam, vel interesse non teneatur.</i>	272.1.a	<i>Senator ordine motus, ad originalem patriam, non restituitur, Et quare.</i>	50.2.b
<i>Reus quæ edere non teneatur.</i>	278.a	<i>Senatores unde dicti.</i>	46.2.b
<i>Et quæ è contrario edere debeat.</i>	ibid.	<i>Senatores nulli à Cæsare creati, à vulgo abortiui nominati, Et quare.</i>	46.3.b
<i>Reus condemnatus num possit transigere.</i>	314.a	<i>Senatores etiam extra urbem creati fuerunt, Et eorum officium Et munus.</i>	ibid.
<i>Reus, re non existente, quomodo condemnandus.</i>	330.a	<i>Senatores quomodo Et secundum quid iudicare possint.</i>	47.6.a
<i>Reus cur non teneatur ad eius rei restitutionem quæ post condemnationem intra tēpora iudicatis data pereat.</i>	ibid.	<i>Senatores Curiarum huius regni non sunt comparandi Senatoribus Romanis, Et quare.</i>	ibid.
<i>Reus quando Et ad rei aestimationem, Et ad triplum teneatur.</i>	ead.b	<i>Senatores quare superillustres appellantur.</i>	52.a
<i>Reus metum inferens semper ad rei restitutionem, vel aestimationem tenetur. ibid. Et quare.</i>	ead.num.2.	<i>Senatores creati à Principe, Et descendentes à Patribus, vel Consulibus, vel illustribus, soli sententiam in Senatu dicere poterant.</i>	60.3.a
<i>Reus metum inferens, quando Et ad rei aestimationem, Et ad triplum teneatur.</i>	ead.3.b	<i>Senatoria dignitas per quos defendatur.</i>	316.1.a
<i>Reus unde dicatur.</i>	442.1.b	<i>Senatoris filius etiam erit clarissimus, licet natus sit ante Senatoriam dignitatem.</i>	54.3.a
<i>Reus ratione libelli ineptè propositi, an possit liberari.</i>	470.5.b	<i>Senatoris filius legitimus emancipatus cur retineat dignitatem.</i>	55.1.a
<i>Rex quando restitutionis beneficio gaudeat.</i>	34.4.b	<i>Senatoris nepos liberorum priuilegijs quando gaudeat, Et quando non.</i>	ead.2.b
<i>Rex Franciæ non potest pænam sententiæ ad eum delatæ, contra virum dignitate præditum, augere, sed bene minuere, Et quare.</i>	71.4.a	<i>Senatorum origo, Et quare Patres sint appellati.</i>	46.1.b
<i>Rex quando negotijs prouidere debeat.</i>	103.13.a	<i>Senatorum potestas quæ, Et à quibus illis cõcessa.</i>	47.4.a
<i>Rex Fraciæ Et Papa quibus causas suas cõmittat.</i>	175.3.a	<i>Senatorum edicta quæ.</i>	ead.5.a
<i>Rex Franciæ potest causas ad eum relatas approbare, addere, vel diminuire pro ratione, non ex libito, Et quare.</i>	181.10.a	<i>Senatorum filie quando dicantur clarissimæ, Et quando non.</i>	57.2.a
<i>Romanorum consuetudo in creandis legatis.</i>	116.2.a	<i>Senatorum filij possunt in Franciæ regno torqueri, Et quare.</i>	ead.2.b. & seq.
		<i>Senatorum filij quando ad regimen Reipublicæ sufficiendi.</i>	58.3.a
		<i>Senatorum ordo quotuplex fuerit.</i>	59.b
		<i>à Senatu moti, capite minui nõ dicuntur, Et quare.</i>	50.1.b
		<i>Senatu remotus per sententiam, quare capite minui non dicatur.</i>	ead.1. & 2.b

**S**acerdos an possit esse Notarius. 8.2.a  
 Sacerdos aggressorem occidens dum sacra facit, an possit sacra perficere. 14.5.b  
 Sacerdotes in duplici differentia fuerunt apud Gentiles,



- Senatu remotus ob infamiam, an in urbe morari possit.* 51.3.a
- ad Senatum quando appellare liceat.* 26.5.a
- Senatus Parisiensis fere consuetudinibus regitur. Senatus autem Tholosanus legibus. Burdegalesis vero partim legibus, partim consuetudinibus.* ead.1.b
- Senatus etiam legem generalem facere potest.* 33.b
- Senatus quomodo ius facere possit.* ead.3.b
- Senatus potest ex casu incidente pœnam corporalem mutare in pecuniariam, & econtra.* 221.4.b
- Senatusconsulta unde vocentur.* 33.1.b
- Seneschallus, vel alius Magistratus quando pro sua Locumtenente teneantur.* 192.13.b
- Sententia contra statuta non valet, & quare.* 32.a
- Sententia in variatione opinionum plurium auctoritate confirmata est sequenda.* 84.1.b
- Sententia, an possit sine iurisdictione proferri.* 127.4.a
- Sententia erronea quando esse dicatur.* 134.3.a
- Sententia super possessorio lata, an definitiva dicatur.* 201.a
- Sententia, ut extraneum mortis genus imponatur, an valeat.* 205.4.b
- Sententia in absentem non fertur sine citatione premissa.* 208.9.b
- Sententia lata contra mulierem factam, mutato domicilio, an exequi possit.* 239.b
- Sententia quomodo executioni mandanda sit.* 240.4
- à Sententia arbitri super tota causa accepti, an liceat appellare.* 261.5.b
- Sententia contra fideiussorem lata an noceat, vel prodest reo.* 314.b
- Sententia in actione quod matris causa, quomodo proferatur.* 331.b
- Sententia ambitiosa quæ dicatur.* 359.4
- Sententia contra constitutiones, ius ac ordinationes lata, an valeat.* 380.b
- Sententia, absente parte, an valeat, pro minore ætate prolata.* 408.b
- à Sententia interlocutoria quando appellari possit.* 422.b
- Sententia interlocutoria quando vim diffinitivam habeat.* ead.1.b
- Sententia quomodo à iudicibus appellationum pronuntietur.* 423.4.a
- Sententia quatenus ius faciat.* 430.b
- Sententia in confessum valet, etiam super libello inepto, & quare.* 438.3 & 4.a
- Sententia contra Rempublicam, minorem, vel Ecclesiam lata, quomodo restituatur.* 492.54.a
- Sententia sub impossibili conditione lata, an valeat.* 494.58.a
- Sententia quomodo equiparetur ultimæ voluntati, vel potius contractibus.* ead.59. & 60.
- Sententia cur potius naturam contractuum stricti iuris insequi debeat, quàm ultimæ voluntatis.* ibid. & b
- Sententia per subauditionem unius verbi an supplenda.* ibid. 61. & seq. a
- Sententia in absentem ferri potest à tempore litis contestationis, & quare.* 495.a
- Sententia in causa criminali, quando in absentem ferri possit.* ead. num. 62.
- Sententia diffinitiva an possit ferri contra facientes spades etiam absentes.* ead. 64.b
- Sententia propter prolem an prorogetur.* 496.a
- Sententia an possit ferri contra absentes Apparitores in causa criminali, & quare.* ibid.
- Sententia diffinitiva, an possit ferri in criminalibus, etiam lite non contestata, contra absentem.* 498.71.b
- Sententia sine citatione an valeat.* 499.74.a
- Sententia quando tertio non præiudicet.* 503.b
- Sententia diffinitiva natura.* 318.a
- per Sententiam quomodo quasi contrahatur.* 493.57.b
- Sententia contra Apparitores absentes lata cur valeant.* 496.b
- Sermo generalis quomodo non comprehendat personam eius qui loquitur.* 495.a
- & contra.* ead. 6.
- Sermonis paucitas prævalet multiloquio, & quare.* 30.2.b
- Servi quoad bona in regno Gallie qui.* 19.5.b
- Servi agri domo expulsi an possint libertatem accipere.* 41.3.b
- Servi in quot & quibus casibus audiendi.* 74.b
- Servi promissi ab Imperatore, quem communis fama opinabatur habilem, gesta quare valeant.* 98.22.b
- Servi domus, in qua furtum cum effractione factum est, possunt à iudice torqueri, & quare.* 106.1. & 2.b
- atque etiam interdum vicini ex suspicionibus.* ead. 3.
- Servi dolus quo supplicio afficiendus, & cuius arbitrio.* 400.a
- Servitus & manumissio ab hominibus inventa, & à quo primum.* 19.1.a
- Servitus secundum naturam quæ dicatur.* ead. 4.a
- Servitus contra naturam quæ sit.* ibid.
- Servio minori quomodo succurratur.* 371.a
- Servorum vel aliorum inhabilium in dignitate ab Imperatore constitutorum gesta, an valeant.* 91.1.a
- Servum corrumpere quid sit.* 151.a
- Servus quando vim sibi à domino illatam repellere possit.* 14.4.b
- Servus in regno Franciæ nullus nascitur.* 19.5.b
- Servus quandoque ex libera nascitur.* 38.1.b
- Servus sua pecunia emptus quis dicatur.* 69.b
- Servus à domino alere neglectus, fit liber.* 70.1.a
- Servus crimen domini sui deferens qua pœna puniatur.* 77.7.a
- Servus fugitivus Prætor inibi creatus quò fugit, an Prætoris loco habeatur.* 91.b
- & quare.* ead. num. 1.
- Servus quomodo sui furtum facere dicatur.* ead. 1.b
- Servus an possit de stricto iure Prætor esse.* 96.12.b
- Servus à populo sciente Prætor designatus, an sit liber.* 97.15.a
- item an tutor esse possit.* ibid.
- Servus ante manumissionem promittens, an obligetur.* 348.b
- Servus minor cur non restituatur.* 366.a
- Servus minor quando restituatur.* ibid.
- Servus an remanere liber possit, licet auferatur ab eo hereditas.* 372.b. & seq.
- Servus iurans domino fidelitatem, an ad ea servandum quæ promissit, teneatur.* 451.1.a
- Severitas in servum commissa quomodo à Diis vindicata.* 41.1.b
- Si, dictio quid importet.* 437.b
- Signi crucis omisso in inventario, non vitiat ipsum inventarium, & quare.* 474.16.a
- à Sistendo se iudicio qui excusentur.* 269.1.2. & 3.a. & b.
- & 270.4.a*
- Sistere, & præsentare, seu exhibere quomodo differant.* 256.3.a



# INDEX.

- Societas dolo malo, aut fraudandi causa coita, ipso iure nulla est, & quare.* 344. a
- Societates inter virum & uxorem, quando valeant, & an iuramento confirmantur.* 463. 4. b
- Socius socium aggressum defendendo occidens, an puniatur.* 18. 15. a
- Solennitas intrinseca quæ à Iureconsultis dicatur.* 461. 22. b
- Solennitas extrinseca quæ dicatur.* ibid.
- Solennitas levis quanam sit.* 474. 17. a
- Solæcisinus ve! Barbarismus, an vitient rescriptum.* 39. 2. b
- Soluentes creditori post maiorem ætatem, ve! post sententiam super maiori ætate latam liberantur, & quare.* 412. 1. a
- Solutio filio facta super re patris, an valeat.* 168. 1. b
- Solutio coniuncta personæ facta, an debitorem liberet.* 435. a
- Solutio uni creditorum facta per gratificationem, an omnibus communicanda.* 444. 4. b
- Sortiri prouincias, causam, filium, legitimos defensores, militiam, quid sit.* 86. b. & 87. a
- Speciosa personæ quæ dicantur.* 52. b
- Specstabiles viri qui dicantur.* ibid.
- Spiritualia quæ respiciunt solum Deum quædo valeant.* 94. 9. b
- Stationarij milites qui dicantur.* 181. b
- Statuas publicas in honorem ciuitatis positas, an liceat auferre.* 295. 1. b
- Status hominum quotuplex sit hodie.* 39. 6. a
- Statuta extra territorium an ligent.* 243. 2. & 5. a. & b
- Statuti pæna quando quis teneatur, & quando non.* 438. a
- Statuto ob causam publicam inducto, an possit renunciari, etiam cum iuramento.* 46. 12. b
- Statutum Magistratus, ut prehendens exulem habeat centum, an valeat.* 5. 10. a
- Statutum in uno consilio Vniuersitatis quod est, in alio an sit mutandum.* 59. 4. a
- Statutum Canoniorum Sancti Hilarij quare abusuum declaratum fuerit.* 117. 1. a
- Statutum puniens homicidam, an extendatur ad homicidium fieri facientem.* 497. 68. b
- Stipendi debent militibus solui propria manu, non per Procuratorem.* 498. 70. a
- Stipendiarij non debent per substitutum recipere stipendia.* ead. 71.
- Stipulatio contractus nominatus habetur, & quare.* 283. 2. b
- Stipulatio iuxta contractum apposita bonæ fidei, an producat actionem, & quando.* 293. 4. b. & seq. a
- Stipulatio à minore facta, quando nulla dicatur.* 344. b
- Stipulatio, amplius non peti, committitur per litis contestationem, & quando explicatur.* 476. 25. b
- Stipulatio rem ratam haberi, quando committatur. ibid. & si q. a*
- Stipulatio de defendendo, quædo committatur.* 479. 31. b
- Stipulatio, amplius non peti, quando committatur.* 478. 29. a. & b
- ex Stipulatione cur oriatur actio.* 287. 1. a
- Stratores, & Statores qui dicantur.* 112. 1. b
- Studium qua intentione fieri debeat, & eiusdem finis quotuplex sit.* 6. 11. a
- Stultus & furiosus, & id genus homines, velle non dicuntur, & quare.* 438. 2. a
- Subditi suos Magistratus non defendentes qua pæna puniendi.* 247. a
- Subditis quando & qualiter præstanda sit securitas.* 42. 7. a
- Submissio quomodo fieri debeat.* 234. 2. a
- Submissio præiudicat successoribus etiam antelatum sententiam, & quare.* ead. & b
- Substituendi sub conditione formula.* 264. b
- Substituto, quem alius antecedit, non est cauendum, & quare.* 265. 3. a
- Substitutus de consensu Regis, non potest sine eiusdem consensu destitui.* 115. 5. b
- Substitutus in locum demortui quando merum habeat imperium.* 181. 10. a. & b
- Substitutus an possit hereditatem petere, conditione deficiente, quia rex non venit intra annum.* 264. a
- Substitutus quando excludatur ex postfacto, conditione impleta.* 504. 90. a. & b
- Subueniri aduersus libertatem an impossibile sit.* 379. b
- & si q. a*
- Successor tenetur contractus, & conuentiones cum prædecessore initas seruare, & quare.* 35. 7. a
- Successor intra quod tempus restitutionem in integrum petere debeat.* 393. a. & b
- Sui conseruatio quot modis fiat.* 103. a. & b
- Suorum nomine qui veniant.* 268. b
- Superioris officio dignus, dignus est & Inferioris.* 51. 2. b
- Supinum denotat actum in quo aliquid fit.* 361. 4. b
- Supplicij nomine quid veniat.* 231. 1. b
- Supplicium summum quodnam vocetur.* ibid.
- Suspensus quoad restitutionem à Principe, antequam innocens declaratus fuerit, quando possit iudicare & quando non.* 49. b. & 50. 2. & 3. a
- Syndicus an possit sine mandato speciali restitutionem petere.* T 413. b
- T**abellionibus, Aduocatis, siue Pragmaticis quomodo interdicator. 83. 4. a
- Tempore plus vel minus venditur.* 155. 3. a. & b
- Temporis coaceruatio an facienda.* 219. 3. a
- Tempus longum quodnam dicatur.* 98. 22. b
- Tempus longum cuius arbitrio relinquendum.* ibid.
- Tempus contractus, per minorem facti, perfecti inspicendum, & quare.* 359. b
- Tempus completum an requiratur, ut minor natus dicatur.* 360. b
- Tempus quando completum dicatur.* ibid. & seq. a
- Tempus utile quomodo accipiat.* 421. a
- Tempus vendendi pignora quodnam sit.* 440. 11. b. & 441. a
- Tēpus nō tantū ignorātī, sed nec dubitātī currit.* 473. 13. a
- Territorium quid sit.* 242. b
- Testamenti tabulas apud se depositas post mortē testatoris delēs, actione de dolo conueniri potest, & quare.* 356. a
- Testamenti duobus eadem die factis, de quorum prioritate non appareat, quodnam præualeat.* 504. 93. b
- Testamentum factum ab infirmo in manibus Sacerdotis non Curati an valeat.* 7. 2. b
- Testamentum inofficiosum quando dici possit.* 157. 3. b
- Testamentum confirmatum à Principe, an possit ab ipso testatore reuocari.* 217. 4. a
- Testamentū capitali crimine dānati, an valeat.* 266. a. & b
- Testamentum desideranti an exhibendum.* 311. 1. a. & b
- Testamentum minus solenne iuramento firmatum, an pariat actionem.* 452. 3. b
- Testamentum inualidum, habens tamē clausulam, Irritans omnia alia testamenta prius facta, an subsistat.* 476. 21. a
- Testator



# I N D E X.

- Testator an possit ex mora vel delicto cohæredis, alium cohæredem punire.* 472.32.b
- Testatoris voluntatis declaratio iuramento firmata, quid importet.* 460.19.b
- Testes audiendi commissionem habens, an possit recipere partium confessionem.* 203.2.a
- Testes super ætate quando producendi.* 428.1.b
- Testes quomodo pro ætate deponere debeant.* 429.5.a
- per Testes probans minus idoneos, an excusetur ab expensis.* 490.50.a
- Testes inimici quando contra debitorem testificari possint.* 501.84.b
- Testibus deponentibus per verba (ni fallor) an credendum.* 6.11.b
- Testimonium testis contrarium primo quando valeat.* 476.22.a
- Testis etiam non iuratus falsum deponens, punitur.* 259.2.a
- Testis deponens separatim de ætate ex aspectu an probet.* 411.b
- Testium examinatio Graphario commissa à quo signanda sit.* 100.2.a
- Testium recollectio quando facienda.* 438.5.b
- Timor grauinis quid operetur.* 502.88.b
- Titulum ex postfacto sibi procurans, non excusatur à fructibus percipiendis, & quare.* 492.b
- Titulus coloratus reddit inhabilem habilem.* 97.19.b
- Titulus male fidei possessoris an excuset à percipiendis fructibus.* 490.b
- Titulus per aliquem procuratus an prosit.* 492.b. & 493.a
- Transactio vilis domino à Procuratore facta, an valeat.* 154.2.a
- Transactio à Procuratore Cesaris non potest fieri, & quare.* 156.9.a
- Transactio super alimentis non potest fieri sine Pratore.* 164.3.b
- Transactio quomodo dicatur contractus.* 282.b
- Transactio super dolo præterito an valeat.* 302.2.b
- Transactio de quibus fieri debeat.* 304.3.a
- Transactio ut constet, quæ requirantur.* 306.a. & b. per tot. & seq. a
- Transactio, super metu litis futura, & super re dubia, an fiat, & valeat.* 306.1.b
- Transactio quomodo de re certa fieri possit.* ibid.
- Transactio quot modis fieri possit.* 307.a. & b
- Transactio quando fiat per pactum.* ead. num. 1.
- Transactio super crimine admittenda.* 310.4.a
- Transactio super fideicommissis facta, non visis verbis eodicillorum, an valeat.* 311.1.a
- Transactio generalis, visis verbis testamenti, an valeat.* ibidem
- Transactio inter partes super testamento, an possit fieri sine iudicis presentia.* ead. 2.b
- Transactio super contractu, modico recepto, facta, an valeat.* 312.b
- Transactio post rem indicatam an valeat.* 313.a
- Transactio post arrestum Curie suprema non valet, & quare.* ibid.
- Transactio, durante lite in Parlamento, facta, an valeat.* ead. .b
- Transactio, pronocatione seu appellatione non interposita, quando post rem indicatam fieri possit.* ibid.
- Transactio post rem indicatam valet, petita in integrum restitutione, & quare.* ead. 2. item & si contra eam opponatur aliqua exceptio de his, quæ contra sententiam, & in executione opponi possunt, & quare. ibid.
- Transactio cum debitore facta prodest fideiussori, & quare.* 314.a
- Transactio super lite pendente quando permittatur.* 426.b
- Transactio super re incerta, an iuramento firmetur.* 462.b
- Transactio super alimentis futuris, & super testamento, non visis verbis testamenti, an valeat, & iuramento confirmetur.* 463.a
- dæque eo Arrestum Tholosanum.* ibid.
- Transactionem iuram violans & corrumpens, sit infamis.* 5.11.b
- contra Transactionem faciens quomodo puniendus.* 315.a. & num. .b
- Transactionem seruans quando sortem & pœnam possit petere.* ead. num. 1.
- Transactionis rescissio quando fiat.* 312.a
- Transactionis causa pecunia data, cum in debito rei indicata computatur, non potest exigi, & quare.* 314.b
- Transactionis pœna quanam debeat esse.* 315.1.b
- Transactionis illicita pœna peti non potest.* ead. 2.
- Transigere quid sit, & differentia inter transactionem & pactum.* 306.a
- Translatio domicilij quando à tutela excuset.* 380.b
- Tribuni plebis quomodo inuenti fuerint.* 102.5.a
- & quare ita appellati, eorumque munus, dignitas, & potestas.* ibid.
- Tribuni militum à quo constituti, & quot illi fuerint.* ibidem
- Tribuni ærarij qui vocentur.* ibid.
- Tribuni unde dicti sint, & quando Tribunalium vox in abusum versa sit.* ead. 6. & 7.
- Triumuii mensarij seu Præpositi moneta, qui fuerint, & quomodo in Gallia appellentur.* 101.1.2. & 3.a
- Triumuii capitales qui fuerint.* 101.a
- & eorum officium.* ibid. & 3.b
- Triumuii adium, Agrarij, & Triumuii Allectores qui fuerint.* ead. 3.a. & b
- Triumuii Principes qui & quot fuerint.* ibid.
- Triumuiorum officium quod, & eorum plura genera, & collegia.* 100.b. & 101.a
- Tutor non faciens inuentarium, quando in dolo esse dicatur, & quando non.* 74.a
- Tutor pupillas suas hospitibus vel tabernis locare non debet, & quare.* 75.a
- Tutor ex confessione sua an teneatur.* 156.8.a
- Tutorem vel curatorem dare quis possit.* 177.3.a
- Tutor an possit ubique administrare pupilli negotia.* 243.5.b. & seq. a
- Tutor pupillum absentem defendens, non debet satisfacere iudicatum solui, & quare.* 265.1.b.
- nec etiam defendens vnum articulum causa.* ibid.
- Tutor, cui legatum est à testatore, ne rationes reddat, an damnari possit.* 302.1.b
- Tutor de quibus pupillum cogere possit acceptilationem facere.* 309.2.b
- Tutor, minore restituto, duo habet remedia, & quare.* 407.a
- Tutores non possunt sine decreto iudicis transigere super re pupilli.* 156.12. & 13.b
- Tutores dare pupillis an spectet ad merum iudicis officium, dæque eo forensis usus Francia.* 201.a
- Tutori aduersus pupillum non subuenitur per restitutionem, & quare.* 407.a
- Tutorum datio ad quos pertineat.* 74.a
- Vaga



V

**V** Agabundus an possit ad magisterium promoueri. 48.3.b  
*Vassallus tenetur iuuare dominum feudi, à quo maius tenet beneficium.* 40.2.a  
*Vendentes unam carnem pro alia quo crimine teneantur.* 78.3.a  
*Vendere rem suam in alio loco aut tempore quàm ipse velit an quis teneatur, & quare.* ead.4.b  
*Vendere tempore caristia, an cogantur diuites.* 79.5.a  
*Venditio castri an iurisdictionem complectatur, quæ castro coheret.* 170.2.b  
*Venditio rei dotalis quando & quomodo facièda sit.* 376.b  
*Venditio sub lege commissoria facta quæ dicatur.* 419.b  
*Venditio rerum mobilium minoris de iure codicis an valeat.* 435.a  
*Venditiones per violentiam factæ à quo & quomodo prohiberi debeant.* 433.4.b  
*Venditor legem commissoriam eligens an possit postea variare.* 419.1.b  
*Venenum faciens, vendens, vel habens causa necandi hominis, quæ pœna puniatur.* 46.3.a  
*Verba commendataria an obligent.* 350.a  
*Verba quando sint improprianda.* 475.a  
*Verboritas quare in interpretationibus vitanda.* 30.b  
*Vicegerentes quæ possint agere, & quæ non.* 169.15.b  
*Victalia taxare quis debeat.* 78.4.a. & b  
*Victus si iustam litigandi causam habeat, an condemnetur victori in expensis.* 430.49. & 50.a  
*Vidua quando domicilium viri retineat.* 241.6.b  
*Viduis quare permissum, mortuo marito, artificium per famulos ad hoc expertos exercere.* 59.2.a  
*Vim alteri illatam quando quis repellere possit.* 15.6.b  
*Vim à Magistratu illatam an liceat repellere.* 16.11.b  
*Vim suis Magistratibus illatam non repellentes quæ pœna puniendi.* 17.13.b  
*Vim inferens an teneatur ad rei restitutionem, si res perempta sit dolo & culpa eius.* 329.a  
*Vir an possit uxorem defendere.* 15.5.a  
*Virginum raptores quæ pœna puniantur.* 104.b  
*Viri & mulieris coniunctio longè alia est, quàm animalium rationis expertium, & quomodo.* 9.1.b. & 10.a  
*Vir Cõsularis quare mulieri Cõsulari præferatur.* 48.4.b  
*Vis quæ dicatur.* 17.12.a  
*Vis imperandi & parendi secundum naturam est.* 19.2.a  
*Vis atrox quæ vocetur.* 323.b  
*Vis à magistratibus quot modis fiat.* ibid.  
*Vis qua in re committi dicatur.* 313.a  
*Vnicuique in sua arte credendum.* 4.8.a  
*Vnus ex Procuratoribus litem cõtestans aliis cum eo constitutis præferitur, & quare: eiusdèmq; limitatio,*

503.b. & seq.

*& confirmatio.*  
*Vocari in ius quæ persone ad tempus possint, quæ vero perpetuo.* 252.1.b. & 251.2.a  
*Volens quid perpetrans & in actû deprehensus, quamuis non perfecerit, quomodo puniendus sit.* 46.1. & 3.a  
*Voluntas quando spectanda sit.* ibid.  
*Voluntas alicuius an sit secundum ius interpretanda.* 439.6.a  
*Vox, iuuenis & senis quando equipolleat.* 484.a  
*Vsuarius quæ actione agere possit contra dominum, pro seruo occiso.* 345.b  
*Vsura hodie permittitur, & quare.* 405.b  
*Vsura quæ percipi potuit reddenda minori, & quomodo.* ibidem  
*Vsura quando præstanda.* 293.2.a  
*Vsura quando omni iure sint improbate.* 459.17.a  
*Vsurarius non cogitur sequi debitorem vagabundum, nec etiam uxor virum.* 482.b. & seq. a  
*Vsus forensis ad evitandas homicidij pœnas.* 18.13.a  
*& consuetudo regni Francia.* ibidem  
*Vsus forensis in parte semper citanda.* 122.5.b  
*Vsus forensis in Francia, de domo communi rescicienda.* 139.1.b  
*Vsus forensis de puniendo Locumtenente.* 186.3.a  
*Vsus forensis Francia de salario petendo.* 190.6.a  
*Vsus forensis de patre iudice in causa filij.* 225.1.b  
*Vsus forensis Francia de confessione coram iudice incompetente facta.* 232.3.a  
*Vsus hodiernus de fideiussoribus iudicio sistendi causa datis.* 255.2.b  
*Vsus praxeos, de non sistente iudicio eum, quem promisit.* 256.b  
*Vsus forensis in approbando iudices.* 261.4.b  
*Vsus forensis in Francia de confesso in criminalibus.* 438.6.b  
*Vsusfructus quare publicandus sit.* 363.2.a  
*Vsusfructus quatenus cedatur.* ead. & b  
*Vulnerans aliquem modicè, an puniendus pœna statuta de vulnerante.* 474.17.a  
*Vxor quæ maritum habet sanum, fugiens, adulterij accusari non potest.* 41.4.b  
*Vxor quando non potitur conquestibus.* 400.a  
*Vxor non potest queri, si maritus eam non vocet dominam, & quare.* 427.2.a  
*Vxorem secundam capiens viuentem prima, quæ pœna puniendus, item & qui prætextu causa coram ea agitata muliere abutitur.* 67.10. & 11.b  
*Vxorem quando liceat repudiare de iure diuino & Canonico.* 378.b

Z

*Zaleuci lex de adulteris.* 36.2.a

## F I N I S.

L V G D V N I.

Excudebat Petrus Roufsin.

M. D. LXXXIX.



















5092729605

















colorchecker classic



calibrite